





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.0.459





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.459




Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.459



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.0.459

2.6 459

FRANCISCI
CAESARIS AVGVSTI
MVNIFICENTIA.





SELECTAE
HISTORIAE
RERVM MEMORABILIVM
IN ECCLESIA DEI
GESTARVM


AVCTORE

AVGVSTINO MANNO
*de Canthiano Congregat.
Oratory de Vrbe
Presbytero.*

CVM PRIVILEGIO,
Et superiorum permisso.

ROMAE.
Apud Bartholomaeum Zannetium
ANN. M. D. C. XII.

B. MARIAE VIRGINI.
CAELORVM REGINAE.

VM ex imis hisce cōuallibus, cēlestis
Regis nobilissima Genitrix, admi-
rabilem fulgorem, quo irradias, &
diuinæ Charitatis magnitudinem,
quæ te facit Angelicis splendoribus
sublimiorem, mente reuoluo: atque
ornatissimam tuarum supernarum
opum supellectilem, quas perpetuis stillicidijs super
inopiam nostram effundis, mecum ipse considero, Ti-
bi, cuius venerandæ memoriæ, atque inclitæ tutelæ, Ec-
clesia, Oratorium, Domus ipsa, paruulaq. mea Congre-
gatio iam ab initio Patrum voto, dedicata sunt; cuiq.
me ipsum in seculo laborantem, & sub aquis curarum
gementem (vt mihi bene sit) iampridem humili corde
deuoui: Tibi, inquam, paruulum hoc opus quaecum-
que sit, in Filij tui laudem elaboratum, & Celsitudini
tuæ debitum, vltro, alacriq. animo dedico, & quasi de
florido Hornulo contrexam coronam, stellantibus ocu-
lis tuis in tui gratiam profero. Et quamquam, Tu feli-
cissima, bonorum meorum non eges, tamen paginas
istas, qualitercumque exaratas, Tibi soli offerendas es-
se, illud in primis persuasit, quod in illis hoc solum
agitur, vt clarificetur Filius tuus, viscerum tuorum in-
gens

gens partus, & ineffabilis proles, per præclara, quæ fecit, per magnalia, quæ gessit.

Dum autem ante Te procumbens, lætus offero vniuersa, quæ manus meæ tibi desudauerunt, Tu, quæ Fons es diuinarum largitionum hoc tantum mihi, vt rependas obsecro, nec deneges mihi ò Beata, intuitum, scilicet, in me tuum, in vno oculorum tuorum, & sufficit mihi. Felix fuerim, & nimium felix, si de stellato folio tuo oculos tuos in me cōuerteris, cecideritq. super me, aspergente te, stillula de guttulis, quæ cadunt super terram ex inexhausto gratiarum tuarum pelago. Tu in altis habitas, pulchra vt Luna, electa vt Sol, & micæ inter astra, astris rutilantior, illuxeruntq. semper coruscationes tuæ Orbi terrarum, animoq. tuo cælesti insunt milles millia benedictionum. Quapropter Regina potens, respice in me, & intende mihi, & effunde super me, vnā ex benedictionibus tuis. Vnam petij à te, hanc requiram, nec dimittam te, donec benedixeris mihi, Virgo gloriosa, & benedicta.

DE



DE RATIONE, SCOPO,
ET VUTILITATE
HVIVS OPERIS

Admonitio ad Lectorem .

IN contexendis libri huius Historijs (Amice Lector) illud à nobis observatum est, ut habito delectu scribendarum rerum, non passim omnia, quæ obvia fierent, sed magis præclara, & scitu digna, recenseremus, quæ quidem admirabilis Deus, ab ys diebus, quibus filium suum misit, in terris operatus est, ut timeretur. Sunt autem huiusmodi: Orbis uniuersi tenebræ, & caligines inextricabiles, quibus mortales premebantur, priusquàm filius Dei eas diuino suo splendore dissiparet: superborum Damonum abominanda præstigia, & fraudulenta mendacia, & Tyrannica dominatio, & conuulsum eortù Imperium. Et quæ ratione deinceps Deus subuenerit ruinis gentium, cadentemq. mundum erexerit, & signa magna, quæ in instaurando Orbe facta sunt, & prodigia inaudita, & miracula ingentia, & Sanctorum Virorum excelsæ actiones, tolerata incredibili fortitudine supplicia, impiorumq. hominum, qui diuinæ legis contemptores fuerunt, terribiles interitus, plurimarumq. magnarum rerum illustres euentus.

Ex huiusmodi autem enarrationibus sumi possunt præclarissima exempla ad formandos mores, ad recteq. viuendum accommodata, ex quibus Christiana fidei inuicta virtus, insuperabilisq. veritas comprobatur.

Dedimus autem operam, ut quæcunq. scribenda forent, eligeremus ex probatissimis Auctoribus, & testibus fide dignis, quibus unusquisque fidem tutò adhibere possit, nisi vel it esse incredulus, & tardus corde ad credendum.

Contu-

Contulimus etiam quacumque conferenda fuerunt, cum Annalibus Ecclesiasticis (gloriosum Caesaris Baronij, nostrae Congregationis presbyteri, & S. R. E. Cardinalis opus,) qui omnium Historicorum facile Princeps, omnia scrutans, & per omnia tempora perambulans, totam Ecclesiasticam historiam solus complexus est; factus tanquam Oceanus spatiosus, ubi reptilia, quorum non est numerus; ex quo nos aquas, cum opus fuit, hausimus cum gaudio, scientes quantum vir iste magnus insudauerit, ut quacumque vera, & sincera fide constant, purgata, & selecta nobis traderet.

Addibimus praeterea Censuram Antonij Gallonij Sacerdotis Congregationis nostrae, purgati iudicii viri, qui provinciam perdifficilem aggressus scribendi omnes Sanctorum vitas quam purgatissimas, dum eas sub lima expolit, & eorum, qui à nato Christo usque ad ducentos annos floruissent, iam perfecisset, in cursu magnificae scripturae suae, morte praereptus, ad recipiendum pro labore, & bona voluntate mercedem, ad loca Sanctorum, ut pie credimus, profectus est.

Sed nos ex selectis selectiora eligentes, & plurima, quae apud Historicos Ecclesiasticos, vel in Sanctorum actis inuenimus commemoratione digna, recensentes, illud etiam praestitimus, ut multa quae nostra hac aetate contigerunt, veteribus admixta conscriberemus, ut nova & vetera in unum proferentes, consuleremus omnium utilitati.

Sed & Oratorij nostri institutum in primis spectatum est, in quo cum singulis quibusque diebus, exceptis Sabbatis, quatuor ex Patribus nostris ad populum sermones habeant, possint, quicumque dicunt, habere praemanibus exempla, quibus ornent sermocinationes suas, sicut à Philippo Nerio Beato Patre Nostro, quasi pro praecepto, nobis iniunctum est, ut semper cum fieri potest, id quod dicitur, exemplo aliquo fulciatur. Qua occasione cum multa ad nostrum usum tantum collegissemus, placuit etiam eadem, quae privato calamo conscripseramus, alijs communia facere, & publicae luci prodere, ut omnibus prodesse possent, & ut, qui populos concionando erudiunt, in promptu haberent, quibus, quae dicunt, exempli pondere confirmarent.

Sed & recentium exemplorum, ceteram multitudinem, quam collegimus, in posteriores libros reiecimus, ubi studiosè ea, quae seculo nostro mirabiliter facta sunt, commemorabimus, quae quidem longo à nobis labore conquista, & praegravitate rerum peruetustis exemplis non inferiora, suis temporibus, annuente Deo, luci tradentur. Utinam interim aliqui pietatis studio, si quae habent huius argumenti exempla, quae hoc seculo facta sint, & libris commendata non sunt, ad nos transmitterent, ut arcam nostram huiusmodi thesauris

ferre refertam, adhuc facere possemus locupletiore. Sed probandum fragmenta non colliguntur, pereunt, & nulla apparet uti-
tas in thesauro abscondito.

Sed & inter enarrationes gestarum rerum, cum opportunum vi-
sum est, quæ à sanctissimis viris, quorum doctrina fulget Ecclesia,
sapienter dicta sunt, interserere placuit, quasi mel cum lacte miscen-
tes, quasi lapillos auro colligantes, Verba enim sapientum sunt velut
stimuli, & sermo opportunus est optimus, & lingua sapientum ornat
scientiam.

Eccles.
12.
Prou.
15.

Vt nihil deesset, quod pertinere posset ad commonendum homines,
ut sapiant, & intelligant nihil esse melius, quàm timere Deum, ser-
uire illi soli, & agnoscere Iesu Christi Domini aternam redemptio-
nem, ab ipso inuentam, & mundo largitam; nihilq. fide, & iusti-
tia esse præclarior, nihil perfidia, & iniquitate scelestius; nihil
denique reperiri, quod homini in caligine mundi huius habitanti
utile magis & proficuum sit, quàm contempto seculi apparatu, qua-
rere bonum, ubi sunt omnia bona: hoc autem est Deus noster, qui est
laudabilis, & gloriosus, & superexaltatus in secula.



*Imprimatur, si videbitur Reuerendiss. Patri Magistro Sacri
Palatii Apostolici.*

Cæs. Fid. Vicesg.

Ex commissione Reuerendiss. P. Mag. F. Ludouici Ystella Sac. Palatii Apost. Magistri, vidi & perlegi librum, cui Titulus: *Selectæ Historiæ rerum memorabilium*, in Ecclesia Dei gestarum, Auctore Adm. Reu. Patre Augustino Manno de Canthiano, Congregationis Oratorij de Vrbe Presbytero, nihilq. reperi, quod orthodoxæ Fidei, aut bonis moribus aduersetur; quin vtilissimum fore omnibus, præsertim Concionatoribus, & ijs qui priuos sermones dietim habent, ad confirmandos fidelium animos præclaris exemplis tum priscis, fideliter recensitis, tum nouis, ætatis scilicet nostræ, à nullo Auctore litteris hucusq. commendatis, arbitror, proptereaq. typis cudi posse. In quorum fidem subscripsi manu propria.

Ita est Benedictus Blancuccius Romanus, Sac. Theol. Doctor.


Imprimatur.

*Fr. Thomas Pallauicinus Bonoñ. Mag. & Reuerendiss. P. Fr.
Ludouici Ystella Sac. Pal. Apost. Mag. Soc. Ord. Præd.*

Narrate omnia mirabilia eius. Recordamini mirabilium eius, quæ fecit, signorū illius, & iudiciorum oris eius. *1. Paral. 16.*
Viderunt insulæ, & timuerunt: extrema terræ, & obstupuerunt. *Isai. 41.*

Mandauit Deus patribus nostris nota facere ea filiis suis, vt cognoscat generatio altera. Filij, qui nascentur, & exurgent, narrabunt filiis suis. Vt ponant in Deo spem suam, & non obliuiscantur operum Dei, & mandata eius exquisant. *Psal. 77.*

PRÆFATIO IN SELECTAS HISTORIAS.



OSTOVA M Deus, seculorum Rex, ab Orbis origine multiplices rerum naturas condidit, eisq. vires, motus, ac virtutes elargitus est, ut operarentur: multa succedentibus seculis in mundo facta sunt, scitu digna, & admiratione plena; partim, quæ natura asueta semper novas rerum edere formas, protulit; partim, quæ à creatura rationali proprio ingenio, atque arte, & intelligendi facultate prodita sunt. Hæc autem omnia, cum aliqui huius Mundi spectatores animaduertissent, & delectarentur in illis, memoriæ commendauerunt, & ut ceteri quoque ex narratione illarum rerum, quæ ad ipsorum noticiam non peruenerant, utilitatē, & delectationem perciperent, litterarum monumentis consignarunt. Nonnulli enim hominum rerum naturalium narrationem prosecuti, corporum principia, & passionēs, & temporum ordinatas vicissitudines litteris tradiderunt; alij herbarum vires, arborumq. naturas; alij terrestrium animalium, piscium, volucrumq. historias prosecuti sunt; alij, quomodo imbres, grandines, fulgura, venti, terræq. motus, cometæ, niues, pruina, maris falsedines, metalla, fluminaq. generarentur, scribere maluerunt.

Alij verò præclara hominum gesta, ciuium in pace degentium, in rebus publicis administrandis studia, & sapientum consilia narrauerunt. Alij bellicos labores, ordinatas castrorum acies, pugnas, urbiumq. expugnationes, & fortium virorum facta, obtenantq. temporalium regnorum culmina, propagatos imperij fines, atque ciuium inter sese conflictantium arma, intestina diffidia, & odijs ciuilibus vrbes euerfas conscripserunt.

Quarum quidem rerum narrationes, quamquam laude dignæ sunt, quia rerum latentes proprietates, & hominum dicta, facta, moresq. tum præteritorum temporum reuolutiones, & gestarum rerum memorias repræsentant, & comperta, notaq. posteris faciunt, ex quo sapientes viri multas utilitates percipere, multam prudentiam haurire solent, non tamen omne tulerunt punctum; quia plerique eorum, qui arcana naturæ in libris perquirunt, nimis circa res naturales curiosi effecti, ætatis suæ breuitatem non metientes, totos annos in illarum rerum indagatione consumunt, & postquam cognouerunt, sistentes in illis, neque eas ad illum, qui fecit illas, referentes, euanescunt in eis, & facti in pluribus operibus Dei curiosi, ab hac occupatione pessima non discedentes, vanos constituerunt dies suos. *Rom. 1. Eccl. 3.*

Alij verò, qui in prophanis seculi historijs perlegendis immorari solent, quamquam & sapientes viri etiam ex harum rerum lectione fructum carpere possunt, & ex cæno aurum colligere, tamen legentes magnifica priscorum gentilium facta, siue, quæ in bello, siue, quæ in pace gesserunt, & quo mo-

A do

do rempublicam prudenter administrauerint; armorumq. vi, limites regnorum propagauerint; illatas iniurias gladio ultore propulsauerint; quomodo æraria argento, & auro repleuerint: thermas immensas, & theatra, & superbas moles, & sepulchra, palatiorum æmula, construxerint; peregrinorum, pretioforumq. marmorum columnas, & ex longinquis regionibus ingentis ponderis pyramides adductas, in suis urbibus erexerint: quomodo ciues, præ diuitiarum magnitudine, militum legiones alerent, seruorum multitudine constipati incederent, & triumphos de gentibus domitis retulerint, illud, ut plurimum, sunt consecuti huiusmodi rerum lectione, ut mundi huius gloriâ in immensum suspicerent, crederentq. nihil esse gloriosius, quàm capere vrbes, subigere regna, alienisq. thesauris suas locupletare domos, genere magistratus, administrare rempublicam, imperare multitudini, & placere sibi in turpis nationum: statimq. illabitur in corda ipsorum appetitus gloriæ, & terrenarum sensus cupiditatum, quo tacti intrinsecus, pro acquirendis rerum dominijs, modo ad pugnandi audaciam incitantur, modo ad regnandi libidinem exardescunt, modo ad diuitias immensas parandas, & aliorum iura vsurpanda commouentur; pulchrumq. existimant, in honore esse apud plebem, & nullum aliud bonum maius recognoscunt, quàm in præsentī vita incedere per vrbes super bigas & quadrigas, & curricula, comitante famulorum familia: affluere delicijs, frui bonis huius mundi, ædificare excelsas domos, facere sibi hortos cunctis generibus arborum, atque herbarum consitos, adducere ad illos flores peregrinos, extraneas plantas, curareq., ut ibi erumpant fontes, aquas suas in altum tollentes, ut elegantius & iucundius cadendo refluant, & miro artificio per fistulas valido impetu exeuntes, varia, & delectabilia spectra oculis obijciant.

Sap. 6.

Ibid.

2. Tim. 3.

1. Cor. 7.

Rom. 8.

Hæc enim in prophanis historijs legentes, videntesq. priscos mortales per harum rerum adeptionem celebratos fuisse, & ab omnibus creditum illos fuisse beatos, illis rebus & ipsi plus æquo affecti, eò deducti sunt, ut non possent cogitare meliorem esse sapientiam, quàm vires, & virum prudentem, quàm robustum, & patientem expugnatore urbium: satiusq. esse existimarent ædificare palatia, arces, & magnificas domos, quàm instruere animum virtutibus, magisq. gloriosum erigere muros, quàm formare mores: maiorem perniciem, & iacturam existimantes amittere diuitias, quàm virtutem, aurum quàm fidem, prædia & patrimonia, quàm cælorum regna: paulatimq. victi delectatione legendi prophanas istas enarrationes, sunt sui ipsius amatores, elati, cupidi, alienarum rerum appetitores, in incerto diuitiarum sperantes, toto corde seculi gloriam sectantes, neque aliquid aliud habentes præ oculis præter figuram huius mundi, quæ præterit, sicut illi habuerunt, quorum facta læstitarunt: si quam tamen prudentiam discunt, discunt prudentiam mundi, quæ mors est.

Gloriam enim mundi per repetitas illarum historiarum lectiones contemplant, & admirantes, tanta concupiscentia circa eam exardescere compariuntur, ut præter hanc, nihil altum, nihil magnificum, nihil gloriosum existiment, nihilq. ultra expectandum putent.

1. a. 5.

Cumque cor suum hac pomposa supellectile repleuerint, fit, ut sanctorum virorum facta, imo, & quæ Deus ipse cum incredibili magnificentia in hoc mundo operatus est, quodammodo pro nihilo habeant, & quæ diui-

na virtute gesta sunt, aut contemnant, aut non considerent. Parum existimantes, vincere seipsum, concupiscentiarum rabiem compescere, animiq. passiones indomitas rationi subigere, motus feros & insolentes subdere Deo, iram frangere, mansuetudinem discere, libidinis teterrimum incendium restinguere, lasciuæq. carnis perculantes insultus, & pugnas ineuitabiles, modo resistendo, modo fugiendo, aut penitus infringere, aut prudenter declinare, aut sub fræno continere, angelicamq. vitæ rationem interius consecrari, & quæ sub luna sunt, contemnere, vt lutum: patrimonia sui pretium, magnanimo corde indigentibus elargiri: nuditatem, exilium, carceres ferre beatum existimare: leuare mentem ad cælum, & fidei magnitudine vsque ad thronum Dei pertingere, & æterna bona mundis oculis contemplari, hostesq. inuenios magnanima charitate complecti, aliaq. huiusmodi facere, quæ virtus excelsa facere solet.

Isti enim, quorum anima infixa est limo, & adhæsit fæcibus secularium cupiditatum, humi repentes, & non animaduertentes nisi ea, quæ sub sole sunt, pro nihilo ducunt Regnum, quod æternum est, & pro nihilo habent desiderabile cælum; neque apud ipsos in pretio sunt actiones, in quibus vera gloria consistit; neque æterna, & inuisibilia bona diligunt, sed in his, quæ videntur, corrumpuntur, & vbi non satiatur oculus visu, neque auris auditu, anhelant & insanunt, & cupiditatibus æstuant; vnde veræ virtutis splendorem, velut vespertilionem solem, aspicere non valentes, nec verum, & bonum cognoscentes, inane cor in pectore tumido vsque ad mortem gestant, *Psal. 75.* cumque dormierint somnum suum, nihil in manibus reperiunt, & in sepulchris suis inglorij iacent, & in tenebris, quas lumine veritatis excutere non luerunt, concitescunt. *1. Reg. 2.*

Enarrationes earum rerum, quas Deus ipse in terris gloriose gessit, vel per sanctos, & gloriosos viros mirabiliter operatus est, esse semina præclarissimarum virtutum, & incitationes ad verum, & summum bonum acquirendum.

QVapropter & vera & certissima bonarum rerum incrementa, & pretiosissima verarum diuitiarum, & sublimium honorum lucra attulerunt hominibus, & splendorem sapientiæ, & nobilissimarum virtutum semitas, & honestarum actionum specimen mortalibus ostēderunt, quicumque studuerunt mandare litteris, quæ Deus in terris gloriose gessit, & mirabilia magna, quæ fecit, vnde admirabile est nomen eius in vniuersa terra; & quanta prouidentia res humanas administrauerit, animas saluas fecerit, & peccatores presentibus erudierit flagellis, vel internis, atque externis cruciatibus perterrefecerit; & quomodo reddat mercedem laboris sanctis suis, & deducat illos in viam mirabili, & sit illis in velamento diei, & in luce stellarum nocte. *Apoc. 11. Sap. 10. Psal. 70.* Et quomodo sit adiutor fortis, & domus refugij sperantibus in illum, & in paucis vexatos, in multis bene disponat, & tanquam aurum in fornace probet illos; & mercedem iustitiæ constituat, & qua ratione permittat tenebras aliquando operire faciem abyssi, easq. m. postmodum fulgore luminis sui

A 2 sui

sui discutiat, ac dispergat, cum impiorum iniquitates completae sunt.

*Aug. tract.
34. in 10.*

Nulla enim unquam fuit aetas, in qua saeculorum conditor, & rerum opifex Deus, ad magnos aliquos effectus producendos, & ut homines ad sui nominis timorem perduceret, non fuerit multa, eaq. mirabilia operatus. Licet enim cuncta, quae facit Deus ordinatis temporum successione, si attente inspiciantur, magna admiratione digna videri possint, tamen quia ista assiduitate videndi vilescunt, & ut consuetudine despiciuntur, reseruauit sibi Deus aliqua, ab ipso supra naturae ordinem operanda, quae nouo, & mirabili modo in esse producta, & hominibus inopinate proposita, possent eorum corda trahere ad honorandum, & timendum illum, qui fecit omnia.

Propterea etiam nonnulli Authores susceperunt laudandos viros gloriosos, & eorum vitas summis virtutibus refertas scripserunt, quas in criptis, in speluncis, in syluis, inter abrupta montium propter Dei timorem, vel inter hominum multitudines, intra vrbes, intra priuatas domos, intra coenobia, excelsa animo, mirabili exemplo duxerunt, illasq. populis spectandas tradiderunt; ante oculos omnium proponentes, quaecunque magni viri intra Dei populum prudenter egissent, aut fortiter passi fuissent, aut sapienter docuissent.

Vel historijs persecuti sunt Ecclesiae Dei agitationes, & quanta ab Imperatoribus passa est, & a Regibus, Tyrannis Principibus, qui contra eam fremuerunt, & astiterunt, & conuenerunt in unum, & totis viribus eam expugnare, ac ad nihilum redigere inaniter conati sunt; & quomodo eam Deus per medios fluctus deduxerit, & quantam, & quam admirabilem fortitudinem inter vincula, inter vulnera, inter cruciatus, & membrorum laniationes, ossium contritiones, gladiatorum aciem, ignis adustiones, belluarum furorem, vngularum, laminarum torturas, equuleorum quaestiones, interq. sexcenta, eaq. exquisitissima tormenta praefulerit.

Vix enim fieri potest, ut haec legentes, non recipiant intus semina virtutum, simulq. concipiant desideria perfectioris vitae, animentur ad fugienda noxia, peccata odio habenda, ad iniquitatem denique detestandam, & statuam in corde suo recedere a malo, & sequi probitatem, ambulare per vias rectas, & placere Deo.

Vsus namque, & experientia ipsa, vsque adhuc satis docuit, quod cum memorabilia facinora, & operationes magnarum virtutum, & quaecunque in mundo isto miraculis, & prodigijs mirabiliter gesta sunt, leguntur, & lecta cogitantur, statim animus pro subiecta materia, vel ad cognoscendam Dei bonitatem, iustitiam, potentiam, & longanimitatem erigitur: vel ad mundi fallaces dolos euitandos instruitur, vel ad ferendas fortiter res aduersas animatur, vel ad despumantis huius maris fluctus declinandos admoneatur, modo ad diuitias aureas contemnendas, easq. pauperibus elargiendas, & ad superbos honores sicut lutum calcandos, & ad blandas voluptates superandas impellitur; modo ad contemptum seculi; modo ad orationis studium, modo ad corpus insolens castigandum, nunc ad decertandum pro Christi fide, pro sanctis legibus, pro Christiana republica prouocatur, & ad sui ipsius odium & despectum incitatur.

Et saepius continget, ut inueteratus peccator, perlecto terribili exemplo ad poenitentiam flectatur: & timore Dei concussus latro, adulter, blasphemus, ad mutandos detestabiles mores sese conuertat. Exempla enim magis quam

quàm verba, quasi stimulo pungunt acrius, prouocant fortius, hærent diutius,

Magna igitur factum est Dei prouidentia, vt huius argumenti historiarum à multis conscriberentur, vt scilicet succedentibus seculis, apud homines perpetuaret memoria mirabilem, quæ fecit ipse, & timerent filij hominum nomen eius, timendo inciperent esse sapientes, & iusti, caduca bona contemnerent, cælestia concupiscerent, seseq. ex imis ad summa erigerent, à longe spectantes æterna, & ex terrenarum rerum domicilijs egredientes, ad id, quod est, & quod semper est, quod & nunquam deficit, incommutabile bonum se conuerterent. Quarum quidem rerum si spectes argumentum, nihil sublimius, si lucrum, nihil vtilius, si voluptatem, nihil delectabilius reperiri potest.

Psalm. 77.

Præclarum enim est, mentem historiarum cognitione instructam ac referatam habere. Historia enim (vt à Sapientibus traditum est) conglobata quædam ac coaceruata sapientia est, hominumq. multorum mens, in vnum collecta. E contra verò perniciofa res actarum rerum ignorantia, & per omnem modum noxia mortalibus, & non solum communi hominum vitæ tenebras quasdam offundens, ac veri cognitionem obliterans, sed priuatas etiã singulorum rationes perturbans, faciensq. vt homo earum rerum ignarus, in actionibus obeundis, sicut cæcus medijs in tenebris, ad lapidem pedem impingat. Non solum autem præsentium temporum, sed posteritatis res agitur, vt exempla diuinarum virtutum litteris consignentur, quatenus vnusquisque breui compendio, certa ratione, arteq. mirabili discere possit, & quasi in speculo videre, quid potissimum sit fugiendum in hoc vitæ curriculo, quid amplectendum inter rerum discrimina, & in moribus, quid sit imitatione dignum. Ita vt in rebus humanis nihil ita feliciter agatur, quàm cum aliorum facinora narrationibus præmonstrantur, vt homines à caducis, & fluxis rebus, ad permanentia conuertantur, videntes per speculum, rerum imagines.

Naz. ad Nicob.

Quicumque enim tradit se ad legendum in scripturis populorum, quanta viri sancti passi sunt tormenta, vt fidem tuerentur, vt palmas immarcescibiles, & coronas incorruptas possiderent, statim legentis mens concipit semina sanctarum cogitationum.

Exempla enim, & memorabilia facinora magnorum virorum, litteris mandata cum leguntur, statim per hæc efficitur melior legentis animus, & eleuatur ad Dei in benefaciendo largitatem cognoscendam, ipsiusq. in tolerando longanimitatem, in operando potentiam, & in puniendo iustitiam. Modo autem ad fortia toleranda, & ad decertandum pro Christi fide vsque ad sanguinem, & ad sustinenda atrocissima tormenta, præ magnitudine amoris, & ad martyrium ipsum subeundum animatur; modo ad vendendum quæ possidet, & danda pauperibus allicitur, modo ad corpus petulans castigandum, & ad sui ipsius despectum excitatur; modo ad orationis, seu meditationis studium, & ad diuinas res contemplandas attollitur.

Et negligens, & remissus in agendo, tepore relicto, feruorem induit, & præcingit se ad opus, quod per auditum doctrinæ, & per rationum argumenta facere neglexit.

Præterea narratio & commemoratio earum rerum, quæ multo retro seculis contigerunt, operatur, vt in corde illius, qui illas actas esse ignorabat,

A 3 bat,

bat, neque in mundo tale quid aut viderat, aut audiuerat, iterum res illæ quodammodo renascantur, iterum in paruo cordis mundo repræsententur, & appareant, annoſaq. vetuſtas renouetur, quaſi arbor poſt hyemis inclementiam iterum flores reproducens; quaſi comica repræſentatio, quæ in ſcena ſæpius eandem facti ſpeciem oculis ſpectatorum obijciat; quaſi numiſma vetus, aut aurea ſtatua, vel marmorea columna, quæ per multa ſecula ſub ruinis latitarit, induſtria alicuius inuenta, denuo ſub aſpectu, ad hominum voluptatem reuertatur.

Quæ quidem omnia facere comperta hominibus, & proponere rursus ante legentium oculos, & renouare illa, eſt quodammodo iterum miracula facere, iterum illuminare cæcos, iterum mortuos ſuſcitare, iterumq. virtutes operari, & honeſtas illas actiones iterum agere: quæ oïa cum neſcirentur eſſe mundo facta, ſunt ante legentis, & audientis oculos conſpicua, ita vt theſaurus abſconditus pecuniarum antiquarum, qui prius latebat ſub terris, & nulli utilis erat, eruendo illum ex latebris, manibus tangendus proponatur, ipſosq. inuentores, & quotquot ex illo participes facti ſunt, faciat locupletiores. Quæ enim utilitas in theſauro abſcondito? & quæ lucra capiuntur ex illo?

Plurimæ autem res magnæ, olim geſtæ, multitudine ſeculorum decurrentiū penè obruuntur, & quodammodo in locis, vbi deſcriptæ ſunt, iacent ingloriæ, obſcuræ, & paucis compertæ, & in populorum manus raro, aut nunquam perueniunt; & quoniam id, quod cum laude factum eſt, ſcire ipſis non contingit, magnam faciunt ſapientiæ iacturam. & per immemorabile tempus tranſactæ, & dierum diuturnitatem paſſæ, æque redduntur, ac ſi nunquam factæ eſſent, aut incertæ ſunt, & incompertæ, annorum vaſtitate obliteratæ. Huiusmodi enim enarrationes nouæ, ſunt antiquarum rerum imagines, & quaſi ipſamet res, quæ facta eſt.

*Narrantur ſingillatim pretioſiſſima lucra ſcientiæ & ſapientiæ,
quæ contingunt illis, qui in ſciendis mirabilibus, quæ fecit
Deus, aut quæ ab hominibus geſta ſunt, operam
præſtant.*

AD hæc in lectione laudabilium actionum, & ſanctarum operationum, quæ ab illis emanarunt, in quibus perfectæ iuſtitia eſt, cognitio ſuimet ipſius certius acquiritur, & humilitas in corde profundius roboratur. Sicut enim cum pauper homo opulenti viri domum omnibus rebus inſtructam ingreditur, cernitq. oculis pretioſam ſupelleſtilem, vaſa aurea, & argentea, veſtes ſericas, arcas opibus refertas, lectulos molliter ſtratos, cellas vinarias vino plenas, & horrea frumentis onuſta, tunc melius intelligit paupertatem ſuam, quàm cum domi ſuæ deliteſcebat: ſic, cum quis ſcrutatur magnorum virorum virtutes, & vitam honoribus auctam, clariffimorumq. geſtorum magnitudine, & multitudine decoratam, tunc in ſe ipſum reuertitur, & cognoscit parum, & prope nihil eſſe id quod ipſe geſſit, ad comparationem eorum, quæ ab illis magnis geſta ſunt, & tunc magis ad virtutem accenditur, & animatur.

Solebant veteres apud Gentiles, vt viros ad magna præclara gerenda accende-

enderent, in medio foro erigere statuas eorum, qui aliquid præclarum pro Republica, aut in bello, aut in pace gessissent, ut quicumque pertransirent, & viderent, admirarentur, & ad æmulationem prouocarentur.

Præterea nulla maior perniciēs ingreditur in cor hominis, & nihil magis facit titubare gressus nostros, & deducere vsque ad scandalum, quàm cum videmus aliquando impios superexaltatos, & peccatoribus prospera cuncta succedere. Sed ab hoc scandalo liberamur, cum legimus finem, & nouissima eorum, & quomodo Deus expectans conuersionem ipsorum, tandem eos deleuerit de terra viuentium, & poenas non subtraxit, sed distulit; ibiq. ex facti narratione perspicimus, quomodo Deus statuto ab ipso tempore super capita eorum coronam ignominie posuerit, brachia eorum confregerit; prosperantes in via mala, & facientes iniustitiam exterminauerit, & impium superexaltatum, peccatoremq. gloriosum in sterquiliniū deiecerit, & vexantes viros iustos, stridentesq. super eos dentibus in perditionem adduxerit; & quomodo mox ut honorificati sunt, sicut fumum, fecerit eos deficere, semen eorum de terra deleuerit, & ex manibus potentium, impiorumq. Regum, & Tyrannorum iustos viros eripuerit, & eruerit à potestate peccantium, & saluos fecerit illos; & inuadentes aliena bona, Ecclesiarumq. iura vsurpantes, assumentes veticas potestates compresserit, & cum furore percusserit illos, vulneratos abiecerit, & ad interitum deduxerit. Ut sic appareat, res mortaliū casu non gubernari; & discamus die, qua non credunt, Deum non auferre, sed referuare impijs poenas, tarditatemq. supplicij grauitate compensare.

Psal. 72.

Psal. 36.

Sed cum omnes homines, natura scire desiderent, omnesq. bona appetant, cumque scientie sint addiscedæ, non ut sciamus tantū, sed, ut per eas boni efficiamur, certè per exempla proposita, id felicius consequimur, quàm per doctrinas & rationes. Architectus habet pulchrum exemplar in mente, & facit pulchrum palatium in opere: habes recte facti exemplum, & eo inspecto, facis rectam actionem. Excitant enim exempla ad æmulationem, prouocant ad imitationem, & ad præclarum virtutis studium vrgent.

Insuper re proposita, & subsequētibz signis & prodigijs confirmata fidei inuisibilis veritas omnium oculis fulget, sicut albæ margaritæ, & purpurea coralla, quæ sub marinis vndis latitabant, a piscatore inuenta, & ab artifice in prospectum posita, lucidius splendent, & postea multorum colla, manus exornant, & delectant obtutus.

Nec præmittendum est ad hoc ipsum comprobandum, quod legum ciuiliū lectores per exempla factorum, quæ contingebant, doctrinas iuris ciuilis tradiderunt. Quamquam enim per regulas iuris, iusti & iniusti scientia aliquo modo haberi possit, tamen certius, & dilucidius per facti speciem, & casuum contingentium figurationem, haberi potest, ut experientia docet. Hinc est, ut nullus ex veteribus, & sapientissimis Iurisconsultis aliter, quàm per contingentis casus enarrationem Iuris noticiam docere voluerit. Phantasmata enim speculantes, discendi cupidi, cum delectatione & facilitate discunt, quod cupiunt. Quam docendi rationem sacri quoque Canones imitari dedignati non sunt, ut, quæ ad discendum commoda sit, & ad retinendum memoria non laboriosa, & optimo & eleganti exemplo quispiam per alienum factum in medio propositum, quid in facto suo decernendū sit, non ambigat.

Λ 4

Vera

2. Reg. 12. Vera autem esse, quæ dicta sunt, patet ex ijs, quæ facta sunt; quoniam
 2. Reg. 14. Nathan, Propheta Domini, David Regem, alias sapientissimum, post commissum adulterium, & patratum homicidium, confecto exemplo, ad cognoscendam peccati admissi turpitudinem, & magnitudinem, & ad detestandum improbum facinus impulit. Insuper ad parcendum filio suo Absalon, eundem Regem Ioab dux exercitus, simili arte perduxit.

Præterea Christus Dominus noster, qui Dei sapientia est, qui nouit corda hominum, & qua ratione facilius afficiuntur, sæpe locutus est in parabolis, quæ nil aliud sunt, quam quædam exempla ficta, ex quibus quis cognoscit quid faciendum, quid fugiendum sit. Sed & exempla vera proposuit, Lazari scilicet, mendicam vitam agentis, & diuitis opulenti; & illorum qui in Siloe turris ruina oppressi sunt. In quorum exemplorum lectione quot corda palpitauerunt? quot vultus pallidi facti sunt? quot vel durissima corda vique ad poenitentiam fracta sunt?

- Volens autem discipulos suos docere, ut corde humiles essent, prouocauit eos exemplo paruuli, deinde per exemplum in parabola propositum, eius scilicet qui discubuit ultimo loco. Nec satis ipsi fuit hoc verbis, & alienis exemplis docuisse, sed proprio sui ipsius firmavit exemplo, cum ante ipsos prostratus altissimus Dominus, accepto linteo, discipulorum pedes lauit stupente cælo, ut nullum subterfugium cor superbum haberet, quin sese humiliter deijceret, videns Dominum ante seruulos procumbentem, & dicentem: Exemplum dedi vobis, ut quemadmodum ipse feci, ita & vos faciatis. Sciebat enim bonus Dominus facilius fore, ut sui discipuli, ceteriq. omnes per exemplum humilitatis suæ, spiritum humilitatis addicerent, quam si rationibus dumtaxat eos humiles esse debere, ostendisset. Sed & exemplo crucis suæ magis docuit sectandam humilitatem, ac patientiam, quam si omnes Cathedræ, omnes scholæ, quotquot in orbe vnquam fuerint, hoc docere studuissent.

Adeo autem hoc verum est, ut non solum repræsentationes earum rerum, quæ vere factæ sunt, & certissime contigerunt, doceant, moueantq. mentes, delectent & corda, sed etiam narrationes, quæ fictæ ab Authoribus sunt, & fictas esse non ignoramus, animos afficiant, ut sicut antiquorum fabulæ, vel nostro seculo Romantioris (quos vocant) figmenta, conficta narrantes bella, & arma, milites strenuos, & pugnas audaces, & bellatores fortissimos, Gigantes magnos, monstra ingentia, & huius generis adinventiones, quæ tanta auiditate à populis leguntur, ut ab eis diuelli non possint: tanta est vis phantasmatis & simulachri, quod imaginationi obijcitur.

Et in illarum rerum lectione, tanta dulcedine capiuntur, ut eas memoriæ cõmendent, & tenaciter retineant, & carmina, quibus explicata sunt, ubique cantando recitent. Quod quidem ideo à nobis dictum est, ut appareat, quanta sit energia, & vis earum rerum, quæ per personarum imagines repræsentatur, non autem, ut commendemus huiusmodi studia, & laude dignos dicamus, qui hæc fabulosa populis tradiderunt. Nam cum huiusmodi argumenta, & inuentiones versentur ut plurimum, circa vetitos mulierum amores, circa pugnas propter seculi gloriam, superbissime susceptas, & cum ibi huiusmodi infandi amores laudentur, & extollantur illi, qui corporis viribus, & strictis gladijs, imbecilliores opprefferint, & forti manu vno
 ictu

ictu plures vulnerauerint, & ad necem deduxerint, eo intuitu vt fortes existimarentur, & gloriam ex facinore acquirerent, fit plerumque, vt huiusmodi nugarum lectores, numquam ab earum lectione recedant sine maxima morum corruptione, cum certa castitatis, & puritatis iactura, & humilitatis, & moderationis animi detrimento, & bonæ mentis pernicie, quamquam sciant ea esse fabulosa, & otiosorum hominum commenta, & nihil veritatis continere.

Hoc autem tam graue, & lachrimabile damnum afferunt, propterea quod nefandorum amorum concupiscentias per exempla, quamquam ficta, recitant; amat enim phantasia phantasmata, & imaginatio nostra incredibiliter delectatur in imaginum spectris: sed cum imago habet coniunctam turpitudinem, fit, vt sicut captus suauitate vini, vbi venenum positum fuit, bibendo, mortem cum delectatione suscipit: sic qui exemplum elegantis casus legit, vbi turpitudine est, & inhonestæ actiones, delectatione victus percipit non aduertens vim mentis obrui, & lethali veneno animam suam perfundi.

Quod malum, quo communius & vniuersalius diebus nostris contingit ex tot libris in hoc argumentum conscriptis, qui in manibus penè omnium reperiuntur, satis est lachrimabile, & nulla ratione illi obstiti potest, nisi ex aduerso, exempla laudabiles actiones continentia, vera, & præclara gesta, ex quibus virtus ipsa hauritur, & ratio bene viuendi desumitur, lectorum oculis obijciantur.

Hoc præsertim malum, quod totum pene orbem confecit, à comicarum *Aug. cōfess. 6. cap. 8.* fictionum recitatione incrementum suscepit, vbi delectabiles casus facti alii cuius, vbi vt plurimum, detestabiles amores exprimuntur, representantur, hominum, qui in vanitate ducunt dies suos, oblectamenta: nos autem videmus, cum Comediæ, & Tragediæ in vrbibus recitantur, vniuersum ferè populum ad eas audiendas confluere.

Ceterum vetustissimi Poetarum, dum multa fingunt, dum adinventiones excogitant, dum diuina, humanaq. fabulis commiscunt, dū Deos Deorumq. soboles confingunt, dum eorum amores, turpissimasq. concupiscentias, iras, & odia carminibus exprimunt, vno ictu, duabus lethalibus plagis mundum trucidarunt, corruptione scilicet morum, & falsa religione.

Hinc factum est, vt Homerus, Poetarum princeps, dum multiformia numina, & Deitates excogitat, dum profert Deorum numina, & commemorat gesta eorum, & carminibus suis ficta facta Deorum illorum exprimit, totam primum Græciam, deinceps Italiam vniuersam, tandem totum pene orbem contaminauit, infandum Deorum fictorum cultum vbique disseminans. Posteritas enim elegantium narrationum specie decepta, vera esse credidit, quæ Authores Ethnici fabulosa confinxere.

Neque solum Homerus, sed & alij Poetarum, tam apud Græcos, quam apud Latinos, multa diuersis carminibus, & eleganti artificio contexta fabulati sunt, quæ omnia commentitia sunt, & fictionibus plena, ad oblectandū tantūmodo lectorem excogitata, quæ quamquā à principio vera nō esse, quæ dicebantur ab omnibus, præsertim sapientibus dignoscerentur, tum postea succedentibus sæculis speciem veritatis obtinuerunt, & tamquam verè facta fuissent, per omnium ora volitarunt. Tantumq. potuit narratio facti, & pul-


10 PRAEFATIO IN SELECT. HIST.

pulchritudo elegantis narrationis, ut pleriq. intra conscientiam veri fidei prementes, maluerint pro vero celebrare, quod pectoribus humanis dulcedo fingentis infuderat.

Magisq. valuerunt ad inducendos animos ad credulitatem, multiplicitum Deorum fictæ, & prorsus fabulosæ Poetarum commentationes, commentitia gesta recensentes, quàm tot sapientum rationes, & argumenta ad persuadendum, quod vnus Deus, & vnus Princeps esset, qui mundum regeret. Plebes enim falsarum narrationum adinventionibus delectatæ, mentes suas captiuas in fabulis reliquerunt.

Quod ea ratione pluribus à nobis dictum est, ut sciatur, quod si tantum potest ficta narratio in legentium animis, quantum possint verissimorum factorum veræ narrationes, & quæ lucra morum, & incrementa virtutum, per eas contingerent?

Si enim scirentur, quæ retroactis seculis in orbe Christiano acta sunt, Deo nostro disponente, ut homines ad fidei agnitionem perduceret, faceretq. sibi populum acceptabilem, bonorum operum sectatorem, & cælestium diuitiarum cupidum, nullus prorsus esset, qui cor suum non haberet magnitudine spei erectum vsque ad cælum, paratum ad sustinenda omnia aduersa pro Christi nomine, mētēq. suam tam claro fidei lumine perfusam, ut quæ credenda proponuntur, ita firmiter crederet, ut iam non credere, sed videre, neque ambulare per fidem, sed per speciem, & rerum euidentiam sibi videretur. Testimonia enim Dei credibilia facta sunt nimis, ut nihil amplius quærendum sit, quam ut celeri cursu accedamus ad eum, qui est gloriosus, & benedictus in secula.



SELL-

11

SELECTAE HISTORIAE,
ET ENARRATIONES
MEMORABILES RERVM
IN ECCLESIA DEI
GESTARVM.

PER AVGVSTINVM MANNVM
de Canthiano Congregat. Oratorij de Vrbe,
Presbyterum digesta.

DESCRIBITVR TOTIVS ORBIS CALAMI-
tosa corruptio, & inextricabilis cecitas mortalium ho-
minum circa Creatorem suum.

Cap. I.



ECIDERAT vsque ab initio humanum genus, & peccatum, & mors (perniciēs mortalium) grassabantur vbique, & peccatorū procellis agiratus homo, huc, atque illuc miserē iactabatur, magisq. de die in diem in deteriora ruentibus hominibus eō mundus miseriarū deuenerat, vt proprijs sepultus ruinis, & in sterquilinio peccatorū suorū prouolutus, raderet testis calamitatis suæ. saniem insaniarum suarum. Et luxu perditus, perstansq. in vanitatibus suis ita ruebat in moribus, vt occasum sui, corruptione pessima testaretur, & crebrescentibus quotidie malis propinquaret ad supremum interitum. Et quamquam veris premeretur calamitatibus, & vlceribus fatigatus, proprio cruentaretur sanguine, infandis tamen deceptus cupiditatibus vulnera propria lingeat, & diligeat. Præterea inextricabiles tenebræ obocæcati intellectus, operiebant penè vniuersam faciē terræ. Sibi enim, & eorum arbitrio derelicti mortales, Primo quidem Deū suum viuum & verum, omnium bonorum fontem, cæli & terræ conditorem dereliquerunt: deinde vero abominanda Idola, manibus eorum fabrefacta, sibi constituerunt, adorabantq. ea tamquam Deos immortales, tribuentes illis primos, & diuinos honores, adolentes eis incensa, construentes templa, & sacrificia offerentes, ita vt nulla esset natio, nullus in toto orbe populus, qui peculiare sibi Deos non constituisset. Eoq. luxuriatæ fuerant supersticiosæ Gentes, vt prætextu pietatis, præter illos Deos, qui passim ab omnibus colebātur, Iouem, scilicet Saturnum, Mercurium, Iunonem, Apollinem,

linem, Neptunum, Martem, Venerem, & huiusmodi dæmonia, fecerunt sibi alios innumerabiles Deos, ut nullus esset fluuius, nullus fons, nullus hortus, non campi, non silua, non prata, non lares, qui proprium Deum non haberent. Roma etiam, quæ totius orbis habebat imperium, omni gentium seruiebat erroribus, & magnam sibi videbatur assumpsisse Religionem, quia nullam respuebat falsitatem. Dæmones autem, spirituales nequitia, moderatores tenebrarum harum, mira arte hominibus illudentes, venerationem illam, quam in cælis habere non potuerunt, in terris sibi temere usurpabāt. Tota Africa, vniuersa Europa, atque Asia, hac caligine premebatur, excepta Palæstina, quam incolebant Iudæi, notus enim in Iudæa tantum erat Deus, ibique solum nomen eius inuocabatur. Erat tamen & in Iudæa, tantamorum corruptio, diuinorumque præceptorum præuaricatio, & in sacris supersticio, ut nulla maior esse posset, & cum Deum cognoscerent, non sicut Deum glorificabāt. Quapropter tradiderat illos Deus in passiones cupiditatum, & deceptiones sensus, & insipiens cor eorum obscuratum erat, & euenerant in cogitationibus suis, & dicentes se legem Dei habere, vita gentium vivere conuicti sunt, Dei gloriam in propriam commutantes. Omnes quippe studebant auaritiæ, appetebant primatus, & primos accubitus, facti Dei osores, pleni inuidia, homicidio, contumeliosi, superbi, inuentores calumniarum, repleti omni malitia, absque federe & misericordia. Et circa eorum religionem irreperant detestabiles hæreses, imo plerique illorum relicto Deo suo, abnegata eius diuinitate, & numine, ad simulachra gentium colenda se tradiderant, & Idola earum adorabant, illisque infandum dictu, filios proprios, & filias sacrificabant. Quod ideo commemorare necesse fuit, ut cognito, quam abalienatus à veritate mundus esset, & quanta esset veri Dei, qui illas condiderat, apud gentes ignorantia, errorum caligo, & vastitas tenebrarum inde clarius innotescat, à quibus abyssis, & cauernosis profundis, & inextricabilibus malis, ac tenebris, Iesu Christi gratia, mortales homines eripuerit & saluos fecerit. Quamobrem non erit præter propositum argumentum, aliqua huius ignorantia exempla, & testimonia in medium adducere.

Quod necessaria sit commemoratio superstitionem, & errorum circa diuinitatem, in quibus olim gentes versabantur, ut cognoscatur immensitas gratia Iesu Christi.

Cap. 2.

O Peræpretium igitur est, ut videamus, & enarremus singillatim, quantum satis est, gentilium hominum religionem execrabilem, & potestatem tyrannidis, quam consequutæ fuerunt multæ tenebræ, & portentosi errores circa diuinitatem, in quibus ægri mortales versabantur, quamquam abalienati erant à veritate summi Dei Creatoris eorum. Vix enim credi potest, quanta fuerit densitas tenebrarum illarum, & ignorantia summi boni, foeditas & colluies pestilentissima, & execranda mysteriorum, quæ circa sacra, apud illos per tot secula, per tanta mundi spatia inualuerat: Ita ut pudeat scribere, quæ ipsi facere non erubescabant. Hoc enim nequissimi Dæmones, & rectores tenebrarum illarum conati sunt perficere, & abeun-

abeuntibus hominibus in insanias errorum suorum, perfecērunt, ut primum homines à cognitione Dei sui reuocarent, deinde vero inducerent illos malis artibus ad præstandos diuinos honores ipsi, qui non erant Dij, sed imunda Dæmonia; atque hoc modo obæcatos, pertraherent ad turpitudinem morum, ad stupra, ad adulteria, ad incestus, ad sacrilegia, ad supersticiosos errores, & flagitia abominanda. Recitatione etiam harum abominationum fiet exploratissimum apud omnes, quanta fuerit Domini Nostri Iesu Christi gratia, quantaq. molis fuerit, & cuius virtutis extiterit, abominandam orbis terrarum faciem nefandis maculis conspurcatam, expiare, & faculentos Gentilitatis errores, temporum vetustate obduratos à mundo propellere, & inueteratas tenebras profligare, veternosi colubri nequissimum caput conterere, Principem huius mundi superbissime dominantem eijcere, & tandē trāsferre humanum genus in admirabile lumen: Et pacem, & iustitiam, & veritatem à mundo exulantem, & à cordium sedibus eliminatam, ad humana pectora lōgo quasi postliminio reducere, & regnum Dei constituere, & regium populum acquirere, & Christianam condere gentem. Hinc etiam apparebit Christianæ fidei pura, & veneranda veritas, inuincibilis eius virtus, mundicies, & sanctitudo, quæ omnem respuit falsitatem, & portenta errorum dirumpit, & veses ferreos perfidiæ confringit, nullamq. admittit labem, nullam tolerat maculam, sed in claritate cælestis luminis obambulat, & pro veritate, & iustitia certat vsque ad mortem, & ponit inimicos luminis sui scabellum pedum suorum.

Proferamus autem vetustum testimonium supradictæ detestabilis corruptionis, & impietatis, & primum ex Scripturis sanctis, in quibus apud Daniaelem Prophetam, qui fuit captiuus in Babylone, tale exemplum commemoratur. Cœperunt enim Gentes ab antiquis temporibus abire post idola, relictoq. Deo vero constituere sibi Deos infandos, & monstro similes, sub tempore quo venit Filius Dei in mundum, falsus, & detestabilis Idolorum cultus omnes superauit ætates.

De abominando Idolo, nomine Bel, quod Babylonij duodecim artabas simula, & oues quadraginta comedere, & sex vini amphoras bibere singulis quibusq. diebus credebant, cui diuinus cultus à Rege, ceterisq. omnibus præstabatur. Cap. 3.

ERat Daniel conuiuia Regis, & honoratus super omnes amicos eius. Erat quoque Idolum apud Babylonios, nomine Bel, & impendebantur in eo per dies singulos simula artaba duodecim, & oues quadraginta, viniq. amphoræ sex. Rex quoque colebat eum, & ibat per singulos dies adorare eū: porrò Daniel adorabat Deum suum. Dixitq. ei Rex: Quare non adoras Bel? Qui respondens ait ei: quia non colo idola manufacta, sed viuentem Deum, qui creauit cælum & terram, & habet potestatem omnis carnis. Et dixit Rex ad eum: Non videtur tibi esse Bel viuens Deus? An non vides, quanta comedat, & bibat quotidie? Et ait Daniel arridens: Ne erres Rex: iste enim intrinsecus luteus est, forinsecus æreus, neque comedit aliquando. Et iratus Rex, vocauit Sacerdotes eius, & ait eis: Nisi dixeritis mihi, quis est, qui comedat impensas has, moriemini. Si autem ostenderitis, quoniam

Dan. c. 14.

niam Bel comedat hæc, morietur Daniel, quia blasphemauit in Bel. Et dixit Daniel Regi: Fiat iuxta verbum tuum. Erant autem Sacerdotes Bel Septuaginta, exceptis vxoribus, & paruulis, & filijs. Et venit Rex cum Daniele in templum Belis. Et dixerunt Sacerdotes Bel: Ecce nos egredimur foras, & tu Rex pone escas, & vinum misce, & claude ostium, & signa annulo tuo: & cum ingressus fueris mane, nisi inueneris omnia comesta à Bel, moriemur, vel Daniel, qui mentitus est aduersum nos. Contemnebant autem, quia fecerant sub mensa absconditum introitum, & per illum ingrediebantur semper, & deuorabant ea. Factum est igitur, postquam ingressi sunt illi, Rex posuit cibos ante Bel: præcepit Daniel pueris suis, & attulerunt cinerem. Et cribrauit per totum templum coram Rege, & egressi clauserunt ostium, & signantes anulo Regis abierunt. Sacerdotes autem ingressi sunt nocte iuxta consuetudinem suam, & vxores, & filij eorum, & comederunt omnia, & biberunt. Surrexit autem Rex primo diluculo, & Daniel cum eo. Et ait Rex: saluam sunt signacula Daniel? qui respondit: Salua, Rex. Statimq. cum aperuisset ostium intuitus Rex mensam, exclamauit voce magna: Magnus es Bel, & non est apud te dolus quisquam. Et risit Daniel, & tenuit Daniel Regem, ne ingrederetur intro, & dixit: Ecce pauimentum, animaduerte, cuius vestigia sunt hæc. Et dixit Rex: Video vestigia virorum, & mulierum, & infantium. Et iratus est Rex. Tunc apprehendit Sacerdotes, & vxores, & filios eorum, & ostenderunt ei abscondita ostiola, per quæ ingrediebantur, & consumeabant, quæ erant super mensam. Occidit ergo illos Rex, & tradidit Bel in potestatem Danielis, qui subuertit eum, & templum eius. Et erat Draco magnus in loco illo, & colebant eum Babylonij. Et dixit Rex Danieli. Ecce nunc non potes dicere, quia iste non sit Deus viuens: Adora ergo eum. Dixitq. Daniel: Dominum meum Deum adoro, quia ipse est Deus viuens: iste autem non est Deus viuens. Tu autem Rex da mihi potestatem, & interficiam Draconem absque gladio, & fuste. Et ait Rex: Do tibi. Tulit ergo Daniel picem, & adipem & pilos, coxit pariter, fecitq. massas, & dedit in os Draconis, & diruptus est Draco. Et dixit: Ecce, quem colebatis. Quod cum audissent Babylonij, indignati sunt vehementer, & congregati aduersus Regem dixerunt. Iudæus factus est Rex: Bel destruxit, Draconem interfecit; sacerdotes occidit. Et dixerunt, cum venissent ad Regem: Trade nobis Danielelem, alioquin interficiemus te, & domum tuam. Vidit ergo Rex, quod irruerent in eum vehementer, & necessitate compulsus tradidit eis Danielelem, qui miserunt eum in lacu leonum, & erat ibi diebus sex. Porro in lacu erant leones septem, & dabantur eis duo corpora quotidie, & duæ oues, & tunc non data sunt eis, vt deuoraret Danielelem. Erat autem Abacuc Propheta in Iudæa, & ipse coxerat pulmentum, & intriuerat panes in alueolo, & ibat in campum, vt ferret messoribus. Dixitq. Angelus Domini ad Abacuc; fer prandium, quod habes in Babylonem Danieli, qui est in lacu leonum. Et dixit Abacuc: Domine Babylonem non vidi, & lacum nescio. Et apprehendit eum Angelus Domini in vertice eius, & portauit eum capillo capitis sui, posuitq. eum in Babylone supra lacum in impetu spiritus sui. Et clamauit Abacuc, dicens: Daniel, serue Dei, tolle prandium, quod misit tibi Deus. Et ait Daniel, Recordatus es mei Deus, & non dereliquisti diligentes te. Surgensq. Daniel comedit

comedit: Porro Angelus Domini restituit Abacuc confectum in loco suo. Venit ergo Rex die septimo, ut lugeret Danielelem, & venit ad lacum, & introspexit: & ecce Daniel sedens in medio Leonum. Et exclamauit voce magna Rex, dicens: Magnus es Domine Deus Danielis. Et extraxit eum de lacu Leonum. Porro illos, qui perditionis eius causa fuerant, intromisit in lacum, & deuorati sunt in momento coram eo. Tunc Rex ait: Paueant omnes habitantes in vniuersa terra Deum Danielis, quia ipse est Saluator, faciens signa, & mirabilia in terra, qui liberauit Danielelem de lacu Leonum.

De Serpente Epidauro, Romam aduecto, cui Romani diuinos honores præsiterunt. Cap. 4.

Sed non solum Babylonios, apud quos tunc temporis Regnum erat florantissimum, & exultum in omnem sapientiam, obtinuerat Dæmon calidissimus, ut sub serpente nocentissimo animali, & visu horrendo, & homini infestissimo pro Deo coleretur, sed etiam hoc ipsum apud Romanos viros, alioquin sapientissimos, & fortitudine bellica, & prudentia in Republica administranda præstantissimos obtinere potuit, qui cum per triennium pestilentia afflicti fuissent, ut mortali morbo remedium inuenirent, miserunt legatos Epidaurum, & inde serpentem Aesculapij magna religione deuectum Romam, diuinis honoribus affecerunt. Quam historiam his verbis enarrat Valerius Maximus.

Sed ut certorum quoque Deorum propensum huic Vrbi numen exsequamur, triennio continuo vexata pestilentia ciuitas nostra, cum finem tantæ diuturni mali, neque diuina misericordia, neque humano auxilio imponi videret, cura sacerdotum, inspectis Sybillinis libris, animaduertit, non aliter pristinam recuperari salubritatem posse, quàm si ab Epidauro Aesculapius esset accersitus. Itaque, eo legatis missis, vnicam fatalis remedij opem auctoritate sua (quæ iam in terris erat amplissima) impetraturam se credit: neque eam opinio decepit, pari namque studio petitur, ac promissum est præsidium: è vestigioq. Epidaurij, Romanorum legatos in templum Aesculapij (quod ab eorum vrbe quinque millibus passuum distat) perductos, ut quicquid inde salubre patriæ laturos se existimassent, pro suo iure sumerent, benignissime inuitauerunt. Quorum tam promptam indulgentiam, numen ipsius Dei subsecutum, verba mortalium cælesti obsequio comprobauit. Si quidem is anguis, quem Epidaurij raro, sed nunquam sine magno ipsorum bono, visum, in modum Aesculapij venerati fuerunt, per Urbis celeberrimas partes, mitibus oculis, & leni tractu, labi cæpit, triduoq. inter religiosam omnium admirationem conspectus, haud dubiam præ se appetitæ clarioris sedis alacritatem ferens, ad triremem Romanam perrexit; pauentibusq. inusitato spectaculo nautis, eo conscendit, vbi Q. Ogulini legati tabernaculum erat, inque multiplicem orbem per summam quietem est conuolutus. Tum legati perinde atque exoptatæ rei compotes, expleta gratiarum actione, cultuq. anguis à peritis excepto, læti inde soluerunt, ac prosperam emensi nauigationem, postquam Antium appulerunt, anguis, qui vbique in nauigio remanserat, prolapsus in vestibulo ædis Aesculapij, myrto frequentibus ramis diffusus, supereminentem excelæ altitudinis palmam

*Val. Max.
lib. 1. c. 8.*

cir-

circumdedit, perq. tres dies positis, quibus vesci solebat, non sine magno metu legatorum, ne in tîremem reuerti noller, Antienfis templi hospitio vsus, Vrbi se nostræ aduehendum restituit, atque in ripam Tyberis egres- sis legatis, in Insulam, vbi templum dicatum est, transiuit: aduentuq. suo tempestatem, cui remedio quæsitus erat, depulit.

*Aug. li. 11.
Gen. ad lit
1877 c. 28*

Ecce quam execrando cultu tenebantur Romani, vt serpentem instar nu- minis colerent. Diabolus enim memor tentationis primorum parentum, cum illos sub serpentis specie in mortem induxisset, propter rem bene gestâ, frequenter postea serpentum ministerio vsus est ad fallendos mortales ho- mines. Hinc tradit Augustinus, serpentes magis moueri carminibus homi- num, quàm vllum aliud animal: gaudent enim Dæmones hanc sibi potestacē dari, vt ad incantationem hominum, serpentes moueant, vt quolibet modo fallant, quos possunt. Hæc autem permittuntur, ad primi facti memoriam eommendandam, quod sit eis quædam cum hoc genere animantium fami- liaritas. Ferunt Pherecidem Syrum scripsisse, Dæmones è cælo fuisse à Io- ue deturbatos, quorum Princeps dictus sit Ophioneus, idest, Serpentinus.

*Plin. li. 29.
c. 4.*

Serpentem autem supradictum ex Epidauro allatum, sacrosanctum postea fuisse apud Romanos, Plinius testatur, quem suo tempore tradit fuisse su- perstitem, & sobole mirifica propagatum. Verba eius hæc sunt: Atqui Anguis Aesculapius Epidauro Romam aduectus est, vulgo pascitur, & in domibus, ac nisi incendijs semina exurentur, non esset fecunditati eorum resistere. Hunc serpentem, quem Plinius Anguem dicit, Festus Draconem appellat, quem non nisi Canis vberibus nutriri solitum tradit. Quem pos- tea extinctum, & vt quidam putant à S. Syluestro, Romani Deo suo carere nolentes, ex ligno, aliaue materia fabricarunt, atque in alio specu pariter posuerunt tamquam viuum atque aspectu terribilem; qui sic mansit vsque ad Honorium Imperatorem. Cum iterum per sanctum monachum impo- stura detecta, atque penitus demolita, caruere penitus superstitionis alumni auito Deo suo. Rem gestam, quæ suo tempore Romæ accidit, S. Prosper ita narrat.

*Festus ver.
Insula Æ.
sculap.*

*Enarratio Draconis ficti, qui vt Deus colebatur apud Romanos,
à Monacho detecti. Cap. 5.*

*S. Prosper
Aquitan.
de prædict.
par. 3. c. 38.*

A Pud Urbem Romam specus quædam fuit, in quo Draco miræ magnitu- dinis mechanica arte formatus, gladium ore gestans, oculis rutilan- tibus gemmis metuendus ac terribilis apparebat. Huic annuè deuotæ vir- gines floribus exornatæ eo modo in sacrificio dabantur, quatenus insciæ munera deferentes, gradum scalæ (quo tota illa Diaboli arte Draco pende- bat) contingentes, impetus venientis gladij perimeret, vt sanguinem fun- deret innocentem. Et hunc quidam Monachus, bene ob meritum cognitus, Stiliconi tunc patricio, eo modo subuertit: bacula manu singulos gradus palpando inspiciens, statim vt illum tangens fraudem diabolicam respexit, eo transgresso descendens, Draconem scidit, mistiq. per partes: ostendens & hic, Deos non esse qui manu fiunt.

Sed nunc enarremus, quæ antiqui Scriptores, & Patres de illorum temporum cæcitate, & insania circa falsos Deos tradiderunt.

Enar-

Enarratio Clementis Alexandrini, in qua falforum Deorum monstruosa Religiones traduntur, & detestanda Numina à gentibus inuecta, in quibus Diabolus, colente mundo, ut Deus adorabatur. Cap. 6.

Proponamus autem testimonium Clementis Alexandrini veteris Theologi, qui in oratione adhortatoria ad Gentes, insanum cultum & abominabilem Gentium religionem circa falsos Deos, hæc profert irridendo Gentes ignorantes verum Deum, Principem, & omnium effectorem, & ipsorum principiorum opificem, egena, & infirma, quæ ad vsum hominum, ministeriumq. facta sunt, elementa adorantes.

Tu autem (inquit ille) si Deum verè videre desideras, sis particeps piaculorum, quæ Deo conueniunt, non ramorum lauri, & quorundam fertorum factorum ex lana & purpura, sed iustitia redimitus, & continentix folijs contextus, sedulo Christum quæras. Ego, inquit, sum ostium, quod discere oportet ijs, qui voluerint Deum intelligere, ut nobis omnes simul portas cælorum aperiat. Sunt enim rationales rationis, seu verbi portæ, quæ aperiuntur claue fidei. Deum nemo nouit, nisi filius, & cui filius reuelauerit. Bene autem scio, quod, qui clausam portam tunc aperit, reuelat postea ea, quæ sunt intus, & ostendit ea, quæ nec prius poterant cognosci, nisi ab ijs, qui per Christum ambulassent, per quem solum Deus cernitur. Impia ergo adyta ne inuestigetur, nec barathrorum ora præstigijs plena, aut Lebeten, Thesprotum, aut Tripodem Cirrhæum, aut æs Dodonæum. Gerandryon autem arenis desertis honoratum, & quod illic est oraculum, quod cum ipsa quercu emarcuit, anilibus fabulis relinquatis. Silentio quidem certè mādatus est fons Castalius, & alius fons Colophonis, & alia similiter perierunt fluentia diuinatoria, quæ certe fastu plena, sero quidem, tandem tamen conuicta sunt, ut quæ vna cum suis effluxere fabulis. Narra nobis Asia quoque diuinationis, vel insanæ potius vanitatis oracula, Clarium, Pithium, Didymum, Amphiaræum, Apollinem, Amphiloichum. Quod si velis & monstrorum inspectores augures, & aruspices, & somniorum coniectores, vna cum eis consecra. Ad Pithium autem adductos simul statue Aleuromantes, & chritomantes, & eos, qui adhuc apud multos sunt in honore, ventriloquos. Iam vero adyta Aegyptiorum & necromantiæ Hetruscorum demandentur tenebris. Sunt hæc vere insana hominum infidelium commenta. Ad harum præstigiæ mercaturæ societatem adducuntur capræ, quæ sunt ad diuinationem exercitæ, & corui, qui ab hominibus docentur dare responsa. Quid tibi recenscam mysteria? Non propalabo quidem, ut aiunt, olim Alcibiadem, sed per verbum veritatis præstigias, quæ in eis latent, recte aperiam, & eos, qui vestri dii vocantur, quorum sunt sacra mystica, tamquam in vitæ scena, veritatis contemplatoribus in medium proferam, & euoluam.

Dionysium Menolen Orgijs Bacchi celebrant, crudarum carniū esu sacram agentes insaniam, & cæsarum carniū peragunt diuisionem, coronati serpentibus, vlulantes euam, euam illam, per quam error est consecutus. & signum Bacchicorum Orgiorum est serpens mysterijs initiatus. Iam verò si accurate vox spectetur Hebraica, nomen Heuia aspiratum, exponitur ser-

B pens

*Cle. Alex.
in orat. ad
Gentes.*

pens femina. Ceres autem, & filia Proserpina iam in scena actus factæ sunt, erroremq., & raptum, & earum luctum Eleusis illustrat facibus. Mihi autem videtur oportere dare etymologiam horum vocabulorum, Orgia, & mysteria. Orgia quidem dicuntur, ut est apud Græcos, ab ira Cereris in Iouem. Mysteria autem apud eosdem, ab exsecratione, & abominatione, quæ accidit circa Dyonisium. Quod si etiam à Mœonte quodam Attico, quem dicit Apollodorus interijisse in venatione, nulla est invidia, vestra mysteria sepulchri honore esse affecta. Pereat ergo, qui huius fraudis fuit Princeps, & author hominibus, siue Dardanus, qui matris Deorum ostendit mysteria, siue Eetion, qui Samothracum suggessit Orgia, & sacra mystica, siue Phrix ille Midas, qui didicit ab Odryso, deinde ijs, qui eius parebant ditioni, fraudem tradidit artificiosam. Non enim Cyprius insularis Cinyras mihi vnquam persuaserit libidinosa, quæ circa Venerem fiebant orgia, ausus ex nocte diei tradere, dum meretricem ciuem vellet in Deos referre. Melampodem autem, filium Amythaonis, alij dicunt ex Aegypto in Græciam transfuisse festum Cereris, luctum, qui laudibus celebratur. Hos ego dixerim fuisse Principes & authores impiarum fabularum, & patres perniciosæ superstitionis, qui vitij, & corruptelæ semen in vita seminarunt mysteria. Iam vero (tempus enim est) conuincam hæc vestra orgia esse plena fraude & præstigijs, & si mysterijs estis initiati, has vestras fabulas quæ in honore habentur, magis ridebitis. Aperte autem dico, quæ sunt occulta, non erubescens dicere ea, quæ non pudet vos adorare. Quæ ergo ex spuma, & in Cypro est genita, Cynaræ amica, Venerem dico, exortam ex genitalibus, ex salacibus, inquam, illis genitalibus, quæ cælo abscissa sunt, quæ post abscissionem fluctui vim attulerunt, tamquam libidinosis vestris partibus dignus fructus sit Venus in sacris mysticis. Marinæ huius voluptatis generationis indicium, salis pugillus, & Phallus traditur ijs, qui in hac mœchandi arte sunt initiati. Nummum autem ei offerunt ijs, qui iniciantur, ut amicæ amatores. Cæteris autem mysteria, sunt Iouis cum matre veneris congressus, & ira: nescio quid deinceps dicam, matris, an vxoris Cereris, qua de causa dicitur appellata esse Brimo, Iouis preces, & potus bilis, & cordis euulsiones, & dictu nefandæ operationes. Hæc mystica sacra peragunt Phryges Atthidi, & Cybelæ, & Corybantibus. Hoc quoque iactarunt, quod cum Iuppiter ab ariete geminos euulisset coleos, iecit in medium sinum Cereris, de violento congressu falsum pendens supplicium, ut qui seipsum utiq. excidisset. Hæc symbola huius initiationis satis superq. adaucta, satis scio vobis risum esse motura, etiamsi vobis non veniat in mentem ridere, eo quod refellamini. Ex tympano comedi, ex cymbalo bibi, temperatum attuli, ingressa sum thalamum, an non proba sunt hæc symbola? non ridicula mysteria? Quid autem si reliqua adiecerim? Vterum quidem gerit Ceres, nutritur autem Proserpina. Rursus autem hic Iuppiter, qui genuit, coit cum Proserpina sua filia post matrem Cererem oblitus prioris sceleris. Pater, & corruptor Puellæ Iuppiter, & coit factus draco, conuictus, quisnam esset. Sabatorum certe mysteriorum signum est ijs, qui iniciantur, Deus, qui sinu peruadit. Est autem ijs draco, qui extrahitur à sinu eorum, qui iniciantur, euident argumentum Iouis incontinentiæ. Parit autem Proserpina quoque filium taurina specie. Certè, ait quidam Poeta, cultui Idolorum deditus

Taurus

Taurus pater Draconis, & pater Tauri Draco. In monte occultum bubulcus stimulum bubulci, ut existimo, stimulum, ferulam illam pulchram efficiens, quam Bacchi circumagunt. Vis etiam tibi narrem, quomodo flores collegerit Proserpina, eiusque calathum, & raptum à Plutone, & hiatum terræ, & sues Eubulei, quæ deuoratae fuerunt à Deabus? propter quam causam in Thesmophorijs sacrificantes, expellunt porcos? Huius fabulae diem festum mulieres variae concelebrant. Thesmophoria, Scirophoria, multis modis raptum Proserpinæ tragicè decantantes. Dionysij enim mysteria sunt plane inhumana, quæ, cum esset adhuc puer, motu, qui fit in armis, Curetibus choream ducentibus, dolo autem subeuntibus Titanibus, puerilibus quibusdam ludis deceptum, hi decerpserunt Titanes, cum adhuc esset infans, ut mysterij Poeta dicit Orpheus Thracius.

Pinea nux, trochus, & qui flectunt membra, mouentque.

Ludi, & quæ Hæesperides miserunt aurea mala.

Inutilia autem huius mysterij symbola, non fuerit inutile ad ea condemnanda, adducere, talus, sphaera, nux pinea, mala, trochus, speculum, Vellus. Atque Minerua quidem, quæ Dionysij cor sustulit, appellata est Pallas, ita à Græcis dicta, à vibrando, seu torquendo, eo quod cor vibret, ac torqueat. Titanes autem, qui ipsum etiam discerpserunt, cum quendam leberem tripodi imposuissent, Dionysij membra injicientes, ea prius coxerunt, deinde cōfixa verubus Vulcano imposta tenebant. Iuppiter autem, cum postea apparuisset, siquidem Deus erat, ut qui assarum carniū nidorem fortè sensisset, cuius præmij se esse participes vestri dii consentirent, Titanes punit fulmine, & membra Dionysij, filio Apollini sepelire præcipit. Ille autem, non fuit enim Ioui inobediens, deferens in Parnassum, deponit illic cadauer lacerum. Quod si etiam Corybantum velis Orgia considerare, hi cum tertium fratrem occidissent, caput mortui purpura contexerunt, & coronatum sepelierunt, ferentes in clypeo æneo ad radicem montis Olympi. Et hæc sunt, ut in summa dicam, mysteria, cædes, & sepulchra. Horum autem Sacerdotes, quos Anaçtotelestas vocant ij, quibus vocare curæ est, ad calamitatem quædam monstra afferunt, prohibentes apium cum totis radicibus in mensa apponere: putant enim ex Corybantico, qui effluxit sanguine, enatum esse apium. Sicut certè mulieres etiam, quæ Thesmophoria celebrant, à mali punici granorum esu se abstinere, exultantes ex guttis sanguinis Dionysij germinasse mala punica. Cabeiros autem appellantes Corybantes, mortem quoque Cabiricā annunciant. Hi enim duo fratricidæ, cum cistam sustulissent, in qua repositum erat pudendum Dionysij, eam vexerunt in Hetruriam, egregiarum mercium mercatores, & ibi habitarunt, cum essent exules, venerabilem pietatis doctrinam, pudendam, & cistam colendam commendantes Hetruscis. Propter quam causam non improbabiler volunt nonnulli Dionysium vocari Atim, ut qui sit priuatus pudendis. Et quid mirum, si Hetrusci barbari in tam turpes incidant affectiones, cum etiam Atheniensibus, & alijs Græciz (pudet me vel dicere) probro ac dedecore plena sit Cereris fabula? Cum enim erraret Ceres ad querendam filiam Proserpinam circa Eleusinem (is est autem locus Atticæ) defatigatur, & mœrore affecta sedet super puteum. Hoc in hodiernum usque diem prohibetur ijs, qui initiantur, ne videantur ij, qui sunt initiati mysterijs, imitari eam, quæ lugebat.

B 2 Tunc

Tunc autem habitabant Eleusinem Terrigenæ, seu Terræ filij . Eorum nomina sunt, Baubo, & Dysfaules, & Triptolemus, præterea autem Eumolpus, & Eubuleus . Triptolemus erat bubulcus, pastor autem Eumolpus, Vpilio autem Eubuleus, à quibus Eumolpidarum, & hoc sacra enuncians præconum genus, Athenis effloruit . Baubo autem (neque enim me continebo, quin dicam) cum Cererem hospitio excepisset, ei confectum potum porrigit : Cum ea autem recusaret accipere, & non vellet bibere, ut quæ lugeret, ægre ferens Baubo, ut quæ fuisset despecta, pudenda aperit, & ea Deæ ostendit, Ceres autem delectatur visione, & vix tandem potum accipit, exhilarata, spectaculo . Hæc sunt arcana Atheniensium mysteria : hæc etiam describit Orpheus . Adducam autem tibi ipsos versus Orphei, ut habeas illum ipsum mystagogum testem impudentiæ .

Sic dixit, vestes tollens, omnemq. figuram
Corporis ostendit turpem, pueriliq. iacthus
Tunc ætate fuit, gremio à quo est dextera Baubus
Ridente immissa, ipsa hilari, sed tunc Dea mente
Subrisit, varium vas, quod potumq. tenebat
In cista accepit .

*Arnobij enarratio ostendens imposturam, & vanitatem Deorum
Gentium. Cap. 7.*

*Arnob. lib.
1. cont. Gē.*

ARnobius, qui sub Diocletiano Principe in Ciuitate Sicæ in Africa Rhetor & Philosophus insignis fuit, quo tempore impietas cōtra Christianam fidem certans, totum mundum christiano sanguine cruentauit, cum esset Ethnicus, & Idola coleret, somnijs compulsus, reiectis Dijs, quos adorabat, fidem Christi amplexus est. Cumque veritate inuenta eā gentibus, quæ non credebant, communicare vellet, scripsit aduersus Ethnicam religionem luculentissimos libros, & ut ostenderet illis imposturam, & vanitatem Deorum suorum, & ad resipiscendum induceret, hæc ibi scribit, ex quibus, ad qualem insaniam circa religionem, & mores peruenerint Gentiles, cognosci potest .

Apud Timothæum (inquit) non ignobilem theologorum virum, necnon apud alios æque doctos, super magna Deorum matre, superq. sacris eius origo hæc sita est ex reconditis antiquitatum libris, & ex intimis eruta (quemadmodum ipse scribit, insinuatq.) mysterijs .

In Phrygiæ finibus inaudita per oīa vastitatis (inquit ille) petra est quædā, cui nomen est Agdus, regionis eius ab indigenis sic vocata, ex ea lapides sumptos (sicut Themis mandauerat præcinens) in orbem mortalibus vacuum, Deucalion iactauit, & Pyrrha. Ex quibus cum ceteris, & hæc magna, quæ dicitur, Mater, informata est, atque animata diuinitus . Hanc in vertice ipso petræ datam quieti & somno, quam incestis Iuppiter cupiditatibus appetiuit; sed cum oblectatus diu, id, quod sibi promiserat, obtinere nequisset, voluptatem in lapidem fudit victus. Hinc petra concepit, & mugitibus editis multis, prius mense nascitur decimo, materno ac nomine cognominatus Accestis . Huic robur inuictum, & ferocitas animi fuerat intracabilis, insana, & furialis libido, & ex utroque sexu vi rapta deuastare, disperdere
imma-

immanitas, quo animi duxerat non Deos curare, non homines, nec præ se quidquam potentius credere, terras, cælum, & sidera contemnere. Cuius audacia quibusnam modis posset, vel debilitari, vel comprimi, sæpe numero esset Deorum in deliberatione quæsitum; hæsitantibus ceteris, huius muneris curam Liber in se suscipit, familiarem illi fontem, quo ardorem fuerat fuerus, & sitiendi lenire flagrantiam, ludo, & venationibus excitatam, validissima succendit vi meri: necessitatis in tempore haustum accurrit Accestis, immoderatus potionem hiantibus venis rapit: ut insolita re victus, soporem in altissimum deprimatur. Adest ad insidias Liber, ex secis scientificissime complicatis vnum plantæ inijcit laqueum; parte altera proles cum ipsis genitalibus occupat: exaltatus ille vi meri, corripit se impetu, & adducente nexus planta, suis ipse se viribus, eo, quo fuerat, priuat sexu: cum dissidio partium sanguis fluit immensus: rapiuntur, & combibuntur hæc terra: malum repente cum pomis ex his punicum nascitur: cuius Nana speciem contemplata regis Sangarij fluminis filia carpit mirans, atque in sinu reponit; sit ex eo prægnans; tamquam viciatam claudit pater, & curat, ut inedia moriatur: pomis, atque alijs bacculis Deum sustentatur à Matre, enicitur paruulum, sed exponi Sangarius præcipit, repertum nescio quis sumit formas, lacte alit hircino: & quoniam Lydia scitulos sic vocat, vel quia hyrcos Phryges suis Atagos elocutionibus nuncupant, inde Atys nomen, ut sortiretur, effluxit. Hunc vnice mater Deum, ore fuerat quod excellentissimo, diligebat, & Accestis blandus adulto comes, & qua solum poterat, minus rectis assentationibus victus, saltuosa ducens per nemora, & ferarum multis muneribus donans: quæ puer Atys primo sui esse dicebat laboris, atque operis glorians: per vinum deinde confitetur, & ab Accesti se diligi, & ab eo donis syluestribus honorari. Vnde vino, quod silentium prodidit, in eius nefas est sanctum se esse inferre polluti. Tunc Persinutius Rex Mydas alienare cupiens, tam infami puerum coniunctione, matrimonio eius suam filiam destinat, ac ne scevus aliquis nuptialia interrumpere gaudia, fecit oppidum claudi. Verum Deum mater, adolescens fatum sciens, interque homines illum, tamdiu futuro saluum, quamdiu esset solutus à matrimonij foedere, ne quid accideret mesti, ciuitatem ingreditur clausam, muris eius capite subleuatis, quod esse turritum ratione ab hac caput. Accestis scatenens ira conuulsi a se pueri, & vxoris ad studium deriuati, conuiuantibus cunctis furorem, & insaniam suggerit: conclamant exterriti adorandum Phryges: mammas sibi demerit Galli filia pellicis, rapit Atys testulam, quæ instigator ipse gestitabat insanix furiarum, & ipse iam plenus, bacchatus, iactatus proiecit se tandem, & sub pini arbore genitalia sibi defecat, dicens: Tibi Accesti hæc habe, propter quæ motus tantos furialium discriminum concitasti. Euolat cum profluuium sanguinis vita, sed abscissa, quæ fuerant, magna legit Mater Deum, & inijcit his terræ, veste prius tectis atque inuolutis defuncti fluore de sanguinis viola flos nascitur, & redimitur ex hac arbor, inde natum & ortum est, nunc etiam sacras velarier, & coronarier pinos Virgo sponsa, quæ fuerat, quam Valerius Pontifex iam nomine fuisse conscribit, exanimati pectus lanis mollioribus velat, dat lacrymas cum Accesti, interficitque seipsam: purpurantes in violas cruor vertitur interemptæ, mater suffodit, & se Deum, vnde Amygdalus nascitur, amaritudinem signifi-

ficans funeris ; tunc arborem pinum , sub qua Aty's nomine spoliauerat *se* viri , in antrum suum defert , & sociatis planctibus cum Accesti tundit , & fauciat pectus pausatæ circum arboris robur . Iuppiter rogatus Accesti , vt Aty's reuiuisceret , non finit , quod tamen fieri per fatum posset , sine vlla difficultate condonat ne corpus eius putrescat , crescant , vt comæ semper digitorum , vt minimissimus viuât , & perpetuo solus agitetur , & mota , quibus contentum beneficijs Accestim consecrasse corpus in Pessinunte ceremonijs antiquis , & sacerdotum antistitibus honorasse . Si cõtemp'tor aliquis numinum , & sacrilegij pectoris immunitate furiosus , intendisset animum maledicere dijs vestris , auderet in eos quidquam grauius dicere , quam ista prodicta Historia , quam velut quoddam mirabile commentarij contulistis in formulam ? ac ne illam vis temporis , & vetustatis obsolesceret longitudo perpetuitatis honore mactastis . Quid est enim de dijs in ea possum , quidue conscriptum , quod non , si in hominẽ dixeris , pudibundis moribus , & disciplinis honestioribus educatum , & contumeliæ reus sis , & iniuriæ & offensionis odium simultatibus subeas inexpressibilibus comparatum ? Ex lapidibus inquis , quos Deucalion iactauit , & Pyrrha Deum procreata est mater .

Cap. 8.

*Arnob. con.
Gent. lib. 5.*

Rurfus Arnobius ignominiam , & turpitudinem , in qua Gentes prolapsæ fuerant , credendo falsissimis & insanis adinventionibus , ad vitia , & scelera omnia impellentibus recenset , ita vt admiratione dignum sit , potuisse humanos intellectus tam captiuare sese ad credendum incredibilia figmenta tam nefandarum fabularum .

Quoniam Diespiter (inquiunt) cum in Cererem matrem libidinibus improbis atque inconcessis cupiditatibus æstualet (nam Genitrix hæc Iouis , regionis eius ab accolis traditur) neque tamen auderet id , quod procaci appetitione conceperat , apertissima vi petere , ingeniosas comminiscitur captiones , quibus nihil tale metuentem castitate imminueret genitricem . Fit ex Deo Taurus , & sub pecoris specie subsefforis animum , atque audaciam celans , in securam & nesciam repentina immititur vi furens , agit incestus res suas , & prodicta per libidinem fraude intellectus , & cognitus euolat . Ardescit furijs , atque indignationibus mater , spumat , anhelat , exæstuat , neque fremitum continere , tempestatemq. irarum valens ex continua passione , primo deinceps , vt appellaretur , assumpsit , neque alia cordi est res ei , quam vt audaciam filij pœnis , quibus potis est , persequatur , Iuppiter fatagit fractus metu , nec quibus remedijs leniat violatæ animos , reperit : fundit preces , & supplicat , obstructæ sunt dolentis aures , allegatur Deorum vniuersus ordo , nullius authoritas tanta est , vt audiatur : ad postremum filius vias satisfactionis inquirens , comminiscitur remedium tale , Arietem nobilem bene gradibus cum testiculis deligit , exsecat hos ipse , & lanato exiit ex folliculi tegmine accedens , mærens & submissus ad matrem , & tamquam ipse sententia condemnasset se sua , in gremium proijcit , & iacit hos eius : virilitate pignoris vita sumit animum mitiorem , & concipit fœtus , reuocatur ad veram , parit mensē post decimum luculenti filiam corporis , quam ætas mortalium consequens , modo Liberam , modo Proserpinam nuncupauit , quam
cum

dum veruecens Iupiter bene validam, floridam, & succi esse conspiceret plenioris, oblitus paulo ante, quid malorum, & sceleris esset aggressus, & temeritatis quantum, redit ad priores actus, & quia nefarium videbatur satis, patrem cum filia cominus vxoris coniugationi misceri, in draconis terribilem formam migrat, ingentibus spiris pauefactâ colligat virginē, & sub obtentu fero mollissimis ludit, atque adulteratur amplexibus, sit, ut & ipsa de semine fortissimè cōpleatur Iouis, sed non eadē conditione, qua mater, nam illa filiam reddidit lineamentis descriptam suis, at ex partu Virginis tauri specie fusa Iouialis monumenta pellaciz. Auctorem aliquis desiderabit rei? tum illum citabimus Tarentinum notumq. senarium, quem antiquitas canit dicens: Taurus Draconem genuit, & Taurum Draco. Ipsa nouissimè sacra, & ritus initiationis ipsius, quibus sebadijs nomen est, testimonio esse poterunt veritati, in quibus aureus coluber in sinum dimittitur consecratis, & eximitur rursus ab inferioribus partibus atque imis. Non esse arbitror necessariū sermone quoque hic multo membra ire per singula, quantūq. insint in partibus prauis turpitudinum scatebræ, flagitiorumq. monstrare. Quis est enim mortaliū, vel exiguæ humanitatis sensum ferens, qui non ipse provideat, qualia sunt hæc omnia, quā scelerata, quā fœda, quantasq. ignominias deferunt ex ipsis mysteriorum sacris, & ex factorum originibus indecoris? Iuppiter (inquit) exarsit in Cererem. Quid tantum quæso de vobis Iupiter iste (quicumque est) meruit, quod genus est nullum probri, infame, adulterium nullum, quod in eius non caput, velut in aliquam congeratis vilem, luteamq. personam? Matrimonij prodidit vis Leda; Iupiter esse dicitur auctor culpæ; virginitem Danæ custodire nequiuit, furtum esse narratur Iouis, ad mulieris nomen properauit Europa; expugnator pudicitiz idem esse iactatur. Alcmena, Electra, Latona, Laodamia, mille aliæ Virgines, ac mille matres, cumque illis Catamitus puer, pudoris spoliatus est honestate. Eadem ubique est Iuppiter fabula; neque vllum turpitudinis genus est, in quo eius non nomen consociatis libidinibus conferatis: ut videatur miserabilis prorsus vllam non esse causam ob aliam natus, nisi ut esset criminum sedes, maledictorum materia, locus quidam expositus, in quem spurcitiz se omnes scenarum colluuiionibus deriuarent: quæ tamen si diceretis cum extraneis habuisse commercium feminis, impia res quidem, sed tolerabilis esset maledictionis iniuria: etiamne in matrem, etiamne in filiam efferati pectoris appetitionibus adhinuiuit, neque illum sanctitas, aut reuerentia genitricis, horror etiam pignoris ex se sati, ab imagine potuit tam fœdæ cogitationis abducere, Vellem itaq. videre patrem illum Deorum Iouem? æternam rerum atque hominum potestatem, bubulis esse cohonestatam cornibus, hirsutas agitantem aures, contractis in vngulas gressibus ruminantem pallentes herbas, & ex parte postica caudam suffragine, tali mollissimo perlitum, atque intestina proluuie delibutum. Vellem, inquam, videre (dicendum est enim sapius) torquentem illum sidera, & qui pallidas nationes fragore perterreret, & prosterperet, confectantem veruecum greges, inspicientem testiculos arietinos, arripientem hos manu censoria illa atque diuina, qua vibrare coruscos ignes, & sruire fulminibus suetus est; tum deinde secreta rimantem, feruenti nullas, submotisq. arbitris, circumiectas prolibus diripientem membranulas, feruentiq. adhuc matri velut quasdam insulas eliciendæ miserationis

nis offerentem : deductum, pallidum, faucium, simulantem doloris cruceſ ; & ad fidem factō faciendam, arietino ſanguine coinquinatum, & mendacia vulneris laneis faſcijs, linteoliſq. contextum. Hoccine audiui & perlegi ſub mundi hoc axe? & eos, qui hæc tractant, exiſtimari ſe velle pios, ſanctos, religionumq. cuſtodes? Eſtne aliquod ſacrilegium hoc maius? aut vlla gens inueniri tam irreligioſis poteſt opinionibus prædita, quam quæ talia credit, aut accipit, aut ſacrorum intimis in myſterijs prodit? Iupiter ille (quicumque eſt) ſi ſentiret ſe eſſe, aut ſi vllō ſenſu afficeretur iniuriæ, nonne digna res eſſet, propter quam iratus, & percitus, terram noſtris ſubduceret grefſibus, Solis luminæ extingueret, atque Lunæ, quinimo res omnes in antiquæ ſpeciem confunderet vnitatis? Vultis enim conſideremus myſteria, & illa diuina, quæ Theſmophoria nominantur à Græcis, quibus gente ab Attica ſancta illa peruigilia conſecrata ſunt, & Phannicijs nō graue; vultis inquā, videamus, quas origines habeant, quasve cauſas, vt Athenas etiam probeamus ipſas humanitatis artibus, ſtudijsq. pollentes, tam in Deos dicere contumelioſa quā diſtent alij, nec minora ab eis probra, quā ceteris obijciātur, à vobis religionis ſub ſpecie publicari? Quodam (inquiunt) tempore, cum in Siciliæ pratulis purpureos legeret nondum mulier flores, & adhuc virgo Proſerpina, cumque illam per floreā meſſem huc atque illuc paſſim lectionis cupiditas auocaret, per profundæ altitudinis ſpeluncam Rex proſiliens manium, raptam virginem ſecum vehit, & terrarum abſconditur ſucceſſibus rursus. Quod cum factum neſciret Ceres, nec filia eſſet, vbinam gentium ſuſpicaretur, intendit animum perditam toto in orbe conquirere, ſumit faces geninas, flāmis onere preſſas Aetneis, quibus ſibi præluceſ pergit ire quaſitum terrarum in regionibus cunctis. In iſtius conquiſitionis errore, Eleuſinos etiā peruehitur fines (pagi iſtud eſt nomen regione in Attica conſtituti) qui illud temporis hæc partes incolebant terrigenæ, quibus nomina hæc fuerant. Baubo Triptolemus capellarum Diſaulis cuſtos Euboleus porcorum gregis Lanitij Eumolpus, à quo gens & fuit Eumolpidarum, & ducitur clarum illud apud Cecropios nomen, & qui poſtea floruerunt Caduceatores Hierophantæ, atque præcones. Igitur Baubo illa, quam incolam diximus Eleuſini fuiſſe pagi, malis multiſormibus fatigatam accipit hoſpitio Cererem, adulatur obſequijs mitibus, reſcindi corporis rogat curam, vt habeat; ſitienti ardori oggerit potionem Cynum Cyceonem, quā nuncupat Græcia: auerſatur, & reſpicit humanitatis officia mærens Dea, nec eam fortunam perpetitur valetudinis meminiffe communis. Rogat illa atque hortatur contra (ſicut mos eſt in huiusmodi caſibus) ne faſtidium ſux humanitatis aſſumat: obſtinatiſſime durat Ceres, & rigoris indomiti perſtinaciam retinet. Quod cum ſæpius fieret, neque vllis quiret obſequijs ineluctabile propoſitum fatigari, vertit Baubo artes, & quam ſerio non quibat allicere, ludibriorum ſtatuit exhilarare miraculis: partem illam corporis, per quam ſexu femineam, & ſobolem proderet, & nomen ſolet acquirere genericum, longiore ab incuria liberat, facit ſumere habitum puriorē, & in ſpeciem leuigari nondum duri atque ſtriculi puſionis: redit ad Deam triſtem, & inter illa communia, quibus moris eſt frangere, ac temperare mærores, reteggit ſe ipſam, atque omnia illa pudoris loca reuelatis monſtrat inguinibus, atque pubi affigit oculos Diua, & inauditi ſpecie ſolaminis paſcitur,

fecit, tum diffusior facta, per risum aspernatam sumit, atque ebibit potio-
nem, & quod diu nequirit verecundia Baubonis exprimere, propudiosi faci-
noris extorsit obscenitas. Calumniari nos improbe, si quis fortè hominum
suspiciatur, librosumat Threijci vatis, quos antiquitatis memoratis esse di-
uinæ, & inueniet nos nihil, neque callide fingere, neque quo sint risui Deum
quare, atque efficere sanctitates: ipsos namq. in medio ponemus versus,
quos Calliopes filius ore edidit Græco, & cantando per sæcula iuri publica-
uit humano.

Sic effata, simul vestem contraxit ab imo,
Obiecitq. oculis formatas inguinibus res,
Quas caua succutiens Baubo manu, nam puerilis
Olli vultus erat, plaudit contrectat amicè.
Tum Dea defigens augusti luminis orbes
Tristitias animi paulum, mollita reponit:
Inde manu poculum sumit, risuq. sequenti
Perducit totum Cyceonis læta liquorem.

*Constructio admirabilis templi Serapis, & quomodo fuerit sub-
uersum, & ortus superstitionis, qua in ipso vigeat.*

Cap. 9.

EVsebius vero Cæsariensis in Ecclesiastica historia quam scripsit, talia, *Euseb. in
hist. Eccle-
lib. 11. c. 23*

Serapis apud Alexandriam templum auditum quidem omnibus puto, ple-
risque vero etiam notum. Locus est non natura, sed manu & constructione
per centum, aut eo amplius gradus in sublime suspensus; quadratis & in-
gentibus spatijs omni ex parte distentus, cuncta vero quoad summum pau-
mentum euadatur, opere forniceo constructa, quæ immixtis desuper lumi-
naribus, & occultis adytibus inuicem in semet distinctis, vsum diuersis mi-
nisterijs, & clandestinis officijs exhibebant. Iam vero in superioribus ex-
trema totius ambitus spacia occupant exedrae, & pastophoria, domusq. in
excelsum porrectæ, in quibus vel Aeditui, vel ij, qui se castificant, cōmanere
soliti erant. Porticus quoque post hæc omnem ambitum quadratis ordini-
bus distincte intrinsecus circuibant; in medio totius spatij ædes erat pretio-
sis edita columnis, & marmoris saxo extrinsecus ample, magnificeq. con-
structa. In hac simulacrum Serapis ita erat vastum, vt dextera vnum parietē,
alterum læua perstringeret. Quod mōstrum ex omnibus generibus metallo-
rum, lignorumq. compositum ferebatur. Interiores delubri parietes, lami-
nis primo aureis vestiti, super has argenteis, ad postremum æris habebantur,
quæ munimento pretiosioribus metallis forent. Erat etiam quædam ad stu-
porem, admirationemq. videntium, dolis & arte composita fenestra per-
exigua abortu Solis, ita aptata, vt die, qua institutum fuerat, simulachrum
Solis ad Serapim salutandum introferri, diligenter templi foribus obseratis
ingrediente Simulachro, radius Solis per eandem fenestram directus, os, &
labra Serapis illustraret, ita vt inspectante populo, osculo salutaris Sera-
pis videretur à Sole. Erat & aliud fraudis genus huiusmodi. Natura lapis
magnes huius virtutis esse perhibetur, vt ad se rapiat, & attrahat ferrum.

Signum

Signum Solis ad hoc ipsum ex ferro subtilissimo manu artificis fuerat fabricatum, ut lapis (cuius naturam ferrum ad se trahere diximus) desuper in laquearibus fixus, cum temperate sub ipso ad libram fuisset positum simulachrum, ut naturali ad se raperet ferrum, ad surrexisse paululum simulachrum, & in aere pendere videretur, Et ne hoc lapsu propero proderetur, ministri fallaciae, surrexit (aiebant) sol, ut tale dicens, Serapi discedat ad propria. Sed & multa alia decipiendi causa à veteribus in loco fuerant constructa, quæ nunc longum est enumerare per singula. Verum (ut dicere cœperamus) rescripto recitato parati quidem nostrorum populi ad subuertendum erroris authorem, persuasio tamen quædam ab ipsis gentilibus fuerat dispersa, quod si humana manus simulachrum illud contigisset, terra dehiscens illico solueretur in chaos, cælumq. repente præceps. Quæ res paululum stuporem, quemdam populis dabat. Cum ecce vnus ex militibus, fide, quam armis magis munitus, correptam bipennem insurgens omni nisu maxillæ veteratoris illidit. Clamor attollitur verorumq. populorum, neque tamen aut cælum ruit, aut terra descendit. Inde iterum atque iterum repetens putris ligni fumosum genium cedit. Quodque deiectum igni adhibito, tam facile, quam lignum aridum conflagrauit. Post hæc reuulsum ceruicibus & depressum modo trahitur caput. Tum pedes, aliaq. membra cesa securibus, & rapta funibus distrahuntur, ac per singula loca membratim in conspectu cultricis Alexandriæ senex veternosus exurit. Ad vltimum truncus, qui superfuerat in amphitheatro concrematur, vanæq. superstitionis & erroris antiqui, ac Serapis, hic finis fuit. De cuius origine diuersa fertur opinio paganorum. Alij Iouem putant, cuius capiti modius superpositus, vel quia cum mensura, modoq. cuncta indicet moderari, vel vitam mortalibus frugum largitate præberi. Alij virtutem Nili fluminis, cuius Aegyptus opibus, & fecunditate pascatur. Quidam in honorem nostri Ioseph modum perhibent simulachrum ob dimensionem frumenti, qua famis tempore subuenit Aegyptijs. Alij repertum in historijs Græcorum veteribus, ferunt Apim, quemdam patremfamilias, seu Regem in Aegypto Memphis positum cum famis tempore frumenta apud Alexandriam defecissent, ex proprio affatim ciuibus alimenta præbuisse. Quo defuncto in honorem eius instituerunt apud Memphim templum, in quo bos, quasi indicium optimi agricolæ nutritur, habens quædam coloris insignia, qui ex nomine eius Apis appellatur. Soron vero, idest sepulchrum, in quo corpus eius inerat, Alexandriam deduxerunt, & Soronapis primo ex compositione Serapin, post vero per corruptionem, Serapin nominatum. Quod verum sit, aut nihil omnino, de his Deus viderit. Sed ad incæptum redeamus.

Infandæ fraudes Paganorum in templo Serapis, quæ detectæ, & abolitæ sunt. Cap. 10.

*Euseb. Cæs.
hist. Eccl.
lib. 11. cap.
24.*

Post hæc, capite ipso Idolatriæ deiecto, studijs vigilantissimi sacerdotis, quæcumque fuerant per totam Alexâdriam portenta potius quam simulachra, pari exitu, & simili dedecore publicantur. Horret animus dicere, qui miseris mortalibus laquei à Dæmonibus præparati sunt. Quæ funera, quæ scelera in illis, quæ dicebantur abdita, tegebantur. Quot ibi infantum

desecta

defecta capita inauratis labris inuenta sunt, quot miserarum cruciabiles mortes depictæ. Quæ cum proderentur in lucem, ac sub auras prolata ferrentur, licet confusione ipsa Gentiles & pudore diffugerent, tamen si quis adesse potuit, mirabatur tot seculis se illis tam nefarijs, & tam pudendis fraudibus irretitum. Vnde & plurimi ex his condemnato errore & scelere deprehensos, fidem Christi, & cultum veræ religionis amplexi sunt. Nam ut omittam cetera flagitia, quæ in alijs locis vi necatis paruulis, despiciatisq. ob fibrarum inspectionem virginibus gerebantur, in vnum solummodo, quod in templo Saturni geri, ad omnium venit conscientiam, memorabo, ex quo etiam cetera, quæ omisimus prepdantur.

Insignis fraus cuiusdam sacerdotis Saturni, qui arte callida adulterium in templo cum mulieribus Alexandria committebat. Cap. 11.

Sacerdos erat apud eos Saturni, Tirannus nomine. Hic quasi ex responso numinis adorantibus in templo nobilibus quibusq. & primarijs viris, quorum sibi matronæ ad libidinem placuissent, dicebat, Saturnum præcepisse, ut vxor sua pernoctaret in templo. Tum is, qui audierat, gaudens, quod vxor sua dignatione numinis vocaretur, exornatam comptius insuper, & donarijs onustam, ne vacua scilicet repudiaretur, coniugem mittebat ad templum. In conspectu omnium conclusa intrinsecus matrona, Tirannus ianuis clausis, & traditis clauibus discedebat. Deinde facto silentio, per occultos, & subterraneos aditus intra ipsum Saturni simulachrum patulis irrepebat cauernis. Erat autem simulachrum illud à tergo exesum, & parieti diligenter annexum, ardentibusq. intra ædem luminibus, intentæ, supplicantiq. mulieri vocem subito per simulachrum æris concaui proferebat, ita ut pauore & gaudio infelix mulier trepidaret, quod dignam se tanti numinis putaret alloquio. Posteaquam vero, qui libitum fuerat, vel ad consternationem maiorem, vel ad libidinis incitamentum disseruisset, numen impurum arte quadam lineolis obductis, repente lumina exinguebantur vniuersa. Tum descendens obstupefactæ, & consternatæ mulierculæ adulterij fucum, prophanis commentationibus inferebat. Hæc cum per omnes miserorum matronas, multo iam tempore gererentur, accidit quandam pudicæ mentis feminam horruisse facinus, & attentius designantem cognouisse vocem Tiranni, ac domum regressam, viro de fraude sceleris indicasse. Ille de iniuria coniugis, imo potius sua, ardentius inflammatus, inscriptum Tirannum ad tormenta deducit. Quo conuicto, atque confesso, ceterisq. fraudibus reuelatis, pudor omnes, & dedecus paganorum peruasera domos, adulteris Patribus, incertis patribus, liberis ipurijs deprehensis. Quibus diuulgatis & proditis rapim cum simulachris, & ædibus excidebantur & crimina.

Euseb. Cas.
in hist. Ecc.
l. 11. cap.
25.

Monstruosus error, & superstitiosum flagitium Sacerdotis Canopi, qui arte callida Deum suum aliorum Deorum victorem fecit.

Cap. 12.

Um vero Canopi quis enumeret superstitiosa flagitia, vbi prætextu sacerdotalium literarum (ita etenim appellant antiquas Aegyptiorum

Euseb. Cas.
in hist. Ecc.
l. 11. cap.
26.

litteras) magicæ artis erat penè publica schola . Quem locum velut fontem quendam, atque originem Dæmonum, in tantum venerabantur Pagani , vt multo ibi maior celebritas, quàm apud Alexandriam haberetur . Sed de huius quoque monstri errore cuiusmodi originem tradât, absurdum non erit paucis exponere . Ferunt aliquando Chaldæos ignem Deum suum circumferentes, cum omnium prouinciarum Deis habuisse conflictum . Quo scilicet , qui vicisset , hic esse Deus ab omnibus crederetur . Reliquarum Prouinciarum Dij, æris, aut argenti, aut ligni, vel lapidis , vel ex quacumque materia constabant , quæ per ignem proculdubio corrumpere . Ex quo fiebat, vt ignis locis omnibus obtineret . Hæc cum audisset Canopi sacerdos, callidum quiddam excogitauit . Hidriæ fieri solent in Aegypti partibus fistiles , vndique crebris , & minutis admodum foraminibus patulæ , quibus turbida aqua defudans, defæcior, ac purior redditur . Harum ille vnâ cera foraminibus obturatis, desuper etiam varijs coloribus pictam, aqua repletam , statuit , vt Deum . Et excisum veteris simulachri , quod Menelai Gubernatoris ferebatur , caput desuper positum diligenter aptauit . Adsunt posthæc Chaldæi . Igitur in conflictum circa Hidriam ignis accenditur, cera, qua foramina fuerant obturata, resoluitur, sudante Hidria, ignis exinguitur, Sacerdotis fraude Canopus Chaldæorum victor ostenditur . Vnde ipsum Canopi simulachrum pedibus perexiguus attracto collo , & quasi sugillato , ventre tumido in modum hidriæ cum dorso æqualiter tereti , formatur , & ex hac persuasione velut Deus victor omnium colebatur . Sed profecerint hæc fortasse aliquando Chaldæis . Nunc vero aduentante Sacerdote Dei Theophilo, nullus profuit sudor , nec ceris fraus obrecta subuenit . Vastata sunt omnia, atque ad solum deducta .

Maxima Nili fluminis inundatio, post deiectum Serapim, quo modo fraudem antiquam testata sit. Cap. 13.

Euseb. Cas. in hist. Eccles. ca. 30. lib. 11.

Sane quoniam moris erat in Aegypto, vt mensura ascendentis Nili fluminis ad templum Serapis deferretur, velut ad incrementi aquarum, & inundationis authorem . Subuerso eius simulachro, igniq. consumpto, omnes simul negabant Serapim iniuriæ memorem, aquas vltra, & affluentiam solitam largiturum . Sed vt ostenderet Deus, non Serapim, qui multo erat Nilo posterior, sed se esse , qui aquas fluminis, temporibus suis iuberet excrecere , tanta ex eo , & deinceps fuit inundatio , quantam fuisse prius ætas nulla meminerat . Et ideo vlna ipsa, idest, aquæ mensura, quam Poechim vocant, ad aquarum Dominum in Ecclesia cæpta deferri . Sed vbi hæc gesta religioso Principi nunciata sunt , extentis ad cælum palmis, cum ingenti fertur exultatione dixisse: Gratiâs tibi Christe, quod absque Urbis magna pernicie, tam verustus error extinctus est .

Derisio multiplicium Deorum, qui nefando cultu toto orbe Romano turpiter colebantur, & miserabilis status totius mundi. Cap. 14.

Aug. de Ciuit. Dei li. 6. cap. 7.

Sed & Diuus Augustinus magis quàm ceteri absurdam Romanorum impietatem prosequitur , obijciens illis stultissimam religionem , quæ apud

apud ipsos vigeat, ubi inter cetera hæc habet.

Reuocatur igitur ad theologiam ciuilem theologia fabulosa, theatrica, scenica indignitatis, & turpitudinis plena. Et hæc tota, quæ merito culpanda, & respuenda iudicatur, pars huius est, quæ colenda, & obseruanda censetur, non sane pars incongrua, sicut ostendere institui, & quæ ab vniuerso corpore aliena importune illi connexa atque suspensa sit, sed omnino consona, & tamquam eiusdem corporis membrum, conuenientissime copulata. Quid enim aliud ostendunt illa simulachra, formæ, ætates, sexus, habitus Deorum? Nunquid barbatum Iouem, imberbem Mercurium poetæ habent, Pontifex non habet? Nunquid Priapo Mimi non etiam sacerdotes enormia pudenda fecerunt? An aliter stat adorandus in locis sacris, quam procedit ridendus in theatris? Num Saturnus senex, Apollo Ephebus, ita personæ sunt histrionum, ut non sint statux delubrorum? Cur Ferculus, qui foribus præest, & Limentinus, qui limini, dii sunt masculi, atque inter hos Cardea femina est, quæ cardinem seruat? nonne ista in rerum diuinarum libris reperiuntur, quæ graues poetæ suis carminibus indigna dixerunt? numquid Diana theatrica portat arma, & vrbana simpliciter virgo est? Nūquid scenicus Apollo citharista est, & ab hac arte Delphicus vacat? sed hæc honestiora sunt in comparatione turpiorum. Quid de ipso Ioue senserunt, qui eius nutricem in Capitolio posuerunt? Nonne attestati sunt Eumero, qui omnes tales Deos non fabulosa garrulitate, sed historica diligentia homines fuisse, mortalesque conscripsit? Epulones etiam Deos parasitos Iouis ad eius mensam, qui constituerunt, quid aliud quam mimica sacra esse voluerunt? Nam parasitos Iouis ad eius conuiuium adhibitos si minus dixisset, risum utique quæsisse videretur. Varro dixit: non cum irrideret Deos, sed cum commendaret, hoc dixit, diuinarum, non humanarum rerum libri, hoc eum scripsisse testantur. Nec ubi ludos scenicos exponebat, sed ubi Capitolina Iura pandebat. Denique à talibus vincitur, & facetur, sicut forma humana Deos fecerunt, ita eos delectari humanis voluptatibus credidisse. Non enim & maligni spiritus suo negotio defuerunt, ut has noxias opiniones humanarum mentium ludificatione firmarent. Vnde etiam illud est, quod Herculis ædituus, ociosus, atque feriatuus, lusit tesseriis secum vtraque manu alternante, in vna constituens Herculem, in altera seipsum, sub ea conditione, ut si ipse vicisset, de stipe templi sibi cœnam pararet, amicamque conduceret; si autem victoria Herculis fieret, hoc de pecunia sua voluptati Herculis exhiberet, deinde cum à seipso, tamquam ab Hercule victus esset, debitam cœnam, & nobilissimam meretricem lauretinam Deo Herculi dedit. At illa cum dormisset in templo, vidit in somnis Herculem sibi esse commixtum, sibi que dixisse, quod inde discedens, cui primum iuueni obuia fieret, apud illum esset inuentura mercedem, quam sibi credere deberet ab Hercule persolutam. Ac sic abeunti, cum primus Iuuenis ditissimus, Taruntius occurrisset, eamque dilectam secum diutius habuisset, ille hærede relicta, defunctus est. Quæ amplissimam adeptæ pecuniam, ne diuinæ mercedi videretur ingrata, quod acceptissimum putauit esse numinibus, populum Romanum etiam ipsa scripsit hæredem, atque illa non comparente, inuentum est testamentum, quibus meritis eam ferunt etiam honores meruisse diuinos.

Hæc si Poetæ fingerent, si Mimi agerent ad fabulosam Theologiam dicerentur

rentur proculdubio pertinere, & à civilis Theologiæ dignitate separanda iudicarentur. Cum vero hæc dedecora non Poetarum, sed populorum, non Mimorum, sed sacrorum, non Theatrorum, sed templorum, idest non fabulosa, sed civilis Theologiæ à tanto authore produntur, non frustra histriones ludicris artibus fingunt Deorum, quæ tanta est, turpitudinem, sed planè frustra sacerdotes velut sacris ritibus conantur fingere Deorum, quæ nulla est, honestatem. Sacra sunt Iunonis, & hæc in eius dilecta Insula Samo celebrantur, vbi nuptum data est Ioui. Sacra sunt Cereris, vbi à Plutone rapta Proserpina quæritur. Sacra sunt Veneris, vbi amatus eius Adonis aprino dente extinctus iuuenis formosissimus plangitur. Sacra sunt matris Deum, vbi Atys pulcher adolescens ab ea dilectus, & muliebri zelo abscissus, etiam hominum abscissorum, quos Gallos vocant, infelicitate deploratur. Hæc cum deformiora sint omni scenica sceditate, quid est, quod fabulosa de Dijs figmenta poetarum ad theatrum videlicet pertinentia, velut discernere ad Urbem volunt, quasi ab honestis & dignis indigna & turpia? Itaq. potius est, vnde gratiæ debeantur histrionibus, qui oculis hominum pepercerunt, nec omnia spectaculis nudauerunt, quæ sacrarum ædium parietibus oculantur. Quid de sacris eorum boni sentiendū est, quæ tenebris operiuntur, cum tam sint detestabilia, quàm proferantur in lucem? Et certè quid in occulto agant per abscissos, & molles, ipsi viderint. Eisdem tamen homines infelicitè, ac turpiter eneruatos, atque corruptos minime occultare poterunt.

Alia Gentilium deliramenta circa Numina sua, in quibus perspicitur, quàm obcecata essent mentes Gentium, & in quot puteos errorum prolapsæ erant, ex quibus eruit eas Christi gratia. Cap. 15.

*August. de
Ciu. Dei li.
6. c. 9.*

Quid ipsa numinum officia, tam viriliter, minutatimq. concisa, propter quod eis dicunt pro vniuscuiusque proprio munere supplicari oportere? Vnde non quidem omnia, sed multa iam diximus. Nonne scurrilitati mimicæ magis quàm diuinæ consonant dignitati? Si duas quisque nutrices adhiberet infanti, quarum vna nihil nisi escam, altera nihil nisi potum daret, sicut isti ad hoc duas adhibuerunt deas, Edulicam & Potinam, nempe desipere, & aliquid mimo simile in sua domo agere videretur. Liberum à liberamento appellatum volunt, quod mares in coeundo per eius beneficium emissis feminibus liberentur. Hoc idem in feminis agere Liberam, quam etiam Venerem putant, quod & ipsas perhibeant semina emittere, & ob hoc Libero eandem virilem corporis partem in templo poni, feminam Liberæ. Ad hæc addunt mulieres attributas Libero & vinum, propter libidinem concitandam. Sic Bacchanalia summa celebrantur infania, vbi Varro ipse confitetur à Bacchantibus talia fieri non potuisse, nisi mente commota. Hæc tamen postea displicuerunt Senatui faniori, & ea iussit auferri. Saltem hic tandem forsitan senserunt, quid immundi spiritus, dum pro Dijs habentur, quid in hominum possint mentibus. Hæc certè non fierent in Theatris. Ludunt quippe ibi, non furunt, quamuis Deos habere, qui etiam ludis talibus delectentur, simile sit furoris. Quale autem illud est, quod cum religiosum

giosum à superstizioso ea distinctione discernat, ut à superstizioso dicat timeri Deos, à religioso autem tantum vereri, ut parentes, non ut hostes timeri, atque omnes ita bonos dicat, ut facilius sit eos nocentibus parcere, quàm lædere quemq. innocentem? Tamen muliere scæta post partum tres Deos custodes commemorat adhiberi, ne Sylvanus Deus per noctem ingrediatur, & vexet, eorumq. custodum significandorum causa tres homines noctu circumire limina domus, & primo limen securi ferire, postea pilo, tertio deurrere scopis, ut his datis culturæ signis, Deus Sylvanus prohibeatur intrare, quia neque arbores cæduntur ac putantur sine ferro, neque far conficitur sine pilo, neque fruges coaceruantur sine scopis. Ab his autem tribus rebus tres nuncupatos Deos: Intercidonem à securis intercisione; Pylum, à pilo; Deurram à scopis, quibus Dijs custodibus contra vim Dei Sylvani foeta conseruaretur.

Ita contra Dei nocentis scuitiam non valeret custodia bonorum, nisi plures essent aduersus vnum. eiq. aspero, horrendo, inculto, utpotè syluestri signis culturæ, tamquam contrarijs repugnarent. Istanè est innocentia Deorum? ista concordia? Hæcine sunt numina salubria vrbium, magis ridenda, quàm ludibria poetarum & theatrorum? Cum mas & femina coniunguntur, adhibetur Deus Iugatinus. sit hoc ferendum. Sed domum est duenda quæ nubit, adhibetur Deus Domiducus. Ut in domo sit, adhibetur Deus Domitius. Ut maneat cum viro, additur Dea Manturna. Quid ultra queritur? Parcatur humanæ verecundiæ, peragat cetera concupiscentia carnis & sanguinis, procuratò secreto pudoris. Quid? impletur cubiculum turba numinum, quando & paranimphi inde discedunt? Et ad hoc impletur, non ut Deorum præsentia cogitata maior sit cura pudicitiae, sed ut feminae sexu infirmæ, nouitate pauidæ, illis cooperantibus sine vlla difficultate virginitas auferatur. Adest enim Dea Virginefis, & Deus Pater Subigus, & Dea mater Prema, & Dea Partunda, & Venus, & Priapus. Quid est hoc? Si omnino laborantem in illo opere virum ab Dijs adiuuari oportebat, non sufficiebat aliquis vnus, aut aliqua vna? Nunquid Venus sola parum esset, quæ ob hoc etiam dicitur nuncupata, quod sine eius vi, femina Virgo esse non desinat? si vlla est frons in hominibus, quæ non est in numinibus, nonne cum credunt coniugati tot Deos vtriusque sexus esse præsentis, & huic operi instantes, ita pudore afficiuntur, ut & ille minus moueatur, & illa plus reluctetur? Et certè si adest Virginefis Dea, ut Virgini zona soluatur, si adest Deus Subigus, ut viro subigatur; si adest Dea Prema, ut subacta, ne se commoueat, comprimatur, Dea Partunda ibi, quid facit? Erubescat, eat foras, agat aliquid & maritus. Valde inhonestum est, ut quid vocatur illa, impleat quisquam nisi ille. Sed fortè ideo toleratur, quia Dea dicitur esse, non Deus; nam si Deus masculus crederetur, & partundus vocaretur, maius contra eum pro vxoris pudicitia posceret maritus auxilium, quàm foeta contra Sylvanum. Sed quid hoc dicam, cum ibi sit, & Priapus nimis masculus, super cuius immanissimum, & turpissimum fascinum sedere noua nupta iubebatur, more honestissimo, & religiosissimo matronarum? Eant adhuc & ciuilem Theologiam à Theologia fabulosa, Vrbes à theatris, templa à scenis, sacra pontificum à carminibus poetarum, velut res honestas à turpibus, veraces à fallacibus, graues à leuibus, serias à ludicris, appetendas

tendas à respuendis, qua possunt quasi conentur subtilitate discernere.

Rursus alia portentosa monstruositates, & nefandus culeus falsorum Deorum omni turpitudine plenus. Cap. 16.

*Aug. de ci-
uit. Dei, l.
7. cap. 26.*

I Temq. de mollibus eidem Matri Magnæ contra omnem virorum, mulierumq. verecundiam consecratis, qui vsque hesternum diem madidis capillis, facie dealbata, fluentibus membris, incessu femineo per plateas, vicofq. Chartaginis etiam à populis, vnde turpiter viuerent, exhibebant, nihil Varro dicere voluit, nec vsquam me legisse commemini. Defecit interpretatio, erubuit ratio, conticuit oratio. Vicit Matris Magnæ omnes Deos filios non numinis magnitudo, sed criminis. Huic monstro, nec monstruositas Iani comparatur: Ille in simulachris habebat solam deformitatem, ista in sacris deformem crudelitatem. Illi membra in lapidibus addita, hæc in hominibus perdita. Hoc dedecus tot Iouis ipsius vitia, & tanta supra non vincunt. Ille inter femineas corruptelas vno Ganymede cælum infamauit, ista tot mollibus professis & publicis, & inquinauit terram, & cælo fecit iniuriam. Saturnum fortasse possemus huic in isto genere turpissimæ crudelitatis, siue conferre, siue præferre, qui patrem castrasse perhibetur, sed in Saturni sacris homines alienis manibus potius occidi, quam suis abscidi potuerunt. Deuorauit ille filios suos, & vt poetæ ferunt, & physici ex hoc interpretantur, quod volunt; vt autem historia prodit, necauit. Sed quod ei Pæni suos filios sacrificauerunt, non recepere Romani. At vero ista magna Deorum Mater etiam Romanis templis castratos intulit, atque ista scititiam moremque seruauit credita vires adiuuare Romanorum, exsecrâdo virilia virorum, Quid sunt ad hoc malum Mercurij furta, Veneris lasciuia, supra, & turpitudines ceterorum, quæ proferremus de libris, nisi quotidie cantarentur, & saltarentur in theatris? Sed hæc qui sunt ad tantum malum, cuius magnitudo magnæ Matri tantummodo competeat, præsertim quod illa dicuntur à Poetis esse conficta, quasi Poetæ id etiam finxerint, quod ea sint Dijs grata, & accepta? Vt ergo cantarentur, vel scriberentur, audacia fuit, vel petulantia poetarum; vt vero diuinis rebus, & honoribus eisdem imperantibus & extorquentibus numinibus adderentur, quid est nisi crimen Deorum, immo vero confessio dæmoniorum, & deceptio miserorum. Eo autem incurrerat apud Romanos mentis cæcitas & in colendis Dijs falsis insania, vt crederent Deos suos, rerum venerearum cupidos esse, & libidinibus commoueri, & mulieres hominum more adamare, & amplexus concupiscere, & concubitus appetere, & adulteria committere, quod apud homines erat scelus, Dijs permissum arbitrabatur. Sed enarremus huiusmodi exemplum, vt clarius splendescat puritas, & candor Christianæ veritatis.

Cap. 17.

*Joseph. ant.
iq. lib. 18.
cap. 7.*

IN templo Isidis, quod Romæ fuerat constitutum, factum quoddam turpitudine plenum, opprobrioque contigit, quod fuit hoc modo. Paulina quædam mulier erat Romæ maiorem dignitate præclara, studio castitatis intenta, honestatis opinione perspicua. Erat etiam opum magnitudi-

ac

ne locuples, & vultus pulchritudine decora: ætate autem, quando maxime mulieres pudicitia decorantur. Hæc nupta erat Saturnino, etiam ipsi genere, opibus, ceteroq. cultu consimili. Huius itaque amore detinetur iuuenis quidam, nomine Mundus, ex numero Equestri, sed in gradu iam emerito constitutus, & dignitate magna sublimis, idoneus etiam ad munera largiendâ, sumptusq. faciendos. Nam memoratæ quoque mulieri maiora dona, promiserat, quæ illa contemnente, maximo fuerat amore succensus, ut etiam viginti myriadas drachmarum Atticarum se daturum pro vno concubitu spondisset. Sed neque sic illa deflexa est. Tum ille nimiam infelicitatem morbi sustinens: si quidem neque cibum volebat accipere, morti se addixerat, hoc vnum sibi iudicans tanti mali fore remedium. Et ille quidē tale decretum animo infigens, per dies singulos hoc agebat, ut celeri morte raperetur. Erat autem eidem Mundo liberta quædam ex parentibus, nomine Ida, omnium malorum & iniquitatum coagulum. Quæ graviter ferens, quod ille iuuenis se damneret in mortem (nam clarebat omnino periturus) accedens erexit eum: & cepit cum eo talia fabulari, quæ animum eius bonæ spei facerent. Promittebat se namque acturum apud Paulinam, ut quinque myriadas accipiens, concederet iuueni, quod volebat. His itaque dictis iuuenem de morte reuocans, sumpsit ab eo pecuniæ quantum placuerat, sed non eadem via Paulinam aggreditur, qua fuerat ante tentata: cernens animum mulieris nullo modo capi pecunijs. Sciens vero, quod admodum esset illa cultura Isis occupata, tale aliquid machinatur. Accedit ad quosdam ex templo Isis sacerdotes, quibus interpositione iusiurandi fidem seruare persuasit, dans etiam in præsentem duas myriadas, & dimidiam; promittens etiam aliud tantum, si quod vellet, habuisset effectum. Tunc causam aperit, amorem iuuenis indicat: orat, ut & mulierem quibus possent modis, inducerent. Illi autem pecuniarum cupidine capti promittunt quicquid imperaret, protinus impleturos: præsertim autem ipse Maximus sacerdotum, ut Paulinam conueniret, ac suis verbis impleret, pollicetur. Finxit itaque se ex Aegypto venisse ab Anubi destinatum, quod is grandi circa Paulinam, amore teneretur, eumq. Deum sibi iussisse, ut Romam veniret, mulieriq. præcepta numinis apportaret. Libenter illa & exoptabiliter suscipit, atque ad amicas gloriando denuntiat, quod ab Anubi tali merito digna iudicaretur. Hoc etiam indicat & marito, quod ab ea thorum & cœnam Anubis concupiscat. Ille autem grate concessit, pudicitiam coniugis non ignorans. Illa igitur pergit ad templum, & cum cœnasset, tempusq. quiescendi venisset, vniuersæ ianux à sacerdote clauduntur, cuncta quoque lumina subtrahuntur: Mundus autem intro latebat occultus. Qui postquam silētium factum est, ad mulierem deuenit. Illa autem existimans Deum esse, reuerenter accipit: atque ita cum ea Mundus pernoctans, circa viciniam lucis abscessit. Illa, autem mane facta consurgens, atque ad suum virum veniens, aduentum ad se numinis enarrauit. Similiter etiam loquitur ad amicas, magnam sibi ex hoc glorificationē reputans prouenisse: & quia verba quoque ad illam fecisset Anubis, indicabat. Sed ex audientibus alij non credebant, naturam insipientes rei, alij autem credebant: quidam vero ad miraculum ducebant, pudicitiam attendentes, dignitatem referentes. Tertia vero die, postquam factum est, occurrens ei Mundus: O Paulina, inquit, saluasti mihi viginti

C

myria-

myriadas, quas potuisses familiaribus tuis rebus adijcere, nunc autem nec meis postulationibus defuisti, & damnificatione liberaisti. Nam in templo tota nox à te cum Mundo peracta est: nec mei nominis interest voluptate percepta. Nihil enim ad perficiendum negotium obfuit, quod Anubis vocatus sum. Et ille quidem talia locutus abscessit. Illa vero in mentem suam redigens; tunc primum illud facinus intellexit: & scissis protinus vestimentis ad virum accurrit, fictionemque aperuit tam magni facinoris, deprecata ne suam iniuriam negligeret. At ille Imperatori cuncta denuntiat. Tunc Tyberius diligenter causam examinans, vniuersum sacerdotum scelus inuenit: & ipsos quidem cum Ida, quæ causa totius iniquitatis extiterat, adegit in cruces: templum autem ipsum funditus euertit, statuamque Isidis in Tybrim fluvium iactari præcepit. Mundum autem exilio condemnauit, dignum eum maiore poena non iudicans, quod amoris vehementia deliquisset. Et ea quidem, quæ in templo Isidis prouenire, tali fine conclusa sunt.

Sed ne videantur Christiani Scriptores falso illis tot falsas Deitates imputasse, legatur de eodem argumento M. T. Cicero, qui & ipse Gentilis, hanc Deorum suorum insanam, & monstruosam multipliciter atque originem enarrat. Cap. 18.

*Cic. de Nat.
ura Deor.
lib. 3.*

Piscem Syri venerantur, omne fere genus bestiarum Aegyptij consecrauerunt; iam vero in Græcia multos habent ex hominibus Deos: Alabandū Alabandi: Tenedi Tenem: Leuchotheam, quæ fuit Ino, & eius Palæmonem filium, cuncta Græcia: Herculem Aesculapium, Tintaridas: Romulum nostri, aliosque complures, quos quasi novos, & ascriptitios ciues in cælum receptos putant. hæc igitur indocti. Quid vos Philosophi, qui meliora? Omitto illa, sunt enim præclara, sit sane Deus ipse mundus, hoc credo illud esse sublime cādens, quem inuocant omnes Iouem. Quare igitur plures adiungimus Deos? quanta autem est illorum multitudo? mihi quidem sane multi videntur, singulas enim stellas numeras Deos, easque aut beluarum nomine appellas, ut Capram, ut Lupam, ut Taurum, ut Leonem, aut rerum inanimatarum, ut Argon, ut Aram, ut Coronam. Sed, ut hæc concedantur, reliqua, qui tandem non modo concedi, sed omnino intelligi possunt? cum fruges Cererem, vinum Liberum dicimus, genere nos quidem sermonis utimur vsitato. Sed ecquem tam amentem esse putas, qui illud, quod vescatur, Deum credat esse? Nam quos ab hominibus peruenisse dicis ad Deos, tu reddas rationem, quemadmodum id fieri potuerit, aut cur fieri desierit, & ego discam libenter, quomodo nunc quidem est, nō video quo pacto ille, cui in monte Oetheo illatæ lampades fuerunt, ut ait Actius, in domum æternam patris ex illo ardore peruenerint: quem tamen Homerus conueniri apud Inferos facit ab Vlysse, sicut ceteros, qui excesserant vita, quamquam quem potissimum Herculem colamus, scire sane velim. Plures enim tradunt nobis ij, qui interiores scrutantur, & reconditas litteras: antiquissimum Ioue natum: sed antiquissimo item Ioue: nam Ioues quoque plures in priscis Græcorū litteris inuenimus. Ex eo igitur, & Lysito est is Hercules, quē concertauisse cū Apolline de tripode accepimus. Alter traditur Nilo natus Aegyptius, quem aiunt Phrigias litteras conscripsisse.

fisse. Tercius est ex Ideis Indigenis, cui inferias afferunt: Quartus Iouis Astartæ Latonæ sororis, quem Tyrij maxime colunt, cuius Carthaginem filiam ferunt: quintus in India, qui Belus dicitur: sextus hic ex Alcumenia, quem Iuppiter genuit: sed tertius Iuppiter, quoniam, ut iam docebo, plures Ioues etiam accepimus quando enim me in hunc locum deduxit oratio, docebo meliora me didicisse de colendis Dijs immortalibus Iure pontificio & maiorum more capedunculis his, quas Numa nobis reliquit, de quibus in illa aureola oratiuncula dicit Lælius, quam rationibus Stoicorum. Si enim vos sequar, dic quid ei respondeam, qui me sic roget: si dij sunt, sunt ne etiam Nymphæ deæ? si Nymphæ: Panisci etiā & Satyri? hi autē non sunt; ne nymphæ quidem. deæ igitur: at earū templa sunt publicæ vota, & dedicata, quid igitur? ne ceteri quidē ergo dij, quorum templa sunt dedicata. Age porro Iouem, & Neptunum Deū numeras; ergo etiam Orcus frater eorum Deus, & illi qui fluere apud Inferos dicuntur, Acheron, Cocytus, Styx, Phlegeton, tum Charon, tum Cerberus Dij putandi? at id quidem repudiandum, ne Orcus quidem igitur: quid dicitis ergo de fratribus? Hæc Carneades agebat, non ut Deos tolleret; quid enim philosopho minus conueniens? sed ut Stoicos nihil de Dijs explicare conuinceret. Itaque insequabatur; quid enim aiebat, si ij fratres sunt in numero deorum; num de patre eorum Saturno negari potest, quem vulgo maxime ad occidentem colunt? qui si est deus, patrem quoque eius cælum esse Deum cōstitendum est: quod si ita est, cæli quoque parentes dij habendi sunt, æther, & dies, eorumq. fratres, & sorores, qui à genealogijs antiquis sic nominantur, Amor, dolus, motus, labor, inuidencia, fatum, senectus, mors, tenebræ, miseria, querela, gratia, fraus, pertinacia, parca, hesperides, somnia, quos omnes Erebo, & nocte natos ferunt. Aut igitur hæc monstra probanda sunt; aut prima illa tollenda. Quid? Apollinem, Vulcanum, Mercurium, ceteros Deos esse dices: de Hercule, Aesculapio, Libero, Castore, Polluce, dubitabis? at hi quidem coluntur æque, atque illi: apud quosdam etiam multo magis. Ergo hi Dij sunt habendi mortalibus nati matribus.

Enimvero auctor iste in eo loco innumeras Deorum soboles, & admiratur potuisse Gentes tot Deos confingere, & potuisse colere numina, quæ sibi ipsis tam irrationabiliter confinxerāt. Piget autem scribere, quæcunque ipse in eo loco scribit, ne nimis lectorem in hoc argumento detineam: si cui erit otium illa perlegere, non poterit continere oculos à lachrymis, videns in quales impietatis, & ignorantia abyssos Gentes erant prolapsæ, & laudabit Iesu Christi bonitatem, qui sic dilexit mundum, ut ab eo tam flagitiosos errores exterminauerit.

Sed ex Templis, & Aedibus in vrbe Romana constructis in honorem Deorum vanorum apparebit, quam late regnarent Dæmonia, quæ in templis colebantur apud Romanos, qui & illis offerebant sacrificia, constitutis ad hoc munus Sacerdotibus, & Pontificibus.

Templa, & aedes urbis Romae, in quibus Dæmones habitabant, & colebantur ut Dij. Cap. 19.

*Publius Vi-
Ror de vi-
gionibus Vr-
bis Romæ.*

A Edes Martis .
Aedes Mineræ .
Aedes Tempestatis .
Area Apollinis .
Area Spei .
Templum Claudij .
Campus Martialis .
Antrum Cyclopi .
Regia Tulli Hostilij, templūq. quod
is in curiam redegit, ordine à se
aucto, idest, patribus minorum
gentium .
Templum Pacis .
Templum Remi .
Templum Veneris .
Templum Faustinz .
Templum Telluris .
Balineum Daphnidis .
Area Vulcani cum Vulcanali, vbi Lo-
tos à Romulo sata, in qua Area
sanguine per biduum pluit .
Apollo Sandalarius .
Templum Iunonis Lucinz .
Lucus Fagutalis .
Ara Iouis Viminei .
Minerua Medica .
Isis Patricia .
Vicus Bellonz .
Templum Salutis in Colle Quirinali .
Templum Serapeum .
Templum Apollinis & Clatræ .
Templum Floræ, & Circus .
Diuus Fidius in Colle .
Fortuna Publica in Colle .
Templum Quirini .
Lacus Ganymedis .
Nymphæum Iouis .
Templum Solis .
Templum nouum Spei .
Templum nouum Fortunæ .
Templum nouum Quirini .
Sacellum Genij Sangi .
Aedes Victoriz cum alia ædícula

Victoriz virginis DD. à Portio
Catone .
Templum Iulij Cæsaris in Foro .
Victoriz aurea statua in tēplo Iouis
Opt. Max .
Ficus Ruminalis, & Lupercal Virgi-
nis .
Aedes Opis, & Saturni in Vico Iu-
gario .
Templum Castorū ad lacum Iuturnæ .
Templum Concordiæ .
Atrium Mineræ .
Iani duo celebris mercatorū locus .
Templum Vestæ .
Templum Deum Penatium .
Templum Romuli .
Templum Iani .
Ædícula Concordiæ supra Græco-
stasin .
Templum Titi, & Vespasiani .
Aedes Veiovis inter arcem, & Capi-
tolium prope Asylum .
Apollo translatus ex Apollonia à Lu-
cullo xxx. cubitorum .
Delubrum Mineræ .
Ædícula Iuuentæ .
Templum Carmentæ .
Capitolium, vbi omnium Deorum
simulachra celebrantur .
Templum Iouis Opt. Max .
Aedes Iouis Tonantis ab Aug. DD. in
Clivo Capitolino .
Templum vetus Mineræ .
Aedes Herculis victoris duæ, altera
ad Portam Trigeminam, altera in
foro Boario, cognomine rotunda
& parua .
Aedes Matutz .
Vicus Iugarius, idem & Thurarius,
vbi sunt Aræ Opis & Cereris cum
signo Vertumni .
Aedes Vertumni in Vico thusco .
Elephantus herbarius .

Aedes

Aedes antiqua Apollinis cum la- uacro .	Pantheon .
Aedes Herculi magno, Custodi Circi Flaminij .	Templum Boni Euentus .
Aedes Vulcani in Circo Flaminio .	Aedes Bellonæ versus portam Car- mentalem , ante hanc ædem Co- lumna index belli inferendi portus Argonautarum .
Iuppiter Pompeianus .	Iseum .
Delubrum Cn. Domitij .	Serapeum .
Templum Bruti Callaici .	Mineruium .
Campus Martis .	Minerua Chalcydica .
Aedes Iuturnæ ad aquam Virgineam .	

Videbitur forsan alicui, pluribus, quam par esset, nos ostendisse Dæmonū fraudes, qui totum orbem dementauerant; & terræ faciem tam densis tenebris consperserant, ut, qui Deum verum, cæli, & terræ Dominum cognosceret, non esset usque ad vnum. Sed hoc videri non debet superfluum, nam tenebrarum illarum magnitudo, lucis diuinæ gratiam, quæ per Iesum Christum mundo illuxit, facit clarius splendescere. Non enim gentes satis intelligunt, quantæ virtutis fuerit, tanto veritatis fulgore illustrasse orbem, & præbuisse illis sui Creatoris notitiam, & summum bonum, quod apud illam est, manifestasse mortalibus, expulsis prophanis erroribus, contractis simulachris, & templis funditus euersis cum abominatione Idolorum, in quibus Dæmones nequiter latitabant, factiq. mundi huius, & tenebrarum principes, maximā fuerant venerationem consequuti. Dominus ergo Iesus Christus alligauit potestatem illorum, dominium abstulit, fregit vires, ut tamquam canis rabidus catena victi, ad mordendum progredi non possint, nisi qui vltro eorum se ingerat faucibus; rugire potest, nocere non potest, potest circuire, ut deuoret, sed non deuorabit nisi volentem, & Christum non inuocantem.

Audax quidem, & fraudulentum est Dæmonis ingenium, & diuinorum honorum cupidissimū, qui cum iam inde à principio concupiuerit esse velut Deus, & similis Altissimo, quamquam è cælis primum exturbatus, in caligines mundi sit prolapsus, humi repens velut serpens, & deinde à Christo Domino victus, ut præualere non possit, adhuc tamen fraudibus & mendacijs, suisq. artibus insurgit, quærit recuperare amissos honores, pergens suadere hominibus, ut ad ipsius auxilium confugiant, Deum relinquant, imò gaudet, si quispiam ei offerat qualemcumque cultum, & vocatus, præsto est. Cumque hoc aperte facere non potest, transfigurat se in Angelum lucis, ut saltem sub simulata aut Angeli, aut sancti viri apparitione, honorem recipiat, & imprudentes decipiat. Cuius quidem rei plurima habemus exempla, quæ seculo nostro contigerunt, neque ab re fuerit, hic aliqua eius subtexere, cum cetera vberius alibi sint recensenda.

*Mulier incantationibus operam dans, Diabolum inuocans, videt
horribile spectrum. Cap. 20.*

Contigit hic Romæ, superioribus annis, ut Mulier quædam, iuuenilis ætatis, virum haberet mercatorem, qui mercium gratia Mediolanum

C 3

pro-

profectus fuerat; cumque in illa ciuitate moras traheret, neque rediret; sicut sponsæ sponderat, mulier moræ impatiens, nimis erat tristis de viri sui absentia. Et cum conquereretur hac de re coram quadā muliere, quam nesciebat esse maleficam: Docebo te (inquit illa) quid agere debeas, ut conjugem tuum, incolumen recipias; & si egeris quod dicam, vir tuus cito erit in foribus tuis. Credidit illa; & sicut edocta fuit, ita fecit. Media nocte, lucente Luna, aperit fenestram quandam, Mediolanum versus prospiciens, & discincta capillos profert dira quædam carmina, & salem, quem iussa fuerat accipere, & incantationi adhibere, proiecit in viam. Vix sal humum tetigerat, cum ecce Canis ingentis magnitudinis, nigerrimis pilis hirsutus, auribus vsque ad terram pendentibus, atque ex oculis horrendis ignem spirans, apparet in via, & rapido cursu pergit ad locum, vbi erat sal, & odorabatur illum, quasi gustaret suauitatem muliebris impietatis. Quem cum vidisset mulier, contremuit, & horribilem aspectum ferre non valens, descendit à fenestra, obserat valuas illius, & fugit ad cubiculum, vbi filius eius paruulus manebat. paulo post ascendit thorum, ut cubet, erat enim metu consternata. Cum ecce audit vehementissimo impulsu fenestræ valuas concuti, & in mille partes disrumpi, videtq. totum cubiculum suum tremendo quodam lumine repleri, ac si centum ibi faces accensæ essent. Ipsa autem immensum illum fragorem, & insolitum lumen ferre non valens, arreptum puerum strinxit ad pectora, & caput eius stragulis obtexit, ne videret horribile spectrum, & moreretur. Dæmon autem videns illam fidei signo obstrictam, signoq. crucis munitam, nocendi illi potestatem non habuit, sed statim euanuit. Mulier noctem illam duxit insomnem. Cum autem illuxisset dies, fenestræ valuas obseratas inuenit, ut reliquerat. & omnia disposita ut prius, ut vnusquisque videre posset, quantum Diabolo nequam, grata sint quæcumque sibi offeruntur, & quam cito adsit ad decipiendum. Hæc retulit nobis ipsamet mulier, cum iam ad senectutem peruenisset.

Famosa meretrix à Damone illecta & decepta, Deum, & salutem oblita, ab horribili sue percussa, interit miserabiliter.

Cap. 21.

Non definit veterinosus Coluber, & fraudulentus impostor, quia adhuc sibi permittitur ob hominum scelera, rapere oues Dei ab Ecclesia, & mactare, quos Christus viuificauerat.

Mulier quædam Hispana, venit Romam, erat autem formosa nimis. Hæc propter eius pulchritudinem, procurante Diabolo, facta est rete Diaboli. Nam occurrebat iuuenibus in ornatu meretricio, garrula, & vaga, & quietis impatiens, super fenestras, in plateis, vijs, & iuxta angulos insidiabatur, & pretiosas virorum animas capiebat; nutibus, & blanditijs, labiorum, & oculorum aspectu, vulnerabat corda. Statim autem incauti adolescentes sequebantur eam, quasi Agni lasciuiantes, & nescientes, quod Diabolus per illam spargebat flammam ignis conburentis, & antiquum morem renouabat, ut homines in lutulentas libidines impingat, & Deum eorū auferat: semper enim hoc egit Diabolus apud Gentiles, ut eas in sterquilinum libidinum proijceret, & Deum auferret, ut sic animas perderet. Facta autem

erat

erat domus huius mulieris via inferi, deducens in interiora mortis, festinabantq. ad eam libidinosi iuvenes, quasi avis ad laqueum, nescientes quoniam de discrimine vitæ ageretur. Cumque plurimos per eam ad interitum perduxisset, conatus est perdere & ipsam. & immisit in cor eius Dei oblivionem, ut tam audacter peccaret, ac si Deus non esset, neque reperiretur infernus, peccantium cruciator in æternum. Irridebatq. omnes, & sacerdotes, & religiosos viros, & omnes, qui ei persuadere conabantur, ut admissorum peccatorum aliquando poenitentiam ageret, ad Deum suum reverteretur plorans, & veniam petens: quia & alix famosæ peccatrices, poenitentes, apud Dominum gratiam inuenissent. Tandem Deus, cuius ira, lento procedit gradu, sed tarditatem supplicij gravitate compensat, cum mulier ista multos vulneratos deiecisset, & fortissimi quique interfecti essent ab ea, & nollet acquiescere, percussit eam morbo gravissimo, & in discrimen vitæ eius deducta est, ut Medici de eius salute desperarent. Quærebat illa medelas, ad morbum profligandum, sed animæ suæ, quæ perierat, nullum remedium petebat. Accessit ad illam Parochus, hortabatur illam, ut sui miseretur, & ad Deum reverteretur, qui est præstabilis super malitia, & habet misericordias magnas nimis, & in quacumque hora peccator ingemiscit, parcat ingemiscienti. Illa autem faciem sacerdotis auersabatur, & verba salutaria audire renuebat, & ne audiret, vertebat sese ad proximum parietem. Cumque pluries Parochus, atque alij pii viri, ne impoenitens moreretur, hortarentur illam ad poenitentiam, notumq. illi facerent iam, proximam esse mortem, nihil proficiebant. Interim morbus illi non parens, ad extremum vitæ perduxerat illam; & tunc in ultimum remedium vocati ad eam sunt duo Patres ex Ministris Domorum Hospitalium, qui magna charitate infirmos ad mortem vergentes iuuare solent. Qui benignis verbis, ut solent, conati sunt, si quomodo potuissent, flectere tantam animi duritiam, & persuadere illi, ut confiteretur peccata sua, animamq. suam ab æternis poenis redimeret. Cumque & ipsi tempus frustra contererent, ecce aperitur videntibus illis magno impetu porta thalami, & ingreditur in eam fetigera, & lutulenta scrofa miræ magnitudinis, quæ dentibus infrendens, huc atque illuc per thalamum cursitans, tandem concito saltu tulit se supra lectum, tot infandis libidinibus commaculatum, & confestim super eam insiluit, rostroq. horribili ter illam in umbilico percussit, donec exanimata est. Inuenta est infelix femina post mortem nigra supra carbones, ut omnibus testata relinqueretur, immundi Dæmonis rabies, contra hominem à Deo iusto iudicio derelictum. Patres, qui hæc viderant, obtestabantur cuidam, qui nobis retulit se metu obriguisse, dum tam formidabile spectrum spectabant, iudicia terribilis Dei considerantes, & perhorrentes.

Adolescentula D. Franciscum diligens, à Demone sub habitu D. Francisci decepta, parat se ad suspendium, sed diuina providentia liberatur. Cap. 22.

Cum autem non potest aliquem ad carnis spurcicias inducere, & auertere à Dei cultu, tunc callidus impostor illud curat, ut assumat extrinsecus sanctitatis vestimentum, & pietatis specimen, obiciatq. oculis fictum

C 4 reli-

religionis simulachrum, ut saltem eo modo honores recipiat, & animas interficiat. Superioribus annis erat Mediolani quædam Adolescentula (referente mihi Ioanne Paulo Volperto Papiensi sacerdote, satis probo) quæ Deum timebat, & erga D. Franciscum, nimis ardentem erat affecta. Cuius simplices mores conspicatus Diabolus, aggressus est decipere illam. Quapropter cœpit ei apparere coopertus sacco, & succinctus fune, stigmata in manibus & pedibus, & latere ostentans, ut D. Franciscus putaretur. Lætabatur mulier in apparitionibus eius, & credens illum esse B. Franciscum, venerabatur eum pleno corde, Diabolus autem honores, quamquam sibi non oblatos, se libenter accipere demonstrabat. Cum autem artibus suis sæpius eò deduxisset adolescentulam, ut crederet certissimè eum esse S. Franciscum, & nihil de hoc ambigeret, & omnia faceret, quæ ab eo dicerentur; tunc Diabolus cœpit illi dicere, se rogasse altissimum, & impetrasse pro illa peccatorum remissionem, ut iam quotiescumque ipsa moreretur, certissime deferretur in cælos ad Virginum choros. Quapropter plurimum sibi esse curandum, ut tam excellentem gratiam, quam apud Deum acquisierat, à mundo decepta, non amitteret. Ita ut illa propter tam magnificam sponsonem cuperet quamprimum dissolui, & esse in cælestibus. Tunc fortius cœpit urgere virginem, ut quamprimum festinaret ad cælum, donec luceret in corde eius lux diuinæ gratiæ, quod si diutius in mundo conuersaretur, futurum esse, ut gratiam perderet; mundus enim in maligno positus est; deditq. illi consilium, ut vitam præsentem terminaret, sponditq. illi præsentiam suam, cum mori disposuisset, & iuuaturum illam, ut in Domino moreretur, & post mortem se statim eam ducturum in Paradisum. Porrexitq. illi funem, quo erat præcinctus, suavitq. ut cum eo collum cōstringeret, sicq. futurum esse, ut moreretur, & statim ipse animam eius portaret in cælum. Credidit simplex puella callido veteratori, sicut Eua serpenti. Cumq. Aurora paulum cœpisset albescere, venit adolescentula ad fenestram, funemq. ligauit ferro, quod parieti fixum, extra super viam prominebat. Cumq. incipere vellet fune collum cingere, diuina prouidentia factum est, ut eo tempore quidam vir illac pertransiret, qui cum oculos sursum ad fenestram conuertisset, vidit mulierem satagentem collum fune ligare; cogitansq. illam aliqua desperatione motam, eo modo velle sibi mortem consciscere, cœpit altius clamare, ut à fenestra recederet; & confestim arreptis lapidibus, iaciebat illos contra insanam mulierem, ut eam perterrefaceret. Saxorum istibus perterrefacta illa, intra cubiculum se recepit, re infecta. Cæterum homo ille, qui lapides iecit, ne forsan puella iterum rediret ad suspendium, pulsat ianuam domus, conuocat domesticos; & refert quid factum fuerit. Concurrunt omnes ad eam: quærunt, quid horrendi facinoris causa fuerit? Exponit ipsa omnia per ordinem, fateturq. se S. Francisci persuasionem rem huiusmodi aggressam. Sed cum circumstantes omnes assererent, Sanctum Franciscum mortale facinus persuadere non potuisse, sed Dæmonem vsque à principio mundi homicidam, ut animam eius perderet, & corpus suspendio infamaret, sub S. Francisci habitu, talia esse machinatum. cognouit adolescentula serpentis fraudem, & non sine manifesta Dei prouidentia, qui eius simplicitatem respexit, & ope D. Francisci liberata est.

Cum autem non valent Dæmones technis suis, & fraudulentis machinationio-

nationibus Christi seruos decipere, vt sibi obsequantur, & frustra iaciant re-
te ante oculos pennatorum, tunc conuertunt se ad incutiendos timores, &
terrefaciendos quoscumque nouerunt magna fide, & religione seruire,
Christo; vt hoc modo à Christi semitis illos auertant, & paulatim ad vitia
conuertant. Sed ij non vincunt, nisi volentes, & ad Christi auxilium non
confugientes.

*Vir simplex D. Petri deuotus spectra Diaboli audit, videt, &
vincit. Cap. 23.*

ERAT quidã, natione Siculus, nomine Thomas, qui Apostolum Petrũ miro
amore prosequabatur, & Petri imaginẽ, quam in somnis se vidisse testa-
batur, depictã super tabellam semper in pectore suo gestabat, & prae amoris
magnitudine erga Apostolum cupiebat venire Romam, & visitare sanctum
Templum, vbi eius reliquiae asseruantur, vt ibi posset in Petri honorem, non
consequi id quod vtile, & honorificum est, sed pro summa dignitate ducere
si liquisset ei, à Petri Ecclesia verrere puluerem, & mundare pauimentum.
Venit igitur Romam, & statim cepit ambire, quomodo posset, pro summi
beneficij loco, dignitatem hanc verrendi pulueres in dicta Ecclesia obtinere.
Et quoniam erat vir bonus, & simplex, forte fortuna audiuit Philippum,
Nereum sacerdotem apud D. Hieronymi Ecclesiam charitate plenum erga
omnes, elegitq. eum in Confessarium. Philippus autem, qui Dei spiritum
habebat, animaduertens viri simplicitatem, suscepit eum, mirificeq. lætaba-
tur videre viri huius probitatem, & elargiebatur ei, erat enim pauper, &
calceos, & vestes, & quaecunque erant ei necessaria: curauitquẽ, vt
obtineret, quod cupiebat. Qua re lætatus ille videbatur sibi partem ob-
tinuisse in terra viuientium. Tota die à templo non recedens, scopebat ma-
gna alacritate, & mundabat templi pauimentum, magisq. ipse diligebat
pulueres illos, quam cupidi aureas diuitias. Nocte etiam pernoctabat ibi,
eiusq. lectulus erat super Altaris cuiusdam scabellum suppedaneum: partim
orans, partim dormiens.

Diabolus autem videns tantæ pietatis studium in simplici homine, cepit
vexare illum nocturnis terroribus. Vnde sæpius audiebat rumores, & soni-
tus formidabiles: & quadam nocte quiescens audiuit sonitum grandem,
quasi omnia scamna, & sedes ligneæ, quæ erant in templo, super quas con-
cionum Auditores sedere solebant, caderent à culmine testæ, & omnes super
marmoreum pauimentum disrumperentur. Surgit ille ad videndum tot
scamnorum fractiones, & reperit omnia optime disposita, nihilq. esse fra-
ctum. Erant autem iuxta altare, super quod sacræ pixides continebantur,
accensæ aliquot lampades, quæ tenebras excutiebant; ipso autem admirante,
quæ audiebat, & non videbat, ecce rursus audit valuas ianux, qua ad alta-
re pergebatur, huc, & illuc magno impetu dimoueri, & inuicem se colli-
dere: suspicatur audito strepitu, forsan aduentasse fures, ad vasa argentea
suffurandum. Accedit propius, & obseratas illas reperit, sicut prius erant.
Dumq. flecteret oculos, si fures videre potuisset, aspicit iuxta se astare ma-
gnum Aethyopem, quem cum esset intuitus indignans dixit alta voce, hic
est inimicus Dei, & nihil timens, confestim concitato cursu cucurrit contra
Aethyo-

Aethyopem, & pugno percussit illum; sed non inueniens corporis soliditatem, aerem verberavit. Dæmon autem, videns tantam animi fortitudinem, paulatim, se in tenebras recepit, ad quas lampadum lumen non pertingebat, & sic cessauit vexatio. Sed huiusmodi terriculamenti nunquam Diabolus valuit Thomam, Christo munitum, ab eius deuotione deijcere: Scuto enim suo circumdabat eum Dominus, vt non timeret à timore nocturno.

Thomas autem iste tantum in eo seruitio profecerat, quod tam fideliter exercebat, vt cum quotidie corpus puluere coinquinaret, intus cor magis, atque magis puritate purificaret, & cum sæpius audiret dispensationes Ecclesiasticarum dignitatum, & beneficiorum distributiones in Vaticano fieri solitas, ipse tamen eas nihili faciens, pluris æstimabat pulueres suos, quàm honores, & superbas opes.

Hic cum aliquando ægrotasset magnis febribus, vix ab illo templo diuelli potuit, vt curaret ægritudinem suam; & receptus à pio viro in domum suam, cum ibi aliquot diebus permansisset ægrotans, & aliquando vehementius à febre torqueretur, cogitans se cito moriturum, nullo ibi astante, lectum deseruit, & præcinxit se, & calceauit se caligas suas, & circumdedit sibi vestimentum suum, & vt, præ virium imbecillitate poterat, parabat iter ad Templum Petri, vt ibi moreretur: sed deprehensus ab hospite, & increpatus, vix detineri potuit, quin illuc reuerteretur. cogitabat enim bene secum actum, si ibi mori potuisset. Conualuit tandem ab infirmitate ista, & reuersus est ad opus suum, & cum Domino placuit, in timore Dei perseuerans, & Diaboli terriculamenta contemnens, à laqueo venantium ereptus, plenus bona spe vitæ æternæ, vita mortali functus est.

Rabies, & infestatio Luciferi, ne turpis casus eius pingeretur, spectandus. Cap. 24.

Contigit etiam Anno salutis nostræ 1584. vt in Ciuitate Montis Alcini apud Tuscos, quidam Camillus Marzoli, Cathedralis ecclesiæ Archidiaconus curaret, vt in Altari, quod in Dei honorem, & memoriâ S. Michaelis Archangeli erexerat, apponeretur tabula, in qua exprimeretur optimis figuris, quomodo Lucifer cum Angelis suis, superba appetitione, præsumens esse sicut Deus, ab ipso Michaele de cælestibus sedibus exturbatus, in sterquiliniū terrenæ fecis miserabili casu prolapsus est. Sed mira apparuit Diaboli rabies, turbans omnia, ne per huiusmodi picturam infamis ipsius casus oculis hominum proponeretur.

Igitur, cum ad opus hoc perficiendum, electa fuisset opera egregij cuiusdam pictoris Senensis, qui Franciscus Vannus appellabatur, cum iam apud Senas opus inchoasset, cepit Lucifer multipliciter impedire pictorem, diuersas illi inferens molestias, & suscitans impedimenta. Cumque tandem picturam perfecisset, & ex Senensi ciuitate ad Montem Alcinum tabulam transferret, in itinere multa passus est, præsertim autem temporis iniurias, ita vt muli sæpe vix à præcipitio, Mulionum cura, erepti fuerint. Tandem ad Montis Alcini portam cum peruentum esset, in Cathedrali Ecclesia, vbi tabula constituenda erat, infesti rumores auditi sunt. Præsertim autem supra Templi fornices horrendi sonitus fiebant, vt videretur altus aliquis paries, vel

vel tectum ipsum corruisse. Propter inauditos fragores, formidine plenos, commota est vniuersa ciuitas, & magna populi multitudo templum ingressa, excitatos à Diabolis strepitus curiosius auscultabat. Aliqui dicebant. Quid vultis nefandi? Quid petitis immundi? Alij vero: Vt quid insolitos sonitus excitatis, maledictæ turbæ? Nunquid vultis nobis terrores incutere sicut pueris? Nihil potest nequitia vestra, nisi cum vos adiuuat malitia nostra. Sed cum altera die, adhuc rumores illi non cessarent, decreuere ciues foris perforare parietē, vt supra fornices ingredi possent; cumque ingressi essent, nihil inuenerunt. Subsecuti sunt adhuc quindecim dies, & sonitus, & strepitus tumultuantium Dæmonum nō cessabant. Tunc incēpit populus rogare sacerdotes templi, vt precibus, & exorcismis quærent obtinere à Deo à tanta infestatione liberationem. Tandem supradictus Archidiaconus, vir eximiæ probitatis, & timens Deum, dum sonitus illi, desuper quasi tonitrua fremerent, & mugitus tremendi obstreperent, astanti populo per templum processionem indixit. Qua absoluta, processit ad Altare sanctissimi Rosarij, quod erat iuxta aram S. Michaelis, cuius ornamenta tunc perficiebantur, vt ibi Dæmones adiuraret. & cum exorcismos ibi stans super scabellum suppedaneum inchoasset, ecce horridus ab altis fornicibus descendit fragor, non secus ac fulmen, quod ex nubibus erumpens, montes tangit, annosas quercus, & excelsos fagos concutit. Ingrediturq. formidabilis sonitus subtus altaris scabellum, quod sacerdotis pedibus subijciebatur. Quapropter sacerdos exterritus retrocessit, & populus accurrens statim, scabellum subleuauit, & inspexit si aliquid videret, & nihil vidit.

Eodem etiam tempore idem rumor in Arca quadam personabat, vbi mulieres Societatis Rosarij, vasa, paramenta, & Calices, & sacram suppellectilem detinebant, vt viderentur, quæcumque intus in arca continebantur, scissa in mille partes esse, & lacerata. Cumque Arca aperta fuisset, nihil huiusmodi repertum est, sed omnia in ordine suo inuenta: neque cessauit infestatio, donec in Vigilia festi S. Michaelis Archangeli, absolutis auratis ornamentis, tabula, in qua superbiorum Dæmonum, & Luciferi lapsus egregia arte pictus erat, super altare posita est, in sublimis Dei honorem, qui deponit potentes de sede, & superbis resistens humilibus dat gratiam. Sed alibi plura,

His enarrationibus subijciamus iam aliqua, quæ temporibus nostris circa hæreticos à Dæmonibus acta sunt.

Enarratio de Damoniaca infestatione Arcis Cronacensis Nosemberg nuncupata, atque in ditione Bambergensis Episcopi sita. Cap. 25.

Rem narrabo audita mirandā, & incredibilem fere, ni totius huius patriæ publicata notitia compobata foret. In famoso, ac celebri Castro nostro Bambergensis Episcopi, Rosemberg nominato, arte non minus, quàm loci natura munito, quod in præalti supercilio montis, ad celebre eiusdem ditionis oppidum Cronach situm est, ab aliquo iam tempore horrenda spectra audiebantur, & visebantur, tam de media luce, quàm de nocte. Apparebant nonnunquam hirci, aut feroces tauri, non raro in forma equorum; vel

vel asinorum, simiarum itidem, atque aliarum bestiarum, aut flammis circundatæ equitum turmæ, subinde quoque in forma tetrici cuiusdam, ac nigri viri, & sæpissime sub specie nobilis feminæ, cuius tamen facies, aut luto, aut alterius generis sordibus esset conspurcata. Et omnes quidem in Castro degentes, tam diurnis, quam nocturnis terriculamentis infestabant: neminem verò penitus lædebant, aut percutiebant (quod ita sæpe factum fuit, ut numerus sciri nequeat) nisi hæreticos: neminemque prorsus, nisi hæreticos interfecerunt. Duo è gradibus deiecti, qui cum retulissent se à nigro quodam ingentis staturæ viro ad lapsum impulsos fuisse, paulò post animas exhalarunt. Alius simili fere mortis genere interiit. Quartus, qui à pedibus erat Capitaneo, cum idem spectrum in gradibus obuiam habuisset, illud fugiens, sibi visus est crinibus ab ipso apprehendi, exinde ad insaniam redactus, post tertium diem illico, ac miserrimè quidem, in Deum ac Sanctos eius stupendas eructans blasphemias, expiravit. Quinto ancillæ cuidam domesticæ, meridiano tempore aquæ vas è puteo haultæ humeris gestanti occurrit, statura immani, aspectuque supra modum formidabili, forma verò, ignotum an humana, an bestiali: quin etiam literas porrexit, quæ an veræ fuerint, an apparentes, ego quidem nescio: vero tamen similis alterum istud dixerim: ancillæ autem litteras acceptare recusanti, dextrum femur apprehendit, stricctissimèque pressit, territa ipsa dolore percita, aquam ex humeris deiecit, remque domesticis omnibus exposuit, ostentans enormes quinque plagas quasi totidem candentibus ferramentis inultas, è quibus cum vique ad viscera caro putrescens decidisset, tertio similiter die è vita decessit. Sextus atque ultimus sub finem Mensis Augusti huius anni à Virgineo partu 1681. à spectris interemptus, Caluinista erat insignis, qui ubicunque salutiferæ Crucis signum aspectui occurrisset, illud cachinnis, & irrisionibus exhibebat, & quoscunque vidisset cruce signantes sese, aut stultos, aut supersticiosos criminabatur: quin etiam ipso eodem vesperi, quo à Dæmone, seu spectro illo è turri 86. cubitis alta præcipitatus est, cum à quodam pio viro, & bene Catholico (qui quod nunc recenseo cum multis alijs præsentibus contestatur, grauitèrque asseuerat) quando mentio fiebat Dæmonis, Crucis expressionem fieri cerneret, in hæc verba procacissimè erupit. O stulte, quid te iuuat isthæc gesticulatio? tantumdem est (præfata tamen ex me reuerentia) ac si plena manu vaccarum stercore tibi in faciem iniiceret. Quam impietatem cum alij detestarentur, ille conuitia conuitijs accumulabat. nec diuina ultio tantum atque insanum adeò S. Crucis contemptum diu impunitum voluit. Eodem vesperi cum ipse vnà cum nobili quodam iuvene, cuius ante paucos annos Pædagogus, nunc vero Oeconomus erat, cubitum concessisset ad lectum vnum eundemque pœnas dedit impietatis suæ. Dormiebant in eodem cubiculo, alio tamen in lecto, duo famuli, & candela nondum extincta in medio cubiculi lucebat. Intra decimam, ac nonam horas vespertinas, crepusculo vix dum finito, præsidiarius miles, qui tunc excubias agebat, extra arcem interiorem in vallo stans è regione turris, in qua decumbebat blasphemus iste cum socijs, subitaneum audiuit impetum vehementissimi turbinis, ac sursum respiciens vidit globos quasi flammeos miræ magnitudinis turrim circumuolitantes, & in medio quendam lachrimabunda, querulaque voce gementem, atque altissima suspiria dacentem,

centem, hinc inde in diuersas raptari partes : proinde rei nouitate attonitus, benedictum nomen Iesu, ac Deiparæ Matris Mariæ (erat enim Catholicus) inclamauit, & in momento impius ille cum fragore deiectus est. Casu facto, ingens flamma, non minori stridore, inde auolauit versus syluas, quod & alij plures tum in oppido, tum in agris degentes conspexerunt. Exinde non parum timore perculsus, omnibusq. tremens artubus, bonus ille præsidarius corruit & ipse in terram : sed aliquantulum sese recolligens, signoque Crucis muniens, socios alios inclamauit; quibus accurrentibus cum lucernis, inuenerunt è turri deiectum blasphemum illum, ac iam enectum : & quod admirationem huiusce casus non parum auxit, nulla pars corporis, exceptis pedum soleis, læsa fuit. Extractus verò est à dæmonibus, per angustissimam fenestram, quæ nec longitudine, nec latitudine palmum vnum assequitur, atque à pavimento tam altam, vt quis eam vix collo tenus possit attingere, si inde extra arcem sit prospecturus. murus insuper crassitie duorum cubitorum, eoque amplius. Hærebant adhuc in fenestra hinc inde, & in muro detractæ præ foraminis angustia, cutis, ac sanguinis reliquæ.

Dæmones quoque, qui nimirum (vt æstimare licet) inclamatione Nomīnis Iesu cadauer illud maledictum, ne auferrent, præpediti sunt, vnà cum anima blasphemæ secum asportarunt & fenestellam illam, quam dixi; nulli enim locorum hætenus ea reperta fuit. Ergo Arcis Capitaneo, alijsque custodibus excitatis etiam, ad cubiculum prædictum accurrerunt vnà omnes, ardebat adhuc candela, & Nobilis, à cuius latere abreptus erat, ac duo ipsius famuli altissimo soporemersi suauiter dormiebant, seseq. nihil penitus inaudisse affirmabant. Percrebuerat adeo rumor iste in tota hac patria, vt nemini fere amplius in Castro habitandi sufficeret animus.

Quin & ipse Capitaneus ad Reuerendiss. & Illust. Episcopum Bambergensem conuocandū, consilijq. petendi causa venit : ac ne præcipuum istud, munitissimum Castrum Episcoporum Bambergensium in dissensionibus, ac bellorum motibus certissimum præsidium, omninò deferendum esset, compellati permulti Sacerdotes, vt eò ferendæ opis causa sese conferrent, at omnes rei gravitate perterriti, hoc onus à se reicerunt. Fateor culpam meam ac dissidentiam, in eorum numero & ego fui, nec vltimus quidem. Sed Illust. nostro ita grauiter instante, ac pro autoritate ferè mihi demandante, vt si quid in me consilij esset, id persanando huic malo adhiberem, morem licet valde inuitus gessi, vtpotè in huiusmodi arduis rebus planè rudis, & imperitus. Præmissis ergo leiunijs, & orationibus, vt fieri par est, vnus ac dimidiæ diei itinere (tantum enim Bambergæ distat) ad locum perueni, omniaq. vt recensui (omissis tamen infinitis propemodum alijs non minori admiratione dignis) ita se habere cognoui, adhibitis etiam ad pleraque iuratis Notario, ac testibus. Iussi ergo mihi in infesto illo cubiculo vnà cum monacho Dominicano, quem socium viæ adhibui, & assistentem in hoc negotio tam arduo conficiendo (nemo quippe alius induci poterat) eundem sterni lectum, è quo blasphemus ille sublatus fuerat. Facile est æstimare, quantum quietis illa nocte captare licuerit. Summo mane de licentia Reuerendiss. nostri speciali, aram struxi ad fenestram illam, quam dixi, & oblata itidem salutis nostræ hostia, in quo S. Augustinum magistrum meum habeo, Dæmones conjurati protinus abscessere. Peracto sacrificio,

& lu.

& lustrali, alijsq. consuetis ceremonijs expiaui. Quo factum est, virtute diuinissimi Sacramenti præsertim, & Ecclesiæ sanctæ ritibus, ac precibus. vt totus locus sit ab huiusmodi tericulamentis liber, vt nulla omnino infestatio malorum spirituum amplius sentiatur.

Compertum est inter alias causas, & nostro multas, & pondere suo graues infestationem istam à Deo dæmonibus permissam esse, tum propter intolerabiles blasphemias, ac diras, quibus incolæ sibi mutuo dæmonem imprecabatur, eidemq. se leuissimè ad vnumquodque verbum, pro Germanorum exsecrando more, deuuebant: tum & propter Sactæ Crucis contemptum ibidem factum. Hæc gesta fuerunt Kalend. Septemb. anni huius M D C I.

Sed vt serijs hisce, alia non minus seria, aliquantulum tamen ridicula adiungam: stabularios nonnunquam media die, aut etiam noctu turpes cantilenas more suo cantillantes aut scurriles, horrende verberibus spectrum excepit, tametsi ipsi nihil viderent: nonnullos etiam lapidibus petijt è tabulato nemine sciente, vnde lapides prodirent. Illud vero satis lepidum, & iocosum, quod eo vesperi, quod eò deueni, accidit. Erat audaculus quidam tubicen, homo leuis, & perfrictæ frontis alioquin, qui pignore cum quouis certaturum sese profitebatur, quod media nocte, quicunque tandem dæmon in arce habitaret, impune, & absque vlla læsione totam arcem vellet perambulare. Inuentus ergo qui daleros quatuor deposuit pignoris loco. Constituti quoque arbitri & obseruatores, qui an conditum exsequeretur satis audax facinus, testatum facerent. Erant ij partim vigiles, partim præfidiarij milites. Media ergo nocte post duodecimam cum aliquot iam conclauia peruagatus esset, inclamabat medio stans in atrio eos qui tum excubias agebant, hoc est: Io, uah, depositos quatuor lucratus sum daleros. Vix verba ea finierat, & ecce aspectantibus quoque quos iam dixi, excubitoribus, spectrum, seu Dæmon infestans in forma villosi, ignitisq. flammis circumdati Hirci, magno impetu facto in terram eum prostrauit, & verberibus totum fere exanimauit. Inclamarunt vigiles nomen IESV, quo audito spectrum euauit illico. Exinde misellus ille pro lucro reportauit insolitū tremorem artuum omnium, præter enormes plagas. Facies eius insuper ita erat liuida, ac si toto liquato sulphure perfusa esset, distillatis quasi liquefactæ picis hinc inde guttulis. Cum ergo consilij & opis petendæ gratia, quamprimum ibidem appuli, ad me venisset, adhibito sacrorum amuletorum, vt agnorum Dei, Paschalis cerei, & aquæ benedictæ vsu, paulatim tremor membrorum cum illa faciei fæditate euauit. Plurima alia prætermittuntur, ne iustam hæc narratio breuitatem excedat.

Huiusmodi contingentis casus enarratio ad Clementem VIII. Pont. summum transmissa est, qui tunc eam Card. nostro Baronio legendam tradidit. Baronius autem misit illam ad Patres nostros, apud quos, dum cænaretur, pro mensæ lectione recitata est anno M D C I. Mense Decembris.

Dæmo-

Dæmoniacos, & lunaticos, qui diuino beneficio, multis retro annis apud Gheelam Brabantiae, ubi corpus S. Dimnae requiescit, tandem liberari consueuerunt, eo die, quo Martinus Lutherus defunctus est, suis hospitibus ad horas aliquot exoneratos fuisse. Cap. 26.

Narrauit mihi Ven. Dominus N. ætate doctrina, & vitæ sanctimonia cõmendatissimus, atque etiamnum superstes, eo ipso die, quo mendax Euangelista Martinus Lutherus defunctus est, vniuersos dæmoniacos, qui id temporis ad Gheelam Brabantiae spe liberationis, quam apud corpus S. Dimnae, diuino beneficio plurimi istic iam inde à multis retro annis consequi solent, aduecti erant, à terribis illis, & horrendis dæmonibus hospitibus suis liberatos. Postridie vero ab iisdem rursus obsessos, & discruciatos fuisse. Dæmones vero, cum interrogarentur, ubi pridie delituissent? respondisse: Principem ipsorum, & Archidæmonem præcepisse, vt vniuersi spiritus maligni ad sui prophetæ, & fidelis cooperarij D. Martini Lutheri exsequias confluerent. congruere enim, vt qui quamplurimos ad inferos ipse duxisset, & à quamplurimis ad eosdem solemniter deduceretur.

*Collationũ
sacrarũ li.
7. cap. 39.
Tilmannus
Bredenba-
chius.*

Hanc historiam cum in præsentia quorundam honoratorum virorum referrem, quidam magni Principis Consiliarius subiunxit, se fuisse Illebij in ædibus paternis Lutheri, in quibus & defunctus est, ibidemq. paulò ante mortem Lutheri, quendam Luthero à multis annis seruientem forte è fenestra cubiculi, in quo id temporis erat Lutherus, fontem riuulos suos grato murmure emanantem, voluisse conspiceri, in cuius margine mox ille viderit plurimos teterrimos cacodæmones, huc, illuc saltitantes; quo visu cum ille vehementer percelleretur, animoq. & vultu totus mutaretur, rogasse Lutherum palloris istius, & subitæ mutationis causam. Quam cum ille celaret, tandem resumpto spiritu, rursus paululum è fenestra prospexerit, ac denuò dæmones terribilibus teterrimarum bestiarum formis aspiciens, maiori horrore ac trepidatione concussus sit. cumq. rursus Lutherus instaret, vt quid vidisset, ediceret: tandem illum rem visam Luthero aperuisse. Qui cum paulo post defungeretur, & cadauer Illebio Vuittembergam veheretur, toto illo itinere innumerabilem coruorum horrendum in modum crocitantium multitudinem scimus superuoluisse, ac Vuittembergam vsque comitatum suum præstitisse. Atque hi proculdubio fuerunt isti (aiebat idem ille Consiliarius) qui mandato principis, & Archidæmonis sui, vasa, quæ prius occupant, dimittentes, ad exsequias Martini Lutheri confluxerunt, ne quiscum istorum tantis deesse videretur solemnij.

Fridericus Staphylus in absoluta responsione contra Iacobum Schmidelinum pag. 404. & Vilhel. Lindan. Dialogo 3. cap. 1. dubitantj. Martinus Lutherus volens Dæmonem exorcizare, ab ipso Dæmone in summas angustias redigitur. Cap. 27.

Possum ego redigere mihi in memoriam anno 1545. dæmoniacam quandam puellam è Misnia ditione adductam Vuittembergam ad Lutherum

*Collationũ
sacrarũ
ca spe, li. 7. c. 40.*

ea spe, quod Lutherus, ceu tertius Elias, puellam istam à malo dæmone liberaturus esset. Quamuis autem Lutherus ad hoc admirandū, & magni momenti opus initio non parum difficilem se ostenderet, at tandem tamen iussit puellam duci in Parochianæ Ecclesiæ Vvittembergensis sacrarium, illicq. coram alijs plerisque Doctoribus, & eruditis viris (inter quos ego tum quoque iuuenis magister aderam) dæmonem cæpit adiurare, & exorcizare, sed id tamen more suo, non eo, qui apud Catholicos receptus, & vñtatus est. Cum autem diu, multumq. ille coniurasset dæmonem, cedere ille noluit, sed eas in angustias (sit venia verbo) Lutheri caligas redegit, vt is quamprimū è sacrario se proripere vellet. At quid accidit? Malignus ille dæmon vsque adeo fores sacrarij obstruxerat, vt neque forinsecus, neque intrinsecus aperiri possent. Quæ res Lutherum in maiores etiam angustias adduxit, ita vt iam ad fenestram properaret, sperans per eam se posse effugere, & exilire. Verum obstabant illi cancelli ferrei: sicq. compulsus est vna nobiscum tantisper inclusus hære, donec per cancellos ferreos ab ædituo nobis esset oblata securis, mihiq. ceu iuueni viro tradita, vt ea fores effringerem: quod equidem tum conatus sum, & ad effectum perduxi. Interea vero visu admirandum erat, vt Lutherus angoribus correptus, sursum, deorsumq. cursitaret, atque instar ouis parturientis huc, illucq. sese inuerteret.

Maximilianus I. Imperator, videt Dæmonem corporali forma Martini Lutheri humeris insidentem in comitijs Augustanis, prædicens se mortuo illum multas turbas in toto imperio excitaturum. Cap. 28.

*Collationū
sacrarum
lib. 7. c. 41.*

C Vm Maximilianus eius nominis I. Imp. fel. recordat. Augustæ Vindellicorum anno 1518. Imperialia Comitia, eademq. vltima suæ Maiest. instituisset, ac patentibus valuis, vti moris est, pranderet, ingressus est cum multis alijs triclinium prandentis Imperatoris Martinus Lutherus. Maximilianus Imperator visum Lutherum cum exactius paulo, & diutius intueretur, tandem Baronem ex familia Schenck de Erpach M. suæ aulicum, & pincernam, alloquitur his verbis: Vade, & aspicias monachum à vertice capitis, vsque ad plantam pedis, & à planta pedis vsque ad verticem capitis diligentissime, & quid videris, referto. Baro Imperatori interroganti respondit, se monachum cuculla vestitum vidisse, quid vero pectori, & animo eius infideat, videre non potuisse. Imperator rursus iisdem quibus antea, verbis, mandat Baroni, monachum denuo collustrare. Baro, etiamsi iterata vice adiret, refert se nihilo plus quam antea, videre posse. Imperator, phrasi sibi familiari regerebat, amore boni Dei, fac quæ iubeo. Baro obtemperans, vadensq. & rediens eundem sermonem Imperatori (vti supra dictum) interroganti, repetijt. Subiungit protinus Imperator: Si tu nihil vidisti, nec vides, dicā tibi ego quid videam? Video cacodæmonē forma corpora humeris istius monachi incubantem, & te quidem superflite, me vero defuncto, iste Monachus, turbas, calamitates, & miseras grauissimas in imperio concitabit.

Hæc verba ex ore D. Maximiliani audiuit quidam præcipuus Germaniæ Princeps, secularis, cuius nomen consulto præterimus, qui eo ipso tempore mensæ

mensæ Imperatoris, cum alijs Principibus, Comitibus, Baronibus, & Nobilibus assistit. Iste vero Princeps hæc veraciter contigisse, filio suo retulit. Qui filius princeps, & hæres, hæc omnia, & singula duobus Principum Electorum Consiliarijs Primarijs, fide dignis recensuit, quem utrumque probe nouimus, alter vero illorum adhuc superstes, hæc & voce, & scripto nobis communicauit.

Non absimile est, quod refert Vvिल्helmus Bibliothecarius lib. 3. de gestis Anglorum: cum in extremis positum Episcopum Carnotensem Fulbertum multi visitarent, & ædium capacitas vix confluentibus sufficeret, ille inter oppositas cateruas oculo longe conspicatus Berengarium nutu quo valuit, expellendum indicauit, protestatus, immanem dæmonem prope ipsum consistere, multosq. ad eum sequendum blandiente manu, & illice anhelitu corrumpere.

Sed non est prætereundum, recensere hic aliqua, ex quibus perspicui possit, & facile conijci, qualis extiterint Orbis nouiter reperti regiones in manu debacchantium Dæmonum, & quantam animarum internecionem ibi exercuerint, donec venit plenitudo temporis, qua illuminatrix gratia Saluatoris Christi super illas gentes cecidit. Recensebimus autem, quæ religiosissimi Patres Societatis Iesu proprijs oculis viderunt, quorum opera singulari, Iesu iuuante, tenebræ illæ, pene omnes, fugatæ sunt è regionibus illis.

Beatus Franciscus Xauerus, vir sanctitate clarus, de dominio Dæmonum apud Iaponem, hæc, quæ vidit, refert in epistolis suis, falsa scilicet simulachra, abominanda sacrificia, & fraudulenta Diaboli responsa. Cap. 29.

IN eadem (inquit ille) naui simulacrum vehebatur Dæmonis; cui nau-
tæ, quamquam inuitis nobis, & inspectantibus, patrio ritu sacrificabant.
Ab eodem etiam, per sortes de ipsa nauigatione petebant responsa, quæ (vt
aiebant, credebantq. barbari) modo lata, modo tristia reddebantur. Cen-
tum à Malaca leucas, Sinas versus prouecti, quandam ad insulam stetimus:
ibique aduersus maris illius sæuitiam navalibus instrumentis, aliaq. mate-
ria comparata, post multas ceremonias & sacrificia, quæsitum est ab idolo,
prosperam deinceps fortunam essemus habituri, nec ne. Cum valde prospe-
ram respondisset, proinde moraremur diutius. Sustulimus anchoras, velaq.
gratulabundi fecimus omnes: illi, simulacro, quod in puppi locatum can-
delarum luminibus, odoramentisq. ex incenso ligno quodam aquilano ve-
nerabatur, nos Conditore cæli terræq. Deo, & eius filio Domino Iesu Chri-
sto confisi, cuius cultum religionemq. amplificandi studio in ea loca defere-
bamur, cum iam essemus in cursu, placuit nautis ab dæmone perconta-
ri, utrum naui, qua vehebatur, Malacam esset ex Iapone reditura? Cum
in Iaponem quidem peruenturam omnino, sortilegi retulissent, verum ex
Iapone Malacam minime reuersuram; tum vero institutæ nauigationis pæni-
tere barbaros cæpit, satiusq. ijs videri apud Sinas hyemare, & Iaponicam
profectionem in alterum annum differre. Noster autem, quis animus, quis
tum esset dolor, cogitare vobiscum potestis ipsi, cum de tota itineris nostri
ratione confuleretur dæmon. Mox in oram terræ, quam Cocincinam vocat,

*de Iaponi-
cis rebus
B. Franc.
Xauerus
epist. lib. I.*

D delati;

delati; duo, vno eodemq. die (qui fuit Mariæ Magdalenaë sacer) vespere; sane quàm aduersa pertulimus. Etenim exasperato vehementius mari, ingentesq. volente iam fluctus, cum iactis anchoris agitaremur in salo, apertum in ostium sentinae vnus è comitibus nostris Emmanuel Sina forte præteriens decidit. mortuum credidimus; nam & alte ceciderat; & à capite pene ad vmbilicum obrutus aliquantisper in aqua iacuerat. verumtamen extractus magno cum labore, exanimis licet, grauiterq. caput sauciatus, adhibita curatione, paucis diebus, Deo fauente conualuit. Nondum huius plañe curatum erat vulnus: ecce tibi eodem ferme casu, eademq. nauis iactatione, Filia Nauarchi in mare delabatur, & in omnium oculis, frustra conatium opitulari, submergitur. Cuius interitum tanti sunt eiulatus, ac lacrymæ consequutæ, tanto præterea, quotquot in naui eramus, vitæ in discrimine versabamur, vt admodum digna miseratione res esset. Barbari ad propitiandū per sacrificia dæmonem versi, nulla capta quiete, diem noctemq. totā matandis idolo auibus, ferculisq. apponendis operam dederunt, per sortes etiā quæsiere causam infortuniij. Responsum est: si is qui prius in sentinam ceciderat Emmanuel fato functus fuisset, puellam in mare non fuisse lapsurā. Cernitis ipsi profecto, quantum nobis eo responso Dæmon ab suis ministris crearet periculum: & nobis, quid futurum fuerit, nisi furentis rabiem Dominus compressisset. Sed me tamen in primis graues illæ in Deum iniuriæ & barbarorum sacra illa sacrilega permoueabant, itaque susus in preces, Deum rogaui sapius, vt priusquam fluctibus operiremur, homines ab se ad ipsius imaginem ac similitudinem conditos, tam falsis opinionum erroribus, impijsq. superstitionibus liberaret; tetrum quippe spectaculum, & indignū est facinus, Dei vice ab hominibus, ad vnius Dei laudem factis, adorari perpetuum ipsius humani generis inimicum.

De abominanda sacerdotum libidine apud Iaponem.

Cap. 30.

B. Franci-
scus Xaue-
rius ibid.

V Eterum quorundam, instar philosophorum, maxima pars opiniones sequuntur. Solem multi: Lunam alij adorant; vt quidque naturæ maxime consentaneum est, ita facillime assentiuntur, & acquiescunt, si peccati cuiuspiam, ratione probabili conuincuntur. Multo minus impuros, & rectæ rationi magis obtemperantes laicos, quam sacerdotes inuenio, qui ipsorum lingua Bonziji appellantur. ij cum reliquis flagitijs, tum præposteræ libidini turpiter adeo dediti sunt, non modo, vt id non celent, sed etiā profiteantur palam: & longo iam vsu virorum æque ac mulierum aures callum ad tam nefarij sceleris nomen obduxerint. Quod tamen vitium nos vulgo cum reprehendimus, & quam sit graue, Deoq. inuisum ostendimus; ceteri sane latantur, & approbant, Bonziji, ad quos potissimum reprehensio pertinet, tantum abest, vt, aut erubescant, aut doleant, vt etiam aperte derideant nos, & illudant. Per multos habent in cœnobijs filios optimatum, institutendos litteris, horum ætatis flore abutuntur.

De Bonzijs: quidam sunt cultu corporis nostris monachis non absimiles: vestibus vtuntur cineritij coloris: tertio vel quarto quoque die capillum, ac barbam penitus videntur abradere: horum laxior etiam est disciplina: muliebres

liebres (quibuscum viuunt) eiusdem ordinis habent catus : quas , fama consentiens est , pręgnantes , partum medicamentis abigere . itaq. ob eam rem apud multitudinem admodum audiunt male : nec sane (quantum ego met, ipsorum aliqua ex parte iam cognitis moribus, iudicare possum) iniuria . Hos inter, & alios quos dixi sacrificulos (ij clericorum ferme vtuntur ornatu) minime conuenit . Duo pręcipue in hac terra mihi pene stuporem incutiunt . alterum , quęm grauiam quamquę nefanda peccata , quam nihili fiant , atque id nimirum accidit maxime patrum culpa , qui traditam sibi cum a natura, tum aliquam fortasse etiam a maioribus normam recte viuendi , corruptam ipsi deinceps, ac deprauatam posteris reliquerunt : vt ex hoc, obiter illud etiam appareat , quemadmodum in communi vita , naturales igniculi probitatis, pugnātibz cum natura vicijs paulatim penitus extinguuntur : sic in vita perfecta, virtutum habitus licet iam constitutos, nisi assidua , ac diligens cura adhibita sit , remissioribus officijs labefactari sensim, ac destrui . Alterum est, cur hi sacerdotes, cum nec integritate, nec innocentia sint cum secularibus comparandi , tanto nihilo minus apud eos in honore atque existimatione sint .

De superstitionis ludis apud Meacenses, & cultu sacrilego in colendis Manibus mortuorum. Cap. 31.

Restat, vt nonnulla de superstitione , sacrisq. huius gentis attingam , vt ipsorum cecitate perspecta , enixius pro ipsis Dominum deprecemini . Primum Augusto mense concelebrant ludos, quos vocant, Gibon (quę vox hominem significat) quod ij ludi homini sacri esse dicantur , quorum eiusmodi est ratio . Primum in vrbis vicos , opificumq. collegia , pegmata excogitanda , moliendaq. distribuunt : inde vbi festus dies aduenit , veluti ad supplicationem populus coit . Agmen currus quindecim , vel viginti pręcedunt sericis pretiosisq. tapetibus cooperti : in ijs pueri multi psallentes , vel tympana pulsant, vel tibijs concinunt . Singulos autem currus hominibus tricenis, aut quadragenis impulsos , sua quemq. artificū turba sectatur . Alia deinde sequuntur vehicula hominibus armatis instructa , sericis item , varijsq. pręscarum rerum monumentis ornata . Hoc ordine, pompa delubrum pręteruehitur, cuius delubri ea celebritas est : qua in re matutinum tempus omne consumitur . Sub vesperam inde binę lecticę prodeunt : altera illius, quem colunt Dei, lecticarijs ita compositis, vt pręsentis numinis pondere valde fatigari, premi q. videantur; alteram esse aiunt amicę cuiusdam ipsius . nec ita multo post , tertia lectica vxoris gestatur , cui simul ac maritus per nuntium significauerit se vna cum pellice aduentare ; lecticarij statim huc atque illuc lymphati discurrunt , itaq. vxoris zelotypiam, insaniamq. significant . Hic populus magna edit signa doloris , atque męstitię : plorant multi, multiq. ad consolandum Dęę animam positis genibus eam supplices venerantur : denique lecticę coniunctę ad phanum redeunt : atque ita ludis finis imponitur .

Nec ille minus miserabilis error est , eodem Augusto mense biduum tribuunt colendis Manibus mortuorū . Sub imminentem noctem in ædium foribus lampadas multas accendunt vario genere picturę , & ornatu : inde

D 2 Vrbein

*De Iaponi-
bus rebus
Epistolarię
lib. 111.
Gaspar Vi-
tella .*

Vrbem tota nocte perambulant, alij religionis, alij etiam spectandi causa : Magna etiam populi vis, cum aduersperascit, ex vrbe, aduentantibus (vt ipsi videlicet opinantur) suorum Manibus obuiam prodit, vbi quendam ad locum peruentum est, quo loco eos sibi occurrere arbitrantur, humanis primum verbis excipiunt : Felix (inquiunt) faustusq. sit vester aduentus. Iam diu aspectus vestri fructu caruimus : confidete parumper, ciboq. vos ex itineris defatigatione reficite. Tum orizam, arborum fructus, aliaq. cibaria apponunt : & quibus ea per inopiam non licet, ij aquam calidam secum afferunt : ibiq. totam horam morati, quasi finem epularum expectent, precibus eos in suas domos inuitant, aiuntq. se praecedere, vt domum instruant, parentq. conuiuium. Vt biduum illud effluxit, accensis funalibus oppido plebs egreditur, lumina descendantibus praefrens, ne scilicet in tenebris offendant, aut quopiam incurrant : inde in Vrbem reuersi, ædium tecta lapidationibus diligenter excutiunt, ne qui forte ex Manibus (à quibus nimirum aliquod sibi incommodum metuunt) occulte remanserint : tamen eos miserentur nonnulli, quod paruulos dicant esse, & si forte eos in itinere imber opprefferit, extingui misellos. Interrogati Iaponij, cur illis epulum praebent ? respondent, eos ad paradisum tendentes suum, qui abest leucarum, decies millies millena millia, quod iter non minus quam triennio conficitur, fessos è via, recolligendarum virium causa huc diuertere. Per eos etiam dies omnia sepulchra diligenter purgant. Bonzij autem videlicet regnant ; nemo est enim re familiari, quamuis exigua, quin ad expiandos rite sacrum Manes, Bonzijs munus aliquod afferat. Videtis fratres mihi carissimi huius gentis errores, & tenebras, in quibus hæret adeo pertinaciter, vt eam inde ægre admodum eruas. Obsecrate Dominum, vt eos pro sua bonitate conuertat.

De innumeris templis Dæmoni apud Indos edificatis, & fraudibus à Diabolo inuentis, vt diuinos honores apud illas Gentes recipiat. Cap. 32.

*Gaspar Vi-
lela lib. 3.
Epist.*

Dæmon autem tanto apud hosce miseros in honore est, vt ei magnificentissima phana exstruantur : in quibus horribili specie sese identidem offerens, cum alibi adoratur à populo, tum praesertim in monte suburbano, in quo fuisse quondam aiunt cœnobiorum septem millia, quamuis nunc minus multa visantur : quorum est vnum in primis opulentum, & confluenti omnium ordinum multitudine vsque adeo celebre, vt cum Reges bella gesturi ingentem auri vim ei delubro voueant, & victoria parta perfoluant ; tum infima quoque plebs in suis difficultatibus, atque periculis eodem auxilij causa confugiat. quibus dæmon per quietem apparens, persuadet se ipsorum religione placatum, eos è periculo eripuisse, perindeq. ijs cetera in posterum cessura, vt ipsum rite, negligenterve coluerint. quibus ille artificijs, ita imperium in has gentes exercet, vt magnopere metuatur, obseruetur, denique adoretur ab omnibus.

Ille quoque deplorandus hominum error est, Bonzium quendam Combadaxi nomine, ante octingentos annos ferunt in hac vrbe versatum, quem equidem existimo hominis forma dæmonem fuisse, adeo nefaria scelera ab

co

eo excogitata, ceterisq. demonstrata narrantur. hunc tradunt deducere stellas è czlo, & futura prædicere solitum: Inuentorem etiam litterarum fuisse, quibus Iaponij vtuntur, sibiq. multa eaq. magnifica templa ædificari iussisse, extremaq. iam ætate subterraneum sibi effodi specum, in quem vltro se condidit, cum diceret, se iam vitæ huius satietate teneri, & in eo specu viuentem velle quiescere ad annorum decies millies millia, quo tempore fore, vt magnus quidam in Iapone doctor existeret, seq. tum in lucem hanc esse rediturum: eo sermone habito, se intra specum obturato ostio occludi imperasse. magnum est eius vbique nomen, & viuere etiamnum creditur, multisq. se per visum offert, & ab eo plerique suppliciter opem implorant. Anniuersaria vero illius diei solemnia, quo die sese in specum abdidit, mirum, quanta remotarum etiam nationum frequentia celebrentur.

Alij præterea diuersis ætatibus fuere tres, vel quatuor Bonzij summa eruditionis existimatione, quibus item magni honores habentur: & vni præsertim, quem ante annum trigesium vixisse perhibent, authorem sectæ eius, quam Icoxos vocant: magna apud plebem autoritate: Cui sectæ Bonzius semper cum imperio præsidet, stupris, flagitijsq. palam turpiter deditus. quem plebs nihilominus tanta pietate, ac veneratione prosequitur, vt eum si modo aspexerit, vim lachrymarum profundat, soluiq. se admissis noxis ab eo suppliciter petat. eidem tantum pecuniæ deferunt, vt magnam Iaponicarum diuitiarum partem vnus obtineat. Festos vero eius dies quotannis ita conferta populi multitudo concelebrat, vt in ipso cœnobij aditu, cum fores aperiuntur, obtriti aliqui semper intereant: quibuscum ita præclare agi putatur, vt nonnulli religionis causa sese pedibus irrumpentiũ vltro calcandos, necandosq. substernant. nocte autem, oratio de laudibus eius dum habetur, tanta auditorum comploratio oritur, vt si publicè magnum aliquod incommodum, ac vulnus esset acceptum.

De celebritate circa Idolum, strieto ense super equum insidens.

Cap. 34.

M Vltæ vidi post meum aduentum memoratu digna, è quibus, ne longior sim, vnum dumtaxat exponam. Iulio mense festum diem agunt Daimaogini, quem excellenti sanctitate virum, asseclam aiunt fuisse prisce cuiusdam Imperatoris. hunc Sacaienses adorant, templis compluribus ei dicatis, & ludos eiusmodi faciunt. Horis pomeridianis viam vrbis longam ad passus ducentos transuersis vtrinque signis ac tabulatis obsepiunt, ne plebi introspicere liceat: tum magna hominum multitudo à tribus passuum millibus eo contendit. In primo agmine idolum procedit equo insidens, strieto manibus ense phæragno, pueris duobus deinceps comitantibus, quorum alter arcum eius & pharetram, alter accipitrem gerit. pueros multæ equitum turmæ certis insignibus distinctæ sequuntur, & magna præterea peditum vis, qui voto sese ei celebritate obstrinxere, saltantesq. concinunt, Xenzairaquu, Manzairaquu, hoc est annos mille voluptatis, mille millena millia gaudij. Hanc turbam Bonzij primum candidati psallentes, deinde vniuersa nobilitas in equis mitrata, postremo quinque vel sex veneficæ magno mulierum comitatu lineatæ sequuntur: extremum agmen claudunt ingentes armatorum

Gaspar Vilela ibid.

copiæ ad excipiendam Daiomagini leſticam prodeunt ad viam, quam clauſam eſſe dicebamus. Leſticam vero ipſam inauratam leſticarij ferunt viginti, qui varias cantilenas velut intercalari quodam carmine concludunt Xenzairaquu, Manzairaquu, eandem, ſimul atque proferunt in publicum, iactata ſuppliciter ſtiſe, alijsq. ſimilibus veneratus populus. Hanc ego ſuperſtitionem, & alias in hac Vrbe conſpexi, quas Dominus aliquando penitus abolere dignabitur.

De ingenti ſtatua Amidæ, & Templis, & de ſtatua Cacodæmonis turpiſſima figura, quæ adorabatur. Cap. 35.

*De Iaponi-
cis rebus
epiſtolarum
lib. 3. Aloy-
ſius Froes
Societ. Jeſu
in Sinas.*

ET cum eiſmodi gentis natura, tum illud quoque vel maxime Chriſtianam cauſam adiuuat, quod multe ſunt ſuperſtitionum ſectæ, non ſolum diuerſæ ac variz, ſed etiam inter ſe pugnantes, quo facilius eſt diabolica mendacia, fraudesq. conuincere. Circa Meacum in patentibus campis plurima ſunt Idolorum phana, è quibus adij Chriſtianorum ductu nonnulla. In ijs quoddam eſt Amidæ Sacrum, ab vrbe quatuor fere paſſuum millibus, à priſcis Imperatoribus conditum, ac ſubinde renouatum, longitudine vlnarum centum circiter, & quadraginta. Ingentes habet valuas in medio. Ingredientibus obijcit ſeſe ſuggeſtus, in quo Brachmanis habitu, perforatis auribus, mentoq. & capite raſo, ingens Amidæ ſtatua conſidet. Supra ſtatuum quaſi pro vmbaculo pendent excepta catenis multa, magna q. tintinnabula: circa ludentium ſpecie triginta cernuntur milites, ſtriſtis telis armati, ſaltantes Aethyopes, anus venefica, dæmonesq. teterrimi: effingitur etiam certa quadam imagine ventus, horriſcoq. aſpectu tonitrua: ad hæc ſepteni gradus ad templi totius longitudinem porriguntur: in ijs ordine certo diſpoſitz vnus Canonis, Amidæ filij imagines omnino mille, hinc inde quingenæ eadem omnes forma, ore venuſto, egregie factæ, tricena brachia totidemq. manus oſtendant: è quibus duo tantum ad reliqui corporis magnitudinem apta proportione conueniunt, cetera parua ſunt, duo etiam lumbos præcingunt. Singulæ porro ſtatuz bina tenent iacula, peſtus inſignitæ ſeptenis hominum vulticulis, corona capiti impoſita cum diademate radiante. Sunt autem cuncta eius templi non modo ſimulacra, ſed etiam quæ diximus tintinnabula, & ipſæ catenæ magna obrizi auri copia, ſcite admodum ab imo ad ſummum vſque verticem inteſta ſic, vt fulgorem intuentes oculi ferre vix poſſint. Locus eſt celeberrimus, multiq. eo longinquis è regionibus religionis cauſa confluunt.

Inde paſſuum interuallo duum circiter millium collis attollitur, ad cuius radices veterem quandam Academiam multis diſtinctam Canobijs, tenui fluens aqua riuus circuit amœniſſimus: multa ibi delubra, quorum in aliquibus magno cultu adoratur ſtatua cacodæmonis, facie magis etiam quàm apud nos pingitur, ſæda, & horribili, in ſummo autem colle ingentia tria, lignea templa, ligneis item columnis mira craſſitudine ſuſpenduntur, inſimo pavimento ſtrato laterculis leuigatis. In eorum vno colofſeum immanis magnitudinis Xacæ ſignum, ſingulas habet ad dextram, læuamq. ſtatuas paulo minores: à tergo autem quoddam quaſi folium exſurgit, ex quo ſigillorum vnus palmi duo circiter millia prominent, infantesq. præterea bimifere

fere quadraginta, denique latus verumque templi spatii armati demones bi-
ni custodiunt: hæc autem aurata sunt omnia. Alterum est templum probā-
dis, & laurea donandis, veteri Academiarum more scholasticis destinatum.
In eo pulpitum, vexillis compluribus è superiori parte pendentibus, eminet
lignum, in quod scalis tribus ascenditur; est ibi mensa cum cathedra parata
magistro, qui actibus eiusmodi præsidet, itemq. ad imum suggestum, Alterz
in vium discipuli, qui eo iudicio probandus, insignibusq. doctrinæ publice
decorandus est, templum autem ipsum lacertæ, seu stellioni dicatum est,
quem vulgo Deum, ac præsidem litterarum, & eruditionis existimant. Huic
nulla neque ara, neque statua, ut ceteris Dijs erigitur, in summo tantum
laqueari, multiplicem conuolutus in spiram ingenti orbiculari forma depin-
gitur, ut scholastici, dum eum supplices venerantur, oculos, mentemq. si-
mil ad superna cogantur attollere.

Tantum pauca hæc cōmemorasse sufficiat, ut hinc quisque conijcere possit
quanta tyrannide, per tot annorum millia, abominandi Dæmones noui or-
bis gentes possiderent & quot miserabiles animas ad interitum pertraherent.
Donec Insulæ de longe (quando venit plenitudo temporis, in potestate Dei
reposita) audirent verbum Dei, & illucesceret eis lux magna, gloria Do-
mini super eos oriretur, & fugarentur è regionibus illis Aspides, & Basilisci,
Leones, & Dracones. Quod Dei inexplicabilis bonitas, & longanimitas fe-
cit nouissimis his sæculis, opera Christianorum, & Religiosorum virorum,
præsertim autem per venerabiles Patres Societatis Iesu, qui à Deo verius-
que orbis Apostoli constituti, docent ubique scientiam salutis eos, qui in
tenebris, & umbra mortis sedent.

De Demonibus homines ad falsa dogmata propellentibus.

Cap. 36.

Sed implacabiles Dæmones, in sua malitiâ persistentes, ab illis tam lon-
ginquis regionibus pulsi, illuc redire videntur, unde à Christiana fide
fugati fuerant, ad nostrum scilicet orbem, Christiana fide imbutum; & cum
rursus homines ad adpranda falsorum Deorum Idola inducere non possint,
aliam inuenerunt decipiendi viam, excitando scilicet aliquos, non ad detestā-
dam Christi Domini fidem, quam populus Catholicus inuiolatam amplecti-
tur, & portæ inferi non possunt prævalere aduersus eam, sed ad recipiendos
aliquos errores circa ea, quæ fidei sunt, & ad negandas aliquas veritates,
quæ in Ecclesia Dei traduntur, ut, si fieri potest, saltem hoc modo præuale-
re possint, & ad amissum reuertantur principatum.

Subijciamus hic aliqua ad hoc argumentum pertinentia.

*Impius vir, iterata baptismata suadens, à sauo Damone horribi-
liter in aquis suffocatur. Cap. 37.*

Quidam vir apud Sarmatas, lucri, & gloriæ cupidus, noua, & insana dog-
mata disseminabat (ut accepi ab amico meo, fide digno, qui in Po-
lonia diu permanerat) hic suggererat plurimis hominibus in quibusdam il-
lorum regnorum partibus, ut, qui semel baptismo à peccatis ablutus esset, si

D 4 deinde

deinde milles peccasset, iterum ad baptismum rediret, ut ablueretur. Cumque errores facillime ab inerudita plebe recipiantur, praesertim si habet magistrum, qui extra sanctitatem praefertens, apud plerosque aestimationem obtineat. Hi enim ostendentes magnum zelum se habere animarum, verosque esse Dei cultores, & veritatis amatores, nullo negotio incautam plebeculam, Damone suggerente, in suas sententias pertrahunt. detinent autem, quos deceperunt in erroribus, hoc solo praetextu, quoniam Catholici non viuunt secundum Euangelium, & in peccatis sunt totius, & qui praesunt alijs, seculi vitam agunt, & scandala seminant. veruntamen ipsi iactant se non esse sicut ceteros, raptos, adulteros, fornicarios, auaros, atque huius farinae homines, sed esse rectos in corde, & iustos in opere, & ut tales habeantur, simulatam pietatis imaginem extrinsecus assumunt.

Vir autem iste hoc modo auctoritatem consecutus apud multos, trahebat illos ad credendum impijs sanctificationibus, & ablutionibus suis. Quapropter quadam die indixit omnibus vniuersale baptismum in publico lauacro, spondens spiritum Dei affuturum, & facturum esse ibi magnas suae virtutis operationes. Concurrent omnes undique, & festinant ad aquas. Cum autem populus numerosus conuenisset, magnus ille magister, honoris gratia primus voluit baptizari. Quapropter ingreditur lauacrum, vix impias aquas tetigit, ecce infelix homo rapitur ex aquis ab inuisibili Damone, & sursum fertur in aera, & statim refuso impetu sub vndis immergitur. Rapitur secundo, & tollitur in altum, omnibus admirantibus, & trementibus, & denuo magis vi redditur gurgiti. Cumque tertio in sublime raptus violenter in lauacrum proijceretur, intrauerunt aquae usque ad animam eius, & operuerunt eum, & suffocatus interiit, iubente Deo, ut qui Diabolum voluit habere impostorem, eundem haberet carnificem & tortorem, temporaliter punitus in aqua, in aeternum torquendus in igne. Commemoratur etiam casus iste horrore plenus à Thoma Bozio sacerdote Congregationis nostrae, in egregio opere, De signis Ecclesiae to. 1. lib. 5. cap. 11.

Quomodo Deus potestatem praebet Daemonibus, ut sint peccantium tortores. Cap. 38.

Posterea Deus, qui inordinata, & sine lege errantia ad ordinem reducere nouit, Demones istos à caelis delapsos nonnunquam etiam ad inferendas vexationes, & supplicia hominibus, quos iusto aliquo iudicio vexare proposuit, ordinare solet: sicut Rex, qui lictores habet, & iustitiae ministros. Qui Demones à Deo potestatem nacti, iracunde, & implacabiliter eam contra homines exercent, ipso Deo sic permittente, vel, ut homines cruciatus admoniti resipiscant: vel si resipiscere nolunt, sit eis praesens castigatio aeternarum poenarum initium: Sed praeter ea, quae paulo ante dicta sunt, referamus hic aliquas immisiones, & per Angelos malos inflictas vexationes, ut caueant homines, ne à Deo derelinquantur, & peccato exigente crudelissimis tormentibus tradantur, atque iterum diabolicae potestati, quam Christus fregit, subijciantur.

Mulier

Mulier quædam voluptatibus, & delicijs inconcessis nimis indulgens, desuper tacta, resipiscere nolens, Daemonibus traditur.

Cap. 39.

IN Ciuitate Crotonis, anno Domini 1573. erat Mulier in ætatis flore cõstituta, in primis nobilis, & diues, & eximie pulchritudinis, quæ corporis sui forma in virorum perniciem abutens, facta erat laqueus totius Ciuitatis: vt quicumque eam videret, ad concupiscendum eam, iam mœcharetur in corde suo. Quapropter parentibus non renuentibus huc, & illuc vagans, & per vias, & fenestras sese ostentans, plurimorum corda ad sui concupiscentiam rapiebat. Quodam die, mulier ista, quæ nihil aliud somniabat, quam ludos, & spectacula & choreas, comicasq. repræsentationes, & incedere pompose, & oblectare oculos, & aures, & lasciuientibus obtemperare sensibus, omnibus ornamentis suis ornauit sese, venuste comas supra frontem erexit, & crines intortos aurea vitta ligatos artificiose disposuit, & imposuit super caput eius reticulam sericam, & auribus candidas appendit margaritas, & cinxit collum monilibus, & vestes induit diuersicolores, ignea Diaboli arma, & fœdarum libidinum incitamenta. Cum autem corpus suum, hoc modo exornasset, festinauit cum ancillis ad cuiusdam diuitis domum, vbi lusus, & iucunda spectacula exercebantur, ibiq. plurimi tam viri quàm mulieres conuenerant, sicut turbæ ad theatrum. Itaq. mulier hilari, & iucunda sine fræno cor suum in eodem loco, voluptatibus, & oblectationibus relaxauit. Sed, quoniam extrema gaudij luctus occupat, ecce repente adolescentula ingenti laterum dolore corripitur, & conquerense iulat, & clamoribus omnia miscet: & voluptatis domum facit luctus, & doloris domicilium. Parens autem eius videns filiam penè dolore exanimatam, eam domum reduci curauit: vbi adhibitis à perito medico idoneis medicamentis, cum adhuc morbus ab inclementia sua non recederet, & in discrimen vita eius deducta esset, accersitus est Confessarius, vt animæ eius mederetur, qui veniens ad ipsam benigno sermone eam excipiens hortabatur, vt posthac non duceret in vanitatē dies suos, sed totam se ad Deum diligendum traderet, in cuius dextera veræ voluptates sunt: & de præteritis culpis ingemiscens, veniam peteret, & confiteretur peccata sua Deo, quoniã est bonus, & in secula misericordia eius, conabaturq. ostendere illi, quam graue crimen esset, ducere vitam, totam in vanitate sensus expositam. Ipsa autem cuius cor vanitatem biberat, sicut aquam, contulit se ad excusandas excusationes in peccatis, asserens mulierem nobilem, & in ciuitate sua primariam non dedecere, hæc agere. Reprehensa de verbo hoc à Confessario, quoniam huiusmodi vanitates, & deliciæ molles, & fucus sunt detestabiles apud Christum: & quoniam mulier in delicijs viuens, non viuens, sed mortua est, illa indignas, & diabolico agitata spiritu respondit. Si Christus vult me ipsam, vti sum: talem me recipiat, sin minus, dimittat me mihi, nihil moror. Mulieris contemptus diuinam mansuetudinem exacerbauit. Et pertinax propositum eius, quod non flectebatur ad pœnitentiam, aures altissimi offendit. Quapropter Confessarius impœnitenti mulieri pœnitentiæ sacramentum administrare non potuit, & dolens mulieris sortem, recessit ab ea. Interim pater eius cogitans

gitans illam peccata confessam esse, cum morbus ingrauesceret, admonuit Parochum, ut viaticum de more filiae deferret: cum autem Parochus cum sacramento usque ad ianuam cubiculi pervenisset, tunc ventus validus, quasi turbo, portae valvas impellens terribili impulsu, observavit eas, ita ut nullus in cubiculum ingredi posset. Dum autem tentarent oclusam aperire portam, audiebatur strepens rumor, qui fiebat in cubiculo aegrotantis mulieris, & palmarum inuicem se collidentium tristicus sonitus, & oris ingens clamor. Tandem valvae aperiuntur, ingressique omnes, vident thori papilionem humi prostratum, thorumque ipsum eversum, muliebres vestes per thalamum dispersas, calamistram, calathos, vascula vnguentaria, vittas, fasciolas, omniaque capitis operimenta, & crepidas, & calceos, totamque eius fucatam suppellectilem dissipatam: & quod omnibus terrorem incussit, inveniunt infelicem mulierem intra lindeolum miserabiliter exanimatam: cuius cadauer horribile erat ad videndum. Videntibus autem illis, quae facta fuerant, Deum in iudicijs terribilem timuerunt. Pater penè dolore confectus, quoniam defunctae filiae corpus sacro loco (canone prohibente) sepeliri non potuit, ut in littore maris sepeliretur, mærens mandavit. Quod cum factum esset, altera die, idem corpus insepultum repertum est, cumque iterum mandaret pater, ut sepulturae traderetur, iterum supra arenam insepultum repertum fuit. Quod pater audiens, & intra seipsum fremens, maledixit illam, dixitque indignans: Si terra eam non vult, Diabolus, qui habuit animam eius, habeat & corpus, & ita factum est, nam cadauer illud execrabile amplius non comparuit à Dæmonibus sublatum, ut abiret in locum suum. Tremendum hunc casum retulit nobis Religiosus Pater ex venerabili Capucinatorum familia, cum in Ecclesia nostra quadragesimæ tempore conciones haberet, dicebat autem se audiuisse hæc omnia, à quibusdam civibus Crotoniatis, ibi cum aliquando concionaretur.

Contemptor diei, in qua sanctissimi corporis Christi memoria recolitur, terribiliter Diabolo traditur, qui sub serpentis figura deuorauit illum. Cap. 40.

IN quadam regione Poloniarum, quidam vir Diabolo aures accommodans relicta fide Catholica, quam inuiolatam à maioribus acceperat, transiit ad hæreticos. Hic habebat vineam, quam cum certo tempore, nescio quid cultum vellet in ea, & solemnitas diei approximaret, in qua institutio sanctissimi Sacramenti corporis Christi venerationis gratia inter Catholicos recoli solet, decreuit eadem die in contemptum eius festiuitatis conducere operarios, ut foderent eam. Vxor autem viri huius, in qua nondum plene catholica fides, quam à teneris annis acceperat, extincta erat, rogabat virum, ne eo die tam solemnem opus illud mechanicum exerceret in vinea. Ille autem lætabatur, quoniam daretur sibi occasio contemnendi diem illum: & uxorem suam non audiens, illucescente sacro die profectus, conduxit operarios, & duxit in vineam. Sedens autem super gramen, alacri animo operarios ligonibus terram proscindentes aspiciebat. Vix operarii opus aggressi fuerant, cum repente ecce immanis coluber, repens, & in spiris sese colligans, & exiliens, & linguis trifurcis ore micans aduersus vineæ domi-

NUM

um sinuoso flexu, sublato pectore, cerula colla attollens, & veneno tumenti fertur, horrenda sibila mittens. Cumque peruenisset ad illum, collum eius tam strictis complexibus circumcinxit, donec superbum contemptorem necauit. Fugerunt operarij à facie colubri, sed ultor serpens, adhuc perstans super illum, nec morte eius contentus, lethalibus moribus cepit eum deuorare. Vt nulli esset dubium in serpente illo, astitisse Diabolum, qui eum, quem prius veneno perfidiae necauerat, eundem postea iubente Deo veneno extinctum, deuoraret in corpore. Semper enim quaerit quem deuoret, sed deuorare non potest, nisi eum qui non stetit fortis in fide.

Deum, & B. Virginem blasphemans, à Daemonibus viuus ad aeternos cruciatus defertur. Cap. 41.

Religiosus quidam ex Capuccinis ex Sicilia insula cum socio suo redibat in Italiam. In ea naui, qua vehebatur, erat homo, nescio an vnus ex Nautis esset, qui mala quadam valetudine affectus, eam patienter ferre non valens, maledictionibus, & blasphemijs erga Deum, & Virginem Dei matrem iaculatis, querebat ægritudini suae solatium. Hoc cum indigne ab omnibus, qui in naui erant, audiretur, & propterea timerent, ne nauis, blasphemias vlsciente Deo, mergeretur in profundum, primum Religiosus ille pater hortabatur eum, vt cessaret à blasphemijs illis, & linguam effrenem compefceret, ne illum Deus exterminaret: ipse tamen huiusmodi correptionibus magis exacerbatus, fortius blasphemabat. Ceteri quoque circumstantes, acris verbis virum obiurgantes, & comminantes ei, nisi desisteret, ira percitus, & Diabolo stimulante, in furorem versus, in maledicta execrabilem linguam vehementius accendit. Adhuc os contumeliosum eruçtabat dira verba, & tamquam iacula contorquebat in calum, quando fumus ater, & nebulosus egreditur ex quadam spelunca, quæ erat ex aduerso, iuxta loca vnde (sicut ex Vesuuio monte contingit) ignes nonnunquam erumpere solent, & eleuatus in altum, cogitur in grandem nubem, quæ per aerem pergens capit descendere super nauem; cumque super illam incubuisset, omnes, qui illa vehebatur, trepidare metu, percutere pectora, emittere vota, fundere orationes, clamare ad Dominum: Salua nos, perimus: sentiebant enim repetitum illius nubis aduentum super nauigium, aliquid portendere. Vix horrenda nubes aliquantulum super nauem incubuerat, quando rursus in aerem tollitur, & auditur in eam clamor hominis blasphemantis, & petentis auxilium, qui ab inuisibilibus Daemonibus raptus intra nebulam ferebatur. Mox prodigiosa nubes æthera secans in tenebrosam antrum ingreditur, vnde egressa fuerat secum ferens miserabilem hominem, qui vlsciente numine traditus est crudelissimis tortoribus, vt per vias mortis ducerent illum ad igneam & æternam carnificinam. Religiosus ipse, qui interfuit, retulit hæc aliquibus ex Patribus suis, à quibus hæc accepimus.

In

In quantam intellectus obscuritatem, & morum turpitudinem inciderint Philosophi, qui sapientiam profitebantur inter Gentes, testimonio Pauli Apostoli, & Ioannis Chrysostomi.

Cap. 42.

Rom. I.

Sed & illi, qui inter Gentiles sapientum nomen sibi usurpabant, nihilo meliores alijs fuerunt: nam plerique eorum, aut Deum non cognouerunt, & post idola abierunt, aut si cognouerunt, non sicut Deum conglorificauerunt (vt Apostolus ait) ita vt sint inexcusabiles. & euauerunt in cogitationibus suis, & obscuratum est insipiens cor eorum, & dicētes se esse sapientes, stulti facti sunt, & mutauerunt gloriam incorruptibilis Dei in similitudinem imaginis corruptibilis hominis, & volucrum, & quadrupedum, & serpentium. Propter quod tradidit illos Deus in desideria cordis eorum in immunditiam: vt contumelijs afficiant corpora sua in semetipsis. Qui commutauerunt veritatem Dei in mendacium, & coluerunt, & seruierunt creaturæ potius, quàm Creatori, qui est benedictus in secula seculorum. Propterea tradidit illos Deus in passiones ignominie. Nam feminae eorum immutauerunt naturalem usum, in eum usum, qui est contra naturam: similiter autem & masculi, relicto naturali usu feminae, exarserunt in desiderijs suis in inuicē, masculi in masculos turpitudinem operantes, & mercedem, quam oportuit erroris sui in semetipsis recipientes, & sicut non probauerunt Deum habere in notitia, tradidit illos Deus in reprobum sensum, vt faciant ea, quæ non conueniunt, repletos omni iniquitate, malitia, fornicatione, auaritia, nequitia, plenos inuidia, homicidijs, contentione, dolo, malignitate, susurrone, detractores, Deo odibiles, contumeliosos, superbos, elatos, inuentores malorum, parentibus non obediētes, insipiētes, incompositi, sine affectione, absque fœdere, sine misericordia, qui cum iustitiam Dei cognouissent, non intellexerunt: quoniam, qui talia agunt, digni sunt morte: non solum, qui ea faciunt, sed qui etiam consentiunt facientibus.

*Io. Chrysos.
lib. contra
Gentil. 1. 3.*

Chrysostomus disputans contra Gentes, de Philosophis sic ait: Illa, quæ Græci iactabundi efferunt, Philosophis suis attribuentes, facile commonstrant vanam gloriam, temeritatem, & puerilis cogitationis opera esse. Neque enim temere apud nos, dolio quis accepto se ipse inclusit, neque vili, ac lacero panno obtectus, sic per forum ingressus est. Ea enim admirabilia quidem esse videntur, laboreq. multo, ac summa ærumna plena, sed indigna tamen sunt, quæ laudem mereantur. Est autem Diaboli astutia, sibi seruientes laboribus eiusmodi addicere, vnde qui decepti ab illo fuerint, tum diuellantur, cum ridiculi omnibus appareant. Labor enim is, ex quo nullum lucrum manat, nullam prorsus laudem meretur. Etenim existunt etiam hodie perdit quidam homines, nullis non flagitijs pleni, qui multo maiora iactant, quam Philosophus ille. Alij enim acutos clauos comedunt; alij calceos mandunt, & deglutiunt; alij ad alia his longe flagitiosiora malè consulti se conferunt; opera porrò huiusmodi multo sunt admirabiliora, quàm vel dolium illud, vel panni illi viles, ac lacri: sed ea tamen minime probamus, sicuti neque illa, quinimmo & istos, & omnes item, qui similibus præstigijs mirabiles sunt, æque, ac philosophum eundem damnantes deploramus.

ramus. Hæc Chrysostomus. Qui alijs huiusmodi pluribus enarratis, paulo post subdit: Vides nunc me non iactabunde, non temere paulo ante dixisse philosophorum vestrorum miracula à Babyla puerilis sensus opera reddita fuisse. At temperans, inquit, fuit, continentemq. vitam egit Sinopenfis ille, ut qui etiam legitimas nuptias non sustinuerit. Sed adde obsecro, temperantiæ, ac continentię illius modum. Tu vero nequaquam addes, quin libentius temperantiæ laudes illi detraxeris, quam temperantiæ eius modum prodideris, adeo certe ille infamis, ac magno dedecore plenus. Percurrerem hoc loco, & ceterorum nugas, stultum, ac vanum studium, denique turpitudinem: vbi enim quæso, vtile à seminis humani gustu non temperare? id quod faciebat Stagyrites: quale commodum cum matribus, ac sororibus misceri? quod quidem Philosophus Stoæ præfectus lege sanxit. Percurrerem etiam Academiæ principem, illiusq. discipulum, item, & eos, de quibus maior est admiratio, his, quos nominaui, obsceniores fuisse demonstrarem: obscenum quoque puerorum amorem ab illis in honestatis, ac philosophię parte annumeratum, omni resecta allegoria denudarem, nisi tum nobis ad alia properantibus oratio longior hac ratione fieret, tum omnium illorum risus, vno à nobis detecto, satis superq. redargueretur. Vbi enim est, qui austeriorem philosophię partem sequi visus est, quique ceteros, & linguæ libertate, & vitæ continentia excelluit, adeo turpis, adeo ineptus, adeo immoderatus fuisse demonstratus est (nam & humanis vesci carnibus indifferens esse dixit) quorsum attinet, & de reliquis deinceps verba facere, præsertim vbi, qui studij, ac vitæ instituti excellentia ceteris illustrior fuit, omnibus tam ridiculus, tam puerilis, tam delirus apparuit. Plura ibi Chrysostomus.

Enarratio infelicissimi status, in quo Respub. Romana, quæ omnibus Gentibus principabatur, ante aduentum summi Regis caelestis in mundum, iacebat. Cap. 43.

Rursus autem operæpretium est, videre, & singillatim cognoscere, qualis extiterit Romanæ Reipub. status, antequam Christus Dominus in mūdum venisset, apud quos, & non apud alios, erat sedem suam locaturus, in perpetuum duraturam, contra quam postea nullæ potentię neque hominum, neque Principum tenebrarum erant præualituræ; ut appareat, quò tendant homines sine Deo, & sine cælesti fidei lumine; & videatur, quod quo magis quærunt homines proprijs viribus suam statuere, & producere felicitatem, eo magis ab illa distent, cognitaq. mundi huius fallacia, humana etiam imbecillitate, Iesu Christi gratiæ, quam mundo attulit, resplendeat in omnium oculis maiestas, & sublimitas regni Christi, ad quod homines fidem Christi sequentes perducit, & regnare facit super sydera per æterna tempora. Sed non omnia breui sermone describi possunt, quæ ab ijs, qui historias conscripserunt, litteris mandata sunt. At inter multa, & pene innumera, quæ contigerunt, nonnulla afferam, quæ congeffit Paulus Orosius in Historijs suis contra Paganos.

Mise-

Miserabilis status Romanæ Reipub. quæ ut à peste Urbem liberaret, ludos Scenicos Dijs suis decreuit. Cap. 44.

*Paulus Oro-
sius lib. 3.
cap. 4.*

Anno ab Vrbe condita 384. L. Genucico, & Q. Seruilio Coss. ingens vniuersam Urbem corripuit pestilentia. Non ut assolet, plus, minusve solito temporum turbata temperies, hoc est, aut intempestiua siccitas hyemis, aut repentinus calor veris, aut incongruus humor æstatis, vel autumnus diuitis indigesta illecebra, insuper etiam expirata Calabris saltibus aura corrumpens, repentinos acutarum infirmitatum afferret transcursus, sed grauis, diuturna. in nullo dispar sexu, in nulla ætate dissimilis, generali cunctos per biennium iugiter tabe confecit. Ut etiam quos non egit in mortem, turpi macie exinanitos, afflictosque dimiserit. Sed videndum est, quibus remedijs pestilentes morbos arcere de finibus suis conati sunt Romani viri. Ad Pontifices falsorum Deorum cultores venerunt, petierunt ab ipsis, quid agendum esset, ut ira Deorum placaretur, & sedarentur morbi. Suasere illi, ut ludi Scenici Dijs appetentibus ederentur. Et ita pro depellenda temporali peste corporum, accersitus est perpetuus morbus animarum. Quantæ tunc in animis tam magnorum virorum irrepsert tenebræ, & humana sapientia ubi ceciderat, ut putaretur ira diuina placari posse per ludos Scenicos, quasi quod Dijs sui ludis delectarentur, & recitatione Comediarum per Mimos & Comicos facta, & pestis Tragædia per ioca, & Comedias pel-leretur. Dolendus quidem rerum status, & omni miseratione dignissimus.

Prodigium magnum in Rom. vrbe, in qua terræ vorago facta est, in quam vir Romanus vltro se præcipitem dedit.

Cap. 45.

*Ex Paulo
Oros. lib. 3.
cap. 5.*

Sequitur post miseram luem, miserioremque eius expiationem proximo anno satis triste prodigium. Repente siquidem medio Urbis terra dissiluit, vastoque prærupte hiantia subito inferna patuerunt. Manebat diu ad spectaculum, terroremque cunctorum patenti voragine impudens specus, nefariamque viui hominis sepulturam, Dijs interpretibus, expetebat. Satisfecit improbis faucibus præcipitio sui Marcus Curtius, vir eques armatus, iniecitque crudeli terræ inopinatam societatem, cui parum esset, quod ex tanta pestilentia mortuos per sepulchra susciperet, nisi etiam viuos scissa sorberet. Hoc insigni prodigio admonebantur Romani, quod falsis Dijs seruietes, post tot victorias, & regna armorum vi comparata, nil aliud sibi reliquum esse, quam descensus ad inferna loca, ad pœnas æternas sustinendas. Donec veniret, qui descendit ad Inferos, & tertia die resurrexit à mortuis, quæ ignorabant, in cuius aduentu cæli aperirentur, & vias vitæ ostenderet, & inferno morsum imponeret, victa morte: iterum putantibus illis, mortis inexhaustas voragines, & vias perditionis, mortuorum hominum cadaueribus occludere posse.

Alia ingentia Prodigia.

*Ex Paulo
Oros. lib. 3.
lib. 4. c. 4.*

Anno ab Vrbe condita 477. obscœna, & dira prodigia, vel visa Romæ, vel nuntiata sunt. Aedes Salutis ictu fulminis dissoluta, pars muri sub eodem

dem loco de cælo, ut dicunt, tacta est, Lupi tres ante lucem ingressi Urbem semesum cadauer intulerunt, sparsumq. membratim in foro, ipsi strepitu hominum exterriti reliquerunt. Apud Formias, multis ictibus fulminum moenia undique ambusta, & dissoluta sunt. Apud agrum Calenum repente flamma scisso hiatu terræ eructata tribus diebus, tribusq. noctibus terribiliter exarsuans, quinque agri iugera exhausto penitus succo vbertatis, in cinerem extorruit, ita ut non fruges solum, sed & arbores cum imis stirpibus absumpsisse referatur. Sequenti ab hinc anno Sempronius consul aduersus Picentes duxit exercitum. Et cum directæ intra iactum celi utraque acies constitisset, repente ita cum horrendo fragore terra tremuit, ut stupore miraculi utrumque pauefactum agmen hebesceret. Diu attoniti utrinque populi hæsitauere. Præiudicata incesti conscientia, tandem procursu concito iniere certamen. Triste adeo id bellum fuit, ut merito dicatur tantum humanum sanguinem susceptura, etiam cum gemitu horrifono tunc terra tremuisse. Romani pauci admodum eo prælio, qui euasere, vicerunt.

Ingentes calamitates Romanorū, quibus Deus Urbem affligebat, ut discerent temporalia bona non esse per se expetenda, sed æterna bona esse perquirenda, quæ erat manifestaturus Christus Dominus in aduentu suo.

Cap. 46.

Anno ab Urbe condita 480. inter multa prodigia sanguis è terra, lac visum est manare de cælo. Nam pluribus locis scaturiens e fontibus cruor fluxit, & de nubibus guttatim in speciem pluuiæ lacte demisso, diri, ut ipsis visum est, terram imbres irrigauerunt. Eo tempore Carthaginenses dato aduersus Romanos auxilio Tarentinis, cum à Senatu per legatos arguerentur turpissimam rupti fœderis labem, præsumpto accumulauere perituro. Tunc etiam Vulturnenses Etruscorum florentissimi, luxuria pene perierunt. Nam cum licentia in consuetudinem prorogata seruos suos passim liberos facerent, conuiuijs alligarent, coniugijs honestarent, libertini in partem potestatis recepti, plenitudinem per scelus usurpare meditati sunt, & liberati seruitutis iugo, ambitu dominationis arserunt, & quos Dominos subditis æquanimiter dilexerunt, eos etiam liberi, quos Dominos fuisse meminerant, execrati sunt. Itaque conspirantes in facinus libertini (quorū tanta manus fuit, ut sine controuersia ausu potirentur) correptam Urbem suo tantum generi vindicant; patrimonia, coniugiaq. dominorum sibi per scelus usurpant, extorres dominos procul abigunt, qui miseri, exules, egenesq. Romam deferuntur, ubi ostentata miseria querelaq. defleta per Romanorum seueritatem & vindicati sunt & restituti.

Anno ab Urbe condita 481. pestilentia ingens apud Romam conflagruit, cuius atrocitatem significare contentus sum, qui verbis implere non possum, si enim spatium temporis, quo mansit, inquiratur, ultra biennium vastando porrecta est; si depopulatio, quam egerit, census indictus est, qui non quantum hominum deperisset, sed quantum superfuisset inquireret; si violentia, qua affecerit, Sibyllini libri testes sunt, qui eam cælesti ira impositam responderunt. Sed ne quem tentata usurpatio translationis offendant, quod cum Sibyl-

la

la iratos Deos dixerit, nos iram cælestem dixisse videamur, audiat & intelligat, quod hæc, & si plerumque per aereas potestates fiunt, tamen sine arbitrio omnipotentis Dei omnino non fiunt. Eodem tempore Capparonia, Virgo Vestalis, incesti rea suspendio periit: corruptor eius, conscijq. serui supplicio affecti sunt. Ecce continuatim quæ & quanta numeramus accidisse annis singulis plurima, inter quos certe raro, aut pene nullo nihil triste gestum est. Et hoc cum ijdem scriptores, proposito sibi magis laudandi negotio, cauerent numerositates miseriarum, ne eosdem, quibus hæc, & de quibus scribebantur, offenderent, auditoresq. suos exemplis præteritorum, terrere potius, quam instruere viderentur. Porro autem nos in vltimo temporum positi, mala Romanorum scire non possumus, nisi per eos, qui laudauere Romanos, ex quo intelligi datur, quanta illa fuerint, quæ studio propter horrorem repressa sunt, cum tanta inueniantur, quæ tenuiter inter laudes emanare potuerunt.

De inexplebili, & extrema diuitiarum cupiditate, in quam Romani sine Dei veri cognitione prolapsi fuerant, ut templum Hierosolymis auro expoliarent, & regna auaritia gratia diriperent. Cap. 47.

*Ex Paul.
Orof. hist.
lib. 6. c. 13.*

ANno ab Vrbe cõdita sexcentesimo nonagesimo septimo Crassus in consulatu collega Pompeij prouinciã fortitus in Parthos; homo inexplebilis cupiditatis, audita in Hierosolymis templi opulentia, quam Pompeius intactam reliquerat, in Palæstinam diuertit, Hierosolymam adit, templum peruadit, opes diripit, inde per Mesopotamiam tendens in Parthiam, quacunque iter habuit, socijs ciuitatibus auxilia indixit, pretia exegit, moxq. ut Euphratem transijt, illico Vagesem legatum ab Orode rege Parthorum ad se missum obuiam habuit, à quo vehementer increpatus est, quod contra socius Luculli Pompeij auaritia inductus Euphratē transierit. Quamobrem sine mora futurum, ut pro auro Parthico serico ferro oneraretur. Itaque cum prope Carnos ventum esset, Parthi subito ingruentes cum Surena, & Sillace præfectis sagittis opprescere Romanos. Cecidere ibi plurimi senatores, aliquot etiam consulares, & prætorij viri. Crassus quoque filius Crassi lætissimus iuuenis in acie occisus est. Præterea quatuor cohortes cum Vargunteio legato medijs deprehensæ campis, & interfectæ sunt. Surenas rapto equitatu Crassum prosequi intendit, eumq. circumuentum, ac frustra colloquium eius petentem interfecit, quamuis viuum auferre maluisset. Pauci noctis beneficio liberati Caros confugerunt. Cognita clade Romanorum, multæ orientis prouinciæ à societate, vel fide Romanorum defecissent, ni Cassius collectis ex fuga militibus paucis, intumescentem Syriam egregia animi virtute, ac moderatione pressisset, qui, & Antiochum, copiasq. eius ingentes prælio vicit & interfecit. Parthos quoque ab Orode in Syriam missos, iamq. ingressos Antiochiam, bello expulit, ducemq. eorum Osacem interfecit.

Quo.

Quomodo Romanis inter tot tenebras, & morum corruptiones constitutis, Calorum regnum, aeternae diuitiae, & pax perpetua praeannuntiata fuerint sub typo Caesaris Augusti in die Epiphaniae Mundi monarchiam sibi assumptis, & sub typo circuli solis orbem ambientis, & fontis oleum eructantis. Cap. 48.

Anno ab Vrbe condita 725. ipso Imperatore Caesare Augusto quinquies, & L. Apuleio consulibus, Caesar victor ab Oriente rediens, octauo Idus Ianuarias, Urbem triplici triumpho ingressus est, ac tum primum ipse Iani portas sopitis omnibus, finitisq. bellis ciuilibus, clausit. Hoc die primum Augustus consalutatus est. Quod nomen cunctis antea inuiolatum, & usque ad nunc ceteris inausum Dominis tantum orbis licite usurpatum apicem declarat imperij: atque ex eodem die summa rerum ac potestatum penes vnum caput esse & mansit, quod Graeci monarchiam vocant. Porro autem hunc eundem esse diem, hoc est, octauo idus Ianuarias, quod nos Epiphaniam, hoc est, Apparitionem, siue manifestationem Domini sacramenti obseruamus, nemo credentium, siue etiam fidei contradicentium nescit. De quo nostrae istius fidelissimae obseruationis sacramento vberius nunc dicere, nec ratio, nec locus flagitat, ut, & quarentibus reseruasse, & negligentibus non ingressisse videamur. Hoc autem fideliter commemorasse, ideo par fuit, ut per omnia venturi Christi gratia praeparatum Caesaris Imperium comprobetur. Nam cum primum Caio Caesare auunculo suo interfecto, ex Appollonia rediens, Urbem ingrederetur, hora circiter tertia, repente liquido, ac puro, serenoq. die circulus ad speciem caelestis arcus orbem solis ambiit, quasi eum vnum ac potentissimum in hoc mundo, solumq. clarissimum in orbe monstraret, cuius tempore venturus esset, qui ipsum solem solus, mundumq. totum, & fecisset & regeret. Deinde cum secundo in Sicilia receptis a Pompeio & Lepido legionibus, triginta millia seruatorum Dominis restituisset, & quadraginta quatuor legiones solus imperio suo ad tutamen orbis terrarum distribuisset, ouansq. Urbem ingressus omnia superiora populi Romani debita donanda, litterarum etiam monumentis abolitis censuisset (in diebus ipsius) fons olei largissimus, sicut superius expressi, de Taberna Meritoria per totum diem fluxit. Quo signo quid euidentius, quam in diebus Caesaris toto orbe regnantis, futura Christi natiuitas declarata est? Christus enim lingua gentis eius, in qua natus est, Vinctus interpretatur, itaque cum eo tempore Caesari perpetua tribunicia potestas decreta est, Romae fons Olei per totum diem fluxit. Sub principatu Caesaris, Romanoq. Imperio per totum diem, hoc est, per omne Romani tempus Imperij, Christum, & ex eo Christianos, id est vinctum, atque ex eo vinctos de Meritoria Taberna, hoc est, de hospita, largaq. Ecclesia affluenter, atque incessabiliter processuros, restitutosq. per Caesarem omnes seruos, qui tamen cognoscerent Dominum suum, ceterosq. qui sine dominio inuenirentur, morti supplicioq. dedendos, remittendaq. sub Caesare debita peccatorum in ea Vrbe, in qua spontaneum fluxisset oleum, euidentissima his, qui Prophetarum voces non audiebant, signa in ca-

*Ex Paul.
Oros. hist.
lib. 6 c. 20.*

E lo

lo & in terra prodigia prodiderunt . Tertio cum Urbem triumphans quintū consul ingressus est, eo scilicet die, quem supra nominauimus, cum & Ianum post ducentos annos ipse clausit, & clarissimum illud Augusti nomen assumpsit, quid fidelius, ac verius credi, aut cognosci potest, concurrentibus ad tantam manifestationem pace, nomine, die, quam hunc occulto quidem gestorum ordine ad obsequium preparationis eius prædestinatum fuisse, qui eo die, quo ille manifestandus mundo post paululum erat, & pacis signum prætulit, & potestatis nomen assumpsit? Quid autem in quarto reditu, cum finito Cantabrico bello, pacatisq. omnibus gentibus Cæsar Urbem repetijt ad contestationem fidei, quam expromimus, actum sit, ipso ordine melius proferetur.

Omnia regnorum arbitrum esse Deum, omnia regna ad Christum regem referentem: & quomodo Abraham sub 42. anno primi Regis Nini natus est, ex cuius semine nasciturus erat Christus: Et quomodo Christus mirabili parallelo, 42. anno Augusti primi Imperatoris natus est. Cap. 49.

*Ex Paul.
Oros. histo.
lib. 7. c. 2.*

P Rincipio secundi libelli, cum tempora Romanæ conditionis styli tenore perstringerem, multa conuenienter inter Babyloniam Urbem Assyriorum tunc principem gentium, & Romam, æque nunc gentibus dominantem compacta conscripsi, fuisse illud primum, hoc vltimum imperium; illud paulatim cedens, at istud sensim conualefcens; defluxisse illi sub vno tempore nouissimum Regem, isti primum fuisse; illam deinde tunc inuadente Cyro captam velut in mortem concidisse, cum ista fiducialiter assurgentem post expulsos reges liberis vti cepisse consilijs, præcipue cum vindicante libertatem suam Roma, tum quoque Iudæorum populus, qui apud Babyloniam sub regibus feruebat, in Sanctam Hierusalem recepta libertate redierit, templumq. Domini, sicut à Prophetis prædictum fuerat, reformarit. Præterea intercessisse dixeram inter Babylonum Regnum quod ab Oriente fuerat, & Romanum quod ab Occidente confurgens hæreditate Orientis enutriebatur, Macedonicumq. Africæ regnum, hoc est quasi à meridie, ac septemprione breuib. vicibus partes tutoris, curatorisq. tenuisse, Orientis & Occidentis regnum Babylonium, & Romanum iure vocitari, neminem vnquam dubitasse scio. Macedonicum regnum sub septemprione esse cum ipsa cæli plaga, tum Alexandri Magni aræ positæ vsque ad nunc sub Ripheis montibus docent. Carthaginem vero vniuersæ præcelluisse Africæ, & non solum in Siciliam, Sardiniam, ceterasq. adiacentes insulas, sed etiam in Hispaniam regni terminos tetendisse, historiarum simul monumenta, Urbiumq. declarant. Dictum est etiam vastata per Medos Babyloniam, & irruptæ per Gothos Romæ, pares admodum annorum numeros cucurrisse. Nunc autem his illud adjiciam, quo magis clareat, vnum esse arbitrum sæculorum, regnorum, locorumq. omnium Deum. Regnum Carthaginense à conditione vsque ad euerfionem eius paulo amplius quam septingentis annis stetit: æque regnum Macedonicum à Carano vsque ad Persen paulo minus quam 700. vtrumque tamen septenarius ille numerus, quo iudicantur, terminauit omnia. Roma ipsa

ipsa etiam quamvis ad aduentum Domini Nostri Iesu Christi perfecto pro-
ueheretur imperio, tamen paululum, & ipsa in occurſu numeri huius offen-
dit. Nam ſeptingenteſimo conditionis ſux anno, quatuordecim vicos eius,
incertum, vnde conſurgens flamma conſumpſit, nec vnquam, vt ait Liuius,
maiori incendio vaſtata eſt, adeo vt poſt aliquot annos Cæſar Auguſtus ad
reparationem eorum, quæ tunc exuſta erant, magnam vim pecuniæ ex æra-
rio publico largitus ſit. Poteram quoque oſtendere, eundem duplicatum
numerus manſiſſe Babylonix, quæ poſt mille quadringentos, & quod ex-
currit annos vltime à Cyro Rege capta eſt, niſi præſentium contemplatione
reuocarer. Illud ſane libenter adiſcio, quia primi illius Regum omnium
Nini (quamvis, & pater eius Belus obſcure primus regnaſſe referatur) il-
lius ergo Nini anno, poſtquam regnare cæperat 43. natus eſt ſanctus ille
Abraham, cui dictæ ſunt repromiſſiones, ex cuius ſemine promiſſus eſt Chri-
ſtus: deinde nunc primi iſtius Imperatorum omnium Auguſti Cæſaris (quæ-
uis, & pater eius Cæſar metator imperij potius quàm Imperator exiſterit)
iſtius inquam Cæſaris, poſteaquam imperare cepit, immenſo propemodum
anno 42. natus eſt Chriſtus, qui Abrahæ ſub Nino primo Rege fuerat repro-
miſſus. Natus eſt autem ſeptimo Kalend. Ianuarij, quando primum incre-
menta omnia aani venientis incipiunt. Ita factum eſt, vt cum Abraham
43. anno natus ſit ſub fine 42. natiuitas Chriſti conueniret, vt iam non ipſe
in parte tertij anni, ſed in ipſo potius tertius annus oriretur. Qui quidem
annus quantis, quam nouis, quam inuſitatis bonis abundauerit, ſatis me non
proferente, compertum haberi arbitror. Toto terrarum orbe vna pax om-
nium, non ceſſatione, ſed abolitione bellorum, inclauiſæ Iani gemini Ianuæ,
extirpatis bellorum radicibus, non repreſſis, cenſus ille primus, & maximus
fuit, cum in hoc vnum Cæſaris nomen, vniuerſa magnarum gentium crea-
tura iurauit, ſimulq. per communionem ſitus vnius ſocietatis effecta eſt.

*Qua ratione Deus prouidentia ſua fugare à liminibus orbis tot
tenebras, falſiſſimam Religionem proſternere, tot turpitudines
ab orbe ſuo eliminare cogitauerit, veramq. Dei cognitionem,
verumq. cultum, & honorabiles, & ſplendidas virtutes in mun-
dum reducere.* Cap. 30.

Deus omnipotens, cum ſtatuſſet ad oſtendendam potentiam ſuam, gen-
tium fortitudinem in infirmitate conterere, & opulencias, & quod al-
tum eſt apud illas, paupertate, & humilitate proſternere, & Regna, & Im-
peria huius mundi Chriſtianis virtutibus ſubijcere: Vidensq. Urbem Roma-
nam ad ſummum poteſtatis ſaltigium perueniſſe, & totum orbem imperio
ſuo continere, cogitauit excellam illam, & ſummam in orbe poteſtatem, ſub
pede humilium, & pauperum, & egenorum mirabili modo ſubdere, & ſigere
ibi tamquam petram virtutem poteſtatis ſux, quam hominibus volebat fa-
cere participatione communem, & fundare ibi æterno fundamento Regnum
ſuum, & ponere ibi ſedem David, & domum Iacob, in qua regnaret Vnctus
eius in æternum, & ſeruirent ei populi, tribus, & linguæ, & Regni eius non
eſſet finis, & ponere montem ſupra montes, & ſuper colles, vt ad eum flue-
rent populi, & properarent gentes multæ, vt ab ipſo legem, & verbum Do-

E 2 mini

1. Pet. 2.

mini acciperent, & ipse iudicaret populos multos, & gentes fortes vsque in longinquum, ex hoc nunc, vsque in æternum, & constituere ibi lapides viuos & domos spiritales, & parare sibi plebem perfectam, genus electum, regale sacerdotium, gentem sanctam, & populum acquisitionis, & CHRISTI sui vnctione alios creare Reges, alios consecrare sacerdotes, & quicūq; vellent, fierent, & agnoscerent se Regij generis, & sacerdotalis officij esse consortes, & non Diademate, & sceptro, & purpura refulgentes, neque in exercitibus ferro armandis fortes, neque in tributis exigendis opulentos, & opum superbia elatos, & externis demonstrationibus Regis speciem præferentes, quæ corrumpitur, sed qui animi virtutes possiderent, & in Dei summi gloriam bona opera conuerterent, aduersa pro iustitia sustinerent, proprij. sensus semper terrena cupientis cupiditates, fræno rationis coercent. Quid enim tam regium, quàm subditum Deo animum corporis sui esse Rectorem? & quid tam sacerdotale, quàm vouere Domino conscientiam puram, & immaculatas pietatis hostias de altare cordis offerre?

Statuerat autem Deus, diuino decreto, in temporis plenitudine eligere virum, qui Christi filij sui benedicta vnctione vngeretur, & veluti petra super septem Vrbis colles locaretur, & dare illi clauēs Regni cælorum, & ligandi, & soluendi homines Pontificium dispensare, & pascendi gregē suum potestatem concedere, & cælesti inspiratione instruere illum, ad tanti Regni gubernacula capeſſenda, Regni, quod non videtur, sed possidetur, quod non est tantum per spacia terrarum diffusum, sed in latitudine cordis per charitatem extensum, quod non terminatur tempore, sed mensuratur æternitate.

Ang. traſt.
50. in 108.
6. 12. in fi.

Qua potestate tradita, Rex ille mentes regeret, in æternum consularet, atque in Regna cælorum, credentes, sperantes, amantesq. diuino ductu perduceret.

Leo ser. 1. in
natal. Pet.
& Paul.

Prælegit autem Romam, Vrbium scilicet Reginam, quæ multis aucta victorijs ius imperij sui terra, mariq. protulerat, vt quæ erat mater superbiz, magistra erroris, fieret ancilla humilitatis, & discipula Saluatoris.

Deus namq. bonus & iustus, & omnipotens, qui misericordiam suam generi humano nunquā negauit, omnesq. sine acceptione personarum mortales ad cognitionem sui abundantissimis semper beneficijs erudiuit, voluntariam errantium cæcitatem, & procliuem in deteriora nequitiam secretiore consilio, & altiori pietate miseratus, Verbum suum, æquale sibi, & coæternum mittere in terras disposuit, vt illius ad infima inclinatio, nostra fieret ad summa prouectio. Vt autem huius inenarrabilis gratiæ vis non lateret in limitibus Bethlehem, & in suburbanis Hierusalem, sed eius per totum mundum diffunderetur effectus, Romanum Regnum diuina prouidentia præparauit, vt ibi in Regia Vrbe esset Rector populi sui, Pastor ouium suarum, qui custodiret illas in loco pascuæ, & deduceret, & adduceret eas ad montes sanctos, & ad tabernacula Dei.

Placuit autem Deo, & fuit consilium eius, vt in hac Vrbe, tamquam in Orbis theatro, adduceretur summa terrenarum, cælestiumq. rerum potestas, atque administratio, vbi bestiz impietatis frementes ad pietatem reuocarentur, vbi turbulentæ improbitatis procellæ sedarentur, vbi Idolorum cultores in oculis omnium destruerentur, vbi humanæ sapientiæ opiniones dissoluerentur, vbi sapientes, & prudentes huius mundi à paruulis confunderentur, vbi

Dæmo-

Dæmonum fraudes innotescerent, omnium sacrilegiorum impietas dissolueretur, & inuicta Christi fides ibi comprobaretur, in qua diligentissima superstitione habebatur collectum, quidquid usquā fuerat vanis erroribus institutum; & quanto erat per Diabolum tenacius alligata, tanto per Christum foret mirabilius absoluta.

Hæc autem Ciuitas, cum penè omnibus dominaretur gentibus, ignorans Regni sui auctorem, omnium gentium seruiebat erroribus, & magnam sibi videbatur assumpsisse religionem, quia nullam respuebat falsitatem. In cuius arces, cum Crucis trophæum vellet Deus ordinatis temporibus inferre, eamque domare non ferro, sed ligno, & vastissimas illas tenebras splendore diuinæ legis suæ illustrare, & non eripere illi mortalia Regna, sed donare cælestia, diuinis suis præordinationibus, & circumstabat, & anteibat illā, & disponebat, & paulatim, & suauiter concitatos motus ad tranquillitatem perducebat.

Et quoniam hæc salus, hæc gloria ex Iudæis ad Romanos erat proferenda, & Christus filius Dei ex semine Abraham, ex tribu Iuda, & ex stirpe Dauid per Vicarios suos, relicta Hierusalem, & Iudæa incredula, in arces Romanas thronum Regni sui erat illaturus, & per Principem Apostolorum Petrum, ex Iudæa profectus supra firmissimam petram ibi erat fundaturus Ecclesiam, nullo tempore dissoluendam, ideo Deus, antequam hoc faceret, Romanos & Iudæos temporali amicitia sociauit, & coniunxit, ut hac præuia dispositione tempore suo facilius, & suauius, reiectis nefandis Idolis, Deum verum, & Christum Iudæorum sanguine natum reciperent. Quod factum est Machabæorum diebus, qui paulo ante Christum Dominum floruerunt. Res autem ita recensetur in libris, ubi prælia ipsorum conscripta sunt.

De prima amicitia, & societate inter Pop. Rom. & Iudæos, & quomodo Deus utrumque populum prouidentissimè commiscuit. Cap. 51.

Iudas enim fortissimus Machabæorum, cum audiisset nomen Romanorum, quia sunt potentes viribus, & acquiescunt ad omnia, quæ postulatur ab eis, & quicumque accesserunt ad eos, statuerunt cum eis amicitias, elegit Eupoleum filium Ioannis, filij Iacob, & Iasonem filium Eleazari, & misit eos Romam constituere cum illis amicitiam, & societatem &c. & abierunt & intrauerunt Curiam, & dixerunt. Iudas Machabæus & fratres eius, & Populus Iudæorum miserunt nos ad vos statuere vobiscum societatem, & pacem, & conscribere nos socios, & amicos vestros. Et placuit sermo in conspectu eorum; & hoc rescriptum est, quod rescripserunt in tabulis æreis, & miserunt Hierusalem, ut esset apud eos in memoriale pacis & societatis.

Bene sit Romanis, & genti Iudæorum in mari, & in terra in æternum, gladiusque, & hostis procul sit ab eis. Quod si institerit bellum Romanis prius, aut omnibus socijs eorum in omni dominatione eorum, auxilium feret gens Iudæorum, prout tempus dictauerit corde pleno, & præliantibus non dabunt, neque subministrabunt triticum, arma, pecuniam, naues, sicut placuit Romanis, & custodient mandata eorum, nihil ab eis accipientes. Similiter, & si Genti Iudæorum prius acciderit bellum, adiuuabunt Romani ex animo, prout eis tempus permiserit.

*Machab. l.
1. c. 8.*

*Machab. l.
1. c. 14.*

Mortuo autem Iuda & Ionatha, Simon frater eorum iterum cum Romanis renouauit amicitiam, & misit Roman Numenium habentem clypeum aureum magnum pondo minarum mille, ad statuendam cum eis societatem, & Romani statuerunt ei libertatem, & descripserunt in tabulis æreis, & posuerunt in titulis in Monte Sion.

*Dio li 37.
hister.*

Deinde vero Cn. Pompeius magnus, Arabibus subactis, in Syriam Palæstinam proficiscitur, quod ij populi Phænicem populati essent. Apud eos regnabat Hircanus, & Aristobulus fratres, qui (vt ait Dio) de sui Dei sacerdotio (sic eorum regnum est appellatum) diffidebant. Igitur Pompeius reliquos facilius deuicit; sed Hircanum nihili fecit, Aristobulum in vinculis habuit. Inde Hierosolymas obsidet, in cuius Urbis obsidione vehementer laborauit. Sed recusantibus Iudæis in die Sabbati pugnare contra Romanos propter diem festum, tradebant Romanis murum ad percutiendum, quotiescumque dies ille recurrebat: itaque cum non resisterent, eadem die cuncti capti sunt, sed modeste Pompeius victoria usus est, & omni pecunia direpta, ac Regno Hircano reddito, Aristobulum captiuum abduxit.

Hoc autem Deus permittebat eadem præordinatione, vt sic Romani cum Iudæis commiscerentur, & hac occasione Romani discerent Deum Iudæorum, & quod ipsi vnum solum Deum adorantes, aliorum populorum Deos omnes negligebant. Cui soli, & non alteri, amplissimos, & maximos honores deferrebant, & quod detestabantur sculptilia, & simulachra, & imagines Deorum, asseriebantq. nullum alium Deum reperiri præter illum, qui fecit cælum & terram, cuius nomen erat ineffabile, cui magnifice præter ceteros homines seruiebant, cui denique templum amplissimum, & pulcherrimum ædificauerant, & diem Saturni, quem Sabbatum appellabant, consecrauerant, & offerebant sacrificia.

Hoc enim fiebat, vt Romanorum populus paulatim disponderetur ad lumen veri Dei recipiendum, & respuendas Idolorum tenebras, audita fama vnus Dei, qui fecerat omnia, quod tempore aduentus Christi erat perficiendum.

De trabe aurea, & auro immenso templi Hierosolymitani, quod in potestatem Crassi Romani peruenit, & cuius rei hoc esset typus. Cap. 52.

*Ioseph. ant.
Iud. lib. 14.
c. 13.*

Crassus vero cum contra Parthos militiam produceret, ad Iudæam peruenit cum exercitu suo, & omnia scrutatus, etiam & templum & pecunias templi, quas Pompeius non tetigerat, duo millia scilicet talentorum, abstulit: nec non & totum reliquum aurum, vsque ad octo millia talentorum: tulit etiam trabem auream versatilem, tercentas minas pensantem, Minæ vero apud eos, & duæ, & semis libræ existimantur. Tradidit vero ei hanc trabem custos pecuniarum, Eleazarus nomine Sacerdos, non maleuolo animo, nam iustus, & bonus fuerat, sed dum commissa fuisset ei custodia velorum templi, quæ mira pulchritudine, vel constructione pretiosissima resplendebant, in hac trabe pendentia, & Crassum vidisset templi cunctum aurum velle colligere, veritus, ne templi cunctum ornatum auferret, auream ei trabem pro redemptione omnium præstitit, dum & iusiurandum ab eo accepisset, nihil aliud à templo tollendum, sed solo contentum esse auro ab eo

eo traditò, quò multa millia pondo posset inuenire.

Hanc vero trabem, alia lignea circumdabat, ideoq. latebat. Crassus vero licet iurasset nihil aliud in templo tangere, post acceptam tamen trabem transgressus omne templi aurum diripuit. Nemo tamen miretur, si tantæ diuitiæ in templo fuissent, dum has omnes per diuersam terram Iudæi Deum colentes, ibi ex antiquis temporibus obtulissent.

Aurum autem templi peruenisse in potestatem Romanorum, typus erat religionem veri Dei, super omnia pretiosam, quæ erat apud Iudæos, Romam esse transferendam; & trabs illa, aurea intrinsecus, & extrinsecus lignea, recte repræsentabat Christi Domini religionem, immo Christum ipsum; nam aurum, quod intus erat, potest eius diuinitatem designare, quæ latebat; lignum vero, quod extra apparebat, carnem humanitatis suæ, quæ videbatur repræsentare, ex qua trabe pendeant vela illa pulcherrima, sicut ex Christo, & lex, & Prophetæ, & figuræ illæ omnes in diuinis scripturis de Christo contentæ pendeant.

Similiter etiam olim contigit Populo Iudæorum, qui erat in Aegypto, qui aurum Aegyptiorum, hoc est, religionem veri Dei, quæ vigeat in medio Aegypti per cultum Iudæorum, quem Deo vero in Aegypto exhibebant, transulerunt in terram Chananzorum.

Aurum autem illud templi, quod in potestatem Romanæ Gentis, peruenit, aliæ gentes obtinere non potuerunt, quamquam conatæ essent auferre, quia Religio vera primum locum in Vrbe Romæ obtinere debebat. Nam Machabæorum temporibus quidam Simon de tribu Benjamin, Præpositus templi constitutus, cum vellet aliquid iniquum moliri in Ciuitate, persuasit Regi Seleuco, ut aurum templi Hierosolymis auferret, quod cum per Heliodorum tentasset, diuinitus repulsus est. Huius autem admirabilis facti enarratio propter exemplum non est prætermittenda. Fuit autem huiusmodi.

Simon de tribu Benjamin, Præpositus templi cõstitutus, contendebat obfistete sibi Principe sacerdotum, iniquum aliquid in Ciuitate moliri. Sed cum vincere Oniam non posset, venit ad Apollonium Tharsæ filium, qui eo tempore erat Dux Cælesyrie, & Phenicis, & nunciauit ei, pecunijs innumerabilibus plenum esse ærarium Hierosolymis, & communes copias immensas esse, quæ non pertinent ad rationem sacrificiorum, esse autem possibile sub potestate Regis cadere vniuersa. Cumque retulisset ad Regem Apollonius de pecunijs, quæ delatæ erant, ille accitum Heliodorum, qui erat super negocia eius, misit cum mandatis, ut prædictam pecuniam transportaret. Statimq. Heliodorus iter est aggressus, specie quidem quasi per Cælesyriam, & Phenicis Ciuitates esset peragraturus, re vera autem Regis propositum perfecturus. Sed cum venisset Hierosolymam, & benigne a summo sacerdote in Ciuitate esset acceptus, narrauit de dato indicio pecuniarum, & cuius gratia adesset, aperuit. Interrogabat autem, si vere ita essent. Tunc summus Sacerdos ostendit deposita esse hæc ad victualia viduarum, & pupillorum, quædam vero esse Hircani Thobiz viri valde eminentis in his, quæ detulerat impius Simon; vniuersa autem argenti talenta esse quadringenta, & auri ducenta, decipi vero eos, qui credidissent loco & templo, quod per vniuersum mundum honoratur, pro sui veneratione, & sanctitate omnino impossibile esse. At ille pro his, quæ habebat in mandatis à Rege, dicebat

*Machab. l.
2.6.3.*

E 4 omni

omni genere Regi ea esse deferenda . Constituta autem die intrabat de his Heliodorus ordinaturus . Non modica vero per vniuersam Ciuitatem erat trepidatio . Sacerdotes autem ante altare cum stolis sacerdotalibus iactauerunt se, & inuocabant de cælo eum, qui de depositis legem posuit, vt ijs, qui deposuerant ea salua custodiret . Iam vero, qui viderat summi sacerdotis vultum, mente vulnerabatur, facies enim, & color immutatus declarabat internum animi dolorem ; circumfusa enim erat mæsticia quædam viro, & horror corporis, per quem manifestus aspicientibus dolor cordis eius efficiebatur . Alij etiam gregatim de domibus confluebant, publica supplicatione obsecrantes, pro eo qui in contemptum locus esset venturus . Accinctæq. mulieres cilicijs pectus per plateas confluebant, sed & virgines, quæ conclusæ erant, procurrebant ad Oniam, aliz autem ad muros, quadam vero per fenestras aspiciebant : vniuersæ autem protendentes manus in cælum deprecabantur . Erat enim misera commixtæ multitudinis, & magni sacerdotis in agone constituti expectatio . Et hi quidem inuocabant omnipotentem Deum, vt credita sibi ijs, qui crediderant, cum omni integritate conseruarentur . Heliodorus autem, quod decreuerat, perficiebat eodem loco ipse cum satellitibus circa ærarium, præsens . Sed spiritus omnipotentis Dei magnam fecit suæ ostensionis euidentiam, ita vt omnes, qui ausi fuerant parere ei, ruentes Dei virtute, in dissolutionem, & formidinem conuerterentur . Apparuit enim illis quidam equus terribilem habens sessorem optimis operimentis adornatus . isq. cum impetu Heliodoro priores calces elisit, qui autem ei sedebat, videbatur arma habere aurea . Alij etiam apparuerunt duo iuuenes, virtute decori, optimi gloria, speciosiq. amictu, qui circumsteterunt eum, & ex vtraque parte flagellabant, sine intermissione multis plagis verberantes . Subito autem Heliodorus concidit in terram, eumq. multa caligine circumfusus rapuerunt, atque in sella gestatoria positum eiecerunt . Et is, qui cum multis cursoribus, & satellitibus prædictum ingressus est ærarium, portabatur nullo sibi auxilium ferente, manifesta Dei cognita virtute . Et ille quidem per diuinam virtutem iacebat mutus, atque omni spe, & salute priuatus . Hi autem Dominum benedicebant, quia magnificabat locum suum, & templum, quod paulo ante timore, ac tumultu erat plenum, apparente omnipotente Domino, gaudio & læticia impletum est . Tunc vero ex amicis Heliodori, quidam rogabant confestim Oniam, vt inuocaret Altissimum, vt vitam donaret ei, qui in supremo spiritu erat constitutus . Considerans autem summus Sacerdos, ne forte Rex suspicaretur malitiam aliquam ex ludæis circa Heliodorum contummatam, obtulit pro salute viri hostiam salutarem . Cumque summus Sacerdos exoraret, iidem iuuenes eisdem vestibus amicti, astantes Heliodoro dixerunt . Oniæ sacerdoti gratias age, nam propter eum Dominus tibi vitam donauit, tu autem à Deo flagellatus, nuncia omnibus magnalia Dei, & potestatem . Et his dictis, non comparuerunt . Heliodorus autem hostia Deo oblata, & votis magnis promissis ei, qui viuere illi concessit ; & Oniæ gratias agens recepto exercitu repedabat ad Regem . Testabatur autem omnibus ea, quæ sub oculis suis viderat opera magna Dei . Cum autem Rex interrogasset Heliodorum, quis esset aptus adhuc semel Hierosolymam mitti, ait : Si quem habes hostem, aut Regni tui insidiatorem, mitte illuc, & flagellatum eum recipies,

icipies, si tamen euaserit: eo quod in loco sit vere Dei quædam virtus: nam ipse, qui habet in cælis habitationem, visitator, & adiutor est loci illius, & venientes ad malefaciendum percutit, & perdit. Igitur de Heliodoro, & ærarij custodia, ita res se habet.

C. Cæsar multa beneficia contulit in Iudaicum populum.

Cap. 53.

Rursus autem post victum à C. Cæsare Pompeium Magnum, C. Cæsar multa beneficia contulit in Iudaicum Populum, honoris, virtutis, & clementiæ causa, & Regnum Iudæorum Hircano Alexandri filio, Principi sacerdotum concessit. Præterea idem Cæsar magna animi propensione erga leges diuinas, & ceremonias ipsorum, & ritus patrios fecit decreta, iussitque aliquos populos gentium, ubi habitant Iudæi, non prohibere illos viuere secundum leges patrias. Decretum autem Parianis fuit huiusmodi.

*Iosaph. ant.
Iudaic. lib.
14. c. 17.*

Iulius Cæsar Dictator, & Cōsul Romanorum, Magistratibus Parianorum, Curiæ, ac Populo salutem. Interpellauerunt me Iudæi in Delo, & qui de colonijs Iudæorum, præsentibus vestris legatis, & demonstrauerunt decretum, per quod vos eos prohibetis patrijs moribus, & sacrificijs uti. Ergo mihi non placet in nostros amicos, & auxiliares talia fieri decreta, vel prohibere eos secundum suam viuere consuetudinem, seu pecunias ad conuiuia, & victimas inferre, quando hoc facere, nec Romæ quidem prohiberetur. Nam Caius Cæsar noster Consul, dum in sanctionibus suis vetaret collegia per Ciuitates congregari, hos solos non prohibuit, nec pecunias conferre, nec conuiuia parare, Et ego quoque alios prohibens, istis solis permitto secundum patrios mores, & leges conuenire. Bene ergo facitis, si prolatam sententiam contra nostros amicos, propter nostrum erga eos fauorem, aufertis. Hæc Iulius Cæsar.

Ex quibus apparet mira Dei prouidentia, quæ, cum innotescere fecisset Romanis Principibus legem Iudæorum, inclinauit corda eorum in fauorem ipsius legis, ut ea, quamquam inter gentes alterius Religionis, recipiendum Christum Regem in lege promissum alliceret.

Post Cæsaris obitum M. Antonius, & P. Dolabella Consules coacto Senatu in Templo Concordiæ, decretum Cæsaris confirmarunt ex Senatusconsulto.

Præterea Dolabella factus Asiæ Proconsul pro Iudæis scripsit per totam Asiæ, & præcipue ad Ephesinam Ciuitatem primam totius Asiæ. Litteræ erant huiusmodi.

Dolabella Imperator, Ephesiorum Curiæ, & Magistratibus & Populo salutem. Alexander Theodori Legatus Hircani filij Alexandri Principis Sacerdotum, & Rectoris Iudæorum intimaui mihi, quod non possint ciues sui militare, dum nec arma portare possint, nec iter facere diebus Sabbatorum, nec alimentorum secundum patrias leges copiam habere. Ideo ego, sicut prædecessores mei Imperatores, præbeo ei militiæ remissionem, & cōcedo patrijs uti legibus, secundum sollemnes & sacras immolationes, & cōgregare sicut solent, pro sacrificijs pecunias, & volo vos hæc per singulas conscribere Ciuitates.

Præ-

Isaph. ibi.

Præterea Lucio Lentulo, & C. Marcello Consulibus, Lentulus decretum protulit, posse Iudæos, ciues Romanos, Sacraria Iudaica facere religionis causa.

Hæc autem & plura alia præcesserant amicitia gratia inter vtrumque populum, permittentibus Romanis Iudæos obseruare ceremonias, & Neomennias, & sabbatum, secundum legem, quam à Deo suo acceperant, hæc omnia præordinante Deo, vt apud Romanos perueniret post diuturnas & inueteratas tenebras diuinæ veritatis noticia. Sicut postea factum est.

Dei consilium, vt longe ante filij eius aduentum, tanta rei sacramentum Mundo innotesceret. Cap. 54.

Sic etiam antequam Deus, luminum pater, apud quem non est personarum acceptio, terrarum orbem errorum tenebris fatigatum & sub vmbra mortis frigescentem vnigeniti filij sui lumine illustraret, ne maiestas lucis ex improviso mortalibus repente oculis obiecta imbecillum oculorum aciem opprimeret, & inde læderetur, vnde illuminationem debuissent recipere, famam aduentus excellentissimæ suæ lucis intra gentes, populosq. nationum præmisit, & subobscuram quandam lucem, ante solis ortum apparere fecit, vt paulatim assuesceret homines intuendo lucem sub caligine & nubibus tectam, ad intuendum plenitudinem luminis in temporum plenitudine apparituram.

Et sicut populo Israel sub obscure mysterium hoc admirabile sub typis & figuris, quasi per columnam ignis demonstrauit; ita etiam apud Gentes operatus est, vt futura huius solis aurora quædam eis præluceret, vnde eas vaticinijs, portentis, prodigijsq. docuit, venturum esse diem, quo Rex magnus de cælo descenderet; qui mundum subigeret, Regesq. potentes atque superbos Regno suo subderet; non gladio, sed fide; non viribus corporis, sed virtute animi; non agendo, sed patiando. Cuius exercitus non esset turbarum, sed multitudo iustorum; qui non caperet oppida, arces, & Ciuitates, sed mentes, animos, & voluntates; eiusq. arma non essent ferrea, sed ignea; eiusq. thesaurus non esset pecunia, sed sapientia; cuius milites non ferrent cingulum militiæ, sed cinctorium fidei, & iustitiæ.

Quibus Rex ille admirabilis debellaturus esset, non solum Reges & populos nationum, sed Rectores tenebrarum, & spiritualia nequitia.

Igitur Deus, hæc tempore suo factururus, ne diebus illis, quibus futura erant, essent penitus inaudita, & incredibilia, nota fecit illa: Primum quibusdam mulieribus, quas veteres Sibyllas, hoc est, diuinorum consiliorum annunciatrices, appellarunt. Nam cum scire futura, quæ ex libero hominum arbitrio facienda sunt, solius Diuinitatis sit, quæ in sua æternitate omnium seculorum tempora, annorumq. curricula, præsentia habet, Deus prophetia spiritu afflauit mulieres illas, & docuit futura; aut quia cum essent Virgines, propter corporis & mentis mundiciem propius accedebant ad percipiendum, quod arcanum est apud Deum; aut quia Deus more suo, cum vult aliqua magna fieri in Mundo, eligit infirma; aut vt veritas incredibilium rerum minus esset suspecta mendacij, & impostura in ore simplicium mulierum. Quapropter lumen illis præstitit, vt in speculo æternitatis viderent visio-

visiones maximorum bonorum, & quæ vidissent, immobili veritate prænunciarent: quæque procul sunt ab humano sensu, & inscrutabilia, propter maximam mentis eleuationem a supernaturali lumine factam, tanquam iam gesta essent, certa & distincta cognitione repræsentarent.

Pertinebat autem ad Deum ad disponendos homines, quos per fidem rerum arduarum, & à sensibus remotarum, volebat perducere ad diuinas veritates spectandas, prædicere quæ debebant contingere, & longe ante per lumen suum præmonstrare, ut illa quæ prædicuntur, fundamenta haberent in montibus sanctis, hoc est, in diuinæ & primæ veritatis lumine, quæ mendacium non admittit, & fallere non potest, & homines intelligerent, cum illa contingere viderent, non esse facta nisi à Deo, quæ à Deo multis retro seculis esse facienda, prophetarum oraculis prædictum esset. Nihil enim tutius & securius credi potest esse à Deo veritatum patre, quam cum videmus aliquid contingere, quod longe antequam factum sit, esse faciendum, aliquis homo testatus sit, quod neque ipse, neque alius homo, neque Angelus, neque Dæmon aliqua ratione, vel mentis acumine potuissent scire esse futurum, nisi sit Deus cum eo, qui solus ea quæ contingentia sunt, & à libero hominis arbitrio dependent, & per spatia seculorum longissime distant, videt, & in sinu æternitatis suæ & præterita & futura tanquam præsentia specularatur. Et Dominus noster dicebat. A modo dico vobis, priusquam fiat, ut cum factum fuerit, credatis, quia ego sum. Iudæi enim ideo Prophetarum libris tantam tribuebant auctoritatē, sicut libris Moyse, quia ea, quæ prædicebant, certo euentu contingeant, sicut prædixerant, ex quo constabat Dominum per eos locutum fuisse: iuxta illud Deuteronomij [Quod si tacita cogitatione responderis, quomodo possum intelligere verbum, quod non est locutus Dominus? hoc habebis signum: quod in nomine Domini propheta ille prædixerit, & non euenerit, hoc Dominus non est locutus, sed per tumorem animi sui Propheta confinxit, & idcirco non timebis eum.]

Ioan. 13.

Deut. 18.

Hinc fit, ut omnes absque periculo errandi possint ratiocinari, & dicere audacter: hic, & ille Propheta sexcentis (puta) ab hinc annis prædixit aliquid esse faciendum, & factum est post sexcentos annos, sicut ipse dixit: ergo illud, quod prædixit, accepit à Deo, quia nullus, qui non sit Deus, aut cui Deus reuelasset, scire potuisset, quod tot seculis postea erat faciendum. Hæc enim est differentia inter Prophetam verum, qui loquitur veritates reuelatas à Deo, & illum qui loquitur à semetipso, quoniam, quæ dicuntur ab homine, à Deo illuminato, sicut prædixit, sic contingunt: quæ vero prædicuntur à Pseudopropheta, qui loquitur à semetipso, non contingunt, & veritate frustrantur.

Hinc cōvincitur, & intellectus noster, & velit nolit, captiuatur in obsequiū fidei, quia cum sciamus apud populum Hebræorum multos Prophetas prædixisse multa de Christo Domino, & de eius admirabili ortu, & de vita illius admiranda, & moribus diuinis, & prædicatione verbi, & virtute illius, de gratia gentibus elargienda, miraculis, & de passione eius, & crucis patibulo, & morte, & à mortuis resurrectione, & ascensione in cælum: Et cum sciamus ea, quæ à Prophetis prædicta sunt, aliqua fuisse prænūciata per mille, aut bis mille annos, antequam facta sint, aliqua vero per sexcentos annos, aut quadringentos antequam fierent, & postea nouerimus omnia contigisse, sicut dictum

dictum fuerat ab illis, nullum dubium restat, quin quilibet quantumvis tardus corde ad credendum, pro explorato habere debeat, & firmiter credere nihil hæsitans, huiusmodi reuelationes à Deo factas esse, & quod ille qui credit illis, credit Deo, & non errat, quia innititur primæ veritati non erranti.

Joan. 8.

Hac etiam ratiocinatione demonstrantur, & conuincuntur esse impostores omnes illi, qui nouas de Deo religiones introducere in mundum voluerunt, aut sibi usurparunt id, quod diuinum est, ut fuerunt illi, qui pro Dijs apud gentes haberi voluerant, vel apud Iudæos, & pseudoChristi, vel alij quicunque, utpote Simon Magus, qui iactabat se esse magnam Dei virtutem; & spurcissimus Mahumetes, qui se finxit prophetam Dei: atque alij omnes, qui sunt conati persuadere populis de se aliquid diuinum; conuincuntur (inquam) isti fuisse mendaces, & seductores, & vaniloqui: & ea, quæ faciebant, aut dicebant, non ex veritate cordis, sed ex typo superbiæ, & cupiditate gloriæ, & lucri desiderio esse profecta: quoniam in re tam magna, & tam diuina, ubi salus mundi periclitari potest, nullum præcesserat Dei testimonium, & vaticinium, quo id quod asseriebant, comprobaretur: & sic apparet ex semetipsis fuisse locutos, & ipsosmet sibi metipsis impudenter testimonium præbuisse, quorum testimonium non est verum: nulla enim priusquam in mundum venissent, fama ex prophetijs orta, de ipsis præcesserat suo tempore confirmanda, vnde merito tanquam vani & fallaces reiiciuntur à sapientibus viris, qui norunt falsa à veris distinguere.

Quapropter Deus, cum sciret plerosque hominum diuinorum honorum cupidos, & à principio adoratos esse ut Deos, & multos multa simulaturos, ut apud gentes diuinos honores consequi possent, & seducturos esse populos, magna providentia præordinauit, ut nulli crederetur de se diuina iactanti, nisi Dei testimonium haberet, per præcedentem prophetiam factam retroactis seculis, quibus temporibus impossibile erat huiusmodi testes potuisse machinari imposturas, aut si machinati essent, impossibile erat adimpleri, & veritate subsequente fulciri, aut per aliquod factum subsequens miraculosum, quod nullus hominum, aut Angelorum facere possit, nisi sit Deus cum illo, ut in Iesu Christo Dei filio factum est. Quem cum Deus esset missurus in Mundum ad mundum instaurandum, ut quicunque crederet in illum, non periret, sed haberet vitam æternam, tot prophetarum testimonijs apud populum Iudæorum multo ante præmuniuit, & prænunciauit illi, ut nullus nisi stultus ambigere posset, eum exiisse à Deo, & non esse aliud nomen in mundo, in quo oporteret homines saluos fieri, quam illius, qui solus & non alius præelectus fuit à Deo, & promissus Prophetis suis in Scripturis sanctis, & diffinitus filius Dei in virtute secundum Spiritum sanctificationis ex resurrectione mortuorum.

Quod cum consideratur, incredibili læticia afficitur animus, cognoscens fidem suam fundatam esse supra firmam petram, imo fundamenta eius esse in montibus sanctis, id est apud Deum, ceteros vero aberrare à veritate credendo deceptoribus, & misere ambulare per semitas mortis in æternam perditionem.

Et quoniã Deus omnia suauiter disponit, & vult omnes saluos fieri, neque apud eum est personarum acceptio, ideo solum apud populum Israel, reuelauit prisco tempore prophetis, infundendo eis lumen, ut prædicarent de Christo

Christo Domino quæ futura erant, sed etiam apud Gentes reliquit testimonia, & iecit semina aduentus ipsius, reuelando multo prius æterni Regis aduentum in orbem terrarum, ut nullus excusationem haberet, qui non crederet illi, qui à præordinatis testibus, tot retro actis seculis fuerat prænunciatus, cum necesse sit huiusmodi reuelationes ipsis factas esse à Deo, qui non decipit, cum nullus præter Deum, potuerit scire, quæ per tot spatia futurorum seculorum contingere debebant.

De admirandis præscarum Sibyllarum reuelationibus.

Cap. 55.

Sed ut hoc exemplo demonstratur, operæpretium est, referre aliquas mirificas Sibyllarum reuelationes, quæ apud Patres nostros iam ab initio conseruatæ sunt (ceteræ enim penè omnes perierunt) per quas Gentiles credere nolentes adeo redarguebantur, ut cum lippientibus oculis splendorem illius veritatis ferre non possent, mortis supplicium ab eis constitutum fuerit aduersus illos, qui Sibyllarum aut prophetarum libros legerent, ut per timorem homines absterrentur, ne per huiusmodi libros rerum bonarum notitiam perciperent, quas ipsi nolebant admittere.

*Iulianus
Mart. orat.
ad Anton.
Pium.*

De oraculis autem ipsarum D. Augustinus, christianæ fidei propugnator, & in oratione contra Iudeos, & Paganos, & in libro de Ciuitate Dei hæc in medium affert.

Erythræa Sibylla, quædam de Christo manifesta conscripsit, quæ etiam nos in latina lingua, versibus male latinis, & non stantibus, legimus per nescio cuius interpretis imperitiam, sicut postea cognouimus. Nam vix clarissimus Flauianus, qui etiam Proconsul fuit, homo facillimæ facundiæ, multæq. doctrinæ, cum de Christo colloqueretur, græcum nobis codicem protulit, carmina esse dicens Sibyllæ Erythrææ, ubi ostendit quodam loco in capitibus versuum, ordinem litterarum ita se habentem, ut hæc in eo verba Græce legerentur, quod est Latine, Iesus Christus Dei filius Saluator. Hi autem versus, quorum primæ litteræ istum sensum, quem diximus, ostendunt, sicut eos, quidam Latinus extantibus versibus est interpretatus, hæc continent, quæ vno lapide utrorumq. fontes Iudeorum scilicet & Paganorum percutiant, ut suo gladio, sicut Goliath, Christi omnes percutiantur inimici.

*Aug. orat.
cont. Iud.
& Pagan.
ad Carthe-
gum. & de
Ciuit. Dei
lib. 18. cap.
23.*

Iudicij signum, tellus sudore madescet.
E cælo rex adueniet per secula futurus.
Scilicet in carne præsens, ut iudicet orbem.
Vnde Deum cernent incredulus atque fidelis.
Celsum cum sanctis, qui iam termino in ipso.
Sic animæ cum carne aderunt quas iudicat ipse.
Cum iacet incultus densis in vepribus orbis.
Reijcient simulachra viri, cunctam quoque gazam.
Exuret terras ignis, pontumq. polumq.
Inquirens, tetri portas effringet Auerni.
Sanctorum sed enim cunctæ lux libera carni
Tradetur, fontes æternaq. flamina cremabit.

Occul-

Occultos actus retegens, tunc quisque loquetur,
 Secreta atque Deus referabit pectora luci.
 Tunc erit & luctus, stridebunt dentibus omnes.
 Eripitur solis iubar, & chorus interit astris.
 Voluetur cælum, lunaris splendor obibit.
 Deijciat colles, valles extollet ab imo.
 Non erit in rebus hominum sublime vel altum.
 Iam æquantur campis montes & cerula ponti.
 Omnia cessabunt, tellus confracta peribit.
 Sic pariter fontes torrentur, fluminaq. igni.
 Et tuba tunc sonitum tristem demitter ab alto.
 Orbe gemens facinus miserum variosq. labores,
 Tartareumq. chaos monstrabit terra dehiscens.
 Et coram Domino reges sistentur ad vnum.
 Decidet è cælo, ignisq. & sulphuris amnis.

Hæc de Christi natiuitate, passione, & resurrectione, atque secundo eius aduentu ita dicta sunt, vt si quis in Græco capita horum versuum discernere voluerit, inueniat, Iesus Christus filius Dei Saluator. Quod & in Latinum translatis eisdem versibus apparet, præter quàm quod Græcarum litterarum proprietas non adeo potuit obseruari. Alios versus Sibyllinos Christi passionem apertius demonstrantes, intentissime audiamus.

In manus iniquas, & infidelium postea veniet.
 Dabunt Deo alapas manibus incestis.
 Et oribus immundis expuent saluas venenosas.
 Dabit autem in verbera omnino innocens dorsum.
 Et colaphos accipiens tacebit, ne quis agnoscat.
 Quod verbum, & vnde venit, vt mortuis loquatur.
 Et coronam portabit spineam.
 In cibum autem fel, & ad sitim acetum dederunt,
 Inhospitalitatis hanc monstrabunt mensam.
 Ipsa enim stulta, Deum tuum non cognouisti.
 Lucentem mortalibus mentibus, sed ex spinis
 Coronasti corona, horridumq. fel miscuisti
 Templi vero velum scindetur, & die
 Media nox tenebrosa nimis tribus horis.
 Et mortis factum finiet trium dierum somno suscepto,
 Et nunc à mortuis regressus in lucem venit.
 Primus resurrectionis initium reuocatus ostendit.

Mirabilis prædictio Sibyllæ Cumeæ apud Virgilium, poetarum nobilissimum. Cap. 56.

Illa autem testimonia quàm sint clara, & quàm certa manifestatione futura prædixerint, & sicut prædicta fuerunt, ita facta sint, vnusquisque videre potest, qui vti ratione velit, ita vt sicut de Isaia Propheta dici solet, magis scripsisse Euangelij historias, & res à Christo gestas, quàm illas prophætico sermone, qui subobscurus esse solet, prænunciasse. Neque tenebræ possunt

possunt se à tanto defendere lumine, nisi forsàn dixerit quispiam, hæc non ante, sed post Christum natum esse conscripta. Quod ne quis incredulus temere asserere auderet, non sine Dei prouidentia factum est, vt Virgilius, nobilissimus poetarum, cuius excellentia carmina per totum orbem disseminata erant, ante Christum natum illa scriberet, quæ ipse in Sibyllinis libris perlegerat de Christo Domino, & eius regno, & eius descensu de cælo in mundum, & natiuitate ex Virgine, & innouatione mundi, cum homines torpentes in obscuritate tenebrarum, & obduratione vitiorum, per gratiam Iesu Christi ex ferreis aurei facti sunt, & nasceretur gens aurea, quæ manifesta est Ecclesiâ Christi, hoc est, congregatio populorum credentium in Dei filium, qui descendit de cælo, quæ gens super omnes est nobilis: sunt enim filij Dei, gens sancta, gens regia, & electa sicut aurum, ceteri turbis ignobilibus computantur, viles, sicut ferrum inter metalla.

Quo tempore alius factus est seculorum ordo, & noui incæperunt esse dies, & magni procedere menses. Venit enim plenitudo temporis, cum Dominus noster veniens in mundum, noua præcepta dedit mundo, & vitæ in vitijs enutritæ contrarietatem opposuit nouitatis suæ; cum cælestis medicus contraria opposuit medicamenta peccatis, vt lubricis continentiam, tenacibus largitatem, iracundis mansuetudinem, elatis præcepit humilitatem, & emittens spiritum suum, creauit corda munda, & spiritum rectum innouauit in visceribus hominum, & renouauit faciem terræ.

Et Isaias de Christo: Ecce ego facio noua, & nunc orientur. ne memineritis priorum, & antiqua non intueamini.

Quod etsi Virgilius didicerat in Sibyllarum libris, tamen ipse, cum esset gentilis, & idolorum cultor, non potuit assequi, quo verba illa tenderent, & quando essent verificanda, sed nihil aliud cogitare potuit, quàm illa adimplenda esse in Augusto, cui ipse placere satagebat, vnde optabat, vt ille puer feliciter nasceretur, qui tot bona erat illaturus gentibus, & post eum erant venturi magni illi menses, idest, quibus omnia scelera nostra fieri debebant irrita, idest, erant delenda per Christum. Idem prædixit Daniel, cum dixit: Abbreviatæ sunt septuaginta hebdomadæ, vt consummetur præuicatio, & finem accipiat peccatum, & deleatur iniquitas, & adducatur iustitia sempiterna: & terra erat liberanda perpetua formidine, idest, metu mortis æternæ, vt sine timore de manu inimicorum nostrorum liberati seruiamus illi, in sanctitate & iustitia omnibus diebus vitæ nostræ; vt Simeon quoque de hoc ipso prophetauit: & quod beatus ille puer debebat accipere deorum vitam, hoc est, debebat esse Deus, & homo, quo nihil clarius poterat dici; quod in terra debebat viuere aliquis homo, qui esset Deus, & quod apud Romanos debebat esse noua Deorum soboles, idest, sanctorum virorum, qui in Christum credentes, debebant recipere Dei admirabilem gratiam, qua efficiuntur Dei filij, habentes consortium diuinæ naturæ, vt factum est; qui (subdit Virgilius ex Sibylla) Diuisq. videbit permixtos heroas, & ipse videbitur illis, quod aperte dicitur de Christo, qui futurus erat caput sanctorum, & debebat conuersari cum illis, & videre eos, & videri ab illis, vnde ipse dicebat: Beati oculi, qui vident quæ vos videtis. Multi Reges, & Prophetæ voluerunt videre, quæ vos videtis, & non viderunt. Ecce Dominus veniet, & omnes Sancti eius cum eo, & erit in die illa lux magna. Et Iob inter gentes, hoc

Virg. Ecl. 4.

Gregor.

Psal. 50.

Isa. 43.

Dan. 7.9.

Luc. 10.

Iob 7.

hoc lumine ita fuit eleuatus, vt speraret, se in carne sua visurum esse oculis suis Deum saluatorem suum, quem (inquit) visurus sum ego, & non alius.

Pacatumq. (statim subdit) reget patrijs virtutibus orbem. hoc quod dicit Sibylla apud Virgilium, concordat cum eo, quod scribit Dauid in 2. Psalmo ex persona Christi: Ego autem constitutus sum Rex ab eo super Sion montem sanctum eius, prædicans præceptum eius. Dominus dixit ad me, filius meus es tu: ego hodie genui te. Postula à me, & dabo tibi gentes hæreditatem tuam, & possessionem tuam terminos terræ. Et Isaias: Orietur in diebus eius iustitia, & pax.

Isai.

Subdit Virgilius à Sibylla doctus

Ipsæ lacte domum referent distenta capellæ
Vbera, nec magnos metuent armenta Leones:
Ipsa tibi blandos fundent cunabula flores,
Occidet & serpens, & fallax herba veneni.
Occidet Assyrium vulgo nascetur amomum.

Isa. 59.

Pro saluicula ascendet Abies, & pro vrtica ascendet Myrtus.

Isa. 60.

De lacte idem prænucliauit Isaias. Lac gentium suges Hierusalem, & mamilla regum lactaberis. Stabunt alieni, & pascunt pecora vestra.

Isa. 61.

Et erit in die illa nutriet homo vaccam bouum, & duas oues, & prævbertate lactis comedet butyrum. Butyrum, & mel manducabit omnis homo.

Isa. 7.

In illa die stillabunt montes dulcedinem, & colles fluent lac & mel.

Isa. 9.

Quod dicit: Nec magnos metuent armenta leones. idem est ad litteram cum eo, quod dicit Isaias futurum in aduentu Christi, dicens: Habitabit lupo cum agno, & pardus cum hædo accubabit, vitulus, & leo, ouis simul morabuntur, & puer paruulus minabit eos. Vitulus & vrsus pascuntur, simulq. requiescent catuli eorum, & leo quasi bos comedet paleas.

Isa. 35.

Cant. 2.

Isa. 35.

De floribus Isaias ait: Lætabitur deserta, & exultabit solitudo, & florebit quasi lilium. Flores apparuerunt in terra nostra. Ego flos campi, & lilium conuallium.

Quod dicit: Occidet & serpens, & fallax herba veneni: Occidet Assyrium vulgo nascetur amomum. Idem est cum eo, quod subdit ibi Isai. Et delectabitur infans ab vbere super foramine aspidis, & in cauerna reguli, qui ablatatus fuerit manum suam mittet, non nocebunt, & non occident.

Isa. 35.

In cubilibus, in quibus prius Dracones habitabant, oriatur viror calami, & iunci.

Marc. 16.

Serpentes tollent, & mortiferum si quid biberint, non eis nocebit.

Et duræ quercus sudabunt roscida mella. Et Isaias idem penitus. In illa die stillabunt montes mel: in montibus enim quercus sunt.

Et fallax herba veneni.

Isa. 7.

Et omnes montes qui in sarculo sarmentur, non veniet illuc terror spinarum.

Et sicut terra profert semen suum, & sicut hortus semen suum germinat: sic Dominus germinabit iustitiam, & laudem coram vniuersis gentibus.

Et illud: Aggredere ò magnos (aderit iam tempus) honores.

Psal. 44.

Chara Deum soboles, magnum Iouis incrementum: Concordat cum Sibylla Dauid. Accingere gladio tuo super femur tuum, potentissime: Specie tua

tua, & pulchritudine tua, intende, prospere, procede, & regna.

Chara Deum soboles, magnum Iouis incrementum. Mirabilis prophetia, quod Christus est filius Dei, Deus de Deo.

Multa alia considerari possent in carminibus illis, quæ Virgilius sine dubio ex vaticinijs Sibyllarum excerpfit, & consona reperiuntur cum Prophetarum nostrorum vaticinijs. Sed hæc satis.

De Prodigijs, & Portentis factis apud Romanos, ubi Christus erat regnaturus, & sedem suam positarus. Cap. 57.

Dabo prodigia in cælo & in terra, sanguinem, & ignem, & vaporem fumi: sol conuertetur in tenebras & luna in sanguinem, antequam veniat dies Domini magnus. inquit Ioel Propheta. Ioel. c. 2.
Præcesserant igitur Sibyllarum oracula, quæ cælestis Domini aduentum in terris, & magnificentiam regni eius inter gentes magnificis attestationibus prænucciabant; ceterum cum eius aduentus multo ante prænucciatus iam instaret, voluit Deus prodigijs & portentis excutere illis somnum, atque erigere animos eorum in admirationem, quid illa, quæ tam admirabiliter fiebant, portenderent. Ut paulatim lentoq. quodam lumine, oculos tenebris obstitos, ad futura mysteria intelligenda disposeret, ut Roma fortunata, sub hoc cælesti principe per totum orbem regnatura, antequam aduenisset dies carnis Domini, vaticinijs, signis, & prodigijs præmoneretur de aduentu illius, ut cum aduenisset, & factum esset, crederet. Non enim Gentiles, sicut Iudæi, sciebant futuræ Redemptionis mysterium, venturumq. esse regem cælestem cum decore & fortitudine, qui gladio oris sui percuteret terram: & reges terræ, qui eius disciplinam non apprehenderent, eiusq. eruditionem contemnerent, virga ferrea correpturus, & tamquam vas figuli, potentiam ipsorum confracturus; Eis vero, qui eum audirent, legemq. eius reciperent, & seruire ei cum lætitia, & exultarent ei cum tremore, fidemq. eius reciperent, cælestia & æterna regna largiturus. Quapropter aliquo modo admonendi erant, & signis aliquibus ante erigendi, quæ si non præstarent intellectum, saltem traherent ad admirationem; donec lucidum eius prædicationis verbum plenius affulisset, & sequentibus signis adducerentur ad credendum, & obediendum verbis fidei, ita ut omnes, excussa vetustate tenebrarum, non amplius adorarent Deos suos, quos per tot sæcula coluerant, & incensa & sacrificia, & libamina obrulerant, & templa constituerant, quibusq. & victorias, & quæcunque prospera adueniebant, adscribebant, & quos putabant consulere & providere vitæ hominum; præterea & fruges & reliqua, quæ terra parit, & tempestates ac temporum varietates, cæliq. mutationes operari, & esse Mundi Rectores: sed spreis falsis hisce numinibus, eorumq. simulachris contritis, reciperet vnum solum, & adorandum numen, summum scilicet & sempiternum Deum, qui fecit cælum, & terram, & quem missurus erat Iesum Christum Saluatorem mundi, & aliquando Urbem superbam toti orbi dominantem, calcaret pes pauperum gressus egenorum, & quæ fuit mater erroris, foret filia Saluatoris; neque amplius orbem ferro domaret, sed fide firmaret.

De Prodigio horribilis fulminis, & confectione simulacrorum, & obliuatione legum Romanarum in Capitolio celitus facta.

Cap. 58.

EX ijs igitur, quæ à Sibyllis prædicta erant apud gentes, siue ab oraculis prophetarum apud Iudæos, rumor ubique inualuerat venturum esse Regem, qui dominaretur orbi; id quod Romanos ignaros mysterij Christi Domini, exterruit per plures annos, vsque ad Vespasianum, imo vsque ad Adrianum principem.

Tacit. ann. lib. 21. Suet. in Vespasian. c. 4. Sueton. in Octa. August. c. 94.

Qua de re hæc Tacitus: Pluribus persuasio inerat, antiquis sacerdotum litteris contineri, fore, ut valesceret oriens, profectiq. Iudæa, rerum potiretur. Et Suetonius idem contestans inquit, Percrebuerat oriente toto vetus & constans opinio, ut eo tempore, Iudæa profecti, rerum potirentur. & alibi Auctor Iulius Maratus: Ante paucos, quam nasceretur Octavius, menses, prodigium Romæ factum publice, quo denunciabatur Regem populo Romano naturam parturire, Senatui exterritum censuisse, ne quis illo anno genitus educaretur. Quod prodigium Dio his verbis enarrat.

Dio Roma. hist. lib. 37.

Ante paucos, quam Octavius Augustus nasceretur menses, in Capitolio multæ statuæ de cælo tactæ, liquefactæq. fluxerant, omniaq. simulachra deiecta, & confecta, præsertim vero simulachrum Iouis columnæ insistentis: præterea vero imago Iupæ, cum Remo ac Romulo consecrata ceciderant: litteræ etiam in columnis, in quibus leges scribebantur, confusæ atque oblitteratæ fuerant. Hæc Dio. Anno ab Urbe condita sexcentesimo nonagesimo. Quod quamquam ipsi rerum futurarum ignari ad aliud traherent, tamen quid aliud præsignare poterat, quam voluisse Deum in urbe Roma in Capitolio coram populo orbis Domini, per ignem de cælo missum, per statuarum, & simulachrorum confectionem, præsertim Iouis, quem summum credebant, per legum scripturarum in columnis oblitterationem, aduenisse, tempus iam olim ab Isaia prædictum, cum inquit: Et erit in nouissimis diebus præparatus mōns domus Domini in vertice montium, & eleuabitur super colles & fluent ad eum omnes gentes, & ibunt populi multi, & dicent: Venite, ascendamus ad montem Domini, ad domum Dei Iacob, & docebit nos vias suas, quia de Sion exhibet lex, & verbum Domini de Hierusalem, & iudicabit gentes, & arguet populos multos. Impleta est terra eius idolis, quos fecerunt digiti eorum, opus manuum suarum adorauerunt. Exaltabitur autem Dominus solus in die illa, quia dies Domini exercituum super omnem superbum, & excelsum, & omnem arrogantem & humiliabitur; & super omnes cedros Libani sublimes & erectas, & super omnes quercus Basan, & super omnes montes excelsos, & super omnes colles eleuatos, & super omnem turrem excelsam, & super omnem murum munitum, & super omnes naues Tharsis, & super omne, quod visu pulchrum est. Et incuruabitur omnis sublimitas hominum, & humiliabitur altitudo virorum, & eleuabitur Dominus solus in die illa, & idola penitus conterantur. Quod ideo Romæ in Capitolio factum est, ut sciretur imperium Romanorum, viribus corporis & ferro munitum, & per totum terrarum orbem propagatum, iam iam iugo Regis Christi colla daturum, & oblitteratis priscis legibus, &

mori-

moribus, legem Christi & spiritum eius recepturum, & reiectis infandis idolorum imaginibus, & lethali cultu falforum Deorum, Dei veri & summi, cæli, & terræ conditoris religionem amplexaturum, quod paulo post mirabiliter factum est, & perseverat vsque in hodiernum diem.

De Apollinis oraculo obmutescente, & de Ara primogeniti Dei ab Augusto erecta. Cap. 59.

Proxime autem ante Christi Domini aduentum, illustrissimū illud, totoq. orbe celeberrimum, Apollinis Delphici Oraculum occlusum erat, nec ultra vscata responsa dabat, horrescente Demone, ut qui optime nosse poterat, mala sua annunciari non tantum per oracula Sibyllina, sed & Prophetarum prædictionibus: De quo perbelle hæc Ethnicus Orator: Sed, inquit, quod caput est: cur illo modo iam Oracula Delphis non eduntur, non modo nostra ætate, sed iam diu iam, ut nihil possit esse contemptius? Hoc loco cum vrgentur, euasisse aiunt vetustate vim loci eius, unde anhelitus ille terræ feret, quo Pythia mente incitata Oracula ederet. De vino, aut falsamento putes loqui, quæ evanescent vetustate? hæc Cicero. Cui si audientes Gentiles fuissent, de falsitate, ac vanitate Deorum (dicam cum Arnobio) perorata causa fuisset. Sed quænam esset causa tanti silentij Apollinis obmutescentis, idem ipse, licet inuitus, aliquando effari coactus est. Cum enim Augustus Apollinis studiosissimus, ut qui crederetur Apolline genitus, quique in cæna illa, *ἁγία ἑστὶς*, vulgò dicebatur, pro Apolline ornatus solebat accumbere, cui & templum in Palatio erexerat, eidem sacrificasset He-catombem, hæc tandem ab eo responsa, ut ferunt, elicuit:

Me puer Hebræus, diuos Deus ipse gubernans,

Cedere sedē iubet, tristemq. redire sub Orcum.

Aris ergo dehinc tacitus abscedito nostris.

Ad hæc addunt, Augustum Romam reuersum Aram in Capitolio erexisse hac inscriptione notatam: ARA PRIMOGENITI DEI. hæc Nicephorus, ac Suidas, quibus ceteri fidem adhibuerunt. Putatur hic ille esse locus in Capitolio, è regione rupis Tarpeie, vbi nobilissimum templum antiquitus erat Iouis Capitolini: sed eo prostrato, eodem in loco erecta est basilica in memoriam Dei Genitricis MARIAE, atque dicta ex causa, ARA COELI, titulo nuncupata: vel quod aiunt, DEI genitricem MARIAM infantem in vlnis habentem, monente Sibylla, sublimem in aëre ab eodem Augusto illic esse conspectam. Quod tamen ita velim intelligant, qui ei rei maiore fidem adhibendam putant, quam his quæ ex Græcis authoribus recensuimus: non quòd Sibylla aliqua Augusti temporibus, quæ illum hæc docuerit, superstes fuerit: siquidem Cumæa, quæ nouissima omnium fuisse traditur, quinquagesima Olympiade (auctore Solino) vixit, temporibusq. Tarquinij Regis Romæ fuit: sed sic accipiendum, ut ea ipsi Augustus à Sibylla, hoc est, Sibyllinis carminibus, quæ Sibyllæ nomine citari à maioribus contueuerunt, acceperit, non autem a Sibylla, quasi adhuc viuente vate, quæ diximus, ei ostensa fuerint. Augustum namq. multum fuisse in cognoscendis, scrutandis, expurgandisq. carminibus Sibyllinis, tradunt Tacitus, & Suetonius.

*Cic. lib. 2.
de Divin.*

*Arno. adu.
Gent. lib. 3.
Sueton. in
Oct. c. 94.
70. 29.*

*Niceph. his.
lib. 1. c. 17.*

*Suid. in
his. verb.
Augustus.
Cedran. in
comp. his.*

*Solin. Poly.
hist. c. 3.*

*Tacit. lib. 5
Annal.
Sueton. in
Oct. Aug.
c. 31.*

F 2

De

c. 31.

PRæterea, & illud magnum exitit futurarum rerum prodigium, cum in Italia agro Romano paulo ante Christi aduentum in mundum, flumina quædam conuersa sunt retrorsum, sicut de Iordane memorant scripturæ in transitu populi Israelitici.

*Dio lib. 47.
ad f.*

Et cæperunt refruere versus fontem, Aquæ enim quæ in mare fluebant, contrario cursu recurrentes ad fontem reuertebantur: quædam autem flumina penitus exaruerunt.

Quæ portenta, vt inquit Dio, existimabant Romani exitus bellorum, & casus Reipublicæ demonstrare, quod eam Deus optimus maximus in meliore statu, & conditione regni esset collaturus. Sed Deus non id solum curabat dare Romanis rerum Dominis Regem in seculo, & temporaliter dominantem, sed dare eis Regem Regum, cuius regnum esset æternum, & inchoaretur in terris, & in cælis postmodum latius durationem suam vsque in spacia æternitatis extenderet.

Romani, & totus orbis eorum seruiebant Dijs, qui non erant Dijs, sed nequissimi spiritus, qui in cælis principatum superbissime appetentes, à celestibus illis sedibus vindicante Deo deturbati, intra mundi caligines habitantes, regnum quod amiserant in cælis, mendicabant in terris, & decipiendo fraudulentis illusionibus homines, honores diuinos sibi passim vsurpabant apud homines fraudis ignaros.

Et cum hoc modo à Deo suo vero abalienati essent, & in mare æternæ damnationis excurrerent, tandem per Iesum Christum ad Deum suum bonorum omnium fontem reuersi sunt. Nam Deorum illorum cultus penitus per eius gratiam sublatus est, & penitus exaruit, corda autem ipsorum, & animi cupiditates, & desideria ingentia, quibus ad mundi gloriam, & diuitias comparandas, currebant, retorserunt ad Deum, qui eos fecerat, gloriam eius quærentes, propriam contemnentes, & diuitias non in mundo, vbi putrescunt, acquirentes, sed apud Deum fontem omnium bonorum.

De alio prodigio, Solis intra tres circulos effulgentis.

Cap. 61.

*Dio histor.
Rom. li. 5.
Iulius ob-
seq. in lib.
de prodig.
c. 128.*

PRæterea Hircio & Pansa Coss. visus est sol intra tres circulos effulgere, quorum vnum corona spicarum ignita circumdaret.

Quod quidem admirabile signum satis perspicuum est, ad ostendendum, non quod Romani in tenebris dormientes in peius somniabant, sed quod Deus omnipotens & misericors statim erat facturus, videlicet manifestaturus sacramentum, & arcanum adhuc inter homines non cognitum, summæ Trinitatis & incarnationis filij Dei, quod arcanum inscrutabile penitus quidem erat, absconditum apud gentes, quæ Deum ignorabant, & idolis seruiebant: apud Iudæos vero non omnino incognitum, sed tamen figuris & inuolucris inuolutum, & obuelatum. Manifestatio autem diuinarum personarum, hoc est, Patris, Filij, & Spiritus sancti, Diuinitatis mysterium, Christo Domino reservata erat, tamquam aliquid summum, & perfectum, in cuius cognitione vita æterna posita erat.

Chri-

Christus autem solus, qui à cælis erat, & de cælis descendebat, ipse erat annuntiaturus nobis, non per prouerbia, & enigmata, sed palam, & in manifesto.

Deum enim nemo vidit vnquam: Vnigenitus autem filius, qui in sinu Patris est, ipse enarrauit. Et quoniam res diuinas & cælestia arcana, & fulgorem diuinitatis, & summæ Trinitatis claritudinem, quantum fas erat, & humanus oculus ferre potuisset, erat ostensurus orbi, tantorum mysteriorum ignaro, ideo scriptum est: His qui iacebant in tenebris, & vmbra mortis, lux orta est eis.

Ecce tenebræ operient terram, & caligo populos: super te autem orietur Dominus, & gloria eius in te videbitur. Et ambulabunt gentes in lumine tuo, & Reges in splendore ortus tui. *Isa. 60.*

Hanc inter gentes futuram gloriam sanctæ & indiuiduæ Trinitatis, tamquam præsentem videbant Angeli, cum incessabili voce clamarent alter ad alterum dicentes: Sanctus, Sanctus, Sanctus Dominus Deus exercituum, plena est omnis terra gloria eius. *Isa. 6.*

Ita vt per hoc mysticum lucis præludium ostenderetur, non longe esse tempus, quo populus, qui ambulabat in tenebris infidelitatis, & idololatriæ, visurus esset lucem magnam, & habitantibus in tenebris, & vmbra mortis insolita lux esset oritura, sole scilicet intra tres circulos coruscans, hoc est, Diuinitas in tribus personis effulgens, cogniturusq. esset gloriam summi Dei, & veneraturus non amplius falsorum Deorum simulachra, sed vnius Dei Patris, & Filij, & Spiritus sancti diuinitatem adoraturus. Vnde Ilaias ait: Propter Sion, inquit, non tacebo, propter Hierusalem non quiescam, donec egrediatur vt splendor iustus eius, & Saluator eius vt lampas accendatur, & videbunt gentes iustum tuum, & cuncti Reges inclytum tuum, & vocabitur tibi nomen nouum, quod os Domini nominauit. *Isa. 62.*

Sed mystica quadam, & occulta ratione factum est, vt vnus ex tribus circulis ignita spicarum corona circumdaretur, ad denotandum vltra Trinitatis mysterium, Incarnationis quoque dispensationem in persona filij Dei, qui à Prophetis quoque, frumentum electorum dictum est, & eius humanitas panis noster facta est. Vnde dicebat Dominus de seipso: Ego sum panis qui de cælo descendi, si quis manducauerit ex hoc pane, viuet in æternū. & ob id sub panis specie dat se nobis ad manducandum. Et quoniam sub pane humanitatis, latet diuinitas, hinc spicæ illæ, quæ circulum ambiebant, erant ignitæ. Deus enim charitas est, qui lucet, & ardet, ignemq. sui amoris in hominum corda diffundit, per Spiritum sanctum, qui datus est nobis, quod in sacramento consecrati panis, quem voluit credentibus dari ad manducandum, mirabiliter perficitur, vbi manducantes ignitum & diuinum amorem eliciunt. *Ioan. 8.*

Cuius rei figura est illud, quod olim iussu est à Domino, vt in Phasæ Domini solemnitas esset panum azimorum, quos per septem dies comedebant, & eodem tempore offerebant sacrificium in igne Domino per septem similiter dies. *Exod. 12.*

Et paulo post iubentur, quod in ingressu terræ promissionis metant segetem, & ferant manipulos spicarum ad sacerdotem, qui eleuabit fascisculum coram Domino, & eodem die, quo manipulus consecratur, cædetur agnus

immaculatus, anniculus, in holocaustum Domini, odoremq. suauissimum. Quæ quidem omnia satis aperte significabant futurum sacramentum benedicti panis.

De restitutione seruorum, & debitorum remissione facta ab Augusto, & de Prodigio admirabili fontis olei, qui Romæ per totum diem fluxit. Cap. 62.

Accessit etiam superioribus præfagijs (ut multa alia omittam, quæ ab Historicis memoriæ mandata sunt) illud quod magnam cunctis intulit admirationem.

*Oros. histor.
lib. 6 c. 20.
circa fin.
Euseb. in
chronic.*

Augustus Cæsar, cum secundo in Sicilia receptis à Pompeio & Lepido legionibus, triginta millia seruorum Dominis restituisset, & quadraginta quatuor legiones solus imperio suo ad tutamen orbis terrarum distribuisset, ouansque urbem ingressus, omnia superiora populi Romani debita donanda, litterarum etiam monumentis abolitis, censuisset, in diebus illis, fons olei largissimus, de Taberna Meritoria per totum diem sine intermissione fluxit. Erat autem hæc Taberna Meritoria trans Tyberim. Meruit locus ille nobilissima memoria illustrari, Ecclesia nimirum amplissima Dei Genetricis titulo, à Calisto Pontifice, prima omnium, quarum extet memoria, olim erecta.

Habitabant Augusti tempore qui erant Romæ Iudæi trans Tyberim (ut author est Philo lib. de leg. ad Caium) permixti more maiorum viuere quod & Ethnici scriptores testantur, unde uetus ex ipsorum poetis Iudæum hominem Transtyberinum ambulatorem appellat, cum ait.

Hoc qui Transtyberinus ambulator

Qui pallentia sulphura fractis

Permutant vitris. Sed quamuis viles atque abiecti essent, tamen quoniā ex Iudæis salus ventura erat, regio ubi regnarent, eo meruit miraculo illustrari.

Quod prodigium cum paulo ante Christi aduentum, Romæ ostensum fuerit, quid aliud poterat indicare, quàm id quod paulo post futurum fuit, scilicet venturum esse Christum, idest Vnctum, Dominum, Regem, & sacerdotem, qui cælestibus vnctionibus benedicturus erat mundum, & sacramentis suis, per oleum conficiendis, sanaturus vulnera peccatorum, & qui ab vnctionibus erat denominandus iuxta illud: Oleum effusum nomen tuum, qui & supra ceteros, spiritus vnctione cælitus fuit inunctus, iuxta illud: Propterea vnxit te Deus, Deus tuus oleo lætitiæ præ consortibus tuis?

*Cant. I.
1/44.*

Quod signo (inquit Orosius) quid euidentius, quàm in diebus Cæsaris toto orbe regnantis futura Christi natiuitas declarata est? Christus enim lingua gentis eius, in qua natus est, Vnctus interpretatur. Itaque cum eo tempore, quo Cæsari perpetua Tribunitia potestas delata est, Romæ fons olei per totum diem fluxit sub principatu Cæsaris, Romanoque imperio per totum diem, hoc est per omne Romani tempus imperij, Christum, & ex eo Christianos, idest Vnctum, & ex eo vnctos de Meritoria Taberna, hoc est, de hospite largaque Ecclesia affluenter atque incessabiliter processuros, restituendosque per Cæsarem omnes seruos, qui tamen cognoscerent Dominum suum, ceterosque qui sine Domino inuenirentur, morti supplicioque dedendos, remittendaque sub Cæsare debita peccatorum in ea Vrbe, in qua spontaneum fluxisset

set oleum, euidentiſſima his, qui Prophetarum voces non audiebant, ſigna in cælo, & in terra prodigia prodiderunt. hæc Oroſius.

*De pace, quam præſtitit Deus orbi terrarum, propter inſtanti-
Chriſti aduentum, regnante Auguſto principe, qui clauſit Ia-
ni portas in die Epiphania, ſumma rerum potitus: & de Pro-
digio arcus cæleſtis ſolem ambientis. Cap. 63.*

Sed videamus alia prodigia, quæ Deus ſuper terram poſuit, auferens bel-
la vſque ad finem terræ, ad excitandos gentium animos.

Anno ab Vrbe condita (inquit Oroſius) 725. Imperatore Cæſare Augu-
ſto quinquies, & L. Apuleio Conſulibus Cæſar victor ab Oriente rediens, Oroſ. lib. 6.
oſtauo Idus Ianuarias Urbem triplici triumpho ingreſſus eſt, ac tunc primū c. 20.
ipſe Iani portas, ſopitis omnibus finitisq. bellis ciuilibus clauſit. Hoc die
primum Auguſtus conſalutatus eſt. Quod nomen cunctis antea inuiolatum,
& vſque ad nunc ceteris inauſum Dominis, tantum orbis licite vſurpatum
apicem declarat imperij, atque ex eodem die ſumma rerum ac poteſtatum
penes vnum caput eſſe & manſit, quod Græci Monarchiam vocant. Porro
autem hunc eundem eſſe diem, hoc eſt, oſtauum Idus Ianuarias, quo nos
Epiphaniā, ideſt, Apparitionē, ſiue manifeſtationē Dominici ſacramenti obſer-
uamus, nemo credentium, ſiue etiam fidei contradicentium neſcit. De quo
noſtræ iſtiſſimæ obſeruationis ſacramento vberius nunc dicere, nec
ratio, nec locus poſtulat: vt & quærentibus reſeruallæ, & negligentibus
non ingeſſiſſe videamur. Hoc autem fideliter commemorallæ ideo par fuit,
vt per omnia venturi Chriſti gratia præparatum Cæſaris imperium compro-
betur.

Nam cum primum Caio Cæſare auunculo ſuo interfecto, ex Apollonia
rediens, Urbem ingrederetur, hora circiter tertia, repente liquido, ac puro
ſereniq. die, circulus ad ſpeciem cæleſtis arcus orbem ſolis ambiit; quaſi
eum vnum ac potentiſſimum in hoc mundo, ſolumq. clariſſimum in orbe
monſtrans, cuius tempore venturus eſſet, qui ipſum ſolem ſolus, mundumq.
totum & feciſſet, & regeret.

Sed ſignificantius (vltra Oroſiam) arcus ille cæleſtis circa ſolem, vide-
tur portendere, ad eſſe iam tempus, quo ſol ſempiternus Dei filij venturus
erat, & mundo appariturus, circumdatus carne humana, ad Dei iram placan-
dam, & mundum redimendum; caro enim humana, quam ipſe aſſumpſit, &
qua ſe ipſum circumcinxit, fuit inſtrumentum, & organum, quo iram Dei
erga genus humanum propter peccata Deo inimicum, placauit. Et meritò
ab arcu cæleſti fuit designata caro illa: quia ſicut antiquitus, cum omnis
caro corrupiſſet viam ſuā, & multa malitia hominum eſſet in terra, & Deus
victus ſcleribus hominum, aquarum diluuiò homines cum animantibus de-
leuiſſet, & diſperdiſſet, ſtatuit Deus pactum cum hominibus, promittens
illis, quod nequaquam vltra interficeretur omnis caro aquis diluuij, dedit-
quē ſignum ſœderis inter ipſum, & omnem animam viuētem vſque in ge-
nerationes ſempiternas, dicens: Cum obduxero nubibus cælum, apparebit
arcus meus in nubibus, & recordabor ſœderis mei vobiscum, & cum omni
anima viuente, quæ carnem vegetat, & non erunt vltra aquæ diluuij ad de-

F 4 lendam

lendam vniuersam carnem . Eritq. arcus meus in nubibus, & videbo illum, & recordabor foederis sempiterni, quod pactum est inter Deum & omnem animam viuentem vniuersæ carnis, quæ est super terram .

Sic etiam cum eo tempore, quo filius Dei venturus erat in mundum, totus orbis vias suas iterum corrupisset, iterumq. malicia multa esset super faciem terræ, & coram Deo terra repleta esset iniquitate, & gentes Deum suū ignorantes, horrendos Dæmones pro Deo colerent, & vbiq. ita regnaret peccatum, vt & Iudæorum gens, apud quam solam Deus norus erat, magis quàm ceteri, præter aliquos paucos iustos, infandis vitijs premeretur, propter quod Dei iustitia debuisset iterum mundum peccatis corruptum disperdere, recordatus est tamen Dominus misericordiæ suæ, & pacti sempiterni, vt non solum non deleteret homines aquis diluuij, sed magis aquis baptismi ad salutem reuocaret, posuitq. Arcum suum non in nubibus, sed in sole, cunctis gentibus spectandum, ad prænuntiandum, se nolle amplius mundum scelestum tanquam iratus subuertere, sed tanquam placatus illuminare, instaurare, & saluum facere, qui perierat: & ideo tempore Augusti ponere voluit in sole Arcum cælestem signum foederis sui, vt hinc significaret, paulo post se esse missurum in terras filium suum, iustitiæ solem, & circumdare illum arcu carnis; quam Cruci expositam, & morti traditam propter scelera mundi, quotiescumque Deus illam inspiceret circa filium suum, toties recordaretur misericordiæ suæ, & placaretur erga homines parcens illis, & saluos faciens à peccatis eorum, & à morte, quæ per peccatum in mundum erat ingressa, vt meritò arcus ille ambiens solem, & incarnationis Verbi, & placationis Dei esset præclarissimum indicium .

Quod Cyrus Persarum Rex, & Augustus Romanorum Imperator typum Christi expresserint. Cap. 64.

Isa. 45.

ET quemadmodum Cyrus Rex Persarum, apud Iudæos Christi typum expressit, dicente Isaia: Hæc dicit Dominus Christo meo Cyro, cuius apprehendi dexteram, vt subijciam ante faciem eius gentes, & dorfa regum vertam, & aperiā coram eo ianuas, & portæ non claudentur. Ego ante te ibo, & gloriosos terræ humiliabo, & dabo tibi thesauros absconditos, & arcana secretorum, vt scias, quia ego Dominus, qui voco nomen tuum, Deus Israel per seruum meum Iacob, & Israel electum meum. Et vocaui te nomine tuo, assimilauī te, & non cognouisti me, vt sciant hi, qui ab ortu solis, & qui ab occidente, quoniam absque me non est Deus. Expressit autem typum Christi, quatenus liberauit populum Israel de captiuitate, & restitui iussit Templum; sic & Augustus apud Romanos, gentium dominos, typum quoque Christi gessisse non est ambigendum; siensemus multa, quæ circa ipsum facta commemorantur.

Orosius.

Nam cum per ducentos annos Romani bellis fatigati fuissent, Augustus tandem bellis finem imposuit. Vnde cum Urbem triumphans, quintum Consul ingressus est, eo scilicet die, quem supra nominauimus, idest octauo Idus Ianuarias, qui apud nos dies Epiphaniæ est, Iani templum quod apertum per annos ducentos fuit, quod erat indicium perseuerantium bellorum, ipse clausit, quod erat indicium pacis per vniuersum orbem. Cum enim pax vbiq.

vbique vigeat, Romani Iani templum clauderant, quam pacem attulit Augustus orbi.

Et hæc pax tempore Augusti oborta in mundo, fuit typus pacis, quã Christus mundo erat allaturus, de qua Propheta quidam: Et percutiam cū eis *Os 2.* fœdus in die illa cum bestia agri, & cum volucre cœli, & cum reptili terræ, & arcum, & gladium, & bellum conteram de terra, & dormire vos faciam fiducialiter.

Cum igitur anno ab Vrbe condita 752. Cæsar Augustus ab oriente in occidentem à septentrione in meridiem, ac per totum Oceani circulum, cunctis gentibus vna pace compositis, & rempublicam, quam bello quæsiuerat, pace enutrire & amplificare studeret, leges plurimas statuit, per quas humanum genus libera reuerentia disciplinæ morem gereret. Domini appellationem, ut homo declinauit, & grauissime corripuit edicto, qui se Dominum appellarent: & cum ingrediente illo ad spectandos ludos populus acclamasset: O Dominum æquum, & bonum: statim ille manu & vultu indecoras adulationes represit. Eo autem anno, quo verissimam, firmissimamque pacem ordinatione Dei Cæsar composuit, natus est Christus, cuius aduentui pax ista famulata est, in cuius ortu audientibus hominibus exultantes Angeli cecinerunt: Gloria in excelsis Deo, & in terra pax hominibus bonæ voluntatis. Eodemque tempore hic, ad quem rerum omnium summa concesserat, Dominum se hominum appellari non passus est, imo non ausus, quo verus dominus totius generis humani inter homines natus est.

Eodem quoque anno tunc primum idem Cæsar, quem his tantis mysterijs prædestinauerat Deus, censum agi, singularum vbique prouinciarum, & ceteri omnes homines iussit, quando & Deus homo videri, & esse dignatus est. Tunc igitur natus est Christus, Romano censui statim ascriptus, ut natus est. Hæc est prima, illa & clarissima professio, quæ Cæsarem omnium principem, Romanosque rerum Dominos singillatim cunctorum hominum, edita ascriptione signauit, in qua se & ipse, qui cunctos homines fecit, inueniri hominem, ascribiq. inter homines voluit. Quod nunquam penitus ab Orbe condito, atque ab exordio generis humani in hunc modum, ne Babylónico quidem, vel Macedonico, ut non dicam minori cuiquam regno, concessum fuit.

Nec dubium, quin omnium cognitioni, fidei, inspectioniq. pateat, quod Dominus noster Iesus Christus, hanc Romæ Urbem, nutu suo auctam, defensamque in hunc rerum apicem prouexerit, cuius potissimum voluit esse, cum venit; dicendus utique ciuis Romanus, census professione Romani, ut hæc inaudita humilitate, magisque potestate maiestatis, exaltaretur super omnes excelsos, Dominumque se constitueret illorum, quorum se seruum fecerat.

De prodigijs factis apud Iudeos. Cap. 65.

His atque similibus prodigijs curauit Deus, qui disponit omnia suauius, excitare Gentes, quæ infixæ erant in limo profundi, ad contemplandam futuram virtutem. Sed non minori excitemento indigebant Iudæi, qui quâquam oracula habuerunt Prophetarum, tamen vivebant & ipsi vita gentium, à Deo

Io. c. 4.

à Deo abalienati, & præsentia tantum considerantes, grauiq. somno demer-
si, nihil nisi quæ mundi erant, somniabant, Vnde & ipsos Deus prodigijs
terrui, & commonuit, paulo antequam Christus aduenisset. Ad quæ pro-
digia consideranda, quæ in aduentu CHRISTI erant futura, inuitat nos Da-
uid, dum dicit: Venite, & videte opera Domini, quæ posuit prodigia su-
per terram, auferens bella vsque ad finem terræ: arcum conteret, & confrin-
get arma, & scuta comburet igni. Vacate, & videte, quoniam ego sum
Deus, exaltabor in gentibus, & exaltabor in terra: Dominus virtutum,
nobiscum, susceptor noster Deus Iacob. Iudæi enim, nisi signa & prodigia
viderent, non facile credebant.

De prodigio terræmotus, factò apud Iudæos. Cap. 66.

Joseph. de
bello Iuda.
lib. 1. c. 14.

Cum igitur Gens Iudæorum in barathrum abominationum corruisset, omnesq. à Sacerdote vsque ad populum, abiissent post cupiditates re-
rum secularium, studentes auaritiæ, amantes primos accubitus, & gloriam
huius mundi, speciem tantum pietatis extra in oculis hominum præferen-
tes; intus autem sicut sepulcra tenebras, & tineas, & factorem intolerabi-
lem peccatorum circumferentes, & non Dei populum, sed congregationem
iniquitatis, & malitiæ repræsentantes, & Dei promissa, & Christi Domini
aduentum pro nihilo habentes, & profanis moribus sacra omnia contami-
nantes, Deus illos terribili terræmotu concussit. De quo hæc Iosephus anti-
quitatum Iudaicarum scriptor.

Sed dum Herodes inimicos persequitur, incurrit ei diuinitus alia calamitas
septimo Regni anno, & Attiaco bello feruente. Namq. veris initio, terra mo-
ta infinita quidem pecorum, 30. vero hominum millia peremit, cum exerci-
tus mansisset incolumis, quoniã sub diuo tenebatur, ibique Arabes in maiori
audaciam fama sustulit, tristibus nuncijs grauius semper aliquid affingens.
Vnde velut omni subuersa Iudæa terræ obtinentes spẽ, quia neminẽ superesse
credebant, in eã irruunt, legatis prius interfectis, qui ad se venerant à Iudæis.

Psal. 76.

Hoc autem prodigioso terræmotu, qui paulo ante Christi aduentum con-
tigit, videtur voluisse Deus perterrefacere populum illum scelestissimum,
vt relinqueret corruptissimos mores, & vitam illam sceleribus commacula-
tam, quæ erant sibi futura impedimento, quo minus cognoscerent, quem
Deus missurus erat ad saluandum populum suum; quod signum & prodigiũ
reperitum fuit illis, cum Christum Dominum non cognoscentes, terribili il-
lum, & inaudito scelere super crucem occiderunt; tunc enim iterum terræ-
motus factus est magnus, & petra scissæ sunt, vt saltem per repetitam toties
terræ concussionem saperent, & intelligerent illum, quem crucifixerunt,
fuisse Dominum eorum, quem in tenebris iacentes non comprehenderunt: de
quo per alium terræmotum admoniti, vt erigerent animos peccatorum one-
re prægrauatos, noluerunt intelligere, & aduertere, quid portenderet vox
illa Domini concutientis terram, cum terra contremisceret ab ira Domini,
& concuterentur columnæ eius. Illuxerunt enim corrusionibus orbi ter-
ræ: commota est, & contremuit terra.

Erat autem apud Iudæos magna excitandi animi ad instantis aduentus
Christi cogitationem occasio, orbis commotio, & Templi, quod erat in Hie-
rusalem

rusalem magnificentia, & augusta celsitudo. Nam Aggeus Propheta de *Aggeus 2.* aduentu Melsir, secundi Templi temporibus hæc habet.

Hæc dicit Dominus exercituum. Adhuc vnum modicum est, & ego commouebo cælum & terram, & mare, & aridam, & mouebo omnes gentes, & veniet desideratus cunctis gentibus, & implebo domum istam gloria, dicit Dominus exercituum. Magna erit gloria domus istius nouissimæ plus quam primæ, dicit Dominus.

Nam orbis commotio magna & incredibilis facta est temporibus illis, quibus instabat aduentus Christi in mundum, quam etiam Dauid prædixerat: *Pf. 95.* Commoueatur à facie eius vniuersa terra, dicite in gentibus, quia Dominus regnauit. Quasi dicat: Gaudeat, & obstupefcat terra tanti Regis aduentu; norint omnes hunc esse, qui redempturus est genus humanum, & regnaturus à ligno; eo enim tempore res admirabiles, & nouæ futuræ sunt, quarum consideratione admirabuntur, & commouebuntur mortales.

Quod etiam in transitu de Aegypto ad terram à Deo promissam, quasi per figuram, similiter factum est, ut asserit Dauid: Deus, cum egredereris in *Pf. 67.* conspectu populi tui, cum pertransires in deserto, terra mota est, hoc est, admiranda, & inusitata sunt & prodigiosa, quæ contigerunt. Et alibi: Montes exultastis, sicut arietes, & colles, sicut agni ouium. A facie Domini mota *Pf. 113.* est terra, à facie Dei Iacob: & in alio Psalmo: *Ps. 97.* Lætentur cæli, & exaltet terra, commoueatur mare, & plenitudo eius, gaudebunt campi, & omnia, quæ in eis sunt.

Commota etiam terra est eo tempore propter prodigia multa, quæ vidit in cælo, de quibus dicturi sumus: & iterum commota est propter Verbum Domini, cum venit, quem cum voce sua commouisse terram, tradit Apostolus ad Hebræos. *ad Heb. 12*

Præterea tantus in orbe bellorum rumor tunc exortus est, & gentes aduersus gentes, & Regna aduersus Regna ita commota sunt, ut nulli possit esse dubium, tunc commotum esse, & Mare & Aridam: totus enim orbis incendio bellorum exarsit, & interfectorum sanguine mundus cruentus factus est. Tunc enim indignatio Domini facta est super omnes gentes, & furor super vniuersam malitiam eorum: interfecit enim eos, & dedit illos in occisionem. Interfecti eorum proiecti sunt, & ex cadaveribus ipsorum ascendit fœtor; contabuerunt montes à sanguine ipsorum, donec malitia eorum deflueret, sicut defluit folium de vinea.

Nam Iudæa in primis miserandis bellorum calamitatibus vexata est, missis enim Machabæorum pugnis, quibus per multos annos commota est, successerunt cuncta bella Alexandri cum Antiocho & Areta, & Alexandræ Iudææ feminæ contra Damascum, & turbationes filiorum eius. Rursusque institit bellum Hircani cum Arabibus. & Alexandri contra Hircanum & Aristobulum. Et Antipatri contra Mitridatem, & Herodis contra Hircanum, & Parthorum contra Herodē, & Herodis contra latrones & contra Hierosolymam, quam cepit: contra Antigonum quē secure percussit, tantaque Antigoni exercitus strages facta est, tantaque cadaverum per omnes vias multitudo congregata est, ut iam victoribus ipsis transitus obstrueretur: rursusque Herodis contra Arabes. Quid dicemus & de ingenti terræmotu, ubi triginta milia hominum perierunt?

Et

Joseph. de
antiq. Iud.
lib. 14 c. 8.
10. & 12. Et de diffidijs Herodis cum proprijs filijs, ultra Pompei bellum contra Iudæos, cum & ipse cepit Hierusalem, & omnia cæde Iudæorum compleuit; & Gabinij contra Alexandrum, & deinde contra Aristobolum, & innumera alia bella, & seditiones, & calamitates Iudæorum, ita ut si vnquam Iudæorum terra commota est, illis diebus id factum sit. Et cælum quoque commotum est, ut infra latius dicetur. Ultra vero Iudæam totus Romanus orbis ingentibus bellorum commotionibus agitatus est. Nam præter bella quibus diuersæ gentes afflictæ sunt, Iulius Cæsar, & Cn. Pompeius, & alij Romanorum Principes, vel quæ alij mundi Reges, vel contra Romanos, vel intra se gesserunt, illud fuit omnium maximum, quod omnes mundi partes commouit, quando dissidente Pompeio & Cæsare, totus orbis in se diuisus contra se ipsum sub horribili & cruentissimo bello certauit. Deinde inter Augustum, Lepidum, & Marcum Antonium, contra Brutum & Cassium, aliosq. Cæsaris interfectores, sanguinolentis pugnis & horrenda proscriptione cōtra Romanos ciues concertatū est, & ubiq. sanguis effundebatur & Augustus contra varias nationes gladium protulit; tandemq. M. Antonium cum Cleopatra Regina, nauali prælio apud Actium superauit, quo bellorū tumultu & Mare & Insulæ motæ sunt, & omnes gentes, donec tandem pacato orbe, & in seruitutem Romanorum redacto, pax maxima consecuta est, quam Isaïas & Michæas prædixerunt, ut homines tot portentis admoniti magnū quippiam & insolitū expectarent, eum scilicet, qui erat desideratus gentium: in cuius diebus oritura erat in mundo iustitia & abundantia pacis, & boni & felices nuncij de rebus maximis erant afferendi apud omnes nationes, ex quibus Populi ad magnā animi lætitiā commouendi erant, propter aduentum Saluatoris, qui erat facturū cælos novos & terram nouam, & vniuersa, siue in cælo, siue in terra ornaturus, & instauraturus, sicut factum est.

De Templi secundi Hierosolymitani magnificentia, amplitudine, & gloria supra Templum primum Salomonis, quod Christi Domini instantem aduentum indicabat. Cap. 67.

Mar. 3.

ERat autem illis diebus Templum illud magnificum, & maiestate plenum, & propter structuram miraculo proximam, satis gloriosum; quod exploratum est ex eo, quod dictum est à discipulis Domini, & Apostolis eius, postquam venisset in terris. Nam cum Dominus ex Templo egrederetur, vnus ex Discipulis eius cum de tam excelsa mole obtupesceret, oculos tollens in sublimes templi parietes, conuersus ad Dominum præ stupore dixit: Magister, aspice, quales lapides, & quales structuræ? quod Dominus comprobauit inquires: Vides has omnes magnas ædificationes? non relinquetur lapis super lapidem, qui non destruatur: non negauit templi magnificentiam, sed vaticinatus est ruinam.

Templum enim illud, nō quale à filijs captiuitatis extructum est, sed quale post multos annos ab Herode est reædificatum. Erat sane magnificentia, plenum, & superabat magnitudine Templum primum à Salomone constructum, & magna erat gloria domus illius nouissimæ, magis quam primæ: Non tantum autem, quia in illud venit postea Christus Dominus, & numi-

nis

nis sui præsentia, & prædicatione diuina, & miraculis in excelsum eleuauit, quo nihil potest cogitari gloriosius, & hac sola re Templi Salomonis honorẽ, quod nebula gloria tantum impleuit, in infinitum superauit, sed etiam propter ipsius ædificij magnificentiam, & excellentem pulchritudinem. Multa enim habuit ex primo Salomonis, multa ex secundo præter illa, quæ Herodes regia ambitione in templi secundi restaurationem contulit. quod exploratum fiet, si alterum cum altero conferatur.

Templi primi longitudo septuaginta cubitorum fuit, addito vestibulo, seu porticu, vt scribitur libro Regum: longitudo templi Herodis fuit centum cubitorum, vt Ioseph Hebræus testatur. constabat autem structura ex lapidibus candidis, firmissimaq. magnitudine viginti quinque cubitorum in longum, octo in altum, latitudine autem cubitorum duodecim. vnamq. & eandem mensuram habebant omnes lapides à fundamento ædificij vsque ad summitatem eius.

Et quoniam parietes primi Templi intrinsecus auro tecti erant, quantam auri copiam in hoc Herodis intus fuisse existimabimus? cum de exteriori templi facie, hæc memoriæ prodiderit Iosephus. Exterior facies nihil, quod animus, aut oculi mirarentur, non habebat. Crustis enim aureis grauissimis vndique tecta ad primos ortus igneo splendore lucebant, vt cum intuerentur oculis, quasi solis radijs auerterentur. Hospitibus quidem aduentibus procul monti niueo similis videbatur, nam vbi deauratum non erat templum, candidissimum erat. In summo autem aureis verubus horrebat acutissimis, ne ab insidentibus aibus pollueretur. Nonnullorum autem saxorum eius longitudo quadraginta quinque cubitorum erat, altitudo sex.

De vestibulo autem hæc ibi: Prima eius porta septuaginta cubitis alta erat, & viginti quinque lata, neque fores habebat, cælum enim vndique conspicuum, lateq. patens significabat. Erantq. totæ frontes inauratæ, at prima ædes omnis perlucebat extrinsecus, auroq. circum interiorem Fani partem splendida cuncta cernentibus occurrebat. Interior vero porta tota inaurata erat, & circum eam auratus paries. Desuper autem habebat aureos pampinos, vnde racemi statura hominis dependebant.

Fecit etiam Rex columnas argenteas, & bases earum argenteas, capita autem earum fecit aurea. Fecit item vitem de auro mundo, & posuit in summitate columnarum, cuius pondus erat mille talentorum aureorum. Erat vitis ipsa facta opere ingenioso, habens ramos perplexos, cuius folia & germina facta erant ex rutilanti auro, botri autem ex auro fuluo, & grana eius, acini, atque folliculi facti erant ex lapidibus pretiosis, totumq. opus erat fabrefactum opere vario, vt esset mirandum spectaculum, & gaudium cordis omnibus intuentibus ipsum.

Fores autem habebat aureas quinquaginta & quinque cubitis altas, sexdecim vero latas. Et ad hæc Aulæum longitudine pari, hoc est, velum Babylonicum hyacinto & bysso, & cocco, & purpura variatum, mirabili opere factum, neque contemplationis expers colorum permixtione, sed velut omnium rerum imaginem præferens. Cocco enim videbatur ignem imitari, & bysso terram, & hyacinto aerem, ac inare purpura, partim quidem coloribus, bysso autem ac purpura origine, quoniam byssum quidẽ terra, mare autem purpurâ gignit, eratq. in eo præscripta omnis cæli ratio præter signa.

Intro.

3. Reg. 6.
Ioseph. 15.
antiq. c. 14.
& lib. de
bel. ind. c. 6

Ioseph. li. 6.
de bell. ind.
c. 6.

Ioseph. ibid.

Introgressos autem interior pars excipiebat, cuius altitudo habebat quidem sexaginta cubitos, & longitudo totidem, ac latitudo viginti, rursus autem quadraginta cubiti diuisi erant. Et prima quidem pars ad quadraginta cubitos auulsa, hæc tria mirabilia, & prædicanda opera cunctis hominibus habebat candelabrum & mensam, & thuribulum. Septem vero lucernæ ab ipso candelabro oriebantur. Duodecim vero panes in mensa erant positi. Thuribulum autem per tredecim odores, quibus replebatur ex mari & inhospito & inhabitabili, designabat omnia Dei esse, Deoq. seruire.

*Ioseph. lib.
7. de bello
Iud. c. 24.*

Mensa autem illa aurea erat ponderis talenti magni. Et candelabrum similiter quidem auro factum, sed opere commutato.

Ara autem pro templo quindecim cubitis alta, lata vero & longa cubitis quadragenis, quadrataq. stans, veluti cornutis angulis eminebat, & à meridie ascensus in eam clementer arduus resupinabatur, sine ferro autem constructa erat, nec eam vnquam ferrum tetigerat. Templum autem aramq. cingebat ex pulcherrimo saxo lorica gratissima, vsque ad cubitum surgens, quæ Populum à sacerdotibus segregabat.

Construxit etiam Herodes porticum interiorē, & posuit eam in facie latitudinis templi, addiditq. duos parietes, opere artificiosissimo & connexit eam foris ferro; nec est homo, qui amplius sciat artificium illius operis. Erant & aliæ porticus, quæ ingentibus columnis suffulciebantur. In illis enim porticibus stabant paribus interuallis, quatuor columnarum ordines, quorum quartus intextum habebat lapideum parietem: crassitudo autem cuiusque columnæ, quantum possent tres homines confertis inter se brachijs complecti, longitudo viginti septem pedum numerus vniuersarum fuit, centum sexaginta duo, capitellis sculptis opere corynthio, pulchris vsque ad miraculum.

Totum autem sub Dio spatium, idest, quod extra porticum erat, omnium generum lapidibus stratum variabatur.

Porticus externæ pares erant, vnaquæque triginta pedes latitudinis habebat, plusquam quinquaginta altitudinis, stadium longitudinis, mediæ vero latitudo erat, sesqui altera, altitudo dupla: eius enim connexitas altius surgebat excitato super episthilia pariete lapideo politissimo columnis infertis distincto, ita vt essent hæc incredibilia audientibus, cum stupore autem spectabilia ijs, qui aderant. In hoc latere meridiano spectaculum erat, si vllum aliud sub sole memorabile. Nam cum Vallem haberet in immensum dehiscens, ita vt caligarent despicientium oculi; desuper exstructa erat præalta porticus, cuius tecto conscenso, si quis vtramque altitudinem coniunctam contempleretur, absque vertigine id non poterat, visu deficiente ob nimiam profunditatem, priusquam ad imum pertingeret.

*Ioseph. lib.
15.*

Quatuor autem erant in circuitu templi porticus, & harum singulæ propriam secundum legem habere custodiam. In exteriorē ingredi licentia fuit omnibus, etiam alienigenis, mulieres tantum modo menstruatæ transire prohibebantur. In secundam vero porticum cuncti Iudæi ingrediebantur, eorumq. coniuges cum essent ab omni pollutione mundæ. In tertiam masculi Iudæorum mundi existentes & purificati. In quartam autem sacerdotes stolis induti sacerdotalibus, in aditum soli Principes sacerdotum propria stola circumamicti. Nimis oratio excrederet, si quis omnem templi illius

lius magnificentiam, & amplitudinem veller enarrare, quæ apud Iosephum & Egesippum videri potest aliosq. Auctores.

Illud autem potest ostendere, quanta esset eius magnitudo, si consideret quis, quod tempore quo Titus paulo post illud obsedit, in ipso templo duo exercitus sibiipsis contrarij habitarent absque violatione tertiarum eiusdem partis, quæ dicebatur Sancta Sanctorum. Cuius templi excellentissimum opificium, & præclaram ædificationem, & supra quam cogitari possit, admirabilem structuram Titus in conflagratione Urbis Hierosolymæ conspicatus, & nobilissimi omnium Templi miseratus, iussit milites à templi excidio temperare, sed renuente Deo, obtinere non potuit.

Quantæ autem diuitiæ essent in Templo tunc temporis, non est facile enarrare; quinquam enim Crassus Romanus ex eo trabem auream, totumq. reliquum aurum, cuius summa accedebat ad octo talentorum millia sustulisset, tamen postea Iudæi ex diuersis orbis partibus magnas opes in illud contulerunt, quod ex eo conijci potest, quoniam Titus ipse opima, & pretiosissima spolia ex templo sublata duxit in triumphum, & præter Mensam auream ponderis talenti magni, de qua supra, & candelabrum auro factum, asportauit Romam vasa ingentia inæstimabilis valoris, vna cum alijs ornamentis, quorum visendorum studio per totum orbem, qui ante nos fuerunt (inquit Iosephus) vagabantur, quomodo aliud apud alios situm esset videre cupientes, his se Titus magnifice efferens: quæ in templo pacis posita sunt, excepta lege, & penetralium velis purpureis, quæ in palatio condita seruari præcepit.

Ex quibus, omisis innumeris alijs rebus, quæ ad amplitudinē templi pertinebant, quæ apud Iosephum, & Philonem, & Egesippum videri possunt, satis manifestum efficitur, ingenti & inæstimabili diuitiarum gloria, templum illud secundum fuisse locupletatum, cum Iudæorum, cum externorum magnificis largitionibus, tamquam admirabile opus, nullius diuitijs fieri potuisse, nisi illius, qui dixit: Meum est aurum, & meum est argentum, & sine dubio templi primi gloriam superasse. Quod cogitans Hieronymus dixit, iuxta Aggæum Prophetam: Veniet desideratus cunctis gentibus, Dominus noster, atque Saluator. Tunc implebo domum illam gloria maiore, quam priorem, & semper vobis addam. Et ne forte sponsores putetis infirmum, meum est argentum, meum est aurum, & meæ sunt cunctæ opes, ego in ornamentum templi aurum, argentumq. donabo, ut maior fiat huius domus gloria, quam prioris.

Quapropter Iudæi videntes temporibus illis Templum eorum in tantam excreuisse magnificentiam, satis aperte admonebantur, iam instare tempus ab Aggæo Propheta prædictum, quo iuxta Dei dispositionem necesse erat Dominatorem Messiam, quem quærebant Iudæi, & Angelum testamenti, quem volebant, in mundo nasci, & venire ad templum sanctum suum, & ipsi susceperunt misericordiam suam in medio templo suo, ut esset laus eius in omnes fines terræ. Et sicut audiuerant, ita viderent in Dei sui Ciuitate, in monte sancto eius.

*Ioseph. lib.
7. c. 24. de
bel. iud.*

*Hieron. in
Aggæum
Prop. 1.*

Malach. 3.

Psal. 47.

De

De Stola Pontificis. Cap. 68.

Per latus autem Aquilonis, turris alta angulosa, munita valde fuerat, quā ante Herodem, Reges & sacerdotes generis Asmonæorum construxerant, & Barin denominauerant, ut illic sacerdotalem stolam deponerent, qua cum opus habuisset, ut immolaret princeps sacerdotum, ingrediebatur enim templum stola hac indutus, & solus ea utebatur, sed quando exibat in ciuitatem, priuatis indumentis utebatur. Hanc turrim à Machabæis constructam, Herodes postea munitiorem reddidit ad tutelam Templi, & in memoriam M. Antonij Romani amici sui, vocauitq. Antoniam.

*Ioseph. de
antig. iud.
lib. 18. c. 9.*

Quæ stola sacerdotalis, deinde peruenit in potestatem Romanorum, neque licebat Pontifici ea uti, nisi ex permissione Romanorum, per dies autem festos ad usum Pontificum tradebatur: transacta vero festiuitate iterum in Antonia reponenda reddebatur, & per tres utique festiuitates, singulis quibusque annis, & per ieiunia dabatur, & reddebatur. Quamquam postea, aliquando Romani Principes ex priuilegio concesserint stolam istam potestati Pontificum.

Luc. 2.

Hæc autem stola Pontificia, cum ante Christi natiuitatem peruenisset in potestatem Romanorum, & reponeretur in Arce, Antonio Romano honoris gratia ab Herode dedicata, & custodiretur ibi, & Romani eo tempore regnum temporale Iudæorum obtinuissent, satis manifeste indicabat, & typo prænunciabat, apud Romanos in Urbem Romæ, in qua residebat principatus imperij, esse transferendam summam Regni cum sacerdotio, sicut postea per Christum Dominum, Dauid Regnum, quod æternū futurum esse scripturæ testabantur, & summa sacerdotij orbi dominantis, translatus est, & nos ab eo tempore vsque ad dies nostros, scimus, & oculis nostris spectamus hoc regnum in hac Vrbe, & vnusquisque pro certo habet Dominum posuisse in vrbe Romæ sedem Dauid patris sui, & ædificasse ibi domum Iacob, idest, Ecclesiam, in qua per mille & sexcentos annos gloriose regnauit, & in futurum regni eius non erit finis.

De admirabili commotione aquæ, quæ prodigio magno cum commoueretur, sanabat ab omnibus infirmitatibus apud Hierusalem. Cap. 69.

1. Ioan. 5.

Sed sicut Deus Iudæorum populos, ut resipiscerent, & oculos ad cælum tollerent, per terræmotū admonuit, ut dictum est, ita etiam per aquæ admirabilem commotionem excitare non cessauit, ut vox Domini audiretur per aquas, cum Deus maiestatis intonuit. De qua hæc Ioannes Euangelista.

Est autem Hierosolymis probatica piscina, quæ cognominabatur hebraice Bethesda, quinque porticus habens. In his iacebat multitudo magna languentium, cæcorum, claudorum, aridorum, expectantium aquæ motum. Angelus autem Domini descendeat secundum tempus in piscinam, & mouebatur aqua, & qui prior descendisset in piscinam, post motionem aquæ sanus fiebat, à quacumque detineretur infirmitate.

Id, cum esset quiddam insolitum, & nunquam amplius auditum, & in

& in media Vrbe, ita vt nulli notum non esset, debebant omnes in magnam trahere admirationem, cur Deus medijs Hierosolymis aquis illius piscinæ, tunc talem præstasset virtutem, vt sanaret non ab vna, (vt quædam salutare aquæ solent) sed ab omnibus infirmitatibus, & non nisi commota, non à quocumque, sed ab Angelo, & quæ præberet sanitatem non cunctis, sed ei qui prior descendisset, cum aqua moueretur. Cuius prodigijs aquæ magnalia si attento corde scrutati essent, intellexissent per hæc admirabilia voluisse illis Deum præmonstrare diuinos effectus salutaris aquæ baptismatis à CHRISTO instituendi ad peccatorum infirmitates sanandas. Vt cū audirent Christi baptismum delere peccata, forisq. abluere corpus, intus liberare animam à quacumque detineretur iniquitate, & non esse ab hominibus, sed è cælo, & gratiâ è cælo descendere in susipientem & conferre gratiam illam in cōmotione aquæ, idest per præsentiam Spiritus sancti, non omnibus, sed illi tantum, qui fide comitatus accederet.

Statim potuissent conijcere non esse à veritate alienum vim regeneratiuā inesse aquis baptismi à Christo instituti, & salutem afferre credentibus culpam remittendo peccatorum, & sanando vulnera culparum; & recipi in anima, cum admouetur aqua corpori, Spiritus sancti gratiam. Cum hæc omnia in typo præcessissent in aquis piscinæ illius. Quod satis aperte perspicitur cum altera aqua, cum altera confertur. Prodigium huius piscinæ, quando incæperit, & quando cessauerit, certo sciri non potest, quoniam nulla mentio de ea habetur apud historiarum scriptores, potest tamen conijci, incæpisse circa Christi aduentum, & desisse, postquam discipulos misit in vniuersum mundum ad saluandos homines per lauacrum baptismatis, quia per Iosephum, Iudaicarum rerum scriptorem, nulla de illa sit mentio.

*De ijs, quæ admirabiliter gesta sunt in Templo Hierosolymitano,
& prodigiosa conceptione, & Natiuitate Ioannis Baptiste.*

Cap. 70.

Sed accedamus propius ad ea, quæ admirabiliter fecit Deus gentibus Iudæorum, vt illi leuarent capita sua, & iam nascituri solis matutinum lumen prospicerent, quo confortati, maioris luminis præsentiam non refugerent: igitur illis hæc aurora præfulsit.

Cum in Hierusalem regnaret Herodes Idumæus alienigena, qui sub Augusto Regnum in Iudæos acceperat, defecissetq. longa successio Regum, & Ducum ex Iudæorum sanguine natorum, quæ vsque ad istud tempus à Saule Rege vsque ad Hircanum, & Aristobulum, quos Herodianus gladius sustulit, perdurauerat; & tempus, quod à Iacob vetustissimo Patriarcha prænunciatum fuerat, cum dixit: Non auferetur sceptrum de tribu Iuda, & Dux de foemore eius, donec veniat, qui mittendus est, & ipse erit expectatio gentium, ex insperato aduenisset, memor Deus promissorum suorum, nuncium instantis aduentus Messie Regis præmittere voluit, & prænunciare illis futura bona, & vt testimonio nuncij, quem mittebat, præstaretur fides, hæc admiranda & inaudita de cælo in Vrbe Regia, in Templo toto orbe celeberrimo facta sunt ad præparanda corda Iudæorum ad futura mysteria.

G

Fuit

Luc. I.

Fuit quidam igitur Sacerdos, nomine Zacharias, siue ille summus inter Sacerdotes, aut ex minoribus fuerit, qui in Templo ministrabant, erat autem de vice Abiæ, & uxorem duxerat, quæ ex Aaron summo Sacerdote genus ducebat: erat autem non seculari potestate sublimis, sed religionis successionem venerabilis. Cum autem tam ipse, quam uxor eius, nomine Elisabeth, essent iusti in conspectu Dei, qui scrutatur omnia, & incederent in omnibus mandatis, & iustificationibus Domini sine querela, cumque ambo processissent in diebus suis usque ad senectam & senium, & non esset eis proles, quia Elisabeth sterilis erat, factum est, fungente Zacharia sacerdotio in ordine vicis suæ ante Deum, secundum consuetudinem Sacerdotalis ministrationis, secundum quam mane, & vespere in priori tabernaculo thus adolebatur, non sine consilio diuino sorte contigit, ut ipse deberet incensum ponere: cumque ingressus esset in templum Domini ad incensum adolendum, & penetrasset in primum tabernaculum & in Sanctum Sanctorum, omnis populi multitudo, quæ non habebat accessum ad Sancta, dum adoleretur incensum, stabat foris orans.

Exod. 30.

Cum autem Zacharias Domini Sacerdos esset iuxta altare, & una cum incenso orationem suam in conspectu Domini dixisset, pro se, pro domo sua, & pro vniuerso cætu Israel; Ecce Gabriel, Princeps inter Angelos, à Deo electus & ad sacrum munus obeundum missus, oranti Sacerdoti rutilans apparuit, stans à dextris altaris, ubi odoriferum thus de more adolebatur. quem cum conspexisset Zacharias, ut naturalis mos est hominum in conspectu superioris naturæ timere, turbatus est, & timor irruit super eum, & quoniam proprium est spiritualis naturæ, & Angelicæ bonitatis pauentes de aspectu suo mortales, mox blandiendo solari, ait ad illum Angelus: Ne timeas Zacharia, quoniam exaudita est deprecatio tua, nam uxor tua Elisabeth pariet tibi filium, & vocabis nomen eius Ioannem, gratia Dei tibi datum, ut non solum tibi & domui tuæ domesticum gaudium & priuatam exultationem afferat, sed etiam publicam & communem omni populo læticiam in natiuitate eius conferat, & erit magnus coram Domino inter natos mulierum, sobrius, temperatus, abstinens, ita ut siceram, & vinum non bibat, & Spiritus sancti gratia affluenter replebitur, antequam exeat ex utero matris suæ, & spiritu repletus, multos filiorum Israel conuertet ad Dominum Deum ipsorum, & ipse præcedet ante illum in spiritu & virtute Eliæ, ad parandam Domino plebem perfectam, & conuertens corda patrum ad filios, & corda filiorum ad patres, & incredulos ad prudentiam iustorum. Et dixit Zacharias ad Angelum. Vnde hoc sciam? dubito de veritate verborum tuorum. Ego enim sum senex, & uxor mea sterilis processit in diebus suis usque ad senium, ita ut filium in utero concipere impossibile sit. Cui Angelus respondens ait; Quid de veritate meorum verborum addubitas? Ego enim sum Gabriel, qui sto ante Deum, & missus sum loqui ad te, & hæc nunciare tibi læta nuntias, & pro eo, quod non credidisti verbis meis, quæ suo tempore sunt implenda, eris tacens, & non poteris loqui usque in diem, quo hæc fiant. Quo dicto Zacharias, qui Angelo non credidit veritatem, amisit loquendi facultatem, & qui fuit tardus corde ad credendum, inuentus est infirmus ore ad loquendum, & qui intus recusauit credere, iuste foris verbum non potuit exprimere.

Dum hæc in sanctuario gererentur, populus extra Tabernaculum expectabat

Et habet Zachariam, & mirabantur, quod tardaret in Sanctuario. Cum ecce egreditur foras, & cum vellet, non poterat loqui ad illos, sed annuebat tantum. Cognouerunt autem ex his, quod visionem aliquam vidisset, ipse autem permansit mutus. Et factum est, ut impleti sunt dies officij eius, redijt in domum suam. Post hos autem dies concepit Elisabeth vxor eius, sicut ab Angelo dictum est, ut hinc appareret Ioannem, non humana, sed diuina virtute nasciturum, & meritò ante filium Virginis præmitti filium sterilis, ut præco Iudicem, lucerna diem, vox verbum, seruus Dominum præcederet, ut præambulo hoc lumine commouerentur Iudæi ad quærendum CHRISTVM suum.

Qui Ioannes, ut in vtero inciperet esse admirabilis, in vtero supra naturam gaudio magno exultauit de Domino suo abscondito in vtero Virginis.

Elisabeth autem cū impletum est tempus pariendi, peperit illum, de cuius natiuitate multi gauisi sunt, & laudabant Deum, quoniam magnificauit misericordiam suam cū illa. Apertum est autem illic os Zachariæ, & lingua eius, & loquebatur benedicens Deum, & qui prius credere renuens, officium loquendi amisit, credendo postmodum Dei laudes pronunciauit, & mirati sunt vniuersi: & factus est timor super omnes vicinos eorum, & super omnia montana Iudææ diuulgabantur omnia verba hæc, & posuerunt omnes, qui audierant in corde suo dicentes: Quis putas puer iste erit? Etenim manus Domini erat cum illo.

Ex his autem signis & prodigijs factis Hierusalem, in Regia Vrbe, in amplissimi Templi sanctuario, cum apparitione cælestis Angeli, coram sacerdote magno, iuxta altare sanctum, vbi sacrum thus ad Deum dirigebatur, & orationes ad cælum eleuabantur, & cum populi celebritate, qui extra Sancta Sanctorum, vbi accedere fas non erat, pronus orabat ad Deum, & ex manifestatione diuinarum gratiarum, & ex miraculo sterilitatis, filio insperato lætantis, & ex punitione incrudelitatis, & de exultatione infantis in vtero, & natiuitate eius, & recuperatione amissæ loquelæ, satis poterant intelligere Iudæi, Deum ipsorum per hæc admiranda voluisse excitare illos, ut animos à terrenis erigerent, & dirigerent vias suas coram Domino, qui incipit visitare plebem suam.

Ceterum Zacharias, qui hæc Dei magnalia animi celsitudine considerabat, cum lætitia, quæ ex Spiritu Sancto oritur, occupasset cor eius, & mentem illius cælesti lumine perfudisset, qui mutus non credendo euaserat, credens, magniloquo ore, tam magnificam emisit vocem, ut eius sonitus totum orbem peragrans, & per omnia secula percurrrens, peruenerit post mille & sexcentos annos ad aures nostras, & quotidie audimus Zachariam benedicentem Deum, qui visitare dignatus est plebem suam, quasi longa infirmitate, tabescentem, quam venditam sub peccato, vnici filij sui incarnatione redemit. Nam & clerici, & sacerdotes, & religiosi viri, quotquot terras incolunt in generationibus suis, vice ipsius, singulis quibusque diebus sine intermissione, verba ipsius repetentes proclamant: Benedictus Dominus Deus Israel, quoniam visitauit, & fecit redemptionem plebis suæ.

*De admirabili opificio Mariae Virginis, & Matris filij Dei.
Cap. 71.*

Post Christum Dominum, qui omnes admirationes vno stupore compleuit, fecit Deus in terris Mulierem tot, & tam sublimibus, & supra humanas opiniones sese ferentibus gratiarum ornamentis, & diuinis benedictionibus insignem, & caelestibus splendoribus rutilantem, & supra miraculum eleuatam, vt mundus totus pulchritudinis eius magnitudinem in suis generationibus admirans, diuinarum virium potentiam in ea perpetuo collaudauerit.

Deus enim ante secularia tempora contuens oculis suis hominē, excelsum manuum suarum opus, quem inextermabilem fecerat, in mortis poenam prolapsus, cogitauit tempore constituto formare Mulierem, quæ carnem sua benedictione plenam mutaret sublimissimo Verbo, æterno Dei filio, sub cuius tegumento latitaret ipse, qui æterna vita erat: vt quotquot sub diuinis sacramentis carnem illam deificatam & benedictam reciperent, ex mortis vinculis erepti, ad vitam redirent æternam.

Quod tēpore suo, stupente mūdo, admirante natura factum est. Nam cum mulier hæc vitam æternam incarnatam generasset, gentes ad carnem illam sub sacris mysterijs manducandam, tamquam ad cælestem panem accedentes, vitam æternam inuenerunt; vnde merito Mulier ista, quæ æterno verbo. in quo vita erat, miraculo magno & inaudito, carnis humanæ substantiam subministravit, Mater omnium, æterna vita viuientium nuncupata est. quo quid illi potuit contingere gloriosius? nobis, quid potuit obuenire beatius? in mundo, quid potuit fieri mirabilius?

Pertinuit autem ad Dei sapientiam, quæ omnia suauiter disponit, dare huic mulieri sublimissima dona, & decorare illam excellentissimis ornamentis, & præclarissimis virtutibus, & super genus hominum, & super cælestium spirituum dignitatem eleuare illam, quam ad altissimum, & nobilissimum munus obeundum, quod hominum, & Angelorum æstimationes longe superat, consilio inscrutabili elegerat.

*Cant. 2.
Cant. 5.*

Quapropter inter plurimas electa est, factaq. est magni Patris opificium, atque excellentissimum diuinitatis organum, pretiosis donata monilibus, & vt esset templum & sanctuarium & thalamus ipsius Dei, sanctorumq. mater, & sponsa cælestis admirandæ pulchritudinis, quæ confurgeret sicut aurora, pulchra esset sicut luna, electa sicut sol, delicijs affluens, innixa dilecto. Quæ ascenderet per desertum, sicut virgula fumi ex aromatibus myrrhæ, & thuris, & vniuersi pulueris pigmentarij.

Sicut autem principes armarium conficiunt, vt auri & argenti vascula in eo recondant, suamq. postmodum gloriam & diuitias cunctis ostendant, ita, & ista à Deo facta est, vt in ea reconderet thesaurum ingentem ad maiestatis suæ gloriam mortalibus omnibus demonstrandam.

*Chrysost.
hom. in hy.
popātis Do.
mini.*

Magnum reuera mulier hæc miraculum existit orbi, vt ipsa maius aliquid atque sublimius inueniri non possit, solaq. cælum & terram magnitudine superet. Non Prophetæ, non Apostoli, non Martyres, non Patriarchæ, non Angeli, non Throni, non Dominationes, non Cherubim, non Seraphim, non

non aliud denique quippiam inter creatas res visibiles, aut inuisibiles, vna hac maius, aut excellentius inueniri potest, tanta Deus eam celestium bonorum opulencia locupletem fecit.

Non æquanda mulieribus cunctis; hæc est, quæ genuit Maiestatem; Mul- *Cyprian. li.*
rimum erat à ceteris differens, cui natura communicabat, non culpa. Erat *de jangu-*
illi proprium priuilegium, quod nulla mulierum, nec ante, nec deinceps *rit. lib. 2.*
meruit obtinere, vt esset simul Mater & virgo, mirabilibus titulis insignita. *ser. de nat.*
Vnde & Matri plenitudo debebatur, & Virgini abundantior gloria, quæ car- *Christi.*
nis & mentis integritate insignis, spiritali & corporali intus, & extra sub- *Greg. lib. 2.*
limissimi filij præsentia frueretur. Magna quidem & excelsa, quæ velut *reg. c. 1.*
Mons, celsitudine pergens ad sydera, ad conceptionem æterni Verbi perti-
gens, meritorum verticem supra spirituales Intelligentias, vsque ad solium
Deitatis erexit.

Igitur illam Deus, & primi luminis fulgoribus illustrauit, caput enim
eius radiantibus stellis circumcinxit, lunamq. ipsam pedibus eius subiecit, *Bernar. in*
tantoq. lumine perfusa profundissimum diuinæ sapientiæ vltra quàm credi *ser. Signum*
valeat, adeo penetrauit abyssum, vt quantum sine personali vnione creaturæ *magnus.*
conditio patitur, luci illi inaccessibili videretur immersa. Ita vt & animas
Sanctorum & Angelicos spiritus superexcedens, & merita singulorum, &
omnium titulos antecedit. Sicut enim quantumlibet stellæ aliæ reluceant,
luna tamen illis præminet magnitudine splendoris, sic & ipsa vtramque
naturam singulariter exsuperat, & immensitate gratiæ, & fulgore virtutum,
quo lumine plena, & toto cælo coruscans, tam hominum quam Angelorum
superat dignitatem.

Talis enim debebat esse illa, quam Deus elegit, vt esset fidelium fax, &
ineircumscripti (si ita loqui fas est) circumscriptio, speciosissimi floris ra- *Methodius*
dix, Creatoris Mater, Nutrixq. omnia nutrientis, & cuncta continentis, & *Martyr &*
comprehendentis comprehensio, gestatrix illius, qui verbo suo portat vni- *Episc. in ca-*
uersa, Porta nobilis per quam in carnem ingressus est Deus, & purificantis *alog. scrip.*
carbonis forceps, Sinus illius, qui sinu suo omnia complectitur, Vellus cæle- *orat. habita-*
stis roris, Aqua vitæ refocillatrix, ex qua immortalitatis poculum mortali- *da hypopar-*
bus emanauit. Quæ Deo suo, nullius rei indigo, carnem, quam non ha- *ti Domini.*
bebat, mutuata est, vt omnipotens id quod esse dignatus est, homo appare-
ret, & sempiternum Deum corpore, tamquam decenti quadam panoplia, in-
duceret, per quam ipse facile caperetur, & cerneretur, & homo ad illam ha-
beret accessum, vbi sunt omnia bona. Erat similis arcæ fœderis, siquidem
arca intrinsecus portabat testamenti tabulas, Maria ipsius testamenti porta-
bat hæredem, illa intra se met legem, hæc Euangelium retinuit: Illa Dei
vocem habebat, hæc Verbum: Arca intus forisq. auri nitore radiabat, san-
cta intus forisq. virginitatis splendore fulgebat.

*Historia felicissimi ortus B. Mariæ ex clarissimis parentibus, &
de eius sancta educatione. Cap. 72.*

Voluit autem Deus præclarissimam hanc mulierem ad sublime officiū
præparatam, nasci ex antiquo sanguine Abrahæ, ex nobilissima Tribu *Pet. Dam.*
Iudæ, & ex regia stirpe Dauid fortissimi Regis, vt in suo stemmate quatuor- *in festo nat.*
B. Virg.

decim Reges atque Duces, Patriarchas, Prophetas in Israele, longa serie computaret. Neque solam eam generosa Patrum stirpe progenitam esse voluit, ut nobilis esset, sed incomparabiliter multo magis voluit eam trahere excellentissimæ nobilitatis genus ab eo, qui de illa est nouo nascendi genere ortus, & per clarissimam sobolem omnem humani stemmatis excederet gloriam. Clara proauorum titulis, sed clarior generositate prolis, filia siquidē Regum, sed Mater Regis Regum. ut duplici ornamento decoraretur, & generis claritate, & virtutis splendore: & sicut fulgentes gemmæ, quæ annulo aureo inferuntur, magis fulgent, sic naturæ, & animæ dotes in Virgine ista, ita resplenderent, ut vtrarumque commercio ipsa rutilantior redderetur.

Beatissima autem hæc adolescentula, ut ex traditionibus Patrum notum est, modo quodam extraordinario, & gratia plena mundo genita est.

Io. Damas. de fide orthodox. lib. 4. c. 15. Hippolitus Martyr apud Nicoph. lib. 2. c. 3.
Fuit autem pater eius Ioakim ex stirpe Dauid. Leui enim genuit Melchior, & Pantherem, Panther genuit Barpantherem, cognomento Iacob, Barpanther rursus genuit Ioakim, & Ioakim denique genuit sanctam hanc Dei genitricem ex Anna, quam inter mulieres selectissimam, ac summis laudibus dignam sibi matrimonio copulauerat. Fuerunt autem tres sorores, ex Bethlehem ubi natus est Christus, oriundæ, filiarum Mathan sacerdotis, & Mariæ coniugis eius, sub Cleopatrarum & Caroperis Persarum regno, ante Herodis Antipatris filij regnum, primæ Mariæ, secundæ Sobæ, tertiæ Annæ nomen erat. Nupsit prima in Bethlehem Maria, & peperit Salomem obstericem. Nupsit quoque secunda itidem in Bethlehem Sobæ, & genuit Elisabeth. nupsit postrema & tertia Anna in terra Galilææ, & protulit Mariam Dei genitricem, ex qua nobis natus est Christus.

Io. Damas. ubi supra.
Verum quemadmodum prisca illa Anna cum sterilitatis morbo laboraret, per orationem, & promissionem, Samuelem procreauit, eo modo hæc etiam per obsecrationem, & promissionem, Dei Genitricem à Deo accepit, ut ne hic quidem cuiquam ex illustribus matronis cederet: itaque gratia, nam & id sonat Annæ vocabulum, Dominam parit, id enim Mariæ nomine significatur, cuius ortus arcana quædam, & occulta historia veris traditionibus prodita est. Fuit autem huiusmodi.

Histor. hæc libris Hieronymianis inserta.
Igitur Pater Mariæ Ioakim, vxor eius Anna dicebatur, Domus paterna ex Galilæa, & ciuitate Nazareth, maternum autem genus ex Bethlehem erat. Vita eorum simplex, & recta apud Dominum, & apud homines sine reprehensione & querela: nam omnem substantiam suam trifariam diuidebant, unam partem templo, templique ministris impendebant: Aliam peregrinis & pauperibus erogabant. Tertiam suæ familiæ vsibus, & sibi reserbabant. Ita isti Deo chari, & hominibus, per annos circiter viginti castum domi coniugium, sine liberorum procreatione exercebant. Vouerunt tamen, si forte Deus donaret illis sobolem, eam se Domini seruitio mancipaturos.

Ioakim autem velut indignus habitus, qui cum fecundis maritis locum honestum teneret, quandoquidem in prouectam ætatem vsque sine liberis vixerat, à sacerdotibus repulsam tulit.

Ipse vero secessit in desertum, ubi Deum assiduis precibus precabatur pro sobole; consenuerat enim, & vxor eius ad liberorum procreationem apta non erat. Anna vero in horto precabatur, ut auferretur à se opprobrium sterilitatis: Mater enim à lege honorem habebat, cuius honoris steriles non erant

erant participes : & sæpe ingressa templum orabat, ne legum beneficio priuaretur, quæ in legem non peccasset, sed mater fieret, promittens se Deo consecraturam, quod peperisset. Fuit autem & Ioakim in deserto ab Angelo de conceptione prolis facta promissio, & Anna vxor nutu diuino de eo confirmata : tunc autem ab Angelo instructus Ioakim diuinitus redijt ex deserto in domum suam, vt à Deo acciperet, quod per preces obtinuerat.

*Epiph. ha-
res. 79.*

Tandem iuxta Angeli promissum veneranda Anna grauida facta est, & in eius vtero mirabilis Deus tanquam in sacro gazophylacio, thesaurum inestimabilem, preciosum supra aurum & topazion recondidit, qualem numquam alia mulier suo gremio complexa est. Concepit autem Mariam, quæ vt esset, sancta, pura, illibata, & prorsus immaculata tota se ei gratiæ plenitudo infudit, propter cuius conceptionem, omnem sibi creaturam obstrinxit.

Conueniebat autem, vt is per quem omnia, & in quem omnia, vtpote naturæ Dominus, in aua sua nouum miraculum designaret, & eam quæ sterilitate laborabat, matrem redderet : atque ita deinde in matre leges naturæ immutaret, ac Virginem matrem efficeret, & virginittis signacula ob- gnaret.

*Io. Damas.
orat. de
Maria na-
tinit.*

Isti igitur, Ioakim scilicet, & Anna, Mariæ parentes fuerunt, qui quidem propter eximium vitæ meritum Deo placuerunt, atque fructum huiusmodi genuerunt sanctam Virginem Mariam, Templum scilicet & Matrem Dei. Ioakim porro, & Anna, & Maria, hi tres Trinitati palam sacrificium laudis offerebant. Ioakim enim interpretatur præparatio Domini, eo quod & illo præparatum sit templum Domini, nempe Virgo. Anna rursus similiter gratia interpretatur : propterea quod Ioakim & Anna gratiam acceperunt, vt accedentibus precibus talem fructum germinarent.

*Exat. 1. 7.
Bibloth.
Sancta &
Margar.
colleat.*

Nata cum esset, vt ferunt, in Nazareth, trimula, quod parentes vouerant, in Templum præsentata, ac Deo oblata, ibi in Sanctis Sanctorum traduxit annos vndecim ; deinde vero sacerdotum manibus, Ioseph ad custodiam est tradita, apud quem, cum menses peregisset quatuor, ab Angelo lætum accepit nuntium.

*Nicep. hist.
2. c. 3. ex
Euodio.*

Erat autem lege diuina tam masculis quam feminis Deo dicatis, votoque promissis, statuta redemptio, vt tot per annos singulos quisque siclos persolueret sacerdotibus, quæ tamen redemptio libera erat, ita vt ex arbitrio vouentis, si vellet potius in templo seruire Deo, quam annuam pecuniam soluere, in ipsius voluntate positum esset, vt à Samuele factum est, qui à tenerissima ætate ministravit in templo, nullo à parentibus persoluto pretio redemptionis.

Leuit. 27.

Quapropter ad illos excipiendos, qui se redimere noluissent, in circuitu templi locus erat, vbi præsertim femina, quæ se Deo vouerant, absque aliqua labe vel nota suspicionis, simul agerent, & Deo seruirent. Erant autem amplissimæ illæ cellæ, vbi degebant, in exteriori parte templi.

Hic autem B. Maria Virgo, cum eam redimere pecunia parentes noluissent, permansit, Deo toto corde, & animi viribus, diu noctuque deseruiens.

Cum autem ibi permaneret, tantus illi puritatis amor in corde obortus est, vt voto nuncupato perpetuam Virginitatem Domino consecraret. Cum autem pater eius secundum legem diuinam potuisset votum Virginis irritare, & contradicere eius ipsi, credendum tamen est parentes eius cum

Numer. 30.

sciuisſent, non fuiſſe diſſentientes, conceperant enim ipſi magnam de puella ſanctitate exiſtimationem.

*Greg. Niſſ.
oratione
de Sancta
Chriſti na-
tinit.*

Cum autem creuiſſet puella, & adulta eſſet, ſacerdotes conſilium agitare ceperunt, ne quid de ſacro illo corpore ſtatuentes in Deum peccarent, quod non ſine diuino conſilio fiebat. Nam ſubiugare illam legi naturæ, & addicere quaſi ſeruam, ſi quis eam in matrimonium duceret, res longe abſurdiſſima, minimeq. decora videbatur. Sacrilegium enim prorsus exiſtimabatur, ſi homo ius ac poteſtatem in donarium, quod Deo conſecratum eſt, & dedicatum, haberet, quoniam legibus ſancitum erat, vt vir poteſtatem habeat in vxorem: vt autem intra templum vnâ cum ſacerdotibus mulier verſaretur, & in ſanctis conſpiceretur, neque conſuetum, neque vſitatum erat; & ſimul grauitas, & honeſtas rei non aderat. Deliberantibus eis igitur ſuper hac re, diuinitus incidit conſilium, vt darent eam cuidam viro nomine deſponſationis, is autem ad cuſtodiendam virginſitatem eius eſſet idoneus. Inuentus eſt igitur Ioseph talis, qualem ratio conſilij exigeret, ex eadem cum virgine familia, & tribu, iſq. de conſilio ſacerdotum ſibi puellam deſpondet: coniunctio autem non ſponſalia progrediebatur, ſed propter legem, quidem vir ipſius vocatus eſt. Iuxta conſequentiam vero ex Iudæorū traditione oſtenditur, quod non coniunctionis gratia ipſi tradebatur virgo, ſed quo conſeruaretur in teſtimonium futurorum, quod non ſpuria diſpenſatio aduentus in carne acceſſit, ſed quæ teſtimonia haberet in veritate extra ſemē viri, in Spiritu ſancto deſponſata in veritate. Habuit autem & Ioseph cum Maria coniuge eius communem virginſitatem membrorum, quia de Virginis membris virtus naſcitur Angelorum. Vt Maria eſſet ſponſa Chriſti in carne ſua, virginſitate ſeruata, & Ioseph eſſet & ipſe pater Chriſti, cura caſtſitatis, & honorificentia virginſitatis, vt de virginis membris genitricis, ſeculis Chriſtianis nulla eſſet zelotypia. Qui ſolus meruit, virginalem aſſectum, poſſidere coniugij, quia per meritum virginſitatis, ita ſeparatus eſt à complexu vxoris, vt pater diceretur Saluatoris.

*Aug. ſerm.
4. in Nat.
Domini.*

Igitur Deus, qui ante omnia ſecula ante mundi conſtitutionem ſecundum altiſſimum, & inſcrutabile animi ſui conſilium, & iuxta ſapientiæ ſuæ propositum ſtatuſerat, vt vnigenitus eius filius, ante ſecula natus, per Mariæ vterum caro efficeretur, homines lapſos in interitum mortis, hac admirabili arte & adinventione diuina ad vitam, quæ in æternitate eſt, noua, & inaudita regeneratione produceret, hanc mulierem prælegit, vt ipſa & non alia, eſſet thronus Dei, tabernaculum Altiffimi, ſolium Diuinitatis, palatium æterni Regis, & ex ipſa procederet ſpecioſus forma præ filijs hominum, tanquam ſponſus de thalamo ſuo. Quâ tandem ardentibus & diuturnis Ioakim & Annæ parentum eius, vt dictum eſt, precibus mirabiliter obtentam, dedit mundo, Anno, vt ſerunt, ab orbe condito ter milleſimo nongenteſimo quadrageſimo ſeptimo, à tranſmigratione Babylonica quingenteſimo ſeptuagēſimo ſexto, ab Vrbe condita ſeptingenteſimo trigēſimo octauo, vigeſimo ſecundo regnantis Auguſti, hebdomada iuxta Daniele ſexageſima quarta, cum Herodes Idumæus alienigena regnum Iudæorum obtinuſſet, & conaretur regium Davidis genus exſtinguere.

Cuius ortus æque ad Iudæos, & gentes omnes pertinuit, eius enim natiuitas gaudium præſtitit vniuerſo mundo.

De

De admirabilibus virtutibus eius. Cap. 73.

Nata autem excellentissimum viuendi genus oculis hominum prætulit, & in se ipsa tanquam in speculo lucido, & immaculato ostendit formam præclarissimarum virtutum, ubi homines, & mulieres sumerent exempla viuendi, & tanquam in exemplari haberent expressa magisteria probitatis, agnoscerentque fugere, quid corrigere, quid tenere, & imitari deberet, ut primus discendi amor, nobilitas esset Magistræ.

Erat igitur Mulier ista, amicta sole, circumfusa lumine omnium virtutum tanta plenitudine, ut nihil ea esset splendidius. Sed nos radios aliquos, & fauillas splendoris eius proponemus nobis ad oculos delectandos. Virgo fuit non solum corpore, sed etiam mente, quæ nullo doli ambitu sincerum adulteraret affectum. Corde humilis, verbis grauis, animi prudens, loquendi parciore, legendi studiosior, non in incerto diuitiarum, sed in prece pauperis spem reponens. Intenta operi, verecunda sermone: arbitrum mentis solita, non hominem, sed Deum querere: nullum lædere, bene velle omnibus, assurgere maioribus natu, æqualibus non inuidere, fugere iactantiam, rationem sequi, amare virtutem. Nunquam hæc vultu læsit parentes, nunquam dissensit propinquis, nec fastidiuit humilem, nec contempsit debilem, aut vitauit inopem, eos solos solita cætus virorum inuisere, quos misericordia non erubesceret, neque præteriret verecundia. Nihil toruum in oculis, nihil in verbis procax, nihil in actu inuerecundum. Non gestus fractior, non incessus solutior, non vox petulantior, ut ipsa corporis species simulachrum fuerit mentis, figura probitatis. Bona quippe domus in ipso vestibulo agnoscitur; ut primo prætendat ingressu, nihil intus latere tenebrarum, ut mens nullis repagulis corporalibus impedita tanquam lucernæ lux intus posita, foris luceat. Frugali utebatur ciborum parsimonia; et si quando reficiendi successisset voluntas, cibus plerumque obuius, qui mortem arceret, non delicias ministraret.

Dormire non prius cupiditas, quam necessitas fuit, & tamen cum quiesceret corpus, vigilaret animus, qui frequenter in somnis, aut lecta repetit, aut somno interrupta continuat, aut disposita gerit, aut gerenda prænunciat. Egredi domo nescia, nisi cum ad Ecclesiam conueniret, & hoc ipsum cum parentibus, aut propinquis. Domestico operosa secreto, forensi stipata comitatu, nullo meliori tam sui custode quam se ipsa, quæ incessu, affectuque venerabilis, non tam vestigium pedis tolleretur, quam gradum virtutis attolleret.

Intendebat Maria omnibus, quasi à pluribus moneretur: sic implebat omnia virtutis officia, ut non tam disceret, quam doceret: stabat sæpius in penetrabilius sine comite, ne quis intentionem abrumperet, ne quis obstreperet, neque enim comites feminas desiderabat, quæ bonas comites cogitationes habebat. Aures habebat religiosas, oculos verecundos, manus misericordes, pedes festinantes ad obsequia; mentem habebat affectam ad pietatem, cor propensum ad charitatem, ubi magnalia Dei, quæ videbat, & audiebat, conseruabat, & quæ Deum peperit, Deum tamen scire cupiebat.

Ibat ad Templum in solemnibus & festo die, ibat cum Ioseph eius sponso,
nec

*Ambr. lib.
2. de virgini-
bus.*

nec vnquam ad illud sine pudoris sui custode processit. omnes in vna virgine virtutum species emicabant: secretum verecundiæ, vexillum fidei, deuotionis obsequium, virgo intra domum, comes ad ministerium, mater ad templum.

Cant. 4.

Cum conueniret cum alijs, tacebat, cum tempus postulabat, sed tacendo plus loquebatur, loquebatur cum necesse erat, loquendo non se ostentabat, non iactabat magna, quæ fecerat cum ea is, qui potens est, sed instruebat, & ædificabat, & ea quæ erant salutis communicabat. Fauus distillans labia eius, mel & lac sub lingua eius, emissiones eius paradysus malorum punitorum, cum pomorum fructibus, cyprus cum nardo, nardus & crocus, fistula & cinnamomum, cum vniuersis lignis Libani; myrrha, & aloë cum omnibus primis vnguentis, fons hortorum, puteus aquarum viuentium, quæ fluunt impetu de Libano.

Præclarum exemplum Maria sapientium oculis, quæ diuinas opes tam cupide recondebat, tam fideliter conseruabat, tam prudenter dispensabat: pretiosum parabat thesaurum in corde diligenter repositum, vt dum illum dispensaret, intus magis retineret.

*Hieron. ad
Laram de
instit. filia
Et ad Gau-
dent. de in-
fantula edu-
catione.*

Habuit autem ista parentum suorum excellentium institutionem, qui, vt erant sapientissimi, quicquid pertinebat ad optimam virginis educationem, non prætermittebant. Docebant autem parentes optimi, magistri morum Virginem adolescentulam audire, nihil loqui, nisi quod ad Dei timorem pertineret: turpia verba non intelligere, cantica mundi ignorare, surdam esse ad organa; tibia, lyra, cythara cur facta sint, nescire. Non habere oculos ad spectandum illecebrosa carnis tractamenta, spernere bombicum telas, serum vellera, & aurum in fila lentescens. Non egredi cum Dina, vt velit videre filias regionis alienæ: non ludere pedibus, nec trahere tunicas, non vesci in publico, idest, in parentum conuiuio, ne videat cibos, quos desideret, & vinum non bibere, in quo est luxuria. Nunquam exire foras, ne inueniant eam, qui circumeunt ciuitatem, ne percutiant, & vulnerent, & auferant theristrum pudicitie. Suadebant, vt illi placeret coma non compta, neque formosa atque lasciuia, quæ liquido gutture carmen dulce modulatur, sed grauis, pollens, sordidata, subtristis, probæ fidei, ac morum & pudicitie Virgo veterana. Admonebant, vt assuesceret ad orationes, & psalmos, nocte consurgere, mane hymnos canere, tertia, sexta, nona hora stare in acie, quasi bellatrix fortis, accensa. lucerna reddere sacrificium vespertinum, vt sic dies transeat, sic nox inueniret laborantem, & orationi lectio, lectioni succederet oratio. Hortabantur discere lanam facere, tenere colum. ponere in gremio calathum, rotare fufum, stamina pollice ducere, habere pro cibo olusculum, & cimilia, rarosque pisciculos: sic comedere vt semper esuriret, vt statim post cibum posset legere & psallere. Docebant teneram adhuc linguam psalmos dulci resonare murmure, pro gemmis & serico diuinos codices amare. Illorum tractatibus, illorum delectari ingenijs, in quorum libris pietas fide non vacillaret. In cubiculo suo totas delicias habere. Nescire præterita, fugere præsentia, futura desiderare. Honorem & venerationem omnibus exhibere, & conferre beneuolentiam, & colere humilitatem.

Quæ omnia à beata Maria & tempore & loco obseruata esse, & in præ-
xim

xim deducta nullus dubitare debet. Nulla vnquam tam bene instituta est virgo; nulla vnquam extitit, quæ sub magistris vel nutricibus tales in omni virtute progressus fecerit. Hæc sola pleno iure sibi vendicat, quod in eius persona testatur Ecclesia; Cum essem paruula, placui Altissimo. Non placuisset autem nisi acceptum ingentem gratiarum thesaurum sedulo conseruasset, nisi omnis iustitiæ fuisset esurientissima, & cum creuisset ætate, creuisset etiam cum ætate sapientia.

Et quanquam omnis gloria eius esset ab intus, correspondebat tamen moribus sanctis virginei corporis species & pulchritudo. Quam ferunt fuisse huiusmodi. Erat Maria statura mediocri, colore triticum referens subfusca, fuluo crine, naso mediocri, capillo flauo, oculos habens fuluos, acres, & pios, cordis nuncios, subflauos, & tanquam oliuæ colorem pupillas in eis habentes. Supercilia ei erant inflexa, & decenter nigra, labia florida, & verborum suauitate plena, facies non rotunda, & acuta, sed aliquanto longior, manus similiter & digiti longiores. Vestimentis natiui coloris contenta fuit id quod etiamnum sanctum capitis eius velamē ostendit. Didicit hebraicas litteras viuente adhuc Ioakim parente. Erat docilis, amans doctrinam, & circa sacram Scripturam perseuerabat. Opus vero manuum eius erat lanæ, & lini. Erat expeditæ obedientiæ, mundæ conuersationis, sine audacia, sine risu, sine turbatione, sine ira, maxime benigne salutans, cuius loquelam homines mirabantur. Erat in rebus omnibus honesta, & grauis, pauca admodum, eaq. necessaria loquens; ad audiendum facilis, & perquam affabilis, honorem suum, & venerationem omnibus exhibens: decenti dicendi libertate aduersus homines omnes utebatur: Erat factus animi expers, simplex, minimeq. vultum fingens, nihil molliciei secum trahens, sed humilitatem præcellentem colens, &, ut paucis dicam, in rebus eius omnibus multa diuinitus inerat gratia. Fuit in persecutionibus, & afflictionibus hilaris, in penurijs & indigentijs non querula, Deo fidens, erga inimicos placida, & officiosa, in re lata æqualis & modesta: miseris & afflictis commiserationis affectum præstitit, ac impigre illarum subuenit necessitati; fidei, & conscientiæ magistra, & omnium pietatis operum apud fideles ministra: tantæq. apud omnes & venerationis & admirationis fuit, ut multi eam velut cæleste prodigium, sacrumq. spectaculum reuerenter inuisere, & secretiora quædam ex illa, tamquam fidei magistra, percunctari solerent. Tota igitur erat pulchra, & macula non erat in illa, pulchra corpore, pulchra facie, pulchra mente.

Vere igitur de illa dici potest, quod ab omnibus perpetuo decantatur, quod fuerit sacrarium Spiritus sancti, quæ sola Domino sine exemplo placuit, cuius vita inclyta cunctas illustrat Ecclesias.

Hoc est miraculum magnum, quod Deus seculo illo ostendit, mundo, & nobis datum in exemplum, ut amplectamur vestigia eius, quantum nobis fas est, & curramus in odorem vnguentorum suorum; ipsa enim, & non alia, fuit virtutum omnium operatrix, ac totius sanctæ magistra religionis, qualem numquam oculus vidit vsque ab initio, quando Eva facta est, nec inuenietur alia similis sibi, & perfecta, sicut ipsa est in cogitationibus suis, in verbis suis, in factis suis, in omni odore suauitatis, in omni flore, & fructu honoris, & honestatis.

*Epiphani.
prob. apud
Niceph. lib.
1. Eccl. hi-
stor. c. 23.
Cedren. in
Compend.
hystor.*

De

*De Aduentu summi Regis celestis in terrarum Orbem.**Cap. 74.*

DEus temporum, & seculorum inspector, præclara signa, & magnifica prodigia & facta omni admiratione maiora prælucendo mortalium tenebris, & caligines eorum dispergere volens, ante apparitionem, & aduentum summi luminis, præmisit apud Romanos, apud Persas, Arabes, & apud Iudæos, ubi erat notus, & magnum nomen eius, ibi mirabiliter illuminavit à montibus æternis. De cælo autem auditum fecit, & commouit terram, ut saluos faceret mansuetos terræ, anticipauerunt lumina ipsius oculos eorum, ut præpararetur veritas eius in eis. Confessi sunt cæli, & terra mirabilia eius, ut veritas, quæ est in circuitu eius, esset in Ecclesia multorum, & qui notus tantum in Iudæa erat, impleteret fulgore suo orbem terræ & plenitudinem eius, & ab occidente, ab oriente, & à desertis montibus, ab aquilone, & mari palam fieret redemptio eius, quæ à seculo est.

Et cum reliquum esset, ut post auroram inciperet dies, & opus suum adimpleret Deus, notumque faceret illud in medio annorum, ut scilicet, Rex magnus progrediretur ab Austro, & sanctus de monte Pharàn; & operiret cælos gloria eius, & splendor eius ut lux esset, & ante faciem eius fugeret Mors, & Diabolus egrediretur ante pedes eius, stare, & metiretur terram, & subijceret eam, & dissolueret populos, contereret Reges fortes, incuruaret colles mundi ab itineribus æternitatis eius, in fremituque conculcasset terram, & in furore suo obstupescerent gentes, & percuteret impium spiritum labiorum suorum, & deponeret potentes de sede. *monte cordis sui*, & esurientes impleteret bonis, erigeret mansuetos in salutem, & humiles spiritu saluos faceret, pauperes cum principibus collocaret, & credentibus daret regna cælorum, & egrediretur tandem in salutem populo suo, statuit mittere in terram, quem missurus erat, cuius gratia tot oracula, tot prophetiæ, tot signa, tot prodigia præcesserant. Quod mirabiliter factum est.

Deus enim, qui fecit Angelos suos spiritus, & ministros eius ignem vrentem, conspiciat Angelorum myriadas incessabili voce clamantes, Sanctus, Sanctus, Sanctus: Et prospiciens cælum, pulchritudinem, & magnitudinem Urbis illius & plateas auro mundo: & palatia coruscantibus gemmis constructa, lucidissimas sedes, innumerabiles mansiones, cælesti artificio elaboratas, Regnum illud insuperabile, & magnificentia plenum; Ciuitatem illam sublimem, quam gloria & superbæ opes illustrant. Vidensque non esse ibi habitatorem quietis, & nullum hominum (quorum gratia tantum opus summi opificis manu constructum fuerat) ad ea loca per tot secula accedere potuisse, astareque ante paradysum voluptatis, Cherubim, flammeum gladium atque versatilem gerentem, ad custodiendam viam vitæ, ne quis ingrederetur ad illum. Vidensque frustrari diuinum opus, & magnificentissima Dei opificia, & tot diuitias tanta ibi largitate congestas, nulli hominum vsui inservire, nullius cor lætificare, nullius mentem beatam facere.

Et deinde oculos in terrarum orbem ex alto conuertens, ac prospiciens omnem carnem corrupisse viam suam, nec tamen esse aliquem qui faceret bonum, malitiamque inhabitantium esse completam; terram corruptam & reple-

repletam iniquitate, finis quidem vniuersæ carnis venit ante eum; sed recordatus foederis sui, quod fecit cum Noe, & filiis eius, & cum omni anima viuente, quæ carnem vegetat, dixit: Nequaquam vltra maledicā terræ propter homines; sensus enim, & cogitatio humani cordis in malum prona sunt ab adolescentia sua. Non igitur percutiam vltra omnem animam viuentem, sicut feci; & tactus amore cordis intrinsecus, dixit: Nunquid vane constitui omnes filios hominum? Faciam igitur, & ædificabo hominem, qui sit Deus, Primogenitum omnium creaturarum, hæredem vniuersorum, vt secundum rationem virtutis suæ instauret vniuersa. Flabit spiritus eius, & fluent aquæ misericordiæ meæ: Emitteret verbum suum, & creabuntur, & renouabit faciem terræ, & germinabit germina iusta.

Descendat igitur in terras Vnigenitus meus, qui in sinu meo est, qui est splendor gloriæ & figura substantiæ meæ, & qui sedet ad dexteram Maiestatis; immensus & omnipotens, faciat semetipsum paruulum, formam serui accipiat, & habitu inueniatur vt homo, & adorent eum omnes Angeli eius, & in nomine ipsius omne genu flectatur, cælestium, terrestrium, & infernorum. In omnibus primatum teneat, quia complacuit mihi in ipso plenitudinem diuinitatis inhabitare, & per eum purgationem peccatorum facere, reconciliare mihi omnia in ipso; vt factus obediens vsque ad mortem, pacificet omnia, quæ in cælo sunt, & in terra.

Cumque vidisset Deus, quod bonum esset Deum fieri hominem propter salutem hominum, dixit: Fiat Deus homo, vt Homines sint sicut Dij. Tunc missus est à Deo Angelus Gabriel in Ciuitatem Galilææ, cui nomen Nazareth, ad Virginem desponsatam viro, cui nomen erat Ioseph, de domo Dauid, & nomen Virginis Maria. Carpit iter Gabriel, & aureum lumen præferens per medios tranat cælos, perque æthera migrans, scindit nebulas, secat aerem.

Peruenitq. celeri cursu ad Ciuitatem Galilææ Nazareth, vbi sub paupere tecto, humili in thalamo manebat pudica Virgo, cælestibus cogitationibus intenta, voluens in pectore vrentes curas de mundi salute. Ingreditur ad Virginis conspectum facie rutilanti; aspectus eius sicut fulgur, vestimentum sicut nix. Quam intuens, & veneratus, statim ex ore salutauit, dicens: Ave gratia plena: Dominus tecum: Benedicta tu in mulieribus.

Timuit Virgo ad Angeli affatum, & turbata est, & oculis humi defixis cogitabat, qualis esset ista salutatio? Cui Angelus: Ne timeas Maria, inuenisti enim gratiam apud Deum. Ecce concipies, & paries filium, & vocabis nomen eius Iesum. Hic erit magnus, & filius Altissimi vocabitur. Et dabit illi Dominus Deus sedem Dauid patris eius, & regnabit in domo Iacob in æternum, & Regni eius non erit finis.

Substitit Virgo audiens se futuram matrem, quæ virginitatem Deo voto dicauerat, & fixum, & decretum in corde habebat, virum nunquam se cognituram. Cui ille: Spiritus sanctus superueniet in te, & virtus Altissimi obumbrabit tibi; ideoq. & quod nascetur ex te sanctum, vocabitur Filius Dei, quia non est impossibile apud Deum omne verbum.

Tunc Maria oculos ad sydera tollens, plaudentibus Angelis, plaudente mundo, plaudenteq. turba Patrum in sinu Abrahæ recepta, humili voce, religioso corde pronunciauit verba, per quæ instaurata fuerunt, siue quæ in
terris,

terris, siue quæ in cælis sunt: Ecce Ancilla Domini: Fiat mihi secundum verbum tuum.

Quo temporis momento propter nos, & propter nostram salutem à regalibus sedibus is, qui erat vbique, æterna Dei proles, Deus de Deo, lumen de lumine, sempiternum verbum, descendit in vterum Ancillæ Domini, & terra eius benedicta germinauit Saluatorem. Nam dexteræ Dei digitus, virtus Altissimi, omnipotentia Spiritus sancti, ab ea parte, qua Virginis cor ineffabili amore feruebat, purissimos attraxit sanguines, & intra virgineum, & genitale gremium, corpus, quod erat futurum mirabilium operans, & sacrum diuinitatis organum, animamq. omnium spirituum nobilissimam, supra solem splendidissimam, formauit; dumq. formaretur, eodem prorsus instanti, Verbum beatam illam humanitatem inexplicabili modo, indissolubili nodo sibi vniuit: Et Verbum caro factum est, & habitauit in vtero Virginis, vt habitaret in nobis. Qui cum in forma Dei esset, non rapinam arbitratus est esse se æqualem Deo, sed semetipsum exinaniuit, formam serui accipiens, in similitudinem hominum factus, & habitu inuentus vt homo. Magna plane gratia, mira dignatio, tanta tantæ maiestatis exinanitio? Quantum putas exinanitus erat ille immensus breuissimo atque mundissimo vnus virginis vtero inclusus?

*S. Leo ser.
2. de Nat.*

Conceptus est viij. Kalendas Aprilis, eadem die, qua Adam primus homo formatus esse creditur, quæ quidem arcana, & diuina conceptio, ita imperferutabilis exstitit, vt nullus eam enarrare possit. Ita autem Dei filius, Verbum Patris factus est homo; ita se ad susceptionem humilitatis nostræ sine diminutione suæ maiestatis inclinauit, vt manens quod erat, assumensq. quod non erat, veram serui formam ei formæ, in qua Deo Patri est æqualis, vni-
ret, & tanto fœdere naturam vtramque confereret, vt nec inferiorem consumeret glorificatio, nec superiorem minueret assumptio. Salua igitur proprietate vtriusque substantiæ, & in vnâ coeunte personam, suscipitur à maiestate humilitas, à virtute infirmitas, ab æternitate mortalitas, & ad reddendum nostræ conditionis debitum, natura inuiolabilis naturæ est vnita, passibili; Deusq. verus, & homo verus, in vnitatem Domini temperatur, vt quod nostris remedijs congruebat, vnus atque idem Dei hominumq. mediator, & mori posset ex vno, & resurgere posset ex altero. Talis sociatio decuit Dei virtutem, & Dei sapientiam, qua nobis & humilitate congrueret, & diuinitate præcelleret. Nisi enim esset Deus verus, non afferret remedium, nisi esset homo verus, non præberet exemplum.

*D. Th. con-
tra gentes.
1.4. c.55.*

In quo quidem inscrutabili sacramento propter summam perfectionem, & immobilitatem diuinæ bonitatis, nihil dignitatis Deo deperit ex hoc, quod creatura aliqua ei intimo modo appropinquet: nam approximare diuina & cœlestia humanis est creaturam extollere, & ad dignitatem cœlestium eleuare. Sicut enim Sol existens in cælo, veniensq. super terram, lumen suum & lucis radios, quos super aquas, & caligines, & terras iactat, non coinquinat, propter excellentiam & nobilitatem lucis suæ, sed perficit, aërem purgat, & luminosum reddit, tantaq. coniunctione ei sociatur, vt illuminatus aër, ibi cum Solis lumine videatur: & terræ similiter præstat admirabilem virtutem producendi herbas & arbores, argentum & aurum, ipsum autem lumen semper idem restat, nec aliquid ei deperit, semperq. in
sua

sua excellentia permanet . Sic Deus nostræ sese carni confocians, carnem usque ad participationem diuinitatis sublimat , præstatq. ei salutare effectus ; ipse autem semper idem est , & eius altissima perfectio in nullo deficit, in nullo patitur detrimentum, ita ut pari dignitate & fulgeat in cælo, & iaceat in utero .

Nec quia communionem humanarum subiit infirmitatum , ideo nostrorum particeps fuit delictorum . Assumpsit enim formam serui sine sordibus peccati, humana prouehens , diuina non minuens . Exinanitio enim illa , qua se inuisibilis visibilem præbuit, inclinatio fuit miserationis, non defectio potestatis .

*S. Leo ser. 3
de Nativ.*

*De largissimis fluentis gratiarum Mariæ gratia plena : quæ
æterno miraculo ab eo tempore , quo ab Angelo gratia plena
pronunciata est, usque in hodiernum diem , per tot
decurrentia sæcula in usus mortalium emanarunt. Cap. 75.*

Maria autem facta Dei Mater, facta Regina cælorum , facta Domina Angelorum, exultans, & cordis gaudium foris emittens, angelica ora superans, cecinit Domino canticum nouum, qui mirabilia fecit, magnificauitq. diuini brachij potentiam, & miserationes , & exultans spiritus eius in Deo saluari suo , diuinoq. lumine afflata, seriesq. generationum hominum intuens, dixit illa verba : Quia respexit Altissimus humilitatē meam, ecce ex hoc beatam me dicent omnes generationes .

Ceterum totum hoc Angeli, & Virginis colloquium , cæli scilicet & terræ allocutio , superat humani intellectus vires , & nullus vnquam inter homines sermo tanta sapientia, & maiestate plenus , tantis refertus mysterijs, & arcanis repertus est . Quis enim sapiens, sicut Angelus Dei ? quis prudens, sicut Mater Domini ? quæ res maioris momenti, quam mundi salus ? Itaque hoc totum , quod inter Mariam & Angelum hic gestum est , est illud omne quod præ magnitudine, & dignitate rei, est penitus sensui humano imperscrutabile : est illud omne, quod natura non habuit, usus nesciuit, ignorauit ratio, mens non capit humana , pauet cælum, stupet terra , creaturaq. omnis miratur terrestris & cælestis .

Aliqua tamen , & hæc admirabilia non sunt prætermittenda , quæ ex his , quæ dicta & gesta sunt , sese considerata offerunt . Primum autem est id , quod Angelus dixit , illam scilicet esse gratia plenam , & habere Dominum secum , & esse benedictam inter omnes mulieres . Nam illa gratiæ plenitudo tam magna fuit , ut animalis homo non cognoscat, spiritualis homo non dijudicet . Bonorum enim cælestium amplitudinem, diuitiarum thesaurum, & inestimabiles margaritas , quas magnifica manus Dei in hac muliere posuit , vnusquisque paruulus est ad enarrandum : quicquid enim humanis dicitur verbis , minus est eo , quod Angelica lingua excellentius est pronunciatum .

Quam gratiarum & cælestium donorum confertam , & supereffluentem plenitudinem , magnificum Dei munus , & opus magnificentia plenum , & exqui-

exquisitum in omnes Domini voluntates, cum Deus in anima Virginis huius arcana quadam ratione, & inuisibili operatione occultasset usque ab initio benedictæ eius conceptionis, placuit illi in tempore opportuno cælestes diuitias istas mundo patefacere, ut humani generis paupertatem honestaret.

Quod Deus per Gabrielem Angelum suum, diuinitus adimpleuit, cum felicissimam adolescentulam Mariam salutando, eam gratia plenam pronunciauit. Quæ gratia omni lumine splendorior, omni pulchritudine pulchrior, prius in anima ipsius fulsit, deinde in aliorum gratiam usumque refulsit; prius in sinu eius feliciter abundauit, postea plenius in ceteros redundauit; & quod gratis hausit à fonte aquarum viuentium, gratis effudit in calamitatibus indigentium. Quod quidem non vno solum, aut altero miraculo, neque vno tempore, aut apud vnâ tantum gentem, sed innumerabilibus pene signis, per mille & sexcentos annos, per omnes Christiani orbis partes, apud omnes nationes patefactum est. Et nos post tot annorum curricula, id, quod audiuius factum fuisse, videmus hodie ante oculos nostros contingere, & verificari id, quod per Angelum dictum est.

Nam postquam ille Virginem istam, gratia plenam asseruit, cepit illam largissimas gratiarum suarum aquas, in omnes, qui inuocant eam, effundere; ita ut quotquot ad eius opem implorandam fiducialiter accesserunt, in diuersis humanarum rerum opportunitatibus pro se, pro suis, pro publicis, pro priuatis rebus, pro salute animæ, pro corporis incolumitate, voto, & prece sua non fuerint frustrati.

Alius ex infirmitate conualuit, ipsa præbente opem, alius in pecunia, & egestate inuenit cibum, alius ab ulcere sanatus, alius amissum recepit lumē, alius claudicans ambulauit sicut ceruus, alius liberatus ex carcere, ereptus ex ore leonum, ex impetu fluminis, è profundo maris, è manibus latronum, ex insidijs inimicorum, è fraude hæreticorum. Alius ereptus est ex igne, ex gladio, ex bello, de laqueo venantium, & ad lapidem pedem suum non offendit. Alij vicerunt regna, receperunt filios de sterilitate sua. Alteri supposita est manus eius, ne caderet; alter cum cecidit subleuatus est, alius à morte liberatus est, alius cum esset mortuus, redijt ad vitam.

Quot miseris opem tulit? quot pusillanimes confortauit? quot flebiles consolata est? non est, qui se absconderit à calore eius. Omnes adiutricis Domine senserunt iuuamen, experti sunt benignitatem, & ex plenitudine gratiarum eius omnes acceperunt, ut de celsitudine, & certitudine gratiæ, quam ei Dominus contulit, & testimonium de cælo, & experientiam habeamus continuam in terris. Et de admirabili incarnatione filij Dei in utero Virginis sit perpetuum & irrefragabile argumentum, quod vel insanas cogitationes conuincat ad credendum, cum vnusquisque si ad ipsam bona fide confugiat, sit vel maximus peccator, infallibiliter obtineat, quod expedit ei ad salutem, & quotidie auribus audiat benedictam istam Virginem modo vni, modo alteri mortalium hominum, in diuersis orbis partibus eius auxilium implorantium, elargiri fluentia gratiarum suarum, & neminem pene esse, qui vel pro receptis, vel recipiendis beneficijs, quotidie ei non texat odorantium orationum spirituales coronas, & salutet eam angelicis illis verbis, quibus Gabriel eam, gratia plenam testatus est.

Sed hic referamus nonnulla, quæ post tot secula, temporibus nostris
contu-

cōtulit beneficia Virgo hæc beatissima, sunt pene infinita & numerari nō possunt: sed pauca hic erunt inscribenda, cetera aut loco suo cōmemorabuntur.

Si quis autem vnquam Sanctam Virginem, & beatam Dei matrem dilexit, dilexit illam Philippus Nereus pusillæ Congregationis nostræ sapiens Institutor, qui toto vitæ suæ tempore miris amoribus amantissimam Dominam adamauit, docebatq. omnes, quos poterat, vt Reginam, quæ Angelis, & hominibus dominatur, honore & veneratione prosequerentur. Ipsa autem Virgo, quæ diligentibus eam rependit amorem, plurimas in beatum virum contulit gratias. Sed hic vnā aut alteram recitabimus.

Tecti cuiusdam ruina, multos oppressura, B. Virgine opem ferente, impeditur mirabiliter. Cap. 76.

A Edificabat ipse Sanctissimæ Dominæ Ecclesiam nouam, veteri, quæ exigua erat, cum adiacentibus domibus demolita. Relictus tantum fuit locus pro sacello, in quo omnibus confluentibus sacramenta ministrabantur, & fiebat missarum celebratio. Sacellum autem superiore tecto tegebatur. Erat autem Tignum magnum in eo, quod ab altera ex extremis tigni partibus neque trabe, neque muro fulciebatur. Cumque staret suspensum, neque repagulo aliquo retineretur, non ruebat. Quod cum nemini notum esset, noctis tempore Philippus videt in visu B. Virginem tectum illud manibus sustentantem. Sequenti igitur die Ioannem Antonium Lutium fabricationi Præfectum conuocat, imperatq. vt tecti, quod erat supra sacellum, nulla interposita mora demolitionem curet, indicans, quid præcedenti nocte vidisset. Habebat tunc temporis Philippus in domo S. Hieronymi. Ioannes Antonius pergit illic ad sacellum trepidus, & sollicitus iubet fabros cæmentarios demoliri tectum, quod cum facere aggrediuntur, inueniunt tignum, tectum sustinere non fulcimento, sed miraculo. Obstupuerunt omnes, & de impenso beneficio Mariæ, gratia plenæ, gratias egerunt.

Philippus Nereus, dum grauissimo dolore torquetur, apparitione B. Virginis diuinitus liberatur. Cap. 77.

Affligebat Philippum asperrimi doloris ingens cruciatus diu noctuq. & patientia eius sub probatione posita erat. Quamquam autem torqueretur immaniter sensus carnis suæ, mens tamen eius ab omni impatientia immunis erat; nec enim exterius aliquod, vel leue impatientiæ genus, in tam vehementi dolore demonstraui, dum virtus eius & fortitudo cordis sicut aurum in fornace examinabatur, sed bene disponebatur: sentiebat tormentum, & fiebat intus virtutis augmentum. Cumque dolor non intermitteret, atque eo per duodecim ferme horarum spatium conficeretur, vrinxq. non fluere, Medici mortis prognosticum annunciarunt, omnesque, qui eum inuisebant, & ministrabant, dicebant eum inter paucas horas vita functurum; erat enim senex, infirmitate debilitatus, & diutius summi illius doloris cruciatum ferre posse, prorsus impossibile videbatur.

Cumque magis in mortuorum numero quàm viuorum teneretur, vixq. se mouere posset, aut loqui, vt audiretur, accidit prodigium magnum. Nam

H vige-

vigesima prima diei hora capit clamare ex improviso. Erat autem tunc præsens Angelus Victorius, Medicus peritissimus, qui per multos annos ægros nostros sola charitate, nullis premijs curauit, & Rodolphus Siluester Bononiensis, & ex nostris, Alexander Illuminatus, Franciscus Zazzara, & Antonius Gallonius, qui Beati Patris vitam conscripsit. Clamabat autem dicens: Qui vult aliquid præter Deum, decipitur: qui amat aliud quàm Deum, errat, & nescit, quid facit. Cumque hæc verba sæpius ingeminaret, obstupescabant omnes, qui audiebant; eodemq. tempore, quasi vires & spiritus rediissent ad artus emortuos, erexit se supra se, & languidum corpus mirabiliter in aërem efferens videbatur pati visionem magnam sibi soli notam. Capit igitur lachrimans præ gaudio earum rerum, quas videbat, clara profari voce: Domina mea dulcissima, tu, tu venis ad me? tu, tu venisti ad tollendos dolores meos? Virgo pulcherrima, Virgo purissima, tu me visitas? O dignatio tua! ò indignitas mea! Domina magna descendit ad vilissimum seruulum. non horruit præsentiam peccatoris mater Saluatoris. Fateor, indignus sum, sed tu dulcis Domina, non considerasti indignitatem meam, sed respexisti misericordiam tuam.

Dum hæc diceret, mouebat manus, aperiebat brachia, quasi Dominæ suæ, Angelorum Reginæ pedes complecteretur. Inter hos complexus perseuerabat dicens: O Sanctissima mater, ò pulcherrima Domina. Et rursus inter verba eleuabatur videntibus omnibus, qui astabant, & pergebat adhuc dicere: Mater Dei, mater Dei, rogo te, cur venisti ad me? complectar te, nec dimittam, nisi benedixeris mihi. Interim astantes videbant, quæ fiebant, & audiebant verba, sed matris Dei aspectum videre non poterant.

Remansit ipse hoc modo in hac ecstasi sua per aliquod spatium, nomen B. Dominæ inuocans & collacrimans. Tandem ad se reuersus: Non vidiſtis (inquit conuersus ad circumstantes) matrem Domini mei, quæ venit ad visitandum me, atque abstulit dolores è corpore meo? Et cum hæc dixisset, iterum lacrimans, linteo caput suum cooperuit, donec lacrimæ cessauerunt.

Post huiusmodi autem admirandam visionem sanus illicò, & perfecte repertus est. Cum autem hæc spargerentur in vulgus, ipse, qui gloriam, quæ Deo deberetur, sibi vel minimam assumere nefas putabat, miris modis rem contegebat.

Vir quidam didicerat deuotionis gratia erga B. Virginem, quolibet die quandã orationem recitare: quam ob rem bis mirabili modo à morte ereptus est. Cap. 78.

IN quodam Romanæ Prouinciæ oppido, multi ex ciuibus odio se proſequabantur inimicitiarum gratia. Inter ceteros autem erat ibi quidam, nomine Horatius, qui multorum sibi odia concitauerat: præſertim cum quibusdam factioſis & ab oppido proſcriptis, grauiffimas gerebat inimicitias, nil aliud illis quærentibus, quam eius fundere sanguinem. Habebat hic fratrem, qui appellabatur Mutius, vir bonus, & pacis amator, qui cum Religioſo viro Ordinis Capuccinorum, qui eo tempore in oppido concionabatur, multa erat conſuetudine coniunctus. Hic sæpe concionatori referebat,

bat, quot molestias, & dispendia, & pericula propter fratrem suum patere-
tur. Concionator autem consolabatur eum, & hortabatur, ut sub tutelam,
& patrociniū B. Virginis Mariæ confugeret, quæ semper, atque omnes, qui
ad eius auxilium se conferunt, protegit, & valida defensione tuetur, & con-
tra hostes virtutem præbet, quod innumerabilibus experiētijs omni tem-
pore probatum est. Docebatq; illum, ut hanc cælorum Reginam diligeret,
vigilaret ad fores eius, & ad aures oraret, ut inueniret salutem & gratiam,
& consuesceret sæpius in die hoc modo compellare illam: Sub tuum præsi-
dium confugimus, sancta Dei Genitrix, nostras deprecationes ne despicias
in necessitatibus, sed à periculis cunctis libera nos semper Virgo beata, &
benedicta.

Quæ quidem omnia, si facere non recusasset, certo futurum esse (dicebat
ille) ut re ipsa adiutricem manum experiretur, & videret quàm sit verum,
ipsam esse gratia plenam, aut cum opus fuerit & lapsos erigat, & labentes
sustentet, ne cadant, omnesq; eius patrociniū sentiant, qui eam diligunt, &
eius commemorationem celebrant. Secutus est iuuenis consilium admonē-
tis, & quanto maiori poterat cordis ardore orabat, & sæpius in die Antipho-
nam: Sub tuum præsidium confugimus, ingeminabat.

Contigit autem, ut prima Quadragesimæ hebdomada, hostes supradicti,
qui Horatium, & propter Horatium, Mutium etiam persequerentur, face-
rent cuniculos igniuomos subterraneos subtus Horatij & Mutij domum, ut
ex illis ignis erumpens domum & habitatores euerteret. Sed Virgo, mise-
ricordiæ suæ memor, deuotum Mutij animum respiciens, ab imminente rui-
na Mutium, & eius domum eripuit. Nam insidiator ignis totam domum
subuersurus, modicā tantum cuiusdam parietis partem nocturno tempore
disfecit, ita ut aliqui tantum lapides, & calcis fragmenta dum caderent, iux-
ta cubacula peruenerint, ubi viri, & mulieres & tota domus familia dormie-
bat. Ut appareret quantam ignis ruinam afferre potuisset, si prohibitus de-
super non fuisset, & ut inimica fraus appareret, sed non noceret. Cum au-
tem crastina fulsisset hora, trepidi omnes ad Ecclesiam accesserunt, idest, ad
agendas gratias. Mutius autem confestim ad Concionatorem festinans,
narravit illi, quanta fecisset Virgo beata pro sua, suæq; domus incolumita-
te. Quamobrem concionator iterum hortatus est illum, ut in deuotione B.
Virginis totus esset, Antiphonam illam, sæpius in die frequentans. Ita enim
futurum esse, ut inimici eius præualere nulla ratione possent contra illum,
qui tam fortem haberet patronam, & terribilem, ut castrorum aciem or-
dinatam.

Pauci dies pertransierant, quando Mutius forte fortuna venerat iuxta
quendam lacum, ibiq; subliterat, ut ferream fistulam concinnaret, cui iam
rotam extraxerat. Oculos autem conuertens, conspicit fratris sui inimicos
amaro animo aduersus ipsum properantes, & pedes velociter conuertentes
ad effundendum sanguinem eius, conspirauerant enim, ut eum trucidarent.
Quos, ut vidit, ut fugeret manus eorum, ingressus est in nauiculam, quam
iuxta littus paratam inuenit. Dum autem remis eam impelleret, supra-
dictam orationem: Sub tuum præsidium confugimus, coram B. Virgine di-
cere non cessabat. Hostes autem in littore stantes, contra fugientem plum-
beas glandes à ferrea fistula ignis vi, emissas iaculabantur. Percussit plum-

H 2 beus

beus globus peram, quam Mutius gestabat. Sensit ille ictum: sed quoniam plumbi laminam habebat in pera, ex qua globulos facere solebat, ictus non penetrauit. Ipse autem eo fidentius in oratione perseuerans, commendabat suam B. Virgini salutem, & Antiphonam ingeminabat. Orabat ipse, ignea tela contra ipsum contorquebant illi: ipse pulsabat cælum, illi feriebant viscera eius: Mirabile dictu, ignei globuli crebris ictibus pallium, sagum, & subuculæ manicas vbique perforauerant, & tamen carnem eius tangere, aut aliquo modo lædere non potuerunt. Interim ipse remis cymbam propellens, ab oculis inimicorum longius recessit, & elapsus est, B. Virgine protegente, quoniam bona, quoniam pia, quoniam in seculum gratiæ & misericordiæ eius.

Vir pauper, fame laborans, & ante imaginem B. Virginis orans, accipit ab ea munus, propter quod calumniam passus, mirabili modo a periculo mortis liberatur a Virgine.

Cap. 79.

IN Hispania, in Cantabriæ regno, in quadam ciuitate, erat templum in signe, Virgini Mariæ matri Iesu Christi dedicatum, in quo ipsa gratiarum diuinarum indeficiens fons innumerabiles gratias in vsum mortalium profunde-
bat. Est in dicta Ecclesia elegantissima B. Virginis imago, anaglyphiticum opus, ornata omni lapide pretioso, habens argenteas in pedibus crepidas preciosissimas. Erat autem in regionibus illis vir quidam, satis probus, & erga B. Virginem deuotus, qui in paupertate constitutus, & nihil habens in bonis, filios, filiasq. suas, & reliquam domus suæ familiam, præ paupertate alere non poterat.

Consueuerat hic frequenter ante prædictam imaginem orare, & omni studio se ipsum, & familiam suam sanctissimæ Virgini in cælis regnanti commendare; ostendebatq. ei, quæ misericordiæ mater est, quantæ essent familiæ suæ necessitates, quantæ essent ipsius Virginis gratiæ, quibus plena semper fuit, semperq. erit. Contigit autem quodam tempore, vt graui necessitate premeretur, ita vt familiola sua pene fame periret. Cum autem non haberet, ad quem confugeret, confugit ad eam, quæ est adiutrix inopum, & refugium pauperum. Venit igitur in dictam Ecclesiam, & genua flectens ante dictam imaginem, fidenti animo, humili oratione, cælestem Reginam obsecrauit, vt misericordes oculos ad ipsum conuerteret, & miseretur familiæ suæ in extrema inopia constitutæ, neque pateretur aut fame omnes mori, aut filias suas necessitate compulsas corporis pudicitiam quæstui exponere, eodemq. tempore honoris, & animæ iacturam facere. Cum sic orasset, videt ecce imaginem illam alterum extendere pedem, & crepidam argenteam projicere in terram ante faciem ipsius, gestibusq. blandis inuitare eum, vt argentum acciperet, venderet, & de pretio esurientem familiam sustentaret. Accepit ille magnificum munus libens, & gratias agens profectus est ad aurificem, vt venderet eam. Sed artifex certo credens hominem illum argenteam crepidam sacrilega manu suffuratum fuisse, rem ad iudicem detulit; cuius mandato captus pauper, & in carcerem coniectus, & interrogatus, cum innocentiam suam probare non posset, condemnatus est, vt

more

more latronum vitam suspendio terminaret. Cumque duceretur ad carnificinam, & per viam, vbi B. Virginis manebat Ecclesia, in qua crepidam furatus credebatur, lachrimans rogauit milites ducentes illum, vt saltē permitterēt ei, vt in hac hora mortis suæ ingrediens ecclesiam, oraret aliquintulum ante Virginis imaginem. Quod cum ei concessum fuisset, ante Imaginem prostratus, & lachrimis rigans pauimentum, hæc orauit, audiente turba: O Dei mater, ecce, vt vides, ducor ad mortem opprobrio plenam, propter amorem erga me tuum, propter amorem erga te meum: dum enim in te sperans, & te diligens, necessitates meas tibi noras facio, & tu mei miserans, mihi compatiens denudasti pedem tuum, vt meam tegeres nuditatem, en morior, & quod largita es ad vitam, operatur ad mortem: sed nunc Virgo potentissima, accinge te, & defende me, ostende tuam potentiam, & meam innocentiam; eripe animam meam de manu angustiarum, quoniam circumdederunt me dolores mortis, & non est qui adiuuet. Tibi derelictus est pauper, misero tu eris adiutrix: ne ergo confundas me ab expectatione mea.

Dum hæc miserabilis vir in conspectu astantis turba loqueretur, ecce iterum Imago illa Virginis alterum pedem ad tradendam alteram argenteam crepidam exporrexit, quæ cecidit ante pauperem virum, vt oblato secundo munere, primum confirmaretur, & ex noua & euidenti beneficentia, pauperis hominis omnibus appareret innocentia. Sed populus, qui conuenerat, & viderat prodigium magnum, incæpit acclamare, vt liberaretur, & à militibus ad Gubernatorem deductus liberatus est. Ciuitatis vero illius Communitas hæc audiens, & admirans, quod factum fuerat, nobiles pauperis filias dotauit, & nuptui tradidit, certumque prouentum pauperi constituit, vt reliquam familiam alere posset, & viueret. Verum ipse tam excellentis gratiæ memor, omnibus diebus vitæ suæ propter B. Virginis amorem, illi Ecclesiæ deferuire voluit.

Referebat hæc sacerdos Hispanus, ob probitatem suam fide dignus, qui assererat se miraculum vidisse: erat enim ex illa Ciuitate oriundus, vbi miraculum factum est.

Publica meretrix cum propter B. Virginis reuerentiam die Sabbati nunquam fornicari deliberaſſet, vt nullo die fornicaretur, B. Virgo gratiam ei præſtitit. Cap. 80.

QVædam mulier satis formosa, vitam meretriciam in Vrbe vivebat, quæ cum singulis diebus peccare non vereretur, Sabbati tamen diem, propter B. Virginis amorem, nunquam se violaturam fornicando proposuerat. Quod cum diu inuiolabiliter obseruaſſet, & multis procaciter sollicitantibus, semper constantius restitisset, B. Virgo, misericordiæ mater, inter media mulieris peccata, illius qualemcumque animi deuotionem non contempsit, sed illi odium peccandi a Deo impetrauit. Vnde mulier, vt nec sabbato, nec aliquo die peccare posset, monasterium Conuersarum meretricum ingredi deliberauit, & cum dotem, quæ monasterio dari ab ingredientibus consueuerat, non haberet, ingressum retardabat. Interim ingreditur ad eam vir, natione Anglus, qui cum illam rogaret, vt libidini eius obsequeretur, & esset Sabbati dies, negauit illa, se vnquam die illa peccaturam, immo se, vt

nullo tempore Deum offenderet, constituisse religiosam vitam in Monasterio Conuersarum acturam, sed plurimum tristari id se quamprimum facere, non posse, cum satis dotis non haberet. Quod cum ille audiisset, quamquā libidine feruens, pietate motus, mulieris animum laudans, spondit se se, quicquid ei deesset, libenter daturum, si propositum adimplere vellet. Accipit illa viri fidem, & obtinens ab eo aureos, quotquot habebat necessarios, religionis habitum, & professionem suscepit, anno 1601. in mense Iunij.

Mirum est, quantum peccatoribus suffragentur aliquæ deuotiones in Virginis honorem factæ.

Auget admirationem, & confirmat deuotionem, & fidem, quod Domus illa Beata, in qua Angelus Virginem adinuenit, & salutauit dicens, eam esse gratiæ plenam, stupendo, & inaudito miraculo ex proprio solo, idest ex ciuitate Nazareth a fundamentis excisa est, & sine dubio a Gabriele ipso integre in aërem sublata, & per immensa aeris spatia vecta, in medio Italici soli ad Adriaticum litus posita est. Ad quam quotidie ex omnibus orbis regionibus virorum, mulierumq. comitatus, & populorum myriades, & tam plebei, quam principes viri magna celebritate contendunt, & conueniunt ibi vel ad gratias petendas, vel ad gratias agendas pro receptis beneficijs afferunt munera, soluunt vota, suspendunt tabellas, quæ præ multitudine numerari non possunt, vt sint æternum testimonium gratiæ, & benignitatis benedictæ Virginis per tot gratiarum effusiones comprobatur. Non solum autem in hac Aede veneranda, sed nulla pene Vrbs est, nullum oppidum, in quo fidelium deuotio huius Virginis memoriæ, facellum aliquod, vel templum non erexerit, vbi quicumque pie accedat, petatq. ab illa, cuncta se impetrasse latetur, & de acceptis gratijs gratias referat.

Vt nulla orbis regio, nulla natio ignoraret fecisse illi magna & dedisse pretiosa qui potens & misericors est erga omnes qui inuocant illum. Sed opportunus hic sese offert locus, vt recenscantur nonnulla, quæ succedentibus seculis, circa præclaram hanc Domum facta esse commemorantur.

Admirabilis historia Domus B. Virginis, & Iesu Christi filij eius, quæ prodigiosa translatione, Angelorum ministerio facta, primum in Dalmatiam, deinde in Picenum delata est.

Cap. 81.

Circa domum, quæ Gabrielem Angelum excepit hospitem, & angelicis verbis Virgo Maria salutata est, multa succedentibus seculis admiratione digna facta sunt: plurima, supra naturam gesta. Noluit enim Deus, Domum illam esse sine honore, vbi Verbum caro factum est, & habitauit in nobis, vt tam magnæ rei esset apud posteros perpetuum monumentum, & memoria excelsi beneficij ob oculos haberetur.

*Annales
Fluminibus
apud Hieronymum
Angelis.*

Igitur Domus ista, omnibus Regijs, omnibus Basylicis, Palatijs, & Arcibus excelsior, honorifica in primis fuit apud Nazarenos: ferunt Apostolos ipsos eam veneratos esse, atque deinceps per temporum longa curricula multam apud plurimos venerationem habuisse. Sed quo tempore Christiana Religio post largum fufum sanguinem propagata est, & incæperunt Imperatores Romanorum, fidei collum subdere, D. Helena Constantini Magni mater, & re-

& religiosa mulier, desiderio videndi loca, ubi steterunt pedes eius, qui fecit cælum, peruenit Nazareth, & salutationis Angelicæ domo reperta, per amplum ibi condidit Templum. Quo factum est, ut ex Asia, & Africa, & Europa proficiscerentur homines ad videndum locum, ubi Angelus è cælis delapsus (mandante Deo) æterna salus, æterna vita, summum bonum hominibus annuntiatus fuit, receptum in Mariæ Virginis augustissimo throno. Ad hæc loca properabant veteres Romani, viri, & mulieres, præsertim autem ad ea venit Paula, cui B. Hieronymus epitaphium fecit, atque alij, quorum non est numerus per decurrentia secula. Sed cum cultus in tam sacro loco tepuisset, & quæ est temporum vicissitudo, quæ veneranda erant, viluissent, neque ab indigenis, neque ab exteris populis honorem haberent, Anno 1291. post captam Ptolomaidem, Nicolao IV. Pont. Max. (ut Illyrici annales perhibent) B. Virginis Dei Genitricis Domus cubiculum, scilicet, ipsius ingenti miraculo in templi formam ab Apostolis (ut ferunt) redactum, angelico ministerio per ingentes terrarum, marisque tractus, in Dalmatiam asportatur, spatium amplius vices centena millia passuum, locataque est supra montem, in cuius summitate æquata agri planicies sedem efficit peramnam, Adriatico imminente mari. Ut hinc conijci possit Mariam Maris esse stellam, quæ procellarum vim, nostræ scilicet vitæ turbulentos motus, cohibere possit & velit.

Nicoph. lib.
8. c. 30.

Ex Anna-
libus Flu-
menibus
apud Hi-
eronymum
Angelica.

Postquam autem notum factum est, supra montem astitisse Domum, non manibus fabricatorum de nouo constructam, sed diuino miraculo adductam, cæperunt primo admirari, deinde venerari. Quapropter religione commoti, & studio videndi quod factum fuerat (erat enim mirabile auribus eorum) concurrunt vndique ex vicinis oppidis, & certatim properant ad videndum.

Descriptio Domus B. Virginis, quæ ex Nazareth, in Dalmatiam, deinde in Picenum aduecta est. Cap. 82.

ERat felix Aedicula fastigiato tecto, & simul camini culmine, simul sublimi tintinnabulo, insignis, ac nulla re magis, quam antiquitate, visenda. Erat figuræ quadrangulæ oblongæ, e vulgari structa lapide, tectum laquearibus concameratum, quod modicis distinctum quadratis cæruleoq. colore obductum, inauratæ stellæ velut in Cælo quodam intermicantes, honestabant. Sub tecto laqueato eminebant vndique è parietibus modica, specie semicirculi se mutuo cõtingentes: quos medios pictæ adornabant capedines. Parietes cubitali ferme crassitudine, non ad perpendiculum, neque ad regulam exacti, loricati tamen opere testorio. Huic superinducta antiquitus pictura, ædis ipsius mysteria referebat, quæ supernè multis locis hodie manet, inferne temporis vetustate defluxit. Aedis longitudo pedum, amplius 40. latitudo 20. altitudo circiter 25. In medio ferme pariete, qui olim (ut reor) faciem obtinebat Domus, Ianua satis ampla, sed à vulgari vsu haud sane abhorrens. Pro superliminari trabs rudis superiecta est. Ad læuam armariolum miræ simplicitatis asseruandis fictilibus aptum. Ad dexteram in proximo pariete fenestra non magna: è regione fenestrix caminus humilis, tenuisq. opere, ut cetera, vulgari. Inibi sublime loculamentum columellis in orbem strictis latera à ingentibus conspicui: arcusq. eius.

Torcellin.
li. 1. Laur.
hist. c. 2.

H 4 dem

dem operis, quinque iunctas pariter lunas imitante fastigiatū. In loculamento B. Mariæ stantis, ac puerum Iesum altera manu medium amplexantis, altera sustentantis effigies cedrina fere bicubitalis, cuius facies electro argentū referente oblita, sed luminum infuscata fumo. Ceterum illa ipsa infuscatio antiquitatis, ac religionis index, impense auget virginalis oris Maiestatem. Gemmata corona sublimem distinguit verticem. Discriminati crines Nazarenorum ritu, per nuda colli, & humeros fluunt. Simulacrum stola aurea tegit, latiore zona, gentis more succincta, demissaq. ad pedes. Palla cærulea stolæ superinducta pender ex humero: vtraque in eodem trunco cælata, pictaq. Insistit maternæ dextræ puer Iesus mortali specie augustior, diuinæ cuiusdam maiestatis indolem vultu præferens. Priores dextræ digitos, bene precantis in morem tollit; sinistra aureum tenet globum. Et ipse discriminato capillo, tunica talari, zonaq. Nazarenum habitum refert. Antequam Deiparæ effigiem, ara solido è saxo quadrato visitur, spirans sanctitatem.

Quadriennio sexq. mensibus exactis, rursus sacra Domus ex Illirico solo in altum tollitur (causa incerta est) & recedens ex finibus illis in Picenum perlata est, nimis preciosum Dei munus Italiæ missum. Quæ regio è regione Dalmatiæ sita est interiecto Adriatico sinu, consedit autem in loco, quod Lauretum appellant iuxta Recinetensem Ciuitatem. Anno 1295.

Ex Hieron.
Angelita,
& Horat.
Turjel. Soc.
Iesu in Lau-
ret. histor.
lib. 1. c. 2.
& subseq.

Tam igitur admirabilis ædes, ortu B. Virginis, & æterni verbi conceptu celeberrima, iussu virginis, & Angelorum ministerio, cum aduecta esset in Picenum, stupor, & inauditæ rei admiratio commouit accolæ ad explorandum, an verum esset, quod factum fuerat, vt agnito cælesti munere, mente colerent & gratias agerent, & se felicissimos arbitrarentur.

Igitur missi sunt sexdecim viri, fide, religione, & autoritate præstantes, ex omni Piceno electi, qui tanquam exploratores, primum in Dalmatiam proficiscerentur, deinde in Galilæam, vt rem agnoscerent. Accedunt ad Dalmatas, rogant, vt ostendant Aream, cui B. Virginis domus incubuerat, rogati illis ostendunt Dalmatæ. Picentes mensura, qua ædem in Laureto positam mensi fuerant, remetiuntur vestigia ædis, quæ olim solo suo infederat, & spatia conuenire deprehendunt. Interrogant de tempore, quo Domus illa discessit ex Illirico, & eodem plane tempore Dalmatis ereptam, & Picentibus datam comperiunt. Discedunt hinc, & in Palæstinam perducuntur, veneratoq. Domini sepulchro, cum festinatione pergunt ad montana, veniuntq. in Nazareth, & à Christianis veris, qualescumque supererant in medio nationis Mauræ, percunctantur, vbinam esset natalis B. Virginis Domus? Qui partim ea, quæ à maioribus acceperant, partim oculis suis viderant, nota faciunt. Deducuntur ad loca antiquæ Domus, reperiunt aream cum fundamentis auulsæ Domus in solo relictis. Qua comperta, alacri studio metiuntur circuitum auulsæ Domus, atque omnia omnino cum Illiricis vestigijs, ædisq. Lauretanæ forma ac parietibus adamussim conuenire comperiunt: admirantur, & inuenta veritate cum magna læticia reuersi sunt in Picenum, magistratibusq. ac primoribus ciuitatū a quibus missi fuerant, omnia, prout gesta fuerant, ordine referentes, repleuerunt gaudio corda omnium. Rem omnem in publicas tabulas referre placuit, additis sexdecim virorum nominibus, qui ad negotium perficiendum missi fuerant, vt res posteris testata relinqueretur, & amplius nō ambigeretur. Quæ res deinde subsequenti-

bus

bus miraculis comprobata, nullus relictus est ambigendi locus, quin hæc sit Virginis Domus. Hæc autem acta sunt anno à Virginis partu 1296.

Iterum autem Clemens VII. Pontifex, tempore sui pontificatus, rem totam intentius explorare voluit, tribus Cubicularijs in Dalmatiam, & Galiziam missis, qui mensuris adhibitis, utrobique omnia conuenire deprehenderunt. Præterea alter ex istis Cubicularijs, nomine Ioannes Senensis, duos inde attulit lapides ex ijs, quibus vulgo Nazarenæ Domus construi solerent, qui laterem naturali forma imitabantur, flauentibus venis intermicantes. Reuersi contulerunt Cubicularij lapides Nazarenos adductos cum lapidibus Lauretanæ Domus, & simillimos omnes, & quasi ex eadem lapidicina repererunt, cum talem lapidicinam in Piceno nullam esse constaret; quod auxit miraculi fidem, & tanto testimonio veritatem rei comprobauit, ut de ea amplius nullus audeat dubitare, nisi qui tardus est corde ad credendum.

In hac igitur Domo, in qua Angelus Mariæ salutē imprecatus est, & plena gratia nominata est, Lapidēs ipsi clamant ita factum esse. Namq. lapides ipsi aduenientibus peregrinis in eā, tam ijs, qui prope, quam ijs, qui longe sunt, & ad eā peregrinatos, vouent, & ægris, vexatis à spiritibus, alijsq. calamitatibus fatigatis, gratias cōserunt, & salutes. Numeraret stellas cæli, & arenas maris, quicumque recensere vellet innumerabiles gratias, & excellentia beneficia, quæ cælitus à B. Virgine collata sunt ijs, qui B. Virginis amore, eius domum visitare voluerunt.

De magnificentia, & nobilitate Domus Beatæ Virginis.

Cap. 83.

Aedicula hac, quæ exitit regiæ Virginis, & cælestis Regis habitatio, nihil ea hodie humilior, nihil magnificentius in orbe reperitur.

Baptista Mantuanus poeta, & insignis Theologus, his verbis in exordio historię suæ eam exultat. Cum nuper (inquit) venissem ad sacratissimæ Virginis Mariæ sanctum domicilium, vidissemq. qualia, & quanta Deus ostendit in eo loco miracula, & suæ virtutis, & clementiæ signa manifestissima, me subito horror inuasit, & visus sum audire vocem Domini loquentis ad Moysen: Non appropinques huc, solue calceamentum de pedibus tuis, locus enim in quo stas, terra sancta est. & post multa encomia: Sed quid plura, inquit, de Domus huius ineffabili dignitate commemorare pergo? libet mihi Iacob Patriarchæ sermone concludere: Terribilis est locus iste: non est hic aliud, nisi Domus Dei, & porta cæli.

Flavius autem Blondus, historicus ea ætate haud ignobilis, hæc de illa habet. Recanetum inter, & Adriaticum Mare (inquit) paululum a Mufione refedit celeberrimum totius Italiæ in aperto, immunitoque vico sacellum gloriosæ Virginis Mariæ in Laureto appellatum. Quo in loco preces supplicantium à Deo Genitricis suæ intercessionē audiri, illud maximum, certissimūq. est argumentum, quod eorum, qui votis emissis exauditi fuerunt, ex auro, argento, cera, pannis, veste lineæ, laneaq. appensa donaria, magno luenda pretio, Basilicamq. omnem pene complementia, Episcopus in Dei Virginisq. gloriam intacta conseruat.

Postremo Leander Albertus, qui multa cum laude scripsit historias, in libro

Bapt. Mantuanus in exordio historię suæ.

Flavius Blondus in Piceno.

Ex L. Adro Alberto de Descrip. Ital.

bro quem edidit de descriptione Italiae, Picenum describens, perhonorificam facit ædis huius sacrae mentionem.

- Recanetum (inquit) inter, & Adriaticū mare non longe à Mutione fluuio cernitur in colle templum S. Mariae Lauretanæ, toto terrarum orbe celeberrimum, quod simul cum oppido validis est munitum mœnibus. Hic multi sunt incolæ excipientes hospitaliter peregrinos, qui ex omnibus Europæ partibus eo votorum perfoluendorum gratia confluunt cum omnibus anni temporibus, tum maxime vere, & autumnō. Equidem de tanto templo dicturus, vnde ordiar nescio: Obuersatur quippe animo hinc summa loci religio, illinc eximia templi opulentia. Enimuero me vires deficiunt conantem dicere de sanctissimo illo, religiosissimoq. cubiculo, vbi nata, vbi educata est cæli Regina semper Virgo, ac Dei parens Maria, eademq. miserorum mortalium apud filium suum Patrona. Vbi Arcangeli Gabrielis nuncio, Dei mater effecta, appellataq. est, vbi humanam Deus naturam induit, vt nos ex faucibus inferni Draconis eriperet, cælestisq. Regni aditum per tot secula, Parentum humani generis vitio clausum aperiret. Itaque vt dixi, vnde talis loci descriptionem ordiar, ignoro. Ceterum, vt pijs pariter, curiosiq. lectoribus satisfaciam, pauca dicam. Principio igitur dubitandum non est, quin hoc illud ipsum sit cubiculum, vbi cæli Regina edita in lucem est. Nam præter certissima litterarum monumenta, quæ Deiparæ Virginis cubiculum ab Angelis huc translatum esse fidem faciunt, nemo est tam ferus, ac ferreus, nemo tot, tantisq. flagitijs, ac sceleribus coopertus, qui non ipso Sacrae Domus ingressu, præsentis numinis cælestis religione perfusus, molliri suum sentiat pectus adeo, vt venerabundus B. Mariæ imploret auxilium, ac per eam a Christo suppliciter oret suorum veniam delictorum. Et sane ad id ipsum humanos animos diuina vis videtur impellere. Ad hæc accedunt prodigia, ac miracula ibi diuinitus edita, beneficiaq. tributa ijs, qui ad Dei parentem supplices confugerunt. Id adeo non solum litterarum monumenta testantur, sed etiam aurea, argentea, cerea simulacra, votiue quoque Tabellæ, per multas ætates, ac secula congesta viuuntur. hæc ille.

Hic autem referam vnum, quod magno prodigio a B. Virgine in dicta Domo factum est, & deinde nonnulla alia subtexam, quæ ibi mirabili modo operata est. Nam scribere omnia signa & grandia miracula, & numerare opitulationes, & gratias, quas in Domo sua B. Virgo dispersit, & dedit pauperibus, immensum opus esset.

De Marchione quodam Germano, in cuius brachio incurabiliter obtorto, miraculosa sanitas facta est ope beatæ Virginis.

Cap. 84.

Quidam Medicus, nomine Cordella in Piceno, ex Firmana Ciuitate oriundus, postremis annis vitæ suæ, Romæ vbi defunctus est, medicinæ artem laudabiliter exercebat, erat autem primarius, & famosus in Vrbe, Pontifexq. summus eius opera utebatur.

Cum quodam die (erat enim mei amicissimus) incidisset inter nos, & alios aliquos astâtes sermo de medicinæ viribus, atque de eo, quod Deus aliquando

do facit supra naturam in ægris curandis, dixit se multa de hac re ab alijs audiuisse, vnum autem tantum vidisse se se, supra naturam factum, & admiratione plenum, quod oculis proprijs conspexit, & obstupuit. Hoc autem fuit huiusmodi.

Quodam tempore Maceratenfis ciuitas, quæ à Laureto, vbi Beata Virginis domus diuinitus locata est, ad decies mille passibus, conduxerat operas Medici huius; ibique medicam artem exercens aliquando percerebuit rumor in ciuitate Germanum quendam, Principem virum, Badæ Marchionem, Lauretum peruenisse, & brachium suum iam olim plumbeo globulo à ferrea fistula emisso perfoſsum, & post sanatum vulnus, neruisquæ contractis, intortum pectori adhærens, vt nulla ratione huc, & illuc extendere, aut dimouere posset, nisi ad totius corporis motum, ad Virginem attulisse, & quod neque vnguentis, aut oleis, aut balneis, aut vllis peritorum Chirurgorum & Medicorum remedijs per longa tēpora ad pristinam integritatem, & soliditatē perducipotuiſſet, sola prece in æde Virginis fusa, sanum esse factum. Quod cum certius affirmaret, Cordella non plene fidem præstans ijs, quæ dicebantur propter rei magnitudinem, veritatis tamen sciendæ curiosus, iubet statim famulum suum sternere mulam, & sedens super eam celeri gressu ad Lauretum cum peruenisset, conspicit totum Oppidulum magna læticia gestiens, auditq. omnes vno ore laudantes B. Virginē, quæ in ea domo, vbi ab Angelo salutata, dictaq. est gratia plena, nequē in superioribus seculis, neque temporibus nostris cesset spargere fluente gratiarum suarum, & facere magna, & mirabilia ipsa, quæ potens est. Sed exultantis plebis testimonio adhuc non contentus, confert se ad hospitium, vbi Marchio hospitabatur, rogatq. famulos eius, vt permittat videre, & alloqui Marchionem. Introductus in thalamum, vbi Marchio solus erat, accedit ad illum, salutat, & alloquitur latinisq. verbis, non enim linguam Italicam Marchio callebat, causam sui itineris exponit, postulatq. ne dedignaretur tam inauditæ rei veritatem exponere. Tum Marchio benigno vultu Medicum excipiens, vltro narrauit illi inauditum miraculum factum circa brachium suum in oppido Laureti, gratia & opera sanctissimæ Virginis. Res autem hæc mirabilis hoc modo acta est, referente Cordella.

Ille Marchio in Coloniensi tumultu Bombardæ ictum exceperat in brachio, cumque mori se crederet, positus in magno vitæ discrimine, quidam famulus Italicus ex ijs, qui illi parebant, persuasit ei, vt totius salutis suæ spem in beatissimæ Virginis Mariæ auxilio poneret, vouereturq. gratiam postulatam si recepiſſet, visitaturum se Domum eiusdem Virginis in Italia apud Lauretum in Piceno positam, ita enim futurum esse dicebat certissime, vt equaderet ex imminenti morte, sicut innumeris alijs contigiſſe asserbat. Cogitans autem, quæ à pio famulo dicebantur, quamquam prius huiusmodi narrationibus fidem præstare non soleret, immo derideret, qui hæc suaderet, tamen in illo tam magno vitæ periculo constitutus (ægrum enim, cum eorum salus periclitatur, facile credunt spondentibus salutem) fidem adhibere non renuit. Igitur vitæ cupidus, quanta potuit animi humilitate rogauit sanctissimam Virginem pro incolumitate vitæ suæ, spondens cum muneribus se esse profecturum ad visitandam domum eius, si desideratam recepiſſet salutem. Post preces, primum eripitur faucibus mortis, & paulo post red-
ditur

ditur sanitati. Mansit tamen brachium vulnere perfossus, obtortum, & tam male dispositum, ut adhæreret immobiliter pectori, & nulla ratione se flectere posset ad munia obeunda. Quapropter cum plurimum tristaretur, tentatis plurimis remedijs, quæ Medici in medium afferbant, brachium in sua immobilitate perseverabat. Pius autem famulus, videns integritatem brachij Domini sui desperatam, rursus rogat Marchionem incassum illum quærere medicamenta ab hominibus, suadetq. ut oculos sicut prius fide plenos tollat ad cælum, ubi apud filium astat sublimissima Mater, in cuius sinu innumerabilis gratiarum multitudo requiescit, futurumq. esse, ut sicut prius, plenam & solidam brachij sanitatem recipiat. Quod, ut certius assequeretur, conferret se in Italiam ad Lauretanum templum, ubi voca persoluat. Narrabatq. B. Virginis ædem coopertos habere parietes Tabellis, gratias receptas significantibus.

Quod cum audisset Marchio, rursus cor eius accenditur ad fidem, & expertus primam gratiam, non dubitavit de secunda. Conuocat aliquot viros, quibus comitatibus peruenit ad illum cum muneribus: Munera autem quæ attulit, fuerunt ista: Aureum sacerdotis amiculum, & ex aureo torque pendens hyacinthus eximia magnitudine, & specie. Aurea pyxis, mira vndique arte cælata binos pene palmos circuitu amplectitur, & conchæ marinæ instar bipartita, intus Marchionis effigies Virgini supplicantis, salutisq. per eam partæ monumentum. extrinsecus in altera parte S. Georgij, ex equo Draconem hasta figentis pulcherrime cælata, & distincta gemmis imago. In altera simulachrum Eulannæ in lauacro à senibus deprehensæ, eodem opere ac specie gratum videntibus spectaculum.

Circa vigesimam tertiam diei horam, moræ impatiens admittitur in beatum cubiculum sanctissimæ Virginis, solus: prostrat se humiliter, & ubi Virgo ab Angelo salutata fuit, salutat ipse Virginem, memorat antiquas eius misericordias, laudat infinitam eius bonitatem, rogatque, ut, cum possit, velit desiderium complere suum. In illa oratione, in qua, quasi per horæ spatium perstitit, nil aliud actum est circa eum, nisi quod sensit exhilarari cor suum: redit postmodum ad hospitium, & postquam cœnatum est, ita cubitū, deditq. oculos somno. Cumque per binas forsan horas dormitasset, Mulier candidum ferens vestimentum, lumine amicta apparet ei, totumq. cubile lumine perfusum est: blandisq. verbis eum compellans, & confidere iusso, imperat ut brachium extendat: extendit ille agilitate magna, ut prius, antequam aliquid in eo passus esset, cumque crederet non se visionem videre, sed somnare, manu palpat brachium, tentat, an verum sit, cumque certo cognouisset illam fuisse B. Virginem, quæ apparuit ei, & salutem per eam receperat brachij sui, disparente illa, cœpit præ lætitia tollere vocem, & benedicere, laudare, prædicare benefactricem suam: cumque altius inclamasset, audiuerunt famuli Marchionis vocem, accurrunt, & quid rei sit, explorat: audiuntq. & vident, mirabile opus, quod actum est, repletaq. est tota domus lætitia magna.

Referebat autem Cordella, quod postquam Marchio retulit, quæ dicta sunt, ut Medico rei veritatem ostenderet, & nollet esse incredulus, sed fidelis, denudauit brachium, & ostendit illi loca, ubi brachium fractum fuerat: Obsupuit Cordella ad aspectum rei supernaturaliter actæ, & gratias egit Deo,

Deo, & B. Virginis, quod vidisset visionem illam magnam, & lætus redijt intus & sæpius hoc quod viderat referebat. didicitq. in ægritudinibus non totam spem esse in remedijs medicorum locandam, sed in Deo, & Genitrice Dei gratiarum plena.

Hoc grande miraculum refert etiam Torfellinus in historia Lauretana, & inquit, quod vbi primum dies illuxit, Lauretano Præsidi totam rem ordine vti gesta erat exposuit, & ille tantam rem haudquaquam negligendam ratus, miraculum rite consignandum litteris, subscribendumq. à testibus curauit.

Puella, dum gregem pascit, vidit B. Virginem, & ab ea in domum suam adducitur mirabiliter; & deinde virginitatem perpetuo, & laudabiliter coluit. Cap. 85.

S Abino cuidam, ex pago haud ignobili agri Piceni (Roccam Contradam vocant) filia erat septennis, nomine Alexandra, quæ haud longe à pago paternum pascebat gregem. hæc dum oues pasceretur, sub arboribus venerabunda cælesti numini supplicare consueuerat. Itaq. diuinitus nondum septennium egressa dicauit se Deo. Quo magistro dum precibus institit, Deiparam enixe colens, repente obtulit se illi cælesti specie Virgo (haud dubie Dei mater fuit) quæ puellam manu prehensam se sequi iubet. Mira res dictu, triginta millia passum ab eo loco, ipsamet cælitum Regina paruam puellam ad Lauretanam deducit Aedem, & ingenti persusam gaudio ex sui imaginis ac domus aspectu, reducit ad pascua. Ibi Alexandram, etiam si quæ tandem illa ædes, quæ Virgo esset, ignoraret, tamen ingens eius loci, & spectaculi desiderium tenebat. Ergo, vt gustata semel Lauretanæ domus dulcedo subibat animum, flens precibus virgere, ac fatigare Sabinum patrem non desinebat, vt ad ædem illam tot luminibus illustrem (neque enim aliter designare nouerat locum) se duceret, vbi pulcherrima illa Virgo habitaret. Eludebat filix postulatam pater, siue pueriliter delirare eam ratus, siue quem tandem locum illa describeret, ignarus. Ceterum haud multo intermisso tempore, euenit vt Sabinus cum vniuersa familia Lauretum pergeret. Tum vero Alexandra locum agnoscens, gestire, & exultare gaudio; ac versa ad parentem: En pater, inquit, hæc, hæc illa est Domus, quo me pulcherrima illa Virgo candida veste amicta deduxerat; huc ego, redire, hoc spectaculo iterum frui expetebam. Obstupuit ad hæc pater, & eximiâ puellæ erga Deiparam religionem animo reputans, sensit eam B. Virgini esse cordi, vtiq. cum Dei mater illam ad se a primis annis inusitata quadâ ratione pelliceret. Igitur pietatem filix fouere non destitit. Remq. omnem, nec ipse tacuit, & Alexandra vbi adoleuit, pijs hominibus sæpe narrauit, qui deinde alijs, ac mihi ipsi retulerunt. Incidit hoc miraculum in annum seculi huius VII. Nec frustra hæc fuerunt. Alexandra deinde hoc tyrocinio imbuta virginitatem perpetuo coluit, vitamq. sanctissime egit ad annum nonagesimum, Lauretanam Virginem quotannis reuifens. Tanta porrò fuit sanctimonix fama, vt in Oppido Montalbodo Virginum cœnobio Antistes data sit, vbi miraculis etiam, non tantum virtutibus floruit.

Tursel. li. 2.

Laure. hist.

cap. 13.

Blas-

Blasphemo in Deum & B. Virginem lingua præciditur, idem deinde rogans B. Virginem, ut daret sibi facultatem confitendi peccata sua, mirabili modo linguam exsectam recipit, & loquitur. Cap. 86.

*Tursel. lib.
Laure. hist.
4. c. 11.*

S Annitum Prætor Lauretum petens Ciuitellam diuerterat. Ibi nefarium hominemprehendit assuetum in Deum, ac Virginem Lauretanam, impia subinde verba iactare. Ergo infensus ira, protinus exempli prodendi causa, vesanam magniloquentiam, exsecta sacrilego lingua vindicauit. Neque hoc contentus eundem in custodiam traditum asseruari sedulo iubet, quoad ipse Laureto regressus decerneret, an esset pœna grauiori multandus. Itaque miser ille supplicio sumpto æger, sui ipsius sollicitus aliquando respuit, & scelere in cultum verso, dies noctesq. Lauretanam Virginem placare tacitis precibus, votisq. institit, obsecrans, ut infensam sibi proregis leniret iram, daretq. facultatem animi labes sacra confessione expiandi. Nec ingrata Virgini, irritæque extiterunt impij hominis respicientis preces. Haud multo post species Deiparæ illi in somnis oblata est, iubens eum bono animo esse: breui fore, ut custodia emissus ad Lauretanam Aedem pergeret: ibique peccata confiteretur, nouæ linguæ subsidio. Prædictionem comprobauit euentus. Experrecto quædam quasi lingua renasci cæpit, qua haud sane ægre sensa expromeret mentis. Et Prorex Laureto reuersus, re cognita, parcendum existimauit, cui Virgo ipsa pepercisset. Confestim igitur eum liberum dimittit monitum, ut suo posthac periculo saperet. Datistq. ad penitentiarios litteris miraculi testibus, Lauretum destinat gaudio gestientem ad vota reddenda. Quo ubi venit, haud magis proregis epistola, quam res ipsa miraculi fidem omnibus fecit. Quippe patefacto oris hiatu (miradictu, mirabilior visu res) simul recisam linguam, simul lingulam quandam subnascentem videbant, & tamen ubi vellet ille, quamquam blefo ore, audiebant loquentem. Neque hic stetit res. Postquam domum reuersus, sacris mysterijs bis, terue perceptis noua lingua ad iustam magnitudinem nouo excreuit miraculo. Itaque Lauretum denuo ad agendas Deiparæ grates profectus, ijs ipsis, qui exsectam paulo ante linguam viderant (quorum ex numero Raphael Riera fuit, qui hæc memoriæ prodidit) immortalis B. Mariæ dono renatam ostendit, cuius rei nouitate, atque admiratione attonitis, & tam eximium, tamque illustre miraculum B. Virgini gratulantibus.

Præfectus equitum, abreptus Velini fluminis impetu, dum per altarum aquarum præcipitia ruit, ope Virginis, undis eripitur. Cap. 87.

*Tursel. li. 3
Laure. hist.
c. 9.*

E St in agro Reatino (Italiæ umbilicum vocant) lacus haud ignobilis, quem Velinus amnis efficit, à quo nomen trahit. Hinc Velinus emerfus, aliquanto spatio lenis, ac placidus fluit. Inde ex altissima rupe per scopulos, & saxa præcipitans in subiectam petram ingente fragore, ac strepitu aquarum cadit. Vulgo Pediluci ruinas appellant. Haud procul rupe, quam

quam dixi, turma equitum Petri Aloysij Farnesij (is tùm Castri Dux erat) forte ducebatur. Turmæ Præfæctus (Marescallum appellant) Petrus Terrenaticus Senensis erat. Hunc cupido incessit spectandi propius amnem ex alto cadentem. Igitur duobus equitibus assumptis, ad locum, vnde Velinus præcipitat, visendi studio diuertit. Iamq. potaturus equus flumen intrarat, cum procedens paulatim in profundum gurgitem prouexit incautum. Nec mora sensit se à profluente abripi in præcipientem locum, quem spectaturus aduenerat. Iamq. aquarum impetu ex equo deturbatus, haud procul aberat ab interitu; cum Lauretanam Virginem lachrymabundus implorat. Nec surdis auribus preces adhibet. Extemplo in ipsa fluminis ruina B. Virgo adest periclitanti; porrectaq. dextra præcipientem inter vndas, ac scopulos sustinet, tueturque, donec ad ima perueniat. mira dictu res: ex altissima rupe deuolutum scopulus excepit, reddiditq. innoxium. Igitur confestim Lauretum ad vota Deiparæ exsoluenda venit: votiuamq. tabellam, in qua tota res ordine perscripta est, tanti miraculi testem existare voluit, quæ hodie ad dextram Sacrosancti sacelli in pila suspensa visitur. In tabella inscriptum: Ego Petrus Terrenaticus eques, & Marescallus equitatus Ducis Castrorum, & ceteri equites ex Piceno ad Vicum Varronis proficiscentes, cum Nonis Martias 1543. ad Velinû lacum peruenissemus; ego, & duo alij milites, Tiberius ex Grauiscis, & Antonius Cortonenfis à ceteris equitibus discessimus, vt illum viseremus locum, quo se Velinus in Nar præcipitat. Ac non procul inde, cum equum adquarem, ego vna cum equo in quasdam fluminis angustias incidi, ex quibus præcipientem altissimo casu, circiter videlicet centum cubitos altum, & Deiparæ Virginis Lauretanæ opem implorantem, quidam me scopulus excepit incolumem, & rei miraculo admirandum, atque attonitum. Quapropter illico votum persolui beatissimæ Virginis, quam tùm præsentem, propitiamq. sum expertus, testibus oculatis duobus Centurionibus Chiancio Vrbeuetano, & Raimundo cum vniuersa equitum ala. Hanc nos inscriptionem ad verbum inseruimus, vt quam testatum, certumq. sit hoc miraculum, magis appareat.

*Formosa adolescentula libidini vacans, multas opes lucrata, rediēs
in patriam ab itineris comite multis vulneribus confoditur,
& pecunijs spoliatur, cumque moriens B. Maria au-
xilium implorasset, exaudita est pro sua in
illam deuotione. Cap. 88.*

Sicula puella (cuius nomen silentio traditur) meliore forma, quam fama, *Turcl. l. 3.*
Venetias perducta multos sibi annos vulgato corpore quæstum fecerat. *Laure. hist.*
Iam satis rem auxerat familiarem, cum ista patris desiderio, domum ali- *c. 28.*
quando redire decreuit. Ergo bonis omnibus in pecuniam redactis, familiari
quodam suo comite Lauretum petit ea mente, vt deterfis inibi confessione
superioris vitæ sordibus, ac Lauretana Virgine salutata, inde lætior in Sici-
liam pergeret. Ventum erat ad Rauennatem syluam, cum bonus ille fami-
liaris postea quam omnia circa tuta vidisset, prædæ spe stimulante, stri-
cto ferro inuadit incautam, nec tamen eam penitus sefellit. Mulier infesto
mucrone se peti cernens, Virginem Lauretanam inuocat. At Latro (diffe-
rente

rente B. Maria auxilium, quo esset illustrius) puellam gladio transuerbera-
tam è iumento, quo vehebatur, deijcit: deiectam insequitur, conciditq.
plagis, B. Mariæ subinde præsidium implorantem. Ad vltimum ne qua sit
reliqua vitæ spes, seminecem iugulat foedum in modum: auroque, ac gem-
mis ablatis, muliere insuper vulneribus confossa, recedit. Illa in suo natans
cruore iam moribunda luctantem animam B. Virgini commendabat; cum in
ipso articulo haud dubiam patronæ suæ experta est opem. Repente ei B.
Maria in veste candida se offert, cælesti emicans luce: & bono animo esse,
iussam benigne complectitur: moribundamq. gremio fouens, simul vulnera
corporis tactu sanat, simul ægrum animum cælesti perfundit gaudio. Dein-
de castæ vitæ admonitam relinquens, ex eius oculis elabatur. Ibi tum mu-
lier velut ex profundo excita somno, corpus suum perlustrans oculis recen-
tium vulnorum cicatrices iam obductas videt: mortiferam iuguli plagam
persanatam sentit explorans manu. Itaq. tam insigni Dei, ac Deiparæ bene-
ficio admodum læta, submissis genibus maximas secundum Deum certissimæ
patronæ suæ grates agit. Vnum erat, quod liquidam turbabat lætitiā, in
subaccula cruenta, ac lacera à latrone illa relicta fuerat in sylua. Ceterum
haud segnius nudæ mulieris pudori Deipara Virgo consuluit, quam cæsæ cō-
suluerat saluti. Ecce tibi illa mistas laudibus grates B. Mariæ impensius
agente, præsto fuere Muliones, qui illac forte transibant. Hi cruentæ puel-
læ, peregrinæq. Lauretum (id ex ipsa cognorant) petentis speciem, nudita-
temq. miserati, illico seminudam centone contegunt: muloq. impositam
deuehunt Anconam Lauretanæ Virginis religioni fauentes. Ibi illa viliori
vestitu emendicato, protinus Lauretum lætabunda contendit. Post absterfas
confessione vniuersas vitæ lates, Virgini vota persoluit: passimq. expertem
prædicat eius opem, cuius haud dubie post Deum, beneficio vivebat, ex
media morte ad vitam vtiq. reuocata. Ad faciendam rei fidem recentem
mortiferæ plagæ cicatricem ostentabat in iugulo. Et accesserat diuinitus
tanti miraculi haud obscurum indicium. Circa collum cicatrix aurea, monilis
in modum fulgebat, vt facile diuina B. Mariæ manu plagam illam tactam,
sanatamq. sentires. Id vero cunctis qui aspexerunt (ex quorum numero
fuit Raphael Riera, qui rem memoriæ tradidit) ingens non modo miraculi
monumentum, sed etiam miraculum fuit. Porro mulier siue Lauretanæ Do-
mus dulcedine capta, siue Deiparæ optime de se meritæ gratiam relatura,
Lauretum prætulit patriæ, quippe annos complures ita inibi vixit, vt diuinis
identidem expiatis mysterijs Lauretanam inuiferet Virginem, plures incola-
rum ad Dei, Deiparæq. obsequium excitans singulari innocentæ, ac pieta-
tis exemplo.

*Bassâ Turcarum, B. Virginis ope curatus, oblati muneribus ei
gratias refert. Cap. 89.*

*Turcel. l. 3.
Laure. hist.
c. 18.*

Non est, qui se abscondat à calore gratiarum Virginis huius, vndique
enim fluunt, ita vt nec Barbari ipsi B. Virginis opis expertes fuerint.
Corcutus Turcarum Prætor (Bassâm ipsi vocant) anno 1552. Constantino-
poli cum esset, ex graui, occultoq. pectoris apostemate ad extremum vene-
rat vitæ discrimen. Apud eum seruitutem seruiebat Christianus vir bonus,

ac

ac pius. Qui Domini periculum suæ libertatis occasionem ratus, Præto-
rem adit moribundum, & de B. Mariæ Lauretanæ admirabili vi, in morbis cuius-
que generis depellendis edoctū, bonæ implet spei. Igitur haud ægre eum im-
pulsit, ut secum Lauretanam Virginē inuocaret vouens, si morbum depulisset,
se in eius gratiam illi seruo libertatem daturum. Nec seruus Dominum, nec
Maria pium seruum fefellit. Protinus disrupto apostemate Prætor sanatur,
& extitit ab eo quoque fides. Extemplo seruum illum libertate donatum,
cum litteris, ac muneribus Lauretum ad Virginem destinat. Munera fue-
runt, mantile egregio opere, ingentes cerei, argenti vis non parua, arcus,
& pharetra prælara cum sagittis, non tam precio, quam donorum nouitate,
donantisq. admiratione grata, & accepta. Erat illa tempestate Laureti
præses Gaspar Doctus Venetus. Is ceteris donis super aram positis, arcum,
pharetramq. suspendi in sacrosanctæ Cellæ vestibulo iussit, rei ad posteros
monumentum. Attulerat is, quem dixi, Bassæ Libertus, miraculi testimoniū,
Chirographum patroni sui. Quod Gaspar ex Arabico in vernaculam lin-
guam conuersum ad posteritatis memoriam asseruari voluit. Id autem lati-
ne versum erat huiusmodi. Quod bonum, fortunatumq. nobis esse velit;
magnus, ac misericors mundi Dominus. Cum mihi ipsi diuinitus quiddam
euenerit, ego Corcut Bassa (ne meo desim officio, tantæq. rei monumentum
aliquod posteris extet) rem omnem ordine exponam. Ortum erat atrox
apostema nobis in pectore, iamq. haud dubium imminebat exitium; cum
desperata a medicis salute, meus me seruus adiit, & sane fidenter: si mihi li-
bertatem polliceris (inquit) Dei mei matrem exorabo, ut pristinam tibi re-
stituatur valetudinem. Itaque ego confestim accersito tabellione, libertatem
ei repromisi, si ipse promissa præstaret. Extemplo seruus positus humi geni-
bus, & quædam super se signa ducens manu, rogat, ut semet verbo præ-
euntem lequar. Inde ipse præire his verbis cepit. Ego B. Mariæ Lauretanæ
opem imploro. Monenti obsecutus, triduo post, Deo fauente, conualui. Et
seruo in libertatem vindicato, hoc Chirographum dedi cum votiuis donis,
quæ meæ obseruantia, gratiq. animi monumenta sint B. Mariæ parenti præ-
potentis Dei, qui nos saluos velit.

*Milites præda cupidi, dum ad diripiendam Virginis ædem irrue-
re cogitant, nec p̄ Ducis, aut consilia sequuntur, aut mi-
nas timent, luporum impetu, & insolita formidine, &
nebula coercentur. Cap. 90.*

NEc à Barbarorum vi magis, quam ab avaritia Christianorum militum
Lauretana domus per idem tempus cælesti utique præsidio intacta man-
sit. Franciscus Maria Urbini Dux fortissimus, & militari peritia clarus, à
Leone decimo ditione exutus fuerat. Qua deinde armis recepta, ultro ipse
Picenum agrum infesta populatione percurrit, Pontificis, ut ipse dictita-
bat, iniuriam ulturus. Exercitum habebat ex multarum gentium colluio-
ne mistum, quibus nec mos, nec lingua communis, & præda potior reli-
gione erat. Proinde neque ducis imperio satis regi poterat, neque vlla ra-
tione à rapina prohiberi. Et Præfectorum, centurionumq. pleriq. iam pri-
dem Lauretanis thesauris inhiabant. Itaque per internuncios de his diripiē-
dis

*Torrellin.
li. 1. Laur.
hist. c. 20.*

dis clandestina inter se consilia agitarant. Ergo ex composito ad montem Filatranum non procul Laureto sub vesperam subsistunt, ea mente, ut postero die illucescente, Lauretanam Aedem defensore vacuam direptum eant. Haud fefellit pium iuxta, prudentemque Ducem impius conatus exercitus sui. Itaque per interpretes deterrere ab ipso consilio perditos barbarorum Duces, per Italicas copias nefarium facinus impedire institit: omnia agere, omnia moliri, ut quolibet potius auerteretur incensa prædæ cupido. Ceterum surdæ erant omnium aures obstrepente auaritia.

Ita maior pars, ut plerumque fit vicit meliorem. Luce nondum certa, præmissis exploratoribus, agi captum est agmen. Dissuadere iterum Dux, ac minas precibus miscens deprecari sacrilegam profectionem. Posteaquam nihil proficiebat, orat, si stetisset animo Lauretum pergere, ut mutata in diuersum voluntate, pietatis ergo, ut ceteri mortales, ad sacrosanctam Deiparæ Virginis Cellam accederent; si secus fecerint, non suam modo, sed cælestem quoque intentat iram, recentia Turcarum exempla proponens. At illi animis vefania, auaritiaque occupatis, nullius salubris consilij patientes ad deuoratam spe, & opinione prædam incensis studijs tendunt. Sequitur exercitum Dux, quem regere nequibat, sacrilegium, quod impedire non poterat, temperaturus. Sed non defuit Sacrosanctæ Cellæ præsidium Virginis. Præmissi exploratores haud procul Laureto aberant: omniaque tuta esse cernentes lætitia gestiebant; cum subito acrium grex luporū (ut ferinam hominum rabiem feræ comprimerent) è saltu proximo erumpunt, ac velut facto agmine in præcursores impetum faciunt: illorum plerosque repentino terrore amentes iugulant, laniantque: ceteros in fugam vertunt, salutis iam magis, quam prædæ memores. Qui ut ad primum agmen metu, cursu, lassitudine exanimati peruenere; receptis demum à pauore tanto animis, effusæ fugæ, terrorisque causam socijs tanti sceleris aperiant: monent etiam atque etiam, viderent quid agerent: Aedi Lauretanæ Deum custodem, ac vindicem adesse. tantam vim luporum, tam immania corpora belluarum non è nemore illo egressam, sed diuinitus in prædatores emissam: nec ipsis tam cum belluarum exercitu, quam cum Deo, cælestibusque esse pugnandum. At vefani exercitus Duces exploratorum terrorem tanquam vanum, militari deridiculo eludentes, nihil minus properabant ad prædam. Verum enimvero, ut sacra Aedes in conspectum se dedit, repente ingens exercitum pavor inuasit. cunctique lymphatis similes trepidare cæperunt, diuinitus incussa formidine omnium pectora percurrente. Tum vero excussa vefania, ad se redeunt sceleris Duces: & siue diuini ira numinis, siue templi religione conterriti, cuncti pariter præmeditato latrocinio desistunt. Ceterum ne subinde militares animi ad ingenium redirent, consternatis nouum miraculum additur. Iam multum diei processerat, cum repente nebulam de cælo lapsam ferunt, quæ paulatim circa templum densata eius conspectum ademit, cum tamen cetera circum loca sole essent illustria. Ea species oculis obiecta militum, animos quoque immobiles tenuit. Exinde ingenti horrore persusi procumbunt in genua, versaque in religionem audacia, ad placandam Dei, ac Deiparæ iram, Lauretum ire pergunt. Quo ut ventum est, cuncti, ac præcipue cohortium Duces, Lauretanam Aedem intrant venerabundi: ac positis humi genibus, cogitati sceleris

ris veniam exposcunt, vltro etiam Virginem, quam diripere destinauerant, muneribus colunt. Ita susceptum ab insano principio iter exitu saniore conclusum, Vrbiniatum Dux insperato exitu facinoris mire latus, Deo ac B. Virgini auersum sacrilegium gratulatur: mox detracta sibi arma in primo augustissimæ cellæ aditu suspendit tanti miraculi monumentum: simul se ex agro Piceno exercitum abducturum vouet. Nec votum fefellit. Exemplo formidabiles copię abductę, eademq. opera, & Lauretana Aedes, & Picena regio, direptionis metu diuinitus liberata.

Beatam igitur esse Mariam omnes generationes pronunciauerunt, & hodie incessabili voce proclamant idipsum. Maria autem in medijs laudibus suis, vt ostendat verum esse, quod dicitur, & vere se esse beatam, & gratia plenam, largas in omnes, qui inuocant illam, semper effundit opes vique nunc, gratiæq. eius sunt guttę iugiter manantes: suarumq. gratiarum diffusiuæ, facit quod ad beatam pertinet, cuius proprium est magis dare, quam accipere. Dat autem, & dispergit in egenos, & pauperes inexhaustas diuitias suas, & gloria eius manet in seculum seculi. Sed hic nata rursus occasione, quędam referamus quę beata Regina largita est mortalibus beneficia: cetera alibi magis oportune referenda.

Grande beneficium, quod B. Virgo in virginem puellam contulit, vt ipsius ope, quod natura prestare non poterat, diuinitus sit consecuta. Cap. 91.

Sed quoniam (inquit ille) miracula recentia, cuius testes præsentes sunt, hominum corda magis mouere solent, à Christiano lectore peto, ne defertur, si ad ea, quę narrata sunt, alia tria adiunxero, quę cum tam noua sint, venia ab ijs, ad quos spectat, mihi petenda fuit, vt ea scribere possem.

*Aloys. Grana-
nat. in Ca-
thechis. in
symb. f. d.
lib. 2.*

Primum autem illud referam tam magnum, tam certum, atque notum, vt si gentilis essem, satis esset, quod me ad fidem conuerteret: non aliter, ac satis fuit illud, cum Naaman per Prophetam Elisæum à lepra liberatus fuit. In hac Olyssippi ciuitate habitat quędam nobilis mulier, nomine Catherina de Thaide, Domus Villæuridis Domina, de cuius virtutibus nihil hic attinet dicere, cum nolint sancti, vt viuos laudemus, sed mortuos; tunc enim laus nec laudatos, nec laudantes damnat. Hęc nobilis femina, cum ætatis suę annum ageret decimumtertium, aut quartum, in maximum morbum incidit, & cum ijs symptomatibus, quę illam ad mortem perducebant, tandem eo peruenit, vt quęcunque ad funeralem pompam necessaria essent, iam parassent. Eo tempore illius nutrix, quę eam educauerat, & ab ea suę vitę subsidium, suorumq. filiorum expectabat, ad sanctissimæ Virginis ecclesiam iuit, & multis cum gemitibus & lachrymis pro eius incolumitate orabat, quibus quidem id exorasse, ab ipsa Virgine Maria, credendum est, & ita paulatim tribus mensibus cum dimidio elapsis conualuit, sed ita, vt corporis pars sinistra tota paralytica remanserit, tantoq. cum tremore, vt si quis ei brachiũ tenere vellet, ei quoque penitus tremere. Hoc per nouem menses perdurauit, cui licet omnes ciuitatis alicuius nominis medici omnia remedia, quę fieri poterant, adhibuissent, nihil tamen illi profuerunt.

I 2

Illa

Illam tamen semper in Virgine Maria spem habebat, fore, ut per illam iam deplorato morbo, valetudinem etiam tribueret integram, inquiens, Virgine gratias diuisis minime facere. Nouem ijs mensibus elapsis, eam ad quoddam coenobium Carmelitarum perduxerunt, quod in eadem illius terra erat; Ecclesia, dicitur nostra Domina reliquiarum, & est domus multæ deuotionis, & à multis peregrinis frequentata: ipsa autem ante Virginis imaginem abiecta, suppliciter animum audiuit post se, quæ magnopere à Virgine suo Filio ægroto valetudinem petebat. Tunc inde occasionem cepit, ut & ipsa Virgini preces funderet, inquiens: Domina, si huius animum fidem haberem, salutem mihi tribueres.

Dum hæc verba diceret, & alia huiusmodi, quæ illius fidem declarabant, illius Domine virtute, & matris misericordie, se sanam esse factam statim cognouit.

Quo sic perterrita fuit, & tanquam attonita, ut ubi esset, profecto nesciret. Tandem confestim surrexit, & ad Comitissam suam matrem, quæ in eadem Ecclesia erat, se suis pedibus recepit, quæ pariter admiratione stupefacta est: & omnes, qui aderant in Ecclesia, qui erant multi, cum dies Dominicus esset, ceperunt conclamare miraculum: quod cum Coenobij patres audirent, Deo gratias agere ceperunt, & cantare: Te Deum laudamus. Postridie autem eius diei solemnem processionem, propter hanc causam omnes illius terræ sacris initiati fecerunt, in qua, & hæc nobilis femina fuit, suisque pedibus semper iuit, cum verum fuerit, quod superioribus nouem mensibus, nunquam ne gradum quidem sine ferula in altera parte, & ab altera alicuius brachio sustentata ire potuerit. At in posterum ita sana fuit, ut dicere solita esset, valetudinem datam à nostra Domina, ex lapide, & calce esse.

Cuius rei illud argumento est, quod nunc quotidie in Ecclesia à summo mane, usque ad horam, aut duas ante meridiem, genibus flexis sine ulla defatigatione perseuerat. In cuius beneficij memoriam quotannis, hæc illustris femina diem, quo sanitatem consecuta est, celebrat maxima lætitia in Virginis honorem, quem diem & famuli, & tota familia sanctificant, ut diem festum, ut huius miraculi memoria conseruetur. Cuius rei omnes illam terram incolentes, & huius Domine familia testes sunt, & Patres, qui in illo Coenobio commorantur.

Huius rei fama, statim multi ex finitimis locis concurrerunt, ut hoc opus viderent, quod fecerat Virgo Domina nostra, tam diuturnum morbum miserata. In quo licet videre non solum Deum miracula facere ad nostræ fidei confirmationem, verum etiam ut nonnullis necessitatibus, & morbis succurrat, quibus nulla humana industria mederi potest, ut hic morbus fuit una cum quatuor superius enarratis.

Præsertim cum vitæ integritas & puritas virginalis una copulantur cum morbo, sicut superioribus accidit, cum hæc virtus virginum virgini, & Agno, quam illæ sequuntur, quocumque eat, tam grata sit.

*Fortis vir à barbaris hostibus immaniter cruciatus, Virginem
Deiparam inuocans, presentem inuocationis fructum magno
miraculo retulit. Cap. 92.*

Q Vando iam triennio è Creta Constantinopolim nauigassem, vniuersam illam urbem cum Galata simul in admiratione atque gaudio reperi non paruo propter singulare, ac inauditum multis temporibus Andreæ de Chio pro Iesu Christi professione martyrium. Fuit enim paulo ante mirabili constantia per gratiam Dei gestum. Nam ego quidem mense Nouembri applicui Anno ab Incarnatione Domini 1465. Andreas vero martyr Christi præcipuus 29. die mensis Maij eiusdem anni coronam martyrij misericordia Christi consecutus in cælos ascendit ad eum, pro quo multos cruciatus sustinuit. Verum, quod admirabilius rite consideranti videbitur, illud est, quod nisi Andreæ martyrium diuinitus destinatum diuinæ gratiæ ope tulisset, & animos eorum firmasset, magna in eos clades, ac ærumna ingens ab inimico generis humani procella in morem fuisset effusa. Quidam enim, quem honoris causa non nomino, ex Trapezuntana ortus Vrbe, Peripateticorum Philosophiæ professor, siue sua sponte, vt multi aiunt, siue impulsus nescio, nec si sciam, dicere ausim, Crucem Domini negauit, & Mahometo adhæsit. Quare Turcarum Rex elatus, virum quemdam, cuius nomen me fugit, ipsumque Trapezuntium militiæ peritissimum in carcerem coniecit, dignum ratus, vt Philosophum conciuem suum volens, nolenſue imitaretur; cupiebant enim eius opera vt in re militari. Cumque Christiano non confideret, ad Mahometum intendere cupiebat. At ille animo martyr dicebat: Philosophus in delicijs educatus maiore ipsarum spe, Christi Crucem negauit: ego autem qui pro Imperatore meo mortali tot tantosque labores cum Scythis bella gerens tuli, vulneraque excepi (dixit, & aperto pectore cicatrices ostendebat) pro Imperatore cælesti mortem timebo? absit à me tanta insania. Quæ mens præterea esset mea, vel potius quæ stultitia, veritatem doloris fugiendi causa prodere, ac æterna, cælestiaque regna repudiare, Mahometoque adhærere, vt bellorum labores subeam, pericula magna pro Imperatore mortali suscipiam, gladios in Christianos ipse natus distringam? & denique in mortem ruere, quam fugiendam censuit philosophus, vt in æternam, ac veram mortem deferar præceptis? Hæc ille.

Verum dum hæc Constantinopoli fierent, Andreas febribus grauiter laborabat, cælibemque se perpetuo fore Reginæ Misericordiæ Virgini vouit, si euaderet. Sedatis illico febribus, paulo post quasi ex morte surrexit, & albis se vestimentis induit, vt scilicet numquam obliuisci posset mundiciæ corporis, quam Creatoris obtulit Matri. Constantinopolim deinde petijt, non vt Mercator, aut vagus quidam magnarum Urbium visendarum cupiditate. Summa enim in iuene viginti & septem annorum grauitas, atque constantia illucebat. Raro quis inane verbum ab ore ipsius excidisse audiuit: à ioco enim penitus erat alienus. Cur igitur iuit? à gratia Dei, vt ego arbitror, ad martyrium vocabatur, vt & ipse in cælis Christo cum alijs Martyribus assisteret, & omnibus prodesset, qui Philosophi siue leuitate, siue terrore fuerant conturbati. Statim cum in Vrbe applicuit, accu-

*Ex Georg.
Trapezun-
tio referen-
te Pet. Can-
nif. lib. 5. c.
19. de Ma-
ria Disp.*

satus fuit, quod cum Christianis conuerfaretur, Ecclesiasq. viferet; quasi Christianus summa cum religione, ac deuotione homo, qui Crucem Alexandriæ negauit, conculcauit, spuitis fœdauit, & demum in stercora proiecit. Hæc mercatores Aegyptij, qui tunc in Vibe aderant, ad Iudicem detulerunt, seq. ipsos vidisse eum negantem, confitentes quod Mahometo adhæreret, audiuisse attestabantur. Trahitur in iudicium Andreas iniquum, accusatio- neq. recitata, nunquam se à Chio, vbi natus, educatusq. fuit, nisi tunc, recessisse affirmabat, idq. multis testibus approbat, vniuersamq. Chij Ciuitatem hoc ipsum scire aiebat. Iudex iniquus hac in re non esse audiendos Christianos censebat. Tunc Christianorum testimonium in huiusmodi causa refutandum est, inquit, Mahometistarum quoque similiter non recipiendum. Nam sicut nos Christianum falso accusatum iuste defendimus, sic Mahometistæ accusationem suorum veram esse contendunt. Quare prætermisiss testibus, res ipsa quærenda est. Non aliter igitur, quam Iudæi secundum Mosaicam legem circumcidi suos Propheta vester iussit. Quare si genitalia huius membra simili nota læsa sunt, morte iure plectetur; sin minime cum ipsa re causa determinatione sua, & nihil ambiguitatis hominum animis remanebit. Spoliatur interea Miles Christi, nudusq. a tanta multitudine aspicitur: nullum in eo indicium, nulla circumcisionis macula, nullum Mahometistarum apparet vestigium. Exclamant ex læticia Christiani. Confunduntur Aduersarij & victi penitus consternantur, nisi diabolico astu adiuti exposuissent moris esse in Aegypto minores homines ætatis circumcidi si volunt, si vero abhorrent circumcisionem, nullo modo cogi posse, quoniam melius sit lucrari animam hominis ex toto nobis corde adhærentem in ceteris omnibus præter circumcisionem, quam reijcere, quoniam circumcisionem reformidet. His rationibus, vel magis quia sectæ fauebat suæ, confusus Iudex nullam se pronunciare sententiam velle in re tanta dixit, nisi Regem consuluerit. Ita enim moris est in causis ambiguis, atque arduis. Regem igitur, in carcerem coniecto milite Christi, consultum adiit, cui omnia cum retulisset, interrogatus de ætate ipsius, habituq. omni corporis. Iuuenis inquit ipse, animo inuictus, atque magna statura, grandibus ossibus, atque neruis conuallatus. Rex, qui tales homines in militia habere cupit: Vade, inquit, & primum illi, si noster voluerit esse, offerimus Centurionatum in militia nostra: deinde prout in virtute ipsum valere conspexerimus, ad maiora prouehemus. Quod si beneficijs non commouebitur, minis, atque terrore ipsum concutias, & si neutra poteris præualere via, capite plectas.

Altero igitur die producto ipso, primum Regis pollicitationes proponuntur mirabili cum amplificatione, quod caput statim eris Andrea, centum milium, & à priuatorum tractus conditione cum Principibus connumeraberis, quod facile virtus, & diligentia tua extollet te ad maiora. Verum cum Martyr Christi nihil respondendo contemnere oblata videretur, qui circumfusi erant veritatis hostes, alij argentum, atque aurum, alij vestes, alij suppellectilem variam pollicebantur. Cumque in silentio acrius perseveraret, quid inquit, ne verbis quidem tuis nos dignos putas? Digni quidem (ait) vos estis multo maioribus, quam ego dicere, aut excogitare queam: sed res, quas offertis, nulla responsione sunt dignæ. Quid enim caducam hanc vi-

tiam,

tam, atque mortalem putatis magni aliquid habere, quo caelesti sit præponenda? Erras, ipsi respondent: nam nos & ad illam tibi viam aperire studemus, & hanc insuper tibi felicem reddere conamur. Non cohærent, inquit, caduca æternis, non felicibus misera, non prophana beatis. sed quid opus est verbis? ego felicitatem huius seculi nihili facio: ego crucem, passionem, sepulturamq. Christi mei, auxilio illius fretus nunquam negabo, statuite in me quicquid malueritis: vnum rogo, ne me verbis amplius tentetis.

His dictis coniectus illico in carcerem, vinculis catenatus, pedibus atque manibus alligatus, ad meridiem sequentis diei, qui fuit 20. Maij, iacuit. Post meridiem statim pertrahitur, & in partem Urbis, quæ Orientem spectat, prope mare ducitur, vbi ad palum nudus alligatus, flagellis, atque loris caditur, acriusq. quam dici possit, principio flagellorum, & verberum contremuisse dicitur, & manibus ad pectus contractis, ac digitis in pugnum compressis, magna exclamasse voce: Virgo Maria, adiuua me. Inde pedibus altero ad alterum adductis, stetit rectus in eisdem vestigijs, mirabile dictu, vsque ad Solis occasum. Interea dum miles Christi his cruciatibus exercetur, Trapezuntius ille, de quo supra retuli, e fenestra Turris, in qua fuerat inclusus, prominens clamabat: O felicem Christianum! ò beatam quæ te genuit, Insulam! ò nobilissimum, atque omni laude dignum genus, vnde ortus es! vtinam istic essem tecum, vt eadem paterer pro Christo. Hæc, aliaq. vociferabatur, martyrij coronam, vt arbitror, desiderans. Carnifices autem Andrea reducto, multis pretiosa membra flagellis, lorisq. fæde dilacerata, vngunt vnguentis, cibum quoque atque potum ad fulciendam in corpore animam, ac Medicorum consilio, quorum multi ac peritissimi aderant, obtulerunt, & aquam, in qua non paruum defecati auri pondus bullerat, conducunt ad bibendum. Id faciebant, quo longior vita eius aliquid ad negationem Crucis afferret, simul & ostenderent, quanti vitam facerent eius; forte etiam, quoniam cum Christianis enutriti, & nonnulli eorum Christiani fuerint. Nec ignorabant, quomodo Martyres Christi olim in die cruciabantur, & in nocte conualescebant. Quare timentes, ne id diuinitus eueniret, medicamentis suis occultare veritatem studebant.

Vigesima prima eiisdem mensis die rursus producit, denudatusq. ferreis vnguibus tergora, & quæ pridie eius diei fuerunt flagellata, dilacerantur. Nec quicquam aliud fecit, dixitq. Miles Christi, quam quod prius contremuit in principio, manusq. ad se adduxit, digitos in pugnos contraxit, pedes in eisdem vestigijs tenuit, magnaq. voce clamauit: Virgo Maria, iuuua me. Sic Trapezuntius etiam eadem quæ pridie vociferabatur, è turri iterum atque iterum repetebat. Adueniente nocte vnguentis illinitur, similiter & medicamentis, atque aquis, in quibus magna virtus auri fuerat infusa, sustentatur, quasi charam Crucis hostes salutem eius haberent, magnam ijs rebus inesse virtutem prædicantes, Spiritus sancti gratiam in Medicorum peritiam, cibiq. ac potus commoditatem deriuantes. Illucescente namque die sanus omnium Martyr Christi apparuit: quæ res medicamentis fieri non potest, quæ cum naturaliter agant, longiore indigent tempore, frequentationeq. conueniente, ne digesta in dubium aliquid conferant, quod tamen minime facere possunt, si denuo corpus, ac sæpius exagitetur, siue etiam atrocius crucietur, quæ virtus opem afferre potest, præter diuinam, profecto nulla,

Vigesima secunda eiusdem mensis die, producitur similiter post meridiem, ac manus, & pedes sic torquentur, ut ne digitorum quidem articuli, nec cubitus, nec genua in locis suis remanerent, sed locis suis omnia salirent, qui dolor maximus omnium est. Cetera similiter gesta, dictaq. non ab ipso solum, qui tamen nihil aliud, nisi, Virgo Maria, iuua me, in principio dolorum, idq. semel clamabat, verum etiam à Trapezuntio illo, qui martyrii sic expetebat, ut multis etiam Mahometistis audientibus sapius repeteret, quæ dicta superius sunt. Medicorum quoque diligentia similiter, imo etiam maior fuisse dicitur.

Vigesima tertia die incolumis, sanusq. non Medicorum arte, sed illius primi martyris & Domini omnium Iesu Christi productus Andreas, nouo genere cruciatus vexatur: humeros carnibus per gladios denudant, studentes semper ne celerior mors ipsum inuaderet. Sperabant enim, si non acerbitate, ac magnitudine dolorum, attamen diurnitate se victuros: sed derisi tandem iacuerunt. Declinante die reducitur, sicuti superioribus diebus, dictis, factisque, medicamentis quoque non aliter, quam prius adhibitis.

Die vigesima quarta eiusdem mensis eodem modo fiunt omnia, eodemq. in loco, quo in die clunes carnibus nouaculis spoliantur non subito, sed cum mora, ut doloris acerbitas magis sentiretur. Cetera omnia similiter acta, ut in superioribus diebus, dictaq. eodem modo etiam à Trapezuntio martyre animo, atque voluntate, qui illis diebus, quibus Andreas patiebatur, similiter è turri clamitabat.

Die vigesima quinta partes pedum, quæ inter genua, clunesq. sunt, carnibus similiter denudantur. Cetera eodem modo, dicta gesta, fuerunt. Vigesima septima die femur, quæque circa ipsum sunt, corporis partes exco-riantur. Vigesima octaua die totum corpus à capite ad pedes verberibus ceditur, ut doloribus renouatis tandem moreretur. Maxilla quoque vna, vno ictu denudata carne fuit, quam Christiani rapientes, seruauerunt, fuitq. in Monasterio B. Francisci, inusitato fragrans odore atque mirabili.

Vigesima nona eiusdem mensis die, anno primo Pontificatus Pauli Papæ secundi, ultimo producitur Andreas de Chio Martyr Christi præcipuus in locum solitum, ad orientalem vrbs partem prope mare sanus, viuax, vultu læto, decora facie. Mahometistæ his rebus moti, medicamentorum virtute sic factum asserabant, & ingratitude illius accusantes: Non vides clamabant, Andrea? tuæ vitæ cura nobis habita est, nostro studio, imo Regis ipsius incolumis es, & virtute medicamentorum, & Mahometi gratia, qui te vult deliramenta Christianorum de Cruce ac passione I E S V despiciere. Quæ beneficia quoniam ingratus non sentis, morte morieris. Non est mors sic mori (ait ille) sed vita. Quare nolite putare me verbis terreri posse: nec medicamenta profuerunt, quippe quæ vel in minimis vulneribus vix post multos dies aliquid afferre possunt. Me autem Crux Domini nostri Iesu Christi, & Virgo Maria, ad hunc diem conseruauit, atque reseruauit. His dictis, securi caput supposuit, & ad cælestia Regna euolauit. Tunc mortis eius ministri, ut Iudex iusserat, caput, & truncum corpus trahere velociter ad mare conatur. Exclamant Christiani, qui lachrymis effusis circumstabant, quorum magna erat multitudo, sepeliendum esse mortuum, non in mare proijciendum. Illis resistentibus, Regiam aiunt maiestatem esse consulendam,

dam, sepelirine velit ipsum iam mortuum, an in mare proijci. Hoc audito ipse Iudex ad Regem procurrit; nec enim licet Iudicibus, quando Regē consulendum esse audiunt, quicquam facere ulterius, nisi Regi prius referant. Sed Christianorum quoque Primates quamuelociter poterant, Regem adeunt, qui cum percepisset, quibus cruciatibus, & quandiu vexatus fuit Andreas, efferbuisse ira dicitur, & verbis in Iudicem sic atrocibus usus fuisse, ut exanimis ne mutiret quidem Iudex iniquus, sed ea ira, & illarum ingentes minæ simul cum verbis euauerunt. Christianis deinde iubet, ut Andream honorifice, sicut decet, virum fortem, sepeliant. Qui appposito capite corpori suo ad Galatam deportarunt. Aderat autem vniuersus vtrarum Vrbiū, Galatarum atque Constantinopolis populus, viri simul ac mulieres, pueri, atque puellæ, liberi, atque serui, nec Christianorum solum, verum etiam Mahometistarum multi admiratione commoti, non pauciores quàm decies decem millia, qui omnes alij lachrymantes, alij laudes eius prædicantes, & alij constantiam, ac robur animi, alij prudentiam atque grauitatem, alij contemptū humanarum rerum, multi fidem in Iesum Christum, in Crucem, & passionem eius, & in immaculatam Virginem deuotionem narrantes. Tandem in Galatarum partem extremam versus Ortum mari contiguam deueniunt, vbi est Ecclesia Virgini Maris, si recte memini dicata, ibi depositus iacet.

His itaq. gestis, magna Rex exarsit cupiditate Trapezuntij viri illius, de quo supra diximus, liberandi: sed quia honeste id facere, nisi rogatus, non posse indicabat, per quasdam, ut dicebatur, mulieres effecit, ut vxor illius pro marito supplicaret suo. Sic mors Andreæ, atque martyrium, illum quidem palam, sed multos quoque alios à periculo liberauit, multos in fide orthodoxa confirmauit, eos qui ante hoc martyrium quauis ratione, Mahometo adhaeruerunt, pudore confudit, mæstitia affecit, ac inani denique poenitentia & vexauit, & vexat. His omnibus ego vehementer commotus, ardebam desiderio videndi corpus eius; sed niue, frigore, glacieq. detentus, hiemis, marisque tempestate illic fui vix mense Februarij; eam mihi oranti gratiam Deus intercessione Martyris concessit. Vndique ipsum iacentem in sepulchro nimium profundo, situ horrido, ea tamen integritate membrorum omnium, & totius corporis colore, & dignitate formæ, tali vultus splendore, & habitu, ut non animam expirasse, sed dormire mihi leuiter sub umbra videretur. Atque iacebat loco ita humido, ut omnibus iam indumentis, quibus erat inuolutum corpus, putrefactis, nudum totum conspiceretur, præterquàm quod genitales partes fragmento lini obtegebantur. exarsi tamen cupiditate descendendi, tangendi, osculandi pedes, manus, faciem præcipui Martyris, nec tantum loci humiditas, descendendiq. difficultas, quantum verba Presbyteri custodis, & spes posse id me alias commodius facere, detinuerunt.

Aleator, Mariam Virginem blasphemans, punitur horribiliter in ore. Cap. 93.

SI qui autem aliqui reperti sunt, qui aliquando illam, non beatam prædicauerunt, sed blasphemarunt, cælestem vltionem experti sunt, sicut contigit cuidam ludis dedito, qui cum luderet aleis, & pecuniarum fecisset iactu-

iaſturam, ſubito ira accéſus beatam Virginem blaſphemare auſus eſt. Quod cum feciſſet, os eius contortum factum eſt tam ſæde, vt monſtro ſimilis eſſet; decidiq. in terram ſemimortuus, qui cum tā immaniter torqueretur in vehiculo poſitus eſt, & conſternatus in Domum eiſdem magni Prælati, cui ſeruebat, deductus eſt. Hoc retulit nobis Horatius Alterius nobilis Romanus, cum in Villa Carboniani nobiſcum eſſet, aſſerebatq. eo tempore illum adhuc viuere. Erat autem Aleator iſte vir in ceteris probus, & eleemoſynarum largitor, ſed cum in ludo erat, iracundiam excitans non erat ſui compos, ſed execrabiles blaſphemias eructabat. Hæc autem Patritius iſte proprijs ſe oculis viſiſſe teſtabatur.

Diues & leproſus inuocans B. Virginem, & ad domum Virginis centum aureos mittens in eleemoſynam, lepra mundatus eſt.

Sed ingratus, & perſeuerare volens in peccato, reſtitutis aureis, ruruſus lepra percutitur, & occiditur.

Cap. 94.

IN Ciuitate Theatina, quæ eſt apud Brutios, erat quidã vir ditiffimus, qui pene maiorem partem facultatũ ſuarum ſœnore comparauerat. Hic Deo vlcifcente in corpore, quod in ære male quæſuerat, lepra percuſſus eſt. Cum autem quadam die grauiffime hoc morbo torqueretur, B. Virginem inuocans, deliberauit mittere eleemoſynæ gratia centum aureos ad Domum Lauretanam, vt ipſa impetraret ei ab eius filio ægri corporis munditiem, certoq. confidens ipſam ſibi hanc gratiam eſſe præſtaturam, & à lepra eſſe mundandum. Quamobrem centum cepit aureos, & in crumena abſcondit, deditq. famulo ſuo, ad ſanctiſſimam Domum perferendos. Profectus eſt famulus, & pecuniam Domini attulit, numerauit, accepta ab Aſtoribus fide de numerata pecunia. Et ad Dominum ſuum reuerſus inuenit eum, mirabile dictu, terribili lepra liberatum. Quamobrem Diues accepto cæleſti munere, & tanta ſalute lætatus, cæpit exire de Domo, & conuerſari cum hominibus, qui videbant eum, & ſtupebant. Quadam autem die comitabantur eum duo nobiles viri, qui de impenſa ſibi à Virgine gratia, gratulabantur ei; cumq. illis præ gaudio monſtraret manus ſuas mundas, ſicut pueri, tunc alter ex illis, qui ei amicitia coniunctiſſimus, dixit ad eum cum magna animi benignitate: Domine, admoneo te, quanta poſſum charitate, vt poſtquam tam magnum beneficium tam incredibili miraculo conſecutus es, manus tuas mundas amplius ſolitis ſœnoribus non coinquines, ne lepra, quæ ob ſœnora te percuſſit, iterum reuertatur in idipſum, aut deterius aliquid tibi forſan contingat. Hæc autem verba, magna animi modeſtia ab illo in ſœneratorem prolata ſunt. Tunc Diues ille ad eum ſubridens: Si ſœnerari peccatum eſſet, Beata Virgo mecum ſœnus non exercuiſſet. Oportuit enim pro ſanitate recuperanda, centum aureos me mittere ad illam. Quod cum audiuiſſent nobiles viri, proruſus ſcandalizati ſunt, & acriter increparunt illum, quoniam tam nefanda verba, & ingratitudine plena dicere auſus eſſet, videntesq. illum in ſua opinione pertinaciſſimum reſceſſerunt ab eo. Diues autem totus iracundia commotus, & viris illis

illis infensus, reuersus est in domum suam, & facto vespere postquam coenauit, turbatus in cubitum. Media autem nocte expergefactus & clamor ab eo factus est tam grandis, ut totam Domum eiulatu impleret, dicens: Hei mihi, hei mihi, ferte quæso opem, quoniam morior: hei mihi, quoniam euadendi remedium non inuenio. Vxor autem eius tam magno clamore perterrita facta, surrexit, & iuit ad virum suum, dicens, quænam tanti clamoris causa esset? Cui ille. Hei mihi, quoniam lepra iterum percussus sum, & magis me torquet, quam prius, ita ut moriar: actum est de vita mea: En subter renes meos sentio quasi titiõnem igneam, cuius ardore nimis crucior. Tum vxor miseratione mota cum videre voluisset locum, in quo cruciabatur, ibique crumenam cum centum aureis, quos ad Lauretanam Domum transmiserat, inuenisset, eamque cum ostendisset viro, exclamauit, ille dicens: Veh mihi misero, qui damnationem expecto, & video qui rapit, & non est, qui eripiat; clausit Virgo aures, ne amplius audiat vocem meam. Cumque ita locutus fuisset, iusto Dei iudicio, miserabili morte consumptus est. Ut B. Virgo virtutem & potentiam suam non solum miserando, sed etiam aliquando castigando demonstraret. Et sciant non solum præterita, sed succedentia secula eam esse beatam, & gratia, gloriaque plenam, & omnia posse in filio suo, Deo nostro. Sed hæc hæc hactenus.

De noua admiranda, ac gloriosa sublimi Diuinissimi Verbi Incarnati Natiuitate, quæ supra naturæ ordinem ineffabiliter in mundo facta est. Cap. 95.

INter omnia mirabilia, quæ post orbem conditum in terris gesta sunt, nihil tam admirabile, tam insolitum gestum est; nihil ita humanum intellectum præ magnitudine rei superauit, quam cum æternum Verbum, Dei filius, in sinu Dei patris requiescens, factus homo inter homines nasci dignatus est; cuius quidem Natiuitas ineffabilis prorsus & cælestium arcanorum plena est, tantisque referta mysterijs; & sacramentis, ut ratio diuini consilij sapientibus mundi patere non possit, nisi humanæ ignorantie tenebras lux veritatis excusserit. Et eo magis maiestas, & dignitas tantæ Natiuitatis occulta est, quo exterius ante corporis oculos, nihil nisi humanum, & humile præferebat: ita, ut nullus, nisi qui à Deo eruditur, & spiritu eius regitur, augustissimum hoc sacramentum diiudicet, qui solus, secundum lucem à cælo in cor suum dimissam percipit Iesum Christum Dominum Dei filium, Deum ante secula genitum, & Patri sempiternum, & consubstantiali æqualitate coæternum venisse in hunc mundum per vterum Virginis, & propter nostram salutem exinaniuisse seipsum, & velamine corporis splendorem maiestatis suæ, quem homo ferre non posset, nisi mori vellet, obtexisse. Quia in re sibi ipsi factus inferior, nihil tamen sibi hac inclinatione diminuit, in nullo sempiternum, & excelsa eius gloria carnis assumptione diminuta est, quia diminutionem & varietatem summæ & æternæ essentiae natura non recipit, æqualitatem enim inuiolabilem, quam habet Deitas, non corrumpit humanitas, sed Creatoris ad creaturam descensio, credentium est ad æterna prouectio. Sed super exaltata est misericordia eius, & bonitas summa, & diuinorum virium potentia, miserando, & consulendo hominibus in puluere peccatorum

catorum iacentibus ostensa est, ut nostram naturam, quam condidit, quæque in primo homine cecidit, ad pristinos antiquos honores restitueret, mortemque quam non fecit, sed sustinuit, nouus homo nascendo, & moriendo destrueret; huius autem splendoris manifestatio facta est, cum Christus mundo apparuit. Cum enim omnia inuincibili sua maiestate replet, tum quasi de remotissimo, altissimoque secreto ihs, quibus erat ignotus aduenit, cum cæcitate ignorantie sustulit, factusque est nobis gradus, quo ad ipsum per ipsum possimus ascendere. Nam illa essentia, quæ ubique semper tota est, locali distinctione non eguit, & tam ei proprium fuit totam homini inesse, quam ei proprium est, totam à patre non diuidi. Manens ergo, quod à principio erat verbum, non fuit ei accidens, ut quod est, aliquando non fuisset. Nihil hic igitur fidelium cordibus caliginis inferat terrena sapientia: nec se contra altitudinem gratiæ, mox in ima rediturus terrenarum cogitationum puluis attollat. Impletum est in fine seculorum, quod erat ante tempora æterna dispositum, & sub præsentia rerum signis figurarum cessantibus lex, & prophetiæ veritas facta est, ut Abraham fieret omnium gentium pater, & in semine suo daretur mundo promissa benedictio; ne ihs tantum essent Israel, quos sanguis, & caro genuisset, sed in possessionem hereditatis fidei filij præparatæ vniuersitas adoptionis.

Non obstrepant ineptarum calumniæ quæstionum, nec effectus diuini operis ratiocinatio humana discutiat, sed quod ratio superba non comprehendit, attingat humilis fides; & audiamus sanctos Euangelistas, testes à Deo præordinatos, qui admirabile hoc mysterium mundo aperuerunt.

Cum igitur summi Regis aduentu longa Patriarcharum, Prophetarum, & Regum pompa præcessisset, iam tempus aduenerat, ut misericordia, & veritas sibi obuiantes, & iustitia, & pax seinuicem exosculantes, cælesti germine veritas de terra oriretur, iustitiaque de cælo prospiciente, dante Domino benignitatem, daret terra fructum suum, & iam appareret germen Domini in magnificentia, & gloria, & fructus eius sublimis. Iamque virga de radice Iesse egressa, & florem erat paritura; & lapis de monte sine manibus abscessus, mox futurus erat mons magnus; Et cæli roraturi desuper, & nubes iustum pluuere festinabant, qui descensurus erat sicut pluuia in vellus, & sicut stillicidia stillantia super terram. Iamque egressurus erat ex humili Bethlehemi, qui erat dominaturus in Israel, cuius egressio à diebus æternitatis, & qui quasi colonus futurus erat in terra, & quasi viator declinans ad manendum. Iamque Virgo, quæ conceperat, paritura erat Filium, & Deus nobiscum erat futurus, manducans butyrum, & mel, & qui adinuenerat omnem viam disciplinæ per sapientiam suam, & tradiderat illam Iacob puero suo, & Israel dilecto suo, sicut illis locutus erat, allaturus de cælo aurum sapientiæ, in terris videndus erat, & cum hominibus conuersaturus.

Ecce dies veniebant, quibus Deus, ut promiserat, suscitaturus erat Dauidi Regi verbum bonum, quod locutus fuerat ad domum Israel, & domum Iudæ, & germen iustitiæ, & oriturus erat miserator & iustus, qui facturus erat iustitiam, & iudicium in terra, vnde Iuda erat saluandus, & habitaturus confidenter, & hoc erat futurum nomen, quod vocarent eum: Dominus, Iustus noster; Deus absconditus, Deus Israel Saluator. Ecce Deus noster manifeste erat venturus, & visura erat omnis caro salutare Dei, & notus futu-

Baruch 3.

Hierem. 23

37.

Isa. 45.

futurus erat in conspectu omnium gentium, venturus de loco sancto suo.

Iam igitur per nouem mensium spatia is, qui nusquam non est, & mundi machinam pugillo sustinet, is cui calum & astra deseruiunt, cui omnes creaturæ obediunt, & omnia viuunt, latebat infans sub Virginis gremio, & qui in omnibus creaturis absconditus erat diuinitate, latebat in visceribus feminae, etiam humanitate.

Quando Maria Virgo, consilij diuini non ignara, intus monente Deo, parabat se ad iter capeffendum, ut Deum, mirabile dictu, in parua Cripta, in foramine petrae, mundo pareret.

Eo tempore cum Augustus vniuersum orbem Imperio suo subiugatum in pace possideret, iussit per editum, ut describeretur vniuersis orbis. Cum enim orbis bellis civilibus & cruentis, iam diu afflictatus fuisset, rerumq. *Swid. in his-* dominia remansissent incerta, & confusa, placuit Romanum orbem agris *tor.* diuidere, describere census, ut possessio sua nulli haberetur incerta, & ut descriptis hominibus, & opibus, ista opum portio in ærarium inferretur; Insuper tributa ordinaria instituit, alia in agros, alia in caput, ut capitum, *Sigon. de* fortunarumq. summam, quæ in imperio esset, cognosceret, ac Roma, & *lur. antiq.* Romani ciues ostenderentur rerum domini. Qua in re non sine Dei proui- *Italia li. 1.* dentia factum est, ut qui cunctos homines fecit, factus homo inueniretur *6. 21.* inter homines ascriptus, ut palam fieret, quod Dominus noster Iesus Christus ad Urbem Romam voluntate sua, in reginam Urbium eleuatam, & sublimem apicem euectam, cum natus statim esset, voluit pertinere, & fieri ciuis Romanus, census professione Romani, ut iure suo in dominatricem, Urbem sedem suam in æternum duraturam collocaret, & Regnum David patris sui ex perfida Hierusalem sublatum, poneret in Vrbe ista tanta firmitate, ut portæ inferi contra illud non præualerent, tanta diuturnitate, ut nullum finem esset habiturum. Quod & factum est, & hodie durat. Promulgato edicto, ibant omnes, ut profiterentur, singuli in suam Ciuitatem, parendi studio. Omnes, quotquot maxima tellus sustinet, & mare completur, mittunt nomina sua.

Censentur Parthi, Medi, & Elamitæ, & habitantes Mesopotamiam, & quos alluit Euphrates, & Araxes, incolæ Cappadociæ, Lyssiæ, Armeniæ, Bithiniæ, & qui habitant Pontum, & Asiam, Phrygiam, & Pamphyliam, & Aegyptum, & partes Lybiæ, & Aphricæ, Cretes, Arabes, & Thraces. Dat census Illyria, & Burnia, Macedonia, & quicunque trans Alpes incolunt, Galli, Germani, Belgæ, Saxones, & remotissimi Britanni, Poloni, Vngari: Siria quoque, Samaria, Iudæa, & finitimæ provinciæ omnes.

Ioseph quoque à Galilæa de Ciuitate Nazareth pergit & ipse in ciuitatem David, ut profiteatur cum Maria desponsata sibi vxore prægnante, & portante secum eum, qui portat omnia: pergunt per arctos Palæstinæ calles, & per montana Iudææ: pergunt, non tam ad nomen describendum in tabulis ad obsequium Imperatoris, quam ad trahendos homines, ut dent nomina, scribenda in cælis, in honorem Redemptoris; non tam ad censum soluendum, quam ad mundum redimendum; ut Reges intelligant, & erudiantur Principes terræ, Deum in terris humilem factum, & pauperem, ut pauperes, Reges faciat, & humiles ad sydera tollat, constituatq. eos Dominos, & Iudices vniuersorum. Ceterum mundi Principes, si iugum suum detre- *Psal. 2.* ctave-

clauerint, virga ferrea corrigat, & confringat sicut vas figuli.

Cumque peregre proficiscentes ad Bethlehem peruenissent, prospicit Ioseph, in oppidulum multiplicem virorum, mulierumq. turbam aduentasse, & per vias, & plateas, & porticus confuso ordine discumbere gentes, & hospitium omnia repleta hospitibus, & plena tumultibus, nec superesse locum, ubi quiescat, & videns sub parua Urbis moenibus astare specus sub rupe magna, & sub pendentibus saxis, cuius latera exarsae cautes circumcingebant, ubi coloni post labores, aliquando secedebant cum armentis, & gregibus, tunc ductus à spiritu, ad petrae illius foramen se recipit cum Maria, ubi super stramen Mariam comitem collocat. Sedebat Regia puella super fenum, sed animo erexerat se usque ad caelum; audiebat circum oues balantes, & boues mugientes, sed spiritu intuebatur supra caelos, Angelos laudes Dei canentes.

Dumq. puris animi alienationibus, sanctisq. cogitationibus, & praesentia sua speluncam illam sanctificat: Nox interim in suo cursu medium iter habebat, & tacito motu currebant sidera, filebant syluae, filebant volucres, ferae, & pisces, placidusq. somnus agra mortalium pectora possidebat, & Ioseph longo itinere fractus in gelido antro languidum caput declinauerat. Maria vero spiritu Domini afflata, & virtute Altissimi circumdata, diuinam lucem antrum illuminantem conspicit, caelestesq. cantus ineffabili dulcedine plenos auribus hauriens, supra morem amore ardens, & spiritu feruens, mente rapitur ad caelum, patitur diuina, inebriatur ab ubertate spiritus, sentitq. pudica sponsa adesse tempus, quo sponsus caelestis procedat de thalamo suo, tollensq. virgineos oculos in caelum exultat gaudio, fruiturq. Deo, animumq. suum diuinis consolationibus explet, nihilq. suo cum corde caducum, nil mortale cogitans.

Interim iubente Deo, caelestes Angelorum Hierarchiae, Cherubim, & Seraphim, Throni, & Dominationes, Potestates, Virtutes, omnes denique Angelici spiritus, habitatoresq. caelestes relinquunt caelestia, & in beatam Cripnam conuolant, quae illa hora (mirabile dictu) sicut caelum, lucida facta est.

Tunc Regina Angelorum charitatem cordis sui, qua aestuabat, diffundens, & amore tacta in visceribus suis optauit sempiternum Patrem elargiri mundo sempiternum filium in utero suo latentem sub carne, ut veniens in mundum veniret omnia bona pariter cum illo, & caelesti thesauro hominum paupertatem locupletaret. Quando spectante caelo, stupente natura, Maria Virgo peperit filium suum vnigenitum opus admirabile, insuetum, ingens, sicut rosa profert odorem, sicut stella parit radium splendoris, sicut planta producit florem, sic alma Dei Virgo sanctum genuit genitorem, deditq. perduto Mundo Saluatorem. ille praemissus tot legalibus ceremonijs, tot Prophetarum oraculis promissus sponsus Ecclesiae, de thalamo suo egreditur. In via, via ipsa nascitur, veritas, & vita.

Exijt Sol, expectatio gentium, de tabernaculo suo: exijt, & exeundo virginitatem Matris non minuit, sed sacravit, non sustulit, sed foecundauit; sicut enim claritas solis vitrum absque laesione penetrat, & sicut specularia purum admittunt solem, & lux ipsa pertransit, tenebras laxat, & discutit umbras: ipsa ramen manet illaesa, non peruiua vento, non pluuiæ, sed peruiua soli: & ut radius oculorum tranquillo, & claro liquori sine scissione & diuisione immergitur, ut usque ad ima vniuersa rimetur, sic Dei verbum adiit virgi-

virgineum habitaculum, & inde prodijt clauso Virginis vtero, & qui facile extra Virginem posset corpus creare de nihilo, facile potuit corpus acceptū de Virgine, extra sine carnis scissione trajicere. Neque enim legi naturæ se subdidit, sed legem naturæ subdidit sibi.

Grande spectaculum, prodigiosum opus, obstupefcit natura rerum, Virgo procreat sobolem, nullum procreandæ sobolis experta consortem, & venienti in vitam homini, per vnus ministeriū confertur munus duorum. Creator ex creatura sua nascitur, & fructum ventris sui mater innupta miratur, & femina authoris sui, author efficitur. Quid prius mirer? quidue postremum? quod sine conceptu, idest, sine virili congressu est collata fecunditas, an quod per partum magis est glorificata Virginitas?

*Euseb. Emis.
vel potius
Eucherius
hom. 2. de
Christ. nat.*

Exultat Mater salutis humanæ, & prima omnium aduentum summi Regis suscipit, inenarrabili gaudio perfusa, intuetur spem terrarum, decus seculorum, & quod concupiuit Abraham, vt videret, & multi Reges & Prophetæ desiderauerunt videre, ipsa prima videt. Miratur pulcherrimi infantis alabastrina membra, luce puriora, miratur regium caput, fuluos crines spectabiles, supra aurum micantes. Frontem serenam, oculosq. syderibus clariore, genasq. candidas, & rubicundas, & in labijs purpureis diffusam gratiam. Miratur pectus, miratur latera, pario marmore candidiora, miratur & imperium eius super humerum eius, manus tornatiles, & aureas plenas hyacinthis, quæ futuræ erant magnarum rerum operatrices; speciosos pedes super maris vndas ambulaturos videt, lætatur, stupet, & cum specioso filio supra filios hominum miscet amorem, præque magnitudine amoris se continere non potest; quasi gutta cupit adhærere mari, dumq. certat cum summo amore, summaq. reuerentia, illo attrahente, vt fruatur tam pulchris; hac suadente, ne audeat, ac contingat tam sacra: vincit tandem amor, quo permota, statim attrectat infantem, amplexatur amantem, & labellis labia ad-mouens iungit oscula, porrigit mammillas lacte de cælo plenas; & gustat, & videt, quoniam suauis est Deus.

Vniuersus vero Angelorum exercitus, innumerabiles cælestium spirituum myriades, contuentes rerum Dominum inuisibilem & immortalem sedentem ad dexteram Maiestatis, nunc carne vestitum, secundum præsentiam humanitatis visibiliter mundo apparuisse, & Patrem æternum Filium suum primogenitum, secundum diuitias bonitatis suæ introduxisse in orbem terræ, ceciderunt in conspectu eius in facies suas, & adorauerunt illum, dicentes: Benedictio, & claritas, & sapientia, & gratiarum actio, honor, virtus, & fortitudo Deo nostro in secula seculorum; & plenum erat præsepe à Maiestate eius, & clamabant alter ad alterum: Sanctus, Sanctus, Sanctus, Dominus Deus exercituum, plena est omnis terra gloria eius: Sanctus Deus, Sanctus fortis, Sanctus & immortalis, laudabilis, & gloriosus in secula: & commota sunt superliminaria cardinum præsepis illius à voce clamantium, & domus repleta est splendore. Et ecce denuo facta est multitudo militiæ cælestis, laudantium, & dicentium: Gloria in altissimis Deo, & in terra pax hominibus bonæ voluntatis. Et factum est, postquam cecinerunt Angeli in spelunca, discesserunt, & ascenderunt in cælum, tunc Bos animal irrationale ad præsepe iacens (audite cæli rem admirabilem, & auribus percipe terra) cognouit Dominum suum, & Asellus iners cognouit præsepe Domini sui,

Heb. 1.

fui, quaq. potuerunt ratione, dimissis auribus, palpitante poplite salutauerunt Creatorem suum, quem populus eius insipiens, & tardus corde ad credendum, non intellexit, & non potuit, vt cognosceret.

Ioseph vero, cum vidisset spectacula inaudita, & non amplius visa in terris, magnum Dominum tam paruulum factum; excelsum, & altissimum, & super omnes celos eleuatum, positum sub antro super palustre fanum; adorandum a Principibus celorum, manere inter media animalia, & rerum omnium Dominum factum egenum, & frigore obrigescentem, admirabatur iudicia Dei, & altitudinē consiliorum ipsius, & diuinam dispensationem, animiq. attonitus, & tam sanctis contemplationibus impar corrui, vultūq. pallentem in vtramque palmam dimisit, & hæsit immobilis, deinde resumptis viribus, animoq. suspensus, incipit diuinum inspicere vultum, cælestemq. lucem; & ferre non potens sanctum puerum frigore pressum, accenso igne, & calente lino tremulas plantulas fouet.

Virgo autem Maria, quamquam altissimis intenta cogitationibus, maternum tamen officium non deserit, sed teneri infantis mollia viscera componit, gremio aptat, fouet sinu, & pannis inuoluit, & alligat, & manus pedesq. & crura stricta cingit fascia. Decor animarum pannis inuoluitur; En quantum exinanitus est ille singulariter diues, & solus sibi sufficiens, vt qui celos luce induerit, pannis inuolutus sit! Quantum exinanitus erat omnipotens in teneris infantæ annis, & membris etiam sui impotens? Quantum exinanitum erat illud Angelorum ineffabile gaudium, cum in cunis vagiret, ac primi parentis ærumnam, & ærumnæ causam deseret?

Deinde Beatissima Virgo & Dei Mater gloriosissima, repleta scientia Domini, rapitur rursus supra se, menteq. sursum erigitur, & in altissima contemplatione defigitur, & conuersa ad patrem Deum toto corde vocem gratiarum, & laudis auditam facit in excelso, & thus suauissimum orationis suæ Domino adolet.

Moxq. conuertit intuitum in puerum suum, & videt intenta genitæ carnis fulgorem fulgentissimū, & splendorem sole pulchriorem, ignemq. diuinum non comburentem, sed viuificantem: Miratur se Virginem, Miratur se matrem, Matremq. Dei viui. Auditq. infantem (sic enim contemplari licet) in susurro leuis auræ loquentem: Ecce elegi te ex omni carne, & inter omnes mulieres te benedixi. Noli timere lactare, quem meruisti portare. Tum illa: Mi paruule, fili mi, quid igitur: te ne lacte nutriam? an vero, vt Deum colam? Tibine obsequium præstabo, vt mater, an vt ancilla cultum adorationis impendam? Te ne, vt filium amplectar? an supplex Deum inuocabo? Tibine lac porrigam? an offeram thymiana? adorabo te? offeram tibi sacrificium laudis? Orauit cor meum, ignis ardens, amor flagrans: thus suaue, affectus æstuans, & victima plurima sint oscula multiplicia, fili amor, fili dulcior super mel & fauum, conuerte ad me faciem tuam, & nutibus loquacibus, & blandulis ocellis redde mihi lætitiā natiuitatis tuæ. O nate pulcherrime, o Nate Deo, nate ex visceribus meis, amabilis, spectabilis, fulgide, blandule, lepidule, me sic, amore torques? me tanto incendio flagras?

O pulcherrima Dei proles, dulcissime rerum, & dulce decus matris, vita cordis mei, & pars mea Deus in æternum. Quid meditaris? quid pensitas? quo

quo te trahit amor? o dulcedo, o suauitas, o amator, quo nihil amantius; o amate, quo nihil iucundius; fruar te, inebriabor ab vbertate dulcedinis tuæ; fruar te Delicate puer, candida proles; respice in me, vulnerasti me in vno oculorum tuorum. Mi vnice, inclite infantule, iubilus cælitum, spes mortalium, Virtus, decor orbis, infige auida labellula tua papillis meis, trahe lac de pectore meo: Trahor ego in odorem vnguentorum tuorum, sicut myrrha electa, sicut balsamum aromatizans das odorem. Rosa rubicunda mea tu es, liliū meum candidum es tu, Crocusq. meum, te spirante spirāt omnia aromata: introduc me, venustas mea in cor tuum; ibi te diligam, dulcitus me: O stupor, o admiratio! o voluptas! quidquid amplector, Deus est; quidquid tango, Deus est; quidquid osculor, Deus est; hæc labia rosea, hi crines aurei, hæc membra niuea Dei mei sunt.

O speciose! pulchræ sunt genæ tuæ, sicut areolæ aromatum; oculi tui sicut stellarum: labia tua, sicut lilia distillantia myrrham primam, absque eo, quod intrinsecus latet.

Da te mihi fruendum blande puellule, quam pulcher, quam pulcher es dilecte mi, bonum mihi est adhærere tibi, bonum mihi est sugere labellis tenellulas carnes tuas: caro tua verus est cibus, ibi abscondita est dulcedo mea, si tetigero carnem tuam, salua ero.

Infans paruule mi formosule, lux fulgidula, ne discedas ab vberibus meis, quid sic meos oculos amore feris, puer candidule? habes in corculo tuo plusquam tercentos amores, habes intra pectus plusquam mille charitates ordinatas, habes intus & extra igniculos fulgidulos innumerabiles: pone caput tuum super læuam meam, & dextera mea amplexabitur te. Adiuro te, vt diligas me, dilecte mi: pone me sicut signaculum super corculum tuum, pone me iuxta te, quia suauis est dilectio tua.

Audit infans, & fandi nescius, oculis mirabilia fatur.

Mater mea es tu: sponsa mea tu mihi es: pulcherrima mulierum, tota pulchra es, & macula non est in te: Quam pulchræ sunt mammæ tuæ genitrix mea: pulchriora sunt vbera tua vino, & odor vnguentorum tuorum super omnia aromata. Fauus distillans sunt vbera tua, mel & lac in vberibus tuis, & odor vestimentorum tuorum, sicut odor thuris. Hortus conclusus tu es, mater mea, sponsa, hortus conclusus, fons signatus vterus tuus, emissiones tuæ paradysus, & lac tuum dulce gutturi meo, memor ero vberum tuorum super vinum. Genitrix mea, suauis & decora; ne auertas oculos tuos à me, & diligam te. Columba mea tu es, perfecta mea, vnica mater mea, electa genitrix mea. Videbunt te filii Sion, & beatissimam prædicabunt, Reginæ, & laudabunt te, quia facta es, quasi aurora confurgens, pulchra vt luna, electa vt sol, amabilis vt Charitas ordinata. Suauis es in delicijs, sancta mei Genitrix. Floruit vinea tua, & flores fructus parturierunt. Tu es speciosa, specie tua & pulchritudine tua, intende & regna. In Sion firmata es, & in Hierusalem potestas tua, & radicabis in populo honorificato, & in plenitudine sanctorum erit detentio tua; adiuuabit te Deus vultu suo, qui te elegit, & prælegit te, & de medio tui non commouebitur.

Hæc vbi percepit à dilecto mater benedicta, anima eius liquefacta est, & suscipiens puerum iterum rapit oscula mille ex genis, mille ex ore, mille ex gutture, deinde reuolutum pannis, reclinauit illum in præsep̃io, factaq. est

K stipula,

stipula, & fenum lectulus eius, puer autem inter arcta conditus praeſepia vagijt.

Quod ubi conſpexit ſenior Ioseph, non remansit in eo ſpiritus, remq. alta mente repensans, admiratus est diuini conſilij altitudinem imperſcrutabilem, & vias eius in inueſtigabiles, & iudicia eius extimuit, vidensq. incommutabilem & incomprehenſibilem diuinitatem ſub inuolucro carnis, & carnis inuolucrum ſub pannorum inuolucro, & pannorum inuolucrum ſub tegmine ſani, conſiderauit in ſpiritu diuinarum rerum ſupereminentem celſitudinem, & agnouit inacceſſibile lumen non poſſe nobis aliter apparere, quam varietate velaminum circumuelatum. Vidit ibi totam mundi magniſcentiam, & rerum temporalium opulentiam ſub pedibus pauperis Dei ſtratam, & agnouit precioſiorem eſſe humilem paupertatem, regum opibus atque ſuperbia; viditq. ibi pauperes factos Reges, & honorificentius iacere in palea, quam diuites in purpura: Vidit diuitias putrefactas, aurumq. æruginatum, & decoloratum argentum, paupertatem autem factam Dominam rerum, totiusq. orbis ſibi poſſeſſionem vendicaſſe, Regnumq. tranquillitatis adeptam, & vſque ad regna cælorum prouectam: Vidit non eſſe glorioſum palatia ingentia, & teſta laqueata, & parietes pictos, & ſellas aureas, & lectulos ſericos habere, ſed honorificum eſſe his omnibus voluntaria paupertate carere: Viditq. ibi algas paluſtres & fenum terræ in auream migrari rationem, & ſaxeum tuguriolum margaritis precioſiſſimis contectum & fulgentibus lapillis conſperſum, vileq. pauimentum ſtratam auro mundiffimo & grādibus ſmaragdis: Vidit pauperculum nudum omnium poſſeſſorem omnia poſſidere, & magnitudine animi nulla re indigere: Et benedixit Deum, qui exaltat humiles & eſurientes implet bonis, & diuites, & ſuperbos dimittit inanes.

Exaſta temporis computatio, quo Chriſtus Dominus in terris natus eſt. Cap. 96.

Ecce igitur, quo modo filius Regis æterni, verus Deus de Deo vero, qui eum conſtituit hæredem vniuerſorum, per quem fecit & ſecula, ſplendor gloriæ, & figura ſubſtantia eius, portansq. omnia verbo virtus ſua, ſedens ad dexteram maiestatis in excelsis, completis omnibus, quæ de illo prædicta fuerant, carnis caligine ineffabiliter obuolutus venit, & apparuit in terris, & luxit nobis, ut doceret nos viam prudentiæ, ſaluaturus hominem, quem de limo formauerat, & viſus eſt iacens ſuper ſtramen in infimis terræ, nube carnis teſtus, ſplendor lucis æternæ, ante luciferum genitus, ſol iuſtitia, Rex gentium, & deſideratus earum, & legiſer noſter: Venit ſalutis auctor ad redimendum nos: ipſe enim & non alius propter nos homines, & propter noſtram ſalutem deſcendit de cælis, & conceptus eſt de Spiritu Sancto, & caro factus eſt, exiſtens perfectus Deus, & perfectus homo ex anima rationali, & humana carne ſubiſtens.

Anno vero à creatione Mundi, quando ab initio Deus creauit cælum & terram quinquies milleſimo, & centeſimo nonageſimo nono: à diluuiro, anno bis milleſimo nongenteſimo quinquageſimo ſeptimo: à Natiuitate Abrahæ, anno bis milleſimo quinto decimo: à Moyſe & egreſſu Populi Iſrael

rael de Aegypto, anno millesimo quingentesimo decimo: ab vnctione Dauid in Regem, anno millesimo trigesimo secundo, Hebdomada sexagesima quinta iuxta Danielis prophetiam: Olimpiade centesima nonagesima quarta: Ab Vrbe Roma condita septingentesimo quinquagesimo secundo, anno Imperij Octauiani Augusti quadagesimo secundo, C. Cornelio Lentulo & M. Valerio Messalino Consl. Herodis Regis anno vigesimo nono inchoato, toto Orbe in pace composito, sexta mundi ætate, mense Decembri, die vigesima quinta, Dum quietum silentium tenerent omnia, & nox in suo cursu medium iter haberet, omnipotens Verbum Iesus Christus, æternus Deus, æterniq. patris filius, factus ex semine Dauid secundum carnem, secundum spiritum sanctificationis, mundam aduentu suo consecrans, de Spiritu sancto conceptus, nouem post conceptionem decursis mensibus, in Bethlehem Iudz natus est ex Maria Virgine, & habitauit in nobis.

Et sic completum est, quod propheta, tamquam factum perspexerunt, dicentes: Paruulus datus est nobis, & Filius datus est nobis, & factus est Principatus super humerum eius, & vocatum est nomen eius, Admirabilis, Consiliarius, Deus, fortis, pater futuri seculi, Princeps pacis, & multiplicabitur Imperium eius, & pacis eius non erit finis. O Domine quam admirabile est nomen tuum in vniuersa terra; tu es Deus, qui facis mirabilia. Ita vt ceteris omnibus relictis mirabilibus Dei, quæ in natura videntur, iam amplius admirari non debeant mortales huius mundi artificium, non terræ stabilitatem, cum eam complectatur volubile firmamentum; non singulos dies, non lunæ defectus, & incrementum: non solem semper integrum, & laborē eius perpetuum: non temporū vicissitudines, in quibus quædam arent, quædam virent, & quæ mortua modo videntur, deinde reuiuiscunt.

*Cypria. ser.
de nativ.
& alibi.*

Sed illud ab omnibus, relictis rerum naturæ visibilibus stupore, admirandum est, Deum in vtero Virginis, omnipotentem in cunabulis, carnemquē imam summo Verbo adhæsisse, incorporeumq. Deum humani corporis tegumentum induisse.

In ceteris quodammodo aliquæ satisfaciunt rationes, hic solus completitur stupor, & Dei opera consideramus, & expauescimus, quoniam nouum fecit Dominus super terram. Nouum prorsus & inauditum, quod in materni angustijs vteri circumdedit intra se fragilis caro virtutem Altissimi, & ordinem rerum, cursumq. naturæ mirauit sapientia Dei, & ubiq. Diuinitas dilatata plenitudinem suam angusto vasi infundens, sic est circumdata muliebri vtero, vt vniuersa ambiret, implens omnia, excedens cuncta, intra se omnia continēs, extra vniuersa complectens. Nouum quod inuisibilis, factus est Deus visibilis, comprehensibilis, passibilis, & mortalis: & peregrinum, ab eius maiestate, quod puer in terris iuxerit vbera, & panniculis fuerit inuolutus: Nouum, quod conuenerit simul sempiterna diuinitas, & temporalis humanitas, & eo tenore veriusque naturæ facta sit vnitas, vt impossibile sit, quod iunctum est, ab inuicem separari. Sed & quod factum, in scrutabili consilio factum est; nam minoratio maiestatis, fuit prouectio paupertatis, nec altitudinem Dei in aliquo humilitas dispensationis dehonestauit, sed Dei bonitatem mirabiliter exaltauit, vt omnis lingua confiteatur: O domine, quam admirabile est nomen tuum in vniuersa terra! tu es Deus, qui facis mirabilia solus.

1/a 28.

Hierem. 31

K 2

Mira-

*Miraculum, quod contigit in puerperio B. Virginis in spelunca,
vbi Christus natus est. Cap. 97.*

*Beda de lo-
cis sanctis
c. 8.*

IN B. Virginis puerperio fertur accidisse miraculum. Nam in eadem spelunca, vbi Christus natus est, ad ea quæ vsus quotidianus exposcebat, è petra fluxit aqua, quæ numquam potuit exhauriri, sed mansit diutius diuinæ virtutis egregium monumentum. Hæc autem spelunca tota interiorius specioso marmore testâ supra ipsum locum, vbi Dominus natus specialiter traditur, Sanctæ Mariæ grandem gestat Ecclesiam: petra iuxta murum cauata, primum dominici corporis lauacrum de muro missum suscipiens, hætenus seruat. Quæ si qua forte occasione, vel industria fuerit exhausta, nihilominus cōtinuo dum respicis, sicut ante fuerat, plena redundat.

*Chrysost. in
Luc. 2.*

Percelebris semper fuit hic locus etiam apud Gentiles; sed cum Christi nomen, qui nascendo in hoc foramineterræ latuit, totus mundus veneraretur, tunc Christiani præ honore tulerunt lateritium præsepe, posuerunt argenteum.

Strenui militum Duces odio se prosequentes & ad singulare certamen descendere volentes, ingressi prius in Bethlehemiticam Ecclesiam, pacis spiritum susceperunt, & amici facti sunt. Cap. 98.

EOdem etiam in loco, vbi Christus natus est, & vbi Angelorum chori Angelicum canticum cecinerunt, & in terra pax hominibus bonæ voluntatis nunciata est, contigit aliquid temporibus nostris memoria dignum. Nam cum in Insulam Cypri, quæ tunc Venetorum potestati subdita erat, forte fortuna peruenisset nobilissimus Venetiarum ciuis ex Cornelia familia, qui postea à Iulio Tertio propter virtutum merita, Romanæ Ecclesiæ Cardinalis creatus est, videns se in conspectu esse Terræ Sanctæ, desiderio ductus videndi loca, vbi Christus Dei filius vestigia pedum suorum impressit, deliberavit nauigio peruenire illuc. Dum autem Triremis marinos secaret fluctus, duo viri ex ijs, qui eum comitabantur (erant autem ambo strenui militum Duces) verbis minacibus vtrinque contendebant, altercantes, ita ut alter alterum ad certamen prouocaret. Sed cum essent in Triremi, vbi stricto mucrone congredi vetitum erat, pugnæ congressus, donec peruenissent in terras, dilatus est. Peruenit tandem Triremis ad Sanctam Terram, statimque Cornarius suis sociatus comitibus, primum Ecclesiam Bethlehemiticam visitare voluit, cum autem ventum esset ad illam, & adorassent, statim spiritus pacis cecidit in corda illorum, qui simul configere constituerant, tantaque pacis dulcedine intrinsecus tacti sunt, ut vtrò nullo suadente alter in alterius ueret amplexum, & mutuis osculis internæ pacis signa darent, ut nullus ignorare posset, Ecclesiam illam verum esse locum, vbi Angeli cecinerant: Gloria in excelsis Deo, & in terra pax hominibus bonæ voluntatis: posteaquam in eodem loco Angeli pacis, pacis semina inter discordantia corda tam mirabiliter disseminauerant.

Consueuerunt Christi fideles etiam in diebus nostris, & in Ecclesijs & priuatis domibus construere præsepiola, vbi pueri Christi imaginem super fax-
num

num collocant, astante B. Virgine Matre, & B. Ioseph cum boue, & asello. Faciunt autem hæc, ut summi Domini excelsam natiuitatem fortius mentibus repræsentent. Sicut autem dubium non est, quin eo tempore, quo puer Iesus natus est, multis multa contulerit beneficia, sicut Reges mundi in filiorum natalibus facere solent; sic etiam post Christum natum, vel sola Natiuitatis eius memoria, puer Iesus mirabiles confert gratias deuote eam recolentibus. Seculo autem nostro hæc refert facta esse in Hispania pius Auctor Aloysius Granatenfis in Cathéchismo in symbolum fidei.

Religiosa Monacha per duodecim annos grauibus, & incurabilibus morbis vexata, puerum Iesum inuocans, illico ad sanitatem omnibus admirantibus reducta est. Cap. 99.

Nemo, inquit, mihi vitio vertet, si in hac miraculorum relatione, de ijs mentionem fecero, quæ omni diligentia adhibita, mihi compertissima fuerunt.

Aloys. Granat. in cathec. in symbolum fidei lib. 2.

Mihi enim multi sunt Auctores tam antiqui, quàm recentes, qui miracula suis temporibus facta diligenter posteritati conseruanda censuerunt, illud Tobix ab Angelo Raphaele dictum memoria tenentes: Bonum est (inquit ille) Regum secreta tacere, at Dei opera, & mirabilia publicare, maxime laudabile est.

Ego igitur id spectans, Dei operum, quæ in hoc catholico Lusitanix Regno ipse oculis vidi, in hoc libro testimonium adscribam.

In Euoræ ciuitate adest Virginum Augustiniarum Cœnobium, S. Monica appellatum, in quo Iesu pueri imago est. Post Natalis festum solent illæ virgines, cui datum est, illum puerum sumere, & in suo oratorio collocare, quotidie ante illum aliquas preces fundere; anno vero elapso aliqua parua veste eum induere, & ad eum locum referre, vnde sustulerunt.

Tum forte quædam religiosa omnibus virtutibus ornata, quæ adhuc viuit, & diuersis, & grauißimis morbis duodecim annis afflicta fuit, & primis tribus annis elapsis nerui, qui in poplitibus sunt, ita contracti fuerunt, ut vel duobus ferulis iret, vel quadrupedaret: hoc autem morbo fere octo annis detenta fuit, cui pene omnes medicinæ, & medicamenta, quæ fieri possent, adhibita sunt, ut illi nerui molliores redderentur, atque distenderentur, idque sine vllo fructu.

Præterea, ad calidas perducta fuit, quæ sunt balnea, in quibus aquæ calidæ sunt, & ad frigidos morbos satis accommodatæ, & ad neruorum attractorum extensionem, attamen & nihil profuerunt. his omnibus remedijs adhibitis, medici sibi diffidentes multis ante annis, nullum medicamentum illi adhibebant.

Hæc præterea Virgo alio grauißimo morbo laborabat, nam quolibet primo mensium die ita epilepsix morbo afficiebatur, ut multæ Virgines magnam difficultate eam tenere possent. Vbi autem S. Natalis festum peruenit, eo spectabat monacha, ut pueri Iesu imaginem habere posset, ut ei illam pietatem adhiberet, quam ceteræ adhibere solebant. Et ante festum caput de cælo illam procurare medicinam, quam in terris habere minime potuit.

Ex quo eam spem consecuta est, fore, ut Deus illam sanaret, quod cuida

K 3

Mona-

Monachæ, quæ illius magistra fuit, communicauit, quæ quidem illam spem minimi fecit. Sacrum festum aduenit, dum maior missa celebraretur, hæc Monacha apud cancellos inferioris chori sedebat, cum autem epistola legi cæpta esset, statim se sanam factam esse sentit, & nihil dixit, ne missæ officiū turbaretur, quæ confecta surrexit, & Matribus dixit: Ego pueri Iesu magna bonitate, & misericordia sana sum. Tunc vna ex matribus, quæ manu baculum gestabat, ei illum porrexit, eam huiusmodi auxilio egere existimans, ut ambulare posset: illa vero manu illum capiens cæpit per chorum proficisci, & cum videret sine eo facile ambulare posse, eum proiecit.

Tam multæ fuerunt tunc lachrymæ, & singultus illarum omnium, & gratiæ, & laudes, quas Deo dabant, tanta admiratio, & timor, cum viderent eam suis pedibus ire, quæ octo annos ferulis tantummodo ibat, in toto autem choro tantus motus factus est, ut omnes, qui in Ecclesia erant, sibi narrari vellent quomodo res se haberet, & illo die toto attonitæ ibant, in animo suo hoc miraculum euoluentes.

Tunc illa, quam ante diximus fuisse huius Monachæ magistræ, ad puerum Iesum se contulit, & in lachrymarum lætitiæ, & pietatis flumen conuersa manibus sacrum filium suscepit, & eum osculari non cessabat, inquires: Domine sanasti Creueram, Domine sanasti Creueram (sic enim illa vocabatur) hæc verba sæpius repetens: ille autem Sanctus puer hac misericordia non contentus (illius enim opera, & gratiæ perfectæ sunt) epilepsiæ quoque morbo eam liberauit, qua eam laborasse ante dictum est.

Nam paulo post primus Ianuarij dies cum appropinquaret, cumque hoc accidens expectaretur, nulla molestia affecta est, imo eo die matutini hora à somno excitata est, & hastulis sonum fecit, ut solebat, & neque illo die, neque in posterum vsque ad hoc tempus vnquam illum morbum passa est. Hoc miraculum statim ad aures omnium ciuium peruasit, & finitimorum etiam, & per Ordinarium huius rei facta est diligens inquisitio; quam scriptam ego legi, neque hoc veritatis argumento contentus, meos oculos huius rei testes esse volui.

Ad illius enim Cœnobium me contuli, & omnibus Matribus vocatis ad inferiorem chorum, aderat cum illis & hæc virgo, quam rogavi, ut me præsentem deambulet, quod fecit tam bene, quàm si nullo vnquam morbo laborasset, & hoc tempore viuere, & illius sanitas huius miraculi testimonium perhibet.

Hæc Monacha in illo Monasterio amitam habebat, loci Abbatissam, quæ illi magis mater, quàm amita erat, & ita omnibus illis annis eam multis sumptibus, magnaq. molestia tanquam filiam sanandam curauerat. Quæ quidem primis diebus illius miraculi pene stupefacta, & tristis ibat, cui reliquæ monachæ dicebant: quid mater! omnes lætæ sumus propter ea, quæ vidimus, & tu tam tristis & ægra proficisceris? Respondit illa: Matres, huius miraculi stupore, quod ego vidi, & hoc tanto præmio, quod mihi Deus tribuit, apud me non sum.

Hæc est summa illius miraculi, quod factum est, quo die puer Iesus natus est. Sed qui illas Virgines audiret, hanc historiam cum ijs omnibus, quæ vera concurrerunt particulatim narrantes, ut ego audiui, licet ad hæc effectus durus, ingentem profecto vim deuotionis, & admirationis profunderet.

Hoc

Hoc autem miraculum non solum fuit : nam multa deinde alia consecuta sunt .

Ex ijs tamen omnibus vnum tantum animaduersione omnium dignissimum ascribam , publicum , & quod satis probe mihi compertum fuit . Apud hoc Coenobium quædam mulier morabatur satis probe virtutibus ornata , & vt columba simplex . Hæc autem quatuor annis cruribus capta , & debilis in lectulo iacebat , & vna cum hoc morbo sæpe molestissimis symptomatibus laborabat , cum autem hæc ægrota peccata sua confiteri , & sanctum altaris sacramentum sumere volebat , in illam Ecclesiam in sella sedentem deferabatur . Cum igitur illuc quodam die esset delata , vt solebat , vt primum sacerdos sacramentum altaris administravit , ei dixit : Hic expectes , vt te puer Iesu offeras . sacerdos igitur de altari puerum Iesum sustulit , & illum ei obtulit , ipsa vero , vbi illius vestem contigit , sibi intrinsecus dici visum est : surge : cumque surgere incepisset , illius pater , qui ad illius latus erat , existinans solita mala affectione commoueri , eam tenere cepit . illa tum respondit : Ego surgere possum : & ita surrexit sana illa , quæ tam debilibus cruribus erat , & ita sana proprijs pedibus domum reuersa est , & quicumque in Ecclesia erant , attoniti , & stupefacti videntes eam per se ambulare , quæ ante in sella deferri solebat , eam domum suam comitati sunt ; ille autem dicebat , non aliter multos post se venire , vt hoc miraculum viderent tantum nouum , ac solent post eum , qui ad mortem capite damnatus ducitur . Vniuersa ergo gens illa huius miraculi testis fuit .

Ego autem ab ipso medico , qui eam curabat , & Fregosus dicebatur , scire volui , quisnam illius morbus esset , qui vt testis , qui rem tractauit , tam de annis , quibus illo morbo laborauit , quam de morbi causa , me certiore reddidit : neque eo contentus fui , sed ter , & quater ad hanc mulierem me contuli , adeo maximam percipiebam voluptatem , & admirationem ex huius miraculi historia , vna cum annexis illius morbi , & modo sanationis : & illud memoria teneo , postremo me ad eam iuisse , vt sciscitarer , nunquid domum reuersa fuerit baculum manu gestans , nec ne , sciens Dei operationes miraculosas , perfectas esse debere : responsum mihi fuit , quod non gestabat .

Alius celebris medicus illius ciuitatis , nomine Ariez Diaz , qui infirmitatis noticiam habebat , maxima admiratione perterritus eam visit , & ab ea perijt , vt se præsentem deambulet , vt oculis cerneret , quod fama ad suas aures pertulerat ; quod factum est , & ille medicus Deo gratias agebat , quod tantum miraculum videret .

Virgo religiosa Epilepsia alijsq. morbis incurabiliter afflicta , ad puerum Iesum , & Matrem eius conuersa , virtute fidei sanctitatem meruit , & obtinuit . Cap. 100.

Nolo , vt puer Iesus longe à nostris oculis absit , qui licet infans sit , ad omnia tamen miracula est omnipotens , & illud est , quod hic narraturus sum , quod nondum elapsi sunt decem anni , ex quo in Coenobio virginum Ordinis sancti Bernardi , quod est in terra Coz in Aliobazz finibus accidit .

In eo Cœnobio quædam Virgo duodecim annos nata, & paulo ante monachali habitu induta mensis Octobris initio ægrotare cæpit. Longum esset omnia narrare, quæ huic virgini acciderunt, grauissima, vt est epilepsia, & cetera huiusmodi, quibus medici nunquam remedium accomodatum inuenire potuerunt.

Quo Monachæ maxima molestia afficiebantur, cum viderent, quæ illa puella dies noctesq. pateretur, & nullum remedium, aut leuamen ei reperiri. Hæc molestia à festo S. Martini vsque ad Christi Natalia perdurauit. In eodem Cœnobio habebant monachæ in quodam loco sanctum præsepium, in quo & puer Iesus cum sanctissimæ matris imagine erat. Aegrotæ autem dixerunt, num ad infantem Iesum, qui in eo præsepio erat deduci vellet? quibus se velle respondit; eam per brachia, quod ipsa per se ire non posset, ad sanctum infantulum sistentes, eum in illius manibus posuerunt.

Tunc illa ad Virginis imaginem oculos conuertens sic, dicere cæpit:

Domina hunc tibi minime traditura sum, quoad bonam valetudinem, qua tibi seruire possim, mihi non tradideris.

Quæ dum sæpius repeteret verba, monachis ad id eam adhortantibus, & dicentibus: Dic Puella, dic: paulo post illa ægrota se humi abiecit, & ibi tam diu, tamquam si dormiret, stetit, quo ad monachæ, quæ aderant, verentes, ne quid mali ei accideret, curarunt, vt se ipsa colligeret. Tunc illa. Cur me excitastis?

Nunc enim aliam videbam dominam, alium infantem, aliud præsepium, quæ omnia ab his, quæ hic sunt, longe differunt? Quo dicto mirifica huius infantis virtutem, & illius matris misericordiæ, qui tantorum laborum in tam tenera ætate, & innocenti miserta est, tam sana surrexit, quam si nullo morbo laborasset, & monachæ stupefactæ sunt, cum tantum miraculum viderent, & Deo pro ea gratias egerunt. Statim Abbatisa iussit cuidam monachæ, vt hanc historiam, vt se habuit conscriberet, quam ego legi, & in mea manu fuit, & duobus ante annis cum ego Aliobazæ essem, Serenissimus Cardinalis infans D. Henricus, qui nunc Rex noster dominus est, hoc cœnobium visit, & ibi monachæ ad eum hanc virginem adduxerunt, in qua Deus hoc miraculum operatus est, quo die in terris propter nostram salutem nasci voluit.

*De stella prodigio nouiter obortæ apud gentes, & aduentu Regum
terre ad infantem adorandum. Cap. 101.*

Cum autem Altissimi filius, noua Dei progenies, nouum orbis miraculum in orbe, quem condiderat, natus esset, cumq. in formam hominis hominibus apparuisset, nihilq. nisi humanum foris ostenderet, ne tamen inaccessible Deitatis lumen, quod in carne latebat, quodq. à viuentibus hominibus videri fas non est, nisi mori velint, penitus occultaretur, sed eatenus per effectus aliquos admirabiles & dignos appareret, quatenus satis esset humanis cordibus ad fidem diuinitatis habendam, illud inter cetera non solito inditio, sed diuino iudicio patefactum, & summa admiratione dignum actum est, vt Stella admirabilis fulgoris, amplius in cælis non visa, ab ea parte,

parte, qua oriens est, tanto lumine fulgeret, ut homines diuinarum rerum ignari admirarentur in cælis, ubi res certo, & immutabili ordine disponuntur, & post tot secula ab eo tempore, quo cæli in suis orbibus firmati sunt, nihil in supernis illis, & inaccessibilibus regionibus additum, aut diminutum est admirabilem apparuisse stellam, nequaquam ex illis, quibus cælos ornatos videmus, nec ex illis, quæ ex vaporibus coagmentatis accensæ in aëre, Cometae dictæ sunt, sed eam, quam manus opificis Dei, mundum nouo lumine illustrare volentis nouo miraculo fecit naturæ Iura superantem, & diuinam quandam virtutem præferentem, & cetera sydera quotquot ante fuerunt, immo solis rotam decore ac luminis dignitate vincentem. Huius lucidissimæ stellæ ortus, quoniam inusitatus, & insolitus futurus erat in mundo, ideo antequam fieret, reuelatus est. Balaam enim vetustissimis illis temporibus, auditor sermonum Dei, qui nouerat doctrinam Altissimi, & visiones Omnipotentis videbat, talem protulit prophetiam: Videbo eam, sed non modo, intuebor illam, sed non prope. Orietur stella ex Iacob, & consurget virga ex Israel: de Iacob erit, qui dominabitur.

Igitur Arabum Reges, Magiæ naturalis studiosi, cum illam ortam conspexissent, & in cælo signum spectarent, quod diuina, non humana præferret, cepit cupido eorum animos, ut causam conquirerent, & quid illud portenderet, viderent; & cum haberent hi ex Balaam prophetiam, quam diximus, quam Moyses ipse, ut erat ingenio acer, conscripserat, & in hac de stellâ, quod traditur, conspexissent, intellexerunt hominem demigrasse ad vitam & natum esse, quem prophetæ cum stellæ indicio iam pridem venturum denuntiassent, & cum hunc, ut potiorum, dæmonibus prætulissent, qui soliti essent vanis rerum imaginibus ludificari, in Iudæam eundem adoraturi se contulerunt, certiores iam redditi, esse Regem aliquem natum, ignari tamen, quale hic esset imperium habiturus, & vbinam gentium nasceretur. Vulgatam autem, & perspectam fuisse in illis locis prophetiam illam Balaam, ex eo videri potest; quoniam sicut Moyses audiens prophetiam illam Balaam, sacris eam voluminibus inseruit, multo magis credendum est eam ab illis suis codicibus insertam, qui tunc Mesopotamiam habitabant, apud quam magnificus habebatur Balaam, quemque artis suæ constat habuisse discipulos. Ex illo enim fertur Magorum genus, & institutio in partibus Orientis viguisse, qui descripta habentes apud se omnia, quæ prophetauerat Balaam, etiam hoc habuerunt scriptum, quod orietur stella ex Iacob, & exurget homo ex Israel. Hæc scripta habebant Magi apud semetipsos, & ideo quando natus est Iesus, agnouerunt stellam, & intellexerunt adimpleri prophetiam, clarius ipsi quam populus Israel, qui Sanctorum Prophetarum audire verba contempsit, & ideo adoraturi venerunt, mysterium, agente sine dubio in eorum cordibus diuina inspiratione, ut eos tantæ visionis effuso fulgore admoneret, de descensu Dei venerabilis ad humanæ conuersationis, rerumque mortalium gratiam. Prouidentia namque misericordiæ Dei dispositum habens pereunti mundo in nouissimis temporibus subuenire, saluationem omnium gentium præfiniuit in Christo, ut quia cunctas nationes à veri Dei cultu impius dudum error auerterat, & ipse peculiaris Dei populus Israel ab institutis legalibus pene totus exciderat, conclusis omnibus sub peccato, omnium miseretur. Deficiente enim ubique iustitia, & toto mundo in vana, & maligna prolapsio,

nisi

S. Leonis
Papa de
Epiphania
sermo 3.

nisi iudicium suum diuina potestas differret, vniuersitas hominum sententiā damnationis exciperet. Sed in indulgentiam ira translata est, & vt clarior fieret exercendæ gratiæ magnitudo, tunc placuit abolendis hominum peccatis sacramentum remissionis afferri, quando nemo poterat de suis meritis gloriari. Huius autem ineffabilis misericordiæ manifestatio facta est Herode apud Iudæos ius regium tenente, vbi legitima Regū successionē cessante, & Pontificum potestate destructa, alienigena obtinuerat principatum, vt veri Regis ortus, illius prophetiæ probaretur voce, quæ dixerat: Non deficiet Princeps ex Iuda, neque dux de femoribus eius, donec veniat, cui repositum est, & ipse erit expectatio gentium. De quibus quondam beatissimo Patriarchæ Abrâhæ innumerabilis fuerat promissa successio, non carnis semine, sed fidei fecunditate generanda, & ideo stellarum multitudini comparata, vt ab omnium gentium patre, non terrena, sed cælestis progenies speraretur. Ad creandum ergo promissam posteritatem, hæredes in syderibus designati, ortu noui syderis excitantur, vt in quo cæli adhibitum fuerat testimonium, cæli famularetur obsequium. Commouet Magos remotioris Orientis habitatores stellis ceteris stella fulgentior, & de mirandi luminis claritate, viri ad hæc spectanda non inscij, magnitudinem significationis intelligunt, agente hoc sine dubio in eorum cordibus inspiratione diuina, vt eos tantæ visionis mysterium non lateret, & quod oculis ostendebatur insolitum, animis non esset obscurum.

Aduertat
lector, hoc
infra scriptum
caput
102 fuisse
ponendum
post caput
94. quod
errore im-
pressoris,
hoc loco
postpositū
fuit.

*De admirabilibus verbis prophetico spiritu à B. Maria prolatis,
quæ apud omnes orbis partes in omnibus generationibus inces-
sabili, & multiplicato miraculo verificata sunt.*

Cap. 102.

Sed illud satis superq. admirandum est, & omni stupore plenum, quod humano ingenio & viribus prorsus impossibile fuisset, si tale aliquid tē- tasset, sed non Deo, apud quem non est impossibile omne verbum, & qui facit mirabilia magna solus.

Cum enim Angelus salutationem compleuisset, & Dei voluntatem annunciaffet, cumque illa tandem ineffabili humilitate ancillam se Domini recognoscens ad Matris officium suscipiendum totius cæli & terræ plausu, consensum præbuisset, animam ad cælum tollens, & Dei magnitudinem laudans, & spiritu exultans, quod in vtero suo salutem æternam fortiter, & immobiliter erexisset, se supra se, & in diuino lumine secularia tempora vsque ad mundi interitum contuens, ac si ante oculos suos orbis reuolutiones, & creaturarum vicissitu lines, & generationum omnium successiones, & mentium humanarum cogitationes perspectas habuisset, voce magna proclamauit: Ecce enim ex hoc beatam me dicent omnes generationes. Quæ vix prophetico spiritu emissa, diuina virtute confortata, impleuit orbem terrarum, & statim auditum est: Beata quæ credidisti, benedicta tu in mulieribus, & beatus venter qui te portauit, & beata vbera quæ lactauerunt æterni patris filium: & deinde ex hoc in hoc, & de tempore in tempus, & per seculorum curricula currens vox illa virtute plena, & potestate vigens, omnium nationum, omnium populorum cogitationes, omnium remo-

remotissimarum gentium corda peruens, & in omnem terram exiens sonus illius, & in fines orbis terræ profiliens verbum illud, contigit, ut succedentibus temporibus, omnis lingua in toto orbe Christiano eam beatam semper dixerit, & post mille & sexcentos annos adhuc dicat, & non dubium quin usque ad Mundi finem sit dictura.

Mirum est Virginem puellam, in humili oppidulo positam, sub humili tecto latitantem, vix ulli notum, ausam fuisse dicere, omnes generationes beatam me dicent: Mirum est, postquam dixit, factum fuisse sicut dixerat. Erat enim res humanis viribus prorsus impossibilis. Quis enim hominum huius puellæ nomen ferat per loca, & postquam rulerit, quis persuadeat, ut alij credant, & laudent eam, & beatam dicant? Quis inueniatur vir tantæ apud omnes populos auctoritatis, qui persuadeat tot nationibus, quæ orbem inhabitant ut hoc faciant, illis præsertim quæ colebant deos falsos, & idola adorabant, & quæ barbaræ & feroces erant, & rebus humanis intentæ? Quis inducat unquam aut ferro & armis, aut arte aliqua & inuentione animos perstringat, & faciat Aegyptios, Babylonios, Medos, Persos, Arabes, Elamitas, Græcos, & Italos, Hispanos, Gallos, Germanos, & remotos Britannos, Polonos, Dalmatas, ceterosq; orbis populos, ut confiteri velint, & laudare huius Virginis nomen, & beatam eam prædicare? potuit quis forsitan armorum vi eos ad obediendum subicere etiam inuitos: certe adducere illos ad beatam dicendam prouerem puellulam omnibus prius ignotam, & persuadere, ut libere & ex vero animo prædicent illam esse beatam: nullus unquam ullo modo potuit hoc facere, nisi sit Deus cum illo.

Et si forte contigerit, quod vnus populus dicat, alius non dicet, & si omnes populi illi adducti fuerint in vna generatione ut illud dicant, non dicent in alia, & si usque ad decimam generationem dixerint, non dicent usque ad centesimam.

Instabiles enim sunt hominum mentes, mutabiles animi, varia ingenia hominum, qui modo aiunt, modo negant, modo laudes proferunt, modo iactant opprobria.

Qua igitur ratione cogitatio non deterruit Virginis animum ad pronuntiandum verbum tam audax? debebat enim cogitare quod illud, quod loquebatur, non posset præ impossibilitate verificari, & quod sequentibus generationibus futurum esset, ut illam non beatam, sed mendacem, & audacem dicerent.

Et tamen tota securitate Adolescentula omnes generationes illam beatam prædicaturas dixit, & sicut ipsa dixit, ita factum est, ita ut succedentibus temporibus Mundus in suis generationibus semper eam beatam prædicauerit. Et nos videmus hodie nouissimo nostro seculo omnes eam beatam dicere, & religiosos viros per totum orbem dispersos, sacerdotes omnes, viros, & mulieres, vbique gentium, singulis quibusq; diebus, mane, meridie, vespere eam corde & animo beatam prædicare, & salutare libenter, & laudare frequenter, & benedicere incessanter, offerentes illi spiritualium rosarum coronas, pulsantes organa, & cytharas, & cantantes dulces hymnos, & dulcia cantica drammarum, & vix quisque exit de utero matris suæ, qui à parentibus pijs, dum infans est, non doceatur Mariæ fari nomen, salu-

tem

tem illi dicere, & beatam prædicare. Ita vt propheticus Mariæ sermo omnibus diebus, singulis horis vbique gentium, ab omnibus populis, à pueris, iuuenibus & senioribus, à plebeis, & principibus viris, & mulieribus perpetuo & multiplici miraculo adimpleatur: & quod auget admirationem, etiam indomitus Turcarum populus, quamuis seductoris Mahumeti mendacijs deceptus, Mariam & Virginem, & beatam prædicat.

Et quoniam prophetia ea quæ vera est, ab ea quæ falsa est, tunc certissime dignoscitur, cum id quod prædicatur, suo tempore contingit vt fiat; cum Mariæ prædictio de se, beata ab omnibus generationibus prædicanda per tot secula, per tot linguas, tot testimonijs vbique comprobetur, quot sunt astra cæli, & arenæ in littore maris; sequitur per irrefragabilem euidentiam, per apertam & conspicuam oculis, & auribus manifestationem, nihil verbis Mariæ fuisse verius, simulq. nihil orbi contigisse beatius, quàm eam & felicem, & beatam prædicare, quotidie incessabili voce dicendo: Felix es sacra Virgo Maria, & omni laude dignissima, quia ex te ortus est sol iustitiæ, Christus Deus noster: Beata Mater, & intacta virgo gloriosa, Regina mundi intercede pro nobis ad Dominum.

De sapientibus Magis, qui primi inter Gentes Christum natum adorauerunt, eique munera obtulerunt, enarratio.

Cap. 103.

*Philip. Bos-
kierus Ca-
sarimonta-
nus in lib.
Beda in
Collect.*

M Agi, qui primi omnium ex gentibus Christi Saluatoris infantiam, in Bethlehem decimo tertio post natiuitatem die adorarunt, tres numero fuisse perhibentur: ac, si Epiphanio credimus, ex Abraham originem duxerunt, ex filijs eius, quos ex Cethura ancilla suscepit, descendentes. Cui nõ repugnat, quod Origenes, & Chrysostomus, ad Balaam prophetam gentilem, Magorum originem referunt; nam, & ipse, sicuti etiam Regina Saba, ex ijsdem Cethuræ filijs duxit originem.

*Ara cali,
in st. prima
Decad.*

Nomina eorum, ætas, & vultus, cuiusmodi fuerint, & quæ quisque munera obtulerit, sicut ex maiorum traditione acceperat, his verbis describit venerabilis Beda. Primus (inquit) dicitur fuisse Melchior, senex, & canus, barba proluxa, & capillis: tunica hyacinthina, sagoq. mileno, & calceamentis hyacinthino, & albo mixto opere, pro mitrario variz compositionis indutus, aurum obtulit Regi Domino. Secundus nomine Gaspar, iuuenis imberbis, rubicundus, milenica tunica, sago rubeo, calceamentis hyacinthinis vestitus, thure, quasi Deo oblatione digna, Deum honorauit. Tertius Fuscus, integre barbatus, Baltassar nomine, habens tunicam rubeam, albo vario, calceamentis milenicis amictus, per myrrham filium hominis moriturum professus est.

Quod autem vnus eorum niger, & Aethiops depingi soleat, vt in multis, ijsq. antiquis apud nos picturis apparet, ex eo profectum videtur, tum quod Beda tertium fuscum fuisse perhibet, tum quod ex Psal. 71. in die Regum in Ecclesia decantatur: Coram illo procident Aethiopes.

Non obscuri eos loci, aut ordinis, sed Principes viros, atque adeo Reges fuisse, quod Christi gloriam maxime illustrat, pium est credere: id enim veteris legis figura, quæ in Salamone antecessit, & Prophetarum, maxime Dauidis,

uidis, & Isaia vaticinijs consentaneum est, quorū ille inquit: Reges Thar- *Pf. 71.*
 sis, & Insulae munera offerent, Reges Arabum, & Saba dona adducent; Po- *Isa. c. 60.*
 sterior vero: Et ambulabunt gentes in lumine tuo, & Reges in splendore or-
 tus tui. Quae de Magorum vocatione, oblationeque, ab Ecclesia, & Sanctis
 Patribus intelliguntur. Idē suadet Herodis, ac totius urbis Hierosolymitanæ
 adeorum aduentum trepidatio: munera item pretiosa, quae ex thesauris suis
 deprompsisse referuntur. De quibus sic tradit Arnoldus Carnotensis in opu-
 sculo de laudibus Virginis: Reges Arabum, & Saba ab Oriente egressi, se-
 quuti stellam insoliti luminis, genibus curuatis, & humi purpura defluente,
 IESVM nostrum pannosum adorantes, donis sacramentalibus venerati sunt.
 Maiorum denique traditio, scriptis, sermonibus, concionibus, hymnis, & pi-
 cturis, ut vulgaribus, sic antiquis prodita confirmat. Nec quicquam ad
 rem facit, quod Euangelista non appellarit Reges, sed Magos, id enim con-
 sulto factum est, quod Christi gloria, nostraque religio, Magorum, siue sa-
 pientium testimonio potius, quam Regum potentia constabilienda videretur.

Magi autem isti sapientes in Astrologia fuisse commemorantur, qui arte
 Mathematica (ut Cyprianus loquitur) vim, & discursum nouerant Plane- *Cyp. form.*
 tarum, & elementorum naturam, & astrorum mysteria certis experimentis *de stella &*
 obseruabant. Vnde conuenienter admodum Diuina sapientia, quae dispo- *Magis.*
 nit omnia suauiter, stellae potissimum indicio, illos, tamquam astrorum pe-
 ritos, ad se pertraxit, accedente tum gratiae diuinæ lumine, tum hominum
 ex Scripturis demonstratione. Nam de loco ubi Christus nasceretur, à Scri-
 bis, & Michæa instructi sunt, & stellam illam Messiae ortum significare,
 ex Balaam propheta per maiorum traditionem acceperant.

Ex Arabia Felice venisse (quod Iustinus martyr, Tertullianus, Cyprianus, *Iust. Dial.*
 & Epiphanius memoria prodiderunt) verisimile videtur, cum quod Arabia *cum Triph.*
 respectu Iudae, ad Orientem (Tacito teste) sita; tum, quod auri, thuris, *Tert. lib. 3.*
 & myrrhae ferax sit: demum, quod hæc opinio consentiat cum Isaia vatici- *con. Marci.*
 nio: Omnes de Saba (quæ, teste in eum locum, & libro quaestionum in Ge- *c. 13.*
 nesi D. Hieronymo, Arabia est) venient, aurum, & thus deferentes. Cum *Cyp. ubi*
 illo item Davidico: Reges Arabum, & Saba dona adducent. Et rursus: *supra.*
 Dabitur ei de auro Arabiz. *Epiph. li. 3.*
ad h. h. ref.
Tacit. li. 5.
Hist.

Porro auri, thuris, & myrrhae munera Christo obtulerunt, quod his rebus
 Arabia in primis abundaret, & superbiret. Deinde quod Regina Saba, quam
 ex gente & familia Magorum fuisse proditum est, similia dona, aurum (in-
 quam) & aromata, quibus gemmas pretiosas addidit, Salomoni Regi in ty-
 rum Christi, donauit. Adde quod, quæ Cethurae filijs munera dedisse,
 Abraham in Genesi commemoratur, ex Hebraeorum traditione, ea Epiphanius
 refert, vestes, aurum, thus, & myrrham fuisse. Postremo non tantum gen-
 tis suae morem, & exempla maiorum, verum etiam mysticam rationem secu-
 ti, hoc, quod cordibus credunt, muneribus protestantur. Thus Deo, myr-
 ram homini, aurum offerunt Regi. His se instruunt donis, ut adoraturi
 vnum, tria se simul credidisse demonstrent, auro honorantes personam re-
 giam, myrrha humanam, thure diuinam.

Post Christi Ascensionem, à D. Thoma Apostolo, in fide Christi plenius
 feruntur instructi, & baptizati, imo Pastores etiam, & Doctores, in Populo
 suo ordinati sunt, magnamque Gentilium turbam ad Christum Regem natum
 addu-

adduxerunt. Atque ita, ut primitias frugum copiosa messis consequitur, sic Magos primitias credentium ex gentibus, innumerabilium fides populorum, tanquam vberissima seges, est subsequuta: impletumque vaticinium Davidis, qui postquam prædixerat: Reges Arabum, & Saba dona adducent; subiunxit: Et adorabunt eum omnes Reges terræ, omnes gentes seruiant ei; item; Omnes gentes quascumque fecisti, venient, & adorabunt coram te, Domine, & glorificabunt nomen tuum.

Postquam in senectute bona ex hac vita in pace decesserunt, corpora eorum primum Helenæ Augustæ studio Constantinopolim allata, inde Mediolanum ab Eustorgio, eius Urbis Episcopo, traducta, tandem anno post Christum natum 1164. quando Fridericus Imperator Mediolanum occupauit, Coloniam Agrippinam a Reinoldo Archiepiscopo Colonienfi translata, ibidem in æde D. Petri, deposita fuerunt.

Agnoscamus, in Magis adoratoribus Christi, vocationis nostræ fidei primitias, & quem illi Infantem venerati sunt in cunabulis, nos Omnipotentem adoremus in Cælis. Inuenerunt illi Infantem paruulum, modicis, & vilibus pannis inuolutum, videbant reclinatum duro in præsepio, aut sinu matris pauperculæ exceptum, & tamen nihil his omnibus, alijsque rebus offensi viri Barbari, veræque pietatis, & fidei rudes adhuc, & ignari, procidentes, adorauerunt eum. Imitemur saltem Barbaros, nos, qui cælorum Ciues sumus, & qui Christi Maiestatem, potentiam, factaque admiranda, & Christianæ fidei mysteria cognouimus, fidem nostram illorum exemplo, confirmemus. Itaque cum in Ecclesia Catholica, quæ vera Bethlehem, seu domus panis est, idem Christi corpus exterius speciebus, tamquam fascijs inuolutum, admirabili Dei Omnipotentis virtute, non iam in præsepio, sed altari proponitur, consecratur, offertur, sumitur, aut quouis modo nobis repræsentatur, excitemur animo, horrescamusque, & quam debemus, quamque decet, ad tanta mysteria, & animi pietatem, & reuerentiam corporis offeramus. Nihil nos conturbent cogitationum fluctus, nec sensuum fallax iudicium, nihil hæreticorum fabulationes moueant, sed Dei verbum certos faciat, & deuotos, & magna, & admirabilia, quæ ad hanc fidem firmandam, in miraculis & prodigijs per succedentia secula operatus est Deus, quæ suis locis commemorabuntur.

Hoc igitur modo Christus Dei filius splendor Patris æternus, exteris illis Magis intra Gentiliū tenebris habitantibus se ipsum manifestauit. Proprium enim luminis, & naturale est prodere se ipsum, & fulgorē suum, & pulchritudinem lucis alienis oculis obijcere, ut delectentur in illo, & tenebras horrore incutientes fugare faciant. Christus igitur vultus sui diuini amabilem pulchritudinem offert omnibus, qui in tenebris sunt, & illuminat omnem hominem venientem in hunc mundum. Sed pro hominum moribus vauum sic, & alium sic illuminat: illuminat autem, quoniam nescire Christum tenebra, & mors est, nosse illum vita est, & lux; & spernere interitus, & seruire regnum. Homo enim, qui creatoris sui, & Redemptoris notitiam non habet, similis est bruto animanti, in quo non est intellectus. Tam autē admirabile est hoc diuinæ salutis lumen, ut cum primū menti nostræ, quasi quædam aurora præfulserit, incipit homo quodāmodo diuinescere, & propius ad in-circumscriptibile lumen accedens fit similis Deo. Pertinet autem ad suauem Dei prouidentiam, ut lumen suæ agnitionis, largissime obscuratis mortalium

men-

mentibus largiatur, ut eximij, & deificantis splendoris lucerna sub modio non lateat, sed in cordibus hominum lucendo ardeat, quod semper à Deo factum est.

Referam autem hic aliqua nostri temporis exempla memoratu digna, in quibus mirum in modum Dei immensa charitas, & benignitas illuxit in communicando beato lumine sedentibus in umbra mortis.

Turca quidam curiosus scrutans locum, ubi Christi corpus asseruabatur, vi coruscantis ignis sublatus, & in terram proiectus exclamat se velle esse Christianum.

Cap. 104.

Quidam Turca captius detinebatur in Oppido Tagliacozzi, quod ditioni Principum Columnensium subditum est. hic cum libere per Oppidum conuersaretur, tempore Quadragesimæ in hebdomada, quam Maiorem, & Sanctam appellamus, in Ecclesiam quandam ingressus est. Cum autem in quodam sacello multa luminaria accensa videret, sacellum undique ornatum, petijt à Christiano viro, quæ solemnitas esset in loco illo, & quid ibi ageretur? Respondit ille: Vides illam capsulam supereminentem? in illa Christianorum Deus absconditus est, qui pro hominibus hac die (erat autem feria sexta) in Cruce mortuus est, & sepultus. Recolunt autem Christiani in hac die hoc mysterium. Turca autem admirabatur, quomodo posset Christianorum Deus ibi manere absconditus, & tacuit. Cum autem esset hora prandij, forte fortuna omnes tam viri quam mulieres domum reuersi fuerant, & cum nullus in sacello remansisset, ille hoc animaduertens, decreuit accedere ad capsulam, & videre, si ibi Christianorum Deus absconditus esset. Accessit, & dum temere capsulam aperit, ecce consurgens ignis magno impetu à capsula erumpens, Turcam in aërem iussulit, & in Ecclesiæ pavementum longius proiecit. Ille autem ab insolito, & improviso fulgore raptus, timens, ne forte propter eius curiosam indagationem moreretur, cæpit altius exclamare: Viri Christiani, succurrite, ferite opem. Audito clamore, venerunt plurimi, qui eum pene mortuum inuenerunt, quibus ille exposuit facinus suum, & micantis ignis eruptionem in poenam suæ temeritatis. Quo prodigio sese optime cognouisse Christum Christianorum esse verum Deum, mundiq. Saluatorem: dicebatq. enixe, & milies replicabat, se velle esse Christianum, sicut postea Dei gratia subsequente adimpletum est. Ecce quomodo Christi benignitas apparet, non querentibus illum, erudiens eos, ut abnegantes impietatem, & seculi desideria, pie & iuste viuât.

Infidelis Turca Christianum se esse simulans, confitetur egrotans peccata sua sacerdoti Christiano, & sumit Domini corpus: sed postquam manducauit, intus illuminatus, illico Christi fidem amplectitur, & baptizatur.

Cap. 105.

Communicauit præterea Deus sui ipsius notitiam hoc modo cuidam egrotato fide, & genere Turcæ, qui in hospitali domo S. Ioannis Laterani de Vrbe

Urbe ægrotabat . Erat Turca iste ætatis annorum viginti , qui cum per aliquod tempus Anconæ cum parente suo mercatore mercium gratia perman-
 sisset , à patre fugiens Romam se contulit ; cum autem melior sibi conditio
 non contingeret, cœpit deseruire cuidam Patritio viro , quem semper comi-
 tabatur quocumque iret ; accedebat etiam ad Ecclesias, & diuinis officijs, &
 Missis intererat, & quia callebat Italicum idioma, arbitrabantur omnes eum
 esse Christianum . Post aliquot menses incidit in grauem morbum : Domi-
 nus autem iussit, vt deferretur in supradictum Xenodochium , ibi curandus .
 Ibi autem decumbens, ab vno ex ministris admonitus fuit, vt confessionem
 suorum peccatorum faceret , & communionem corporis Christi susciperet :
 hoc enim omnes ægri ad eum locum accedentes pro morborum suorum cu-
 ratione , de more facere solebant . Iuuenis Turca veritus , ne si se Christia-
 num non esse fateretur, ab hospitali domo expelleretur, promisit se hæc om-
 nia facturum, quod & postmodum præstitit absque eo quod se Turcam esse
 reuelaret . Peracta confessione cum Iesu Christi corpus immaculatum sus-
 cepisset, statim (mirabile dictu) mutatur mens eius, impletur lumine , cre-
 brisq. gemitibus sacrum baptisma postulat ; tantaq. animi propensione hoc
 faciebat , vt se comprimere non posset, vltro affirmans se esse Turcam Ma-
 humetanæ sectæ sectatorem , nunc autem omnino velle se esse Christianum .
 Ministri ægrotorum audientes illa, quæ ab isto dicebantur, putabant, illum
 non esse mentis compotem , sed morbo grauatum in phrenesim incidisse .
 Forte fortuna, Deo ita prouidente, in dicto Xenodochio aderat Pater Lucas
 Pinellus Societatis Iesu , venerat enim illuc vna cum alio Religioso Patre
 eiusdem Ordinis , qui diebus festis ibidem concionabatur . Ministri autem
 vocarunt illum, vt ad eum ægrotum accederet, & videret quid æger ille tam
 vehementer postulabat . Accessit ad eum Pater, & rogans iuuenem, vt dice-
 ret, cur sic clamaret ; tunc libere dixit ei , se esse Turcam : & more Tur-
 carum esse circumcisum ; simulasse autem se esse Christianum , ne foras
 mitteretur . Et ob id simulate etiam se confessum esse peccata , & recepisse
 oblatum panem : sed post manducatam bucellam, apertum sibi fuisse sensum,
 & mirabiliter intus illuminatum fuisse , certoq. cognouisse Christum Deum
 Christianorum esse Mundi Saluatorem, in cuius nomine, & non in alio salui
 fierent, quotquot saluarentur ; quapropter petere se ardentissime , vt sancto
 baptismo ablueretur, & in Christianorum numerum reciperetur , asserens
 se tanto intus ardore inflammari, vt quiescere non posset . Igitur re bene
 examinata, & perspecto, quod circumcisus erat, docuerunt illum, quæcum-
 que erant necessaria ad Iesu Christi fidem suscipiendam , quod cum factum
 fuit , baptizatus est ; sequenti autem die obdormiuit in Domino , vt statim
 proficisceretur ad illum , qui vocauerat eum . Hæc refert prædictus P. Pi-
 nellus in pio suo libello de meditationibus breuibus , asseritq. ibi , se supra-
 dictarum rerum fuisse oculatum testem .

*Turca puella dum obiectum sub panis accidentibus panem ne-
 sciens manducat, Christum agnoscit. Cap. 106.*

Similis plane casus contigit Genuæ . Ibi enim erat adolescentula Turca
 captiua, quæ cuiusdam nobili Dominæ seruitio mancipata erat : cum
 autem

autem Domina ista in die Paschate ad Parochiam suam venisset, ut Missæ interesset, & de more communicaret Christi corpori, omnibus ancillis suis comitata, accessit ad locum, ubi Eucharistiæ sacramentum confluentibus ministrabatur: accesserunt & aliæ ancillæ disponentes se ad diuini corporis communionem suscipiendam. Turca autem puella, cum nesciret, quid ibi ageretur, immiscuit se cum alijs, Domina sua, atque alijs ancillis non aduertentibus. cumque Sacerdos ordinate consecratum panem singulis ministraret, eum Turcæ puellæ, nesciens eam esse Turcam, obtulit. Cogitante autem illa esse communem escam, & vidente eam ab omnibus manducari, manducauit & ipsa. Vix esca illa benedicta in stomachum eius ingressa fuerat, cum cæpit intus vehementissime inflammari, similiter & illuminari; quod admirans, & tanti ardoris flammam sufferre non valens, aperuit omnibus publice igne suum. Domina autem eius spiritu turbata accedens ad illam, & interrogans quid pateretur, & cur ad communicandum se temere contulisset, ipsa inscisa: Respondit famula, se ignorasse Christianorum mysteria, & simpliciter se ad illam bucellam panis manducandam accessisse; protinus autem experimento probasse cor suum ardenti quodam lumine inflammari; Falsam esse Mahumeti religionem, veram esse Christi fidem, quapropter rogare se quàm poterat vehementer, ut in numerum Christianorum illam reciperent, ut cunctis diebus vitæ suæ Christianorum Domino humiliter seruire posset, quod postea factum est.

Quibus prodigijs manifestissime apparet, quàm libenter, pater luminum Deus, omnibus gentibus, filij sui mundi Saluatoris notitiam communicet.

Crudelissimi Herodis Infanticidium. Cap. 107.

Avdians natum Christum Herodes cruentus carnifex, audiens eum & Iudzorum Regem futurum, turbatur, atque impiæ mentis furijs agitur, tremor, pallescit: metu concutitur, animo dissolvitur. Nomen Regis expauescit: quia regnandi modum non intelligit. Regnum quippe Iudzorum nec nobilitate obtinuerat, nec probitate meruerat: sed nobile illud regnum regis stirpi Iudæ, patriarchæ Iacob vaticinio debitum, tyrannide inuaserat, crudelitate retinebat. Nato ergo rege Iustitiæ, iniustitia tremor, regnatura pietate crudelitas fremor. Sed cur impie sæuis? quid liuore corqueris? Cur aduentum Saluatoris formidas? Quid ad nomen mitissimi, atque humillimi regis trepidas? Non venit ut temporalia tollat, qui æterna militibus suis stipendia erogat. Terreno regno non indiget, qui cælo præsidet. Depone ergo inanem formidinem, exagitatâ compone mentem: & ut sub eo felicius regnes, fideliter perage, quod simulas, regem velis, nolis tuum, subiecta ceruice adorans. At dolosa Vulpes, intra tenebras perfidæ mentis latebras interim se cælat, lætitiâ vultu simulat, corde dolos fabricat, & adoratum ire se spondens, inuentum necare parat. Sed frustra tentat sapientiæ Dei humanæ mentis malitiâ illudere, sicut & frustra nititur in petræ duritiâ lubricus coluber molli tractu vestigia figere. Nam Dominus, qui aliud natiuitati, aliud passioni suæ congruum utrique mysterio tempus præscripserat, non dedignatur in Aegyptum alienis manibus tolli, qui passus est proprias manus cruci configi, non tam Herodem fugiens, quam mysterium

L

pera.

peragens : Significabat enim iam tunc, nomen suum à principibus Sacerdotum, & conclamantis populi insania, rege suo, videlicet Diabolo instigante, de Iudæa effugandum, & in fines gentium ore Apostolico deportandum. At cruenta bellua, & corridis faucibus sanguinis auida, dum illudere puta, illusa est, quia nati regis guttur ex voto inuadere non potuit, in innoxium paruulorum exercitum rabiem effudit, ut dum coetaneos regi suo paruulos strâgulat, prostrato toto exercitu, is qui solus, vel maxime appetitur, furentis bestię morsum non euadat. Sternuntur ergo gladijs carnificum corpora paruulorum, sed deportantur ad æterna manibus Angelorum : sæuit in terra atrocissimus carnifex, sed coronat in cælo serenissimus Iudex.

Dignum est, ut Beatissimis Infantibus, athletis gloriosissimis, gratulâdo hic paulo diutius immoremur, & de illorum triumpho fufius aliquid proloquamur; qui, & inaudito pugnandi modo decertant, & nouo vincendi genere triumphant. In quibus cum nec ætas nosse bellandi studium, nec victoriæ poterat voluntas affectasse brauium: sola in his hostem expugnat gratia, sola mæretur palmam innocentia. Dico autem beatos illos, ac vere innocentes, qui per Christi gratiam, martyrij prius adepti sunt gloriam, quam possent nosse martyrij causam. Felices paruuli, qui nomen Christi meruerunt, ante sanguine, quam lingua confiteri. Felices paruuli, qui de stadio mundi meruerunt ante ad regnum victores ingredi, quam scirent cum hoste congregari. Beati martyres, qui niuea innocentie stola candentes, atque roseo cruore vernantes, mærentur sequi quocumque ierit, agnum Dei; Ipse enim fuit eis causa pænæ, ipse est & corona gloriæ. Felices, vere beati, qui ante meruerunt vita æterna, quam præfenti perfrui: quibus vitæ præfentis ingressus, fuit ad æternam transitus.

Enarrationes rerum memorabilium, viuentem in terris Christo Domino gestarum, quæ in Euangelij non reperiuntur, sed à probatis Auctoribus scripta sunt. Cap. 108.

EA autem, quæ Dominus Iesus, dum in terris esset, stupore, & miraculo magno, & inaudita potestate operatus est per semetipsum, scripta sunt in euangelij, vbi videri possunt. ut visis admirandis actionibus, & auditis cælestibus verbis, & perspectis supernaturalibus virtutibus, prodigijs, & signis, quæ nunquam antea in mundo facta fuerant, & quæ nulla ratione, aut facultate, nisi diuina & omnipotenti fieri possunt, sciant homines Iesum Christum, verum fuisse Dei filium, qui descendit de cælo, & factus homo, obijciens hominibus inuolucrum carnis, quam ex Virgine, susceperat, operatus est omnium salutem in medio terræ.

10. ult.

Et quoniam Euangelistæ non omnia, quæ Christus gessit (quoniam fuerunt innumerabilia) sed præcipua aliqua conscripserunt, ideo putauimus, non ab re esse, si nonnulla quæ à probatis Auctoribus litteris mandata fuerunt, hic conscribantur ex illis, quæ Christi Domini temporibus gesta fuere. Sunt autem huiusmodi.

De

De Arbore excelsa magnitudinis, qua proficiscente Iesu in Aegyptum, fugiente Demone, ultro sese usque ad terram inflexit. Cap. 109.

CUm Hierosolymis de nato Christo rumor inciperet percrebrescere, & tam ex ijs, quæ cecinit, & prophetavit Simeon, quam etiam ex Annæ attestatione, iam hoc spargeretur in vulgus, & in Herodis apud illaberetur, qui nuper de nato Rege Iudæorum, ex relatione Magorum magnum timorem conceperat, his denuo de aduentu Christi nuncijs exacerbatus in furorem actus, utque se eo metu liberaret, necem quæsiuit infantis. Sed tanto facinori, per Angelum Ioséph: monens occurrit Deus, tunc enim accidit, quod post Magorum discessum contigisse Matthæus Euangelista scribit his verbis: Cum recessissent, ecce Angelus Domini apparuit in somnis Ioséph, dicens: Surge, & accipe puerum, & matrem eius, & fuge in Aegyptum, & esto ibi usque dum dicam tibi, futurum est enim, ut Herodes quærat puerum ad perdendum eum. Qui consurgens accepit puerum, & matrem eius nocte, & secessit in Aegyptum, & erat ibi usque ad obitum Herodis, ut impleretur quod dictum est à Domino per Prophetam dicentem: Ex Aegypto vocavi filium meum. Christo vero in Aegyptum cum Matre, & Ioséph pergente, hæc mirabilia (sicut tradit Sozomenus) contigerunt. Memorant (inquit ille) arborem esse, quæ Persis dicitur, Hermopoli, quod est oppidum Thebaidis, cuius fructus, aut folium, aut particula aliqua corticis ægrotis admodum morbos à compluribus depulerit. Nam traditum est, Ioséph cum propter Herodem assumptis secum Christo, & Maria Sancta Deipara fugisset, venissetq. Hermopolim; atque simul ut portæ appropinquavit, statim arborem, licet plane maximam, aduentu Christi curvatam esse, atque ad solum usque se inflexisse, & Christum adorasse. Atque hæc quidem de hac arbore, sicut à multis audiui, à me commemorata sunt. Quæ quidem, si quid ego iudico, vel significabat iam Christum in orbe adesse; vel ut est verisimile, arborem, quam incolæ propter magnitudinem, & pulchritudinem lege gentilitia venerabantur, Demone iam qui ibi colebatur, ob Christum talium rerum eversorem, qui in eo loco comparebat, perhorrescente, sua sponte commotam esse. Itaque demone inde abacto arbor, quo rei gestæ testimonio esset, remansit ibi, fidelesquæ morbis liberauit. Atque ut Aegyptij, & Palæstini istarum rerum, sic alij singuli aliarum quæ apud ipsos gestæ sunt, testes locupletes existunt. hæc Sozomenus.

Luc. 2.

Matth. 2.

Sozomen.
hist. lib. 3.
c. 20.

De ingressu Domini in Aegyptum, & commotione simulachrorum. De benedictione solitudinis in transitu data. De loco habitaculis Christi. De hortulo balsami, & fonte, in quo Virgo filium, & panniculos eius lauit. De lapide, ubi eos exsiccauit, & de mira virtute fontis. Cap. 110.

Illud quoque mirabile actum est in aduentu magni Domini in Aegyptum, ut simulachra illius terræ, in quibus Dæmonia pro dijs colebantur, tan-

L 2 to

*Isa. 19.**Euseb. de
dem. lib. 5.
c. 20.**Athan. lib.
de incarn.
Ver.**Orig. hom.
3. diuers.**Chrys. hom.
8. in Matt.*

to minime percussa, contremuerint, & commota sint. Quod aliquando futurum esse olim prædixit Isaias: "Ecce Dominus ascendet super nubem leuē, & ingredietur Aegyptum, & commouebuntur simulachra Aegypti à facie eius, & cor Aegypti tabescet in medio eius. Eusebius Pamphili de his agēs hæc ait: Hi qui prius incolebant Aegyptum prauī, vitiosiq. Dæmones per multa secula in simulachris latitantes, animasq. Aegyptiorum omnis superstitionis errore addicentes, ac subiicientes, cum sensissent nouam quandam, diuinamq. virtutem ad se accessisse, illicò commoti sunt & fluctuationem ac perturbationem in semetipsis pertulerunt, corq. eorum & ius intelligendi intrinsecus ab ipsis conuicta sunt, cesseruntq. & fugati sunt ab eadem virtute quæ vi effugere compellebat, & ignis instar ineffabili quadam ratione adducebat, & tunc quidem inuisibiliter Dæmones talia passi sunt, cum Saluator noster in Aegyptum cum visibili corpore peruenit. hæc Eusebius. Sed & Athanasius illorum gentilis non tantum commota esse, sed corruisse simulachra Aegypti testatur his verbis. Athan. Quis iustorum, aut Regum in Aegyptum descendit, & eius descensu Idola in Aegypto ceciderunt? Abrahā descendit, nihilominus Idololatria ubiq. viguit: natus est ibi Moyses, æque illic hæsit religionis error. Aegyptiorum enim supersticio non quieuisset, nisi Dominus omnium in corpore, quasi in nube veētus eo descendisset, & Idolorum errores compescuisset. hæc ille. Et Origenes in hunc modum: Fuge in Aegyptum, propterea, vt destruantur manufacta eorum, & confringantur, & pereant idola ipforum; propterea, vt Dæmones turbentur, & regum fabricæ in Idolis destruantur, vt fiat in aduentu Domini fugitiuorum feruorum, & malorum interitus. hæc ille, & alia multa id generis. Eadem alij complures sanctorum patrum, quæ quidem omnia sic accipienda esse putamus, non vt cuncta, quæ tunc erant in Aegypto corruerint simulachra, sed de his aliqua, non tam in signum quod ille aduenisset, quam quod idolatriam esset penitus euerurus. Demum in vitis Patrum quod opus Euagrii esse putatur, hæc scripta legūtur: Vidimus & alium sanctum virum, nomine Appollonium apud Thebaidem in finibus Hermopolis, ad quam ciuitatem Saluatorem cum Maria, & Ioseph de Iudææ finibus venisse tradunt secundū prophetiam Isai. Vidimus ergo ibi & templum ipsum, in quod ingresso Salvatore corruisse omnia idola in terram, & comminuta esse memorabantur. hæc ibi. Sane quidem illinc fluxisse in Græcos fontem Idolatriæ; qui Herodotum legerit in Euterpe plane intelliget. Porro non modo Aegyptum Domini præsentia illustratam, sed & ipsam solitudinem, per quam transiuit, esse nobilitatam tradunt; quæ tunc quodam modo semen benedictionis suscipiens; postea suo tempore, quod idem ait Propheta: Germians germinauit, & floruit solitudo sicut lilium, tot Sanctorum monachorum illic quaquauersum incolentium, produxit sacra germina: Quam & in Paradisum quandam amænissimam conuersam docet Chrysost. his verbis: Tactu ipso Domini gustum quandam sanctificationis adipiscitur: vt cum illum audierit ab Apostolis prædicari, huius quasi priuilegij honore decoretur, quod Dominum prima suscepit: & certe solius hic Palæstinæ videbatur esse primatus, sed facta est postea (Aegyptus scilicet) ista feruentior. Denique si quis nunc ad Aegypti veniat solitudines, Paradiso quouis omnem illam videbit Heremum digniorem, & innumerabiles Angelorum coe-

tus

tus in corporibus fulgore mortalibus, & Populos Martyrum, & choros Virginum, & omnem quidem Tyrannidem diaboli dissolutam, Christi autem regnum coruscans, & illam Poetarum, & Magerum quondam, hac Philosophorum parentem, & cuiusque generis imposturarum repertricem, quæque etiam ceteris propria inuenta tradiderat, videbit modo piscatorum magisterio gloriantem, & contemptis omnibus iam illis, repudiatisque, publicanum ubique, ac sutorem pellium circumferentem, atque ad maximam suæ fidei gloriam, crucem Domini præferentem. Et hæc omnia bona non in urbibus solum, sed etiam in desertis magis florent locis, quam in ipsis urbibus: est enim cernere tota illa regione diffusum exercitum Christi, & admirabilem illum Regium gregem, virtutumque cælestium conuersionem in terris micantem. Item: Non ita varijs astrorum choris, cælum refulget, ut Aegypti heremus innumeris Monachorum, ac Virginum distinguitur, & illustratur habitaculis. Si quis illam Aegyptum veterem nouit rebellem Deo, ac magnitudine superstitionum furentem, adorantem irracionales animantes, porcos etiam, caprasque pauitantes: hic optime Christi potest nosse virtutem, per quem facta est tam admiranda mutatio. Hæc Chrysostomus.

Non prætermittendū putamus nobile monumentum habitationis Christi in Aegypto; quod traditione priorū cognitū, posteris ab his, qui Religionis ergo ad illa peregrinati sunt loca, & inter alios ab eo, qui ceteris habetur fidelior, Brocardo, sic describitur: Inter Helyopolim & Babyloniam, medio ferme loco, est balsami hortus: & post multa: Irrigatur hortus ille ex paruulo fonte, sed vberē, in quo fama est Beatam Virginem Iesum paruulum pluries lauisse, panniculoque eiusdem mundasse, cum esset in Aegypto propter metum Herodis: est & ibidem lapis, super quem dicitur eosdem exsicasse: hæc omnia venerantur à Christianis & Saracenis. Verum quia fons Iesu paruulus est, non sufficiens irrigationi totius horti, Saraceni alium profundum fodērunt puteum iuxta illum, ex quo quatuor boues per Rotam aquam extrahunt; sperantes ex vicinitate fontis Iesu aquam alterius fontis fore virtuosam. At se deceptos animaduertentes construxerunt canale, per quod transmittunt aquam illā in fontem Iesu, ut sic ex eis mixtis fecundaretur hortus. Nec eos fefellit opinio: nunc enim sufficienter, & virtuose fecundatur ex aquis sic mixtis. Hæc, & alia admiranda, quæ auctor oculis spectauit, refert, cui, ut diximus, ceteri, qui eiusdem argumenti libros scripserunt adstipulantur; qui & addunt locum illum, in quo habitasse ferebatur Sancta Deipara, ab ipsis etiam Saracenis, magna veneratione haberi, adeo ut ibi lampadem perpetuo ardentem in memoriam Iesu illic olim habitantis conseruent; locumque illum ab incolis Aegyptijs Matarzam nominari tradunt, & distare à Cairo decem millibus passuum. Ibi insuper pretiosas Balsami arbusculas Iesu beneficio olim increuisse. Putealem fontem adhuc videri, quo ad obsequia Domini Virgo mater vsa fuerat, ex quo peregrini pio affectu, & hauriunt, & bibunt aquas non insalubriter.

*Brocard. in
descrip. terræ
sanctæ
par. 2. c. 4.*

*Corn. Insf.
in Concor.
Euang. c. 11.*

De calamitatibus Herodi à Deo immixtis, videlicet de conspiratione Antipatri in necem eius, & de iracundia eius in Iudeos, quorum nonnullos, Aquilam auream à templi porta auferentes viuos combussit. Cap. III.

*Ioseph. Ant.
tig. lib. 17.
c. 8.*

Herodes, quoniam, vt Christum occideret, innoxios infantes apud Bethlehem trucidauit, miris, & portentosis morbis propter ingens scelus, Deo vlciscente cruciatus est, & maximis calamitatibus afflictus: de quibus hæc Iosephus. Interea (inquit) legati instructi mandatis, ac litteris Romam properant: nimirum vt innotescat Augusto Antipatri filij detecta, proditio in patrem, quem veneno comparato necare parauerat, cuius causa ille conuictus asseruaretur in carcere. Interea morbo Rex correptus testamentum condidit, successionem Regni relinquens natorum minimo, exasperatus in Archelaum & Philippum calumnijs Antipatri; Cæsariq. legauit mille talenta, & vxori Iulix liberisq. eius amicis, atque liberis, talenta quingenta. Suis quoque filijs distribuit pecunias, & agros, ac redditus, similiter etiam nepotibus. Salomes etiam ratio est habita, quam propter perpetuam, & inconcussam beneuolentiam ditauit egregie. Desperata deinde salute, quod iam ad septuagesimum ætatis annum accederet, mirum in modum efferatus, iræ impatiens, & amarulentus in rebus omnibus: in causa erat opinio contemptus, quodq. existimaret gentem lætari suis infortunijs: quam opinionem confirmauit quorundam apud populum gratiosorum seditio mota ex causa tali.

Iudas Saripheï filius, & Matthias Margolothi (doctissimi erant Iudeorum & interpretes patriæ legis præstantissimi) ob idq. chari Populo, quod iuuentutem disciplinis instituerent; totis enim diebus eis dabant operâ, quotquot cupiebant in virtute proficere. Hi postquam cognouerunt morbum Regis esse incurabilem, concitauerunt iuuentutem, vt sublatis operibus, quæ Rex præter patriam consuetudinem fecerat, propugnatores pietatis se ostenderet, debitum inde expectantes præmium, nam hanc esse Regi causam cum calamitatum domesticarum, tum postremo præsentis morbi; videlicet quod contemptis legibus multa nouare ausus sit, nam hac parte multis in rebus pietatem Regis hi doctores desiderabant. Inter cetera supra maiorem portam templi dedicauerat donum preciosum, aquilam auream magni ponderis: cū lex nostros homines vetet imagines statuere, aut consecrare animantium effigies. Quamobrem hi Doctores auctores erant discipulis, vt aquilam illam detraherent: & si enim res videatur non carere periculo, tamen etiam iucundæ vitæ præponendum esse honestum obitum, si contemnatur propter tuendas leges patrias: quandoquidem sempiterna fama nullo seculo passura sit gloriam eorum intermori: & alioquin ignauos iuxta ac fortes eundem manere interitum: proinde recte facturos virtutis cultores, si ex communi necessitate honorem sibi decerperent, & cum hoc solatio de præsentis vitæ recederent: magnum enim leuamen esse honestis conatibus immori, & periculi non contemnendum præmium transmissum ad nepotes ac posteros, cuius in partem tota cognatio tam viri quàm feminæ veniant: quo quid esse possit optabilius? Hac exhortatione accensis iuuenibus, rumor superuenit

extin-

extinctum Regem nuntians, & propensos iam ad facinus perpulit. Itaque claro meridie ascendentes detractam aquilam conciderunt securibus, inspe-
 ctante congregata in templum multitudine. Quod ut renuntiarum cognovit Dux Regius, maiorem aliquam conspirationem metuens occurrit eò cum valida suorum manu, cohibiturus demolitores aquilæ, & irruens in vulgus rude, & imparatum, ac conglobatum temere, facile reliquis disiectis & cedentibus, circiter quadraginta iuvenes resistere ausos comprehendit, cumque his auctores facinoris Iudam, & Matthiam, turpe putantes cedere, omnesq. ad Regem perduxit. Quo rogante, quo freti ausi sunt sacratam imaginem demere? aiunt, & deliberaſſe id multo antea, & deliberatum executos, ut fortes viros decuit, nam & honori diuino, inquit, succurrimus, & legem, cuius discipuli sumus, vindicauimus. Nec est quod mireris, si tuis decretis leges præponimus, quas nobis Moyses auctore & doctore Deo protulit: nec recusamus mortem, ac supplicium quodcumque nobis intuleris, conscij nos non maleficij, sed pietatis causa hæc perpeti. Hæc illi non minore animo, quam verbis præferentes fortitudinem æque, tum ad constanter patiendum alacres, atque antea ad agendum fortiter fuerant. Eos Rex victos misit Hiericunthem: moxq. accitis Iudæorum primoribus in concionem eorum lectica ob imbecillitatem delatus cepit commemorare labores suos exhaustos pro republica, tum instauratum templum impensis ingentibus, quale opus per ducentos viginti quinque annos nemo Assamoneorum Regum ad honorem Dei valuiſſet perficere: nec extructum id tantum à se, verum etiam ornatum votiujs muneribus, ac donarijs templo dignissimis: & ob hæc facta speraſſe se vel post obitum sempiternam & memoriam & gloriam. Nunc pro nefas, viuo etiam ac superſtite pro beneficijs reponi iniuriam, & medio die ſpectante multitudine ſua dona ſacrata violari ac detrahi: quæ iniuria licet in ipſum intentata, re tamen vera ad Deum magis pertineat, cuius ſacra compilata ſunt. Tum honoratiores quique veriti crudelitatem eius, ne forte efferatus in ſe quoque grauius animaduerneret, negauerunt hæc facta ex ipſorum ſententia, videriq. ſibi admiſſam rem dignam ſupplicio. Ille in ceteris mitior, Matthiæ Pontifici adimic ſacerdotium, quaſi non alieno ab hoc conſilio, eiq. ſucceſſorem dedit fratrem vxoris ſux Ioazarum. Huius Matthiæ Pontificatu accidit etiam alium Pontificem ad vnã diem ſubſtitui, qua Iudæi populariter ieiunium celebrant: nam Matthias ea nocte, quæ præcedebat diem ieiunij, viſus eſt ſibi per ſomnum cum vxore congregi; & cum ob eam cauſam rem diuinam facere non eſſet idoneus, Iolephus Elemini filius adiutor Vicarius propter cognationem ei datus eſt. Ceterum Herodes poſt mulctatum Matthiam ſacerdotio, alterum Matthiam ſeditionis auctorem, eiſq. ſocios viuos exuſit.

Ingentes Herodis plaga diuinitus inſlicta propter trucidatos infantēs. vis morbi, crudele mandatum in Iudæos. occiſio filij proprij, teſtamentum, deſperatio, & mors.

Cap. 112.

Herodi Regi, morbus factus est grauiſſimus, poenam impietatis ex-
 gente numine: lento enim calore torrebatur, qui non tam externo ta-

*Ioseph. An.
 117. lib. 17.*

L 4

Eu c. 8.

ctu deprehenderetur, quam intus popularetur viscera: aderat & vehemens voracitas, cui necesse esset continuo cibos suggerere: simulq. vexabatur intestinorum exulceratione, & colicis passionibus, pedes tuebant plegmate humido, & pellucido, similiterq. inguina: ipsa quoque verenda putrefacta scatebant vermiculis, accedente foeda, nec minus molesta tentigine, non sine foetore grauissimo: super hæc omnia neruorum contractione laborabat, & difficultate anhelitus. Quamobrem constans erat inter viros diuinos, & fatidicos opinio, Regem tot modis læsæ pietatis Deo pœnas expendere. Qui tamen grauius affligeretur, quàm vt videretur posse morbo perferendo sufficere, tamē euasurum se sperabat accersendis medicis intentus & medicamentis conquirendis vndique. Profectus etiam vltra Iordanem fluuium calidis aquis se fouebat apud Calliroen, quæ præter vim medicam potu quoque iucundæ sunt. Hæ aquæ in lacum bituminis feracem, effluunt: ibi de medicorum consilio immixtus fouendus in refertum oleo solium; visus est illis iam agere animam. Quare exorta comploratione familiarium excitatus, & ad se reuersus, nullamq. amplius salutis spem superesse intelligens, donatium militibus quinquagenas drachmas iussit distribui: magna denique liberalitate vsus in Duces, & amicos, rursus Hiericunthem reuersus est: vbi atra bile prægrauante eo immanitatis prolapsus est, vt facinus animo conciperet longe atrocissimum. Nam cum è tota ditione nobiliores Iudæorum ad eum conuenissent euocati minaci edicto pœnam capitis intentante, non parentibus, infensus ex æquo, siue fontibus, siue innoxij vniuersos concludit in circo. Accita deinde Salome sorore maritoq. eius Alexa, ait: instare sibi terminum vitæ succubenti tantis doloribus: quod quidem ferendum esse, quando iuxta communem mortalium sortem accidit: illud permolestum esse, si carendum sit extremo honore luctus, qui debeat Regibus: non enim ignotam sibi Iudæorum mentem esse, quod optatam suam mortem lætis accepturi sint animis: quandoquidem vel à viuente non abstinuissent contumelias: sed illorum esse officij leuamen aliquod præsentis huius doloris decernere; nam si assensum consilio suo præbeant, fore funus longe quam aliorum Regum honoratius, & manibus suis gratius omnibus per totam ditionem non fictè lugentibus. Ergo quamprimum viderint se exhalasse animam, debere eos clausam circo nobilium multitudinem cingere militibus, ignorantibus etiamnum suum obitum, non prius vulgandum, quam mandatum executi sint: iubere deinde, vt circum actos vna, omnes iaculis configerent. Quibus hoc modo cæsis duplicem se eis habiturum gratiam, vel quod mandatorum fuerunt memores, vel quod obitum suum publico luctu honorauerint. Hæc ille cum lachrymis lamentabundus cognatos per mutuam fidem, & benevolentiam, perq. omnia sacra obtestabatur, ne se extremo hoc honore fraudatum vellent: eis contra pollicentibus daturos se operari, vt cuncta iuxta eius mandatum fierent. Dum hæc mandata cognatis dat, superuenerunt à Roma litteræ à legatis missis ad Cæsarem, quarum summa erat; Acmen ab irato Cæsare occisam esse (parauerat hæc venenum propinandum Herodi) propter locatam Antipatro operam, ipsumq. Antipatrum relinqui arbitrio & Regis, & Patris; siue in exilium vellent eum pellere, siue capite plectere. His auditis Herodes paululum recreatus est, voluptate nunciij penæ Acmes, & permissæ sibi potestatis libere statuen-

statuendi de filio. Mox repetitus graui dolore, cibi tamen audius malum simul & cultellum poposcit, solebat enim & antea per se paulatim incidendo comedere: tunc vero circumspiciebat ferire se ipsum cupiens: perpetrassetq. facinus, ni Achiabus nepos istum praeueniens clamore sublato cohibuisset eius dexteram: moxq. denuo luctus cum trepidatione, ac tumultu occupauit Palatium, quasi rege iam agente animam: quem strepitum ubi peruenit Antipater, ratum patrem vere vitam finisse, spem concepit fore ut solutis vinculis sine difficultate regnum acciperet: cepitq. cum custode carceris, de missione agere, multa & in praesens & in futurum post acquisitam potestatem pollicens. Ille vero, adeo non paruit, ut mox conatus eius Regi renunciaret, utque sollicitatus ab eo sit ostentato praemio. Tum Herodes, qui iam ante male affectus erat erga filium, postquam audiuit custodem carceris exclamans pra indignatione, & caput sibimet verberans, quamuis morti proximus; erexit se in cubitum, iussitq. vnum ex satellitio sine mora eum occidere, & corpus obscuro funere condi in castello Hircanio. Deinde mutata voluntate, mutauit etiam testamentum. Antipatrum enim, quem prioribus tabulis Regni successorem destinauerat, Galilae simul, ac Perez Thetrarcham constituit: Regnum vero Archelao largitus Traconiticam, Gauloniticam, & Bataneam & Paneada Regiones Tetrarchiae nomine assignauit Philippo filio, germano fratri Archelai; Tammias autem Azotum & Phasaelida Salomae sorori suae tribuit, & argenti signati quingenta millia. habita est ceterorum cognatorum ratio, abundeq. prospectum singulis legada pecunia & redditibus annuis. Caesari quoque legauit argenti signati centies centena millia praeter eaque sua vasa tam aurea, quam argentea, magnumq. vestis pretiosae numerum. Iuliae autem Caesaris Vxori & quibusdam amicis quinquagies centena millia. His ordinatis quinta die, postquam Antipatrum filium occidit, vita functus est.

Reditus Christi pueri in Nazareth, & habitatio eius in domo Mariae. Cap. 113.

ANno Christi nono ineunte, Iesus Christus Redemptor noster, cum superiori anno monitus ab Angelo Ioseph ex Aegypto recessisset, septima Ianuarij in Palaestinam reductus, Nazareth habitauit. Memorabilis fuit antiquitus in Ecclesia ea dies, quae cum in Martyrologio Romano, tum in ceteris anniuersaria commemoratione recolitur. Est Nazareth ubi, Christus egit, inquit Hieronymus, viculus Galilae iuxta montem Thabor, vnde & Dominus Iesus Christus Nazarenus vocatus est; habetq. Ecclesiam in loco, quo Angelus ad Beatam Mariam euangelizaturus intrauit; sed & aliam, ubi Dominus est nutritus. De iisdem duabus domibus & Beda meminit, cum agit de locis sanctis.

Porro de Domo ista nihil attinet hic dicere, cum de ea, & translatione ipsius plurima supradicta sint.

Sed hic post tot ipsius Ioseph labores enarremus aliqua de sanctissimo hoc viro, quia ipsius res gestae litteris mandatae non fuerunt.

De

*De Nobilitate præcelsa, & sanctitate magnæ beatissimi Ioseph
sanctissimæ Virginis Mariae sponsi. Cap. 114.*

MAgnum fuisse Virum Ioseph B. Virginis sponsum, & excellentissimum locum & sublimissimum habuisse inter mortales homines, & altissima Nobilitate decoratum, ex eo satis constat, quoniam Euangelij sacri scriptores, primum dixerunt eum ex nobilissima tribu Iudæ, & ex regia progenie Dauid ortum habuisse; quod si nobilitas est, sanguis antiquus, & sanguis in quo Reges progeniti sunt, atque viri Principes, utique B. Ioseph hanc nobilitatem excellenter sortitum esse nullus dubitabit, qui legerit Euangelistas tanta emphasi, & magnificentia, & studio vetustissimam eius prosapiam, & præclaram originem, ex Abraham Patrum principe, & Dauid Regum progenitore recensuisse.

Quod si dixerimus: quod nobilitas est vnica virtus, & quod esse nobilem nil aliud est, quam clarere virtutibus, certe Iosephum hanc summam, & veram hominis nobilitatem eminentissimo modo assecutum esse, ex eo patet, quoniam attestante Euangelica historia, quæ mentiri non potest, ipse erat vir iustus, quo titulo omnibus virtutibus præditus, & sanctissimis moribus exornatus certissimo testimonio demonstratur.

Quod si nobilitas est à Principe, & Rege sapientissimo ad magna, & prima in Regno officia obeunda inter omnes totius Regni homines esse electum, utique S. Ioseph hac decoratum nobilitate omnis lingua fateri debet, quandoquidem à Deo summo, inter omnes homines, quotquot in mundo vniuerso reperiuntur, solus electus est ad officium altissimum, & munus præclarissimum, & maximum obeundum, ad quod etiam Angeli ipsi impares sunt, etenim constituit eum Dominus super familiam suam, & voluit æternus Pater, ut Filius eius cœternus carnem susciperet in sanctissimæ Virginis Mariæ foecundissimo utero, & quod hæc mulier Angelorum, hominumq. Regina, quæ sola, omnes Angelos, hominesq. gratia, virtute, maiestate, nobilitate, & lumine superat, esset eius sponsa, & ipse indiuiduam cum illa consuetudinem in propria domo haberet, & eius curam gereret, & socius eius foret in laboribus & in opportunitatibus, & fidelissimus comes in itineribus.

Et quod omnem stuporem superat, voluit ut omnipotens Filius ex Spiritu Sancto conceptus, & natus ex Maria Virgine esset sub tutela eius, & subditus illi, & voluit ut ipse regeret Regem regum, qui regit astra, ante cuius conspectum tremunt Angeli, & Principes procidunt, & illum defenderet, qui viduam & pupillum suscipit, & adiutor est pauperis, & eripit egenos ex manu potentis, & conterit brachia peccatorum, & deponit potentes de sede, & exaltat humiles. Magnificis autem, & honorificentissimis istis demonstrationibus mirificauit illum Deus. Præterea autem ad illum Angelos magnarum rerum nuntios destinauit, & Angelicis apparitionibus dignum fecit: & aperuit illi secreta cælestia, & dedit illi claritatem sanctorum, ut ipsorum innocentiam, & corporis sanctificationem sit adeptus, & cordis purissimam, & candidissimam puritatem diuino beneficio assecutus.

Præterea excelsa munia & officia à Deo illi credita fuerunt, & honestatus est in laboribus, & virtutibus auctus, adeo ut eminenti modo vita sua, & rebus

rebus præclarissime gestis Sanctorum imaginem expresserit.

Nam sicut olim magnus ille pater Ioseph, cuius sanctitatem tota Ecclesia admiratur, & celebrat, fratrum suorum inuidiam fugiens, Dei prouidentia pro multorum salute in Aegyptum missus scribitur: Sic iste Herodianam inuidiam declinans, Christum pro communi salute in Aegyptum portauit. Ille domino suo fidem seruans, Dominæ noluit commisceri, iste Dominam suam, Domini sui matrem Virginem agnoscens, & ipse continens fideliter custodiuit. Illi data est intelligentia in mysterijs somniorum; isti datum est conscius esse, & participem cælestium sacramentorum. Ille frumenta seruauit non sibi, sed omni populo: iste panem viuum è cælo seruandum accepit tam sibi, quam toti mundo. Adeo ut si Patriarchæ Iosepho, aut alijs ex sanctis illum compares, semper eum, & perfectionis excelsæ, & sapientiæ eximæ, & sanctitatis præcipuæ videas esse eminentem.

*D. Bernar.
ho. 2. super
Missus est.*

Huius sanctissimi viri magnitudo, & res gestæ non ab alijs quàm à præordinatis testibus conscribi meruerunt, sed abbreviato verbo conclusæ sunt, quoniam asserentes eum fuisse diuino consilio electum, ut esset sponsus Mariæ Virginis beatissimæ, & super omnes gloriosæ, & immortalis Regis nutritius, & custos, ita in sublimi laudes eius extulerunt, ut eius laudum sublimitatem nemo assequi possit, nisi qui potuerit intelligere, quantus sit ille qui sedens in dextera Patris æternus & omnipotens, homo in terris natus est, & datus hominibus.

Excellentissima Viri sanctissimi Ioseph dignitas ex legatione Angelica, qua ei à Deo demandatum fuit, ut nomen IESV imponeret. Cap. 115.

Ioseph dictum est ab Angelo de Christo Domino; Vocabis nomen eius IESVM: quod dictum fuerat & MARIAE. Cum autem B. Virgo esset vera Christi mater, ipsa debuit filio suo nomen imponere: imo cum reuera sola ipsa fuerit parens eius, ad eam solam hoc munus pertinere videbatur. Noluit autem Deus sanctissimum Ioseph, utpote verum sponsum, & maritum Virginis, hac dignitate, & auctoritate priuari. Vnde recte Chrysostomus, ita introducit Angelum loquentem ad Ioseph: Non quia ex Spiritu sancto est, idcirco te à ministerio tantæ existimes dispensationis extraneum: nam & si nihil habeas in hac generatione commune, tamen, quod est proprium patris, quodq. nihil lædit Virginis dignitatem, hoc tibi facile concedo, ut scilicet nato nomen imponas. Quamquam enim non sit filius tuus: tu tamen curam erga illum, & sollicitudinem ostendes parentis, & propterea te illi ab ipsa statim nominis impositione proprio, familiaremq. facio nato infanti. Hæc Chrysostomus.

*Mat. 1.
Suarez in
3. p. D. Th.*

*Hom. 4. in
Mat. 1. b.*

Cum ergo æternus Pater summa sapientia, & prouidentia hoc nomen sibi proprium cum hoc viro communicauerit, satis significauit, ad quantam dignitatem eum euexerit, cum nomine simul officium, & curam ei paternam, magna ex parte tribuendo.

Nomen IESV imposuerunt Deus, Angelus, Maria, & Ioseph: Deus quidem rem nominis præstando, Angelus prænuntiando, Maria, & Ioseph exequendo. Impositione, ac sanctissimi huius nominis publicatione, secre-

tum

tum cæleste Mundo aperuit Ioseph : Patris cælestis vices gessit: Spiritus sancti patefecit arcana .

*Baron. ad
Martyrol.
Rom.*

Anni primordio, Ianuarij prima die, huius sanctissimi Nominis impositio celebrata est . Certe Kalendæ Ianuarij celeberrimæ fuerunt Romanis: Nouis enim Consl. Magistratum ineuntibus, nouus etiam annus inchoabatur : primitijs autem Christi Redemptoris nostri sanguinis consecratæ, & multo præclariori purpura illustratæ, nobis sacrosanctæ sunt redditæ . At vero sicut eius diei celebrandi diuersa fuit causa Gentilibus, ac Christianis, ita & diuersus atque adeo contrarius fuit colendi modus vtriusque . Vt enim illi multiplicatis victimis, auctis superstitionibus, indecoris corporis motibus choreas ducentes, dapium publicarum ingluuie, nefandis, cruentisq. spectaculis sedabant potius diem, quàm colebant, sic isti è contrario, summa illum sanctificare, ac puritate transigere studebant, atque vt illorum superarent impietates, & in Deum iniurias quodammodo vindicarent, propensiori studio, additis Ieiunijs, & Litanijs, quibusdam velut expiationis hostijs, diuinum

*Ser. 2. edit.
Rom.*

offensum numen placare satagebant . Vnde S. Ambrosius de Kal. Ianuarij . Tunc (inquit) nos simus sobrij, atque ieiuni, quo intelligant læticiam suam nostra abstinentia condemnari &c. In quam etiam sententiam hæc ait sanctus Augustinus : Per istos dies ad hoc ieiunamus, vt quando ipsi lætantur,

In Ps. 98.

nos pro illis gemamus . hæc ipse . De ieiunio præterea eius diei ab Ecclesia olim celebrari solito agit Ordo Rom. & Albinus Flac. Litaniae etiam eadẽ

*Ordo Rom.
c. 20.*

ex causa ea die celebrandas sanctos Patres statuissè, testatur secunda Synodus Turonensis . Ne præterea ea die lætitiæ canticum caneretur Alleluiah,

*Alb. Flac.
de diu. off.
c. 4.*

venit Synodus Toletana . Perdurauit eiusmodi religiosus ritus in Ecclesia, quousque Gentilium superstitione permansit : qua demũ abolita, de ea veluti triumphans Sancta Dei Ecclesia, spiritali gaudio exultans (secundum illud propheticum) Coronam pro cinere, oleum gaudij pro luctu, & pallium laudis pro spiritu mœroris accepit . At quoniam prauis fructibus, quamuis semel excisi, iterum pullulare non desinunt : vix credi potest, quantum

*Synod. Turon. c. 18.
Synod. Tolet.
c. 10.
Isa. c. 61.*

laboris insumpserint Sancti Patres, vt infaustos palmites iterum exurgentes, non tantum verbi falce præciderent, sed, & radicitus prorsus euellerent . Hinc illè ipsoꝝ de Kalendis Ianuarij ad populum declamationes, vt à S. Ambrosio dictum est . itemq. S. Augustini, cuius sermonis tantum habetur fragmentum . S. Maximi Taurinensis, & S. Petri Chrysologi, qui & perbelle describit turpes illos Gentilium ritus nondum plane ea ætate extinctos, quibus quales essent dij Gentium, ipsi cultores eorum sua sponte facile demonstrarent . E Græcis Ioannes Chrysostomus id ipsum præstitit homilia in Kalendis habita ; idemq. homilia prima de Lazaro cõmendat auditorum pietatem, qui diem kalendarum spiritalibus officijs transgressissent, aitque : Hesternum diem, cum esset festum Satanæ, fecistis festum spiritus, &c. Nec tantum Patres pro concione, sed & in sacris Concilijs, ea die fieri solitas superstitiones, sancitis legibus veruerunt ; vt in Synodo Turon. & in Antisiodoren. quo præsertim strenge adhuc vsu retentæ, sunt prohibiti, quas etiam à Tiberio Imperatore olim esse moderatas scribit Suetonius . ac demum à Maioriano Imperatore veritas esse, nouella constitit . de curialib. edita monstrat . Quænam fuerint strenge, cur sic dictę, declarat Festus verbo, strenge . Ex Græcorũ Synodis Martinus Bracaren. recitat, veritum esse

*Ambr. ser. 2.
August. in edit. Lona. 10. 10.
Chrysolog. ser. 155.
Synod. Turon. c. 23.
Antisiod. c. 1.
Suet. c. 34.
Festus in ver. strenge .
Mart. Bracaren. col. l. c. 73.*

esse Christianis, ea Kalendarum die, viridi lauro, vel alijs virentibus arborum ramis ornare domos. Romæ Gregorius Tertius inueteratam in ceteris abusionem tollendam curauit, eiusq. successor Zacharias malæ arboris ramos vsque in Gallias propagatos Apostolica falce succidit, vt apparet ex Epistola S. Bonifacij Episcopi Maguntini scripta ad Zachariam Papam, aliaq. eiusdem Pontificis ad eundem Bonifacium. Est canon pœnitentialis 88. de obseruantibus Kalendas Ianuarij, vt annis tribus pœnitentiam agant. Porro non tantum Ianuarij, sed & Martij Kalendas ijsdem Gentilium ritibus labefactatas, sexta Synodus can. 62. restituit, purgauitq. De C. Cæsare Caligula hæc habet Suet. Edixit & strenas ineunte anno se recepturum: stetitq. in vestibulo ædium Kal. Ianuarijs ad captandas stipes, quas plenis anteuum manibus, ac sinu omnis generis turba pendebat. Nouissimæ contrectandæ pecuniæ cupidine incensus, sæpe super immensos aureorum acervos patentissimo diffusos loco, & nudis pedibus spatiatus, & toto corpore aliquandiu volutatus est. Hactenus Suet. At Christus Dominus Rex supremus recens mundum ingressus, propriam carnem, & sanguinem magnificentissime primo anni die nobis donauit. Impius Caligula, vt seipsum ditaret, inopes reddebat subditos die prima Ianuarij: Christus autem Saluator, propter nos egenus factus est, cum esset diues, vt illius inopia nos diuites essemus, & eadem die pretium sanguinis sui pretiosissimi pro nobis exsoluere incæpit. Nô temporalia bona à nobis pius Redemptor extorquet, sed & alia plura nobis ingratis liberalissimè donat, vt iure Dauid dixerit: Deus meus es tu, quoniam bonorum meorum non eges. Falsi illi Dij, quibus Idolorum cultores incensum adolebant, vt sacra narrat historia, ab eis sanguinem ipsum exigebant: Incidebant se iuxta ritum suum cultris, & lanceolis, donec perfunderentur sanguine: Deus autem noster, non sicut Dij eorum, nostrum exigit, sed pro nobis vulneratus proprium sanguinem in medicinam vulnerum nostrorum profundit.

Sed Ioseph hic magnus, qui Domini sui, & Matris eius sanctissimæ curam habere meruit, nostri quoque esse sollicitum, patet ex infrascriptis exemplis.

Propter piam exercitationem erga imaginem S. Ioseph nobilis Venetus præsentiam beatissimi Viri in obitu suo promeruit.

Cap. 116.

Didicimus à quopiam viro venerabili, in inclyta Venetiarum Vrbe Italix, nobilem virum quempiam consuetum per singulos dies ante imaginem sancti Ioseph in cuiusdam ecclesiæ pariete pictam, genua flectere, sanctumq. Ioseph precibus venerari. Post diu obseruatam, volenti corde, & sincero, & talium precum consuetudinem, lecto decubuit, graui morbo pressus. Hic vidit vigilans, & sanis oculis, sanaq. mente, sanctum Ioseph: instar præfatæ imaginis, cubiculum suum introcuntem, quo visu mira contritione suorum criminum affectus est. Illico autem euocato confessore sacerdote, confessionem criminum suorum more catholico peregit. Sicq. obdormiuit in Domino dignatus præsentia sanctissimi Ioseph, & ab eo ad superos (vt pie creditur) inuitatus.

Merca-

Ead. 26. q.
3. c. non li-
seat iniqu.

Suet. lib. 4.
in Calig.

Cart. de
Circume.

2. Cor. 18.

Ps. 15.

3. Reg. 18.

Isolanus de
S. Ioseph p.
4. c. 116.

Ex D. Vincentio Ferrerio in sermo de Natiuitate Domini.

Mercator Valentinus quolibet anno in die natiuitatis Domini inuitabat pauperem senem, & aliquam mulierem habentem filium paruulum, qui representabat sibi Virginem cum filio, & Ioseph. De quo fuit reuelatum, quod in morte apparuerunt sibi, Virgo cum filio, & Ioseph dicentes: Quia recepisti nos in Domo tua, ideo recipiemus nos te in Domo nostra. Hæc ille.

F. Ioannes à Fano refert de Sancto Ioseph, vt sequitur.

Cap. 117.

Cum duo fratres ex Seraphico Ordine nostri Patris sancti Francisci nauigarent in Flandriam, accidit, vt graui exorta procella naui submergeretur, & triginta, quos uehebat, homines perirent. Illi autem tabulam quandam arripientes, tribus integris diebus, & totidem noctibus per procellosum illud mare pererrantes, Diui Iosephi, cui maxime deuoti erant, auxilium religiose implorarunt, quorum preces exaudiens in pulchra iuuenili forma eis apparens, & beneuole salutans, corroborauit, & incolumes ad portum duxit. Vbi flexis genibus Deo in primis, & ipsi gratias agentes, quisnam ille esset, ab eo enixe petierunt, vt dignaretur id aperire, quibus respondit: Ego sum Ioseph. Pie autem admodum receptum est à pluribus, qui hunc sanctissimum virum dilexerunt, vt in honorem pueri Iesu, & Mariæ sponsæ eius, & in ipsius commemorationem, certis quibusque diebus septies orationem dominicam, & septies salutationem Angelicam precantes recitent, memorando septem graues dolores, quos ipse pertulit, & gaudia septem, quibus affectus est in seruitio diuino. Ex qua pia exercitatione mirificus fructus percipitur. Primus autem dolor fuit, cum videns sponsam prægnantem, voluit occulte dimittere eam. Secundus, cum vidit Christum Dominum infantem in humili stabulo iacere, aeris, & frigoris inclementia fatigatum. Tertius in Circumcisione, quando graui eius vulnere percussus Dominus sanguinem fudit. Quartus, cum audiuit verba Simeonis in die Purificationis ad Mariam sponsam suam dicentis: Tuam ipsius animam pertransibit gladius. Quintus, in fuga in Aegyptum propter Herodianam aduersus infantem Iesum persecutionem. Sextus, quando in reditu ex Aegypto in Iudæam, audiuit Archelaum filium Herodis multo illo crudeliorem regnare. Septimus, cum in itinere in Ierusalem amisit puerum Iesum. Gaudium autem primum fuit, quando mente perplexus, videns grauidam Virginem, Angelus diuinitus missus, consolatus est eum, dicens: Ioseph, fili David, noli timere accipere Mariam coniugem tuam; quod enim in ea natum est, de Spiritu sancto est: Secundum, quando vidit Angelos Christum in præsepio iacentem adorare, & diuinas laudes ei concinere audiuit: Tertium, quando imposuit Christo infanti nomen IESVS, quod ei reuelatum fuerat ab Angelo dicente: Vocabis nomen eius Iesum: Quartum, cum à Simeone audiuit, futurum, vt Christus Dominus auctor esset resurrectionis, & salutis generis humani: in resurrectionem, & salutem multorum: Quintum, quando in egressu ab Aegypto vidit Idola, cum præsentiam Christi ferre non possent, in terram contracta concidere: Sextum, quando admonitus est ab Angelo, tempus iam esse, vt cum Matre, & Filio in Iudæam

dzam rediret: Septimum, quando inuenit Iesum in templo inter Doctores disputantem. Hieronymus Gratianus Carmelita in libello de S. Ioseph; Laurentius Masselius Societatis Iesu, & alij referunt ipsummet Ioseph hanc piam exercitationem docuisse.

*In Vita B.
Virginis.*

Beata autem Tiresia, mulier ætate nostra sanctissima, & ardentissima orationis amatrix, in opusculo confessionis vitæ suæ, quam ipsa deuota humilitate conscripsit, de beatissimo Ioseph, quem sibi patronum asciuerat, admiranda dicit, asseritq. se quanta potuit deuotione maiori, sanctum istum virum in vita sua coluisse, vitæq. suæ incertum cursum beato viro commendasse, & re ipsa expertam fuisse, melius, & tutius prouidisse illum necessitatibus suis, & à iactura honoris, & interitu animæ fortius liberatam, quam ipsa petere sciuisset. Fatereturq. nihil vnquam precibus ab illo postulasse, quod eius ope non obtinuerit. Plurimumq. admiratur se intercessione istius viri sancti à Domino suo tot gratias, & tam magnas, tam ad corporis, quam ad animæ salutem pertinentes esse consecutam.

Docetq. alios Sanctos peculiare aliquas gratias, & opitulationes in certis necessitatibus, hominibus à Deo vt plurimum impetrare solere: Verum Ioseph gloriosum in impetrandis omnibus gratijs vniuersaliter esse profusum, nulli esse dubium, nisi ei, qui ad ipsum non confugerit: vt hoc modo nos Dominus certiores faciat, quod sicut dum in terris degebat, ei subditus esse voluit, & obedire iussibus eius, ita in cælis similiter agere velit, quod ille rogauerit.

Dicta autem Beata mulier asserit se multis alijs hortando persuasisse, vt ad sanctissimum hunc Mariæ sponsum, in occurrentibus necessitatibus propius accedere precando non vererentur. Quod cum ab illis factum fuisset, idem, quod ipsa, expertos fuisse, & reuera cognouisse, eos qui deuota animi affectione illi addicti sunt; semper re ipsa probasse eius auxilium, vt quotidie deinceps in virtutibus acquirendis proficerent, & deuotionis fructum in diuino seruitio perciperent.

Solebat autem Beata ista singulis annis in die qua Sancti festiuitas celebratur, petere ab illo aliquam gratiam, asseritq. nunquam se frustratam fuisse gratia, quam postulabat. Immo si forsitan postulatio eius non penitus recta fuisset, ipsum tamē, Deo ita moderante, postulationem factam in maius sui ipsius prædictis bonum semper conuertisse.

Huius autem sanctæ mulieris testimonium, magnopere animos nostros ad beatissimum hunc virum venerandum excitare debet.

De venerando sene Simeone Dei susceptore, qui diuino priuilegio meruit vlnis excipere eum, quem totus non capit Orbis; & de Anna Prophetissa. Cap. 118.

DE Simeone iusto pauca scripta sunt in Euangelijs, & tamen magna gessisse, quia magnus erat, non dubitandum est. De eo, hæc scriptis mandasse reperitur Timotheus presbyter Hierosol.

*Timoth.
presb. Hierosol.
orat. de Prophetia
Sim. Dei
susceptore.
Luc. 2.*

Age (inquit) dilecti, vltimum iustum oratione intueamur: Et quis est ille vltimus iustus, qui nuper à nobis est lectus in Euangelio secundum Lucam, nomine Simeon? Hic est & primus, & vltimus: vltimus legis, primus gra-

tiz:

tix : Iudæus religione, Christianus gratiarum actione : Christianus lectione, Angelus lingua . Qui ex pharisaica blasphemia, rosa collectus est ex spinis , & primus donationis gratiæ inspiratione cognitus : Simeon , qui eo processit iustitiæ, ut in ipso corpore veluti responsum acciperet , non præteritum præsentem, quæ est ad tempus, vitam, donec videret D. N. IESVM Christum . Iustus ergo, & magnus Simeon, cum ante susceptam carnem desiderasset videre Dominum, vidit in carnis susceptione, & animaduertit, & vnus est amplexus, & rogauit ut relaxaretur è custodia corporis ; ore simili clamans ad omnium Dominum, qui videbatur infans, sicut audistis : Nunc dimittis seruum tuum, Domine &c. Vidi gloriam tuam . Soluar ab hac breui vita , in quam cadit interitus . Vidi choream Angelorum , glorificationem Archangelorum, omnem creatam naturam exultantem : cælestia, & terrestria vnum habentia transitum .

Nunc absoluar, ne hic retinear . Spiritus sanctus est in me, & video, quæ tibi euenient . Nunc absoluar, ne Iudæorum, qui sunt mei generis , quæ in te est futura, videam audaciam . Expectabat Simeon hanc redemptionem ex libris prophetis Christum annunciantibus, & spiritus erat super eum, Spiritus sanctus prophetiæ : legens enim quodam tempore prophetias , quæ de Christo erant, cum inuenisset quod Deus incarnandus esset, ad supernaturale mysterium tamquam homo anhelabat, ideo etiam oraculum, siue responsum accepit, s; non moriturum, donec ipse Christum oculis videret corporeis. Sunt qui pie meditati sunt, Simeonem cum esset in templo, vidisse quidem multas matres cum suis filiis templum ingredientiæ ad peragendum sacrificium purificationis ; in quarum medio erat quæ portabat venerandum factum, & nullis sordibus contaminatum . Iustum autem Simeonem huc, & illuc oculos circumferentem, postquam vidit multas matres in priuato habitu humanitatis, solam autem Virginem diuino lumine circumdatam, separasse reliquas matres, clamantem, & dicentem omnibus : date mihi locum, ut teneam eum, qui desideratur : vidi eum, qui me præuidit ; vnde & meus genuit spiritus . Cur, quæ estis ancillæ, cum libera, & domina concertatis ? cur infantes vestros aræ offertis ? huc conuertimini, & eos offerte huic puero, qui est antiquior Abraham . Vita functus est Simeon iste quidem pluribus annis obstitus, bene confectus : nec tamen à sacerdotibus postremum honorem consecutus, humatus est . Cur autem id acciderit, nullam affert causam Epiphanius : sed ea putatur, quod palam Christi aduentum annuncians , in se sacerdotum ceterorum inuidiam, & odium concitaret .

Verumenimvero non tantum cum accepisset puerum in vlnas suas Simeon, illud de aduentu Christi palam Canticum occinuit , & prophetice , quæ de illo essent ventura, prædixit : sed, & erat, inquit Lucas, Anna Prophetissa, filia Phanuel, de tribu Affer : hæc processerat in diebus multis , & vixerat cum viro suo annis septem à virginitate sua : & hæc vidua erat usque ad annos octogintaquatuor : quæ non discedebat de templo ieiunijs, & obsecrationibus seruiens nocte, ac die ; & hæc, ipsa hora superueniens, confitebatur Domino, & loquebatur de illo omnibus, qui expectabant redemptionem Israel . hæc de ipsa Lucas Euangelista , Quomodo autem Anna numquam è templo discessisse dicatur, ut merito eandem S. Cyrillus Hierosolymitanus, religiosissimam Monialem appellet ;

Scien-

*Eutym. in
e. 2. Luc.*

*Timothe.
præb. Hieros.*

*Epipha. de
prophet. vit.
et inter. 6.
24.*

Luc. 2.

*Cyrl. Ca-
roch. 10.*

Sciendum est haberi in Exodo, à Moyse factum labrum æneum cum basi sua de speculis mulierum, quæ excubabant in ostio tabernaculi. Qui illum locum sunt interpretati, fuisse dicunt mulieres, quæ seculi pompæ, atque delicijs renunciantes, sese vna cum suis rebus, ijs præsertim, quæ essent peccatorum illecebræ, ministerijs Domini mancipientes, assidujs intentæ precibus, excubarent ad ostium tabernaculi; quod quidem pietatis officium, exstructo postmodum templo, non tantum non cessasse, sed magnificè auctum, par est credere. Ex harum numero fuisse Annam prophetissam existimant: de qua scribit Lucas. Prophetavit itaq. Simeon: prophetauerat copulata coniugio: prophetauerat Virgo: debuit etiam vidua prophetare, ne qua aut professio deesset, aut sexus. Et ideo Anna, & dispendijs viduitatis & moribus talis inducitur, vt plane fuisse credatur, quæ Redemptorem omnium venisse nunciaret.

Exod. 38.

Amb. li. 2.

in c. 2. Luc.

Duos sibi testes, in templo Christus parauit, virum Simeonem, & feminam Annam. At quales testes? omni sanè (vt aiunt) exceptione maiores, ab omni mendacij suspicione maxime alienos. Simeon vir erat iustus, & timoratus, & Spiritus sancti luce illustratus, vt supra dictum est. Anna vero, vt hoc loco asserit Euangelista, prophetæ dono adornata, multis annis in viduitate, castitatem seruauerat: ieiunijsq. & obsecrationibus seruiens die ac nocte, à templo non recedebat. Vterque testis testimonium Christo perhibuit egregium, in ipso templo Hierosolymitano, coram populo, Leuitis, & Sacerdotibus. Verumtamen, quia pauperem cernebant infantem, ex paupere matre ortum, auditores non tanti testimonium fecere, quanti fuerat faciendum. Hoc veracissimum par testium, cum pari turturum, recte confertur. Pulchrum est videre par turturum, senem scilicet iustum, & viduam Annam, vtrumque castum, vtrumque desiderio redemptoris gemebundum, qui vtique semetipsos hostiam viuam Domino obrulerunt. Pares erant fide, æquales castitate, similes deuotione, consortes prædicatione, gratiæ.

Barad. C8-

cord. li. 10.

c. 3.

Luc. 2.

Guer. 2. de purif.

Hic considerandum est, quantum desiderium habebant antiqui sancti videnti Christum. Sciebant illum esse venturum, & omnes qui piè viuebant, dicebant; O si hic me inueniat illa natiuitas! o si quod credo in scripturis, videam oculis meis! Et vt noueritis quantum desiderium habebant Sancti, qui nouerant per scripturas Virginem parituram, sicut audistis, cum Isaias legeretur: Ecce Virgo concipiet in utero, & pariet filium, & vocabitur nomen eius Emmanuel. Emmanuel quid sit, Euangelium nobis aperuit dicens, quod interpretatur, nobiscum Deus. Non tibi ergo sit mirum quæcumque infidelis anima, non tibi videatur impossibile vt Virgo pariens permaneret. Intellige natum Deum, & non mireris Virginis partum. Vt ergo noueritis antiquos Sanctos, & iustos optasse videre, quod concessum est huic seni Simeoni: Dominus noster ipse Iesus Christus ad Discipulos suos loquens ait: Multi iusti & prophetæ voluerunt videre quæ vos videris, & non viderunt, & audire quæ auditis, & non audierunt. Multum senex iste fuit ad audiendum serus, sed ad videndum maturus. Non expectauit vt Christum audiret loquentem, quoniam agnouit infantem. Et hoc illi concessum erat iam decrepito, quasi desideranti, & suspiranti, & dicenti quotidie in orationibus suis:

Aug. serm.

16. de ier.

M

Quan-

Quando veniet ? quando nascetur ? quando videbo ? Putas durabo ? putas hic me inueniet ? puras isti oculi videbunt , per quem cordis oculi reuelabuntur ? Dicebat ista in orationibus suis , & pro desiderio suo accepit responsum , quod non gustaret mortem , nisi prius videret Christum Domini . Gestabat eum Maria mater eius infantem , vidit ille , & agnouit . Agnouit Simeon infantem tacentem , & occiderunt Iudæi iuuenem mirabilia facientem . Cum ergo cognouisset , accepit in vlnas suas , hoc est , in brachia sua , amplexatus est eum . Portabat à quo portabatur . Ipse enim est Christus sapientia Dei attingens à fine vsque ad finem fortiter , & disponens omnia suauiter . Quantus ibi erat ; & quàm magnus , quàm paruus factus erat ? Paruus factus , paruos quærebat . Quid est paruos quærebat ? Non superbos , sed humiles colligebat . In præsepi dignatus est poni , vt esset piorum cibaria iumentorum . Accepit eum Simeon in brachia sua , & dixit : Nunc dimittis Domine seruum tuum in pace ? quia viderunt oculi mei salutare tuum . Salutare Dei , Dominus Iesus Christus . Annunciate diem ex die salutare eius . Habetis ergo pueri puerum Iesum : facti senes , senem Simeonem . Si autem queritis , vt & coniugatus aliquis vir testimonium Domino perhibeat , Zachariam considerate . Nemo ergo quærat aliud , fratres mei , Christiani fideles : aut Virgo , aut vidua , aut coniugata , aut puer , aut continens , aut vxoratus , quicquid plus esse quis voluerit , non inuenit , quemadmodum ad Christum pertineat . Non inuenimus testimonium perhibuisse Christo adulteros , & fornicatores immundos . Et vt ab huiusmodi iustis ei testimonium perhiberetur , ipse præstitit , ipse donauit : non enim quisquam est sanctus viribus suis .

*Baron. ad
Martyr. a.
Tiberij .*

In vetustis codicibus agitur de festo Simeonis , & Annæ , quod & appellabatur festum occurfus , à Græcis autem Hypapante , seu Hypante , quod sonat , obuiam ire officij gratia , & occurrere : quo verbo vtitur Ecclesia , & rem quoque ipsam explicat in Inuitatorio nocturni officij in festo Purificationis die 2. Februarij , cum ait : Ecce venit ad Templum sanctum suum dominator Dominus : Gaude , & lætare Syon , occurrens Deo tuo .

*Amalar. l.
3. c. 43. de
Ecclesiast.
offic.*

Scriptum est in gestis Pontificalibus , quod Sergius Papa præciperet Litanias fieri in die præsentationis Domini in templo . Ita enim scriptum est : vt diebus annunciationis Domini , dormitionis , & natiuitatis sanctæ Dei Genitricis Mariæ . & sancti Simeonis quod Hypante dicitur græcè , cum Litania exeant à sancto Adriano , & ad sanctam Mariam populus occurrat . De qua festiuitate dicit Beda sacerdos , & doctor eximius in libro de temporibus : Secundum mensem Numa dicauit Februo , idest , Plutoni , qui lustrationum potens credebatur , lustrariq. eo mense ciuitatem necesse erat , quo statuit , vt iura dijs manibus soluerentur . Sed hanc lustrandi consuetudinem bene mutauit Christiana religio , cum in mense eodem , die sanctæ Mariæ , plebs vniuersa cum sacerdotibus , ac ministris , hymnis modulatz vocis , per Ecclesias , perq. congrua vrbis loca procedit , datosq. à pontifice cereos manibus gestat ardentes , & augefcente bona consuetudine , idipsum in ceteris quoque eiusdem matris , & perpetuæ Virginis festiuitatibus agere didicit ; non vtique in lustrationem terrestris imperij quinquennem , sed perennem Regni

gni celestis memoriam, quando iuxta parabolam virginum prudentum, omnes electi lucentibus bonorum actuum lampadibus, obuium sponso, ac Regi suo venientes, mox cum eo ad nuptias supernæ Ciuitatis intrabunt. Hæc Amalarius.

Constat etiam Gelasium Romanum Pontificem, eiusdem festi celebrandi in Occidentali Ecclesia aperuisse viam; dum Lupercalia mense Februario agi solita, vt scribit Varro, Romæ ad ea tempora permanentia, legibus Ecclesiasticis abrogauit. Extat eiusdem Pontificis de ea re eruditissimus commentarius aduersus Andromacum Senatorem ac ceteros Romanorum studiosos Lupercalium. Habemus illum manuscriptum in nostra Bibliotheca, est eius exordium: Sedent quidem in domibus suis nescientes, neque quæ loquantur. Iure itaque opinamur, abrogatis Lupercalibus, Romæ, sicut in multis accidit, eiusmodi fuisse solemnitatem introductam: quam paulo post, Iustiniani temporibus Orientalis Ecclesia ea occasione recepit.

Missa ea die dici solita, in sacramentario S. Gregorij, quod manuscriptum legimus in Vaticano, inscribitur ad Collectam: eo quod eleemosynæ publice colligerentur, quas indici consueuisse ab ipso Romano Pontifice indicat sermones quinque S. Leonis Papæ de Collectis habiti: in quorum tertio alludens idem summus Pont. ad prædictas Gentilium superstitiones ea die, magis, magisque exerceri solitas, ait: Quoties cœcitas Paganorum in superstitionibus suis est intentior, tunc præcipue populus Dei orationibus, & operibus pietatis instat.

Addidit huic solemnitati Sergius Papa, vt habet Ordo Romanus, Litanias institutas, vt supra diximus. Non tamen quis putet eundem, & cereorum usum ab eodem Sergio institutum: nam S. Eligius Episcopus Nouiomanensis, qui ante Sergij tempora vixit, obiitque, vt scribit Sigebertus, in sermone quem in ea solemnitate habuit, pluribus differit de eo mysterio cereorum. Porro ante Christi aduentum, cereorum in singulos distributio à Gentilibus fieri consuevit in Saturnalibus, quæ agebantur mense Decembri, vt tradit Macrob. Putamus, sicut & de multis alijs contigit, usum illum superstitionis Gentilium, sacris ritibus expiatum, ac sacrosanctum redditum, in Dei Ecclesia esse laudabiliter introductum.

Sed hic loco valde oportuno est obseruandum, quod Gelasius Pontifex Romanus, ad extirpanda Lupercalia, se vere summum Pontificem à Deo constitutum ostenderit, cum in his quæ sunt ad Deum, vi magna in ipsum Imperatorem se erexit, & Rege Gothorum Theodorico, Italiæ tunc dominante, leges Vrbi perscripsit, dum Pontificia edita sanctione, vetuit conseruata hastenus Lupercalia, nullo ab impio Rege requisito consensu, vel placet, vt aiunt, accepto.

Quis credere possit post tot Christianorum Imperatorum edicta aduersus idololatriam sæpissimè lata, postque sanctorum Pontificum ad eandem extirpandam adhibita studia, viguisse tamen adhuc Romæ ad Gelasij tempora, quæ fuere ante exordium Urbis allata in Italiam Lupercalia? Et quis satis digne admirari queat, eadem quoque recepta ab hominibus Christianis? Sed & non obstupefcat amplius, audiens eadem habuisse defensores

M 2 Chri.

Baron ibi.

Varro li 5.
de ling. lat.

Niceph. hist.
17. c. 28.

Sigeb. in
Chr. an. D.
665.

Macrob. li.
1. Saturnal.

Christianos, qui Gelasio illa penitus extirpare conanti resisterint, eosdemq. fuisse nobiles Senatores? Aduersus hos autem idem Pontifex acerrimam struxit Apologiam, qua, quod ipse tam nefaria prohibendo statuerat decretum, ut sancte pieq. sancitum voluit custoditum, ne posteritas conuellere auderet, quod auctoritas Pontificia decreuisset, & editam nobili scriptione firmasset: quam cupienti lectori hic, ex Vaticano codice editam, describendam esse putauimus, erroribus (quantum licuit) emaculatam: multa enim habet, quæ ad rerum gestarum eorum temporum pertineant cognitionem. Est autem libelli palam editi eiusmodi inscriptio:

Gelasii Papa Decretum de abrogandis Lupercalibus.
Cap. 119.

Gelasius Papa aduersus Andromachum Senatorem, ceterosq. Romanos, Lupercalia secundum morem pristinum colenda constituebant. (Hic ille videtur Andromachus vir illustris, homo Christianus, pater Fausti Magistri Officiorum, cuius se opera usum ad monendum Acacium Constantinopolitanum Episcopum idem ipse Gelasius tradit in commonitorio ad eundem Faustum, eius germanum dato.) Ipse autem Apologeticus libellus Gelasij sic se habet.

Sedent quidam in domibus suis, nescientes neque quæ loquantur, neque de quibus affirmant; de alijs iudicare nitentes, cum se ipsi non iudicent; & velint prius accusare, quam nosse; ac docere, quam discere; & indiscussis rebus, nec inuestigatis causis, nec rerum ratione quæsitæ, quod eis in buccam venerit, inconsideranter effundere, & præcipitanter euomere, non veritatis assertionem prolata censentes, sed studio cacologiæ, quæ nesciunt, arguentes: eoq. progressi sunt, ut etiam recte facta maleuolentiæ proposito lacerare contendant. Qui si sciperent, non præcipitarent omnino sententiam; sed perscrutatis ante rebus, loquenda depromerent. Verum, quia nos arguunt segnes esse censores in vitijs Ecclesiæ coercendis: & à nobis consequenter agnoscant, non tantum corporalis adulterij esse peccatum, quod & discuti debeat & iure puniri, sed esse longe maius fornicationis & adulterij genus in quolibet Christiano (quia membrum omnis Christianus Ecclesiæ est) competenter debeat vindicari. Tanto enim sacrilegij maius est crimen, quam animæ fornicatio peior est corporis: nam per animæ fornicationem ab ipsius Dei coniunctione discernitur, atque ad immundos spiritus spiritualis adulterij genere transitur.

Quomodo autem non in hanc partem recidit, qui cum Christianum videri velit, & profiteatur & dicat, palam tamen, publiceque prædicare non horreat, non refugiat, non pauescat, ideo morbos gigni, quia dæmonia non colantur, & Deo Februario non libetur? Video ubi hæc deliramenta conceperit. Quomodo præuicator non est, qui in has blasphemias profanitates incurrit? Quomodo sacrilegus non æstimetur, qui abiurata vnius Dei providentia & potestate, quam confessus est, ad prodigiosas superstitiones, & fragmenta

figmenta seducitur? secundum Apostolum, longe deterior reus, iureq. damnandus, confessam veritatem deferere, qua si in eam nullatenus credidisset? quamvis enim ridiculosa sint figmenta, quæ proferat, tamen ipse affectus & voluntas in crimine est, & confessio ac prædicatio iure damnata. At per hoc, qui in alium sententiam damnationis vult sine dilatione proferri, in quo alium iudicat, semetipsum se condemnare cognoscat.

Numquid enim Pontifex vindicare debet in eos, qui adulterium corporale committunt, & in eos qui sacrilegium, id est, fornicationem, & adulterium spirituale gerunt, non debet iudicare? Nonne ipse Dominus, cum adultera ad eum esset adducta, accusantibus dixit: Si quis vestrum sine peccato est, primus in eam lapidem mittat? Non ait: Si quis vestrum non similiter adulter est, sed si quis sine peccato est: Quolibet ergo obstrictus quique peccato, in alterius peccati reum lapidem non audeat mittere.

Quibus tunc pro sua conscientia discedentibus, mundi Saluator adiecit: Mulier, ubi sunt accusatores tui? Nemo te condemnauit? Nec ego te condemnabo. Sed vade, ulterius iam noli peccare. Tenes, & teneris: vrges, & vrgeris: obstringis, & obstringeris. Pontificis discussionem flagitas, vindictamq. deponis. Memento in aduentum omne crimen esse proferendum. Numquid non etiam leges humanæ dicunt, quod reus reum facere non possit? Festucam vides in oculo fratris, & in tuo trabem non vides? Qui machos accusas, adulterium facis, & corporales adulteros spiritualis adulter incessis? Certe discussionem poscis: homo diligens, maturus, religiosus, non vis aliquem in Ecclesia peccare; peccantem cupis discuti, & poenæ consequenter addici. Quæcumque in alium promis, & in te proferre cogeris: hoc enim facis, ne segnitia Pontificis accusetur, & maculetur Ecclesia. Debet ergo & Pontificis in omnibus malefactoris sollicitudo, & seueritas non deesse, & ab omnibus Ecclesiæ fama purgari.

Sed dicas forsitan, te laicum, illum Ecclesiæ ministrum. Et ego grauius crimen exaggerans: Verum dicis, nec ego diffiteor. Tanto sollicitius examinandus est, quanto magis propinquus est. Tanto magis reus est, quanto in illo ministerio constitutus, & hæc facere minime debuisset. Ecce censura non deest: auditus & si conuictus fuerit, vindictæ consequenter addicitur. Age modo, quid vis de te? Numquid in ministerio sacro non es, in plebe sacra non es? An nescis & te membrum esse summi Pontificis? An nescis, totam Ecclesiam Sacerdotium vocitatum? Postremo si ille reus est, accedens ad ministerium Ecclesiæ delinquit: numquid & tu reus non es, qui post confessionem veritatis, ad praua, & peruersa, & prophana, & diabolica, quibus te renunciare professus es, figmenta reduceris? Itaque etiam tu post blasphemias palam publice profusas, à sacro corpore modis omnibus abstinendus es. Non potes enim mensæ domini participare, & demoniorum; nec calicem domini bibere, & calicem demoniorum: nec potes templum Dei esse, & templum diaboli: lux simul & tenebræ in te conuenire non possunt. Viderim, vtrum vrgeas, atque compellas in alio maleficia vindicare: tu tamen sceleris tui pondus non potes declinare. Et quanto in alio transire crimen non poteris impunitum, tanto quid etiam in te pro reum ratione facere debeamus, ostendis.

Verumtamen in ipsis blasphemijs tuis, quibus es iure plectibilis, impe-

ritiam tuam euidenter agnosce, & sicut ait ille, voluntatem habere te mentiendi, artem fingendi non habere: cum sic te intelligas malum habere affectum, peruersumq. apostatandi propositum, vt tibi materia prorsus vanitatis illius nulla suppeditet, nec possis astruere quod corde concupiscis, & ore depromis.

Dic mihi, cū sexpenumero in Romanis historijs legatur, Liuius auctore, sēpissime in hac Vrbe exorta pestilentia, infinita hominum millia deperijsse, atque eo frequenter ventum, vt vix esset vnde illis bellicosis temporibus exercitus potuisset adscribi: illo tempore Deo tuo Februario minime litabatur? An etiam cultus hic omnino nihil proderat? Illo tempore Lupercalia non celebrabantur? Nec enim dicturus es, hæc sacra adhuc illo tempore non cæpisse, quæ ante Romulum ab Euandro in Italiam perhibentur illata. Lupercalia autem propter quid instituta sunt (quantum ad ipsius superstitionis commenta respectant) Liuius secunda decade loquitur: nec propter morbos inhibendos instituta commemorat, sed propter sterilitatem (vt ei videtur) mulierum, quæ tunc acciderat, exoluendam. Proinde si vel ad hoc ipsum aliquid hoc valeret, hoc intermisso, non morbus acciderit, contra quem Lupercalia reperta non sunt: sed feminæ nequaquam generare debuerant, pro quorum fecunditate concinnantur inuenta.

Quid dicturi estis de peste, de sterilitate, de bellorum tempestate continua? numquid & hæc propter sublata Lupercalia contigerunt? Si autem non propter ista vel vitanda, vel curanda, Lupercalia sunt prouisa, quid inani turbatione iactamini? Quid Tuscia, quid Aemilia, ceteraq. prouinciarum, in quibus hominum prope nullus existit: vt bellica necessitate consumerentur, Lupercaliorum fecit offensio, quæ longe ante vastatæ sunt, quam Lupercalia tollerentur? Quando Anthemius Imperator Romam venit, Lupercalia vtrique gerebantur: & tamen pestilentia tanta subrepat, vt toleranda vix fuerit. Numquid per Campaniam Lupercalia gerebantur, quæ sublata morbos illic, & pestilentiam procrearent? sed dicturi estis: ad Romam, tamquam ad caput, omnia pertinere: & quod hic factum non est, diuersis prouincijs ad eam pertinentibus obfuisse. Cur ergo antequam ad Romam istæ prouinciæ pertinerent, præter Lupercalia, proprijs opibus flourerunt? Vt sterilitas sit continuata terrarum, Lupercalia sublata fecerunt, an nostrorum merita peccatorum? de quibus olim dictum est.

Et quicquid Romani meruerant perdere mores. Sterilitas certe feminarum debuit prouenire, propter quam auferendam Lupercalia instituta iactantur, non sterilitas terrarum, propter quam Lupercalia non sunt instituta.

Quid in Africa? vnde sterilitas? Quid Gallis? Lupercalia ista fecerunt, an nostri mores, furta, homicidia, adulteria, iniustitiæ, iniquitates, ambitiones, cupiditates, periuria, falsa testimonia, oppressiones miserorum, bonarum causarum impugnatio, malarumq. defensio, & in omnibus inaudita peruersitas, postremo (quod supra omnia est) Deo fictæ mentes, & sacri-legia, artesq. magicæ etiam Paganis horrendæ? Ecce quæ faciunt omnia aduersa & inimica nobis, non Lupercalia, quæ sunt pro vestra salute sublata.

Sed quid dicitis vos ipsi, qui Lupercalia defenditis, & agenda proponitis? Vos eadem non pretiatis; vos eorum cultum, celebritatemq. vilem, vulgaremq. redditis. Si offensio Lupercaliorum vobis aduersa procurauit, vestra

vestra culpa est, qui quod vobis singulariter prodesse putatis, negligentissime, & tam longe impari cultu & deuotione ea ducitis celebranda, quam profanitatis vestrae celebrare maiores. Apud illos enim nobiles ipsi currebant, & matronae, nudato publice corpore, vapulabant. Vos ergo primi in Lupercalia commisitistis. Satiùs fuerat non agere, quam ea cum iniuria celebrare. Sed deduxistis venerandum vobis cultum & salutiferum, quem putatis, ad viles, triualesque personas, abiectos & infimos. Si vere ergo profiteamini hoc sacrum, ac potius exsecramentum vobis esse salutare, ipsi celebrate more maiorum, ipsi cum amiculo nudi discurrete, ut nite vestrae salutis ludibria peragatis. Si magna sunt, si diuina, si salutifera, si in his vitae vestrae pendet integritas, cur vos pudet per vos ipsos talia celebrare? Si pudet, & dedecus est: ita ne salutiferum est, & diuinum, & profuturum, quod vos ipsi dedecus esse fateamini? Nemo religionem proficitur, quam per se exequi proprius erubescit, & refugit. Ipsa verecundia vestra vos doceat, crimen esse publicum, non salutem, non diuinitatis cultum, de quo sapiens nullus erubescit; sed instrumenta prauitatum, quibus mens vestra contra semetipsam testimonium ferens, quod gerendum proficitur, erubescit implere. Et paulo post: Dicite nobis, nec Christiani, nec Pagani, ubique perfidi, nusquam fideles, ubique corrupti, nusquam integri, qui tam utrumque tenere non potestis, quam sibi verumque contrarium est: dicite, inquam, Lupercaliorum patroni, & reuera diuinitatis ludibria, & cantilenarum turpium defensores, digni magistris vesaniae, & quid non sine causa sana capita non habetis, digni hac religione, quae obfoecitatum & flagitiorum viribus celebratur: videritis ipsi, quid vobis salutis impendat, quae tantam moribus labem perniciemque proponit. Nec est, quod dicatis, potius haec agendo, & facinora vniuscuiusque vulgando, deterreri à talibus commissis animos, & pudore refrinari, ne de his publica voce canteretur; quando (sicut ille ait) non tam deterrere, quam admonere animos haec ludibria videantur; & sicut ille dixit:

Iram, atque animos a crimine sumunt.

Eo impudentiores effecti, quo crimine publicato, expositaque verecundia nihil superest omnino quod pudeat, nec habet quod metuatur publicari, sed iam se fiducialiter onerat, qualis in propatulo non per coercionem, sed potius per quandam lætitiā, & celebritatem nominum decantata est quaelibet illa persona: immo & religione se praeferre confidit, ut sint vnde numinum solemnia celebrentur, quae nisi criminum decantationibus non coluntur.

Dicite nobis itaque, qui voluntatem profanitatis habetis, cuius causas asserere non potestis, qui tuendae habetis propositum falsitatis, quam defendere non potestis: quid dicturi estis de siccitate, de grandine, de turbine, de tempestatibus, variisque cladibus, quae pro morum nostrorum qualitate proueniunt? numquidnam & haec omnia pro sublatis Lupercalibus contigerunt? an in malis moribus castigandis, meritis retributionibus inferuntur? Sed non mirum est, homines non iudicio diuino velle ista contingere, sed vanae superstitionis incursum, quibus sua crimina & malefacta cooperiant, auctoritate caeli sidera perhibent adhibere, & fatalem inducunt errorem, necessitatemque peccandi, facinoraeque sua non de cordis proprii perversitate procedere, sed caelo auctore pendere. Proponite igitur, pro quibus aut submouendis malis, aut promouendis bonis Lupercalia vestra fuerint instituta: & vi-

deamus quæ illa bona prouenerint, cum Lupercalia gererentur; & quæ mala successerint, cum Lupercalia viderentur ablata.

Figite gradum: ad quod vestrum excidium dicatis hæc prodigia fuisse reperta, digni qui monstrum nescio quod pecudis hominisque mixtura compositum, siue vere, siue false editum celebretis: si propter pestilentiam submouendam (vt antiquiora præteream) ecce antequam meis temporibus tollerentur, pestilentiam grauem tam in hac Vrbe, quam in agris, hominum, pecudumque fuisse, non dubium est. Si pro sterilitate iactatis: cur in Africa, vel Gallia ista contingunt, vbi nec fuerunt aliquando Lupercalia, nec constat fuisse sublata? Cur nunc Oriens omnium rerum copijs exuberat & abundat, qui nec celebrauit vmquam Lupercalia, nec celebrat? An dicitis, illic nocere, vbi per plurima sæcula fuerant celebrata, & repente sublata sunt? Videamus ergo, si his temporibus, quibus dicitis agitata, & rite ac plena sui (sicuti vobis videtur) deuotione completa sunt, numquam fames, numquam pestilentia prorsus exstiterit. Si vero sæpenumero his cladibus ad extremum periculi ventum est: apparet his malis submouendis nihil Lupercalia profuisse, etiam eo tempore, quo (sicut dictum est) vt putatis, competenti ordine gererentur; sic de singulis quibusque necessitatibus, propter quas dixeritis fuisse prouisum; si constiterit etiam illis non desisse, vana huius remedij conuincitur esse præsumptio.

Verumtamen cur non hoc etiam experiamini, vtum valeant aliquid etiam rite celebrata? Et vos per ludibria ista discurrete, vestrorum more maiorum; vt diuinam rem & salutarem nobis (vt dicitis) deuotius celebrando, salutem vestram prospicere magis, magisque valeatis. Numquid cum hæc celebrarentur, à Gallis Roma capta non est, & sæpenumero ad extrema quæque peruenit? Numquid bellis ciuilibus sub hac celebritate non concidit? Numquid Lupercalia deerant, cum Urbem Alaricus euerit? Et nuper cum Anthemij & Ricimeris ciuili furore subuersa est, vbi sunt Lupercalia? cur istis non profuerunt? Certe si diuinum est, si salutare vobis: cur non per vos ipsi, vt maiores vestri, ista facitis? cur causas vestræ salutis minuitis? cur decoloratis? cur eluditis? cur ad vilia quæque deducitis? Quid imputatis nobis, cum ipsi remedia vestra calcetis? Satiusest non tentare, quam contumeliose peragere. Maiores certe vestri, si vitiose (vti illis videbatur) sacrum aliquod celebrassent, instaurandum esse ducebant. Cur non quod ad vitiosum cultum redegitis, per indignas quasque id exequendo personas, competenti instauratione reparatis, vt causas vestræ salutis plenius perfectiusque tractetis? Cur vos pudeat agere, si salutare est, si diuinum, quod tractasse, sit dedecus?

Sed, inquis, vel imaginem ipsius rei non debere moueri. Si prodest, si salutare est; cur non imago potius apud vos, & non ipsa sit veritas? Aut si certe nec tunc profuit, quando ritu integro (sicut dicitur) tractabatur: quid queritis eius imaginem, cuius nec ipsam profuisse cernitis veritatem? sed dicitis, tot seculis rem gestam non oportere secludi; nihilominus multis temporibus paganitatis superstitio ventilata est; sacrificetur in templis dæmonum, & in Capitolio profana vanitas celebretur. Cur portionem defenditis, & quæ maiora sunt præteritis? Si plura genera vanitatum multis acta seculis probantur esse sublata, cur portio quantouis tempore ventilata non possit

possit auferri? Si temporibus præscribitur, imputate maioribus vestris, qui cum hac temporis præscriptione non vsi sunt, posse quod superfluum est, & debere remoueri, dum plura, & maiora sublata sunt, indicarunt.

Sed dicitis, etiam Christianis temporibus hæc fuisse: sed etiam illa aliquandiu Christianis quoque temporibus celebrata sunt. Numquidnam quia sub primis Præsulibus Christianæ religionis ablata non sunt, ideo sub eorum successoribus tolli minime debuerunt? Multa sunt quæ à singulis Pontificibus diuerso tempore sublata sunt noxia, vel abiecta. Non enim simul omnes in corpore curat medicina languores, sed quod periculosius conspicit imminere; ne aut materia corporis non sufficiat medicinæ, aut pro conditione mortali simul omnia non possit auertere. Quære, quale sit vnde agis: Si bonum est, si diuinum, si salubre: merito quandocumque tolli non debuit. Si nec salubre, nec diuinum: causandum tibi magis est, cur tardius auferatur, quod superstitiosum constat, & vanum? quod certe Christianæ professioni non conuenire, manifestum est.

*Non omnia
à prædecessoribus emenda
data Pontificibus.*

Postremo (quod ad me pertinet) nullus baptizatus, nullus Christianus hoc celebret: sed soli hoc Pagani, quorum ritus est, exsequantur. Me pronuntiare conuenit Christianis ista perniciofa, & funesta indubitanter existere. Quid me incusas, si quod professio nomini inimicum est, à consortibus professionis Christianæ pronuncio submouendum? Ego certe absoluiam conscientiam meam: ipsi videant, qui iustis admonitionibus obedire neglexerint. Quod etiam prædecessores meos forsitan fecisse non ambigo, & apud Imperiales aures hæc submouenda tentasse, & quia auditos esse non constat, dum hæc mala hodieq. perdurant, ideo hæc ipsa Imperia defecerunt: ideo etiam nomen Romanum, non remotis etiam Lupercalibus, vsque ad extrema quæque peruenit. Et ideo ea nunc remouenda suadeo, quæ cum nihil profuisse cognosco, tamquam contraria veræ religioni, noxia potius existisse pronuncio. Postremo si de meorum persona præscribendum æstimas prædecessorum, cum magis credam fortasse tentasse eos, vt hæc prauitas tolleretur, & quasdam existisse causas, & contrarias voluntates, quæ eorum intentiones præpedirent, sicut ne nunc quidem vos istos absistere insanis conatibus velle perpenditis. hætenus Gelasius in Andromachum.

Profecit autem Romanus Senatus, vt non Lupercalia tantum, in quæ Gelasius eo modo declamauit, sed etiam quod minoris esse superstitionis, & maioris oblectamenti videri poterat, spectacula, abstulerit saltem ad tempus, quæ in nouis creandis Consulibus celebri cultu peragi consueuerant, delinita olim ad tollendam idolatriam, & superstitionis suspicionem male superinducto Christi nomine, dum (quod ex Saluiano ediximus) non in Matris, vel aliorum Deorum honorem, sed ad Christi gloriam eadem celebrari Circensia faterentur, falso prætextu, sed digno velamento obtegentes potius, quam abolentes superstitionem auitam. At rem fucatam saniori iudicio detestantes, serioq. agendam esse censentes, aliam longe nobiliorem loco Gentilium munerum paruere spectaculi pompam: dum profusa illa impensa fieri solita in editione Circensium, in pauperum suis vestimenta conuersa, de qua ista Ennodius Ticinensis in defensorio libello habet his verbis: Mentior (inquit) nisi egena agmina aduentum, Consulatus vestri in sub sidio miseriarum præstolantur. Etenim purpura vestra, qui anni vocabulum

*Saluian. de
ver. iud. l. 6*

*Extat to. 1.
Concil.*

bulum nobis datis, subueniente miseris, vestimentorum largitate pellit algorem. Probe iam iterum necessitatibus ferunt auxilium decora fastorum; & veteri infidelitate deposita, in tali præparatione census dispendio efficiuntur lucra animarum. hæc Ennodius.

Haud vero hæc parui fuere momenti: quanta enim hæcenus in creatione Consulum, etiam regnantibus Christianis Pontificibus, supersticio viguisset, vix quis crederet, nisi fidelissimus testis adesset ista deplorans huius seculi scriptor, quem retulimus, Saluianus Massiliensis Episcopus, cuius hic iterum sunt verba reddenda? Quid enim (inquit) numquid non consulibus, & pulli adhuc Gentilium sacrilegiorum more pascuntur, & volantis pennæ anguria quærantur, ac pene omnia fiunt, quæ etiam quondam Pagani veteres friuola, atque irridenda duxerunt? Et cum hæc omnia ipsi agant, qui annis nomina tribuunt, & à quibus anni ipsi exordium sumunt: credimus nobis bene annos posse procedere, qui à rebus talibus ordiuntur? Atque vitæ nam sicut hæc propter Consules tantum fiunt, ita illos tantum incestarent, propter quos fiunt. Illud est feralissimum, & grauissimū, quod dum consensu publico aguntur, honor paucissimorum sit crimen omnium: ac si ex singulis bini inaugurentur, prope est ut in omni mundo nullus euadat. Hæc Saluianus, talia nefanda deplorans: ex quibus magis perspicue, lector, intelligas iure questum esse Gelasium ob eiusmodi superstitiones à Romanis retentæ, atque defensas, Romanum esse penitus collapsum Imperium, & Romanū nomen abolitum, regnantibus in Occidente Gothis, & alijs vbiq; Barbaris.

Quam gloriosa sit spelunca, in qua habitauit Ioannes Baptista, in quam aliquando ingressus est Christus, cum Ioannem visitauit. Cap. 120.

Nicop. hist. lib. 1. c. 24.

DB Ioanne Baptista Nicephorus, cum agit de Herodis infanticidio, hæc scribit: Saluator quidem ita, (ut dictum est) in Aegypto exulabat, filius autem Zachariæ Ioannes, in cuius natiuitate patris vox soluta est, cum primum ab illo, Ioannis nomen in tabula fuisset exaratum, alterum cum dimidio annum agebat, & vna cum matre Elisabeth in spelunca quadam ad regionem montanā saluus conseruabatur, fortasse Herodis sanguinariam effugiens manum: atque inde in solitarijs locis libenter versari solitus, Angeloq; duce vsus, in remotiores sylvarum recessus secessit. Eadem Cedrenus, qui addit: Elisabeth post dies quadraginta in eadem spelunca diem obiisse: Ioannis vero curam ab Angelo esse susceptam. Sed licet hæc tam antiqua ab eo sine certo autore ferantur, tamen quod ait de suscepta cura ab Angelo, haud adeo nouum videri debet, si quis recolat Ismaeli à matre proiecto Angelum astitisse.

Cedren. in Comp. hist.

Anno autem Domini trigésimo primo, Annæ, & Caiphæ Principum Sacerdotum tempore; Ioannes afflatus diuino spiritu venit in omnem regionem Iordanis, prædicans baptismum pœnitentiæ. Describitur tanti Prophetæ locus, & habitus atque victus: ut qui nimirum habitasset in deserto loco, indutus vestimento ex pilis Camelorū confecto, ac Zona cingeretur pellicea: esca vero locustæ essent, & mel syluestre. At primum, quod ad habitatio- nis locum spectare videtur, quomodo idem ipse post multa tempora fide- libus

libus innocuerit. Sincera attestatione Sophronij, qui eiusmodi scribit historiam, enarremus: Erat, inquit Senex quidam habitans in Monasterio Abbatibus Eustorgij. Ioannes nomine, quem S. Elias Episcopus Hierosolymorum voluit ducem monasterij constituere. Ille vero non acquiescebat, dicens: in montem Sina orationis causa pergere volo. Archiepiscopus autem coge-
bat eum, ut prius Abbas fieret, & postea pergeret, quo vellet. Cum vero senex non acquiesceret, dimisit eum spondentem se, postquam reuersus esset, suscepturum regiminis curam. Et ita salutato Archiepiscopo iter arripuit, ut ad Syna montem proficisceretur, assumpto secum & discipulo suo, transfuadatoq. Iordano fluuio: cum vix vno lapide processissent, cepit senior rigore detineri, ac post paululum inuasit eum febris; cum vero in tantum excre-
sceret ardor febris, ut ambulare non posset, inuenerunt speluncam parvulam, in quam ingressi sunt, ut requiescerent. Cum vero febris ita inualuisset, ut se vix mouere posset, in ipsa spelunca tres dies commorati sunt: Tunc Senex in somnis aspexit quendam astantem sibi dicentem: Dic Senex; Quo ire vis? Respondit in montem Syna: Dicit ei: Ne quæso recedas hinc. Cum vero Seni id persuadere non posset, abscessit; febris vero Seni acrius infesta erat. Rursus nocte sequenti idem Seni adstitit eodẽ habitu, & ait: Quid Senior affligi vis? audi me, & nūquam hinc proficiscaris. Ait ille Senex: Tu quisnam es? Respondit is qui apparuerat: Ego sum Ioannes Baptista; & ideo tibi iubeo, ut nusquam recedas: nam spelunca ista brevis, maior est monte Syna; quippe in hanc sæpius Dominus Noster Iesus Christus, cum me visitaret, ingressus est. Pollicere mihi quod hic habitabis, & ego mox tibi sanitatem restituo: quod senex audiens, libenter spondit se in eadem spelunca permanfurum, & continuo sanus effectus perseuerauit ibidẽ toto suæ vitæ tempore. Speluncam vero illam fecit Ecclesiam, congregauitq. fratres. Appellatur locus ille Sapsas. Fuit in eodem loco Sapsa comorans in spelæo Senex alius tantæ virtutis, ut leones secum in eadẽ spelunca susciperet, atque cibum in sinu suo ipsis præberet. hætenus Sophronius.

*Sophron. in
prato spiri-
tuali c. 2.*

De celebritate loci, ubi baptizatus est Dominus. Cap. 121.

Postquam Christus baptizatus est in Iordane, locus ipse fluminis, quo voluit baptizari, remansit posteris perpetua memoria celebris, & virtute miraculorum conspicuus: de eo enim hæc scribit Gregorius Turonensis: In Iordane habetur locus in quo Dominus baptizatus est, in vno etenim reflexu aqua ipsa reuoluitur, in qua nunc leprosi mundantur. Cum enim aduenerint, sæpius lauantur in flumine, donec ab infirmitate purgentur; de publico tamen, dum ibi commorati fuerint, victum accipiunt: Sanati autem ad propria discedunt. Ipse quoque Iordanis ab eo loco in quinto milliaro mari commixtus mortuo, nomen amittit: Hæc Gregorius, qui & alia multa de locis sanctis didicit à suo Diacono, qui, ut ipse ait, illuc peregrinatus est. De eodem hæc etiam Beda: In loco (inquit) in quo Dominus baptizatus est, crux lignea stat vsque ad collum alta, quæ aliquoties aqua transcendente absconditur; à quo loco ripa vltior, idest orientalis, in iactu fundæ est. Superior vero ripa in supercilio monticuli grande monasterium gestat, Beati Ioannis Baptistæ Ecclesia clarum: de quo per

*Grego. Tur.
de gloria
mari. c. 17.*

*Bed. de loc.
Sanct. 6. 23*

per Pontem arcubus suffultum solent ascendere ad illam crucem, & orare. In extrema fluminis parte quadrata Ecclesia quatuor lapideis cancris superposita est coctili creta desuper tecta, vbi vestimenta Domini, cum baptizaretur, seruata esse dicuntur. Hanc non homines intrare, sed vndique cingere, & penetrare solent. Hæc Beda. His scilicet perpetuæ memoriæ monumentis locus ille nobilitatus est, quem Christus baptismate consecrauit; nec sibi, sed nobis per baptismum iter ad cælum aperuit.

Celebri, & repetito per annos miraculo factum est, vt multorum fontium & fluuiorum aqua in vinum conuerterentur eadem hora, qua Christus in nuptijs Canæ Galileæ aquam in vinum conuertit. Cap. 122.

Isa. 9.

Io. 2.

Epiph. ka-
vs. 1.

IN Canæ Galilææ nuptijs, vbi & Mater Iesu, & Discipuli eius, & Iesus ipse erat, primum omnium, ac perinsigne miraculum Christus Dominus operatus est, cum aquam mutauit in vinum: quod ob sui excellentiam, longe antequam fieret, Isaïæ Prophetæ fuit diuinitus demonstratum. Vnde ille Christi prædicationem, & aquam in vinum mutandam prophetico spiritu noscens in hæc verba erupit: Hoc primum bibe, velociter fac Regio Zabulon, terra Nephtalim, & reliqui qui iuxta mare estis trans Iordanem. Epiphanius id factum scribit vndecima mensis Tybi, quæ est apud nos sexta dies Ianuarij, qua die etiam Catholica Ecclesia recolit anniuersaria solemnitate tantæ rei celebritatem; quam annuis miraculis in pluribus orbis locis illustrari consueuisse, idem auctor testatur, dum ait: Post annos triginta factum est primum miraculum in Cana Galilææ, quando aqua facta est vinum. Quapropter etiam in multis locis vsque in hunc diem hoc fit, quod tunc factum est, diuinum signum, in testimonium incredulis, velut testantur in multis locis fontes ac fluuij in vinum conuersi. Cybires quidem Urbis Cariz fons, qua hora hauserunt ministri, & ipse dixit: Date Architriclino: testatur, & in Gerasa Arabiæ fons similiter. Nos bibimus de Cybyris fonte, fratres vero nostri de eo, qui est in Gerasa in Martyrum templo. Sed & multi in Aegypto de Nilo hoc testantur: quare in vndecima Tybi apud Aegyptios omnes hauriunt aquam, & reponunt, tum in ipsa Aegypto, tum in multis Regionibus &c. hæc Epiphanius.

Enimuero & Plinius similis rei egregius videtur assertor, licet vnus tantum diei spatio discrepet à prædictis dum ait: Mutiano ter Consule auctore in Andro insula, nonis Ianuarij fontem aquam vini saporem habentem fluere consueuisse. Sed accolæ causam ignorantes, eandemq. Baccho tribuentes, ibidem templum in illius honorem erexerunt. Sunt enim hæc verba Plinij. In Andro Insula templo Liberi Patris fontem nonis Ianuarij vini saporem fluere, Mutianus ter Consul tradit, Diotecnosia vocatur. hæc ille.

De

*De ingentibus & innumeris miraculis à Iesu Domino factis :
quorum fama motus Rex Edessæ Abagarus epistolam ad
Iesum misit, cui benignus Dominus responsum dedit.*

Cap. 123.

Circuibat Iesus totam Galilæam, docens in Synagogis eorum, & prædi- *Matth. 4.*
cans Euangelium Regni, & sanans omnem languorem & infirmitatem
in populo : & abiit opinio eius per totam Syriam ; & obtulerunt ei omnes
male habentes varijs languoribus & tormentis comprehensos, & qui dæmo-
nia habebant, & lunaticos, & paralyticos . Cum igitur Matthæus Euangeli-
sta dicat in omnem Syriam famam, de his quæ facta essent à Iesu, fuisse vul-
gatam : accidit ut ea superioris Syriæ fines attingeret, & ad Edessæ Syriæ Ci-
uitatis Regem Abagarum penetraret; his ille permotus ad Iesum fertur scrip-
sisse epistolam, quam Eusebius Pamphili è Syriaca lingua in Græcam tran- *Euseb. hist.
lib. 1. c. 13.*
stulit, simul cum ea quam ad eundem Dominus Iesus Christus eidem Tabel-
lario dedit : quæ latino idiomate donatæ sic se habent .

*Abagarus Princeps Edessæ Saluatori propitio, qui in confinijs
Hierusalem apparuit, salutem. Cap. 124.*

Insignes illas virtutes, & curationes, quæ abs te sine medicamentis, &
sine herbis factæ sunt, auditione accepi. Cæcos enim, ut fama est, videre
efficis, claudos ambulare, & leprosos mundos; spiritus iracundos, & dæmo-
nes ejcis; eos etiam qui diutius morbis pressi sunt, sanas, mortuos denique
ad vitam reuocas. Quæ quidem cum de te audiissem, de duobus hisce al-
terum verum esse cogitabam, te aut Deum esse, & è cæli fastigio delapsum :
aut Dei filium saltem, qui ista tam stupenda edas miracula. Quapropter
hæc ad te scripsi magnopere precatus, ut laborem ad me accedendi suscipe-
re, huncque, quo crucior, morbum curare, non graueris. Etenim audio
Iudæos tibi obstrepere maleuole, & velle libenter aliquo magno malo affi-
cere. Est mihi ciuitas perexigua quidem, sed ornata sane, & illustris : quæ
vtrisque nostrum rerum necessariorum suppeditabit satis. hætenus epistola.
Ista diuino splendore ei tum paululum elucente ad Iesum hoc modo per-
scripsit. Operæ pretium est porro epistolam licet breuem, plenam tamen
virtutis & efficacitatis audire, quæ per eundem tabellarium à Iesu ad illum
missa fuit; cuius quidem hæc erat sententia.

*Rescripta Iesu ad Abagarum Principem per Ananiam curso-
rem missa. Cap. 125.*

ABagare beatus es, qui cum non videris me, in me tamen credidisti. De
me enim scriptis proditum est, eos qui me viderunt, in me non crede-
re; ut hi, qui me non viderunt, credant, & vitam consequantur. Quod
scribis ad me, te velle, ut ad te veniam, eas res, cuius gratia sum missus,
debeo hic necessario obire, quas cum plene perfecero, ad eum recipi, qui
me misit, quo simul ac assumptus fuero, aliquem ex discipulis meis mittâ ad
te,

te, qui morbo, quo tantopere torqueris, faciant medicinam, ut vitam tibi tuisque impertiat. hactenus litterarum, de quarum fide, hæc idem auctor paulo superius: Harum rerum insigne, & locuples testimonium ex Tabulario Edesse civitatis, id temporis à rege gubernatæ depromptum habes, nam in tabulis publicis, quæ nedom veteres, sed recentes etiam res nuper ab Abagaro gestas continebant, hæc eadem in hanc nostram ætatem reservata reperiuntur. Quare nihil commodius esse putavi, quam ipsas epistolas à veteribus illis annalibus petitas, atque adedò ad verbum ex lingua Syriaca hoc loco citare, quæ ita ut sunt positæ, se habent.

De Miraculosa imagine, quam Dominus ex proprio vultu expressit, & Abagaro misit. Cap. 126.

Adhuc insuper ab ipso Christo sui imaginem non arte hominis elaboratam, sed ab ipsomet summo rerum architecto & opifice Domino nostro ad Abagarum missam post prædictam epistolam, à compluribus gravissimis auctoribus scriptum reperitur. Euagrius Scholasticus id testatur: at non fuit eius rei primus auctor; sed quoniam miracula inde prodita recenset, occasione eius rei meminit, quæ ab ipso scripta, recitataque in Concilio Nicæno secundo à patribus ut egregie testata, fideque digna sunt comprobata. Quomodo autem ea imago non manufacta dicatur, Ioannes Damascenus scribit: Historiæ quoque proditum est, cum Abagarus Edesse Rex eo nomine pictorem misisset, ut Domini imaginem exprimeret; neque id pictor ob splendorem ex ipsius vultu manantem consequi potuisset: Dominum ipsum divinæ suæ, ac vivificæ faciei pallium admovisse, imaginemque suam ei impressisse, sicque illud ad Abagarum, ut ipsius cupiditati satisfaceret misisse. Hæc Damascenus. Haud diversa Nicephorus. De eadem præterea luculenta oratio Constantini Porphyrogeniti extat: sic & cumulata mentio de eadem habetur in actis Sanctorum Samonis & Gurie. Græci insuper de eadem celebrant anniversariam solemnitatem decimosextimo Kalendas Septembris, ut constat ex eorum menologio. At quod ad Latinos pertinet, testimonio Hadriani Papæ scribentis ad Carolum Magnum, testatum habetur, eademque de imagine ad Abagarum missa historiam cognitam, & receptam esse à Stephano Papa in Concilio Romano, cuius fidei ad stipulator est gravissimus. Certe quidem crebra & insignia miracula ex eadem imagine prodita, eius rei veritatem satis abunde declarant, & demonstrant, quæ & recenset Euagrius de temporibus Cosdroes, & alij. Theophanes auctor est ingentes copias Persarum, eius sine manu factæ imaginis præsidij, quam secum in acie duxisset Philippicus Dux, sub Mauritio Imp. esse penitus profligatas.

Euagr. in hist. lib. 4. c. 26.
Io. Damasc. de fide orth. lib. 4. c. 17.
Niceph. hist. lib. 2. c. 7.
Apud Metaph. die 16 Aug. 15. Nouemb. et in vita S. Alexy. Hadria. ad Carol. Mag. vultum epist. extat 10. 2. Concil. nov. edit.
Euag. hist. lib. 4. c. 26.
In act. prædict. SS. apud Metaphr.
Apud hist. Miscel. l. 13 Matth. 9. Mar. 5. Luc. 8.

De gratitudine mulieris, quæ sanguinis fluxu liberata est, & statuam Christo fecit, ad cuius fimbriam pertingens quædam herba omnes morbos curabat. Cap. 127.

Rogatus Iesus ab Archisynagogo, ut filiæ suæ in extremis laboranti succurreret, abiens obviam habuit mulierem, quæ annis duodecim sanguinis fluxum passa, tactu fimbriarum vestimenti eius curata est, quæ quod fecerat,

fecerat, & quod à Christo acceperat, palam confessa est. hæc pluribus Euāgelistæ. Porro mulier hæc nobilissima æque ac ditissima, tanti non immemor beneficij, ne aliquando illud memoria hominum excideret, egregio monumento testatum posteris omnibus cupiens, æneis simulachris tam Iesu, quam sui effigiem referentibus, rei gestæ memoriam futuris sæculis in perpetuum commendandam voluit. Rem credo nemini ignotam breuiter describit Eusebius, dum de Cæsarea Philippi, quam Phœnices Paneada vocabant, agit his verbis: Sed quoniam in huius ciuitatis mentionem incidi, operæpretium arbitror historiam hoc loco citare, quæ digna plane videtur, quam memoriæ ad posteritatem commendemus. Mulierem illam sanguinis profluio afflictatam, quam sanctorum Euangeliorum testimonio à Salvatore nostro morbi remedium inuenisse cognouimus, ex ea ciuitate oriundā, illiusq. domum ibi ostendi & admirabilia quædam Saluatoris, in eam beneficij monumenta, & quasi trophæa, ad hoc tempus durare memorant. Pro foribus enim domus illius æneam mulieris effigiem genibus flexis, & manibus instar supplicantis in anteriorem partem extensis, super editum lapidem collocatam. Huic è regione viri erectam imaginem ex eadem materia cōflatam vestitu ad talos demisso decenter ornatam, & manum mulieri porrigentem, ad cuius pedes in ipsa basi peregrinam quandam, & inusitatam herbæ speciem enasci, quam quidem vbi ad ænei vestitus fimbriam excreuerit, morbi cuiusque generis medicandi vim & facultatem habere. Hanc statuam effigiem Iesus exprimere dicunt, quam ad nostram vsque ætatem manentem ipsi ad eam ciuitatem profecti oculis cernebamus. Hæc Eusebius.

*Euseb. hist.
lib. 7. c. 14.*

Iuliani Imperatoris statua fulmine cōtrita est, cum illam Iulianus in locum statuae Christi supposuisset. Cap. 128.

Hic etiam opportune memorabile illud in Syriæ provincia Phœnicia gestum recolendum est, quo tum summa Iuliani in Christū temeritas & audacia declarata, tum diuina in vindicando potentia est facta perspicua: quod à Sozomeno his verbis describitur: Illud porro, inquit, dicitur à me, quod etiam regnante Iuliano accidit: quod quidem vt Christi potentiam plane indicat, ita iram diuinam aduersus Imperatorem accensam euidenter ostendit. Cum certior factus esset Cæsareæ Philippi (est ea quidem vrbs Phœnicia, quam Paneadem vocant) præclaram esse Christi statuam, quam mulier, quæ sanguinis profluio laborabat, cum esset morbo liberata, ibi collocauerat, eam deturbauit, suamq. in eo loco posuit. Quo facto, ignis violentus de cælo delapsus statuam illam circiter pectus persecuit, caputq. vna cum collo in terram deiecit, atque in faciem humi ea in parte defixit, quæ à pectore diuulsa. Ex quo quidem tempore ad hodiernum diem atra, atque fulminis ictu ambusta manet. Id temporis igitur Gentiles statuam Christi tanta cum violentia trahebant, vt eam confringerent. At Christiani postea eius fragmenta cum collegissent, in Ecclesia posuerunt, vbi etiam adhuc seruatur. Ex basi, supra quam hæc statua locata erat, herba quædam (vti narrat Eusebius) quæ morbis cuiusque generis mederi solet, enascebatur: quæ quidem cuius generis esset, nemo nostrorum medicorum, qui vel scientia valebant medendi, vel experientia, omnino nouit.] hæc

*Sozom. lib.
5. c. 20.*

Sozo-

Apud Me- Sozomenus : eademq. habent Artemij Acta, Nicephorus, atque alij. Sed
1.aphra. 20. quanto iustius, dicet aliquis, in ipsum Iulianum fulmen illud celitus fuisset
Ofob. intortum ! At recordetur, quod scriptum est : Vniuersa propter semetipsum
Niceph. lib. operatus est Dominus : ipsum quoque ad diem malum. Hanc autem vo-
10. c. 30. luit in Christi statum Iulianus exercuisse vindictam de compluribus deorum
 simulacris à Christianis tempore Constantini atque Constantij toto Orbe
 confractis : Sed malum conuersum est in caput ipsius, vlciscente quam-
 primum numine : nam tantum prodigium fulminis, quod eius statum me-
 diam scidit, atque prostrauit, ex Auspicum, quos colebat atque observa-
 bat, sententia, Romani Imperij cladem, atque eiusdem Iuliani interitum.

*De cruenta cana Herodis, qui caput Ioannis præcidi iussit, &
 Q. Flaminio & Mario Romanis eodem scelere notatis.*

Cap. 119.

Matth. 14. **H**ERODES cum dies opportunus accidisset natalis sui, cenam fecit Prin-
Mat. 6. cipibus & tribanis & primis Galileæ: cumque introisset filia ipsius He-
 rodiadis, saltauit in medio, & placuit Herodi. Vnde cum iuramento pollici-
 tus est ei dare quodcumque postulasset ab eo. Et cum saltasset, & placuisset
 Herodi, simulq. recumbentibus, Rex ait puellæ: Pete à me quod vis, & da-
 bo tibi, & iurauit illi; quia quicquid petieris, dabo tibi, licet dimidium
 Regni mei. Quæ cum exisset, dixit matri suæ. Quid petam? At illa dixit.
 Caput Ioannis Baptistæ. Et illa præmonita à matre sua, cum introisset sta-
 tim cum festinatione ad Regem, petiuit dicens; volo vt prorsus des mihi
 in disco caput Ioannis Baptistæ, Et contristatus est Rex: Propter iusiuran-
 dum autem, & propter simul discumbentes noluit eam contristare. Sed mis-
 so spiculatore præcepit afferri, & dari caput Ioannis in disco, misitq. & de-
 collauit Ioannem in carcere, & attulit caput Ioannis in disco, & dedit illud
 puellæ, & puella dedit matri suæ. Quo audito discipuli eius venerunt, &
 tulerunt corpus eius, & posuerunt illud in monumento, & venientes nun-
 ciauerunt Iesu. hætenus Euangelista de nece Ioannis. In regis vero con-
 uuijs eiusmodi saltatrices adhiberi consueuisse, Iosephus alio demonstrat
 exemplo, cum de Iosepho Tobizæ filio hæc ait: Cum aliquando venisset
 Alexandriana cum patre ducente secum filiam nubilem, vt eam alicui nobi-
 li Iudæo nuptui traderet, cænas cum Rege ingressam in conuiuium formo-
 sam saltatriculam adamauit. Idque à Græcis etiam in cõuiuijs factitari so-
 litum declarat Xenophon in Symposio. Non tamen aliquod apud Iudæos,
 vel gentes, quamuis Deum ignorantes, reperitur exemplum, vt in conui-
 nium eiusmodi apophoretum, præcisum caput hominis præsentaretur in di-
 sco: nisi quod pro monstro, atque portento apud Romanos habitum fuit,
 cum Q. Flaminus, Placentiæ dum esset, cum fascibus proconsularibus, vt
 discumbenti secum meretriculæ talis spectaculi auidæ morem gereret, non
 quempiam iustum hominem, sed vnum ex damnatis ante triclinium capite
 cædi præcepit: quod facinus adeo Romani sunt detestati, vt in eundem reum
 maiestatis ea de causa factum omnes Rhetores nobiles declamarent. Sed &
 rabies belli ciuilis, eò furoris adigit Marium, vt exectum caput Antonij
 cou-

*Ioseph. an-
 tiq. lib. 12.
 c. 4.*

*Sene. contr.
 lib. 5. Ciu.
 lib. 39.
 Hieron. in
 Matt. c. 14.
 Plutar. in
 Mario.*

consularis inter epulas summa animi insolentia lætis manibus attrectaret. Agit & Iosephus de nece Ioannis, quem mirifice laudat, eiusque facinoris causa Herodem poenas dedisse ait, ut exercitus eius funditus profligaretur à Parthis. Insultasse Herodiadem præciso capiti, atque acu discriminati sanctissimam illam linguam perforasse, Hieronymus in Rufinum agens tradit sic dicens: Ne magnopere glorieris, si feceris, quod faciunt scorpiones, atque cantharides fecerunt: hæc & Fulvia in Ciceronem, & Herodias in Ioannem; quia veritatem non poterant audire, linguam veriloquam discriminanti acu confoderunt.

Sed ne quis scandalum fumeret, virum, Christi testimonio omnium maximum, muliebri potestati subditum fuisse vsque ad capitis abscissionem, voluit Deus, post necem eius, ut acto & publico miraculo à capitis abscissione alios ipsum vocantes, liberaret, & eius reliquæ mira agerent post obitum eius. Referamus hic aliqua, quæ circa hoc contigisse memoratur.

Magna prorsus extitit Herodiana luxuria, qua in fratris uxorem exarsit, nec timuit Ioannem redarguentem; sed magis cuiusdam Regis excelluit libido, qui propriam filiam in uxorem ducere voluit, cuius rei gratia, & sacerdotem obiurgantem, & filiam repugnantem capite puniuit. Res hoc modo gesta est.

Cap. 130.

Post resurrectionis, & ascensionis Domini completa mysteria, sicut ante prædixerat per prophetas, cum in toto terrarum orbe per apostolos iam diffusa proficeret religio Christiana, fuit in Hybernia Rex gentilis, qui licet timore Dei contempto, superstitionis, ac vanis idolorum cultibus deseruiret, tamen opum gloria, & militiæ secularis vigore potenti ceteros antecellens, omnibus gloriosior apparebat. Erat autem ei vxor ex illustri orta progenie, quam Rex ipse vehementi diligebat affectu: quippe quæ pro humanæ carnis forma tanta esset pulchritudine, ut faciei, & corporis elegantia mentem alliceret ipsam aspicientium. Hi vero filiam genuerant, decoris venustate matri valde confimilem, meritis, & nomine Dymnam, ut ipso vocabuli præfatio postmodum Deo digna fore indicaretur. Quæ in domo patris nobiliter educata, cum annos pueritiæ transegisset, chorearum assultus & ioculatorias cantilenas, & quæ illa ætas expetit, & poscit celsitudo regalis, mente despiciens, occulte baptismum suscepit, & se corde & corpore Christo deuouit, perpetuo seruituram. Interea matre eius Regina defuncta, cum Rex ea causa superuacuis doloribus laboraret, tandem consilio sibi assistentium per singulas Regni sui prouincias & eidem propinquas nationes legatos misit, qui Virginem adolescentulam, genere spectabilem, & decore iam defunctæ similem, tanto Regi matrimonio coniungendam inquirerent, & ei cum honore adducerent. Milites ergo moribus, & eloquentia præstantissimi, iter arripiunt, patrias peragrantes & vrbes, contemplantur nobilium facies puellarum. Cumq. diu morando regiones plurimas circumfissent, & quod optabant, minime reperissent, redierunt,

N ad

Gesta S.
Dympna
scripta sūt
à Petro Ca-
nonico S.
Rubensi Ca-
meracensis,
refert ead.
Suirius 10. 3
pag. 96.

ad Regem : & ingressi palatium , salutato eo sic fari cœperunt : O Rex excellentissime , quod tua iussit maiestas , longius profecti reperire nequimus . Sed si placet , ecce filiam tuam Dymnam decoram valde , & adeo matri suæ consimilem , vt in eius imagine propemodum reuixisse iam mortua videatur , iube tibi feliciter matrimonio copulari . Quid plura ? De testabile hoc verbum vix finierant , cum mox diabolus , qui sanctam Virginem ad idolatriam reducere volebat , Regem amore incesto , & impudicitie facibus inflammavit .

Itaque cæpit Rex molliter blandiendo puellæ votum suum detegere , & omnem mundi gloriam promittere , si eius matrimonio consentiret . Audiens autem hoc Virgo Christi , respondit , illud se nunquam facturam . Non est enim inquit , neque iustitiæ , neque legibus consentaneum , imo abominabile prorsus est , vt filia maculet horum patris . Cumque ille vehementer instaret precibus , & illa fortius negaret , tandem Rex iratus dixit , eam vel inuitam acquiescere oportere . Tunc illa quasi obtemperatura , quadraginta dierum petiuit ad cautelam inducias . Interim ornamenta , & cetera quæ spectabant ad cultum puellarem , sibi dari deposcit , perinde ac si nitidius accurata , patri vellet gratiosior apparere . Rex hoc audiens , lætus efficitur , & omni ambitione iussit , quæ Virgo postulauerat , procurari . Interea Virgo se Christo orationibus iugiter commendans , vt patris libidinem effugeret , patriam suam relinquere cogitabat . Erat tunc temporis in Hybernia eximie sanctitatis , & doctrinæ sacerdos quidam , nomine Gerebernus , qui occulte in illa gentilitate , quos poterat , ad Dominum conuertebat , reginæq. defunctæ , Christum colentis in hac vita genitricis sanctæ Dymnæ , confessarius fuerat , ipsam quoque Dymnam pridem baptizauerat , & eam fidem catholicam , sacramq. scripturam docuerat : Denique ab illo regina defuncta , & Dymna eius filia Sacramentum Eucharistiæ recipere consueuerant . Hunc accersiens secretè beata virgo , quemadmodum pater suus in horrendæ turpitudinis baratrum ipsam demergere constituisset , ei cum multis lachrymis , explicauit . Tunc vir sanctus consuluit Virgini , vt ad partes fugeret alienas , & pauper spiritu Christum pauperem sequeretur . Quid plura ? Cum horam fugæ opportunam nacta esset Virgo sancta , adiunctis sibi S. Gereberno , & ioculatore patris sui cum eius vxore , vt sub ioculatorum specie secretius proficisci possent , propositum iter ingressa est : perueniensq. ad portum , nauem conscendit , & auris , ac ventis prosperantibus , ad quoddam Castrum , quod Antuerpiæ dicitur , Cameracensis Diæcesis , applicuit : vbi aliquantulum commorati , quærebant locum , vbi possent secretius Domino famulari . Nam strepitus seculares ferre mens Christo deuota nequibat . Inde igitur abeuntes , per nemorosa deuia ad pagum , cui nomen Ghele est antiquitus impositum , peruenere , atque illic locum vitæ solitariæ aptum inuenerunt . Porro altera die Pagum circumeuntes , vnicam reppererunt Ecclesiam , in honorem beati Martini Pontificis dedicatâ , in qua Dymnæ sacrum corpus iam requiescit . Et non longe ab ea Ecclesia in loco , qui Zammale appellatur , construendum sibi habitaculum elegerunt , in quo per contemplationis dulcedinem Deo debitum redderent famulatum . Extirpatis igitur arboribus & spinis , domicilium sibi congruum exstruxerunt , in quo tribus mensibus commorantes , & ieiunijs , & orationibus

nibus vacantes, vitam quodammodo angelicam ducebant. In prædicta autem ecclesia beati Martini, sanctus sacerdos Gerebernus missas celebrabat. Excolebatur enim tunc temporis villa de Ghele raro inhabitatore, quia erant in ea nonnisi quindecim domus, æq. nemorum densitate fere per sex millia circumseptæ.

Interea Rex pater virginis, qui filia nuptias cum gaudio expectabat, audiens fugam eius, turbatus est, & omnis aula cum illo; scitisq. vestibus, post gemitus & dolores diu repetitos, ambitione militum stipatus, filiam suam per seipsum requirere deliberavit. Itaq. perquirens eam per ciuitates, & montium solitudines cum non inuenisset, mare adiit, & ad castrum, quod Antuerpias nominant, peruenit cum suo multiplici comitatu. Egreidente autem illo de naui, fit concursus populi, ut moris est, videre cupientis regē. Moram autem ibi faciens, legatos mittit per adiacentes prouincias, si forte de filia sua rumorem aliquem percipere possit. Proficiscentibus igitur diuersis per loca diuersa, quidam illorum ad villam rurem, cui Vuesterlo nomen est, peruenerunt: & cum mane hospiti expensas soluerent, ille nummos illorum inspiciens, ait: Habeo nummos istis valde consimiles, quorum pretium penitus ignoro. Et requisitus ab eis, a quo talem pecuniam recepisset, ipse nesciens cur hoc peterent, respondit: Virgo alienigena, adpectu, & corpore pulcherrima, prope in deserto habitans, quæ de Hybernia, huc aduenit, venerandum sacerdotem valde senem, & ioculatorem cum eius vxore secum habens, pro emendis alimentis, id genus nummos mihi semper mittit. Cumque illi se eo adduci curassent, sanctam virginem protinus cognouerunt inter ceteros procul stantem. Et Antuerpiam statim regressi, visa, & audita cum gaudio Regi retulerunt. Tunc Rex spiritu reuiuiscens, iter cum suis arripuit ad locum, in quo Virgo sanctissima habitabat. Quam cum reperisset, & comiter salutasset, cernens eius faciem minus formosam, libidinis igne accensus eam affari capit blandissime, dicens: O vnica filia mea Dymna, amor meus, desiderium meum, & dulcedo: quæ te compulit necessitas, ut regali dignitate contempta, inter gentes extraneas habitares, & terram tuæ natiuitatis relinqueres, innatq. ab ipsa natura dilectionis oblita, patrem regem defereres, istiq. seni ac decrepito sacerdoti tamquam filia adhereres, & ipsius in omnibus obtemperares mandatis? Cur regni Hybernæ vnica hæres post patrem, aulam regiam spreuisti? Nostro igitur acquiesce consilio, & nobiscum ad Hyberniam reuertere: quoniam si paternis affectibus assensum præbueris, diademate regali coronaberis, & super omnes principes, matronas, ac virgines Regni mei Principatum obtinebis. Inter Deas quoque tibi templum de marmoribus candidissimis ædificari præcipiā, & in eo ex auro, & lapidibus pretiosis effectam statuam tibi collocari iubebo ab omnibus adorandam. Ad hæc cum vellet virgo respondere, beatissimus Gerebernus responsionem eius anteuerrens, Regem dura seueritate redarguit, eum sceleratissimum, & abominabilem clamans, quippe qui propriam filiam foedare vellet, quod etiam impuri scortatores ne cogitare quidem sustinerent. Monuit insuper vir sanctus virginem, ne vnquam Regi consentiret, ne æterni Regis, sponsi sui, cuius dulcedinem iam gustasset, indignationem incurreret. Tum vero Rex, & omnes, qui cum eo erant, sanctum Gerebernum morte dignum clamauerunt, tamquam fugæ Virginis auctorem,

& illius euerforem : amouentesq. eum à Virgine, omnes in eum irruerunt, manusq. violentas ei attulerunt, & exagitatam iniurijs, peremerunt. Sic gloriosus martyr Domini ex tyranno triumphum referens, vitæ cursum capitis amputatione compleuit, & coronam martyrij à Domino accepit. Ita cultor Dei Gerebernus, forma iustitiæ, castitatis exemplum, incestas nuptias detestans, dum Regem incredulum de incestu reprehendit, non odio, sed amore, pro studio castitatis, Regis iram, odium, & tandem mortem incurrit. Tunc Rex iterum conuersus ad virginem, roseo decore nitentem, vt sibi acquiesceret, acrius instare capit, sic dicens ad eam : O filia mea Dympha, cur pateris patrem tuum tantis agi doloribus ? misereri cur renuis, & illum spernis quem allicit amor tui ? Tantummodo consenti mihi, & quicquid petieris, dabo tibi. Insuper & nomen tuum inter deas sacratissimas per totius regni mei fines iubebo celebrari. Tunc virgo Deo deuotissima, quæ potius eligebat affligi pro Domino, quàm temporalis peccati habere iucunditatem, patri cum indignatione respondit : Cur infelix tyranne promissis fallacibus à pudoris proposito auertere me conaris ? Putas miser, quod à stabilitate proposito resiliam, corpusq. meum polluendo, Christum vnicum amatorem meum offendam ? Tuas regales delitias tota mente contemno, & illas promissiones Domini mei Iesu Christi, quæ cuncta superant desideria, iam totis visceribus concupisco. Pro dea haberi respuo, & honorem statux vilipendo. Talem mihi deinceps noli frustra adhibere sermonem. Tunc rex animo ferus, libidini deditus, atque cultor idolorum præcipuus, quanto magis fidem Christi in ea feruere cognouit, tanto magis in eam totis viribus incurrit, dixitq. ei : Vide malitiosa, ne de cetero nos fatiges : statim exple, quod opto, vel tui patris iram incurres, sicut ille malignus Doctor tuus Gerebernus, cui propterea caput amputatum est. Flori igitur parce iuuentutis tuæ, & mihi assensum præbe : etiam dijs nostris sacrificia, aut certa sis te morituram, tuæq. mortis exemplo effecturam, ne regum filia paternis imperijs contradicere ausint. Tunc virgo Christo deuotissima respondit : Qua de causa, crudelis tyranne, occidisti egregium Domini sacerdotem, nulli crimini affinem ? Dei omnipotentis iudicium non euades. Deos, Deasq. tuas ego vt figmenta detestor, & Domino Iesu Christo tota me deuotione committo. Ille sponsus meus, gloria mea, salus mea, & desiderium meum. Pœnas omnes, quas inferre potes, læta mente parata sum pro Domino meo perpeti.

Hæc audiens Rex, quasi demens effectus est, & nimio furore incensus, sui frustrationem, & deorum suorum iniurias vindicare volens, iussit eam celementer decollari. Sed cum nullus eorum, qui erant in Regis Collegio, tam crudele præceptum exequi auderet, ne Regis postea fortasse dolituri, iram incurreret : ipsemet crudelis Rex, antiquæ nobilitatis, & regalis clementiæ oblitus, gladio, quo fuerat accinctus, sacrum caput præclaræ virginis, diuinam implorantis misericordiam, amputauit. Eam vero Dominus Iesus Christus sponsus eius summa cum lætitia in cælis coronauit. Deinde Rex impius, cum suo comitatu remeans ad propria, sanctorum corpora volatilibus cæli, & bestijs terræ deuoranda reliquit. Cumque ea dies aliquot à feris, & auibus intacta in nuda humo iacuisent, à quibusdam iuxta habitantibus, erga sanctos Martyres pia gerentibus viscera, in specu condita sunt.

Mira

Mira res, Herodes tripudijs regna concedit, nam à voluptate semel victi, quasi pecudes, quæ Lupus rapit, sequuntur. Vbi autem saltus lasciuus, ibi certe Diabolus adest. His tripudijs, his choræis, his saltationibus Dæmon homines in lutum fæcis demergit, & nihil magis satagit Diabolus, ut viros, & mulieres ad huiusmodi spectacula prouocet, ut eos decipiat voluptatibus illaqueando. Qua de re Syluest. Prieras. hoc refert.

*Cbrysoft. in
Matth. 14.
bem. 49.*

Necromanta diaboli arte iuuenes pulsantes, & puellas apparere facit. Cap. 131.

Quidam in Ciuitate Bononiæ, satis religiosus sacerdos, mihi amicus, cui Hieronymus Auicola, seu Lyræ nomen erat, quod eiusce instrumentum peroptime tangeret, mihi ad annum Domini circiter 1500. hoc factum, in hanc sententiam retulit. Ex Necromantis, quidam mihi (inquit) cognitus, interdum etiam domesticus, dum me Lyræ tangere crebro videret, ostendam (aiebat) aliquando tibi meos pulsatores, & quod nihil scias videbis. Cumque die festo quopiam ad tempus quadragesimale, post cibum, sanctum Michaelem in Bosco declinata semita per vineas angusto calle conscenderemus, medio itinere lassiqueuimus. Cui ego: Quando illos, de quibus toties dixisti, pulsatores auditus sum? Qui statim quibusdam in terram formatis caracteribus: Respice, ait, sursum, vidique in aëre quædam pernisiarum auium (ut videbatur) alis ludentium, & descendentium, ac descendendo crescentium, quæ cum in terra steterunt, quindecim Iuuenes pulcherrimi, quindecim instrumenta musicalia tangentes apparuere. Tota vero intentione ferebar in eum, qui Lyræ tenebat, quo diu audito, visum mihi est, quod in ea arte scirem penitus nihil. His vero iussu Necromantæ disparentibus, & eo rursus characteres effingente, denuo similia ut prius, sed plura apparere: quæ dum in terra consisterent, fuerunt qui prius quindecim Iuuenes pulsantes, & puellæ totidem cantantes, quibus (parcat mihi inquit Deus, si in hoc peceo) aut pulchriores, aut in pulchritudine pares vidi nunquam. Hæc ille: qui etiam deinde retulit, quod eodem necromanta auctore, Bononiæ in platea Mercati noctu præsentibus duobus nobilissimis principibus Ioanne Bentiuolo, & Roberto Sanseuerinensi hastiludium horrendum per dæmones actum viderit. Cumque tubarum, & tympanorum strepitu omnia videretur resonare, ac ne tota Bononia conflueret extimuisse, ne timeas, inquit, extra plateam hanc, quam cernis, nihil sentitur.

*Syluest. prie-
ras. ordin.
præd. in lib.
de mirand.
strigimaga-
Damonog.
lib. 2. c. 3.*

Sanctulus provincie Nursie venerabilis presbyter, Diaconum Longobardorum captiuum aufugere faciens, pœna capitis damnatur, sed militis brachium volentis ei abscindere caput, Sanctulo Ioannem Baptistam inuocante, obrigit mirabiliter; Sanctulus autem cum honore liberatus est. Cap. 132.

De etenim quadam à Longobardis captus quidam Diaconus tenebatur ligatus, eumque ipsi, qui tenuerant, interficere cogitabant. Aduersus rascante autem die vir dei Sanctulus ab eisdem Longobardis petijt, ut relaxari, eique vita concedi debuisset: quod posse se facere omnino negauerunt.

*D. Greg. tra-
lib. 3. Dial.
c. 37.*

N 3

Cumque

Cumque mortem illius deliberasse eos cerneret, petijt, vt sibi ad custodiam tradi debuisset. Cui protinus responderunt: Tibi quidem ad custodiendum eum damus, sed ea conditione interposita, vt si iste fugerit, pro eo tu moriaris. Quod vir Domini libenter accipiens, prædictum Diaconum in suam suscepit fidem, quem nocte media, cum Longobardos omnes somno graui depressos aspiceret, excitauit, & ait: Surge, & concitus fuge, liberet te omnipotens Deus. Sed idem Diaconus promissionis eius non immemor, respondit dicens: fugere non possum pater, quia si ego fugero, pro me sine dubio ipse morieris. Quem vir Domini Sanctulus ad fugiendum compulit, dicens: Surge, & vade, te omnipotens Deus eripiat. Nam ego in manu eius sum, tantum in me possunt facere, quantum ipse permiserit. Fugit itaque Diaconus, & quasi deceptus in medio fideiussor remansit. Facto igitur mane, Longobardi, qui Diaconum ad custodiendum dederant, venerunt, quem dederant, petierunt, sed hunc venerandus presbyter fugisse respondit. Tunc illi inquirunt: Scis ipse melius, quid conuenit. Seruus autem Domini constanter ait: Scio. Cui dixerunt: Bonus homo es, nolumus te per varios cruciatus mori, elige tibi mortem quamuis. Quibus vir Domini respondit dicens: In manu Dei sum, ea morte me occidite, qua me occidi permiserit. Tunc omnibus, qui illic aderant, Longobardis placuit, vt eum capite truncare debuissent, quatenus sine graui cruciatu vitam eius compendiosa morte terminarent. Cognito itaque, quod Sanctulus, qui inter eos pro sanctitatis reuerentia magni honoris habebatur, occidendus esset, omnes qui in eodem loco inuenti sunt, Longobardi conuenerunt, sicut sunt nimis crudelitatis, læti ad spectaculum mortis. Circumsteterunt itaque acies. Vir autem Domini deductus in medium est, atque ex omnibus viris fortibus electus est vnus, de quo dubium non esset, quin vno ictu, caput eius abscinderet. Venerandus igitur vir inter armatos deductus ad sua arma statim eucurrit: nam petijt, vt paululum orandi licentia daretur. Cui dum concessum fuisset, in terram se strauit, & orauit. Qui dum paulo diutius oraret, hunc electus interfecto calce pulsauit, vt surgeret dicens: Surge, & flexo genu, tende ceruicem: Surrexit autem vir Domini, genuflexit, ceruicem tetendit, sed tenso collo eductam contra se spatam intuens, hoc vnum publice fertur dixisse: Sancte Ioannes, suscipe illam. Tunc electus carnifex, euaginatam gladium tenens, nisi forti in altum brachium percussurus leuauit, sed deponere nullo modo potuit: nam repente obriguit, & erecto in cælum gladio brachium inflexibile remansit. Tunc omnis Longobardorum turba, quæ ad illud mortis spectaculum aderat, in laudis fauorem conuersa, mirari cepit, virumque Dei cum timore venerari, quia profecto claruerat, cuius sanctitatis esset, qui carnificis sui brachium in aere ligasset. Itaque postulatus, vt brachium sui carnificis sanaret, negauit dicens: Ego pro eo nullo modo orabo, nisi mihi ante iuramentum dederit, quia cum ista manu Christianum hominem non occidat. Sed Longobardus idem, qui (vt dicam) brachium contra Deum tendendo perdiderat, poena sua exigente, compulsus est iurare, se Christianum hominem nunquam occidere. Tunc vir Domini præcepit dicens: Depone manum deorsum. Qui statim deposuit, atque illico adiunxit: Remitte gladium in vaginam. Et statim remisit. Omnes ergo tantæ virtutis hominem cognoscentes, boues, & iumenta, quæ

quæ depraedati fuerant, certatim ei offerre in munere volebant. Sed vir Domini tale munus suscipere renuit, munus autem bonæ mercedis quæfuit, dicens: Si mihi aliquid vultis concedere, omnes captiuos, quos habetis, mihi tribuite, vt habeam vnde pro vobis debeam orare. Factumq. est, vt omnes captiui cum eo dimissi sint, atque superna gratia disponente, cum se vnus pro vno morti obtulit, multos à morte liberauit.

Reliquiæ corporis S. Io. Baptiste honorata, & apparitio eius, & oratio ad Deum pro aliorum salute. Cap. 133.

Quoniam autem (inquit Theodoretus) diuinarum reuelationum narrationem ingressa est oratio: age narrabo, quæ audiui ab lingua Iacobi viri sancti heremitæ Syri ab omni mendacio aliena. Narrabat non vlla gloria inductus cupiditate (fuit enim diuina anima illa ab eo vitio remotissima) sed cum illum quidam vsus cogebat dicere, quæ volebat celare. Supplex ab eo contendebar, vt oraret Deum vniuersorum, vt redderet mihi segetem mundam à zizanys, & à seminibus hæreticis eam omnino liberaret: me enim valde angebat abominandi Marcionis error, qui plurimum inuoluerat. Dixit itaq. ad me oratus: Nec me, nec vllò alio tibi opus est ad Deum intercessore. Habes enim Ioannem illum insignem, Verbi vocem, Domini præcursores, has pro te preces assiduò offerentem. Cum autem ego dicerem, me, & eius credere orationibus, & aliorum sanctorum Apostolorum, & Prophetarum, quorum ad nos nuper delatæ sunt reliquiæ. Esto, inquit, bono animo. Habes Ioannem Baptistam. Sed nec eum sic passus sum filere: sed multo magis vrgebam, interrogans, & scire desiderans, cur eius potius meminisset? Ille autem: Vellem (inquit) amplecti, & deosculari eius amabiles reliquias. Cum autem dixissem: Non afferam eas, nisi pollicitus fueris te ea dicturum, quæ videris: atque ipse quidem est pollicitus. Ego vero postridie attuli ea, quæ desiderabat: & cum omnes iussisset abscedere, hæc mihi soli narrauit.

*Theod. hist.
sanct. pat.
c. 21.*

Quando hos (inquit) Ciuitatis patronos, qui à Phœnicia venerant, & à Palæstina cum Dauidica exceperat chorea: venit mihi in mentem cogitare, num hæc essent illius insignis Ioannis reliquiæ, & non alterius Martyris, qui eius esset nominis. Post vnum ergo diem, ego quidem stabam ad hymnos decantandos, video autem quemdam candida veste indutum, atque dicentem: Frater Iacobe, cur nobis aduenientibus non venisti obuiam? Cum autem ego rogarem, quisnam esset, respondit dicens: Qui à Phœnicia, & Palæstina nuper venimus, & cum prompto, & alacri animo nos omnes exceperant, & Pastor, & Populus, & Ciues, & Rustici, tu solus eorum honoris non fuisti particeps. Innuebat autem eam, quæ fuerat dubitationem. Ad hæc ergo dicit se dixisse: Absentibus & vobis, & alijs, & vos honoro, & adoro Deum vniuersorum. Rursus autem die sequenti, eodem tempore, cum ille ipse apparuisset. Vides (inquit) frater Iacobe eum illic stantem, cuius quidem vestis, est colore niui similis: est autem prope illum positus ignis clibanus. Cum autem ego illuc oculos conuertissem, & illum esse Ioannem Baptistam coniecissem; nam & vestitu erat indutus, & manum habebat vt baptizans: Is est (inquit) quem tu coniecisti. Quinetiam (inquit Iacobus)

N 4 cum

cum tu aliquando noctu ad primum vicum ad seditiosos, eos docturus abires, & ut ego maiori, & vehementiori studio Deo offerrem orationem mandasses, tota nocte vigilaui, rogans Dominum. Deinde audiui vocem dicentem: Ne timeas ò Iacobe, Magnus enim Ioannes Baptista tota nocte orat Deum vniuersorum. Facta enim fuisset magna cædes, nisi illius intercessione extincta fuisset diaboli audacia. Hæc cum mihi narrasset, præcepit, ut ego solus scirem, & ne alios assumerem conscios. Ego autem vtilitatis gratia, non solum multis narraui, sed etiam mando scriptis. hætenus de his Theodoretus acceptam ferens conuersionem Marcionitarum S. Ioannis Baptiste precibus, & Iacobi anachoretæ apud Deum pro ea causa legatione fungentis.

Magni Ioannis Baptiste ossibus sub cauato sacrarij pariete conseruatis, omnes Dæmonum adicula super columnas posita per totum Aegyptum corruerunt. Cap. 134.

Ruff. Eccl.
bist. lib. 2.
c. 28.

Iuliani temporibus, velut relaxatis frenis, efferbuit in omnem sæuitiam feritas Paganorum. Ex quo accidit, ut apud Sebasten Palæstinæ urbem, sepulchrum Ioannis Baptiste mente rapida, & funestis manibus inuaderent, ossa dispergerent, atque ea rursum collecta, igni cremarent, & sanctos cineres pulueri immixtos, per agros, & rura dispergerent. Sed Dei providentia factum est, quosdam de Hierosolymis ex monasterio Philippi hominis dei, orationis illuc causa per idem tempus venisse. Qui cum tantum nefas humanis quidem manibus, sed ferina mente fieri viderent, mori gratius habentes, quam huiusmodi piaculo funestari, inter eos, qui ossa ad exurendum legebant mixti, diligentius in quantum res patiebatur, ac religiosius congregantes, furtim se, vel stupentibus, vel insanientibus subtrahere, & ad religiosum patrem Philippum venerandas reliquias pertulere. Ille supra seducens tantum thesaurum proprijs seruasse vigilijs, ad Pontificem maximum tunc Athanasium, hostiæ immaculatæ reliquias per Iulianum Diaconum suum, post etiam Palæstinæ urbis Episcopum, mittit. Quas ille susceptas, paucis arbitris sub cauato sacrarij pariete inclusas, prophetico spiritu profuturas generationi posteræ conseruauit: quibus nunc deiectis, & prostratis idolatriæ vestigijs, in ædibus quondam profanis aurea tecta consurgerent. Sed post occasum Serapis, qui nunquam vixerat, quæ iam alterius dæmonis stare delubra potuerunt? Parum dixerim, si omnes, quæ erant Alexandriæ per singulas penè columnas cuiuscumque Dæmonis adiculæ insultæ ceciderunt. Sed per cunctas Aegypti vrbes, per castella, per vicos, per omne rus, per ripas fluminis, per heremum quoque, si qua phana, vel potius busta reperiri potuerunt, instantia vniuscuiusque Episcopi subruta, & ad solum deducta sunt, ita ut denuo rus culturæ redderetur, quod iniuste fuerat dæmonibus deputatum.

Theo-

*Theodosius Imperator in periculoso bello, ubi de summa Imperij
& Religionis agebatur, Ioannem Baptistam sibi adiuto-
rem inuocat, & vincit, & Demones ab Ioanne se in eo
prælio victos conqueruntur. Cap. 135.*

Postquam igitur omnia Theodosio instructa essent, quæ ad bellum ne-
cessaria erant, contra Eugenium, Honorium iuniorem filium suum
Cæsarem declarat: Arcadiū enim iam antea inaugurauerat: utroque autem
filio Constantinopoli relicto, propere cum exercitibus ex Oriente ad Occi-
dentales imperij regiones festinabat, sequebaturq. ipsum ingens auxiliarium
manus ex barbaris, Istri accolis. Fertur autem, quod cum egressus Con-
stantinopoli ad septimum milliare peruenisset, Deo preces nuncupauit in
Ecclesia illa, quam in honorem Ioannis Baptistæ construxerat, ac petie-
rit, vt expeditionis istius alea tum sibi, tum exercitui suo, tum Romanis
omnibus feliciter caderet, & auxiliarem sibi inuocauerit ipsum Baptistam.
Hæc igitur precatus, in Italiā contendit, & irruptione in Alpes facta primas
custodias occupat. Superato autē transitus cacumine, vbi ad descensum per-
uenisset, vidit planiciem equitibus, ac peditibus refertam, & non procul
istinc à tergo multos ex hostibus in vertice montis tum quiescentes. Cum
igitur primi transgressi cum hostibus in campo iam pedem contulissent, ac
pugna acris, & anceps mota esset, adhuc autem superesset exercitus, con-
siderans (quantum quidem ad humanas vires attineret) suos, quantumuis
cupiant, saluari non posse, siquidem & illi irruerent, qui montis cacu-
men à tergo occuparent, pronus in terram prolapsus orabat, ac Deus eum
confestim exaudiuit, sicut comprobauit euentus. Cum igitur nec chartam,
nec atramentum petitum reperiret, accepta tabula, quam ex astantibus
quidam forte habebat, adsignauit illis prælari, ac digni exercitus præfe-
cturam, quam apud ipsum sint consecuturi, siquidem promissa adimpleue-
rint. Quo circa & illi accepta hac conditione, Imperatori iunguntur.
Adhuc autem neutra parte cedente, sed pugna in campo etiamnum verinque
æqualiter feruente, ex aduerso in hostes illapsus ventus inusitatus, & qualem
antea nunquam cognouimus, aciem eorum dirupit: tela vero, & spicula
in Romanos eiaculara, velut ex solido reperiussa, in eorum corpora con-
uertit, qui emiserant, & scuta eorum de manibus excussa, cum puluere, &
illuue aduersus ipsos volutauit. Nudari itaq. armis, plerique eorū è vesti-
gio trucidati sunt, plerique ad exiguum tempus fuga saluari, non multo
post capti sunt. Eugenius ad pedem Imperatoris accurrens, vt seruaretur
supplicabat, sed interim dum supplicaret, à milite quopiam capite trunca-
tus est. Arbogastes vero fugiens, post pugnam sibi ipse manus intulit.
Fertur autem, quod eo tempore, quo pugna hæc committeretur, ex eo
templo Dei, quod erat in Hebdomo, in quo preces fuderat Imperator,
egressus Dæmon quidam, subreptus in sublime, Ioanni Baptistæ sit conuicia-
tus, & capitis obtruncationem exprobrarit, magnaq. voce clamarit: Tu
ne me vincis, & exercitui meo insidiaris? Huic rei, qui forte præsentem
aderant, cum magnum esset apud omnes studium de bello vel audire ali-
quid, vel dicere noui, obstupescit adnotarunt, eundem hunc fuisse
diem,

*Sozom. Ec-
cles. hist. li.
7. c. 24.*

diem, quo hunc euentum belli extitisse, non multo post ab ijs cognouerunt, qui pugna interfuerant. Atque hæc quidem sic esse acta dicuntur.

Sancti Ioannis Baptista inuocato auxilio, ab irruentibus hostibus Rex Garfias liberatur obtenta victoria. Cap. 136.

*Hieronym.
Blæsa Ara
gonen. rerū
an. Christi
719.*

EVenerat autem, ut quidam integerrimus victoria, ac sanctissimus vir, nomine Ioannes, iam ante incolere cepisset speluncam illam, in ipso Vruelis monte, ut diximus, constitutam. In qua sacellum Diuo Ioanni Baptista dicatum, tenue, & exile, quæ eius facultas fuerat, construens, omne ætatis suæ tempus, Anachoretarum instituto deditus, pie, ac religiose traduxerat: melius sibi statuens in summa egestate degere vitam inter feras, quam cum hominibus in eo motu temporum, tantaq. rerum conuersione, ac perturbatione versari. Is ab Atares nomen suum traxerat, Ioannesq. Ataresius dictus fuerat, quod Oppidulo ita appellato natus fuisset. At dum mortuus fuit, magna à nostris coli religione cepit, iam ut sine ulla dubitatione crederetur in concilio cælestium collocatus. Istius ergo tanti viri Cæsaraugustanenses fratres, Otho, seu Voto, ac Fælix nominati, & vestigia persequi, & eadē ipsa inire vitæ, ac virtutum cubicula decreuerunt. Cumq. aliquantulum progressi fuissent, in eo genere, cursuq. viuendi, mox eosdem alij duo consequuti sunt, Benedictus siquidem, & Marcellus. Hi mira religionis societate coniuncti, orationibus, ieiunijs, alijsq. virtutum operibus Omnipotenti Deo assidue vacabant. Tot itaque claris sanctitatis testimonijs clarior ille locus effectus, à nostris cepit frequenter visitari. Eo namque conuenientes, in tuenda fide Catholica, ac ferendis patienter aduersitatibus non mediocriter confirmabantur. Dei tandem nutu, cum aliquando illuc plurimi Christiani vndique collecti conuenissent, seq. patria pulsos, vastas montium solitudines, quæ alioquin feris à natura datæ fuerant, nec dum tamquam aduenas, aut hospites, sed tamquam prædones potius incolentes viderent, ac pia, & sacra loca ab ipsis Mauris, tot victorijs grassantibus, profana haberi: quæ summa Dei bonitas est, effecit, ut in hac maiori nostrorum mœstitia, & languore insperatæ sibi salutis adsciscendæ amplissimus aditus patefieret. Quippe cum infantis Pelagij, ac suorum in Asturia splendor, & virtus aduersus fidei hostes, in dies crebrius perueheretur, & quæ, ac quanta mirabilia illis decertantibus contigissent: nostri, ut credere licet, diuina quadam vi ad paria aggrediendum excitati: vnicum sibi refugium, ac tot malorum remedium statuerunt, videlicet: ut legibus militaribus astricti in Maurorum ruinam sub vnus tandem Imperio conuenirent, vnde Suprabienfis Regni initium ductum fuit.

*Garfias Exi
mini, Su-
prabienfis
Rex 1.*

Magnis namq. prius ad Aediculam illam sacram ab omnibus actis vigilijs, ieiunijsq. necnon & orationibus, ac precibus multis, ut Omnipotens Deus placaretur, effusis, demum, quadam die, sacrificio Missæ sanctissimæ celebrato, vna voce, suffragijsq. cunctis, Garfias, Eximini, fortis, & strenuus vir, qui, & ipse Regio Gothorum sanguine, vel, ut alijs placet, Hispano genere antiquo ortus erat, tamquam præcipuus militarium copiarum ductor, atque Imperator electus fuit, & constitutus Rex. Is ante Hispaniæ excidium, locorum Amescuz, & Abarcucz in Cantabrorum regione fuerat potitus.

potius. Quibus postea à Mauris occupatis, se in eam altitudinem montis contulerat. Cumq. in ipso congressu adesset, Regali titulo salutat fuit. De Anno, quo hæc gesta fuere, inter scriptores non conuenit. Multi enim multa dicunt. Nos potissimum hac in re antiquam Pinnatensem historiam sequemur, quod nulla ea certiora, magisve illustria nostrarum rerum monumenta statuamus, à quibus videtur non multum differre Beutherius Valentinus. Itaq. ut ex his percipi potest, circiter Ann. Chr. 724. hæc facta conijcimus. Garfiam autem hunc non Ducis, sed Regis nomine insignitum fuisse, verus, ac constans opinio est, à nostrisq. propterea id consulto factum, ut & sibi ipsi nouæ dignitatis tuendæ nouus stimulus adderetur, Maurorumq. Regalis nominis maiestate maior timor inuaderet: iam ut fere Regni nostri initia iure possint Pelagij Regni initijs adæquari. Nouus igitur Rex noui Regni obeundi sibi traditam molem suscipiens, iurisiurandi religione omnes nostros astringi voluit, quæ sibi placerent, sequuturos. Ea autem cū præstaretur; nostri plures animi magnitudine, quam numero, quasi futuri boni euentus præfagij insultantes, nouo quodam bellico furore perciti sunt. Aderant autem non longe à Iaccetana Vrbe. Ad illius tamen expugnationem adeundam minime se fore statuerunt viribus, aut potentia æquales, eo quod esset Maurorum firmissimo præsidio communita. Ut autem eis nuntiatum fuit ab Aynsæ Oppidi irruptione, quod Ripacurtiensi ditioni est finitimum, non tam difficili aditu prohiberi, noctis silentio, Iaccam prætereuntes, ne à Mauris deprehensi impedirentur, per deuios saltus iter facientes, improviso in ipsum Aynsæ oppidum irruerunt. Atque ut sperabant, euenit. Nostri enim Aynsam occuparunt: breuiq. Christianorum vndique omnes suas copias eo contrahentium collecta multitudine, castellis, atque arcibus eam communire cœperunt, ut quos timebant hostium impetus, sustinere possent. Mauri illico, permagna suorum armatorum manu comparata, nostris immane excidium laturi conuenerunt. Maximam enim victoriæ spem in ingenti eorum numero reposuerant. At Garfias Rex non intra mœnia continere solum, sed Mauris obuiam ire posse ratus, acie cum illis dimicaturus contendit; Innumerabilem autem eorum multitudinem ut inspexit, ad extrema ventum arbitratus est, neque aliunde petendum esse, quàm à diuino numine præsidium. Cumq. sibi, & suis necessario conflegendum videret, in diuinæq. virtutis auxilio, potius quàm in humana vlla potentia relictam spem, nostris animos addere, & ad gloriosam mortem obeundam excitare cœpit. Ipsis tunc, omni spe dempta, ad necem, ut credebant, properantibus, memoriæ proditur, cæleste signum in aère apparuisse, Crucem scilicet rubeam, supra viridem arborem, Quercum nomine, aureo veluti in clypeo positam. Qua inspecta, certissimum sibi futuræ victoriæ præfagium statuētes, ad acrius pugnandum commoti sunt. Itaq. Diuinam opem, ac beati Ioannis Baptistæ implorantes auxilium, quod pro fidei veritate certarent, libero cursu in Mauros irruerunt; summaq. dimicantes contentione, tandem omnes eorum copias profligarunt. Garfiam ipsum denuo, quod tam gloriose de Mauris triumphasset, Regem gloriosissimum, & inuictissimum, maximo applausu, & perhonorifica militari congratulatione, acclamantes. Inde ea Regio Suprarbiensis Regni nomen sortita est: Suprarbiensiq. Regno, Regi & posteris, cælestis supra arborem Crucis signum, Regiæ dignitatis stemma

stemma clarum enituit . Neque aliunde fluxisse, constanti, veteri, & illustri fama, litterisq. & memoria celebratur . Aynæ autem oppidum, arx primaria nostris constituta, propterea caput fuit antiqui Suprarbiensis Regni : in cuius nomen paulatim, quæ acquirebâtur, oppida cessere . Garfias vero Rex tanti diuinitus in se collati beneficij non immemor, Sacellum S. Ioannis Baptistæ in Vruelis monte, vt diximus, situm, plurimis donis ornandum, & locupletandum curauit, quod postea celebre fuit sibi, & posteris Regibus monumentum . Ab ipsa autem rupe vasta, in qua erat excisum, S. Ioannis de Pinna dictum est . Multæ postea res à nostris contra Mauros feliciter gestæ sunt, nonnullaq. oppida in Cantabria ab eorum manibus erepta, & seruata : quibus Garfias Rex Suprarbiense Regnum, suamq. ditionem ampliauit, & auxit .

Celestis, & horribilis vindicta in saltatricem Puellam.

Cap. 137.

*Nicoph. his.
lib. 1. c. 20.*

In felicissimus exitus Saltatricis feminae scelestissimæ exitit, & inauditum supplicium accepit feralis impietas . Nicephorus rem gestam his verbis conscribit . Furibunda sedenim, & adultera incestaq. adeo illa, quæ quidem Herodis habebatur, reuera autem Philippi erat coniux, vita longius acta, cū prius filiam, & saltatricem acerbo fato sublatam vidisset, deinde ipsa quoque decessit, futuri seculi iudicio & supplicio reseruata, meras ibi quam citissime diuinæ iræ fæces, intolerabilisq. indignationis Domini calicem haustrura . Filia autem eius, dignus est enim qui memoræ commenderetur, talis fuit obitus : non enim semper lætantur, qui mala faciunt .

Eundem ei quodam brumali tempore erat, & fluuius traijciendus, qui cum glacie constrictus, coagmentatusq. esset, pedes eum transibat : glacie autem rupta, idq. non sine Dei numine, demergitur illa statim, capite tenus, & inferioribus corporis partibus lasciuiens, molliusq. se mouens saltat, non in terra, sed in vndis : caput vero scelestum, frigore & glacie concretum, deinde etiam conuulneratum, & à reliquo corpore non ferro, sed glaciei crustis resectum in glacie ipsa saltationem lethalem exhibet, spectaculoq. eius omnibus præbito, in memoriam ea, quæ fecerat, spectantibus reuocat . Hæc Nicephorus .

Pœna similiter auulsi a tergore capitis punitus est propter insignem eius luxuriam Iuuenis quidam in tempore hoc nostro, cuius funestam historiam memorabo .

Iuuenis luxuriæ deditus, dum mulieri cuidam insidias parat, à ferocissimo cane trucidatur . Cap. 138.

Quidam iuuenis libidinis flamma accensus, mulierem formosam deperibat . Hic nullum studij genus prætermittebat, vt pollicitationibus, precibus, lenocinijs, castum mulieris animum flecteret ad concupiscentias suas . Tantum autem profecit, vt mollis femina eius importunitate victa, cupitam ei præstaret voluptatem . Mulier autem postea grauissimam commissi criminis culpam agnoscens, & quanto se flagitio commaculasset, & in quale

canum

cænum esset prolapsa considerans, discruciabatur vehementius, & doloris acerbiter lachrymis testabatur. Quamobrem commissi delicti poenitens, illud solum curabat, ut in posterum ad veritam voluptatem non reuertetur: tantum autem libidinosi iuuenis horrebat aspectum, ut crebris repulsis eum repellens, etiam ianuarum valuas oclusas teneret, ne ad ipsam aliqua ratione pertingere posset. Quod ille animaduertens, & libidinis impatiens, (artem docente Diabolo) famulam mulieris inuenit, numerosamque ei pecuniam pollicitus est, si operam daret, ut domum Dominae clanculum ingredi posset: illa autem propter promissam pecuniam iuueni obsequi volens, docuit eum, ut obseruaret in die festo, quando domina sua ad sacrum audiendum in templum pergeret, tunc enim opportune licuisset sibi ingredi in domum eius & latitare. Venit dies festus, festinat illa in templum, iuuenis clam succedit in domum & abscondit se, donec rediret. Cum autem reuersa esset verbo Dei, sacrificijs, & orationibus munita ille ex improviso obijcit se conspectui mulieris cæstro libidinis, & spiritu nequissimo comitatus insurgit rogans & ne diutius denegaret ei, quod tam vehementer concupiscebat, varijsque blanditijs animum mulieris primum sollicitabat. Turbata est illa in conspectu eius, & expauit, & cælum suspiciens, quanta potuit vi, viri reiecit petulantiam. Deinde cum pararet violentas ei inferre manus, astitit illico canis ferocissimus, qui feminae patrocinium suscipiens contra virum dente iracundo profluit, & apprehenso collo eius tam ferociter, tam immaniter huc, & illuc discerpfit, donec amputatū à corpore separaret. Canis cruentū caput secum tulit & disparuit. Ecce in qualem calamitatem incidit miserabilis iuuenis. Certe magis expediens illi fuisset, si ingens saxum appensum fuisset collo eius, & demersus esset in profundum, quàm scandalum posuisse paruulæ & poenitenti mulieri. Huiusmodi enim inconcessæ libidines Dei furorem accendunt, & quicumque sunt, qui huiusmodi voluptatibus coinquinantur, & nihil magis, dum viuunt, cogitant, quàm semper querere, quod carnis sensum delectat, diuinam pietatem vehementer exasperant, ita ut nonnunquam ad aliorum exemplum feminas vel viros in ijs obscœnitatibus versantes, formidabili morte multauerit, ut intelligant omnes, quicumque luxuriosam sectantur vitam, & alienæ pudicitie insidiantur, & per vicos, & per cõpita obambulant, & ceu venatores, incautis mulieribus non solum in priuatis domibus, sed quod dictu nefandum est, etiam in Ecclesijs retia tendunt, ut inexplebiles libidines communicato crimine saturent, in quanto periculo versentur, & quam perniciose decipiantur, quicumque in propinata voluptate venenum culpæ hauriunt, & pabulum mortis comedunt, mortem æternam illaturum.

Notum mihi fecit exemplum hoc Guido Florentinus, ex nobili Familia de Caualcantibus, amicissimus meus, qui hoc, ut dixi, contigisse bene nouerat.

Augu-

Augusta impudica à casto Comite repulsam passa, accusat eum, in odium conuersa, apud Imperatorem, & capitis ei obtruncationem procurat, sed veritate magno miraculo inuenta, Augusta flammis traditur. Cap. 139.

*Crant. in
tex. lib. 4. c.
26.
Gotes. chrö.
p. 17. in ott.
3.
Ex Annal.
Eccl. 10. 10.*

OTto Imperator Romam cogitans, cum Mutinam peruenisset, iuxta ipsam, in villa Anula dicta, hospitio susceptus est. Accidisse autē tunc ipsi ea tradunt, quæ magna admiratione digna metro scripsit Gotefridus Viterbiensis, nempe coactum fuisse, id iustitia ab eo exigente, Augustam vxorem suam, Mariam nomine, filiam regis Aragonum, necis Comitis innocentissimi ream, publice cremandam iudicare. Coniecit enim femina proca oculos in dictum Comitem virum integerrimum, forma pulcherrimum: quæ à viro castissimo passa repulsam, illum de pertentata pudicitia calumniose accusauit apud Imperatorem, qui facile nimis adhibens fidem ipsi, Comitem morte damnavit. Quem cum capite amputatum audisset eius vxor, magna audacia, quam pudoris nescius dolor ministravit abunde, Ottonem conuenit pro tribunali sedentem, clamans de nece iustissimi viri vindictam, proiecitoque capite viri in medium, ipsum Imperatorem reum sanguinis innocentissimi apud ipsum iura reddentem accusat. Probationem per contrectationem ferri candentis, veritatis indicem offert: consentit ille: paratur ignis, ferrum candens exhibetur, mulier conscia innocentie viri sui, arripit illud illæsa, contrectat inusta, quia iusta, stringit vt flores ignitum metallum, quo solum exuruntur præcordia ipsius Imperatoris. Cui tunc insultans victrix femina, vindictam in Imperatorem à gladio exigit imperantis. Fatetur ille culpam, nec refugit poenam, spondens iugulum, sed poscit inducias. Interim proceres accurrunt, pro vita feminam exorant Imperatoris, sed frustra diu laboratum: at tandem ea est conditio transactum, vt auctrix sceleris Augusta, ex qua causa processerat viri necis, flammis comburenda daretur. Quo facto, suam redemit vitam iustissimus Imperator, qui eandem donatam tribus castris, solutus ipse ac liber subeundi supplicij, eam abire rogauit. Hoc tantæ tragediæ est argumentum, quod vt dictū est, Viterbiensis Gotefridus carmine cecinit. Alij vero soluta oratione scripsere.

De vniuerso Herodum genere. Cap. 140.

*Ioseph. antiq.
iudaic.
lib. 18. c. 11.*

VOlo igitur (inquit Ioseph) plenius explicare de vniuerso Herodis genere, qualiter fuerit propagatum: simul enim & sermo ad hanc historiam pertinens, amplius enitescet, & nihil prodesse, vel exercitus, aut vim corporis, vel alia, quæ videntur mortalibus appetenda, sine pietate, qua colitur Deus. Siquidem intra centum annorum spatium, præter paucos (nam admodum plures erant) cuncta Herodis origo consumpta est. Super hæc etiam ad humilitatem, & modestiam humanum genus adducitur, cum illius familie calamitates audierit. Postremo etiam omnis res Agrippæ declarabitur, digna maiore miraculo, qualiter ex priuato, & abiecto, ad tantam magnitudinem potestatis ascenderit, quod nullus de illo homine, aut sperare posset, aut credere. Dixi quidem, & antea de his, tamen nunc quoque diligen-

lagentius explanabo. Herodi maiori fuere ex Mariamme Hyrcani filia duæ: ex quibus vna, idest Salome, nupta fuerat Phaselo nepoti suo, filio Phaseli fratris Herodis (hanc enim pater ipse tradiderat) altera vero idest, Cypris, Antipatro, & ipsa nepoti quidem Herodis, filio autem sororis eius Salomes. Et Phaselo quidem ex Salome procreantur liberi quinque Antipater, Herodes, & Alexander: filia autem Alexandra, & Cypris, quam in coniugium acceperat Agrippa filius Alexandri; Alexandram autem honorabilis vir Cyprianus ex nobilibus habebat uxorem, sed nullos suscipiens filios Cypris, emoritur. Verum ex Agrippa quidem pueri procreantur duo, filia autem tres: Beronice, Mariamme, Drusilla: Agrippa autem, & Drusus pueri vocabantur: quorum Drusus, antequam ad adolescentiam veniret, emoritur: Agrippa autem à patre enutriebatur. Herodes autem, & Aristobulus, & Beronice, etiam hi quoque filij fuerunt filij Herodis maioris: Beronice autem Custobari, fuit Salomes filia, sororis Herodis. Hos Aristobulus infantulos dereliquerat, occisus à Patre cum Alexandro fratre, sicut ante iam diximus. Sed hi postquam adoleuerunt, ducunt, Herodes quidem iste Agrippæ frater, Mariam filiam Olympiadis, regis Herodis filia, & Iosippi, qui erat Herodis regis frater. Habuit autem ex hac filium Aristobulum; tertius autem Agrippæ frater Aristobulus ducit Iotopalam, Sigerammi filiam, Emesorum regis: ex quibus nascitur puella, cuius audiendi sensus fuerat obturatus, nomine Iotapa. Et isti quidem masculorum filij fuere. Herodias quoque erat his soror progenita, quæ Herodi, Herodis maioris filio fuerat iuncta, quem ex Mariamme susceperat, Simonis Pontificis filia. Ex istis etiam Salome filia procreatur: quæ procreata, Herodias legem paternam transgrediens, Herodi coniungitur fratri viri sui, ex vno patre progeniti, viuum deferens virum. Hic autem cui coniuncta est, tetrarchiam habebat Galilææ. Filia vero eius Salome, Philippo filio Herodis nupta est, tetrarchæ Trachonitidis regionis. Sed isto sine filijs moriente, Aristobulus eam in coniugem suscepit, filius Herodis, fratris Agrippæ. Ex quibus filij quoque nascuntur tres: Herodes, Agrippa, Aristobulus. Et Salomes quidem tali modo profapia propagatur. Et autem ex Antipatro filia procreatur Cypris, quam Alexas Selcias famit uxorem. Alexæ viro, huiusq. mulieris filia, fuit item Cypris. Herodes autem, & Alexander, quos fratres diximus Antipatri, sine filijs moriuntur. Alexandro autem Herodis regis filio, qui à patre fuerat interemptus, Alexander, & Tigranes filij generantur, ex Archelai Cappadocum regis filia: & Tigranes quidem cum regnaret in Armenia, accusatus Romæ, sine prole defungitur. Alexandro autem, Tigranis cognominis fratris eius gignitur filius: Et iste Alexander, qui duxit Antiochi Comagenorum regis filiam, Iotapam nomine, Lesidi Ciliciæ ciuitatis à Vespasiano rex efficitur. Et Alexandri quidem origo confestim, vt pullulauit, culturam gentis suæ dereliquit, ad ritus transiens, moresq. gentilium: ceteræ vero filia Herodis, nullam prolem penitus habuere. Herodis autem, quam memorauimus, profapia, permansit vsque ad tempus, quo Agrippa maior regnum accepit.

De

De Iuvene, qui se Herodis filium esse simulauit, ut in Regnum succederet, & à Cæsare detectus est. Cap. 141.

I Vuenis quidam, Iudæus quidem genere, sed apud Sidonios nutritus à quodam Romanorum libertino, qui cum in cognitionem Herodis induxerat, similitudine formæ prouocatus, qua videbatur Alexandro consimilis, filio Herodis, qui fuerat interemptus (testificabantur quoque illi cuncti, quorum aspectibus occurrebat) ex hoc occasionem sibi oblatam reputauit, quo regnum posset excipere, assumens secum adiutorem suæ gentis, hominem scientem cuncta, quæ in palatio gerebantur, & ingenio callidum ad magna negotia perturbanda, eo sibi huius fictionis magisterium præbente. Dicebat ergo Alexandrum se esse Herodis filium, & morte seruatum ab his quibus eum, ut perimerent, fuerat delegatus: occidens quippe alios, per quos imaginem completæ iussionis ostenderent, & expectatores fallerent, illum eiusque fratrem Aristobulum saluauisse. His igitur figmentis, & ipse in superbiam extollitur, & alios quotquot occurrerent, erudiebat. Interea Cretam appulsus, Iudæorum omnibus, qui cum illo colloquia miscuere, persuasit. Vnde ille quoque pecuniarum abundantia capite affluere, plurimis hinc inde donantibus. Præter hæc venit ad Melum, ibique congregat meliora. Nam ei plures offerebantur pecuniæ, fide, qua ex regio sanguine illum descendere iudicabant, & spe, quod posset paterni regni iura suscipere, vicem præstantibus rependere. Ibat igitur Romam, plurimis in eius obsequium venientibus, & Dicæarchum appulsus, ibidem quoque, qui habitant Iudæos, similibus fallacijs illudere, decipereque non destitit. Occurrebant namque illi, veluti regi, & alij quidem plurimi, maxime tamen illi, qui familiaritatem, & amicitiam cum Herode possederant. Causa vero maxima deceptionis erat hominibus, quod illum casum cum voluptate à referentibus aduertebant. Ad hæc etiam accedebat fides ex formæ, vultusque similitudine; etenim etiam qui plurimum fuerant cum Alexandro conuersati, nihilominus inducti fuerant ad credendum, illum non fuisse alterum, sed Alexandrum Herodis filium, ita ut etiam alij nescientibus iurare præsumerent. Proinde ingredienti Romam, & fama sui cuncta repleti, in occursum egreditur Iudæorum plurima multitudo, instar miraculi, salutem eius factam diuinitus admirantes, & cum gaudio illum maiore suscipiunt, maxime propter maternum genus, quod erat valde clarissimum. Proinde cum Ciuitatem intraret, per plateas, & vicos in sella portabatur, cuncto regali cultu compositus ex opibus, & quæstibus, quos per diuersa loca perceperat. Congregatur itaque ad eum maxima multitudo, voces plurimæ, clamoresque cum fauore reddebantur, & omnia fiebant, quæ solent ad gaudia mentes hominum concitare, præsertim in tali euentu, ubi præter spem salutem illius factam esse mirabatur. Sed ubi Cæsari nuntium illud allatum est, non quidem credebat, eò quod sciret Herodem non facile posse quibuslibet negotijs decipi, præsertim in illis, in quibus animum intenderet: tamen sperans potuisse contingere, Celadum quendam suum libertum, qui sæpius fuerat cum illis infantulis collocutus, mittit ut videret Alexandrum. Ille autem cum vidisset, nulla meliori discretionem
vsus

usus est, quam usa fuerit multitudo. Verum Cæsar decipi omnino non potuit, quoniam erat quidem ille similis, sed non ita, ut eos posset inducere, qui prudenter inspicere, discernereque valerent. Siquidem iste falsus Alexander, ex labore, & opere valde constabat attritus: in illum autem delicatudo ex delicijs, & fortitudo de frequenti exercitatione concurrerant, huic autem durius, & crassius erat corpus. Intuens igitur mendacia, conspirantes iuxta discipulum, atque Doctorem, & cum fiducia verba proferentes examinabat: rem etiam de Aristobulo cunctam perquirens, quid de illo quoque fuerit factum, & semetipsum obstupescere simulans, rogabat ob quam causam Aristobulus quoque non venisset, quo regnum etiã ipse, dignitatemque sibi deposceret. Cumque ille respondisset, in Cypro illum insula remansisse, marinis periculis simul fatigatum, & territum, ut si forte sibi aliquid accidisset, saltem ille saluaretur, ne omne genus Mariamnes penitus interiret (taliam enim eum doctor ille respondenda docuerat) Cæsar semotum adolescentulum à ceteris abducens, Tibi, inquit, mercedis gratia salus à me præstabitur, si non tentaveris etiam me arte deceptionis inducere. Dic itaque mihi tu qui sis, & quis te ad talia constringenda, perpulerit: maior quippe est tua ætate hæc adinuenta calliditas. Tunc ille (neque enim ultra mentiri potuit in periculo constitutus) aperit Cæsari omne figmentum, & quali modo, & à quo fuerit commentatum. Tunc Cæsar falli quidem Alexandrum nequaquam contra quod promiserat fecit: videns enim eum laboribus aptum, in ordine constituit. numeroque nautarum: illum vero qui talia præsumenda persuasit, morte condemnat. Meliensibus autem condemnatio sufficiens visa est, ut quantoscunque sumptus, vel pecunias in falsum Alexandrum erogassent, irreparabiliter amisissent. Et circa falsum quidem Alexandrum res cum magna temeritate præsumptæ finem huiusmodi perceperunt.

De inconstantia rerum humanarum, & felicissimi Seiani infelicitissima felicitate, qui affectavit divinos honores. Cap. 142.

Nihil esse infelicius felicitate peccantium, patet ex Seiani infelicitissimo casu, qui cum Tiberio iniit consulatum. Fuit hic ille toto orbe celeberrimus, qui non solum, ut ceteri, amplissimas occupavit, & assecutus est dignitates & administrationes, sed diutius absente Tiberio, & apud Capream insulam multo tempore oriantem seipsum pro Imperatore, Tiberium vero, pro insulæ Rectore quodam habuit; eoque existimationis prouectus est, ut ipsi tanquam Deorum alicui res sacra fieri soleret, essetque hoc anno delatus consulatus cum prorogatione quinquennij: insuper & in litteris publicis à Senatu sicut Tiberij, & ita Seiani nomen inscriberetur; & sicut Imperator aureo curru in Theatrum adueheretur, iurarentque omnes fortunam eius. Hic (inquam) convocato Senatu, ut recitarentur litteræ Imperatoris, quibus collata sibi potestas tribunitia dicebatur, quas sibi ipse lætas atque iucundas sperabat, contrarias omnino, ac ipsimet perniciosas, omnibus audientibus, contra opinionem & expectationem percepit. Vnde primo depositus iussu Reguli Consulis suffecti, consentiente Senatu in vincula ducitur, atque ibidem capite multatur; deinceps in Gemonias vincto trahitur, sicque

O

demum

*Dio histor.
Rom. l. 58.*

demum per triduum à Populo maximo ludibrio habitus, in Tiberim mittitur: liberi quoque ex S. C. maxime vero filia, quam Pater pactus fuerat Claudij filio, prius (ò inauditam rem) à carnifice constuprata, necati sunt. hæc pluribus Dio Cassius scribit, quæ nobis exemplo sane egregio rerum humanarum inconstantia, mobilitatisq. esse debent, ne quis sibi arridenti & blandienti felicitati admodum credat, & in rebus prosperis modeste, & non superbe sese gerat. Quod tamen à paucis seruatur, dum semper in prosperis intumescunt, seseq. in altum tolli permittunt, donec lapsu grauiore ruant.

De fonte Siloe, & quæ mirabilia circa illum gesta sunt, & de fluuio Sabbatico. Cap. 143.

*Hieron. in
Isa. c. 8.*

*Epiphan. de
vi & inter.
prophet. c. 7.*

Siloam fontem esse ad radices montis Sion, qui non iugibus aquis, sed incertis horis diei ebulliat, & per terrarum concaua ad antra saxi durissimi cum magno sonitu veniat, dubitare non possumus, nos præsertim qui in hac habitamus Prouincia, inquit Hieronymus. Quomodo vero fons ille primum erupit precibus Isaia, & vnde nomen accepit, Epiphanius his verbis eiusmodi recenset historiam: Fontem quippe Deus Siloam causa prophetæ effecit: quoniam priusquam moreretur, pusillum precatus est, ut vnda illinc erumpere dignaretur, & confestim dimisit illi cælitus aquam viuentem, vnde fortitus est locus ille appellationem Siloam, quod si quis interpreteretur, sonat demissum. Sub Ezechia quoque Rege, antequam stagnum, piscinamq. fabricasset, precibus Isaia effectum, ut exigua lympha scaturiret, quod populus in obsidione hostium teneretur, ne ipsa periret vndis destituta ciuitas. Milites igitur perscrutabantur vndique, vbi nam sedare sitim daretur, ignorabant enim. Vrbe quippe iam potiti obsidebant Siloam: quandocunque itaque indigentes Iudæi aquatum venerant, scaturiebat eis vnda, & aquabant: exterarum vero nationum homines reperire nesciebant: latex namque aufugiebat, eoque vsque ad hodiernum diem eructatur clanculum, quo significetur mysterium. Ceterum quandoquidem Isaia prophetæ istum acceptum referunt, in perennem eius rei memoriam, Populus accurate prophetam istuc solo cum gloria & honore reddidit, ut per eius intercessionem in consummationem vsque seculi aquæ huiusmodi fructus impetretur, cui scilicet vsum referebant acceptum. Hæc Epiphanius, cum agit de sepulchro Isaia apud Siloam posito. Huius quoque fontis meminit & Iosephus. Et præsertim agens de bello Iudaico, his verbis suos alloquitur Iudæos; Tito quidem etiam fontes nunc vberiores profluunt, qui prius vobis aruerant. Denique ante eius aduentum scitis & Siloam, & omnes extra ciuitatem fontes adeo defecisse, ut ad vtrumque aqua mercaretur: nunc autem ita hostibus nostris largi sunt, ut non modo ipsis, & iumentis eorum, sed etiam hortis sufficiant. Hæc Iosephus.

*Ioseph. de
bel. iud. 7.
c. 24.
De bel. iud.
lib. 6. c. 11.*

*In Theatro
terra sanct.*

Idem ex eodem testatur Adricomius, qui hæc addit: De huius aquæ virtute diligentissimus loci huius perscrutator Saligniacus to. 10. cap. 1. ita fere scribit: Fontis huius aqua hodie adhuc ipsis etiam Saracenis in pretio est. Nam cum corpore naturaliter instar hircorum feteant, in hoc fonte se, & pueros suos lauant, eaq. lotionem fetorem suum mitigant. Quin & eam Turcæ magni faciunt, quod eius vsum, oculorum visui conferre experiantur.

At

At huic fonti Siloe haud valde dissimilis videtur fons ille, seu fluuius ite in Palæstina Sabbaticus dictus, quod die tantum Sabbati fluat, ceteris diebus alueo sicco non appareat, de quo his verbis mentionem facit Iosephus, dum agit de Vespasiano Imperatore, qui illum vidit: Conspicit in itinere fluuium cognitione dignissimum. Is fluit medius, inter Arcas, & Raphaneas Agrippæ regni ciuitates. habet autem quoddam peculiare miraculum: nā cum sit, quando fluit, plurimus, neque meatu segnis, tamen interpositis sex diebus à fontibus deficiens, siccum exhibet locum; deinde quasi nulla mutatione facta septimo die similis exoritur: atque hunc ordinem eum semper seruare pro certo compertum est. Vnde etiam Sabbaticus appellatus est à sacro septimo Iudæorum die sic appellatus. hæc Iosephus. Ex quo erroris arguitur Plinius, qui de eodem amne agens sabbatis omnibus siccare testatur. Sed de his hætenus.

*De occurſu Iudaorum Christo cum myſterioſis arborum ramis,
& de perpetuitate arboris, ex qua rami exciſi ſunt, & de
caſtorum poſitione facta à Romanis in eodem loco, vbi
Chriſtus fleuit Hieruſalem. Cap. 144.*

Cum Christus Dominus Hierosolymam pergeret ad triumphum Crucis, ut regnaret à ligno Deus, inauditus ei honor exhibitus est, ac certe neque in diuinis scripturis, neque apud profanos authores, qui res Iudæorum sunt profecuti, vllum plane huic simile exemplum inuenimus, ut ingredientibus Regibus Hierosolymam quis occurreret cum ramis arborum. Vnde quid diuinum ac plane insolitum Christo Domino exhibitum fuisse ministerium, nulla est dubitatio. Porro non tantum in Scenophegia in honorem Dei præcidebantur, ac circumferebantur rami arborum, sed etiam id factum reperies aliàs, cum Simon recuperata Hierusalem, ac potitus arce, expurgata ea ab immunditijs, ingressus est in eam laudans Deum cum ramis Palmarum, & canticis: cuius rei causa instituta est annua celebritas, ut vigesima mensis secundi diem festum omnes agerent. Est & eiusdem rei aliud exemplum, ut cum Iudas Machabæus expurgato templo diem solemnem constituit, ut satis appareat ea Iudæos facere solitos tantummodo in honorem Dei. Ceterum morem fuisse Græcorum, ut in triumphis milites ferrent ramos palmarum, eandemq. consuetudinem postea ad Romanos illapsam, author est Liuius. Haud iniucundum erit modo, quoniam eiusmodi diuinum honorem Deo exhibitum constat, scire palmam illam, ex qua Iudæi ramos acceperunt, ut obuiarent Iesu, quasi egregium Christi triumphi monumentum quantumlibet arbores omnes tempore obsidionis sub Tito excisæ fuerint, diuina quadam providentia intactam ad multa secula perdurasse. Adducit eam in testimonium post crucem Cyrillus Hierosolymitanus sic dicens; Palma, quæ est in Pharinge, testatur, ramos exhibens his, qui tunc benedicebant.

Cum è monte Oliueti Iesus Hierosolymam spectaret, flens super illam, quæ illi obuentura essent prædixit: est res obseruatione certe, ac stupore digna, in eodem Monte Oliueti, vbi Christus aspiciens Hierosolymam fudit lachrymas, Romanos, qui obsessuri eandem ciuitatem, ac funditus vastaturi, & euersuri erant, primum castra posuisse, quod his verbis testatur Iosephus:

O 2

phus:

*Machab. 3
c. 16.*

*Liuius De-
cad. 1. lib.
10. in fin.*

*Cyrl. ca-
thec. 20.*

Ioseph. de bel. iud. li. 6. c. 3. phus: His inquit præceptum erat sexto ab Hierosolymis stadio castra ponere, quarum parte mons, qui appellatur Oliuarum, contra ciuitatem ab Oriente situs est, altaq. interiacente valle discernitur, cui nomen est Cedron. hæc ille.

De mysterio Ficulneæ arefactæ. Cap. 145.

Isidor. ad Theop. li. 1. ep. 51. Dominus iens Hierosolymam, arboré fici in via positam quod fructus non inuenisset in ea, arefecit, ita vt mirarentur discipuli ficulneam, tam cito arefactam, quod non sine magno mysterio gestum est; maiorum enim traditione perlatum est, ficum fuisse arborem transgressionis, ex qua primi parentes post peccatum legentes folia pudenda texerunt. Inter alios enim qui hoc testantur, Isidorus Pelusiota scribens ad Theopompum Tribunum hæc ait: Exaruit igitur arbor, vt hominibus terrorem inijciat; quin in hac quoque re arcanus quidam sermo adnexus est à senibus sapientibus ad nos grassatus, nempe hanc transgressionis arborem esse, cuius etiam folijs ad corpus tegendum hi, qui mandatum violarunt, vsi sunt. hucusq. Isidorus.

De Petra, quæ genuum Christi vestigia receperat, alijsq. lapidibus Pedum ipsius vestigia continentibus. Cap. 146.

Matt. 26. Mar. 14. Cum accessisset Iesus in montem Oliueti ingressus in Villam, quæ dicitur Gethsemani, vbi erat hortus, suos orare admonens, assumptis secum Petro, Ioanne, & Iacobo seorsum à ceteris, pauore, ac mærore affectus, eas enim communes ceteris animi passiones prudens, volensq. suscepit, auulsus ab illis iactu lapidis Patrem rogans, vt si possibile esset, à se calicem passionis transferret; eundemq. sermonem non semel, sed iterum, ac tertio repetijt, cum interdum dormientes discipulos excitaret: ei vero sic oranti apparuit Angelus confortans eum. sed cum prolixius oraret, in agonia positus, factusq. sudor eius sicut guttæ sanguinis decurrentis in terram. Locus ille, vbi hæc contigerunt ad radices montis positus, tantq. rei est nobilitatus insignibus, quasi Trophæis victoriæ Christi, præclara postmodum desuper erecta Ecclesia, vt auctor est Hieronymus, est mirifice illustratus. Addit Beda, Petram ipsam, super quam Dominus orans flexis genibus innixus est, quasi mollem ceram celsisse, inseq. genuum eius vestigia recepisse, ipsumq. lapidem, vt insigne tanti miraculi monumentum intra Ecclesiam translatum, & parieti affixum, cunctisq. factum perspicuum. Accepimus ab his qui hæc viderunt, etiam in ipso imo vallis, quam torrens Cedron præterfluit, in lapidibus ipsis eiusdem Christi Domini nostri vestigia pedum impressa remansisse, hætenusq. seruata esse.

Hier. de lo. Hebr. Beda de lo. sanct. c. 6. in fine.

De ficu, in qua ferunt se suspendisse Iudam, quæ in signum sceleratissime prodicionis per multa secula durauit.

Cap. 147.

Iuuen. his. Euang. l. 4. Maiorum traditione acceptum est, arborem illam, in qua Iudas laqueum se suspendit, fuisse ficum: Iuuenius enim hoc cecinit: Exorsusq. suas laqueo

laqueo sibi sumere poenas, infamem rapuit ficus de vertice mortem. Sed & Beda de locis sanctis scribens hæc habet in eandem sententiam: Portam David egredientibus fons occurrit in Austrum per vallem directus, ad cuius medietatem ab occasu Iudas se suspendisse narratur: nam & ficus magna ibi, & vetustissima stat, iuxta quod Iuuenius ait &c. Haud mirum videri debet adhuc Bedæ temporibus illam ficum fuisse superstitem: nam de ficu Romulea Nerone tertium, & Messala consulibus in trunco, ac ramis arescente, hæc scribit Tacitus: Eodem anno Ruminalem arborem in Comitio, quæ per octingentos & quadraginta ante annos Remi Romuliq. infantiam texerat, mortuis ramalibus, & arescente trunco diminutam, prodigij loco habitum est, donec in nouos fetus reuiuisceret. hæc Tacitus. De loco autem illo, qui in sepulturam peregrinorum emptus est pretio sanguinis, hæc scribit Hieronymus; Acheldemà, ager sanguinis, hodie quoque demonstratur in Aelia ad Australem plagam montis Sion, & hæcenus iuxta Iudæorum consilium mortuos ignobiles alios terra tegit, alios sub dio putrefacit.

*Beda de lo.
sanct. c. 4.*

De Columna, in qua flagellatus est Iesus, & Spinea Corona, & de virtutibus quas faciebant. Cap. 148.

Cum Dominus noster flagellandus esset, ad Columnam fuisse ligatum auctor est S. Hieronymus, dum ad Eustochium de Paula matre scribens, hæc ait: Ostendebatur illi columna, Ecclesie porticum sustinens, infecta cruore Domini, ad quam iunctus ducitur, & flagellatus. hæc ille. Tempore Bedæ in medio Ecclesie eam esse sitam ipse testatur. De eadem hæc etiam Gregorius Turonensis; Ad hanc, inquit, columnam multi fide pleni accedentes corrigias textiles faciunt, eamq. circumdant, quas rursus pro benedictione recipiunt, diuersis infirmitatibus profuturas. Sic igitur flagellatus Dominus Iesus Christus à militibus in atrium Prætorij ducitur, exsultur, ac clamyde coccinea superinduitur, & ut omni ex parte, quasi in scena, Reges ex ludibrio repræsentarent, coronam spineam in capite, & sceptrum arundineum in manu eius dextra milites posuerunt. Huic similem actum iocū ab Alexandrinis, cum irriderent Iudæorum Regem Agrippam Alexandriam appulsum, describit Philo. Auctor est Clemens Alexandrinus, Christianos ob reuerentiam spineæ coronæ Domini coronas intextas floribus tempora ornare Gentilium more exhorruisse. De iisdem Domini Nostri Coronæ spinis hæc Gregorius Turonensis: Ferunt ipsas coronæ sentes quasi virides apparere, quæ tametsi videantur aruisse folijs, quotidie tamen reuiuiscere virtute diuina. hæc Gregorius. Sed Isidorus Pelusiota de corona spinea Domini hæc scribit ad Eutonium Diaconum; Quandoquidem execrationis illius, qua terra post mandatum à nobis violatum mulctata est, seges spinea erat, Dominus autem ut omnem in seipso morbum curaret, aduenerat, idcirco spinea corona, ut victor redimitus est; quemadmodum scilicet clari & celebres victores faciunt, qui hoc ipsum telum, cuius ope victoriam consecuti sunt, in triumphum gestant.

*Hier. epist.
27.*

*Matt. 2.
10. 18. 19.
Clem. Ale.
in pedag.
lib. 2.*

*Greg. Tur.
mirac. c. 7.
Isid. lib. 1.
epist. 91.*

*De mirabili Dei prouidentia, ut ibi Christus moreretur, ubi prius
Adam mortuus fuerat, & immolatus Isaac. Cap. 149.*

*Hier. de lo.
Hebr.*

Golgotha locus est, quo ad supplicium Crucis ductus est Iesus, de quo hæc Hieronymus: Locus inquit, est Caluariæ, & usque hodie ostenditur in Aëlia ad Septentrionalem plagam montis Sion. Hunc eundem esse montem, in quo Abraham iussus est immolare filium suum Isaac, ex maiorum traditione per generationes singulas ad posteros dilapsa, complures anti-

*August. de
temp. ser. 71*

quorum Patrum testantur. Inter quos hæc Augustinus: Hieronymus presbyter scripsit ab antiquis, & senioribus Iudæis se certissime cognouisse, quod ibi immolatus sit Isaac, ubi postea Christus crucifixus est: Denique ab eo loco unde B. Abraham iussus est proficisci, tertio die ad locum, ubi Christus

*Beda de lo.
sanct. c. 2.*

crucifixus est, peruenitur. hæc de Golgotha Augustinus. Beda hæc in eandem sententiam: In loco autem illo, quo Abraham altare ad immolandum filium construxit, mensa est lignea non parua, in quam pauperum eleemosynæ solent à populo deferri. Cur vero idem mons Golgotha, dictus sit Caluariæ locus, maiores omnes, antiquorum etiam firma acceperunt traditio-

*Tertul. lib.
2. contra
Marc.*

ne, sic esse nominatum montem illum, quod ibi primus homo sepultus sit: Id in primis Tertullianus in Carmine, quod scripsit aduersus Marcionem testatur his versibus:

Golgotha locus est capitis caluaria quondam
Lingua paterna prior sic illum nomine dixit:
Hic medium terræ est. hic est victoria signum
Os magnum, hic veteres nostri docuere repertum
Hic hominem primum suscepimus esse sepultum.

*Orig. tr. 35
in Matt.*

Hæc Tertullianus. Origenes etiam hæc in eandem sententiam: Locus Caluariæ dicitur non qualemcumque dispensationem habere, ut illic qui pro hominibus fuerat moriturus, moreretur. Venit ad me traditio quædam talis, quod corpus Adæ primi hominis ibi sepultum est, ubi crucifixus est Christus, ut sicut in Adam omnes moriuntur, sic in Christo omnes viuificentur: ut in loco illo, qui dicitur Caluariæ locus, idest locus capitis, caput humani generis resurrectionem inueniat cum populo vniuerso, per resurrectionem Saluatoris, qui ibi passus est, & resurrexit. hæc Origenes. Item &

*Basil. in
Leuit. c. 5.*

Basilius: Obtinuit fama quædam, ait, in Ecclesia memoriam conseruans, non quidem scripto proditam, quæ talis est. Quod prima utique Iudæa hominem accolam nimirum Adam, simulatq. excidit delicijs Paradisi, in hac terra collocatum ad mitigandam iacturam bonorum, quibus fuerat exsutus, prima igitur etiam mortuum hominem excepit, qui & illic eam, cui additus erat, sententiam condemnationis plene est executus. Itaq. insolens esse, ac nouum videbatur illius ætatis hominibus spectaculum, os capitis defluente carne nudum: at illi recondentes Cranium, loco illi indiderunt nomen Cranium, idest Caluariam. probabili ratione potuit Noe non ignorasse sepulchrum principis huius, & mortalium omnium primogenij: siquidem de hac re fama à diluuiio mox per orbem propagata est ab ipso, & dimanauit: eoq. Dominus, excussa origine humanæ mortis, in Caluariæ loco est passus. hucusque Basilius.

De

De mirabili, & prodigioso Solis deliquio in morte Saluatoris.

Cap. 150.

DUm adhuc Christus in cruce fixus penderet, hora sexta, factæ sunt tenebræ in vniuersa terra vsque ad horam nonam. Cumq. his addat Lucas Euangelista, & solem esse obscuratum, satis perspicuè declaratur, non ipsam Iudæam tantum, vt aliquando Origenes dixit, sed vniuersum plane terrarum orbem offusum fuisse tenebris. Porro ille ipse Origenes auctor prædictæ sententiæ, cum agit aduersus Celsum Philosophum Epicurum, Christianorum hostem infensissimum de admiranda tunc facta Solis Eclipsi, non ex Euangelistarum testimonijs, quibus Ethnicus homo non crederet, sed ex Phlegonte Hadriani Imperatoris liberto, insigni Chronographo, de quo plura scribit Suidas, testimonium citat his verbis: De Sole autem Tiberij Cæsaris tempore obscurato, quo imperante Iesus creditur cruci fuisse affixus, & de magnis terræ tunc motibus factis, scripsit Phlegon in tertiodécimo, vel decimoquarto, vt arbitror, de temporibus libro. & inferius: Putat autem prodigij loco ducendum, quod moriente Iesu contremuerit terra, & cuncta sint tenebris obuoluta, de quibus tamen, vt licuit, supra respondimus; cum & Phlegonta ipsum produximus Saluatoris temporibus patientis historia, fuisse complexum &c. Porro ipsius Phlegontis verba Eusebius recitat sic dicens: Scripsit vero super his & Phlegon, qui Olympiadum egregius supputator est, in libro decimoquarto ita dicens: Quarto autem anno ducentessimæ secundæ olympiadis, magna, & excellens inter omnes, quæ ante eam acciderant, defectio Solis facta est, dies hora sexta ita in tenebrosam noctem versus, vt stellæ cæli visæ sint, terræq. motus in Bithynia Nicænæ Urbis multas ædes subuertit. hæc Phlegon. Tertullianus item aduersus Gentiles agēs, non ex Euangelio testimonium, sed ex ipsorum scriptis adducit, cum ait: Eodem quidem momento dies medium orbem signante Sole subducta est, deliquium vtique putauerunt, qui id quoque super Christum prædicatum nescierunt. Et tamen eum mundi casum relatum in Archiujs vestris habetis. hæc Tertullianus. Lucianus itidem aduersus gentes agens: Perquirite, inquit, in Annalibus vestris, & inuenietis temporibus Pilati fugato Sole interruptum tenebris diem.

*Matt. 27.
Marc. 15.
Luc. 23.
Orig. in
Matt. trac.
35. & con.
Celsum l. 2*

*Euseb. in
Chron. an.
33. Christi.*

*Tertull. in
apolog.*

*Lucian. in
alt. Luc.
Mart.*

Quomodo autem eiusmodi Solis defectio facta sit, Dionysius Areopagita scribens ad Polycarpum, cum inuehitur in Apollophanem Philosophum, narrat his verbis: Quid de illo, qui tempore crucis Dominicæ factus est, Solis defectu, dicturus es? Eramus tunc ambo apud Heliopolim, amboq. simul incedentem mirabiliter soli lunæ globum notabamus, non enim eiusce conjunctionis tunc aderat tempus, & ipsam rursus ab hora nona ad vespærum ad solis diametrum supra naturæ vires restitutam. In memoriam autem illius, reuoca etiam aliud quoddam: nempe enim, vt ipse non ignoras, eam lunæ incidentiam ab Oriente cæpisse, & vsque ad solaris corporis finem peruenisse, ac tum demum resiliuisse notauimus, neque vero eadem ex parte, vt assolet, & incidentia illa, & repurgatio facta est, sed ex aduerso diametri. Hæc sunt, quæ tunc temporis contingere, naturam profectò superabundantia, ac soli Christo possibilia, qui auctor est omnium, facitq. magna, ac

O 4 stupen-

*Dien. ad
Polycarp.*

stupenda, quorum non est numerus: ista illi si licuerunt, dicito. haecenus Dionysius ad Polycarpum. Idemq. de eadē re scribens ad ipsum Apollophe-
nem, agit his verbis: Heliopoli tu quidem pene mihi coæuus, quinque, & viginti fere annorum tempus exsoluens, vna morantes confiteramus, cum feria quadam sexta, & hora iam pene sexta, Sol horribilibus subito est oblitus tenebris, Luna ipsum intercurrente: quia non Deus, sed creatura Dei in ipso vere lucis accubitu lucere non potuit. Quærebam enim tunc apud te, quo mihi sane sapientissimus videbaris, quid ipse inde sentiret? Tu vero mirabili prudentia subintulisti, quod vsque adeo penetrabilibus mentis meæ alte inhæsit, vt nulla obliuione deleri, nulla vnquam valeat mortis imagine deterreri. Offusi enim tenebris ipsi eramus, orbem solis vndeque & ex æquo occupante caligine: & postquam repurgatio, & restitutio facta est, Luna ad Solis diametrum conuersa aufugit. Et tunc quoque regulam Philippi Aridei assumpsimus: cumq. reperissemus, quod & erat notissimum, eo tempore solem Eclipsis molestias, laboresq. minime, perpeti debuisse, ac nihilominus Lunam ab Oriente solarem splendorem, pulsīs nigrantibus velis obduxisse, cum soleat ex occidua parte solem ingredi. Tunc autem opifices lucis thesauros caliginibus, quas ipsa genuerat, ad occiduos vsque Solis fines perungata, vt ipsi putauimus, occultauit: cum tamen & Lunæ id tempus deesset, nec coitus vicinum tempus esse cognosceretur: Aio ad te (neque enim adhuc mysterijs tantæ rei conscius eram) ò ingentis prudentiæ promptuarium: quid, inquam, ò doctrinæ speculum Apollophanes his secretis adscribis? Adhæc nescio quo pacto diuino quodā afflatu, & non humani sensus sermonem subintulisti: Hæc, ò bone Dionysi, diuinarum vicissitudines sunt rerum. Denique vero adnotatum diligenter feriæ diem, & annum, annunciationi, quam sacer Paulus nostris attentis auribus infudit, consentientibus signis conspirare, & concordare expertus, manus veritati submissi, & ex saltitatis nexibus sum absolutus: quam quidem veritatem mirifice effero, quam & tibi communico. Haecenus de his Dionysius. De eodem quoque solis defectu admirando Hieronymus agit; Augustinus etiam pluribus, qui & fuisse præter omnem naturæ ordinem, scribens ad Hesychium, his demonstrat: Non erat, inquit, talis ille solis defectus, quando Christus crucifixus est, & ideo vere mirabilis erat, & prodigiosus, Pascha enim fuerat Iudæorum, quod non nisi in plenitudine Lunæ celebratur. Secundum autem Astrologorum numeros certum est, Solem, quando Luna plena est, non posse deficere, sed quando finis est Lunæ, non quidem semper, sed aliter nunquam, cum secundum illos numeros defecit. Quis ergo tale vnquam meminit apparuisse de cælo, ex quo Dominus illa prædixit, quale apparuit, quando passus est? hæc Augustinus.

*Hieron. in
Ioul. c. 2.
Aug. lib.
quæst. nov.
test. q. 107.
Aug. ep. 80*

*De egregia Veli textura, quod in morte Christi scissum est, &
de Columba ex Templo egressa. Cap. 151.*

*Jo. 19.
Ioseph. de
bel. Iud. li.
6. c. 6.*

Cum in cruce positus acetum Dominus accepisset, dixissetq. Consummatum est, clamans subinde voce magna, ac dicens: Pater in manus tuas commendo spiritum meum, inclinato capite tradidit spiritum. Tunc vero templi velum scissum est à summo vsque deorsum. Quale autem eiusmodi

modi genus veli esse solet; propter illa, quæ in diuina scriptura de eo scripta leguntur, Iosephus, qui vidit quale his temporibus esse solet, sic locum, in quo appensum erat, describit: Interior porta inaurata erat, & circum ipsam auratus paries desuper habebat auratos pampinos, unde racemi statura hominis pendeant, & fores habebat auratas quinquaginta, & quinque cubitis altas, sexdecim vero latas. Ad hæc aulam longitudine pari, nec est velum Babylonium hyacinto, & bysso & cocco, & purpura variatum, admirabili opere factum, neque contemplationis expers, colorum permutatione: Cocco enim videbatur ignem imitari, bysso terram, & hyacinto aërem, & mare purpura, partim quidem coloribus, bysso autem & purpura origine; quoniam bissum quidem est terra, mare autem purpuram gignit: eratque in eo præscripta omnis cæli ratio, præter signa. Hactenus Iosephus de velo exteriori posito ante primum tabernaculum, ubi candelabrum erat, mensa, atque Thuribulum: additque alterum fuisse velum, quo intima pars templi, quæ dicebatur Sancta Sanctorum, operiebatur. Ex his quidem erroris arguuntur, qui existimant, vnum tantum fuisse velum in templo. Porro hoc tempore conscissum fuisse velum exterius positum, quod erat cunctis perspicuum, & populum segregabat à Sacerdotibus, Hieronymus iure affirmat. Quid vero portenderit tantum prodigium, ab interpretibus discendum est. Addit ad hæc S. Ephrem Syrus, cuius summam in scribendo auctoritatem fuisse Hieronymus tradit, tunc cum velum templi scissum est, columbam etiam è templo egredi visam esse.

Hier. in ep.
150. q. 8.
Ephrem de
pass. Dom.
Hieron. de
script. Eccl.

De ingenti terræmotu, ex quo montes scissi sunt. Cap. 152.

Tunc etiam, & magnus factus est terræmotus, adeo ut ea concussione scissæ sint petrae, de quo testimonium ex Phlegonte ab Origene, & Eusebio habetur. Meminit & Plinius sub Tiberio ingenti terræmotu excisas esse duodecim ciuitates in Asia; ad quas subleuandas factam ab eodem Imperatore tributorum remissionem, Suetonius tradidit. Eadem & Dio. De lapidibus eo terræmotu conscissis, hæc Cyrillus Hierosolymorum Episcopus: Hactenus Golgatha monstrat, ubi propter Christum petrae scissæ sunt. Porro non tantum Hierosolymis, sed & in plerisque alijs orbis terrarum partibus scissos montes eodem terræmotu incolæ firina traditione testantur, nempe in Hetruria montem Aluernæ dictum, & prope litus Campanum, Caietæ promontorium. Ad hoc insuper addimus, testari Hieronymum ex Euangelio Nazæorum, quod in latinum transtulit, eodem quoque terræmotu templi superliminare collapsum esse, tunc & Angelos Præfides templi auditos esse dicentes: Transeamus ex his sedibus: idque tempore Christi passionis accidisse testatur.

Plin. nat.
hist. li. 1. c.
84.
Suet. in Ti-
ber. c. 48.
Dio. lib. 57.
Cyrl. cath.
23.

Hier. epist.
150.

De forma sanctissimi Sepulchri Domini nostri Iesu Christi.
Cap. 153.

Locus ipse sepulturæ Domini, qui excisus erat in petra, integer permansisse cognoscitur, testantibus id omnibus, qui de locis Sanctis commentarios edidit, quorum prior, ex ijs, qui extant, est ille ab Adarnano conscriptus

Bed. de ges.
Angl. lib. 5
c. 17. & in
Mar. c. vii.

scriptus, quem Beda redegit in Compendium. In eo igitur libro, ubi describitur Ecclesia in occidentali parte Caluariz montis erecta, hæc de Domini sepulchro narrantur: Huius in medio monumentum Domini rotundum in petra excisum est, cuius culmen extrinsecus stans, homo manu contingere potest, ab oriente habens introitum, cui lapis ille maximus appositus est, quod intrinsecus ferramentorum vestigia usque ad præsens ostendunt. Nam extrinsecus usque ad culminis summitatem, totum marmore tectum est, summum vero culmen auro ornatum auream magnam gestat crucem. In huius ergo monumenti Aquilonari parte, Sepulchrum Domini in eadem petra excisum, longitudinis septem pedum, trium mensura palmorum, pauimento altius imminet, introitum habens à latere meridiano, ubi die noctuq. duodecim lampades ardent, quatuor intra Sepulchrum, octo super, in margine dextero: lapis, qui ad ostium monumenti positus erat, nunc fixus est, cuius pars minor quadratum altare ante ostium nihilominus eiusdem monumenti stat; maior in orientali eiusdem loco quadrangulum aliud altare sub lintheaminibus extat; Color autem eiusdem monumenti, & sepulchri albo, & rubicundo permixtus videtur. hætenus Beda ex Adarnano.

De dictis à Christo, quæ non sunt scripta in Euangelio, & de testimonio Iosephi Hebræi. Cap. 154.

A. 20. Ceterum sicut nec cuncta Christi facta, ita multo minus omnia dicta ab eo verba, Euangelistæ sunt prosecuti. Citat Paulus Apostolus Christi sententiam ab illis prætermisam, cum Ephesos alloquens, sic ait: Memores verbi Domini, quoniam ipse dixit: Beatius est dare, quam accipere. Rursus illa in ore multorum adhuc Domini versatur sententia: Estote probati nummularij. recitat & eam Hieronymus sic scribens ad Minerium: Sciat enim illud Apostoli libenter audire: Omnia probate, quod bonum est, tenete, & Saluatoris verba dicentis: Estote probati nummularij. Vsurpat eandem Cas. sianus: sed & illud: Vbi te inuenero, ibi te iudicabo. Post sanctos Euangelistas, Iosephus Iudæus reperitur, qui ab hinc post annos quadraginta Græco sermone res gestas Iudæorum est prosecutus: qui res etiam gestas addens Christi, eas his paucis perstrinxit: Eo, inquit, tempore fuit Iesus vir sapiens, si tamen virum eum fas est dicere, erat enim mirabilium operator, & doctor eorum, qui libenter vera suscipiunt, plurimosq. tam de Iudæis, quam de Gentibus sectatores habuit. Christus hic erat, quem accusatum à nostræ gentis Principibus, cum addixissent eum cruci, nihilominus non destiterunt eum diligere, qui ab initio cæperant. Apparuit enim eis tertia die viuus, ita ut diuinitus de eo vates hoc, & alia multa miranda prædixerunt, & usque in hodiernum diem Christianorum genus ab hoc denominatum non deficit. hæc Iosephus: cuius testimonium in peruetusto Iudæorum Codice, in quo eius historię è Græco in Hebraicum translata antiquitus scriptæ sunt, cum hic Romæ requireretur (o perfidorum imprudentiam) abrasum inuentum est, adeo ut nulla ad excusandum scelus, posset afferri defensio, cum membrana ipsa id exclamare videretur.

Epi-

Epistola Pilati ad Tiberium. Cap. 155.

Fertur Pilatus, ut scribit Hegefippus, de morte, & resurrectione Christi ad Claudium epistolam conscripsisse, cui, si quæ est adhibenda fides, in titulo tamen certus est error, qui aliunde fortasse irrepsit, dum Claudium loco Tiberij positum habet. Epistola hæc est.

*Hegefipp.
Anacepha-
loes.*

Nuper accidit, & quod ipse probavi, Iudæos per invidiam se, suosque posteros crudeli condemnatione punisse. Denique cum promissum haberent patres eorum, quod illis Deus eorum mitteret de cælo sanctum, qui eorum Rex merito diceretur, & hunc se promiserit per Virginem missurum in terram. Istum itaque me Præsidi in Iudæa, Deus Hebræorum cum misisset, & vidissent eum cæcos illuminasse, leprosos mundasse, paralyticos curasse, demones ab hominibus fugasse, mortuos etiam suscitasse, imperasse ventis, ambulasse siccis pedibus per undas maris, & multa alia fecisse: cum omnis populus Iudæorum eum Dei filium esse dicerent: invidiam contra eum passi sunt Principes Iudæorum, & tenuerunt eum, mihique tradiderunt, & alia pro alijs mihi de eo mentientes dixerunt, asserentes eum magum esse, & contra legem eorum agere. Ego autem credidi ita esse, & flagellatum tradidi illum arbitrio eorum. Illi autem crucifixerunt eum, & sepulchro custodes adhibuerunt. Ille autem militibus meis custodientibus die tertio resurrexit. In tantum enim exarsit nequitia Iudæorum, ut darent pecuniam custodibus, & dicerent: Dicite, quia discipuli eius corpus ipsius rapuerunt. Sed cum accepissent pecuniam, quod factum fuerat, tacere non potuerunt, nam & illum surrexisse testati sunt se vidisse, & se à Iudæis pecuniam accepisse. Hæc ideo ingessi, ne quis aliter mentiatur, & existimet credendum esse mendacijs Iudæorum. hæc tenus Epistola. quæ quidem an eadem ipsa sit, quam à Pilato ad Tiberium tunc temporis scriptam esse constat, relinquimus prudentis lectoris iudicio.

Certe quidem consuevisse Præsides prouinciarum, res magni momenti, quæ contigissent in prouincijs, ad Imperatores scribere, mille exemplis exploratissimum est.

Pilatum vero hæc nunciasse Tiberio Imp. ex his quæ scribit Tertullianus facile potest intelligi, dum ait: Tiberius ergo, cuius tempore nomen Christianum in seculum introiuit, nunciatum sibi ex Syria Palæstina, quod illic veritatem illius diuinitatis reuelauerat, detulit ad Senatum, cum prærogatiua suffragij sui. Senatus quia non in se probauerat, respuit. Cæsar autem in sententia mansit, comminatus periculum accusatoribus Christianorum. hæc Tertullianus.

*In Apolog.
c. 5 & c. 21
Euseb. hist.
lib. 2. c. 2.*

Quod vero ad dictam Epistolam Pilati ad Tiberium spectat, in eo quod dicit I E S V M à Iudæis magis insinuat: ad illud quod in eum Iudæi dicerent: In Beelzebub principe Dæmoniorum eijscit Dæmonia, videtur Pilatus habuisse respectum, & apposite magis fecisse mentionem, quo sic melius causam suam tueretur, quippe qui sciret ab eodem Imperatore aduersus magos sancitum fuisse edictum, multosque ex ea causa morte mulctatos fuisse: neque se excusaret, si in I E S V M animaduertisset: licet hæc omnia in Iudæorum culpam reijciat, qui liuore, & malevolentia inducti, eum morte mulctandum curassent.

Cete-

Ceterū non tantum Pilati litteris ad Tiberium scriptis hæc de Christi rebus gestis Romæ innotuerunt, sed etiam ex publicis monumentis, quæ à notario exceptore in publicis tabulis ex more descripta fuerant, Romam missis; quæ aliquādiu inter publica gesta sunt asseruata: ad id enim Iustinus Philosophus Christianus Antoninum Pium, ad quem scribit Apologiam, prouocat dicens: Hæc ita gesta esse, cognoscere ex Actis, quæ sub Pilato sunt scripta potestis: Et rursus post multa: Et quod ista fecerit, ex eis, qui sub Pilato scripti sunt Commentarij, cognoscere potestis. Hæc Iustinus.

De eadem Pilati epistola ad Tiberium Imperatorem, ex Paulo Orosio. Cap. 156.

*Paul. Oros.
hist. lib. 7.
cap. 4.*

ANno ab Vrbe condita septingentesimo sexagesimo septimo post mortem Augusti Cæsaris, Tiberius Cæsar Imperium adeptus est, mansitque in eo annis viginti & tribus. Hic per semetipsum nulla bella gessit, sed ne per legatos quidem aliqua graua, nisi quod tantum aliquantulis in locis præcogniti citò gentium rumores comprimebantur. Sanè quarto Imperij eius anno, Germanicus Drusi filius, Caligulæ pater de Germanis, ad quos ab Augusto sene missus fuerat, triumphauit. Ipse autem Tiberius plurimam imperij sui parte cum magna, & graui modestia Reipublicæ præfuit, adeo ut quibuidam Præsidibus augenda Prouincijs tributa suadentibus scripserit; Boni pastoris esse tondere pecus, non deglubere. At postquam passus est Dominus Christus, atque à mortuis resurrexit, & discipulos suos ad prædicandum dimisit, Pilatus, Præses Palæstinæ Prouinciæ ad Tiberium Imperatorem, atque ad Senatum retulit de Passione, & Resurrectione Christi, consequentibusque virtutibus, quæ vel per ipsum palam factæ fuerant, vel per discipulos ipsius in nomine eius fiebant, & de eo quod certatim crescente plurimorum fide Deus crederetur. Tiberius cum suffragio magni fauoris retulit ad Senatum, ut Christus Deus haberetur. Senatus indignatione motus, cur non sibi prius, secundum morem, delatum esset, ut de suscipiendo cultu prius ipse decerneret, consecrationem Christi recusauit, edictoquo constituit, exterminandos esse Vrbe Christianos: præcipuè cum & Seianus Præfectus Tiberij suscipiendæ religioni obstinatissimè contradiceret. Tiberius tamen edicto, accusatoribus Christianorum mortem comminatus est: Itaque paulatim immutata est illa Tiberij Cæsaris laudatissima modestia, in poenam contradictoris Senatus. Nam Regi, quæcumque voluntate faciebat, voluptas erat: atque ex mansuetissimo Principe, sæuissima bestia euasit. Nam plurimos Senatorum conscripsit, & ad mortem coegit. Viginti sibi Patricios viros consilij causa elegerat, horum vix duos incolumes reliquit, cæteros diuersis causis necauit: Seianum Præfectum suum res nouas molientem interfecit. Filios suos Drusum, & Germanicum, quocum Drusus naturalis, & Germanicus adoptiuus erat, manifestis veneni signis perdidit. Filios Germanici filij sui interfecit. Referre singillatim facta eius horret animus, pudetque. Tanta libidinis, & crudelitatis rabie efferbuit, ut qui spreuerant Christo Rege saluari, Rege Cæsare punirentur. Huius tamen Imperij anno duodecimo, noua & incredibilis clades apud Fidenatium Urbem accidit. Amphiteatri cauea, populo gladiatorum munus spectante, col-

collapsa est, & plusquam viginti millia hominum occidit. Dignum sane posteris tantæ correptionis exemplum, tunc ad spectandum hominum mortes auidos homines conuenisse, quando pro salute hominum prouidenda Deus homo esse voluisset. Deinde anno eiusdem 17. cum Dominus Iesus Christus voluntarie quidem se tradidit passioni, sed impie à Iudæis apprehensus, & patibulo suffixus est, maximo terremotu per orbem facto, saxa in montibus scissa sunt, maximarumq. vrbiū plurimæ partes plus solita concussione ceciderunt. Eadem quoque die ad horam diei sextam sol in toto orbe obscuratus, tetraq. nox subito obducta terris est, & sicut dictum est, Impiaq. æternam timuerunt secula noctem. Vsq. adeo autem neque Lunam lumini Solis, neque nubes obtitisse manifestum est, vt 14. eadem die Lunam tota cæli regione interiecta longissime à conspectu Solis abfuisse, & stellas tunc diuinis horis, vel potius in illa horrenda nocte toto cælo fulsisse referatur. Quod non solum sanctorum Euangeliorum fides, sed etiam aliquanti Græcorum libri attestantur.

Diuina ultio in Iudæos, & Pilatum. Cap. 157.

ANno ab Vrbe condita septingentesimo nonagesimo, tertius ab Augusto Caius Caligula cæpit regnare, mansitq. in Imperio annis non plenius quatuor, homo ante se omnium flagitiosissimus, & qui vere dignus Romanis blasphemantibus, & Iudæis persecutoribus punitor adhibitus videretur. Hic, vt breuiter magnitudinem crudelitatis eius exprimam, exclamasse fertur: Vtinam populus Romanus vnā ceruicem haberet? Sæpe etiam de conditione temporum suorum conquestus est, quod nullis calamitatibus publicis insignirentur. O beata germina temporis Christiani, quantū præualuisti in rebus humanis, vt etiam crudelitas hominis magis potuerit clades desiderare, quā inuenire. Ecce de tranquillitate generali feritas ieiuna conqueritur. Furor impius intus sæua sedens super arma & centum vinctus ahenis, post tergum nodis fremit horridus ore cruento. Serui rebelles, & fugitiui gladiatores perterrere Romam, euertere Italiam; Siciliam deleuere, iam pene vniuerso humano generi toto orbe metuendi. In diebus autem salatis, hoc est, temporibus Christianis, conuellere quietem non potest, vel Cæsar infestus. Hic siquidem magno, & incredibili apparatu profectus querere hostem, viribus otiosis Germaniam, & Galliam percurrrens in ora Oceani circa prospectum Britannię restitit. Cumq. ibi Minocynobellinum Britānorum regis filium, qui à patre pulsus cum paucis oberrauerat, in deditionem recepisset, deficiente belli materia Romam redijt. Iisdem autem diebus Iudæi, qui iam tunc ob passionem Christi meritis vbique cladibus exagitabantur, apud Alexandriam seditione excitata flagitati cæde, atque vrbe propulsi, expromendarum querelarum causa Philonem quendam, virum sane in primis eruditum, legatum ad Cæsarem miserunt. Sed Caligula cum omnibus hominibus, tum præcipue Iudæis infestissimus, sprete legatione Philonis, omnes Iudæorum sacras ædes, atque in primis antiquum illud in Hierosolymis sacrarium prophanari sacrificijs Gentilium, ac repleri statuis, simulacrisq. imperauit, seq. ibi vt Deum coli præcepit. Pilatus autem Præses, qui sententiam damnationis in Christum dixerat, postquam plurimas sedi-

*Paul. Ores.
hist. lib. 7.
cap. 5.*

seditiones in Hierosolymis excepit, ac fecit, tantis irrogante Caio angoribus coactatus est, ut sua se transuerberans manu malorum compendium mortis celeritate quaesierit. Caius Caligula libidinibus suis etiam illud sceleris adiecit, ut sorores suas primum stupro pollueret, deinde exilio damneret: qui post omnes simul exules iussit occidi. Ipse autem à suis protectoribus occisus est. Duo libelli in secretis eius reperti sunt, quorum alteri pugio, alteri gladius pro signo nomini ascriptum erat: ambo lectissimorum virorum utriusque ordinis senatorij, & equestris nomina, & notas continebant morti destinatorum. Inuenta est & arca ingens variorum venenorum pocula continens, quibus mox Claudio Cæsare iubente demersis, infecta maria traduntur non sine magno piscium exitio, quos enecatos per proxima littora passim astus eiecit. Magnum reuera indicium miserentis Dei propter suffragium gratiae in populum continuo ex parte crediturum, & propter iræ temperamentum in Populum tunc infideliter obstinatum, ut quanta multitudo hominum præparatam mortem euaserit, ex multitudine intersectorum piscium disceretur, omnibusq. notesceret, quid tanti veneni moles aucta agere in misera ciuitate potuisset, quæ negligenter effusa, etiam maria corripit. Haftenus Orosius.

De vestigijs pedum Domini in terra impressis, & de ijs, quæ ibi mirabiliter facta sunt. Cap. 158.

EGregium monumentum, suæ ad cælos ascensionis redemptor noster non tantum suis Apostolis, sed posteris quoque spectandum reliquit; nimirum suorum sacrorum pedum terræ impressa vestigia. De his olim Zacharias Propheta intellexisse videtur, dum prophetice hæc locutus est: Stabunt pedes eius supra montem Oliueti, qui est contra Hierusalem ad orientem. Secundum prædicti situs rationem, eam consuetudinem ad posteros esse dilapsam, ut Christiani ad orientem conuersi precarentur, Athanasius auctor est. Quod vero ad impressa vestigia Domini pertinet, hæc scribit Hieronymus: Mons Oliueti ad orientem Hierosolymæ, torrente Cedron interfluente, ubi vltima vestigia Domini humo impressa, hodieq. monstrantur, cumq. terra eadem quotidie à credentibus hauriatur, nihilominus tamen eadem sancta vestigia pristinum statum continuo recipiunt. Denique cum Ecclesia, in cuius medio sunt, rotundo schemate, & pulcherrimo opere conderetur, summum tantum cacumen, ut perhibent, propter Dominici corporis meatum nullo modo contegi, & concamerari potuit, sed transitus eius à terra ad cælum usque patet apertum. hæc Hieronymus, qui ea ob oculos habuit, quæ quidem etsi tanto auctore satis testata habeantur, tamen quoniam iuxta illud Euangelicum in ore duorum, aut trium stat omne verbum, haud grauabimur hic iterum intexere, quæ alij antiqui Patres de eadem re scripserunt. Ad prædicta enim alluisse videtur Optatus Mileuitanus, qui cum meminit de Ecclesia orientali, inter alia: Ibi, inquit, eius sancta sunt impressa vestigia. S. Paulinus Nolanus Episcopus ad Seuerum scribens, hæc fusius testatur his verbis. Mirum vero inter hæc, quod in Basilica Ascensionis, locus ille tantum, de quo in nube susceptus ascendit, captiuam in sua carne duccens captiuitatem nostram, ita sacratus diuinis vestigijs dicitur, ut nunquam regi

Zach. 14.

*Athan. lib.
quæst. 9. 14.
Hier. de lo.
Hebr.*

*Paulin. ad
Seuer. ep. 11*

regi marmore, aut pauii receperit, semper excussis, solo respuente, quæ manus adornandi studio tentauit apponere. Itaq. in toto Basilicæ spatio solus in sui celsipitis specie virens permanet, & impressa diuinorum pedum vestigia calcari Deo pulueris perspicua simul & attigua venerantibus arena conseruat, vt vere dici possit: Adorauimus, vbi steterunt pedes eius. haftenus Paulinus: quæ accepit à Melania illustrissima, ac spectatissima tunc sanctitatis femina, cum Hierosolymis Romam illa rediens apud eum, Nolam veniens diuertisset. Rursum & Seuerus Sulpitius eadem in hæc verba: Illud mirum, quod locus ille, in quo postremum insliterant diuina vestigia, cum in cælum Dominus nube sublatu est, continuari pauimento cum reliqua stratorum parte non potuit, si quidem quæcunque applicabantur, insolens humana suscipere terra respueret, excussis in ora apponentium sepe marmoribus. Quin etiam calcari Deo pulueris adeo perenne documentum est, vt vestigia impressa cernantur: & cum quotidie confluentium fides certatim, Domino calcata diripiat, damnum tamen arena non sentiat, & eadem adhuc sui speciem, velut impressis signata vestigijs terra custodit. hæc Seuerus.

Seuer. Sulpit. sacr. hist. lib. 2.

Augēt sane miraculum, quod cum eodem in loco (vt superius Iosepho auctore monstrauius) Romanus exercitus sub Tito castrametatus est, cum Hierosolymam obsideret, non tantum vt in talibus accidere consuevit, leui terræ toties percalcata impressa potuissent remanere vestigia, sed nec si celte lapidi fuissent insculpta, eadem aliqua ex parte integra apparuissent. Porro eiusmodi miracula edita in monte Oliueti in loco Ascensionis Domini non tantum prædictorum Auctorum tempore cunctis perspicua permanebāt, sed post septingentos fere annos eodem statu perseverasse, Beda dum de his agit, his verbis significat: In eius summo vertice, vbi Dominus ad cælos ascendit, ecclesia rotunda, grandis ternas per circuitum cameratas habet porticus desuper testas. Interior namq. domus propter Domini corporis meatum, camerari, & regi non potuit altare ad orientem habens augusto culmine protectum, in cuius medio vltima Domini vestigia, cælo desuper patente, vbi ascendit, visuntur, quæ cum quotidie à credentibus terra tollatur, nihilominus manent, & eandem adhuc speciem sui velut impressis signata vestigijs seruant. Et post nonnulla: In die Ascensionis Dominicæ per annos singulos Missa peracta, validi flaminis procella desursum venire consuevit, & omnes qui in Ecclesia fuerint, terræ prosternere. Tota illa nocte lucernæ ardent, vt non illustrari tantū, sed & ardere mons, & supposita loca videantur. hucusque Beda. Porro lapidem illum, qui Domini continebat impressa vestigia, Christianæ fidei hostium inuidia inde sublatum in porta orientali eius Ecclesiæ ab eis clausa positum esse, recentiores, qui eadem loca sancta descripserunt, testati sunt.

Beda de loc. Sanct. c. 7.

Burcard. p. 1. c. 7. & alij.

Christus Dominus bonorum Saluator, malorum punitor.

Cap. 159.

Igitur anno ab Vrbe condita 752. natus est Christus salutarem mundo afferens fidem, vere petra medio rerum posita, vbi comminueretur, qui offenderet; qui crederet, saluaretur. Vere ignis ardens, quem qui sequitur, illuminatur, qui tentat, exuritur. Ipse est Christus Christianorum caput, Salua-

Ex Paulo Oros. hist. l. 7. cap. 3.

Saluator bonorū, malorum punitor, Iudex omnium, qui formam subsequutus verbo, & opere statuens, quo magis doceret patientes in persecutionibus, quos pro vitā æterna exciperent, esse oportere, mox ut Virginis partu editus mundo apparuit, à passionibus suis capit. Nam eum Rex Iudææ Herodes simul ut natum comperit, necare decreuit, plurimosq. tunc paruulos, dum vnum insectatur, occidit. Hic malignis improbe incurrentibus digna punicio est. Hic in quantum tranquille agitur mundus, credentium gratia: in quantum perniciose inquietatur, blasphemantium poena est: Securis per omnia Christianis fidelibus, quibus aut æternæ vitæ requies in tuto, aut etiam huius in lucro est, quod promptius, cum per ordinem referam, ipsis rebus ostendam. Postquam Redemptor mundi Dominus Iesus Christus venit in terras, & Cæsaris censu, ciuis Romanus ascriptus est, dum per duodecim, ut dixi, annos clausæ belli portæ beatissimæ pacis tranquillitate cohibentur, Caium nepotem suum Cæsar Augustus ad ordinandas Aegypti, Syriæq. prouincias misit, qui præteriens ab Aegypto fines Palæstinæ, apud Hierosolymam in templo Dei tunc sancto, & celebri adorare contempsit, sicut Suetonius Tranquillus refert. Quod Augustus, ubi per eum comperit, prauo vsus iudicio, prudenter fecisse laudauit. Itaq. anno Imperij Cæsaris quadragesimo octauo adeò dira Romanos fames consecuta est, ut Cæsar Lanistarum familias, omnesq. peregrinos, seruorum quoque maximas copias, exceptis medicis, & præceptoribus trudi Vrbe præceperit. Ita peccante Principe in Sanctum Dei, & correpto per famem populo, quantitatem offensionis qualitas vltionis ostendit. Deinde, ut verbis Cornelij Taciti loquar, Sene Augusto, Iano patefacto, dum apud extremos terrarum terminos nouæ gentes sæpe ex vsu, & aliquando cum damno quærentur, vsque ad Vespasiani durauit Imperium. Hucusque Cornelius.

Ceterum & tunc capta, euerfaq. Vrbe Hierosolymorum, sicut Prophetæ pronuntiauerunt, extinctisq. Iudæis, Titus, qui ad vindicandum Domini Nostri Iesu Christi sanguinem iudicio Dei fuerat ordinatus, victor triumphans cum Vespasiano patre Ianum clausit. Igitur, etsi sub extremis Cæsaris temporibus apertus est Ianus, tamen per multa ex eo tempora, quamuis in prouincia esset exercitus, nulla bella sonuerunt. Vnde etiam Dominus ipse Iesus Christus in Euangelijs, cum temporibus illis in summa tranquillitate vniuersus mundus ageret, cunctasq. gentes pax vna velaret, & à discipulis suis interrogatus esset de conclusione temporum subsequentium, inter cetera sic ait: Audituri autem estis prælia, & opiniones præliorum, videte ne turbemini. Oportet enim hæc fieri, sed nondum est finis. Consurget enim gens in gentem, & regnum in regnum, & erunt pestilentie, & fames, & terræmotus per loca. Hæc autem omnia initia sunt dolorum. Tunc tradent vos in tribulationem, & occident vos, & eritis odio omnibus gentibus propter nomen meum. Hoc autem diuina prouidentia docens, & credentes præmonendo firmavit, & incredulos prædicendo confudit.

De

De sacratissimis Reliquijs ex Christi Domini passione consecratis .
Cap. 160.

R emanferunt omnia illa passionis Christi , atque sepulchri instrumenta , ipsaq. loca , vbi hæc facta sunt , tantæ rei digna memoria consecrata , velut quædam trophœa victoriæ , eademq. facta toto Orbi conspicua atque proficua , ex quibus velut è perennibus quibusdam fontibus fluente gratiarum , atque miraculorum eruperint . Ipsas spinas Coronæ Iesu , columnam ad quam alligatus est , cum flagellis caderetur , arundinem , atque spongiam , qua fuit aceto potatus , magna fuisse diligentia asseruata , tradit Gregorius Turonensis , simul & Beda . Ipsum sudarium insuper , quo caput Domini est inuolutum in Sepulchro , quod diuina virtute ab incendio remanserat illæsum , esse translatum ad posteros Beda testatur . Ab hoc diuersum sudarium illud existimatur , quod à Berenice faciei Domini sanguine , & sudore aspersum admotum , eiusdem Dominici vultus effigiem in se retinuit , vt habet Christiana traditio , & libellus manuscriptus de translatione eius Romam facta , qui asseruatur in Vaticana Bibliotheca , testatur . De eadem Berenice , quæ & Veronica dicta habetur , deque eadem Christi imagine , Velo excepta Methodius Episcopus antiquus Chronographus meminit .

Terra ipsa insuper , quæ Domini adiacet sepulchro , diuinam quandam ex Dominico corpore proxime posito virtutem hausit : vt merito fideles illuc peregrinantes , auide solerent accipere , qua tum ad morbos curandos , tum etiam ad Dæmones perfugandos vti consueuerint . Est eius rei locuples testis S. Augustinus , dum hæc ait de Hesperio viro Tribunitio : Acceperat autem ab amico suo terram Sanctam de Hierosolymis allatam , vbi sepultus Christus die tertio resurrexit : eamq. suspenderat in cubiculo suo , ne quid mali etiam ipse pateretur . At vbi domus eius ab illa infestatione purgata est , quid de illa terra fieret , cogitabat , quam diutius in cubiculo suo reuerentiæ causa habere nolebat . Forte accidit vt ego , & collega meus Episcopus Sinicensis Ecclesiæ Maximinus in proximo essemus , vt veniremus rogauit , & venimus : cumq. nobis omnia reculisset , etiam hoc petiuit , vt infoderetur alicubi , atque ibi orationum locus fieret , vbi etiam possent Christiani ad celebranda , quæ Dei sunt , congregari . hæc Augustinus . Ex quibus videas antiquam Christianorum pietatem , qui non modo illa loca sancta , in quibus Dominus est conuersatus , & passus , ædificiorum molibus illustrarint , sed tenuem ex sepulchri , loco sumptum puluisculum eodem honore habendum existimarint , adeo vt eiusdem condendi causa etiam Ecclesiam excitarent . Ex eadem terra aqua admixta formari consueuisse tortulas quasdam , easdemq. per diuersas mundi partes transmitti solitas ad morbos curandos , aliasq. diuinas gratias impartendas testatur Gregorius Turonensis .

Permansit integra , diuina operante virtute , illæsq. hæctenus sanctissima Sindon illa , qua Christus se ad sepulturæ mysterium inuolui dignatus est , in qua incredibile quadam ratione , omniumq. iudicio admirabili seruatoris ipsius imaginem expressam licet intueri : quæ partim pretiosissimo sanguine figuratur , partim quantum licet conijcere , eximijs vnguentis , quibus ipse Dominus priusquam humaretur , inunctus est . Anterior autem , posteriorq.

P cor.

*Turon. de
gl. mari. c.
7. & 8.
Beda c. 9.*

*Apud Ma-
rian. Scot.
in Chron.
ann. Dom.
39.*

*August. de
Ciu. Dei
22. c. 8.*

*Turon. de
gl. mari. c. 7*

*Simon Ma-
riolus de sa-
cris imagi-
nibus 101.
c. 4.*

corporis partes mirabiliter discernuntur, quamvis totius rei forma exacta, haud integris lineamentis non definiatur, singulae tamen membrorum partes figura peroptime diiudicantur: tum coronae ex spinis contextae locus, tum lateris, manuum, pedumque vulnera distinguuntur: quod sane opus, vel omnium pictorum, artificumque iudicio nulla arte assequi, nullo imitari pennicillo, nullis coloribus exprimi, fingiue posse, quisquis accesserit ingenue fatebitur: ibi enim reuerentia, feruorque inspectantis animum adeo mouent, ut ab alto diuinam adeste praesentiam se sentire cognoscat, esseque Dei ipsius opus, non autem hominis alicuius.

Et sane si ob seruens Abagari desiderium, simulque ob Veronicæ fidem ac famulatum, miracula adhuc viuens operari dignatus est, propria effigie lineis delineata; nemo pius unquam dubitauerit Iosepho ac Nicodemo praestitisse maiorem gratiam, quorum & maior affectus fuerat, & maior etiam fides, ac obsequium, officiumque praesertim erga defunctum iam ab omnibus derelictum. Quoniam igitur etiam mortuus non destiterat consolari suos, quos Principum Iudeorum immanitas perterrefecerat, hoc miraculo, & resurrectionis futurae certitudinem, & perpetuum quoddam suae passionis vestigium fidelibus suis relinquere dignatus est. Prioribus seculis seruorum Christi studio Hierosolymis, deinde Cypro penes Reges seruatum fuit hoc inestimabile pignus: at ubi cepit ira Dei excandescere, & immanitati Turcarum Regna illa exponenda permisit, sacratissimæ Sindonis Deus non oblitus, ne impiorum manibus aliquando pollueretur, ad pijsimorum Ducum Sabaudie, quasi asyllum, eam migrare voluisse videtur. Seruabatur olim pretiosissimus ille thesaurus Camberio Allobrogum insigni Oppido, Ducumque Regia, hodie vero Taurini summa veneratione, & pietate ab ipso Serenissimo Sabaudie Duce custoditur.

Huiusmodi autem Sindonem eandem illam esse Euangelicam, de qua Euangelistæ omnes testati sunt, nempe Matthæus cap. 27. Marcus 15. Lucas 23. Ioann. 19. iam ante annos 130. Primus, qui Kabilonensem Episcopus fuerat, scriptum reliquit opusculo quodam, quo cum Sanctorum reliquias, ac loca, ubi quiescerent, persequeretur, sic habet: Extat Camberio Sabaudie oppido Sindon sepulchri cum effigie Christi impressa. Suffragatur ei, quin summam auctoritatem tribuit, Paulus secundus Romanus Pontifex, qui sacello, quo is sacrosanctus thesaurus asseruandus tunc collocatus fuerat à Ludouico. & Anna Ducibus, Collegiatæ Ecclesie iura largitus est, huius Sindonis contemplatione, ac veneratione permotus.

Sed & Xistus Quartus etiam Pontifex prædecessoris vestigia secutus Sacellum idem sanctum dici mandauit, suoque in libello iam antea edito affirmavit illa in Sindone verum ipsius Christi sanguinem, imaginemque contineri, ac conspici. Iulius præterea secundus insigni diplomate, ac bulla de eadem Sindone tum sacrificium celebrari, tum Horas Canonicas decantari concessit: diem quoque in eius commemoratione festiuam præscripsit ad quartum nonas Maij. Alio insuper diplomate plenarias elargitus est indulgentias sacram huiusmodi sindonem inuisentibus, & venerantibus. Quin etiam cum ipsa Sindon aliquando flammarum vim miraculo superasset, Clemens Septimus diligenti inquisitione habita rem huiusmodi non modò probauit, verum & Prædecessorū diplomata, ac priuilegia confirmanda censuerat, accedente

om-

omnium Cardinalium consilio, ac consensu; reliquis etiam postea Romanis Pontificibus in eadem erga eam pietate perseverantibus. Vnde blatterantem Calvinum, & inaniter aduersus hanc Syndonem garrientem exhibere omnes Catholici iure debent. Miracula enim plurima sunt, quæ huic veritati fidem astruant.

Illud vnum hic conscribendum putamus, de quo Apostolicæ Sedis legatus Cardinalis Tit. Sancti Cæsarei, & Episcopus Maurianensis Clementis Septimi iussu inquisitione præhabita testatus est: accedente etiam Philiberti Pignonij testimonio, qui se oculata fide, miraculo interfuisse proficitur his verbis. Anno 1532. secundo nonas Decembris, Barbaræ Virginis festo die, nocte media vix illabente, sacellum, in quo Sindon reponabatur, flammis incognitis exarsit: occurrebant omnes, sed omnium diligentissimus Philibertus Lambertus Ducis à clauibus & cōsilijs, ascito secum Ferrario Fabro, Guglielmo Pussodo nomine, & Franciscanis duobus imperterritis animo per medios ignes gradiuntur, cancellos ignitos atque maxime affixos, serasque effringunt; sindonem iam liquefacta capsula argentea extrahunt, & integram cedente circumflamma reportant, effusis ignibus grassabatur incendium, absumebantur marmora, & columnæ, sed potentiore piorum hominum fide, vig. numinis superata est ignis natura. Fugiebant flammæ, & qui putabantur arsurus, veluti frigido rore perfundebantur, seq. ipsos sunt admirati. Velut illis quondam Hebræis pueris, contigisse credidimus (tunc enim aderam) & obstupimus: nec multo post Sindon publice repræsentata est integerima, præter quod (extra tamen sacræ Iconis partes) in complicatu exiguæ quædam ambustionis notæ veluti perpetuæ miraculi testes remanserunt. Hactenus testis ille oculatus, cui etiam suffragantur Franciscus Adornius Iesuita eiusdem historiæ scriptor. Nec hoc fortuito factum existimandum est, ut scilicet ambustionis in linteo signa conspicerentur, in Icone autem nulla prorsus fuerit læsio; id enim contigit, ut ex ea re miraculi magnitudo adangeretur, sanguinisq. Christi priuilegium fuisse cognosceretur, non lini Cyprij aut Indici, quod non exurit; nam id si humana arte fuisset, aut pictum, aut delibutum, seruato lino pigmenta omnia igne fuissent oblitterata, emundato, non combusto lino; quod tamen tunc contra euenit, ut scilicet linum combureretur, sanguis illæsus perseveraret, ut non lini Cyprij priuilegium, aut natura, sed diuina in Icone potentia manifestaretur.

Propterea innumerabiles propemodum affixæ tabellæ sunt ipso in sacello huius Sindonis, quibus grandia miracula conscripta sunt: nam & surdi audisse, & cæci vidisse, muti locuti fuisse, dæmoniaci liberati conspiciuntur. Ex quibus miraculis præcipua quædam Pignonius oculatus testis tum profa, tum carmine recensuit. Extat præterea numismata aurea, argentea, atque ænea, quæ ante annos 130. piissimus Ludouicus Allebrogum Dux cudenta mandauerat; Angelo sindonem expandente, hac inscriptione, Sancta Sindon D. N. Iesu Christi 1453. Cuius vestigia secutus postea Carolus, aliud consimilem imaginem habens numisma cudi curauit, hac inscriptione: Sancta Sindon Christi 1487. Quorum auita exempla etiam feliciss. record. Emmanuel Philibertus Dux alio numismate est imitatus, hac inscriptione: Sacrosancta Sindon D. N. Iesu Christi 1578. Atque ita fit, ut sibi semper constans, semperq. perseverans, tum Pontificum, tum Principum, ac populorum

in eadem fide pietas indubiam huius rei veritatem ostendat .

Accedunt ijs omnibus Principum quoque peregrinationes, ac vota. Nam & Amadeus, inter Diuos ob vitæ sanctitatem relatus, sæpissime à Subalpinis ad Transalpinos, quamvis valetudinarius humili habitu, cultuq. corporis ad adorandam hanc Sindonem profectus est, consequente etiam Iolanda à Francia Christianissima coniuge, quos & reliqui etiam Duces imitari adnisi sunt. Sed illud est præcipue memorabile, quod Franciscus Francorum Rex, Ludouica Sabauda matre natus, cum ad Melenianū in summum belli discrimen Mediolanensium rerum causa adductus esset, vota ad Christi hanc Sindonem direxerat, moxq. præcanti adfuit numen; profligato etenim Heluetio hoste, victoriam est affecutus, & reuersus in Galliam anno 1516. Lugduno mouens Camberium pedibus iter fecit, sacram Sindonem religiosissime inuifens, & adorans.

Nouissime Caroli Borromæi amplissimi, æque ac Sanctissimi Cardinalis, Mediolanensis Archiepiscopi, eiusmodi adorandæ Sindonis causa suscepta peregrinatio, quasi quendam colophonem huic veritati addidisse visa est, ad impiorum, & hæreticorum hominum ora perpetuo obstruenda. Nam cum communis sensus naturæ, veritatisq. vox sit, ex innumerabili accurrentium populorum multitudine, sic Spiritu sancto impellente ad eandem pietatem exercendam, indicasse rei veritatem Deus intelligitur. Aderat & piissimus Guido Ferrerius Cardinalis, aderant Archiepiscopi, aderant Episcopi egregio adeo numero, ut amplissima Synodus videri posset: atque ideo tot in vnum congregatis Christus, quod pollicitus est, præstitit, scilicet se in medio illorum futurum, qui in sui nomine, proq. eius adorando sanguine conuenissent. Si quis seriem huius peregrinationis nosse vellet, discat à Pingonio, atque Adornio, qui fufius de ea conscripserunt.

De eadem Sacratissima Sindone Daniel Mallonius libro de Iesu Christi crucifixi stigmatibus Sacræ Sindoni impressis, ab Alphonso Paleoto Archiep. Bonon. explicatis, hæc habet.
Cap. 161.

Dan. Mallon. de Iesu Christi stigm.

Sacramentum Regis abscondere bonum est, opera autem Dei prædicare & reuelare, honorificum. In primis vero sublime illud heroicæ pietatis opus, quod adeo omnem humanarum captum, intelligentiamq. transcendit, ut de illo dictum à Deo per Habacuc à multis intelligatur: Opus operor in vobis, quod non credetur, cum narrabitur. Hoc illud opus est, quo Pater æternus, ut seruum redimeret, filium suum vnigenitum tradidit. Hoc illud opus est, quod Dauid confessionem, & magnificentiam appellauit. Opus enim redemptionis nostræ, magnificentia charitatis fuit, qua nulla mater, nulla ardentior; cum Christus non solum animam suam posuerit pro amicis, sed etiam pro inimicis, ideo redemptionis nostræ opus, ut magnificentia plenum est, ita etiam confessione dignum est, ut summa cum laude & gratiarum actione recolatur à nobis. At vero adeo abundant passiones Christi in nobis, & ut vix cognosci possint à nobis omnia, quæ Christus egit, passusve est pro nobis, ut meritò quoddam Hieronymi circumferatur elogium: Quæ Christus pro nobis passus est, nunquam plene cognoscuntur, nisi

nisi cum Dominus in fine mundi adueniens vniuersæ passionis suæ summam, rationemq. manifestabit. Hoc ego maxime verum credo, licet enim nihil apud fideles in toto terrarum orbe Christi passione notius sit, plurimæ tamen passionis eiusdem circumstantiæ, rationes, ac mysteria adhuc nobis ignota sunt: plurimas ex ijs sacrosancta Sindon, cui Christus post mortem à sacer- rima Virgine, ac pietissimis viris Iosepho, ac Nicodemo inuolutus, in tu- mulumq. collocatus est, nobis reuelat: hæc enim Iesu Christi effigiem, qua- tenus nobis in hac vita degentibus contueri fas est, sacrosancta eiusdem stig- mata, excarnificationes, liuores, cicatricum magnitudinem, numerum, situm exhibet, vt ex deuotè contuentiū oculis lachrymas eliciat, ex corde do- lorem, ex vultu mælitiam. Quod & in alijs animaduertere consueui, & in me ipso experiri asserre non grauabor. Equidem vt sacrosanctæ Sindonis ex vero prototypo exceptæ effigiem conspexi, ita mente consternatus sum, ita dolui, ita elangui, ita emarcui, vt velut alter Daniel dolore quasi in terram collapsus sim. Et licet Christi passiones innumerabiles nouerim, Christum tamen ita dixi tractatum, vt sacrosancta Sindon ostendit, vix vnquam opi- natus essem. O quam, dicebam tunc, abundant Christi passiones in nobis, vere opus operatus est, quod vix credetur, cum narrabitur. Ecce quomo- do non est illi species, neque decor. Vere morte turpissima condemnatus est. Ecce virum dolorum, & scientem infirmitatem. Eximiam diuinæ benigni- tatis largitionem mihi factam agnoui, vt Iesu Christi passiones è clarissimo Christiferae sindonis speculo contueri possem: efferebuit in me spiritus meus, vt quæ in sacratissimo sanctæ sindonis ærario conspexissem, eadem ad spiri- tualem fidelium ædificationem alijs referrem, ne veluti seruus nequam ta- lentum mihi creditum in terram viderer abscondere.

De Veste inconsutili. Cap. 162.

DE Christi Domini nostri veste, hæc tradit Euthymius: Hanc tu- nicam è traditione Patrum accepimus, opus fuisse Dei matris, veluti sunt apud nos capitis, aut pedum hyemalia operimenta, idest pileoli, & ca- ligæ, quæ tum ex lana, tum ex bombice fiunt ad arcendum frigus. Chryso- stomus in Ioannem super hæc verba, desuper contexta, ita scribit: Quod au- tem dicit, desuper contextam; non simpliciter ponitur, sed alijs allegoriam id significare dicunt, quod non simpliciter homo esset crucifixus, sed desu- per habuerit diuinitatem. Alij dicunt per illud genus vestis, Euangelistam historiam narrare: Nam in Palæstina ex duobus pannis vestes contextunt: quod significans Ioannes, inquit, desuper contextam. Quod mihi dicere vi- detur, vt vestimentorum vilicatem ostenderet: nam quemadmodum in alijs omnibus, ita in habitu vilem speciem præferebat. Hæc eadem refert Theo- phylactus, sed adiungit: Alij autem dicunt, quod in Palæstina contextantur licia, non sicut apud nos: nam supra quidem est filum, infra autem con- textitur panno, & ita regressio fit, sed contrario modo: infra enim sunt fila, in summo autem contextitur contextus, & talis quoque fuit tunica Domini. Gregorius Nyssenus scribit, olim textores solitos texere vestes ab inferiori parte ad superiorem, vel à superiori ad inferiorem, & per latera cum figuris. Illud ergo verbum; desuper, quod Græcè dicitur ἐκ τοῦ ὀπίσθεν, non signifi-

Quantū suis vestis incō- sutilis desu per contex- ta per totū. Euthym. c. 67. Matth. Chryso. in Ioan. ho. 84

Theophy in Ioan.

Greg. Nyss. in Cant. Salmer. tr. 38. de Pass.

Illud: De- cat ab Angelis contexta, sed ut Theophylactus notat, & Nonnus Paraphra-
super cōtex- stes illud ἀπὸ ἀγγέλων referendum est ad ἄνω, idest, à supernis ad inferna. Hæc
ta per ioh̄n, igitur Tunica, quia opus reticulatum, nihil diuisum valeret, indiuisum per-
quo sensu mansit. Dicitur autem proprijs manibus à Beata Matre fuisse elaboratum
dictum sit. opere textili, quod Christo existenti paruulo mater confecerat: quæ eo cre-
Theop. ibid. scente, crescebat, sicut vestes filiorum Israel egredientium de Aegypto per
Nonnus Pa- 40. annos illis auctis augebantur. Iesus igitur nudus, & facultatibus, &
raphraß. in habendi proposito, egressus est de terra, sicut etiam fuit ingressus, & Ome-
Io. 3n. ga redijt ad Alpha, idest, qua ratione pauper natus est, & nudus, eadem &
Vestis Xpi nudus, & pauper egreditur.
incōfutilis,
ep̄o Des V:r Piè credendum est sacratissimam illam Tunicam à militibus quidem pro-
ginis ma- fanis sorti datam, à pijs autem fidelibus redemptam fuisse, & quouis the-
tris fuisse sauro pretiosorem habitam, ac religiosissimè asseruatam. De ea hæc tradit
perhibetur, Sigebertus: Tunica Domini nostri IESV Christi, in ciuitate Zaphat, non-
idq. quàm longe à Hierosolyma, confessione Simeonis inuenta, & ab Episcopis Grego-
admirabile rio Antiocheno, & Thoma Hierosolymitano, & Ioanne Constantinopolita-
Deut. 8. c̄p no, Hierosolymis in loco, vbi crux colitur, posita est. Idem narrat Grego-
19. rius Turonen., vel alius Auctor, qui appendicem addidit libris de historia
Sigebert. in Francorum, qui addit, triduanum ieiunium ante translationem indictum:
Chron. an. ipsamq. marmoream arcam tam leuem esse redditam, ac si fuisset lignea.
593. Hæc ille. De eadem sic etiam Aimoinus: Trigesimo vero sæpe dicti Principis
Appêd. hist. anno, fama per totos Francorum diulgauit fines, tunicam Domini nostri
Franc. c. 11. Iesu Christi (quæ ei in passione sublata est, & vni militum sorte tradita, iuxta
Aimoin. de illud Prophetæ vaticinium, quia super vestem meam miserunt sortem) in-
gest. Franc. uentam esse, profitente quodam Simone, Iacob patre primogenito, qui per
lib. 3. c. 77. duas fere hebdomadas poenis affectus, tandem professus est ipsam tunicam in
Iac. Gretse. ciuitate Zaphat, procul à Hierosolymis, in arca marmorea positam esse.
de Cruce l. Quam Gregorius Antiochenus, & Thomas Hierosolymitanus, Ioannes
1. c. 97. quoque Constantinopolitanus Episcopus, cum alijs multis Pontificibus, tri-
 duano completo ieiunio, cum deuotione maxima transtulerunt: ac in loco,
 quo Crux dominica veneratur, posuerunt, cum ipsa, in qua prius fuerat,
 marmorea arca. Quæ tantæ leuitatis, dum efferreretur, fuisse visa est, ut nul-
 lum onus portantes sentirent.

De Spinea Corona. Cap. 163.

Matt. 27.

4 Reg. II.

AD ea autem, quæ supra dicta sunt, hæc etiam adiungamus, quæ scire non est infructuosum. Milites plectentes Coronam de spinis, imposue-
 runt illam super caput Iesu, ut ibidem ludicre coronaretur; quod factum
 sola militum petulantia, Romanorum militum commentum fuit ex vsu rei
 secularis, his enim insignibus inaugurari soliti reges, throno, corona, pur-
 pura, sceptro, faustis acclamationibus, honorificis consalutationibus, & id
 genus alijs, quorum omnium pars aliqua exprimitur in coronatione Regis
 Ios, quem circumstante militum multitudine produxit Ioiada, collocauitq;
 in throno, & posuit super eum diadema, & testimonium, feceruntq. Regem,
 & vnixerunt, & plaudētes manu dixerunt: Viuat Rex. Romani itidem rerū
 Domini, Regibus amicis, vel quos Reges renunciabant, coronas mittere sole-
 bant.

bant. Et Alexander Rex Ionathæ purpuram, & coronam auream dono dedit. Igitur milites pro corona aurea spineam imposuerant, ad quam contemplandam visus est Salomon inuitasse, cum inquit: Egredimini, & videte filiæ Sion Regem Salomonem in diademate, quo coronauit illum mater sua.

*Ioseph. lib.
14. antiq.
c. 5.
Cant. 3.*

Gestabat Dominus in coccinea chlamyde speciem sanguinis, spinasq. in corona, & chirographum in calamo, quo instrumento iam olim nos Diabolus æri suo, rationibusq. inscriptos habebat, ut vna cum morte etiam ista simul demoliretur, & rerum naturam ab his malis purificaret, & pro spinis lignum vitæ elargiretur utendum, & pro sanguine peccatorum, suo sanguine & terram, & omnes emundaret.

Athanas.

Has spinas spectans Cyprianus, hæc habet ad Christum in cruce pendentem: Consideraui opera tua, & expaui. De clauis sacros pedes terebrantibus, lassisq. manibus, de vulnere anxietate non loqueris. De spinis facrum caput pungentibus non quereris, sed satagis ut innotescat posteris, quare derelictus à Deo videaris, expositus contumelijs, & Iudæorū ludibrijs.

*Cyprian. ser.
de passion.*

Isaac, cum ligno referuatus est, ariete oblato in vepre cornibus hærente, & Christus suis temporibus lignum humeris portauit inhærens cornibus Crucis, corona spinea in capite eius circumdata.

*Tertull. lib.
contra Iud.
c. 13.*

*Christianus miles capiti suo coronam imponere recusauit, eo quia
Christus spinis coronatus delusus fuerit. Cap. 164.*

Cum Seuerus Imperator renunciatus esset, placuit ei ad conciliandum sibi populum præter munificentissimas munerum editiones, congiariūq. magnum collatum Populo, militibus etiam ei tribuere donatium. Cuius exhibitionis tempore illud de Christiano milite accidit, quod Tertullianus in libro de Corona militis, in hæc ferme verba est prosequutus. Proxime facta est liberalitas præstantissimorum Imperatorum: Expungebantur in castris milites laureati. Adhibetur quidam illic magis Dei miles, ceteris constantior fratribus, qui se duobus Dominis seruire non posse præsumperat, solus libero capite, coronamento in manu ocioso. Vulgata iam, & ista disciplina Christianorum relucebat. Denique singuli designare, eludere eminus, infrendere cominus in nostrum. Tribuno defertur: & persona iam ex ordine accesserat. Statim Tribunus: Cur, inquit, tam diuersus habitu? Negauit ille cum ceteris sibi licere. Causas exposulatus: Christianus sum, respondit. O militem in Deo gloriosum! Suffragia exinde, & res apud Acta, & reus apud Præfectos. Ibidem grauissimas penulas posuit reuelari auspiciatus, speculatoriam morosissimam pedibus absoluit, terræ sanctæ insiltere, incipiens, gladium nec dominicæ defensionis necessarium reddidit, laurea, & de manu claruit, & nunc rursus sanguine suo, spe calceatus de Euangelij paratura succinctus acutiore verbo Dei, totus de Apostolo armatus, & de martyrij candida laurea melius coronatus, donatium Christi carcere expectat. Hæc Tertullianus.

*Spartia. in
Seuer.*

*Tertull. in
lib. de corona milit.
c. 1.*

Godefridus, captis Hierosolymis, in ea Vrbe in qua Dominus spinis coronatus est, coronam regiam suo capiti imponere noluit.

Cap. 165.

NEc prætereunda est hoc loco insignis pietas Godefridi Ducis Bullionij, qui asserta in libertatē, Terra sancta, occupatisq. Hierosolymis, religioni habuit, in ea vrbe, in qua Dominus spinis coronatus est, coronam Regiam capiti imponere. Quamobrem in huius, & aliorum Regum Hierosolymitanorum statuis, & imaginibus non visuntur aliæ coronæ, quam veriprium similitudinem horridæ.

Præter alias partes huius coronæ, quæ varijs in locis pie asseruantur, & coluntur, illa etiam vna est, quam Ethelstanus Anglorum Rex accepit ab Othone Magno Imperatore: Et illa, quam S. Ludouicus Rex Galliarum cum alijs pretiosissimis Christi reliquijs à Græcis, & Venetis redemit, Luteriamq. transportari curauit, cui etiam cum adferretur, obuiam causā processit, comitantibus Episcopis, Regniq. proceribus, multis cum lacrymis, & suspirijs, nudis pedibus, affluente vndique, & in genua procumbente populo.

Vna ex spinis feria sexta Parasceues sanguineis guttulis rubescit.

Cap. 166.

Guliel. Eissig. Cent. 1. dist. 1.

CUm distraherentur, ad diuersas mundi plagas spinæ coronæ huius, aliqua earum, quam nos vidimus, ad præclarum S. Crucis intra muros Imperialis Ciuitatis Donauerdæ situm, Danubianæ peninsulæ Benedictinæ professionis Monasterium peruenit, quæ insigni monumento argento magni pondus, quod Monstrantium vocant, à D. Maximiliano eius nominis primo Imperatore inclusa, quotannis fere sexta feria Parasceues, sanguineis rubescere quasi guttulis apparet, vt à fide dignis accepimus, huius rei testimonium & totus Cænobij conuentus, & Urbis senatores complures tibi perhibent. Hæc Gulielm.

Fuit & vna de spinis Rhodi, quæ floruit feria sexta Hebdomadæ Sanctæ, vt in Theorematis Picus Mirandula scribit.

Altera spina eadem die floret. Cap. 167.

Io. Fr. Picus de Theore. fidei ante Theorema primum.

AVdiui (inquit Picus) quoque ab ijs, qui viderunt, spinam esse Rhodi, qua sacratissimum Christi caput pupugerunt impij, dum coronam spinæam vertici imposuerunt, quæ singulo anno in die eo, quo Christi passionis memoria in Catholica nostra Ecclesia celebratur, vidente populo, floreat. Monstratur ea in vase translucido ex vitro, vt admittatur aspectus, nec oculorum acies possit obtundi, ante horam illam, qua Christus crucifixus creditur, nullam spina ipsa motionem præfert, non coloris mutatio, non vlla adiectio in ea visitur: proximante tempore, rubere incipit, & oculis omnium circumfusus atque cernentibus, albus quidam flosculus in verticem paulatim exsurgit, qui hora elapsa desinit, & euanescit. Aliqua quoque & paria, & etiam forte maiora sparsa, & disseminata mundo sunt, quibus & incredulis

ad

ad conuerſionem excitatio, credentibus vero ad perfeuerantiam confirmatio iugiter oritur: quæ qui non uidet, cæcus; qui non audit, ſurdus; qui audita non credit, inſanus; qui maiora aut celebriora deſiderat, ut credat, inſolens, & profanus: vbique terrarum decantata, vbique nota, compertaque ſunt, creditaque, niſi ab eis, quorum ob penitiſſimam malitiam, iuſto, diuinoq. iudicio oculi mentis obæcati ſunt, ut iuxta diuina eloquia, videntes non videant, & audientes non intelligant. hæc ille.

Quod confirmat Iacobus Boſius ex Decreto, huiusmodi miraculi occaſione (quod accidit Chriſti anno 1457.) in generalibus comitijs Illuſtriſſimæ Religionis Militum S. Ioannis Hieroſolymitani ſtatuto. Cuius Decreti verba hæc ſunt.

Decens & decorum eſt, reliquias, quæ paſſionis Chriſti Dei, & hominum Mediatoris, Saluatoris, & Redemptoris noſtri aſſiduam recordationem præſeferunt, honorare, & omni cultu proſequi. Idcirco ſancimus, quod Feſtum ſemiduplum anno quolibet, tertio Idus Auguſti celebretur, in reuerentiam ſanctæ Coronæ ſpinæ, qua Dominus noſter Ieſus Chriſtus in ſua paſſione, quam pro nobis ſubiit, affectus eſt. Cuius ſanctæ Coronæ ſpinam vnā, quæ pretioſiſſimum caput punxit, & ex eius vulnere, ſacraſſimo ſanguine vultum tinxit, in Archiuio, & penetralibus Oratorijs Magiſtralis recluſam habemus; quæ quorannis die Veneris ſancta, qua paſſio recolitur, ab aurora florere incipit, & ad ſextam horam, qua Saluator exſpirauit, ſloridiſſima coſpicitur, demumq. areſcit; cunctis quoque Chriſtiſidelibus monumentum ſacraſſimæ paſſionis exiſtit.

*Iacob. Boſ.
in hiſt. Reli-
g. S. Ioan.
Hieroſol. p.
2. lib. 7.
Et de Cru-
ce lib. 1. c.
14.*

Ab vna ex ſpinis ſoſculi pullulant, & ſudor quidam.

Cap. 168.

IN Oppido Montoni prope Eugubium, conſeruatur vna è ſpinis, quibus Chriſti caput eſt tranſfixum, quam detulit eo Fortebrachius ille celeberrimus militum dux: ea quorannis, ſtato paſſionis Dominicæ die, cunctis videntibus, & admirantibus ſloret: allocutusq. ego ſum viros fide digniſſimos, qui id conſpexerunt. Quin Paulus Marius Epicoſopus Callienſis, ſpectatiſſimæ diligentix, fideiq. ad me miſit procurante Ioan. Sfortia Monaldo, optimo viro, inſtrumentum à Bartholomæo Moſcardino notario rite conſectū anno 1472. in quo habentur nouem teſtes rite examinati, iurantesq. conceptis verbis, ſe vidiſſe ex illa ſpina ſoſculos pullulare, emitti ſudorem quemdam, & tenues quosdam capillos ab hora ſexta uſque ad nonam, qua tranſacta, nihil amplius videbatur. Sed illud magna obſeruatione dignum, quoties populorum magna facta eſt acceſſio ad Chriſti cultum, plerumque id euenit excitante Deo, Crucis alicuius publicam, mirabilemq. affectionem. Hæc Boſius.

*Thom. Boz.
de ſign. Ec-
cleſ. tem. 2.
ſigno 71.*

Hodie tamen huiusmodi miraculum ceſſaſſe videtur, ut ex multorum relatione eſt compertum: quod nouum non eſt, etenim idem Iacobus Boſius refert de ſpina, quæ pari ratione florere conſueuerat ſexta feria Maioris hebdomadæ, quæ tamen florere ceſſauit paucis abhinc annis. Petrus Venerabilis lib. 2. miraculorum cap. 30. narrat ſuo tempore Romæ in Eccleſia S. Mariæ Maioris à Romanis cereos maximi ponderis in Vigilia Aſſumptionis eiſdem

eiusdem beatissimæ Virginis accendi solitos , & mansisse accensos vsque ad sequentis diei festi horam sextam, vel nonam, & eiusdem ponderis reperiri in statera appensos , quamvis ignis de cerei quantitate multum consumpserit , & hoc miraculum ait Petrus notum fuisse omnibus sui temporis, quod tamen hodie cessasse manifestum est .

De venerandæ Crucis instrumento, eiusq. gloria. Cap. 169.

INter cetera autem instrumenta , quæ Christi Domini passionem perfec-
runt, est Crux, quæ quoniam Deum sustinuit, qui pependit in ea, lignû
omnium lignorum felicissimum voce omnium est appellata . De qua Patres
eius amore tacti , hæc dixerunt .

*Orig. hom.
8. de Epiph.*

Crux Christi nostra victoria est , illius patibulum noster triumphus , gau-
dentes leuemus hoc signum in humeris nostris , victoriarum vexilla por-
temus, immortale lucrum , portemus in frontibus nostris , cum dæmones
viderint, contremiscant , qui aurata Capitolia non timent , crucem timent .
Qui contemnunt sceptræ regalia, & purpuras Cæsarum & dapes , Christia-
ni sordes , & ieiunia pertimescunt .

*10. Chrysos.
hom. 15. in
Matt. 10. 2.*

Nullus igitur nisi in Cruce gloriatur , ne quando in maiestate sua veniat
Christus, & erubescat, qui Crucem erubescunt; tunc enim signum hoc super
radios Solis coruscans ante Christum videbitur, præcedet enim profecto
Crux magnam vocem aspectu emittens , & ad vniuersos homines pro Domi-
no respondens, atque ostendens nihil ex parte Domini defuisse . Hoc signum,
& priscis , & nostris temporibus clausas ianuas reſerauit . Hoc venenorum
vires exstinxit, hoc feroces bestias represſit , hoc lætales serpentum morsus
curauit . Etenim si portas inferni perfregit , si cælorum ostia reclusit , si Pa-
radisi renouauit ingressum , si Diaboli neruos recidit , quid mirum est, si pe-
stifera venena, atroces bestias , aliaq. huiusmodi superauit ? hoc igitur in-
mente tua cælato , & animarum amplectere salutem . Hæc Crux terrarum
orbem conuertit, atque sanauit , hæc terrorem abegit , veritatem reduxit ,
terram in cælû restituit, ex hominibus angelos effecit . Hæc Crux non terri-
biles , sed despicabiles hominibus Dæmones effecit . Hæc Cruce mors in-
somnum redacta est . Hæc omnia , quæ nobis aduersabantur , humi deie-
cta conculcantur . Si ergo gentilium quispiam tibi dixerit : Crucifixum vè
adores , noli dubitare clara voce , altaq. facie dicere : Et adoro , & adoran-
di numquam faciam finem . Et si ridebit, largas tu effunde lachrymas de insa-
nia eius . Agas immortales Domino gratias , cuius beneficio hæc suscepi-
mus . Quæ nullus , absque diuina gratia dicere potest, Nos clara , magna-
voce dicamus , & eximia fiducia exclamemus : Gloria nostra , caput , &
prigo beatitudinis , libertas , & corona Crux est . Vellem cum Paulo pos-
se dicere , per quem mihi mundus crucifixus est , & ego mundo , sed cum
multis , ac varijs detinear passionibus , nequeo id sane dicere . Quare vos
moneo , & multo antequam vos me ipsum , crucifigamur mundo , nihil
commune habeamus cum terra , sed tota mens nostra amore superioris pa-
triæ , gloria beatitudinis aderat , cælestis enim milites Regis sumus , ac
arma spiritualia induci , cur igitur abiectionum personarum , imo vermium
vitam eligimus , cum ibi oporteat esse militem , vbi & Imperator est ?

Sola

Sola Christi crux est, quæ dissoluit tenebras, & Regnum Dæmonum dissipauit, & omnes terrores malignantium abstulit. Decuit splendorem crucis obcæcare infideles, & illuminare credentes. Crux sanctitatem prouidit. Crux nobis sol iustitiæ facta est, & illuminati misericordia eius glorificemus Patrem, & Filium.

*Chriſt. ho.
3. de Cruce
& latrone
10. 3.*

Discamus Crucem totius spiritualis gratulationis esse substantiam. Etenim ante ipsum vocabulum crucis, pœna fuit, sed nunc ad gloriam nuncupatur; antea condemnationis ferebat horrorem, nunc salutis indicium est, crux enim nobis totius beatitudinis causa est. Hæc nos à cæcitate liberauit erroris, hæc è tenebris reddidit luci, hæc debellatos quieti sociauit. Hæc alienatos Deo coniunxit, hæc longe constitutos Deo proximos præsentauit, hæc peregrinantes Ciues ostendit, hæc discordiæ amputatio est, hæc pacis firmamentum, hæc bonorum omnium abunda largitio, istius causa nullis angustijs deserti erramus, quia iam nobis campi monstrati sunt veritatis; nec aulis regalibus habitare prohibemur, quia aditus iam videtur inuentus; nec ardentis sagittas Diaboli formidamus, quia fontes inuenimus, quibus earum flamma facile possit extinguui, ideo viduitate caruimus, quia sponsus expectatus aduenit.

*Idem hom.
2. de Cruce
& latrone.*

Si nosse desideras virtutem crucis, & quanta possum ad eius laudes dicere? audi. Crux est spes Christianorum, resurrectio mortuorum, cæcorum dux, desperatorum via, claudorum baculus, consolatio pauperum, refrenatio diuitum, destructio superbiorum, male uiuentium pœna, aduersus Dæmones triumphus, deuictio Diaboli, adolescentum pœdagogus, sustentatio inopum, spes desperatorum, nauigantium gubernator, periclitantium portus, obfessorum munus, pater orphanorum, defensor viduarum, iustorum consiliarius, tribulatum requies, paruulorum custos, virorum caput, senum finis, lumen in tenebris sedentium, Regum magnificentia, scutum perpetuum, insensatorum sapientia, libertas seruorum, Imperatorum philosophia, lex impiorum, Martyrum gloriatio, Monachorum abstinentia, Virginum castitas, gaudium Sacerdotum, Ecclesiæ fundamentum, Templorum destructio, idolorum repulsio, scandalum Iudæorum, perditio impiorum, inualidorum virtus, ægrotantium medicus, esurientium panis, sitientium fons, nudorum protectio.

*Idem hom.
4. de Cruce
& latrone
10.*

Dei autem indefessam misericordiam & clementiam Crux ipsa commendat excellentissime? Nempe enim, neque cælum, neque mare, neque terra, neque rerum omnium creatio, neque aliud omnino aliquid, ita ut crux illa venerabilis, diuinæ bonitatis magnitudinem prædicat. Quocirca Paulus quoque in ipsa gloriatur, dicens: Mihi absit gloriari, nisi in Cruce Domini nostri Iesu Christi. Sed enim animales quique, & qui Deo nihil amplius, quam hominibus tribuunt, decidunt, & erubescunt, idcirco iamdudum admonet discipulum, ac per illius omnes: Noli, inquit, erubescere quod Crucifixum prædicas; hoc enim testimonium est, mors scilicet Christi. Nā ista quidem, si per se cogitentur, mors, carceres, vincula, confusio, ac opprobrio digna sunt, ceterum si quis opposita causa, discussq. mysterio singula decenter edoceat, plenissima gloriæ, diuinæq. honestatis causa cognoscet. Mors enim illa pereuntem seruauit Orbem; Mors illa cælestibus terrena coniunxit, mors illa Diaboli profligauit tyrannidem, hominesq. Ange-

*Idem hom.
2. in epist.
2. ad Tim.
10. 4.
Galat. 6.*

los,

los, ac Dei filios fecit. Mors illa mortalitatis nostræ naturam ad solium cæleste, ac regale prouexit, vincula ista soluerunt plurimos, & ad fidei gratiam conuerterunt.

Chrysos. ho. Quod Xps sit Deus cõtra Gentil. 10.5. Hoc mortis genus diademate quouis gloriosius est. Nam Reges posito diademate crucem suscipiunt, mortis symbolum. In purpuris crux, in diademate crux, in precibus crux, in armis crux, in mensa sacra crux, & in toto orbe crux, & super solem fulget crux, erit requies eius honor, licet in rebus humanis diuersum contingere solet. Nam cum hi, qui hic in magna gloria, & rebus florentibus agunt, moriuntur, pereunt cum eis simul alia omnia, nam leges eorum irritantur, statux obscurantur, memoria, exstinguitur, & licet pridem mouerint arma, concitarint feditiones populorum, & Urbium, & reuocauerint, simul tamen conciderunt hæc omnia, quamuis gloriosa prius fuerint. At secus in cruce euenit. Ante crucem in luctu referant, Iudas prodidit, Petrus negauit, reliqui profugerunt. Iesus solus inter inimicos comprehensus est, multi qui crediderant, retrorsum abierunt. Ceterum ubi occisus est, & mortuus, non solum res eius nõ intercederunt, sed multo clariore, illustrioreq. & sublimiore sunt redditæ. Nam post Crucem Orbis ad fidem accessit, & infiniti martyrum populi occisi, malentes mori, quam dicere, quod dixit Princeps Apostolorum formidans vnus ostiariæ minas. In omni Regione, omni ciuitate, & solitudine, & parte orbis, quæ habitationi accommoda, prædicamus Crucifixum, & Reges, & Principes, & milites, & Præsides, & serui, & liberi, & idiotæ, & sapientes, & insipientes, & barbari, & reliqua hominum genera, ac terræ omnes, quas sol spectat, ad hoc nomen currunt, ut adorent, ut discas quid sit: Et requies eius honor. Et locus quidem, quo corpus hoc positum, breuis erat, & valde angustus, augustior tamen, & venerabilior mille regum palatijs, immo etiam Regibus ipsis.

De sacratissima Cruce Domini nostri IESV Christi.

Cap. 170.

Dio in Hadriano.

Paulin. ep. 11.

Sancta, & benedicta Crux, quæ Domini corpus mundum redimentis sustinuit, & ipsa postmodum passa est, nam cum Iudæorum inuidia, tum Gentium odio in Christianos, diutius occultata subtus terram permanfit; & insuper ipse passionis locus, est nefando simulachro pollutus. Non solum enim Hadrianus Imperator (quod scribit Dio) in contumeliam Iudæorum ex aduerso Templi, ædem Ioui excitauit, sed in odium Christianorum ibi degentium, quæ sanctissima habebantur loca, æque polluit simulachris. nam de his hæc tradit S. Paulinus in epistola ad Seuerum: Hadrianus, existimans se fidem Christianam loci iniuria perempturum, in loco passionis simulachrum Iouis consecrauit, & Bethlehem Adonis fano profanata est, ut quasi radix, & fundamentum Ecclesiæ tolleretur, si in ijs locis Idola colerentur, in quibus Christus natus est, ut pateretur; passus est, ut resurgeret; surrexit, ut regnaret; iudicatus est, ut iudicaret. Me miserum: etiam ista pro me Dominus omnipotens perpeti non recusauit; ut ubi pro salute generis humani crucifixus pependerat, ibi hominum sacrilegio sperneretur; & super crucem, ad quam Orbe concussio, & sole refugio, & dissidentibus mortuorum

tuorum excitatione monumentis, rerum natura nutauerat, stabat simulachrum Dæmonis, & in ara simulachri pecudum busta fumabant, & Dei nomen deferebatur statuis mortuorum; cum ipse viuorum Deus, qui, & resurrectio mortuorum est, non solum mortui, sed crucifixi hominis blasphemaretur opprobrio. Hæc Paulinus.

Sic ergo lignum Crucis contumelijs dignum visum est inimicis. Sed de- cuit victricem veritatem, de mendacio triumphare.

Attendamus gloriam Crucis Christi, quæ tanquam palma depressa, sursum elata est gloriosior, & clarioribus fulgoris sui radijs, tandem sic diuina pro- uidentia disponente, Orbem vniuersum illustrauit adeo, ut vix sit reperire personam & locum, in qua non sit aliqua eiusdem sacratissimi ligni particula. Nam de illa S. Paulinus hæc testatur, sic dicens: Quæ quidem Crux in ma- teria insensata vim viuam tenens, ita ex illo tempore innumeris pene quo- tidie hominum votis lignum suum commodat, ut detrimenta non sentiat, & quasi intacta permaneat quotidie diuidua sumentibus, & semper tota vene- rantibus. Sed istam impuribilem virtutem, & indetribilem soliditatem de il- lius profecto carnis sanguine bibit, quæ passa mortem, non vidit corruptio- nem. Hæc ille. At Cyrillus, lignum Crucis, inquit, testatur ad hodiernum diem apud nos apparens, & apud eos, qui secundum fidem ex illo capientes, hinc vniuersum Orbem fere iam repleuerunt.

Paulin. ad
Suer. ep. 2.

Quidam aspiciens particulam Crucis, & non credens, & contemnens, efficitur mutus, sed deinde ad aspectum Crucis facti sui pœ- nitens, loquelam mirabiliter recipit. Cap. 171.

Illud quoque referendum est, quod nonnulli ex senioribus in humanis agentes narrant in ciuitate Salerni, in ipsa D. Matthæi Ecclesia contigisse. Anno siquidem vigesimo quinto supra millesimum, ac quingentesimum, feria sexta in Parasceue, dum in ea Ecclesia, illius diei sacra peragebantur; & sanctissimæ Crucis particula, quæ ibi asseruatur, pro more circumferebatur per Ecclesiam ab Episcopo, exstitit Bernardinus quidam è Naccarellorum familia, de Plebe, quæ diui Bartholomæi dicitur, qui dum sacrosanctum il- lud lignum infideli corde aspiceret, & adulterinum esse arbitraretur, impia hæc verba protulit: Eho, quid si Christi crux mons ipse Vessuuius fuisset? Est quippe mons ille lignorum feracissimus: quod cum dixisset, statim ob- mutuit, nulloq. conatu potuit deinceps aliquod verbum exprimere; & li- cet statim suam ipse culpam agnouerit, maximoq. maxore fuerit affectus, haud tamen potuit peccatum ille suum, peccatiq. pœnam verbis exprimere: quin immo coactus est necessaria sibi per nutum exquirere. Proinde conuer- sus ad lachrymas, & maxorem, cepit sacras lætitare scripturas, ex quibus aliquod solatium percipiebat. Eo igitur impedimento per annum infœlici- ter est detentus. Cum vero sexta iterum feria Maioris Hebdomadæ post duo- decim menses iamiam recurreret, pridie illius diei, proficiscitur mutus ad ecclesiam D. Matthæi, cum vno ex filijs, cui Iacobo nomen erat, suum de- ploraturus pro more peccatum; in medioq. itinere occurrit illi senex qui- dam, egenus valde, qui verecundus stipem exposcit, & cum obolum rece- pisset, verba autem nulla recepisset, sciscitatur iuuenem, quid causæ sit, ut bonus

M. Anton.
Marsi. Col.
in vita S.
Matthæi.

bonus ille vir mutus existeret ; paucis id explicuit natus ante annum 25. id ei repente contigisse, causamve omnibus incognitam esse. Tum senex: Mo-
neo, inquit, te, vt Geminiano Mutinensi tuam causam commendes, à quo
miracula perpetrantur ; & statim abiit. Perrexerunt illi ad Ecclesiam, &
diuinis interfuere ; quibus absolutis, domum reuertuntur, & Bernardinus ad
sacras lectiones sese confert. Vespere autem eius diei, antequam iret cubi-
tum, tractabat manibus forte fortuna librum, quo sanctorum Patrum vitæ
descriptæ sunt, qua in lectione contigit, vt de sancto Geminiano legeret.
proinde reputans ipse secum, quæ eadem die audiuerat ex mendico sene ;
cepit attentius eius viri gesta considerare, & vehementi spiritu imbutus, tã-
dem procubuit, & somno correptus est. Lucescente denique iamiam die,
consurgit mirum in modum perturbatus animo, & admirandus circum-
cursat ædes, cognatisq. omnibus gestu insueto indicat, magnum quiddam
sibi ea nocte contigisse, & festinanter ad Ecclesiam pergit, præmaturè satis,
vt diuinorum nihil omitteret. Parantur ibi paulatim omnia, prout sacra-
postulabat dies : inchoatur denique diuinum officium ; Episcopus Capreæ
(cui nomen Eusebio fuit) vices Archiepiscopi subiit, & iuxta morem inue-
teratum, nudis pedibus crucem baiulat, in qua sanctissimæ Crucis particula
conseruatur ; circumit ecclesiam, sequente illum vniuerso populo, sistit tan-
dem ad altare, & omnes prouocat, ad signum illud solemniter adorandum,
ea verba proferens consueta : Ecce lignum crucis : confestim vero Bernar-
dinus, qui summa deuotione prociderat, diuino spiritu agitante, clamauit
voce magna : Ecce lignum crucis, ceteraq. verba singula deinceps expli-
cuit, quæ per Antistitem dicta sunt, & statim veluti mortuus cecidit. Tunc
vero, quia notus ciuibus erat, & nemo ignorabat illum antea loqui non po-
tuisse, acclamauit populus vniuersus : Miraculum : miraculum : & tametsi
per id tempus, nullus sit in ecclesijs campanarum vsus, sed ex veteri Eccle-
siæ ritu, ligneis instrumentis soléat strepitus excitari lugubris, quamdiu ia-
cuit in sepulchro Saluator, præ miraculi tamen huius nouitate omnes cam-
panæ confestim pulsatae sunt, ceteraq. instrumenta omnia, quæ habentur in
Ecclesijs ad psallendum. Interim ad se reuersus Bernardinus ; palam fecit
omnibus, quod hætenus agitauerat corde tantum : Nempe ante annum, eã
ipsa die impium se, infidelemq. fuisse, quod sacratissimæ Crucis particulam,
adulterinam, & commentitiam crediderit, ideoq. loquendi facultate merito
priuatum fuisse, nunc vero præcedenti illa nocte, secum in somnijs loquu-
tum fuisse beatum Geminianum Mutinensem, monuisseq. vt eadem ipsa ho-
ra, quæ tunc anno recurrente, iamiam apparebat, eodem loco suum deplo-
raret peccatum coram gloriosissimo Apostolo Matthæo, & crederet veram
illam crucis esse portionem, in qua Saluator Iesus pro humana gente pe-
pendit. Fecisse se paulò ante, quicquid vir ille sanctus monuerat, & sanctis-
simum Matthæum exorasse, vt fidei suæ protestationem, Christo Domino di-
gnaretur offerre, ac statim loquendi vim amissam recuperasse. Hæc omnia
fusus ipse, perq. multos gemitus palam expoluit ; rogauitq. Præsulem, vt
miraculum istud curaret in acta referri, ad perpetuam rei mêmoriam. Quã-
obrem publicis documentis iussit hoc diligenter comprehendi, quæ tum ip-
sius Bernardini iureiurando, tum Canonicorum omnium, qui præsentis fue-
rant, solemniter fuerunt attestacione firmata.

Reli.

*Religiosi Patres Societatis Iesu signo Crucis apud Indos mira
operantur . Cap. 172.*

Avdierat rumore nuntio Badaga quidam cæli compotes fieri quotquot sanctam spiritualem legem, vitam Christianam vocant, reciperent. Rogavit Bracmanas, qui mihi adesse solent, ut ipsis deprecatoribus iuuenem iam dispositum salutari aqua tingerem. Iussi ægrum ad Ecclesiam deferri, negantibus fieri posse, cum animam prope ageret, destinaui Christianos duos, lustrali aqua, & cruce instructos. Quid multa? Crucem capiti admovent, preces recitant. Aeger oculis, & lingua expeditior, stupentibus qui aderant, meliuscule habet, & gestantium manibus ad Ecclesiam defertur, Baptismum exposcit, & pro temporis ratione doctrina instructus Christiana, initiatur. E vestigio, vis morbi remittitur, & non lapso triduo perfectam consequitur sanitatem. Paulo post nunciatur ex patria fratrem lethali agitudine decumbere, ut opus fuerit illico proficisci, promisso maturo reditu. Habuit successus hic non modo admirationis plurimum, apud omnes, sed Christianis in Deum fiduciâ, ethnicis erga fidei nostræ amorem excitauit.

Mulier Tartarei Tyranni nequitia ad extremos angores erat redacta, nec quidquam usurpatis octo mensium spatio diuersis pharmacis proficiebat; cõtatabescebat sensim, & nocturnis variorum animalium spectris, familiari his terris maleficio, somnum capere vetabatur. Interfuit aliquoties catechesi, quamobrem rabie percitus dæmon dysenteriam cruentam immisit. Montis ferio Christianos, ut diuinam clementiam precibus fatigarent, spem magnâ faciens, fore ut exorarent. Maritum habet fidei candidatum, inter suos Badagas honestum, ætate ad senium vergente, à quo ægra, ut erat, in ædem nostram delata est. Accessi, reperi afflictissimam, ac prope loquendi facultate destitutam, quæstiones de fidei rudimentis ex more proposui: Illa bis, terue conata respondere, interclusam importuno hoste vocem innuit. Quid agerem? stygio cani notum sustem intento, crucem gutturi admoueo, reddita loquela affirmavit mulier, visum sibi fuisse quendam manibus guttur comprimentem sentire, ut fari non posset. His peractis cum confessa esset se idolum domi habere, dictum, Amme, quod dæmon foemininum significat, mandauit marito, ut, illud domo statim ad me afferret, ac interea, temporis necessaria ad baptismum adornaturus, recessi, cum repente accersor tumultuarie, ægram signo crucis munio, & theca adorandi particula ligni diuite: ac cum ad se redisset, ad aram Domini Iesu collocari iubeo. Veritus sum principio, ne solitis ceremonijs præmittendis symptoma adeo in usitatum tempus negaret, pedetentim tamen ad preces processi, ac illa magis, ac magis è molestia emergebat, cum subito in hæc verba erupit: Vide, quomodo marito Idolum illud afferente premere me conatus est? Conflatus eum exitum habuit, ut illa mox à baptismo magna animi læticia collato, valens, ac vegeta domum repedarit, ab insomnijs deinceps, & infestatione liberata. Quæ omnia ita à me narrata sunt oculato teste, ut non modo nihil ad id quod contigit, adijciam, sed potius multa sileam, quæ merito annecti possent.

*Ex quadã
epistola an-
nua cuius-
dam Patris
Societatis
Iesu.*

Alius

Alius dæmonis malicio obnoxius, floribus, quos circa Crucifixi effigiem adorandam collocare soleo, tranquillitatem assequutus est. Christianus Bramana, nomine Xante, quod patientem sonat, aquationem faciens in Badagam centurionem incidit, qui cum vxore & consanguineis, dæmonium Culaderiam, idest gentilitati præsidem Deum, quales Romani Penates habebant, sacrificio placabat. Exclamat Bramana: O infortunatos, qui cæcamente tam profanum sacrificium vsurpant! Ad quem arrogantæ plenus Badaga: Agedum quæ tua scientia? numquid plus reliquis Bramanis sapias? Nil ut video de maxima Dei huius potestate didicisti. Ego si assurrexero, ture Cioconadæ conspecta, caput inclino; scilicet è crumena mea nummum expiscari satagis. Ego, inquit, Bramana verum Deum noui, tui tibi sunt nummi, non illis insidior. hoc à me habeto, quem tu colis noxium dæmonem esse, à cuius iniurijs liber fores, & gloriæ particeps, si veri Dei notitiam, amicitiamq. teneres. Enimuero (ait Badaga) iocari tibi lubet. Ut indemnitate ab hoc Deo consequeretur, nequidquam apud Sortilegos, & Bramanas, supra centum quinquaginta nummos collocaui, tu vero mirabilia polliceris, reor, ut aliquot denarios adames: Bramana Deum tacite oras, signo crucis frontem armat. Cumq. respondisset, ne vltro quidem oblatam pecuniam accepturum, gratis se illi consilium dare, quod si admiserit, votum consequatur, motus Badaga non se modo, sed vxorem quoque ac duos fratres id facturos spondet, ac indicata domo nostra postridie adfuit, atque ad pedes abiectus suas mihi ærumnas memorabat.

Infestam eius domum habebat dæmon, tamq. ipsi, quam coniugi in somnis se visendum exhibebat, cui ab octo mensibus vterum gestanti abortum recens procurarat, fetusq. mortem, iamq. quartum istud contigerat. Ad hæc nisi oblatis quæcunque exigeret, neminem domo consistere permittebat, & ex quo cum Bramana colloquium haberi cæperat, auctæ erant à dæmone molestiæ, matrem affligebat morbus, vxoris etiam tentabatur valetudo. Hæc miserum Badagam arctatis præcordijs, & alto animi moerore referentem hortatus sum, ut verum Deum agnosceret, eiq. amorem, & obsequium debitum redderet, hæc omnia instar nebulae sole orto dissolutum iri, aliaq. in eundem sensum adieci. Acquieuit, & præstituto sibi die catechesi interfuit, sed quod necessum illi foret professionem quandam suscipere, ut suæ præfecturæ rationem redderet, abiit perquam inuitus, pollicens quamprimum, adesse. Percepit tamen nonnulla de fidei rudimentis, quæ scripto expetiit, quo attentius ea expenderet, quodq. Idolis admodum fuisset addictus, varia mouebat dubia, quorum solutione satisfactum sibi esse præferebat. V. R. eum Deo commendat, apud P. Prouincialem etiam agat, ut à nostris id ipsum præstetur, magnum enim ad Dei gloriam momentum habet eius conuersio. Vxor, & duo eius fratres audire me pergunt, maior natu 23. annum ætatis fere agit, minor 18. ille acri pollet iudicio, ac res diuinas belle capit, ut mihi dixerit: Putas, si has, quas audio modo, veras theses docti fuissetus, eo venturi eramus dementiæ, ut dæmones coleremus, & regum defunctorum statuas, quales sunt Cioconada, & Vessunus? Nunquam sane: sed ignorantia, cæcos, ad hoc præcipitauit. Hæc ille ex intimo animi affectu promebat. Ac quotquot ad fidem nostram transeunt, solo suæ salutis desiderio aguntur, ac hos neophytos R. V. deprehendet non modo roboratis ætate Christianis patres,

res, sed, qui in prima Ecclesia vigeat, spiritus primitias, ac feruorem aliquatenus adeptos. Heri duos è Badagarum honestissimos coniuges sacro fonti admoui, vnaq. maritum infirmæ illius, cuius supra memini cum filia. Tredecim præsto sunt, vt baptismum suscipiant die Corpori Christi sacro, & quiuis mihi dies novos auditores trahit. Heri duo Raij auditum Raium hic agere, qui salutis legem doceat, adfuerunt, ac alloquio delectati, catechesi ieiunio principium dari voluerunt. Puero infensus dæmon muneribus se placari simulabat, aliquanto post molestus esse pergebat. A diebus 15. baptismo collato, Felicem appellauit, iamq. sanus, ac liber degit. Alter puerulus totius corporis cruciatu, & pedum, ac manuum torpore languebat. Erat tanta doloris acrimonia, vt nec baptismi tempore eiulatum posset compescere, sed illa ipsa nocte, qua ablutus est, lustrali aqua pota, mitigatis doloribus, paulo post sanitatē perfectam adeptus est. Aliquot tamen post dies stola, quā recens acceperat, indutus ad cælestis Agni nuptias felici sorte vocatus est.

Vichuuada, qui vobis adfuit, in ea qua non sine maleficij suspitione contabescit ægritudine, omnes Christiani hominis partes explet, inter maximos pectoris angores, & vomitus vetulam matrem pius iuuenis solatur, ægritudinem in beneficio, & præcipuo diuini amoris pignore reponens, accedentes Christianos animandi gratia, animat ipse, longo itinere famuli humero nixus, ad templum venit, tempus omne reliquum in lectulo consumit recitandis, quas de Christi passione contexui precationibus. Cruci est addictissimus, vt non modo parietes, sed omnem suppellectilem cruce notatam habeat.

De materia Crucis sanctissima, in qua pependit Christus Dominus mundi Rex, qua postea tot mirabilia operata est. Cap. 173.

QUæ autem fuerit materies, ex qua Crux Christi fuit confecta, in qua pependit, & suffixa est nostra salus, certo non constat, sed coniecturis non leuibus, inuestigari eam, & explicari posse non est difficile. Crux Christi, quantum potest ex rationibus, & verisimilibus argumentis deduci, non ex alia materia, quàm quærna videtur confecta; cum copia, color, durities, firmitas, & integritas, & alia his adiuncta, & consequentia, quæ hodie in sanctissimi ligni crucis particulis visuntur, cum quercu exactissime conueniant, quod & alij opinati sunt. In Iudæa profecto nullum lignum isto communius, nullum alere tellurem illam copiosius, diuersa sacrarum litterarum testimonia demonstrant. Quin etiam id obseruare licet, valles quasdam à quercu nomen concepisse, eo quod in huiusmodi locis quercus quondam luxuriarent, vt vallis Mambre, vbi quercus fuit Ogygis, iuxta quam Noë, & Abraham in Hebrone habitauerunt. Quercera item iuxta Hierusalem frequentia, & inter alia, Bethel quercum fletus nobilissimam habebat. Quid commemorem Samariæ montem, Basan nomine, quercetis celeberrimum? Nunc etiam ea regio nulla planta magis abundat, quàm quercu, siue ab Ioppe maritima vrbe pergas Hierosolymam, siue ad radices montis Sion prope eandem, siue ab ipsa ad Galilæam, siue Samariam ulterius progrediaris. Quo fit, vt quercus per omnem Iudæam, Galilæam, & Samariam, sicut exstitit olim, ita & nunc sit copiosissima; cedrus in saltu Libani; castanea vbique frequens; pinus rara; terebynthus, sycomorus rarissimæ. Ex quercu igitur verisimilius est carnifices crucem parasse, & a lignarijs vilius ceteris

Q

emisse.

Io. Gorop.
Becanus li.
5. Gallia.

emisse. Ex qua enim materie communiore, & emptu viliori, Crux Christi, quam ex querna parari potuisset?

Color præterea ligni quercini cum colore crucis adeo consentit, ut nullum discrimen inter utrumque deprehendatur: contuli namq. quercini ligni fragmenta cum particulis sanctissimæ Crucis, quæ tam in Basilica S. Crucis Romæ, quàm alibi locorum asseruantur, deprehendiq. non esse, aut aquam aquæ, aut ouum ouo similia, quàm ea inter sese sint.

Quercus vitæ, vel liberationis à morte symbolum habetur eo, quod viuacissima ceterarum arborum ea sit. Hinc in Septentrionali plaga, Herciniæ sylvæ roborem vastitas, intacta ævis, & congenita mundo, à Plinio censetur. Vnde Græcis *σπύς*, & Latinis tam quercus, & ilex, quàm robur etiam dicta. tum quod genus arboris graue, ac durum sit, tum adeo quod in ingentem euadat altitudinem. Quercus illa in Mambræ ab Abrahamo vsque ad Constantium Imperatorem, Constantini Maximi filium, culta perdurauit, & in Abrahami tabernaculi loco, nundinæ celebri mercatu quotannis habebantur, ut B. Hieronymus refert, & Isidorus. Quo fit ut annos vixerit 2260.

*Plin. lib. 6.
cap. 2.*

*Hiero q in
Gen. & lib.
3. in Zach.
cap. 11.
Isidor. lib.
Orig. 17.
cap. 7.*

qui ab Abrahamo ad Constantij Imperium fluxerunt: cum antequam ab Abrahamo coleretur, Ogygis etiam, hoc est Noë, qui in Hebrone aliquando habitauit, possessione teneretur. Ut annosissima hæc quercus 2500. vitæ annos excefferit, nullo, quod homines norint, exemplo, canescens utique seculis innumerabilibus. Cum autem sanctæ Crucis membra, & particulæ multæ per totum orbem Christianum integræ, & illæ, & citra ullam cariem, & corruptionem vsque hodie perseverent, credendum ex querno ligno constare. Nullum namq. lignum, citra miraculum, tot seculis incorruptum perdurasset, summaq. præditum esset duritia, præter istud, quod vix nescit vlllo tempore aut mori, aut deficere: cum cetera ligna teredinem, & senium sentiant, tempusq. illa absumat. Nulla præterea, quercu, religiosa magis arbor, sacriorq. habetur, subter quam tot sunt celebrata à Deo ipso, & Angelis eius mysteria. Subter illam namq. quæ in loco Mambræ erat sata, socius cum Abraham pepigit Deus vniuerso generi humano salutare, circumcisio indicta: promissiones diuinæ sobolis factæ: Isaac ipsi, & sacre coniugi annunciatæ: Dominus peregrini habitu visus: Angeli hospitio excepti: ut omnium ferme arcanorum glandifera hæc quercus conscia, testis, & veluti à secretis exstiterit. Subter aliam quercum in Sichem Iacob Patriarcha Idola cum suis inauribus, à familiaribus suis sublata, effodit. Sub eadem Iosue Imperator post Moysen Israelitarum socius inter Deum, & populum Hebræorum denuo innouauit, ab illa ingrata gente iam iam abolicum, & antiquatum, ut ipse esset suus Deus solus, & illi suus peculiaris populus, ut illi hic vitæ suppetere necessaria, & post mortem vitam largiretur æternam, in cuius rei testimonium saxum ingens subter quercum recondidit. Ab eo namq. tempore, quo Iacob illic simulachra terra obruerat, locus hic sacer esse cepit. Falsi namq. Dij, & insana simulachra hic alta sub humo fuere depressa, & perpetuis tenebris condemnata, sicut pater Idolorum sub cruce perpetuis tenebris est sepultus. Atque idcirco Iosue voluit in eadem quercu exstare, societatis, quo Iudæi idola abiurarant, monumentum, ut rursus recordarentur, quondam à Patriarcha Iacob hic omnem idolomaniam apparatus defossam, obrutamq. fuisse, & se nunquam ad idolorum cultum de-

*Gen. 17. 18
35.*

Ios. 14.

scen-

scensuros solemnī ritu iurasse. Quercus igitur symbolum fuit, quo adinobantur Hebræi stare Dei promissis, & omnem eorum vitam constare inabiurandis, & detestandis Idolis, diuinoq. se cultui, & obsequijs mancipandos. Et fœdus, quo firmitus maneret, bono omīne initum fuit sub quercu, sub qua multis antea ætatibus promissionem acceperat generis sui, in semine benedicto, omniumq. gentium consecrationem. Quercus igitur veteris legis signum fuit, & symbolum crucis Christi, Ambrosio, & Augustino attestantibus, tam quæ fuit in Mambre, quam quæ in Sichem, ab Abraham, Isaac, & Iosue celebrata; tum etiam sub qua Angelus Gedeoni apparuit, & illa itidem ad radices Bethel, sub qua Debora nutrix Rebeckæ fuit sepulta; quam Synagogam adumbrasse, sub Cruce Christi sepeliendam, idem fatetur. Sed hæc, quæ hucusque in medium produximus, coniecturarum fines non excedunt: habemus autem firmiorem propheticum sermonem, Isaïæ inquam vaticinium, quod litem hanc dirimat, mirabile illud quidem, & quod nostram sententiam clarissime exprimat, quercum fuisse lignum, in quo Christus pependit, de populis Hebræorum, & gentium in hæc verba loquens: *Is. 6.* Longe faciet Dominus homines, & multiplicabitur, quæ derelicta fuerat in medio terræ, & adhuc in ea decimatio, & conuertetur, & erit in offensionē sicut terebrynthus, & quercus, quæ expandit ramos suos. Semen sanctum erit, quod steterit in ea. Prædicat namq. hic Isaïas, partem populi Iudaici indurandam, partemq. diuino lumine illustrandam, vastandos Iudæos à Romanis, atque decimandos, reliquias tamen eorum seruandas per crucē quercum, semen benedictum, & totius humani generis salutem. Certe est locus insignis, & animaduersione dignissimus, ad ligni Crucis certam materiam astruendam. Et iam non coniecturis, & argumentis, sed veritate, & certitudine rem ita esse definiri forte posset, & illud Virgilianum possemus cæpere, veluti vaticinium quoddam a Poëta mysterium ignorante prædictum. *Virg. eelog. 4.*

Et duræ quercus sudabunt roscida nulla.

Solet enim nectareus, & cælestis ille ros in quercum præcipue, & robur influere, sicut Christi diuinus sanguis in Crucem.

Quod si diuersitas materiæ admitteretur in Cruce, erecta trabs circa dubium quærnea statuenda esset, transuersaria ex alio ligno assignanda, ita vt solida Crux duobus tantum contineretur generibus. Nam index, seu titulus, à Pilato adfixus, Crucis pars neutiquam fuit, & alia ex materia confectus dignoscitur, quæ cariem, & vetustatem sensit, quamquam non citra miraculum ad nostram vsque ætatem seruatum censuerim, cum materies pinea videatur. Si aliquæ tamen materies cum quærna societatem deberet inire, oliuæ ea esset, cum qua quercus odium gerit adeo implacabile, vt iuxta se satam extinguat. At quercus, quod asperis, spinosis, seu aculeatis frondibus sit, seueritatis duritatis, & acerbitalis insigne habetur; sicut e contrario olea, pacis, mansuetudinis, ac lenitatis indicium. Quare recte excoGITARI posset, quernos ramos, frondes, & fructus cum oleaginis complicare: cum iracundia, summaq. seueritas, summa cum humanitate, & clementia coniunctæ significantur, & asperitas ad lenitatē, benignitatemq. inflexerit, & à prisca illa rigiditate fuerit alicubi temperatum. Discors igitur vtriusq. Symbolum in concors aliquod, fœdere inito, posset isto modo copulari. Sicut enim corona ciuica ex quercu nulli magis quadrat, quàm Christo,

Q 2 qui

qui non vnum, & alterum, sed cunctos Romanos ciues, immo totius orbis gentes, ab interitu, sua nece in ligno querno seruauit; ita nec sertum ex quernis, & oleaginis frondibus, & fructibus concinnatum, appositius quemquam decet, ac Christum, qui seueritatem veterum temporum sanguine fuso noua gratia mitigauit; & quæ procul aberant, prope constituit: inimicitias æterni Patris cum hominibus, Populi Hebræorum cum Gentili componens, totq. modis discordes, in vnum fœdus contraxit, duritatemq. acerbam multis humanitatis condimentis mitigauit, & ad hilariorem statum, conditionemq. traduxit. Sicut igitur Christum salutis nostræ auctorem spinea corona in cruce ornauit, ita resurgentem, & in cælos conscendentem, tam ciuica, quam quernum, & oliuaceum permixtum sertum, eius diuina tempora debuissent cingere, redimere, & exornare. Vt quercus videatur iam continuisse spinas, oliua in copiosius, & vberius misericordiæ oleum se totam effundere, quercusq. amicitiam non vt olim detrectare. Sed hæc diffusius forsan quàm par est tractata sunt, cum parum intersit, cuius materię extiterit Crux, cum nobis satis esse debeat Cruce esse redemptos.

Augustus coronam ex quercu Ciuicam appellatam cum inscriptione: SALVS HVMANI GENERIS: sibi arrogans, Christo illius tempore nato testimonium perhibuit, qui vere est salus humani generis. Ad hoc videndus Adolphus Occon de Numismatibus in Augusto.

De mensura Crucis Christi. Cap. 174.

*Idem c. 31.
Brocard.
Adrichom.
Antiqua
traditiones.*

EX antiquis traditionibus, & monumentis constat, & à tempore Helenæ Augustæ quæ crucem inuenit, obseruatum, Crucis erectam trabem quindecim pedum fuisse, transversarium autem lignum octo pedes patuisse; cruceq. latronum eiusdem prorsus fuisse magnitudinis, materię, formæ, & figuræ. Quod fuit in causâ, vt Helena inuentas omnes tres, citra miraculum, distinguere nequiuisset, quæ Christi, quæ latronum existerent.

De Crucibus, quæ comparuerunt Hierosolymis prodigijs magnis, Iuliano imperante, & Crucem persequente. Cap. 175.

*Ex Fr. Alfonso Ciaccone tr. de fig. Cruc. c. 9.
Soer. hist. l. 3. c. 17.
Niceph. lib. 10. c. 32. 33
Cedren. in Annal. pa. 252.
Ruffin. lib. 10. hist. eccl. c. 38. 39*

Iulianus Apostata, Christianis, quos Galilæos iniuriæ causa appellabat, infensus, odio illos ingenti prosequabatur: erga Iudæos autem facilem, mansuetum, & beneuolum se præbuit, non quod eorum religionem diligeret, sed vt aduersus Christianos armaret, cum quibus implacabile odium intercedebat. In iniuriam igitur, & depressionem, & contemptum Christianorum, illis aperte, & impense fauebat, & vt erat audius sanguinis effundendi, sacrificijs mactandis admodum delectabatur: & cupiebat ceteros immolationi pecudum, & cædi incumbere. Iudæos itaque primores ad se adscitos, percontatur, cur non ipsi etiam sacrificarent, cum lex eorum ita præciperet. Non licere sibi, respondent, alibi, quàm in templo Hierosolymorum, quod tunc erat euersum, suas victimas mactare, & patriæ sacrificia peragere. Præcepit Iulianus, vt absque mora templum Salomonis de integro construeretur. Eius mandato impensæ ad ea erant à publico ærario suppeditatæ: omnia parabantur, vt ligna, lapides, lateres coctiles, argil-

argilla, calx, aliaq. ad ædificium necessaria. Ad opus perficiendum argenteis hamis, cophinis, & scaphis, & ligonibus vsos fuisse Iudæos ferunt. cumq. tanto studio ad id opus ferrentur, quoscumque in arte ædificiorum condendorum celebres viros congregabant. Tanto vero in opere, ea solertia, & alacritate processerunt, ut ipsæ feminæ in sinu, vestibusque purgamenta exportarēt, & quæcumque eis essent monilia, & mundum omnem non grauare in eam structuram impendebant. Iudæi per totum terrarum orbem dispersi, pecunias multas Hierosolymam ad eam impensam mandauerunt. Opportunum igitur tempus rati aduenisse eius rei, quam dudum desiderauerant, conficiendæ studio omni in id opus maturandum incubuere. Christianis ideo terrorem incutiebat, & contra illos se insolenter efferrebant, & denique minari cæperunt, se non minora illis incommoda illaturos, quam quæ ipsi olim à Romanis acceperant. Et quamquam Ethnici, qui Græci tunc communi appellatione vocabantur, alieno essent animo à Iudæis; eorum studia tamen promouebant, quo falsas esse Christi prædicationes, oraculaq. eius intercidisse suaderent: qui Danielis vaticinium euenturum, & effectum consequuturum confirmauit: Templum (inquam) Hierosolymorum euertendum, neque mansurum lapidem super lapidem in illo, qui non esset destruendus. Et quidem templum illud à Tito Vespasiano Cæsare euersum anno Christi 72. die 8. Septembris, qui fuit post eius mortem annus quadragesimus: fundamenta tamen, & ruinæ superfuerant, & lapides super lapides manebant, neque erat omnino expleta prædictio Christi, quæ videbatur nouo templo ædificato eludi. Verum S. Cyrillus, tunc Hierosolymorum Episcopus, prophetico spiritu dixit, iam tempus aduentasse, quo lapis super lapidem non maneret in templo, & oraculum Saluatoris penitus expleretur. Quæ cum Episcopus dixisset, & Iudæi omnes lapides antiqui ædificij eruiissent, postridie fundamenta iacturi, noctu ingens terræmotus excitatus, lapides veterum templi structurarum concussit, vnaq. cum ædificijs in proximo sitis disturbauit. Quæ res horrorem, & formidinem Hebræis incussit, & fama terræmotus subsequuti, etiam eos, qui longe aberant, ad locum contemplandum attraxit. Itaque cum quamplurimi adessent, aliud prodigium subsequutum: Ignis namq. cælitus demissus, omnia opificum instrumenta absumpsit, malleos, scalptra, ferras, secures, ascias, ligones; denique omnia, quæ opifices habebant ad opus perficiendum idonea, flammæ incendio vastata. Incendium toto illo die grassatum, res istas omnes depastus est: Globus namq. quidam ignis cælitus immissus subito emicuit, & per medium plateæ percurrens, adustis, & exanimatis, qui aderant, Iudæis, vltro citroq. ferebatur. Hoc iterum, sæpiusq. & frequentissime per totum diem illum repetens, pertinacis, & obstinati Populi temeritatem, qui nec priori signo viso se continuerat, flammis vtricibus coercerebat. Iudæi igitur grauissimo timore perculsi, etiam inuiti, Christum Deum confiteri cogeantur. Et ne hæc casu fieri crederentur, sequenti nocte, in altarium mappis, libris, ac vestimentis, atque indumentis, non Christianorum modo, sed & Iudæorum, & Gentilium, tertio iam, & euidentiore miraculo, cruces radiorum lumine figuratæ comparuerunt, non Hierosolymis tantum, sed & Antiochiæ, atque alijs multis in vrbibus, quasi impressæ; quas cum dies illucesceret, contemplantes Hebræi, & eluere, delereq. cupien-

*Nat. orat.
2. in Iud.*

*Matt. 24.
Dan. 9.*

*Ios. li. 7.
de bel. Iud.
c. 18.*

*Socrat. lib.
3. c. 17.*

pientes, nullo adhibito studio, & artificio potuerunt: & quem impudenter inficiabantur, in suis vestibus impressum, & signatum videbant: multarum cruces nigri coloris fuerunt. Quare obcæcati, & obdurati, felicem, quæ in manus cæciderat, sortem, Iudaismo retento abiecerunt. Contigerunt hæc prodigia anno Christi 363. Imperij Iuliani secundo, & Pontificatus Liberij duodecimo. Sic igitur deterriti Iudæi, atque Gentiles, locum pariter, & inaniter cæpta reliquerunt. Hæc diffusius tractavi, ut Crucium apparitionis originem clarius explicarem, & rei, ut se habuit, processum exponerem. Fuerunt autem hæc Crucium signa ideo cælitus immissa, ut Christus Deus verbi sui, & prædictionis, quam illi impij tradebant Ethnicis, & Hebræi, exitum subsequutum ostenderet, & sigillo suo proprio consignasse, & frustra esse eorum laborem, qui ædificationem eam tantopere vrgerent, eo quod diuina, & immutabilis sententia extremam templo abolitionem decreto suo constituisset. Nisi enim Dominus ædificauerit domum, in vanum laborauerunt, qui ædificant eam.

Iudæi in Hispanijs falsa persuasionem quorundam pseudopphetarum expectantes videre miraculosum signum salutis suæ, orantes in Sinagoga viderunt in sindonibus Cruces undique conspersas mirabili prodigio, sicut Iuliani Apostatæ tempore.
Cap. 176.

Ex Paulo
Burgens. in
sermone
sermone
p. 10. 6.
2. p. 6. 10.

Fuit in Hispania Rabi Moyses Gerundenfis, qui non mediocris auctoritatis fuit apud Iudæos, & magnus reputabatur, scripsit enim super Pentatheucum, & aliquos alios libros Bibliæ, & super suum Talmud multa, quæ apud eos habentur tanquam magistralia, qui in expositione Pentatheuci in parte prohemiali cum magna solemnitate determinavit, quod terminus aduentus Messię futurus erat certissime in anno 5118. à creatione mundi, secundum computationem Hebræorum. Quem quidem R. Moysen secutus est in huiusmodi termini assignatione R. Leui Begner, qui fuit de Prouincia Mudina, in sua expositione super Danielelem, iactans se super hoc diuinam reuelationem habuisse. Quem quidem terminum omnes Iudæi, specialiter citramarini, tamquam certissimum antequam transisset, expectabāt, sed Deo disponente, contigit eis oppositum. Pro quo scire debes, quod in Hispania, specialiter in regnis, & dominijs serenissimi Domini Regis, Regis Castellæ, & Legionis à magnis temporibus suadente antiquo hoste Iudæi magnos habebant status, in tantum, quod fidelibus in multis præerant, & officia magna, & publica exercebant inter Christianos, & fidelibus in multis præficebantur. Obtinebant enim in domibus regum, & etiam magnatum officia magna, per quæ omnes subditi, etiam fideles, eos in magna habebant reuerentia, & timore, quod non in modicum scandalum, seu periculum animarum cedebat fidelium simplicium. De facili enim tales consueuerunt ad errores eorum, qui eis præsunt, moueri. Infideles Iudæi etiam ex hoc occasionem persistendi in suis erroribus sumebant, dicentes, & in suis codicibus nonnulli eorum scribentes, quod prophetia Iacob Patriarchæ, in qua dicitur: Non auferetur sceptrum de Iuda, & dux de femore eius donec veniat &c. apud Gen. 49. verificabatur in hoc, quod Iudæi in Hispania sceptrum dominij, seu

Gen. 49.

seu regiminis obtinebant modo supradicto. Sed scrutanti historias Hispaniæ notum est, quod in termino supradicto, qui concurrit cū anno Domini 1358. vel circiter, contigit, quod Rex Petrus in carcerem duxit illum, qui inter Iudæos erat maximus, & valde magnus in domo regia, quem etiam in carcere misit interfici, & alios magnos eiusdem generis cum eo, & ex tunc non fuit aliquis Iudæus, qui de Domo regia, sicut haftenus, præficeretur. Consequenter etiam Rex Henricus II. bo. mem. frater eius, qui regnum fratris habuit, multas cædes, seu strages, antequam regnasset, in Iudæis fecit tam in Vrbe Toletana, quàm in quibusdam alijs Villis, & castris, in confinibus regni Castellæ existentibus, & cum huiusmodi rex Henricus II. regnavit, regno accepto à fratre suo Petro, ipse instituit in curijs generalibus, quod Iudæi portarent signum distinctionis in suis vestibus, prout Iura Canonica volunt, q̄ tamen nunquam fuit auditū in Hispania, sed indistincte cū fidelibus conuersabantur, ex quo multa enormia, & diuinæ legi difformia sequebatur.

Consequenter Rex Ioannes Primus fel. recordationis, filius prædicti Regis Henrici II. instituit, quod Iudæi nulla haberent officia publica, nec iurisdictionem etiam inter seipsos in criminalibus exercerent, qua quidem iurisdictione aliàs maxime abutebantur. Post quem, scilicet Regem Ioannem regnavit Rex Henricus III. sanctæ mem. filius eius in anno vndecimo ætatis suæ. In cuius regni principio, Deo vltionem sanguinis Christi excitante, multitudo populorum magna, & valida contra eos surrexit, & quamplurimi fuerunt interfecti per totam Hispaniam, qui quidem tumultus incepit à Ciuitate Hispalensi, in cuius Ecclesia Metropolitana quidam Archidiaconus in litteratura simplex, sed laudabilis vitæ cepit prædicare contra errores Iudæorum, & modos viuendi eorum enormes, & contra Synagogas eorum nouiter contra sacrarum Canonum tenores ædificatas, ex quo tumultus supradictus incepit, & consequenter in breuissimo tempore per totam Hispaniam, & vsque vltra Pireneos, & insulas Maioricarum, & Sardinia velocissime euolauit. Deus autem, qui adeo bonus est, vt ex malis eliciat bona, sic disposuit, quod hac vexatione currente, & etiam post ipsius sedationem, nonnulli Iudæorum ad cor suum reuersi, dixerunt illud Deut. 21. Vere, quia non est mecum Deus, inuenerunt me hæc mala. Et sic vexatione dante intellectū auditui, Scripturas scrutari cæperunt, & à Deo illuminati errorem suum cognouerunt, sicq. ad Deum conuersi nomen Christi publice, & deuote prædicantes, multorum corda filiorum ad patres, Deo dirigente, conuerterunt: quæ omnia in his regionibus manifesta sunt. Post prædictum vero Regem Henricum III. sanctæ record. successit serenissimus Rex Ioannes filius eius, qui hodie regnat, & in longæuis temporibus feliciter regnabit. Ille cepit regnare in cunabulis, cum esset in secundo anno ætatis suæ, & sic fuit sub tutoribus vsque ad tempus præfinitum à patre. In cuius tempore tam durante tutela, quàm post, cum iam regimen suorum regnorum accepit, multa fuerunt instituta contra Iudaicam impietatem, quæ in suis Curijs, & regnis pro maiori parte obseruabantur, sub quo, diuino auxilio opitulante, fideliter spectatur, quod infidelitas tam Iudaica, quàm Sarracenica supprimeretur. Ex quibus satis patet, quod in termino finaliter à periculis Iudæorum pro sua redemptione assignato, incepit vastatio perfidorum infidelium, & salus, vita, & resurrectio fidelium ad Christum conuersorum est exorta, quod est intentum.

Deut. 21.

Q 4

Et

Et attende, quod inter duos prædictos terminos, qui per prædictos Rabbinos in suis libris assignati fuerunt, fuit terminus alius à duobus Iudæis in Hispania, qui Prophetæ dicebantur, quorum vnus erat in Ciuitate Abulensi prouinciæ Compostellanensis, & alius in villa, quæ dicitur Aillon Seguntinensis diocesis, Toletanensis prouinciæ.

Qui quidem duo tam magnalia loquebantur, & quandoque futura prænosticabant, & occulta reuelabant, & secundum morem eorum honeste vivebant, qui ab omnibus Iudæis istius regionis reputabantur sancti Prophetæ, & isti duo assignauerunt tempus ad videndum signum suæ redemptionis in anno à creatione mundi 5405. secundum eorum computationem, qui quidem annus concurret cum anno Domini 1295. In quo quidem anno in quarto mense, qui apud eos dicitur Chanum, vltima die ipsius mensis, in qua die prædixerunt, quod Iudæi debebant habere signum suæ redemptionis à Deo miraculose factum. Ad quorum proclamationem omnes Iudæi fecerunt suas poenitentias in ieiunijs multis cum satisfactionibus, & eleemosynis, quasi ad Deum reuersi orantes, vt sibi prædictum signum suæ salutis ostenderet. In quo anno, mense, & die assignatis intrauerunt Synagogas suas ad orandum Deum induti sindonibus albis lineis, seu sericeis, prout est moris apud eos in die expiationis, scilicet in die decima mensis septimi. Et tunc altissimo Deo cooperante, qui nullum tempus sine bonitatis suæ testimonio relinquit, in sindonibus supradictis apparuerunt cruce in omnibus, & vbicunque erant, etiam in illis sindonibus, qui seruabantur in suis apothecis, quo signo viso, multi eorum fuerunt turbati, quorum quidam dicebant, quod hoc fuerat factum diabolica arte.

Nimirum, cum prædecessores eorum de Christo maxima miracula faciente dicebant: In Beelzebub eijcit dæmonia. Matth. 9. Alij vero dubitabant non audentes loqui, nec aliquid circa hoc iudicare. Alij vero crediderunt hoc signum fuisse veri Christi crucifixi, & disposuerunt se ad eius fidem cum baptismo recipiendam, isti tamen fuerunt pauci, iuxta illud Hierem. 3. Assumam vos, vnum de Ciuitate, & duos de cognatione &c. Saluator etiam de via, quæ ducit ad Paradisum dicit: Et pauci inueniunt eam. Matth. 7. que omnia large traduntur à magistro Alphonso Vallisoletanensi in quodam suo libro, qui dicitur de bellis Domini cap. 27. qui ex prædictis multa vidit, & testimonium perhibuit. Ego autem licet nondum essem tempore istius signi natus, qui quidem terminus præcessit natiuitatem meam per lx. annos fere, testificor tamen corâ Deo, quod hoc prædictum signum modo prædicto contigisse sæpe, & sæpissime audiui ab antiquioribus Iudæis nemine contradicente in ipso facto, nisi solum in causa eius, quia quidam eorum hoc attribuebant magicæ arti, quidam vero causam relinquebant sub dubio. Ego autem quandoque mirabar, quomodo Domini illius temporis, præsertim Ecclesiæ Prælati, de hoc non fecerunt mentionem in suis historijs, de quo tamè rationabiliter debuisset in perpetuum celebrari festum ad honorem Crucis Christi. Sed reuera hanc admirationem tollit à me excessiuus Iudæorum status in illis temporibus, de quo iam tactum est. Tantum enim locum habebant cum Regibus, & Principibus terræ tam Ecclesiasticis, quàm secularibus, quod hoc potuerunt suis cauillationibus impedire. Ex quibus omnibus rationabiliter præsumendum est, quod sicut in prædictis terminis à suis magi-

magistris assignatis, redemptio per ipsos false expectata non peruenit, sed potius aliqua contigerunt ad confirmationem, seu honorem fidei Catholicae pertinentia, & per consequens ad nostram redemptionem, seu salutem. Sic praesumendum est contigisse in alijs terminis, de quibus fuit facta mentio supra parte prima dis. 3. licet illa ad nostram notitiam non deuenissent, propter remotionem partium terrae Orientalium, atque Meridionalium ab hac regione Hispaniae, quae occidua est, & Septentrionalis.

Simile quid contigit apud Haereticos in Prouincia Germaniae, fuit autem huiusmodi.

Paruulus filius Crucis signum adorans, & osculans sapius, ab haereticis parentibus obiurgatur, & caditur, nec desistit, & moriens illis deuotionem Crucis praedicat: post mortem pueri, parentes viso magno Crucis prodigio, conuertuntur. Cap. 177.

IN Germania Prouincia, cum esset quidam paruulus octo annorum, fidei Catholicae diligens, maximam deuotionem habebat ad Crucem Domini nostri Iesu Christi, ita ut pene nihil aliud faceret, quam adorare signum Crucis. Parentes autem eius, cum essent haeretici, reprehendebant illum, obiurgantes, & cum non possent persuadere paruulo, ut ab opere tam religioso abstineret, comminati sunt ei grauissime, quod nisi desisteret, flagellis eum caederent; sed nec propterea destitit à sua deuotione: nam licet in publico abstineret metu parentum, in secreto tamen non saturabatur osculari Crucem. Quod cum sciuissent parentes, multis modis verberarunt; donec promitteret, quod amplius non oscularetur. Paucis transactis diebus paruulus infirmatus est ad mortem, & dixit Patri grandes de Cruce laudes, & inter reliqua addidit: O Parentes mei, estote deuoti ad Crucem Domini nostri Iesu Christi, quia in illa est omne nostrum bonum, & his verbis expirauit. Parentes, & vicini manserunt stupefacti, & aliquot dies non erant sui compotes: tamen verba paruuli impressa non fuerunt in cordibus eorum, sed cum essent durissimi, & obstinatissimi in sua secta, conuersi non sunt ad fidem.

Elapsis paucis diebus in die Dominico, petiuit mater ab ancilla camisiam mundam, ut moris est: quae portauit ex arca vnam, quae in eadem hebdomada lota fuerat, & cum eam euoluisset in lectulo, inuenit Crucem magnam, quae sursum vsque ad deorsum occupabat. Clamat Domina, obiurgat ancillam, quod id facere praesumpserit, dicens illam esse Papistam, & quod sequebatur illum miserum puerum, qui mortuus fuerat cum simili superstitione. Ancilla iurabat milles, se nunquam aliquid fecisse, sed affirmabat se ita inuenisse. Praecepit Domina, ut aqua continuo adducta abstergeret Crucem, & deleret eius signum. Ancilla fecit, quod iussa erat, sed interim dum magis lauat, & delere conatur, magis splendida, & lucens apparebat. Ad hoc miraculum concurrunt vicini, & mirabantur vniuersi, & viso tam magno prodigio liquefacta sunt corda parentum illius paruuli, & abnegata haeresis, fidem catholicam amplexi sunt. Viderant enim, quod digitus Dei esset iste. Hæc refert F. Bartholomæus Medina ubi supra.

Bartholo.
Medina in
3. p. Sum.
D. Thoma
ad q. 43.
art. 4.

De

*De celeberrima Cruce apud Hispanos ministerio Angelorum
super altare delata. Cap. 178.*

Ex F. Al-
phon. Ciac-
cone 17. de
sign. Cruc.
c. 35.

Est quidem celeberrima per totam Hispaniâ Crux, quæ Carauacæ, nobilis vrbis prouinciæ Chartaginensis (hodie popularibus, Regum Murcia appellatur) magna religione asseruatur, non villo humano, sed Angelico dumtaxat artificio confecta: lignea illa quidem, sed cuius peculiaris arboris materia, ignotum, nisi ex quercea, vel alia paradisiaca constet.

Est autem Carauaca Ciuitas mediterranea, aspero, & montuoso iugo incumbens, quæ militibus S. Iacobi Ensigni subest, arcem habens munitissimam, præsidio, & armis satis instructam, & subtus multas specus, & latibula continens saxo ipso excauata. Quæ olim, cum Agarenorum imperio pareret, ergastula erant tuta, continendis captiuis Christianis, quos in prædam continue abducebant. Hanc Agareus Rex aliquando ingressus, arcem inuisit, & captiuos iussit Christianos proferri, qui intra ergastula tenebantur. Quos ut macie confectos, & pallido eos esse vultu conspexit, sortem hominum, & conditionem seruilem miseratus, ne deinceps ergastulis restingerentur edixit; ac singulos benigne patriam, parentes, & artem, quam nossent percontatus, in eadem eos exercendos instituit, ut rei-pub. frugi, & liberius, atque hilarius suo quisque muneri vacaret. Oblatus est inter alios presbyter. Hunc Rex quam artem profiteretur, sciscitatus, sacerdotem se esse Christianorum respondit, & omnes artes, & Regum, quamcunque potentiam suum ministerium superare. Rex se intueri velle istiusmodi mysterium, & ut illud in suo conspectu celebraret, mandauit. Sacerdos contra respondit, destitui se vestibus sacris, & ceteris necessarijs ad sacram rem peragendam, quæ apud Christianos in promptu esse solerent. Rex continuo iubet, ut è proximo Christianorum oppido omnia peterentur, quæ ad hoc ministerium celebrandum opportuna esse videbantur. Ara intra arcem erigitur, lapis sacratus illi superponitur, vestibus sacris presbyter amicitur: calix aderat, panis, & vinum consecranda, & V. tunc Nonarum Maij illuxerat, quo Solemnis S. Crucis inuentionis festiuitas agebatur. Orsurus Missam sacerdos constitit, causam cunctationis Rex sciscitatus: Crucem deesse dixit, quæ consueisset huiusmodi ministerio, & ritibus illo die præsertim adhiberi. Vix hæc fuerat effatus; cum fornice, qui altari imminebat, dehiscente, magnus splendor effulsit, & per illum hiatum duo Angeli de cælo illapsi, crucem ligneam bipalmarem deferentes, super altare paratum deposuerunt. Stupet Rex Agareus cum suis aulicis, tanto miraculo conspecto, & Christianis, qui aderant, lachrymæ obortæ, & singultus imo pectore eruperunt, & gemitus: pectus tundunt, clamorem attollunt, & gratias de tanto beneficio vix poterant Deo, præ gaudio admirabundi, intonare. Rex cum suis aulicis Christianam fidem complexus, Christianos libertate donauit, & sacello intra arcem constructo, & dicato, Angelicam illam Crucem intra pretiosam arcem asseruandam reponunt, tribus hodie feris, & totidem clauibus obsignatam: quarum vnam arcis Præfectus, secundam Templi maximi primarius sacerdos, tertiam Senatus Carauacensis habent. Singulis quibusque annis, die 3. Maij, quo Crucis Inuentio recolitur,

litur, & illa Crux, quæ ab Angelis fuit deportata, insigni pompa publicis supplicationibus ex arce ad fontem copiosissimū, lacum suis fluentis efficientem, ferreis clatris obseptū, deducitur, & ter intra illas vndas submergitur, eiusque sacro contactu illæ sanctificantur, ita ut multis modis, & ægritudinibus degustantium subueniant, & multis alijs rebus euadant salutare. Ad hoc spectaculum innumeræ gentes, & populi ex omni vndique Hispania confluunt, sanctæ Crucis lignum illud adoraturi. Tantum thesaurum ordo sacerdotum primoris Ecclesiæ illius vrbis voluerunt sibi vindicare, in templum suum inferentes, sed eum locum crux dedignata in proprium arcis sacellum concedebat; ideo nonnisi iureiurando interposito, Clero, Senatuique Carauacensi conceditur, qui peractis de more supplicationibus, continuo se restituros arcis præfecto pollicentur. Mirandum profecto est, 400. & eo amplius annos vixisse illud lignum, citra cariem, & teredinem, aut vllum vitium, illæsum perdurasse. Infestatur maxime Carauaca tempestatibus frequentibus, tonitruis, & fluminibus, grandine, & lapidibus, quibus pluit, atque his cæli iniurijs arcendis, & auertendis datum illi singulare illud præsidium Crucis. Quæ mox ut è sua theca extrahitur, & hiatum illum contingit, per quem fuit primum ab Angelis transmissa, continuo omnia conquiescunt, & tempestas sedata, tranquillitas, & serenitas subsecuta. Timent namque mali demones Crucis signaculum, tamquam exterriti, & omnino per eam subacti.

Soldanus Iconij in occulto baptizatus, matre suadente Crucem Christi super Pyramidem ponit, quam cum Sarraceni exturbare vellent, magnis prodigijs deterriti pars eorum perijt, pars baptizata est. Cap. 179.

Soldanus Iconij, opera Alexandri Papæ III. clandestine baptizatus est in Cilicia. Quibus autem potuerit Soldanus vrgeri, ut fateretur fieri Christianus, Robertus in obitu matris eiusdem Soldani ita describit: Mater Soldani de Iconio veniens ad extrema reuelauit filio, quod semper celauerat, quod scilicet esset Christiana, & rogauit eum ut crederet in Christum, qui est Dominus, & Rex omnium seculorum, & quod amaret Christianos. Quod ipse spopondit se facturum, sed dixit, quod non auderet aperte credere in Saluatorem propter Paganos, ne in se aliorum Principum Saracenorum odia concitaret. Dixit ei mater sua: Fili, cum mortua fuero, fac mihi excelsam Sepulturam, & pulchram, sicut pyramidem, pone super eam signum Crucis Christi. Cui ille, de luce se hoc facere non posse respondit: Tu fac (inquit Mater eius) de nocte, quod & factum est. In crastino autem cum Agareni vidissent signum illud, indignati sunt contra Principem, & volebant eum occidere. Tunc quidam ex ipsis subleuatus super machinas, conabatur eam deponere Crucem, qui voluntate Dei corruit, & mortuus est. Similiter & alius interemptus est alia vice. Tertia die cum conuenissent millia hominum multa ad deponendum ædificium illud, venerunt fulgura, & coruscationes, & illo primitus perempto, qui aduersabatur, multa millia perierunt igne diuino. Tunc apparuit Angelus Domini, & clarissimum signum Crucis posuit super pyramidem illam. Ex quo multi crediderunt in Christum, & adhuc Crucem illam venerantur, & adorant. Hæc

Ro.

*Mat. Paris
anno Dom.
1169. hist.
Angl.*

Robertus scriptor illius temporis . Extat epistola Alexandri Papæ ad Soldanum , nouissime cusa in libris Petri Blesensis, hoc titulo superscripta : Alexander Episcopus seruus seruorum Dei, Soldano Iconij veritatem cognoscere, & agnitam custodire .

De Crucis apparitione, tempore Clem. III. Cap. 180.

Roger. Noued. in Angl. Annal.

Clemens III. indictam à prædecessore expeditionem ad terram Sanctam promouere, & ad perfectam ducere laborauit, & Indulgentiis confirmauit, statuens quod quicumque ea de causa sacram Crucem suscipere, de omnibus peccatis, de quibus poenitens confessus fuerit, auctoritate Dei, & SS. Apostolorum Petri, & Pauli, esset liber, & absolutus . Hæc Roger. Anglus. Porro egit idem Pontifex litteris apud Christianos Principes, ad quos & ab Oriente legationes tunc frequentatæ : cum, & qui missus ad hoc opus fuerat, Vvillelmus Tyri Archiepiscopus, utpote qui natione Gallus cum esset, & magnæ vir existimationis, præstans eloquentia, facile permouere posset Principum animos : operose rem agens effecit, ut conuenirent ad eius præsentiam ambo Reges Franciæ, & Angliæ ad hæc tractanda . Quid autem inter ipsos gestum sit, Rogerius ita exactissime narrat .

Accepit colloquio inter ipsum, & Regem Franciæ, inter Gifortium, & Trie, duodecimo Kal. Februarij, die Sanctæ Agnetis Virginis, & martyris conuenerunt illuc cum Archiepiscopis, & Episcopis, & Comitibus, & Baronibus regnorum suorum . Cui colloquio interfuit Archiepiscopus Tyri, qui repletus spiritu sapientiæ, & intellectus, miro modo prædicauit verbum Domini coram Regibus, & Principibus, & conuertit corda eorum ad crucem capiendam, & qui prius hostes erant, illo prædicante, & Deo cooperante, facti sunt amici in illa die, & de manu eius crucem receperunt, & in eadem hora apparuit super eos signum crucis in cælo . Quo viso miraculo, plures cateruatim ruebant ad susceptionem Crucis . Prædicti vero Reges in susceptione Crucis, ad cognoscendam gentem suam, signum euident sibi, & suis prouiderunt . Rex namq. Franciæ, & gens sua suscepit cruces rubeas, & Rex Angliæ cum gente sua suscepit cruces albas, & Philippus Comes Flandriæ cum gente sua suscepit cruces virides : & sic unusquisque ad prouidendum sibi, & itineri suo necessaria reuersus est in regionem suam.

Crucis portionem Lithuani diripientes, & asportantes, diuinitus detenti, ut se mouere non possent, ad suum locum remifere . Cap. 181.

Cromer. lib 13.

Lithuani, excursionem in Poloniam facta, maximas prædas egere, & Monasterium Montis Calui diripuerunt; inter alia portionem crucis Christi auro inclusam asportabant. Sed cum peruenissent ad Poloniæ fines, plaustrum, quo illa uehebatur, nulla vi, neque iumentorum, neque hominum moueri potuit, quin subito concidebant exanimati homines, equi, boues, & quicumque illud attigissent . Cumq. Lithuanorum duces perterriti à Russo quopiam cladis causam cognouissent, crucem cum nobili captiuo ad suum locum remifere, & iter propositum mox cuncti incolumes tenuerunt . Hæc Cromerius diligens scriptor .

Qui-

Quidam Gentilis factus Christianus, non credebat Crucem salutis omnium causam exstitisse, sed oblata visione, diuinitus corripitur. Cap. 182.

Accepi Probianum, vnum ex satellitibus, qui Imperatorem in Palatio *Sozom. his. lib. 2. c. 2.* stipabant, cum dolore pedum grauius affligeretur, in eo loco etiam cruciatu leuatum, & admirabili quadam, ac diuina visione dignatum fuisse. Nam iste cum initio gentilis esset, postea tamen factus Christianus: quamquam omnia alia religionis nostrae instituta probabilia putabat, sanctam tamen Crucem salutis omnium causam exstitisse, neuiquam admittere voluit. Cui sic animo affecto, visio diuinitus oblata quandam Crucis effigiem, quae in altari illius ecclesiae statui solet, ante oculos proposuit, declarauitque manifestum, res quaecunque a tempore quo Christus in Crucem actus erat, vel ad utilitatem humani generis communem, vel ad priuatam quorundam, seu a diuinis Angelis, seu a pijs, & perfectis hominibus gestae fuerunt, non sine virtute Crucis salutaris recte gestas esse.

Crucis viuifica signum virtute sua frangit vetes portarum, & vincula captiuorum mirabiliter disrumpit, & educit viuetos in fortitudine. Cap. 183.

Mirandum quippiam per magnum Anachoretam Ioannicium perpetratum, Auctor vitae ipsius, eiusdem temporis scriptor, in lucem prodidit istis verbis: Iam, inquit, agebatur quidam quintus annus Imperij Machaelis, quartus decimus autem, ex quo Bulgari fecerant expeditionem, & decesserat Nicephorus Imperator, a quo tempore, multi Romanorum cum patria libertate amissa detinebantur captiui in manibus Bulgarorum. Venit itaque in mentem illi benignae, ac clementi animae, si quomodo eos posset educere e laboriosa illa, & afflicta vita. Interrogans autem, accepit carcerem illum, in quem illi erant coniecti, esse obicurum, & tenebricosum, adeo ut eis vsu veniret, & gre ferre, quod non cum patria, vitam quoque amississent, quod quidem eum magis angebat.

Huic ergo proposito omnibus postpositis, reliquit quidem illam gratiam, & solitam viuendi rationem: Et via quae intercedit, confecta, non curauit custodes, qui eos circumferebant, sed non visus ad eos accedens, statim pro omnibus copijs vsus est figura Crucis, & ea perfractis vinculis, & claustris portarum, tamquam ab inferis, & umbra mortis, tamquam Iesus meus, reuocat eos, qui illic sedebant, & potat non aquis, sed sermonibus salutaribus viuificae doctrinae, admonens, ne essent sicut patres eorum generatio praua, & exasperans, sed deinceps spem in Deo ponerent, & non obliuiscerentur eius remunerationum; praeterea autem filijs quoque notum facerent illius mirabilia. Deinde cum in luce sicut Moyses tota nocte eos traduxisset, vsque ad nostros fines eos transmisit, & conseruauit. Cum autem vim afferrent, & vrgerent ij, qui saluati fuerant, & Quis es homo Dei? saepe rogarent: non celauit quidem nomen, dixit autem se hanc gratiam soli Deo adscribere. Cum hoc nescio an sit conferendum id, quod vsu venit ijs, qui

fugie-

fugiebant ex Aegypto . Nam illorum quidem inimicos aqua obruit , hi autem consecuti , quod optabant consequi , nulli fuerunt causa calamitatis . Sed & hi domum redeunt , & sanctum rursus excipit grata illa quies , & silentium in monte Thralicis . hæc de his Auctor .

De gloriosa victoria Alphonsi VIII. contra Sarracenos in famoso bello de Nauibus Tholosa , & quomodo Crux Christi pretiosa visibiliter opem tulit , & de innumera casorum multitudine . Cap. 184.

*Rodo. Sant.
hisp. Hispa.
lib. 3. c. 35.*

Libet, inquit Rodericus Santius Episcopus Palentinus, breui disserere gesta Alphonsi VIII. post infœlicem cladem peccatis populi Christiani susceptam apud locum de Alarcos . Postquam idem Alphonsus à Miramolino Rege Sarracenorum sic infœliciter victus fuit, conspiciens peccatis suis id euenisse , punctus corde, multa pietatis opera fecit . Fundauit enim , atque dotauit monasterium de Holgis , & Hospitale Regis apud Burgensem Ciuitatem, & alia plurima monasteria monialium . Fernandus itaq. filius eius cum esset ingentis roboris animi, incessabiliter interpellat patrem Alphonsum , & Miramolinum Regem Maurorum paulo ante victorem aggredere . Pater verò cum conspiceret Sarracenos instructos , copijs multis, ac in locis saluosis manere, ad filium ait : Aggrederer, ò fili , hostes libens, si plurimos tibi similes in castris meis conspicerem , & hostium vires expertus non essem : imitatus Paulum Fuluium, qui contra Macedones consul missus, cum essent hostes in locis inaccessibilibus, hortante eum Nafica optimæ indolis iuvene, vt hostes adorirentur : Facerem, inquit, istud , si tua mihi ætas fuisset, aut tibi mea experientia . Verum pluries expertus sum nō tutum esse, vt recenti, infœliciq. clade prostratus aduersus instructam aciem dimicem . Tandem Alphonsus precibus filij, atque sui animi amplitudine roboratus , eundem Regem Sarracenorum diffidauit . Interim Rhodericum Archiepiscopum Toletanum Romam misit pro Cruciatu, quam cōfestim obtinuit . Adueniente igitur die belli, congregato, & instructo exercitu, Sarraceni in multitudine confidentes, vt moris habent, clamitabant magnis vocibus, & diuersis sonorum, & tubarum strepitibus rigeabant, vt nostris timorem, suis vero animum darent .

Cum vero Alphonsus suos hostium potentiam formidare conspiceret , ad eos ait, quod Salustius in Catilinaria refert : Semper, inquit, in prælio illis est maximum periculum, qui maxime timent . Nobis ergo ò Christi milites, audacia pro muro, spes pro securitate, gloria pro victoria, iustitia pro certitudine vincendi habeatur . & subdit : Nec vos conturbent hi hostium clamores; illis enim pavor est in animo, quibus effusa vox est in ore . Imitatus est Alphonsus Magnum Alexandrum, qui (vt Q. Curtius refert) contra Darium pugnaturus, in simili casu ad suos formidantes ait : Quid Barbarorum clamoribus turbamini, qui timoris habent testimonium , non confidentiæ probationem ? Nam & canibus infœlicioribus mos est, quanto plus defece- rint vires, eo magis latratibus indulgere . Expletis igitur his verbis, omnes in Domino confortati Sarracenos impetunt . Vtrinque itaque pugnatum est acerrime, & non sine varietate fortunæ, eo auxilium ferente, coram quo fortuna

tuna ipsa aut nihil est, aut nihil potest. Tandem Arabes mirabili strage fusi, & cæsi sunt. Fuit hoc bellum famosum dictum de Nauibus Tholosæ, vbi Crux Christi visibiliter opem tulit. Meruit hic Alphōsus sua ad Christi crucem deuotione, & reuerentia, crucis triumphantissimæ auxilio vincere, vt alter Constantinus Constantij filius, qui (vt inquit Cassiodorus) aduersus Maxentium pugnaturus vidit per somnium signum Crucis in cælo, flāmīneo more rutilare, & Angelos assistentes, atque dicentes: In hoc signo vinces Constantine.

Triumphauit autem Constantinus in signo Crucis, vt nec solus vnus de suis in bello mortuus, atque captus fuerit. Quo effectum est, vt Crux, quæ primo apud Romanos supplicium fuerat, in numismatum figuris sit descripta litteris ascribentibus: Hoc est inuincibile signum Dei viui. Fuit itaq. tam gloriosum hoc bellum, sicut vnquam in Hispania accidisse legitur. Cæsa enim fuere circiter ducenta millia Arabum. Stupenda clades, inaudita lues, tot interfectorum hominum multitudo, quæ non miseranda, non desolanda, sed cum summis gaudijs referenda, atque immortalī Deo gratulanda est.

Princeps quidam, Christi crucifixi effigiem irridens, à lumine ab imagine emisso terretur, & cum plurimis Christum confitetur. Cap. 185.

Martinus Valentia oriundus è familia Franciscanorum, studij multum posuit in propagando per Indias Occidentales Christi cultu, multaq. mirabilia effecit. Nouissime vero Aloysius Bertrandus è Dominicanis, maxime nostram religionem in ijs locis amplificauit: datumq. est illi diuinitus, vt mortuos ad vitam reuocaret, & innumeros ægrotos restitueret sanitati. Accidit aliquando, vt cuiusdam vici incolæ ad eum confluerent, nomen Christo dare parati. Interrogati, quid eos ad hoc adduceret? responderunt, in publico quodam vniuersaliq. eorum conuentu adstitisse dæmonem, quem cuncti specie horribili viderent, ac dixisse. Quid me astantibus duobus Christianis inuocatis? (Aderant forte duo ab Aloysio ad Christum perducti) abripere eos hinc. Vbi hæc dixit, homo quidam, qui se diceret Aloysio missum, processit repente in medium conuentum, & in conspectu omnium disputatione inita, dæmonem conuicit, quibus actis, euauere ex oculis adstantium. Venit forte in manus Principis cuiusdam, qui non longe aberat à finibus Regni Peruani, effigies Christi crucifixi. Ille acceptam conspuere, ac multis modis irridere cepit in conspectu plurimorum. Ibi mirabiliter imago, quasi vere spiraret, cepit ex oculis lumen emittere, caput motare, & aspectu minaci Regem, cunctosq. terrere. Quocirca pauore perculsi omnes, & tremore correpti, partim cecidere ad terram, partim cum se viderent obrigescere, neque posse loco recedere, exclamare ceperunt, factiq. poenitentes misericordiam suppliciter implorare. Ob id pristino statui protinus restituti magnum Christianorum Deum palam confiteri altissima voce, rem cunctis enarrare. At Princeps vnà cum multis è numero suorum se Cuzcum contulit, & factum diuulgans Christo se deuouit.

*Sur. in hist.
& Annal.
Francisci*

Iuue-

Iuuenis, peccatis obnoxius, se signo Crucis non communiens, incidit in manus Diaboli. Sed alter, Cruce protectus euasit manus eius. Cap. 186.

ERant duo socij, ambo florentis ætatis ex Germania oriundi in eadem domo habitantes, qui cum in eodem lecto decumberent, iuxta thalami portam quadam nocte conspexere immanem Dæmonem, proceræ stature, sicut Gigantem: horrenda manu catenarum ferrearum fascem gerebat. Alter autem ex illis, qui vitam in vitijs enutriuerat, & multorum peccatorum vinculis constrictus erat, tremefactus dixit socio, qui probus erat, & Deum timebat: Videsne tu, quod ego video? Video, respondit ille, horribilē Dæmonem iuxta portam. Cumq. ambo nimis metu consternerentur, Gigas ille vnico passu ad medium thalami peruenit, quod cum socius, qui probus erat, aduertisset, statim ex lecto prosiliens, muniens se signo Crucis benedictæ, subter thorum se abdidit, ibique Iesum Christum inuocans, signo illo Dæmonibus horrendo millies se signabat. Quod cum faceret, audiuit socium, qui in lecto iacebat, clamantem, Aduua me frater, adiuua me. Ille autem respondens monebat illum, vt Iesum Christum inuocaret, & se signo Crucis muniret: At ipse: Non possum, non possum, replicabat vociferans; vociferanti statim Dæmon alterum mouens passum allicit, & lecto appropinquauit, facto ingenti catenarum sonitu, recessitq. inde. Post Dæmonis discessum, is qui delitescibat, exijt ex eo loco, & arbitrans socium metu exanimatum, intuens super lectulum, eum non inuenit, sed tantum reperit thorum in ea parte, in qua infelix iacuerat, combustum. Quo ille spectro admonitus, & re ipsa expertus in socio suo, quod iniquitates capiunt impium, & funibus peccatorum vnusquisque constringitur, & quod superbi Dæmones laqueum abscondunt, & extendunt funes in laqueum, & iuxta iter scandalum ponūt, & cadunt in retiaculo eorum peccatores, cogitauit fugere à facie operantium iniquitates, & conferre se ad loca, vbi discitur diligere Deum, virtutes amplecti, & disrumpere iniquitatum funiculos, & calcare superbiam, & nefandas carnis concupiscentias cordis puritate comprimere. Quod autem tunc facere cogitauit, statim opus perfecit, ingressus est illicò Religionem Societatis Iesu, vtroque orbe celeberrimam, in qua permanens, ipsemet hoc quod sibi contigerat, manifestauit Ioanni Baptistæ Boniperto Nouariensi sacerdoti probo, qui mihi hoc ipsum per literas significauit. Vt hinc appareat verum esse, quod erunt duo in lecto vno, vnus assumetur, & alter relinquetur.

I/a.

Crucis signum apud Braseliam super arborem positum, admiranda operatur, totam prouinciam Christo subijcit.

Cap. 187.

Sim. Maiol. de Imagin.

ESt regio longe, lateq. patens, quæ sanctæ Crucis Prouincia dicitur. Atque ista quidem ea est, quam vulgus imperite, atque inscite Braseliam appellat, à ligno illinc deportato, quo panni imbuuntur. Quasi vero propter exiguum lucrum speciosius illius ligni, quàm ligni, in quo Christus

stus nos expiauit, quodque illi Prouinciæ pij Lusitani indidere, nomen censerī debeat. Petrus enim Aluarus ad annum Christi nati 1500. tempestate eò delatus (ut de ea illud dici possit: Tu non inuenta reperta es) in summa quadam altissimæ arboris parte Crucem affixit, & ad imam arborem, ut præsentī exercitū Missa celebraretur, mandauit: eamq. regionem quasi Christo dedicauit, in qua hodie Christiana religio vbique diffusa est. Petrus post sacra absoluta, cum ob sacrificium in memoriam mortis Christi ibi peractum (quod numquam in illis terris à Christo nato celebratum creditur) tum ob Crucis trophæum ibidem erectæ, totam Prouinciā, Sanctam Crucem appellauit. Crucis autem Ciuitas à Cortesio, qui ibi Crucem posuerat, dicta est. Cuius postea ligno multi à morbis sanati sunt, habitaq. est loco Reliquiarum. Constat multos eam milites loco mouere frustra conatos, Cruceq. varijs in locis Indiæ posita, Dæmones effugatos, nec responsa ut prius, Indis dedisse. Quæ res Indianis magnam mouit admirationem. Proditur præterea Crucis signo multos morbis pressos reualuisse, atque adeo mortuum resuscitatum: imo & Cumanam nouæ Indiæ gentem idolis penitus deditam, signo tamen Crucis usam, qua se aduersus Dæmonum phantasmata defendebant. Illud vero cum primis memorabile est, Alphonsum Congorum regem (quæ regio longe patet in Aethiopia) recens ad Christum conuersum, atque ideo à suis destitutum, & à fratre bello petitem, ad Christi solius opem confugientem, gloriosam victoriā retulisse: cum ipse non tam pugnando, quam Christum, & Iacobum Hispaniæ Patronum appellando, fratrem in fugam coniecerit. Qui in fuga cum præcipuo quodam ex ducibus captus est. Dux ille fassus est, se nihil mirari Alphonsum tam egregie vicisse: se enim, & suos non tam illius armis, quam alio quodam fortissimo equitum exercitū, cui signum illud, quod Christiani adorant, præire videbant, in fugam præcipitatos. Alphonsum in memoriam tam celebris victoriæ, in qua aduersarij signum Crucis, & caelestem Angelorum militiam videntes fugati sunt, Cruce deinceps pro insignibus usus est. Cuiusmodi quidem narrationibus omnis antiquitas plena est. Quibus omisissis, illud solum referam, Bernardum Breidenbachium, qui auorum nostrorum memoria, in illa graui & formidanda Rhodi obsidione sub Sixto Quarto interfuit, à qua Ciuitas supra omnem humanam expectationem erepta est, affirmare, Crucem auream in aëre hostibus apparuisse, & Turcis maximos terrores incussisse. Atque illud quidem de Alphonso ad prima initia orientalis nauigationis, hoc vero, quod iam referam, quadriennio plus minus abhinc accidit.

Colloquebatur forte Ferrantes Oforius, vnus ex Societate nominis IESV, cum rege regionis Bazianæ de Christo, & eius Cruce. Cui rex respondit, apparuisse sibi nocte Infantem cum Cruce, & iussisse, ut sibi eam sumeret: fore enim eam sibi maximo honori. Vnde rex Christum palam professus est, nec in cubiculo tantum flexis genibus Crucem adorauit, verum etiam proprijs manibus Crucem ad certum quendam Ciuitatis locū detulit, eamq. ibi defixit, populo præsentē, atque genu submittente. Rex vero edixit, ut capitalem poenam subirent, qui Crucem non adorarent. Sed nec illud prætereundum est, qua ratione Lusitani in Aethyopiam primum appulerint. Nam cum longa, & periculosa nauigatione portum aliquem Aethyopiz fru-

R
stra

stra qua sissent, tædio tandem, & laboribus fracti, domum, re desperata, post-
 stridie reuerti cogitabant. Mane vero, cum iam reditum molirentur, clara
 rubra Crucis species in cælo palam conspicuam se omnibus præbuit. Qua
 conspecta, præfectus naui, quasi foelici, & salutari omine diuinitus oblato:
 Agite, inquit, diuertamus proram in eam oram, & Deum salutari nobis
 passionis suæ signo præeuntem alacres sequamur. Cum omnes omen læti
 arriperent, & alacres ad eam regionem contenderent; diuturno mox desi-
 derio potiti, portum tamdiu ante optatum inuenerunt. Quos potentissimus
 ille rex Aethyopiæ, qui quadraginta Regibus præest, mirifice amplexus est,
 eoq. chariores habuit, quo Crucis magis studiosos videbat. Quæ regio, quâ-
 uis varias lutes, & maculas religionis acceperit, quod tam sit disiuncta à
 Romana Ecclesia, & propter iter Christianorum tot sæculis ad eam inter-
 clusum; Romanum tamen Pontificem, ut Christi Vicarium adorat: & spes
 est pios Patres Societatis I E S V, omnes eas maculas propediem absterfu-
 ros, qui in eo labore iam toti sunt. Merito certe pijs Lusitanis Deus Cru-
 cem, itineris ducem, dedit, cuius illi gloriam tantis laboribus quærebant;
 qua exercitui postea præeunte, celeberrimas illi contra Paganos, & Maho-
 metanos victorias reportarunt.

Pf. 95.

Sed de Crucis gloria plura infra suis locis coaptabuntur. Iudæi, ne Cru-
 cis mysterium, quod in Psalmis est: Dicite in gentibus, quia Dominus re-
 gnauit à ligno (sic enim erat apud Hebræos) tam clare probaretur, & Chri-
 stiani testimonio illius Psalmi eos conuincerent, absceiderunt eam vocem, à
 ligno. Hoc autem fecerunt paulo post quàm Christiana Religio mundo il-
 luxit. Meminit de integro versu Ecclesia, dum canit: Impleta sunt quæ
 concinit, David fideli carmine, dicens in nationibus, Regnauit à ligno Deus.
 Corrupisse autem Iudæos initio nascentis Ecclesiæ loca alia, quæ illustre de
 Christo testimonium propalarent, præclarissimus est testis Iustinus Martyr,
 qui centesimo à Christo vixit anno, in libro contra Triphonem Iudæum, eius
 generis illud inter cetera recensens, quod hic dicimus de Psal. 95. Quod
 verum fuisse, non solum Iustinus prodit, asserens adhuc suo tempore exstasse
 incorruptos Codices, qui illud, à ligno, haberent. sed, & Marianus Victo-
 rius, qui opera D. Hieronymi accuratissime recognita, & pereruditus Scho-
 lijs illustrata emisit Romæ, Pio IV. Pont. Max. dicata, in ipsis Scholijs idem
 confirmat, his verbis: Sunt etiam apud me vetustissimi aliquot manuscripti
 Bibliorum Codices, è Cœnobio Montis Cassini, qui vocem eam (à ligno)
 adhuc retinent. Constat etiam, Psalterium quo vtitur Vaticana Basilica,
 eandem vocem retinere.

*Iustin. con.
Triph.*

*De Titulo Crucis, qui supra Crucem Iesu Christi crucifixi pos-
 tus fuit. Cap. 188.*

*Cretz. de
Cruce, l. 1.
s. 27.
Spart. in
Seuero.
Lampr. in
Alex.*

Titululus, erat scheda, seu tabella, in qua causa mortis apparebat descri-
 pta. Aliquando tamen non scribebatur, sed sola præconis voce nun-
 ciabatur, de quo Spartianus: Fulvius eum sub elogio eiusdem præconis ce-
 cidit: Legatum populi Romani, homo plebeius temere amplecti noli. Et
 Lampridius: In foro transitorio ad stipitem illum ligari præcepit, & fumo
 apposito, quem ex stipulis, & humidis lignis fieri iusserat, necavit, præcone
 dicente:

dicente : Fumò punitur, qui fumum vendidit . Et Impp. Senerus , & Antoninus rescripserunt : Eum, qui per genium Principis peierasset , fustibus castigandum dimitti, & ita ei superdici : Temerè ne iura. Calumniatori fustibus cæso acclamatur : Calumniatus es.

Alexander Imperator illud acclamare iubebat maleficis : Quod tibi nò vis fieri, alteri ne feceris. S. Ambrosius narrat tyrannū iussisse spoliari Agnetem, & ad lupanar duci sub hac voce præconis : Agnetē sacrilegam Virginem Dijs blasphemiam inferentem scortum lupanaribus datam .

Tituli prælati exemplum suppeditat nobis Eusebius de Attalo Martyre : Circumactus est, inquit, per amphiteatrum, tabella ipsum præeunte, in qua latine scriptum : Hic est Attalus Christianus. Suetonius de Caligula : Romæ, publico epulo, seruum ob detractam lectis argenteam laminam, carnifici cōfestim tradidit, ut manibus abscissis, atque ante pectus à collo pendentibus, præcedente titulo, qui causam poenæ indicaret, per cœtus epulantium circumduceretur . Appensi, vel appositi tituli exemplum habet idem Suetonius in Domitiano : Patremfamilias, quod Thracem Myrmilloni parem, munerario imparem dixerat, detractum ē spectaculis in arenam canibus obiecit, cum hoc titulo : Impiè locutus Parmularius . Sic statuis Neronis ad collum titulus appositus est, quem tanquam parricidam ad supplicium poscebant . Suetonius : Collo, & ascopera deligata, simulq. titulus : Ego quid potui ? sed tu culeum meruisti .

Hæc tamen loca proprie non spectant ad Crucem : proprie; ille Dionis de Seruo, quem Dominus in crucem agi iussit, cum tabula siue titulo, qui causam mortis aperiret, quem titulum vocat Dio ; Litteras causam necis eius manifestantes : qualis titulus Redemptori quoque nostro in cruce appositus : omnes enim Euangelistæ vno ore testantur, Pilatum scripsisse titulum, & Cruci imposuisse. S. Matthæus : Et imposuerunt super caput eius causam ipsius scriptam : Hic est Iesus Rex Iudæorum . S. Marcus : Et erat titulus causæ eius inscriptus : Rex Iudæorum . S. Lucas : Erat autem, & superscriptio, scripta super eum litteris Græcis, Latinis, & Hebraicis : Hic est Rex Iudæorum . S. Ioannes : Scripsit autem, & titulum Pilatus, & posuit super Crucem . Erat autem scriptum : Iesus Nazarenus Rex Iudæorum : & erat scriptum Hebraicè, Græcè, & Latinè . Ceterum solus Ioannes integrum titulum, & verba retulit, ut patet ex ipso titulo, qui Romæ adhuc adseruatur, & religiose colitur in Templo S. Crucis, ut notat Toletus . Reliqui Euangelistæ partem tituli, & sensum commemorasse satis habuerunt, & illa vocabula : (Hic est) quæ Matthæus, & Lucas posuerunt, virtute saltem in titulo continentur .

Verum autem Titulus Christi primum in Monte Caluariz Cruci sit affixus, vel utrum præconis præeuntis voce fuerit quoque proclamatus, an vero statim Cruci sit affixus, antequam ea Christo imponeretur, adeoq. crux à Christo vnà cum titulo baiulata sit, non habetur exploratum, eo quod nec Euangelistæ, neque Sancti Patres aliquid affirmatè de hoc tradant : licet, quantum ex S. Ioanne colligere licet, primum videatur titulus affixus Cruci in Monte Caluariz . Ita enim S. Ioannes, postquam titulum à Pilato scriptum commemorasset : Hunc ergo titulum multi Iudæorum legerunt, quia prope Ciuitatem erat locus, ubi crucifixus est Iesus . Nam si Christus

R 2 titu-

l. si duo, ff. de iur. iur. l. fustibus, C. Exquis. cau. infam. Lampi. in Alex. Ambros. de Virg. Euseb. hist. lib. 5. c. 1.

Sueton. in Nero c. 45. Dio. lib. 54

Matth. 27. Marc. 15. Luc. 23.

Ioan. 19.

Tolet. in c. 19. Ioan.

Sup. c. 13.

1. Acta, l.
Iudex, ff.
de re iud.

S. Amb. li.
10. in Luc.

Cyprian. de
Sina, &
Syo, vel si
quis alius
huius ser-
monis Au-
dior.

titulum simul cum cruce extulisset, potuisset à Iudæis in via legi, causamq. dare, ut cum Pilato exostularent, quasi titulum verbis minus rectis conce-
pisset. Illud certum videtur, Pilatum domi suæ, cum sederet pro Tribunali,
scripsisse, vel dictasse Titulum simul cum sententia capitali: videtur enim ti-
tulus cum sententia mortis insertus fuisse publico Instrumento, quæ ut supra
ostendimus ex Apuleio, ubi semel lecta erat, neque augeri vna littera, neque
minui poterat. Quæ causa est, cur Pilatus Iudæis urgentibus, ut titulum
mutaret, responderit; Quod scripsi, scripsi. quasi diceret; sibi, iam titulo in
publicum Instrumentum relato, non amplius esse eius mutandi integram
potestatem, ut enim nec ipsius sententiæ mutandæ potestatem habebat, ita
nec tituli. De amplianda, vel minuenda pœna damnatorum, post sententiã
dictam, sine principali auctoritate, nihil est statuendum, inquit Paulus Iure-
conf. & Ulpianus: Hoc iure utimur, ut Iudex, qui semel vel pluris, vel mi-
noris cõdemnavit, amplius corrigere sententiam suam non possit: semel enim
male, vel bene officio functus est.

Locum tituli in Cruce constat fuisse supremum, ut picturæ, & scripturæ
representant. Merito supra Crucem Titulus, ait S. Ambrosius, quia non hu-
mani corporis, sed diuinæ potestatis est regnum, quod habet Christus. Me-
rito supra Crucem titulus, quia licet in cruce erat Dominus Iesus, supra
crucem tamen Regis maiestate radiabat. Siue in culmine supremi ligni fue-
rit titulus affixus, siue super lignum supremum, ut proxime lignum trans-
uersarium contingeret, nam de hoc variant Imagines Crucifixi. S. Cy-
prianus priori sententiæ videtur subscribere his verbis: Pilatus impulsa
mente à Deo accepit tabulam, & titulum inscripsit tribus linguis, & in ca-
pite ligni clavis tabulam cum nomine Regis Iudæorum confixit.

De tribus linguis, quibus Titulus Crucis inscriptus erat.
Cap. 189.

Cretz cap.
12.

Vide Baro.
anno Chr.
34.

Chrys. hom.
4. in ep. 2.
ad Tim.

Valer. lib. 2
c. 2.

TRIBUS linguis, Hebraica, Græca, & Latina, titulum fuisse exaratum, duo
Euangelistæ tradunt, & quidem eo ordine, quem iam recensuimus ex S.
Ioanne, ut apparet in parte tituli, quæ, ut diximus, Romæ etiamnum extat,
ita tamen, ut in ipsius ordine nobilior locus, ac proinde prior ille sit habi-
tus, qui Christo vicinior esset, sicq. Latina inscriptio priori loco sit posita,
nouissimo Hebraica, ut quæ Græca inferior, & à Romanis barbara habere-
tur. Siquidem apud Romanos in Theatro locus infimus Senatorum, summus
vero plebis; & in triumpho, postremus Imperatoris, & in triclinio, nouissimus
Consulis erat; sicq. sedendo, procedendo, & recumbendo locus ultimus erat
primus. Primum igitur locum in titulo habuit Latina lingua, quia omnium
propinquissima Christo. Non enim probabile est, Romanos postposuisse
suam linguam linguæ Hebræorum, & Græcorum, suorum scilicet subdito-
rum. Hebræa lingua Romanis maxime despectui erat, inquit Chrysostomus;
neque enim aut barbaram, aut Græcam, aut aliam quamlibet, ita ut Syram,
oderant linguam: Est autem huic illa finitima. Tanti autem fecerunt Ro-
mani sermonis patrij honorem, ut in ipsa Græcia, licet Græcè doctissimi es-
sent, non nisi Latine responsa darent, teste Valerio Maximo, qui de hoc more
hæc habet: Magistratus Prisci, quantopere suam, populiq. Romani maiesta-
tem

tem retinens se gesserint, hinc cognosci potest, quod inter cetera obtinendæ grauitatis indicia, illud quoque magna cum perseverantia custodiebant, nè Græcis vnquam, nisi Latine responsa darent. Quin etiam ipsa linguæ volubilitate, quæ plurimum valent, excussa, per interpretem loqui cogeant, non tantum in Vrbe nostra, sed etiam in Græcia, & Asia, quo scilicet Latinæ vocis honos per omnes gentes venerabilior diffunderetur. Nec illis deerant studia doctrinæ, sed nulla non in re pallium togæ subijci debere arbitrabantur, indignum esse existimantes, illecebris, & suauitate litterarum Imperij pondus, & auctoritatem domari. Hæc Valerius.

S. Augustinus: Opera data est, vt imperiosa Ciuitas non solum iugum, verum etiam linguam suam domitis gentibus per speciem societatis imponeret. Hinc, & illud Triphonij Iurisconsulti: Decreta à Prætoribus latine interpretari debent. Hæc quæ diximus, ita sese habere liquet ex inspectione tituli, qui Romæ extat. Eius Etypon edi curauit Marcus Vellserus Reipublicæ Augustanæ Septemuir, in quo digniorem locum tenet Latina lingua. Notat idem Vellserus ex eodem titulo constare, titulum fuisse ligneum ferro sculptum, non calamo exaratum, characteribus rudibus, vt in re subita. Hebraicarum litterarum exiguæ reliquæ visuntur: & ex Græcis, Latinisque vnicum vocabulum Nazarenus, vnâ cum vna, vel altera littera sequentis dictionis; à dextera ad sinistram Latinæ, & Græcæ voces, æquæ ac Hebraicæ formatæ sunt: qui scribendi modus in his duabus linguis rarus.

Erant tres illæ linguæ præcipuæ, & frequentiores in orbe, Hebræa propter antiquitatem, & quia illius regionis erat propria: Græca propter sapientiam, & eloquentiam Græcorum; Latina propter Romanorum potentiam, & gloriam: & ideo ad hunc finem necessarium fuit, vt in vnaquaque harum linguarum scriberetur. In quo etiam significatum fuit Christi Regnum per vniuersum terrarum orbem propagatum iri, & omnes gentes ac linguas Christi obsequio fuisse mancipandas, iuxta illud Danielis; Dedit ei potestatem, & honorem, & Regnum: & omnes populi, & tribus, & linguæ ipsi seruiant. Et Psalmi; Adorabunt eum omnes Reges terræ, omnes gentes seruiant ei. Et Pauli; Et omnis lingua confiteatur, quia Dominus IESVS Christus in gloria est Dei Patris. Et Cyrilli Alexandrini, & Augustini: Diuina prouidentia factum est, ad gloriam Christi, & Prophetiarum complementum, vt Pilatus etiam ignorans quid faceret, Regnum Christi, Iudæis reluctantibus, publice profiteretur. Vnde de hoc mysterio intelligunt fuisse scriptum in titulo Psalmi quinquagesimi sexti: Ne corrumpas Tituli inscriptionem: Quod ita etiam explicauit Nicolaus Papa I. Vnde sumpsit Augustinus occasionem dubitandi: si diuina prouidentia factum esset, cur non potius Rex hominum, quam Rex Iudæorum scriptum est? & respondit intelligendos esse in illo titulo Iudæos spirituales, idest fideles, & iustos, qui filij Abraham dicuntur. Quod quidem intelligendum est in mystico sensu, fortasse à Spiritu sancto intento: nam ad litteram Pilatus solum intellexit de Iudæis carnalibus, à quibus Christus accusatus erat, quod ipsum Regnum affectasset. Huc pertinet, quod ait S. Ambrosius: Solet etiam Titulus subiugatarum gentium numerum designare. Sit in illis triumphis ordine quodam miserabili digesta deuictarum præeuntium contumeliosa captiuitas Nationum, hic redemptarum gentium vernat gratia. Digni tanto

R 3

trium-

S. Aug. lib.
19. de Civ.
Dei c. 7.
l. Decreta,
ff de re iudic.

Suarez in
3. p. D. Th.

Dan. 7.

Psal. 71.
Philip. 2.
Cyril. l. 12.
in 10. c. 30.
Aug. tract.
117. in 10.
Ps. 91.
Nic. Papa
epist. ad
Mich. Imp.

ad Gal. 3.
& ad Ro. 4

Ambr. lib.
10 in Luc.
c. 23.

triumpho Iugales, vt Cælum, Terra, Maria, Inferna, à corruptela mutantur ad gratiam.

*Salmerõ de
passione.*

Obseruandus est ordo à Ioanne annotatus, vbi primum Hebraicè, deinde Græcè, postremo Latinè tradit scriptum: quoniam religio Christiana primum ab Hebræis ad Græcos profecta est, deinde à Græcis ad Latinos prædicatio Christi crucifixi per Apostolos peruenit. Lucas vero post Græcos, & Latinos postremo loco posuit Hebræos, quia respexit ad Hebræos ultimo tempore ad fidem conuertendos.

Hic Titulus vere testatur, & iuxta nominis ethymon tuetur Christi innocentiam, quia nullum crimen est esse Iudæorum Regè, sed Dei donum, & gratiam, de qua: Ego autem constitutus sum Rex ab eo super Sion montem sanctum eius, prædicans præceptum eius: & confirmatur, quia natus est Rex Iudæorum, vt Magi in eius natiuitate professi sunt; Secundo tuetur Christum à latronum consortio; Tertio ostendit Pilati constantiam, qui rogatus à Pontificibus, noluit titulum delere, vt saltem eius Innocentiæ, ac dignitati attestaretur Regiæ, & totum crimen in Iudæorum malitiam, & inuidiam reiecit, ac proinde in eorum dedecus, & infamiam, qui in Regem, ac Messiam proprium insurrexerunt ad Crucis vsque necem, vnde grauati Iudæi illo titulo dicebant, vt testatur Ioannes: Noli scribere, Rex Iudæorum, sed quia ipse dixit, Rex sum Iudæorum.

Io. 19.

Ad hæc aduertendum, Inscriptionem ad caput Christi positam, & non ad pedes, quia Regnum Christi non erat terrestre ac humanum, sed cæleste, ac diuinum, & super eos, qui ex cælo, & a Deo vocati sunt. Et non est Regnum Tyrannicum, aut violentum, vt est omnium illorum qui subditos pedibus calcant, spoliant, atque diripiunt, sed Regnum charitatis, quo Rex suos portat, vt pastor ouem errantem super humeros, vt Samaritanus gestans super iumentum suum vulneratum, & semimortuum. Annotauit quoque Beda, Christo immolato superpositum titulum, vt cunctis credere volentibus pateat quod per Crucem non perdidit, sed corroborauit Imperium suum: & ad significandum, quod Pontifex futurorum bonorum neminem ad Regnum suum probaturus est, nec ad gloriosos ordines Angelorum eleuaturus, nisi prius habeat titulum pœnitentiæ, ac tribulationis pro Christo perpeffi, iuxta illud; Per multas tribulationes oportet nos introire in Regnum Dei.

Beda ibid.

In antiquo Diario rerum Romæ gestarum, scripto à Lælio Petronio, Paulo de Magistris, & Stephano Infessura, quod manu scriptum seruat D. Fuluius Archangelus Cuius Rom. hæc habentur. Cap. 190.

Die prima mensis Februarij anni 1492. venerunt noua de partibus Africanis, dictumq. fuit, qualiter Rex Hispaniæ habuit victoriam de Granata, ipsam cepit, & dominatus est, & eam fuisse captam pactis omnibus, & fœderibus. Nam iamdiu ante oppresserat eam. Quibus etiam pactationibus, non bene scitur.

Eadem die miraculum in Vrbe fuit. Nam cum Dominus Petrus Gondifalvus de Mendoza Cardinalis Sanctæ Crucis, de sua impensa faceret incrustare,

re, & dealbare dictam Ecclesiam, quando operarij tetigerunt summitatem arcus existentis in medio Ecclesie iuxta tectum, vbi adhuc sunt duæ parua columnæ, senserunt ibi quoddam vacuum; cumq. aperuissent, inueniunt vnam parua fenestram, in qua erat vna capsula plumbea duorum palmorum, bene clausa, & super eam erat lapis quidam quadrangulus marmoreus, vbi erant sculptæ iste litteræ, videlicet: HIC EST TITVLVS VERAE CRVCIS. In qua capsula reperta fuit quædam parua tabula, longitudinis vnus palmi cum dimidio, quæ ab vno latere erat comesa, & vetustate corrofa; ibique erant cauatæ eidem, de colore rubro tinctæ, infra scriptæ litteræ, siue verba. IESVS NAZARENVS REX IVDÆORVM.

Sed illud IVDÆORVM non erat perfectum, quia illud RVM, non nisi vsque ad R, inclusue remanserat, & illud VM, ceciderat, vt dixi, quia erat tabula ab ea parte corrofa, & vetustate defecit: & primus versus erat conscriptum litteris Latinis, secundus vero litteris Græcis, & tertius litteris Hebraicis. Ad quem locum quasi tota Vrbs accessit, & Papa Innocentius etiam post triduum vidit eam, iussitq. permanere in dicta capsula, cum quadam lamina vitrea super altare in festiuitate dictæ Ecclesie. Et est omnium æstimatione, illa Tabula, quam Pilatus posuit in Cruce super caput Saluatoris Nostri Iesu Christi, posita ibi per Sanctam Helenam Matrem Constantini, tempore quo fuit dicta Ecclesia fabricata.

Ioannes Soarez Conimbricensis Episcopus Tractatu 4. in Marc. c. 15. hoc testatur. Mirabile est, quod vidimus, in Ecclesia sanctæ Crucis in Hierusalem, cum finito sacro Concilio Tridentino, sub numquam interitura memoria Beatissimi Papæ Pij Quarti, Romam nos contulimus, ad limina beatorum Apostolorum visitanda, & tanti summi Pontificis pedes exosculandos: ibi enim dum nobis Crucis sanctissimæ pars, & tabella, in qua causa Domini litteris Græcis, Latinis, & Hebraicis fuit conscripta, ostenderentur, hæc dictio, Iudæorum, abstracta non arte, sed diuino consilio fuit, in omnibus in quas in scriptis redacta erat linguas. Itaque tantummodo nunc hæc habentur verba: Iesus Nazarenus Rex: tamquam oculis nobis ostendatur prophetia Danielis: Et non erit eius populus, qui eum negaturus est. Qui enim illum negauerunt, non iustum est dici Regem eorum, atqui Regem omnium, quæ cæli, terræq. ambitu continentur, Rex Regum, & Dominus Dominantium, ille, qui dixit, postquam surrexit à mortuis: Data est mihi omnis potestas in cælo, & in terra.

Soarez in
Marc. c. 15
Tr. 4.

De Clauis, quibus affixus fuit Cruci IESVS CHRISTVS Dominus Noster. Cap. 191.

Claui illos sacratissimos, quibus Redemptor noster pro nobis Cruci affigi dignatus est, non fuisse tam longa temporis diuturnitate consumptos rubigine, sed eodem in antro in monumento positos, & inuentos testatur Socrates, adeo vt nō opus fuerit eosdem ab alijs alio miraculo discriminari, vt factum fuit de Cruce. De inuentione vero eorundem Clauorum, præter multos alios Auctores, Ambrosius loquens de S. Helena hæc tradit: Quæ fuit Clauus, quibus crucifixus est Dominus, & inuenit: De vno Clauo frænos fieri præcepit, de altero Diadema intexuit, vnum ad decorem,

Socrat. l. 1.
c. 13.

Amb. orat.
in funere
Theod.

R 4

alte-

alterum ad deuotionem vertit. Visitata est Maria, vt Euam liberaret: Visitata est Helena, vt Imperatores redimerentur. Misit itaque filio suo Constantino Diadema gemmis insignitum, quas pretiosior ferro innexa crucis redemptionis Diuinæ gemma connecteret: misit & frēnum: vtroque vsus est Constantinus, & fidem transmisit, ad posteros Reges. Principium itaque credentium Imperatorum sanctum est, quod super frēnum, ex illo fides, vt persecutio cessaret, deuotio succederet. Sapienter Helena egit, quæ Crucem in capite Regum leuauit, & locauit, vt Crux Christi in Regibus adoretur. Non insolentia ista, sed pietas est, cum defertur sacræ redemptioni. Bonus itaque clauus Romani Imperatoris, qui totum regit orbem, ac vestit Principum frontem, vt sint prædicatores, qui persecutores esse consueuerunt. Recte in capite Clauus vt vbi sensus est, ibi præsidium: in vertice Corona, in manibus habena. Corona de Cruce, vt fides luceat; habena quoque de Cruce, vt potestas regat, sitq. iusta moderatio, non iniusta præceptio. Ac post multa eodem argumento tractata: Quid ergo, inquit, aliud egit Helenæ operatio, vt frēna dirigeret, nisi vt omnibus Impp. sancto dicere spiritu videretur: Nolite fieri sicut equus, & mulus: sed in frēno & chamo maxillas eorum constringerent, qui se non agnoscerent Reges, vt regerent sibi subditos? Prona enim potestas in vitium ferebatur, & more pecudum vaga sese libidine polluebat.

Quod autem dicit Socrates, in antro in monumento positos, & inuentos clauos, videtur confirmari ab his, quæ ex antiquioribus monimentis recitat Metaphrastes de B. Virgine ad Crucem stante, dum ait: Dicunt hi, qui de his rebus tractarunt, eam ab initio vsque ad finem se fortiter, atque constanter gessisse, honeste quidem, & non indecore vtentem motu animi, factis etiam ostendens se esse matrem, sed matrem omnino illius, qui motum animi certis finibus continuit: mortuumq. videns filium, eo motu animi vsa est, vt oportuit: quin etiam in eo de Cruce deponendo maternis manibus inseruiuit, & clauos, qui extrahebantur, in sinu suo accepit, & membra illius amplexa est, partim quidem vlnis astringens, partim quidem suis lacrymis plagas emundans. Deinde tota toti corpori circumfusa: Ecce tibi ab omni seculo præfinitum mysterium ad finem vsque venit. O Domine, placida voce dixit; & Iosepho in manus tradens sudarium, ait: Tibi autem deinceps curæ erit, vt sepulturæ tradens, hoc eum honeste componas, myrrha condias, & ei iusta facias. hæc ille: addiditq. Iosephum adhuc occultum discipulum propter metum Iudæorum, & timentem illos, hortatu tamen Deiparæ, & grande opus, ac plane arduum aggressum esse, & omni excussa formidine audacter introisse (vt ait Euangelista) ad Pilatum, ac petijisse corpus Iesu.

Metaph. 15. Sanctus Ambrosius de honore Clauis Christi crucifixi exhibito sic ait: Ecce & clauus in honore est: ferro pedum eius, Reges inclinantur.

Aug. de S. Dei Genitrice Maria. Clauos, quibus confixus est Christus, & lignum venerabilis Crucis, inquit Rusticus Diaconus Cardinalis, omnis per totum mundum Ecclesia, absque vlla contradictione adorat.

Ambr. de fun. Theod. Rust. Diac. sct. Acep. Et idem S. Ambrosius, ex persona Iudæorum, post nonnulla, subdit: Ecce & clauus in honore est: & quem ad mortem impressimus, remedium salutis est, atque inuisibili quadam potestate dæmones torquet. Et infra: Cla-

Clauum Crucis eius diademate suo præferunt Imperatores, & Ariani potestatem eius imminuunt. Sed quæro, quare sanctum super frænum, nisi ut Imperatorum insolentiam refrænaret, comprimeret licentiam tyrannorum, qui quasi equi in libidines adhinnunt? Hæc S. Ambrosius.

Nec dissentit ab Ambrosio Theodoretus, qui ait: Helenam clauorum partem in Imperatoris galeam artificiose includendam curasse, quo capiti filij consuleret, & hostium tela depellerentur: partem equi illius fræno admississe, quo tum Imperatorem tutum, ac securum redderet, tum veterem prophetiam explere posset, nam olim Zacharias Propheta prædixerat: Quod est in fræno equi, erit sanctum Domino omnipotenti. hæc Theodoretus.

Sed & S. Cyrillus Alexandrinus verba Prophetæ in prædictum sensum accipit, dum inquit: Pius Constantinus curauit, ut is (clauus scilicet) equo suo in frænum insereretur, credens se etiam per hunc à Deo benedictionem consecuturum. Non incredibile quis dixerit isthuc; si ita est, nec decoro alienum immerito intelligatur, in memoria Deo fuisse, & eum prophetica prædictione honorasse Imperatorem religiosissimum. Plurimorum enim meminerunt, & de his vaticinati sunt sancti Prophetæ, sicut nimirum de Iosia, & quibusdam alijs. Aliquando & temporum tranquillitas, & pietas per eos, qui in ipsis rerum potiuntur, significatur. Nihil ergo vero ab simile, si & nunc Propheta Zacharias rei in primis memorandæ, Deoq. chari, & veri, ac pij Imperatoris, & temporum charitati in Christum dedicatorem meminerit: Nam, & Imperatorum equos decorari clauo à pretiosa Cruce sumpto, quid aliud nobis, quam maximam, & reuera admiratione dignam Imperatorum pietatem declarauerit? hæc S. Cyrillus.

Cum autem tres saltem Clauos, quibus cruci affixus est Dominus, esse oportuerit (cuius crucifixionis speciem adhibent hodie eiusdem Christi crucifixi imagines) ex illorum duobus frænum esse confectum tradunt (licet frænos, quasi plures, Ruslinus dicat) tertio autem regium diadema compactum. Verum quatuor potius clauos, Gregorius Turonensis, qui ante mille, & centum propemodum annos vixit, constanter affirmat, & de singulorum usu hæc scribit: Speciosi autem, omnique metallo nobiliores Dominicæ Crucis clauis, qui beata membra tenuerunt, ab Helena Regina post ipsius sacre Crucis inuentionem reperti sunt: & de duobus quidem frænum Imperatoris munivit, quo facilius si aduersæ gentes restitissent Principi, hac virtute fugarentur, de quibus non est ignotum Zachariam vaticinasse Prophetam &c. Ac mox subdit de usu clauis tertij: Eo enim, inquit, tempore Hadriaticum mare magnis fluctibus mouebatur: in quo cum frequentia erant naufragia, & demersio hominum, ut vorago nauigantium diceretur, tunc prouida Regina condolens excidia miserorum, vnum ex quatuor clauis deponi iubet in pelagus, confisa de Domini misericordia, quod suas fluctuum commotiones facile posset opprimere. Quo facto redditur mare quietum, tranquillaque deinceps nauigantibus flabra præstantur: unde vsque hodie nautæ sanctificatum mare venerantur, & cum ingressi fuerint, ieiunijs, orationibus, & psalterio vacant. Clauorum ergo Dominicorum gratia, quod quatuor fuerint, hæc est ratio, duo sunt affixi in palmis, & duo in plantis. hæc ipse. Nonnullæ enim antiquæ Christi Domini cruci affixi imagines, id quidem expriment, ut seorsum pedes singuli cruci habeantur affixi: licet aliæ, eademq.

Theod. li. I.
c. 18.

Zach. 14.

Cyr. Alex.
in cap. 14.
Zach.

Ruff. hist.
lib. 1. ca. 8.
quod clauis
Xp̄s Crucis
confixus.
Greg. Tur.
de glor. M.
c. 6.

fre-

frequentiores (quod recentior vsus id recepisse videatur) pedum plantis inuicem superpositis, vnico tantum clauo prominentiori suppedaneo ligno cruci inhærenti confixis, vbique visantur eiusdem Crucifixi imagines sculptæ, vel pictæ.

*Zonar. p. 3.
Annal.*

De quarto autem Clauo Gregorius ait, ipsum in galea statux Constantini fuisse positum: testaturquæ post alios idipsum Zonaras. At cum omnium sententia constet, clauum positum in Corona, qua ipse vti soleret Constantinus, puto potius Coronam simulachro impostam, ad illius, quam gestare soleret Imperator, exemplum, esse compositam, quàm illam reuera alio clauo Crucis ornatâ fuisse. Sed quæ Gregorius scribit de fræno ex duobus clauis affabrefacto, hoc idem habet, dum res gestas enarrat, quæ sub Iustino Imperatore, eodem quo Auctior vixit seculo, contigerunt: Magnam (inquit) ferunt virtutem esse huius fræni, quod ambigi nequaquam potest, quod Iustinus Imperator publice expertus est, ac suis omnibus patefecit. Illusus enim à quodam Mago propter pecuniam, emissas sibi à Dæmonis vmbra intolerabiles per duarum curricula noctium sustulit insidias: sed cum tertiâ nocte frænum capiti collocasset, locum insidiandi inimicus ultra non habuit, repertumq. auctorem insidiarum gladio perculit. hæc Gregorius.

*Greg. Tur.
ubi sup.
De fræno
miraculâ.*

*Clauorum
Christi mul-
tiplicitas
unde.
Ambr. ad
Virg. ex-
hort.*

Quod vero Clauis, quibus cruci suffixus est Christus, plures diuersis in locis hodie reperiri dicantur, nihil est quod pluribus, quàm tribus, vel ad summum quatuor, Christi manus, & pedes confixos esse putemus: licet multa extent exempla sanctorum Martyrum, & inter alia, quod S. Ambrosius recitat de martyre multiplicibus clauis affixo patibulo. Ait enim ipse, cum agit de inuentione Agricolaë martyris crucifixi: Nos legimus martyris clauos, & multos quidem, & plura fuerunt vulnera, quàm membra. Sed fortasse accidit, vt ex aliquo clauorum Christi modica singulis accesserit ferri portio; vel potius, deperditis antiquioribus rem testantibus monumentis, clauis illi, quibus compacta sunt ligna sacratissimæ Crucis, crediti ipsi fuerint, quibus Christi membra cruci fuerunt infixæ: nisi forte alicubi accidit, vt clauus aliquis inter sacras reliquias asseruatus, quo mystica membra Christi, nempe martyr quispiam confixus est, idem vnus ex ipsis passionis Christi clauis fuerit existimatus. Quicquid sit, fides (quod ait Ambrosius) purgat facinus, cum nemo fidelium ferrum colat, sed Christi potius passionem veneretur, & adoret in ferro.

*Cresc. de
Cruce li. I.
c. 94.*

Non autem est mirum, clauos Dominicos vim fugandi Dæmones, sedandi tempestates, aliosq. supra naturam effectus edendi efficacitatem accepisse; cum magis cum Domino coniuncti fuerint, quam ipsa crux, quippe qui in sacrosanctam ipsius carnem penetrarint, & non modo in extrema eius superficie hæserint, instar crucis. Itaq. quod D. Augustinus pulcherrime, & verissime scripsit de virtute, quam vincula Petri ab ipso S. Petro acceperunt, hoc quiuis, ipso etiam S. Augustino lubente, dicere poterit de clauis Dominicis, mutato vinculoꝝ nomine in nomen clauorum, factaq. comparatione clauorum cum fimbria vestis Dominicæ, quæ sanitatem conferebat, sicut Augustinus cathenam, & vmbra S. Petri comparat. Ita igitur S. Augustinus.

*S. August.
serm. 29 de
sanctis.*

Si opẽ (ait) ferre poterat vmbra corporis (fimbria vestis) quanto magis nũc plenitudo virtutis? Si tunc supplicantibus proderat aura quædam (fimbria) tran-

transeuntis, quanto magis gratia nunc permanentis? Merito per omnes Christi Ecclesias, auro pretiosius habetur ferrum illud poenaliū vinculorum (clauorum.) Si tam medicabilis fuit obumbratio visitantis, quanto magis cathena vincientis? ut vmbra, inquam, transeuntis Petri obumbraret eos: Si inanis quædam species vacuæ imaginis, habere potuit in se vim salutis: quanto magis de corpore meruerunt attrahere salubritatem ferreo pondere sacris impressa membris vincula passionis? Si ad præsidia supplicantium tam potens fuit ante martyrium, quanto magis efficax est post triumphum? Felices illi nexus, qui de manicis, & compedibus in coronam mutandi, Apostolum contingentes Martyrem reddiderunt. Felices cathenæ (clauī) quæ nudatis penè ossibus inhærentes, viuas reliquias de sanguinis sudore iam attrita carne rapuerunt, tactusq. membrorum cruciatus sui sanctificat instrumentum, in quo dum afflictio crescit ad poenam, causa poenæ proficit ad gloriam. Felicia vincula, quæ reum suum vsque ad Christi crucem, non tam condemnatum, quàm consecratum miserunt. hæc S. Augustinus. Quæ tanto meliori iure de Cruce, & vinculis, hoc est, clauis Dominicis dici possunt, quanto maior ille, qui hanc crucem, & hos clauos consecrauit, & pretioso sanguine irrigauit.

Clauus, qui fræno insitus fuit, Mediolani in magnifica Metropolitana Ecclesia inuisitur, ac maxima cum veneratione colitur. Cap. 192.

DE Sacrosancta illius Clauī memoria renouanda Carolus constituit; quem ab S. Helena in frænum redactum fuisse, tum alij narrant, tum S. Ambrosius in primis. Eum clauum Carolus alter Mediolanensis Archiepiscopus, vniuerso clero comitante, maxima populi frequentia, se ad maiorem Basilicam anno 1461. 13. Kalend. Aprilis, ab antiqua Ecclesia S. Teclæ, transtulisse testatur, de qua Ecclesia tollenda, eiusq. Clero, rebusq. in ipsam maiorem Basilicam trāsferendis, idem ipse sententiam tuleret. Fuit Clauus ad hoc tempus excelso loco in summo fornice, ad ipsius Ecclesiæ caput collocatus; & quamuis lampades quinque ante illum perpetuo collucerent, non satis tamen decore affixus, paucorum etiam veneratione, memoriaq. tam sancta res, tamq. insigne Christi Domini sanctissimæ, atque acerbissimæ passionis instrumentum, colebatur. Clauum igitur per sacros homines machinis in sublime tractos, abstulit; & amplæ Cruci apte insertum portauit, summa populi totius approbatione, concionemq. eo die occasione ex clauo accepta, de clementissimi Domini erga mortales benignitate dixit; & propositis, quæ pro eis acerbissima perpeßus est, ad diuinam misericordiam implorandam vehementer eosdem excitauit, & ad omnia bene speranda confirmauit. Ferrum sacrosanctū non statim ad locum suum referri, sed omnibus propositum esse constituit, in altari quadraginta horis venerandum, ut ad salutis suæ negotium procurandum tota Ciuitas eo spatio conueniens, proximo rei sanctissimæ aspectu vehementius afficeretur. Deinde antequam reponeretur, aliam celebrauit Litaniam: Eumq. longissima via tulit, cum vniuerso itidem Clero, & populo ad celebriora loca sex, quæ Pontium nomine præcipuas ante portas ex veteri Urbis situ appellan-
tur.

*Carol. Epi-
scop. Nau.
in vita S.
Caroli Bor.*

tur. Mirum fuit Ciuitatem vniuersam, quasi contagij metu solutam, libenter, studiosq. omnibus ijs diebus ad supplicationes conuenire, quod ei tam feliciter euenit, vt in tanto hominum conuentu, eoq. sæpe repetito, cum etiam Cælum humidum esset, & graue, non modo nemo in ipsa via ceciderit, sed nihil acciderit omnino, ex quo auctum esse contagium appareret.

Cum ad Dei misericordiam pestilentiæ causa implorandam vna cum Clero, & populo ad celebriora Urbis loca, seu compita supplicatum iret, sanctumq. Clauum ferret; pedem nudum clathro ferreo, quo subterraneæ cellæ fenestra muniebatur, impegit; atque vnguem maioris digiti ita summouit, vt tota via, quæ multa restabat, abunde sanguinem funderet: neque tamen ob doloris sensum, qui ea parte vehemens esse solet, de incessu quidquam remisit. Narrat medicus, supplicatione demum peracta, cum accersitus esset; inspecto vulnere, tolerantiam viri se esse admiratum: Cumq. dixisset, esse vnguem necessario abscindendum: Carolum, qui sibi post abscissionem necessario quiescendum esse verebatur; quasi nihil morbi, dolorisq. vim æstimaret, sibi respondisse, in aliam diem id esse differendum, donec in Ecclesia quasdam sacrorum munerum functiones obijisset: obligaret tunc quidem vulnus aptiori quo poterat modo. Tertio die medicus vocatus, id exequi iussus est, quod ad curationem necesse erat. Ibi vero Caroli mirificam patientiam sese obstupuisse testatur: ei enim grandem vnguem, vulneris acerbitate recrudescente, ita excidisse, vt cum ipse in eo genere exercitatus perhorresceret, neque corpore ille, neque voce, neque spiritu villo modo commoueri videretur. Neque vero ob id diu quieuit, aut labori, vel viæ pro quotidiano Ecclesiæ vsu pepercit, vt ex eo potius noui cruciatus, ac patientiæ nasceretur occasio, nam infirmo pede lapsus, os manus loco suo mouit. Id reponere quidam conatus, cum minime assecutus esset, medicus idem, ingrauescente admodum dolore restituit, prorsus ita se habente Carolo, quemadmodum is loquitur, ac si permulisset integram manum.

Celebrantur etiam nonnullis in locis festa in honorem instrumentorum passionis Dominicæ. Hinc multis in locis festum spinæ Coronæ, vt Parisijs xi. die Augusti susceptio sacræ spinæ Coronæ ab infidelibus per S. Ludouicum Regem, & in Episcopatu Ratisponensi, quartus dies Maij, Coronæ Dominicæ festus est. Et feria sexta post octauam Paschæ celebratur festum Lanceæ, & Clauorum, institutum, vt ait Molanus, anno 1353. ab Innocentio VI. petente Carolo IV. Imperatore.

Hier. epist. ad Heliod. Cerne manus Iudæ, quas fixeras: Cerne latus Romane, quod foderas: sic exclamat S. Hieronimus.

Bern. serm. 61. in Cæst. Sanctus vero Bernardus: Foderunt manus eius, & pedes, latusq. lancea forauerunt, & per has rimas licet mihi fugere mel de petra, oleumq. de saxo durissimo, idest gustare, & videre quoniam suavis est Dominus. Cogitabat cogitationes pacis, & ego nesciebam. Quis enim cognouit sensum Domini, aut quis consiliarius eius fuit? At clauus referans, clauus penetrans factus est mihi, vt videam voluntatem Domini. Quidni videam per foramen? Clamat clauus, clamat vulnus, quod vere Deus sit in Christo mundum reconcilians sibi. Ferrum pertransijt animam eius, & appropinquauit cor illius, vt non iam non sciat compati infirmitatibus meis.

Laure. iust. de pass. Do. Beatus vero Laurentius Iustinianus sic ait: Clamant igitur sputa, clauus, lancea

lancea, irrisiones, & verbera, ut ipse toto corde, totisq. visceribus diligatur, qui pro dilectione tanta, ac talia perferre dignatus est.

De Arundine, & Spongia, per quam acetum Domino propinatum est. Cap. 193.

Ioannes Euangelista dicit spongiam aceto plenam, hyssopo circumpositam Christi ori admotam; Matthæus vero, & Marcus eam arundini, seu calamo tradunt impositam, ut ex his, quæ dicturi sumus, facile apparebit. Sed in primis illud peruestigandum est. Quorsum hæc omnia parata ex industria erant, nimirum vas aceto plenum, spongia, hyssopus, & arundo? Certe hæc non casu in monte extra urbem posito sunt inuenta. Sed si consideremus attentius, quis esset horum singulorum usus, ac virtus, rem integram proculdubio intelligemus: simulq. esse commentum certò sciemus, quod aliqui dixerunt, ad accelerandam reorum mortem consueuisse Iudæos cruci affixis propinare acetum. Ut igitur de hoc primum agamus: virtutem à natura insitam esse aceto sistendi sanguinem, eandemq. hyssopo simul, & spongiæ inhærere, pluribus in locis testatur Plinius: cuius est in primis locus egregius, & ad rem, de qua agimus, valde accommodatus, cum ait, acetum fasciculo hyssopi conditum sistendi sanguinis vim quandam, & efficaciam habere, siue spongiæ supponatur, siue ad potandum detur. Tribuit, & Dioscorides eandem aceto virtutem, cum ait: Acetum erumpentem vndeunque sanguinem potu sistit. Si vero acetum iunctum sit hyssopo, maiorem inde haurire efficaciam ad sistendum sanguinem ex clauorum vulneribus manantem, cum pendenti in cruce spongia super arundinem affixa admouetur, iure dici posse videtur. hæc quod ad potum pertinet.

Ioan. 19.

Matth. 27.

Marc. 15.

Luc. 23.

Plin. nat.

hist. li. 23.

c. 1. in fin.

Diosc. li. 5.

c. 14.

Verum non potu tantum, sed earundem rerum applicatione, factaq. vulneribus admotione, eadem hæc ipsa præstari solebant. De spongia quidè cum loquitur Plinius, hæc ait: Veteres spongia conglutinant vulnera. & paulo post: Spongijs vulnera vtilissime fouentur: ac rursus: Ipsæ inflammationibus vulnerum ponuntur nunc siccæ, nunc aceto conspersæ, ac denique sanguinis profluuium sistunt ex aceto, vel frigida. His autem, quæ scribit Plinius, antiquus rei usus consentit: siquidem mos erat, ut gladiatori vulnerato, ad siccandum fluentem sanguinem spongia continuo ministraretur. Vnde Tertullianus in lib. de spectaculis, de his mentionem habens sic ait: Poterit, & de misericordia moueri defixus in morsus vrsorum, & spongijs retiariorum. Id ipsum & in marmoribus nobiliter sculptis vidimus, nimirum Adonidi ab apro recenter vulnerato, continuo à ministro quopiam admotam spongiam, ac vulneri suppositam, ut fluentem cruorem sisteret. Habentur hæc in antiquo Sarcophago, ea historia egregie admodum effigiato, quod Romæ asseruatur in ædibus Tiberij Ceuoli, via Triumphali.

Plin. nat.

hist. li. 31.

c. 11.

Tertul. de

specul. c. 25.

Sic igitur (ut ad rem cuius causa huiusmodi est suscepta digressio, redeamus) ex industria omnia potiora medicamenta, quæ sanguinem sisterent, à Iudæis parari solita, cum quis cruci affigeretur, satis superq. demonstratum esse videtur, elucidatumquè, quod ait Ioannes: Vas ergo erat positum aceto plenum: illi autem spongiam plenam aceto, hyssopo circumponentes, obtulerunt ori eius. In quo, & magis veritati consentaneum esse videtur, quod

Ioan. 19.

EX

Theoph. in 10. 19. ex Græco textu colligitur, & ex Theophylacto, qui hunc locum est interpretatus, acetum illud hyssopo fuisse permixtum, atque conditum, sicq. ex aceto, & hyssopo spongiam fuisse imbutam, atque arundini affixam, ad potum Domino propinandum. Ceterum medicamentum illud sic compositum, non potus causa fuisse præcipue institutum putamus, sed magis ut eo sic infusa spongia recentibus admota vulneribus, fluentem largiter sanguinem continuo sisteret. Est & eius rei coniectura non levis: quia, ut accepi ab his, qui eam viderunt, spongia qua potatus est Dominus Iesus Christus, quæ usque hodie summo honore asseruatur Romæ in Basilica Lateranensi, quasi aliquando sanguine tincta fuisset, ruborem quendam adhuc retinet, quem semel imbibisset: sicq. putamus madidam prius sanguine spongiam, atque pressam aceto postea, & hyssopo super infusam (proh scelus) sacratissimo ori Domini propinatam.

Cretz. de Cruce li. 1. c. 96. Spongiam, qua Christus in cruce aceto potatus, à Balduino Imperatore Constantinopolitano, Venetis oppignoratam, redemit, & in Galliam transtulit S. Ludouicus Rex Galliarum. Extat nunc, & religiose colitur in Basilica Lateranensi Romæ, teste Baronio. Tempore Bedæ, Hierosolymis erat in calice Domini recondita, ut ipse Beda testatur.

Bar. an. 34
Bed. de loc. sancti. c. 20.

De Lancea ex clavis Christi, quam Henricus Rex à Rodulpho Burgundionum Rege dono accipiens, hostes per illam fugabat, & mira operabatur. Cap. 194.

Sigibert.

LAnceam mirandi operis ex clavis Iesu Christi crucifixi sanctificatam, quæ dicitur primi, & magni Constantini Imper. fuisse, donatam Rodulpho Regi Burgundionum, & Italiæ à Sampson Comite, Rex Henricus precibus, minis, muneribus, addita etiam parte provinciarum Sueuorum à Rodulpho extorquet, & hanc ad insigne, & tutamen Imperij posteris reliquit. hæc Sigebertus. sed tantæ rei paulò latiore audi narrationem in rebus gestis S. Gerardi, qui hoc tempore egregia claruit sanctitate. hæc enim ibi.

Apud Sur. 5. die Oct. 3.

Henricus Rex Othonis Saxonum Ducis filius, & erat Deum timens, & amator Religionis Ecclesiasticæ, ubi percepit Rodulphum Burgundionum Regem habere tam cæleste, & inestimabile donum, quod idem Rodolphus pro summo amicitiae munere à Sampson Comite acceperat, missis ad eum legatis, tentauit multis oblatiis muneribus ab illo impetrare, sibiq. aduersus tum visibiles, tum inuisibiles hostes arma inuidiosissima, triumphumq. perpetuum ut comparare posset. At Rodulpho Rege id se nulla vnquam ratione daturum asseuerante: modis omnibus Henricus Rex, quem muneribus emollire non posset, minis intentatis frangere conatus est, affirmans se omne eius regnum ferro, & flammis vastaturum. Sed quia illud, quod petebatur munus, eiusmodi erat, quod olim Deus terrena cælestibus, vtraque significans coniunxit, Rodulphi Regis animus tandem diuinitus est emollitus, ita ut iusto Regi iusta petenti annueret. Quo autem amore donum hoc eximium Rex Henricus complexus sit, hoc ipso vel maxime declarauit, quod non modo auri, & argenti muneribus Rodulphum Regem honorauit, verumetiam Sueuicarum Prouinciarum non minima parte donauit.

Deus autem, qui cordium inspector est, & bonas muneratur voluntates, qua

qua mercede huius rei causa pium Regem Henricum in æterna vita affecerit, quibusdam indicijs etiam in hoc seculo prodere voluit, quando hostes in ipsum incurrentes hoc victorioso præeunte signo, semper terruit atque fugauit. Tali igitur occasione, diuina fauente voluntate, sanctam illam lanceam Rex Henricus adeptus est, quam filio, de quo nobis in præsentiarum sermo est, è vita decedens reliquit vnà cum Regno, non minori veneratione ab eo conseruandam, vti non pauca testantur victoriæ, quas per eam orando obrinuit. hæc ibi. Verùm quod dicitur, ex Clauis Dominicis illam esse consecratam, verius puto esse dicendum ex aliqua parte clauis, alio ferro coniuncta illam elaboratam: nam de clauis Domini alijs locis positis, & ad alium usum adhibitis, suo loco superius pluribus dictum est. Hic vero tu lauda Christiani Principis pietatem in cultu sacrarum reliquiarum exhibita. Porro eadem pariter de Lancea scripsit Luitprandus, dum recenset ingentem Othonis Henrici filij victoriam eiusdem lanceæ auxilio consequutam.

Luitpr. lib.
4. c. 12.

Pisani Archiepiscopi Legati Apostolici, & Godefridi Ducis Sancti Sepulchri aduocati, & Regimundi Comitum, & totius exercitus ad Paschalem Romanæ Ecclesiæ Pontificem Epistola, vbi de inuentione Lanceæ, quæ Dominum percussit, agitur, & de ijs, quæ mirabiliter facta sunt. Cap. 195.

Paschalis Papa II. vbi Apostolicum thronum conscendit, catholicos Principes litteris ex more de sua electione reddidit ceriores, eosque in fide perstare Ecclesiæ Romanæ commonuit. At sicut ipse ad Catholicos Principes litteras dedit, ita vice versa ab illis accepit, & inter alias quidem extant à Godefrido Duce post Hierosolymam captam, quas Encyclicas esse voluit ad omnes occidentales, quibus eos permoueret ad exhibendum auxilium Dei exercitui, in terra aliena peregrinanti. Scatent litterarum mædis, sed vnde nobile antiquitatis monumentum ex Vuillelmo Tyrio, quantum fas fuit, mædis purgauimus, sic enim se habent. Paschali Papæ Romanæ Ecclesiæ, & omnibus Episcopis, & vniuersis Christianæ fidei cultoribus, Pisanus Archiepiscopus Apostolicæ Sedis Legatus, & Godefridus Dux gratia Dei Ecclesiæ Sancti Sepulchri nunc Aduocatus, & Regimundus Comes sancti Aegidij, & vniuersus Dei exercitus, qui est in terra Israel, salutem.

Baro. anno
Chr. 1100.

Multiplicate preces, & orationes cum iucunditate, quomodo Deus magnificauit suam misericordiam, complendo in nobis ea, quæ antiquis temporibus promiserat. Etenim cum capta Nicæa, cunctus exercitus inde discessisset, plusquam trecenta millia armatorum ibi fuerant. Et licet tanta multitudo esset, quæ vniuersam Romaniam occupare, atque epotare flumina omnia, compascere omnes segetes vna die posset; tamen cum plenitudine tanta conduxit nos Dominus, vt de ariete minimi vix duodecim acciperentur. Præterea etiam Principes, & Reges Sarracenorum contra nos surrexerunt; tamen Deo volente, facile victi, & conculcati sunt. Ob quæ quidem feliciter acta, quia quidam intumuerant, opposuit nobis Dominus Antiochiam, humanibus viribus inexpugnabilem, ibique per nouem menses nos detinuit, atque in obsidione extra ita nos humiliavit, vt in toto exercitu nostro vix boni centum equi reperirentur. Tandem aperuit nobis

Vuile. Tyr.
lib. 3. c. 13.
14.

Idem li. 4.
c. 9. & 10.
lib. 5. c. 22.

Domi-

*Idem li. 6.
c. 5. 6. 7.* Dominus copiam suæ benedictionis, & nunc etiam induxit in ciuitatem, & turre, & omnia eorum potestati nostræ tribuit. Cum hæc quasi viribus nostris acquisita teneremus, tanta multitudine Sarracenorum obsessi sumus, vt de tanta Ciuitate nullus egredi auderet. Præterea fames ita inualuerat, vt vix ab humanis dapibus aliquis abstineret. Longum est enarrare miseria, quæ in ciuitate fuerunt.

*Vuil. Tyr.
lib. 7. c. 8. 9
10. 11. 12.* Respiciens autem Dominus populum, quem ita diu flagellauerat, benigne consolatus est. Nobis itaque primo, quasi pro satisfactione tribulationis lanceam suam, à nemine inuentam à tempore Apostolorum, pignus victoriæ nobis contulit: deinde corda hominum adeo animauit, vt illis, quibus ægritudo, vel fames ambulandi vires negauerat, arma sumendi, & viriliter contra hostes dimicandi virtutem infunderet. Denique cum triumphantibus hostibus, fame, ac tædio deficeret, exercitus Antiochiæ, & maxime propter discordias Principum, in Syriam profecti, Varram, & Marram vrbes Sarracenorum expugnauimus, & castella regionis obtinuimus.

*Idem li. 2.
c. 21. 22.* Cumq. ibi moram facere disposuissemus, tanta fames in exercitu fuit, vt corpora Sarracenorum iam fætentium, à populo Christiano ibi comestæ sint: deinde cum interiora Hispaniæ ingrederemur, largissimam, & misericordem, & victoriosissimam manum omnipotentis Dei Patris nobiscum habuimus. Etenim Ciues, & castellani regionis, per quam procedebamus, ad nos cum multis donariis legationes præmittebant, parati seruire nobis, & oppida sua dedere. Sed quia exercitus noster non multus erat, & in Hierusalem vnanimiter venire festinabat: acceptis securitatibus, tributarias eas fecimus, quippe quod de multis ciuitatibus in vna de illis, quæ ex minimis est, plures homines haberentur, quam in nostro exercitu essent. Cumq. auditum esset Antiochiæ, & Rhoe, quia manus Domini nobiscum esset, plures de exercitu, qui ibi manserant, consecuti sunt nos apud Tyrum. Hinc itaque Deo cooperante vsque ad Hierusalem peruenimus: Cumq. in obsidione multum exercitus laboraret, maxime propter inopiam aquæ: habito consilio, Episcopi & Principes circumuectam esse ciuitatem nudis pedibus, prædicauerunt, vt ille qui pro nobis humiliter ingressus est, per se iudicium de his hostibus faciendo, nobis eam aperiret.

*Idem li. 8.
c. 18.
Idem li. 8.
c. 27.* Placatus itaque Dominus hac humilitate, octauo die post humiliationem, cum suis hostibus ciuitatem nobis tribuit, eo videlicet die, quo primitiua Ecclesia inde abiecta fuit, cum festum dispersionis Apostolorum celebraretur. In Porticu Salomonis, & in Templo eius, nostri equitabant in sanguine Sarracenorum vsque ad equorum genua. Deinde cum ordinatum esset, qui ciuitatem retinere deberent, cum alij amore Patriæ, & pietate parentum suorum redire voluissent, nuntiatum est nobis, Regem Babylonis Ascalonam venisse cum innumerabili multitudine militum, ducturum Francos, qui Hierosolymis erant, in captiuitatem, & expugnaturum Antiochiā. Sed aliud Deus de nobis statuerat: itaque descendimus obuiam illis, relictis sarcinis, & infirmis Hierusalem cum præsidio. Cumq. exercitus noster, & hostium se conspexissent, genibus flexis, adiutorem Deum inuocauimus, vt qui in alijs necessitatibus legem Christianam confirmauerat, in præsentī bello confractis viribus Sarracenorum, & Diaboli, regnum Christi & Ecclesiæ à mari vsque ad mare vsquequaue dilataret. Hic Dominus affuit, & tantas

tribuit

tribuit vires, vt in hostem currere, vt videntem fontem aquæ viuæ ficientem ceruum segnem iudicaret: miro videlicet modo, cum in nostro exercitu non vltra quinque millia equitum, & centum quinquaginta millia peditum fuissent, & in exercitu hostium centum millia equitum, & quadringenta millia peditum esse potuissent. Tunc mirabilis Dominus in seruis suis apparuit, cum antequam configeremus, pro solo aspectu nostro hanc multitudinem in fugam vertit, & omnia eorum arma diripuit, vt si deinceps vellent repugnare, non cito haberent arma. Spolia inaudita, thesaurum Regis Babylonis obtinuimus: ceciderunt ibi Maurorum vltra centum millia gladio. Timor autem eorum tantus erat, vt in porta Ciuitatis ad duo millia suffocati sint. De his vero, qui in mari interierunt, non est numerus: Spineta etiam ex ipsis occiderunt. pugnat certe pro nobis Deus. Pridie quam bellum fieret, multa millia camelorum, boum, & ouium caput exercitus. Principum iussu populus hæc diuisit. Ad pugnam progredientes multæ turmæ horum animalium comitabantur miraculose, & stabant cum stantibus, & currebant cum currentibus. Nubes ab æstu solis defenderunt eos, & refrigerabant.

Celebrata itaque victoria, reuersus est exercitus Hierusalem, relicto ibi Godofredo Duce. Comes sancti Aegidij, & Robertus Comes Northomannæ, & Robertus Comes Flandriæ, Laodicæ reuersi sunt: ibi classem Pisanorum, & Boamundi inuenerunt. Cumq. Archiepiscopus Pisanus Boamundum, & dominos nostros concordare secisset, regredi Hierusalem pro Deo, & fratribus suis Regimundus disposuit. Ad hanc igitur tam admirabilem patrum nostrorum fortitudinis deuotionem, ad tam gloriosam omnipotentis Dei retributionem, ad tam exoptabilem omnium peccatorum nostrorum per Dei gratiam remissionem, & catholicæ Christi Ecclesiæ & ipsius Latinæ, inuitamus vos ad exultationem, & omnes Episcopos, & bonæ vitæ clericos, & monachos & omnes laicos, vt ille nos ad dexteram Dei confidere faciat, qui viuit, & regnat per secula. Rogamus, & obsecramus vos per Dominum Iesum, qui nobiscum semper fuit, & collaborauit, & ex omnibus tribulationibus nos eripuit, vt fratrum sitis memores vestrorum, qui ad vos reuertuntur, benefaciendo eis, & soluendo debita eorum, vt vobis Deus benefaciat, & vos absoluat ab omnibus peccatis, & in omnibus, quæ vel nos, vel illi apud Dominum meruimus, partem vobis concedat. Hactenus epistola Hierosolymis militantium, quæ in Occidentali Orbe, vbique vulgata, omnium ferme incendit animos Hierosolymam adeundi, & subsidio esse fratribus, sicq. noua expeditio iam cæpta est procurari in Gallia, & in Italia classis Ianuensium præparatur ad opus.

Paschalis Papa acceptis litteris de felici progressu Christiani exercitus in Palæstina, decreuit legationem in Orientem: Legatus vero electus fuit Cardinalis Episcopus Portuensis, cui has litteras dedit, quæ etiam acceptæ sunt ex scripto Codice Antonij Augustini.

Vuil. li. 10.
ca. 12. 13.
14.

Baro. anno
Chr. 1191.

Pontifex de victoria gratulatur, & de Lancea, & parte Crucis inuenta. Cap. 196.

*Legatio à
Pas. hali
Papa missa
in Orient.*

*Leuit. 16.
& 2. Cor.
D. ut. 32.
Ios. 6.*

Luc 2.

Paschalis Episcopus seruus seruorum Dei, Venerabilibus fratribus, siue filijs, Episcopis, Clericis, proceribus, militibus, & omni populo militiæ Christianæ in Asia triumphantis salutem, & Apostolicam benedictionem.

Quod per Prophetam populo suo Dominus pollicetur, impletum in vobis cognoscimus; inhabitabo, inquit, in eis, & ambulabo cum eis, quia per fidem in vestris pectoribus habitat, & per operationem ita inambulat, ut patienter in vobis inimicos suos expugnasse videatur. Renouauit enim Dominus antiqua miracula, ut in vno mille, & in duobus decem millia persequeretur, & his Ecclesiæ annis, sacerdotalium precum tubis inimicarum Urbium moenia aperiret. Illud vero quanti gaudij, quam potentis miraculi æstimatis, quod sacrosancti lateris sanguine cruentam Lanceam, & viuificæ crucis partem vestris oculis reuelauit, vestris tractandam manibus obulit? Quantas super his Redemptori nostro gratias debeamus, nec humanus animus opinatur, nec lingua præualeat enarrare. Videmus enim Christianæ fidei hostes, Christiani populi oppressores per diuinam misericordiam manu vestra partim contritos, partim è diu possessis regionibus effugatos: Videmus Orientalem Ecclesiam post longa captiuitatis tempora, magna ex parte ad antiquam libertatis gloriam redijisse. Dicendum igitur ore, dicendum corde: Gloria in altissimis Deo, & in terra pax hominibus bonæ voluntatis. Orationi etiam, & vigilijs insistendum, ut quod cepit, adimpleat, & manus vestras, quas hostium tuorum sanguine consecrauit, immaculatas vsque ad finem, affluentes firma pietate, custodiat.

Quapropter agite, filij in Christo desideratissimi, rememoramini, quanta pro amore Domini reliqueritis, quanta pro fratrum salute, & ereptione pericula subieritis: patriam, domos, parentes posthabuistis, vosmetipsos exilio addixistis, morti opposuistis: curate nunc ad meliora semper tendere, pacem cum omnibus conseruate, ut possitis ad æternam pacem Domini misericordia peruenire. Plurima vobis significare per chartam, & atramentum super sedens, quoniam ex Apostolica Sedis gremio charissimum fratrem Mauritium Portuensem Episcopum destinamus, ut qui per beati Petri Vicarium, sanctæ in Christo memoriæ prædecessorem nostrum Urbanum tanti peregrinationem itineris assumpsistis, beati Petri solatijs semper abundetis, & quem fundamentum tanti operis habuistis, ipsum quoque ad finem caput in fide, & obedientia teneatis.

Describitur rursus pulcherrimum Christianorum bellum, & præclara victoria; sacra Lancea gloriosa inuentio, & res à Christianis militibus fortiter acta. Cap. 197.

*Paul. Æ-
mil. de gest.
Franc. li. 4.*

Paulus Aemilius de Corbagath Persarum Principe potentissimo, Antiochiâ obsidente, hæc habet. Secunda vigilia hostes turrim propinquam ei, qua nostri recepti fuerant, per negligentiam custodum silentio admotis scalis occupant. triginta iam con-

cōscenderant, subeunte maiore multitudine, cum Henricus Asca Mosellanensis propinquus excubitor sensit, ac cum duobus cognatis suis Francone, Sigimaroque contra aduolauit, signo dato, ut subsidio veniretur, captam partem Urbis. Tanta in re vndique concurrebatur. Ac ne in nocturna trepidatione nostrorum, Corbana alias partes murorum tentaret, si forte ad vnum locum tutandum contendentes cunctis, aliquid indefensum, nudatumque custodibus inuenire posset, Duces diuersi omnia circumuiere, lustrauereque. Cæsis qui iam intrauerant, turris recuperata, ceteri submoti. Reliquum noctis sollicitum fuit, omnium animis pauore attonitis, tanto casu tam propinqui communis excidij, furtorum pericula omnes meruebant. Prælium vera virtute committendum deposcebant. Præmissa caduceatore, ut potestas fieret legatis tuto eundi ad Corbanam, profecti duo sunt, Petrus Eremita, & Herluinus, is linguæ Turcicæ non ignarus. Ambianensis intrepide apud Satrapen causam religionis orauit: Si legibus humanis, diuinisq. disceptandum sit, Antiochiam, & quicquid hoc bello à nostris partum sit, Christianorum Imperij existisse: ipsam Antiochiam à Principe Apostolorum Petro, cultu Idolorum, falsorumque Deorum veneratione semel liberatam, nunquam à nostra religione defecisse: nunc oppressam armis Turcicæ de Numine persuasionis, à Ducibus Latinis pristinae causæ restitutam: nec quicquam reliqui esse, cur relabi eam conueniat ex solida libertate in barbaræ sectæ cōpedes. Sin legum pudor nihil valeat inter arma, petijt Herluinus, ut veræ virtutis periculum fieret. Ex Ducibus latinis deligeret Dux Persarum, cum quo ceteris submotis congrediretur; vel si maior manus placeret, plures Duces cum pari numero Ducum certaturos: aut gens cum gente, exercitus cum exercitu æquo loco signa conferret. Corbona exiguum corpus erat, sed spiritibus ingentibus. Respondit: Victoris esse conditiones ferre, legesque dicere, nec victos Latinos, quando fortunam suam, vel ignorarent, vel dissimularent, generis mortis optionem habituros: eorum Duces, qui domestica miseria ac inopia adducti, Orienti bellum vecors intulissent, in vinculis ad Persarum Imperatorem missurum se, ut de eis ille statuat Persarum legibus, suoque iudicio, militum vulgus non prius quam fame, illuuique semianimes in seruitutem recepturum: sic quoque quos eorum videbitur, ut infelices arbores, ac inuisas Soli, terrisque graues, succisurum. Hæc Gothofredus renuntiata in vulgus edi vetuit. Dum paucis diebus obsidio trahitur, fames ingrauescit, pigritiaque subit pectora: luctus, mæstitiaque animos afficit: tædium vitæ incelsit. Milites tectis se continebant, in publicum non prodibant. Extrahi à Ducibus, vocem præconis non poterant, mortem (quod mallent) hostium ferro, vel (quod miserrimum viro forti) fame expectabant.

Consensu procerum imperium vniuersum, summaque rerum, quoad Antiochenis res expediatur ijs, quibus tenebatur difficultatibus, Bohemundo committitur. Is ubi nullo pudore, nullo Imperio, nullis minis, nullo solatio extrahi è tenebris in lucem milites ad munera quisque sua possunt, ignem passim tectis subijci iubet: ad duo millia domorum, adiuuante forte coorto vento, conflagrare. Ita milites necessario sui copiam fecere. Accessit res, quæ ex summa diffidentia summam alacritatem affecit, adeo in bello res in contrarium facile vertunt, ac quod nemo votis ausus esset expetere, sive

S 2 respon-

respondere, vltro se mortalibus nonnunquam offert: nec quicquam altius quam religio in hominum pectora demittitur: nec, si mentis caelestis fieri coniecturam apud mortales fas est, vlla in causa numinis vim studiumq. magis, quam in hac, tamq. necessario tempore, tunc sperare laborantibus conueniebat. Nobiles sacerdotes prodire persanctè asseuerantes, se nocturna specie admonitos, irent, nuntiarentq. Ducibus, militibusquè, Deum Opt. Max. flagitijs nostrorum iratum, quod non humana ope fuso, fugatoq. Solimano, beneficij caelestis immemores, minus reuerentes superum exstitissent: eos Castra, quæ initio velut templum fuissent, incestasse, impiæq. religionis mulieribus se immiscuisse, discrimine sublato cuncta promiscua fecisse. Idcirco numen poenas fame, conclusione, ac metu propinquæ mortis expetere cæpisse. Nisi ad frugem vita, mens ad sanitatem redeat, securim, ceruicibus imminere, quæ possit lachrymis, ieiunio, sacraq. confessione placato numine auerti. Petrus sacerdos Massiliensis eadem sibi quoque pectore obuersata distabat, & ad fidem faciendam addebat, per quietem sibi diuinitus in æde Petri demonstratum locum, vbi alte obruta, abditaq. Lancea latitaret, quæ Domini latus in Cruce confodisset. Eam sacrosancto sanguine imbutam, de impijs triumphum, victoriamq. daturam. Productus in concionem hæc disseruit, à legato iureiurando adactus rem ita se habere, vt & verbis concepisset. Mysterijs altaris peractis, itum reuerentissime ad prædictum à numine locum. Refossa Lancea, sublatus est multitudinis clamor, approbationis religionisq. plenus. Laus Deo, gratiæq. actæ, fides caelestis implorata. Indictum tridui ieiunium: idq. quod egestas necessarium fecerat, oraculo sanctum effectum. Sacra confessione flagitia expiata. Quarto Kalendas Iulias summa omnium alacritate arma capta: nec minus sacerdotes quam Duces signa circumibant, numen pijs adesse, si non minus animos religione, fiduciaquè, quam dextras ferro armarent. Auderent ductu, auspicioq. caelestium cum hoste configere, non multitudinis, nec mortalium virtute, sed voluntate superum victoriam dari. Lanceam sanctam Legatus ferebat, sancta spe animos replens. Præfectus arcis Turca, vbi ex loco superiore vidit nostros ad pugnam parari, coireq. frequentes, eius rei signum, quod conuenerat, Corbanæ sustulit: simul ne (id quod facturus videbatur) eruptione urbem relictam inuaderet, Tolosas cum suis ei obiectus in vrbe remansit: ceteri Duces signa extulere.

Matutino quidem tempore, sed summo forte æstu, vix portis exierant, cum ros solito vberior cælo lapsus est; & id pro diuino imbri à nostris acceptum, non magis corporibus robur, quam vires animo addit, numen profecto huic aciei adesse. Animos militum hac persuasione affectos, Duces præterea oratione acuebant; subiiciebantquè, quod victores Latini cum victis Barbaris pugnaturi essent: non grauiorem tunc hostem Turcam ac Persen futurum, quam in Bithynia in illo acerrimo prælio fuerit, cum nullo dū periculo virtutis, fortunæq. acie iusta facto; recenti dolore, iraq. Nicææ in oculis expugnata, vxorisq. cum liberis captae stimulante manus conseruisset. Nunc cis Taurum Asia exactum Persen, Urbibus nobilissimis cis Euphratem, vltioribusq. nudatum à suo Rege Regum ipso deside, ferrum, & Latinum robur horrente, missum eo consilio, vt Antiochiam eximere conaretur obsidione, cunctabundum, ac diffidentem segne iter fecisse, tempusq. ignauia, & metu

& metu truisse, adesseque, ut eos seruer, qui iam nulli sint: montes occupasse, ut in campestri planitie victus, receptum fidum, certumque habeat, ignotisque Latino militi semitis salutis suae consulat. Sed victis nihil tutum futurum, ipsa muta loca, incolaeque in gratiam victoris hostilia, infestaque omnia fugientibus facturos, nec spem modo certam exploratumque vincendi datam nostris, sed necessitatem exclusis procul à patria: nullo terra, tot faucibus, claustrisque montium, & naturae intercedentibus, receptu, nulla maris spei classe latina lictorum appulsu prohibita, nullo Antiochiae comiteatu. Nec illos moenia in fame, obsidioneque defensura, quos sua dextra in acie non texerit. Ita viris suapte ingenio inuictis, fortissimisque acerrimum necessitatis telum additum: simul praemia virtuti paria parata, opes, gazasque ditiorum, beatiorumque, quam validiorum Regnorum, Imperiorumque Sultanos Caliphasque, ac Satrapas in vinculis habituros. Ab Occidente, septentrioneque profectos, imperaturos regioni intra quam sol oritur, qui orbem terrarum circumlatus visurus sit nihil, nisi eorum virtute, vel domitum, vel administratum. Redituros domum quemque suam ad coniuges, liberosque fore, ut omnia igni festo colluceant, sacris Canticis personent, perpetua gloria, sempiternitateque seculorum, immortalis laudis celebritate vivant. Simul singulae gentes suo quaque decore excitabantur. Anglos, Scotosque, ac Danos, eius ætatis bellicis rebus excitatos, insitum etiam robur, & non minor animorum, quam cæli, solique durities, indomita asperitas, ac mortis contemptus erigebat. Germanis nomen Imperij, summumque tituli fastigium, ac ingenua vis pectoris, alacritatem addebat. Gallis res fortiter, pieque, ac feliciter gesta, simul sua nobilitas, maiorumque decus animos faciebat, Italiam memoriam obseruabatur vetustas gloriæ, ac leges terris datae. Nulla denique gens domesticis, ad virtutem excitamentis non ferebatur ad virtutis specimen eo die ostendendum.

Nec Corbana cessabat suos inflammare cupiditate gloriæ, vetus Persarum Imperium verbis in cælum ferens. Turcarum arma triumphis, trophæisque nobilissima: egentes populos prope generatim ex Europa in Asiam commigrasse. Quotam eorum partem superesse, qui acie in Bithynia cum Solimano pugnarint? & eos qui reliqui sint, amisisse illas, quibus feroces venerint, vires, spiritus illos pristinos eis cecidisse, quod Asia illa minore potiti, quod magnum initio videri poterat, id parui ad vniuersi belli summam spem referre sero sentiant. Hæsisse ad Antiochiam plus octo menses, & eam ipsam furto interceptam. Nunc vera virtute rem gestum iri, quod ante hoc bello non usu venerit. In Bithynia non veras vires Persarum conflixisse, ipsam nobilitatem Persicam abfuisse. Hic non gentes modo Persis finitimas, sociasque, sed Persas, ac ipsos Imperatoris Persarum intimos, fidosque ac inuictos amicos prælium inituros, ducturosque militem viribus, opibus, generositate, robore, numero, delectu præstantem, in homines inopia, illuue, squalore, fameque confectos, qui exiguas reliquias speciei hominum gerant, multumque ab illa, qui in Asiam eruperint, indole degenerarint. Animatis ita utrinque militibus, acies strui cæptæ. Sinistrum cornu Hugoni Magno, extremum Aniciensi: sacræque Lanceæ, ubi plurimum eo die fiducia, interius datum. Dextrum tenuit Tarentinus. Bononiensis eodem in cornu interior constitit. Normanus, Apulusque mediam aciem rexere. Antequam conflige-

S 3 retur,

retur, alam delectorum equitum Satrapes circummisit, vt terga nostrorum in pugna adoriretur. Quod Duces conspicati detractas ex sua, cuiusque gentis acie cohortes, turmasque, quot necesse videbatur, appropinquantibus opposuere, praefecto illis Reginaldo Venusino. Iam conferebatur praelium. Persae non omnes simul, nec pari conatu in pugnam descenderunt. In dextrum Latinorum cornu, quod monti proprius erat, robur Barbarorum irruit. Tarentinus eos praestanti animo excepit, memor victoriae in Bithynia de eisdem hostibus virtute sua, suorumque partae: nimirum quodam fato primis Turcarum conatibus se oppositum, & ceterae aciei partes fiducia eius in spe erectae, se loco suo continebant, non solum vt spectarent velut iam certum euentum, sed ne pro mouendis signis reliquos hostium adhuc quietos, in se a fronte, a latere, a tergo excirent. Pugnabat acerrime Tarentinus veluti toto terrarum orbe armato, ac spectante omnem molem in ipsum vnum incubuisse, nec locum ignauiae celandae datum, nec lucem virtuti cognoscendae defuturam. Plures Barbarorum, quam Latinorum cadunt: sed horum paucitas grauius afficiebatur, quam multiplici hostes damno, quorum multitudo, vel vulneribus suis caedeq. ferrum hostium hebetarent, viresque lassitudine conficerent. Igitur cum extremum illud cornu diutina pugna affectu, languensque praelium remitteret, ac eo ferocior hostis instaret, Bononiensis interior promouere capit suos, vt latus Persarum aduersus Tarentinum pugnantium, acriusque signa inferentium transuersus aggrediretur, ferociamque contunderet. Aduersus id consilium paratae aliae copiae a Corbana demissae, tanta ingruerunt vi, vt satis pulchrum illi foret suos a clade tutari. Nec Normanus, Apulusque tertia Persarum acie iam se fulgentibus signis, contra si quid moueretur ostendente, progredi tutum arbitrabantur. Tandem cum graui armatura, aestuque meridiano fessos nostros Barbari existimarent, media quoque acie pugnari coeptum, ac ad Aniciensem praelium peruenerat atrocissimum.

Minor vis Hugonem vrgebat, quod longissime omnium e Corbana, monteque aberat. Itaque Franci, qui Hugoni Magno parebant, flagrantem auditate maioris pugnae, ac veri decoris, aegre ferentes se non magnam partem rerum in se vertere, fuso aduerso hoste, ne segnem stationem agerent, opem Reginaldo aduersus frequentissimam alam pugnantem ferre statuerant, ne si ea parte vincerent hostes, in nostrorum terga pugnarent. Cum eques citus a dextro cornu venit, vt auxilio laborantibus iretur, quod Tarentinus, Bononiensisque aegre vim hostium sustinerent. Ita mutato consilio, circumuectus Francus, sinistrum hostium cornu a tergo inuadit. Illi multitudo freti, ancipitia signa statuunt. Praelium cruentum fuit. Nullus segnis ignauusue, dextrae vis, robur pectoris, rigor animi se profert, ingens passim caedes, cumuli corporum conceruantur, auditas cruoris, rabies, furor, impetus vesanus, grassatur omnia peruat, victoria nutans, spes, metusque anceps. Reginaldus praecipuo discrimine laborat, ala equitum nobilissimorum premente, cui vitam Solimanus praefuisse, sunt qui tradunt: nec barbaros potuisse, nisi ope diuina vinci. Baldricus Dolensium Pontifex illius temporis aequalis comperuisse se scribit ex his qui interfuerant, oblatam hostibus speciem trium procerum humana specie augustiorum, qui albensibus in equis sedentes, ingens agmen pari cultu corporis, habituque oris ex editissimis locis aduersus

sus hostes ducerent: hos non ab omnibus, sed à quibusdam nostrorum viſos, creditosq. esse martyres Georgium, Demetrium, Mercurium, nec deinde barbaris animus, mensue, aut consilium ſupperebant, constabant vel apud eos omnia formidine, fugaq. continuo plena fuere. Quod utique constat, Corbana ingens Latinorum terror, qui primum, ut Antiochiam defenderet, profectus fuerat, deinde recuperaturus aderat, subijci stipulis, ad id si quid contingeret, destinatis, ignem iussit, ut eo quod conuenerat signo, se sui reciperent. Prima omnium ala se in montes recepit; deinde omnes copiz sensim illuc concederant: instantibus deinde nostris trepide terga dedere. Saluti montes quamplurimis fuere, quos expeditus miles, leuissq. eques facilius tenere, metiriq. cursu poterat, quam nostrorum grauis armatura, cataphraſtusq. equitatus. Hic centum millia hostium cecidere, nostrorum quatuor circiter millia ducenti. Ad quinque millia Camelorum oneribus, & magna commeatus vis capta, castraq. omnis fortunæ, regiq. opulentiz plena.

Postridie arx amissa spe subsidij dedita, pacta, ut sine fraude, qui in præsidio erant, dimitterentur. In consilio, dum de summis rebus ageretur, peruenit Tolofas, ut nobilissima legatio Byzantium mitteretur, quæ si videretur, Antiochiam Græco redderet, quod in id omnes iureiurando adacti erant, ut quicquid hoc bello caperetur, exceptis Hierosolymis, Græco Augusto cederet, luit Hugo Magnus, Græcus eam deditionem non accepit, siue conscius foederis à se non seruati, & opis secundum expugnationem Nicææ nostris tot inter miseras ostentatæ, non latæ: siue ratus dolum subesse, quod utrumque scriptores tradunt. Nos facile adducimur, ut credamus Alexin gnarum Bohemundi in ea vrbe, consilio ipsius capta, partes validissimas esse, Antiochia abstinuisse. Simul ab eo Latini petebant, ut ipse per se hoc bellum capeſſeret, nec antequam debellatum esset, exercitum deduceret.

Augusta Maieſtate indignum exiſtimare poterat, se ſequi, non ducere videri, nec ſui arbitrij fieri ius ſuſcipiendi, deponendiq. belli: Nullum finem, niſi non Turcis modo, ſed & Aegyptiorum Caliphis, Sultaniſq. euerſis. Et Antiochiæ morbi ſæuebant victoria opulentiffima: ex ſumma inopia cunctarum rerum, incredibilem copiam omnis generis diuitiarum non ad neceſſitatem modo, ſed etiam ad delitias luxumq. attulerat. Nemo egens, beati omnes, locupletesq. fruebantur præſentibus bonis, priſtinum quoque deſiderium abunde, affatimq. expletes. Ex hac repentina præcipitiq. in contrarias partes mutatione cultus, victuſq. ſiue alia cauſa cohorta peſtilentia, quinquaginta circiter mortalium millia abſumpſit. Perijt Anicienſis, non tamen comuni lue, quam ægritudine ex labore laſſitudine contracta. Ante prælium, in re diuina, placandiſq. ſuperis, in prælio cohortandis, excitandiſq. & conſilio, & exemplo virtutis militibus: ſecundum victoriam, in ſupplicationibus habendis, gratijsq. numini agendis; purificandiſq. luſtratione templis, ſacrandiſq. quæ barbari omni nefario ſcelere profanarant, opera eius ſingularis, ac diuina extitit. Dum ſibi nulla in re ſancta parcit, exceſſit è vita, magno ſui deſiderio. Milites, Ducesq. velut parenti orbat luxerunt, & vita, & morte felicem, Turcium enim, in cuius excidium conſpiratio ſacri belli facta fuerat, deſerum. Imperium eo ſigniſero credi poterat, Solimano opibus exuto, Caſſiano extincto,

Corbana fuso, fugato, plus centum millibus Persarum vno pralio cæsis, Antiochia Orientis arce capta, defensaq.

Hactenus Paulus Aemilius, qui & aliud miraculum de eadem sacra Lancea reddit:

Nudo corpore quis per ignem transiens Lanceam manu gestans, illæsus, & purgatus euadit. Cap. 198.

Paul. Aemilius Varenens. de rebus gestis Francorum lib. 4.

M Affiliensis Author Sacrosanctæ Lanceæ effodiendæ, quia comes Tolo-
satis erat, ad nouam inuidiam illi constandam incusari cepit falsę religionis. Is vt se purgaret, ad iudicium flammę descendit: & aderat dies passio Domino sanctus. Circumfuso exercitu, sanctam Lanceam nudus corpore manu gestans, per coaceruatorum late lignorum struem ardentem, medioq. ignes illæsus euasit: mox ad miraculum ruente turba oppressus periijt.

Non pigeat lectorem à pluribus testibus rerũ memorabiliũ in tam magnifico bello tam gloriose gestarũ testimonium accipere, tum quia veritas magis elucescit, tum quia apud vnum Auctorem reperiuntur, quę ab alio prætermissa sunt. Subijciamus ergo, quę à Roberto monacho Rhemenfi, qui illis temporibus vixit, & vt creditur, interfuit, scripta sunt, qui multa narrat quę ab alijs intacta relicta sunt. Sunt autem huiusmodi.

Robert. monach. Rhemenf. hist. lib. 7.

Lancea, vt supra, nutu Dei inuenta, seniores & magistratus militię consilium acceperunt, vt ad Corbanan legationem suam mitterent, itemq. mandata, suumq. consilium per interpretem sui sermonis deferrent. Cumq. de multis fieret inquisitio, nec aliquis præsumeret hæc ferre mandata, tandem duo inuenti sunt, Erleuinus & Petrus Eremita. Hi cum interprete iter suum ad Turcarum castra dirigant, dein ad Corbanan tentoria perueniunt.

Conuenerunt vndique Turcæ, audire gestientes, quid dicerent Christianorum nuncij. Erat autem Corbanan residens in solio indutus cultu regio, habituq. pomposo. Ante cuius faciem venientes minimè se inclinauerunt, sed erecta ceruice astiterunt. Quod cum Turcæ viderent, ægre tulerunt, & nisi nuntijs publicam fidem debuissent, ignominiam vindicassent. Tunc nuntij nil cunctantes, licet omnes ira commoti, ira circumfremere, superbo principi dixerunt. Corbanan, à Francorum principibus in mandatis hæc ad te habemus. Vnde tibi contigit tam temulenta audacia, quod armata manu contra eos venisti, cum tu & Rex tuus, gensq. tua in eorum conspectu culpabiles sis, qui terras Christianorum immoderata cupiditate inuasisti, eosq. omnes iniuria affecisti & occidisti? Infernales dij te tui turpius non potuerunt dehonestare, quam quod te miserunt contra eos pugnare. Si ratio iuris tecum esset, & censura æquitatis nobiscum agere velles, nos tecum iuris honore seruato ratiocinaremur, & quod Christianorum esse debet, in contradicibili sermone ostenderemus. Quod si apud te æqui ponderis sunt ius & ratio, vt voluptuosa voluntas, fiat inter tuos & nostros determinata pugna, & victoribus absque aliorum sanguinis dispendio, tota hæc concedatur patria.

Quod si nec ita, nec sic, complaceat, aut fugam protinus inite, aut colla vestra nostrorum ensibus præparate. His dictis sermonis mediator conticuit. Corbanan vero ira magna inflammatus, vix loqui potuit, & tandem in

in hæc verba prorupit dicens : Vere gens Francorum, gens superba, sed nostro gladio refrænetur eorum superbia. Ideo autem requirunt denominatum prælium, ut quibus cedit victoria, cedat & Imperium. Quoniam sine aliorum sanguinis dispendio, aut patria volunt ditari, aut à manibus nostris liberari. Sed tunc salubre consilium non inuenerunt, cum pro effæminata gente arma sumpserunt. Tamen adhuc ite, illisq. renuntiate: quoniam si volunt Deum suum abnegare, suæq. Christianitati renuntiare, in gratiam omnes recipiemus, & terram hanc eis donabimus, & multo meliorem, & de omnibus equites faciemus. Quod si facere neglexerint, omnes iamiam morientur, aut victi in terram nostram ducentur. Post hæc Erleuinus, quia illorum nouerat linguam, subiecit, & ait: O Princeps nullius militiæ, sed totius malitiæ, si scires quàm dementissimum est apud Christianos dicere, nega Dominum, nunquam de tuo ore polluto egrederetur tale verbum. Scimus pro certo, ipso Deo, quem negare suades, reuelante, quia in proximo est nostra salus, & vester interitus, nostrum gaudium, & vestrum detrimentum. Quis vero vobis transmisit ignem, qui vos ita perterruit, & de loco, in quo tentoria fixeratis, ita perturbauit? Signum hoc in portentum veniet vobis, nobis in salutem, quoniam ipsius Dei nostri certam inde habemus legationem. Corbanan diu ferre non potuit conuitia Erleuini, & præcepit à conspectu suo illum amoueri. Dixeruntq. ei, qui illic astabant, ut cito recederet, aliàs nunquam ei legationem profuturam. Ille cum socijs ita discessit, & ad urbem remeauit. Nec prætereundum quid istis recedentibus Corbanan suis dixerit: Audistis nunc, quid pannosi illi, vultuq. despicabiles, & nullius personæ homunculi, & quàm constanter locuti sint: nec iram nostram, & tela micantia expauerunt? Hinc est, quia desperati sunt, & volunt mori, & malunt mori, quam captiuari. Propterea ò fortissimi milites cum ad prælium venerint, vndique eos circumuallate, ne alicui sit locus diuerendi, nec spatium diu viuendi: quoniam si eis aliquandiu licet viuere, antequam omnes interficiantur, magnas strages de nostris facient. In hoc apparet, quia Corbanan stultus erat, qui sic loquendo suorum mentibus terrorem incutiebat. Nec mirandum, si insipiens loquitur amentiam, quia spiritus sapientiæ non intrat in maleuolam animam. Petrus Eremita, & Erleuinus ad Principes exercitus reuersi sunt, & quæ Corbanan responderat, narrauerunt.

Tunc Podiensis Episcopus nutu, & assensu omnium, triduanum omnibus indixit ieiunium. Vnusquisque puro corde confessus fuit, & qui aliquid ad edendum habuit, non habenti distribuit. Illustres dies deduxerunt cum omni humanitate, & puritate cordis, Domini misericordiam implorantes. Tertia die illucescente, Missæ per ecclesias celebratæ sunt, omnesq. sancta Dominici corporis communione communicati sunt. Comuni deinde consilio intra urbem sex acies constituuntur, & quæ prius, quæ posterius irent, ordinantur. Prima acies fuit Hugonis Magni, & Flandrensis Comititis: secunda vero Ducis Godefridi, in tertia vero fuit Comes Robertus de Normannia cum suis: quarta fuit Podiensis Episcopi, qui secum portauit Lanceam nostri Saluatoris, & cum illo fuit magna pars exercitus Comititis S. Aegidij, qui ad custodiam Ciuitatis remansit: quinta Tancradi fuit, & Boamundi sexta, cum qua expeditiores ad bellum pedites fuerunt, & milites, qui equos suos

Quibus modis ad pugnam se præparata. vi.

suos necessitate victi vendiderant . Episcopi, Presbyteri, Clerici , & Monachi sacris vestibus induti cum militibus extra portā ciuitatis exierunt ; portantes in manibus suis cruces, quibus Dei populum signabant, & magnis vocibus ad cælum manibus extensis clamabant : Saluum fac populum tuum Domine, & benedic hæreditati tuæ, & rege eos, & extolle eos nunc , & in æternum . Esto eis Domine Turris fortitudinis à facie inimicorum suorum . Hos, & alios Psalmos canebant, illos præcipue, quæ tribulationi conueniebant . Similiter illi, qui in turribus erant, & super murum idem faciebant, & cantabant . Egressi sunt itaq. milites Christi contra satellites Antichristi, per portam quæ est ante Mahumariam . Corbanan vero in quodam monticulo stans, exeuntes aspiciebat, & dum exirent, dicebat : State quieti milites mei, & omnibus exire permittite, vt eos melius valeamus comprehendere . Habebat autem iuxta se positum Aquinaticum quendam , qui fidei nostræ abrenuntiauerat, & edacitatis gula coactus de ciuitate exierat , & aduersariorum se ad castra contulerat .

Hic de nostris multa nefanda dixerat, quod fame moriebantur, & omnes fugæ præsidia moliebantur, quod equos suos comederant, & victus inopia tabescebant, nihilq. restare, nisi quod aut fugerent, aut ditioni Corbanan subderent se . Dumq. diuissæ acies suis ordinibus de ciuitate exirent, Corbanan, cuius esset vnaquæque requirebat, quæ Aquitanicus è ordine referebat ; Sol vero super armatas loricas, & lanceas radios inferens, oculos intuentium reuerberabat, & aduersarijs terrorem immittebat, vt diuina Scriptura testatur, quia terribilis est castrorum acies ordinata . Vt autem congregatos omnes conspexit, intra semetipsum infremuit, circumstantibus dicēs : Magna est gens illa, honesteq. armata, non mihi videtur, quod velint fugere, sed instare, quod non velint obsequi, sed prosequi . Conuersus itaq. ad apostatam suum, inquit : Furcifer, omniumq. scelestissime, quæ friuola dixisti nobis super hominibus istis, quod equos suos comederint, & fame cruciati fugam pararint ? Per Mathomum, in caput tuum retorquebitur istud mendacium, capitisq. lues sacrificium . Tunc accersitus gladiator tyranni paruit imperio, & euaginato gladio, caput illius præcidit : dignam suæ garrulitatis, & apostasiæ mortem subiit . Tunc quippe mandauit Admirando suo, qui custodiebat suum thesaurum, vt si ignem accensum in capite sui exercitus videret, fugam protinus arriperet, & omnia, quæ sua erant secum portaret, aliosq. fugere compelleret . Sciret enim, quia Francorum gentis esset bellum . Nostri vero milites, vt primùm in quandam planiciem venerunt, Podiensi Episcopo innuente steterunt, & cum summo silentio sermonem illius audierunt : Erat autem vestitus lorica, & in dextra illius in altum erecta Saluatoris lancea . Qui os suum in hæc verba aperiens dixit : Omnes, qui in Christo baptizati sumus, filij Dei, & fratres inuicem sumus . Quos ergo coniunxit vna spiritalis copula, iungat & dilectio vna . Pugnemus igitur vnanimis, vt fratres pro animabus, corporibusq. nostris, sicut positi in rebus extremis . Mementote, quantas tribulationes passi estis pro peccatis vestris, sicut nunc vobis innotescere dignatus est in visionibus suis Dominus Deus noster . Nunc vero purgati estis, Deoq. per omnia reconciliati . Et quid timendum ? Nullum vobis contingere potest omnino infortunium . Qui hic morietur, viuente felicius erit, quia pro temporalia vita, gaudia

gaudia adipisceretur æterna; qui vero remanserit superstes, præclara triumphabit victoria, diuitijs inimicorum ditabitur, & nulla angustabitur inopia. Vos scitis quod perpeffi sitis, & quid in præsentiarum ante vos videatis. Orientales diuitias adduxit vobis Dominus vester in faciem vestram, in manus vestras. Confortamini, & estote viri robusti, quoniam iam mittet Dominus legiones sanctorum suorum, qui vlciscuntur vos de inimicis vestris. Hodie videbitis illos oculis vestris, & cum venerint, ex eorum terribili fragore ne timeatis. Non enim debet inassuetus vobis esse conspectus eorum. Considerate quomodo aduersarij vestri extento collo, sicut cerui, & damulæ pauescentes, aduentum vestrum aspiciunt, paratiores ad fugam, quam ad prælium. Et vos bene nostis eorū prælia, quoniam sagittis plus in fuga, quam in pugna confidunt. Ite igitur contra eos in nomine Domini nostri Iesu Christi, ad bellum, & Dominus Deus noster omnipotens sit vobiscum. Cumq. omnes respondissent, Amen, extensis in longum legionibus, prior erecto vexillo antecedit Hugo Magnus, qui iure vocatus est Magnus, quoniā hoc priuilegium commendauit actu, & moribus. Hunc subsecuti sunt alij sicut superius sunt nominati, fuitq. eorum proluxa extensio, à flumine, vsque ad montana scilicet, cui spatio intersunt duo milliaria. Tunc vero Corbanan cepit retroire, & montanis appropinquare. Nostri autem paulatim illum insequabantur, quoniam moderato gressu omnes procedebant. Tunc Turcæ in duo sunt diuisi, quia pars vna à regione maris processit, pars altera maior in campis remansit. Statuerunt igitur nostros sic inter se includere, & à dorso sagittare. Sed ordinata est septima acies, quis contra partem diuisam configeret: ordinata est autem ex militibus Ducis Godefridi, & Normanni Comitis, cui præfuit quida dux, nomine Rainaldus: hunc contra illos miserunt, & præliati sunt, multiq. hinc, & inde ceciderunt. Et vt aliæ sex acies ad iactum sagittæ peruenerunt, Turcæ vicinij ire recusantes, tensis arcubus trahunt, sed frustra, quia ventus ex obliquo flans, eoiactus redegit in vanum: Quod Turcæ vt viderunt, versis frans retro fugiunt, sic quæ prima acies quæfuit in bello, bellum nec inuenit: quæfuit quem percuteret, aut à quo percuteretur, nec reperit. Interea missus est Nuntius a Boamundo Hugoni Magna, vt ei ferret auxilium, quia nimium urgebatur oppressione Turcarum. Mox Hugo conuersus, ait suis: O viri bellatores, nos pugna fugit, quæramus pugnam, eamusq. ad Boamundum egregium Ducem: Illic est pugna, quam quæritis, illic ferus instat hostis, quem desideratis. Tunc citius dicto, volat illuc quisque satelles, iungunturquæ simul egregij comites. Quod vt vidit Dux Ducum Godefridus, quod magnus amicus suus ita celeri cursu cum omnibus suis discurrebat, insecutus est eum, quoniam & ipse à bello vacabat. Illic quippe incumberebat robur militiæ Persarum, & maior fortitudo, & bene decebat, vt illic occurreret Godefridus & Hugo. Erat enim vnus ab altero, quasi alter idem, vnā habentes in se amicitiam. Hugo magnus cum ad pugnam conflictum prior venisset, intuitus est vnum de aduersarijs, qui erat audacior ceteris, aliosq. ad pugnam clamando hortabatur. Qui spumantem equum dirigit contra eum & lancea ei guttur perforauit, & sic os illius oppilauit. Quid miser faceret? Solo statim corruit, & dijs infernalibus animam commendauit.

Post

Post hæc contigit nostris grande incommodum : quia Odo Belgentiacus , qui vexillum ferebat , sagitta toxicata vulneratus fuit , & dolore vulneris ingrauescente , cum vexillo terræ corruit : sed Beniensis Guilerinus ense nudato , viam per medios hostes aperuit , & signum tellure levauit . Quid dux Ducum Godefridus , quid Boamundus , quid clara iuuentus ibi egerint , nec lingua dicere , nec manus scribere , nec pagina valet capere . Nullus nostrū ibi iners fuit , nullus timidus , qui nec locum habebant , & hostis supereminens vnumquemque vrgebat . Quanto magis enim occidebantur , tanto magis crescere videbantur . Sicut enim putredini muscæ confluere solent , sic , & ipsi vndique conueniebant . Dum sic certatur , & tam longi certaminis prolixitas fatigabat nostros , nec numerus hostium videbatur decrescere : albatorum militū innumerabilis exercitus visus est de montibus descendere , quorum signifer , & dutes esse dicuntur , Georgius , Mauritius , Mercurius , Demetrius , quos vt primum vidit Podiensis Episcopus , exclamauit voce magna dicens : O milites , ecce venit auxilium , quod vobis promissit Deus . Et certe nostri valde expauissent , nisi fuisset spes , quam in Domino habebant . Tunc tremor maximus irruit in hostes , & versis vultibus , scutis terga cooperiunt , & fugam , quo vnicuique locus dabat , arripiunt . Pars illa , quæ à parte pugnabat maris , vt vidit fugam suorum , ignem sparsit super gramen campi , quod celeriter arsit , quia illud siccauerat ardor æstatis . Hæc ideo fecerunt , vt hoc signo illi , qui in tentorijs erant , statim fugerent , & secum ditiora spolia tollerent . Illi vero cognito signo , qui in montanis erant , protinus fugerunt , cum omnibus spolijs , quæ portare valuerunt . Sed quid eis profuit , cum diu eis ferre non licuerit ? Armænij , & Surani siquidem vbi viderunt , quia victi erant , & nostri eos insequerentur , obuiam illis veniebant , & occidebant . Hugo vero Magnus , & Dux Godefridus , & Flandrensis Comes , simul cum suis agminibus equitabant iuxta aquam , vbi robustior , & depressior eorum erat exercitus : tantoq. impetu vrgeri cæperunt , vt ad sua tentoria , quo tendebant , remeare non potuerint . Et vt citius persequi valerent , illorum equos , qui moriebantur , ascendebant , suosq. equos , qui erant macilentiores , & afflicti fame , frænis à capite detractis relinquebant in campo . O miranda virtus Dei omnipotentis , & immensa potestas ! Miles tuus longo afflicti ieiunio , persequitur tumentes adipe , & pinguedine , ita vt etiam nec ad sua bona , quæ reliquerant , auderent respicere . Spiritus tuus bonus erat in mentibus eorum , qui & vires suggerebat corporum , & audaciam præstabat animorum . Non illum retardabat vlla cupiditas spoliū , nulla vllius rei auaritia , quoniam illius mens magis titillabat victoria . Sicut in macello bestiarum corpora solitum est dilaniare , sic & nostris licitum erat Turcarum corpora laniare : Euolat sanguis de corporibus vulneratorum , euolat puluis agitatus equorum pedibus discurrentium . Aether obnubilatur , & quasi crepusculum fieret , obtenebratur . Contigit autem quia fugientes in quendam collem deuenerunt , & ibi se contra nostros colligere sperauerunt . Tunc Gherardus senex de Melione , qui longo tēpore ægrotus iacuerat in obsidione , equo celeri transuectus improuide se iniecit in illos , eorumq. iaculis est confossus , & sic digna morte peremptus . Quod vt viderunt , qui eum vicinij insequiebantur , Euuardus scilicet de de Puteolo , Paganus Beluacensis , Drogo , & Thomas , & Clarembaldus , ceteraq.

teraq. inuentus Hugonis Magni, nil hæsitantes in illos irruunt. Et quidem forte certamen inierunt, sed tamen Deo iuuante, crescente caterua suorum, viriliter dissipauerunt. Ibi multum cruoris effusum est, multorum truncata capita, qui si, ut cæperant, fugissent, euadere potuissent. Persecuti sunt autem illos vsque ad Pontem ferreum, & ad Castellum Tanctadi, & ultra non potuerunt persequi, quia nox obscura finem rei imposuit.

Mortui sunt autem illo die centum millia equitum, sed propter fastidium nullus numeratus est de tota multitudine peditum. Miles fatigatus, quia longe ab vrbe erat, ad tentoria, quæ suorum erant inimicorum, redijt, multumq. quodq. ad edendum sibi sufficeret inuenit. Ante enim quàm timor Dei venisset in corda illorum, in sartaginibus, & cacabis, & lebetibus, & in ollis parauerant carnes ad obsonium, sed miseris quæ parauerant, non licuit coquere, nec tollere. Ibi potuit videri venerandus sacerdos Podiensis Episcopus, lorica vestitus & casside, & lancea sancta in manibus, qui præ nimio gaudio rorabat vberimis ora fletibus. Hic illos hortabatur, ut Deo gratias agerent, per quem victores exstiterant: dicebatq. eis: Ex quo milites esse cæperunt, nulli vobis compares fuerunt, quia nulli in tam breui tempore tot, tantaq. bella confecerunt, quanta vos peregistis, ex quo mare Constantinopolitanum transistis. Multum quippe est à fide Christiana alienus, qui videt, quæ vos hodie vidistis, & in Dei dilectione non est continuus. Hæc & his similia venerandus Pontifex dicebat, & verbis talibus populum sibi commissum instruebat, & iocos, & risus eorum temperabat. Contemplatio enim vultus illius præsentis ita omnes reuerberabat, quod nemo eo præsentis verba vana proferre præsumebat. Peracta nocte illa, in crastinum quindecim millia camelorum sunt inuenta: equos vero, & mulos, & asinos, oves, & boues, & omnis generis pecora nemo numerare potuit. Inuenta sunt vasa aurea, & argentea, plurima pallia, & spolia magna, magni pretij, diuersaq. varietatis. Cum his omnibus ad ciuitatem triumphantes venerunt: & ab his qui remanserant Clericis, & Presbyteris, & Monachis, cum solemnī processione suscepti sunt. Admiraldus vero, qui in Castello erat, ut vidit Principem suum, & eos qui cum illo erant, à campo fuga diueri, viditq. innumera albatum equitum millia, cum candidis vexillis per planam discurrentia, admodum expauit, vnumq. de vexillis nostris ob tutelam dari sibi poposcit. Comes sancti Aegidij, qui illic ad custodiam ciuitatis remanserat, suum illi vexillum concessit, & gratanter accepit, acceptumq. muro Castelli affixit: sed ut cognouit à quibusdam Longobardis, qui astabant ibi, quod Boamundi non esset, cui tota ciuitas concessa erat, signum suum reddidit Comiti, & signum quæsiuit Boamundi, & Boamundus misit ei. Quod cum reciperet, Boamundum rogauit, ut ad se veniret. Ille vicino pede legationi ambulauit, & quid dicere vellet, auscultauit. Gentilis fidei pactum requirit, ut qui cum eo erant & discedere vellent, nullius iniuriæ læsionem paterentur, & vsque in terram Sarracenorum conducerentur: qui vero secum Christianus fieri vellet, faciendi licentiam haberet. Boamundus immenso gaudio repletus est, & dixit: Amice, quod exposcis, libenter concedimus tibi, sed præstolare modicum, quia istud principibus nostris renuntiabo, & celeriter reuertar ad te. Et mox festinanter cucurrit, & aggregatis in vnum principibus, verba Gentilis enarrauit. Placuit omnibus, omni-

potenti

potenti Deo gratias agentibus . Boamundus ad iam domesticum regreditur gentilem, & requisitæ ab eo conuentionis confirmat sponfionem . Ille vero reddidit se Episcopo Podiensi, & sanctæ Christianitati, cum trecentis suis militibus valde speciosis, & iuuenibus, fuitq. inter Christianos tunc maius gaudium de eorum Christianitate, quàm de castelli traditione . Boamundus castellum recepit, & eos qui Christiani fieri noluerunt, in terram Sarracenorum conduxit . Triduo peracto ieiunio, baptizati sunt Gentiles cum lætitia magna, & creuit ibi laus Dei, & gloria Christiana . Ipsi referre postea soliti erant, quod cum de castelli arce bellum aspicerent, innumera subito candidorum militum millia se vidisse, quorum intuitus ipsos vehementer terruit . Nec mirum fuit, quia omne castellum funditus intremuit . Cumque viderent eos agminibus Christianorum consociari, suosq. in excidium, fugamq. verti, protinus intellexerunt cælestia numina esse, Christianorumq. Deum superari non posse . Inde compuncta fuerant corda illorum, seq. Christianos fieri sponderunt . Actum bellum hoc IV. Kalendas Iulij, vigilia scilicet Apostolorum Petri & Pauli . Sicq. diuina respiciente misericordia, procella Antiochenæ tribulationis, quæ fere per decem menses intumuerat, sedata fuit, & regia ciuitas, quæ longo tractu temporum iugo diabolicæ captiuitatis subiecta fuerat, amisam pristinx libertatis gratiam recuperavit . Hostes qui eam in captiuitate detinuerant, sunt & ipsi captiui, & in latebris sylvarum, cauernisq. petrarum, & fossis montium sunt dispersi . Armenij quoque, & Surani habitatores terræ illius, per dies plurimos scrutati sunt illos, & inueniebant alios semineces, alios vulneratos, alios parte capitis carentes, alios ventri suo, ne omnino vitalia exirent, manus suas apponentes, & detractis eorum spolijs interficiebant . Itaq. inimici Dei depopulati sunt, & Christiani serui Dei excelsi in gloriosa Vrbe cum gaudio, & lætitia aggregati sunt .

De eadem sacra Lancea, qua Christi D. N. latus in Cruce apertum fuit. Cap. 199.

Beda. de loc. sanct. c. 2. **D**E eadem sacra Lancea hæc tradit Beda Ven. : Lancea militis, inserta habetur in Cruce lignea in porticu Martyrij, cuius hastile in duas intercisum partes, à tota veneratur ciuitate . Hactenus Beda . Quod autem dicit, Martyrium, explicatum habemus à S. Cyrillo Hierosolymitano, qui ait, Ecclesiam Hierosolymis, resurrectionis appellatam, in Golgotha positam, Martyrion esse dictam .

Bellarmin. de imag. c. 27. Post multos annos, Anno Domini 1098. Christianis aduersus Turcas bel-
lantibus, diuina reuelatione reperta est Antiochiæ, & insigni miraculo nobilitata .

Peruenit sacra Lancea ad Balduinum Constantinopolitanum Imperatorē . Demum capta Constantinopoli, ad Mahometem Turcarum principem . Eo mortuo, ad Bajazethem filium, & successorem, qui eam transmisit ad Innocentium Papam VIII. Qua autem occasione, narrat Alphonsus Ciacconius in vita Innocentij VIII.

Eadem

Eadem à Baiazethe Turcarum Imperatore, Pontifici Romano pro precioso munere mittitur. Cap. 200.

Eodem tempore Gemes, qui & Zizimus, Baiazethis II. Turcarum Imperatoris IX. frater apud Prusiam, Bithiniæ Urbem de imperio certans, victus, & profugus, subsidium Christianorum imploraturus, ad Rhodum peruenit, ubi Magni Magistri auxilium, & consilium implorauit. De eius consilio Romam ad Pontificem profectus. Nec longe post Baiazethes, missis ad Pontificem Legatis urbem Hierosolymitanam, quatenus fratrem Zizimum sibi dedat, ultro offert, verum nè datam fidem falleret Pontifex, Baiazethis & munera, & amicitiam repudiavit. Quis fuerit eius accessus in Urbem, Matthæus Bossus Canonicus Veronensis tunc præsens tradit. Solemni pompa exceptus, tota Vrbe spectante: Incessit enim per speciosiores vias, insigni insidens equo, mediūsq. inter Franciscum Pontificis filium, & Magni Magistri Rhodiorum Equitum fratrem, denique in Palatium Vaticanum deductus est, ibiq. honorifice habitus. Non multos post dies, publicum in Consistorium deductus, ad Pontificis Maximi conspectum, conspicuo in throno sedentis, neque flecti ante illum, neque de osculari exemplo pedes, ut, qui præfunt sacris ritibus, & cæremonijs illum edocebant, nullo passus est modo ille, qui sub Patre Mahomete, tantum Christiani sanguinis effuderit sæuus, & impius, quantum riuus egereret. Aspectus Barbari Zizimi, sæuus, & truculentus, corpus compressum, & corpulentum, cernix lata, pectus vastum, & prominens, statura ultra quam mediocris, habens & oculorum alterum luscum, ac toruum, nasum aquilinum, caput inquietum semper, omnia collustrans, & tamquam minax inspectans, ætas illi, ut videbatur, anno quadragesimo proxima. Patrem, cuius imago cæ-lata ære sæpe videtur, ad vnguem referens, & ut indole, sic, & moribus pessimis, insigni atrocitate, atque sæuitia æquans. Hæc quidem Bossus de Zizimo. Vixit Zizimus toto deinceps Innocentij Pontificatu, Romæ in Vaticano honesta custodia, ad cuius sustentationem frater Baiazethes Constantinopolitanus Imperator 40. aureorum millia annuatim, dum vixit, misit.

Baiazethes Turcarum Imperator, quo Pontificem, fratris Zizimi captiui causa, sibi gratiorem redderet, pro magno munere ferrum hastæ, quod latus Domini pendens in Cruce perfoderat, ad eum misit. Quod olim apud ædem S. Andreæ Antiochiæ repertum, capta iam Ciuitate, Boemundus in prælio corripiciens, cum Arcem expugnare non posset, eam illico cæpit, & hostium multa millia prodigiose deleuit. Dono id Constantinopolim aduectum, postremo Turca, hoc anno Pontifici misit. Pontifex in occursum prodijt illud recepturus: submissè, ac deuotè suscepit, & arcis ab se conditæ marmoreo tabernaculo conclusum, in Basilica Vaticana, religiosissime paulo ante obitum suum collocauit, ubi hodie extat.

Quomodo autem, & quando Urbem ingressus sit Magni Turcæ Orator ad Papam Innocentium, habetur ex antiquis Diarijs Lælij Petronij, & aliorum, his verbis: Vltima Maij in die Ascensionis anni 1492. intrauit Urbem Orator Magni Turcæ, qui donauit lanceam, vel ferrum lanceæ Longini, cum quo latus D. N. Iesu Christi fodit in Cruce. Et fuit receptum à Pontifice, & toto Clero processionaliter, ab Ecclesia Sanctæ Mariæ de Populo, vsque

ad

*Ciaccon. in
vit. Innoc.
VIII.*

*Ex antiq.
Diarij Lælij
Petronij,
Pauli Ma-
gistris, &
Stephani
Inseffura
fol. 10.76.
ad 77.*

ad Sanctum Petrum . Et erat inclusum dictum ferrum in quodam tabernaculo pulcherrimo chrystalli, cum pede, & alijs ornamentis puri auri, & fuit res magnæ æstimationis . Et forma eius est hic designata in propria forma ipsius . Et cuspis eius est apud Regem Franciæ, pro vt ipsemet magnus Turca nunciavit Papæ, per præfatum eius oratorem .

Iaco. Phil. Bergom. in supplemen. Chron. lib. 13. sub an. 1240. Ex his etiam habemus, quare sacra Lancea hæc Romæ in Vaticana Basilica conspiciatur sine cuspidē . Quod & confirmatur ex narratis à Philippo Bergomenfi, dum ait .

Balduinus huius nominis secundus, quintus ex Gallis Constantinopolitanus Imperator, hoc anno mortuo prius Petro Antifiodorense, Theodoroq. arque Ioanne Imperatoribus, & in se Græcanum Imperium suscipiens impetavit annis viginti . Hic cum biennio imperium tenuisset, ægregq. se ab hostibus tueretur, ærarij inopia compulsus Venetis proprium filium, ob æs mutuo acceptum, pignore dedit, partemq. Lanceæ, Spongiamq. Christi eadem sub conditione tradidit . Quas postea Ludouicus, cum ipse Balduinus redimere non posset, ab ipsis Venetis Balduino permittente redemit, & in Franciam perduxit .

Enarratio de Maria, quæ extitit Zebedei vxor, quæ & Salome dicitur. Cap. 201.

Matt. 27. Marc. 16. Luc. 23. & 24. **M**aria Zebedei vxor, regnum, quod filijs suis Iacobo & Ioanni in terris exoptauerat, ipsa in calis habere meruit, quoniam multa pietatis officia erga Dominum Iesum, tum in vita, tum in morte eius, & post mortem etiam, multa religione exercuerat . De ea hæc habet Euangelista Matthæus . Erant autem ibi (hoc est in Caluariæ loco) mulieres multæ à longe, quæ secutæ erant IESVM à Galilæa ministrantes ei : inter quas erat Maria Magdalena, Maria Iacobi, & Ioseph mater, & mater filiorum Zebedei . Marcus autem rem hanc huiusmodi verbis explicat : Erant autem mulieres de longe aspicientes, inter quas erat Maria Magdalena, & Maria Iacobi minoris, & Ioseph mater, & Salome ; & cum esset in Galilæa, sequebantur eum, & ministrabant ei, & aliæ multæ, quæ simul cum eo ascenderant Hierosolymam . His autem hæc sequenti capite adiecit : Et cum transisset sabbathum, Maria Magdalene, & Maria Iacobi, & Salome emerunt aromata, vt venientes vngerent IESVM, & valde mane vna Sabbathorum veniunt ad monumentum orto iam Sole &c. Consimilia leguntur apud S. Lucam .

Ex Verulanæ Ecclesiæ monimentis, & ex Breuiario Gallicano habemus quædam alia . In Breuiario Gallicano sic scriptum est : Hæc (Maria, scilicet Iacobi, & Salome, cum Maria matre IESV) ad Crucem Domini steterunt, & cum ea eius mortem defleuerunt, atque cum Magdalena, & ceteris circa corpus Domini perungendum sollicitæ fuerunt ; ideoq. eisdem apparuit Dominus &c. Maria autem Salome filium suum Ioannem Euangelistam audiens Romæ detentum, ad ipsum visitandum accessit, sed cum in exilium relegatum audisset, & rediret, in Ciuitate Verulana Campaniæ migravit ad Christum . Cuius corpus in specu sepultum, diu latuit, sed reuelante filio inuentum, honorifice fuit reconditum, miro odore, & miraculis fulgens . Hucusque ibi .

De eadem sic habet Martyrologium Romanum . XI. Kal. Nouemb. Hieroso-

rosolymis S. Mariæ Salomæ, quæ in Euangelio legitur circa Domini sepul-
turam sollicita.

Et Baronius in notis ad Martyrol. Rom. 8. Kal. Augusti, hæc adnotauit;
Sane quidem & horum (Iacobi scilicet, & Ioannis) matrem, vxorem Zebe-
dæi, Mariam, eadem dispersione (discipulorum scilicet post Stephani pro-
tomartyris necem) fugatam, in Italiam aduentasse, & apud Hernicos, iti-
nere fatigatam, in pace quieuisse, produnt vetera monumenta Ecclesiæ Ve-
rulanæ, vbi eius venerandum corpus religiose asseruatur.

*Inuentio, atque Translatio corporis S. Mariæ Salomæ, calitus
facta. Cap. 202.*

Relatio Casemarij Abbatis ad Innocentium Papam.

Reuere[n]dissimo Patri, & Domino Innocentio Sanctæ Rom. Eccl. summo, Ex m. f. no
stra Biblio-
theca Co-
dica. Au-
thor rei ge-
stæ inter-
fuit.
& vniuersali Pontifici Fr. G. Abbas Casemarij debitæ subiectionis ob-
sequium: Quidam iuuenis Verulanus inter alias, quas vidisse asseritur, vi-
siones istam vidisse refertur, quam vestræ Sanctitati scribo. Beatum Petrum
Apostolum vidit, vt asserit, manifeste, qui sibi locum liquido demonstrauit,
vbi matris filiorum Zebedæi reliquias reconditas affirmabat. Post aliquot
dies itum est ad locum, qui puero fuerat præmonstratus ab Apostolo, & ego
cum duobus de fratribus meis adfui rogatus à Venerabili Episcopo Verula-
no. Locus erat foris iuxta mœnia Ciuitatis, arduus, & aridus, & valde
difficilis ad eundum, præcipitijs plenus, & rupibus, quæ rupes, tantæ erant
molis, & magnitudinis, vt non sine palis, & malleis ferreis, multoq. labore
confractæ, potuerint amoueri de loco. Quibus amotis cauatum est fere ad
staturam hominis, & inuentus lapis, sub quo iterum lapis inuentus est alius,
vbi scriptum erat, Maria mater Ioannis Apostoli, & Iacobi in theca ista.
Inuenta est & chartula, in qua id ipsum, quod in lapide scriptum erat.
Quæ chartula suta erat in panno, vbi ipsæ erant inuolutæ Reliquiæ, charta
pannus, & ossa, omnia pura, integra, & sincera, ac si de nouo fuissent ibi
reposita: quæ autem sic inuenta sunt, sicut iuuenis præuiderat, & prædixe-
rat memoratus: Ossa leuauit Episcopus, & tradidit ea mihi, quæ post pau-
lulum Episcopo reddidi. Episcopus vero reddidit ea Vicedomino suo, Vi-
cedominus cuidam Monacho meo, qui Monachus tangens vnum de ossibus,
manum suam vidit, & sensit sanguine recenti perfusam. Et ego postea cum
multis alijs vidimus pannum, & toualeam perfusam sanguine, in quibus erant
inuolutæ Reliquiæ. In excavatione vero odor suauissimus repleuit me, &
qui aderant vniuersos; durauit autem non multum, sed & terræmotus, vt
aiunt, factus est magnus, sed ego non sensi. Post paucos autem dies va-
dens illuc cum Domino Pennensi Episcopo, & Abbate S. Anastasij, in offe-
ficut puto, tibi vidimus purum sanguinem, & recentem. Ecce quod oculis
meis vidi, sanctitati vestræ fideliter denotaui. hæc ibi.

De eadem in Romano Martyrologio 8. Kalen. Iun. ita scriptum est.

Verulis in Hernicis translatio sanctæ Mariæ Iacobi, cuius corpus pluri-
mis miraculis illustratur. Quod audis Mariam Iacobi, maioris, intellige
matrem, non minoris, constat enim tam ex citata historia, quam ex Veru-
lanæ,

T

lanæ,

lanæ, & Pistorienſis Eccleſiæ monūmentis, Mariæ Salomæ, non Iacobi minoris Reliquias apud Verulas aſſeruari.

Effigies autem Beatæ Mariæ (ſicut adoleſcens referebat) huiusmodi fuit quando apparuit ei : Statura fuit compoſita, & procera, ætate mediocris, decore, & venuſto vultu, ſubalba, & honeſta, induta veſtibus niueis.

Quod monachus tangens vnum de oſſibus, manum ſuam vidit & ſenſit ſanguine recenti profulam mirum videri non debet. Certe quidem ex nudis atque aridis oſſibus ſanguinem copioſumq. humorem frequenter fluxiſſe, in vita Sanctæ Glyceriæ Virginis pluribus demonſtratur. Videat etenim lector Euagrium lib. 2. cap. 2. Conſtantinum Epiſcopum in oratione inuentioſis Reliquiarum S. Euphemie Virginis Nicephor. lib. 15. cap. 3. & lib. 18. cap. 31. & 32. & Cyrillum Monachum in vita magni Euthymij Abbatis.

Complura leguntur miracula, quæ ad Sanctæ Mariæ Salome reliquias patruntur tam in Verulanæ Eccleſiæ, quàm Pistorienſis tabulis, quibus nimirum Deus Sanctam ſamulam ſuam mirifice adornare voluit. Exſcribemus itaque ex innumeris aliquot, eaq. ad verbum ſtylo non mutato, quod perpetuo, cum & hitorias, & aliorum auctoritates, atque ſententias deſcribemus, ſeruabimus.

Aldruda mulieri leproſa apparet Maria, & docet, quomodo mundari poſſit. Cap. 203.

Mulier quædam coniugata Aldruda nomine, diuino iudicio lepram incurrit, itaque per expiationem ſuperciliorum, naſi crocicationem, vocis rauicationem, & faciei tumorem lepræ certa inditia iam patebant, & hoc à parentibus, & viro, vt de iure eſt, inter infirmos poni conſimiles tractabatur: cumq. hoc mulier comperiſſet, petita licentia à viro ſuo, & illi domus vtenſilibus assignatis, quia inter ſuos manere erubeſcebat, & extra fugere cupiebat, & cum panniculis ſibi neceſſarijs mane ſe diſpoſuit profeſturam. Nocte autem ſibi dormienti apparens mulier quædam dixit: Ego ſum Maria mater Apoſtoli Iacobi; ſurge mature, & ad domum meam, Verulas properato, quia ibi per diuinam clementiam eris ſalutem priſtinam receptura. Cumq. de ignotione itineris cauſaretur, audiuit quod arrepto itinere, de ductore eſſet, & comite prouidenda. Qua viſione mulier reddita pauida, pariter & gaudiſa, poſt conſurgens cæpit tendere, quo neſciebat. Non multum autem à ſuo domicilio ſeparata, viatores duo, vir ſcilicet, & vxor Apuli, cum feſtinatione ei obuiam occurrerunt; cum didiciſſet ab eis, quod eſſent Verulas profeſturi, ſe eis admixcuit, & ita tres ſimul viatores, vt debiles, & impotentes lentis ſuo itinere paſſibus incedebant. Cumq. vxor illius Apuli eam leproſam cognouiſſet, ſocietatem eius cepere omni modo refugere. Venientes vero Aquinum, & cupientes ſe ab illa funditus ſequeſtrare, compoſitis occaſionibus in urbem ipſam diuerſentes quaſi inibi moraturi, dederunt ei licentiam, vt viam ſuam ambularet. Credentes autem illam in Ciuitatem moraturam, per aliâ viam Ciuitatem egreſſi ſunt. Dum viam ſuam de propoſito ambularent, ecce quam putauerât retro ſe dimiſſam, ante ſe perambulantem inuenerunt, quod Dei nutu fieri perpendentes, vna cum illa Verulas inſimul peruenerunt: quo perueniētibz, mulier oratorum

Beatæ

Beatæ visitauit, eam pro quo venerat rogatura, & sic annuente illo, qui decem leprosis olim cutem pristinam restaurauit, & meritis Beatæ Mariæ, eius materteræ gloriose sanitatem pristinam est adepta, ita quod nullum signum infectionis in ea penitus appareret, & sic gaudens, & lætabunda ad propria remeauit. Hucusq. Verulana monumenta.

Rursus mirabiles curationes operatur B. Maria Salome.

Cap. 204.

RAinaldus de Celano Archiepiscopus Capuanus, supra nominato Papæ Innocentio in sua epistola hæc etiam scribit. Cum quidam iuuenis Capuanus ab ipsa infantia officio brachij destitutus esset, adeo ut vix id mouere posset, audito quod Verulis Reliquiæ B. Mariæ Iacobi essent inuentæ, cupiens salutem corporis adipisci, illuc adiit, & in oratione, & lamento, ibi triduo mansit. Tertia verò nocte sibi in Ecclesia soporato, Beata Maria Iacobi apparuit, & apprehendens eius brachium, dixit ei: veni mecum. Eumq. apprehenso eius brachio cum sursum erigeret, in iunctura brachij illius, & humeri sonus increpuit, & opitulante eo, qui sanat contritos corde, ad dictum sonum & excitatus est, & sanatus, ita ut expedite duceret dexterum brachium, & sinistrum. Hæc autem dictus Archiepiscopus retulit, se ab eodem iuvene, qui passus fuerat audiuisse: attestantibus hæc eadem probis viris, & nobilibus.

Præterea Roccius Calinensis Episcopus præfato Papæ Innocentio in suis litteris hæc recenset. Quidam, Matthæus nomine, cuidam D. Ranerio nuncupato, in agricultura cum fideliter deseruiret, accidit, ut dum, ut solebat, in agrum quendam diuerteret, subito serpens in eum insiliens illum grauitur vulnerauerit. Quo ille exterritus, & vocis, & audis officio, & partis corporis sanitate priuari cœpit. Sed cum per tempus aliquod huiusmodi periculum pateretur, Dominus eius, prænominatæ matris Apostolorum disposuit limina visitare, & gratia curationis dictum suum clientulum secum ferre, si forte solitam misericordiam illi misericorditer impendere dignaretur. Cumq. domum peruenisset, rediens inde tardius, clientulus dominum more solito salutauit, dicens clara voce, & expedita, sibi tam auditus, quàm amissæ partis corporis officium restitutum, Iesu Domini pietate, & eius materteræ gloriofis meritis. Hæc ibi. Nominat auctor materteram Iesu, secutus eorum sententiam, qui sanctam Annam tertio nupsisse tradunt.

Plura in eo libro miracula, ab hac sancta muliere operata scribuntur. Sed de his satis.

Enarratio Martyrii Sancti, & gloriosi Martyris Longini Centurionis. Cap. 205.

Postquam sepulturæ mandatum fuit viuificum Christi corpus, ut nos à peccati sepulchris euocaret, & ad antiquam reuocaret beatitudinem, Longino rursus iussit Pilatus vitæ sepulchrum tueri custodia militari. Et ille quidem fecit id, quod erat imperatum, etsi non erat eiusdem de Christo

Metaph. 16.

Osob. apd

Lipom. 10. 6

Surius 10. 2

T 2

cum

cum Pilato sententiæ, vt iam didicimus. Cum autem peractum esset magnum mysterium resurrectionis, & milites miracula, quæ erant maiora, quàm vt ea caperet humana cogitatio, Principibus sacerdotum, & presbyteris Iudaici coetus annunciaßent, hoc illi ignominiam, & dedecus sibi afferre existimantes, & miraculum volentes extinguere pecunijs, persuaserunt militibus, vt calumniarentur Christi resurrectionem. Illi igitur ad Pilatum accedentes, falsam dixerunt esse resurrectionem. Verum non sic Longinus: sed mendacij quidem fuit præclarus confutator, verax autem testis veritatis, vt qui non sustinuerit calumniari Christum tanquam furto surreptum, sed lingua, & mente libera eum verum esse Deum prædicarit, & è mortuis esse excitatum affirmauerit. Quo factum est, vt & ipse Pilatus, & Iudæorum synagogæ Principes inuidiam, qua prius mouebantur in Christum, & quem in eum animo concipiebant furorem, eum nunc in Longinum transferrent, ei adeò irascentes, vt quicquid pateretur Longinus, existimarent eum non satis daturum esse poenarum. Hinc ea res venit ad aures Longini, & eorum ira fuit ei significata. Quapropter magis volens abijci cum Christo, quàm habitare in tabernaculis Iudæorum, cum veste, & cingulo dignitatis, ipsam quoque simul quamprimùm exiit militiam. Et acceptis duobus militibus, qui habebant eundem zelum pro Christo, & veritate, declinat cum populo congressionem, & cum Deo solo, & secum versatur.

Nec multum intercessit temporis, & relictis Hierosolymis, venit in Cappadociam præco simul, & Apostolus Christi admirabilium operum, & quæ sunt præter opinionem, cum illis duobus militibus effectus. Cum autem eorum nihil lateret Iudæos, utpote, quod fama ad omnes Longinum transmitteret, & perinde ac alata, pernix omnem percurreret regionem, ij simul conuenientes persuadent Pilato, vt de Longino male dicat, & significet Cæsari, quòd aliena sentiret ab Imperio Romanorum, & eo quòd neglectis armis, Christum prædicet quendam Regem gentibus, & sic omnes in suam redigens potestatem, attrahat ad illius fidem. Eorum autem, aiebant, quæ dicuntur, signum est, quòd vniuersam Cappadociam ea impleuit doctrina. Cum his litteris simul etiam emittunt pecunias, in aures Cæsaris volentes irrepere, vt Longini mortem facile emerent. Quod quidem processit etiam, vt videbatur Iudæis. Et Roma statim in Iudæam ad Pilatum mittuntur litteræ, quæ Longinum morte damnabant. Pilatus ergo acceptis litteris, eas statim tradit Iudæis, & ad beati viri cædem alacris alacres emittit. Illi autem cum totam, quæ intercedebat, regionem maxima peruasissent celeritate, veniunt in Cappadocum regionem; & cum audissent Longinum in quodam agro paterno agere vitam ab omni negotio remotam, statim veniunt in agrum, & cum Longino sermones conferunt, nescientes eum esse, propter quem tam magnos labores suscepissent, & iter confecissent. Vnde etiam illum ipsum rogabant, quis nam esset Longinus, & in quonam prædio habitaret. Longinum enim studebant clàm aggredi, timentes, ne salutem sibi fuga quæreret. Ignorabant autem eum magis studere, vt caperetur, quam illi, vt caperent. Imitabatur enim mortem illius voluntariam, quem cum vidisset in Cruce, Deum fuit confessus, & quomodo Christus propter nos, ita Longinus propter Christum cædem sitiebat.

Cum ergo Spiritus sanctus illa hora ei omnia significasset, sensim ad ipsos
con-

cōnnerfus, miti, & leni voce dicit: Sequimini, & ipse eum, quem quæritis, ostendam. Tunc ergo veluti apud se lætans ille beatus, & futuri gaudium præcipiens, & ante martyrium, mortem martyrij amplectens, hæc se cum dicebat: Quam speciosi pedes euangelizantium bona! Nunc video cælos *1/a. 91.* apertos. Nunc adspiciam gloriam patris. Nunc, sicut primus martyr Stephanus, ipse quoque dicam: Domine Iesu Christe, accipe spiritum meum; *Act. 7.* quem clarissima voce audiui mortem ad se vocantem. Nunc supernam Hierusalem, Angelorum quidem patriam, totius autem chori Sanctorum Metropolitim, cum victoriæ plausibus, & canticis, & gloriosis trophæis ascendam. Nunc exuo è luto confectam tunicam, & lamentabilia depono carnis vincula. Nunc liberor ab interitu, & corruptione, & lætus induo incorruptionem. Egredior è vita caduca & momentanea, & ex tempestate, cuius sunt magni fûdus, & graua naufragia, & venio ad verum, & solum portum, in quo vita est ab omni tristitia remota, & æterna. Latere anima, quæ vadis ad tuum effectorem; ostende lætam, tempore id postulante, faciem. Eos, qui tibi tot bona conciliant, ò Longine, benigne excipe. Eos, qui nos ad cænam vocant regalem, lauto, & magnifico accipiamus conuiuio.

Hæc cum apud se locutus esset Longinus, eos, qui ad ipsum venerant, statim ducit in domum suam, & cum hospitio præclare accepisset, incipit deinde rogare post cænam, cur venissent, & quamnam esset tanta Longini inquisitio. Illi autem cum sacramentum tanquam aliquod pignus, ab eo accepissent, non esse publicaturum, quæ ei dicerent, neque secretum esse aperiturum, dicunt quæ Pilato scripta fuerant à Cæsare, & quod venissent, ut Longini cum duobus militibus capita amputarent. Cum autem sciuisset, quinam essent cum ipso morituri, illi scilicet, qui Iudaicæ mercedi Christum præposuerant, significauit eis, qui nondiu ante ab eo discesserant, ut primorum bonorum essent sibi focij. Cumq. semel, atque iterum eos, qui missi fuerant à Pilato, hospitio magnifice accepisset, postridie eos ducens in agrum, expectabat eos, quos accersuerat. Cum autem accepisset eos iam appropinquare, statim annunciat ijs, qui missi fuerant à Pilato: Ego sum, qui à vobis quæror, Longinus. Illi autem primum quidem non credebant. Quomodo enim existimassent eum esse, qui erat passurus, cum eum viderent tam lætum ad periculum? Postquam autem recte sciuerunt illum esse, & nulla eis fuit relicta dubitatio, ægreferebant, & à conscientia multas plagas accipiebant, quid non quidem dicentes, quid non autem facientes, cum esset adhuc recens recordatio, ut qui pro bonis essent malas reddituri gratias? O infelices, dicebant, cænam! O graue hospitium! cur nam, ò chare Longine, hoc tibi cæptum venit in mentem, ut eos, qui venerant ad tui cædem, domus tua acciperet? O miserum habitaculum, ò acerbum conuiuium! Mors tibi euadit hospitium, & te ipsum mensæ pones, eos præter opinionem inueniens latrones, qui hospitio à te fuerunt accepti? Quid faciens, sic molestia affecisti eos, qui te sunt occisuri? Abi ergo, accepta mercede hospitij, nempe mortis remissione. Non sustinemus ensen tibi inferre, cædem molientem manum tuo capiti asferre formidamus: communem falem reueremur: nos pudore affecit mensa: ad cædem torpet manus; abhorret animus morte afficere benefactorem. Facilius est periculum, quod nobis est à Pilato paratum, quàm vulnera conscientie. Parati sumus omnia pati potius, quàm

quàm Longino tales referre gratias.

Sic quidem milites dicebant Christi martyri valde miserabiliter. Ceterum non poterant Longino persuadere, sed eis fortiter respondet vir vere generosus: Cur magna mihi bona inuideris, quibus vos inuiti me estis remuneraturi? Cur meam mortem defletis tam miserabiliter? Cur tristes estis propter meam perpeffionem? Non est hoc mihi mors, sed vitæ primitiæ. Mihi re vera potius est mors, quæ hic est conuersatio, quoniam non assisto meo Domino, nec fruor ea, quæ est illic, beatitudine. Finis finem malorum, non etiam finem vitæ mihi conciliabit, sed ad veram transmittet beatitudinem, & efficiet, vt sim particeps illius æterni splendoris. Habetis ò amici, habetis apud vos solatium, prope est vobis consolatio. Quem enim propter finem lugetis, eum vos post finem reputabitis. Sufficit autem hoc ad afferendam animi tranquillitatem, scire amicum fore multorum bonorum participem, quomodo est inuidorum, vel odio potius habentium hominum, studere eum priuare splendore. Nolite deflere eum, qui deficit, sed gratias agite ei, qui accipit. Non mihi illius gloriæ detrimentum afferatis, quem ego vidi elementa mouentem. Non negauerim eum, quem Dei semel filiū sum confessus. Timeo, ne creatam naturam inueniam accusatricem, si in eum appaream infidelis, propter cuius passionem Cœlum quoque ipsum est affectum tristitia, & sol contraxit radios, & lux diei miserabiliter deducta fuit ad noctem.

Hæc adhuc dicente Longino, & eis, qui missi fuerunt à Pilato persuadente, vt facerent, quod eis fuerat imperatum, veniunt milites, qui cum eo morti damnati fuerant. Ille autem lato, & alacri vultu eos intuens, & dexteram eis inijcit, & collum amplectitur, & oculos suauiter deosculatur, & saluete, inquit, ò Christi commilitones, & hæredes Regni, saluete. Iam enim aperta est porta, quæ est in cælis, & Angeli sunt nostras accepturi animas, & oblaturi filio vnigenito. Ecce, & lampades video, & apparent mihi brauia, cum quibus sistendi sumus ad Iudicis tribunal. Sedenim siquid vobis est imperatum (dicebat eis, qui missi fuerant) id implete. Deinde etiam conuersus ad domus curatorem, iubet vestem mundam ad se deferri, vt qui iam esset vocatus ad nuptias, & thalamum, & eò festinaret. Porro autem cum induisset vestem, & manu ostendisset tumulum, in quo volebat poni corpus, in genua, cum ijs duobus, qui erant cum ipso, inclinatus (ò beatum finem) peregit certamen: & amputatis eorum capitibus, illi ascribuntur in choros Martyrum, & Apostolorum, illorum quidem fortitudinem, horum vero zelum pro Christo ostendentes.

Quid vero posthæc est consecutum? Martyricum illius Longini caput cum statim accepissent ij, qui eum interfecerant, ad fidem plene faciendam, quod Longinus esset mortuus, id portant ad Pilatum, vt qui scirent se nullo alio dono, quàm eo magis illi gratificaturos. Ipse autem statim conuocauit Iudæos, magna secum voluptate afficiendos, vt qui Longini valde mortem sitirent, & eam emissent pecunijs. Quod quidem cum factum fuisset, vt eis placebat, iubet rursus indigna Pilatus, & ante portam Ciuitatis per ignominiam fuit proiectum preciosum eius caput. Sed is, cui visum fuerat pati pro nobis, eius, qui propter ipsum fuerat passus, ne nunc quidem est oblitus; sed veluti perpetuo apparentem quandam faciem ijs, qui aderant,

cer-

cernendam præbebat ante Ciuitatem, & in sterquilinio iacentem, tanquam in domo regia conseruatam, tuto protegebat, non solum non permittens, ut aliquid pateretur à fimo, sed etiam liberans alios, ne aliquid propter id paterentur. Quædam enim mulier vidua, quæ morte maritum amiserat, cum filio autem vnico confistebatur, & præter viduitatem sustinuerat etiam oculorum orbitatem, malo fide superato, cum filio vadit Hierusalem, Sanctorum, quæ ibi erant, locorum contactu, & adoratione, quos amiserat corporis duces, sperans se recuperaturam. Cum autem à filio deducta terram caperet, & puluerem, & imponderet oculis, adiecit viduitati, & oculorum orbitati (qualia sunt Dei iudicia) alia quoque grauis calamitas. Morbus enim quidam inuadens puerum, qui pro amissis oculis fuerat ei alius oculus, repente (proh dolor) abripit à sinu matris.

Statim ergo duplices ad eum accedunt tenebræ, & vitæ lux simul extinguitur cum luce oculorum, eratq. omnino infelix illa immobilis, tanquam aliquo fulmine, percussa calamitate. Cum autem paulo post à malo ad se rediisset, desolebat miserabiliter, & miserandas voces emittebat ad Dominum: ò Domine, dicens, cur sic grauata est manus tua super me, & supra dolorem vulnere meorum addidisti? Et nunc lumen oculorum meorum, & ipsum non est mecum. Nùm vires lapidum vires meæ? Ipsa quoque dicam, quod Iob: Posuisti me parabolam Domine, & motum capitis in omnibus; & pudore affecti sunt super me, qui substinent te Domine virtutum. Nùm sola sic peccaui ego? & sola sic punior, quod me luce, & vnigenito filio, qui erat instar lucis, priuasti? Quæ nam mihi est deinceps spes salutis? Quæ nam mihi via consolationis? Hei mihi, charissime, quando mihi malum consolaberis? Quando oculorum leuabis calamitatem, me deducens ad salutem? Nesciuiisti, ò fili, quod maiori omni alio, tuo casu mihi damnum afferes maximum? Abis planta mihi iucundissima, me misera sola relicta? Sed sic quidem mater, & mater vnigeniti, qui sic fulciebat eam, quæ se habebat tam miserabiliter.

Interim autem, dum fuisset in somnum resoluta, diuinus ei apparet Longinus, & omnia dicit, quæ ad ipsum pertinebant, quæ in Cruce Saluatoris nostri facta fuit, confessionem: mortem, qua à Cæsare, & Pilato fuit condemnatus, capitis amputationem, & alia, quæ Martyr propter Christum sustinuit magnifice. Quin etiam dicit ei: Oportet te obseruare meum caput multo fimo tectum, ad tuorum oculorum curationem; nam si illud attigeris, lux statim te sequetur. Porro autem ego quoque tibi adducam puerum cum gloria, qui quem propter eum accipis, dolorem consoletur. His verbis mulier animo recreata, & corpore satis corroborata deducebatur ad opus. Cum autem iam deducta iam peruenisset ad locum, in quo sciebat caput esse repositum, prompto, & alacri animo tentabat palpando ut poterat, & fodiebat manibus, & cum veluti quendam thesaurum caput inuenisset, simul cum eius inuentione, suam quoque lucem inuenit; adspicit solem, quin & ipsum caput cernit tãquam lucidam stellam apparuisse. Deinde id ardentem complexa, cum à stercore expurgasset, & vnguentis vnxisset honorifice, reuertitur ad eum, qui illam hospicio exceperat, præciosam illam afferens margaritam.

Sequenti autem nocte diuinus rursus accedit Longinus, læto vultu subridentem,

dentem, & quasi sponfalibus vestimentis nitentem filium suum inducens, suauiterq. & paterne eum amplectens, & dicit ei: Ecce, quem lugebas, filium ò mulier, quæ lugebas: Ecce quantus sit nunc eius honor, gloriaq. & te ipsam consolare. Deus enim ipsum retulit in numerum militiæ sui Regni: egoq. nunc eum habeo acceptum à Saluatore, nec à mea vnquam recedet dextera. Accipe ergo meum caput, & corpus tui filij, & sepeli in eadem arca, & ne amplius lugeas filium tuum vnigenitum, neque te verberet cor tuum. Nam magna gloria, & lætitia, & magnis laudibus celebrandæ choræ, & festa celeberrima ei data sunt à Deo, qui eum accepit. Hæc cum audiisset mater filij, statim surgit, & acceptum martyris caput, reddit patriæ martyris. (Pago autem nomen est Sandiale) & cum corpus filij capiti martyris lubenter apposuisset, & in loco insigni honeste composuisset, hæc apud se dicebat: Nunc scio, quod ijs, qui Deum diligunt, omnia ad bonum conferunt. Quærebam oculos carnis, ego autem accepi etiam oculos spiritus. Me afficiebat tristitia iactura filij, sed ecce eum habeo hæredem, Deo cum gloria regia assistentem, & nunc noctu, & interdiu mihi matri blande arridet, glorificatus honoribus Prophetarum, & Martyrum, & cum eis exultans, & cum Longino Crucem ferens, & regni cælorum præclarum ferens trophæum inter Angelos: adeo vt Longini factus discipulus, ipse quoque sacram emittat vocem, hymnicamq. & mysterium, & Epiniciij instar habentem: Vere Dei filius erat iste, & est, & erit. Regnum eius, regnum omnium seculorum, & eius dominatio permanebit in æternum. Ei gloria, & potentia, in secula seculorum. Amen. Hæc Metaph.

Rom. 8.

Ps. 144.

Dan. 7.

Longini venerandum corpus hodie dicitur asseruari in Ecclesia S. Augustini hic Romæ.

Enarratio de S. Longino milite, qui Lancea latus Domini aperuit. Cap. 206.

Martyrol.

Rom. 15.

Martyr.

Bed. Mar.

tyrol. 15.

Martyr.

Ado Mar.

tyrol. 1. Se.

ptemb.

De eo hæc habet Martyrologium Romanum.

Cæsareæ in Cappadocia passio S. Longini militis, qui latus Domini lancea perforasse perhibetur. Beda autem sic.

In Cappadocia passio S. Longini martyris, de quo in libello martyrij eius narratur, quod aliquando militans sub Centurione Romano in passione Domini latus eius cum lancea in Cruce aperuit, & viso terræmotu, & signis, quæ fiebant, credidit in Christum poenitentiam agens de operibus pristinis: postea secedens à seculo per triginta, & octo annos Christo militauit, multos conuertens ad fidem Dei: ad extremum verò martyrium compleuit in Cappadocia sub Octauio præfide, quem propter infidelitatem suam diuino iudicio percussum corporea cecitate, post martyriū suū illuminauit. Hæc Beda.

Ado vero Archiepiscopus Treuerensis hæc tradit: Apud Cæsaream, Cappadociæ, beati Longini militis, & martyris, quem tradunt illum esse, qui lancea latus Domini Iesu Christi pendentis in Cruce aperuit. Hic postmodum baptizatus ab Apostolis, cum apud Cappadociam sanctitate præcipuus degeret, tandem ab Octauio Præfide comprehensus, post confessionem fidei, lingua abscissa, & dentibus excussis, capite truncatus est. Simul cum eo coronatus est Aphrodisius Commentariensis, cui & Præfes linguam abscidi

abscidi iusserat, quique post abscissionem expedite Christum clara voce loquebatur. Hęc Ado.

Georgius Vicelius ex quorundam sententia, refert sic esse dictum Longinum, à voce gręca λόγῳ, quę significat hastam, siue lanceam, ab ictu lanceę, quo Dominum petiuit. De quo hoc refert Gregorius Nazianzenus (siue alius sit auctor) in Tragędia de Christo patiente, longe antequam medium.

Cum vero manu adesset hastam, qui suam vibrans, latus

Peteret, acutum florida ætate impulit

Ferrum vir adstans (hisce nam excepi auribus

Ictum sonorum, tuq. adeo plagam grauem, &

Sulcum profundum vulneris ducti vides)

Et ille certe lancea fixit latus:

At lateri fixo fluxit illico insolens

Non temperatus sanguis, & mirabilis

Aqua, vt flueret è fonte duplici liquor,

Res mira visu: tum pauidus omnes timor

Inuasit in contactu, Atis, cui lancea

Fixus erat horrens, turbidum exclamans ait:

Iste, iste præsens mortuus, natus Dei est.

S. Augustinus notat nō sine mysterio legi in textu S. Ioannis Euangelistę, nō fodit, aut percussit, sed aperuit: Vigilanti, inquit, verbo Euāgelista vsus est, vt non diceret, latus eius percussit, aut vulnerauit, aut quid aliud, sed aperuit, vt illic quodammodo vitę ostium panderetur, vnde Sacramenta Ecclesię dimanarunt, sine quibus ad vitam, quę vera vita est, non intratur.

Alphonſus Palæottus Archiepiscopus Bononiensis, in explicatione sacrę Sindonis, de vulnere lateris Christi: Id vulnus, inquit, amplum existere constat ex sacra Sindone, & tale fuisse facile comprehendere potest ex ferro lanceę, quod amplum satis Romę in Principis Apostolorum Basilica demonstratur: & Redemptor ipse eiusmodi fuisse denotat, dum in Euangelio D. Thomam Apostolum ita compellendo inuitat: Affer manum tuam, & mitte in latus meum.

*Alph. Pal.
de sac. sindo.
c. 20.*

Idem asserit Rutilius Benzonius Episcopus Lauretanus, dum ait: Scissura illius vulneris fuit magna, non parua, cum egressio sanguinis, & aquę ex illa fuerit in magna quantitate, & quia fuit visibilis, non solum Ioanni, & circumstantibus, sed etiam Thomę palpabilis, quę etiam erit Iudęis sensibilis in die iudicij iuxta illud Zacharię: Videbunt in quem transfixerunt. Adde, quod ex dicto Christi, Affer manum tuam, & mitte in latus meum, colligitur, quod magnitudo vulneris in ea quantitate fuerit, ac est latitudo manus, & id manifestum sit ex magnitudine lanceę, quę in sacra D. Petri Basilica asseruatur, quam ego sæpe sæpius, cum essem eiusdem Canonicus, maxima cordis deuotione, & spiritali gustu contrectaui, & populis reuerenter ostendi; licet ei summitas desit. Hęc Benzonius.

*Benzon. in
spec. Episc.
lib. 1. disp.
2. g. 3.
Zach. 12.
Ioan. 20.*

Poteit insuper confirmari ex verbis S. Hieronymi ad Heliodorum: Cerne manus Iudęę, quas fixeras: Cerne latus Romane, quod foderas. Hęc Hieronymus.

*Hier. epist.
1. ad Helio.*

Enar-

Enarratio de Sancto Iosepho ab Arimathæa Christi discipulo.
Cap. 107.

Joan. 19. Cruc. de Cruce, li. 1. c. 27. Vip. de cad. pun. l. cor- pora. **R**ogavit Pilatum Ioseph ab Arimathæa, ut tolleret corpus Iesu, & permisit Pilatus. Venit ergo, & tulit corpus Iesu. Non licebat damnatorum corpora sine Præfidis consensu sepelire: nam quod de sui temporis more Vlpianus tradit, eorum in quos animaduertitur, corpora non aliter sepelire licere, quam si fuerit petatum, & permissum, id etiam tempore Christi visitatum erat; ea de causa rogat Ioseph Pilatum, quo annuente, venit, & tulit corpus Domini de Cruce, ut sepulturæ mandaret.

Luc. 23. Marc. 15. Dubitare quis posset, utrum ipse Ioseph; adiutus tamen ab alijs Christi amicis, corpus de cruce deposuerit? Nam prædicta verba beati Ioannis, non videntur id conuincere, & S. Lucas ait: Deposuit, & inuoluit sindone; quæ verba non significant, à quo fuerit depositum. Veruntamen, S. Marcus expresse videtur dicere corpus ab ipso Ioseph depositum: ait enim: Ioseph mercatus sindonem, & deponens eum, inuoluit sindone; sed visitatum est id, quod fit iussu Dominorum, ipsis Dominis adscribere. Sic dicitur Pilatus flagellasse Christum, quod iussu Pilati flagellatus sit; sic communi hominum sermone, Rex victoriam consequitur, cum exercitus Regis eam obtinet. Pietati tamen Iosephi, & picturis in Ecclesia visitatis, & communi fidelium sensui, Sanctorumq. Patrum consensui, conuenientius est credere, ipsum Iosephum per se, etsi adiutum ab alijs, corpus Christi de cruce deposuisse, præsertim cum hoc humanitatis, & pietatis officium Iosephi nobilitate minime fuerit indignum. S. Augustinus. Petijt, inquit, à Pilato sepeliendum corpus Domini; de ligno deposuit, obsecutus est funeri, in sepulchro condidit, laudatus est in Euangelio iste prius, tantum exhibens obsequium corpori Domini.

August. de Pastor. ca. 17.

Dupliciter autem intelligi potest Christum fuisse depositum de cruce; primo crucem simul cum corpore demittendo ad terram; secundo, soluendo corpus de cruce extractis clauis, cruce erecta, & in sublime manente. Vtrum vero hoc, vel illo modo sacrum Domini corpus, crucis patibulo exsolutum fuerit, certò affirmare non licet, quamuis posteriorem modum picturæ Ecclesiasticæ plerumque fidelium oculis subijciant.

Hier. de lo. Hebr. Adricom. in Theatr. terra S. Iosephum ab Arimathæa Ciuitate fuisse, scribunt omnes Euangelistæ, quam Ciuitatem D. Hieronymus de locis Hebraicis, vocat Aramatha Sophin, quæ fuit ciuitas Elcanæ, & Samuelis. Christianus Adricomius addit, quod in ea Saul cum Samuele cibum sumpsit, & vnctus est in Regem: ibi & sepultum esse ait ipsum Samuelem. Præfectum fuisse illi Vrbi, cum Christiani terram Sanctam occupassent, Episcopum quendam ex genere Normannorum. Describi & fontem iuxta Ramatha salubris aquæ.

Chrys. hom. 84. in Io.

Mihi videtur, ait Chrysostomus, nobilissimum fuisse Ioseph, quod ex sepulchro constat, & Pilato erat notus; quare impetrauit, & sepeliuit Iesum: non ut reum, sed magnifice, secundum Iudæorum consuetudinem, tanquam magnum aliquem, & admirabilem.

Luc. 23. Maldo 1. in Mat. 27.

Lucas vocat consiliarium, additq. eum non consensisse consilio, & actibus Iudæorum, unde facile colligitur, non solum consiliarium eum fuisse, sed

sed illi etiam interfuisse consilio, quo Iudæi de capiendo, & crucifigendo Christo deliberauerant, neque in eorum voluisse ire sententiam.

Ioseph, diues refertur non de iactantia scriptoris, quo virum, nobilem, atque ditissimum referat Iesu fuisse Discipulum, sed vt ostendat causam, quare à Pilato corpus Iesu potuerit impetrare, pauperis enim, & ignoti non erat ad Pilatum Præsidentem Romanæ potestatis accedere, & Crucifixi corpus impetrare. In alio Euangelista, Ioseph iste *Γουδης* appellatur, id est, consiliarius, & de ipso quidam putant primum psalmum esse compositum: Beatus vir, qui non abiit in consilio impiorum, & reliqua. Et accepto corpore Ioseph inuoluit illud in sindone munda. Ex simplici sepultura Domini, ambitio diuitum condemnatur, qui nec in tumulis quidem possunt carere diuitijs. Possumus autem iuxta intelligentiam spiritualem, & hoc sentire, quod corpus Domini non auro, gemmis, & serico, sed linteamine puro obuoluendum sit, quamquam, & hoc significet, quod ille in sindone munda inuoluit Iesum, qui pura mente eum suscepit.

In Euangelio quo ille tartareus contemptor Eleazari, Diues prætermisus est; illum in Arimathæa Ioseph diuitem nominari videmus. Beatus enim est, qui specialiter intellexit super egenum, & pauperem, pio Christi corpus obsequio numeratus, nec Iudicem pro iniuria Dominici corporis interpellare veritus, & pio sumptu pretiosi velaminis, & sepulchri noui diues in Domini sepultura.

Beatus plane præ vniuersis mortalibus iste venerabilis Ioseph: meruit quippe Dominicum corpus habere pro munere: meruit illud de Cruce deponere, meruit in sindone, quam fuerat mercatus, inuoluere, atque in tumulo, quem pro se exciderat, sepelire. Merito tanquam cordis sui singularem thesaurum in proprio Christi corpus tumulo collocauit. Verum non in qualicunque illud monumento composuit; sed in eo quod in petra exciderat, vt verum se Christi fateretur esse discipulum, & vt quanti foret, quod habebat, ostenderet, ingens saxum ad ostium monumenti aduoluit.

Vir nobilis, Domini occultus discipulus, mortuo voluit rependere Domino, ipso sic occulte disponente, quæ à viuo susceperat salutis monita. Habitat tunc Hierosolymis, & ibi extra ciuitatem in planitie Montis Caluarij, versus Occidentem habebat hortum, in quo construxerat sibi monumentum. Vir bonus & iustus, bonus virtutibus, & Dei obsequijs vacans, & iustus quoad proximos: præ oculis mortem ponebat, qui sibi iam præparauerat sepulchrum. Qui enim iustus est & bonus, futuræ frequentius meminit vitæ, quàm præsentis, quæ velut rapidissimum præterfluit flumen. Eadē verba retulit B. Lucas de B. Simeone: Erat, inquit, vir iustus, & timoratus, & expectabat consolationem Israel. Et hic Ioseph expectabat Regnum Dei, hoc est, Messis aduentum. Vterque iustus redemptionem generis humani, & Regnum Dei expectabat. In horum brachijs reclinatur Christus Dominus, quorum alter exire de corpore desiderabat, alter sibi sepulchrum parauerat.

*Hieron. in
Matt. c. 27*

Pf. 1.

*Paulin. ad
Alib. epif.
31.*

*Laur. Inff.
de triūph.
agon. c. 21.*

*Saarez in
Marc. tr. 7.
& in Luc.
274.*

Ioseph

Ioseph, adhuc occultus Christi discipulus, propter metum Iudeorum, & timens illos, hortatu tamen Deipara, grande opus, ac plane arduum aggressus, omni excussa formidine audacter ingressus ad Pilatum, petijt corpus IESV. Cap. 208.

*Metaphr.
15. Aug.*

D'Icuntur autem hæc quoque à linguis, quæ plurimi faciunt veritatem, quod cum hæc noua, & admirabilia percepta essent oculis Deiparæ, & post mortem filij, perinde ac si viueret, ex eius latere aqua, & sanguis scaturiret, illa eum quidem haurit reuerenter, & diligenter.

Deinde ea sic se totam dedit parandæ sepulturæ, & quemadmodum diuinum illud corpus è ligno deponeretur, & aptum monumentum consequeretur. Cum autem non posset hæc per se efficere, eius mentem mouet omnino eius filius, vt scrutaretur in loco Caluarix. Quod cum factum esset, concedit, vt eius scopus facile succederet. Inuenitur enim quoddam monumentum recentissimum, & pulcherrimum, & elegans locus, in quo erat situs, illo quidem nequaquam dignus: Quid enim omnino ex rebus terrenis? Sed non indignus eius, quæ quærebat, desiderio. Atque erat quidem sepulchrum plane, vt dixi, nouum & omnino intactum, vt in quo nullum adhuc esset sepultum; ne si alia posita fuissent corpora, dubitaretur quodnam resurrexisset; & locus in optimo aëre positus, & in horti speciem ornatus. Postquam autem sciscitata intellexit, non solum esse amicum horti Domini, sed etiam discipulum, verum occultum (hoc enim docet Euangelium) vt qui Dei timeret parricidas, venit ad eum Virgo, & verbis ei suadet accomodatis, vt in suo monumento, tamquam in aliquo armario, magnam vim opum reponat, & sic domum custodientem apud se vitam habeat. Finem enim, inquit, acceperunt res aduersariorum, & maxime probrosam sic mortem Magistro attulerunt, nulla quantumuis magna iniuria, & ignominia, in eum prius prætermissa. Ceterum nunc quoque in ligno iacet mortuus, & nudus, mihi, & creaturæ naturæ horrendum spectaculum, vt quem potius irrideant, quàm eius misereantur. Da ergo mihi gratiam, & communi, inquam, huic magistro. Audacter pete illius corpus, vt deponatur, & mandetur sepulturæ; sic non etiam post mortem sit illis Iesus inuidus. sic nobis omnibus maganm afferes consolationem, qui in omnem redacti sumus egestatem, & quorum nemo mouetur misericordia: Amici enim mei, & propinqui mei ex aduerso appropinquauerunt, & steterunt. Et proximi mei à longe steterunt. Ex me non possum quicquam facere, vt vides, cum sim sola, & hospita, & cum vno solo ex discipulis, attenta sim crucifixo. Sic mihi sistes dolorem, sic reprimes lachrymas.

Cum Iosephum Deipara talibus verbis inflexisset, & incitasset, emittit ad Pilatum. Ille autem expulsa omni timiditate, & ab illo, qui mortuis vitam inspirat, mortuo audacia inspiratus, audacter (inquit Marcus) ingreditur ad Pilatum, & ijs vltis, quibus opus erat, verbis, peticum accipit diuinum illud corpus, & cui nihil potest exsequari, ostendens animum, ludæ tamquam ex diametro, contrarium. Nam ille quidem cum haberet, tradidit ijs, qui erant interfecituri; hic autem ab ijs, qui interfecerant, petijt, & accepit. Verum enimuero rursus persequatur oratio, quomodo mater
se

se haberet. Dicunt enim ij, qui de his rebus tractarunt, eam ab initio vsque ad finem se fortiter, & constanter gessisse, honeste quidem, & non indecore vtentem motu animi, factis tamen ostendentem se esse matrem, sed omnino matrem illius, qui amico mortuo & ostendit amorem, & motum animi certis finibus continuit. Mortuum itaq. videns filium, eo motu animi vsa est, vt oportuit. Quin etiam in eo à cruce deponendo maternis manibus inseruijt, & clauos, qui extrahebantur, suo sinu accepit, & membra illius amplexa est, partim quidem vlnis stringens, partim autem suis quoque lachrymis plagas emundans; deinde etiam tota toti corpori circumfusa: Ecce tibi ab omni seculo præfinitum mysterium ad finem vsque venit, ò Domine, placida voce dicit. Et Iosepho in manu tradens sindonem; Tibi autem, inquit, deinceps erit curæ, vt in hac eum honeste componas, myrrhaq. pulchre condias, & ei iusta facias.

Venit, & Nicodemus Iudæorum nobilissimus, & inter illos facile Princeps, (nam eum Ioannes principem Iudæorum appellat, cum nocte venit ad Iesum, & habito cum eo sermone, ab eodem mysteria fidei edoctus est) venit ergo, ne desset collega in hoc tam pio, & præclaro munere obeundo, vt in ore duorum, vel trium staret omne verbum, non minori auctoritate, aut inferiori pietate insignis, quàm Iosephus. Venit autem non noctu, vt olim, cum adhuc esset eius fides infirma, sed palam, vt tolleretur corpus Iesu, & sepulturæ mandaret, non solum non veritus aut Pilatum, aut Iudæos, sed neque legem Moysi, quæ tangentem lignum funestum Crucis pollui, & contrectantem morticina inquinari docebat, quia fide vim diuinam ei nouerat inesse, atque ex eius attractu potius hominem sanctificari, quàm pollui. Itaq. illi duo viri sancti contrectato Iesu corpore, ad esum agni se purificatos nouerunt, vel abstinerunt ab esu agni illius paschalis, qui illum, qui in agno designatus erat, tractando, ac eum lachrymis vngendo, & sepeliendo sciebant se in spiritu edisse.

Deposuerunt Christum de Cruce, qua in re scalis, atque alijs ferreis instrumentis, atque ministris eorum operam iuuantibus, vsi sunt, magnaq. reuerentia, ac fidei deuotione detractis clauis pedum, & manuum sacrum illud corpus contrectarunt, & in terram deposuerunt, vt prius de more locum, & vñctum pretiosis vnguentis, & aromatibus sepelirent. Sic enim mos est Iudæorum sepulturæ corpora mandare, ne videlicet quis de nimio sumptu admiretur. Vt ergo olim mater accepit Christum, vt lactaret, & Simeon

Nicodemus attulit mixturam myrrhæ, & aloës, quasi libras centum, id est, vnguentum ex myrrha, & aloë confectum, & magno pretio redemptum, atque ad corpus à putredine seruandum accommodatum, & in tanta quantitate, vt liceat colligere corpus Christi non leuiter fuisse perunctum vnguento, sed in illo veluti sepultum fuisse, atque immersum. Atque hæc quidem vñctio figurata fuit in illa corporis Iacob iussu Ioseph filij eius adhibita honorifica vñctione opera medicorum facta, quo commodius posset ex Aegypto in terram Chanaam deferri, vt Genesis tradit. Sed illi, vt est

uaret,

*Exod. 30.
Ioh. 3.*

uaret, quod ita se credere ipsi condimentis declarauerunt. Ex myrrha enim thymiam conficiebatur, quod vni Deo adolebatur, atque etiam oleum, quo altare, ac vasa Deo dicata consecrabantur, vt in Exodo habetur. Quod & peritissimus magister in Israel Nicodemus non ignorabat. Et ideo si hominem illum tantum, aut Prophetam magnum, non autem Deum cognouissent, nequaquam fortassis tali myrrhæ mixtura condidissent: alioqui legis præuaticatores fuissent, quippe qui in hominem mortalem contulissent, quod soli Deo conueniebat. Vnde Romani eiusmodi odorientis, & aromatibus eos solos efferre consueuerant, quos in Deorum numerum referre volebant. Cū ergo isti sancti, Ioseph, & Nicodemus, apud omnes testatum relinquere vel- lent, Christum sic mortuum immortalem esse Deum, myrrhæ, & aloës vn- guentis illum sepelierunt.

Matth. 26.

Quod si nunc adfuisset Iudas, multo audacius obmurmurasset, ac dixisset: vt quid perditio hæc? potuit enim vnguentum istud venundari multo, & dari pauperibus. Nam profecto nisi hac tanta fide præditi fuissent, sic Christum plus esse, quàm hominem, Ioseph, & Nicodemus honestissimi, & summa sapientia ornati, viri, nequaquam cum dignitatis, & capitis sui periculo Pilatum adiissent, & abominandam iuxta legem non conscendissent crucem, atque cruentū illud male ab omnibus vndique, audientibus cadauer non sustulissent, atque cum aromatibus non condidissent, neque sepulchro honorifice instructo mandassent. Sed quoniam non tantum homini, sed Deo, vel Prophetæ magno sese exhibere officium persuasum habebant, minime dubi- tabant vitam, & nomen, ac fortunas in apertum discrimen adducere. Nam tantum illis tribuere fidem, quod Iesum vt Prophetam haberent, & hominem innocentem breui à morte excitandum, parum erat viris in lege doctis, & exercitatis, & qui se discipulos Christi, licet occultos, profitebantur.

*Soarez in
Luc. 23.*

Accessit Ioseph ad Pilatum, & petijt corpus Iesu, vt sepeliret: quod ei concessit Pilatus, quia ipse vir erat nobilis, bonus, & iustus. Etiam si de- trahitur à malis, nihilominus tamen mali bonos reuerentur. Herodes enim metuebat Ioannem sciens illum virum sanctum, & iustum. Et depositum inuoluit sindone, & sepeliuit in monumento nouo exciso in petra, in quo nondum quisquam positus fuerat. Tale elegit sepulchrum Dominus, ne diceretur aliquis alius inde resurrexisse: nisi ipse solus, neque ipse beatus Ioseph, nec alius ibi vnquam sepultus fuit. Decuit siquidem, vt quemad- modum in vtero virginali nemo conceptus est, nisi Dominus solus, sic in sepulchro sancto neque prius, nec posterius alius sepeliretur.

*Idem in
Marc. 15,*

Tunc corpus Domini deductum est inferius (prout nunc cernitur) ad montis descensum in planicie, & horti principio, qui hodie dicitur, Locus vñtionis Domini, cui nunc marmoris candidi tabula est superposita, longi- tudinis corporis Domini. Locus est circumseptus crate ferreo: sunt etiam ibi lampades copiosæ: hic Dominicum corpus inuolutum est linteis, aro- matibus & sindone ante & retro coopertum, & sic deductum est ad sepul- chrum, quod prope est.

*Salmeron
de Pass. rr.
49.*

Celebrantur duo viri nobiles, & iusti, qui corporis Iesu exequias celebra- re curarunt. Instabat autem hora corporis Domini sepeliendi, nec videba- tur vllum tantæ audaciæ futurum, qui hoc faceret, propter odium Iudæo- rum, & rabiem: & ecce hi duo se offerunt quasi ex improviso, non tamen

sine

sine Dei consilio, & praxordinatione. Diligenter autē Euangelistæ vtriusque personam, & studium in sepeliendo Christo describunt: erat enim res vt non sine periculo, ita notu dignissima ad exemplum nostrum. Verū Iosephi quatuor Euangelistæ meminerunt, quod ille audacior ad Pilatum introierit. *Marc. 15.* Nicodemi vero tantum meminit Ioannes, quod se comitem Iosepho adiun- *Ioan. 19.* xerit, & quia solus Ioannes alibi eius meminerat. *6. 3.*

De Iosepho testatur Ioannes, quod fuerat occultus Christi discipulus, pro- *Matt. 27.* pter metum Iudæorum: Matthæus vero vocat eum diuitem: Marcus, nobi- lem Decurionem, seu honestum Consulem, seu Senatorem, id enim signi- ficat Græca vox *ῥατοῦς*. Et addit, vir bonus, & iustus; hic non consense- rat consilio, & actibus eorum (scilicet Iudæorum) qui expectabat & ipse regnum Dei. Magnifici sanē, ac perillustres isti sunt tituli. Nicodemus verò suis etiam encomijs insignitur. Constat enim ex Euangelio, quod esset Phariseus & Iureperitus, & Magister in Israël, & quod venerit nocte ad Ie- sum, & disputauerit cum eo de renascencia, & Christi patrociniū assu- pserit in consilio Phariseorum. Erat igitur Ioseph Senator, Nicodemus *Ioan. 3.* Legisperitus, vterque diues, ac potens, coram mundo iustus habitus; de- *infra 7.* nique, quod maius est, vterque Christi discipulus, etsi occultus. Vbi vi- des, nullum tempus tam malum esse, quin dominus suos habeat, illosq. à periculis seruet, ac liberet, vt saltem aliquod semen iustorum virorum remaneat: quemadmodum cum omnia essent idolis plena tempore Helix, diuinum Oraculum respondit: Dereliqui mihi in Israël septem milia viro- *3. Reg. 19.* rum, quorum genua non sunt incuruata ante Baal, & omne os quod non *Rom. 11.* adorauit eum, osculans manum. Nemo igitur quantumuis tribulatus, vel in doloribus positus desperet: quia cum minus cogitabis, suscitabit Deus al- terum Ios:ph, qui sine pretio, vel sine precibus deponat te de Cruce, & con- ferat tibi aliquod solatium, aut sepulturæ quietem. Et vide quā aptè no- men illi Ios:ph quadret: est enim nomen Deo acceptum, & sanctis viris in scriptura collatum. Nam Iosepho filio Iacob crediderat Deus ingressum *Gen. 46.* populi sui in Aegyptum: qui etiam pia patris sui Iacob sepultura non parum *infra 50.* sibi splendoris conciliauit. Deinde Iosepho Virginis sponso, ingressum Fi- *Luc. 1.* lij Dei in hunc mundum. Demum isti Iosepho post mortem sacrum corpus *Matt. 1.* commisit. Itaque Deus non tantum virum iustum delegit, qui deponeret eum de Cruce, sed etiam sancto nomine insignitum, & decoratum. Diui- tis conditio erat conueniens, vt posset habere facultatem sepeliendi Iesum, & auctoritatem accedendi ad Pilatum, & impetrandi quod veller. Dicitur ergo diues, vt etiam diuites habeant, quo promereantur Christum: & hic est vsus sanctissimus diuitiarum, transferre illas in cælum. Velle au- tem Dominum, per diuites pauperem Christum sepeliri, significat diuites præsertim ad opera misericordiæ corporalia obligare, atque ita illi, qui opi- bus destituuntur, non ita adstringuntur. Sed hæc obligatio lucrosa est, quia saneratur Domino, qui miseretur pauperis.

Erat nobilis Decurio, siue honestus Senator, aut Consul: qui erant Se- *Proh. 19.* natores municipales, quos vocamus Consules vrbis, qui pro diuersitate vr- bium vocari solent electi, aut Syndici, aut Iurati. Erat autem Ioseph Se- nator vrbis Hierosolymitanæ: nam etsi esset oriundus ab Arimathæa ciui- tate, erat tamen incola Hierusalem, quod satis testatur sepulchrum, quod si-
bi

*Chrysof.
hom. de
Laz. &
alibi.*

bi exciderat in horto extra muros Hierusalem. Non est ergo nomen Decurionis nomen officij militaris, sed nomen dignitatis municipalis: nam qui Romæ dicebatur Senator, in municipijs, & in colonijs vocabatur Decurio. Vt enim Christus noluit carnē assumere, nisi de Regibus; ita noluit de mundo egredi, nisi per nobiles, & honestos viros, & sepeliri: quo ostendat, Christum non dedignari nobiles, modo credant, & humilientur. Voluit igitur nobiles, & primates viros, omniq. exceptione maiores de morte Christi, ac sigillo, & reliquis testificari, quibus tamen non obstantibus Dominus surrexit. Hinc Chrysostomus in homilia quadam: Christus, inquit, honorificentissimē sepultus à duobus nobilibus Ioseph, & Nicodemo: quod illi evenit præter morē aliorum Principum. Quando enim Reges, & Principes viuunt, deliciosē agunt: quando vero moriuntur, vix est lintheum, quo tegantur. Nam seruorum quisque rapinæ, & prædationi est intentus, & parum curat de corpore Principis. Hæc ille.

Ezech. 31.

*Ioan. 12.
Euthym. c.
68. in Mat.*

Erat vir bonus, & iustus, quod magnum est encomium diuitis, & Senatoris. Seruare enim iustitiam ad alterum in his, quæ illi debemus, & bonitatem, id est, diffusionem, communicationemq. in his, quæ maxime non sunt debita, perquam est honorificum, & laudabile; nam scriptum est: Beatus diues, qui inuentus est sine macula; & qui post aurum non abiit, nec sperauit in pecunia, & thesauris. Vt omittam, quod sanctum Christi corpus non decebat, nisi à sanctis, & iustis contrectari. Dicitur discipulus Christi, id est, auditor, oculus tamen propter metum Iudæorum, ne videlicet pelleretur de synagoga, vt ait Ioannes. Euthymius scribit, hunc Ioseph fuisse ex numero septuaginta Discipulorum: quod apud alium Auctorem legi neminem. Amabat hic doctrinam Christi; malebat tamen eam occulte profiteri, quàm publice, vel ex diuina providentia, vt essent qui sepelirent eum; vel quia diuitiæ, & gloria huius mundi, quibus hi duo conspiciui erant, impediabant, ne aperte Christi profiterentur doctrinā, ne illam relinquere cogerentur; vel quoniam Deus ad tempus fert nostram imbecillitatem, & metu sinit agitari, vt aliquando illo propulsato in publicum prodeamus. Nam charitas vera sufficit ad salutem; etiamsi omnem pellat timorem, quia solum perfecta charitas illum foras mittit; ita fecit Christus cum multis Martyribus, qui primo per fugam se subtraxerunt, imo interdum pecunia data vitam redemerunt, postea tamen sanguine, & morte testati sunt. Erant quidam, qui Christum sequebantur, sed non ita diligebant, vt erant multi ex turba. Contrā vero alij diligebant, sed non sequebantur, vt Ioseph, Nicodemus, & Gamaliel, atque Lazarus: rursus quidam, qui & amabant, & iuxta sequebantur, vt Apostoli, ac septuaginta Discipuli: quia in Ecclesia quidam futuri erant manifesti, qui confiterentur Christum coram tyrannis, & se pro eo martyrio exponerent: quidam vero non sunt ita fortes, qui primum quidem sibi ipsis per vitam consulerent, parati tamen confiteri, si casus ferat, & quæuis potius tormenta sustinere, quàm Christum abnegare: quidam tamen sunt, qui aperte quidem, & clare sequuntur Christum, at ipsum ex corde non diligunt, sed potius se ipsos, & bona, quæ in Christo sunt aduentitia, cuiusmodi sunt carnales Ecclesiastici, & pastores, ac religiosi mali, qui in bonis Christi deliciantur, & nihil præterea aliud requirunt.

Ioseph

Ioseph ergo erat Christi discipulus, quod diuersum non est ab eo, quod Marcus, & Lucas aiunt, quod videlicet expectabat regnū Dei, scilicet spirituale, non temporale, vel carnale, quod in hodiernum vsque diem carnales expectant Iudæi, terræ tantum inhiantes. Hoc autem spirituale Dei regnū consequitur æternum Christi regnum in spiritu, & in carne: & hoc regnum debet veros Christi discipulos nunc suspensos tenere, & sollicitos, ne temporalibus, & mundanis bonis impediti illud amittant. Scribit de isto Ioseph Lucas, quod non consenserit consilio, & actibus Iudæorum, scilicet contra Christum. Et idem dicitur de Nicodemo apud Ioannem. Atque vtiā multi nunc essent similes in Concilijs, aut generalibus, aut prouincialibus, aut diocesanis, aut in Capitulis Ecclesiarum, aut in comitijs, & conuentibus secularibus, qui exitiis prauorum consilij, ac conatibus se opponerent. Quare in Exodo cautum est: Non sequeris turbam ad faciendum malum: nec in iudicio, plurimorum acquiesces sententiæ, vt à vero deues. Quare etsi nostra sententia non possit impedire aliorum, qui numero vincunt, suffragia, tamen propter Deum, & conscientiam, si non possumus impedire, debemus saltem illis non consentire, iuxta illud: Beatus vir, qui non abiit in consilio impiorum: quem Psalmum de isto Ioseph ad litteram exponi posse, in Matthæum tradidit Hieronymus. Ad hæc propter cohonestandam veritatem libere confitendum est, quod intus sentimus, vt si quis nostra auctoritate ductus, velit à suffragio dato resilire, possit.

Luc. 23.

Ioan. 7.

Exod. 23.

Ps. 1.

Hier. 10. 9.

Accessit Ioseph ad Pilatum, & petijt corpus Iesu, vt ait Matthæus: Marcus addit, quod audacter introiuit ad Pilatum. Porro hanc audaciam præstitit intus vera fides, quæ est substantia rerum sperandarum, argumentum non apparentium, de qua ait Apostolus: Sancti per fidem vicerunt regna, operati sunt iustitiam, & quæ sequuntur. Extra vero Christi mors, & sanguis recens effusus adiumento fuerunt ad pellendum omnem timorem. Qui ergo Christo adhuc in viuis agente metuebant, & non audebant, propter metum Iudæorum, vbi primum eum extinctum intellexerunt, cessauit metus ab eis: non enim iam hostem eorum seruare videbantur, sed tantum pium officium in amicum præstare: & expectatio si qua erat in Iesu viuente, quod aspiraret ad regnum, iam cessauerat: & eo magis officium pium præstabant, quo putabant eum omnino perijsse, & nihil in eo esse præsidij. Ab his discimus, etiam amicis, à quibus nihil speremus, præstanda esse amicitie officia. Et hic Christo non mediocria, nec vulgaria impensa sunt munera, nam damnatus erat consensu publico vt seductor; itaq. inuidiosa res videri poterat, illi aliquid honoris impendere. Quare virtus quædam noua hæc est, quæ audaces amicos fecit; alioqui si deceptos se ab eo putassent, inimici ei iam essent, vel esse poterant & erubescerent in aliquo deceptorum amplius fauere. Petijt ergo corpus Iesu: quia corpora damnatorum non poterant sine licentia magistratus qui damnauit, tolli. Expende obsecro quis petat, idest, Ioseph: quid petijt, corpus Christi: à quo, idest, Pilato Præside: quomodo, idest, cum audacia, & seruire fidei: quando? nimirum eodem die, quo Christus Cruci est suffixus: ad quid petit? idest, ad sepeliendum. Quoties enim Scriptura aliquod heroicum enarrat factum, minute vniuersas operis describit circumstantias. Hi duo, Ioseph, & Nicodemus, satis re ipsa testati sunt, quantum animo committerentur Christum, etsi in

Hib. 11.

Ibid.

V

Iesu

Matt. 27.

Iesu promerendo præcedat Pilatus, & vxor, qui eius sunt testificati innocentiam, & Centurio, qui cum suis dixit: Vere filius Dei erat iste. Ad hos accedunt sanctarum mulierum planctus, lamentatio, ac sedulitas. Post hos venit latro computandus, qui Christum Regem confessus est: atque iuxta hos sequitur duorum diuitum officiosum munus. Cælitusq. profectum fuisse videtur, ut iste Ioseph diues esset, ut haberet quod exhiberet in sepulturam Domini: ut esset nobilis Senator, ac Decurio, quo ad Præsidem facile posset habere accessum: & ut iustus esset, quo corpus Domini sanctum pertrahere posset.

Theophyl. in Matih. 27.

Quod iusserit Pilatus reddi corpus ipsi Ioseph, magni muneris loco fuisse, illam donationem interpretatur Theophylactus: ac subdit: nam cum ut seditiosus esset occisus, reliquum erat ut insepultus abijceretur. Verum cum Ioseph diues esset, verisimile est, quod Pilato aurum dederit. Hæc ille. Forte etiam, quia semiinuitus damnauerat Iesum, & quia miracula illa partim viderat, partim à Centurione acceperat, propensus fuit ad donandum corpus, ut sepeliiretur: maxime quia, ut ait Salomôn: Cor Regis in manu Domini, quocumque voluerit, inclinabit illud.

Serm. de Temp. 133.

Accepit (inquit Augustinus) illud Ioseph ab Arimathæa, vir iustus, sicut ait Euangelista, & in nouo suo sepeliuit monumento, in quo nondum quicquam positus fuerat. Beatû ergo corpus Domini nostri Iesu Christi, quod cum nascitur, ex utero Virginis gignitur, cum recedit, iusto tumulo commendatur. Beatum plane corpus, quod Virginitas peperit, & iusticia custodiuit. Custodiuit enim illud Ioseph tumulo incorruptum, sicut seruauit illud Mariæ uterus illibatum. Sicut enim pollutione ibi non tangitur, sic mortis corruptione non læditur. Vbique beato corpori desertur, vbique virginitas. Nouus illud venter concepit, nouus tumulus conclusit. Et paulò post:

Fortasse quis dicat de priori Dominicæ natiuitatis prædicatione, in qua prædicauimus, non minorem gloriam, quod tumulus Ioseph suscitauit Dominum, quàm quod eum sanctæ Mariæ uterus procreauit. Quæ comparatio ventris, & tumuli, cum ex intimis visceribus illa ediderit filium, hic autem solummodo locum præstiterit sepulturæ? At ego dico, non minorem Ioseph affectum fuisse, quàm Mariæ. Siquidem illa utero Dominum, hic corde concepit. Illa Saluatori membrorum suorum secretum præstitit, hic secretum sui cordis non negauit. Illa Dominum pannis inuoluit, cum natus est: hic linteis, cum recessit: Illa perunxit beatum corpus oleo, hic aromatibus honorauit. Conueniunt ergo sibi obsequia, conuenit & effectus. Indè necesse est etiam meritum conuenire, nisi quod Mariam ad obsequium Angelus admonuit, Ioseph autem iusticia sola persuasit. Igitur Ioseph in suo sepulchro posuit Dominum.

Videamus, quare Saluator in aliena sepultura ponatur, ac suam non habeat sepulturam? Ideo in aliena sepultura ponitur, quia pro aliorum moriebatur salute. Mors enim ista non illi accidit, sed nobis profuit: mors ista non illi illata est, sed nobis delata. Ut quid ergo ei propria sepultura, qui in se mortem propriam non habebat? Et quid illi tumulus in terris, cuius sedes manebat in cælis? Ut quid illi sepultura, qui tridui tantum temporis spatio non tam in sepulchro mortuus iacuit, quàm veluti in lecto conqueuiuit? Ipsa enim temporis breuitas declarat potius somnum fuisse quàm mortem.

tem. Sepulchrum autem mortis est habitaculum. Necessarium ergo non erat mortis habitaculum Christo, qui vita est, nec opus habebat semper uiuens habitaculo defunctorum. Recte autem hanc vitam nos in nostro sepulchro condimus, ut uiuificet mortē nostrā, ut cū ipso à mortuis resurgamus.

Ponendi autem in nouo sepulchro Christi corporis quænam ratio fuerit, colligitur ex compendio Thalmud, quod dicitur Alphesi, & Rabinis Iacob Turim, & Moyse Aegypto: qui aiunt, cadauera damnatorum vetita esse inferri in sepulchra ceteris communia; sed in priuata seorsum ab alijs esse ponenda: rursumq. separatim esse pariter sepelienda instrumenta illa, quibus mors illata fuisset, nempe cruces, clauos, enses, lapides, pro mortis genere, quo quis affectus esset: eaq. ratione vetitum pariter fuisse tradunt, aliquem suffigi arbori, sed ex ligno exciso iuberi componi crucem, eandemq. seorsum sepulturæ mandandam cum reliquis ad mortem inferendam adhibitis instrumentis. In petra autem excidi solitas sepulturas apud Iudæos, constat ex Gen. 23. & Epiphanio contra Ebion. hæresi 30. eam semq. consuetudinem ad Christianos esse delapsam, cæmeteria, quæ tūm Romæ, tūm alibi in cryptis arenarijs sunt antiquitus instituta, fidem faciunt: in his enim, non in terra deorsum, sed desuper in lateribus cryptarum fornices sustinentibus, in excauatis ibi loculis reponi cadauera, moris fuit. De hoc ait Hieronymus in Mat. In monumento nouo, quod excisum fuerat in petra conditus est: ne ex multis lapidibus ædificatum esset, suffossis tumuli fundamentis, ablatum furto diceretur.

Interea die sabbathi inchoato, Princeps Sacerdotum & Pharisei adierunt Pilatum, rogaruntq. muniri sepulchrum, & adhibendam custodiam, ne discipuli Iesu corpus auferrent, & resurrexisse falsò iactarent. Ille vero ad eiusmodi officium, ut perquam diligenter curaretur, datis ad custodiam militibus, illis obtemperauit: qui abeuntes, munierunt sepulchrum, signantesq. lapidem, milites ad custodiam reliquerunt. Qualis fuerit eiusmodi sepulchri munitio, à Nicephoro sic describitur: Primum, inquit, sigillum sepulchro est impressum, quod & intactum permansit, & custodia militaris, illa & genere alienigena, quæ in propinquo sigillum obseruabat. Præterea ingens ille lapis ad os sepulchri appositus. Et paulo post: Traditum est nobis ab antiquis, Iudæos lapidem illum, qui in salutiferum sepulchrum illud pro operculo positus fuerat, ad summum monumenti labrum, petramq. inferne se illi coniungentem, ferramentis quibusdam fabrilis lapididarum arte perforasse, ferrumq. ingens à fabro ex propinquo acceptum, per utrumque foramen immisisse, & in circuli siue annuli formam circumegisse, atque ita firmiter capitibus commissis, omni ex parte quasi vinculum circumduxisse, ut lapis qualicumque modo loco suo reuelli, aut saltem ratione aliqua remoueri (nisi arte quadam, & vi adhibita, necessario aut ferrum confringeretur, aut petra rumperetur) non potuerit: atque in hunc modum cum magna cura, atque etiam signo impresso, cum sepulchrum firmissime communissent, custodia insuper competenti adhibita, eos abiisse. Hæc Nicephorus. His consentientia testatur Beda, dum ait, etiam suis temporibus illum superpositū lapidem monstrasse vestigia ferreorū vinculorum.

Martyrologium Romanum ita de Euangelistis summatim scribit: Hierosolymis sancti Iosephi ab Arimathea nobilis decurionis, discipuli Domini,

V 2

qui

Baron. an.
Christi 34.

Niceph. hi-
stor. lib. 1.
c. 32.

Beda. de loc.
sanct. c. 2.

Martyrol.
16. Kalen.
April.

*Matt. 27.**Marc. 15.**Luc. 23.**Iean. 19.*

qui eius corpus de cruce depositum in monumento suo nouo sepeliuit. Sancti Euangelistæ, à quibus Martyrologium sumpsit ita hanc ipsam rem narrant: Et ecce vir nomine Ioseph, qui erat decurio, vir bonus & iustus, hic non consenserat consilio & actibus eorum, ab Arimathæa Ciuitate Iudææ, expectabat & ipse regnum Dei. Audacter introiuit ad Pilatum, qui & ipse discipulus erat Iesu, occultus propter metum Iudæorum. Hic accessit ad Pilatum, & petijt corpus Iesu. Pilatus autem mirabatur, si iam obijisset, & accersito Centurione, interrogauit eum, si iam mortuus esset, & cum cognouisset à Centurione, donauit corpus Ioseph. Ioseph autem mercatus sindonem, & deponens eum sindone inuoluit, & posuit eum in monumento suo nouo, quod exciderat in petra, in quo nondum quisquam positus fuerat. Addit S. Ioannes, Ioseph socium habuisse Nicodemum, qui acceperunt corpus Iesu, & ligauerunt illud linteis cum aromatibus, sicut mos est Iudæis sepelire. Hæc sanctissimi Euangelistæ. Eandem historiam ex eisdem sacris auctoribus his versibus describit Iuuenius historię Euangelicę lib. 4. sub finem.

Iamq. recedenti vesper succedere soli
 Cæperat, & procerum solus tum iustior audet
 Corpus ad extremum munus deposcere Christi:
 Hic ab Arimathia nomen gestabat Ioseph.
 Qui quondam verbis aures præstabat Iesu.
 Pilatum tunc iste rogat, sibi credere membra
 Queis nuper tulerat vitam vis horrida pœnæ,
 Concessit Præses: sed corpus fulgida lino
 Texta tegunt, saxiq. nouo componitur antro:
 Limen concludunt immensa volumina petræ:
 E speculis seruant matres, & cuncta tuentur.

Ista Iuuenius presbyter.

Ioseph ab Arimathæa primus in Britannos Christianam religionem inuexit. Cap. 109.

*Posses. in
 Biblioth.*

Nicolaus Sanderus Anglus, Sacerdos, Theologus, qui ut scriptis, sic integritate vitæ, laboribusq. vsque ad mortem fidem Catholicam propugnauit, ac denique à sancta Apostolica sede missus in Hyberniam Apostolicus Nuncius, ibidem nostra ætate obiit: in libro de Origine, ac progressu Schismatis Anglicani scribit:

Anno Domini quinquagesimo Iosephum ab Arimathæa Britannos ad fidem Christi primum conuertisse, primamq. Ecclesiam in illa Christo erexisse.

*Polyd. Var.
 Angl. hist.
 lib. 2.*

Idem testatur Polydorus Vergilius, his verbis: Erat id temporis Aruiragus, uti supra memorauimus, princeps rex in Britannia, Nerone principe, auctor Iuuenalis Satyra quarta, ubi adulatur Neroni (ad Domitianum enim referri non potest, qui longe post imperium obtinuit) de capto Rhombo blandiens.

Omen habes, inquit, magni clariq. triumphi,

Regem aliquem capies, aut de temone Britanno

Excidet Aruiragus: Cum Ioseph ille qui, teste Matthæo Euangelista, ab Arimathæa ciuitate oriundus, Christi corpus sepeliuerat, siue casu, siue con-

Consilio, ita volente Deo, cum non paruo comitatu, in Britanniam venit, Vbi tam ipse, quam socij, cum de Euangelio prædicarent, atque dogma Christi sedulo docerent, multi per hæc ad veram pietatem traducti, salutiferaque fruge imbuti, baptizati sunt. Isti viri certe diuino spiritu afflati, cum à rege parum terræ ad inhabitandum proximè Velliam oppidum, circiter millia passuum quatuor dono accepissent, ibi nouæ religionis prima iecerunt fundamenta, vbi hodie est templum magnificum, Cœnobium monasticæ familiæ Diui Benedicti ordinis nobile. Loco nomen est Glasconia: Hæc omnino Christianæ pietatis in Britannia extitere primordia; quam deinde Lucius Rex prope extinctam Baptismi fonte sublotus, mirabiliter accendit, pieque adauxit. Nam Gildus testis est Britannos iam inde ab initio Euangelij Christianam recepisse religionem.

Baro. Chri.
an. 183.
Cic. Vit.
Pont. 12
Eleus.

Enarratio de S. Nicodemo Christi discipulo. Cap. 210.

Nicodemus Christi discipulus, Phariseis restitit, ipsiusmet sanctissimi Domini nostri causam defendens: quam quidem rem narrat idem Ioannes, cum inquit: Miserunt Principes, & Pharisei ministros, ut apprehenderent eum; Christum significat. Et paulo post: venerunt ergo ministri ad Pontifices, & Phariseos: Et dixerunt eis illi: Quare non adduxistis illum? Responderunt ministri: nunquam sic locutus est homo, sicut hic homo. Responderunt ergo eis Pharisei: Nunquid & vos seducti estis? nunquid ex principibus aliquis credidit in eum, aut ex Phariseis? sed turba hæc quæ non nouit legem, maledicti sunt. Dixit Nicodemus ad eos (ille qui venit ad Iesum nocte, qui vnus erat ex ipsis) nunquid lex nostra iudicat hominē, nisi prius audierit ab ipso, & cognouerit quid faciat? Responderunt, & dixerunt ei: Nunquid & tu Galilæus es? scrutare scripturas, & vide, quia à Galilæa propheta non surgit. Et reuersi sunt vnusquisque in domum suam. hæc ibi. Ecce itaque brevis Nicodemi sermo totum dissoluit consilium impiorum, & quamquam non effecit ut mutarent, tamen obtinuit ut sententiam differrent: re enim infecta singuli in domum suam reuerterunt.

Ioan. 7.

Quæ autem postea passus sit sanctus hic vir Nicodemus à Iudæis, ex relatione Gamalielis, Lucianus in epistola de inuentione S. Stephani memorie prodidit, sic dicens: Ipse autem dominus Nicodemus in alia theca positus est, qui venit ad Saluatorem IESVM noctu, & catechizatus est ab eo, audiens: Nisi quis renatus fuerit ex aqua, & Spiritu sancto, non potest intrare in Regnum Cælorum. Et abiens baptizatus est à Christi discipulis. Et cognoscentes, exulare fecerunt. Hunc ego Gamaliel quasi persecutionem pro Christo passum, sustuli eum in agrum meum, & alui, & vestiui vsque ad finem vitæ eius, & defunctum sepeliui iuxta dominum Stephanum. Hæc Luciani Epistola, de qua hæc habet Baronius: Quam cum quatuor libris Vaticanis collatam, & fideliter, quantum licuit, emendatam edidimus. Ne fastidias tu, velim, styli simplicitatem, & simpliciorē ex Græco factam translationem, cum maxima quæque fidei sacramenta Deus eiusmodi simplici dicendi genere voluerit hominibus nota fieri.

Baro Chri.
an. 415.

Dicitur Nicodemus fecisse celeberrimam illam Christi imaginem, quæ Beryti, à Iudæis per ludibrium crucifixæ, innumerabilibus miraculis clauit.

Martyrol.
Roman. 9.
Novemb.
& ibi Ba-
ren.

De qua Martyrologium Romanum hæc habet : Beryti in Syria commemora-
tio imaginis Saluatoris , quæ à Iudæis crucifixa , tam copiosum emisit san-
guinem , vt Orientales , & Occidentales Ecclesiæ ex eo vbertim acceperint .
Rei gestæ historia narratur in Concilio Nicæno secundo , Actione quarta , ex
libello Athanasij de passione imaginis Domini . Contigit eiusmodi insigne
miraculum temporibus Constantini iunioris , & Irenes Augustorum , vt in hi-
storia manuscripta , quæ in aliquibus Ecclesijs legi consuevit , quam & in
peruetusto Codice apud nos habemus , apparet , in quo caractere Longo-
bardo hæc leguntur : Sermo sanctæ memoriæ Patris nostri Athanasij , de ima-
gine Iesu Christi veri Dei æterni , quod factum est miraculum magnum in
ciuitate Beryto tempore Constantini iunioris , & Irenes vxoris eius . Sustol-
lite oculos &c. Vnde alicuius alterius potius Athanasij , in Syria Episcopi ,
quàm Alexandrini , tractatus ille esse conspicitur , dignus tamen , cui fides
integra adhibeatur ab omnibus . Sed quia in quibusdam editionibus viden-
tur admixta quædam apocrypha , operæpretium duxi eandem historiam hic
puram ex versione Anastasij Bibliothecarij describere , quæ sic se habet .

*Veneranda Iesu Christi imago à Nicodemo picta , dum à Iudæis
illuditur , & crucifigitur , prodigiosum fundit sanguinem ,
qui omnes male habentibus miraculosam adducit salu-
tem , & incredulos Iudæos ad fidem trahit .*

Cap. 211.

M. S. Bi-
blioth. Val-
licell.

Sermo sanctæ memoriæ Patris nostri Athanasij , de imagine Domini No-
stri Iesu Christi , Dei nostri , facto miraculo in ciuitate Beryto .

Sustollite oculos mentis vestræ , & videte nouum spectaculum , quod fa-
ctum est nunc , in infinitam admirationem Dei ; aspiciate , & date gloriam ei .
Contemplamini ineffabilem misericordiam eius , & magnitudinem dispen-
sationis eius , atque lamentum cum læticia sumite . In Deo quidem nihil ex-
traneum . Deus enim cum sit , omnia potest . Quod verò in diebus nostris ,
& in nobis factum est , expauescit omne cor audientium . Verè expauescit
Cælum , quod audenter factum est . Conturbatæ sunt abyssi , & Sol obtene-
bratus est , & Luna , & stellæ similiter super hoc , quod patratum est . Sed
iterum lætatæ sunt in eo , quod à Domino dispensatum est , omnes Cælo-
rum virtutes . Audite , & admiramini quid factum est in diebus nostris : In-
tellegentes intelligite , & aurem vestram inclinate : Et quidem ante exte-
riorem aurem , quæ cordis est , pergite , & audite .

Ciuitas est Berytus vocata , in confinibus Tyri , & Sydonis sita , Antio-
chiæ subdita . In hac Ciuitate Beryto multitudines erant copiosæ Iudæorū .
Porrò iuxta Synagogam ipsorum , quæ valde magna esse videbatur , Chri-
stianus quidam cepit ad pensionem , cellulam à quodam , in qua habitans cō-
tra accubitus suum fixit imaginem Domini nostri Iesu Christi , honeste de-
pictam , & integræ statux habentem Dominum nostrum Iesum Christum ;
transacto præterea modico tempore , perquisiuit mansionem maiorem ille
Christianus , quemadmodum , & indigebat . Hoc autem Domini nostri Iesu
Christi gratia dispensauit (vt credo) qui vult omnes homines saluos fieri , &
ad agnitionem veritatis venire , ostendens miracula sua se colentibus , & om-
nibus

nibus in se credentibus in redargutionem impiorum, & stabilitatem fidelium.

Quæsiuit ergo Christianus (vt dixi) maiorem domum, & inuenit in quodam loco Ciuitatis, & transtulit se illuc, à domo, quæ erat iuxta Synagogam Iudæorum, & sublatis omnibus suis, per obliuionem, dispensationem tamen Dei, imaginem Domini dimisit, obliuioni (vt præfatus sum) tradidit. Quidam vero Iudæus accepit domum illam ad pensionem, in qua imago Domini stabat: intromissis autem omnibus permanebat in domo, minime contemplatus iconam Domini, quod staret illic; neque enim considerauit locum illum, sed ingressus manebat. Quadam vero die inuitauit Iudæus vnum ex contribulibus suis ad prandium. Et cum pranderet, eleuatis oculis, Iudæus, qui inuitatus fuerat, vidit iconam Domini nostri Iesu Christi, & dicit ei, qui se inuitauerat: Tu cum sis Iudæus, quomodo imaginem huiusmodi se habentis habes? Conuicia plurima quoque, & nefanda emittens aduersus Dominum, quæ non audeo scribere, absit, quæ dixit contra Saluatorem, is qui fuerat inuitatus.

Abijt autem ad summos sacerdotes suos, & accusat Iudæum, qui in domo manebat, in qua imago erat, dicens, quia ille imaginem habet Nazareni, videlicet in domo sua. Qui audientes dixerunt: Si potes hoc ostendere? At ille affirmauit: Quia ostendam hoc in domo eius. Illi vero repleti furore, vespere quidem siluerunt. Mane vero facto, summi sacerdotes eorum, atque presbyteri, assumpto eo, qui Iudæo detraxerat, & turba multa gentis suæ, pergunt ad domum Iudæi, in qua imago Domini stabat. Peruenientes autem ad locum summi sacerdotes insiluerunt, & seniores cum eo, qui indicauerat, & vident imaginem Domini stantem. Tunc vehementer irati in eum, qui habitabat in domo illa, extra Synagogam facientes expulerunt, imaginem vero Domini nostri Iesu Christi deponentes dixerunt: Quia sicut patres nostri illuserunt ei aliquando, ita, & nos illudamus ei.

Tunc inceperunt conspuere in faciem sanctæ imaginis Domini, & dare alapas coram his, qui conuenerant, hinc, & inde imaginem Domini conspuentes, atque dicentes: Quæcunque fecerunt patres nostri, faciamus & nos imagini eius: & dicunt: Audiuius quia illuserunt ei, & hoc ipsum nos faciamus, & vos. Infinitis ergo ludibrijs illuserunt iconam Domini, quæ nos neque dicere audemus. Deinde dicunt: Audiuius, quia clauis infixērunt manus eius, & pedes: hoc, & nos faciamus ei. Tunc in manus, & pedes imaginis Domini infixērunt clauos. Iterum sauien es dixerunt: Audiuius, quia accepto aceto, & felle potauerunt eum cum spongia: faciamus ei, & nos. Et fecerunt apponentes ad os imaginis Domini spongiam aceto plenam: rursus dicunt: Dicimus, quia percusserunt caput eius arundine patres nostri: id ipsum, & nos faciamus, & accipientes calamum percusserunt caput Domini.

Ceterum nouissime dicunt (vt liquidius edocemur) quod lancea latus eius aperuerunt; nihil prætermittamus, sed addamus, & hoc: & facientes deferri lanceam, præceperunt cuidam suorum tollere lanceam, & percutere contra latus imaginis Domini. Mox manauit multitudo sanguinis, & aquæ ab ea. Christe, gloria tibi, incomprehensibilis gloria tibi: Quis sicut tu Deus? Quis præter te Deus faciens terribilia, & stupenda? O miraculum

Maieſtatis Saluatoris immenſum ! Horruerunt veraciter ſuper hoc etiam ſu-
pernæ virtutes tuæ . O quantus es Domine ad humanitatem , ò quantus ad
longanimitatem , ò quantus es ad miſericordiam , pius enim propter nos , &
propter ſalutem noſtram , cum eſſes ſine carne , incarnatus es ex Virgine
Maria , crucifixus es in illa carne , cum eſſes ipſe impaſſibilis in deitate .
Nunc vero iterum in imagine crucifixus es Domine in redargutionem im-
piorum , & omnium incredulorum , atque ſtabilitatem eorum , qui veraciter
in te credunt . Sed gloria tibi Domine , qui ſolus omnia potes , vna cum be-
nediſto Deo noſtro , & Patre , atque cum Spirituſancto . Amen .

Vos autem , ò filij , audite reliqua , quæ diſpenſata ſunt ab eodem Domi-
no , ipſius enim erat permiſſio . Denique poſtquam percuſſum eſt lancea la-
tus eiſdem imaginis Domini , & emanauit ſanguis , & aqua (vt ſuperius di-
ctum eſt) dicunt ſummi ſacerdotes eorum , & ſeniores : Quoniam ſuſurrant
colentes eum , quod ſanitates multas fecerit , ſumamus ergo ſanguinẽ hunc ,
& aquam , & deferamus ad Synagogam , & colligamus omnes , qui male ha-
bent in populo , & vngamus eos ex illo , & videamus ſi vera ſint , quæ dicun-
tur . Tunc afferentes lateri iconæ Domini vas ſecundum locum percuſſionis
lancæ , vnde exiuit ſanguis , & aqua , & repleuerunt amphoram ſecundum
locum iugulationis lancæ , & inferentes illudebant , vt iniurijs appetere-
(ſicut putabant) coram omnibus vniuerſorum Dominum . Non putantes
ſcilicet aliquod edendum fore miraculum .

Et collectis omnibus , qui male habebant , & ante omnes paralyticum ,
quem à natiuitate nouerant , adducenſes vnixerunt , & ſtatim ſubiſſit , &
exiijt ſanus homo penitus . Deinde cæcos adduxerunt , qui , & ipſi viſum
receperunt . Dæmonium vero patientes mox adunati ſunt . Turbatio quo-
que magna , & infinita per totam Ciuitatem effecta eſt , cunctis confluentibus
propter infinita miracula . Commotæ autem ſunt omnes multitudines Iu-
dæorum : plures enim Ciuitatem habitabant . Currebant ergo ferentes eos ,
quos in domibus ſuis habebant languentes , aut paralyticos , aut debiles , aut
aridos , aut leproſos : omnes accurrerunt , ita vt neque Synagoga eorum , li-
cet magna fuerit , caperet illos , neque locus , multitudine infiniti populi pro-
pter miracula concurrente .

Omnes autem Principes Sacerdotum , & Seniores , & Populus Iudæorum
viroꝝ , puerorum , & mulierum crediderunt in Dominum Ieſum Chriſtum ,
clamantes : Gloria tibi Chriſte , quem patres noſtri crucifixerunt , qui & à
nobis Domine crucifixus es in imagine tua . Gloria tibi fili Dei , qui tanta
fecifti miracula : Tibi credimus : propitiuſ eſto nobis , & ſuſcipe nos . Hoc
clamabant lugentes omnes , & voces emittebantur , & miracula perficie-
bantur , ſummis Sacerdotibus vngentibus , & cunctis curatis , & viuificatis .

Poſtquam autem omnes ſanati ſunt , conſeſſim ad Episcopum , ſanctiſſimæ
conſtitutæ illic Eccleſiæ , qui iam quæ fuerant facta didicerat , multitudines
concurrerant dicentes , & clamantes : Vnus , vnus Deus Pater , vnus Filius ,
& ipſe vnigenitus , vnus Chriſtus , quem patres noſtri crucifixerunt , ipſum
Deum nouimus , huic nos credimus . Multis itaque laudibus gloriaſeue-
runt Deum , imaginem Archiepiscopo demonſtrantes , annuntiantes , quæ
fecerant imagini Domini , qualiter & ſanguis , & aqua exierunt è latere
imaginis ; nec non , & infinita miracula , quæ facta ſunt . Ita omnes multitu-
dines ,

nes, ut sancto Baptismo digni fierent, supplicabant. Quos Episcopus una cum Clero suo assumptos, omnes baptizauit per multos dies, Synagogam eorum Ecclesiam Saluatori nostro Christo dicauit. Illis autem rogantibus, etiam ceteras Synagogas eorum Martyria fecit, & sic gaudium magnum factum est in Ciuitate illa, non solum corporibus sanatis, & uiuificatis, sed & animabus in vitam mortuis redeuntibus æternam.

Hæc agnoscens ego, festinaui indicare vobis, fratres amantissimi, ad vtilitatem animarum vestrarum, ut cognoscentes & in hoc Dei, & Saluatoris nostri Iesu Christi virtutem, plus aliquid in fide ipsius confirmemini, & exultetis super magnalibus eius, quæ nunc operatus est. Date ergo ipsi gloriam in lætitia, in compunctione ex lætamento gaudentes, & gratias agentes, quia, & sua vos fide, & sua fecit agnitione dignos in Christo Iesu Domino Nostro. Cum quo, & Patri una cum Spiritu sancto gloria, & nunc, & semper, & in secula seculorum. Amen. Hactenus de historia de imagine crucifixæ Beryti ex Anastasij versione. At vero quæ plura his inueniuntur in Vulgata, decurres, utpote addita ab eo qui exscripsit admiscens veris apocrypha.

Tanta quidem Deus hoc tempore, cum vigeret impietas Iconoclastarum hæreticorum, & Sarracenorum idem docentium, & contingentium de abdicando venerandarum imaginum cultu operatus est, quo vel vno signo ex aduersariorum officina depræpto (ne quid posset imposturæ adscribi) eorundem impietas confutaretur, penitusq. error aboleretur, diluereturq. sanguine Christi iterum per imaginem Crucifixi. Sed docuit experimentum, superari perfidiam Iudæorum ab hæretica prauitate, illis licet Christi hostibus implacabilibus manus dantibus, istis resilientibus, & in deterius prolabantibus, atque in obstinationis profundum abyssum lapsis, impiè blasphemantibus.

Aliud celebre enarratur de certitudine venerandæ imaginis Iesu Christi Redemptoris nostri crucifixi schemate pictura antiquitus ad similitudinem eius expressæ, curante id scilicet (ut vetus traditio delapsa ad posteros firmiter testabatur) Nicodemo nocturno Christi discipulo, prout didicit, & retulit inde pius valde Stephanus nomine, patria Lucanus, qui religionis causa una cum alijs anno Christi 1098. peregrinationem susceperat ad Terram sanctam, quam acceperat à Gregorio quodam Syro homine, eaq. insigniter esse illustratam Lucanam in Thuscia ciuitatem, vbi hætenus religiosissime conseruatur, apud quam & totius rei gestæ historia antiquitus scripta seruat. Cur autem Regio cultu, non ut passus est nudus, idem Redemptor noster fuerit expressus, à pluribus quæri scimus: quibus aliquando respondimus, id præstitum olim à Nicodemo ad euacuandum scandalum crucis, & illustrandam magis gloriam Christi, ut quem inter Latrones audierint crucifixum, scirent re vera fuisse Regem Iudæorum vinctum à Deo, eundemq. Regem Regum, ac Dominum dominantium; ita, inquam, Iesum Christum crucifixum, Iudæis scandalum, Gentibus stultitiam, ea de causa pietas Nicodemi effigiandum curauit, & non honestatis causa tantum. Nam qui eius rationem habendam censuerunt, ipsum Dominum nostrum Redemptorem indutum solum interula siue indusio cruci affixum, siue sculptura, siue pictura repræsentare consueuerunt. Stet ergo veneranda Sacrosancta

*Bapt. Chri.
an. 1099.*

*Act. 10.
Apoc. 19.
1. Cor. 1.*

sancta Imago Christi Regis in Cruce pendentis aduersus infelicitissimos Iconoclastas semper loquens, perpetuum ab exordio nascentis Ecclesiae monumentum transmissum ad posteros.

Ango. Roc. de Cruce part. c. 4. Ioan. 3. Duæ sunt Imagines, Christi Domini crucifixionem representantes, cedrino ligno incisæ, quarum altera à Nicodemo, ex Iudæorum Principibus vno, nec non ex ijs, qui in Christum crediderunt, & ex Phariseis homine; altera vero à S. Luca Euangelista effictæ, ambæ autem valde insignes propter antiquitatem, tum etiam propter nobilitatem sculptorum, quorum ille Christi Domini familiaris, & discipulus eiusdem occultus fuit; &, vt

Ioan. 19.

sanctus Ioannes Euangelista inquit, mixturam myrrhæ, & aloës, quasi libras centū detulit pro eiusdem corpore sepeliendo; hic verò Apostoli Pauli sectator, & omnis peregrinationis eius comes. Hinc ambæ Imagines ob huius generis eminentias, & ob miracula diuersis temporibus à Deo per eas præstita, maxima cum veneratione, ac fidelium eas adeuntium frequentia, & deuotione asseruantur; illa in Hetruriæ Ciuitate, quæ Luca nuncupatur; hæc vero Siroli prope Anconam Oppidi, vbi erat Ciuitas maritima, quæ Numana vocitabatur, olim, vt aiunt, à Gothis euerfa; nunc autem Humana vulgo, & corrupte quidem, nuncupatur.

Pomp. Met. lib. 2.

Niceph. lib. 1. c. 40.

Ambæ insuper Imagines, tibijs diuaticatis, pedibus videlicet discretis, cedrino, vt diximus, ligno vitæ quatuor clauis cruci affixæ, non nudæ, sed vestitæ; illa calceatis pedibus; hæc autem pedibus nudis, cernuntur. Illa Imago, quæ Lucæ asseruatur tamquam viua Crucis affixa cernitur: barbam coloris auellaneæ, subflauam scilicet, comæ adsimilem, haud longam, sed in extrema parte sensim bipertitam habens, iuxta epistolam, quæ sub nomine Lentuli ad Tiberium Cæsarem scripta circumfertur; nec non iuxta ea, quæ Nicephorus in libro primo Ecclesiasticæ historiæ scripta reliquit, representatur: nigra veste, at sericea, cunctis indumenti oris, aut extremitatibus, quas vocant simbrias, acu pictis, aut phrygiatis, hoc est, auro contextis, cinguloq. item aureo, nec non anteriore vestis parte infra cingulum auro contexta cernitur, auream habens coronam, Regalem scilicet, ac Imperialem; supra vero coronam sunt duæ Græci Alphabeti litteræ, hoc est, prima & vltima, quæ sunt A: Ω: Alpha, & Omega, quibus litteris per principium scilicet atque finem Dominus Deus representatur, ante quem nullus, vel in quo omnia terminabuntur, vt in diuersis scripturæ sacræ locis videre licet.

Calcei eiusdem Imaginis argentei sunt, sed aurati, cruce insigniti, quorum dextrum ad hominem quemdam, pro ope sibi impetranda orantem, ipsamet Imago miraculose proiecisse narratur. Simile aliquid contigisse in Hispania in Cantabriæ Regno commemoratur. Inde pro eo calceo sustentando (nudato calcaneo, qui calceum nunquam recipere potuit) Calix non consecratus appositus fuit, sicut ad hanc vsque diem illic cernitur; & calcei pretium illi homini, crucifixum imploranti, datum fuit. Indumentum vero, & calceamenta non à Nicodemo, sed ab alijs Christi fidelibus eidem Imagini non sine Dei monitu per Angelum indicato, addita fuisse docet historia. Ad latus eiusdem Imaginis dextrum circa tergum fenestratum extat repositorium, in quo Reliquiæ insignes à Nicodemo inibi reconditæ asseruantur. Hæc de Imagine Christi Domini quatuor clauis cruci

cruci affixa, quæ Lucæ custoditur, cuius exemplar in Bibliotheca item Angelica Romæ asseruatur.

Enarratio de S. Cleopha ex Romano Martyrologio. Cap. 212.

IN Castello Emmaus natalis B. Cleopha Christi Discipuli, quem tradunt in eadem domo, in qua mensam Domino parauerat, pro confessione illius à Iudæis occisum, & gloriosa morte sepultum. Eadem leguntur apud Vstardum, & Bedam copiosius.

Cleophas Discipulus vnus ex 72. fuit. Hic vnus ex illis duobus exstitit, quibus in Castello Emaus euntibus in die Resurrectionis suæ Dominus apparuit, & ab ipsis inuitatus cum eis discubuit, quem & ipsi in panis fractione cognouerunt, alius vero Lucas Euangelista fuisse dicitur. Hunc autem tradunt apud ipsum castellū Emmaus in eadem domo, in qua mensam Domino parauerat, post Discipulorum in Iudæa dispersionem pro confessione Christi à Iudæis occisum, & gloriosa morte sepultum, qui passus est viij. Kal. Octobris. hæc in Martyrologio Adonis sumpto ex Hieronymi scripturis, & chronicis antiquis. hæc ille. Quibus monemur eum annum Domini circiter trigessimūquintum, quo discipulorum dispersio contigit, martyriū subiisse. Græci in Menologio iij. Kal. Nouembris hæc habent: Eadem die natalis sancti Apostoli Cleopha. Sanctus Hieronymus in Epitaphio Paulæ ad Eustochiū, Cleopham castelli Emmauntis, quo ibat, ciuem fuisse indicat, in eius enim domo Christum ea nocte exceptum in fractione panis ab illis cognitum dicit, eiusq. domum in Ecclesiam dedicasse.

Huius porro Comes quis fuerit (eum etenim S. Euangelista non nominat) in ambiguo est. S. Ambrosius Amaonem vocat, ex ipso forte, quo ibant, pago. Origenes Simonem appellat, à quo opinor accepisse Dorotheum: eundem Simonem nominat S. Epiphanius, quem & Nathanaelem fuisse scribit; demum quotquot serme eum locum S. Lucæ explicarunt, quo Cleopha historia narratur, ipsum S. Lucam, qui scribit, fuisse fatentur; & hos quidem sequuntur S. Gregorius Papa, Simeon Metaphrastes, & Nicephorus, aliq. Quod autem S. Lucas se ipsum non nominauit, id modestiæ tribuere videtur idem S. Gregorius Papa, ne gloriari videretur sibi Dominum apparuisse scribendo.

De Oppido Emmaus, in quo fuit fons, qui à Christo, pedibus in eo ablutis, virtutem medendi morbis est consecutus.

Cap. 213.

DE Oppido Emmaus Hieronymus ad Eustochium agit, hocq. tempore nominatum Nicopolim tradit.

De eodem, ac de stadio, ita Beda. Stadium, quo Græci auctores, vt dicunt, Herculi viarum spatia mensurarunt, octaua est pars milliarij, & ideo sexaginta stadia septem millia passuum, & quingentos significant. & post multa: Emmaus autē est ipsa Nicopolis, Ciuitas insignis Palæstinæ, quæ post expugnationem Iudææ sub Marco Aurelio Antonino Principe restaurata cum statu mutauit & nomen, plura de Emmaus inuenies apud Baroniū ex Iosepho, atque

*Petrus de
natal. lib. 8
c. 118.*

*Amb. li. 7.
in Luc. de
vigilant. &
neglig. seruorum, &
lib. 10. cap.
vlt. Orig.
initio Cō-
mēt. in 10.
Ep. cō. Cels.
Epiph. bar.
23.
Greg. prof.
in Iob c. 2.
Metaph. de
S. Lucæ.
Niceph. lib.
1. c. 34.
Theophrast.
Luc. 24.
Hier. epitaph.
ad Eustoch.
ep. 27.
Ioseph. ant.
lib. 17. c. 12.
Hier. de lo.
Hebraic.*

atque Sozomeno lib. 1. Annal. Eccles. Christi anno 34. cap. 194.

Sozom. lib. 1. c. 20. Rursus eadem die Dominus duobus discipulis (horum alter Cleophas dicitur, nomen vero alterius silentio prætermittitur) euntibus Emmauntem, & in via de his, quæ acciderant Hierosolymis, sermonem habentibus apparuit, sed vultu diuerso, ita ut non cognosceretur ab illis, qui tamen diuinis scripturis ab eo explicatis sensim proficientes, die iam ad vesperam declinante, cum coegissent illum fingentem se longius ire, vnâ cum ipsis manere, tandem recubentem simul ad mensam cognouerunt eum; cum enim panem frangeret, & daret illis; oculi eorum, inquit Lucas, aperti sunt. Sic vero manifeste cognitus, se confestim ab illorum visu subtraxit. Qui eadem hora surgentes, regressi Hierosolymam, quod Dominum vidissent, testati sunt. Apostoli rursus, quod apparuisset Iesus Simoni, eosdem certiores reddiderunt. Hæc Lucas pluribus. Quod ad Emmauntē spectat, cum Cleopham Emmauntis fuisse indigenā testetur Hieronymus, iam satis liquet ipsum tædio expectationis superatum ad propria remeare voluisse. Castellū Emmauntē, quod dicit Euangelista, nobile fuisse olim oppidum constat, sed ob cæsos illic Romanos milites, haud multū ante tempus a Varo Syriæ Præfide crematum est, quæ postea Nicopolis appellata, nobilis existit Ciuitas Palæstinæ.

Hieron. de loc. Hebræ. Eiusdem meminit Sozomenus; deq. fonte, qui à Christo pedibus in eo ablutis virtutem medicam est consecutus: agit his verbis: Est Vrbs Palæstinæ, quæ iam Nicopolis dicitur, cuius quidem tūc Pagi (sic enim iam fuit) diuinus Euangeliorū liber facit mentionem, eamq. Emmaus appellat. At Romani capta Hierosolyma, & parata contra Iudæos victoria eam Nicopolim nuncupabant, nomine ex belli euentu imposito. Ante hanc Urbem propè triuium, in quo Christus post Resurrectionem à mortuis cum Cleopha incidens simulabat se alterum Pagum propere contendere, est fons quidam salutaris, in quo non homines modò, qui ægrotant, loci curantur, verum etiam animantia, quæ varijs morbis laborant: Nam ferunt Christum, vnâ cum discipulis quodam tēpore è via ad fontem illum diuertisse, inq. eo lauisse pedes, & aquam ex eo tempore vim medendi morbis habuisse. Hæc Sozomenus. At quamquam Ioseph id naturali aquarum virtuti potius quàm miraculo tribuere videatur, dū ait, Ammaus (est idem quod Emmaus) si quis nomen interpretetur, aquæ calidæ vocantur; ibi enim eiusmodi fons est sanandis corporum vitijs idoneus. Tamen cum Plinius testetur Emmauntē pluribus fontibus fuisse irriguam, in aliquo ipsorum, quod scribit Sozomenus, contingere facile potuit.

Ioseph. de bel. iud. lib. 4. c. 1.
Plin. nat. hist. lib. 5. c. 14.

De studio meditationis erga Domini Iesu Christi passionem, & mortem habendæ. Cap. 214.

Historiam passionis Domini nostri Iesu Christi, de qua supra toties mentio habita est, plenius enarrare, prout gesta fuit, consulto reliquimus, illam enim omnes Euangelistæ accuratissime, quantum satis fuit conscripserunt, vbi videri potest.

Nunc autem concludendo, hoc tantum à nobis dicendum est, ut vnusquisque, qui Christum crucifixum sequitur, tollat eam, & sæpius in corde abscon-

abscondita Crucis mysteria reuoluat. Mors enim Christi profunda mente meditata, & alto corde retenta animæ nostræ vita est, habetq. ingentem, & inestimabilem thesaurum in mente, qui passionem Christi habet in corde. Quapropter quotquot Domino seruiuerunt, omnes semper Christi passionem præ oculis mentis perspectam habuerunt. Ipse autem Iesus Christus zelans honorem, & reuerentiam, quam Passioni suæ, & morti haberi voluit, fertur in visione quadam B. Angelæ de Fulgino reuelasse, quod omnes illi, qui pie credendo, & vigilando ad passionem eius, amplectuntur dolores mortis, & afflictionis, quas pertulit, ab ipso particulariter diliguntur vt filij, & colligunt fructus amoris, ita vt quasi ex testimonio, & iure hereditario diuitias hereditatis celestis sit consequuturus, is, qui in memoria, & mente sua fixam, & expressam perpetuo portauit mortem, & passionem ipsius, in quo stat vita, & salus nostra.

Sancta quoque Brigitta probatæ deuotionis mulier, asserbat sibi innotuisse, pretiosum monile, quod animam ornât, esse Christi passionem, quam ita præ oculis vnusquisque habere deberet, ac si proprijs oculis viderent Christum se præsentem illum, & contemptum, & se videntem flagellatum, & æque, ac tunc illum fundentem sanguinem conspiceret, & in Cruce pendentem emittere spiritum.

Quidam autem Seruus Dei, cum diutius se in meditando passionem Domini exercuisset, modo tanquam à Prophetis annuntiatam, modo tanquam in nouo testamento completam, & modo in martyribus, & pœnitentibus viris imitatione expressam, quicquid legebat, & studio comprehendebat, referebat ad illam; quapropter in hac sancta exercitatione tam stricto nexu se Deo suo deuinxit, vt ibidem sentiret se rapi vehementius ad amandum, cū tanta illuminatione, vt multa Dei arcana sibi tunc reuelata fuerint, & de peccatorum suorum remissione, & de propria salute certior factus.

Idemq. Dei seruus, qui quanta poterat animi propensione, Christi passionem meditabatur, asserbat audacter se didicisse, quod quicumque quandoque in die, & quandoque in nocte, se in misterijs Dominicæ passionis contemplandis perseverando exercuisset, infra scriptas gratias, & priuilegia, atque fauores diuinos esset consecuturus.

Primo quidem hac pia meditatione, peccatorum suorum remissionem, pro quibus Christus crucifixus fuit, consequetur.

Secundo fore, vt certam quandam fiduciâ in corde reciperet, qua ingruentibus tentationibus resistere posset.

Tertio, virtutem quandam susciperet, qua ardua virtutis opera perficere posset.

Quarto, si ita meditando perseveraret, gratiam semper in corde suo multiplicaret.

Quinto, sicut cor suum haberet, passionem meditando, Christo proximū: ita ipse haberet Christum in eo adiuuando coniunctum, vt ab eo non separaretur.

Sexto, ex illa meditatione exardesceret ignis, in cuius lumine multa diuina mysteria sibi reuelata videret.

Septimo, quotidie ita meditando, magis magisque in præsentī vita proficeret.

Octa-

Octauo, hoc modo sibi Deum propitium redderet, vt si quid in nomine Christi peteret, fieret sibi.

Nono, per hanc salutis nostrae commemorationem, in morte eius assequeretur lumen quoddam, per quod obtenta saluationis cognitionem haberet, assistente Domino nostro Iesu Christo, & pugnante pro eo contra inuisibiles salutis hostes.

Has quidem gratias, & fauores inestimabiles, ex Dominicae passionis assidue, & quotidiana meditatione prouenientes, si quis consequi cuperet, omnes autem cupere debemus, dixit supradictus, accedat, & experietur, nihil enim expertum fuisse nocebit, imo lacra preciosissima absque dubio comparabit sibi, post enim bonas cogitationes certus, & mirificus semper consequitur fructus.

Exhortatio ad Domini passionem, & mortem considerandam.
Cap. 215.

S. Leo ser.
3. de pass.
Domini.

Reator, & Dominus omnium rerum Christus post inuitatum sacrae Virginis partum, post adorata Magorum confessione cunabula, & post multiplicem doctrinam caelestis eloquij, & variarum curationum medelas, imperio verbi potentis effectas, dispensationem omnium sacramentorum, omniumque virtutum salutifera passione consummat. Christianae igitur spei, dilectissimi, vera ratio, & principalis causa crux Christi est, quae licet Iudeis sit scandalum, gentibus autem stultitia, nobis tamen Dei virtus est, Dei sapientia. Vnde summum hoc, & potentissimum diuinae misericordiae sacramentum semper quidem in cordibus nostris cum tota sui dignitate retinendum est, sed nunc viuaciorem animi sensum, & puriorem exigit mentis intuitum, quando nobis non solum recursu temporis, sed etiam textu Evangelicae lectionis omne opus nostrae salutis ingeritur. Nihil ergo apud nos loci, cogitationes habeant impiorum, nec integritatem sanae intelligentiae, aut Iudaica offensio, aut gentilis corrumpat irrisio: vt quod non solum pro nobis humiliter, sed etiam sublimiter gestum est, aut secundum hominem impossibile, aut secundum Deum videatur indignum. Vtrumque autem recipi, vtrumque conuenit credi, quia nemo hominum potest nisi in vtroque saluari. Iustus enim, & misericors Deus non sic iniuria suae voluntatis est usus, vt ad reparationem nostram solam potentiam benignitatis exerceret, sed quia consequens fuerat, vt homo faciens peccatum seruus esset peccati, sic medicina aegris, sic reconciliatio reis, sic redemptio est impensa captiuis, vt condemnationis iustae sententia iusto liberatoris opere solueretur. Nam si pro peccatoribus sola se apponeret deitas, non tam ratio Diabolum vinceret, quam potestas. Et rursus si causam lapsorum sola ageret natura mortalium, non erueretur a conditione, quae libera non esset a genere. Vnde oportuit in vnum Dominum nostrum Iesum Christum & diuinam, & humanam conuenire substantiam, vt mortalitati nostrae per Verbum carnem factum, & origo noui hominis subueniret, & passio. Cum igitur in Christo Iesu Iudeorum duritia, quae sunt diuina: gentilium caecitas, quae sunt humana contemnat, illis aduersus gloriam Domini calumniantibus, istis contra humilitatem superbientibus, nos Dei filium, & in suis virtutibus, & in nostris infirmitatibus adoramus.

Igitur

Igitur inter omnia opera misericordiae Dei, quae ab initio salutis sunt impenſa mortalium, nihil eſt mirabilibus, nihilq. ſublimius, quàm quod pro mundo crucifixus eſt Chriſtus, ipſe enim cœleſti conſilio ſuſceptionem noſtræ infirmitatis induit, ut noſtram inconſtantiâ ſuæ virtutis ſoliditate veſtiret. Venit enim in hunc mundum diues, atque miſericors negociator Cœli, & commutatione mirabili iniit commercium ſalutare, noſtra accipiens, & ſua tribuens, pro contumelijs honorem, pro doloribus ſalutem, & pro morte dans vitam, & cui ad exterminationem perſequentium poterant pluſquam duodecim millia Angelicarũ ſervire legionum, maluit noſtram recipere formidinem, quàm ſuam exercere poteſtatem. Enimvero ipſa receptio paſſionum non ita eſt noſtræ affectioni humilitatis expoſita, ut à potentia ſit diuinitatis abiuncta; quicquid enim Domino illuſionis, & contumeliæ, quicquid vexationis, & poenæ intulit furor impiorum, non de neceſſitate toleratum eſt, ſed de voluntate ſuſceptum: venit enim filius hominis quærere, & ſaluare quod perierat, & ſic ad omnium redemptionem utebatur malitia perſequentium, ut in mortis eius, reſurrectioniſq. ſacramento etiam interfectores ſui poſſent eſſe ſalvi, ſi crederent. Quapropter Dominus Ieſus Dei filius ſacraſſimam ſuam paſſionem pro totius humani generis ſalute ſuſcepit; & ſicut promiſit, omnia ad ſe exaltatus attraxit. Quam quidem tam plane, ac lucide euangelicus ſermo reſerauit, ut religioſis, & pijs cordibus, non aliud ſit, audiſſe quæ lecta ſunt, quàm vidifſe, quæ geſta ſunt.

Idem ibid.

Itaque filius Dei hominem aſſumpſit, & in illo humana perpeſſus eſt. Hæc medicina hominum tanta eſt, quanta non poteſt cogitari; Nam quæ ſuperbia ſanari poteſt, ſi humilitate filij Dei non ſanatur? Quæ auaritia ſanari poteſt, ſi paupertate filij Dei non ſanatur? Quæ iracundia ſanari poteſt, ſi patientia filij Dei non ſanatur? Quæ impietas ſanari poteſt, ſi charitate filij Dei non ſanatur? Paſſio enim Chriſti medicina eſt vniuerſalis omnium paſſionum, & vniuerſas miſerationum, & cathedra ſcientiæ & ſapientiæ.

Auguſt. de
ago. Chriſti
c. 11.

S. Carolus Borromeus, paſſionis & mortis Domini ſtudioſiſſimus, ſecedit in montem Varalli deuotionis gratia. Cap. 216.

Sanctus Carolus Borromeus, fulgidum noſtri ſeculi lumen, quod ſuper candelabrum poſitum eſt, ut luceat omnibus, qui in Eccleſia ſunt, Ieſu Chriſti paſſionem & mortē iugiter in corpore, & corde ſuo geſtauit. In corpore patiēdo, in corde pie meditando. Hic cum iam morti proximus eſſet, ſtatuit, quod ſæpius in vita conſueuerat, ſalutariter colligere ſeipſum, & redire ad lamenta pœnitentiæ, & petere ab anima ſua rationem conuerſationis ſuæ; quibus in rebus à multis menſibus peccaſſet, & ſuis deſuiſſet officijs, ante peruidere, errata conſiteri, veniamq. à Deo poſtulare: tūm per diuinas etiam contemplationes ad pietatem, vitæq. ſanctitatem acrius ſeſe incitare: & ad negotia præterea, quæ tūm illi erant in manibus, pie, & feliciter gerenda, diuinam opem enixe implorare: quibus rebus ſolitudine opus erat. Eiufmodi exercitatio cum aliàs ei cordi eſſet vehementer; tūm eo tempore erat optatiſſima, ob mentem magis quàm antea diuinarum contemplationum cupidam; earum præſertim, quæ de cruciatibus, morteq. Chriſti

Domi-

Domini essent: quas per ea tempora studiosissime, ardentiq. animo frequenter tractabat; articulatim ordinabat; litterisq. mandabat: qua quidem mente, studijsq. clementissimus Deus, id quod demum post factum clarius apparuit, sacerdotem suum iamiam ex hac vita migraturum, ad æterna præmia præparare videbatur. Varallum, ubi aliàs simili de causa fuerat, tunc etiam ad eam rem delegit. Vico id nomen est, qui Nouaria, & Vercellis æquo spatio distat, ad passuum millia circiter viginti quinque: ibi mons, quoniam fere sub Alpibus est locus, ex piorum hominum, etiam longinquorum votis, & omnino religionis causa frequenter visitur: nam religiosus vir Ordinis Minorum, ex Mediolanensi nobili familia Caima, ante annos ferè centum, cum ex Iudæa, sanctissimo Domini sepulchro religiose inspecto, redisset; eius imaginem aliquo loco ponere constituit; quæ pijs hominibus, cum Iudæam petere non possent, ad pietatem, venerationemq. erga sepulchrum, sanctaq. Hierosolymæ loca exercendam, aliquo modo valeret, ac eo loco, monteque delecto, ecclesiam, monasteriumq. sui Ordinis piorum hominum sumptu ædificauit; & sepulchri speciem decore collocauit. Eæ res adeo feliciter euenit, vt locus maxime celebris euaserit, & varijs temporibus ædicolæ multæ fuerint constructæ, ubi pulchris imaginibus, ac statuis, ea in primis referuntur, quæ in affligendo, morteque afficiendo Saluatore, acta sunt; tùm aliæ quoque res ex diuinis historijs ad nostram salutem pertinentes. Ita iam in summo monte, quasi sacer quidam vicus plurimarum ædium factus est, quas ordine, certisq. vijs frequentes peregrini salutaribus cogitationibus, supplicationibusq. intenti adeant, & religiose contemplantur. Eò se Carolus igitur conferre statuit, & ob eam rem Franciscum Adornum accersuit: quem piarum exercitationum adhiberet adiutorem. Sed ante misit Dux Sabaudia Vercellas, qui illum eius nomine rogatum Taurinum adducerent: officium Duci Carolus, vt charissimo filio non negauit, quod vel sponte libenter suscepisset, ad sacrosanctam Sindonem postremo visendam, & venerandam. Dux vero magnum cepit, si vnquam antea, Caroli præsentia, consiliorumq. fructum, visusq. est maxime ad pietatem commoueri, & eundem etiam in discessu prosequi lachrymis. Ad montem cum venisset, monasterij cellula, in qua moraretur, electa; ibi corpus incommodè admodum, & seuerè tractare cepit, in ligneis tabulis somnum capiebat lodice tantum instratis, consueto utebatur panis, & aquæ alimento, durius, quàm antea corpus flagellabat, id quod ex interula deinde, flagellisq. sanguine aspersis apparuit, licet ipse studiose occultasset: sacræ confessioni parandæ, sacræq. meditationi sese dedit. Ad hanc meditandi exercitatione suos admisit, quamquam spatij, occupationisq. longe minoris, sed distincta ad meditandum rerum capita quotidie tradebantur, quibus cogitandis, & contemplandis, certis diei, noctisq. horis, in ea se quisque ædicola, & coram ijs imaginibus exerceret, quæ ad animi sui fructum tentiret aptiora: certum item tempus constitutum erat, quo simul convenientes inter se, quæ animo fenserant, quæque erant meditati communicabant. Carolus primis diebus sex horas, partim diurnas, partim nocturnas sibi finierat, quibus horis contemplationi, præcibusq. vacaret: reliquum tempus confessioni dabat, tùm necessitati quoque corporis, quàm angustissime tamen circumscriptæ; & si quid negotij esset, quod non posset omiti. Iucunda prorsus species, & pietate

tate plenissima. Conspiciebatur nocte amplissimus Antistes, nullo comite, paruulam laternam sub pallio tenens, per vias illas summi montis, petere quam sibi iudicasset, opportuniorem ædiculam; ut in ea, quemadmodum sibi præscriperat, sese exerceret. Quarto ab aduentu die peccata sua confessus est, tanta pietate, dolore, ac lachrymis, ut qui confessionem audiebat, itidem in fletum adduceretur: postero die, tantis exercitationibus tam beate occupatus, non neglexit officium tamen; neque recusauit Aronam ad Cardinalem Vercellensem venire, sed prius nocte proxima, circiter octo horas contemplando, Deumque orando, in diuinis rebus ita mansit, ut flexis genibus, tanto spatio, nulla corporis parte cuiquam rei inniteretur: quin etiam ad extremum, eum subaccusare visus est, qui horologium curabat, quasi tempus studiose contraxisset. Post diem reuersus, in suam se retulit solitudinem, quo loco, & ex ijs quæ cum alijs conferebat, & ex alijs sermonibus, indicijsque perspexerunt, & Pater, & alij, eum minime vñtata, prorsusque singulari ratione diuinitus commotum, & eo præsertim lumine illustratum, eaque mente confirmatum, quæ rebus humanis, vitæque ipsa omnino posthabita, Deum solum petit, eique intima voluntate, totaque mente penitus coniungitur. Quibus rebus nihil ad propinquam mortem erat accommodatius: maxime, si delectationem addas, quam ex sermonibus, meditationibusque de morte, & sepultura Domini, & ex eius sepulchri imagine in primis visenda, contemplandaque capiebat. Cui rei satis cõsensit etiam sacra Sindon visa prius, & culta; tunc duo Principes viri, Episcopus, & Marchio extremis sacramentorum, funerumque officijs adiuti. Non multos in monte manserat dies, cum in febrim incidit; nihil cum ante dixisset, eaque tertio die rediisset; Patri demum significauit, idque fere præter consuetudinem: nam alias etiam quinquies reuersam nemini indicauit, ut nisi obiter postea quandoque alicui significasset, id rescuiisset nemo. Adductus est à Patre, ut asperitatem corporis nonnihil minueret: quamquam quid fuit tandem, palearum aliquid, in quibus cubaret, recipere, & in aqua coctum panem, nullo tamen condimento, admittere? mentis item exercitationes aliquo modo moderatus est, ita ut aliquid temporis alijs quibusdam consultationibus daret; præsertim de ædicolis illis melius disponendis. Febris autem inuasit eum tertio: ac quantum corpori firmitudinis decedebat, tantum animo diuini luminis, celestisque virtutis accedere videbatur. Triduo tantum aberat Sanctorum omnium cultu insignis dies; quem Carolus de more cum populo suo Mediolani, consuetis munerum functionibus, agere studebat: erat ei quoque negotium ab Apostolica Sede mandatum, de collegio ex testamento pij viri in vico Ascona instituendo, ubi pueri pietate erudirentur, & litteris; cuius negotij causa ad locum ipsum eundum erat: neque id sine magno damno differri poterat. Dum igitur hisce de causis à monte discederet; ita rursus sese in locum Dominici sepulchri abdidit; ut comites, cum fere descendissent, tunc demum Carolum deesse animaduertentes, in eo loco inuenierint.

Aronam eo die venit montosa, difficilique via milliarium decem & octo. Ibi studio celeritatis, tertia noctis hora nauem conscendit; ut per Verbanum lacum Asconam contenderet, quæ aberat ad millia passuum circiter triginta quatuor. In quo itinere plurima fecit, & locutus est; quæ

X tum

tum sanctitatis officia, tum proximæ mortis indicia cumularent; & ideo minimè videantur prætermittenda. Hæc plerique agunt, dum in lecto iacent: de humanarum rerum desipientia; de beatæ vitæ desiderio loquuntur; suis salutaria præcepta tradunt: Sed Carolus, qui in laboribus assidue vixerat, pro quiete, semper laborem elegerat, Christiq. patienti se conformare semper conatus fuerat; suam etiam in morte præstitit consuetudinem; suamq. itinere faciendo, incommodisq. & laboribus tolerandis, ægritationem traduxit. Philosophabatur de animo sic in hac vita conformando; ut humana omnia, præ ijs, quæ Dei sunt, pro nihilo prorsus habeat. oportere hominem sese omni tempore ita expeditum præstare, ut Dei nutu prompto animo semper ex hac vita possit demigrare: ipsas etiam Dei causa susceptas res, quæ quidem quandiu tempus datur, omni diligentia, studioq. agenda sunt, ita tamen esse curandas, ut, ijs licet imperfectis, nihil animo tamen afferatur impedimenti, vel moræ, quin liber hinc, omninoq. solutus euolet. Plures ecclesiæ suæ res exemplo proponebat, quas licet valde viles, ac necessarias, & magno item à se studio, laboreq. ad id tempus curatas, nullo modo tamen adeo valere æquum erat, ut si vita decedendum esset, animum quidquam morarentur, quin ad Dei voluntatem exequendam prorsus expedit se conuerteret, ac hilariter.

B. Philippus Nereus passionis, & mortis Dominicæ feruidus & deuotus contemplator. Cap. 217.

Beatissimus autem Pater noster Philippus, studium hoc sacram Domini passionem meditandi præcipuum habuit, & cum ille apud seipsum acerbissimam Christi passionem, pro salute vniuersorum obitam, medicaretur, & peccata delinquentium, quibus iram Dei concitabant, & tanta salute se reddebant indignos, lachrymis totus conficiebatur. Sed & peccantium conuersionem enixe à Domino per vnigeniti sui mortem, non sine magna lachrymarum profusione petebat frequentissime. Imaginem autem Christi pendētis in Cruce cum cerneret, intus totus commouebatur, ut nonnunquam fletū cohibere non posset. Et adhuc iuuenis cum philosophiæ operam daret, passionem Domini cogitando, patiebatur lachrymas.

Consueuerat autem ipse, ut ardentius eius animo memoria passionis Christi infingeretur, imaginem Christi crucifixi iuxta lectulum suspendere, cum iret de nocte cubitum, quem sæpius capiebat, & ponebat in lectulo iuxta se, ut Christum, & in vigilia, & in somno socium haberet, & à nocturno inimico protegeretur.

Tanta autem per has frequentes meditationes facta fuerat in animo eius, deuotionis, & feruoris accessio, quæ cum contingeret legere in Missa historiā passionis Domini, non poterat prosequi eam, ut aliquando in ecclesia S. Hieronymi feria 4. Hebdomadæ Sanctæ, cum passio Domini legitur, contigit ei: nam præ feruidæ deuotionis magnitudine necesse sibi fuit distrahere sese, nunc mappulam, nunc horologium quoddam, nunc clauas quasdam attrahendo, & tum cum peruenit illuc, ubi dicebatur Christum emisisse spiritum, in fletum tam magnum prorupit propter mortem vnigeniti filij Dei, ut cum magna difficultate sacrificium perficere sibi datum fuerit.

Sæpe

Sæpe instituebat sermones de Domini passione, & in ea mirificos percipiebat gustus. Quadam die, dum in ecclesia nostra, ubi singulis quibusque diebus populi verbo Dei quasi pabulo pascuntur, ipse ascendit super cathedram, & incæpit ibi de passione Christi disserere; statim autem sicut ignis exarsit deuotio eius, & verba proferre non poterat, sed pro verbis lachrymas dabat, ut opus ei fuerit descendere de sede cum magna admiratione, & ædificatione circumstantium.

Alia vice, cum Cardinalis Vercellensis ad festum, quod in ecclesia S. Viti hic Romæ tunc celebrabatur, inuissset B. Patrem, atque alios nostros sacerdotes, voluit eos prandio etiam reficere. Post prandium cum multi sederent in aula, pater, qui semper proponebat sermones de rebus Dei, ut inutiles sermones euitaret, proposuit spirituale punctum, ut vnusquisque diceret, quod sentiret: ille autem repetens dicta, & sententias eorum, argumentum illud reassumpsit, & latius explicauit, & pertractans de immensa filij Dei charitate, quæ ipsum ad mortem impulit, suspirijs, & lachrymis rem absoluit: & cessarunt verba, cum ventum est ad lachrymas & suspiria, adeo ut Cardinalis ille rogaret eum, ut ulterius non laboraret, quoniam plus suspirando locutus fuisset, quàm si per totum diem loquendo laborasset.

Hoc autem ipsum, cum institueret huiusmodi sermones, sæpe contingebat illi. Non solum Christum in Cruce patientem, sed multa alia considerabat etiam de Christi Domini patientia, quæ conuersando cum hominibus necesse fuerat bonum Dominum sustinuisse, eorum mores inurbanos tolerando, & turbarum molestias perferendo, nam aliquando comprimabant illum, & ipse non lamentabatur. Sustinuit præsertim Apostolorum conuersationem, dum adhuc rudes essent, nam ante oculos eius multa, quæ bona educatio non admittit, faciebant, nam iuxta mare expoliabant sese, & nudi ascendebant in aquas, & tractabant cum illo, sicut idiotæ solent, & in elegantia morum non eruditi.

Aliquando ipse B. P. Philippus cum magno vitæ discrimine ægrotabat, & qui diligebatur à multis, plurimos habebat, qui diuersa ad eum subleuandū officia cum magna charitate exercebant: cumq; illi potionem quandam porrigeret, ut biberet, & refocillaretur, ipse, ante cuius oculos semper crucifixus obuersabatur, conuersus ad Dominum dicebat: O Domine: ergo tu pedes in dura cruce, & ego in molli strato recumbo? tu nudus, ego stragulis coopertus? tu sanguinem fundis, & moreris, & ego me potionibus reficio. & viuo? tuæ manus, tui pedes, duris clauis vulnerati, cruoris flumina veriant, & non est dolor, sicut dolor tuus, & me morbida culcitra excipit, & iaceo delitiosus, & dormio pacificus, & requiesco delicatus? Quam disparibus sortibus agimur, quàm turpiter sub capite spinoso stant membra delicata? & interim flebat, & potionem non bibeat.

Cum autem hoc modo propter Christi passionem esset affectus, cupiebat vehementer, ut & ceteri affectu hunc pium susciperent. Quapropter in Oratorio nostro, ab ipso instituto, in quo singulis quibusque diebus de sero orationi, & meditationi vacant omnes, per vnus horæ spatium, quotquot ibi conueniunt, instituerat ipse, ut feria 2. 4. & sexta, in memoriam tantæ passionis sese Christo patienti configurarent flagellis seipso cedendo, donec recitato prius breui Dominicæ passionis compendio, totus Psalmus quin-

X 2

quage-

quagesimus, & centesimus vigesimus nonus, atque antiphona, Salve Regina, vel alia quæ tempori congrueret, lenta, ac lugubri voce caneretur. Interim autem dum orantes se verberibus affligebant, luminibus omnibus extinctis, lucerna accensa in laterna quadam magna abscondebatur, quæ in anteriori facie Saluatoris nostri in Crucem acti effigiem habebat, quæ per lumen internum aliquantulum facta conspicua, in tenebris illis mirifice ad passi Domini compassionem animos excitabat.

S. Elisabeth, Regis Hungarorum filia, Christi imaginem super Crucē pendens intuens, compuncta corde pompam Regiam deposuit, humilemque viuendi genus amplexa est.
Cap. 218.

*Surius de
S. Elisa.
lib. 10. 6.*

A Duenerat festus quidam dies, cum Elisabeth pretiosis ornata vestibus, aureamque capite gestans coronam, ac familia frequenti stipata, de more Christiano rebus diuinis interfutura, in subiectam arci diuorum basilicam ibat. Ingressam primo statim contuitu Crux Dominica, atque ex ea pendens Imago Saluatoris, penitissime cōpūxit, compunctæ lachrymas excussit, lachrymanti talia cogitanda suggessit: En Creator, & redemptor meus, nudo corpore, breui dumtaxat præcinctus tegmine, mea causa ignominiosam in Cruce mortem oppetijt: at ego misera gemmis, auro, bysso, & purpura contecta, vitam cælestibus indignam beneficijs perdo magis, quàm ago. Illius caput intra Pilati ædes spinea corona dispunxit: meum vero aurea venustat. Illum ab amicis, & discipulis desertum, Iudæorum vallarunt opprobria: me numerosa circumdatam familia, cuncti mirantur, suspiciunt, honorant. Hic meus est erga illum obseruantix feruor? hæc, hæc animi gratitudo? hoc vicariæ dilectionis munus? Me miseram, me infelicem! Sic illius obedio præceptis? beneficia reuoluo? vestigia sequor? qui me, cum non essem, creauit, perditamque suo sanguine redemit? Tantæ autem hi cogitatus intensionis erant, ut destituto viribus corpusculo, ac facie tota in pallorem versa, repente regia mulier humi velut exanimis prolaberetur, cunctis, qui eam stipabant, vehementi pauore perculsis, elatamque foras tantisper sacris vndis adspargere perseverantibus, dum stupore cessante, compos mentis redderetur. Hac defectione veluti quodam oraculo persuasa, pretioso deinceps amictu, quoad eius personæ, quam gerebat, honestas pateretur, abstinuit, ita ut sæpe numero sub holosericis vestibus cilicium gestarit. Principem si quando longius proficiscentem sequi non posset, domi remanens, omnem vestium sibi cultum interdicebat, amictu natiui coloris contenta, ut à plebeijs haud multum differret. Tum etiam precationum assiduitate, verberum usu, vigiliarum productione, carnem spiritui subiugans, blandientes pro ætate voluptates, haud secus, atque iam viduam agens, edomabat. Reuerso Principe, etiam num ipsam, quam ad tempus virtutis gratia seposuerat, vestem comptiorem resumebat, scite admodum declarans, quid absente marito castam uxorem, quid domi agente, præferre deceat. Tentauit, & opulentas quasdam mulieres, quæ familiariter deuincta erat, abstrahere à luxu preciosarum vestium, exemplo simul, & verbo. Nec eam sefellit euentus. Nam, difficili primum aditu, per-

pertinaci tamen instantia aliquando, quod volebat persuasit, effecitque, ut quædam illarum, voto etiam perpetuæ castitatis semet obstringerent.

De S. Elzeario Comite Ariani, qui Christi iniurias, pœnasq. cogitando, ob molestias sibi illatas nunquam irascebatur, sed aduersa omnia æquanimiter perferebat. Cap. 219.

Tanta Elzeario virtus, & gratia inerat, tanta animi fortitudo, & patientia in rebus duris, & aduersis, ut toto vitæ suæ spatio nemo quantumvis familiaris, vel domesticus, ob quamcumque molestiam, & afflictionem, quicquam eum vel dixisse, vel fecisse impatienter, & iracunde potuerit animaduerrere. Atque ea causa Dalphina sancta virgo, quæ ipsius virtutes, & actiones assidue contemplabatur, cum cerneret eum nihil commoueri aduersus eos, qui iniuriam ei irrogarent, eiq. molesti essent, sed fere omnia, sedate, vultuq. placido, & iucundo, admirans tam insignem, tamq. inuictam in illo patientiam, utq. eius certius periculum faceret, intra Conclauē, ita ait ad eum: Quid hominis es tu, Elzeari, qui nunquam erga illos, qui te iniuria afficiunt, commoueris? Videris esse trunci instar, aut statux, nihil sentientis. Et tamen paribilis es, & homo mundanus, aut fortassis, vel nescis, vel non potes irasci? Et quid, obsecro, officeret malis, qui interdum iniuste te lædunt, si te quandoq. iratum illis ostenderes? Ad hæc homo lenissimus respondit: Ecquid vero, Dalphina prodest irasci? Nihil profecto: Attamen explicabo ego tibi arcanum pectoris mei. Noueris me interdum sentire aliquam in animo aduersus infestantes me indignationem, sed illicd me conuerto ad cogitandas iniurias Christo illatas, eumq. imitari cupiens, dico mihi ipsi: Etsi famuli tui barbam tuam conuellerent, & colaphos tibi infringerent, nihil esset ad Dominum tuum, qui maiora perpessus est: certum habeas, Dalphina, me nunquam cessare à commemorandis iniurijs Saluatoris mei, donec animus meus planè sit tranquillatus, atque vel æque, ut ante, vel plus etiam amem, & pro eis specialiter orem, agnoscamq. & confitear, me maioribus, & atrocioribus iniurijs dignum esse. Ex his verbis Virgo Dalphina fuit mirum in modum confirmata, & cælesti suauitate referta, sentiens generosum eius animum rerum cælestium desiderio adeo incensum, adeoq. Deo coniunctum, ut nulla perturbatio, vel commotio ei posset dominari.

Suy. de S. Elz. 10. 5. c. 23.

De descensu Christi ad inferiora loca. Cap. 220.

Postquam Christus, in cruce mortuus est, mortemq. moriendo destruxit, & consummata sunt omnia, quæcumque erant consummanda, Descendit in inferiores partes terræ, ut impleret omnia. Voluit descendere vsque ad Infernum, sicut descenderat in terras, ut præsens visiteret omnes partes Regni sui Cælestium, Terrestrium, & Infernorum. Christus Dominus sicut potestatem suam ostendit in terra, ita etiam ostendit in Inferno, ipsum visitando, & illuminando. Vnde imperatum est principibus, ut attollerent portas suas, quibus homines captiuos in Inferno detinebant, & ut in nomine IESV, omne genu flectatur, non solum cælestium, sed etiam inferno-

Eph. 4. D. Tho. 3. p. 9. 52. 1. Psal. 23.

X 3 rum.

Philip. 2.
Zach 8.
Coloss. 2.

rum. Conueniens etiam erat, ut victo Diabolo per passionem, victos eius eriperet, qui detinebantur in Inferno, quod & vaticinio fuerat prædictum: Tu quoque in sanguine testamenti, eduxisti victos tuos de Lacu. Expolians Principatus, & potestates, traduxit confidenter, palam triumphans illos in semetipso.

Suarez ibi.
Philip. 2.
D. Tho. ibi.
art. 5. & 6.

Hic Christi triumphus gloriosus est, & solénitate conspicuus coram omnibus Angelis, & animabus tam bonis, quam malis factus est, ut ex tunc omnis lingua confiteretur Dominum IESVM esse in gloria Dei Patris.

Deus hominem de Paradiso post peccatum eiecerat, cui ante peccatum mortem fuerat comminatus, si peccaret, & ideo Christus descendens ad inferos, virtute suæ passionis ab hoc reatu sanctos absoluit, quo erant à vitæ gloria exclusi, ut possent Deum videre, & beati esse. Sancti enim Patres, qui præfesserant detinebantur in Inferno, quod eis ad vitam gloriæ, propter peccatum primi parentis, aditus non patebat, & sic Christus descendens ad Inferos illos liberauit, soluens eorum dolorem, quem patiebantur ex gloriæ dilatione; Sic eduxit Abraham, Isaac, & Iacob, & ceteros iustos, & à regno tenebrarum ad Cælum perduxit.

Illis autem solis liberationis contulit fructum, qui ipsius Christi passioni fide congrua, & charitate feruida coniuncti fuerant, per quem peccata tolluntur.

At illis, qui erant in Inferno æternis pœnis damnati, & fidem passionis Christi, aut penitus non habuerant, sicut infideles: aut si crediderant, à virtutibus, & charitate defecerant, & præcepta non seruauerant, nec à peccatis suis se mundaerant, non contulit liberationem à reatu æternæ pœnæ.

Enarratio Triumphi Christi apud Inferos. Cap. 221.

Caspar. Are.
lat. hom. 3.

EXulta Cælum, & lætare Terra, Deus iste amplius ex sepulchro radiauit, quam de Sole refulsit; Dolet Infernus, quia resolutus est, gaudeat, quia visitatus est.

Resultet, quia ignotam lucem post sæcula longa vidit, & in profunda noctis caligine respirauit. O pulchra lux, quæ de candido cæli fastigio promicasti, & inter fluentia sulphurea, sedentes in tenebris, & umbra mortis, subita claritate vestisti. Confestim igitur æterna nox inferorum Christo descendente resplenduit. Siluit stridor lugentium ille, soluta sunt onera catenarum, dirupta ceciderunt vincula damnatorum. Attonitæ mentis obstupere tortores. Omnis simul impia officina contremuit, cum Christum repente in suis sedibus vidit. Mox igitur ferruginei ianitores descendente Christo, talia inter umbrosa silentia cæci, metu incubante, submurmurant. Quisnam, inquiunt, est iste terribilis, & niueo splendore coruscus? Nunquid noster talem excepit tartarus? nunquid in nostram cauernam talem euomuit mundus? Inuasor est iste, non debitor: exfractor est, non peccator: iudicem videmus, non supplicem: venit iubere, non succumbere: erumpere, non manere. Vbinam putatis ianitores nostri dormierunt, cum iste bellator claustra nostra vexabat? Hic si reus esset, audax non esset. Si eum aliqua delicta fuscarent, nunquam fulgore suo nostras tenebras dissiparet. Sed si Deus est, quid in sepulchro facit? Si homo, quid præsumpsit? Si Deus, ut quid

quid venit? Si homo, quare captiuos soluit? Nunquid nam iste cum auctore nostro composuit, aut forte ipsum aggressus vicit, & sic ad nostra regna transiit? Certe mortuus erat, certe victus erat. Illusus est praeliator noster in mundo, nesciuit quam hic stragem procuraret Inferno. Crux illa fallens gaudia nostra, parturiens damna nostra. Per lignum ditati sumus, per lignum euertimur. Perijt potestas illa, semper populis formidata. Nullus huc viuus intrauit, nemo carnifices terruit. Nunquam hoc in loco fuligine, & nigra semper caligine cæcato, iniucundum lumen apparuit. An forte Sol de mundo migravit? Sed nec cælum nobis, astraq. parent, & tamen Infernus lucet. Quid agimus? Quomodo vertimur? Defendere contra, istum non valemus cruentas domus, & obtinere nostri Auerni custodiam nō valemus. Male intrati sumus. Lumen obtenebrare nequiuimus, insuper, & de nostro interitu formidamus. hæc ille. Igitur Christus inde duxit captiuitatem Sanctorum Patrum, qui in Domino mortui fuerant, & qui per tot temporum interualla expectauerant videre diem illum, viderunt, & exultauerunt, & diuinæ misericordiæ vires exaltauerunt.

De admirabili, & gloriosa Resurrectione Domini nostri Iesu Christi, & rebus mirabilibus, quæ contigerunt in ea.

Cap. 222.

Iam Principes, & Reges terræ assiterant, & conuenerant in vnum aduersus cælorum Regem, & perfida turba, superbūq. sacerdotum genus contra Christum vnctum Domini, rabiem, & furorem euomuerant, & sanguinem innoxium super se, & super filios eorum impia imprecatione vocauerant.

Iam propter Deicidas Iudæos, moriente Christo rerum Domino, elementa indignancia fremuerant, & in veneranda filij Dei passione facta erat terrenarum rerum inopinata turbatio, & diuinarum rerum inexpectata vicissitudo: fuga siderum, terræ formidabilis tremor, & solidorum fractura saxorum, cū petræ scissæ sunt, & sonigero fragore, & terribili motu crepuerunt, pauor insolitus Inferorum, & spontanea sepulchrorum reueratio. Amiserat propter morientis summam potentiam, & dignitatem, Tartarus ditionem suam, paratus reddere, quos tenebat. Abiecerat Infernus ius vetustissimæ potestatis, & inueteratæ legis Decretum nouo sanctionis ordine Mors amiserat, & Mors mortem, & Infernus morsum passus erat.

Cum non sustinuit mundus intueri perfidiæ Iudaicæ scelus, & visa sunt insensata elementa sensu vti abundantiore, quam homines, quibus secundū naturam ratio inerat, & crudeliores feris exstiterē abutentes intellectu: in tantum Christi sanguinem sitientes, vt se ipsos maledictione æterna damnaverent, & compellerent rerum naturam, propter abominandum piaculum, & nunquam amplius perpetratum, inusitato pauore contremiscere: cum mundi fragor auditus est, & internis actus concussionibus, & inolis suæ nutante fundamine fluctuabunda commotione iactabatur. Cum Sol expalluit, & lucis suæ radios contenebratus abscondit, & indignata superior, & inferior creatura, tenebris, & motibus, & scissuris compassionis suæ, & vehementis angustię indicauerunt affectum. Minabatur propria Mundus excidia. Dies

X + lucens

lucens tenebrarum tyrannide discluidebatur, & perdidit cursum fugitiua luce fraudatum, atque incubatricem noctem dissimulato iure contradictionis admisit. Omnibus expectantibus exitum proprii conditoris, & volente seculo protinus ire in ruinam, ne Auctoris tacens præteriret iniuriam, dum hoc agitur, ut seculi Auctor, seculo teste moriatur.

Iamq. consummatis omnibus: Filius Dei sanguinis sudorem super humum disperferat, & exaltatus sicut serpens in deserto, omnia traxerat ad seipsum.

Iam consummatum erat sacrosanctum sacramentum, quod simul Humanitas consummauit, & Deitas, quod dispensatio fuit misericordiae, & actio pietatis.

Iam profluuium purpurei cruoris in horto effuderat, & in mortis tremorem, susceperat cordis mæstitudinem: & militum robustorum aciem, non tam gladijs, quam crudelitate armatam, solo verbo strauerat; iam manus astrorum fabricatrices intortis funibus ligandas extenderat, & victus ductus fuerat, qui soluit compeditos: & maxillas sanctas, & humeros imperium sustinentes præbuerat percutientibus: & ictus arundinum sacrum caput receperat: & dominica facies, Angelorum oculis desiderabilis, turpi sputamine fixata fuerat, sputisq. largitor imbrium perfusus: & per sacrilega facinora, & per omnes iniurias atrocitas sæuientis prolapsa erat.

Iam clauis ferreis cæli strator affixus fuerat, & mellis dator cibatus felle, & propinator fontium potatus fuerat aceto.

Et Misericordia cæsa fuerat flagellis: & condemnata venia: & illusa maiestas, & infirmata virtus, impietatis, & pietatis commercium factum fuerat, & sanctitas in nundinam crudelitatis perducta, & Mors mirata fuerat hunc solum hominem peccati hescium, noxa liberum, iuris sui legibus subiacentem, & Iudaico furori confederata maluit in auctore vitæ se mori, quam tantam perdere prædam: & postquam denique, hominum æternus amator, patientia, & mansuetudine sua, tremenda à terra exaltatione omnia ad seipsum traxerat, & despecta morte toleratæ passionis merito facta peccatorum purgatione, mortales in Deos retulerat, & infida plebs Iudæorum totam viderat passionis pompam, spectaculum mortis, & crux facta erat scandalum pedibus eorum.

Iam denique corpus diuinum vulneribus suis decoratum, in quo habitabat plenitudo diuinitatis corporaliter, corruptionem non sentiens, exanime per triduum iacuerat in frigido saxo. Cum ecce, dum silentium tenerent omnia, & nox in diem cursum dirigeret, hominum spirituumq. genitor, cæli faber, Rex immortalis, vita viuens, primus illuminator, & omnipotens Dominus, animam suam illam nobilissimam, & superbenedictam, & ex omni parte beatam ad sacrum domicilium, quod dispensatione ad tempus reliquerat, reducit, ut magnificum templum, arte diuina, mirabili structura elaboratum, & alieno scelere dissolutum in tribus diebus excitaret, & cum eo restauraret, quæ in terris, & in cælis sunt.

Illa autem (sicut Regina, quæ monilibus, & preciosis margaritis, & aureis vestibus incedit ornata, ingreditur thalamum suum) ingreditur in thalamum corporis sui, reuertitur in domum suam, magna cum gloriæ pompa, & gloriosa ostentatione præfulgens, magis quam mille Soles, & omnibus cælestibus luminibus comitata. Et primo quidem tristem mortem inde propellit,

pellit, non iam amplius dominaturam, sed æternis seculis interituram, præcipitans illam in sempiternum, & tam robusta virtute deuicit illam, ut unico ictu non solum eam fugaret à beato illo corpore, sed longe à mortalibus omnibus eam exterminaret: ut quapropter iam homines cum moriuntur, non moriantur, sed in pace, & in Domino morientes, dormiant, & requiescant, & iam mors non sit vltimus pavor, & labor, sed somnus, & quies, & immortalitatis principium. Quamquam enim essemus iræ, & mortis filij, tamen propter magnā charitatem suam ipse qui diues est in misericordia, Ephes. 2. surgens à mortuis conuiuificauit nos sibi, & conresuscitauit, & confedere fecit in celestibus, ut ostenderet in seculis superuenientibus abundantes diuitias gratiæ suæ. Deinde vero totam domum suam peruat, & pertingit à fine vsque ad finem, & penetrat ad loca compagum, & medullarum, & vsque ad terminos artuum, omnia lustrat, seseq. massæ suæ infundit, mirabilique modo, prorsusq. diuino figmentum suum regenerat, æternam & immortalē vitam elargiens, & in momento, & in ictu oculi, quod ceciderat, & erat mortale surgit, & in incorruptionem, & immortalitatem transit, & absorbetur mors in victoria, & supra quā dici potest, surgit in gloria: fulgendo coruscat, irradiando supra claritatem Solis, supra claritatem Lunæ, & supra claritatem Stellarum: nihil illa pulchritudine pulchrius, nihil illo decore venustius, tantumq. ibi decor, & fulgor effulset, ut omnes oculos beatos facere posset, qui intuerentur illum, & statim, qui despectus fuerat, & contem- 1/ai. 53. ptus, & nouissimus virorum, & vir dolorum, & sciens infirmitatem, cui non erat ei species, neque decor, & qui quasi leprosus, & à Deo percussus reputabatur, & à Deo humiliatus, apparuit speciosus præ filiis hominum, & ex Oceano mortis, tanquam roseum iubar ascendit formosissimus, omnis pulchritudinis culmen obtinens: erantq. speciosi pedes eius, quos durus clauus confixerat: erant pulchræ manus eius, nec amplius sanguine cruentæ, sed lumine decoræ, tornatiles, aureæ, & plenæ hyacinthis: erant oculi eius sidera lucentia, genæ eius videbantur lacte lotæ, & purpura tinctæ: & comæ eius, sicut elatæ palmarum, sicut aurum optimum: collum sicut ebur, labia eius, sicut vitæ coccinea, & lilia distillantia myrrham primam, eloquium eius suaue sicut fauus, vox eius dulcis sicut cithara, & lyra, & organa bene sonantia: mel, & lac sub lingua eius, odor eius sicut vnguentorum optimorum, & myrrhæ, & thuris, & cynamomi, & vniuersi pulueris pigmentarij, & fluebant vndique aromata eius: venter eius eburneus, distinctus saphiris, vallatus lilijs: crura eius sicut marmor candidum, fundatum super bases aureas: guttur illius suauissimum, & torum desiderabile, iuncturæ femorum, sicut monilia, quæ fabricata sunt manu artificis.

Torum denique corpus fulgebat magnifica, & diuina coruscatione, sed ea parte, in qua ferrū pertransijt, fulgebat illustrius. Plagæ illæ syderibus feliciores, micabant vehementius, irradiabant frequentius, coruscabant diuini: Ibi enim serenissima lux tanto fulgore se infixerat, ut ibidem diuina pulchritudo magis, quā alibi videretur splendescere. Habet cælum vnicum solem, sed in corpore illo diuino, quot plagæ erant, tot soles effulgebant: vbi autem spinæ compunxerant, diuina lumina apparebant, singula quæque vulnuscule circa caput luminosum, erant singula sydera, ut videretur ibi firmamentum quoddam cæleste, syderibus prælucentibus ornatissimum, ut

stupor

stupor esset videre, cum tam fulgida luminum magnificentia lucere in diuino illo corpore quinque soles inter tot limpida sydera.

Cum igitur deificum corpus formam maiestatis suscepisset, & mortalitas in immortalitatem conuersa esset, & in incorruptionem, & caro in Deum, & tenebra inferorum in lucem, ut se nox iam perijsse gauderet, quæ interualla, quæ vicem suæ foelicissimæ perdidit seruitutis, ut in perpetuæ lucis proflueret, & erumperet libertatem, ut esset nocti illuminatio eius in delicijs eius.

Vix à corpore mortuo mortem profigauerat: vix mortale, & passibile immortalitatis, & impassibilitatis gloriam fuerat consecutum: vix caro illa ictibus fustium, & vulneribus deformata, sempiternum fulgorem, perpetuam diuinæ lucis refulgentiam susceperat, cum gloriam illam, & beatum splendorem, hominibus, quos condiderat, quos dilexerat, qui omnes morti traditi fuerant, & corruptioni in sepulturis, propter peccatum à primis nostris parentibus in origine mundi contractum, inaudita beneficentia, magnifico munere, animo excelso, & corde magnanimo largitum esse voluit: menteq. versans cunctos mortales, quot fuerant, & erant, & futuri erant, cunctos voluit tantæ beatitudinis esse consortes, eos scilicet, qui munus agnoscerent, aut agnitum non spernerent, aut incredulitate, & impietate sua, & diuinorum præceptorum inobseruantia, sese tanto honore indignos turpiter non redderent; factusq. mortis victor, resurrecturos homines in beatitudine constituit sempiterna, & ijs, quos pauor humanæ mortis percusserrat, seueritatem præstitit diuinæ vitæ, & reformans diuino artificio corpus mortalitatis nostræ, configurauit illud corpori claritatis suæ, interimq. esset corpus eius, ubi lux habitabat æterna, quod erat in cælestia relaturus, tantæ beatitudinis nostræ primitiæ, & exemplar, & testimonium perpetuum futuræ gloriæ, quæ reuelabitur in nobis, & nullus ambigeret, quod si terrestribus domus nostra huius tabernaculi dissoluitur, Domum ex Deo habemus, non manufactam, sed æternam in cælis.

En ascendit de Deserto delicijs affluens, innixus super fortitudinem suam; specie sua, & pulchritudine sua intendit prospere, procedit, & regnat potentissimus, dilectus præ omnibus, electus ex millibus, egreditur, ut intueantur eum, & langueant gentes amore eius. Filius Principis est, & genitrix eius Regina, ideo regnat, & decorem induit, & præcinxit se fortitudine. Surrexit sicut aurora matutina, sicut sponsus ornatus ex thalamo suo, & occursum eius ab itineribus æternitatis, sicut sol in meridie, spectabilis, ut castrorum acies ordinata, & totus ornatus, amictus lumine apparuit, & egressus est in agrum mundi ex foramine petreæ, & cauerna maceræ, & mensus est terram, & subiecit eam, & visus est oculis spectantibus eum, admirabilis, & Deus. fortis, & Rex futuri seculi, & Pater luminum, totus pulcher, & decorus.

De terramotu & Angelorum aduentu ad Resurrectionem Iesu Christi. Cap. 223.

Cum igitur forma Dei, formam hominum in mortem lapsam, in tam elegantem structuram restituisset, & hoc modo & lamenta mundi, & incrementa

crementa mortis, & creatoris iniuriam sustulisset, & appareret viuus, qui mortuus iacuerat in sepulchro, in præsentia tam excelsæ diuinitatis, quæ ad corpus suū exanime spiritū reuocauerat, terra tremuit, & terræmotus factus est magnus, & descenderūt Angeli de Cælo, & laudauerunt eum Archangeli, Throni, Virtutes, Dominationes, Cherubim, & Seraphim, lætitæ choros ducentes, gloriosi Domini gloriam admirantes, & lætantes in eo, quod exinanitio humilitatis ad depositæ altitudinis redierit maiestatem.

Exultauit Cælum laudibus, resultauit terra gaudijs, quoniam abruptis mortis vinculis, quæ vim suam in eum, qui peccati erat nescius, intendendo perdiderat, infirmitas in virtutem, mortalitas in immortalitatem, contumelia tranſiuit in gloriam.

De splendore, & dignitate diei, in qua Dominus resurrexit.

Cap. 224.

Splendebat in corpore eius immensurabilis luciditas, & comitabatur illud incomparabilis dignitas, quæ nec passura est amplius corruptelam, nec dissoluet eam inuidiosa vetustas, nec aliqua mutabilitas labefactabit.

Dies illa alacrior totius anni diebus refulsit. Non de vſitatis Solis curriculis illuminata præclarius, sed de lumine resurgentis Domini illustrata, sublimius. Admirandus enim iustitiæ Sol, ex nubibus tenebrarum prodiens, delectabile lumen effudit, & euangelizatis sanctorum animis ab inferis eleuauit secum corpora Sanctorum participato lumine, tanquam syderum spiritualium choro comitatus resplenduit, & diei omnium foelicissimi lucem multiplicauit, nouumq. diem à se factum, constituit, vt omnes exultarent, & lætarentur in eo. Dies magna, dies præclara, dies regia, & Regina dierum, quam fecit Dominus, quam conspiciati, qui erant in tenebris, exclamauerunt, quia lumen viderunt magnum, & qui erant in regione vmbre mortis lux orta est eis. Contremuerunt Inferi insolitum sustinentes splendorem, sicq. incuruatum est Christo omne genu cælestium, terrestrium, & infernorum.

*Chrysoſt. de
resur. hō. 5.*

Sed ostensurus illam præordinatis testibus, qui omnem terram, & in longinquas insulas tam incundissimæ rei nuncium enunciaturi erant, noluit gloriam suam magnam obtutibus illorum totam exponere, ne forte morerentur, & supernaturalis lucis aspectum ferre non valentes, obæcati caderent, & deficerent; tantum huius lucis gloriam aliquam, & partem ostenderat tribus Apostolis in monte Thabor, cum transfiguratus est ante eos, & resplenduit facies eius sicut Sol, & vestimenta candorem omnem exsuperantia facta sunt, sed momentaneus ille decor super monte effusus, imaginem, non speciem, similitudinē, non substantiam, partem, non plenitudinem glorificationis explicauit.

*Cyprian. de
resur. 10. 2.*

Sed nec eandem gloriam, quam ante ostendit Apostolis, resurgens illico ostendit, sed quod videre consueuerant, hoc obiecit oculis eorum, & dilata est in aliud tempus claritatis illius, quam nobis promisit, plenitudo, quæ in se erat perfecta, & à nobis in nobis expectatur perficienda lucidior, & sincerior, quàm æstimari possit ab aliquo, cuius primitias in Christo glorificato accepimus.

De

De claritate immensa resurrectionis Christi, quæ & passionem decorauit, & mortem ipsam pulchram fecit. Cap. 225.

Ibid.

Leo de resur. Domi. ser. 2.

Claritas autem hæc resurgentis Christi tam magna exiit, & tam vehementer fulsit, ut passionem eius & mortem, quæ quibusdam visa stultum aliquid, & scandalo plenum, suo lumine decorauerit, ut & pulchra mors, & passio decora videatur, & quod apparuit signum stultitiæ, euaserit splendor iustitiæ, & si quid confusionis visa est in tempore illo pati sancta eius humilitas, factum est in resurrectione exaltatio, & sublimitas & rerum manifestatur effectu, quod Apostolus ait: Stultum huiusmodi sapientius esse hominibus, & infirmum fortius omni fortitudine, per quod reprobata sapientia huius mundi, & de potentibus, & sapientibus in nomine Crucifixi pauperes spiritu potentissime triumpharunt, nec iam amatoribus Crucis mors magistri sit horrore, neque poena sit dolori, nec passio sit pudori, cum hæc omnia vitæ nostræ sint instrumenta, & ut iam mors & Crux non sit tormentum commissæ iniquitatis, sed documentum pietatis, immo & sacramentum, quo virtus impletur diuina, & exemplo, quo deuotio incitatur humana, quoniam captiuatis iugo erutis etiam hoc præstat redemptio, ut eam sequi posset imitatio.

Tantus autem splendor ex resurrectione in passionem, mortemque refulsit, ut passio, & mors cum resurrectione contendat, qui earum videatur esse splendidior, sub dubioque vertatur, an Dominus pulchrior in passione extiterit, an formosior in resurrectione apparuerit? An sanguis eius in passione effusus, sit clarior, an splendor in resurrectione diffusus, sit illustrior, an magis laudabilis in morte pretiosa, an magis spectabilis in resurrectione gloriosa.

An magis gloriosus Rex, quando indutus est purpura, diademate decorus, aspersus auro, solio sublimis, sceptro insignis, in throno sublimis.

Certe decorus est Rex, quando in campum fortis armatus in honore ultimus, in periculis primus, cum onustus ferro, grauis armis, pro patria, pro ciuibus, pro liberis, pro vita omnium premit hostem, discrimina despicit, contemnit vulnera, ipsam libens mortem suscipit ad salutem suorum.

Decorus etiam est, cum sedet in maiestate purpura indutus, clamyde teatus, solio sublimis, sceptro insignis, auro & margaritis fulgens, diuidit spolia, largitur præmia, distribuit regna. Sed hic est maiestate sublimior, ibi est robore præstantior. Hic regia foelicitas fulget, illic inuicta fortitudo commendatur.

De fulgurante Angelo, qui resuscitato Domino, super lapidem monumenti in candidis vestibus astitit. Cap. 226.

igitur in resurrectione Domini Angelus eius descendit de cælo, & accedens reuoluit lapidem monumenti, & sedebat in dextris: Erat autem aspectus eius sicut fulgur, & vestimentum eius sicut nix, cooperatus enim erat stola candida, præ cuius timore exterriti sunt custodes, & facti sunt velut mortui.

Qui

Qui accedentibus ad monumentum, ostendebat locum, ubi positus fuerat Dominus, & nuntiabat eis, quoniam Dominus resurrexerat, & in mundum viuus redierat, confortans eos, ut illum quærent, & inuenirent, ut gauderent: sicut enim per infœlicis Adæ lapsum, infœlix Adam eiectus est de Paradiso, & collocavit Deus ante Paradisum voluptatis Cherubim, Angelum scilicet flammeum gladium, & versatilem gestantem, terrentem homines, ne redire possent ad lignum vitæ, ita è contra deleta originali culpa, & post à Christo reueratam paradisum per passionem & resurrectionem eius, Angelus Domini reuoluit lapides, & impedita, & ministrat hominibus, ut ad paradisum reuertantur, unde deciderant, & capiant hæreditatem à Domino partam, & uiuant in æternum.

De multiplici manifestatione Dominicæ Resurrectionis, quam fecit Dominus præordinatis testibus. Cap. 227.

Cum igitur naturam humanam peccati vetustate collapsam ad hanc excellentissimam nouitatem restituisset, & qui, cum in honore esset, non intellexit, comparatus fuerat iumentis insipientibus, & similis factus fuerat illis, non solum ad amissum honorem, sed ad præstantissimam, & diuinam immortalitatis sortem, & ad regiam gloriam in cælestibus extulisset, antequam illam ad dexteram Dei Patris honoris gratia, beatitudinis possessione collocasset, voluit eam ostendere hominibus, quibus illam acquisuerat, ut & largitoris magnificentiam, & muneris magnitudinem agnoscerent, & in deserto mundi, & in hac mortuorum regione, ambularent ante faciem tanti luminis, ignisq. micantis in silentio, & spe, in gaudio & lætitia, & in longanimitate, & patientia, expectantes beatam spem, donec reformetur corpus mortalitatis nostræ, corpori claritatis suæ configurandum.

Noluit autem illam ostendere omnibus, sed testibus tantum à Deo præordinatis, ut isti iucundissimum hoc nuncium, & summum hoc bonum hominibus acquisitum enunciarent ægris mortalibus iacentibus in tenebris, & umbra mortis, & essent testes huius rei non solum in Hierusalem, & in omni Iudæa & Samaria, sed in omnem terram exiret annuntiatio eorum, & in fines orbis terræ Euangelium ipforum, ut læta hæc & iucunda attestatio futurorum bonorum, & æternæ redemptionis inuentæ, perueniret in omnes generationes, quotquot erant, & quot futura erant usque ad consummationem seculi.

Quapropter apparebat eis, modo vni, modo alteri, modo viris, modo mulieribus, modo pluribus, modo omnibus discipulis suis, alijsq. quos diligebat, & apparitione eius dignos faciebat, in multis argumentis, in multis locis, & in mari, & in terris, & in domibus; penetrabat muros beato illo corpore, ambulabat super aquas, edebat & bibebat cum illis, & colloquia miscebat, & ostendebat illis pedes & manus, & latus lancea perfossum, ut illos firmaret in fide, & scirent quoniam ipse erat, qui crucifixus fuerat, ut testimonium verum reddere possent, de eo, quod viderant, & audierant, & manus eorum contrectauerant de Verbo vitæ.

Quos cum resurrectionis suæ certos reddidisset, & lætos effecisset, docuit illos, quæcunque erant necessaria de regno Dei, & reuelauit consilium Dei

de

de æterna redemptione inuenta, pro vniuersorum salute, vt gratia, & veritas eius comprobaretur, & gloria, & regnum expectaretur. Magna illis diebus confirmata sunt sacramenta, magna sunt reuelata mysteria, & diræ mortis ablatu est metus, & non animæ solum, sed carnis etiam immortalitas declarata est: infusus est beatis Apostolis Spiritus sanctus, & B. Petro Apostolo supra ceteros, post regni clauis, ouilis Domini cura mandata est: sed hoc præcipue suorum & oculis insinuauit, & cordibus, vt Dominus Iesus vere agnosceretur resuscitatus, qui vere erat natus, & passus, & mortuus.

Iussit autem illos ire per vniuersum mundum, & hoc felicissimum nuncium, & Euangelium prædicarent omni creaturæ, & docerent gentes seruare omnia, quæcunque mandauerat illis, & qui crederent, & resipiscerent à peccatis, admirabilem hanc tanti boni possessionem adipiscerentur, & salui fierent ab omnibus malis, & vitam æternam cum beatitudine coniunctam haberent in nomine eius. Hanc autem excellentissimam gratiam, tunc se consecuturos esse scirent, cum credentes baptizarentur in nomine Patris, & Filij, & Spiritus sancti, vt aquæ ablutio externa esset eis in signum, quod intus à peccatis mundarentur, & diuina gratia perficerentur, & fierent filij Dei, & hæredes æternarum diuitiarum.

Ad hoc autem, vt homines annunciatam salutem crederent, dedit eis potestatem faciendi signa, & miracula, & prodigia, quæ nullus agere potest nisi Deus, aut is cui sit Deus cum eo, vt sequentibus signis sermones eorum confirmarent, & gentes crederent, & viso supernaturali signo ambigere non possent de veritate rei, quæ nunciabatur.

Dedit autem eis admirandam, & inauditam potestatem eiiciendi Dæmonia, quæ toto orbe regnabant, vt linguis loquerentur nouis, quæ ignorabant, & serpentes tollerent, & si quid mortiferum biberent, eis non noceret, vt super ægros manus imponerent, & bene haberent, & sanarentur à languoribus suis, & cæcos illuminarent, & claudos, vel vmbra corporis sui, & mortuos ad vitam reuocarent, & transferrent montes, & alia prodigia, & signa, his maiora perficere possent in nomine eius, qui omnia potest.

Qualiter omnes homines in Adam moriantur, & qua ratione omnes in Christo Domino in vitam redituri sunt nunquam amplius morituri, & de gloria carnis nostræ, quæ incorruptibilis, & immortalis euadet ex D. Paulo Apostolo. Cap. 228.

1. Cor. 15.

1sa. 53.

Iona 2.

Osea 6.

Ioan. 20.

Act. 9.

Ephes. 3.

N Oti autem vobis facio Fratres Euangelium, quod prædicaui vobis, quod & accepistis, in quo & statis, per quod & saluamini, qua ratione prædicauerim vobis, si tenetis, nisi frustra credidistis. Tradidi enim vobis in primis, quod & accepi: quod Christus mortuus est pro peccatis nostris secundum scripturas. & qui sepultus est, & qui resurrexit tertia die secundum scripturas, & qui visus est Cephæ: & post hoc, vndecim. Deinde visus est plusquam quingentis fratribus simul: ex quibus multi manent vsque adhuc, quidam autem dormierunt. Deinde visus est Iacobo, deinde Apostolis omnibus. Nouissime autem omnium, tanquam abortiuo, visus est & mihi. Ego enim sum minimus Apostolorum, qui non sum dignus vocari Apostolus, quo-

quoniam persecutus sum Ecclesiam Dei. Gratia autem Dei sum id, quod sum, & gratia eius in me vacua non fuit, sed abundantius illis omnibus laboravi, non ego autem, sed gratia Dei, qui mecum est.

Si in hac vita tantum in Christo sperantes sumus, miserabiliores sumus omnibus hominibus. Nunc autem Christus resurrexit a mortuis, primitiae dormientium, quoniam quidem per hominem mors, & per hominem resurrectio mortuorum. Sicut enim in Adam omnes moriuntur, ita & in Christo omnes vivificabuntur, unusquisque autem in suo ordine. Primitiae Christus, deinde ii, qui sunt Christi in aduentum eius. Deinde finis, cum tradiderit regnum Deo, & Patri, cum evacuaverit omnem principatum, & potestatem, & virtutem. Oportet enim illum regnare, donec ponat omnes inimicos sub pedibus suis. Nouissima autem inimica destruetur mors. Omnia enim subiecit sub pedibus eius. Sed dicit aliquis. Quomodo resurgunt mortui? quali autem corpore venient? Inspiciens tu, quod seminas, non vivificatur, nisi moriatur. Et quod seminas: non corpus, quod futurum est seminas, sed nudum granum, ut puta tritici, aut alicuius ceterorum, Deus autem dat illi corpus sicut vult, & unicuique seminum proprium corpus. Non omnis caro, eadem caro, sed alia hominum, alia pecorum, alia autem volucrum, alia piscium. Et corpora caelestia, & corpora terrestria, sed alia quidem caelestium gloria, alia autem terrestrium, alia claritas Solis, claritas Lunae, & alia claritas stellarum. Stella enim a stella differt in claritate, sic & resurrectio mortuorum. Seminatur in corruptione, surgit in incorruptione: Seminatur in ignobilitate, surgit in gloria: Seminatur in infirmitate, surgit in virtute: Seminatur corpus animale, surgit corpus spirituale, sicut scriptum est; Factus est primus homo Adam in animam viventem, novissimus Adam in spiritum vivificantem, Sed non prius quod spirituale est, sed quod animale: deinde quod spirituale. Primus homo de terra, terrenus: secundus homo ipse Dominus de caelo. Qualis terrenus, tales & terreni; qualis caelestis, tales & caelestes. Et sicut portavimus imaginem terreni, portabimus & imaginem caelestis. Hoc autem dico fratres, quia caro & sanguis regnum Dei possidere non possunt: neque corruptio incorruptelam possidebit. Ecce mysterium vobis dico. Omnes quidem resurgemus, sed non omnes immutabimur, in momento, in ictu oculi, in novissima tuba: canet enim tuba, & mortui resurgent incorrupti, & nos immutabimur. Oportet, enim corruptibile hoc induere incorruptionem, & mortale hoc induere immortalitatem. Cum autem corruptibile hoc induerit incorruptionem, & mortale hoc induerit immortalitatem, tunc fiet sermo, qui scriptus est: Absorpta est mors in victoria: ubi est mors, victoria tua? Ubi est mors stimulus tuus? Stimulus autem mortis, peccatum est, virtus vero peccati, lex: Deo autem gratias, qui dedit nobis victoriam per Iesum Christum Dominum nostrum. Itaque fratres mei dilecti stabiles estote, immobiles, abundantes in opere Domini, semper scientes quod labor vester non est inanis in Domino.

Colos. 1.
Apo. 1.

Pf. 109.
H. b. 1. &
10.
Ps. 8.

Gen. 1.

Osea 13.
H. b. 3.
1. Io. 5.

Quid

Quid præstiterit hominibus terrenus Adam in generatione sua, & ad quam sublimitatem gloria erexerit homines celestis Iesus Christus, cum eos resurgendo regenerauit in vitam æternam, & immortalem. Enarratio ex Santo Petro Chrisologo. Cap. 229.

*D. Petri
Chrisol. ser.
117.*

*Psal. 84.
Psal. 131*

D Vos homines beatus Apostolus hodie retulit humano generi dedisse principium, Adam videlicet, & Christum; duos homines pares corpore, sed merito dispares, compage membrorum tota veritate persimiles. Factus est, inquit, primus homo Adam in animam viuentem, nouissimus Adam in spiritum viuificantem. Ille primus ab isto nouissimo factus est, à quo est & animam consecutus, vt viueret: hic est ipso se figuratus auctore, qui vitam non expectaret ab altero, sed ipse vitam solus omnibus largiretur: ille vilissimo plasmatur ex limo, ex vtero precioso Virginis hic procedit: in illo terra mutatur in carnem, in isto caro promouetur in Deum. Et quid plura? Hic est Adam, qui suam tunc in illo, cum fingeret, imaginem collocauit. Hinc est, quod eius, & personam suscipit, & nomen recipit, ne sibi quod ad suam imaginem fecerat deperiret. Primus Adam, nouissimus Adam: ille primus habet initium, hic nouissimus non habet finem. Quia hic nouissimus vere ipse est primus: ipso dicente: Ego primus, & ego nouissimus. Ego sum primus, idest sine initio. Ego nouissimus, vtique sine fine. Sed non prius inquit, quod spirituale est, sed quod animale, deinde quod spirituale. Prius vtique terra, quam fructus: illa gemitus exigit, & labores, hic substantiam largitur & vitam. Merito propheta de tali fructu gloriatur dicens: Terra nostra dedit fructum suum. Quem fructum? Illum nempe, de quo alibi dicit: De fructu ventris tui ponam super sedem tuam. Primus homo, ait, de terra terrenus: secundus homo, de cælo celestis. Vbi sunt qui conceptum Virginis, Virginis partum, mulierum partibus existimant exequandum, cum illud de terra sit, hoc de cælo? Hoc diuinæ virtutis sit, illud infirmitatis humanæ? Illud sit in corpore passionis, hoc totum sit in tranquillitate diuini spiritus? humani corporis in quiete? Sanguis fluit, caro stupuit, soporata sunt membra, & aula Virginis tota est in cælesti commoratione suspensa, donec auctor carnis carnis sumeret indumentum, & fieret homo celestis, qui non solum terram redderet homini, sed homini donaret cælum. Virgo concipit, Virgo parturit, Virgo permanet. Ergo virtutis est caro cōscia, nō doloris, quæ magis pariēdo integritatis augmenta suscipit, damna pudoris ignorat, testis potius sui partus existit, quæ nullas partus pertulit passiones, & sacramentis cælestibus interfuisse se noua mater miratur, quæ nascentis ordinem intelligit humanæ consuetudinis nil habere. Si Deum sic nasci Magus fatetur munere, fatetur dum adorat, aduertite quid sentire, quid credere debeat Christianus. Sed quod sequitur audiamus: Qualis terrenus, tales & terreni, & qualis celestis, tales & cælestes. Quemadmodum non nati taliter, tales poterunt inueniri non manendo quod nati sunt, & quod renati sunt permanendo? Hinc est fratres, quod Virgineum fontis vterum cælestis spiritus arcana luminis suadmixtione fecundat, vt quos origo limosæ stirpis profuderat sub misera

con.

conditione terrenos, cælestes pariat, & ad similitudinem sui perducatur auctoris. Ergo iam renati, iam reformati ad nostri imaginem creatoris, quod præcipit Apostolus, impleamus: Igitur sicut portauimus imaginem terreni, portemus & imaginem cælestis. Puerit necessitas quod de terra concreti cælestia aspirare nequiuimus: quod de concupiscentia nati, concupiscentiam non valuimus euitare: quod illecebris dominantibus acquisiti, coacti sumus illecebrarum turpitudinem sustinere: quod seculi huius habitaculo recepti, captiui fuimus malis: ad instar nostri domini, sicut diximus, iam renati, quos utique concepit Virgo, viuificauit spiritus, portauit pudor, genuit integritas, nutriuit innocentia, edocuit sanctitas, virtus exercuit, Deus adoptauit in filios, imaginem totam tota similitudine nostri portemus auctoris: non maiestate, qua solus est, sed innocentia, simplicitate, mansuetudine, patientia, humilitate, misericordia, concordia, qua dignatus est nobis fieri, & esse communis. Cesset vitiorum pruritus pestifer, delictorum lethalia blandimenta vincantur, execrandus furor, criminum comprimatur origo, discutiatur à sensibus caligo tota pompæ secularis, abijciatur à mentibus mundanæ cupiditatis illusio, appetatur paupertas Christi, quæ diuitias in cælestibus possidet sempiternas, tota sanctitas animæ custodiatur & corporis, ut non magnitudine, sed actu imago creatoris nostri portetur, & clarescat in nobis. Affirmat, quod diximus, Apostolus, cum dicit: Hoc autem dico fratres, quia caro, & sanguis regnum Dei possidere non possunt. Ecce quomodo carnis resurrectio prædicatur, quia ibi caro possidebitur à spiritu, non caro spiritum possidebit, sicut ex sequentibus elucescit: Neque corruptio incorruptionem possidebit. Vides, quia non caro deperit, sed corruptio: non homo sed culpa: non persona, sed crimen, ut homo in Deo, & coram Deo viuens, finem se delictorum tandem gaudeat consecutum.

Quod Iesu Christi à mortuis Resurrectio semper sit ante oculos habenda, & meditanda, ut unusquisque possit lato animo ferre huius vite labores, & mortis formidinem superare. Enarratio ex D. Petro Chrisologo. Cap. 230.

Semper de resurrectione placere debet eloquium, iugiter de resurrectione delectare debet auditus, quia mori nunquam libet, viuere semper delectat. Resonet ergo in ore nostro resurrectio semper, semper resurrectio ad nostræ mentis transmittatur auditum, ut mors, quæ nostros semper obsidet sensus, cum terrore suo, cum lamento suis à nostris sensibus effugatur. Quia sic agricola fructus vberes, & exfatias epulas cantat, ut imminentem vomeris laborem non sentiat, & sudorem. Sic nauta portus modulatur, & lucra, ne vndarum ruinas, ne maris discrimina pertimescat. Sic miles, ne vulnera metuat, ut gladios non pertimescat, prædas personat, & triumphos. Vnde resurrectionem mente, ore, oculis, aspectet, cantet, cogitet Christianus, ut tota mortis possit despiciere, & calcare formidinem. Mors est fratres, desperationis domina, incredulitatis mater, germana corruptionis, inferni parens diaboli coniux, omnium malorum regina, quæ omne genus hominum tali ordine, inexplebili impugnat, ut primum susurratricem suam desperationem præmittat talia suadentem: Homo cur tua perdis tempora? Ecce Domina mors

Y

tua

1/a. 22.

1/a. 5.

1. Cor. 13.

tua venit, animam tuam in nihilum redigens, carnem tuam putredine, ossa tua vetustate consumens, ut te qui non fuisti, antequam nascereris, faciat non esse post mortem. Redde ergo debita ante mortem, moriturus cito, tibi, ætatibus tuis, da lufibus infantiam, da delicijs adolescentiam, da voluptatibus iuuentutem, da senectutem mihi, ne sine causa de spe cogites desperatus. Post istam mittit incredulitatem suam filiam sic minantem, quasi non moriturus, quasi euasurus mortem, sic de vita disponis. Homo, te decipit fides, tu fidei credis, quæ ut tollat præsentia, futura promittit, & ut auferat, quæ sunt ante mortem, nescio quæ inuisibilia pollicetur esse post mortem. Quis inde venit, aut quis sapiens credit tot seculis promissa, nec reddita? O si manduces, & bibas, manduca, & bibe, cras enim morieris. Tertiam germanam nequitia suæ corruptionem tali dirigit cum furore, ut aspectus hominum inuadat, attrahat, occupet per sepulchra extremos ostendens carceres, suos iacere ibi demonstrat immobiliter vinculatos, & ut homines sensus hominis horrore toto, toto pauore conturbet, effundit putredinem, eructat faniem, spargit foetores, atque ad vnum corpus hominis innumeros carnifices ob se vermes dedisse proclamat. Quare non desperationi, quare non incredulitati crederent Christiani? Hæc sunt mortis bella, his ducibus, his consilijs, tali conflictu captiuat, vastat, interficit omnes, quos natura præsentem perducit ad vitam, ducit reges, trahit populos, gentes impellit, non diuitijs redimi, non flekti precibus, non lachrymis molliri, non viribus unquam potuit ista superari. Errauere fratres, qui de bono mortis scribere, sunt conati. Et quid mirum? tunc se mundi sapientes magnos æstimant, & præclaros, si id quod est summum malum, hoc esse summum bonum simplicibus persuaferint: merito scriptura de istis dicit: Væ, qui dicunt bonum, malum, & malum bonum. Væ, qui ponunt tenebras lucem, & lucem tenebras. Et reuera, quem non isti fallerent, quæ non cæcare potuerunt, qui viuere malum, mori bonum, incautis credere perfecerunt? Sed hæc fratres, veritas submouet, lux fugat, impugnat fides, Apostolus notat, Christus delet, qui dum bonum vitæ reddit, malum mortis prodit, damnat, excludit. Sic enim coepit Apostolus: Notum autem vobis facio Fratres Euangelium, quod prædicaui vobis, quod & accepistis, in quo & statis, per quod & saluamini, qua ratione prædicaui vobis, tenere debetis, nisi sine causa credidistis. Tradidi enim vobis in primis, quod & accepi, quia Christus mortuus est pro peccatis nostris, & quia sepultus est, & quia resurrexit tertia die secundum scripturas. Dei largitas victurum, non moriturum dicit. Aut cui bonum accipit, si non erit ipse, qui accipit? In quo & statis. Stat utique, qui semper viuit, quia moriturus semper iacet. In quo & saluamini. Si quis moritur, perit, saluatur vero ille, qui semper viuit. Qua ratione prædicaui vobis, tenere debetis, nisi sine causa credidistis. Non solum fratres, sine causa credidit, sed & sine causa vixit, qui se ad hoc solum natū credidit, ut periret. Homo, quid tibi oritur, quod non occidat? quid tibi, quod occiderit, non resurgit? Dies mane oritur, & iterum resurgit in mane. Sol quotidie nascitur, quotidie moritur, resurgit ipse quotidie, tempora dum transeunt, pereunt; dum redeunt, reuiuiscunt. Vnde homo si Deo non credis, si non acquiescis legi, si non consentis auditui, vel oculis tuis crede, vel elementis resurrectionem tuam tibi iugiter prædicantibus acquiesce. Certe si ista

ista longe sunt inferiora, quæ in tuis manibus sunt, & de morte, tuo opere suscitantur, te posse Dei opere doceant suscitari. Vade ad semen, Apostolo te docente: tolle triticum aridum sine sensu, sine motu: duc sulcum, fodi terram, fac sepulchrum, sepeli triticum, inspice quemadmodum morte deperit, humore turgescit, putredine corrumpitur, & cum peruenerit ad totum, quicquid desperatio, quicquid incredulitas, quicquid corruptela tibi superius ingerebat, tunc subito reuiuiscit in germine, in herba pubescit, iuuenescit in caule, maturescit in fruge, & ad illam totam ipsam, quam tu perisisse desiebas, speciem resurgit & formam: ut te homo triticum non tam doceat manducare, quam sapere, non tam cogat laborare, quam credere. Reliqua nos taceamus, quia, & vnde, & quando, & quomodo, & per quem mors venerit, beatus Apostolus plano, & satis lucido, ac diuino declarat eloquio. Homo, accipe fidem, quia gratis datur, crede resurrectionem, quia, qui promittit illam, pretium non requirit.

1. Cor. 15.

De excellentissima gloria, & claritate, quam Christo resurgente consecuta est caro nostra. Enarratio ex D. Cypriano.

Cap. 231.

IN tam mirabili Christi resurrectione multiplicata sunt etiã gaudia nostra, quoniam nobis pro quibus se humiliauerat, tantæ excellentiæ beneficium dignatus est esse commune, & partiri nobis suæ abundantiam voluit claritatis, ut post resurrectionem corpus non aggrauet animam, sed sit caro sine mole, & pondere, agilis, & mobilis, nulla clausa obstaculis, visu, & auditu penetrans omnia, & attingens, quocunque voluerit sine impedimento discurrens. Inerit resuscitatis corporibus nulli vanitati subiecta libertas, & quæ cogi non possit ad aliquid in nullo laborans, iam à spe educta reipsa perfruens, nulla expectatione suspensa, & in pace quietissima confirmata, omnisque expers formidinis in spiritualibus delicijs iugis illa permanens reflorescit. Quam mirabilis est scientia tua Deus, confirmata est super nos, nec possumus ad eam attingere. Hæc sapientiæ tuæ altitudo, qui mundum non ex præcedente materia, sed solo verbi tui condidisti Imperio, creaturis vero corporalibus ex mundi essentia dedisti initium, suis incolis singula elementa adornans hominem, quem de mundo fecisti, cunctis in terra, & aëre, & aquis viuentibus perficiens, ita ut suo præposito singula in suo genere ministraret, tu alijs vitam temporalem, alijs procurasti perpetuam, admirabili ordine quædam mutans, & renouans, & præfinito tempore metam irrationabilibus omnibus præfixisti, & terminum quem transire non possit, dissolutioni conditio destinata. Homo quia ex cælesti, & terrena materia compactus est, vestitus extrinsecus pelle, & carnibus, tempus accepit, quo te iubente, redderet terræ, quod de terra assumpserat, & ad immaterialem originem reuerteretur spiritus, cuius natura dissolutionis non admitti iniuriam. Corpus putredine, & caro vermibus consumenda, secundum naturæ suæ rationem æternitatis non poterant priuilegio perfrui, & quod sibi iure non competebat à conditione nequibat exigere, neque vlla eorum interrogatio super hoc merebatur responsum. Sed tu optime Domine vltro gratiam volens

D. Cypria.

serm. de resurrectione Christi

10.2.

Y 2 lens

lens dare spiritui, decreuisti clementius, ut ex societate, & clientela, quam reddiderat animæ caro, aliquid ei commodi proueniret, & quæ ei vehiculum fuerat, & particeps studiorum in recompensatione ministerij, iterum dilecto accolæ consociata pudica, & pacifica rediret, nullas secum reuehens contumelias, quibus deinceps quietis internæ concuteret puritatem. Sed, & hoc Domine ad cumulum beneficij addidisti, ut inter legem carnis, & spiritus nulla postmodum esset diuersitas: nec post initum fœdus vlla iterum inter eos recrudescat rebellio, sed per manum tuam reconciliatio ordinata stabilis in perpetuum perseueret. Te igitur iubente, terra, sit caro, & expulsa de domo iterum coniungatur viro, non iam ancilla, sed libera, & habitent vnius moris in domo murmurationibus consopitis, quas olim compugnantes inter se concupiscentiæ concitabant. Quis Domine Deus considerare hæc opera tua sufficit, & quis lutum coagulare, potest in carnem, quis formare potest in hominem, quis infundere animam, quis reddere vitam, quis dare æternitatem, quis addere fœlicitatem? Ad hunc prouentum humana laborat creatio: hæc semper fidelium expectatio fuit. Hoc optabat Rex ille humilis, qui se nouerat imperfectum, ut adderes conditioni tuæ quod deerat, & perficeres, & solidares opus tuum, quod corruptibilitas, & mortalitas assidue conuijs multis solebant affligere, & varijs opprobrijs consueuerant infestare. Tu morti imperas, & absorpta eliditur, inanescit corruptio, ubi æger, te medente, sanatur. Gustasti mortem pro filijs hominum, ut qui tecum mortui erant, tecum uiuerent, & participes tribulationum etiam consolatione gauderent. Resurrectio quidem communis est, & ante tribunal Christi necesse est, ut pietas, & impietas in operatoribus debitis stipendijs donarentur, & qui finem habere contempserunt in malis, infinita clauderentur ultione in poenis, & qui gloriati sunt in Cruce cum Crucifixo regnantes, beatæ fierent perennitatis participes. Non sunt participes huius gaudij, quos damnat ambitio: non potest furtiuos habens oculos, paschalibus solemnij interesse. Nihil proditor, & venditor magistri, fermentator profanus commune habet cum azimis: Omnis immundus in anima ad esum huius agni prohibetur accedere. Nulla ad hanc lætitiā perfidia recipitur, omnis malignitas excluditur: calceatus pedibus ad euangelizandum paratus, accinctus renibus, & sanctimoniæ destinatus, habens baculum in manibus, & festinans, ut Aegypti deferat idola sequens Moysen, nec formidans viæ discrimina, quisque purus, & sincerus sine fraude homo verus accedat, & edat, & securus quod resurgat, mortem optet, ut attingat ad æterna gaudia, in quibus est vita nostra sursum manens, & nos trahens ad bona cælestia. Qui viuit. Hæc ille.

*De Magnificentia, & altitudine gloria Domini Iesu Christi
ascendentis ad caelestia, ut sit exemplar mortalibus homini-
bus, ad qualem honorem, & nobilitatem existentia, & status
dignitatem ascendere possint, si iuste vivant, & Christo cre-
dant. Enarratio ex D. Cypriano. Cap. 232.*

Ponamus hic primo loco, quæ B. Cyprianus de Ascensione magnifice-
scripsit, deinde quo ordine facta fuerit, particulariter enarrabimus.

Omnibus itaque ad tam delectabile spectaculum aggregatis: Ascendo, *Ioan. 20.
D. Cyp. in
ser. de Ascē
sione Dom.
10. 1.* inquit, ad Patrem meum, & Patrem vestrum, Deum meum, & Deum
vestrum. Horum verborum auctoritas cum iam eorum virtutem Spiritus
sanctus intimasset, omnem poterat excludere diffidentiam, & hilarescebant
animi eorum paternitatis diuinæ illustrati honore, & fraternitatis Christi ho-
norati consortio, cum audirent, & crederent se filios Dei, & fratres Chri-
sti, in quo omnis excellentiæ plenitudo, & sufficientia inerat: nec iam quasi
idiotæ, & hebetes huic verbo applaudebant carnaliter, sed subtilissime ge-
nerationem, & dignitatem creaturæ à voluntate, & nutu Creatoris habuisse
initium, & imaginem, & similitudinem Dei in interiori homine videbant:
& dignoscebant intellectu potius, quàm visu, quam affinitatem habeant in-
ter se pater, & filius: & quia substantiuo, & naturali filio filij adoptiuo,
conformes à prima origine multa habeant ex natura, & multa ex gratia.
Sane huius generositatis consortium, secundum quam simul cum Christo fi-
lij Dei sumus, nobilitatem existentiae nostræ exponit, & intimat: in quo ho-
nore si manserimus non degeneres, constat omnino non posse patrem diffi-
dere à filiis, sed Deiformibus tutum esse ad paternitatem accessum: nec
posse pati ad hæreditatem possidendam dispositos in petitionibus diuinis
repulsam, sed in quibuscunque filius filialiter genitorem appellauerit, ne-
cesse est bonitatem largitoris iuste supplicantis prosequi voluntatem: ma-
xime cum ipse pater qui largitur ista, suggerat peti, quæ non differt beni-
gne largiri. Et quidem paterna charitas bonis filiis, & hæredibus maxime
delectatur: & hoc gloriæ Christi vnigeniti dilecti accumulat, quod beati-
tudinis suæ non patitur esse solitariam magnitudinem, sed addit fratres: nō
qui minuunt quasi diuisam in plures excellentiam, sed qui altitudinem diui-
tiarum eius exornant participes, & consortes. Quod cum ipsum qui pater
est, constet esse Deum, & eum Deum nostrum sicut & suum filius atteste-
tur, in eo quod filij sumus ipse nos possidet, in eo quod noster est Deus, quod
nostrum est, ipsum cuius proprij sumus, proprie possidemus. Dico igitur *Ps. 117.*
Domino meo: Deus meus es tu: & dicit mihi Dominus meus: Ego Do-
minus Deus tuus. Homo cuius Deus est, quid amplius quærit? Si sufficis
tu Deo, sufficiat tibi Deus. Bonorum tuorum Deus non indiget, nec con-
ferre potes ei quippiam, nec auferre. Si esurierit, non dicet tibi. Eius est
orbis, & plenitudo eius, & magnitudinem eius cæli cælorum non capiunt:
non infirmatur, non eget indumento vel cibo: omnia scit, omnia potest,
omnia continet: in ipso omnes viuimus, mouemur, & sumus. Quid tu ei
quasi indigo conferes? te solum bonitate, non necessitate desiderat.

Scriptum est, & ipso iubente tabulis insculptum lapideis, ut diligas eum *Deut. 6.*

ex toto corde tuo , & ex tota anima tua , & ex tota mente tua . Dilige , & diligaris : prope est merces tua , in manibus porrigitur præmium , esto tu Dei , & erit tuus Deus tuus . Impar sanè commercium , pretium inæquale : Sed qui pro nobis triginta argenteis appretiat , intelligi voluit , quanta fuerit in pretio , quod pro eo datum est , & in eo quod ipse dedit pro mundo , dissimilitudo , cum ipse exiguo argento emptus , & venditus , tanto pretio damnatus redimeret , ut dubium esse non possit , quin pretij magnitudo superaret negotium : nec æquari posset damnum , quod omnino damnatio iusta meruerat , obedientiæ Christi , quæ gratis usque ad mortem progressa est , & ultro soluit , quod non debebat . His intellectis Apostoli , sicut filij prophetarum olim , verum Eliam ascensurum sciebant , & horam illam præstolabantur gaudentes , nec iam anxiebantur parturientes , sed exorta lætitia parati erant prosequi recedentem , minime dubitantes quin & ipsi post modicum conuersionis huius , postquam de torrente passionis in via hac bibissent , exaltato capite , & erecto , se ad cælestia Dominum secuturos . Eleuatis igitur manibus hæreditariam benedictionem relinquens , non manufacto vehiculo , nec auxiliaribus carpentis euectus est Christus , sed naturæ diuinæ propria usus virtute carnem cælo intulit , & corpus glorificatum patris cōspectibus præsentauit . Non indignuit vectoribus Angelis , qui offendicula tollentes è medio , ferrent eum in manibus , sed præcedentes , & subsequentes applaudebant victori , & concinentes in iubilatione modulabantur canticum nouum , & implebat Cælos consonantiæ illius harmonia , Thronis , & Dominationibus parantibus filio iuxta patrem confessum , Cherubim , & Seraphim pedes pacificos , ambientibus radiantibus vndique diuinis claritatibus , & splendoribus supercælestibus , quos nec ardor perseverans consumit , nec turbinis alicuius afflatus extinguit , nec interpolatio caliginis ullius abscondit .

Celebrat tanti triumphi magnificentiam lætabundus cælestis exercitus , & qui descendentem coram pastoribus Bethlehemitis decantauert in sublimi præconia , modo expressioribus conatibus , & intensioribus iubilis reuerenti ad patrem solemniora obsequia impendebant , & festiuis affatibus venerabantur hominem supra se sublimatum : quem gloria , & honore coronauerat pater , & ad dexteram suam collocatum , hoc dato ei priuilegio singulari , ut in nomine eius omne genu flecteretur , & super omne nomen eius nomen excellentius coleretur . Quanta in eius susceptione in cælis iucunditas fuerit nemo sufficit enarrare : rei huius magnificentia omnem superat intellectum . Si linguis hominum , vel Angelorum quis eloquatur , vel ad hoc cuiuslibet elaboret acumen ingenij , ut definire velit , quæ patris in reditu filij hilaritas fuerit : aut si forte illud sempiternum gaudium aliquod tunc admiserit incrementum , si stabilitatis æternæ se aliquo modo mutare possit immobilis magnitudo , scrutator ille maiestatis opprimeretur à gloria , & verendum est , nedum vehementius exprimit verba , quam oportet , sanguinem pro lacte emungat . Attamen inuisibilem Deum , visibile filium recepisse ad dexteram suam manifestum est , & humilitatē carnis nostræ throno iudiciario honoratam paternæ complacuisse altitudini ; duo genera gentium ciuitati superne , de qua gloriosa dicta sunt , deinceps assignare , & esse supra mansionarios homines , & Angelos , & beatitudinis illius gloriam his duobus ordinibus in perpetuum frequentari . Hæc merces obedientiæ Christi , hæc Cru-

cis

cis, & mortis stipendia, hic passionis labor promeruit, ut corpus humilitatis nostræ fieret corpori claritatis Christi cōforme, mortale hoc indueret immortalitatem, & corruptibile incorruptionem: & fierent homines cum Christo, & cælestibus iudices, qui cum eo iudicia pertulerant malignorum, & extiterant vsque ad mortem tribulationū consortes. Hac die prin̄ū inuenta est cælis hæc nouitas inaudita, & gaudius est pater hæreditate amplificata, promissionibus, quas loquutus fuerat in prophetis redditus, & completis. Solum ad hæc quæ prædicta sunt restat iudicium, & examinationi ultimæ adhuc reseruant antiqua oracula locum. De iudicio quippe, & angustia Christo sublato, superest post misericordiæ tempora, quæ ad finem festinant, ut iusticiam comiteretur iudicium: & habeant singuli quod merentur, & honoretur honore dignus, & contemptor confundatur inglorius. Hoc, & duo Angeli Christo ascendente testati sunt, quia qui iudicatus abibat, Iudex esset terribilis rediturus, & videret collecta in vnum generalitas hominum, quas foderat manus, quod terebrauerat latus, faciem quam conspuerat, & prolata in medium inflexibili sententia, occurrentibus Saluatori electis, remaneant impij infinitis deputati tormentis.

Quanta illud editum sequentur lamenta? illius ultimæ tubæ clangor quā horribilis erit? continuus erit, & superfluis illarum, lachrymarum decursus, stridorem illum dentium flammæ inextinguibiles agitant. Immortales miseri viuunt inter incendia, & inconsumptibiles flammæ nudum corpus allambent. Ardebit purpuratus diues, nec erit qui æstuanti linguæ stillam aquæ infundat. In proprio adipe fixæ libidines bullient, & inter sartagine flammeas misera corpora cremabuntur, & omni tormento atrocius desperatio condemnatos affliget. Non miserebitur ultra Deus, neque tunc audiet poenitentes; sera erit illa confessio, & cum clausa fuerit ianua, frustra carentes oleo acclamabunt exclusi. Nullum remedium: semel Christus descendit ad Inferos, ulterius non descendet, non ultra videbunt Deum in tenebris sigillati; irregressibilis erit illa sententia, & immutabile iudicium, & stabit damnationis huius immobile constitutum. Exultabunt sane Sancti in gloria, videbunt Deum, & gaudebunt, lætabuntur, & delectabuntur, & fruuntur gloria, & infelicitate iucundabuntur æterna. Ibi non gustabunt, quam suavis sit Deus, sed implebuntur, & satiabuntur dulcedine mirifica: nihileis deerit, omne desiderium eorum Christus præsens implebit, non senescunt, non tabescent, non putrescent amplius: perpetua sanitas, felix æternitas, beatitudinis illis sufficientiam confirmabunt. Non erit concupiscentia in membris, non ultra vlla exurget rebellio carnis, sed totus hominis status pudicus, & pacificus, sana ex integro natura, sine omni macula, & ruga deinceps permanebit. Erit denique Deus omnia in omnibus, & illius præsentia omnes animæ, & corporis implebit appetitus, cessabuntq. de cetero consummatis omnibus ministratorij Angelicarum virtutum discursus: & impleta, ordinataq. omnino Ciuitate Dei, nec innouabitur, nec mutabitur ultra fixæ, & consummata beatitudinis status. Ei igitur, ante cuius tribunal stabimus, qui nunc vultui Dei apparet pro nobis, cui de nobis tanta cura fuit, ut pro nobis vellet nasci, & mori, in præsentem quæsumus, ut sit cura curandi nos, & nobis auctoritatem, & potestatem iudicandi nosmetipsos, & corrigendi concedat, ut in illo terribili iudicio suo inter electos asci-

Luc. 16.

Y 4 ti,

ti, & congregati, liberi à seruitute, & à captiuitate, cælestibus Ciuibus coniungamur, & fruamur bonis, quæ ipse diligentibus se repromisit, quæ nec oculus vidit, nec auris audiuit. Hæc Cyprianus.

Quod per mortem, & resurrectionem, & ascensionem in calum Domini nostri Iesu Christi, homines eleuati sunt ad possidendas æternas gloriæ diuitias in cælestibus. Enarratio ex D. Paulo Apostolo. Cap. 233.

Ephes. c. 1. **N**on cesso gratias agens pro vobis, memoriam vestri faciens in orationibus meis vt Deus, Domini nostri Iesu Christi pater gloriæ, det vobis spiritum Sapientiæ, & reuelationis in agnitione eius, illuminatos oculos cordis vestri, vt sciatis, quæ sit spes vocationis eius, & quæ diuitiæ gloriæ hæreditatis eius, in sanctis, & quæ sit supereminens magnitudo virtutis eius in nos, qui credidimus secundum operationem potentie virtutis eius, quam operatus est in Christo, suscitans illum à mortuis, & constituens ad dexteram suam in cælestibus supra omnem principatum, & potestatem, & virtutem, & dominationem, & omne nomen, quod nominatur non solum in hoc seculo, sed etiam in futuro: Et omnia subiecit sub pedibus eius, & ipsum dedit caput supra omnem ecclesiam, quæ est corpus ipsius, & plenitudo eius, qui omnia in omnibus adimpletur.

Ephes. 2.

Et vos cū essetis mortui delictis, & peccatis vestris, in quibus aliquā ambulastis secundum seculum mundi huius, secundum Principem potestatis aeris huius spiritus, qui nunc operatur in filios diffidentie, in quibus & nos omnes aliquando conuersati sumus in desiderijs carnis nostræ facientes voluntatem carnis, & cogitationem, & eramus natura filij iræ sicut & ceteri. Deus autem qui diues est in misericordia, propter nimiam charitatem suam qua dilexit nos, & cum essemus mortui peccatis, conuiuificauit nos in Christo, cuius gratia estis saluati, & conresuscitauit, & confedere fecit in cælestibus in Christo Iesu, vt ostenderet in sæculis superuenientibus abundantes diuitias gratiæ suæ, in bonitate super nos in Christo Iesu. Gratia enim estis saluati per fidem, & hoc non ex vobis; Dei enim donum est: non ex operibus, vt ne quis glorietur. Ipse enim sumus factura: creati in Christo Iesu in operibus bonis, quæ præparauit Deus, vt in illis ambulemus. Propter quod memores estote, quod aliquando vos gentes in carne, qui dicimini præputium ab ea, quæ dicitur circumcisio in carne, manufacta: quod eratis in illo tempore sine Christo, alienati à conuersatione Israel, & hospites testamentorum, promissionis spem non habentes, & sine Deo in hoc mundo. Nunc autem in Christo Iesu vos, qui aliquando eratis longe, facti estis prope in sanguine Christi. Ipse enim est pax nostra, qui fecit vtraque vnum, & medium parietem maceris soluens inimicitias in carne sua, legem mandatorum decretis euacuans: vt duos condat in semetipso in vnum nouum hominem; faciens pacem, & reconciliet ambos in vno corpore Deo per Crucem, interficiens inimicitias in semetipso. Et veniens euangelizauit pacem vobis, qui longe fuistis, & pacem ipsius, qui prope, quoniā per ipsum habemus accessum ambo in vno spiritu, ad patrem. Ergo iam non estis hospites, & aduenæ: sed estis ciues Sanctorum, & domestici Dei, superædificati super fundamentum

Apo-

Apostolorum, & Prophetarum, ipso summo angulari lapide Christo Iesu, in quo omnis ædificatio constructa, crescit in templum sanctum in Domino, in quo & vos cœdificamini in habitaculum Dei in spiritu.

Quod alijs generationibus non est agnitum filijs hominum, sicut nunc reuelatum est sanctis Apostolis eius, & Prophetis in spiritu, gentes esse cohæredes, & concorporales, & participes promissionis eius in Christo Iesu per Euangelium.

Ephes. 3.

Enarratio sublimissimæ Ascensionis Domini nostri Iesu Christi in cœlestia. Cap. 234.

Voluit autem Dominus corpus illud gloria plenum in sublimia cœlorum eleuare: corpori enim illi diuino, summa illa pulchritudine decorato, & tam admirabilibus, & cœlestibus dotibus insignito, & tot splendoribus circumdato, non iam amplius ima terra, & caliginosus aër iste debebatur, sed excelsior, & sublimior, & nobilior sedes, quæ reperiri possit. Est autem hæc sublimissima super omnes cæles Regio, ubi Deus magna effusione diuitias gloriæ suæ effundit. Admirabilis autem hæc Ascensio, hoc modo peracta est.

Igitur postquam per quadraginta dies apparuerat multis in multis argumentis, & sacra, & diuina arcana ad salutem omnium pertinentia, quæcunque erant reuelanda, reuelauerat, & de regno Dei, quæcunque erant differenda differuerat, & Spiritum sanctum, patris æterni diuinum munus, super eos mittendum esse confirmauerat: Ascendit super montem Oliueti, qui est iuxta Hierusalem sabbathi habens iter, cumq. ibi conuenissent Petrus, & Ioannes, & Iacobus, & Andreas, Philippus, & Thomas, Bartholomæus, & Matthæus, Iacobus Alphæi, & Simon Zelotes, & Iudas Iacobi discipuli eius, atque alij ex Galilæa, fecit illos iucundissimi spectaculi nunquam amplius visi, scilicet cœlestes spectatores. Nam videntibus illis eleuatus est, & nubes super niuem candida, & super lucem lucida suscepit eum, regale vehiculum, cæli symbolum, posuitq. nubem ascensum suum. Cumq. eleuaretur, eleuatis manibus benedixit eis, illi autem intuebantur illum euntem in cælum. Cumq. intuerentur, Ecce duo Angeli in vestibus albis & fulgurantibus astiterunt iuxta illos, qui & dixerunt: Viri Galilæi, quid statis aspicientes in cælum? hic Iesus, qui assumptus à vobis in cælum, sic veniet, quemadmodum vidistis eum ascendentem in cælum: Et recessit Iesus ab oculis eorum, & cælum scandens comitabatur eum scilicet hominum multitudo, qui ex diuturna captiuitate crepti, alacres, & gaudentes ad cælorum libertatem properabant, ad cælestem Hierusalem, quæ libera est, conscendebant: comitabantur & eum agmina Angelorum, & erant mille millia, & decies centena millia. Hinc assistebant Archangelorum myriades exultantes, & lumina iaculantes: Illinc Thronorum innumerabilis multitudo, & Virtutum, & Dominationum ordinatus exercitus; alibi Principatus coruscabant, & Potestates præfulgebant, & Cherubim, & Seraphim incessabili voce, & socia exultatione proclamabant canentes: Sanctus Deus, sanctus & fortis, sanctus & immortalis, qui mortem mortalium, moriendo destruxit, & vitam resurgendo reparauit, & diuinitatis eius tribuit esse confortes: omnesq. vno ore collaudabāt infinitam charitatē diuinæ bonitatis, & inuictas vires misericordiarum suarū.

Ascen-

Ascendente illo canunt Tubæ, quæ cælestem clangorem vndique ad lætitiæ excitantem personant : tranat ille æthera, superat sydera, & omnium cælestium orbium altissimas celsitudines, alteram post alteram superuolat, & splendidissimas supernorum spirituum Hierarchias supergreditur, cumq. altius non posset ascendi, constitit, & vnitam sibi humanæ fragilitatis substantiam in gloriæ sempiterni Patris Dei dextera collocavit, in eademq. gloria cœternus, visibiliter gloriosus, & in maiestate splendidus angelorum, atque hominum oculis illuxit.

*Chrys. ser.
de ascens.*

Nōn satis fuit potenti Domino ad omnem hominum gloriam cælos pertransisse, & posuisse carnem nostram vbi stant Angeli, sed supra cælos, & supra Cherubim & Seraphim ascendit, donec ad dominicam sedem peruenit. Ingenti spatio cælum separatur à terra, & cæli inferiores à supremo cælo immenso spatio distinguuntur, & ab altiori cælo ad Angelos immensurabile est intervallum, ad superiores etiam potestates, ad ipsam Dominicam sedem, super hæc omnia natura nostra eleuata est, vt homo qui loco tam humili tenebatur, & descendere non posset vltius, ad tam excelsam sedē eleuaretur, vt altius non posset conscendere, vt hinc discamus admirari diuinam beneficentiam, quæ sublimem hunc honorem, magnamq. gloriam in seipso nostræ naturæ elargita est.

Psal 48.

Erat homo terra & cinis, sed hoc non hominis vitium est, sed naturæ imbecillitas : comparatus fuerat iumentis insipientibus, & similis factus fuerat illis, & peius est comparari quàm nasci. Nam naturaliter non habere rationem, tolerabile est, verum rationis munere decoratum irrationabili naturæ comparari, voluntatis est crimen, & summa hominis contumelia. Et tamē homo, qui vincebatur ab omni natura, qui despectus videbatur, & cōtemptus, natura fragilis, & deficiens, & animalibus monstrata deterior, omnia vicit, omnia superauit, & omnibus meruit excelsior reperiri, lætantibus Angelis, exultantibus Archangelis, dum hominis naturam in sede dominica, immortalī gloria fulgentem inspiciunt.

Vt hinc mortales homines admonerentur, qui habent os sublime, vt erectos ad sydera tollant vultus, & quanta possunt animi contemplatione considerare contendant sublimissimam celsitudinem, ad quam Dominus Iesus Christus carnem nostram eleuauit, vt posthac, quæ sursum sunt, sapiant, non quæ super terram. Et sciant se non esse amplius hospites, & aduenas, sed ciues Sanctorum, & domesticos Dei, & filios altissimi Creatoris, ad quos spectat hæreditas illius gloriæ, & vita illa, quæ æternitate longæua est, & fœlicitate beata. Et absit illos gloriari nisi in Iesu Christo, in quo est salus vita, & resurrectio nostra, & ascensio in cælum, ipsius enim gratia, gloriam illam adepti sumus, quam nullus potest à nobis auferre, nisi infidelitas, & peccati indignitas.

*De nobilitate, & pulchritudine loci, ad quem ascendit Iesus
Christus. Cap. 235.*

EXstat super sublimia cælorū, super micantia sydera nobilissima, & altissima Regio, in qua sapientissimus rerum faber Deus, propter gloriam potentæ suæ, magnam fecit suæ bonitatis effusionem; animo enim regio, & corde

corde perfecto in illis altissimis sublimitatibus, tantæ pulchritudinis, tantæ gloriæ Paradisum constituit, tantaq. magnificentia decorauit illum, & tanta voluptate repleuit, vt nullus intellectus satis sit, ad illius magnitudinem, & pulchritudinem cogitandam, neque in cor hominis tam altæ cogitationes ascendere vnquam potuerunt, vt digne de illius dignitate sentire potuerint: sed Angelorum testimonio est pulchrior locus, qui reperiri possit: est immensior moles omnibus, quas Deus condidit, est pulchritudo spherarum, ornamentum cælorum, splendor mundi, corporum excellentia, domus lætitiæ, Templum lucis, Ciuitas amoris, Paradisus voluptatum, patria virtutum, sociatissimum hospitium errantium peregrinorum, & sempiterna mansio fortunatorum mortalium.

Ad hanc igitur altissimam Regionem Iesus Christus ascendit, vt pararet nobis locum, vt vbi ipse est, ibi nos simus, & viuamus in seculum seculi. Hic fuit Christi scopus, hic omnium suorum laborum, & dolorum finis. Quapropter, qui mentis oculos ad intuendum loci illius splendorem, quotidie conuertunt, probabile habent argumentum, quoniam ad illum locum peruenient, & cælestem thesaurum, ad quem erexerunt cor in terris, possidebunt in cælis.

Virgo humilis, & mansueta petens, vt posset ascendere ad Cælum, vt videret Dominum suum, qui illuc ascenderat, obtinuit, & in die Ascensionis Dominica ascendit. Aloysio Granatensi enarrante. Cap. 236.

IN hac nostri Olyssippi Ciuitate fuit quædam nobilis puella, sed admodum tenuis, quæ inter alias virtutes valde tacita erat, solitaria, deuota, humilis, mansueta, & suis parentibus obediens, & propter hanc causam illis valde dilecta. In quendam incidit morbum, qui tandem eo peruenit, vt in ethicam febrim se conuerterit. Morbus nouem perdurauit menses, quem maxima cum patientia pertulit, & Deo semper gratias agebat. Cum erat sola, audiebatur verba proferre cuidam crucifixo, quem illic habebat, satis deuota, & amoris plena, & sæpe dicere audiebatur: Domine, quando me de hoc carcere erues? Quando ibo, & apparebo coram te, & præsentia, & pulchritudine tua fruam? Hæc, & huiusmodi verba sæpe maximo cum amore, & deuotione repetebat.

Aloys. Granat. in cælesti. sym. vol. 1. lib. 1. c. 2.

Quamobrem ille Dominus, qui virginalis puritatis, & animarum humilium, & mansuetarum, qui eum in tribulationibus vocant, amator est, eam exaudiuit, & consolatus est, ei. promisit fore, vt suæ gloriøse Ascensionis die præstaret quod petijt, eamq. secum eo die ad cælum tolleret.

Quo vero modo ei promiserit, ignoratur: nemini enim id manifestare voluit.

At quindecim dies ante hunc diem festum, cum illius mater in lachrymis, & sordibus versaretur, quod filiam tantopere à se dilectam à medicis derelictam videret, ei dixit: Ne lugeas mater, has lachrymas in diem Ascensionis differas.

Huius diei vesper aduenit, quo quidem non magis suo morbo afficiebatur, quàm antea. Tunc hospes, quæ domi erat, illius valde familiaris ami-

ca

ca, ei ridens dixit: Heu, mendax quidem es, nosq. decepisti cum dices fore, vt Ascensionis die ex hac vita migrares. Ad id ægrota nihil respondit; licet id fore, quod dictum erat, certò sciret. Die autem postero illius festi, nescio quid confessori suo domum misit, qui eam sæpe visebat, & illius peccata audiebat, & aliqua charitate ei ferebat opem, cui dictum voluit, bene valere suo nomine, quod discedebat eò, vbi suo sponso, & Domino frueretur. Statim etiam matrem vocauit, & nonnullas reliquias, quas in capite habebat, cepit, & matri dedit: & annulum, quem quædam illius amica in digito imposuit, iussit vt ei redderetur.

Iussit præterea nutrici, quæ illam educauerat, vt nouum indusium sibi ferret, quod ipsa habebat: duo nummi aurei illi soluerentur, quos ab ea mutuo acceperat, & propter hanc causam, vt quædam eius vestis venderetur, reliquum vero quod esset, pro anima sua pauperibus daretur.

Hoc autem dicto, vbi meridiei hora aduenit, crucifixum altera manu cepit, & moriendi cereum altera, & ita moriendi iter ingressa est: cum vero mater id vidit: Filia, inquit, ora Deum pro me, vt hunc haustum deglutire possim. Illa multa fide dixit fore, vt quod postulabat, illi concederetur.

Hæc autem inquit, & deuota verba Crucifixo pronuncians spiritum Deo reddidit, & vbi penitus animam efflauit, horologium horam post meridiem significauit, qua Saluator noster ad cælum ascendit. In quo cernitur (vt diximus) quam tener, & suauis in puras animas sit Dei amor, cum non illi satis fuit hanc animam ad suam perducere gloriam, sed illud etiam addere voluit, vt ei diem reuelaret mortis, isq. esset idem, & eadem hora, qua ipse ad cælum ascendit.

Non est profecto mirum Deum nostrum, & Dominum suos fideles seruos diligere, sed quod admirationem affert, est, hunc amorem esse tam tenerum, tamq. suauem, illi similem, quo sponsi in suas sponsas affecti sunt, & parentes in suos paruulos filios, quos in sinu gestant, & illis blandiuntur, & osculantur. Quod sæpe fecit hic Dominus, cuius deliciae sunt esse cum filiis hominum.

Hoc illud est, quod illorum corda surripit magis, & causa est, vt mille mortes appetant, pro eo Domino, qui tam dulcem, tam suauem, tam amantissimum se illis præbuit, vt in superiori exemplo videre licet. Mater vero cum videret ita factum, vt prophetauerat filia, sibi persuasit filiam ad vitam æternam peruenisse, ita sibi gauisa est, vt in gratiarum actione continuo versaretur, quod Deus sibi eiusmodi dedisset filiam, & sepultam eam videre, & aqua benedicta aspergere ausa est.

Miles deuotus propter nimium amorem, ibi mori meruit, vbi Christus in Cælum ascendit. Cap. 237.

Fertur quidam miles ex transmarinis regionibus omnia loca, in quibus Domini pedes steterant, deuotionis gratia solícite & cum lachrymis perlustrasse. Cumquæ vltimo loco ad Montem Oliueti peruenisset, habuit longam orationem, & largas effudit lachrymas, deinde vero intus exardescens, cum nimio amore liquefacta est anima eius, hæc verba ardore plena

na profatus est. Ecce Domine, ubique quæsiui te solícite, nunc autem cum venerim ad locum, ubi cælos ascendisti, ubi amplius te requiram ignoro. Iube ergo suscipi spiritum meum, ut ad dexteram patris tui videam te conruescantem in gloria: & his dictis spiritum suum sine dolore reddidit. Fœlix miles, qui amoris vulnere in corde sauciatus meruit ibi spiritum in cælum mittere, ubi Dominus eius ascendens in cælum pertransierat.

De gratia ineffabili, & omnium maxima, qua Iesus Christus, qui corpus suum gloriosum super Cælos ad dexteram Dei extulit, voluit illud sub sacramentis & mysterijs in terris esse præsens, ut mortalibus diuinam vitam largiretur. Cap. 238.

DEinde Dei filius, ut nihil intactum relinqueret, quod ad dignitatem & vtilitatem hominis pertinere posset, ut compleret omnes admirationes, & memoriam relinqueret mirabilium suorum hominibus quos condiderat: Carnem illam suam, quam in utero Virginis matris assumpserat, & deinde cruciatibus, & morti exposuerat, & à morte suscitauerat, & supra omnium cælorum altitudinem sublimauerat, tot spatijs à nobis distantem, voluit esse fragilitati nostræ vicinam, ut eam fulciret, nec sineret in æternam cadere corruptionem, ut sicut erat gloriæ suæ eminentia, omnia terrena, & terrestria excedens, ita esset vi charitatis mortali carni nostræ proxima, atque intima, ut diuina præsentia sua largiri posset, & deriuaret in carnem nostram, immortalitatis suæ opulentias: & tanto sedere nobis sociaretur, ut sicut ex fonte cælestes aquas emanante, sælici haultu hauriremus cum gaudio diuinæ naturæ participationem, & æternæ & beatæ vitæ principium, & fieret nobis nobilissima esca, ex cuius comestione diuinum gustaremus spiritum, ut omnia terrena desiperent, & accenderetur in nobis diuinus amor, recoleretur memoria passionis eius, & futura beatitudinis, quam nobis acquisiuit in cælis, haberemus in terris pignus, haberemus pretium, & rem; & esset nobis peregrinis in via viaticum, & refectio: & in laboribus & doloribus consolatio, & fulcimentum & animi, corporisq. nostri, quod animam grauat sustentatio, & eius, quod propter terrenam inhabitationem deperditur, restauratio, & in morte pharmacum immortalitatis.

Igitur ipse, qui omnia potest, & cuius imperio omnia parent, & sicut dicit, ita fiunt, corpus suum omni pulchritudine pulchrius, & omni gloria gloriosius, & super quàm dici possit fulgentissimum (ne humanus oculus caligans, eius claritatis scrutator, opprimeretur à gloria) dum nobis illud voluit esse præsens, abscondere voluit sub reuerendis mysterijs, & sub tremendis sacramentis, ut nos illud sub cælesti caligine tectum considerantes, tanto illud amore diligeremus, & tot charitatis signis, & reuerentiæ argumentis, & titulis honorum, & dilectionis ardoribus prosequeremur eum, qui nobis dedit illud ad fruendum, & tot gratiarum actionibus, & laudum cationibus amoris nostri associaremur illi, ut nihil posset esse coniunctius, nihil posset esse dilectius; & tanta adhæsione adhæreremus illi, ut eius spiritum attrahentes, vnus spiritus essemus cum eo, & diuinitati, & humanitati eius facti proximi, excellentissimam in nobis causaret gratiam, quæ nobis æternæ

nx

nz vitæ causa foret, & sicut ex comestione panis, & vini potu gignitur in nobis & sustinetur mortalis hæc vita, ita per tanti sacramenti dispensationem, in qua nobis Christus, qui sedet in dextera patris in cælestibus, sit præsens, & appropinquat nobis, diuina & immortalis vita gigneretur in nobis, qui credimus in eum, & diligimus Dominum nostrum, quamquam absconditum, & spiritali palato latentem eius dulcedinem prægustamus.

Et quoniâ ipse est sapiens & potens, ita corpus suum sub panis sacramento esse voluit, ut nulla diuino corpori iniuria fieri posset; ut dum illæ sane panis species dētibus atteritur, & in stomachū traijciuntur, ipse illæsus, & integer, & immaculatus in sua gloriosa existencia perseveraret: & sicut Sol, quando è cælo venit in terras, caliginibus aëris non obscuratur, & luto, & fæcibus eius lux non fædatur, & cum pedibus calcatur, non comprimitur, non diuiditur, non perforatur, propter lucis suæ eminentiam, quæ alterationem recipere non potest, ita & tamen non desinit purgare aërem à nebulis, terram calore fouere, ut germinet & fructus afferat, ita caro Christi luce lucidior, & splendore splendidior, quoniam ei donauit Dominus, ut habeat esse spirituum substantiarum, propter eminentissimam, & eleuatam vsque ad honores diuinos naturam suam, impossibile est eam vllam à quoquam posse recipere contumeliam, aut dignitatis diminutionem; in quocumque enim loco permanet semper lucida, semper decora, semper gloriosa, & immortalis in gloria sua perseverat.

Quo quidem munere nihil potuit esse pretiosius, nihil hominibus magis desiderabile, vno enim haustu, omne nobis bonum, & terrestre, & cæleste propinauit, ut nihil ei desit in omni bono, qui intra se ipsum omne bonum habere meruit.

Quapropter mirum non est, si tot eius amatores, hoc donum, hoc munus tanto amore dilexerunt, ut in possessione eius censerent se esse beatos. Sed enarremus hic aliqua exempla.

B. Philippi in sacro faciendo ardor, pietas, & raptus.

Cap. 239.

Sed si vllus certe ætate nostra B. Philippus Nereus summum bonum, quod in Eucharistia latet, sitiuit, quod ex eo apparet, quoniam sacerdos nunquam intermisit diem, nisi ægritudine detineretur, quin rem diuinam faceret. Aeger singulis diebus panem cælestem accipiebat.

Initio sacerdotij, cum in Ecclesia S. Hieronymi sacrum ageret, tanta repente diuini spiritus abundantia replebatur, ut aquam, vinumq. in calicē de more infundere vix posset. Adeo eius manus in altum attollebantur, ut exilire quodammodo, & saltitare viderentur; atque ille, nisi brachio ad altare tanquam adminiculo maximo adnixus studio, captum opus proseguutus esset, nihil egisset vnquam.

Huius diuinissimi sacramenti, supra quam dici potest, quod cupidissimus, amantissimusq. esset vel ex eo solum patet, quod cum vacuum calicem in manibus teneret, incredibili perfundebatur lætitia.

Quo tempore salutare hostiam de more attollebat, ita eius mens rapiebatur in Deum, ut manus sublime erectas deponere non posset. Retulit ille

le postea videri sibi ab aliquo apprehendi, atque alte à terra per vim mirabiliter sustolli. Eamq. ob rem in hanc deinde se dedit consuetudinem, vt salutarem hostiam quanta maxima posset celeritate attolleret, & demitteret.

In sacro faciendo, vbi vel maxime ad offertorium ventum erat, ea afficiebatur dulcedine, vt inter celebrandum toto corpore, contremisceret, saltitaretq. quos ille impetus vt reprimeret, vertere se sæpissime consuevit, nunc in dextrum latus, nunc in sinistrum: modo terram pede percutere, modo demum caput perfricare manu.

Vnum hoc tacitus præterire non possum, in quo diuini amoris vis euidenter apparet. Mos illi erat, vt sine impedimento rem diuinam ageret (raptus enim, & ecstases timebat) vt antequam sacris se indueret vestibus, id omni studio ageret, vt spiritus vehementiam, ardoremq. quo assidue æstuabat, vt cumq. comprimeret: nunquam enim ille cum subito abstractus à sensibus tota mente in rerum cælestium contemplationem raperetur, sacrum fecisset, absoluissetq. nisi in vnâ illam rem incubuisset, vt animum à diuinis auocaret. Et hæc quidem quamquam ille faciebat, eos tamen diuini amoris impetus sustinebat, vt lachrymis totus conficeretur, singultus frequentissimos ederet, saltitaret: Quibus fiebat, vt cogeretur sæpissime à sacro faciendo eousque cessare, quo ad vires corporis, quas Christi amor abstulerat, iterum se collegisse sentiret. O virum Deo plenum! Cum sponsa in canticis tute ipse dicere iure, meritoq. poteras: Introduxit me Rex in cellam vinariam, ordinauit in me charitatem: fulcite ergo me floribus, stipate me malis, quia amore langueo.

Absoluto sacrificio, ita nonnunquam abstractus à sensibus apparebat, vt exanimatum magis, quàm viuum crederes.

Sed hic locus admonet, vt ponatur aliquid de gustu, quem ille in sanguine Christi ebibendo, eiusq. carne degustanda habebat. Is erat, vt crediderint, qui ab eius nunquam latere discedebant, eum ipsius sanguinis, ipsiusq. carnis saporem percipere, perinde atque nudam carnem, nudumq. sanguinem degustaret: labia ille sibi auidissime lambebat: iterum, ac sæpius calicem ori admouere obseruabatur, nullumq. de assistantibus non modo propius ad altare, sed ne manere quidem, vnde ipsius facies conspici posset, permittebat. In desumendo sanguine, sonus in eius gutture is audiebatur, vt putares aliquid degustare, quod ob eius pinguedinem, crassitudinemq. sacerdotis palato inhæresceret: in ea calicis parte, ex qua sanguinem hauriebat, indicia dentium erant, aurumq. ipsum, quod ibi circum erat, quamquam recens, breui obscurabatur. Purificationem, quam dicunt, dari sibi volebat, donec ipse petiisset. Denique diuinissimi huius sacramenti vsque eo delitijs capiebatur, vt suauissimam Christi carnem, sanguinemq. pretiosissimum in ore tenens, non statim glutiret, sed paulatim, guttatimq. in stomachum defluere sineret.

Nec minus insignis eius pietas in sacro faciendo, Christi corpore degustando, quam in ministrando fuit. Sed ne in re nota, atque apud omnes peruiulgata operam frustra conteram, aggredior alia.

Christi anno 1559. Patres Cœnobij sanctæ Mariæ supra Mineruam, quo tempore eis Angelus Diacetus præerat, intra claustra domus quadragenarum horarum supplicationem ob res graues indixere: orationi interfuit Philippus,

pus, precabatur loco abdito, ibique se Deo coniungens totus extra se rapitur, lapidisque instar factus, apertis oculis, hilariq. vultu sanctissimum Eucharistiæ sacramentum intueri videbatur. Id cum quidam aduerterent, prope ad ipsum accurrunt, eumq. quem calor vitalis iam pene totum reliquerat, nominatim, ut ad se redeat inclamant, manibus contrectant, sed frustra omnia: nihil enim ille audiebat, nihilq. mouebatur, sentiebat nihil: ergo id quod erat suspicari, in cubiculum ei loco proximum inter manus deferunt expiranti similem, sensusq. omnis expertem: vbi tandiu eum reliquerunt, quoad totus hilaris ex rapto ad se redire visus est. Tum interrogatus ab Angelo Diaceto, & Felice à Castro Franco ex eadem familia, quidnam sibi accidisset, vix illorum precibus victus modeste, verecunde. hunc in modum respondit: Preces vestras, Patres mei, Dominus audiuit benignitate sua: sed huiusmodi responso, haud quaquam contenti, instabant enixius, ut rem totam exponeret, quibus tandem cedere coactus, Oranti mihi, dixit, Christus sese ostendit, astantesq. signo Crucis munivit.

Permissu Gregorij XIII. Beatus Pater sacrum priuato in sacello (erat id suo cubiculo proximum) facere cepit: ibi enim ille desiderio se Deo liberius coniungendi, ad ea verba cum ventum esset: Domine non sum dignus, tùm circumstantibus, atque ipso ministro foras exire iussis, ipse solus in sacello manebat, moxq. ut solus erat ab arbitris remotus, non prius sanctissimam Eucharistiam sumebat, pretiosissimamq. sanguinem degustabat, quam duas frequentius circiter horas, plus, minusue, in tanti, tamq. admirabilis sacramenti contemplatione, maximo cum sensu pietatis, ingenti lachrymarum profusione consumpsisset: tum Christi corpore, ac sanguine sumptis, administro ingresso, rem sacram perficiebat. Absoluto sacrificio ita nonnunquam abstractus à sensibus apparebat, ut exanimatum magis, quam viuentem crederes.

Beatus Philippus triduo ante obitum diuina luce, ac dulcedine vberius forte quam vnquam antea delibutus, ut qui sese ad nuptias agni euocari sentiret, sacrum incredibili animi lætitia, ac voluptate faciebat quotidie. Octauo Kal. Maias, qui dies eo anno & sacratissimo Corpori Christi sacer, & eius vitæ postremus fuit, rem sacram quasi caneret, gaudio peregit. Initio sacrificij oculos in villas ad sancti Onuphrij templum sitas coniecit, tanquam aliquid oculorum effugiens obtutum cerneret: porro quid ille tùm viderit, eo, qui solus norat, reticente, omnes latuit.

Quandam autem noctem cum insomnem duceret, quoniam vehementius à morbo grauabatur, languido corpore, & erecto animo, post signum matutinarum horarum circa noctem mediam petijt, ut Iesu Christi Domini nostri benedictum corpus deferrent ad eum. Quod cum audiisset Franciscus Maria Taurusius, qui de eius ægritudine, nimis præ charitate sua, sollicitus erat, dubitans ne forte, dum dilectam sumeret carnem, cuius nimis audius erat, præ deuotione, & lachrymis nimis afficeretur, & somnum in hora illa impediret, cuius patrocinium in tanto discrimine solum expectabatur, & damnum sentiret valetudinis, dabat operam, ut non deferrent tunc temporis sanctissimam Eucharistiam, sed in aliud tempus differrent.

Cum igitur aduentum Domini sui expectaret, nec veniret, audiuit quid esset in causa tantæ dilationis, ut non satisfaceret desiderio suo. Moræ impatiens

patiens accersit Taurussum, & hæc locutus est ei: Non possum Franciscæ Maria (aperiam tibi cor meum) capere somnum, & nunquam dabitur somnus oculis meis, nec recipient palpebræ meæ dormitationem, nisi pectus meum dederit locum Domino meo, tunc cum venerit in tabernaculum meum, in pace cum ipso dormiam, & requiescam: Hæc requies mea in seculum seculi. Veniat igitur dilectus Dominus ad seruum suum, & benedicat mihi. Ne dubites: satis fidelis est, cui credidi.

His dictis (mirabile dictu) offertur Venerabile sacramentum, suscipit dominicum, & viuificum corpus quanto potest animi ardore, & repletus cælesti cibo, ecce somnus subrepat, & dormitauit, & paulo post à morbo conualuit. Et, qui eum extinctum deplorauerant, cum gaudio incolumem, & rediuium recipiunt. Et post illud tempus Patres nostri, si quando infirmaretur, pro corporis medicina, & tutela temporalis vitæ eius, temper afferebant illi Domini corpus, in quo ipse sperabat, & Dei gratia semper sequebatur speratus effectus.

Contingebat autem propter inexplicabilem sitim sacramenti huius, in quo omne bonum reperiebat, ut cum vix recessisset laboriosus morbus, statim surgeret ex lecto strati sui (quod plerique ex conualescentibus facere non conueuerunt) & festinaret in templum ad missam celebrandum. Et mirabantur circumstantes, videntes tam cito eum, qui tam periculose ægrotauerat, ingredi ad altare, & celebrare sacrificium, ac si nunquam ægrotasset.

In hæc assidue febris torum mentem Aprilem: sed accensus ille cupiditate Missæ celebrandæ, die SS. Apostolorum Philippi, & Iacobi, qui in Kalend. Maias incidit, pridie eorum natalis tantorum Apostolorum opem implorat: nec frustratæ sunt eum preces; è lectulo exiit, rem sacram peregit, astantibus sacratissimum Christi corpus præbuit, & hæc quidem omnia ea ille corporis agilitate faciebat, ut qui corpusculi imbecillitatem nossent, id satis mirari nequirent, sed à Domino vires, quod res erat, celso animo suppeditari censebant.

Tribus post insequentibus diebus, non quo corporis imbecillitati indulgeret, sed ut medicis obsequeretur, à sacro faciendo abstinuit: sacrificij loco, ne ijs ipsis diebus diuino illo priuaretur bono, Eucharistiam quotidie maximo pietatis affectu percipiebat.

Exacto triduo cum leuius haberet, Sacrum medicorum voluntate agere cepit, quod facere perrexit ad usque diem quartum Idus Maias, quo die nouo, ac repentino morbo oppressus, eam summo mane sanguinis copiam de repente me astante euomit, ut expiranti similis, ac prope exanimis iaceret in lectulo, faciesq. palluerit. Aduocati medici, tactis venis, alijsq. inspectis, actum de illo esse affirmarunt.

Ergo cum vereremur, ne Philippus repentino moreretur, à Cesare Baronio (Federico Cardinale Borromeo præsentante, & inspectante) oleo sancto maxima celeritate inungitur: quo pacto cepit Philippus paululum, animo sensim redeunte, oculos eleuare: quod cum aduerteret Federicus Cardinalis Alexandrum Alluminatum, qui B. viro ægrotanti assidere contueuerat, monet, ut ex venis exploret, virumne satis habeat, ut sacrum Christi viaticum suscipere possit, quo mox cognito, ipsemet Federicus Card. Christi corpus preuotissimum ad eum defert, Augustino Cusano Cardinale, ceterisq. è Con-

gregatione Patribus, ac fratribus, & alijs quamplurimis astantibus, simulq. commune damnum collachrymantibus.

Illud hic accidit memoria dignum: vix Borromeus Philippi cubiculum ingressus erat sanctissimum Christi corpus in manibus gestans, cum ille viribus, quamquam omnibus destitutus, maxima illicò voce lachrymarum plenus clamare cœpit, ut omnes obstupescerēt: Ecce amorem meum, ecce amorem meum, hic ille est, in quo me oblecto, solum id est charum mihi: præbe ergo, præbe mihi amorem meum, præbe mihi eum quàm celerrime: & hæc quidem verba ea spiritus vi proferebat, ut astantes ad lachrymas, & admirationem excitaret: cumq. Federicus Cardinalis, Domine non sum dignus, de more pronunciaret, eadem Philippus clarissima voce, manantibus præ dulcedine, atque Christi desiderio vbertim lachrymis repetebat: qui tuo corpore pascar (dicens) dignus fui nunquam: sacro tandem sumpto viatico: medicū meum, ait, hospitio excepi: quasi diceret, salus mea secura est in præsentia Saluatoris.

Ex ijs autem, quæ dicta sunt, & ex multis, quæ dici possent, satis colligitur, quantum benedictam Christi carnem, & gloriosam dilexerit, & in delictijs habuerit toto tempore vitæ eius, nobis relinquens exemplum, ut cæleste hoc donum, quanta possumus, animi propensione amplectamur.

In magna annonæ penuria, quidam Eucharistiæ sacramenti deuotus, sola comestione specierum panis benedicti sustentatur.

Cap. 240.

ARchipresbyter de Belmonte Soranus pauper, quia eius beneficium annuatim non reddebat nisi 15. aureos, habebat multos Nepotes pupillos, eosq. mendicos, quos alere cogeatur, ne fame perirent, cum anno quodam locus ille extrema viuendi penuria laboraret, nec quidquam pro alendis nepotibus haberet, sibi victum necessariū adimebat, & quidquid Portia Cardinalis Baroni mater pro eleemosina ei erogabat, totum eis subministrabat; vnde factum est, ut iste bonus sacerdos, sicuti dictæ Portiæ postea retulit, quadraginta dies vixerit nullo alio gustato cibo, nisi sacrosancto corpore, & sanguine Christi, sub speciebus panis, & vini, quod in Missæ sacrificio quotidie assumebat. Tanta est vis, & gratia, quæ in hoc sacro mysterio confertur digne assumentibus. Sed quæ admiratio est, ut panis iste quadraginta dierum vitam præstet, qui dat manducantibus eum, ut viuant in æternum? Referebat hoc Cardinalis Baronius.

Multa etiam contigerunt circa hoc sacramentum, ut homines, & crederent, & digne illud reuererentur.

Calix sanguinis Domini cadente fulmine super altare illasus, mirabiliter custoditur.

Cap. 241.

SAcerdos quidam Ordinis Fratrum Reformatorem S. Francisci, cum Neapoli in eorum Ecclesia anno 1601. in festo S. Andreæ Missam celebraret in sacello prope Altare maius, vbi magna aderat vtriusque sexus multitudo, post hostiæ sumptionem, dum manibus iunctis ante calicem oraret, fulgur impetu

petu magno descendit, percussaq. turri campanilis, & Ecclesiæ recto, super Altare, in quo dictus sacerdos celebrabat, cecidit, & cū corporale, in quo aderat calix, mappasq. v. ignis adussisset, petram tamen sacratam, calicemquē, quod est mirabile, illæsa reliquit, & ne aliquid immundū sanguini sacrosancto commisceretur, tabulam gloriæ super Calicem reuoluit. Sacerdos semimortuus cecidit, & quamuis casulæ pars anterior, & albæ vestis manica, adusta fuerit, nullam tamen nisi paruam in manu inflammationem passus est, videbatur enim quidam (vt ipse postea in se reuersus retulit) cervical sub eius capite tenere; Minister vero in crure vitione non parua est affectus, ceteri, tam fratres qui in Choro psallebant, quàm Missæ præsentēs perterrefacti ceciderunt, sed absque vllō damno discesserunt.

Hoc accidisse testatur Decius de Libano, Congregationis Oratorij Neapolitani frater secularis, qui à Guardiano dicti Monasterij, viro fide digno, & venerabili illud accepisse affirmat.

Mulier inter hæreticos à damone obseſſa, latentes sacras particulas, in sinu detentas, reuelat. Cap. 242.

Iacobus Neapolitanus venerabilis Pater è Societate Iesu, cum in die festo sanctissimi Sacramenti esset Carboniani, vbi domum, & agrum habet Congregatio nostra, hoc mihi retulit. Quidam, inquit, Pater Societatis nostræ secularibus indutus quandoque transibat per loca hæreticorum apud Belgas, & ferebat in sinu nonnullas sacras particulas, quibus reficeret quosdam Christianos Catholicos, & cum quodam vico transiret, incidit in mulierem, quæ vexabatur à Dæmone: illa substitit, & fixis in eum oculis intuebatur locum, vbi reconditæ erant particule, & cum Pater ille ei diceret: quid in me intueris? respondit: si dicam, tu suspensus laqueo peribis. Petijt deinde Pater, vt diceret; at idem illa respondit. Seruus Dei subdidit, vt libere fateretur, mortem enim, inquit, nihili facio. Tunc illa dixit: Tu habes hostias, in quibus adest Christus filius Dei, & ita veritatem Sacramenti clare confessa est.

Quidam, vt non crederet sub sacramento Eucharistia esse Dominicum corpus, deceptus est à Damone, sed miraculo, subsequente, Diaboli mendacium detegitur.

Cap. 243.

Cum annis abhinc triginta Annibal Capuanus, cuius bona habetur memoria, Archiepiscopus esset Neapoli, vir quidam ibidem erat, mundo quidem conspicuus, & inter alios aliqua æstimatione dignus, qui tamen suo totiusq. humani generis hosti obstrictus erat impijs amicitiz vinculis, & eius persuasionē deceptus non credebatur miser, in sacrosancta ac veneranda Hostia verè adesse sanctissimum corpus, & sanguinem Domini nostri Iesu Christi. Cum huiusmodi opinionem perfide retineret, quadam die, in qua Iubileum plenarium promulgatum fuerat Neapoli, homo ille aderat in Templo, vbi vidit celebrem frequentemq. populi concursum ad sumendum sanctissimum Christi corpus accedere. Tunc veritatis radio tactus in acutam

Z 2

vehe-

vehementemq. cogitationem intendit animum, putans se fuisse deceptum à familiari Dæmone, dum ei fidem habens opinaretur in Hostia à sacerdote vi verborum Domini consecrata, non contineri sanctissimum eiusdem Domini Iesu Christi corpus & sanguinem. Et vsque adeo ab hoc veritatis lumine commotus fuit, vt se domum idcirco receperit, vbi deambulans in atrio voluebat animo fallaciam erroremque, in quo versabatur, & verbis iniuriarum plenius inuocabat hostem illum familiarem. Ecce Dæmon astitit coram eo, callidisq. verbis capit tueri fallaciam, in quam illum induxerat. Cumq. inter se verba facerent de hac re, homo enim pro veritate Sacramenti, vt fides docet Catholica, sentiebat, contra Dæmon conabatur tenebris offundere claritatem rei: tandem illi conuenit cum Dæmone binas Hostias accipere, quarum altera esset sacra, altera non, vt rei periculum facerent. Quare vir ille postrema eiusdem diei hora ante prandium (adhuc enim perseuerabat conuentus fidelium, qui sanctissimo reficerentur Sacramento) tulit secum in Templum argenteam pyxidem, quam fortasse domi habebat, & accedens inter alios indigno ac profano recepit ore diuinissimam Eucharistiam, & deinde tam caute demisit in pyxidem, quam huius rei causa habebat præ manibus, vt à nullo eorum qui aderant videretur. Post hæc illico domum repetiuit, ferens & alteram Hostiam, quæ non erat sacra. Tunc iterum venire iussit Dæmonem illum familiarem, & ostendit ei vtramque particulam, quas vbi vidisset impius ille Diabolus, iam, inquit, vides ambas sibi esse similes, azymas, è farina confectas, idcirco aufer à te, ac projice inter fordes. Cui vir ille respondens, non est, ait, ista bona ratio, volo rem probare, vt veritas ipsa videatur.

Accepit igitur, Dæmone assentiente, discum argenteum, & vbi impleuit aqua pura, immisit vtramque particulam, & illa, quæ non erat sacris verbis Deo dicata, repente liquefacta ab aqua consumpta est: verum sanctissima hostia, nec ab ea penetrabatur, nec sentiebat humorem, sed erat integra & incorrupta eodem modo quo fuit immissa; immo cum fuisset aliquantulum inuoluta, quando eam ore suscepit, visa est reuolui & explicari in eadem aqua, & in rotundam formam redire, & (quod magis mirandum est) ex parte cepit in carnem abire, verumq. carnis referre colorem. Quod cum vidisset, conuicit Diabolum, dicens, quid ergo tibi videtur? Tunc Dæmon sime, inquit, illa, non enim res se habet, vt credis, accepit homo aciculam, & vt Hostiam ex aqua extraheret, in parte illius vbi caro apparebat (iam enim erat plus quam dimidia pars in carne redacta) infixit, & ecce vidit, ex ea repente scatere sanguinem: quare tunc Dæmon euauit, & quam celerime aufugit. Ille autem sanctissimam Hostiam reposuit reuerenter in pyxide argentea, & sic certior factus de errore, in quem fuerat inductus à Dæmone, hoc sibi consilium cepit, vt adiret, sicuti adiuit, Carolum Baldinum (qui eo tempore Canonicus erat Neapolitanus, postea Archiepiscopus fuit Surrenti) cui aperuit errorem suum, peccatumq. confessus est: eidem præterea consignauit pyxidem, in qua erat sacra Hostia, declarans rem ipsam, prout gesta erat. Qui quidem Canonicus Baldinus, vbi primum rei reuelationem accepit, secreto adiuit Archiepiscopum Neapolitanum, & multorum Theologorum, grauiumque Ecclesiæ virorum consensu, eadem pyxis cum sanctissima Hostia reseruata fuit intus

in

in Templo in thesauro D. Ianuarij . Res ista delata fuit Romam Sacrae Congregationi S. Officij, ac Pontifici Maximo, à quo missa fuit auctoritas recipiendi eum in sinum Ecclesiae, & absoluendi, postquam secreto iniuncta fuisset salutaris poenitentia, quod omnino peractum est. Et paucis post mensibus eadem hostia, quae iam conuersa fuerat in carnem, redacta prius in speciem panis, de more paulatim consumpta fuit.

Hoc miraculum narrat Deusdatus de Felice, tunc notarius Curiae Archiepiscopatus Neapolitani, & notarius sacri Officij, Roma deputatus apud eundem Canonicum Carolum Baldinum, Commissarium, & Ministrum sacri Officij Romani, deputatum à S. Sede Apostolica, & ab illa Sacra Congregatione Illustrissimorum, & Reuerendissimorum Cardinalium praedicti Sacri Officij.

Pyxis argentea, in qua diuinum Christi corpus asseruabatur, furto sublata, miraculose se prodit. Cap. 244.

Cum quidam Mercatores Pedemontani, Isiglij Allobrogum Oppido, quod fuerat deprædaturum, unà cum eorum facultatibus detinerentur, ac nonnulli ex loco Cherij, ad dictum Isiglij Oppidum ad discordiam huiusmodi componendam accessissent, vnus ex ipsis diabolico spiritu ductus, Pyxidem argenteam, in qua sanctissimum Eucharistiae Sacramentum in quadam Ecclesia asseruabatur, furto auferre ausus est: illa in quodam aliarum sarcinarum inuolucro abscondita, ac mulo superimposita vsque Auiglianæ, ac Riuolæ dictæ provinciae Oppida pertransiens, Taurinum peruenit, nec vnquam (Deo ita disponente) stetit mulus, donec ad Ecclesiam S. Siluestri deueniret, ubi ante Ecclesiae fores prostrato, ac Dei nutu humana ope interueniente inuolucro illo disrupto, Pyxis cum sanctissima Hostia magno splendore, ac radijs, solis instar, vndique circumfusa, miraculose prosiliit. Quo miraculo per Bartholomæum Coconum presbyterum, qui eo in loco tunc aderat, ad Reuerendissimum D. Ludouicum Romagnanum eiusdem Ciuitatis Episcopum delato, statim unà cum Clero, ac alijs plerisque religiosis viris, signo Crucis præcedente, ad locum, ubi miraculum euenerat, processit, ibique omnibus genuflexis, & sanctissimum Sacramentum deuote adorantibus, Pyxis decidit in terram, sacratissima Hostia sublimi in aere consistente, magna luce, splendidissimisq. radijs præfulgente, quæ deinde omnibus circumstantibus in allatum ad Episcopum Calicem sese contulit, magnaq. Cleri ac populi deuotione, ac honore, ad Cathedralem Ecclesiam ab ipso Episcopo fuit delata, ubi in præclari huius miraculi testimonium, pulcherrimum tabernaculum erectum, ac honorifice collocatum exstitit, quod quidem vsque ad noui templi constructionem perdurauit; necnon, quod in posterum, quolibet anno dies Octauæ sanctissimi Corporis Christi populo festus ac solemnis esset, generalisque Processio fieret, decretum est, quod postea in dicta Ciuitate ac pluribus alijs Pedemontanis semper fuit obseruatum.

Huius rei, inter alios, testes fuerunt dictus presbyter Bartholomæus Coconus, Petrinus de Gorzano, Petrinus Daaerio, Gasparinus Molerius, Martinus Osellada, Georgius Gastadus, Michael Burrus, Io. Falconius, Bonifacius de Casano, Barthol. Canarinus, Ant. Maucrius, & plurimi alij dictæ Ciuitatis Cives.

Viator timens Deum, volens audire Missam, in qua hostia corporis Domini sanctificatur, à mortis discrimine liberatur, sed comites contemnentes intereunt. Cap. 145.

Conuenerant ad nundinas in Terra Cisternæ, quotannis de mense Nouembri celebrari solitas, inter alios, tres mercatores Eugubini in eodē simul hospitio degentes. Nundinis quodam die Sabbathi absolutis, ac illis inter se de regressu ad propria tractantibus, duo ex ipsis, discedamus, inquiunt, crastina die prima luce, ut vesperi Eugubium peruenire possimus; respondit alius: ego quidem, cras cum sit dies Dominicus, sacro inaudito nullo pacto discedam, ideo si simul abire volumus, prius Missam audiamus, ac deinde paululum cibo refecti in nomine Domini proficiscamur, quod si Eugubium peruenire nequibimus, in Oppido Castelli diuersabimur. Saluberrimo huius consilio non acquieuerunt ceteri, sed replicantes sese postridie vesperi Eugubium omnino peruenire velle, Deumq. ipsos, si pro illa vice Missam audire non possent, excusatos habiturum, sequenti die Dominico sacræ rei adesse non curantes, summo mane equos conscenderunt, ac Eugubium versus iter dirigentes ad flumen vsque, Corfuone appellatum, à Cisternæ Oppido per duo fere milliaria distans perrexerunt; cumq. ambo ligneum Pontem equis conscendissent, ut flumen, quod ob magnos, qui præcedenti nocte deflexerant imbres, valde rapidum erat, pertransirent; Pons valido aquarum impetu ictus repente decidit, amboq. vnà cum pecunijs, quas ex mercium venditione secum deferebant, iusto Dei iudicio demersi sunt, ac eodem puncto vitam, facultates (& vtinam non animæ salutem) miserime perdiderunt, quorum corpora iam extincta à vicinis, qui illuc accurrerant, ad ripam extracta fuere, equis in tuto deductis: qui quidem Pons ex eo tempore ad perpetuam huius rei memoriam nunquam refectus fuit. Alius, qui remanserat, socius prudentior, ac timens Deum, audita Missa & ipse alacri animo ingressus est iter, cumq. ad flumen peruenisset, in duo sociorum cadauera, nihil tale cogitans, ibidem prope ripam iacentia magno animi terrore incidit, quo factò valde commotus, cognito Dei iudicio, gratias ipsi Deo agens, suum iter sanctius cæptum foelicius absoluit.

Hoc terribile exemplum, quod contigit anno Domini 1570. Thomas Bozius, venerabilis Pater Congregationis nostræ referebat.

Quidam in eadem naui periclitantes, quicumque Missam audierant, in qua Christi corpus consecratur, & offertur, liberantur à morte, ceteri autem qui non audierant, submerguntur. Cap. 246.

Anno Domini 1575. vel circiter, cum quidam nobilis Anconitanus Pisauri uxorem duxisset, ibiq. nuptias celebrasset, Anconam rediturus vnà cum vxore, ac magno hominum, & mulierum maiori ex parte nobilium, comitatu (pro personæ dignitate) quodam die Dominico nauem conscendit, cumq. nauis relicto littore iam per duo fere milliaria processisset, quædam ex primarijs mulieribus, quæ sicut mundana nobilitate, ita splen-

splendido, ac vano cultu ceteras omnes superabat, nauisq; molestia (sicut nauigantibus accidere solet) vehementer laborare cepit, ita ut stomachi fastidio pene deficeret, ipsaq; ad nauis lignum, ut in mare euomeret, accedente, omnes tam viri, quam mulieres, ut laboranti opem ferrent, accurrerunt, at nauis eo latere nimio multitudinis onere pressa, subito euerfa est, omnesq; numero fere quinquaginta aquis demersi. & quatuordecim absumpti sunt, ceteri vero, inter quos sponsus, & sponsa, à quibusdam nandi peritis in tuto deducti, incolumes Anconam appulerunt, egressiq; de nauis, ac inter sese de euentu ratiocinantes, manifeste deprehenderunt, eos qui euaserant, mane antequam nauim ingrederentur Missam audiuisset, qui verò perierant, ea inaudita nauem conscendisset; & præcipue mulier illa, cuius causa nauis euerfa est, quæ totam illam in se exornando, ac comendo consumpserat diem. sed hæc satis. magna de hoc Sacramento alibi dicturi.

Nunc prosequamur aliquas Patrum in hoc argumentum enarrationes.

Enarratio de mysterijs, & arcanis, quæ sub diuino Sacramento in quo incrementum est gloria, & gratia plenum corpus Domini, continentur. Ex D. Cypriano. Cap. 247.

DE sacrosancto sacramento diuini corporis Christi, hæc, & plura habet Cyp. de Ce
na Domini.
D. Cyprianus antiquus Theologus. Hoc sacramentum (inquit ille) aliquando corpus suum, aliquando carnem, & sanguinem aliquando panem Christus appellat, portionem vitæ æternæ, cuius secundum hæc visibilia corporali communicauit naturæ. Panis iste communis in carnem, & sanguinē mutatus, procurat vitam, & incrementum corporibus, ideoq; ex consueto rerum effectu fidei nostræ adiuta infirmitas, sensibili argumento edocta est, visibilibus sacramentis inesse vitæ æternæ effectum, & non tam corporali, quam spiritali transiitione Christo nos vniri. Ipse enim, & panis, & caro, & sanguis, idem cibus, & substantia, & vita factus est Ecclesiæ suæ, quam corpus suum appellat, dans ei participationem. Et nos quidem cum caro essemus, & sanguis, corrupta, & infirma corporis, animæq; natura, reformari non poteramus, neque ad similitudinem Dei reuerti, nisi morbo inueterato imponeretur malagma conueniens, & in curationem desperatæ infirmitatis contraria remouerentur contrarijs, & similia similibus conuenirent. Panis iste, quem Dominus discipulis porrigebat non effigie, sed natura mutatus, omnipotentia verbi factus est caro; & sicut in persona Christi humanitas videbatur, & latebat diuinitas: ita sacramēto visibili ineffabiliter diuina se infudit essentia, ut esset religioni circa sacramenta deuotio, & ad veritatē cuius corpus, & sanguis sacramenta sunt, sincerior pateret accessus vsq; ad participationem spiritus, non quod vsque ad consubstantialitatē Christi, sed vsq; ad societatem germanissimam eius hæc vnitas peruenisset. Solus quippe filius Patri consubstantialis est, nec diuisibilis est, nec partiabilis substantia Trinitatis: nostra vero, & ipsius coniunctio, nec miscet personas, nec vnit substantias, sed affectus consociat, & confœderat voluntates. Itaq; Ecclesiæ corpus Christi effecta, obsequitur capiti suo, & superius lumen in inferiora diffusum, claritatis suæ plenitudine à fine vsque ad finem attingens, totum apud se manens, totum se omnibus commodat, & calor illius identitas ita

Z 4

cor-

corpori affidet, ut à capite non recedat. Panis itaq. hic azymus cibus verus, & sincerus per speciem, & sacramentum nos tactu sanctificat, fide illuminat, veritate Christo conformat.

Et sicut Panis communis, quem quotidie edimus, vita est corporis, ita panis iste supersubstantialis vita est animæ, & sanitas mentis. Panem Angelorum sub sacramento manducamus in terris, eundem sine sacramento manifestius edemus in cælis, non ministerio corporali, sæpe repetitis actionibus ad eadem reuertentes, sed consummato sacerdotio nostro erit, & permanebit perpetua, & stabilis, implens, & reficiens nos sufficientia, qua proferet se palam, absque ullis integumentis, omnibus conspicabilis summi præsentia sacerdotis. Sacramenta quidem, quantum in se est, sine propria esse virtute non possunt, nec villo modo diuina se abscentat maiestas mysterijs, sed quamuis ab indignis se sumi, vel contingi sacramenta permittant, non possunt tamen spiritus esse participes, quorum infidelitas, vel indignitas tantæ sanctitudini contradicit. Ideoq. alijs sunt hæc munera odor vitæ in vitam, alijs odor mortis in mortem, quia omnino iustum est, ut tanto priuentur beneficio gratiæ contemptores, nec in indignis tantæ gratiæ puritas sibi faciat mansionem.

Ejus igitur carnis huius, quædam auaritia est, & quoddam desiderium manendi in ipso, per quod sic imprimimus, & eliquamus in nobis dulcedinem charitatis, ut hæreat palato nostro, & visceribus sapor dilectionis infusus, penetrans, & imbuens omnes animæ, corporisq. recessus. Potus, & esus ad eandem pertinet rationem, quibus sicut corporea nutritur substantia & viuit, & incolumis perseuerat, ita vita spiritus hoc proprio alimento nutritur; & quod est esca carni, hoc animæ est fides; quod cibus corpori, hoc verbum spiritui; excellentiori virtute peragens æternaliter, quod agunt alimenta carnalia, temporaliter, & finaliter. Celebrantes sacramenta, commonemur, quasi vngulam findens, & ruminans pecus reuocare ad fauces, & minutatim commolere dominicæ institutionis exemplum, ut semper passio sit in memoria, nec terreât crucifixi hæredes mortis supplicia, sed pascât, & reficiant maturatæ resurrectionis lætabunda sollemnia. Quàm præclarus est calix iste, quàm religiosa est huius potus ebrietas, per quam excedimus Deo, & quæ retro sunt obliti ad anteriora extendimur, non habentes sensum huius mûdi, sed diuitis purpurati delicias contemnentes, cruci hæremus, sanguinem sugimus, & intra ipsa Redemptoris nostri vulnera figimus linguam, quo interius exteriusq. rubricati à sapientibus huius sæculi iudicamur amentes, qui religionis huius abhorrètes mandatum vsque hodie retrò abeunt, & à secretis diuinis omnium intra se mysteriorum contentibus tummam, diffugiunt, & recedunt.

Qui mâducatur ex hoc pane, ultra non esurit: qui bibit, ultra non sitit: quoniam mysterij huius sic sufficit gratia, sic reficit intelligentia, ut cuicumque tantæ rei innotuerit plenitudo, omnis consumationis sine inuento, Christi baiulus ipsum ferat in pectore, ipsum gerat in mente, & omni tempore habitatori suo dicta, & facta iubilatione consona laudes resonent, & gratiarum actiones decantent. Hæc ebrietas non accendit, sed extinguit peccatum, in hoc vino non est luxuria, nec mouetur ad ludum post hunc potum lasciuiæ.

Cum

Cum sopiuit obliuio cuncta carnis ludibria, mira sunt, quæ sentit, magna quæ videt, inaudita quæ loquitur, quem agnus iste paschalis inhabitat, cuius anima meri huius fortitudo hilaritate inexplicabili latificat, & delectat. Inter Dominicæ mensæ conuiuas animalis homo non admittitur; quicquid caro, & sanguis dicat, ab hoc cætu excluditur, nihil sapit, nihil prodest quicquid humani sensus molitur subtilitas; omne quicquid à suis rationibus deuium videtur, sapientes huius seculi ad dementia referunt, & à veritate reputant alienum. Sed veritas ab erroneis hominibus comprehendendi non potuit, & cum in sole vellet figere oculos, vim luminis non ferrens, cæcata est, non illuminata humana præsumptio, & aspectui eius hippitudo inhæsit. Vident hæc sacramenta pauperes spiritu, & hoc vno contenti ferculo, omnes mundi huius delicias aspernantur, & possidentes Christum, aliquam huius mundi possidere supellestem dedignantur. Esurientes, & sitientes iustitiam, cum saturati fuerint, vide quid agant, intellige, quæ loquantur, quàm sancti odoris sit, quicquid illa eructat plenitudo, verbum bonum, mores compositos, affectus pudicos, sensus pacificos, illa interior sinceritas vbique diffundit, ita vt post odoramenta ista gratiæ huius comparticipes discurrant, & mutuis se ad inuicem affectibus completantur, & quibus vnus est panis, vnum est corpus, & omnium vnum cor, & anima vna, vni Christo adhærens, cetera omnia quasi fermentata respuens, in vnus azymi sinceritate lætatur. Perpes est hoc sacrificium, & semper permanens holocaustum, nulla panem hunc multitudo consumit, nulla antiquitate veterascit. Vna est Domus Ecclesiæ, in qua agnus editur, nullus ei communicat, quem Israëliti nominis generositas non commendat. Huius panis figura fuit Manna, quod in deserto pluit, sic vbi ad verum panem in terra promissionis ventum est, cibus ille defecit. Per singula sabbatha panes propositionis iam frigidi, & duri mutari cōsueuerant, & calidi panes eiusdem numeri in mensa proponi. Iam nulla fit panis mutatio, vnus est panis coloris continui, status integri, qui semel oblatus Deo, in sapore dulcissimo, & candore purissimo perseverat. Nec solos sacerdotes ad panes huius dignitatis leuiticæ prærogatiua admittit, vniuersa Ecclesia ad has epulas inuitatur, æqua omnibus portio datur, integer erogatur, distributus nō demēbratur, incorporatur non iniuriatur: recipitur, non includitur: cum infirmis habitans non infirmatur, nec pauperum ministerio indignatur: fides pura, mens sincera hunc habitorem delectat, neque immensi, & omnipotentis Dei magnitudinem pauperculæ domus nostræ angustia offendit, & arctat. Panis iste Angelorum omne delectamentum habens, virtute mirifica, omnibus, qui digne, & deuote sumunt, secundum suum desiderium sapit, & amplius, quam Manna illud Eremiti implet, & satiat edentium appetitus, & omnia carnalium saporum irritamenta, & omnium exsuperat dulcedinum voluptates.

Vide quomodo his, qui Christi commemorant passionem, intra sacra officia, quasi per quosdam canales de interioribus fontibus egrediantur torrentes, & super omnes delicias lachrymis nectareis anima delectetur: quātam suauitatem animæ inquirenti vbi sit Deus suus, suspiria contemplationis eliciant. Non illos imbres procellosæ tempestates deponunt, ros matutinus est de cælestibus stillans, quasi vnclio spiritus mentē deliniens. Gemitus illos

los pietas excitat, & inter diem, & noctem retro, & ante se affectio intuens, inter data, condonando se diuidens, gratias agit tam vberis beneficii largitori, & se sanatam, & sanctificatam agnoscens, fletibus se abluit, & lachrymis se baptizat. Verum hi, qui verbo tenus corde sicci, & mente aridi sacris intersunt, vel etiam participant donis, lambunt quidem petram, sed inde nec mel sugunt, nec oleum, qui nec aliqua charitatis dulcedine, nec Spiritus sancti pinguedine vegetantur, nec se iudicant, nec sacramenta diiudicant, sed sicut cibus communibus irreuerenter sacris vtuntur muneribus, & dominicæ mensæ in veste lutulenta se ingerunt impudenter, quibus melius erat mola asinaria collo alligata mergi in pelagus, quam illora conscientia de manu Domini buccellam accipere, qui vsque hodie hoc veracissimum, & sacratissimum corpus suum creat, & sanctificat, & benedicit, & pie fumentibus diuidit. In huius præsentia non superuacuz mendicant lachrymæ veniam, nec vnquam patitur contriti cordis holocaustum repulsam. Quoties te in conspectu Domini video suspirantem, Spiritum sanctum non dubito aspirantem; cum intueor flentem, sentio ignoscentem. Tu si templum Spiritus sancti violas, si intra te sacrarium Dei deturbas, & fœdas, si cum calice Christi de calice demoniorum communicas, contumelia est, non religio: iniuria, non deuotio. Idolorum seruitus, & horrenda abominatio velle simul Baal famulari, & Christo. Abi retro cum saccellis tuis, qui lucris inhias, & mercedes sectaris, qui opulentus in Sion quotidie crapularis, qui in lectis eburneis recubas, & in stratis segmentatis lasciuis, qui vestiris mollibus, & in terra suauiter viuentium conuersaris, cuius manus plenæ sunt sanguine, cuius lumbi discincti sunt, & sine balthei discurre ligamine. Non est tibi pars in sermone isto, quia quod Dei est, aufers Deo, & imaginem Dei consecras idolo. Pauperes quidem spiritu ad hoc mysterium eligit, & diligit Spiritus sanctus, & eorum, qui pompaticè, & gloriose sacris se altaribus ingerunt, obsequia detestatur. Ozias licet Rex ob præsumptionem lepra percussus, à sanctuarij ingressu repellitur, & eius oblatio, quasi sordida refutatur. Incensi odor de immundorum manibus reputatus est pro fatore: & iram, non gratiam præsumptio meruit, quia contra fas rem vsurpans illicitam, temerarie in sancta conscendit. Sed & propter malignantium insolentiam altare suum Deus repellit, & sanctificationibus maledicit, odit sabbatha, abominatur solemnia, odoraamenta fœtent, displicent holocausta. In his omnibus laborare se dicit Deus, nec esse voluntatem suam in ministris impuris, indignatione districta testatur. Sed hierarca pius, quem Spiritus sanctus compungit, excitat, inhabitat, & sanctificat, eleuatione manuum crucis mysterium representans, confidenter orat pro sua, & populi ignorantia, recolens pudibundi, & contriti animi confessione, quod aliquando præualente aduersum se peccato fuerit derelictus, iuxta illud quod David plorans ait: Auertisti faciem tuam à me, & factus sum conturbatus. Et Dominus per Isaiam: Ad tempus in modico derelinquam te. Verecundatur fateri, & tamen fatetur iuuentutis delicta. Sed accusatrici conscientie necesse est coram Iudice respondere, nec potest ibi esse vllum diffugium, vbi ipsa testis est, quæ accusat, & nihil ei potest esse occultum, qui iudicat. Sed vbi cum Iudice agit, qui iudicatur, & ipse in partem accusatoris transiens, etiam in sua proscriptione sententiam approbat condemnantis

*Psal. 29.
Isa. 54.*

nantis, experitur clementiam Saluatoris, & lætabundus canit: Domine in voluntate tua præstitisti decori meo virtutem. Et iterum per Isaïam audit: In miserationibus magnis congregabo te. Sed, & in eodem articulo temporis cum iam anima festinet ad exitum, & egrediens ad labia expirantis emerferit, pœnitentiam clementissimi Dei benignitas non aspernatur, nec ferum est quod verum: nec irremissibile, quod voluntarium: & quæcunque necessitas cogat ad pœnitentiam, nec quantitas criminis, nec breuitas temporis, nec horæ extremitas, nec vitæ enormitas, si vera contritio, si pura fuerit voluptatum mutatio, excludit à venia, sed in amplitudine sinus sui mater charitas prodigos suscipit reuertentes, & velit, nolit Nouatus hæreticus, omni tempore Dei gratia recipit pœnitentes. Ipse Dominus noster derelictorum personam gerens in cruce, se queritur derelictum, & ne desperarent etiam in vltimis constituti, festinans in adiutorium illicò adest, & re in arcto posita non differt beneficium, sed repente indulgentiæ celeris documentum eiusdem statuit, & exemplum, Latroni inquit: Hodie mecum eris in Paradiso. Latrocinium damnationem meruerat, & supplicium, sed cor contritum pœnam mutauit in martyrium, & sanguinem in baptismum. In momento impietas religionem, crudelitas induit pietatem, & statim consummatus ciuis sanctorum & domesticus Dei præmissus est in regnum, reconciliationis humanæ priuilegium secum ferens ad superos, quod Deo Patri tantæ legationis fungens honore, in se ipso scripturæ huius experimentum continens, libero, & securo aditu penetrans, præsentauit. Quid tu Domine amplius Stephano contulisti? Quid amplius ille obtinuit dilectus tuus, qui supra pectus tuum in cœna recubuit? quid amplius Pauli meruere sudores? quid labores Sanctorum? quid tot annorum tormenta? quid Martyrum plagæ? Vna hora huic collatum est præmium, ad quod illi per tot discrimina perueniunt.

Sic tu Domine armentarios statim facis prophetas, opiliones Reges, telonarios Apostolos, piscatores Doctores. Neque ab his, quos sanas, lente languor abscedit, sed illico quem restituis, ex integro conualescit, quia consummatum est, quod facis, & perfectum quod largiris. Hanc Dei gratiam recolens, qui de sacro calice bibit, amplius sitit; & ad Deum viuum erigens desiderium, ita singulari fame illo vno appetitu tenetur, vt deinceps fellea peccatorum horreat pocula, & omnis sapor delectamentorum carnalium sit ei quasi rancidum, radensq. palatum acutæ mordacitatis acetum. Ad hæc inter sacra mysteria ad gratiarum actiones conuertitur, & inclinato capite, munditia cordis adepta, se intelligens consummatum, restitutus peccator, sanctificatam Deo animam, quasi depositum custoditum, fideliter reddit, & deinceps cum Paulo gloriatur, & lætatur dicens: Viuo ego; iā non ego, viuit vero in me Christus. Hæc in Christi commemoratione retractantur à fidelibus, & desecatis animis, carnis eius edulium non est horrori, sed honori, potuq. sancti, & sanctificantis sanguinis spiritus delectatur. Hæc quoties agimus, non dentes ad mordendum acuimus, sed fide sincera panem sanctū frangimus, & partimur, dum quod diuinum, & quod humanum est distinguimus, & separamus; itemq. simul separata, iungentes, vnum Deum, & hominem fatemur. Sed & nos ipsi corpus eius effecti, sacramento, & re sacramenti capiti nostro connectimur, & vnimur, singuli alter alterius membra,

bra, ministerium dilectionis pro inuicem exhibentes, communicamus charitate, participamus solitudine, eundem cibum manducantes, & eundem potum bibentes, qui de petra spiritali profuit, & emanat, qui cibus, & potus est Dominus noster Iesus Christus.

Vsus sumendi celestis sacramentum corporis Christi, qua ratione, & quo tempore sit frequentandus. Enarratio ex D. Chrysostomo. Cap. 248.

*Io. Chrysos.
in epist. ad
Hebr. c. 10.
v. 17.*

DE sacrificio Sacrosancto, volo pauca ad vos initiatos dicere; pauca quidem mensura, magnam autem habentia virtutem, & vtilitatem. Non enim nostra sunt, sed diuini spiritus, quæ dicuntur. Quæ ergo sunt? Plurimi ex hoc sacrificio semel accipiunt in toto anno, alij sæpius. Ad omnes ergo nobis sermo est, non ad eos, qui hic sunt tantum, sed etiam ad eos, qui in eremo sedent. Illi enim semel in anno participant, fortassis etiam & post duos annos. Quid ergo est? Quos magis acceptabimus? Eosne qui semel, an eos, qui sæpius? neque qui raro, sed eos, qui cum munda conscientia, qui cum mundo corde, cum vita irreprehensibili, isti semper accedant. Qui vero tales non sunt, neque semel. Quid ita? Quia iudicium sibi accipiunt, & damnationem, & supplicium. Et non mireris. Sicut enim cibus naturaliter nutritorius existens, si in eum, qui prauis cibis corruptus est, incidat, omnia perdit, & corrumpit, & efficitur occasio morbi: sic etiam ista, quæ ad hæc terribilia pertinet sacramenta. Frueris mensa spiritali, mensa regali, & iterum polluis cæno os tuum? perungis vnguento pretioso, & iterum foetoribus illud imples? Dic mihi, rogo, cum demum annuo reuoluto tempore communices, quadraginta dies putas tibi sufficere ad mundationem peccatorum totius temporis? & iterum septimana transeunte tradis te ipsum sordibus primis? Dic enim mihi, si saluus factus quadraginta diebus ab ægritudine longa, iterum te illis morbificatoribus cibis tradas, nonne & primum laborem perdes? si enim naturalia sic mutantur, quanto amplius voluntaria? Vtputa naturaliter videmus, & sanos habemus oculos secundum naturam: sed aliquando ex mala quadam affectione læditur noster obtutus. Si igitur naturalia mutantur, quanto amplius, quæ ad voluntatem pertinent? Quadraginta dies tantum tribuis salutis animæ tuæ, arbitror autem, quia neque quadraginta dies, & speras propitiari Deum? Iocarisne, dic quæso? Hæc dicens non ab vna in anno perceptione vos veto, sed volo semper vos accedere: sanctis hæc concessa sunt. Hoc etiam Diaconus insonat in illa hora sanctos vocans, & per hanc vocem veluti maculas inspiciens. Sicut enim in grege, vbi multæ quidem saluæ sunt pecudes, multæ autem scabie plenæ sunt, necesse est, vt hæc prohibeantur à sanis: sic etiam in Ecclesia, quoniam aliæ quidem sunt saluæ pecudes, aliæ autem vitiatæ, per hanc vocem prohibentur hæc ab illis, penetrans vbiq. per vocem illam tremendam sacerdos sanctos vocans, & attrahens. Quia enim impossibile est hominem scire interiora proximi, quis enim scit hominum, inquit, quæ sunt hominis, nisi spiritus hominis, qui in ipso est? hanc emittit vocem, postquam sacrificium perficitur, vt nullus simpliciter, & quomodo libet ad fontem spiritualem veniat. Etenim in grege (nihil prohibet

hibet eodem iterum exemplo uti) morbidas quidem intro recludimus , & in tenebris habemus , & altera nutrimenta tribuimus, neque ex aëre mundo , neque ex pascuis puris , neque ex fonte , qui foris est , eas permittimus sumere . Et hic igitur ipsa nox pro vinculis quibusdam est . Non potes dicere : Nesciebam, ignorabam, quia periculum sequitur hanc causam . Maxime autem , & Paulus testificatus est hanc causam . Sed dicis , non legi : non est hæc excusatio , sed crimen . Per singulos dies intras Ecclesiam , & adhuc istud ignoras ? Veruntamen , ut neque hanc tibi excusationem inuenias , propterea in altiori loco stans magna voce , & trementi conclamat , veluti quidam præco , manus sustollens in altum , altius etiam ipse stans omnibus manifestus efficitur , & manu illa tremenda , & continua voce reclamans , alios quidem vocat , alios autem prohibet , non manu hoc faciens , sed lingua clarius , quam si manu hoc faceret, Vox enim illa in auditum irruens nostrum , veluti manus alios quidem expellit , & excludit , alios autem introducit , & repræsentat . Dic enim , rogo , in Olympiacis certaminibus , nonne stabat præco , & magnum , atque altum clamans , & dicens : Si quis hunc accusat , ne forte seruus est , ne forte fur , ne forte malignorum morum , quamuis certamina illa non sint animæ , neque morum , sed fortitudinis corporalis , Si itaque ubi corporum versatur studium , multa inquisitio efficitur voluntatis : quanto magis hic , ubi totum certamen gerit anima ? Stat igitur nunc etiam præco noster, non caput vniuscuiusque continens , & producens , sed omnia simul capita interiora continens , & non eis constituit alios accusatores , sed ipsos sibi . Non enim dicit : Si quis forte hunc accusat . Sed quid ? Si quis se ipsum accusat : quando enim dicit sancta sanctis , hoc dicit : Si quis non est Sanctus , non accedat . Non simpliciter dicit , à peccatis mundus , sed sanctus . Sanctum enim non mundatio peccati tantum facit , sed etiam præsentia spiritus , & bonorum opulentia . Non enim , inquit , volo à cæno vos mundos esse , sed etiam albos esse , & pulchros . Si enim Rex Babylonius ex captiuitate eligens iuvenes , honestos forma , & decoros facie elegit : multo amplius , & nos adstantes mensæ regali honestos specie animæ esse oportet , ornatum habentes aureum , stolam mundam , calceamenta regalia , vultum animæ formosum ; oportet eam ornatu aureo circumdatam esse , cingulum veritatis habere . Talis accedat , & calicem tangat regalem . Si autem qui pannis est sordidis oblitus , & illuvie plenus , & ingredi mensam regalem voluerit , attende quanta patietur , non sufficientibus quadraginta diebus mundare illum ab his , quæ in toto tempore deliquit . Si enim gehenna non sufficit , quamuis æterna est (propterea enim æterna est) quanto minus breue istud tempus ? Neque enim poenitentiam validam demonstrauiimus , sed debilem . Eunuchos maximo oportet adstare regi : eunuchos dico albos mente , nullam habentes sordem , neque maculam , excelsos intelligentia , oculum animæ mansuetum habentes , & acutum videntes , circumspectum , & agilem , sed non somnolentum , neque supinum , honestate multa plenum , longe ab impudentia , & à supinitate vigilem , sanum , neque tristem valde , & à mærore deiectum , neque diffusum , & humidum . Hunc nos oculum efficere possumus , & ad videndum acutum facere , & pulchrum , quando eum non ad fumum adducimus , neque ad pulverem . Tales quippe sunt cunctæ res humanæ . Sed

ad

ad auram tenuem, ad leuem aërem, & conspicuum, & excelsum, & silentio multo plenum, & munditia, & multa delectatione recreamus illum velociter, & confortamus ex delitijs tantæ contemplationis. Vides opulentias, & diuitias multas, non adducas illuc oculum tuum: cænum est hæc res, fumus est, vapor malignus, tenebræ, & angustia multæ, & curarum præfractio. Vides hominem colore iustitiæ sufficientem in suis rebus, & multam habentem latitudinem, & remissionem nihil curantem, nullas sollicitudines huius vitæ habentem: huc oculum tuum dirige, huc extolle, multo meliorem illum facies, & clariorem: non terræ floribus ei delitias facies, sed virtutis, hoc est, temperantia, mansuetudine, & ceteris omnibus. Nihil enim sic perturbat oculum, sicut conscientia mala: Turbatus est, inquit, in ira oculus meus, nihil sic tenebrosum facit. Ex ista eum libera offensione, & facies eum vehementem & fortem, qui semper nutriatur rebus bonis. Contingat autem omnes nos, & istum eundem oculum, & alias animæ nostræ operationes tales præparare, & habere, quales vult Christus, ut imposito nobis capite nostro digni efficiamur, & ambulemus quo voluerit, qui dixit: Volo, ut ubi ego sum, & isti sint mecum, ut gloriam meam videant, qua cunctos nos contingat perfui. In Christo Iesu Domino nostro, cum quo Patri, vnâ cum sancto Spiritu, gloria, imperium, honor, nunc, & semper, & in secula seculorum. Amen.

De intentione Auctoris in rebus recitandis. Cap. 249.

Non possunt omnia, quæ scribenda se offerunt, certo aliquo ordine scribi, & assignatis temporibus, quibus acta sunt, digeri, sed necesse est propter rerum scribendarum varietatem, multa intermiscere, & postea, quæ prius dicenda fuissent recensere; rursus repetere aliqua, de quibus prius actum fuit. Neque placuit in hoc nimis sollicitos esse, ut omnia, nimia diligentia, suis coaptarentur locis, quia dum vnus ordo in scribendo seruatur, alterum confundi necesse est. Neque oportet, ut omnia ad illam materiam pertinentia coaceruatim recenseantur vno in loco. Inutile tamen visum est, illa huc, & illuc spargere, & diuersis in locis recitare, etiam leui nacta occasione recitandi illa, in hoc solum incumbentes, ut semper vtilia, non semper ordinata diceremus. Quæ quidem si quis ordinata, & in vnum congesta velit, tabulam consulat, ubi quæcumque ad illud argumentum facere possunt, congesta reperiet.

Sed transeamus ad recensenda gesta, quæ post Christi gloriosam in cælum Ascensionem, acta sunt, à S. Luca Euangelista irrefragabili veritate conscripta, intermiscentes multa similia, quæ alijs temporibus contigerunt, ut supra etiam factum est.

De diuino consilio & voluntate Iesu Christi gloriosi perducendi homines ad Cælorum glorias, quo ipse ascenderat. Cap. 250.

Cum igitur gloriosus Dominus super cælestes illas sedes, & sublimia tabernacula ascendisset, & morte, & resurrectione, & ascensione aperuisset

ruisset cælos, ut homines ad inaccessibilem lucem haberent accessum, & Regnum æternitate commensuratum, & diuitijs, & thesauris & omnium rerum opulentia locupletatum, in summa beatitudine possidere possent, statimq. voluit, secundum diuinum consilium suum, & promissiones factas incipere illuc perducere homines, quibus tanto labore immensum illud bonum parauerat. Quapropter decreuit in terras mittere spiritum suum, ut in corda hominum scælici illapsu ingrediens deificaret homines & faceret filios Dei, & tandem deduceret, & adduceret in excelsos gloriosos montes ad æternas hæreditates adeundas, & ad diuina patrimonia capeffenda. Diuinum certe munus, & omni acceptione dignum, quo nihil hominibus potest contingere beatius. Interim autem dum in mundo degerent illo spiritu afflati, possent arduas virtutum operationes agere, & laudabilis facinora, & generosas actiones, ut in corruptione vniuersali Mundi huius, & in seculo hoc omnibus turpitudinibus contaminato appareret splendidum & genus hominum, & regnis cælestibus dignum, & bona opera sectans, & cælestis quædam & bene ordinata Respublica, populus sanctus, & inter ceteros hominum electus, & ut esset sicut aurum inter ignobilia metalla, sicut margaritæ, & lapilli pretiosi inter duras lapidum macerias, & Reges inter seruos, & filium lucis inter filios tenebrarum, & inter præuicarios, iustorum congregatio, & Ecclesia sancta, & catholica nutrix filiorum Dei, quæ pro Deo suo, pro virtutibus, pro regnis fidei lorica munita, pugnaret strenue contra insidiantes & truculentos hostes, dimicaret fortiter contra vitia, noxiaq. peccata, & vinceret gloriose. Diuina prorsus adinuentio, ut homines in splendoribus bonorum operum, ad sempiternos honores prouheret.

Mirabilis summi Dei descensus in homines per Spiritum sanctum, per signum resonantis auræ, & cælestis, & coruscantis ignis apparitionem: propter quod homines diuini spiritus participes effecti, & ad consortium diuinæ naturæ eleuati, ad inauditam dignitatem filiorum Dei translati sunt; & demum miræ quæ sunt operati. Cap. 251.

Deus maximus, vniuersorum creator, & mirabilium operum effector, nihil admirabilius condidit, quàm hominem: ipsum enim ex humili origine, ex lutea materia in sublime erexit, communicauit ferè illi formam suam, impressit in illo imaginem, qua nihil pulchrius, & tanta sibi similitudine effinxit, ut homo paruus Deus dici posset. Reseruaueratq. ei, ut post vitam laudabiliter actam, illum super cælos collocaret, vbi plenius & diuinius, naturæ ipsius diuinæ consortium, & similitudinem sortiretur.

Sed homo, qui virtutibus apud Deum proficere debebat, lapsus in peccatum (miserabile dictum) ex cælo in cænum deuolutus est: cecidit stella, quæ lucebat; cecidit astrum matutinum, coruscans: & similis Deo, & Angelis, iumentis & brutis similis factus est, & cæpit brutescere, qui ad diuina vocatus fuerat.

Recessit Deus ab illo, creaturæ rebeli insensus, & dimisit eum in manu

con.

consilij sui, Deiq. spiritus non potuit diutius manere cum eo, quia caro peccato subdita, factus erat. Fugit Deus ex tabernaculo suo, migrauit sol ex orbe paruo, & tenebræ factæ sunt super faciem abyssi cordis eius, & diuina lux exacerbata, redijt deserto homine ad seipsam.

Cumq. homo inter vermes reperet, in luto enatans, morti traditus, respexit ab excelso cælo, viditq. lachrymabile spectaculum, hominem scilicet, quem fecerat inexterminabilem, & vita exterminatum, mortalitati obnoxium, mortisq. mancipium factum, & ad nihilum penè deductum, victusq. pietate sua, & memor misericordiarum suarum, cogitauit illum erigere, & in prima sua voluntate & consilio perseverans, rursus pertrahere illum ad habitacula summa cælorum, vnde lapsus erat: rursusq. accessit ad hominem per carnem filij sui, quam susceperat, & ea quasi vestimento se cooperuerat, in ventre matris suæ, & mirabili modo, mirabilis Deus habitauit in nobis, viamq. ad vitam immortalem inuenit: docuitquæ, qua ratione posset vnusquisque diuinescere, & fieri Deus, vt prius erat, futurus, diuinam similitudinem participans.

Magnis mysterijs, cælestibus arcanis, & admirandis sacramentis res acta est per Iesum Christum Deum, Deiq. & hominis filium. Cumq. compleuisset dispensationem suam, & hominem, quem ex sepulchris extraxerat, inuita morte, stupente natura, ad sidereas sedes sustulisset, in plenitudine temporis ad ceteros homines mortales, quos diligebat, accedere voluit, & coniungi illis, implereq. illos diuinitate sua, & ponere in corda eorum spiritum suum viuificantem, in quo vita erat, & vita erat æterna, & diffundere in corda eorum diuinissimam charitatem, diuinissimum lumen, quo afflati, & deificati, ad amissos naturæ diuinæ honores, reuerterentur, vt orbis admirans dicere verissime posset: Vos Dij estis, & filij excelsi omnes. Inæstimabilis prorsus gratia: grande beneficium, regium munus.

Non ita ferrum adueniente igne ignitur, & rutilat, & calorem, & lumen emittit factus ignis, non ita speculum solis lumine tactum, nouo splendescit lumine: Non ita corpus adueniente anima, impletur virtute, recipit robur, suscipit vitam, percipit sensus animales, & mouet sese, & cognoscit, & videt colores, & palpat, & gustat sapes, & audit sonos, & olfacit odores, & pulchritudine, & decore exornatur; sicut adueniente Deo, perficitur homo, adimpletur virtutibus ex alto, & diuinis micat luminibus, & sapit, quæ sursum sunt, cognoscit, quæ vera sunt, disponit, quæ recta sunt, & superuolat ad inaccessibleia, & conspicit inuisibilia, & intelligit sacramenta, & surgit in sancta, & conuersatur in cælis, & sedet in cælestibus, & ignita diuinitus, tota deificis ardoribus florens, & diuersam vitam inchoans in terris, ad eam, quæ sempiterna est, diuino spiritu eleuatur.

Hæc autem res inter omnes maxima, à principio signis, & portentis patefacta est, cum primi illi homines Christum amantes, vere beati, vere felices, diuinum illum spiritum recipere meruerunt, vt illi primitias diuinissimi illius spiritus haberent, quem alijs spirante eo, qui vbi vult spirat, erant per succedentia secula recepturi. Testantibus autem sacris historijs, hoc modo contigit.

Dum igitur cõplerentur dies Penthecostes, essentq. oēs discipuli pariter in eodẽ loco factus ẽ repẽte de cælo sonus, tanq̃ aduenientis spiritus vehementis
& re-

& repleuit totam domum, vbi erant sedentes, & apparuerunt illis dispersitæ linguæ, tamquam ignis, seditq. supra singulos eorum, & repleti sunt omnes Spiritu sancto, & cœperunt loqui varijs linguis, prout Spiritus sanctus dabat eloqui illis.

Igitur eo tempore in aduentu inaccessibilis, & incomprehensibilis luminis apparuerunt prodigia hæc, cœlestia spectacula, hæc miracula excellentissima, viderant nati ex mulieribus Deum aduenientem sub specie insignis; videbant aërem totum cœlestis, & insoliti ignis lumine perfusum: splendidus micabat lumen, ignis in conspectu ipsorum exardescerebat lucidissimus, non vrebatur, sed ad amorē promouebatur. O fœlix flamma, vnde corda amabant, seseq. ad cælū eleuabant, & non accendebatur ad poenā, sed illuminabatur ad gloriā.

Erat ignis purus, celer, penetrabilis, coruscus, subtilis, per aëra volitans, & pectora penetrans: erat nitidus, in colore, feruidus in calore. Erat roseus, acutus, festinus, radians, vagus, & candens, rubensque: Nullo vnquam tempore sol tam splendide fulsit, dies tam clarus illuxit, sicut igne illo coruscante, felix illud habitaculum, cælo non inferius, resplenduit. Sicut autem cum sol resulget in clypeos aureos, & resplendet aër ab eis, sic fulgente diuino igne illo super beatos discipulos, corda eorum amore flagrauerunt. Erat micans, erat rutilus, & erat rapidus, & super beata capita pendulus intus fouebatur, foris resplendebat: extra ostendebat lucis affluentiam, intus infundebat cordis sapientiam. Docuit spiritus ille igneus vno die, paruo momento, omnia, simulq. diuinarum, humanarumq. rerum notitiam contulit. Nihil est, quod ars longa suggerit, & studium pertinax, si compares cum eo, quod discitur, spirante spiritu veritatis in oculi ictu. Velox est sermo sapientiæ, & subito discitur, quod docetur, vbi Deus magister est.

Imbres charismatum, flumina benedictionum, breui spatio deserta corda aridas mortalium terras rigauerunt; Renouata est statim facies terræ. Factum est verbum Domini lucidum, & eloquium euasit ignitum, cui ad creandum intellectum, consumendumq. peccatum, & efficacia illuminandi, & vis esset vrendi.

Flante vento, aromata efflauerunt odores suos, & impleta est domus mundi, odore vnguenti. Interim aura illa diuina è cælo descendens, insonuerat diuinitus: auditus fuerat sonus aduenientis spiritus, perceperant aures inauditum eloquium, hauserunt voces dulciloquas, blandum susurrum, rumorem acceptabilem, hymnos cœlestes, carmina diuina. Flante vento facta est tranquillitas magna in cordibus, cessauit tempestas cogitationum, curarum gurgites quieuerunt. Beato illo illapsu Spiritus Domini repleuit Orbem terrarum, facta est terra paradisi cæli æmula. Apparuit inuisibilis Deus, sub visibili forma mirabiliter, omnem stuporem superauit, cum apparuit Spiritus sancti maiestas. Visus est ignis, auditus est sonus, & Deus innotuit. Non quæ corporeis visa sunt oculis, ignis scilicet micans, aut quæ auribus audita sunt, sonus scilicet, qui vento flante percipiebatur, diuina erat substantia: sed diuinæ natura inuisibilis, & Patri Filioq. communis, qualitatem muneris, atque operis sui, quæ voluit significatione monstrauit, proprietatem vero essentia suæ in sua Deitate continuit. Quia sicut nec Patrem, nec Filium, ita nec Spiritum sanctum humanus potest visus attingere. In Trinitate enim di-

Leo ser. 2.
de Pentec.

A a uina

uina nihil dissimile, nihil impar est, & omnia, quæ possunt de illa substantia cogitari, nec virtute, nec gloria, nec æternitate discreta sunt.

Cum igitur ad intelligendam Spiritus sancti dignitatem, aciem mentis intendimus, nihil diuersum ab excellentia Patris, & Filij cogitandum est, quia in nullo ab unitate sua discrepat diuinitatis essentia. Sempiternum est Patri, cõsempiterni Filij sui esse genitorem. Sempiternum in Filio, intemporaliter à Patre esse progenitum. Sempiternum quoque est Spiritui sancto, spiritum esse Patris & Filij, ut nunquam Pater sine Filio, nunquam Filius sine Patre, nunquã Pater & Filius fuerint sine Spiritu sancto. Ob hoc autem quædam, siue sub Patris, siue sub Filij, siue sub Spiritu sancti appellatione promuntur, ut cõfessio credentium in Trinitate non erret. Quæ cum sit inseparabilis, nunquam intelligeretur esse Trinitas, si semper inseparabiliter diceretur. & per proprietatem vocis, aut operis insinuetur nobis veritas Trinitatis, & non diuidat intellectus, quos distinguit auditus.

Accipiente mundo Spiritum sanctum, facta est nobis hominibus donatio Trinitatis, summi scilicet Dei. Altissimum, sublimissimum, pretiosissimum, & regium munus, ditans homines, faciens eos Principes, & Reges, ut per huius doni acceptionem, nullum esset bonum, quod non haberent. Magna Dei, & inexplicabilis beneficentia, ut non satis fuerit ipsi, elargiri sua sed voluerit donare seipsum, hoc est, hominem in possessione summi boni constituere. Igitur homines ad beatam carnis, & animæ æternitatem per regenerationem sancti Spiritus adoptati, sacratissimo isto munere casta læticia lætiætur. Christus enim ascendens in altum captiuam duxit captiuitatem, dedit dona hominibus. Dona admiranda, munera prædicanda, quæ cum quis scelicitissimæ, forte acceperit, fit Deus, Dei filius, diuinæ naturæ sublimissimam participationem percipiens, & consortium sumens.

Exultemus in honorem Spiritus sancti, per quem omnis Ecclesia catholica sanctificatur, omnis anima rationalis imbuitur, qui inspirator fidei, Doctor sciētix, fons dilectionis, signaculum castitatis, & totius est causa virtutis. Qui facit, ut homo natus ex muliere, & ex voluntate carnis, nascatur ex Deo, & fiat filius Dei, quo quid potest homini contingere honorificentius? Cũ primum enim spiritus ille diuinus resedit in cordibus nostris, statim quis agitur illo spiritu, & fit filius Dei, qui diuinitus dirigitur, & illuminatur, mouetur, & inclinatur ex instinctu spiritus illius, & operatur in nobis, & velle & perficere, quæ gloriosa sunt. Sicut enim filij, qui sunt secundum sanguinẽ, per carnale semen à patre procedens, generantur, sic per Spiritum sanctum, quasi per spirituale semen, aliqui homines in filios Dei generantur: tũc omnis, qui hoc modo natus est ex Deo, peccatum non facit, quia semen Dei manet in illo. Animalis autem homo ex semine carnis natus hanc diuinam generationẽ non percipit. Non recipit stultus verba sapientiæ, nisi ei dixeris, quæ versantur in corde eius. In via enim stultus ambulans, cũ ipse sit insipiens, omnes stultos æstimat & de Deo, iuxta corporum phantasiam, vel legis litteram, vel rationẽ philosophicam iudicat, & afficitur circa ea quæ sensus carnis appetit, ducens animalem vitam. Hi sunt qui segregant semetipsos, animales, spiritum non habentes. Qui enim in sensu carnis est, ea, quæ sunt supra sensum, intelligere nullo pacto potest. Non enim putat aliud bonum reperiri, nisi, quod est delectabile secundum carnem. Inferior non iudicat superiorem, sic humana ratio

1. Io. 3.

Prøu. 18.

tio nō potest iudicare ea, quæ sunt spiritus Dei. Cursus carnis tendit ad corruptionem: & qui seminat in carne, de carne metet corruptionem: sed, qui seminat in spiritu, de spiritu metet vitam æternam. Carnalis homo mundo plenus est, superbit de honoribus, iactat diuitiarum opulentiam, sed transibunt illa omnia, sicut umbra. Sed qui Spiritum sanctum possidet, Deo plenus est, manentq. in illo gratiæ admirandæ, charismata cælestia, virtutes sublimes, & dona prorsus diuina: est velut vas auri solidum, ornatum omni lapide pretioso, plenum odoramentis, balsamo, & vnguentis optimis, ille est vas contumeliæ plenum cæno, vermibus, & putredine. Hic est lux in Domino, & ambulat vt filius lucis, ille est tenebra, & ambulat in tenebris, & cadit, & nescit lapsū suum. Potest tamen transire ad dignitatem filiorum Dei, si dederit in corde locum spiritui, sicut ferrum frigidum igniri potest. Manet natura hominis, nec destruitur, sed superadditur aliud esse, aliaq. vita diuina à Spiritu sancto producta. Sicut enim homo viuit vita vegetatiua, & sensitiua, & rationali, & vna alteram non destruit, nec vna vita perit eo, quod alia simul sit, sed potius perficitur, vegetatiua à sensitiua, sensitiua à rationali. Sic natura nostra humana, & rationalis recipiens per Spiritum sanctum aliam vitam, scilicet diuinam, & supernaturalem, non tamen perit per aduentum sublimioris vitæ, sed perficitur, & mutatur in melius, sicut si plumbum solis calore mutaretur in aurum.

Ita igitur optimus Deus, optimus, & omnipotens illud per tot sacramenta, per tot mysteria, per verbū suum, per ipsam Verbi incarnationem, mortē, & resurrectionem, & ascensionem in cælis, illud voluit, in hoc ipsum tantum intendit, & curauit, vt homo mortalis Spiritum sanctum susciperet, & inaudito, miroq. modo regeneratus, Dei filius, & cælorum ciuis efficeretur.

*Cyrl. lib. 2
c. 24.*

Magna hominis dignitas, qui Deum habet in se manentem, & amantem: ineffabiles ipsius diuitiæ & delitiæ, qui summum bonum foelicissima possessione adeptus est. Adest quidem Deus omnibus creaturis suis, vt qui vbique est, cælum implet, & terram, & in ipso mouemur, & sumus: sed aliud est habere Deum præsentem, aliud possidere diligentem. essentia enim diuina & natura illa immortalis & omnipotens, non longe abest ab vnoquoque nostrum, & latet sub rebus à se conditis, & nulla creatura tam vilis est, & humilis, in qua Deus non sit, cum veritate naturæ suæ diuinæ, & reali præsentia Diuinitatis suæ: ita vt etiam in peccatoribus esse non dedignetur, conseruans naturæ bonum, quod præstitit, ne in nihilum decidat. Sed dicitur venire ad nos, & ingredi in corda nostra, quasi absens sit, quando in cordibus nostris operatur mira, & diuina, expellens peccatorum fædas commaculationes, purgans contaminata pectora, lauans quod est sordidum, rigans quod est aridum, sanans quod est saucium. Diciturq. mitti ad nos Dei spiritus, quasi prius non fuerit, cum incipit esse ibi, vbi erat, non vt iudex supplicia minitans, sed vt pater charismatum patrimonia largiens, opes effundens, benedictiones communicans, virtutes donans, afferens munera sapientiæ, scientiæ, & intellectus, & consilij, cum confert animæ incredibilem fortitudinem, pietatem, & diuinum timorem, cum vñctione sancta vngit hominem, & Regem facit eum, ponens coronam super caput eius, & oleo lætitiæ perfundens præ ceteris hominibus gaudium, sensum humanum superans, & pacem ineffabilem, & charitatem Deum amantem elargitur. Cum accendit lumen

AA 2 sen.

sibus obsecratis, cum infundit amorem cordibus obduratis, cum infirma corporis nostri, perpeti virtute confirmat. Cum impleta viscera gaudent afflata sancto Spiritu, cum linguæ ignitæ fantur Dei magnalia, & cælestes eructant laudationes.

Cum agit hominem, & eleuat ad sublimia, & ad ardua virtutum excitat, & facit pati diuina, operari magna, & perficere heroica. Non enim de loco ad locum mouetur immutabilis, & immobilis, neque de cælo Deus descendens venit in cor nostrum, sed cum ipse, qui potens est, operatur in homine opera mira, dicitur descendisse ad hominem. Sicut enim homo pauper, cum tenet in domo sua ingentem thesaurum in arca inclusum ferro circumdata, & clauibus obserata, & clauis sunt apud Regem, qui ibi thesaurum suum deposuit, non dicitur habere thesaurum, quia non est Dominus eius, & arcam aperire non potest, & uti illo, ut libet, sed tunc vere dicitur habere thesaurum illum, cum Rex mitteret illi clauis, ut arcam aperiret, & constitueret illum possessorem, & dominum illius thesauri, & daret plenam facultatem, ut eo & uti, & frui posset: Ita homo peccator, qui non est diues in Deo, sed pauper in extrema positus necessitate, habet quidem Deum in se, & vere Deus in illo est, sicut in omnibus rebus conditis inest, sed Deus manet in ipso obseratus, & clausus, & incommunicabilis, neque Deus illi gratias suas, & benedictiones cælestes communicat; est ibi absconditus, sicut thesaurus, qui est absconditus in agro, quæ Dominus ignorat, & frui illo non potest, & habere de illo gaudium non valet, quia non est Deus eius, & non potest dicere: Portio mea Dominus, & pars mea Deus in æternum.

Sed cum Deus, vult operari secundum misericordias suas, & ostendere diuitias bonitatis suæ, sciens apud ipsum solū esse glorias, & opes, & apud hominem mendicitatem, & rerum omnium penuriam, volens ipse, qui magnificus est, & præstabilis super paupertatē, erigere pauperem, & suscitare de terra inopem, ut collocet eum in gloriæ statu, cum principibus gloriosis, & hominem deformatum peccatorum turpitudine, & in sterquilino culparū provolutum, & sordibus infectum, ad nihilum penè redactum, in diuinam quandam pulchritudinem reformare, & ad nitore gratiæ reducere, & facere illū lucis filiū, & virtutum splendore reddere cōspicuum, discitis tenebris, & immortalitatem elargiri, fugata morte, manens in medio cordis ignotus, & sub caligine, quasi sol sub nube, incipit ibi, ubi est, producere quosdam effectus, mouendo cor, inducendo illud ad lamenta pœnitentiæ, ostendens illi regnum Dei, & vias rectas, & dignitatem diuinarū rerum, & ignis amore calefaciens, & fouens, & incipit ibi ordinare charitatem, & diffundere illam per totā animam, creando in illa nitorem quendam, & lucem prorsus diuinam, & gratiā inexplicabilem cum comitatu honorifico omnium virtutum. Dum enim Deus suo afflatu & inspiratione influit in animam virtutem illam, cælestesq. benedictiones, tunc nescio quomodo homo mutatus, sentit se inclinari ad humilitatem, ad castitatem, ad actus patientiæ, & fortitudinis, ad pietatē animi, ad cogitandum diuina, ad loquendum Dei magnalia, ad diligendos homines vniuersos. Et sicut arbor post autumnū tempora absque folijs, absque floribus, destituta fructibus, & penè sicca, tempore veris cum redit virtus ex radijs ignitis folijs incipit virescere, germinare ramos, emittere virides frondes, & flores

& flores diuersi colores, & odoriferos, & quod vltimum est producere fructus delectantes, & enutrire illos vsque ad maturitatem, vt quisque illis frui possit: ita anima cuius facies decolorata est, cuius vires obriguerunt, & boni spiritus euauerunt, & à qua recessit latitia bonæ voluntatis, & squalens, & mærens facta est, & sibimet ipsi derelicta patitur deliquium spirituum suorum, & cum mundi sibilum audit, consternatur, si redit ignis ille sole micantior, & ingreditur penetralia eius, omnia intus lucescunt, omnia virescunt, & surgit intus nobile germen diuinæ charitatis, extenduntur rami serenissimæ spei, & apparet fides, niue candidior, numerosaq. bonorum operum cohors, astris lucidior.

Homo enim qui peccauit, & Dominum suum dereliquit, & abalienatus est retrorsum, sequens spiritum carnis, & obediens concupiscentiis eius, incipit habere caput languidum, & cor mærens, & recedit ab eo sanitas, & incipit habere vulnera, & liuores, & tumentes plagas, & fit tanquam terra deserta, & quercus defluentibus folijs, & ciuitas succensa igne, & desolata in vastitate hostili, & derelicta, sicut vmbraculam in vinea, & sicut tugurium in cucumerario, & fit meretrix, mulier fidelis: Argentum vertitur in scoriā, vinum optimum acescit, & hortus irriguus fit inaquosus, & luna patitur eclypsim, & sol tenebrescit, quasi opertus sacco, & vastante peccato fit homo grauis corde, & querit mendacium, claudicat, & fit semen nequam, & filius sceleratus.

Sed cum Deus, qui recessit à peccatore, non quia distet localiter, sed quia desinit illi largiri benedictiones spiritus sui, vult rursus hominem restituere in pristinum honorem, intus lucescens incipit facere auroram, & excutere tenebras mentis, & ablueri sordes, & lauare, & mundum facere, & auferre malum cogitationum, & facit quiescere cor, quasi mare feruens, & docet bene facere, & querere quæ iusta sunt, & dare eleemosynas, & subuenire oppresso, & iudicare pupillo, & defendere viduam, & iustitia habitat in ea, & anima cruenta, & infecta sicut coccinum, quasi nix dealbatur, & fit velut lana candida, & fit sicut arbor plantata iuxta decursum aquarum, & emittat folia, & folium non defluit, & fructum præbet in tempore suo, & læta-
tur deserta, & inuia, & floret quasi lilium: germinans, germinat, & exultat lætabunda, & laudans. & anima fit sicut Vrbs fortitudinis, Deus enim tunc fit fortitudo pauperi, fortitudo egeno in tribulatione sua, spes à turbine, vmbraculum ab æstu, & ponit in ea murū, & antemurale, & robur panis, & abundantiam pacis, & sedem sapientiæ, & facit ibi conuiuium pinguiū, pinguium medullatorum, vindemiam defecatam, & omnia opera nostra operatur in nobis. Et quasi ex somno expergiscitur ibi anima, & inuenit in se ipsa thesauros, quos non congregauit, opes, quas non acquisiuit. Deus enim qui latebat in anima subdita peccatis, & nihil ei præstabat præter vitam naturalem (sicut vnguentum optimum, & pretiosum absconditum in vase, fracto operculo, emittit odorem suauissimum totam domum replentem) secreta operatione excitat in ea vitales spiritus sui motiones, disponitq. in ea ascensiones, & rimans abscondita eius, & penetralia viscerum, & medullarum facit eam sicut paradisum, vnicaq. diuini spiritus illuminatione mille pullulat in anima virtutes, veniuntq. omnia bona pariter cum ea: quicquid ad animæ ornatum pertinet, & ad pulchritudinem spectat, & ad decorem, affertur

per spiritum illum : omnia quæ in moribus praua erant , sunt directa , & aspera in vias planas , quia Deus emittit per viscera eius lucem suam , & splendorem luminis sui , & qui recipit eum , ambulat in lumine eius , & sentit felices motus , & sentit se fieri filium lucis , filium Dei , & vitam agere , quæ diuina est , & duratura est in æuum sempiternum , & videt , & affluit , & miratur , & dilatur cor eius , inundatio charismatum operit illum , & induitur vestimentis salutis , & indumento iustitiæ , & coronatur corona sempiterna , fitq. anima sicut sponsa ornata monilibus suis , gaudium , & exultationem obtinens .

Deus igitur in essentia sua solus perfectus , & in se , & à se omnem bonorū sufficientiam , & absolutam possessionem possidens , cui , nec potest ex quacumque retributione sibi aliquid boni adcrefcere , nec ex quacumque communicatione creaturis facta , aliquid sibi subtrahi , vt eius bonitas , & opulencia , & diuitiarum suarum magnitudo manifestetur , & intellectualis creatura in Deum , vt in suum finem , optime ordinetur , & perficiatur in natura sua , & eleuet hominem ad altiore statum , spargit in cor eius Spiritum sanctum suum , & eius afflatu excitatur homo ad opera virtutum , tam earum , quæ intellectum , quam earum , quæ voluntatem ornant , vt supra communem & humanum modum operetur , sicut diuinus homo : in præsentia illius Spiritus diuinescit homo , possidetq. virtutes , non humanas , sed heroicas , fortitudinem scilicet omnia patientem , & sapientiam , & prudentiam , omnia optime disponentem . Ita vt homo secundum eas operans magis diuinus , quàm humanus videatur , & respectu aliorum hominum operantiū , secundum virtutes communiter iniunctas , videantur isti Dij quidam eleuati supra humanum modum viuendi , cognoscendi , prouidendi , consulendi , & Deum agnoscendi , & conuersandi cum hominibus , & sustinendi ardua . Replet enim illum spiritus sapientiæ , & intellectus , spiritus consilij , & fortitudinis , spiritus scientiæ , & pietatis , & replet eum spiritus timoris Domini . Ornat eum fides candida , spes viridis , & charitas purpurea , & mansuetudo , humilitas , castitas , patientia , ceteraq. admirabiles virtutes , quibus splendet anima , sicut anulus adamante & piropo . & secundum huiusmodi superadditas diuinitus perfectiones , quibus homo bene operatur , excellentissimo , & diuino modo , vt paruus Deus inter homines videatur .

Quod in Apostolis visum est , qui , postquam incubuit spiritus Dei super eos , non in sapientiæ humanæ verbis , nec temporali potentia , nec prudentia , & fortitudine humana freti , sed roborati , & illustrati , & ex diuinis donis super communem hominum statum eleuati , mundum , & mundi rectorem vicerunt , & operati sunt mira .

Cum autem à principio spiritum illum præsentem habuissent , exultabant præ magnitudine lætitiæ , videntes in illo lumine , quomodo Deus dederat se illis ad fruendum , vt summum bonum , & confortabantur , vt omnia possent in eo (posse enim vt diuitijs omnipotentis , est quodammodo esse omnipotentem) Loquebantur magnalia Dei cum potestate , & libertate , ita vt stupeant omnes , & admirarentur ad inuicem . Erat enim cor eorum ardens & feruens , & sicut olla aqua plena magno igne præsentem ita feruet , vt se eleuet super ollam , sic præsentem diuino illo igne , corda eorum gaudio exultauerunt , ita vt Petrus princeps Apostolorum , qui prius ad vnius ancillæ vocem

cem

oem consternatus, Christum abnegauerat, tunc inter illam multitudinem virorum Iudæorum stans, eleuaret vocem suam, & loqueretur cum sapientia, & fortitudine, & gratia, ita vt ad illius diuinam prædicationem magnæ Iudæorum turbæ conuerterentur, cum diceret illis Penitentiam igitur agite, & baptizetur vnusquisque vestrū in nomine Iesu Christi in remissionē peccatorum vestrorum, & accipietis donum Spiritus sancti, & saluamini à generatione ista mala & praua. Et faciebant Apostoli omnes multa prodigia & signa in Hierusalem, & metus erat magnus in vniuersis.

Prosequamur ergo enarrationes admirabilium rerum, quas Lucas Euangelista in libro actuum Apostolorum magnifice scripsit, & memoriæ omnium fidelium in Ecclesia commendauit.

Admirabilis aduentus Spiritus sancti per dispersitas linguas igneas super discipulos Christi, obstupescuntibus omnibus, quoniam audiebant illos loquentes magnalia Dei. Et de sermone Petri, quo conuertit tria millia hominum; de prodigijs, quæ fiebant, optimisq. moribus primorum Christianorum.

Cap. 252.

ERant autem in Hierusalem habitantes Iudæi, viri religiosi ex omni natione, quæ sub cælo est. Facta autem hac voce conuenit multitudo, & mente confusa est, quoniam audiebat vnusquisque lingua sua illos loquentes. Stupebant autem omnes, & mirabantur dicentes: Nonne ecce omnes isti, qui loquuntur, Galilæi sunt? & quomodo nos audiuius vnusquisque linguā nostram in qua nati sumus. Parthi, & Medi, & Aelamitæ, & qui habitant Mesopotamiam, Iudæam, & Cappadociam, Pontum, & Asiam, Phrygiam, & Pamphiliam, Aegyptum, & partes Lybiæ, quæ est circa Cyrenen, & aduenæ Romani, Iudæi quoque, & Proselyti, Cretes, & Arabes, audiuius eos loquentes nostris linguis, magnalia Dei.

Stupebant autem omnes, & mirabantur ad inuicem dicentes: quid nam vult hoc esse? Alij autem irridentes dicebant, quia musto pleni sunt isti. Stans autem Petrus cum vndecim, leuauit vocem suam, & locutus est eis: Viri Iudæi, & qui habitatis Hierusalem vniuersi, hoc vobis notum sit, & auribus percipite verba mea; non enim sicut vos aestimatis, hi ebrj sunt. cum sit hora diei tertia. Sed hoc est, quod dictum est per Prophetam Ioel: Et erit in nouissimis diebus (dicit Dominus) effundam de spiritu meo super omnem carnem, & prophetabunt filij vestri, & filia vestra, & iuuenes vestri visiones videbunt, & seniores vestri somnia somniabunt. Et quidem super seruos meos, & super ancillas meas in diebus illis effundam de spiritu meo, & prophetabunt, & dabo prodigia in cælo sursum, & signa in terra deorsum, sanguinem, & ignem, & vaporem fumi. Sol conuertetur in tenebras, & luna in sanguinem antequam veniat dies Domini magnus, & manifestus. Et erit omnis quicumque inuocauerit nomen Domini saluus erit. Viri Itraelitarum, audite verba hæc: Iesum Nazarenum virum approbatum à Deo in nobis, virtutibus, & prodigijs, & signis, quæ fecit Deus per illum in medio vestri, sicut vos scitis: hunc definito consilio, & præscientia Dei traditum per manus

nus iniquorum affigentes interemistis : quem Deus suscitauit solutis doloribus inferni, iuxta quod impossibile erat teneri illum ab eo, Dauid enim dicit in eum : Prouidebam Dominum in conspectu meo semper, quoniam à dextris est mihi ne commouear. Propter hoc lætatum est cor meum, & exultauit lingua mea insuper, & caro mea requiescet in spe : quoniam non derelinques animam meam in inferno, nec dabis sanctum tuum videre corruptionem. Notas mihi fecisti vias vitæ, replebis me iucunditate cum facie tua. Viri fratres, liceat audenter dicere ad vos de Patriarcha Dauid, quoniam defunctus est, & sepultus est apud nos vsque in hodiernum diem, Propheta igitur cum esset, & sciret quia iureiurando iurasset illi Deus de fructu lumbi eius sedere super sedem eius, & prouidens locutus est de resurrectione Christi, quia neque derelictus est in inferno, neque caro eius vidit corruptionem. Hunc Iesum resuscitauit Deus, cuius omnes nos testes sumus. Dextera igitur Dei exaltatus, & promissione Spiritus sancti accepta à Patre, effudit hunc quem vos videtis & auditis. Non enim Dauid ascendit in cælum, dicit autem ipse : dixit Dominus Domino meo : sede à dextris meis, donec ponam inimicos tuos scabellum pedum tuorum. certissime sciat ergo omnis domus Israel, quia & Dominum meum & Christum fecit Deus, hunc Iesum, quem vos crucifixistis. His autem auditis compuncti sunt corde, & dixerunt ad Petrum, & ad reliquos Apostolos : Quid faciemus viri fratres ? Petrus vero ad illos : Pœnitentiam, inquit, agite & baptizetur vnusquisque vestrum in nomine Iesu Christi in remissionem peccatorum vestrorum, & accipietis donum Spiritus sancti. Vobis enim est repromissio, & filijs vestris, & omnibus qui longe sunt, quoscunque aduocauerit Dominus Deus noster. Alijs etiam verbis plurimis testificatus est, & exhortabatur eos dicens : Saluamini à generatione ista praua. Qui ergo receperunt sermonem eius, baptizati sunt, & appositæ sunt in die illa animæ circiter tria millia. Erant autem perseverantes in doctrina Apostolorum, & communicatione fractionis panis, & orationibus. Fiebat autem omni animarum minor : multa quoque prodigia, & signa per Apostolos in Hierusalem fiebant, & metus erat magnus in vniuersis. Omnes etiam, qui credebant, erant pariter, & habebant omnia communia. Possessiones, & substantias vendebant, & diuidebant illa omnibus, prout cuique opus erat. Quotidie quoque perdurantes vnanimiter in templo, & frangentes circa domos panem, sumebant cibum cum exultatione, & simplicitate cordis, collaudantes Deum, & habentes gratiam ad omnem plebem. Dominus autem augebat, qui salui fierent quotidie in idipsum.

De Apostolis mundum spiritu intra paucos annos implentibus.

Cap. 253.

*Io. Gerf. ser.
de Spir. S. A.
quæ habuit
in Concil.
Constantiensi.*

V Incit omnem admirationem hoc, quod ab Apostolis factum est, cum per eos Spiritus sanctus repleuit orbem terrarum, quod super miracula connumerandum videtur : nam ipsi intra paucissimos annos, omnem regionem, quæ sub cælo est, à Solis ortu, vsque ad occasum, & ab Aquilone, & mari, peruagati sunt tam ardentem, quam efficaciter homines paucissimi, & ignobiles, & inopes, replentes mundum Euangelio Dei, quod erat legi-

legibus, & moribus inueteratis summe contrarium, Iudæis scandalum, & Græcis stulticia, sicut Aug. & Chrysost. eleganter exaggerant in confirmationem legis nostræ. Hæc inquam omnia, & similia miracula si ad sola corporalia respicias, videntur esse motui naturali contraria: Si vero naturam comparaueris ad gratiam, iudicabis naturam, ut ancillam, gratiæ sicut Dominiæ ordinabiliter paruissæ. Ordo quippe qualis alter rectior, qualis naturalior est, quam ut replente Spiritu sancto orbem terrarum, fiant omnia noua, nouus rex, noua lex, noua signa, noua miracula?

Hunc beatum spiritum non solum Apostoli, sed & alij innumerabiles non solum illis temporibus, sed subsequentibus seculis, gratia Dei consecuti sunt, quorum nonnullos exempli gratia recensebimus.

Monica D. Augustini mater acta à Spiritu Sancto rapitur, sicut & D. Thomas, atque alij. Cap. 254.

Spiritus Domini dum replet hominem incolam orbis terrarum, non necessitate (sicut dictum est) sed spontanea voluntate attollit ipsum, ut in ærem contemplatiuæ perfectionis ascendat. Ipsam si quidem Spiritus Domini repletionem consequitur libera mentis eleuatio sursum ducens. Instar testæ oui, de qua ferunt quod repleta rore, & obstructa si ad feruidum solem exposita sit, sursum abit. Mystice, ros gratia: Pondus meum (inquit Augustinus) amor meus. Illo feror, quocumque feror. Hoc perfectum amoris pondus (si non potius leuitas dicenda est) emergere facit spiritum à turbida fluctuantium phantasmatum, & exundantium desideriorum carnalium terra caligine, ut superas liber euadat in auras, ut feratur super aquas cogitationum vagantium, & instabilium, somnioque similibus, ut eruat de tenebris, & umbra, ubi prius erat victus in mendicitate, & ferro malæ consuetudinis, & fomitis originalis. Senferat experimento repletionem hanc Spiritus Domini sursum agentem ipsa mater Augustini Sancta Monica. Hæc aliquando in Ecclesia Sancti Cypriani Martyris susceperat sacram communionem, in qua plenitudo gratiæ velut in suo fonte sumitur, tùm protinus corpore à terra leuato, tales erupit in voces: Volemus in cælum, volemus in cælum fideles. A qua dum postmodum quæreretur, quid sibi voluisset hæc insolita clamorosa, & eleuatio? Ipsa ut erat tota columbinæ simplicitatis, pie, benigneque respondit: Et quid vultis? quid quæritis? Corpus meum, & caro mea exultauerunt in Deum viuum. Congruit id, quod sequitur: Altaria tua Domine virtutum, supple contulerunt hanc eleuationem. Tale aliquid de Sancto Thoma referunt, cuius corpus etiam contemplatio leuabat à terra. Sic in beatis poenitentis speculis, Maria Magdalena, & Maria Aegyptiaca factum legimus. Simile aliquid sensit August. qui Deo loquens confitebatur: Introducis me aliquando in affectum quendam inusitatum valde, qui si perficiatur, nescio quid erit, quod ista vita non erit, sed resorbeor. Hactenus Gerson, & ibidem post multa subdit.

Mulier

Mulier deuota ita fuit Spiritu sancto repleta, ut cum non posset vim tanti spiritus ferre in corde suo, expirauerit.

Cap. 255.

Fortis ut mors, dilectio, quia sicut animam mors à corpore, sic animam dilectio separat à mundi vanitate, immo, & quandoq. ab ipso corpore. Legisse memini me de quadam muliere deuota, quæ sermonem super transformatione mentis in Deum per dilectionem die Pentecostes audiens concubebatur primo gemitibus inenarrabilibus, suspirijs, atque singultibus, quæ dum culparetur, & pulsibus clanculis prohiberetur à circumstantibus, ne turbaret audientes, ne hypocrisis ostentaret, tace satua, quiesce misera: Ipsa compresso spiritu velut mustum sine spiraculo, quod lagunculas nouas dirumpit, non valens plenitudinem amplius feruidi spiritus intra se capere, diruptis venis, & neruis expirauit. Beata per meam fidem, sic enim pie credere fas mihi est: Beata martyr amoris effecta, quæ iam canere poterat nedum illud: amore langueo, philocapta sum, amo per amorem. Vulnerata charitate sum, sed & amore mortua; mortua mihi, & amato viuam.

Linguarum admirabile donum nostro etiam seculo à Deo hominibus communicatum fuisse. *Cap. 256.*

*Tho. Boz.
de sig. eccl.
fig. 22.*

E Nimvero ubi oportuit, haud negauit Deus Ecclesiæ suæ huiusmodi donum. Nam cum nostri ad incognitæ gentis homines peruenire in Indijs Orientalibus, & Occidentalibus, mirum quàm cito assequantur vsum linguæ ignotæ, nullo studio, nullo labore. Nam qui potuisset admirandus ille Xauerus undecim annorum spatio tot linguas percipere, tot linguarum populos alloqui, nullo sæpe interprete, nullo adiumento?

Quamquam concessum fuerit aliquando nostris, illud longe mirabilissimum, ut cum loquerentur vna lingua ad innumeros diuersarum linguarum homines in vnum coactos, quorum multi haud percipiebant aliarum vim, nihilominus nostri verba facientes ab omnibus adstantibus intelligerentur; & quilibet ex audientibus cum sono vocis assequeretur etiam sensu verborum. Id ætate maiorum nostrorum contigisse Vincentio Ferrerio Hispano ex ordine Prædicatorum scribunt in eius vita; nostra autem Aloysio Bertrando similiter ordinis ac nationis eiusdem in Occidentalibus Indijs, nec non Martino Valentio in iisdem locis, per quos Deus innumeros ad verum pietatis cultum traduxit, & plurima suæ diuinitatis beneficia populis illis est impertitus.

B. Vincentius agitante Spiritu sancto, mira loquitur, mira operatur. *Cap. 257.*

*Ex vita B.
Vinc. Valē.
per Io. Ant.
Flamin. so-
rocor. scri-
pta.*

Multa inerat linguæ facundia in B. Vincentio Valentino ordinis Prædicatorum, quam à Spiritu sancto pro munere obtinuisse ex eo apparet in primis, quoniam non modo mali Christiani eius oratione moti priorem vitam abominantes ad rectum impellebantur, sed etiam Iudæi, & Gen-

Gentiles plurimi, tantaque verbi illius vis inerat, ut cum in flagitiosos homines in suis concionibus acerrime inueheretur, multi publice ante illius suggestum prostrati sceleribus suis veniam precarentur. Illud quoque hoc indicat, quod in omnibus fere concionibus populo lachrymas excutiebat. Sed tum præcipue vberem fletum, & sibi, & auditoribus excitabat, vel cum de Christi passione sermonem habebat, vel cum de poenis inferni, & extremo iudicii die differebat. Memoria erat tenacissima, & prope diuina. Nihil dicebat vel castigando, vel suadendo, vel confutando, quod diuinæ scripturæ, ac sanctorum Doctorum testimonijs abunde non confirmaret. Omnium vero, quæ legerat, sic memor erat, ut scientiarum, & auctoritatum, eorum omnium, qui in diuinis à condito orbe scripsissent, & exemplorum diuinus thesaurus haberetur. Tanti autem erant, quæ ex eius ore fluebant, ut non deessent, qui cuncta conscriberent, ut etiam posteritati prodesse. Quo quidem factum est, ut illius diuini sermones in multa volumina digesti sint, ex quibus nonnulla etiam in Italiâ peruenere, & per multa loca diffusa sunt. Esse tamen illa, tanquam umbra eorum, quæ ab eo dici solerent, affirmabant ij, qui concionantem illum audierant. Tàm vero acri, tam vehementi erat in Iudæos ingenio, tantus, ac tàm copiosus disputator, sic illis sanctarum scripturarum sensa recludebat, ut in diuersis Hispaniæ urbibus, supra quinque, & viginti millia ex illis ad fidem Christi conuerterit. Gentilium vero, quibus per id tempus abundabat Hispania, ingentem quoque numerum, utpote octo millium. Sed ex Iudæorum cōuersione maior utilitas. Ex ijs enim permulti sunt inuenti, non solum in lege Moysi, verum etiam in liberalibus disciplinis eruditissimi, qui magno vñ Christianis fuere, qui vel ipsi, vel eorum liberi ad Ecclesiasticas etiam dignitates admissi sunt. Non minus efficax in sedandis quoque odijs, atque discordijs fuit; hæc illi præcipua fuit cura. Quare nulla fuit Vrbs, nullus denique locus, vnde prius abscefferit, quàm illas prorsus sedauerit. Moti illius diuina oratione, cum de remittendis iniurijs sermonem haberet, profluebant in medium, quibus eadem suorum passis, & vulnera, tenacissima odia, & diuturnæ inimicitiz infederant, largo fletu clamantes, sese ad ignoscendum paratos. Prodibant acciti aduersarij, atque in conspectu populi mutuis amplexibus, & osculis, flentibus quicunque aderant, ingenti dulcedine tacti iungebantur, ac reconciliabantur. Habebat secum paratum semper notarium publicum, qui rite hæc omnia conscriberet. Meretrices, lenones, pyratæ, latrones, homicidæ, proditores, & id genus homines ad xl. millia à scelerata, & dedecorosa vita retraxit, & ad publicam quoque poenitentiam impulit. Numerus quidem Christianorum, quos illum à turpitudine vitæ, ad rectam viuendi normam retraxisse perhibent, centum, & amplius millium fuisse accepimus, præter Iudæos, atque Gentiles. Nec mirari quidem oportet, cum tot, ac tantis præditus, ac diues esset, dotibus, sanctitate vitæ, ac morum integritate inenarrabili, eloquentia, & splendore sermonis cum suauitate, ac venustate incredibili, crebritate sententiarum, & grauitate eximia, rerum omnium doctrina, & memoria pene incomparabili: quæ vero dicebat, miracula plerunque sequebantur, & mire confirmabant. Taceo alias penè innumerabiles virtutes, quæ ipsæ per se volumen exposcerent. Vox autem illi, quæ maximum dicenti decorem, ac leporem addebat, adeo sonora, & com-

moda

moda fuit, vt non minus apte quandocunque opus erat, illa vteretur, quàm soleat facilem equum peritus fessor. Illud quoque miraculi vice erat, quod eum concionantem etiam remotissimi ita quidem audiebant, vt propinqui. Contigit etiam hoc illi diuinum munus, quod de Apostolis traditum est. Nam apud quamcumque linguam, & nationem concionaretur, sic quidem intelligebatur, ac si in ea gente natus esset, & educatus. Hoc autem Galli affirmabant, Anglici, Britones, Teutonici, atque Italici generis homines.

Non ab re futurum, nec iniucundum puto, si gentes, quas concionando peragrauit, in compendium redactas cursim enumerauero. Hæ igitur sunt Cathalonia, Regnum Valentix, Aragonia, Gallitia, Portugallia, Nauarra, Gallix vero partes, quem comitatum Tholosanum dicunt, & regio, quam linguam vocant Anserinam, ac Delphinatum. Tota denique (vt hic omnia complectar) Hispania, Auenio præterea cum finitimis Ciuitatibus, Sabaudia, Aruernia, Burgundia, Lugdunensis regio, atque Suturia. Ad insulas etiã transfretauit, quas posteri Maioricam, & Minoricam nuncuparunt, Prisci Baleares appellarunt. In Britanniam quoque nauigauit, quam nunc Angliam dicimus, precibus Henrici adductus, vbi totum biennium mansit. Quo in tempore totam Insulam peragrauit, de qua vberrimum fructum cum immortali laude retulit. Per id tempus Ducis Britannix vxor, quæ sine liberis erat, nec vnquam conceperat, Beatum Vincentium rogauit, vt suis apud Deum precibus opem sibi ferret, ne perpetuo sterilis esset. Facta est voti compositio. Nam vbi ille eius vterum cruce signauit, fecundam reddidit. Peperit filios, quorum vnus fuit Petrus vir summus, & præclaris dotibus insignis, qui Dux Britannorum fuit, quique legatos postea Romam ad Pontificem Maximum cum multis millibus aureorum misit, vt beatus Vincentius catalogo Sanctorum inscriberetur. Sed & alix complures feminæ eodem modo illius ope steriles esse desierunt. Sanitatem plurimis ægrotantibus vbique in eadem Insula restituit.

In Vrbe autem Venetensi paralyticum, qui decem, & octo annos eo morbo laborauerat, cum partes corporis multas cruce signasset, incolumem reddidit. Venit quoque in Italiam, & cum totam Regionem Pedemontanam perlustrasset, vsque Genuam Ligurix urbem peruenit. Erat illi in animo ad alias quoque Italix Vrbes accedere, nisi regis Hispanix nuncijs fuisset in Hispaniam reuocatus. In suis autem peregrinationibus tempus ita dispensabat. Nocturnæ quieti quinque horas, reliquam noctis partem lectioni, ac orationi dabat. Mane altaris sacrum cum cantu celebrabat, deinde sese ad locum, vbi à Populo concionaturus expectabatur, conferebat. Postquam finem fecerat, vt populi satisfaceret votis, manus illi præbebat osculandas. Aegros sibi oblatos signo salutiferæ Crucis sanabat, verba illa de Euangelio proferens. Signa autem eos, qui crediderint in me, hæc sequentur. Super ægros manus imponent, & bene habebunt. Deinde adiciebat, Iesus Mariæ filius, mundi salus, & Dominus, qui te traxit ad fidem catholicam, te conseruet, & beatum faciat, & ab hac infirmitate te liberare dignetur. Amen.

Petrus

Petrus Diaconus, S. Gregorij Papæ familiarissimus, super illius caput Spiritum sanctum in Columbae similitudinem frequentissime perspexisse fertur, quod & cōstans Ecclesiae traditio in huius sanctissimi Pontificis imagine repraesentanda observat. Cap. 258.

Sancti Gregorij Papæ, cognomento Magni, scripta opera tribuenda potius esse numini, quam humanæ industriæ, manifesta visio declarasse fertur. Etenim ad ipsum Columbam desuper lapsam, cum quid de sacris litteris scribere vellet, visam à Petro Diacono esse, & ea de causa columbam in capite ad aurem eius pingi consuevisse, Ioannes Diaconus asserit, ea ex causa, scilicet, quod à diuino Spiritu (cuius Columba symbolum tenet) quæcumque scripta ab eo sunt, ipsi esse suggesta, constans opinio fuit. Io. Dias.
vit. S. Gre.
l. 4. c. 69.

Præstat & hic elogium sanctissimi viri de eodem S. Gregorio recitare, ut intelligere possis, quanta gloria fuerit acceptus à posteris. Ildefonsus enim ille Toletanus Episcopus in libello, quem confecit de Viris illustribus (quem manuscriptum Bibliotheca Vaticana custodit) numeraturus eius scripta, ipso ingressu operis, de Gregorio ista habet.

Gregorius Papa, Romanæ Sedis, & Apostolicæ Præsul, compunctione timoris Dei plenus, & humilitate summus tantoque per gratiam Spiritus sancti scientiæ lumine præditus, ut non modo illi præsentium temporum quicquam, sed nec in præteritis quidem par fuerit vnquam. hucusque ex Iuliano de viris Illustribus, quem inferius citat. Pergit vero ipse, hæc addens: Ita enim cunctorum meritorum claruit perfectione sublimis, ut exclusis omnium illustrium virorum comparationibus, nihil illi simile demonstraret antiquitas. Vicit enim sanctitate Antonium, eloquentia Cyprianum, sapientia Augustinum. At hæc si tibi videri possint hyperbolice dicta: quod ex his postis consequi, illud est, quod ea æstimatione ad posteros fama de sanctitate, & doctrina Gregorij propagata est, ut maxima quæque Gregorium diligentibus visa sint ipso minora Gregorio. Istid. de vir.
illust. c. 27.

Porro istiusmodi præmissis Ildefonsus de ipso præconijs, ad enumeranda ea, quæ edidit commentaria, se conuertit.

Hildebrandi Archidiaconi ardor in obeundis Ecclesiasticis negocijs, & Spiritus sancti gratia, quæ in eius humilitate fulgebant, & Prophetiæ dono, & internarum cogitationum inspectione. Cap. 259.

Alexander Secundus, ubi creatus est Pontifex, nihil antiquius habuit, quam ut Hildebrandum iam Archidiaconum, crearet Cancellarium, penes quod officium vniuersa Romanæ Ecclesiæ administratio verteretur. Pollebat Hildebrandus ad ea cuncta explenda ingenij viribus, & quod magis æstimari debet, gratia Spiritus sancti; quæ abunde inhabitabat in eo, adeo, ut supra homines diuinum quidpiam præferret eiusdem sancti Spiritus donis. Nam audi, quæ tunc contigisse, certa assertione S. Hugonis Abbatis Baro. tom.
ann. 1061.

Abbatis Cluniacensis recitat Vuillelmus Malmesburiensis, seculi huius historicus, qui ait: Verum quia Hildebrandi mentio se ingessit, de eo dicam, quæ non friuolo auditu hausi, sed seria relatione eius audiui, qui se illa ex ore Hugonis Abbatis Cluniacensis audisse iuraret: quæ adeo admiror, & prædico, quia cogitationes aliorum prophetico mentis intuitu pronuntiabat. Alexander Papa efficax ipsius studium conspicatus, Cancellis Apostolorum præfecerat.

Circuibat ergo pro sui contuitu officij prouincias, ut perperam acta corrigeret. Accurrebatur ab omnibus ordinum hominibus, decisiones diuersorum negotiorum postulantibus. Cuncta ei submittebatur secularis potentia, tum pro sanctitatis, tum pro ministerij eius reuerentia. Vnde die quadam cum solito maior ad equitandum esset turba, Abbas prædictus in extremo agmine cum monachis suis sensim progrediebatur: Visoque eminus tanti viri honore, quod tot mundanæ potestates nutum illius præstolarentur, huiusmodi sententias ventilabat animo: Homuncionem exilis stature, despicabilis parentelæ, quo Dei iudicio tot diuitum sepius famulatio? tumere illum proculdubio, & metiri altiora merito pro tot obambulatorum obsequio. Vix hoc, ut dixi, mente versarat, cum Archidiaconus reflexo equo, & calcaribus incitato, à longe clamans, & Abbatem obiurgans: Tu, tu, inquit, male cogitasti falsò infamans huiusce dumtaxat rei innocentem. Non enim mihi gloriam hanc (si gloria dici potest, quæ cito transiit) vel ego imputo, vel ab alijs imputari volo, sed beatis Apostolis; quorum exhibetur priuilegio. Suffusus ille pudore, nec quicquam inficiatus, hoc solum retulit: Quæso Domine, quomodo nosti cogitatum meum, quem nulli communicauim? Ab ore tuo, ait, quasi per fistulas ad aures meas omnis illa cogitatio deducta est.

Item in eadem prouincia Ecclesiam Vrbanam ingressi, ante aram continuatis, & iunctis lateribus se prostauerant. In multam horam protracta oratione, respexit Archidiaconus Abbatem, turbulento rictu infrendens. Ille cum diutius oratum esset, fores egressus, causamque commotionis percunctatus, responsum accepit: Si me amare vis, caue ne me ulterius hac iniuria expugnes: Dominus meus Iesus Christus, speciosus ille præ filijs hominum, postulationibus meis visibiliter astat, intendens dictis, & serenis fauens oculis, sed tuæ orationis adductus violentia me deseruit, ad te conuersus. Ita plane etiam in carne hic viuens Dominus facere consuevit, ut de se ardentius concitaret desiderium: sic namque repulisse visus est Chananzam, sic repulisse Mariam, ne tangeretur ab ea, sic denique finxisse se longius ire, duobus illis discipulis Emmauntem se conferentibus. Sed pergit. Futo, quod tu ipse non diffiteberis esse genus iniuriæ, si amico eripias auctorem salutis suæ. Præterea prænoueris mortalitatem hominum, & huic loco imminere excidium. Cuius coniecturæ signum habeo, quod Angelum Domini super altare stantem vidi euaginatam gladium stringere, & huc, atque illuc rotare. Futuræ cladis notabilibus habeo indicium, quod iam spissus, & nebulosus aer prouinciam istam circumuolat, ut vides. Matorem igitur profugium, nisi cum alijs velimus subire exitium. His dictis introeuntes diuersorum, ad curam corporis assedere. Continuoque dapibus appositus, exortus in domo luctus auiditatem esurientium repressit. Siquidem

dem vnus, & alter, & mox plures è familia, dubium qua pernicie, interempti, animas subito amiserunt. Tum eadem peste per vicinas ades grassante, ascensu mulis diffugiunt, festinationem viæ stimulis timoris accelerantes. Hæc ex S. Hugonis relatione Vuillelmus, ex quibus tu discas eiusdè Hildebrandi sanctitatem, & Spiritus sancti gratiam, qua vniuersum Catholicum Orbem in sui admirationem conuertit.

Gregorium Pont. Max. Spiritu sancto repletum esse, columba super eum volitans testata est. Cap. 260.

FActum est autem, cum idem Papa Gregorius Missarum solemnia celebra- Leo Off. li. 3. c. 53.
ret, vir quidam Ioannes nomine, iuxta altaris crepidinè immobilis per-
stitit. Cumq. ad altare deflexisset obtutus, subito in extasim raptus, niueo
candore columbam, cuius erat aureum guttur, supra eandem aram altare
conspexit. Quæ inde leuiter aduolans, ac supra dextrum Pontificis hume-
rum recubans, alis protinus expansis, vtrumq. protexit, ac tamdiu sic persti-
tit, quousque commistio Dominici corporis, & sanguinis in calice fieret.
Iterumq. se in dexterum humerum colligens, inde ad altare descendit, caput
blande super hostiam flectens, viro illo, quid hæc sibi vellent, non intelligē-
te, cum volatu præpeti pleno rostro remeauit ad cælum. Post hæc homo ille
in se rediens, nulla penitus huius rei vestigia memoria tenuit. Nocte vero
subsecuta cum se sopori dedisset, vir quidam illustrior sole, minaci vultu in
medio suæ domus hospitio eidem apparuit. Quo ille viso, de strato exiliens,
terrore correptus, fugam tentat arripere. Vir autem ille porrecta manu,
continuit brachium eius suauiter tenens. Cum autem eius manus nequiret
effugere, ac sic vinctus, stetit inuitus, ad eius mox auxilium quidam niuea
canicie aspersus, indutusq. stola candida affuit, eiusq. marem consolans,
de manu se tenentis eripuit. Quem ille quisnam hic esset tantæ claritatis
vir, quæsiuit intrepidus: Hic, inquit, est iustitiæ sol. & ille; Nomen quoque
ait, tuum inquirenti similiter pande. Nequaquam (ait ille) scire te oportet
nomen meum, sed mihi ad interrogata responde. Putasne recolis, quid
heri, dum in ecclesia astares, vidisti? Ille, cuius animum occupauerat obli-
uio, cepit intra se voluere, quidnam esset, quod ab eo senior quæreret, sub-
itoq. reminiscens, cuncta sibi quæ viderat, ex ordine retulit. & ille: Vade,
inquit, celeriter, & hoc ipsum auribus Papæ intimato, vt constanter vigore
sancti Spiritus, quod cepit, exsequatur. His dictis, ab oculis eius elabatur.
hucusque Leo.

At quid Columbæ visio in Pontifice, nisi in Spiritus sancti eum instinctu
regi, & gubernari? Quid insuper illud, quod eidem nuntiari mandatur, vt
vigore sancti Spiritus, quod cepit, exsequatur, nisi manifestum diuino ora-
culo reddi? Quàm ista opportuno tempore sunt mortalibus diuino consilio
declarata, cum non apud schismaticos tantum, verum apud Catholicos tunc
viuentes, & qui postea futuri essent, eiusdem Pontificis fama in suspensionem
nimis austeritatis adduceretur, periclitareturq. proscissum calumnijs tanti
Pontificis nomen? De quo aduersus obloquentes, ac detrahentes illud apo-
stolicum pro defensione liceat vsurpare: Quis stabit aduersus electos Dei?
Deus, qui iustificat, quis est, qui condemnet? Vt quod diuino calculo recte
factum

factum probari posset, non auderet humana temeritas sugillare, ut sic orationum mendacium prorsus obstruerentur.

*B. Ignatius Spiritu sancto ductus mira operatur in Ecclesia Dei,
& qualiter B. Philippus in eius vultu radios lucentes
viderit. Cap. 261.*

Sed & B. Ignatius venerandæ societatis Iesu sapientissimus Institutor, Spiritu sancto plenus, & præsertim sapientiæ dono conspicuus Religionem suam instituit, quæ hodie per utrumque orbem communi beneficio propagata mundum fulcit, ne cadat; qua in re videri potest, cuius Spiritus esset, qui opus tam magnum facere potuit, & qualem à Spiritu sancto sanctitatem esset consecutus, qui in Dei Ecclesia, collabentes virtutum ædificationes restaurabat. B. Philippus nostri pusilli gregis institutor B. Ignatium mirifice diligebat, asseribatque sæpe se in oculis, & vultu eius vidisse splendorem quemdam coruscantem, & radios prælucentes, qui internæ pulchritudinis suæ, quam in eius animo Spiritus sanctus efformauerat, testimonium præberent.

*De miris operationibus sancti Spiritus in B. Philippo.
Cap. 262.*

Singulis diebus Philippus Spiritum sanctum, quàm poterat ardentius precabatur, ut eum suis donis ornaret, nullumque abesse sinebat diem, quin eius opem imploraret: nec incassum hæc fuerunt. Nam laicus cum esset, annum vitæ trigessimum non attingens, Christi scilicet anno millesimo quingentesimo quadragesimo quarto, ea repente spiritus vi repleti sensit diuinitus, eoque impetu, ut cor illico sibi intra corpus saltitare cæperit, eoque ardore inflammari, ut eum natura innuita quadam cordis palpitatione, omnino se ferre non posse significaret. Quamobrem benignus Dominus, quo illum ad plurimorum salutem diutius conseruaret, contractis, atque in pugilli, eoque maiorem amplitudinem, elatis duabus sinistri lateris costulis, quarta scilicet, & quinta, eiusdem cordis sinum, quo id liberius ageretur, mirum in modum ampliavit. Erat istiusmodi fractura in anteriore parte pectoris, ubi costæ in cartilagine desinunt. Quo ex tempore adeo vehementer amplius quinquaginta tot annos agitari, concutique cæpit assidue, plus, minusve, cum mente rapiebatur in Deum, ut non modo toto corpore contremisceret, verum etiam lectulus ipse, aliaque omnia, quibus ille insidebat, quasi terræmotu acta eo orante quaterentur. Quæ cum illi (cui corpus quadratum erat, neque gracile, neque obesum) sine ullo doloris sensu euenerint, & ad extremum usque spiritum sine dolore manserint (nullæ enim nec intus, nec foris punctiones, doloresve sentiebantur) omnino supra vires naturæ fuisse, ac diuinum prorsus miraculum, Medici omnes, qui eius dum viueret, curationi, & postea corporis sectioni interfuere, una voce testati sunt.

Mirum profectò erat hominem videre ætate confecta, plus quinquaginta annos, continuas, voluntariasque cordis concussiones, palpitationesque patientem

rem crederes illum humana iam omnia fastidientem, Davidis instar Domino dicere: Quis mihi dabit pennas sicut columbae, & volabo, & requiescā? Heu mihi, quia incolatus meus prolongatus est! quando veniam, & apparebo ante faciem Domini?

Huius præterea doni caelestis vi, tanta quoad vixit, spiritus, diuinæq. dulcedinis affluentia replebatur, ut mentem à caelestibus auocare, animumq. sæpissime ad terrena convertere, ut sacrum facere posset, cogeretur. Quod non eo solum referente cognouimus, sed reipsa comperimus. Quamquam enim ille omnem adhibebat curam se à diuinis auocandi, cum rem sacram facturus pergeret, ut vni, & alteri ex ijs, qui sibi noti erant, indicauit: vix tamen, quod nos plus millies hisce vidimus oculis, sacrificium absolueret, poterat. O magnam sancti Spiritus vim! Alij etiam sanctissimi viri, horis prius aliquot precationi impensis, præuia diligentiq. præmissa præparatione, omni ope contendunt, ut aliquid pij in Deum affectus, cum rem sacram acturi sunt, acquirant, hic autem his adeo abundabat, ut non modo vlla egeret præparatione, verum etiam cum tot, tantosq. diuinitus immisos ardores sustinere nequiret, animum suum, quàmmaxime poterat, ab illis diuellere cogeretur, Deumq. ne maiores tribueret, in dies rogare.

Id præterea in illo is spiritus efficiebat longe mirabilius, ut eum præcibus insistentem sublime tolleretur.

Medio vero hyeme, quo tempore maximum in Vrbe frigus esse solet, ad postremum vsque diem (quis crederet?) ita de repente eo orante ipsius cor, corpusq. diuino æstuebat igne, ut validissima, ne æstu necaretur, refrigeratione indigeret. Hinc ille octogenarius modicissimo cibo contentus, omni propemodum natiuo calore destitutus, ut eam amoris flammam aliquo modo restingeret, pectus nudare, fenestras, foresq. cubiculi media nocte pandere, linteisque, ac flabellis, aliaue opportuniore aëris agitatione uti ad se refrigerandum sibi necesse erat; & quidem ni cordi, interno ac diuino consumpto calore, hisce rebus festinanter subuenisset, repente certe interijisset.

In ijsdem rebus hoc fortasse etiam ponendum: causam quodam die huius tam miræ, ac nouæ eius cordis agitationis à Federico Cardinale Borromæo interrogatus, præsertimq. num dolore aliquo in ea sustinenda afficeretur? à Spiritu sancto eam accepisse, modestè respondit. Laicus cum essem, dicere cœpit, sanctum Spiritum, quàm suppliciter poteram, quotidie rogare consueueram, ut mihi opem ferret, animumq. meum donis suis cumularet. Quodam die cum eum de more orarem meas exciperet preces, ipso tandem volente factum est, ut cordis agitatio, de qua rogas, quæ nullos vnquam dolores mouit, initium habuerit, simulq. adiunxit: possem equidem eam cohibere, sed ne animum, inter orandum, à diuinis auocare, atque ad eum motum cordis comprimendum referre cogar, idcirco ab ea re desisto.

Illud hic addam, quod eius cor adeò huius agitationis vi æstu feruebat, ut calor ex eo proueniens ad totum plerumque corpus sese diffunderet.

Ignis inclusus ardet fortius . Quapropter B. Philippus cum diuinum sancti Spiritus ignē in cordis arca contineret, quamquam ipse in diuinis gratijs occultandis studiosissimus esset, tamen impedire non poterat, quin aliquando occulta spiritus flamma sese proderet, cum aliquid agendum esset. Cap. 263.

IN precibus Deo fundendis eam adeptus erat facultatem, vt diuina potius vi, & ducente spiritu ad eas adduceretur, quā noua aliqua de rebus cælestibus meditatione diuini amoris flammam in se ipse excitare cogeretur. Tanta vero plerunque, cum precibus insisteret, cælestium gaudiorum copia perfundebatur, quantam sustinere vix poterat, eamq. ob rem non humi solum sese prosternere, sed his etiam vocibus ad Dominum clamare opus habebat: Sat est Domine, sat est; contine iam, quæso, vndas gratiæ tuæ. Quodam die cum ex nimia istiusmodi dulcedinum vi haud procul exitio abesset, maiore quā antea animi impetu diuinam caput implorare clementiā: Recede à me Domine, aiebat, recede; quandoquidem tantam cælestium gaudiorum molem sustinere, mortalis cum sim, nequeo: en morior Domine, nō confestim succurras, nō opem feras: Cumq. ille hunc in modum diutius precatus esset, leniuit Dominus aliquantulum (vt ipso referente cognouimus) summum animi eius ardorem. Ergo mirandum non est, si suo ille doctus periculo dicere soleret: Verè Deum amanti nil grauius, nil durius, aut molestius posse vita ipsa contingere: Sancti enim viri mortem in desiderio, & vitam in patientia habere dicuntur.

*S. Greg. li. 9
Reg. epist.
27. & l. 11
epist. 24.
Aug. tra. 9.
in ep. 1. 10.*

Ardentis Spiritus demonstratio S. Paulini, & S. Augustini, pro conuersione nobilis, & eruditi adolescentis. Cap. 264.

SI spiritus, & amor est, intus in corde vtique operatur, si operari renuit, amor nō est, nescit tarda molimina Spiritus sancti gratia. Hinc sancti viri, qui omnes spiritum Dei habent, quicquid agunt, spiritu Dei agunt, & aguntur, in quibus panditur spiritus eorum, vt contigit Paulino, & Augustino in conuersione cuiusdam adolescentis. Ad quem hæc Paulinus.

*Pauli. Romaniano
ter epist. D.
Aug. cp. 36*

Vereor fili, ne aures tuas asperitate temerarij sermonis offenderim, & per aures animo etiam tuo tædij mei vulnus intulerim. Sed in mentem veniat epistola tua, qua te musicis familiarem modis intellexi; à quo studio ego xui quondam tui non abhorruī. Itaq. mihi ad tuam mentem, si in aliquo exulcerassem, deliniendam remedium, litteras tuas recordatus, reperi, vt te ad Dominum harmoniæ omniformis artificem, modulamine carminis euocarem. Quæso te, vt aure audias, neque causam salutis tuæ in verbis meis spernas, sed piam curam, & mentem paternam, etiam in despiciendis sermonibus libenter accipias, quibus insitum Christi nomen, quod est supra omne nomen, hanc deberi venerationē facit, vt non possit à credente contēni.

Carmē elegiacū Paulini ad Licentiū inueni nobile quoddā Augustini discipulum.

Quare age rumpe moras, & vincla tenacia seclī,

Nec metuas placidi mite iugum Domini,

Pulchra quidem, sed mira vagis præsentia rerum

Mentibus, ac sapiens non stupet ista animus,

Nunc

Nunc te sollicitat varijs male suada figuris,
 Heu validos etiam vertere Roma potens;
 Sed tibi nate precor, semper pater Augustinus
 Occurset cunctas Urbis ad illecebras.
 Illum tanta inter fragilis discrimina vitæ
 Aspiciens, & habens pectore, tutus eris,
 Hoc tamen & repetens, iterumquæ, iterumq. monebo,
 Ut fugias duræ lubrica militiæ;
 Blandum nomen honos, mala seruitus, exitus æger,
 Quem nunc velle iuuat, mox voluisse piger:
 Scandere celsa iuuat, tremor est descendere celsis,
 Si titubes summa peius ab arce cades,
 Nunc tibi falsa placent bona, nunc rapit omnibus auris
 Ambitus, & vitreo fert caua fama sinu;
 Ast ubi te magno damnosus cinxerit æstu
 Baltheus, & sterilis fregerit inde labor,
 Serus, & incassum spes accusabis inanes,
 Et, modo quæ non vis, rumpere vincla voles,
 Tunc reminisceris frustra patris Augustini,
 Contempsisse dolens veridicos monitus.
 Quare, si sapiens, & si pius es puer, audi,
 Et cape verba patrum, consiliumq. senum,
 Quid retrahis fera colla iugo? mea sarcina lenis,
 Suaue iugum Christi est, vox pia, crede Deo,
 Et caput adde iugis, da mollibus ora capistris,
 Demissosq. leui subde humeros oneri;
 Nunc potis es dum liber agis, dum nulla retentant
 Vincla, nulla thori cura, nec altus honor,
 Hæc bona libertas Christo seruire, & in ipso
 Omnibus esse supra, non dominus hominum;
 Non vitijs seruit, non Regibus ille superbis
 Tantum qui Christo se dedit Domino,
 Nec tibi nobilitas videatur libera, quam nunc
 Sublimem attonita conspicis vrbe vehi.
 Quam cernis tanta sibi libertate videri,
 Ut dedignetur flectere colla Deo;
 Multis ille miser mortalibus, & quoque seruis
 Seruit, & ancillas, ut dominetur, emit,
 Norunt eunuchos, & magna palatia passi,
 Et quisquis Romam sponte miser, patitur,
 Quanto sudoris pretio, damnoq. decoris
 Constat, ibi clamydis, hic honor officij,
 Nec tamen ipse potens, qui celsior omnibus esse
 Emerit, ut nulli seruiat, assequitur.
 Cum bene se tota dominum iactauerit vrbe,
 Seruit dæmonijs, ac simulachra colit;
 Proh dolor, hos propter remoraris in vrbe Licenti,

B b

Et

Et regnum Christi spernis, ut his placeas,
 Hos vocitas dominos, curua & ceruice salutas
 Quos ligni seruos conspicias, & lapidis,
 Nomine diuino argentum venerantur, & aurum,
 Religio est quod amat morbus auaritiæ,
 Imprecor hos ut amet, qui non amat Augustinum,
 Non colat & Christum, cui placet hos colere,
 Inde ait ipse Deus, dominis non posse duobus
 Seruiri, quoniam mens placet vna Deo,
 Vna Fides, Deus vnus, & vnus est pater Christus
 Haud duplex, vni seruitus est domino.
 Quanta etenim cælo, ac terris distantia, tanta est
 Cæsaris, & Christi rebus, & imperijs;
 Tollere humo, sed nunc dum spiritus hos regit artus
 Mente polum penetra, ni mora carnis obest,
 Corporeis iam nunc morere actibus, & bona vitæ
 Cælestis liquido præmeditare animo.
 Spiritus es, quamquam tenearis corpore, si nunc
 Mente pia victor carnis opus perimas.
 Hæc tibi chare puer fide compulsus amore
 Scripsi, si recipis, suscipere Deo.
 Crede Augustinum tibi nunc in me geminatum,
 Sume duos vna cum pietate patres:
 Spornimur, abstraheris maiore dolore duobus,
 Audimur, pignus dulce duobus eris;
 In te læta patrum sudauit cura duorum,
 Et tibi magnus honos lætificasse duos.
 Sed me Augustino dum copulo, non meritorum
 Iactō parem, solo comparo amore tui.
 Nam quid ego effundam rorans tibi paupere riuo?
 Me præter gemino flumine prolueris:
 Frater Alipius est, Augustinusq. magister,
 Sanguinis hic confors, hic sator ingenij,
 Tanto fratre vales, & præceptore Licenti,
 Et dubitas pennis talibus astra sequi?
 Quidquid agas (nam te nec speret mundus amicum)
 Nec daberis terræ, debita Christo anima.
 Tu thalamos licet, & cellos mediteris honores
 Nunc, olim domino restituere tuo,
 Credo vnum vincent iusti duo peccatorem,
 Et tua fraternæ vota preces abigent.
 Ergo redi, qua voce parens, qua sanguine frater
 Ambo sacerdotes te remeare iubent;
 Ad tua te retrahunt, nam nunc aliena petisses,
 Nec magis quæ retinent regna tui, tua sunt.
 Hæc repete, his inhia, experius ne contere tempora
 Si tua nolueris, quisquam aliena dabit?

Non

Non eris ipse tuus, missusq. per extera longe
 Sensibus, heu, proprij pectoris exul ages:
 Solicitum satis hæc nato cecinisse parentem,
 Dum tibi, quam mihimet, vel volo, vel metuo.
 Hæc tibi, si recipis, fert olim pagina vitam,
 Si renuas, eadem hæc pagina testis erit.
 Incolumem mihi te fili charissime, Christus
 Annuat, & seruum det sibi perpetuo.
 Viue precor, sed viue Deo, nam viuere mundo
 Mortis opus, viua est viuere vita Deo.

Exhortatio vehementissima ad seruiendum Deo, ab insigni charitate, & spiritu ardentissimo S. Augustini deprompta.

Cap. 265.

Nunc paucis (inquit ille) accipe pectoris mei æstus de spe tua non transitoria, quoniam modo via tibi pateat in Deum. Mi Licenti, etiam atque etiam recusantem, & formidantem compedes sapientiae, timeo te rebus mortalibus validissime, & perniciosissime compedi. Nam sapientia, quos primo alligauerit, & exercitatorijs quibusdam laboribus edomauerit, soluit postea, liberatisq. sese donat ad fruendum, & quos primo temporalibus nexibus erudiuerit, post æternis amplexibus alligat. Quo vinculo, nec iucundius, nec solidius cogitari quicquam potest. Prima hæc aliquantulum dura esse confiteor, illa vero vltima, nec dura dixerim, quia dulcissima sunt, nec mollia, quia firmissima. Quid igitur, nisi quod dici non potest, sed credi tamen, & amari potest & sperari? Vincula vero huius mundi, & asperitatem habent veram, iucunditatem falsam: certum dolorem, incertam voluptatem: durum laborem, timidam quietem: rem plenam miseriae, spem beatitudinis inanem. His ne tu inferas, & collum, & pedes, & manus, cum & honoribus huiusmodi subiugari affectas, & facta tua non aliter fructuosa existimas, & ambis inherere, quo non modo inuitatus, sed nec compulsus quidem ire debuisti. Hic tu fortasse Terentiani serui mihi responsum dederis: Ohe, tu verba fundis hic sapientia. Cape igitur, ut fundam potius, quam effundam: Aut si ego canto, tu autem ad aliam vocem saltas, nec sic quidem me poenitet. Habet enim suam hilaritatem ipsa cantatio, etiam cum ad eam membra non mouet, cui plena charitatis modulatione cantatur. Verba quædam in epistolis tuis me mouerunt, sed de his tractare, cum factorum, vitæq. totius tuæ excoquat, ineptum putavi. Si versus tuus momentis inordinatis, si suis legibus non staret, si mensuris imparibus aures auditoris offenderet, puderet te certè, nec differres, nec desisteres, donec ordinares, corrigeres, statueres, æquares versum tuum discendo, & agendo artem metricam acerrimo studio, & labore quolibet. Quod cum inordinatus ipse peruerteris, cum legibus Dei tui ipse non stas, neque in agenda, vita honestis tuorum votis, & huic ipsi eruditioni tuæ concinis, abijciendum post tergum putas, & negligendum, quasi præ somno linguæ tuæ sis tibi, & voce vilior, & incompotis moribus, quod offendis aures Dei leuius sit, quam si incoposis syllabis tuis grammatica succenseret auctoritas. Scribis.

B b 3

O mihi

*Ibid. Aug.
 ad eundem
 Licentium
 epist. 36.*

O mihi transactos reuocet si pristina soles
 Latificis aurora rotis, quos libera tecum
 Ocia tentantes, & candida iura bonorum.
 Duximus Italiae medios, montesq. per altos,
 Non me dura gelu prohiberent frigora cano,
 Nec fera tempestas Zephyrum, fremitusq. Borini,
 Quin tua sollicito premerem vestigia passu:
 Hoc opus, vt iubeas tantum.

Me miserum si ego non iubeo, si non cogo, atque impero, si non rogo, atque supplico. Sed si aures tuæ aduersus meas voces clausæ sunt, ori tuo pateant, pateant carmini tuo, exaudi te ipsum durissime, immanissime, surdissime. Quo mihi linguam auream, & cor ferreum? Quibus ego non carminibus, sed lamentationibus sufficiam plangere carmina tua? In quibus video, quam animam, quod ingenium mihi liceat apprehendere, & immolare Deo nostro? Expectas vt ego iubeam sis bonus, sis quietus, sis beatus, quasi quidam mihi dierum gratius illucescat, quam vt ingenio tuo fruar in Domino, aut vere tu nescias quàm te esuriam, & sitiam, aut non hoc ipso id carmine fatearis. Reuoca animum, quo ista scripsisti, nunc mihi dic. Hoc opus vt iubeas tantum. Ecce iussum meum, da mihi te, si hoc opus est tantum, da Domino meo te, qui omnium nostrum dominus est, qui tibi illud donauit ingenium. Nam ego quid sum, nisi seruus tuus per ipsum, & conferuus sub ipso? An ipse non iubet? Audi Euangelium: Stabat, inquit, Iesus & clamabat: Venite ad me omnes, qui laboratis, & onerati estis, & ego vos reficiam, tollite iugum meum super vos, & discite à me, quia mitis sum, & humilis corde, & inuenietis requiem animabus vestris, iugum enim meum suauis est, & sarcina mea leuis. Si hæc non audiuntur, aut vsque ad aures audiuntur, expectas ne Licenti, vt Augustinus iubeat conferuo suo, & non plangat potius frustra iubere Dominum suum? Immo non iubere, sed inuitare, & rogare quodammodo, vt qui laborant, reficiantur ab eo. Sed videlicet fortissimo, & præfidenti collo iugum mundi, iugum Christi est iucundius, qui si laborare nos cogeret, vide quis cogeret, qua mercede cogeret. Vade in Campaniam, vide Paulinum egregium, & sanctum Dei seruum, quàm grande fastum seculi huius tanto generosiore, quanto humiliori ceruice incunctanter excusserit, vt eam subderet Christi iugo, sicut subdidit, & nunc illo moderatore itineris sui quietus, & modestus exultat. Vade, discite quibus opibus ingenij sacrificia laudis ei offerat, refundens illi quicquid boni accepit ex illo, ne amittat omnia, si non in eo reponat, à quo hæc sunt. Quid æstuas? quid fluctuas? quid imaginationibus mortiferarum voluptatum aurem accomodas, & auertis à nobis? Mentiuntur, moriuntur in mortem trahunt. Mentiuntur Licenti, sic nobis, sicuti optas, verum ratione pateat, sic plus Eridano fluat, Non verum dicit, nisi veritas, quia Christus est veritas. Veniamus ad eum, ne laboremus, vt ipse nos reficiat, tollamus iugum eius super nos, & discamus ab eo, quoniam mitis est, & humilis corde, & inueniemus requiem animabus nostris, iugum enim eius leue est, & sarcina eius leuis est. Ornari abs te Diabolus quærit. Si calicem aureum inuenisses in terra, donares illum Ecclesie Dei; Accepisti à Deo ingenium spiritualiter aureum, & ministras inde libidinibus, & in illo

Satanæ

Satanæ propinas te ipsum . Noli, obsecro, sic aliquando sentias, quàm misero, & miserando pectore hæc scripserim, & miserearis iam mei, si tibi viluisti .

Eo tempore, quo Augustinus Mediolani adhuc morabatur, duo hæc memoratu digna contigerunt. Dicam (inquit ipse) quid fecerit pauperri-
mus homo, nobis apud Mediolanum constitutis, tam pauper, ut proscolos
esset grammatici, sed plane Christianus, quamvis ille esset paganus gram-
maticus, melior ad velum, quàm ad cathedram. Inuenit sacculum (nisi
me forte numerus fallit) cum solidis ferme ducentis. Memor legis, propo-
suit Pitacium publice. Reddendum enim sciebat, sed cui redderet, ignorabat.
Proposuit pitacium publice: qui solidos perdidit, veniat ad locum illum, &
quærat hominem illum (erat hæc forma pitaci) ille, qui plangens circum-
quaque vagabatur, inuento, & lecto Pitacio, venit ad hominem. Et ne
forte quæreret alienum, quæsiuit signa: interrogauit sacculi qualita-
tem, sigillum, solidorum etiam numerum, & cum omnia ille fideliter
respondisset, reddidit, quod inuenerat. Ille autem repletus gaudio, & quæ-
rens vicem rependere tamquam decimam, obtulit solidos viginti, qui noluit
accipere: obtulit vel decem noluit accipere: saltem rogauit accipere quin-
que, ille negauit. Stomachabundus homo proiecit sacculum. Nihil perdi-
dit (ait) si non vis aliquid à me accipere, nec ego aliquid perdidit. Quale
certamen fratres mei? quale certamen? qualis pugna? qualis conflictus?
Theatrum mundus, spectator Deus. Victus tandem ille, quod offerebatur
accepit: continuo totum pauperibus erogauit. Vnum solidum in domum
suam non remisit. Hæc Augustinus imitanda exempla populo suo Hippon-
nensi proponebat.

August. de
verb. Apost.
1. 19.

Pro certo cum Mediolani essemus, audiuius, quod cum debitum repe-
teretur à quodam defuncti patris cautione prolata, quod filio nesciente, à
patre iam fuerat perfolutum: contristari homo grauissime cepit, ac mira-
ri, quod ei pater moriens non dixerit, quid deberet, cum fecisset etiam te-
stamentum. Tunc ei nimis anxio apparuit pater eius in somnis, & ubi esset
repositum, quod illa cautio vacuata fuerat, indicauit. Quo inuento iuuenis
atque môstrato, non solum falsi debiti calumniam propulsauit, sed etiam pa-
ternum recepit Chirographum, quod pater non receperat, quando fuit per-
soluta pecunia. Hic igitur putatur anima hominis curam gessisse pro filio,
& ad eum venisse dormientem, ut docens, quod ignorabat, à magna eum
cura liberaret.

Aug. de cu-
ra agen. pro
mortuis. c.
11.

*Græcorum perniciēs, qui in festo Spiritus sancti imperium amise-
runt, capta Constantinopoli, & Turcis tradita, qui doctri-
na Ecclesiæ catholice credere superbe recusarunt, de
Spiritus sancti à patre & filio processione.*

Cap. 166.

Cum venerit paracliticus, ille arguet mundum de peccato. præsertim de
incredulitate ex superbia proueniente. Contigit autem Græcis de pro-
cessione Spiritus sancti à Patre Filioq. procedētis credere nolentibus, ut Ec-
clesia Catholica eis credendū proponebat, ut deserti à Deo poenās luerent.

Ioan. 16.

B b 4

Nico-

Nicolaus Quintus Pontifex maximus, legatis à Constantino Imperatore missis dedit litteras plenas timoris, & horroris. Vbi aperte cum execratione vaticinatur excidium & internecionem extremam infeliciū Græcorum, in quibus post alia multa (cum conuicia, & probra rescisset, quæ à Græcis quotidie impudentissime iactabantur) mire, & hoc dicit: Omnes gentes Decretum, quod sancitum est, receperunt; Græci neque receperunt, neque spes est eos vñquam recepturos, quæ super concordia, & coniunctione decreta sunt. Procrastinationes enim procrastinationibus ab eis semper prætexuntur, excusationes, & responsiones in singulis. Neque vero Græci arbitrentur Romanum Pontificem ita esse mente destitutum, omnēq. Occidentalem Ecclesiam, vt non intelligant, quæ in singulis dilationibus respondendo nugantur, optime cuncta nouimus. Sed toleramus, in Iesum respicientes sempiternum sacerdotem, & Dominum, qui sterilem illam ficum vsque ad annum tertium iussit asseruari, agricola iam ad excidendam arborem sese accingente, quæ nullum fructum ferebat. O magnam calamitatis ruinam, anno millesimo quadringentesimo quinquagesimo primo hanc conscripsit epistolam, & millesimo quadringentesimo quinquagesimo tertio capta est Constantinopolis. Num potestis dicere hæc vera non esse? minime gentium, cum id sit manifestum, & res ipsa aperte loquatur. Tres, inquit, annos expectabimus, si vos forte à schismate, & separatione conuerteritis, & vos vere decreto adiunxeritis, secundum Saluatoris de ficu præceptum. Si minus, excindemini, ne terram otiosam, & inutilem reddatis. Hoc miraculorum miraculum maximum, quod vt in epistola ipsa scribit Nicolaus Papa, Græcorum gens illa magna, & formidabilis, sapiens, clara, fortis, terrarum Domina, ob diuinam ultionem ita in Barbarorum seruitutem abducta est. Hæc narranti mihi subit lamentari, & deplorare excidium gentis nostræ.

Hucusque Gennadius Patriarcha Constantinopolitanus aduersus suos gentiles Græcos recitans oraculum apertissimum à Nicolao Quinto prolatū, & euentu comprobatum, ipso temporis spatio, quod prænunciauit. Ostendant nunc Græci, & Protestantes, ex quo à nobis discessere, quinam fuerint inter eos vates futurorum præscij, qui nunc sint, aut non ita pridem fuerint.

Lutherus Antesignanus Protestantium prædixit, intra annos duos futurum, vt Papæ memoria aboleretur è terris. Anni, ex quo id est vaticinatus homo vanissimus, quinquaginta præterierunt, & tantum abest vt Papæ nomen sit deletum, vt potius eius potestas magis sit intra hoc spatium temporis amplificata, quàm mille, & quingentis annis, quibus Lutherus non fuit. Ad extremos enim terminos orbis peruenit, intimos Indos penetrauit, Antipodas peruasit.

Quicumque autem è Græcis discessere à nobis, quàm magna sibi prædictionibus suis augurati fuerint, & vt contra ipsis omnia contigerint, hinc apparet, quod eorum Patriarchæ sibi nomen Oecumenici, siue vniuersalis, arrogarunt, quasi quicquid est terræ habitabilis, legibus eorum pareret vniuersum. Quod cui contigit, nemo ignorat. Id certe accidit Græcis, vt quando dissidebant à nobis in processione Spiritus sancti, an esset à Filio, & Patre, ipso die secundo Pentecostes, qui filio est sacer, Constantinopolis cape-

caperetur, diuino scilicet spiritu ipsorum obstinatos animos puniente, & eos omnino derelinquente. Quarto namq. Kalen. Iunij millesimo, quadringentesimo quinquagesimo tertio feria secunda, Constantinopolis est expugnata. Rursus aliud longe mirabile obseruandum. Græci nos excommunicarunt, & pro hæreticis omninò duxerunt, Michaelē sedente, circiter annum millesimum quinquagesimum tertium, vt ostendimus supra, & post annos quadringentos Constantinopolis capta, anno scilicet millesimo quadringentesimo quinquagesimo tertio. At hic numerus criminum remissioni expiationiq. datur. Vt sciamus ideo Græcos in seruitutem diuinitus Turcis dados, quod crimen aduersus Ecclesiam Catholicam patratum non expiarint intra definitum à diuinis scripturis tempus.

Claudus à natiuitate sua ad portas Templi mendicans, à Petro Apostolo mirabiliter in nomine Iesu Christi, illico, solo verbo sanatur, coramq. omnibus, vidente, & stupente populo per templum, Deum laudans ambulauit.

Cap. 267.

Prosequamur, quæ à Petro Apostolo, & Ioanne primis illis diebus gesta sunt, cum Spiritu sancto repleti essent.

Petrus autem, & Ioannes ascendebant in Templum ad horam orationis nonam, & quidam vir, qui erat claudus ex utero matris suæ baiulabatur, quem ponebant quotidie ad portam templi, quæ dicitur Speciosa, vt peteret eleemosynam ab introeuntibus in templum. Is cum vidisset Petrum & Ioannem incipientes introire in templum rogabat, vt eleemosynam acciperet; intuens autem in eum Petrus cum Ioanne, dixit: Respice in nos. At ille intendebat in eos, sperans se aliquid accepturum ab eis. Petrus autem dixit: Argentum & aurum non est mihi quod autem habeo, hoc tibi do. In nomine Iesu Christi Nazareni surge, & ambula. Et apprehensa eius manu dextera alleuauit eum, & protinus consolidatæ sunt bases eius & plantæ. Et exiliens stetit, & ambulauit, & intrauit cum illis in templum, ambulans & exiliens & laudans Deum: & vidit omnis populus eum ambulantem, & laudantem Deum. cognoscebant autem illum, quod ipse erat, qui ad eleemosynam sedebat ad Speciosam portam templi, & impleti sunt stupore, & exlassi in eo, quod contigerat illi. Cum tenerent autem Petrum & Ioannem, concurrunt omnis populus ad eos in porticum, quæ appellatur Salamonis stupentes. Videns autem Petrus respondit ad populum: Viri Israelitæ quid miramini in hoc, aut nos quid intuemini, quasi nostra virtute aut potestate fecerimus hunc ambulare? Deus Abraam, & Deus Isaac, & Deus Iacob, Deus patrum nostrorum glorificauit filium suum Iesum, quem vos quidem tradidistis, & negastis ante faciem Pilati, iudicante illo dimitti. Vos autem & iustum negastis, & petistis virum homicidam donari vobis, autorem verò vitæ interfecistis. Quem Deus suscitauit à mortuis, cuius nos testes sumus, & in fide nominis eius hunc, quem vos videtis, & nostis, confirmauit nomen eius, & fides, quæ per eum est, dedit integram sanitatem istam in conspectu omnium vestrum. Et nunc fratres scio, quod per ignorantiam feci.

Ex Act. 3.

Apost. c. 3.

fecistis, sicut & principes vestri. Deus autem, qui prænunciavit per os omnium Prophetarum pati Christum suum, sic implevit. Pœnitimini igitur, & convertimini, ut deleantur peccata vestra, & cum venerint tempora refrigerij à conspectu Domini, & miserit eum, qui prædicatus est vobis, Iesum, quem oportet quidem cælum suscipere, usque in tempora restitutionis omnium, quæ locutus est Deus per os sanctorum suorum à seculo prophetarum. Moyses quidem dixit: Quoniã prophetam suscitabit vobis Dominus Deus vester fratribus vestris, tanquam meipsum audietis iuxta omnia quæcunque locutus fuerit vobis: Erit autem omnis anima, quæ non audierit prophetam illum, exterminabitur de plebe: & omnes prophetæ à Samuel, & deinceps, qui locuti sunt, annunciarunt dies istos. Vos estis filij prophetarum & testamenti, quod disposuit Deus ad patres vestros dicens ad Abraham: Et in semine tuo benedicentur omnes familiz terræ. Vobis primum Deus suscitans filiũ suum, misit eum benedicentem vobis, ut converterat se unusquisque à nequitia sua.

Mira constantia, & fortitudo Petri, & discipulorum Christi in contemnendis increpationibus, & minis sacerdotum, & seniorum, & fiducia in loquendo audacter verbum Dei, & de unanimitate credentium, & contemptu divitiarum propter inuentum Christum, thesaurum indeficientem, & venditione bonorum, & proiectione pretij ante pedes Apostolorum.

Cap. 268.

Ex Actib.
Apost. c. 4.

LOquentibus autem illis ad populum superuenerunt sacerdotes, & magistratus templi, & Saducæi dolentes, quod docerent populum, & annũciarent in Iesum resurrectionem ex mortuis, & iniecerunt in eos manus, & posuerunt eos in custodiam in crastinum. Erat autem iam vespera. Multi autem eorum, qui audierant verbum, crediderunt, & factus est numerus eorum quinque millia. Factum est autem in crastinum, ut congregarentur principes eorum, & seniores & Scribæ in Hierusalem: & Anna princeps sacerdotum & Caiphas, & Ioannes, & Alexander, & quotquot erant de genere sacerdotali, & statuentes eos in medium interrogabant: In qua virtute, aut in quo nomine fecistis hoc vos? Tunc Petrus repletus Spiritu sancto dixit ad eos: Principes populi & seniores Israel, audite: si nos hodie diiudicamur in benefacto hominis infirmi, in quo iste saluus factus est: notum sit omnibus vobis, & omni plebi Israel, quod in nomine Iesu Christi Nazareni, quem vos crucifixistis, quem Deus suscitavit à mortuis, in hoc iste astat coram vobis sanus. Hic est lapis, qui reprobatus est à vobis ædificantibus, qui factus est in caput anguli, & non est in aliquo alio salus. Nec enim aliud nomen est sub cælo datum hominibus, in quo oporteat nos saluos fieri. Videntes autem Petri constantiam & Ioannis, comperto quod homines essent sine litteris, & idiotæ admirabantur, & cognoscebant eos, quoniam cum Iesu fuerant: hominem quoque videntes stantem cum eis, qui curatus fuerat, nihil poterant contradicere. Iusserunt autem foras extra Concilium secedere, & conferebant ad inuicem dicentes: Quid faciemus hominibus istis:

istis : quoniam quidem notum signum factum est per eos omnibus habitatoribus in Hierusalem .

Manifestum est, & non possumus negare, sed ne amplius diuulgetur in populum, comminemur eis, ne ultra loquantur in nomine hoc ulli hominum, & vocantes eos, denunciauerunt, ne omnino loquerentur, neque docerent in nomine Iesu . Petrus vero & Ioannes respondentes dixerunt ad eos . Si iustum est in conspectu Dei, vos potius audire, quam Deum, iudicate . Non enim possumus, quæ vidimus, & audiuius, non loqui : at illi comminantes dimiserunt eos : non inuenientes quomodo punirent eos propter populum, quia omnes glorificabant id quod factum fuerat in eo quod acciderat . Annorum enim erat amplius quadraginta homo, in quo factum fuerat signum istud sanitatis . Dimissi autem venerunt ad suos, & annunciauerunt ad eos quanta ad eos principes sacerdotum, & seniores dixissent . Qui cum audissent, unanimiter leuauerunt vocem ad Deum, & dixerunt . Domine tu, qui fecisti cælum & terram, mare, & omnia, quæ in eis sunt, qui Spiritu sancto per os patris nostri Dauid pueri tui dixisti : Quare fremuerunt gentes, & populi meditati sunt inania ? Astiterunt Reges terrarum, & Principes conuenerunt in vnum aduersus Dominum, & aduersus Christum eius : conuenerunt enim, vere in ciuitate ista aduersus sanctum puerum tuum Iesum, quem vnixisti, Herodes, & Pontius Pilatus cum gentibus & populis Israel facere, quæ manus tua, & consilium tuum decreuerunt fieri : & nunc Domine respice in minas eorum, & da seruis tuis cum omni fiducia loqui verbum tuum, in eo quod manum tuam extendas ad sanitates & signa, & prodigia fieri per nomen sancti filii tui Iesu . Et cum orassent, motus est locus in quo erant congregati, & repleti sunt omnes Spiritu sancto, & loquebantur verbum Dei cum fiducia . Multitudinis autem credentium erat cor vnum, & anima vna : nec quisquam eorum, quæ possidebat, aliquid suum esse dicebat, sed erant illis omnia communia : Et virtute magna reddebant Apostoli testimonium resurrectionis Iesu Christi Domini nostri, & gratia magna erat in omnibus illis . Neque enim quisquam egens erat inter illos . Quotquot enim possessores agrorum, aut domorum erant, vendentes afferebant pretia eorum, quæ vendebat, & ponebant ante pedes Apostolorum . Diuidebatur autem singulis, prout cuique opus erat . Ioseph autem, qui cognominatus est Barnabas ab Apostolis, quod est interpretatum, filius consolationis, Leuites, Cyprius genere, cum haberet agrum, vendidit eum, & attulit pretium, & posuit ante pedes Apostolorum .

Vir, & vxor mentientes Spiritui sancto, & fraudantes de pretio agri terribile increpante Petro, patiuntur interitum . Umbra Petri obumbrans infirmos mirabiliter ab omnibus curabat infirmis : Apostoli carcerati ab Angelo liberantur, & intrepide predicant Christum, & contumeliose cæsi, ibant gaudentes, quoniam digni habiti fuerant pro nomine Iesu contumeliâ pati.

Cap. 269.

Vir autem quidam, nomine Ananias, cum Saphira vxore sua vendidit agrum, & fraudauit de pretio agri conscia vxore, & asserens partem quam

Ex Act.

Apost. c. 5.

quamdam ad pedes Apostolorum posuit . Dixit autem Petrus ad Ananiam : Anania, cur tentauit Sathanas cor tuum mentiri te Spiritui sancto , & fraudare de pretio ? Nonne manens tibi manebat , & venundatum in tua erat potestate ? Quare posuisti in corde tuo hanc rem ? Non es mentitus hominibus, sed Deo . Audiens autem Ananias hæc verba, cecidit, & expirauit . Et factus est timor magnus super omnes qui audierunt . Surgentes autem iuuenes amouerunt eum , & efferentes sepelierunt . Factum est autem quasi horarū trium spatium, & vxor ipsius nesciens, quod factum fuerat, introiuit . Dixit autem ei Petrus : Dic mihi mulier , si tanti agrum vendidisti : at illa dixit: etiam tanti . Petrus autem ad eam : Quid vtiq̃e conuenit vobis tentare spiritum Domini ? Ecce pedes eorum , qui sepelierunt virum tuum ad ostium , & efferent te . confestim cecidit ante pedes eius , & expirauit . Intrantes autem iuuenes inuenerunt illam mortuam , & extulerunt, & sepelierunt ad virum suum . Et factus est timor magnus in vniuersa Ecclesia, & in omnes , qui audierunt hæc . Per manus autem Apostolorum fiebant signa, & prodigia multa in plebe . Et erant vnanimiter omnes in porticu Salamonis: ceterorum autem nemo audebat se cōiungere illis, sed magnificabat eos populus . Magis autem augebatur credentium in Domino multitudo virorum, ac mulierum , ita vt in plateas eijcerent infirmos, & ponerent in lectulis, ac grabatis, vt veniente Petro saltem vmbra illius obumbraret quemquam illorum , & liberarentur omnes ab infirmitatibus suis . Concurrabat autem multitudo vicinarum ciuitatum Hierusalem afferentes ægros , & vexatos à spiritibus immundis, qui curabantur omnes . Exurgens autem princeps sacerdotum , & omnes qui cum illo erant , quæ est hæresis Saducæorum , repleti sunt zelo , & iniecerunt manus in Apostolos, & posuerunt eos in custodia publica . Angelus autem Domini per noctem aperiens ianuas carceris, & educens eos dixit : Ite, & stantes loquimini in templo plebi omnia verba vitæ huius : qui cum audissent, intrauerunt diluculo in templum, & docebant . Adueniens autem princeps sacerdotum , & qui cum eo erant, conuocauerunt Concilium & omnes seniores filiorum Israel, & miserunt ad carcerem, vt adducerentur . Cum autem venissent ministri , & aperto carcere non inuenissent illos, reuersi nunciauerunt dicentes : Carcerem quidem inuenimus clausum cum omni diligentia , & custodes stantes ante ianuas , aperiennes autem neminem intus inuenimus . Vt autem audierunt hos sermones magistratus templi , & principes sacerdotum ambigebant de illis, quidnam fieret . Adueniens autem quidam nunciauit eis , quod ecce viri, quos posuisti in carcerem, sunt in templo stantes, & docentes populum . Tunc abiit magistratus cum ministris, & adduxit illos sine vi . Timebant autem populum, ne lapidarentur . Et cum adduxissent illos statuerunt in Concilio . Et interrogauit eos princeps sacerdotum dicens : Præcipiendo præcepimus vobis, ne doceretis in nomine isto, & ecce replestis Hierusalem doctrina vestra, & vultis inducere in nos sanguinem hominis istius . Respondens autem Petrus, & Apostoli dixerunt : Obedere oportet magis Deo, quam hominibus . Deus patrum nostrorum suscitauit Iesum, quem vos interemistis suspendentes in ligno . Hunc principem , & saluatorem Deus exaltauit dextera sua ad dandam poenitentiam Israeli , & remissionem peccatorum, & nos sumus testes horum verborum, & Spiritus sanctus, quem dedit Deus omni-

omnibus obedientibus sibi. Hæc cum audissent, dissecabantur, & cogitabant interficere illos. Surgens autem quidam in Concilio Phariseus, nomine Gamaliel, legis Doctor honorabilis vniuersæ plebi, iussit foras ad breue homines fieri. Dixitq. ad illos: Viri Israelitæ attendite vobis super hominibus istis, quid acturi sitis. Ante hos enim dies extitit Theodas, dicens se esse aliquem, cui consensit numerus virorum circiter quadringentorum, qui occisus est, & omnes, qui credebant ei, dissipati sunt, & redacti ad nihilum. Post hunc extitit Iudas Galilæus in diebus professionis, & auertit populum post se, & ipse periit, & omnes quotquot consenserunt ei, dispersi sunt. Et nunc itaq. dico vobis, discedite ab hominibus istis, & finite illos. Quoniam si est ex hominibus consilium hoc, aut opus, dissoluetur: si vero ex Deo est, non poteritis dissoluere illud, ne forte & Deo repugnare videamini. Consenserunt autem illi, & conuocantes Apostolos cæsis denunciauerunt, ne omnino loquerentur in nomine Iesu; & dimiserunt eos. Et illi quidem ibant gaudentes à conspectu concilij, quoniam digni habiti sunt pro nomine Iesu contumeliam pati. Omni autem die non cessabant in templo, & circa domos docentes & euangelizantes Christum Iesum.

Anno Domini 34. Stephanus primus omnium Christianorum martyrio coronatus est. Hunc tradunt patres fuisse iuuenem elegantissimæ formæ, & castum in virginitate sua, & discipulum Gamalielis, Ministrum Iacobi minoris, Hierosolymæ Episcopi, Primicerium Diaconorum: Dictus est prima Ovis, primus martyr, primus Christi pedisequus, primitiuus flos, plenus fide & Spiritu sancto, plenus gratia, & fortitudine, datus nobis in exemplum animi igniti & generosi, & inuidiæ patientiæ, & magnanimæ dilectionis in inimicos, & fidei singularis, quæ magnitudine sua viderit cælos apertos.

Res magnifice gesta, & nobile certamen Stephani Leuitæ in reddendo testimonio Resurrectionis Iesu Christi ab Euangelista Luca. Cap. 270.

IN diebus autem illis crescente numero discipulorum, factum est murmur Græcorum aduersus Hebræos, eo quod despicerentur in ministerio quotidiano viduæ eorum. Conuocantes autem duodecim multitudo discipulorum dixerunt: Non est æquum nos derelinquere verbum Dei, & ministrare mensis. Considerate ergo fratres, viros ex vobis boni testimonij septem, plenos Spiritu sancto, & sapientia, quos constituamus super hoc opus. Nos vero orationi, & ministerio verbi instantes erimus. Et placuit sermo coram omni multitudine, & elegerunt Stephanum, virum plenum fide, & Spiritu sancto, & Philippum, & Prochorum, & Nicanorem, & Timonem, & Parmenam, & Nicolaum aduenam Antiochenum. Hos constituerunt ante conspectum Apostolorum, & orantes imposuerunt eis manus. Et verbum Domini crescebat, & multiplicabatur numerus discipulorum in Hierusalem valde: multa etiam turba Sacerdotum obediebat fidei. Stephanus autem plenus gratia, & fortitudine, faciebat prodigia, & signa magna in populo. Surrexerunt autem quidam de Synagoga, quæ appellatur Libertinorum, & Cyrenensium, & Alexandrinorum, & eorum, qui erant à Cili-

*Ex Actib.
Apost. c. 6.*

cia,

cia, & Asia, disputantes cum Stephano, & non poterant resistere sapientia, & spiritui, qui loquebatur. Tunc submiserunt viros, qui dicerent, se audiuisset, eum dicentem verba blasphemiae in Moysen, & in Deum. Commouerunt itaque plebem, & Seniores, & Scribas, & concurrentes rapuerunt eum, & adduxerunt in Concilium, & statuerunt falsos testes, qui dicerent. Homo iste non cessat loqui verba aduersus locum sanctum, & legem. Audiuius enim eum dicentem: quoniam Iesus Nazarenus hic destrueret locum istum, & mutabit traditiones, quas tradidit nobis Moyses, & inuentus eum omnes, qui sedebant in Concilio, viderunt faciem eius tanquam faciem Angeli.

- Cap. 7.* Dixit autem Princeps Sacerdotum: si hæc ita se habent? Qui ait: Viri fratres, & patres, audite: Deus gloriæ apparuit patri nostro Abraham, cum esset in Mesopotamia, priusquam moraretur in Charan, & dixit ad illum: Exi de terra tua, & de cognatione tua, & veni in terram, quam monstrauero tibi. Tunc exiit de terra Chaldaeorum, & habitauit in Charan, & inde postquam mortuus est pater eius, transtulit illum in terram istam, in quam nunc vos habitatis, & non dedit illi hereditatem in ea, nec passum pedis: sed repromisit dare illi eam in possessionem, & semini eius post ipsum, cum non haberet filium. Locutus est autem ei Deus: Quia erit semen eius accola in terra aliena, & seruituti eos subijcient, & male tractabunt eos annis quadringentis: & gentem cui seruiert, iudicabo ego, & post hæc exibunt, & seruiert mihi in loco isto. Et de-
- Gen. 12. 1.* dixit Dominus, & post hæc exhibuit, & seruiert mihi in loco isto. Et de-
- Gen. 17. 10* dit illi testamentum circumcisionis, & sic genuit Isaac, & circumcidit eum
- Gen. 21. 24* die octauo: & Isaac, Iacob; & Iacob duodecim Patriarchas, & Patriarchæ æmulantes, Ioseph vendiderunt in Aegyptum, & erat Deus cum eo, &
- Gen. 25. 24* eripuit eum ex omnibus tribulationibus eius, & dedit ei gratiam, & sapientiam in conspectu Pharaonis Regis Aegypti, & constituit eum præpositum
- Gen. 29. 32* super Aegyptum, & super omnem Domum suam.
- Gen. 41. 37*

- Gen. 42. 2.* Venit autem fames in vniuersam Aegyptum, & Chanaan, & tribulatio magna, & non inueniebant cibos patres nostri. Cum audisset autem Iacob esse frumentum in Aegypto, misit Patres nostros primum: & in secundo cognitus est Ioseph à fratribus suis, & manifestatum est Pharaoni genus eius.
- Gen. 45. 3.*

- Gen. 46. 5.* Mittens autem Ioseph accersuit Iacob patrem suum, & omnem cognitionem suam in animabus septuaginta quinque. Et descendit Iacob in Aegyptum, & defunctus est ipse, & Patres nostri, & translati sunt in Sichem, & positi sunt in sepulchro, quod emit Abraham pretio argenti à filiis Hemor filij Sichem. Cum autem appropinquaret tempus promissionis, quam confessus erat Deus Abraham, creuit populus, & multiplicatus est in Aegypto, quoadusque surrexit alius Rex in Aegypto, qui non sciebat Ioseph. Hic circumueniens genus nostrum, afflixit patres nostros, ut exponerent infantes suos, ne viuificarentur. Eodem tempore natus est Moyses, & fuit gratus Deo, qui nutritus est tribus mensibus in domo patris sui. Exposito autem illo, sustulit eum filia Pharaonis, & nutriuit eum sibi in filium, & eruditus est Moyses omni sapientia Aegyptiorum, & erat potens in verbis, & in operibus suis. Cum autem impleretur ei quadraginta annorum tempus, ascendit in cor eius, ut visitaret fratres suos Israel, & quemdam iniuriam patientem, vindicauit illum, & fecit ultionem ei qui iniuriam sustinebat,

bat, percusso Aegypto. Existimabat autem intelligere fratres, quoniam per manus Deus ipse daret salutem illis: at illi non intellexerunt.

Sequenti vero die apparuit illis litigantibus, & reconciliabat eos in pace, dicens: Viri, fratres estis, ut quid nocetis alterutrum? Qui autem iniuriam faciebat proximo, repulit eum dicens: Quis te constituit principem, & iudicem super nos? Numquid interficere me tu vis, quemadmodum interfecisti heri Aegyptium? Fugit autem Moyses in verbo isto: & factus est advena in terra Madian, ubi genuit filios duos. Et expletis annis quadraginta, apparuit illi in deserto montis Sina Angelus in igne flammæ rubi. Moyses autem videns admiratus est visum, & accedente illo, ut consideraret, facta est ad eum vox Domini, dicens: Ego sum Deus Patrum tuorum, Deus Abraham, Deus Isaac, & Deus Iacob. Tremefactus autem Moyses, non audebat considerare. Dixit autem illi Dominus: Solue calceamentum pedum tuorum: locus enim, in quo stas, terra sancta est. Videns vidi afflictionem populi mei, qui est in Aegypto, & gemitum eorum audiui, & descendi liberare eos. Et nunc veni, & mittam te in Aegyptum. Hunc Moysen, quem negauerunt, dicentes: Quis te constituit Principem, & iudicem? hunc Deus Principem, & redemptorem misit, cum manu Angeli, qui apparuit illi in rubo. Hic eduxit illos faciens prodigia, & signa in terra Aegypti. & in rubro mari, & in deserto annis quadraginta. Hic est Moyses, qui dixit filiis Israel: Prophetam suscitabit vobis Deus de fratribus vestris, tamquam me, ipsum audietis. Hic est, qui fuit in Ecclesia in solitudine cum Angelo, qui loquebatur ei in monte Sina, & cum Patribus nostris, qui accepit verba vitæ dare vobis. Cui noluerunt obedire Patres nostri, sed repulerunt, & auersi sunt cordibus suis in Aegyptum, dicentes ad Aaron: Fac nobis Deos, qui præcedant nos: Moyses enim hic, qui eduxit nos de terra Aegypti, nescimus quid factum sit ei, & vitulum fecerunt in diebus illis, & obrulerunt hostiam simulachro, & lætabantur in operibus manuum suarum. Conuertit autem Deus, & tradidit eos seruire militiæ calii, sicut scriptum est in libro Prophetarum: Numquid victimas, & hostias obrulistis mihi annis quadraginta in deserto, domus Israel? Et suscepistis tabernaculum Moloch, & fidus Dei vestri Rempham, figuras, quas fecistis, adorare eas, & transferam vos trans Babylonem, Tabernaculum testimonij fuit cum Patribus nostris in deserto, sicut disposuit illi Deus, loquens ad Moysen, ut faceret illud secundum formam, quam viderat. Quod & induxerunt, suscipientes Patres nostri cum Iesu in possessionem gentium, quas expulit Deus à facie Patrum nostrorum, usque in diebus David, qui inuenit gratiam ante Deum, & petijt ut inueniret tabernaculum Deo Iacob; Salomon autem edificauit illi domum, sed non excelsus in manufactis habitabat, sicut Propheta dicit: Cælum mihi sedes est: terra autem scabellum pedum meorum. Quando domum edificabitis mihi, dicit Dominus? aut quis locus requietionis meæ est? Nonne manus mea fecit hæc omnia? Dura ceruice, & incurcucis cordibus, & auribus: vos semper Spiritui sancto restitistis, sicut Patres vestri, ita, & vos.

Quem Prophetarum non sunt persecuti, patres vestri? Et occiderunt eos, qui prænucciabant de aduentu iusti, cuius vos nunc proditores, & homicidæ fuistis, qui accepistis legem in dispositione Angelorum, & non custodistis;

stis? Audientes autem hæc discabantur cordibus suis, & stridebant dentibus in eum. Cum autem esset plenus Spiritu sancto, intendens in cælum, vidit gloriam Dei, & Iesum stantem à dextris Dei, & ait: Ecce video cælos apertos, & filium hominis stantem à dextris Dei.

Exclamantes autem voce magna continuerunt aures suas, & impetum fecerunt vnanimiter in eum, & eijcientes eum extra Ciuitatem, lapidabant, & testes deposuerunt vestimenta sua secus pedes adolescentis, qui vocabatur Saulus.

Et lapidabant Stephanum inuocantem, & dicentem: Domine Iesu, suscipe spiritum meum. Positis autem genibus, clamauit voce magna dicens: Domine, ne statuas illis hoc peccatum. Et cum hoc dixisset, obdormiuit in Domino. Saulus autem erat consentiens neci eius.

Cap. 8.

Facta est autem in illa die persecutio magna in Ecclesia, quæ erat Hierosolymis, & omnes dispersi sunt per regiones Iudææ, & Samaritæ præter Apostolos.

Curauerunt autem Stephanum viri timorati, & fecerunt planctum magnum super eum.

De occasione necis S. Stephani.

Cap. 271.

Vnde autem oborta occasio fuerit necis Stephani, Lucas docet: quod scilicet cum ageret signa, & prodigia magna in populo, concitauit in se odium Iudæorum diuersarum regionum, quarum collegia Hierosolymis omnium Iudæorum metropoli erant, in quibus erudiebantur adolescentes, qui ex diuersis prouincijs confluabant, vt diuinam legem addiscerent: Græcorum vero scientias, vel nationum linguas haud licuisse publice tradi, Iosephus testatur. Erat Stephanus vnus ex illis; eodem vsus fuerat legis magistro Gamaliel, cumq. Christi fidem libere, fortiterq. annuntiaret, atque eam miraculis consignaret; cum sodalium omnium, ac discipulorum, tum præsertim Sauli Tarsensis, Synagogæ eorum qui erant à Cilicia facile principis, in se impetum mouit. Incensor enim omnium esse visus est Saulus, quod ipse in Iudaismo profecisset præ ceteris cõtemporaneis suis, paternarum traditionum abundantius æmulator existens: qui nec à cæpro destitit, donec eundem lapidibus obrutum, sicque iam esse cognouisset extinctum.

*Ioseph. ant.
l. 20. c. ult.
Lucia. epist.
de inuent.
S. Stephan.*

Gal. 1.

De loco, vbi lapidatus est.

Cap. 272.

De loco vero, vbi lapidatus est Stephanus, ex relatione Gamalielis, in Luciani epistola legitur; lapidatum fuisse extra portam, quæ vergit ad Aquilonem, & ducit ad Cedar, quæ postea nomine sancti Stephani appellata reperitur, alio nomine, porta Ephraim. Locus ille neque integro stadio distabat Hierosolymis, quem Eudoxia Augusta, nobilissima Ecclesia ædificata, egregie illustrauit, vt auctor est Euagrius, & Marcellinus. Lapis ille super quem positus suscepit lapidum imbres, in Ecclesiam Apostolorum ad montem Sion positam, translatus, magna veneratione est habitus, vt Beda testatur.

*Apud Bed.
de lo. sanc.
c. 1. & Bur
char. p. 1. c.
7.
Euagr. hist.
lib. 1. c. 22.
Marcell. in
Chron.*

De

De lapide quodam, quo lapidatus est Stephanus, in Italiam translatus. Cap. 273.

VNum insuper ex lapidibus, quo idem Protomartyr Stephanus percussus est, à quopiam Christianorum collectum, postmodum in Italiam translatum fuisse, & Anconæ positum, ibiq. ea de causa in honorem martyris fuisse excitatam Ecclesiam, vbi in eius rei memoriam celebritas annua ageretur, testantur antiqua Martyrologia, quod & à Baronio notatum est in Martyrol. Rom. Adstipulatur his omnibus S. August. duobus sermonibus, quibus agit de miraculis eiusdem Protomartyris. Sciunt (inquit ille) multi, quanta miracula per beatissimum Martyrem Stephanum in ista Ciuitate fiant. Et audite quod miremini. Memoria eius antiqua ibi erat, & ipsa est ibi. Sed fortasse dicis corpus eius nondum apparuerat; Memoria ibi vnde erat? Latet quidem causa. Sed quid ad nos fama pertulerit, non rabebo charitati vestræ. Quando lapidabatur sanctus Stephanus, aliqui etiam innocentes, & maxime de ijs, qui iam in Christo crediderant, circumstantabant: dicitur lapis venisse in cubito, & excussus inde venisse ante quemdam religiosum. Tulit illum, & seruauit. Homo erat de nauigantibus, fors nauigationis attulit illum ad littus Anconæ, & reuelatum est illi, ibi debere reponi lapidem illum. Ille obediuit reuelationi, & fecit quod iussus est. Ex illo cepit esse, & memoria sancti Stephani vbi est, nescientibus hominibus quid contigisset. Verum autem intelligitur propterea ibi fuisse reuelatum, vt ibi poneret lapidem, qui de cubito martyris excussus est: quia Græce cubitum *ἀγκύλιον* dicitur. Sed qui sciunt, quæ ibi miracula fiant, ipsi nos doceant. Hæc Augustinus de lapide, quo percussus est Protomartyr.

Beda de lo. Sanct. c. 3.

Marty. Ro. die 3. Aug. August. jer. 31 & 32. de diuerso.

Quod vero ad erectam tunc temporis Memoriam martyris spectat, his iungimus, quæ in epistola Martialis Apostolorum discipuli nomine prænotata, ad Burdegalenses scripta (qualiacunque sint) leguntur his verbis: Dum altaria Dæmonum in puluerem redigerentur, aram Ignoti Dei ad consecrationem referuari iussimus: qua dedicata in nomine Dei Israel, & ipse testis Stephani, qui pro eo à Iudæis passus est; non hominis cultum, sed Dei in ea frequentatis. Stephanus enim non Deus, sed amicus Dei fuit, qui pro testimonio eius animam suam posuit, cuius sanguine ipsa mensa est decorata. Rursum, ne quid prætermittamus, legitur in constitutionibus Apostolicis, quæ feruntur nomine Clementis, inter Christianorum ferias adnumerari natalem diem Protomartyris Stephani.

Martia. ad Burdeg.

Clem. c. 58. lib. 8. c. 39.

De oratione S. Stephani, quæ Saulum Ecclesiæ lucrata est. Cap. 274.

Qualis vero, quantaquæ ex martyrio Stephani facta sit nostris rebus accessio, vel ex eo saltem quis considerare facile poterit, quod Augustinus sæpe testatur, precibus Stephani, Sauli expugnatam esse perfidiam;

Cc diam;

117.7.
117.22.

diam. Erat ipse consentiens neci eius, & vestium lapidantium custos, quod non tantum Lucas affirmat, sed & ipse Paulus ex Saulo conuersus, agens aliquando suæ fidei defensionem, hæc inter alia pro concione habuit, cum ad Deum conuersus hæc dixit: Domine, ipsi sciunt, quia ego eram concludens in carcerem, & cadens per Synagogas eos, qui credebant in te, & cum funderetur sanguis Stephani testis tui, ego astabam, & consentiebam, & custodiebam vestimenta interficientium illum. Stephanus igitur Domini Iesu memor exempli, qui pro transgressoribus, cum esset in Cruce, preces ad Deum fudit, dicens: Pater dimitte illis: non enim sciunt,

117.7.

quid faciunt: & ipse his admonitus, positus genibus (inquit Lucas) clamauit voce magna dicens: Domine ne statuas illis hoc peccatum. Putas (inquit Augustinus) verba ista audiuit Saulus? Audiuit subsannans, sed irrisit: & tamen ad orationem Stephani pertinebat. Adhuc grassabatur, & iam pro illo Stephanus exaudiebatur. Et alibi: Si sanctus Stephanus non orasset, Ecclesia Paulum non haberet. Sed ideo erectus est Paulus, quia in terram inclinatus, exauditus est Stephanus. hæc eadem quoque alibi repetit.

Aug. ser. 1.
& ser. 5. de
sanctis.

De Sepultura, & nobili eius funere. Cap. 275.

117.8.

QUæ vero pertinent ad sepulturam eius, rem gestam his paucis Lucas absoluit, dicens: Curauerunt autem Stephanum viri timorati, & fecerunt planctum magnum super eum. hæc ille: Sed apposite quidem antequam ageret de eius funere, hæc verba præmisit: Facta est autem in illa die persecutio magna in Ecclesia, quæ erat Hierosolymis, & omnes dispersi sunt per regiones Iudææ, & Samariæ, præter Apostolos. His dictis, de sepultura, quæ narrauimus, subdit, ea nimirum ex causa; quod non ea die, qua necatus est, sepulturæ traditus sit, id prohibentibus Iudæis; sed postea cum ea, quam refert, facta est persecutio in Ecclesiam.

De sepultura ipsius hæc ex relatione Gamalielis narrat Lucianus in ea, quam totus Christianus Orbis recepit, Epistola de inuentione corporis eiusdem Protomartyris his verbis: Lapidatus est à Iudæis, & Principibus sacerdotum in Hierusalem pro Christi fide, extra portam, quæ est ad Aquilonem, quæ ducit ad Cedâr: ibi die, ac nocte iacuit proiectus, ut sepulturæ non daretur, secundum mandatum impiorum Principum, ut à feris consumeretur corpus eius. Ex Domini autem voluntate, non tetigit eum vnum ex his, non fera, non auis, non canis.

Ego Gamaliel compatiens Christi ministro, & festinans habere mercedem à Domino, & partem cum Sancto viro fidei, misi per noctem quantos poteram Religiosos Christianos, & in Christo Iesu fideliter credentes, habitantes Hierusalem in medio Iudæorum, & hortatus sum eos, & necessariam substantiam ministraui, ac persuasi illis ire occulte, ut portarent corpus eius meo in vehiculo ad villam meam, hoc est in Caphargamallam (quod interpretatur, Villa Gamalielis) viginti millia habens à Ciuitate: Et ibi feci illi planctum fieri diebus septuaginta, & poni eum

eum in meo monumento nouo in Orientali theca, & præcepi meis, ut quæcunque necessaria erant pro eius planctu, de meo darent. Hactenus ille de sepultura Stephani.

Nec aliter quidem sanctus Hieronymus planctum magnum, quem factum narrat Lucas in funere Stephani, nisi magnificentiam funeris, intelligendum esse ait, scribens ad Paulam his verbis; Quod Stephano fecerint Hierosolymæ fratres planctum magnum, & utique planctus magnus non in plangentium exanimatione, ut tu putas, sed in pompa funeris, & exequiarum frequentia intelligendus sit. Idemquæ alibi aduersus Vigilantium ad Riparium scribens: Ergo, inquit, Martyrum immundæ sunt reliquæ? Et quid passi sunt Apostoli, ut immundum Stephani corpus tanta funeris ambitione præcederent, ut facerent ei planctum magnum, & eorum luctus in nostrum gaudium verteretur? hæc Hieronymus, superius ex Luciani Epistola enarratis consentiens, qui etiam ex pluribus diuinæ Scripturæ locis egregiè monstrat, planctum magnum, funeris amplitudinem significare.

Hieron. ad Paul. epist. 15.

Hier. ad Rip. epist. 53

Apud Rabbi Iacob in Turim Tora Degha capite trecentesimo quinquagesimo secundo legitur, adeo sumptuosa esse consueuisse funera Iudæorum, ut interdum euenerit, ut qui fustissimis impensis impares essent, ad tempus fugam arripuerint. Qui autem hæc corrigenda curarit, tradit fuisse seniore Gamalielelem, qui vili funeris pompa voluit sepeliri, & inter alia, lineis tantum amictum sepulturæ mandari, quem & posteros esse imitatos affirmat.

Diligens præseorum Christianorum cura in sepeliendis cum honore mortuorum reliquijs.

Cap. 276.

Ceterum ipsorum Apostolorum exemplo, adeo splendide per Gamalielelem curantium Stephani sepulturam, laudabilis in Ecclesia Dei in curandis defunctorum corporibus consuetudo permansit, ut eadem imprimis aromatibus condirentur. Vnde Tertullianus: Si Arabiæ quæruntur; sciant Sabæi pluri, & carius suas merces Christianis sepeliendis profligari, quam dijs fumigandis. Gregorius Nyssenus hæc in funere Meletij: Sindones mundæ, & panni serici, vnguentorum, & aromatum largitas, liberalitas mulieris ornatæ, & honestæ, &c. Gregorius Nazianzenus non sine myrrha Cæsarium fratrem sepeliuit. De qua etiam consuetudine pristina Prudentius agit his versibus;

Tertull. in Apolog.

Greg. Nyss. or. in funere Meletij.

Greg. Naz. ad Sophro. epist. 18.

Prudent. in Catahem. hym. de defunctis.

Candore nitentia claro
Prætere lintea mos est,
Aspersaq. myrrha Sabæo
Corpus medicamine seruat.

Et in fine,

Nos tuta fouebimus ossa

Cc 2

Violis,

Violis , ac fronde frequenti
Titulumq. & frigida saxa
Liquido spargemus odore .

Pöt. in aH. Rursum vero accensis cereis , cantu prosequi pompam funeris apud
pass. S Cyp. Christianos antiquo vsu receptum esse , multis habetur testatum exemplis ,
in fin. ut quod habet Pontius Diaconus de funere sancti Cypriani martyris , his
Greg. Nyss. verbis : Inde cum cereis , & scholaribus in area cuiusdam Candidi procu-
ora in fun. ratoris magno triumpho sepultum est . Quod insuper Gregorius Nyssenus
Meletij. factum tradidit in funere Meletij , cum ait : Quomodo vtrunque quasi
Greg. Naz. ignei amnes continentibus facibus , tractu continuo , perpetuoq. fluen-
orat. in fun. tes , quoad oculi longissime prospicere solent , porrigebantur ? Grego-
Cæsarij. rius Nazianzenus de matre sua in funere Cæsarij filij gestante faces , hæc
habet : Cum multiplici hymnorum cantu deducitur , celebriq. pompa ad
Martyrum sedem effertur , sanctisq. parentum manibus honoratur , matre
accensa face gestante .

Eadem plane , cum agit de funere Constantij in oratione prima aduersus
Greg. Nyss. Iulianum Apostatam . Hoc etiam idem , qui supra Gregorius Nyssenus ,
orat. in fu- cum meminit de funere sanctæ Macrinæ sororis , testatur : idipsum Euse-
nera S. Ma bius in funere Constantini . Sed , & Hieronymus de funere sanctæ Paulæ ,
crina . hæc ait : Translata Episcoporum manibus , & ceruicem feretro subicien-
Euseb. in tibus , cum alij Pontifices , cereos , lampadesque , alij choros psallen-
vit Const. tium ducerent , in medio Ecclesiæ Speluncæ Saluatoris est posita . Athana-
lib. 4. sius eadem sceleriter , & explicat , & probat , cum ait : Si quis diem obie-
Hier. epist. rit , licet in aëre deponatur inhumatus , ne omiseris oleum , & ceram ,
27. in fune- inuocato Christo Deo , ad sepulchrum accendere : accepta enim Deo sunt,
re S Paula. plurimamquæ secum referunt retributionem : oleum , & cera holocaustum
Recitat io. est ; incruentæ vero hostiæ oblatio , propitiatio est . Quid , vero Chryso-
Dam. lib. stomus ? Quid , ait , ardentes quæso , lampades sibi volunt ? nonne tam-
de mor. sus. quam athletas eos comitamur ? Quid autem hymni ? nonne glorificamus
Chrysostom. Deum , & illi gratias agimus , quia iam defunctum coronauit , & ab in-
70. ad pop. certitudine sublatus penes se retinet ? Idemquæ aliàs laudatissimam Chri-
Ant. & 14 stianorum consuetudinem in celebrandis exequijs defunctorum sæpe com-
in 1. Tim. mendat .
& 59. ad Ceterum quod de Stephani funere dictum est , non vna die , sed pluribus ,
pop. & 4. in vsque ad septuagenarium numerum , ipsum curatum esse , Apostolica tradi-
epist. ad He tione in Ecclesia , etiam consuetudo illa probata videtur , ut item non vna die
braos . tantum , sed pluribus , pia Christianorū officia , ac religiosa Fidelium illis per-
soluerentur obsequia : vnguentis enim primum delibuta cadauera , remanere
duorū , vel trium dierum spatio insepulta consueuerant . Quo tempore apud
ipsa excubantes fideles , sacras hymnodias cantantes Deum laudabant , sacras
hostias immolabant ; ac postea ad sepulchrum ducebant : inde post sepultu-
ram etiam psalmorum cantica repetebant . At cum multa de his sint exem-
pla , quæ in medium adduci possent , satis illud esse putauimus , quod in
Paulæ funere factum Hieronymus narrat his verbis : Hebræo , Græco , Lati-
no , Syroq. sermone psalmos in ordine personabant , non solum triduo , do-
nec

Hier. ep. 27

nec subter Ecclesiam, & iuxta specum Domini conderetur, sed per omnem hebdomadam, cunctis, qui venerunt, suum funus, & proprias credentibus lachrymas. Et de sacrificijs offerri tunc solitis testis locupletissimus est S. Augustinus, dum agit de transitu matris. Rursus octava, vigesima, trigesima, quadragesima, ac sexagesima die agi consueuisse memoriam defunctorum, antiqui libri Rituales testantur. Itemque anniuersaria die, eadem pietatis officia repetere maiores consueuisse, multa sunt certissima testimonia. Tertullianus enim ait: Pro defunctis annua die facimus. & alibi: Pro anima eius, inquit, oret, & refrigerium interim, adpostulet ei, & in prima resurrectione consortium, offerat annuis diebus dormitionis eius. Gregorius Nazianzenus hæc item in eadem sententiam: Alia quidem persolumus, alia vero daturi sumus; anniuersarios enim honores, & commemorationes offerentes ij quidem certè, qui supersites relinquuntur. At verò ne in his diutius immoremur: exequijs Christianorum ex traditione, ut vidimus, Apostolorum acceptæ, non tantum apud Fideles, sed etiam Christianorum hostes, sibi conciliarunt honorem, ac reuerentiam: nam Iulianus Apostata, rerum nostrarum acerbissimus inimicus, eiusmodi religiosum officium in suas partes transferre studuit: ut ex his videas, quantum homine illo perduto, ac peruerso sint infeliciores qui detrahunt, atque irrident ea, quæ ab hostibus Christianæ fidei in honore habita sunt.

*Tertull. de
cero. milit.
lib. de Mo-
nog.
Greg. Naz.
ora. in fune
Casarij.*

*Epist. Iul.
ad Arfaci-
apud Soz.
lib. 5. c. 19.*

*Enarratio D. Augustini gloriarum Stephani fortissimi martyris.
Cap. 277.*

Stephani præclarissimi, & fortissimi martyris merita nulla pars orbis ignorat: passus enim est ipso principio Ecclesiæ, in ipsa vrbe Hierosolyma. Ibi enim Diaconus ministravit, & in ipso iuuentutis flore decorem ætatis suæ sanguine purpuravit. Passio eius insignis est, multumque mirabilis. Hanc modo de libro Actuum Apostolorum, cum legeretur, audiuius non solum, sed etiam oculis spectauimus. Christus ergo caput Martyrum prior passus est pro nobis, relinquens vobis exemplum, ut sequamini vestigia eius. Cuius passionis vestigia prior sequutus beatus Stephanus, confitendo Christum, lapidatus à Iudæis coronam meruit, tamquam suo sibi nomine positam. Stephanus enim græcè, latinè corona appellatur. Iam coronæ nomen habebat, & ideo palmam martyrij suo nomine præferebat. Qui eum lapidaretur, non solum non expectabat de persecutoribus reportare vindictam, sed eis potius de Deo veniam postulabat. Meminerat enim dixisse Dominum: Mihi vindictam, & ego retribuam dicit Dominus: Et iterum. Ne dixeris, vlciscar me de inimicis meis, sed expecta Dominum, ut tibi auxilium sit. Expectare nos iubet Dominus Deus, ut in die futuræ retributionis cum sanctis martyribus iudicemur. Beati enim, qui expectant Dominum, quoniam ipsi hæreditate possidebunt terram, quæ iustis est præparata.

*D. August.
ser. de temp.*

Tu autem, ò Christiane, quæris vindicari de aduersario tuo, qui tibi forsitan iniuriam fecit: æstuas, furis, anhelas, festinas vindicari: attende Christum medicum ægritudinis tuæ, attende redemptorem animæ tuæ. Propter te pependit in ligno, & nondum est vindicatus, & tu vis vindicari,

CC 3 & non

& non vis tantum, & talem Magistrum imitari? Ideo pati voluit, ut tibi patientiæ suæ demonstraret exemplum. Vide pendentem, & tibi languenti de suo sanguine medicamentum conficientem. Vide pendentem, & tibi de ligno tanquam de tribunali præcipientem. Audi precantem: Pater ignosce illis, quia nesciunt, quid faciunt.

Sed potuit hoc Christus, dices mihi, ego non possum. Ego enim homo sum, ille Deus homo. Deus ergo ut quid homo, si non corrigitur homo? Sed hæc tibi loquor, ò homo. Multum est te imitari Dominum tuum. Attende Stephanum conseruum tuum. Certe Stephanus homo erat, an Deus? Plane homo erat; hoc erat quod tu. Sed quod fecit, non fecit nisi donante illo, quem rogas & tu. Vide tamen quid fecit. Loquebatur Iudæis, sœuibat, & diligebat. Vtrumque debeo demonstrare, & sœuiemtem, & diligentem. Audi sœuiemtem: duræ cervicis (Verba sunt sancti Stephani, quando loquebatur Iudæis) duræ cervicis, & non circumcisi corde, & auribus, vos semper restitistis Spiritui sancto. Quem Prophetarum non occiderunt patres vestri? Audisti sœuiemtem, audi & diligentem. Irati illi facti, & gravius inardescentes, & mala pro bonis reddentes, ad lapides cucurrerunt, & Dei famulum lapidare cæperunt. Hic probemus sancti Stephani patientiã, & dilectionem. Hic victorem Diaboli, triumphatoremq. cernamus. Audiuius sœuiemtem aduersus tacentes, videamus si diligit lapidantes. Ecce Stephanus lapidatur, sic constitutus quasi ante oculos nostros. Ecce membrum Christi, ecce athleta Christi. Inspice illum, qui pependit in ligno. Crucifigebatur ille, iste lapidabatur. Ille dixit: Pater ignosce illis, quia nesciunt, quid faciunt. Iste quid dicit? Audiamus illum, si forte vel ipsum imitari valemus. Primo beatus Stephanus stans orauit pro se, & ait: Domine Iesu, accipe spiritum meum. Deinde genuflexit, & flexo genu ait: Domine ne statuas illis hoc peccatum: & hoc dicto, obdormiuit. Fœlix somnus, & requies vera. Ecce quid est requiescere, pro inimicis orare.

Sed paululum quæro te, sancte Stephane, expone nobis hoc nescio quid, quare pro te stans orasti, & pro inimicis genuflexisti? Responderet fortasse, quod intelligimus. Pro me stans orauit, quia pro me, qui recte Deo seruiui, orando, & impetrando non laboravi, quia qui pro iusto orat, non laborat: ideo pro se stans orauit. Ventum est, ut oraret pro Iudæis, pro interfectoris Christi, pro interfectoris sanctorum, pro lapidatoribus suis; attendit tam multam, & magnam esse impietatem ipsorum, quàm difficile donari posset, genuflexit, & ait: Domine, ne statuas illis hoc peccatum.

Ergo charissimi si non potestis imitari Dominum, imitamini conseruum, imitamini sanctum Stephanum, imitamini omnes martyres sanctos. Homines erant, conserui tui erant, sicut tu, nati erant, sicut tu nati, sed à Christo sunt coronati.

Omni ergo Ecclesiæ beatus Stephanus datus est ad profectum. Adhuc laicus Diaconij meruit electionem, & Leuita martyrij obtinuit principatum. In plebe adhuc positus erat, sed iam virtutibus eminebat. Humilis erat, sed celsus fide. Discipulus erat ordine, sed factus est Magister exemplo. Quo sequebatur deuotione fidei, præcessit velocitate martyrij. Scriptum est enim de eo in Actibus Apostolorum, quod ad ministerium viduarum sit ab Apostolis

stolis deputatus. In hac etiam re, quod præpositus est feminis, testimonium meruit sincerissimæ castitatis. Beatus ergo erit, fratres charissimi, qui hunc sectatus, qui hunc imitatus fuerit, & pudicitæ palmam, & martyrij consequetur coronam.

Enarratio S. Maximi Episcopi Taurinensis de fortitudine S. Stephani ad inimicorum dilectionem martyris exemplo prouocans. Cap. 278.

Post hæc subiecit Scriptura sacra, & ait: Positis genibus clamauit dicens: Domine, ne statuas illis hoc peccatum. Videte dilectissimi fratres, affectum beati viri: Videte magnam, & admirabilem charitatem. In persecutione positus erat, & pro persecutoribus supplicabat, atque in illa lapidum ruina, quando alius obliuisci poterat etiam charissimos suos, ille Domino commendabat inimicos, Quid enim dicebat, cum lapidaretur? Domine, ne statuas illis hoc peccatum. Plus itaq. tunc illorū dolebat peccata, quàm sua vulnera; plus illorum impietatem, quàm suam mortem. Et recte plus: In illorum quippe iniquitate erant multa, quæ plangi: in illius autem morte non erat, quod debuisset doleri. Illorum impietatem mors sequebatur æterna, huius autem mortem vita perpetua. Imitemur ergo in aliquo dilectissimi fratres tanti magistri fidem, tam præclari martyris charitatem. Diligamus nos hoc animo in Ecclesia fratres nostros, quo ille tunc dilexit inimicos suos. Sed quod peius est, aliquotiens non solum inimicos non diligimus, sed nec amicis quidem fidem integram custodimus.

Sed dicit aliquis: Non possum diligere inimicum meum, quem quotidie velut hostem patior crudelissimum. O quicumque ille es, attendis quid tibi fecerit homo, & non consideras, quid tu feceris Deo? Quum enim tu multum grauiora in Deum peccata commiseris, quare non dimittis homini parum, vt tibi Deus dignetur dimittere multum? Recole quid tibi in Evangelio veritas ipsa promiserit, & quam tibi quodammodo cautionem fecerit, vel quale tecum pactum inierit. Si enim (inquit) dimiseritis hominibus peccata eorum, dimittet & vobis pater vester cælestis peccata vestra. Si autem non dimiseritis, nec pater vester dimittet debita vestra. Videtis fratres, quia cum Dei gratia in potestate nostra positum est, qualiter à Domino iudicemur. Si (inquit) dimiseritis, dimittetur vobis.

Iam sæpe dixi fratres, & frequentius dicere debeo, nemo se circumue niat, nemo se seducat; qui vel vnum hominem in hoc mundo odio habet, quicquid Deo in operibus bonis obtulerit, totum perdit, quia non mentitur Paulus Apostolus dicens: Si dederò omnes facultates meas in cibos pauperū, & si tradiderò corpus meum, vt ardeam, charitatem autem non habuero, nihil mihi prodest. Quam rem etiam beatus Ioannes confirmat dicens: Omnis, qui non diligit fratrem suum, manet in morte. Et iterum: qui fratrem suum odit, homicida est. Hoc loco fratrem omnem hominem oportet intelligi; Omnes enim in Christo fratres sumus. Nemo itaq. sine charitate de virginitate præsumat, nemo de eleemosynis, nemo de orationibus confidat; quia quamdiu inimicitiam in corde tenuerit, neque istis, neque alijs quibuscumque bonis operibus placare sibi Dominum poterit. Sed si vult sibi

Cc 4 habere

habere propitium Deum, non dedignetur audire consilium bonum. Audiat non me, sed ipsum Dominum suum: Si, inquit, offers munus tuum ad altare, & ibi recordatus fueris, quia frater tuus habet aliquid aduersum te, relinque ibi munus tuum ante altare, & vade, prius reconciliare fratri tuo, & tunc veniens offeres munus tuum. At nos pugnas habentes intrinsecus, & dolos in corde versantes, quasi qui bonam conscientiam habeamus, presumimus accedere ad altare, non timentes quod scriptum est: Qui manducat, & bibit indigne, iudicium sibi manducat, & bibit.

Sed dicit aliquis: Grandis labor est inimicos diligere, pro persecutoribus supplicare. Nec nos negamus fratres. Non paruus quidem labor est in hoc seculo, sed grande erit primum in futuro. Per amorem enim hominis inimici, efficeris amicus Dei, immo non solum amicus, sed etiam filius, sicut ipse Dominus dicit: Diligite inimicos vestros, benefacite his, qui vos oderunt, ut sitis filij Patris vestri, qui in caelis est. Si te aliquis homo diues in hoc seculo vellet adoptiuum filium facere, quomodo seruire, quas indignitates etiam seruorum eius, quae seruitia durissima, & aliquotiens etiam turpissima sustineres, ut ad caducam, & fragilem hereditatem illius peruenires? Quod ergo alius sustinet propter substantiam terrenam, tu sustine propter vitam aeternam. Conuincimur enim certissima ratione, quia propter Deum possumus quidem, sed nolumus iniurias sustinere.

Denique si nobis aliqua potens persona iniuriam faciat, si nobis etiam in facie maledicat, nec respondere aliquid asperum, non dicam vicem reddere audemus. Quare? Ne ab illa persona potente adhuc maiora, quam pertulimus, patiamur. Quod à nobis extorquet hominis timor, debuerat à nobis exigere Christi amor. Si ergo potens persona saeuit contra nos, tacemus, & nihil dicere ausi sumus. Si vero aut aequalis, aut forte inferior, vel leuem nobis contumeliam fecerit, quasi fera bestia sine vlla patientia, ac sine aliqua Dei contemplatione confurgimus, & aut in praesenti nostram iniuriam vindicamus, aut certe ad maiorem vicem reddendam nostrum animum praeparamus. Quid est hoc, quod quando potens persona nobis iniuriam intulit, patienter accipimus: quando inferior, nimio furore succendimur? Quod ibi timuimus hominem, hic Deum timere nolumus.

Vnde ergo nos, fratres, quantum possumus cum Dei adiutorio cor nostrum ad patientiam praeparamus, & in omnibus malis hominibus, medicorum vicem agere studeamus, & non ipsos homines, sed illorum malitiam odio habeamus. Pro bonis oremus, ut semper ad meliora conscendant: pro malis, ut cito ad emendationem vitae per poenitentiae lamenta confugiant. Quam rem orantibus nobis ipse praestare dignetur, qui cum Patre, & Spiritu sancto vivit, & regnat Deus in secula seculorum. Amen.

Sed inferamus hic aliqua exempla memoratu digna, quae aetate nostra contigerunt, eorum scilicet, qui inimicis pepercerunt imitatione B. Stephani.

Qui-

Quidam inimico parcere nolebat, quoniam vulnus, quod ab eo acceperat, curare non poterat, sed cum tandem pacem praestitisset, sanatum vulnus diuinitus inuenit.

Cap. 279.

Quidam iuuenis vulnus in foemore acceperat ab hoste suo pila plúbea, quæ ex tormento sulphureo igne impellente emittitur, intus in carnem ingrediente, quod cum negligenter curatum fuisset, vlcerosum factum est, & incurabile, quapropter memor iniuriæ, & doloris impatiens, odio habebat inimicum suum, & vindictam cogitabat. E contra vero, qui eum percusserat, pacem poscebat, & cum obtinere non posset, aliquando per communes amicos, aliquando per principes, & magnæ auctoritatis viros, illud enitebatur, vt ei reconciliaretur, nec quicquam proficiebat. Nam ille semper cum vlceri mederetur, videns illud incurabile, & dolorem sustinens, indignabatur, & vltionem meditabatur. Accessere interim ad illum multi viri religiosi, qui ei de dilectione inimicorum differebant: hortabanturq. pijs rationibus, vt Christi amore veteris iniuriæ memoriam abijceret, & omnem vlciscendi voluntatem deponeret, cum scriptum sit: Diligite inimicos vestros: Benefacite his qui oderunt vos.

Prædicabat eo tempore Dei verbum in ciuitate concionator ordinis Capuccinorum, tractansq. quadam die argumentum Euangelij, vbi Christus iubet, vt inimici diligantur, multisq. rationibus & exemplis comprobans, quod dicebatur: cæpit iste, qui concioni intererat, animum ad pacem flectere, sed cum ad vulnus medicandum redibat, recrudescere memoria illatæ iniuriæ, & obdurabat cor eius. Rursus concionator aggressus est illum priuatis colloquijs, ostendebatq. non esse prudentis viri, eum, qui corporis salutem, per vulnus alienum amisisset, velle per odium proprium, quasi per gladium animam trucidare: maiusq. damnum sibi ipsi inferre inimicum odio habendo, quàm inimicus intulisset vulnus inferendo.

Illud esse exploratissimum, neminem posse pacem, & salutem apud Deum habere, qui ex corde iniuriam inimico suo non remisisset.

Quibus auditis cæpit ille vehementius cogitare, quid sibi in re tam magni momenti agendum esset. Succedebat cogitationes inuicem altercantes. Parcamne (dicebat) illi, qui mihi non pepercit? patiar viuere illum, qui me voluit interemptum? qui meum fudit sanguinem, qui meum maculauit honorem, qui nullam salutis meæ rationem duxit, vt suo scelere satisfaceret, gloriosus incedet? iactabit facinus suum? vicos securus deambulabit?

Ego infirmus viribus, in discrimine vitæ positus, mihi grauis, alijs onerosus, tristis semper, & inglorius vitam agam? vel potius lente moriar?

Cumq. paulatim huiusmodi animi indignationes conquieuisent, succedebant salutis consilia, & cogitationes pacis, secumq. alta mente voluebat: Quid patrauit cõtra me hostis meus? intulit scilicet mihi vulnus iniuriosum, violauit Christianam charitatem, astrinxit se scelere pessimo? Ego si vices rependam, & euaginato gladio illum reperiuiam, sanguinemq. eius fundam, particeps ero sceleris sui, illudq. committam, quod ipsum improbe

com-

commisisse contendo? & vterque nostrum reus erit sanguinis ante Deum. At deridebunt me mundi huius amatores, si illum inultum relinquam: sed si me deriserit mundus, gloriam consequar apud Deum, apud Angelos, apud viros iustos. Melius est autem placere Deo, quàm hominibus.

Qua fronte ante Deum meorum peccatorum veniam petam, quæ pene innumerabilia sunt, qui fratri meo pro amore eiusdem Dei, vnum peccatum dimittere non possum?

Hæc cum diutius secum meditatus esset, inclinavit animum suum, ut inimico parceret. Quapropter dixit concionatori, qui eum pluries admonuerat [de pace componenda: accersere inimicum meum, & veniat cras in templum, & ibi dimittam ei. Concionator lætus accersuit illum, & dixit ut crastina die veniret in templum ad pacem recipiendam, & venit constituta die, & hora, sed læsus non comparuit, nam cum vespere, ut vulneri medellam ferret, colligationes fæmoris dissoluisset, dum vult abstergere saniem, dolore excruciatuſ rursus contra inimicum infremuit. Qua de re cum postea Concionator increparet eum, & rogaret, ut promissam pacem facere nõ denegaret, ille victus precibus eius rursus pollicitus se facturum quod dixerat, & propterea accederet ad templum sequenti die, & præfixa hora accessit Concionator constituto tempore, accessit & inimicus, sed ille præterita nocte, vulnus pro more curans, & dolorem patiens rursus ira percitus, pœnituit eum promissionis suæ, & accedere ad templum recusauit.

Concionator iterum eum allocutus, obiurgat, & queritur, quod promissis non staret, & offenso Deo fidem frangeret. Quapropter ille seipsum accusans, dixit Concionatori: Pater fac omnino, ut dicebam, accede cras ad templum, duc tecum inimicum meum, cui certissime crastina die, pacem dabo. Quod ut executioni mandaret, noluit ut consueuerat, vulneri suo mederi, ne forsan dum mederetur, molestiam doloris renouaret, & ultionem meditaretur, ut ei prius contigerat. Sequenti igitur die hora constituta accessit ad templum, & inuento ibi Concionatore, & inimico suo, amore Dei amplexus est eum, & largitus est pacem.

Domum reuersus, cum vulnus, iturus cubitum mederi vellet, colligationibus dissolutis, mirabile dictu, non vulnus cruentum, sed obductam cicatricem inuenit, & se sanum esse conspexit, magna animi lætitia Deo gratias agens de impenso beneficio: ut hoc mirabili successu, vnusquisque intelligat, quantum placeat Deo, cum quis contra proprios animi impetus, in ultionem accendentes, pugnans vincit animi sui duritiem, & propriam frangit iram, & inimico parcit, quod sicut difficile, & arduum, ita Deo gratissimum est. Concionator ille hoc audiens, & admirans, & Deum laudans, vbicunque terrarum prædicabat hoc tam mirabile signum, in concionibus suis recensere solebat. Hoc retulit mihi Flaminius Ricius nostræ Congregationis venerabilis Pater, iu cuius patria Firmana Ciuitate hoc dicebat contigisse.

Qui-

Quidam vulneratus in femore, nolebat inimico reconciliari: quamobrem femur magis intumuit, sed morti proximus cum inimico parceret, & à morte est liberatus, & ex vulnere conualuit. Cap. 280.

Philippus Alpherius Aquilanus, Arifchix Baro, duplici vulnere vulneratus fuerat per igneum tormentum, quorum alterum erat super genu, alterum in femore, femur autem ubi vulnus erat, intumuerat, & virulento humore intus plenum erat, & per multos menses ijs vulneribus torquebatur. Quapropter inimico, qui eum vulnerauerat, parcere nolebat, quamquam pluries de hoc interrogatus fuisset. Quadam vice precibus consanguinei sui decreuit amplecti ea, quæ pacis sunt, præsertim cum alij eum de hoc vehementissime rogarent: deinde vero poenitentia ductus, ad odium inueteratum reuersus est. Quapropter femur magis magisque intumuit, morbusque ita auctus est, ut penè moreretur; cumque morti proximus esset, & à plurimis rogaretur, ut inimico sub parceret, ut in pace mori posset, deliberavit ex corde iniuriæ remissionem facere; cumque ei pepercisset, & vocato inimico suam pacem reddidisset: statim non solum mortem imminuentem euasit, sed à morbo illo ita conualuit, ut sanus factus sit; plusquæ virium habebat in femore olim vulnerato, quàm in altero. Retulit mihi hoc quidam Eques Aquilanus, qui Romæ in Arce S. Angeli permanebat, qui fuit vnus ex illis, qui vulneratum illum ad pacem faciendam hortabatur.

Mulier nobilis proprij filij interfectorem occultat, ne capiatur à Ministris iustitiæ, & data pecunia bortatur ad captandam fugam, ut mortem euadat. Cap. 281.

Præteritis annis Caietæ iuuenis quidam filium nobilis mulieris interfecerat. Iudex re statim cognita vrbis portas obserari, delictique reum à Curix lictoribus explorari, comprehendique iubet. Iuuenis hac illac sibi fugæ præsidium quærit, utque è lictorum manibus effugiat, in eius, quem occiderat domum, in qua & ipsa extincti filij mater erat, confugit, seq. in cubiculo domus sub lecto occultat. Inter hæc nuncius ad matrem superuenit, interfectum esse filium. Illa constanti animo, subleuatis in cælum oculis; Benedictum sit (inquit) nomen Domini: sicut Domino placuit, ita factum est. Tum intelligens iuuenem, qui in domum suam confugerat, illum ipsum esse, qui necem filio intulerat, ut erat generoso, & Christiano spiritu prædita, non modo à vindicta abstinuit, sed eius salutem consulens, in abditißimo loco seruauit occultum, quem lictores quærentes nequaquam inuenire potuerunt. Cumque illi iam abiissent, iuuenem in conspectum suum prodire iussit, cui præ delicti dolore lachrymanti, & veniam suppliciter deprecanti, non solum benigne pepercit, sed cum certam pecuniæ summâ sibi in argenteo vase iussisset afferri, totam illi liberalissime tradidit, præcipiensque, ut, ne forte à curix ministris comprehenderetur, quamprimum ab vrbe discederet, inultum à se defensumque in pace dimisit. Magnus certè, & inauditus casus, & factum non faciendum, nisi ab eo, qui haberet spiritum, cui

cui beatus Stephanus Leuita seruiuit. Audiui hæc, quæ facta sunt ætate nostra, à viris fide dignis.

Uxor interfecti viri, tandem inimico condonat, sed cadente tegula super homicidæ caput, recepit ille à Deo homicidij retributionem. Cap. 282.

Cum quædam in Regno Neapoli nobilitate ac diuitijs præpotens femina, cuius vir à quodam interfectus fuerat, magno studio totisq. viribus, ut interfector comprehenderetur, & debito afficeretur supplicio, contenderet, de hoc ille, ac de pertinaci mulieris animo certior factus, ex illis partibus recedendo in cuiusdam Principis aulam se recepit. Verùm post aliquos dies secum perpendens mulier, homicidam iam ter è satellitum manibus euasisse, ac Diuino permisso hoc euenisse sibi persuadens, huiusmodi iniuriã ei omnino remittere decreuit, ac tandem re ipsa amore Iesu Christi, omnem ei iniuriam, omnemq. animaduersionem ac supplicium condonans, illum vltius persequi destitit. Quamobrem quidam exulis amicus re cognita, statim eum adiit, cumq. comedentem reperisset: exoptatum, inquit, nunciũ ad te defero: mulier illa, cuius virum interemisti; omnem tibi condonauit iniuriam; at ille hoc audito, qui aliàs de bono nuncio magna perfundi debuerat lætitia, tanto est timore, ac tremore percussus, quod continuo veluti demens exclamare cæpit: heu me perditum, ætũ de me est, nam si mulieris vltionem euasi, iusti tamen Dei manus non effugiam; & paulo post transacta circiter hora è domo egrediens, graui cuiusdam tegulæ, quæ è tecto in eius caput decedit, ictu percussus, illicò animam efflauit.

Angelus dat Subdiacono velum varijs coloribus pictum, in quo descriptus erat S. Stephanus, astant, gloriosam Crucem gestans, portam cuiusdam Ciuitatis Crucis cuspidē pulsans, & fugans serpentem teterrimum, & triumphali pede conculcans. Cap. 283.

Venan. Fortun. lib. 2. cap. in hom. 6. Crucis.

Aug. de diuers. ser. 32. 33. & de Civ. Dei li. 22. c. 8. Euod. de mira. S. Steph. lib. 2. c. 4. apud Aug. 10. 10.

Consuetudo erat apud Veteres oblata à fidelibus vela illis effigiari figuris, quæ ferrent imagines eorum Sanctorum, quibus darentur, docet hoc Venantius Fortunatus, dum de velis Cruci oblati agit, eaq. crucibus intexta fuisse significat. Nec est autem quod quis causari possit eiusmodi consuetudinem, vno in loco tantummodo viguisse. Nam de Transmarinis Ecclesijs in Africana prouincia, de velo sacris imaginibus picto, diuinitusq. exhibito, & appenso in Ecclesia S. Stephani Protomartyris in Vzalsi Ciuitate, eius loci Episcopus Euodius, cuius meminit, & fidem probat S. Augustinus, æternæ memoriæ scriptis prodidit: & quidem rem gestam ipso viuente Augustino, paucos post annos, nempe sub Honorio Imperatore, eandemq. diuino miraculo consignatam, ut non habeat, de quo ambigat humanum ingenium, quod sciat esse diuinitus comprobatum. In Vzalsi igitur Ciuitate, post liberatam ipsam ab imminente clade, precibus fuis in Ecclesia Protomartyris Stephani, hæc contigisse, idem Euodius narrat his verbis.

Ecce namq. altero die, procurante diuina dispensatione, quidam negotiator

istor nunquam nostræ cognitus regioni, subdiaconum nostrum, nomine Sennodum, in loco Memblotutano vltro conuenit, & ad se vocauit; & quisnam, vel vnde esset, ab eodem flagitauit. Qui vbi se subdiaconum Vzalenfis Ecclesiæ memoratus est, respondit continuo idem ille ignotus homo, si tamen solum homo: credendum est enim, quia Angelus, & homo (nempe facie homo reuera Angelus) neque enim hoc vel inauditum, atque inexpertum est siue religioni Christianæ, siue notitiæ humanæ, sanctos Angelos terreno habitu, & visibili specie plerumq. hominibus apparuisse. Dedit ergo subdiacono memorato velum varijs pictum coloribus, in quo inerat pictura hæc. In dextera veli parte ipse S. Stephanus videbatur astare, & gloriosam Crucem proprijs repositam humeris baiulare, qua crucis cuspidē portam Ciuitatis videbatur pulsare, ex qua profugiens Draco teterrimus cernebatur exire, amico Dei videlicet aduentante. Verum ille serpens noxijs, nec in ipsa fuga tutissimus, sed triumphali pede martyris Christi contritus aspiciebatur & pressus. Talis itaque pictura veli, non omnino absque mysterio Dei, vbi à memorato subdiacono allata pariter, atque suspensa est ante ipsam memoriam tanti Patroni, omnis ætas omnisq. sexus intueri, & mirari capit, tanquam spectaculum grande, quo scilicet auctore, quouē liberatore Draco ille extinctus est, hostisq. deuictus.

Gestæ quippe rei fidem præcedentis diei commendabat in animis omnium attestatio sequentis diei. Namq. illud, quod studiosius cernebatur in velo, hoc iam credibilius tenebatur in vero. Concurrebat enim pictura cum gratia, & tam diuinitus pridie gestum salutis beneficium recolebatur, quam postea in veli imagine aduertebatur. Denique ex ipsa congruentia diei præcedentis, atque sequentis veritatis, & imagine rerum, & quorundam exemplarium, tantus in multis stupor, pariterq. amor, admiratio, & gratulatio accendebatur, vt à cunctis nihil aliud omnino vel diceretur, vel affirmaretur, nisi hoc vnum: Verè quia per amicum suum Deus istam liberauit Ciuitatem, & grandem à nobis depulit pestem. Et reuera Dei fuit ad homines quædam allocutio in velocitate tacite significantis admodum, & dicentis: O miseri mortales, quale hesternæ die draconis euaseritis incendium, vel cuius pro vobis aduocati fuerit acceptum suffragium, isto sequenti die iustius verifiguratione intelligite, atque gaudete. Hinc vestram, & præcedentem tentationem, & subsequenter liberationem apud vosmetipsos conferte: & exinde non dubij, sed certi, Deo vestro per amicum meum gratias agite. Ecce Draconem de vestra Ciuitate cernitis fugatum, & expulsum: Ecce conterentem caput eius primum Martyrem meum: Ecce Crucis trophæum, per quod vicistis inimicum. Hoc ergo modo ciuitate nostra, à tanto periculo primitus liberata, ac postea tali per congruentem picturam veli admonitione instructa, & illuminata, gemino miraculo est omnis pia anima in Dei gloria exhilarata. Hucusque Euodius integerrimus testis qui & ea, quæ viderat, scripsit, & ad eos, qui eadem quoque perspexerant.

Habes lector, digito Dei (quod nec negauerit ipse Pharaon) nempe diuinæ virtutis potentia, pictum sacris imaginibus velum, & appensum ante Ecclesiam Protomartyris, vt de facto certus sis, & auctoritate factoris de religioso sacrarum imaginum cultu securus. Habes & cum his de Occiden-

Exod. 8.

*Cont. Nice.
2. Ac. 4.*

dentalis Orbis Ecclesijs probatum velorum pictorum vsum. An non erit ipsum demonstrare in Oriente ? vel si nō in Oriente, an non & in Palæstina, & Hierosolymis ipsis ? Acta quidem Mariæ Aegyptiacæ, eademq. recitata, ac probata in dicto Nicæno secundo Concilio, habent, ipsam in atrio Hierosolymitani templi stitisse, quod ob nimia peccata sua in Ecclesiam ingredi vetaretur : atque tunc oculos subleuasse, vidisseq. Dei genitricis imaginem : quam venerata, meruit templum antea inconcessum libere ingredi.

Ridicula autem est Hæreticorum, & Iudæorum religio, qui imaginibus insultant, & eas lacerant, timentes ne idolatriam committant, & dum vane timent, vbi non est timendum, priuant se ingentibus bonis, quæ ex inspectione Imaginum sanctorum virorum percipiuntur.

Sed ad beati Protomartyris gloriam, recensenda sunt aliqua prodigia, & signa, quæ post eius obitum ab ipso facta sunt, vt, sint in signum, quod viuit apud Deum.

Præclarissima signa, & prodigia facta apud Reliquias B. Stephani martyris. A D. Augustino conscripta. Cap. 284.

*D. Aug. de
Ciuit. Dei
lib. 22. c. 8.*

AD Aquas Tibilitanas Episcopo afferente Proiecto reliquias martyris gloriosissimi Stephani, ad eius memoriam veniebat magnæ multitudinis concursus, & occursum. Ibi cæca mulier, vt ad Episcopum portantera sacra pignora, duceretur, orauit : flores quos ferebat dedit : recepit, oculis admouit, protinus vidit. Stupentibus qui aderant, præibat exultans, viam carpens, & viæ ducem vltius non requirens. Memorati memoriam martyris, quæ posita est in castello Sycinensi, quod Hipponensi coloniz vicinum est, eiusdem loci Lucillus Episcopus, populo præcedente, atque sequente portabat, fistula, cuius molestia iamdiu laborauerat, & familiarissimi sui Medici, qui eam secaret, operiebatur manus, illius piæ sarcinæ veftatione, vbi sanctas attigit reliquias, repente sanata est. Nam deinceps eam in suo corpore non inuenit. Eucharis presbyter ex Hispania. Calamæ habitans, veteri morbo calculi laborabat, per memoriam supradicti martyris, quam Possidius illo aduexit Episcopus, saluus factus est. Idem ipse postea morbo alio præualefcente, mortuus sic iacebat, vt ei iam pollices ligarentur : opitulatio memorati martyris, cum de memoria eius reportata fuisset, & super iacentis corpus missa ipsius Presbyteri tunica, suscitatus est. Fuit ibi vir in ordine suo primarius, nomine Martialis, quo iam grauis, & multum à religione abhorrens Christiana : Habebat sane fidelem filiam, & generum eodem anno baptizatum : Qui cum ægotantem multis, & magnis precibus, & lachrymis rogarent, vt Christianus fieret, prorsus abnuuit, eosq. à se turbida indignatione submouit. Visum est genero eius, vt irret ad memoriam S. Stephani, & illic pro eo quantum posset, oraret, vt Deus illi daret mentem bonam, qua credere non differret in Christum. Fecit hoc ingenti gemitu, & fletu, & sinceriter ardente pietatis affectu : deinde abscedens, aliquid de Altari florum, quod occurrit, tulit : eiq. cum iam nox esset, ad caput posuit. Tunc dormitum est : & ecce ante diluculum clamat, vt ad Episcopum curreretur, qui mecum forte tunc erat apud Hipponem. Cum vero audisset eum absentem, venire presby-

presbyteros postulauit. Venerunt, & statim se credere dixit: admirantibus, atque gaudentibus omnibus, baptizatus est. Hoc quandiu vixit, in ore habebat: Christe accipe spiritum meum: cum hæc verba beatissimi Stephani, quando lapidatus est à Iudæis, vltima fuisse nesciret, quæ huic quoque vltima fuerunt. Nam non multo post etiam ipse defunctus est. Sanati sunt illic per eundem Martyrē etiam tres Podagrici, duo Ciues, peregrinus vnus. Sed Ciues omnimodo, peregrinus autem per reuelationem, quid adhiberet, quando doleret, audiuit: & cum hoc fecisset, dolor continuo conquieuit.

S. Stephanus post mortem prodigia, & signa magna operans, sex mortuos in Africa ad vitam reuocauit. Cap. 285.

Avdurus nomen est Fundi, vbi Ecclesia est, & in ea memoria Stephani martyris. Puerum quendam paruulum, cum in area luderet, exorbitantes boues, qui vehiculum trahebant, rota obrutuerunt, & confestim palpitauit expirans. Hunc mater arreptum, ad eandem memoriam posuit, & non solum reuixit, verum etiam illæsus apparuit. Sanctimonialis quædam in vicina possessione, quæ Caspaliana dicitur, cum ægritudine laboraret, ac desperaretur, ad eandem memoriam tunica eius allata est, quæ antequam reuocaretur, illa defuncta est. Hac tamen tunica operuerunt cadauer eius parentes, & recepto spiritu, salua facta est. Apud Hipponem, Bassus quidam Syrus ad memoriam eiusdem martyris orabat pro ægrotante & periclitante filia, eoq. secum vestem eius derulerat: cum ecce pueri de domo cucurrerunt, qui ei mortuam nunciarent. Sed cum, orante illo, ab amicis eius exciperentur, prohibuerunt eos illi dicere, ne per publicum plangetet. Qui cum domum redisset, iam suorum eiulatibus personantem, & vestem filia, quam ferebat, super eam proiecisset, reddita est vitæ. Rursus idem apud nos Hyreni cuiusdam collectarij filius ægritudine extinctus est. Cumq. corpus iaceret exanime, atque alijs gementibus & plangentibus, exequiæ pararentur, amicorum eius quidam inter aliorum coniolantium verba suggestit, vt eiusdem martyris oleo corpus perungeretur. Factum est, & reuixit. Itemquæ apud nos vir Tribunitius Cleusinus super memoriam martyris, quæ in suburbano eius est, ægritudine exanimatum posuit infantulum filium suum: & post orationem, quam multis cum lachrymis ibi fudit, viuentem leuauit. Quid faciam? vrget huius operis implendi promissio, vt non hic possim omnia commemorare, quæ scio: & proculdubio plerique nostrorum, cum hæc legent, dolebunt me tam multa prætermisisse, quæ vtrique mecum sciunt. Quos iam nunc, vt ignorent rogo: & cogitent, quàm prolixi laboris sit facere, quod me hic non facere, suscepti operis necessitas cogit. Si enim miracula sanitarum, vt alia taceam, modo velim scribere, quæ per hunc martyrem, idest gloriosissimum Stephanum, facta sunt in Colonia Calamensi & in nostra, plurimi conficiendi sunt libri, nec omnia colligi poterunt, sed tantum de quibus libelli dati sunt, qui recitarentur in populis. Id namq. fieri volumus, cum videremus antiquis similia diuinarum signa virtutum, etiam nostris temporibus frequentari: & ea non debere multorum notitiæ deperire.

Petro-

*Aug. d. c. 8.
lib. 22. de
Ciuit. Dei.*

Petronia clarissima femina ex magno, & diuturno morbo conualluit, magno premisso signo. Cap. 286.

Ibidem.

Vali etiam, quæ Colonia, Viçæ vicina est, multa præclara per eundem martyrem facta cognouimus, cuius ibi memoria longe prius quàm apud nos, ab Episcopo Euodio constituta est. Sed libellorum dandorum ibi consuetudo non est, vel potius non fuit: nam fortasse nunc esse capit.

Cum enim nuper illic essemus, Petroniam clarissimam feminam, quæ mirabiliter ex magno atque diuturno, in quo medicorum adiutoria cuncta defecerant, languore sanata est: hortati sumus, volente supradicti loci Episcopo, ut libellum daret, qui recitaretur in populo, & obedientissime paruit. In quo posuit etiam quod hic reticere non possum, quamvis ad ea, quæ hoc opus vrgent, festinare compellar. A quodam Iudæo dicit sibi fuisse persuasum, ut anulum capillatio vinculo infereret, quo sub omni veste ad nuda corporis cingeretur, qui anulus haberet sub gemma lapidem in renibus inuentum bouis. Hoc alligata, quasi remedio, ad sancti martyris limina veniebat: Sed profecta à Carthagine, cum in confinio fluminis Bagradæ in sua possessione mansisset, surgens, ut iter perageret, ante pedes suos illum iacentem anulum vidit, & capillatiam zonam, qua fuerat alligatus: mirata tentauit. Quam cum omnino suis nodis firmissimis, sicut fuerat, conperisset altricam, crepuisse, atque exilijsse anulum suspicata est. Qui etiam ipse cum integerrimus fuisset inuentus, futuræ salutis quodammodo pignus de tanto miraculo, se accepisse præsumpsit, atque illud vinculum soluens, simul cum eodem anulo proiecit in flumen. Non credunt hoc, qui etiam Dominum Iesum per integra virginalia matris enixum, & ad discipulos suos ostijs clausis ingressum fuisse non credunt. Sed hoc certe quarant, & si verum inuenerint, illa credant. Clarissima femina est, nobiliter nata, nobiliter nupta Carthagine habitat: ampla Ciuitas, ampla persona, rem quarantes latere non sinunt. Martyr certe ipse, quo impetrante, illa sanata est, in filium permanentis Virginis credit, in eum qui ostijs clausis ad discipulos ingressus est, credidit. Postremo, propter quod omnia ista dicuntur à nobis, in eum, qui ascendit in cælum cum carne, in qua resurrexerat, credidit: & ideo per eum tanta fiunt, quia pro ista fide animam posuit suam. Fiunt ergo etiam nunc multa miracula, eodem Deo faciente, per quos vult, & quemadmodum vult: qui & illa, quæ legimus fecit: sed ista nec similiter innotescunt, neque, ut non excidant animo, quasi clara memoriæ crebra lectione tenduntur. Nam & ubi diligentia est, quæ nunc apud nos esse capit, ut libelli eorum, qui beneficia percipiunt, recitentur in populo? Semel hoc audiunt qui adfunt, plures qui nō adiunt: ut nec illi, qui adfuerunt, post aliquot dies quod audierunt, mente retineant, & vix quisquam reperiatur illorum, qui ei, quem non adfuisse cognouerit, indicet, quod audiuit.

Decem

Decem fratres, qui propriam matrem iniurijs affecerant, calitus tremore omnium membrorum quatiebantur, sed accedentes ad memoriam S. Stephani martyris, magna omnium admiratione liberati sunt. Cap. 287.

VNum est apud nos factum, non maius, quàm illa quæ dixi: sed tam clarum atque illustre miraculum, ut nullum arbitrer esse Hipponensiū, qui hoc non vel viderit, vel didicerit, nullum, qui obliuisci vlla ratione potuerit. Decem quidem fratres fuerunt, quorum septem sunt mares, tres feminae, de Cæsaria Cappadociæ suorum ciuium non ignobiles, maledicto matris, recenti patris eorum obitu destitutæ, quæ iniuriam sibi ab eis factam acerbissime tulit: tali pœna sunt diuinitus coerciti, ut horribiliter quaterentur omnes tremore membrorum. In qua fœdissima specie oculos suorum ciuium non ferentes, quaquaersum cuiq. ire visum est, toto penè vagabatur orbe Romano. Ex his etiam ad nos venerunt duo, frater & soror, Paulus & Pauladia: multis alijs locis miseria diffamante, iam cogniti: venerunt autem ante Pascha fere diebus quindecim: ecclesiam quotidie ingredientibus, & in ea memoriam gloriosissimi martyris Stephani frequentabant, orantes, ut iam sibi placaretur Deus, & salutem pristinam redderet. Et illic, & quocumque ibant, conuertebant in se ciuitatis aspectum. Nonnulli, qui eos alibi viderat, causamq. tremoris eorum nouerant, alijs & cuiusque poterant, indicabant. Venit & Pascha, atque ipso die dominico, mane cum iam frequens populus præsens esset, & loci sancti cancellos ubi martyrium erat, idem iuuenis orans teneret, repente prostratus est, & dormienti simillimus iacuit: non tamen tremens, sicut etiam per somnium solebat, stupentibus, qui aderant, atque alijs pauentibus, alijs dolentibus, cum eum quidam vellent erigere, nonnulli prohibuerunt, sed potius exitum expectandum esse dixerunt. Et ecce surrexit, & non tremebat, quoniam sanatus erat, & stabat incolumis, intuens intuentes. Qui ergo intuentium se tenuit à laudibus Dei? Clamantium, gratulantium vocibus ecclesia vsquequaque completa est. Inde ad me cucurrit, ubi sedebam iam processurus. Irruit alter, quisque post alterum: omnis posterior quasi nouum, quod alius prior dixerat, nunciantes. Meq. gaudente, & apud me gratias Deo agente, ingreditur etiam ipse cum pluribus: inclinatur ad genua mea, erigitur ad osculum meum. Procedimus ad populum: plena erat ecclesia, personabat vocibus gaudiorum: Deo gratias, Deo laudes, nemine tacente, hinc, atque inde clamantium. Salutaui populum, & rursus eadem seruētiore voce clamant. Facto tandem silentio, scripturarum diuinarum sunt lecta solemnia: ubi autem ventum est ad mei sermonis locum, dixi pauca, pro tempore, & pro illius iucunditate latitæ. Magis enim eos in opere diuino, quàm in Dei eloquentiam non audire, sed considerare permisi. Nobiscū homo prandit, & diligenter nobis omnem suæ ac maternæ, fraternæq. calamitatis indicauit historiam, narrationis eius libellum in crastinum populo recitandum promisi. Quod ex dominico Paschæ die tertio fieret in gradibus exedræ, in qua de superiore loquebar loco. Feci stare ambos fratres, cum eorum legeretur libellus. Intuebatur populus vniuersus, sexus vtriusque, vnum stantē sine deformi motu: alterum membris omnibus contremētem. Et qui ipsum non

*Aug. ibid.
d. c. 8.*

D d vide-

viderant, quid in eo diuinæ misericordiæ factum esset, in eius sorore cernebant. Videbant enim quid in illo gratulandum, quid pro illa esset orandum. Inter hæc recitato eorum libello, de conspectu populi abire eos præcepi: & de tota ipsa causa aliquanto diligentius cæperam disputare, cum ecce, me disputante, voces aliæ de memoria martyris nouæ gratulationis audiuntur, conuersi sunt eo, qui me audiebant, cæperuntq. cōcurrere. Illa enim ubi de gradibus descendit, in quibus steterat, ad sanctum martyrem orare perrexerat. Quæ mox ut cancellos attigit, collapsa similiter velut ad somnum, sana surrexit. Dum ergo requirimus quid factum fuerit, vnde iste strepitus lætus extiterit, ingressi sunt cum illa in basilicam, ubi eramus, adducentes eam sanam de martyris loco. Tum vero tantus ab utroque sexu admirationis clamor exortus est, ut vox continuata cum lachrymis non videretur posse finiri. Perducta est ad eum locum, ubi paulo ante steterat tremens. Exultabant eam similem fratri factam, cui doluerant remansisse dissimilem. Et nondum fusas preces suas pro ea, iam tamen præuiam voluntatem tacito exauditam esse cernebant. Exultabant in Dei laudem voces, sine verbis tanto sonitu, quantum aures nostræ ferre vix possent. Quid erat in cordibus exultantium, nisi fides, pro qua Stephani sanguis effusus est?

De Megetia illustri femina, qua paralyssi fuerat percussa, qua inter medicorum manus defecerat, & currēs ad sanctum Stephanum à duplici infirmitate curata est propter peccati sui confessionem. Viso miraculo vir eius ad Christi fidem conuertitur. Pater autem eius vir Senatoriæ dignitatis Vitulæ coniugis precibus, & B. Stephani intercessione fidem Christi amplectitur.

Cap. 288.

*Euod. Vza.
lensis Epis.
li. 2. de mi-
rac. S. Ste-
phani c. 2.
To 10. ope-
rū S. Aug.
in Append.
edit. Lon.*

Carthaginensis Ciuitatis quædam fuit nobilis genere, nobilior Christi fide. Megetia nomine, diues in seculo, ditior in Deo. Cui Christiana mater erat nomine Vitula. Pagani autem erant maritus, & focer, & pater. Hæc cū in utero haberet, quarto mense conceptus sui, nescio vnde, nauseando prius, ac reiiciendo frequentius pateretur stomachi concussionem, orisq. distensionem, & vomitus prouocationem, in prauitatem, pestemq. paralyssis causa perducta est, ita ut exclusis à locis suis ipsis cardinibus dentium, & arteriarū, nequaquam posset dilapsa ora cōstringere, neque peruios, atque integros palati motus, ac linguæ ad aliquid vel ore emittendum, vel in os recipiendum habere. Remanserat in femina pia, & pudorata deformis quidam, & auersandus aspectus, & ibi vitij macula corpori erat infixæ, ubi utiq. nequaquam posset esse celata: facies quippe erat, de qua quidam dixerat: frons hominē præfert, quæ tegi sine dedecore non potest: ceterorum namq. membrorum cum aliquo vitio officia præpediuntur, nonnulla industria ruboris subtrahuntur. At vero cum ipse vultus aliqua fuerit fæditate turpatus, quicquid propter verecundiam tegminis adhibetur, ipsa verecundia magis augetur. Quid ergo faceret nobilis matrona, velamento abscondens ora vitiata, dum venientibus salutatum ad se æque alijs nobilibus feminis, aut osculum dare, aut sermonem conferre ipsius vitæ societas, atque humanitas compulisset,

ut

ut taceam de cibo, & potu, quod vix ægre poterat manducare, vel haurire? namq. ingenium, industriaq. medicorum diu, multumq. circa eam laborantium, non solum nihil salutis ei conferre poterat, verum etiam in deterius causa pergebat, nec immerito. Ab illo enim conditore, & redemptore omnis naturæ Deo nondum in illa reformabatur, quod nonnisi eius virtute formatur, cuius censura omne hominis corpus & disciplina constringitur, & medicina laxatur.

Tali igitur confecta mœrore, ac dolore, nec quorumcumque remedium, aut medicamentorum vlllo adiuta leuamine, fere iam sexto mense tabefactum fuerat delicatæ corpus, animusq. puellæ. Ob quam rem etiam illud, quod gestabat à vitali spiritu iam destitutum, intra septa viscerum retinebat emortuum. Ita cum prius sub vno paralyfis vitio iam ipsa vita horreret, accessit aliud grauius, & periculosus, vnde nec ipsa quidem viuendi possibilitas remaneret; nam si puella sic defecerat sub vitiosi oris labore, quomodo posset viuere cum mortuorum viscerum collapsione? Septimus mensis incesserat, non vultus pestifer à prauitate exuebatur, non aliud onere mortuo exuebatur. Pontius vero Megetiæ pater, socer autem Auitianus, & maritus Aduentius, vtpote adhuc gentilitatis erroribus adstricti, quicquid non solum per industriam medicorum, verum etiam per artes dæmoniorum, & superstitionum figmenta vanitatum, quasi pro vita intermorientis Megetiæ poterant attemptare, frustra omnino, atque inaniter desudabant.

Sed error infelix, quid saluti humanæ te crederes posse conferre, quam studuisti semper auferre? Refellit te vox veritatis in sacratissimis Psalmis, contestans generaliter, & breuiter, à quo vere sit omnis salus animæ, corporisq. dicens: Domini est salus. Soli enim Deo recte cantatur: Homines, & iumenta saluos facies Domine. Qui dignatus est creare, ipse prorsus dignatus est, & sanare. Proinde illis memoratis personis diu in talibus frustra laborantibus, & non corpore, sed corde dormitantibus, ecce Deus ille magister, qui non dormit, neque dormitat, qui custodit Israel, ipse Deus, inquam, cui cura est pro omnibus, religiosam Vitulam Megetiæ matrem, fidei calore succendit, atque ut ad Domini amici sui Stephani suffragium accederet, inspirauit. Quam, ubi benedicta femina in sacratarum reliquiarum loco de Carthagenense vrbe ad Vzalem profecta est, misericordissimus Dominus, & miserator excepit, exaudiuit, adiuit, atque de filia compotem fecit, ac de Diabolo aduersario superato victtricem triumphare permisit.

Dici non potest, quibus illa pia femina amicam Dei flebilibus vocibus fuerit aggressa, & quanta cum miseratione ante limina gloriosi martyris prostrata effusos sui cordis dolores expresserit in hæc verba prorumpens: Domne Stephane, Christi amice, subueni matri miseræ ad te confugienti pro salute periclitantis filiæ. Hic te ego planctibus oro, illic te ancilla tua præsentem medicum sentiat imploro. Scis ipse qualibus causis laboraret Megetia, & in quo vitæ discrimine sit constituta. Ecce enim ex quanto tempore iacet misera, & toto corpore paralyti dissoluta, & visceribus tabefacta.

Proximum est autem, ut septimo mense completo, comprehendatur ab

D d 2 octa.

octauo, omnes desperant de salute Megetiæ. Ego quæ ad Christum, & te amicum eius confugio, credo, quia talis fructus de filia non imponetur capiti meo. Peto autem, & rogo, ut cum hinc à corona tua reuertens festinanter ad ancillam tuam proficisci cæpero, recreetur anima mea de filia aliquo nuncio bono. His, & horum similibus multis affatibus ubi factis visa est sibi idoneum instruxisse aduocatum sanctum Stephanum apud iudicem Christum, properè ad reuiscendam filiam, vnam, & solam suam maximam curam, mater parturibunda reuertitur. Oleum tamen sanctificatum, & orarium, vel sudarium orationum suarum, sudoremq. pro salute filiæ laborantis testimonium, à beati martyris memoria secum pariter reportabat.

Ecce igitur in via cum declinandorum æstuum gratia (nam æstuum tempus erat, quo igneus sol terras vrebat) secessisset, subito adueniente nuncio accepit litteras à viro suo de Carthagine directas, sicut precibus suis postulauerat, in quibus proxime futura liberatio filiæ significata erat: nam mensem octauum altera die ingressura filia dicebatur, aliquantulum tamen vegetior esse, & sua iam partum signa præcedere, & bono animo illam de filia esse debere. Quod totum religiosæ Vitulæ matri non ore humano, sed diuino oraculo nuntiabatur. His igitur primis votorum suorum releuata mater auspicijs, perneciter aduolauit. Quæ ubi peruenit Carthaginem, suamq. natam in ipso vitæ suæ articulo positam inuenit, statim sacrato oleo filiæ membra perunxit, sudarium quoque amplexandum pectori tradidit. Quo facto, rediuiua Megetia vteri sui partu exonerata, octauæ mensis ingressa prægnantibus mulieribus tremenda lumina, ab ipsa mortis regia, rursus auris est vitalibus restituta. Sic itaque vna læthali causa dispuncta, archiatro cælesti protinus altera curanda restabat. Quod ut iamiamq. fieret, fida mater Vitula filiam liberatam ad illam vitalis fontis venam, vnde ægræ suæ haustum cæleste poculum attulerat, salubriterq. infuderat, secum reducere cupiebat.

Sed nondum recuperatæ vires Megetiæ, post laborem periculosæ enixionis suæ, alterum itineris subire laborem minime permittebant. Interea vir, socer, & pater puellæ nihil adhuc permoti, in laudem Dei, verique eius martyris primi, de tam mirabili causa vteri, rursus cæpere ob eiusdem curandam reliquam valetudinem, idest vitiosi oris prauitatem, illarum hominum remedia, erroresq. consulere, & longas moras temporum frustra contere. Namq. annus integer, & aliquot fere menses euoluti sic erant.

Tandem fidelis mater Vitula, Archiatrum quendam Felicem nomine, Carthaginensis Ciuitatis fidelissimum præ ceteris, atque amicum domus suæ corrogauit ad se ipsam, ac super salutem ipsius vnice obtestando conscripsit dicens: sic vnica filia tua viuat, potestne curari Megetia de paralyti ista, an non? Tum ille: Fideliter dico filiam tuam de hac causa penitus curari non posse, quia sic me voluisti constringere. Ipsa (inquit) iunctura, quasi carri, ubi oris, & maxillarum retinacula quædam continentur, exclusa est à locis suis. Cui respondens mater Vitula fidei suæ stabilitate fundata, continuo retulit dicens: Ego non sic credo in Christo meo, quia, sic relinquetur filia mea in hoc tanto paralyti

lysis modo. At ille fidei firmitatem valde admirans in femina hac, inquit: Omnipotenti Deo licere facere cui credis: nam nihil speres ex nobis. Quibus religiosa Vitula auditis, dimisso à se Archiatro, assumens secum Megetiam suam adiit virum suum, & virum filiae suae, ac pio inflammata dolore, sic fari exorsa est: Acquieuius, inquit, vobis miseræ usque nunc, nec resistere viris mulieres valuimus. Diu vestras pertulimus voluntates, ex quibus nullus fructus salutis filiae, nullus cessit effectus, ita ut ecce per annum, & quot excurrunt amplius menses, inter manus medicorum corpus filiae meae tantummodo fatigetur, nec omnino, sicut videtis, aliquid perficiendo sanetur. Rogo aliquando permittite & nobis, ut faciamus & nos, quae expediunt nobis. Eamus & nos ad medicum nostrum. Credo in illud, quia, qui noluit Megetiam cum suo partu mortuo mori, ipse etiam eam faciet sano vultu suo inter homines conuersari. His atque huiusmodi querimonijs deploratis, iustis, ac veris, nequaquam illi viri tali feminae virili animo indutæ valuerunt resistere. Maluerunt sponte cedere, quam quolibet alio iudicante victi discedere. Flexis itaque illis in hanc sententiam matris Vitulae, marito scilicet, simulque patre Megetiae, sed marito quidem adhuc pagano, patre vero Christiano catechumeno effecto, nomine Pontio, senatoriae dignitatis viro, dignum est, ut cuius fidem in Christo capimus pronunciare, eius quoque vocabulum iam incipiamus cum debito honore pariter nominare: qui sanè quemadmodum initiatus Christiano nomine fuerit, quoniam locus videtur exigere, minime nos pigebit aperire.

Quando enim religiosa Vitula, nondum de partus periculo liberata Megetia ad amicum Dei fuerat profecta, ibi in suis precibus etiam de huius viri venerabilis credulitate instruxerat, ut ille imbueretur fide, ac nomine Christiano. Quod sane eidem illa ipsa nocte tali est visione reuelatum. Visa est quippe sibi videre iuxta ipsam beati martyris memoriâ duo ceroferaria luminosa pariter igne flammantia, ibidemque assistente secum, atque apparente memorato Pontio viro suo, sibi dictum fuisse: Vitula, melius luce ceroferarium nostrum. Vnde volo scias me posuisse iam iugulos. Quo viso auditoque religiosa Vitula somno expergescens, & mane facto oratione suppleta, hoc ipsum, quod in somnis viderat, quibusdam ancillis Dei enarrare cepit, & prior ipsa somnium suum interpretata respondit, dicens ad memoratas circumstantes virgines: Nouerit sanctitas vestra, quia cito Pontius crederet in Christo, sicut confido de Christo meo: nam hoc est, quod per somnium mihi significauit dicens: volo scias Vitula, quia posui iam iugulos, non vtrique, nisi sub iugo Christi.

Sic ergo honorabilis Pontius effectus, ut dixi, primum catechumenus. Christianus sequenti anno, iisdem diebus, quibus à religiosa Vitula beatus Stephanus pro salute mariti æterna fuerat exoratus. Sed ut dicere cæperam, consentientibus sibi viris suis, mater Vitula cum Megetia sua pariter de Carthagine profecta pariter ad memoriam beati martyris peruenerunt, ac deinde ante sacrata ipsius limina prostratæ die, nocteque flentes, & eiulantes, cinere, & cilicio squalentes, inde nobiles feminae homines non erubescerent, ut Deo essent placentes, susceperunt illud, quod dictum in psalmis audierant: Fuerunt mihi lachrymae mea panes die, ac nocte, dum dicitur mihi quotidie, ubi est Deus tuus? etenim neque ista de ipsa nostra religiosa

Christiana pijs, & nobilibus feminis deerant ab incredulis impropria; unde ante Dominum flebilibus vocibus, & amaris, vt scriptum est verbis memorabant, & effundebant super se animam suam. Dicebatur namq. ab inimicis fidei nostræ, vbi est Deus vester? Inclamabat ergo Vitula mater auribus amici Dei: Domne Stephane, ecce adduxi Megetiam tuam ad te, quam tu ipse liberaſti de morte. Nec nos in gaudium inimici feciſti venire, non tradens nos in animas tribulantium nos, qui detrahunt, & desperant de Christo Domino nostro, & de te eius tanto amico. Fac rogo, fac iterum erubescere eos de tota, & de plena Megetiæ salute, sicut iam feciſti erubescere eos de eius vteri periculosissimo labore. Non omnino deficias ad minora, qui præſtitisti maiora, quod promiſi eius viro pagano de te, imple propter te. Non confundatur mater in filia, quæ præſumpſit in te, quæ confugit ad te. Certe vt oculus cordis nondum credentium, nobisq. insultantium ſanetur, os filiarum eurentur, & vt acquiratur ſanitas animarum illorum, præſtetur puellarum ſanitas membrorum suorum.

Talibus in eiusmodi ſenſum dictis lachrymabilibus deploratis ſeptima tranſierat dies, cum ecce nocte intempeſta viſitatur per ſomnum Megetia: videt apparentem ſibi inſignem virum, viſu diaconi præferentem habitum. Illa enim rogare cæpit velut quemdam medicum ſpiritualem, vt os ſuum inſpiceret, & ſi dignaretur, curaret. Verum ille mox, vt os eius inſpexit, vultu eam hilari, ſerenoq. intuitu ait: Equidem adhuc os tuum non rectum: ſed rurſum aſpice, & vide quid volitet ſuper caput tuum. Continuo illa ſuper ſe erigens oculos, vidit ſerpentem quendam teterrimum ſupra ſe penarum remigio volitantem, atque huc, & illuc tortuoſis anſraſtibus oberantem. At paueſta Megetia horribili, monſtruosoq. viſu, inſignis illius viri exhortatione firmatur ad ipſam dicentis: niſi prius iſtum ſerpentem occideris, ſanari non poteris: ſed noli metuere, forti animo illi congregere, & omnino ſuperabis. Quo audito Megetia fidei ſuæ robore, & de tanti adiutorij ſui armata protectione, arrepta in tempore ſibi met velut virga oblata contra illum draconem teterrimum, & tortuoſiſſimum decertauit. Quem, & ſi diu exercita, diuq. ab reluſtante aduerſario delaxata, ad extremum tamen vbi illum in capite percuffit, continuo proſtravit. Quo trepido gaudio expergeſta, ſtrato exiliens vigilauit. Cumq. ſomnij ſui, quid ratio portenderet, cogitaret nec liquido intelligere valuiſſet, exinde orauit viſitari, confirmariq. popoſcit, ac deinde ſe quieti permixit. Ecce denuo vidit illum decorum habitu iuuenem, niuea veſte fulgentem, ac ſtatim iacenti ſibi met velut manu porrecta, audiuit iubentem, pariterq. dicentem: ſurge, ſic curaris. At vero Megetia, vt ante medico homini facere conſueuerat, capite oppoſito, quaſi ſouenda ora ſua ei offerebat, ſed ille vtpote ignorantis corrigens factum, reſpondit eidem. Vt quid hoc facis? prius ſunt tibi oculi curandi. Illa retulit dicens, Domne meus, oculos ſanos habeo, ſed vt os meum cures rogo. Et ille: iam, inquit, tibi dixi, prius ſunt in te oculi curandi. Tunc velut cæleſtis Archiatrus ſpiritu cordis ſecrera introſpiciens, quaſi cutem medicinalem collyrium impoſuit, oculos ſuperliniuit, atque diſceſſit. Verum cum mane facta, hoc ipſum religioſa Megetia ſomnium ſuū chariſſimis ſuis, & ſanctiſſimis feminis indicaret, in ipſo ſermone narrationis ſuæ, vltro corde compuncta, & cuiuſdam peccati ſui recordatione ſubi-

to stimulata, peccatum suum confiteri non distulit, sed sicut scriptum est: delictum suum agnouit, & iniustitiam non operuit. Ecce ergo, qui illi erant oculi prius curandi, non utique corporis sed cordis, quod ut spiritua-
lis medicus gloriosus Stephanus pronunciauit illi dicens: prius sunt tibi oculi curandi: sanandum quippe erat, quod vitiosum latebat in mente, ut sic demum sanaretur, quod deprauatum cernebatur in corpore. Hinc ille quoque deterrimus serpens, qui super caput volitabat, quia principalem rationalis animæ mentem obtinebat, conterendus fuerat, & vincendus. Dum enim reatus cuiusque delicti humiliter agnoscitur, caput colubri poeniten-
do quassatur, cordis oculus confitendo purgatur.

Duodecimo igitur die, ex quo cum sua ad Amicum Dei venerat matrem, dum orat ad locum sacratæ memoriæ pulsans fidei pietate, non solum affectu cordis, verum etiam motu corporis, ipsa ostiola memoriæ impulsâ patefacit, ac vim faciens regno Dei caput suum intromisit interius, & super cubile sanctarum reliquiarum confixit, lacrimisq. suis omnia illic lauit, atque rigauit. Verum ecce illo desuper miserante, qui appropinquit contritis corde, Megetia famula Dei, quadam sibi visibili, & atrectabili manu, os suum corrigi, & compalpari persensit. Quæ posteaquàm ab oratione surrexit, circumstantibus choris Virginum sanctarum, ibidemq. pro illa, & cum illa laudes Deo dicentium, tremens, & gaudens hoc ipsum indicauit. Quale tunc, quantumq. in omnibus mentibus fecerit gaudium, & flendi ante ipsum Deum excitauerit affectum, vix poterit explicari: sed antequàm gestæ rei ad finem optatissimum veniamus, ubi plenam, perfectamq. salutem religiosæ Megetiæ Amico Dei curante, atque auxiliante in nomine Christi demonstraturi sumus, quod in medio huius aliud mirabiliter contigerit, nequaquam præterire debemus. Cum ferme quadraginta diebus circa sancti martyris locum orando mater, filiaq. persisterent, ecce repente venientibus litteris sibimet Carthagine directis, quo pater puellæ honorabilis Pontius diceretur corpore ægrotare, ad eundem visendum de Vzalsi Ciuitate profectæ sunt. Verum cum in medio itineris æstuum causa, fouendi corporis gratia lauacris uti voluissent, affuit in præsentem quædam domestica ab infideli cognita Megetia, & in obuiam missa, non tam ad salutandum, quàm potius ad explorandum. Quæ cum copiosius cuperet benedictæ Megetiæ nuda ora, vultusq. conspiciere, intrauit cum ea in obsequium, & ubi quantum voluit in faciem famulæ Dei intendit, prorsus integrum sibimet appa-
rens os Megetiæ, sanumq. conspexit. Quo viso obstupescit, atque mirata illa domestica, quæ aliud, quàm sperabat, inuenit, continuo ad quandam iuxta stantem sacram virginem conuertit sese, & nominatim iam compellâs, ait: Infans Helpidiana, sana est prorsus domina Megetia: sic enim Dei gratia vigeat in Megetia, ut licet eius plenior cura in corpore ex parte aliqua differretur, perfecta tamen sanitatis species reuerberandis incredulorū oculis obijceretur. Quod illa ancilla Dei intelligens magnum mysterium Dei, illi mulierculæ respondit, dicens: Increduli vel modo credite.

Rursus apud Carthaginem cum benedicta Megetia quadam die cum viro suo pagano sermonem conferret, & inter fabulas dum viro suo ore integro, vultuq. appareret, commotus tali visione vir eius gratulari cæpit, ac dicere: Domina Megetia sanam te prorsus aspicio. Verum illa dissimulando

D d 4 inte-

interim tegens, quod diuina virtus in se demonstrabat, sermonis sui cursum tenebat. Sana es prorsus, Deo gratias. Et illa impleta gaudio, tandem subridens ait marito: Vel modo iam credes Christo? & ille: quid vis, inquit, faciam patri meo? nam, & ego Christianus fieri volo. Sed ut iam ad terminum, quem promissimus veniamus, dies Paschæ sanctissimus propinquabat, ecce benedicta Megetia à quadam amica, atque nobili femina Rustica rogabatur, ut voto suo soluendo beato martyri Cypriano in Mappalia secum pergeret, & solemnitati pariter interesset. Quod Megetia facere se non posse causabatur, sciens quid in se Dei potentia infidelium oculis ostenderet, quid plene salutis cælestis gratia referuaret. Tamen amicam contristari nolens non penitus negauit, sed plane ad illum diem, quod Deus voluisset, facturâ se esse promisit. At ubi illa amica discessit, non destitit die, noctuq. orationi instare Megetia. Buccellam sane omni die in oleo sanctificato tinctam prius accipiebat, & sic ceteros cibos sumebat. Quadam vero nocte visitauit in somnis ita, ut iuxta memoriam beati Stephani stantem putaret, ibiq. iuuenem illum speciosum cerneret candida luce perfusum, & insigni equo subuectum, lampadesq. quamplures lucentes, ac præcedens ei splendidissimum apparatus, sibiq. ab eodem clara voce dictum: Ad te pertinet ista lux Megetia, suscipe illam. Post quam visionem expergefacta, gaudioq. repleta, statim ubi se sanam sensit, manus suas ad os suum, faciemq. inspiciendam applicauit, & quasi præ nimio gaudio soli sibi non credens, ancillas suas, quæ circa lectum suum quiescebant, clara voce excitauit, & ut ad se inspiciendam atque contemplandam accurrerent, aduocauit. Tum illæ, ut viderunt in domna sua donum Dei fuisse impletum, votumq. omnium esse perfectum, omnesq. pariter in lætitiâ exclamauerunt, & in laudem Dei eruperunt. Aduenit etiam ille ab amica præstitutus sibimet dies, venit à diuersis ad religiosam Megetiam: ut sicut promiserat, ad destinatum locum charas suas non deferendo pergere dignaretur. Sed Megetia Dei famula velamento adhuc, sicut solebat, ore contexto ab intimo cubiculo ad amicas suas foras egressa est. Quas ubi de se aliquamdiu tristes esse permisit, subito illo à facie velamento ablato, & vultu demonstrato ait: Ecce, vos videte, quid in me Deus dignatus est perficere, & vnâ mecum gaudete, & ipsi Domino pro me gratias agite. Quam ubi omnes conspexere, gaudentes, & Dominum benedicentes, osculis lambere, & eam complexari ceperunt. Tunc omnes vnâ ad Ecclesiam perrexerunt cum ea, & vota sua Domino persoluerunt. Peraçto autem sancto Pascha Domini etiam ad Vzalem Ciuitatem religiosa Vitula vna cum Megetia sua alijsq. religiosis feminis venit, vota. sua de salute filiarum plena, & perfecta Christo Domino, Christi. Amico in conspectu omnis nostræ Ecclesiæ congaudentis, atque congratulantis hilariter reddidit, feruenter exhibuit, fructuosq. persoluit.

Conuersio Iudaorum admirabilis, varijs rerum euentibus, & portentis plena sacrarum reliquiarum S. Stephani martyris virtute. Cap. 289.

Contigit autem admirabilis conuersio Iudaorum Insulæ Minoricensis, virtute sacrarum reliquiarum sancti Stephani protomartyris, quas Ororius

sius acceptas Hierosolymis, secum in Hispaniam vexit. Acciderunt quidem res admirandæ, toti Christiano orbi factæ perspicuæ ex litteris Circularibus Seueri, eius Insulæ Episcopi ad omnes Ecclesias datis, & publice vbiq. lectis; quas inter alios accepisse liquet Euodium Episcopum Vzalem in Africa, & coram populo eas recitare fecisse: id enim inscriptus ad ipsum liber testatur his verbis: Eodem namq. die, quo ingressæ sunt Ecclesiam Beati Stephani sanctæ reliquiæ, in ipso principio canonicarum lectionum, Epistola quoque ad nos delata cuiusdam Episcopi Seueri nomine, Minoricensis Insulæ, de pulpito in aures Ecclesiæ cum ingenti fauore recitata est: quæ continebat gloriosi Stephani virtutes, quas in Insula memorata per præsentiam reliquiarum suarum in salutem omnium illic credentium perfecerat ludæorum. Vnde ex hac recitatione talium factorum suorum, tamquam extensione manuum suarum, acclamantibus, & exultantibus fidelibus, ipse dicere videretur: Ecce habetis martyrem.] hæc ad Euodium, cuius est apud sanctum Augustinum honorifica mentio, ad quem etiam extant datæ complures eiusdem Augustini Epistolæ, & ipsius ad eum scriptæ.

Factum est autem eiusdem Protomartyris gratia, vt inter scribendas Vaticanæ Bibliothecæ antiquitates studio Cardinalis Baronij, eadem reperiatur Seueri Epistola integra in nullo detrimentum passa: quam integram descripsit tomo 5. Ann. Ecclesiast. vt egregium antiquitatis monumentum. Sic enim se habet:

Sanctissimis ac Beatissimis Dominis, Episcopis, Presbyteris, Diaconibus, & vniuersæ fraternitati totius orbis terrarum, Seuerus Episcopus misericordia Dei indigens, & omnium vltimus, in Christo Redemptore nostro æternam salutem.] intelligis consuetudinem huius temporis Symbolum Catholicorum, qui vt se longe abesse à Pelagiana ingruente hæresi demonstrarent, se in ipso titulo gratia, & misericordia Dei indigere profitentur. Sed ipsam reddamus Epistolam.

Cum Dei opera reuelare, & confiteri honorificum esse, Raphael Archangelus moneat, profectò silere, vel celare opera Christi, periculosum est: In quibus tamen adnumerandis maior est gratia, si communi, & simplici sermone referatur. Celatur enim quodammodo speciosissima pulchritudo virtutis, si abundanti eloquio circumdata fuerit, atque fucata. Quapropter ego quoque magnalia, quæ apud nos Christus operatus est, non composito, sed veridico sermone referre aggredior.

Insula Minorica, vna ex Balearibus Insulis est, quarum nomen cunctis populis, secularium quoque auctorum litteris, peruulgatū est. Hæc inter Mauritaniam Cæsariensem, & Hispaniam media propemodum æquoris spatio sita, angustiis admodū terminis clauditur, longitudinem triginta, latitudinē vero tria millia passuum habens. Quæ nunc idcirco cōmemorauī, vt agnosci possit, cōtempnibilia mundi à Domino non solum in hominibus, sed etiam in locis eligi. In hac itaque Insula, quæ omnium terrarum paruitate, ariditate, asperitate postrema est, duo parua oppida, quibus à Pœnis indita nomina, è regione fundata sunt: Iammona ad occasum, Magona ad orientē spectat. In his mihi omnium mortalium vltimo nuper sacerdotalis officij pondus impositum est. Sed Iammona antiquum à Deo munus etiam nunc retinet, vt Iudæi habitare in eo nunquam possint. Multos si quidem id temere auden-

*Euodius de
mir. S. Ste-
phani lib. 1
ca. 2. apud
Aug. 10. 10.
edit. Plan-
tinian.*

*Aug. de di-
uer. ser. 12.
c. 33. & de
Citat. Dei
lib. 22. c. 18*

*Baron. to. 5.
Ann. Eccl.
an. Domini
418.*

tes,

tes, aut ægritudine præuentos, aut repulſos, aut morte ſubitanea extinctos, aut etiam fulmine trucidatos tradit vetuſtas: adeo vt celebris huius rei fama ipſis quoque Iudæis, ne id vltra temerè audeant, metum fecerit. Nec hoc fide indignum ducimus, cum etiam lupos, vulpesq. & omnia noxia animalia deefſe videamus, cum earum quæ ad veſcendum bonæ ſunt, ferarum copia magna ſit. Illud etiam magis mirum eſt, quod colubri, & ſcorpiones ſunt quamplurimi, ſed amiſerunt omnino nocendi violentiam. Cum igitur Iammonam nullus Iudæorum, qui lupis, ac vulpibus ferocitate, atque nequitia meritò comparantur, ne hoſpitij quidem iure accedere audeat, Magona tantum veluti colubris, & ſcorpionibus (vt tradebatur) feruebat, vt quotidie ab his Chriſti Eccleſia morderetur. Sed antiquum illud beneficium carnale, nuper nobis ſpirituale renouatum eſt; vt illa (ſicut ſcriptum eſt) generatio viperarum, quæ venenatis iſtibus ſæuebat, ſubito diuina virtute compulſa, mortiferum illud virus incredulitatis abiecerit.

Luc. 3.

Namq. diebus pene iſtis, quibus ego tanti ſacerdotij nomen, licet indignus, adeptus ſum: preſbyter quidam ſanctitate præcipuus, à Hieroſolyma veniens, Magonæ non longo tempore moratus eſt: qui poſtquam tranſuehi ad Hiſpanias, ſicut deſiderabat, nequiuit, remeare ad Aphricam denuo ſtatuit. (Erat enim Hiſpania obſeſſa hoc tempore à Gothis, quod ſuo loco eſt demonſtratum: & hic preſbyter Hiſpanus erat Oroſius) Sed pergit: Tunc beati Stephani reliquias, quæ nuper reuelatæ ſunt, cum ad Hiſpanias portare conſtituiſſet, ipſas ſine dubio martyre inſpirante, in memorati oppidi Eccleſia collocauit. Quo factò, protinus ille ignis, quem Dominus venit mittere in terram, & quem valde ardere cupit, charitate eius accenſus eſt. Statim ſiquidem tepor noſter incaluit; & factum eſt cor noſtrum (ſicut ſcriptum eſt) ardens in via. Tunc enim ille in fide iam ardebat zelus, tunc ſpe ſaluandæ multitudinis erigebat. Denique ſtatim intercifa ſunt etiam ſalutationis officia, & non ſolū familiaritatis conſuetudo diuulſa, ſed etiam noxia inueteratæ ſpeciei charitatis ad odium tēporale, ſed pro æternæ ſalutis amore translata eſt. In omnibus plateis aduerſus Iudæos pugnæ legis, in omnibus domibus fidei prælia gerebantur.

Luc. 18.

Luc. 24.

Iudæorum populus maxime cuiuſdam Theodoſij auctoritate, & potentia nitebatur, qui non ſolum inter Iudæos, verum etiam inter Chriſtianos eiufdem oppidi & cenſu, & honore ſeculi præcipuus erat: Si quidem apud illos legis doctòr, & (vt ipſorum vtar verbo) pater patrum fuit; in ciuitate autem cunctis curiæ munijs exſolutus, & deſenſor iam extiterat, etiam nunc patronus municipium habebat. Chriſtiani autem vt corde, ita etiam & viribus humiles, ſed veritatis robore ſuperiores, patroni Stephani patrociniū deprecabantur: donec vtriquè exercitus, cum iam diem certaminis condixiſſent, datis tunc inducijs diſceſſerunt, Iudæis id magnopere expectantibus, vt ſcilicet Theodorus, in cuius ſe omnis Synagoga viribus acclina-
nabat, ex Maioricenſe Inſula reuerteretur, ad quam forte viſendæ poſſeſſionis gratia perrexerat. Qui quidem, ſtatim vt ad eum miſſa legatio eſt, remeans auctoritate ſua multos terruit, ſed non extinxit, ſed conſopiuit incendium: maiori ſi quidem illicò exardeſcens violentia, etiam vicinū oppidum fidei flamma corripuit. Et vt illud Salomonis impleteretur: frater fratrem

fratrem adiuuans exaltabitur, sicut Ciuitas firma, & alta: statuerunt multi famuli Christi, laborem itineris minime recusantes, cunctas animi vires huic bello tradere. Prou. 18.

Pendente igitur proelio, nos quidem qualia præparauimus arma, subdium huic epistolæ commonitorium probat; quod quidem non pro quorundam instructione edi volumus (quippe quia ea penitus egemus, & quam à beatitudine vestra magis speramus) sed ut animaduerti possit, non minimam nos sollicitudinem secundum modulum possibilitatis nostræ suscepti habuisse certaminis; Christum vero, cuius regnum non in sermone, sed in virtute est, nobis ne verbum quidem proferentibus, suis omnia viribus consummasse, & absque ullo sudore certaminis exercitui suo hanc, quam nemo aut optare audebat, aut sperare poterat, victoriam concessisse. Iudæi igitur exemplis se Machabæi temporis exhortantes, mortem quoque pro defendendis legitimis suis desiderabant. Itaque non solum libros reuoluere, sed etiam saxa, fudes, iacula, omniaque telorum genera ad Synagogam conferre cæpere, ut Christianorum aciem virtute sancti Spiritus munitam (si ita res posceret) etiam corporis viribus propulsarent.

Interea dum hi apparatus gererentur, magnoque altrinsecus studio futurum instituitur bellum: vtrinque exercitus inenarrabilibus, & absolutissimis somnijs commouentur, quorum si nullam penitus facere mentionem, non minimam videbor partem diuinæ gloriæ operuisse. Sic enim S. Apostoli A. 7. 16. Pauli somnium Lucas sacræ historię inseruit, dicens virum Macedonem, assistisse in visione noctis, orantem, ut iuuaretur ab eo; & hac Apostolum visione præmonitum, itineris aliò destinati cursum ad Macedoniam conuertisse. Quanto itaque Domini nostri Iesu Christi maior est gloria, quod id minimis, atque indignis famulis reuelare dignatus est, quod etiam beato Apostolo demonstratum, scriptura celare noluit? Igitur breuitatis causa, ne Beatitudini vestræ fastidium fortasse gignatur, duo tantum somnia inseram.

Apud nos deuota quædam religiosissima nomine Theodora, quæ & virginitate corporis, & religione propositi, & nominis interpretatione typum portare Ecclesiæ mereretur, vidit in visione noctis viduam quandam nobilissimam ad me, qui non pro merito, sed pro diuini muneris largitate sacerdotio fungor, insertas litteras præmisisse, quibus mihi cunctos agros suos ad seminandum suppliciter offerret. Simili etiam somnio me quoque vltimum peccatorum ad seminandum præcingere, & commonere dignatus est. Vidua enim quædam altera nobilissima, quam Synagogæ speciem habuisse non dubium est, me, ut agros suos incultos susciperem, eosque quando tempus sementis vrgeret, diligenter excolerem, deprecabatur. Quæ est autem altera nobilissima vidua, nisi illa, quæ Christum impie perimendo, semetipsam crudelissime viduauit? Hoc somnium vtriusque vnum est. Ante triginta ferme quàm impleretur dies, & vidisse nos, & licet solutionem eius ignoraremus, tamen fratribus indicasse, manifestum est.

Apud Iudæos quoque miro diuinæ dispensationis ordine, ut & nominis Theodori, & officij in vno homine societas conueniret, Theodorus, qui summus Sacerdos perfidi populi erat, somnium, quod viderat, non solum Iudæis, sed etiam propinquare cuidam matrifamilias primariæ ipsius Ciuitatis, multisque etiam alijs Christianis, ante non parum, quàm adimpleretur tempus,

*Apoc. 5.
Cant. 6.*

pus, his sermonibus propalauit: Eunti mihi, inquit, in Synagogam, duodecim viri manus obuias obtulerunt, dicentes: Quo vadis? Leo illic est. Cū ergo, audito leonis nomine, trepidare cepissem; locum tamen, dum fugam paro, vnde introspicerem, reperi, & vidi monachos illic mira suauitate psallentes, maior mihi pavor illico adiectus est; & nisi in cuiusdam nomine Ruben ingressus fuisset domum, & inde ad matrem propinquam cursu præcipiti conuolassem, nequaquam curam mortiferi terroris euasissem. Illa me exanimem sinu suo confouens, à discrimine pariter, & à metu eripuit. Hoc eius somnium valde clarum est, & interpretatione non indiget. Quia enim Leo, nisi ille de tribu Iuda radix Dauid? quæ propinqua illa, nisi de qua scriptum est, vna est propinqua mea? Illud ergo solum videbatur obscurum, quod in domū Ruben Iudæi, à Leone cum terreretur, ingressus est: quod quidem nobis postmodum ab ipso Leone, qui terruit vt saluaret, euidentissime expositum est, quod dehinc suo explicabimus loco. Nunc autem cæptæ rei ordinem prosequar.

Varij, & mirabiles euentus in conuersione Iudaorum.

Cap. 290.

*Euod. ubi
sup.*

EX Iamonenſi Ciuitate ad profectionem famulorum Christi multitudo conuenit, quæ in ipſo oppido putabatur conſiſtere: tantaq. difficillimi itineris laborem alacritate confecit, vt triginta millia paſſuum iucundius tranſuolaret, quàm ſi ad ſuburbanum aliquod amœniſſimum ad conuiuia epulaturi vocarentur. Igitur Magonam peruenimus. Statim ego, miſſis clericis aduentum meum Iudæis nunciaui, & vt ad Eccleſiam ſanctam accedere dignarentur, popoſci. Illi autem inopinatum nobis nuntium remittentes, mandauerunt: Eccleſiam ſibi (ne, credo, polluerentur) ingredi die eadem non oportere: eſſe enim diem Sabbathi, cuius feſtiuitatem ſuis illi actibus corrupiſſent. Rurſum ego expetiui, vt me ad Synagogam, ſi mallent, opperirentur, quandoquidem ingreſſus Eccleſiæ pollutio videtur: non utique eos à nobis in die feſti Sabbathi ad opus ſeruite compelli, futurum autem honeſtiſſimum de lege conſlictum, nec excitandas lites, & fabulas eſſe miſcendas: aut, ſi non altute certamen fugerent, & ſimplicem afferrent excuſationem, oſtenderent præceptum, quod in eo die ſermonem conferre, prohibitum ſit. Ad hæc cum illi in omnibus contradiccionem obſtinatiſſimam retuliſſent, tandem illius leonis terrore compulſi, ad domum in quam hoſpicio acceſſeram, confluxerunt. Ibi ego: Quæſo (inquam) fratres, quare quaſi aduerſus latrones, præſertim in ciuitate Romanis legibus ſubdita, acervos ſaxorum, omniaq. armorum genera congregatiſtis? Nos acquirere cupimus, vos perdere deſideratiſtis? Non eſt (quantum arbitror) æquum, vt tam varia lite alterutrum laboremus: vos vero (vt video) ſicitis noſtrum ſanguinem, nos vero veſtram ſalutem.

Ad hæc illi paululum territi, negauere factum: noſtris affirmantibus ita ſe habere, etiam cum iureiurando renitebantur. Tunc ego, vt nodum cæptæ contentionis abſcinderem: Vbi res (inquam) oculis probari poteſt, iuratione quid opus eſt? eamus igitur ad Synagogam, & vtrum pro vitio, an veritate, veſtra nitatur aſſertio, vobiſmetiſſis teſtantibus, comprobabitur.

Per-

Pergere igitur ad Synagogam cœpimus, & hymnum Christo per plateam ex multitudine lætitiæ canebamus: psalmus autem, quem mira iucunditate etiam à Iudæorum populis decantabatur, hic fuit: Perijt memoria eorum cum strepitu, & Dominus in æternum permanet. Sed antequam ad Synagogam perueniremus, quædam Iudææ mulieres, ordinatione credo Dei, audaciam præsumentes, ut scilicet nostrorum lenitas incitaretur, lapides in nos ex superiori loco immanissimos iactare cœperunt, qui (mirum dictu) cum super confertissimam multitudinem, grandinis instar, descenderent, neminem nostrorum non solum ictu, sed nec tactu quidem vexauere. Hic agnis suis Leo ille terribilis mansuetudinem paululum abstulit: omnes siquidem, reclamantibus nobis, saxa corripunt, & pastoris commonitione posthabita, cum vnum potius consilium cunctis zelus potius Christi, quam ira suggereret, Lupos cornibus impetendos censuerunt; quamuis hoc illius, qui solus bonus pastor est, nutu factum esse, nulli dubium sit.

Denique ne cruentam gregi suo videretur præstitisse victoriam, nemo Iudæorum se contactum saltem fuisse, ne pro invidia quidem, ut mos est, simulauit. Sane quoniam omnimodis debemus vitare mendacium, vnus ex omni Christianorum numero inuentus est, qui cum Acham illi similis esse vellet, qui sub Iesù Naue, de anathemate spolia concupiuit: nam seruus cuiusdam Christiani solus, dum aliquid à Synagoga diripere concupiscit, in lapidem offensionis incurrit. Quidam verò nostrorum, quasi aduersus Iudæum lapidem iniecit, qui capiti eius illisus, ut capitis sui, idest Christi, meminisset, admonuit: quod vulnus licet periculosum non fuerit, tamen & illum rapinæ suæ confiteri concupiscentiam compulit; & cunctos, ne similiter laberentur, præsentem terruit ultione.

Igitur postquam Iudæis cedentibus, Synagoga potiti sumus, nullus ex ea quicquam non dico abstulit, sed nec cogitauit diripere: omnia eius ornamenta exceptis libris, atque argento, cum ipso pariete ignis absumpsit: Libros sanctos, ne apud Iudæos iniuriam paterentur, sustulimus: argentum, verò, ne vel de præda nostra, vel de suo dispendio quererentur, ipsis reddidimus. Eversa itaque, cunctis Iudæis stupentibus, Synagoga, ad Ecclesiam cum hymnis perreximus: & auctori victoriæ nostræ gratias referentes, effusis precibus poscebamus, ut vera perfidiæ antra Dominus expugnaret, & tenebroforum pectorum infidelitas coargueretur à lumine.

Ruben quidam Iudæus, à Domino, ut primogenitus omnium constitueretur, est electus: nam clamore sanctissimo lætificans corda multorum, absolui se à vinculis Iudaicæ superstitionis deprecabatur: Statimq. primitiuus Iacob factus, signum salutare suscepit; & inde nostris lateribus, atque consilijs inhaerens, obstinatissimam cunctorum duritiem nobiscum increpat. Triduum (ni fallor) emensum est, ex quo nostri in oratione, & Iudæi in perfidia perstitere. Post hæc venit Theodorus, multitudinis suæ ægmine circumseptus, ad locum, in quo soli Synagogæ parietes, qui post hæc, credentibus Iudæis sunt subuersi, superesse videbantur: ad quem locum Christianorum pariter multitudo conuenit.

Ibi Theodorus cum audacter de lege differens, omnia quæ obijciebantur, irrideret, atque peruerteret, populus Christianus videns, quod verbis superari non posset humanis, auxilium de cœlo implorauit. Omnes itaque
pariter

4. Reg. 7. pariter clamantes, cum summo vnitæ vocis fragore dixerunt: Theodore crede in Christum. Mira indulgentissimi Domini misericordia, adhuc parua petebantur, & maiora concefferat. Immo non mirum est de omnipotente miraculum. Ipse enim virtutem clamoris huius in auribus Iudæorum commutauit, qui olim effecit, vt quatuor leprosi Regis Syriæ, qui Samariam obsederat, castris potirentur: & qui per Gedeon Madianitarum agmina conturbauit, deditq. trecentis eius viris ingentem sine labore victoriam, efficiens per terrorem, vt mutuis hostium multitudo vulneribus prosterneretur.

Iud. 7.

Ita & nunc ista vox longè aliter à circumstantibus Iudæis suscepta est, quam à nostris immittebatur: omnes enim putauerunt dictum: Theodorus credidit. Itaque existimantes principem perfidiæ suæ ad Christi fidem fuisse conuersum, cuncti pariter trepidi, vbi timor non erat, terrebantur: Mulieres eorum sparsis crinibus, occurrentes cum ferali vlulatu, nomen Theodori, repetitis vocibus, accusabant, dicentes: O Theodore, quid fecisti? Viri autem alij ad deuios saltus & fixuras montium confugere: alij per ipsius oppidi angiportus discurrebant, locum in quo delitescerent, inuenire cupientes.

Præn. 8.

Ipse Theodorus stupore perculsus, diuinam sententiam in plebe sua cernebat impleri: Fugit impius, nemine persequente; sed tamen non nemine, persequatur enim ille Leo terribilis, qui de Synagogæ loco (sicut Theodoro fuerat reuelatum) per monachos rugitum miserat, quo resistentes tremefecit inimicos. Stabat igitur Theodorus in loco prorsus eodem, quo ei pridem per somnium terror fuerat Leonis iniectus: & cum causam tantæ trepidationis inquireret, & nomen solummodo nostri Leonis audiret, nullam illic (sicut ferebatur) feritatem videns, tantum psallentes monachos intuebatur; & ab omni suorum multitudine destitutus, atque elabi parans, etiam ipse pedum viam prospiciebat: quem cum horribili formidine apprehensum, non solum colore vultus, verumetiam vocis officio destitutum Ruben ille sanctissimus aspexisset, properè accedit, & trementem blando sermone compellans, ad Christi fidem cohortabatur; atque ingrens ei pro suffragio metus, suæ credulitatis exemplum, domus figuræ, ad quam pauore Leonis confugeret, quodammodo satis facere videbatur.

Verum, vt & nos fideliter vniuersa narremus; & vos qui non eloquij ornatum, sed veritatem queritis, libentius audiat, ipsius Ruben verba inferens, nihil ex simplicitate dictorum eius subtraham. Aiebat enim: quid times, domine Theodore? Si vis certè securus, & honoratus, & diues esse, in Christum crede, sicut & ego credidi. Modò tu stas, & ego cum Episcopis sedeo: Si tu credideris, & tu sedebis, & ego ante te stabo. Hos sermones Theodorus alta mente suscipiens, ad nos ait: Faciam quod vultis: tenete, inquit, promissionem hanc. Sed permittite mihi, vt prius alloquar plebem meam, vt maiorem conuersionis meæ etiam ex reliquis possim habere mercedem. Hæc eius sponsio cum inexstimabili cunctorum exultatione suscepta est: alij in eum amabiliter irruentes, os ipsius & colla mulebant; alij eum vlnis mollibus amplectebantur; alij autem dexteram dexteræ adiungere, & sermonem conferere gestiebant.

Perrexit igitur Theodorus ad atrium suum quolibet officio nostrorum latus,

lætus, tamen anxietate non penitus carens. Nam licet in domum Ruben per promissionem suam iam veniretur, ingressus tamen, & tunc trepidus erat, quia nondum ad propinquam venerat, quæ eum post triduum materno suscepit sinu, & ab omni trepidatione perturbationis absoluit. Nos autem ad Ecclesiam cum hymnis, ex more perreximus. Benedictus est pater misericordiarum, & Deus totius consolationis, qui dedit capiti nostro aquam, & oculis nostris fontem lacrymarum, ut ploraremus vulneratos populi nostri.

*Hierom.
Thron. I.*

Praetis siquidem mysterijs, Ecclesiam egressi, non minimam in occursum nostrum Iudæorum multitudinem conuenisse inspeximus. Omnes vnanimiter deprecabantur, ut Christi characterem à me, licet indigno pastore susceperent. Reuersi itaque ad Ecclesiam, & toto corde Domino gratias referentes, illico in frontibus eorum signum salutis impinximus. Quæ autem cum his, qui ad sylvas, siue antra confugerant, Christi virtute gesta sint, quæ lingua effabatur, præsertim cum vnusquisque eorum propriam conuersionis suæ habeat historiam? Sicut itaque nobis impossibile est, omnia dicere; sic ingratum cuncta præterire. Quapropter vnum Christi miraculum, quod tunc à fidelibus, probatissimisque comperimus, precibus vestris adiutus euoluam.

*Meletius Iudæus Christi nomen menti suæ diuinitus impressum,
cum expellere non posset, ne fortè Christianus fieret, exulat
cum alio; verum dum à via aberrat, & tenebris in-
uoluitur, & uerbis laceratur, Christi nomen
inuocare coactus, reuertitur, & Christianus
efficitur. Cap. 291.*

DVo quidem primarij Iudæorum, Meletius Theodori frater, & Innocentius, qui Hispaniarum cladem nuper effugiens, cum famulis suis ad hanc Insulam venerat (sicut nunc ipsi etiam cum sacramentorum terribili interpositione confirmant) ad vnā speluncam, vel potius rupem conuerunt, associando se duobus quibusdam Iudæis humili loco ortis, qui istos communis fugæ principes legerant. Igitur cum in loco eorum trepidi, anhelantesque paululum resedissent, duos illos, qui ætate alacres, & audaces erant, explorandi gratia ad oppidum remittentes, soli derelicti sunt ibi. Tunc prior Meletius: Quid est, inquit, frater, quod verbum (sicut docet religio nostra) blasphemum auellere à corde meo nequeo? Ex quo enim fratrem meum conuersum fuisse, Christianorum populus inelamauit, nihil aliud mihi in corde suggeritur, nisi hoc verbum, mihi vsque ad hunc diem penitus ignoratum, CHRISTE IN NOMINE TVO. Quanto magis pulsare hoc ab animo meo nitor, tanto violentius, tenaciusque inhaereat. Ad hæc Innocentius: Non (inquit) frustra hic sermo, quem cor tuum (ut apud cunctos probatissimum est) antea nec cogitauit, nec vnquam protulit, hic præsertim menti tuæ, ut asseris, tam violenter insertus est; hoc ex Deo esse arbitror. Verumtamen elabora, obsecro, & fabulis his declinatis, interpellationem molestæ cogitationis expelle.

Tunc

* alia le-
dio habet,
mihi reddi.

Tunc Meletius ita obstrepere, & confusis clamoribus personare cepit, ut eum cum sua mente luctari, non solum nutibus vultus, sed etiam totius corporis indicio Innocentius cerneret, quod posteaquam ne parum quidem proficere intellexit, & adiecit etiam illud, ut verba quædam profana, & turpia loqueretur, & tunc naribus corrugatis, aerem sorbens inhonestos strepitus promeret, nunc foetidis risibus cachinnaretur: sed hæc ab animo eius nomen Christi extinguere nequirit infania, quia iam cunctas eius medullas sanitatis ignis peruasera. Quid ergo (inquit) Innocenti frater? in contrarium verba ista vertuntur: abolitionem mihi nominis Christi, nec scurrilitate verborum, nec ipsis possum obscæni sonitus extorquere blasphemias: aliud siquidem, mihi crede, sentio, quod cordis mei auribus, quas frustra obstruere nitor, Christi nomen ingerere, incessabili clamore non desinit. His Meletij verbis talia Innocentius retulit: Fratrem tuum Theodorum, doctrina, honore, & ætate maiorem, ad Christi fidem conuersum, his auribus audientibus, plebs Christiana testata est: poterit ne fieri, ut etiam tu germani constrictus exemplo religionem Iudaicam deferas? Quid ergo in hac terribili solitudine diutius tempus terimus? quamdiu etiam inopia victus laborare poterimus? Quid causæ est, ut fame tabescamus, arescamus siti, obrigescamus algore? ad postremum (quod iam patimur) nostræ huius solitudinis horribili teneamur silentio? numquid latronum vincula, numquid barbarorum gladios fregimus? numquid sanguinem nostrum plebs tanta misericors, quæ pro nobis flere conspeximus, concupiscit? recordemur, obsecro, quem unquam læserit vi nostrorum, vel saltem irrogauerit iniuriam, reuertamur ad innoxios, quos in nullo læsimus inimicos, & quod Deo placuerit, fiat.

Ezech. 12.

Ad hæc Meletius: Ego te (inquit) Innocenti frater, quem non solum Latinis, sed etiam Græcis litteris eruditum scio, & legem iugiter meditari, oblitum reor, quod per Ezechielem Prophetam Dominus ait: Anima quæ peccauerit, ipsa morietur. Si enim legisti hoc, cur me fratris mei Theodori exemplo attrahi posse ad fidem Christi existimas? Habet ille animam suam, ita & peccatum suum: quod quidem peccatum mihi, si Dominum Deum non relinquo, non nocebit. Testor autem illum, qui eduxit patres nostros de terra Aegypti, me, si hyemis violentia non obesset, abrepto quocumque nauigio, ad quaslibet terras solum velle migrare: nec me possessionum amor, nec affectuum charitas detineret, quorum facilis mihi iactura est, tantum ne Deum patrum meorum negare compellar. Quod autem consilio inutili ad Ciuitatem remeandum decernis, miror te prudentissimum virum non animo præuidere, quid de nobis futurum censeas, si Theodorus, columna Synagogæ nostræ, in quo omnem fiduciam reponebamus, apostatare compulsus est. Hoc ergo sanius est, ut eamus ad agrum meum, nec nos ultra Christianorum oculis ingeramus: possumus enim illic interim delitescere, donec opportuno tempore ad peregrina emigremus: quandoquidem in hac Insula ita apud cunctos odium nostræ religionis increuit, ut qui patriam non reliquerit, fidem patrum tenere non possit. Cur itaque non voluntarium suscipiamus exilium ad quod (sicut res indicat) odijs ciuium, etiam si nolumus, destinandi sumus? Hoc igitur consilio vtriusque sententia confirmata, laborem destinati itineris arripiunt.

Sed dum per angustissimum ingrediuntur callem, cogitationum tenebris lucem

lucem occæcantibus oculorum, ipsum quem inscij sequebantur tramitem, perdiderunt, & in locis desertis atque inuijs remansere. Cum autem scinderentur sentibus, aut vepribus lacerarentur, postquam corpus suum longis fœdauere vulneribus, ad tantam primo quidem anxietatem, deinde etiam ad desperationem, atque formidinem venerunt, ut compellerentur fateri, se ea iudicio Dei ob incredulitatem perpeti. Igitur nomen Christi, quod ante se ultro ingerens repellebant, laceratis iam cruribus, inuocantes, semitam, quæ eos contra voluntatem, ac propositum suum ad oppidum retraxit, corripuerunt. Sed cum ad Ciuitatem inuiti, ac trepidi peruenissent, curiosius omnia percunctantes, audierunt Theodorum etiam nunc Iudæum esse, nec ullam, sicut existimauerant, populi Christiani pertulisse violentiam. Stupētes autem, & quod ipsis acciderat, non credentes, ad domum Theodori iter dirigunt, ubi cum eos, iam pene exacto prandio, ille excepisset, illicò inquit causam, cur à se, & à Ciuitate abscessissent, vniuersumq. ordinem gestæ rei, magis cum risu, quàm cum admiratione cognoscit.

Plures Iudæi ad fidem conuertuntur. Prope ecclesiam B. Stephani prodigia magna fiunt, globus candidissimi luminis apparet. Grando instar mannae de Cælo descendit. Theodorus Iudæus conuertitur, & plures Iudæorum sequuntur illum. Cap. 292.

Post triduum Theodorus cum concionari ad plebem suam, eosq. ad fidem Christi prouocare disponeret, ultro se offerentium ad confessionem Iudæorum etiam seditionem pertulit. Nemo enim eorum ferme erat, qui non se palam sensisse Christi potentiam contestaretur: nam primo in Concilio eorum adolescens quidam ipsius Theodori consobrinus, nomine Galilæus, ut congruum (sicut dictum est) nominibus mysterium gestæ rei vsque ad finem deduceretur, cum ingenti inuidia proclamare hoc cepit: Contestor, inquit, vos omnes me Iudæorū esse non posse in possessione; siquidem in ea Christianos consortes habeo, quorum odijs, si in Iudaismo perseuerare voluero, forsitan perimendus sum. Ego igitur vitæ meæ periculo consulens, ad Ecclesiam iam pergam, ut necem quæ mihi paratur, effugiam. Hæc Galilæus, cum ad tempus fugæ se pararet, quasi ut causas conuersionis suæ reddidisse videretur, de futuri seculi morte tunc nihil cogitans, veritatem inscius loquebatur. Huic sermoni, penè præteriens vir honestus, & non solum inter Iudæos, verumetiam in Ciuitate vsque adeo præcipuus, ut etiam nunc defensor Ciuitatis electus sit, Cæcilianus, vera Galilæum dicere, seq. similem habere causam, similia formidare attestabatur: quibus verbis tantam supramemorato iuueni adiecit confidentiam, ut in conspectu omnium cursu rapidissimo ad percipiendum fidei brauium ad Galilæi nostri conuolaret auxilium, & ab humilitate nostra, ut eiusdem inde nomine censeretur, expeteret.

Cæcilianus autem, cum esset Iudæorum pater, habito cum Florino fratre suo æquè Iudæorum patre seniore consilio, huiusmodi (sicut agnouimus) verbis Synagogam adorsus est: Ego, inquit, cum sim in honore Synagogæ

E c

post

*Ead. Severi
Epist.*

post Theodorum primus, non sicut iuuenis Galilæus, cunctos quasi trepidus consulo, contestorquē, sed potius adhortor atque commoneo, denunciāns, ut errore prauī itineris derelicto (si fieri potest) omnes pariter ad fidem Ecclesiasticam concurramus. Quod si vos ad Christum tanta virtus non attrahit; ego certe, & Florinus frater meus, sicut recusantibus vobis tantam salutem, vim inferre non possumus, ita nos cum vniuersa domo nostra religionis huius, quam austruere non valemus, ludibria deferentes, Christianorum numero, fideiq; sociabimur, qui nunquam vtiq; innumerabilibus scripturarum testimonijs non solum te, frater Theodore, qui peritior reliquis videris, sed etiam cunctos conuincerent. nisi veritatem, quæ vinci non potest, sectarentur. Tali Cæcilianum sensu plebem suam affatum comperimus, multosq; Iudæorum eadem die ad fidem Christi cum ipso concurrentes cum ineffabili exultatione suscepimus.

Prodigia sane, quæ de cælo tunc facta sunt, sicut eloqui digne non addam, filere non audeo. Hora circiter septima missam Dominicam solemniter cepimus celebrare: nam, dum nos aduenientes ad Christi fidem Iudæos, vel exhortamur, vel adnotamus (si quidem nomina eorum scripsimus) populus autem tanti gaudij epulis saginatus carnalium non meminisset escarum, pars diei maior excurrerat. Cum igitur in Ecclesia, quæ paululum à Ciuitate sequestri in loco sita est, in qua sancti martyris Stephani nuper reconditæ reliquię conquiescunt, nobiscum pariter plebs vniuersa Missam operiebatur; duo quidem monachi, quos Dominus testes suorum miraculorum, prælegit, in campo, qui ante fores Ecclesiæ protenditur, in herbis accubabant. Vir autem honoratus, Iulius nomine, cum alio quodam de Ciuitate Ecclesiam petens, cum per ipsos præterire cepisset, respiciente vno ex Monachis (viso mirabili signo) conturbatus, confusum emisit clamorem, conuersusq; ad se, protensa manu, quæ verbo explicare non poterat, quid videret ostendit: Erat globus quidam candidissimi luminis, proceritate sui staturam quasi hominis adæquans, instar vasculorum, quæ vulgo Orce appellantur, tantæ vero claritatis, & fulgoris, ut visum fuit, quod fratri qui id prior notauit (sicut ipso referēte cognouimus) sol decidere videretur: hoc sicut istis visum est, quasi trans basilicam, in qua vniuersus nobiscum populus confederat, lento lapsu demittebatur; verum ita propinquum putauere, ut se idem frater stupore percitus cursu præriperet, existimans id post basilicam decidisse: sed ab illo retractus fratre, gressum inhibuit: ille enim ita quidem etiam sibi visum, tamen longius fuisse non quasi certus, sed ut æstimans, astruebat. Mulieres autem quædam tunc Iudææ, inter quas matrona Meletij illius, cuius supra mentio habita est, de cœnaculo perspicientes, ita sibi idipsum visum affirmabant, quasi supra basilicam decidisset. Verum hoc, utrum Angelus, an ipse Stephanus, quod visum est, fuerit, incertum est.

Exod. 16.

Eadem diei hora circiter quarta, idest, paulo antequam hoc signum demonstraretur, grando minutissima, quam Incolæ Insulæ illius gentili sermone Abgistinum vocant, non vsquequaque copiosa defluxit: hæc, cum odor ex ea mellis fragrare cepisset, à multis quos per viam verberauerat, degustata, dulcior melle comperta est. Multi itaque sapientes, cum eadem die filios Israel ab Aegypto perfidiæ suæ, atque à seruitute egressos viderent, hæc quæ facta sunt, signis illis, quæ in Exodo legimus, comparabant huic populo

pulo, qui Deum credulo corde intuens, verumetiam Israelis nomen meruit, manna crederent innouari: columnam quoque ignis, quæ patres in Eremono præcedebat, ut etiam filijs à vera Aegypto atque fornace (sicut scriptum est) ferrea egressis, ducatum præberet ad vitam, ostensam fuisse existimarunt. Et re vera (sicut lectione Exodi attestatur) similitudo signorum minimè discrepat: nam, & illud quod niuem fuisse credidimus, semen coriandri minuti adæquabat, mellis saporem ferebat: & hoc quod apparuit, columnæ igneæ speciem habuisse, manifestum est. Vtrumque autem signum etiam Iammonæ consistentibus fratribus reuelatum fuisse cognoscimus: nam, & pluuiam mellis multi, quibus intellectus requirendi, & per gustus agnoscendi datus est, probauere: & columna candidissimi illius luminis multorum, quos dignos Dominus iudicauit, se ingessit aspectibus. Vnde intelligi datur, Iudæos per vniuersum orbem fidei lumine visitandos: quoniam quidem nobis, qui in hac Insula, atque in hoc paruulo (ut ita dixerim) orbe constitimus, tantus cælestis gratiæ splendor illuxit, ut vsque ad extremos terræ vestræ terminos signorum visio perueniret.

Exod. 13.

Sequenti igitur die summa omnium expectatio, ut Theodorus sponsionis suæ satisfaceret, admonebat: qui cum iustis (quantum videbatur) allegationibus cunctorum vota crederet differenda, dicens matronam prius suam, quam in Maioricensi reliquisset Insula, huc se velle deducere, ne forte si absque consensu suo virum suum conuersum fuisse agnouisset (sicut solet) pertinax perfidia esset, persuasione matris præcipuè suæ, quæ adhuc supererat, & consilijs dementata, & à coniugio viri religione discederet. Cum hæc Theodorus Christianis iam acquiescentibus propalasset: Iudæis qui conuersi fuerant, acerrima commotione resistentibus, amputata dilationis mora, ad matris propinquæ sinum festinus ipse, ut in somnis viderat, conuolauit. Post quem omnis, tanquam remoto obice, ad Ecclesiam Synagoga confluit. Mirum dictu, inueterati illius legis Doctores sine vlla altercatione verborum, sine vilo scripturarum certamine crediderunt. tantum percunctati, an vellent fidem Christi suscipere: credere se in Christo, & Christianos fieri cupere profitebantur. Centum quidam, & duos (ut asserunt) ætatis, atque perfidiæ suæ habens annos, sine trium commutatione verborum, spe futuræ vitæ alacer, decrepitu, optare se, ut in fine temporum suorum per fidem Christi ad spiritualem reuerteretur infantiam, nobisq. putrefacta iam senio membra, ut quantocius per baptismum regeneraretur ingessit.

*Arthemisia nobilissima Iudæorum femina, aquam, & ceram
versum in suauissimi mellis dulcedinem mirabiliter
sentiens, ad fidem Christi conuertitur.*

Cap. 293.

Verunt quidam Iudæi, qui prætereuntes, illuc appulsi, opportunitatem temporis, atque ventorum aucupabantur, qui nauigandi concessa opportunitate, credere maluerunt. Tres igitur tantum feminas, sed nobilissimas Iudæorum, ad virtutis suæ gloriam dilatandam, in duritie perfidie

Ead. Epist.

Ec 2

dia

diæ suæ Christus permanere aliquantulum passus est. Arthemisia si quidem Lettorij, qui nuper hanc Prouinciam rexit, & nunc Comes esse dicitur, filia, coniugis Meletij conuersione commota, cum vna ferme amica, & nutrice, & paucis ancillis, domum viri sui deferens, ad quandam speluncam, licet in vinea, tamen remotiore paululum loco sita, oblita femine infirmitatis euasit. Erat in ea paruum, nouumq. torcul r, lacusq. nouus factus, figuram quodammodo gerere credentis populi videbatur: non enim istos sicut vtres veteres, sed sicut novos lacus mustum noui testamenti recepisse, & credimus, & videmus.

In eo igitur loco cum per biduum matrona à viro suo offensa, inexorabilis permanisset, vt primum tertia dies illuxit, famulæ aquam haurire imperauit: quam cum odore, & sapore mellis dulcedinem referre sensisset, primo quidem ministræ succensere capit, & cur in eodem vrceo mel inieciisset, indignans, inquirebat: postquam autem, vt quasi negantem conuinceret, ad lacum pergit, de quo paululum concavis manibus hauriens, reperit aquam, qua per biduum vsa fuerat, in mellis suauissimi versam dulcedinem. Aduocans itaque cunctas, quæ aderant, vt gustarent rogat, ne forte fallax sapor in faucibus tantum ipsius suauitatem mentiretur. Omnes gustantes mira oblectatione affectæ sunt, vt non aquam mellis sapore delibutam, sed mel sincerissimum, solum aquæ similitudinem censerent. Stupore igitur percitæ, dum ad Ciuitatem reuerti parantur, curiosius agentes, etiam rorem, qui in herbis plurimis erat, degustatum similem repperunt. Pergens itaque ad Ciuitatem matrona memorata, hæc marito retulit, & per eum omnibus indicauit, statimq. ad Christi fidem sine reluctatione consensit.

Iudæis ad Christi fidem paulatim venientibus per multos dies sereno celo pluuia mirifico odore comitante descendit.

Orantibus Christianis aliqua obstinata mulieres fidem recipiunt.

Cap. 294.

Ead. Epist. **V** Erum eadem die, qua Meletij vxor amaritudinem incredulitatis abijcere ex melle compulsa est, eadem inquam die, qua memorata filia Israel, quasi in deserto posita illum antiquum Mara lacum, iniecto Crucis ligno, obdulcescere persensit: ita mirifico verequæ cælesti omnis Ecclesia odore fragrauit, vt præsentiam Spiritus sancti, quam ante iam aliquoties, sed paucissimi senseramus, fraternitas penè vniuersa sentiret: & mirum cunctis illud fuit, quod per eosdem dies serena propemodum iugiter permanente, creberrimi imbres demittebantur, & paulatim venientes ad fidem Christi Iudæos pluuia præcedebat: ita vt hoc animaduertentes, vulgò inter nos, & quasi ioculariter diceremus: Ecce iam pluit, scitote quoscumque Iudæos ad Christi fidem accessuros. Mirum dictu, frequenter, dum adhuc talia loqueremur, à quibusdam Iudæis fidei ianua pulfabatur: nec immerito, sicut scriptum est: Pluiam voluntariam segregabit hæreditati suæ Dominus. Desuper erant feminae, quæ in odorem vnguentorum Christi currere recusabant.

Psal. 67.

Inno-

Innocentij illius, cuius supra fecimus mentionem, matrona cum prole sua, venerabilis (sicut fama est) vidua, illicò ut Innocentium sororis coniugem conuersum esse conspexit, nauim conscendit, non solum permittentibus, sed etiam suadentibus nobis, quia ad Christi fidem nec verbis, nec miraculis flecterentur. Vxor autem Innocentij per quatuor fere dies verbum salutis, quod ingerebamus, obduratis auribus recipiebat. Hæc cum omnem respuens medicinam, insanabili incredulitatis valetudine opprimeretur, nullisq. Innocentij coniugis, vel minis, vel precibus, vel lachrymis moueri posset; vniuersa, Innocentio rogante, ad domum, in qua habitabat, fraternitatis multitudo conuenit, habens magnum dolorem animi, quod tantæ lætitiæ plenitudini vna mulier obsisteret, quia iam soror eius manifestè putabatur. Cum igitur diu cassa verba surdis auribus ingerentes nihil profecissemus, ad cognitum orationis præsidium conuoluimus; precesq. quas humana repellebat pietas, ad cælestem misericordiam vertimus. Itaq. vique in horam tertiam ferme hymnorum, & orationum prælijs aduersus Amalech hostem Iesu, Ducis nostri sudauit exercitus. Inde cum iam penè (quod faciendum est) desperantes, abscissionem moliremur, resumptis rursum viribus, orationem cunctis indiximus, soloq. strati, diu fleuimus: & cum in consummatione orationis, Amen, populus acclamasset, & illa credere se, & Christianam fieri velle subiunxit. Nos itaq. hac etiam à Diaboli laqueis eruta, læti ad habitacula nostra perreximus.

Sequenti, idest, octaua demum die, qua veneramus Iammona, remeare statuimus, optima præclaræ victoriæ gaudia reportantes: sed cum iam in procinctu itineris constituti Ciuitate digrederemur, Dominus populo suo, quasi pro viatico, gaudium, quod solum deesse videbatur, adiecit. Affinis siquidem Innocentij illa vidua de pelago reducta est, quæ subito se meis genibus aduoluens, fidei nostræ auxilium cum lachrymis deprecabatur. Cui ego: Cur, inquam, mulier tanta animi leuitate fratres tuos deserere voluisti? Ad hæc illa, & Iona, inquit, Propheta à facie Domini fugere voluit, & tamen voluntatem Dei, licet inuitus, impleuit. Suscipe ergo tu, non solum me, sed, & istas orphanas, & Christo eas nutri. Et hoc miserabiliter acclamans, duas filias suas paruulas mihi cum fletibus ingerebat. Quis non prægaudio fleuit? Cui non extorsit lachrymas lætitiæ magnitudo? Suscepi planè ouem, quam ex omni numero solam errasse putabamus, eamq. cum gemino fætu ad Christi ouilia reuocaui.

Quingentorum, & quadraginta Iudaorum conuersione facta, euerfis synagogis, ydem ad nouam Basilicam Christo constituendam, pecunias, & saxa comportant.

Cap. 295.

SAnè per hos octo, quibus hæc gesta sunt, dies, ante initium Quadragesimæ, Paschæ à nobis celebrata est festiuitas: quingentas siquidem, & quadraginta animas ad Ecclesiam constat adiectas. Inane autem, & superuacaneum non reor, ut cum multa propter infinitam copiam prætermisero, in fine commemorem, neminem ex tanta Iammonensis populi multitudine, qui per triginta millia passuum ante tot dies venerat, aut curam domus suæ,

Ec 3 aut

aut prouisionem substantiæ, aut desiderij affectum huic operi prætulisse. Illud magis mirum, magisq. gaudendum est, quod ipsam Iudaicæ plebis terram diu inertem, nunc autem recisis incredulitatis vepribus, & recepto verbi semine, multiplicem fructum iustitiæ germinare conspiciamus: ita ut nobis in spe tantorum noualium gaudeamus, vnde insignem perfidiæ eruiamus syluam, illic fertilissima fidei opera pullulare. Primum enim ipsa Synagogæ fundamenta euertere, deinde ad nouam Basilicam constituendam nō solum impendia conferunt, sed etiam humeris saxa comportant. Hæc beatitudo vestra die quarta nonarum Februalium, virtute Domini nostri Iesu Christi arrepta, octo diebus ab eodem consummata esse cognoscat, post Consulatum Domini Honorij vndecimum, & Constantio iterum victore. Quamobrem si indigni, & peccatoris verbum dignanter admittitis, zelum Christi aduersum Iudæos, sed propter Deum, eorumdemq. perpetuam salutem, suscipite. forsitā enim iam illud prædictum ab Apostolo venit tempus, ut plenitudine gentium ingressa, omnis Israel saluus fiat. Et forte hanc ab extremo terræ scintillam voluit Dominus excitari, ut vniuersus orbis terrarum charitatis flagret incendio.] hætenus Seueri Episcopi Epistola: missa enim (ut diximus) hæc ad cunctos Christi fideles, inter alia loca, etiam Vzali in Africa, vbi Euodius Episcopus erat, lecta est, ut ante meminimus.

*l. 24. de
Iud. Cod.
Theod.*

His autem quamcitissimè per vniuersum Christianū orbem vulgatis, Honorius Imperator legem tulit, qua Iudæos vetuit honoribus, & magistratibus fungi, militiæq. cingulo, si qui acceperint, exui: ratus nimirum, exemplo Minoricensium Iudæorum, conuersionem ipsorum eiusmodi vexatione esse tentandam. Sed & illud accidit, ut cum eadem Seueri Episcopi litteræ per omnes Ecclesias legerentur, Christianorum pariter omnium incenderentur animi ad conuersionem Iudæorum aggrediendam, iisdem inijs auspiciandam, qua cæpisse scirent Minoricenses, nempe incensione Synagogarum ipsorum. Tolerabilis visa est magistratibus eiusmodi ex pietate proueniens vis illata. Sed cum nec ob eam causam Iudæi conuerterentur, iisdemq. apud Imperatorem queri minime desisterent, opus fuit tandem consulere illis, factumq. est, ut post annos demum quatuor, Imperatores sancirent edictum, quo eiusmodi Synagogarum prohiberent incensionem, & bonorum deprædationem. Sed quod nec sic desisterent, qui semel sumpta licentia hoc aggressi fuerant Christiani, alijs eodem anno editis sanctionibus, oportuit cohiberi. Extant ipsa edicta, primumq. sic se habet.

*ll. 25. 26.
27. de Iud.
Cod. Theo.
l. 25. de
Iud. Cod.
Theod.*

Placet in posterum nullas omnino Synagogas Iudæorum, vel auferri passim, vel flammis exuri. Et si quæ sunt post legem recenti molimine, vel ereptæ Synagogæ, vel Ecclesijs vendicatæ, aut certè venerandis mysterijs consecratæ, pro his loca eis, in quibus possint exstruere, ad mensuram videlicet sublatarum præberi. Sed & donaria, si qua sunt sublata, eisdem, si nec dum sacris mysterijs sunt dedicata, reddantur: sin redhibitionem consecratio veneranda non finit, pro his eiusdem quantitatis pretium tribuatur. Synagogæ de cetero nullæ prorsus extruantur, veteres in sua forma permaneant. Hæc Imperator 25. Kal. Martij Asclepiodoto, & Maximiano Conss. Sequuntur duæ leges eodem argumento sub iisdem Consulibus datæ, quas ne nimis prolixi videamur, prætermittimus recensere. Ceterum, quod non idem est consecutus euentus, plane notum factum est non Synagogæ confla-

gra-

gratione, sed protomartyris virtute in ostensione signorum, Minoricensis Iudæos ad fidem esse conuersos, vt ex dicta epistola satis exploratum habetur.

Quare permittat Deus contra iustos, prauales in hoc mundo homines peccatores. Cap. 296.

HAec atque alia admiranda operatus est Deus in sequentibus seculis, vt in primo hoc martyre apparet, quod illi, qui pro Dei gloria, pro fidei Christi veritate rapinas bonorum passi sunt, opprobria & verbera, carceresq. sustinuerunt, & morti traditi sunt, quamquam visi fuerint iniquorum & insipientum hominum iudicio esse morituri, & prauales videantur contra eos, iniquitas & iniustitia trahentium in eos, non tamen, si bene res inspiciatur, fuerunt victi, sed victores extiterunt, non mortui, sed immortales, non sub silentio, sed in pace sunt constituti, & post mortem consecuti sunt regnum, & vires indeficientes, vt omnia possint, quoniam viuunt apud eum, qui omnia potest. Aestimata est etenim afflictio exitus illorum, sed animæ eorum in manu Dei sunt. Et si coram hominibus tormenta passi sunt, non tetigit illos tormentum mortis, sed Deus tentauit eos, tanquam aurum in fornace probauit eos, & quasi holocausti hostiam accepit illos, quoniam non amiserunt terram, sed consecuti sunt cæli sublimia, non abierunt in exterminium, sed extra mundi terminos, & carceres egressi, cælestes regiones, & fidereas mansiones obtinuerunt. Et fulgent sicut Sol, & in paucis vexati, in multis bene disponuntur, & vita illorum immortalitate plena est, quoniam donum, & pax est electis eius. Interim autem tormentis & contumelijs permittit eos tentari, & morte turpissima condemnari, vt probaretur patientia eorum, donec corona sempiterna poneretur super caput eorum. Iustorum enim afflictiones, dolores, tormenta, & illatæ contumeliæ, sunt quædam arcana, & veluti sacramenta Dei, sub quibus abscondit mercedem iustitiæ, & spem gloriæ, sub illis enim latet honor animarum sanctarum: bonorū enim laborum gloriosus est fructus. Impij autē & persequentes viros iustos, & insipientes mala erunt in consummatione, & secundum ea, quæ cogitauerunt, corruptionem habebunt, & brachia eorum conterentur, & peribunt, & vacua erit spes illorum, & labores sine fructu, & inutilia opera, & à mercede, & gloria exterminabuntur. Et si quidem longæ vitæ erunt, in nihilum computabuntur anni eorum, & sine honore erit nouissima senectus illorum. Et si celerius defuncti fuerint, statim transibunt ad mala, nec habebunt spem, nec in die agnitionis allocutionem. Gentis enim iniquæ diræ sunt consummationes. Iustus autem si morte præoccupatus fuerit, in refrigerio erit. Senectus enim venerabilis est, non diuturna, neque annorum numero computata. Cani enim sunt sensus hominis, & ætas senectutis vita immaculata. Deo enim placuit, & inter peccatores viuens, translatus est in tabernacula iustorum, vbi inuenit vitam æternam. Consummatus in breui, expleuit tempora multa, propter hoc properauit Deus educere illos de medio iniquitatum. Et mors iusti condemnat impios viuos, qui videbunt finem sapientis, & iusti, & non intelligent, quid cogitauerit de illo Deus: videbunt, & contemnent, contemptores autem Dominus irridebit, & subfannabit illos, & erunt post hæc decedentes sine honore, &

Sap. 3.

Sap. 4.

Sap. 5.

Psal. 36.

I. b. 21.

proijcientur sicut pulvis, quem proijcit ventus à facie terræ, & permanebunt in contumelia inter mortuos in perpetuum, quoniam commotis fundamentis, vsque ad supremum, desolabuntur, & periet memoria eorum in semipiternum, & in die angustiarum stabunt ante Deum iudicantem, & examinantem facinora eorum timidi, & traduent illos ex aduerso iniquitates ipsorum. Et iusti stabunt in magna constantia aduersus eos, qui se angustiauerunt, mercedem iustitiarum recipientes de manu Domini, & coronam pulchritudinis, & regnum magnificentiarum, & splendorem gloriarum. Quapropter impij videntes mirabuntur & turbabuntur horribili timore, inspicientes iustorum salutem, & gloriam, & claritatem, & gement præ angustia spiritus, & eleuabunt vocem dicentes: Nos insensati vitam illorum aestimabamus insaniam, & finem illorum calamitate plenum, & sine honore: sed ecce quomodo computati sunt inter filios Dei, & inter sanctos fors illorum est, & benedicti percipiunt regnum præparatum sibi ab origine mundi. Ergo nos errauimus à via veritatis, & iustitiarum lumen non luxit nobis, & sol intelligentiarum non est ortus nobis: defecimus, & lassati sumus in via iniquitatis & perditionis, & ambulauimus vias difficiles, viam autem Domini ignorauimus. Quid nobis profuit superbia, aut diuitiarum iactantia quid contulit nobis? Transferunt omnia illa sicut umbra, & tamquam nuncius præcurrens, & tamquam Nauis, quæ pertransit fluctuantem aquam, cuius cum præterierit, non est vestigium inuenire, neque semitam carinæ illius in fluctibus, aut tamquam Auis, quæ transuolat in aëre, cuius nullum inuenitur argumentum itineris illius, sed tantum sonitus alarum verberans leuem ventum, & scindens per vim itineris aërem commotis alis transuolauit, & post hoc signum nullum inuenitur itineris illius: aut tamquam sagitta emissæ in locum destinatum, & diuisus aër continuo in se reclusus est, vt ignoretur transitus illius, sic & nos nati continuo defuiimus esse, & virtutis quidem signum nullum valentes ostendere, in malignitate nostra consumpti sumus. Talia dicent in inferno hi, qui peccauerunt, & mores ante mortem non emendauerunt. Dum autem sunt inter viuentes, habent gaudium aliquod ad instar puncti, cuius extremum luctus occupat, & spes eorum tamquam lanugo est, quæ à vento tollitur, & tamquam spuma gracilis, quæ à procella dispergitur, & tamquam fumus, qui à vento diffusus est, & tamquam memoria hospitis vnus diei prætereuntis. Et si diuites facti fuerint, & multiplicata fuerit gloria domus eorum, non est æmulandum eis, quoniam sicut herba velociter arescent, & sicut olera herbarum cito decident, & cum interierint, non sument omnia, nec descendet cum eis gloria eorum: ducunt in bonis dies suos, & in momento descendunt ad infernum. Iniustitia enim, mortis est acquisitio, & impij manibus, & verbis accersierunt illam, & æstimantes illam amicam, defluerunt, quoniam morte digni sunt, qui sunt ex parte illius.

Quapropter non est mirandum si B. Stephano lapides torrentis dulces fuerunt, & si tanta animi celsitudine mortem passus est, inimicis parcens, neque similiter de alijs, qui post eum ingentia supplicia perpeffi sunt propter Christi nomen, quorum virorum innumerabilis est exercitus, nam spectabant futuras glorias, & martyriorum inuictissimas palmas, vt cum palmis ad honorifica regna peruenirent, ipsorum est enim regnum cælorum.

Sed

Sed de hoc pluribus, cum de martyribus agemus.

Paulus vastabat Ecclesiam, Philippus Diaconus prædicatione, & signis magnis trahabat ad Christum Samaritanos. Simon magus præstigijs deludebat gentes, volensq. pecunia emere Spiritum sanctum, à Petro obiurgatur, & refellitur.

Cap. 297.

Saulus autem erat consentiens neci Stephani. Facta est autem illa die, Act. 8. persecutio magna in Ecclesia, quæ erat Hierosolymis: & omnes dispersi sunt per regiones Iudææ, & Samariæ præter Apostolos. Curauerunt autem Stephanum viri timorati, & fecerunt planctum magnum super eum. Saulus vero devastabat Ecclesiam per domos intrans, & trahens viros, ac mulieres tradebat in custodiam. Igitur qui dispersi erant, pertransibant euangelizantes verbum Dei. Philippus autem descendens in Civitatem Samariæ prædicabat illis Christum. Intendebant autem turbæ his, quæ à Philippo dicebantur, unanimiter audientes, & videntes signa, quæ faciebat. Multi enim eorum, qui habebant spiritus immundos, clamantes voce magna exibant, multi autem paralytici, & claudi curati sunt. Factum est ergo gaudium magnum in illa Civitate. Vir autem quidam, nomine Simon, qui ante fuerat in Civitate magus, seducens gentem Samariæ, dicens se esse aliquem magnum, cui auscultabant omnes à minimo usque ad maximum dicentes: hic est virtus, quæ vocatur magna. Attendebant autem eum, propter quod multo tempore magijs suis demétasset eos. Cum vero credidissent Philippo euangelizanti de Regno Dei, in nomine Iesu Christi baptizabantur viri, ac mulieres. Tunc Simon, & ipse credidit. Et cum baptizatus esset, adherens Philippo. Videns etiam signa, & virtutes maximas fieri, stupens admirabatur. Cum autem audissent Apostoli, qui erant Hierosolymis, quod recepisset Samaria verbum Dei, miserunt ad eos Petrum, & Ioannem. Qui cum venissent, orauerunt pro ipsis, ut acciperent Spiritum sanctum. Nondum enim in quemquam illorum venerat, sed baptizati tantum erant in nomine Domini Iesu. Tunc imponebant manus super illos, & accipiebant Spiritum sanctum. Cum vidisset autem Simon, quod per impositionem manus Apostolorum daretur Spiritus sanctus, obtulit eis pecuniã, dicens: Date, & mihi hanc potestatem, ut cuicumque imposuero manus, accipiat Spiritum sanctum. Petrus autem dixit ad eum: Pecunia tua tecum sit in perditionem, quoniam donum Dei existimasti pecunia possideri. Non est enim tibi pars, nec sors in sermone isto. Cor enim tuum non est rectum coram Domino. Poenitentiam itaq. age ab hac nequitia tua, & roga Deum, si forte remittatur tibi hæc cogitatio cordis tui. In felle enim amaritudinis, & obligatione iniquitatis video te esse. Respondens autem Simon dixit: Precamini pro me vos ad Dominum, ut nihil veniat super me horum, quæ dixistis. hæc ibi.

Quid autem actum sit de Simone hoc famosissimo Mago, videbimus inferius, qui criminum suorum poenas luit. Primus autem magno scelere inter primos fideles viros, Spiritum sanctum emere tentavit, quod quidem crimen postea succedentibus temporibus sæpe Ecclesiam vexavit, & vastavit per de-

testa-

testabiles viros, qui hoc crimen resumere visi sunt. Qua de re aliqua hic referre graue videri non debet.

Simon Magus, minister Diaboli, detestabile simonia crimen primus in Ecclesiam inuexit, quam Romani Pontifices, & Patres ab Ecclesia exterminare semper conati sunt.

Cap. 298.

Urbanus Episcopus seruus seruorum Dei. Dilecto filio Lucio Præposito Ecclesiæ S. Iuuentij apud Ticinum salutem, & Apostolicam benedictionem.

Vrb. epist. Decretalis apud Gratian. diuer. in locis per fragmenta posita, & in unum collecta.

A. 8. 8.

Sap. 1.

S Aluator prædicit in Euangelio, circa finem seculi, pseudoChristos, & pseudopphetas surgere, & multos seducere, & fideles suos in mundo multas habituros pressuras, sed tamen portas inferi aduersus Ecclesiam non præualituras. Proin quia, vt ait Apostolus, oportet hæreses esse, vt qui probati sunt, manifesti fiant, oportet nos cum Propheta ex aduerso ascendere, & murum opponere pro domo Israel, & cum eodem Apostolo per multas tribulationes intrare in Regnum Dei. Vnde non sunt condignæ passionibus huius temporis ad futuram gloriam, quæ reuelabitur in nobis. Igitur, quia innotuisti nobis, quod tibi obijcitur, Vtrum vendere Ecclesiasticam rem, simoniacum sit: hoc simoniacum esse, patenter colligitur ex hoc, quod beatus Petrus Apostolus ait Simoni: Pecunia tua tecum sit in perditionem, quia existimasti donum Dei pecunia possideri. Donum quippe Dei est Spiritus sanctus, & donum Dei est res ipsius Ecclesiæ oblata. Et si bene aduertis, Simon Magus, qui fiste ad fidem accessit, non Spiritum sanctum propter Spiritum, quo ipse indignus erat (quoniam vt scriptum est, Spiritus sanctus disciplinæ effugiet fictum) sed ideo, quantum in ipso erat, emere voluit, vt ex venditione signorum, quæ per eundem fiebant, multiplicatam pecuniam, quam obtulerat, lucraretur. Nec Apostolus emptionem Spiritus sancti, quam bene nouerat fieri non posse, sed ambitionem talis quæstus, idest auaritiam, quæ est Idolorum seruitus, in eodem Simone exhorruit, & maledictionis iaculo perculit.

Quisquis itaq. res Ecclesiasticas, quæ Dei dona sunt, quoniam à Deo fidelibus, & à fidelibus Deo donantur, quæque ab eodem gratis accipiuntur, & ideo gratis dari debent propter sua lucra vendit, vel emit, cum eodem Simone donum Dei pecunia possideri existimat. Ideo qui easdem res non ad hoc, ad quod institutæ sunt, sed ad propria lucra, munere linguæ, vel indeliti obsequij, vel pecunia largitur, vel adipiscitur, simoniacus est, cum principalis intentio Simonis fuerit sola pecuniæ auaritia, idest, idolatria, vt ait Apostolus Paulus. Alioquin cur Synodus Chalcedonensis sexcentorum triginta Episcoporum, procuratorem, vel defensorem Ecclesiæ, vel quemquam regulæ subiectum, adeo per pecuniam ordinari prohibet, vt interuentores quoque tanti sceleris anathematizet, nisi quod eosdem simoniacos iudicet? Quod si præfati milites Ecclesiæ ob huius scelus taliter percelluntur, nemo sapiens negabit non militantes Ecclesiæ multo damnabilius hanc ob causam, idest venditionis, vel emptionis debere percelli.

*Pasch. Pri-
mus.*

Sed, & beatus prædecessor noster Paschalis de consecratione, & de rebus, quæ

quæ proueniunt ex consecratione, affirmat, quod quisquis alterum eorum vendit, sine quo alterum haberi non potest, neutrum non venditum derelinquit. Ac per hoc eum, qui rem Ecclesiæ vendit, vel emit, simoniacum intelligit. In nomine vero Procuratoris, intelligit præfata Synodus quemlibet Ecclesiasticarum rerum administratorem, ut verbi gratia, Præpositum, Oeconomum, Vicedominum: Defensoris nomine Aduocatam siue Castaldum, & Iudicem: In subiecto regulæ Archipresbyterum, Archidiaconum, Canonicum, Monachum, vel quemlibet Ecclesiastico mancipatum officio. Quod vero Spiritum sanctum, quantum in se est, vendat, vel emat, qui Præposituram, vel huiusmodi vendit, vel emit, audi Augustinum super Ioannē: O quot præpositos fecerunt? Alterum Præpositum habet Carthagine Primianus, alterum habet Maximianus, alterum habet in Mauritania Rogatus, alterum habet in Numidia illi, & illi, quos iam nec nominare sufficimus. Circumit ergo aliquis emere columbam? vnusquisque præpositum suum laudat, quod vendit, &c.

Ecce Venerabilis Augustinus de Præposituræ distractione agens, in nomine columbæ sancti Spiritus venditionem, vel emptionem accipit, sicut, & omnes huius Euangelici Capituli tractatores. Pensandum vero est, quæ poena mulsentur, qui iam Deo, & Ecclesiæ suæ oblata vendunt, vel emunt, si cum flagellis à Dei Templo eiectioni, qui quæ Deo erant offerenda vendebant, & emebant. Si de offerendorum venditoribus, vel emptoribus dictum est: Vos fecistis domum Patris mei domum negotiationis, & speluncam latronum: *Ioan. 2.* quid dicetur iam de Ecclesiæ oblatores venditoribus, vel emptoribus? Et ne quis infans obijciat, merito hos Dominum tam acerbè vindicasse, quia tunc illa in Dei Templo, Ecclesiasticæ vero res modo extra Templum distrahantur: attendat super his Augustini non determinantem locum venditionis, vel emptionis præpositorum, sed tantum indefinite dicentem: Circumit aliquis emere columbam? vnusquisque Præpositum suum laudat, quod vendit, non adiiciens in Templo, vel extra Templum. Hæc contra venditores, vel emptores sacrarum rerum.

Inexpiabilis est culpa venditi mysterij, & vindicta transit ad posteros, & mercatores spirituales in Ecclesia consortium habere non possunt, qui sancti Spiritus gratiam nundinentur.
Enarratio ex S. Ambrosio. Cap. 299.

Habes Domini præceptum, Vatis exemplum, gratis accipere, gratis dare: nec vendere ministerium, sed offerre. Non enim pretio taxatur Dei gratia, nec in sacramentis lucrum quæritur, sed obsequium sacerdotis. Non tamen sat est, si lucrum ipse non quæras, familiæ quoque tuæ cohibendæ manus sunt: nec hoc solum exposcitur, ut te solum castum, immaculatumq. custodias. Non enim dixit Apostolus, te solum, sed te ipsum castum custodi. Quæritur ergo non solum tua ab huiusmodi nundinis, sed etiam domus tuæ castitas. Oportet enim irreprehensibilem esse sacerdotem, suæ domui bene præpositum, filios habentem subditos cum omni castitate. Si quis autem domui suæ præesse nescit, quomodo Ecclesiæ Dei diligentiam habebit? Instrue ergo familiam tuam, hortare, custodi, & si te refellerit

*Ambr. lib.
4 sup. Luc.*

2. Tim. 3.

ser-

4. Reg. 5.

seruus (humanam enim non excipio facultatem) prophético deprehensus repudietur exemplo. Cito turpem sequitur lepra mercedem, & pecunia corpus, animamq. male quaesita commaculat. Accepisti, inquit, pecuniam, & possidebis ex ea agrum, & vineas, & greges, & lepra Naaman adhærebit tibi, & semini tuo usque in æternum. Vides quia factio auctoris, successio damnatur hæredis. Inexpiabilis est enim vendita culpa mysterij, & gratiæ vindicta cælestis transijt ad posteros. Denique Mohabita, & ceteri non intrabunt ecclesiam usque ad tertiam, & quartam generationem. Tandiu videlicet, vt simplicius interpretemur, donec culpam auctorum multiplicis successio generationis aboleret. Sed cum illi, qui in Deum idolatriæ errore deliquerint, in quartam generationem videantur esse mulctati, profecto durior videtur esse sententia, qua Giezi semen usque in æternum pro cupiditate habendi prophetica auctoritate damnatur. Præsertim cum Dominus noster Iesus Christus per lauacri regenerationem omnibus remissionem dederit peccatorum, nisi magis vitiorum, quam generis semen intelligas. Sicut enim qui filij promissionis sunt, æstimantur in semen malum; nam, & Iudæi ex patre Diabolo non vtique carnis successione, sed criminis. Ergo omnes cupidi, omnes auari Giezi lepram cum diuitijs suis possident, & male quaesita mercede, non tam patrimonium facultatum, quam thesaurum criminum congregant, æterno supplicio, & breui fructu. Nam cum diuitiæ sint caducæ, poena perpetua est: quia neque avarus, neque ebriosus, neque idolis seruans, Regnum Dei possidebunt.

*Idem lib. 9
eiusdē c. 2.*

Cathedras autem vendentium columbas cur euerterit, secundum litteram non intelligo. Neque enim nundinatores auium vendicare sibi poterant honorati alicuius in nundinis solij dignitatem. Nā quæ prærogatiua dignitatis est in columbis? Admonet tamen Domini forma baptismatis, quando descendit Spiritus sanctus in columbæ typo, eiectionum de templo huiusmodi mercatorum, in Ecclesia Dei consortium eos habere non posse, qui sancti Spiritus gratiam nundinentur. Gratis enim, inquit, accepistis, gratis date. Denique Simoni, qui sanctificandi munus pretio in se putauit posse conferri, respondit Petrus: Pecunia, inquit, tua tecum sit in perditionem, quoniam gratiā Dei putas te pecunia cōsequi posse: Non est tibi pars, neque fors in hac fide. Venditores quoque ouium & boum eos puto, qui de labore alieno, vel simplicitate fœdi auctionatores, quasdam nundinas aucupantur, aut quia oues eiiciuntur, & boues & columbæ iubentur auferri, populus videtur Iudæus excludi. Effram enim sicut columba, quod eorum Dominus, & successiones oderit, & labores. Aes effunditur, vt gratia colligatur. Mensa nūmulariorum evertitur, vt Domini subrogetur: Ara deiicitur, vt erigantur altaria. Atque hoc non aliqua succinctus manu, diuitijsq. faciebat, sed flagello de restibus cædebat turbas, & resistere nullus audebat.

Epi-

Episcopus quidam cum honorem Episcopatus pretio comparasset, vocatus in Concilio Episcoporum, in reddenda Gloria Deo, Spiritum sanctum, miraculo grandi, nominare non potest. Cap. 300.

Quodam tempore cum simoniaca hæresis penè totam Italiam, & Burgundiam occupasset Victor II. Pontifex Romanus misit à latere suo Subdiaconum Hildebrandum (qui postea cum creatus fuisset Pontifex appellatus est Gregorius VII.) ad Ultramontanas partes cum quibusdam Episcopis. Cum autem ad Lugdunensem Prouinciā peruenisset, in ea Synodum celebravit: in qua per ipsum Subdiaconum Deus maximum dignatus est operari miraculum. Residentibus enim in ea Synodo Archiepiscopis, Episcopis, & aliarum Ecclesiarum Prælati; Archiepiscopus vir quidam litteratus, & eloquens accusatus est de crimine simoniæ. Qui sequenti nocte omnes suos accusatores pecunia corrumpit, & sibi amicos fecit. Mane autem facto rediens ad Synodum, audacter dixit: Vbi sunt, qui me accusant? exeat in publicum, quicumque me voluerit damnare.

Tunc obmutescentibus cunctis, prædictus Subdiaconus, tanquam vir discretus, & sapiens, conuertens se ad illum dixit: Credisne, ô Archiepiscope, Spiritum sanctum cum Patre, & Filio vnā esse substantiā Deitatis? quo respondente: Credo. Addidit Subdiaconus: Dic, Gloria Patri, & Filio, & Spiritui sancto. Tunc, Gloria Patri, & Filio, expedite dicebat, sed Spiritum sanctum nullatenus proferre poterat.

Quem cum frequenter inchoaret, & nihil proficeret: videns se per diuinum iudicium omnino confusum, procidit ad pedes Subdiaconi, & confessus est ore proprio se simoniacum esse. Postquam vero à Sacerdotali, & Episcopali officio est depositus, Gloria Patri, & Filio, & Spiritui sancto, libera, & clara voce decantauit. Quod factum simoniacos intantum perterrituit, quod præter alios Prælatos Ecclesiarum vigintiseptem, Episcopi quadragintaquinque simoniacos se esse confessi sunt, & suis honoribus absque vlla alia accusatione renuntiauerunt. Celebrata Synodo, & alijs rebus ritè ordinatis, & compositis Legati ad Urbem redierunt.] hæc ibi, sed male sub Papa Stephano, in hoc enim collector deceptus est. Ista autem hoc modo gesta esse reperiuntur apud Desiderium Abbatem Sancti Benedicti, presbyterum Cardinalem Sanctæ Cæcilie, hoc tempore viuentem, atque scribentem Auctorem, qui in libris Dialogorum, quos scripsit, ista ipsum Hildebrandum ita narrantem adducit. Ait enim:

Venerabilis Gregorius Papa, cuius superius mentionem feci, quid circa eandem simoniacam hæresim se præsentem Dominus ostendere voluit, (æpe mihi solitus est referre. Cum essem (inquit) Subdiaconus, & à beatæ memoriæ Victore huius Apostolicæ Sedis Pontifice in Galliam pro Ecclesiasticis negotijs discutiendis essem transmissus, curæ mihi fuit Episcoporum conuocare Concilium, ut illis coram positis de Ecclesiasticis negotijs tractaremus. In eadem vero ciuitate, in qua Synodus agebatur, Episcopus erat, qui pretio honorem comparasse Episcopatus à multis infamabatur. Igitur vocatus Episcopus venit in medium. Cum ergo eum exhortari sa-

*Ex antiqua
gest. Rom.
Pōt. ecclēst.
per Nicol.
Arag. Car.*

*Ead. hist.
ex Desid.
Abb. Cas-
sin. in lib.
dialog.*

luta-

lutaribus monitis cepissemus, ut quæ sibi opponebantur, conscientia iam fatente, humiliter confiteretur: ille, tùm quia eiusdem Ciuitatis erat Episcopus, tùm quia fretus auxilio Comitum terræ ipsius, plenus superbia, omnino verba nostra vilipendebat. Sed cum à nobis, & à ceteris, qui aderant Episcopis, sub iustitiæ regula se (quod non sperauerat) constringi conspiceret, nec effugiendi habere licentiam: negare pertinaciter cepit, quod ante vix audire dignabatur. Cumq. verba producerentur in longum, & maximum diei spatium esset consumptum, & ille nihilominus in sua pertinacia negando persisteret: hoc modo eum cum ceteris, qui aderant, religiosi Episcopis nobis adiurare visum fuit, & totum iudicium in ostensione Spiritus sancti committere: In nomine (inquam) Patris, & Filij, & Spiritus sancti, cuius donum gratiæ te comparasse audiuius, ut huius rei nobis veritatem edisseras, adiuramus. Quod si amplius, ut cepisti, negare tentaueris, Spiritum sanctum, donec quæ vera sunt, confitearis, nominare non valeas. Qui Episcopus cum abunde eloquens esset & à nobis exoraretur, ut Spiritum sanctum nominaret, Patrem quidem, & Filium satis diserte nominabat, Spiritum vero sanctum, mirum in modum nominare nullo modo poterat. Tunc omnibus, qui aderant, luce clarius patuit, quod honorem Episcopatus dato pretio emerat, qui nonnisi Spiritus sancti gratia largiente tribuitur. Tunc virtute Spiritus sancti tremefactus Episcopus, humiliter coram omnibus confiteri coactus est, quod ante inflatus superbia, Dei timore postposito, procaciter negare præsumpserat.

S. Io. Gualbertus Petrum Episcopum Florentinum simoniæ arguit, & accusat per suos monachos apud Alexandrum II. Pont. Rom. in Concilio Lateranensi. Venit ad periculosum experimentum ignis, & Petrus monachus ad hoc electus, per astutantes ignes intrepida mente & inuicta fide ingressus, per medios ardores illesus in conspectu populi, famoso miraculo pertransijt.
Cap. 301.

Alexandro primæ Sedis reuerentissimo, & vniuersali Episcopo, Clerus, & populus Florentinus sinceræ deuotionis obsequium.

Epist. Florent. ad Alex. Pap. quam ad verbum recitat S. Atto pistorien. Episcopus in vit. Sancti Io. Gualberti.

Iam diu tædium, & laborem nostrum, nec non certamen monachorum contra simoniacam hæresim paternitas vestra bene nouit, & nunc quoque dignum est, ut qualiter Deus excelsus pie, ac misericorditer scrupulum huius rei de cordibus nostris abraferit, pernoscat. Signa enim, & mirabilia Dominus noster de nobis fecit, & per ea cæcitatem ignorantie, & dubietatis caliginem, ac tenebras erroris de pectore hominum pepulit, & fidem nobis augendo, & dilatando, & in se solidando lucem mentibus suæ veritatis clementer infudit. Pastor quidem bonus de cælo venit, & ouibus assistentibus, atque ad se totis medullis clamantibus, sententiam sereno clariorem, soleq. lucidiorem, omniq. dicto apertiore, omniq. visu certiore de medio ignis populo suo dedit.

Quid vero Plebi Florentinæ de Petro Papiensi, qui se nostrum Episcopum haberi volebat, tenendum sit, in suo tremendo iudicio declarauit. Sed licet mari-

miraculorum narratio videatur aliquantulum protelari, tamen vnde ad hæc ventum est, nequaquam inutiliter putamus debere succincte perferri.

Quadam etenim die omnes Florentinæ Ciuitatis Clerici vnâ congregati capimus tam de clericis locis suis expulsis, quàm etiam de nobis ipsis ante Papiensem Petrum conqueri. De abiectis enim, quia consilium, & solatium eorum miseramus: & quia etiam Prior, & Archipresbyter noster metu hæresis à Ciuitate secesserant: de nobis autem, quia bona pars ciuium nostrorum nos hæreticos acclamabat. Nam videns nos ire ad eum, dicebat: Ite, ite, hæretici ad hæreticum: ite, quia per nos hæc Ciuitas voragini dabitur, qui Petrum Apostolum expugnantes, Simonem Magum pro eo inducendo colitis. Quid plura? Rogamus eum, vt tam nos, quàm se ab hac infamia liberet, dicentes: Ecce nos (si te mundum senseris, si tu nobis iusseris) Dei pro te iudicium subire non dubitamus; aut si probationem, quam monachi hic, & Romæ facere voluerunt, recipere vis: ad eos imus, eosq. obnixè rogamus. Ad hæc ille inquit, neutrum se iubere, neutrum se velle, neutrum recipere. Quin etiam edictum à Præsidente per legatos suos impetrauit: Vt quicumque laicorum, quicumque clericorum, siue Episcoporum non cederet, sine suo imperio non obediret, ad Præsidentem victus duceretur, sed & traheretur. Si autem quis nostrum his minis territus, de Ciuitate fugeret, ad dominium potestatis assumeretur quicquid possedisset. Clerici vero, qui sub tutela regiminis Beati Petri Apostoli, agendo contra simoniacam hæresim in Oratorium eius confugerant, aut sibi conciliarentur, aut sine spe audientis extra ciuitatem pellerentur.

Hincq. factum, vt vesperscente Sabbato initij ieiunij, cum apud prædictam Ecclesiam Beati Petri Apostoli ipsi clerici lectionum, ac responsionum sequentis Dominicæ recordarentur, municipalis Præses, eo quod se cum salua reuerentia Petri Apostoli, simoniaci hæretico non posse obedire responderint, illos extra immunitatem Oratorij, Beatum Petrum Apostolum paruipendens, eiiceret. Fit denique pro hoc scelere concursus Catholicorum virorum, & maxime feminarum, velamina caputum proicientium, sparsis criminibus flebiliter incedentium, pectora pugnis miserabiles ad Deum voces mittendo, dure tundentium, vt super virorum, ac filiorum morte triste lamentantium; nam in plateas luto plenas se prosternentes, aiebant: Heu, heu, ò Chiste, tu hinc eiiceris; & quomodo nos desolatas relinquis? Tu nobiscum habitare non sineris, & nos quomodo hic habitamus? Videmus quia hic nobiscum habitare noluiisti; sed vadis, quia Simon Magus te non permittit. O Sancte Petre, numquid a Simone Mago tu vinceris, quia ad te confugientes non defendis? Nos putauimus ipsum, in infernalibus poenis victum, & catenatum; Sed ecce cernimus illum ad tuum dedecus hostiliter fuscitatum.

Virorum quippe alij ad alios dicebant: videtis, & aperte videtis; Christus hinc discessit, abiit, quia legem suam adimplens se pellenti non resistit. Et nos, viri fratres, Ciuitatem hanc, quo hæretica pars ea non gaudeat, incendamus, atque cum paruulis, atque vxoribus nostris, quocumque Christus ierit, secum eamus. Si Christiani sumus, Christum sequamur. His ergo eiulatibus, hisq. doloribus nos quoque clerici commoti, qui ipsi Papiensi videbamur esse fautores, & asseclæ, & qui ab alijs hæretici accla-

acclamabamur, eo quod ipsum sequebamur, obferamus Ecclesias, & more proietorum non tangimus campanas, populis non Psalmos, non denique canimus Missas.

Nec mora, nobis congregatis, fit Domino inspirante, Concilium, ad quod Dei monachos, qui in Septimo in Monasterio sancti Saluatoris degunt, communi voto, quosdam nostrum mittimus, petentes, & orantes, dubietatem huius rei velle prodere, & veritatem cognoscere, agnitamque firmiter promittentes tenere. Responsum autem est nobis, quia si Catholicam fidem pro viribus vellemus tenere, atque defendere, & simoniacam hæresim impugnando destruere, Virtus Saluatoris tam huius negotij dubietatem, quam etiam cæcitatem de cordibus nostris eliminaret: Fatemur, promittimus de hac re hoc sequi, quod, & ipsi, si suum factum compensarent dictis. Quid plura? statuitur dies omni voto quæsitæ, in qua, & dubietatem prodidimus, atque veritatem, quam monachi dicebant, pro posse defendendo tenemus.

Quarta namque feria in prima hebdomada Quadragesimæ dies constituitur secunda, & tertia feria specialiter Deum pro hoc oramus, & ut Deus, qui vnica est veritas, veritatis huius refereret ostium, obsecramus. Illucescente verò quarta feria, à quodam nostrum itur ad virum Papiensem, qui rogans eum, inquit: Fac Domine, pro Dei tremore, proque remedio animarum: Si est de te, quod monachi dicunt, noli clericos, noli populum in eundo laboribus afficere, noli Deum experiendo tentare, sed huius negotij veritatem, ad Dominum te conuertendo, pande; aut si hoc te noscis immunem reatu, nobiscum venire dignare. Ad quem ille respondit: Nec ego illuc, neque te, si me diligis, ire volo. Ad hæc dictum est sibi: Profecto Dei iudicium, quia omnes vadunt, videre ibo, & quid ibi agatur, solerter scire curabo, & quodcumque Deus Iudex iustus in iudicio suo recto monstrauerit, secundum meum valere defensabo: nec tibi molestum meum sit iter, quia te hodie, qualis sis, sententia Dei rectè ostendet. Aut enim te hodie magis, quam vnquam fueris, habebimus charum, aut viliorum, & contemptum.

Nos interim, quasi cælesti præmoniti oraculo, non expectabamus Nuntium: Curritur à nobis clericis, ac laicis, & feminis ad Septimum, in quo est sancti Saluatoris monasteriū. O mira Domini potentia, miraque clementia, qui voluntates non solum expeditis mulieribus, sed etiam prægnantibus vires ad eundum donauit! Numquid enim longitudo matronas? Numquid pueros ieiunium exasperauit? Congregatis denique omnibus clericis, & laicis promiscui sexus, & ætatis fere tribus millibus apud prædictum monasterium: interrogamur à seruis Dei: Cur fratres venistis? Respondetur à nobis, ut illuminemur, & errorem relinquentes, veritatem sequamur. Quomodo, inquiunt, illuminari vultis? Nos, inquam, respondentes, ut copioso probetur igne, quod de Papiense Petro dicitis. Quem, inquiunt, fructum hoc facto habebitis? Aut quem honorem inde Deo reddetis? Respondemus omnes: Erimus, erimus vobiscum, rectam fidem defendentes, & simoniacam hæresim abominando, Deo gratias semper agentes.

Quid longius immoramur? Fiunt statim à populo duæ strues lignorum alternisecus iuxta se in longitudine positæ, singillatim vero longitudo vtriusque

que pedum decem, latitudo autem ambarum sigillatim quinque pedum, & dimidium dimidij pedis: altitudo denique vtriusque separatim fuit quatuor pedum, & dimidij: inter vtrasque vero pyras in longitudine, semita vnus brachij extitit, & ipsa strata siccis lignis, & ad ardendum bene paratis. Interea fiunt pro hac re psalmodiæ, litanix, supplicationes. Monachus intraturus ignem eligitur iussu Abbatis, celebraturus Missam ad Altare procedit. Missa vero cantatur cum magna deuotione, & supplicatione omnium. Chorus monachorum, & clericorum, necnon & laicorum ex corde lachrimatur. Vt autem ventum est ad, Agnus Dei: quatuor Monachi, vnus imaginem Crucifixi, alter aquam sanctificatam, tertius duodecim cereos benedictos, quartus thuribulum thure plenum baiulantes, procedunt ad succendendum præscriptas lignorum pyras.

His igitur visis, clamor omnium in cælum attollitur, Kyrie eleison, flebilissime pleno ore cantatur: Iesus Christus creberrime, vt exurgat, causamq. suam defendat, oratur: Maria eius mater, vt hoc sibi suadeat, multum à viris, plurimumq. à feminis supplicatur: Petri Apostoli nomen, quo Simonem perdendo damnet, millies ingeminatur: Gregorius Urbis Præsul, vt ad suis verificandum properet sanctiones, suppliciter obsecratur. Interea dum pro ingenij capacitate ab omnibus oratur, presbyter perceptis salutaribus mysterijs, & expleta Missa, exutaq. casula, ceterisq. sacerdotis indumentis sibi retentis, crucemq. Christi portans, cum Abbatibus, & Monachis litanias faciendo, ad strues lignorum, iam rogos fieri incipientes appropinquat; ibiq. Deus, quàm multipliciter, ac vniformiter ab omnibus adoratur, nulla lingua id fari, nullus sensus colligendo valet meditari. Tandem silentium cunctis imponitur, & vt conditionem rei, pro qua hæc fiebant, intente audiamus, & bene intelligamus, monemur. Eligitur denique Abbatum vnus clamoriferus voce, apertus lingua, qui aperte ad intelligendam orationem, in qua conditio petitionis ad Deum continebatur, populo legit. Collaudantibus autem cunctis conditionem, iterum alius Abbatum silentium petit, eleuansq. vocem, alloquitur omnes, dicens: Viri fratres, & sorores, pro salute animarum vestrarum, teste Deo, hoc facimus, vt deinceps à simoniaca lepra, quæ ferè iam totum sordidat mundum, caueatis. Huius autem lepræ contagium, tam magnum esse sciatis, quod istius immanitati cetera crimina comparata, sunt quasi nihil.

His ergo expletis, cum vtrique rogi iam se ex maiori parte in flammuiuos conuertissent carbones, & cum media semita igniuomarum copia prunarum valde æstuarer, vt vsque ad talos pedes euntis (sicut postea probatione paruit) in prunas insigi possent: sacerdos, & monachus iussu Abbatis hanc orationem cum magna voce, audientibus, & flentibus ferè tribus milibus, fudit ad Dominum.

Domine Iesu Christe, vera lux hominum in te credentiũ, tuam misericordiam peto, tuam clementiam exoro, vt si Petrus Papiensis, qui Florentinus Episcopus dicitur, interuentu pecuniæ, idest munere à manu (quod est simoniaca hæresis) Florentinam arripuit sedem, nunc tu Fili æterni Patris, salus mea, in hoc tremendo Iudicio ad adiuuandum festina, & me illæsum sine macula mirabiliter conserua, sicut quondam illæsos seruasti tres pueros in camino ignis ardentis, qui cum eodem æterno Patre, & Spiritu sancto om-

F f nia

nia cooperaris, & viuis, & regnas in secula seculorum.

Cumque omnes, qui aderant, respondissent, Amen: pacis osculum fratribus dedit, & accepit. Atque interrogamur omnes: Quamdiu vultis ipsum in igne manere? Responsum est ab omnibus: At, at, quid dicitis? sufficit, Domini, satis cum solempni gravitate pedetentim ignem, flammamque transire. Iubetur quidem sacerdoti, & monacho voluntati nostrae satisfacere. Tunc ipse sacerdos contra ignis ardorem, Salutare signum ꝑ faciens, crucemque Christi baiulans, ipsam flammarum multitudinem non attendens, intrepidus mente, hilaris vultu, cum quadam celebritate gravitatis, illæsus in corpore, illæsus & in omnibus, quæ secum portabat, in virtute Iesu Christi mirabiliter ignem pertransijt. Nam flammæ undique concurrentes, & circumquaque exurgentes, Albam quasi byssinam intrabant, & implendo inflabant, sed naturæ suæ immemores nihil ipsi ultionis inferre poterant: manipulum denique, & stolam, eorumque fimbrias, more ventorū sustollendo, huc illucque varie ferebant, sed calore perduto, ipsas in nullo comburere valebant. Pili quoque pedum eius inter flammosos carbones immittebātur. Sed ò mira Dei potentia, ò Christi laudanda clementia! eorum nulli ardore ignis lædebantur, inter capillos nempe flammæ circumfurgentes intrabant, eosque stando leuabant, & releuabant, sed nec summitatem alicuius eorum, vires suas oblitæ adurendo retorquere valebant. Erant quippe flammæ ex omni parte ipsum concludentes ad Saluatoris miraculum, non ad ardoris incendium: ardorem Catholicæ fidei sentiebant, ideoque non ardebant. Deus profecto noster ignis consumēs aderrat; ideoque ipso nolente, corporeus ignis nihil nocere poterat. Proculdubio verum erat, quod à servis Dei dicebatur, quia illorum testis, veritate iuuantem, ab igne miraculose liberatur. Veritas enim semper liberat, quos falsitatis macula non coinquinat.

Postquam autem egressus est de igne, dum iterum vellet focum repedare: capitur à populo, deosculantur præ desiderio pedes eius, præ gaudio quidem beatum se quisque putabat, qui vestimentorum quamcumque particulam deosculari valebat. Graui namque præmebatur angustia populorum, sed magna cum difficultate liberatur viribus clericorum. Laus Deo ab omnibus una, præ gaudio, etiam fleendo, cantatur; certi iam, quia verbum Dei numquā mutatur. Simon Petrus magnis laudibus sublimatur, Simon denique Magus, ut stercus pedibus conculcatur. Nomen Petri Apostoli in ore omnium super mel, & fauū, cum laudibus magis, magisque dulcescit: nomen impij Simonis super fel, & sulphur, cum vituperationibus magis, magisque putrescit. Magnitudinem quippe horum Christi signorum, copiamque gaudij nostri, & quotidianam gratiarum actionem, nec sensus cordis cogitare, nec linguæ plectrum exprimere, nec manus, sicut est, unquam sufficit scribere. Hactenus Epistola.

His autem cognitis Dominus Alex. Papa præfatum Petrum simoniacum de omni Episcopali officio deponere curauit.

Petrus autem, qui postea cognomento igneus dictus est, ex tanta multitudine monachorum ob insignem virtutem humilitatis, & obedientiæ ad tantum experimentum est delectus: etenim nobili ortus genere ex stemmate dominorum Aldobrandinorum, insignitus insuper sacerdotio, tamen vaccarū, & asinorū ministerio inferuire gaudebat, sic quidē servus fidelis in nouissimo loco recumbens meruit à patrefamilias audire illud: Amice ascende superius.

Domini.

Dominicus loricatus electus in presbyterum per simoniam, crimen hoc tam vehementer exhorruit, ut seculo contempto arduum vitæ genus inter monachos elegerit, & donec vixit, sacrosancti altaris ministerium usurpare non præsumpsit. Cap. 302.

Dominicus, cognomento Loricatus, cum esset in seculo clericus, quia tunc simoniaca vigeat hæresis, quæ & nunc utinam prorsus esset extincta, ut presbyter fieret, à parentibus eius data est Episcopo hircinæ pellis aluta. Sed quia, sicut ait Apostolus, diligentibus Deum omnia cooperantur in bonum, hæc una beati viri culpa, multorum post bonorum probatur existisse materia. Nam hoc pauore perterritus, contempsit seculum, induit monachum, arduumque mox eremiticæ vitæ, tanquam bellator intrepidus arripuit institutum: sed quia male promotus est, donec vixit, sacrosancti altaris usurpare ministerium non præsumpsit, Virgo usque ad obitum fuit, vitam eremiticam non omisit. Vbi nimirum sub magisterio sancti viri Ioannis, qui dicebatur de Mōre Feretrio, per plurimos vixit annos. In illa igitur eremo, quæ scilicet erat in regione quæ dicitur Luceoli, cōstituta, decem, & octo videbantur cellulæ ad habitandum fratribus deputatæ, ubi nimirum sub hac regula vivebatur, ut nunquam vinum biberent, nunquam adipe alimenta condirent, vnum in Dominica die, sed, & in quinta feria pulmentum sumerent, quinque per hebdomadæ diebus, pane, & aqua ieiunium celebrarent: solis autem orationibus vacantes, vel manuum operibus insistentes, non agriculturam exercebant, non prædia, vel aliquam substantiam, præter vnum sagmarium possidebant. Cum quo scilicet asello, vel equo vnus erat minister, qui vel ad acquirendas, vel ad tradendas fruges indeficiens discurrebat, solusque eos cunctis necessitatibus sustentabat, Ioannes scilicet, qui postmodum loci Abbas factus, sub honesta rexit administratione conuentum. Tenebat autem per totam hebdomadam districta censura silentiū, quod utique Dominica die post vesperam cibumque soluentes, habebant loquendi inuicem usque ad completionis officium libertatem. Nudis præterea pedibus, & cruribus iugiter in cellulis morabantur. Dixit autem mihi, quia cum cohabitaret Ansoni, religioso videlicet viro, quem & ipse vidi, quotidie per omnes Canonicas, disciplinam sibi inuicem scoparum ictibus ingerebant. Qui videlicet Anso sibi aliquando conquestus est, quod nouem diarias panis pensas in ventre simul haberet. Tanta quippe macerabantur inedia, ut aridus panis constiparetur in ilibus, ac digeri difficile posset.

Philippus Diaconus, ab Angelo admonitus, Eunuchum virum potentem Candacis Regina Aethyopum docet Christi fidem, & baptizat. Cap. 303.

ET illi quidem testificati, & locuti verbum Dei, redibant Hierosolymam, & multis regionibus Samaritanorum euangelizabant. Angelus autem Domini locutus est ad Philippum dicens: Surge, & vade contra meridianum, ad viam quæ descendit ab Hierusalem in Gazam, hæc est deserta. Et surgens abiit, & ecce vir Aethyops eunuchus, potens Candacis reginæ Aethyopum, qui erat super omnes gazas eius, venerat adorare in Hierusalem, & reuertebatur sedens supra currum suum, legensque Isaiam prophetam. Dixit autem spiritus Philippo: Accede, & adiunge te ad currum istum. Accurrens autem Philippus audiuit

Ex vita venerab. viri Dominici Loricati per Pat. Dam. ad Alexan. Papam scripta ex Lipsom. 10. 8. Sur. 10. 5.

Act. 8.

F f 2 cum

eum legentē Isaiam prophetam, & dixit: Putasne intelligis, quæ legis? Qui ait: Et quomodo possum. si non aliquis ostenderit mihi? Rogauitq. Philippū, ut ascenderet & sederet secum. Locus autem scripturæ, quā legebat, erat hic. Tanquam ouis ad occisionē ductus est, & sicut agnus coram tondente se sine voce, sic non aperuit os suum: In humilitate iudicium eius sublatū est: generationem eius quis enarrabit? quoniā tolletur de terra vita eius. Respondēs autem Eunuchus Philippo dixit: Obsecro te, de quo propheta dicit hoc? De se, an de alio aliquo? Aperiens autem Philippus os suum, & incipiens à scriptura ista, euangelizauit illi Iesum. Et dum irent per viam venerunt ad quādam aquam: & ait Eunuchus: Ecce aqua. Quis prohibet me baptizari? Dixit autem Philippus: Si credis ex toto corde, licet: Et respondens ait: Credo filium Dei esse Iesum Christum, & iussit stare currum, & descenderunt uterque in aqua, Philippus & Eunuchus, & baptizauit eum. Cum autē ascendisset de aqua, Spiritus Domini rapuit Philippum, & amplius non vidit eum Eunuchus. Ibat enim per viam suam gaudens. Philippus autē inuentus est in Azoto. Et pertransiens euangelizabat ciuitatibus cunctis, donec veniret Cæsareā.

De eodem Eunucho Candacis Reginae ad fidē conuerso, & de fonte ubi baptizatus est, & martyrio eius, & sepultura. Cap. 304.

*Psal. 67.
Act. 8.
Euseb. li. 2.
c. 1.
Cyrill. ca-
thec. 17.
Niceph. hist.
lib. 2. c. 6.
c. 7.
Hier. epist.
103. & in
Isa. c. 53.
Hier. ep. 1.
ad Paulin.*

*Hier. de lo.
Hebraic.*

*Dorotheo. in
synopsi.*

Eunuchus Candacis Reginae Aethyopum mirabili modo Christi fidē amplexus est, ita ut videatur in eius persona impletum esse, quod olim cecinerat Dauid: Aethyopia praeueniet manus eius Deo. Eusebius id in primis testatur, atque Cyrillus Hierosolymitanus, & Nicephorus, sicut & id ipsum Hieronymus, cum ait: Hoc testimoniū Isaiæ, cum in Actis Apostolorū Regina Candacis Eunuchus rheda ueheretur, & legens non intelligeret, interpretante Philippo super passione, & morte Saluatoris intellexit, & statim baptizatus in agni sanguine, quem legebat, vir meruit appellari, & Apostolus genti Aethyopum missus est. Et alibi admirans ait: Nec sanctior sum hoc Eunucho, nec studiosior, qui de Aethyopia, id est, de extremis mundi finibus venit in templum reliquerat aulam regiam, & tantus amator legis, diuinæq. scientiæ fuit, ut etiā in vehiculo sacras litteras legeret; & tamen cum librū teneret, & verba Domini cogitatione conciperet, lingua volueret, labijs personaret, ignorabat eum, quē in libro nesciens venerabatur. Venit Philippus, & ostendit ei Iesum, & qui clausus latebat in littera. O mira Doctoris virtus! Eadē hora credit Eunuchus, baptizatur, & fidelis, & sanctus factus est, ac de discipulo magister: plus in deserto fonte Ecclesiæ, quā in aurato synagogæ tēplo reperiit. Hucusque Hieronymus, qui & de fontis situ, ubi iste Eunuchus est baptizatus, hæc ait: Bethsur in tribu Iuda, siue Benjamin, & est hodie Betheseron vicus, euntibus nobis ab Aelia Chebron in vigesimo lapide, iuxta quem fons ad radicem montis ebulliens, ab eadē, in qua gignitur, sorbetur humo, & Apostolorū acta referunt Eunuchū Candacis Reginae in hoc esse baptizatum à Philippo. Addam his, quæ de eodem Eunucho à Dorotheo scriptis mandata sunt: ait enim: Eunuchus Candacis Reginae Aethyopum in Arabia felici, & in Insula Taprobana, in quē vniuersa Erythra Euangelium Domini N. Iesu Christi prædicauit: ferunt & martyriū gloriose tulisse, ibiq. sepultum esse, & cæmeterium ipsius munimentum insuperabile est fidelibus, Barbaros scelestos fugās, morbos pellens, & sanationes operans vsque ad præsentem diem. hæc ille.

Saulus

Saulus contra Christi discipulos sauiens, calitus à superiori lumine circumfusus, obcæcatus cecidit, & vocem Domini audiens, intus illuminatus, & humiliatus, in ciuitate Damasci visum recepit, baptizatus est, & impletus est Spiritu sancto, & ubique confitebatur Iesum esse Christum. Cap. 305.

Saulus autem adhuc spirans minarum, & cædis in Discipulos Domini, accessit ad principem sacerdotum, & petijt ab eo Epistolas in Damascum ad synagogas, vt si quos inuenisset huius viæ viros, ac mulieres vinctos perduceret in Hierusalem. Et cum iter faceret, contigit, vt appropinquaret Damasco, & subito circumfudit eum lux de cælo, & cadens in terra audiuit vocem dicentem sibi: Saule, Saule, quid me persequeris? Qui dixit: Quis es Domine? Et ille: Ego sum Iesus, quem tu persequeris: Durum est tibi contra stimulum calcitrare. Et tremens ac stupens dixit: Domine quid me vis facere? & Dominus ad eum: Surge, & ingredere ciuitatem, & ibi dicetur tibi, quid te oporteat facere. Viri autem illi qui comitabantur cum eo, stabant stupefacti, audientes quidem vocem, neminem autem videntes: Surrexit autem Saulus de terra, apertisq. oculis nihil videbat. Ad manus autem illum trahentes introduxerunt Damascum. Et erat ibi tribus diebus non videns, & non manducauit, neque bibit. Erat autem quidam discipulus Damasci, nomine Ananias, & dixit ad illum in visu Dominus; Anania? at ille ait: Ecce ego Domine: & Dominus ad eum: Surge, & vade in vicum, qui vocatur Rectus, & quære in domo Iudæ Saulum nomine Tarsensem: ecce enim orat. (Et vidit virum Ananiam nomine introeuntem, & imponentem sibi manus, vt visum recipiat.) Respondit autem Ananias: Domine audiui à multis de viro hoc, quanta mala fecerit Sanctis tuis in Hierusalem, & hic habet potestatem à Principibus sacerdotum alligandi omnes, qui inuocant nomen tuum. Dixit autem ad eum Dominus: Vade, quoniam vas electionis est mihi iste, vt portet nomen meum coram gentibus, & Regibus, & filiis Israel. Ego enim ostendam illi, quanta oporteat eum pro nomine meo pati. Et abiit Ananias, & introiuit in domum, & imponens ei manus dixit: Saule frater, Dominus misit me Iesus, qui apparuit tibi in via, qua veniebas, vt videas, & implearis Spiritu sancto. Et confestim ceciderunt ab oculis eius tanquam squamæ, & visum recepit: & surgens baptizatus est, & cum accepisset cibum, confortatus est. Fuit autem cum Discipulis, qui erant Damasci per dies aliquot, & continuo ingressus in synagogas prædicabat Iesum, quoniam hic est filius Dei. Stupebant autem illi, qui eum audiebant, & dicebant: Nonne hic est, qui expugnabat in Hierusalem eos, qui inuocabant nomen istud? Et huc ad hoc venit, vt vinctos illos duceret ad Principes sacerdotum? Saulus autem multo magis conualefcebat, & confundebat Iudæos, qui habitabant Damasci, affirmans quoniam hic est Christus.

Cum autem implerentur dies multi, consilium fecerunt in vnum Iudæi, vt eum interficerent. Nocte autem factæ sunt Saulo insidiæ eorum: Custodiebant autem & portas die ac nocte, vt eum interficerent. Accipientes autem eum discipuli nocte, per murum dimiserunt eum, submittentem in sporta. Cum autem venisset in Hierusalem tentabat se coniungere discipulis, & omnes time-

ff 3 bant:

bant eum, non credentes quod esset discipulus. Barnabas autem apprehensum illum duxit ad Apostolos, & narrauit illis, quomodo in via vidisset Dominum, & quod locutus est ei, & quomodo in Damasco fiducialiter egerit in nomine Iesu, & erat cum illis intrans, & exiens in Hierusalem, fiducialiter agens in nomine Domini. Loquebatur quoque gentibus, & disputabat cum Græcis, illi autem quærebant occidere eum. Quod cum cognouissent fratres, deduxerunt eum Cæsaream, & dimiserunt Tharsum. Ecclesia quidem per totam Iudæam, & Galilæam, & Samariam habebat pacem, & ædificabatur ambulans in timore Domini, & consolatione sancti Spiritus replebatur.

Occasione mirabilis conuersionis Pauli, libet hic scribere similem aliam conuersionem cuiusdam, qui plenus minarum, tempore, quo in eadem anhelabat, de calo tactus, & dextera Dei mutatus, & conuersus, deinde fuit etiam clarus miraculis. Cap. 306.

Ex vita S. Dominici Ab. & cōf. scripta ab Alberico Mon. Cassin. & Car. III. SS. mar. quatuor Columnarum.

Diebus illis frequenter vir beatus Dominicus Abbas, & confessor Ordinis S. Benedicti, locis Campaniæ, quibus Sublacus, & Azzole vocabula sunt, suam præsentiam exhibebat, sæpeq. eorundem locorum Presbyteris de obseruanda pudicitia castimonia sermonem exhortatorium faciebat. Verum gehennæ, perpetuæq. damnationis filij, vitæ consilia in mortis argumenta, vertunt: præerat eo tempore memoratis locis inuicem presbyter quidam Amatus nomine, homo prauus, impudicus, audax, improuidus, temerarius, nullo gerenda quæque consilio, nulla mentis deliberatione præueniens. Hunc igitur ceteri locorum Presbyteri adeunt, conquerentes Dominicum à mulierum se complexibus iucundissimis, quod summum in vita ducebant bonum toris viribus conari seiungere, pretijq. non exigui summam si eis per ipsum subueniretur pollicentes: non sustinuit homo vesanus, ut conquestionem Presbyteri consumarent, utq. prece sui ad imminens periculum expellendum, ut in talibus moris est, repetita auxilium flagitarent, clausit nec dum mediato eloquio eorum ora, atque ne super huiusmodi verbum ultra effunderent imperauit, dicens, primis se verbis continuo percepisse quæcunque annectenda disponderent; acturumq. se ocyus, & sub omni maturitate, quod factum gratum omnes, acceptumq. habebunt. In hæc verba diuiduntur alterutrum. Non quieuit vir pestilens, quod animus suggerebat, implere: egressus igitur oppidum, equo vestus, armatusq. ad locum cui campus Artinace nomen est, proficiscitur, ibiq. latens Dominici præstolatur aduentum, visoq. eminus Dominico, quantum est iactus lapidis, fodit equum calcaribus, vibrat dextera lanceam Dominici pectori infigendam, cum ecce appropinquant, iam iamq. fere lancea virum Dei contingenti, vires decidunt, tremunt viscera, dentes strident, pallet facies, vix leuat clypeum, vix valet dextera lanceam sustinere, equoq. totus pene occasurus concurrit. Appropinquat Dominicus homini, & quid dicturus, quidue facturus venerit sciscitatur. Nihil ad primam sciscitationem responsum est; ad secundam, ad tertiam etiam lingua faucibus hæsit: iam ad quartam trementia labia: Veni, veni, veni, tertio profuderunt, nihil prius addere præualentia. lubet post ista sanctus,

sanctus, ut lanceam porrigat: porrexit continuo; iubet deponat clypeum, fecit quod imperatum est; iubet equo desiliat, paruit absque mora; præcepit, ut loquatur, remeavit ad linguam protinus loquendi valentia; confitetur facinus lugens, ac in se reum, Dominicum Iudicem rogat promulgare sententiã. Quem Dominicus veste excultiore exutum, veste protinus pellicea induit, eumque ut nugis ac ineptijs mundi huius abrenuntiaret commonuit, humanum ei propter carnis infirmitatem iniungens, ut sicuti exhibuerat membra sua servire nequitia, & iniquitati, ita deinceps eadem exhiberet servire iustitiæ in sanctificatione. At quid tantis? obtemperavit monitis salutaribus presbyter absque omni prorsus dilatione. Itaque in cunctis moribus, in omni conuersatione mutatus est, ut qui prioris vitæ eius turpitudinem nouerant, tantamque consequutam morum honestatem videbant, Davidicum illum erumpere compellerentur versiculum: Hæc est immutatio dexteræ excelsi. Factusque eremi accola primo, post vero prædicator facundus, signorum etiam perhibetur virtutibus claruisse. Diuinæque virtute potentiæ factus est, ut qui Dominico mortem venerat exterioris hominis illaturus, per Dominicum à morte rediret interioris hominis suscitatus, atque per ipsum in resurrectione prima, atque expiatione vitiis, & indulgentia facinorum haberet partem, ne mors in eo secunda Iuris sui exerceret potestatem, fieretque in ipso illa diuina pro malis bonorum recompensatio, ut qui multi venerat causam mali (ut putari poterat) magis profuturus multis rediret, per Dominicum, sancti formam traditurus exempli.

Petrus Aeneam paralyticum illico sanat. Dorcam discipulam bonis operibus & eleemosinis plenam, ad vitam mirabiliter reuocat. Cap. 307.

Factum est autem, ut Petrus dum transiret vniuersos, deueniret ad sanctos qui habitant Lyddæ: inuenit autem ibi quendam hominem, nomine Aeneam, ab annis octo iacentem in grabato, qui erat paralyticus. Et ait illi Petrus: Aenea, sanat te Dominus Iesus Christus: Surge & sterne tibi: & continuo surrexit. Et viderunt eum omnes, qui habitabant Lyddæ & Saronæ, qui conuersi sunt ad Dominum. In Ioppe autem fuit quædam discipula, nomine Thabita, quæ interpretata dicitur Dorcas: hæc erat plena operibus bonis, eleemosinis, quas faciebat: factum est autem in diebus illis ut infirmata moreretur, quam cum lauissent, posuerunt eam in Coenaculo. Cum autem prope esset Lydda ad Ioppen, discipuli audiētes, quod Petrus esset in ea, miserunt duos viros ad eum rogantes: Ne pigriteris venire usque ad nos. Exurgens autem Petrus venit cum illis; & cum aduenisset, duxerunt illum in Coenaculum, & circumsteterunt illum omnes viduæ flentes, & ostendentes ei tunicas & vestes, quas faciebat illis Dorcas. Eiectis autem omnibus foras, Petrus ponens genua orauit, & conuersus ad corpus dixit: Thabita, surge: At illa aperuit oculos suos, & viso Petro resedit. Dans autem illi manum erexit eam, & cum vocasset sanctos & viduas, assignauit eam viuam. Notum autem factum est per vniuersam Ioppem, & crediderunt multi in Domino. Factum est autem, ut dies multos moraretur in Ioppe, apud Simonem quendam coriarium.

A. 9.

Ff 4

Ad.

Admirabilis visio Petri Apostoli, in qua docetur, omnes gentes esse vocandas ad Deum, quæ timent eum, & operantur iustitiam: & quomodo prædicante Petro, cecidit Spiritus sanctus super omnes, qui audiebant: & in nationes effusa est Spiritus sancti gratia: & Cornelius Italus, & ceteri baptizati sunt. Cap. 308.

Act. c. 10.

V Ir autem quidā erat in Cæsarea, nomine Cornelius, Centurio cohortis, quæ dicitur Italica, religiosus, & timens Deum cum omni domo sua, faciens eleemosinas multas plebi, & deprecans Deum semper. Is vidit in visu manifeste quasi hora diei nona Angelum Dei introeuntem ad se, & dicentem sibi: Corneli? At ille intuens eum, timore correptus, dixit: quis es Domine? dixit autem illi: Orationes tuæ & eleemosinæ tuæ ascenderunt in memoriam in conspectu Dei, & nunc mitte viros in Ioppem, & accersis Simonem quemdam, qui cognominatur Petrus. Hic hospitatur apud Simonem quemdam coriarium, cuius est domus iuxta mare, hic dicet tibi quid te oporteat facere. Et cum discessisset Angelus, qui loquebatur illi, vocavit duos domesticos suos, & militem metuentem Dominum ex his, qui illi parebant: quibus cum narrasset omnia, misit illos in Ioppem. Postera autem die iter illis facientibus & appropinquantibus civitati, ascendit Petrus in superiora, ut oraret circa horam sextam, & cum esuriret, voluit gustare. Parantibus autem illis, cecidit super eum mentis excessus, & vidit cælum apertum, & descendens vas quoddam velut linteum magnum quatuor initijs submitti de cælo in terram, in quo erant omnia quadrupedia terræ, & volatilia cæli, & facta est vox ad eum: Surge Petre, occide, & manduca. Ait autem Petrus: Absit Domine, quia nunquam manducaui omne commune, & immundum, & vox iterum secundo ad eum: quod Deus purificavit, tu commune ne dixeris. Hoc factum est per ter. Et statim receptum est vas in cælum. Et dum intra se hæsitaret Petrus, quidnam esset visio, quam vidisset: ecce viri, qui missi erant à Cornelio inquirentes domum Simonis, astiterunt ad ianuam; & cum vocassent, interrogabant, si Simon qui cognominatur Petrus, illic haberet hospitium? Petro autem cogitante de visione, dixit Spiritus ei: Ecce viri tres quærent te: Surge itaque & descende, & vade, cum eis nihil dubitans, quia ego misi illos. Descendens autem Petrus ad viros dixit: Ecce ego sum quem quæritis, quæ causa est, propter quam venistis? Qui dixerunt: Cornelius Centurio, vir iustus, & timens Deum, & testimonium habens ab uniuersa gente Iudæorum, responsum accepit ab Angelo sancto accersiri te in domum suam, & audire verba abs te. Introducens ergo eos recepit hospitio. Sequenti autem die surgens profectus est cum illis, & quidam ex fratribus ab Ioppe comitati sunt eum.

Altera autem die introiuit Cæsaream, Cornelius vero expectabat illos, convocatis cognatis suis, & necessarijs amicis. Et factum est, cum introisset Petrus, obuius venit ei Cornelius, & procidens ad pedes eius adoravit eum: Petrus vero eleuavit eum dicens: Surge, & ego ipse homo sum, & loquens cum illo intrauit, & inuenit multos, qui conuenerant, dixitque ad illos: Vos scitis, quomodo abominatum sit viro Iudæo coniungi, aut accedere ad alienigenam; sed mihi ostendit Deus neminem communem, aut immundum dicere homi-

hominem. Propter quod sine dubitatione veni accersitus. Interrogo ergo quam ob causam accersistis me? & Cornelius ait: A nudius quarta die vsque ad hanc horam orans eram hora nona in domo mea, & ecce vir stetit ante me in veste candida, & ait: Corneli, exaudita est oratio tua, & eleemosynarum commemorata sunt in conspectu Dei. Mitte igitur in Ioppen & accersi Simonem, qui cognominatur Petrus: hic hospitatur in domo Simonis Coriarij iuxta mare: confestim ergo misi ad te, & tu bene fecisti veniendo. Nunc ergo omnes nos in conspectu tuo adsumus audire omnia quaecunque tibi praecepta sunt à Domino. Aperiens autem Petrus os suum dixit: In veritate comperi, quod non est personarum acceptor Deus, sed in omni gente, qui timet eum, & operatur iusticiam, acceptus est illi. Verbum misit Deus filiis Israel, annuncians pacem per Iesum Christum: hic est omnium Dominus. Vos scitis, quod factum est verbum per vniuersam Iudaeam: incipiens enim à Galilæa post baptismum, quod praeedicauit Ioânes. Iesum à Nazareth: quomodo vnxit eum Deus Spiritu sancto, & virtute, qui pertransiit benefaciendo, & sanando omnes oppressos à Diabolo, quoniam Deus erat cum illo. Et nos testes sumus omnium, quae fecit in regione Iudæorum & Hierusalem, quem occiderunt suspendentes in ligno. Hunc Deus suscitauit tertia die, & dedit eum manifestum fieri non omni populo, sed testibus praeordinatis à Deo, nobis qui manducauimus & bibimus cum illo, postquam resurrexit à mortuis, & praecepit nobis praeedicare populo, & testificari, quod ipse est, qui constitutus est à Deo Iudex viuorum & mortuorum. Huic omnes prophetarum testimonium perhibent remissionem peccatorum accipere per nomen eius, omnes, qui credunt in eum. Adhuc loquente Petro verba hæc, cecidit Spiritus sanctus super omnes, qui audiebant verbum, & obstupuerunt ex circumcissione fideles, qui venerant cum Petro, quod & in nationes gratia Spiritus sancti effusa est: Audiebant enim illos loquentes linguis, & magnificantes Deum. Tunc respondit Petrus. Nunquid aquam quis prohibere potest, vt non baptizentur hi, qui Spiritum sanctum acceperunt, sicut & nos? & iussit eos baptizari in nomine Iesu Christi. Tunc rogauerunt eum, vt maneret apud eos aliquot diebus.

Nomen eleemosynæ gloriosum est in populo Christiano, quoniam magna & gloriosa operatus est Deus propter eam, & quoniam superius legimus historiam, in qua Vidua illa iam defuncta, propter eleemosynas ab ipsa elargitas, fuit ab Apostolo Petro suscitata, & Cornelius Centurio propter eandem causam meruit miraculo magno primus inter Gentes Christi fidem recipere, & Spiritus sancti gratiam, ideo ad inflammanda corda in diuitijs huius seculi torpentia, ad exercendum tam laudabilis misericordiae opus, operæpretium est enarrare aliqua, quæ à Patribus, & sanctis Viris de ea magnifice scripta sunt. Sunt autem huiusmodi.

*Enarratio laudis, & beatitudinis eorum, qui miseris pauperibus
eleemosynas, ac beneficia infœlicibus impertiunt exemplo
Iob, qui multa dispersit, & fortiter multa passus est.
ex Origene. Cap. 309.*

*Orig. lib. 1.
in Iob 16. 2*

Vere inestimabilis, atque æterna beatitudo est, ut cum quis diues effectus fuerit, non confidat in auro, nec intendat in argenti repositione, sed recondat hæc in mandato altissimi, & det ea in eleemosynas pauperibus, & seminet atque spargat ea latè per animas miserorum, per ora esurientium, per destitutos, atque miseros, iuxta hoc quod dictum est: Seminate vobis ad iustitiam, ut metatis fructum vitæ: & Dispersit dedit pauperibus, iustitia eius manet in seculum seculi. Eiusmodi vero metet multipliciter in die resurrectionis. Eiusmodi eleemosynarum iustificationibus tamquam lux effulget coram Angelis Dei. Talis fuit B. Iob, apud quem nunquam hospes foris mansit, cuius ianua omni aduenienti patuit, quem inualidi nunquam prætermiserunt rogare de his, quæ opus habuerunt, qui non dimisit pauperem exire de domo sua vacuum. Ad cuius tonsuram ouium, omnium pauperum scapulæ calefactæ sunt, ob hoc enim, & istam multitudinem pecorum nutrit, & maximam agriculturam exercuit, ut plurimis impertiret, ut plurimis beneficeret, ut plurimorum memor esset. Non propter os suum tantum, sed ut multos esurientes saturaret, atque plurimos nudos vestiret, & multis miserabilibus atque infœlicibus refrigeraret, & ministerium eius nimis copiosum, quot ministrabat hospitibus, & infirmis miserantibus destitutis, & peregrinis, & pauperibus? Pro horum ergo omnium susceptione, nimium copiosum habuit ministerium, puto, quod in cælo, & in excelsis copiosum habuit ministerium. Plurimi ministraverunt ei super terram pro miserorum susceptione, sed pluriore ministerabant ei in cælis cælestes Angeli, incorruptibiles eleemosynas, atque bona opera eius in memoriam coram Deo in cælum deferentes, sicut dictum est ad Cornelium: Orationes tuæ, & eleemosynæ ascenderunt sursum coram Deo. Attestantur autem Angeli non soli Iob, sed, & omnibus qui similiter, ut Iob eleemosynas miseris, ac beneficia infœlicibus impertiunt. Infra: Hæc Iob opera, hic sunt perfecta, in cælo vero demonstrata; hic seminata, illic vero messæ; hic dispersa, illic autem collecta; hic Deo fœnerata, illic vero cum gloria à Deo fœnerantibus reddita. Qui enim miseretur pauperi, fœneratur Deo: secundum autem datum illius, retribuet illi Dominus.

Valida, & efficax increpatio in eos, qui cetera mandata seruant, sed egentibus nec obolum præstare volunt: & obiurgatio grauis in multos, qui parietes vestiunt, & equos ornant & pauperes nudos despiciunt: & de stultitia aliquorum, qui dum viuunt, dare eleemosynas pauperibus nolunt, sed post mortem per testamenta legata relinquunt. Cap. 310.

*S. Basil. bñ.
7. cont. di-
uit. auaros.
Mall. 19.*

Quidam adolescens, cum audisset à Christo Domino, vade, & vende omnia quæ habes, & da pauperibus, recessit tristis. Mihi euenisse huic ado-

adolescenti, vel propinquis ipsius videtur, quod illi solet euenire, qui iter facit Ciuitatis alicuius spectaculi viuendi studio, properatq; vsque ad mœnia, ibi reperto diuersorio requiescit, modicumq; quod restat viæ ob pigritiam atque desidiâ ire detractat, simul & toleratum itineris laborem inane reddens, & spectaculo bonorum, quæ videre poterat in Vrbe, excludens. Sic & huiusmodi sunt Homines, qui cetera quidem mandata obferuant, ad bonorum vero suorum erogationem claudicant. Vidi ego multos ieiunantes, orantes, præteritorum penitentia suspirantes, omnem denique sine sumptu pietatem ostendentes, egentibus vero ne obolum quidem præbentes. Quid his cetera virtutum diligentia prodest? non propterea regnum Dei consequentur: Idcirco inquit Dominus: Difficilius est diuitem intrare in Regnum calorum, quam Camelum per foramen acus: hoc testimonium validum, qui testatur verus, persuasi vero pauci. Quid quæso grauaris? Quid doles audiens, vende omnia quæ habes? Si enim te in futurum seculum sequerentur, profecto præ illis pretiosioribus, quæ ibi reperies, & hæc nihili penderes. Sed quando necesse est ea hic remanere, cur ex eorum actione non lucri facis maiora longe reperiendo? Nam si alacri lætoq; animo das aurum, vt equos possideas, cur id Regno Dei potius commutari suafus doles, perenti denegas, & abnuis, mille sumptuum occasiones commemorando? Quid miser Iudici respondebis? Parietes vestis, hominem non vestis? Equos phaleris ornas, fratrem tuum laceris amictum pannis aspernaris? Frumentum retinendo perdis, Esurientes non respicis? Aurum in terram condis, & oppressum non curas? Infra: Si inquis, ego quidem bonis dum vixero, frui volo, post mortem verò in testamento hæredes facultatum mearum, ac dominos pauperes faciam. Heu miser! tunc benignus ac liberalis hominibus eris, cum amplius inter homines non ages? Cum te cadauer aspiciam, tunc fratris amantem appellabo? Magna dignus eris liberalitatis laude, magnus tibi honor debetur, aut gratia, si in sepulchro iacens, & in terram conuersus magnificus ac sumptuosus apparebis. Dic cuius mercedem temporis potissimum exposces, vitæne, an mortis? Nam si tempore, quod ad promerendum datur, in voluptatibus absumpto pauperes nequaquam respexisti, mortuus cuiusnam actionis, aut operis mercedem petiturus es? Ostende opera, & tunc primum mercedem repete. Nullus enim post mercatum solum negociatur: neque demum post certamina accedens coronatur, nec post bellum fortia gerit, nec item post vitam, pietatis laudem præmiumue capiet. Attramento, & tabulis pulchra opera, & commendanda gerere studes? Quis de mortis genere sponsor? Quot videmus repentino, ac vi, casuq; extingui, qui præ doloris & spiritus angustia, nec vocem quidem emittere potuerunt? Quot etiam febris à sensu alienos fecit? Quid igitur tempus expectas, in quo sæpe rationis tuæ compos non eris? Immo qui hæreditati insidiatur, paratus aderit omnia tantum quæ ad eius faciant vsum, adhortans, ac tua irritare consilia quærens? Quod si nihilominus contigerit, vt & verbo, & scripto res tuæ palàm mandentur, vna tantum transposita littera, vnum non probe appositum signum, totam sententiam mutare, ac irritam facere valebit. Duo item, aut tres improbi testes totam hæreditatem in alios conuertent.

Qualis

Qualis debeat esse ornatus Domus, ut placeat Christo, pulcherrimum scilicet eleemosynarum vestimentum.

Cap. 311.

*Chrys. hom.
84. in Mat.*

Z Acchæi domum cogitatione ingredere, & considera, cum audisset Christum apud se mansurum, quomodo eam ornauit. Non enim curriculo ad vicinos contendit, mensas, sedes, subsellia petens eburnea, nec extraxit e loculis Laconica quædam mensarum velamina, sed ornatu Christo gratissimo decorauit. Quod porro istud? Dimidium bonorum meorum do pauperibus. Sic, & nos oro domus nostras exornemus, ut Christum suscipere mereamur. Hæc pulcherrima portarum velamina. Hæc in cælis solummodo fiunt; ibi texuntur, ibi cælorum Rex habitat. Sic Matthæus, sic Centurio domum suam eleemosynis ornauit. Vnde factum est, ut vsque in hodiernam diem fulgentissimam habitet regiam.

Qui eleemosynas non præstat pauperi cum potest, similis est latroni, qui spoliat. Pauperes vltro à diuitibus requirendi sunt, nec scrutandi quales sunt. Qui præstat humanitatem, non debet exposcere vitæ rationem. Cap. 312.

*Io. Chrys.
hom. 7. in
Luc. que est
conclio 2. de
Lazaro.
1/2.3.*

R Apina est pauperibus non impertiri de tuis facultatibus. Ac fortassis vobis mirum esse videatur quod dico, verum ne miremini, testimonium enim vobis ex diuinis scripturis proferam. Itaque Dominus Iudæos accusans per Prophetam dicit: Produxit terra prouentum suum, & non intulistis decimas, sed rapina pauperis est in domibus vestris. Quoniam inquit, oblationes solitas non dedistis, rapuistis ea, quæ sunt pauperis. Hoc autem dixit declarans diuitibus quod res pauperum possident, etiam si paternæ hæreditates obuenerint. Ac rursus alibi dicit: Ne spolies vitam pauperis, qui vero spoliat, aliena tollit. Propter hoc igitur discamus, quod quoties eleemosynam non præstiterimus, pari cum his qui spoliant supplicio afficiemur. Steriles enim pecuniæ sunt vndeunque eas collegerimus, & ideo tibi plura possidere concessit Deus, non ut in scortationes, temulentiam, ingluuiem, in vestes sumptuosas, aliamque molitiam consumeres, sed ut ea distribueres egentibus. Quemadmodum enim receptor quispiam, qui regias pecunias accepit, si neglexerit his quibus iussus est distribuere, inque proprias consumpserit delicias, poenas dat, ac perditur, ita sane, & diues receptor est pecuniarum, quæ pauperibus distribui debebant. Parcamus igitur ijs tanquã alienis, ut fiant nostræ; quod erit, si pauperum manibus impertiuerimus. Diues Lazarum in sinu vidit Abraham. Hospitalis erat Abraham: ut igitur redarguatur diuitis inhospitalitas, propterea Lazarum cum illo videt; ille etiam prætereuntes venabatur, & in domum pertraherebat suam: hic vero etiam intra domum iacentem desepxit, cumque talem thesaurum haberet, salutis parandæ materiam, præteribat quotidie, nec in quod oportebat, vsus est pauperis propinquitate. At Patriarcha pro foribus sedens, introducebat prætereuntes omnes, & quemadmodum Piscator iacto in mare rete piscem quidem attrahit, attrahit autem frequenter aurum,

&c

& margaritas, & hic itidem reti captans homines, piscatus est tandem & Angelos, quodq. mireris, etiam insciens, in quod & Paulus in huius laudibus dixit: Sætare hospitalitatem; per hanc enim quidam inscientes hospitio receperunt Angelos. Ac recte dixit, inscientes. Nam si sciens illos excepisset tanta cum humanitate, nihil magni, mirue fecisset, sed eos credens homines viatores, cum alacritate vocauit. Intro Abraham non excutiebat, quales essent prætereuntes, nec unde venirent, quemadmodum, & nos nunc facimus, sed sine delectu prætereuntes excipiebat omnes. Nam eum, qui præstat humanitatem, non oportet exposcere vitæ rationem, sed inopiæ mederi. Vnicum habet opus patrociniū pauper, quo eger, ne quid ab illo postules amplius, sed etiam si fuerit omnium improbillimus, & necessario victu eguerit, sedemus eius famem. Ita enim Dominus dixit: Estote similes Patris vestri, qui solem suum oriri facit super bonos, & malos, & pluit super iustos, & iniustos. Portus est in necessitate constitutorum homo misericors. Portus autem omnes, qui in naufragium inciderint, excipit liberatque, siue mali fuerint, siue boni: Tu proinde si videris hominem, qui in necessitatis naufragium inciderit, ne iudica, ne vitæ gesta examina, sed medere miseriam: liberauit te Deus omni tali sollicitudine, & curiositate. Cur ergo curas superuacaneas nobis accersimus? Aliud est iudex, aliud eleemosynæ largitor: ideo vocatur eleemosyna, quod eam & indignis damus. Vnde, & Paulus dixit: Quod bonum est, facite erga omnes, maxime erga domesticos fidei. Vnde etiam Infidelibus etiam benefaciendum docuit. Et Iob Abraham nepos aiebat: Ostium meum iugiter patebat cuius aduenienti. Non sic huic patebat, ut alteri esset occlusū, sed indifferenter apertū erat omnibus.

Heb. vii.

Matth. 5.

Gal. 6.

Eleemosyna est planta fructifera, quæ ad cælum usque pertingens admirabiles, caelestes, & æternos producit fructus.

Cap. 313.

IN Cornelio vide eleemosynæ vim. Vide etiam, quanti fecerit, ut credat, ut Angelus missus, & spiritus operatus, & Princeps Apostolorum accersitus, visionemq. talem vidit, & nihil omnino intermissum est. Eleemosyna fons purissimus est, iuxta quem non pini, & quercus, & cyparissi, sed plantæ illis multo proceriores, amor Dei, laus hominum, gloriaq. in Deo, beneuolentia ab omnibus, peccatorum abolitio, multa fiducia, opum contemptus: Eleemosyna autē, per quam charitatis planta nutritur. Nihil enim ita charitatem fouere solet, ac dum quis se misericordiam exhibet. Hic ramos in sublime erigi facit. Hic fons melior eo quod est in Paradiso, non in quatuor diuisus initia, sed in cælum ipsum surgit. Hic parit flumen illud, quod salit in vitam æternam; in hunc, si mors inciderit, tamquā flamma à fonte consumitur, sic ubi irrorauit, magna operatur bona. Hic ignis flumen extinguit, ut scintillam. Quemadmodū in horto fons non nunc quidem profundit flumina, nunc vero arefcit, alioqui non esset iam fons, sed semper scaturit, ita & noster semper largius profundit flumen in eos qui maxime indigent misericordia, ut maneat fons. Si tu huius fontis aperueris ora, fontis Dei talia erunt ora, ut omnium abyssum vincant. Occasionem solam querit à vobis accipere Deus, & profundit ex penuarijs suis bona, si fon-

Io. Chrysos.
hom. 22. in
Act. Apost.

si fontem tuum non obturaueris, nec ille obturabitur, planta in pauperum manibus, quæcunque volueris; nihil hac terra pinguius, in ipsum peruenit cælum arbor, quæ plantatur. Iam quod plantatur in terra, prius quam fruaris, præcipit mors. Hæc arbor, quando mortuus fueris; fructum tibi afferet.

Dura increpatio in eos, qui pascunt animantia ratione carentia, & esurientes pauperes dimittunt inanes. Qui mulos, lectos, sedilia, & scabella, hominibus egentibus, crudeliter præparant.

Cap. 314.

*Io. Chrysos.
hom. 11. in
epist. Pauli
ad Rom. 6.*

R Apinæ atque avaritiæ incumbis, non paupertate pressus, non fame te ad id impellente, sed quo equi tui frænu, domus tectum, columnarum capita copiose inaurantur. Hoc ipsum vero quantam gehennam meretur? Cum tu fratrem tuum, qui videlicet bonorum arcanorum tecum particeps effectus, atque eo usque a Domino honoratus est tuo, in infinitas calamitates præcipitem agis, ut lapides, ut domus tuæ pavimentum, ut animantium ratione carentium corpora exornes? Te ne tam sollicitam alendi canis curam gerere, hominem autem, seu, verius dicam, Christum ipsum, propter canem ad summam famem adigi? Quid hac confusione pestilentius? Quid hac iniquitate lætalius? Quot tandem ignei fluij ad huiusmodi animam depascendam satis esse possunt? Hem qui ad Dei similitudinem expressus est, pannosus indecorusq; iacet per tuam inhumanitatem, muli autem uxorem tuam portantes, tuæ autem pelles, & ligna quibus tectum illud textitur, multo auro splendent: ac si sedile, si scabellum conficiendum est, ubiq; aurum, ubiq; argentum. Christi autem membrum, isq; propter quem Deus de Cælo ad nos descendit, sanguinemq; pretiosum effudit, avaritia tua ne necessarium quidem cibum habet? Et lectuli quidem argento vndique cincti, vndique ornati sunt, sanctorum vero corpora, vel necessario operculo carent, ac tibi minoris fit ipse Christus, quàm muli, quàm lectus, quàm sedile, quàm scabellum?

Eleemosyna est penna ad cælum poenitentem peccatorem eleuans: est mercatura spiritualis, vili pretio caelestes diuitias comparans. Est ars omnium quaestuosissima, & facit ingredi ianuas celi magna cum libertate. Cap. 315.

*Io. Chrysos.
hom. 5. de
poenit. 10. 5.
Act. 10.*

S Ine plumis eleemosynæ, poenitentia volare non potest. Quapropter Cornelio bene poenitenti religionis, & pietatis penna eleemosyna fuit. Eleemosynæ enim tuæ, inquit, & orationes in cælum ascenderunt. Videmus in foro captiuos pauperes lachrymantes: nundinæ nobis profecto mirabiles sunt: harum nulla est alia professio & negociatio, nulla alia intentio, quam paruo quidem emere, magno vendere; nam ea cuiusq; negociantis industria. Tales Deus nobis nūdinas proposuit, modico iustitias eme, quo multo vendas in seculo futuro. Hic iustitia modico emitur pro panis fragmento, vili pro vestimento, pro calice aquæ frigidæ: Amen dico vobis (inquit spiritualis mercaturæ doctor) non perdet mercedem suam calix aquæ frigidæ dignus

Marc. 9.

gnus est mercede. Frigida aqua in qua nec ligna consumis, ut calefiat, mercedem habet. Qui miseretur pauperis, foeneratur Deo. Si Deo foeneramur, is ergo nobis debitor erit. Quem ergo eum tibi esse velis, debitorem, an Iudicem? Debitor veneratur foenerantem, Iudex nequaquam mitigatur ab eo cui ipse foeneratus est. Foeneranti dicit Deus: Non credis huic per inopiam, mihi per diuitias crede: Vidit pauperem, nec spreuit Deus, sed semetipsum dedit pignus nihil habenti, atque inopi astitit sua multa bonitate, astitit à dextris pauperis.

*Prou 19.
Eccl. 20.*

Eleemosyna enim est omnium artium quatuordecim: ait Chrysostomus: Eleemosyna ex manibus mortis nos eripit, & vtraque vita claros exhibet, & mansiones ædificat in cælis, & æterna parat illa tabernacula. Hæc lampades nostras non finit extinguere, nec sordidis indutos vestibus in nuptijs videri, sed lauat & niue mundiores reddit.

*10. Chrysos.
hom. 33. ad
pop.*

Dans eleemosynam sicut oportet dare, discit aspernari diuitias; qui pecunias didicit aspernari, malorum radicem excidit, itaque non minus accipit, quam præstat beneficium. Qui dat eleemosynam, discit non admirari pecunias neque aurum. Hoc autem instructa mente maximum in cælum ascendendi principium accepit, & innumeras contentiones & litis & inuidiæ, ac tristitiæ sustulit occasiones. Docuit eleemosyna, ne res proximi concupiscas. Quomodo namque id faciet, qui sua dispergit, & largitur? Non ultra locupletis inuidet, quomodo namque, cum velit pauper fieri? Tanta est vis eleemosynæ, ut suos in cælum introducat alumnos. Est enim cæli nota ianitoribus sponsalis thalami fores obseruantibus, quin & venerabilis, & quos sui cultores agnouerit, cum multa introducet libertate, & contradicet nemo. Nam si Deum in terram deduxit, & hominem fieri persuasit, multo magis in cælum hominem poterit reducere. Hanc diligamus non vno die vel altero, sed in omni tempore, ut nos agnoscat. Si ipsa nos agnouerit, & Dominus agnoscat; si non agnouerit ipsa, ignorabit & Dominus, & dicet: Nescio vos. Multo maius est, quam in nomine Iesu mortuos suscitare, esurientem pascere Christum. Nam hic quidem tu de Christo bene mereris, illic autem ipse de te. Hic in signis ipse Deo debes, in eleemosyna vero Deum habes debitorem.

*10. Chrysos.
hom. 34. 35.*

Fac tibi Deum debitorem, & tunc eum pete, ut cum foenore recipias. Mutua & tandem Deum repete. Non in manuum extensione satis est audiri. Extende manus tuas non in cælum, sed ad pauperum manus. Si ad pauperum manus extenderis manum, ipsum cæli verticem tetigeris: qui enim illic sedet, eleemosynam suscipit; si vero porrexeris vacuas, nihil profeceris. Audi namque Isaiam Prophetam dicentem: Si extenderitis manus vestras, auertam oculos meos à vobis, & si multiplicaueritis orationem, non exaudiam vos. Sed quid ait: Iudicate pupillo, & humili, & iustificate viduam, & discite bene facere. Ita licet deorsum manus habeamus, audiri poterimus, licet nihil loquamur, aut petamus.

Isai. 1.

Fabiola nobilis femina Romana, vendito patrimonio amplissimo, admirabilis, & vix imitabilis charitatis erga pauperes reliquit exemplum. Cap. 316.

D. Hieron.
epist. 10. ad
Oceanum
Epitaph. Fa-
biola 10.1.

Omnem censum quem habere poterat (erat autem amplissimus, & re-
spondens generi eius) vendidit, & inde pecuniam congregatam vsibus
pauperum pręparauit, & prima omnium Xenodochium construxit, in quo
ęgrotantes colligeret de plateis, & consumpta languoribus atque inedia,
miserorum membra foueret. Quoties morbo regio, & pedore confectos
humeris suis ipsa portauit? Quoties lauit purulentam vulnere saniem,
quam alius aspicere non valebat? Prębebat cibos propria manu, & spirans
cadauer torbitiunculis irrigabat. Ille quem despiciamus, quem videre non
possumus, ad cuius intuitum nobis vomitus erumpit, nobis similis de eodem
nobilium formatus est luto, iisdem compactus elementis. Quodquod pa-
titur, & nos pati possumus. Vulnere eius existimemus propria, & om-
nis animi in alterum duritia clementi in nosmetipsos cogitatione frangetur.
Non mihi si linguę centum sint, ferrea vox, omnia morborum percurrere
nomina possim, quę Fabiola in tanta miserorum refrigeria commutauit, ut
multi pauperum sanę languentibus inuiderent. Quamquam illa simili libe-
ralitate erga clericos, monachos, ac Virgines fuerit. Quod Monasterium
non illius opibus sustentantum est? Quem nudum non Fabiolę vestimenta
texerunt? In quorum se indigentiam non effudit pręcept, & festina largitio?
Angusta misericordię eius Roma fuit. Peragrabat ergo insulas, & totum
Etruscum mare, Volscorumq. prouinciam, & reconditos curuorum litto-
rum sinus, in quibus monachorum consistunt chori, vel proprio corpore,
vel transmissa per viros sanctos, ac fideles munificentia circumibat.

*Quadam quę eleemosynam deformant, & sterilem reddunt.
Cap. 317.*

D. Hieron.
in l. 1. pro-
uerb. cap. 3.
tom. 7.

Honora Dominum de tua substantia, & de primitiis frugum tuarum da
pauperibus, & implebuntur horrea tua saturitate, & vino torcula-
ria redundabunt. Multi multa pauperibus, sed de aliena substantia, ac fru-
gibus, quas vi vel fraude rapuerant, tribuunt. Multi largiuntur de suo, sed
largiendo Dominum non honorant, quia fauoris humani, & non amore su-
perni inspectoris faciunt. Qui ergo proficuum sibi eleemosynę fructum
fore desiderat, & de suis propriis, & in conditoris honorem tribuat, ut sci-
licet homines, qui eius plasma sunt, & ad eius imaginem facti recreen-
tur. Qui autem terrena subsidia largitur inopibus, ditior dando cęlesti re-
muneratione redditur, & ideo ait: Et implebuntur horrea tua.

Qui

Qui nunc implent manus pauperum largiendo, post mortem manus suas inuenient plenas diuitijs in retribuendo. Omnes homines eleemosynas facere possunt, etiam pauperes, si bonam habeant voluntatem, & recipient mercedem pro bona voluntate ac si vere eleemosynam largiti fuissent. Cap. 318.

Dormierunt somnum suum, & nihil inuenerunt omnes viri diuitiarum in manibus suis. Venerunt diuites in hanc vitam, & per cupiditates temporales quasi obdormierunt hic, & exceperunt illos diuitiae, & vanae pompae volaticae, & transferunt, & non intellexerunt, quantum inde boni posset fieri. Nam si nossent, illic sibi thesaurizarent, quod hic erat perituum, sicut Zachaeus, qui Dominum recipiens in domum suam, dixit: Dimidium bonorum meorum do pauperibus: Non erat iste in vanitate somniantium, sed in fide euigilantium. Dormierunt in cupiditatibus suis viri diuitiarum, sed transijt somnus iste, transijt via ista, & nihil inuenerunt in manibus suis, quia nihil posuerunt in manu Christi. Vis inuenire aliquid in manibus tuis postea? Noli contemnere modum manum pauperis; & respice manus inanes, si vis habere manus plenas. Dixit enim Dominus: Esuriui, & dedistis mihi manducare, &c. Esurire in pauperibus voluit, qui diues in caelo est, & tu dubitas homo dare homini, cum scias te Christo dare quod das, à quo accepisti quicquid das?

*D. Aug. in
Psal. 75.*

Qui seminant in lachrymis, in exultatione metent. In ista vita, quae lachrymis plena est, quid seminabimus? Opera bona, opera misericordiae semina nostra sunt. De quibus seminibus ait Apostolus: Bonum autem facientes, non deficiamus; tempore enim suo metemus bona. Itaque dum tempus habemus, operemur bonum ad omnes, maxime autem ad domesticos fidei. Loquens autem de ipsis eleemosynis quid ait? Hoc autem dico, qui parce seminat, parce, & metet. Ergo, qui multum seminat, multum metet, & qui nihil seminat, nihil metet. Seminate quantum potestis. Sed parum habes, unde eleemosynam facias? habes voluntatem? Quomodo nihil esset, quod habes, si non adesset bona voluntas, sic, & quia non habes, noli esse tristis, si est tibi dandi bona voluntas. Quid enim seminas? Misericordiam. Quid metes? Pacem. Nunquid dixerunt Angeli: Pax diuitibus in terra? non; sed pax hominibus bonae voluntatis. In vidua magna voluntas, in Zachaeo magna voluntas: multum dedit, multum seminauit. Ergo vidua illa, quae duo minuta misit, parum seminauit? Immo vero tantum, quantum Zachaeus, minores enim facultates ferebat, sed parem voluntatem frabebat, misit duo minuta de tanta voluntate, de quanta Zachaeus dimidium patrimonij sui. Fac aliquem non habere vel duos nummos. Est aliquid vilius, quod seminemus, ut metamus illam messem? Est. Calicem aquae frigidae, qui dederit Discipulo, non perdet mercedem suam: quod si nec hoc habeat, securus sit: Pax in terra hominibus bonae voluntatis: tantum illum timeat, ne habeat, & non faciat.

*D. Aug. sup.
Psal. 125.*

Frangens esurienti panem illuminabitur, sanabitur, & exaudietur, cum clamauerit ad Dominum. Non est perfecta misericordia, quæ precibus extorquetur. Cap. 319.

Psal. 40.

Isa. 58.

*Aug. hom.
39. lib. 50.
homil.*

Beatus, qui intelligit super egenum, & pauperem, in die mala liberabit eum Dominus. Nullam patietur perniciem, qui comparauerit eleemosynis pietatem. De hoc Isaias dicit: Solue colligationes impietatis. Frange esurienti panem tuum, & egenos, vagosque induc in domum tuam: cum videris nudum, operi eum, & carnem tuam ne despexeris. Tunc erumpet quasi mane lumen tuum, & sanitas tua citius orietur: Tunc clamabis, & Dominus exaudiet te, vocabis, & dicet: Ecce adsum. Perfecta misericordia est fratres, ut ante occurrat esurientibus, quam roget mendicus. Non enim est perfecta misericordia, quæ precibus extorquetur, sed si tacet mendicus, loquitur pallor in facie. Imitare Deum tuum, qui solem suum oriri facit super bonos, & malos, & pluit super iustos, & iniustos: Et ecce veniet tibi pluuia, antequam roges, descendet vbertas nocte, dum stertis, dum adhuc in lecto es: Ex praecepto vigilat dies, excubant elementa, fructus te nesciente effunduntur. Iactat cælum, & parturit terra tot cellaria messium, dum nescimus; sic accipimus, & tantas opes, antequam rogemus. Et tu homo, modicus est ipse panis, & precibus vendis? non rogauerunt quatuor millia Iesum in deserto septem panes, & paucos pisces, ut infinita agmina pranderent. Dedit nobis Deus secundum baptismum. Quis enim sine peccato? nam sicut aqua extinguit ignem, sic eleemosyna extinguit peccatum. In horreis nostris habemus abundantiam, quæ flammæ nostras oblatione vnius panis extinguat, & ante fores gehennæ stat misericordia, & neminem permittit in carcerem mitti. Et quicumque misertus fuerit, miserebitur ei, & si quis non fuerit misertus, non miserebitur ei. Da panem, cum potes, quia non habebis post mortem frumentum, nec inuenies illic aliquando mendicum, quia non erit tempus miserendi. Hæc Augustinus.

Debet autem eleemosynarum splendor elucescere non solum in secularibus viris, quotquot eleemosynas effundere possunt, sed multo magis in summis viris, in Sacerdotibus, & Ecclesiæ Prælatibus.

Sacerdotes, & Episcopi eleemosynas elargientes, & Ecclesiastici patrimonij dispensatores debent esse, non solum deuota misericordia, & benigna pietate conspicui, sed prudentia ornati, ut dispensatio ordinate fiat, & discretionem magna, quæ docetur ex doctrinis Patrum. Cap. 320.

*Dist. 86. c.
fratrem.*

Episcopus largam habeat manum, necessitatem patientibus succurrat, alienam inopiam suam credat, quia si hoc non habet, in vacuum nomen Episcopi tenet. In ipsa autem liberalitate, modus adhibendus est rerum, & personarum: rerum (inquam) ut non omnia vni, sed singulis quædam præstentur, ut pluribus prodesse possimus, iuxta illud: Dispersit, dedit pau-

pauperibus) personarum vero, quia primo iustis debemus dare, &c.

Circumstantiæ, quæ attendendæ sunt in executione liberalitatis, sunt *Ibid. c. non*
fides, causa, locus, tempus, modus, necessitudo, ætas debilitas, con- *fatus & se-*
ditio. Grandis culpa est, si fidelis egeat te sciente: ille præcipue, qui *quent.*
egere erubescit. Item probanda est alia liberalitas, ut proximos sangui-
nis tui non despicias; quibus pudor est ab alijs poscere, non ut illos di-
uites facias, sed ut paupertatem, eorum iuues. Considera ætatem, *Diff. 86. c. 2.*
ut senibus plus largiaris, qui sibi iam nequeunt victum querere. Con- *sideranda.*
sidera etiam debilitatem: Considera verecundiam, quæ ingenuos prodi- *Amb. 2. off.*
natales. Non tamen vult Dominus simul effundi opes, sed dispensari, & *6. 2.*
in ipso pauperis dato mensuram tenere, ut abundes pluribus. Quanto
enim minora sunt, quæ sparguntur, tantò plures erunt, qui recipiant. Et
puro affectu, ac sincero fiat elemosyna, non conciliandi fruoris gratia ul-
tra modum effundendum.

Aurum habet Ecclesia, non ut seruet, sed ut erogat, & necessitatibus *Idem Amb.*
subueniat. Melius est, ut vasa viuientia serues, quam metallorum. Sed *relatus 12.*
respondebis: Timui, ne templo Dei deesset ornatus. Dico tibi, quod aurum *q. 2.*
sacramenta non quarunt, neque auro placent, quæ auro non emuntur.
Ornatus sacrorum, redemptio captiuorum est, &c. Et Ambrosius ipse fa-
tetur, se aliquando in inuidiam hominum incidisse, quia fregerit vasa Do-
minica, ob redimendos captiuos. *86. dist. c. pulchra.*

Liberalis anima non sinit, nostras lampades extinguere: internas vestes ex *Chrys. hom.*
rubeis candidiores niue facit. Hæc est, quæ in perpetuum tibi seruat, *83. super*
quæ hic possides: hæc facit præclaros homines hic, & in futura vita. Me- *Matth.*
lius namq. est habere famam misericordis, humani, benigni, quàm elo-
quentissimi oratoris. Tu igitur memento, ut misericordiæ potius, quàm
liberalitati seruias: misericordia enim pietatem parit, liberalitati verò sæpe
vanitas insidiatur.

Largiens debet habere prudentiam largiendi. Primo enim attenden- *Greg. in 3.*
dum, ne serò præbeatur, quod cito dandum est, iuxta illud: Ne dix- *p. pas. c. 21.*
ris amico tuo, vade, reuertere, cras dabo tibi, cum statim possis dare.
Secundo, ne sub specie largitatis inutiliter spargant sua, aut multa dent,
vbi pauca sufficerent, iuxta illud: Non ut alijs sit remissio, vobis autem *Cor. 8.*
tribulatio, qui enim ita sua effundunt, ut postmodum egeant, frequen-
ter in impatientiam præcipitantur. Tertio, ne totaliter vacuum dimittant
pauperem, cui semper aliquid, vel parum dandum est, iuxta illud Luc. 6.
Omni petenti te, tribue. Quarto, ne aliquid demus, cui nihil penitus dan-
dum est, ut histioni.

Officij sacerdotalis est, ut viduis, ac maritali regimine desolatis, im- *Greg. ep. 13.*
partiri solatia debeatis, ut vnde in hoc mundo humana consolatione pri- *ad Dom.*
uantur, sacerdotali tuitione possint remedia reperire. *Episc. com-*

Gregorius ipse, & adiuuabat, & intercedebat pro viduis, & dicebat: *mendans ei*
Si in proximorum necessitatibus habita compassione, benigna mente oc- *quandam*
currimus, nostris proculdubio petitionibus clementem Dominum reperi- *viduam.*
mus. Et iubet illi dari certam annonam. Et alijs plurimis epistolis com- *Epist. 57.*
mendat viduas, ac iubet Episcopis, quod sint, ut earum Procuratores.

Gg 2 Iubet

Iubet etiam, vt varijs personis egentibus, ac monasterijs detur annona ex proprijs redditibus.

Greg. epist. 43. lib. 2. Idem ad Bonifacium Episcopum, postquam commendauit eum, quod operibus misericordiae vehementer insistebat, subiungit: Sed illud (fateor) non leuiter mentem meam momordit, quod eadem opera multis vospis nunciastis. Ex qua re collegi, quod mens vestra non studeat Dei oculis, sed humano iudicio placere. Vnde necesse est frater charissime, vt cum bona exterius agis, hæc interius cum magna cautela custodias: ne appetitus placendi hominibus subrepat, & omnis labor boni operis incassum fiat.

Greg. epist. 25. lib. 6. Quidam miserat Gregorio pecuniam, vt in eleemosynas dispensaret; respondet: Quod triste sibi erat hoc facere, quia ultra onus, quod habebat reddendi rationem Deo, quomodo dispensabat redditus Ecclesiae, addebatur ei nouum onus reddendi etiam rationem, quomodo dispensabat alienas pecunias. Et dicit illi: Orate, vt ego discretè dispensem, ne vnde vos peccata minuitis, nos inde cumulemus. Et alibi in simili casu dicit: Oro, vt Dominus mihi concedat, absque peccati contagio dispensare, ne maculer, vnde vos peccata detergitis.

Ibidem contra quemdam, qui sub Xenij specie, nonnulla à quodam monasterio sustulerat, dicit: Sine dilatione restitue, ne auaritiæ culpa te redarguat, quem largum erga monasteria Sacerdotalis magis debuerat munificentia demonstrare.

Epist. 20. Admonebat etiam, vt quis sic operibus misericordiae iuxta virtutem substantiae insistat, vt tamen supra virtutem insistere cupiat. Et alibi arguit quemdam, quia subtraxerat eleemosynas consuetas à suo prædecessore, sub quadam prouidentiae specie, dicens: quod quamquam laudabile sit futura prospicere, infirma tamen est cautela, quæ pietatis adiutorio non munitur: præsertim quia quod tribuitur pauperi, non est donum, sed mutuum, quia quod datur, multiplicato sine dubio fructu percipitur. Hæc ille. Immo etiam appellatur depositum. Vnde fidenter cum Apostolo dicere potest eleemosynarum largitor: Scio cui credidi, & certus sum, quia potens est seruare depositum meum in illum diem: præsertim Episcopus, qui non dat parta, aut hæreditate acquisita, sed ea quæ sibi, vt daret, data sunt.

Greg. epist. 21. lib. 11. Idem arguit valde Abbatem cuiusdam monasterij, quia diu distulit petere ab eo eleemosynam annuam ad quoddam monasterium sustentandum, & hoc (vt ille fatebatur) ex erubescencia. Arguit autem eum, tum quia certum est, quod ille minus amatur, qui adhuc erubescitur: tum quia, ipse non dispensabat res suas, sed pauperum. Et valde (ait) accusabilis est verecundia, non petere à diligente, & tenente locum dispensationis in rebus pauperum. Pondera hæc ò pastor: non largiris tua, sed aliena. Quid ergo mirum, quod tota die lustrent domum Episcopi pauperes, cum sit ea domus dispensatoris rerum ipsorum? possent enim vociferare ad valuas, immo vsque ad secretum cubiculum dicentes: Da nobis nostra, alioquin contra te vociferabimus ad Dominum rerum, tuæ dispensationi commissarum, dicentes: Domine, non vult nobis dare, quæ illi, vt nobis daret, dedisti.

Ber-

Bernardus ad Henricum Episcopum Senonen. habet hæc verba tremenda. *Bern. epist. 42.*
 Clamant pauperes ad Pontifices: Cur in superfluitates vestras consumitis, quæ nostris debentur necessitatibus? Nostris enim necessitatibus detrahitur, quidquid accedit vanitatibus vestris. Quid conferunt tot mutatoria? Nostrum est quod effunditis, nobis crudeliter subtrahitur, quod inaniter expenditis. Nos sumus fratres vestri, & vos de nostra portione pascitis oculos vestros, & ita vita nostra cedit vobis in superfluas copias. Duo mala ex eadem radice prodeunt, dum vos ipsos vanitatem sequendo perditis, & nos spoliando perimitis. Et quæ sic consumitis, neque labore manuum, neque negotiationis studio, neque iure hæreditario possidetis, sed bona nostra sunt. Et quamvis hi pauperes (ait) modo non audeant aperire os aduersum vos, & exigere partem suam, quibus interim pro sua vita necesse habent potius supplicare, tamen in futuro stabunt in magna constantia aduersus eos, qui se angustiauerunt: stante pro eis patre orphanorum, & iudice viduarum, qui dicet vobis: Quamdiu non fecistis vni ex his minimis meis, nec mihi fecistis.

Matth. 25.

Vnde existimas Episcopis nostris exuberare hanc rerum affluentiam, vestrum splendorem, mensarum luxuriam; &c. nisi de bonis sponsæ? Inde est, quod illa pauper, & inops, & nuda relinquitur, facie miseranda, inculta, hispida, exanguis, cum munus illorum sit custodire, & ornare sponsam. Iam non est in hoc tempore ornare sponsam, sed spoliare: non custodire, sed perdere: non instruere, sed prostituere: non pascere, sed mactare, & deuorare, quibus dicit Dominus: Qui deuorant plebem meam, sicut escam panis: nam plus vigilant subditorum euacuandis marsupijs, quam vitijs extirpandis. Alto demersi sunt obliuionis somno, ad nullum Dominicæ comminationis tonitruum expergiscuntur, vt vel suum periculum expauescant. Inde est quod non parcent suis, qui non parcent sibi, perimentes pariter, & pereuntes.

Idem Bern.

Psal. 13.

Suadet etiam, vt egenis, & maxime inclusis curam impendat. Et ad Regem Siciliæ dicit, quod egenis, & non cupidis dandæ sunt eleemosynæ, quia scriptum est: Beatus qui intelligit super egenum, & pauperem, non super cupidum, illum inquam pauperem, qui inuite petit, verecunde accipit, & accipiens glorificat patrem suum, qui est in cælis.

Bern. epist. 206. ad regem.

Hieron. sol. ep. 207.

Psal. 40.

Augustinus dicit hæc verba. Consanguinei veniunt ad me, aliquando cum minis, aliquando cum blandimentis, dicentes: Da nobis aliquid Pater, caro enim tua sumus: & tamen Dei gratia, & vestris orationibus, nondum ditaui aliquem consanguineum, quia cariores mihi reputo pauperes, quàm diuites, quia bona Ecclesiarum patrimoniū pauperum sunt. & serm. 52. qui est penultimus, & est indubitatus Augustini, vel Chrysost. dicit, quod necesse habet Episcopus exhibere humanitatē assiduam quibusque venientibus, siue transeuntibus; quod si non fecerit, inhumanus sit. Ecclesiastici, quod multa colligentes à populo, pauca largiuntur, & serè omnia consumunt, sunt illi, de quibus scriptum est: Qui deuorant plebem meam, sicut escam panis. O diligentissimi exactores decimarum, primitiarum, votorum, & negligentissimi datores verbi Dei: Dicite quæso, quomodo in morte fiducialiter commendabitis animas vestras Domino, quod hic pauperes eius non pauistis? Omnis vestra cura est, vt redditus Ecclesiæ non minuantur: de diminutione ve-

Aug. ser. 21 ad Erem.

Psal. 13.

Conc. Au-
rel. an. 520.

ro fidei, & charitatis minor est sollicitudo: ille dicitur bene rexisse Ecclesiā, qui opes eius auxit, etiam si in curandis ouibus negligentior fuerit. Et dist. 22. dicitur, Episcopus pauperibus, vel infirmis, qui nō possunt laborare, largiatur victum, & vestitum, quantum possibilitas tulerit. Et in Concil. Aurelianen. 50. (quod est prouinciale) & celebratum est circa annum 580. habes, quod illi, qui sunt in carcere Ecclesiastico ob aliqua delicta, ab Archidiacono, vel Præposito Ecclesiæ visitentur, iussu Episcopi: & Episcopus deputet personam, quæ eos in suis necessitatibus de bonis Ecclesiæ sustentet. Et ibidem subiungitur, quod Episcopus inter omnes egentes præcipue curam gerat infirmorum, qui ultra laborem infirmitatis, constringuntur inopia, illisq. victum, & vestitum prouideat. Et in Conc. Marisconen. 20. dicitur, quod domus Episcopalis ad hoc est instituta, vt sine personarum acceptione, omnes in hospitalitate recipiat. & ideo non debet habere canes, quia non moribus, & latratibus canum, sed hymnis custodienda est domus eius, ne hi, qui confidunt ibi se inuenturos leuamen miseriarum suarum, versa vice moribus

S. Hier. in
epist. ad Te-
rum, & ad
ductur in
Cōc. Aquif-
gran.

canum lanientur. Domus Episcopi debet esse commune hospitium omnium: laicus enim vnum, aut duos, aut paucos recipiens, impleuit hospitalitatis officium: Episcopus, nisi omnes receperit, inhumanus est.

Referamus hic nonnulla beneficia à Deo pijs viris eleemosynarum largitoribus collata: cetera autem mirabilia exempla ad eleemosynam pertinentia, quæ penè innumera sunt, in subsequentijs historijs recensentur.

Medicus clarissimus de futura vita ambigens, propter eleemosynas ab ipso profusus elargitas, calitus illuminatur.

Cap. 321.

S. Aug. ad
Eud. de
anim. solut.
corp. & de
visis prodig.
1. epist.
100.

N Arrabo autem vnum aliquid breuiter (inquit S. Augustinus) Frater noster Gennadius, notissimus fere omnibus, nobisq. clarissimus Medicus, qui nunc apud Carthaginem degit, & Romæ suæ artis exercitatione perpolluit, vt hominem religiosum nosti, atque erga pauperum curam impigra misericordia, facillimoq. animo benignissimum; dubitabat tamen aliquando, vt modo nobis detulit, cum adhuc esset adolescens, & in his eleemosynis feruentissimus. Vtrum esset vlla vita post mortem. Huius igitur mentem, & opera misericordiæ, quoniam Deus nullo modo defereret, apparuit illi in somnis conspicuus iuuenis, & dignus intendi; eiq. dixit: Sequere me: quem dum sequeretur, venit ad quandam Ciuitatem, vbi audire cepit à dextera parte sonos suauissimæ cantilenæ, ultra solitam, notamq. suauitatē: tunc intento quidnam esset, ait: hymnos esse beatorum, atque sanctorum. Sinistra autem parte, quid se vidisse retulit non satis memini. Euigilauit, & somnum, vt fuit, tantumq. de illo, quantum de somnio cogitauit. Alia vero nocte, ecce idem ipse iuuenis eidem rursus apparuit, atque ab illo vtrum cognosceretur, interrogauit: respondit ipse, quod eum bene, planeq. cognosceret. tunc ille quæsiuit vbi se nosset. Nec memoriæ defuit, quod iste identidem responderet, totumq. visum illum, hymnosq. sanctorum, ad quos audiendos eo duce venerat, qua recentissimos recordabatur, facilitate narrauit. Hic ille perconctatus est, vtrum nam id, quod narrauerit, in somnis vidisset, an vigilans? Respondit, in somnis. At ille: bene inquit, recolis, verum

in

in somnis illa vidisti, sed etiam nunc in somnis te videre scias. Hic cum vidisset ista, ita esse credidit, atque id responsione firmavit: tunc qui hominem docebat adiecit, & ait: Vbi est modo corpus tuum? Ille respondit, in cubiculo meo. Scisne, inquit, in eodem corpusculo nunc illigatos esse, & clausos, & otiosos oculos tuos, nihilq. illis oculis te videre? Respondit, scio: tunc ille: qui sunt ergo, inquit, isti oculi quibus me vides? ad hoc iste non inueniens, quid responderet, obticuit. Cui hæsitranti, ille quid his interrogationibus docere moliebatur, aperuit, & continuo, sicut, inquit, illi oculi carnis tuæ vtrique in dormiente, atque in lectulo iacente, nunc vacant, nec aliquid operantur, & tamen sunt isti, quibus me intueris, & ista vteris visione, ita cum defunctus fueris, nihil agentibus oculis carnis tuæ, vita tibi inerit, qua viuas, sensusquæ, quo sentias. Caue iam deinceps, ne dubites vitam manere post mortem. Ita sibi homo fidelis ablata dicit huius rei dubitationem providentia, & misericordia Dei, pij Medici eleemosynas inspicientis.

Præstabilis misericordia in pauperes tempore valida famis (homines enim à morte liberat) & viro volenti occidere filium paruum, ut manducaret illum, succurrit Deus cum eleemosyna ceruæ. Cap. 322.

Qvodâ anno gravissima fames Germaniæ populos oppressit, maxime circa Rhenum habitantes, nam vnus modius de frumento Mugantiaci, & debatur decem siclis argenti. Morabatur autem eo tempore Rabanus Archiepiscopus in quadam Villa parochiæ, cui vocabulum est Vunyella, & pauperes de diuersis locis venientes suscipiens, quotidie plusquam trecentos alimento sustentabat, præter illos, qui in præsentia illius vescabantur assidue. Venit autem, & mulier quædam penè consumpta inedia cum puerulo parvulo inter ceteros refocillari desiderans. Quæ priusquam limen portæ transcenderet, præ nimia imbecillitate corruens spiritum exhalavit; puer vero mammillam matris mortuæ quasi viventis de sinu protrahens, & sugere tentans multos intuentes gemere, & flere coegit.

Quidam etiam in illis diebus de Grabfelden cum vxore sua, & filio tenero in Thuringiam proficiscens, ut malum inopiæ temperare posset, vxorem in itinere in quadam sylva sic affatus est: Nonne inquit, melius est, ut puerum istum occidamus, & manducemus carnes eius, quàm omnes inedia consumamur? illa verò contradicente, ne tantum scelus committeret, tandem urgente fame, filium de brachijs maternis per vim rapuit, & voluntatem opere compleisset, nisi Deus illum sua miseratione præuenisset: nam sicut idè postea in Thuringia positus plurimis retulit, cum euaginasset gladium, ut mactaret filium, & in ancipiti positus necè distulisset, vidit eminens duos lupos super vnam ceruam stantes, & lacerantes carnes eius, statimq. parcens filio, ad cadauer ceruæ occurrit, & lupos inde abigens tulit de carnibus prægustatis, & cum incolumi filio ad vxorem reuersus est. Prius enim quando filium tulerat de manibus matris, paululum ab ea declinauerat, ne illa morientem puerum videret, & audiret.

At illa veniente marito, videns recentes carnes, & cruore perfusas, puta-

G g 4 bat

bat filium occisum, & cecidit retrorsum penè exanimis: ille autem accedens consolatus est eam, & erigens illam ostendit puerum viuentem. Tunc illa resumpro spiritu Deo gratias egit, quia filium sanum recipere meruit: nec minus ille, quia eum Deus à liberi interfectione innocuum dignatus est conferuare; ambo tamen carnibus lege prohibitis, necessitate coacti se recrearunt, per Dei prouidentiam accepta eleemosyna.

Iuuenis Hispanus agens luxuriosam vitam, & malis operibus maculatam, confessionem peccatorum in multos annos differens, & crebras interim eleemosynas elargiri consuescens pauperibus, improuisa paulo ante mortem contritionem obtinet, peccatorum confessionem facit, & moritur in pace.

Cap. 323.

A pud Hispanos in Ciuitate Valentia fuit quidam iuuenis, qui seculi vitam amplexus, & obscœnis concupiscentijs obtemperans, tempus in diuinorum præceptorum transgressionibus conterebat. Quapropter odio habens, & fastidians ea, quæ spiritus sunt, abhorrebat diuina sacramenta, & ad confitenda sacerdotibus peccata, quasi funibus constrictus, ire non poterat. Multiq. anni præterierant, quibus peccata sua confessus non fuerat. Tandem improuisa quadam peccatorum detestatione tactus intrinsecus, profectus est ad Templum venerabilium Patrum Societatis Iesu, ubi tanta cordis compunctione, tot oculorum lachrymis sua confessus est peccata, ut confessarius eius admiraretur, & sciscitaretur ab ipso, quæ bona opera peregisset vnquam, vnde meruisset hanc misericordiam à Deo impetrare. Respondit iuuenis: Ego multa, & grauissima mala in vita mea me commisisse recordeor, totumq. tempus, quod vixi, consumpsi penè peccando, & viuendo in sœdis luxurijs. Tot malis operibus, vnum tantum bonum opus admiscui, delectabar enim facere eleemosynas, & pauperibus benefacere, cum sese occasio offerebat. Et pergens per viam, si pauper aliquis occurrebat, diuidebam illis nummos, ut poteram. Quod si aliquando contigisset me non habere in crumena pecuniam, quam indigenti præberem, in proximam aliquam officinam ingrediebar, & petebam à mercatore, ut mutuaret nummos, cui si forsan notus non fuisset, loco pignoris, enssem, quo eram accinctus, & pugionem relinquebam. Hic igitur iuuenis expleta confessione, & obtenta peccatorum absolutione ægrotauit, & post biduum mortuus est, & ut credi potest, cum salute à misericordii Deo receptus est. Ex qua quidem narratione apertissime patet, eleemosynam à morte perpetua eum liberasse, neque permisisse animam eius ire in tenebras, ubi est stridor dentium.

Audiui hoc à religioso viro eiusdem Societatis.

B. Phi.

B. Philippus Neri, operibus misericordiae intentus in altissimam foueam noctu delapsus, diuinitus à morte eripitur.

Cap. 324.

Philippus Neri, Auctor Congregationis nostræ, sicut ceteras, ita misericordiae virtutem possidebat, & quo maioribus à Deo in singulos dies augebatur beneficijs, vehementius in eius pectore exardescere pietas, quæ sese per opera manifestabat.

Quapropter cum quodam tempore pauperes nimia inopia premerentur, ipse intempesta nocte, cum somno sepulti sunt omnes, ut nesciret sinistra quid faceret dextera, miserabilium personarum domos obibat, quibus, quæ ad victum necessaria erant, largè, abundèq. suppeditabat.

Nocte autem quadam, cum panem viro cuidam nobili, sed pauperrimo deferret, diaboli opera factum est, ut intentus ille quo pacto curru præcipiti cursu se ferentem declinaret, mox in altissimam foueam casu delapsus sit. Sed Domino opem ferente, ab Angelo confestim inter cadendum capillo capitis mirabiliter retinetur, indeq. nulla læsus parte, ab eodem incolumis eripitur, ut is, qui ad aliorum vitam sustentandam ambularet, is à benigno Domino vitæ beneficium reciperet.

Pauperis specie Angelus ab eo stipitem accipit, unde ad largiendas eleemosynas vehementius inflammatur. Cap. 325.

Quodam die cum pietatis opera ardentius quàm solebat, sequeretur, Angelus pauperis specie ei sese ostendit, stipem petit; cui cum ille quæ habebat pecuniam libenti, promptoq. animo largiretur, experiri veneram, dixit ei illico Angelus, quid facturus eras? & his dictis evanuit. Qua ex re, eo Philippus miserationis affectu in pauperes ferri cæpit, ut ex eo die nemini vnquam poscenti eleemosynam negauerit. Pauperibus viris, ac feminis, quibus opus habebant, abundè suppeditabat. Iuuenibus ad litterarum studia propensis pecunia, & libris, ac vestibus non deerat. Hebdomada nulla erat, quin eleemosynam ijs, qui in carcere retinebantur, mitteret. Nemini tandem pauperum stipem denegabat.

Idem veste propria se spoliatur, ut nudam cooperiat; priuat se panibus, ut alios sustentet. Cap. 326.

Cum pauperrimæ feminae nuditatem audiisset, suam sibi vestem detraxit, ut inopi traderet. Egenis adolescentibus, quibus cupiditas erat Cœnobij se mancipandi, probato eorum spiritu, tantum donabat pecuniæ, eœmendis vestibus ad institutum, quod amplectebantur, appositis, satis esset. Iure ergo, meritoq. de eo dicere possumus: nihil habebat, & omnia possidebat; quandoquidem beneficium ille Ecclesiasticum possedit nullum, pecuniæ contemptor eximius, ut si quis alius: tamen in omni vita nihil ei vnquam, nec ad proprium vsum, nec ad aliorum subleuandam inopiā defuit.

Anno Christi 1551. cum summa esset in Vrbe annonæ caritas, sex ad Philippum

lippum panes deferuntur. Sed quid ille? acceptos panes non attingendos sibi, sed pauperibus tribuendos putans, Hispano cuidam sacerdoti pauperi in Christi Domini Nostri gratiam hilari vultu largitur. Quo peracto, cum quæreretur ex eo, quid causæ esset, quod portionem suam omnem egenti sacerdoti tribuerit, modeste id se fecisse respondit, quod facilius erat panem se ab amicis accepturum, quam sacerdotem illum peregrino cælo natum: Quapropter illo ipso die panibus carens paucas dumtaxat oliuas gustauit.

Modicus panis, & vinum in magna penuria indigentibus erogatum, nunquam deficit. Cap. 327.

Portia femina satis pia & deuota erga Deum, in pauperes vero supra modum misericors, Cæsari Cardinali Baronio eius filio quasdam mirabiles gratias sibi à Deo collatas cum lachrymis enarrabat.

Cum in quadam extrema annonæ penuria, magna pauperum multitudo ad eam confugeret, solebat quotiescunque panem pro eius familia alenda coqueret, semper duodecim panes in frustra concidere, & in arca ad pauperum inopiam subleuandam reponere; quibus in magno numero concurrentibus, omnibus benigne eleemosynam erogabat, & ne de Dei bonitate diffidere videretur, in arca aspicere nunquam volebat, sed omnibus petentibus large & indistincte, donabat: vnde factum est, vt panis, qui tam magnæ multitudini pauperum sufficere nullo modo potuisset, nunquam tam benignæ, & misericordie manui defecerit.

Retulit idē etiam accidisse, in quadam vini caritate. Anno quodam calamitosa cecidit grando, quæ vineas omnes deuastauit, ita vt nullus fere vinū collegerit: illa habebat dolium sed paruum, vino plenum, quare omnes infirmi, pauperes, & sacerdotes pro missa celebranda ad eam confugiebant, quibus omnibus vinum diuidebat, & quamuis vinum illud in dolio neque sibi, neque suæ familiæ sufficere potuisset ad sitim leuandam, tamen omnibus, quotquot petebant, magna pietate distributum, omnibus satietatē subministravit. Hæc retulit Baronius Antonio Gallonio nostræ Congreg. presbyt.

De Sepulchro David; Thesauro ibi aboscondito; descensu Herodis in illud, & flamma erumpente. Cap. 328.

Non est autem prætermittendum, referre hic aliquid, quod his temporibus contigit, & quidem historia, & obseruatione dignum. Nam sepulchrum David, quod & Salomonis dictū est, eo quod illic ipse conditus esset, remansit integrum vsque ad extremam omniumq. nouissimā Iudæorum cladem per Hadrianum illatam. Tunc temporis antequam illa sequeretur, quasi iō prodigium futuri vltimi Iudæorum gentis exterminij, sponte corruit, vt Dio Cassius auctor est in Hadriani vita, quam scripsit. Eiusdem sepulchri Iosephus sæpe meminit, quod non tantum augustis ædificijs Salomonis opera extructis erat insigne, sed & thesauro nobilitatum: ingentem enim vim auri ab eodem Salomone illic fuisse reclusam, haud dubium est; restatur etenim idē auctor, Hyrcanū, cum obsideretur ab Antiocho, cogno-mento Pio, ablati è sepulchro Davidis tribus millibus talentis, ijs totius populi

Dio Cassius
in Hadria.
vita.
Ios. ph. ant.
lib. 7. c. vlt.

populi vexationem redemisse. Rursum vero quid Herodi idem sepulchrum *Ibid. li. 16.*
 perscrutanti obuenerit, idem testatur his verbis: Herodes multum pecunia- *6. 11.*
 rum domi, forisq. profundens, audito, quod Hyrcanus, qui ante eum re-
 gnauit recluso Davidis sepulchro tria milia talentorum argenti extulisset,
 superesseq. multo plura, quæ possint quantumuis magnis sumptibus suffi-
 cere, multo tempore animum habuit idem aggredi. Tunc vero nocta aper-
 tum sepulchrum ingreditur, cū prius accuratè cauisset, ne hoc sciret popu-
 lus, assumptis tantum amicorum fidiſſimis, repositas tamen pecunias, sicut
 Hyrcanus, non inuenit, sed mundi pretiosi, & aureorum ornamentorum
 vim magnam inde iustulit. His inuitatūs ad diligentius scrutandum, inte-
 rius processit vsque ad conditoria Salomonis, ac Davidis, vbi duos satelli-
 tes amisit, erumpente (vt fertur) ex aditis flamma contra progressos teme-
 re: quo casu exterritus exiuit, & tactus religione, ad expiandum se, in adi-
 tu sepulchri mopumentum è cādido marmore condidit sumptuosissimis im-
 pendijs. Eius operis & Nicolaus illius temporis scriptor meminit, sed non
 item de descensu Regis præter decorum id factum existimans, idq. more
 suo fecit. Viui enim Regis, hoc auribus dedit, captans gratiam. Hæc Iose-
 phus. Sepulcū fuisse Dauidem in Ciuitate sua, quæ dicta est Sion, habet diui- *2. Reg. 5.*
 na scriptura; Hierosolymis nimirum, vbi est Sion; à Salomone tumulatum *2. Reg. 2.*
 fuisse Dauidem item Iosephus testatur. Admiratione sanè dignum, quod à *Ioseph. ant.*
 Tito ea ciuitate funditus excisa, nihilominus idem sepulchrum remanserit *lib. 7. c. ulto.*
 integrum, nec nisi temporibus Hadriani (vt ex Dione dictum est) sponte
 corruerit. Verū quid dico, corruerit? Id quidem non sic accipiendum
 est, vt solo adæquatū fuerit, sed tantum aliqua ex parte collapsū:
 Nam Hieronymus ad Marcellam scribens, relegens loca sancta, ac si ipsum
 integrum remaneret, in Mausoleo Davidis precari solitum tradit. *Hier. ep. 17*
prope fin.

*Petrus egregius Princeps Christianorum, mirabili fulget virtu-
 te, Angelicamq. Rempublicam gubernat, gentes con-
 uertens. Cap. 329.*

Igitur in principio Orientis Ecclesiæ apparebant Petri præclara, & tali *Io. Chrysof.*
 Præfide dignissima facta. Erat Petrus os omnium, causam fidei agit *in Act. Ap.*
 pro omnibus; doctrina sua instruit omnes; ipse præcipuus fidei assertor est, *hom. 4.*
 præcipuus catechista habetur, & primus exitit verbi concionator, & pri-
 mus coegit Ecclesiam, eamq. non ex Hierosolymitanis, & circumcirca ha-
 bitantibus Iudæis, sed ex Parthis, Medis, Phrygijs, Libicis, Aegyptijs,
 Arabibus, aduenis Romanis, & alijs: & qui omnium Pastor fuit à Domino
 institutus, ex omnibus nationibus cogere cepit oves: docuit eos fidem si-
 mul, & Apostolicos mores, nempe renunciare omnibus, simul conue-
 nire in oratione, & panis à Christo edocta fractione, Erant enim (inquit
 Lucas) perseuerantes in doctrina Apostolorum, & communicationis fra-
 ctionis panis, & orationibus: fiebat autem omni animæ timor. Quamob-
 rem non tantum Christi fidem susceperunt, sed & quæ habebant, in commu-
 nem omnium vsum contulerunt. Omnes enim qui credebant (addit Lu-
 cas) erant pariter in eodem loco, & habebant omnia cōmunia; possessiones,
 & substantias vēdebant, & diuidebant illas omnibus, prout cuiq. opus erat.

Hæc

Chrysof. in Hæc erat (ait Chrysoftomus) Angelica respublica, nihil dicere proprium,
Act. Apost. hoc protulit primum germen nascens Ecclesia. Petrus plantat verbo, ri-
hom. 5. & gat baptisinate, sed qui incrementum dat, Deus est. Ac rursus] Petrus pisca-
 7. tor hos superauit, quasi cum mutis piscibus certamen fuisset: nec enim ali-
 ter quàm piscator mutos pisces, ita hic illos superauit. Et paulo post: vbi
 nunc Græciæ fastus? vbi nomen Athenarum? vbi Philosophorū deliramen-
 ta? ille Galilæus, ille Bethsaide natus, ille rusticanus vniuersos illos deuic-
 cit: age dum, non ad nominatam patriam illius, qui hos deuicit, erubesci-
 tis? quod si nomen ipsum hominis audietis (Cæphas enim dictus est) multo
 magis obtegitis faciem. hæc ille Christi in Petro admirabilem virtutem
 prædicans.

De umbra corporis Petri, quæ mirabiliter sanabat agrotos.
 Cap. 330.

Act. 5.

M Agis autem (primis illis, & aureis tēporibus) augebatur credentium
 in Domino multitudo virorum, ac mulierum: videbant enim mirabi-
 lia quæ fiebant, præsertim autem per Petrum, in quo tam affluenter mira-
 culorum gloria corruscabat, vt (sicut dictum est) in plateas eijcerent in-
 firmos, & ponerent in lectulis, & grabatis, vt veniente Petro saltem um-
 bra illius obumbraret quemquam illorum, & liberarentur ab infirmitatibus
 suis. Concorrebat autem & multitudo vicinarum ciuitatum Hierusalem,
 afferentes ægros & vexatos à spiritibus immundis, qui curabantur omnes.
 Tanta enim diuinæ virtutis affluentia sanctum vndique repleuerat, vt non
 modo redundaret in corpora eorum, qui illius contactu potiti sunt, sed &
 in ea, quæ corpus ipsius referre aliquo modo viderentur, vt est umbra:

Chryf. ora.
sent. Gent.

proinde videre licet re ipsa impletum esse quod dixerat Christus: Qui cre-
 dit in me, opera quæ ego facio, & ille faciet, & maiora illis faciet.

Sed auget admirationem, vt ex contextu ipso elici videtur, & Chrysof.
 etiam colligit, quod vno dumtaxat è multis ægrotis obumbrato, cuncti,
 qui ob id in plateas deportati fuissent, quamuis ad eos umbra non peruenis-
 set, mirabiliter sanabantur: & hoc forte ad commendandam vnitatem, vt si-
 cut multitudinis credentium erat cor vnum, & anima vna, ita simul expo-
 sitorum languentium multitudo vnum corpus censeretur. His addit Au-
 gustinus (quod ex aliqua traditione accipisse necesse est) Petri umbra non
 tantum pristinæ sanitati ægros restitutos esse, sed, & mortuos ipsos ad vi-
 tam reuocatos: sic enim ait; Cum tota fiducia Christum prædicantes, in eius
 nomine multa signa faciebant, ita vt quandam mortuum transeunte Petro
 umbra eius tetigerit, & resurrexerit. Idipsum disertis verbis confirmat

Aug. de Ca-
the. rud. ca.
 23.

Lib. cō. Gēt.
Ora. de SS.
Apost. Pet.
& Paulo.

Chrysoftomus, dum de eodem Petro agens inquit; Corporis huius umbra
 mortuos suscitauit. Et alibi, tanti viri potentiam, virtutemq. admiratus
 exclamat: O Idiotæ miraculum! O Illiterati sapientiam! Petrus sua ipsa
 umbra paralyticos solidauit, & mortem destruxit. Hæc Chrysoftomus.

Cum autem non tantū Petrus, sed & ceteri Apostoli Hierosolymis essent:
 quidnam est quod oculi omnium conuertuntur in Petrum? quid ista in
 plateis ægrotantium exhibitio, vt veniente Petro umbra saltem illius obum-
 braret quemquam illorum, & liberarentur non ab vno, vel altero, sed ab
 omni.

omnibus, quibus tenerentur morbis ? certe quidem non per Petrum tantum, sed per ceteros etiam Apostolos fieri solita signa, & prodigia idem, ut nuper vidimus, qui hæc scribit, testatur Lucas, Verum, sicut inter omnes Apostolos, Petrus à Christo primatu in omnes est auctus, ita etiam præclariora quædam, & insigniora ab eo miracula edi concessit. Hinc solius Petri fuisse curare languentes umbra corporis transeuntis, satis Euangelista declarat; nam si id ceterorum Apostolorum umbra præstitisset, quid tanta compressio in exponendis infirmis, quos Petri transeuntis umbra curaret? Vnde Arator Diaconus, qui heroico carmine eadem cecinit Acta Apostolorum, dum de his agit, hæc egregie:

Arator
Dias.

Excute Petre gradus: tecum medicina salutis
Ambulat, adde viam, is pes est ad gaudia velox;
In pedibus non esse moram, tua semita vita est:
Si properas, iam nemo iacet: tu motibus umbræ
Corpora cuncta leuas, atque hoc simul inscia voti
Sumit turba tacens; quod cum rogat, accipit vnus.
Quærite quos agitat tanti reuerentia facti;
Quid typicum res ista ferat, librisq. volutis
Noscite, quod soli cessa est gloria Petro,
Quæque sub hac specie lateant documenta, videte.

Quod etiam hic in umbra per Petrum agitur (nam in imagine pertransit homo) in cælo veritate præstari, idem pluribus versibus docet. Quid insuper umbra Petri, nisi imago expressa corporis Petri? certe quidē non aliunde, quàm ex eiusmodi imaginibus umbra formati picturam duxisse originē ferunt, ut ex his videas imaginum pium cultum in umbra Petri à Deo primitus in primori illa Ecclesia, tot tantisque miraculis esse diuinitus consecratum. Rursus verò nec illud prætermittimus, ex quo in rebus gestis mysteria latere noscuntur, quod cum eandem Deus virtutem umbræ Petri indiderit, quam & corpori Petri, illud certè typice expressum esse videtur, tantā à Deo Principi Apostolorum gratiarum copiam esse collatam, ut eadem dona personæ Petri concessa, sic in umbrā æquē transfunderet ut eadem in successoribus, qui referunt personam Petri, feliciter propagari voluerit, nimirū, ut quamuis non oēs æquē sancti essent, ut Petrus, sed ex ipsis aliqui moribus essent futuri dissimiles, tamen quia eiusdem agerent personam Petri, eandem etiam retinerent à Deo illi traditam potestatem, scirentq. omnes respectu Petri honori habendos esse, qui umbram saltem Petri hac ex parte referrent.

Clem. Ale.
adu. Gent.

De Agrippa Rege, quem Alexandriam venientem Alexandrini magno ludibrio exceperunt, consilio Flacci Præsidis, qui Iudæis Alexandrinis post Christi mortem, Deo permitte, primitias calamitatum intulit.

Cap. 331.

Hoc tempore erat quidam insanus nomine Carrabas, non ex illo conspicuo furiosorum genere, sed leuiore correptus infania: is interdum, noctuq. nudus oberrabat per compita, nec æstus, nec frigus deuigans, puerorum, & adolescentium ludibrium, Hunc miserum propulsum ad gymna-

Philo in
Flacc.

gymnasium, in superiori loco statuunt, ut spectari possit ab omnibus, moxq. capiti diadema imposuerunt papyraceum, pro paludamento corpori storem induunt, pro sceptro frustum arundinis humo sublatum quidam ei dedit in manum, sic ornatum regijs insignijs, & in Regem transformatum more histrionico adolescentes perticas in humeris gestantes stipabant pro satellitio: tùm alij salutatum accedebant: alij sibi reddi iura petebant: alij consulebant eum de republica: post hæc acclamatum est à circumstantibus magna voce, Marim, appellantibus, quod nomen Syris significabat Dominum; norant enim Agrippam Syrum genere, & regnare in bona portione Syriæ. His auditis, immo visis Flaccus, cum debuisset illum insanum conijcere in carcerem, ne illusoribus præberet materiam petulantix, atque etiam ipsos subornatores, quod Regem Cæsaris amicum à Senatu Romano honoratum ornamentis prætorijs ausi sint apertis, obliquisq. contumelijs laceessere, non solum eos non castigauit, sed ne cohibere quidem dignatus est, licentiam dans malitiosis, & quicquid videbat, audiebatq. dissimulans. Hæstenus Philo de his, quæ in Regem Iudæorum Agrippam facta sunt Alexandria: quæ quidem si quis attentiori consideratione perpendat, atque examinet, & alius causam repetendo disquirat, profectò quid vehementi admiratione dignum inueniet. Ecce tibi nouus post Christum, idemq. primus, atque nouissimus Rex Iudæorum, quàm insigniter est illusus in Carrabæ, quorum Rex verus, idemq. Christus olim sub Pilato Regio habitu illusione personatus est, atque derisus ab illis, qui Barabbam sibi dari petentes, in Christum Crucis supplicium conclamarunt, magna sanè rerum gestarum, ac nominis conuenientia, immò fortasse idem Carrabas, quod Barrabas, sed pro B. C. errore librariorum græce scriptum.

Idem Phil. Idem Flaccus Præses infensus Iudæis edictum proposuit, in quo nos appellabat Inquilinos, & Exteros, nec causæ quidem dicendæ potestatem faciens, sed iniudicatos cõdemnans: quo quid potest esse magis Tyrannicum? Ipse sibi vsurpabat partes delatoris, amici, testis, ludicis, poenarum exactoris. Tertium quoque scelus addit, non contentus duobus prioribus, passus quoslibet in Iudæos tanquam bello captos sæuire: qui naçti licentiam quid fecerunt? quinque sunt vrbis regiones denominatæ à primoribus litteris: harum duæ dicuntur Iudaicæ, quod in his plurimi Iudæi habitent, quamuis & in alijs non pauci sparsim habebant domicilia. Quid igitur fecerunt? è quatuor litteris expulsos Iudæos concluderunt in vnus partem angustissimam. At illi quod plures essent, quàm is locus eos caperet, egrediebantur ad litora, & monumenta, & sterquilinia exuti rebus suis omnibus. Inimici verò facti in desertas domos impetu, prædas tanquam iure belli partas diuidebant, effraçtisq. Iudæorum officinis, quæ tùm propter luctum mortis Drusillæ clausæ fuerant, hinc quoque plurima egefferunt, quæ in medium forum translata verterunt in vsus proprios: sed minus nocebant rapinæ, quàm abrupta negociatio, cum creditores amisissent pignora, nec fineretur vllus agricola, nauta, negociator, opifex exercere artes solitas. Ita non simplex eis parabatur pauperies, vel quod vna die spoliabantur suis facultatibus, vel quod non dabatur quæstum facere more solito. Hæc quamuis molesta videbantur, tamen tolerabilia collata cum ceteris. Et post multa, hæc sequuntur.

Post

Post domos direptas, exactis habitatoribus, atque ita desolatas partes urbis pleraq. tamquam obsessi undiq. ab inimicis, & oppressi graui victuiq. rerum necessariorum inopia, inspectantesq. paruos liberos, & uxores ante ora sua fame deficere inducta per aduersarios, nam de cetero felix annona erat, ubiq. & flumen stagnationibus iussis arua inundarat largiter, & campi frugiferi frumenti copiam magnam protulerant. Iam egestatis impatientes quidam ad cognatorum, & quondam amicorum aedes ibant, præter solitum, petitori stipem necessariam; alij generosiores aspernati mendicorum fortunam, ut illiberalem, prodibant in forum, tantum ut sibi, suisq. cibos emerent miseri: mox enim à vulgo seditioso correpti sunt, occisique corpora quoque horum per totam Urbem raptata, ut ne ad sepulturam quidem vllum membrum fieret reliquum. Eadem rabie perierunt, & alij plurimi nouis crudelitatis formis excogitatis per efferatam in mores belluinos plebeculam: nam ubicunque Iudæi conspicerentur, aut saxis coniectis enecabantur, aut insiatis fustibus; nec statim plagis lathalibus appetebantur, ne accelerata morte cito eriperentur cruciatibus. Alij ferociore abusi præsentili- centia, contemptis hebetioribus arma acceperunt efficacissima, ignem, ferrumq. & multos gladijs confecerunt, nec pauciores concremauerunt. Interdum familias integras, maritos cum vxoribus, paruulos cum parentibus in medio foro exurebant immaniter, nec senium, nec teneram ætatem miserati, nec eius innocentiam: & quoties ligna deerant, collectis farmentis, non tam igne, quam fumo necabant eos, quo diutius morerentur, & miserius: quorum cadauera semiustulata confestim iacebant, & promiscue: triste, horrendumq. spectaculum. Quod si lignatores farmenta inferrent tardius, impositos ligneæ suppellectili vrebant eius dominos, subtrahæta pretiosiore, viliori vtendo pro lignis vulgaribus ad rogos extruendos. Multos etiam in alterum pedem fune iniecto trahebant, interim insultando calcibus, excogitato genere mortis acerbissimo: nec in extinctos remittebant iram, grauius sæuendo in cadauera propemodum per omnes urbis angiportus raptata, donec lacerata cute cum neruis, & carnibus, & frustis sparsim in aspero solo hærentibus minutim conerpserentur.

Interea quidam eorum tanquam in Theatro se indolescere simulabant ad talia spectacula: ceterum, qui verè dolebant suorum vicem cognati, amiciq. confestim poenas dabant, intempestiuæ, ut inimicis videbantur, misericordix, arreptisq. flagris exdebantur, & post omnia tormenta, quæ poterant excipere corporibus, tandem in crucem agebantur. Postquam autem Flaccus perfodit omnium Iudæorum parietes, & nihil intactum reliquit, in eorum perniciem, immanè quiddam commentus est, nouarum semper inuentor iniuriarum: nam è Senatu nostro, quem Augustus seruator, optime de nobis meritis instituit, ceu publicum Iudæorum consilium, missis super ea re litteris ad Maximum, designatum Aegypti Præsidem, triginta octo comprehensos in suis priuatis aedibus confestim vinciri iussit, traductosq. egregia pompa per medium forum senes, reductis in tergum manibus ligatos, partim oris, partim ferreis catenis induxit in Theatrum, spectaculum miserabile, nec illi temporis, aut loco debitum; statutosq. coram inimicis eorum sedentibus, ad maiorem ignominiam iussit nudatos flagellari, tanquam sceleratos, & nocentissimos, ut consciis verberibus aliquot mox, ut inde sunt

Iudæi vindicte Deo flagellantur & crucifiguntur.

Iudæi ligati manibus, produciuntur in publicum, & nudati caduntur flagellis usque ad mortem.

elati, exhalarint animam, reliqui desperata salute cum diuturno morbo conflictati sunt: quod facinus, etsi alias deprehensum est, nihilominus hic quoque declarabitur. Ex dicto Senatu tres, Euodius, Triphon, Andron bonis spoliati fuerant, direptis eorum ædibus vno impetu: nec id latuit Præsidem; didicerat enim accitis nostris Magistratibus, quasi acturus de concordia, & tamen quamuis sciret spoliatos fuisse, verberabat in conspectu eorum, qui spoliarent, ut alteris calamitatem geminaret, addito ad paupertatem cruciatu corporis, alteri duplicem voluptatem caperent ex concessis sibi alienis opibus, & inimicorum ignominia. Dicam paruum quiddam, quod an inter tanta mala dicendum sit, dubito; sed quamuis paruum, non paruum tamen indicat malitiam.

Est in illa vrbe flagrorum differentia, pro eorum conditione, qui caduntur ab Alexandrinis lictoribus, quos vocant Spatephoros: hunc morem, & in nostris hominibus seruauit superiores Præsides, & ipse quoque Flaccus, primis sui magistratus temporibus. Est certe, & in poena paruum, quoddam solatium, & in cruciatu remissionis nonnihil, quando res ita, ut sunt, sinuntur, nec augetur malitiose molestia, sed cum accedit odium, nihil æquitatis relinquitur.

An nō igitur iniquissimum fuit, cum de plebe Alexandrina Iudæi liberalibus, & ciuilibus flagris punirentur, si quando viderentur commeriti magistratus, senatoresq. honoratos, vel ipsis appellantibus, hac parte inferiores haberi suis subditis, & ex æquo cū Aegyptiorum obscurissimis maximorum flagitiorum poenas luentibus corpore? Omitto dicere, quod etiam si peccassent grauissime, debuerant habere temporis rationem, atque reuerentiam, & differre mulctationem in aliud, nam bonis Præsidibus, & recte, non insolenter administrantibus Rempublicam, mos est in neminem, damnatum animaduertere, donec solemnes celebritates, nataliaq. Augustorum festa prætereant. At ille per hos ipsos dies iniustus poenis affligebat homines innoxios: an non poterat postea, si voluisset easdem ab illis exigere? sed properabat, vrgebatq. negocium, ut turbis aduersariorum gratificaretur, ratus eo modo se impetraturum eorum fauorem ad exequenda consilia, quæ agitabat. Atqui noui quosdam iam crucifixos instanti tali festo de Cruce depositos, & ad sepulturam ex more cognatis redditos; quandoquidem decebat vel ad mortuos redire aliquem fructum ex Imperatoris natalibus, simulq. celebritati suum sacrum honorem seruari. At iste non mortuos deponi de crucibus, sed viuos crucifigi iubebat, quibus ipsum tempus, non quidem absolutionem, breuem tamen dabat veniam, & poenæ procrastinationem: nihilominus ante flagellabantur in medio Theatro, & igne, ferroq. torquebantur, spectaculis distributis in hunc modum: Mane vsque ad horam tertiam, quartamue Iudæi flagellabantur, suspendebantur, loris alligabantur, damnabantur, per mediam Orchestram ducebantur ad supplicium: deinde post hæc tam præclara exempla edita, inducebantur saltatores, mimi, tibicines, aliaq. ludicra scenicorum certaminum. Quid multis? excogitata est secunda vastatio, ut militaris quoque multitudo in nos armaretur per occasionem nouæ calumniæ, quasi Iudæi haberent arma in ædibus. Accitus itaque à Præfide Castus Centurionum fidissimus, iubetur, assumpto à sua cohorte quoque audacissimo, in domos eorum irrum-

pere,

pere, scrutari, numquid armorum ibi lateat: properauit ille mandata exequi. At Iudæi non præmoniti, primum obstupuerunt, vxoribus, ac liberis eos complectentibus, effusis in lachrymas metu captiuitatis, hoc enim malum expectabant reliquum: vt vero audierunt à quodam è scrutatoribus: Quo posuistis arma? respirarunt paululum, & intima quæque aperiētes ostendebant, partim læti, partim gementes; læti, quia coarguebantur calumnia: solliciti, primum quia tantæ calumniæ tam facile contra eos, vel fingerentur, vel crederentur; denique quia mulierculæ inclusæ nunquam è conclaui egredi solitæ, & virgines præ pudore declinantes etiam aspectum familiarium, tunc non solum ignotis, verum etiam militari ferociæ spectabantur pauidæ. nihilominus accurata facta scrutatione non inueniebantur ista, quæ solent esse in armamentarijs galeæ, lorice, clypei, conti, gladij, neque balistæ, arcus, fundæ, sagittæ, iacula, immo ne cultri quidem apti quotidianæ culinæ vsibus. Vnde statim apparuit victus simplicitas, nihil delicatum, aut magno emptum in cibos admittentium, ex qualibus ferè nascitur saturitas: & ex hac porrò petulantia malorum initium, quin & Aegyptijs paulò ante arma dempta fuerant per Bassum quemdam à Flacco iussu id curare. & inferius. Totum id negotium dolus erat Flacci pertinaciter nobis infensi, & vulgum exasperantis in nos, non parcendo vel mulieribus. Nam non solum in foro, sed & in medio theatro tanquam captiuæ corripiebantur, & ob quamuis calumniam in scenam trahebantur non sine grauissimis contumelijs, deinde cognitæ esse alterius generis dimittebantur: multas quasi ludæas comprehendebant prius quàm rem diligentius dispicerent. Quoties autem nostræ comperiebantur, ex spectatoribus facti tyranni, & domini, iubeant eis carnes suillas afferri, quas quocumque metu tormentorum gustabant, sine alia maiore vexatione dimittebantur; quæ vero sibi temperabant, tortoribus tradebantur ad cruciatus maximos, quod fuit eximium argumentum earum innocentie. Hucusque Philo de iniurijs per Flaccum illatis in Iudæos Alexandrinos. Prosequitur ista etiam in libro, quem scripsit de legatione ad Caium, vbi de ignominia Synagogis illata pluribus agit.

Quod autem spectat ad Iudæos, non casu quidem factum est, vt Deus permitteret tam immanem bestiam in eos scire; initia enim hæc voluit esse dolorum, & futurarum calamitatum: sicut enim scelus illorum omnia superauit scelera, ita, & poenæ eorum supergressæ sunt vniuersas. Peccatum quippe illorum, quo Christum Deum crucifixerunt, scriptum (quod ait Propheta) stylo ferreo in vngue adamantino, in ipsos clamans meritis exposcebat poenas. At sunt hæc diuinæ ultionis in Iudæos præludia, quæ in Aegypto hoc anno cæpta, in alijs orbis terrarum Prouincijs, vbi Iudæi agerent, in dies magis magisque aucta, atque eorum magno dolore propagata, neque in ipsa quoque immani, atque asperrima Hierosolymorum excisione finem acceperunt.

*De vindicta Dei in Herodem, qui dum quereretur augere regnum,
priuatus regno exulat in Gallia, vna cum Herodiade.*

Cap. 432.

Ioseph. de bell. iud. li. 2. c. 8. in fi. **C**um venisset in Regnum Agrippa, Herodis Tetrarchæ cupiditates per inuidiam suscitauit. Irritabat autem eum maximè in spem regni Herodias vxor, exprobrans ei socordiam, & dicens, quia per hoc, quod noluerat ad Cæsarem nauigare, careret potestate maiore: nam cum Agrippa ex priuato Regem fecisset, quomodo dubitaret illum ex Tetrarcha eodem honore donare? His adductus Herodes venit ad Caium. Agrippa vero, inquit Iosephus, cognita eorum mente, ac apparatu, ipse quoque se accinxit ad resistendum, & quàmprimum eos è portu soluissè didicit, ipse etiam Romanam misit Fortunatum, suum libertum, ad Imperatorem cum muneribus, & litteris scriptis contra Herodem: simulq. mandauit, vt per occasionem amplius cum Principe super hoc negotio differeret. Qui subsecutus Herodè, & secunda navigatione vsus tantummodo à tergo relictus est, quod tùm primum illo ad Cæsarem admissio venit, litterasq. reddidit, vterque enim Puteolos appulit, & Caius tùm forte apud Baias repertus est. Itaq. Caius simul ac ab Herode salutatus est (priorè enim cum admiserat) simul Agrippæ perlegit litteras accusantes Herodem, quod prius cum Seiano conspirasset in Tiberium, & nunc iterum Artabano Partho faueret contra Caii nouum imperium. Argumentum erat ipsius Tetrarchæ apparatus, qui in armamentarijs suis haberet tantum armorum, quantum instruendis virorum septuaginta millibus sufficeret. Quare Cæsar commotus, percontatus est Herodem, verane essent, quæ nuntiarentur de armorum numero? quo annuente; neque enim vera negare poterat, satis approbatam putans defectionem, ademptam illi Tetrarchiam ad Agrippæ regnum adiecit, pecuniam quoque eius donans Agrippæ indici. Herodem vero perpetuo damnauit exilio apud Lugdunum Urbem Galliæ. Cognito deinde sororem Agrippæ esse Herodiadem, pecuniâ ei propriam concessit, & ratus non libenter fore marito calamitatis sociam, in Agrippæ gratiam se illi parsurum promisit. Ad hæc illa: Tu quidem Imperator, vt tua maiestate dignum est, loqueris, sed mihi coniugalis amor impedimento est, quominus fruar hac indulgentia; non enim æquum censeo, vt cui secundæ fortunæ fui socia, cum nunc in aduersa deferam. At ille indigne ferens tam excelsum animum in femina, ipsam quoque cum Herode expulit, & bona eius Agrippæ largitus est. Atque hæc fuit vindicta, quam Deus intulit tùm Herodiadi, fratris successus indigne ferenti; tùm Herodi ad obsequendum vaniloquentiæ vxoris nimis facili. Hæc omnia Iosephus. *Hegesipp. de excid. Hieros. li. 2. c. 5.* Hegesippus addit Herodem mœrore animi consumptum interiisse: Porro huius diuinæ planè in Herodem, & Herodiadem ultionis causam si quis altius petat, non in Agrippæ foelicitatis inuidenciam eam reiiciet, sed tùm ob Iohannem Baptistam immaniter occisum: tùm etiam ob Christum ab eo spretum, ac malè habitum hæc prædictos passos esse, neminem puto non intelligere. Sicut enim ipse Christum Dominum, Scribis constanter accusantibus, non defendit, neque innocentem ex manibus eorum eripuit, sed contempsit illum cum exercitu suo, & illuc vestiens illū veste alba: ita & ipse accu-

accusatus coram Imperatore se defendere nō potuit, & ab eo contēptus, spoliatus est veste regia, & regno, & missus in exilium, ubi mērore confectus est.

De Pontio Pilato, sub quo passus est Dominus, qui sibi miserabili exitio mortem intulit. Cap. 333.

Sub Olympiade ducentesima quarta, anno tertio Caij Imperatoris, Pilatum quoque olim Iudææ Procuratorem miseranda morte interiisse, Eusebius scribit his verbis: Pontius Pilatus in multas incidēs calamitates, propria se manu interfecit, ut scribunt Romani Historici. hæc Eusebius. Affirmat id ipsum Cassiodorus in Chronico. Viennæ autem in Gallijs id cōtigisse eū multi referant, Ado eiusdem ciuitatis Episcopus in hunc modum rem scribit: Pilatus, qui sententiam damnationis in Christum dixerat, & ipse, perpetuo exilio Viennæ recluditur; tantisq. ibi irrogante Caio languoribus coarctatus est, ut sua se transuerberans manu multorū malorum compendii mortis celeritate quæsierit. Denique consentiunt omnes, Pilatum summa desperatione actum, sibi necem intulisse.

Euseb.

*Cassiodor.
in Chron.
Ado in
Chronico.*

De Legatione Philonis ad Caium, qui iusserat poni sibi statuam in templo, ut pro Ioue adoraretur. Et quo modo iusto Dei iudicio Iudæi, qui verum & summum Dominum recipere noluerunt, coguntur recipere infandum Caij Idolum. Cap. 334.

Anno Christi quadagesimo secundo, Caij Imperatoris quarto, Philo Hebræus vnā cum collegis Alexandriæ agentibus, legatus ad Caium Imperatorem mittitur, ab Alexandrinis vero alij missi legati (inter quos Apion Grammaticus, Iudæorum insensissimus hostis) ad Imperatorem aduersus eosdem legantur. Rem gestam summatim, sic Iosephus complectitur: Cum inter Iudæos, & Græcos Alexandriam habitantes exorta esset seditio; terni ab utraque parte electi legati ad Caium missi sunt, Apion vero, Alexandrinorū legationis Princeps, multa in Iudæos iactauit crimina, interq. cetera, quod Cæsarem non prosequerentur debitis honoribus. Nam cum quāmlate patet orbis Romanus, Caio exstruantur templa, & altaria, & pari honore colatur cum ceteris numinibus, solos istos turpe putare, dedicare illi statuas, aut iurare per nomen Cæsaris: his acerbe inuecto Apione, multisq. alijs, quæ ad exasperandum Caium facerent, Philo Iudæorum legatis prior, vir per omnia clarissimus, Alexandri Alabarchæ frater, & non imperitus Philosophiæ, parabat causam suæ gentis agere: sed repulsus est à Cæsare, iubente illum abire, & per iracundiam vix temperante ab iniuria: quapropter eiectus conuitio, conuersus ad Iudæos affectatores: nunc, inquit, oportet bono esse animo, quando Caius iratus est, nunc enim Deus contra illum aderit. hæc Iosephus.

*Ioseph. ant.
li. 18. c. 10.
Philo leg.
ad Caium.*

Cumq. Caius in proposito persisteret, ut vellent, nollent Iudæi, poneret sibi Colossum in aditis intimis Templi, ascito in titulo Iouis cognomine; & dum statua hæc Caij collosæa Sidone pararetur, Petronius Syriæ præfectus honoratioribus Iudæorum sacerdotes, & magistratus euocat indicaturus eis Caij mandata, simulq. suasurus, ut patienter ferant iussa Domini, & cauere mala imminētia: paratū enim esse robur exercitus Syriaci ad edendās per totam eorum regionē strages maximas; putabat enim si horū præmolliret ani-

H h 2 mos,

mos, posse per eos moueri ad obsequiū ceteram multitudinem. Sed valde sua opinione deceptus est: percussī enim ad primam eius rei memoriā, tanquam in praesenti calamitate obmutuere, quasi ē fonte profundendo lachrymas, capillos, barbasq. vellendo cum lamentis huiusmodi: En, quo nimis beati senescendo peruenimus, ut quod nemo maiorum vnquam vidit, nos spectaremus. quibus tandē oculis? hos enim prius abijciemus cum ærumnosa vita, & miserabili, quā tantum nefas inspicimus, quod nec auditus, nec mens sustinet. Interea qui in sancta vrbe, ceteraq. regione famam huius conatus audierant, velut de cōmuni sententia coorti, tesserā dante dolore publico, profecti sunt vno agmine desertis oppidis, castellis, & ædibus; continuatoq. itinere venerūt in Phēniciā, vbi tunc agebat Petronius. Id Petroniani quidā conspicati cursim ei renuntiarunt, cauere sibi à turbis, infestum agmen existimantes: moxq. nullis stipata satellitijs multitudo Iudæorū, ceu nubes repente superuenit, totam Phēnicē occupans, ut miraculo esset nescientibus gentis frequēciam. Ac primum tantus clamor cum fletu, planctūq. sublata sunt compellationes, ac preces, quales dictare solent calamitosa tempora: erant autem distributi in sex ordines seniorum, iuniorum, puerorum: rursus alia parte anuum, mulierum, Virginum. Vbi vero Petronius in loco superiore conspectus est, vniuersi ordines velut ad vnum edictum humi procumbunt supplices cum eiulatu quodā flebili: iussiq. surgere, & accedere propius, vix tandem surrexerunt, & conspersi multo puluere, defluentesq. lachrymis accedebant, reductis in tergū, more damnatorum, ambabus manibus. Tum Senatus 72. seniorum humi procumbens, manusq. retrō reflectentes, ostendebat illi vxores, liberos familiasq. mērentes: simulq. ipsi singultibus, lachrymisq. precabantur Petronium, ne quid in Templū nouum fieret. Dum sic impij Iudæi torquebātur, credendum est fideles Iudæos, qui Christo crediderant, exprobrasse contribulibus suis, & accepta occasione ad memoriā reuocasse execrandū facinus in Christum innocentissimū, & de omnibus optime meritum, perpetrātū, quod illum primum abiēcissent, ac in crucem agendū clamassent: Tolle hunc, crucifige: nam, & illud ipsum crucis Christi voluebatur tempus, nēpe paschale, quo fruges in Iudæa maturæ iam erāt ad messem, cum hæc corā Petronio facta sunt (ut idem Philo paulo inferius tradit) Paschali enim tēpore manipulus spicarū offerebatur. Adieciſſe insuper, quod cum Deum, & Regem Christum negantes se non nisi Cæsarem habere regem contestati essent, iuste modo digneq. & Cæsarem Regem, & diuinitatem ambientē experirentur: ac deniq; quod qui contempnissent, carceri mācipassent, ac flagellis subiecissent salutis viam admonentē Petrum, Petronium adire, pedibusq. illius aduolui, & colla subijcere cogerentur. Adhuc etiā addidisse, hæc ipsa, & his maiora à Christo prædicta fuisse, nimirum abominationē desolationis in templo esse videndam, ciuitatē sanctam expugnandam, Templumq. excidendum. Hæc q. & alia id genus commemorasse, non quidem insultantes, sed cōmiserantes, & cum flentibus flentes, sicut olim Ruben fratribus suis calumnias patientibus in Aegypto, & hæc loquentibus dixerat: Merito hæc patimur, quia peccauimus in fratrē nostrum, videntes angustias animæ illius, dum deprecaretur nos, & non audiuiſſus; idcirco venit super nos ista tribulatio: nunquid non dixi vobis, nolite peccare in puerū, & non audistis me? en sanguis eius exquiritur. Eodemq. rursus summis à Deo precibus cōtendisse putamus (ut olim Ieremias, Daniel,

Daniel, & alij viri sancti fecere) ne tam cito de rebellante sibi populo vindictam sumeret, sed adhuc expectaret, si forte admissi sceleris poenitentes, viam salutis ingredienti, quod fecerant plurimi, Christum quem eiecerant, avidius reciperent, ac predicarent; quorum precationibus etiam factum existimamus, ut Caij consilium irritum redderetur, & flagellum imminens differretur.

Diuina in Iudeos ultio. Cap. 335.

Ad mirationem quidem dignum est, quantopere Iudeos hoc tempore ultio diuina vexarit; non tantum his perturbationibus tum in Aegypto, tum etiam in Syria agentes exagitans, sed trans Euphratem apud Babylonem habitantes maxima omnium clade afficiens. Qui etenim Babylone male habitati fugerunt Seleuciam, conspirantibus simul Syris cum Graecis illic agentibus omnes, qui ibi erant, supra quinquaginta millia virorum ex improviso occisi sunt, adeo ut ne ullus quidem euaserit, nisi quem amici aut vicini seruauit misericordia: hanc Iosephus. Pluribus lentis velut passibus in eos indignatio diuina procedens sic primum, & eos qui sub Romano essent imperio, & qui apud externas nationes essent, afflixit. Peccauerant quidem in Christum, non tantum qui Hierosolymis agebant Iudei, sed & ceteri omnes aequè in eum insanientes, & cruci affigendum clamantes, à Pilato istud ipsum clamoribus extorquentes. Ceterum quoniam qui Hierosolymas ac Iudeam habitabant Iudei, longe grauius deliquisse videbantur, quod tandem admoniti Christi miraculis tantam gratiam contempnissent, nec Apostolorum predicatione respuissent, grauioribus relinquuntur plectendi supplicijs, illis ipsis scilicet, quæ in eos obuentura Christus ante prædixerat; vasa enim illa iræ Dei in ipsos effundenda, ac penitus consummanda ad tempus dilata, diuino consilio seruabantur, ut interim ex his aliqui per Euangelij predicationem salui fierent, sicut est in psalmis: Dedisti metuentibus te significationem, ut fugiant à facie arcus, ut liberentur dilecti tui.

*Ioseph. ant.
lib. 18. c. 12*

Sed consideratione quoque digna res est, Deum optimum maximum eodem tempore, quo in Iudeos gladium iræ suæ caput exerere, gentes sibi conciliare cepisse, illisq. ad salutem per baptismum aditum reuerasse, cum Petrum in primis, tam patenti diuinitus ostensa visione de illis admonuisset. Sed quo magis magisque ex gentibus colligenda propagaretur Ecclesia, quem ad hoc opus elegerat, Paulum adhuc Tharsi agentem (& quod dictum est de Ieremia) quasi sagittam electam, adhuc in sua pharetra latitantem, Deus ad faciendam, quod habet psalmus, vindictam in nationibus, & increpationes in populis, educere in medium festinauit, ut factum est.

Ierem. 1.

Sed reuertamur ad id, quod supra dictum est à S. Luca, quod Paulo, & Barnaba docentibus, illis diebus fideles credentes primū Christiani nominati sunt.

De dignitate, & sublimitate Christiani nominis.

Cap. 336.

Quod ad res pertinet Ecclesiasticas, reuerato semel aditu gentibus ad Christi fidem, Antiochiæ primum ex gentibus magna facta est accessio *Act. 11.*
H h 3 fide.

AR. c. 11.

fidelium ad Ecclesiam, adeò vt ibi primum Christianum nomen exortum fuerit, & feliciter propagatum. Quibus vero progressibus hæc facta sint, Lucas his verbis significauit: Erant autem ex discipulis viri Cyprij, & Cyrenæi, qui cum introissent Antiochiam, loquebantur ad Græcos, annunciantes Dominum Iesum, & erat manus Domini cum eis, multusq. numerus credentium conuersus est ad Dominum. Peruenit autem sermo ad aures Ecclesiæ, quæ est Hierosolymis super istis, & miserunt Barnabam vsque ad Antiochiam. Qui cum peruenisset, & vidisset gratiam Dei, gauisus est; & hortabatur omnes in proposito cordis permanere in Domino, quia erat vir bonus, & plenus Spiritu sancto, & fide. Et apposita est multa turba Domino. Profectus est autem Tharsum, vt quæreret Saulum, quem cum inuenisset, perduxit Antiochiam, & annum totum versati sunt ibi in Ecclesia, & docuerunt turbam multam, ita vt cognominarentur primum Antiochiæ discipuli, Christiani. hæc Lucas. In sede igitur Petri felicissimum nomen Christianorum est auspicatum. Qua de re Ignatius: Simus digni cognomento, quod accepimus. Qui & alio nomine appellatur, hic non est Dei, non accepit prophetiam loquentem de nobis: Et vocabitur tibi nomen nouum, quod os Domini nominauit, & erit populus sanctus. Hoc autem nomen à Christo seu chrismate, idest regali vnctione, deductum est.

Ignat. ad
Magn. epif.
6.

Isa. 64.

Greg. Nyss.
ad p. off.
Christ.

De nominis Christiani excellentia, cum tam multa, magnaq. à sanctis Patribus sint prædicata, vna tantum Gregorij Nysseni sententia scripta hic referenda est: Participatione, inquit, Christi Christiani appellationem sortiti sumus: ita, & per consequens conuenit omnium quoque sublimium nominum nos asciscere communionem, & societatem, vt quemadmodum in catena, qui eum, qui in extremitate est, anulum attraxerit, eos, qui continet inter se cohærentes necesse sit attrahi.

De nomine Fratrum, Sanctorum, Fidelium, & Credentium.

Cap. 337.

Matth. 23.
Luc. 22.

Ioan. 20. 21

Tertull. in

Apolog. ca.

39.

Licet vero peculiare, propriumq. nomen credentium fuerit, vt Christiani appellarentur, tamen alijs quoque nominibus, quibus antea ab iisdem Apostolis, nominati reperiuntur, & frequentius dicti Fratres: qua nomenclatura sæpe vsus est Christus, & Apostoli frequentius, idemq. perseverauit in Ecclesia; sic & fraternitas, ipse Christianorum cœtus dictus reperitur. Cuius nominis cum infamarentur à Gentilibus, Tertullianus rationem reddidit in hæc verba: Sed, & quod fratres nos vocamus, non aliàs opinor, infamât quàm quod apud ipsos omne sanguinis nomen de affectione simulatum est. Fratres autem etiam vestri sumus iure naturæ, matris vnus, & si vos parum homines, quia mali fratres. At quanto dignius fratres, & dicuntur, & habentur, qui vnum Patrem Deum agnouerunt, qui vnum Spiritum biberunt sanctitatis, qui de vno vtero ignorantie eiusdem ad vnâ lucem expirauerunt veritatis. Sed eo fortasse minus legitimi existimamur, quia nulla de nostra fraternitate tragœdia exclamat, vel quia ex substantia familiari fratres sumus, quæ penes vos ferè dirimit fraternitatem. Itaq. quia animo, animaq. miscemur, nihil de rei communicatione dubitamus: omnia indiscreta sunt apud nos, præter vxores: in isto loco consortium soluimus, in quo solo ceteri

teri homines consortium exercent; qui non amicorum solummodo matrimonia usurpant, sed, & sua amicis patientissime subministrant, ex illa credo maiorum, & sapientissimorum disciplina Græci Socratis, & Romani Catonis, qui uxores suas amicis communicauerunt, quas in matrimonium duxerant liberorum causa, & alibi creandorum, nescio quidem an inuitas: quid enim de castitate curarent, quam mariti tam facile donauerant? O sapientia Atticæ, ò Romanæ grauitatis exemplum! Leno est Philosophus, & censor, quid ergo mirum, si tanta charitas conuiolatur? hæc Tertullianus. His similia Athenagoras Philosophus Christianus, Iustinus, & Minutius Felix, cū eandem à gentibus calumniam illatam refellunt. Ex Platonis enim Republica erat prædictorum fraternitas, qui sicut conciuēs omnes fratres appellat, sic & uxores inter eos voluit esse communes.

Rursum verò, qui olim Christiani, ijdem nominabantur Sancti. Vnde, Paulus ad Romanos Christianos scribens: Omnibus, qui sunt Romæ vocatis sanctis. & alibi: Proficiscar Hierusalem ministrare sanctis. & illud: Salutate vos omnes sancti. Itemq. Salutate omnes sanctos. Vel cum ait, coram Agrippa Rege: multos sanctorum ego in carceribus inclusi. Lucas itidem: Petrus cum transiret vniuersos, deuenit ad sanctos, qui erant Lyddæ. Eo etiā nomine vsi sunt posteri, Ignatius, Polycarpus, Tertullianus, & alij. At demum obtinuit vsus, vt illi tantummodo sancti in Ecclesia dicerentur, qui eminentiori, probatiori, fulgerent sanctitate. Apud Græcos autem, vt auctor est Plutarchus, Hosij, hoc est Sancti, honoris causa dicebantur sacerdotes. Nominabantur olim Christiani etiam Credentes, cuius nomenclaturæ plura sunt exempla. Itemq. Fideles, quod nomen ad posteros dilapsum est, & frequentius usurpatum, præsertim Romæ, vbi (vt auctor est Ambrosius) qui baptizati sunt, Fideles nominari consueuerunt: videasq. in vsitatis eiusdem Ecclesiæ precibus Christianos ferè semper appellari, fideles. vnde & Pontius Diaconus in vita Cypriani: Quid, inquit Christiana plebs faceret, cui de fide nomen est?

De nomine Catholicorum. Cap. 338.

Sicut credentium Christo fuit nomen peculiare, vt Christiani dicerentur, ita, & ijdem cognomen est inditum, vt & Catholici nominarentur. Cū enim, vt vidimus, & hæretici Christiano nomine iactanter gloriarentur, ad distinguendos veros à falsis, Catholicum est nomen inuentum, & id quidem temporibus Apostolorum: nam eorum auctoritate vera Dei Ecclesia in eorum symbolo, Catholica est cognominata, vt ea discriminatione nominis ab hæreticorum conuenticulis cognosceretur esse distincta. Agens Pacianus aduersus Nouatianos, hæc ait de Catholico nomine: Christianus mihi nomen est, Catholicus vero cognomen: Illud me nuncupat, istud ostendit: hoc probor; inde significor. Et si reddenda postremò Catholici vocabuli ratio est, & exprimenda de Græco interpretatione Romana, Catholicus, vbiq. vnum, vel vt doctiores putant, obedientia omnium nuncupatur. Et paulò post: Ergo qui Catholicus, idem obediens, idem est Christianus, atque ita Catholicus Christianus est.

Athenag.
orat. pro
Christian.
Iustin. ora.
ad Anton.
Pisum.
Minut. in
Ostau.
Clem. Ale.
5. Strom.
Lect. lib. 3.
c. 21.
Ath. 4. 5.
19.
1. Thess. 11
Ath. 26.
Plutarch. de
orat. defect.
in fin.
Ambros. de
sacram. li.
1. c. 1.

Pacian. ad
Simprom.
Nouat.

Thadaus Christi Discipulus Abagarum Regem ad fidem conuertit. Cap. 339.

*Euseb. li. 1.
hist. eccl. 13.*

Hoc etiam tempore, anno scilicet 43. à Christi natali, ut Eusebius auctor est, Thadæus, unus ex septuaginta duobus discipulis, Edessam Syriæ profectus, Abagarum Regem, atque populum Edessenum ad fidem conuertit: hæc autem ut facta sunt, Eusebius his verbis describit. Postquam Iesus assumptus fuit, Iudas, qui & Thomas dicebatur, Thadæum Apostolum vnum ex septuaginta, ad Abagarum misit, qui eo profectus, ad Tobiam Tobiae filium diuertit. Vbi vero fama de illo passim manasset, & miraculis ab eo editis esset conspicuus, Abagaro nunciatum est Apostolum illuc à Iesu, sicut per litteras antea scripserat, aduentasse. Caput ergo Thadæus per virtutem, & potentiam Dei, cuiq. morbo & languori medicari, sic ut omnes in magnam traduceret admirationem. Simulatq. Abagarus magnas, incredibiliterq. res gestas, & miracula ab eo edita audiisset, & quo pacto per nomen, & virtutem Iesu Christi, morbum quemquam depelleret, confestim secum cogitare cepit illud eundem esse, de quo Iesus per Epistolam ita significauerat: Postquam receptus fuero ad eum, qui misit me, quendam ex discipulis meis mittam ad te, qui te morbo afflictatum recreet, & ad integram valetudinem restituat. Accersito igitur Tobias, apud quem diuersabatur, dixit: Accepi virum quendam præpotentem Hierosolymis huc accessisse, qui domi tuæ iam commoratur, multasq. in nomine Iesu facit curationes. Hic respondit: Sanè quidem Domine, hospes, qui huc aduenit, apud me est, & multa edit miracula. Tùm ille: Adduc eum, inquit, ad me: Tobias autem rectà ad Thadæum se conferens, dixit illi: Abagarus huius loci princeps, ubi me ad se acciuerat, iussit, ut te ad ipsum adducerem, quo morbo, qui eum cruciat, curationem adhibeas. & Thadæus: Eamus, inquit, quoniam reuera ad eum missus sum.

Postridie ergo primo mane Tobias assumpto secum Thadæo perrexit ad Abagarum. Ut autem venit, cum iam Proceres Abagari ei presto assisterent, extemplo in ipso ingressu magnum quoddam, & illustre visum in vultu Thadæi Apostoli elucere Abagaro cernebatur: quod cum Abagarus conspiceret, supplex Thadæum adorauit. Admiratio omnes, qui aderant, amplexa est; Illi enim visum, quod soli Abagaro apparuit, minime cernebant; qui etiam à Thadæo sciscitabatur: Tunc vero discipulus es Iesu filij Dei, qui sic mihi per litteras pollicitus est: Mittam ad te quendam ex discipulis meis, qui omnem morbi tui ægritudinem leuet, & tibi tuisq. vitam largiatur? Cui Thadæus: Quoniam inquit, magnam fiduciam in Domino Iesu, qui misit me ad te, collocaſti, ob eam causam ad te missus sum. Et rursus: si fides quam in illum contuleris, magis magisque creuerit, mentis tuæ postulata tibi, ut credideris, euenient. Ad quem Abagarus: Sic, inquit, in illum credidi, ut vellem maxime Iudæos, qui eum crucifixerunt, exercitu ad eam re collecto prorsus è medio tollere, si Romanorum Imperium non esset meo instituto impedimento. Et Thadæus: Dominus noster, inquit, & Deus Iesus Christus voluntatem sui Patris expleuit, quod ubi ab illo factum fuit, ad Patrem denuò assumptus est.

Cui

Cui Abagarus: Et ego, inquit, in illum credidi, & in Patrem eius. Tum Thadæus: propterea, inquit, in nomine ipsius Domini Iesu manum super te pono. Quod ubi fecerat, è vestigio morbo, & calamitate, quæ diuexabatur, releuatus est. Abagarus igitur magnopere miratus, quod sicut de Iesu auribus acceperat, sic per discipulum eius, & Apostolum Thadæum, qui illum absque medicamentis, & herbis integre valetudini restituisset, re ipsa comperiebat. Atque non modo hunc, sed Abdum etiam filium Abdi, podagræ doloribus oppressum, ad pristinā valetudinem reduxit. Qui cum Thadæum adiret, abiecit se ad pedes illius, cuius manum cum corpori suo haberet impositam, quod ei in optatis erat, affecutus, penitus conualuit. Complures item alios illorum conciues idem Apostolus ex morborum molestijs eripuit, magnas res gessit, & cū primis admirabiles, verbum Dei passim diuulgauit. Post ista Abagarus: Tu Thadæe, inquit, virtute Dei id facis, nobisq. magnam excitas admirationem. Verū deinceps de aduentu Iesu quo pacto contigerit, & de eius potentia, & qua tandem virtute constitauerit ea, quæ fama, & creber hominum sermo ad nos pertulit, mihi quæso oratione explica.

Et Thadæus: In præsentia, inquit, silebo: sed quoniam ad verbum Dei prædicandum missus sum, cras mihi omnes ciues tuos congrega, & inter illos palam verbum Dei exponam, ipsum vitæ sermonem inter eos disseminabo, atque adeo de aduentu Iesu, qua ratione acciderit, de eius ad terram missione, & cur à Patre in mundum missus sit, vberius disseram: quin etiam de virtute rerum ab illo gestarum, de mysterijs, quæ in mundo locutus sit, qua vi, & potentia ipsa transigeret, de noua, & inaudita eius prædicatione, de abiectione, & contemptu sui ipsius, de humilitate exterioris hominis, qui cuiusq. oculis patebat, quo pacto etiam se ipsum deiecerit, mortem obierit, atque adeo diuinitatem aliqua ex parte imminuere visus sit: quæ à nefarijs Iudæis perpeffus, quomodo in crucem actus, qua denique ratione ad inferos descenderit ille, sed cum ingenti multitudine ad Patrem suum, ascenderit: quo pacto ad dexteram Dei Patris cum gloria in cælis assideat: quemadmodum cum splendore, & potentia ad sententiam de viuis, & mortuis ferendam venturus sit, aperte explanabo. Abagarus ergo præcepit, vt prima luce ciues sui in vnum conuenirent, Thadæum concionantem attente audituri. Paulò post auro tūc cælato tūc rudi, & informi illum donari mandauit. At ille respuit, sic fatus: Si nostra prorsus dereliquimus, quomodo accipiemus aliena? Ista quadragesimo tertio anno post Christum natum gesta sunt. Quæ sanè non absque fructu, & vtilitate ex Syriacæ lingua ad verbum conuersa, opportuna sint in hunc locum conclusa. Hæc Eusebius.

Agrippa Rex, Iudaicæ Religionis obseruatissimus, vexabat, vt poterat Christi fideles. Percussit autem Iacobum fratrem Ioannis gladio, cuius mors gratissima extitit incredulis Iudæis. Cap. 340.

DE Iacobo hoc Maiore, filio Zebedæi, fratre magni Ioannis ex multis, quæ magnifice gessit, pauca sciuntur, quorum aliqua referre locus ad-

admonet ex Ecclesiasticis monumentis, & nouo Testamento, item Eusebio, & alijs grauissimis Auctoribus.

Matt. 4.

Marc. 3.

Matt. 17.

Matt. 9.

Matt. 26.

Bren. Rom.

Euseb. lib.

2. hist. c. 9.

Iacobus Zebedæi filius, Ioannis Apostoli germanus frater Galilæus, inter primos Apostolos vocatus cum fratre, relictis patre, ac retibus, secutus est Dominum, & ambo cum Iesu Boanerges, idest, tonitruum filij, sunt appellati. Is vnus fuit ex tribus Apostolis, quos Saluator maxime dilexit, & testes esse voluit suæ Transfigurationis, & interesse miraculo, cum Archisynagoga filiam à mortuis excitauit, & adesse, cum secessit in Montem Oliueti, patrem oraturus, antequam à Iudæis comprehenderetur.

Verum Iacobus post Iesu Christi ascensum in cælum, in Iudæa, & Samaria prædicans eius diuinitatem plurimos, in quibus Hermogenem, & Phile-tum magiæ deditos ad Christianam fidem conuertit, qui postea à dæmone decepti iterum in Aegyptum redierunt.

Quæ vero eiusdem Beati Apostoli martyrium præcesserint, his verbis ex Clemente Alexandrino scribit Eusebius. Eodem tempore (Claudio videlicet iam summam rerum administrante, quando dira fames erat) misit Herodes Rex, ut affligeret quosdam de Ecclesia: occidit autem Iacobum fratrem Ioannis gladio.

De isto Iacobo Clemens septimo libro *ὑπομνήσεων* historiam plane memorabilem inserit, eamque narrat quasi ex traditione maiorum acceptam: nimirum, eum ipsum, qui Iacobum in iudicium adduxisset, cum testimonium Christo illum tam liberè perhibentem cerneret, ea re commotum, se etiam Christianum ingenue confessum esse. Igitur ambobus vnà ad supplicium adductis, hunc inter eundem à Iacobo postulasse veniam, & Iacobum dixisse: Pax tibi: illumque osculatum esse. Et hinc tandem verumque securi percussum vitam deferuisse, cum paulò ante ipse Beatus Apostolus paralyticum sanasset. Corpus eius postea apud omnes in confesso est Compostellam translatum, summa ibidem celebritate coli, conuenientibus eo religionis, & voti causa ex toto terrarum orbe peregrinis.

De eodem Apostolo agit Suidas in Herode: Græci in Menologio pridie Kal. Aprilis his verbis:

Sancti Apostoli Iacobi, fratris Ioannis Theologi, qui propter Christianæ fidei confessionem ab Herode Rege securi percussus est.

Romanum vero Martyrologium de eo ita octauo Kal. Augusti.

Sancti Iacobi Apostoli, fratris Beati Ioannis Euangelistæ, qui propè festum Paschatis ab Herode Agrippa decollatus est: Eius sacra ossa ab Hierosolymis ad Hispanias translata, & in vltimis earum finibus apud Galleciam recondita, celeberrima earum gentium veneratione, & frequenti Christianorum concursu Religionis, & voti causa illuc aduentantium piè coluntur.

Iaco-

Iacobus maior, frater Ioannis propter insignem eius sanctitatem Iudæis non placens, in dispersione facta sub Stephano secessit in Hispanias. Reuersus, protomartyr Apostolorum factus est, multisq. honoribus post mortem sublimatus. Cap. 341.

Iacobus igitur post Iesu Christi ascensum in cælum, in Iudæa, & Samaria prædicans eius diuinitatē, plurimos conuertit: cito autem, & inter ceteros Apostolos primus ad necem quæsitus est: audacter enim Christum prædicabat, & ceu tonitruī filius se ipsum, ut in nube non continens secessit post dispersionem factam sub Stephano in Hispanias, obita Iudæa, Samariaq. In Hispanias eum peruenisse, ibique prædicasse, graui multorum testimonio, ac traditione confirmari potest, hodieq. monumentum extat Virgini matri constructum Cæsaraugustæ, Virginis eiusdem monitu ad Iacobum, Iacobi iussu, Templum.

In Breuiario Toletano Institutionis S. Isidori, habetur sacer hymnus, quo de eius accessu in Hispaniam agitur: ubi etiam inter alios hi versus descripti habentur:

Magni deinde filij tonitruī,
Adepti fulgent prece matris inclytæ
Vtrique vitæ culminis insignia,
Regens Ioannes dextra solus Asiam,
Et læua frater positus Hispaniam, &c.

Beda etiam in collectaneis, Iacobum hunc in Hispanias esse profectum testatur. Id ipsum Turpinus in libro de rebus gestis Caroli Magni Imp. id denique Callistus Papa Secundus (eius enim nomine litteræ Apostolicæ scriptæ reperiuntur) affirmare videtur.

Ferunt Apostolum ipsum, nimirum, sicut Ioannem, virginem permansisse. Sunt, & alia plura, quæ incerto Auctore scripta ferantur, non tamen prorsus contemnenda, de conuersione Magorum Phileti, & Hermogenis, horum namq. meminit Paulus ad Timothæum scribens: Scis, inquit, hoc, quod accersiti sunt à me omnes, qui in Asia sunt, ex quibus est Philetus, & Hermogenes. De Phileto etiam sequenti capite in hæc verba, de hæreticis loquens: Sermo eorum, ut cancer serpit: ex quibus est Hymenæus, & Philetus, qui à veritate exciderunt, dicentes resurrectionem esse iam factam, & subuerterunt quorundam fidem. Sicut enim Simon Magus, licet initia- tus sacro Baptismo, tamen ad magiam reuersus, contra Apostolos bellum iniit; ita etiam, & dicti Magi Philetus, & Hermogenes fecisse visi sunt, dum primo per Iacobum ad fidem conuersi, inde vero à fide excidentes, aduersus Ecclesiam pugnantes, hæresim statuerunt.

Mirandum est hac in re Dei iudicium, qui istum Apostolum statim Herodis pati sententiam voluerit, Petrum, ceterosq. Apostolos referuans. Causam vero esse posse dici potest, ut ille in condemnationem Iudæorum occisus sit, hi doctrinæ Domini referuati sint, sicut Vrias Propheta ex Aegypto, quo suggerat, reuocatus, iussu Regis Ioakim gladio percussus est; Jeremias non item, qui iam tenebatur in carcere.

Debe-

Ad. 8.

*Baron. in
Martyrol.
25. 1. 1.*

*Epipha. ha-
ref. 58.*

*2. Tim. 1.
9. 2.*

*S. Hier. lib.
5. in c. 25.
Jerem.*

Jer. 26.

Lorin. ibid.

Debetur sanè Stephano titulus Protomartyris : at est inter Apostolos protomartyr Iacobus proprie quodammodo datus ceteris in exemplum Apostolis , nec ut ille furentis impetu populi , sed condicto , latoque damnatus à Rege iudicio , propter eam , quæ adiecta est , causam , & ob alia mirifica facinora , seu in Hispania , seu in Hierusalem facta .

Iam vero Iacobus tam cito ex hac vita subductus , & ad dexteram in Regno admissus , relicta fratri sinistra longioris istius inferioris æui , quo pauciores , minoresque hic viuens honores consequi ei licuit , hoc maiores , ac plures mortuus consecutus est , non ab Hispanis modo , apud quos iacet , sed ab vniuerso orbe Christiano , qui religiose ad sacrum ipsius corpus visitandum peregrinatur , experiens ingentem vim diuinorum beneficiorum : qua de re permulta extant testimonia in Hispaniarum historijs .

Sanctarum Reliquiarum S. Iacobi in Hispaniam translatio . Patronus fit totius Hispania . Compostella in Episcopalem dignitatem erigitur . Cap. 342

Compostellanæ Ecclesiæ monimentis traditur S. Iacobi , Zebedzi filij , corpus ex vrbe Hierosolyma per vastissimum mare singularem Dei prouidentia aduectum , ad extremas Hispaniæ oras appulisse . Cumque in Irix Flauix (quod est Galleciæ oppidum) portu primum constitisset , non longe ab eo portu , in loco , qui nunc Compostella dicitur , conditum , ob frequentes persecutiones longo tempore latuisse . Sacrum hunc thesaurum Alphonso Rege Legionis (qui ob insignem pudicitiam Castus dictus est) diuinitus indicatum , idem Rex insigni basilica , alijsque regijs donis exornauit .

Ab eo tempore multis , magnisque miraculis S. Iacobi memoria nobilitari cæpta est . Ipse etiam gloriosissimus Apostolus in difficillimis prælijs palam se conspiciendum præbens , Hispanos aduersus infideles pugnantes mirifice iuuat . Quare factum est , ut vniuersa Hispania S. Iacobum præcipuum sibi patronum diuino munere concessum , adsciuerit , & usque ad hunc diem imprimis coluerit . Ceterum tanti Apostoli crebra miracula non modo intra Hispanias , sed in omnibus etiam Christianis prouincijs celebrata fuerunt , ut quemadmodum Hierosolymam , ad sepulchrum Domini , & Romam ad Apostolorum limina , sic etiam Compostellam , ad S. Iacobi reliquias vndique confluant Religionis , & voti causa ex toto Christiano orbe peregrini . Hucusque Compostellanæ ecclesiæ monimenta .

Leonis Papæ Tertij auctoritate , Compostella sedem , & dignitatem Episcopalem fortita est , rogatu (ut aiunt) Caroli Magni . Cum enim venerabile corpus Apostoli id temporis usque latuisset , Theodomiro Episcopo Iriensi diuinitus reuelatum est . Cuius rei fama excitus Carolus Magnus , eò peregrinationis causa , ut erat religiosissimus , profectus , deinde Leonem Papam rogauit , ut locum adeò sanctum , & venerandum Episcopali dignitate nobilitaret . Facile concessit in tam piam petitionem pientissimus Pontifex , & Iriensem Sedem Compostellam transtulit , ita tamen , ut Episcopi Iriensis titulum retineret , quod ita obseruatum est usque ad annum circiter octingentesimum septuagesimum septimum . Quo tempore Ioannes Octauus Pontifex Romanus Ecclesiam ab Archiepiscopatu Bracarensi exemiit , & Metropoli-

canam

*Io. Vas. in
Chr. Hist.
an 778.*

tanam fecit. Placuit hoc Alphonso Casto, & Ciuitatem Compostellanam Ecclesiæ illi cum alijs prouentibus, ac muneribus dono dedit, vt annotat Alphonsus Venetus ex Chronico quodā, qui ad Diui Dominici Legione seruari ait: Postremus Episcopus Irix, & primus compostellæ fuit Theodemirus vir sanctus.

Mirabilis reuelatio Sepulchri S. Iacobi apud Hispanos.

Cap. 343.

Nunc operæpretium facturus mihi videor, si quæ de ratione occultati, atque ignorati sanctissimi Sepulchri, ac de reuelatione eiusdem in historia Compostellana reperi, hoc loco subiungam (ait Ioannes Vafæus) ea vero habent ad hunc modum. Floruerat antiquitus in illo loco (de Compostella loquitur) inter Catholicæ fidei cultores Christiana religio, sed tempore persecutionis ingruente, & superba Paganorum tyrannide Christiani nominis dignitatem conculcante, totus fere Christianæ religionis cultus longo iam tempore euanuerat. In toto igitur tempore Sarracenorum, & longo etiam tempore post restitutionem fidelium, veneranda B. Apostoli tumba nullius Christiani accessu frequentata, fruticum, sylvarumq. spissitudine mansit diuissime cooperta, nulliq. vsque ad tempus Theodemiri Iriensis Episcopi, fuit reuelata, aut cognita. Sed quando optimo Deo placuit Ecclesiam suam laborantem visitare, & eius aduersitatem in prosperitatis tranquillitatem conuertere, statim tempus suo potenti imperio mutauit. Prænotatis autem Episcopis fertur successisse Theodemirus, cuius tempore diuinæ Maiestatis omnipotentia Occidentalem Ecclesiam, sepulchro tanti Apostoli reuelato, visitare, & illuminare dignata est. Reuelatio autem hoc modo facta est. Quidam namq. personati, & magnæ auctoritatis viri præfato Episcopo retulerunt luminaria in nemore, quod super B. Iacobi tumulum diuturna vetustate excreuerat, nocturno tempore ardentia multoties vidisse, ibiq. Angelos sibi frequentius apparuisse. Quo audito ipsemet ad eum locum, vbi illi se talia vidisse asserbant, accessit, & luminaria in prædicto loco ardentia proprijs oculis proculdubio aspexit. Diuina igitur inspiratus gratia præfatum nemusculum festinanter adiit, & diligenter circumspiciens, quandam domunculam marmoream, tumulum intro se continentem inter syluas, & frutices inuenit. Qua inuenta, Deo gratias referens Casti Regis Ildesonsi, qui tunc in Hispania regnabat, præsentiam incunctanter adiit, eiq. rem, vt audierat, & proprijs oculis viderat, veraciter notificauit. Ipse vero tantæ audientiæ gaudio diffusus, citato calle has partes intrauit, & ad honorem tanti Apostoli Ecclesiam restaurans, Episcopum Iriensis Sedis in hunc locum, qui Compostella dicitur, multorum Episcoporum, ac Dei seruorum, nobiliumq. virorum auctoritate, atque priuilegio regali commutauit. Hoc autem factum esse sub tempore Caroli Magni, à multis referentibus audiuius. Theodemirus vero Episcopus tanto fidentius oculos mentis ad cælestis patriæ considerationem erigebat, quanto frequentius B. Iacobum post Basilicam sibi factā miraculis, & virtutibus coruscare conspiciebat. Spe ergo cælestium præditus, aliquo interiecto tempore, vitam securus effudit finali sorte interueniente. Hæc ad

Ioan. Vaf.
ibid.

VCR.

verbum ex historia Compostellana . Hucusque Vazus .

Translatum fuit sancti Apostoli corpus ex Iria Flauia Compostellam , octauo Kalen. Augusti , quo die eius martyrij memoria ab Ecclesia , vbique iustis de causis maxima celebritate recolitur .

Fernandus Princeps bellicosus , pugnante pro eo Iacobo Apostolo , visibiliter Coimbriam à Mauris detentam gloriosa victoria obtinuit . Cap. 344.

*Rod. Tolet.
lib. 6. c. 11.*

Rex Fernandus factus Monarchus Hispaniæ vltioris, scilicet Galleciæ Asturiarum, Legionis, & Castellæ &c. Cumq. in tranquillitate secunda gauderet, congregato exercitu processit, vt Portugalliam, & Lusitaniam occuparet, quas tunc temporis Arabes detinebant. Itaque munitionibus occupatis proposuit Coimbriam, maiorem illius patriæ ciuitatem, cum Dei adiutorio impugnare, & ad petendum diuinum subsidium Ecclesiam Beati Iacobi visitauit, & implorato per triduum diuinæ auxilio Maiestatis, Beati Apostoli oraculo confortatus, contra Coimbriam exercitum congregauit, vbi fixis tentorijs circumquaque machinas, & castra lignea eleuauit. Verum Christianis viriliter insistentibus, machinis vndique quassantibus, auxilio Dei, & Beati Iacobi interuentu, murus irrumpitur Ciuitatis. Quo viso Arabes consternati Ciuitatem, & opes Fernando Principi obtulerunt. (& paucis interiectis) Eo tempore fertur Græculus ex Hierosolyma causa peregrinationis ad Ecclesiam S. Iacobi aduenisse, qui in deuotione pernoctans, audiuit indigenas enarrare, vt militem in Christianorum prælijs apparere, sed ipse licet deuotus Apostolo prædicabat non militem, sed piscatorem; cumq. in tali pertinacia permaneret, reuelatione diuina meruit intueri equum splendore conspicuum Apostolo præsentatum, & armorum insignibus decoratum, obsidentibus Coimbriam subuenire, & peregrinus, de quo diximus, visione huius certus factus, & diem, & horam captionis Coimbræ in Ecclesia Apostoli publice prædicauit, & sicut ipse prædixit, sic postea rei veritas patefecit. hæc Rodericus Ximenius. Eandem historiã

*Rod. Sanctius hist.
Hispan. p. 3.
c. 26.*

descripsit & Rodericus Sanctius, qui ait: Fernandus optimus Princeps fuit, & valde bellicosus Coimbriam in Portugallia ab Arabibus occupatam S. Iacobo visibiliter apparente obtinuit. Nam (vt ait Lucas Tudensis) dum hic Fernandus eandem Ciuitatem Coimbræ à Mauris detentam obsideret, accidit quemdam Episcopum Græcum, nomine Hostianum, limina S. Iacobi visitasse. Dum igitur ibi ea nocte dormiret, apparuit ei S. Iacobus dicens: Noli Hostiane dicere me non fore militem contra Christi persecutores, quod vt explorato habeas, ecce iam equito laturus auxilia Regi Fernando, qui per septem annos obsedit Coimbriam; & vt sis certior, conspice clauas, quibus cras hora tertia aperiā portas Ciuitatis. Qua reuelatione perterritus, facto mane Canonicis Ecclesiæ Compostellana reuelauit, & compertum est ita euenisse. hucusque ille.

San-

Sanctus Iacobus apparet equo insidens, vexillum baiulans, cuius auxilio multa hostium millia prosternuntur.

Cap. 345.

REX Ranimirus nolens otiosus à Dei seruitio inueniri, aggressus est loca Arabum, & tam in villis, quàm in agris, cuncta quæ reperi, etià Anagurum incendio concremauit. Tunc Sarraceni cum maxima multitudine occurrerunt. Exercitus autem Regis Ranimiri visa multitudine in locum, qui Clauigium dicitur, se recepit. Cum in nocte de certamine dubitaret, apparuit ei Beatus Iacobus confortans eum, ut certus de victoria, sequenti die bellum Arabibus instauraret. Cumq. diluculo surrexisset, visionem Episcopis, & Magnatibus reuelauit. Qui pro visione gratias exsoluentes, ad pugnam omnes se communiter parauerunt, Apostoli oraculo roborati. Sed ex alia parte Sarraceni de multitudine confidentes, ad prælium processerunt. Hinc inde itaque conferto prælio, Sarraceni confusione turbati Gallijs terga dederunt. Itaque ex eis ferè septuaginta millia ceciderunt. In quo bello B. Iacobus in equo albo vexillum manu baiulans fertur apparuisse. Tunc Rex Ranimirus cepit Albaidam, Clauigium, Calagurrim, & multa alia, quæ Regno adiecit. Ex tunc (fertur) hæc inuocatio inoleuit: Deus adiuua, & S. Iacobe. Tunc etiam, & donaria B. Iacobo persoluerunt, & in aliquibus locis non ex tristitia, aut ex necessitate, sed deuotione voluntaria adhuc soluunt. hucusque Rodericus. & Santius: Hic felix Rex cū Sarracenis apud Calagurrim decertauit, in quo bello sanctus Iacobus apparuit, & cæsa sunt multa millia Arabum, & Calagurra cum adiacentibus partibus in deditionem Ranimiri deuenit. Bello (inquam) apparuit S. Iacobus aperte. Merentur Catholici Principes diuina auxilia, cum infideles persequuntur zelo ampliandi legem Dei, non augendi Regna temporalia: sic Machabæis pro lege Dei sui certantibus contra Timotheum, visus est sensibiliter de cælo vir Dei Iudæis auxilium præbens, & Iudam incolumem seruans: & iterum contra Lysiam apparuit sanctus Dei de cælo in veste candida, hastam contra hostes vibrans. hæc Santius.

Sed quis enarrare poterit miracula, quæ Deus per Apostolum suum Iacobum in Hispania operatus est, atque operatur in præsens? nullus opinor. Merito itaque Cæsar Cardinalis Baronius, Sanctissimi Apostoli sepulchrum vniuerso patens Orbi, Miraculorum promptuarium, nominari posse affirmat & docet.

Ranimirus Rex S. Iacobi auxilio fretus, prænarratam victoriæ memorabilem obtinet contra Sarracenos, in quo conflictu plus quàm sexaginta millia Barbarorum cæsa sunt.

Cap. 346.

ANNO Regni secundo, Sarraceni à Ranimiro per Legatos petierunt, ut tributum Christianarum virginum, quod Mauregatus annum promiserat, ex pacto solueret, si pacem cum eis ratam esse vellet. Ranimirus re cum primoribus Regni communicata, respondit, se tam indignis pactis stare

Roderic. de reb. Hisp. lib. 4. c. 13. Vaf. Hisp. Chron. an. sal. human. 825. Alphons. à Cartag. regum Hisp. 2. nacephaleos c. 54. Franc. Zarpapha de Hisp. regib. Chrisi an. 829.

Sant. p. 3. Hisp. hist. c. 10.

Baron. 109

Vasani in obro. Hisp. an. 825.

stare nolle, atque adeo ne pacem quidem illorum velle. Quod ut re ipsa comprobaret, conscripto iusto exercitu, agros illorum vastare cepit Anagrarum usque. Sed & hostes cum numerosissimis copijs obuiam profecti, ancipiti praelio cum Ranimiro conflixere, tantisper, dum nox pugnam diremit. Christiani beneficio noctis periculo erepti, in locum editiorem (Clauium dicebatur) se receperunt, ubi de rei euentu solliciti, noctem totam lachrymis, & precationibus transegerunt, opem diuinam toto pectore implorantes. Mox Regem somno oppressum Diuus Iacobus Apostolus in somnis iubet de exitu pugnae securum esse, victoriam Christianorum haud dubie fore; se Apostolum Iacobum esse, cui tutela Hispaniae commissa sit, cuius propitium numen postero die in praelio experturi sint: Tantum animis ab omni vitiorum inquinamento saluari confessione expiatis & sacrosancto corporis Dominici sacramento communis, ad confictum postridie spe pleni procederent. Rex insomnium Episcopis, & magnatibus commemorat, qui tam faustum omen laeti accipiunt, atque Apostoli iussa diligenter faceiunt. Mox se ad praelium alacribus animis comparant, tam certo pignore freti, Dei, ac sancti Iacobi numen inuocantes. Tantamque in Sarracenos stragem edidere, ut supra sexaginta millia Barbarorum in acie caesa sint. Diuus Iacobus in eo confictu equo candido, vexillo niueo, & in eo cruce rubea conspicuus apparuit. Rex Calagurrim, & nonnulla alia municipia, atque arces finitimas recepit. Ab eo tempore receptum est Hispanis, in praelijs omnibus, praecipue si cum infidelibus, ac paganis res est, Dei, ac Diui Iacobi numen implorare, quod ipsis pro militari tessera est.

Raimirus, ne ingratus esset Apostolo pro tam insigni beneficio, de communi Praetulum, ac nobilium consilio statuit, ut pro singulis bouum iugis, certa tritici mensura, qua in soluendis primitijs vtuntur, & de singulis vini modijs altera vini, singulis annis Diuo Iacobo solueretur. Quod hodie quoque nonnullis in locis soluitur, & votum appellatur, idque vere: nam communi Regis, praesidium, magnatum, ac plebis consensu perpetuo votum est, cum durissimis execrationibus, si quis in posterum violaret. Præterea, ut in Ipolijs, ac manubijs diuidendis, Ecclesia D. Iacobi in sortem veniret, atque vnius equitis numero esset.

Extant de ea re litterae ipsius Regis Raimiri datae Calagurri mense Maio, vel secundum alios, Iunio, quo mense victoriam hanc consequutus videtur, in quibus haec omnia, quo diximus modo referuntur, & voti institutio, atque confirmatio declaratur. Quae litterae singulis annis in Ecclesijs Metropoli Compostellanae subiectis vulgo recitantur. Quin & Paschalis Romani Pontificis litteras Apostolicas vidi, Anno Pontificatus sui quarto datas, quibus ea vota confirmat. Haec Vasa.

Almanzor Sarracenus, memor acceptae cladis iterum parat bellum, iterum iuuante Iacobo vincitur. Cap. 347.

*Idem Vaf.
an. 931.*

Almanzor memor acceptae cladis, & maculam tantam abolere cupiens, non solum collecta in Hispania, sed ex ipsa usque Africa euocata, tanquam pro communi asserenda religione, infinita Barbarorum multitudine, vastandam Castellam venit. At Ferdinandus Gundisaluus Comes, cum qua-

quadringentis quinquaginta equitibus, & quindecim millibus peditum obuiam profectus, maiori eos quam prius clade affecit. Continuum est per tres dies praelium, nisi quantum nox interualli reficiendis corporibus dedit. Postremo die, Diuus Iacobus in acie visus Christianis laborantibus opem ferre. Quod Pelagius Monachus iam morte functus, in somnis Comiti futurum prædixerat. Nam Comes, priusquam tam ancipiti praelio se committeret, ad monasterium Diui Petri, de quo iam diximus, Pelagij precibus se commendaturus accesserat. Quem ut cognouit mortem obiisse, ægrè animo affectus, ab eodem in somnis confirmatus est.

Almanzor, & Sarraceni cum parietem Ecclesie S. Iacobi demoliti essent, ulciscente Iacobo morti traditi sunt penè omnibus pereuntibus. Cap. 348.

Rodericus Velasquus, & pater Pelagij Episcopi, cum ceteris Consulibus huius Prouinciæ Sarracenos cum Duce eorum Almanzore in Galleciam euocauerunt. Qui Compostellam profecti, maiorem partem parietis ecclesie S. Iacobi diruerunt, intacto tamen sacratissimo ipsius Altari. Ceterum Apostolus, ne se tantum scelus inultum abstulisse gloriarentur, tanto eos dysenteria morbo percussit, ut plurimis morbo consumptis, pauci in patriam reduces fuerint. Almanzor ubi tantam suorum cladem vidit, suos dicitur consuluisse, quisnam ille esset tantæ internecionis auctor? Qui responderunt, vnum ex discipulis filij Mariæ Virginis ibi sepultum. Quo ille audito, pœnitentia rerum gestarum ductus, fugam quammaximè potuit, accelerauit. Sed in itinere repentino correptus morbo, apud Medinam Cæli, ubi sepultus est, animam in sinum Mahometis infelicitè tradidit. Rex continuo pietate motus Compostellam venit, & ecclesiam Apostoli dirutam, Petro Episcopo adiuuante instaurauit. Qua post instaurationem consecrata, Petrus Episcopus obdormiuit in Domino.

Peregrinis penè ducentis vnà cum Comite de S. Aegidio clamantibus ante portas Oratorijs S. Iacobi, ut illas aperire dignaretur, ut vigilias ibi facerent mirabiliter ultro apertæ sunt. Cap. 349.

Nvper Comes de S. Aegidio, nomine Pontius, cum fratre suo causa orandi ad S. Iacobum venerunt. Qui cum ecclesiam ingressi fuissent, & oratorium, quo corpus Apostoli iacet, ingredi pro sui libitu non potuissent, rogauerunt ædilem, ut eis idem oratorium aperiret, quatenus nocte illa ante corpus Apostolicum vigilias facere potuissent. Cum autem suas preces effectu carere viderent (nam mos illic fuerat, ut post solis occubitu ianuæ prædicti oratorijs, donec illucesceret mane, clausæ manerent) ad sua hospitia tristes abscedunt. Quo dum peruenissent, peregrinos suæ societatis omnes adesse iubent, quibus assistentibus, dixit Comes S. Aegid. se Iacobum velle adire, illis secum pari animo comitantibus, si forte illis per semetipsum dignaretur aperire. Cumq. illi concorditer, libenterq. hoc susciperent, parauerunt sibi luminaria, quæ manibus in eisdem excubijs tenerent. Vespere itaq. facto ac-

li censis

*Ex M. S.
antiq. bibl.
Basilica S.
Petri Rom.*

censis luminaribus ecclesiā ingressi sunt viri numero fermè 200, qui venientes ante B. Apostoli oratorium eleuata voce precati sunt: Beatissime, inquit, Apostole Dei Iacobe, si tibi placet, quod nos venissemus ad te, aperi nobis oratorium tuum, vt nostras faciamus vigilias coram te. Mira res, nec dum verba finierant, & ecce eiusdē Oratorij ianux tanto strepitu insonuerunt, vt omnes qui aderant, in minutas partes eas contractas fuisse putarent. Verum inspectis illis repagula, seræ, atque catenæ, quibus obserantur, ruptæ, atque disunctæ sunt, sicq. ianux sine manibus hominum inuisibili virtute patefactæ peregrinis ingressum præbuerunt. Qui vehementer lætificati introierunt, tātoq. magis ex eodem miraculo exultauerunt, quanto euidentius B. Apostolū inuictissimi Imperatoris militem verissimè viuere probauerunt, quem tam celeriter eorū petitioni affuisse viderunt. Qua in re perpendi potest, quàm sit exaudibilis piæ petitionis, qui seruorū suorū tam benignus affuit precationi.

Petrus Ecclesiæ orationibus protectus, insigni miraculo, fractis catenis, apertis ultro portis, ab Angelo ductus, ex manibus Herodis eripitur. Cap. 350.

Act. 12.

V Idens Herodes Agrippa, quia placeret Iudæis, apposuit apprehendere, & Petrum (erant autem dies Azimorum) quem cum apprehendisset, misit in carcerem, tradens quatuor quaternionibus militum custodiendum, volens post Pascha producere eum populo. Et Petrus quidē seruabatur in carcere: oratio autē fiebat sine intermissione ab ecclesia ad Deum pro eo. Acceperat à Claudio Herodes Agrippa non tantū regnum plurium prouinciarū accessio- nibus auctum, sed ius etiā in res sacras, nimirum in templum, & sacerdotiū, sicq. non tantū ex animi sui sentētia summos Pōtifices dimouebat, & creabat; sed arbitratus se, quod prædixerat Dominus, obsequiū præstare Deo, in Apo- stolorum verticem Petrum, quasi nouis dogmatibus sollicitantem populum, è medio tollere festinat. Magno sanè terræmotu Christi Ecclesia, tunc con- curi visa est, dum ipsa petrā in Ecclesiæ fundamēto locatā in tanta agitatione conspicerent. Hinc iuges illæ fidelium omnium sunt (quod & mirandū est) pro Petro ad Deum preces effusæ. Nam etsi alios complures Apostolorū car- ceri mancipatos sæpe legamus, non tamen legimus populum adeo vehemen- ter orasse pro illis, sicut pro Petro, utpote communi omniū parente, atq; pa- store. Sed audiuit Deus orationem eorum, & vinctum suum non despexit. Cū enim, inquit Lucas, producturus eum esset Herodes, in ipsa nocte Petrus dor- miens inter duos milites, vinctus catenis duabus, & custodes ante ostiū cu- stodiebant carcerem. Vnde quæso tanta hæc diligentia, & tam exquisita cu- stodia? Iam alias ante decennium Iudæi experimento didicerant, Angelum Domini Petrum, ac ceteros Apostolos simul vinctos eduxisse de carcere. Ti- mens igitur Herodes, ne quod semel factum erat, iterum eueniret, stultè ad- modum tot artibus, Dei consiliū, ac sapientiam eludere conatus est. Sed quid- tum ille qui reprobatur consilia Principum? Ecce, inquit Lucas, Angelus Do- mini astitit, & lumen refulsit in habitaculo carceris, percussitq. latere Petri, excitauit eum dicens: Surge velociter; & ceciderunt catenæ de manibus eius. Dixit autem Angelus ad eum: Præcingere, & calcea te caligas tuas, & fecit sic. & dixit illi: Circumda tibi vestimentum tuum, & sequere me. Et
exiens

Act. 5.

Psalm. 32.

exiens sequebatur eum, & nesciebat, quia verum est, quod fiebat per Angelū: existimabat autem se visum videre. Transientes autem primam & secundam custodiam, venerunt ad portam ferream, quæ ducit ad ciuitatem, quæ vltro aperta est eis, & exeuntes processerunt vicum vnū, & continuò discessit Angelus ab eo. Et Petrus ad se reuersus dixit: Nunc scio verè, quia misit Dominus Angelū suum, & eripuit me de manu Herodis, & de omni expectatione plebis Iudæorū. Errant mea sententia, qui putant Herodianum carcerē hunc, in quem detrusus est Petrus, extra Hierosolymam ciuitatem fuisse positū sub suburbijs, & quod dicat Lucas de Angelo, & Petro ē carcere educto: Venerūt ad portam ferream, quæ ducit ad ciuitatē, quæ vltro aperta est eis: nescientes Hierosolymam ciuitatē vsque ad tempus huius, de quo est sermo, Agrippæ Regis, duplici fuisse circumdatam muro: ipsum vero Agrippam, & tertiu addere aggressum esse, sed non absoluisse. Cū igitur Petrus ē carcere ab Angelo ductus per portam ferream ingressus sit ciuitatem, satis declaratur carcerem Herodianum inter primum, & secundum murum extitisse. Ceterum Iosephus, tam in primo, quàm in secundo muro testatur fuisse erectas munitissimas turres, in quarum vnā, ad delinquentes coercendos mancipatā, Petrus cōiectus, ac vinctus fuit à militibus custoditus. Angelus igitur Petrum ē carcere non ad fugam, sed ad triumphum velut educens, non foras, sed intra ciuitatem, per portam quæ ferrea dicta est, quamuis clausam, sed diuina virtute reueratam perduxit, vt sic liber pastor relictus, sollicitum de se gregem inuideret. De hac ferrea porta Petro patefacta, hæc Arator Diaconus.

Baron. an.

44.

Ioseph. de
bel. Iud. li.
6. c. 6.

Ferrea quid mirum si cedunt ostia Petro?

Quem Deus æthereæ custodem deputat Aulæ,
Ecclesiæq. suæ faciens retinere cacumen,
Infernum superare iubet!

Venit ergo, inquit Lucas, ad domum Mariæ matris Ioannis, qui cognominatus est Marcus, vbi erant multi congregati, & orantes. Pulsante autem eo ostium ianux, processit puella ad videndum, nomine Rhode, & vt agnouit vocem Petri, præ gaudio non aperuit ianuam, sed intro currens, nunciauit stare Petrum ante ianuam. At illi dixerunt ad eam: Insanis. Illa autem affirmabat sic se habere. Illi autem dicebant: Angelus eius est. Petrus autem perseuerabat pulsans. Cum autem aperuissent, viderunt eum, & obstupuerunt. Innuens autem eis manu, vt tacerent, narrauit quomodo Dñs eduxisset eum de carcere: dixitq. Nunciate Iacobo, & fratribus hæc: & egressus abiit in alium locum.

Arat. in
A. lib. 1.

Praconia Augustini in Petri Cathenas. Cap. 351.

V Incula Petri, veluti nobilissimæ victoriæ gloriosa Trophea, omnium fere sanctorum Patrum egregijs celebrata præconijs, in Ecclesia sunt perpetua memoria apud omnes consecrata. Inter ceteros de Petri Vinculis Augustinus in illa verba: Tu es Petrus, & super hanc petram ædificabo Ecclesiā meam: Dignus certè, inquit, qui ædificandis in domo Dei populis lapis esset ad fundamentum, columna ad sustentaculum, clavis ad regnum. De hoc ait sermo diuinus: Et ponebant infirmos suos, vt vmbra saltem transeuntis Petri obumbraret eos, si tunc opem ferre poterat vmbra corporis, quanto magis nunc plenitudo virtutis? si tunc supplicantibus proderat aura quædam pertranseuntis, quanto magis gratia nunc permanentis? Meritò per omnes Chri-

August. de
Sanct. ser.
29.

si Ecclesias auro pretiosius habetur ferrum illud poenaliū vinculorum ; si tam medicabilis fuit obumbratio visitantis , quanto magis catena vincientis ? vt umbra, inquam, transeuntis Petri obumbraret eos ? si inanis quædam species vacuæ imaginis , habere potuit in se vim salutis ; quanto magis de corpore meruerunt attrahere salubritatis ferreo pondere sacris impressa, membris vincula passionis ? si ad præsidia supplicantium tam potens fuit ante martyrium, quanto magis efficax post triumphum ? Fœlices illi nexus , qui de manicis, & compedibus in coronam mutandi, Apostolum contingentes, martyrem reddiderunt . Fœlices catenæ , quæ nudatis penè ossibus inhærentes, viuas reliquias de sanguinis sudore, iam attrita carne rapuerunt ; tactusq. membrorum cruciatus sui sanctificat instrumentum, in quo dum afflicto crescit ad poenam, causa poenæ proficit ad gloriam . Fœlicia vincula, quæ reum suum vsque ad Christi Crucem non tam condemnatum, quàm consecratum miserunt .

Hæc Augustinus de vinculis Petri, licet non de illis, quibus hoc anno vinc-tus est Hierosolymis, nondum enim reperta fuerant, quæ temporibus Theo-dosij iunioris Augusti in lucem sunt prodita : sed de illis , quibus Romæ est detentus in carcere, antequam Crucis subiret supplicium .

De illis autem catenis, quibus victus Hierosolymis fuit Petrus , ac tan-dem Romam translatus, hæc cecinit Arator .

————— manet omne per ætum
Pignoris huius apex, & syderis obtinet instar ,
Corpore quod Petrus sacrauit, & Angelus ore
His solidata fides , his est tibi Roma Catenis
Perpetuata salus , harum circumdata nexu
Libera semper eris : Quid enim non vincula præstant
Quæ tetigit, qui cuncta potest absoluere ? &c.

Harum autem catenarum historiam ex antiquioribus monumentis eru-tam, recitat Metaphrastes die 1. Augusti , necnon & Surius .

De antiquo, & laudabili more primorum Christianorum, qui in periculis positi, & in tribulationibus, & quibusvis necessitatibus constituti, semper ad orationem confugiebant, & quicquid pie petebant, fiebat illis. Cap. 352.

Interim dū Petrus Hierosolymis ferreis premebatur catenis , & Herodes, vt ludæis rem gratam faceret, iusserat, vt post Pascha, coram populo interficeretur, sicut de Iacobo factum fuerat, Ecclesia , pusillus grex eorum , qui in Christum crediderant, videns in tam magno discrimine vniuersalem Patrem constitutum, orabat sine intermissione ad Deum pro eo, ad vnicum orationis refugium confugiens . Ex qua re colligitur laudabilis, & antiquus nascentis Ecclesiæ mos, & imitanda consuetudo accedendi ad Deum per orationem: quæ orandi consuetudo in ipsius Ecclesiæ decursu semper re-tenta est, omnesq. serui Dei, quotquot vnquam fuerunt, in eorum necessitatibus, in difficillimis rerum euentibus, in plagis, in tribulationibus, in periculis imminetibus semper oratione vsi sunt, & per illam accessum sibi fecerunt ad Deum, pro vitandis malis, & salute consequenda : & re ipsa mil-lies experti sunt, Deum per orationem humilem placari hominibus, & parcere illis, & asserre auxilia in tempore opportuno, vt res sit ad-mira-

miratione digna, quàm bene affectus sit Deus erga illos, qui orandi consuetudinem habent. Et in tanta æstimatione est apud eum oratio, ut penè nolit in nos effundere bona sua, nisi per orationem.

Quod serui Dei animaduertentes, summis præconijs orationem in cælum extulerunt dicentes, illam esse clauem auream, & cælestium arcarium, ubi repositi sunt cælestes thesauri, & esse columnam mundi, parentem virtutum, & cordis humani fulcimentum, & ministram gratiarum, opulentiam inexhaustam, & inuisibilem, lucrum pauperis hominis, quæ sola soluit vincula mortis, & mortuos resurgere facit, & quæ est mentium illuminatrix, & purgatrix earum, & non parcens aliquid absurdum aut sordidum habitare in animis nostris. Dum persuadet Dei reuerentiam, & docet qualis ei honor præstandus sit, & monstrat seculi imposturas, mundi insidiatoris machinationes, & dolos, & nefandorum spirituum fraudes, fugatq. noxias cogitationes, & obscæna phantasmata, mentemq. in contemptu obscænarum voluptatum firmat. orantemq. ipsum tantis ornamentis honestat, ut si quis multis virtutibus conspicuus videretur, & orationem non haberet, iste tamè nihil esse sine oratione crederetur, virtutesq. illas quis diceret aut inutiles esse, aut falsas. Oratio enim tamquam basis aliqua, omnibus virtutibus subternitur, qua ablata, statuum ruere necesse est, sicut & concusso fundamento domus ruinæ proxima est. Qui autem possidet illam, hoc tantum respectu beatus dici potest. Ut enim desiderata bona consequi possimus, indigemus oratione, sicut arbor humore, famelicus pane, oculus luce, miles enè, & piscis aqua indiget; impossibileq. prorsus esse sancti viri asseruerunt in Dei seruitio perseverare, & ambulare per vias rectas ad patriam, nisi quis perpetuam habeat comitem orationem. Sed de virtute, & omnipotentia eius plura diximus in libello nostro exercitiorum spiritualium. Nunc tantum enarrabimus, quæ de ea gloriose à Patribus tradita sunt.

De excelsa dignitate, & pulchritudine hominis orantis, & quàm sit pretiosa, opulenta, & admirabilium rerum operatrix oratio. Enarratio ex D. Io. Chrysostomo.

Cap. 353.

AD iustitiæ, omniumq. virtutum perfectionem omnes serui Dei contendere debent. Id autem cito, & præclare fit, si per omne tempus precationis, ac Dei cultui, studioq. pietatis dediti viuamus: hanc vitam, hanc sanitatem, hanc opulentiam, hanc bonorum omnium summam existimantes, vota nostra offerre Deo, sincero, puroq. corde. Etenim quemadmodum Sol lucem præbet corpori, sic animæ lumen est precatio. Proinde si cæco damnosum est, non intueri Solem, quanto grauius damnum est homini Christiano, si non assidue deprecetur, neque Christi lucem orando in animum suum inducat? Quis non obstupescat, & admiretur tantam benignitatem, ac benevolentiam, quam in nos homines declarat Deus? qui mortalibus tantum honoris largiatur, ut dignos nos habuerit, qui cum ipso colloquamur, nostraq. vota ad ipsum deponamus? Nam verè profectò cum Deo confabulamur, quoties vacamus deprecationi, per quam simul, & Angelis copulamur, & societatem, quam cum brutis animantibus habebamus, procul effu-

*Chrysost. li.
1. de orat.
Deo.*

li 3 gere

gere videmur, Angelorum enim opus est deprecatio, superans interim etiam illorum dignitatem, si tamen maius est Angelorum dignitate, colloquium miscere cum Deo. Atqui quod id sublimius sit, ipsi nos docent, multo quidem cum tremore vota sua offerentes, ceterum nobis exemplum præbentes, unde sciamus, ac discamus, quod quisquis Deum adit, multo cum gaudio, multoq. rursus cum tremore, id facere oporteat. Tremore quidem, dum metuiamus, ne videamur indigni, qui Deum precibus alloquamur: rursus gaudio repleamur, reputantes honoris magnitudinem, quod Deus mortalius genus, tanta, ac tali sua cura dignatus sit, ut assidue diuino colloquio frui liceat: per quod etiam illud assequimur, & ut mortales, & temporarii esse desinamus, natura quidem mortales, sed colloquio, conuietq. quem agimus cum Deo, ad immortalem vitam transeuntes. Necesse est enim, ut qui cum Deo familiaritatem habet, superior euadat & morte, & omnibus, quæ corruptioni sunt obnoxia. Et quemadmodum nullo pacto fieri potest, ut qui Solis radijs fruitur, non effugiat tenebras: ita nulla ratione fieri potest, quin qui cum Deo consuetudinem agit, desinat esse mortalis: siquidem ipsa dignitatis sublimitas, nos ad immortalitatem transfert. Etenim si qui cum Cæsare miscant sermones, familiariterq. cum eo versantur, & hoc honoris ab illo sunt adepti, non possunt esse pauperes: multo minus fieri potest, ut qui Deum deprecantur, cum eo familiariter colloquentes, animas habeant mortales. Nam mors animæ est impietas, ac vita pugnans cum lege diuina. Ex quo consequitur animæ vitam esse Dei cultum, ac vitam eo cultu dignam.

Porro vitam piam, ac Dei cultu dignam miris modis oratio conciliat, conciliatam auget, ac ceu thesaurum recondit animis nostris. Etenim siue quis virginitatis amore tenetur, siue quis studet amplecti honorabilem coniugij castimoniam, siue quis meditatur inijcere frænum iracundiæ, & cum mansuetudine familiaritatem habere, siue quis cupit ab inuidentiæ lue purus esse: denique si quis aliud quippiam facere studet, quod ad rectè viuendum pertinet, duce precatione, ac huius vitæ viam præparante, commodum simul, & facilem habiturus est pietatis cursum. Neque enim fieri potest, non potest, inquam, fieri, ut qui postulant à Deo pudicitiam, iustitiam, mansuetudinem, ac benignitatem, non assequantur id quod petunt. Petite enim, inquit Dominus, & dabitur vobis, quærите, & inuenietis, pulsate, & aperietur vobis. Quisquis enim petit, accipit: & qui quærit, inuenit: & pulsanti aperitur. Ac rursus alibi: Quis est, inquit, ex vobis, à quo si filius petat panem, det illi lapidem? aut si piscem postulet ille, porrigat ei serpentem? Quod si vos cum sitis mali, nostis bona munera dare filiis vestris: quantò magis pater vester cælestis, dabit Spiritum sanctum his, qui hunc ab ipso petunt? Talibus quidem dictis, ac tali spe prouocauit nos ad orandum vniuersorum Dominus. Nos vero decet obtemperantes Deo, semper omnem vitam in laudibus Dei, precibusq. transigere, maiori studio curam agentes diuini cultus, quàm vitæ nostræ. Sic enim continget, semper viuere vitam homine dignam. Quisquis enim non orat Deum, nec diuino colloquio cupit assidue frui, is mortuus est, & vita carens, expersq. sanæ mentis. Nam hoc ipsum euidentissimum est argumentum amentię, non intelligere magnitudinem huius honoris, nec amare deprecandi studium, nec hoc

*Matth. 7.
Luc. 11.*

hoc habere persuasum, quod animæ mors sit, non prouolui ad Dei genua. Quemadmodum enim corpus hoc nostrum, si non adsit anima, profectò mortuum est, ac foetidum: sic anima, nisi se ipsam incitet ad orandum, mortua est, ac misera, & grauitè olens. Quin insuper quod oporteat quauis morte tristius existimare, si quis deprecatione priuetur, pulchrè nos docet Daniel ille Propheta magnus, qui maluerit emori, quàm triduo dumtaxat arceri ab orando. Nec enim hoc ab eo exigebat Rex Persarum, vt impietatem admitteret: tantum illud obseruabat, si quis intra triduum quicquam petere deprehenderetur ab ullo Deorum, aut hominum, præterquam ab ipso. Sed Propheta ne tantulum quidem temporis sustinuit ab orando cessare: propterea quod nisi Deus propensus sit in nos, nihil omnino bonorum in animas nostras venire possit. Dei vero propensio simul adiuuat labores nostros, hosq. pulchrè subleuat, si conspexerit nos amare precandi studium, si continenter orare Deum, si viderit expectantes, omnia bona nobis illinc de fluxura.

DAN. 6.

Itaq. cum videro quempiam non amantem orandi studium, nec huius rei seruida, vehementiq. cura teneri, continuo mihi palàm est eum nihil egregiæ dotis in animo possidere. Rursus vbi quem conspexero, insatiabiliter adhærentem cultui diuino, idq. in summis damnis numerantem, si non continenter orauerit, coniecto talem omnis virtutis firmum esse meditatorem, ac Dei templum. Etenim si vestitus hominis, si pedum incessus, si risus dentiù declarat, qualis quisque sit, quemadmodum sapiens dixit Salomon: multo magis deprecatio, cultusq. Dei, signum est totius iustitiæ, cum sit ornatus spiritualis, ac diuinus, multam pulchritudinem, ac decorem concilians mètibz nostris, dum vniuscuiusque vitam componit, nec finit quicquam sordidum, aut absurdum dominari nostro animo, dum persuadet reuereri Deū, & honorem, quem illi debemus, præstare, dum docet vniuersam mali spiritus imposturam reiicere, turpes, & absurdas cogitationes profligans: denique, dum cuiusque mentem constabit in contemptu voluptatum: nam hæc superbia sola decet eos, qui Christum venerantur, videlicet, nulli seruire turpitudini, sed mentem seruare in libertate, morumq. puritate. Arbitror itaq. cunctis esse manifestum, quod simpliciter impossibile sit, absque precationis præsidio cum virtute degere, cumq. hac huius vitæ cursum peragere. Etenim qui fiat, vt quis virtutem exerceat, nisi continenter adeat, & supplex ad genua accidat ei, qui virtutem omnem suppeditat, ac largitur hominibus? Rursus qui fiat, vt aliquis concupiscat esse temperatus, ac iustus, nisi cum eo consuetudinem & colloquium habeat, qui cum hæc, tum his etiam plura exigit à nobis? Quin & illud paucis demonstrare volo, quod etiam si nos peccatis refertos precatio deprehenderit, celeriter purgatos reddit. Quid itaq. maius, aut diuinius obtingere possit, quàm deprecatio, cum hanc animis ægrotantibus pharmacum quoddam esse liqueat? Itaq. primi occurrunt Ninuitæ, quos clarum est deprecationis præsidio, plurimorum scelearum, quibus diuinam iram in se prouocarant, remissionem accepisse. Simul enim, atque illos cepit precandi studium, illicò iustos reddidit, ac Ciuitatem, quæ iam assueuerat lasciuiæ & malitiæ, breuiter vitam exlegè, & impiam viuere, statim correxerit, nimirum potentior diutina peccandi consuetudine, cum Ciuitatem illorum cælestibus legibus impleset: pariter secum

Ecclesi. 19.

Iong. 3.

trahebat temperantiam, humanitatem, mansuetudinem, curamq. pauperum. Nec enim sustinet deprecatio absque his virtutibus versari inter pauperes: sed in quorumcumque pectore sibi domicilium delegerit, eos reddit plenos omnis iustitiæ, erudiens, & exercens ad virtutem, ac malitiam omnem propellens: & sanè si quis tùm ingressus fuisset ciuitatem Ninuitarum, qui prius eandem probè nouisset, nequaquam agnouisset eam, adeò repente à turpissima vita ad pietatem resiliat.

Luc. 7.

Quemadmodum enim si quis mulierem mendicam sordidis pannis vestiri solitam, post aureis vestibus ornatam videret, nequaquam agnitus sit mulierculam: ita si quis eam Ciuitatem prius nouisset mendicam, hoc est vacuum omnibus thesauris spiritualibus, nimirum ignorasset, quàm esset illa Ciuitas, in qua transmutanda, tantum valuisse deprecatio, vt & mores, & vitam ad virtutem reduceret. Iam vero, & mulier quædam, quæ totum vitæ tempus in lasciuia, & impudicitia peregerat, simulatq. se proiecit ad pedes Christi, salutem assequuta est. Proinde deprecatio non solum purgat à peccatis, verumetiam ingentia pericula depellit. Siquidem ille Rex simul, & Propheta mirabilis Dauid, multos, ac sauos inimicos effugit precatationis ope, non alijs armis exercitum muniens, atque ita tradidit suis militibus potiri victoria, quietis interim, ac securis. Quemadmodum alij quidam Reges incolumitatis suæ spem ponere consueuerunt in militum peritia, & arte belli gerendi, in sagittarijs, in cataphractis, in equitibus: ita magnus ille Dauid, sanctis precibus mœnium vice suum cinxit exercitum, nequaquam respiciens Imperatorum, Tribunorum, ac Centurionum ferociam, neque pecunias colligens, nec arma comparans, sed orando, diuinam armaturam è cælo deportans. Nam verè cælestis est armatura deprecatio, quæ Deo funditur, solaq. firmam custodiam præbet his, qui sese Deo tradiderunt.

1. Reg. 7.

4. Reg. 19.

Isa. 37.

Luc. 18.

Matt. 8.

Si quidem Cataphractorum & robur, & peritiam, tùm sagittariorum experientiam, atque in prodendo hoste calliditatem, sæpenumero ludit, ac frustratur, vel ipsa belli facies, vel hostium fiducia, cumq. his alia permulta: ceterum deprecatio, armatura est inexpugnabilis, ac tutissimum, nec vnquam fallens munimentum, pari facilitate, vel vnum repellens militem, vel innumerabilia hostium millia. Quandoquidem admirandus ille Dauid, de quo modò diximus, Goliath illum immanem, cum veluti dæmon quispiam formidandus irrueret, non armis, neque gladijs, sed precibus deiecit: vsque adeo Regibus quidem aduersus hostes in prælijs valida arma sunt deprecatio. Quin eadem, & nobis æque valida sunt arma aduersus dæmones. Sic & Ezechias Rex superior euasit in bello, quod illatum est, à Persis, non cum armaret exercitum, sed preces tantum opponeret hostium multitudini: Itidem & mortem effugit, vbi cum qua decuit religione, se Deo prosterneret, solaq. deprecatio facile puram reddit. Docet nos Publicanus ille, qui petijt à Deo remissionem peccatorum, & impetrauit. Docet & leprosus, qui simul vt procidit ad pedes Dei, mundatus est. Quod si Deus corpus morbo corruptum celeriter sanauit, multo magis animam, quæ morbo tenetur, humaniter sanabit. Etenim quanto pretiosior est anima corpore, tantò magis consentaneum est, hanc Deo maiori curæ futuram. Quamquam innumera recenseri possint exempla, tùm vetera, tùm noua, si quis velit omnes

omnes enumerare, qui deprecationis beneficio seruati sunt. Verum aliquis forsitan ex eorum numero, qui socordiae, segnitiaeque dediti, nolunt attente, ac diligenter orare persuasurus sit, in hoc Deum illa verba dixisse: Non omnis qui dicit mihi: Domine: Domine, intrabit in Regnum Caelorum, sed qui facit voluntatem patris mei qui est in caelis. Atqui ego si crederem solam precationem ad salutem nostram sufficere, non iniuria sermonem hunc nobis obijceret aliquis. Nunc cum profitear deprecationem caput esse bonorum omnium, basim, ac radicem vitae frugiferę, non est quod quisquam illis verbis abutatur ad excusationem suę socordiae. Neque enim sola Temperantia potest homini salutem adferre, si cetera desint bona, neque cura pauperum, neque benignitas, neque quicquam aliorum, quę cum virtute geruntur, sed oportet, ut omnia simul concurrant in animas nostras.

Ceterum precatio, seu radix, & basis omnibus ceteris subternitur. Neque secus, ac Nauem, & domum, ea, quę substrata sunt, validam reddunt, ac ne soluantur, continent: ita nostram vitam orandi studium, & continet, & vbique firmam reddit, adeo ut absque hoc nihil nobis boni possit contingere, neque quod ad salutem conducatur. His de causis Paulus tanto studio non cessat huc adhortari nos, dicens: Deprecationi instate, vigilantes in ea cum gratiarum actione. Atque alibi iubet, ut citra intermissionem oremus, in omnibus gratias agentes: hæc est enim, inquit, voluntas Dei. Ac rursus alio in loco: Orate omni tempore, in spiritu, in hoc ipsum vigilantes cum omni instantia, & obseruatione. Adeo multis, ac diuinis vocibus ad orandum nos assidue prouocat ille Apostolorum Princeps. Decet igitur nos ab illo doctos, cum precatione vitę cursum peragere, atque hac mentem assidue rigare. Si quidem hoc omnes homines, non mirus opus habemus, quam arbores aquarum humore. Neque enim valent illę fructus producere, nisi bibant humorem radicibus; neque nos pretiosis pietatis fructibus poterimus esse grauidi, nisi precibus irrigemur. Quapropter oportet, & stratis relictis, diuino cultu pręuenire Solis exitum, & cum ad mensam accedimus, & cum nos ad nocturnam quietem recipimus. Quin oportet, singulis horis vnā precationem offerre Deo, ut orandi cursus, dię cursum æquet. Ceterum hyberno tempore decet etiam noctis maximam partem precibus impendere, ac flexis genibus, multo cum tremore instare deprecationi, hoc ipso nos beatos existimantes, quod Dei cultui vacamus. Dic mihi, qua fronte Solem intueberis, nisi prius adoraueris, qui lumen illud dulcissimum oculis tuis mittit? quo pacto frueris mensa, nisi prius adoraueris eum, qui tibi tantum bonorum largitur, ac suppeditat? Qua spe trades te ipsum nocturno tempore, qualibus cum insomnijs putas tibi rem fore, ni te ipsum pręmunieris orando, sed incustoditus ad somnum accesseris? Nimirum contemptibilem, captuque facilem te ipsum prębebis sceleratissimis spiritibus, qui continenter obambulant, obseruantes nos, ut si quem deprehenderint nudatum deprecationis pręsidio, protinus abripiant. Si nos conspexerint deprecatione communitos, illico resiliunt, non aliter quā prędones, ac facinorosi, ubi conspiciunt militis gladium in caput suum vibrari. Quod si contingat aliquem esse nudum precationis pręsidio, hic auulsus deportatur a dæmonibus, & in calamitates, variaque mala impellitur. Oportet igitur, ut hæc omnia metuentes, preci-

Coleff. 4.

1. Thess. 5.

1. Pet. 4.

precibus, & hymnis semper nos ipsos circumuallemus, vt Deus omnium misertus dignos efficiat regno cælorum, per vnicum filium suum, cui gloria, & imperium in secula seculorum. Amen.

Quod Prælatus sublimis, non debet esse totus in litibus dirimendis, & rerum temporalium occupationibus, sed debet habere tempus orationis, & meditationis; & qualis moribus esse debeat. Enarratio pulcherrima ex Diuo Bernardo. Cap. 354.

S. Bern. de
confid. ad
Eugenium
Pontificem.

Maxime condoleo occupationibus, si tamen doles & tu: quod si non doles, tunc longe magis doleo, sciens longius, à salute esse membrum, quod obstupuit: & periculosius laborare, quod se esse ægrum non sentit. Absit, vt de te id suspicer, vtpote assuetus delictijs dulcis quietis: ideo non potes desuenisse tam cito, neque subito non dolere subtrañas: quoniam plaga recens, dolore non caret: nondum obcalluit vulnus, & versum est in insensibile. Scio quod non deest tibi materia iusti doloris à quotidianis iacturis, inuitus auelleris à tuæ Rachelis amplexibus; & quoties auelleris, toties renouatur dolor; nihil tamen plus metuo tibi, quàm quod per cōsuetudinem ad hoc deuenias, vt iam non sentias dolorem, quoniam auelleris à Rachele, & implicaris negotijs. Noli nimis credere affectui tuo, qui nunc est: nihil tam fixum animo, quod neglectū tempore non aboleat. Vulneri vetusto, & neglecto callus obducitur: & eo insanabile, quo insensibile fit. Denique dolor continuus, & acerbus diuturnus esse non potest, quia aut de remedio consolationem accipiet, aut de assiduitate stuporem. Quid non inuertat consuetudo? quid non assiduitate dureretur? Primum importabile tibi videbitur onus negotiorū: processu temporis si assuescas, reputabis non adeo: paulo post leue senties: post, neque senties: paulo post, etiam delectabit: ita paulatim in cordis duritiam itur; & ex illa in auersionē. Vereor, ne in medijs occupationibus (quoniam multæ sunt) dum diffidis finem, frontem dures: & ita sensim te ipsum priues sensu iusti, vtilisq. doloris. Itaque multo prudentius erit, quod te subtrahas occupationibus saltem ad tempus, quàm quod patiaris trahi ab ipsis, & duci ad cor durum, quod semetipsum non exhorret, quia neque sentit: quod compunctione, & deuotione non scinditur, pietate non emollitur: &c. Nemo autem duri cordis salutem vnquam adeptus est, nisi quem miserans Dominus auferat ab eo cor lapideum, & det ei cor carneum. Ad hoc te trahent maledictæ istæ occupationes, si te totum dederis illis, nihil tibi relinquens. Volo esse tibi testro, ac dicere tibi, stulto labore consumeris in tot occupationibus temporalibus, quæ non sunt nisi afflictio spiritus, euisceratio mentis, euacuatio gratiæ: nam fructus horum quid nisi araneorum telæ: de mane vsque ad vesperam litigare, aut litigantes audire? Igitur si hæc deploras, emenda; nequē te vnquam ad ista duraueris quolibet vlu, vel assiduitate. Nolo quod in hoc habeas patientiam, immo impatientiam. Hebetati cordis inditium est, propriam non sentire continuam vexationem, ac seruitutem.

Itaque

Itaque consulo tibi, non fias seruus hominum, non consumas totum tempus in audiendo leges Iustiniani, lites, & cauillationes. Dic: Narrauerunt mihi inquit fabulationes: sed non ut lex tua. Tuum principale munus est ædificare Ecclesiam, docere populos, meditari in lege Domini, quæ est immaculata, conuertens animas. Non dico, quod totum te subtrahas illis secularibus occupationibus: sed quod non tradas te totum. Si es homo omnium, omnibus omnia factus, esto etiam tui: alioquin quid tibi prodest, si vniuersos lucraris, & te ipsum perdas? Habe igitur te, & si omnes veniunt ad bibendum de fonte tuo, bibe etiam & tu. Tu solus sitiens permanebis? Qui sibi nequam, cui bonus? Itaque non totum te des actioni, neque semper: sed considerationi aliquid tui cordis, & temporis sequestra, vacans Deo, quia, & ibi præordinas quæ agenda sunt secundum Deum, ne præcipitanter fiant. Ibi primo scrutaris, & ordinas affectus, & actus tuos, demum alienos. Itaque huic tam pio, quam vtili otio, nullam in vitam operam dare, vitam perdere est. Imitare S. Gregorium, qui ultimam partem Ezechielis obscurissimam in otio exposuit, eo tempore quo Vrbs erat obsessa: & in summa tempestate negotiorum, ut ex eius præfatione liquet.

Pf. 118.

Non te (ait) ingeras iudicare de terrenis possessiunculis hominum: etiam contemptibiliores, qui sunt in Ecclesia, illos constituite ad iudicandum, dicebat Apostolus. Illæ autem causæ grauiiores, quas ad te intrare necesse est, assuesce breuiter decidere, præcidens frustratorias, ac venatorias dilationes: nihil enim ita absque labore, manifestam facit veritatem, ut brevis, & pura narratio.

1. Cor. 6.

Causa viduæ intret ad te, causa pauperis, & eius qui non habet quod det.

Multas causas etiam indignas audientia iudica, ut illæ, quæ præferunt manifestam ambitionem. Si Discipulus Christi es, ignescat zelus tuus, exurgat auctoritas tua contra generalem impudentiam ambitioforum &c. Flagella eos cum Christo, nec aures eis præbeas; timeant te nummularij, nec fidant in nummis, sed diffidant: abscondant æs suum à te, scientes te paratorem ad effundendum, quàm ad recipiendum.

Quatuor ergo tibi considerata suadeo, scilicet: Te, quæ sub te sunt, quæ circa te sunt, quæ supra te sunt. Primo nosce te: alioquin nihil tibi proderit scire mysteria omnia, si te nescieris. A te ergo incipiat consideratio tua, immo etiam in te semper finiatur. Quicquid se offerat, quod non pertineat ad salutem tuam, mox respuendum. De te ergo considera quis, & qualis sis. Abiectus eras in domo Dei, dictum est tibi: Amice, ascende superius super gentes, ut probaret te, an amicus eius sis. Non certè eleuatus es ad dominandum, sed ut euellas, & destruas, & disperdas, & ædifices, & plantes:

Quid horum fastum sonat? Schemate quodam rusticani laboris, labor spiritualis expressus est. Sarculo tibi opus est, non sceptro. Absit, quod delictis resoluaris, aut pompis. Non blandiatur tibi Cathedra excelsa: est enim specula, vnde omnia prospectes, vnde sollicitudine vrgearis omnium Ecclesiarum, non auri, & argenti, quæ in te abominabilis erit: non ut domineris; plane enim Apostolis, & tibi interdicitur dominatus, cum dicitur: Reges gentium dominantur eorum &c. Vos autem non sic &c. Et

Luc. 22.

Apo.

2. Cor. II. Apostolus probabat se plus ministrum, quia in laboribus plurimis, in carceribus abundantius, in plagis supra modum, in mortibus frequenter. Non licet tibi gloriari in Cathedra: sed cum ipso Apostolo in Cruce Domini nostri Iesu Christi. Foelix qui dicere potuit: Plus omnibus laboravi. Et si labor terret, merces inuitet. Exi ergo in agrum Domini tui, & vide, quantis syluescat spinis, & tribulis: Accingere gladio tuo (quod est verbum Dei, & auctoritas puniendi) fac vindictam in nationibus, increpationes in populis.

Gal. 6.

Filius es Apostolorum, & Prophetarum, esto fide, & moribus, per quæ vicerunt, & operati sunt iustitiam. Valde tibi commendo humilitatem: nulla splendidior gemma in ornatu Pontificis: quo enim ceteris excelsior, eo humilitate apparet illustrior. Item monstruosa res est, gradus summus, & animus infimus: sedes prima, & vita ima: sermo multus, fructus nullus: lingua magniloqua, manus otiosa: vultus grauis, & actus levis: ingens auctoritas, & nutans stabilitas.

Confer ergo tua posteriora prioribus: Si in Pontificatu profecisti, in virtute, in sapientia, in intellectu, in suauitate morum &c. an forte defeceris: si sis patientior, an impatientior solito: iracundior, an lenior: insolentior, an humilior: affabilior, an austerior: exorabilior, an difficilior: pusillior animo, an magnanimior: serus magis, an plusculum dissolutus: timorator, an forte fidentior, quàm oportet &c. Oportet etiam, quod innotescat tibi zelus tuus, clementia tua, discretio quoque moderatrix earumdem virtutum: qualis sis in donandis iniurijs, qualis in vlciscendis: quàm in utroque prouidus obseruator modi, loci, temporis: nam hæc tria sunt consideranda in vsu virtutum harum, ne non sint virtutes, si præter hæc reperiuntur: nam caligante oculo discretionis, vna præripit locum alterius, seu occupat terminos. Procedit autem hæc caligo, vel ex ira præcipitante, vel ex molliori affectu censuram iudicij eneruante. Oculus ita turbatus, nihil intuetur elementer, suffusus autem quadam fluxa, & muliebri molliæ animus, rectum non videt. Non eris innocens, si punias eum, cui forte parcendum esset: aut parcas ei, qui fuerat puniendus.

Examina etiam, qualem te in tribulationibus inuenis, si cōstantem in tuis, si condolentem in alienis. Peruersissimi cordis eris, si in tuis inueniaris impatiens, & in alienis incompatiens. Item si in prosperis, vel modice animi relaxas à sui custodia, & disciplina, quod pauci vitant: nam in incautis, prosperitas se habet ad disciplinam, sicut ignis ad ceram, & radius Solis ad glaciem: & facilius inueniuntur, qui in aduersitate retinuerunt sapientiam, quàm qui in prosperitate non perdiderint. Magnus ille est, cui inter prospera saltem risus indecentior, aut sermo insolentior, aut immoderatio cura corporis, vel vestis, non irrepsit. Nugæ sint longe ab ore tuo, nam inter seculares, nugæ, nugæ sunt: in ore sacerdotis blasphemix: interdum si incidunt, ferendæ fortassis, referendæ numquam: immo magis interueniendum caute, & prudenter nugacitati, & prorumpendum in aliquid serium, quod vtiliter, & libenter audiat, & supersedeatur otiosis. Consecrasti os tuum Euangelio, talibus iam illud aperire illicitum: assuescere, sacrilegum est. Verbum scurrile, quod faceti, vrbaniue nomine colorant, non sufficit peregrinari ab ore, procul etiam ab aure relegandum. Exde ad cachin-

cachinnos moueris, fœdus moues: detrahare autem, aut detrahentem audire, quod horum damabilius sit, non facile dixerim. De auaritia non loquor: quia pecuniam, quasi paleam dicaris habere.

Hæc, & plura ibi Bernardus, instruens Ecclesiasticos viros, quo modo in oratione, & meditatione, & actione se habere debeant.

Ecclesiasticus vir, quibusuis prematur occupationibus, deuotionem tamen, orationes, & meditationem deferere non debet, ne ipse à Deo deferatur. Cap. 355.

SIt Episcopus singulis per compassionem socius, super omnes contemplatione suspensus, interiorum curam exteriorum occupatione non minuens, exteriorum prouidentiam interiorum sollicitudine non relinquens. Etenim propter sarcinam pastorem, non est deferenda delectatio contemplationis.

*Gregor. in
Past. p. 2. c.
c. 5. in prim.
D. Tho. 2. 2.
q. 134. a. 2.*

Væ tibi Episcopo, si fons deuotionis in te siccatus fuerit. Quid aliud est deuotio, quam fons aquæ viuæ, rigans omnia nostra virtutis exercitia, quæcumque sint illa, sine qua mox arescunt? est etiam vinum cæleste, cor hominis lætificans, est balsamus omnem sanans passionem, est cibus animæ, est lingua qua cum Deo loquimur: qua carens, non habet linguam, ut cum Deo loquatur, ut Ber. ait: est manna de cælo. &c. Ipsa est quæ dicit: Spiritus meus super mel dulcis. &c. At non datur diligentibus terrenas consolationes, in mensa, in honoribus. &c. sicut neque manna datum est, nisi dimissis cepis, & alijs Aegypti. Fauum dulcissimum deuotionis non possunt fabricare porci, sed apes sollicitæ volantes super flores vitæ Christi &c. Dulcedo interiorum exercitiorum est cibus animæ, quo confortatur ad laborandum in vinea Domini & portandum pondus, & æstus exteriorum negotiorum. Etiam in vertiginibus causarum secularium, semper maneat quædam candela accensa in pectore nostro. Post has autem vertigines confugiat pastor ad leuamen orationis, & ad colloquium familiarium spiritualium, quos habere debet, quemadmodum D. Gregorius facere solitus erat. Vnde idem in pastoralis dicit: Quia valde inter humana verba cor nostrum defluit, & vsus humanæ conuersationis indefinenter destruit vim sollicitudinis, atque prouidæ circumspectionis erga cælestem vitam, oportet quod per meditationem sacrorum eloquiorum, iugiter restauretur. Et quoniam ad vetustatem vitæ per secularium societatem semper itur, ad amorem spiritualis patriæ, compunctionis aspiratione semper renouetur. Cui indubitanter constat, quod exterius occupationum tumultibus cor à semetipso impulsus, corruat, studere incessabiliter debet, ut per orationis, & meditationis studium resurgat. Ideo David Rex dicebat: Quomodo dilexi legem tuam, tota die meditatio mea est. Numquam autem rector à sacra lectionis studio recedat. Bibe aquam de cisterna tua, ac deinde fluentia deriuentur in plateas: quia prædicator debet prius potare de sapientia sua, deinde in alios diffundere.

Ecc. 24.

*p. 2. c. 11.
ante med.*

Psalm. 118.

*Prou. 5.
In past. p.
3. c. 25. à
med.*

Heu me, quia cum crederem me, saltem noctibus, in amplexu meæ Rachelis, idest vitæ contemplatiuæ, quierurum, clanculum me inuito introducit Lia, idest cura, & consideratio diurnorum negotiorum.

Greg.

- Greg. epist.* Greg. admonens Episcopū Carthaginen. ita ait : Et si cogamur terrenis ne
62. l. 5. gotijs intendere, mens tamen nostra seculari varietate non defluat, sed tota in
Psal. 26. vnum currat, atque confluat finem; de quo David : Vnam petij à Domino,
 hanc requiram &c. In hoc mens se tota suspendat : tunc enim vere atque
 bene, ad opera dilectionis proximi descendimus, si ex toto corde, & viri-
 bus in ardenti Dei dilectione persistimus. Timeo tibi Eugeni (ait Bern.)
Bernard. de ne multitudo continua negotiorum, intermissa oratione, & consideratione,
confid. ad te ad cor durum perducatur : quod deuotione non incalescit, compassione
Eugen. non mollescit, compunctione non scinditur, & se ipsum non exhorret, quia
 nec sentit. Vnicum refrigerium laborum Episcopi debet esse, quandoque
Marc. 6. confugere ad solitudinem, ad orandum, & meditandum. Quapropter
Marc. 5. Apostoli cū renunciaissent Domino omnia, quæ egerant, & docuerant, dixit
 eis Dominus : Venite seorsum in desertum locum, & requiescite pusillum.
 Officium sacerdotis est, sacrificare, orare, docere, visitare, si est Episco-
Psal. 165. pus. Quid dignius, & quid ouibus vtilius, quàm pastorem offerre quoti-
Aug. ibid. die vitam, & passionem Christi Deo patri pro eis? Benedictus Dominus,
 qui non amouit orationem meam, & misericordiam suam à me : hoc est,
 non amouebit misericordiam suam, quamdiu ego non amouero orationem
Cyprian. meam. Quanti feruoris debet esse, qui vi sui feruoris debet frigidus ca-
epist. 2. lefacere? Idoneus non potest esse ad martyrium, qui ab Ecclesia non arma-
 tur ad prælium : & mens deficit, quam accepta Eucharistia non erigit, &
 accendit.
- Machar.* B. Macharius Aegyptius : Perseuerare (inquit) in oratione, est caput
hom. 40. totius boni instituti, ac vertex omnium honestarum actionum; cuius benefi-
 cio reliquas virtutes, à Domino obtinemus. Monasteria sunt officinæ vir-
Bracharen. tutum; ex quibus multi monachi conducti ad Episcopatus officium, plu-
in Sim. ribus, quibus in monasterijs fuerant assuefacti, & durati, emicuerunt.
Pastor. Diligenter negotia sunt agenda, sed non anxie. Memento quòd omnia de-
 bent seruire spiritui : ne pedes supra caput erigas, nec caput ad vilitatem
 pedum deprimas. Semper liber, atque expansus permaneat spiritus ad ra-
 dios Domini : & post orationem igneam, maneant cineres æstuantes ad tem-
 pora negotiorum.
- Ad hoc igitur summè annitendum, summisq. gemitibus à Domino peten-
 dum, vt in turbine negotiorum, etiamsi obruere animum videantur, animus
 tamen semper liber, securus, magnusq. Domino sistatur. Debemus ergo
 negotia disponere, & non eis immergi, habentes oculos ad Dominum ere-
 ctos, ac fidentes : dicendo intra nos illum Psalmum : Leuaui oculos meos,
Psal. 120. &c. Pondera verba dicta Episcopis, Actuum 20. Attendite vobis, & vni-
 uerso gregi, primum vobis, deinde gregi. Occurrentibus difficultatibus,
 periculis, criminibus curandis, beneficijs, aut officijs distribuendis &c.
 mox toto corde ad orationem confuge, ad patrem luminum, & consola-
 tionum, &c. hæc enim iugis impulsio ad orandum, magna occasio est pro-
 ficiendi. Dicas igitur : Domine tibi soli in hoc opere placere cupio : il-
 lumina ergo faciem tuam super seruum tuum. Væ tibi pastor, si omissa
 paulatim oratione, ac proinde cognitione tui, & officij, atque oneris ti-
 bi impositi, incipias sine sanctis, & rationabilibus scrupulis viuere, cum
 oporteat in dies illis pungi, & corrodi, & lumen semper à Deo petere.
- Forte

Fortè David cecidit, quia paulatim in exercitijs spiritualibus remissior factus fuerat. Quando pastorem contingat incedere magna stipatum caterua &c. tunc vel maxime mens erigenda in Deum est, ut eo temporis articulo faciebat Bern. recogitans illa esse pura somnia, culicesq. circumstantes, mortalesq. morituros. Ad hoc autem oportet diligenter, mentem spirituali bitumine linire, sicut in arca Noè factum est, quoniam per poros etiam corporis ingredi potest, & ventus, & aqua. Iactauerunt te in undas Oceani, in summa pericula salutis: Væ tibi, si incipias gaudere de cathedra: cum oporteat iugiter clamare ad Dominum: Circumdederunt me dolores mortis, pericula inferni inuenerunt me &c. constanter operando, quæ oportet usque ad mortem magnos, & continuos semper deuorando labores. Quidam vir probus dicebat: illum scrupulum maxime timendum Episcopo, ne ad eum nauem illideret; videlicet, si obrutus negotijs externis, ac proinde affectu intus arefactus, tepide oraret, & exercitia spiritualia intermitteret, aut minueret: ac deinde frigidus, atque parum utiles sermones haberet, vel prorsus dimitteret. Hoc enim fit, ut actus essentialis, & principales dimittat propter minus principales, ac denique paulatim in defectus, & vitia labatur. Contra quod periculum non video aliud remedium, nisi ut præter quotidianæ orationis exercitium, etiam cum maximè negotia fuerint, non tradere totum cor illis, sed interea semper seruare anhelam affectionem ad Deum. Dic enim mihi nonne in omni negotio Deus est? ibiquè inueniri potest, ut finis, ut auctor, ut iussor, ut cooperator, ac consultor? &c. Intuere igitur eum ibidem, quando negotium tractatur, & tunc intus requiesces: dilatabitur, illuminabitur, lætabitur cor tuum. Atque hoc ipsum summis gemitibus à Deo impetrare contende. Cur dicis, non suppetit tempus ad spiritualia negotia? Nonne nostris temporibus multi sancti Episcopi (ut B. Antoninus) non solum tempus habent ad orandum, & sacrificandum, sed etiam ad scribendum tot libros, & prædicandum? &c. Vilissimus omnino est (nisi sanctitate, & scientia præcellat) qui est dignitate præstantior. i. q. i. cap. vilissimus, è Symacho Papa. Quod si contingat eum qui ad Episcopatum eligitur, non ea effulisse sanctitate, quæ Episcopum decet, dum in minoribus agebat: saltem postquam in candelabrum erectus est, satagere omnino debet, ut vita respondeat nomini, & loco. Triplex est status mentis in homine implicato negotijs, simulq. Deum querente. Primus, quando habet otium: tunc enim mente, & affectu vehementer debet in Deum ferri, atque operam dare, ne imagines, quæ tunc (velimus nolimus) sese ingerunt, trahant cor post se, sed etiam si circumuolent nos, mens tamen super omnia temporalia stabilatur. Secundus, quando vacat negotijs omnino ebibentibus attentionem omnem: ut quando quis suppurat, aut legit aliquid difficile intellectu, aut audit negotium varijs nodis implicitum, quod oportet recte intelligere ad sententiam iuste ferendam &c. Quo tempore, quamuis non maneat actualis amor Dei, neque simplex ille intuitus ipsius, manet tamen quædam impressio amorosa relicta ex frequentia actualis amoris, quæ magnam pacem, & quietem affert exercitatis: quam non amittunt etiam in ipso negotiorum turbine: & per quam (illis transactis) mox redeunt ad centrū, ac thesaurum suum, immittens sagittas actualis amoris. Tertius vero status est, quando inten-

Psal. 21.

intendit communibus negotijs, quæ non ita magnam exigunt attentionem: quibus non ita magna pars cordis tribuenda, ut non sua etiam particula Deo seruetur. Quid stultius dici potest, quàm, quoniam officium pastorale est multis negotijs implicitum, ideo non sit quotidie celebrandum? Immo quia tale est, oportet, vel spatium celebrationis separare Domino ad munimen contra tentationes, ad lumen in negotijs, ad consolationem inter tot afflictiones, ut vel tunc respirare liceat. In pastoralis officio multa sunt, quæ deuotionem nutriunt, scilicet continuæ vexationes, & angustia. Nam Ioannes exul in Pathmos insula, vidit secreta cælestia: & Stephano inter ictus lapidum, diuina ei claritas fulsit. Compellunt enim angustia ad Deum clamare; unde Deut. 8. dicitur: affixit te penuria, & dedit tibi cibum manna. Et Apostoli, & Prophetæ inter pressuras mundi ardebant deuotione. Et attende, quod sicut Iudæi tantum colligebant de illo sua manna, quantum erat necessarium, atque sufficiens ad totam diem: ita oportet virum diurnis horis occupatum, tantum nocturnis vacare exercitijs, quantum sufficiat ad ferenda dulciter officij onera propter Deum.

Aug. lib. 6.
confr. c. 3.

Augustinus postquam dixit, quod nunquam poterat longiori mora quæ-
rere aliquid ab Ambrosio, propter turbas negotiosorum hominum, quorum
infirmatibus iugiter seruiebat, addit; quod cum sæpe ingrederetur cubicu-
lum eius (non enim vetabatur aliquis intrare) eram (inquit) ibi in diu-
turno silentio, ipso tacite legente (quis enim auderet esse oneri, sic intento?)
deinde discedebamus, & coniectabamus eum illo paruo tēpore (quod repa-
randæ menti suæ nanciscebatur, feriatum ab strepitu causarum alienarum,
nolle in aliud auocari. Denique frequenter, qui illum adibant (ne illum
perturbarent) taciti reuertebantur, licet ipsos vidisset.

*Diuinæ orationis præclara descriptio, eiusq. multiplices, sed om-
nes excellentissimi effectus, ex D. Augustino, qui
singulariter orationis doctrinam tradit.*

Cap. 356.

August. in
ser. de ieiun.
& orat. 10.
10.
& in tract.
de miseric.
in fin.

Ratio est ascensio animæ de terrestribus ad cælestia, inquisitio super-
norum, inuisibilium desiderium. Abeat dissensio secularium morum,
quibus premitur mens humana quotidie. Quid est oratione præclarius?
Quid vitæ nostræ utilius? Quid animo dulcius? Quid in tota nostra reli-
gione sublimius? Oratio est, quæ ad bonum nos Christianos prouocat.

Oratio est, qua cum Deo loquimur, qua Patrem eum dicimus, qua vni-
uersa desideria nostra in conspectu Maiestatis eius effundimus.

Oratio est, quæ cælos penetrat, nubes transit, Dei aures attingit. Hæc
in Ecclesia vniuersis gradibus necessaria est. Hæc Cathecumenis spiritum,
fidelibus præsidium, poenitentibus solatium præstat. Hæc iustos continet,
subleuat peccatores. Per hanc etiam qui stant, non cadunt, & qui elisi
sunt, eriguntur. Hæc vitæ ætas omnis, & sexus, ac conditio omnis, & di-
gnitas. Hæc magna seruat, hæc tutatur & minima. Per hanc diuites tu-
ti sunt, per hanc pauperes non deficiunt. Hæc pro illorum abundantia ex-
cubat, hæc ut ab istis penuria expellatur, exorat. In hac gubernamur in
prosperis, per hanc fiduciam gerimus in aduersis. Hæc nobis in gaudijs iu-
cunda

cunda est, hæc in luctibus suavis. Per hanc lætitiā percipimus, per hanc tristitiā declinamus. Huic animi nostri pondus, & tædium, nociuāq. omnia commendamus. Hanc quasi idoneam quandam, & tutissimā nauem vniuersorum desideriorum nostrorum mercibus oneramus, quæ ad omnipotentem Deum precamur expansis manibus, fuisq. precibus prospero fœliciq. cursu perueniat. Per hanc omnia timoris Domini ornamenta percipimus.

Per hanc quicquid fides inchoat, spes cumulat, charitas decorat, assidua deprecatione seruamus. Per hanc castitatem tuemur, continentia virtuteq. omni gubernamur. Per hanc in confessione persistimus, in tentatione duramus. Per hanc pro Christo corporis vincula sustinemus. Per hanc possemus, beata martyria consumamus.

Non verbis, sed rebus agendum est apud Deum; qui ideo nos ad orandum prouocat, ut mentem nostram ad petita recipienda extendat. Cap. 357.

Quari potest, cur opus sit verbis ad Deum orare, qui omnia scit, antequam fiant, & nouit quid nobis sit necessarium, antequam petamus ab eo? Hic respondetur, non verbis nos agere debere apud Deum, ut impetremus quod volumus, sed rebus, quas animo gerimus, & intentione cogitationis, cum dilectione pura, & simplici affectu: sed res ipsas verbis nos docuisse Dominum nostrum, quibus memoriæ mandatis eas ad tenipus orandi recordaremur.

*D. Aug. li.
2. de serm.
Domini in
monte c. 3.
tom. 4.*

Sed rursus quæri potest, siue rebus, siue verbis orandum est, quid opus sit ipsa oratione, si Deus iam nouit, quid nobis necessarium sit? nisi quia ipsa orationis intentio cor nostrum serenat, & purgat, capaciusq. efficit ad excipienda diuina munera, quæ nobis spiritualiter infunduntur.

Non enim ambitione precum nos exaudit Deus, quia paratus est suam lucem dare nobis, non visibilem, sed intelligibilem, & spiritualementem: sed nos non semper parati sumus accipere, cum inclinamur in alia, & rerum temporalium cupiditate tenebramur.

Sit ergo in oratione conuersio cordis ad Deum, quia semper dare paratus est, si nos accipimus quod dederit.

Deus nouit, quid in hac vita expediat, quid post hanc vitam daturus sit.

*Super epi.
ad Roman.
proposit. 46.*

Externi actus corporis in oratione quid orationi conferant. Cap. 358.

Cum oramus, ad Orientem conuertimur, vnde cælum surgit: non tanquam sit ibi Deus, & quasi ceteras mundi partes deseruerit, qui ubique præsens est, non locorum spatijs, sed maiestate potentix; sed, ut admoneatur animus ad naturam excellentiorem se conuertere, idest, ad Dominum, cum ipsum corpus eius, quod terrenum est, ad corpus excellentius, scilicet cæleste, conuertitur.

*Vbi sup. de
ser. Dom. in
monte 1c. 4.*

Conuenit etiam gradibus religionis, & plurimum expedit, & omnium sensibus, & magnorum, & paruulorum, ut benè sentiatur de Deo.

K k

Quod

de modo
oran. lib. de
cura pro
mort. agen.
6. 5. 10. 4.

Quod orantes de membris sui corporis faciunt, supplicationibus cōgruit, cum genua figunt, extendunt manus, vel etiam prosternuntur solo, & si quid aliud faciunt visibiliter, quamuis eorum inuisibilis voluntas, & cordis intentio Deo nota sit, nec ille indigeat ijs indiçijs, vt animus ei pandatur humanus: sed hinc magis seipsum excitat homo ad orandum, gemendumque humiliter, atque feruentius.

Et nescio quomodo hi motus corporis, nisi præcedente motu in animo fieri possint; eisdem rursus exterius visibiliter factis, ille interior inuisibilis, qui eos fecit, augetur. Ac per hoc, cordis affectus, qui, vt fierent ista, præcessit, quia facta sunt, crescit.

Verum si eo modo quisque teneatur, vel etiam ligetur, vt hoc de suis membris facere nequeat, non ideo non orat interior homo, & ante oculos Dei, in secretissimo cubili verbi compungitur, sternitur.

Non est præscripta corporis compositio in oratione; sed stantes, genuflexi, sedentes, & iacentes in lecto orant serui Dei. Cap. 359.

Lib. 3. 99.
ad Simplic.
9. 4. 10. 4.
Luc. 18.
Act. 7.
Psal. 6.

Non est præscriptum, quomodo corpus constituatur ad orandum, dum animus Deo præsens peragat intentionem suam. Nam, & stantes oramus, sicut scriptum est: Publicanus autem de longe stabat. Et fixis genibus: sicut in Actibus Apostolorum legimus. Et sedentes: Sicut David, & sanctus Elias, quando pluuiam orando impetrauit. Nisi etiam iacentes oraremus, non scriptum esset in Psal. Lauabo per singulas noctes lectum meum, lachrymis meis stratum meum rigabo.

Cum enim quisque orationem quærit, collocat membra sua, sicut ei occurrerit, accommodata pro tempore positi corporis ad mouendum animum. Cum autem non quærit, sed infert appetitus orandi. hoc est, cum aliquid repente venit in mentem, quo supplicandi moueatur affectus gemitibus inenarrabilibus, quocumque modo inuenerit hominem, non est utique differenda oratio, vt quæramus, quo recedamus, aut vbi stemus, aut vbi prosternamur. Fingit enim sibi mentis intentio solitudinem, & sæpe etiam obliuiscitur se, vel quam cæli partem, vel in qua positione corporis membra illud tempus inuenerit.

Orandi forma à Christo habetur. Qualitas loci, horarum intervallo, diuturnitas orationis, qualia sint, docetur.

Cap. 360.

Lib. de ora.
domin. 1. 4.
dicitur lib.
de ser. do-
mini in
monte.
Tom. 2. ep.
121. c. 9.

Orandi formam Christus ipse dedit, ipse quid precemur monuit, & instruxit. Qui fecit viuere, docuit & orare: ea benignitate, qua cetera dare, & conferre dignatus est.

Clauso ostio ora patrem tuum in abscondito. Parum est intrare cubiculum, si pateat importunis inquietationibus ostium, per quod ea, quæ foris improbè se immergunt, & interiora nostra irrumpunt.

Hæc sunt temporalia, & visibilia, quæ per carnales sensus cogitationes nostras penetrant, & turbam variorum phantasmatum orantibus generant.

Per

Per certa intervalla horarum, & temporum verbis rogamus Deum, ut illis rerū signis nos ipsos admoneamus, quantūq. in hoc desiderio profecerimus, nobis ipsis innotescamus, & ad hoc augēdū nos ipsos acius excitemus.

Dignior enim sequetur effectus, quē feruentior præcedit affectus. Et infra, Diu orare, cum vacat, idest, cum aliarum bonarum, & necessariarum actionum non impediuntur officia, quamvis & in eis desiderio semper orandum sit, non est improbum, nec inutile.

Neque enim, ut nonnulli putant, hoc orare est in multiloquijs, si diutius oreitur: Aliud est enim sermo multus, aliud diuturnus affectus, nam & de ipso Domino scriptum est, quod pernoctauerit in orando, & quod prolixius orauerit: ubi quid aliud, quā nobis præbebat exemplum in tempore precator opportunus, cum patre exauditor æternus? Dicuntur fratres in Aegypto crebras quidem habere orationes, sed eas tam breuissimas, & raptim quodammodo iaculatas, ne illa vigilanter erecta, quæ oranti plurimum necessaria est, & per productiores moras evanescat, atque hebetetur intentio.

Ac per hoc etiam ipsi satis ostendunt, hanc intentionem, sicut non est obdumenda, si perdurare non potest, ita si perdurauerit, non citò esse rumpendam. Absit enim ab oratione multa loquutio, sed non desit multa precatio, si feruens perseuerat intentio.

Est igitur orationibus instandum horis, & temporibus constitutis. Quod ait Apostolus, sine intermissione orate: Sanissimè sic accipitur, ut nullatenus intermittantur certa tempora orandi.

Nullus dies, nulla hora, nullum momentum temporis inuenitur, quo non à sanctis orationes Deo, ubiq. fundantur, ab his hic, ab alijs alibi: cum tamen ab orationibus nullum sit tempus immune, quandoquidem diebus, & noctibus, cum alijs cibo accepto reficiuntur, alijs quodlibet aliud agunt, alijs dormiunt, non utique desunt, quos desiderium sanctum orare compellat.

Quid sit clamare ad Christum in oratione, & quid agendum in oratione. Quod oratio debet esse sobria, pura, & vigilans, & explosis inutilibus cogitationibus soli Deo vacans, & perseverans, & vox cum corde concordans, humilis, & munda. Cap. 361.

Clamare ad Christum est gratiæ Christi congruere bonis operibus. Hoc dico, ne fortè strepentes simus vocibus, & muti moribus.

Qui clamat ad Christum, vox eius in factis sit, incipiat mundum contemnere, copiam suam distribuere, pro nihilo habere, quæ homines amant: contemnat iniurias, non appetat vindicari, paret maxillam percutienti, oret pro inimicis, si quis ei abstulerit sua, non repetat, si quid alicui abstulit, quadruplum reddat.

Gratior est Deo pro fratre deprecatio, ubi sacrificium charitatis offertur.

In vera charitate ad Deum nostrum perueniamus, ut ab eo petitionem obtineamus. Beatificemus amicos Dei, indulgeamus inimicis, eius laudemus potentiam, admiremur sapientiam, prædicemus bonitatem, approbemus æquitatem: ostendamus ei necessitatem nostram, indicemus ei miseriam nostram, detegamus ei infirmitatem nostram, confiteamur ei culpam nostram, offeramus ei obedientiam nostram, manifestemus ei aduersariorum nostrorum, scilicet

*In epist. ad
Probam.*

Cap. 10.

Luc. 6.

*To. 2. epist.
109.*

*De heresi-
bus.
lib. 1. cont.
Maximianū
ca. 9.*

*Debet fieri
oratio cum
charitate
li. de verb.
Dom. Jerom.
18. to. 10.*

*In epist. ad
Antioch. 1. 2.
epist. 126.
Lib. de orat.
ad Deum.*

licet dæmonum, & prauorum hominum malitiam, iniquitatem, crudelitatem, astutiam, & tyrannidem, & qui ei aduersantur, qui nos persequuntur, qui nobis hostes sunt, qui ei contradicunt. Malimus nos iram inimicorum propter eum, quàm cum eis abire contra eum.

To. 2. epist. Debet esse oratio cum sobrietate (in prædicta epist. ad Probam) ieiuna & ab alijs voluptatibus, sine salutis neglectu, carnalis concupiscentiæ refrenatio, maximèq. eleemosynæ multum adiuuant orationem, vt possimus dicere :

Psal. 76. In die tribulationis meæ Deum exquisui manibus, & nocte coram eo, & nō sum deceptus. Quomodo enim Deus incorporalis, & impalpabilis manibus exquiritur, nisi operibus exquiratur? Debet esse cum omni puritate.

Lib. de vita Christiana. Cap. 11. §. 9. Volo autem viros orare in omni loco, leuantes sanctas manus. ait Apost. Ille enim ad Deum merito extollit manus, ille preces bonæ conscientie fundit, qui potest dicere: Tu nosti Domine, quàm sanctæ, quàm innocentes, quam puræ sint ab omni fraude, & iniuria, & rapina, quas ad te expando, manus: quàm iusta, quàm immaculata labia, & omni mendacio libera, quibus tibi, vt mihi miserearis, preces fundo.

Ser. de ora. Dominica. Quando stamus ad orationem, fratres dilectissimi, vigilare, & incumbere ad preces debemus. Cogitatio omnis carnalis abscedat, ne quicquam tunc animus, quàm id solum cogitet, quod precatur. Ideò, & sacerdos ante orationem præfatione præmissa parat fratrum mentes dicendo: Sursum corda: vt dum respondet plebs: Habemus ad Dominum: admoneatur, nihil aliud se, quàm Deum cogitare debere. Claudatur contra aduersarium pectus, & soli Deo pateat, nec ad se hoste Dei tempore orationis adire patiatur. Obrepat enim frequenter, & penetrat, & fallens subtiliter preces nostras à Deo auocat, vt aliud habeamus in corde, aliud in voce, quando intentione sincera Dominum debeat non vocis sonus, sed animus, & sensus orare.

Quæ aut segnitia est alienari, & capi ineptis cogitationibus, & prophanis, cum Dñm deprecaris? quid aliud est, q̃ magis debeas cogitare, quàm id quod cum Deo loqueris? Quomodo te audiri à Deo postulas, cum te ipse non audias? Vis esse Dominum memoré tui, cum rogas, quando tu ipse memor non sis? Hoc est, ab hoste in totum non cauere: hoc est, quando oras Deum, Maiestatem Dei negligentia orationis offendere: hoc vigilare oculis, & dormire corde, cum debeat Christianus cum dormit oculis, corde vigilare.

In trac. sup. vli. Prouer. 10. 10. In orando Deo, in omni deprecatione sua non debet homo habere firmā conscientiam suam de opere futuro, sed de præterito: ex eo quod fecit, non ex eo quod facturus est, petere debet.

Serm. 45. de diuers. Lib. de salu. varis. docu. c. 28. 10. 4. Hoc, mi frater, stude in vita tua, vt orationē tuam puram offeras Domino Christo, ne cogitationes huius seculi conturbent animum tuum, neque in diuersa rapiatur mens tua.

Memento enim te sub Dei stare conspectibus, qui occulta cordis prospicit, & secreta tuæ mentis nouit.

Vigilanter igitur, & assidue asta in conspectu Dei in tempore orationis, vt imminentem diaboli tentationem facilius possis euadere.

Si enim cogitationes huius seculi malæ, & sordidæ turbant cor tuum, & cogunt illicitum aliquid perpetrare, per orationes puras, & vigilias sanctas depellantur ab anima tua. Oratio namq. iugis munitio est animæ.

Per orationes purissimas omnia nobis vilia tribuuntur à Domino, & cūcta noxia

noxia effugantur. Et ne diutius de hoc disputem, vel immorer, sicut ex carnalibus et ceteris alitur caro, ita ex diuinis eloquijs, & orationibus interior homo nutritur, & pascitur.

Plerumque meritum orationis superat affectus precantis: clamor etiam ad Deum, non vocis est, sed lachrymarum.

Quia, ut dicit, Quid prodest strepitus oris muto corde?

Quandiu hic sumus, rogemus Deum, ut non à nobis amoueatur deprecationem nostram, & misericordiam suam, idest, ut perseueranter oremus, & ut perseueranter misereatur.

Multi enim languescunt in orando, & in nouitate suæ conuersionis feruenter orant, postea languidè, postea frigidè, postea negligenter, quasi securi fiunt.

Vigilat hostis, dormis tu? Ipse Dominus præcepit in Euangelio, Quia oportet semper orare, & non deficere, ergo non deficiamus in oratione. Ille quod concessurus est, etsi differt, non aufert. Securi de pollicitatione ipsius, non deficiamus orando.

In psalmis, & hymnis, cum oratis Deum, hoc versetur in corde, quod profertur in voce.

In corde precantis est Deus; vbique enim Deum præsentem habet, cuius fidelis est vox.

Cum quis orat, sanctum in se spiritum aduocat. Ideo oratio magis est agenda corde, quàm voce: Melius enim est orare corde, sine sono vocis, quàm solis verbis, sine intuitu mentis.

Assignat autem huius rei causam. Quo studio, & quo affectu à nobis orandus sit Deus; ex nostra miseria simul, & ex conditoris misericordia considerare possumus.

Quid enim affectius hominem ad orandi studium excitaret, quàm miseria, & calamitas tantorum malorum, quibus premitur? Aut quid iucundius ad affectum traheret, quàm misericordia conditoris, quam toties inter mala sua experitur? Ne ergo mens humana ad orandum sit pigra, illinc ex una parte necessitate compellitur, & ne aut diffidens oret, aut trepidans, illinc misericordia Dei prouocatur.

Debet esse oratio cum cordis humilitate. Munda cubiculum cordis. Vbi fueris, vbicunque oraueris, intus est, qui exaudit. Nam qui te exaudit, non est præter te. Non longe vadas, non te extollas, ut quasi attingas illū manibus. Magis si extuleris, cades; si te humiliaueris, ipse appropinquabit tibi.

Quid supplicaturus Deo locū sanctum, & aptum requiris? Interiora tua munda, & inde omni mala cupiditate depulsa, præpara tibi in cordis tui pace secretum. Volens in templo orare, in te ora, & ita age semper, ut Templum Dei sis, ibi enim Deus exaudit, vbi habitat.

Oratio debet habere comitem verecundiam, & disciplinam, quia Deus non vocis, sed cordis auditor est. Cap. 362.

SIt orantibus sermo, & precatio cum disciplina, quietem continens, & pudorem. Cogitemus nos sub conspectu Dei stare. Placendum diuinis oculis, & habitu corporis, & modo vocis: nam, ut imprudentis est clamo-

kk 3 ribus

Lib. 6. de
baptis. con.
Donatistas
tom. 7.
Super Ioan.
ser. 9. to. 8.
Super Psal.
65.

Luc. 18.

Tom. 2. ep.
109.

Psal. 129.

Tom. 2. ep.
109.

In ser. 2. de
orat.

lib. de orā-
do Deum.

Tract. 10.

super Ioan.

tom. 9.

Lib. de sen-
tent. Prop.

ca. 33. l. 3

Serm. de

siml. & or.

Dominica.

ribus strepere, ita congruit verecundiores modestis precibus orare.

Quando in vnum cum fratribus convenimus, & sacrificia diuina cū Dei sacerdote celebramus, verecundiæ, & disciplinæ memores esse debemus, non passim ventilarè preces nostras inconditis vocibus, nec petitionem commendandam immodestè Deo, aut tumultuosa loquacitate iactare: quia Deus non vocis, sed cordis auditor est. Nec admonendus est clamoribus, qui cogitationes videt.

Orantes non infructuosas, non nudas precibus ad Dominum veniant: inefficax petitio est, cum precatur Dominum sterilis oratio.

Citò orationes ad Dominum ascendunt, quas ad Dominum merita nostris operibus imponunt, sicut Raphael Angelus orationes Tobiae.

In epist. ad Rom.

Psal. 59.

Ibid.

Nonnunquam oramus, & quid expediat, nescimus: nam in hac ipsa vita multa possunt nobis prospera videri, quæ aduersa sunt, & aduersa, quæ prospera. Nam, & tribulatio quando accidit seruo Dei ad probationem, vel emendationem, videtur nonnunquam minus intelligentibus inutilis: sed si referatur ad illud, quod dictum est: Da nobis auxilium de tribulatione, quia vana salus hominis: intelligitur quod plerunque de tribulatione nos adiuuat Deus: & frustra salus optatur, quæ aliquando aduersa est, cum delectatione, & amore huius vitæ implicat animam: vnde est etiam illud: Tribulationem, & dolorem inueni, & nomen Domini inuocaui.

Forma humilis orationis, quæ celos penetrat, & efficit magna, virtute sua, & quid sit impedimento virtuti eius.

Cap. 363.

*Lib. 2. 99.
Euang. 9. 1
Tom. 4. c. 3.
Tom. 9. lib.
de speculo.*

Deus infinitæ misericordiæ, & maiestatis immensæ, pietatisq. gratuitæ, qui seruos tuos inter aduersa, & prospera mirabiliter dirigit, atque custodis, sicq. moderaris vitam illorum in vtraque parte, vt aduersa prosperis, & prospera succedant aduersis. Confiteantur ergo tibi Domine omnia opera tua, & sancti tui benedicant tibi, nec taceant laudes tuas ipsi etiam peccatores. Quorum vnus ego, licet in peccatis pronior, corde tamen desideranti tuas decanto laudes: si non ea qua debeo laude, vel dignitate, facio qua valeo facultate: respice quæso sereno vultu ad huius meæ exiguitatis obsequium, & propitiabili dignatione, accipe tantillum sacrificium confessionis fidei meæ, vt ad te redeat, quod à te venit: non respiciens tantum ad id, quod deuotus afferro, quantum ad ea, quæ dicere volui. Nam volui quicquid te decet: & quod te offendit, abhorret anima mea. Vtinam possem talia, qualia illi Angelici Chori. O quàm libenter totum me in laudibus tuis effunderem, & luculenter in medio Ecclesiæ canticum gloriæ tuæ infatigabiliter perorarem. Sed quia illud nequeo, penitus tacebo? Væ Domine tacentibus de te, quia ora mutorum resoluis, & linguas infantium facis disertas.

Verum, quia paruulis licet laudes tuas, vel balbutire, suscipe sacrificium precor de manu linguæ meæ, de cordis amore. Sed ignosce rogo Domine indignissimo, & infelici tecum de te diutius loquenti seruo. Ignosce pie, non temeritate præsumptionis, sed auditate tui desiderij, huic deprecationi operam dedi.

Oratio

Oratio pura cælorum altitudinem penetrat, & usque ad conspectum Divinæ Maiestatis ascendit. Orationibus liberamur non solum à vitijs, sed etià à pœnis æternis. Orationibus nostri prosternuntur inimici, & fideles Deo efficiuntur amici. Orationibus conuincuntur tentamenta Diaboli, & æternæ beatitudinis dona acquiruntur. Per orationes omnia nobis à Domino vitia tribuuntur, & cuncta nobis noxia procul effugantur. Sed tribus modis orationes impediuntur, aut cum quis à Deo petit, quod suæ salutis resistit; aut cum orat, & ab iniquitate non cessat: aut si delinquenti in se debita non relaxat. Quod triplex malum dum à se unusquisque studiosius abstraxerit, securus studio orationis incumbat, & ea quæ petit precibus, se impedire libera mente confidat.

*In ser. 2. de
oral.*

Quare Christus Dominus orauerit. Cap. 364.

Propterea orauit Christus, ut nos orare doceret: ad hoc passus est, ut doceret pati: ad hoc resurrexit, ut doceret sperare resurrectionem.

*Super Psal.
36. tom. 8.*

Quando Christus orabat, qui sine peccato erat, quanto magis peccatores oportet orare? Et si ille per totam noctem iugiter vigilans precibus orabat, quanto magis in frequentanda oratione debemus vigilare?

*Lib. de ora.
dominica.*

De Domino nostro scriptum, quod procidens in terram ita orauit, ut ab eo guttæ sanguinis stillarent. Quid autem indigebat Christus, ut taliter supplicaret? Non ille quicquam indigebat, sed nobis exemplo suo orationis remedia præparabat. Orat misericordia, & non orat miseria: orat charitas, & non humiliatur iniquitas: prostratus in terra orat medicus, & non humiliatur ægrotus. Orat innocentia, & non orat nequitia: Orat qui peccatum non fecit, nec inuentus est dolus in ore eius, & non se prosternit multis obnoxius: Orat Iudex, & desiderat parcere, & non orat reus, ut indulgentiam mereatur accipere: Orat iudicaturus, & orare dissimulat iudicandus. Non ergo pigeat nostram infirmitatem, quod unusquisque prostratus in terra se pro se humiliet.

*In serm. de
oral.*

Quid in oratione petendum. Cap. 365.

Orandum est, ut non solum liberemur à malo, quo caremus, sed etiam ab illo, quo iam inducti sumus: quod cum factum fuerit, nihil remanebit formidolosum, nec omnino metuenda erit vlla tentatio.

*Idē de ser.
dominica in
martin.*

Ora beatam vitam. Hanc enim habere omnes homines volunt. Nam & qui pessime, & perditæ viuunt, nullo modo ita viuerent, nisi eodem modo se esse, vel posse beatos putarent. Quid igitur te aliud oportet orare, nisi id, quod cupiunt mali, & boni: sed ad quod perueniunt non nisi boni?

*Ad Probā
epist. 121.*

Quid oramus, cum dicimus: dimitte nobis debita nostra: nisi ut vulnera nostra sanentur? Et quid aliud petimus, cum dicimus: Et ne nos inferas in tentationem: nisi ille, qui insidiatur, vel certat extrinsecus, nulla irrumpat ex parte, nulla nos fraude, nulla nos possit virtute superare?

*Tract. 52.
super Ios. 10m. 9.*

Oratio Dominica vtrumque petendum commonet, & ut dimittantur nobis debita nostra, & ut non inducamur in tentationem: illud, ut præterita ex-

*lib. de nat.
gratia,
c. 18. 10. 7.*

piuntur; hoc, ut furta vitentur. Quod licet non fiat, nisi voluntas adsit, tamen ut fiat, voluntas sola non sufficit: ideo pro hac re, nec superflua, nec impudens Domino immolatur oratio. Nam quid stultius quam orare, ut facias quod in potestate habeas?

*Lib. 2. de
verb. Dom.
ser. 7.*

Conuersi ad Dominum Deum patrem omnipotentem, puro corde, quantum potest paruitas nostra, maximas, atque vberes gratias agamus, precantes toto corde singularem mansuetudinem eius, ut preces nostras in beneplacito suo exaudire dignetur: inimicum quoque à nostris actibus, & cogitationibus sua virtute expellat, nobis multiplicet fidem, mentem gubernet, spirituales cogitationes concedat, & ad beatitudinem suam perducatur.

*Lib. soliloq.
ad Deum,
cap. 2. to. 9.*

Ecce ad te clamo factura tua. Vita es, viuifica me. Ecce ad te respiro tuum plasma. Plasmator es, restaura me. Parce mihi Domine, nihil enim sunt dies mei. Quid est homo, ut possit alloqui Deum factorem suum? Parce mihi colloquenti tibi: ignosce seruo, qui præsumat Deo suo loqui. Legem non habet necessitas, dolor me compellit dicere: & exclamare me compellit calamitas, quam patior, Aeger sum, ad medicum clamo: cæcus sum, ad lucem propero: mortuus sum, ad vitam suspiro.

Tu es medicus, tu lux, tu vita, Iesu Nazarene. Miserere mei fili David, miserere mei fons misericordiarum: audi, qui ad te clamat, infirmum. Lux, quæ transis, expecta cæcum; præbe manum, ut ad te veniat, & in lumine tuo lumen videat. Vita viuens reuoca mortuum.

*de Senten.
Prosp. c. 88.*

Fideliter supplicans Deo pro necessitatibus huius vitæ nonnunquam misericorditer non auditur.

Quid enim infirmo sit vtile, magis nouit medicus, quam ægrotus. Si enim postulat quod Deus & præcipit, & promittit, fit omnino quod poposcit, quia accipit charitas, quod parat veritas.

Qualiter orandum sit ad Sanctos.

Cap. 366.

*Idem in li.
medit. c. 24
tom. 9.*

Fœlices vos sancti Dei omnes, qui pertransistis huius mortalitatis pelagus, & peruenire meruistis ad portum perpetuæ quietis, securitatis, pacis: securi & tranquilli, semperquæ tranquilli, atque gaudentes estis. Obsecro per vestram charitatem, qui securi estis de vobis, solliciti estote de nobis: securi estis de vestra immarcescibili gloria, solliciti estote de nostra multiplici miseria. Per ipsum vos rogo, qui vos elegit, qui vos fecit, de cuius pulchritudine iam satiamini; de cuius immortalitate facti estis immortales, de cuius beatissima visione semper gaudentes, estote iugiter memores nostri: subuenite nobis miseris, qui adhuc in salo huius vitæ circumstantibus agitamur procellis. Vos portæ pulcherrimæ, quæ in magnam surrexistis altitudinem, adiuuate nos vile pauimentum, longe inferius iacentes. Date manum, & erigite iacentes, ut conualescentes de infirmitate, fortes efficiamur in bello. Intercedite, atque orate constanter, & indefinenter pro nobis miseris, multumq. negligentibus peccatoribus, ut per vestras orationes, vestro sancto consortio coniungamur, quia aliter salui esse non possumus. Sumus namq. valde fragiles, & nullius virtutis homunciones: animalia ventris, & carnis mancipia, in quibus vix probitatis apparet vestigium. Veruntamen nisi finiatur nostra miseria, non complebitur

tota-

totaliter felicitas vestra : & vos ex nobis fuistis, ex hominibus homines : Et nos sub confessione Christi positi, ligno crucis ferimur, nauigantes per hoc mare magnum, & spatiosum, vbi sunt reptilia, quorum non est numerus, vbi animalia pusilla cum magnis, vbi est draco saeuissimus semper paratus ad deuorandum, vbi sunt loca periculosa, Scylla, & Carybdis, & alia innumerabilia, in quibus naufragantur incauti, & in fide dubij. Orate Dominum pijsimi, orate omnia agmina beatorum, & vniuersus cætus sanctorum, vt vestris precibus adiuti, salua nave, & integris mercibus, peruenire mereamur ad portum perpetuæ salutis, & quietis, & continuæ pacis, & nunquam finiendæ securitatis.

Exemplar deuotissimæ, & utilissimæ orationis. Cap. 367.

Clementissime Domine, concede nobis misericordia tua, vt desideria carnalia delectatio spiritualis minuat, & pietas in nobis crudelitatis iram restringat, & malignitatem patientia coerceat, & libidinem prudentia vincat, animositatem tranquillitas toleret, scurrilitatem, & verbositatem taciturnitas moderata compescat, curiositatem studium spirituale in vigilijs, & orationibus, & elemosynis succidat, ebrietatem sobrietas domet, ira, & furori mansuetudo dominetur, leuitatem maturitas regat, luxuriam vera castitas excludat, mundi cupiditatem Dei, & proximi charitas refrænet, iactantiam, & superbiam conculcet profunda humilitas, quia humilitas homines sanctos Angelos facit, & superbia dæmones ex Angelis facit.

*Lit. de sa-
lutarib. do-
cument. ca.
18. 10. 4.*

Pone Domine lachrymas meas in conspectu tuo, & perueniat ad te in cælum deprecatio mea: Adesto precor, & iuueni, atque in manibus tuis commendatam tibi me ipsam suscipe: liberans me de ore saeuissimi draconis, & de manu atrocissimi Inferni, cum acceperis me, & auferes de medio umbræ mortis, immo deduces in semitam lucis, & in clarissimam regionem viuientium. Colloca me in caulis tutissimis gregum tuorum, quia tu es pastor bonus, qui requiris, & reducis perditam ouem, tueris, & saluas inuentam, foues, & sanas languidam. Tu es misericors Dominus, quia sperantes in te non confundis: requirêtes te, non derelinquis: reuertentes ad te, non respicis: sed exaltando, & laudando suscipis, atque in æterna beatitudine vnâ cum sanctis tuis æternaliter regnare concedis, quia est tibi cum æterno Patre, & Spiritu sancto vna Diuinitas, gloria, virtus, imperium, & potestas in secula seculorum Amen.

Id. c. 67.

Sed ultra orationis laudes, recenseamus, quæ mirabilia per orationem facta sunt.

Imperator M. Aurelius Antoninus apud Sarmatas cum exercitu suo ad extremum periculum reductus propter aquæ inopiã, orationibus Christianorum militum impetrata pluuia largissima, diuinitus liberatur. Cap. 368.

Eusebius de hac re agens, Apollinarem, Tertullianumq. adhibens testes, hæc ait: Antonini fratrem Marcum Aurelium Cæsarem, fama est, contra Germanos, & Sarmatas aciem instruentem cum exercitus illius ingenti
fuit

*Euseb. li. 5.
cap. 5.*

siti opprimeretur, omnino non habuisse quid ageret: Vnde milites in ea regione, quæ Melitana appellabatur (quæ sanè ab illo tempore ad hanc nostram ætatem magnoperè propter fidem commendata est) in ipsa acie contra hostes instructa, genibus humi positis, ut nobis, cum oramus, in more est, se ad preces Deo adhibendas totos conuertisse. At dum hostes huiusmodi spectaculum magnopere mirabantur, aliud quoddam multo admirabilius statim consecutum fertur: fulmen enim hostes in fugam vertisse, eosque interemisse, & imbrem in exercitum eorum, qui diuini numinis opem implorauerunt, de cælo affatim ruentem, eum vniuersum rescisse, recreasseque, qui parum aberat, quin præ siti intolerabili iam extingueretur.

*De in M.
Aurel.
Claudia. in
6. Honorij
Consulatu
lib. 1.*

Eadem historia apud Gentiles scriptores, qui longè à nostra religione dissentiant, quique laborem ceperunt ea, quæ illis temporibus agebantur, literis prosequendi, recensetur. Commemoratur etiam à nostris: sed à Gentilibus scriptoribus, utpote à fide alienis, quamquam miraculum illud ponatur, tamen quod nostrorum hominum precibus euenerit, ex eorum scriptis minime certe constat: at à nostris, utpote veritatis fautoribus, simplici quadam oratione, & minime fucata, res vere, ut edita fuit, explicatur. Ex quorum numero est Apollinaris, qui affirmat, legionem, cuius precibus miraculum edebatur, latino sermone, Fulmineam usque ab illo tempore appellatam, illudque nomen rei euentum scite exprimens ab Aurelio Cæsare ei tributum. Hæc Eusebius, qui mox testimonium subdit Tertulliani.

*Tertul. Apo
log. c. 5.*

Idemque auctor in Chronico eandem rem, his verbis testatam reliquit, Imperator Antoninus multis aduersum se nascentibus bellis, sæpe ipse intererat, sæpe Duces nobilissimos destinabat, in quibus semel perneciter exercitu, qui cum eo in Quadorum regione pugnabat, siti oppresso, pluuia diuinitus missa est. Cum è contrario Germanos, & Sarmatas fulmina persequerentur, & plurimos eorum interficerent. Extant litteræ Marci Aurelij grauissimi Imperatoris, qui illam Germanicam sitim, Christianorum fortè militum precationibus impetrato imbre discussam contestatur. Hucusque ille.

*Nyssen. or.
2. in 40.
Mart.*

His addendum est notabile testimonium S. Gregorij Nysseni, qui celebras laudes Sanctorum Quadraginta militum Martyrum, qui Sebaſte in Armenia passi sunt, ab hisce militibus Christianis, qui tam insigni miraculum ediderunt, encomium auspicatus est, ea nimirum occasione, quod Gentiles fermè essent, nempe Armeni omnes. Nam quod ait Eusebius, Melitinam eam legionem fuisse antea dictam, id accidit quod Melitinenſes essent populi in Armenia, unde illi nomen deductum esse videtur. Gregorius igitur rem gestam his verbis descripsit: Erat vetus quædam circa vicinam Urbem militum manus, præsidium totius gentis aduersus impetum Barbarorum. Illis ex quadam ante oblata diuinitus apparitione, maiori studio fides erat, quàm res ac disciplina militaris: ac forsitan non intempestiuum fuerit, vnum quoddam fidei virorum illorum facinus egregium obiter commemorare. Bello enim eis aduersus Barbaros aliquando conflato, cum omnibus locis opportunis ab exercitu hostium præoccupatis, aquæ quoque in eorum potestare essent, ad extremum periculum reducti, siue impericia nostrorum Ducum, siue meliore, ac diuino magis consilio, atque dispositione, ut vel per hoc maxime appareret, quid interesset inter Christianos, atque externos, & à fide alienos; cum nulla ratione rebus præsentibus mederi possent, magnaque trepi-

trepidatio, ac desperatio esset, cum nullus fons eo loco, aut aliunde prouenientis aquæ facultas eis appareret, periculumq. esset, ne siti expugnati, ab aduersarijs subigerentur. Tunc præclari illi atque egregij, omisso armorum præsidio inuictum, cuius resisti non posset, auxilium in rebus asperis animaduertunt.

Relictis enim in castris, qui nondum fidem receperant, ac per se separati, imitantur id, quod tempore Eliæ Prophetæ factum est miraculum, communi, atque coniuncta voce precibus petentes, ut ex rebus desperatis, in quas incidissent, eriperentur. Atque illi quidem precabantur; preces vero ex templo in opus conuertebantur. Cum enim adhuc ipsi in oratione perseverarent, flatu violento nubes aliunde coacta sublimis in arce castris hostiū imminebat. Deinde fragoribus ingentibus superintonans, & fulgurum in subiectos incendia immittens, aquam fluminibus vehementiorem præcipitabat adeo, ut aduersarijs quidem tūm continentia fulmina, tūm continuatio imbrium, ferè extremi exitij causa existeret. His vero, qui precum aciem opposuerant, ad utraque sufficeret, tam ad vincendos hostes, quam ad sitis leuamen, quippe defluentibus torrentibus abunde porum ipsis supeditantibus. His igitur adiunctus est noster cæsus eorum, qui de exercitu narrationibus illis etiam ipsi circa fidem confirmati, & eisdem studijs, & exercitijs innutriti, in tantam animi indolem, ac magnitudinem euecti sunt, ut excellentia virtutum aduersus sese inuidiam excitarent.

Sed præstat ipsas Marci Aurelij litteras ad senatum tūm scriptas, hic recitare. Descriptæ quidem illæ reperiuntur ad calcem Iustini Apologiæ ad Antonium Pium, eodemq. loco vnâ cum ipsius Iustini operibus typis excusæ; est igitur huiusmodi ex codice Vaticano earum editio.

Imp. Cæsar M. Aurelius Antoninus Augustus Parthicus. Germanicus. Sarmaticus, Pontifex Maximus, Tribuniq. Potestatis xxviij. Imp. vij. Cos. iij. Pater Patriæ, Procos. S. P. Q. R. S. D.

Certiores vos feci de consilij propositiq. mei magnitudine, & quæ in Germania mihi in discrimine atque obsidione, alia ex alijs acciderunt, cum in eius medio, labore atque æstu confectus fuisset. Sane dum Carnuti essem, speculatores nobis indicarunt septuaginta quatuor hostium dracones prope nos nouem millibus adesse; idemq. Pompeianus, quem bello Ducem præfecimus, quod nos quoque videbamus, renunciauit. Cumq. in nostrorum militum exercitu haberemus tantum legiones Primam, Decimam, Geminam, & Fretensem; hostium vero nongentorum, & septuaginta septem millia, measq. ipsius copias cum ingenti Barbarorum, atque hostium exercitu comparassem, Deos Patrios votis susceptis rogaui. Sed cum ab eis negligerer, meq. ab hostibus premi animaduertirem, copiarum mearum paruitatem contemplatus, eos qui apud nos Christiani dicuntur, accersui, ac rogaui, inueniq. magnam eorum multitudinem, illosq. minis compuli, quod minime decuerat, propterea quod postea illorum vim, ac potestatem cognoui. Itaque non ad telorum comparisonem, non ad armorum, neque ad tubarum vsum se contulerunt; hoc enim illis facere Dei causa & nomine, quem in conscientia gestant, gratum non est. Aequum igitur est, ut quos impios esse, & à Deo alienos opinabamur; eos existimemus Deo munitos esse. Cum enim se humi proiecissent, non solum precati sunt pro me, sed
etiam

etiam pro toto hoc exercitu , vt famis , ac sitis , qua vrgebamur , remedium aliquod afferretur ; quinque enim diebus aquam non sumpseramus , quod ea non suppeteret ; eramus enim in media Germania , montibus vndique conclusi ; simul autem atque sese huini abiecerunt , ac Deum illum precati sunt , quem ego ignorabam , statim è cælo pluuia delapsa est , in nos quidem frigidissima , in Romanorum vero hostes grando , ignis specie , ac similitudine , & fulmina : eorumq. orationibus ac precibus itatim præsto Deus fuit , qui neque vinci , neque expugnari potest . Quamobrem illinc exorsi , concedamus talibus , vt sint Christiani , nequa arma eius generis contra nos petant , & impetrent . Censeo autem neminem , quod Christianus sit , esse in crimen , & in ludicium vocandum . Quod si quis inuentus fuerit , crimini dare culpam , quod Christianus sit , ei quidem , qui in crimen vocatur , manifestum fieri volo , si nihil aliud obiectum est , quam quod Christianus tantum , dimitti ; eum tamen , qui Christianum accusauit , viuum exuri ; illum vero , qui Christianum se esse professus fuerit , periculo omni , quod ob eam rem ei intendebatur , liberatum ; Is cui prouincia commissæ est , nequaquam ad poenitentiam adigat , aut libertatem ei adimat . Hæc autem S. C. etiam sanciri volo , atque hoc meum edictum in foro Diui Traiani proponi , vt legi possit . Curæ autem erit Vetrasio Pollioni Præfecto Urbis , vt ad omnes Prouincias hæc Constitutio mittatur , neque quisquam , qui eam transcribere , vel ipsa vti voluerit , prohibeatur . Valete .

Oros. lib. 7. c. 15. Meminit harum litterarum Tertullianus , quarum exemplaria suo tempore complura existisse tradit Orosius . Porro Pompeianus , cuius in litteris Marci mentio habetur , gener Marci fuit , cui Lucillam viduam nuptui tradidit .

Extat hætenus tam egregij miraculi , Christi virtute editi , quam præclarum , atque egregium monumentum in nobilissima illa Antonini Columna cochlide insigniter insculptum , vnà cum alijs eiusdem Marci Aurelij Imperatoris in bello Marcomanico facinoribus fortiter gestis . Egregium Christianæ victoriæ trophæum æterna memoria consecratum ; quippe quæ celebre illud factum contineat , cum (quod est in psalmis) Intonuit de cælo Dominus , & Altissimus dedit vocem suam , grando & carbones ignis ; misit sagittas suas , & dissipauit eos , fulgura multiplicauit , & conturbauit eos . (Romanis vero apparuerunt fontes aquarum) Et quod alibi dicitur : Fulgura in pluuiam fecit . Visitur adhuc in ea imago expressa rei tam insigniter gestæ , sed ijs plane signis , vt Iouis imbres dantis , & illis fulgura admiscen-
tis repræsentet effigiem , quæ omnibus perspicua est .

Nauis quædam oneraria cum esset in terra , & ad mare prouolui non posset , oratione , quasi animata esset , ad Mare peruenit .

Cap. 369.

Niceph. lib. 14. c. 39. Sac. hist. li. 7. c. 36.

IN littore Troiano ingens oneraria Nauis , quæ magnas columnas ferret , constructa fuerat ; Platem , à latitudine , eam Nautæ nominant . Hanc cū opus esset in mare prouoluere , multi , qui funibus eam in vndas traherent , cōfluxere . Illa vero diebus pluribus moueri loco non potuit , & homines immobilem eius stationem dæmonis efficacitæ ascripserunt : quapropter Episcopum

scopum Silvanum adierunt, & ab eo, ut precationem super eam faceret, petierunt, eam ipsam solam ad commouendam nauim suffecturam esse credentes. Ille pro modestia sua, non ipsius, ut hominis peccatoris, id opus, sed alterius cuiuspiam, in quo diuinum numen conquireret, esse dixit. Vbi vero illi magis etiam ei multa precati insistere, petitioni eorum vix tandem cedens, ad littus aduenit; & oratione peracta, funem vnum attigit, & alios operi ei insistere iussit. Paululum nauis ab illis impulsæ est, & illa perinde atque animata esset, celeritate multa prouoluta ad Mare peruenit. Hæc res in prouinciam omnem vulgata, religionem magnam Siluano est attestata.

Quidam in mortis articulo constitutus, oratione sua impetrat, ne mori posset, priusquam sacramentis Ecclesiasticis esset communicatus. Cap. 370.

Post mortem Domini Federici de Blanckenheim, Traiectensis Ecclesiæ Tilm. Brem
Episcopi, propter electionis dissidum duos accidit pro Episcopatu contende- derb. col.
re, è quibus alter, quamuis canonicè electus, & à subditis receptus, paulò sacr. lib. 4.
post tamen vi denuò est extrusus atque fugatus. Eam ob rem Martino Papa c. 1.
in rebelles schismaticosq. excommunicationis censura animaduertente,
accidit multos tum ecclesiasticos, tum plebeios Deum amantes à Traiecto,
propterea quod apostolica ibi censura contemnebatur, discedere; quippe
qui inobedienciæ exilium præferre mallent. Inter hos Ianus quidam non
minus pius, quam diues, ne peccatis consentiret alienis, neque anathema
ta contemneret, in Gorcum, quod est Olandiæ oppidum, exul sese conti-
nuit. Nomen viro erat, Henrico Vock. Hic diuam virginem, ac marty-
rem Barbaram quotidie consueuerat venerari; audierat namq. quisquis hanc
in honore habuisset in vita, absque confessione, & Eucharistiæ sacramento
non mori.

Agebat vitæ suæ annum ferme septuagesimum, qui diuinæ incarnationis
erat millesimus quadringentesimus quadragessimus octauus, dum ex agro re-
deunti hæc accidit calamitas: Siquidem in nocte, qua festum agitur diui
Augustini, quando labore rurali fatigatus dormiebat, candela ardens in
stramina, quorum tum forte ingens copia aderat, cecidit, unde domus ac-
censa illico tota flagrauit. Euigilarunt prædictus Henricus & Andreas filius
eius, & pariter territi vix incendium, vel nudi euasere. Nam Andreas
inter fugiendum ab igne circa genitalia læditur. Henrico vero patri indu-
sium, quo caput inuoluerat, duobus in locis ardere cepit, verum corpore
liberatus, pro pecuniæ amissione, maiori sollicitudine cepit vrgeri. Quare
in domum redire statuit extracturus nummos. Itaque signo crucis se mu-
niens, ubi in domum flammis relictam cucurrit, hæc ante super corpus eius
nudum corruit, quam ad conclaue, in quo pecunia recondita iacebat, per-
ueniret. Hinc cum certe iam mors instaret, tametsi vrentibus flammis
grauiter torqueretur, maiori tamen dolore afficiebatur, quod sacramentis
Ecclesiasticis non esset præmunitus. Eapropter desperata corporis salute,
pro animæ dumtaxat remedijs ad diuam Barbaram, qua tunc potuit deuo-
tione, se contulit. Orans igitur: sancta, inquit, Barbara, quod per spon-
sum tuum nunc potes, succurre misero, & in peccatis morienti. Fiat tuis
pre-

precibus in me, quod olim pro Christo tibi morienti cēlitus est promissum. Memor sit sponsus tuus sanguinis tui rosei, atque virginei, memor sit castissimi, atque feruentis amoris tui, ne de corpore meo egrediatur anima, nisi confessionis sacramento ante purgata, & saluifico viatico præmunita. Vix orationem finierat, & ecce Virgo astat decora, sanctissima Barbara, eo scilicet schemate, quo in templo picta cernebatur. Hæc pallio suo mox ignium globos restinguens, per flammineum tectum candida sua manu illum eduxit, atque tuto in loco statuens, sic illi locuta est: Quia grata mihi sæpenumero deuotionis obsequia obtulisti, & modò diuinam misericordiam per meum patrocinium implorasti, meo scias interuentu tibi ad auroram vsque vitam prorogatam; quo viuendi spatio, confessionis, Eucharistiæ, atque extremæ Vnctionis sacramenta recipias. His dictis, ad superna rediens Barbara Virgo disparuit. Szuebat interea ignis, & vicinæ domos absorbere festinabat. Clamant vigiles, & pulsatis campanis ciues excitati accurrunt. Ceterum Henricus ille prædictus, sanctissimæ Barbaræ præsidio flammis ereptus, ab imo pedum vsque ad verticem capitis fuerat adustus, nec minus intus quàm extra in corpore torridus. Vnde assati cadaueris speciem magis quàm hominis præferebat. Si quidem verenda eius ignis edax adeò absumpserat, vt hiantibus in inguine vulneribus, etiam exta nudarentur cremata. Nates, & clunes eius flamma vorauit hipochondria, venter, pectus, ascellæ, collum, ac scapulæ non modò adusta, sed inflexibilia quoque, & vt ferrum rigida erant. A vertice denique capitis capilli cum carnibus defluentes, & ossa nudantes in genis hærebant. Quid multa recenseo? Adeo fuit crematus, vt ossibus vix modica adhæreret caro tamquam Aethiopis nigra; nam præter oculos, linguam, & cor, quæ per B. Barbaræ subuentionem ex diuina miseratione adhuc suo in vigore viuebant, nihil in eo manebat reliquum.

Hic itaque, quamuis in eo nihil cerneretur præter admirabile, horrendumq. cunctis simulachrum, per duos longos vicos, & plateam dictam (de Moelonstræet) de incendiij loco ad filiæ suæ dilectæ Dietuardæ, quæ viro honorabili Neudoni filio Arnoldi dudum nupserat, domum solus iuit: vbi arentes pedicæ inter eundum à corpore eius decidentes, combustionis pariter, ac miraculi euidens testimonium præbuere. Hæ tamen altero die collectæ, humando eius corpori sociatæ sunt. Itaque ad filiæ domum postquam aduenit, præmortuum eius corpus lecto impositum est: ipse vero nihil aliud, quàm sacramenta ecclesiastica, paulò post moriturus expetijt, omnibus interim manifestans, quanta sit Dei misericordia, beatæ Barbaræ precibus ac meritis in se collata. Quippe cuius mortuo atque cremato corpori, ne sacramentorum expers moreretur, vita seruabatur. Percrebuit interea per ciuitatem stupendi huius miraculi rumor; & licet incendium interim, omni ferè momento se ipso fieret maius, adeò vt ad templum vsque Diuæ Agnetis tunc aliquoties etiam accensum multas domos absumeret, ad spectaculum tamen hoc mirabile cadaueris, vt ita dixerim, morituri, plures, quàm ad restinguendum ignem confluebant. Idcirco vt maius fieret miraculum, confortatus à Deo Henricus, perinde ac sanus & incolumis, populo aduentanti prædicabat. Noscebat omnes, & ad terrenorum contemptum, cælestiumq. amorem, quoscumque poterat, inuitabat, flentes pro
se

se propterea arguebat, quod pro se non ultra dolendum sentiebat, quippe cum quo Deus misericordiam fecerat. Hortabatur quoque eos, qui aderant, ut Deum in cunctis eius operibus laudarent, casta ac feruenti oratione colerent, & eius matrem virginem Mariam, pia veneratione diligenter, sanctissimam quoque Christi sponsam, Barbaram præcipua deuotione honorarent. Hæc enim, inquit, ut cernitis nunc oculis vestris, honorantibus se sacramenta confessionis & Eucharistiæ ante mortem impetrat. Ad hæc miraculi huius in se facti narrans ordinem atque modum replicat, addens illucescente aurora quantocyus in testimonium veritatis à seculo se migraturum.

Ne vero de miraculi adhuc veritate quis dubitaret, aut quod diuinæ erat miserationis, naturæ, aut fortunæ adscriberet, rogabat honestissimos quoque utriusque sexus senes, ut accederent, & exploratis visu, tactuque probatis singulis, & membris, & locis, discerent non virtutis humanæ, quod viueret, sed potestatis esse diuinæ. Accedentibus ad lectum multis, & cum trepidatione tangentibus: Non sentio, inquit, vestro tactu læsionem. Tangite securi adusta membra, & hiantia vulnera, corporisque rimas, quoniam gloriam Dei loquuntur, etiam oculis explore. Videbitis quidem combusta, ac præmorta omnia, nec sine mirabili Dei virtute mihi adesse vitam. Ad hæc humana curiositate permoti, cum multi omnia iustitarent, Dei omnipotentiam, & sanctæ Barbaræ merito benedixerunt.

His ita precatis, cum omnium peccatorum suorum ab infantia confessionem fecisset, & sumptis sacramentis, ter adhuc confessionem repetisset, S. Barbaram electam suam patronam, Diuumque Laurentium inuocauit, orans, ut hæc assatio corporalis, & temporalis, quam sustinuerat, incendij pœna, sibi in omnium cederet expiationem peccatorum. Postremò illucescente aurora, Confessori, & astantibus dixit: O pater amande Confessor, ceterique omnes amici, adest iam hora, qua moriens à vobis recedam; quapropter hoc temporis breui spatium à me, quæso, nolite recedere, sed orationibus me vestris iuuare. Hæc dicens ad Deum orando se conuertit, atque beatissimæ Virginis Mariæ, B. Barbaræ atque omnium Dei electorum precibus se commendans, suorum veniam peccatorum iterum orauit. Post hæc sonora voce: Domine, inquit Iesu Christe, misericordissime Deus, qui me in ara sanctæ Crucis pretiosissimo sanguine, & acerbissima morte redemisti, miserere mei, ecce in manus tuas commendo spiritum meum. Hæc dicens, emisit spiritum. Ad laudem igitur Dei, & honorem beatæ Virginis, ac gloriosæ Barbaræ, crematum eius corpus oculis omnium intra domum contuentium exponitur, & tandem in templo Gercumensi iuxta suggestum, ciuibus omnibus pro amore viri occurrentibus vespere sepelitur. His ego Theodoricus Pauli de Gercum, quia interfui, & prædicti Henrici confessionem, quater audiui, sacramenta administraui, vulnera eius ac membra tractaui, tractandaque alijs obtuli, ipsum præterea tenui inter brachia mea morientem, & ne modico quidem tempore, ut rogatus quoque à filiabus & amicis, ab eodem recessi, non potui tam glorioso miraculo testimonium non præstare, & hæc ad Dei gloriam scribere.

Caueant qui sceleratè viuunt, ne huiusmodi exemplis semetipsos decipiant, qui tales traditiones non sunt perpetuæ, neque infallibiles, ut habetur in prima Synodo Prouinc. Camerac. anno 1565.

Diuus

Diuus Thomas consuescens per orationem, mentem in Deum eleuare, orationis vi calitus illustratur, diuinarumq. rerum, & celestium arcanorum notitiam admirabiliter consequitur. Cap. 371.

*Sap. 7.
Psal. 118.*

DIuus Thomas Aquinas, excelsus Theologus, orationis studium præcipuum habere voluit, quapropter admirandas rerum diuinarum illustrationes habere meruit. Quoties ad legendum accederet, aut disputationem iniret, vel scriptionem aliquam diuinæ tractationis assumeret, semper prius orare solitus fertur. Legitur hodie à multis formula deuotissimæ orationis, quam antequàm libros euolueret, præmittere solebat. Cogitabat enim, nihil rectè auspicari, nihil rectè agi sine maiestatis diuinæ inuocatione, cuius totum est, quicquid benè fit, benè dicitur, benè cogitur; ita ut eius exemplo satis pateat, cælestē lucem, & diuinās veritates peruenire ad nos, non cum curiosè libros legimus, sed cum deuote oramus, & inuocamus luminum patrem. Inuocaui enim, & datus est mihi spiritus sapientiæ, dixit Sapiens. & Propheta summus: rogabat quotidie, Domine da mihi intellectum, & uiuam: & Scrutabor legem tuam, & custodiam illa in toto corde meo. Quapropter illi, qui tam auidè sanctum hunc virum sequuntur disputantem, sequantur etiam illum deprecantem.

Igitur vir iste sanctus, dum doctrinæ operam daret, orationi semper primum locum dabat, & priusquam ad codices verteret intuitum, mentem per orationem eleuabat in Deum. Ex hac autem orandi consuetudine, habitum quemdam eleuandi se supra se admirabilem tūm consecutus est, & tamquā aquila quædam pennis instructa, ad cælestia volabat, cum volebat. Quibus quidem eleuationibus superiori lumine mirabiliter illustrabatur, ut illa, quæ contemplabatur, videretur sibi habere ante oculos. In sacrificio autem missæ sacræ totus Eucharistiæ intentus, semper orare, & vberim flere solebat, quasi corporeis oculis Christum dira tormenta patientem conspiceret.

Ex Io. Anton. Flami. foro corneliensi in vita eiusdem S. Thomæ Aquinatis.

Quare cum die quodam Neapoli multi milites sacrificanti adessent, & corporeis sanctus vir ablatus sensibus diutius in sacrificio moraretur, nec pergeret, quidam ex cœnobitis ad eum accedere, qui tamquam alto quodam sopore correptum excitantes monuerūt, ut sacrum prosequeretur. Quopercito cum quidam ex familiaribus illis militibus, qui sacrificanti adfuerant, accessissent, ac impense rogassent, ut sibi diceret, quid in eo mentis raptu vidisset, tacuit constanter, nec vllō modo adduci potuit, ut diceret. Mos illi erat sacrificare quotidie, nisi ægritudine impediretur. Nec suotantum contentus sacrificio, vel socio suo, vel alij sacrificanti aderat, acplerunque ministrabat. Post breuem admodum dormitionem noctu surgebat, & ecclesiam ingrediebatur ad locum, quem sibi ad orandum elegerat, ubi prostratus humi orando diuinitus edocebatur, quæ post orationem, vel scriberet, vel dictaret. Ita præter illud breuissimum tempus, quod somno, & refectiōni corporis pro conseruanda valetudine dabat, totum quod reliquum erat, sanctis actionibus impendebat, nec vacuum elabi ne punctum quidem temporis sinebat; adeò, ut si quando vel suorum cœnobitarum, vel nobilium virorum se aduentum causa, relicto studio in locū, quod Locutorium

rium dicunt, descendere cogeretur, mentis exercitationem tamen non dimitteret. Nam, vel sacræ scripturæ aliquam recensabat historiam, vel aliud, quod foret auditoribus utile, proponebat; si quod vero temporis superfuisset, priusquam ad cubiculum suum (cellam cœnobitæ vocant) rediret, surgens de loco, ubi confederat, sic taciturnus ac repente abibat, ut neminem ibi cernere aut relinquere videretur; & ita cogitabundus, vel per septa monasterij solus, vel per hortum spaciaretur, ut sic quidem suas meditationes, vel speculationes non intermisisse, sed continuasse videretur. Erat autem illius mens sic in Deum semper intenta, ut cogitatio illius nunquam ab eo recederet. Quoties docturus erat, aut scripturus, ad locum orationis prius se recipiebat. Quare quicquid docuit, & scripsit, cælitus infusum illi creditum est. Sancti etiam, & perpetui illius socij fidelissimum testimonium id confirmavit, qui cum à Monasterio Fossæ Nouæ, post obitum sancti Magistri sui Neapolim redisset, in cuius locum successus erat, ut ipse quoque ibi doceret, essetque interpretationes continuaturus ex eo loco, ubi finem ille fecerat, in magnum prorupit fletum, cum se quis esset, & quis ille, in cuius locum succedebat, fuisset, consideraret, sequè altitudini, & claritati doctrinæ illius longe imparem cerneret: de qua cum verba faceret, audientibus magna cum admiratione, qui aderant, omnibus, dixit: Magnum vobis Arcanum, charissimi fratres, nunc pandam, quod nulli ante sanctissimum obitum magistri mei ex iussu illius fas mihi fuit aperire, diuinitus illum edoctum fuisse quæcumque docuit, quæcumque scripsit, atque dictavit. Mos enim illi erat, priusquam talia faceret, ad orationem accedere, ibique instrui. Quomodo enim tam sublimi, & sacro præditus ingenio, nisi talia diuinitus edoctus, vel docere, vel scribere potuisset? Quare si quid unquam difficile cogitanti, vel legenti occurrisset, quod proprijs viribus consequi non posset, ad opem, quam diximus, orationis confugiebat.

Exponebat sanctus Doctor profunda Isaïæ Prophetæ mysteria prophetiæ; cumque ad quendam locum difficillimum peruenisset, nec satis arcana verborum perciperet, ut sibi satisfaceret, ingenti mærore afficiebatur, nec animo quiescere poterat. Ad opem igitur diuinam conuersus ieiunijs, & orationibus à Deo petebat propheticum sibi arcanum recludi. Voti demum compos factus est: nam nocte quadam venere ad eum Petrus, & Paulus Apostoli, qui locum exposuerunt, quos ego cum eo loquentes audiebam. Sed neque qui essent, neque quid loquerentur, percipere poteram. Post longam illorum colloquutionem, & discessum sanctus me Doctor vocavit, & dixit: Rainalde, surge, & candelam accende, ac illas resume paginas, in quibus me dictante super Isaïam proximis diebus scribebas, & quæ dictabo, diligenter excipe. Cœpi ego statim scribere, illo non aliter dictante, quàm si legeret illa quæ dictabat. Cumq. scripsissem, dixit: Redi iam ad quiescendum, quia adhuc multum noctis superest. At ego, qui tenebar incredibili desiderio sciendi, quibuscum tamdiu paulò ante sermonem habuissem, ad genua illius procubui, precibusquè, & lachrymis obsecrare, ac obtestari illum cœpi, ut mihi diceret, quinàm ij fuissent, asserens, me non aliter ab eius recessurum pedibus, nec orandi finem facturum.

Recusavit ille diu quidem, & arcanum texit dicens: Non opus esse, mentalia scire: sed meis demum euictus precibus, & lachrymis dixit: Quando pertinaciter hoc scire contendis, faciam, quod te velle tantopere video, sed ea lege, ne cui ante obitum meum pandas, quod tibi nunc aperiam. Vidisti me hisce diebus valde anxium super difficultate loci prophetiæ huius, quem nunc exposui, cuius cum sensum percipere non possem, & ea me res mirifice angeret, non prius precibus, & lachrymis destiti, quam à Deo impetraui, ut mihi liceret scire, quod ut scirem, tantopere laboraueram. Quare pius Dominus serui sui misertus, beatos ad me Apostolos Petrum, & Paulum hac nocte misit, qui mihi (sicut vides) rem planam & apertam fecere. Hæc ergo, fratres charissimi, pro Dei laude, ac tanti Doctoris gloria vobis occulta esse nolui, ut hinc scire possitis, qualis censenda sit tanti Magistri doctrina, quam vera, & quam omni fide digna, quam cælestes illum doctores edocuerunt. Sed aliud non minus memorabile idem Rainaldus narrauit, quod sibi à suo magistro paulo ante obitum fuisse patefactum dixit: Venisse ad eum aliquando magnam Dei Genitricem, & quam grata esset Deo illius vita, & scientia, declarasse.

Addidit præterea, nihil eum per ipsam à Deo petisse, quod non impetrasset, cuius etiam fauore, ac beneficio creditum est, Deum mirandam illam, ac vere diuinam doctorem sancto scientiam contulisse. Ex quibus vnique facere coniecturam licet, quanta illi cum cælestibus esset ciuibz familiaritas. Quare congruum fuit, ut mentis altitudinem, qua semper in cælo diuersabatur, etiam corpus imitaretur, quod sublatum à terrâ sæpius conspectum est, ut, cum orante illo in æde Salernitani Monasterij ante aram templi maximam raptum duobus à terra cubitis Rainaldus idem, & alter cœnobita, cui nomen Iacobus, post nocturnum officium attoniti conspexerunt. Simile est, quod referam. Dominicus Casertanus in Neapolitano Monasterio vitæ ac fidei cœnobita memorabilis, atque probatæ, cui etiam vigilantia alia quoque mira Deus ostendere solebat, retulit sanctum consueuisse doctorem, dum Neapoli esset, noctu semper ante nocturnum officium in ecclesiam ad orationem descendere, ac vbi matutinale signum daretur, in cubiculum suum, ne ab alijs cerni posset, reuerti. Se vero illum semper diligentius obseruasse, ut videret, quid rerum id temporis in ecclesia ageret, ac in loco non procul ab ara Diui Nicolai, vbi orare ille solebat, delituisse. Se igitur cum ingenti stupore vidisse, ibi orantem illum ante Christi sacram effigiem bipedali à terra sublatum mensura, Christi quæ de cruce vocem audisse dicentis: Bene scripsisti de me Thoma: quam ergo recipies pro tuo labore mercedem? Respondisse illum: Domine, non nisi te ipsum volo. Quod ideo dictum illi à Christo fuit, quia tunc forte Tertiam scribebat Summæ de Passione Christi, ac resurrectione partem, postquam pauca scripsit, propter mira, quæ illi Deus aperuit, & Christi verba inditio fuere, non illum deinceps multa scripturum, cum quo iam de mercede laboris agebatur.

Simile est quod referam, quod ut non præteream, hic me locus admonet: Orta est aliquando inter Theologiæ magistros Parisienses de accidentibus ac dimensionibus sacræ Eucharistiæ magna disputatio circa quam cum variæ ferrentur sententiæ, nec verum pertingere quisquam videretur, componendam

dam beato Thomæ commiserunt sic, ut illius sententiæ omnes acquiescerent. Quam quidem operam, ubi diligenter præmissa (sicut illi mos erat) oratione præstitisset, libellum, quem de ea re scripserat, in ecclesiam pertulit, ac in altari locauit, præsentibus Monasterij Præfeto, & cœnobitis compluribus, ac ibi Deum rogauit, ut aliquo signo sibi declararet, an recte de ea re sensisset, & scripsisset. Assuit precanti Christus, & audientibus qui aderant omnibus ait: Bene de hoc sacramento scripsisti Thoma, quantum in corpore adhuc mortali constitutus quispiam possit: & his dictis euauit.

Quæ quidem eximij, & sanctissimi Doctoris scripta quantum omnes postmodum approbauerint, ex ipsius Christi verbis, ac testimonio vnusquisque facere coniecturam potest. Sic enim cælestibus eius mens inhæserat, atque ita Deo erat intenta, ut nulla ratione inde auelli posset, ac terrenis implicari. Hinc fiebat, ut corporeis frequenter auferretur sensibus, & immobilis diu alta cogitatione sibi subtractus permaneret. Cuius rei duo de plurimis illustria subiiciam exempla. Sanctus Rex Franciæ Ludouicus libenter illum solebat in rebus arduis consulere, quia & prudentiam eius, & utilitatem consilij fuerat expertus, ideoq. sanctum Virum plurimi faciebat, ac eius consuetudine maxime delectabatur, conuiuamq. illum habere cupiebat, & ea de causa, qui illum ad se vocarent, miserat. Recusabat vir sanctus, nec vilo pacto adduci poterat, ut iret, nisi monasterij Archicœnobita illi ostendisset, non oportere, nec æquum esse aduersus tantum Regem in tali sententia persistere: & petitioni Regis suum iussum adiecit, & cum eo ipse etiam profectus est.

Dum autem epularetur, & beatus Thomas apud Regem discumberet, eadem animo volutans, quæ paulo ante Summam Theologiæ dictans mente, agitauerat, manu mensam præ gaudio percussit, quia tunc demum inuenisset, quod diu quæsiuerat, & ait: Modo conclusum est contra hæresim Manichæi. Tunc Archicœnobita, qui illi hærebat, tractum veste velut ex alto somno excitauit, & dixit: Aduerte magister, & memento, nunc tecum Rege Franciæ discumbere. Excitatus ille, ac circumspiciens erubuit, & a Rege veniam petijt, qui ea re plurimum delectatus, & Sanctum magis Doctorem admiratus, quod nec illum tanti Regis inuitatio delectasset, nec suo ad locum, & conspectum tam illustrem accessu, quicquam de sua cogitatione omisisset, suum ad se scribam vocauit, ut ea, quæ sanctus Doctor excogitauerat, veritus ne forte obliuioni traderentur, scriberet. Huic simile quod referam, Campanus Archiepiscopus beati Thomæ discipulus, apud Cardinalem quendam in Neapolitano Regno legatum, multa de suo magistro mira narrabat:

Quæ audiens Cardinalis, optare maxime cæpit eum videre simul, & alloqui. Cum ergo ea de causâ vocatus de suo cubiculo, ubi tunc forte dictabat, sanctus Doctor, descendisset, id quod mente agitabat, non dimisit, sed corporeis ablati sensibus in eo permansit. Cum igitur aliquandiu in ipsius conspectu Cardinalis, tamquam statua quædam persistisset, nec dixisset quicquam, aut vllum reuerentiæ signum edidisset, cæperat illum despicere Cardinalis, ac velle abire: sed eum Archiepiscopus, ne mi-

LI 2 raretur

raretur admonuit, quia propter mentis, & cogitationum altitudinem, quas frequenter animo volueret, sic illi mos esset abstrahi, ac sensibus auferri. Paulo post hilarem præferens faciem sanctus Vir dixit: Modo habeo, quod quærebam. Tunc Archiepiscopus veste vehementer tractum excitauit. Ille tamquam profundo euigilans somno, viso Cardinale, ac tanto virorum nobilium cœtu, stupuit, & erubuit, ac veniam petijt, quod debitam illi reuerentiam non exhibuisset. Interrogatus, cur in illa mentis abstractione adeò hilarem habuisset faciem, quia, inquit, super quadam quæstione, quod diu quæsieram, tandem inueni; ex qua re gaudium, quod cepi, facie indicaui.

Posthumius Abbas sine intermissione orans, tunc desit orare, quando ab Angelis adductus est in cœlum, ad quod perpetuo se perducere oratione postulauerat. Cap. 372.

*Ex vit.
Patr.*

Posthumius quoque Abbas, vsque adeo orandi studio ducebatur, ut nulla corporis debilitas animi sedulitatem coaceret: aduersa valetudine pressus, cum de lectulo surgere non valeret, iacens orabat. Iam languor vehemens expeditius loquendi ademerat facultatem, & tacitus labiorum motus etiam tùm illum orare testabatur; denique discedens anima non prius orationem, quàm corpus reliquit. Orantem adhuc Angeli exceperant, & ad cælum tollentes, Domino obtulerunt, ut semper lætari possit, eam se beatitudinem impetrasse, quam semper petebat.

Sisinius per triennium in sepulchro se occludens, per orationem in calis conuersatur. Cap. 373.

Ibid.

Sisinius Elpidij Abbatis discipulus, cum annos septem sub illius institutionibus fuisset conuersatus, tandem discedens, quodam satis grandi monumento lapideo se occludens, per triennium semper rectus orasse dicitur, neque interim, aut sedisse, aut iacuisse, aut inde pedem extulisse. Quid prius mirer? an angustè habitantem, an immobiliter stantem, an continenter orantem? Cuncta quidem dura factuquè difficilia, nisi quod corporis lassitudinem, animus Deo intentus, minus sentire potuit. Qui enim tam perseueranter orauit, is in cælo magis, quàm in sepulchro fuit.

Mulier

Mulier Christiana captiua apud infideles Iberos, orationibus suis mouet in admirationem gentem illam, paruulumq. infantem oratione sanat. Reginam graui corporis dolore laborantem liberat, Regemque, & Reginam, & populum Christi fidem edocet.

Cap. 374.

PER idem tempus etiam Iberorum gens, quæ sub axe Pontico iacet, verbi Dei foedera, & fidem futuri suscepit regni. Sed huius tanti boni præstitit causam mulier quædam captiua, quæ apud eos reperta, cum fidelem, & sobriam satis, ac pudicam duceret vitam, totisq. diebus ac noctibus obsecrationes Deo peruigiles exhiberet, in admiratione esse ipsa rei nouitas Barbaris cœpit, & quid hoc sibi vellet, curiosius perquirebant. Illa, vt res erat, simpliciter Christum se Deum hoc ritu colere fatebatur. Nihil ex hoc amplius Barbari præter nouitatem nominis mirabantur. Verum (vt fieri solet) ipsa perseverantia curiositatem quandam mulierculis inferebat, si quid emolumenti ex tanta deuotione caperetur. Moris apud eos esse dicitur, vt si paruulus ægrotet, circumferatur à matre per singulas Domos, quo scilicet si quis experti aliquid remedij nouerit, conferat laboranti. Cumq. mulier quædam paruulum per omnes circumtulisset ex more, nec aliquid remedij cunctas domos lustrando cepisset, venit etiam ad captiuam, vt si quid sciret, ostenderet. Illa se humani quidem remedij nihil scire testatur, Deum tamen suum Christum, quem colebat, dare ei desperatam ab hominibus posse salutem, confirmat; cumq. cilicio suo paruulum superposuisset, atque ipsa desuper orationem fudisset ad Dominum, sanum matri reddidit infantem.

Sermo deferitur ad plures, factiq. fama magnifici ad aures Reginæ perlabitur; quæ dolore quodâ grauissimo corporis afflicta, in desperatione maxima erat. Rogat ad se captiuam deduci: illa ire abnuat, ne præsumere amplius aliquid quàm sexus sineret, videretur, ipsam se Regina deferri ad captiuæ cellulam iubet. Quam similiter supra cilicium suum positam, inuocato Christi nomine, continuo post precem, sanam, & alacrem fecit exurgere: Christumq. esse Deum Dei summi filium, qui salutem hanc contulerit, docet, eumq. quem sibi auctorem suæ sciret esse incolumitatis, & vitæ, commonet inuocandum. Ipsum namq. esse, qui & Regibus regna distribuat, & mortalibus vitam. At illa cum læticia domum regressa, marito percunctanti causam tam subitæ sanitatis aperuit: quique cum pro salute, coniugis lætus, mulieri munera deferri iuberet, illa: Horum, inquit, ò Rex nihil captiua dignatur; aurum despicit, argentum respuit, ieiunio quasi cibo pascitur: hoc solum ei muneris dabimus, si eum, qui me illa inuocante sanauit, Christum Deum colamus. Ad hoc tunc Rex segnior fuit, & interim distulit, sæpius licet ab vxore commonitus: Donec accidit quadam die, venante eo in syluis cum comitibus suis, obscurari densissimis tenebris diem, & per tetra noctis horrorem luce subducta, cæcis iter gressibus denegari. Alius aliò diuersi ex comitibus oberrant, ipse solus densissima obscuritate circumdatus, quid ageret, quo se verteret nesciebat: cum repente anxios salutis desperatione animos cogitatio talis ascendit: Si vere Deus est Chri-

Ruffin. lib.
I. c. 10.

stus ille, quē vxori suā captiua prādixerat, nunc se de his tenebris liberet, vt ipsum ex hoc omiſſis omnibus coleret. Illicò, vt hæc nondum verbo, sed sola mente deuouerat, reddita mundo dies, Regem ad urbem perducit incolumem. Quique Reginæ rem protinus, vt gesta est, pandit. Euocari iam iamq. captiuam, & colendi ritum, vt sibi tradat, exposcit: neque se ultra alium Deum quā Christum veneraturum esse confirmat. Adest captiua, edocet Deum Christum; supplicandi ritum, venerandiq. modum, inquantum de his aperire feminæ fas erat, pandit. Fabricari tamen ecclesiam monet, formamq. describit.

Igitur Rex totius generis populo conuocato, rem ab initio, quæ erga se ac Reginam gesta fuerant, exponit, fidemq. edocet, & nondum initiatus in sacris, fit suæ gentis Apostolus. Credunt viri per Regem, feminæ per Reginam, cunctisq. idem volentibus ecclesia exstruitur instanter, & eleuato iam perniciousiter murorum ambitu, tēpus erat, quo columnæ collocari deberent; cumq. erecta prima, vel secunda, ventum fuisset ad tertiam, consumptis omnibus machinis, & boum hominumq. viribus, cum media iam in obliquum fuisset erecta, & pars reliqua nullis machinis erigeretur, repetitis secundo & tertio, ac sæpius viribus, ne loco quidem moueri attritis omnibus potuit. Admiratio erat totius populi, regis animositas hebescebat; quid fieri deberet, omnes simul latebat, sed cum interuentu noctis omnes abscessissent, cunctiq. mortales, & ipsa opera cessarent, captiua sola in oratione, pernoctans mansit intrinsecus; cum ecce matutinus, & anxius cum suis omnibus ingrediens Rex, videt columnam, quam tot machinæ ac tot populi mouere non quierant, erectam, & supra basim suam librate suspensam, nec tamen superpositam, sed quantum vnius pedis spatio in aëre pendentē. Tunc vero omnes populi contuentes, & magnificantes Deum, veram esse Regis fidem, & captiuæ religionem, præsentis miraculi testimonio perhibebant. Et ecce mirantibus adhuc, & stupentibus cunctis, in oculis eorum sensim supra basim suam, nullo contingente, columna deposita, summa cum libratione confedit. Post hoc reliquus numerus columnarum tanta facilitate suspensus est, vt omnes quæ superfuerant, ipsa die locarentur.

Postea verò quā ecclesia magnifice constructa est, & populi fidem Dei maiore ardore siciebant, captiuæ monitis ad Imperatorem Constantinum, totius generis legatio mittitur; res gesta exponitur, sacerdotes mittere oratur, qui captum erga se Dei munus implerent. Quibus ille cum omni gaudio, & honore transmissis, multò amplius ex hoc lætatur est, quā si incognitas Romano Imperio gentes, & regna ignota iunxisset. Hæc nobis ita gesta, fidelissimus vir Bacurius, gentis ipsius Rex, & apud nos domesticorum Comes (cui summa erat cura & religionis, & veritatis) exposuit, cum nobiscum Palæstini tunc limitis Dux, in Hierosolymis satis vnanimiter degeret.

*S. Gummarus alienam arborem succidens, à domino arboris ob-
iurgatus, arborem celsam in pristinam formam oratione
sola consolidauit. Cap. 375.*

SANCTUS Gummarus ex nobili progenie ortus, apud Emblehem Renensis prouinciæ Vicum, natus est, & enutritus. Hic fide, & virtute crescens, & auertens se à vanitate mundi, & ludis, ad cælum suspirabat, illic patriam suam esse affirmans. Lenis erat sermone, constans in bono opere, humilitate submissus, benignitate profusus, vigilijs, & ieiunijs corpus castigans, & in præstandis eleemosynis liberalissimus. Ad summum vero perfectionis culmen sine scientia litterarum peruenit. Non enim habuerat magistros, nec legere scripturas didicerat: legem vero Dei in tabulis carnalibus circumferebat, magistrumq. habebat, quem & metuebat Deum. Multi litterati, multi sapientes ei comparari non poterant. Isti enim plerunque legunt antiquorum & recentium patrum scripta, & ex notitia scripturarum, quasi semina concipiunt, ut fructum inde referant, & discant operari bonum, & tamen ad bonum opus faciendum non exurgunt. Huius igitur viri ignorantia, illorum virorum scientiam confundit. Namq. Deum diligens, & proximum, & declinans à malo, & faciens bonum super docentes magistros intellexit. Sed attendamus opera eius.

Sanctus vir Gummarus quodam tempore, primo suscepti itineris die, non longè à domo sua progressus, fixit tentorium iuxta fluuium Neatam, arboremq. pulcherrimam illic stantem, quod ad fulciendum tentorium esset necessaria, iussit succidi. Mox adest loci illius possessor rusticus, planèq. iracundus in omnes inuehitur, nulliq. parcens, cunctos incusat: versusq. ad sanctum Gummarum, multa verborum asperitate eum vexans; cur, inquit, agrum meum peruasisti? En hic iumenta, & tentoria vestra: ita vobis aliena vendicatis, tamquam propria. Omnia depascitis, omnia prosterneitis. Quid mihi, & tibi, Gummare? Quid mali tibi feci? Neque te offendi, neque quemquam tuorum læsi. Quod si nulla in me culpa hæret, quid ita, innocentem conteris? Et ut cetera damna præteream, hoc vnum præcipuè doleo, quod arborem hanc, quam ipse plantaui, quam tot annis seruaui, succidi voluisti. Respondit placido vultu sanctus Gummarus: Agnosco peccatum meum: sed si iniuriam irrogaui, ita ut par est, satisfaciam tibi. Aut præcisam arborem restituam, aut iustum eius pretium persoluam. Saltem hac nocte, obsecro, quiesce. Vix multis precibus adduci potuit rusticus, ut vsque mane sileret. Illo autem abeunte, cum intempesta nocte omnes sopor, & silentium obtineret, S. Gummarus ad consuetum præsidium, & solita orationis arma confugit: Domine, inquit, tu refugium factus es nobis, adiutor optimus in tribulatione. Ne auertas faciem tuam à clamore meo, ne claudas aures tuas ad preces nostras. Quod si ego, Domine, exaudiri non mereor, saltem eos, qui mecum sunt, attende. Si verò adeo peccatis nostris prægrauamur omnes, ut non ascendant ad te preces nostræ, fac propter temetipsum Domine, cuius nec benignitas habet finem, nec dona mensuram. Reueletur hominibus gloria tua, prædicetur ab incredulis nomen tuum: ut sciant quænam sit vna fides nostra, & ut non desperet sperantes in

*Vita S. Gum-
mari Conf.
apud Sur.
tom. 5.*

te maiestas tua. Tu ergo Domine, qui de nihilo omnia condidisti, qui die tertio herbas, arbores, & virgulta de terra produxisti, restitue arborem, ut prius, integram, & aufer à seruis tuis, quam ignoranter incurrimus, contumeliam. Ita cum orasset, iuxta arborem prostratus, surgens collegit arborem, eamq. zona sua colligauit: Res mira, & venturæ generationis memoria digna: Adeo consolidata est arbor illa, ac si nihil prorsus antea cessa fuisset: atque etiamnum in eodem loco illam sanam videmus, sola vestigia circumligatæ zonæ retinentem in gloriam Dei, & laudem serui eius. Mane redijt rusticus, ut conuentum erat, hesternæ adhuc ira tumidus, pro damno accepto iurgia repetens. At sanctus Gummarus blandis verbis, & iucundo vultu eum compescens, manu eius apprehensa, perduxit ad arborem, eamq. inuiolatam ostendens: Ecce, ait, fili, arborem, quam tantopere dolebas præcisam. Adhibuit Deus solatium dolori tuo, abstulit angorem cordis tui. Gratias age omnium largitori Deo, cuius benignitate munus memorabile percepisti. Cernens rusticus tantum miraculum, qui prius impatienter tumultuatus erat, diuina inspiratione compunctus, ait: Virtus Dei hæc est. Non est humani operis, ut arbor succisa, exigua noctis spatio in pristinum consurgat statum. Arbor hæc, quam hoc miraculo tibi dedicasti, deinceps mea non erit. Hanc ego tibi do, & quicquid hoc in loco mihi hæreditariū est, eius ego te volo perpetuum, & stabilem esse possessorem. Ab illa die firma inter illos inita est amicitia, & post mutua oscula, & amplexus pacificè discesserunt.

Rex Angliæ Richardus, demonis nequitia captiuatus, ab Angelo Domini liberatur, & canitur missa, quæ est de vinculis Petri, pro eius liberatione. Cap. 376.

Roger. in
annal. Ang.
glic. ann.
1194.

Neubrig.
lib. 5. c. 7.

Christi anno 1194. Richardus Rex Angliæ liberatus est ea, qua tenebatur captiuitate, traditus iussu Imperatoris Aleonoræ matri à duobus Archiepiscopis, Moguntio & Colonienfi, ita Rogerius in Annalibus Angliæ eodem anno, qui idem tempus captiuitatis eius numerat annum vnum, hebdomadas sex, & dies tres: additq. ista: Cum Coloniam peruenisset, ab Archiepiscopo Colonienfi dignè exceptus est, qui præ gaudio Missam illam, de vinculis Petri celebrari iussit, cuius est introitus ille: Nunc scio vere, quia misit Dominus Angelum suum, & liberauit me de manu Herodis, &c. Sed audi miranda, quæ auctorem vinculorum Regis, & malorum omnium improbum fuisse dæmonem ostendunt, & quæ Vvilelmus Neubrigenfis scriptor huius temporis narrat, agens de quadam apparitione, quam peregrinus perterritus retulit Episcopo Cenomanensi: remq. gestam certis significationibus, quibus licuit, testatam reliquit, & ipse scripsit, veri amantissimus auctor, his verbis:

Aliud quoque ipso tempore in pago Cenomanensi accidisse fertur, quod eundem Regem Richardum non frustra territum, suæ propensius salutis admonuit. Res pluribus nota est, quàm nostræ simpliciter narrationi inserimus, prout nobis viri venerabiles, & fide digni tradidere, à Cenomanensi Episcopo id ipsum se accepisse protestantes. Vir quidam ex eiusdem Episcopi clientela, piæ deuotionis instinctu, profectus in Hispaniam ad memoriam

B. Ia-

B. Iacobi Apostoli, cum sospitate ad propria remearat; qui post modicum calore fidei, & deuotionis fortius ignescens, longe laboriosiori peregrinatione sepulchrum inuisere Dominicum voluit. Vale dicens ergo suis, iter opportunè arripuit, & cum forte solus graderetur, repente in ista via obstitit ei quidam enormiori corpore, & vultu terribili. Pauesfactus homo, eleuata manu, Christianam sumpsit armaturam, nempe signum Crucis. Ille vero tamquam non reputans salutare signaculum, nequaquam, inquit, hoc modo tueri te poteris, quin meus sis: porro si procidens adoraueris me, faciam te locupletem, & inclytum valde. Ad hæc homo pauorem fiducia superans, cum libertate respondit: Liqueat te esse partis sinistrae, sint tua tibi: Nam mihi sufficit omnipotentis Dei largitio, quem solum adoro. Et ille, oportet, inquit, te vel inuitum aliquid habere de meo, & proferens tamquam pallium subtilis materiz, iactauit super caput hominis, quod mox attractu igneo capillis exustis, cutem quoque capitis denigravit. Prosilienq. hostis, hominem periculo anxium per brachium apprehendit. Homo vero, cum tanta perurgeret necessitas, S. Iacobum ex recentis obsequij conscientia fortiter inclamauit. Qui B. Apostolus in specie veneranda manifestè mox affuit, & potenti verbo inuasorem improbum increpauit. Ut autem homo de manu inimici furentis ereptus, tuto iam auditu perciperet, quorum, ut creditur, audiendorum gratia per voluntatem Dei articulum illum inciderat: Apostolus ad nequam illum: Dic, inquit, qui sis, vel quid negotij habes? Qui constrictus imperio: dæmon, inquit, sum, generi humano infestus, & mille nocēdi artibus instructus. Ego enim grande illud scandalum, & Christianæ possessionis iacturam in Oriente patraui: Ego inter Reges Christianos in terra promissionis, ut nil ab eis ageretur, nec prosperaretur opus Dei in manibus eorum, detestabilem discordiam seminaui: Regem Anglorum à Syria digressum per ministrum nequitiz meæ Ducem scilicet Aultrix, captiuaui, multimodam exinde malorum occasionem Regnis Christianis concinnans, eundem quoque Regem de captiuitate propria reuertentem comitatus, in partibus istis nunc consisto: cubili Regis tamquam familiaris minister frequenter assisto, & circa thesauros eius apud Chinonem repositos peruigili cautela obseruo. His dictis, malignus disparuit, Apostolus etiam confortato homine in suæ se claritatis secretū recepit. Homo vero ad Urbem Cenomanensem mature reuersus, Episcopo, vrbisq. prudentibus cuncta per ordinem replicauit, & in argumentum fidei, caput depilatum, & brachium manus pestiferæ contactu vstulatum indicauit. Quibus actis, post dies aliquot propositum iter repetijt. Nec latuit hoc Regem Richardum. Qui nimirum eius, qui tangit montes, & fumigant, timore compunctus, salubrioris instinctu consilij, cubiculum suum, ut accepimus, de cetero castius esse voluit, & de thesauris suis largiores indigentibus eleemosynas erogare. Hæc Neubrigensis.

Aegypti

Aegypti monachis in carcere à Iuliano Apostata detentis, ut militia cingulum coacti sumerent, astat splendidus Angelus, & patefactis ianuis, & custodibus incusso terrore, impune abire permittuntur, sicut Petro factum est.

Cap. 377.

*Euagri. in
Vit. Patr.
in Apollon.
c. 7.*

VExatam quidem fuisse Aegyptum persecutione Iuliani, Apollonij sanctissimi monachi acta fidem inter alia faciunt; in quibus cum multa de eo præclare gesta narrentur, quæ hoc potissimum tempore Iuliani, ipsum pati contigerit, his verbis descripta ab Euagrio referuntur: Hic cum audisset, Iuliani scilicet temporibus, fratrem quendam ad militiam comprehensum detineri in carcere (cogebat impius clericos, & monachos militare) in carcere venit ad eum consolandi gratia, ut moneret eum in necessitate tenere constantiam, atque imminetia contemnere, ac deridere pericula; tempus enim, ait, certaminis adest, in quo fidelium mentes temptationibus probandæ sint & noscendæ. Cumq. his & alijs verbis adhortaretur animum adolescentis; superuenit Centurio, & indignatus, cur introire ausus esset, claves intrinsecus carceri imposuit; ipsum quoque & omnes qui cum eo venerant, pariter conclusit, quo scilicet etiam ipsi similiter ad militiæ detinerentur officium, constituens quoque custodes quamplurimos, abscessit. Medio autem noctis, astare visus est Angelus ingenti luce resplendens, & obstupefactis, perterritisq. custodibus, carceris claustra patefecit. Tunc vero ipsi custodes aduoluti ad pedes Sanctorum, rogabant eos discedere, dicentes; melius sibi esse mori pro his, quàm diuinæ virtuti obistere, quæ eorum curam gerebat. Mane vero etiam ipse Centurio cum principalibus viris festinus ad carcerem venit, rogans, ut discederent omnes, qui teneri videbantur. Dicebat enim, domum suam terræmotu magno concidisse, & electos quosque famulorum suorum peremisse. Sancti verò his auditis, hymnum Deo, laudesq. cecinerunt, & egressi ad Eremum, erant in vnum positi, secundum Apostolorum exemplum, habentes cor vnum, & animam vnam.

Nobilis vir falsis criminibus accusatus, & carcere mancipatus, facta oratione, disruptis vinculis, patefactis foribus, diuinitus ex carcere educitur, & liberatur.

Cap. 378.

*Torsel. Lau
ret. hist. lib.
4. c. 20.*

Illud autem satis notum exploratumque, quamuis ab Apostolorum temporibus penè inauditum, ut Apostoli Petri è carcere diuinitus liberati, vetus exemplum instauratum quodam modo nostra tempestate videatur. Anno post Christum natum circiter 1570. Vir quidam genere, ac factis clarus (nomen auctores non edunt; credo quod ipse celatum voluerit) ab vno ex primoribus Italiæ Principibus in custodia vincitus habebatur. Et falsis oneratus criminibus, iudice utebatur iniquo infensoque. Ergo cum haud dubiè instare sibi vltimum supplicium cerneret, Lauretanam implorat Virginem, orans ut priusquam è vita discedat, faciat sibi Lauretanæ cellæ

læ visendæ potestatem : & piæ infantis preces Deiparæ cordi fuere . Sub noctem anxietate animi grauatum corpus arctior complexus est somnus . Dormienti præclara Lauretanæ Virginis oblata species , quæ merentis pectus ingenti gaudio permulsi . Repentè disruptis vinculis , foribusq. carceris diuinitus patefactis (obuersabatur autem somniantis animo , quod extra somnium gerebatur) rei nouitate attonitum exire compellit : egressum ad proximum Urbis vicum deducit adhuc dormientem ; protinusq. eius subducitur oculis . Tum verò ille expergescens , vinculis , & carceri ereptum se cernens , haud vanam sibi in quiete obiectam imaginem sensit . Gratijs ergo Virgini enixè actis , læticia ex mærore gestiens domum suam recipit se . Ceterum haud ignarus fore , ut à satellitio Principis conquireretur summa ope , & grauius in semet tamquam fugitium consuleretur , implorata denuo Virgine Lauretana , facinus edidit memorabile . Summo mane , diuina fiducia armatus insensum Principem vltro adit . Obstupefcenti ad eius aspectum , rem omnem ordine (vti gesta erat) exponit . Nec in tanto discrimine clienti Virgo defuit suo : Principi extemplo iniecta religio est eius violandi , quem Deiparens saluum voluisset : enimvero id haud leue esse innocentie argumentum . Igitur diuina vi tactus , quandoquidem , inquit , Lauretana , Virgo tanto te miraculo liberauit , & ego mea sententia libero . Agedum augustissimam illam cellam , vti vouisti , perge , & Dei matrem propitiare nobis memento . Itaque ille duplicis voti reus , Lauretum venit , noxis confessione elutis , vota beatæ Mariæ lætus exsoluit . Tàm insigne miraculum ipsemet Raphaëli Rieræ Pœnitentiario enunciauit , qui ad posteritatis memoriam id litteris prodidit .

Duo fratres dissidentes , & ciuili bello alter contra alterum pugnans , precibus Crotildis Reginae matris , ad concordiam reuocantur . Cap. 379.

C Hildebertus Rex cum patruë Theodoberto in fratrem Lotharium insurgit , sed matre eorum satis agente Crotilde apud Deum , ne inter fratres fieret ciuile bellum , horrenda tempestate coerciti , cum super Lotharium ne signum quidem apparuerit horroris huiusmodi , reddunt se fraternæ paci .] At cuius virtute hæc gesta sint , à Gregorio accipe , qui sic ait : Childelbertus autem , & Theodobertus commouentes exercitum contra Clotarium iræ disponunt . Ille autem hæc audiens , existimans se horum exercitum non sustinere , in siluam confugit : & concides magnas in siluis illis fecit , totamq. spem suam in Dei pietatem transfundens .

*Sigebert.
an. 540.*

Greg. Turon. de gest. Franc. li. 3. c. 28.

Sed & Crotildis Regina hæc audiens , B. Martini sepulchrum adiit , ibiq. in oratione prostermitur , & tota nocte vigilat , orans ne inter filios bellum ciuile consurgeret . Cumq. hi venientes cum exercitibus suis eum obsiderent , tractantes illum die sequenti interficere : mane facto , in loco quo erant congregati , orta tempestas tentoria dissecat , res diripit , & cuncta subuertit , immixtaq. fulgura cum tonitruis , ac lapidibus super eos descendunt ; ipsi quoque super infectam grandine humum in faciem prouunt , & à lapidibus descendentibus grauius verberantur : nullum enim eis tegumen remanserat , nisi pæmæ tantum : hoc maxime metuentes , ne ab ignibus cælestibus cremaren-

marentur. Sed & equi eorum ita dispersi sunt, vt vix in vigesimo quoque reperirentur stadio: multi enim ex eis prorsus non sunt inuenti. Tunc illi (vt diximus) à lapidibus cæsi, & humo prostrati, poenitentiam agebant, & precabantur veniam à Deo, quod ista contra sanguinem suum agere voluissent. Super Clotharium vero neque vna quidem pluiæ gutta cecidit, aut aliquis sonitus tonitruui est auditus, sed nec anhelitum vllius venti in loco illo sensere. Hi quoque mittentes ad eum nuncios, pacem & concordiam petierunt: qua data, ad propria sunt regressi. Quod nullus ambigat hanc per obrentum Reginæ beati Martini fuisse virtutem. Hucusque Gregorius: quæ quidem, & alij, qui res Francorum sunt prosecuti, testantur.

*Beatus Odo fufis precibus, vt monachos transgressores ab esu carni-
um coerceret, lacum coniunctis magno miraculo inter se
collibus, impetrat. Cap. 380.*

Io. Mona-
chus in vi-
ta S. Odon.
Abb. Clu-
niac.
Sur. 10. 6.

PER idem (inquit ille) tempus Albericus Princeps contulit nobis Monasterium Sancti Eliæ, cuius beatus Gregorius in Dialogo meminit. Cum sit autem durum (vt idem beatus Gregorius ait) in mente veteri noua meditari, monachos quos illic inuenimus, ab esu carniū retrahere non potuimus. Constituit autem ibidem Pater noster Præpositum vnum è fratribus nostris, Theodardum nomine. Is vt vidit se virtute, & sanctitate ab eo vitio eos reuocare non posse, cæpit in finitimis regionibus pisces emere, vt vel sic eorum satisfaceret voluntati. Iam enim penitus defecerant equi, quos ei pater Odo reliquerat, huc illucq. discurrentes. Eam vero illorum improbitatem, suumq. laborem Præpositus Patri nostro identidem significauit. Illo igitur Dominum deprecante, vallis cui Monasterium præminet, non ita procul, coniunctis inter se collibus, ita conclusa est, vt exiguo torrenti per eam mananti, aditus præcluderetur. Inde igitur paulatim magna aquarum collecta vis Lacum effecit, vt nec deinceps opus fuerit Præpositos pisces emere, lacu illo eos suppeditante. Cui vero hoc tribuendū esset, quidam imperiti homines minime aduerterunt, eo quod eius preces, quas eadem causa beatus Odo ad Dominum fuderat, auribus suis non percepissent. Non attendentes illud Psalmographi: Desiderium pauperum exaudiuit Dominus, præparationem cordis illorū audiuit auris tua: itemq. illud: Voluntatem timentium se faciet, & deprecationem eorum exaudiet.] In quo plane impletum illud quod est in promissionibus Domini, vt qui habuerit fidem quantum granum sinapis, montes è loco moueat.

Psal. 11.
Psal. 3.

Marc. 11.

Validissimus exercitus sola oratione fugatur. Cap. 381.

Luitprand.
lib. 4. c. 11.
Vuitich. li.
2.

REBELLANTIBUS aduersus Othonem Regem Henrico fratre, Eberardo Duce Francorum, atque Giseberto Duce Lotharingæ, comparatoq. validissimo exercitu, Othone vero aduersus eos expeditionem parante; vt ostenderet Deus, non vinci hostes armis tantum, sed precibus; & præualere iustam causam omni apparatu validissimo; atque fidendum potius diuinæ, quàm humanæ potentæ, in transitu Rheni sic permisit Othonis discindi copias, vt alij in citeriore remeantibus cum Othone, necesse fuerit illis qui trans-

transmiserant amnem, ex improviso apparente ingenti exercitu hostium, cum illis conferre manus, & quamvis paucissimo numero essent, eos tamen vicerunt atque fugarunt, incruenta parva victoria. Ut autem ista se habuerunt, Vvitichindus Saxo describit, & Luitprandus & alij. Tunc Rex (inquit Luitprandus) denique suorum tantam constantiam non sine diuino instinctu considerans, quoniam fluuio intercedente, corporali praesentia suis subuenire non poterat, recordatus populi Domini, qui repugnantes sibi Amalechitas orationibus Moyfi serui Dei deuicerat, protinus de equo descendit, seq. cum omni populo lachrymas fundens ante victoriferos clauos manibus Domini nostri Iesu Christi affixos, suaq. lancea impositos, in orationem dedit, quantumq. iusti viri (secundum iusti viri sententiam Iacobi) tunc valeret oratio, res manifesta probauit; Eo namq. orante, cum ex suis nullus occumberet, hostes sunt in fugam conuersi, nonnulliq. eorum, cur fugerent, penitus ignorabant. Hæc Luitprandus.

In magno & periculoso nauali bello, piorum oratione Turcarum exercitus frangitur, & nobilis victoria obtinetur. Cap. 382.

I Idem temporibus in ultimo ferme rerum discrimine, Lauretanæ Virginis Torrel. l. 4. c. 21. hist. Lauret. vis precibus exoratur, vel maxime enituit. Selimus Turcarum Imperator Cypro per vim potitus, ceteræ Venetorum ditioni, orbique Christiano imminabat. Pius ergo V. Pontifex communi periculo communibus viribus occurrendum ratus, Venetis, & Hispaniarum Rege in armorum societatem assumptis, ingenti mole bellum apparare cepit. M. Antonius Columna Dux illa tempestate inter Romanos genere fama, clarissimus, Pontificis classi praepositus est, & mature soluere in Turcam iussus. Ibi eius coniux Fœlix Vrſina pari nobilitate mulier, stimulante metu orbitatis suæ, liberorumq. statuit in tot maritimi belli casibus ad Lauretanam confugere, Virginem orationis gratia. Properè igitur cum honestissimo comitatu Lauretum accurrit, haud dubia, per Deiparam facile propitiari posse caelestem sibi, viroq. Solemnibus expiata mysterijs in Sacrosancta Cella supplex pernoctauit, veniam opemq. sibi, viroq. suo à Deo, Deiq. matre impensius exposcens. Inde B. Virgine accensis studijs, votiuisq. muneribus culta, in eius gratiam Hebræum adolescentulum imbi è sacro fonte suscipit, & aureo donatum torque in suam adſciscit familiam. Nec irrita supplicatio, aut gratia fuit. Haud longo tempore intermisso, cumulati voti compos extitit. Coniugem suum ex tam atroci prælio non reducem solum, sed victorem etiam recepit; Eundemq. in Vrbe/Roma, veteri Romanorum more renouato, insigni pompa ouantem læta conspexit. Ceterum eodem bello haud certior illa in priuata re, quam pius Pontifex in publica, Lauretanæ Virginis expertus est opem. Christianam classem ultimæ dimicationi instructam, intentamq. esse iusserat. Nec ignarus erat summam rerum in eo prælio verti. Proinde Pontifex, vere Pius, priuatis publicisq. supplicationibus Deum conciliare institit. Præcipue in augustissima Cella Lauretana orari assidue Deiparâ iussit, ut in ultimo rerum discrimine pia Mater adesset Christianis. Nec Pij Pontificis piorumq. spes & oratio in irritum cecidit. Inita pugna nauali, non tam humanæ, quam diuinæ opis res visa.

Obſc.

Obsecundante Christianis, qui ante pugnam aduersus erat, vento, fumumq. bombardarum, ac tela hostium in ipsorum ora retorquente, nobilissima est de Barbaris parva victoria.

De studio, eximia cura, & precipuo amore, quem habuit Philippus Nerijs erga orationem, & de magnitudine scientie eius circa illam; multa etiam, & magna, quae per orationem operatus est. Cap. 383.

Seculo autem nostro B. Philippus Nerijs excelluit in orationis dono à Deo sibi collato. Hic enim orationis dignitatem considerans aestimauit illam, sicut cupidi solent aureas pecunias, existimans nullum esse thesaurum preciosiorem, quam orationis, & per longam vitam suam, quam usque ad octoginta annos protraxit, semper voluit habere comitem orationem. Orabat mane, meridie, & vespere. Vespere autem diei solebat accendere lucernam, & ante eam laminam ponere, ut parum lucesceret, & deinde super humilem sedem sedens (eum enim saepe eligeat in orando corporis situm, qui prolixæ orationi, oneri non esset) disponebat ascensiones in corde suo, & per tres horas totus erat in oratione. Cum ibat dormitum, suspendebat Christi crucifixi imaginem lecto proximam, ut eam videre posset, & memor esset Dei sui super stratum suum, & modico somno contentus, pernoctabat. De mane redibat surgens ad orationem, deinde pergebat ad Ecclesiam, ut audiret poenitentium confessiones; quod studium habuit perpetuum in tota vita sua, & tunc adhuc orationem non intermittebat. Nam dum poenitens peccata admissa recensebat, iste pro illo Deum, ut parceret, rogabat. Cum autem expleta confessione, absolutionem impertiri vellet, apparebat ardor orationis eius; nam poenitentis caput amplexans, & trahens illud super pectus suum, animum ad Deum dirigens, toto animi motu ferebatur in Deum, ut propitius esset peccatori illi, ut ipsemet peccator cordis Philippi intra pectus agitationem re ipsa perciperet. Etenim sensibilis illa cordis palpitatio ita erat vehemens, ut frontem eius pectori adhærentē, pulsaret; hoc enim plurimi se expertos fuisse affirmabant. Cum autem interdum plures ad ipsum visitandum ad eius cubiculum ascenderent, & loquerentur cum ipso, ipse tamen animū orandi assuetum ab oratione non relaxabat. Consuetudo enim orandi frequentissima operata fuerat in eo, ut facillime, cum volebat, animum leuaret ad Deum, neque patiebatur quodammodo interpellationem, eo ipso tempore, quo cum altero colloquia miscebat. Et sicut bonus citharedus, citharizandi expertus, nonnunquam cum aut loquitur, aut audit alium loquentem, citharam plectro pulsare non desinit, hoc enim facit propter excellentiam citharizandi, quod alius, qui non ita perfecte artem illam caller, facere non potest; ita & ipse, qui orationis scientiam perfecto quodam modo possidebat, quamquam cum altero loqueretur, & conuersaretur, & negocia tractaret, habebat tamen Deum in conspectu suo, & orabat eum secretis & inuisibilibus orationibus: hoc autem innotescebat, quia saepe extra, aliquibus corporis indicij per extraordinarios motus fiebat manifestum, cum aliquid intrinsecus meditaretur.

In

In missa, in qua diuina tractantur, cum dulcedinem beatæ præsentis Domini sui mirabiliter gustaret, miros passus fuisset excessus, si se ipsum non cohibuisset. In omni loco, sicut in omni negotio orationem inueniebat, orabat in cubiculo, orabat in Ecclesia, orabat cum ambularet, & si ad suburbana diuertisset, dimissis socijs, donec illi in aspectu horti occuparentur, ipse in aliquo secreto loco secedens, orabat. Omnis vinea, omnis hortus, omnis domus, omne pratum, ad quæ aliquando, ut poenitentes filios recrearet, accedere consueuerat, erat oratorium suum.

Si quid aduersi vel ipse pateretur, vel alium patiente audiisset, siue in tribulatione, siue in ægritudine, siue in persecutione molesta, siue in tentatione, quæ ad peccandum induceret, siue in priuatis, siue in publicis necessitatibus, semper oratio erat ei domus refugij, sicut petra refugium Herinaceis.

Præterea autem orationis amore succensus, ut rerum summam in spiritualibus rebus ab ipsa dependere demonstraret, voluit Congregatione pusilli gregis sui, vocari Congregationem Oratorij, ut scirent quicumque non orarent, se ad Congregationem Oratorij non pertinere.

Non solum autem ipse totus orationi deditus erat, sed etiam alios ad orationem perpetuo hortabatur, & docebat eos, quasi magister orationis, quo modo orarent; & sicut matres & nutrices infantes suos fari, & verba rite inter balbutientia labia pronunciare docent, ita ipse orandi ignaros docebat orandi modum, & exponebat illis, quomodo se coram Deo in oratione habere deberent. Erat autem in hoc studio, si quisquam, peritissimus, omnia enim sciebat ad hoc munus pertinentia, nam orando, orare didicerat. Tantum autem labore, & patientia sua profecerat in doctrina orationis, ut multos seculares viros, artifices, fabros, mercatores, aulicos, medicos, legis ciuilibus Doctores, atque huius farinae homines haberet, qui ita bene nouerant orare, sicut monachi, & religiosi in monasterijs suis. Et illis diebus, quibus in Vrbe, magna erat in rebus ad spiritum pertinentibus desidia, ipse tam diligenter incumberebat, ut animos rudes, & temporalium cura distentos doceret orare, ut secularium hominum multas domos fecisset domos orationis. Quo quidem tempore, oratio, quæ ex urbibus egressa, vix in septis monasteriorum locum obtinebat, visa est illis diebus quasi postliminio, ad seculum esse reuersa. Et tam potenter orandi rationem illos docuerat, & spiritum orandi vulgatum fecerat, ut illi non vulgarem, sed insolitam cordis bonitatem per orationem adepti, in domibus suis, ita deuote ambularent, sicut religiosiores viri in medijs claustris suis. Et ut omnes, si fieri posset ad orandum induceret, Oratorium ædificandum curauerat, ut si forsitan in proprio domicilio quisquam non haberet orandi opportunitatem, ad Oratorium pergens, ibi orare posset. Et cum multa in eo loco exercitia ad spirituale profectum pertinentia instituisset, illud imprimis curauit, ut ibi perpetua esset oratio, ut scilicet qualibet die circa diei vespere publice oraretur per horæ spatium, in quo quotquot accederent, orantes tractare possent cum Deo arduum, & sublime salutis opus, quod ab ipso introductum, multo cum fructu vique in præsentem diem foeliciter perseuerat. Ut mirum sit singulis quibulque diebus seculi homines officinas, tabernas, bibliothecas, domicilia, & propria tecta relinquere, & venire sine intermissione ad orandum, & propter nendum se coram Deo, & effundenda coram Altissimo corda sua, ut ipse
dixit.

dirigat illos rectas facere semitas eius, ut non oberrent per mundi abrupta, ut non infigantur in limo profundi, & mundi procellis obruantur.

Nouimus nos aliquos ex huiusmodi viris tam ardenter per plurimos annos exercuisse se in oratione, & tanto spiritu eam ad plurimos annos sine intermissione perpetuassee, ut miraremur in seculo tantæ perfectionis viros reperiri, ut vel ipsos spirituales sacerdotes superare viderentur, æmuli religiosorum effecti.

Hoc autem beatus senior imprimis curabat, hoc satagebat, hoc inprimis voluebat in animo, ut homines doceret orare, ne forsan sine oratione perirent, & sine lumine orationis viam vitæ non inuenirent: priuatim, & publice docens, & dicens, quod homo sine oratione, erat animal sine ratione.

Ut merito quis beatum hunc virum propter eximium eius erga orationem amorem, & orandi consuetudinem, orationis Patrem, & Magistrum, & Ministrum appellare possit.

Totoque tempore, quod sibi ad viuendum à Domino concessum fuerat, illud semper obseruauit, ut nunquam ad aliquod negotium tractandum declinaret, nisi prius illud idem negotium cum Deo in oratione pertractasset.

Fuit autem ei in senectute oratio, sicut mel, in medio annorum sicut vinum, in adulescentia sicut lac; in florenti enim illa ætate fruebatur oratione sicut lacte.

Erat enim nutrimentum cordis eius, quo ita delectabatur, ut tunc omnes libros, quotquot haberet, venderet, ne librorum lectione detentus minus orationi vacare posset. Dicebat enim, quod siue oratio, pro deuotione & spiritu acquirendo, siue lectio librorum pro scientijs comparandis, totum hominem requirit.

Diebus autem illis, ut magis excitaretur ad orandum, consueuerat solus peregrinari, quasi perpetuo ad septem Urbis Ecclesias, in quibus animum oratione saginabat, & per campos ardorem spiritus, quem continere non poterat, exhalabat, & aliquando in aliqua porticu dictarum Ecclesiarum extra urbem posita pernoctabat orans.

Visitabat etiam sacra cœmeteria, & præsertim in cœmeterio S. Calisti integras ducebat noctes, & in silentio, & horrore illarum Criptarum, ubi sacra Martyrum corpora sepulta iacent, mens illius surgens, & dispersas vires colligens, prout spiritus dabat illi, magna animi sui dulcedine feruidas orationes fufas coram Deo, & Martyribus eius fundebat.

Et nonnunquam ætate illa, cum vires suppetunt firmiores, in hebdomada, quam Sanctam appellant, spatium quadraginta horarum pertransibat, ita ieiunans, ut nullam prorsus escam sumeret, & ita orans, ut nihil aliud ageret, quàm oraret, ut mirum sit potuisse illum per illud tempus perseuerare, sine intermissione orando, & nunquam se cibando.

Noctumque sæpe surgebat, & comitatus aliquibus ex suis, quos educabat, proficiscebatur ad venerabilem Ecclesiam B. Mariz supra Mineruam positæ (diligebat autem mirifice patres illos) ibique audiebat matutinas horas, & orabat sæpe, & plorabat plurimum.

Frequentissimus autem eius usus erigendi se per orationem ad Deum, qui est

est in cælis, operabatur, ut anima eius magis esset ubi oraret, quam ubi habitaret: præsentando enim se qualibet hora ante Deum in cælestibus, fiebat diuturnus incolæ cælorum. Quo circa, cum propter vitæ, officiorumq. necessitates opus sibi erat ad terrena descendere, patiebatur angustias anima eius, statimq. ex breui hoc terræ domicilio præripere se cupiebat, ut ad cæli latitudines reuerti posset, optabatq. ut dirumperentur vincula eius, ut ibi semper esset re, ubi quotidie erat in spe: carnis enim sarcina aggrauatus terrena inhabitatione depressus, gemebat sicut Gigas sub aquis mundi huius, & siciebat cælestia, sicut ceruus aquarum fontes, & anhelabat, ut non amplius biberet de torrente in via, sed de fluminibus corda lætificantibus in patria.

Philippus Dæmonem orationi insidiantem, oratione confundit.

Cap. 384.

Dæmon autem orationis inimicus animaduertens virum hunc orationis studiosissimum, ut animum eius ab oratione abriperet, mentem ipsius spectris molestissimis perturbare cæpit. & de nocte, quo tempore orationi attentius vacabat, ei se videndum offerebat: totis enim viribus conredebatur ille, ut eius impetus, quibus ferebatur in Deum, si non reprimeret, certè retardaret.

Nocte quadam supplices ad Deum preces more suo offerente, adest Dæmon, ut terrorem incutiat. Id ubi B. Vir aduertit, fusa illicò ad sanctissimam Dei matrem oratione, & cum timorem paruo negotio discussit, & inimici artes pia audacia dissoluit: atque ad orandum vehementius insurrexit; dæmon enim, ubi faciem ostentes, timidus est: ubi terga verteris, audax euadit.

Philippus precibus suis Franciscum Mariam Taurusum acquirit, lucratur, & tradit Deo, & docet eum orandi artem.

Cap. 385.

Franciscus Maria Taurusus, vir genere nobilis, Philippo ad confessiones uti cæperat: idq. ubi primum aggressus est, flammam illicò diuini amoris suo insidere pectori sensit, quæ usque eò hominem stimulauit, quoad assiduis Philippi lachrymis, precibusq. eius animus mollicus, totum se illi, ut generosus erat, ac nobilis, anno huius seculi quinquagesimo sexto regendum, gubernandumq. tradidit.

Neque illud hic silentio prætereundum, quodd volens Philippus in hoc, de quo loquimur, viro, formare Christum, illum in suum ducere cubiculum conueuerat, ubi eo præsentem precibus dans sese, eam spiritus dulcedinem in eius animum instillare cæpit, ut in terra cum is esset, quendam tamen cæli, rerumq. cælestium gustum sibi percipere, totusq. dulcedine liquefieri videretur.

M m

B. Phi-

*B. Philippus pro morientis incolumitate orans, rapitur in altum,
& salutem ægroto impetrat. Cap. 386.*

Modius sacerdos in graui morbo constitutus, cum sensibus prope omnibus destitutus, haud procul abesset interitu, adfuit Philippus, qui ut hominem, ex cuius priuatis colloquijs multus colligebatur animorum fructus, à mortis faucibus eriperet, solus se in quodam cubiculo abdidit: ibi pro ægri salute eo animi ardore diuinam cepit implorare clementiam, ut suspensus in aëre videretur, splendoremq. emittere, quasi diuina pateretur: cum sic autem vnā, & dimidiam circiter horam precibus instisset, ingressa mulier, cui Margaritæ nomen, quæ Modio cibaria præparabat, in cubiculum orantis, eum diuina vi sublatum, & circum splendentem conspexit; quo visu illa primū territa, miraculum, exclamat, miraculum. Exciti hoc clamore, qui morienti assidebant, confestim accurrunt. Summis in tenebris splendere omnia, Patremq. in altum elatum cernunt. Interim ille in se reuersus gratulabundus ad Modium tendit, astantibus tantæ rei miraculo stupentibus, manibusq. eius capiti admotis, hominem nominatim inclamat; Bono animo esto, haudquaquam ex isto morbo morieris. Quibus dictis redire ægro mox cepit vox cum sensu; B. Patri respondit, quocum longum sermonem habuit, ac paucis post diebus è morbo planè conualuit. Hanc porro rem aded miram, ut erat gesta, sacramento mihi, alijsq. narrauit post Philippi obitum, Bernardinus Corona Ciuis Romanus, affecta ætate vir, pietatiq. deditus, atque vnus ex antiquioribus eius alumnis; eo enim viuente id ipse vni tantum, vel alteri secretò aperuerat; omnibus enim palam indicare nunquam ausus fuerat, ne Philippi modestiam offenderet, quam quidē offendisset grauissimè.

Nec vna hac in re Philippi is expertus est opem: non multo post cum vesicæ calculo laborans, vrinx reddendæ difficultate vexaretur, grauitas morbi fecit, ut desperatis iam medentium auxilijs, salute periclitaretur. Ergo inuist eum Philippus, eoq. ut par erat, ad patientiam cohortato, in Templum ad preces pro illo fundendas perrexit: ibiq. in seruire spiritus orans continuo salutis filij desiderio, lachrymæ in eius facie esse ceperunt, quæ simul atque ex oculis fluere visæ sunt, eo ipso momento vrinx simul, & calculo iter patuit: qua ex re ita se æger alleuatum sensit, ut ex incommoda illa valetudine penitus emerferit.

*Philippus orans, quibusdam dulcem orationis spiritum impetrat.
Cap. 387.*

Addam hic præterea, quod Philippus tantopere cupidus erat suos in Christo filios ad studium orationis inflammandi, ut eorum pectora suis precationibus mirum in modum accenderet. Rem exemplo notificabimus.

Cum per id tempus Simon, vnus de illis, orationi in eius cubiculo instaret, tanta repentè, Philippo pro eo supplicante, lætitiæ cælestis vi perfundi se sensit, ut integram horam, quam in oratione consumpserat, momenti instar iudicaret, perpetuoq. orare ea dulcedine perfusus elegisset.

Non

Non omitimus recensere, quòd Martius Alterius, nobilis Romanus (qui Paulo III. Pont. relicto seculo, Christo, magno, fortiq. animo se adiunxerat) dicere solitus erat, ea lætitia, cum in Philippi cubiculo esset, perfundi, ut id cubiculum iam non sibi cubiculum, sed Paradisus quxdam terrestris esse videretur.

Philippus insuper illud præter cetera erat affectus, ut quos pectori ad-moueret, in Dei amorem inflammaret mirificè, eorumq. animos ad virtutis desiderium impelleret.

Demonem canis nigerrimi speciem præferentem à moribundo sacer-dote Philippus oratione fugat. Cap. 388.

EO tempore, Persianus Rosa sacerdos, qui Philippo à Confessionibus erat, ægrotabat grauissimè; cumq. ad vltimum periculi venisset, à Dia-bolo nigerrimi canis specie vexari cæpit acerrimè.

His in angustijs diuinum magna animi demissione implorabat auxilium, illud Psalmi frequenter inclamans: Iudica me Deus, & discerne causam meam: cumq. hunc in modum cum communi hoste decertaret, venit im-provisò Philippus, quem ubi ille vidit, clamare continuo cæpit, Adiuua me sancte Philippe: est hic canis colore nigerrimus, qui me lacerare nititur; succurre quæso, succurre, quod potes, ne deuorer. Quibus verbis motus B. Pater humi illico, astantibus primum, ut pro ægro, vel semel orationem Dominicam recitent iussis, sese prostravit; quod cum faceret, ecce tibi, ille de repente magna voce dicere cæpit: Canis recedit, fugit canis; en in limi-ne ostij stat. Tum surgens ab oratione Philippus piacularis aquæ aspersione Dæmonem ab eo etiam loco fugauit, magno cum solatio morientis, qui læ-tus effectus nullum faciebat agendi gratias Deo, beatoq. Patri modum: ea verò molestia, horribiliq. visu non modo in præsens, sed etiam in posterum liberatus, magna cum animi tranquillitate è vita migravit Kal. Aprilis.

Diabolus in Philippum infestus, ne oret. Cap. 389.

ANno post Christum natum millesimo quingentesimo nonagesimo ter-tio, cum quodam die precibus de more insisteret, Dæmon, cuius stu-dium sæpe fuit interpellare orantem, vestem eius, quem ferre non poterat, sordibus aspersit: quod sacramento testati sunt, qui adfuere.

Sed plurima, quæ hic ad orationem eius pertinentia dici possent, pluri-bus inferius locis suis recensebuntur.

Et quoniam oratio, quo est communior, eo est fortior, Deus enim aliquan-do, quod vni non concederet, multiplicatis intercessoribus concedere solet. Ideo S. Carolus Borromæus, ut vsus iste communiter orandi introdu-ceretur, Indulgentias orantibus impetrauit.

S. Carolus Borromæus ad Christiana pietatis progressionem, exercitationem communis orationis instituit. Hoc vero modo precantibus summus Pontifex Indulgentias elargitur.

Cap. 390.

*Conc. Prou.
Mediol. 3.*

V Na omnium optima indigentia nostræ interpres, & conciliatrix eorū, quæ necessaria, tūm ad animæ, tūm ad corporis bona à Deo patre expetuntur, est oratio sancta; cuius studium, vt proprium fidelium est, sic necessarium, atque omnino iussu diuino debitum, id cælestis magister, Christus Dominus exemplo docuit, verbo præcepit, crebris cohortationibus monuit. Eo igitur studio fideles, quo vehementius exardescerent, se seq. quotidie singuli certa hora colligentes, id quod Christianarum mentium est, vitæ à se illo die actæ rationes inspicerent, malæq. actæ poenitentes, ardenti oratione veniam precarentur, & Deo gratias agerent de beneficijs, quæ acceperint; instituta est in Mediolani prouincia orationis communis exercitatio, quæ ad Christianæ pietatis progressionem introducta, vt etiâ perpetuo conseruetur, vt augeatur item, id cum omni studio Episcopus curet, tūm propositis spiritualis gratiæ muneribus Sedis Apostolicæ benignitate, eius rei causa concessis. Itaq. à Parochis suis singulis sanctissimi D. N. Gregorij XIII. litteras de Indulgentia huius Prouinciæ hominibus concessa, qui in orationis communis instituto sese exercuerint, ter in singulos annos de scripto, vel summatim pronunciari iubeat, semel ineunte Aduentu, iterum Dominico die quadragesimæ primo, tūm solemni die Pentecostes.

Episcopus præterea pro temporum ratione certam horam statuatur, qua datis huius rei causa campanarum signis, patres familias suæ quisque domi, vnâ cum reliqua familia certo loco ad orandum conueniant.

Vt autem, qui in eo precandi instituto se exercuerint, Indulgentiæ concessæ donum consequantur, diem itidem Dominicum Quadragesimæ proximè præcedentem is constituat, quo illi confessi, omnes simul sacram Eucharistiam sumant.

Imminentibus verò calamitatibus, quo tempore cum nullum certius præsidium sit, quàm illud, vt fideles ad Deum Patrem misericordiarum assiduus precibus confugiant, certâ aliquam præterea rationem is diligenter ineat, vt & à Clero, & à populo sine intermissione, ac religiosius in orationem incumbatur.

Litteræ SS. D. N. Gregorij Papa XIII. de Indulgentijs Orationis à Carolo Borromæo Cardinale institutæ.

*AA. M.
diol. p. 7.*

C Aelestia arma, quibus inter cetera, dum in hoc seculo nequam peregrinantur Christifideles, aduersus suæ salutis hostes in colluctatione assidue vtendum eis est, preces sunt, & oratio sancta: Cuius quidem orationis studium, cum & perpetuum, & proprium, & necessarium eisdem esse, non solum verbis, sed exempli sui contestatione docuerit vnigenitus Dei filius, Christus, Virtus, & Sapientia Patris; nos, quæ ad sanctam illam precandi, orandiq. exercitationem piè ac religiosè inspirante Deo instituta sunt, in ijs illos

illos sollicitè versari, spiritaliq. virtute longius in dies semper progredi, sum-
mopere in Domino cupimus.

Quare cum inter alia, quæ ad exercendam populi sui pietatem, sollicitu-
dinis studio dilectus filius noster Carolus Borromæus, tituli S. Prædix S. R.
E. Presbyter Cardinalis, Ecclesiæ Mediolanensis Archiepiscopus, utiliter in-
stituit, illud ab eodem nuper introductum esse acceperimus, ut singulis die-
bus dato certo campanarum signo, patresfamilias, tum in vrbe Mediolani,
tum in Diocesi vnâ cum reliquis qui de familia sunt, suæ quisque domi ad
orandum in locum vnum conueniant, salutare hoc institutum (nos illius
commendantes charitatem in vobis) ut in consuetudinem vsuq. perpetuū
recipiatis, per crucem Domini nostri vos nostra Apostolica auctoritate hor-
tamur.

Quò autem ardentiori pietatis zelo ac frequentissime in ea re tam religio-
sè instituta perseueretis, spiritualibus vos gratijs prosequi, & sanctæ matris
Ecclesiæ amplioribus etiam donis ac thesauris cumulare volumus.

Itaque de omnipotentis Dei, cuius Vicarium in terris gerimus, miseri-
cordia, & beatorum Petri & Pauli Apostolorum eius auctoritate confisi, om-
nibus & singulis vtriusque sexus Christifidelibus, humili, & contrito corde
ad Deum conuersis, qui datis campanæ signis, certo eo temporis spatio ab
eodem Cardinali & Archiepiscopo præscripto, aut pro tempore præscriben-
do, orationi vacauerint; quoties id fecerint, dies centum; qui verò singulis
diebus per totam hebdomadam ad præscriptum illud temporis spatium in
ea orandi exercitatione perseuerauerint, ijs annum præterea, qui per men-
sem, illis annos septem, & totidem quadragenas, de iniunctis, vel alias quo-
mòdolibet debitis pœnitentijs; qui autem salutaris huius instituti vsu re-
tinuerint, si contriti & confessi, die Dominico Quadragesimam proximè præ-
cedente, sanctissimum Eucharistiæ sacramentum deuotè sumpserint, ijs ple-
nariam omnium, & singulorum peccatorum suorum Indulgentiam, ac ple-
nariam item in articulo mortis, misericorditer in Domino concedimus &
elargimur.

Vtq. ad alias etiam eiusdem Mediolanensis prouinciæ Vrbes, Oppida, Vi-
cos, & loca quæuis orandi hæc instituta exercitatio sanctè deriuetur, & quæ
vsquam instituta est, piè retineatur, & conseruetur; nos, pro ea quam geri-
mus omnium Ecclesiarum sollicitudine, hanc ipsam Indulgentiam omnibus
& singulis Christifidelibus, qui vsquam in eadem prouincia hoc precandi in-
stitutum, à suo Episcopo iam introductum, vel in posterum introducendum
amplexi sunt, aut amplectentur, eodem ut supra modo in Domino concedi-
mus his litteris, quas sub quibusuis similibus, vel dissimilibus Indulgentia-
rum reuocationibus, suspensionibus, vel derogationibus, per nos, seu sedem
Apostolicam, sub quibuscumque tenoribus & formis, ac cum quibusuis clau-
sulis, & decretis pro tempore editis & edendis, nullatenus comprehensas,
sed semper ab illis exceptas, & quoties illa edentur, in pristino statu esse,
& censi, atque ijsdem Christifidelibus perpetuò suffragari debere decerni-
mus. Dat. Romæ apud sanctum Petrum sub anulo piscatoris die 24. Octob.
1572. Pontificatus nostri anno Primo.

De summis Angelis, Enarrationes ex Patribus.

Cap. 391.

Psal. 90.

Sed non recedentes à narratione earum rerum, quæ in hac Petri captiuitate memorabiliter contigerunt, consideremus etiam admirabilem providentiam Dei, quam cæpit ostendere, quando primis illis temporibus Christiana Ecclesia, gloriosum Dei opus, ædificari cæpta est. Ex qua quidem perspicuum fit, quanta sit Regis summi bonitas erga Christianum populum, eruens eum ex imminetibus pressuris, & custodiens illum sicut pupillam oculi, & mittens Angelos suos, & mandans eis, ut protegant eum in omnibus vijs suis, & portent eum in manibus, ne forte offendant ad lapides pedes suos: ut in magnis periculis constitutus habeat, vnde sperare possit.

Qua quidem in re resplendet etiam hominis dignitas, qui cum videatur putredo & vermis, adhuc tamen conditor eius magnificauit illum, ordinans, ut vnaquæque rationalis creatura ab ortu suo habeat Angelum, qui custodiat eam, & stet in circuitu ipsius, & eripiat eam, cum adest, qui rapiat.

Homo enim paulominus ab Angelis diminutus est, & tamen iubente Deo habet Angelum, qui ducat illum per difficillimos calles, & inferuiat illi in aduersis mundi rebus, & doceat, & ducat per vias rectas, & in caligine tenebrarum harum sit homini rerum ignaro minister luminis, & director itineris.

Sed, quoniam interest hominis agnoscere Angelicam dignitatem, & perspectâ habere nobilitatem illius supernæ naturæ, quæ nostri curam gerit, & illud agit, ut nos perducatur ad consortium cælestis Regni, in quo ipsi dominantur, & exercent principatus suos, ideo illud studere deberemus, ut apud nos esset satis nota Angelica societas; habemus enim socios nostros, Reges, & Principes, & Dominatores. Ita enim fieret, ut excellentiam naturæ illius veneremur, & diligeremus, qui nobis præsto sunt in auxilijs opportunis, & ita diligunt nos, ut non dedignentur nobis iugiter esse præsentēs, & nos illuminantes. Hæc enim si cognita haberemus, utique redderemus pro præsentia reuerentiam, pro benevolentia deuotionem, pro custodia fiduciam: Magna quoque prorsus est iniuria, & reprehensibilis valde aliquorum hominum, qui nec quidem hoc sciunt, quod habeant Angelum tutorem, & custodem; vel si sciunt, paruipendunt tantum Ducem, & tanti beneficii sunt prorsus immemores, & raro de Angelo suo cogitant, aut ad illum confugiunt, cum periclitantur, aut ponunt in manu illius orationes, quas faciunt, ut præsentent illas Angelorum hominumque Regi. Illi enim ambitioso quodam famulatu, desideria, & postulationes nostras ad æternum, & inuisibilem Deum perpetuo, & fideli mysterio peruehunt. Sed antequam tutelam eorum circa genus humanum ab ipsis dilectum commemoremus, videamus aliqua, quæ Patres de Angelis magnifice scripserunt.

Ange-

Angelicarum Hierarchiarum altissima consideratio, & per mystica signa inspectio: Et quomodo Angeli ad nos diuina, & inuisibilia Dei deferunt circumuelata. Enarratio ex D. Dionysio Areopagita. Cap. 392.

OMne datum optimum, & omne donum perfectum de sursum est, descendens à patre luminum. Quin etiam luminis, quod patris instinctu ac nutu effunditur progressus omnis, ad nos concessu ac munere Dei perueniens, rursum nos, ut vis coniungens excitando dilatat, atque ad colligentis spiritus, ut ita dicam, unitatem diuinamq. simplicitatem conuertit. Nam & ab eo proficiscuntur, & ad eundem conuertuntur omnia, quemadmodum sacrosancta scripta tradiderunt. Itaq. appellato Iesu, qui lux est patris, quæ est, vera est, quæ omnem hominem in hunc mundum venientem illuminat, cuius benignitate nobis ad patrem, lucis auctorem, aditus patuit, ad illustrationes sacrarum scripturarum, quas Patres tradiderunt, quoad eius fieri poterit, veniamus; cælestiumq. mentium atque naturarum hierarchias, quas nobis signis, ac intelligentijs quibusdam subobscuris expresserunt, pro ingenij nostri viribus, consideremus; lumenq. illud primigeniū, principioq. superius, quod munere patris, qui est diuinitatis fons ac principium, datum est, & beatissimas Angelorum hierarchias nobis signis quibusdam figuratis exprimit, materiæ expertibus ac tremore vacuis, mentis oculis securi, rursum nos ex eo ad simplicem ipsius radiū splendoremq. referamus. Neque enim vnquam ipsum sua illa intima coniunctio deserit, sed cum ad excitandas in cælum hominum mentes, coniunctionemq. eorum quæ prouidentia reguntur, largè benignèq. augeatur & progrediatur, manet tamen ipsum secum firmum ac stabile, in eodemq. statu immobili fixum permanet, easq. qui ad se, quantum cuique licet, aspirant, & pro cuiusque modo ac captu excitat, & pro simplici sua unitate copulat. Neque enim aliter diuinus radius, nisi & sacrosanctorum integumentorum varietate aptè ad erigendas in cælum mentes obiectus, & paterna in nos cura ac prouidentia aptè accommodatèq. distinctus atque comparatus, nos illustrare vlllo modo potest.

Itaq. sanctissimam nostram hierarchiam prima illa sacrorum mysteriorū institutio cum diuina cælestium hierarchiarum imitatione dignam iudicasset, & hierarchias, quas omni materia carere dixi, figuris corporeis, varijsq. formis distinxisset, tradidit, ut pro captu nostro simulachris sacrosanctis illis ad simplicium illarum, & minimè figuris adumbratarum rerum vitam, similitudinemq. efferamur; non enim mens nostra ad illam cælestium hierarchiarum materiæ expertem imitationem, contemplationemquæ contendere potest, nisi rerum corporearum sibi notarum præsidio utatur, tū pulchritudinem, quæ videatur, speciei ac pulchritudinis occultæ atque reconditæ simulachrum quoddam esse cogitans, tū suauis odores, qui sub sensum cadant, effigies esse eius suauitatis, quæ sola ratione intelligatur; tū lumina hæc corporea, luminis incorporei, quod datur simulachrum; tū fatietatis eius, quæ sola mentis contemplatione habetur, sacras disciplinas, quæ latè patent; tū habitus rebus diuinis accommodati, atque ad eas intenti eas graduum & ordinum, qui hic sint, descriptiones; tū Iesu commu-

M m 4 nionis,

Ex Dionys.
Areop. de
cælest. Hier.
ar. li. 1. c. 8

nionis, diuinæ Eucharistiæ perceptionem, aliaq. omnia, quæ naturis illis diuinis diuinitus, nobis verò signis quibusdā tradita sunt. Huius ergo diuinitatis pro captu nostro adipiscendæ causa, Deus pro sua in genus hominum benignitate & charitate, cælestes etiam hierarchias, nobis patefaciens, nostramq. hierarchiam ita absolvens, vt ministerio communi quàm possimus proxime ad diuini eorum muneris officijq. similitudinem accedamus, simulachris sub sensum cadentibus mentes illas cælestes in sacrosanctis scripturæ libris descripsit, vt nos, & rebus sensum mouentibus ad eas, quæ animo, ac ratione cernuntur, & signis, quæ effecta sint, ad summam cælestium hierarchiarum simplicitatem perducatur.

Quomodo Angeli diuinitatis similitudinem participant, & pulchri fiunt, & ordinate illustrationes suas hominibus participant.

Ennarratio secunda ex Dionysio Areopagita.

Cap. 393.

*Idem li. 1.
6. 3.*

Est quidem Hierarchia, mea quidem sententia, sacer ordo, scientia & actio, quæ & ad diuinitatis similitudinem, quoad eius fieri potest, accedit, & proportionem illustrationum, quæ ei diuinitus datæ sunt, ad Dei imitationem traducitur.

*D. Dionys.
Areop. li. 1.
apleth. His-
5. 4.*

Quoniam rectè à nobis Hierarchia quid sit, diffinitum est, sequitur vt Angelicam Hierarchiam laudibus ornemus, sacrasq. eius effigies, quæ in sacris litteris traduntur, cælestibus oculis inspiciamus, vt & mysticis simulachris, ad earum simplicitatem, quæ diuinam proximè imitatur, transferamur, & omnis Hierarchiæ scientiæ auctorem, ac principem religione Deo digna colamus, eiq. gratias agamus. Illud autem primum omnium verè dici potest, Deum bonitate ductum omnes naturas in lucem protulisse; est enim hoc omnium auctoris, & bonitatis, quæ ad omnia pertinet, proprium, naturas ad sui communionem vocare, vt cuiusq. captus modusq. postulat. Ac omnes quidem naturæ, prouidentia summæ omniumq. effectricis diuinitatis gubernantur. Neque enim essent, nisi eorum, quæ in rerum natura sunt, essentiæ, principijq. essent participes, ea quidem omnia, quæ vitæ beneficio carent, hoc ipso quod sunt in natura rerum, ea participant. Omnium enim status est, quæ statum omnem longè multumq. superat, diuinitas; ea vero quæ viuunt, ipsa vi effectrice vitæ, quæ vitam omnem superat, participant; ex autem naturæ, quæ rationis, & mentis sunt participes, eiusdem per se perfectæ, ac principalis sapientiæ, quæ omni, & rationi, & menti plurimum præstat, sunt compotes. Perspicuum est autem, eas naturas circum diuinitatem esse, eiq. præsto esse, quæ multis modis eius communionem teneantur. Itaque sancti cælestiū illarum naturarum ordine maioribus, ac pluribus diuinitatis muneribus, ac beneficijs, quam ex naturæ, quæ tantum sunt in rerum natura, quæ rationis expertes sunt, & quæ apud nos ratione vtuntur, aucti ornatique sunt. Nam quoniā, & mente se ad Dei imitationem exprimunt, atque effingunt, & admirabiliter diuinitatis similitudinem intuentur, & mentis suæ speciem ad eam formare cupiunt, merito maiore cum ea societate iunguntur; dum vicinæ quidem sunt, & semper quantum fas est, ad maiora, & meliora in diuini stabilisq. amoris con-

ten-

tentione nituntur, & illustrationes, quæ à principio proficiscuntur, sine materia, vllaq. concrezione recipiunt, ad eas se accommodant, & vitam omnem mentis propriam habent. Hæ enim sunt, quæ cum primo ac variè diuinitatis sint participes, primo etiam loco, ac multis modis, diuinitatis veritatem, tenebris quibusdam rectam aperiunt, & enunciant. Itaque semper, ac ubiq. Angelorum præcipue nomine appellantur, propterea quod primum in eis insit diuina illustratio, ac per eas ad nos perueniant, & quæ naturam nostram superant, patefactiones.

Sic enim lex, vt diuina scripta testantur, per Angelos nobis data est. Atque etiam claros illos, qui legem antecesserunt, eamq. secuti sunt, patres nostros, Angeli ad diuinitatis notitiam perduxerunt; cum vel ad id, quod agendum erat, inducerent, vel ab errore eos, vitaq. scelestâ, ad rectam veritatis viam traducerent, vel sacros eis ordines, vel ministeriorum diuinorum occultas visiones, aut diuinas quasdam prædictiones interpretando enunciant, & aperirent. Quòd si quis illinc etiam per se sine vlllo medio, nonnullis sanctis Deum visum esse contendatis, discat hoc etiam apertè ex sacris litteris, id quod in Deo occultum sit, vidisse, aut visurum esse neminem; Deum vero sanctis visum, ac ostensum esse illum quidem, sed enunciationibus, quæ Deo dignæ sint, per quasdam sacras, & eorum, quibus ostenduntur, captu accommodatas visiones. Theologia autem sapientissima, visionem illam, quæ in se descriptam diuinitatem, quasi specie, & habitu eorum, quæ nulla forma depingi possunt, prodidit, rectè ex eo, quod ad diuinitatem eos, quibus ostenditur, erigat, Dei visionem nuncupat, propterea quod ea in mentibus eorum, qui vident, quendam diuini luminis radiû, infundat, & aliqua rerum diuinarum doctrina eos erudiat. Has autem diuinas visiones clarissimi illi patres nostri cælestium virtutum opera didicerunt. An non etiam sacram illam legislationem illinc quidem à Deo Moysi datam, & concessam esse diuina scripta tradiderunt, vt nos vere eam diuinæ ac sacræ simulacrum esse doceant? Sed hoc etiam eadem Theologia nos docet, eam Angelorum opera ad nos peruenisse, quasi illud ordo diuinæ legis sanciat, ea, quæ secundum locum obtinent, ab ijs, quæ primum, ad diuinitatem erigi & excitari? Etenim non solum in summis atque infimis mentibus, sed etiam in his, quæ sunt eiusdem ordinis, hæc lex à Deo sancita est, vt in quaque Hierachia & primi sint, & medij, & postremi ordinis, inferiorumq. superiores doctores sint, eisq. quasi digito viam monstrent, aditumq. ostendant ad diuinitatem, illustrationem, atque consociationem. Diuinum etiam humanitatis Iesu ministerium Angelis primum enunciatum, ac patefactum esse video; deinde per eos ad nos cognitionis beneficium peruenit. Sic Gabriel Zachariam quidem pontificem docuit, fore, vt puer propheta ex ipso, nec opinato, diuina benignitate nasceretur, ex quo diuinum Iesu opus, quod & adiumentum, & salutem mundo afferret, facillè perspiceretur: Mariam autem, quemadmodum in ea diuinum misterium, quo Deus homo factus est, fieret. Alius verò Angelus Ioseph docuit vere completa esse, quæ diuinitus Dauidi promissa fuerant. Alius pastoribus, qui se à multis secernendo & quiescendo, pura, integraq. mente essent, gaudium nunciauit, cumq. eo multitudo cælestis exercitus hominibus magna laude dignum illud gloriæ eloquium tradidit. Sed vt summas, quæ à scriptura

AA. 7.

Dan. 7.

Deut. 9.

AA. 7.

Gal. 3.

Luc. 1.

Matt. 1.

Luc. 2.

Matt. 2.

Osee 2.

Luc. 22.

Isai. 9.

Io. 15.

ptura traduntur, luminis visiones recordemur: ipsum etiam Iesum, qui cælestium essentiarum auctor est, omni essentia superior, cum sine vlla mutatione speciem, figuramq. nostram indutum venisset, ab eo ordine homine dignissimo, quem ipse præscripsisset, atque delegisset, non discessisse animaduerto, sed eum facile Patris, ac Dei per Angelos figuris obscure expressisse; eorumq. officio Ioseph, filij in Aegyptum secessio, quæ patris prouidentia extitit, nunciatur, ac eiusdem ex Aegypto in Iudæam reuersio: eundemq. per Angelos patrijs legibus subiectum cernimus. Prætermitto enim dicere, vt scienti ea, quæ sacrosanctis nostris institutis tradita sunt, de Angelo, qui Iesum confirmavit, aut illum ipsum, cum pro sua in salutem nostram beneficentia, in numerum eorum, qui mysteria enunciant, ascriptus esset, magni consilij appellatum esse Angelum; etenim, vt ipse pro Angeli, nuncijq. dignitate dixit, omnia, quæ à Patre audiuit, nobis nunciauit.

Cælestes Spiritus cur Angeli nominentur. Cap. 394.

Ibid. c. 3.

Q Værendum autem est, quid sit, quamobrem Theologi, omnes quidem illos cælestes spiritus appellent Angelos; cum autem ad exprimendas cælestes ipsas distinctiones veniant, ordinem Angelorum proprie appellent eum, qui diuinos, cælestesq. ordines explendo claudat; supra hunc vero Archangelorum descriptiones collocent, Principatus, Potestates, atque Virtutes, easq. omnes naturas, quas his superiores, sacrorum librorum interpretationes esse sciunt? Hoc autem confirmamus in omni sacra descriptione, eos quidem ordines, qui superiores sint, eorum etiam, qui inferiores sunt, illustrationibus, virtutibusq. esse præditos; extremos autem ijs, quæ in superioribus insint, carere, ac sanctissimos quidem summarum naturarum ordines, etiam Angelos ij, qui de diuinis rebus disseruerunt, nuncupant, propterea quod ij etiam diuinæ illustrationis sunt interpretes. Eum autem cælestium naturarum ordinem, qui postremum locum tenet, absurdum est Principatus, & Thronos, ac Seraphim vocare, neque enim summarum illarum naturarum est particeps: sed quemadmodum is ordo sacros Principes, qui hic sunt diuina mente permoti, ad eos splendores diuinitatis, qui eis præscripti sunt, erigere solet: sic sanctæ Virtutes, quæ huic ordini præstant, perducere solent ad diuinitatem, quæ Angelicas Hierarchias explet. Nisi quis forte hoc etiam afferat, Angelorum nomen commune esse cælestium naturarum omnium ad diuinitatis similitudinem, & diuini luminis munus inferioribus concedendum, & eximiam excellentemquæ consociationem. Sed quo facilius ea quæ diximus, distinguantur, vniuscuiusque cælestis descriptionis proprietates, quæ nobis in scriptis diuinis traditæ, expressæq. sunt, videamus.

Angeli

Angeli diffinitio, ac officium: & cur Deus illum fecerit; & quod in superbiam elata pars Angelorum, cecidit à gloria sua; & de dominio Angelorum in creatura corporea, & de scientia eorum. Enarratio ex D. Augustino.

Cap. 395.

Angelus autem spiritus est, substantia incorporea, inuisibilis, sensibilis, rationalis, intellectualis, immortalis. Spiritus sunt Angeli, & cum spiritus sunt, non sunt Angeli; cum autem mittuntur, fiunt Angeli; Angelus enim officij nomen est, non naturæ. Quæris nomen huius naturæ? spiritus est, quæris officium? Angelus est. Ex eo quod est, spiritus est, ex eo quod agit, Angelus est: sicut in homine nomen naturæ homo, officij preceps, id est, qui erat homo, fit preceps: non qui erat preceps, fit homo; sic ergo qui erant iam spiritus conditi à creatore Deo, facit eos Angelos, mittendo eos nunciare quod iusserit, Angeli nuncij sunt: Nuncios autem rectissime accipimus omnes, qui salutem cælestem hominibus nunciauerunt. Vnde & Euangelizantes, Boni nuntij possunt interpretari, quia Angelus nuntius interpretatur: quicumque autem Episcopus, aut presbyter, aut etiam laicus, frequenter de Deo loquitur, & quomodo ad vitam perueniatur æternam, annuntiat, merito Angelus dicitur. Ille summus, atque incircumscriptus spiritus, qui initio caret & fine, cum nollet quasi solitarius esse, disposuit quodammodo sibi similes spiritus creare, qui gloriæ cognitione, vel participatione, in perpetuum gauderent, suoque creatori laudes continuas hilariter exhiberent. Creatisque Angelicis turmis, noluit ab eis timeri quasi Dominus, sed obediri & amari quasi pater & creator benignissimus. Coacta enim seruitia nequeunt illi fore grata. Ideoque eis liberum arbitrium concessit, innuens, quod eorum seruitio minime indigeret, de quibus tamen, si humiliter starent, & obederent, profecto gauderet. Verum sicut Rex potens & inaccessibilis, ad sibi obsequendum non creauit clienres aliquo indigens, sed eos, atque eorum ordines ordinatissime stabilivit. Quibus omnibus vnum præesse constituit, qui tanto clarior atque mirabilior appareret, quanto singulariter omnibus illis eminentior fuit. Ille vero, quia se vidit pulchrum & liberum, atque tot spiritibus prælatum, confestim gloria quadam priuata, caput in se & non in Domino gloriari. & libertatem, quam ad bonum acceperat, ad non bonum & illicitum vsurpauit. Attribuit enim sibi soli potestatem in subditos dominandi, & ut ipse sine vllius dominatu maneret, & nec se, nec suum dominium ab aliquo recognosceret, suam sedem in latere Aquilonis cogitauit statuere, quasi per se possit existere, & omnia cælorum agmina opinatus est ad suum velle posse flectere. Quorum quidam eadem prauitate principaliter infecti, quidam vero minus cauti, huic tam inaniter superbienti fauere, cum eodem vituperabiliter damnati ad ima ceciderunt, ubi sine spe alicuius remedij perpetualiter cruciantur. Et merito illi primitus superbienti, remedij aditus denegatur, qui à bono bonus atque perfectus creatus, nihil in se fragilitatis gestabat, pro quo à veritate sequestraretur, si stare voluisset; nec erat alius ante illum prauus, cuius instigatione ad malè agendum prouocaretur. Malum quoque non subsistebat, ad quod accedendo

macu-

S. Aug. lib. de cognit. vera vita c. 6. Aug. super Psal. 103. ser. 1.

Aug. lib. de Pœnit. Aug. sup. Apoc. hom. 11.

macularetur, sed à se potius, & in se prauitatem concipiendo reperiens, tanto deterius deliquit, & grauius ruit, quanto sapientior, ac celsior fuit.

Postquàm autem huius fautores cum eodem pari sunt poena mulctati, ceteri, qui ab amore creatoris non recesserunt, verbo sunt Domini consolidati, ita quod de cetero casum aliquem non pertimescant. Hoc nempe tunc promeruerunt, quando peruerso praelato non consenserunt, & quia cum libere possent & velle, & agere malum, bono potius tenaciter adhererunt; inde consecuti sunt, quod iam non possunt velle malum, nec volunt posse. In hoc enim apparet Dei mirabilis restitudo, qui tam æquum districtumq. iudicium, in vtrisque partibus egit, taliter eas ordinans, vt quod quisque sua sponte eligeret, hoc perpetualiter possideret, nec de priore electione redire, & aliud eligere aliquando liceret. Illis itaque merito suæ prauitatis abiectis, & istis ob meritum suæ perseuerantiæ in bono solidatis, tali differentia fuit illa supernorum spirituum ordinatio diminuta, quod ille supernus artifex, qui eos composuerat mirabiliter, non potuit ferre æquinamiter, sed diminutione eorum reintegrare, & per hominem reparare disposuit. Ideo distinguuntur ratione lapsus. Angeli atque homines pro eo quod rationales sunt facti, æternitatis, ac beatitudinis donum in ipsa naturæ spiritualis creatione diuinitus acceperunt, ita scilicet, vt si dilectioni creatoris sui inhæsisent, simul æterni beatiq. mansissent; si vero propriæ libertatis arbitrio contra summi creatoris imperium, suam niterentur facere voluntatem, protinus à contumacibus beatitudo discederet, & ad supplicium eis relinqueretur æternitas misera, horroribus, doloribusq. crucianda. Et de Angelis quidem hoc disposuit, & impleuit, vt si quis perderet bonitatem voluntatis, nunquam diuino munere repararet. Pars itaq. Angelorum, quæ à suo creatore Deo, à quo solo beata fuit, voluntaria, profus auersione discessit, æquitatis supernæ iudicio, initium suæ damnationis, in ipsa auersione voluntatis inuenit; vt non aliud ei esset incipere iam puniri, quàm illius beatifici boni dilectione destitui, quam Deus in æterno sic totam præcepit remanere supplicio, vt etiam ei ignem æternum præpararet; in quo omnes illi præuaricatores Angeli, nec mala possunt voluntate carere, nec poena. Sed permanente in eis iniustæ auersionis malo, permaneret etiam iustæ retributionis æterna damnatio, ceteris Angelis in suæ dilectionis æternitate firmatis.

Sublimibus Angelis Deo subdite fruentibus, & Deo beatè seruientibus, subdita est omnis natura corporea, omnis irrationalis vita, omnis voluntas, vel infirma, vel praua, vt hoc de subditis, vel cum subditis agant, quod naturæ ordo poscit in omnibus, iubente illo cui subiecta sunt omnia. Proinde illi in illo veritatem incommutabilem vident, & secundum eam suas dirigunt voluntates. Fiunt ergo illi participes æternitatis, & veritatis, voluntatem eius semper facientes sine tempore & loco. Mouentur autem eius imperio etiam temporaliter, illo non temporaliter moto. Nec ita, vt ab eius contemplatione resiliant, aut defluant, sed simul & illum sine loco, ac tempore contemplantur, & eius in inferioribus iussu perficiunt, mouentes se per tempus & locum, quantum eorum congruit actioni. Mali Angeli beneficia præstando amicis suis, magis decipiunt; sed nihil horum possunt, nisi quando permittuntur alta & secreta Dei prouidentia

*Aug. lib. 8.
de Ciuitate
Dei.*

uidentia; ij autem à sanctis Angelis tam longe absunt, quàm longe absunt à virtutibus vitia, & à bonitate malitia.

Lògè aliter nota est creatura Dei, Angelis, aliter nobis, excepto hoc, quod cum in verbo Dei norunt, per quod facta sunt omnia, etiam in se ipsa dico longe aliter notam eis, quàm nobis. Illis enim primordialiter, vt ita dicam, vel originaliter, sicut eam Deus primitus condidit, & post eam conditionem à suis operibus requieuit, non condendo amplius aliquid, nobis autem secundum rerum antea conditarum administrationem iam per ordines temporum, secundum quam Deus vsque modo operatur. Hoc differt inter illorum & nostram scientiam, quod ipsi omnes causas rerum, antequàm eueniant, præsciunt, nos autem vix, & cum magno labore inuestigamus eas, postquàm in actu constabunt.

*Aug. lib. 3.
sup. Gen.*

*Aug. lib. de
cognit. vera
vis. cap. 6.*

Angelis bonis omnis corporalium, temporaliumq. rerum scientia, quàm instantur dæmones, vilis est, non quod earum ignari sint, sed quod illis Dei, qua sanctificantur, charitas chara est, præ cuius non tantum in corporali, verùm etiam incommutabili, & ineffabili pulchritudine, cuius sancto amore inardescunt, omnia quæ infra sunt, & quod illud est, non sunt, seq. ipsos inter illa contemnunt, vt ex toto, quod boni sunt, eo bono, ex quo boni sunt, perfruantur. Et ideo certius etiam temporalia, & mutabilia ista nouerunt, quia eorum principales causas in verbo Dei conspiciunt, per quod factus est mundus. Quibus causis quædam probantur, quædã reprobandantur, cuncta ordinantur. Dæmones autem non æternas temporum causas, & quodammodo cardinales in Dei sapientia contemplantur, sed quorundam signorum nobis occultorum, maiori experientia, multo plura quàm homines futura prospiciunt; dispositiones quoque suas aliquando pronunciant; denique sæpe isti, nunquam illi omnino fallunt. Aliud est enim temporalibus temporalia, & mutabilibus mutabilia coniectare, eisq. temporalem, & mutabilem motum suæ voluntatis, & facultatis inferere, quod Dæmonibus certa ratione permissum est; aliud autem in æternis atque incommutabilibus Dei legibus, quæ in eius sapientia viuunt, mutationes temporum præuidere, Deiq. voluntatem, quæ tam certissima, quàm potentissima est, diuini spiritus eius participatione cognoscere, quod sanctis Angelis recta discretionem cognoscere donatum est. Itaque non solum æterni, sed etiam beati sunt.

*Aug. de
Ciuit. Dei
lib. cap. 22.*

Præterea Augustinus in Soliloquijs suis, ita alloquitur Dominum Angelorum, opitulationes eorum erga homines enarrans. Domine qui facis Angelos tuos spiritus. Hi sunt Ciues beatæ ciuitatis supernæ Hierusalem, quæ sursum est mater nostra in ministerium missi propter eos, qui hæreditatem capiunt salutis, vt eos liberent ab inimicis suis, & custodiant in omnibus vijs suis; confortent quoque & moneant, & orationes filiorum tuorum offerent in conspectu gloriæ maiestatis tuæ.

*Aug. Soli-
loq. c. 27.*

Diligunt nempe Angeli conciuies suos, per quos suæ ruinæ scissuras instaurari expectant. Ideoq. magna cura, & vigilantissimo studio adsunt nobis omnibus horis, & locis, succurrentes, & providentes necessitatibus nostris, & sollicitè discurrentes inter nos, & te Domine, gemitus nostros, & suspiria nostra referentes ad te, vt impetrent nobis facili tuæ benignitatis propitiationem, & referant ad nos desideratam tuæ gratiæ benedictionem.

Ambu.

Ambulant enim nobiscum in omnibus vijs nostris, intrant, & exeunt nobiscum, attentè considerantes quàm piè, quàmquè honestè in medio prauæ nationis conuersemur, quanto studio, quantoq. desiderio quæramus regnum tuum, & iustitiam eius, quanto timore, & tremore seruiamus tibi, & exulemus in læticia cordis nostri. Adiuuant laborantes, protegunt quiescentes, hortantur pugnant, coronant vincentes, congaudent gaudentibus, compatiuntur patientibus. Grandis est eis cura de nobis, & magnus dilectionis affectus eorum erga nos, & hoc totum propter honorem tuæ inestimabilis charitatis, qua dilexisti nos. Diligunt enim quos tu diligis, custodiunt, quos custodis; odiunt, quos oderis. Quoties bene agimus, gaudent Angeli, & tristantur Dæmones; quoties vero à bono deuiamus, Diabolum lætificamus, & Angelos tuos suo gaudio defraudamus. Gaudium enim est eis super vno peccatore poenitentiam agente, sed Diabolo super vno iam iusto, poenitentiam deferente. Da igitur Pater semper eis gaudere de nobis, vt & tu per eos semper lauderis in nobis, & nos cum eis in vnum ouile tuum adducamur, & confiteamur simul nomini sancto tuo.

Angeli diffinitio ex Dionysio Areopagita. Cap. 396.

Dion. Areopag. de diu. nom. c. 4.

I Mago Dei est Angelus, latentis lucis declaratio, speculum nitidum, perlucidissimum, integrum, incorruptum, non inquinatum, quo recipit vniuersam, si fas est dictu, figuræ diuinæ bonitatis pulchritudinem, atque simpliciter in se, quantum potest, abstrusi silentij bonitatem cum splendore inserit.

Sed his hæcenus. Subdamus nunc per exempla, sanctorum Angelorum patrocinia erga genus humanum.

Pulchra & nobilis virgo Christiana iussu impij Imperatoris ad lupanar ducta, à lucidissimo Angelo defenditur, & permanet inuiolata. Cap. 397.

Metaphra. in vet. Ind. & Donn. Lippoman. tom. 5. Sur. tom. 6. Nicaph. hist. l. 7. c. 6

I mperator Maximianus persequebatur Virgines Christianas ad stuprum, vt eis auferret & purissimam castitatem, & fidem. Inter eas autem, tanquam inter claras, & lucidas stellas vna mirandum in modum resplendebat instar Lunæ, & pulchritudine, & genere, & virtute alijs præstans; ea vero vocabatur Theophila. hoc autem longe melius res ipsa ostendit. Cum enim illa esset vultu adeo formosa; traheretur autem à lictoribus, & iam ad probri, & contumeliæ officinam violenter introduceretur, manus simul & oculos in cælum tollens; & miserabiliter aspiciens: Mi Iesu, dixit, meus amor, mea lux, meus spiritus, meus custos castitatis, & vitæ, vide eam, quæ est tibi desponsa, vide ò sponse, in quem nulla cadit reprehensio, & festina quoniam non est quidem tempus precandi, ne pactum conuentum fallam, ne prodas me bestijs, ne lupi tuam pecudem lanient. Serua sponse sponsam, meam conserua castitatem, fons castitatis; vt tuum quoque nomen maxime glorificetur, quod intelligenter glorificatur ab Angelis.

Hæc illa quidem orauit cum lachrymis, effectum autem Deus reddidit. Sed

Sed est adhibendus animus narrationi. Introducitur virgo ad prostibulum. Illa vero etiam in tali loco & tempore non est oblita eorum, quæ oportuit; sed protinus eiciens id, quod habebat in sinu, id autem erat sacrosanctum Euangelium, aperuit, & dat operam lectioni. Vnus vero ex intemperantibus, astro infano percitus ad eam ingreditur, qui aliquantisper quidem eam audiuit legentem. Cum autem iam prope esset, à maximo metu invaditur, & tremore valido agitur, & humi procubuit mortuus, & sic iacebat ad pedes Theophilæ non spirans. Multæ horæ præterierant, & cum alijs visum esset, quoniam non exibat, eum non posse satiari virgine; ubi alius quoque ingreditur, ipse quoque iam prope stans, lucis quidem, quæ verbis exprimi non potest, fulgore illustratur; deinde eum à luce tenebræ excipiunt, & obtutu orbatus, quærebat obiens, non amplius virginem, sed quemadmodum citra offensionem exiret extra fores.

Cum autem multi quidem talia passi essent, & nonnulli etiam magis horribilia, nulli fuit amplius cordi ingredi; sed & si quis ingrediebatur, non ingrediebatur captus amore, sed solum volens scire ea, quæ facta fuerant. Postquam autem ingressi sunt complures, vident ea, quæ, & ad videndum erant terribilia, & ad dicendum alijs maxime admirabilia, puellam quidem honeste sedentem, & libro incumbentem; adolescentem autem quendam prope eam stantem luce quidem ineffabili, pulchritudine vero incredibili veluti quædam tela fulguris emittentem ex oculis. Hæc postquam viderunt, & metu obriguerunt, & vix tandem; Quis est sicut Christianorum Deus? exclamauerunt, & simul non ferentes spectaculum, recte secum agi putabant, si fugerent, & celeritate maxima domo exibant; omnes quidem obliti libidinis, nonnulli autem etiam ipsa impierate abiurata. Sed nec hæc quidem ignoravit Maximianus: at cum rescivisset, virginem quidem non posse capi ab his qui ipsam servabant militibus, quin etiam multos ex suis esse victos, & didicisse Deum pie colere: Dei gratiam adscribit incantationi, dicens, Christianos uti artificijs ad vulgus decipiendum. Sed ille quidem hæc dicens, se ipsum potius decipiebat, & quicumque his nugis animum adhibebant. Ille autem plenus lumine, qui videbatur virgini assistere, cum eam domo eduxisset, suo lumine præcedens deducebat: Deinde cum etiam adduxisset usque ad sacram ecclesiam, eam statuit in vestibulo, & cum, pax tibi, dixisset, recessit. Eam autem inuasit & metus, & gaudium; metus quidem quod eam ille reliquisset, gaudium vero quod sic libidinosorum manus effugisset, nihil passa indecorum. Accedens ergo pulsat ostium populi iam congregati, & nocturna de more Deo canentis.

Cum autem ianux strepitum sensisset quidam Diaconus, & quænam esset, rescivisset, renunciavit ijs, qui erant intra ecclesiam. Omnes itaq. ad eam confluunt, nam aliqui erant etiam illustri genere, sicut audiimus, virtute autem multo illustriores: Cum ergo eam vidissent; & quos, & quidnam volentes effugisset, intellexissent, & quænam illa in eos fecisset miracula; quos nam quidem fontes lachrymarum non moverunt? Quasnam autem voces in Deum non emisertunt? In principio quidem raptum virginis miserantes, in fine quidem impios miseros ducentes; Illam vero quibusnam non prosequuntur beatitudinibus? Illa autem se ipsam iacit humi, & aræ sacros tangit cancellos. Flet vero tam vehementer, ut eos etiam qui videbant, ad simili-

militudinem moueret affectionem, & fluente lachrymarum, fitq. commu-
nis ad Deum gratiarum actio toto pectore. Sed ita quidem se habebant res
virginis] sic ibi.

*De cuiusdam senis naufragio stupenda narrantur miracula, ad
cuius tutelam misit Deus Angelos suos in circuitu eius, &
eripuit eum de profundo maris. Cap. 398.*

*En Epist. S.
Paulini E.
piscopi No-
lani ad Ma-
chariū 34.*

Opera Domini prædicare honorificum est, quæ mihi causa huius epi-
stolæ fuit, quia patrisfamilias huius, quem ad vnanimitatem tuam
prosequor, Secundiniani negocium, vt probatis, non potest sine Domini
gloria, & laude narrari. Sicut enim dixit in Euangelio: Pater meus adhuc
operatur, & ego operor, ita & nunc facit, neque desinet bonus Dominus
fidem vestram euidentibus veritatis suæ excitare, ac vere prouocare docu-
mentis. Itaque in diuersis, vt scriptum est, argumentis apparens nobis
Saluator Deus, terra, mariq. pro nobis operatur, & quod in singulis agit,
multorum fidei, salutiq. procurat. Videt enim quàm admirabile, & præ-
dicabile opus sit, quod Iesus Dominus in vno senes cum Angelis suis san-
ctis operatus est. Hæc enim causa est supradicti amici, & fratris, qui est
vir in Christo fidelis. Hyeme superiore compulsus in Sardinia cum ceteris
quippe nauicularijs inuehendas fiscalibus horreis fruges ministerio propriæ
navis accipere, non expectato tempore soliti commeatus ante æstiuam tem-
periem, onustum nauigium, vi publica urgente demisit. Illuc, vt mihi
retulit in proximo freto exorta tempestas, temere de portu solutam multa-
rum nauium classem à cursibus destinatis retorsit, & fregit in littore, huius
nauem in quodam eius insulæ loco, quem ad Puluinos vocant, ne simi-
liter illideretur, anchoris fundare conati sunt, sed hyemis eiusdem violentia
præualecente, rumpentibus vinculis, nauis exterriti scaphulam demise-
runt, vel vt nauis fortius continendæ renouatis, & alius stabilitatis anchoris
subuenirent, vel vt se ipsos, si possent, à discrimine nauis eriperent. Sed
illos statim cum fragili perfugio limbuli sui arripuisse in scopulos procella
dicitur, & superfusus fluctibus obruisse; vnum ex omni numero nautarum
senem sentinando deputatum, vel metu immemores, vel vt vilem animam
contemnentes relinquunt. Interea destituta nautis, & anchoris nauis aufer-
tur in pelagus: senex ille, qui nescierat se relictum, vt iactari, voluiq.
sensit, ab incimo nauis emergit, vacua omnia, mare vndiq. & vndiq. cæ-
lum videt, cum & metum, & periculum misero solitudo cumlaret, sex
dies, & noctes ieiunus comedit. Fuerunt enim illi lachrymæ panes die,
ac nocte; tùm ipsum iam mortis, quàm vitæ cupidiorē, finemq. poenarum
animæ exitu desiderantem, misericors, & miserator Dominus adire com-
minus, & verbi cibo animare dignatus est. Refert ipse adhuc lachrymans
sclicitatem periculi sui, nec sine lachrymis cordis, & gaudio spiritus audi-
ri potest, vt compellatus adeunte Christo, vt confortatus hortante sit, vt
arborem iussus incideret, quam excidi in eo tempore remedium nauis erat:
sed, quod multi, atque validissimi sine suo, & nauis periculo vix possunt,
solus, & debilis arripere non audens, Dei verbo ausus est, bis tantum, &
leuiter, vt à senili manu tactus magis quàm ictu securis, malus ita proflui-
uit

uit à vulnere, vt longè extra nauem in vndas expulsus; tutò ceciderit: deinde varijs, vt marina iactatio, & naualis instructio poscit, officijs, cum aut artemone armari oportebat, aut sentinam repleri necesse erat, nomine Victoris vocatus ad Domino, porrigere tantum specie agendi manum ad quilibet operam iubebatur. Non enim in multa, & varia circa hunc senem mirabilium diuinorum gratia, hoc quoque Dei munus prætereundum videtur, quod etiam nomen accepit, quo nunc, & regeneratione censetur, & ab hominibus, & ab Angelis scribitur; gentilitio enim signo Valgius vocabatur, qui nunc Victor à Domino dicitur, & est victor in Domino, qui illi aptum ad opera sua id ipsum nomen imposuit, quia videlicet & in mari de tempestatibus, atque naufragio per adiutorium Christi, & nuper in terra per eiusdem gratiam de peccatis, & Diabolo triumphauit; videlicet, vt totus in Christo nouandus, neque in nomine, neque in homine veteri permaneret.

Mira fides, & ineffabilis pietas Domini saluatoris, qui senē, si forte somno piger lentius ad gerenda consurgeret, & molli manu ante præpalpans, ne trepidus expergeret, vellicata blandè auricula, suscitauit, cum leniter adnitens senex à primo statim conatu suo manibus Angelicis res effectas videret, vt vix rudentem attigerit, cum velum videret iam exsinuatum in cōtos suos, si parum stabat, vel naus vela faciebat, vel aqua rimis naus accepta mergere tentauerat, & post vnum vel alterum brevis sentinaculi haustum ore destitit, siccataq. nauī quod ageret non habebat: stupens laborē sibi sine labore præcerpi, & actum suum occulta manu præueniri, si bene occulta dicitur, quæ tam perspicuum præstabat auxilium. Sed nec ipsi operatores simplicibus innocentissimi senis oculis subtrahebantur. Nam sæpe vidit armatos videlicet de exercitu cali milites excubare nauigio, & cuncta nautici muneris administrare, nec sanè nauem illam, nisi Angeli nautæ decebant, cui gubernaculum erat mundi gubernator. Ipse enim Dominus nunc suo vultu coruscus, vt in Apocalypsi describitur, & coma fulgidus, nunc confessoris & amici sui Domini mei communis patroni, Felicis ore venerabilis in puppi sedebat, sicut nautico vsu dicitur ad timones, vel potius pro timonibus, quos cum ancoris pariter & nautis in illo naufragio littore naus amiserat insoelix feliciter, vt pro amissis omnibus viris, & armis suis, aut Domini martyrem, aut Dominum martyris obtineret. Narrat gaudio lachrymans senex, se ad illius pedes nunc Domini, nunc martyris gubernantis sibi solitum procubare etiam familiarius ipso allectante; in genibus quoque, ac sinibus sacris beatum, & adflatibus diuinis odorem reclinati capitis puluinar habuisse. Dubitemus nunc patriarcharum sinus fidelibus in Christo seruis parere, cum immensa eius bonitas, etiam cathecumenum tunc istum, vel suo, vel sancti sui fouerit gremio? Nam & in sancto suo ipse aderat, qui dixit, vt nosti, ad patrem: Ego claritatem, quam dedisti mihi, dedi eis, vt vnum sint, sicuti & nos vnum. Ego in eis, & tu in me: & iterum ad Apostolos, in quibus vniuerso corpori suo dixit: Ecce vobiscum sum omnibus diebus, vsque ad consummationem seculi. Quod quotidie nobis in manu, & Apostolorum suorum, & Martyrum operante conspicuis virtutibus potentia probat, vt credamus Dei filium, & Dominum nostrum Iesum ex resurrectione mortuorum regnantem in cælis ad dexteram Patris, viuorum esse Dominum, non mortuorum. Ergo cum & sancti sui Confessoris effigie senē

N n nautam

nautam fouebat, ipse aderat in sancto suo, & fessum, atque depositum blandis mulcebat alloquijs, nec magis cibo, quam verbo reficiebat, quia ipse est verus panis, qui de caelo descendit dare escam omni carni. In omni enim homine opus suum diligit, & omnem, quantum in ipso est, hominem saluum fieri vult, quia mortem non fecit vitae dator, & vita torus, nec lætatur in perditione viuorum, qui mauult misericordiam, quam sacrificium; nec personas accipit, qui fecit omnes, sed pro meritis iudicat, quia Deus iudex est. Denique non illi hic de calamitate naufragij, neque de senio, & egestate nauta vilior fuit, sed ijs omnibus, quibus eum, & socij spreuerant Christum mouit, & viscera diuina concussit: Oculi enim eius semper in pauperem respiciunt. Profecto & iste pauper clamauit, & Dominus exaudiuit eum, cui forsitan ad precandum etiam voces propheticas Dominus, & ipsa periculi causa dictauerit, vt clamaret: Saluum me fac Deus, quoniam intrauerunt aquæ vsque ad animam meam. Veni in altitudinem maris: non me demergat tempesta aquæ, neque absorbeat me profundum. Cito anticipet me misericordia tua, priusquam infigar in limo profundi, & vrgeat super me puteus os suum: Respice in me, quoniam vnicus & pauper sum ego, & factus sum similis pellicano solitudinis, sicut nycticorax in domicilio, & ita in naui mea, sicut passer vnicus super tectum. Audiuit Dominus, & misertus est eius, & misit Angelos in circuitu eius, & factus est in salutem; Imperauit procellæ, & stetit in aurâ, Increpauit mare, & siluerunt fluctus eius, & deduxit eum in aquis multis videntem opera Domini, & mirabilia eius in profundo: Cibauit eum adipe frumenti, & colloquente Christo quasi de petra melle saturatus est: Respexit humilem, qui beauit pauperes spiritu. Flentem affatus est, qui promissit lugentibus consolationem, & qui esurientibus, & sitientibus iustitiam saturationem dat: Ipse hunc deficientem, qui panis, & iustitia, & fons vitæ est, de se ipse irrigans pauit, nec alia istum pietate, quam omnem hominem in huius mundi pelago volutantem, dedita patri vsque ad crucis mortem pietate miseratus est, quia videlicet vnus homo vniuersitatis portio, & vniuersitatis vnus forma hominis, & causa est. Denique non solum nauem, sed etiam eum, cuius causa nauem tuebatur, regens, & in eo carnis, & spiritus officia discreta dispensans, noctu securum requiescere, die vigilare sollicitum iuebat, se pro dormiente vigilaturum, & vigilantem cooperaturum esse promittens. Nempe illum in ijs verbis Domini recognoscere affectum, quo semper ita spem nostram fouet, vt sollicitudinem non relaxet, ita infirmæ carni consulit, vt spiritus promptus esse non desinat. Et ideo sic dormiri permisit seni fesso, vt ne seni quidem, & fatigato sine vigilandi negotio securitatem remitteret, ne scilicet resolveretur in somnos inertes, & inciperet non solum corpore, sed & mente dormire: quod metuens quidam sanctus ait: Illumina oculos meos Domine, ne vnquam obdormiam in mortem. Vicina enim mortis labes est torpor animorum; Et tunc dicit inimicus, præualui aduersus eum, si & mentis oculos somnus oppræsserit. Recognoscimus ergo ipsum seni affuisse, qui dixit dormitantibus suis: Vigilate, & orate, vt non intretis in tentationem: Et iterum vigilantibus ait, iam scilicet excitatorum vigore securus; Dormite iam, & requiescite; quod quidem non magis de corporeo somno, quam de fidei firmitate dictum, alibi docet dicens: Constantes estote, quia ego vici mundum. Vera enim hominis hæc requies est, si fide constans,

& vi-

& victoria Christi ab omni hoste securus, pace vnanimi perfruatur. Ipse enim quies nostra, qui pax nobis est, quique pro nobis vigilat, vt requiescat in nobis, & qui nunc vigilare nos pro quiete perpetua iubet, ipse Dominus hæc eadem pietatis suæ munera, quæ toto vult agi mundo, in hoc senone vno agere dignatus est; cum blandimento seuerus, nec sine freno timoris indulgens aurem vellit, vt somnum corporis excuteret; sinum præbuit, vt quietem perpetuam ministraret. Viginti tres dies homo non modo à terris, sed & ab hominibus exclusus, omnium ventorum ludibriū, omnis terræ exul, diuersi maris hospes, & exors generis humani, inter fluctus, & belluas maris, in vago erraticæ nauis hospitio, ieiunijs, senio, timore confectus, quæso te, nunquid natura sua perdurauit? Cui ergo obscurum sit, Deum in illo fuisse? Eum dixi Deum, qui facit mirabilia solus; qui vocat ea, quæ non sunt tamquam quæ sint; cuius ope natabat toto nauis secreta pelago, & inuisibili gubernatore quasi vacua, & tamen graui mole se promouens, clausis intra cameras suas homine cum frugibus, velut illa diluuiio foeta mundi seminibus arca fluebat, nec vno maiori iactata cursu cum tempestatibus immutauit. Primò ad vrbem acta Romani portus Farum vidit, deinde Campaniam longis tractibus legit, mutatisq. turbinibus in Aphricæ littora trāsuolauit, atque ab ipsis rursus abrepta Siciliam transcurrit, circa quam concita, & verticosa crebris, vt ferunt, insulis freta, & periculosus etiam sub gubernatore nauibus cursus inter ambages, & obices insularum, tam directo otiosus senex, inoffensoq. nauigio præteriuuit, vt quasi diuina nauis, & immisso diuinitus spiritu sapiens sua sponte cauenda vitaret, sequenda peteret, & vtiliter, ac peritè per necessarios obitus flecteretur.

Vigesimo demum tertio die, miserante iam Domino, finem errorum, atque discriminum in Lucanis positura littoribus, quibus propinqui Dominus æternus, vt indefessa eius bonitas vsque ad terminum susceptæ sibi navigationis operaretur mirabilia sua, tacito suæ adspirationis instinctu compulso à littore in duabus nauculis piscatores obuiam misit, qui nauem hanc eminus conspicati primo aspectu territi refugerunt: plenam enim armatorum, & Liburnæ æmulam sibi visam ipsi postea retulerunt: deinde magnis, & sæpe repetitis senis nostri vocibus aliquando reuocati, ratione secum habita, & agente sic Domino, nihil sibi ab ea nauī timendum, in quam vocarentur intellexerunt. Accessere nauigio, vacuumq. militibus esse, quod longè stipatū viderant vix sene contestanti, & ascensa tandem nauī suis oculis crediderunt; vbi receptos senex prandio, quod pridie iussus à Domino præpararat, excepit, multa q. mercede copiosis amissorum nautarum panibus saturauit, atque donauit: quibus stipendijs læti famulantibus limbulis suis, quasi emeritam, graui è bello, & de certamine coronatam, quippe vt superstitem naufragij, victricem ventorum, & fluctuum nauem ad portum suum remulio præeunte duxerunt. Quid de hac nauī fecisset eorum vanitas, qui errore eo, quo colunt omne, quod fingunt, factam Argonautarum infeliciū puppem fabulosis litteris sacrauerunt, atque in cælum nunc videre se credunt, & inter astrorum choros numerant? Nec minori dementia vectricem draconis Epidauro nauem illudente ipso, cuius corporeum fantasma vexerunt, serpentem venerantur. Sed fugiamus à fictis, & alienis, neque mendacia, & venena pereuntium, nostræ veritatis lumini misceamus. Sunt nobis nostræ naues, vt

N u 2 dignius

dignius veris, & domesticis utamur exemplis: Habemus & arcam Noe: Habemus & nauem Tharsis, nauemq. Tharsensis. Sed illa de qua Dei fugituum prophetam vltor, & custos cetus excepit, eatenus huic naui comparari potest, quatenus ante sortem periclitata est; tertia vero naus exemplo meo congruit hinc quod Apostolum, & martyrem vexit: propter quod ipsum & in ipso Christum recepit, vel cum illi totam perituræ naus multitudinem redonauit.

Proponamus ergo nobis animo, & mente cernamus pulcherrimum diuini operis spectaculum, videntes nauem vnam de multarum nauium, omniumq. nauarum naufragio raptam, vno fene maria diuersa peragrans solam in pelago, & in ea solum iam illa nobis arca diluuij ante oculos Ecclesiæ imago versabitur super orbem diuersum vna vbique diffusi maris facie, inter effusas cæli, & abyssi aquas solidè, toto innatans mundo, cuius ista imaginem multis modis in modulo minore gestauit; nam vt illa omnigenum seminum, sic & ista variarum plena frugum fuit, cui præter onus publicum, plura etiam de stipendijs, & peculijs nauticis inerant. Illa vnam familiam ad generis humani reparationem, & ista vnum hominem ad multorum fidem vexit. Illi pacis ramum columba detulit, huic pacem agnus exhibuit; Illam in imaginem sancti Spiritus ales intrauit, & hanc per imaginem confessoris sui Christus accessit.

Respiciamus & Ionæ nauem largiore hanc munere virtutis eiusdem seruata videbimus, & maiore miraculo. Illa enim omnibus saluis præter vnum, ista omnibus amissis vno manente seruata est. Sed & cetum illum prophetæ viuentis innocuum voratorem videtur hæc naus imitata, cum æque vtero suo clausum hominem per maris alta gestauerit, & littori exposuerit incolumem; sicut illum indigestum ieiuna prædæ suæ bellua iussis singultibus ab ergastulo spatiosi ventris excussum refudit Deo, quo iubente suscepit, & mysterio salutiferæ passionis expleta, tertia die in spem resurrectionis euomuit. Naus vero illius turba scilicet, quæ Apostolo condonata est, non suis quidem meritis, nam & ipsi naufragium meruerunt, qui contempto Apostoli consilio nauigant. Sed non minus ex hoc possumus in diuinis operibus nauigio gloriari, cuius viris, quamquam defuerit similis aduocatus, tamen ipsi in vnico nauta ipse Apostoli Deus adfuit gubernator, & quo pro vnus innocentis salute meruit liberari; quod illa, quæ Vas electionis in vinculis prima suscepit, ob Apostoli contemptum, & captiuitatem carceris crimine damnata non meruit. Illa vero naus cohors mihi videtur propter gratiæ mysterium liberata, vt de naufragio nauis aditæ nudi euaderent, scilicet vt eos à prioris nauis, id est, ab Adæ carnis peccato liberatos, & ipsis, per quos euaserunt, fluctibus expiatis, atque omnium, quas in mare abiecerant, id est secularium sarcinarum leues, & vndis quasi peccatis graui, & madida veteris hominis veste nudatos, integros in portu, Romamq. peruenirent. In quibus similiter mystica argumeta formantur, nam mutata naus, nouata in Christo vita est, & portu salutis Ecclesiæ, teste Græcia, nomen est Roma virtutis. Benedicamus ergo Deum, & exultemus in Deo nostro, qui in altis habitat, & humilia respicit, cui non in viribus equi, neque in tabernaculis viri, sed in humilibus, & timentibus eum bene-

beneplacitum est, & qui, ut in isto etiam senē ostendit, sanat omnes contritos cordes; & alligat omnes contritiones eorum. Nimis garrus frater; sentio, sed paucis quæso adhuc feras me: interrogare enim libet, vlla ne te huius seculi dignitate, quàm hac Dei dignatione affici mallet, qua senex iste perfunctus est? Beatiores ne tibi videntur, qui purpura fulgent, qui gemma bibunt, toga fulciuntur, palmataq. pinguntur, & hominibus commortalibus, ac plerisque melioribus dominantes, cupiditatum, ac rerum suarum serui sunt, de Dei muneribus insolentes, Deo Christo egentes, peccato diuites, vita steriles, morte fecundi.

Quid huic quæso obfuit senī persona sentinatoris, & in nautis vilissima, inops habitus, & mastruca Sardorum (nam pellibus fuscis vestiebatur) cum illum Dominus virtutum, rex gloriæ, & alloquio suo beabat, & illuminabat aspectu, & gremio sopiebat? Profectò & idipsum in eo diligens, quod Eliæ Meloten, & præuij Ioannis habitum veste setigera imitabatur. Regem seculi videre propius, & eius vel fastidioso sermone respergi, magna pars mundi tam beatum putat, ut si aliter non obtineat, etiam damnis emat, idq. adeptus non modo hominum, sed & sui immemor fiat. Quantum hic dignitate felicior, quem Rex regum honorauit? quantum nobilitate nobilior, quem Christus agnouit? quantum diuitijs opulentior, cui tanta tot sanctorum bona pariter collata sunt, ut Christum videret sicut Israel? cum cæli rege loqueretur facie ad faciem sicut Moyses? & eadem propemodum familiaritate requiesceret in sinu Christi, qua Ioannes in pectore recumbat? Denique ut nouum nomen acciperet, sicut amici Dei, quos in Patriarchis, & in Apostolis bene noli?

Te ego paulò ante interrogabam, an huius gratia donari omnis huius seculi gloriæ præoptaris. Ipsos equidem rectores harum tenebrarum, si videre mereantur, prælaturos arbitror beatissimam senis, & inopis nostri calamitatem suis miseris felicitatibus, & gaudijs perenne lugendis. Quæras forsitan, quibus hoc meritis vetus nauita semper in tenebris ignorantie demoratus, & tam ab operibus iustitiæ, quàm à scientia veritatis alienus obtinuisse videatur, quod paucissimis certe operarijs, quamquam à custodia matutina vsque in noctem totius diei pondus, & æstus sustinuerint, facile cōceditur? Respondebit tibi Apostolus profectò, quia sine pœnitentia sunt gratiæ, & donationes Dei, & quia non ex operibus iustificabitur omnis caro, tempus est gratiæ, & fides ad iustitiam deputatur, quia de lapidibus filij Abraham quotidie suscitantur. Nunc enim tempus acceptum, nunc dies salutis, quo pacis, & laudis hostias immolamus, & sacrificium Deo spiritus contribulatus est. Et in homine templum Dei, & in corde credenti salutaria, & in desecatis pectoribus sancta sanctorum; quare qui cor contritum, & humiliatum non spernit, ipse nostrum senem placitam sibi naturalibus bonis hostiam in odorem suauitatis accepit; nam ingenita simplicitate tam purus animi semper fuisse perhibetur, ut peccare nescierit; iam in extrema ætatis senecta puer, & malicia paruulus, non solum gratiæ, sed & mentis infantiam gerit; nuper enim. ut supra dixi, renatus in Christo, & Domino dedicatus est, per quem mala vitæ, per quem aquas mortis euasit. Accipe igitur eum lætus in Domino, ut bonum Christi odorem, ut agnum mensis nouorum, quem ad vnanimitatem tuam de rudi matris Ecclesiæ fetu immaculatum.

N n 3 can-

candente lanitio pastor exigui gregis, sed magni pignoris munerator, ut xenium spiritale transmissi. Non enim alium tali munere digniorem putavi, quam te, qui iuxta Dei gratiam, & operationem, illum & aspicere, & suscipere nouisses. Videre enim mihi videor, qua gratulatione, qua admiratione, qua fide, & auditurus de illo, & visurus ipsum sis, cum quo nauigasse Angelos, cui Martyrem gubernasse, quem in sinu Christi dormisse, cui Christum aurem vellicasse, nomen imposuisse reputaueris.

Fateor tibi affectionem meam, dum nimum tam insignia in nostri temporis homine Dei gesta admiror, & diligo, penè in ipsum senem fuisse crudelem. Nam tam assidue aurem ipsius retractavi, ut penè detriuerim. Voluissem quoque, vel vnus partem auris abscindere, nisi in illo vulneris, quæ mihi pignoris res fuisset: Non enim alter affectus homines ad Hierosolymam rapit, nisi ut loca, in quibus corporaliter præsens fuit Christus, videant, atque contingant, possintq. & de suo fructu edicere: Introiuimus in tabernacula eius, & adorauimus, ubi steterunt pedes eius. Quamquam & altior & hic intellectus habeatur, tamen & simplici sensu secundum litteram, cum res postulat, non abutendum est. Si ergo religiosa cupiditas est loca videre, in quibus Christus ingressus, & passus est, & resurrexit, & vnde descendit, & aut de ipsis locis exiguum puluerem, aut de ipso crucis ligno aliquid saltem festucæ simile sumere, & habere benedictio est, considera, quanto maior, & plenior gratia sit viuum senem, vel testimonio diuinæ veritatis inspicere? Si præsepe nati, si fluuius baptizati, si hortus orantis magistri, si atrium iudicati, si columna districti, si spina coronati, si lignum suspensi, si saxum sepulti, si locus resuscitati, euectiq. memoria diuinæ quoddam præsentis celebratur, & veterem veritatem præsentis fide comprobant in rebus exanimis viuæ documenta, quam religiosè aspiciendus est hic, quæ alloqui Dei sermo dignatus est? cui se facies diuina non texit; cui nunc Martyrem suum, nunc semetipsum Christus ostendit? in cuius viuente terra Dominici corporis videmus impressa vestigia, si fidelibus oculis, & acie spiritali, quod in eo sinus Christi, quod manus contigit, perlegamus, & caniciem, quæ sæpe super Domini genu iacuit, sæpe Domini sinu tepuit, nostra manu sæpe mulcentes, & auriculam sæpe palpantes, quam cælestes digiti Domino iocante traxerunt. Habes mi frater xenium meum, ede ipsum spiritu charitatis; & si loquacitatis meæ amaritudine nauseaueris, de gratia Domini, & cælestis historiarum suauitate fastidium temperabis.

S. Ioannes Chrysostomus, cum sacrificium incruentum offerebat in templo, omni ferè tempore domum Dei Angelis refertam videbat. Cap. 399.

*S. Nilus in
epist. ad
Anast.*

Ioannes (inquit S. Nilus) sacerdos admirandus ecclesiæ Constantinopolitanae, immo vero totius orbis splendor, vir animi perspicacis, omni ferè tempore videbat domum Domini refertam Angelorum cætu, & tunc in primis cum diuinum & incruentum sacrificium offerebatur: quo quidem tempore, stupore, & lætitia plenus, rem præcipuis amicis spiritualibus priuatim enarrauit, cum cæpisset, inquit, sacerdos sanctum sacrificium seu oblationem facere, plurimæ statim ex illis virtutibus à cælo descendentes, stolis indutæ splen-

splendidissimis, nudis pedibus, intentis oculis, pronæ altari, magno cum silentio, & reuerentia, quoad venerandum illud mitterium expletum fuit. circumsteterunt; deinde huc illuc singulæ per totam domum diffusæ, Episcopis, presbyteris, & diaconibus distributionem corporis, & pretiosi sanguinis ministrantibus adhæserunt, satagentes, & sedulo adiuuantes. Hæc autem scribo, ut diuini sacrificij dignitatem cognoscentes, caueatis, ne illud negligenter, diuino timore abiectò, administretis: nec permittatis, ut aliqui inter se contendant, & cum tumultu ad ipsum accedant, aut audacter annuant, & è loco suo proflant, aut huc aut illuc circumspiciant, & ignaue, & petulanter se gerant. Hactenus Nilus, quem spectata eruditio atque conspicua sanctitas fecerunt illustrem.

S. Marcellus fortiter pro pietate certans, ab Angelo defenditur.
Cap. 400.

IAm ab ipso Leonis Imperatoris exordio exegerat Aspar, ut filius eius Cæsar crearetur, idq. tamquam ex pactis conuentis, quod Aspar fecisset, ut Leo euaserit Imperator. Accidisse vero aliquando tradunt, ut cum id Aspar exposceret, diceretq. comprehensa eius veste, Imperator, tali purpura amictum non licet mentiri: Responderit Imperator: Sane hoc quoque Imperatorem decet, nemini cedere, aut subditum esse, maxime cum incommodo Reipublicæ fuerit. Hæc habent Nicephorus, & Cedrenus, qui hæc omnia dolose acta esse hoc anno à Leone Imperatore cognoscere potuerunt ex dictis lucubrationibus Prisci; nimirum, huiusmodi inter eos tum initum coniugium, nonnisi fallendi artem, & decipiendi fuisse consilium. Ut vero tantam diu cupitam dignitatem filio suo Aspar consequi posset, quod impedimento esse videbatur Ariana perfidia, primum voluit eam à filio Cæsar creando, damnari; sed & se ipsum etiam ad id persuasum ostendit. Cedrenus enim hæc de his. Eodem anno Asparis filius Patricius Cæsar à Leone creatur, ac Alexandriam mittitur, quia Asparem ab Ariana secta abduxerat, & sibi beneuolum reddiderat. Hæc ipse, sed anno superiori nempe duodecimo Leonis Imperatoris. Nicephorus item tradit, laborasse Leonem Augustum, ut eos ab hæresi abstraheret Ariana.

Ceterum ex Actis sancti Marcelli liquet, designatum esse Cæsarem filium Asparis, cum adhuc esset Arianus, & ob eam causam magnas turbas excitatas fuisse Constantinopoli. Sed audiamus rem gestam accurate in ipsd. Marcelli actis expressam his verbis: Cum multa accidissent inter Ardabarium & Imperatorem, quæ inter seipsos inimicitiam alebant & suspiciones, ex utrisque quidem natum est odium. Cum autem vtrinque magnum in se inuicem immineret periculum, neutri autem eorum facilis erat victoria; conuertuntur ad communia ineunda fœdera, nempe, ut Asparis quidam filius, frater autem Ardaburij, cum duxisset uxorem filiam Imperatoris, Cæsar crearetur. Hoc autem, qui accepisset, est alius (ut dixerit quispiam) Subimperator; est enim ei & aurata purpura, & alia insignia Imperij, nisi quod aurea corona non habet omnia insignia Imperij. hæc ibi. Verùm si de Cæsaris nominatione primam originem, causam, & significationem cupis, consule quæ habet Cicero ad Atticum. Pergit vero auctor de Cæsaris dignitate

Ex actis S. Marcelli. exstant apud Sur. die 17. Decemb.

Niceph. li. 15. c. 27. Cedren. in Compend. an. 1. Leon. Imp.

Cicer. ad Attic. li. 14. ep. 8.

N n 4 & po-

& potestate. Is itaque accepta hac dignitate; cum viuente quidem Imperatore erat omnia facturum communiter; eo autem mortuo, ipse primus, & solus accepturus Imperium, & tamquam debita sibi sceptrâ suscepturus: ea res vero non parum conturbabat ecclesiam, si rursus sit Imperium Arianus inuasurus. Aspar enim, & filij, & tota domus, Arij insaniam mirum in modum amplectebantur. Cum itaq. omnes essent pleni tumultu, communiter conuenerunt, & ducibus Geladio, & Marcello, viro sanctissimo monasterij Accometarum Archimandrita, de quo superius mentio facta est, venerunt ad Hippodromum, vt ab inhonesto & indigno hoc capto arcerent Imperatorem, qui ipse quidem ad hoc erat prompto & alacri animo, sed cedebat tempori Asparis & Ardaburij. Cum ergo sic paratus esset Christi exercitus, eis quoque Deus ostendit Ducem, & tantum interesse inter sanctum Marcellum Accometarum Abbatem, & alios sacerdotes atque Pontifices, quantum inter exercitus Ducem, & Imperatorem, atque adeo (si velis) inter militem & Ducem. Hoc fuit euidentis signum, nam inter ambulandum, videbant ij qui digni erant ea videre, iuuenem quidem statura maximum, forma autem pulcherrimum, & zona cinctum aurea, aspectu quidem tam candidum, vt niuem videretur superare; tam lucidum autem, vt luce corruscasset; læna vero erat tunica, eaq. niue candidior: eum ergo videbant à sinistris simul cum magno Marcello ambulantes veluti quemdam satellitem, simul terribilem, & manum veluti supponentem sustinuisse senem, & cum maxima reuerentia non desisse ei inferuire. Visio tamen (vt auctor ait) non omnibus manifesta, sed testibus præordinatis à Deo.

Cum autem ingressi essent in eum locum, in quo solebat sedere Imperator, erat quidem sic quoque Marcellus omnia ijs, qui erant Ecclesiæ; quin etiam libere loquebatur ad Imperatorem, & illis addebat animum, & quodammodo eos hortabatur ad certamen pro Christo suscipiendum. At illi quidem, cum omnia effecissent, propter quæ venerant, quæ quidem erant, vt Asparis filius aut rectam disceret opinionem, aut dignitatem Cæsaris non acciperet, hæc q. cum illis pollicitus esset Imperator, lætantes exierunt. Ille vero rursus adolescens, & altissimus, & splendidissimus, visus est adhuc adesse, & versari cum Marcello. Cum vero eum deduxisset vsque ad portas, de cetero euauit ab oculis. De quo nullus dubitauit ex his, qui viderant, sed euidentis omnibus fuit, eum fuisse Dei ministrum virili habitu indutum, qui missus fuerat, vt esset custos & satellites Marcelli, qui ab eo fuit habitus tanto honore. Hæc quidem, qui puriores oculos habuerunt, comites sancti Marcelli videre meruerunt, quæ ceteris erant occulta; quibus plane significatum est, pijs pro fide certantibus Angelos ad ministerium præstito esse. Testatur & Zonaras, clericos & monachos conuenisse Imperatorem, & exclamasse contra eum, vt Cæsar catholicus crearetur. Haud ita post (subdit auctor) acceperunt finem ea, quæ idem Marcellus prædixit.

Cum se post orationem somno aliquando dedisset, ei apparet visio illa; erat autem huiusmodi. Pugnant inter se leo, & draco; sed draco quidem, cum esset ingentis magnitudinis, cauda leonem verberabat & torquebat; leo vero dolebat quidem, & ad se defendendum excitabatur, & draconem obies inaniter depugnabat, & eum nihil lædebat; quousque ipse quidem defessus plagis humi totus iacebat afflictus & imbecillus. Representabat visio statum illum.

Zonar. An-
nal. 10. 3.

illum Leonis Imperatoris, cum anno superiori dolo Asparis florentissimus in Aphricam missus exercitus periit, & classis relicta est Genferico comburenda. Sed subdit: Inde cum se rursus Leo paululum recreasset, & veluti è quodam somno surrexisset, magno vehementiq. impetu in draconem insilijt, eumq. primum in ventrem prostravit. Hoc cum diuinus vigisset Marcellus, & accuratissime coniecisset, prædixit haud ita post Asparem & Ardaburium esse cum toto genere interimendum ab Imperatore. & inferius: Haud ita multo post acceperunt finem ea, quæ prædixit.

Angelorum auxilio Romani victoriam consecuti sunt ex Sarracenis hostibus circiter centum millibus, sese metu in Euphratem præcipitantibus. Cap. 401.

ITaque simulatque Imperator Romanus intellexerat Persas maximas copias contra ipsum comparasse, spe tota belli administrandi in Deo collocata, maximum exercitum ex aduerso misit. Imperatorem autem summum protinus à Deo beneficium accepisse, quod eius ope confidebat, ex hoc perspicuum esse poterit. Cum enim Constantinopolitani anxio & sollicito animo essent, & propter incertam belli fortunam ancipiti cura distracti, Angeli Dei in Bithynia nonnullis, quos negotia necessaria ire cogebant, apparentes, iubent renunciare Constantinopolitanis, ut bono animo sint, precibus, se dedant, & firmam in Deo spem ponant; Romanos victores fore, se enim administratores belli à Deo missos dicebant. Quo audito non solum ciuitas confirmata fuit, verumetiam militum animi multo ad bellum facti alacriores.

Socr. lib. 7. c. 18.

Vbi bellum erat ex Armenia in Mesopotamiâ translatum, Romani Persas in Vrbe Nisibenorum conclusos obsidione cingunt, turrestq. ex ligno fabricatas, quæ machina quadam voluebantur, mœnibus admovent, multos, qui ex mœnibus pugnare, eaq. defendere nitebantur, trucidant.

Baratanes igitur Rex Persarum certior factus, cum regionem Azazenorum vastatam, tum suos milites, qui erant in vrbe Nisibenorum conclusi, à Romanis obsessos, ipse cum omnibus suis copijs contra Romanos ire constituit. At quoniam Romanorum exercitum vehementer formidabat, auxilium postulat à Sarracenis, quibus id temporis præfuit Alamundarus, Vir excelso animo, & bellicoso, qui infinita Sarracénorum manu secum adducta, Regem Persarum confidere iubet, quin etiam pollicetur, neque id adeo multo post, illi non solum subacturum Romanos, sed Antiochiam, quæ est in Syria, traditurum. Verum eius promissio non successit ex sententia; nam Deus adeo ingentem Sarracénis incussit timorem, ut Romanorum copias in ipsos de repente irruisse existimarent, atque cum inter ipsos tumultuarentur, & non haberent à quo aufugerent, ipsi se armatos præcipitarunt in fluvium Euphratem, in quo homines circiter centum millia submersi sunt. Sic cum Sarracénorum copijs actum est. Hoc Socrates, subditq. alia. Sed breuitatis causa relinquimus.

Chri-

Christianorum Exercitus, Angelo duce, ex magnis angustiis, incolumis ad propria restituitur. Cap. 402.

*Vuillelm.
Tyr. lib. 16.
c. 8. 11. 12.
13.*

Videntes infideles hostes, quod obsidentes Palestinam non proficerent, ad alia se conuertunt molimina. Erat sane regio tota vepribus & frutetis humilibus, cardonibus aridis, & sinapis silua, veteribus stipulis, & frugibus iam maturis obsita: his omnibus ignem subiiciunt, vento nostris obuio fomitem, & vires ministrante. Hic incendij vicinioris afflatu, fumiq. occurrentis nube densissima nostris ingeminatur molestia. Cum ecce ad Venerabilem virum Dominum Robertum Nazarenum Archiepiscopum, qui crucē Dominicam baiulabat, omnis populus clamore, & eiulatu conuersus, postulabat cum lachrymis dicens: Ora pro nobis pater, & per hoc viuificæ crucis lignum, quod manibus gestas, in quo nostræ salutis auctorem credimus pependisse, erue nos ab his malis: nam diutius sustinere non possumus: Erat autem populus in modum fabrorum ferrariorum officinas exercentium, vento agitante fuliginem, tam facie, quam toto corporis habitu nigredine factus decolor, & tam æstatis, quam incendiorum caumate duplicato ad supremum afflictus siti, supra vires laborabat. Ad has itaque gementes populi voces, vir Deo amabilis, contritus corde, & animo valde compatiens, salutare lignum erigit contra incendia, quæ illi totis viribus procurabant, & inuocato de superius auxilio, statim affuit virtus diuina, & in momento conuersis in oppositum flatibus, incendia tetra, simul cum fumi caligine, in hostes, qui nostrum præcedebant exercitum, se dirigunt, & quæ in nostram parauerant læsionem, in suam vident retorta perniciem. Stupent hostes nouitate miraculi, & singularem reputant Christianorum fidem, quæ tam præsens à Domino Deo suo pro votis impetraret beneficium. Et paulo inferius; Cum in alia ineuitabilia Christianorum exercitus incidisset discrimina, vt errarent omnes in inuio & non in via, & angustiis locorum intercludendi, ab ingruentibus hostibus omnes cædendi essent, præuio ignoto duce, nempe cælesti nuntio, eodemq. signifero, per alias vias est secure deductus Hierosolymam vsque. Qui & admirabili perfectus ministerio, ab omnium mox euauit oculis.

Puella, ne quidam vir are alieno pressus se interficeret, omnes suas facultates ei elargitur: sed ipsa postea propter egestatem egens, meretrix facta est, quæ cum baptizari vellet, neminem habens, qui eam susciperet, ab Angelis adiuta, baptizata est. Cap. 403.

*Ex Prat.
spir. c. 207.*

Narrauit (inquit Auctor Prati sp̄ualis) nobis Abbas Theonas, & Theodorus, q̄ Alexandriæ sub Paulo Patriarcha, puella quædā relicta fuerat pupilla à parētib. magna facultate locupletibus. Erat autē adhuc sine baptismo. Die vero quodam ingressa pomariū, quod sibi reliquerant parēntes eius (sunt enim in medio ciuitatis pomaria) vidit quemdam parantem sibi laqueum, vt se præfocaret. Cucurrit igitur, & dixit ei: Quid facis homo? Dixit autem

tem ei : Dimitte me, mulier, quoniam in multa tribulatione sum . Quæ ait : Dic mihi causam, & fortassis adiuuare te potero . Dixit illi : Grauius æ alieno premor, & valde suffocor à creditoribus, elegiq. potius vitam finire, quàm quotidie mori . Quæ dixit illi : Quæso te, accipe omnia, quæ habeo, & redde, tantum ne perdas te ipsum . Sumens vero ille reddidit omnia . Puella ergo angustiari cepit, non habens, qui sui curam gereret : itaque destituta parentum solatio, fornicari instituit, & inde sibi victum quærere . Dicebant ergo viri illi sancti Theones, & Theodorus, admirantes scilicet : Quis nouit ista, nisi solus Deus; quomodo scilicet permittatur anima propter causam aliquam ipsi soli cognitam, ad tempus derelinqui ? Post aliquantum vero temporis infirmata est puella, & in se conuersa compuncta est, orauitq. Pontificem, vt faceret illam Christianam . Omnes autem aspernabantur eam, dicentes : Quis hanc suscipiat, quæ meretrix est ? Affligebatur autem vehementer . Cum vero in his esset angustijs, astitit illi Angelus in speciem hominis, cum quo misericordiam fecerat . Cui illa dixit : Cupio fieri Christiana, & nemo vult pro me loqui . Qui ait : Nunquid reuera istud cupis ? Respondit illa : Vtique, Domine, & deprecor te, vt hoc mihi impertias . Qui ait : Noli tristari . Ego adducam aliquos, qui te accipiant . Adduxit ergo alios duos, & ipsos sanctos Angelos . Duxeruntq. illam ad Ecclesiam . Rursusq. se ipsos transformantes in personas quasdam illustres, & notas in ordine Augustalium, vocant Clericos, Presbyterum scilicet, & Diaconum qui in hoc ipsum constituti erant .

Dicunt ei Clerici : Vestra claritas pro ea pollicetur ? Illi autem responderunt : etiam nos pro illa pollicemur . Sumentes ergo illam baptizauerunt : & albis induta, rursus ab eis subiecta est . Quam cum deposuissent, euauerunt . Vicini ergo cum illam ita albis indutam viderent, postquam recesserunt illi, dicunt ei : Quis te baptizauit ? Nunciauit autem eis rem totam, dicens : Venerunt quidam, & tulerunt me in ecclesiam, locutiq. sunt clericis, & baptizauerunt me . Et dixerunt ad illam : Qui sunt illi ? Cum vero non posset dicere, qui essent illi, abeuntes nuntiauerunt Episcopo . Dixit autem Episcopus his, qui ad baptizandum constituti erant, & confessi sunt se illam baptizasse, exhortatos ab illo, & illo Augustalibus . Porro accersitis ex prætorio his, quos clerici dixerant, dixit Episcopus : Num ipsi pro ista fideiussistis ? Qui dixerunt : Neque nouimus, neque conscij sumus nos hoc fecisse ? Tunc vero iam cogitauit Episcopus, Dei hoc esse opus . Conuocansq. illam, dixit ei : Dic mihi, filia, quid gessisti boni ? Quæ ait : Meretrix existens, & pauperula, quid boni facere potui ? Dixit illi Episcopus . Nihil omnino operata es ? Dixit : Non ; nisi quod videns quemdam, qui a creditoribus premebatur, se suffocare volentem, data illi omnia substantia mea, liberaui eum . Et his dictis, continuo obdormiuit in Domino . Tunc Episcopus glorificans Dominum, dixit : Iustus es, Domine, & rectum iudicium tuum . Hucusque auctor, non absque probatorum viro- rum testificatione hæc asserens .

Castus Iuuenis, cum temerè sese occasione perdenda castitatis exposuisset, ab Angelo verberatus est, ut resipisceret.

Cap. 404.

Ex Specul.
exemplorū
dist. 10. c. 9

ZVVollis Oppidum insigne Traiectensis Diœcesis est, vbi quod dicturus sum, firma didici relatione contigisse. Erat ibi sicut & in ceteris scholis nō arguenda cōsuetudo, vt scholaribus ibidem frequentantibus vno vel duobus diebus in septimana concederetur decentibus ludis tensum studendi rigorem paululum relaxare, ne si nimium iuueniles animos indefessa studiofitate lassescerent, aut scholæ fastidium, aut sensuum perturbata ratione incurrerent detrimentum. Nam sicut duratas trabes si nimium flexeris, franges: sic tenera adolescentum ingenia, si immoderato rigore grauaueris, premes. Pressa enim in sublime ferri non possunt. Modus tamen secundum Quintilianum in huiusmodi remissionibus ille seruandus est, ne aut odium studiorum faciant negatæ, aut ocij consuetudinem nimix. Quidam igitur eiusdem Oppidi scholares hac sua concessione vtī volentes, eo pacto lufuri campos intrauerunt, vt hi, qui ludentes amitterent, bibendam illo vespere ceruissiam soli soluerent, suosq. victores ab expositione tutarent. Cumque huiusmodi lufibus diem duxissent in vesp̄um, ac sufficiente symbolo facto remeandum viderent, vnus ex illis, qui eorum signifer, atque dux ad insolentiam videbatur; quoniam, inquit, sufficiens symbolum lufuum indicio factum est, abundatq. pecunia, hoc vesp̄e in potibus consumenda: nunc quia vrgent bus tenebris est Oppidum repetendum, vel semel adhuc ea lege ludamus, vt quisquis nostrum victor extiterit, quodcumque libuerit, eo pacto alijs imperet, vt qui imperantis iura implere contempserit, vnus & solus futuræ cœnæ soluat impendia, atque sic lucrata hætenus pecunia in aliud tempus referuetur. Placet omnibus concepta, propositaq. inuentio, & reparato ludo quisque, vt sic præcipere ceteris liceat, arte, atque industria qua potest elaborat. Verū, quia frequenter foeliciores euentus prauis arident, soleatq. improbos comitari fortuna secundior, is qui omnibus nequior erat, iuuante victoria præceptor effectus est. Vnde solemnī, celebriq. cœna completa, cunctis imperat se sequantur. Quo imperato surgit nequam a cœna: exit: idem præcedit, ceteri ignari, & nescij quo iturum sceleris ducem subsequuntur. Heu res nefanda. Ingreditur lupanar infestus lupus, & postquam completa libidine exisset, vt similiter vicissim omnes facerent, sub penalis pacti euasione turpis bellua imperauit. Parent omnes nefando præcepto libenti animo: nam libidine æstuabant, quod agere iussi sunt, adimplerunt. Vnus tamen ex eis, quem nedum forma corporea, quæ in eo elegantissima erat, decorum effecit, verū etiam probitas, & honestas, nec non & virgineus quidam rubor pulchris reddiderat palchriorem, ad exitiale præceptum exhorrens pallentibus genis intremuit: petijt sodales, vt liber sibi præberetur egressus, maxime quia hætenus seruallet inuiolata castra pudoris: firmassetq. animo se vitam potius, quàm virginitatem perditurum. His adolescentis verbis non compuncti, sed prouocati sodales, vi abstractum è collo palliolum tenent: nec se illud reddituros affirmant, nisi expectantis se feminx amplexibus iungeretur. Non tu, inquit

quiunt, seruata castimonia vnus, & solus nostram omnium luxuriam irridebis. Tum iuuenis vt obstinatam sodalium malitiam vidit: non ignarus consilij lantos, atque festiuos reinduit vultus, & lacerum doloribus animum serena fronte dissimulas: si omnino, inquit, libet me vestris amplexibus habere consortem, valeat nunc felix virginitas, & cum id tempus exegerit, memorem se faciat quod haecenus cum summa veneratione in meis sit laribus hospitata. Et cum haec dixisset, rapido cursu se ad cubile meretricis quasi concubiturus ingessit. In cuius limine cum introiturus consisteret: versa in tergum fronte, vt minus notaretur sodalibus inclamauit: Num solum virginibus caeli parebunt, & non etiam post adulteria Dauid, & plures alij regna meruere mansura? Ad haec sodales in casum concitati plausum fecerunt. Ipse tamen anxie satis in intimis cordis sui penetralibus Dominum nostrum Iesum Christum precabatur, ne caueam scorti, naufragum videlicet pelagus virginei pudoris ingressus, castitatis stipendia pateretur. Atque sic introiens firmatis solidius forium seris, ne quid cum femina loqueretur expectantes praeter ianuis sodales rescirent, & gestientem in suos amplexus feminam paululum declinans huiusmodi verbis affatur: Quoniam non ignero infelix soror, quod te in hanc miseram, infamemque vitam non tantum pudicitiae odium, quam capiendae pecuniae amor transmiserit, ausus sum introire ad te, & nunc amoris arbitris colloqui tibi, cum tamen longè sit anima mea, vt tecum (in pudicitiae vastum periculum) velim quicquam peruersè agere, vel virginitatem meam, quam gratia Dei vsque ad mortem inuiolatam tuebor, tuis, aliarumue seminarum amplexibus constuprare. Quia igitur me ad te non tam lasciuia inuexit, quam compulit temerata malis praua societas, redimere malo, quam violare pudorem. Interim apertis marsupijs non contemnendi valoris argenteum nummum protulit, quem feminae tribuens ait: Sume hunc nummum, & secretum habe, nulliq. pandas, quod saluis virginitatis sigillis abs te hac hora secesserim; alioquin si sodalibus res haec innotesceret, se in mea damna armarent.

Accepit nummum prostituta femina: & videns pudicam iuuenis, verecundamque effigiem, admirata est vehementer adolescentem tenerum annis tanta morum honestate, & verborum gravitate stare conspicuum, vt nec in eam, nec in quamlibet polluti cubilis partem pudici lumen disiecerit. Vnde adhortata est eum, nè à propositi sui puritate decideret, se rem secretam retenturam spondit, & in pace abire praecipit. At iuuenis cum ad socios expectantes redisset, & post insolentes discursus, & varios platearum circumitus tempus profundae noctis quiescendum praeciperet, ab eis diuisus ad propria commeauit. Verum quia indecens fuerat tantae probitati tam improbis sodalibus sui praebere consortium, non est passus piissimus Deus, qui semper quos diligit arguit, & castigat, hanc offensam impunè praetergredi, sed tamquam benignissimus pastor balantis ouiculæ suæ hoc modo emendauit errorem. Gradiebatur solus per viam, vt ireret domum, haud parum in semetipso admirans, quod potuisset illam metuendae leenae caueam illesus, intactusque euadere. Cumque talia memorans girato in obliquum gradu in alium vicum diuertisset, qui recto itinere ad suum hospitium dirigebat, subito vidit ante se per horrendae noctis caliginem personam quandam, cuius virilis facies (nam vir videbatur) micantium aëtherum lumen reuin-

cens

cens inuisa plateam luce perfudit. Qui appropinquans dextera manu tanto ictus impetu in maxillam iuuenis palmam fixit, vt vi verberis in terram, relisus palpitaret, dicens: Vel hoc verberere doctus prauæ sodalitatis virulenta contagia vereare. At iuuenis cum post breuissimam horam casus sui resurgeret, visurus quisnam ipsum tam violenta alapa consternasset, nullum præter se circa se vidit. Qua ex re Angelum suum fuisse, qui diuino imperio ipsum de errore commisso corrigeret, non ambigua æstimatione arbitratus, ad hospitium alacer repedauit, non minus de prodigiosa, & profutura sibi correctione gauisus, quàm de verberis acerbitate sollicitus. Ceterum ne phantasticum aliquid contra se contigisse iuuenis crederet, & somnio se magis deceptum esse, quàm re gesta instructum esse putaret, diuina dispensatione factum est, quod per plures dies cæsa maxilla in tantum distensa pelle tumuerit, vt ad aliquot dies in publicum procedere tanta genarum disparilitate vereretur. O felix iusti rigoris, & è celsissimis cæli missa censura, quæ dum vnus errorem digno verberere cecidisti, euidenter dedisti documentum posteris, quantum Deo, Angelisq. displiceat insontem adolescentum ætatem insolentibus sodalibus commisceri. Sed nunc in fine exempli quibus te verbis dignè lacerem nescio scelestæ præceptor, qui dum præuia conuentione, & pænali pacto noueras omnes sodales præceptis tuis parituros, & non ausuros tua violare imperia, quare non iubendo docuisti florentis iuuentutis dignissimam indolem virtutibus animum dare, inuiolata seruare castra pudoris, & diuinis magis quàm tuis iussis corda inflectere? nisi quod à magistro diabolo idcirco iubereris, tam inauditum ludum effingere, vt te, sodalesq. tuos sæuus paricida stuprata virginitate perimeres? Sed expecta paulisper, & videbis tu, tuiq. sequaces, quam metuendus iudex ægrè pertulerit, animas rosea sanguinis sui effusione redemptas, tuis iussibus, exemplis, & consilijs perijsse.

Cum domus ruitura esset, & omnes domesticos oppressura, Domino Domus apparet Angelus in somnis, & admonet vt fugiant ex ea; quod cum fecissent, domus statim ruit. Quod idem beneficium, Angeli, & quibusdam venatoribus sub specu latentibus præstiterunt. Cap. 405.

Quidam pius vir, qui valde frequens erat ad audiendum verbum Dei in Oratorio nostro, narrauit mihi, fuisse hic Romæ quendam, si bene meminimus, legisperitum, qui ope Angeli sui ipse, & tota familia sua, ex instanti ruina ereptus est. Habebat hic confidenter in domo sua. Cum autem quadam nocte dormirent omnes, apparuit ei in somnis quidam, qui magno ei necessitudinis vinculo coniunctus erat. Qui intuens illum, dixit ei: Surge statim ex strato, & dic uxori tuæ, & filiis tuis, & toti familiæ, vt surgant, & fugite omnes ex domo ista, nam breui futurum est, vt ruat, & quotquot inuenerit, opprimeret, & sepeliret sub ruina, & his dictis disparuit. Ille autem expegefactus, & hoc sermone vehementius territus, surrexit dicto citius, iussitq. vt tota familia illicò surgeret, vt fugere possent à domo ruinam comminante. Cum autem sumpsisset tantum quædam preciosa, quæ in scrinio tenebat, nulla facta mora, exijt ex domo cum cognitione

tionē suā. Vix quinquaginta passus recesserāt, cū domus illa à culmine soluta magno fragore dilabatur. Et sic Angeli ministerio ab imminēti discrimine euaserunt incolumes. Ille enim amicus, qui in somnis astitit ei, alius, quā Angelus eius esse non potuit, qui cognito periculo (quæ est in nos Angelorum beneuolentia) à certo illo interitu eos præseruare voluit.

Non solum autem per apparitiones, sed per internas suggestiones opem afferre consueuere Angeli hominibus periclitantibus.

In ciuitate, quam Castellanam appellant, quidam ciues ex primarijs ciuitatis condixerāt, vt ad vicinas syluas campestris proficiscerentur per aliquot dies venationis gratia feras indagando. Cum vero profecti venationi operam darent, contigit, vt cælum, quod serenum fuerat, incæpit ita nubibus obtegi, vt paulo post grandis pluuia super terram caderet. Flabant venti, mugiebant tonitrua, scintillabant coruscationes, ita vt venatores graui procella sub dio agitantur, & cum pluuiæ cadentis impetum ferre non possent, cum equis, & canibus in vicinum collatibrosū specus, quod in tuso erat excavatum, se receperunt. Cum autem ibi morarentur, donec tempestas mitesceret, vnus ex illis sensit cor suum formidine repleti, quasi omnibus ibi commorantibus mors instaret. Quamobrem commotione illa pulsatus proclamauit pluries alta voce: fugiamus hinc, recedamus ex hoc specu, si mori nolumus. Et quamquam, id, quod dicebat, videretur irrationabile, nō enim apparebat causa moriendi, tamē omnes trepidi ex specu illo recesserunt, quamquam imber magis quā prius increbresceret. Vix pedes extra speluncam dimouerant, quando à mugiente nube tremendum fulmen super altum antri foramen exploditur, spelunca fulmine tacta, statim corruit, omnes, nisi recessissent, oppressura.

Illi vero tremētes, domum reuersi, gratias egerunt Deo, qui liberauit eos ex interitionibus eorum. Diemq. illum per singulos annos recurrentem perpetuo obseruarunt ad Dei honorem.

Nullus autem cogitare potest, hanc illis salutem esse impertitam, præterquā ab Angelis.

Retulit mihi hoc Medicus ex illa ciuitate oriundus, qui bene nouerat.

*Aegrotus amaro animo moriens, visa per Angeli ministerium
pulcherrima Paradisi visione, libenter suscipit mortem.*

Cap. 406.

PRÆTEREA autem Angelorum opitulationes apparent periculoso mortis tempore, tunc enim, quia de summa rerum agitur, magis, magisque hominibus adiumento esse solent. Quod probatum est in Prouincia Mexici apud Indos anno 1587. tunc enim contigit, hoc quod est memoria dignum. Cum enim quidam ægrotus mortem vehementius formidaret, quadam die solus permanens, pulcherrimum iuuenem ante se astare aspexit, qui egregia luce circumfusus erat. Is accessit proximus, & vt illi extremum dolorem, quem mortis habebat, ægro mitigare posset, ostendit ei quosdam montes pretiosis gemmis, & margaritis coruscantes, aureoq. mundo vndique coniectos; super autem montes istos obambulabant mille hominum myriades, lætum, & iucundum præferentes vultum, & loci illius incredibili amœnitate

Ex Annal.

Societ. Iesu

1587.

nitare fruente. Cum autem hac ostensa rerum pulchritudine, agro ad pergendum ad amenum illum locum incitasset, dixit ei: Hic locus Paradisus est; illi autem, quos tanta alacritate, ac animi securitate vides huc, atque illuc iucundè ambulantes, sunt eorum animæ, qui fidem Christi amplexi sanctè, & iustè vixerunt, & in pace mortui sunt. Qua visione recreatus æger, postquam astantibus eam ordinate recensuit, accensus desiderio accedendi ad illud foelicissimum regnum, libenter ex hac vita recessit.

De vindicta diuina in Herodem Agrippam, & miserabili eius interitu. Cap. 407.

*Ioseph. ant.
lib. 19. c. 7.*

A Grippa Rex Iudæorum, ut Ioseph testatur, cum ageret regni sui annum septimum, quorum quatuor sub Caio, tribus vero sub Claudio regnauerat, miserando interitu vita functus est: cuius obitum Lucas mox post necè Iacobi, & carcerem Petri recēsuit, ut Dei vindictam aduersum eum in violationem admissorum facinorum declararet. Sic ergo rem gestam breui compendio perstringens, ait: Statuto autem die, Herodes vestitus veste regia sedit pro tribunali, & concionabatur ad eos: populus autem acclamabat, Dei voces, & non hominis: confestim autem percussit eum Angelus Domini, eo quod non dedisset honorem Deo, & consumptus vermibus expirauit. hæc Lucas. Iosephus vero rem gestam pluribus profecutus sic ait: Agrippa Matthiæ adempto Pontificatu successorem dedit Elionæum Cithæi filium, iamq. tertium totius Regni (à Claudio enim integrum acceperat) annum exegerat, cum peruenit in Urbem Cæsaream, quæ prius Stratonis Turris dicta est, vbi solemnnes ludos celebrauit pro salute Cæsaris. Ad quam festiuitatem magna multitudo nobilium, ac Procerum conuenerat ex tota Prouincia. Eius celebritatis die secunda processit mane in Theatrum, amictus veste tota argento mirabili opere contexta, quæ radijs Orientis solis percussa, & diuinum quendam fulgorem emittens, venerationem cum honore incutiebat spectantibus: moxq. adulatores perniciosi altius inde clamantes Deum consalutabant, rogantes, ut faueret propitius: hætenus enim ut hominem reueritos, nunc agnoscere, & fateri in eo quiddam mortali natura excellentius. Hanc ipsam adulationem nec ille castigauit, nec repulit, pauloq. suspiciens, vidit supra caput suum bubonem funi extento insidentem; moxq. ut sentit hunc esse calamitatis nuntium, qui olim foelicitatis fuerat, ex intimis præcordijs indoluit. Secuta sunt ventris tormina statim à principio vehementia. Conuersis igitur in amicos oculis: En, inquit ego ille vestra appellatione Deus, vitam relinquere iubeor, fatali necessitate coarguente vestrum mendacium; & quem immortalem salutatis, ad mortem, immo tanta foelicitate, ut omnes me beatum prædicent. Hæc locus crescente dolore deceruicabatur. Propere igitur relato in regiam rumor sparsus est breui esse moriturum. Quamobrem confestim totus populus vnà cum vxoribus, atque liberis saccum indutus more patrio supplicabat Deo pro salute Regis, omnia miscens lamentis, & eiulatibus. Rex autem in celsiore decumbens cubiculo, & in faciem stratos humi prospiciens non tem.

temperabat sibi à lachrymis : cruciatu deinde per continuos quinque dies nihil se remittente confectus vitam finiuit, annum natus quartum supra quinquagesimum, postquam regnasset per septennium : quatuor enim annos sub Caio Cæsare obtinuit regnum, primum in Philippi Tetrarchia per triennium eius, quarto demum anno accessit & Herodis Tetrarchia, tribus deinde annis sub Claudio Cæsare. Præter iam dictam ditionem in Iudæa quoque regnauit, & Samaria simulq. Cæsarea. Et paulò post : Superstites autem ei fuerunt filius quidem vnus Agrippa, annum agens decimum septimum, filiz vero tres, ex quibus Berenices nupta erat Herodi patruo, nata annos sexdecim : reliquæ duæ tùm etiam virgines erant Mariamne, & Drusilla : hæc septennis à patre desponsata Iulio Archelao Chelicz filio, illa decennis Epiphani filio Comagenorum Regis Antiochi.

Noluit autem Deus huius Herodis impium facinus, qui Petrum, quem Ecclesiæ suæ Pastorem constituerat, in carcerem coniecerat, ut cum morti traderet, relinquere impunitum primis illis nascentis Ecclesiæ temporibus, ut deinceps Reges omnes, & Principes gentium scirent, & intelligerent, eos, qui tangent Petrum, & Petri successores, idest Christi Domini Vicarios, & populi Christiani Pastores, tangere pupillam oculorum diuinorum; & collatas aduersus ipsos iniurias, & contumelias, & illius dignitatis contemptum, & bonorum Ecclesiasticorum iniustas vsurpationes, & traditæ potestatis, & iurisdictionis ablationem, & diminutionem, dirigi non contra eos, qui homines sunt, sed contra Deum & Christum eius, orbis Dominatorem, Regum Regem, qui regnorum habens gubernacula, cum libet, abripit ex manibus sceptræ, & transfert in quemcumque voluerit.

Magna enim & singulari Dei prouidentia factum est, ut in exordio nascētis Ecclesiæ, cū cepit formari Dei populus appareret Dei indignatio, & diuinę voluntatis districtum iudicium contra bonorum ad Ecclesiam pertinentium vsurpatores, aut abutētes illis, quod patuit in Anania & Saphira, quos Petrus summus, & diuinus Iudex propter delictum commissum in Ecclesiasticis bonis morti adiudicauit. Volens eodē in iudicio Christus omnibus hominibus notam facere magnitudinem potestatis, quam Petro tradiderat, quem gregis sui vniuersalē pastorem constituerat, ut scirent potestatem sibi cælitus concessam, etiam hoc habere, ut possit gladio animaduertere in facinorosos homines, quod ad merum imperium pertinet, quod habent reges. Quapropter sciens Petrus, quanta & qualis esset sibi tradita à Christo potestas, nulum respectum habens, quod non liceret Iudæis interficere quemquam, sed ius mortis resideret penes Cæsarem, & præsidem eius, intrepide, & iustissime contra virum, & feminam delinquentes, mortis sententiam tulit, quam quidem sententiam à summo imperio, & potestate procedentem Christus sequuta delinquentium morte confirmauit; ostendens Vicarium suum habere omnimodam, & absolutam potestatem supra Reges, & Præsides, & Rectores mundi huius. Non enim à Præside, aut Herode Regem petijt facultatem coercendi reos subditos eorum, sed sua vtens potestate, & iustissimè, actu exercuit illam in maiori casu, qui contingere possit, idest ad condemnationem mortis, qua maior in temporali regno non habetur.

Eodemq. tempore, & illud voluit esse manifestum, quod si quis forsā festu tumens, & temporali regno in superbiam elatus, præsumperit potesta-

O o tem,

12. q. 1. Vi-
dentes.

17. q. 4.
Attendentes.

tem, Vicarijs suis ab ipso elargitam, aut auferre penitus, aut diminuerè, aut aliqua ratione infringere, aut etiam Ministrum suum, quem constituit super familiam suam, persequi, aut iniuste affligere, & carceri aut morti tradere, is pro comperto haberet, delictum huiusmodi & scelus seuerò iudicio etiam in hoc mundo puniendum, quamquam sit Rex, qui delinquat. Vt sciant & intelligant Reges, & erudiantur, vt pastori suo obtèperent (oues enim eius sunt) & audiant vocem eius, & iussa eius perficiant, intelligentes, quonià qui iubet, in calis est. Ne si forsan ovis contra pastorem insurrexerit, quod irrationabile est, sentiat super caput suum diuinam ultionem, & pereat. Iniusti enim puniuntur, & semen impiorum peribit.

Viderat enim Christus æternorum temporum contemplator, quod contra nouam istà, & in terris inauditam potestatem erāt rebellaturi, & quod deberent astare contra Christos suos, Reges terræ, summæ illius potestatis æmulatores, & Principes conuenire in vnum aduersus Christos suos, & æmulatione conaturos contere potestatem illam; quapropter per Agrippæ Herodis exemplum voluit præmonere eos, vt desistant à cogitationibus suis, quia non est consilium contra Dominum, & non est, qui possit resistere voluntati eius; qui permittit per aliquod tempus nonnunquam præualere potentes seculi contra seruos suos, tradens eos manibus eorum, qui euaginant gladium, & intendentes arcum, illud agunt, vt deiciant, & conculent innoxios, & trucidant Dei ministros, & non considerant, quoniam Dominus subsannabit illos, & qui malignantur, exterminabuntur, & confundentur in tempore malo, & sceptrà eorum conterentur sicut vas figuli, gladius eorum intrabit in corda ipsorum, & arcus eorum confringetur, & Dominus iridebit eos, quoniam prospicit quoniam veniet dies eorum; & mox, vt honorati fuerint, & exaltati, deficientes, quemadmodum fumus deficient, & cum interierint, non fument omnia, nec descendet cum eis gloria eorum, sed inglorij, & tremantes palpitantes obmutescant in tenebris, & stridebunt dentibus suis vsque in secula, & potentes potenter tormenta patientur, quia fortioribus fortior instat tribulatio.

Magnum ergo & memorabile, & prorsus tremendū extitit Herodis istius exemplum, qui Petrum ad mortem persecutus est. Angelus enim Domini, qui Petrum fractis catenis, & reueratis portis ex carcere liberum abire permisit, idem Angelus persecutorem Herodem, vlciscente Christo, percussit, vt vermibus consumptus exspiraret.

Quod quidem à Christo factum est non solum primis illis temporibus, sed formidabile hoc exemplum sæpius succedentibus temporibus in Ecclesia renouauit. Cuius quidem argumenti nonnulla exempla hic recensere opportunū erit; cetera autem, quæ enarratione digna erunt, loco suo recensébuntur.

Anastasius Imperator, Romanorum Pontificum seuerissimus persecutor, igne calitus misso viuus exuritur. Cap. 408.

INter multos autem, qui Romanos Antistites, mundi pastores spreuerunt, & persecuti sunt, & diuersimode afflixerunt eos, extitit Anastasius Imperator, contra quem mirifice ultio diuina magnificata est, de calo trucidans eum.

Præcessit

Præcessit autem obitum Anastasij, quod eum vehementer afflixit, somniū, quod huiusmodi erat: Vir terribilis qui librum manu gestans diceret: Ecce ob peruersitatem fidei tuæ annos quatuordecim vitæ tuæ deleo: Somno solutus Anastasius, in somnium id Amantio Præposito ad se euocato exposuit. Atque is: Ego etiam, inquit, imaginatus sum adstare me Maiestati tuæ, venisseq. magnum porcum, qui me, veste accepta, in terram prostrauerit, atque deuorauerit. Deinde Proclus coniector aduenit, pronunciauitq. virum paulò post vita defuncturum. Tunc plane, sicuti Balthassar ad visionem scriptionum digitorum, facies Anastasij commutata est, & cogitationes eius conturbauerunt eum, & compages renum eius præ metu soluebantur, & genua eius ad se inuicem collidebantur, & ad eiusmodi visum mirum in modum expauit, expalluit, & obriguit.

Dan. 5.

Proclus iste coniector somniorum, & in philosophia, & in mechanicis florebat, neque Archimedis dumtaxat celeberrimi artificis cognorat omnia, sed & ipse noua quædam adinuenerat: ab eo facta est machina, qua classis Vitaliani debellata est. Nam specula ex ære fabricasse vistoria Proclus fertur, eaq. de muro è regione hostilium nauium suspendisse, in quæ cum radij solares impegissent, ignem inde instar fulminis erumpentem, classarios, ipsasq. naues hostium combussisse, quod Archimedem excogitasse, Romanis Syracusas obsidentibus, Dion refert. Fuit autem iste Proclus Lycius, discipulus Syriani, auditor etiam Plutarchi philosophi, Nestorij filij, Platonici & ipse Philosophus, philosophicæ scholæ Athenis præfuit, discipulus, & successor eius dicitur Marinus Neapolitanus. Anastasius enim studuit Athenarum reuocare Academias: Scripsit argumenta contra Christianos decem, & octo. Hic est ille Proclus, qui alter à Porphyrio impuram, & contumeliosam contra Christianos linguam exacuit: sed Ioannes philosophus præclarissimè eius propositiones refutauit: eumq. in Græcis etiam, quibus efferebatur, rudem, atque indoctum ostendit, ut ex his intelligas, qualis esset Anastasius Imperator, qui inter intimos, ac necessarios haberet, Christianæ religionis hostem insensissimum, cui credebatur.

Porro Procli illius philosophi celeberrimi, & excellentissimi mathematici creditur illud insanum fuisse opus, quod sibi ad mortem euitandam Anastasius fabricauit; de quo Zonaras: Et quia fatale sibi esse ex oraculo didicerat, ut fulmine interiret, Tholotum ædificium construxit, in eoq. degit, sed frustra, siquidem incassum humana laborat industria diuinum iudicium fallere. Nam in impiis scriptum est: Ibunt directe emissiones fulgurum, & tamquam à bene armato arcu nubium exterminabuntur, & ad certum locum insilient. sicut & prædictum: Vox Domini confringentis cedros, & confringet Dominus cedros Libani. Etenim impius Anastasius exaltatus, & eleuatus tamquam cedrus Libani, fulmine tactus, exuritur, nec inuentus est amplius locus eius. De cælo namq. (vere dicere licet) dimicatum est contra eum.

Sap. 5.

Psal. 18.

Psal. 36.

Iud. 5.

Cum aliquando tonitrua horrendum in modum resonarent, & fulgura multa eliderentur, atque ipse perterritus è cænaculo in cænaculum descenderet, & alios atque alios thalamos subiret, in quodam regio cubiculo mortuus inuentus est. Anastasius cum oraculo edoctus esset, igne sibi pereundum fore, cisternam in Palatio, quæ frigida dicitur, multis meatibus ape-

O o 2 ruit,

1/a. 14.

Ose. 4.

1/a. 14.

Euagr. lib.
3. c. vlt.

ruit, quorum cuique cadus appositus esset, conatus hoc pacto oraculum irritum reddere. Verum id abs re fuit. Fulmine enim diuinitus est idus. Ecce iste, qui conturbauit terram, qui concussit regna, qui posuit Orbem desertum, Vrbes eius destruxit, vindictis eius non aperuit carcerem, idem, qui Orientem penitus prope exiit fide Catholica, quique viros sanctissimos exilio relegauit, & gladijs armauit hæreticos in Orthodoxos, sub cuius Imperio vires accepit peccatum, factus ipse (vt ait diuinum oraculum) sicut, qui contradicit sacerdoti, obnitens contra Romanum Pontificem, ad quem proterue nimis scripsit: Non patiar mihi iuberi. De quo illud propheticum occinendum: Detracta est ad inferos superbia tua, concidit cadauer tuum: id infelix expertus, simul ac Romani Pontificis penitus auersatus est voluntati, & contempsit auctoritatem. Hic finis hominis pugnantis contra Deum, Anastasij Imperatoris, & contemptoris Orthodoxorum Romanorum Antistitum, Felicis, Gelasij, Anastasij, Simmachi, & Hormisdæ, ipsum paterne sæpe monentium. At eosdem ipsos, quos contempsit monitores, & correctores, post mortem apud Deum accusatores, & ultores expertus est.

Mortuus est igitur, cum regnasset (vt auctor est Marcellinus in Chronico) annos viginti septem, menses tres, & dies viginti nouem, vel (vt alij affirmant) post annos viginti septem, menses tres, & dies viginti tres. Fuit dies percussiois eius nona Iulij.

*Michaelis Imperatoris Constantinopolitani probra, & blasphemia
erga Rom. Pontificem: & Epistola Pontificis ad eum
coercendum. Cap. 309.*

Nullus vmquam ex impijs Principibus seculi excogitauit contra Petri successores, tot ludibria, contumelias, nefandas impuritates, flagitia, infamias, vituperia, machinationes, & detestabiles blasphemias, sicut Michael Bizanti Imperator excogitauit, qui vnus omnes superauit: sed Christi numen, & Petri indignatio tarditatem poenæ, grauitate supplicij compensauit.

Nic. pp.
ep. 8.

Non extant ipsæ quidem blasphemæ Michaelis Imperatoris litteræ ad Nicolaum; nam Synodali sententia publico decreto fuerunt traditæ igni. Rescripsit vero Nicolaus ad Imperatorias litteras, cum idem sanctissimus Pontifex ægrotaret. Ipso interea legato Michaeli Prothospathario proterue agente, vt non expectata bona valetudine Nicolai, egressus ab Vrbe absque litteris in Ostiam profectus ciuitatem, ibi expectaret tempus opportunum nauigandi. Cum ipse Pontifex, ne absque litteris suis reuertetur, eam Constantinopolim scripsit ægrotans epistolam, & licet valde prolixam, breuior ab ipso est iudicata, respectu eorum omnium, quæ scribenda fuissent, si omnibus ab Imperatore contumeliose conscriptis respondere per singula voluisset. Cum tamen ipse Christiana imbutus sapientia, quæ in sui iniuriam scripta essent, omnino contempsit, ad ea sola respondens, quæ aduersus Romanam Ecclesiam, & Sanctos Patres ab eo temerè fuissent proacaciterq. iactata.

Equidem

Equidem Deo plenus summus sacerdos, vti amantissimus pater, benigne admodum placidequē, atque modeste egit absque amaro illo zelo, & contentione, quam subministrat illa, quæ non desursum est, sapientia terrena, animalis & diabolica, præmittensq. innumeras per eum illatas blasphemias, secundum quod monet Apostolus Petrus, cuius gubernabat Ecclesiā: Non reddentes malum pro malo, nec maledictum pro maledicto, sed è contrario, benedicentes, quia in hoc vocati estis, vt benedictionem hæreditate possideatis: sic tantum respondet, quantum satisfaciat, Sapiente ita præcipiente: Responde stulto secundum stultitiam suam, ne sibi sapiens esse videatur: nam audi ipsum Nicolaum ita sua epistola exordientem, & primum glorioso titulo honestantem blasphemum Imperatorem.

Epistola Nicolai Papa ad Michaelē Orientalem Imperatorem missa, qua sapienter, & cum mansuetudine respondet blasphemis litteris ab eodem Michaele ad eundem conscriptis, contemnens propter Christum iniurias sibi illatas, & docens, qualescumque sint sacerdotes, eos esse audiendos: docensq. qui sint pii, & impij Imperatores, & quā immaniter Pontifices Romanos Petri successores persequuntur, qui habent Petri tutelam, & patrocinium, & Christi Regis protectionem.

Cap. 409.

Nicolaus Episcopus seruus seruorum Dei, pijsimo & dilectissimo filio, superatori gentium, atque tranquillissimo Imperatori Michaeli à Deo protecto semper Augusto: (Ita quidem nihil minuens in titulo Imperatoris maiestatis, quod tamen penitus scit deesse in eius vita sceleribus omnibus mancipata.) Sed attende, cum incipit.

Proposueramus quidem, antequam Michael gloriosus Protospatharius legatus vester Romam veniens, epistolam nobis claritatis vestræ detulisset, talia vobis scripta per Missos nostros, quæ iam & parata erant, transmittere, qualia gratissimus filius à diligente patre ac Dei cultores Imperatores à Sedis Apostolicæ præfulibus soliti erant suscipere. At vero præfato viro perueniente, epistolamq. nobis vestræ gloriæ, quæ tota blasphemijs, tota erat iniurijs plena, porrigente, mutata est in luctum cithara nostra, & organum nostrum in vocem flentium: quoniam expectauimus tamquam de bona vite vuas, suscepimus autem labruscas. Itaq. mutauimus stylum, & ostenso vulnere congrua præuidimus adhibere medicamenta. Igitur ad potentiam vestram inspirante Domino scripturi, nostræq. mentis affectus industræ vestræ reſeruaturi, necnon & pro sancta Ecclesia Catholica & Apostolica (cuius nos præcipua cura, & quotidiana secundum Apostolicam doctrinā constringit) apud vos interuenturi, & epistolæ vestræ assertionibus, prout Dominus posse, & nosse dederit, responsuri, nihil opportunius, nihil aptius, nihil profecto salubrius arbitramur (licet vos à conuicijs inchoassetis) quam præ omnibus flagitare suppliciter eum, per quem Reges regnant, & legum conditores iusta decernunt, & in cuius manu corda sunt Regum, & ex quo regnat omnis, qui piè regnat, & imperat omnis, qui eadem Regi regunt, &

Oo 3 Do-

Domino dominantium non repugnat, Dominum videlicet Nostrium Iesum Christum, cui omnis rationabilis creatura ministrat, nimirum cui & insensibiles venti, & maria imperati obediunt, quatenus & labia nostra ad annuntiandum laudem suam aperiens, dilatatum quoque os nostrum parcu doctrinae salutaris adimpleat, & quae per nostri Apostolatus officium auribus vestris exterius dicimus, per se quoque nutu suae inspirationis interius mentibus vestris inspiret; quia incassum terra cordis vomere nostrae linguae proscinditur, nisi caelestis roris asperione intrinsecus infundatur: Deus est enim, qui incrementum dat, & qui docet hominem scientiam. Putas Imperator non bene facimus, quod ab iniurijs scribentes inchoaueritis, nos ab orationibus, vos à conuicijs in nos, immo contra primam & magistram Ecclesiarum omnium loquentes exordium feceritis, nos in laudibus, & in nomine Domini ad potentiam vestram sermonem habituri os aperuerimus?

Vidimus enim gigantem Allophilum contra puerum, & citharædum nostrum David furore plenum, & blasphemias eructantem primo impetu populo Dei terrorem non modicum intulisse, sed expecta paululum, & ecce videbis in nomine Domini percussus, & à iam dicto hymnidico, & laudes ac Psalmos, & orationes Domini maiestati humiliter effundente gladio suo prostratum. Et quidem nos iniurias nobis specialiter irrogatas, & maxime pro iustitia laborantibus, & à iustitiae impugnatoribus ingestas libenter ferimus. Discipuli enim sumus illius, de quo Apostolorum princeps ait: Qui cum malediceretur, non maledicebat, & cum pateretur, non cōminabatur. De talibus enim veritas loquitur: Si patrem familias Beelzebub vocauerunt, quantò magis domesticos eius? & rursus eos, qui propter nomen illius persecutiones & maledicta toleraturi erant, beatos esse pronuncians dicens: Beati estis, cum maledixerint vobis, & persecuti vos fuerint, & dixerint omne malum aduersus vos mentientes propter me. Vbi ergo teste conscientia, Deus in causa est, ibi omnino beatitudo speranda; & vbi mendacium sauit, ibi conuicia nulla timenda: sicut ergo nos propter Deum etiam à nō vera dicentibus nobis iniurias illatas æquanimiter ferimus, ita quoque oportet pietatem vestram sacerdotibus, qualescumque sint, propter eum cui deseruiunt, reuerentiam potius quàm iniurias exhibere. (Pluribus enim agens inculcat, quàm graue scelus & sacrilegium ingens in vniuersa diuina scriptura monitretur esse, de sacerdotibus Dei male mereri.) Quod igitur prolixior sit epistola, quàm plurimis ressecatis, ne lectori fastidio simus, ea tantum describemus, quae magis necessaria, & ad institutum congruentia esse noscuntur, cum praesertim epistola ipsa tertio cusa reperiatur in collectione Conciliorum Coloniae atque Venetijs, Romae iterum praelo credita.

Post nonnulla ergo quàm sapientissime ista subiicit: Non ergo quales sunt sacerdotes Domini, sed quid de Domino loquantur, est vobis magnopere prauidendum: nec in Vicarijs beati Petri Apostoli vobis est attendendum qui sint, sed quid pro correctione Ecclesiarum, quid pro salute vestra sategant. Neque enim illos inferiores dicetis Scribis & Pharisaïs sedentibus super cathedram Moysi, de quibus Dominus praecipit dicens: Quaecumque dixerint vobis, facite & obseruate, secundum opera vero eorum nolite facere. Ergo Imperator considera, si illos dixit audiendos, qui super cathedram Moysi sedebant, quanto potius his, qui super cathedram Petri resident, esse

esse existimetis obaudiendum? Et si illorum non opera, sed dicta facere & obseruare iubet, quantò potius horum, quicumque sint ipsi, dicta & monita custodienda sunt, & amplectenda? &c.] Cum autem proprias in se illatas contumelias patienter se ferre testetur, in his, quæ spectant ad lxxam Ecclesiam, quo sit animo, ita declarat. Veruntamen, quæ ad Ecclesiæ Romanæ iniuriam, quæ ad ipsius priuilegiorum immutationem, quæ ad Sedis Apostolicæ Præfulum derogationem scripsistis, quanta possumus constantia retundemus, & nullis terroribus, nec ullis detractionibus vestris repressi, quanta possumus virtute destruere, utpote veritatis inimica, studebimus.

Sicq. aggreditur Pontifex confutare, quod in primis scripsisset à tempore sextæ Synodi nullum Orientalium Imperatorum communicatorias litteras ad Romanos Pontifices dedisse, nisi ipsum, qui tali honore immeritos affectisset. Quàm enim id falsum sit, pluribus docet; cum tamen si verum esset, illorum potius dedecus, & opprobrium arguendum fuisset, quod per tot annorum curricula perseverauerunt hæretici Imperatores; cum tamen quâ diu perseverauerunt Catholici, eos Apostolicæ Sedi addictissimos fuisse pluribus declarat exemplis.

Eam vero fortius retrudit audaciam, qua se antea iussisse suis litteris ipsi Romano Pontifici gloriatur, quod longe, inquit, abest à piorum Imperatorum affectu, quorum sicut locum tenetis, utinam ita & pietatem sectemini, quod longe, inquam, est à Principibus Sedi Apostolicæ reuerentiam obseruantibus. Manifestat vero patentem veritatem pluribus eius prædecessorum exemplis, quorum nullus imperioso sit eo vsus verbo, iubemus, sed potius rogamus, vel petimus humili reuerentia. Vnum vero Mauritium inter Catholicos Imperatores, qui semel eo vsus est verbo, iubemus, in exemplum seuerissimæ à Deo immissæ vindictæ positum fuisse diximus. Recitatis vero Orthodoxorum Imperatorum exemplis, his ita verbis Nicolaus furem, & quid effutiat nescientem, compellat Imperatorem.

O Imperator, saltem nunc cognoscatis, quàm à piorum Imperatorum pietate in hac re differatis, & quàm vox vestra ab eorum discrepet diuinitus inspirata modestia. Illi quippe, petimus, inuitamus, ac rogamus, ecce sparsim ad Sedis Apostolicæ Præfules, sed pari pietate clamant. Vos autem quasi non mansuetudinis, & reuerentiæ, sed solius Imperij eorum hæredes effecti, & in causa pietatis illos imitari nolentes, præcepisse, iussisse, ac imperasse, ut quosdam subiectorum nostrorum ad vos mitteremus, asseritis, & hoc ipsum vos egisse, nescimus cuius instigationibus fascinati, & obliuioni traditi dicitis. Porro factum à vobis nulla recordatione recolimus, nusquam enim nobis tale quid iussisse vos, nisi fallimur, hætenus reminiscimur; nusquam vos ad tantam circa sedem beati Petri Apostolorum Principis irreuerentiam deuenisse cognoscimus. Reuoluentes enim epistolam, quam tunc per venerabiles Episcopos, & Arsam virum gloriosum Spatharium miseratis, nihil iussisse vos nobis, sed potius obsecrasse, atque rogasse vos omnino reperimus. In quo datur intelligi, cum nutu aliter perhibeatis, aut vos oblicos eorum fuisse, quæ antea miseratis, aut certe poenituisse super his, quæ humiliter petieratis. Hæc de his ipse.

Imperatorem obiurgat linguæ latinæ contemptorem, idq. procedere ex sua ignavia demonstrat, cum Romanorum appellatur Imperator, eadem Romana lingua loqui nesciens.

Cap. 411.

Qui nec prætermisit illud redarguere in litteris Imperatoris, quo ipse magnopere latinæ figuræ detraxerat, ait enim: In tantam vero furoris abundantiam prorupistis, ut linguæ latinæ iniuriam irrogaretis, hanc in epistola vestra barbaram, & Scythicam appellantes &c. quod ex imperitia deuenire demonstrans, ait paulo post. Iam vero si ideo linguam latinam barbaram dicitis, quoniam illam non intelligitis: vos considerate, quia ridiculum est, vos appellari Romanorum Imperatores, & tamen linguam non nosse Romanam. Ad extremum autem: Si iam sæpe nominatam linguam, ideo barbaram nuncupatis, quoniam à translatoribus in græcam dictionem mutata barbarismos generat, non linguæ latinæ, sed culpa est, ut opinamur interpretum, qui quando necesse est, non sensum è sensu, sed violenter verbum reddere conantur è verbo &c. Sed & ex sacro usu eius in Ecclesiâ Constantinopolitana, vana, & insana ipsum Imperatorem loqui conuincit; nam subdit: Ecce quotidie, immo verò in præcipuis festiuitatibus inter græcam linguam, veluti quiddam pretiosum hanc, quam barbaram & Scythicam linguam appellatis, miscentes, quasi minus decori vestro facitis, si hac etiam bene, ac ex toto intellectu in vestris obsequijs ac officijs non utamini. Et paulò post: Adhuc si pleniter illam execramini, etiam ab Ecclesijs vestris remouere satagite. Istius enim dictione linguæ Constantinopolitana Ecclesiâ lectionem Apostolicam & Euangelicam in stationibus fertur primitus recitare, sicq. denum græco sermone propter græcos utique ipsas lectiones pronuntiare. Sed quia tantum hæc impietas Ecclesiæ Constantinopolitanæ hæcenus defuisse putatur, ut tota ibidem nequitia suppleatur, hoc restat à vobis solummodo perficiendum.

Concilium contra Ignatium factum, nullius esse roboris, vel momenti affirmat. *Cap. 412.*

Quod insuper cognitus ab eo fuisset primatus Ecclesiæ Romanæ, per tot ante missas legationes in causa depositionis Ignatii, iam poenitens suis his postremis id egit litteris, ut negaret se misisse, quasi maius iudicium interpellaret, sed ob exortam de imaginibus quæstionem: hanc tergiuersationem facile fuit Nicolao Papæ conuincere, & redarguere falsitatis ex ipsius litteris Romam missis. Ostendit insuper primum de Ignatio iudicium in coelecta ab eo Synodo Constantinopoli habitum, omni ex parte fuisse inuvalidum, ob idq. dolo quæsitum per legatos Apostolicæ Sedis iudicium, ut quod corrueret, sua stabilire posset auctoritate: Ostenditq. pluribus, illud multipliciter inefficax omnino fuisse, idq. ex sacris Ecclesiæ regulis in Oecumenicis Concilijs stabilitis, atque usu rerum plurimis exemplis semper & vbique recepto, quibus primatus Romani Pontificis in causis præsertim Episcoporum semper innotuit.

Et

Et in his, quæ spectant ad Constantinopolitanam Ecclesiam, post multa, subiicit ista. Ceterum ut calamum ad Constantinopolitanos præfules specialiter extendamus, aut nunquam omnino, aut certe vix horum aliqui, sine consensu Romani Pontificis reperitur eiectus, qui tamen hætenus inter depositos annumeretur, & non ab hæreticis, vel tyrannis pulsus, aut interemptus commemoraretur. Denique ut ex illis paucos commemoraremus, nonne Maximus, postquam multum à Damaso Papa (sicut eius ad diuersos indicant epistolæ missæ) laboratum est, Constantinopoli pulsus est? Nonne Nestorius? Nonne Acacius? Nonne Antimus, Sergius, Pyrrus, Paulus, Petrus, Sedis Apostolicæ discurrentibus consultationibus, ac decretis eiecti sunt? cur ergo cum ita sit, in solo Ignatio Petri memoriam despicere, ac obliuioni tradere studuistis? nisi quia pro voto cuncta facere voluistis, constituentes Synodum Ephesinæ secundæ crudelitate consimilem. Quamuis ibi Alexandrinus erat, qui cum ceteris sibi consociatis Compatriarchis aduersus S. Flavianum agebat: hic vero (ut de Patriarchis mittamus) nec vnus Episcopus ciuitatula, aut quilibet ignotæ personæ aduersus tantum Pontificem exitit sententiæ promulgator, qui non de suffraganeis & subiectis eius fuerit. His & alijs multipliciter redarguit celebratū aduersus Ignatium ab ipsis Conciliabulum, de quo satis suo loco superius dictum est: deinde vero deridens falsum prætextum Imperatoris, asserentis non ob causam depositionis Ignatij, sed ob quæstionem de sacris imaginibus excitatam, vocatos esse ab Apostolica Sede Legatos, arguit eum mendacij.

Sed quod plurima adhuc refutanda remanebant, cur non singula redarguerit, triplicem affert causam his verbis: Ad reliqua vero, quæ ex eadem epistola vestra plurima ex parte remanebant, rescribere his pro causis omisimus, quoniam tanta nos pater cælestis secundum beneplacitum suum ægrotatione quasi filios suos corripuit, ut non solum, quæ ad respondendum propositionibus vestris idonea esse perspeximus, valeremus exponere, verum etiam eadem ipsa, qualiter dictarentur, nulli ægritudine nimia pressi quiuimus edicere. Et quia Legatus vester tanta est impatientia usus, ut antequam nos ex validissima infirmitate respirare aliquantulum cognouisset, nullam moram passus, mox etiam nobis inconsultis Vrbe, quam vos quidem inueteratam, sed Honorius pius Imperator æternam vocat, discesserit, ob nihil aliud, nisi quia tempus hyemis imminabat, & periculum sui, vel militum vestrorum, qui secum erant vehementissime formidabat, apud quem vix obtinere potuimus, ut saltem dum hæc scriberentur (quoniam ad Urbem reuerti nullo modo voluit) in Ostia positus expectaret. Tertio quia cum eadem, quæ supersuerunt in ipsa epistola, ad quæ nihil respondebimus, sed potius philosophando contempsimus, plena essent omni prauitate, atque blasphemia, & contra ipsam dispositionem Dei, qua Ecclesiæ, Sedisq. Romanæ priuilegia cunstarum Ecclesiarum priuilegijs sua ineffabili providentia prætulit, venena diffunderent. non vestra esse verba, sicut prædiximus, quæ tam perperam sonabant, credidimus, ac pro hoc his, quæ in ambiguum venerant, non potuimus tanquam indubitatis responsa, vel apologetica scripta remittere.

Incre-

Increpat Imperatorem, ignorantem priuilegia concessa à Deo Ecclesie Romanæ esse perpetua; postulatq. homines ab ipso Imperatore mittendos negat, cum petentibus Urbem, & limina Apostolorum sit fauendum.

Cap. 413.

V Eruntamen si vestra fuerunt verba, quæ in despectum B. Petri Apostolorum Principis, imo Dei, cuius ordinationi resistitis, sunt scripta, & quasi detrahentia priuilegijs huius sacratissimæ Ecclesiæ missa sunt, fateor non vos studiosè sacras regulas, non venerandarum Synodum actiones, non piorum Imperatorum leges, non veraces probabiliū virorum historias lectitalle, quos tam conati est in derogationem Ecclesiæ tantæ inutiliter, ac incompetenter, atque incongruè memorare. Sed rogamus Omnipotentem Deum, ut qui suæ cognitionis vobis reseruauit mysterium, tribuat quoque nosse ad plenum suas dispositiones, quibus sanctæ Ecclesiæ moderatur arcanum; & quæ sint, vel quanta, & qualia priuilegia Ecclesiæ Romanæ, & ex quo cæperint, exordium, & quis eius summæ auctoritatis auctor existat, vobis clementer aperiat. Quod si à nobis queritis scire, vepote a ministris Christi, & dispensatoribus mysteriorum eius, vobis euidentius ostendemus: si vero nosse paruipenditis, & solum contra priuilegia Ecclesiæ Romanæ nisus vestros erigitis, cauete nè super vos conuertantur. Durum quippe est vobis contra imperum fluminis reluctari, durumquè est contra stimulum calcitrare: (Tacitequè sic comminatur, tum excommunicationem, tum etiam priuationem Imperij, quia Gregorius ex priuilegio Apostolicæ Sedis spoliavit Leonem Isauricum contemptorem eiusdem Apostolicæ Sedis Imperio Occidentali.) Subdit vero.

Porrò si nos non audieritis, restat, ut sitis vos necessario, quales Dominus Noster Iesus Christus hos haberi præcepit, qui Ecclesiam Dei audire contempserint; præsertim cum Ecclesiæ Romanæ priuilegia Christi ore in Beato Petro firmata, in Ecclesia ipsa disposita, antiquitus obseruata, & à sanctis vniuersalibus Synodis celebrata, atque à cuncta Ecclesia iugiter venerata, nullatenus possint minui, nullatenus infringi, nullatenus commutari. Quoniam fundamentum, quod Deus posuit, humanus non valet amouere conatus, & quod Deus statuit, firmum, validumq. consistet. Illeq. potissimum peccat, qui Dei ordinationi resistere tentat. Priuilegia inquam istius sedis, vel Ecclesiæ perpetua sunt, diuinitus radicata, atque plantata sunt; infringi possunt, transferri non possunt: trahi possunt, euelli non possunt. Quæ ante Imperium vestrum fuerunt, & permanent (Deo gratias) hæcenus illibata, manebuntq. post vos, & quousque Christianorum nomen prædicatum fuerit, illa subsistere non cessabunt immutata. Illa igitur priuilegia huic sanctæ Ecclesiæ à Christo donata, sed iam solummodo celebrata, & venerata, per quæ non tam honor, quàm onus nobis incumbit (licet ipsum honorem non meritis vestris, sed ordinatione gratiæ Dei, per beatum Petrum, & in beato Petro sumus adepti) nos cogunt, nos compellunt omnem habere solitudinem Ecclesiarum Dei &c. Pluribus de his agens ostendit, non Ro-

manam

manam tantum, sed Antiochenam, atque Alexandrinam opera Petri fundatas Ecclesias, & tum illarum, tum totius Christiani Orbis tanquam vnius ouilis à Christo Petro crediti, Petri successori curam incumbere ipsi Romano Pontifici.

Quod autem idem Imperator mitti ab Vrbe ad se petierit Theognostum, Ignatij comministrum, & alios quosdam monachos, tanquam reos Maiestatis. Ad ista respondet Nicolaus: Porro scripsit nobis Imperium vestrum, ut Theognostum qui à fratre, & Coepiscopo nostro Ignatio super quasdam provincias Exarchatus pondus accepisse dignoscitur, necnon, & alios monachos sibi tanquam vestrae Augustalis iniuriatores excellentiae destinemus. In quo cum tamen ipsi iniuriatores vestri non fuerint, quid aliud nisi iniqua poena, & quibus tormentis subijciantur hi, qui ex parte Ignatij, & apud nos in ditione vestra consistunt, liquidius agnoscamus? quando hi non vtiq. ad epulas, non ad infulas alicuius honoris percipiendas, profecto quæruntur, sed potius ad puniendum, quos forte nec vidistis, nec cuius moris sint, penitus agnouistis. Denique quidam eorum ab ineunte ætate Romæ diuinis obsequijs famulati sunt, & non iustum credimus huiusmodi tormentis fore subeundos. Theognostum autem non de vobis sinistra, sed potius grata prædicare testamur. Quam ob rem ergo eum quæratis, ignoramus, nisi forte quia illinc fugatus, hic apud nos requiem, quemadmodum innumeri Christiani, aliquantulum reperit.

Si quidem tanta millia hominum protectioni, ac intercessioni beati Apostolorum principis Petri ex omnibus finibus terræ properantium, sese quotidie conferunt, & usque ad finem vitæ suæ apud eius limina semet mansura proponunt, ut præter illud, quo vos è cælo submissum, in quo cunctorum ostensa sunt eidem beato Petro horum omnium rectori animantium genera, Catholicam signat Ecclesiam, ipsa sola Romanorum Vrbs, apud quam ipsius Apostoli corporalis præsentia sedule veneratur, ipsius vasis cunctas dignoscatur in se continere vniuersorum animalium, quæ homines intelliguntur spiritualiter, nationes. Suscepit ergo, & continet Romana Ecclesia, quod Deus vniuersalem Ecclesiam suscipere, ac continere præcepit. Decentissimum quippe est, atque conuenientissimum, ut apud se Petrus, quod ipsi specialiter ostensum, atque præceptum est, exhibeat, sicq. demum, quod in generali Ecclesia facilius credendum sit, innuat. Sanè intuendum est, quia, & hoc vas, in quo omnia genera erant animantium, Petro specialiter ostensum est, & ut ea maceraret, & manducaret, illi soli visum est, & post resurrectionem, ut rete plenum diuersis piscibus ad littus traheret, à Domino ipsi proprie soli præceptum est. Ipsum enim, cuius nos, licet immeriti vicem suscepimus, principaliter, & specialiter vniuersalis Ecclesiæ curam diuinitus accepisse, etiam nobis tacentibus, credimus, quod vestra sapientia iam animaduertat. Putas nè Imperator iustum esse, ut tradamus aliquem eorum, quos nunc commemorauimus, principibus, quorum aulas, dignitates, honores, beneficiaq. contempserunt, quorum fortiter indignationes, aut persecutiones sustinuerunt? Nolumus enim, Deo auctore, nec Iudæ proditori similes inueniri, nec paganorum excedere profecto nequitiam, ipsi enim nihil tale agere patiuntur, quale vos perpetrare hortamini nos. Denique cum quidam antecessorum vestrorum quemdam venerabilem

rabilem virum ab Agarenorum Principe multis oblati muneribus sibi mitti poposcerit, non solum minimè impetrauit, verum etiā, vt fertur ab eo, quem quærebat, pudorè conferentia scripta recepit. Quamuis Deo gratias, & per principalem beatorum Apostolorum Petri & Pauli, de qua supra partim exponimus, potestatem, & ius habeamus non solum monachos, verum etiam quoslibet clericos de quacunque diæcesi, cum necesse fuerit, apud nos conuocare, atque Ecclesiasticis exigentibus necessitatibus inuitare, hoc quidem nostrum. Vestrum autem, & piorum Imperatorum non est vllum penitus quærendi à monachis ministerium, nisi ad miserendum, & orationes eorum submissee poscendum. Quod si forsitan opinamini Theognostum apud nos Photio detrahere, Ignatiumq. iugiter commendare, scitote veraciter, quia nihil ipse de vtroque loquitur, nisi quod in propatulo est, quod dicit, quod omnis Ecclesia clamat, quod ipsi per innumeros homines Romam ab Alexandria, ab Hierosolymis, à Constantinopoli, à confinibus eius, ab Olympo Monte, atque à ceteris mundi partibus aduentantes agnouimus, ad extremum quoque quod nos per missos vestros, & diuersa scripta patenter intelleximus, &c.

Minas contemnit Imperatoris, iactantis se Urbem solo æquaturū, illumq. hortatur, vt vires suas non in Ecclesiasticos, sed in infideles exerceat, qui propter damna eidem illata, eum floccipendunt. Cap. 414.

Quod autem demum suis litteris Imperator ad minas conuersus, excidium Urbis fuerat comminatus, nisi ipsi pareret Nicolaus, ad hæc ista animo respondit intrepido: Postremo nisi correxerimus consilium nostrum, videlicet, vt illud iuxta consilium vestrum dirigamus, vel si non effecti similes vobis, sicut ipsi caput, ita nos quoque membra tradamus, interminationibus crebris deterre nos, & minitari videmini, tanquam satis patriæ, & vrbi nostræ vltimum excidium illaturi. Quæ nos Christo propitio, atque custode (de quo, scriptum est: Nisi Dominus custodiuerit ciuitatem, frustra vigilant, qui custodiunt eam) sicut hætenus non timuimus, nec modo timemus, credentes, super muros eius Angelorum custodiam, immò vero scientes, quod Saluator positus sit in ea murus, & antemurale, idest Apostolorum munimentum intercessionum. Neque enim non legimus, aut oblitus sumus minarum Sennacherib Regis Assyriorū, & seruatorum Dei contra Urbem Hierusalem, & populum eius, quæ non minores, nec pauciores minis vestris fuerunt. Et rursus, miserationum Domini recordamur, & qualiter centum octuagintaquinque millia hominum de castris Assyriorum interierint, & Vrbs cum habitantibus suis euaserit, in mente recolimus, & gratias agimus, & spem sumimus, ac fiducialiter de domo Domini, si virtutem ipse donauerit, cultum Baal amouere curabimus, quoniam ipse est nunc, qui tunc ipse, & in secula.

Ergo nè velit minari puluis, & vermis, scriptum est: Quid superbit terra, & cinis? nè velit ampulla in aquis inflari, quia post pauxillum, & ecce non est. Quid gloriatur in malicia, qui potens est in iniquitate? quid facturus est? occisurus est (verbi gratia dicamus) hominem? (quoniam amplius

plius non habet, quid faciat) & hoc vnus fungus facit malus. O Imperator in hocce redacta est malitia hominis in iniquitate potentis, vt fungo malo comparetur? Heu quàm inutilem potentem, heu superuacue gloriantem. Porro vestra potens virtus, in Domino potius gloriatur, in bonitate laudetur, in iustitia exaltetur, non minas nobis, non terrores velit incutere: nescitis enim (secundum Salomonem) quid superuentura pariat dies, & iuxta Psalmographum: Dominus dissipat consilia gentium, reprobatur autem cogitationes populorum, & reprobatur consilia Principum: ita plane accidit, cum qui occidere minatur, occiditur ipse à suis post annum sequentem. Pergit: Præfertim cum inter nos, & vos non modica sit intercapedo, quæ quotidie populos non paucillas vobis iniurias, immo discrimina inferentes producit, & de his vos conueniat potius, quàm de nobis vlcisci; non enim apici gloriæ vestræ, non damna, non conuicia, non prorsus vllas, quod absit, iniurias irrogauimus, verumtamen quamdiu subsistemus, ministerium nostrum honorificabimus. Antecessorum vestigia nostrorum sectabimur, Ecclesiarum sollicitudinem cunctarum baiulabimus in eo, qui nos confortabit, Domino Deo Nostro Iesu Christo.

Prov. 17.

Psalm. 32.

Quid sciunt homines? Quid mali fecimus nos? certè non Cretam inuasimus, non Siciliam exterminauimus; non innumeras Græcis subiectas provincias obtinimus, postremo non Ecclesias sanctorum, interfectis numerosis hominibus, ac suburbana Constantinopoleos, & quæ muris eius penè contigua, incendimus. At vero de istis nulla fit vltio, qui pagani sunt, qui alterius fidei sunt, qui inimici Christi sunt, qui veritatis ministris iugiter aduersantur. Ita Nicolaus eiusdem Imperatoris sugillans ignauiam, quam æquè Græcorum historici omnes sunt detestati. Pergit vero. Et nobis, qui Dei gratia Christiani sumus, qui ex parentibus Christianis exitimus, acque Catholicis, qui vnus eiusdemq. fidei dogmata credimus, qui serui vestri vocamur, qui veritatis cultores, quantum possumus, esse desideramus, minæ tuæ tenduntur, terrores promittuntur, etiam nonnullæ molestiæ irrogantur. Non est iste ordo laudabilis, non est ista commutatio imitabilis, vt qui innumera mala ingerunt, impuniti euadant; & qui nihil mali gesserunt, pro his talia recipiant, & qui Christum blasphemant, dimittantur, & qui Christum celebrant, huiusmodi minis subijciantur: sed habemus ad quem respiciamus nos, habemus in quo nos consolemur. Fecerunt enim hoc & Iudæi, latronem dimittentes, & Saluatorem tenentes, occisorem iustificantes, & viuificantem condemnantes: Barabbam liberantes, & Christum morti subdentes.

Causam Ignatij iam iudicatam reassumi in Vrbe permittit, iustitiamq. cuiq. impartiturum pollicetur, quamq. immane scelus sit, Romani Pontifici non obedire, clarè demonstrat.

Cap. 415.

HIs ita derisis, Pontifex ad causam Ignatij conuertit iterum stylum, liberaliter offert, licet non teneretur, iterare causam iam in Apostolica Sede iudicatam, liberaliter inquam concedit, ac præcipit idipsum iterari Romæ iudicium, vt tam Ignatius, quàm Photius se eo ad causam dicendam

cendam conferrent. Quod si ipsi venire nequeant, id per Vicarios mandat impleri, nam subdit: Porro si venire illi per se nequeunt, primo quidem ipsi, cuius rei causa venire non valent, nobis per satisfactorias litteras inueniunt. Denique veniant de his, qui cum Syracusano Gregorio sunt, quotquot voluerint, vices ceterorum tenentes, qui ipsius sunt partis. Mittantur etiam de parte Ignatii Archiepiscopi quidam, Antonius Cyzici, Basilus Thessalonicæ, Constantinus Larissæ, Theodorus Syracusanorum, Metrophanes Smyrnæ, & Paulus Episcopus Ponti Heracleæ: Egumeni autem Niceta Chrysopoleos, Nicolaus Studij, Dositheus Osiij Dij, atque Lazarus presbyter, & Monachus, qui dicitur Cazaris. Qui nisi fuerint missi, suspectos vos reddetis, quia hos, in quibus certificari possumus, à nostris obutibus subtrahere studiose curatis. Et ideo neminem ceterarum partium admitemus, nisi forte, quos ex latere vestro destinatos esse veraciter valeamus cognoscere, quibus ex vtraque parte conuenientibus, & coram nostra præsentia, ac fratrum, & Coepiscoporum nostrorum auditis, quid quæstionis inter vtramque partem emerferit, facilius agnoscamus, & canonicè definiamus, &c. Rursum verò post multa in commendationem iustitiæ ab Apostolica Sede ministrandæ, locutus, ad eundem rursus conuertit sermonem, optans reddere mitem, quem ex litteris nouerat furore commotum dicens.

Nolite indignari, nolite aduersus nos frustra causari, nolite peruersorum hominum verba libenter audire, sed potius nos audite. Nolite minas prætere, quoniam nec illa (Domino protegente) meruimus, nec per has præcepta vestra, nisi diuinis fuerint iussis ornata, faciemus. Parati autem sumus propter veritatem sanguinem nostrum effundere, si quidem plebem diuinitus nobis commissam, nec vobis, nec ulli vestrum, propitio Christo, trademus. Vestrum autem est considerare; vtrum quod meditamini valeatis, necne perficere. Cogitate itaque dies antiquos, & annos æternos in mente habetote. Et quid Imperatores, qui persecuti sunt Ecclesiam Dei, & maximè Ecclesiam Romanam, Nero, Diocletianus, Constantius, Anastasius, & ceteri moris eorum pertulerint, & vbi modo sunt, attendite diligenter, & quantum sit in Ecclesia Dei execrabilis fama eorum, & nomen detestabile, sapienter aduertite. Quanta autem Dei cultorum Augustorum, qui Ecclesiam Dei exaltauerunt, & præcipuè Romanæ, Constantini, Constantis, Theodosij quoque maioris, & Valentiniani, & ceterorum laus in vniuersa Ecclesia polleat, & eorum præconia vbique personent, & nomen eorum inter sacra mysteria imprætermisse commemoretur, attentius, & sedule recordamini, sicq. nos audire illos imitantes satagite. Patres enim vestri per gratiam Christi sumus, & vos tanquam Charissimos diligimus filios, nec possumus vobis nisi viam veritatis ostendere, terrenam gloriam vestrâ augeri diuinitus exoptamus: sed quid peccamus, si cælestem, ac æternam vos capeffere nihilominus exoramus?

Quapropter attendat clementia vestra, quantus fuerat erga Sedis Apostolicæ reuerentium antecessorum vestrorum piorum Imperatorum, & præcipuè, quos longè superius memorauimus, amor, & studium, qualiter eam diuersis priuilegijs extulerint, donis ditauerint, beneficijs ampliauerint. Qualiter illam litteris honorauerint, eius votis annuerint, iustituta perfici-

perficienda mandauerint, orationes petiuerint, fidem sectandam decreuerint. Qualiter etiam legibus suis pro adunandis ei Ecclesijs promulgauerint, pro colligendis concilijs, ac proferendis sententijs non imperauerint, sed precati & hortati solum extiterint, & quæ illi decreuerunt, ipsi consenserint, & quæ illi damnauerunt, ipsi respuerint. Sic ergo fili charissime, sic & tua sublimitas non ex parte ingratorum, & inobedientium filiorum existens (quod absit) sed inter ceteros Dei cultores Augustos imitator, quæ decreuimus de Constantinopolitana Ecclesia, obedienter attendat, &c. Post nonnulla autem. Et si cunctis, inquit, generaliter sacerdotibus diuina tractantibus fidelium conuenit corda submitti, quanto potius Sedis illius Pontifici consensus est adhibendus, quem cunctæ Ecclesiæ generalis iugiter pietas celebravit? Vnde clementia vestra diligenter aduertit, nunquam quouis penitus humano consilio eleuare se quemquam posse contra illius priuilegium, vel confessionem, quem Christi vox prætulit vniuersis, quem Ecclesia veneranda confessa semper est, & habet deuota primatem. Impelli non valent humanis præsumptionibus, quæ diuino sunt iudicio constituta. Et post multa id genus inculcata, clausa tandem epistola, eidem eiusmodi contestationem affixit, quod timeret, ne sicut alix, ab interprete, vel alio falsaretur.

Indignationem Omnipotentis Dei contra has litteras malitiose interpretantem precatur; Igniq. scripta Imperatoris tradenda dicit. Cap. 416.

Quisquis hanc epistolam nostram Constantinopoli legerit, & Augustissimo filio nostro Michaeli quidquam ex ijs quæ scripta sunt, occulta-uerit, ne locum apud illum possit inuenire sufficientem, anathema sit. Quisquis etiam interpretatus eam fuerit, & ex ea quidquam mutauerit, vel traxerit, vel addiderit, præter illud quod idioma græcæ dictionis exigit, vel interpretantis scientia intelligendi non tribuit, anathema sit. Ita sanctissimus Pontifex, quod experimento didicisset falsatas fuisse missas, ante has, litteras in Orientem, ut suo loco fufius est demonstratum. At non satis fuit eidem sancto Pontifici contrarijs litteris confutasse blasphemias litteras Imperatoris, sed iudicauit eas omnino dignas incendio, idq. ipsi Imperatori faciendum præcepit; quod si negligeret, id Romæ solemnî ritu à se faciendum esse denuntiat. Sed audiamus ipsum, qui in litteris anno sequenti per suos legatos ad Imperatorem missis hæc habet post multa in detestationem earundem litterarum inculcata.

Denique opinati sumus, & nunc nihilominus opinamur, quod pietas vestra tandem aliquando respiscat, & de Ecclesiæ Constantinopolitanæ restaurando statu, nobis salubria suadentibus acquiescat; sicq. demum omnia scripta, quæ male sunt compilata, non solum aduersum nos, & hanc sanctam Ecclesiam, verum etiam contra fratrem nostrum, & comministrem Ignatiū coram vniuersa Imperij sui multitudine, igni tradenda decernat. Alioquin iam cunctis Ecclesiæ fidelibus, quæ foret Apostolicæ sedis auctoritas, vel quæ fabricatoribus mendacij, seu inuentoribus peruersorum dogmatum immineret vltio, profectò patefceret. Impossibile est enim (quamquam nostras nos speciales iniurias curare floccipendamus) ut tantorum ac talium Sanctorum

Et 9.

storum Patrum, & propugnatorum Catholicæ Ecclesiæ, ac destructorum diuersarum hæresum, atque defensorum Orthodoxæ fidei, blasphemias æquanimitè sustineamus, vel etiam tantæ sedis, siue tam excellentis Ecclesiæ Romanæ, cui Deo deseruimus auctore, contumelias perferamus.

Verum quamuis & de nobis humiliter sentiamus, nec tamen, conscientia dictante, vera esse, quæ vos de nobis perhibetis asseueramus, sed vt diximus, ea postponentes, illa potius, quæ Iesu Christi sunt, inuestigamus. Et si male congeſta aduersus eius famulos, aduersus eius ordinationes, aduersus eius dispositiones, stabilita priuilegia reperiuntur, nulla patientia toleramus, verum etiam conflatoribus tantæ perversitatis dignam vicissitudinem reddere necessariò meditamur: nimirum nè hos quis impunitos intuens, aut nunc, aut futuro tempore deinceps talia præsumat præſtigia falsitatis componere, vel commenta blasphemiarum huiusmodi figmentis contradicere. Quapropter Imperator sublimissime, diligenter propter Dominum inquirentes, atque scrutantes, si vestra illam non fuisse præceptione tam coenotam inueneritis confectam, immo toxicatis syllabis infectam epistolam (vt interim de tot præſtigia textentium poena taceamus) quam illi vobis zelo veritatis flagrantibus inuoluere, conuenit saltem huius socia accepta, & palam cunctis igne succensa per Augustales vestros tam nobis, quàm omnibus, ad quorum notitiam peruenit destinatos, apices competentis satisfactione à tam peruerso sensu, & tam prophanis adinventionibus, quod à sensu vestro non fuerit commentis tradita, vos exhibere prorsus immunes. Tam vero si vobis in multis huiusmodi sollicitudinibus occupatis surreptum est, vt alia scribere mandaretis, ne pigeat clementiam vestram hoc etiam ipsum humiliter confiteri, & legibus vestris, vt huiusmodi scripta nullius habeantur momenti decernere: ita vt penes quem reperta fuerint, impunito non euadente, ipsius quoque sæpe memoratæ, & semper execrandæ epistolæ, vel exemplaris eius apices (intemeratis pro reuerentia manentibus sacris dictionibus) flammeo dedantur igni voranda, vt à sinistra opinionis nauis, quem ex blasphemijs scriptis incurreretis, cauere valeatis, & ingrati filij circa matrem vestram, ex qua imperandi fastigium vos, & patres vestri ordine cœlitus disposito percepistis nullatenus appareatis.

Sin autem scitote, quoniam postquàm in hac vos pertinacia persistere finetenus velle comperimus, primum quidem congregatis cunctarum Occidentalium regionum venerabilibus sacerdotibus, dictatores, & dispositores, atque præceptores tantæ fallaciæ, seu crudelissimæ derogationis sanctarum paternarum traditionum ab omni Christiana compage remotos, Apostolica freti auctoritate diris anathematis vinculis innodabimus, nec non & patrum, & prædecessorum meorum secuti vestigia, qui soliti sunt etiam numerosorum concilia nequiter celebrata cassare pontificum, si qua socia sunt crebrò dictæ, vel exemplaria fortassis epistolæ: quin potius non solum hæc, sed & omnia scripta, quæ vel aduersus fratrem, & coepiscopum nostrum Ignatium iniqua confecta, vel aduersus nos causam illa canonicè prosequentes furiose deprompta sunt, perenni damnationi mandabimus. Deinde vero decernentibus nobiscum, & simul considerantibus iidem sanctissimis fratribus & Coepiscopis nostris, ipsam epistolam in stipite videntibus cunctis, suspensam vasto supposito foco ad vituperium vestrum coram
omni-

omnibus nationibus, quæ penes memoriam sancti Petri multipliciter inueniuntur, extremæ perditioni donabimus. Quatenus his rite patetis, discat pius quod amet, & crudelis quod timeat. Nam tot, & talia blasphemiarum commenta, quin potius veracium litterarum deprauationes audisse, & tacuisse, cohibuisse est.

Quamobrem venerabilis Imperator valde mihi, sicut ipse comprehendere poteris, cauendum est, ne si nos præstigioforum figmentis minus celeriter obuiauerimus, tanquam vera recognita, vel comprobata hæc admisisse fallaciter apud stolidos æstimemur. Nec possumus in Ecclesia Dei dissimulando tam spurca relinquere germina quæ antecessorum nostrorum beatissimorum Pontificum tempore, aut nunquam exorta, aut certè si vndeumque, vel quomodocumque exorta sunt, eorum iudicii ligone, antequam proficerent, radicitus extirpata sunt. Destitite ergo vos, & dissipate illa, alioquin à nobis fore destruenda, seu funditus dissipanda modo, quem prædiximus ante, noscite. Quamuis antequam nos ista vobis scriberemus, quæ nunc sublimitatem vestram hortamur, hoc vos facturos esse putaremus. Sed quia quod putatum nullum effectum hætenus habuit, idcirco nos salutem vestram illam manere volentes, & hoc nunc saltem agatis affectu paterno monemus. Alioquin, ut iam præfati sumus, sic Deo fauente, de cetero vigilabimus, & studijs quibus possumus insistemus, ut inter exanimes computentur, qui auctoritatem Petri non senserint, immo Dei hanc ordinantis in Petro non intellexerint. Ita ut nec ista, quæ perniciose compilata sunt, defendere, sed nec his similia scripto tradere, vel in mente voluere quis ulterius audeat. Non enim figmenta, quæ ordinationi Dei resistunt, quæ euangelicis vocibus contradicunt, quæ sanctorum Patrum definitionibus obuiant, quæ synodice constitutionibus aduersantur, quæ si sic dimittantur, innumera possunt fidelibus auxilia Petri quærentibus inferre dispendia, inolumbia sine discrimine vestro valemus deferere, & æstimationi nostræ, vel nunc, vel post decessum nostrum tantum (quod absit) ne dum ad destructionem simplicium, & mutilationem Sedis Apostolicæ privilegiorum relinquere. Hæc de damnatione & concrematione Imperialium litterarum Nicolaus: qui si in Imperatorē ita declamat, quæ vociferatus esset in perditissimos seculi huius homunciones, vilissimos balatrones, longe funestiora, & audaciora tentantes, atque execrabiliora scribentes? vincuntur à suis successoribus omnes hæretici, secundum illud Apostoli: Mali autem homines, & seductores proficient in pœnis errantes, & in errorem mittentes, quos vel ex hoc puduisse debet (si tamen locum in perfrectis frontibus, & obduratis animis pudor inuenire posset) talem Imperatorem, quem Græci omnes (ne Latinos dicam) conelamant omnium scelestissimum, habere aduersus Romanam Ecclesiam, quem sequuntur auctorem, taliumq. blasphemiarum primum promulgatorem, quem si quis Dei afflatum spiritu dixerit, iungat utique (horrendum dictu) Belial Christo, quod nullo modo teste Apostolo effici potest. Cum igitur ex quo principium erroris traxerint, appareat manifestum, cuius spiritus sint miseri facti participes, potest æque cognosci. Sic itaque Principes dæmoniorum per principem seculi aduersus Principem Apostolorum bellum mouit, sed qui ipsi dixit: Tu es Petrus, & super hanc petram ædificabo Ecclesiam meam, & portæ inferi non

P p

præ.

præualebunt aduersus eam . & illum contriuit , vt cito visurus eris , vt eius sedem reddiderit altiore . Hæc ibi epistola .

De impiè , & contumeliosè gestis contra B. Ignatium Patriarcham Constantinopolit. per Michaellem Imperatorem , & ministros eius , atque alijs detestandis facinoribus eius ; & de incendijs , & tremotibus à Deo permissis ad eum perterrefaciendũ , & de tremenda morte ipsius , vlciscente Petro . Cap. 417.

Ex Niceta. **I** Am ad indictum in epistola Ignatium Archiepiscopum redeamus , quæ autem in eum post ipsius exauctorationem impij aduersarij perpetrauerint, Nicetas sic pergit, inchoatam proseguens de ipso orationem. Quid vero ille Photius ? num veritus est homines, vel iustitiam ? Deum iudicium diligentem timuit ? & eius iram auertere studuit ? Nihil minus, sed potius inuidiam inuidiæ, & malum malo addere contendebat omni studio & arte , non solum illum interimere, verum quod peius, tanquam morte dignum è medio tollere curans . Tunc igitur cum deposuissent, & eiecissent eum, in humanissimis & impijssimis hominibus eum puniendum tradiderunt, quousque manu propria suæ depositioni subscriberet & confirmaret . Aderant autem, qui ita illum affligebant, & molestijs afficiebant, vt duabus septimanis carcere detentum inædia omnino confecerint . Quinimo illum attollentes, & eius pedibus graues lapides alligantes, & valde inhumanè illum percutientes conterebant . Qui vero hæc , & alia plura aduersus illum beatum contumeliose gerebant , verbis , & gestis illum subfannantes, erant iniquitatis filij (vt ita dicam) & malum semen, infanus ille Theodorus , & Ioannes Gortinæ , & Theoduli Nicolaus, qui Scatolaspis dicebatur . Post tormenta autem, quæ isti intulerunt Christi confessori Ignatio, post minas, post vincula, quæ venerabilibus illis pedibus adhibuerunt, post verbera, & postquam ad modum Crucis super marmora in faciem illum extenderant per totam noctem , atque deinde vinculis deuinxerunt, & super pauimentum lanceis pupugerunt , & contriuerunt, & terram eius sanguine madefecerunt . Posthæc omnia vix spirantem Ignatium infanus ille Theodorus vi accepta manu eius, & pagina Crucis in illa, quasi pro eo loco subscriptionis signauit, quam afferens tradidit Photio . Hic vero accepto illo Crucis signo, ex seipso deinde ita subscripsit . Ignatius indignus Constantinopolitanus confiteor me ingressum esse sine calculis, non canonicè videlicet electum , & his annis non sanctè me gessisse, sed tyrannicè .

Hac subscriptione missa Imperatori, dimittitur B. Ignatius ab illa custodia, qui maternam domum rediens, ibi parum à multis laboribus respirabat . Inimicus vero Photius non quiescebat dolos corde machinari , & mala aduersus innocentem illum meditari. Suggestit igitur Principibus, vt iterum ad Apostolorum Ecclesiam illum deducant, & cogant lecta prius sua depositione super Ambonem seipsum anathematizare, postea vero (ò consilium atrox, ò impietatem) oculos illi eruere, & manum infano quodam furore illi abscindere cogitabant . Ita odium illos profunde obœcauerat, vt iustitiæ Dei nullus apud illos timor , sed diaboli inuidia illis tantum cordi esset . Ipsum sanctæ Pentecostes festum peragebatur, & ecce militum armatorum manus domum

domum, in qua detinebatur Ignatius, ex tempore circumdat. Sanctus igitur ille, cum mala, quæ sibi imminabant, cerneret, & eorum insaniam, ut fratrem suum interimerent, nosset, consilium inijt contrarium temporis iniquitati, sua vero prudentia, & eo qui cum ducebat, spiritu dignum. Et quodnam est hoc consilium? se ipsum immutat, & laicalem famulorum indutus habitum, & duas sportas ex vno pendentes ligno proprijs humeris sustollens, instar aliquis baiulantis aufugit custodiam, media nocte latens.

Festinat autem vnâ cum suo discipulo Cypriano versus Sabaiticâ regionem iter peragens, corde autem præ metu tremens, lachrymis madefactus, & nimis tristis & mæstus currebat, ut David ille fugiens à facie Saul. Diuina vero providentia huic noctu ambulanti obuiam fit, vir quidam, facie satis decora, & barba, & coma recte ornatus, qui & alba induebatur veste, & equo etiam vehebatur albo, & iter tenebat quasi ad Blachernas. Ignotus autem vir ille, cum nec lumen vsquam adesset, nec aperte illum videre posset, tamē quisquis ille fuerit, diuino spiritu motus inquit, Deus, & sanctissima Dei genitrix te ab omni periculo sanctissime pater, & tuos custodiat. Hoc verbum quasi bonum omen desuper sibi adueniens beatus ille Ignatius suscipiens alacrius procedebat, & cum habitu illo serui, & paupere omnes laruisset, & in nauiculam conscendisset ad Principis, & Proconessî insulas non solum, verum etiam Propontidis insulas omnes nauigat, aliam ex alia mutans, & in solitudine errans, & montibus, & speluncis, atque foraminibus terræ latens, Apostolorum more (ut ita dicam) afflictus & male habitus, viuendi rationem quærebat, per homines Christi dilectos mendicando.

Photius vero spe frustratus omnia monasteria, & omnem ciuitatem inquirebat, sicubi inuenire posset Ignatiū tanquam faciem à conspectu ignis auulsam. Dum igitur nihil eorum, quæ volebat perficere potuisset Imperiali mandato grauem illum Oripham destinat, ut cum sex cursoribus insulas omnes, & maritimam regionem incurrat. Et sicubi Ignatium capere contigerit, quàm primum occidant, quasi totius Imperij perturbatorem & euersorem. Sed quæ postea contigerunt, cum nutu Dei, cum habitu mutato latentem, quamuis aliquando proximè accedentes inuenire minime potuissent, reuersi sunt præda vacui Constantinopolim. Idem Nicetas sic subdit:

Mensis Augustus instabat, & tremoribus magnis Constantinopolitanâ ciuitas concutiebatur, & cum omnis domus agitaretur, omnes timor mortis occupabat, clamantes vnâ esse terræ motus huius causam, vnum peccatum, & impietatem, quæ aduersus Patriarcham Ignatium exercebatur. Quadraginta vero diebus cum durasset terræ motus, ita eorum sæuitiam depressit, ut Principes Michael scilicet, & Bardas iurauerint, quod neque ipse sacer vir Ignatius exul, neque ij apud quos latebat, si manifestaretur, malo vlli forent obnoxij, sed illi liceat absque molestia ad suum reuerti monasteriū. Hæc igitur cum audisset Christi athleta Ignatius, seipsum manifestat quamprimum Patricio illi Petronio, qui cum Imperatoris auunculus esset ex matre, torquem ipsam Imperatoris cum attulisset, obsidis instar, præbuit Patriarchæ. Hic vero eam collo suspendens, & ad Bardam illum delatus stetit, cui ille: Cur inquit instar fugitiui cuiusdam ad aliam ex alia regione percurrēs peregrinaris? Hic vero inquit, Christus Rex, & Saluator noster præcepit, ut si vos persecuti fuerint, ex hac ciuitate, fugite in aliam. Ille itaque victus

P p 2 virtute

virtute illius viri, illæsum, & immunem præcepit in suo manere monasterio, & ita terræ motus quieuit.

Quod autem ad ipsum Michaelē Imperatorem pertinet, hoc ipsum plane tempus, quo postquam excessit ex ephœbis, quos tutores habuit fastidians, & matrem Imperij curatricem, aduersatricem vero suis deprauatis moribus aduersatus, liberas habenas Imperij cupiens moderari, Theotistum, & Manuelem tutores amouit, illo opera Bardæ auunculi occiso, isto postea morbo è vita sublato; sequenti vero anno matrem detrusit in monasterium. Erant infelicitissimo iuueni ad omne malum illetores, & assentatores sceleratissimus pædagogus, & Bardæ frater Theodoræ Augustæ, Imperij cupidissimus. Duobus istis tanquam omnium scelerum biga veetus Imperator, reditus est temporibus istis nouus Nero, illo non inferior aurigandi arte, nec libidine impar, sed prodigalitate persimilis, atque sauitia proximus. Fusius de his omnibus agit Curopalates, ex quo ista dumtaxat, quæ sacra attingunt, hic reddamus. Ait post alia probrosi hominis enarrata facinora: Hæc igitur, inquit, omnia homini odium conciliabant, omniumq. in ipsum iram meritò concitabant, & quod pessimum est, Cinædorum ipsum comitantium societas, & ad omne turpe facinus paratorum. Quos ille in honore habens, & colens, diuinis vero illudens, & insultans, sacras vestes auro contextas induit, & clamydes turpiterq. & impure cogebat res diuinas peragere, castissimæq. mysteria, & istorum principem Gryllum nomine, Patriarcham vocans, & reliquos vndecim Metropolitæ, se quoque vnum è sacerdotibus fieri voluit, qui præsul Colonæ appellabatur. Cumque oporteret eos canere, mysteriaq. perficere, cithara cantiunculas absoluebant, nunc sensim quodammodo, & leui voce resonantes, nunc incitata, & clara perinde, ac in sacris ceremonijs sacerdotes sacrorum hymnorum voces edere consueuerunt, habebantq. vasa inaurata, & pretiosis lapidibus ornata, quæ aceto, & synapi implentes, ijs, qui sumerent, porrigebant, ad hunc modum sacrosancta, & impolluta mysteria irridentes.

Accidit olim, vt improbus iste coetus, cinædorum scilicet, quo representabatur Patriarcha cum Episcopis, in via occurreret beato Ignatio Patriarchæ cum sacro Clero, & supplicationibus procedenti. Quo Gryllus conspecto turpiter simul, & impudenter nihil cedens, remissa testudine, cū suis sodalibus vehementioribus plausibus vsus, sanctos illos maledictis, & turpibus probris lacessabat. Iste impudentissimus Imperator matrem quoque suam Theodoram in palatio adhuc degentem accersuit, vt à Patriarcha (nam istum esse beatum Ignatium finxerat) benedictionem acciperet. Vt igitur honestissima mulier summa religione exijt, sequè in terram prostravit, benedictionem petens, nihil omnino suspicata, quippe cum interim Gryllus os occultaret, surgens ille oppedit, crepitum scilicet ventris emittit, verbaq. proprio ore digna protulit. Ipsa vero grauiter, & iniquo animo factum illud ferens, execrationibus filium insectabatur, ipsumq. propediem diuina prouidentia destitutum iri, quasi Propheta vaticinata est.

Anno Redemptoris octingentesimo sexagesimo secundo, decima indictione notato, incendio conflagrauit Constantinopoli basilica sanctæ Sophiæ, atque Ascensionis Domini die rursus magno terræ motu

notu Ciuitas Constantinopolitana concussa est; hæcque omnia in vltionem scelerum ibidem ad summum culmen excreſcentium. De incendio primum agens Nicetas hæc habet: Dicit autē nullo pacto poteſt, quot damna vicinis attulerit: Nihil tamen horum ad pœnitentiã agebat eos, qui impiè ſe gerere decreuerant. Quodnam autem ingens præter alia recensita Conſtantinopoli tunc vigeret, iam antea ceptum, cum imperaret cum filio Theodora, neque vnquam correctũ ſcelus in contemptum ſacrorum, idem Nicetas paulò inferior ſic enarrat. Michael Imperator iuuenilibus concupiſcentijs tota mente corruptus, ludibrio habebat res ſacras, ludibrium videlicet ipſe factus omnis incontinenciæ, & peccati, necnon peccatoris patris diaboli. Etenim ſordidiſſimos quosdam homunciones & profaniſſimos, & ſcurras, cum delegiſſet à Spiritu ſancto alienos, ſicut è contra, aduerſario ſpiritu plenos agens ipſe Imperator, ſacerdotes & pontifices ſine vlla religione & reuerentiã ordinauit; inter quos Theophilum quemdam Prothoſpatarium hominem ridiculum, & hiſtrionem, & omnium impurorum impuriſſimum, quaſi Patriarcham illis proponendo nominauit, riſum ſibiipſi & cachinnum impurum execrabilis Imperator comparando, & riſu dignus propter ea, quæ ab ipſo patiebatur ſancta Dei Eccleſia, & Dei nomen blaſphemabatur inter gentes.

Ita vero gaudebat hac ſua infania, & gloriabatur Imperator, vt neque eum pueret hæc publicè dicere, quod mihi quidem Patriarcha eſt Theophilus, Phorius vero Bardæ, Chriſtianis vero Ignatius, eo ſcilicet dementiæ, & impietatis adductus eſt. Prædictus itaque Theophilus helluò ita publicè in aula regia comam gerens, ſuis nefandis omnibus iniquitatibus, & ſcurrilitatibus ſacra myſteria, imitatione quadam deludendo repræſentabat, quod æ impiſſimi quidem Gentilium agere auſi ſunt.

Præterea Aſcenſionis Dominicæ feſtiuitas agebatur, & vespere terræmotus ſequutus eſt omnium, qui vnquam fuerunt, maximus, qui totam ſequentem noctem durauit; vox etiam, & ſonus inarticulatus è terra, & mari emittebatur, qui cordibus hominum metũ, & horrorem iniiciebat, præſertim cum luſtini columna è genibus conciſa decidieſſet. Tunc etiam Baſylius ille Cretæ antea Epiſcopus, ſed propter Agarenorum incurſionem Theſſalonicam translatus, auſus eſt adire Michaellem Imperatorem, & illum ſimul admonere, eum orans, vt abſtineat à ſacris muheribus, & ab illa turpi, & impia ſacrarum rerum imitatione, & ſcurrili miniſterio: ſic enim ille affirmabat irritari Dei furorem. Ille vero monitionibus huiusmodi grauiter offenſus, validis pugnis verberando illius faciem, ſeni illi dentes radicatus excuſſit, nec non terga ita flagris onerauit, vt parum abſuerit, quin mortuus fuerit.

At quid tandem blaſphemo contigerit Imperatori, iam videamus, qui vnà cum Bardæ Cæſare ab Apoſtolorum Principe Petro (cuius ſedem Apoſtolicam, & ſedentem in ea Nicolaum blaſphemijs circumſperſerat) in throno ſedente ſententiã mortis acceperat, eodem anno vindice ira Dei eam ipſam experiri compellitur. Quomodo autem id acciderit, idem Curopalates ſic narrat.

Reuerſo Bizantiũ Imperatore, hæc ipſa res ad Imperium Baſylium perduxit. Nam Michael nulla legitima ſuſcepta prole cum ſolus Rempub. ad-

ministrare non posset, ipsum sibi filium adoptatum Magistri militum dignitate exornandum curauit, & paulo post ipsi in magno templo diadema imposuit. Hic Imperij compos factus, Imperatorem Michaellem conabatur, quam longissimè à prauis & execrandis facinoribus abducere, sed non intelligebat ipsum sibi hac ratione necem moliri. Siquidem non ferens Michael obiurgationes, ac de medio Basylum tollere cogitans, quasi suæ esset voluntati impedimento. Basilicinum quendam Regij dromonis remigem in medium adductum purpuram induit, eiq. diadema imponit. Cumq. eum manuduxisset in Senatum, talia verba exorsus est. Iampridem oportebat amici; virum, hunc ad illustria Imperij ornamenta perducere, potius quàm Basylum, cuius nunc me pœnitet. Adest enim ei primum forma digna Imperio, deinde cognata corona, omniaq. dignitati conueniant. Hoc factum est: atque hæc oratio principium & causa fuit, cur ille funditus periret.

Aliud præterea euenit. Nam cum Michael se vino ingurgitare consueuisset, quo tempore ebrius erat, absurda multa fieri imperabat: alij enim aures amputari, alij nares, alij caput, quæ fieri Basylus verabatur, non tam alijs, quàm sibiipso metuens. Vt igitur ipsum sibi obstare Michael nouit, contra ipsum tales molitur insidias. Cuidam præcepit, vt hastam iaciat verbo contra feram, sed re contra Basylum, idq. planum factum est. Nam moriturus, is qui iussus fuerat id facere, rem confessus fuit. Iecit igitur hanc hastam, sed aberrauit, atque Basylus seruatus est. Seruatus autem studuit potius aliquid committere, quàm ipse pati, & ita Michael occiditur ad palatia diui Mamantis anno sexmillesimo septuagesimo tertio hora noctis tertia. Hucusque Curopalates: sed quomodo necatus sit, Zonaras ita rem narrat.

Basylus de inferenda nece Michaeli, consilio cum alijs communicato: Cum denuo Michael vino in cœna obrutus torperet, manuq. ductus in cubiculum Regiæ, quæ est ad Diui Mamantis, somno profundissimo oppressus iacere, egressus primum claustra cubiculi Imperatorij confregit, ne fores à cubicularijs claudi possent, deinde cum coniuratis aduenit. Ijs autem, qui ante cubiculum excubabant, pauci adeo, percussores aditu prohibere conantibus, orto tumultu Imperator experrectus, quidam cum stricto gladio ingressus manus sustulit, quibus illi ambabus resectis ad ceteros redijt. At Michael, cum ex vino titubans ebrietate impediende fugere non posset, miserabiliter eiulans iacebat. In quem alius quidam ex Basylanis adhuc viuere conspicatus insilijt, ensiq. ita in eius pectus adegit, vt ventre etiam traiecto intestina elaberentur. Hæc Zonaras. Ita plane impletum, quod præostensum fuerat, vlciscente Petro Apostolorum coriphæo in blasphemum Imperatorem, factumq. est, quod Isaias propheta alia occasione prædixerat. Cum feceris Domine iudicia tua in terra, iustitiam discunt habitatores Orbis. & secundum illud Dauidicum: Cognoscetur Dominus iudicia faciens: & impletum quod dixit in Euangelio: At non faciet Deus vindictam electorum suorum, clamantium ad se die ac nocte, & patientiam habebit in illis? Dico vobis, quia cito faciet vindictam illorum. Quis enim ista considerans pariter non intelligat vigilare Dominum super Ecclesiam suam, & manifestis iudicijs declarare, quæ sit illa, quam sibi desponsauit Christus non habentem maculam neque rugam?

Alexius

*I/a. 26.
Psal. 9.
Luc. 18.*

Alexius Imperator strage suorum ab exercitu Northmannorum accepta, prudentior redditus, peccatis suis eam adscribens, quod ex sacris Deo Ecclesiis bona ablata in publicum usum male conuertisset, & ex donarijs Ecclesiarum exhaustum aerarium replere studuisset, ne id unquam à quouis tentaretur Principe, edita constitutione auro sigillo munita sanciuisset, quā obseruari voluit, ac si à Deo ipso dictaretur, ut omnibus Principibus esset in exemplum. Cap. 418.

D Omini Alexij Comneni Græcorum Imperatoris de donarijs, & rebus sacris rescriptum, siue oratio, quam auream bullam inscripsit.

Qui corpore male affecti sunt, medicaq. curatione egent, si modo se morbo laborare senserint, multo facilius à medicis curantur. Qui vero morbi, quo laborant, grauitatem minime persentiscunt, immo nec se ægrotare sciunt: ij proculdubio non parum negotij, & sibi, & medicis fatessere solent. Hoc ipsum quidem certe in animi quoque morbis perspicuum est. Atque ex nobis cum peccant alij, quamlibet in profundum malorum gurgitem prolapsi in vtramuis securi dormimus aurem, scelerumq. grauitati succumbentes, vix, ac ne vix quidem nos peccare sentimus, quia nimirum malus ille habitus iam in naturam transijt. Quibus autem salutiferi sui luminis scintillam aliquam Deus indidit, quorumque intellectus non omnino mundi huius sublunaris cœno obsorduit, nec lateritio operi mens prorsus inferuire cogitur; ij demum à lapsu resurgere, Deiq. consortio, præter animi sententiam exturbati sæpius, ad eundem, non sine sedula spontanea. reuoluntur meliorum disquisitione recurrere possunt.

*Extat to. 3
Bibl. sanct.
& in corpore iuris
Orient.*

Quæ res haud dubie nobis imperantibus vsu venit, variaz enim multiplicesq. negotiorum circumstantiæ, dum vbique publica exhauriuntur æraria, passimq. hostium incursionibus patet aditus, tranquillum Imperij nostri statum represserunt. Cum primumq. adeo Imperatoris fastigium maiestatis conscendimus, nos à tergo illa malorum myrmecia infœcuta est, ex quo euenit, ut in summam rerum angustiam adducti, ijsq. omnibus exuti, quæ lapsis alioqui adiumentum aliquod asferre poterant, tandem vel sacra diuinaq. Dinodia contingere, ijsq. nostram solari inopiam statuerimus. Quod certè facinus in plerisque sacris, diuinisq. Ecclesijs admissum est, nec sacrorum donariorum pauca in publicos cesserunt vsus. Neque eo quidem adducti sumus, ut quidquam moliremur, vel in Dei contumeliam, vel contemptum, vel in eorum despectum, quæ illi pia consecrauit antiquitas (quod omen Deus ab omni animo Christiani nominis amantissimo auertat) sed urgente temporum necessitate, atque etiam consilio nostro, quod medio se operi immiscuit. Imperatoris enim maiestatis nostræ animo visum est, nulla Deum ira inde percitum iri, ubi mens male conscia nullius criminis agentem reum coargueret. Cum autem quicquid in Imperatorijs ærarijs supererat, exhaustum, & insumptum esset, nec in vltos vsus necessarios ea celsissent, quæ à sanctis extorseramus Ecclesijs, tùm vero consilium omne nostrum tot vndique periculis Romam circumuallantibus inuersum & labefactatum est; quocirca plerisque in locis hostium nostrorum cornu exaltatum est,

nostrisq. adeo Imperij nauiculæ naufragiū imminet, nisi præpotens Dei virtus
ijs, quibus assolet, iudicijs illā vindicet, procellamq. ipsam in aurā conuertat.

Itaque Imperatoris maiestati nostræ maiore cura disquirendum, & inue-
stigandum esse visum est, quid tandem sit illud, quod tantam Dei iram con-
citauit, violentumq. eius furorem in nos exacuit. Præterea cum viris diui-
no maximè spiritu afflatis de re ipsa consilium iniit. Et posteaquam cer-
tior ab illis facta est, satis esse causæ manibus, cur in nos ira diuina excan-
duisset, quod profanis manibus sacra, venerandaq. sanctorum Ecclesiarum
vasa contrectassemus (etiam si nulla nos improbitas, maleue conscia mens
eo promouisset) quia nimirum neque res diuinæ profanandæ sunt, nec à Dei
manibus repetenda in aliosue vsus conuertenda ea, quæ semel illi conse-
crata fuerint, operæpretium illi fore visum est. & futurum mali impetum re-
primere, ne vllō in posterum tempore inter Christiani nominis Principes ir-
repat, & præteritis (quoad eius fieri possit) præsens asserre remedium.
Quamobrem, ut sit erranti medicina confessio, coram Deo, & hominibus
Imperatoria se Maiestas prolapsam fatetur, veniamq. de delictis, quæ temere
admisit, ex intimis animi adytis postulat, seque omnia, quæ sui sunt Imperij,
diuino numini mancipaturum, eaq. viribus Imperatorijs denuo restitutura
pollicetur, quæ in hodiernum vsque diem ab Ecclesijs Deo sacris ablata, in
publicosq. vsus male versa sunt, si modo quæ orbem vniuersum exagitat,
procella defæuerit, Imperioq. status melior restitutus fuerit.

Hæc enim persoluenda nihilo secius quàm priuatum aliquod debitum in
se recipit, nec se sanctis obæratum Ecclesijs inficiatur. Quare in posterum
tibi, tū post se futuris Christiani dogmatis Principibus Aurea hæc Bul-
la legem non minus obseruandam imponit, quàm si a Deo ipso dictaretur,
NE QVIS POST HAC SACRA TEMERE CONTRE-
CTET, etiam si vel Cadmea necessitas vrgeat, ne manus impuras sa-
cris rebus iniiciat, ne prophana ex diuinis Dinodia fiant, dum in pu-
blicos vsus circumferuntur. Cumq. inter Deum & homines sit interstitij
loco positum, quod nullus, si modo pius fuerit, transgreditur; ho-
mines quidem rebus nostris vtetur & fruemur: Deo autem sacra testā ma-
neant, quæcumque illi consecrata fuerint, nec illa manibus, vel audacissi-
mis contingant. Quod si quis, Domine Deus in posterum manus sacris &
diuinis Dinodijs, vtensilibus & vasis, quæ sacris olim & venerandis Ecclesijs
tuis dicata, vel in posterum dicanda fuerint, iniicere audeat: is ne lumine in
die visitationis tuæ fruatur, nec Sol illi matutinus illucescat, nec tuo hic au-
xilium, nec tua isthic diuina protectione gaudeat, sed vbique despectus à te,
desertusq. iaceat. Tantum propitius esto nunc ò Rex hæreditati tuæ. Siste
iustam illam iram, qua in nos exarsisti, quin parce nobis, qui cum pecca-
uerimus antea, nunc tandem ad te conuertimur, quoniam omnia peccata
nostra cum misericordiæ tuo abyssu collata, & velut ad perpendicularum exa-
minata sic se habent tamquam aquæ hemina, si cum toto mari conferatur.

Vt ergo coram te, Domine, multitudinem peccatorum meorum confiteor,
ita tuum quoque maximè salutiferum auxilium imploro, ex intimisq. animi
penetralibus, à sacris in posterum pertractandis desistens, etiam si extrema
me necessitas eo impellat, & debito rem eorum, quæ antea inde ablata fue-
runt, me ingenue profiteor.

In huius enim rei confirmationē vniuersis Ecclesijs tuis sanctis hanc Aurea bulla obsignatam Orationem, tamquam tutum aliquod antidotum appendi, vt quicumque posthac sacrorum Dinodiorum quodpiam contrectare ausus fuerit, impij Sacrilegij nomine apud te, & pios quosque homines censeatur. Dat. men. Augusto quintæ Indictionis quater anno millesimo quingentesimo nonagesimo, quo quidem tempore pium quoque hoc, & Deo subditum Imperium nobis designatum est. Anniuersaria nempe die. Haecenus Bulla Aurea, aureis re vera litteris digna.

Rex Anglia Ecclesijs non parcens, sed destruens eas, morbo correptus, & morti proximus, detestatur pœnitens facinus suum: illud & secretè, & publicè confitetur, & satisfacit, damna illata, prout potest, restaurans. Cap. 419.

Millesimo, & octuagesimo septimo salutis anno, Guillelmus I. Rex Angliæ quinto Idus Septēbris ex hac vita migravit, pœnitens peccatorū, quibus diuinam in se vindictam prouocauerat, cum regnasset annos viginti, mensibus decem, & dies viginti octo. Cum proximè in regnū Francorum grassatus in odium Philippi Regis, nec pepercit Ecclesijs, quæ repertæ sunt in Madantensium ciuitate, quam incendio concremauit. Quo factō mox offensum numen sensit ultorem, illum acerbissimo dolore ad obitum usque conficiens. Quo audito per medicos nuntio (inquit Vvillelmus ceteris sicut antiquitate, ita & veritate præstantior) querimonia domum repleuit, quod eum præoccuparet mors, emendationem vitæ iamdudum meditantem. Resumpto animo, quæ Christiani sunt executus est in confessione, & viatico. Hæc ipse, qui primo hæc de eius vitæ institutis: In primis inquit, Dei famulis humilis, subiectis facilis, in rebelles inexorabilis erat. Religionem Christianam (quantum secularis poterat) ita frequentabat, vt quotidie Missæ assisteret, vespertinos, & matutinos hymnos audiret &c. Subiecit: Monasterijs ab eo erectis, & monastica disciplina optime culta, & alijs.

Vvillelm. lib.
3. vnum
Anglic.

Sed quod ab eodem nuper audisti, eundē Regis per medicos respōso mortis accepto, querimonia domum repleisse, quod eum iamdudum meditantem vitæ emendationem mors præoccuparet; scias eandem ipsius querimoniam ab eo, qui aderat, scriptis fuisse mandatam, vnā cū ijs, quæ secuta sunt vsque ad conditum corpus sepulturæ in monasterio Cadomensis, ibiq. eandem hætenus asseruatam: Cusam vero nuper, vnā cum alijs rerum Anglicarum scriptoribus Frācosurti anno Domini millesimo sexcentesimo primo, ex qua aliqua notanda magis hic describenda curauimus, quibus tanti Regis pietas innotescat, qui ex abundantia cordis exuberante intrinsecus contritione, parum habuit peccata sua (quod fecit) secreta confessione, ex præcepto Ecclesiæ ostendere sacerdoti, sed eadem cunctis, qui aderant, audientibus voluit probasse, & quidem non solum, quæ nuper Ecclesiarum incendio publicè perpétrasset, quorum causa ea tunc pati commeruisset, sed quæ adhuc impubes (incipiens à pueritia) deliquisset, cum primū post confessionem à satisfactione sic incæpisset. nam auctor hæc tunc de ipso.

Verū sapiens hæros in futurum sibi multisq. commoda facere non distulit, omnesq. thesauros suos Ecclesijs, & pauperibus, Deiq. ministris distri-

distribui præcepit. Quantum vero singulis dari voluit, callidè taxauit, & coram se describi à Notarijs imperauit. Clero quoque Madatenſi ſupplex ingentia dona miſit, vt inde reſtaurarentur Eccleſiæ quas combuſſerat. De fide, & iuſtitia ſeruanda, de lege Dei, & pace tenenda, de priuilegijs Eccleſiarum, & ſtatutis Patrum obſeruandis omnes, qui præſentes erant, admonuit, & allocutionem per eum memoria dignam, admixtis interdum lachrymis eloquenter ſic edidit, cum peccatorum memoria deficiens, ſpem ſuam in piorum precibus collocaret.

Multis inquit, ò amici, grauiusq. peccatis onuſtus contremiſco, mox ad tremendum Dei examen rapiendus, quid faciam ignoro. In armis enim ab infantia nutritus ſum, & multi ſanguinis effuſione admodum pollutus ſum. Nullatenus enumerare poſſum mala, quæ feci per ſexaginta quatuor annos, quibus in hac ærumnoſa vita vixi, pro quibus abſque mora rationem reddere nunc cogor æquiſſimo Iudici. Dum pater meus &c. (exorditur enim ſua ſiere delicta ab eo tempore, quo adhuc impubes moderandū Northmanniæ ducatum accepit) poſt hæc autem, eo quo ſunt geſta ordine recenſitis, conuerſus ad eos, qui aderant ſacerdotes, ſic locutus. Vnde vos ò ſacerdotes, & miniſtri Chriſti ſuppliciter obſecro, vt orationibus veſtris me commendetis Omnipotenti Deo, vt peccata, quibus admodum premor, ipſe remittat, & per ſuam inſatigabilem clementiam inter ſuos me ſaluum faciat. Theſauros quoque meos iubeo dari Eccleſijs, & pauperibus, vt quæ congeſta ſunt ex facinoribus, diſpergantur in Sanctis Sanctorum vſibus. Debetis enim recolere, quàm dulciter vos amaui, & quàm fortiter contra omnes æmulos deſenſaui Eccleſiam: Dei matrem ſcilicet naturam, nunquam violaui, ſed vbique (vt ratio exegit) deſideranter honorauit: Eccleſiaſticas dignitates non venundedi, ſimoniam deteſtatus ſemper reſutaui: in electione perſonarum vitæ meritum, & ſapientiæ doctrinam inueſtigauit, & quantum in me fuit, omnium digniſſimo, Eccleſiæ regimen commendaui. Hoc nimirum probari poteſt veraciter in Lanfranco Cantuarienſis Archipræſule, hoc in Anſelmo Becceſium Abbate, hoc in Geberto Fontanellenſi, & Durando Troarnenſi, & in alijs multis Regni mei doctõribus, quorum celebris locus perſonat in vltimis, vt credo, terræ finibus. Tales ſocios ad colloquiũ elegi, in horum contubernio veritatem, & ſapientiam inueni, ideoq. ſemper gaudens optabam eorum conſilijs perfrui.

Nouem Abbatia monachorum, & vna ſanctimonialium, quæ à patribus meis in Northmannia fundata ſunt, me adiuuante cum auxilio Dei creuerunt, & glorioſè multarum augmentum rerum, quas dedi, magnificata ſunt. Deindè Ducatus mei tempore, decem, & ſeptem monachorum, atque ſanctimonialium ſex Coenobia conſtructa ſunt, vbi magnum ſeruitium, & plures eleemoſynæ pro ſummi Regis amore quotidie ſiunt. Huiusmodi caſtris munita eſt Northmannia, & his diſcunt terrigenæ præliari contra, Dæmones, & carnis vitia. Horum quippè, aut ego, inſpirante Deo fui conditor, aut fundator, ſeruidus adiutor, & beneuolus incentor &c. Hæc & alia bona recolit, vt ſe ipſum depreſſum in ſpem violentus erigeret. Reddita ad poſtremũ ratione, cur Germanum ſuum Odonem Baiocenſem Episcopum deterent in carcere dimitti noluiſſet, quomodo tandem ex hac vita, deceſſerit, ſic qui aderat, auctor pergit.

Deni-

Denique quinto Idus Septembris feria quinta, iam Phæbo per Orbem spargente clara radiorum spicula, excitus Rex, sonum maioris signi audiuit in Metropolitana Basilica. Perconctante eo quid sonaret? respondent ministri, Domine hora prima iam pulsatur in Ecclesia sanctæ Mariæ. Tunc Rex cum summa deuotione oculos ad cælum erexit, & sursum manibus extensis dixit: Domine meæ S. Genetrici Mariæ me commendo, vt ipsa suis sanctis precibus me reconciliet charissimo filio suo Domino nostro Iesu Christo; his dictis protinus expirauit. Archiatri autem, & ceteri præsentēs, qui Regem sine strepitu, & clamore quiescentem tota nocte seruauerunt, & nunc ex insperato sic cum mox migrasse viderunt, vehementer attoniti, & velut amentes effecti sunt. Porro ditiores ex his illic ad ascensu equis recesserunt, & ad sua tutanda properauerunt. Inferiores verò clientuli, vt magistros sic se subduxisse prospexerunt, arma, vasa, vestes, & linreamina, omnemq. regiam supellectilem rapuerunt, & relicto Regis cadauere penè nudo in area domus aufugerunt. Cernite precor omnes, qualis est mundana fides. Vnusquisque, quæ potuit de apparatu Regio, milius rapuit, & confestim cum præda sua aufugit, &c. Facta sunt hæc Rothomagi, vbi Rex Deo vltimum spiritum reddidit.

Indè verò corpus sepeliendum in Cadomense Monasterio per Sequanam deducendū per Clericos, & Monachos, qui sponte conuenerunt misericorditer curatum narrat, empto loco sepulture ab Ascelino quodam, qui locum suum dicebat esse. Quodnam hoc permolestum sit secutum spectaculum, ita subiicit auctor: Porro dū corpus in sarcophagum mitteretur, & violenter, quia vas per imprudentiam cœmentariorū breue strictum erat, complicaretur, pinguis venter crepuit, & intolerabilis fœtor circumstantes personas, & reliquum vulgus impleuit. Fumus thuris, aliorumq. aromatum de thuribulis copiose ascendebat, sed teterrimum putorem excludere non præualebat. Sacerdotes itaque festinabant exequias perficere, & aëritum sua cum pauore mapalia repetere. Hactenus de funere funesto satis. Ecce subtiliter inuestigauit (subdit idem auctor) & veraciter enucleauit, quæ in lapsum Ducis Northomanniæ præstendit dispositio Dei. Non fictilem tragædiam venundo, non loquaci comœdia cachinnantibus parasitis faueo, sed studiosis lectoribus varios euentus veraciter intimo: inter prospera, patuerunt aduersa, vt terrentur terrigenarum corda. Rex quondam potens & bellicosus, multisq. populis per plures prouincias metuendus, in area iacuit nudus, & à suis quos genuerat, vel aluerat destitutus. Aere alieno in funebri cultu indiguit, ope gregarij pro sandapila, & vespillonibus conducendis eguit, qui tot hactenus, & superfluis opibus nimis abundauit, &c. Hæc, & alia auctor, quem vidimus, relinquens tanto exemplo optimè philosophandi efficacissimum argumentum.

At licet pœnitenti Regi Deus (vt piè credendum est) culpam peccatorum dimiserit, pœnam autem est prosequutus in filios, atque nepotem peccati illius, de quo ista Vuillelmus. Locus est (inquit) quem Vuillelmus pater hic, de quo agimus, desertis villis, subrutis Ecclesijs per triginta, & eo amplius milliaria in saltus, & lustra ferarum redegerat, infando prorsus spectaculo; & vbi ante, vel humana conuersatio, vel diuina veneratio feruebat, nunc ibi cerui, & capreoli, & ceteræ illud genus bestiarum petulantes discurs-

discurſitant, nec illæ quidem mortalium vſibus communiter expoſitæ, cuius rei cauſa primo Ricchardum filium ceruos ibi venantem ex tabido aere incurriſſe morbum tradit, quo & deſunctus eſt. Hæc viuente patre. Poſt obitum verò ipſius Regis, quæ ibidem ſecuta ſunt portentosa funera, ſic idem auctor enarrat: Pro vero aſſeritur, quod in eadem ſylua Vvillelmus filius eius, qui ipſi ſucceſſit in regnum, & nepos Richardi filius Roberti Comitis Northmanniæ mortem offenderint, ſeuero Dei iudicio, ille ſagitta pectus, iſte collum traiectus velut quidam dicunt arboris ramuſculo equo pertranſeunte fauces appenſus. hæc ipſe.

Fideles Sancti Petri contra impium Henricum pugnantes in nomine Domini numeroſum eius exercitum proſtigarunt, ipſo in fugam acſo, vindicante Petro fideles ſuos, & ſucceſſores ab ipſo vexatos. . Cap. 420.

Bertold.
Conſt. an.
1086.

HIs temporibus fideles S. Petri Principes Sueuorum, cum Saxonibus, & Baioarijs generale colloquium, poſt feſtum Apoſtolorum, propè Vuirceburg. condixerunt, quod Henricus congregata multitudine Schismaticorum interturbare voluit. Sed Sueuis ſuperuenientibus reſiſtere non valens, ad tempus eis locum dedit. Ipſi autem Herbipolim ad obſidendos fautores Henrici proceſſerunt, & adiunctis Saxonibus eandem ſepi circumdederunt. Interim Henricus exercitum viginti penè millium, pedites, & equites congregauit, & ad ciuitatem liberandam iam quinque ſeptimanis obſellam, aciem direxerunt. Quo audito, fideles S. Petri ſoluta obſidione obuiam ei duobus milliaribus, non tam multitudine ſua, quàm miſericordia Dei, & iuſtitia S. Petri, non tam armis, quàm virtute S. Crucis conſiſi, proceſſerunt. Vnde, & Crucem altiſſimam in quodam plauſtro erectam, & rubro Vexillo decoratam, vſque ad locum certaminis ſecum deduci fecerunt. Vvelph quoque Dux cum ſua legione, & Magedeburgenſis legio relictis equis, pedites incedebant. Cum autem iam iam congreſſuri eſſent, omnes in terram poſtrati cælum oratione penetrauerunt, quam pro eis ibidem reuerendiſſimus Magedeburgenſis Archiepiſcopus cum multis lachrymis, & gemitibus effudit.

Igitur in nomine Domini congreſſi, incredibilem hoſtium ſtragem fecerunt, ita vt nouem millium altæ congeries cadauerum ibi viderentur, præter illos, qui per campos, & ſyluas fugitantes, occubuerunt, Henricus autem in primo impetu congreſſionis diſſimulato habitu, primus inter primos terga vertens, omnia vexilla ſua noſtris relinquens, vſque ad Rhenum ſatis accelerato peruenit. Sed noſtri eum longo tempore inſecuti tandem magnā prædam de hoſtibus reportauerunt; ipſius ſanè ſcrinia cum veſtimentis Regalibus, item nescio quot capellas Episcoporum, cum alijs innumerabilibus, noſtri acceperunt. In illa ergo congreſſione, quot millia aduerſariorum occubuerint, nondum explorare potuimus.

Ex parte autem fidelium S. Petri, non niſi quindecim homines mortuos inuenire potuimus, licet diligentiffime perquireremus, & de ipſis quindecim, non niſi tres in loco certaminis obiere, reliqui aliquot diebus poſtea vixerunt. Inter mortuos, & vulneratos, nou niſi triginta reperire potuimus

mus ex nostris, & hoc utique nulli humanæ virtuti, sed potius diuinæ ascribendum est. Cum fideles S. Petri vix decem millia habuerint, aduersarij autem etiam viginti millia excessisse referantur. Itaq. nostri per misericordiam Dei victoriam potiti, in campo certaminis ea nocte castrametati sunt, & in crastinum ad obsidionem Urbis reuersi, absque sanguine eam ceperunt. Deinde Vvirceburgensi Episcopo cum magnis laudibus ciuium, clerico, rum, & laicorum, in sedem suam restituto, congruoq. militum præsidio ciuitati imposito, ipsi cum magna gloria, & lætitia singuli in sua redierunt. Factum est autem hoc prælium in sequenti die, post festum sancti Laurentij, videlicet in Anniuersaria die, quando & Heremannus Rex cum Sueuis Baioanos deuicit.

Ego quoque ipse, qui hæc Chronica ab anno MLIII. Dominicæ Incarnationis hucusque perduxì, de prædicto prælio, non tam aliorum relatu, quam quæ ipse vidi, & audiui, ad laudem & gloriam Dei fidelibus annunciare curauì.

Henricus Rex Germania, indebite Pastorem Romanū, vniuersalem Patrem vexans, primo quidem ab Ecclesia vniuersali eicitur, deinde à filio è Regno pellitur, & postremo infeliciter moritur. Cap. 421.

HENRICUS Rex post multa ubique commissa crimina, & Romanæ Sedis vexationem, tandem debitas sustinuit poenas, & primo quidem eiectus est ab Ecclesia, & diro anathemate percussus, & hoc actum est in Concilio Romano, in quo nouissimè omnium de promulgando in Henricum Regem anathemate, in quod ipse multiplici nomine Apostolicæ Sedis contumax, atque periurus, seipsum sæpius implicuisset, actum est. Toleratus ipse quidem iam triennio, cum promissionis suæ postquam à Gregorio VII. Pontifice est absolutus, præuaricator extiterit, atque toties iuratis per Legatos suos in Romanis Synodis pollicitationibus semper aduersa præstiterit, & in deteriora quotidie prolapsus fuerit. Tolerasset adhuc puto diutius, nisi tanta eiusdem Gregorij patientia ab Ecclesiæ fidelibus in deteriorem partem accepta, ipse in suspensionem vehementem iam esset adductus tacitæ conuentionis cum Henrico, non sine graui scandalo totius Ecclesiæ. Quamobrem inuitus licet, & nolens tractus est tamen, ut in hoc eodem Concilio excommunicationem in eundem Henricum Regem, his ipsis verbis scilicet promulgaret:

Beate Petre Princeps Apostolorum, & tu beate Paule Doctor gentium dignamini quæso aures vestras ad me inclinare, meq. clementer exaudire. Quia veritatis estis Discipuli, & amatores, adiuuate ut veritatē vobis dicā, omni remota falsitate, quam omnino detestamini, ut fratres mei melius mihi acquiescant, & sciant, & intelligant, quia ex vestra fiducia post Dominum, & matrem eius semper Virginem Mariam, prauis, & iniquis resisto, vestris autem fidelibus auxilium præsto. Vos enim scitis, quia non libenter ad sacrum ordinem accessi, & inuitus ultra montes cum Domino Gregorio Papa abij, sed magis inuitus cum Domino meo Papa Leone ad vestram specialem Ecclesiam redij, in qua, utcumque vobis deseruiui. Deinde

valde

*In act. Cœt.
Rom. quæ
habetur in
Epist. Greg.
VII. lib. 7.
Epist. 14.*

valdè inuitus cum multo dolore , gemitu , ac plantu in throno vestro valdè indignus sum collocatus . Nec ideo dico , quia non ego vos , sed vos elegistis me , & grauissimum pondus vestræ Ecclesiæ supra me posuistis . Et quia super montem excelsum me iussistis ascendere , & clamare , atquè annunciare populo Dei scelera eorum , & filijs Ecclesiæ peccata eorum ; membra diaboli contra me cæperunt insurgere , & vsquè ad sanguinem præsumperunt in me manus suas iniicere . Astiterunt enim Reges terræ , & & Principes seculares , & Ecclesiastici , aulici , & vulgares conuenerunt in vnum aduersus Dominum , & aduersus vos Christos eius dicentes : Dirumpamus vincula eorum , & proijciamus à nobis iugum ipsorum , & vt me omninò morte , vel exilio confunderent , multis modis conati sunt in me insurgere .

Inter quos specialiter Henricus , quem dicunt Regem , Henrici Imperatoris filium , contra vestram calcaneum erexit Ecclesiā , facta cum multis Episcopis Vltromontanis , & Italicis conspiratione , annitens me deiiciendo , eam sibi subiugare . Cuius superbix vestra restitit auctoritas , eamq. nostra destruxit potestas , qui confusus , & humiliatus ad me in Longobardiam veniens absolutionem ab excommunicatione quæsiuit . Quem ego videns humilratum , multis ab eo promissionibus acceptis de suæ vitæ emendatione , solam ei communionem reddidi , non tamen in regno à quo eum in Romana Synodo deposueram , instauravi , nec fidelitatem omnium , qui sibi iurauerant , vel erant iuraturi , à qua omnes absolui in eadem Synodo , vt sibi seruaretur , præcepi . Et hæc ideo detinui , vt inter eum , & Episcopos , vel Principes Vltromontanos , qui ei causa iussionis vestræ Ecclesiæ resisterant , iustitiam facerem , vel pacem componerem sicut ipse Henricus iuramento per duos Episcopos mihi promisit . Prædicti autem Episcopi , & Principes Vltromontani audientes illum non seruare mihi , quod promiserat , quasi desperati de eo , sine meo cōsilio vobis testibus elegerunt sibi Rodolphum Ducē in Regem . Qui Rex Rodolphus festinanter ad me missio nuntio , indicauit se coactum regni gubernacula suscipere , tamen sese paratum mihi omnibus modis obedire , Et vt hoc verius credatur , semper ex eo tempore eundem mihi misit sermonem , adijcens etiam , filio suo obside , & fidelis sui Ducis Bertholdi filio , quod promittebat , firmare . Interea Henricus caput me precari , vt illum contra prædictum Rodolphum adiuuarem , cui respondi me libenter facere , audita vtriusque partis ratione , vt scirem cui iustitia magis faueret . Ille verò putans suis viribus eum posse deuincere , meam contempsit responsionem . Postquā autem persensit , se non posse , sicut sperauit agere , duo Episcopi , Virdunensis videlicet , & Osemburger sis de consentaneis suis Romam venerunt , & in Synodo ex parte Henrici me , vt ei iustitiam facerem , rogauerunt , quod , & nuntij Rodulphi fieri laudauerunt . Tandem aspirante Deo , sicut credo , statui in eadem Synodo in partibus Vltromontanis fieri colloquium , vt illic , aut pax statueretur , aut cui amplius iustitia faueret , cognosceretur . Ego enim (sicut vos mihi testes estis Patres , & Domini) vique hodie nullam partem disposui adiuuare , nisi eam , cui plus iustitia faueret : & quia putabam , quod iniustior pars colloquium nollet fieri , vbi iustitia suum locum seruaret , excommunicavi , & anathemate alligavi omnes personas , siuè Regis , siuè Ducis , aut Episcopi ,

scopi, seu alicuius hominis, qui colloquium aliquo ingenio impediret, ut non fieret. Prædictus autem Henricus cum suis fautoribus non timens periculum inobedientiæ (quod est scelus Idolatriæ) colloquium impediendo excommunicationem incurrit, & seipsum anathematis vinculo alligavit; magnam multitudinem Christianorum morti tradi, & Ecclesias fecit dissipari, & totum penè Teuthonicorum Regnum desolationi dedit.

Quapropter confidens de iudicio, & misericordia Dei, eiusq. piissimæ matris semper Virginis Mariæ, fultus vestra auctoritate, sæpè nominatum Henricum, quem Regem dicunt, omnesq. fautores eius excommunicationi subijcio, & anathematis vinculis alligo, & iterum Regnum Teuthonicorum & Italiæ ex parte omnipotentis Dei, & vestra interdicens, ei omnem potestatem, & dignitatem illi Regiam tollo, & ut nullus Christianorum ei sicut Regi obediat interdico, omnesq. qui ei iurauerunt, vel iurabunt de regni dominatione, à iuramenti promissione absoluo. Ipse autem Henricus cum suis fautoribus in omni congressione belli nullas vires, nullamq. in vita sua victoriam obtineat. Ut autem Rodolphus Regnum Teuthonicorum regat, & defendat, quem Teuthonici elegerunt sibi in Regem, ad vestram fidelitatem ex parte vestra, dono, largior, & concedo, omnibus sibi fideliter adhærentibus absolutionem omnium peccatorum, vestramque benedictionem in hac vita, & in futura, vestra fretus fiducia, largior. Sicut enim Henricus, pro sua superbia, inobedientia, & falsitate à regni dignitate iuste abijcitur, ita Rodolpho pro sua humilitate, obedientia, & veritate, potestas, & dignitas regni conceditur.

Agite nunc quæso Patres, & Princeps sanctissimi, ut omnis mundus intelligat, & cognoscat, quia si potestis in cælo ligare, & absoluere, potestis in terris Imperia, Regna, Principatus, Ducatus, Marchias, Comitatus, & omnium hominum possessiones pro meritis tollere, & unicuiquæ concedere. Vos enim Patriarchatus, Primatus, Archiepiscopatus, Episcopatus frequenter tulistis pravis, & indignis, & religiosis viris dedistis. Si enim spiritualia iudicatis, quid de secularibus vos posse credendum est? Et si Angelos dominantes omnibus superbis Principibus iudicabitis, quid de illorum servis facere potestis? Addiscant nunc Reges, & omnes seculi Principes, quanti vos estis, quid potestis, & timeant paruipendere iussionem Ecclesiæ vestræ, & in prædicto Henrico tam citò iudiciū vestrum exercere, ut omnes sciant, quia non fortuito, sed vestra potestate cadet. Confundatur utinam ad poenitentiam, ut spiritus sit saluus in die Domini. Acta Romæ non. Martij Indictione tertia) Hucusque excommunicationis decretum, actaq. Synodi tunc Romæ habita.

At qui ista audit, atque res, quæ proxime contigerunt, longe Gregorij Papæ votis aduersa considerat, nempe Henrici Regis Victoriam gloriosam aduersus Rodolphum Regem, qui vulneratus interijt, fortasse scandalum, patietur, quo non pusilli tantum, sed etiam viri sanctissimi esse pulsati noscuntur, Ieremia ita Dominum compellente: Iustus quidem tu es Domine, si disputem tecum, verumtamen iusta loquar ad te. Quare via impiorum prosperatur, & bene est omnibus qui præuaricantur, & inique agunt? atque propheta David nutante atque dicente: Mei autem penè moti sunt pedes, penè effusi sunt gressus mei, quia zelavi super iniquos pacem peccatorū vidēs &c.

sed

Psal. 72.

sed eruditus, diuinoq. spiritu illustratus, vt præsencia futura prænoscens, sic eam quam ingerit, soluit mox quæstionem ista subiiciens: Verumtamen, propter dolos posuisti eis, deiecisti eos, dum alleuarentur. Quomodo facti sunt in desolationem? subito defecerunt, perierunt propter iniquitatē suam. Finis præterita iudicat, adeo vt suspendendum abs te sit de vnoquoque iudicium, antequam nouissima intuearis. Nam si tantum principia, vel progressus tantummodo spectes de impio, quàm lætū illud & gloriosum? Vidi impium exaltatum & eleuatum sicut Cedros Libani; sed quàm funestus cōsecutus est finis? audi: Transiui inquit, & ecce non erat; quæsiui eum, & non est inuentus locus eius.

Sap. 11.

1. Reg. 15.

At quem dignè iusteq. percelluit excommunicatio Henricum Regem, deum post victorias infelicitate consecutas (nihil enim infelicius felicitate peccantium) vltio diuina prostrauit. Qui enim patrem contempsit Gregorium Papam, à filijs suis ipse despectus atque regno pulsus, in exilio mori est coactus infelix, priuatusq. regno decessit, quem Apostolicæ Sedis sententia regni abrogatione multauit, vt impleri Deus omnino voluerit, quod Petri sublime tribunal immobile permanens in impium statuisset; & perspicuè apparuit, quem Petri successor pari potestate ligasset in terris ex præscripto diuinæ promissionis, Deum in cælis pariter alligasse. Sed fera esse consuevit executio diuinæ sententiæ: dissimulat Deus peccata hominum propter poenitentiam, sicut in Saul, qui simul ac deliquit, sententiam regni priuationis accepit, dicente per Samuelem Domino: Scidit Dominus regnum Israel à te hodie, & tradidit illud proximo tuo meliori te; sed executio fera. Non enim regnum Dauid accepit, nisi post obitum Saulis: sed & in Henrico tarditatem grauitate compensasse Deum apparet, dū filios in patrem statuit esse carnifices, acerbissimos suæ sententiæ executores: hoc namquē concipitur anno eius filius Henricus Quintus, qui patrem regno pulsum exulem mori coegit. Ita in Auctuario ad Lambertum.

Henrici excommunicatio, regni Diadematis ablatio, & bellum aduersus filium, in quo tandem victus, capitur, & ludibrys afficitur, & miseram agens vitam infelicitate moritur. Cap. 422.

Albar. Ab.
Staden. in
Chron.

A Nno Domini 1106. ab Vrbe condita DCCCLVII. ab origine autem Mundi, vt quidam dicunt: VI. M. L. V. III. Henricus huius nominis, Quintus. LXXXIII. ab Augusto, XI. patris sui anno regnare cæpit adhuc viuentē patre. Mediante igitur Henrico iuniore, tantus apud Moguntiam factus est in Natali Dominico totius regni Teuthonici conuentus, quantus per multa annorum curricula nusquam est visus. Referebant enim qui aderant, LII. optimates ibi tunc, vel eo amplius laicos affuisse, adeo vt solus Dux Saxonie Magnus, quem iam grauior ætas impediēbat, defuisset. Ibi autem superuenientes Apostolicæ Sedis Legati, Episcopus scilicet Albanus cum Constantiensi, sententiam anathematis in Henricum Seniore, dictum Imperatorem, à tot sibi succedentibus Apostolicis sæpius promulgatam, scriptis simul, & dictis testificantes, vniuersam multitudinem, immò totam toto orbe diffusam Ecclesiam, ab eius communione, Christi, & B.

& B. Petri auctoritate, multis iam annis sequestratam confirmabant, & eo usque sententia inualuit, ut Henrico diadema tollendum, & ad filium decernerent transferendum. Venerunt ergo Principes ad eum Hingelshheim, scilicet Moguntinus, Colonienfis, Vvormatiensis, & Imperialia ab ipso exegerunt. Quo requirente, quare? obiecerunt ei in conferendis Abbatij, & Episcopatibus simoniam. Quibus Imperator: dic Moguntine: dic Colonienfis per nomen æterni Dei, quid à vobis receperimus? At illi dixerunt, nihil. Et Imperator: Gloria in excelsis Deo, quia vel in hac parte inuenti sumus fideles. Certè hæc maximæ dignitates potuissent magnum quæstum nostræ Cameræ impendisse. Dominus Vvormatiensis nouit, & nos nouimus, utrum quæstu, vel gratia ipsum receperimus. Nolite temerare fidem vestrā: Ecce iam senio laboramus, sustinete modicum, & nolite in confusione vestram gloriam terminare. Generalem Curiam expeditus, si cedendum est, proprijs manibus coronam filio resignabimus. Illis renitentibus, habito parumper consilio, Imperialibus se vestiuit, hæc dicens: Hæc Imperialis honoris sunt insignia, hæc mihi præstitit æterni Regis pietas, & Principū concors electio. Potens est Dominus, nos in his conseruare, & manus vestras à cæpto opere cohibere, quāuis simus armis, & militia destituti. Securi enim de tali violentia, nobis non precauimus, sed terror Dei vos coerceat, quos pietas non reuocat. Quod si neutrum reueremini, ecce præsentem sumus, non possumus refragari. Hæsitant Pontifices; sed instinctu Moguntini accepto conamine, Regem adeunt, coronam de capite rapiunt, & de sede detractum eum omnibus Imperialibus exuunt. Imperator confusus sic ad eos loquitur: Deus ultionum Dominus videat, & vindicet, quam facitis iniquitatem. Ignominiam sublineo antea inauditam, sed delicta iuuentutis meæ luo à iusto Iudice: sed vos immunes non eritis, quia iusiurandum præuaricati estis. Non prosperet honor vester, sit portio vestra cum eo, qui tradidit Christum. Illi obturantes aures suas recedunt, filio imperialia deferunt. Et filius patrem expulit à Regno. Venit Imperator in Ducatum Limborch, inuenit in veneratione quendam Principem, quem eodem Ducatu priuaue- rat. Hic ut audiuit rem gestam, misertus est eius. Collegit ergo 800. loricatoros, & perduxit eum Coloniam. Colonienfes receperunt eum, statimq. filius obsedit Coloniam. Crescente autem obsidione, Cæsar noctu elapsus fugit Leodium, & quia ad eum plurimi conuenerunt, statuit dimicare. Quem cum filius persequeretur, statuit occursum eius ad aquas Masanas. Rogauit autem, ut si victor existeret, filio parceretur. Commissum est prælium, & pater præualens, fugauit filium trans Pontem, & multi occisi sunt gladio, & aquis plurimi suffocati. Denuo prælium instauratur, pater vincitur, & comprehenditur. Quanta vir ille magnificus pertulerit opprobria, indignum est relatu. Petiuit tandem ab Episcopo Spirense, qui amicissimus suus fuerat, ut præbendam in Spira sibi conferret, ubi ipse gloriosum Monasterium sanctæ Virginis construxerat. Sed Episcopo renuente, Cæsar suspirans cum lachrymis exclamauit: Misere mini mei, saltem vos amici mei, quia manus Domini me tetigit. Mortuus est autem Leodij, stetitq. in deserta capella inhumatus quinque annis. Tandem apud Spiram sepelitur.

Miserabile dictu est, tanti nominis, tantæ dignitatis, tantiq. animi virum sub professione Christiana mundum tanto tempore lucratum, nec ad instar

Q9

cuius-

Abbas Vra
sparg. in
Chron.

Exo. 15.

Iſa. 30.

cuiuslibet pauperis defuncti pium, vel compaffium luctum à quauis inter tot Christianos persona promeruisse, sed potius vniuersorum tam ibidem, quam vbiuis verè Christianorum corda simul, & ora infinito nimis tripudio sui oblitos, rumore repleſſe. Non alius concinnebat Israel Domino Pharaone demerſo, nec auguſtiori ipſi Octauiano, ſiue vlli vnquam Auguſtorum applaudebat Roma triumpho. Frænum quippe, quod erat in maxillis populorum, verſum eſt illis in canticum, ſicut vox ſanctificatæ ſolemnitatis. Igitur quia ceſſante tandem exactore, quieuit & tributum, mox omnes, qui quæſtus dumtaxat gratia eidem Principi eatenus adhærendo, ſuas animas venalitati propoſuerant, deditiōi Regis, ſimulq. & communioni Catholicæ ſubijciuntur. Leodiensis autem Episcopus, ceteriq. coepiscopantes inter cetera recipiuntur in communionem pœnitentiæ, hac conditione, quod cadauer ipſius excommunicati per ſe pridie in Monasterio tumulatum effoderent, & abſque vlla ſepultura, vel exequiarum communionē in loco non ſanctificato deponerent; comprobantibus his qui aderant Archiepiſcopis, & Episcopis, quia quibus viuus Eccleſia non communicat, illis etiam nec mortuis communicare poſſit. Quo factō, paulò poſt corpus ipſum Spirenſi Ciuitati eſt in Sarcophago lapideo Regis conſenſu delatum, ſicq. extra Eccleſiam ibidem per quinquennium manſit inhumatum.

Hic finis, hic interitus, hæc q. fors vltima Henrici, illo ſub vocabulo Quarti Romanorum Imperatoris à ſuis appellati: à Catholicis vero, ideſt cunctis, beato Petro ſuiſq. ſucceſſoribus fidem, & obedientiam lege Chriſtiana conſeruantibus, archipyrata, ſimul & hæreſiarcha, nec non & Apoſtata, perſecutorq. plus animarum, quàm corporum competenter dicebatur, ut pote qui nec naturalibus, nec conſuetudinarijs contentus ſcleribus, noua & à ſeculis inaudita, adeoq. nonnulla incredibilia excogitaſſe, & exercuiſſe, infamabatur, quæ ſi quis illorum arbitratu, qui tam perperam, quàm recte ab Imperatoribus geſta litteris digna iudicant, ſcribere velit, nos loco cedimus, maximè cum aliqua ex his obliuione potius, quàm memoria digna nō dubitemus. Pluribus autem teſtibus comprobare poterimus, quod nemo noſtris temporibus, natura, ingenio, fortitudine, & audacia, ſtatura etiam, totaq. elegancia corporis videretur ſciſcibus Imperialibus ipſo aptior, ſi tamen in conſpectu vitiorum homo non degeneraret, vel ſuccumberet interior. Et inferius: Deo autem gratias, qui licet tarde, tamen permagnificè victoriam conceſſit Eccleſiæ ſuæ, cui etiam eiſdem Nabuchodonosor quinquageſimū exactionis annum iſte Galilæus, qui Iulianum quondam vicerat, vertit in Iubilæum. Hanc à ſuo gentili eiſdem temporis ſcriptore (alioqui in Germaniæ Imperatores propenſiori, & in Romanos Pontifices parum æquo) Imperator omnium nequiſſimus dignam meruit Panegyrim.

Henricum ex inſperato eſſe morte repentina mulctatum, ſcribit Domnizo Poeta illius temporis, in Mathilde:

Mortem non ſperans, demum tamen ipſa cathena
Mortis eum ſtrinxit, rapuit de corpore triſti,
Auguſti quarto defungitur idus, in anno
C H R I S T I milleno centeno denique ſeno.

Contra

Contra Romanum Pontificem conspirantes, varijs, & terribilibus affliguntur pœnis. Cap. 423.

Cincius quidam Romanus Cuius, Gregorium Papam (Septimum scilicet) die Natiuitatis Domini Missarum solemniam celebrantem comprehendit; quem ita comprehensum, quidam ex militibus eiusdem Cincij occidere destinavit, sed cum gladium supra caput eius vibraret, nimio terrore correptus, corruit, nec incœptum iſtum explere potuit.

Bertol. Cz. stant. in ap. pend. ad Herm. An. 1076.

Cincius autem Papam in Turrim suam captum deduxit, quæ postea statim à Romanis penitus dilapidatur, & Papa prudenter eripitur, qui & suo captori vix à Romanis vitam impetrauit.

Rom. Pont. benignitas.

Godfridus Dux, filius Godfredi Ducis, particeps, imò auctor supradictæ conspirationis, turpiter à quodam coquo, per posteriora, cum ad necessarium sederet, vulneratus, ante medium noctis exspirauit.

Vvilhelmus Traiectensis Episcopus, multa in Apostolicum conuiciatus, subitanea morte, absque Ecclesiastica communione, post Pascha mulctatur. Cui Conradus subrogatur. Iam omnes penè Principes regni à communione Henrici se sequestrarunt.

Vvercellensis quoque Episcopus, depositi regis Cancellarius, cum omnibus suis sequacibus colloquium generale circa Kalendas Maij in Runcalibus condixit, ut si aliquo modo posset Gregorium Papam deponeret: sed ipse ad eundem terminum absque Ecclesiastica communione, vitam simul, & Episcopatum heu miserabiliter deposuit, quo ille Papâ nefaria præsumptione statuit deponere. Non multo post eius interitum, præfectus Romanæ Urbis, indefessus miles S. Petri contra Schismaticos à quodam fautore Henrici crudeliter occiditur. Ad eius corpus in paruo tempore plus, quàm viginti miracula contigerunt, ut fidelium virorum relatione didicimus.

Idem An. 1077.

Sigardus Aquileiensis Patriarcha in auxilium Henrico contra bannum Apostolici, armata manu veniens, in amentiam vertitur, apud Ratisponam, & ex ipso itinere repentina morte intercipitur. sicq. domum, non sine aliquibus suorum funeribus, in corpore & anima mortuus, reportabatur.

Reverso ergo Henrico Longobardiam, milites eius, quos in Castello prope sanctum Petrum dimisit, repentina mors pene omnes inuasit, inter quos & Valdricus Goscezhim absque Ecclesiastica communione, heu miser, interijt, auctor huius schismatis, & intercessor conspirationis. Ex quadringentis autem militibus, qui in illo Castello pro custodia dimissi sunt, vix triginta gladium S. Petri, ut aiunt, concessa vita, euaserunt, ipsum autem Castellum à Romanis penitus adæquatum est.

An. 1083.

Henricus Longobardiæ morabatur, ad quem Cincius ciuis Romanus, secum ducens captum venerabilem Cumanum Episcopum, nomine Reginaldum, Papiam venit, quippe remunerari volens ab Henrico, eo quod in seruitium hunc modò Episcopum, & in præterito anno Dominum Apostolicum captauerat. Sed ibi subitanea morte præuentus, debitam remunerationem accepit, quam tot sacrilegijs promereri non timuit. Hæc ex Bertoldo.

An. 1077.

Eadem de Cincio refert Baronius, ex manuscripto Codice Vaticano, his verbis: Hoc eodem anno in Longobardia, pessima morte defunctum esse.

Baron. An. 1077.

Qq 2 Cin.

Cincium illum, Romanum Ciuem, Romanæ Ecclesiæ perduellem, habent
Acta Gregorij Papæ, à Guillelmo Bibliothecario scripta.

*Fridericus Imperator Alexandrum Pontificem persequens,
Romam vexans, & Petri ecclesiam incendere nitens, super-
no iudicio, & miserabili exitio mulctatus est. Percussit enim
exercitum suum validum subita & irremediabili pestilentia,
ut ad nihilum penè redactus sit, & ipse probrose eiectus est
ex Italia, ludibrioq. habitus. Cap. 424.*

Baron. an.
1167.

Ex Codice
Vatic. de
Act. Alex.
III.

TEmpore Alexandri Papæ III. status Sanctæ Romanæ Ecclesiæ in extre-
mum discrimen adductus, diuina tandem miseratione, clade immensa,
percussis hostibus, speciosiori nitore resurgit. Quomodo autem ista miranda se
habuerint, ex Actis ipsius Alexandri Papæ patefiet. quæ hic reddentur ab eius
temporis auctore fideli satis, conscriptis, quæ Codex Vaticanus continet
verbatim. Populus ipse Romanus Mense Maio, ad defensionem sui Pasto-
ris aduersus Raimonem Dominum de Tusculano in omni virtute sua exiuit
communitè armatus, & procedens ad terram eius, non solum vineas & se-
getes cum arboribus hostiliter deuastauit, sed etiam muros Tusculanæ ciui-
tatis nihilominus destruere laborauit. Sed quoniam idem Raimo tantæ for-
titudini per se ipsum resistere non valebat, nec terram suam tutari, necesse
habuit, ut ad auxilium ab Imperatore petendum confugium faceret. Mi-
sit itaq. celeriter ad subuentionem, & præsidium eiusdem Raimonis fortium
bellatorum immensam multitudinem, ut & Tusculanum populum defende-
ret, & Romanorum violentiam coerceret. Postquam vero illa sæua Theu-
tonicorum barbaries, quæ armis semper consueuerat militare, ad Tuscula-
num peruenit, videns populum Romanum esse multum ad præparandum
bellum ordinatum, animum & audaciam sumpsit, ut cum eo absque mora
in campo haberet confectum. Appropinquantibus post horam nonam, re-
pente clamor utrinque vehemens ad sydera tollitur, & strictis mucronibus
nimis atrociter in hostes irruunt. Sed primo congressu populus Romanus
irreparabiliter corruit, & per campestria & conuallium deuia ita impie con-
tritus & dilapsus est, ut de tanto agmine vix tertia pars euaserit. Ea igitur
nocte in Vrbe factus est dolor subitaneus, & ululatus magni, audita calami-
tate, insatiabilis luctus ex irreparabili iactura virorum & rerum: quippe
quod ab eo tempore, quo Annibal Romanos apud Cannas deuicit, tantam
Romanorum stragem nullus recolit contigisse.

Sed quamuis in tam graui mœstitia & communi dolore Pontifex à fletu,
& lachrymis se non potuit cohibere, videns tantam Ciuitatem præsidio ar-
morum desolatam, utilius consilium celeriter habuit, ut vigilanter de cu-
stodia Urbis & debiliū reparatione murorum, atque de auxilio intrinse-
cus conferendo sollicitus esset. Hostes vero pro adepta victoria nimium
exultantes, non fuerunt contenti victoria ipsa, sed adiunctis sibi Tiburtinis,
& Albanensibus, Campanis, & ceteris circumpositis, illico festinarunt
ad Urbem, & destruentes vniuersas munitiones, & omnes segetes vsque
ad fluuium Tiberim, circumdederunt vsque ad portas vniuersam Urbem.
Impe-

Imperator tandem, ubi occisionem cognouit Romanorum, reliquit Anconam, & veniens ad exercitum suum, castrametatus est in Montemalo, decimo quarto Kalendas Augusti. Altera vero die videns congregatam sui exercitus innumerabilem multitudinem, descendit in fortitudine graui, usque ad portas Castelli sancti Angeli, ibique atrocissimum dedit assultum, & fecit maximum impetum: sed quia summi Pontificis familia, in faciem sibi per orationem beati Petri fortiter, atque viriliter restitit, nihil ea die nisi detrimentum suorum & confusionem reportauit. Vnde maiori furore commotus ecclesiam Apostolorum, quæ à fidelibus Ecclesiæ tenebatur in custodia, cum balistis & sagittarijs violenter aggressus est. Sed cum eam expugnare non posset, postposita reuerentia Dei, & eiusdem Regni cælorum clauigeri, tamquam sacrilegus, & profanus ignem fecit apponi. Custodes vero Ecclesiæ formidantes, ne tota fabrica incendio solueretur, post combustam sanctæ Mariæ in Turri Ecclesiam cum æreis portis, & vicinis porticibus, beati Petri Basilicam in manu, & potestate sruientis Principis tradiderunt.

Hæc igitur & alia imminencia mala cum beatus Pontifex consideratione sollicita peruideret, post illud excidium populi, quod exigentibus peccatis acciderat, dimisso Lateranensi palatio, cum fratribus suis, & eorum familijs ad tutas domos Frangipanum descendit, & apud sanctam Mariam nouam, & Castellariam, & Colossæum se cum eis in tutum recepit, ibique pro incumbenti malitia Imperatoris quotidianus Episcoporum, & Cardinalium fiebat conuentus, tractabantur causæ, responsa dabantur.

In diebus illis, prædictus Rex Siciliæ Vuillelmus iunior audiens, quomodo sruus ille Imperator persecutor Romam teneret obsessam, timens ne in personam domini sui Papæ Alexandri aliquid grauioris periculi posset accidere, misit ad eum duas veloces Galeas cum pecunia, præcipientes earum Comitibus, ut ad Pontificem niterentur accedere, & assignata ei pecunia, personam ipsius, ac fratrum suorum in Galeas reciperent, & de potestate ipsius Federici, & omnium expectatione schismaticorum eriperent. Contigit itaque, ut ex insperato Galeæ per Tiberis alueum ascenderent, & ad sancti Pauli ecclesiam applicarent. Missa itaque insinuatione ad aures summi Pontificis, ductore viro egregio Frangipane, Comites galearum cum pecunia, quam ferebant, ad vestigia Præfulis accesserunt. Tunc venerabilis Pontifex super his gratias omnipotenti Deo referens, pecuniam ipsam de Regis benignitate suscepit, & Nuntios tam deuotissimi Principis secum per octo dies affectu paterno detinuit. Habito autem in causa Ecclesiæ & Ciuitatum consilio, Galeas ipsas ad eundem Regem beatissimi Petri deuotissimum, & specialem filium cum gratiarum actione remisit, præmittens cum eis duos ex fratribus, Marcellum S. Georgij, & Petrum S. Mariæ in Aquilæ Diaconos Cardinales ad partes sancti Germani. Ipsa vero die de suscepta pecunia partem dedit fidelibus Frangipanum, & filijs Petri Leonis, ut strictius obligati ad inuicem sese fortius adiuuarent, & ad defendendam Ciuitatem, populum manu tenerent, & robustius animarent. Pro custodia vero Urbis partem eiusdem pecuniæ ad singulas portas benignissime distribuit.

Cum autem Ciues Romani aduersus Fridericum fortiores solito starent, & ei quotidie grauiora damna inferrent, videns ipse Fridericus, quod aduersus eos virtute armorum præualere non posset, tanquam vulpes callida

conuertit se ad consueta perspicacioris astutiæ argumenta. Misit itaq. ad Episcopos, & Cardinales, qui ad eum ex prouisione Alexandri Papæ iuerant, per Conradum Archiepiscopum Moguntinum pacis verba in hunc modum: Si vos apud Alexandrum agêtes effeceritis, quod salua eius omni ordinatione, cesset à Papatu, ego pariter cessare faciam Guidonem, & tunc simul conuenient omnes Ecclesiasticæ personæ, quæ tertiam personam in summum Pontificem eligant. Ego autem reddam Ecclesiæ firmam pacem, nec ulterius de causa electionis Romani Pontificis me vllatenus intromittam: populoq. Romæ propter hoc promittebat, omnes suos captiuos se reddere, & si quid residui ex eorum spolijs appareret. Quod verbum ita afflicto populo fauorabile visum fuit, vt omnes id esse faciendum, vnanimiter collaudarent. Dicebant enim, quod pro redimendis ciuibus suis Dominus Papa maiora, deberet facere, quàm Papatum relinquere.

Luc. 6.

Episcopi autem, & Cardinales deliberato animo, & consilio, vna voce ipsi Friderico responderunt, dicentes: Non est nostrum iudicare summum Pontificem, quem in suo Deus iudicio reseruauit, quoniam (vt testatur scriptura) non est discipulus super magistrum. Cum igitur populus adhuc vehementer instaret Pontifici, vt eiusmodi petitio manciparetur effectui, Pontifex vtiliora prospiciendo, secretum cum fratribus faciens verbum, ab oculis eorum euauit, & propitiante Domino, die tertia visus est prandere cum socijs, ad radicem montis Circei ad fontem, qui tunc Papalis est appellatus. Procedens vero ultra fluuium Regulæ, vndique ad eum tam laicorum, quàm clericorum præsentia concurrente, per Tarracinam, & Caietam transiens, ad patrimonium tandem Beneuentanorum cum Episcoporum multitudine peruenit, Domino fauente: Fratres vero, qui in Vrbe erant, secuti sunt eius vestigia, & suo Capiti tanquam membra suo corpori adhæserunt.

Romuald.
Salernitan.
Archiep. de
fuga Alex.

Romualdus autem Salernitanus Archiepiscopus, huius temporis scriptor, hæc habet de fuga Alexandri Papæ. Quo cognito Alexander Papa, qui tunc in Turri Chartularia morabatur, in habitu peregrini cum paucis Urbis exiit, & Caietam vsque peruenit, & ibi assumpto Pontificali habitu, Beneuentum veniens, à Ciuibus eiusdem Ciuitatis honorificè est susceptus. Quod autem ad Chartulariam Turrim spectat, erat illa familiæ Frangipanum, qui in Rituali Centij Camerarij dicti inueniuntur Frangipanes de Chartularia, cuius vestigia visuntur vsque hodie iuxta Arcum Titi ad radices Palatini, quæ alio nomine dicta est, Septem Lucernarum.

Fridericus autem, vbi cognouit Alexandrum Papam Vrbe exisse, & eius insidias euasisse, contristatus est nimis, timens ne totum orbem contra se commoueret, & ad sui iacturam maiores seculi Principes conuocaret: sed quoniam in omnibus actibus suis omnipotentis Dei, & beati Petri mansuetudinem & patientiam, sicut homo, qui non posuit Deum adiutorem suum, sed sperauit in multitudine diuitiarum suarum, non cognouit, iratus est Dominus in eum cum beato Petro, cuius ecclesiam incendere, Dei timore postposito non abhorruit: immisit in eum tantam subitanæ mortis pestilentiam, & in eius exercitum, vt infra septem dierum spatium ferè maiores ipsius Principes, qui secum Ecclesiæ aduersabantur, subitanea morte corrue-
rent, & miserabiliter morerentur. De quorum numero paucos famosiores duximus nominandos, Fridericum Bavarix Ducem. N. Comitem de Vua-
stono,

Rono, Bertchardum Comitem de Arlemonte, N. Comitem de Sexia, Rainaldum Ecclesiæ Colonienfis intrusum Archiepiscopum, & L. fratrem eius Comitem, Episcopum Verdunensem, pertinacem schismaticum. Reliqui quoque Barones & milites, ac cetera pugnantium maxima multitudo, cum languerent, & nullum sanitatis possent remedium inuenire, spiritum miserabiliter exhalabant, quorum cadauera vsquequaque inhumata iacebant. Quid plura? Tantis subitanæ mortis timor vniuersos inuaserat, vt beatum se crederet, qui quomodocumque ex castris posset exire, & ad propria confugium facere.

Tunc idem Fridericus diuina se manu percussus intelligens, cum Romanis vtrumque composuit, & octauo Idus Augusti, non sine magna confusione recessit. Mortalitatis tamen pestilentia ipsum sequebatur, & quo vltius procedere conabatur, eo maiorem mortuorum stragem cum mæstitia relinquere cogebatur. Arma vero, & reliquis Theutonicorum pretiosus apparatus perierat simul cum earum rerum domino, & omnis gloria eorum, iam fuit ad nihilum, diuino iudicio, redacta. Dum autem idem Fridericus cū luctu morientium, & infirmorum gemitibus peruenisset Lucam in Tuscia Ciuitatem, & vellet per stratum publicam, & montem Bardonis transire, prohibitus est à Lombardis, ne ipsorum terram ingredi attentaret. Ideoq. à Marchione Malaspina securo impetrato ducatu, apud Pontem Tremulum diuertit à publica strata, & per montium aspera iter dirigens, non sine multarum rerum suarum direptione, tanquam profugus transiit iuxta Terdonam, & tandem cum paucis venit Papiam. Sed quod valde erat mirabile in oculis omnium, neque recordatio tantorum malorum, quæ ab infantia sua crudeliter exercuerat, neque recentia flagella sibi à Deo, & B. Petro illata, duritiam & feritatem cordis illius emolliuerant, nec ad bonum faciendum conuerterant, quippe quod ipsius natura ad malum ab adolescentia sua prona, semper in idipsum procliuior est inuicta, vnde tres Ciuitates Lombardiæ, quæ iamdudum ipsius atrocitatem, & sæuitiam expertæ fuerant, videntes propositum, & voluntatem eius feruentius ex crescere contra se, communi deliberatione firmarunt, vt de tota Lombardia eum deberent expellere, qui totam Italiam in probrosam seruitutem nitebatur inducere; ideo congregata fortium virosum militia, eundem Fridericum de Papia exeuntem aggressi sunt, & tanquam violatorem & destructorem Legum, & Constitutionum Orthodoxorum Imperatorum, necnon à Romana Ecclesia excommunicatum persequi non destiterunt, donec de cunctis Lombardiæ finibus violenter eijcerent, & transalpinare compellerent. Hactenus acta Alexandri Papæ, haud dubium ab Orthodoxo, & Catholicæ communionis viro conscripta.

At quæ à schismatico homine, Fridericum Imperatorem sequente, qui ijs aderat præfens, sunt scriptis mandata, his inferenda putamus. Auctor est Otto Morena Laudensis, qui res gestas Friderici temporis huius scripsit, & plura habet ab alijs prætermissa, sic exordiens aduentum Friderici in Urbem ab Antipapa Paschali, qui eum legationibus accersuit, ait enim: Interea Dominus Guido Cremenfis, qui Viterbij morans, ab imperatore, & à multis Archiepiscopis, Abbatibus, Prioribus, alijsq. quàm pluribus mundi hominibus tunc pro Papa habebatur, Imperatoris aduentum diu expectans, &

affectu nimio desiderans, ad eum, quàmuis saepe alias misisset, nouissimè suos Legatos complures destinavit, mandans, ut quàm citius posset, absque dilatione Romam venire festinaret, hostes debellaret, & Rolandum Cancellarium, qui tunc pro Papa Romæ, & in quibusdam alijs partibus, multis tenebatur, qui & tunc Romæ morabatur, de Roma expelleret, & ipsum Romæ in possessione Papatus poneret, & manu teneret. Imperator vero voluntati & consilio, dicti Domini Guidonis, qui dicebatur Papa Paschalis, annuens, Romamq. cum magno gaudio veniens, anno 1167. die Lunæ, nono Kalend. Augusti, Indictione 15. in monte prope Romam, cum suo exercitu castrametatus est. Deinde cum omnibus suis equitibus, sicut armati venerant, ad portam Romæ, quæ dicitur porta Viridaria, quæ est ex parte sancti Petri versus montem Gaudij, veniens, ibiquè, maximum prælium committens, tandem eos superavit, & deuicit, atque fugauit, totumq. locum, qui Cortina S. Petri dicitur, & etiam porticum S. Petri cepit, & domos omnes expoliauit, atque combussit, pluribusq. etiam hominibus interfectis multos cepit.

Romani igitur intra Ciuitatem ex illa parte Tiberis se recipientes, & multum pauidi stantes, in hanc Tiberis partem venire non sunt ausi. Illis autem, qui ex parte iam dicti Papæ Alexandri erant, & ecclesiam S. Petri ab ipsius Papæ Alexandri parte tunc tenebant, & ipsam ecclesiam bene muniuerant, se defendentibus viriliter, Imperator eam infestare nullo modo tunc potuit, sed per totam hebdomadam ipsam eos quotidie inuadens, & prælio infestans, eos vincere nitabatur. Theutonici vero cum se eos per fortiam capere non posse prospicerent. proximo die Sabbati infra ecclesiam sanctæ Mariæ Virginis, quæ dicebatur de Laborario, & quæ sita est super scalam S. Petri, ante atrium ipsius ecclesiæ, supponentes ignem totam ipsam ecclesiâ combusserunt, ex qua, cum arderet, prosiliit ignis in ecclesiam S. Petri. Ipsa vero ecclesia beatissimæ Virginis Mariæ tota est combusta, & penitus dissipata. Tunc etiam liquefacta est, & combusta quædam mirabilis imago facta in muro ipsius ecclesiæ versus ecclesiam S. Petri, ex auro purissimo, atque splendidissimo decorata, cui similis in Italia nunquam fuerat visa, & alia, quæ facta erat ad imaginem Domini nostri Iesu Christi, ante quam stabat quædam alia pulcherrima imago facta ad imaginem S. Petri, quæ similiter liquefacta est penitus & combusta: quod videntes illi, qui super ecclesiam S. Petri erant, nec vllum succursum à Romanis posse habere cernentes, maximo timore perterriti, statim Imperatori se, & Ecclesiam reddiderunt, iurantes etiam fidelitatem sibi, sicq. Imperator abire permisit.

Sequenti igitur proximo die Dominico prædictus Papa Paschalis, cum suis Cardinalibus in ipsa ecclesia S. Petri Missam honorificè, & cum magno gaudio celebrauit, ipsaq. die in capite Imperatoris circulum aureum tantummodo imposuit: sequenti vero die Martis in quo fuit festum S. Petri ad vincula, prædictus Dominus Papa Paschalis dominum Fridericum Imperatorem, & serenissimam Augustam Beatricem coniugem suam ex coronis auro purissimis, & multis pretiosissimis gemmis decoratis coronauit in ipsa ecclesia S. Petri. Romani itaq. hoc cernentes, & cum Imperatore pugnare se minime posse cernentes, nec etiam flumen Tiberis transire audentes, foedus cum Imperatore magis, quàm bellum facere decreuerunt. Ambasciatores
igitur

igitur ad Imperatorem dirigunt, foedusq. cum eo faciunt. Papamq. Paschalem in perpetuum se pro Papa habere, & firmiter tenere cum iureiurando promittunt, ac omnes præter Frangipanes, & quàmplures alios Romæ nobiles, qui maximas turres, & domos, & fortitudines habebant in Vrbe Roma, nec leuiter capi tam cito poterant, fidelitatem Imperatori facere dispo-
 fuere. Hoc itaq. sic peracto, Imperator suos Nuncios ad fidelitates Romanorum recipiendas, Romam ultra Tiberim direxit, inter quos fuit Acerbus Morena Laudensis Cuius & Imperialis Curiae Iudex, qui iussu Imperatoris Romam ultra Tiberim pergens, per plures dies, innumerabiles fidelitates Imperatori factas suscepit. At planè accidit secundum psalmographum: Vidi *Psal. 36.* impium superexaltatum, & eleuatum sicut cedros Libani, & transiui, & ecce non erat.

Interea dum hæc Romæ agerentur, quædam maxima, ac mortalis pestilentia super Imperatorem, eiusq. exercitum totum, diuinitus accidit. Sequenti namquæ die mercurij proxima, cum maxima cæli serenitas esset, statim quasi in ictu oculi mirabiliter pluerè cepit; deinde post aquam serenitas magna, & clara nimis facta est, statimq. infirmitas super Imperatoris exercitum talis excreuit, quod equites, & pedites, atquæ scutiferi ita corruerant, & moriebantur, quod vix per totum diem sepeliri poterant. Qui autem die mane sani per viam ambulabant, statim per viam eundo, aut parum iacendo moriebantur. Ob quam rem Episcopi, Archiepiscopi, Comites, Marchiones, & Duces, alijsq. multi nobiles, & ignobiles, qui in ipso erant exercitu, corruerant. Obijt namq. Fridericus de Rotemburgo, Regis quondam Conradi filius, & Imperatoris germanus consobrinus, de quo immensus dolor ferè per totam Italiam inoluit, quoniam ipse homo erat magnæ virtutis. Decessit autem Dux Guelphus, Ducis Vvillelmi filius, & Rainaldus Archicancellarius, & Colonia electus Archiepiscopus, homo magni ingenij, & cuius scientia, & probitate Imperium multum fuerat sublimatum. Episcopus etiam de Leze vita priuatus est. Tunc etiam mortuus supradictus Acerbus Morena, alius ab auctore, qui Cronicon absoluit.

Imperator autem videns gentem suam strage corrui, relictis multis infirmis, Romam deseruit, & versus Tusciam ire cepit. Deinde iam dicto Papa Paschali Viterbij cum obsidibus Romæ, quos habebat, relictis, quàm citius potuit, Lombardiam intrauit. Sed tamen antequam Lombardiam attingeret, plures duobus millibus ex his, qui secum fuerant, in ipso itinere per gladium solummodo Dei, periire. Hi autem, qui tunc mortem vincere potuerunt, omnes infirmati vsque ad necem, tandem tonso capite, vix euadere potuerunt, tamen qui euaserant, per totam hyemem, omni colore perduto, passi sunt. Ad locum autem, qui dicitur Pontremulus, cum appropinquasset, Pontremulenses eum nequaquam per locum suum transire permiserunt. Sciens vero Imperator se per fortiam, ipsis nolentibus, inde transire non posse cum suis, qui pauci, & infirmi erant, cum ex hac parte castris, quod Malinium vocatur, iam transisset, versus marinam partem tendens, per terram Marchionis Malaspinæ Obizonis, ipso Marchione eum ducente, iter arripuit, & die Martis 11. mensis Septembris inde iter arripuit &c. quæ sequuntur, spectant ad sequentem annum. Hic exitus rerum gestarum Friderici anni huius, & planè tragici casus perfidi Imperatoris semper

*Cod. Vat.
lib. 1. epist.
139.*

per in deterius prolabentis, cum contra Romanam Ecclesiam se erigere laborauit. Quæ considerans nobilis huius temporis scriptor Ioannes Saresberienfis, cuius extat Policraticus, dignum eius ingenij monumentum, ita de eodem Imperatore philosophatur in epistola hoc anno scripta ad Oxoniensem Episcopum.

Ad momentum turbinis aduersus Ecclesiam malitia debacchatur, & aduersus Dominum videntur præualere impij, quibus in breui Christus, quem persequuntur, sic respondebit ad merita, vt præponderare videatur libra vindictæ: & quos potenter puniet, non tam examinare lance æquitatis, quam mole magnitudinis prægrauare; non quidem, quod iniuriam inferat, sed quia sine mensura, & modo peccantibus, immensam, & immoderatam ingeret poenam. Nec opinetur quisquam, me in longa tempora prophetare, licet oraculi diuini sicut auctoritas, sic & fides perpetuentur, cum planum sit, iam aliquatenus inchoatum esse iudicium, immò executioni mandari sententiam. Nonnè Teuthonicus tyrannus nominis sui fama nuper orbem perculerat, & fere subegerat regna vicina, & etiam Imperium Græcorum terrore concusserat, vt magis deditionem, quàm confederationem legationibus missis videretur offerre? Sed ecce Deo auctore, timeatur minus, & qui tam vicinos, quàm remotissimos solo nutu terrebat, Principes suos ab iniurijs cohibere non potest. Qui solo verbo pacem gentibus ad arbitrium indicebat & bella, nunc à suis, & inter suos petitis, & acceptis treguis gratulatur. Nàm sicut ipsemet conqueritur, ex quo Laronam venit, vt Regem Francorum, & Gallicanam Ecclesiam separaret à fide, & in suam hæresim peruerteret, vt adorarent Idolum suum, successus eius relapsi sunt, & quæ eum extulerat, in depressionem ipsius cæpit fortuna fluctuare. Spes autem fidelium est, quod ad honorem Dei in breui amplius deprimeretur, donec eum omninò Christus, cuius sponsam persequitur, conerit sub pedibus suis. Hæc Ioannes, qui rursus sequenti epistola ad Nicolaum Rothomagensem hæc habet.

*Ibid. epist.
140.*

*S. Tho. Cæ.
tuar. lib. 2.
ep. 22.*

Multos exemplo suo Fridericus exaugustus potest instruere, qui de fastigio Romani Imperij ob Ecclesiæ persecutionem, in paupertatem, & ignominiam miser, sed nulli miserabilis, corruit, ad gloriam eius, qui solus pro arbitrio regna, & imperia transfert; erigit, quas vult, & deiicit potestates. Ille suos punire noluit, qui eum deprauauerant consilio, sed in eos digitus Dei gloriosam exercuit ultionem, hæc ipse. Porro sanctus Thomas Cantuariensis ista audiens de felici successu rerum Alexandri Papæ, & calamitate, quam incurrerat Ecclesiæ persecutor Fridericus Imperator, congratulatus eidem Pontifici has litteras dedit. Amantissimo Domino, & Patri sanctissimo Alexandro Dei gratia summo Pontifici, Thomas Cantuariensis Ecclesiæ minister humilis, miser, & miserabilis exul, salutem, & contra sæuitiam Principum semper animi constantiam.

Solliciti de statu, & de prosperitate vestra optaueramus iam pridem certum salutis nuntium audisse de vobis, & de confratribus vestris, quid etiam egerit vobiscum, & cum Ecclesia sua, Dei magnificentia; insonuit enim auribus nostris, & toti Galliæ verbum, quod nouiter factum dicitur à Domino; Videlicet illum Fridericum schismaticum ignominiose humiliatum, factum sine honore coram populo, & gente. Verùm quoniam rumoribus credi

credi oportere, & non oportere, fas est: Paternitatem vestram affectuosè sollicitamus, vt recurrente cum litteris nuntio, per vos certissimè audiamus & congaudeamus, si fecerit vobiscum Deus, quod facere consuevit sperantibus in se, non ponentibus carnem brachium suum, non habentibus fiduciam in Principibus in quibus non est salus. Si egerit vobiscum, sicut egit cum Ezechia de Sennacherib, retorquens poenam in ipsum, qua moliebatur demoliri ipsum Ezechiam cum vniuersa gente sua. Si sic se rei habet euentus, sicut fama diulgauit, benedictus Deus, qui nouit facere misericordiam cum seruis suis. Ecce quanta Dei potentia, quàm magna ipsius misericordia! Nisi enim ipse custodierit ciuitatem, frustra vigilat, qui custodiunt eam. Non est à seculo audita virtus Dei manifestior. Si rectè pensetur, quid euenerit. Iustitia ipsius iustior, quæ contriuit ipsos fabricatores istius malitiæ, tantæ persecutionis auctores; consumpsit etiam eos morte famosissima, ipsum vti iam ex principem viuente dedit in opprobrium omni populo, in derisum omni transeunti, vt ab omnibus digito monstretur, & fiat de ipso quasi celebre prouerbium, more vulgi dicentis: Ecce homo, qui non posuit Deum adiutorem suum, sed confusus in potentia sua, defecit in ipsa vanitate sua, cui satius fuisset, & gloriosius, apud homines moriendo succubuisse, impugnando suos aduersarios, quàm viuendo fieri despectui cunctis, & in derisum. Hæc est Dei virtus, & fortitudo brachij ipsius. Quis ergo audeat de cetero, habens Christi vices in terra, obsequi voluntati Principum in confusionem Ecclesiæ, non puniendo delinquentes? Audeat, qui voluerit, non ego, ne transferatur in me poena delinquentis, ne iudicer culpabilis ex dissimulatione vindictæ, ne transeam in culpam, qui culpam non admisi. Hactenus S. Thomas, transferens in causam suam tantam Dei ob Ecclesiam persequentium culpam, immisissam in Imperatorem vindictam.

Quod autem, nec sic depressus ab insania sua destitit nouus Pharaos, Ioannes Sarasberiensis in epistola ad Magistrum Richardum his verbis significat. Imperator enim, quasi torris raptus de incendio, confusus ab vrbe recessit, & licet foetor cadauerum à castris in nares eius ascenderit, Domino manum extendente suam super eum, nondum tamen voluit agnoscere, & confiteri Creatorem suum. Erigatur itaque spiritus vester, quia Christus vincit, regnat, & imperat, & recordatus pauperum suorum, potentes impios potentius torquet. Hæc ibi Ioannes Saresberiensis, qui de iisdem hæc ad Albertum Cardinalem. Nonnè (inquit) Dominus Papa (cuius vitam ad pauperum consolationem optimam, & diurnam faciat Deus) zelo iustitiæ, quem semper habuit, meruisse credendum est, vt hostis fidei Fridericus contritus sit à facie eius, & ira Dei castra eius exterminaret, qui iam videbatur de Vrbe, & Orbe, & vniuersali Ecclesia triumphasse? in quo tamen magis (vt indubitanter credo) adiuti estis precibus pauperum Christi, quam vestrorum consilijs, aut viribus Romanorum. Audenter quoque dixerim, quod vos suo miraculo citra humanum consilium de faucibus leonum eripuit, vt de cetero semper tantam habeatis in Deo fundatore Ecclesiæ, & custode, & eodem vestro liberatore fiduciam, quod nec aduersariorum minis, nec blandientium fraudibus recedatis à via recta, aut contra legem credatis de lege disperendum. Nam qui Fredericum deiecit coram vobis,

4. Reg. 19.

Psal. 51.

Cod. Vat.
lib. 1. epist.
158.Lib. 2. epist.
47.

pro-

profecto & alios tyrannos , si institeritis mandatis eius , subiiciet vobis , aut omninò deiiciet . Ita Ioannes , qui in eodem perstans argumento , ad Regem Angliæ diuertens ab Imperatore , ostendit eadem Dei vindicta percussum ipsum fuisse , vbi aggressus est persequi sanctum Thomam Cantuariensem : ait enim :

*Idem li. 1.
epist. 139.*

Nonnè , & apud vos iudicium exercetur aduersus tortores Ecclesiæ ? Intuemini , quantus erat Rex Angliæ , cum paruulus videretur in oculis suis , & ad Ecclesiam Dei , vel speciem fidei , & reuerentiæ prætendebat : planè videbitis , eum in nullo frustratum conatu . Sagitta eius retrosum non abiit , Clypeus non declinavit in bello , hasta eius non est auersa , super prædam accumbebat , vt Leo , vt nullus eum excitare præsumeret . Vel visu terrebant hostes . Vicini se inclinabant obsequijs , remoti Principes amicitias expectabant , colebatur à suis , honorabatur ab extraneis , prædicabatur à cunctis . A bonis diligebatur , sed maxime à Clero , qui eum colebat super vires , pro viribus venerabatur , & vnanimi proposito diligebat super amorem mulierum . Quid multa ? rerum expetibilium omnium abundantia , &c. Sed quo sine hæc vniuersa Dei dona conclusit , si tamen sine poenitentia , & satisfactione subsistit in finibus istis ? Vt singulas Ecclesias , quas antea per ignorantiam , vt putabatur , aut sui iuris prætextu læserat , taceamus : Tolosam bello aggressurus , omnibus , contra antiquum morem & debitam libertatem indixit ecclesijs , vt pro arbitrio eius , & satraparum suorum conferrent incensum . Nec permisit , vt Ecclesiæ saltem precibus corquarentur in hac contributione , vel magis exactiōe tam indebita , quàm iniusta . Nam ecclesiæ in deteriori calculo vertebantur , vtpotè , quæ rebus suis , aut honore videbantur indignæ . Sed quem successum attulit hic pecuniarum immensitas tantis exactiōibus , & iniurijs acquisita ? nonne proiecta est in sacculum pertusum , vt hosti suscipienti proficeret , & effudenti non modo esset inutilis , sed damnosa ? Nunquid non ab ea die fortuna eius retrorsum secessit , & successum vbertas emarcuit ? atque demum post recensita demerita : Circumferat (inquit) quis oculos mentis , & intueatur , quos , & quales aduersarios ei Dominus suscitauerit , ex quo aduersus Deum in depreffione Ecclesiæ erexit calcaneum suum , & planè mirabitur : & si prudens est , venerabitur iudicium Dei , qui non Imperatores , non Reges , non Principes nationum , vt ipsum domarent , elegit , sed extremos hominum Brittones , niuicolinos primo , & postea illos ad contradictionem , & solemne certamen animauit , qui vestigia pedum eius consueuerant adorare , & hoc quidem , vt non gloriatur omnis caro , sed nomen Domini sit benedictum in secula . Sic sic , ad puniendam ingratitude Salomonis recedentis à Domino , non tam principes erexit , quàm latrunculos , & seruos abiectos &c. Ita de his Ioannes Saresberienfis prudenter est philosophatus .

Tandem hic Fridericus peragrans partes inferioris Armeniæ , in Saleph flumine , dum lauaret se , siue transiret illum , rapido cursu eius vndarum absorptus interiit . Quoniam modo ista adeo tristia se habuerint , cum alij dicant , in ipso fluminis transitu periisse , alij vero , cum se aquis ablueret , natando arreptum vndis esse demersum , nos totius ab eo , qui interfuit , rempetemus , qui licet incertus habeatur auctor , certum tamen est , quod is fuit vnus ex illis , qui in ea erant expeditione , & casui interfuit . Scripsitq. breui

breui compendio quæcumquẽ toto illo itinere contigerunt, vnaque cuncta perstrinxit epistola, in qua post alia multa hæc habet:

Indè mouentes castra proximo sabbato, directæ via versus Iaradinum iuimus, vbi Kal. Iunij hospitati sumus. Et intempestæ noctis silentio tantus factus est terræmotus, quod putabamus super nos Turcarum acies irruisse. Quod credimus fuisse præsagium mutationis circa Dominum Imperatorem, nam cum inde procederemus, iuimus Saleph, vbi tantam asperitatem, & difficultatem viæ in transitu montium inuenimus, quod summa iactura rerum peruenimus Saleph in Dominica die, quæ fuit vigilia Barnabæ Apostoli.] nempe quarto Idus Iunij. Porro barbaræ voces obscura reddunt loca, in quibus ista sunt perpetrata. Nam si constaret, quinam fuit locus dictus Iaradinus, Saleph quoquẽ fluuius sciretur, quis fuerit. Pergit auctor.

*Extat in
append. ad
Radenic.*

Eodem die cum Dominus Imperator per quoddam compendium transiret in conuallibus montium quandam rapidissimam aquam, saluumq. eum recepit in aliam partem. Facto autem ibi prandio, post infinitos, & intolerabiles labores, quos per mensem iam erat passus, & vellet balneari in eadem aqua, & ita se refrigerare vellet natando, Dei iudicio, casu lachrymabili, & inopinato submersus est. hæc ibi.

Eadem paulò fufius legimus in alia epistola, quam edidit Henricus Canisius his verbis:

*Hen. Canis.
tom. 5. ani.
Lett.*

Ibidẽ quoque exercitu dormiente in castris, noctis conticinio auditus est veluti ingens, & terribilis armorum strepitus, & tumultus. Vnde vniuersi protinus expergefæcti, & attoniti, inquirendo, quid illud esset, nullatenus addiscere valuerunt. Quod tamen postmodum à sapientibus memoratum est, vicini infortunij augurium extitisse.

Postquam exercitus gētis nostræ à primo ingressu Armeniæ quatuor dierum itinere via difficili processisset, gaudens se de tantis bellorum discriminibus, & proditum laqueis ereptum, quasi per ora Leonum, terram securitatis iam attingisse, die quadam infauusta nimium, & nouercante fidei Christianæ, inopinatus, & tristis casus repente illius citharam conuertit in luctum.

Erat utiquẽ via nimis arcta, & difficilis nunc per abrupta, & crepidinem montium, nunc per ima vallium, secus descensum præterfluentis ciuitatem Saleph, & peregrini laboriose gradientes, nimio caumate laborabant.

Quibusdam ergo equitibus de subsequente agmine Imperatoris presentantibus, si fluuium vsquam vadabilem inuenirent, Imperator, dissuadentibus his, qui secum erant, ad refrigerandum se, & lauandum irreuocabiler fluuium intrauit, & cum se ipsum ad trāsnandum exposuisset, mox in amne medio fessus, & iam incipiens mergi, cuiusdam sui militis, qui secum aquas intrauerat, opem miserabiliter innocauit.

Cui festinanter ille affectans succurrere, in medijs vndis eum arripuit, sed tandem amnis impetu præualente, ab eo vi auulsus naufragium vix euasit.

Alius vero equo insidens, & celeriter, sed sero Imperatorem fluitantem in gurgite comprehendit. Sic pro dolor, Imperator exercitus ad conturbationem & detrimentum exercitus exspirauit. Hæc ibi.

Qui

Qui autem propter peccata norunt aduersa sæpe contingere, ad illam reuocant culpam interitum Imperatoris, quod diuturno bello iniquissimo inceslerit Romanam Ecclesiam, & persecutus fuerit implacabili persecutio-
tione diu multumq. Romanos Pontifices.

Neubrig. li.
4. c. 13.

Neubrigensis eiusdem temporis auctor, de Friderico postea poenitente hæc habet; O abyssus multa iudiciorum Dei! Vir tantus, & qui diuino quodam feruore, relictis delicijs, opibusq. Imperij, mille se exposuerat propter Christum periculis, tam subito misero casu absumitur.

Peccatum tamen eius tantum, & tale elucet, quod forte Imperialibus nõ potuerit delicijs expiari, atque ideo oportuerit, ne æternaliter plecteretur, pia Diuinitatis prouisione, in hac vita seuerius castigari.

Fridericus Secundus, post vexatum Romanum Pontificem, Deo vindictam sumente orbatus filio cum exercitu, deinde ab alio filio suffocatur. Filij quoque eius miserabili interitu necantur. Cap. 425.

Ex Germ.
Ch. d. l. 20.
in tom. 2.
Germ. scri.

Interea Entius filius Imperatoris aduersus Bononienses, & Legatum Pontificis, qui illic erat, ducit copias: occurrunt illi Pontificij, congregiuntur, fit cruenta pugna: ad extremum Entius cum suis fugatur, capiuntur multi, etiam Entius, qui Bononiam ductus mittitur in ferream caueam, in qua sordidissimo victu nutritus, miserrimã vitam post aliquot annos finiuit. Post captum filium Entium, eiusque exercitum superatum, dilapsum, atq. adeo deletum, in Apuliam confert se Fridericus non sine maximo animi dolore, ubi breui post obiit diem. Quo genere morbi lis est scriptoribus, alij animi ægritudine, & moerore; alij confectum, febre: alij veneno: alij alia morte vita defunctum volunt.

Geor. Vvici-
cel. in epit.
Sum. Pont.

De eodem Georgius Vvicellius hæc scribit: Innocentius III. bene vexatus à Friderico, tandem hunc deponit à Cæsariatu. Hinc ille omnia vastat incendio, &c. Papa hic, vt alij procurat bellum Asiaticum: scriptor idem iuris: Sub hoc periit bestia Fridericus. De eodem etiam Blondus, scribit his verbis.

Blond. Dec.
2. lib. 7.

Dum tamen hæc scelestissimus ageret Fredericus infelicissimo sibi percussus est nuncio. Entium enim allatum est filium suum, quem Romandiolæ præsidio relictum fuisse ostendimus, prælio à Bononiensibus superatum, & cum copijs pene omnibus captum esse, quem postea Bononienses diutissime tenuerunt. Fridericum subinde in Apuliam se contulisse apud omnes constat. Sed Rolandus, Albertinusq. Mussatus Patauini, quos video per ea tempora scripsisse, illum dicunt Panormi fuisse defunctum ad diem, quæ diei respondebat, in qua secundo ante tricesimo anno Romanorum Imperator fuerat designatus. Ptolemæus vero, fuit Lucensis, qui & ipse hoc in loco incipit, à se (vt paulo post dicit) visa scribere: Fridericum Martini testimonio affirmat, in Apulia apud Ferenfulam graui, & periculoso laborasse morbo, ex quo cum iam conualesceret Manfredus adolescens filius suus, ex concubina nobili muliere susceptus, compresso iacentis in strato ore eum suffocavit. De eo autem hæc S. Antoninus.

S. Anton.
Chron. p. 3.
lib. 19. § 4.

Anno autem prædicto scilicet 1250. cum esset Fridericus in quadam ciuitate

uitate in confinibus Aprutij in Apulia, quæ ciuitas dicitur Firenziola, infirmatus est ad mortem iuxta augurium de eo prælatum: quod ipse non intellexit interpretatus Florentiam, pro Firenziola. Ibi cum eo aderat filius eius illegitimus Manfredus iniquus, sicut & pater suus, ut patet ex facto, cupiens habere thesaurum eius, necnon & dominium Apulix, & Siciliæ; qui timens ne fortè euadens, vel condens testamentum, aliud disponderet de Regno Siciliæ, consilium sumens cum Camerario Friderici, ac ei promittens magna munera, & dominium aliquorum locorum, conuenit cum eo; & ipse Manfredus super os patris posuit ceruical, & ita suffocauit eum, & miserabiliter mortuus est tam potens, & diues Dominus, excommunicatus, priuatus Imperio, & omni Regno sine aliquo sacramento, & signo poenitentix. Sicq. Iudex æquitatis Deus vindicauit viduam diu clamantem, ad se, scilicet Ecclesiam, ut vindicaret eam de aduersario suo, sicut & in alijs Ecclesiæ persecutoribus egit.

Conradus Friderici filius à Manfredo fratre veneno occisus est. Manfredus ipse à Carolo Andegauensi in bello necatus. Conradinus Conradi filius in acie captus securi percutitur. Genus itaq. impij Friderici prorsus male perditum & extinctum est. Io. Villan. lib. 7.

Ludouicus IV. Romanus assertus, Imperator, eadem patratu ex equo miserabiliter corruit, & expirauit. Cap. 426.

Eodem anno scilicet 1547. quinto Idus Octobris, obiit Ludouicus IV. Romanorum Imperator, anno Regni sui 33. hoc modo: Ioanna Ducissa Austriæ, ex Sueuia reuersura in Austriam, voluit Ludouicum Imperatorem visitare, qua die Princeps cupiens cum ipsa relicta quondam Alberti Ducis Austriæ spectaculum habere apud Monachium, & omnibus cum hilaritate consummatis, cum ex eodem poculo princeps à Ducissa porrecto biberet, statim sentit se grauatum: Vnde accepta occasione, & exercitij gratia, exiuit venatum: paralyti deinde percussus, de equo in terram corruit, & mox expirauit. Naucler. Chron. volum. 3. generat. 45.

De his fusius Io. Villaneus, & alij Scriptores illorum temporum.

De fame magna ab Agabo propheta prædicta, & de pio studio discipulorum ad prouidendum ijs, qui egebant. Et de consuetudine fidelium ferendi collectas ad pauperes sustentandos. Enarratio. Cap. 427.

Sed non est prætereundum, id quod illis temporibus, cum serueret aduersus Apostolos ingens persecutio, à Deo factum est, cuius iudicium iustum est. Cum enim impij illi contra diuinos Apostolos exardescerent, ut eos affligerent vsque ad interitum, vocauit Deus famem super terram, quam Agabus Christi propheta futuram esse prædixerat in vniuerso orbe terrarum, quæ facta est sub Claudio. Qua urgente resplenduit Christiana charitas; cum enim discipuli, qui erant Antiochiæ, multas collegissent pecunias, transmiserunt illas per manus Pauli, & Barnabæ in Iudæam fratribus rerum inopia laborantibus, ut eos quoquo modo possent, refocillarent, ut fames Act. 11.

hzc

Ex Com-ment. 10. hęc fieret largientibus eleemosynę occasio, fameſcentibus ſalutis.
Lori. in Aſt.c.11. Quod autem attinet ad famem, habet hęc frequenter cauſas ex ſic-
Plato in Axiaeo. citate largiore, imbre, vredine, rubigine, æſtu intempeſtiuo, frigore conque-
Dant.c.28. rente, vt Plato loquitur, ea tamen etiam Deus clade plerumque ſcelera
 punit, cuius animaduerſionis obſeruant Hebręi ex Thargum Rũth nouem
 exempla.

Nãm primam famem fuiſſe volunt viuentem Adamo, fortaffe ob maledi-
 ctam terram à Deo. Secundã propter parricidium Cain, quod enim dicitur
 ei: Maledictus eris ſuper terram. Septuaginta vertunt, à terra, id eſt, Ter-
 ra tibi maledicet, & ſterileſcet tibi, cum operatus fueris eam, non dabit
 tibi fructus ſuos. Tertiã ſub Abraham. Quartã ſub Iſaac. Quintã
 ſub Iacob. Sextã ſub Ruth. Septimã, Oſtaũam, & Nonã, quę nar-
 rantur in hiſtoria Regum. Collegit Philippus Boſquierus alias non paucas
 famas, quę auctore Deo mundum vexarint magnis implicitum flagitijs,
 Mauritius Hilaretus, & alij.

Baron. an. 44. Scimus Eusebium, & qui eum eſt ſecutus, Oroſium, & complures alios
 aſſerere, dictam de fame orbis cladem incidiſſe in annum quartum Claudij
 Imperatoris; re tamen accurate perſpecta, ſecundo potius, quàm quarto
Dio hiſt. li. 60. eiſdem Imp. anno eam contigiſſe comperimus. Dio enim Caſſius, qui ex
 Urbis Faſtis Romanam hiſtoriam per ſingulos annos contexuit, nullam aliã
 ſub Claudij Imperio factam eſſe famem recenſet, niſi hoc ſecundo anno
 Claudij, quo egregiam ab Imperatore dicit nauatam operam, ne Urbis fa-
 me periret. Tunc enim Romanum Portum extruendi initum ab eo eſſe
Sueton. in Claudi.c.18 conſilium tradit. Commendat & Suetonius eiſdem Imperatoris in anno-
 na procuranda ſolertiam. Sic igitur Dione Auctore, quem magis conſentire
 æctis à Luca conſcriptis reperimus, hoc ipſo anno ſecundo Claudij eam
 ab Agabo Propheta anno præterito prædictam totius orbis famem repe-
 rimus.

Ioseph. ant. lib. 20. c. 2. Meminit & tam dirę famis Iosephus hiſ verbis. Cum enim per id tem-
 pus ciuitas graui fame premeretur, & multi perirent alimentorum inopia,
 Regina Helena ex ſuis alios miſit Alexandriam, comparaturos vim ma-
 gnã tritici; alios in Cyprum, qui copiam ficuum paſſarum inde adue-
 herent; quibus omnibus breui reuerſis cibos egenis diſtribuit, atque hoc
 beneficio memoriam immortalem ſibi apud noſtram gentem peperit: filius
 quoque Izates, comperto quanta fame laboraret ille populus, multum pec-
 unia miſit Hieroſolymitanorum primatibus. Hęc Iosephus.

Ea igitur vrgente fame, qui erant Antiochię Chriſtiani collectas pe-
 cunias ad Chriſtianos, qui erant in Iudæa, per Barnabam, & Saulum mi-
 ſerunt. Tenebantur quidem maiori inopia adſtricti Chriſtiani, qui in Palæſti-
 na erant, ceteris omnibus, nam in ea, quę poſt necem Stephani in eos eſt
 excitata perſecutio, loco pulſi, ſi quę illis reſidua erant bona, amiſerunt.
Heb. 10. de hiſ enim meminit ſcribens Paulus ad Hebręos, cum ait: Rapinam bo-
 norum veſtrorum cum gaudio ſuſcepitiſtis: quorum cauſa idem Apoſtolus
 poſtea cum eſſet in Macedonia, ab Eccleſijs collectam item exegit. De hoc
 itaque pio fraternę charitatis officio ab Antiochenis exhibitio, hęc ſcribit
Aſt. 11. Lucas, poſt relatam ab Agabo prænuſciatam famem: Diſcipuli, inquit,
 prout quis habebat, propoſuerunt ſinguli in miniſterium mittere habitan-
 tibus

tibus in Iudæa fratribus, quod & fecerunt, mittentes ad seniores per manus Barnabæ, & Sauli. Quod vero mox post hæc narrata, de Iacobi martyrio, & Petri carcere, Lucas subdat historiam, non sic accipiendum quis putet, ut ante aduenerit fames illa, sed quod meminisset de Agabi prophetia, de ea ab illo prædicta, quæ sequenti anno subsecuta est, fame, adiunxit historiam.

Hæc prima pro indigentibus fratribus reperitur in Ecclesia ex multorum collatione ad usum pauperum facta Collecta. Paulusq. & in his multus fuit; nam & indicebat & colligebat, atque (ut hic etiam fecisse traditur) ad fratres perferebat egentes. Ex huiusmodi sacris Apostolicis institutionibus remansit in Ecclesia Romana laudabilis illa consuetudo, ut ipse Romanus Pontifex pro concione, ad certam diem faciendas collectas indice-
Leo ser. 2. 3. & 5. de collect.
Ser. 5.
ret, quod demonstrant complures sancti Leonis Papæ sermones, pro Collecta inscripti; idemq. in vno ex illis hæc ait: Et ideo, dilectissimi, satis fiat Apostolicis institutis, & quia Dominica die prima est futura collectio, omnes vos deuotioni voluntariæ præparate, ut unusquisque secundum sufficientiam habeat in sacratissima oblatione consortium. Consuevit namq. die Dominico collecta fieri in Ecclesia ex Apostolica institutione: Paulus enim eam regulam præscripsit Corinthiis dicens: De collectis autem, quæ sunt in sanctos, sicut ordinaui Ecclesijs Galatiæ, ita & vos facite: Per vnam sabbathi &c.

Cum vero eiusmodi laudabilis consuetudo Constantinopoli exoleuisset, Ioannes Chrysostomus diligentius restituendam curauit, dum de ea re insignem habuit orationem, qua etiam more maiorum Dominico esse faciendam die præcepit. Idemq. etiam meminit de antiquo Ecclesiarum usu, qui hætenus perdurabat, ut & in Ecclesijs essent Gazophylacia, in quibus oblatæ pecuniæ conderentur, quæ à Cypriano Corbona nuncupantur, qui de his ait: Locuples, & diues es, & Dominicum celebrare te credis, quæ cor-
Chrys. ser. de elemos. & de coll.
bonam omnino non respicis? In quos usus collatæ eleemosynæ insumerentur, subdit his verbis: Cumque vniuersa, quæ dantur pupillis, & viduis conferantur; dat illa, quam oportebat accipere. Paulinus Mensam appellat locum in Ecclesia positum ad recipiendas fidelium eleemosynas, qui de earum usu agit his verbis. Hoc exemplo, dilectissimi, cauere debemus, ne damnum animæ & dispendium salutis adeamus, negligentes in ecclesia positam à Domino mensam indigentibus, quam despicientibus oculis intuemur, aut aridis manibus præterimus. Et paulò post: Non patiamur ergo mensam Domini, & nobis vacuam, & egentibus inanem relinqui, & visui stare tantum, non vsui.

Sed ante hos omnes Iustinus Martyr, hæc quoque de pecuniæ collatæ usu: Quod ita colligitur, apud Præpositum deponitur, atque inde opitulatur pupillis, & viduis, & his qui præter morbum, vel aliam aliquam causam egent, quique in vinculis sunt, & peregrè venientibus hospitibus, & (ut simpliciter dicam) indigentium is omnium Curator est. Sed & Tertullianus de iisdem agit in hæc verba. Neque enim pretio vlla res Dei constat, & iam, si quod arcæ genus est, non de ordinaria summa, quasi redemptæ religionis congregatur. Modicam unusquisque stipem menstrua die, vel cum velit, si modo velit, & si modo possit, apponit; nam nemo compellitur, sed

R r sponte

Leo ser. 2. 3. & 5. de collect.
Ser. 5.

1. Cor. 16.

Chrys. ser. de elemos. & de coll.

S. Cyprian. lib. de oper. elemos.

Paulin. ep. 32.

Iustin. martyr. ad Antonin. Pius.

Tert. Apol. 19.

sponte confert. Hæc quasi deposita pietatis sunt, nam inde non epulis, nec potaculis, nec ingratis voratrinis dispensatur, sed egenis alendis, humanisquæ, & pueris & puellis, re ac parentibus destitutis, iamq; domesticis senibus, item naufragis, & si qui in metallis, & si qui in insulis, vel in custodijs, dumtaxat ex causa Dei selecti, alumni confessionis suæ fiunt. Sed eiusmodi, vel maximæ dilectionis operatio, notam nobis inurit penes quosdam: Vide (inquiunt) ut inuicem se diligant? Hucusque Tertullianus. Erant itaque (ut dictum est) eiusmodi gazophylacia in quotidianum usum pauperum destinata: ceterum si quæ noua necessitas emerisset, quæ consuetarum eleemosynarum collationem excederet, tunc Episcopus nouam inter fideles collectam indicebat. Est de his exemplum Cypriani Episcopi Carthaginensis, qui quantumlibet (ut nuper vidimus) haberet in usum pauperum in Ecclesia paratam corbonam ad eleemosynas excipiendas, nouo tamen superueniente casu de Christianis à barbaris captis pecunia redimendis, collectam indixit: cuius exemplo id ipsum ceteri collegæ Episcopi præstitere, ex qua ingentem vim pecuniarum collectam misit ad redimendos captiuos, ut eius epistola ad fratres coepiscopos scripta testatur.

Cyp. ep. 60.

*Gregor. in
Regist. lib.
3. epist. vlt.*

*Concil. Tu-
ron. 2. c. 5.*

*Hieron. ad
Vigilant.*

*Ex Cömen.
Ioa. Lorini
super Act.
Apost. c. 11.*

Cum verò postea iam ardens illa charitas Christiana tepesceret, cum aliqua vrgeret necessitas, sic indicebatur collecta, ut etiam veluti iure Regio exigeretur, compellerenturq; laici ad eiusmodi præstandam collationem. Est enim de his exemplum apud sanctum Gregorium Papam, sic ad Constantium Mediolanensem Episcopum pro Philagrio scribentem. Indicauit præterea dictus portitor, quod collecta facta inter alios Ciuitatis Ianuensis habitatores, ipse dare pariter compellatur, & miramur, quod, qui magis misericordis dignus est, vobis præsentibus prægrauetur. Quod si ita est, denuo ab eo per quemlibet exigere vestra sanctitas non permittat. Quia eum, quem cæcitas sua grauat, inhumanum nimis est in collatione affligere, cui, si esset magna necessitas, debuit ex collatione misereri. Hæc Gregorius. Ad hæc spectat illud Concilij Turonensis decretum, quo Episcopi in hunc modum voluerunt pauperibus esse consultum: Ut vnaquæque Ciuitas pauperes & egenos Incolas alimentis congruentibus pascant secundum vires, ut tam vicini presbyteri, quam ciues omnes, suum pauperem pascant, quo fiet, ut ipsi pauperes per ciuitates alienas non fatigentur. Hæc Canon.

Sed ut ad proposita de collecta Hierosolymam perferenda redeamus, perdurauit ea pia consuetudo in Ecclesia Catholica, ut maiorum exemplo, Christiani ex pluribus locis ad eos, qui Hierosolymis essent, egentes, mitterent eleemosynam. Quam quidem laudabilem consuetudinem ad Theodosij tempora perdurantem nequissimus Vigilantius est conatus euertere. Quem ardenti zelo Hieronymus redarguit, qui & inter alia: Hæc in Iudæa, inquit, usque hodie perseverante consuetudine, non solum apud nos, sed & apud Hebræos, ut qui in lege Domini meditantur die ac nocte, & partem non habent in terra, nisi solum Deum, synagogarum & totius orbis foueantur ministerijs.

Mulstabant fortasse Iudæi, ut etiam Gentiles postea, eos, qui Christo seruebant, iudiciali sententia, ut in Anglia tam diu factum deploramus, & nullo expectato iudicio ea rapiebant, ut præter alios meminit ex epistola quadam Melitonis Episcopi Sardensis in Asia, Eusebius: Digni erant primi illi

illi in Iudæa discipuli, quibus communi aliorum omnium benignitate succurreretur, cum, ut succurrerent communitati, tam benignè ipsi, liberaliterq. sua omnia distraxerant.

Eu. eb. lib. 4. hist. c. 29
Act. 2. 6

Peruetus mos fuit, ante tempora etiam Christi, ut Iudæi synagogarum, ac totius orbis fouerentur (ut Hieronymus ait) ministerijs. Etenim M. Tullius prodit, Flaccum iussum causam dicere, quod in Asia vetuisset, ne Iudæi collectam pecuniam deferrent in Ierusalem. Immo vero existimarunt nonnulli in festo cœtus, siue collectarum, quod celebrant Iudæi die octauo post festum tabernaculorum, hoc est vigesimo secundo Septembris, colligi solitam pecuniam in vsu pauperum.

4
Cic. Or. pro Flac.
Num. c. 47

De illa porrò per orbem totum pecuniæ à Iudæis facta collectione, quæ ætate adhuc Hieronymi vigeat, cauit Honorius Imperator, ne fieret: deinde autem restituit. Iunior vero Theodosius collectam exigi solitam in Occidentalibus provincijs, sibi vendicauit.

C. Theod. de Iud. l. 4.
Ibid. l. 15.
6. 17.
Ibid. l. ult.
6. C. iust. de Iud. l. 16.
1. Cor. 16.

Sed redeundum ad Christianos. Paulus de indicta à se Corinthi collecta, atque in Macedonia, quæ fieri deberet per vnam sabbathi, hoc est, die Dominica, mentionem facit scribens Corinthijs: ac de iam etiam indicta ecclesijs Galatiæ. Tenuit diu hoc institutum, ut testantur sermones Papæ Leonis, de collectis, siue per collectam, qui nominatim asserit esse instituta Apostolica, & exprimit diem Dominicam. De eadem die, ac de antiquo vsu, quem exoletum dolet, restitutumq. vult, disserit quodam sermone Chrysostomus. tum præterea de gazophylacio posito in Ecclesia, in quod oblata pecuniæ conderentur, qua de re eadem loquens Cyprianus, Hebraico vocabulo Corbonam appellat, & Paulinus, Mensam, & Tertullianus Arcam: notant item menstrua die, idest, semel in mense, datam huiusmodi stipem ab vnoquoque vel cum vellet, si modo vellet, & si modo posset, & tam ipse, quam citati alij, & Iustinus (qui quod colligeretur, deponere solitum apud præpositum ait) indigentium solis vsibus collectam pecuniam celsisse confirmant: & ante omnes Clemens Romanus, vtens nomine *τῆς ἀλογίας*: quod Collectam signat.

Clem. Ra. lib. 4. Cœff. c. 8.
lib. 2. myst. Miss. c. 53.

Inde nata consuetudo in Missa offerendi præcipue die festo, idq. denotat particula Missæ, quæ vocatur Offertorium, ut tradunt Innocentius III. & Rabanus Maurus, & alij, qui scribunt de diuinis, Ecclesiasticisq. officijs, & ordo Romanus.

Ceterum, si quæ noua necessitas existeret, cui consueta non sufficeret elemosynarum collectio, nouam Episcopus indicebat, ut pro Christianis redimendis Cyprianus fecit, eiusq. exemplo alij in Africa Episcopi. Augustinus etiam ad liberandum ære obligatum alieno, ita tamen, ut, quod ante dixi cum Tertulliano, sponte id ab offerentibus fieret, sicut & fieri solita in Missa oblationes, de quibus idem per se loquendo, nisi aliunde accedat obligatio ex promissione, vel Ecclesiæ necessitate, vel diuturni temporis consuetudine recepta, vel censu reservatio fundi dati ab Ecclesia, docet B. Thomas, & Canonistæ in Rubricam de Parochijs, ut Ioannes Andreas, Panormitanus, & alij, ut in c. omnis de cons. dist. 1. S. Antonin. alijq. summistæ, & Ioannes Azor in institutionibus suis. Tunc vero cum sunt spontaneæ oblationes, aut etiam ex sola consuetudine, quodlibet offerendi, integrum est cuius quidquid velit offerre, siue multum, siue pa-

Aug. epist. 215.

2. 2. q. 86. ar. 1.

R r 2 rum,

Tob. 6. 4. 8. rum, iuxta consilium Tobix, & Apostoli, & Iudæorum exemplum in captiuitate Babylonica.

2. Cor. 8. Verisimile est loco voluntariarum oblationum fieri solitarum in Missa

Baruch. 1. post Offertorium, successisse saltem in Italia, ut concionatores ad eleemosynam populum cohortentur, præsertim cum iuxta veterem ritum habeatur concio, seu prædicatio post symboli recitationem.

De laudabili consuetudine Romana Ecclesiæ subleuandi inopiam egentium in quacumque mundi parte. Cap. 428.

*Apud Eu-
seb. 4. h. 12.
6. 22.*

Exstitisse autem antiquam, & omni laude dignam consuetudinem in Romana Ecclesia Dionysius Corinthius memorat, egentium toto orbe Christianorum subleuare inopiam; quod fecisse quoque Simmachum erga Africanos Episcopos exulantes in Sardinia septingentos quinquaginta quinque sub Hunnerico, & Thrasamundo Regibus Vandalorum, Paulus Diaconus prodidit. Testes eiusdem munificentix sunt tot Gregorij epistolæ, testes tam multæ hospirales in Vrbe ædes cum redditibus pro remotissimarum hominibus prouinciarum; testis in eadem Vrbs Leonina, quam Leo IV. excitauit, receptaculum eorum, qui è Corsica Insula, aut aliunde Saracænorum metu profugissent: testes aded diuersarum nationum adolescentes certis in Collegijs Romæ, & suismet in regionibus ad pietatem, doctrinamq. instituti, magnificentia præsertim Gregorij XIII. quem ferunt præterea quotannis aureorum septuaginta millia in egenos erogasse, exceptis largitionibus extraordinarijs in externos. Scripsit Laurentius Villauincencius libros tres de oeconomia sacra circa curam pauperum, probans contra perniciosum librum, in hæreticorum sanè officina scriptum, & cūsum, pertinere curam illam per se ac maxime non ad politicum, sed ad Ecclesiasticum magistratum.

Ex subuentione autem huiusmodi facta ab Apostolis ijs, qui se suis rebus pro Christo, & aliorum subsidio abdicauerant, & à Iudæis odio fidei, spoliati quoque donis fuerant, obseruant pij scriptores, peculiari quodam vinculo teneri fideles diuites ijs, qui propter Christum omnia reliquerunt, subuenire. Et sane ita est, videturq. non solum charitatis officium, sed iustitiæ quoddam debitum, id exigere, ut qui se sponte ad paupertatem redegerunt, & alijs de rebus suis benignè fecerunt, ijsdem rependatur vnde viuant.

De laudabili sollicitudine, & prouidentia in egentes.

Cap. 429.

Non est autem dicendum propter huiusmodi prouidentiam in egentes habitam violasse discipulos Domini mandatum, quod ait: Nolite sollicitè esse de crastino: neque contra Pauli exemplum, quod sæpe de seipso postea testatus est, manibus suis operatum esse, ne quem grauaret: non enim cauetur, ne quis humano more ista procuret, sed si quis propter ista Deo militet, & in operibus Dei non regnum Dei, sed istorum acquisitionem intueatur: cum potius in istorum quidem prouisione regnum Dei cogitandum sit, & in militia regni ista cogitare non oporteat. Hæc Beda Act. 11.

Colli.

Colligitur vero id ex eo, quod Christus eam prohibet dumtaxat sollicitudinem, quæ à seruitute Dei hominē distrahit, & ut loquitur Lucas, facit eū in sublime tolli *μετ' ὅψιν* id est, longa futuri sollicitudine suscipi, ac veluti philosophari de longe remotis, ut Astrologi, cum de cælo disserunt, quales illi, qui apud Iacobum dicunt: Hodie aut in crastino ibimus in illam ciuitatem, & faciemus ibi quidem annum, & mercabimur, & lucrum faciemus.

Luc. 12.

Iac. 4.

Certe CHRISTVS non est aduersatus præcepto suo, qui cum loculos haberet, non modo in crastinum, sed in plures quoque dies sollicitudinem quandam habuit. Frustrà prouocaret nos Salomon ad imitationem prouidæ, sollicitæq. formicæ: nec mulierem fortem à cura domestica commendare debuisset: non fuisset laudanda Ioseph prudentia solliciti in septennium: nec debuisset Christus laudare, ut fidelem, ac prudentem familiæ præpositum, qui dare illi posset in tempore tritici mensuram: cessare postremo deberent mechanicæ artes omnes, & operarum, seruatorumq. labores, & patrisfamilias cura in thesaurizando pro filiis.

Iohn. 12.

Cauendum ne sollicitudo seculi suffocet sementem diuinam, ne si nimia sit, proficiatur ex diffidentia aduersus Deum; ne præcedat, sed sequatur sollicitudinem Regni Dei, quod ante omnia querendum est, ac tanti refert, ut illi uni seruiendum sit. & quomā duobus dominis seruire non possumus, alia, quæ velut ad cumulum adiunguntur nobis, præ hac cura curare quodammodo non videamur, sed negligere, & floccipendere.

Luc. 8.

Mat. 6.

Proijcienda itaq. sollicitudo in Deum, cui cura est de nobis. Immo nihil solliciti esse debemus, anxia nimirum sollicitudine, sed ita, ut ea, qua par est moderatione facientes quod possumus, deposito sollicitudinis excessu, qui reprehensus est in Martha, partes Marthæ, socia adhibita Magdalena, quæ meliorem partem elegit, cum res tulerit, obeamus, necessarijs contenti simus, quia vnum necessarium est.

1. Pet. 5.

Philip. 4.

Luc. 10.

Aurea prorsus, & Augustino digna sententia, qua Deum alloquitur. O tu Bone omnipotens, qui sic curas vnumquemque nostrum tamquam solum cures, & sic omnes, tamquam singulos. Rursum: In toto tempore totū me simul, semperq. consideras, ac si nihil aliud considerare habeas, sic super custodiam meam stas, sicut si omnium oblitus sis, & mihi solum intendere velis. Quocumque iero, tu me Domine non deseris, nisi prior ego te deseram.

Aug. 3. C. 11.

fess. c. 11.

Adde B. P. Ignatii apophtegma. Sic pendere nos à prouidentia diuina, debere, ut si omnia Deus, nos nihil: ita nobis in rebus etiam nostris elaborandum, perinde ac ille nihil, nos omnia conferre oporteret.

Ribaden.

in vita.

Verum est, & tritum prouerbium: Iuua teipsum, ut iuueris à Deo. Elegans, ac venusta similitudo est, qua Anselmus demonstrat, procurationem rerum temporalium, etiam laboriosam, ac molestatam, sine spiritali detrimento suscipi posse.

Dicebat Molendino similem esse vitam nostram; actus nostros molæ: illum qui opera sua pro terreno tantum commodo faciat, farinæ decidentis in fluuium iacturam facere; qui bona nonnulla operetur, sed magis ad temporalia intendit, valde exiguum reportare: Monachum, qui ex superioris tantum præscripto tractet secularia, sine, aut superbiæ, aut inui-

In eius vit.

lib. 2.

sticiæ vitio, quamvis interdum propterea missas perdat, loquatur alijs tacentibus, & quædam alia similia faciat, vel dimittat, hæc ab obedientiæ virtute consumi, totamq. farinam conservari, quæ illum æternaliter pascat.

*Sueton. in
Claud. c. 18
Oros. lib. 7.
c. 6.*

*Marcel.
Com. in
Chon.
Prov. 11.
Psalm. 58.*

Claudius, sub quo fames hæc accidit, convicijs medio foro populus corripuit, & fragminibus panis turpissime infestavit, & simili de causa Theodosium lapidibus impetum constat.

Experientia sæpius comprobavit verum esse illud, quod habetur in Proverb. Qui abscondunt frumenta, maledicuntur in populis: nonnulli tamen magnæ alicuius penuriæ tempore id facere solent, quod avaritiæ genus, est necare homines: Avaro enim nihil est scelestius, quia ut ipse dives vivat, non curat, ut alij miserabiliter moriantur. Quibus nisi respiciant, illud contingere solet, ut moriantur diuites, & pauperes sepeliantur in inferno, ubi famem patientur ut canes.

1/a. 60.

Vtinam hæc diligentia, & sollicita charitas ad colligendas pecunias, ad sustentandos illos, qui recenter conversi sunt ad Christum, & fidem eius amplexi sunt, vigeret adhuc in Christianorum cordibus, providendo necessitatibus eorum, ut Christi Ecclesia non solum esset magistra in docendo, sed mater in nutriendo filios suos, nè penuria rei nimis fatigetur, & tædeat venisse in populum, apud quem charitatem, quam profitentur, & prædicant, reperire non possunt. Ita enim fieret, ut non solum, qui iam conversi sunt cum gaudio vitam agerent, & servirent Deo in læticia, sed quod qui adhuc in infidelitate sua permanent, videntes, quod, qui Christianam fidem susceperunt, collocati sunt in loco pascuæ, estq. eis sufficientia utriusque panis, & satiantur aquis refectiois, relictis mundi retibus, & laqueis, secedentes ex tenebris & umbra mortis, penè omnes properarent ad Christum, inundatio camelorum operiret Ecclesiam.

Sed cum vident, aut audiunt ad fidem nuper conversos nihil bonorum, aut parùm possidere, premi ægestate, tabescere fame, & miserrima in omnibus vitam degere, & non esse, qui succurrat eis, & nè fame pereant, cogi ad mendicandum, & ad malas artes, non possunt animum inducere ad credendum, non enim possunt credere fidem veram habere eos, apud quos charitas non est, nec pietas, neque enim quispiam libenter ibi habitat, ubi non diligitur. Huiusmodi autem consuetudo colligendi pecuniam ad pios usus, in aliquibus locis etiam hodie viget, præsertim cum diebus festis sacra celebrantur: tunc enim clericus quispiam, cum ventum est ad offertorium, circuit, ut unusquisque (si libet) vel obolum mittat in thecam, quam porrigit.

Contigit autem his diebus, aliquid lachrymis dignum: Cum enim in quodam oppido parochus in die festo, huiusmodi collectas de more faceret in Ecclesia sua, clericus ordinatè pergebat ad circumstantes cum disco ad eleemosynas colligendas, ut unusquisque aliquid pro modulo suo poneret in disco. Aderat tunc temporis ad missam audiendam illius oppidi Domicellus, qui has collectas deridens, pilam plumbeam, quam in tormentis igneis ponere solent ad homines trucidandos, posuit loco nûmorum ludibrij gratia super discum. Hac facta derisione contigit, ut iste proscriptus irrueret in Ecclesiasticum territorium, cum grassatoribus suis, & statim in exordio incursionis suæ, pila plumbea ex tormento igneo emissa caput eius perforaverit, & miserabiliter mortuus fuerit.

Plagas

Plagas famis, aut alia flagella ideo super populos immitti, quia peccatis finis non imponitur. Remediumq. ad auertendum huiusmodi mala, verum, & unicum esse, fugam peccatorum, & emendationem morum. Enarratio ex D. Basyl. Cap. 430.

Libet hoc in loco concinnam D. Basyl. sententiam ex Homilia in diuites avaros super illa verba scripturæ: In fame, & squallore, referre. Ex qua euidentissimum fiet, peccata populorum famis, morborum ac aliorum malorum potissimam esse causam. Eius verba hæc sunt.

*Benzon. in
Spec. Episc.*

Cælum nunc fratres dilectissimi videmus solidum, nudum, ac sine nubibus, serenitate sua, & puritate nos contristans, quam antea iam desiderauimus, quando profundis coopertum nubibus, & procellosos nos reddebat, & sole priuabat. Terra verò iam exiccata, ad extremum aspectu est horrida, & ad agriculturam sterilis, & infœcunda, deinde ob siccitatem scissa, hiatus patefecit maximos, vt in imis visceribus Solis excipiat radios; fontes plurimi, & perennes nos deseruerunt. Fluminum quoque magnorum cursus deserunt. Minutissimi paruulorū pedes illos permeant, & mulieres onustæ totos penetrant, & transeunt, nostrorum multos potu quoque destituit; ac demum in magnam nos Deus viuendi difficultatem constituit. Israelitæ noui, Moſen quærentes nouum, baculumq. illum prodigiorum productorem desiderant, vt rursus disruptæ petræ vsum sitiēti populo præbeant. Nubes quoque subitæ, & admirabiles inauditum mannæ cibum mortalibus irrorēt. Timendum sanè nobis, ne malorum exemplum in famis calamitate posteris nostris existamus. Vidi campos steriles, & arentia rura dudum sine fructibus, lachrymansq. mæstas edidi querelas, quod pluuia nobis nulla data est, ex quo nec sata nascuntur, & eodem modo, quo ea aratrū occultauit, permanent. Aut si fortè nata, statim tenera æstu sunt absorpta adeò, vt pulchrè illud Euangelicum conuerſi possit: Operarij quidem multi, messis verò pauca. Coloni per campos sedent, manibus genua complexi, qui habitus lugentis est, & aruorū tristi aspectu conteri suos, boumq. labores perditum iri vehementer dolent, ac lachrymantur. Mox tenues, & aridos germinum calamos considerantes, atque attreſtantes, ad natos & vxores sese verrunt, ac miseros edunt vlulatus, haud aliter, quàm si eos ætate florida raptos efferrent. Dicatur igitur, & ad nos ab ipso Propheta, cuius paulò ante initio sermonis mentionem fecimus: Et ego (inquit) trium mensium pluuiam ante vindemiæ tempus à vobis prohibebo, & pluam super Ciuitatem vnā, & super Ciuitatem vnā non pluam, & pars vna inundabitur, & pars altera, super quam non pluam, areſcet. Conuenient duæ, aut tres Ciuitates, vt bibant aquam, & non implebuntur, quoniam non conuerſi estis ad me, ait Dominus. Discamus igitur ex his verbis, quod ob auersionem nostram, ac negligentiam, has nobis calamitates inflixit Deus, non extinguere nos quærens, sed emendare caſtigareq. cupiens more piorum patrum erga desides, & iuniores filios, qui irascuntur quidem, & excitantur erga adolescentes suos, non mali aliquid eis facturi, sed officiosa caſtigatione ex ignauis diligentes reddituri. Aspicite quæſo nunc, quemadmodum nostro-

*Basyl. hom.
8. in diuit.
anatus.*

Amos 4.

R r 4 rum

rum pondus peccatorum, anni temporumque naturas mutauerit; statutasque semel rerum formas in aliena temperamenta, nouasque mixturas deduxerit. Hyems solitum humorem cum sicco non retinuit, sed in glaciem tota abiit, niuis, & imbris penitus expers. Vernal tempus, alteram quidem sui officij partem ostendit, caliditatem dico, humiditatem verò nullam illi coniunxit. Aestus vero immensus, & frigora naturæ leges prætereuntia, ac in nos damnumque nostrorum coniurata, mortales ad vicium, vitæque simul trahunt discrimina. Quæ igitur fratres charissimi, huius tantæ confusionis, contrarietatisque causa? unde talis rerum, temporumque nouatio? Inuestigemus aliquantulum mente, rationeque. vrentes, diligenter pensitemus. An non est, qui cuncta gubernet? An optimus opifex Deus dispensationis suæ oblitus est? an virtutem, ac potentiam suam amisit? aut eadem quidem est adhuc potentia præditus, in austeritatem verò mutatus, excellentem suam erga nos bonitatem, & prouidentiam in odium humani generis conuertit? nemo profecto sapiens hoc dicet. Sed illæ potius sunt causæ, cur nobis consueta gubernatio sublata sit, quod cum ex Deo accipiamus, alijs non damus. Beneficentiâ laudamus, nos hac carentes, egentibus defumus: serui existentes liberamur, & cõseruos nõ miseramur: esurientes nutrimur, inopibus alimenta negamus. Cum indeficientē promum, ac thesaurarium Deum habeamus, erga pauperes præparci, ac tenaces sumus. Ouium gregē foetura implet, opibus verò nudos plures esse sinimus. Graues rerum apothecas, & cellas habemus; his autem carentes nequaquam respicimus. Hac igitur de causa minatur nobis iustum Dei iudicium, hac de causa Deus omnipotens manum non aperit; quoniam fraternitatis charitatem oclusimus. Ob hoc & campi steriles, quoniam charitas friguit; supplicantium vox frustra clamat, & in aera euanescit, ac dissipatur; nam & nos rogantes minimè audimus. Sed quæso quales sunt nostræ preces? qualis oratio? Viri, præter paucos, mercaturis vacant, vxores ipsorum ad officium mammonæ sunt. Pauci admodum mecum ad orandum relinquuntur; & hi tædio affecti, oscitantesque, ac continuo huc, illuc se vertentes, denique obseruantes, quando is qui Psalmos canit, versus expleat, ut tamquam è vinculis, ac aliqua custodia è templo liberentur. Pueri autem parui, quid ex hac calamitate publica degustant? Qui libellos in scholis relinquentes, & nobiscum conclamantes, remissionem potius, ac vacationem à discendi labore nostram communem tristitiam existimant, & cura se aliquantulum, assiduitateque studij leuari, & in libertatem venire propterea putant. Adultorum verò hominum multitudo, ac vulgus peccatis obnoxium per urbem remissi, ac temere discurrunt, gaudentes, & hilares, qui horum causa malorum in proprijs gerunt animabus, calamitatemque hanc ipsi nobis excitant, & causant. Infantes postremo, insontes, & minimè sentientes, ad confessionem in templo conueniunt, nec causam dant ipsi de rebus tristibus, neque rursus ab ijs nos liberare valent, cum nullam facultatem, noticiamque orandi Deum habeant. Tu in medium prodi. Tu, inquam, peccatis oneratus humi procidens clama, suspira. Mitte infantes, quæ dat ætas, puerilia facere. (Et paulò post:) Quisnam oras, aut supplex lachrymâ ex ore mittit, ut imbrè terris tempestiuum prouocet? Quis scelera relinquens sanctum David imitatur, qui questibus, ac lachrymis stratum rigauit? Quis hospitum lauit pedes, aut puluere ex itinere adpersum abstersit, ut in hac siccitatis calamitate

mitate

mirate Deum exorare valeat? Quis orphanum aliquem paruulum pauit, ut & nobis Dominus frugum telluris aleret, velut orphanum ventorum intemperantia percussum? Quis viduæ victus difficultate afflictæ opitulatur, ut alimenta frugum necessaria recipiat? Scinde libellum æris alieni iniustum, ut sic peccatum solvatur. Dele grauissimorum scœnorum nomina, ut terra solitum tibi scœnus reddat. Aere namq. & auro, ac similibus infœcundis metallis præter naturam scœtus edentibus, iure germina, quæ naturaliter pariunt, sterilia fiunt, & ad habitantium multam, fructibus carent. Nunc igitur ij, qui avaritiam tanto studio colunt, & opibus plus æquo inuigilant, ostendant nobis quid valeant ipsorum thesauri, quæ sit illorum utilitas: siquidem supplicium hoc Deus longius protracturus sit, quos omnes velociter auro, quod cumulant, pallidiores videas: si pane, qui ob paratam promptamq. copiam heri ab illis, & hodie contemni solet, careant. Fac enim, ne vaneat Annona, ne in apothecis frumentum sit, quid tibi marsupium ære grauissimum proderit? Nonne cum illo peribis? Nonne aurum tuum terra est, & inutile lutum, cum corpore luteo, & ipso sine vsu iacebit? omnia possides, sed vno, & hoc necessario, cares, facultate videlicet teipsum nutriendi. fac cum tuis opibus omnibus, ut vnâ excites nubeculam, ut modicus imber de cœlo descendat, ut terra fructus coacta reddat. Solue, inquam, si potes, insolentibus tuis facultatibus hanc communem calamitatem. Forfan aduocabis aliquem piorum, qui precibus, ut Elias Thesbites fecit, calamitatis huius molestiam tollat, qui sit homo inops, pallidulus, sine calceis, sine cubiculo, sine domo, tantum melota contentus, precibus, ac supplicationibus pro cibo, continentia verò pro contubernali utens. Cum in viri similis auxilium te sit opus incidere, nonne multo risu tot diuitiarum tuarum curas persequeris? Num aurum non conspues, & argentum ut sterces ejicies, quod antea omnipotens, ac iucundissimum vocas, humanis vsibus subuenire omnino putaueras? sed scias illud contra te instare, teq. accusare, ac horum malorum causam dicere, eo quod se possidens non rectè dispensaueris, aut erogaueris, quod esurientes præterieris, quod afflictos non respexeris, quod rogantes non sis miseratus. Per paucos enim mala, ærumnaq. ad vniuersum populum sæpe perueniunt, & vnus ob noxam tota quandoq. gens evertitur. Achar sacrilegium admisit, ac totus est afflictus exercitus. Zambri cum scorto Madianide concubuit, ac Israel pœnas dedit. Igitur filij charissimi, omnes priuatim, ac publicè nostras conscientias examine-mus; præsentî siccitate, veluti pædagogo cuiuspiam vnumquemque nostrum proprij delicti admonenti attendamus. Dicamus & nos sensatè cum beato Iob: Manus Domini est, quæ tetigit me. Potissimum autem calamitatem hanc proprijs peccatis adscribamus. Et infra: Quis (dic mihi) prohibet hanc, quam admiraris siccitatem, non potius esse orbis incendium, ac conflagrationem? Solem insuper à via solita errantem, & terrenis propinquan-tem corporibus omnia cremare? Ignem denique de cœlo descendentem, mortales omnes ob eorum scelera iure punire?

Quamobrem te homo, te inquam considera, tuamq. pensata conscientiam. Ne pueris sub pædagogo constitutis similis fias, qui castigatione irati scindunt libellos; patri vero consulenti, ac cibum perhibenti, vestem conscerpunt, vel matris ora vnguibus petunt. Nam & nauclerum tempestas, &

Athleta

Athleta stadium, & duces pugna, magnanimum calamitas, Christianum vero tentatio probat, & examinat. Res tristes animam, ut ignis aurum arguunt. Et infra: Tu bonus, & benignus, quod tibi superest, adijcias, ubi deest. Ne verere, ex paruo dare. Ne tuum commodum communi praeponas periculo. Si enim vnus tantum sit tibi panis, ad fores autem rogator adsit, deprome illum. Dans vero, manus in caelum tolle, dicq. mirabilia haec, & benigna verba: Vnum hunc panem habeo, quem vides Domine, & occasio periculi est; ast praeceptum tuum mihi propono, & de modico do fratri esurienti. Da & tu Domine, periclitanti seruo tuo. Et infra: Esurientis morbus, fames inquam, miserabilis est afflictio. Humanarum calamitatum caput est fames, cuiusuis mortis genere duriores adferens finem. In alijs namq. periculis, vel ensis cuspide cito interibis, vel ignis impetus breuiter vitam extinguit, aut ferarum dentibus membra statim discerpta intereunt, quem quidem dolorem morienti minime protrahunt. At famis diuturnius malum, ocys torquet, lentius tabefacit, sensim occidit, naturalem namq. humorem absomit, calorem refrigerat, innatam, ac vegetem corporis habitudinem dedit, vires paulatim debilitat, ossibus caro velut araneorum tela cohaeret. Coloris flos, sanguine deficiente, refugit. Albedinis splendor è summo corpore discedit, & pallor, ac liuor insurgit. Genua infirma, ac per vim tracta conspiciuntur. Vox tenuis, & imbecillis. Oculi infirmi in suis cauis non secus thecis reconditi, quam in putaminibus nuces visuntur. Ossa tamen pelle operta. Venter vacuus, & collapsus tumore, viscerumq. solita productione caret; ac dorsi tantum ossibus sustentatur, & haeret. Igitur faciem hanc corporis miseram, qui coniuens praeterit, quali dignus erit poena? Quod crudelitatis genus prosequi dicetur? Quomodo inter immanissimas feras non connumerari ut execrandus, ac hominum interfector dignus erit? Qui enim morbo periculoso, si liceat, non occurrat, eadem, qua ille, qui sibi ipsi manus infert, poena damnabitur. Quid fames non cogit? Naturae leges saepe peruertere, ac transgredi multis suadet, & hominum corporibus, vel propinquorum vesci. Matrem, quem peperit natum, impulit in ventrem male recondere. Quam tragediam Iudaica commemorat historia à Iosepho graui auctore conscripta, quando videlicet dirae calamitates Hierosolymitanos, poenas iustas propter impietatem in Deum dantes, apprehenderunt. Quantum denique ceterae antecellat charitati esurientem pascere, ex ipso conseruatore conspice, qui cum alia saepe praetereat humana incommoda, esurientes respiciens: Misericordia moueor, inquit, super turbam hanc. Idcirco in extremo iudicio, ubi iustos alloquitur, ordine primus, & ut ceteris honoratior, qui pauperem nutrit, accersitur. Qui panem administrauit, ante omnes promouetur: liberalis denique praeter ceteris in vitam praemittitur. Et infra.

Vereamur, atque imitemur Graecorum humanum viuendi modum. Apud nonnullos illorum humana consuetudo vnam mensam, communem alimoniam, domum vnam, frequentem propè populum constituit. Sed extrema dimittamus, & tria illa millia, epulo piscium à Domino excepta praecipue nobis succurrant. Denique ceterum Christianorum primum illum aemulemur, quibus ab initio communia erant omnia, vita, anima, concordia, mensa item communis, fraternitas indiscreta, charitas non ficta, multa simul

cor-

corpora vnum faciens, diuersasquē animas in vnam concilians voluntatem. Multa (si quæres) alia exempla vtriusquē testamenti, quæ sunt ad fraternam dilectionem imitandam, reperies. Si senem esurientem videris, fac nutrias, vt Ioseph Iacob. Si inimico occurras afflicto, parce iræ, ne expellas vindictæ cupidus, sed potius nutrias, vt ille quondam fratres, à quibus venditus fuit. Cum in iuniorem incideris egentem, funde lachrymas, vt ille super Benjamin fratre, senectutis filio. Quod si forte te avaritia, vt Regina illa Aegyptia Ioseph, tentauerit, sciderit quoquē tibi vestem, vt mandatum diuinum contempnas, vt se aurum, ac res terrenas amantem, contra Domini tui præceptum amplectare: Vbi cogitatio subierit præcepto Domini repugnans, animumq. sobrium ad avaritiam impellens, & ad negligentiam fraternamq. dilectionem cogens, atque ad se cohibens, rumpe, & tu illius vestem, reiq. indignitate motus secede, Domino fidem serua, vt ille Putipharo seruauit. Necessaria cibaria vno anno distribue, vt idem per annos septem. Ne cuncta voluptati tribuas, nonnihil animæ tuæ reserua. Dualq. tibi puta esse filias, mundanæ conuersationis; prosperitatem, & vitam cælestem. Si meliori cuncta dare nolueris, diuide saltem ex æquo intemperanti filiæ, & modestæ, ne videlicet præsentem vitam ita opibus, ac delicijs affluentem reddas, vt alteram inopem, ac laceris operam vestibus relinquas. Vt si te oporteat in conspectu Dei nostri, ac iudicis I E S V Christi, sponsam, formam, ac vitam secundum virtutem habentem venire, noli sponsam inornatam sponso offerre, ne conspiciens ille vultum auertat, despiciat, complexum neget, sed eam decenti veste ornata nuptiarum tempori seruabis, & vna cum ceteris prudentibus Virginitus charitatis perpetuum ignem, ac lampadem oleo continuo refertam habens, in thalamum recipiatur.

Hæc & alia perpulchra hoc in loco Basylius. Similem sententiam scribit, in enarrationem noni capitis Isaïæ, explanans illa verba: Et populus non est conuersus, donec percussus est, & Dominum exercituum non quæsiuit. 1/a. 9. Quod, inquit, Inimici Dei hisce flagris conscijs nondum compuncti sint, nōdum etiam auersus est furor eius; sed adhuc manus eius, facultas animaduertendi in facinorosos, erecta est, & elata in eos, quos nihil pœnitet malitiæ, & malignitatis, quas gesserunt. Quia igitur populus hic non sermone, sed plagarum irrogatione sanatur, scriptum est: Et omnis populus non est conuersus, nisi plagis impositis, quo fit, vt talibus necessariæ sint, & viles plagæ. Nemo igitur se anxio labore torqueat in inquirendis causis afflictionum, & molestiarum; puta quam ob causam terra squalleat siccitate? cur vis imbrium, ac redundantis pluuiæ cælo delabatur? vt quid plena terroris fulmina? qua ex causa, ex aere sidunt grandines? nostri causa hæc inuehuntur, qui retinemus cor impēnitens, nec nisi plagis prius eruditi conuertimur. Hæc D. Basylius.

Oportet autem hic opportuno loco commemorare tremenda exempla, quæ in orbe contigerunt, per immissas famis plagas, vt hinc Dei timor gignatur in corde, & in pauperes, & miseros commiseratio concreascet.

Seruos

Seruus Dei studiosus alendorum pauperum famescientium proprium monasterium, in magna fame exhauriuit, nihil prorsus sibi relinquens, sed Deus prouidentia singulari eius inopiam suppleuit.

Cap. 431.

*Vita S. Ermenoldi
Abb. apud
Sur. 10. 1.*

1. Cor. 9.

INter alias virtutes, quibus ornatus erat vir Dei Ermenoldus, præcipua illi cura inerat, & studium recipiendorum peregrinorum & pauperum, quibus adeo benignum & humanum se præbuit, ut inopes, usu & consuetudine adducti, tam securè & fidenter ab eo poscerent opem, ut non tam beneficium petere, quàm debitum reposcere viderentur, perinde ac si ab œconomo suo exigere res, quibus habebant opus. Videbant enim eum instar Apostoli, cum esset liber ex omnibus, omnium se seruum fecisse inopia laborantium. Ut autem eius liberalitas omnibus innotesceret, fames dira totam oppressit Bauariam, ita ut non pauci pauperes in ædia interirent. Confluebant verò omnes ad beatum Ermenoldum, isq. iussit è granarijs omne frumentum expromi, atque distribui in pauperes, nec prius cessatum est elargiri, quàm compertum est nihil prorsus relictum esse monasterio. Cumque ministri dicerent nec tantillum superesse, quod ad vnum prandium posset sufficere, ille nihil de Dei benignitate hæsitans, totum se contulit ad deprecandum Dominum, & sanctum Georgium martyrem eius, monasterij sui patronum: & ecce altera luce adest vir quidam nobilis, & diues, honoransq. Dominum de substantia sua, abundè fratrum supplet inopiam.

Magna inualefcente fame, & innumera famelicorum concurrente multitudine ad monasterium Theodosij Cœnobiarcbæ, iussu eius apertis ianuis, & reueratis arcis, in quibus erant modici panes, ingressa multitudo panibus diuinitus multiplicatis saturata est.

Cap. 432.

*In vita S.
Theodof.
Cœnob. 10. 1
apud Sur.
Mich. 6.*

Castigabat aliquando terram Deus, castigabat autem fame: erat autem non brevis aliqua fames, nequè in hos quidem dominabatur, in alios vero non, sed ex æquo omnes inuaserat flagellum. Cum sic autem affligerentur homines, ut eorum, quæ sceleratæ fecerant, pœnas darent: malorum enim studiorum hæc esse fructum dicit diuinus Michæas: & adesset dies festus Palmarum, quo pauperum agrestium multitudo, festi accepta occasione, in eo loco versabatur, iam hoc quidè pro more facientes, sed tunc magis à fame iussi. Qui itaq. ad parandū prandium inseruiebant, ad tantam caligantes multitudinem, conabantur quibusdam libris, & trutinis alimentum distribuere, ut hac accurata subtiliq. ratione, & parcitate posset pluribus alimentum sufficere. Pondus autem eis ad libram, ut dixerit quispiam vtens lingua Romanorum, redibat. Accedens autem magnus ille Theodosius, cum id, quod fiebat, visu apprehendisset, & à magna multitudine vim afferri ianuis, & idem quod lob didicisset sentire, & diceret: foris

foris non diuersabatur hospes, & patebat ostium omni viatori: iubet portas *Iob. 31.* aperiri, & permitti, vt omnes volentes possent ingredi, & omnibus hominibus mensas consuetas apponi, quos difficile erat, vel numerare, non solum eos cibis satiare. Quicumque ergo ei erant inferuituri, quando ad solam tantummodo aspiciebant multitudinem, non credebant: tantum abest, vt aliquid facerent, propterea quod modum iussus exuperabat. Postquam autem adspexerunt ad virtutem, & gratiam eius, qui iubebat, ab humanis destiterunt, & altius adspexerunt, & portas statim aperuerunt, & libenter admiserunt eos, qui veniebant: & deinde etiam parandis mensis dabant operam, & liberaliter ea etiam apponebant, quæ habebant. Quid ergo Deus admirabilem? Rursus quoque suffecit paucis alendam magnam multitudinem; sicut etiam prius quinque panibus quinque millia. Simul *Ioan. 6.* ergo, & eorum impleti sunt ventres, & arcæ panariæ ostendebantur plene panibus: & illi quidem existimabant fore, vt omnia deficerent; ex vero erant plene, & plura tenebant, quam præbuerant, & per orationem veluti ad replendos ventres pauperum plurimum fructum produxerant. Sic pro eius proposito Deus ipsum est remuneratus, & pro eius beneficentia in pauperes non solum abunde desuper pluens propter eius magnificam voluntatem, sed etiam efficiens, vt vir ille in admiratione haberetur, & celebraretur, propterea quod sit minimè falsum promissum. Promisit enim eos glorificare, qui eum sciunt glorificare per opera. *1. Reg. 2.*

Futuram famem prauidentem Sanctus Remigius, in quadam Villa plures metas congregari fecit, sed perfidus populus eas incendendo memorabili supplicio punitus est.

Cap. 433.

Senescente autem S. Remigio, & Dei spiritu sibi reuelante, quoniam *In vit. S. Remigij 10. apud Sur.* abundantiam ipsius anni secutura esset fames, secutus S. Ioseph providentiam, de annona, quæ in villis Episcopi nata fuerat, vel quam ab alijs comparauerat, acervos, quos metas dicimus, fecit, vt populo, fame postmodum laboraturo, inde subuenire valeret. Vnde & in Villa, quæ Celtus dicitur, plures metas fieri iussit. Ipsi autem homines Celtenses, semper rebelles, & seditiosi fuerunt. Qui quadam die Dominica inebriati, ceperunt inter se dicere: Quid ille Iubilæus (sic enim appellabatur propter ætatis prolixitatem S. Remigius) facere vellet de illis metis, quas congregauerat? an Ciuitatem inde facere vellet? quia sicut turres per muros Ciuitatis, ita per circuitum Cortis, metæ habebantur. Et subdente diabolo, se mutuò adhortati sunt, vt focum in eas mitterent. Quod cum S. Remigio in propinqua Villa, quæ Basilicæ Cortis dicitur, consistenti, celeri nuncio est delatum, ascendit equum, vt ad tantam præsumptionem compescendum, ad Celtum veniret. Quo cum peruenit, iam ipsæ metæ ardebant. Beatus autem Remigius, & ætate, & vespertino frigore, sicut in autumnò fieri solet, frigidus de equo descendit, & à longè se calefacere cepit, tranquillo corde, & ore dicens: Semper bonus est focus, si non super potest. Veruntamen omnes, qui hoc egerunt, & qui de eorum germine nati fuerint, viri ponderosi fiant, & feminæ gutturnosæ sint. Quod ita completum

pletum est . Nam vsquè ad tempora Caroli Magni Imperatoris, qui eosdem homines de Celto , quoniam Vicedominum in eadem Villa morte crudelissima occiderunt , exterminauit , & authoribus interfectis , consentientes per diuersas prouincias dispergi , atque perpetuo exilio condemnari fecit , & de ceteris Villis Episcopi Rhemensis eandem Villam restaurari præcepit : ita viri , atquè feminæ mulctati permanserunt , sicut sancti viri sententia promulgauit . Quosdam etiam de eorum progenie , qui tunc fuga lapsi , cum alij dispersebantur , remanserunt , & ad eandem villam redierunt , nos hanc vindictæ sustinentes sententiam vidimus , sicut & Giezi cum domo sua , maledictione Elisæi lepra mulctatus est .

4. Reg. 5.

Propter infandas luxurias , & detestabiles blasphemias , & illicita iuramenta immitti , diuina vindicta , in terris famem , terramotus , & pestilentias . Cap. 434.

Novel. 77.

I Vstinianus Imperator haud dubius ob peccata diuinitus famem , pestem , & alia flagella immitti , ad populum Constantinopolitanum edidit sanctionem , his verbis .

Omnibus hominibus , qui rectè sapiunt , manifestum esse putamus , quia omne nobis est studium , & oratio , vt crediti nobis à Domino Deo , bene viuunt , & eius inueniant placationem : quoniam & Dei misericordia non perditionem , sed conuersionem , & salutem vult ; & delinquentes , qui corriguntur , suscipit Deus . Propter quod vos omnes inuitamus , Dei timorem in sensibus accipere , & inuocare eius placationem ; & nouimus , quia omnes qui Dominum diligunt , & misericordiam eius sustinent , hoc faciunt . Igitur quoniam quidam diabolica instigatione comprehensi , & grauissimis luxurijs semetipsos inserunt , & ipsi naturæ contraria agunt , istis iniungimus , in sensibus accipere Dei timorè , & futurum iudicium , & abstinere ab huiusmodi diabolicis , & illicitis luxurijs , vt non propter huiusmodi impios actus ab ira Dei iusta inueniantur , & ciuitates cum habitatoribus earum pereant . Docemur enim à diuinis scripturis , quia ex huiusmodi impijs actibus , & ciuitates cum hominibus pariter perierunt .

Et quoniam quidam ad hæc , quæ diximus , & blasphema verba , & sacramenta de Deo iurant , Deum ad iracundiam prouocantes : istis iniungimus , abstinere ab huiusmodi , & alijs blasphemis verbis , & non iurare per capillos , & caput , & his proxima verba . Si enim contra homines factæ blasphemix impunitæ non relinquuntur : multo magis , qui ipsum Deum blasphemant , digni sunt supplicia sustinere . Præterea igitur omnibus hominibus huiusmodi præcipimus à prædictis delictis abstinere , & Dei timorem in corde accipere , & sequi eos , qui bene viuunt . Propter talia enim delicta , & fames , & terramotus , & pestilentia fiunt : & propterea admonemus abstinere ob huiusmodi prædictis illicitis , vt non suas perdant animas . Sin autem post huiusmodi nostram admonitionem inueniantur aliqui in talibus permanentes delictis , primum quidem indignos semetipsos faciunt Dei misericordia ; post hæc autem , & legibus constitutis subiiciuntur tormentis .

Præcipimus enim gloriosissimo Præfecto Ciuitatis Regiæ , permanentes in præ-

in prædictis illicitis, & impijs actionibus post hanc admonitionem nostram comprehendere, & ultimis subdere supplicijs, vt non ex contempn-
taliū inueniatur & ciuitas, & Respublica per hos impios actus lædi. Sin
autem post hanc nostram suasionem quidam tales inuenientes hoc superce-
lauerint, similiter à Deo Domino condemnabuntur. Ipse etenim gloriosis-
simus Præfectus si inuenerit quosdam tale aliquid delinquentes, & vindi-
ctam in eos non intulerit secundum nostras leges, primum quidem obliga-
tus erit Dei iudicio posthæc, & nostram indignationem sustinebit] huc-
usquè Imperator.

*Aurelius Cassiodorus Senator auctus amplissima dignitate Præ-
fecturæ Prætorij, in tali magistratu, vir clarissimus, maxi-
mam ostendit pietatem, & ad Ioannem Romanum
Pontificem, eius implorans ad Deum preces pro
bono regimine, sic scribit. Cap. 435.*

S Vpplicandum vobis est Beatissime Pater, vt lætitiā, quam per vos, Deo
largiente, percepimus, custodiri nobis vestris orationibus sentiamus. Quis
enim dubitet prosperitatem nostram vestris meritis ampliandam, quando
honorem adipiscimur, quia à Domino diligi non meremur & permutatione
efficaci bona recipimus, dum talia non agamus? Ecclesiasticis si quidem
ieiunijs fames est exclusa popularis, decoris lachrymis tristitia scæda disces-
sit; & per sanctos viros acceleratum est, ne traheretur diutius, quod gra-
uabat. Et ideo salutans officiositate, qua dignum est, precor, vt viuacius
oretis pro salute regnātium, quatenus eorum vitam cælestis Princeps faciat
esse longæuam, Romanæ Reipublicæ hostes imminuat, tempora tranquilla
concedat: deinde, quod ornat pacem, necessariam nobis copiam de abun-
dantiæ suæ horreis largiatur: mihiq. filio vestro intelligentiæ sensus aperiat;
vt quæ vere sunt vtilia, sequar; quæ vitanda, refugiam: vigor ille rationa-
bilis animæ nobis consilium præstet; facies veritatis albescat, ne mentem
nostram innubilet caligo corporea: sequamur, quod intus est, ne foris à
nobis simus: instruat, quod de vera sapientia sapit: illuminet, quod cæle-
sti claritate resplendet: talem deniquè iudicem excipiat publicus actus, qua-
lem filium Catholica mittit ecclesia: in suis nos etiam muneribus virtus
sancta custodiat, quia grauiore insidias antiqui aduersarij tunc subimus,
quando eius dona suscipimus.

Nolite in me tantum reijcere ciuitatis illius curam, quæ potius vestra
laude secuta est. Vos enim speculatores Christiano populo præsidetis: vos
Patris nomine vniuersa diligitis. Securitas ergo plebis ad vestram respicit
famam, cui diuinitus est commissa custodia. Qua propter nos decet custo-
dire aliqua, sed non omnia. Pascitis quidem spiritualiter commissum
vobis gregem, tamen nec ista potestis negligere, quæ corporis videntur
substantiam continere; nam sicut homo constat ex dualitate, ita boni pa-
patis est vtraquè resouere. Primum penuriam quidem temporis, quam de-
licta promerentur, orationibus sanctis, amouete. Si quid tamen (quod
absit) acciderit, tunc benè necessitas excluditur, quando contra eam sub
vberrate tractatur.

Monetè

*Cas. Var.
l. II. epist. 2.
ad Io. Rō.
Pont.*

Monete me, quæ sunt gerenda sollicitè, benè agere vel correptus exopto, quia difficilior errat ovis, quæ voces desiderat audire pastoris; nec facilè efficitur viciosus, cui admonitor insistit assiduus. Sum quidem Iudex Palatinus, sed vester non desinam esse discipulus; nam tunc ista rectè gerimus, si à vestris regulis minimè discedamus: sed cum me à vobis desiderem & moneri consilij, & orationibus adiuuari, iam vobis est applicandum, si in me fuerit aliter, quàm optabatur, inuentum. Sedes illa toto orbe mirabilis proprios tegat affectione cultores, quæ licet generalis mundo sit præstita, nobis etiam cognoscitur, & localiter attributa.

Tenemus aliquid sanctorum Apostolorum proprium, si peccatis diuidentibus non reddatur alienum, quando confessiones illas, quas videre vniuersitas appetit, Roma foeliciter in suis finibus habere promeruit. Nihil ergo timemus talibus patronis, si oratio non desistat Antistitis. Arduum quidem est multorum desiderijs satisfacere; sed nouit diuinitas magna præstare, ipsa retundat inuidos, ipsa nobis faciat ciues cælesti aspiratione gratissimos, & supplicationibus vestris tempora tribuat, quibus superna gratia prædicetur indulta.] hæcenus ad Ioannem Papam Cassiodorus Præfectus Prætorio. Quibus plane quid delecti magistratus ipso suo exordio functionis agere deberent, admonuit; & tunc dexterè cuncta administrari in Præfecturis, cum se humili obsequio Præfecti subiiciunt sanctis Episcopis, quorum fulti precibus concilient sibi diuinum auxilium. Hæc quidem non ignorans sapientissimus Cassiodorus, non Romanum tantum Pontificem, sed & reliquos Italiae Episcopos interpellat, vt orationibus atque ieiunijs agant, & plebem ita instituunt, vt quæ in ea Iudex puniat, non inueniat. Extat digna quidem Christiano Præfecto ad ipsos Episcopos eo argumento scripta epistola, quæ ita se habet.

*Idem. l. 13
epist. 3.*

Corporalium patrum naturalis mos est de filiorum prouectione gaudere, dum eorum institutionibus applicatur, quicquid laudis in chara prole conceditur. Vos autem spirituales parentes, qui auctorem rerum illuminata mente conspiciatis, pro me sanctæ Trinitati sedulo supplicate, vt splendore latè faciat in medio positum candelabrum, quatenus nec mihi interior desit visus, & de me alijs pandatur aspectus. Numquid proderit, Iudicem alijs esse perspicuum, si sibi potius reddatur obscurus? Dignitatem conscientie donet, qui tribunalia conferre dignatus est: faciat inoffensum Iudicem, ne damnet errantem: sit nobis prosperrimè præsens, vt infausta vitia reddantur absentia, amorem suum tribuat, vt peccandi ambitum miseratus excludat.

Quapropter animæ vere parentes, affectuosa, & probabili petitione vos deprecor, vt indicto ieiunio, Domino supplicetis, qui vitam Principum nostrorum florenti Regno protendat, hostes reipublicæ defensor imminuat, donet quietia tempora, & ad laudem sui nominis copiosa, faciatq. rerum omnium tranquillitatem, vt me vobis reddere dignetur amabilem. Sed quo facilius vestra quoque exaudiatur oratio, estote circa eos, quos destinamus, attenti. Quod nescimus, nobis non debet imputari. Actus eorum testimonia vestra prosequantur; vt aut laudatus gratiam, aut accusatus apud vos inuenire possit offensam: neque enim nobis imputare poterunt, si delinquant, quando non iubentur mala dare, vt perperam cogantur accipere. Orphanis, viduisq. contra sauos impetus debent placida præstare solatia;

ita

ita tamen, ne (quod accidit) per nimiam pietatem, dum miseris subuenire quæritis, locum legibus auferatis. Nam si aliquid offendit fortè districtum, talia date cunctis monita, ut iura possitis reddere feriata.

Excludite, sanctissimi, inter immundos spiritus implacabiles vitiorum furores, violentiam temperate, avaritiam depellite, furta remouete, depopulatricem humani generis luxuriam à vestro populo segregate. Sic auctorem iniquitatis efficaciter vincitis, si eius persuasiones de humanis cordibus auferatis. Episcopus doceat, ne iudex possit inuenire quod puniat. Administratio vobis innocentiae data est. Nam si prædicatio vestra non desinat, necesse est ut penalis actio conquiescat. Et ideo dignitatem meam in omni vobis parte commendo, quatenus actus nostri sanctorum orationibus adiuuentur, qui minus in humana potestate præsumimus. Familiariter etiam mihi suadete quod iustum est. Non solum calidus adiutor, quod generaliter debeo, incoactus exsoluo: rependo etiam sanctitati vestrae honorificæ salutationis officium, textumque epistolæ affectuoso fine concludo, ut in mente vestra dulciora remaneant, quia benè sibi animus posteriora commendat. Hactenus ad Episcopos Cassiodorus; quibus quidem, quid seculi potestates, ipsi magistratus sibi ipsis, quid populo, quid Episcopis, atque in primis diuino cultui debeant, quid etiam Episcopi ipsis magistratibus atque populis præstare teneantur, edocet.

Ingentem planè hoc anno famem vexasse Urbem, tum recitata nuper epistolæ, tum alia plures ad diuersos ab eodem data significant. Degens enim ipse Rauennæ, ubi Rex erat, cum vices suas Ambrosio Romæ delegat, de eadem penuria dum agit, sententiam ipso Cassiodoro dignam accipe: Procul enim sit (inquit) ut aliquo eius Ciuitatis esuriante, satiemur. Illorum indigentia, nostra penuria est. Quid plura? læti esse non possumus, nisi & illos gaudentes communiter audiamus. Extat etiam eiusdem eo argumento, dum eadem fames vrgeret, ad Datium Mediolanensem Episcopum hæc epistola:

Minus prodest bonum iubere, nisi hoc per viros sanctissimos velimus efficere. Auget enim beneficium voluntas recta iustorum, & quidquid sine fraude geritur, hoc verè donantis meritis applicatur. Decet enim, ut munificentiam principalem sacerdotalis puritas exequatur: nam cui est studiū bonum de proprio facere, laudabiliter potest aliena vota complere. Et ideo Sanctitatem vestram petimus (cuius propositi est diuinis inferuire mandatis) ut de horreis Ticinensibus, & Dertonenibus panici speciem (sicut à Principe iussu est) tertiam portionem esurienti populo ad viginti quinque modos per solidum distrahi sub nostra ordinatione faciatis; ne cuiusquam venalitate ad illos perueniat, qui se de populo videntur posse transigere. Accipiat minus habens indulgentiam principalem. Egentibus visum est, non diuitibus subuenire: fundit potius, qui mittit in plenum, nam illud potius reconditur, quod vasis vacuis congregatur.

Quapropter Sanctitas vestra miserationis officia non putet iniuriam, quia totum vobis dignum est, ubi pietas inuenitur; siquidem aliena desideria fideliter gerere, hoc est bona propria perfecisse. Ad quam rem, Deo iuante, procurandam, illum atque illum curauimus festinare, qui Sanctitatis vestrae ordinationibus obsecuti, nihil ex se faciant, sed tantummodo vobis obedire contendant. Solidi verò quanti ex supradicta quantitate panici poterunt

Lib. 12. p.
27.

ss terunt

terunt congregari, vestra nobis relatione declarate, vt apud Arcarium reconditi ad supramemoratam speciem reparandam futuris referuentur, Deo auxiliante, temporibus more vestis rediuiuæ, cuius adunatio per fila resoluitur, vt in nouam faciem splendido potius decore texatur.] hæc Cassiodorus ad Datium sanctissimum Mediolanensem Episcopum.

De subleuata inopia Cassiodori edictum, quo Regis munificentia mirificè commendatur, qui Episcoporum arbitrio esse voluit pretium venalium rerum, quas hospites iter agentibus distraherent; huiusq. Præfeti Pratorij industria factum est, vt ab ingruente fame Italia seruaretur: quibus omnibus satis superq. ostenditur, quod ubi magistratus religione nituntur, cuncta foeliciter cedant. Cap. 436.

Cassiod. v.
riar. lib. 12
ep. 28.

Q Vis nesciat prouidentiam diuinam vsibus nostris aliqua velle subducere, vt humanum possit animum comprobare? Nam si nullum penitus indigere contingeret, locum proinde largitas non haberet. Data est prouincijs in Regis nostri laude penuria. Steriles facti sunt agri, vt vbertas Domini possit agnosci. Minus esset acceptissimum donum, nisi præcessisset incommodum. Gaudete prouinciæ, malisq. vestris potius gratiam referte, quando talem probatis animum Principis, vt nullis cedat aduersis. En pietas mirabilis, quæ vbique nostris repugnat incommodis. Nam cum se feritas gentilis prioris temporis animasset, Aemilia & Liguria nostra, sicut vos retinere necesse est, Burgundionum incursione quateretur, gereretq. bellum de Ciuitate furtium, subito præsentis imperij tamquam solis ortus fama, radiauit. Expugnatum se hostis sua præsumptione congemit, quando illum cognouit nominatæ gentis esse Rectorem, quem sub militis nomine probauerat esse singularem. Quoties se optauit de suis finibus non exire, Burgundio, ne principe nostro pugnaret aduerso? cuius licet præsentiam releuatus euaserit, foelicitatem tamen præcipitatus incurrit. Nam mox vt Gothi ad belli studium gemina se fortitudine contulerunt, ita prospera concertatione cæsa est rebellium manus, quasi inde nudos, hinc stare contigisset armatos, diuini æquitate iudicij, vt in ipsis campis prædo corrueret, quos vastare præsumpsit. Exulta aduersariorum cadaueribus ornata prouincia; aceruum ride funerum, quem inimicorum vitio constat effectum. Nunc melius culta Liguria, cui negato fructu segetis, messis prouenit hostilis. Nam & si tributa tua minus potuerunt accipi, triumphos in te natos foeliciter obtulisti. His additur Alamannorum nuper fugata surreptio, quæ in primis conatibus suis sic probatur oppressa, vt simul aduentum suum iunxisset & exitum, quasi salutaris ferri executione purgata, quatenus & malè præsumptum vindicaretur excessus, & subiectorum non omnino grassaretur interitus. Possem quidem vobis dinumerare, quanta in alijs locis hostiū turba ceciderit, sed more humani animi ad nostra foelicia festinantes, illud nos tantum dicere cupitis, quod ad vos specialiter pertinere sentitis. Redeamus ergo ad suauē principium, quando vos defendit à belli clade, nec inopix patitur pericula sustinere. Nam qui pertulit hostem prouinciæ, & famem

famem iussit exire . O certamen toto orbe prædicandum , contra indigentiam suam gloriosi Principis nostri bella mundus potius admiretur . Ego tamen dicam, quod sentio . In usum est viris fortibus, foeliciter egisse pugnas . Sed supra humanitatem virtutem esse constat, vicisse penuriam . Verum cum his tantis, ac talibus bonis nulla potuissent supplicum vota sufficere, adhuc & dimidiam relaxare pertulit ficalis calculi functionem , ne tristes in aliqua parte faceret, quibus tot foelicia præstitisset . Ioseph legimus contra famem funestam, emendi quidem tritici dedisse læticiam, sed tale posuisse pretium, ut suæ subuectionis audus, potius venderet alimonia mercaturus . Quale fuit, rogo, tunc miseris viuere, quibus acerba subuentio libertatem suam videbatur adimere ? Vbi non minus ingemuit liberatus, quàm potuit flere captiuus . Credo virum sanctum hac necessitate constrictum, ut & auaro Principi satisfaceret, & periclitanti populo subueniret . Pace tanti patris dixerim, quanto præstantius est, libertate salua frumentum vendere, & propter indigentiam tributa laxare ? Gratis constat ista venalitas, quando & vnde ematis celsit, & pretium, quod vos oblectet, imposuit . Vendit itaq. largitas publica videnos quinos modios, dum possessor inuenire non possit, ad denos ordinem rerum seculi mutauit humanitas, nos iubemur vile distrahere, cum esuriens paratus sit carius comparare . O nouum prædicationis euentum ! Affectum damni negociatio præuenit, & votum est vendenti magis perdere, ut quæstum comparans valeat inuenire . Talia profecto Regem decet tractare commercia, talem conuenit nundinationem, exercere pietatem, ut tunc minus acquiescat accipere, quando emptor plurima præcipitatur offerre . Licet referre, qualis etiam nobis sit dominantis affectus, quia & primo cessit, quantum sufficere credit, & nunc iterum postulata geminauit . Verecundum vobis erat aliquid sperare post dona, cum se adhuc benefica principis reseruaret humanitas, non audita despexit, quando ipse visa testatus est . Foelix illa calamitas, quæ prius miserantem reperit testem, ut post districtum Iudicem non haberet . Gaude igitur assue iam bono Ligur, in usu tuo secula venerunt : nam collatos tibi Aegyptios magna prosperitate vicisti . Euadis tempora necessitatis, & libertatis præmia non amittis ; immo illo tempore securus es ab hoste redditus, quando & de famis periculo cognosceris esse liberatus . Adhuc te prædictum ornat exemplum, adhuc est in qua parte superetur . Legitur enim Ioseph fratribus suis tantum saccis occulta pretia reddidisse . Quid mirum, si natura compellente proximis suis humanior visus est extitisse ? Hic autem cunctis largè vendidit, functionem debitam reliquit, & plus iste generaliter contulit triburarijs, quàm ille solis visus est præstitisse germanis . Breuiter dicantur effusa, hinc bona sua discat vniuersitas, quando non Regibus comparantur nostra secula, sed Prophetis . Sed ne diutius beneficiorum regalium cupidos occupemus, præcepta nostra ad eos, quorum interest, manasse cognoscite, ut secundum tenorem iussionis ad vos perueniat munificentia principis .

Italia ingenti fame vexatur : In Piceno præ inedia quinquaginta millia hominum interierunt . Passim ubique homines moriebantur . Duæ feminae septemdecim peregrinos interfecerunt , ut eorum carnibus diuescerentur : Pascebant herbas sicut oves , & super eas moriebantur . Superatum est scelus apud Iudaos patratum , ut plures matres , membra natorum comederent . S. Benedicti monasterio Deus mirabiliter prouidit .
Cap. 437.

*Procop. de
bel. Got. li.
2.*

Christi Anno 539. qui quartus belli Gothici à Procopio ponitur inchoatus , dira fames vexauit Italiam , de qua ista Auctor habet : Cum (inquit) iam se verterat annus , & messis tempus adesset , in campis frumentum sua sponte maturefcebat ; non tamen quia prius id copia fuit , sed longe minori , ut quod nec hominum manibus , nec bouum labore satum , humoquæ rectum fuisset , sed temere in agri superficiem iactum : vnde eius pars quædam terræ vi fota emerferat ; ipsum id tamen cum demeteret nemo , præ nimia sui maturitate in terram iterato excidens renascebatur . Quæ res cum eundem in modum in Aemilia accidisset , eius regionis homines proprijs sedibus ac bonis relictis in agrum Picenum profugerunt , haudquaquam existimantes eius provinciæ loca , quia maritima essent , eadem omnino rei frumentariæ inopia premi . Tuscos præterea haud secus , ac pari de causa fames attigerat . Ex his tamen , qui montes incolebant , frumenti in modum è glandibus commolitis confectum panem edebant . Vnde vulgatis velut in pecua morbis , uti par erat , multi mortales capiebantur , & paucis superstites interibant . In Picentes autem tradunt non minus quinquaginta millia hominum præ inedia interiisse , & longè plures extra Ionicum sinum . Qua autem morbi specie , & quemadmodum hi morerentur , mox explicabo .

Cum enim nihil ijs esset , quo vescerentur , extenuati nimirum omnes palentesq. reddebantur , caroq. ut cibo diutius carens in se ipsa retracta cohaererat : fel item cum nimium abundaret , atque adeo corpora ipsa vi sua oppressa iam infecisset , haudquaquam sinebat suo è pristino cursu in his venas defluere . Malo itaq. peruincente , nihil prorsus succi corporibus relinquebatur . Cutis præterea obdurata corio persimilis erat , præ se maximè ferens , quod impacta ossibus inhæssisset , liuore iam in nigredinem commutato : vnde & homines exustis facibus nihil absimiles videbantur , eorumq. facies stupidior erat , toruusquæ furentis aspectus . Mortem itaque passim obibant , cibi partim inopia , nimia partim saturitate . Nam postquam in his fuerat calor omnis extinctus , quem natura introrsum excusserat , si quis fortè eos ad satietatem , & non paulatim cibasset (ut recens nati lactari solent) cum ingestos minus digererent cibos , celerius longè moriebantur . Fuere , qui fame cogente , alterni se esitarent : feminas enim duas fuisse tunc tradunt , quæ viros septemdecim interfectos absumperint : hæ namq. (ut ferunt) cum solæ & residues domi , ceteris mortuis superfuissent , diuertentibus ad se peregrinis , noctuq. dormitantibus interfectis

festis diuescebantur : septem itaq. & decem diuersis temporum spatijs in cibum absumptis, octauus ac decimus, qui ad has fortè diuerterat, somno tunc subito experrectus, cum in se eadem, quæ & in ceteros fecerant, molirentur, cognita primum facti ab his ratione, vtrisque obruncat.

Sed eo iam alibi euaserat famis necessitas, vt quicquid vbique herbarum esset, celerius nonnulli adirent, & genu in terram nixi, cum auellere has niterentur, deficientibus viribus (nam è corporibus vigor omnis abscesserat) porrectas ad herbas solo moribundi procumberent, insepultiq. passim manerent, cum hos nemo humo contegeret : non enim erat qui sepulturæ rationem haberet.] hætenus de fame Procopius, horum inspector ac deplorator.

Porro Miscellæ auctor coniungit famem hanc cum ea, quam Vrbs passa est, dum obsideretur : sed quàm atrox ista fuerit, testificatione sancti Dacii Mediolanensis Episcopi ita paucis describit : Tanta siquidem per vniuersum mundum eo anno, maximèq. apud Liguriam fames excreuerat, vt, (sicut vir beatissimus Dacius Mediolanensis Antistes retulit) pleræq. Matres infœlicium natorum comederent membra. Hæc ipse, quæ quidem perperam ponit sub anno decimo quinto Imperatoris : sicut & errare conuincitur Cedrenus, qui eandem sub anno nono recenset : nam quantum ex Procopio, qui præsens fuit, inspicere licet, ad tertium decimum hæc sunt annum referenda. Sed non defuit tunc Dei seruis annona.

Tunc enim accidisse videtur mirandum illud, quod S. Gregorius de sancto Benedicto narrat his verbis : Alio quoque tempore in eadem Campaniæ regione fames increbuerat, magna. omnes alimentorum indigentia conangustabat : Iamq. in Benedicti monasterio triticum deerat : panes verò penè omnes consumpti fuerant, vt non plus quàm quinque ad refectionis horam fratribus inueniri potuissent. Cumquè eos venerabilis Pater contristatos cerneret, eorum pusillanimitatem studuit modesta increpatione corrigere, & rursus promissione subleuare, dicens : Quare panis inopia vester animus contristatur ? Hodie quidem minus est, sed die crastina abundanter habebitis.

Sequenti autem die ducenti farinæ modij ante fores cellæ in saccis inuenti sunt, quos omnipotens Deus quibus deferentibus transmisisset, nunc vsque manet incognitum. Quod cum fratres cernerent, Domino gratias referentes, didicerunt iam de abundantia nec in egestate dubitare.] hæc Gregorius.

*Greg. Dial.
lib. 2. c. 21.*

Misus est à Deo Totila ad Urbem flagellandam, non solum ferro, sed fame validissima, ut Romani deficiente farina, vescerentur furfure; deficiente furfure, ederent de mortuorum animalium carnibus; & ijs absumptis conuerterent se ad vriticas edendas, quidamq. purgamentis in cibum, & stercorebus vterentur, quidam autem sibi manus inferrent, & quidam pater coram filijs famescantibus se in Tyberim precipitaret, & milites Isauri fame confecti Urbem Gothis tradiderint; Bessæq. domus plena auro, & spolijs, quæ ex vendito clam frumento, & fraudatis militibus lucratus fuerat, prædæ Gothorum cessit. Cap. 438.

*Procop. de
bel. Got. li.
3.*

Cum obsessa Roma à Totila, graui premeretur inedia, ad eam leuandâ incubuit opera Pelagij Diaconi Sanctæ Romanæ Ecclesiæ, cuius res gestas cum Totila ipso anno duodecimo belli Gothici, simul & cladem Urbis sic idem describit Procopius: Erat (inquit) tunc fortè inter Romanos & sacros viros Pelagius quidam Diaconus, qui diu Byzantij commoratus, maximam sibi cum Imperatore conciliauerat amicitiam. Vnde & pecuniarum vi maxima circumfultus, Romam se paulò antequam obsideretur, contulerat. In eaq. deinde obsidione necessarijs indigentibus eius pecuniæ partem largiter impartitus, cum vel antehac esset inter Italos omnes vir probus, maiorem (vti par erat) charitatis, & in proximos quoque beneuolentiæ gloriam retulit. Huic igitur, cum præ fame indigna quædam Romani, & difficillima paterentur, facile suadent, conuentum vt Totilam precaretur, paucorum sibi dierum inducias his conditionibus daret, vt si intra constitutum inter se tempus nemo sibi suppetias ex Byzantio venerit, sine mora, se ipsi Urbemq. Barbaris proderent. His cum mandatis vbi ad Totilam Pelagius venit, & ab eo est perbenignè susceptus, prior Totilas sic exorsus est:

Constat sanè apud Barbaros omnes, id lege cautum esse, oratores vt hi plurimum colant & reuerentur. Mihi verò, qui virtutis sibi aliquid compararunt, qualis es tu, honorem deferre simul & reuerentiam iam pridem studium fuit. Sed oratoribus delatos honores, siue illatam his ignominiam, non personarum mansuetudine, siue verborum tumiditate & elegantia discerni reor, sed cum vera quædam fatentur, vel non sanis admodum verbis vtuntur. Oratori illi itaque honor deferri maximè solet, qui veritate mox patefacta, ad suos dimittitur; sed is ignominia præ ceteris affici, qui vbi commentitia quædam & subdola fecerit verba, ad suos mox redeat. Cetera quidem Pelagi, quæ à nobis petieris, facile consequeris, tribus dumtaxat exceptis, & vbi hæc caueris, vt planè subijcias magis expediet, ne fortè maximam ipse causam præbeas, quominus eorum vel peragas, quorum ob gratiam huc aduenisti, vel nos fortè ex re infecta incuses. Petere namq. quæ præsentibus haudquaquam rebus conueniant, plurimum proculdubio facit, nemo pro votis, vt quippiam consequatur.

His autem sic interdico, ne quoquam pacto pro Siculis, vel Urbis moenibus hisce, vel transfugis seruis verba nunc facias, quandoquidem fieri non potest,

potest, ut aut Gothorum opera uti pro Siculis queas, aut murus ut iste Urbis integer maneat, vel serui ipsi, qui nobiscum nunc militant, suis quondam de cetero dominis seruiant. Verum ne videantur hæc inconsiderata quadam per nos prætendi sententia, & causas ipsas explicaturi mox sumus. Fuit olim Sicilia insula, & prisca quidem temporibus pecuniarum, ut felix prouentu, ita & cuiusvis generis frugum in ea nascentium ceteris terris fecunditate præstantior; atque ut non solum hæc incolis suppetant, sed vel vobis Romanis itidem ad vitam sint necessaria per annos singulos exportantibus satis. Vnde tunc primum Romani Theodoricum deprecabantur, ne ea in Insula maius aliquod Gothorum præsidium collocaret, ne ea res fortè ad ceteras prosperitates eorum libertatem interpellaret. His ita peractis, hostium exercitus in Siciliam nauigauit, qui fermè nec hominum multitudine, nec re alia vlla nobis essent in bello pares. Siculi verò, visa hostium classe, non ad Gothos quicquam denunciare, nec se continere munitionibus, nec hostibus saltem censere utcumque occursum tunc esse, sed promptissimè patefactis tunc Urbium portis, supinis hostium exercitum manibus exceperunt; & haud secus egere, ac infidissima seruitia solent, quæ diutius in carcere asservata, dum dominorum volunt manus effugere, in novos quosdam & alienigenas statim incidunt. Ea itaq. ex Insula hostes, ut è loco munito impetu facto, omni Italiæ ora sine vlllo potiti negotio sunt; quin etiam vel Urbem hanc Romam cepere, ac tantum inde frumenti numerum importarunt, ut vel obsessi in anni spatium queant Romanis obsistere. De Siculis hætenus, quibus per Gothos ut venia detur, fieri nullo modo iam poterit, criminum magnitudine misericordiam ab his adimente, qui affecti iniuria sunt.

Nunc verò intra hos muros hostes se exercendo, in campum quidem descendere, & nobiscum acie decertare minimè censent, dolis verò & decipiunculis continenter, & per singulos dies nos oppugnando, iniuste quidem nostris his rebus, & planè absurdus nunc potiuntur. Ne itaq. iterato hæc eadem patiamur, providendum iam ducimus. Qui enim præ ignorantia semel circumuenti falluntur, si rursus in infortunium recidant, quia minus periclitando præuideant consuetam sibi calamitatem, haudquaquam ex aduersante fortuna id fieri videbitur, sed quia se deliquisse planè ignorent: vel illud quidem adiecerit quispiam, & vobis omnibus maximè profuturum, ut Urbis hæc mœnia solo æquentur, ne cum alijs & ipsi demum coerciti, vel ab insultantibus hostibus circumuallati, sed malis exclusi alieno periculo, nec vlllo vestro discrimine victoribus futuri sitis in præmium. De seruis verò, qui vltro ad nos concesserunt, dicturi hæc sumus. Si enim qui nobiscum fuere in hostem instructi, & à nobis deinde fidem nostra ex confessione acceperunt, ne se vnquam veteribus dominis utcumque restituant, vestras in manus dedendos esse nunc censuerimus, profectò nec vobis quidem traditam fidem seruaturi quandoq. essemus. Non enim, qui vel cum omnibus miserrimis pactiones factas neglexerit, erga alium quempiam firmiorem, præferre animum quiverit; quin potius veluti absurdioris naturæ indicium, ad omnes, qui secum versantur, circumferre perfidiam videtur. hæc Totilas.

Pelagius vero ita respondit: Summum tibi, vir strenuè, in dicendo studium fuit, me simul, & oratoris nomen extollere, etsi aliàs in fordif-

sima statuisti nos sorte. Virum namq. amicū, & oratorem non solum, eum affecisse contumelia duxerim, qui vel caput illi percussit, vel alio quouis in hunc defæuiat modo, sed vel qui re infecta dimiserit ad se delegatum. Non enim homines oratoris munere idcirco funguntur, vt honorem ab his consequantur, qui suscepturi se sint, sed quod vsui Reipublicæ in posterum sit, peragendo, ad eos qui se legauerint, mox redeant. Sic igitur velut affectis iniuria longe magis conducatur eorum aliquid effecisse, quorum ob causam venerint, quàm Principum verbis benignioribus auditis, nihil pro spe consecutos ad suos redire. Deprecor autem, haud quaquam scirem, quæcunque præfatus nunc es. Cur enim quisquam ei molestū se præbeat, qui antequam postulatis respondeat, conuentiones facturum se neget? Sed illud quidem minime subtricebo, quod præ te facile feras, quantum erga Romanos, qui in te arma susceperint, ostensurus benignitatis, & beneuolentiæ sis, qui in Siculos nil tibi aduersatos immortale quoddam decernas effundere odium. Sed ipse, mea ad te omissa legatione, ad Deum hanc transferam, qui supplicum contemptores odisse solet. His Pelagius dictis, abscessit.

Quem Romani, vbi re infecta ad se redeuntem videre, eo acrius animo confictari, quo & fames quotidie inualescendo, insanabiliter eos afficeret. Militibus vero nondum necessaria deerant, sed se adhuc sustinebant. Vnde Romani Græcis immixti, exercituum Præfectos Bessam, & Canonem ad-euntes, lachrymabundi, & multo cum gemitu profati huiusmodi sunt: Talem vobis præsentem esse fortunam spectamus, vt si vel impium aliquod aduersum vos facinus patrassemus, haud quaquam posset id merito nobis in crimen ascribi: necessitatis siquidem magnitudo excusationis in se plurimum habet. Nunc vero cum nobis ipsis ad opitulandum nil quicquam sit virium, verbis ostensuri calamitatem ipsam, hanc deploratum nunc ad vos venimus. Sed benignè quæ dicturi nos sumus audiat, precamur; nec vlla dicendi audacia obcurbari vos volumus, sed malorum ex ea pensitare nunc magnitudinem. Nam qui de salute cogitur desperare, nec opere quidem, nec verbis decorum seruare de cetero poterit. Nos vero, ò Principes, nec Romanos quidem, nec vobis consanguineos ducitis, nec eorumdem, vel morum, vel legum socios esse, sed perinde rebelles, & qui Imperatoris non vltro intra Vibem exercitum exceperimus, sed hostes potius ipsos, in vos armis desumptis. Nunc vero veluti acie victis, captisq. bello, vobis in seruitutem ex lege cedentibus, date vestris mancipijs alimenta, non ad necessitudinem suffectura, sed quæ ad tenuem saltem vitam ducendam sint satis: vt & nos superstites facti, vobis contra subministremus, quæcunque Dominis serui par est vt ministrent. Quod si id vobis non facile placet, sed dignum duxeritis, sine vlla ope missos nos facere, id lucris estis denique habituri, quod in seruorum nihil operæ insudabitis sepulturam. Et si ne id quidem de vobis sperandum relinquitur, saltem nos obtruncate, nec morte honesta nunc fraudetis, nec vitæ exitium nobis inuideatis omnium proculdubio suauissimum, sed vno facinore Romanos infinitis liberate difficultatibus.] hæcenus ad Præfectos militum Romani. Pergit vero Procopius.

Præfecti itaq. his auditis, commeatus Romanis quos tribuant, nullos in præ-

præsentia esse respondent : ipsos vero necare , impium ducere , nec planè sine discrimine fore , si sic relinquuntur : Belisarium tamen , & ex Byzantio transmissos exercitus identidem affirmare assuturos propediem esse . Deniquè his verbis Romanos solati dimittunt . Fames interea inualecendo in immensum cum accreuisset , maximum in malum euasit , ut quæ ciborum absurdiora quædã suggereret genera , & naturæ excedètia terminos . Sed Bessas , Canonq. ut Urbis Præfecti custodiæ frumenti maximum numerum intra moenia sibi reconditum , sua necessitate militibus fraudatis , Romanorum primoribus , & his quidem diuitibus ingenti pecunia venditabant : medimni si quidem (quod utique mensuræ est genus) auri septem pretium erat . Sed quibus non erant tantæ domesticæ facultates , cibos tam delicatos ut possent , & tanti opulentiorum more absumere , eius pretij parte quarta depecta , fursure medimnum complentes , pane inde sordidiore confecto diuescebantur , id cibi genus necessitate ipsa suauissimum faciente .

Bessas porrò , & eius armigeri , qui bouem haberent venalem , aureis quinquaginta vendebant . Ex Romanis vero cui vel equus forte obijisset , vel istiusmodi aliquid demortuum erat , & putidum , inter felicissimos habebantur , quia mortui animalis carnibus vesci posset . Cetera hominum turba vtricas dumtaxat edebat , quales circa Urbis pomarium , & locis incultioribus passim , & assatim nascuntur , quas tamen decoctas , ne vel sapore , vel innatis offenderentur aculeis , esitabat . Quandiu itaq. fuit Romanis nummus , frumentum (ut dictum est) & fursures comedebant : verum ubi demum is defuit , domesticam suppellectilem omnem in forum inferre , & pro diurno hanc victu in eorum commutare iacturam ; sed ubi frumenti militibus nil reliquum fuit , quod impertiri Romanis possent , ad vtricas vniuersi iam circumspicere , quibus deficientibus , cum earum non magna his copia esset , atquè adeo ad saturitatem non omnes haberent , corpore extenuari deniquè ceperunt , colorq. cum in pallorem se paulatim , & liuorè conuertisset , simillimi Idolis videbantur , pleriq. vero , vel incedentes , vel dentibus adhuc ipsis vtricas mandentibus de improviso exanimati cadebāt .

Iamq. vel purgamentis in cibum , & stercorebus utebantur : nonnulli etiā fame nimia prægrauati manus sibi met inferebant , cum nec canes quidem , nec mures de cetero inuenirent , nec aliud vsquam demortuum animal , quibus uti in cibū possent . Erat inter ceteros Romanos vir quidam liberorum quinque factus iam Pater : hunc filij omnes circumstitebant , præhensandoq. ut assolent , cibum sibi effagrabant . Tum ille nec ingemiscens quidem , nec ullo edito perturbationis indicio , sed fortissime dolore dissimulato filios iussit se subsequi , & cibum mox accepturos . Vbi vero supra Tyberis pontem peruenit , capite obuoluto , velatisq. oculis , in Tyberis aquas confestim exiliuit , spectantibus filiis , Romanisq. ceteris , qui ea tunc forte è regione constiterant .]

Eoque processit dira illa fames , ut milites ipsos coegerit ad Urbem , prodendam Gothis . Gothi autem Vrbe potiti optima quæquè rapuere : sed illud inter cetera tunc actum est , diuino quidem , iustoquè iudicio , ut Gothi ingrederentur domum Bessæ , ut qui omnium vel perditissimus homo infaustum illud diuenditi frumenti pretium Gothis ad ceteram prædam accumulasset .

Omnes

Omnes autem populi ex durissimis istis casibus erudiri debent, ut Deum peccatis ad flagella non prouocent; & si prouocauerint poenitentia, & emendatione morum iram eius mulceant, ne sub flagellis pereant.

Fridericus Imp. volens Romanum Pontificem è sede deicere, dolo, & fallacia Pontificem, & Gallie Regem in maximas redigit angustias: sed vindicator Deus, Friderici exercitum tanta fame vexauit, ut ipsum, & exercitū eius ad propria redire compulerit.

Cap. 439.

Alex. Alex.
III. ex Bi
bliot. Vat.
à Baro. an.
1162.

Fridericus videns totum mundum post Alexandrum Pontificem currere, Orthodoxos Reges, & Principes Orbis ei tanquam Romano Pontifici honorem, & reuerentiam exhibere, erubescere in se ipso, & propria eum accusante conscientia, confundebatur, & terrebatur. Verecundabatur autem ab incerto malo desistere, quia præ ceteris suis antecessoribus fortis, ac potentissimus erat, & fere iam totam Italiam sibi subiugauerat. Ex altera vero parte dubitabat plurimum, ac timebat de amissione Imperialis Curie, si Dominus Alexander Papa suis temporibus prævaleret. Positus ergo in tantæ ambiguitatis lubrico, apud se cogitauit, sicut homo huius seculi prudentissimus, sagax, & callidus, qualiter posset Alexandrum, & idolum suum Victorem iudicio vniuersalis Ecclesie pariter deicere, & personam tertiam in Romanum Pontificem ordinare. Et quoniam unicuique proprium esse solet, ut qualis ipse fuerit, tales sibi coniungere velit, adsciuit comitem Henricum Treientem, de quo maximè confidebat, & reuelans ei cogitatus suos, traxit ipsum ad suam voluntatem, & coadiutorem, & cooperatorem suæ deliberationis fecit. Comes autem taliter ab Imperatore instructus, & taliter informatus, ad propria rediit, & accedens sicut tentator ad Dominum suum Regem Francorum, virum siquidem pium, & columbinæ simplicitatis, fraudulenter suggessit ei ex parte ipsius Imperatoris bonum simulatum de reformanda pace Romanæ Ecclesie, in hæc verba:

Vult Imperator instructus contemplatione diuini amoris hoc bonū opus vobiscum hoc modo agere, ut vos duo maiores Principes Orbis conueniatis in vnum apud Auenionem, in confinio Regni vestri, & Imperij sui, cum maioribus personis tam Clericis, quàm laicis Imperij & Regni vestri. Et ipse quidem adducet secum Octavianum cum sequacibus suis, & vos Alexandrum cum suis nihilominus habeatis. Postquam verò vos duo cum vtraque parte in præsentia tantorum virorum conueneritis, & electio vtraque diligenter audita fuerit, per illic congregatam Ecclesiam Gallicanam, Italicam, & Theutonicam, decernatur de vtroque quod melius, & vtilius videbitur statuendum & ordinandum.

Et quoniam bonus visus est sermo iste de reformanda pace Ecclesie prædicto Regi, sicut vero Israelitæ, in quo non est dolus, quoniam ab ipsa discordia mala plurima per omnes Ecclesias pullulabant, in bona simplicitate sua consensit persuasionibus ipsius Comitum, promittens ei, ut ex parte sua Imperatori securitatem præstaret super ijs, quæ sibi suggesserat. Cum igitur

tur hæc à Domino Rege Comes impetrasset, illicò redit ad Imperatorem in Lombardia existentem, & fecit ei iuramentum ex parte Regis, sicut dictū est superius. Exijt ergo malus sermo per vniuersas Italiæ Ciuitates, dolentibus Catholicis, & timentibus in facto ipso, nisi Dominus consilium ipsum præmeditatum aduersus antiquam Ecclesiæ libertatem infatuaret. Appropinquante autem statuta die, cum vniuersa multitudo Principum suorum, & militum armatorum Imperator Fridericus accessit ad locum, & Octavianus cum schola complicum suorum secutus est eum quoque: Rex Fræcorum cum Primatibus, Episcopis, atque Baronibus suis ad eundem locum nihilominus festinabat, & Alexandrum Pontificem apud Saluiantum habuit obuiā, in quo loco se inuicem honorantes, vt simul ad colloquium ipsum proficerentur, per biduum tractauerunt.

Sed quoniam omnino videbatur indignum, & sanctorum Patrum statutis contrarium, vt sanctissimus Pontifex, & prima sedes aliquod deberet humanum subire iudicium, visum est omnibus, vt de melioribus Ecclesiæ Romanæ mitterentur illuc ea tantummodo causa, vt per omnes electio Domini Alexandri canonica monstraretur, & electionem Octauiani tamquam posteriorem, nullius fuisse momenti nihilominus probaretur. Missi sunt ergo à Pontifice Romano A Portuensis Episcopus, N tituli sanctæ Crucis, I sanctæ Anastasiæ, & I sanctæ Mariæ in Colinedin, & R sancti Theodori Diaconi Cardinales cum Rege ad supradictum locum. Et illis abeuntibus, Pontifex cum reliquis fratribus Aquitanæ ad monasterium Dolense deuenit. Rex autem comitatus à principalibus personis suis, postquam peruenit apud Diuionem, processit vsque ad montem Saonis, qui Theutonicos à Francigenis dirimebat, expectans, quid sibi de causa ipsa Imperator vellet proponere.

Tunc hæresiarca Octavianus videns Ecclesiæ Romanæ personas cum Ecclesia Gallicana contra opinionem suam venisse, & aduersum se constantissimè stare, valde perterritus est, & de facto suo cæpit penitus desperare. Quocirca vertens se ad Imperatorem, dixit ei: Ille aduersarius meus dignatus est huc venire, & tu causam meam, quæ in conspectu tuo iudicata est in Concilio Papiensi, & approbata, permittis iterum iudicari, & petrastrari? Tunc Imperator attendens verba ipsius Octauiani, valde turbatus est visus, & aduersus Regem Francorum loquens, ei per internuncios in hæc verba prorupit: Ecce videris me iam decepisse, & contra iuramentum conuentionis manifestè venisse, cum illum Papam, sicut promisisti, in hunc locum non adduxisti.

Cui Rex habito cum suis consilio, in hunc modum respondit: Quamuis absentiam Pontificis iustè ac rationabiliter valeamus excusare; ne tamen honori commissi mihi Regni, aut famæ aliquo modo derogetur, & ne fallaciæ notam iustè, vel iniustè possim incurrere, Ego absque mora ipsum Pontificem cum suis fratribus absquè dolo, & fraude ad hunc locum vocabo, & adesse faciam. Misi itaque Rex citissimè, sicut promiserat, Nuntios ad Alexandrum, vt cum suis fratribus sine mora ad eum veniret, nisi vellet eum in captione Imperatoris, prout inter eos constitutum fuerat, detineri.

Quo audito, Pontifex, & fratres eius attendentes Regem Francorum dolosis circumuentionibus fuisse deceptum, valde in se ipsis turbati sunt; & pro-

& prospicientes grauissima sibi vndique imminere pericula, magno timore timuerunt. Si enim illuc, humanum iudicium subituri, pergerent, Ecclesiae libertatem per violentiam periclitari cernebant; quod si non irent: pro detentione Regis circa iusiurandum, & conuentionem, quam cum Imperatore fecerat, personarum eis, & rerum immineret spoliatio. Videbatur sanè maxima ipsius Imperatoris potentia, terribilis, & nimium formidanda, quippe qui Daciae, & Bohemiae Reges cum Ducibus, & Principibus suis, & cum magna multitudine armatorum militum, sicut credebatur, illuc secum adduxerat, & de praedicto Pontifice, & de Francorum Rege male iam diu cogitauerat, ut ipso colloquio posset iuxta suum desiderium consumere.

Sed pius, & misericors Dominus, qui non derelinquit sperantes in se, & praua dissipat consilia Principum, non est passus eundem Pontificem, & pium Regem Francorum in angustia maxima positos tentari supra id, quod possent, sed ex insperato fecit cum tentatione prouentum. Excitauit spiritum gloriosi Regis Anglorum, ut in subuentionem Domini sui, & Francorum Regis cum maxima multitudine virilium pugnatorum aduersus eundem Imperatorem animositate nimia festinaret. Immisit etiam Deus tantum famis cruciatum in exercitum illis, ut pro nimia ciborum penuria vnus panis modicus ab esurientibus emeretur pretio vnus marchae argenti. Vnde quia ipse Imperator, nec moram ibidem facere, nec malum, quod in corde gestabat, poterat exercere, occasionem recedendi ab ipso honestiorem, quam potuit, celeriter studuit inuenire. Igitur per Rainaldum Cancellarium, & alios fautores suos egregio Regi Francorum locutus est in hæc verba: Mandat vobis Dominus noster Fridericus Imperator Romanorum, & specialis Romanæ Ecclesiae aduocatus, quod ad nullos Ecclesiarum Prælatos de causa electionis Romani Pontificis iudicium facere pertinet, nisi eos tantum, qui sub Romano Imperio existunt: ideoque bonum videtur, & iustum, ut cum Episcopis, & Clero vestro ad eundem Imperatorem tanquam amicum, & socium accedere, & illius sententiam audire debeatis.

Quibus verbis auditis Rex modicum subridens, respondit ei in hunc modum: Miror prudentem virum vana mihi, & fabulosa verba misisse. An ignorat praedictus Imperator, quod Dominus noster IESVS Christus, cum esset in terris, B. Petro, & per eum vniuersis successoribus eius oues suas pascendas comisit? Nonne audiuit in Euangelio ab eodem Dei filio eidem Principi Apostolorum dictum: Simon, diligis me? pascere oues meas. Nunquid sunt hi Francorum Reges, vel aliqui Prælati excepti? An Episcopi Regni mei non sunt de ouibus, quas filius Dei B. Petro commisit? Et his dictis, vertit habenas equorum cum contemptu, & statim ad arma cum Baronibus, & reliqua militia sua confurgens, debiliora Regni sui loca muniuit, & tamquam vir prudens, & fortis ad sedem suam cum gloria remeavit, propitiantem Domino. Fratres verò, Cardinales scilicet, qui missi fuerunt à Pontifice, ad ipsius praesentiam cum gaudio remeantes, narrauerunt omnia, quæ ad honorem Dei, ex colloquio & indulgentia gloriosi Regis Orthodoxi facta fuerant. Vnde, & exultantes gratias egerunt Domino Nostro IESV Christo, qui cum eis misericordiam fecerat, & eos de manibus tam potentis hostis liberare dignatus fuerat. Imperator autem remanens in erubescètia sua

con-

confusus, coactus est multa famis inedia exercitum ad propria remittere: & ipse ad Regnum Teutonicorum, non sine magna tristitia remeavit.

Quidam pauper fame laborans petebat triticum à diuite duro, lachrymas pro pecunijs offerens: post autem terribili prodigio diuitis copia, pauperum inopiam subleuauit.

Cap. 440.

Castigabat Deus Cypri Insulam pluuiæ egestate, & grauis premebat In vit. S. siccitas, & siccitatem quidem consequbatur fames: famem autem, Spyri. apud pestis. Et populi quidem magna pars iam interierat: altera vero id mox Lyffoman. credebatur passura. Opus autem habebat illud malum omnino aliquo Elia, tom. 5. aut alio illi simili, qui cælum aperiret oratione. His vero erat Spyridon. Nam cum plaga grauiter vrgeret, & populum valde persequeretur, ipse pro grege magnum capiens angorem, & paternis inflammatus visceribus, rogat quidem, vt clemens Deum clementem. Ille autem statim implet cælum nubibus ex extremo terræ: & quod est mirabile, ne aliquem motum elementorum existimaret consequi pluuiam, Deus eas procul ostendit. Sistiit autem, non prius permittens eas ascendere Insulam, quàm Sanctus eum rursus oraret. Nondum enim ille guttam emiserat lachrymarum, & protinus multa erupit pluuiæ, & pinguescit quidem terra, aluntur autem fructus, & crescunt segetes, & omnia simul mala soluuntur. In hoc Spyridon fuit ipso Elia, vt aliquid dicam audacter, benignior. Nam Elias quidem, cum pluuiam retinisset, deinde rursus remisit. Ille vero primum non imitatus, ei par in secundo. Et hoc quidem est eiusmodi. Alterum autem est illo nihilò inferius.

Affligebat rursus communis calamitas, & fructum non ferebat Insula. Frumentarij autem, & frumenti cauponatores, in tantis Dei minis volentes frui delitijs, & tempore callide, & malitiose vtentes, magis augebant calamitatem, frumenti, vt dicit scriptura, trahentes, & augentes pretium: & è propinquorum malis impium sibi lucrum parantes. Ad vnum ergo horum diuitum cum quidam pauper accessisset, & pecunias quidem non haberet quibus emeret, quæ erant sibi ad vsum necessaria, lachrymas autem, quas, prohi dolor, habebat, exolueret, & flebiles voces miserabili habitu, & obrutu emitteret, illum inflexibilem conabatur flectere, pedes prensans, totam domum complens eiulatu. Quid non faciens: Quid non dicens, quod posset attrahere ad misericordiam? Postquam autem nihil horum omnino lapideam illam animam mouit ad miserationem, vnum refugium inuenit pauper, nempe sanctum. Ad quem cum accessisset, & suam inopiam, & summam diuitis refert egestatem misericordiæ. Cum is autem hoc audisset, misertus quidem est calamitatis: diuitis vero odio habuit immanitatem: & veluti à Deo afflatus, prædixit in primis propheticè: Tu autem nec gemas, nec lachrymeris: Tua enim domus cras abundabit bonis, qui autem nunc est diues, simul erit & miserabilis, & irridebitur, & inuitus tibi cederet ijs, quibus egres, promptoq. & alacri animo rogabit, vt accipias. Hæc pauper putabat sanctum quidem solum dicere, ad consolandam qua præmebatur calamitatem. vnde etiam abibat tristis, vt qui sacram ancoram, nempe

In vit. S.
Spyri. apud
Lyffoman.
tom. 5.

Amos 5.

nempè eam quam in magno Spyridone spem habebat, inuenisset inanem, & irritam.

Cum nox autem iam aduentasset, Deus quidè annuit. Repente vero cælum aquam effundit in terram, tanta copia, & tanto impetu, ut diuitis vna atraherentur horrea, frumentum autem, & omnis alius fructus sparsim eijceretur, & iaceret proiectus ad rapiendū volentibus. Orto autem die diues quidem miser, & luctu plenus, & huc, & illuc circumcursans, & iustam deffens calamitatem, rogabat eos, qui accedebant, ut sibi opem ferrent ad fructus colligendos. Cum multi vero, utpote esurientes ad rapiendum concurrissent, accedit etiam ille pauper, miraculo quidem obstupefactus, pauper autem irridens suauissime, & meritissime: & domum replens fructibus, & omnia nullo negotio habens, ut dicitur, nec seminata, nec arata. Deinde cum confluentem videret multitudinem sæuus ille, & immisericors, oportebat enim nihil manere imperfectum eorum quæ prædicta fuerant à Spyridone, & res omnes illius secure ambabus haurire manibus, & eum quoque, qui heri fuerat supplex, vnà cum reliquo populo, abunde sicut diximus, frui ijs quæ iacebant, perinde, ac ei sua sponte dare volens, liberalisq. esse, & munificus, qui sordidissimus erat, & parcissimus, iubebat eum ad satietatem accipere ex ijs quæ aderant. Ille autem satis irrisa eius ignorantia, domum est reuersus, Deo præcipue, deinde etiam Spyridoni id accepto ferens. Sic sciebat Spyridon, non solum propter multos, sed etiam propter vnum, super nos sæpe aperire fontes, & simul quidem prædicere tempus, quo hoc esset futurum: simul autem pauperibus quoque prodesse, & castigare diuites. Nam etsi parcus ille nihilo melior euasit, ut iam dicetur, multis tamen similis fuit occasio, ut emendarentur. Hæc quis ex præsentibus non libenter audijt? Quis autem cum audiuiisset, non fuit alia quoque audiendi audior, & cupit scire? quisnam erat adeò ignauus, aut inuidus, ut sitientem animam tali priuaret alimento?

De Paula Romana, quæ lucidissimum seminarũ, virorumq. exemplar extitit, ut diuitiarum suarum exinanitione, fame, & necessitate rerum laborantes ardenti fide, & magnanimitate reficeret. Cap. 441.

S. Hieron.
in Epistaph.
Paula ep.
27.

DE Paula Romana sanctissima vidua hæc scribit D. Hieron. Quid memorem amplæ, & nobilis Domus, & quondam opulentissimæ, omnes pene diuitias in pauperes erogatis? Quid in cunctos clementissimum animum, & bonitatem etiam in eos, quos nunquam viderat, euagantem? Quis inopum moriens, non illius vestimentis obuolutus est? Quis clinico- rum non eius facultatibus sustentatus est? Quos curiosissimè tota Vrbe perquirens, damnum putabat, si quisquam debilis, & esuriens cibo sustentaretur alterius. Spoliabat filios, & inter obiurgantes propinquos, maiorem se eis hæreditatem, Christi misericordiam dimittere loquebatur. Vsuras tribuens, versuram quoque sæpius faciebat, ut nulli stipem rogantium denegaret. Cum in largiendo esset profusior, arguebat illam D. Hieron. illud proferens de Apostolo: non ut alijs refrigerium, nobis autem tribulatio, sed ex æqualitate in hoc tempore, ut vestra abundantia sit ad illorum ino-

inopiam, & illorum abundantia sit ad vestram inopiam. Et hoc de Euangelio: Qui habet duas tunicas, det alteram non habenti. Et providendum esse, ne quod libenter faceret, semper facere non posset, multaq. huiusmodi, quæ illa mira verecundia, & sermone parcissimo dissoluebat: testem inuocans Deum, se pro illius nomine cuncta facere, & hoc habere in votis, vt mendicans ipsa moreretur, vt vnum nummum filiæ non dimitteret, & in funere suo aliena sindone inuolueretur. Ad extremum inferebat: Ego si petiero, multos inueniam, qui mihi tribuant: iste mendicans, si a me non acceperit, quæ ei possum etiam de alieno tribuere, & mortuus fuerit, à quo eius anima requireretur? Hieronymus eam cautiorem in re familiari esse cupiebat; sed illa ardentior fide toto Saluatori animo iungebatur, & pauperem dominum pauper spiritu sequebatur, reddens ei quod acceperat, pauper pro ipso effecta. Deniquè consequuta est quod optabat, & in grandi ære alieno filiam Eustochium dereliquit. Solent pleræquè matronarum buccinatoribus suis dona conferre, & in largitate profusa, manum à ceteris trahere, quo illa omnino carebat vitio. Ita enim singulis suam pecuniam diuidebat, vt singulis necessarium erat, non ad luxuriam, sed ad necessitatem. Nemo ab ea pauperum vacuus reuersus est; quod obtinebat, non diuitiarum magnitudine, sed prudentia dispensandi: illud semper replicans: Beati misericordes, quoniam ipsi misericordiam consequentur. Et sicut aqua extinguit ignem, ita eleemosyna extinguit peccatum. Et: Facite vobis amicos de iniquo mammona, qui vos recipiant in æterna tabernacula. Et: Date eleemosynam, & ecce omnia munda sunt vobis. Et verba Danielis, Regem Nabuchodonosor monentis; vt eleemosynis redimeret peccata sua. Nolebat in his lapidibus pecuniam effundere, qui cum terra, & seculo transitori sunt, sed in viuis lapidibus, qui voluntur super terram, de quibus in Apocalypsi Ioannis ciuitas magni Regis extruitur, quos in sapphyrum, & smaragdum, & iaspidem, & ceteras gemmas esse vertendos, scriptura commemorat. hæc Hieronymus in Epitaphio eius.

Fabiola Romana omnem censum, quem habere poterat (erat autem amplissimus, & respondens generi eius) dilapidauit, ac vendidit, & inde pecuniam congregatam vsibus pauperum præparauit, & prima omnium *voσo-κλινικόν* instituit, in quo ægrotantes colligeret de plateis, & consumpta languoribus, atque inedia miserorum membra foueret. Quoties morbo regio, & pedore confectos humeris suis ipsa portauit? quoties lauit purulentam vulnere saniem, quam alius aspicere non volebat? Præbebat cibos propria manu, & spirans cadauer sorbitiunculis irrigabat. Non mihi si centum linguæ sint, oraq. centum, ferrea vox, omnia morborum percurrere nomina possim, quæ Fabiola in tanta miserorum refrigeria commutauit, vt multi pauperum sani languentibus inuiderent. Quod monasterium eius opibus non est sustentatum? quem nudum, & clinicum non Fabiolæ vestimenta texerunt? in quo non se indigentiam non effudit præceptus, & festina largitio? Angusta misericordiae eius Roma fuit. Peragrabat ergo Insulas, & totum Etruscum mare, Volscorumq. prouinciam, & reconditos curuorum littorum sinus, in quibus monachorum consistunt chori, vel proprio corpore, vel transmissa per viros sanctos, & fideles munificentia circumibat. Romam è Palestina reuersa, quodam præiugio futurorum, ad multos scri-

Hier. epist.
30.

scripserat monachos, venirent, & se gravi onere laborantem, absoluerent, faceretq. sibi de iniquo mammona amicos, qui eam reciperent in aeterna habitacula. Venerunt, amici facti sunt: dormiuit illa quomodo voluit, & deposita tandem sarcina, leuior volauit ad caelum. Hieronymus in Epitaphio eius.

Sozom. li. 7
c. 26.

Epiphanius Metropolitanæ Cypriorum Ecclesiæ Episcopus facultates suas pauperibus distribuit. Ad eum tanquam ad communem œconomum pecuniæ, quæ pauperibus darentur, vndiquè mittebantur. Quodam tempore cum totum exhausisset ærarium, Ecclesiæ œconomus ægre id ferebat, & prodigium appellabat. At non multo post incerto auctore loculi auro repleti in ædes œconomi illati, diuino testimonio Epiphaniij pietatem confirmarunt.

Elisabeth Regis Pannonum filia, multiplici pietatis opere necessitatem patientes sustentans, amplius regnum sibi parat. Cap. 442.

Bonfin. li. 7
dec. 2.
Iac. Mont.
Spir. in ipsius
vita
apud Sur.
10.6.

Elisabetha, nondum marito Ludouico Lantgrauio Thuringiæ viduata, ob assiduam in pauperes benignitatem, mater eorum cognominabatur. Sanis vitæ subsidia mittebat, afflictis consolabatur, ægros visitabat, mortuis funus sua procurabat impensa. Quos in plebe magis inopia oppressos animaduertebat, ex his compadres, atque commatres sibi comparabat, ut eis liberius subueniendi causas haberet. Si quando pecunia non suppetere, vestimenta vendebat. Cernens pauperulum quendam nudum efferri, detracto sibi capitis velamine, inuolui iussit cadauer. Quo tempore fame laboratum est, vim magnam frumenti diuisit: & id quidem absente viro, atque inconsulto, vel quia approbaturum speraret, vel quia, quod vnus erat, alijs quoque commune esse, debere facile persuaserat necessitas multorum. Denique cum esset Regis Pannonum filia, nere, texere, suere suis ipsa manibus non est dedignata, ut de laboris sui peculio eleemosynas dare posset. Et de illa ergo non incongruè dici potest: Manum suam misit ad fortia, digiti eius apprehenderunt fenum: Manum suam aperuit inopi, & palmas suas extendit ad pauperem: Fortitudo & decor indumentum eius, & ridebit in die nouissimo. Tandem marito Hierosolymis peregrè defuncto, ab ijs qui eius Tetrarchiam iure hæreditario acceperant, eiecta, cum vix tandem dotalia ab illis extorsisset bona, erant autem duo millia pondo argenti infecti factiq. (Bonfinius quinque habet) pauperum & peregrinorum satis amplum Maspurgi construxit receptaculum, ibiq. ijs humiliter ministravit. Cum à patre, ut in Pannoniam rediret, missis nuntijs, sollicitaretur, non acquieuit, malens alienigenarum opprimi iniurijs, quàm suorum blandimentis deliniri. Illam fila traxisse, & pecuniam inde collectam pauperibus distribuisse, nullumq. adeo genus vel sordidissimæ operæ, quæ illis prodesse posset, detrectasse scribit Bonfinius, & alij.

Raph. Volater. Geograph. li. 3.

Amadæus, Sabaudix Dux III. à Legatis principum rogatus, haberet ne venaticos canes? Immò vero optimos, & sagacissimos, respondit: & in aula amplissima magnam turbam pauperum, quos alebat quotidie, illis ostendit. Canes Religiosæ venationis, inquit, quorum odoriferis precibus in saltus vsque cælestes venando in dies excurro.

Ludo-

S. Ludouicus Francorum Rex regia munificentia, & humili dignatione innumeros alit pauperes, eisq. ministrat.

Cap. 443.

AB infantia creuerat secū miseratio, & quia similiter in afflictos, & pauperes pia semper gestabat viscera charitatis, eleemosynas eius, quas enarrat omnis Ecclesia Sanctorum, nec simulare debeo, nec sufficio explicare. Siquidem quotidie ubicunque esset, in domo sua reficiebantur pane, vino, & carnibus, siue cibis plusquam centum viginti pauperes. In Quadragesima verò, & Aduentu, atque deuotis diebus summa pauperum augebatur: Frequenter ipsemet pius Rex pauperibus seruiebat, & coram eis fercula ministrabat, panem scindebat, ac denarios multos manu propria eis dabat. Specialiter autem in quibusdam ieiuniorum diebus, & solemnibus vigilijs ducentis pauperibus manu propria antequam comederet de prædictis omnibus seruiebat. Præter hæc quotidie in prandio & in coena habebat propè se tres senes pauperes comedentes, quibus de cibarijs suis faciebat ministrari, & in fine prandij certam summam pecuniæ eis dari. Ceterum tam largas & frequentes eleemosynas quotidie dabat pauperibus religiosis, tam virorum, quam mulierum, hospitibus pauperum, & domibus leproforum, ac aliorum collegijs pauperum, necnon & nobilibus paupertate detentis, quod vix posset ab aliquo enarrari. Vnde Tito Imperatore tam liberali quondam datore, quem narrant veteres historiarum doluisse eo quod vna die defecisset cui beneficeret, fuit iste felicior, cui nulla dies in erogandis eleemosynis, & beneficijs largiendis legitur præterijisse.

*Guil. Nā
gius de gest.
S. Ludonico
Frāc. Reg.*

Cæso Rege Danorum publico scelere, inaudita fames in toto Regno subsequuta est: Oranteq. nouo Rege, ut periculo ipsius ira Dei placaretur, morte illius fames quoque extincta est.

Cap. 444.

Cæso per nefas Rege D. Canuto, Dani Olauum eius fratrem, qui ob Regni affectionem in Flandriam relegatus erat, reuocarunt. Scelus publicum publica quoque poena subsequuta est, fames ingens, quæ solam Daniæ vexauit, non autem vicinas Regiones. Quippe per tot annos, quos Canutus imperauerat, verni, æstiuq. temporis feruore satum omne coaruit: autumnale verò adeo pluuium fuit, ut si quid locorum humilitate, palustriue madore alitum succreuisset, perseveranti imbrium inundatione decideret. Camporum facies cælestibus imbribus inundata, latè patentis stagni speciem præbere videbatur, & quod æstas ægrè produxerat, autumnus opprimebat. Rustici aquis Campos tegentibus, supernatantia spicarum capita demetentes nauiculis excipiebant: ac deinde putres aristarum reliquias fornacibus exsiccabant, & quia panem præstare non poterant, in vsum pulvis vertebant. Maxima proinde populi pars inedia consumpta fuit. Rex ipse ad vltimam tabem, reductus, agris vxnire iussis, alimenta, possessionum pretijs comparabat. Nobilibus in eundem vsum ingenuitatis insignia erogare, rubori non fuit. Olauus cum bis penè lustrum regnando condidisset,

Saxo li. 13.

T t inter

inter continuas rei familiaris angustias, nihil regali magnificentia dignum exequi poterat. Sed & finitimos, paupertatis eius contemptu, eum armis inuadere pudit. Cum diuinum Christi natalem celebrans, ieiunos circumquaque penates aspiceret, obducto manibus capite, suffusoq. lachrymis vultu, per summam animi ægritudinem, temporis difficultatem gemitu persecutus est. Deinde supplicatione habita, auctorem omnium Deum, ut si quid iræ aduersus populum concepisset, suo vnus periculo satiare, orauit. Nec difficiles numinis aures habuit: siquidem celerem mortis viam obtinuit, sibiq. mortem, salutem patriæ peperit: siquidem fames cum auctore suo pari funere sublata est, inediaq. est satietate mutata.

Quidam nobilis fidenti corde in vrgenti fame mittit seruos suos ad pia loca, & congregat plusquam quatuor millia famescensium, quos toto tempore sterilitatis pavit, & à morte liberavit, audiuit calitus vberem paratam sibi esse remunerationem.
Cap. 445.

Greg. Tur.
lib. 2. hist.
Fræc. c. 24.

TEmpore Sidonij Episcopi magna Burgundiam fames oppressit. Cumq. populi per diuersas regiones dispergerentur, nec esset vllus, qui pauperibus alimoniam largiretur, Ecdicius quidam ex Senatoribus, huius propinquus, magnam tunc rem in Deo confusus fecisse perhibetur. Nam inualecente fame, misit pueros suos cum equis, & plaustis, per vicinas sibi ciuitates, ut eos, qui in hac inopia vexabantur, sibi adducerent. At illi euntes cunctos pauperes, quotquot inuenire potuerunt, adduxere ad domos eius. Ibiq. eos per omne tempus sterilitatis pascens ab interitu famis exemit. Fuereque, ut multi aiunt, amplius, quam quatuor millia promiscui sexus. Adueniente autem vbertate, ordinata iterum euectione, vnumquemque in locum suum restituit. Post quorum discessum, vox ad eum è cælis lapsa, peruenit, dicens: Ecdici, Ecdici, quia fecisti rem hanc, tibi & semini tuo panis non deerit in sempiternum, eo quod obedieris verbis meis, & famem meam refectiōe pauperum satiaueris. Quem Ecdicium miræ velocitatis fuisse multi commemorant: nam quadam vice multitudinem Gothorum cum decem viris fugasse perscribitur. Sed & sanctus Patiens Lugdunensis Episcopus, simile huic in ipsa fame populis præstitisse perhibetur beneficium. Extat enim hodieq. apud nos beati Sidonij epistola, in qua eum declamatoriè conlaudauit.

Rex à susurrone deceptus Episcopum carcerauit; quapropter Deus populum ciborum penuria afflixit, quod Rex aduertens pœnitentia ductus, Episcopum dimisit, & terra statim protulit fructus suos. Cap. 446.

Roderic. To
let. hist. Hi.
span. lib. 5.
c. 17.

REX Veremundus à susurrone deceptus præcepit capi Gudesteum Episcopum Ouerensem: sed ut tantum nefas non procederet impunitum, facta est siccitas magna in terra, ita quod totus populus ciborum penuria ardebatur. Cumq. quibusdam religiosis fuisset à Domino reuelatum famem propter

propter iniuriam Episcopi accidisse, & Regi esset reuelatio intimata, confestim absoluit Episcopum, & per Semenum Asturicensem Episcopum, cui Rex Episcopum commendauerat, fecit restitui Gudestem, & statim Dominus pluuiam voluntariam segregauit, & terra attulit fructus suos. Tunc Rex Veremundus corde compunctus, Ecclesiam B. Iacobi, & cetera loca, quæ Almanzor profanarat diripiens, prout potuit, restaurauit, & bonis operibus, & eleemosynis iam intentus, de commissis cum consilio praelatorum poenitentiam agere satagebat, & in villa, quæ est in Berizo, moritur, & sepelitur, & ab Alphonso filio, & successore transfertur post aliquantulū temporis Legionē, & in Ecclesia B. Iohannis Baptiste cū coniuge Geloira denuo sepelitur.

Ex certa visione memoratu digna compertum est, quemdam per misericordia opera tempore famis pauperibus impensa, inter beatos locum obtinuisse: alium, qui iniuste iudicauit, & pauperi viduæ subsidium abstulit, inferno traditum; & pium Regem Alphonsum piorum precibus à Purgatorijs tormentis ereptum. Cap. 447.

Est in Hispanicis partibus nobile, & famosum Castellum, quod & propter congruum situm, & fertilitatem adiacentium terrarum, & multitudinem inhabitantium incolarum, quibus rebus proxima Castella exuperant, ut æstimo, non incongruè Stella vocatur. In hoc Castello quidam Burgensis fuit, qui Petrus Engelberti vocabatur. Hic strenuitate famosus, & secularibus rebus abundans, totam vsque ad senium ferè vitam in seculo duxit. Tandem tactus ab illo, qui spirat ubi vult, seculo renunciauit, atque in monasterio, quod apud Nazarum sub Cluniacensi iure, & regula constructū est, habitum monasticæ professionis suscepit. Quò cum ego post duos annos conuersionis eius peruenissem, audiui eum memorandam visionem narrasse, cuius quidem fama ad nos ante peruenerat, sed quis esset eius relator non dixerat. Hoc cum accepissem, ubi esset tantæ visionis relator, sollicitus inquisui, atque eum in quadam cella Nazarenſi monasterio subdita, satisq. contigua, commorari audiui. Ad quem locū cum me itineris necessitas perduxisset, ubi hominem, cui & ætatis maturitas, & morum grauiras, & cunctorum attestatio, ipsaq. niuea canicies, fidem integram constanter præbere suadebant, omnem tamen dubietas scrupulum tam à corde meo quàm à cordibus omnium excludere volens, coram venerandis Episcopis Olorenſi, & Oximensi coram socijs nostris, multæ religionis & scientiæ personis, ac quibusdam alijs eum conueni, & quod veritas perdat omnes, qui loquuntur mendacium ostendens, multa q. similia ad eum, ne mentiretur, deterrendum adiungens, ut quod certum de visione illa sciebat narraret, non solum admonui, sed etiam in virtute obedientiæ, qua mihi ut monachus Abbati subditus erat, iniunxi. Ad quod ille, quod adhuc prorsus nos omnes latebat, adjiciens: Ego (ait) istud quod à me quæritis, ab alio non accepi, sed ipse proprijs omnia oculis vidi. Quo audito, multò magis exhilarati sumus, habentes iam non alienorum verborum relatores, sed rei ipsius certissimum inspectorem. Vnde magis, magisq. ad quærendum instigati, & ad audiendum intenti, moram pati ultra non potuimus, sed ut quod viderat, enarraret, eū omnes

*Pet. Cluni.
lib. 1. mira.
c. ult.*

T t 3 nes

nes compellere cepimus . Volo autem eum loquentem introducere, vt quicumq; hoc legitis, vel auditis, non solum sensum verborum, sed & ipsa verba ab eius ore, vos putetis audire . Tempore (inquit) quo Rex Aragonensis Alphonsus, regnum maioris Alphonsi Hispaniarum regis iam mortui obtinebat, contigit, vt vbi contra quosdam, qui in regione, quę Castella dicitur, ei repugnabant, exercitum commoueret, & vt de singulis regni sui domibus, singuli illuc pedites, vel equites dirigerentur, edicto sanciret. Eo pꝛcepto coactus, vnum ex mercenarijs, mercede mihi seruientibus, Sancium nomine, ad exercitum destinaui . Paucis post diebus decursis, omnibusq. qui expeditioni illi interfuerant, ad propria redeuntibus, ipse quoque domum reuersus est . Non longo deinceps tempore elapso, more humano morbo correptus, nec diu cū morbo luctatus, defunctus est . Inde post quatuor serè menses, ex quo è vita recessit, dum apud Stellam in domo mea hyemali tempore iuxta ignē in lecto iacerem, subito iam dictus Sancius circa mediam noctem mihi adhuc vigilanti apparuit . Qui igni assidens, & carbones quasi ad calefaciendum, vel ad clarificandum huc, illucq. reuersans, multo magis se mihi cognoscibilem demonstrabat : quem cum vidissem, quis, inquam, es tu ? At ille humili voce, Ego sum (inquit) Sancius famulus tuus . Quid, inquam, hic agis ? Vado, inquit, Castellum, iterq. meum multus exercitus comitatur, vt vbi deliquimus, ibi & delictis penas debitas exsoluamus . Et cur, inquam, huc diuertisti ? Est, inquit, mihi spes veniæ, & si misereri volueris, celerioremi mihi requiē comparare poteris . Quomodo, inquā ? Quando, inquit, nuper expeditioni, quam nosti, interfui, hostili inuitatus licentia, Ecclesiam quandam cum quibusdam socijs inuasi, quę intus inuenta sunt diripui; vestimenta insuper sacerdotalia mecum rediens asportauī . Pro quo specialiter diris pœnis subactus affligor, & remedium à te, sicut à Domino meo quantis possum precibus imploro ? nam poteris mihi subuenire, si beneficijs spiritualibus me studueris adiuuare. Rogo insuper, vt dominam meam vxorem tuam ex mea parte, mea functus vice, depreceris, nec octo solidos, quos pro seruitio meo mercenario iure mihi debebat, reddere iam moretur : Et, quod necessitatibus carnis, si adiuuerem, reddidisset, animæ meæ longe amplius his egenti, erogando eos pauperibus largiatur . Iam ego tali eius colloctione, multò magis animatus, quid, inquam, de conciuē nostro Petro Deiaca nuper defuncto, actum est ? Rogo, vt si quid de illo nosti, aperias. Illum (ait) opera misericordiæ frequenter quidem, sed maxime pꝛæteritæ famis tempore pauperibus impensa, beatorū requiei adiunxerunt, & vitæ æternæ participem effecerunt . Cumq. eum tam promptè, & facile mihi respondere audissem, adieci : Et de Bernerio alio cōciue nostro ante paruum tempus similiter, vt nosti, defuncto, aliquid tibi notum est ? Illum, inquit, infernus possidet, quia ad dirimendas lites, & iudicio terminandas huic villæ pꝛælarus, multa sæpe muneribus, aut gratia illectus iniuste iudicauit ; & quia cuidam pauperi viduæ, quodam tempore baconem vnū, qualecumque vitæ eius subsidium, crudeliter auferre non timuit . Tunc longe amplius ad maiora quærenda animi seruire succensus, adiunxi : De Rege nostro Alphonso ante paucos annos defuncto, tibi aliquid notum esse potuit ? Ad hæc quidā alius in fenestra capiti meo proxime supposita residens, Noli (ait) hoc ab isto quærere, quod ignorat, quoniam recens eius ad partes nostras aduentus, hoc ei notum fieri, nondum permisit .

Mihi

Mihi vero cui à die obitus me quinquennalis cum huiusmodi spiritibus mora, plura quàm iste nouiter nota fecit, quod de rege quæris, ignotum esse non potuit. At ego rursus nouæ vocis auditu attonitus, ac videre cupiens vocis auctorem, conuerti oculos ad fenestram, adiutusq. lunæ splendore, quæ lumine suo omne tunc domus spatium clare illustrabat, conspicio hominem in inferiori fenestræ margine residentem. Quem in eodem habitu, quo alium videram cernens: Et tu (inquam) quis es? Ego (inquit) huius, quem aspicias socius sum, & Castellam cum isto, & multis alijs proficiscor. Et tu (inquam) de Rege Alphonso, vbi dicebas aliquid nosti? Noui (inquit) vbi fuerit, sed vbi modo sit nescio. Nam aliquamdiu tormentis acerbis inter reos excruciat, postmodum à Cluniacensibus monachis inde sublatu est. Exinde vero quid de eo factum sit prorsus ignoro. His dictis ad socium, qui igni assidebat verba conuertens, ait: Surge, & iam iter incæptum peragere incipiamus. Ecce enim iam omnes vias, quæ intus, vel extra castellum sunt, subsequens nos exercitus sociorum impleuit, & iam multis velocissime prætergressis, vbi festinanter eos sequi debeamus, vrgemur. Ad hanc vocem Sancius surrexit, & flebili voce, quod prius rogauerat ingeminans: Rogo (inquit) Domine, ne mei obliuiscaris, & vt dominam meam coniugem tuam, quatenus quod corpori debebat, miseræ animæ meæ restituat, oro sollicitus exhorteris. His dictis, statim vterque disparuit. At ego mox coniugem, iuxta me in lecto dormientem citata voce exsuscitans, priusquam ei, quod videram, vel audieram, narrarem, interrogavi, verum aliquid Sancio communi nostro mercenario, pro mercede deberet? Qua respondente, quod ego nondum ab aliquo, nisi à mortuo audieram, se videlicet eidem Sancio adhuc octo solidos debere, nequaquam ultra dubitare potui, cui fidem omnimodam, & mortui relatio, & mulieris confirmatio conferebant. Facto mane, octo illos solidos à coniuge accipiens, & de meo, quod congruum visum est, addens, pro eius, qui apparuerat salute, pauperibus distribui, & sacram missarum adiutoria ei à sacerdotibus mea prece, & studio impensa, ad plenioris peccatorum eius remissionem adauxi. Hanc tam claram, & commendabilem visionem, velut verbum è verbo exprimens, ad ædificationem fidei, & morum tam modernis, quàm posteris fidei scripto transmissi, & quanta cautela mortalibus necessaria sit, mortuorum ipsorum testimonio declaravi. Non parum autem, immò maximè veritati huius visionis attestatur, quod à mortuo dictum est, Alphonsum Regem à Cluniacensibus monachis sublatum, & à tormentis consimilium reorum ereptum. Nam quod omnibus penè Hispanis, & Gallis populis notum est, idem Rex Cluniacensis Ecclesiæ magnus amicus, & benefactor extitit. Vt enim innumera alia pietatis opera, eidem monasterio ab eo impensa, taceam, magnificentissimus, & famosus Rex censualem se Regnumq. suum Christi pauperibus eiusdem Christi amore fecerat, & tam à se, quàm à Patre suo Fredelanno constitutum censum, ducentas scilicet & xl. auri uncias singulis annis Cluniacensi Ecclesiæ persolvebat.

Præter hæc duo monasteria, quæ in Hispanijs ex proprio construxit, alia à quibuidam alijs personis construi permisit, & vbi construerentur, adiuvit. In quibus Cluniacenses monachos ponens, & vnde omnipotenti Deo regulariter seruire possent, Regia liberalitate affluenter largiens, & penè emor-

tuum monasticæ religionis feruorem ex parte in Hispanijs reparauit, & sibi hoc studio post regnum temporale, regnum etiam sempiternum, vti dignum est credere, comparauit. Obtemperauit benignus Regis æterni præcepto faciens sibi amicos de mammona iniquitatis, à quibus amicis finita regni villicatione, secundum iam dictæ visionis tenorem, & à poenis ereptus, & in æterna tabernacula susceptus est. Quid enim magis illi misericordie iustitiæ congruere potuit, quæ reddit unicuique iuxta opera sua, quàm vt ab his eripi videretur, quibus subuenerat, ab illis misericordia impenderetur, quibus misertus fuerat; ab his beatæ vitæ restitueretur, quorum in miserijs præsentibus vitam largis subsidijs sustentauerat? Verè non fallax vox de coelis à Ioanne audita, opera mortuorum sequuntur illos, quod in isto nostro Rege apparuit, quem per opera misericordiæ, veluti per eos, quibus impensa est, à tormentis eripuit, & requiei beatorum spirituum sociauit.

Diuturna fame tabescentes ad S. Seuerinum confugiunt, qui absconditum à vidua frumentum reuelat. Naues item ex insperato ciborum copias laborantibus asserunt, quæ crassa fluminis glacie fuerant congelatæ.

Cap. 48.

Ex vita S.
Seuerini
Notic. apud
Sut. 10. 1.

Eodem tempore Ciuitatem, Fabianis nomine, sæua fames oppresserat, cuius habitatores vnicum sibi remedium adfore crediderunt, si ab Oppido Comagenis, hominem Dei Seuerinum religiosum ad se precibus inuocarent. Quos ille ad se venire prænoscent, cum hæsitaret, vtrum pergeret cum eis, nec ne, admonetur à Domino, vt pergeret cum illis. Veniens igitur ad prædictam Ciuitatem, cæpit suadere, dicens: Poenitentis fructibus poteritis de tanta famis perniciæ liberari. Qui cum talibus proficerent institutis, beatissimus Seuerinus diuina reuelatione cognouit, quandam viduam nomine Proculam, fruges plurimas occultasse. Hanc nimirum productam in medium, arguit vehementer. Cur (inquit) tam nobilissimis orta natalibus, cupiditatibus te præbes ancillam & auaritiæ mancipium, quæ est teste Apostolo, Idolorum seruitus? Ecce Domino famulis suis misericorditer consulente, tu quid de malè partis facias, non habes, nisi forte frumenta diu denegata, in Danubij fluuenta proijciens, piscibus exhibeas, quæ hominibus denegasti. Quamobrem subueni tibi potius, quàm pauperibus, ex his, quæ adhuc te æstimas, Christo esuriēte, reseruare. Quibus auditis, magno mulier pauore perterrita, cæpit seruata libenter pauperibus erogare. Nec multo post naues de partibus Rhetiarum, mercibus onustæ quamplurimis, insperatè videntur in littore Danubij, quæ multis diebus crassa fluminis glacie fuerant congelatæ, sed Dei tunc imperio solutæ, ciborum copias laborantibus illis detulerunt. Cæperunt igitur omnes Deum, insperati remedij largiorem, continua deuotione laudare, qui se tæbe diuturnæ famis interire crediderunt, fatentes euidentius, extra legitimum tempus, glaciale solutas frigore, serui Dei precibus aduenisse.

Cuius-

Cuiusdam Castellī homines in plaga locustarum ad S. Seuerinum accedentes pro auxilio docentur desistere ab humana sollicitudine, & conuenire ad Ecclesiam vnanimiter ad orationem: quidam autem orationem deserens, & agrum suum visitans, ut pelleret locustas, propter suam infidelitatem solus perniciem locustarum passus est, aliorum sationibus integris remanentibus. Cap. 449.

Quodam tempore in confinio Castellī, quod dicitur Cocullis, locustæ *ibid.* frugum consumptrices infederant copiosæ, noxijs moribus cuncta vastantes. Tali ergo percussi peste presbyteri, ceteriq. mansores, sanctum Seuerinum summis precibus adiere dicentes: Ut tantæ plagæ auferatur atrocitas, orationum tuarum experta suffragia postulamus, quæ magno dudum miraculo in accensis calitis cereis multum apud Dominum valere conspeximus. Quos ille religiosius allocutus: Non legistis, ait, quid diuina auctoritas peccanti populo præceperit per Prophetam, dicens: Conuertimini ad me in toto corde vestro, in ieiunio & fletu. & post pauca: Sanctificate ieiunium, vocate cœtum, congregate Ecclesiam? &c. Explete itaque dignis operibus quæ docetis, ut malitiam præsentem faciliè euadatis. Nullus vestrum ad agrum exeat, quasi humana sollicitudine locustas vetiturus, ne diuina amplius indignatio prouocetur. Nec mora, omnibus in Ecclesia congregatis, vnusquisque in ordine suo psallebat ex more, omnis ætas & sexus; qui enim voce non poterant, preces Deo fletibus offerebant. Eleemosynæ verò fieri non cessabant, & quicquid bonorum operum præsens necessitas exigebat, sicut famulus Dei præceperat, implebatur. Omnibus ergo huiusmodi studijs occupatis, quidam pauper opus Dei caput deferens, & agrum propriæ segetis inuisens, pro causa, quæ parua inter aliorum segetes iacebat, egressus est, totoq. anxius die locustarum nubem impendentem, qua potuit, exturbauit industria, moxq. Ecclesiam communicaturus intravit. Sed segetem eius exiguam, multis vicinorum circumdatam frugibus, locustarum densitas deuorauit. Quibus ea nocte ab illis finibus exterminatis imperio diuino, probatum est, quantum valeat fidelis oratio. Mane quippe sancti operis temerator atque contemptor, rursus ad agrum suum malè securus egrediens, eum locustarum pernicie funditus inuenit abratum, & omnium circumquaque sationes integras vehementer admirans, ad castellum lustruosa vociferatione reuertitur. Cumq. hoc, quod acciderat, indicasset, ad huiusmodi videndum cuncti exiere miraculum, vbi quasi ad lineam regularem, contumacis hominis legetem locustarum mortus ostenderant. Tunc omnium vestigijs prouolutus, intercessionibus eorum delicti sui veniam fusa lamentatione poscebat. Ob quam rem monendi occasionem homo Dei reperiens, docebat vniuersos, ut omnipotenti Domino discerent obedire, cuius imperio obediunt & locustæ. Prædictus verò pauper flebiliter aiebat, posse se mandatis de cetero obedire, si vlla sibi spes, qua viueret, remansisset. Tunc vir Dei ceteros allocutus, iustum est, inquit, ut Deo omnipotenti gratias agatis, qui de proximi supplicio, humilitatis & obedientiæ vobis dedit exemplum.

T t 4

Nico.

Nicolai I. Pontificis Rom. prudens adinuentio in pascendis pauperibus. Cap. 450.

*Anast. Bi-
blioth. de
Nicolao Pa-
pa I.*

Nicolaus Papa I. Christi amicus, omnium nomina claudorum, cæcorum, atque ex toto debiliū in Vrbe Roma consistentium scripta apud se retinens, quotidianis illis victum ministrare curiosè curabat : nam reliquis pauperibus gressum & vires habentibus huiuscemodi, vt vicissim eos pasceret, sapientem reperit modum, scilicet bullas suo nomine titulas fieri iussit, & has eis dari præcepit, vt quanti prima feria, quanti secunda, quanti tertia, vel ceteris alijs ferijs prandere debuissent, per signum bullarum facilius nosceretur. Et in illis quidem bullis, quæ eis datæ sunt, qui prima feria refici debeant, fecit per singulas duos nodos, & sic per omnes vsque in sabbathum, vt quot feriæ essent, tot essent nodi per singulas bullas, includens in eis nucas, vbi nodi fiebant, quatenus nullus pauper haberetur in Vrbe, qui vel vno die de sanctis eleemosynis non esset refectus.

Presbyter quidam cum quadraginta denarijs domum reuertens, inueniensq. ibi peregrinorum multitudinem, quæ illuc prostrata confluxerat, cum singulis pauperibus singulos denarios distribuendo tertie parti non suffecisset, ipse ternos singulis erogans, non solum pecunia non defecit, sed ad alios vsus mirabiliter superfuit. Cap. 451.

*Anast. Bi-
blioth. de
Hadriano
Papa II.*

Cvidam presbytero inerat in Christo, eiusq. Genitrice (apud cuius Præsepe iugibus orationibus incumbibat) tanta fiducia, vt benefaciens nõ deficeret, nec quidquam discriminis, cuncta, quæ habere poterat largiens, incurrere formidaret.

Nam cum die quadam inter conpresbyteros suos à sanctissimo Papa Sergio consuetudinaliter denarijs quadraginta perceptis, domus suæ portas reuertens ingredi vellet, ac præ multitudine peregrinorum, quæ ibi fiducia- liter solito more, velut ad horreum commune confluxerat, omnino nequireret : misericordia motus equestri suo retulit, nil sine tantis fratribus in tantillis denarijs sibi esse commune. Cumq. ille, neque tertiæ parti pauperum singulos denarios posse sufficere intulisset : Virtute, inquit, Christi, qui de quinque panibus, & duobus piscibus quinque millia hominum satiauit, non singulis singulos, sed ternos singulis denarios erogabo. Hæc dicens, forinsecus portæ subsidens, ac de manu Equestris sui suscipiens peregrinis cunctis egredientibus ternos sigillatim denarios erogauit. In qua redundantione cum miraretur Equester non solum non defecisse denarios, quinimmo fuisse super, liberalis presbyter qui supererant, domum se recipiens, multitudini familiæ suæ ternos nihilominus personatim nummos largitus est. At cum sex identidem superessent : Vides, inquit, quàm largus, & quàm suavis sit omnipotentissimus Dominus, qui quadragenariam quantitatem nummorum & fratribus nostris per ternos distribuit, & mihi ternos, & tibi ternos æqua sorte seruauit ?

Erat

Erat præterea tantæ hospitalitatis, & largitatis, ut non immerito beato Iob in his valeat comparari. Non despiciebat inter eundem eum, qui non haberet indumentum, sed de suis ouium calefaciebat velleribus, nec bucellam quidem suam solus, nam hanc cum pupillis & egenis comedeat; quippe qui oculus esse cæco, & pes probaretur existere claudo. Et ut scriptis virtutum eius multiplicitas referatur, pater erat pauperum, & cordis viduæ consolator. Ostium eius viatoribus patebat, nec clausa erat domus ipsius quidpiam postulantis. Adeo ut ab omni Clericali gradu, ab omni Senatorio, & populari concordissimo cœtu, sicut post mortem Quarti Papæ Leonis, ita post obitum Tertij Benedicti Pontificis subire summum Pontificium, nisi ipse diuersis argumentis & exquisitis excusationibus verecunde subterfugeret, cogeretur.

In diebus ingentis famis S. Odilon exhaustis ærarijs, & horreis, confractis sacris vasis, distractis Ecclesiæ ornamentis, quicquid inde conrasit egenis, & famelicis dispersit.

Cap. 452.

FAMES, & mortalitas tam grauiter per totum Orbem inualuit, ut se-
pelientium tēdio, viui adhuc spiritum trahentes obruerentur cum mor-
tuis. Quo tempore accidisse videntur, quæ de S. Odilone Cluniacensi Ab-
bate Petrus Damiani in ipsius sic narrat vita: In erogandis præterea elee-
mosynis ita largus erat, ut nonnulli, dum eum omnia dispergentem sine
cunctatione conspicerent, non dispensatorem, sed prodigum iudicarent:
præsertim quodam tempore, dum fames valida Aquitanix fines vehementer
affligeret, ac plurimas Galliarum prouincias pestilenter arctaret, exhaustis
iam in pauperum vsus ærarijs, & horreis quorumcumque prouentuum
non mediocriter profligatis: mox etiam plurima sacra vasa confregit, insi-
gnia Ecclesiæ ornamenta distraxit, coronæ quoque, quam sibi Imperator
Henricus ob sui memoriam destinauerat, non pepercit. Ut igitur tam acer-
bæ famis, in quibus valuit, temperaret inopiam, quicquid hinc inde cor-
radere potuit facultatum, in sustentationes & alimenta tradidit egenorum.
Quadam sanè die, dum per publicum pius equitator incedit, duos in iti-
nere pueros fame peremptos reperit. Mox equo desiliens, laneam, qua
indutus erat ad carnem, subduxit sibi interulam, eaq. prout velaminis quan-
titas permittebat, vtrumquē cadauer obuoluens, exhibet mortuis sepulcu-
ram. Nam & vespillones mercede conduxit, & funeris vsquē ad tumulum
prosequutus exequias, defunctis fratribus debitum humanæ pietatis exsoluit.
Hæc de S. Odilone Petrus.

*Sigeb. an.
1006.
Ex vii. S.
Odilon. a-
pud Swr.
10.1.*

*Stephanus VI. Pont. Romanus, exhausta Apostolica suppellectile
parentum suorum facultates distraxit, ut grassantem famem
mitigaret, locustasq. oratione, & aqua manibus suis
benedicta depulit.* Cap. 453.

STEPHANUS Papa VI. graui mœrore affectus est, quia vacante sede deua-
statis vestiarijs, horrea simul, & cellaria vacua inuenta sunt, & quod
eroga-

*Anast. Bi-
blioth. de
Stephano
Papa VI.*

erogaret Clero, & Scholis, non habebat, vel unde captiuos redimeret, orphanos, & viduas pasceret in tanta validissima, quæ instabat, fame carebat. (Iam enim, proh dolor, proh nefas! inoleuerat pessima illa consuetudo, ut mortuo summo Pontifice inuaderent homines sedis Apostolicæ Patriarchium, atque deprædarentur ipsum. Id quidem constat ex ijs quæ habentur in Synodo habita sub Ioanne Papa IX.)

Quid faceret? conuersus est ad patrem: atque facultates, quas inclyti sui parentes possidebant, abstulit, & larga dextera, prout posset, pauperibus erogauit. Et ita Deo miserante, factum est, ut famis inopiam suo studio mitigaret. Ministros itaque, & familiares hinc inde perquirens, tales suis obsequijs aggregauit, qui & vitæ sanctitate, & fidei sinceritate, & sapientiæ doctrina, & eloquentiæ facundia, & morum probitate pollerent. Cum ad prandium sedebat, orphanos quotidie aduocabat, quos, ut filios alebat; conuocatos vero nobiles, cum corporeis pasceret cibis, spiritualibus epulis refouebat; & tantum Dei timorem mentis oculis ferebat, & in diuinis laudibus insistebat, ut ad eius prandium sacra per singulos dies lectio recitaretur. Missarum autem solemnitas quotidie celebrabat, nisi cum utilitatem populi ad se reclamantis perficere cupiebat, ut oppressos subleuaret, & afflictis subueniret. (Quomodo autem, qui à Deo pluuiam in sui electione impetrauit, locustas pariter ingruentes dissipauerit, audi.)

Cum clades itaq. locustarum, quæ prædecessoris sui, Adriani videlicet, totam patriam penè consumpserant, male multiplicato germine nasci cæpisset, & omnia repleuissent, misertus idem sanctissimus Papa afflicti populi primum quidem diuulgauit, ut si quis de ijs vnum sextarium caperet, & sibi attulisset, quinque, vel sex denarios ab eo perciperet. Hoc autem populi audientes, cæperunt huc, illucq. discurrere, easq. capere, & misericordiosissimo patri ad emendum portare. Sed cum illas tali argumento delere nequisset, ad Domini misericordiam confugiens, in oratorium Beati Gregorij, ubi eius lectus habetur, iuxta Ecclesiam Principis Apostolorum veniens sese cum lachrymis in orationem dedit. Cumq. diutius orasset, surrexit, & aquam proprijs manibus benedicens, Mansionarijs præcepit, dicens: Tollite, & singulis distribuite, monentes, ut in nomine Domini agros suos circumeant, & hanc aquam spargant per sata, & vineas, petentes diuinum sibi suffragari subsidium. Quo facto tanta omnipotentis Dei subsequuta est misericordia, ut ubicunq. ipsa aqua aspersa est, nulla penitus locusta remaneret. Hæc circumquaq. vicini audientes, ad Urbem confluunt, subueniri sibi deposcunt; omnem terram in pulueris modum locustis cooperatam clamitant, quos benignus Papa benigne commonuit, de cælo auxilium petere debere contra flagellum imminens, & mox læta Hucusquæ in Vaticano codice res Stephani Papæ: reliqua defunt.

Baron. AN.
385.

De

De laudatissima Romana Ecclesia consuetudine, & ab exordio eius congenita munificentia, usque ad nostra tempora retenta, & in aeternum retinenda in pauperibus reficiendis, & subministrando aduentantibus filiis ex toto Orbe, quasi vniuersalis Matris.

Cap. 454.

Soter Romanus Pontifex imitatus certè maiores suos antegressos Romanos Pontifices longè postitas Ecclesias persecutione vexatas non litteris modo consolabatur, sed & pecuniarum subsidio collato, eisdem præsilio erat. Huius quidem Soteris officij, aliorumq. Romanorum Pontificum in his præslandis incomparabilis sollicitudinis testes sunt litteræ S. Dionysij Corinthiorum Episcopi, celebris nominis in Ecclesia: de quibus hæc Eusebius tradit: Extat etiam alia Dionysij ad Romanos epistola, Episcopo Soteri, qui tùm illam Ecclesiam gubernauit, dicata: cuius quidem verba in medium proferre, non erit ab instituto alienum. Nam Romanorum consuetudinem, quæ assiduè ad hanc persecutionem nostra ætate grassantem, seruata est, magnopere approbans, ista scribit: Apud vos is mos iam inueterauit, vt omnes fratres varijs afficeretis beneficijs, & Ecclesijs permultis, quæ in quaquè Ciuitate sunt, vitæ mitteretis subsidia. Sic plane non solum egentium subleuatis inopiam, verùm etiam fratribus, qui sunt ad metalla damnati, opem fertis. Sicq. per ea beneficiæ subsidia, quæ iam à primis Ecclesiæ vestræ iactis fundamentis passim mittere consueuistis, cum sitis Romani, Romanorum consuetudinem à patribus traditam sedulo obseruatis: quam quidem certe B. Soter vester Episcopus, & hætenus custodit diligenter, & mirum in modum suo propenso studio adauxit: idquæ non modo opes in sanctos reficiendos delegatas benigne subministrando; verùm etiam fratres ad ipsum aduentantes, tanquam pater indulgens, & clemens in liberos, beato, ac pio sermone ad virtutem cohortando.

Hæc de munificentia Romanorum Pontificum ab exordio Romanæ nascentis Ecclesiæ erga ceteras Ecclesias longè lateq. postitas, cùm fidelissimus testis Dionysius affirmat, tùm ipse testatur Eusebius, eadem liberalitatis officia perleuasse vsque ad vltimâ Ecclesiæ persecutionem sua ipsius ætate grassantem. Res quidem magna admiratione, atquæ obseruatione digna, est, Ecclesiæ omnium principi tantam opum abundantiam Dominum contulisse, quæ non tantum, qualibet licet durissima persecutione vrgente, sufficere posset ad fideles pauperes, qui Romæ essent, vbertim alendos; sed quæ non prædantium manibus auidis potuerint exhauriri, atque consumi (haud enim putandum se temperasse à bonorum rapina, qui etiam in ipsorum corpora immaniter sæuebant) immo & talis, & tanta ei suppeditaretur bonorum copia, vt in Christianos ad metalla damnatos, quorum ingens numerus est, soleret iugiter stipem conferre, & Ecclesias permultas pecunia afflictas sua largitate leuare. Diuina quidem prouidentia, quæ eam matrem omnium Ecclesiarum, Petri beneficio constituerat, admirabili quodammodo, quo cunctis vbiq. egentibus prospiceret, ac matris in-

Baron. an.

175.

Euseb. lib.

4. c. 23.

Isa. 60.

star, eos plenis lactaret vberibus, incredibili quadam diuitiarum affluentia eadem semper donauit, & auxit: vt planè in hoc expletum appareat Isaia oraculum, hæc de Ecclesia prædicentis: Sugēs lac gentium, & mammilla Regum lactaberis: & scies quia ego Dominus saluans te. Pro ære offeram aureum, pro ferro argentum, & pro lignis æs, & pro lapidibus ferrum, & ponam visitationem tuam pacem, & præpositos tuos iustitiam. His nempe significans, magnis diuitijs Ecclesiam locupletandam, ac immensa fore fortitudine roborandam.

At laudatissimam eiusmodi Romanæ Ecclesiæ sui ortu congenitam consuetudinem non tantum perseuerasse vsquē ad vltimam Eusebij tempore, excitatam persecutionem, sed superuenientibus seculis semper viguisse, exempla, quæ suis locis subiiciuntur, demonstrabunt.

Pij Quinti Pontificis Romani singularis prouidentia, & animi celsitudo in procuranda frumentorum copia ad populum subleuandum. Cap. 455.

Io. Ant. Ga.
Bustius de
vul. Pij V.
lib. 6. c. 4.

N Ostra vero ætate, Pij Quinti sanctitas, & animi pietas per multiformia charitatis opera, omnibus perspicua facta est, præsertim autem cordis eius benignitas erga pauperes illuxit: quapropter iussit Egenorum omnium, ac miserabilium hominum tunc Romæ degentium, nomina censerī, certoq. libello sibi describi, ac, quæ pro dotis tenuitate nubere non potuerant, puellas recognosci voluit, atquē vniuersis, pro cuiusq. ferè necessitate prouidit.

At vero, vt cum pauperibus commodius ageretur, rei frumentariæ sæpe prouidit, quæ vt suppeteret affluentius, graui Romanos premente penuria ex inclementia cæli profecta, tū ex Sicilia nulla portorij solutione, tū ex Gallia benigno Gallorum Regis concessu, Sedis Apostolicæ sumptibus, nempe centum aureorum millibus, magnum in Urbem tritici numerum comportari curauit. Quo acto statuit, vt id longe viliori venderetur, quàm ementi sibi constitisset. Qua de re Quæstorem ærarium (vt sunt plerumquē Principum ministri, priuatis Dominorum suorum magis, quàm publicis populorum commodis intenti) expostulantem, atque hoc detrimentum, quod sanè erat haud mediocre, ægre ferentem, indeq. lucrum aliquod affectantem, reiecit P I V S, edicens, quod Reipublicæ saluti, gaudioq. esset, id non damni, sed lucri loco ponendum: præstareq. populum rerum ad victum necessariarum copia lætantem, quàm arcas otiosæ pecuniæ plenas intueri. Indignum enim Rege, atque eo magis summo Pontifice, quæstum ex omni occasione odorari, & lucellum in publico negotio quærere.

G. eg. Naz.
Orat. in D.
Basil.

Quin etiam, vt rei frumentariæ copia in Vrbe non deesset, pauperumq. necessitatibus commodius provideretur, nobilem Agriculturæ artem in finibus ipsius Urbis exercentes agricolas, & alios ipsi arti præfectos magnis, & amplis muneribus, ac decretis auxit, & exornauit. Cumq. ditiores quosdā, ac præpotentes homines propria frumenta in horreis recondere, conclusaq. suppressere, & donec pro eorum auaritia pretium adauctum conspicerent, ab omni venditione abstinere, alijsq. malis artibus ex pauperum damno lucrum affectare intelligeret, hanc ipse execrandam cupiditatem vehementer dete-

detestans, diuites ipsos, & auaros grauissimo decreto coercuit: & cohortatus est, vt Dei largitatem in se ipso agnoscentes, pauperibus benigniores in posterum sese præberent: ab huiusmodi, vt appellabat ipse, detestabili frumentario quæstu prorsus abstinere, memores scriptum esse: Qui frumenta abscondit, maledicetur in populis: Benedictio autem super caput vendentium. Itaq. pauperum tenuitas, eo Pontifice, perpetuo fuit sustentata benignè, & optimè suffulta.

Prou. II.

Effusa, & vniuersalis charitas erga indigentes Gregorij XIII.
Cap. 456.

INsigne quidem, ac nobilis eius officij specimen postea editum vidimus à sanctissimæ memoriæ Gregorio XIII. Romano Pontifice, cuius incomparabile planè studium in iuuandis pauperibus, non solum (vt de mendicis taceam) omnibus, honesto præsertim loco natis, Romæ agentibus, sed, & longe positis, iisdemq. causa pietatis extorribus, toto plane Christiano Orbe spectatum fuit: adeo vt nulla prouincia fuerit, quam eius effusa largitas non peruaserit, quæ etiam & ad Antipodas penetraret. Cuius memorabilis munificentia ex publicè rationibus accuratè summa collecta, meruit ex Senatusconsulto, præclaro gloriæ monumento, in Capitolio vnà cum statua omnium votis publice consecrari, digno planè omnium Patris, atque Pastoris elogio, quod inter alia hæc verba in marmore habet incisa: Stertium octingentes singularem beneficiam in egenos distributum. Est horum summa, vicies centena millia aureorum.

Sixtus Quintus pauperum inopiæ prouidere volens prægrandem pecuniam seposuit, quæ ad copiam frumentorum comparandam perpetuò esset attributa. Cap. 457.

IN Vrbe hominibus refertissima, si fames ingruat, aut annona durior sit, pauperes maxime, quorum ingens est multitudo, vehementius conflantur: qua ex re quam multa mala dimanent, nihil necesse est multis verbis explicare, cum planè perspicuum sit humanarum calamitatum caput esse famem, & quouis mortis genere acerbior. Quod quidem, & mirabilis illa apud Prophetam lamentatio declarat: Omnis populus eius gemit, & quærens panem. Scientes igitur nos, licet immeritos, eius locum in terris tenere, qui non solum panem supersubstantialem tribuit, quo anima reficitur, sed terrenum etiam panem, quo corpus quotidie sustentatur; quique in deserto semel & iterum misericordia motus est super turbas non habentes cibaria, eisq. Apostolos suos panem diuinitus multiplicatum distribuere iussit; Nos quoque pro nostra pastoralis sollicitudine summopere cupimus, quantum cum Domino possumus, quàm longissimè prouidere, vt hæc nostra Alma Vrbs, ad quam quotidie tanquam ad communem patriam, Nationes omnes confluunt, quamquæ omnibus commodis, & ornamentis augere studemus, non solum rei frumentariæ inopia nequaquam vexetur, sed vberiore potius copia, & vtilitate, quantum fieri potest, perfruatur. Nec vero ignoramus bonorum omnium largitorem Deum, qui fructum frum-

Ex Bulla
Sixti V.

menti, vini, & olei multiplicat, qui semen seminanti administrat, & panem ad manducandum præstat; sed illud etiam scimus à seruo super familiam Domini constituto, & fidem, & prudentiam requiri, vt det illi cibum in tempore, & in diuinis scripturis pigrum ad formicam mitti, vt discat in æstate parare, quod in hyeme comedat: & deniquè humanæ prouidentia adiu- menta illa meritò laudanda esse, quæ ad Dei gloriam relata, eius in primis ope nituntur, & in eo præcipuè conquiescunt. Illud autem eleemosynæ genus Deo gratissimum esse arbitramur, quod in commune distributum ad omnium egestatem subleuandam maxime accommodatur. Quamobrem nul- lis quamuis magnis impensis parcentes, & publicæ, præsertim pauperum, vtilitati opportune prouidere cupientes, prægrandem pecuniam seponere, & certo in loco collocare decreuimus, quæ annonæ, & abundantia, quam ap- pellant, perpetuo attributa sit, reiq. frumentaria copiarum curandæ, & com- parandæ in posterum perpetuò deferuiat.

Vrbanus VII. omnes suas facultates pauperibus legauit.
Cap. 458.

Vrbanus VII. **V**Rbanus septimus, datis vniuerso terrarum Orbi summæ suæ Religionis in Deum, & in pauperes, quibus omnes suas facultates legauit, si- gnis, exiguo nimis tempore, vt in omnem viueret æternitatem, obiit.

Gregorius XIII. supra centum mille aureos dari iussit ad fa- mem reprimendam. Cap. 459.

Gregorius XIII. **C**Um post Sixti V. ac mox post Urbani VII. obitum magna frumenti co- pia Vrbe fuisset euecta, & ciuitas annonæ caritate laborare cœpisset, dein Gregorio XIII. sedente, frumentatio sterilis, & frugum inopia succe- deret, tanta breui tempore, multis Italiae Oppidis, & in ipsa Vrbe orta est, vt esurie homines enecti extra Oppida reperirentur, herbis ore ingestis, quibus more pecudum vesci, fame dominante, cogebantur. Pontifex huic cladi, qua nihil populo grauius, aut miserius est, opem laturus, supra cen- tum mille nummos aureos dari iusserat, quibus annonæ consuleretur, & pri- uatas publicasq. eleemosynas, benigna liberalitate distribuit. Edixit etiam grauius, & seuerè, vt frumentum quisque proderet, ac omnibus in locis diligenter exquireretur. Sed nonnunquam immissa à Deo flagella humana industria tolli non possunt.

Iussio acris Innocentij IX. ad inuehenda in Urbem frumenta.
Cap. 460.

Innoc. IX. **A**ltera post creationem die consilium habuit, annonæ consulturus, cu- ius ea fuit summa, vt Romani omnes nobiles, ac procures, triticum, quem foris haberent, in Urbem confestim inueherent, annonæ Præfecto Vi- tellio, vt à se iussa acriter, & seuerè persequeretur imperauit.

Clemens

Clemens VIII. beneficus in egenos, quotidiano pauperes cibo suo pascit, & ministrat. Cap. 461.

Clemens VIII. primo sui pontificatus exordio inter alia ad disciplinam Ecclesiasticam componendam saluberrimè instituta, quo ceteris hospitalitatis, ac in pauperes beneficentiæ exemplo præluceret, quotidianæ illi mensæ tredecim ex ipsis veteri instituto parari solitæ, adiecit alteram propè coenaculum suum pauperibus peregrinis, potissimum è remotioribus regionibus in Urbem confluentibus, in singulos dies parandam: è sua enim opiparè referta dapibus, iisdem sacro ritu ex more sanctificatis, sedens ipse arbiter continentiae, delectumq. adhibens, pretiosiora quæquæ, ac lautiora iubet afferri pauperum mensæ, vilioribus sibi retentis, ac modicis: tanto solum iudicans dignos honore Dei seruos, ipsos pauperes, Christi vicem agentes, Vicarius ipse Christi, vel seruus seruorum Dei. Cuius quidem beneficentia, & pietas omnibus nota facta est.

Pauli V. pia, & singularis prouidentia ad pellendam ex Urbe famem, & panis affluentiam curandam. Cap. 462.

Sed si quis vnquam Pontifex egregiam nauauit operam, vt numerosus Urbis populus, non laboraret victus inopia, sed perpetua frueretur vberitate, certè his diebus Sanctissimus Dominus Noster Paulus Quintus singulari pietate, & sollicito studio hoc ipsum præstat. Nam optimorum Pontificum sequutus exempla, & in laudatissima Romanæ Ecclesiæ consuetudine perseverans, non satis ei fuit populum sibi commissum, in pacis perpetuæ tranquillitate, & decore iustitiæ retinuisse, sed vt nihil populo suo vlla in re deesset, in loco pascuæ collocauit eum, prouidens ei paterna sollicitudine, vt non comedat amplius panem arctum, & bibat aquâ breuem, sed fruatur abundantia panis in saturitate apud aquas refectionis: Aquas, scilicet fideles, & largissimas ex longinquo adducens, & tritici confertas mensuras, conferens in sinum pauperum. Quapropter, vt hodie, & in posterum confirmet pauperes, & egenos robore panis, & vt præster ouibus suis escam desiderabilem, ne forte temporum iniuria, & mercatorum auaritia, & ciuium, qui volunt diuites fieri cupiditate, rabida fames Urbem inuaderet, eaq. grassante percrebrescerent mala famis occasione proficiscencia, in hoc potissimum inuigilat, & solerti cura elaborat, vt populus suus in quotidiana victus ratione, bene disponatur, adhibitis diligentissimis curatoribus, qui frumentandi gratia per territoria vberis gleba secunda ambulantes, quantam possint frumentorum vim comparent, vt tritici firmamento Urbs fulciatur.

Quòd si contingat propter steriles forsân prouentus, frumenta carius vendari, ex huiusmodi tùm penuria illud prouidentissime pio Pontificis studio factum est, vt populus à maiori pretio diminutum panem hac occasione non comedat, sed adhuc idem panis pondus eodem vili pretio, quo in vberitate emebat, emendo recipiat, quo fit vt vile pretium fiat nobili & abscondita eleemosyna pretiosissimum: ipso scilicet Pontifice reliquum pretij, prægrandis

grandis sumptibus liberalissime erogante. Quod largitionis munus, quanta
uis inuisibile, commune est omnibus & perpetuum: miserendo enim super
turbam, aperit manum suam, & implet omnes benedictione. Vt hodie au-
ribus, & oculis nostris merore, & lætitia mixtum spectaculum oboriat, &
dum multas in Italia vrbes audimus annonæ penuria premi, & fame vexari,
& perspicimus Urbem cum numerosis incolis suis, penuriæ tempore, Pasto-
ris sui beneficentia, & vigilantia, vbertatis commoda sentire, & fiducialiter
vitam ducendo, famis rabiem non pertimescere.

*S. Caroli Borromæi vigilantia, & studium, admirabilisq. praxis
ad alendos pauperes tempore famis, & pestis. Cap. 463.*

*3. Carolus
Borro. Aët.
Med. Conc.
Tron. I.*

Summam vim, ac necessitatem habet illa Domini sententia: Speculatorem
dedi te domui Israel: & alio item loco: Diligenter agnosce vultum peco-
ris tui, & considera super greges tuos; vt Episcopi quanta maxima possunt
diligentia, obseruent sibi commendatum gregem, neque ab eo vnquam
oculos deiciant, quid ei opus sit animaduertentes, vt ex Prophetæ senten-
tia, contractas partes alligare, infirmas consolidare, ægrotas sanare, abie-
ctas oues reducere, perditas requirere, & recuperare possint.

Quoniam vero lustrare omnia proprijs oculis nequeunt, in singulis Paro-
chijs deligant certos, ac probatos viros, qui inuestigent, an populus ambu-
let in vijs Domini; an aliquid sit, quod Episcopi cognitionem, & medi-
cinam desideret; an aliquid quod corrigi, & emendari debeat: quæquæ
compererint, fideliter ad Episcopum deferant.

Parochus etiam librum habeat, in quo omnium, qui in eius parochia
sunt, nomina & cognomina quàmprimum describat, singulorumq. sexum,
ætatem, & statum. In eo deinceps describat & recenter natos, & mortuos,
& in Parochiam habitatum venientes, & inde emigrantes; quem librū Epi-
scopo, quoties is petierit, vel inspiciendum, vel describendum dabit.

Observabit etiam suæ Parochiæ novos inquilinos, deq. eorum ortho-
doxa fide, & sacramentorum perceptione, deq. mulieribus, quas secum ha-
buerint, an matrimonij, cognationis, affinitatis vinculo verè coniunctæ sint,
an impudicitæ nomine suspectæ, ab eo sacerdote, in cuius parochia proximè
habitarint, & à Parochiæ incolis accuratè cognoscet.

Inquirat autem studiosè de pauperibus suæ Parochiæ, præsertim puellis
nubilibus, de viduis, orphanis, pupillis, ægrotis, senio confectis, alijsq. per-
sonis, temporali, vel etiam spiritali misericordia indigentibus, quibus &
ipse pro viribus opitulari, & alios suo exemplo, & hortatu ad id officium
incitare studeat.

Præcipue vero de ijs omnibus sæpe certiore faciat Episcopum, vt qui
communis eorum pater est, iisdem paternam curam, & pietatem quacun-
que poterit ratione præstet.

Quamobrem etiam Episcopus quotannis per sacra quatuor anni tempora,
suæ Ciuitatis Parochos adhibebit, & illis de eorum animarum statu, qua-
rum curæ præpositi sunt, diligenter interrogatis, omnia commemoret, quæ
eorum officij munus contineant; eisq. & doctoris diligentiam, & pastoris
vigilantiam præstabit.

Epi-

Episcopi omnem curam, & operam suam conferant ad erigenda, & insti-
tuenda ex auctoritate summi Pontificis loca pia, quæ Montes Pietatis appel-
lantur, in singulis Ciuitatibus, & insignioribus Oppidis, vnde mutuas pecu-
nias pauperes possint accipere.

Eaque, & quæ iam constituta sunt, studiosè & fideliter administranda
curent.

Principes autem, & Magistratus obsecramus, vt ea in re Episcoporum
studium & diligentiam omni ope adiuuent.

Videant in primis, omniq. ratione præcaueant, vt cum in peste difficul-
tas annonæ simul inesse soleat, ne quid ad rei frumentariæ, omnisq. annonæ *Conc. Prom.*
vberratem desit, ac proinde cautionem diligentissimam adhibeant, vt nemo
quisquam sit, qui necessario eo tempore frumentum supprimat: cum præ-
sertim sæpe fiat, vt grauissimo illo tempore longè plures (quemadmodum
vfu compertum, litterisq. traditum est) fame necentur, quàm pestilentia
extinguantur.

Quamobrem omnes, qui opibus circumfluunt, & ipsi magistratus præser-
tim, qui Ciuitati præsunt, propositum sibi aliquando habebunt præclarum
illud exemplum sanctissimi Pontificis Gregorij Magni, qui & in peste, & in
annonæ caritate apertis publicis horreis frumentaria largitione vsus est ad
populi laborantis sustentationem.

Rationem præterea Episcopus cum eisdem Magistratibus inibit, vt tùm
ex publico ærario, censuè, tùm etiam eleemosynis & omni alia subuenien-
di via, multorum inopia egestateue laborantium victui necessario succurra-
tur; eo præsertim afflicto tempore, quo præ pestis periculo, & metu, artifi-
cia, negotiationes, nundinationes, & quæstus, mercaturæue commercium,
agrorum cultura, & omnes aliæ cuiuscunque opificij exercitationes langue-
scunt, aut etiam magna ex parte cessant, vnde homines sibi victum parare
solent, quo fit, vt innumerabiles homines, qui aliàs ab omni re inopes non
sunt, sæpissimè ex fame laborent.

Quo in officio omni ita Episcopus se geret, vt cum se eleemosynarum
largitionibus, pauperum, miserabiliumq. hominum, verè parentem pasto-
remq. ostenderit; exemplo etiam suo non minus quàm cohortationibus,
omniq. alio officio, ceteros ad illorum sustentationem alliciat atque in-
flammet.

Vt vero quò ad sustentationem satis esse possit, omnino procuretur, vt om-
nes, & singuli, quibus subueniendum erit, certo libro recte ordineq. de-
scribantur.

Qua in re Monasteriorum etiam, & piorum Collegiorum, tam virorum,
quàm feminarum, ac pauperum Clericorum ratio habebitur, quibus neces-
sario eo tempore aliquid in eleemosynam conferendum erit.

Tantum verò absit, vt inopes & pauperes, pro quibus etiam Christus
Dominus sanguinem profudit, è Ciuitate, Oppidis, pagisue, ab omni ope
destituti exturbentur, vt non modo aliorum, sed mendicantium etiam ratio
habeatur; ea scilicet, vt in vnum locum congregentur omnes, vbi cum
alimenta corporis, tùm maximè omnia adiumenta spiritualia suppedi-
tentur.

Parochi etiam, vbi instituta non est, in sua quisque ratione Parochiali

V u

Con:

Confraternitatem Scholamue hominum Charitatis nomine , Episcopali auctoritate instituent .

Cuius Confraternitatis erit, necessario illo tempore, & eleemosynas colligere , & cetera charitatis officia obire ac præstare , quibus pauperes , & egentissimi homines subleuentur .

Scholæ Charitatis homines , Parocho describendis Parochiæ pauperibus operam nauabunt , quos semel diligenter descriptos , sæpè generatim recognoscent . Qua in recognitione si quid vel addendum, vel mutandum viderint, id Parocho nunciabunt , qui in descriptionis libro notabit , quod eo in genere opus erit, & Episcopo etiam referet .

Ijdem singulis diebus sedulò pauperes inuisent, eosq. præsertim, qui peste tabescunt, suspectiuè sunt .

Si quos inuenerint, qui recenter in morbum inciderint, quive spiritualis alicuius adiumenti indigeant , de ijs eundem Parochum certiore facient .

Ipsi verò sollicito studio in id incumbent , vt quæ ad corporis vsum necessaria sunt pauperibus, pesteq. affectis, vndiquè conquirant .

Vt autem omni ex parte cumulatoria Charitatis subsidia comparent, cum ad Episcopum, tum ad Præfectos regionarios, Vicariosue foraneos, & parochos, perfugium sæpius habebunt , quorum etiam auctoritate ad omnem eleemosynæ , pijq. subsidij conquisitionem atque apparatus vtentur ; sæpè etiam magistratum , & decuriones conuenient, vt opus erit .

Id Parochus præter cetera maximè parochiales suos cohortabitur , vt his præsertim pestilentia temporibus omni commiseratione dignis , quantam maximam per facultates possunt , eleemosynam conferant , ad subleuandas necessitates, non solum peste laborantium suspectorumve, sed aliorum etiam omnium qui rerum inopia premuntur .

Quam ob causam singulis hebdomadis semel, atque adeo sæpius rariusvè, prout necessitas vrget, parochialiumq. opes ferunt, viciniam suam adhibitis Charitatis sodalibus in omnes partes obibit, omniq. studio , & charitatis pia contentione, eleemosynam , quæ in eorum miserabilium vsum erogetur, ab omnibus efflagitabit .

In Ecclesia præterea parochiali, in omniq. viciniæ parte , præsertim pro foribus eorum , qui peste infecti suspectiuè sunt , capsulas aliquas duabus clauibus inter se diuersis singulas clausas , certoq. signo , quod præcipuum Episcopus constituerit, notatasq. & distinctas publicè proponet, atque affiget, in quas oblata eleemosynæ eo nomine conijciantur .

E clauibus illis duabus vnam ipse Parochus, & alteram ille ex Confratribus Charitatis asseruabit, quem Episcopus, Præfectusvè , vel Vicarius foraneus delegerit .

Si qua in Parochiali vicina complures sunt, vel pestifera labe inquinati, vel suspecti, vel alij inopes homines , quibus aliunde non satis succurri possit , Parochus ad Episcopum confugiet, cuius concessu in finitima etiam vicina parochiali capsulam eleemosynæ proponere, aut alia ratione subsidia charitatis comparare possit ad illorum sustentationem .

Vt autem necessario eo tempore pauperum egestati vndique succurratur, eam facultatem, si ita necessitas tulerit, Episcopus aliquando permittet , vt priorum locorum Præfecti, curatoresvè eleemosynarum, quas certo præscri-

pto

pro tempore dari moris est, distributionem anticipent, utpotè quæ eleemosyna semestri, aut longioris temporis spatio in egentium usum erogari consueuerat, ea omnis duobus tribusvè mensibus, aut breuiori tempore, prout opus erit, distribuatur.

Ea autem cautio adhibebitur, ut ne eleemosynæ distribuendæ ratio atque usus, sine legitima auctoritate, & facultate vnquam immutetur; verbi gratia, quod puellis, virginibusvè nuptui dandis in dotem pia liberalitate erogari solet aut debet, ne in panis eleemosynam, aliudvè genus conuertatur.

Nec vero piorum locorum prædia, aliavè bona immobilia, hypothecæ pignoriuè dentur, aut alienentur; contra ac testatorum voluntate, canonum iure, Pontificijs Constitutionibus, & Conciliorum aut Synodi Prouincialis nostræ primæ decretis cautum est.

Omnis eleemosyna, quæ à Charitatis Confratribus congeretur, de Parochi, aut Præfecti regionarij, aut Vicarij foranei consilio & assensu, in eorum hominum usum necessarium erogabitur. In eleemosynæ autem erogatione, habebitur ratio cum in primis inopiæ, paupertatisq. sacerdotum, & monasteriorum cuiusvis generis & ordinis, tum hospitalium, ædium, locorumvè, quæ intra parochialis vicinix fines sita sunt. Quibus sacerdotibus & monasterijs ex ærario etiam publico, aut censu, vnde reliqui pauperes sustentantur, necessaria alimenta subministrari oportebit, cum ob alias causas, tum quia publico Ecclesiæ nomine, religiosi illi homines quotidianis sacrificijs, supplicationibus, diuinorumq. officiorum cultu, & moniales etiam sacralachrymarum vi, peccatorum deploratione, gemitu, vigilijs, ieiunio, atque assidua oratione, Dei iram afflictissimo illo tempore placare contendunt.

Cauerebunt autem Parochus, ne rei cuiusquam, quæ ad corporales quorumvis hominum, etiam peste laborantium, suspectorumvè necessitates pertineat, præcipuam curam, præcipuumq. onus sibi suscipiat, quo retardetur, aut impediatur, quin proprium curæ suæ officium exequatur, quod totum in rerum spiritualium procuracione atque administratione versari in primis debet. Ideo ab ordinario munere eleemosynæ distribuendæ, subuencionisq. publicæ erogandæ abstinebit.

Si quo autem in loco, & pauperum ingens necessitas, & penuria hominum, ut id muneris rectè gerere possit, aliquando hoc suadebit, ut istiusmodi pondus ipse suscipiat ac sustineat, Episcopum adibit, cuius facultate illud subeat, ac gerat.

Adhibere autem semper studebit pios aliquot parochialis Vicinix homines, aut Confratres Charitatis, quos tum adiutores, tum etiam testes fidelis dispensationis habebit.

Hoc etiam ipsum & Præfectus regionarius, & Vicarius foraneus exequi præstareq. curabunt.

Ut omnis eleemosynæ, quæcumque sit, quæ colligetur, quibus oportet, rectèq. distribuatur, nec verò impudenter vsurpetur, atque absorbeat ab ijs, qui aliunde cum habeant vnde viuant, iniqua illa vsurpatione exitium animæ suæ pariunt, & vitæ periculum illis præbent, qui summa rerum omnium angustia premuntur: ideo Regionarius præfectus, Vicarius foraneus, Visitator Episcopalis, & Parochus in primis omni opportuna ratione

V u 2 (vbi-

(vbi cumque sunt, qui pestis suspicionisvè causa domi inclusi, aut etiam inopiæ nomine, illam etiam pro foribus, aut de fenestris efflagitant) istos, & aliquando populum vniuersum, prout occasio tulerit, id grauitè monebit, docebitq. peccati mortalis vinculo irretitos teneri, si qui sunt, qui consequendæ eleemosynæ causam aliquam prætexunt & assimulant: atque adeo si quam eo nomine, & causæ simulatione consequuntur, planè restituere debent.

Quamobrem grauissimè peccabunt, quicumque eleemosynam capient, illis egentibus hominibus solùm constitutam, qui aliunde certo reclusionis, aliove præstituto tempore non habent, vnde victum sibi parent, si reuera ipsi in eo paupertatis statu non sunt: nec verò eam eleemosynam sine conscientia offensione, & labe retinere vllò modo poterunt; præsertim si ipsius eleemosynæ curatores, aliqua significatione, rationeue præcauerint, se constituisse, ijs tantum, qui ea inopia paupertateuè premuntur, illam distribuere.

*Cardinalis Varmiensis imitanda pietas, & excellens beneficentia
in famescientes reficiendos. Cap. 464.*

*Ex vit. Stanislai Hosij
Card. Varmien.*

STanislai Hosij, Cardinalis Varmiensis Poloni, virtus & pietas singulari-
ter floruit temporibus nostris. Nunquam enim animum eius, aut amor
nummi, aut auaritiæ sordes inuaserunt. Etiam in hac propè iam acta ætatis
sux parte (quæ ei vicio plerunque succumbere cõsueuisse existimatur) vsque
ad extremum diem vitæ, hilaris semper dator, & propterea etiam Deo dilectus
extitit. Qui domesticas illas impensas, egentium greges, liberalitatem in Collegia,
Monasteria, Hospitalia, in viros doctos, scriptores, concionatores, quorum egestatem
in Gallia, Germania, Flandria, Polonia, missa pecunia subleuabat, & in librorum
suppellectilem, diligentius cum animo suo reputare voluerit, non poterit profectò
non mirari, quomodo tam exigui census, quos habebat, ad explendos tantos
sumptus sufficere poterant. sed illi ad hæc necessaria sufficiebant, quia ad
superflua & minimè necessaria nullam eorum partem conuertebat: qua de re
sic alicubi scripsit, doctissimus ille Theologus, & Christi exul, Nicolaus Sanderus:
Nam vt de solis Anglis loquar, quis Romam venit ex vlla orbis parte, qui domum
Hosij, non experiatur hospitium suum? Habent ibi locum suum Presbyteri, habent
illustres, habent & milites, denique Fratres etiam minores, etiam minimi,
Hosij hospitalissimi Cardinalis nomen non minus diligunt, quàm honorant.
Germani, Angli, Bohemi, Vngari, Sclau, Mosci, in domum Hosij, tamquam
ad commune miseriarum perfugium confluebant, neminem à conspectu atque à colloquio
reiecit: sed cum portus domus, & ingressum scalarum obsedissent, pro veteri
sua consuetudine, audiebat singulos placidissimè, libellos supplices ex omnium
manibus ipse excipiebat, nec vnquam quemquam supplicentem indonatum
admittebat; immò sæpe verbis placidissimis, exilium, egestatem, nuditatem, &
alia incommoda, quibus se oppressos queritabantur, consolatus est. Sæpe etiam
Rescium illis ostendens; Nolite, inquit, istum in Regnum Cælorum intromittere,
si vos malè expedierit. Innuens eos (sicut olim ad suos quoq; familiares solitus erat
dicere S. Oddo

Abbas

Abbas Cluniacen.) paradisi esse ianitores, & cali ostiarios, & propterea in honore habendos. Si quando autem solito pauciores conuenisse videbat, culpam omnem in suos referebat; quasi minus placidè, minusvè liberaliter venientes acciperent, aut etiam domus suæ aditu prohiberent. Trecentos aliquando Moschos, & Ruthenos Turcarum captiuos, per aliquot dies in domo eius, mensa & prandio exceptos vidimus, cum in patriam suam post insigne illam, & memorabilem Turcarum cladem, apud Naupactum à classe Christiana factam libertate donati, per Urbem reuerterentur, quorum plerosque etiam in fidei negocijs instruendos curabat, & ad verum, ac legitimum Patriarcham Constantinop. qui tùm erat Scipio Card. de Pisis mittebat, ut hunc potius pro pastore, Patriarcha quoque suo, quam illum què se Constantinopoli vidisse, & saluasse gloriabantur, agnoscerent, ac ab eo benedictionem acciperent. Viatico quoque singulos ut poterat, subleuabat, ac ut à Pontifice quoque subleuarentur, sæpe laborabat.

Inueniebat enim animus eius materiam liberalitatis, etiam in angustijs paupertatis. Non raro enim & hoc in Hosij domo accidebat, ut ad explendas omnium indigentium necessitates pecunia deficeret, quod cum illi pecuniarum administri denuntiarent: non defecit vnquam, aiebat, apud me pro pauperibus Christi pecunia, neque deficiet. Vendite vasa, aut vestem aliquam, aut quidpiam ex domestica suppellectili distrahite, & pauperum necessitatibus sine mora succurrite, nec vnquam patimini pauperem indonatum ex domo mea recedere. Quam rem cum aliquando cognouisset, vir animi excelsi, iudicijq. maturitate laudatus, Christophorus Madrucius Cardinalis Tridentinus manu sua propria, in hæc illi verba ex Oppido suo Soriano scripsit: Vix possum æquo animo ferre, quod optimus Orthodoxæ religionis parens, & de Apostolica Sede adedò benemeritus, cogatur propter re angustam domi ab Vrbe secedere, & cum illa veneranda canicie versari in locis, quæ vix hyemali tempore florida iuuentus posset perferre, & pati, donec penè ab vltima Thyle, & ab Herculeis columnis remedium afferatur. O tempora, ò mores! doleo ego mirum in modum, quod ea præstare non possum, quæ gestiret animus adimplere, & quæ sanctitas, & eruditio tanta mereretur. Quod autem habeo, hoc Ill. D. V. offero ex corde humiles has meas casas, & dimidium panem mearum qualiumcumque fortunarum. Non solum autem verbis obtulit, sed re, quod obtulit, præstitit, missa ad vsum Hosij non contemnenda pecunia.

Non absimile officij genus præstitit vir, & natalium splendore, & animi magnitudine excellentissimus, Aloysius Cardinalis Estensis. & patruus eius Hippolytus Card. Ferrariensis. Omnium autem liberalissimè necessitatibus Hosij succurrere consueuerat, pientissimus Pontifex Gregorius XIII. qui nonnunquam, semotis arbitris, in cubiculo suo, oblata sponte sua magna pecunia, summa cum benevolentia, paterniq. animi significatione, onustum a conspectu suo dimittebat, ut illi exercenda liberalitatis in egenos, & inopes, quorum greges in illius domo videbantur, materiam ministraret.

De Polonis autem nostris quid dicam? quos paterno prorsus affectu, & benevolentia tanquam filios charissimos diligebat. Et cum ad officium Episcopi, hospitalitatis quoque virtutem pertinere meminisset, valdeq. decorum

esse, patere domos illustrium virorum illustribus hospitibus, volebat ut ijs præcipuè domus quoque sua apertissima, & perhospitalis esset. Quamobrem sæpe Regum, & Principum ministros Romam venientes, sæpe priuatos quoque nobiles & amicos, sæpe etiam egestate oppressos, & patronis testoque destitutos, domo, hospitio, mensa, per multos aliquando menses accipiebat: consilio, auxilio, studio, re, opera quoscumque poterat, magna cum alacritate adiuuabat.

Et cum essent, interregni tempore, quod mortem Sigismundi Augusti Regis Poloniæ consecutum est, tùm etiam propter grassantem in Lombardia pestem, omnia ferè itinera clausa, ita ut nec litteræ, nec pecuniæ ex Polonia in Italiam importari possent, & multi Poloni nobiles in summa pecuniæ necessitate versaretur, ut illorum egestati succurreret, liberalitate sua, partem necessariæ suppellectilis, pro pignore tradere, & quam potuit pecuniam corradere maluit, quàm eorum necessitatibus deesse: menstruumquè subsidium singulis assignabat, etiam si ipse quoque in eadem planè naui veheretur, & iisdem infortunijs esset, quibus reliqui Poloni, expositus.

Tob. 4.

Peregrinos autem, & mendicos in domum suam recipiebat, faciens ex ea, sicut iubet Chrysostomus, Xenodochium: segregans cellulam, statuens lectulum, mensam, lucernam, tamquam Christum ipsum in ea recepturus esset: & alios præterea non paucos alebat quotidie. Aliquando simul omnes eadem mensa excipiebat, iuxta illud Tobia: Panem tuum cum egentibus, & esurientibus comede, & de vestimentis tuis nudos tege: & piam illam, & veterem maiorum nostrorum cantilenam, de intemerata Virgine Maria, Bogu Rodzica nuncupatam, canentes magna cum animi sui voluptate, & dulcissimis lachrymis audiebat. Anno vero sancto, ad quatuor Urbis stationum Ecclesias deducebat, sanctissimam Eucharistiam manibus suis distribuebat, sanctorum reliquias, sepulchra, martyria, specus, cimiteria, ut viderent, procurabat; singulorum etiam victorias, & triumphos recitari iubebat; multos in patriam redeuntibus vestibus, omnes viatico donabat, litterisq. patentibus commendabat. Et cùm à nonnullis admoneretur, ut domesticæ quoque necessitatis rationem duceret, ac parcius aliquanto seminare; nescire se dicebat, quantum indigenti & mendico satis esset, sed scire, quantum præstare Christi patrimonij dispensatorem oporteret. Omnibus dandam esse eleemosynam dicebat, ne Christo negaretur. Aegrotantes etiam sæpe per alios, quosdam etiam in Hospitali Consolationis nuncupato, decumbentes ipse visitabat, & consolantium officioungebatur. Solebat enim ægrotantium quoque singularem curam gerere. Si qui domui suæ decumbebant, quotidie visitare, assidere, consolari, hortari ad patientiam. Non satis habuit remedia suppeditare: sollicitus adfuit, ad suspecta tempora occurrit, nullum illi ægrotantis ministerium fastidio fuit. In tanta turba negotiorum præcipuam curam de ægrotantis valetudine semper habuit. Sæpe etiam exemplo S. Dominici ad ægrotantem cum hoc nuncio mittebat: Abi, & dic me iussisse, ne deinceps febricitet, ac facta dictis nonnunquam respondisse. Cum autem & hoc quoque Clementis D. Petri successoris præceptum meminisset, ut Episcopus ne sit *μονόφαγος*, nunquam solus ad mensam, & cibum assedit. Maluit aliquando ultra horam solitam refectionem differre, dum aliquem conuiuium inueniret, quàm buccellam panis solus comedere: re:

re, quam se quoque nunquam solum comedisse patientissimus ille Iob glo- 106. 3 r.
riatur.

Ciuis Florentinus pallium pretiosum à paupere furatum, non solum non recuperat, sed ad domum furis transmittit panem & triticum; & cum magna fames vexaret urbem, plusquam quatuor millia pauperum pavit.

Cap. 465.

Marcus de Nigro Ciuis Florentinus referebat de Auo suo, quod vir quidam pauper furatus fuerat ei pallium pretiosum penuriae tempore; quod cum ei manifestatum fuisset, & posset furtum ex manibus deprehensi furis abripere, noluit, sed iussit famulum suum obseruare, quònam pallium ferret, & quid de illo faceret. Famulus autem obseruans vidit furem vendentem pallium, & de pecunia ementem panes: erat autem magna annonae charitas anno illo, & fur ille fame discruciabatur; quapropter non solum pallium illud recuperare noluit, sed ad domum furis panem, & triticum vltro transmissit. Creuit autem taliter eius pietas, & in egentes commiseratio, ut cum alio tempore Florentini magna panis vrgerentur penuria, misericordia motus, ipse solus plusquam quatuor millia pauperum sumptibus suis pauerit. Saturabantur illi in indigentia sua, sed non saturabatur ipse in beneficentia sua, semper quærens, quem pasceret. Hic cum aliquando in morbum incidisset, & morti proximus esset, apparuit ei veneranda mulier, quæ exitum eius obseruabat; Eo autem vita functo, amplius non apparuit. Opinati sunt nonnulli mulierem istam, fuisse beatam Martham, Lazari, & Magdalenz sororem.

De laico quodam deuoto, qui sedule piaq. exercitationi vacabat semper, ut diurno opere, & nocturna lucubratione pauperes pasceret. Cap. 466.

Referebat etiam nobis Episcopus Tudertinus, Angelus Cæsius, qui per triginta propè annos illam gubernauit ecclesiam, qui quæ Ecclesie nostræ nobilissimum extruxit sacellum, & anteriorem templi partem lapide Tiburtino magnifica constructione perfecit, fuisse in Ciuitate Narnij Virum quendam laicum, nomine Theodorum Cardonem, qui mirum in modum delectabatur exercere se in pietatis actibus, visitando eos, qui in carceribus tenebantur, & ægros in infirmitatibus eorum; Et si quos dissidentes, & discordes esse rescuisset inimicitiae causa, illud procurabat, ut ad amicitiam, & pacem reuocaret. Visitabat quotidie Capuccinorum monasterium. Præsertim autem in hoc totus erat, & magna animi alacritate operâ dabat, ut pauperes, & egentes viros, & familias fame laborantes, qua poterat charitate reficeret; quapropter eleemosynas perpetuo largiebatur, & sicut alter Nicolaus Mirensis Episcopus, secreta nocte obambulans vicos Ciuitatis, in pauperum domunculis per fenestellas pecuniam introrsum proijciebat, aut subter valuas per foramen, per quæ feles ingredi, & egredi solent, panes aliquos

V u 4 pone.

ponebat, vt de mane surgentes pauperes, panis benedictionem reperirent, & famem pellerent. Ecce quomodo viri, in seculo viuentes, si sint humiles, benigni, & deuoti, rapiunt cælum, & disponunt sermones suos in iudicio, vt non commoucantur in æternum.

Post hæc subiiciamus hic aliqua, quæ à Diuo Paulo in Christi fide disseminanda, magnifice gesta sunt.

Paulus claudum ab utero matris solo verbo coram turba plurima rectum ambulare facit: Turba admirans putat Paulum, & Barnabam esse Deos, Iouem scilicet, & Mercurium, & volentes eis sacrificare, vix ab Apostolis dissuadentur: superuenientes Iudæi incitant gentes ad lapidandum Paulum, qui discedens euangelizat alijs ciuitatibus. Cap. 467.

Ex Actib.
Apost. c. 14

Factum est autem in Iconio, vt Paulus, & Barnabas simul introirent Synagogam Iudæorum, & loquerentur, ita vt crederet Iudæorum, & Græcorum copiosa multitudo; qui vero increduli fuerunt Iudæi, suscitauerunt, & ad iracundiam concitauerunt animas gentium aduersus fratres. Multo igitur tempore demorati sunt fiducialiter agentes in Domino, testimonium perhibente verbo gratiæ suæ, dante signa, & prodigia fieri per manus eorum. Diuisa est autem multitudo ciuitatis, & quidam quidem erant cum Iudæis, quidam vero cum Apostolis. Cum autem factus esset impetus Gentilium, & Iudæorum cum principibus suis, vt contumelijs afficerent, & lapidarent eos: intelligentes confugerunt ad ciuitates Licaoniæ, Listram, & Derben, & vniuersam in circuitu regionem, & ibi euangelizantes erant. Paulus autem, & Barnabas morabantur Lystris. Et quidam vir Lystris infirmus pedibus sedebat claudus ex utero matris suæ, qui nunquam ambulauerat. Hic audiuit Paulum loquentem: qui intuitus eum, & videns quia fidem haberet, vt saluus fieret, dixit magna voce: Surge super pedes tuos rectus: & exiliuit, & ambulabat: Turbæ autem cum vidissent, quod fecerat Paulus, leuauerunt vocem suam Licaonicè dicentes: Dij similes facti hominibus descenderunt ad nos: & vocabant Barnabam Iouem, Paulum vero Mercurium; quoniam ipse erat dux verbi. Sacerdos quoque Iouis, qui erat ante ciuitatē, tauros, & coronas ante ianuas afferens cum populis volebat sacrificare. Quod ubi audierunt Apostoli, Barnabas, & Paulus, consilijs tunicis suis exilierunt in turbas, clamantes, & dicentes: Viri, quid hæc facitis? & nos mortales sumus similes vobis, homines annunciantes vobis ab his vanis, conuertere ad Deum viuum, qui fecit cælum, & terram, & mare, & omnia, quæ in eis sunt: qui in præteritis generationibus dimisit omnes gentes ingredi vias suas: & quidem non sine testimonio semetipsum reliquit benefaciens de cælo dans pluuias, & tempora fructifera, implens cibo, & læticia corda eorum. Et hæc dicentes vix sedauerunt turbas, ne sibi immolarent. Superuenerunt autem quidam ab Antiochia, & Iconio Iudæi, & persuasis turbis, lapidantesq. Paulum traxerunt extra ciuitatem, existimantes eum mortuum esse. Circumdantibus autem eum discipulis, surgens intrauit ciuitatem, & postero die profectus est cum Barnaba in Derben: cumq. euangeliz-

gelizassent ciuitati illi, & docuissent multos, reuersi sunt Lystrū, & Iconium, & Antiochiam, confirmantes animas discipulorum, exhortantesq. vt permanerent in fide, & quoniam per multas tribulationes oportet nos intrare in regnum Dei. Et cum cōstituisent illis per singulas Ecclesias presbyteros, & orassent cum ieiunationibus, commendauerunt eos Domino, in quem crediderunt: transeuntesq. Pisidiam venerunt in Pamphiliam, & loquentes verbum Domini in Perge, descenderunt in Ataliam, & inde nauigauerunt Antiochiam, vnde erant traditi gratiæ Dei in opus, quod compleuerunt. Cum autem venissent, & congregassent Ecclesiam, retulerunt quanta fecisset Deus cum illis, & quia aperuisset gentibus ostium fidei. Morati sunt autem tempus non modicum cum discipulis.

Paulus iunctus Timotheo pradicat in Macedonia ciuitate Philippis: exinde oritur persecutio eius propter Phytonissam à Dæmonio liberatam: ceduntur plagis, & conijciuntur in carcerem; fit terramotus, & carceris ostia mirabiliter aperiuntur celto. Custosq. carceris conuertitur cum domo sua, & baptizantur omnes. Cap. 468.

Cum autem pertransissent Mysiam descenderūt Troadem, & visio per noctē Paulo ostensa est. Vir Macedo quidem erat stans, & precans eum, & dicens: Transiens in Macedoniam adiuua nos. Vt autem visum vidit, statim quæsiuimus proficisci in Macedoniam, certi facti quod vocasset nos Deus euangelizare eis. Nauigantes autem à Troade, recto cursu venimus Samothraciam, & sequenti die Neapolim, & inde Philippis, quæ est prima partis Macedoniæ ciuitas colonia: eramus autem in hac vrbe diebus aliquot consistentes. Die autem Sabbatorum egressi sumus foras portam iuxta flumen, vbi videbatur oratio esse, & sedentes loquebamur mulieribus, quæ conuenerant. Et quædam mulier, nomine Lidia purpuraria, ciuitatis Thierethenorum colens Deum audiuit, cuius Dominus aperuit cor intendere his, quæ dicebantur à Paulo. Cum autem baptizata esset, & domus eius, deprecata est dicens: Si iudicatis me fidelem Domino, introite in domum meam, & manete. Et coegit nos. Factum est autem euntibus nobis ad orationem, puellam quandam habentem spiritū Phytonem, obuiare nobis, quæ quæstum magnum præstabat Dominis suis diuinando. Hæc subsecuta Paulum, & nos, clamabat dicens: Isti homines serui Dei excelsi sunt, qui annunciant nobis viam salutis. Hoc autem faciebat multis diebus. Dolens autem Paulus, & conuersus spiritui dixit: Præcipio tibi in nomine Iesu Christi exire ab ea; & exijt eadem hora. Videntes autem Domini eius, quod exiit spes quæstus eorum, apprehendentes Paulum, & Syllam perduxerunt in forum ad principes. Et offerentes eos magistratibus dixerunt: Hi homines conturbant ciuitatem nostram, cum sint Iudæi, & annunciant morem, quem non licet nobis suscipere, nequē facere, cum simus Romani. Et concurrit plebs aduersus eos, & magistratus scissis tunicis eorum iusserunt eos virgis cedi; & cum multas plagas eis imposuissent, miserunt eos in carcerem, præcipientes custodi, vt diligenter custodiret eos. Qui cum tale

*En Actib.
Apost. ex
cap. 16.*

præ-

præceptum accepisset, misit eos in interiorem carcerem, & pedes eorum strinxit ligno. Media autem nocte Paulus, & Syllas adorantes laudabant Dominum, & audiebant eos qui in custodia erant. Subito terræmotus factus est magnus, ita ut mouerentur fundamenta carceris, & statim aperta sunt omnia ostia, & vniuersorum vincula soluta sunt. Expergefactus autem custos carceris, & videns ianuas apertas carceris, euaginato gladio volebat se interficere, existimans fugisse vinctos. Clamauit autem Paulus voce magna, dicens: Nihil tibi mali feceris: vniuersi enim hic sumus. Petitoque lumine introgressus est, & tremefactus procidit Paulo, & Syllæ ad pedes, & producens eos foras ait: Domini, quid me oportet facere, ut saluus fiam? At illi dixerunt: Crede in Dominum Iesum, & saluus eris tu, & domus tua: & locuti sunt ei verbum Domini cum omnibus, qui erant in domo eius, & tollens eos in illa hora noctis lauit plagas eorum, & baptizatus est ipse, & omnis domus eius continuo. Cumque perduxisset eos in domum suam, apposuit eis mensam, & lætatus est cum omni domo sua credens Deo: & cum dies factus esset, miserunt magistratus lictores dicentes: Dimitte homines illos. Nunciauit autem custos carceris verba hæc Paulo, quia miserunt magistratus, ut dimittami: Nunc igitur exeuntes ite in pace. Paulus autem dixit eis: Cæsos nos publicè indemnatos homines Romanos miserunt in carcerem, & nunc occultè nos eiiciunt? Non ita, sed veniant, & ipsi nos eiiciant. Nunciauerunt autem magistratibus lictores verba hæc. Timueruntque audito, quod Romani essent, & venientes deprecati sunt eos, & educentes rogabant, ut egrederentur de Vrbe. Exeuntes autem de carcere, introierunt ad Lydiam, & visis fratribus consolati sunt eos, & profecti sunt.

Paulus prædicat Theſſalonicæ: trahit ad fidem plurimos, & mulieres nobiles non paucas. Concitatur à Iudæis persecutio contra eum; pergit Athenas, ubi disputat cum Philosophis, & prædicat, & Dionysium Areopagitam, & mulierem Damarim, aliosque ad fidem pertrahit. Cap. 469.

*Ex Actib.
Apost. c. 17*

Cum autem perambulassent Amphipolim, & Apolloniam, venerunt Theſſalonicam, ubi erat Synagoga Iudæorum. Secundum consuetudinem autem Paulus introiit ad eos, & per sabbatha tria differebat eis de scripturis adaperiens, & insinuans, quia Christum oportuit pati, & resurgere à mortuis, & quod hic est Iesus Christus, quem annuncio vobis: Et quidam ex eis crediderunt, & adiuncti sunt Paulo, & Syllæ, & de colentibus, gentilibusque multitudo magna, & mulieres nobiles non paucæ. Zelantes autem Iudæi, assumentesque de vulgo viros quosdam malos, & turba facta concitauerunt Ciuitatem. Et assistentes domui Iasonis, quærebant eos perducere in populum; & cum non inuenissent eos, trahebant Iasonem, & quosdam fratres ad principes Ciuitatis, clamantes, quoniam hi, qui urbem concitant, & huc venerunt, quos suscepit Iason: & hi omnes contra decreta Cæsaris faciunt regem alium, dicentes esse Iesum. Concitauerunt autem plebem. Et principes ciuitatis audientes hæc, & accepta satisfactione à Iasone, & à ceteris dimiserunt eos. Fratres vero confestim per noctem dimiserunt Paulum & Syllam in

in Berœam. Qui cum venissent, in Synagogâ Iudæorum introierunt. Hi autem erant nobiliores eorum, qui sunt Thessalonici, qui susceperunt verbum cum omni auiditate, quotidie scrutantes scripturas si hæc ita se haberent. Et multi quidem crediderunt ex eis, & mulierum gentilium honestarum, & viri non pauci. Cum autem cognouissent in Thessalonica Iudæi, quia & Berœæ prædicatû est à Paulo verbum Dei, venerunt illuc commouentes, & turbantes multitudinem: statimq. tunc Paulum dimiserunt fratres, ut iret usque ad mare: Syllas autem & Timotheus remanserunt ibi, qui autem deducebant Paulum, perduxerunt eum usque ad Athenas, & accepto mandato ab eo ad Syllam & Timotheum, ut quàmceleriter venirent ad illum, profecti sunt. Paulus autem, cum Athenis eos expectaret, incitabatur spiritus eius in ipso, videns Idolatriæ deditam ciuitatem. Disputabat igitur in Synagoga cum Iudæis, & colentibus, & in foro per omnes dies ad eos, qui audierant. Quidam autem Epicurei, & Stoici Philosophi diserebant cum eo, & quidam dicebant: Quid vult seminiuerbius hic dicere? alij vero: nouorum demoniorum videtur annunciator esse, quia Iesum & resurrectionem annunciabat eis: & apprehensum eum ad Arcopagum duxerunt, dicentes: Possumus scire, quæ est hæc noua, quæ à te dicitur doctrina? Noua enim quædam inferis auribus nostris. Volumus enim scire, quidnam velint hæc esse. Athenienses autem omnes, & aduenæ hospites ad nihil aliud vacabant, nisi aut dicere, aut audire aliquid noui. Stans autem Paulus in medio Arcopagi ait: Viri Athenienses, per omnia quasi supersticiosos vos video. Præteriens enim, & videns simulachra vestra, inueni & aram, in qua scriptum erat: Ignoto Deo. Quod ergo ignorantes colitis, hoc ego annuncio vobis: Deus qui fecit mundum & omnia, quæ in eo sunt, hic cæli & terræ cum sit Dominus, non in manufactis templis habitat, nec manibus humanis colitur indigens aliquo, cum ipse det omnibus vitam, & inspirationem, & omnia, fecitq. ex vno omne genus hominum inhabitare super vniuersam faciem terræ, definiens statuta tempora & terminos habitationis eorum, querere Deum si forte atrectent eum, aut inueniant, quamuis non longe sit ab vnoquoque nostrum. In ipso enim viuimus, & mouemur, & sumus, sicut & quidam vestrorum poetarum dixerunt: Ipsius enim & genus sumus. Genus ergo cum simus Dei, non debemus æstimare auro, & argento, aut lapidi sculpturæ artis, & cogitationis hominum diuinum esse simile. Et tempora quidem huius ignorantie despiciens Deus, nunc annunciat hominibus, ut omnes ubique poenitentiam agant, eo quod iudicaturus est orbem in æquitate in viro, in quo statuit, fidem præbens omnibus, iuscitans eum à mortuis. Cum audissent aliqui resurrectionem mortuorum, quidam quidem irridebant: quidam vero dixerunt: audiemus te de hoc iterum. Sic Paulus exiit de medio eorum. Quidam vero viri adhgrentes ei crediderunt: in quibus & Dionysius Arcopagita, & mulier, nomine Damaris, & alij cum eis.

Deseri-

Describitur Pauli nauigatio per mare Romam versus, & naufragium. Deus donat Paulo animas ducentas septuaginta sex, ne pereant, & euaserunt omnes.
Cap. 470.

*Ex A. Sib.
 Apost. c. 27*

VT autem iudicatum est nauigare eum in Italiam, & tradi Paulum cum reliquis custodijs Centurioni, nomine Iulio, cohortis Augustæ, ascendentes nauem Adrumetinam incipientes nauigare circa Asiæ loca, sustulimus, perseverante nobis cum Aristarcho Macedone Thessalonicense, sequenti autem die venimus Sidonem. Humane autem tractans Iulius Paulum, permisit ad amicos ire, & curam sui agere, & inde cum sustulissemus, subnauigauimus Cyprum, propterea quod essent venti contrarij, & pelagus Ciliciæ, & Pamphyliæ nauigantes venimus Listram, quæ est Lyciæ, & ibi inueniens Centurio nauem Alexandrinam nauigantem in Italiam, transposuit nos in eam, & cum multis diebus tarde nauigaremus, & vix deuenissemus contra Gnidum, prohibente nos vento, adnauigauimus Cretæ iuxta Salmonem: & vix iuxta nauigantes, venimus in locum quendam, qui vocatur Boniportus, cui iuxta erat ciuitas Thalassa. Multo autem tempore peracto, cum iam non esset tuta nauigatio, eo quod ieiunium iam præterisset, consolabatur eos Paulus dicens eis: Viri, video quoniam cum iniuria, & damno non solum oneris, & nauis, sed etiam animarum nostrarum incipit esse nauigatio. Centurio autem Gubernatori, & nauclero magis credebat, quam his, quæ à Paulo dicebantur. Et cum aptus portus non esset ad hiemandum, plurimi statuerunt consilium nauigare inde, si quo modo possent deuenientes Phænicem hiemare, portum Cretæ respicientem ad Africum, & ad Corum. Aspirante autem Austro æstimantes propositum se tenere, cum sustulissent de Affon, legebant Cretam. Non post multum autem misit se contra ipsam ventus typhonicus, qui vocatur Euroaquilo: cumque arrepta esset nauis, & non posset conari in ventum, data naue flatibus ferebamur. In insulam autem quandam decurrentes, quæ vocatur Cauda, potuimus vix obtinere scaphâ, qua sublata, adiutorijs utebantur accingentes nauem, timentes ne in Syrtim inciderent, submisso vase sic ferebantur. Valida autem nobis tempestate iactatis, sequenti die iactum fecerunt, & tertia die suis manibus armamenta nauis proiecerunt. Neque autem sole, neque syderibus apparentibus per plures dies, & tempestate non exigua imminente: iam ablata erat spes omnis salutis nostræ: & cum multa ieiunatio fuisset, tunc stans Paulus in medio eorum dixit: Oportebat quidem, viri, audire me, non tollere à Creta, lucrumque facere iniuriam hanc, & iacturam: & nunc suadeo vobis bono animo esse: Amissio enim nullius animæ erit ex nobis, præterquam nauis. Astitit enim mihi hac nocte Angelus Domini, cuius sum ego, & cui deferuius dicens: Ne timeas Paule: Cæsari te oportet assistere, & ecce donauit tibi Deus omnes, qui nauigant tecum: propter quod bono animo estote viri, credo enim Deo, quia sic erit, quemadmodum dictum est mihi: in insulam autem quandam oportet nos deuenire. Sed posteaquam quartadecima nox superuenit, nauigantibus nobis in Adria, circa mediam noctem suspicabantur nautæ apparere sibi aliquam regionem, qui & submittentes bolidem, inuenerunt passus viginti,

& pu-

& pusillum inde separati inuenerunt passus quindecim : timentes autē, ne in aspera loca incideremus, de puppi mittētes ancoras quatuor, optabant diem fieri. Nautis vero quērentibus fugere de naui, cū misissent scaphā in mari sub obtentu quasi inciperent à prora ancoras extēdere, dixit Paulus Centurioni, & militibus : Nisi hi in naui manserint, vos salui fieri nō potestis: tunc absciderunt milites funes scaphæ, & passi sunt eā excidere. Et cum lux inciperet fieri, rogabat Paulus omnes cibum sumere, dicens, quartadecima die hodie expectantes ieiuni permanetis nihil accipientes : Propter quod rogo vos accipere cibum pro salute vestra, quia nullius vestrum capillus de capite peribit. Et cum hæc dixisset, sumens panem, gratias egit Deo in conspectu omnium : & cum fregisset, cæpit manducare : æquiores autem facti omnes, & ipsi sumpserunt cibum : eramus vero vniniuersæ animæ in naui ducentæ septuaginta sex, & satiati cibo alleuiabant nauem, iactantes triticum in mare. Cum autem dies factus esset, terram non agnoscebant : sinum vero quendam considerabant habentem littus, in quem cogitabant, si possent eijcere nauem; & cum ancoras substulissent, committebant se mari, simul laxantes iuncturas gubernaculorum, & leuato artemone secundum auræ flatum, tendebant ad littus. Et cum incidissemus in bonum locum, Dithalassum, impegerunt nauem : & prora quidem fixa manebat immobilis, puppis vero soluebatur à vi maris : Militum autem consilium fuit, vt custodias occiderent, ne quis cum enataisset, effugeret. Centurio autem volēs seruare Paulum prohibuit fieri : iussitq. eos, qui possent natare emittere se primo, & euadere, & ad terram exire, & ceteros alios in tabulis ferebant, quosdam super ea, quæ de naui erant : & sic factum est, vt omnes animæ euaderent ad terram.

Apud Melitam Insulam naufragio vexati recreantur. Vipera manum Pauli apprehendit, ipse illasus proijcit illam in ignem, mirantibus incolis, qui expectabant eum mortuum. Excipitur hospitio à Principe Insulæ, cuius patrem ægrotum Paulus sanat, deinde ceteros omnes ægrotos Insulæ: Discedens peruenit Romam, ubi prædicare incipit. Cap. 471.

ET cum euasissemus, tunc cognouimus, quia Mitilena insula vocabatur, Barbari vero præstabant non modicam humanitatem nobis; ac-
censa enim pyra reficiebant nos omnes propter imbrem, qui imminebat, & frigus. Cum congregasset autem Paulus sarmentorum aliquantam multitudinem, & imposuisset super ignem, vipera à calore cum processisset inuasit manum eius. Vt vero viderunt Barbari pendentem bestiam de manu eius ad inuicem dicebant: Vtique homicida est homo hic, qui cum euasit de mari, ultio non finit eum viuere. Et ille quidem excutiens bestiam in ignem nihil mali passus est: at illi existimabant eum in tumorem conuertendum, & subito casurum, & mori. His autem sperantibus, & videntibus nihil mali in eo fieri, conuertentes se dicebant eum esse Deum. In locis autem illis erant prædia principis Insulæ, nomine Publij, qui nos suscipiens triduo benigne exhibuit. Contigit autem patrem Publij febribus, & dysenteria vexatum iacere, ad quem Paulus intrauit: & cum orasset, & imposuisset ei manus,

*Ex Actib.
Act. 28. cap. 18.*

manus, saluauit eum; quo facto in insula omnes, qui habebant infirmitates, accedebant, & curabantur. Qui etiam multis honoribus nos honorauerunt, & nauigantibus imposuerunt, quæ necessaria erant. Post menses autem tres nauigauimus in naui Alexandrina, quæ in Insula hyemauerat, cui erat insigne castrorû. Et cû venissemus Siracusam māsimum ibi triduo: inde circum legentes deuenimus Regium, & post vnum diem flante austro, secunda die venimus Puteolos, vbi inuentis fratribus rogati sumus manere apud eos dies septē, & sic venimus Romā: & inde cum audissent fratres, occurrerunt nobis vsquē ad Appij forum, & tribus tabernis: quos cum vidisset Paulus, gratias agens Deo, accepit fiduciam. Cum autem venissemus Romam permissum est Paulo permanere sibi, cum custodiēte milite. Post tertium autem diem conuocauit primos Iudæorum: cum venissent, dicebat eis: Ego, viri fratres, nihil aduersus plebem faciens, aut morem paternum vinctus ab Hierosolymis traditus sum in manus Romanorû: qui cum interrogationem de me habuissent, voluerunt me dimittere, eo quod esset nulla causa mortis in me: contradicentibus autem Iudæis coactus sum appellare Cæsarem, non quasi gentem meam habens aliquid accusare. Propter hanc igitur causam rogavi vos videre, & alloqui: propter spem enim Israel cathena hac circumdatus sum. At illi dixerunt: nos neque litteras accepimus de te à Iudæa, neque adueniens aliquis fratrum nunciauit, aut locutus est quid de te malum: rogamus autem à te audire quæ sentis. Nam de secta hac notum est nobis, quia vbique ei contradicatur. Cum constituissent autem illi diem, venerunt ad eum in hospitium plurimi, quibus exponebat testificans regnum Dei, suadensq. eis de Iesu ex lege Moyſi, & prophetis à mane vsquē ad vespēram. Et quidam credebant his, quæ dicebantur; quidam vero non credebant, Cumq. inuicem non essent consentientes, dissidebant dicente Paulo vnum verbum: quia bene Spiritus sanctus locutus est per Isaiam prophetam ad patres vestros dicens: Vade ad populum istum, & dic: aure audietis, & non intelligetis, & videntes videbitis, & non perspicietis: incrassatum est enim cor populi huius, & auribus grauiter audierunt, & oculos suos compreserunt; ne forte videant oculis, & auribus audiant, & corde intelligant, & conuertentur, & sanem eos. Notum ergo sit vobis, quoniam gentibus missum est hoc salutare Dei, & ipsi audient. Et cum hæc dixisset, exierunt ab eo Iudæi multam habentes inter se quæstionem. Mansit enim biennio toto in suo conductu, & suscipiebat omnes, qui ingrediebantur ad eum, prædicans regnum Dei, & docens quæ sunt de Domino Iesu Christo cum omni fiducia sine prohibitione.

Innumera, & mirabilia, vbiquē fecit Paulus pro Christi nomine ad fidem propagandam in vniuersas regiones, & plurimum fuit in laboribus peregrinationum suarum. Circumuit enim orbem, & in omnem terram exiuit sonus eius. Referamus autem hic in summa peregrinationes, quas preciosi pedes eius perfecerunt, dum pacem populis euangelizat. Cap. 47.

Abraham
Ortel. in
Theat. Or-

Anno Domini 34. Hierosolyma Damascum venit, in Arabiam abiit; Damascum redit, deinde Hierosolymam, triennio post conuersionem, quin-

quindecim diebus apud Petrum manet.

Vnde Iudæos fugiens Cæsaream Phœnicis venit, inde Tharsum; hinc à Barnaba adductus Antiochiam Syriæ, vbi annum vnum agunt, atque hic Petrus à Paulo reprehensus videtur; dein simul Hierosolymam mittuntur in subsidium contra venturam famem.

Accedunt Ecclesias per omnem Iudæam, & impleto ministerio iniuncto, Hierosolymam redeunt, interea temporis Petrus ab Herode captus ab Angelo liberatur.

Redeunt Antiochiam Syriæ, vnde missi in opus Euangelij Leuciam eunt assumpto Ioanne Marco: hinc per mare Salaminam Cypri, terra Paphum, mari Pergam Pamphiliæ (vbi Ioannes Marc. ab eis Hierosolymam decedit) Antiochiam Pisidiæ, Iconium Licaoniæ, vnde fugiunt Listram, dein de Derbem superiorem, oppida Lycaoniæ Listram, redeunt, Iconium, Antiochiam Pisidiæ; peragrataq. Pisidia, Pergen Pamphiliæ, Ataliam Pamphiliæ, mari Antiochiam Syriæ, per Phœnicen, Samariamq. cum Tito Hierosolymam redeunt, vbi anno Domini 48. Concilium Apostolorum habitum est super circumcisione, & lege Moyfi. Antiochiam Syriæ redeunt: hic Paulus discors cum Barnaba, eo relicto Silam in socium accepit. Perambulantes autem Syriam, & Ciliciam veniunt Derben, vbi Timotheum adsciscit Paulus: hinc superiores Vrbes Licaoniæ, per Phrygiam, perq. Galatiam in Mysiam veniunt, deinde Troadem, Alexandriam cognomine, per Samothracem insulam, perq. Neapolim Philippos Macedoniæ, Amphipolim, Apolloniam, Thessalonicam, Berroæam, hic reliquit Silam, & Timotheum, Mari Athenas, deinde Corinthum anno nono Claudij, Domini 51. Sedit hic annum & menses sex: hinc cū Priscilla & Aquila Roma fugatis nauigat Cenchreas, deinde Ephesum, vbi manent Priscilla & Aquila; hinc soluens nauigat Hierosolymam propter festum Pentecostes.

Cæsaream abit, deinde Antiochiam Syriæ, vbi aliquantulum temporis mansit, atque hinc perambulans ex ordine Galatiam ac Phrygiam, peruenit Ephesum, vbi ut minimum mansit annos duos & menses tres: inde anno Claudij 12. Domini 54. in Macedoniam, in Græciam seu Helladem, in Macedoniam, Philippos Macedoniæ anno Claudij 13. sub festum Paschæ: inde per mare Troadem Alexandriam cognomine, terra Assum, mari Mitylenem, quæ est in Insula Lesbo, sequenti die venit contra Chium Insulam, postridie Samum appulit: deinde commoratus Trogilij è regione Sami proximo die venit Myletum, vbi vale dicit presbyteris Ephesijs ad se vocatis. Post hæc Coum venit, sequenti die Rhodum, inde Pataram, hinc Cypri à finistris relicta, & præternaugata, Tyrum, vbi septem diebus mansit, inde nauigio Ptolemaidem: manet hic vnum diem, postridie Cæsaream Palæstinæ, vbi in domo Philippi Euangelistæ manet dies complures. Hic Agabus prophetat Paulo captiuitatem, tandem Hierosolymam venit, vbi apprehensus est anno Claudij 14. Domini 56. Missus à Tribuno Claudio Lysia Antipatridam, siue Cæsaream Palæstinæ ad præsidem Felicem; hic ad Cæsarem appellat. A Sidone igitur præternaugans Cypri per mare Ciliciæ, & Pamphyliæ venit Miram Liciæ, deinde contra Gnidum; & præterlegens Salmonem (quod alij Salmonium vocant) Cretæ promontorium, appulit Pulchri portum, deinde Phœnicem portum, itidem Cretæ, Claudiam Insulam, & per Adriaticum mare

*bis Terrar.
de Peregrina-
nat. D. Pau-
li, ex tabu-
la Europa
Gerardi
Mercat.*

mare in Melitam Insulam venit : hinc Syracusas Siciliæ oppidum Regium Calabriæ, nunc vulgò Rhezo dictum, Puteolos Campaniæ Oppidum, nunc Pozolo, vnde tandem itinere terrestri per Forum Appij, secundo anno Neronis Romam peruenit. Sunt qui putant solutum vinculis Galliam, & Hispaniam adiisse. Denique rursus à Nerone captus, vltimo eius imperij anno, qui Domini erat 70. Romæ interficitur, vt in æternum viueret.

Altissimum Dei consilium fuisse, vt omnes homines in mundo orantes, & tenebris pressos ad caelestem gloriã per fidem traheret.

Cap. 473.

Igitur Apostoli per omnes Iudææ, & Samariæ regiones ambulauerant, ad dandam scientiam salutis gentibus illis.

Sed quoniam parum fuit apud diuinam bonitatem, quæ vult homines saluos fieri, & omnes ad agnitionem fidei venire, & non est apud eam acceptio personarum; sed omnis gens accepta est ei, quæ Deum timet, & operatur iustitiam, tantum notum facere salutare suum filiis Israel, sed totum diligens mundum, Mundi fabricator Deus, in conspectu gentium, voluit reuelari iustitiam suam, & lumen suum omnium oculis oboriri, quod parauerat ab initio ante faciem omnium populorum, suo tempore reuelandum, vt confunderentur omnes, qui adorabant sculptilia, & gloriabantur in simulachris suis, & confiterentur nomini eius magno, quoniam terribile, & sanctum est.

Et quoniam ipse est altissimus Dominus, exaltatus super omnem terram, cui seruiunt omnia, & cura est de omnibus, voluit illuminare omnes homines venientes in hunc mundum, vt non amplius ambularent in tenebris, & umbra mortis sed viderent lumen, & agnoscerent, discussa tenebrarum caligine, Dominum, qui fecit eos, & odirent malum, & animæ eorum custodirentur, & liberarentur de manu dæmonum, & potestate mortis, & nasceretur oculis iustorum lux, & rectis corde lætitia: & sciret omnis caro, quoniam ipse est miserator, & misericors, longanimis, & multum misericors, & non in perpetuum irascitur, neque in æternum comminatur, neque secundum peccata hominum, & iniquitates eorum voluit retribuere illis, sed secundum altitudinem iudiciorum suorum corroborauit misericordias suas super omnes populos, vt quantum distat ortus ab occidente, longe faceret ab eis iniquitates eorû; sicut enim pater miserrus est filiorû suorum, quoniam ipse cognoscit figmentum suum. Recordatus est, quoniam puluis sunt, & homo sicut fœnum dies eius, tamquam flos agri sic efflorescit; pertransit spiritus in illo, & non subsistit, & non cognoscit amplius locum suum: sed apud ipsum propitiatio est, & copiosa apud eum redemptio, & misericordiæ eius ab æterno, & vsque in æternum sunt. Quam vt in orbem effunderet, misit filium suum in mundum, vt omnes crederent in illû, & sanarentur à peccatorum languoribus, & notas haberent vias vitæ, morte confracta.

Et dedit eis potestatem filios Dei fieri, his, qui credunt in nomine eius, & parauit eis incorruptibilem hæreditatem in cælis, & gloriam, & diuitias incomparabiles, & Regnum aternitate mensurandum.

Cum

Cum igitur Christus Dominus opus sublimissimæ Redemptionis tantæ magnificentiâ consummasset, & cœnam magnam, & cibos regioesuriienti mundo præparasset, instabat tempus, ut initteret seruos suos per Orbis vias, qui cæcos, claudos, surdos & mutos, & omnes male habentes vocarent, & quicumque sub laboribus, & oneribus tenebantur, ut venirent ad paratas nuptias ad nobile conuiuium, ut reficerentur.

Olim etiâ iusserat illis, ut irent per vniuersum Mundû, & prædicarent feli-
cissimum Euangelium, omni creaturæ, & manifestarent omnibus absconditû
iam ab origine mundi consilium Dei, ut homines in mortem prolapsos ad
æternam vitam reduceret, & ad immortales honores. Et nihil aliud pro tam
incomparabili & desiderabili dño ab ipsis fieri voluit, quàm ut crederent
reuelatæ veritati, & respicerent à peccatis eorum, poeniteret eos præte-
ritarum iniquitatum, & diligerent tantî & tam gloriosi muneris largitorem.

Puto optimum Deum, optimarum rerum largissimum effusorem, neque
etiam hominibus hunc laborem impositurum fuisse credendi, & diligendi, &
peccata fugiendi, si fieri potuisset; sed repugnabat rationi, & iustitiæ, & omni
æquitati, ut illud bonû, quod annunciabatur, daretur illis, qui contradicerent,
& dicerent mendacia esse, quæ nunciabantur: aut illis præstarentur, qui
quamquam crederent, peccata relinquere nolebant, & emendare corruptos
mores, sed adhuc Deum benefactorem offendere, & contumelijs afficere: ex
quo, non beneficia, & munera, sed supplicia & verbera promerebâtur, & non
solum amanti summo non rependerent amorem, sed contemnerent Do-
natorem, & dona optima, & pro nihilo haberent gratiam desiderabilem.
Hoc enim prorsus iniquum est, & Deo indignum, & rationi repugnans, &
hinc Deus non laudem misericordiæ habuisset, sed iniquitatis se reum con-
stituisse, & maculasset diuinum decorem, & pulchritudinem iustitiæ. Deus
igitur vltro, liberaliter, & modo magnificentiæ pleno, egentibus hominibus
largiri mandauit pulcherrimam salutem, & gratiam admirabilem, & in hoc
beneficio omnium summo conferendo, nihil penitus voluit ab hominibus
sibi præstari, quàm ut sibi crederetur, & diligeretur; ut in hac re nullum
opus nostrum consideraretur, aut meritum, aut labor, sed sola eius benigni-
tas, & bonitas, & animi sui benevolentia resplenderet, ita ut homo miser,
terra, & cinis in luto fœcis infixus, mortis mancipium, seruus peccati, &
æternis supplicijs iustitia diuina exigente mâcipandus, à summo bono hære-
ditatis cælestis, & regni æterni perpetuo exclusus, ex tot, & tam insignibus
calamitatibus, & malis posset euadere, beatitudinis munere lætari, & Chri-
stianæ fidei humilitate: ut propter hoc merito dictum sit, beatos esse, qui-
cunque erant credituri, quamquam non viderent, quod crederent.

Quod qui considerarunt, non sine causa dixerunt quod nullæ maiores di-
uitiæ, nulli thesauri, nulli honores, nulla huius mundi maior est substantia,
quam fides Catholica, quæ peccatores homines saluat, cæcos illuminat, infir-
mos curat, cathecumenos baptizat, fideles iustificat, poenitentes reparat, iu-
stos augmentat, martyres coronat, virgines, & viduas, & coniugales casto
pudore conseruat, clericos ordinat, sacerdotes consecrat in æterna hæredita-
te, & cū sanctis Angelis collocat. Quicquid meriti, quicquid beatitudinis,
quicquid pulchritudinis, & decoris anima susceptura est, ex fidei fundamēto
procedit. Sicut in radice, tota arboris proceritas, & dispositio continetur,

X x

& non

August. de
verb. Dom.

Bern. super
Cant.

& non videtur. Quid non inuenit fides? attingit inaccesa, deprehendit ignota, comprehendit immania, apprehendit nouissima, ipsam denique æternitatem suo illo vastissimo sinu quodammodo circundat. Transgreditur fides rationis humanæ fines, naturæ vsum, experientiæ terminum, illamq. Deus ita magni facit, ut ille apud eum plus habeat loci, qui plus attulit non argenti, sed fidei. Sicut autem, qui margaritam habet, ipse nouit quantum diues est, & tamen multis potest esse non cognitus: ita & ij, qui fidei veritatem detinent, noscunt, quod diuites sunt, infideles autem thesaurum nescientes hunc, diuitias nostras ignorant. Quapropter fidei Christianæ adhærere bonum est, & toto corde obedire ei, assentiendo omnibus, quæ ab ea prædicantur. In qua quidem credulitate, ex præscripto rationabilis regulæ, homo in consensu errare non potest.

Propter fidei Christianæ altitudinem, credendorum maiestatem, & credentium eximiam utilitatem, omnes homines tenentur assentire illis, quæ per fidem reuelantur. Enarratio ex Theologia naturali. Cap. 473.

AuHor.
Theol. na-
tur.

Quapropter cum per accessum ad fidem homo tam ingentia bona consequatur, tenetur omnis homo, cum ei prædicatur hæc fides, per quam sibi inestimabiles thesauri reuelantur, credere esse verum, quod sibi narratur, & præstare fidem tam magnis promissionibus.

Manifestum autem est, quod quælibet res id, quod habet, habet ad sui conseruationem & utilitatem, & non ad suum proprium damnum & perniciem, & cuiuslibet rei data sunt omnia, quæ habet propter bonum suum, & non propter malum, ut quælibet res ad suam perfectionem pertingat. Nam omne, quod est, multiplicat seipsum, & auget se in quantum potest, & destruit quod sibi aduersatur, & nunquam aliquid contra seipsum, nec contra suam naturam operatur. Videmus enim in arboribus & plantis, quomodo attrahunt alimentum ad suam utilitatem, & attrahunt id, quod est conueniens eis, & non id, quod nocet, & confirmant suas radices in terra, ut viuant & nutriantur, & firmiter hæreant. Cum autem homo sit res naturalis, inter creaturas nobiliorem gradum obtinens, tenetur, & obligatur de iure naturæ uti omnibus, quæ habet in se, & quæ sibi data sunt ad sui utilitatem, & bonum, & inest ei naturalis obligatio uti suo intellectu, & sua voluntate ad suum bonum, & ad suum gaudium & lætitiā, & non debet uti illis contra seipsum, & ad suam destructionem, & incommodum.

Concluditur igitur, quod homo de iure naturæ debet, & tenetur affirmare credere, & recipere illam partem, quæ magis est ad utilitatem, & perfectionem, & exaltationem eius, & qua credita generatur in homine ingens gaudium, & incredibilis lætitia, & consolatio, & spes magna, atque animo securitas, & fugatur ab eo tristitia, & desperatio, & per consequens sequitur, quod debet affirmare illam partem tanquam veram, quæ magis est amabilis, desiderabilis de se & de sua natura, & quæ magis habet de esse, & de bono, & aliam partem oppositam tenetur negare tanquam falsam, & à se fugare tanquam inimicam sibi. Si autem homo facit oppositum: tunc utitur intellectu suo contra seipsum, & contra hominem, & contra suum bonum, & ad suum damnum,

damnum, & desperationem, & tunc facit contra totum ordinem rerum, quia quælibet res, inferior homine, utitur his, quæ sunt ad suum bonum, & homo faciendo alio modo utitur ad suum damnum, & destructionem suo intellectu & voluntate, & ideo facit contra cursum naturæ, & omnium rerum, & contra hominem, & tunc non debet dici homo, quia aduersatur homini, & habet intellectum corruptum. Et quamuis non intelligat, quomodo id, quod credendum proponitur, fieri possit, nec quomodo possit esse verum, non tamen est excusatus, quin teneatur affirmare & credere. Et si aliquis dicat: quia ratione tu affirmas & credis illud, quod non intelligis, quia forsitan est falsum? ad hoc respondetur, quod excusatur per hoc, quia credit ad suum bonum, & ad suam utilitatem, quia hoc tenetur facere naturaliter, & de iure naturæ; qui facit secundum suam naturam, facit id quod debet, & qui facit id quod debet, excusatus est. Neque intellectus potest in hoc errare: postquam credit illud, & affirmat quod est sibi maximum bonum, & oppositum eius est priuatio sui boni; & quia quælibet res tenetur procurare bonum suum, ut dictum est, quamquam tunc cum credit, non intelligat, quomodo sit faciendum. Qui autem incredulus est, valde peruersus est, & maximus inimicus, & aduersarius sui ipsius, & nocens sibi ipsi, & nulli proficiens; & sic est reprehensibilis, & ab omni creatura merito condemnatur, & inter stultissimos est reputandus. Hinc conuincitur, quod huiusmodi homo possidetur ab inimico suo mortali, qui dominatur intellectui suo, & tenet ipsum ligatum, ut non possit uti ipso intellectu, nec officio eius, affirmando, & credendo ad suam utilitatem, sed ad suum damnum, & contra seipsum, & contra totum ordinem vniuersi & omnium creaturarum: & talis homo est, sicut ille, qui habet stomachum corruptum, & putridis humoribus refertum, qui non potest recipere cibum bonum, sed statim euomit. Ex qua quidem regula certum fit, totam fidem Christianam promulgatam esse recipiendam, & toto corde credendam, & quod omnis homo de iure naturæ tenetur credere, & obligatur eam tenere, & affirmare.

Veniat igitur aliquis, qui ignaro homini asserat, Deum esse, & quærat persuadere ei, quod Deus est; & quod Deus est infinitum bonum, & omnipotens virtus, qui fecit cælum & terram, & conseruat & perficit omnia. Hoc audito, audientis animus considerans, quod Deum esse, est magnum creaturæ bonum, & Deum non esse est magnum creaturæ malum, debet inclinare animum suum, ad credendum quod Deus est, quia credere quod Deus sit, est sibi valde fructuosum, & honorificum, & consequenter melius est illi dare locum in corde, & fidem suam. Si enim fidem præstet, quod Deus est, & recipit eam in intellectu suo, credendo, affirmando, & adhaerendo, tunc plantat eam in se, & ingentia bona sequuntur ex hac fide. Nam intellectus efficitur exaltatus, ac nobilior, excellentior, & dignior, & recipit magnum incrementum & ascensum perfectionem, & vadit de non esse ad esse, eo quod coniungit se cum parte magis amabili, & quæ magis conuenit cum esse, & cum bono; & recipit influentiam ab eo, quia intellectus efficitur illius nobilitatis, & dignitatis, & perfectionis, quale est illud quod credit, ideo debet se totum dare parti nobiliori & perfectiori. Si autem societ se cum parte opposita, quæ est, Deum non esse, tunc intellectus efficitur prauus, & tendit ad nihil, & ad non esse, & ad mala infinita. Quare concluditur, quod homo

X x 2 de

de iure naturæ tenetur, & obligatur affirmare istam partem, Deus est, & aduersam partem vt sterilem, & infructuosam negare & refutare quæ dicit, Deus non est. Et omnis creatura clamat, quod homo hoc debet facere. Hac autem recepta fide statim sequitur, quod verum est Deum esse, quia postquam homo de iure naturæ tenetur & obligatur hoc credere & affirmare; natura non mentitur, ergo sequitur quod hoc est affirmabile, & credibile & verum, quia homo non obligatur naturaliter ad falsum, sed obligatur naturaliter ad verum, ergo sequitur Deum esse. Deinde concluditur, quod hoc est verum ex tali debito naturæ, quia in natura nullum falsum est, nec est obligatio naturalis ad falsum. Ecce ergo modum, & praxim trahendi homines non credentes ad credendum, & ad affirmandum illa quæ non intelligunt per rationem, & hac ratione intellectus roboratur, & confortatur, vt firmitus credat.

DE PRODUCTIONE autem diuina inter se: Si proponatur quod Deus produxit filium, de natura sua, sibi summè æqualem, & quod in Deo est productio de propria substantia & natura, certè magis est amabile Deū esse productum de sua substantia, quàm sterilem & non productum, quia homini est magis desiderabile, quod Deus suus est tantæ potentix & virtutis, quod ipse possit Deum producere de seipso, quàm quod non posset. Etiam quia ex hoc quod Deus produxit ex se Deum & filium, in hoc arguitur maxima communicatio, & ex hoc homo capit quandam fiduciam de communicabilitate Dei, quia Deus totam suam substantiam, potentiam, & sapientiā communicet vni alteri. Si autem non communicaret, non esset ita bonus, nec summè communicatiuus, sed multo melius est Deum habere se summè communicatiuū, quàm eius oppositum; vnde ex hoc potest homini surgere gaudium & solamen magnum erga Deum, si totum communicat quicquid habet. & quod nihil retinet, quod non communicat. Sed ex parte opposita, scilicet quod in Deo nulla est productio de sua propria natura, nullum bonum sequitur homini: & etiam est iucundius Deum credere secundum, & non sterilem, quia qui credit oppositum, diminuit Deum, & per consequens bonum hominis. Qui autem affirmat Deum habere filium de sua propria natura generatum, dat Deo esse summum bonum, & per consequens affirmat bonum hominis: quare sequitur quod homo tenetur affirmare, & credere in Deo esse plenam productionem de sua natura, & negare oppositum, quia prima pars, est bonū hominis, & secunda pars, est malum hominis, quia diminuit bonum hominis.

DE OMNIPOTENTIA autem, sapientia, & bonitate Dei: est bonū homini habere Deum omnipotentem, summè sapientem, & summè bonum, & oppositum esset malum hominis, scilicet non habere Deum omnipotentem, neque summè sapientem, neque summè bonum, & etiam conuenit homini habere Deum ita potentem, ita sapientem, ita bonum, quo cogitari non poterit vltra, & oppositum eius est totum malum hominis. Quare sequitur, quod homo debet affirmare, & credere illud, quod Deo magis conuenit, & sibi in quantum homo est. Et hoc est totum illud quod magis cadit ad esse quàm ad non esse.

DE INCARNATIONE vero, melius est homini credere quod Deus sit homo factus, & humanitas vnita sit Deitati in vnā personam, quàm eius oppositum; immo hæc vniū est summa perfectio, summa nobilitas, summa

Summa dignitas, & summa exaltatio, ac summum bonum hominis, & maius, quod possit esse. Ergo, qui affirmat & credit, quod nunquam Deus fiet homo, nec possit fieri, amouet, in quantum in eo est, summam & maximam perfectionem hominis, & priuat humanam naturam tanto bono: ergo talis est inimicus hominis, in quantum homo est, & humanæ naturæ, & est contra hominem. Ergo melius est homini affirmare, & credere, quod Deus factus sit homo, quam eius oppositum.

DE CONCEPTIONE filij Dei, & humana natura: melius est homini, & dignius affirmare & credere, quod ille homo, cuius dignitas unita est Deitati, sit conceptus de Spiritu sancto, quam de semine virili, & sine carnali concupiscentia, & melius & dignius est credere, quod sit natus de Virgine, quam de muliere corrupta; quia in omnibus his nobilitatur humana natura, quia cum ille homo sit nobilior & excellentior omnibus hominibus, nec posset esse nobilior, nec magis exaltatus, melius est, & dignius, ut habeat omnem nobilitatem & dignitatem ex parte suæ conceptionis, & natiuitatis, & melius & dignius est credere hoc, quam eius oppositum: quia hoc ponit nobilitatem in humana natura, scilicet quod habet talem hominem, & oppositum poneret indignitatem, & ignobilitatem in natura humana, & etiā hoc est summè amabile, & desiderabile homini in quantum homo est, quod humana natura intantum sit dilecta à Deo, quod ipse Deus dignatus est esse homo.

DE RESURRECTIONE vero mortuorum, melius est homini affirmare, & credere resurrectionem mortuorum in corpore, & anima, quam eius oppositum, & quod tota natura humana resurget à mortuis, & mutabitur in immortalitatem, quoniam affirmare & credere hoc, ponit hominem & naturam humanam in maximo gaudio, spe, & fiducia, ac consolatione magna & dignitate, exaltatione & ornatu, quod bonum, exaltat eum super omnia alia animalia. Credere autem & affirmare oppositum, nullum bonum ponit in natura humana, imò omne bonum remouet & priuat. Ergo ille qui affirmat, & credit oppositum, est contra hominem, & est inimicus hominis, in quantum homo est, & per consequens est contra seipsum. Vnde etiam summè amabile est, ut homo credat se, & totam naturam humanam, in futuro debere resurgere, & oppositum eius est valde odibile & tristabile.

Item melius & iucundius est homini credere, quod iam aliquis resurrexit à mortuis ad vitam immortalem, quam quod nullus resurrexisset, quia hoc ponit hominem in maiori fiducia, & spe, & consolatione futuræ resurrectionis: si autem adhuc nullus resurrexisset, non esset tanta spes, neque securitas in homine de futura resurrectione. Si autem aliquis credat futuram resurrectionem generalem, & non credat aliquem resurrexisse, minorem habebit spem & confidentiam de hoc, quod ipsemet resurget: ille autem qui utrunque credit, habet maiorem spem, & confidentiam: ergo hoc est homini melius credere, quam eius oppositum.

DE ASCENSIONE ad Cælos: melius est affirmare & credere, quod iam aliquis homo ascendit ad cælos, quam eius oppositum, quia ex hoc sequitur maxima spes, consolatio, & securitas, ac gaudium humanæ naturæ; ac etiam ponit maximam dignitatem, & exaltationem in humana natura, & maximum desiderium eundi ad cælum, & relinquendi terram:

oppositum autem credere, nullum bonum facit homini.

DE IUDICIO Vniuersali: melius est homini credere, & affirmare, quod Iudicium fiet vniuersale, in quo omnes homines recipient à Deo suam ultimam mercedem secundum opera sua, quàm credere eius oppositum: quoniam ex hoc homines inducentur ad operandum bonum, & ad meliorandum opera sua, vt remunerentur, & ad fugiendum mala opera, ne puniantur, aut condemnentur. Summè igitur vtile est, & necessarium homini credere, & affirmare futurum esse Iudicium, in quo vnusquisque recipiet, secundum quod gessit in corpore, summum bonum, vel summum malum, summam gloriam, vel summam confusionem: si autem non credit, tunc non conabitur ad bonum, imò viuet secundum carnem vt brutum, & insequetur concupiscentias carnales, & delectationes carnis.

DE IMMORTALITATE animæ: melius est homini credere & affirmare, quod homo animam habeat immortalem, quàm eius oppositum: quoniam hæc est magna exaltatio, & dignitas, & bonum humanæ naturæ, & per hoc magis separatur à bestiis, & appropinquat Deo, & generatur in homine magnum gaudium, magna spes, & fiducia. Ista enim credulitas, sine comparatione est multò melior, quàm credere animæ mortalitatem, quia si credat mortalem esse animam, quid ei asseret gaudij seu consolationis credulitas ista? nulla enim consolatio potest esse in illo, sed tristitia, & desolatio plurima: sed quia homo tenetur credere illa, per quæ in ipso maius generatur gaudium, seu consolatio, & spes (nam habere spem est magna consolatio & magnum bonum, habere eius oppositum est magnum malum, & desperatio) ergo qui non vult credere animæ immortalitatem, per quam generatur in homine magna consolatio & spes, stultè facit contra seipsum, & honorem suum abijcit, & comparat se iumentis, & desperat futura bona.

Conclusio de omnibus istis de Fide Christiana.

Ideo valde laudandus est ille, qui assentit credendo, omnibus quæ à Christiana fide proponuntur, neque est leuis corde, & nullo modo est increpabilis neque à Deo, neque ab aliqua creatura, quia credit quod melius est pro humana natura. Et licet fides Christiana non esset vera, quod est impossibile, excusatus esset coram Deo, & omnibus creaturis, quia affirmat, & credit partem meliorem, & magis amabilem, & quæ magis est pro bono, vtilitate, & perfectione hominis, in quantum homo est, & hoc tenetur facere: hoc enim clamat omnis creatura; & qui facit quod debet, est excusatus in omnibus; & qui facit oppositum, ille increpandus est, & culpa dignus coram Deo, & creaturis, & nullam habet excusationem, quia relinquit, quod bonum est, & eligit malum, quod est fugiendum.

Crea-

Creatura rationalis perficitur non solum propter id, quod ei secundum naturam suam competit, sed etiam propter id, quod ei attribuitur ex supranaturali perfectione diuinæ bonitatis, quam perfectionem incipit habere per fidem. Cap. 474.

IN omnibus naturis ordinatis inuenitur, quod ad perfectionem naturæ inferioris duo concurrunt, vnum quidem, quod est secundum proprium motum, aliud, quod est secundum motum superioris naturæ: sicut aqua secundum motum proprium, mouetur ad centrum, secundum autem motum lunæ, mouetur circa centrum, secundum fluxum, & refluxum. Similiter etiam orbes planetarum mouentur proprijs motibus ab occidente in orientem, motu autem proprii orbis ab oriente in occidentem. De terra autem dicitur, quod ad perfectionem terræ duo concurrunt: alterum secundum proprium motum, scilicet quies in centro: alterum secundum motionem adiuam, cælestis corporis in eam, scilicet germinatio vegetabilium, & animalium, quæ pertinere ad perfectionem terræ sacra scriptura testatur: Igitur perfecti sunt cæli & terra, & omnis ornatus eorum. Sola autem rationalis creatura habet immediatum ordinem ad Deum, quia ceteræ creaturæ non attingunt ad aliquid vniuersale, sed solum ad aliquid, quod particulare est, participant diuinam bonitatem, vel in essendo tantum, sicut inanimata: vel etiam in viuendo, & cognoscendo singularia, vt plantæ & animalia. Natura autem rationalis in quantum cognoscit vniuersalem boni, & entis rationem, habet immediatum ordinem ad vniuersale essendi principium. Perfectio ergo rationalis creaturæ, non solum consistit in eo, quod sibi competit secundum suam naturam; sed in eo etiam, quod sibi attribuitur ex quadam supernaturali perfectione diuinæ bonitatis. Vnde & dictum est, quod vltima beatitudo hominis in quadam supernaturali Dei visione consistit, ad quam homo pertingere non potest, nisi per modum addiscentis, secundum illud: Omnis, qui audit à Patre, & didicit, venit ad me. Huius autem disciplinæ fit homo particeps non statim, sed successiuè, secundum modum naturæ suæ. Omnis autem addiscens, oportet quod credat, ad hoc quod ad perfectam scientiam perueniat, sicut etiam Philosophus dicit: oportet addiscentem credere: vnde adhuc, quod homo perueniat ad perfectam visionem beatitudinis, præexigitur, quod credat Deo, tamquam discipulus magistro docenti. Hæc D. Thom. vbi supra.

D. Tho. 2.
2. q. 2. a. 3.

Ioan. 6.

Deus bonus, creaturam rationalem ad summi, & inaccessibleis boni participationem, trahit per fidem, & hoc rationabiliter. Cap. 475.

Tanta autem est diuini amoris vis erga vniuersum, vt non suffecerit Deo communicare se per naturales participationes, creando vniuersum ex tot essendi participationibus constitutum, quot diuina bonitas naturaliter participabilis secundum ordinem suæ sapientiæ erat: Sed cum videre Deum, fruiq. apertè Deo, soli diuinæ naturæ naturale sit, & esse possit, ac per hoc creatæ, & creabiles naturæ non poterant naturali participatione ha-

Caist. ad
D. Tho. 2. 2
q. 2. art. 3.

X x 4 bere

bere diuinam visionem, ac perfectam fruitionem, communicauit per gratiam, quod incommunicabile erat per naturam, & effecit omnes intellectuales, & rationales creaturas habiles ad diuinam visionem, & fruitionem, ex hoc ipso, quod ordinauit eas, ut essent diuinæ naturæ consortes per gratiam, & ad id, quod soli Deo naturale est, scilicet videre Deum, & frui Deo peruenire possent: Et quia peruenire ad visionem huiusmodi, proprijs actibus non possumus, nisi consequenter adiuti diuino ducatu, qui fit docendo; ideo oportet credere Deo docenti nos ea, quæ visuri sumus, quæ præparauit suis electis. Vbi patet primo, quo modo in natura rationali, inuenitur ultra id, quod ei est naturale, perfectio supernaturalis secundum modum superioris, hoc est diuinæ naturæ per gratiam. Patet secundo, quia optima ratio adhuc supra allata fuit, arguendo à conditionibus naturalibus creaturarum, quæ adeo est probabilis, ut necessaria appareat. Patet tertio, quia iuste exigatur à rationalibus creaturis, quod credant supernaturalia, & operentur conformia supernaturalibus. Par namq. est iustitiæ ratio, ut exigantur opera cōformia supernaturali naturæ, ad quam accitæ sunt per gratiam, & exigantur opera conformia naturæ rationali, quam naturaliter habent. Nam, quia naturam rationalem habent, iuste exigitur, ut operentur conformiter ad illam, ut vitent deformia ab illa. Et eadem ratione, quia consortium diuinæ naturæ habent ex Dei munere, iuste exigitur, ut operentur conformia diuino consortio, & vitent quæcunque contraria sunt illi. Et quoniam credere reuelata à Deo, est vnum istorum; quoniam est via ad perfectionem diuini consortij: ideo necessarium est credere, & damnabile est non credere, & propterea concluditur, quod credere est necessarium ad salutē.

Scientia salutis conuenienter per fidem erat docenda.

Cap. 476.

*D. Tho. 2.
2. ar. 4.*

Necessarium est autem homini accipere per modum fidei, non solum ea, quæ sunt supra rationem; sed etiam ea, quæ per rationem cognosci possunt:

Primò quidem, ut citius homo ad veritatis diuinæ cognitionem perueniat. Scientia enim, ad quam pertinet probare Deum esse, & alia huiusmodi de Deo, ultimo hominibus addiscenda proponitur, præsuppositis multis alijs scientijs, & sic non nisi post multum tempus vitæ suæ homo ad huiusmodi cognitionem perueniret.

Secundò, ut cognitio Dei sit communior: multi enim in studio scientiæ proficere non possunt, vel propter hebetudinem ingenij, vel propter alias occupationes & necessitates temporalis vitæ, vel etiam propter teporem addiscendi, qui omnino à Dei cognitione fraudarentur, nisi proponerentur ei diuina per modum fidei.

Tertiò modo propter certitudinem: Ratio enim humana in rebus diuinis est multum deficiens. Videmus enim Philosophos de rebus humanis naturali inuestigatione perscrutantes, in multis errauisse, & sibi ipsis contraria pronuntiasse. Ut ergo esset indubitata, & certa cognitio apud homines de Deo, oportuit quòd Diuina eis per modum fidei traderentur, quasi à Deo dicta, qui mentiri non potest.

Qui

Qui erudiunt alios, tenentur maiorem notitiam habere credendorum, quàm ceteri. Cap. 477.

Explicatio verò credendorum fit per reuelationem diuinam : Credibilia enim naturalem rationem excedunt . Reuelatio autem diuina , ordine quodam ad inferiores peruenit per superiores , sicut ad homines per Angelos , & ad inferiores Angelos per superiores . Et ideo pari ratione explicatio fidei oportet, quod perueniat ad inferiores homines per maiores . Et ideo sicut superiores Angeli , qui inferiores illuminant, habent pleniorē notitiā de rebus diuinis , quàm inferiores ; ita etiam maiores homines , ad quos pertinet alios erudire, tenentur habere pleniorē notitiam de credendis , & magis explicitè credere .

*D. Thom.
ibid. art. 6.*

*Dionys. de
caest. hi-
erarch. c. 12*

Fides sana, quæ sit, & testimonia credibilia. Cap. 478.

Illa fides sana est , qua credimus nullum hominem , siue maioris , siue paræ ætatis liberari à contagio mortis , & obligatione peccati, nisi per vnum mediatorem Dei , & hominum Iesum Christum .

*D. Tho. ibi.
art. 7.
Aug. ep. 157*

Via hominibus veniendi ad beatitudinem, est mysterium Incarnationis , & Passionis Christi . Non enim est aliud nomen datum hominibus , in quo oporteat nos saluos fieri .

Ath. 4.

Tria autem testimonia fidem Christianam credibilem nimis faciunt ; Doctrina diuina , quæ in sacra scriptura , & ecclesia est . Miracula : & interior instinctus Spiritus sancti , quem Doctores ceteris præponunt , quia solius Dei est agere in cor : & ipse Spiritus reddit testimonium spiritui nostro , quod filij Dei sumus : Quod nemo nouit , nisi , qui accipit . Hæc autem tria sunt sufficienter inductiua ad credendum, hoc est, ad voluntarie assentiendum , & ideo non tollunt ex sua sufficientia meritum credentis , sicut nec tollunt voluntarium in actu credendi .

*D. Tho. ibi.
art. 9. in
resp. ad 3.
& Ca. 1.*

Fidei definitio.

Fides est substantia sperandarum rerum , argumentum non apparentium .

ad Heb 11

Fides appellatur substantia : quia substantia solet dici prima inchoatio cuiuscunque rei , & maximè quando tota res sequens continetur virtute in primo principio : puta, si dicamus, quod prima principia indemonstrabilia sunt substantia scientiæ, quia scilicet primum, quod in nobis est de scientia, sunt huiusmodi principia , & in eis virtute continetur tota scientia . Per hunc modum dicitur fides substantia rerum sperandarum , quia scilicet prima inchoatio rerum sperandarum in nobis est per assensum fidei , quæ virtute continet omnes res sperandas : per argumentum autem intellectus inducitur ad inhærendum alicui vero : vnde firma adhæsiō intellectus ad veritatem fidei non apparentem, vocatur argumentum , qua ratione optimè diffinitur fides , vt sit habitus mentis , quo inchoatur vita æterna in nobis , faciens intellectum assentire non apparentibus .

*D. Tho. 2. 2
q. 4. a. 1.*

Fides est virtus , qua creduntur , quæ non videntur .

*Fides Aug. traç.
40. in Ioh.*

- Damasceen.* Fides est non inquisitus consensus .
lib. 4. c. 12. Fides est certitudo animi quædam de absentibus supra opinionem, & infra scientiam .
Dionys. de de diuin. Fides est manens credentium fundamentum, collocans eos in veritate, & in ipsis veritatem ostendens .
mem. c. 7.

Fides intellectum à præsumptione liberat. Cap. 479.

D. Th. con. Gent. lib. 1. c. 5. **H**æc Fides reprimit præsumptionem, quæ est mater erroris : sunt enim quidam tantus de suo ingenio præsumentes, vt totam naturam diuinam se reputent suo intellectu posse metiri : æstimantes scilicet totum esse verum, quod eis videtur, & falsum, quod non videtur : vnde necesse fuit homini proponi quædam diuinitus, quæ omnino intellectum eius excederent, vt ab hac præsumptione humanus animus liberatus, ad modestam inquisitionem veritatis perueniat.

De rebus verè diuinis, & nobilissimis quantumcunque imperfecta cognitio, maximam perfectionem, & gaudium animæ confert.

Arist. li. 1. de part. anim. c. 5. Philosophi autem testantur, quod quamuis parum sit, quod de substantijs superioribus percipimus, tamen id modicum est magis amatum, & desideratum, omni cognitione, quam de substantijs inferioribus habemus.

Ecc. 3. 1. Cor. 2. Plurima supra sensum hominis ostensa sunt homini. Quæ enim sunt Dei, nemo nouit, nisi spiritus Dei : nobis autem reuelauit Deus per spiritum suum.

D. Th. ibid. c. 8. Res sensibiles, ex quibus humana ratio cognitionis principium sumit, aliquale vestigium in se diuinæ imitationis retinent : videlicet quod sunt, & bonæ sunt : ita tamen imperfectum, quod ad declarandam ipsius Dei substantiam, omninò insufficiens inuenitur. Habent enim effectus suarum causarum, suo modo similitudinem, cū agens agat sibi simile ; non tamen effectus, agentis similitudinem semper pertingit. Humana igitur ratio ad cognoscendum fidei veritatem, quæ solum videntibus diuinam substantiam potest esse notissima, ita se habet, quod ad eam potest aliquis veras similitudines colligere, quæ tamen non sufficiunt ad hoc, quod prædicta veritas, quasi demonstratiuè, vel per intellecta comprehendatur. Utile tamen est, vt in huiusmodi rationibus, quantumcunque debilibus, se mens humana exerceat : dummodo desit comprehendendi, vel demonstrandi præsumptio : quia de rebus altissimis etiam parua, & debili consideratione aliquid posse inspicere, iucundissimum est.

Hilar. li. de Trin. multis locis. Qui enim piè infinita prosequitur, & si non contingat aliquando, semper tamen proficiet procedendo. Sed non, quod quis se inserat in illud secretum, & arcanum interminabilis veritatis, & se immergat, summam intelligentiæ comprehendere præsumens, sed intelligat incomprehensibilia esse.

Quàm longè, latèq. per Apostolos, sed præcipuè per Petrum Christiana fides sit propagata. Cap. 480.

Thom. Staplet. de magnit. Rom. Ecc. lib. 2. c. 5. **R**omani Imperij ab operibus magnitudo siue admiranda, siue stupenda, in eo maxime eluxisse videtur, quod totius Europæ, Asiæ, Africae

Africa regna, Prouincias, gentes, florem saltem ipsum, & robora, aut subegit, aut domuit, aut ita pacauit, vt victoria, atque Imperio Romanorum latarentur. Sanè Imperij Romani Metatores, vt sic dicam, & qui eius fines propagarunt, à subactis sibi gentibus ita gloriam captarunt, vt non solum priuati illi duces in libera adhuc Republica, Scipiones, & alij, Africani, Asiatici, Macedonici, nuncupati fuerint, sed Imperatores demum, orbem digito qui temperabant, Alemannici, Francici, Dacici, Parthici, Gothici, Britannici, alijsq. deuictarum gentium titulis, & cognominibus ornari, ac decorari, hacq. in re magnâ gloriæ, & splendoris sui partem ponere voluerint. Tota tamen hæc gloria, totus splendor, tota magnificentia, non nisi cum populorum strage, spolijs & cede coniuncta erat, vt aliorum miseria, Romanorum scelicitas fuerit. Atqui Romanæ Ecclesiæ opus illud vnum, & merito admirandum, & magnificentissimum erit, quod eius vnus opera, & auspicijs, innumera gentes per Europam, Asiam, Africam, non bello subactæ, non fortunis, aut libertate spoliata, non seruituti tributariæ addictæ, sed in summam, ac beatam libertatem, à seruitute, & captiuitate Diaboli, hostis humani generis infestissimi assertæ, à tenebris ad lucem, ab errore ad veritatem, ab ira ad gratiam, ab interitu ad salutem, à scelere, & maleficio ad virtutis, ac pietatis studium, denique à ferina barbarie ad humanitatem, immo vitam Angelicam excolendam traductæ, & translatae fuerint.

Quod etsi omnibus Apostolis à Christo in mundum missis commune esse videatur, tamen illud Christi verbum ad Petrum specialiter dictum, quum præter expectationem traheret rete, ita plenum magnis piscibus, vt rumpe-
retur rete, & alij ad auxilium vocarentur: Ex hoc eris homines capiens, manifestè docet Petri, & successorum eius in hac piscatione spiritali capturam, longe fore quauis alia Ecclesia vberiore, & sceliciore. Velut enim à sole radij, & à fonte riuus, & à capite in reliqua corporis membra vitalis omnis influxus, operatio, motus: sic à Romana Ecclesia, & vna Petri sede longè, latèq. fides Christiana diffusa per totum orbem sceleriter est propagata: quod his verbis Innocentius primus ad Decentium scribens animosè, & verè profitetur.

Quis (inquit) nesciat, aut non aduertat id, quod à principe Apostolorum Petro Romanæ Ecclesiæ traditum est, ac nunc vsquè custoditur, ab omnibus debere seruari, nec superinduci, aut introduci aliquid, quod aut auctoritatem non habeat, aut aliunde videatur accipere exemplum? præsertim quum sit manifestum, in omnem Italiam, Gallias, Hispanias, Africam, & Siciliam, insulasq. interiacentes, nullum hominem instituisse Ecclesias, nisi eos quos venerabilis Apostolus Petrus, aut eius successores constituerunt sacerdotes. Quæ tanti Pontificis verba dilucida veritate esse subnixa, tamen in singulis harum Orbis partiû prouincijs, ac locis ostendere perdifficile sit, quum harum rerum memoriam post tot secula extare, in tanta scriptorum veterum iactura, impossibile penè videatur; plurimis tamen, & illustribus exemplis demonstrare conabor. Habuit ab ipso D. Petro institutos Episcopos, primosq. Apostolos, Sicilia Pancratium, Marcianum, Berilum, & Philippum: Capua Priscum, Neapolis Asprenatem, Tarracina Ephroditum, Equicolæ populi Marium, Ptolomæum Nepe, Romulum Fe-
sulæ,

Epist. i.

Barn. an.

46.

fulæ, Paulinum Luca, Rauenna Apollinarem, Verona Eupropium, Patavium Prodocimum, Ticinum Syrum, Aquileia post Marcum Hermagoram. Hæc in vna Italia. In Gallijs, Lemouicenses, Tolofani, & Burdegaleses, Martialem: Tungrenses, Colonienſes, & Treuirenſes Maternum, necnon Valeriũ; Remenſes Sixtum. Arelatenſes Trophimũ: Senonenſes Sabinianum, Cenomanenſes Iulianum; Vienna, & Moguntia Creſcentem, Catalaunium, Nemmum; Bituricenſes Vrſinum: Auernenſes Auſtremonium; Sanctonenſes Eutropium; Germania Eucharium, Egiftum, & Marcianum; Hispania Torquatum, Creſiphontem, Secundum, Indalerium, Cæcilium, Heſychium, Euſtratum, & alios. In Britanniam quoque noſtram à Claudio Imperatore ſubiugatam, conſeſtim à B. Petro Ioſephum ab Arimathea deſtinatum penetraſſe, & Euangelium ibi prædicafſe, certiſſima apud nos monumenta ſunt.

Die 19.
Iun.

Hinc Simeon Metaphraſtes, & alij, in ipſas Britannias Petrum perueniſſe affirmant. Reliquos vero omnes, à ſolo B. Petro ad varias prouincias miſſos eſſe, ex certis, & indubitatís monumentis docet Baronius in ſuis ad Romanum Martyrologium, annotationibus, alia multa prætermittens minus explorata. Sanè Aurelijs in Gallia templum olim vidimus paruum, ſed vetuſtiſſimum, S. Pierre le viſ, nuncupatum, quia viuente adhuc D. Petro

Lib. 2. epiſt.

75.

De præſcri.

c. 36.

Epiſt. 45.

extructum fuit. Porrò Numidiæ in Aphrica Episcopos à D. Petro ordinationum ſuarum initia accepiſſe, ſcribit ad eos Gregorius Magnus. Vnde Tertullianus Afer longè antea ſcripſerat: Habes Roman, unde nobis quoque auctoritas præſto eſt: & Cyprianus Afer Romanam Eccleſiam matricem appellat, quia ab ea non Carthago tantum, ſed Mauritania, & Numidia fidem primitus acceperunt. Sed & in Phænicia, Syria, & Aſia, quod Episcopos varios D. Petrus conſtituerit, poſtquam à vinculis illis Hieroſolymitanis liberatus eſſet, iam quæ de his Simeon Metaphraſtes, ex antiquioribus chartis recensuit, & nos ſupra diximus.

Paftores à Petro vniuerſali Paſtore, & ab alijs eius ſucceſſoribus miſſos in diuerſas regiones, ad paſcendas Mundi oues.

Cap. 480.

Petrus Tho.
Stapler. ibi.

Romæ reſidens varios in alias Orbis partes diuini verbi præcones emiſit, qui in Eccleſiæ Romanæ corpus populos colligerent. Scribit Ioannes Vaſæus Hispanus, diligentiffimus antiquitatis indagator, anno Domini quadrageſimo quarto, creatos Romæ à B. Petro Episcopos, & in Hispaniã miſſos, Cæcilium ad Elibertinos, Euphraſium ad Illiturgitanos, Secundum ad Abulenſes, Indaletium ad Vrſitanos, Creſiphontem ad Abderitanos, Heſychium ad Cartefanos. Scribunt alij, anno quinquageſimo miſſum à beato Petro in Hispaniam Saturninum, poſtea Tolofæ Episcopum. Hic Romanæ Eccleſiæ primus Pontifex, ſicuti Romani Imperij primus prænomine Imperator Iulius Cæſar. Qui ſi ex eo veluti dignus, vt primus orbis Imperator eſſet, à Plutarcho celebratur, quod mille vrbes vi cepit, quod regiones trecentas ſubiecit, quòd centena hoſtium millia in acie cecidit, quòd in Aſia, Africa, Hispaniæ bellis ciuilibus victor glorioſus extitit; quanto, & verior erit Romanæ Eccleſiæ gloria, cuius fundator primus tot gentes, ac populos,

pulos, ipsamq. demum Urbem Romanam ad vnam diuinæ veritatis lucem, ex omnium penè superstitionum colluue traduxerit, nec corporeæ seruituti addiderit, sed animam in libertatem, & salutem asseruerit.

Videamus nunc, an eius postea successores eandem operam non præstiterint, non illustres tantum, & gloriosas, sed salutare, ac beatas victorias consecuti. Clemens B. Petri proximus, penè successor, Lutetiam Parisiorum, Dionysium Areopagitam cum socijs suis Eleutherio, Rustico, & alijs misit, qui eam Franciæ partem nobilissimâ Christo acquirerent. Ab eodè Clemente Baiocensis in Gallia Exuperius, Ebroicensibus Turinus: Rothomagensibus Nicasius: Metensibus Cælestinus, & Felix Episcopi dati sunt, qui postremi totum illum tractum, qui Lotharingia dicitur, Christo conciliarunt. Quintinus autem Romani senatoris filius, à Marcellino Papa baptizatus vna cum Piatone, Dionysio, Ruffino, Valerio, Eugenio, Crispino, Crispiniano, Luciano, Marcello, & alijs, religionem Christianam in Ambianis, & Veromanduis propagarunt. Iam & vetus Britannia missis ab Eleutherio Papa Eugenio, & Damiano: & Scotia adiacens missa à Cælestino Papa Palludio, vel, si vera narrat Hector Boetius, missis à Victore Romano Pontifice fidei magistris, & ipsi demum Anglosaxones occupata Britannia insula, à B. Gregorio Magno, missa B. Augustino Monacho cum alijs v. decim socijs fidem Christi acceperunt. Paulò post Conon Papa sancto Chilianio cum Ditomanno, & Colomanno missa, primos Germaniæ populos ad fidem Christi pertraxit, teste Sigiberto. Nam non ita multò post auspicijs Gregorij secundi insulam suam egressi Anglosaxones, Hollandiam, Phrisiam, Vvestphaliam, Turingiam, & Cattos, aliosq. Germaniæ populos Christo quoque lucrati sunt. Sanè Vvinfridus, vel vt alij scribunt, Benfridus, postea Bonifacius dictus, à Gregorio secundo, Moguntia primus Archiepiscopus creatus, eodem auctore, & Zacharia successore eius, creauit Episcopos Traiecti Cobanum; Herbipolis Burchardum, Eistetensum Vvilibaldum, Salisburgensum Ioannem, Frisingensium Eribertum, Ratisponensium Vvinibaldum, è monasterijs Angliæ omnes eductos. Similiter in Phrisia fidem primi plantarunt Vvilibordus, Suibertus, Acca, Leuinus, Hannudus, Vvalterus, Vvittinghius, & Marcellinus Monachi Angli. Auspicijs eiusdem Gregorij secundi, Corbinianus Noricis Christum prædicauit. Moravia Christi cultum complexa est, missis eo Cyrillo, & Methodio à Nicolao primo, qui varios præterea populos ad Christi fidem adduxerunt, Triballos, Rascios, Bosnenses, Seruios, & Croatas; vniuersam deniquè gentem, quæ Vistula, Danubio, & Vago flumine circumdatur: ac demum in Mysia Bulgaros, & Gazaros. Boemia opera Stephani septimi Romani Pontificis. Dania ab Agapeto secundo fidem accepit. Primum Illyrij Episcopi Eleutherium Anicetus Papa, & ordinauit, & eo misit. Scribit Stanislaus Orichonius, a Ioanne decimo tertio missos fuisse, qui Vandalos, & Lechitas sacra Christiana docerent. A quo etiam Pontifice missus est Aegidius Cardinalis Tusculanus, qui Christi religionem in Polonia stabiluit: nam prius fidem susceperat, missis Roma Gallis magistris, vt scribit Martinus Cromerus in colloquijs de rebus religionis. Aenea Syluo teste, Liunia cum suo Principe complexa est Christi cultum, opera Meinardi, quem prouinciæ illius Episcopum creauit Alexander tertius. Nouergia to-

*Ant. Leo.
Demochares.*

Iac. Meis.

*Bada.
Pelsiderus.*

*Hist. Scot.
lib. 6.*

An. 432.

*Aeneas Syl
uius.*

*Saxo Grā.
lib. 9.*

Lib. 1.

ta

ta à Nicolao Anglo, postea Romano Pontifice Hadriano quarto dicto, Christi, & Romanæ Ecclesiæ adiuncta est. Addit Saxo Grammaticus ab eodem, & Bernardo Anglo alijs assumptis socijs, Daniam eadem feclicitate donatam esse. Ita totam hanc Europæ partem, Hispanias, Gallias, Britanniam, Germaniæ populos tam vastos, ac diuersos, opera potissimum, & auspicijs Romanorum Pontificum ad Christi fidem conuersos fuisse cernimus.

*Post ep. 51.
Leonis.*

Sanè Galli Antistites scribentes ad Leonem Papam primum, agnoscunt Romanam sedem fontem, & originem religionis suæ exitisse. Iam vero nostra ipsorum ætate, ac memoria, quis nesciat amplissimas, & numerosissimas gentes in vtraque India Orientali, & Occidentali, sed hac magis, adeoque & Iaponios, & Sinarum populos, sacerdotum quidem maximè societatis Iesu, & aliorum Monachorum opera immediata, ac labore, auspicijs tamen, & auctoritate vnius Romanæ Ecclesiæ, à qua missionis suæ originem omnes acceperunt, ad Christi gloriosum regnum accessisse? Nam & quos populos Asiaticæ, & Orientalis Ecclesiæ suæ per Episcopos, & presbyteros suos, vt interioris Indiæ per Frumentium ab Athanasio missum: Sarracenos per Moysen Monachum, Burgundos per quendam Galliæ Episcopum anno quadringentesimo tricesimo (nomen Historici non produnt) suæ piorum Imperatorum opera ad Christi fidem adduxerunt: vt sub Iustino seniore Lazos, sub Iustiniano Herulos, Hunnos, & Afros, Azimitenos, sub Constantino quarto Persarum Regem, nonnisi in communione, societate, ac fide Romanæ Ecclesiæ, cum qua omnes communicarunt, Christi regno adiunxerunt.

*Sozom. l. 2.
c. 23.*

Socr. l. 4. c.

*29. l. 7. ca.
30.*

*Sigisb. ad
an. 432.*

Paul. Dia.

l. 15. 16.

*Platin. in
Vitaliano.*

Fides perfecta difficile inuenitur.

Cap. 481.

*Hieronym.
Dialog. ad
Lucif.*

SI autem habueritis fidem sicut granum sinapis, dicetis huic monti, iacta te in mare, & sic fiet. Hæc est fides, quam raro inuentam Deus pronunciauit. Hæc est fides, quæ etiam apud eos qui bene credunt, difficile perfecta inuenitur. Fiat tibi, inquit Deus, secundum fidem tuam: hanc ego vocem audire nolo. Si enim secundum fidem meam fiat mihi, peribo: & certe credo in Deum Patrem, credo in Deum Filium, credo in Deum Spiritum sanctum. Sæpe quippe inimicus homo, & inter dominicam messem zizania interserit. Neque hoc dico, quod maius quicquam sit, quam Sacramenti fides, quam puritas animæ: sed indubitata ad Deum fides ardua reperitur. Verbi gratia: Ad orationem assisto, non orarem, si non crederem; sed si verè crederem, illud cor, quo Deus videtur, mundarem, manibus tunderem pectus, genas lachrymis rigarem, corpore inhorrescerem, ore pallerem, iacerem ad Domini mei pedes, eosq. fletu perfunderem, crine tergerem, hærerem certe trunco crucis, nec prius amitterem, quam misericordiam impetrarem. Nunc vero creberrime in oratione mea, aut per porticus deambulo, aut abductus vana, vel turpi cogitatione, etiam quæ dictu erubescenda sunt, gero. Vbi est fides? sicine putamus orasse Ionam? sic tres pueros? sic Danielelem inter Leones? sic certe latronem in cruce? & hæc ego exempli causa ad intelligentiam sensus protuli: ceterum conueniat vnusquisque cor suum, & in omni vita inueniet, quam rarum sit fidem animam inueniri.

Matth. 15.

Acce-

Accedentem autem ad Deum, oportet primum credere quia est, & quia in
quirentibus se remunerator est: sicut enim quis mare non ingreditur, & li-
quido, ac profundo sese committit elemento, nisi se prius credat posse saluari:
nec agricola semina sulcis obruit, & fruges spargit in terram, nisi credide-
rit venturos imbres, affuturum quoque Solis calorem, quibus terra confoca
segetes multiplicata fruge producat, ac ventis spirantibus nutriet. Ni-
hil denique est, quod in vita geri posset, si non credulitas ante præcesserit.
Quid igitur mirum, si accedentes ad Deum credere nos primo omnium
profitemur, cum sine hoc, nec ipsa exigi possit vita communis.

Heb. 11.
In Symb.
Ruf.

Propaganda fidei Studium. Cap. 482.

Deus omnipotens, cuius natura bonitas, cuius opus misericordia est,
cum nostris etiam temporibus salutarem Christi doctrinam in remotis-
simas nationes propagare vellet, quæ lumen euangelij, vel antea nunquam
acceperant, vel acceptum, incuria, seu longinquitate restinxerat: quàm-
primùm fortium, & experientium virorum excitavit ingenia, ut ignotas ad
id tempus terras, ignotiora maria, tum ad ortum Solis, tum ad occasum
per summam animi contentionem, perq. summa pericula, & difficultates
pertinaci studio exquirerent: videlicet, quo per multa commercia, dum
peregrini cum incolis, vel terra nata, vel manu facta, vel alia quolibet in
vsum vitæ, pro locorum, & Regionum varietate, permutant; interea
occasionem nati sacerdotes, & vitæ innocentia, & Christianæ facundiæ
laude præstantes, ex auctoritate Romani Pontificis, verbum Dei longè,
latèq. disseminarent, errantesq. mortalium greges ab infelicitibus vepretis,
ac salcibus, ad læta Domini pascua, caulatq. traducerent.

Maf. hist.
Indic. li. 1.

*Catholica fides per omnia tempora, per omnia loca commigrat:
Hæretica fides aliqua tantum loca, & certo tempore decipien-
do occupat. Cap. 483.*

Promisit Deus Abraham: Benedicentur in semine tuo omnes gentes terræ.
Veniens igitur semen, idest (interprete ipso Paulo & Petro) Christus;
emisit Apostolos ad benedicendum omnes gentes, dicens: Euntes docete
omnes gentes, baptizantes eos &c. (& promittens) Eritis mihi testes usque
ad ultimum terræ: Apostoli benedictionem istam, seu baptismationem Gen-
tium incepserunt illi quidem, sed non compleuerunt. Ecce enim hac ipsa
ætate nostra inuentæ sunt gentes in Occidente, nequæ ab Apostolis, vel quo-
quam alio baptizantur, nequæ à nobis, vel legendo, vel fando prius cognitæ,
eæq. tam multæ, ut nouus Orbis nominetur. Hic igitur apparebit facile, qui
sint post Apostolos testes Christi usque ad ultimum terræ, si inuestigemus,
qui sint hoc tempore, qui dictas gentes in Christo benedicant, docentes,
& baptizantes eas in Nomine Patris, & Filij, Spiritus sancti. Ergo Prote-
stantes, his auditis tam multis Paganorum gentibus, num se ad eas bap-
tizandas accingunt? num sibi quasi testibus Christi usque ad ultimum terræ,
restare adhuc ante consumationem seculi laborem hunc existimant? num
negocium hoc ad se putant pertinere? Denique nonne hinc perspicuum est,

Gen. 22.
Gal. 3.
Act. 1.
Matth. 28.
Act. 1.
Riccard.
Brit. Mo-
sinorum 100
1. mol. 9.

eos esse (quales Tertullianus dixit omnes hæreticos) nostrorum euersores , & non Ethnicorum conuersores ? Caluinum quidem ad captandam hanc gloriam misisse quosdam suorum comministrorum in particulam quandam dicti Orbis , in Franciam nempe Antarcticam , intelligo : sed Protestantem quemuis quis audiuit vnquam de vilo Ethnico ibi ab eisdem conuerso gloriantem ? ipsi Thrasones Apologetici nostri , qui de commisto migmate suo , Euangelio scilicet Lutheri , Caluini , & ceterorum huius temporis Hæresiarum omnium , quasi vno , cum tamen sit diuersissimum , illud in Apologia Ecclesiæ suæ Anglicanæ arrogantissime , & simul (nisi forte , vt Caiphæ , quod non senserunt , prophetauerint) mendacissimè dicunt , omnem iam propè terrarum Orbem aperire oculos ad aspiciendam lucem , si quid habuissent de Caluinistis suis in nouo Orbe gloriari , nùm id tacere potuissent ?

Magna fidei Christianæ propagatio in Nouo Orbe adinuento .

Cap. 484.

Riccard.
Brist. Mo-
tiuum 10.
1. mot. 9.

Nostrorū ibi Religiosorum, seu Monachorū, Ordinum S. Aug. S. Bened. S. Dominici, S. Francisci, & Societ. Iesu, prædicatio; nec ibi solū, idest in nouo Orbe occidentali, verū etiam in multis locis Africæ, & plurimis locis Orientis, siue Indiæ, vsque eò dum Lusitani per Meridiem in Orientem, & contra Hispani in Occidentem, remotissimè nauigantes, vtrique demum, circumobito Orbe terræ in extremitate concurrerint, quem etiam circum-
itum Nautis eorum vna (cui ob id Victoriæ nomen datum est) aliquando confecit: Nostrorum igitur hominum in his omnibus locis prædicatio, quæ fructum habuerit, & quotidie habeat, hoc palam, & manifeste declarat, quod hac ipsa ætate nostra, paucis annis (quemadmodum in Historijs Ecclesiasticarum rerum & nouarum nauigationum nostri temporis videri potest). Deo mirabiliter adiuuante, atque (vt apparet) consummationem Mundi per tam foelicem Euangelij sui velocemq. successum accelerante, plurima ibi Regna, cognitione, & fide Christi, amplissimasq. Prouincias, longissimè
atque latissimè repleuerunt: ita vt de Prouincijs Regis Hispaniæ (similia
autem & de Prouincijs Regis Lusitaniæ referuntur) Suri Commentarius, alijs quoque multis Historijs contestantibus, ita scribat: Tot autem hominum millia in illo nouo Orbe Carolino (sic enim vocant) Christi fidem
complexi sunt, quantum esse possit in hoc veteri Orbe nostro: In solo Regno Mexicano (paulo autem ante dixerat, octodecim Reges & Prouincias totidem subiugatas ibi esse Carolo Quinto, & Religione Christiana initiatas) iam pridem fuere octoginta sanctissima Monasteria, & in dies plura fiunt. Et non multo post repetens ab initio conuersionem eorum: Et quidem (inquit) anno salutis 1524. venit in Ciuitatem Mexicanam (habet ea vnica Vrbs, vt paulo ante dixit, centum viginti millia ædium) frater Martinus Valentinus cum duodecim Monachis, tanquam Vicarius Papæ à Carolo Cæsare illuc cum auctoritate eiusdem Pontificis missus: eodemq. anno prædicauit ille in noui Orbis terra continente Euangelium Christi, & magnos illic progressus, magna q. incrementa fides Christi accepit &c. Baptizabantur illic multa hominum millia, &c. Inde vero paucis annis tot baptizabantur
in

in ea noui Orbis plaga, ut alij septies dena centena millia, alij quaterdecies dena centena hominum millia in solo illo Mexicano regno baptizata retulerint. Magna etenim in eo noui Orbis tractu est hominum copia, adeo ut in Insula Fani Diui Dominici quindecies centena hominum millia fuisse reperiantur, & quandoq. in processione centum millia hominum se Christiano more exciderint virgis. Et post pauca iterum: Et certum est (inquit) omnes Indos, & noui orbis Carolini incolas, & accolae fieri quotidie magis Christianos. Et in Archiujs (inquit) Caroli Caesaris lectum est, vnum quemdam sacerdotem septies centena hominum millia baptizasse: alium tercentum millia, alium centum millia, alios plures, alios pauciores. In solo Mexico referunt multi, summa fide dignissimi, triginta fuisse sub Rege Dynastas, quorum quilibet habuerit sub se centum millia hominum, aut circiter; & tria millia Toparcharum, qui & alios sub se haberent, &c. Et, quod dictu horrendum est, mille plerumque homines vno die in Ciuitate Mexicana immolabantur.

Sed omnia Idola exturbata sunt, Dæmonibus silentium indictum, oracula, & præstigia conticescere iussæ sunt, pluralitas vxorum in vnus consortium redacta, septem illis sacramenta, & ceteri Romanæ Ecclesiæ ritus reuerenter traditi sunt, &c.

Omnes sectæ humana arte inuenta, quia à Deo non erant, perierunt, aut periturae sunt; sola Christi fides, quæ à Deo est, dissolui non potest, sed inter medios hostes, eam oppugnant, durat æterna. Cap. 485.

CHRISTUS prædixit Petro: Super hanc petram ædificabo Ecclesiam meam, *Matt. 16.* & portæ Inferi non præualebunt aduersus eam. Proinde dic age, *Rish. Briff.* *mat. 1. 16. 1.* quid habes quod doceas hanc prædictionem esse mendacem? An non testimonium cum rebus consentit, etiam si mille modis ipse contendas in aduersum? Quot enim bella aduersum Ecclesiā concitata sunt, quot exercitus instructi, quot arma mota, quod non afflictionum, & vindictæ genus excogitatum, sartagine, catapulta, lebetes, fornaces, lacus & præcipitia, bestiarum dentes, maria, & proscriptiones, aliaq. innumera tormentorum genera, neque dictis memoranda, neque factis toleranda? &c. Nihil tamen horum dissoluit Ecclesiam, ac ne inferiorem quidem reddidit. Atque id sanè mirum & incredibile, quod hæc in ipsis statim primordijs mota sunt. Nam si tùm irruissent hæc acerba, posteaquam iam radices egerat, & per omnes mundi partes plantatum esset Euangelium, haud perinde fuisset admirandum, non fuisse subuersam Ecclesiam. Ceterum cum in ipso doctrinæ exordio, nuper iacto fidei semine, teneris etiamnum auditorum mentibus, tot procellæ bellorum eruperint, res nostras non solum nulla ex parte fuisse diminutas, verum etiam multam accessionem adiunctam fuisse, hoc nimirum superat omne miraculum. Ne quis autem dicere possit, quod nunc Ecclesia ob pacem à Regibus præbitam constabilita sit, cum esset minor, cum videretur imbecillior, tunc illam oppuguari permisit: uti cognoscas etiam, quod nunc in tuto est, non acceptum esse ferendum paci, quam præstant Reges, sed à potentia Dei proficisci.

Chrys. con.
Gen. 10. 5.

Yy

Id

Id quò magis cognoscas esse verum, reputa tecum, quàm multi conati sint apud Græcos opiniones nouas, ac peregrinas viuendi rationes inducere, velut Zenon, Plato, Socrates, Diagoras, Pythagoras, aliq. innumeri: tamen adeò non vicerunt, vt plerisque ne de nomine quidem sint noti. Christus autem non modo præscripsit vitæ formam, verumetiam hanc per totum terrarum orbem plantauit. Quàm multa fertur Apollonius ille Tyaneus fecisse? Verum vti scires illa omnia esse conficta, vana, nihil habentia veri; extincta sunt, & finem acceperunt, &c. Quòd si vultis, me, & eorum qui apud ipsos Iudæos eadem conati sunt, sed protinus extincti sunt, exempla recensere, age conabimur & hæc demonstrare. Hoc igitur modo Gamaliel illis obrurauit os. Cum enim videret illos insanientes, cupidosquè effundendi sanguinis Discipulorum, studens eos ab impotente vesania cohibere, iussis paulisper secedere Apostolis, sic ad illos verba fecit: Prospicite vobis, quid de his hominibus sitis facturi. Ante hos enim dies exortus est Theudas, dicens se esse aliquem, & secuti sunt illum viri quadringenti, & ille periit, & omnes quotquot ei paruerunt, dispersi sunt. Et post illum exortus est Iudas Galilæus, qui concitauit turbam magnam, & mortuus est, discipulique illius perierunt. Et nunc dico vobis, prospicite vobis, quoniam si factum hoc fuerit ex hominibus, dissoluetur. Sin ex Deo est, non potestis illud dissoluere, ne forte comperiimini & aduersus Deum pugnare. Vnde igitur manifestum est, fore vt quicquid ex hominibus sit, dissoluatur? Experimentum, inquit, cepistis à Iuda & Theuda. Atque hoc loco operæpretium est, ex D. Augustino recordari, quod & de Christo dixerunt Gentiles confidenter, non solum dissoluendam esse Religionem etiam eius, sed & spatium annorum, infra quod dissolueretur, definire ausi sunt.

Aug. 3.

*August. de
Cito. Dei li.
18. c. 33. 34*

Cum enim viderent, inquit, nec tot tantisque persecutionibus eam potuisse consumi, sed his potius mira incrementa sumpsisse, excogitauerunt, nescio quos versus Græcos, tamquam consulendi cuidam domino oraculo effusos, vbi Christum quidem ab huius tamquam sacrilegij crimine faciunt innocentem; Petrum autem maleficia fecisse subiungunt, vt coleretur Christi nomen per trecentos sexaginta quinque annos; deinde completo memorato numero annorum, sine mora sumere finem. Cuius contrarium omnino factum esse docet ibi S. Augustinus: nam post illos annos 365. anno sequenti, quo secundum illud oraculum Dæmonum, aut figmentum hominum, nulla esse debuit Religio Christiana, amplificata est Religio Christi, falforum Deorum Templis quibusdam euerfis, & simulachris fractis. Ex quo etiam (inquit) vsque ad hoc tempus per triginta ferme annos, quis non videat, quantum creuerit cultus nominis Christi? præsertim, posteaquam multi eorum Christiani facti sunt, qui tamquam vera illa diuinatione reuocabantur à fide, eamque completo eodem annorum numero, inanem irridendamque viderunt. Itaque solidissimè & potentissimè premit D. Chrysostomus, vt prius Gentiles, ita nunc Iudæos, & in vtrisque Hæreticos cum modernos, tùm omnes, qui, vt locum inueniant suis nouis Euangelijs, & nouis Ecclesijs, dicunt Ecclesiam Christi siue aliquo tempore, siue aliquot seculis, aut perijisse, aut euauisse. Sic igitur eos omnes verbis Gamalielis, & factis ipsis refellit pugnans hinc pro Christi Deitate Chrysostomus: experimentum, inquit, (Gamaliel) cepistis à Iuda & Theuda, fo-

re

re ut quicquid ex hominibus sit, dissoluatur. Itaque & hic, qui ab istis prædicatur, si talis est, quales fuerunt illi, nec diuina potentia peragit omnia, expectate paulisper, & ipse rerum euentus vobis faciet fidem: ex ipso sine certum cognoscetis, vtrum hic sit impostor, ut dicitis, ac legis transgressor, an Deus vniuersa temperans, ineffabiliq. potentia res mortalium dispensans moderansque. Quod dico (inquit Chrysostomus) factum est: expectarunt, & ex ipsis factis declarata est diuina & inexpugnabilis potentia.

Omnibus gentibus prædicandum Euangelium Christus prædixit, & sicut dixit, factum est. Cap. 486.

A Dhuc ex vno Eusebio, qui tempore Constantini Magni, primi Christiani Imperatoris, & Nicæni primi Generalis Concilij vixit, diuina Christi potentia probata, per fundatas ab ipso, & latissimè propagatas Ecclesias.

*Euseb. ora.
de laudib.
Const. pro
pe finem.*

Quod si alia plura argumenta (inquit) certiora de illis rebus desideres, ea non verbis, sed rebus ipsis confirmata accipito. Mentis tuæ oculos aperi, rationes quasi fores patefacito: ipse tuum ipsius assensum admodum sustinens, tecum ratiocinare: tu teipsum interroga, & rerum naturam animo peruestigans, tamquam ab altero ita sciscitare.

Quis vnquam ab omni seculorum memoria, aut Rex, aut Princeps, aut Philosophus, aut Legislator, aut Propheta, seu Græcus, seu Barbarus ille, fuerit, tantum virtutis decus est consecutus, non dicam post mortem, sed dum adhuc viueret, spiritumq. duceret, multumq. valeret potentia, ut ipsius nomen ad omnium hominum aures, qui in Terris degebant ætatem, permearet, inq. omnium ore, ac sermone versaretur? Nemo certe istud, nisi vnus & solus Seruator noster post victoriam à morte reportatam præstitit: Qui quidem & discipulis suis hoc dixerat, & idem reuera expleuit: nimirum: Euntes docete omnes gentes in nomine meo. Quicquid etiam prædixerat, proq. certo præstituerat, suum Euangelium prædicandum fore in vniuerso Mundo, in testimonium omnibus gentibus. Quod ut verbis prædixerat, sic reipsa perfecit. Nam haud ita multo post, totus Orbis terrarum, eius verbo & doctrina completus fuit. Quid igitur habes tu, qui nos insectaris, quod huic respondeas? præsertim cum Testimonium, quod oculis cernitur, omni alia ratione, quæ poterit afferri, faciliè præponderet?

*Matth. 28.
Matth. 24.*

De admirabili Symbolo fidei, & spei nostræ, ab Apostolis confecto, & vsu eius. Cap. 487.

S Anè quidem, & si ab Agrippa excitata vexatio Apostolos compulit externas quærere Regiones, tamen de prædicando Euangelium gentibus iam tunc Apostolos iniisse consilium certum est, cum diuina præuia reuelatione, ostensa Petro lintei cælitus demissi visione, apertum est Ecclesiæ ostium Gentilibus. Ea etiam occasione, Matthæus primus omnium Euangelium Iudæis, quos relicturi essent, Hebraicè conscripsit. Tunc etiam Catholicæ fidei consulti, quid singuli essent prædicaturi Gentibus, ne

Y y 2 vlla

*Ruffin. in
præfat. ex-
posit. Symb.
Apost.*

vlla ex parte aliqua, vel apparens inter eos in annunciatione Euangelij di-
uerſitas eſſet, quosdam fidei canones, quibus vniuerſam Chriſtianam fidem
perſtringentes firmarent, ac ſtabilirent, conſtituerunt, quos proprio nomi-
ne Dei Eccleſia nominare conſuevit Symbolum Apoſtolorum; vel quod ſin-
guli ex eis ad eum perficiendum attulerint ſuum ſymbolum, qua ratione
ante necem Iacobi dicendum eſt illud eſſe compoſitum: vel quoniam qui
Chriſtiani eſſent, & Symbolo, velut teſſera militari data dignoſci poſſent.
De his agens Ruſſinus hæc ait: Diſceſſuri Apoſtoli ab inuicem, normam
prædicationis in commune conſtituerunt, ne forte alij ab alijs abducti, di-
uerſum aliquid his, qui ad fidem Chriſti inuitabantur, exponerent. Ergo
omnes in vno poſiti, & Spiritu ſancto repleti, breue iſtud futuræ, ſicut di-
ximus, prædicationis indicium, in vnum quod ſentiebat vnusquiſque,
componunt, atque credentibus hanc dandam eſſe regulam ſtatuunt. Sym-
bolum autem hoc multis, & iuſtiſſimis ex cauſis appellare voluerunt.
Symbolum enim Græcè indicium dici poteſt, & collatio, hoc eſt, quod
in vnum conferunt.

Id enim fecerunt Apoſtoli, in his ſermonibus in vnum conferendo vnus-
quiſque quod ſentit. Indicium autem, vel ſignum idcirco dicitur, quia
illo tempore, vt Paulus Apoſtolus dicit, & in Actis Apoſtolorum refer-
tur, multi ex circumciſis Iudæis ſimulabant ſe eſſe Apoſtolos Chriſti, &
lucris alicuius, vel ventris gratia ad prædicandum proficiſcebantur, nomi-
nantes quidem Chriſtum, ſed non integris traditionum lineis nunciantes:
idcirco ergo iſtud indicium poſuere, per quod agnoſceretur iſ, qui Chri-
ſtum verè ſecundum Apoſtolicas regulas prædicaret. Deniquè cum in-
bellis ciuilibus hæc eadem inſtituta bellandi, ne qua doli ſubreptio fiat,
ſymbola diſcreta, vnusquiſque Dux ſuis militibus tradit, quæ Latinè ſi-
gna vel indicia nominantur, vt ſi fortè occurrat quis, de quo dubitetur,
interrogatus Symbolum prodat, ſi ſit hoſtis, an ſocius.

Idcirco denique hæc non ſcribi cartulis, vel membranis, ſed retineri
cordibus tradiderunt, vt certum eſſet hæc, neminem ex lectione, quæ interdum
peruenire etiam ad infideles ſolet, ſed ex Apoſtolorum traditione didiciſſe.
Diſceſſuri ergo, vt diximus, ad prædicandum, iſtud & vnanimiſſimis, & fidei
ſuæ indicium Apoſtoli poſuere, non ſicut filij Noè diſceſſuri ab alterutrum
turrem ex lateris cocto, & bitumine conſtruentes, cuius cacumen ad cælum
vſque pertingeret, ſed munimenta fidei, quæ ſtarent aduerſus faciem inimici,
ex lapidibus viuſ, & ex margaritis Dominiſ ædificantes, quæ neque vio-
lento ventorum ſtatu concuti, nec fluminum tempeſtatibus, ac procella-
rum turbinibus impelli, aut dimoueri, nec vlla vi euelli, aut ſubripi poſſent;
merito ergo illi ab inuicem ſeparandi turrem ſuperbiæ ædificantes, lin-
guarum conſuſione damnati ſunt, vt ne vnus quis poſſet aduertere pro-
ximi ſui loquelam: iſti vero, qui turrem fidei conſtruebant, omnium lin-
guarum ſcientia, & agnitione donati ſunt, vt illud peccati, hoc fidei pro-
baretur indicium. hucusque Ruſſinus. Hieronymus de eodem Symbolo
hæc ad Pammachium: Symbolum fidei, & ſpei noſtræ, quod ab Apoſto-
lis traditum, non ſcribitur in charta, aut atramento, ſed in tabulis cor-
dis carnalibus. Itemquè apud Auguſtinum hæc leguntur: Quod Græcè
Symbolum dicitur, Latinè collatio nominatur: Collatio idco, quia collata

*Hieron. ad
Pammach.
ep. 61.*

*Auguſt. de
tempor. ſer.
151.*

in

In vnum totius Catholicæ legis fides, symboli colligitur breuitate, cuius textum vobis modò, Deo annuente, dicemus. Petrus dixit: Credo in Deum Patrem omnipotentem. Ioannes dixit: Creatorem cæli, & terræ. Iacobus dixit: Credo & in Iesum Christum Filium eius vnicum Dominum nostrum. Andreas dixit: Qui conceptus est de Spiritu sancto, natus ex Maria Virgine. Philippus ait: Passus sub Pontio Pilato, crucifixus, mortuus, & sepultus. Thomas ait: Descendit ad Inferos, tertia die resurrexit à mortuis. Bartholomæus dixit: Ascendit ad cælos, sedet ad dexteram Dei Patris omnipotentis. Matthæus dixit: Inde venturus est iudicare viuos, & mortuos. Iacobus Alphæi: Credo & in Spiritum sanctum, sanctam Ecclesiam Catholicam. Simon Zelotes: Sanctorum communionem, remissionem peccatorum. Iudas Iacobi: Carnis resurrectionem. Matthias compleuit: Vitam æternam amen. hæc ibi. De iisdem autem singulorum Apostolorum sententijs, hæc etiam S. Leo Papa ad Pulcheriam Augustam: Ipsius Catholici symboli breuis, & perfecta confessio, quæ duodecim Apostolorum totidem est signata sententijs, tam instructa sit in munitione cælesti, vt omnes hæreticorum opiniones solo possint gladio detruncari. Eadem Venantius Fortunatus, & alij tradunt. Hoc igitur symbolum Apostolicum, non tantum cunctis ad baptismum venire cupientibus primum omnium traditur, & ab eisdem proxime baptizandis exigitur, sed assidue à quolibet Christiano recitandum esse admonet Augustinus, dum ait: Cum autem tenueritis symbolum, vt non obliuiscamini, quotidie dicite, quando surgitis, quando vos collocatis ad somnum. Reddite symbolum, reddite Domino, commemorate vosipsos, non pigeat repetere: bona est repetitio, ne subrepat obliuio. Ne dicatis: Dixi heri, dixi hodie, quotidie dico, teneo illud bene. Commemora fidem tuam. Inspice te: sit tanquam speculum tibi symbolum tuum. Ibi te vide, si credis omnia, quæ te credere confitearis, & gaude quotidie in fide tua: sint diuitiæ tuæ, sint quotidiana quodammodo indumenta mentis tuæ. Nunquid non quando surgis, te vestis? sic & commemorando symbolum tuum, vesti animam tuam, ne fortè eam nudet obliuio. hæc Augustinus. Ambrosius item de eodem modo hæc in eandem sententiam: Symbolum quoque specialiter debemus, tanquam nostri signaculum cordis antelucanis horis quotidie recensere: quo etiam, cum horremus aliquid, animo recurrendum est: quando enim sine militiæ sacramento miles in tentorio, bellator in prælio? hæc de Symboli institutione, & eius vsu.

S. Leo ad
Pulcheriã
Augustam
epist. 96.
Venant. in
præfat. ex-
pos. Symb.
Aug. l. 1. c. 42.

Ambros. li.
3. de Virg.

De profectiōe Apostolorum ad gentes. Cap. 488.

OMnia apud Apostolos diuinus Domini spiritus moderabatur, neque sine illius instinctu aliquis illorum quicquam agere præsumebat, quamuis animo concepisset. Ergo multis exemplis admoniti singuli Apostolorum in eas orbis regiones missi sunt, ad quas Spiritus sanctus priuato instinctu voluit eos proficisci. De hac Apostolorum profectiōe hæc Iustinus Martyr: Hierosolymis duodecim viri profecti sunt in mundum, atque hi quidem indocti, & minimè eloquentes, Dei autem virtute humano generi denunciauerunt à Christo missos se esse, qui cunctos Dei verbum docerent. Et Ioannes Chrysostomus de iisdem agens, hæc ait: Peragrarunt Apostoli orbem

Iustin. in
orat. ad An-
ton.

Chrysost.
adu. Gent.

terrarum, & infirmum inuenientes ad sanitatem reduxerunt, & in ruina positum ad stabilitatem reuocarunt, non arcus tendentes, non sagittas mittentes, non pecunias largientes, non eloquentia confidentes: erant nudi quidem seculo, sed induti Christum: pauperes, sed diuites: pecunia indigentes, sed regnum caelorum possidentes: non habentes humana solatia, habentes autem Dominum Deum suum. Ego enim, inquit, vobiscum sum vsque ad consummationem seculi. Peragrunt vniuersum orbem terrarum. Oves simul cum lupis, quis vidit? quis vnquam Pastor oves mittit in medio luporum? Sed magis si viderit lupos, congregat oves: At vero Christus è contrario fecit oves de lupis, & vulneratæ à bestiis non sunt, sed magis lupi ad ouium mansuetudinem conuersi sunt. Et post multa: Mira virtus erat piscatorem, publicanum, pellionem nudis præceptis mortuos suscitare, morbos expellere, mortem abigere, philosophorum linguam mutam, Rhetorum ora constringere, apud Principes, & Reges versari, Barbaris, Græcis, & vniuerso humano generi imperare: nam & hoc illi verbo perfecerunt. hæc Chrysostomus.

3. Aug. tra.
17 super
10. 17.

Ad vniuersi autem mundi machinā expugnandam, & Deo subiiciendam, non multos sapientes secundum carnem, neque multos potentes, non multos nobiles, sed infirma mundi elegit Deus, vt confunderet fortia: & ignobilia mundi, & contemptibilia elegit Deus, & ea, quæ non sunt, tanquam ea, quæ sunt, vt ea, quæ sunt euacuentur. Dominus noster Iesus Christus volens superbas frangere ceruices, non quæsiuit per oratorem piscatorem, sed de piscatore lucratus est Imperatorem. Magnus Cyprianus orator, sed prius Petrus piscator, per quem postea crederet non solum orator, sed Imperator.

De moribus Gentium, & de figura Orbis, cum eum Apostoli prædicatione aggressi sunt. Cap. 489.

Quanta, & quæ essent in totius terrarum Orbis vastissima sylua monstrarum atque portenta, quæ nec fingere satis potuit scriptorum Gentilium vanitas, ad quæ perdomanda è Galilæa Piscatores sunt missi, satis supra demonstrauius, summatim omnia perstringentes, recensere autem singularum Gentium superstitiones impossibile est. satis sit hic scribere, quæ de complurium illarum moribus Theodoretus breuiter collegit: Persicæ, inquit, nationes, quæ iam pridem Zaradæ legibus regebantur, matrum, filiarum, sororum connubijs, susq. deq. commixtæ, remq. iustissimam arbitantes, id quod erat facinus iniustissimum, audita Piscatorum lege & accepta, Zaradæ leges, vt iniquitatem maximam conculcarunt, Euangelicamq. protinus temperantiam complexæ sunt: quiquè prius edocente illo didicerunt mortuorum corpora canibus depascenda volucribusq. porrigere, tunc iam cum cæperunt in Christum credere, ab eiusmodi immanitate abhorrent, & mortuos suos terræ infodiunt, neque curant Principum leges, quibus id fieri prohibetur, neque tortorum sæuitiam perhorrescunt: magis enim timent Christi iudicium: cumq. præsentia cuncta irrideant, somniare magis gaudet, quæ non videntur. eaq. demum reuerentur, & timent. Has itaq. nouas leges acceperunt à promulgatoribus Galilæis: quiquè non timuerunt Romanorum potentiam, sese vltro Crucifixi hominis imperio subdiderunt.

Atque

Theod. de
cura. Græc.
ess. 1. 16. 9

Atque ut hi Romanis legibus viuerent, neque Augustus ipse impetrauit, neque Traianus, qui Persarum regna subuertit, & tamen Apostolorum monumenta Persæ homines, tanquam cælitus allata fuerint, venerantur. Et paulo post: Massagetæ miserrimos esse homines arbitrati, qui alio mortis genere, quàm violenta nece decumberent; quique idcirco legem de mactandis senibus comedendisq. tulerunt, postquam piscatorum leges, sutorumq. acceperunt, abominabiles illas dapes, ac hostias pertæsi sunt. Tibareni quoque soliti olim seniores de altis rupibus dare præcipites, legem iniquissimam considerunt, Euangelica lege accepta. Neque amplius Hyrcani, neque Caspij ipsi alunt canes hominum cadaueribus, neque Scythæ vnà cum mortuis hominibus viuos infodiunt, quos olim viuentes illi dilexerunt. Tantam morum mutationem, Piscatorum leges inuehere potuerunt, & per humiles, & pauperes, & inermes, & ineruditos homines Christi potentia tot orbis monstra domuit, & ad suam voluntatem faciendam, & præcepta seruanda perduxit.

Qua ratione deinceps omnes fines terræ, Christianam fidem sint amplexi, & Regnum Christi propagatum sit.

Cap. 490.

Christianæ Ecclesiæ amplissimi fines, & in ipso statim exordio latissimè propagati fuere, & vniuersum terrarum orbem iuxta certissima Prophetarum oracula occuparunt. Nec ea loca tantum, vbi Romanorum arma leges dederunt, sed ad vltimos vsque terræ fines, qui de Romana potentia, nihil vnquam audierunt. Verè, & animosè, non superbè scripsit Prosper: Sedes Roma Petri, quæ pastoralis honoris facta caput mundi, quicquid non possidet armis, religione tenet. Nec minus animosè, ac verè, Leo ille magnus, Urbem Romam ita compellans: Isti sunt Patres tui, veriq. Pastores (Petrus & Paulus dicit) qui te regnis cælestibus inferendam, multo melius, multoq. felicius condiderunt, quàm illi, quorum studio prima mœniū tuorum fundamenta locata sunt, ex quibus qui tibi nomen dedit, fraterna te cæde frædauit. Isti sunt, qui te ad hanc gloriam prouexerūt, ut gens sancta, populus electus, ciuitas Sacerdotalis, & Regia per sacram B. Petri sedē, caput orbis effecta, latius præsidere religione diuina, quàm dominatione terrena. Quamuis enim multis aucta victorijs ius Imperij tui, terra, mariq. protuleris, minus tamen est, quod tibi bellicus labor subdidit, quàm quod Pax Christiana subiecit.

Verum quippe, & indubitatum est, quod de Apostolicis laboribus suo adhuc tempore Paulus affirmavit: In omnem terram exiuit sonus eorum, & in fines Orbis terræ verba eorum. Verum & indubitatum est toto terrarum orbe veluti in prouincias distributo, facta primum in Iudæa, & Samaria diuini Euangelij prædicatione, iuxta ordinem à Christo præscriptum, Petrum in Italia, Paulum in Græcia, Andream in Achaia, Ioannem in Asia, Philippum in Phrygia, Bartholomæum in Scythia, Thomam in vtraque India, tam Orientali, quàm Occidentali, Matthæum in Aethyopia, Simonem in Persia, Thadæum in Mesopotamia, Iacobum in Hispania, hoc Christi Regnum, cuius caput Roma, latissimè propagasse. Apostolicos postea viros per reliquum Orbem terrarum discursisse, & idem Regnum à Romana maximè Ecclesia,

*Ex Thom.
Stapler. de
Rom. Eccl.
magnit. li.
1. c. 3.
Prosper. li. de
Ingrat.
S. Leo ser. 1
SS. Pet. &
Paul.*

Rom. 10.

*Orig. hom.
12. in Gen.*

Yy 4 vnde-

undequaque emissos dilataſſe, præterquam quod in genere commemorat Eusebius, mox in particulari docebitur, ubi de operum eius magnitudine disſeretur. In ipsa verò Vrbe Roma sub D. Clemente, proximo ferè Petri ſucceſſore, Eccleſiam ipſam Romanam tam numeroſam & amplam fuiſſe conſtat, ut Traianus Imperator ei (ut putabat) malo volens occurrere, caverit in primis ediſto Plinium Proconſulem Chriſtianorum conuentus vetuiſſe, eoq. nomine ſupplicia irrogaffe, ipſemet in ſua ad Traianum Epiſtola commemorat. Hæc autem Chriſtianorum ſodalitia, quæ *ἐκκλησίαι* in ſuo reſcripto vocauit Traianus, quàm numeroſa & ampla fuerint, totius orbis potentia aduerſus ea nequicquam ſauiente, Tertullianum audi eadem ferè ætate ipſis perſecutoribus exprobrantem. Externi, inquit, ſumus (ſic enim Chriſtianos vocabant Gentiles, veluti ex Iudæis omnes oriundos) & veſtra omnia impleuimus: vrbes, inſulas, caſtella, municipia, conciliabula, caſtra ipſa, tribus, decurias, palatium, Senatum, forum. Et paulò poſt: Sola vobis relinquimus Tempſa. Si tanta vis hominum in aliquem Orbis remoti ſinum abruptiſſemus à vobis, ſuffudiſſet utique dominationem veſtram tot qualiumcumque amiſſio ciuium, imò etiam & ipſa deſtitutione puniſſet; proculdubio expauiſſetis ad ſolitudinem veſtram, ad ſilentium rerum, & ſtuporem quendam quaſi mortuæ Vrbiſ: quaſiſſetis quibus in ea imperaſſetis. Plures hoſtes, quàm Ciues vobis remaniſſent. Nunc enim pauciores hoſtes habetis præ multitudinem Chriſtianorum penè omnium Ciuium; penè omnes Ciues Chriſtianos habendo, ſed hoſtes maluiſtis vocare generis humani. Hæc ille: Luculenter expreſſit, ut totum Romanum orbem Chriſtianorum populus nec dum ducentis poſt Chriſtum annis occupauerit. Quam ſanè eiſdem populi frequentiam nihil poſtea imminutam fuiſſe, perpetuæ propemodum Romanorum Imperatorum perſecutiones uſque ad Conſtantinum illum Magnum, qui omnium primus Chriſtianorum toto Orbe, & aperuit, & locupletauit Eccleſias, perſpicuè demonſtrant. Neque enim aduerſus paucos, & & ignobiles totius imperij potentia tam acriter & acerbè ſequiſſet. Vnde non ita multò poſt Origenes, obijciente Celſo Epicureo, Chriſtianorum dogma obſcurum & ignobile eſſe, rectiſſimè reſpòdit, vniuerſo terrarum Orbi, quod prædicant Chriſtiani longè eſſe notius, quàm quorumcumque Philoſophorū placita. Ac ubi Romani imperij culmen ipſum, Chriſti regno colla ſubijcere capit (quod apud Origenem idem ille Celſus Epicureus breuì futurum formidabat; & ne omnes toto Orbe Chriſtiani fierent, Adrianum Imperatorem templa ſine Idolis extruere molientem, oracula terruerunt) adeò per omnia mundi climata dilatatum hoc Regnum eſt, ut altero poſt ſeculo verè ſcripſerit B. Auguſtinus, ſuo tempore impletum fuiſſe, quod ante tot ſecula promiſſum eſt Abrahæ, in ſemine eius benedici omnes gentes, ideoq. ut alibi ſcribit, eos, qui tunc prodigia peterent, ut Chriſtiani fierent, ipſomet prodigia & monſtra eſſe qui mundo credente, non crederent. Tametiſi quippe ducentis aut trecentis poſt Conſtantinum annis, pagani in multis prouincijs vixerint, paganifmi quoque & idololatriæ reliquæ utcumque varijs Imperatorum ediſtis ac legibus penitus aboleri iuſſæ, in ipſa Vrbe Roma, eiusq. Senatu, non ſolum ad Ambroſij tempora, qui aduerſus Symmachum aram in Senatu poſtulantem orationem luculentam ſcripſit, ſed etiam uſque ad Gelafium Pontificem, annis ferè poſt Chriſtum quingentis, qui aduerſus Andro.

Euseb. li. 3.
c. 37.

Plin. lib. 10
c. 97.

Epist. 43.

Apolog. c.
37.

Orig. lib. 1.
con. Celſ.

Lib. 8.
Impr. in
Alex.

Tract. in
ep. Ioan.
de Cin. Dei
lib. 12. c. 8.

Andromachum Senatorem, ceterosq. Romanos Lupercalia reposcentes, Apologenicum scripsit, aliqua ex parte perdurarint; nec simul ac semel, sed paulatim, & per partes omnes gentes Christi fides perualerit, vt rectè annotauit Hieronymus: ipseque alibi Augustinus disertè profiteatur nonnullas adhuc gentes superesse, ad quas Euangelij prædicatio non peruenierit; tamen in vniuerso Orbe cognito Christianorum Ecclesias floruisse, & Christi Regni per florentissimas terrarum partes propagatum fuisse, qui quasi ad oculum cernere vellet, legat, & percurrat Prouinciale omnium Ecclesiarum Cathedralium vniuersi Orbis, editum Parisijs, anno millesimo quingentesimo decimo octauo, posteaq. Lugduni, anno millesimo quingentesimo quadragésimo sexto, sub hoc titulo, Practica Cancellaria Apostolicæ, &c. vel magnum illud volumen, cui titulus est, Gloria Mundi, parte quarta, cui idem Prouinciale Ecclesiarum insertum est. In eo quippe omnium totius mundi Archiepiscopatus, cum suis Ecclesijs suffraganeis tanto numero recensentur, vt eorum tantum commemoratio clepsydram nobis ad dicendum datam penitus exhauriret. Sufficit in illo catalogo centum triginta Archiepiscopos, & mille septem & decem Episcopatus numerari. Quibus nunc adde in sola India Occidentali viginti Episcopatus de nouo erectos, & teste Bozio insignis Ecclesiæ, Tempa illic constructa circiter septuaginta millia. Taceo Indiæ Orientalis Insulas permultas, Synarum populos, & toto penitus diuisos orbe Iapanos, vbi Christi Regnum mirificè hodie propagatur. Vtriusque huius Indiæ amplissima Regna Romano Imperio penitus incognita fuerunt.

Baron. to. 6

Hieron. in

Isa. c. 45.

Aug. cont.

Cresc. li. 3.

c. 65.

Ep. 80.

De nat. &

gr. c. 2.

De unit.

Ec. c. 14.

Boz. lib. 4.

c. 3.

Christiana fidei extensio, Romani Imperij fines superauit.
Cap. 491.

Romani Imperij fines, & amplitudinem, qui admiratur, idem Romanæ Ecclesiæ fines, & amplitudinem latissimè propagatam, longissimèq. extensam si expendat, hæc illis longè maiori admiratione digna diffiteri non poterit. Romanæ vrbs Imperium totis quadringentis annis ab Vrbe condita, Italiæ fines non est egressum, sed cum Samnitibus, Volscis, Vlijs, Tuscis toto illo tempore de Imperio decertatum, nec nisi sub annum Vrbs quadringentesimum Turreno Tusciæ Rege Hetruriæ urbem Romanis dedente, & regnum Hetruriæ finitum, & Romanorum arma ultra Apenninum extendi cæperunt. Sed & toto illo tempore nonnisi scandulis, seu ligneis tegulis tota Vrbs tecta fuit, teste Plinio. Sed paulò post anno Vrbs condita quadringentesimo octuagesimo tertio, prima extra Italiam arma in Siciliam mouerunt, vt Mamertinis, quorum caput Messana, auxilio essent, contra Afros Hieroni Regi opem ferentes Appio Claudio, Quinto Fabio Consulibus, vbi victorias naeti amplissimas, sequentibus annis in Hispaniam, & Africam, in Macedoniam, & Græciam, totamq. Asiam tanto successu exercitus duxerunt, vt duobus post seculis à Paulo Aemilio Perseo ultimo Macedonum Rege deuictò, à Scipionibus Hispania, & Africa subactis, ab altero Scipione magno Antiocho debellato, Asia subiugata, à Lucio Sylla Græcia perdomita, ab vno Pompeio post Mitridatem à Lucullo fractum, Ponto, Cappadocia, Armenia, Albania, Colchide, Hemochia, Caspijs, Iberis,

Tho. Stapl.

lib. 1. c. 3.

Cato de

Orig.

Plin. li. 16.

c. 10.

Ores lib. 4.

c. 7.

Plutar. in Pompeio. Iberis, Parthis, Arabia, atque Iudæa magno Romani nominis terrore captis, idq. adeo (ut si Plutarcho credimus) trinum è trina vniuersa Orbis parte triumphum duxerit, paulòq. post per Iulium Cæsarem Gallijs, Britannia, ac magna Germaniæ parte pari felicitate superatis, ac libera tandem Republica sub vnius Imperio redacta, Romanum Imperium anno ab Vrbe condita septingentesimo plus minus, per Europam, Asiam, & Africam extendi, finesq. latissimos habere cepit. Aliæ quidem adhuc à proximis Imperatoribus, Augusto maximè, Claudio, Vespasiano, Traiano, Romano Imperio prouinciæ amplissimæ adiectæ fuerunt. Ceterum nec totum Orbem occupauit vnquam, ut non animosè tantum, sed & superbè, quia falsò, ac vanè Romanorum rerum scriptores aliqui iactitauerunt, nec ipsius, aut Africæ, aut Asiæ regna omnia sibi subijcere potuit, quum ad Aethyopes, & Abissinos nunquam peruenerint, Tartaros, & Scythas à Septentrione, Chaldaeos ab Oriente nunquam attigerint, ipsi autem Parthi, ac Persæ, Romani Imperij iugum cito semper, & facile excusserint. Vnde, illud in Iulium Cæsarem Scomma, quia in libris fatalibus continebatur, Parthos nisi à Rege non posse vinci, Cæsarem Regem appellari debere. *Sueton. in Iul. Cæs. c. 79.* Iugum autem Christianæ fidei per omnia mundi loca omnes populi receperunt; omnes gentes ab illa domitæ sunt, non pugnando, sed docendo, non armis victoria parta est de mundo, sed hæc fuit victoria, quæ vicit mundum, fides nostra.

Totius Mundi concursus ad fidem Christi recipiendam conuincit Iudaos, Christum non venisse mentientes.

Cap. 492.

Tert. const. Iud. Isa. 45. **C**onferamus (inquit Tertullianus) an qui venturus est, Christus, iam uenerit, an venturus adhuc speretur. Et mox ex Isaia Propheta quæstionem absoluit, dicente: Sic dicit Dominus Deus Christo meo Domino, cuius tenui dexteram, ut exaudiant illum gentes: fortitudines Regum dirumpam, aperiam ante illum portas, & ciuitates non clauduntur illi. Quod ipsum adimpletum videmus (ait Tertullianus) Cui enim dexteram tenet Pater Deus, nisi Christo filio suo? quem exaudierunt omnes gentes, idest, cui omnes gentes crediderunt? cuius & prædicatores Apostoli in Psalmis Dauid ostenduntur. In vniuersam (inquit) terram exiit sonus eorum; & usque ad terminos terræ verba eorum. In quem enim alium vniuersæ gentes crediderunt, nisi in Christum, qui iam venit? Cui enim & illæ gentes crediderunt, Parthi, Medi, Elamitæ, & qui inhabitant Mesopotamiam, Armeniam, Phrygiam, Cappadociam, & incolentes Pontum, & Asiam, Pamphiliam, immorantes Aegyptum, & regionem Africæ, quæ est trans Cyrenen, inhabitantes Romani, & incolæ tunc, & in Hierusalem Iudæi; & ceteræ gentes, & iam Getulorum varietas, & Maurorum multi fines, Hispaniarum omnes terræ, & Galliarum diuersæ nationes, & Britannorum, inaccessa Romanis loca, Christo vero subdita, & Sarmatorum, & Dacorum, & Germanorum, & Scytharum, & abditarum multarum gentium, & prouinciarum, & Insularum multarum nobis ignotarum, & quæ enumerare minus possumus? In quibus omnibus locis Christi nomen, quia iam venit,

venit, regnat, utpote ante quem omnium ciuitatum portæ sunt apertæ, & cui nullæ sunt claustræ &c. Vtpote in quibus omnibus locis populus nominis Christiani habiteret. Quis enim omnibus gentibus regnare potuisset, nisi Christus Dei Filius, qui omnibus in æternum regnaturus nunciabatur?

Origenes similiter, ut Christum iam venisse persuaderet: De Domini aduentu scriptum est (inquit) omnis terra clamat cum letitia. Confiitentur, & miserabiles Iudæi hæc de Christi præsentia prædicari; sed stulte ignorant personam, cum videant impleri, quæ dicta sunt. Quando enim terra Britannia ante aduentum Christi in vnus Dei consensit religionem? quando terra Maurorum? quando totus semel Orbis? Nunc vero propter Ecclesias, quæ mundi limites tenent, vniuersa terra cum letitia clamat ad Dominum Israel, & capax est bonorum secundum fines suos.

Orig. hom.
4. in Ezech.

*Hodie fides miraculis fundata, nouis miraculis non indiget. Sed
vita proba, & inculpata in Christi predicatione signorum
omnium vim obtinet.* Cap. 493.

S. Ioannes Chrysostomus in Epistola priori ad Corinthios tractans illa, verba Apostoli: ut fides vestra non sit in sapientia hominum, sed in virtute Dei: monstrat signa Euangelicæ predicationis initio patrata, fidem non illi solum seculo, sed & futuris peperisse. Si enim illa tunc peracta creduntur, certum est doctrinam, cui confirmandæ adhibebantur, diuinitus esse profectam, & inspiratam, sin autem historiarum, ac varietati signorum minus Gentilis credat, at longe omnibus singulis maius est, homines paucos, ignobiles, illiteratos, omnibus mortalibus exosos toti Orbi persuasisse Religionem adeò intellectu arduam, & omnibus affectibus oppositam; quæ nequæ ratione firmarent, nequæ potentia defenderent, nequæ visibili aliquo præmio persuaderent. Non ergo fides iam satis fundata, miraculis nouis indiget confirmari, quin potius vtilius est secundum ipsum signis nunc carere, quoniam maioris meriti sit id: vitæ autem integritatem ad fidem conciliandam esse necessariam, adeo est verum, ut si in præsentia signa viderentur, quis tamen persuaderet? quis externorum aures nobis accommodaret, cum tantopere increbrescat malitia? Etenim probata Christianorum vita maiorem apud multos auctoritatem sibi vendicabit, quam signa. Si quidem hæc apud impudentes, & malos homines malam concitant opinionem; vita autem pura, etiam ipsum Diaboli os maiorem in modum obstruere poterit. Hæc ille.

Ios. Acosta
de promul.
Euang. li. 2
1. Cor. 2.

Chrys. hom.
6. in 1. ad
Co.

Inter Apostolica autem signa ad subiugandum Orbem in obsequium Christi, hoc etiam maximum exitit: Signa, inquit Paulus, Apostolatus nostri facta sunt super vos: in omni patientia, in signis, & prodigijs, & virtutibus, ubi inter signa Apostolatus primum locum tribuit patientiæ, secundum miraculis, & prodigijs. Atque ad Theſsalonicenses: Ipsi scitis, fratres, introitum nostrum ad vos, quia non inanis fuit, sed ante passi, & contumelijs affecti, & cetera, ubi qualis fuerit vita, qui mores; quam ab auaritia, ab adulatione, à fastu omni remoti, id vero pro certo, & insuperabili veritatis annuntiatæ testimonio profert. Sit vita pura, & innocens, in Christi prædicatore: & hæc signorum omnium vim obtinebit.

2. Cor. 12.

1. Theſſ. 2.

Non

Non solum autem, & infideles, sed & omnes, qui in hæreses dilapsi sunt, ad fidem Catholicam amplectendam conuerterentur relictis erroribus, si apud prædicatores diuini verbi, & apud Christianum populum, qui in fide Christi se viuere profitentur, recognoscerent vitæ, morumq. probitatem, & mutuam in diligendo charitatem.

Quamquam autem post fidem propagatam, & vbiq. diffusam satis fuisset Christianis viris, rectè, & laudabiliter actæ vitæ testimonium, & exemplum virtutum, & diuinorum præceptorum obseruantia, vt gentes videntes bonorum operum lucem admirabilem, & sanctitatem, cognoscerent, Patrem, qui in cælis est, & Iesum Christum filium eius, quem ipse misit in mundum, nihilominus autem non defuit Deus (præsertim bonis operibus intra Christianum populum tepescentibus) nouis miraculorum actibus promulgatæ fidei veritatem ostendere, & incredulos conuincere, vt fecit apud Danos.

Ingens miraculum à Deo factum ob conuersionem Haraldì Danorum Regis, eiusq. subditorum ad fidem Catholicam.

Cap. 494.

*Vitichin.
lib.3.*

DAni antiquitus erant Christiani: Sed nihilominus Idolis ritu Gentili seruientes. Contigit autem contentionem super cultura Deorum fieri in quodam conuiuio, Rege præsentè; Danis affirmantibus, Christum quidem esse Deum, sed alios fore eo maiores Deos, quippe qui potiora mortalibus signa, & prodigia per se ostenderent. Contra hæc Clericus quidam, nunc verò religiosam vitam ducens Episcopus, nomine Poppa, vnum verum Deum Patrem, cum filio vnigenito, Domino nostro Iesu Christo; & Spiritu sancto: Simulachra vero Dæmonia esse, testatus est. Haraldus autem Rex, qui velox traditur fuisse ad audiendum, tardus ad loquendum, interrogat, si hanc fidem per semetipsum declarare velit? ille incunctanter velle respondit. Rex vero custodiri Clericum vsquè in crastinum iubet. Mane autem facto ingentis ponderis ferrum igne succendi iubet, Clericumquè ob fidem Catholicam candens ferrum portare iussit. Confessor Christi indubitanter ferrum rapit, tamdiuq. deportat, quo ipse Rex decernit, manum incolumen cunctis ostendit. Fidem Catholicam omnibus probabilem reddit. Ad hæc Rex conuersus, Christum Deum solum colendum decernit, Idola respuenda subiectis gentibus imperat. Dei sacerdotibus, & Ministris honorem debitum deinde præstitit. Sed hæc virtutibus merito patris sui, Ottonis Regis scilicet, adscribuntur, cuius industria in illis regionibus Ecclesiæ, sacerdotumq. ordines in tantum fulsere.

Prin-

Princeps Frisonum audita fide Christi, & diuinis promissis post mortem obtinendis voluit baptizari: Sed statim deferens Christi veram fidem, se illuc pergere velle post mortem, quo præcessores Principes Frisonum profecti erant, fuerunt illi Idolatra, asseruit. Demum interim Diabolus in Angelum lucis transfiguratus delectabilibus sed falsis spectris delusit eum: quibus per Diaconum Christianum signo crucis dissipatis, veritas Christiana fidei, & falsitas idololatrarum ostenditur, & plurimorum infidelium fit conuersio apud Frisones. Cap. 495.

Princeps Radbodus, cum ad percipiendum baptismum imbueretur, percontabatur à S. Episcopo Vulfanno, iuramentis eum per nomen Dominum adstringens, ubi esset maior numerus Regum, & Principum seu nobilium gentis Frisonum, in illa videlicet caelesti regione, quam, si crederet, & baptizaretur, percepturum se promittebat: an in ea, quam dicebat tartaream regionem. Tunc B. Vulfannus: Noli (inquit) errare, inclyte Princeps, Apud Deum certus est numerus suorum electorum. Nam prædecessores tuos Principes gentis Frisonum, qui sine baptismi sacramento decesserunt, certum est damnationis suscepisse sententiam. Qui vero ab hinc crediderit, & baptizatus fuerit, cum Christo gaudebit in æternum. Hæc audiens Dux incredulus (Nam ad fontem processerat, ut ferunt) à fonte pedem retraxit, dicens: non se carere posse consortio prædecessorum suorum Frisonum Principum, & cum paruo pauperum numero residere in illo caelesti regno. Quin potius non posse facile nouis dictis assensum præbere: sed potius permansurum se in his, quæ multo tempore cum omni Frisonum gente seruauerat. At B. Pontifex: Heu pro dolor (inquit) deceptum te video à seductore, qui humanum decipit genus. Sed nisi poenitentiam egeris, & credideris, & in nomine Trinitatis baptizatus fueris, ianuam Regni perennis non intrabis, sed æternæ damnationis poena plesteris.

Hæc dicente, & docente S. Pontifice, multi Frisonum credebant, & baptizabantur, prædicto Rege in paganismo perseverante. Nam à sacro fonte infelicitate recessit, & etiam Vvillebrordus, cognomento Clementem, Episcopum, & doctorem præfatæ gentis accersiri fecit, ut ad eius consulta simul cum B. Vulfanno in doctrina suæ religionis concordante efficeretur Christianus. Sed quoniam, ut scriptum est, in maleuolam animam non introibit sapientia, quia dubitando per omnia in fide Catholica, & tentando sanctos Antistites loquebatur, ideo obtinere non meruit, quod fide quærebat. Cum vero eius legatum super hoc facto suscepisset, Vvillebrordus respondisse fertur: Quia prædicationem sancti fratris nostri Vulfanni Pontificis Dux vester audire contempsit, meis quomodo obsecundabit dictis? Nam hac nocte vidi illum in visu catena religatum ignea. Vnde certum fore constat, damnationem illum iam subiisse æternam. Cumq. iter carperet, quod ad domum eiusdem damnati Ducis ducebat, nunciatur ei ipsum sine baptismi sacramento iam esse mortuum. Sicq. captum deferens iter, ad propria repedauit habitacula.

Nec

*In vita S.
Vulfanni
Archiepif.
Senon. ex
Sur. tom. 2.*

Nec prætereunda ratio est, quam de præfato Duce Radbodo, venerabili presbytero Orone narrante, didicimus, cur in Christum credere, ac fonte regenerationis noluit mergi. Nam in ægritudine positus, de qua, & præsentis vitæ lucem clausit, perpetuasq. Auerni descendit ad umbras, dum sopori deditus foret, deceptor hominum Diabolus, qui etiam Dei omnipotentis permisso in Angelum se transfigurat lucis, apparuit diademate aureo, circumfulgentibus gemmis, capite opertus, vesteq. aurea textili toto amictus corpore; diuq. attonitus præfatus princeps, diligenter in eum attendebat stupens, ac tremebundus, cuius virtutis, & speciei esset, qui ei apparebat. Isq. multimodæ artis nocendi sœuissimus draco, inquit, ad eum: Dic, quæso, fortissime virorum: quis te ita seduxit, ut à cultura deorum, & à religione prædecessorum tuorum velis recedere? Noli ita, obsecro, agere: sed in his, quæ hæcenus tenuisti, culturis deorum permane: ibisq. ad domos aureas æternaliter mansuras, quas tibi in proximo sum daturus, ut verborum meorum dictis adstruam fidem. Quapropter cras accersiens Vvlfrrannum doctorem Christianorum, inquire ab eo, vbinam sit illa mansio æternæ claritatis, quam pollicetur, te, si Christianum susceperis dogma, in cælestibus habiturum. Quam cum demonstrare nequiverit, veriufquæ partis mittantur legati, eroq. dux itineris, & demonstrabo illis mansionem eximiam pulchritudinis, & fulgoris immensi, quam tibi post modicum sum daturus. Qui euigilans, S. Pontifici Vvlfrranno cuncta per ordinem pandit. Sanctus autem Pontifex ingemiscens eius damnationem, ait: Hæc illusio diaboli est, qui omnes vult perire, & neminem saluari: Quapropter salua te ipsum, vir nobilis, credendo in Christum, & festina ad fontem baptismi, in quo est remissio omnium peccatorum, & nullo modo fidem accommodes verbis diaboli mendacibus. Ipse est enim seductor, qui vniuersum seducit orbem: qui propter suam superbiam de alto cæli culmine prostratus ruit in terram, & ex benigno, dæmon terribilissimus effectus est: cuius inuidia mors introiit in orbem terrarum, dum primum hominem concupiscentiam docuit, atque ad inobedientiæ culpam traxit. Nam qui promittit aureas largiri mansiones sibi credentibus, tartareas potius inferi deducit ad sedes, fœtidumq. locum Cocyti. Vnde, ut ab his pœnis eripi valeas, & bonis frui æternis, festina in Christo baptizari, in quo est remissio omnium peccatorum, & per quem vitæ cælestis tribuitur ingressus. Hæc & huiusmodi plura prosequente S. Pontifice, respondit prædictus incredulus Princeps, omnia se facturum, quæ iubebat, si illa non demonstraretur mansio à suo deo, quam sibi largiturum sponderat. Cumq. insuperabilem in cunctis Christi seruus animum illius cerneret, ne à gentilibus alia fingerentur pro alijs, misit continuo cum quodam Frisone suum diaconum. Qui cum paululum ob oppido processissent, obuium sibi repperunt in humana effigie quendam itineris comitem, qui dixit eis: Properetis cito: nam ostensurus sum vobis mansionem eximiam pulchritudinis, quæ præparata est à deo suo Principi Radbodo. Qui ducem, ac comitem itineris prosequentes, loca diu peragrant incognita, donec viam ingredientibus latissimam, diuersorum generibus marmorum eam cernunt polito opere decoratam. Videntq. à longe domum auream, ac perueniunt usque ad plateam, quæ ante præfatam domum sita erat, & ipsa auro, gemmisq. strata. Intranseque in domum

auri

Apoc. 12.

Sap. 2.

aurei splendoris , & incredibilis pulchritudinis , adspiciunt thronum miræ magnitudinis . Tum ductor itineris : Hæc est , inquit , domus , & ista pulcherrima sedes , quam post eius mortem principi Radbodo Deus suus largitutum se spondit . Et Diaconus stupefactus in his , quæ viderat , dixit : Si à Deo cunctipotente facta sunt ista , perpetuo maneant ; si autem à diabolo , cito dispereant . Et cum vallaret se continuo S. Crucis munimine , dux itineris , qui videbatur homo , euanescente transijt in diabolum , & domus versa est in lutum . Remanseruntq. hi duo simul , Frito scilicet , & Diaconus , in medio locorum palustrium , quæ plena erant longissimis raueis virgultis . Triduoq. immensi laboris iter conficientes , reuersi sunt ad oppidum , inuenientes præfatum ducem Radbodum sine baptismatis sacramento mortuum . Narrantq. B. Antistiti , quantam à Diabolo pertulissent illusionem . Frito autem credidit in Christum , & baptizatus est . Vocabatur autem Ingomar . Qui & ipse ad Fontanellense coenobium B. Vulftrannum secutus est : Induciaq. sibi renunciandi , quas putauerat se adipisci , prædictus Dux minime valuit impetrare : quia non erat ex ouibus Christi , nequæ ad vitam præordinatus æternam . Percrebuitq. hoc stupendum miraculum apud incolas gentis Frisonum ; atquæ ex hoc facto plurima gentis multitudo conuersa est ad Dominum . Mortuus est autem infelicitè præfatus Dux Radbodus , anno Domini Dei nostri Iesu Christi , in quem ipse credere contempsit 719. qui erat annus septimus inclyti principis Caroli .

Antonius Magnus sapientia sua, gentilium Philosophorum argumenta dissoluit, eosq. de falsitate Deorum, & veritate Christiana fidei, celesti doctrina conuincit.

Cap. 496.

A Liquando Philosophi duo gentiles venerunt ad eum , putantes Antonium se posse decipere : erat vero in superiori monte . Quos cum vidisset , paganos intellexit ex vultu ; & procedens ad eos , per interpretem , ita cepit loqui : Quare tam longe ad stultum hominem sapientes se vexare voluerunt ? Illis dicentibus non esse illum stultum , sed & nimium sapientem , vigilanter respondit : Si ad stultum venistis , superfluum est labor vester ; si autem putatis me sapientem esse , & sapientiam habere , bonum est , imitamini , quod probatis , quia bona conuenit imitari . Si ego ad vos venissem , vos imitarer ; sed quia vos ad me quasi ad sapientem venistis , estote , sicut ego sum , Christiani . Abscesserunt Philosophi vtrumque mirantes , & acumen ingenij , & dæmonum expulsionem .

Alios quoque similiter mundi sapientes , qui eum irridere cupiebant , quia litteras ignoraret , tali disputatione colligauit , dicens : Respondete mihi , quid prius , sensus , an litteræ ? & quid cuius exordium ? sensus ex litteris , an litteræ oriuntur ex sensu ? Illis asserentibus , quod sensus esset auctor , atque inuentor litterarum , ait : igitur cui sensus incolumis est , litteras non requirit . Quis præsentium post hanc collucationem non exclamauerit , cum obstupuerint , & ipsi qui victi sunt , tantam in imperito litterarū sagacitatem animi admirantes ? Nequæ enim vt in solitudine , & montibus versatus , atque omnem ibidem exigens vitam , agrestis , & rudis erat , sed iucundus ,

atque

atque affabilis, sermonem, secundum Apostoli præceptum, diuino conditum sale proferebat, ita ut inuidia careret, & amore omnium potiretur.

Inter hæc, quasi parum esset, bis gentilitatem fuisse superatam, & tertio venerunt viri ad eum omnis secularis prudentiæ nube cæcati, atque vniuersis philosophiæ studijs artium suarum æstimatione doctissimi. Hi cum rationem ab eo exigere fidei, quam in Christo habemus, & niterentur arguta sophismatum interrogatione de diuina Cruce eum illudere, in silentium paululum voce compressa, primum eorum miseratus errorum est, deinde per interpretem, qui eius verba diligentissime in Græcum solebat exprimere sermonem, ita exorsus est dicens: Quid pulchrius est, quid uè honestius, Crucem colere, an adulteria, parricidium, vel incestum his assignare, quos colitis, cum in altero sit contemptus mortis, insigne virtutum, in altero turpis religio obscœnitatis magistra? Quid melius est dicere, quod Dei Verbum manens ut erat, ob salutem nostram humanum corpus assumpserit, ut societate mortalitatis nos eueheret ad cælum, participesque naturæ cælestis efficeret, an, ut ipsi asseritis, diuinæ mentis haustum ad terrena veneranda caput submittere, & pecudum, atque serpentum formis cæleste nomen includere? Quo ore Christianorum credulitatem auderis irridere, dicentium, Christum filium Dei sine suo detrimento, & cæpisse esse quod non erat, & mansisse quod fuerat, cum ipsi animam de cælestibus detrahentes non tantum hominum, sed & pecudum soleatis sepius corporibus? Christiana credulitas pro salute mundi Deum suum venisse testatur; vos vero innatam animam prædicantes, vtrò citròque transfertis: Christiana fides, quæ omnipotentiam Dei, clementiamque veneratur, consequenter Incarnationem dicit Deo fuisse possibilem, ita tamen, ut non euacuauerit dignatio dignitatem; vos, qui animam ex splendidißimo Dei fonte manantem turpiter decidisse iactatis, qui mutabilem, & conuertibilem eam post sui diminutionem audetis asserere, iam illam quoque dominam seculorum per animæ contumelias impia lingua temeratis; imago enim, quæ secundum nos naturalem similitudinem sui retinet auctoris, cui vna est, ex quo defluit eademque substantia, humilitates proprias, & iniurias consequenter ad suam originem remittit. Igitur animaduertite contumelias animarum ad patrem (ut appellatis) earum per vestram blasphemiam redundare. Crux Christi Domini nostri hic nobis ingeritur. Rogo, quæ hæc est religionis obscœnitas? nonne potius est Crucem attollere, aut alicuius generis mortem ab iniquis hominibus illatam patienter sustinere, quam Iſidis plangere post Osirim vagos, incertosque discursus? Pudeat vos, quæso, insidiarum Typhonis, pudeat Saturni fugæ, & deuoracionis crudelissimæ liberorum: erubescite parricidium Iouis, & incestum; erubescite raptum eius, & coitum mulierum, atque puerorum. Ille, sicut vestri fingunt poætæ, ad explendum immanissimæ libidinis furorem, molles dedit in amore vagitus, ille in Dianæ fluxit sinus, ipse amator, & pretium, ille modulatus ales Lædæos petiuit amplexus; ille in proprium sæuiens sexum regium puerum ministris auibus polluit. Hæc vos creditis; hæc colitis, hæc sunt vestrorum ornamenta templorum? Aeque, deprecor, pro vestra salute, nostra dicta pensate iudicio. Cuncta, an nihil credenda sunt Christianis? Si nihil, nec Crucis quoque, cui detrahitis, nomen agnoscitis. Si vniuersa credenda sunt, cur cum in ijsdem libris Cruci

resur-

resurrectio copuletur, passionem diuinam stolido laceratis eloquio, & non statim iungitis cæcorum visum, surdorum auditum, claudorum gressum, lepræ emundationem, seruiens ambulanti Deo suo mare, dæmonum fugas, resurrectionem mortuorum, & defunctorum ab inferis reditus? Hæc omnia scripturis diuinis, quas interpellatis, inserta sunt, & iisdem voluminibus continentur præconia maiestatis, & mortis. Quamobrem odio, quo imbuti estis, abiecto, inuenietis illic, & Deum verum esse Iesum, & salutis humanæ gratia fragilem assumpsisse naturam. Vestram tamen nobis, si non pudet, narrate religionem.

Sed quas error infœlix poteris referre culturas de tanta rerum seditate, atque vecordia? nisi forte (ut audio) fabulas afferatis Deorum vestrorum, & obscenitates, & crudelitates, & vanitates, & mortes, regentes eas allegoricis velaminibus, Liberum raptum, terram Proserpinæ, semiclaudum, Vulcanum, & debilem ignem, Iunonem aerem, Apollinem solem, Dianam lunam, Neptunum maria, & libidinum principem Iouem ætherem interpretantes. Nec post hanc excusationis procacitatem, Deum, sed creaturas, contempto Creatore suscipitis. Quod si pulchritudo vos elementorum ad suam traxit venerationem, modum fas erat custodire, & oportebat mirari tantum, nec colere, ne facturæ veneratio Creatoris esset iniuria. Nam secundum istiusmodi, quam vos sequimini, ratio est præpostera, atque peruersa, & Architecti honor migravit ad domum, & Medici scientia ad remedia confertur, omnium quoque artificum merita, vel laudes ad opera transferuntur. Quid ad hæc dicitis, ut agnoscamus, quæ sit Crucis ridiculæ vobis ignominiola confessio? Hac disputatione, conuertentibus inter se Philosophis oculos, simulque mustitantibus, subridens Antonius, rursus per interpretem ait: Prædurum namque cuncto videtur operi, quoties iusto vniuersæ rei tenore calcato, laboris merita factis magis, quam factoribus adstruuntur. Elementa quidem, ut memoravi, ex ipso conspectu suam comprobant seruitutem. Sed quoniam vos observatione Dialectica necessaria, ut putatis, quæque colligitis, hoc quoque artificio etiam nos nostram religionem compellitis affirmare. Respondete mihi. Cognitio Dei, quemadmodum manifestius approbatur per lectionem verborum, an per operationem fidei? Et quid antiquius est, operatio fidei, an disputatio per argumenta procedens? Illis respondentibus firmiorem sermonibus operationem esse, hanc & liquidam de Deo cognitionem bene eos & ipse dixisse consensit, quia operationem, quæ ex fide descendit, animi generat affectus: Dialecticam vero ex artificio componentium sumpsisse oppositionis exordia. Cum ergo, ait, operationem fidei animo sitam quis habuerit, superflua erit verborum compositio, per quam conceptam sensu nostro credulitatem tentatis euellere, & tamen sæpe nostras explicare intelligentias non valetis. Ita solidiora sunt mentis opera, quam sophysmatum fraudulenta conclusio. Nos Christiani mysterium vitæ nostræ non in sapientia mundi habemus repositam, sed in virtute fidei, quæ nobis à Deo per Christum tributa est. Hanc orationis meæ veritatem, quotidie, quæ geruntur, ordo commendat, nobis imperitis, & litterarum vestrarum ignaris ad dignationem eius solum verba sufficiunt. Ecce nos tot gentilitatis gregibus abstracti, in vniuersum Orbem quotidie propagamur, vobis vero post aduentum Domini nodosæ sophismatis defecerunt

cerunt versutia. Ecce nos simplicem Christi fidem docti, idololatriam debellauimus, & per prædicationem ignominiosæ Crucis aurata templa ceciderunt. Vos, si potestis, ostendite qua contentione verborum gentilitatem Christo præponere suaseritis. Per omnes iam terras Deus Dei filius Christus est agnitus; nihil eloquentia sophismatum, nihil disputatio philosophiæ, multitudini potest obesse credentium. Crucifixum nominamus, & vniuersi dæmones, quos vos vt Deos colitis, rugiunt, atque ex obsessis corporibus ad primum Dominicæ Crucis signum fugantur.

Vbi sunt illa fabulosa oracula? vbi Aegyptiorum incantationes? quo magorum proficere carmina? Certè nunc vastata sunt omnia, cum de sua Cruce mundo Christus intonuit. Nihilominus vos prætermisissis debilitatorum cateruis, gloriosam Iesu mortem irridere conamini. Illud autem quale est, quod nunquam in festinatione regali concussa gentilitas, imò seculo cara, & hominum præsidij salta iam corruit: nos famuli Christi, quò plus premimur, eo magis assurgimus, & floremus? Vestra simulachra ornatis quondam septa parietibus, iam vetustate collapsa sunt; Christi vero doctrina, quæ vobis stultitia videtur & ludus, licet tyrannica persequentium Principum tentamenta pertulerit, licet varijs sit incurcata terroribus, nullo tamen terrarum Orbe concluditur, nullo gentium barbararum sine prohibetur. Quando tot simul in se conuenere virtutes? continentia in Matrimonio, virginitas in Ecclesia floret, Martyrum pro Domino suo gloriosa constantia, quorum omnium Crux Christi principium est? cum interim vos inter tantos virtutum choros syllogismorum retia tenditis, & veram rerum lucem tenebrosis conamini argumentationibus obuoluere. Ecce nos, vt dixit Doctor noster, non in gentili persuasione, sed in fide apertissima suademus, quæ verborum affirmationem præuenire consuevit. Adsunt quippe patientes à dæmonibus vexati, quos cum in medium produxisset, verba repetiuit dicens: Nunc vos collectionibus vestris, & quo vultis malefico carmine Deos vestros, quos putatis, expellite; sin autem non potestis, victas submitte manus, & ad Christi trophæa confugite, & statim Crucifixi credulitatem maiestatis potentia prosequetur.

Dixit, & inuocato nomine Iesu, cum vitale signum in sacro numero Trinitatis pressisset in frontibus, vnà cum expulsis dæmonibus, vana præsentium Philosophorum confutata sapientia est. Expauerunt enim stupentes hominem, cui post tantum ingenium, afflueret signorum diuina largitio. At ille vniuersa Christo, qui curauerat adscribens, vsus est assatu reciproco, & ait: Nolite me putare his sanitatem dedisse, Christus per seruos suos facit ista miracula: Credite & vos, & videbitis, quia deuota Deo fides, non eloquentiæ vanus tumor talia signa mereatur. Confugite ad Crucifixi legem, nosque eius imitamini famulos, & hoc scientiæ fine contenti, nulla deinceps secularis imprudentiæ argumenta queratis. Hactenus Antonio dicente, miro Philosophi stupore perculsi, cum honorifico salutato ab eo recedentes, multum eius sibi facebantur profuisse conspectum.

Spiri-

*Spiridion Episcopus, simplex, & ineruditus, vebementia spiritus,
& magnitudine fidei, superbum, & loquacem Philoso-
phum, inuisibili virtute superatum, ad Christianam
Religionem magno stupore pertrahit.*

Cap. 497.

Spiridion Episcopus Cyprius, vir vnus ex ordine Prophetarum, vnus ex illis nobilissimis confessoribus, quos Maximinus dextero effosso oculo, & sinistro poplite succiso ad metalla damnauerat. Hic pastor ouium, & in Episcopatu positus permansit. Quadam vero nocte cum ad caulas fures venissent, & manus improbas, quo aditum educendis ouibus facerent, extendissent, inuisibilibus quibusdam vinculis constricti, vsque ad lucem, veluti traditi tortoribus, permanserunt. Cum vero oues ducturus ad pascua, matutinus se ageret senior, videt iuuenes absque humanis vinculis in caulis pendere districtos. Cumq. causam noxæ comperisset, absoluit sermone, quos meritis vinxerat. Et ne eis inanis nocturna caderet occupatio, Tollite, inquit, o iuuenes vnum vobis arietem, ne sine causa venisse videamini, quem melius prece, quam furto quassisse conuenerat.

Cogebatur Nicææ Concilium ex trecentis & decem & octo Episcopis ad succurrendum Ecclesiæ Orientali, quæ ab Arianorum hæresi, & secta Quartodecimanorum infectabatur, & ad compescendum schisma Meletianum, & Colluthianam factionem, quæ inualecebat; verum non tantum Nicæam confluerunt Episcopi litteris accersiti, sed & ex Gentilibus plerique, philosophicis imbuti facultatibus, vt tanquam in publico quodam certaminis campo atque vniuersi Orbis theatro, cunctis spectantibus, ingenij vires ostentarent, & agminibus Dei viuents insultarent; cum non deessent ex nostris, qui hac quoque ex parte nequaquam essent inferiores, parati cum illis congredi, ac publicè redarguere. Sed dirempsit curiosum ad ostentationem, non autem ad veritatem indagandam comparatum certamen, vir quidam simplex, & sermone imperitus, verum diuina apprimè imbutus sapientia. Rem gestam Socrates narrat his verbis: Paulo antequàm Episcopi in locum vnum conuenerant, dialectici in quibusdam disputandi tanquam prælusionibus aduersus plerosque se exercuerunt. Ac cum nonnulli quasi illecebris ad differendum traherentur, Laicus quidam ex Confessorum numero, simplici ac sincero animo præditus, cum dialecticis illis concreditur, sicq. contra illos verba facit: Christum certe & Apostolos artem differendi neuiquam nobis tradidisse, neque inanes fallacias, sed mentem apertam, & simplicem, quæ fide & operibus integra seruari solet. Quæ cum dixisset; cum alij omnes qui aderant, & eum admirati sunt, & illius approbauerunt sententiam; tùm dialectici, vt primum sincerum veritatis sermonem audierant, æquo animo & placido conquievere. Sic igitur tumultus ille ex differendi facultate concitatus tandem penitus repressus est. At id quidem non absque diuina virtute; cum haud facile videri potuerit, compescere petulantiam sophistarum. Hæc autem pridie eius diei, quàm Synodus inchoaretur, facta esse idem Auctor affirmat. Mirum autem non est ad tam celebre Concilium, in quo tam magna summorum Patrum multitudo conuenerat, Philosophos

222 etiam

etiam confluxisse : nam isti scientiarum secularium studio inflati, & in phisicis quæstionibus exercitati, nil aliud quærunt, quàm hominum gloriam, omniaq. se scire opinantur, seseq. posse cunctos mortales docere facile credunt, cum tamen parum sit, id quod sciunt, & in pluribus errare eos oporteat, cum ductum non habeant supernaturalis luminis.

*Sozom. li. 1
c. 17.*

*Ruffin. li. 1.
c. 3.*

Multi igitur, qui apud Gentiles, pro sapientibus habiti erant, disputationibus in Nicæno Concilio agitati, dedita opera, interfuerunt : quorum nonnulli, quoniam tandem esset Christiana doctrina admodum scire auebant : alij odio in Christianos propterea inflammati, quod superstitiosa Gentilium religio nuper antiquari cæpta erat, quæstionem de fide Christiana propositam ad inanem quandam verborum concertationem deduxerunt ; adeo ut ipsi inter se digladiari, & secum pugnare viderentur. Fertur igitur, quod cum quidam illorum præ insolenti dicendi arrogantia se inaniter iactaret, & sacerdotes petulanter irrideret, senex quidam simplex ex illustrium Confessorum numero superbiam eius non tulit : qui tamen in præ subtilitatis, & præstigiæ penitus expers erat, tamen cum eo disputare cepit.

At cum hæc res petulantibus, qui Confessorem hominem simplicem esse cognoscebant, risum moueret quidem ; at modestis inieceret timorem, qui veriti sunt, ne cum viro dicendi perito congressus haberetur pro ludibrio : ramen cum facultas (cui, cum talis & tam prouecta ætatis esset, pudor erat resistere) data esset, libere, quæ vellet loquendi : In nomine Iesu Christi, inquit, philosophe, audito. Unus est Deus, cæli, terræ & omnium rerum tam oculis subiectarum, quàm eorum aciem fugientium opifex : qui hæc omnia & virtute Verbi fabricatus est, & sacramento Spiritus sancti afflatu stabilivit. Quare hoc Verbum, inquit, quod nos Filium Dei nuncupamus, misertum humani erroris & belluinæ viuendi rationis, ex Virgine nasci, cum hominibus vnà versari, proq. iisdem mortem oppetere voluit. Est quoque iterum venturus, de ijs rebus, quas quisque gerit in vita, dicturus sententiam. Ista ita se habere, sine vlla alia curiosa indagatione pro certo credimus. Noli ergo in his, quæ fide dumtaxat rectè intelliguntur, curiosè refutandis, laborem frustra consumere, quætereue, qui ista fieri, aut non fieri possint. Quod si credis : mihi quidem sciscitanti, responde. Quibus obstupescit Philosophus : Credo, inquit : & gratijs illi actis, quod ipsum denicisset, non solum eadem cum senex ipse sentire, verum etiam consilium dare capit illis, qui perinde erga fidem Christianam, atque ipse ante, affecti erant ; ut iam doctrinæ Christianæ assentirentur, atque iurandum adiecit, se non modo non sine numine diuino mutatum esse, sed etiam vi ac virtute quadam inexplicabili ad Christianam Religionem conuersum.

Sed ad hæc Ruffinus : Philosophus conuersus ad discipulos suos, vel ad eos qui audiendi gratia conuenerant : Audite, inquit, o eruditi viri. Donec verbis mecum gesta res est, verba verbis opposui, & quæ dicebantur, dicendi arte subueri, vbi verò pro verbis virtus processit ex ore dicentis, non potuerunt resistere verba virtuti, nec homo aduersari potuit Deo. Et ideo si quis vestrum potuit, in his quæ dicta sunt, sentire quæ sensi ; credat Christo, & sequatur hunc senem, in quo locutus est Deus. Ita Philosophus Christianus effectus, tandem se gratulatus est victum. hucusque Ruffinus.

Eadem

eadem Gregorius presbyter Cæsariensis, & alij ferme omnes tam Græci, quam Latini recentiores historici. Addit tamen idem Gregorius, Menophantem Episcopum Ephesinum philosophicis facultatibus apprimè imbutum, sed Arianismo infectum, adeo ex miraculo obstupuisse, ut deferens Arium, Concilio Nicæno subscripserit. Quisnam porro iste philosophus fuerit; Dalmatianus in sua Collectione Nicæni Concilij, Phædonem hunc tradit appellatum fuisse: Olicas vero Eulogium nominatum. Sed horum nulla est apud Eunapium Sardonianum mentio. qui numerans huius temporis philosophos, Sopatrum Apamiensem, & Eustachium Cappadocem caros aliquando Constantino fuisse tradit.

At quinam fuerit Episcopus ille, qui Christiana simplicitate munitus, tam gloriosa de fastu philosophicæ disciplinæ trophæa erexit: conveniunt in eandem sententiam scriptores fuisse Magnum Spiridionem, de quo nuper mentio facta est, Episcopum Trimituntis in Cypro. Hic quidem tenacissimus Ecclesiasticæ antiquitatis, custosq. paternarum traditionum, nec unius voculæ mutatione passus est eam quavis occasione labefactari: unde accidit, ut cum aliquando gentilem suum Tryphillum Ledrensem in Cypro Episcopum, virum (ut testatur S. Hieronymus) omnium suæ ætatis eloquentissimum, in Synodo orantem audiret, & locum illum Marci Evangelistæ citaret, Tolle grabatum tuum & ambula. & loco grabati, quod habet textus, dixisset, lectum humilem: assurgens Spiridion: Tu ne, inquit, melior es illo, qui grabatum dixit, ut eius verbis uti dedigneris? Quod cum dixisset, exiit e sede sacerdotali, populo inspestante; atque hoc modo Tryphillum se arroganter efferentem, ad modestiam erudiuit: nam satis in se habuit auctoritatis ad pudorem alteri incutiendum; quippe cum & veneratione dignus esset, & rerum admirabiliter gestarum gloria maxime nobilitatus; quin etiam cum eum & ætate anteciret, & dignitate sacerdotali. hæc Sozomenus atque alij. Ceterum Tryphillus, qui diu Beryti ius civile professus erat, admiratus viri egregiæ vitæ institutionem, miraculorum virtute mirifice illustratum, eo, licet homine agresti & custode ovium, uti voluit præceptore, magnam sibi inde gloriam comparans, quod Spiridionis discipulus effectus esset.

*Greg. presb.
de Patr. Nicæ.
can. synod.*

*Metaphra.
die 10. Decemb.
Niceph. lib.
8. c. 15.
Hieron. de
scip. Eccl.
in Tryphul.
Marci 2.*

Alexander Episcopus Constantinopolitanus, Philosophum coram Imperatore Christi fidem criminantem, & disputare contra Episcopum volentem, iubet obmutescere, ne quid contra Christi fidem fieri posset, & mirabiliter statim obmutuit.

Cap. 498.

Fertur miraculum huic non dissimile ab Alexandro Episcopo Constanti-
nopolitanæ Ecclesiæ editum. Nam cum Constantinus forte Byzantium
aduenisset, accesserunt ad eum quidam philosophi, criminique illi dedere, quod
haud rectam religionem coleret; quodq. res diuinas mutare, nonnunquam
cultum contra instituta cum maiorum suorum, tum Principum omnium, qui
vel Græcis, vel Romanis omni seculorum memoria præfuisent, in Rempu-
blicam introducere studeret. Rogauere item, ut cum Alexandro Episcopo

*Sozom. li. 1
c. 7.*

Z z 3 de

de doctrina Christiana disputarent. Alexander igitur in eo exercitationis genere haud quaquam exquisitè versatus, fortasse etiam vitæ bonitate fretus (erat enim vir perhonestus & spectata vita) Imperatoris iussu in disserendi certamen cum illis descendit. Philosophis autem in vnum coactis, cum omnes disputare cuperent; postulavit Alexander, ut vnum quem vellent, ad disputandum deligerent, ceteriq. præsentibus audirent cum silentio. Itaq. cum vnus disputandi onus suscepisset, tum Alexander: In nomine Iesu Christi, inquit, præcipio tibi, ne loquere. Quod ut primum dixerat: homo è vestigio, obstructo ore, conticuit. An non igitur maius miraculum meritò censendum est, loquelam homini, eiq. philosopho tam facile adimere, atque lapidem manu per verbum quoddam prolatum diuidere? quod à quibusdam de Iuliano Chaldæo gloriosè iactatum audiui. hæc Sozomenus.

Mulier nobilis, Gentiles ad fidem Catholicam conuersas, volens trahere ad Manichæam sectam, in qua veram fidem esse dicebat, contra Catholicum Episcopum publicam suscipit disputationem, in qua diuino prodigio veritas Catholica fidei comprobata est. Cap. 499.

*Apud Metaph. die 26
Feb. recitat
Lipom. &
Sur. eadem
die.*

Tempore Archadij, & Honorij Imperatorum contigit Gazæ publicæ disputatio inter sanctum Porphyrium Gazensis ciuitatis Episcopum, & Iuliam Antiochenam clarissimam feminam, quæ illuc aduenerat, ut gentiles quos audierat ad Christi fidem conuersos, ad sectam Manichæorum pelliceret. At quoniam in ea prodigium memoria dignum accidit, dignum putamus, ut rei gestæ narratio à Marco Gazensi Diacono litteris quàm fidelissime commendata hic describatur. Sic enim se habet: Illo autem tempore (nempe anno sequenti à ruina Marnei templi) venit in Ciuitatem mulier quædam Antiochena, quæ vocabatur Iulia: erat vero ex execranda hæresi eorum, qui dicuntur Manichæi. Cumq. cognouisset aliquos esse recens illuminatos, & in sancta fide nondum stabilitos, in eorum irrumpens animos, eos corrumpebat per doctrinam suam, oculos perstringentem, & incantantem, sed multo magis per pecuniæ erogationem. & post nonnulla de impijs Manichæorum erroribus, rursus inchoatam prosequitur orationem: Cum (inquit) illic versaretur pestifera mulier, quidam fallaci illius doctrina sunt seducti. Post aliquot vero dies, cum id cognouisset à quibusdam fidelibus S. Porphyrius Gazensis Episcopus, eam accersitam interrogauit, quænam, & vnde esset, & quamnam haberet opinionem? Illa autem & patriam, & se Manichæam esse confessa est. Ijs autem qui erant apud ipsum, ira motis (erant enim quidam pij) eos rogabat beatus, ne irascerentur, sed patienter eam admoneant, & semel & bis, seruantes id quod dictum est à S. Apostolo. Deinde dicit mulieri: Abstine, ò soror, ab hac mala opinione: est enim satanica. Illa autem respondit: Dic, & audi: & aut persuadebis, aut persuadeberis. Sanctus vero dixit: Para te in crastinum diem, & veni huc. Illa autem eum valere cum iussisset, est egressa.

Tit. 3.

Beatus verò cum ieiunasset, & Christum multum rogasset, ut Diabolum pudore afficeret, paratus fuit in diem sequentem. Aduocauit autem quosdam ex pijs clericis, & laicis ad disputationem suam & mulieribus. Die autem

tem sequenti accedit mulier, habens secum duos viros, & totidem mulieres, quæ erant iuniores, & formosæ, omnes verò pallidæ: Iulia autem erat pro-
 uecta ætate. Ducebatur autem tota eorum disputatio à scriptis, & oratio-
 nibus mundanæ disciplinæ, multo verò magis Iuliæ. Erat autem humilis
 eorum habitus, & modesti mores, & (quod dicitur) extrinsecus oves, intrin-
 secus vero lupi rapaces, & venenata animalia: omnia enim dicunt, & fa-
 ciunt cum simulatione. Deinde iussi sedere disputant, & inquirebant. San-
 ctus autem Porphyrius ferens sancta Evangelia, cum fecisset signum Crucis
 in ore suo, cepit eam rogare, ut diceret suam opinionem. Illa verò cepit.
 Frater autem Cornelius Diaconus, qui fuit paulò ante nominatus, sciens no-
 tis scribere, quibus vtuntur in iure, iussus à beatissimo Episcopo, notabat
 omnia quæ dicebantur & opponebantur, me & fratre Barocha admonenti-
 bus. Disputationem autem non scripsi in hoc libro, propterea quod sit ma-
 gna, ut qui velim compendio hoc scriptum mandare litteris: eam vero in
 alio libro exposui ijs, qui volunt scire sapientiam à Deo datam sanctissimo
 Porphyrio, & aniles fabulas, quas effutijt prodigiosa loquens, & venefica
 Iulia. Quam quidem cito est persecuta diuina iustitia. Postquam enim
 multa pluribus horis esset fabulata, & consuetas dixisset blasphemias in Do-
 minum, & Deum vniuersorum, motus diuino zelo sanctus Porphyrius, vi-
 dens eum, qui omnes fines continet, tam qui cadunt sub aspectum, quam
 qui non cadunt, blasphemijs, & maledictis incessi à muliere, in qua opera-
 batur Diabolus, & quæ se submittebat illius voluntati, in eam tulit senten-
 tiam, dicens: Deus qui fecit omnia, qui est solus æternus, nec habens prin-
 cipium, neque finem, qui glorificatur in Trinitate, tuam percutiat linguam,
 & obstruat os tuum, ne loquatur blasphema. Sententiæ autem prolationem
 consecutum statim fuit supplicium. Cepit enim tremere Iulia, & mutari
 vultu, & manens in ecclasi longum tempus, non loquebatur, sed erat muta
 & immobilis, habens apertos oculos, & intuentes sanctissimum Episcopum.
 Qui verò cum eo erant, cum aspexissent ea quæ sustinebat, magno timore
 affecti sunt. Eam autem consolabantur, & carmina cantabant ad eius aures,
 sed non erat vox, neque auditus. Cum longo autem tempore mansisset mu-
 ta, emisit animam profecta ad tenebras quas in honore habuerat, secundum
 Manichæorum disciplinam eam lucem esse arbitrans, conuenienter scriptu-
 rz, quæ dicit. Væ ijs qui faciunt id, quod est dulce amarum, & quod ama-
 rum dulce, & ponunt tenebras lucem, & lucem tenebras. Iussit autem san-
 ctus componi eius corpus, & tradi sepulturæ, misertus humanæ naturæ; erat
 enim summè clemens, & misericors.

1/a.7.

Quicumque verò qui audierunt id, quod factum fuerat, valde sunt admi-
 rat, non solum qui erant nostræ fidei, sed etiam alienigenæ. Qui autem
 cum ea erant duo viri, ac mulieres, & quicumque ab ea corrupti fuerant, cur-
 rentes prociderunt ad pedes sanctissimi Episcopi, dicentes: Errauimus. &
 petebant pœnitentiam. Beatus verò fecit omnes anathematizare Manetem
 auctorem eorum hæresis, ex quo etiam appellati sunt Manichæi: & cum
 plurimos dies eos instituisset catechesi, adduxit ad sanctam Catholicam Ec-
 clesiam. Occasione autem illorum, & alij quoque ex alijs gentibus pœni-
 tentia ducti, fuerunt illuminati.] hætenus de his Marcus Diaconus.

*Noſtrorum temporum hæreticus audeſt à Deo ſignum petere , ro-
gans vt ſibi oftenderet veram Religionem quod obtinens
Caluinianam hæreſim deteſtans, Catholica Eccleſia re-
conciliatur . Cap. 500.*

*Ric. Briſt.
10. 1. mol. 12.*

CIrca annum 1569. quidam iam diu hæreſibus ſuis immorans , licet diù multumq. ſolicitatus in contrariū , à quibuſdam Catholicis quos ama- tus amabat, tam graui correptus eſt morbo, vt vitam non ſperaret . In tanto igitur periculo, auſus eſt à Deo ſignum petere, rogans vt propitiuſ ſibi foret, & veram qua ſaluetur Religionem diuinitus reuelaret . Quæ cogitanti apud ſe, & in cordis ſecreto precanti, ecce iuxta leſulū ignis apparuit corporalis, & in circuitu ignis multæ manus, quæ arreptos libros Caluinicæ communionis (in Anglia nimis notos) & oculis eius, vt videret atque agnoſceret, admotos, in ignem deinde coniecerunt ; omnibuſq. exuſtis euane- runt . Hominis nomen, & habitationem indicare poſſem, ſi liceret, teſtium quoque fideliffimorum, quibus non ſine Dei nutu, poſt quatuor demum an- nos (tamdiu enim celauerat) reuelauit, terribiliter, denſeq. conteſtans Deū, qui eum iudicaturus eſſet, ſe non conſiſta, ſed geſta narrare, idq. etiam tūm in ſuis hæreſibus perſeuerans . Ex quo ipſi quidem maior imminebat cumu- luſ damnationis, niſi reſipuiſſet (eſt enim iam Catholicuſ , vt audio , ac re- conciliatuſ Eccleſiæ) Sed viſioni maior inde, certiorq. allata eſt fides , vt facilè vident omnes : quippè qui tamdiū reticere , tam difficulter reuelare voluerit : & quando reuelauit, & poſtquam reuelauit, in hæreſi permanere , neque tamen vnquam quod dixerat retractare : ſed vt tunc hæreticuſ , ita etiam nunc Catholicuſ , cum omni conſtantia , & aſſeueratione identidem confirmare .

*Quidam ex Catholico factuſ hæreticuſ ex Caluiniftis , videns pa-
nem illum pollutum excipientes, canem atrum accipere, ter-
reſactuſ redit domum, & moritur . Cap. 501.*

Ibid.

Vix dam biennium eſt , quod aliuſ quidam , qui cum eſſet Catholicuſ , diù ſe à Caluinica abſtinuerat communionē; poſtmodum tamen minis quorundam delatorum , timens inſœlix temporalium amiſſionem , contra Chriſtum & contra conſcientiam ad hæreticorum Eccleſiam venit , qui illic conſpexit, cum miniſter Satanæ miſero populo traderet pollutum panem, ca- nem atrum atque horribilem de manu Miniſtri ſemper accipere , quod ille communicaturis obtulerat . Qua terribili & infernali viſione ſic ibi percul- ſuſ animo, ac conſternatuſ eſt diſſimulatuſ, vt rediens domum, paulò poſt ſic mortuuſ : & tarde inſœlix ſub illis execrabilibus aſſionibus, in quibus bene- dictiones contineri credunt, latentem , & ſub prætextu pietatiſ decipientem dæmonem videre potuit .

Sed torquet aliquoſ , cur Deus tam mirifica bona , ſeu excellentia dona , quæ conſequentur illiſ , qui fidem Chriſti ſuſcipiunt , diſtulit manifeſtare hominibuſ vſque ad miſſionem Apòſtolorum per Orbem vniuerſum . Cui quæſtioni hoc modo reſpondet Auguſtinuſ .

Enar.

Enarratio D. Augustini, cur Deus excellēs salutis humanae beneficium, distulit manifestare Mundo in nouissimis temporibus aduentus Christi in mundum. Cap. 502.

Christus se (inquit) salutis viam dicit, gratiam, & veritatem, in sequē solo ponit animis sibi credentibus reditum : quid egerunt tot seculorum homines ante Christum ? Vt dimittam, inquit, tempora ante Latium regnatum, ab ipso Latio, quasi principium humani generis sumamus. In ipso Latio ante Albam Dijs culti sunt, in Alba æquē religiones, ritusq. valere templorum. Non paucioribus seculis ipsa Roma, longo seculorum tractu, sine Christiana lege fuit. Quid, inquit, actum de tam innumeris annis, qui omnino in culpa nulla sunt, si quidem is, cui credi posset, nondum aduentum suum hominibus commodarat ? Orbis quoque cum ipsa Roma in ritibus Templorum caluit.

Quare, inquit, Saluator, qui dictus est, sese tot seculis subduxit ? Sed ne, inquit, dicant, lege Iudaica vetere hominum curatum genus, longo post tempore lex Iudæorum apparuit, ac vixit angusta Syriæ regione, postea vero proripuit etiam in fines Italos, sed post Cæsarem Caium, aut certe ipso imperante. Quid igitur actum de Romanis animabus, vel Latinis, quæ gratia nondum aduenientis Christi viduatae sunt, usquē in Cæsarium tempus ? Huic propositioni responderetur, ut primo ipsi dicant, utrum profuerint hominibus Deorum suorum sacra, quæ constat certis temporibus instituta. Quæ si negant aliquid profuisse ad animarū salutem, nobiscum ea destruunt, & esse inania profitentur. Nos quidem etiam perniciofa monstramus, sed paruum non est, ut ipsi interim prius inania fateantur. Si vero ea defendunt, & sapienter, atque vtiliter asserunt instituta, quæro quid actum sit de ijs, qui antequam hæc instituta essent, morte obierunt, hac enim vtrique salute, atquē vtilitate fraudati sunt. Si autem potuerunt alio modo purgari, cur non idem modus perseverauit in posteros ? Quid opus erat instituere nouitias consecrationes, quæ antiquitus non fuerunt ? Hic si dicunt Deos quidem ipsos semper fuisse, & ad liberandos cultores suos pariter vbique valuisse, sed pro varietate rerum temporalium, ac terrenarum, quæ scirent certis temporibus, locisq. congruere, in his alias, atque alias, alibi, atque alibi, aliter, atque aliter sibi voluisse seruire, cur hanc quæstionem Christianæ religioni ingerunt, in qua nobis ipsi pro dijs suis respondere non possunt, aut si possunt in eo ipso sibi etiam pro nostra religione respondeant ? Ita nihil interesse pro diuersa temporum, locorumq. congruentia, quam diuersis sacramentis colant, si quod colitur sanctum est : sicut nihil interest pro diuersa linguarum auditorumq. congruentia, quàm diuersis sonis dicatur, si quod dicitur, verum est, dum hoc sanè intersit, quod linguæ sonos, quibus inter se sua sensa communicent, etiam homines pacto quodam societatis sibi instituere possunt. Quibus autem sacris diuinitati congruerent, voluntatem Dei sequuti sunt, qui recte sapuerunt. Quæ omnino nunquam defuit ad salutem iustitiæ, pietatiq. mortalium, & si qua in alijs, atque alijs populis, vna eademq. religione sociatis variè celebrantur, quatenus fiat plurimum, refert, quo & humana

exhor-

Ioan. 14.

Aug. ep. 49

ad Deogras

tias q. 2.

exhortetur, vel toleretur infirmitas, & diuina non oppugnetur auctoritas.

Quamobrem cum Christum dicamus verbum Dei, per quod facta sunt omnia, & ideo filium, quia verbum, nec verbum dictum, atque transfatum, sed incommutabilem patrem, incommutabile ipsum, atque incommutabiliter manens, sub cuius regimine vniuersa creatura spiritalis, & corporalis, pro congruentia temporum, locorumq. administratur, cuius moderandæ, & gubernandæ, quid, quando, & vbi circa eam fieri oporteat, sapientia, & scientia, penes ipsum est. Profecto, & antequam propagaret Hebræorum gentem, per quam sui aduentus manifestationem congruis sacramentis præfiguraret, & ipsis temporibus mortaliter monstrauit, & deinceps vsque nunc cum implet omnia, quæ per Prophetas ante prædixit, & abhinc vsque in finem sæculi, quo sanctos ab impijs dirempturus est, & cuiquæ retributurus, idem ipse est filius Dei, patri coeternus, & incommutabilis sapientia, per quam creata est vniuersa natura, & cuius participatione omnis rationalis anima fit beata.

Itaque ab exordio generis humani, quicumquæ in eum crediderunt, eumq. vtruncquæ intellexerunt, & secundum eius præcepta piè, & iustè vixerunt, quandolibet, & vbilibet fuerint, per eum procul dubio salui facti sunt. Sicut enim nos in eum credimus, & apud Patrem manentem, & qui in carne iam venerit, sic credebant in eum antiqui, & apud Patrem manentem, & in carne venturum. Nec quia pro temporum varietate nunc factum annunciat, quod tunc futurum prænunciabatur, ideo fides ipsa variata, vel ipsa diuersa est. Nec quia vna eademq. res alijs, atque alijs sacris, & sacramentis, vel prædicatur, aut prophætur, ideo alias atque alias res, vel alias, atque alias salutis oportet intelligi. Quid autem, quando fiat, quod ad vnā eandemq. fidelium, & piorum liberationem pertineat, consilium Deo tribuamus, nobis obedientiam teneamus. Proinde alijs tunc nominibus, & signis, alijs autem nunc, & prius occultius, postea manifestius, & prius à paucioribus, postea à pluribus, vna tamen eademq. religio vera significatur, & obseruatur. Nec nos eis obijcimus, quod aliter Numa Pompilius, Deos colendos Romanis instituit, atque aliter ab eis, vel Italis antea colebantur; nec quod Pythagoreis temporibus illa philosophia celebrata est, quæ antea, vel omnino non erat, vel in paucissimis eadem sentientibus, nō tamen eodem ritu viuentibus, fortasse latitabat: sed vtrum illi Dij veri, aut colendi sint, & vtrum illa philosophia animarum salutis aliquid proferat, hoc cum eis agimus, hoc in quæstionem vocamus, hoc disputando conuellimus.

Desinant igitur obijcere, quod omni sectæ, & omni nomini religionis obijci potest. Cum enim non fortuito labi, sed diuina prouidentia tempora ordinari fateantur, quid cuiquæ tempori aptum, & opportunum sit, humanum consilium prætergreditur, & illinc dispergitur, vnde ipsa prouidentia rebus consulit. Si enim dixerint, propterea non semper, nec vbiquæ fuisse Pythagoricam disciplinam, quia Pythagoras homo fuit, neque hoc in potestate habere potuit; nunquid etiam hoc dicere possunt, eo ipso tempore quando fuit, & in his terrarum locis, vbi illa philosophia viguit, omnes, qui eum audire potuerunt, etiam credere, sectariq. eum voluisse? Ac

per

per hoc magis, si tantæ potestatis fuisset Pythagoras, ut ubi vellet, & quando vellet, sua dogmata prædicaret, & si haberet etiam cum ea potestate summam rerum præscientiam, nusquam, & nunquam appareret, nisi ubi, & quando sibi homines credituros esse prænosceret.

Proinde cum Christo non obijciant, quod eius doctrinam non omnes sequuntur; sentiunt enim & ipsi nequaquam hoc recte obijci posse, vel Philosophorum sapientiæ, vel etiam numini Deorum suorum, quid responderent, si excepta illa altitudine sapientiæ, & scientiæ Dei, ubi fortassis illud diuinum consilium longè secretius lateret, sine præiudicio etiam aliarum forte causarum, quæ à prædentibus inuestigari queunt, hoc solum eis breuitatis gratia, in huius quæstionis disputatione, dicamus, tunc voluisse hominibus apparere Christum, & apud eos prædicari doctrinam suam, quando sciebat esse, qui in eum fuerant credituri. His enim temporibus, & his locis, quibus Euangelium eius non est prædicatum, tales omnes eius prædicatione futuros esse præsciebat, quales non quidem omnes, sed tamen multi in eius corporali præsentia fuerunt, qui in eum, nec suscitatis ab eo mortuis credere voluerunt, quales etiam nunc multos videmus, cum tanta manifestatione de illo compleantur præconia Prophetarum, nolle adhuc credere, & melle humana astutia resistere, quàm tam claræ, ac perspicuæ tamq. sublimi, & sublimiter diffamata, diuinæ credere auctoritati. Qamdiu paruus, & infirmus est intellectus hominis, diuinæ debet credere veritati.

Quid ergo mirum, si tam infidelibus plenum orbem terrarum Christus prioribus seculis nouerat, ut eis apparere, & prædicari merito nolleret, quos nec verbis, nec miraculis suis credituros esse præsciebat? Neque enim incredibile est, tales fuisse tunc omnes, quales ab eius aduentu, usque ad hoc tempus, tam multos fuisse, & esse miramur, & tamen ab initio generis humani, aliàs occultius, aliàs euidentius, sicut congruere temporibus diuinitus visum est, nec prophetari destitit, nec qui in eum crederent, defuerunt ab Adam, usque ad Moysen, & in ipso populo Israel, qui speciali quodam ministerio gens prophetica fuit, & in alijs gentibus, antequam venisset in carne.

Cum enim nonnulli commemorantur in sanctis Hebraicis libris, iam ex tempore Abraham, nec de stirpe carnis eius, nec ex populo Israel, nec ex aduentitia societate in populo Israel, qui tamen huius sacramenti participes fuerunt, cur non credamus etiã in ceteris hac, atque illac gentibus aliàs alios fuisse, quamuis eos commemoratos in eisdem auctoritatibus non legamus? Ita salus religionis huius, per quam solam vera salus veraciterq. promittitur, nulli vnquam defuit, qui dignus fuit, & cui defuit, dignus non fuit, & ab exordio propagationis humanæ, usque in finem, quibusdam ad præmium, quibusdam ad iudicium prædicatur. Ac per hoc, & quibus omnino annunciata non est, credituri præsciebantur, & quibus non credituris tamen annunciata est, & in illorum exemplo demonstratur. Quibus autem credituris annunciatur, hi regno cælorum, & sanctorum Angelorum societati præparantur.

Noua retia, & inusitata piscandi instrumenta, quibus Apostoli vti sunt ad rationales pisces capiendos in gurgite mundi huius. Enarratio ex Io. Chrysof.

Cap. 503.

*Io. Chrysof.
apud Lippo.
to 7. de S.
Andrea.*

V Alidum extitit piscationis rete, quo ad capiendas, & ad Christianam fidem attrahendas gentes vti sunt Apostoli. Sagena enim, qua im- mortales illi mortui vti sunt, nulla temporis obliuione potest intercipi. Non veterascunt tempore illa venationis instrumenta, quæ non humana arte, sed diuina gratia effecta sunt. Quamuis enim piscatores ipsi à nobis excefferint, nullo tamen tempore instrumenta, quibus illi vti sunt, aut sagena, qua mundum ipsum comprehenderunt, inueterata est. Qui cum rete iaciunt, & extrahunt, non videntur, & tamen illorum retia plena conspiciuntur. Non arundinem illam possederunt, quam tempus corrumpit. Non linum in aqua demiserunt, quod vetustate putrescit. Non hamum fabricarunt, quem rubigo consumit. Non escam in hamo posuerunt, qua pisces caperent. Non in petra consederunt, quæ vndis quatitur. Non in scapha nauigarunt, quam dissoluit tempestas. Non pisces, hoc est, naturam rationis expertem, expiscati sunt. Sed quemadmodum ars illa, qua vti sunt, admirabilis, ita illorum instrumenta noua, atque inusitata extiterunt. Nam pro arundine, prædicatione vtuntur, pro funiculo memoria, pro hamo potentia, pro esca miraculis, pro petra cælis, ex quibus huiusmodi piscationem exercent; pro scapha habent altare; pro piscibus Reges etiam ipsos capiunt; pro sagena Euangelium expandunt; pro arte diuinam gratiam adhibent; pro mari vitam humanam tractant; pro retibus Cruce, velut sagena quadam, vti solent.

Quis vnquam vidit à mortuis piscatoribus viuentes homines, tanquam pisces capi? Omagnum Crucifixi potentiam! ò diuinæ dignitatis præstantiam! ò Apostolorum summæ beneficia! Nihil tale in vita esse potest, quale est Apostolicæ gratiæ fastigium. Multa certè vidit humana vita valde admirabilia, & opinionem superantia. Vidit enim sanguinem effusum clamantem, & eundem sine lingua vociferantem, ac naturam propter inuidiam contra se diuisam, fratrem germano fratri mortem inferentem, ac propter inuidiæ liuorem mortis ianuam patefactam. Vidit illam Noë arcam in mundi naufragio positam, & naturæ humanæ interitum. Vidit senem contra propria viscera, hoc est filium, fide armatum, & tanquam victimam eum offerri, qui cæsus non est. Vidit benedictiones furto conciliatas, & formatoris Dei, ac serui palæstram. Vidit inuidiam inter fratres exortam, & seruitutem regni reconciliatricem. Vidit somnijs paratum solium, & fratris insidiatores fame attractos. Vidit virgam miraculorum effectricem, & rubum igne, tanquam rose, circumfusus. Vidit legumlatorem Moysen elementis imperantem. Vidit vndas iplas, tanquam lapides, solidas factas profundum mare denudatum, viam repente structam, & columnam nubis in die, ac ignis in nocte populorum multitudini ducem ostensam. Vidit virginem sine terra germantem. Vidit è cælo panis loco manna fundi. Vidit hominis oratione solem, tanquam fræno quodam, sili; & sterilibus precibus impetratum

tratum, ut ipsa Prophetam conciperet. Vidit farinæ pugillum frugibus copiosorem, & lecythum olei fontibus abundantiorum. Vidit currum in aëre agitari, & Prophetam assumi. Vidit denique mortui ossa vitæ remedium fieri. Multa talia magna, & admirabilia vidit hominum, vita. Sed illa, tamquæ fœnum præterierunt, & extincta sunt, ut lucerna exorto sole. Nihil tale vnquam fuit, quale fuerunt Apostoli. Hi, cum verbi Dei essent ministri, attrectarunt incarnatum illum, qui, ut Deus, figuram non habet. Secuti sunt ambulantes eum, qui ubique præsens est. Discubuerunt vnâ cum illo, qui nullo loco circumscribitur. Eius vocem audierunt, qui verbo fecit omnia. Mundum ipsum lingua, tanquam sagena quadam, concluderunt. Circumierunt suis cursibus fines orbis terrarum. Errores, & zizania eradicarunt. Aras, ut spinas quasdam, amputarunt. Idola, tanquam feras interfecerunt. Dæmones, ut lupos profugarunt. Ecclesiam, ut gregem quemdam collegerunt. Orthodoxos, tanquam frumentum, congregauerunt. Hæreses, ut paleas, proiecerunt. Iudaismum, tanquam fœnum, arefecerunt. Græcorum sectam, tanquam stipulas quasdam, igne combusserunt. Humanam naturam Cruce ipsa, tanquam aratro quodam, excoluerunt, & verbum Dei, ut sementem quandam, sparserunt. Ad summam omnia illorum facta, tanquam sydera quædam effulserunt. Quamobrem clara voce illis dicebat Dominus: Vos estis lux mundi. Si quidem orientem habet Christianus homo illum, qui è Virgine natus est; diluculum habet eum, qui baptismatis parens fuit; splendorem habet Christi Crucifixi gratiam; radios admirabiles illas linguas; diem, futurum illud seculum; meridiem, tempus, quo in Cruce ipsa mansit Dominus; occidentem, sepulchri habitationem; vesperam, breuem illam mortem; solis fulgorem, resurrectionem à mortuis. Vos estis lux mundi. Intuere astra hæc, & illorum splendorem obstupece.

Erant igitur nuncij Dei Apostoli diuini, peragraturi mundum, sicut Gigantes ad currendam viam, & à summo Deo egressio eorum, & sicut sponsi virtutibus ornati, & spiritu decorati parati erant exire ex angusto Iudææ thalamo in vastas orbis regiones: inter se autem mensi sunt terram, & partiti sunt orbem, ut calcarent eam pedibus speciosis, & Christo Regi subijcerent, & esset ibi regnum eius in sempiternum.

De destinatione Petri ad primam Orbis Urbem, quæ imperio, & armis, & diuitijs elata, pede pauperis Petri conculcata est, & tugum fidei recepit. Cap. 504.

Igitur ad totius mundi Principem ciuitatem Princeps Apostolorum mittitur, & ad primariam Urbem orbis Pastor iure dirigitur, de quo hæc S. Leo: Cum duodecim Apostoli accepta per Spiritum sanctum locutione linguarum, imbuendum Euangelio mundum distribatis sibi terrarum partibus suscepissent, Beatissimus Petrus Princeps Apostolici ordinis ad arcem Romani destinatur imperij, ut lux veritatis, quæ in omnium gentium reuelabatur salutem, efficacius se ab ipso capite per totum mundi corpus effunderet. Cuius autem nationis homines in hac Vrbe non essent, aut quæ vsquàm gentes ignorarent, quod Roma didicisset? Hic cōculcandæ philosophiæ opiniones, hic

*Leo ser. 1.
i nat. Apo-
stol.*

hic dissoluendæ erant terrenæ sapientiæ vanitates ; hic confutandi Dæmonis cultus ; hic omnium sacrilegiorum impietas destruenda , vbi diligentissima superstitione habebatur collectum , quicquid vsquam fuerat vanis erroribus institutum . Ad hanc erga Urbem tu , beatissime Petre , venire non metuis , & consorte gloriæ tuæ Paulo Apostolo , aliarum adhuc Ecclesiarum ordinationibus occupato , sylvam istam frementium bestiarum , & turbulentissimæ profunditatis Oceanum , constantior , quàm cum supra mare gradereris , ingrederis . Nec mundi Dominam Romam times , qui in Caiphæ domo expauperas sacerdotis ancillam . Numquid autem iudicio Pilati , aut seditia Iudæorum minor erat , vel in Claudio potestas , vel in Nerone crudelitas ? Vincebat ergo materiam formidinis vis amoris , nec æstimabas terrori cedendum , dum horum saluti consulis , quos susceperas alendos . Nunc ergo intrepidæ charitatis affectum iam tunc profectò concepimus , quando professio tui amoris in Dominum ternæ interrogationis est solidata mysterio , nec aliud ab hac mentis tuæ intentione quaesitum est , quàm ut pascendis eius , quem diligeres , ouibus cibum , quo ipse eras opimatus , impenderes . Augerant quoque fiduciam tuam tot signa miraculorum , tot dona charismatum , atque experimenta virtutum . Iam Populos , qui ex circumcisione crediderant , erudieras , iam Antiochenam Ecclesiam , vbi primum Christiani nominis dignitas est orta , fundaueras ; iam Pontum , Galatiam , Cappodociam , Asiam , atque Bythiniam legibus Euangelicæ prædicationis impleueras : nec aut dubius de prouectu operis , aut de spatio tuæ ignarus ætatis trophæum crucis Christi , Romanis Arcibus inferebas . Hæc Leo , & Arnobius in illud Psalmi : Posuit terram in saluginem , hæc ait : Sed per Petrum in salugine litterarum positam Romam fecit eum fructum afferre , & infra . Posuit desertum ab aquis , quæ peccata lauant : Posuit in stagna aquarum : Abundant aquæ baptismatis ; Martyrum poenitentia : eleemosynarum abundantia in deserto isto , quod ante Petri aduentum siccum fuit , & aridum , hoc nunc excultum est , cum constitueretur in eo ciuitas Ecclesiæ , in qua quotidie seminantur agri , & plantantur vineæ , ut fiant fructus natiuitatis , quos benedixit Deus , & fecit , ut multiplicarentur . Hæc Arnobius de institutione Ecclesiæ Romanæ facta per Petrum .

De migratione Ioannis in Asiam , qui Virginem Mariam Ephesum duxit , vbi illa habitauit . Cap. 505.

*AA. Ephes.
10. 2. c. 26.
edit. Peliæ.*

Ioannis autem Zebedei filius , frater Iacobi , migravit in Asiam , minorem scilicet , easque prouincias , in quibus & Petrus Euangelium prædicauerat , & Ecclesias complures erexerat , predicatione Euangelicæ veritatis excoluit . Vnà vero cum Ioanne profectam esse sanctissimam Dei genitricem Mariam Virginem , & Ephesi apud eum habitasse , epistola synodica sacrosancti Concilij Ephesini ad Clerum Constantinopolitanum data non obscure ab illo sancto Episcoporum cætu significatur , dum illic agitur de damnatione Nestorij his verbis : Quare & Nestorius impiæ hæreseos instaurator in Ephesiorum Ciuitate , quam Ioannes Theologus , & sacra Virgo Deipara Maria quandoque incoluerunt , constitutus , à sanctorum Patrum , & Episcoporum cætu ultrose ipsum abalienans , malæque conscientia reatu impeditus ad illum sese

sefe adiungere non audens, post trinam citationem sacrae Synodi sententia, diuinoque sanctorum Patrum iudicio condemnatus, omniq. sacerdotali dignitate exutus est.

De profectioe vero Ioannis in Asiam meminit Origenes, Eusebius, Gregorius Nazianzenus, Ioannes Chrysostomus, qui & ait: Corpore autem habitauit Asiam, ubi antiquitus omnes Philosophorum sectae philosophatae sunt: idcirco is locus Dæmonibus obnoxius est, & admodum formidabilis. In medio autem inimicorum clauit illorum fugata caligine, arcem euertit quam munitissimam; complures ibi erexit Ecclesias, quarum sic meminit Tertullianus: Habemus & Ioannis alumnas Ecclesias. Septem enim illae in Asia posita, quarum ipse meminit in Apocalypsi, ab eo fundatae traduntur: nimirum Ecclesia Ephesi, Smyrnae, Pergami, Thyatirae, Sardis, Philadelphiae, Laodiceae. Sed quod pertinet ad Ecclesiam Ephesinam, à Paulo fundatam, à Ioanne curatam esse, auctor est Irenaeus. Porro res ab eo gestas in Phrygia, ac praesertim Hierapoli, ubi permansit usque ad Philippi aduentum, recitat Metaphrastes. Ceterum Ioannem non semper in Asia permansisse, sed, & alias Orientis regiones Euangelium praedicando peragrassse, multa sunt testimonia. Ad Parthos enim ascendisse titulus suae primae epistolae, quae olim ad Parthos inscripta legebatur, facile monstrat. Sed adhuc vltiores Orientis partes penetrasse, & Bassoras Christiana fide imbuisse, habetur certa, & fide digna relatione religiosissimorum patrum Societatis Iesu, qui nostris temporibus ad Indos Euangelicae praedicationis causa profecti, haec ex eiusdem Populi à maioribus accepta traditione didicerunt. Haec de Ioanne.

De Iacobo autem nihil est, quod dicendum sit: quem ante profectioem Apostolorum ad gentes, ab Herode Agrippa constat esse necatum.

De missione Andreae in Graciam, & alias Prouincias.
Cap. 506.

Andreas, qui sequitur ordine, ad Scythas missus traditur ab Origene, & ab Eusebio in Graciam; inde vero descendisse, & in Epirum venisse testatur Gregorius Nazianzenus, atque Chrysostomus: Iuniorum Graecorum Nicephorus, haec de Andreae peregrinatione: Sorte, inquit, ea prouincia obligit, ut ad gentes mitteretur, in Cappodociam scilicet, Galatiam, & Bithyniam, quibus peragratim ad eam quoque accessit, quae Anthropophagorum dicitur, & ad Scytharum solitudines ad utrumque Pontum, Euxinum, orasque Septentrionales, ad ipsum quoque Byzantij solum, deinceps Thraciam, Macedoniam, & Euxinum, Prouincias sortitus Bizantij Christum praedicauit: & cum à Zeuzippo tyrannidem ibi tenente ad necem quzeretur, Argiropolim transiit, atque ibi biennium conuentus agens, permultos ad Christi fidem perduxit. Ceterum sacra in eo loco fundatae, Eustachio Episcopo creato, Synodem conscendit.

Orig. lib. 3.
in Gen.

Euseb. hist.

lib. 3. c. 1.

Greg. Naz.

ad Asian.

Io. Chrys. in

12. Ap. &

h. 1. in 10.

Tertul. li. 4

con. Marc.

Iren. lib. 3.

c. 2. f.

Metaphr.

die 5. Sept.

Ex litteris

ab ipsis scri-

ptis anno

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

Do. 1555.

De profectione Philippi in Asiam superiorem, & alia loca.

Cap. 506.

Niceph. l. 2.
cap. 39.
Metaph. dia
15. Noueb.
Chrys. hom.
de 12. Apo.

Philippus, quintus ordine, Asiam superiorem Euangelio traditur excoluisse, demum Hieropoli annos natus octoginta septem Martyrium subiisse. quod & Ioannes Chrysostomus tradit, eundemq. aliquam partem Scythiae peragrasse, & una cum Bartholomaeo aliquo temporis spatio Euangelium annuntiasse ferunt.

De profectione Thomae ad Indos, & alias nationes.

Cap. 507.

Orig. 3. gen.
l. 3.
Euseb. l. 3.
c. 1.
Greg. Naz.
homo i. Arian.
Chrys. ho.
in 12. Apo.
Theodoret.
de verit.
Euag. l. 9.
Niceph. lib.
2. c. 40.
Apud Chrys.
ost. hom. 2.
in Math.
ope. imperf.
Apud Hieron.
de scrip.
Oecum. in
Act. Apost.
Ofor. hist.
lib. 3.
Chrys. hom.
de 12. Apo.
Sophro. apud
Hieron. de
scrip. Eccl.
Orig. in Gē.
lib. 3.
Socras. li. 1.
c. 15.
Euseb. li. 5.
c. 10.
Hieron. de
scrip. Eccl.
in Pantano.

Thomas Apostolus in primis ad Parthos profectus est, ut auctor est Origenes, & Eusebius. Eundem Indos penetrasse tradit Gregorius Nazianzenus. In Aethyopiam quoque perrexisse testatur Ioannes Chrysostomus, cum ait: Thomas dealbat Aethyopas. Thomae adscribitur, quod ait Theodoretus, Parthos, Persas, Medos, Brachmanos, Indos, aliasq. nationes finitimas Christi Euangelium suscepisse. Ad Taprobanam quoque insulam venisse Nicephorus tradit. Sunt alia incerti Auctoris, tamen Ioannis Chrysostomi, sed falso quidem nomine insignita, quibus fertur, Thomas tres illos magos, qui Christi praesepe adiere, baptismo initiasse, ac socios in predicatione Euangelij secum duxisse. Id ipsum quidem apud Sophronium æquè legitur, & alios. Qui apud Indos reperti sunt Christiani in regione Narsingensium, firma, certa, traditione affirmant Thomam Apostolum in illis Regionibus Euangelium praedicasse, Ecclesias erexisse, ac cetera, quae ad Christianorum institutionem pertinent, consummasse. Id ipsum profiteri qui in India regione Cnranganore, & alijs adiacentibus locis agunt, Oforius Siluenfis Episcopus, qui res Indicas luculentissimè scripsit, testatur.

De profectione Bartholomaei in Armeniam maiorem, & citeriorem Indiam.

Cap. 508.

Chrys. hom.
de 12. Apo.
Sophro. apud
Hieron. de
scrip. Eccl.
Orig. in Gē.
lib. 3.
Socras. li. 1.
c. 15.
Euseb. li. 5.
c. 10.
Hieron. de
scrip. Eccl.
in Pantano.

Bartholomaeus in Maiorem Armeniam profectus, Lycaonas eius Prouinciae Populos veritatem Euangelicam docuit, & ad pietatem instituit, ut est auctor Chrysostomus. Albanos insuper fide Christiana imbuisse tradit Sophronius; citerioremq. Indiam penetrasse Origenes testatur; id ipsum Socrates quoque, & alij. Certam fidem de his fecit Panthenus Philosophus Christianus, qui peregrinatus ad Indos memoriam de Bartholomaei predicatione virentem adhuc reperit; quin & Matthaei Euangelium ab ipso, antequàm illuc proficisceretur, descriptum, ibi inuentum, ac acceptum secum detulit, cum Alexandriam redijt. Id Eusebius, Hieronymus, & alij recentiores, qui à praedictis acceperunt, affirmant.

De profectione Matthaei in Aethyopiam.

Cap. 509.

Socras. lib.
1. c. 15.
Orig. in
Gen. lib. 3.

Matthaeum ad Aethyopiam missum esse, auctor est Socrates ex Origene qui id ipsum tradit.

De

De ordinatione Iacobi in Episcopum Hierosolymorum.

Cap. 510.

Iacobus Alphæi, frater Domini, idemq. Iustus dictus, non legitur in externas profectus esse Prouincias, sed qui Hierosolymorum creatus esset Episcopus, ne Iudæi, quorum causa munus illud susceperat, omnino derelicti haberentur, in loco consistere, nec sicut ceteri ad gentes in diuersas Orbis partes abire permissus est. Tanta eum, eamq. conspicua sanctitate effulisse tradunt, ut quamuis Iudæorum Magistratus in certos sequirent Apostolos, ipsi tamen nullum negotium facerent, sed honore potius prosequerentur. Id quidem non tantum Egesippus, Apostolorum temporibus proximus, sed & Iosephus Iudæus testatur, dum ait, tanta eum apud omnem Populum æstimatione claruisse, ut propter illatam ei necem existimauerint Hierosolymam excisam, & Iudaicum populum acerbissima omnium clade afflictatum esse.

*Egesippus
apud Euse.
lib. 2. c. 22.
Ioseph ant.
lib. 20.*

De profectioe Simonis Chananæi in Mesopotamiam, Persidem, Aegyptum, Africam, & alia loca.

Cap. 511.

Simon Chananæus, qui & Zelotes reperitur dictus, quem & Iudam etiam nominatum esse Hieronymus sæpè testatur, in Mesopotamiam profectus, Populis illis Euangelium annunciauit. In Persidem etiam tandem abiisse tradunt: Addunt alij Aegyptum, Africam, & Britanniam, ut Nicephorus, & Dorotheus.

*Hieron. in
epist. ad Ga
lat. c. 4. &
con. Helui.*

De profectioe Thadæi in Mesopotamiam, Arabiam, Idumæam, & alias Regiones.

Cap. 512.

Iudas vero, qui & Thadæus est dictus, & ipse in Mesopotamia Euangelium prædicasse dicitur, multa. egisse in Arabia, & Idumæa, alijsq. adiacentibus regionibus.

*Niceph. his.
l. 2. cap. 4.*

De profectioe Matthiæ in Aethiopiam post Iudam.

Cap. 513.

Matthias tandem, qui in locum Iudæ est subrogatus, in Aethiopiam post Iudam Euangelij causa profectus esse traditur, ut asserit Sophronius, & Nicephorus.

*Sophro. apud
Hieron. de
scrip. E. cl.
Niceph. lib.
2. c. 40.*

De mirabili, & indiuidua unitate Ecclesiæ.

Cap. 514.

Porrò licet omnes ab Apostolis Ecclesiæ institutæ eo sensu Apostolicæ dictæ sint, ut Ephesiorum, Corinthiorum, Thessalonicensium, & aliarum ferè innumerarum, & secundum ea, quæ ab eodem Auctore dicta sunt, & ceterarum, quæ à prædictis sunt propagatæ, etiam Apostolicæ dici debeant; tamen eiusdem sententia, quod Ecclesia una est, Apostolicam etiam vnā esse.

A a a

con-

confiteri necesse est, quæ cum sit toto Orbe diffusa, optimè diuino consilio prouisum est, ut alicubi eius caput certo loco consistat, ne cum de fide, alijsue rebus ad statum religionis Christianæ spectantibus oboritur contro- uersia, in multas scindi, quæ unitatis compagine iuncta vnà erat, necesse sit. Si igitur ex Apostolicis omnibus vna est confluenda, atque vna Ecclesia demonstranda; eam non alterius esse posse, quàm eius, qui inter Apostolos primum gerebat, nemo non videt, nisi qui propria malitia excæcantur, & offunduntur tenebris, & quod est in Psalmis, oculos habent, & non vident.

*Cyprian. de
unit. Eccl.*

Ecce quàm planè, quàm distinctè hæc omnia suggerit Cyprianus. Hoc erant utique, & ceteri Apostoli, quod fuit Petrus, pari consortio præditis hono- ris, & potestatis, sed exordium ab unitate proficiscitur. Primatus Petro da- tur, ut vna Christi Ecclesia, & vna Cathedra monstraretur. Et pastores sunt omnes, sed grex ostenditur, qui ab Apostolis omnibus vnanimi consensione pascatur: quam vnâ Ecclesiam etiam in Cantico Canticorum Spiritus san- ctus ex persona Domini designat, & dicit: Vna est columba mea, perfecta mea, vna matri suæ, electa genitrici suæ. Hanc unitatem, qui non tenet, te- nere fidem credit? Qui Ecclesiæ renititur, & resistit, qui Cathedram Petri, super quam fundata est Ecclesia, deserit; in Ecclesia se esse confidit?

Cant. 6.

Epl. 4.

quando & beatus Paulus Apostolus hoc idem doceat, & sacramentum uni- tatis ostendat dicens: Vnum corpus, & vnus spiritus, vna spes vocationis vestræ, vnus Dominus, vna fides, vnum baptisma, & vnus Deus. Quam unitatem firmiter tenere, & vindicare debemus, maxime Episcopi, qui in Ec- clesia præsidemus, ut Episcopatum quoque ipsum vnum atque indiuisum probemus. Nemo fraternitatem mendacio fallat, nemo fidei veritatem per- fida præuaricatione corrumpat: Episcopatus vnus est, cuius à singulis inso- lidum pars tenetur. Ecclesia quoque vna est, quæ in multitudinem latius incremento fecunditatis extenditur; quo modo Solis multi radij, sed vnum lumen, & rami arboris multi, sed robur vnum tenaci radice fundatum: & cum de fonte vno riui plures defluunt, numerositas licet diffusa videatur ex- undantis copię largitate, unitas tamen seruetur in origine. Auelle radium Solis à corpore, diuisionem lucis unitas non capit: ab arbore frange ra- mum, fructus germinare non poterit: à fonte præcide riuum, præcisus are- scet: sic & Ecclesia Domini luce perfusa, per Orbem totū radios suos porri- git, vnum tamen lumen est, quod vbiq; diffunditur; nec unitas corporis se- paratur, ramos suos in vniuersam terram copia vbertatis extendit: Profluē- tes largiter riuos latius expandit, vnum tamen caput est, & origo vna, & mater vna, fecunditatis successibus copiosa: illius sætu nascimur, illius lacte nutrimur, spiritu eius animamur. hæc, & alia Cyprianus.

Sed tenebrarum Princeps, lucis inimicus, videns diuinæ veritatis auroram iam incepisse per Mundi partes luceſcere, timens ne forsan ad Reginam Vr- bium Romam, præclarissimū lumen pertingeret, & inde postea ad Orbis cir- cumferentias reflecteretur, deduxit illuc noctis ministrum scelestissimum Si- monem Magum, Samaritanum, oratorum quotquot erant in mundo Ma- gorum peritissimum, qui sicut nubes quædam turbida & procellosa Orien- ti cælitis lumini sese opponeret, & æternam faceret eclypſim.

Simo-

Simonem Magum, Samaritanum, Diabolus ad Romanam Urbem decipiendam perducit; ad quam conuertendam profecturus erat Petrus. Cap. 515.

Cum fides in seruatores, & Dominum nostrum Iesum Christum, inquit Eusebius, ubique ad omnes homines iam dimanare cœpisset, Satan humanæ salutis hostis, Urbem, quæ propter Imperij decus ceteris omnibus dominata est, priusquam fidem Christi reciperet, astute præripere, præoccupare. molitus, eò Simonem Magum, de quo infra plura dicuntur, quasi manu deducit, atque callidis illius præstigijs opem ipse ferens, complures, qui Romæ domicilia rerum suarum collocassent, in errorem inductos suo addixit obsequio. Declarat hoc quidem Iustinus, qui non longè post Apostolorum tempora vixit, quique multum nostræ religionis excelluit disciplina. In Apologia enim, quam ad Antoninum pro religione Christiana scripsit, hæc habet: Post Domini in cælum Ascensionem homines quidam Dæmonū impulsu incitati, se ipsos Deos esse dixerunt, quos quidem vos non supplicio coercuistis, sed amplis decorastis honoribus; ex quorum numero fuit Simon quidam Samaritanus, ortus è vico, qui dicitur Gichon, qui Claudij Cæsaris temporibus, per astutiam dæmonum, vim suam in eius animo exercentium, Romæ omnium ciuitatum facilè principi, magicas virtutes, & portenta edens, pro Deo habitus est; & statua apud vos donatus, quæ inter duos Pontes super fluuium Tyberim exstructos, erecta est, hancq. inscriptionem Latinis litteris expressam habet, SIMONI DEO SANCTO.

*Euseb. hist.
lib. 2. c. 12.
13. 14.*

*Iustin. Apo-
log. ad An-
tonin.*

Quin etiam Samaritani prope omnes, non pauci quoque ex alijs gentibus, eum tamquam præcipuum Deum confitentes, magna reuerentia obseruant. Itemq. Helenam quandam (quæ antea apud Tyrum Phænicæ meretricio quæstui seipsam prostituisset) comitem eius per idem tempus assiduam, velut primam mentem ex Simonis sinu elapsam nuncupant. Hæc ille. Cum hoc consentit etiam Irenæus in 1. lib. contra Hæreses, qui & viri impietatem, & scelestam eius doctrinam pariter describit. Quam hoc loco commemorare, esset prope superuacaneum, præsertim cum ijs, qui non illius solum, verum etiam aliorum omnium hæreticorum ortus, qui post eius tempora primas erroris partes obtinuerunt, viuendi etiam rationes, falsorum dogmatum causas, deprauatos & perditos singulorum conatus accurate cognoscere desiderant, ea sanè apud Irenæum reperiet.

*Iren. cont.
hæres. lib. 1.
c. 20.*

Simonem igitur primum cuiusque erroris auctorem, & quasi caput extitisse accepimus: ex cuius temporibus hætenus, qui sectam & hæresim ab eo tractam prosequuntur, modestam & grauem Christianam religionem ac doctrinam, quæ propter integram puramq. viuendi rationem ex ea formatam, ab omnibus pleno ore celebratur, amplecti callide & astute prætexunt, & dum vana superstitione, quæ in simulacris colendis sita est, immunes, & liberi videri volunt, eiusdem laqueis nihilominus se ipsos irretiunt, nam coram pictura & imaginibus, tum ipsius Simonis, tum Helenæ (de qua ante à nobis, cum de illo loquebamur, mentio facta est) prostrati, odoribus incensis, victimis, & libamentis eos venerari sedulo pergunt. Quot autem apud huius sectæ æmulos, hisce secretiora, magisq. arcana putantur,

Aaa 2 &

& quibus quemq. primum, ut auribus acceperit, penitus attonitum reddi, vel potius ut verbo quodam utar, qui est apud illos scriptis proditum, oraculiq. loco usurpatum *ὑπερδιδοῦναι*, idest, admiratione quadam obstupescere aiunt, ea eiusmodi planè sunt, & tam plena reuera stuporis, amplexus & insanix, ut videantur non modo non honeste posse scriptis tradi, sed ne ore quidem propter insignem turpitudinem, & obscœnitatem, à viris modestis aliquando sine scelere efferri. Nam quodcumque aliquando omni flagitio scelestis & improbis in cuiusquam cognitionem cadere possit, hæc detestabilis, & maxime pestifera hæresis illorum, qui mulierculas miseras omni vitiorum genere cumulas turpiter, & flagitiose ludificantur, longissimèq. superat.

Quamquam vero talium, & tam nefandorum scelerum procreatorem, & architectum Simonem, eo tempore tamquam acrem præclarorum, & diuinorum Seruatoris nostri Apostolorum aduersarium, nequam & improba diaboli potentia (quæ omni honestati infecta est, quæque humanæ saluti euertere occultas semper parat insidias) de industria excitauit: diuina Dei, & cælestis gratia, quæ ministris suis perpetuo opitulatur, per illorum piorum hominum aduentum, & præsentiam Satanæ faces in humanum genus accensas, intenasquæ, summa cum celeritate restinxit, atque omnem arrogantiam, altosq. spiritus, qui se contra Dei cognitionem insolenter extulissent, per illos repressit, atque adeo è medio sustulit. Quapropter neque impia Simonis contra Christum coniuratio, neque alterius cuiuspiam eorum, qui tùm in lucem prodierunt, Apostolorum temporibus se sustentare poterat. Nam illustre veritatis lumen, & diuinus ille sermo, qui modo, (Dei aspirante numine) in humanum genus splendorem suum effuderat, inque terris quasi pubescens viguerat, & cum proprijs ac suis Apostolis versatus erat, omnes id genus conatus strenuè euicit, profligauitq. Etenim, ut exemplo rem illustremus, præstigiator ille, quem antea posuimus, velut à diuino, & admirabili fulgore oculis mentis penitus perstrictus extemplo (cum iam antea in illis sceleribus, quæ nefarie & perditè consciauerat, à Petro Apostolo, in Iudæa manifeste deprehensus fuisset) longissimum iter terra, mariq. instituens, ab Oriente ad Occidentem vsque, quasi profugus vagatus esset, istumquæ viuendi modum solum sibi ex sententia fore arbitratus, sic tandem ad Urbem Romam profectus, cum iam ibi diabolica vis, & potentia ad hominum perniciem assidue excubans, magno subsidio illi veniret, breui suum institutum eò vsque perduxit, ut ab illis, statua in eius venerationem erecta, honoraretur ut Deus. Ceterùm ista non ad longinquum temporis spatium ex sententia illi processerunt. Nam è vestigio sub ipso Claudij Imperio, benigna & propitia Dei, totius huius vniuersitatis rectoris, erga humanum genus prouidentia, fortem ac præpotentem, & reliquorum omnium Apostolorum propter virtutis amplitudinem faciliè principem, Petrum, Romam versus, ad eiusmodi pestiferam vitæ humanæ corruptelam delendam quasi manu deduxit. Qui quidem, utpote generosus, & strenuus Dei Dux, diuinis armis obtectus, munitusq. eximiam & pretiosam tamquam mercaturam veri luminis mente sola comprehensi, ab Oriente ad Occasum vsque deportauit, ipsamq. Regni Cælorum prædicationem, cælestem scilicet lucem, & salutarem animorum doctrinam palam diuulgauit.

Sic

*Euseb. lib. 2
c. 13.*

Sic ergo cum diuinus sermo iam ad Romanas peruenisset, vesana Simonis potentia extincta est, & homo ipse actutum vnà penitus profligatus. Hæc Eusebius: cui similia sunt, quæ scribit S. Hieronymus, cum ait: Simon Petrus &c. secundo Claudij anno ad expugnandum Simonem Magum Romanam pergit. Metaphrastes ea de re scribens, sanctum Apostolum eiusmodi iter diuina reuelatione aggressum esse tradit, dum ait: Visus est ei Dominus in visione dicens: Surge Petre, vade ad Occidentem: opus enim habet ut tuis illustretur facibus: & ego ero tecum,

*Hieron. de
scrip. Eccl.
c. 1.
Metaphr.
29. lxxx.*

De Statua Simonis. Cap. 516.

Cum actum sit de Statua inter duos Pontes (nimirum in Insula Tyberina, quæ & Aesculapij dicta est) Simoni titulo diuinitatis dicata, opportunè occurrendum putamus quorundam virorum, eruditorum tamen, de ea re dubitationi, in quorum mentes irrepsit aliquando scrupulus, an quæ à Iustino, ac ceteris Patribus de Statua Simoni ibidem loci dicata, sunt dicta, vere subsistant ac veritati innituntur? Ut autem res adeo antiqua, tot tantorumq. scriptorum illustrata ac probata testificatione, reuocaretur in dubitationem, eiusmodi præcessit occasio. Ante annos puto quinque, Gregorio XIII. Rom. Pontifice in eadē Insula Tyberina è ruderibus lapis est effossus, tali inscriptione notatus, seruatur hætenus idem in Horto Religiosorum Mendicantium in eadem Insula posito.

*Baron. an.
44.*

SEMONI SANGO DEO FIDIO SACRVM SEX.
POMPEIVS. S. P. F. COL. MVSSIANVS QVINQVEN.
NALIS DECVR. BIDENTALIS DONVM DEDIT

Præferebat lapis ipse basim, super quā Statua locata esset, sed exigua, nec enim cum valde angusta sit, capax fuisse videtur alicuius simulachri humanæ statutz similis: ex hac igitur inscriptione, tali loco reperta, dubitatio eiusmodi animos illorum pulsauit; num nominis similitudine Iustinus sit lapsus, ut Simoni Mago dedicatum esse simulacrum existimarit, quod Semoni Sango Deo fidio legebatur inscriptum. Sed antequam vterius progrediamur, ut hæc elucidemus, aliqua ad explicationem eiusmodi inscriptionis afferamus.

Quinam fuerint dij Semones, ex Varrone Fulgentius sic explicat: Semones dici voluerunt Deos, quos nec czlo dignos adscriberent ob meriti paupertatem, sicut Priapus, Hipporea, Vertunnus; nec terrenos eos deputare vellent, pro gratiæ veneratione, sicut Varro in Mystag. ait: Semoneq. inferius derelicto, Deum depinnato attollam orationis eloquio. hæc Fulgentius. Sango vero Sabina lingua Hercules dicebatur, ut Auctor est idem Varro, idemq. in antiquis lapidibus Sancus scriptus reperitur, sicut & in inscriptione Reatina.

*Fulgen. de
prisc. ser.*

*Var. de lig.
Lat. lib. 4.
Prop. lib. 4.
de Herc. in
sen.*

SEMIPATRI SANCO. & Propertius:

Sic Sancum Tatiz composuere Cures. & Ouidius:

Quærebam Nonas, Sango Fidio ne referrem.

Legimus & inscriptionem lapidis nuper reperti in Quirinali, in hortis Cletricorum Regularium, apud ecclesiam sancti Syluestri, his litteris exaratam, qua Sangum dici, & distinctum esse Sangum à Sancto, quo nomine etiam Herculem dictum volunt, facile potest intelligi

SANGO SANCTO SEMON
DEO FIDIO SACRVM
DECVRIA SACERDOTVM BIDENTALIVM
RECIPERATIS VECTIGALIBVS

Ge. li. 16. Sed de Sacerdotio Bidentalium, consule Gellium : de ara erecta Romæ Semoni Sango meminit Dionysius Halicarnassæus, cui numini (ait Verrius)
c. 6. propter viam fit sacrificium, quod fit proficiscendi gratia, in quo mos erat, ut si quid ex epulis superfuisset, igne consumeretur, ut Macrobius admonet.
Dionys. li. 8

Ceterum quod ad diluendam concitatam falsam suspensionem pertinet, nulla quidem, vel levis saltem suspicio Iustini animum mouisse potuit, ut vel coniectura aliqua opinaretur Simoni Mago simulacrum illud esse dictum, quod Semoni Sango ea erat inscriptione sacratum : Et ut omittamus dicere de diuersorum nominum differentijs, iam cunctis notissimum erat, neminem inter Deos fuisse recens recipiendum, nisi ex S. C. nec absque eiusdem auctoritate licuisse cuiquam rem sacram facere, statuas vel Aras erigere. Quamobrem cum nec nomen Imperatoris, nec Senatus (ut in ceteris) sed cuiuspiam tantum illius Collegij sacerdotis Magistratu fungentis, donum illud offerentis, esset nomen expressum, nulla potuit in Iustini animum suspicio ascendere, ut Simoni Mago in Deorum numerum recepto ea fuerit statua consecrata.

Ad hæc, quoniam pacto, quæso, in his Iustinus decipi potuit, qui non tantum gentilium philosophiæ, sed & ipsorum Theologiæ eruditione non leuiter tinctus, vel mediocriter imbutus, sed egregie excultus, & apprime eruditus erat, ut plane declarant eius Commentarij non modo ad Antoninum Pium, & ad Senatum Romanum, sed ad Gentiles ipsos sermo exhortatorius scriptus ? Sed & quomodo idem ipse non ea de Simone Mago plus certo Romæ diu multumq. versatus explorata habuit, quæ non in angulo, vel coram eis ignaris locutus est, sed ad ipsum Romanum Imperatorem, ac filios Cæsares, nec non Romanum Senatum conscripsit ? Vel quoniam pacto tam aperte testatus, à Senatu populoq. Romano Simonem Deum habitum, & Status honestatum, cum hæc mox subdit ? Quocirca ut sacer quoque Senatus & populus Romanus, vnâ vobiscum postulata hæc nostra cognoscant, petimus ut si quis inter eos doctrinis illius detineatur, vero cognito, fraudem erroris effugere valeat, & Statuarum, si vultis, aboleat. Hæc ipse Iustinus.

Nunc vero dicant velim, qui suspicantur eum de statua Semonis Sangi esse deceptum, nunquid inter duos Pontes tantum, an in vno Urbis loco simulacrum eiusmodi visebatur, cuius cultus & superstitio ab his fere vrbis cunabulis à Sabinis illata, cum nomine creuerat ? certè fuisse etiam in Quirinali eiusdem idoli cultum, secunda, quam posuimus, inscriptio demonstrat. Quid ergo Iustinus vnum ab Imperatore, & Senatu petit abolendum, cum plura in Vrbe essent eiusdem Idola, eodemq. nomine simulacra notata ? Sic enim Romæ creuerat superstitio, ut Dio, de his Claudij temporibus agens hæc dicat. Omnes iam ædes, omnia opera statuarum & donariorum essent plena &c.

Hæc ipsa itaque, & si ad tollendam omnem de ea re suspensionem satis superq. videri possint, adhuc tamen & alia subinferimus. Iam vidimus per Semonem Sangum Gentiles Herculem intellexisse, cuius simulacrum sic
con-

consueuisse effigiari, ut à ceteris dijs distinctum, absque vlla alia inscriptione, ipso solo intuitu facile cuiusnam esset, ab omnibus cognosci posset, omnes credo etiam intelligere. Ceterum non in imagine Herculis, sed Iouis Simonem, & Scortum suum Helenam in Mineræ effigiem formatam adorari solitos, auctor est Irenæus, qui sic ait: Imaginem quoque Simonis habent factam ad figuram Iouis, & Selenæ (aliter Helenæ) in figuram Mineræ, & has adorant. Augustinus eadem in hæc verba. Iouem se credi volebat, Mineruam vero meretricem quamdam Selenem, quam sibi sociam scelerum fecerat, imaginesq. & suam & eiusdem meretricis discipulis suis præbebat adorandas, quas & Romæ tamquam Deorum simulacra, auctoritate publica constituerat, in qua Vrbe beatus Apostolus Petrus eum, vera omnipotentis Dei virtute extinxit. Hæc August. Ex quibus omnis plane suspicio tollitur, ut in imagine Semonis Sangi Dei Fidi, Herculis scilicet, potuerit Iustinus decipi, qui probè nouerat, Simonem Gentilem suum (nam ipse Samaritanus erat) in effigie Iouis coli. Sed de his satis.

Iren. lib. 1.
c. 20.

August. ad
Quodamlibet
deum.

Petri aduentus Romam: ex quo Romani multa bona diuinitus consequuti sunt. Cap. 517.

ANno ab Vrbe condita 795. Tiberius Claudius ab Augusto quartus, regnum adeptus est, mansitq. in eo annis quatuordecim. Exordio regni eius Petrus Apostolus Domini nostri Iesu Christi, Romam venit, & salutem cunctis credentibus fidem fideli verbo docuit, potentissimisq. virtutibus approbavit. Atque exinde Christiani Romæ esse cæperunt. Sensit hoc collatum fidei suæ Roma beneficium. Nam cum interfecto Caligula multa de abrogando imperio, ac republica in antiquum ordinem restituenda, euerrendaq. penitus Cæsarū vniuersa familia Senatus, & Consules decreuissent: Claudius mox, ut confirmavit Imperium, magna, atque adhuc Romæ incognita vsus clementia, ne in tantam nobilium multitudinem ultio, si esset accepta, exiret, biduum illud de quo Reipub. statu infeliciter consultatum, actumq. fuerat, memoriæ exemit, omniumq. factorum, dictorumue in eo veniam, & obliuionem in perpetuum sanxit. Ita illam præclaram, & famosam Atheniensium Amnestiam, quam quidem Romæ inducere Iulio Cæsare interfecto Senatus, Cicerone suadente, tentauerat, sed Antonio, & Octauiano propter ultionem extincti Cæsaris irrumpentibus, in irritum cesserat; hanc Claudius, quamuis multo truculentiore causa in eadem conspiratorum stimularetur, vltroque clementia, nullo expetente firmavit. Accidit etiam eodem tempore, præsentis gratiæ Dei grande miraculum: siquidem Furius Camillus Scribonianus Dalmatiæ Legatus, bellum ciuile molitus, legiones multas, fortissimasq. ad sacramenti mutationem pellexerat. Itaq. die dicto, ut in vnum vndique ad nouum Imperatorem conueniretur, neque Aquilæ ornari, neque conuelli quoquomodo signa, moueriue potuerunt. Exercitus tanta, & tam inusitata miraculi fide motus, & conuersus in poenitentiam, Scribonianum quinto statim die destitutum interfecit, seseq. sacramento prioris militiæ continuit. Tristius, ac perniciosus Vrbi Romæ nihil vnquam fuisse, quam bella ciuilia satis notum est. Itaq. propter aduentum Apostoli Petri, & tenera Christianorum germina, vix dum adhuc

Oros. lib. 7.
c. 6.

Dio lib. 60.
Sueton. in
Claud. c. 13
Plin. lib. 3.
ep. 16.

A a a 4 pauca

pauca ad sanctæ fidei professionem erumpentia, hanc exorientem Tyrannidem, & confurgens istud ciuile bellum, neget quisquam diuinitus esse compressum; qui præteritis temporibus de compressione bellorum ciuiliū simile probarit exemplum? Claudius quarto imperij sui anno cupiens se vtilem Reipublicæ ostentare principem, bellum vbiq̃, & victoriam vndecunque quæsiuit. Itaq̃ expeditionem in Britanniam mouit, quæ excitata in tumultum propter nō redditos transfugas videbatur, transuectusq̃ in insulam est, quam neque ante Iulium Cæsarem, neque post eum quisquam adire ausus fuerat: ibiq̃, vt verbis Suetonij Tranquilli loquar, sine vlllo prælio, ac sanguine, intra paucissimos dies plurimam Insulæ partem in deditionem recepit. Orcadas etiam Insulas vltra Britanniam in Oceano positas Romano adiecit Imperio; ac sexto, quam profectus erat, mense Romam redijt. Conferatur nunc, si cuiquam placet, insula, & insula, tempus, & tempus, bellum, & bellum, Cæsar, & Cæsar: Nam de fine nihil profero; quoniam hoc foelicissima victoria, illud acerbissima clades fuit, & sic demum Roma cognoscat per eius latentem prouidentiam in augendis rebus antea se partem foelicitatis habuisse, cuius agnitione suscepta, plenissima foelicitate perfruitur, in quantum non tamen blasphemiarum offendiculis deprauatur. Eodem anno imperij eius, fames grauissima per Syriam facta est, quam etiam Prophetæ pronuntiauerant, sed Christianorum necessitatibus apud Hierosolymā conuectis ab Aegypto frumentis, Helena Adiabenorum Regina conuersa ad fidem Christi largissimè ministravit.

*Ioseph. ant.
lib. 20. c. 2.*

Anno imperij eius quinto inter Theram, & Therasiam, Insula de profundo emicuit triginta stadiorum spatio extenta. Anno eius septimo, sub procuratore Iudææ Cumano, in Hierosolymis tanta seditio in diebus azimorum exorta est, vt in portarum exitu populo coarctato triginta millia Iudæorū cæde prostrata, & compressione suffocata referantur. Anno eiusdem nono expulsos per Claudium Vrbe Iudæos Iosephus refert. Sed me magis Suetonius mouet, qui ait hoc modo; Claudius Iudæos impulsore Christo assidue tumultuantes Roma expulit. Quod verum contra Christum tumultuantes Iudæos coerceri, & comprimi iusserit, an etiam Christianos simul, velut cognatæ religionis homines, voluerit expelli, nequaquam discernitur. Veruntamen sequenti anno tanta fames Romæ fuit, vt medio foro Imperator correptus à populo conuiijs, & fragminibus panis turpissimè infestatus, ægrè per Pseudotyrum in palatium refugiens furorem excitatæ plebis euaserit. Paruo autem intercedente tempore trigintaquinque Senatores, & trecentos simul equites Romanos minimis causis interfecit: ipse autem manifestis veneni signis est mortuus.

*De Petri, socijs, cum Romam venit, & de locis, quæ pertransijt.
Cap. 518.*

*Baron. An.
47.*

Venisse vnà cum Petro Antiochia Romam, Marcum in primis, qui postea ab eodem Petro acceptum scripsit Euangelium; Apollinarem, qui ab eodem postmodum Rauennati est præfectus Ecclesiæ; Martialem, qui est inde missus ad Gallias; Rufum Capuæ factum Episcopum; Pancratium Tauromenij; Marcianum Syracusis datum Episcopum, & alios cum eis, eorum.

eorundem Acta testantur : licet de Marciano , & Pancratio iam antea , cum adhuc Petrus moraretur Antiochiæ , in Siciliam fuisse missos , Metaphrastes affirmat , cuius etiam testificatione habetur expressum , Petrum in Italiam nauigantem , in Siciliam appulisse .

De ceteris locis , ad quæ Petrus Romam venturus diuertit , nobilia in ijs remanserunt antiquitatis vestigia , sed traditione potius , quàm scriptura firmata . Nam (vt omitamus de singulis dicere , quæ nondum nobis explorata habentur) est Neapoli in Campania percelebris memoria , vbi idem Princeps Apostolorum , cum Neapolim nauigio delatus esset , vnà cum suis , Missam celebrauit . Tradunt insuper , ipsum Neapoli soluentem , vi ventorum delatum esse Liburnum , indequè Pisas proxime positas conscendisse , ibique ex more incruentum sacrificium obtulisse ; quem locum , tantæ rei memoria celebrem , à posteris summo honore habitum esse constat . Inde vero Romam venisse .

De primo Petri hospitio Romæ . Cap. 519.

Cum Romam peruenisset Petrus , antequam Gentilibus Euangelium prædicaret , ad contribules suos diuertisse Iudæos existimamus . Incolebant illi Regionem Translyberinam iam ab Augusti temporibus , vt auctor est Phyllo , cui & Ethnici scriptores consentire videntur , vt Martialis , & alij : cæterum vbi Petrus Euangelium prædicans , Gentilibus Romanis innotuit , non amplius apud Iudæos permissus est agere , sed à Pudente Senatore , qui in Christum credidit , in domum suam exceptus est , quæ erat in Viminali , vbi postea titulus est erectus , Pastoris nomine nuncupatus .

*Philo de leg. ad Caium .
Martialis. li. 2. Epigrā.*

Maiorum firma traditione præscriptum est , domum Pudentis Romæ fuisse primum hospitium S. Petri Principis Apostolorum , illicq. primum Christianos conuenisse ad Synaxim , coactam Ecclesiam , vetustissimumq. omnium titulum Pudentis nomine appellatum , qui item & Pastoris nomine dictus reperitur , hodie vulgo Ecclesia S. Pudentianæ nuncupatur . De Pudentis domo , & titulo in actis Nouati , Pudentianæ , & Praxedis pluribus agitur , mentioq. de eo habetur in Romanis Concilijs , atquè in his præsertim , quæ Romæ sub Symmacho Papa sunt acta .

Baron. ad Mart. Rō.

De Pudente Romano Petri hospite . Cap. 520.

Post mortem Adriani Antoninus cognomento Pius Imperij sceptrum suscepit . Huius temporibus fuit in Vrbe Roma , vir nomine Pudens , genere nobilis , honestate præclarus , cuius Pater vocabatur Punicus Pudens , Mater autem Priscilla , quorum quidem arbitrio mulierem duxerat coniugem nomine Sabinellam , illustribus æquè ortam natalibus , de qua duas suscepit filias (præter Timotheum , & Nouatum) pulchras specie , sed moribus pulchrioribus , Pudentianam scilicet , & Praxedem , & postquam obiit vxor eius , vita Apostolica delectatus , vtpote qui B. Petri Apostoli prædicatione conuersus , & doctrinis eius saluberrimis fuerat informatus .

Ex antiqu. Passion. m. s. nostra Biblioth. & alijs .

De

De Pudente illud certum est, si verum esse dixerimus, quod à S. Petro ad Christi fidem magis perductus sit, quàm à Paulo, cuius forte discipulus, si duos faciamus Pudentes, Pudens Iunior. Rursum Acta: Spreuit mundum cum pompis suis; ieiunijs autem, & eleemosynis, ac peregrinorum susceptionibus vigilanter insistens, plures suo exemplo ad opus simile prouocabat. Adeo namq. in Catholica fidei deuotione seruebat, vt inter ipsa nouellæ Christianitatis primordia, infra domus suæ ambitum Ecclesiam fabricaret, & per manus Sancti Pij Apostolicæ Sedis Episcopi dedicari deposceret, appellans eam titulum Pastoris, ex nomine cuiusdam presbyteri, qui videlicet prudentia præditus, omni domui eius in bonis actibus assistebat. Est enim vsque hodie Romæ locus, qui vicus Patritij appellatur, & S. Pudentianæ vocabulo insignitur.

Pastor autem, de quo supra facta est mentio, ille ipse fuit, qui & Hermas à sanctis Patribus appellatur.

Accidit autem, vt Pudens ægrotaret, & quasi præsciens se viam vniuersæ carnis ingredi, filias suas, vt ad finem vsque vitæ Christo sponso se Virgines seruarent ardentius, quàm vnquam antea monere cepit: cumq. adhuc eas salutaribus disciplinis instrueret, & cælesti sponso, cui eas desponderat, commendaret, in confessione sancta emisit spiritum. Quod audientes Christiani, vnà cum S. Pio Episcopo vndiquè confluerunt, & exequias iuxta traditiones Ecclesiasticas in hymnis, & canticis celebrantes, sepelierunt eum in Cœmeterio Priscillæ via Salaria, iuxta plures Christianæ fidei confessores.

De eodem Pudente ex Romano Martyrologio, & alijs.

Cap. 521.

*Martyrol.
Rom. die
19. Maij.*

DE Pudente hæc habemus in Romano Martyrologio: Ibidem (Romæ scilicet) S. Pudentis Senatoris, patris supradictæ Virginis (Pudentianæ) qui ab Apostolis Christo in baptismo vestitus, innocentia tunicam vsque ad vitæ coronam immaculatè custodiuit.

2. Tim. 4.

De eodem meminit Paulus Apostolus in secunda Epistola Romæ ad Timotheum scripta, in fine, vbi salutationem fidelium subiiciens ait: Salutante Eubulus, & Pudens &c.

*Anno Chr.
59.*

Addit Baronius: Quod ad Pudentem pertinet, hic ille vir est clarissimus Senatorij ordinis, Ciuis Romanus, pater Nouati, atque Timothei, Præxedis, & Pudentianæ Virginum: Huius domus ad radicem Viminalis posita propè Exquilinum patuit omnibus Christianis, vbi & sacræ agebantur Synaxes, conuersaq. deinde penitus in Ecclesiam, eadem Pastoris Titulus dicta est: nam cum domus aliqua publico religioso Christianorum vsui manciparetur, Crucis titulo insignita, ex eo & nomen accipiens, titulus dicebatur. Est de hoc exemplum breuioribus illis, sed plane aureis Pij Papæ epistolis ad Iustum Episcopum Viennensem, in quarum priori hæc de nuper erecto Titulo: Antequam Roma exisses, soror nostra Euprepia (sicut bene recordaris) Titulum domus suæ pauperibus assignauit; vbi nunc cum pauperibus nostris commorantes, Missas agimus.

*Binus 10.
1. Conc. in
Pio.*

Et

Et in epistola posteriori : Presbyter Pastor Titulum condidit . &c.

Iustinus Philosophus , postea Martyr gloriosissimus , interrogatus à Rustico Urbis Praefecto : Age dicas , quem in locum conuenias , & discipulos tuos congreges ? Respondit : Ego prope domum Martij cuiusdam , ad Balneum Timothinum , hactenus mansi . Veni autem in Urbem Romanam secundò : neque alium quempiam locum , nisi quem dixi . cognosco . Ac si quis ad me venire voluit , communicavi cum illo veritatis doctrinam . &c.

B. Rom. an.
165. ex Act.
Iust.

Porrò Timothinæ Termæ eadem , & Nouati dictæ reperiuntur , posita à Sexto Rufo , & Publio Victore in Viminali : Timothæus enim , & Nouatus germani erant , Pudentis Senatoris filij : extantq. usquè hodie earundem Themarum vestigia , superq. titulus altoris erectus permanet . Patebat Pudentis Senatoris domus (vt diximus) ab initio Petri Romam aduentus , hospitio Christianorum . Cum igitur Iustinus se in Urbem iterum venientē semper ad Balneum Timothinum diuertisse tradit , planè significat , se exceptum hospitio à Nouato , atque Timotheo fratribus , eorumq. sororibus , Pudentiana , atque Praxede , nobili reuera , atque præcipua in Vrbe Christiana familia : quippe qui omnes se suaquè , Patris exemplum sequuntur , pietatis officijs mancipiant .

Hunc ipsum Titulum Pastoris , Ecclesiam scilicet S. Pudencianæ , vetustate collabentem , decentissime restitutum videmus , ab eiusdem Tituli presbytero Cardinale Illustrissimo , ac Reuerendissimo Henrico Caietano S. R. E. Camerario : Sacello insuper extracto , & magnifice exornato , eodem loco ubi ipsum Apostolorum Principem Petrum sæpius Missam celebrasse traditum est .

Locus , ubi S. Petrus baptizabat . Cap. 322.

Locus alius , ubi versari , & baptizare solitum fuisse Petrum dicitur , erat Cœmeterium Ostrianum via Salaria , cuius mentio est in Actis Liberij Papæ . De eodem Onuphrius Panuinius hæc tradit : Cœmeterium omnium vetustissimum Ostrianum , via Salaria , ad tertium ab Vrbe lapidem , in quo B. Petrus Apostolus baptizasse dicitur . In Cœmeterijs Romæ existentibus , baptismum , & Missas celebrare , vigilias decantare , ordinationes , & stationes , idest omnes sacras ceremonias habere , veteres solitos fuisse , docent antiquissima Ecclesiastica monumenta . Prothonotarius S. R. E. in Actis Liberij Papæ c. 3. 1. Conciliorum tomo , sic ait : Erat non longe à Cœmeterio Nouellæ ad tertium ab Vrbe lapidem via Salaria , Cœmeterium Ostrianum , ubi Petrus Apostolus baptizauit .

Bar. Xpi.
an. 226.
Panuin. de
Cœmet.

Petrus

Petrus Apostolus honorificis excellentijs à Christo Domino decoratus est, ut sedes eius in medijs gentibus, apud omnes omni tempore in maiori honore haberetur.

Cap. 524.

Psal. 88.

Prov. 30.

Venit igitur Petrus, Rege ducente Christo, ad Urbem Urbium dominatricem, quæ multis subactis populis, & per longa tempora subiugatis gentibus, imperium sibi vniuersale totius Orbis asciuerat: Venit autem, ut non ferro tectus, sed fide protectus, illam Christo seruire doceret, & inclinare aures nouis præceptis, & longe sublimius Imperium, & latiorē dominationem illi per suaue fidei iugum prouideret, quàm per humanam prudentiam, aut bellicam potentiam prius vnquam habuisset, aut in posterum esset habitura. Illud agens, illud faciens, ut fundaret ibi Imperium æternum, & Regnum quod non esset finem habiturum, & poneret ibi sedem David, quæ diuinam promissionem habuerat æternæ durationis, super quam ipse, vicem Christi in terram gerens, primus sederet, deinde & successores eius pari auctoritate sederent, & docerent, & totam Ecclesiam inde gubernarent. Quapropter Christus Dominus Petro multas contulit excellentias, ut honorifice super tam magnificam & sublimem cathedram sederet, & confortaretur Principatus eius, & agnosceretur eius dignitas, & non contemneretur auctoritas: ordinans ut in simili honore succederent, quotquot futuri erant huiusmodi Cathedræ sessores, ut omnes populi & Principes gentium non erubescerent flexo poplite reuereri eum, quem Christus rerum Dominus, cæli. & terræ Rex, super sedem suam collocasset, considerantes non eum, qui sedet, sed qui ad sedendum misit illum: Et qui secus facerent, scirent contemptum illum ascendisse vsque ad Deum, & exacerbasse Christi mansuetudinē, & prouocasse contra seipsos iram diuinam, quæ forsan tardo, sed certo & graui supplicio perditura esset, qui hæc patrare ausi fuissent. Quod utinam succedentibus temporibus multi superbè dominantes, & superbè sapientes in seculo obseruassent, & præ timore Domini Christos eius non tetigissent, neque insolentes ausus contra sedentes Pontifices, magni Petri successores erexissent: non enim gladium cælestem, ab omnibus formidandum, seuerum ultorem experti fuissent, ut frequentioribus euentibus, successiuis temporibus millies comprobatum est. Quæ locis suis erunt recitanda, & veritas Prouerbij apparuit, quæ ait: Oculum, qui subsannat patrem, effodiant eum Corui de torrentibus, & comedant eum filij Aquilæ. Quapropter opportunum erit hic recensere honorificas aliquas Petri excellentias (etenim decebat in vniuersali Gentium Rectore, supra ceteros aliquid præfulgere honorificentius) quas Prærogativas appellant, quibus à Christo honoratus fuit, quas quidem Cardinalis Bellarminus, miræ eruditionis, & eximie pietatis vir, diligentissime conscripsit. ex cuius scriptis hæc nos sumpsimus.

Præ-

Præcipua, & præcellentes Prærogatiua, quæ in Diuo Petro præfulgebant, Romanâ, & Catholicam Ecclesiam gubernaturo, ex Controuersijs Cardinalis Bellarmini excerpta.

Cap. 524.

Prima Petri prærogatiua est mutatio nominis: Nam ait Dominus Petro: Tu es Simon filius Iona: tu vocaberis Cephass. Deus autem nunquam imponit noua nomina, nisi maximis de causis, & ad significanda priuilegia concessa eis, quibus nomina mutantur. Ita Abrahamum, cum diceretur Abram, idest, pater excelsus, dici voluit Abraham, idest, patrem multitudinis, ut eo nomine significaret hominem illum, qui iam senex erat, & vxorem anum, & sterilem habebat, tamen ex dono Dei sic immutandum, ut fieret pater plurimorum filiorum, vel potius gentium, & populorum.

Est autem duplex prærogatiua in hac mutatione nominis Simonis in nomen Petri. Vna, quod soli Petro ex omnibus Apostolis nomen mutauerit: Nam etsi imposuit nomen filijs Zebedæi, Boanerges, tamen fuit illud potius quoddam cognomen, quàm proprium nomen.

Itaque nusquam postea ab Euangelistis vocantur Boanerges, sed tantum Iacobus, & Ioannes, ut antea vocabantur. At Petrus deinceps ferè semper vocatur Petrus, & Paulus Petrum sæpe nominat, & nunquam aliter, quàm Petrum, aut Cephass, quod est idem; Ioannem autem sæpe quidem nominat, sed Ioannem perpetuo, nunquam Boanerges.

Altera est, quod tale nomen ei dederit. Nam Syriacè Cephass significat petra, ut Hieronymus testatur. Græcè autem significat, caput, ut contra Parmenianum annotauit Optatus.

Ac demum vnum est ex celeberrimis Christi nominibus. Nihil enim frequentius in scripturis Christus appellatur, quàm petra, ut patet ex Isaia, Daniele, Psalmis, Matthæo, & Paulo, & Petro ipso, & alibi.

Christus ergo cum solo Petro suum ipsius nomen communicans, & nomen illud, quo ipse significatur, ut fundamentum, & caput Ecclesiæ vniuersæ, quid aliud indicare voluit, quàm se facere Petrum fundamentum, & caput Ecclesiæ loco suo?

Itaque rectè B. Leo ad Episcopos Viennensis prouinciæ: Hunc, inquit, in consortium indiuiduæ unitatis assumptum, id quod ipse erat, voluit nominari, dicendo: Tu es Petrus, &c. & in sermone de anniuersario die assumptionis suæ ad Pontificatum, ita Christum loquentem ad Petrum introducit: Sicut meus pater tibi manifestauit diuinitatem meam, ita & ego tibi notam facio excellentiam tuam, quia tu es Petrus, idest, cum ego sim inuiolabilis petra, ego lapis angularis, qui facio vtraque vnum, ego fundamentum, præter quod nemo potest aliud ponere: tamen tu quoque petra es, quia mea virtute solidaris, ut quæ mihi potestate sunt propria, sint tibi mecum participatione communia.

Ioan. 1.
Card. Bellarm. de
Rom. Pont.
l. 1. c. 17.
Chrysost. in
Ioan. c. 1.
Genes. 17.

Matth. 3.

Gal. 12.

Hier. in ep.
ad Gal. c. 2.
Optat. li. 2.
contra Parmen.

Isai. 8. &
28.

Daniel. 2.
Psalm. 117.

Matth. 21.

Rom. 9.

1. Cor. 10.

Ephes. 2.

1. Pet. 2.

S. Leo epist.

89.

Serm. 2.

Expli-

*Explicatur secunda prerogatiua, ex modo quo ab Euangelistis
Apostoli numerantur. Cap. 525.*

Matth. 10. **A**ltera Petri prerogatiua est, quod cum ab Euangelistis nominatur Apostoli, vel omnes, vel aliqui, semper primo loco ponitur Petrus. Duodecim autem Apostolorum nomina sunt hæc, primus Simon, qui dicitur Petrus &c. quod non casu, sed diuino consilio, factum est, ut scilicet propter gradum, & auctoritatem, ad quam assumpserat eum Christus, iure, & merito diceretur primus.

Matth. 3.
Luc. 6.
Act. 1. Neque vero Petrus solum primo loco ponitur, & primus vocatur, sed etiam passim in scripturis describitur, ut paterfamilias, ut Dux, & Princeps reliquorum. Nam quemadmodum in Apocal. dicitur. Michael, & Angeli eius, idest, dux, & milites eius: Ita dicitur apud Euangelistas: & prosequutus est eum Simon, & qui cum eo erant: & dicitur: Petrus, & qui cum illo erant: Petrus vero, & qui cum illo erant. Dicite discipulis eius, & Petro. Stans Petrus cum vndecim. Dixerunt ad Petrum, & ad reliquos Apostolos. Petrus, & Apostoli dixerunt: Nunquid non habemus potestatem sororem mulierem circumducendi, sicut ceteri Apostoli, & fratres Domini, & Cephas? An, quæso, Cephas non erat discipulus? non erat Apostolus? cur ergo dicitur, Petrus, & Apostoli? discipulis, & Petro? Apostoli, & Cephas? nisi quia Petrus Princeps, & caput aliorum erat?

Matth. 19.
Luc. 12.
Io. 6.
Chrys. hom.
55. in Mat. Pertinet autem ad hæc, quod Petrus ferè semper loquitur nomine omnium: Ecce nos reliquimus omnia. Ad nos dicis hanc parabolam, an ad omnes? Domine, ad quem ibimus? In quem locum Cyrillus ita scribit: Per vnum, qui præerat, omnes, respondent. Hinc etiam Chrysostomus Petrum vocat os Apostolorum.

*Eplicantur quatuor alia prerogatiua ex Euangelio S. Matthæi.
Cap. 526.*

Matth. 14.
Bernard. de
consid. l. 2.
Ioan. 21. **T**ertia prerogatiua est, nam solus Petrus vnà cum Domino ambulat super aquas, qua de re S. Bernardus: Instar Domini (inquit) gradiens super aquas, vnicum se Christi vicarium designauit, qui non vni populo, sed cunctis præesse deberet. Si quidem aquarum multarum, populi multi. Similiter & ceteris discipulis in nauicula venientibus ad Dominum, qui in littore expectabat, Petrus se misit in mare, & natando venit. De quo idem Bernardus. Quid istud? nempe, signum singularis Pontificij Petri, per quod non nauem vnā, ut ceteri quisque suam, sed seculum ipsum suscepit gubernandum. Mare enim seculum est, naues Ecclesiarum.

Matth. 16. Quarta prerogatiua est illa peculiaris reuelatio facta soli Petro, qui diuinitus illuminatus respondit Christo: Tu es Christus filius Dei viui. Insigne enim privilegium est, quod Petrus primus omnium Apostolorum à Deo edoctus, cognouerit summa mysteria nostræ fidei, distinctionem videlicet personarum, in Deo, & incarnationem, ut cognosci potest ex magnifica Christi approbatione, cum ait: Beatus es Simon Bar-Iona, quia caro, & sanguis non reuelauit tibi, sed Pater meus, qui in cælis est: tum etiam

cx

ex veterum Patrum testimonijs .

Quinta prerogativa eius in hoc consistit, quod dictum est : Et portæ Inferi non prævalent adversus eam . Quo verbo non solum promittitur perpetua stabilitas Ecclesiæ univ ersæ , sed etiam petræ , supra quam fundatur Ecclesia , ut notat Origenes hoc loco . Itaque speciali privilegio promissum est Petro, sedem eius nunquam esse ruituram : quam promissionem si habuissent Apostoli ceteri, adhuc staret sedes Iacobi Hierosolymis; Ioannis Ephesi; Matthæi in Aethyopia; Andræ in Scythia : ceterum illæ omnes paulatim manus dederunt portis inferorū . Hinc Augustinus in Psalmum : Numerate inquit , sacerdotes , vel ab ipsa sede Petri ; ipsa est petra , quam non vincunt superbiæ inferorum portæ .

Matth. 16.

Orig. in c.
16. Matth.

S. Aug. in
Psal. const.
part. Dona.
Matth. 17.

Sexta est, ubi Dominus iubet solui tributum pro se, & Petro . Da, inquit, illis pro me, & te . Ex quibus verbis collegisse Apostolos, Petrum omnibus alijs esse prælatum, scribunt Origenes, Chrysostomus, & Hieronymus : & præterea Chrysostomus diserte asserit hoc loco : Petrum omnibus alijs antepositum, tantoq. honore affectum, ut noluerit ipse hoc de se scribi à discipulo suo Marco . Marcus enim in Euangelio suo diligentissimè scribit Petri negationem; quæ autem ad Petri gloriam maximè faciebant, aut omisit, aut brevissimè perstrinxit, cuius rei non alia potest reddi causa, nisi quia sic Petrus voluit .

in cap. 16.
Matth.

Explicantur aliæ tres prerogativæ, ex Euangelio Sancti Luca .
Cap. 527.

Septima prerogativa sumitur ex Luca & Ioan. cum recitât duo miracula Christi, edita in piscatione Petri, quorum primum manifeste designat, ut monet S. Augustinus, Ecclesiam militantem; alterum, Ecclesiam triumphantem; nam idcirco id factum est ante resurrectionem Christi, illud post Resurrectionem .

Luc. 9.
Io. 21.
Aug. tract.
122. in Io.

Item in primo retia non iaciuntur in dexteram partem tantum, nec in sinistram tantum, ne solos bonos, aut solos malos ad Ecclesiam venire credamus, sed indifferenter dicitur : Laxate retia in capturam; at in secundo tantum in dexteram partem nauigij iaciuntur retia, quia soli boni colliguntur ad vitam æternam .

Præterea in primo rumpebatur rete, & navis penè mergebatur, quod significat Schismata, & hæreses, & scandala, quæ Ecclesiam fluctuare cogunt : at in secundo non est ruptum rete, ut ipse Euangelista admonuit, quasi respiciens ad illam piscationem priorem, in qua retia rumpebantur : nec navis fluctuavit, quia in alia vita nulla erunt schismata, nec scandala .

Ad hæc in prima, sine vlllo numero comprehenduntur pisces, ut impleretur, quod scriptum est Psal. 39. Annunciaui, & loquutus sum, & multiplicati sunt super numerum : at in secunda nulli fuerunt super numerum, sed certus numerus C. LIII. nulli enim præter numerum electorum colliguntur ad Regnum .

Psal. 39.

Deniquè in prima pisces introducuntur in nauem adhuc fluctuantem, in secunda trahuntur ad littus, quod propter stabilitatem, vitam immortalem, & beatam designat ,

Iam

Luc. 5. Iam ergo insignis prerogatiua Petri est, quod in vtraque nauī, & piscatione, quæ apertissimè totius Ecclesiæ statum significant, semper Petrus princeps inuenitur. Nam cum vidisset Dominus plures nauculas, intrauit in vnā, quæ erat Simonis, & ex ea docebat, vt intelligeremus in ea tantum Ecclesia esse & docere Christum, cuius gubernator est Petrus.

Ambr. ser. 11. Ambrosius vero: Hanc, inquit, solum Ecclesiæ nauem ascendit Dominus, in qua Petrus magister est constitutus. Ibidem. Soli Petro dicitur:

Ioan. 21. Duc in altum, & laxate retia in capturam. Vbi Petrus iubetur tanquam summus Nauclerus, & piscator ducere alios ad piscandum. Et Dominus exponens figuram, soli Petro dicit: Noli timere, ex hoc enim homines eris capiens. Sic etiam Petrus dicit: Vado pescari: dicuntq. ei alij: Venimus & nos tecum. &: Ascendit Simon Petrus, & traxit rete in terram. Quid verò significatur aliud his figuris, quàm Petrum esse, qui homines de mundo ad fidem, & Ecclesiam militantem adducit, & qui eos regens, & gubernans, ad Ecclesiam triumphantem perducit?

Zuc. 23. Octaua est, cum Dominus ait: Simon, Simon, ecce Satanas expetiuit vos, vt cribraret sicut triticum: Ego autem rogavi pro te, vt non deficiat fides tua. Et tu aliquando conuersus confirma fratres tuos. Quibus verbis clarissimè Dominus ostendit, Petrum fore Principem, & caput fratrum suorum. sic enim exponunt Græci, & Latini.

S. Leo ser. 3. Theophylactus in hunc locum: Quia te habeo, inquit, vt principem discipulorum, postquam negato me, fleueris, confirma ceteros: hoc enim te decet, qui post me Ecclesiæ petra es, & fundamentum. Et Leo de anniuersario assumptionis suæ ad Pontific. Pro fide Petri, inquit, propriè supplicatur, tamquam aliorum status certior sit futurus, si mens principis victa non fuerit.

Luc. 24. Nona est, quod Christus resurgens primus omnium ex Apostolis Petro se videndum præbuerit. Colligitur id ex illis verbis. Surrexit Dominus verè, & apparuit Simoni. Vbi notat Ambrosius, Simoni omnium primo Christum apparuisse ex viris. Nam ante Mariæ Magdalene apparuerat, vt scribit Marcus cap. vlt. Colligitur hoc idem & quidem apertissimè ex verbis S.

1. Cor. 15. Pauli: Tradidi, inquit, vobis inprimis, quod & accepi, quoniam Christus mortuus est, & quia sepultus est; & quia resurrexit tertia die secundum scripturas, & quia visus est Cephæ, & post hoc vndecim: deinde visus est plusquàm quingentis fratribus: deinde visus est Iacobo, deinde Apostolis omnibus, nouissimè autem omnium tamquam abortiuo visus est & mihi. In quem locum Chrysostomus: Itaque, inquit, non omnibus initio visus est, nec pluribus simul, sed vni tantum, & ei Principi, & fide maximè digno. Et infra: Itaque, inquit, Petro primum apparet, nam qui Christum primus confessus erat, non ab re primus, etiam resurgentem videt.

Explicantur alia dua ex Euangelio Sancti Ioannis.

Cap. 528.

August. in e. 13. Ioan. Ioan. 21. **D** Ecima est, quod Petrus primus fuit, cui Dominus pedes lauit. Vndecima est, quia Petro soli, mortem Christus prædixit, & mortem crucis, vt sicut ei nomen suum donauerat, & officium suum imposuerat,

fuerat, ita & in morte socium illum haberet: Cum senueris, inquit Dominus, extends manus tuas, & alius cinget te, & ducet quod tu non vis. Hoc autem dixit, addit Euangelista, significans qua morte clarificaturus esset Deum.

Deinde ibidem subiungit Dominus loquens ad Petrum: Sequere me: quæ verba quidam accipiunt de officio pastoralis, ut Theophylactus, qui exponit, sequere me, qui educo te ad prædicandum, & totum Orbem in manus tuas trado. Alij accipiunt de similitudine mortis, ut Euthymius, qui exponit, sequere me, idest, crucem patiando, me imitare.

Sed plenus commentarius erit, si utramque sententiam coniungamus. Cum enim Dominus oues Petro commendasset, & mortis genus prædixisset, quasi concludens omnia vno verbo ait: Sequere me, idest, esto id quod fui, & viuens, & moriens: age pastorem animarum dum viuus, & postea per Crucis mortem transi de hoc mundo ad Patrem. Et ne suspicaremur hæc dici omnibus, diserte Dominus excludit Ioannem, qui tunc corporaliter sequebatur: sic eum, inquit, volo manere: quid ad te? tu me sequere.

Explicantur alia nouem prerogatiue ex Actis Apostolorum, & Epistola ad Galatas. Cap. 529.

Dodecima prerogatiua est, quia Petrus tamquam paterfamilias colligit in vnum, cœtum discipulorum, & vnum eligendum esse docet in locum Iudæ. In quem locum Chrysostomus: Quam, inquit, agnoscit Petrus commissum sibi gregem? quam in hoc choro princeps est? Oecumenius: Surgit, inquit, Petrus, non Iacobus, ut is, cui præsentia discipulorum commissa erat. Neque vllus orationi Petri contradixit, sed mox ad eius præceptum constituerunt duos, quos dignissimos eo gradu existimabant, ut vnum eorum Deus ipse designaret.

Act. 1.

Decima tertia est, quia post acceptum Spiritum sanctum, Petrus omnium primus promulgat Euangelium, & prima illa concione tria millia hominum conuertit. Vbi Chrysostomus: Petrus, inquit, omnium erat os, sed astabant illi vndecim, testimonio suo comprobantes ea, quæ ab illo dicebantur.

Act. 2.

Decima quarta est, quia primum miraculum in testimonium fidei à Petro fit. Etsi enim Petrus, & Ioannes simul erant, tamen solus Petrus dixit claudo: Aurum & argentum non est mihi; quod autem habeo, hoc tibi do, &c. Notat pulchrè Ambrosius merito Petrum primum miraculum edidisse in pedum confirmatione, ut ostenderet se fundamentum esse totius Ecclesiæ.

Act. 3.

Ambrosius. ser. 69.

Decima quinta est, ubi Petrus tamquam summus & diuinus Iudex agnouit, & damnauit hypocrisim, & fraudem Ananiæ, & Saphiræ, & eos verbo suo occidit.

Act. 5.

Decima sexta est, quia factum est, cum Petrus transiret per omnes. In quem locum Chrysostomus: Quemadmodum, inquit, dux in exercitu obambulans considerabat, quæ pars sit coadunata, quæ ornata, quæ suo aduentu egeat, vides vbique illum circumcursare & primum inueniri.

Act. 9.

Decima septima est, quia Petrus omnium primus incipit prædicare.

Act. 10.

Bbb gen.

gentibus, sicut ipse omnium primus prædicauerat Iudæis. Et soli ipsi visio illa ostensa est, qua monebatur tempus esse prædicandi Gentilibus. Vbi etiam pulchrè dicitur ei: Macta, & manduca. Nam capitis est manducare, & per manducationem trahere cibum in stomachum, & illum sibi incorporare. Significatur enim hac metaphora, Petro conuenire, ut ipse tamquam caput Ecclesiæ, infideles conuertat, & efficiat membra Ecclesiæ.

Añ. 8.

Añ. 9.

Quod si Philippus prius conuerterat Ethnicum hominem, Eunuchum videlicet Regiæ Aethyopum; & Paulus loquebatur gentibus, & disputabat cum Græcis.

Añ. 15.

Añ. 11.

Aduertendum est Eunuchum illum fuisse profelytum, idest, iam conuersum ad Iudaismum, non autem planè gentilem, ut erat Cornelius. Nam Petrus non mentitur, cum indicat se primum prædicasse gentibus.

Añ. 8.

Et illi, qui dispersi fuerant à tribulatione, quæ facta est sub Stephano, perambulauerunt varias Regiones euangelizando, nemini loquentes verbum, nisi solis Iudæis: Vnum autem ex his fuisse Philippum, patet ex Actis.

Adde quod iste Eunuchus ibat in Hierusalem ad Templum, & Isaiam in curru legebat, quæ sunt aperta signa Iudaismi.

Denique Hieronymus in Epistola ad Saluinam de Cornelio loquens: Primus, inquit, vnde initium sit gentium? à viro pio qui operibus dignus est habitus. Quod si aliquando Patres dicunt, Eunuchum illum, quem baptizauit Philippus, fuisse gentilem, intelligunt natione, non religione.

De Paulo autem secundum Græcos codices nulla est difficultas: Non enim est in Græco illud: loquebatur gentibus, sed tantum est, loquebatur, & disputabat aduersus Græcos. Græcos autem hic vocat Iudæos in Græcia natos & Græcè loquentes, ut indicant Chrysostomus, & Oecumenius: nec est verisimile Paulum prædicasse gentilibus in ipsa Hierusalem, & nullum rumorem excitatum ab Hebræis, qui postea tam vehementer in Petrum insurgebant, quia prædicauerat Cornelio.

Quia tamen Latini codices habent: Loquebatur gentibus, & disputabat cum Græcis: dici potest eum loquutum esse ac disputasse cum gentilibus, non eos ad fidem pertrahendo, sed fidem ab eorum calumnijs defendendo. Itaq. ibidem Lucas subiungit, non aliquos esse conuersos, sed odium adeo graue in Paulum excitatum, ut quæsierint eum interficere. Primus ergo Pater tam Iudæorum, quam Gentilium, Petrus fuit.

Añ. 15.

Decima octaua est, quando pro Petro in carcere constituto oratio fiebat sine intermissione pro eo ab Ecclesia. Vnde etiam insigni miraculo liberatus est. Scimus ante illud tempus Stephanum in periculo fuisse, & postea etiam lapidatum; item Iacobum in eodem carcere constitutum, & postea interfectum; nec tamen legimus ita sine intermissione ab Ecclesia pro illis oratum, ut nunc pro Petri periculo factum est. Quæ autè potest alia ratio assignari, nisi quia multum interest, vtrum membrum vnum, an caput ipsum periclitetur? Itaq. Chrysostomus in hunc locum: Magni, inquit, amoris indicium, oratio: Patrem omnes quærebant, &c.

Añ. 12.

Decimanona est, quoniam Petrus in Concilio primus loquitur, & senten-

tentiam eius Iacobus, omnesq. alij sequuntur, ut Hieronymus docet, & Theodoretus in epistola ad Leonem de eadem re, sic loquitur: Paulus, inquit, præco veritatis, tuba sanctissimi spiritus, ad magnum Petrum cucurrit, ut ijs, qui Antiochiæ de legalibus institutis contendebant, ab ipso afferret solutionem.

Hieron. ad Aug. ep. 11 inter epist. Aug.

Vigesima est ad Galatas, ubi Paulus dicit: Post annos tres ascendi Hierosolimam videre Petrum. Os enim erat Apostolorum, & princeps, propterea & Paulus eum præter alios visurus ascendit. Ambrosius in cap. 1. ad Galatas. Dignum fuit, inquit, ut cuperet videre Petrum, quia primus erat inter Apostolos, cui delegauerat Saluator curam Ecclesiarum. & Hieronymus: Tantæ Petrus auctoritatis fuit, ut Paulus in epistola sua scripserit; deinde post annos tres veni Hierosolimam videre Petrum.

Gal. 1. Chrys. ho. 87. in 10. Ambr. c. 1. ad Gal. Hier. epist. supradicta.

Proponuntur aliæ prerogatiue ex varijs Auctoribus.

Cap. 530.

Hæc sunt prerogatiue singulares, quæ ex diuinis litteris colliguntur. nunc subiicientur aliæ, quæ ex varijs Auctoribus decerpæ sunt.

Igitur vigesima prima prerogatiua est, quod Christus suis manibus solum Petrum baptizauerit. Scribit enim Euodius, Petri successor in Episcopatu Antiocheno, in epistola quæ inscribitur *πεφωτισ*, à Christo ex mulieribus solum Virginem matrem suam: ex viris baptizatum solum Petrum; à Petro Andream, Iacobum, & Ioannem: ab ijs ceteros. Id quod referunt Euthymius, & Nicephorus.

Euthym in c. 3. 10. & Niceph. li. 2. hist. c. 3. 10. Turrec. lib. 2. sum. de eccl. c. 32

Vigesima secunda est, quod solus Petrus à Christo Episcopus ordinatus fuerit, ceteri autem à Petro Episcopalem consecrationem acceperint. Id quod probat Ioannes de Turrecremata multis rationibus.

Vigesima tertia est, quod Petrus primum Hæresiarcham, & Principem, ac Patrem omnium Hæreticorum, qui postea fuerunt, Simonem videlicet Magum, primus detexit, & postea damnavit, & planè extinxit. Decuit enim omnino, ut princeps, & pater Ecclesiæ principem & patrem omnium Hæreticorum superaret. Simonem autem patrem fuisse omnium Hæreticorum scribit Irenæus, atque alij plurimi ex patribus.

Ad. 8.

Vigesima quarta est, quod Romæ potissimum Petrus sedem suam diuino iussu collocauerit. Signum enim apertum principatus Petri esse videtur, quod cum Apostoli ab eo in totum Orbem mitterentur, Petrus ad ipsum Orbis terrarum caput, & Urbium Reginam missus sit. Id quod etiam docet Leo serm. 1. de natali Sanctorum Petri & Pauli: Nam, inquit, cum duodecim Apostoli, accepta per Spiritum sanctum omnium loquutione linguarum, imbuendum Euangelio mundum, distributis sibi terrarum partibus, suscepissent, Beatissimus Petrus Princeps Apostolici ordinis ad Arcem Romani destinatur Imperij, ut lex veritatis, quæ in omnium gentium reuelabatur salutem, efficacius se ab ipso capite per totum mundi corpus effunderet.

Iren. lib. 1. cap. 20. & initio lib. 3.

B b b 2

Vige-

Vigesima quinta est, quod sub finem vitæ Petri, Christus ipse Petro apparere, & roganti: Domine quo vadis? respondere dignatus sit: *Egesip. li. 3. de excid. Hieros. c. 2. Amb. in or. cen. Auxet.* Venio Romam iterum crucifigi. Id Egesippus, & Ambrosius testantur: Nocte, inquit Ambrosius, muro erigi cepit, & videns sibi in porta Christum occurrere, Urbemq. ingredi, ait: Domine, quo vadis? Respondit Christus: Venio Romam iterum crucifigi: Intellexit Petrus ad suam crucem diuinum pertinere responsum.

Indicat etiam hoc Athanasius, licet obscurius, cum in Apologia pro fuga sua, de Petro ait: Cum audisset oportere se Romæ martyrium subire, non abiecit eam professionem, sed cum gaudio Romam venit.

Greg. in ex. plic. 4. Psal. pœnit. Denique idem refert sanctus Gregorius: Petro, inquit, venio Romam iterum crucifigi: qui enim in ipso iam pridem crucifixus fuerat, in Petro iterum se crucifigendum dicebat. Quid autem significare voluit Dominus, cum ait, in Petri crucifixione se iterum crucifigi, nisi Petrum suum esse Vicarium, & quod Petro sit, sibi ipsi fieri? Sic enim ante Samueli dixerat. 1. Reg. 8. Non te abiecerunt, sed me, ne regnem super eos.

Tres ultimæ prærogatiuæ in medium adferuntur.

Cap. 531.

Conc. Nic. cano. 6. & Chalce. act. 16. ex epist. 3. Anaclet. Leonis ad Anathol. et ex Greg. ad Eulog. epist. 37. lib. 6. Vigesima sexta prærogatiua est, quod solæ illæ Ecclesiæ semper sint habitæ Patriarchales, & primæ, quas Petrus fundauerat. Siquidem apud veteres tres Ecclesias tantum fuisse propriè Patriarchales, & primas, Romanam, Alexandrinam, & Antiochenam, patet ex Concilio Nicæno, ex Chalcedonensi, ex Anacleto, ex Leone ad Anastasium, & ex Gregorio ad Eulogium.

Porro Hierosolymitana per annos ferè quingentos habita quidem est quarta Patriarchalis, sed nomine, non re; seu honore, non potestate. Nam Patriarcha Alexandrinus non solum secundo loco sedebat in Concilijs, sed etiam verè præerat omnibus Archiepiscopis, & Episcopis Aegypti & Lybiæ: & Antiochenus non solum sedebat tertio loco, sed etiam præerat omnibus Archiepiscopis & Episcopis Orientis: at Hierosolymitanus sedebat quarto loco, sed nulli Archiepiscopo, vel Episcopo præerat, imò subiectus erat Archiepiscopo Cæsariensi, qui erat Metropolitanus Palestinæ, & præterea Patriarchæ Antiocheno, qui ut diximus, toti Orienti præsidebat.

Vera igitur, & sola causa illius numeri Patriarchalium Sedium, est dignitas Petri. Solæ enim illæ Ecclesiæ habitæ sunt Patriarchales propriè, in quibus Petrus tamquam Episcopus sedit. Petrus autem Antiochiæ, & Romæ per seipsum sedit, Alexandriæ autem sedit, vel per se, ut Nicephorus testatur; vel per discipulum suum Marcum, quem edomisit, ut nomine suo fundaret Ecclesiam, ut docet Diuus Gregorius: Cum, inquit, multi sint Apostoli, pro ipso tamen principatu Apostolorum

Prin.

Principis sedes in auctoritate conualuit, quæ in tribus locis, vnus est. Ipse enim sublimauit sedem, in qua etiam quiescere & præsentem vitam finire dignatus est: ipse decorauit sedem, in qua Euangelistam discipulum misit: ipse firmavit sedem, in qua septem annis quamuis discessurus sedit. cum ergo vnus atque vna sit sedes, cui, ex auctoritate diuina tres nunc Episcopi præfident, quicquid ego de vobis boni audio, hoc mihi imputo. Ibidem ait: Ille mihi de Petri Cathedra loquutus est, qui super Petri Cathedram sedet, &c. Vbi affirmat Episcopum Alexandrinum super Cathedram Petri sedere, quia nimirum nomine Petri, Alexandria Marcus primus Episcopus sedit.

Item Anacletus: Secunda, inquit, Sedes apud Alexandriam B. Petri nomine à Marco eius discipulo consecrata est. Tertia autem Sedes apud Antiochiam eiusdem B. Petri Apostoli nomine habetur honorabilis. Hæc ergo est ratio numeri harum sedium. Ratio autem ordinis est, quia cum omnes tres sint Sedes Petri, tamen Romanam per se vsque ad mortem administrauit, Alexandrinam per Marcum Euangelistam, Antiochenam per Euodium.

Sicut ergo maior est Petrus Apostolus Marco Euangelista, & Marcus Euangelista Euodio, qui neque Apostolus, neque Euangelista fuit; ita quoque Romana Ecclesia Alexandrinam, & Alexandrina Antiochenam auctoritate, & dignitate superat.

Et quamquam non est negandum, quin Petrus in his sedibus eligendis habuerit etiam rationem magnitudinis & nobilitatis Urbium, vt D. Leo docet circa finem: tamen (vt dictum est) propria & immediata causa honoris; & potestatis harum sedium fuit primatus & dignitas Petri.

Vigesima septima est, Festum Cathedræ Petri. Nam quod publicè in Ecclesia celebratur dies festus in honorem institutionis Episcopatus Petri, & nihil tale fiat pro sedibus aliorum Apostolorum, argumentum est, sedem Petri singulariter præstare omnibus alijs, imò ipsam esse solam, & singularem Cathedram, ex quo torus Mundus doceri debeat, vt Optatus ait contra Parmenianum. Esse autem vetustissimum festum Cathedræ B. Petri, facile potest tum ex Martyrologio Bedæ, tum ex eo sermone cognosci, quem habuit S. Augustinus ad populum.

Vigesima octaua prærogatiua est, quod in litteris formatis antiquis post nomen Patris, & Filij, & Spiritus sancti, nomen Apostolorum principis adiungebant. Scribit Atticus Episcopus, vt ad finem Concilij Chalcedonensis legitur in hunc modum: Ne in faciendis epistolis Canonicis, quas mos Latinus formatas appellat, aliqua fraus falsitatis temerè præsumeretur, hoc à Patribus trecentis decem & octo congregatis saluberrimè inuentum est, & constitutum, vt formatæ Epistolæ hanc calculationis, seu supputationis habeant rationem, idest, vt assumantur in supputationem prima Græca elementa Patris, & Filij, & Spiritus sancti, hoc est, α, υ, α, quæ elementa octogenerarium, quadringentesimum, & primum significant numerum. Petri quoque Apostoli prima littera, idest, π, quæ numerum lxxx. significat. Eius quoque qui scripsit Epistolam, prima littera: cui scribitur, secunda littera: accipientis, tertia littera: ciuitatis quoque, de qua scribitur, quarta: & indictionis, quæcunque est, temporis idem, qui fuit numerus; assumatur, atque ita his omnibus Græcis litteris, quæ, vt diximus, numeros exprimunt, in vnu ductis, vnam quæcunque fuerit collecta summam, epistola teneat. Hæc ille.

Bbb 3 No-

Anaclet.
epist. 3.

S. Leo epist.
84. ad Ana-
stas.

Optat. li. 2.
cent. Par-
menian.
S. Aug. ser.
15. de san-
ctis.

Cyrl. ho. 8.
Theophyl.
Gal. 1.

Nomenclatura Petri Apostoli. Cap. 432.

Dio. Eccl.
hier. c. 5. p.
197.
Epiphan. in
anchorat. p.
373.

Marcell. in
Cons. sub
fin. Chron.
Aug. lib. 1.
cont. Iulian.
c. 2.

Greg. lib. 1.
epist. 38.
Opiat. li. 2.

Ex Neapol.
Vrbis anti.
monimētis.

Patres ijs nomenclaturis Petrum honorarunt: nam appellatus fuit sanctorum Apostolorum Dux. Paulo Apostolo maior; Discipulorum vertex; principalis Apostolorum Pontificumq. præful; Apostolorum primus; Primum vniuersale membrum: Paulus autem, Ioannes, & Andreas, singularum plebium capita: Apostolorum caput, atque alijs huiusmodi.

Petrus Romam pergens, Neapolim pertransiens, Candidam mulierem, quæ illi prima occurrit, & Aspren ab infirmitate curat, & baptizat; ipsumq. Aspren Neapolis Episcopum ordinat. Cap. 533.

Princeps Apostolorum Simon Petrus Antiocheni fundata Ecclesia Romæ accedens (venit autem Romam Christi anno 44. Claudij Imperatoris secundo, cum Antiochiæ septem sedisset annos) ad moenia Urbis Neapolitanæ transeundo peruenit, vbi longo fatigatus itinere quiescens paululum, (quod & Saluatorem fecisse legimus) quandam Mulierculam senem transire conspexit: quam ad se vocatam perconctatur, si ipsa Ciuis esset Ciuitatis ipsius, & quo nomine vociretur? cui respondit se Ciuem esse, & Candidam nominari, & cum eam de statu & qualitate Ciuium rogasset, Christum mox euangelizare cepit eidem, adaperiens (pergunt Acta) quomodo propter transgressionem primi parentis, & homines in captiuitatem Diaboli deditos, Deus de Virgine nascens factus est homo, ut disruptis vinculis seruitutis, erroris humani laqueos solueret, signa & prodigia Christi visa per eum narrans eidem; Ne mireris; si audias Petrum Christi fidem ante alios mulieri prædicasse, cum in actibus Apostolorum scriptum sit Paulum Apostolum vbi Philippos peruenit, mulieribus primum Christum annunciare cepisse, non viris. Die autem Sabbatorum, inquit beatus Lucas, egressi sumus foras portam, iuxta flumen, vbi videbatur esse oratio, & sedentes loquebamur mulieribus, quæ conuenerant &c. Pergunt verò Acta.

Ad quod dictum Petri vetula silentium rumpens ait: Tenebo certa & credam indubia, si eius quæ tantis effers præconijs nomine inuocato, solutis doloribus meis (morbo enim laborabat) plenè mihi fuerit sospitas restituta.

Tunc Petrus: Christi nomine inuocato, inquit, tibi qui hanc crucias vetulam impie morbe, pestifer, effuge, euanesce, & euacuare in nihilum, illius nomini dans honorem, cui est cum Patre, & viuifico flamine par virtus, æqualis honor, maiestas eadem per omnia secula seculorum:

Cumq. Christicolæ secuti Petri vestigia ab Antiochenis finibus respondissent, Amen: Vetula protinus sanata est: & miratur tam repente sese tam subito inuouatam, & alteram factam ex altera: Credidit mulier, & regenerantis liquoris baptismi rore perfunditur salutari. De sancta Candida in Romano Martyrologio pridie nonas Septembris hæc leguntur. Neapoli in Campania sanctæ Candidæ senioris (alia enim eiusdem nominis Mauritiij Imperatoris tempore ibidem floruit) quæ à sancto Petro ad eam Urbem venienti prima

prima occurrit, atque ab eo baptizata, postea sancto fine quieuit. At redeamus ad Acta: Et dicit mulier Petro. Habeo amicissimum quendam nomine Aspren, atrocissimo morbo quassatum, hominem benignum, pium, modestum, sobrium, & religiosum (si in gentilitate, hoc est in Idola colentibus esse, vel dici religiosus quomodolibet potest) qui si sanari per te poterit, fidem, quam prædicas, statim recipiet, eiusque assertor idoneus, defensor robustus, & propugnator existeret.

Tunc Petrus vetulæ dixit: Vade properè, & manu apprehensa Aspren, dicas ei: Petrus Iesu Christi in Iudæa Crucifixi discipulus, mandat tibi, ut ægritudine vanescente ad sanitatem pristinam continuò reformeris: Veniens mulier ad Aspren, vix præcepta Petri complens è vestigio est sanatus.

Ut hoc facilius credas, à S. Petro per mulierem nuper conuersam, ægrum sanitati restitutum esse, meminisse velim quod de Gregorio Thaumaturgo Nysseus, in Thaumaturgo c. 8. scribit Nysseus, dum ait, ipsum per Dæmonum Aedituum ipsis Dæmonibus imperasse, ex quo factum est, ut Aedituus conuerteretur; & si recens exemplum velis, habes illud in vita Xauerij, qui energumenos, & ægros per pueros sanasse dicitur.

Confestim autem (sequuntur acta) surgit Aspren, ad Simonem tandem venit, & humi prostratus Petri pedes osculatus est. Aperit os suum, Petrus catechizat Aspren, & baptizat, & de Christi Religionis doctrina informat: Cæpit Aspren Magistri sui cooperatore esse, & ad clamorem nominis Saluatoris signa, & prodigia facere, cæcos illuminare, claudos consolidare, aliosque infirmos & debiles confortare.

Conquisita Neapoli Christo Domino (quod multi scilicet Christi fidem amplexi essent) Romam Petrus ire decreuit; sed ad preces Neapolitanæ plebis, Apostolus, Aspren Neapolitanum præfulem consecrauit.

Petrus Romanam Ecclesiam instituit. Cap. 534.

ANNO à Christo nato quadragesimo quinto, Claudio Augusto tertium, & L. Vitellio Coss. durante tamen adhuc anno secundo eiusdem Claudij Imperij, decimoquinto Kal. Februarij à Petro Apostolorum Principe Romana Ecclesia instituitur, ac sedes in ea Pontificia erigitur. Ea quippe dies in tantæ rei perennem memoriam anniuersaria celebritate consuevit antiquitus celebrari: qui quidem pristinus vsus non in Vrbe tantum, sed & vniuerso Christiano Orbe in annos singulos repetitus (licet interdum alicubi prætermisus, sed restitutus) in hodiernum vsque sanctissimè perseuerat. In antiquis enim Sanctæ Romanæ Ecclesiæ Ritualibus libris hæ preces ea die recitari solitæ erant: Omnipotens sempiterne Deus, qui ineffabili sacramento Apostolo tuo Petro Principatum Romæ Urbis tribuisti, vnde se Euangelica veritas per tota Mundi Regna diffunderet: præsta quæsumus, ut quod in Orbem terrarum eius prædicatione manauit, vniuersitas Christiana deuotione sequatur. Inerat & propria sacra Præfatio ad eius diei solemnitatem accommodata, in sacris Missis solita recitari. Antiquiora quoque Martyrologia eiusdem rei plenissimam fidem adstruunt: ac denique Sanctorum hatrum conciones, quas in eiusdem diei celebritate in Ecclesia perorarunt, tantæ rei egregia monumenta, celeberrimum fuisse eiusce diei sacræ cultum

Dis. li. 60.

Pauli Papa IV. diplom.

In sacram. S. Gregor.

*Aug. ser. 15
16. de SS.
& aliorum.*

Bbb 4 apud

Baron. ad
Martyrol.
Rom. die 18
Ianuar.

apud omnes Christianos, indicant. Vniuersali enim Ecclesiæ consuetudine antiquitus præscriptum est, vt eius diei, qua quis alicui sedi fuerat præfectus Episcopus, anniuersaria solemnitas ageretur: eundemq. morem tam in Orientali, quàm etiam in Occidentali Ecclesia viguisse, plurima de eo scripta exempla testantur. Sed qua die vniuersalis Ecclesiæ Episcopus Sedi Romanæ præficitur, eadem ab vniuersis quoque Ecclesijs meritò celebratur.

De Cathedra lignea Petri, & aliorum Episcoporum.

Cap. 535.

Euseb. li. 7.
c. 14.

Aug. epist.
203.

Ceterùm ipsa prima Pontificia Sedes Petri, Cathedra inquam lignea, dignum planè tantæ rei, eximiumq. monumentum, quàmplurimis semper miraculis illustrata, à maioribus asseruata in eiusdem Petri Basilica Vaticana recondita hætenus custoditur, & certis diebus populo visenda exponitur. Consueuerunt maiores, tanti memores beneficij, quod Apostolica prædicatione è tenebris, quibus erant offusi, ad lucem planè diuinam euecti essent, etiam ipsas sedes ligneas, quibus Apostoli insedissent, summa omnium diligentia custoditas veneratione prosequi: sit satis ad eius rei exemplum Hierosolymorum Ecclesia, quæ licet tot, tantisq. Iudæorum casibus exagitata; tamen sedem ipsam, cui ipsorum primus Episcopus Iacobus insedit, vsque ad Constantini tempora integram esse seruata, est auctor Eusebius. Id ipsum de sede Marci Alexandriæ factum esse. Nec tamen illud de his dicere præterimus, quæ ad hanc rem etiam spectare videntur, maiores scilicet nostros, egregios pietatis cultores, vt qui probè scirent loco Christi, quod sæpe monet Ignatius, esse habendos Episcopos, sedes illas, quibus illi in Ecclesia, cum sacras Synaxes agerent, insiderent, vt diuinum Thronum, velis egregie ornare consueuisse, easdemq. tegere velamento. Id plane innuit Pontius Diaconus in Cypriani martyrio, cum ait: Sedile autem erat fortuito linteum tectum, vt sub ictu passionis Episcopatus honore frueretur. Et Augustinus ad Maximinum Episcopum Donatistam: In futuro, inquit, iudicio nec absides gradatæ, nec Cathedræ velatæ ad defensionem: Absides sanè gradatas cum dixit, sedes Episcoporum sublimiori attolli fastigio solitas esse significauit: & Pacianus Episcopi sedem linteatam nominat in Epistola secunda ad Symphronium. Sed hæc satis ad insinuandos antiquos Ecclesiæ mores.

S. Petri baculo, mortuus suscitatur.

Cap. 536.

Herigerus, Abbas Lobienfis, in rebus gestis Episcoporum Leodiensium: Beatissimus, inquit, Petrus inter ceteros, quos in Gallias prædicationis gratia direxit, anno Domini quadragesimo octauo Pontificatus sui in Vrbe Roma anno quarto, misit beatum Eucharium, & Valerium, & Maternum. Et paucis interpositis: Cumq. ad Elegiam Castellum venissent, vicum grandem scilicet Argentinx Diocesis, sanctus Maternus defunctus est. Regressis ergo duobus socijs Romam, admonitione beati Petri ad corpus socij reuersi, ipsum sancti Petri baculo pastoralis resuscitatū, quadragesimo die defunctionis suæ receperunt, totidemq. annis, scilicet quadra-

draginta, Pontificatus postmodum functus est officio. hucusque Herigerus, de quo scribit Sigebertus in hæc verba.

Herigerus Abbas Lobienſis, litterali ſcientia clarus, ſcripſit geſta Pontificum Leodiensium, ſcripſit metrico ſtylo laudabiliter vitam S. Vſmari; ſcripſit ad Agonem epiſtolam de quibuſdam quaſtionibus. hæc & alia Sigebertus: floruit iſ auctor, ſi Trithemio credimus, nongenteſimo nonageſimo.

Sigib. de illuſtr. Eccl. ſcrip. c. 138

Petrus Romæ degens, in Galliam plures diſcipulos mittit ad prædicandum. Cap. 537.

BEatus Petrus Apoſtolus, dum Romæ verbum Dei inſtanter prædicat, audiens gentes Gallicas adhuc idolatriæ errore deluſas, plures ex diſcipulis, quos Saluator elegerat, plures etiam ex ſuis quos ipſe ſibi aſciuerat, ad prædicandum delegat, inter quos Beati Sauinianus, Potentianus, atque Albinus de illorum ſeptuaginta numero, qui à Domino designati fuerant, ex Domini, Petriq. imperio tranſalpinant. Senonenſem expetunt Galliæ Urbem, præ cæteris tunc inſignem, tam affluentiâ opum, quàm conſuentia populorum: quò venientes hoſpitantur in vico, vno ſerè milliario ab Urbe remoto, vbi hoſitem ſuum, nomine Viſtorinum, opibus affluentem cum omni domo ſua fidei imbuunt ſacramentis, futurum poſtea ſocium paſſionis. Alios quoque S. Sauinianus, dum verbum vitæ prædicat, ad fidem conuertit, & profeſſione Chriſtianitatis intitulat; Serotinum ſcilicet generoſitate ſplendidum, virum diſertitudine linguæ præcipuum: quos etiam quia in Dei opere fore ſtrenuos præuidebat, officio Diaconatus exornat. Erat autem in prædicto vico antiquiſſimum ſacellum, idolis dedicatum, quod ſanctus Præſul cum ſocijs, ab omnibus emundat ſpurcijs, & Eccleſiam in honorem conſecrat Saluatoris. Dehinc Urbem adit, murosq. colluſtrat, vbi dum in eminentibus ſaxis ſignum Crucis imprimit, mirum dictu, imprimenti cedit ſaxorum duritiâ, ita vt hodieq. ipſius impreſſionis veſtigium ſaxis appareat exaratum. Verbi diuini ſemina ſpargit in populo, & intra breue tempus innumera bilis credentium fit concurſus. Cum autem videret ex ſparſo prædicationis ſemine, plurimam fidelium mellem exurgere, Eccleſiam conſtruit, & in honorem beatorum Apoſtolorum dedicat, quæ vſque in hodiernum diem dicitur S. Petri viuæ Eccleſia, eo quod ipſo fuerit viuente conſtructa. Sanè prouidens B. Pontifex, quia Ciuitates finitimas adhuc error idolatriæ teneret implicatas, reuelatione præmonitus ſocios conuocat, & præcipit, vt loca vicina peragrent, & gentes inſtruant, vt per eos in errorum tenebris ſplendeſcat notitia veritatis.

Chronolog. Monac. Altiſſod. 4131. 6.

Romana Cathedra fundata, Petrus ceſſit Eccleſiæ Antiochenæ. Cap. 538.

SANctus itaque Petrus, vbi Romanam Sedem inſtituit, Antiochenæ mox ceſſit; cui alium dedit Epiſcopum, Euodium ſcilicet diſcipulum ſuum, cuius ordinationem electionemq. in tertium Claudij annum, Chriſti vero quadrageſimum quantum Euſebius, vt in eius Chronico videre eſt, reſert;

Ignat. ep. 12. Euſeb. hiſt. lib. 3. c. 16.

cx

ex his itaque, quæ ex Eusebio citata sunt, ni fallor, apparet, sanctum Petrum non prius se ab Antiochena Ecclesia abdicasse, quam Romanam instituit. Quod autem aliqui dicant eum, Antiochia discessurus cum esset, successorem sibi Episcopum delegisse, eo sensu accipiendum esse docet Baronius, quasi illum tunc nouum Antiochenis Episcopum delegisset, cum spontè eo Episcopatu cessisset; non enim credibile videtur, Petrum se ab ea Ecclesia, cum nullam haberet causam, abdicasse, nisi cum Romæ Sedem sibi fixisset.

Chrys. hom.
de S. Ignat.
c. 1. Metaph.
die 29. Iul.

Baron. an.
45.

De Epistola prima Petri Romæ scripta. Cap. 539.

Petrus interim (Romana Ecclesia iam instituta, & Euodio Antiochenis in suum locum suffecto) memor qua erat in omnes charitate, pater omnium, ac Pastor Ecclesiarum, quas in Ponto, Galatia, Cappodocia, Asia scilicet minori, & Bithynia fundauerat, primam ad eas in Christi fide magis, magisque confirmandas, in hæc verba scribit epistolam.

Petrus Apostolus Iesu Christi, electis aduenis dispersionis Ponti, Galatiæ, Cappodociæ, Asiæ, & Bithyniæ &c.

Didimus
Alex. in c. 1
ep. 1. S. Pet.
Apostoli.

Epistolam hanc primam, quam ad Hebræos scripsit, esse antiquissimam Patres tradiderunt, & in ijs Didimus: Positus, inquit, Petrus circumcisionis Apostolus, omnium Iudæorum habens studium, scribit eis qui in totius Orbis dispersione morabantur, tamquam aduenis Ciuitatum externarum, cum utique nequaquam plures eorum in Iudæa consisterent.

Hæc Didimus, cui in eadè prorsus sententia adhæret magnus Achanasius: præterea qui in Petri epistolas commentarios composuerunt, idem ferme quod ij, sentire videntur.

Lorin. in
Comment.
1. Pet. ep.
Aug. 10. de
Cin. c. 29.

Bonifacius Episcopus, & Martyr petijt ab Eadburga, vel Eadeburga, Abbatissa, Regis Cantiorum affine, describi sibi litteris aureis epistolas Petri.

Pluris Petri scripta Bonifacius fecit, quàm qui de Schola Platonis, vt refert Augustinus, censebat initium Euangelij Ioannis, aureis item scribi litteris oportere, ac per omnes Ecclesias in locis eminentissimis proponi. Maior sanè habenda ratio scriptorum sacrorum Petri, quàm quorum habitata tanta est, vinculorum, gladij quo absceidit auriculam Malcho, ossium, sepulchrique. Notatu dignum, quod Stephanus Papa III. post litteras ad opem à Francis contra Longobardos impetrandam, suo nomine missas, alias, nomine Petri misit Apostoli.

Baron. an.
755.

Baron. an.
724. 10. 9.
2. C. 1.

De eadem Petri Epistola hæc habet Baronius: Quas ipse Bonifacius solet legationes precum per epistolas mittere ad diuersos, secundum quod Apostolus Paulus ait: Adiuantibus & vobis in oratione pro nobis, & ex multorum personis, eius, quæ in nobis est donationis, per multos gratiæ agantur pro nobis: docent plures eiusmodi argumenti litteræ ad diuersos, diuersis temporibus datæ, & inter alias, quæ ad Eadburgam, siue Eadeburgam, Abbatissam. Fuit ista Regi Cantiorum affinis, vt quæ dicentur, suo loco docebunt, cuius quoque iuuabatur in extrema paupertate muneribus, & libros sacros ad erudiendos populos accipere consuevit, vt ipsius Bonifacij ad eam litteræ datæ declarant. Harum tres hic subiiciamus perbreues (accipimus

pimus eas à Frontone Duceo Societatis Iesu professore, viro Ecclesiasticarum antiquitatum studiosissimo: qui exscripsit, ut ait, ex scripto Codice Ecclesiæ Viridunensis, quo continentur Concilia Generalia, & Provincialia, cuius & nos alia reperimus exemplaria) nondum (quod sciamus) alicubi eufas: atque primum omnium illam, qua petit ab ipsa describi aureis litteris epistolae Petri Apostoli, ut à quo accepisset ad gentes Apostolorum, eius quoque litteras prædicandas in gentibus auri nitore fulgidas, præ tanti Apostoli amore, ac reuerentia secum haberet, quod immensè amantium est, ita effici erga eum, quem cupit. Quanti enim fecerit culmen Apostolicum Petrum, iam audisti, cum primam omnium, quam ibi inter gentes erexit Ecclesiam, voluit Petri nomine, atque memoria insigniri: Petrus illi in ore semper, sicut in mente, & in opere iugiter erat. Sed iam ab eo tuac scriptam perbreuem epistolam audiamus: sic enim se habet:

Reuerendissimæ, ac dilectissimæ sorori Eaburgæ Abbatissæ, Bonifacius exiguus seruus seruorum Dei in Christo, optabilem charitatis salutem.

*Eod. Cod.
Ep. 31.*

Deum Omnipotentem retributorem, & remuneratorem omnium bonorum operum deprecor, ut tibi in cælestibus mansionibus, & in æternis tabernaculis omnium beneficiorum suorum, quæ mihi præstitisti, æternalem mercedem, & in superna Curia Angelorum beatorum restituat. Quia sæpè siue solamine librorum, siue vestimentorum adiuuamine pietas tua tristitiam meam consolata est, sic & adhuc precor, ut augeas, quod cæpisti, idest, ut mihi cum auro conscribas epistolae Domini mei S. Petri Apostoli, ad honorem, & reuerentiam sanctarum scripturarum ante oculos carnalium in prædicando; & quia dicta eius, qui me in hoc iter direxit, maximè semper in præsentia cupiam habere. Ad scribendum hoc ergo Eobam presbyterum destino: fac ergo soror carissima de hac petitione nostra, sicut benignitas tua de cunctis precibus meis solebas, ut & hic opera tua ad gloriam cælestis patris aureis litteris fulgeant. Valere in Christo, & sanctis virtutibus ad meliora conscendenda proficere te opto.

Hanc primam Petri Epistolam, antequam Marcus ab eodem Petro Alexandriam mitteretur, esse conscriptam, ex eo facile colligi potest, quod in fine mentionem habeat de ipso Marco illis verbis:

Salutat vos, & Marcus filius meus (quod vnicè eum diligeret, filium appellat) quem hoc ipso anno tertio Claudij, Alexandriam amandatum, Alexandrinam collegisse Ecclesiam, Eusebius non obscurè demonstrat in Chronico. Opportuna enim illa videbatur oblata occasio aduentus Philonis Iudæi Alexandrini in Urbem, qui sub Caio primùm pro Iudæis Alexandrinis legatione functurus, unà cum socijs Romam se contulit; ac iterum sub Claudio Romam venit, quando, & gentilem suum Petrum Euangelium prædicantem Romæ cognouit, & familiarissime cum ipso versatus est, ut Hieronymus his verbis declarat: Aiunt hunc sub Caio Caligula Romæ periclitatum, quo legatus gentis suæ missus fuerat: cum secunda vice venisset ad Claudium, eadem Urbem locutum esse cum Petro Apostolo, eiusdemque habuisse amicitias, & ob hanc causam etiam Marci, discipuli Petri, apud Alexandriam sectatores ornasse laudibus suis. Hec Hieronymus de Philonis cum Petro Romæ consuetudine, ac amicitia vsu. Qua quidem ex re coniectura duci.

*Hieron. de
scrip. Eccl.
in Philone.*

ducimur, redeuntem Philonem Alexandriam, Marcum sibi à Petro commenda-
datum secum perduxisse.

Petrus igitur, stabilita iam Sede Romana, cum illi vniuersi gregis
cura à Domino commissa fuisset, ad ceteras Occidentalis etiam Orbis partes
admonens oculos, vt apud omnes prædicatio Euangelica illucesceret, di-
scipulos, quos habebat, in diuersas prouincias amandauit. Velut enim à
Sole radij, & è fonte riui, à Sede Petri longe, lateq. fides Christiana diffu-
sa, vbiq. est feliciter propagata, vt iam supra abunde satis enarrauimus.

Marci Euangelium approbat. Cap. 540.

Petrus vero Romæ cum esset, maximosq. colligeret animarum, fructus
Euangelium à Marco conscriptum sua auctoritate confirmat.

*Euseb. hist.
lib. 2. c. 14.*

Audiamus Eusebium ista narrantem.

Sic ergo cum diuinus sermo (Petri scilicet) iam ad Romanos peruenisset,
vesana Simonis potentia extincta est, & homo ipse astutus vna penitus
profligatus. Ac tanta pietatis lux eorum mentibus, qui Petrum audiebant,
affulsit, vt non eius sermoni omnino auscultando, non doctrinæ diuinæ præ-
dicationis, minime scriptis prodita, attendendo contenti acquiescerent. Sed
à Marco Comite (cuius Euangelium esse fertur) multis varijsq. vocibus
contenderent, vt monumentum illius doctrinæ, quam sermone, & verbo
illis tradidisset, etiam scriptis mandatum apud eos relinqueret. Nec prius
hominem ab se dimittunt, quàm ipsorum postulatis obsecutus, opus absol-
uisset. Hanc igitur Euangelij scribendi, secundum Marcum, causam fuisse
memorant. Cum ergo Petrus Apostolus, diuina Spiritus sancti reuela-
tione suggerente, intelligeret illud opus editum esse: ferunt eum propenso
& alacri illorum hominū studio magnopere fuisse delectatum, hancq. scrip-
turam auctoritate sua ratam fecisse, quod in Ecclesijs passim perlegeretur:
Clemens in sexto libro *ὑποτύπων*, cui etiā testis accedit Papias, Hieroso-
lymitanus Episcopus, eandē tradit historiā. hæc Eusebius: Intexamus, & his
Clementis Alexandrini in epistolas Petri, verba, de Marci Euangelio Romæ
conscripto: Marcus, inquit, Petri sectator, prædicante Petro Euangelium palam
Romæ coram quibusdam Cæsarianis equitibus, & multa Christi testimonia
proferente, petitus ab eis, vt possent, quæ dicebantur, memoriæ cōmendare,
scripsit ex his quæ à Petro dicta sunt, Euangelium, quod secundum Marcum
vocatur. Hæc Clemens Alexandrinus. à quibus non differunt verba sancti
Hieronymi in vita Marci.

Eundem Marcum Alexandriam mittit. Cap. 541.

*Euseb. hist.
lib. 2. c. 15.
Ruf. c. 16.*

Eodem Christi anno quadragesimo quinto Marcus Euangelista (inquit
Eusebius) interpres Petri, Aegypto & Alexandriæ Christum annuntiat.
ista in Chronico.

Aliunt præterea, inquit, hunc Marcum primum in Aegyptum traiecisse, &
Euangelium, quod ipse conscripserat, illic prædicasse, primumq. Ecclesia-
rum Alexandriæ institutarum auctorem extitisse: atque tanta hominum, &
mulierum fidem Christi amplexantium ex prima aggressione & conatu, per-
grauē

graue in primis, sanctum, & seuerum eius viuendi exemplum, ibi cogebatur multitudo, vt Philo ipse eorum studia, exercitationes, mores, frequentes congressus, communem inter ipsos victus rationem, omnem denique viuendi institutionem, suis scriptis persequi operæpretium existimaret. Hæc, & alia Eusebius.

Romana Ecclesiæ fundatione Idolatria decreuit.

Cap. 542.

Consideratione quidem dignum existimamus, quod ipso anno, quo Romanam Ecclesiam, à Petro erectam fuisse monstrauiamus, multa à Claudio Imperatore, non nisi impellente numine, facta esse noscuntur aduersus Gentilium superstitionem: nimirum abrogata fuisse complura sacrificia, atque festa in venerationem Deorum solita celebrari. Testatur id Dio his verbis: Post hæc Claudius, tertiu Consul, multa sacrificia, multasq. ferias abrogauit: nam maior anni pars in his absumebatur, non sine magno Reipublicæ detrimento. Igitur eas, & reliqua omnia, quæ poterat, contraxit.] hucusque Dio. Hæc licet ille alia ex causa, quam animo concepisset, fecisse credatur: nihilominus Deo impellente illud videtur opus aggressus, quod Petrus consumaturus in Urbem aduenerat. Videas itaque, non nisi nutu diuino quodammodo accidisse præfagium, vt cum primum Christiana fides à Petro Romæ plantata coalescere cepit, idolatria decre-scere, atque minui inciperet: accidissetq. vt sicut olim apud Philistæos, cum in templo Dagôn Arca foederis est collocata, idolum suam imbecillitatem cadendo monstrauit; ita etiam Ecclesia Romæ fundata, mox suorum rituum supersticiosa impietas iacturam pati ibi cæperit.

Baron. an. 45.

Dio. l. 60.

Caij Imp. omnes abolita imagines.

Cap. 543.

Rursus eodem anno illudidem Auctor accidisse testatur: quod cum antea, mandato Imperatoris, omnia Caij simulacra sublata fuissent; sancito tunc edicto; quæcunque numismata viderentur eiusdem Caij effigie consignata, conuari sunt iussa, quorum materiam Messallina Augusta in statuam Mneslei histrionis transfundi præcepit. Diuinum planè, atque æquæ lance pensatum iudicium: nimirum, vt, qui suam statuam titulo Iouis ære conflatam in templum Dei inferre parasset, ipse in cunctis imaginibus infame dispendium pateretur. Quantumlibet enim Iudæi ob necem Christo illatam grauiora pati commeruissent; tamen quoniam in Dei Hebræorum contumeliam Caius ea parabat, digna sententia præsumptum eius facinus punitum fuit.

Claudius timens Idolatriæ destructionem, prospicit gentilitiæ superstitioni.

Cap. 544.

Cum in Dies magis magisq. propagaretur Christiana Religio, ipsaq. Gentilium supersticio ea de causa nonnihil inciperet posthaberi, Claudius Imperator ex S. C. aruspicum disciplinam restituendam curauit. Id enim

Baron. an. 49.

Tacit. l. 11

enim Tacitus his verbis tradit : Retulit deinde ad Senatum super Collegio Aruspicum , ne vetustissima Italiae disciplina per dissidiam exolesceret .] & paulò post : & quia externarum superstitiones valescant ; & lata quidem in- præsens omnia , sed benignitati Deum gratiam referendam : ne ritus sacro- rum inter ambigua culti , per prospera oblitterarentur : factum ex eo Senatus- consultum , viderent Pontifices , quæ retinenda firmandaq. aruspicum &c.] hæc Tacitus : quem per externas superstitiones , Christianam quoque Re- ligionem in Vrbe , iam ante quinque annos disseminari cæptam , significare voluisse , nullus iure poterit dubitare . Ceterum non sua tantum restituere ac roborare , sed & nostra labefactare , ac penitus infringere conatus est , dum vnà cum Iudæis Christianos , qui in Vrbe erant , loco expulit , vt infe- rius dicemus .

De laudibus fidei , ac pietatis veterum Romanorum , post Petri prædicationem . Cap. 545.

*Perer. in
Epist. ad
Rom.*

*Chrysof. in
Epist. ad
Rom.*

Primus igitur Christianæ fidei , Romæ prædicator , & doctor fuit Petrus . Quamvis autem multa essent in Romanis , quæ viderentur obstare debuisse , ne illi Christi fidem facile acciperent , & tamen omnia Romani maxi- ma facilitate , & incredibili animi robore superarunt , quod admirari visus est Chrysostomus his verbis :

Romani , inquit , Orbis terræ Principatum adepti , fastu multo surge- bant , in diuitijs , & delicijs vitam agentes . Euangelium Christi tunc præ- dicabant quidam piscatores Iudæi : quam gentem tum omnes , tum maxime Romani oderant , & abominabantur . Et illi quidem Prædicatores Cruci- fixum quendam hominem , tanquam Deum adorare docebant videlicet , du- ramq. insuper vitam agendam recipientibus disciplinam suam præscribebāt .

Erant porro illi prædicatores , & pauperes , & ignobiles , & illiterati , ac- que indiferti , & omnibus inuisi , exosiquè .

Ad extremum credentibus in Christum , præter ignominiosæ sectæ pro- fessionem , & asperæ vitæ commutationem , timenda erat , immo pro certo habenda , & honorum , & diuitiarum , & ipsius vitæ priuatio , nihil tamen istorum pectus Romanum infringere , nec à Christi fide suscipienda , & pro- fitenda abstertere potuit .

Paulus Apostolus fidem illam Romanorum indicabat fuisse eximiam , & admirabilem , ideoq. celebratam vbique terrarum , cum ad Romanos scribens dicebat : Gratias ago Deo meo per I E S V M Christum pro omnibus vo- bis , quia fides vestra annuntiatur in vniuerso mundo .

Romani enim primo fidem acceperunt magna facilitate , magnoq. animi ardore , quam magna fiducia , & libertate profitebantur , peregrinjs vir- tutum operibus exornatam , & cum vix ante tredecim annos Romani essent à Petro ad Christum conuersi , quando Paulus ad eos scripsit , mirum planè , Romanorum fidei formam , omnes terrarum Orbis regiones , tam breui tem- pore peruadere potuisse .

*In epist. ad
Rom.*

Putauit Origenes illud à Paulo dictum fuisse per hyperbolem . Sed Chry- sostomus , Theodoretus , Oecumenius , Theophylactus , & dictus vulgo Hieronymus , sine hyperbolica locutione dictum interpretantur . Quomodo autem

autem tam breui tempore fides Romanorum vniuerso Mundo innotescere potuerit, ita declarat Theodoretus: Non hoc Romanis dixit Paulus, eis blandiens, sed vere dicens, neque enim fieri poterat, ut quæ Romæ eue-
niebant, ea illos, qui in toto erant terrarum Orbe, laterent. In illa enim Vrbe, olim Romanorum Imperatores Regiam suam habebant: illinc emittebantur, & qui gentibus præessent, & qui in Ciuitatibus vectigalia exigere-
rent. In illam quoque Urbem concurrebant omnes, qui regalia profiteban-
tur beneficia: & per hos omnes vbique significabatur, quod Ciuitas Ro-
manorum CHRISTI doctrinam acceperat: id autem ijs, qui audiebant, maximam vtilitatem afferebat, quam ob rem diuinus Paulus Dominum laudabat.

Romana Ecclesia à Petro optime instituta. Cap. 546.

AT qualis eo tempore esset status Romanæ Ecclesiæ, ab eodem Paulo Rom. 1. audiamus; hæc enim, ait: Primum quidem gratias ago Deo meo per Iesum Christum pro omnibus vobis, quia fides vestra annuntiatur in vniuerso Mundo.] ac rursus: Certus sum autem, fratres mei, & ego ipse de vobis, quoniam & ipsi pleni estis dilectione, repleti omni scientia, ita ut possitis alterutrum monere.] ac demum: Vestra obedientia in omnem locum diuulgata est. Gaudeo igitur in vobis.]

S. Hieronymus hæc magna consideratione à Paulo esse dicta cognouit: Vnde ait: Vultis scire, ò Paula, & Eustochium, quomodo Apostolus vnam-
quamque provinciam suis proprietatibus denotarit? Vsq̃ue hodie eadem vel virtutū vestigia permanent, vel errorum: Romanæ plebis laudatur fides. Hieron. in
præf. lib. 2.
in epist. ad
Galat. Vbi aliquando tanto studio, & frequentia ad Ecclesias, & Martyrum sepul-
chra concurritur? Vbi sic ad similitudinem cælestis tonitruī, Amen reboat,
& vacua Idolorum templa quatuntur? Non quod aliam habeant Romani
fidem, nisi hanc quam omnes Christi Ecclesiæ: sed quod deuotio in eis
maior sit, & simplicitas ad credendum.] hæc Hieronymus. Idem qui su-
pra Theodoretus scribens ad S. Leonem Romanum Pontificem hæc habet
de Romana Vrbe, & fide illius: Accidit his, quod hoc quoque, quod re-
rum potitur, peperit Imperium, & propria sua appellatione eos quibus
imperat, impertijt: præcipue autem, & signiter eam exornat fides, & fide
dignus testis diuinus Apostolus, qui clamat: Fides vestra annuntiatur in vni-
uerso mundo. Si autem diuinæ prædicationis statim susceptis semini-
bus, mirabiles hos fructus, & tam vberes tulit; quænam ad eam, quæ nunc
in ea versatur, pietatem laudibus celebrandam suffecerit oratio?] Hæc
ipse.

Accidit hanc ob causam, quod sicut omnes qui Romano subessent Imperio,
Romanorum appellatione nobilitati essent, secundum quod lege sancitum
est, ut omnes, qui sub ore Romano sunt, Romani Ciues appellarentur:
ita pariter omnes, quotquot Catholica fide pollerent, Romani itidem dice-
rentur: eo quod fides Catholica, Romana pariter diceretur. Quod licet
superius occasione Catholici nominis sit perspicue demonstratum; tamen
eadem hic repetere (quod rei exigat argumentum) haud otiosum putamus;
& in primis testimonium Theodosij Iunioris Imperatoris sic scribentis ad
Aca.

Acacium Episcopum Beroensem : Vos probatos Romanæ Religionis sacerdotes esse manifesto argumento declarate . Sed & ipsos hæreticos consueuisse Catholicos communi loquendi vsu itidem nominare Romanos , plura sunt exempla ; vt apud Victorem Vticensẽ , cum Iocundus Arianus Episcopus ad Regis filium : Si gladio, inquit, peremeris, incipient Romani martyrem prædicare . Et apud Gregorium Turonensem itidem de Ariano Principe : Cogitauit intra se dicens : Quia ingenium est Romanorum (Romanos enim vocant homines nostræ Religionis) vt ita accidat, & non sit virtus Dei . Itemq. inferius de Ariano sic dicente : Si consenseris dictis meis, exercemus hodie cachinnum de hoc Romanorum presbytero] hoc est, de Catholico sacerdote : ac rursus de iisdem Arianis, qui erant in Gallijs : Quid putatis (dicebat vnus ex illis) quod nunc isti Romani dicant ?

Data est huius loquendi vsus ea occasio, quòd cum Romana Ecclesia Petri peculiaris esset ; qui (quod monstratum est sæpius) sicut caput totius Ecclesiæ à Christo Domino institutus, non tantum eorum qui Romæ, vel in Italia essent, sed omnium in Orbe terrarum Christianorum pastor diceretur, & esset ; ita ipsa meritò mater omnium diceretur Ecclesiarum . Sed quod insuper supra petram, eundem & Petrum, à Christo fundatæ Ecclesiæ datum ab eodem esset priuilegium, vt portæ Inferi, neque hæreses (vt Epiphanius, & alij sunt interpretati) non præualerent aduersus eam ; eadem ex causa, qui essent fide sincera, ac probati in omnibus Orthodoxi, iisdem Romani ab omnibus dicerentur . Nam ait Irenæus : Ad hanc enim Ecclesiam propter potentiorẽ principalitatem, necesse est omnem conuenire Ecclesiam, hoc est, eos qui sunt vndique fideles : in qua semper ab his qui sunt vndique, conseruata est ea, quæ est ab Apostolis, traditio . Sicq. quod dicit Paulus de Romanis : fides vestra annunciat in vniuerso Mundo propheticè dictum esse, Cyprianus in primis existimauit ; qui ad Cornelium Papam scribens, hæc ait : Dum apud vos vnus animus, & vna vox est, Ecclesia omnis Romana confessa est . Claruit, fratres carissimi, fides, quam de vobis beatus Apostolus prædicauit : hanc laudem virtutis, & roboris firmitatem iam tunc in spiritu prauidebat, & præconio futurorum merita vestra contestans, dum parentes laudat, filios prouocabat . hæc ipse . Sed obseruatione illud quoque (secundum Ioannem Chrysostomum) dignum est, quod ait Apostolus : Fides vestra annunciat in vniuerso mundo . quod scilicet, sicut Ecclesia Romana, Petro prædicante, crediderat, ita credere deberent ceteræ nationes . ait enim ipse : Non dixit, manifestatur, sed, annunciat . Et paulò post : Hoc solum ait, annunciat : ac rectè quidem, annunciat : planum faciens, quod dictis nihil quicquam addendum, vel demendum esset . Angeli seu Nuncij hoc est opus, quæ dicuntur, ea sola deferre : ob quod & Sacerdos Angelus vocatur, quod non sua ipsius, sed ea tantum nunciat, quæ ab eo acceperit, à quo delegatur . Quamquam Petrus inibi etiam prædicauit : sed illius facta, sua esse ducit : vsque adeo (quod antea diximus) inuidencia omni supra modum vacabat . hæc ipse, exactè considerans, quòd quantumlibet idem Apostolus magnis præconijs celebret Ecclesiam Thessalonicensium, ad ipsam scribens, nihilominus ne quicquam tale de illa loquutus fuerit .

Sed cum tam ex nuper dictis, quàm etiam ex superius enarratis de aduentu

uentu Petri Romam anno secundo Claudij Imp. constet Romanam Ecclesiã iam primitus erectam atque institutam fuisse: quoniam subesse potuit causa, vt ad Romanos Paulus scribens, nullam prorsus de Petro habuerit mentionem? At multæ quidem, sed ea potissima creditur; Petrum scilicet edicto Claudij cum Iudæis semel Roma pulsum, ad externas Orbis oras prædicationem Euangelij conuertisse, & in his hætenus laborasse: quippe cum vniuersi gregis curam à Domino sibi demandatam suscepisset, & quod ipse coram Apostolis de se testatur, dicens: Elegit Deus per os meum audire Gentes verbum Euangelij, & credere, non erat eius officij, in vno loco consistere, sed quantum homini licuisset vniuersum peragrarè Orbem, & nondum credentes ad fidem perducere, credentes verò, in fide penitus stabilire. Si enim Paulum, qui ad prædicandum itidem Gentibus Euangelium à Deo electus erat, licet neutiquam ei vniuersi gregis cura credita esset, tamen ex his quæ Lucas scribit, vidimus tot provincias circumlustrasse, ac ita (vt de se ipse testatur) Hierosolymis in Illyricum vsque longè latèq. Euangelium prædicasse, vt cum locum vltèrius non haberet, Hispanias cogitaret: quid de Petro dicendum est, cuius præcipuè muneris erat in his præ ceteris infundare? Cum præsertim non sicut in Orientalis Orbis partes, sciamus ceteros Apostolos missos esse in Occidentem, vno excepto Barnaba, qui ad breue tempus Ligures docuit: vel Iacobo (si tamen consenserimus ijs, qui tradunt eum citò rediturum Hispaniam penetrasse) ceterorum autem neminem esse missum, liquido appareat. Petri igitur muneris erat, vt qui iam complures Orientis provincias prædicando Euangelium peragrasset, iam (quod reliquum esse videbatur) lustraret Orbem Occidentalem, & vsque ad Britannos (quod tradunt Metaphrastes, & alij) Christi fidem annuncians penetraret.

Certè quidem Gregorius scribens ad Episcopos Numidiæ, eos ab Apostolo Petro accepisse ordinationum initia testatur: hoc est, quod & antè Tertullianus dicebat: Habes Roman, vnde nobis quoque auctoritas præsto est. & Cyprianus, Romanam Ecclesiam matricem appellat, quod non tantum Carthaginensis Ecclesia ab ea fidem accepisset, sed quæ sub ipsa continentur, Mauritania atque Numidia. Et quis mirabitur hæc, cum idem Paulus ea ipsa epistola testetur, impletum esse quod prædictum in Psalmo fuerat: In omnem terram exiuit sonus eorum, & in fines Orbis terræ verba eorum? Merito igitur manifestum fuisse, ait Innocentius ad Decentium scribens, Ecclesias in omni Italia, Gallia, Hispania, Africa, Sicilia, ac Insulis interiacentibus positas, à nullo alio quàm à Petro, vel eius discipulis & successoribus institutas esse. Non est ergo, quod iure quis possit de absentia Petri calumniam facere, vel de silentio Pauli mouere quæstionem; cum scribens ad Corinthios, Galatas, Ephesios, Thessalonicenses, & alios, nequicquam de ipsorum Episcopis expresse meminerit. Potuit & illud perfacile accidisse (etiam si dixerimus his temporibus Petrum Romæ egisse) vt familiares alias ad ipsum, Paulus eidem Tabellario dederit litteras; adeo vt non opus esset per alios salutari, cui ipse, suis priuatis litteris monens, salutem plurimam impartitus esset. Hæc enim humanitatis officia inter Apostolos intercessisse, quis tam ab humanitate alienus negare præsumperit?

*Metaph. die
29. Iuny.
Greg. lib. 2.
ep. 75.
Tert. lib. de
prescrip. c.
36.
Cyp. ep. 45
Psalm. 10.
Innoc. ep. 1.*

C c c

Petrus

Petrus Vrbe pellitur . Cap. 547.

Oros. lib. 6.
c. 7.
Sueton. in
Claud. c. 25

ANno eiusdem Claudij nono expulsos , inquit Orosius, per Claudium Vrbe Iudæos, Iosephus refert : Sed me magis Suetonius mouet , qui ait hoc modo : Claudius Iudæos, impulsore Christo, assidue tumultuantes Roma expulit . Quod utrum contra Christum tumultuantes Iudæos coerceri & comprimi iusserit , an etiam Christianos simul, velut cognatæ Religionis homines, voluerit expelli, nequaquam discernitur . Hæc Orosius . Ceterum eo edicto comprehensos esse etiam Iudæos ad Christi fidem conuersos , ex his quæ tradit Lucas monemur : agens enim ille de Pauli aduentu Corinthum, reperisse illic dicit Aquilam , & Priscillam Iudæos , sed fide Christianos : Ait namquæ : Et inueniens, Paulus scilicet, quendam Iudæum, nomine Aquilam , Ponticum genere, qui nuper venerat ab Italia , & Priscillam uxorem eius (eo quod præcepisset Claudius discedere omnes Iudæos Roma) hæc ibi : fuisse autem eos Christianos ex eodem capite apparet . His addimus, hoc maximè tempore, Christianos à Gentibus Iudæorum nomine vocari solitos .

Act. 18.

Ergo huius edicti occasione S. Petrus Vrbe, vt creditur , pulsus, iterum reuertitur Antiochiam .

Metaphrastes de hoc eius itinere scribens ista more suo sine vlla auctoritate tradit :

Metaph. 29
1. 1. 1.

Cum autem non diu mansisset apud Romanos , & sancto Baptismo multos regenerasset , & Ecclesiam constituisset , & Linum Episcopum ordinasset, venit Terracinam, in qua cum Epaphroditum ordinasset Episcopum, venit Sirmium Ciuitatem Hispaniæ : Quo in loco cum Epanetum constituisset Episcopum, deuenit Carthaginem Ciuitatem Africa; in qua cum Crescentem ordinasset Episcopum, venit in Aegyptum . Et cum Thebis, quæ septem habent portas, Ruffum: Alexandria autem Marcum Euangelistam, eorum qui se in disciplinam tradiderant, Episcopatu præfecisset , rursus venit Hierosolymam, ex reuelatione, propter Deiparæ Mariæ migrationem : Deinde reuersus in Aegyptum, per Africam rursus Romam rediit . hæc & alia Metaph.

Hierosolymis primum Concilium celebrat . Cap. 548.

Act. 15.

CUm Antiocheni exorta dubitatione de Gentibus ad Christum conuersis, quasi etiam Moyse lege tenerentur, Paulum vnà cum Barnaba Hierosolymam ad Petrum, ceterosq. Apostolos , vt eam controuersiam dirimerent , misissent, mox illi, conuocato Concilio, ea de re agere cæperunt . Audiamus itaq. Lucam totam eam historiam narrantem .

Epiph. hæ-
ref. 28.

Quidam descēdentes de Iudæa docebant Antiochijs videlicet fratres, quia nisi circumcidamini secundum morem Moyse, non potestis saluari . (horum primum Ducem Cherintum hæresiarcham fuisse docet S. Epiphanius) facta ergo seditione non minima Paulo & Barnabæ aduersus illos , statuerunt , vt ascenderent Paulus & Barnabas , & quidam alij ex alijs ad Apostolos , & presbyteros in Hierusalem super hac questione . Illi ergo deducti ab Ecclesia , pertransibant Phenicem , & Samariam, narrantes conuersionem

nem Gentium, & faciebant gaudium magnum omnibus fratribus. Cum autem venissent Hierosolymam, suscepti sunt ab Ecclesia, & ab Apostolis, & senioribus, annunciantes, quanta Deus fecisset cum illis.

Petrus Iudaeorum Apostolus dictus. Cap. 349.

IN eodem Concilio, ut sanctus Paulus tradit ad Galatas scribens, Petro *ad Gal. 2.* populus Iudaeorum, sibi autem Gentium committitur, ait enim: Cum vidissent quod creditum est mihi Euangelium praeputij, sicut Petro circumcisionis (qui enim operatus est Petro in Apostolatu circumcisionis, operatus est & mihi inter gentes) & cum cognouissent gratiam quae data est mihi, Iacobus, & Cephas, & Ioannes, qui videbantur columnae esse, dexterarum dederunt mihi & Barnabae societatis, ut nos in Gentes, ipsi autem in circumcisionem, tantum ut pauperum memores essemus: quod etiam sollicitus fui hoc ipsum facere. haec sanctus Paulus. Cuius verba non ita accipias velim, quasi totius Christiani gregis cura olim, quod vidimus, Petro à Christo tradita, huius Concilij decreto restricta sit (id enim vel opinari haereticum esset) sed ei in Iudaeorum conuersione speciatim operam ponendam esse illis ipsis monemur. Ea siquidem diuisio, cuius hic Paulus meminit: Non fuit aliqua abrogatio iuris concessi, vel prouinciarum limitatio, nec populorum diuisio, sed procuratio quaedam distincta, & discretum patrocinium, quo facilius nimirum in vniuerso Orbe Euangelium praedicaretur. Quamquam enim poterant Apostoli omnes, & simul, & etiam separatim à reliquis, in toto terrarum Orbe Christi fidem disseminare, nihilominus ut celerius, commodiusque id fieret, de duplici prouinciarum distributione inter se facienda cogitare coeperunt. Quarum altera fuit inter duodecim, de qua supra dictum est.

Alteram verò diuisio eiusmodi fuit, ut Petrus Iudaeorum salutem praecipue procuraret, nec tamen à Gentium conuersione arceretur: Paulus Gentium, ea tamen conditione, ut occasione sibi data Hebraeis Euangelium praedicare, illosque Christi fidem edocere posset: quod & frequenter ab ipso actum apud Lucam, & ipsummet legimus.

Quod autem Petrus Gentilibus Euangelium praedicauerit, quamquam Iudaeorum Apostolus erat, multis probari potest, ipse enim ante alios Cornelio, totique domui eius legem Euangelicam promulgauit, de qua re sic ipse *Act. 10.* met loquitur: Vos scitis, quoniam ab antiquis diebus Deus elegit per os *Act. 15.* meum gentes audire verbum Euangelij, & credere. item Matth. ult. Christus omnibus Apostolis dixit: Euntes ergo docere omnes gentes: & Marci ult. Praedicate Euangelium omni creaturae.

Innocentius hoc nomine primus, ut supra dictum est, tradit in omnem Italiam, Gallias, Hispanias, Africam, Siciliam, Insulasque interiacentes, nulum instituisse Ecclesias, nisi eos, quos venerabilis Apostolus Petrus, aut eius successores constituissent sacerdotes.

Denique Petrus non Hierosolymis, quae Iudaea Romana Vrbs erat, sed Antiochia in Syria primum; tum Romae quae Gentium Ciuitates erant, Episcopatus sui sedem fixit. Sed quid in his immoror? Haec enim Catholicis omnibus notissima sunt. Sanctus Hieronymus de his scribens: Occulta, *Hier. in ep. ad Gal. 2.*

inquit, hic oritur quæstio. Quid igitur? Petrus, si inuenisset ex Gentibus aliquos, non eos adducebat ad fidem? Aut Paulus, si ex circumcisione aliquos reperisset, non eos ad Christi baptismum prouocabat? quæ ita soluitur, ut dicamus, principale singulis in Iudæos & Gentes fuisse mandatum, ut qui defendebant legem, haberent quem sequerentur; qui legi gratiam præferebant, non deesset eis doctor præuius: in commune verò hoc eos habuisse propositum, ut Christo ex cunctis gentibus Ecclesiam congregarent. hæc Hieronymus.

Matt. 15.

Rom. c. 15.

Rom. 9.

Ergo Petro committitur Hebræorum cura, ut omnium nobilissima, Christus quandoquidem Iudæis per seipsum: Gentibus per discipulos prædica- uit: Non sum missus, inquit, nisi ad oues quæ perierunt domus Israel, & S. Paulus Christum Iesum, qui omnes homines saluos facere venerat, ministrum fuisse circumcisionis dicit: Iudæorum enim (iPaulo teste) erat adoptio filiorum, gloria, testamentum, & legislatio, & obsequium, & promissa; Gentes autem super misericordia honorare Deum: itaq. sicut Christus ita dictus est circumcisionis minister, ut tamen omnium pastor esset, omniumq. Saluator; eodem modo & Petrus ita circumcisionis minister appellari meruit, ut & totius Ecclesiæ Catholicæ pastor esset ac Rector.

Bar. in An.

ro. 1. anno

Christi 51.

Card. Bell.

de sum. p. 8.

li. 1. c. 16.

Si plura de his cupis, vide apud Casarem Cardinalem Baronium, & Robertum Cardinalem Bellarminum.

Petrus à Paulo reprehensus.

Cap. 550.

ad Gal. 2.

LAudat S. Cyprianus miram Petri humilitatem, ut qui à Paulo reprehensus non dixerit se primum tenere, sibiq. potius obtemperandum, sed tacuerit, nullum pro se verbum faciens.

Pauli verba totam eam rem describentis hæc sunt: Cum autem (absoluto scilicet Hierosolymitano Concilio, venisset Cephas Antiochiam: in faciem ei restiti, quia reprehensibilis erat, prius enim quam venirent quidam à Iacobo, cum Gentibus edebat: cum autem venissent, subtrahebat & sequebatur se timens eos, qui ex circumcisione erant, & simulationi eius consenserunt ceteri Iudæi, ita ut & Barnabas duceretur ab eis in illam simulationem. Sed cum vidissem, quod non rectè ambularent ad veritatem Euangelij, dixi Cephæ coram omnibus: Si tu, cum Iudæus sis, gentiliter viuis, & non Iudaicè, quomodo gentes cogis iudaizare? hucusque S. Paulus.

Cypri. ep. 71

ad Quirint.

Cypriani verò verba Petri humilitatem commendantis, hæc sunt: Nam nec Petrum, quem primum Dominus elegit, & super quem ædificauit Ecclesiam suam, cum secum Paulus de circumcisione postmodum disceptaret, vindicauit sibi aliquid insolenter, aut arroganter assumpsit, ut diceret se primum tenere, & obtemperari à nouellis & posteris sibi potius oportere. Nec despexit Paulum, quod Ecclesiæ prius persecutor fuisset, sed consilium veritatis admisit, & rationi legitimæ, quam Paulus vendicabat, facile consensit, documentum scilicet nobis & concordie & patientiæ tribuens, ut non pertinaciter nostra amemus, sed quæ aliquando à fratribus, & collegis nostris vtiliter, & salubriter suggeruntur, si sint vera & legitima, ipsa potius nostra ducamus. Hæc & alia sanctus Cyprianus Martyr.

S. Au-

S. Augustinus ad Hieronymum : Ipse Petrus quod à Paulo fiebat vtiliter libertate charitatis, sancta ac benigna pietate humilitatis accepit, atque ita, *Aug ep. 19. ad Hier.* Rarius, inquit, & sanctius exemplum posteris præbuit, quo non dedignarentur, sicubi forte recti tramitem reliquissent, etiam à posterioribus corrigi : quàm Paulus, quo confidenter auderent etiam minores maioribus pro defendenda Evangelica veritate, salva fraterna charitate resistere.

S. Gregorius hom. 18. in Ezechielem : Se, ait, minori fratri ad consensum dedit, atque in eadem re factus est sequens minoris sui, ut in hoc etiam præiret, quatenus qui primus erat in Apostolatus culmine, esset primus etiam in humilitate. & infra. Ecce à minore suo reprehenditur, & reprehendi non dedignatur.

Ceterum Petri factum, ob quod eum Paulus reprehendit, id fuit, ut omni culpa careret.

Scimus primum non deesse, qui dicant non Petrum Apostolum, sed quendam alium à Paulo reprehensum, ut videre est apud Eusebium, hist. lib. 1. cap. 12. Scimus etiam S. Hieronymum, aliosque permultos in ea esse sententia, ut crediderint non ex animo, sed simulatè Petrum reprehensum. Scimus demum B. Augustinum ideo reprehensum dicere, quia in eiusmodi Petri facto aliquod peccatum extitit.

Baron. 1. Annal. Xpi an. 51.

Horum omnium sententias perpendens Cæsar Cardinalis Baronius, quem nos sequimur, dicit; Nec ea, de quibus hic loquimur esse simulatè peracta, nec in illis ipsis Petrum vel minimum deliquisse : certum namque est Apostolos absque leuissima culpa pro loci & temporis ratione legalibus uti potuisse : ut & Paulus ipse sæpè fecisse conspicitur : ita ut hac ex parte nullum peccatum Petro adscribi possit, si cum Iudæis Iudaicè nonnunquam vixisset : affirmante de semet Paulo : Factus sum Iudæis tamquam Iudæus, ut Iudæos lucrificerem ; & ijs qui sub lege sunt, quasi sub lege essem, ut eos qui sub lege erant, lucrificerem. Aequius quandoquidem hæc à Petro, quàm à Paulo usurpari potuisse, cum ille Iudæorum, hic gentium partes suscepissent, nemo non videt ; Ea quippe ratione maior Petro, quàm Paulo cum Iudæis consuetudinis usus intercedebat ; si itaque nihil deliquit Paulus legalibus frequenter usus ; multo minus deliquisse Petrum dicere opus erit, ut qui semel illis se immiscuit : non ea igitur ex causa à Paulo redargui nec potuit, nec debuit.

1. Cor. 9.

Si diceret quispiam : quonam pacto dixit S. Paulus, se Petrum reprehendisse, quia reprehensibilis erat ? Illud primum responderem, quod Petrus fecit, adeò opportunè fecisse, ut opportunius fieri non potuisset. Audiamus rei gestæ historiam. Veniens Petrus Antiochiam, absque aliqua cuiuspiam offensione (celebrato iam de legalibus abrogandis Hierosolymitano Concilio) Christiana libertate cibum cum Gentibus capiebat : superuenientibus interim Antiochiam quibusdam Iudæis ad eum à Iacobo missis, cogitare mox cepit vix se aut Gentium, aut Iudæorum offensionem euadere posse ; nam si cum gentibus edere pergeret, sine dubio Iudæos fideles offenderet (1) enim infirmi adhuc in fide cum essent, nondum sibi ipsi persuadere poterant licere Iudæis cibus gentium uti) sin vero subtraheret se à Gentibus ad Christum conuersis (de his enim loquimur) separatimque cum Iudæis manducaret, in Gentium offensionem incurret, ut qui vel eum leuitatis arguerent, vel

Ccc 3 eius

eius exemplo permoti, ipsi etiam Iudaicè viuerè inciperent :

ad Gal. 4.
Chrysof. in
ep. ad Gal.
in c. 2. Turius itaque iudicauit (nouerat enim se Iudæorum Apostolum potissimum esse) semet ad modicum tempus à Gentilibus Christianis subtrahere, & Iudæis fidelibus inhærere, Iudaicè se viuere simulans, quem mox ceteri, qui erant Antiochiæ Iudæi, in quibus & Barnabas erat, & sequi cæperunt, & Gentes ad hoc ipsum eodem exemplo quodammodo impellebantur. Mutatione itaq. Petrus vitæ institutum, Iudæorum, de quibus scriptum est, occasione : timens eos, inquit Paulus, qui erant ex Circumcisione : eos dicit pro eis : ut in eadem epistola : Timeo vos, pro vobis : ergo timebat Petrus, ne si ab illis Hierosolyma nuper Antiochiam aduenientibus, visus esset, non Iudæorum, sed Gentium more viuere, ex ea re ipsos offensionem habituros.

In eo præterea Concilio Hierosolymis celebrato (quod neque omittendum videtur) illud vel maxime decretum fuit, ne Gentiles, qui Christo nomen darent, circumcisionis lege, ceterisq. legalibus tenerentur; Iudæis autem non fuit vetitum, ne legalibus vterentur, ut nondum mortiferis; Synagoga enim cum honore, ut sancti Patres docent, sepelienda erat.

Deinde Petrus ideo reprehensibilis fuit (ut S. Paulus dicit) quod occasione operis iure, riteq. ex dispensatione patrati, res, quæ in eo merito reprehendenda foret, oborta esset : ea autem eiusmodi fuit, ut eius exemplo Gentes ad Iudaicos ritus impellerentur : ipse igitur ex ea, quam diximus occasione, etsi ab omni culpa liber erat, Paulo reprehensibilis visus est : sicut & ipsemet Paulus alijs reprehensione dignus videri eadem de causa potuisset, si cum Timotheum Gentilem hominem circumcidit, vel Nazæcorum more caput in Cenchreis totondit, vel Hierosolymis se cum Iudæis putrificauit; Gentes ad Christum conuersæ, qui ea vidissent, ad illud ipsum faciendum in Iudaicos ritus declinantes suo exemplo moti fuissent; de quibus idem prorsus quod ipse Paulus de his qui Petrum sequebantur, dixit; iure dici potuisset eos non rectè ad nouitatem Euangelij ambulare : sed & in ipsum Paulum quoque dici, quod ipse in Petrum, & multo æquius, quod cum Gentium patrocinium suscepisset, Iudaicos ritus seruans suo exemplo gentes cogeret iudaizare; & quod in Petro reprehendisset, inconstanter admitteret; cum alioqui ea omnia Paulus absque vlla leuioris criminis culpa perageret. Sed de his hæcenus : nimium enim vel inuiti, ab historici instituto discessimus.

Barnabam Mediolanum mittit, Mediolanensem Ecclesiam instituit. Cap. 551.

Gualla lib.
5. c. 3.

Metaphrastes S. Petrum Mediolanum contendisse scribit; sed cum id nullius auctoritate, ac reificatione dicat, cumq. nulla eiusdem rei traditio habeatur, eius historię fides sit penes Auctorem. Misisse verò Barnabam ad eam Ecclesiam instituendam, docet Iacobus Gualla, quem cum ex antiquis monumentis accepisse ea putem, eius verba hic ponam : Postea vero iubente Petro Longobardiam veniens (de Barnaba loquitur) Mediolanum, & vniuersam Cisalpinam Galliam, vnà cum eiusdem discipulis euangelica doctrina, miraculorum claritate, ac sanctitatis operibus, ad fidem Christi populos conuertit : vnde Longobardi multum deuotionis illi debent : hucusque ille. Cuius rei historiam confirmari posse crediderim, ex his, quæ habet

bet Innocentius epistola prima, ubi dicit, omnes Italix Ecclesias à solo Petro, seu eius successoribus erectas esse: hæc itaq. cum Petri tempore fundata sit, ut ex Barnabæ rebus gestis apparet, non erroris arguerem, qui, ut vera referret, quæ ex Gualla de Mediolanensis Ecclesiæ erectione recitauimus.

De rebus gestis à Paulo Apostolo. Cap. 552.

Post Petri Apostoli progressus reuertamur ad Apostolum Paulum, & enarremus res aliquas ab eo magnifice gestas, donec vtriusque cursum absoluerimus, mirabilia enim Deus per manus eorum operatus est. Sed celeberrimam eius conuersionem, & prodigijs plenam iam supra commemorauimus; nunc antequam cetera eius facinora gloriosa prosequamur, aliqua, quæ ad cognitionem vitæ eius pertinent, quæ prius dicenda fuerant, recensueamus. Scire enim Paulum regulæ salutis est, & norma virtutis.

De anno natiuitatis, natalique solo, patria, nomine conditione doctrina, arte, & moribus Pauli Apostoli.

Cap. 553.

Natus est Diuus Paulus Anno Domini iam nati, vel secundo, vel tertio. Cum enim, ad Christum sese conuerterit, anno ipsius Christi Domini, XXXV. inchoato, suæ verò ætatis 33. vel omnino expleto, vel penè, satis apparet, eius ortum vel in extremam partem Consulatûs C. Cornelij Lentuli, & L. Calphurnij Pisonis, vel in primam C. Cæsaris, & L. Aemilij Pauli incurrisse. Erant autem illi Coss. anno Domini II. hi III. ut quemadmodum Christi pueritiam puer Ioannes Baptista Paulum antecederet: sic eandem proximo interuallo puer Paulus sequeretur; itidemq. in cetera ætate.

*Serap. opus.
de Paulo.*

Gentem suam, propriamq. gentis Tribum Paulus ipse non vno tantum loco disertis verbis indicauit. ad Corinthios hæc de se scribens: In quo quis audet (in insipientia dico) audeo & ego. Israelitæ sunt, & ego. Semen Abrahæ sunt, & ego. Hebræi sunt, & ego. Si quis alius videtur confidere in carne, ego magis; circumcisus octauo die, ex genere Israel de tribu Benjamin, Hebræus ex Hebræis, secundum legem Phariseus. Et alibi vocat se Iudæum natura, & non ex Gentibus peccatorem, significans se non esse profelytum, nec ex profelytis natum, sed à prima generis origine Hebræum esse.

*Perer. in ep.
ad Rom.
2. Cor. 11.
Philip. 3.*

De natali solo, & patria B Pauli: Communis est Patrum, atque omnium ferè sententia, beatum Paulum esse natum Tharsii, & Hierosolymæ secundum legem eruditum; quod videtur indubitabile, cum id Paulus ipse conceptis verbis dixerit apud Lucam, in hunc modum: Ego, Paulus, sum vir Iudæus, natus Tharso Ciliciæ, nutritus autem in ista Ciuitate secus pedes Gamalielis.

Gal. 2.

Adiuuat præterea sententiam hanc beati Martyris Ignatij auctoritas, qui scribens ad Tharsenses vocat eos Pauli Ciues, & discipulos.

Hanc Tharsii Urbem, cum alia plura, tum duo potissimum, ornabant. Primum fides, qua contra Pompeium, Cassium, & Brutum, Cæsarianas partes peracriter defenderat, adeo ut se Iuliopolim vocaret; quapropter fuit summis

*Dio lib. 47.
Dio Chris.
in Thars.*

Ccc 4 ab psc.

*Sigon. lib. 1
de iur. ciu.
Rom. c. 1. et
1. de iur.
prou. c. 11.* ab Octauio Augusto beneficijs affecta, & inter cetera, iure municipali; quo fiebat, vt cum varia eorum, qui Romanâ Ciuitatem acceperant, genera inuenirentur; Tharsenses, non quocunque modo, sed eo qui ceteris penè omnibus antecellit, Ciuēs Romani essent. Alterum quia ita, in ea philosophiæ, ceterarumq. liberalissimarum disciplinarum studium viguit, vt, Strabone teste; ipsas etiam Athenas, Alexandriam, & si quæ vsquam egregia sapientiæ ac eloquentiæ officina fuit, superaret.

*Strab. lib. 14
Geogr.
Astr. lib. 21
22. 23.* Hinc igitur extitit D. Paulus, verè (vti sæpè commemorat) Ciuis & municeps Romanus, & ita quidem extitit, vt infinitis eam partibus amplius ornatis, quàm qui ex ea tot, & tanti prodierunt.

Die, ab ortu, octauo circumcisis, Saulis nomen, quod ex eadem tribu, primus Israelitarum Rex gesserat, accepit. Saulus tamen à Græcis vocatus est, quod asperiora Hebræorum nomina paululum, vt in alijs pluribus constat, lenire soliti sint. At Paulus, vnde, & cur nominatus, sunt opiniones. Prima, eum in circumcissione tamquam Hebræum, Hebræo nomine Saul; tamquam Romanum Romano, Paulum vocatum. Altera, in conuersione, vel dum prostratus Christo se dedit, vel dum sacro fonte initiatus est, nomen mutasse, & ex Saulo, Paulum factum; idq. non ratione corporis, sed animi, quem paruum iam, & dimissum gereret.

*Phil. 3.
Aug. in ser.
15. de verb.
Dom.* De conditione autem Pauli, vtrum nobilis genere fuerit, an ignobilis, non vna omnium sententia est. B. Augustinus facit eum nobilem; id argumentatur ex verbis illis B. Pauli ad Philipenses: Gloriamur, inquit Paulus, in Christo Iesu, non in carne fiduciam habentes; quamquam & ego habeam confidentiam in carne. Si quis alius videtur confidere in carne, ego magis &c. Quæ verba exponens Augustinus, sic ait: Ne arbitrentur aliqui, ideo Paulum contemnere, quæ ad gloriam secundum carnem pertinebant, quod ea ipse non haberet; neque enim magnum est, si homo nobilis & abiectus contemnat nobilitatem, & exhibeat humilitatem: ob id Paulus continud subiecit illud: Quamquam ego in carne confidentiam habeam, circumcisis octauo die, ex genere Israel, de tribu Benjamin, Hebræus ex Hebræis, secundum legem Phariseus. Erant autem viri primarij, & quasi ex nobilitate Iudaicâ segregati, nec contemptibili plebi commixti, qui dicebantur Pharisei: nam & ipsa vox apud Hebræos, segregationem significat, quemadmodum apud Latinos egregius dicitur, quasi à grege separatus. Hæc fermè Augustinus. Cuius opinioni fidem adiungere videntur, quæ de Paulo siue Saulo, scripta sunt in actis Apostolicis. Neque enim si homo fuisset humilis, & obscurus, & abiectæ fortis, tam ferox & minax, tamq. infestus sæuusq. in Vrbe Hierosolymitana Christianorum insectator esse, neque tantum eis negotij facessere potuisset; nec princeps sacerdotum, homini plebeio & obscuro potestatem dedisset, quoscumque Damasci reperijsset, Christianos capiendi, victosq. mittendi Hierosolymam.

*2. Tim. ho.
mil. 4.
1. Cor. hom.
3. c. 1.* At enim contra sensisse videtur B. Chrysostomus: is enim super epistolam posteriorem ad Timotheum, vocat Paulum inopem & Coriarium: & alibi, loquens de Paulo, & alijs Apostolis, ait fuisse eos & illiteratos, & inopes, & abiectos, atque obscuros. Constat certè Paulum fuisse opificem artis scenofactoriæ, eamq. artem etiam ante conuersionem ipsius ad Christum exercuisse: id enim proditum est in actis Apostolicis capite decimo octauo.

Vera

Vera porro nobilitas, eiusmodi mœchanicarum artium professionem, & exercitationem respuit. Quod ad Paulum, ceterosquẽ Apostolos in primis pertinet, in capite 1. prioris epistolæ ad Corinthios scripsit Paulus: Videte, inquit, vocationem vestram, quia non multi sapientes secundum carnem, non multi potentes, non multi nobiles, sed quæ stulta sunt mundi, elegit Deus, ut confundat sapientes, & infirma mundi elegit Deus, ut confundat fortia, & ignobilia mundi, & contemptibilia elegit Deus, & ea quæ non sunt, ut ea quæ sunt, destrueret, ut non gloriatur omnis caro in conspectu eius. Hæc Pauli verba præcipuè de Apostolis interpretantur Patres.

Equidem puto, cum Paulus opifex fuerit humilis, & abiectæ artis, non fuisse habitum eum nobilem, ex instituto, moreq. Romanorum, apud quos professio, & opificium mœchanicarum artium, veram nobilitatis rationem excluderat. Non itidem tamen se res habebat apud Iudæos; hi quippè nobilitatem potissimum estimabant è claritate Tribus, & antiqua nobilitate familiæ, quemadmodum B. Ioseph Deiparæ Virginis sponsus, artis erat fabrilis, sed quia erat de tribu Iuda, & familia David, haud dubiè nobilissimus erat. Iam verò tribus Benjamin, ex qua fuit Paulus, trifariam nobilitata, est. Primum enim, Regiæ dignitatis & potestatis gloriam ante alias Tribus habuit; eius namq. Tribus fuit Saul, primus omnium Hebræi populi Rex. Tum eximie fortitudinis bellicæ laude, ea Tribus celebrata est, ut indicat extremus liber Iudicum. Ac demum in secessione aliarum Tribuum à Regno Iuda, Tribus Benjamin haudquaquam secessit, sed Tribui Iuda perpetuò cohaesit. Præter verò Tribum & familiam, etiam tria hæc personam quampiam egregiè nobilitabant apud Iudæos, sacerdotium, & doctrina legis, unde nomen & honos Scribarum, & Religio sectæ, qualis erat Phariseorum.

Ceterum quispiam fortasse mirari posset, quomodo Paulus opifex fuit artis Scenofactoriæ, cum fuerit Cuius Romanus. Halycarnasseus, Romanæ historiæ scriptor probatissimus, è numero Ciuum Romanorum eiusmodi opifices eximit. Sed respondendum est, fuisse id quidem institutum à Romulo initio Urbis, quam fundauerat, ne ius Romani Cuius alijs opificibus, quàm agricolis, & milicibus impartiretur: sed mox id abrogatum fuit à Numa Pompilio, posteaq. ius Romanæ Ciuitatis etiam cum plebe, & quibuslibet opificibus semper communicatum est, quos & ferendi suffragij, & honoris petendi ius habuisse, pluribus constat exemplis. Etenim Publius Rupilius ex operis Publicanorum consularum adeptus est, imperiumq. gessit in Sicilia, atq. triumphauit. Terentius etiam Varro, qui cladem Cannensem Consul accepit, patrem habuit Ianum, cum ipse institor mercis fuisset. Marcus item Scavrus Consul, & Censor, patrem habuit, qui Carbonariam se-

*Halycarn.
lib. 2. c. 6.*

*Sigon. lib. 2
de ant. iu.
Rom. c. 12.*

cerat.

Quod de corporis paruitate dictum est, testatur Chrysostomus, & Nicephorus, quorum hic ita eam describit:

Paulus corpore paruo erat, & contracto, & quasi incuruo, atque paululum inflexo: facie candida, annosq. plures præferente: capite modico: oculis multa inerat gratia: supercilia deorsum vergebant: Nasus pulchre inflexus, ideoq. longior; barba densior, & satis proluxa: eaq. non minus quàm capitis coma canis repersa erat. Dixit etiam ante Nicephorum Lucianus, fuisse illum recaluatrum, & simo naso. Et ipsemet, quod ei aduersarij

*Chrys. ora.
in Pet. &
Paul.
Niceph. lib.
2. c. 37.
Lucian. in
Philop.*

uersarij quidam probro dabant; libenter proficetur, corporis sui praesentiam infirmam, & abiectam fuisse,

Sed à corpore ad animum gradus iam faciendus. Sua in patria non primas tantum diuinæ legis præceptiones, cum à parentibus domum à Synagogæ, quæ Tarſi erat, magistris perdidit: sed cum tam celebre inibi gymnasium, ut ante dixi, esset, Gentilium etiam litteras, & poetas, ut ex nonnullis eius factis, dictisq. liquet, attigit. Quantos vero in ijs progressus fecerit, difficile est iudicare. Videtur enim interdum, se nec ab oratione splendida, & elaborata, neque à subtili & exquisito philosophandi genere instructum, fateri. Et sunt, qui plures in eo solæcismos notent, eumq. dicant, reconditiores animi sensus, Græca lingua explicare minus

1. Cor. 1. &

2.

2. Cor. 11.

1. 4. de doctrina Christi
ſi 7.

Hier. in c. 3
Ephes. &
ep. 151. 9.
10.

Aff. 5.
Luc. 2.

potuisse: cuius etiam rei suspicionem illa Corinthiorum altercatio facit, qua eloquentem illum Apollo ei idcirco anteponebant, sermonisq. imperitiam obiectabant. Lycaones autem Paulum, quod dicendo plurimum valeret, Mercurium appellabant. Corinthij, eius epistolas fortes, & graues agnoscebant. Augustinus vero summam ei eloquentiæ laudem tribuit. Diuus Hieronymus aliam priorem sententiam penitus damnare videtur, dum Paulum Euangelij tubam vocat, Leonis nostri rugitum, Gentium tonitru, eloquentiæ Christianæ flumen. Et alibi. Quotiescunque Paulum lego, videor mihi non verba, sed audire tonitrua &c. Videntur quidem verba simplicia, & quasi innocentis hominis, & rusticani, & qui nec facere, nec declinare nouerit insidias: sed quocunque respexeris, fulmina sunt.

Ad Gamalielis è sublimiore loco docentis pedes eruditus, & educatus fuit. Erat porro Gamaliel Phariseus, legis doctor, vniuersæ Plebi honorabilis, Simeonis illius iusti, qui Christum Dominum vlnis acceptum, cygnea voce consalutauit, aut filius, aut discipulus.

Huius tanti Doctoris Sectam Pharisaicam secutus est Paulus, & præter alios complures condiscipulos, habuit D. Stephanum, S. Barnabam, cui etiam familiarior erat: ipsos Gamalielis filios, maximè tamen primogenitum Sedemium, Simeonem illum iuniorem, quem Rabini magnum, Sanctum, Doctorumq. illis ætatis facile principem dicunt; forte etiam suos illos cognatos, de quibus ante. Quantus vero præ his omnibus esset, dum se ipsum deflet, ita indicat: Proficiebam in Iudaismo supra multos contemporaneos meos in genere meo: abundantius æmulator existens paternarum mearum traditionum.

Gal. 1.

Non tamen litteras tantum, diuinarumq. rerum cognitionem Paulus sibi comparauit; tabernacula etiam ex consutis pellibus, & cilicijs conficiendi manuariam artem adiunxit. Vnde à D. Chrys. pellium sutor; ab Origene, tabernaculorum faber vocatur, ut quemadmodum à piscium piscatu ad homines piscandos alij: sic iste à terrenorum tentoriorum futura, ad æterna consuenda vocaretur, inquit idem Origenes. Cur vero, & quando artem hanc didicerit, sic habe. Qui apud Iudæos è Leuitica tribu non erant, aut vero, ut apud ceteras gentes, neque generis nobilitate, neque censu tanti erant, ut suis se redditibus alere possent, ij, etiamsi legis studia consecrarentur, artificio alicui operam dabant. Ita enim peruetustos Hebræorum Doctores Semahaiam, Abthalionem, & Iuniorem Gamalielem præcepisse legimus. Cum igitur Paulus, neque Leuitici generis, neque splendido, & amplo,

amplo, uti supra ostensum, loco esset, puer adhuc in patria, & etiam cum Hierosolymis postea, cum litteris opificium tabernaculorum coniunxit.

Vita eius, prout quidem legis, & temporis illius status erat, optima, & honestissima fuit: Ego, ait, secundum iustitiam, quæ in lege est, conuersus, sine querela. Huiusq. suæ integritatis ipsos etiam, qui in aliorum vitijs oculatissimi, quique ipsius hostes infensissimi erant, Iudæos testes citat: nec non ipsam, cuius instituta secutus erat, disciplinam.

Melius quiddam, adeoque ipse Diuus Augustinus, Paulo tribuere videtur, dum aperte, ipsum, instar Zachariæ, & Elisabeth, quorum laus in Euangelio, in omnibus legis iustificationibus ambulasse ait, & subiungit: Sic prostratus horruit iustitiam suam, in qua erat certe sine querela, laudabilis, magnus, quasi gloriosus apud Iudæos. Et alibi. Quia sub proposito placendi Deo, agebatur ignarus ad culpam, statim post admonitionem cucurrit deuotus ad gratiam.

Vides etiam incredibilem Dei erga Paulum, & Christianos, quos omni suppliciorum diritate cruciandos susceperat, misericordiam, & bonitatem, dum illum tam cæco ardore incensum, tanta iam auctoritate armatum, à concepto scelere vocat, ab istorum ceruicibus depellit.

Agebat vero Paulus tunc annum tertium, & tricesimum: id ita pater. Sexaginta, & octo annos vixit, horumq. xxxv. in Christi Domini obsequio posuit, uti clarissime D. Chrysostomus testatur, qui eum ferè sequitur Mich. Glycas Siculus. Superfuit igitur tres & triginta, quibus in Iudaismo permansit.

Sed cum hac ætate esset Paulus, vxorem non duxerat. In qua quidem re audiendi non sent, ait Hieronymus, qui Paulum vxorem habuisse confingunt, quoniam ipsemet Paulus, se vxoris vinculo astrictum nunquam fuisse profiteretur: Volo, ait, omnes esse sicut me ipsum. & infra: Dico autem innuptis, & viduis. Bonum est illis, si sic permaneant, sicut & ego.

Sed hæc satis de Paulo prælibasse sufficiat.

Iudaica religionis auctoritas apud Reges externos.
Cap. 554.

QUOD autem ad Pauli conuersionem, & rei gestæ historiam pertinet, de qua supra dictum est, illud annotare prætermisimus ibi, quod non erat præmittendum (id, quod à Baronio obseruatum est) qualis, & quanta etiam apud hostes fuerit Iudaicæ religionis obseruantia. Cum enim inimicitia, odia, atque bella conflata essent inter Aretam Regem Damasci, atque Herodem; fueritq. (ut Iosephus est auctor) diutius conflictatum, nec inter eos pax composita esset: nihilominus tantum sibi iuris vendicabat apud externos, immo & apud hostes summus Pontifex in his, quæ ad Religionem spectare viderentur, ut non tantum, quæ ad decimarum pertineret collectionem, sed quæ summi esse Imperij viderentur, sibi sumens, daret litteras ad Synagogas Damasci, ut qui reperti essent Iudæi Christo credentes, vincti Hierosolymam ducerentur. Utinam tanta saltem, etsi non ampliori (ut par esset) apud Christianos principes Christiana Religio, summumq. omnium Regale Christi sacerdotium hodie auctoritate polleret, quanta apud

Philip. 3.

Luc. 1.
Ser. 5. de S.
Petro &
Paulo.

Chrys. ora.
in Per. &
Paul.
Glyc. An.
Bizant. p. 3
Hier. epist.
22. ad Eu-
stoch. & 92
1. Cor. 7.

Ioseph. ant.
lib. 18. c. 7.

apud Reges externos, ac denique hostes, cultus Iudaicus habebatur. Infelicia enim nostra tempora hæc commemorare compellunt.

Paulus post conuersionem venit Hierosolymam, ut honoris gratia videret Petrum, quem omnibus sciebat esse præfectum.

Cap. 555.

Gal. I.

PAulus Apostolus post suam conuersionem Hierosolymam concessit. Cur vero Damasco fugiens, Hierosolymam contenderit, ubi maius sanè periculum sibi imminere, intelligere potuisset, quippe qui fuisse paterna legis desertor videretur, & transfuga: nulla sanè alia causa se ad hoc fuisse impulsam, quàm ea scilicet, ut ipsum Petrum Principem omnium Apostolorum inuideret, ipsemet testatur; sic enim ait: Deinde post annos tres veni Hierosolymam videre Petrum, & mansi apud eum diebus quindecim. Non (inquit S. Hieronymus) ut oculos genas, vultumque eius aspicere; utrum macilentus, an pinguis, adunco naso esset, an recto; & utrum frontem vestiret coma, an (ut Clemens in Periodis eius refert) caluitium haberet in capite. Nec puto Apostolicæ fuissent grauitatis, ut post tantam triennij præparationem aliquid humanum in Petro voluerit aspicere. Sed oculis aspexit, quibus & modo in epistolis suis videtur: his oculis Paulus vidit Cephæ, quibus nunc à prudentibus quibusque Paulus ipse conspiciatur. Quod si cui non videtur, cum superiori sensu iungat hæc omnia: quod nihil Apostoli sibi contulerint. Nam & quod iussus sit ire Hierosolymam: ad hoc isse, ut videret Apostolum, non discendi studio, qui & ipse eundem prædicationis haberet auctorem, sed honoris priori Apostolo deferendi. hucusque S. Hieronymus.

D. Ambrosius.
ibid.

Dignum etiam (inquit Ambrosius) fuit, ut cuperet videre Petrum: quia primus erat Apostolus, cui delegauerat Saluator curam Ecclesiarum. Ascendit, velut ad maiorem, & seniore. Vides quàm maiorem beneuolentiam habuit erga Petrum? huius enim causa peregrinationem susceperat, & apud eundem commoratus est. Hæc & dico frequenter, & memoria retineri volo, ut si quæ audieritis, quæ ab eo aduersus Petrum dicta videbantur, ne quis suspectum habeat Paulum Apostolum: veluti cum dicit: Restiti Petro. Neque hæc verba putet esse simultatis aut contentionis: nam honorat virum, & diligit plus omnibus, nec ob vllum aliorum Apostolorum narrat se ascendisse Hierosolymam, sed propter hunc solum. hæc ipse. Porro non id actum tantum (ut dictum est) beneuolentiæ causa, qua erga ceteros quoque Apostolos equè affectus erat; sed honoris, cum sciret Petrum à Christo omnibus esse præfectum. Etenim cum Paulus humana doctrina non indigeret, ut qui ab vniuersorum Deo illam acceperat: tamen Apostolorum Principi honorem, quem par est, tribuit. Per tot tantaque certamina (ait Oecumenius) abiit, ut videret Petrum tamquam maiorem, aut etiam maneret causa honoris, quem Petro deferbat.

Theodoretus.
ibid.
Oecumenius.
ibid.

De

De mirabili raptu Pauli Apostoli ad tertium calum, & alio raptu in Paradisum; & de reuelatione ei facta de Gentium conuersione, ad quas ab Apostolis destinatus fuit Apostolus.

Cap. 556.

TOta Apostoli Pauli vita, post agnitum Christum, mirabilis extitit, & magnifica: & mirabilia per totum penè orbem operatus est, ut nomen Dei admirabilissimum fieret in vniuersa terra. Sed illud contigit huic Apostolo supra modum admirabile, quod homo mortalis, carnis sarcinam circūferens, & corporis pondere pressus, & habitans in inferioribus terræ, ubi pulvis est, & cænum, ad tertium tamen calum virtute diuina raptus conscenderit, ubi videtur diuinitas in maiestate sua, ubi astat Deus amictus lumine sicut vestimento, ubi habitant cælestes Hierarchiæ, ubi magna Dei domus celsis parietibus eleuata conspicitur, ubi est habitaculum æternæ, & iucundissimæ lucis, ubi fulgent iusti sicut sol, & astra matutina laudant Deum, ubi est inenarrabilis decor, & super pulcherrima pulchritudo, quæ spectantium oculos lætificat, ubi est regio viuorum, & terra viuentium, locus præfulgens, immobilis, impassibilis, & diuinis ornamentis decoratus, altitudine, & amplitudine tam excelsus, ut diceret esse infinitum, si corpori infinitas competere posset.

Accessit igitur Paulus ad inaccessibilem lucem, ubi vidit diuina, & audiuit arcana, ut cum deberet gentes ad calum ducere, sciret, & doceret ad quam spem perueniat Christiana fides, certosq. faceret mortales de dignitate æternæ, & beatæ illius vitæ, & quod non sunt condignæ passionibus huius temporis ad futuram gloriam, quæ reuelabitur in nobis.

Raptum autè suum hoc modo enarrat Corinthiis ipsemet, qui raptus fuit: 1. Cor. 13.
Veniam autem ad visiones, & reuelationes Domini: Scio hominem in Christo ante annos quatuordecim, (siue in corpore, nescio, siue extra corpus, nescio, Deus scit) raptum huiusmodi vsque ad tertium calum. Deinde vero commemorat secundum raptum:

Et scio huiusmodi hominem, (siue in corpore, siue extra corpus, nescio) quoniam raptus est in Paradisum: Et audiuit arcana verba, quæ non licet homini loqui.

Consideret vnusquisque, si potest, Empyreæ cali, ad quod Paulus raptus est, altitudinem, & inenarrabile lumen, & cælestis Paradisi amoenissimam, & delectabilissimam regionem: ingens, & sublime tabernaculum Angelorum, atque hominum: & quæ ibi Deus cum quanta magnificentia ad Angelos, hominesq. oblectandos creauit, & animo voluat, ut potest, inuisibilia illa bona, quæ vidit, & inenarrabilia arcana, quæ audiuit, & præ magnitudine, & dignitate de illis loqui non poterit. & gratias agat Deo, qui confedere nos facit in cælestibus in Christo Iesu, & ciues constituit in regno Dei. Per ipsum enim habemus fiduciam, & accessum in vno spiritu ad dexteram maiestatis in excelsis, & aditum ad immarcescibilem hæreditatem, & diuitias gloriæ, cuius anni non deficiunt.

Raptus est autem, ne videretur ipsis Apostolis minor, qui vnà cum Christo conuersati fuerant. Creditur autem in illo raptu vidisse Gentium conuersio-

uersionem, fuisseq. illi ostensam, quoniam ad gentes Apostolus ab Apostolis esset mittendus. Quod postea, cum iterum vnà cum Barnaba, & Tito Hierosolymam venit, est feliciter adimpletum. Vnde meritò se illuc ascendisse, secundum acceptam reuelationem testatur, & contulisse cum Apostolis Euangelium, quod Gentibus prædicabat. Itaque eodem anno, quo prædicandi Euangelij munus Paulus suscepit, tam insignes reuelationes accepit.

Paulus cum Barnaba à Spiritu sancto ad prædicandum Euangelium segregatur: Elimam Magum pessimum, aduersantem Euangelio, cecitate percutit: & Proconsulem Sergium ad fidem conuertit. In Pisidia apud Iudeos habet prædicationem. Disseminat per vniuersam regionem Dei verbum, & multos ex gentibus conuertens, à Iudeis incredulis persecutionem patitur; at ipse excusso puluere pedum recessit inde. Cap. 557.

Act. 13.

ERant in Ecclesia, quæ erat Antiochiæ, Prophetæ, & Doctores, in quibus Barnabas, & Simon, qui vocabatur Niger, & Lucius Cyrenensis, & Manahen, qui erat Herodis Tetrarchæ Collactaneus, & Saulus. Ministrantibus autem illis Domino, & ieiunantibus, dixit illis Spiritus sanctus: Segregate mihi Saulum, & Barnabam in opus, ad quod assumpsi eos.

Tunc ieiunantes, & orantes, imponentesq. eis manus, dimiserunt illos. Et ipsi quidem missi à Spiritu sancto, abierunt Seleuciam; & inde nauigauerunt Cyprum.

Et cum venissent Salaminam, prædicabant verbum Dei in Synagogis Iudeorum: habebant autem & Ioannem in ministerio.

Et cum perambulassent vniuersam Insulam vsque Paphum, inuenerunt quemdam virum magum, Pseudopphetam Iudeorum, cui nomen erat Bariehu.

Qui erat cum Proconsule Sergio Paulo viro prudente: Hic accersitis Barnaba, & Saulo, desiderabat audire verbum Dei.

Resistebat autem illis Elimas magus (sic enim interpretatur nomen eius) quærens auertere Proconsulem à fide.

Saulus autem, qui & Paulus, repletus Spiritu sancto, intuens in eum, dixit: O plene omni dolo, & omni fallacia, fili diaboli, inimice omnis iustitiæ, non desinis subuertere vias Domini rectas?

Et nunc ecce manus Domini super te, & eris cæcus, non videns Solem vsque ad tempus, & confestim cecidit in eum caligo, & tenebræ: & circumiens quærebat, qui ei manum daret.

Tunc Proconsul, cum vidisset factum, credidit admirans super doctrina Domini.

Et cum à Papho nauigassent Paulus, & qui cum eo erant, venerunt Per-gen Pamphylia. Ioannes autem discedens ab eis, reuersus est Hierosolymam.

Illi vero pertranseuntes Pergen, venerunt Antiochiam Pisidia; & ingressi Synagagam die sabbatorum, sederunt.

Post

Post lectionem autem legis, & Prophetarum, miserunt Principes Synagogæ ad eos, dicentes: Viri fratres, si quis est in vobis sermo exhortationis ad plebem, dicite.

Surgens autem Paulus, & manu silentium indicens, ait: Viri Israelitæ, & qui timetis Deum, audite.

Deus plebis Israel elegit Patres nostros, & plebem exaltauit, cum essent incolæ in terra Aegypti, & in brachio extenso eduxit eos ex ea. *Exo. 1.*

Et per quadraginta annorum tempus mores eorum sustinuit in deserto. *Exo. 13. 21*

Et destruens gentes septem in terra Chanaan, sorte distribuit eis terram eorum. *22. & 16. Ios. 14.*

Quasi per quadringentos, & quinquaginta annos: & post hæc dedit Iudices, usque ad Samuel Prophetam. *Iud. 3.*

Et exinde postulauerunt regem, & dedit illis Deus Saul filium Cis, virum de Tribu Benjamin, annis quadraginta. *1. Reg. 8. 5. & 9. 16.*

Et amoto illo, suscitauit illis David Regem: cui testimonium perhibens, dixit: Inueni David filium Iesse, virum secundum cor meum, qui faciat omnes voluntates meas. *10. 1. 1. Reg. 16. 13.*

Huius Deus ex semine secundum promissionem eduxit Israel, Saluatorem Iesum. *Psal. 88. 21. Isa. 11. 1.*

Prædicante Ioanne ante faciem aduentus eius baptismum poenitentiae omni populo Israel. *Mat. 3. 1.*

Cum impleveret autem Ioannes cursum suum dicebat: Quem arbitramini esse me, non sum ego; sed ecce venit post me, cuius non sum dignus calceamenta pedum tollere. *Mar. 1. 2. Luc. 3. 3. Io. 1. 20.*

Viri fratres, filij generis Abraham, & qui in vobis timent Deum, vobis verbum salutis huius missum est. *Mat. 1. Mat. 3. 11.*

Qui enim habitabant Ierusalem, & Principes eius hunc ignorantes, & voces Prophetarum, quæ per omne sabbatum leguntur, iudicantes impleuerunt.

Et nullam causam mortis inuenientes in eo, petierunt à Pilato, ut interficerent eum. *Mat. 27. 20. 22.*

Cumque consummassent omnia, quæ de eo scripta erant, deponentes eum de ligno, posuerunt eum in monumento. *Mar. 15. 13. Luc. 23. 21. 23.*

Deus vero suscitauit eum à mortuis tertia die: qui visus est per dies multos his. *Io. 19. 16. Mat. 28. Mar. 16. Luc. 24. 10. 20.*

Qui simul ascenderunt cum eo de Galilæa in Ierusalem: Qui usque nunc sunt testes eius ad plebem.

Et nos vobis annunciamus, eam, quæ ad patres nostros repromissio facta est.

Quoniam hanc Deus adimpleuit filiis nostris, resuscitans Iesum: sicut, & in Psalmo secundo scriptum est: Filius meus es tu, Ego hodie genui te. *Psal. 2.*

Quod autem suscitauit eum à mortuis, amplius iam non reuersurum in corruptionem, ita dixit: quia dabo vobis Sancta David fidelia. *Isa. 55.*

Ideoquæ, & alias dicit: Non dabis sanctum tuum videre corruptionem. *Psal. 15. 10.*

David enim in sua generatione cum administrasset, voluntati Dei dormiuit: & appositus est ad patres suos, & vidit corruptionem.

Quem vero Deus suscitauit à mortuis, non vidit corruptionem. *2. Reg. 2. 10.*

Notum

Notum igitur sit vobis, viri fratres, quia per hunc vobis remissio peccatorum annunciat, & ab omnibus, quibus non potuistis in lege Moyse iustificari, in hoc omnis, qui credit, iustificatur.

Videte ergo, ne superueniat vobis, quod dictum est in Prophetis:

Haba. 1. 5. Videte contemptores, & admiramini, & disperdimini, quia opus operor ego in diebus vestris, opus quod non credetis, si quis enarrauerit vobis.

Exeuntibus autem illis rogabant, ut sequenti sabbato loquerentur sibi verba hæc.

Cumq. dimissa esset Synagoga, secuti sunt multi Iudæorum, & colentiū aduenarum, Paulum, & Barnabam, qui loquentes suadebant eis, ut permanerent in gratia Dei:

Sequenti vero Sabbato, plene vniuersa Ciuitas conuenit audire verbum Dei.

Videntes autem turbas Iudæi, repleti sunt zelo; & contradicebant his, quæ à Paulo dicebantur; blasphemantes.

Tunc constanter Paulus, & Barnabas dixerunt: Vobis oportebat primum loqui verbum Dei, sed quoniam repellitis illud, & indignos vos iudicatis æternæ vitæ, ecce conuertimur ad Gentes.

Isa. 49. 6. Sic enim præcepit nobis Dominus: Posui te in lucem Gentium, ut sis in salutem vsque ad extremum terræ.

Audientes autem Gentes gauisæ sunt, & glorificabant Verbum Domini, & crediderunt quotquot erant præordinati ad vitam æternam.

Disseminabatur autem Verbum Domini per vniuersam regionem.

Iudæi autem concitauerunt mulieres religiosas, & honestas, & primos Ciuitatis, & excitauerunt persecutionem in Paulum, & Barnabam, & eiecerunt eos de finibus suis.

Marc. 6. At illi excusso puluere pedum in eos, venerunt Iconium.

Mat. 10. 14. Discipuli quoque replebantur gaudio, & Spiritu sancto.

Luc. 9. 5. Quantum autem pertinet ad Elimam Magum, tantum absuit, ut cæcitate percussus aliquando resipuerit, ut magis, atque magis in Euangelicam doctrinam insaniens (quod testatur Dionysius) librum ediderit aduersus Pauli prædicationem, & Christi fidem.

Dionys. de Ar. no. 6. 8. Paulus, & Barnabas Iconij faciunt signa, & prodigia multa, multosq. ad Christi fidem conuertunt. Listris claudum, qui nunquam ambulauerat, Paulus iubet surgere super pedes suos. Populus admirans signi magnitudinem, credebatur Barnabam esse Iouem, & Paulum Mercurium, & illi sacrificare volebant. Iudæi persequentes, turbis excitatis, Paulum lapidant, & semimortuum relinquunt, qui ad alias ciuitates euangelizandas pergit. Cap. 558.

Act. 14. Factum est autem Iconij, ut Barnabas & Paulus simul introirent in Synagoga Iudæorum, & loquerentur, ita ut crederet Iudæorum, & Græcorum copiosa multitudo.

Qui vero increduli fuerunt Iudæi, suscitauerunt, & ad iracundiam concitauerunt

cauerunt animas Gentium aduersus fratres.

Multo igitur tempore demorati sunt, fiducialiter agentes in Domino, testimonium perhibente verbo gratiae suae, dante signa, & prodigia fieri per manus eorum.

Diuisa est autem multitudo Ciuitatis: & quidam quidem erant cum Iudaeis, quidam vero cum Apostolis.

Cum autem factus esset impetus Gentilium, & Iudaeorum cum Principibus suis, ut contumelijs afficerent, & lapidarent eos.

Intelligentes confugerunt ad Ciuitates Lycaoniae, Lystram, & Derben, & vniuersam in circuitu regionem, & ibi euangelizantes erant.

Et quidam vir Lystris, infirmus pedibus, sedebat claudus ex utero matris suae, qui nunquam ambulauerat.

Hic audiuit Paulum loquentem. Qui intuitus eum, & videns quia fidem haberet, ut saluus fieret.

Dixit magna voce: Surge super pedes tuos rectus. Et exiliuit, & ambulabat.

Turbae autem, cum vidissent, quod fecerat Paulus, leuauerunt vocem suam Lycaonice, dicentes: Dij similes facti hominibus, descenderunt ad nos.

Et vocabant Barnabam Iouem, Paulum vero Mercurium: quoniam ipse erat Dux verbi.

Sacerdos quoque Iouis, qui erat ante Ciuitatem Tauros, & Coronas ante ianuas afferens cum populis volebat sacrificare.

Quod ubi audierunt Apostoli, Barnabas, & Paulus, conscissis tunicis suis exilierunt in turbas clamantes,

Et dicentes: Viri, quid haec facitis? & nos mortales sumus, similes vobis homines annunciantes vobis ab his vanis conuerti ad Deum viuum, qui fecit coelum, & terram, & mare, & omnia quae in eis sunt: Psal. 145.
Apo. 14.

Qui in praeteritis generationibus dimisit omnes gentes ingredi vias suas.

Et quidem non sine testimonio semetipsum reliquit benefaciens de Coelo, dans pluuias, & tempora fructifera, implens cibo, & laetitia corda nostra.

Et haec dicentes, vix sedauerunt turbas, ne sibi immolarent.

Superuenerunt autem quidam ab Antiochia, & Iconio Iudaei; & persuasis turbis, lapidantesque Paulum, traxerunt extra Ciuitatem, existimantes eum mortuum esse.

Circumdantibus autem eum discipulis, surgens intrauit Ciuitatem, & postera die profectus est cum Barnaba in Derben.

Cumque euangelizassent Ciuitati illi, & docuissent multos, reuersi sunt Lystram, & Iconium, & Antiochiam.

Confirmantes animas discipulorum, exhortantesque, ut permanerent in fide: & quoniam per multas tribulationes oportet nos intrare in Regnum Dei.

Et cum constituissent illis per singulas Ecclesias presbyteros, & orassent cum ieiunationibus, commendauerunt eos Domino, in quem crediderunt.

Transeuntesque Pisidiam, venerunt in Pamphyliam,

Et loquentes verbum Domini in Perge, descenderunt in Ataliam:

Et inde nauigauerunt Antiochiam, unde erant traditi gratiae Dei in opus, Sap. 13. 1
quod compleuerunt.

Ddd

Cum

Cum autem venissent, & congregassent Ecclesiam, retulerunt quanta fecisset Deus cum illis, & quia aperuisset Gentibus ostium fidei.

Morati sunt autem tempus non modicum cum discipulis.

Cæterum inter præclara Pauli gesta apud Iconium, extitit conuersio admiranda Theclæ clarissimæ Virginis, per quam Deus mira operatus est: Nos hic tamen aliqua, & ex dictis Patrum, & ex purgatis actis excepta enarrabimus.

Thecla, Virgo nobilissima, à Patribus laudata, magnarum virtutum exempla imitanda reliquit, quæ & leonem, & alias immanes bestias ad mansuetudinem traxit, ignemq. illæsa superauit. Cap. 559.

I Conij autem, inter ceteros, constat Theclam nobilissimam Virginem, ad fidem Christi esse conuersam. De ea, hæc Gregorius Nissen. Talem myrrham olim Paulus infundebat, ex ore suo mixtam cum puro pudicitie lilio in sanctæ Virginis aures: ea vero erat Thecla, quæ præclare animo suo defluentibus de lilio guttis, hominem externum morte opprimit, omni cogitatione cupiditateq. extincta. Thecla incidit in Paulum Sanctum, & à nuptijs exoluitur, cum curatorem, siue sponsum haberet formosissimum, primarium vrbis, valde diuitem, generosissimum ac illustrissimum. In vitam contemnit terrena Sancta illa, ut cœlestium potens fiat: & oppignorata thalamo in amorem perpetuæ virginitatis Pauli eloquio succensa est.

Hæc, ut custodem carceris, quo Paulus Iconij tenebatur inclusus, sibi conciliaret, gemmis, & muliebri mundo distractis, pecuniam inde acceptam illi donauit, ut ad Pauli colloquium sibi pararet aditum. Hæc, ut Paulum videret, aurum suum dedit, sed aliqui, ut Christum videant, nec obolum dare volunt. Quoniã autem magnæ virtutis specimē propter fidei susceptæ magnitudinem, omnium oculis ostendit: propterea S. Ambrosius de ea loquens, his verbis alloquitur Virgines: Thecla doceat immolari, quæ copulam fugiens nuptiarum, & sponsi furore damnata, naturam etiam bestiarum virginitatis veneratione mutauit: namq. parata ad feras, cum aspectus quoque declinaret virorum, ac vitalia ipsa sæuo afferret leoni, fecit, ut qui impudicos detulerant oculos, pudicos referrent. Cernere erat lingentem pedes bestiam, cubitare humi, muto testificante sono, quod sacrum virginis corpus violare non posset: ergo adorabat prædam suam bestia, & propriæ oblecta, naturæ, naturam induerat, quam homines omiserant. hæc ibi. Et ad Simplicianum scribens, hæc in eandem sententiam: Inter leones virgo exultauit, & prodeuntes bestias expectauit intrepida. Repetit & eadem de leonibus in epistola ad Vercellensem Ecclesiam, sic dicens: Quo munere venerabilis Thecla etiam leonibus fuit, ut ad pedes prædæ suæ strata impatæ bestie sacrum deferrent ieiunium, nec procaci oculo virginem, nec vngue violarent aspero. Hæc Ambrosius.

Quod præterea & ignes Thecla subiisse, ac illæsa remansisse, in eadem quoque scribatur historia, Cypriani ea ad Deum obtestatione sic habet testatum: Adhæte nobis, sicut Paulo in vinculis, & sicut Theclæ in ignibus.

Et

Et alibi : Libera me de medio huius seculi , sicut liberaſti Theclam de medio amphitheatro . Gregorius Nazianzenus eadem sic dixit : Non te fugit , Theclam ignium , & bestiarum impetum euitasse ? Rursum alibi , his verbis .

*Greg. Naz.
ad virgin.
exhort.*

Quis Theclam necis eripuit , flammæq. periculo ?

Quis validos ungues vinxit , rabiemq. ferarum ?

Virginitas . O res omni mirabilis ævo .

Virginitas fuluos potuit sopire leones ,

Dente nec impuro generosos virginis artus

Ausi sunt premere , & rigido discerpere morsu .

*Id. in pra.
cep. ad vir.*

Hæc eadem Maximus Taurinensis , in hæc verba : Theclam flammarum globos euasisse cognoscis . Addam & illa , quæ pertinere ad eandem rem videntur , pia scilicet Sanctorum martyrum Terentij , & sociorum in hunc modum concepta verba : Qui Daniele de ore leonis eripuisti , & de manu Pharaonis Moysen seruasti , & Sanctam Theclam ab igne , & theatro , & feris , & bestiis taurinis defendisti , &c. Non tantum leonibus fuisse obiectam , sed & tauris alligatam , ut illis in diuersa actis , sic discerneretur , eadem eius acta testantur .

*Maximus
serm. de S.
Agn. Me-
saphor. die
10. April.*

Vita Sanctæ Theclæ Virginis & Martyris compendium .

Cap. 560.

IN Iconio natale Sanctæ Theclæ Virginis apud Seleuciam quiescentis , quæ de eadem Ciuitate Iconio à Beato Paulo Apostolo instructa est . Quam mater eius cernens Christianam , & nuptum repudiare , malentem Christo sponso adherere , quàm corruptioni carnis subiacere , pergens ad Iudicem , accusauit Virginem filiam suam esse Christianam , dicens , uiuam eam , ut ceteræ mulieres terrentur , debere ardere . Quam sibi cum iussisset Iudex adduci , & propositum castitatis eius didicisset , rogem fecit parari , ut illam incenderet . Rapta igitur ab Apparitoribus , ut in focum iactaretur , sponte pyram ascendit , & signo Crucis facto , virili animo inter medias flammæ stetit , subitoq. facta inundatione pluuiarum , ignis extinctus est , & Beata Virgo illæsa virtute superna erigitur .

*Ado. episc.
Trenuer. in
Martyrolo.
9. kal. Octo-
bris .*

Iterum cum ieiunijs , vigilijs , & orationibus vacaret , à quodam viro potente comprehensa , perducta est ad Præsidentem , quod se Christianam diceret . Quam idem Proconsul interrogans , si verum esset , in quo accusabatur ? Respondit , omnino Christianam se esse . Quam continuo Præsides ad bestias damnauit . Interim tamen quo subrigeretur , commendatur cuidam nobili femina , quæ propinqua Cæsaris erat , nomine Triphena . Sequenti die productæ sunt bestie de Caueis . Sistitur Beata Thecla in arenis medijs , stupente populo , quod eam bestie minimè tangerent .

Reducitur Beata Thecla ad domum Triphenæ , ut in crastinum iterum feris obijceretur . Quam ministri cum de domo repeterent , Triphena doloris plena sequitur eam usque ad spectaculum , ubi clamor vulgi & tumultus

Ddd 2 tus

tus erat immensus, Beatam Theclam spectantium. Nudata verò Beata Virgine, dimittuntur ei leones pariter & vrsi. Sed nulla ferarum eam lædere præsumpsit. Deinde in fossam aqua plenam, vbi serpentes adunati, & collecti fuerant, à furentibus populis cum vrgeretur, signo Crucis munita insiliuit: sed nec ab eis vlllo pacto læsa.

Iterum atrociores bestię parantur: sed vlllo modo tangere eam non sunt permixtę. Verùm nec adhuc sibi crudelitas modum ponit. Alligatur duobus tauris ferocissimis, ferro candente stimulis, vt eam discerperent. Qui funibus diruptis, vagabundi huc illucq, discurrunt, ac martyrem nullum malum passam relinquunt.

Accersitam denique Proconsul eam requirit, quę aut vnde esset, quia, nulla bestiarum eam lædere potuisset? Beata Thecla respondit: Dei viuũ tantum sum ancilla. Territus autem Proconsul, quod tantę virtutis esset, induta ea vestibus, edixit sententiam, Theclam, inquit, pietatis, ac Dei culticem relaxo. Dimissa verò, reuersa est in domum Triphenę, vbi requieuit paucis diebus, docens Triphenam, & domum eius in fidem Domini Iesu Christi. Inde egressa venit Seleuciam, ibiq, exemplo & conuersatione vitę, atque etiam doctrina plurimos erudiens, post multa certamina, duplicis coronę Virginitatis, & Martyrij, requieuit in pace. Hęc de Thecla. Plura autem de ea videri possunt in vita eius, quę inter vetustissimos codices inuenta, nuper edita est.

*Paulus varijs Ciuitatibus bonum nuncium salutis prædicat; Li-
diam Purpurariam cum domo eius ad fidem pertrahit. Puel-
lam habentem spiritum pythoem liberat. Truditur in carce-
rem, fit terremotus, aperiuntur ostia, & vincula captiuo-
rum soluuntur. Custos carceris obstupefactus, cum domo sua
credit Paulo, & baptizatur. Cap. 561.*

Act. 16.

Cum autem pertransirent Ciuitates, tradebant eis custodire dogmata, quę erant decreta ab Apostolis, & senioribus, qui erant Ierosolymis. Et Ecclesię quidem confirmabantur fide, & abundabant numero quotidie. Transeuntes autem Phrygiam, & Galatię regionem, vetati sunt à Spiritu sancto loqui verbum Dei in Asia.

Cum venissent autem in Mysiam, tentabant ire in Bithyniam, & non permisit eos spiritus Iesu.

Cum autem pertransissent Mysiam, descenderunt Troadem.

Et visio per noctem Paulo ostensa est: Vir Macedo quidam erat stans, & deprecans eum, & dicens: Transiens in Macedoniam, adiuua nos.

Vt autem visum vidit, statim quęsumus proficisci in Macedoniam, certi facti, quod vocasset nos Deus euangelizare eis.

Nauigantes autem à Troade, recto cursu venimus Samothraciam, & sequenti die Neapolim.

Et inde Philippos, quę est prima partis Macedonię Ciuitas, colonia: eramus autem in hac Vrbe diebus aliquot, conferentes.

Die

Die autem Sabbatorum egressi sumus foras portā iuxta flumen, vbi videbatur oratio esse : & sedentes loquebamur mulieribus, quæ conuenerant.

Et quædam mulier nomine, Lydia, purpuraria Ciuitatis Thyatirenorum, colens Deum, audiuit. Cuius Dominus aperuit cor intendere his, quæ dicebantur à Paulo.

Cum autem baptizata esset, & domus eius, deprecata est dicens : Si iudicatis me fidelem Domino esse, introite in domum meam, & manete. Et coegit nos.

Factum est autem euntibus nobis ad orationem, puellam quandam habentem spiritum pythonem obuiare nobis, quæ quæstum magnum præstabat Dominis suis diuinando.

Hæc subssecuta Paulum, & nos, clamabat dicens : Isti homines, serui Dei excelsi sunt, qui annunciant vobis viam salutis.

Hoc autem faciebat multis diebus. Dolens autem Paulus, & conuersus spiritui dixit : Præcipio tibi in nomine Iesu Christi exire ab ea : & exijt eadem hora. Videntes autem Domini eius, quia exiuit spes quæstus eorum : apprehendentes Paulum, & Silam perduxerunt in forum ad Principes.

Et offerentes eos magistratibus, dixerunt : Hi homines conturbant Ciuitatem nostram, cum sint Iudæi.

Et annunciant morem, quem non licet nobis suscipere, neque facere, cum simus Romani.

Et cucurrit plebs aduersus eos ; & Magistratus, scissis tunicis eorum, iusserunt eos virgis cædi. 1. Cor. 12. 25.

Et cum multas plagas eis imposuissent, miserunt eos in carcerem, præcipientes Custodi, vt diligenter custodiret eos. 1. Thes. 2. 2 Phil 1. 13.

Qui cum tale præceptum accepisset, misit eos in interiorem carcerem, & pedes eorum strinxit ligno.

Media autem nocte Paulus, & Silas orantes, laudabant Deum : & audiebant eos, qui in custodia erant.

Subito vero terræmotus factus est magnus, ita vt mouerentur fundamenta carceris. Et statim aperta sunt omnia ostia : & vniuersorum vincula soluta sunt.

Expergefactus autem Custos carceris, & videns ianuas apertas carceris, euaginato gladio volebat se interficere, æstimans fugisse vinctos.

Clamauit autem Paulus voce magna, dicens : Nihil tibi mali feceris : vniuersi enim hic sumus.

Petitoque lumine, introgressus est : & tremefactus procidit Paulo, & Silæ ad pedes.

Et producens eos foras, ait : Domini, quid me oportet facere, vt saluus sim ?

Et illi dixerunt : Crede in Dominum Iesum ; & saluus eris tu, & domus tua.

Et locuti sunt ei verbum Domini cum omnibus, qui erant in domo eius.

Et tollens eos in illa hora noctis, lauit plagas eorum : & baptizatus est ipse, & omnis domus eius continuo.

Cumque perduxisset eos in domum suam, apposuit eis mensam, & latus est cum omni domo sua credens Deo.

D d d 3

Et cum

Et cum dies factus esset, miserunt Magistratus lictores, dicentes : Dimitte homines illos.

Nunciauit autem Custos carceris verba hæc Paulo : Quia miserunt Magistratus, vt dimitramini: nunc igitur exeuntes, ite in pace.

Paulus autem dixit eis : Cæsos nos publice, indemnatos, homines Romanos miserunt in carcerem, & nunc occulte nos eijciunt? Non ita, sed: veniant, & ipsi nos eijciant.

Nunciauerunt autem Magistratibus lictores verba hæc : Timueruntq. auditum, quod Romani essent.

Et venientes deprecati sunt eos, & educentes rogabant, vt egrederentur de Vrbe.

Exeuntes autem de carcere, introierunt ad Lydiam : & visis fratribus consolati sunt eos, & profecti sunt.

Paulus prædicat verbum Dei Theſſalonica: Conuertitur ad Christi fidem multitudo magna, & mulieres nobiles non pauca: fit persecutio contra Paulum, qui Athenas profectus, prædicat verbum in Arcopago, & conuertitur Dionysius, & alij. Cap. 562.

Act. 17.

Cum autem Paulus, & socij eius perambulassent Amphipolim, & Apolloniam, venerunt Theſſalonicam, vbi erat Synagoga Iudæorum.

Secundum consuetudinem autem Paulus introiuit ad eos, & per Sabbata tria disſerebat eis de Scripturis.

Adaperiens, & insinuans, quia Christum oportuit pati, & resurgere à mortuis : quia hic est Iesus Christus, quem ego annuncio vobis.

Et quidam ex eis crediderunt, & adiuncti sunt Paulo, & Silæ, & de cælis, Gentilibusq. multitudo magna, & mulieres nobiles non pauca.

Zelantes autem Iudæi, assumentesq. de vulgo viros quosdam malos, & turba facta, concitauerunt Ciuitatem, & assistentes domui Iasonis, quærebant eos producere in populum.

Et cum non inuenissent eos, trahebant Iasonem, & quosdam fratres ad Principes Ciuitatis, clamantes : Quoniam hi, qui Urbem concitant, & huc venerunt.

Quos suscepit Iason, & hi omnes contra decreta Cæsaris faciunt, Regem alium dicentes esse Iesum.

Concitauerunt autem plebem, & Principes Ciuitatis audientes hæc.

Et accepta satisfactione à Iasone, & à cæteris, dimiserunt eos.

Fratres vero confestim per noctem dimiserunt Paulum, & Silam in Beroeam. Qui cum venissent, in Synagogam Iudæorum introierunt.

Hi autem erant nobiliores eorum, qui sunt Theſſalonica, qui susceperunt verbum cum omni auditate, quotidie scrutantes Scripturas, si hæc ita se haberent.

Et multi quidem crediderunt ex eis, & mulierum Gentilium honestarum, & viri non pauci.

Cum aurem cognouissent in Theſſalonica Iudæi, quia & Beroæ prædicatum est à Paulo verbum Dei, venerunt & illuc, commouentes, & turbantes multitudinem.

Statimq.

Statimq. tunc Paulum dimiserunt fratres, vt iret vsq. ad mare. Silas autem, & Timotheus remanserunt ibi.

Qui autem deducebant Paulum, perduxerunt eum vsque Athenas, & accepto mandato ab eo ad Silam, & Timotheum, vt quàm celeriter venirent ad illum, profecti sunt.

Paulus autem cum Athenis eos expectaret, incitabatur spiritus eius in ipso, videns idololatriæ deditam Ciuitatem.

Disputabat igitur in Synagoga cum Iudæis, & colentibus, & in foro, per omnes dies ad eos, qui aderant.

Quidam autē Epicurei, & Stoici philosophi differebant cum eo, & quidā dicebant: Quid vult seminiuerbium hic, dicere? Alij vero: Nouorū Dæmoniorum videretur annunciator esse: quia Iesum, & resurrectionē annunciabat eis.

Et apprehensum eum ad Areopagum duxerunt dicentes: Possumus scire, quæ est hæc noua, quæ à te dicitur, doctrina?

Noua enim quædam infers auribus nostris: Volumus ergo scire quidnam velint hæc esse.

(Athenienses autem omnes, & aduenæ hospites, ad nihil aliud vacabant nisi, aut dicere, aut audire aliquid noui)

Stans autem Paulus in medio Areopagi, ait: Viri Athenienses per omnia quasi superstitiones vos video.

Præteriens enim, & videns simulachra vestra, inueni, & aram, in qua scriptum erat: IGNOTO DEO. Quod ergo ignorantes colitis, hoc ego annuncio vobis.

Deus, qui fecit mundum, & omnia, quæ in eo sunt, hic Cæli, & terræ cum sit Dominus, non in manufactis templis habitat. Gen. 1. 1.
A. 7.

Non manibus humanis colitur, indigens aliquo, cum ipse det omnibus vitam, & inspirationem, & omnia:

Fecitq. ex vno omne genus hominum inhabitare super vniuersam faciem Terræ, definiens statuta tempora, & terminos habitationis eorum.

Quærere Deum si forte attrectent eum, aut inueniant, quamuis non longe sit ab vnoquoque nostrum.

In ipso enim viuimus, & mouemur, & sumus: Sicut & quidam vestrorum Poetarum dixerunt: Ipsius enim & genus sumus.

Genus ergo cum simus Dei, non debemus æstimare auro, aut argento, aut lapidi, sculpturæ artis, & cogitationis hominis, Diuinum esse simile.

Et tempora quidem huius ignorantie despiciens Deus, nunc annunciat hominibus, vt omnes ubiq. poenitentiam agant.

Eo quod statuit diem, in quo iudicaturus est Orbem in æquitate, in viro, in quo statuit, fidem præbens omnibus, suscitans eum à mortuis.

Cum audissent autem resurrectionem mortuorum, quidam quidem irridebant; quidam vero dixerunt: Audiemus te de hoc iterum.

Sic Paulus exiuit de medio eorum.

Quidam vero viri adhærentes ei, crediderunt: in quibus & Dionysius Areopagita, & mulier nomine Damaris, & alij cum eis.

Areopagus autem, in quem ductus fuit Paulus, erat locus iuxta mare, Promontorium Marcis dictum, à quo nomen deductum, vt Areopagus diceretur: vbi primū capitis iudicium actum fuisse dicebant: Nam, vt Gentilium referūt Plin. lib. 7.
nat. hist.
Steph de
Vrbibus.

*Demost. in
Orat. cont.
Aristocr.*

*Oecumen.
in Act. c. 17*

*Chrysost. in
Actus c. 17*

*Chrysostom.
c. 1. in ep.
ad 117.*

*Baron. an.
52.*

fabulæ, cum Mars homicidij crimine reus factus esset à Neptuno, iudicantibus duodecim Dijs; eo loco sit sententijs absolutus: accusatus enim fuerat, quoniam Neptuni filium, qui vim Alcippæ filix suæ intulerat, occidisset. Verisimilior est eorum ratio, ita nominatum Ariopagum, quod in eo tractarentur causæ homicidarum, qui martiali, ac hostili animo quempiam trucidassent.

De Ara autem, in qua scriptum erat I G N O T O D E O, hæc scribit Oecumenius: Duas vero causas referunt, cur apud Athenienses inscriptum fuerit Aræ, Ignoto Deo. Siquidem aliqui dicunt, quod Athenienses Philippidem miserunt ad Lacedæmonios, de deferendo auxilio, cum Persæ exercitum ducerent in Græciam, quorum nuncijs iuxta Parthenium montem, Panis spectrum obuiam factum, Athenienses accusabat, quod se neglecto, alios Deos colerent: affirmabatq. se esse Pana (quem Deum vocant) & auxilium promisit. Cum itaque victoria potiti essent, templum illi erexerunt, aramq. ædificarunt, & tamquam obseruantes, ne vel idem sane, vel aliud simile ipsis accideret, si quempiam ignotum sibi Deum prætermitterent, aram illam erexerunt inscribentes, Ignoto Deo: Dicentes: si quis adhuc alius à nobis ignoretur, in eius honorem hæc Ara à nobis erecta est, quò nobis propitius sit: Alij vero aiunt, pestem quondam Athenis grassatam fuisse, adeoque illos exuisse, ut neque syndones tenuissimas possent tolerare. Cum igitur colerent eos, qui apud ipsos Dij habebantur, nihil adiumenti senserunt. Intelligentes itaque quendam fortassis esse Deum, quem ipsi absquè honore reliquissent, qui pestem immisisset, nouam instruxerunt aram, ac inscripserunt, Ignoto Deo. Cumq. ipsi sacrificassent, statim curati sunt. Hunc ergo Christum Iesum esse Deum omnium, dicit Paulus: quem se illis annunciare dicebat. Tota autem Aræ inscriptio hæc est: Dijs Asiæ, & Europæ, ac Lybiæ, Deo Ignoto, ac Peregrino.] hæc ille. Sed ante ipsum Chrysostomus de eadem ara: Athenienses, ait, per multa tempora acceperunt Deos etiam extraneos, utpote Pana, & alios, timentes forsitan ne alius quispiam esset, quem ignorarent, ipsis quidem nondum cognitus, qui tamen alibi colatur; etiam illi aram erexerunt, & quoniam non erat manifestus Deus, inscriptum erat: Ignoto Deo.

Præterea Athenienses, quoniam ab initio Deos omnes non acceperunt, verum per tempora illorum sacra urbem ingressa sunt, sicuti quæ ex Hebræis allata referuntur, sicuti Pan ex Arcadia, sicuti parua quælibet, ac magna mysteria, conijcentes ex hoc fieri posse, ut esset & alius Deus, qui ab ipsis nesciretur, ut etiam illi se ipsos deuouerent, aram instituerunt, quam inscriberent, Ignoto Deo: propemodum id significantes, & si quis ignotus sit Deus. De Deo autem Ignoto, aliam affert Baronius causam, & eam quidem scitu dignam, quam videat lector apud ipsum primo Annal.

Lucratus est autem Paulus Atheais Dionysium prædictum, Areopagitam, virum magnum, qui postea fuit Episcopus Atheniensis, & Gallix Apostolus: hic ille ipse, qui annos natus viginti quinque, Helyopoli, cum esset in Aegypto vna cum Apollophane philosopho, vidit admirandum illud solis deliquium, quod tempore passionis Christi contigit, de quo supra, cum ageremus de Domini passione actum est: & plura inferius de Dionys.

Hoc igitur loco Areopagi omnium celebrissimo perorauit Paulus, ubi perdifficilem sanè prouinciam suscepit: qui enim fieri poterat, ut ipsi toto Orbe lau-

laudatissimi, à quibus & Romani publica celebriq. legatione leges acceperant, leges, in re maxima, nimirum cultu diuino, à barbaro homine, Iudæo scilicet, acciperent, & qui prædicaretur ab eo Iudæus homo crucifixus, idem Deus esse crederetur? cum præsertim capitis supplicium immineret, si quis vel Deos negaret, vel inconsulto Arcopago peregrinam religionem induceret? nam de Anaxagora Clazomerio scriptum est; quod existimantibus Atheniensibus Solem esse Deum: ille cum saxum ignitum dixisset: paucorum sententia morte damnatus est: idemq. aduersus Diagoram Melitum talentum decreuerunt, si quis occideret eum, quoniam eorum mysteria deridere ferebatur. Protagoras autem, nisi cito fugisset, comprehensus occisus fuisset, eo quod de Dijs Atheniensium, an essent, reuocasset in dubium. Nam eius argumenti librum cum scripisset, in principio posuit: De Dijs neque ut sint, neque ut non sint, habeo dicere. Quamobrem cum opportuna fuga sibi consulisset, libri eius sunt in concione combusti. Insuper feminam quandam sacerdotes interfecerunt, quoniam eam quidam accusauit Peregrinos Deos colere: & de Socrate constat accusatum fuisse, à Melito eodem crimine dicente: Iura Violat Socrates; quos ex maiorum instituto suscepit ciuitas Deos esse negans, alia noua Dæmonia inducit; quoniam ob causam morte multatus est, ducentis octuaginta, & una sententijs. At Paulus admirabili quadam circumspectione diuino afflatus spiritu causam agit: nam quod sciebat à multis argui, qui nouorum Dæmoniorum videretur annunciator, eò quod Iesum Christum prædicaret; ut ea culpa careret, nec noui numinis videretur inuentor, sed potius antiqui illorum cultus assertor, ac Prædicator, ex ipsorum theologia ad insinuandum verum Dei cultum admirabili quadam prudentia sibi aditum patefecit: & licet nequaquam illorum templa esset ingressus, ex his tamen quæ foris stare simulachra conspexerat, dicendi sumpsit exordium.

Nam, ut auctor est Thucydides, Athenis in foro stabant duodecim aræ Deorum; has contemplatus haud dubium Paulus, in eam intendit, cuius inscriptio erat: Ignoto Deo, ut dictum est.

Baptizati à Paulo recipiunt Spiritum sanctum, & loquuntur linguis, & prophetant. Damon exorcizantes Iudeos vulnerat: quidā, ex credentibus curiosa sectatis, comburunt preciosos libros: artifices argentarij, viuentes ex quæstu adium Diane argentearum, videntes, quod cessabat quæstus, crescente in Christum fide, totam Ephesi Ciuitatem commouent contra Paulum, & alios. Cap. 563.

FActum est autem, cum Apollo esset Corinthi, ut Paulus peragratis superioribus partibus veniret Ephesum, & inueniret quosdā discipulos: Dixitq. ad eos: Si spiritum Sanctum accepistis credentes? At illi dixerunt ad eum: Sed neque si Spiritus sanctus est, audiuius.

Ille vero ait: In quo ergo baptizati estis? qui dixerunt: In Ioannis baptismo.

Dixit autem Paulus: Ioannes baptizauit baptismo poenitentiae populum, dicens: In eum, qui venturus esset post ipsum, ut crederent, hoc est, in Iesum.

His

*Ioseph l. 2.
cont. Apionem.*

Act. 19.

Matt. 3.

Mar. 1.

Luc. 3. 16.

Ioan. 1.

Act. 1. &
11.

His auditis , baptizati sunt in nomine Domini Iesu .

Et cum imposuisset illis manus Paulus , venit Spiritus sanctus super eos ,
& loquebatur linguis , & prophetabant .

Erant autem omnes viri fere duodecim .

Introgressus autem Synagogam , cum fiducia loquebatur per tres menses ,
disputans , & suadens de regno Dei .

Cum autem quidam indurarentur , & non crederent , maledicentes viam
Domini coram multitudine , discedens ab eis , segregauit discipulos , quo-
tidie disputans in schola Tyranni cuiusdam .

Hoc autem factum est per biennium , ita vt omnes , qui habitabant in
Asia , audirent verbum Domini , Iudæi , atque Gentiles .

Virtutesq. non quaslibet faciebat Deus per manum Pauli :

Ita vt etiam super languidos deferrentur à corpore eius Sudaria , & Se-
micinctia , & recedebant ab eis languores , & spiritus nequam egredie-
bantur .

Tentauerunt autem quidam , & de circumeuntibus Iudæis exorcistis ,
inuocare super eos , qui habebant spiritus malos , nomen Domini Iesu di-
centes : Adiuro vos per Iesum , quem Paulus prædicat .

Erant autem quidam Iudæi , Scenæ Principis Sacerdotum septem filij , qui
hoc faciebant .

Respondens autem spiritus nequam dixit eis : Iesum noui , & Paulum
scio : vos autem qui estis ?

Et insiliens in eos homo , in quo erat dæmonium pessimum , & dominatus
amborum , inualuit contra eos , ita vt nudi , & vulnerati effugerent de
domo illa .

Hoc autem notum factum est omnibus Iudæis , atque Gentilibus , qui
habitabant Ephesi : & cecidit timor super omnes illos , & magnificabatur
nomen Domini Iesu .

Multiq. credentium veniebant confitentes actus suos .

Multi autem ex eis , qui fuerant curiosi sectati , contulerunt libros , &
combusserunt coram omnibus : & computatis pretijs illorum , inuenerunt
pecuniam denariorum quinquaginta millium .

Ita fortiter crescebat verbum Dei , & confirmabatur .

His autem expletis , proposuit Paulus in spiritu transire Macedonia , &
Achaia ire Ierosolymam dicens : quoniam postquam fuero ibi , oportet
me & Romam videre .

Mittens autem in Macedoniam duos ex ministrantibus sibi , Timotheum ,
& Erastum , ipse remansit ad tempus in Asia .

Facta est autem illo tempore turbatio non minima de via Domini .

Demetrius enim quidam nomine , argentarius , faciens ædes argenteas
Dianæ , præstabat artificibus non modicum quæstum :

Quos conuocans , & eos , qui huiusmodi erant opifices , dixit : Viri , sci-
tis , quia de hoc artificio est nobis acquisitio :

Et videtis , & auditis , quia non solum Ephesi , sed pene totius Asiæ , Paulus
hic suadens auertit multam turbam dicens : Quoniam non sunt Dij , qui ma-
nibus fiunt .

Non solum autem hæc periclitabitur nobis pars in redargutionem veni-
re ,

re, sed & magnæ Dianæ Templum in nihilum reputabitur, sed & destrui incipiet Maiestas eius, quam tota Asia, & Orbis colit.

His auditis, repleti sunt ira, & exclamauerunt dicentes: Magna Diana Ephesiorum.

Et impleta est Ciuitas confusione, & impetū fecerunt vno animo in theatrum, rapto Gaio, & Aristarcho Macedonibus, comitibus Pauli.

Paulo autem volente intrare in populum, non permiserunt discipuli.

Quidam autem, & de Asiæ Principibus, qui erant amici eius, miserunt ad eum rogantes, ne se daret in theatrum.

Alij autem aliud clamabant: Erat enim Ecclesia confusa; & plures nesciebant qua ex causa conuenissent.

De turba autem detraxerunt Alexandrum, propellentibus eum Iudæis. Alexander autem manu silentio postulato, volebat reddere rationem populo.

Quem, ut cognouerunt Iudæum esse, vox facta vna est omnium, quasi per horas duas clamantium: Magna Diana Ephesiorum.

Et cum sedasset Scriba turbas, dixit: Viri Ephesij, quis est enim hominum, qui nesciat Ephesiorum Ciuitatem cultricem esse magnæ Dianæ, Iouisque prolis?

Cum ergo his contradici non possit, oportet vos sedatos esse, & nihil temerè agere.

Adduxistis enim homines istos, neque sacrilegos, neque blasphemantes Deam vestram.

Quod si Demetrius, & qui cum eo sunt artifices, habent aduersus aliquem causam, Conuentus forenses aguntur, & Proconsules sunt, accusent inuicem.

Si quid autem alterius rei queritis: in legitima Ecclesia poterit absolui.

Nam & periclitamur argui seditionis hodiernæ: cum nullus obnoxius sit (de quo possimus reddere rationem) concursus istius.

Et cum hæc dixisset, dimisit Ecclesiam.

De usu, & virtute exorcismorum contra Demones.

Cap. 564.

Antiquus est usus exorcismorum, de quo Lucas capite supradicto. Plurimum verò conferre fidem obsessi, ut exorcismi vim sibi insitam operentur, Cyprianus in primis his verbis testatur: Adiurati per Deum verum à nobis, statim cadunt & fatentur, & de obsessis corporibus exire coguntur. Videas illos nostra voce, & operatione, Maiestatis occultæ flagris cædi, igne torreri, incremento pœnæ propugnantis ostendi, eiulare, gemere, deprecari: Unde veniunt, & quando discedunt, ipsis, qui se colunt audientibus, confiteri, & vel exiliunt statim, vel euanescent gradatim, prout fides patientis adiuuat, aut gratia curantis aspirat. Hæc Cyprianus. Eadem ferè Minutius Fœlix, sic dicens: Ipse Saturnus, & Serapis, & Iupiter, & quicquid Dæmonum colitis, visui dolore (quot sunt) eloquuntur; nec utique in turpitudinem sui, nonnullis præsertim vestrum assistentibus, mentiuntur. Ipsius testibus esse eos Dæmones de se verum confitentibus, credite: adiurati enim per Deum verum, & solum, inuiti miseris corporibus inhorrescunt, & vel

*Cyprian. de
idolor. vani-
tate.*

*Minut. in
Octau.*

vel exiliunt statim, vel evanescent gradatim, prout fides patientis adiuvat;
aut gratia curantis aspirat. Habes apud Prudentium exorcismi formam
quandam his versibus expressam

Pruden. in
apoth. conf.
Iudaos.

Torquetur Apollo

Nomine percussus Christi, nec fulmina verbi
Ferre potest, agitant miserum tot verbera linguæ,
Quod laudata Dei resonant miracula Christi.
Intonat Antistes Domini, fuge callide serpens,
Exue te membris, & spiras solue latentes,
Mancipium Christi fur corruptissime vexas;
Define, Christus adest humani corporis ultor.
Non licet ut spoliū rapias, cui Christus inhæsit
Pulsus abi ventose liquor, Christus iubet, exi.
Has inter voces medias Cyllenius ardens
Eiulat, & notos suspirat Iuppiter ignes.

Navigatio Pauli in Italiam. Prædicit Paulus nautis nauem esse perituram salvis nauigantibus: quæ ventis agitata, tandem vi maris soluta est. Sed qui in naui erant numero ducenti septuaginta sex, salui omnes, ut prædixit Paulus, perueniunt ad litus, & euaserunt. Cap. 565.

Act. 27.

VT autem iudicatum est nauigare eum in Italiam, & tradi Paulum cum reliquis custodijs Centurioni nomine Iulio Cohortis Augustæ, ascendentes nauem Adrumentinam incipientes nauigare circa Asiæ loca, sustulimus perseverante nobiscum Aristarcho Macedone Thessalonicensi. Sequenti autem die venimus Sidonem. Humane autem tractans Iulius Paulum, permisit ad amicos ire, & curam sui agere. Et inde cum sustulissemus, subnauigauimus Cyprum, propterea, quod essent venti contrarii; & pelagus Ciliciæ, & Pamphylia nauigantes venimus Lystram, quæ est Lyciæ, & ibi inueniens Centurio nauem Alexandrinam nauigantem in Italiam, transposuit nos in eam. Et cum multis diebus tarde nauigaremus, & vix deuenissemus contra Gnydum; prohibente nos vento, adnauigauimus, venimus in locum quendam, qui vocatur Boniportus. Cui iuxta erat ciuitas Thalassa. Multo autem tempore peracto; & cum iam non esset tuta nauigatio, eo quod ieiunium iam præterisset: consolabatur eos Paulus dicens eis: Viri video, quoniam cum iniuria, & damno non solum oneris, & nauis, sed etiam animarum nostrarum incipit esse nauigatio. Centurio autem Gubernatori, & nauclero magis credebat, quàm his, quæ à Paulo dicebantur, & cum aptus portus non esset ad hyemandum, plurimi statuerunt consilium nauigare inde, si quo modo possent deuenientes Phenicem, hyemare: portum Cretæ respicientem ad Africam & ad Chorum. Aspirante autem Austro, æstimantes propositum se tenere, cum sustulissent de Asion, legebāt Cretam. Non post multum autem misit se contra ipsam ventus Typhonicus, qui vocatur Euroquilo. Cumque arrepta esset nauis, & non posset conari in ventum, data naue statibus, ferebamur. In Insulam autem quandam decurrentes, quæ vocatur Cauda, potuimus

potuimus vix obtinere scapham . Qua sublata, adiutorijs utebantur, accingentes nauem : timentes ne in Syrtim inciderent. Summisso vase, sic ferebantur . Valida autem nobis tempestate iactatis : sequenti die iactum fecerunt , & tertia die suis manibus armamenta nauis proiecerunt. Neque autem Sole, neque Syderibus apparētibus per plures diēs, & tēpestate non exigua imminente, iam ablata erat spes omnis salutis nostræ. Et cū multa ieiunatio fuisset: tunc stans Paulus in medio eorum dixit : Oportebat quidem ò viri audire me, non tollere à Creta, lucrique facere iniuriam hanc, & iacturam . Et nunc suadeo vobis bono animo esse . Amissio enim nullius animæ erit ex nobis , præterquam nauis . Astitit enim mihi hac nocte Angelus Dei, cuius sum ego, & cui deseruiō dicens : Nè timeas Paule: Cæsari te oportet assistere . Et ecce donauit tibi Deus omnes, qui nauigant tecum . Propter quod bono animo estote viri . Credo enim Deo ; quod sic erit, quemadmodum dictum est mihi . In Insulam autem quandam oportet nos deuenire . Sed posteaquam quartadecima nox superuenit, nauigantibus nobis in Hadria, circa mediam noctem suspicabātur Nautæ apparere sibi aliquam Regionem . Qui & summittentes Bolidem, inuenerunt passus viginti, & pusillum inde separati inuenerunt passus quindecim . Timentes autem nè in aspera loca incideremus, de puppi mittentes anchoras quatuor, optabant diem fieri . Nautis vero quærentibus fugere de naui, cum misissent scapham in mare, sub obtentu quasi inciperent à prora anchoras extendere : dixit Paulus Centurioni, & militibus : Nisi hi in naui manserint, vos salui fieri non potestis . Tunc absciderunt milites funes scaphæ : & passi sunt eam excindere . Et cum lux inciperet fieri, rogabat Paulus omnes sumere cibum, dicens : Quartadecima die hodie expectantes ieiuni permanetis, nihil accipientes . Propter quod rogo vos accipere cibum pro salute vestra : quia nullius vestrum capillus de capite peribit. Et cum hæc dixisset, sumens panem, gratias egit Deo in conspectu omnium ; & cum fregisset, cepit manducare . Animæ quiores autem facti omnes, & ipsi sumpserunt cibum . Eramus vero vniuersæ animæ in naui ducentæ septuaginta sex . Et satiati cibo alleuiabant nauem : iactantes triticum in mare . Cum autem dies factus esset, terram non agnoscebant : sinum vero quendam considerabant habentem litus, in quem cogitabant, si possent, eijcere nauem, & cum anchoras sustulissent, committebant se mari, simul laxantes iuncturas gubernaculorum . Et leuato artémone, secundum auræ statum tendebant ad litus. Et cum incidissemus in locum Dithalassum, impegerunt nauem : & prora quidem fixa manebat immobilis; puppis vero soluebatur à vi maris . Militum autem consilium fuit, ut custodias occiderent, ne quis cum enatasset, effugeret . Centurio autem volens seruare Paulum prohibuit fieri . Iussitque eos qui possent natate, emittere se primos, & euadere, & ad terram exire, & ceteros alios in tabulis ferebant, quosdam super ea quæ de naui erant . Et sic factum est, ut omnes animæ euaderent ad terram .

Paulus

*Paulus in Insula Melita à naufragio cum socijs ereptus, per bu-
manā excipitur accenso igne: vipera manum eius inuadit, quæ,
stupefcentibus incolis, nihil ei nocuit. Ibi patrem hospitis à feбри-
bus liberat: deinde omnes Insula agrotos curat. Inde venit Ro-
mam, ubi prædicans, biennio permansit. Cap. 566.*

AB. 28.

ET cum euasissemus; tunc cognouimus, quod Melita Insula vocaba-
tur: Barbari vero præstabant non modicam humanitatem nobis. Ac-
censa enim pyra reficiebant nos omnes propter imbrem, qui imminebat, &
frigus. Cum congregasset autem Paulus sarmenorum aliquantam multi-
tudinē, & imposuisset super ignem, vipera à calore cum processisset, inua-
sit manū eius. Vt vero viderūt Barbari pendentem bestiam de manu eius, ad
inuicem dicebant: Vtiq. homicida est homo hic: qui cū euasit de mari, ultio
non sinit eum viuere. Et ille quidē excutens bestiam in ignē, nihil mali pas-
sus est. At illi existimabant eum in tumorē conuertendum: & subito casurū,
& mori. Diu autem illis expectantibus, & videntibus nihil mali in eo fieri,
conuertentes se, dicebant eum esse Deum. In locis autem illis erant prædia
Principis Insulæ, nomine Publij: qui nos suscipiens, triduo benigne exhibuit.
Contigit autem patrem Publij febribus, & dissenteria vexatum iacere. Ad
quem Paulus intrauit. Et cum orasset, & imposuisset ei manus, saluauit
eum. Quo facto, omnes qui in Insula habebant infirmitates accedebant,
& curabantur. Qui etiam multis honoribus nos honorauerunt, & nauigantibus
imposuerunt quæ necessaria erant. Post menses autem tres nauigauimus in nauī
Alexandrina, quæ in Insula hyemauerat, cui erat insigne
Castorum. Et cum venissemus Syracusam: mansimus ibi triduo. Inde cir-
cumlegentes, deuenimus Rhegium, & post vnum diem flante Austro, secun-
da die venimus Puteolos. Vbi inuentis fratribus rogati sumus manere apud
eos dies septem: & sic venimus Romam. Et inde cum audissent fratres, oc-
currerunt nobis vsquē ad Appij forum, ac tres tabernas. Quos cum vi-
disset Paulus, gratias agens Deo, accepit fiduciam. Cum autem venisse-
mus Romam, permissum est Paulo manere sibi cum custodiente se-
milite. Post tertium autem diem conuocauit primos Iudæorum. Cumq.
venissent, dicebat eis: Ego viri fratres, nihil aduersus plebem faciens, aut
morem paternum, vincus ab Hierosolymis traditus sum in manus Roma-
norum, qui cum interrogationem de me habuissent, voluerunt me dimit-
tere, cō quod esset nulla causa mortis in me. Contradicientibus autem Iu-
dæis, coactus sum appellare Cæsarem: non quasi gentem meam habens ali-
quid accusare. Propter hanc igitur causam rogavi vos videre, & alloqui.
Propter spem enim Israel cathena hac circumdatus sum. At illi dixerunt ad
eum: Nos neque litteras accepimus de te à Iudæa; neque adueniens aliquis
fratrum nunciauit, aut locutus est de te malum. Rogamus autem à te
audire, quæ sentis. Nam de secta hac notum est nobis, quia vbique ei
contradicatur. Cum constituissent autem illi diem, venerunt ad eum in ho-
spitium plurimi, quibus exponebat testificans regnum Dei. Suadensq. eis
de Iesu ex lege Moyfi, & Prophetis, à mane vsque ad vespem. Et quidam
crede-

credebant his quæ dicebantur : quidam vero non credebant . Cumq. inuicem non essent consentientes , discedebant , dicente Paulo vnum verbum : Quia bene Spiritus sanctus locutus est per Isaiam prophetam ad patres vestros dicens : Vade ad populum istum , & dic : Aure audietis , & non intelligetis : & videntes videbitis , & non perspicietis . Incrassatum est enim cor populi huius , & auribus graniter audierunt : & oculos suos compreserunt , ne forte videant oculis , & auribus audiant , & corde intelligant , & conuertantur , & sanem eos . Notum ergo sit vobis , quoniam gentibus missum est hoc salutare Dei ; & ipsi audient . Et cum hæc dixisset , exierunt ab eo Iudæi , multam habentes inter se quæstionem . Mansit autem biennio toto in suo conductu : & suscipiebat omnes , qui ingrediebantur ad eum : prædicans Regnum Dei , & docens quæ sunt de Domino Iesu Christo cum omni fiducia sine prohibitione .

Isa. 7.

Diuina historia, quæ in Actis Apostolorum habetur, dignitas & fructus: ex commentarijs Ioan. Lorini. Cap. 557.

Hucusque Lucas Acta Apostolorum perduxit . Hunc librum Chrysostomus appellat thesaurum , non vtilem minus ac pretiosum , quàm Euangeliorum , cum egregijs documentis morum , & vitæ exemplis abundet , comprehendat Christi promissorum complementum , præsertim de Spiritu sancto , & de mirificis operibus , tum numero , tum qualitate , ipsa etiam eius opera superantibus , illustrius manifestet mysteria , quæ pertinent ad diuinitatem Spiritus sancti , atque ad Christi resurrectionem : quæ postrema duo , primarius libri sunt scopus , opinione eiusdem Chrysostomi : Hierarchiæ , & Conciliorum ex eo forma colligatur : Conciliorum inde vsus , & sacramentorum frequentia petatur : fortitudinis , ac patientiæ in toleranda morte pro Christo , & tribulationibus ferendis insignia ibi exempla tradantur : Ecclesiæ persecutorum multiplices modi , technæq. detegantur : postremo , cum , vt scripsit Hieronymus , non nuda hæc historia , vel Ecclesiæ duntaxat nascētis in ea texatur infantia , sed medici scriptoris verba omnia , languentis animæ sint medicina , cuius quotiescunque liber legitur in Ecclesijs , toties eius medicina non cessat .

Chrysost. in comen. sup. Act. Apost.

Lib. cont. Gent.

Hom. 1. in Act.

Ep. 103. & in epist. ad Phil. sub finem.

Quocirca mirum videri non debet , si celebris Idolorum Antistes Domna , præter Iosephum comitem , vt est in Ecclesiasticis historijs , istius lectione libri errores sic abiecerit , vt fidem complexa , exempla , quæ legerat , Christianè quoque viuendo , & pro Christiana religione constantissimè moriendo , ad viuum in se ipsa expresse . Hieronymus Latæ præcepta dans pro filia Paula , iubet vt Apostolorum Acta , & epistolæ tota cordis imbibat voluntate . Atque sanè , vt hoc repetamus ex Chrysostomo , reliquæ scripturæ lectio frequentanda , sed huius in primis , & Euangeliorum , quæ cum doctrinæ utilitate , historiæ suauitatem coniunctam habent : Et si pia quæuis historia cum fructu , & voluptate vsurpatur , ac nefas est Maiorum ignorare memoriam , quis non videt quàm sit turpe , & reprehensione dignum , Apostolorum , qui sunt Patres , fundatores Ecclesiæ , ac primi conditores generis Christiani , res gestas contemnere , nescire , non intelligere ?

Sur. 26. De cemb.

Hom. 9. in ep. ad Colos. & Conc. 3. de Lazaro.

Aug. Confess. lib. 8. c. 6.

Con.

In aē. S. Siluest. 10. 1. Concil. Constantinus inter alia, quibus Petri sepulchrum exornauit, quatuor candelabra ingentis magnitudinis, & pretij confecit, in quibus Apostolicorum Actuum historiarum insculptæ apparebant.

Hieron. de scripto. Eccl. in Luc. Ecclesiarum post Christi in cælum Ascensum incunabula, primosq. progressus in ea factos per Apostolos, præsertim Paulum, ad quartum vsque Neronis annum, vel etiam ineuntem quintum, hæc historia continet; de qua Hieronymus ad hunc modum: Aliud quoque edidit volumen egregium, quod titulo Περὶ τῆς ἀποστόλου πρεσβυτέρου prænотatur, cuius historia vsque ad biennium Romæ commorantis Pauli peruenit, id est, vsque ad quartum Neronis annum, ex quo intelligimus in eadem Vrbe librum esse compositum. Sic ille.

Tametsi de loco, vbi volumen scriptum est, secus alijs videatur, existimantibus Lucam in ipsa peregrinatione cum Paulo, de quo multò plura, quàm de alijs prodidit, quotidie, ceu commentarios eorum, quæ subinde contingerent, aut sicut diaria, vt Iulius quondam Cæsar fecit, exscripsisse. Quod vt demus, opus tamen Romæ, quo Paulum Lucas consecutus est, absolutum esse probabiliter sentire possumus.

In ep. ad Gal. c. 2. in 1. epist. ad Thes. c. 2. c. 3. Multa sunt tamen non de alijs Apostolis solum, vt de prouinciarum sortitione inter ipsos facta, & de Petro prætermissa, vt de Sede Antiochena, & Romana, verumetiam de Paulo. Nihil hic enim, ad Paulum quod attinet, de eius post conuersionem in Arabiam profectio, ac reditu Damascum; & post triennium de aduentu in Ierusalem, quæ Paulus ipse Galatis scribens commemorat: nihil de persecutionibus Thessalonicensibus, aut hæc vno dumtaxat verbo attinguntur: nihil de tot flagellis, & virgis; deq. tam multis naufragijs, ac incommodis alijs, quæ gloriosè recententur in epistola ad Corinthios secunda: nihil de pugna ad bestias: nihil de Thecla.

Aē. 17. Corint. 2. c. 11. 23. 24. 1. Cor. 15. Philip. 4. 2. Tim. 1. 2. Tim. 4. Præterea omisit etiam illa, quæ ex Pauli epistolis colliguntur, ipsi Paulo accidisse tempore primorum vinculorum; quibus adde, ad eundem aduentum Epaphroditum, quem Philippenſes, quorum erat Episcopus, miserunt cum pecunia: præterea Onesiphori ex Iconio, qui refrigerauit ibidem Paulum, non erubescens catenam eius: de his, inquam, Lucas non meminit, quia vel tamdiu Romæ non mansit, vel vinculis Pauli ministrans; vel multiplici negotio vacans, quod eiusmodi tempore penè vni, ac soli ipsi gerendum erat, otium plura scribendi non habebat: nec Romanis, quibus notæ erant, quæ Romæ fiebant, & in quorum gratiam ceteram historiam scribebat, aliud præterea scribendum ducebat.

lib. 3. c. 14. de scripto. Eccles. Aē. 16. Eorum tamen omissio valet potius ad conciliandam Auctori nostro fidem, qui quæ Paulum attingebant, & quibus comes ipse eis interfuerat, diligenter, ac distinctè: cetera stricim, & leuiter persequi voluit, vt Irenæus subnotat; nec aliter accipiendus Hieronymus, dum indiuiduum Pauli peregrinationis comitem facit, profectò non antequam Troade illum conuenit. Et vero hæc de tam multis pauca, inquit Chrysostomus, sufficiunt ad eum finem, quem sibi Lucas præscripsit: eratq. illis Ecclesiarum initijs maior Apostolicas virtutes in cordibus auditorum insculpendi cura, laborq. quam multa scribendi, aut otium, aut voluntas.

Ex quo illud etiam commodum in Ecclesiam redundauit, vt cum adeò parci, breuesq. primi illi inscribendo Patres fuerint, præter Sacrosanctam

Scri-

Scripturam, Traditionum item venerandam necessariò auctoritatem agnosceret, nobisq. proponeret.

Quid egerit Paulus, postquam ad Urbem Romam peruenit.
Cap. 568.

QUOD verò ad annum Domini, quo Paulus Romam aduenit, cum ex præterlapsis annis singulis recensitis certa habita ratione, hoc ipso anno quinquagesimonono à Christi natali, ipsum Romam concessisse exploratum habeatur: his etiam consentire Eusebium, & Sanctum Hieronymum, facile demonstrabimus. Cum enim tam Eusebius, quàm Hieronymus ipsum secutus, numerent ab anno post passionem Christi, vsque ad tempus, quo Paulus à Festo Iudææ Præsule victus nauigare iubetur, annos viginti-quinque, numerando illos ab anno trigesimoquarto, qui secundum Eusebium primus ponitur à passione Domini, necesse est affirmare, anno Domini quinquagesimo octauo Paulum in Iudæa à Festo dimissum & sic anno sequenti, qui est quinquagesimus nonus, hoc nimirum anno, Romam ingressum esse, prout etiam ab Eusebio in Chronico ponitur.

Bar. an. 59

Euseb. in
Chro. Hier.
de script.
Ecl. in Pan
lo.

Vicinam Romæ fuerit eiusmodi, cuius Lucas meminit, Pauli hospitium; in antiquis monumentis Diaconæ S. Maræ in via Lata reperitur scriptum, illic primum hospitio exceptum fuisse Paulum.

Sed quid coram Nerone, quem appellauerat, Paulus egerit; ex sui ipsius epistolis, quas tunc scripsit, possumus aliqua ex parte saltem intelligere. Jam cum Hierosolymis in maximo vitæ discrimine versaretur, apparuerat illi Dominus, atque dixerat: Constans esto: sicut enim testificatus es de me in Hierusalem, sic te oportet & Romæ testificari. Adeò difficile, asperum, ac planè pauendum fuit existimatum iudicium coram sœuissimo Principe, nihil ratione, sed pro libidine animi omnia faciente, ut Paulum in eo discrimine positum omnes discipuli, atque amici, quantumlibet erga ipsum studiosi, tunc temporis tamen timore correpti, penitus dereliquerint. Tradit enim id Paulus, cum ad Timotheum hoc eodem anno scribens ait: In prima mea defensione nemo mihi adfuit, sed omnes me dereliquerunt: non illis imputetur. Verùm in tanta Pauli concussione, non solum qui aderant, ab eo recesserunt; sed & qui longe positi, pariter ab eo tunc temporis defecerunt. Affirmat enim hoc ipse ad eundem sic scribens: Scis, inquit, hoc, quòd auersi sunt a me omnes, qui in Asia sunt: ex quibus est Phigellus, & Hermogenes. Par est credere, Iudæos Hierosolymis misisse viros insigniores, qui apud Neronem gratia possent, & mille artibus causam prosequentes Neronem concitarent in Paulum, ut alias in alios sæpe facere consueuerat. Erat enim inter ceteros Aliturus quidam Iudæus, mimorum actor, cuius opera Iosephus reos, quos defendebat, curauit absolui. Eiusmodi genus hominum apud talem Principem in pretio erat. Aderat & Poppæa Sabina, noua Neronis concubina, quam Iudæi adeò sibi conciliauerant, ut eius ope, & gratia, qui missi fuerant legati pro templo aduersus Agrippam Regem, à Nerone rescriptum acceperint.

AB. 23.

1. Tim. 4.

1. Tim. 5.

Ioseph in
vita sua.

At Paulum sic ab omnibus derelictum, atque in maximo omnium periculo constitutum, Christus Dominus non dereliquit (sed ut alias consueuerat)

Ioseph an. 7.
lib. 10. c. 7.

Ecc

ei ad-

ei adfuit, & ab imminente discrimine liberauit. Profitetur enim hoc ipsum Paulus, eadem, quam ad Timotheum scripsit, epistola, dicens: Dominus autem mihi adstitit, & confortauit me, vt per me prædicatio impleatur, & audiant omnes gentes. Et liberatus sum de ore leonis (sic enim Neronem appellat, ob immanem, ac prorsus feralem Principis sæuitiam.) Liberauit me Dominus ab omni opere malo, & saluum faciet in regnum suum cæleste.] At non sic est liberatus, vt omnino liber abire sit iussus, sed quòd in suo conducto, catena tamen vinctus, cum custodiente se milite libere agere permissus sit; vbi eo modo ad biennium mansit. Porro non tantum coram Nerone, sed & in Senatu, & apud Collegium Pontificum (quòd ad religionem causa spectare videretur) Pauli causam actam esse, ex his, quæ idem ipse, dum item Romæ esset, scripsit ad Philippenfes, certo posse affirmari videtur: siquidem in omni Urbis Prætorio eam cognitam fuisse testatur, cum ait: Scire autem vos volo, fratres, quia, quæ circa me sunt, magis ad profectum venerunt Euangelij: ita vt vincula mea manifesta fierent in Christo, in omni Prætorio, & in cæteris omnibus: vt plures è fratribus in Domino, confidentes in vinculis meis, abundantius auderent sine timore verbum Dei loqui. Quidam quidem & propter inuidiam, & contentionem (putantur hi fuisse Iudæi sibi aduersantes) quidam autem & propter bonam voluntatem Christum prædicant. Quidam ex charitate, scientes quoniam in defensione Euangelij positus sum. Quidam autem ex contentione Christum annunciant, non sincere, existimantes pressuram se suscitare vinculis meis. Quid enim? Dum omnimodo, siue per occasionem, siue per veritatem Christus annuncietur, in hoc gaudeo, sed & gaudebo. Hæc autem post primam, quam dicit defensionem suam, accidisse videntur.

Eodem verò tempore, cum in Orientem, vbi Euangelium prædicauerat, hæc de Paulo Romæ in vinculis agente perlata essent; Philippenfes inter alios legationem ad eum miserunt vnà cum subuentione pecuniarum, per Epaphroditum suum, ipsorum Episcopum.

Philip. 4. Testatur id quidem Paulus ad ipsos scribens, his verbis: Habeo autem omnia, & abundo: repletus sum, acceptis ab Epaphroditro, quæ misistis, odorem suauitatis, hostiam acceptam, placentem Deo.] Venit quoque Iconio Lycæonicæ ciuitate Onesiphorus, qui & ipse Paulum sollicitè perquisiuit, eo potissimum tempore, quo à suis fuerat derelictus: de quo idem ipse ad Timotheum, scribens, hæc ait: Det misericordiam Dominus Onesiphori domui: quia sæpè me refrigerauit, & catenam meam non erubuit: sed cum Romam venisset, sollicitè me quæsiuit, & inuenit. Det illi Dominus inuenire misericordiam à Domino in die illa. Et quanta Ephesi ministravit, tu melius nosti.

Chryso. in Act. ho. 54 De rebus insuper Romæ gestis à Paulo, hæc Chrysostomus: Dicitur sollicitasse Neronis pocillatorem & concubinam. Quanta putatis contra illum tunc dicta esse? Sed non iustè. Nam si quidem ob lasciuiam salutasset, vel ob mala opera, merito: si autem ob vitam rectam; quare? Sanè quidem nonnullos ex Neronis familia ad Christum esse conuersos, ex his, quæ idem Paulus postea scripsit ad Philippenfes, cognoscere certò possumus, dum ait: Salutant vos omnes Sancti, maximè autem, qui de Cæsaris domo sunt. Inter alios autem vnum fuisse Torpetem, qui postea martyrio coronatus est, Romanum

manū Martyrologium attestatur. Porro concubina illa Neronis, cuius Chryso-
stomus meminit, creditur fuisse Poppæ Sabina, quæ præ cæteris ab eo in
delicijs habebatur: de ea enim hæc scripsit Tacitus: Erat in ciuitate Sabina
Poppæ T. Ollio patre genita; sed nomen aui materni sumpserat, illustri me-
moriam Poppæ Sabini, consulari & triumphali decore præfulgentis. Nam
Ollium, honoribus nondum functum, amicitia Seiani peruertit. Huic mu-
lieri cuncta alia fuere, præter honestum animum. Quippe mater eius, æta-
tis suæ fæminas pulchritudine supergressa, gloriam pariter, & formam dede-
rat: opes claritudini generis sufficiebant: sermo comis, nec absurdum in-
genium, modestiam præ se ferre, & lasciuiæ uti: rari in publicum egressus,
idq. velata parte oris, ne satiare aspectum, vel quia sic decebat. Hæc Ta-
citus. Sic igitur Romæ positus Paulus, quod ante (ut ipse ad Romanos scri-
bens testatus erat) diu, multumq. exoptauerat Romam venire, ac Euange-
lium prædicare, factus iam voti compos, licet in vinculis positus, licet ho-
spitij conducti spatio circumscriptus, licet adhuc militari custodia tentus,
Christi Euangelium magna animi fiducia, & alacritate prædicauit, atque
(quod pollicitus erat) in abundantia benedictionis annunciauit.

*Mart. Ro-
man. die 17
Maij.
Tac. lib. 13*

Romæ suis manibus, ut victum sibi pararet, operabatur. Eius rei Auctorem
habemus Chrysostomum; cuius hæc sunt verba: Quid verò, quod integrum
biennium, in sua se arte, ac mercenario labore continuit? Etiam domum mer-
cede conducebat. Quamquam, qui longè poterat fortiora, multo magis hoc
potuisset: sed non aspicebat ad gloriam. Sæuam belluam, horrendum Dæmo-
nem, pestem Orbis terræ, venenatam viperam. Domi etiam assidue habitasse,
ut scilicet qui ad eum confluebant Christi fidem edoceret, idē Chrysostomus
ibid. tradit: in hospitio enim quod sibi conduxerat, ut Auctor est Hierony-
mus, Christū Iudæis & Gentilibus prædicabat. Idem verò Hieronymus alibi
loquens de eo hospitio, quod sibi per litteras parari Malemoni iusserat: Scie-
bat, inquit Apostolus, ad se plurimos concursuros, & necesse erat primum ut
domus in celebri loco esset Urbis, ad quam facillè conueniretur: Deinde ut ab
omni importunitate vacua, ut ampla, quæ plurimos caperet audientium: ne
proxima spectaculorum locis, ne turpi vicinia detestabilis: postremo ut in
plano potius esset sita, quàm in cænaculo, quam ob causam eum existimo
etiam Romæ in conducto mansisse biennium. Nec parua, ut reor, erat man-
sio, ad quam Iudæorum turbæ quotidie confluebant.

Rom. 1. 15.

*Chrys. ho.
35. in c. 14
1. ad Cor.*

*Hieron. ep.
89. ad Au-
gustinum.*

*Testimonium predicationis Pauli Apostoli, quam habuit Romæ.
Cap. 569.*

DE Pauli Romæ prædicatione est insignis memoria, licet apud Scriptore
impium. Quidā enim Triephon, Romæ agens, cum Critiam Christianæ
fidei derisorē, Catechumenū facere cuperet, hæc inter alia de se refert: Quan-
do autem me Galilæus ille conuenit recaluastr, naso aquilino, qui in ter-
tium vsque cælum per aërem ingressus est, quæ optima & pulcherrima sunt,
inde didicit: per aquam nos renouauit, in beatorum vestigia insistere fecit,
& ex impiorum regionibus nos reduxit. Hæc ille: Quibus equidem non alium
quempiam, quàm Paulum Apostolum describi, omnes facile intelligere pos-
sunt: nominat eum Galilæum, quòd sic Apostoli, imò & cæteri Christiani

*Lucian. in
Philop.*

Ecc 2 dice-

dicerentur; vel ex antiqua eius origine. Cum igitur Triphon (vt vidimus) se Pauli discipulum profiteretur, eam ipsam artem in instituendo Gentili homine ad fidem capeffendam, quam ipse didicisset à Paulo, tùm adhibuisse videtur: quippe qui Deorum falsitate primitus demonstrata, subinde de rerum principijs, ac Dei operibus, non ex diuina Scriptura, cui ille non crederet, sed ex auctoribus Ethnicis petijt testimonium, non secus ac Paulus fecisset Athenis. Demum ea, quam à magistro de vno trinog. Deo didicerat, fide illum imbuit, in hunc modum: Cum enim ille rogaret, dicens: Quemnam igitur tibi iurabo? Ad eum Triphon: Deum altè regnantem, magnum, æthereum, atque æternum, Filium patris, Spiritum ex patre procedentem, vnum ex tribus, & ex vno tria: hæc tu Iouem puta, hunc tu existima Deum. Hæc ille ibi. Quantum tamen licuit tantam rem tanta breuitate describere, vel quantum externus homo, & Christianis infensissimus Lucianus, eadem potuit fideliter retulisse.

Paulus Onesimum, Philemonis seruum, ad Christi fidem trahit.

Cap. 570.

ad Philem. **P**aulus Romæ in vinculis Onesimum Philemonis seruum generasse, tradit ipsemet Paulus ad Philemonem scribens, his verbis: Obsecro te de filio meo, quem genui in vinculis Onesimo, qui tibi aliquando inutilis fuit; nunc autem & tibi & mihi utilis est, quem remisisti tibi. Tu autem illum, vt mea viscera suscipe, quem ego volueram mecum detinere, vt pro te mihi ministraret in vinculis Euangelij: Sine tuo consilio nihil volui facere, vt non, quasi ex necessitate bonum tuum esset, sed voluntarium. Forsitan autem ideo discessit ad horam à te, vt æternum illum reciperes. Iam non vt seruum, sed pro seruo, fratrem charissimum, maximè mihi: quanto autem magis tibi & in carne & in Domino. Si ergo habes me socium, suscipe illum sicut me: si autem aliquid nocuit tibi, aut debet, hoc mihi imputa. Ego Paulus scripsi manu mea. S. Hieronymus: Apostolus obsecrat, & senex & victus Iesu Christi. Totum autem, pro quo rogat, illud est: Onesimus seruus Philemonis, fugâ furto cumulans, quædam rei domesticæ compilarat: hic pergens ad Italiam, ne in proximo facilius posset apprehendi, pecuniam Domini, per luxuriam prodegerat. Hoc ne quis putet temerè, & vt liber, à nobis fictum, in sequentibus discat. nunquam enim Paulus diceret: si quid nocuit tibi, aut debet, hoc mihi imputa. Ego Paulus scripsi manu mea. Ego reddam. Nec sponsor fieret rei ablatæ, nisi esset, id quod ablatum fuerat, dissipatum. Hic igitur, cum ob confessionem Christi Paulus Romæ esset in carcere, credidit in Christum, & ab eo baptizatus, digna poenitentia, maculas prioris vitæ absterfit, in tantum vt is Apostolus conuersionis eius testis fieret. Et non multò post: Paulo verò in eo utilis (Onesimus) quia illo in carcere, in vinculisq. detento posset ei in Euangelio ministrare. Simul autem admirandam de magnanimitate Apostoli, & in Christum mente feruentis. Tenetur in carcere, vinculis stringitur, squallere corporis, charorum separatione, poenalibus tenebris coarctatur, & non sensit iniuriam, non dolore cruciatur: nihil nouit aliud, nisi de Christi Euangelio cogitare. Sciebat seruum, sciebat fugitiuum, sciebat aliquando raptorem ad Christi fidem esse conuersum. Grandis laboris est talem

lem hominem in eo perseuerare, quod cœpit. Idcirco filium suum, & filium vinculorum, & ministrum Euangelij in vinculis constituti inculcat ac replicat. Hæc, & alia Hieronymus. In eandem sententiam Chrysost. ibi & in argum. epist. Theod. Anselmus ibid. & cæteri Patres, subscripsisse videntur.

Dum autem Paulus Romæ in vinculis degeret, præter supradictam ad Philemonem epistolam, etiam & alias scripsisse coniiciunt, videlicet, epistolam ad Colossenses, secundo scilicet anno suæ captiuitatis, præterea epistolam ad Hebræos.

Paulum autem postea solutum Romanis vinculis, in Hispanias, ad quas proficisci desiderabat, profectum esse multi Sancti Patres testantur, & constans fama est. Nam ab hoc tempore, quo Roma discessit, usque ad consummatum eius martyrium, octo interfuerunt anni, quibus non solum Hispanias, sed totum potuit Orbem Romanum peragraré. Ad eas autem alienigenarum portatus est nauibus; ut à Mari rubro, imò ab Oceano, usque ad Oceanum curreret. Cum autem nunc Iudæam, nunc Corinthum, nunc Ephesum, nunc Romam, nunc Hispanias peteret, ut in peccati morte iacentibus, æternæ vitæ gratiam nunciaret, quid se aliud, quam esse Aquilam demonstrauit?

Hieron. id
Isa. c. 11.

Greg. Mor.
li. 31. c. 22.

Porro res gestæ à Paulo in Hispanijs, sicut & alia eius acta, postquam solutus vinculis Roma egressus est, remanserunt inopia scriptorum prorsus obscuræ: ex ijs tamen, quæ fecerat ante, intelligi potest, quid egerit postea. Operatus scilicet est magna, passus est grauiora, vincula, tormenta, pugnas, carceres, insidias, calumnias, ac quotidianas mortes: sicut se habent priora, ita & reliqua. Vnam cæli partem si videris, quocunque ieris, videbis talem; ita se habent Pauli acta. Cælum erat ille, Solem habens iustitiæ.

De Pauli itinere in Hispanias, & quid ibi gesserit.

Cap. 571.

DE Pauli Apostoli itinere in Hispaniam, hæc habemus à Romano Martyrologio: Narbonæ in Gallia Natalis Sancti Pauli Episcopi, Apostolorum discipuli, quem tradunt fuisse Sergium Paulum Proconsulem, qui à Beato Apostolo Paulo baptizatus, & cum in Hispaniam pergeret, apud Narbonam relictus, ibidem Episcopali dignitate donatus est: ubi prædicationis officio non segniter expleto, clarus miraculis migravit in cælum.

Rom. Mar-
tyr. die 23.
Septem.

Addit Ado Viennensis Episcopus, eodem itinere Paulum reliquisse Throphimum discipulum Arelate, Viennæ verò Crescentem. Verum de Crescente Paulus ipse ad Timotheum scribens, anno primo sui carceris petijisse Galatiam (siue, ut alij legunt, Gallias) tradit: sed potuit vel ad ipsum redijisse, vel in via occurrisse, atque eo modo quod scribit Ado, eius Ecclesiæ Episcopus, Viennæ relictus esse. Quamuis autem res gestæ Pauli in Hispania, sicut & alia eius acta, postquam solutus vinculis Roma egressus est, remanserint inopia scriptorum prorsus obscuræ; tamen in Græcorum Menologio mentio habetur de Xantippe & Polyxena à Paulo ad fidem conuersis in Hispania: his verbis:

Eodem die Natalis Sanctarum Mulierum Xantippæ, & Polyxenæ; quæ sub imperio Claudij Cæsaris ex Hispania genus ducentes, Xantippe quidem

Ecc 3 Paulus

Paulum Apostolum, apud Hispanos Christi Euangelium prædicantem audiuit, quippè qui viro illius Probo, fidei & salutis auctor fuerat; Polyxena verò primum audiuit Apostolum Petrum, postea Apostolum Philippum, postremo Andream Apostolum, qui eam baptizauit in Græcia tunc existentem, à viro quodam raptam, sed Dei ope adiuuante, minimè corruptam: reuersa verò in Hispanias cum Virgine quadam, nomine Rebecca, genere Iudæa, inuenit Xantippam sororem, virtutum splendore fulgentem: itaq. multos docentes Christi fidem, in pace quieuerunt. His consentiunt, quæ tradit Sophronius Patriarcha Hierosolymit.

Paulus in Hispania ab Illustri viro hospitio suscipitur: conuertit Xantippam, hospitis uxorem, & virum, & familiam.

Cap. 572.

*Io. Vas. in
His. Chro.*

Sophronius Patriarcha Hierosolymitanus scribit, Italias, Gallias, & Hispanias transitu beatissimi Pauli illustratas: Qui (vt refert) Cum in domo Probi, Illustris cuiusdam viri, hospitio susceptus in Hispania fuisset, & Xantippe vxor eiusdem Probi modestiam hospitis sedulius in eum intenta admiraretur, diuina voluntate factum est, vt dum sic intenta vultui peregrini inhæreret, appareret ante frontem Pauli quasi litteris aureis scriptum: Paulus Apostolus, prædicator Christi. Quæ cum prænuncia fama multa de Apostolo audisset, & diù desiderasset vultum se posse videre Apostoli, gaudio pariter resoluta & stupore, cum lachrymis corruit ad pedes Apostoli. Edocta autem mysteria Christi, cum viro & familia, Christo regenerata est, Regno æternæ beatitudinis adiuuento. Sed & traditur Philotheus, eius Regionis Princeps, Paulo adhæsisse, factus Christi confessor. O quàm felices, qui cum æterno, Regnum permutant terrenum!

De Iacobo Minore Apostolo, fratre Domini, cognomento Iusto.

Cap. 573.

Apostolis igitur huc, & illuc per orbem abeuntibus, & gentes conuertentibus, Iacobus, qui dicebatur frater Domini, manebat Hierosolymis, curam eorum gerens, qui Christo crediderant, & quærens tardos ad credendum, perducere ad fidem, interim genus vitæ agens admirabile, & singulare, omni genere iustitiæ honestatum, & sicut Sol in meridie fulgentissimum, nulli patens reprehensioni, sed per omnia etiam apud hostes laudem dignum. Sed cum Iudæi increduli, quos & Paulus quoque ex tenebris erueret, & ad Christi lumen perducere conatus fuerat, (ad ipsos enim Christus missus in primis fuerat) Paulum Christum annunciantem persecuti fuissent, & ipse ex manibus eorum diuinitus elapsus fuisset, & ad Cæsarem prouocasset: vt perderent Iacobum cogitare ceperunt, ne ante oculos virum tam præstantis virtutis, & tam magnæ auctoritatis haberent. Quomodo autem hoc gestum sit, enarrare necesse est.

Iacobus

Iacobus Minor, Domini frater vocatus, virtute maximus, admirabili vita super ceteros mortales præstans, primus Hierosolymorum Episcopus constitutus est. In Templo coram omnibus in celeberrimo die, confessionem Christi emitit gloriosissimam, quam proprio sanguine fuso adhuc fecit gloriosiore.

Cap. 574.

Iacobus, qui appellatur frater Domini, cognomento Iustus, ut nonnulli existimant, Ioseph ex alia vxore, ut autem mihi videtur, Mariæ sororis matris Domini, cuius Ioannes in libro suo meminit, filius, post passionem Domini statim ab Apostolis Hierosolymorum Episcopus ordinatus est.

S. Hier. de
scriptoribus
Ecclesiasticis.

Hic est de quo & Paulus Apostolus scribit ad Galatas: Alium autem Apostolorum vidi neminem, nisi Iacobum, fratrem Domini.

Galat. c. 1.

Triginta itaque annos Hierosolymis rexit Ecclesiam, idest vsque ad septimum Neronis annum: & iuxta Templum, vbi & præcipitatus fuerat, sepultus est. Titulum vsque ad obsidionem Titi, & ultimam Adriani, notissimum habuit. Quidam è nostris in monte Oliueti eam putauerunt conditum, sed falsa eorum opinio est. Hæc S. Hieronymus.

Hic Iacobus, quem veteres propter singularem virtutem, qua præter ceteros præstabat, Iusti cognomine donauerunt, extitit primus, qui Sedem Episcopalem Ecclesiæ, quæ est Hierosolymis, obtineret.

Clemens de eo scribens, sic refert: Petrum, Iacobum, & Ioannem, post Saluatoris ad cælum ascensum, cum essent à Domino summum dignitatis gradum adepti, non de gloria & honore contendisse inter se, sed vno consensu Iacobum Iustum, Hierosolymorum Episcopum designasse. Huic Iacobo Iusto, Ioanni, & Petro, Dominus post Ascensionem suam, singularem quandam impertijt cognitionem, quam illi reliquis Apostolis tradiderunt: reliqui autem Apostoli Septuaginta discipulis, ex quibus vnus erat Barnabas.

Apud Euf.
hist. lib. 2.
c. 1.

Eusebius autem rursus de eo: Iudæi ergo, cum Paulus prouocasset ad Cæsarem, & ad Urbem Romam à Festo missus esset, spe penitus, qua consilium in eius necem comparassent, excidentes, in Iacobum fratrem Domini (cui ab Apostolis Sedes Episcopalis Hierosolymitana delata fuit) omnem suam maleuolentiam conuerterunt: contra quem ea scelera, quæ sequuntur, perpetrata fuere. Primum illum in medium adducunt, & ut fidem Christi coram omni populo denegaret vehementer sollicitant. Verum cum præter omnium opinionem, liberiore ore, voceque quam expectarent, præsentem vniuersam multitudinem filium Dei, Seruatorem ac Dominum nostrum Iesum ingenuè & fidenter confessus fuisset, hominis testimonium (nam propter summum sapientiæ & pietatis studium, quod in vita assidue excoluerat, ab omnibus Iustissimus putabatur) amplius tolerare non poterant. Eum igitur tunc neci dant, cum ad illud facinus impune obeundum, interregni opportunitatem arripuissent. Quippè Festo per id temporis mortuo, summa rerum in Iudæa administratio, principe & gubernatore penitus erat destituta. Cæterum quamquam Iacobi necis ratio & modus ex verbis Clementis supracitatis, satis constare poterit, qui quidem eum à Templi pinna præcipitatum,

Euseb. lib.
2. c. 22.

Ecc 4 fullo-

*Egesippus
lib. 5. hist.*

fullonisq. veste percussus, mortem oppetijſſe narrat. Egesippus tamen, Apostolorum ætati proximè succedens, ea quæ ad illum spectant, historiæ suæ libro, accuratissimè tradit ad hunc modum: Iacobus frater Domini, qui Seruatoris temporibus ad nostram vsque ætatem Iustus (Iacobi enim nomine multi donati erant) ab omnibus appellatus fuerat, Ecclesiæ administrationem vnà cum cæteris Apostolis suscepit. Hic ab vtero matris suæ Sanctus fuit: vinum & siceram non bibit: animalium carnibus se abstinuit; nu- uacula caput eius nunquam rasum fuit, neque corpus oleo perunctum, aut balneis lotum. Huic vni licebat in Sancta Sanctorum ingredi; vestibus enim utebatur non laneis, sed lineis dumtaxat. In Templum solus intrare soli- tus est: atque ibi genibus humi positus, pro populi peccatis veniam postula- re: cuius genua, quod tam assiduè ad Deum augustè, sanctèq. adorandum, tum ad veniam precibus compescendam, procumbebat, cameli instar, tu- berculis contractis, obdurerunt. Qui propter singularem Iustitiæ præstan- tiam, Iusti & Oblis (quod Latine, populi præsidium dici potest, & Iustitia) nomen, sicuti prophetæ de eo memorant, inuenit. Quibusdam igitur ex septem sectarum fautoribus in populo sparsarum, & à me in historia ante- declaratarum, ab eo sciscitantibus quodnam esset ostium Iesu? Respondit, Iesum esse Seruatorem: ex quorum numero nonnulli crediderunt, quod Ie- sus esset Christus. Sectæ autem superscriptæ, neque carnis resurrectionem fore, neque illum venturum, qui cuiq. sit pro his, quæ rectè aut secus gesserit in vita, mercedem redditurus, omnino crediderunt. Verùm quotquot cre- diderunt, Iacobi prædicatione, & hortatu crediderunt: ergo cum pleriq. etiam ex principibus viris fidem essent amplexati, nonnulli ex Scribis, Phariseis, & reliquis Iudæis tumultuari, atque adeo vociferari cœperunt, quod vniuer- sus ferè populus Iesum existimabat verum esse Christum. Qui etiam ad Ia- cobum profecti, sic compellari: Te obnoxie oramus, vt quoniam populus fide in Iesum, perinde ac si verè esset Christus, collata, in grauem errorem delapsus est, cum ab hac opinione auoces: atque vt omnes etiam, qui ho- die ad festum diem Paschatis celebrandum conuenerunt, de Iesu rectè vereq. erudias, te etiam atque etiam obtestamur. Tibi enim omnes fidem adhibe- mus: nec nos solum, sed tota etiam multitudo perhibet testimonium, quod iustus sis, quodq. personam non respicias. Persuadeas igitur Populo de Ie- su, ne erret. Etenim & vniuersus populus, & nos omnes tibi credimus: idcirco statue te ipsum supra Pinnam Templi, vt de superiore loco cunctis conspicuus sis, atque adeo tua verba à tota multitudine facillè, & sine impe- dimento audiantur. Propter festum namq. Paschatis non solum omnes Iu- dæorum tribus, sed multi etiam ex Gentibus conuenerunt. Proinde Scribæ, & Pharisei, quos supra posuimus, Iacobo supra pinnam Templi collocato, cœ- perunt exclamare ac dicere: O Iuste, cui omnes meritò debemus fidem ad- iungere: quoniam populus Iesum crucifixum imitando aberrauit, tu idcirco nobis commonstra, quod sit ostium Iesu Crucifixi. Qui clara voce sic respondit: Quid me interrogatis de Iesu filio hominis? ipse sedet in Cælo à dextris magnæ virtutis, & potentie Dei, & in nubibus Cæli venturus est. Atque cum multi plenè essent persuasi, & ob Iacobi testimonium, Deum laudibus in cælum ferrent, dicerentq. Osanna filio David: Scribæ, & Pha- risæi de integro cœperunt primum inter se ita alloqui: Malè certè, & infe- liciter

liciter cecidit, ut istud testimonium vestra opera Iesu tribueretur. At conscensis gradibus, illum deiciamus præcipitem, ut homines inde perterrefacti, nullam fidem eius doctrinæ adhibeant. Deinde clamare ac dicere: O, Iustus etiam errauit. In quo eloquia sacra apud Isaiam scripta planè expleta fuere: Tollamus è medio Iustum, quoniam nobis molestia est, & incommodo; Quocirca fructus operum suorum comedent. Tandem ergo ascendentes, Iustum præcipitem dederunt, dixeruntque ipsi inter se: Iacobum Iustum obruere oportere lapidibus. Et quoniam deiectus in præceps, non statim mortem obiit, sed vultu sursum sublato, genibusque flexis dixit: Obsecro Domine Deus pater, da illis veniam: nesciunt enim quod faciunt: coeperunt saxa in eum conijcere: cumque lapidibus illum obterere pergerent, vnus de Sacerdotibus ex filiis Rechab, filij Rechabim, qui sunt Hieremix testimonio commendati, voce emissa contentius dixit: Quid agitis? Iustus pro vobis Deum precatur. Attamen vnus ab illis, qui fullo erat, arrepto veste, quo vestes solebant premere, in caput Iusti impegit. Ita vitam, beato & felici martyrij cruciatu affectus, afflictusque amisit; inquit loco quodam propè Templum, vbi columella eius nomine inscripta adhuc manet, corpus tumulo mandatum est. Iste Iacobus, tum Iudæis, tum Græcis, verus, & incorruptus testis fuit, Iesum verè fuisse Christum. Non multo post Vespasianus Iudæam obsedit, Iudæosque redegit in seruitutem.

Iacobus igitur, vir in primis admirabilis, & omnium sermonibus propter illustre Iustitiæ decus magnopere celebratus fuit: vsque adeo, ut qui inter Iudæos haberentur prudentes, hanc esse causam putarent, cur tam citò post eius martyrium, obsidione Hierusalem vndique cingeretur: quam profectò obfisionem nulla alia de re illis obtrigisse creditur, quàm quod tam audax facinus, & scelus inextimabile contra illum consciuissent.

*Ioseph. an-
tig. lib. 20.
c. 8.*

Sed qualis, & quantus fuerit Apostolus ipse Iacobus, non plene percipi potest ex ijs, quæ operatus est, quamquam excelsa supra modum, & gloriofa fuerint: sed clarius innotescit vita à sapiente hoc viro instituta, ex ijs, quæ ipse sapientissime dixit, & docuit, cuius verba aureis litteris digna, scripta sunt in Epistola eius, quam nobis velut thesaurum preciosissimum reliquit. Quam non pigeat lector èuoluere, & perspectam habere, ut iustissimi, & sanctissimi viri, virtutis magnitudinem eodem tempore compertam habeat. Sed redeamus ad Urbem Romanam.

Exstincto Claudio, exstinctum Edictum aduersus Iudæos, ne in Vrbe agerent. Cap. 573.

Obiit Claudius Imp. annum ætatis agens (ut Suetonius tradit) sexagesimum quartum, in Imperio autem decimum tertium, menses octo, & dies viginti, ut numerat Dio.

*Baron. an.
56. ex Se-
nec. de obit.
Claud.
Dio. li. 60.*

Sic igitur defuncto, Agrippinæ dolo, veneno illi propinato: Nero eiusdem Agrippinæ filius, annum attingens ætatis decimum octauum in Imperium successit, tenuitque annis tredecim, mensibus septem, diebus viginti octo. Exstinctum vero vnà cum Claudio fuit edictum illud aduersus Iudæos, ne in Vrbe agerent, promulgatum: quamobrem & Christianis etiam, qui ex Iudæis crediderant, in Urbem redeundi, qua pulsi fuerant, facultas data

Ioseph. ant. lib. 20. c. 5. & de bel. Iud. lib. 2. c. 12. data est. Visus est Nero, ipso Imperij exordio, erga Iudæos propensior: nam & ipsorum Regem Agrippam mox donauit quatuor Ciuitatibus, nimirum Perea, & Iuliade in Regione Abilinæ, Tharichæa, & Tiberiade in Galilæa positis: reliquam vero Iudæam Felici, qui à Claudio eam administrandam acceperat, curandam tradidit; idq. in gratiam Pallantis eius germani, qui ex eo quod conciliaffet nuptias Agrippinæ cum Claudio, quarum occasione Nero subiisset Imperium, apud Agrippinam, & Neronem plurimum posse videbatur.

Tac. lib. 13 Dio. lib. 60 in fine. Sub iisdem Coss. refert Tacitus, dolo Agrippinæ sublatum esse veneno Iulium Silanum, Asiæ Proconsulem: atque Narcissum libertum, qui apud Claudium primum ferè locum tenuerat, esse necatum. Porro hæc omnia facta sunt (vt idem auctor ait) ignaro Nerone, qui sic moribus compositus erat, vsus Seneca præceptore, vt cuiusuis nocentissimi hominis legibus condemnati supplicium exhorresceret: quod ad ipsum scribens testatur Seneca

Senec. de Clem. li. 2.

his verbis: Animaduersurus in latrones duos Burrus, Præfectus tuus, vir egregius, & tibi Principi notus, exigebat à te, scriberes in quos, & ex qua causa animaduerti velles: hoc sæpe dilatum, vt aliquando fieret, instabat. Inuitus inuito cum chartam protulisset, traderetq. exclamasti: Vellem nescire litteras. O dignam vocem, quam audirent omnes gentes, quæ Romanum Imperium colunt!] Hæc idcirco de Nerone, qui ipso biennio sui Imperij in omnes fuit beneficentissimus; vt non mireris, si rescisso in Iudæos Claudij edicto, eisdem in Urbem redeundi dederit libertatem.

AE. 19. Cum itaque, morte Claudij, Iudæis adeundi Romam potestas facta esset, ex tunc Paulus, tertium iam annum Ephesi agens, veniendi Romam consilium iniit: sed prius Macedoniæ, & Achaïæ Ecclesias visitare, ac Hierosolymam reuerti, demùm Romam inde se conferre decreuit, vt iam ex Luca supra enarratum est.

Tempore autem huius Imperatoris ingentia mala in Vrbe patrata sunt. Præsertim incidit in hæc tempora incendium illud famosissimum, quod penè totam Urbem combussit, ipso Nerone incendium procurante; qua culpa vt se eximeret, reiecit eam in Christianos, quos vsque ad martyrium persecutus est.

Christiani de Urbis incendio à Nerone falsò accusati, primitias Romani sanguinis Deo obtulerunt. Cap. 576.

Martyr. Roma. die 24 Jun.

ROmæ commemoratio Sanctorum plurimorum Martyrum, qui sub Nerone Imperatore de Urbis incendio per calumniam accusati, diuerso mortis genere ab eodem iussi sunt sœuissime interfici; quorum alij ferarum tergis coniecti laniatibus canum expositi sunt: alij crucibus affixi, alijq. incendio traditi, vt vbi defecisset dies, in vsum nocturni luminis deseruirent. Erant hi omnes Apostolorum discipuli, & primitiæ martyrum, quas Romana Ecclesia, fertilis ager martyrum, ante Apostolorum necem transmisit ad Dominum. Hæc habemus ex Romano Martyrologio. Antiochæni etiam, vt auctor est Iosephus de bello Iudaico lib. 7. cap. 21. in Christianos persecutionem excitarunt, quòd dicerent, eos Urbem Antiochenam incendere tentasse; anno Christi 71.

Horum

Horum præterea Martyrum historiam ipsi etiam Christiani nominis hostes (Gentiles dico Scriptores) contexuere , è quibus Cornelius Tacitus, historiarum veritate compulsus, falsas Neronis in nostros calumnias, in ipsum met tandem Neronem retorquet : idipsum & ceteri præstiterunt. Itemq. Sabinus Flavius , apud Tacitum , qui eidem Neroni idipsum palam exprobrare non timuit.

Suet. c. 38.

Tacitus autem totam rem ita narrare exorditur . Sequitur Clades , forte, an dolo Principis, incertum : nam utrumque Auctores prodidere : sed omnibus, quæ huic Urbis per violentiam ignium acciderunt, grauior, atque atrocior. Initium in ea parte Circi ortum, quæ Palatino, Cælioq. montibus contigua est. Vbi per tabernas, quibus id mercimonium inerat, quo flamma alitur, simul captus ignis, & statim validus, ac vento citus longitudinem Circi corripuit. Neque enim domus munimentis septæ, vel templa muris cinctæ, aut quid aliud moræ interiacebat. Impetu peruagatum incendium plana primum, deinde in edita assurgens, rursus inferiora populando, antequam remedia velocitate mali, & obnoxia Urbis arctis itineribus, hucq. & illuc flexis, atque enormibus vicis, qualis vetus Roma fuit. Ad hoc lamenta pauentium feminarum, fessa ætate, aut rudis pueritiæ ætas, quisque sibi, quique alijs consulebant, dum trahunt inualidos, aut opperiantur, pars morans, pars festinans, cuncta impediabant; & sæpe dum in proxima euaserant, illis quoque igne correptis, etiam quæ longinqua crediderant, in eodem casu reperiabantur. Postremo quid vitarent, quid peterent ambigui, complere vias, sterni per agros: quidam amissis omnibus fortunis diurni quoque victus, alij charitate suorum, quos eripere nequiuertant, quamuis patente effugio, interiere. Nec quisquam defendere audebat, crebris multorum minis restinguere prohibentium, & quia alij palam faces iaciebant, atque esse sibi auctorem vociferabantur, siue ut raptus licentius exercerent, seu iussu.

Corn. Tac. li. Ann. 15

Eo tempore Nero Antij agens, non ante in Urbem regressus est, quam domui eius, qua Palatium, & Mæcenatis hortos continuauerat, ignis propinquaret. Neque tamen sisti potuit, quin & Palatium, & domus, & cuncta circum haurirentur. Sed solatium populo exturbato, & profugo, Campum Martis, ac monumenta Agrippæ, hortos quin etiam suos patefecit, & subitaria ædificia extruxit, quæ multitudinem inopem acciperent, subætaq. utensilia ab Orla, & propinquis municipijs: pretiumq. frumenti minutum vsque ad ternos nummos. Quæ quamquam popularia, in irritum cadebant; quia persuaferat rumor, ipso tempore flagrantis Urbis, inijsse eum domesticam scenam, & cecinisse Troianum excidium, præsentia mala vetustis cladibus assimilantem. Sexto deinceps die apud imas Exquilias finis incendio factus, proruptis per immensum ædificijs, ut continuæ violentiæ campus, & velut vacuum cælum occurreret. Nec dum posito metu redibat. Leuis rursus grassatus ignis, patulis magis Urbis locis, eoque strages hominum minor; delubra Deum, & porticus amœnitati dicatæ latius procidere. Plusq. infamiae id incendium habuit, quia prædijs Tigillini Aemilianis proruperat. Videbaturq. Nero condendæ Urbis nouæ, & cognomento suo appellandæ gloriam querere. Quippe in Regiones quatuordecim Roma diuiditur; quarum quatuor integræ manebant, tres solo tenus deiectæ: septem reliquis

reliquis pauca tectorum vestigia supererant, lacera, & semiusta. Domorum, Insularum, Templorum, quæ amissa sunt, numerum inire haud promptum fuerit: sed vetustissima religione, quod Seruius Tullius Lunæ, & Magna Ara fanumq. quæ præsentī Herculi Arcas Euander sacrauerat, ædesq. Statoris Iouis vota Romulo, Numæq. Regia, & Delubrum Vestæ, cum penatibus populis Romani, exusta. Iam opes tot victorijs quæsitæ, & Græcarum artium decora, exin monumenta ingeniorum antiqua, & incorrupta, quâuis in tanta resurgentis Urbis pulchritudine, multa seniores meminerant, quæ reparari nequibant. Fuere qui annotarent decimo quarto Kal. Sextilis principium incendiij huius ortum, quo & Senones captam Urbem inflammauerant.] hucusque ille, qui post de Neronis ædificijs recensita, hæc subiecit.

Mox petita à Dijs piacula, aditiq. Sibyllæ libri, ex quibus supplicatum Vulcano, Cereri, Proserpinæq. ac propitiata Iuno per Matronas; primum in Capitolio, deinde apud proximum mare: inde hausta aqua templum, & simulachrum Deæ prosperum est, & lectisternia, & peruigilia celebrauerunt feminae, quibus mariti erant. Sed non ope humana, non largitionibus Principis, aut Deum placamentis decebat infamia, quin iustum incendium crederetur. Ergo abdendo rumori Nero subdidit reos, & exquisitis poenis affecit, quos per flagitia inuisos, vulgus Christianos appellabat. Auctor nominis eius Christus, qui Tiberio imperante, per Procuratorem Pontium Pilatum supplicio affectus erat. Igitur primo correpti, qui fatebantur, deinde indicio eorum multitudo ingens, haud perinde in crimine incendiij, quàm odio humani generis conuicti sunt. Et pereuntibus addita ludibria, ut ferarum tergis coniecti, laniatu canum interirent, aut crucibus affixi, aut flammandi, atque ubi defecisset dies, in usum nocturni luminis vrerentur. Hortos suos ei spectaculo Nero obtulerat, & Circense ludicrum edebat, habitu Aurigæ permixtus plebi, vel circulo insistent. Vnde quamquam aduersus fontes, & nouissima exempla meritos, miseratione oriebatur, tamquam non utilitate publica, sed in sæuitiam vnus absumerentur.] Hæc Tacitus: qui rei Christianæ hostis insensissimus, Christi fideles ob flagitia inuisos fuisse narrat, eorumq. aliquos crimen confessos, atque ab his alios delatos falsò affirmat: Christiani homines eadem plane animi fortitudine, qua veritatem, morti quamquam destinati, fatebantur; eadem prorsus, ne mendacium dicerent, constanter perstare consueuerant; quinimo ex eo etiam idem Tacitus mendax esse reprehenditur, quod omnium Scriptorum testimonio, eius incendiij Nero Auctor habeatur; quod si ita est, falsò quidem ille Christianos fontes appellauit. Et certe ipsemet Flauij Tribuni militum, Neroni palàm id incendium exprobrantis verba refert: Odisse capi, postquam parricida matris, & vxoris, Auriga, histrio, & incendiarius extitisti. Hæc idem Tacitus: Sed odio, quo flagrabat in Christianos, quo vacare debent omnes, qui res gestas scribendas suscipiunt, parùm liberalis historici, sed hominis, qui permoueretur affectibus, specimen edidit, quippe cum tam sua ipsius sententiâ, quàm totius populi opinionone, Nero auctor haberetur incendiij, nihilominus fontes Christianos appellat. Suetonius eam rem narrans, Neronem incendiij auctorem dicit, suntq. eius verba: Sed nec populo (de Nerone loquitur) aut moenibus percit,

*Suet. in Ne
rone c. 38.*

percit, dicente quodam in com muni sermone: Me moriente, terra misceatur igni. Sed ex se addidit: Me viuentē: quod plane fecit.

Cur autem id fecerit, hanc idem Suetonius affert causam: Nam, inquit, quasi offensus deformitate veterum ædificiorum, & angustijs, flexurisque. Vicorum, incendit Urbem, tam palam, vt plerique Consulares cubicularios eius, cum stupa, tædaq. in prædijs suis deprehensos, non attigerint; & quædam horrea circa domum Auream, quorum spatium maxime desiderabat, vt bellicis machinis labefactata, atque inflammata sint, quod fixo muro constructa erant. Hæc Suetonius. Eadem ferme Dio, & alij, *Dio. in Ne. non.* quorum nullus habetur auctor, qui audeat, Christianos vel leuiter, in crimine adducere. Per sex dies, subdit Suetonius, septemq. noctes ea clade seuitum est: ad monumentorum, bustorumq. diuersoria plebe compulsa. Et paulò post: Hoc incendium è Turri Mæcenatica prospectans (Nero) lætusq. flammæ, vt aiebat pulchritudine ἄλων Ilj in illo suo scenico habitu decantauit.

Quod vero Tacitus sex dies incendium perdurasse testatur, totidemque Suetonius affirmet, ac septem noctes, hæc de vehementiori incendio eos intellexisse certum est. Etenim (vt idem addit Tacitus) leuius rursus grassatus est ignis: quamobrem, nec ante nouem dies fuisse extinctum, vetus inscriptio docet, cuius hæc sunt verba.

Ex voto. suscepto. Q. Diu erat. Neglectum. Nec.
Redditum. Incendiorum. Arcendorum. Causa.
Quando. Vrbs. Per. Nouem. Dies. Arsit. Neronianis. Temporibus. & Hac lege. Dedicata.
est. Ne. Cui. Liceat. Intra. Hos. Terminos.
Aedificium. Extruere. Manere. Negotiari. Arborem.
Ponere. Aliudue. Quid. Serere. Et. Vt. Prætor. Cui. Hæc. Regio. Sorti. Obuenerit.
Litaturum. Se. Sciat. Aliusue. Quis. Magistratus. Volcanalib. X. K. Septemb. Omnibus.
Annis. Vitulo. Robio. Et. Verre.

*Descripta
habetur ab
Ald. lib. 2
Orthograph.
pag. 512.*

Quod autem ad Christianos Romæ agentes spectat, hæc persecutio prima dicenda est, licet (vt ex Tacito vidimus) repressa cum esset, iterum, vt ait, erumpebat Christiana Religio. Neroni quidem omnes tribuunt primam; de quo hæc Tertullianus: Consulite commentarios: illic reperietis, primum Neronem in hanc sectam, tum maxime Romæ orientem, Cæsariano gladio ferocisse: Sed tali dedicatore damnationis nostræ etiam gloriamur: qui enim scit illum, intelligere potest, non nisi grande aliquod bonum à Nerone damnatum: Et in Scorpiaco: Vitas Cæsarum legimus: orientem fidem Romæ primus Nero cruentauit.

*Tertull. in
Apol. c. 5.*

Eusebius de Neronis scuitia scribens: Verum (post multa adiecit) ad omnia eius scelera hoc vnum deesse videbatur, quo tanquam titulo insigniri

*Tertull. in
Scorp. c. 14.
Sueton. in
de. Neron. c. 16*

Euseb. hist. l. 2. c. 24. debuerat, quod scilicet primus ex Romanis Imperatoribus, Religiosi cultus, qui sacro numini tribuitur, hostis infestus declararetur, Nero demum in nostros desuuit ut non Romæ solum, sed in prouincijs etiam, ut Sulpitius scribit, Christianos, datis ea de re palam edictis, excruciarî iusserit; sed in tam immani bellæ furore, semen fidei cælestæ, quod tam impense curabatur, ut conuelleretur, ubiq. gentium, Deo ipso adiuuante, vberimam tulit segetem. Pretiosa, inquit S. Leo, in conspectu Domini mors sanctorum eius, nec vllò crudelitatis genere destrui potest, sacramento crucis Christi fundata Religio: non minuitur persecutionibus Ecclesia, sed augetur, & semper dominicus ager segete ditior vestitur, dum grana, quæ singula cadunt, multiplicata nascuntur, &c.

*Leo. serm. 1
ss. Pet. &
Paul.*

Petrus, & Paulus, ut succurerent pusillo gregi Romæ congregato, quem ferus Nero vastabat, Romam reuertuntur, Spiritu sancto ducti, ibiq. rursus res Christi prædicant: sed & Hierusalem excidium prædicunt. Cap. 576.

*Metaphra-
st. lun. 29,
& alij.*

Igitur Christi Domini Nostri anno sexagesimooctauo Petrus, & Paulus diuino consilio, ut afflictæ nimis gladio Neronis Ecclesiæ Romanæ succurrerent, è diuersis Orbis partibus Romam se contulerunt, atque collabentem penè Ecclesiam statuerunt. Neronis enim gladio in Romanos, occasione coniurationis, conuerso, à sanguine Christianorum aliquantum temperatum fuisse videtur. Hac igitur bene vsi opportunitate Petrus, & Paulus Romæ, ut licebat, rursum Euangelium prædicare cœperunt. Horum prædicationis nobile fragmentum recitat Lactantius, de prænuntiata his diebus ab eisdem Apostolis futura clade Hierosolymitana, cuius bellum hoc ipso anno est auspicatum. Cum enim, ut accidit, de Iudæorum defectione frequens sermo esset inter Romanos, inde suppeditatum est argumentum de his agere, quæ his verbis Lactantius memoriæ commendauit: Futura aperuit illis omnia, quæ Petrus, & Paulus Romæ prædicauerunt, & ea prædicatio in memoria scripta permansit, in qua cum multa alia miramur etiam hoc futurum dixerunt, ut post breue tempus immitteret Deus Regem, qui expugnaret Iudæos, & Ciuitates eorum solo æquaret; ipsos autem fame, sitiq. confectos obsideret. Tùm fore, ut corporibus suorum vescerentur, & consumerent se inuicem, postremo, ut capti venirent in manus hostium, & in conspectu suo acerbissime coniuges suas vexari cernerent, violari, & prostitui virgines, diripi pueros, allidi paruulos, omnia denique ferro, igneq. vastari, captiuos in perpetuum terris suis exterminari, cò quod exultauerant super amantissimum, & probatissimum filium Dei. Hucusq. Lactantius.

*Lact. lib. 4.
c. 21.*

Rursus etiam de Pauli Romæ prædicatione, & de studio Neronis erga Magiam. Cap. 577.

Dum Petrus his temporibus Romæ ageret, simul etiam, qui charissimus Neroni esset, Simon Magus Romæ itidem morabatur, qui diuinis iam ex magia sibi honores comparasset. Incredibili quidem Magiæ studio

dio tenebatur Imperator, ut non modo eiusmodi Circulatores sponte artes suas offerentes, ac vili pretio venditantes penes se habere curaret, sed et remotis plane regionibus accersuerit, quos nouisset eius artis insigniter eruditos. Vnde merito de eo Plinius testatur, ea ætate omnis magiæ generis Neronem fuisse Principem, vera falsaque simul comperta habuisse: sed addit hæc insuper: Idem Nero primum imperare Dijs concupiuit, magia scilicet, nec quicquam generosius coluit. Nemo unquam ulli artium validius fauit; ad hæc non opes ei defuere, non vires, non discendi ingenium, aliaque non patiente mundo. Et post alia: Magus ad eum Tyridates venerat, Armeniacum de se triumphum afferens; (erat enim hic Rex, quem Corbulo Romani dux exercitus superauit) & ideo prouincijs grauis. Nauigare noluerat, quoniam expuere in maria, alijsque mortalium necessitatibus violare naturam eam, fas non putant: magos secum adduxerat: magicis etiam scenis eum initiauerat. Non tamen cum regnum ei daret, hanc ab eo accipere artem valuit. Hæc, & alia de eo Plinius: Magnis utique pollicitationibus Tyridatem à Nerone sollicitatum, ut in Urbem veniret, magnificentissimeque ab eo exceptum scribit Suetonius.

Plin. l. 30.
cap. 2.

Suet. in Nerone. c. 13.

De Simone Mago, volatum Neroni pollicente.
Cap. 578.

Simon Magus igitur cum ea occasione sese in Neronis amicitiam infinuasset, atque de se mirifica prædicasset, nempe se virtutem Dei magnam, quæ Angelis dominaretur, & alia humanum captum transcendentia, esse iactaret, ut de his aliquod exemplum proderet, atque exhiberet experimentum, per aera volatum illi pollicitus est. His ergo fidem adhibuisse Neronem non tantum nostrorum suppetunt testimonia, sed etiam externorum: si quidem Dio cognomento Chrysostomus, in ea oratione, quam habet de pulchritudine, hæc de Nerone: Hoc vero maxime superabat Nero, & nemo illi vlla de re, quam diceret, contradicebat, neque impossibile aiebat, quod iusserat. Ita ut cum quemdam volare iussisset, ille, & promiserit, multoque tempore nutriebatur intus apud eum in aula tanquam volaturus. hæc Dio. Porro exhibitum fuisse in theatro eiusmodi sub Nerone spectaculum, ut in eo Icarus exhiberetur volatus, auctor est Suetonius, qui ait: Icarus primo statim conatu iuxta cubiculum eius decidit, ipsumque cruore respersit.

Dio. Chrys.
orat. 21.

Suet. in Nerone. orat. 12.

Petrus Romam reuersus, conuertitur ad fratres suos, quos corporali præsentia reliquerat, & epistolis confirmat.
Cap. 579.

Cum Petrus Romæ moraretur, vniuersalisque esset Ecclesiæ Pastor, non satis sibi visum est Ecclesiæ Romanæ prospicere, sed vniuersi gregis curam gerere, ubicunque esset, præsertim autem ouium Israel, quæ ei præcipue in Concilio Hierosolymitano commissæ fuerant; ad quos, ut confirmaret, & in fide contineret, præsentia sua consolari non valens, scripsit epistolam, cælestibus plenam documentis, sicut alteram priorem ad disper-

disperfos: quæ si solæ habeantur, & legendo eas in cordis tabulis reponantur, satis esse possunt ad animum Christiani viri instruendum, ut in se habeat quicquid ad bonè, beatèq. viuendum conducere potest.

Dignæ autem sunt, ut sicut lucidissimum exemplar semper præ oculis habeantur, propter admirabiles sententias, quas continent, propter gravitatem, & pondus rerum, quibus refertæ sunt, & propter cælestem doctrinam, qua sunt contectæ: & quia Petrus in eis feruidi spiritus sui magnam fecit manifestationem estuans, & anhelans, & acerbis animi concupiscentijs exardescens, ut omnes homines bonum supremum, diuinum, omni felicitate plenum, mundo incognitum, sibiq. reuelatum agnoscerent, agnoscendo possiderent, & beati fierent, emergendo ex luto fœcis, ex umbræ mortis, & potestate tenebrarum. Quibus perspectis, statim apparebit, qualis esset tam summi Apostoli animus, & quanta sapientia conspicuus. Verba enim sunt earum, quæ in animo sunt, passionum notæ; & Sancti in epistolis suis sunt liberales spiritus sui effusores: & simul notum fiet, quales esse debeant, qui Christi fidem receperunt; & quale gaudium habere deberent de tam ingenti pretioso thesauro in Ecclesiæ agro inuento. Quod à multis inestimabili eorum iactura, & lachrimabili perniciè miserabiliter contemnitur.

De mortuo, quem præstigijs suis conatus est suscitare Simon Magus; sed non valens, illum verè suscitavit S. Petrus. Ex Hegeſippo Iuniorè lib. 3. excid. Hierosclj m. c. 2.

Cap. 580.

ERANT igitur, ut dictum est, tunc temporis Romæ Petrus, & Paulus Doctores Christianorum, sublimes operibus, clari magisterio, qui virtute suorum operum Neronem aduersum fecerant, captum Magi Simonis deliramentis, qui sibi animum eius conciliauerat. Cui adiumentum victoriæ, subiectiones gentium, vitæ longevitatem, salutis custodiam feralibus artibus pollicebatur, ad quæ ille credebatur, qui vim rerum nesciret examinare. Denique summum apud eum tenebat amicitij locum: quandoquidem etiam præfulem suæ salutis, vitæ custodem arbitrabatur. Sed ubi Petrus eius vanitates, & flagitia detexit, & species illum rerum mentiri, non solidum aliquid, aut verum efficere demonstravit: ludibrio habitus, & digno est consumptus mœrore. Et quamvis in alijs terrarum partibus, Petri esset expertus potentiam, tamen præueniens Romam, ausus est iactare, quod mortuos resuscitaret. Defunctus erat id temporis Romæ adolescens nobilis propinquus Cæsaris, cum vniuersorum dolore. Admonuere pleriq. experiendum, utrum posset resuscitari. Celeberrimus in his operibus habebatur Petrus: sed apud Gentiles nulla facti huiusmodi deferebatur fides. Dolor exegit remedium, perreclum est ad Petrum. Fuere, qui etiam Simonem accersendum putarent: uterq. affuerunt. Ait Petrus Simoni, qui de sua se iactaret potentia, priores sese partes dare, ut si posset, mortuum resuscitaret. Si ille non resuscitaret, se non defuturum, ut Christus opem ferret defuncto, quo posset resurgere. Simon, qui putaret apud Urbem gentiliū plurimum suas

valitu-

valituras artes, conditionem proposuit, ut si ipse resuscitasset mortuum, Petrus occideretur, qui magnam potentiam (sic enim appellabatur) lacef-
fendo, iniurias irrogauisset; sin verò præualuisset Petrus in Simonem, pa-
ri genere vindicaretur. Acquieuit Petrus: adorsus est Simon, accessit ad
lectulum defuncti, incantare, atque immurmurare dira carmina, ut cœ-
pit, visus est caput agitare, qui mortuus erat. Clamor ingens gentilium,
quod iam viueret, quod loqueretur cum Simone. Ira, & indignatio in Pe-
trum, quod ausus esset conferre sese tantæ potestati. Sanctus Apostolus
poposcit silentium, & dixit: Si viuit defunctus, loquatur; si resuscitatus
est, surgat, ambulet, fabuletur, Phantasma illud esse, non veritatem,
quod videatur caput mouisse. Denique separatur, inquit, Simon à lectu-
lo, & tunc ne id quidem ostentui futurum. Abducitur Simon à lectulo, ma-
net sine specie motus alicuius, qui mortuus erat. Assistit Petrus longius,
& intra se paulisper orationi intentus cum magna voce, ait: Adolescens,
surge, sanet te Dominus Iesus. Et statim surrexit adolescens, & locutus
est, & ambulauit, & cibum sumpsit, & dedit eum Petrus matri suæ. Qui
cum rogaretur, ut ab eo non discederet, ait: Non derelinquetur ab eo,
qui eum fecit resurgere, cuius nos serui sumus. Secura esto mater de filio,
non verearis, habet custodem suum. Ex cum populus in Simonem insur-
geret, ut lapidaretur, ait Petrus: Satis est ad pœnam eius, quod cogno-
scit suas artes nihil valere. Viuat, & Christi regnum crescere videat, vel
inuitus. Torquebatur Magus Apostoli gloria. Collegit sese, atque om-
nem excitans carminum suorum potentiam, congregat populum, offensumq.
se dicit à Galilæis, relicturum se Urbem, quam tueri soleret. Diem statuit,
pollicetur volatum, quo supernis sedibus inucheretur; cui, quando vellet,
Cœlum pateret. Descendit statuto die in locum constitutum, ac se eri-
gens, volare cœpit. Mirari populus, & venerari: pleriq. dicentes Dei
esse potentiam, non hominis, qui cum corpore volitaret, nihil tale fecis-
se Christum. Tunc Petrus in medio stans, ait: Iesu Domine, ostende,
ei vanas artes suas esse, ne hac specie populus iste, qui crediturus est, de-
cipiatur. Decidat Domine, sic tamen, ut nihil se potuisse viuens recogno-
scat. Et statim in voce Petri, implicatis remigijs alarum, quas sumpserat,
corrui, nec exanimatus est, sed fracto, debilitatoq. crure, Aritiam con-
cessit, atqui ibi mortuus est. Quo comperto, deceptum se Nero, & de-
stitutum videns, dolens tanti casum amici, sublatumq. sibi virum utilem, &
necessarium Reipublicæ, indignatus, quærere cœpit causas, quibus Petrum
occideret. Et iam tempus aderat, quo Sancti vocarentur Apostoli, Petrus,
& Paulus. Denique dato, ut comprehenderentur præcepto, rogabatur Pe-
trus, ut sese aliò conferret. Resistebat ille dicens, nequaquam se factu-
rum, ut tanquam metu mortis territus cederet: bonum esse pro Christo pa-
ti, qui pro omnibus se morti obtulisset: non mortem illam, sed immortali-
tatem futuram, tanquam indignum, ut ipse fugeret passionem sui corpo-
ris, qui multos doctrina sua compulerit se hostias pro Christo offerre: de-
beri sibi secundum Domini vocem, ut & ipse in passione sua Christo glo-
riam, atque honorem daret. Hæc, & alia Petrus obtexere: sed plebs la-
chrymis querens, ne se relinqueret, & fluctuantem inter procellas Genti-
lium

F f f

lium

lium destitueret: victus fletibus Petrus, celsit: promisit se Urbem egres-
surum. Proxima nocte salutatis Fratribus, & celebrata oratione, profici-
sci solus coepit. Vbi ventum est ad portam, videt sibi Christum occurre-
re, & adorans eum, dixit: Domine, quò vadis? Dicit ei Christus: Ire-
rum venio crucifigi. Intellexit Petrus de sua dictum passione, quòd in
ea Christus passurus videretur, qui patitur in singulis: non utique corpo-
ris dolore, sed quadam misericordiæ compaſsione, aut gloriæ celebritate.
Et conuersus in Urbem redit, captusq. à persecutoribus, cruci ad iudica-
tus, poposcit, vt inuersis vestigijs cruci affigeretur, quòd indignus esset,
qui simili modo crucifigeretur, vt passus est Dei filius. Quo impetrato,
vel quia ita debebatur, vt Christus prædixerat, vel quia persecutor non
inuitus indulget poenarum incrementa, & ipse Paulus, alter cruce, alter
gladio necati sunt. Hæc Hegesippus: quæ confirmantur ex Actis SS. Nerei,
& Archillei.

De horribili Simonis Magi casu, enarratio ex Patribus.

Cap. 581.

*Clem. Cōf.
lib. 6. c. 9.*

Simonis Magi casum Clemens Romanus, qui ceteris habetur antiquior,
ex persona Petri, hoc modo narrat: Cui cum Græci, & Latini quo-
que Historici consentiant; quòd videri posset apochryphum, iam propè
authenticum redditur. Ait autem: Romam Simon cum venisset, Ecclesiam
vehementer perturbauit, multos euertens, atque in suam adducens senten-
tiam; gentes verò commouebat Magicis artibus. Itaque quadam die
in Theatrum in meridie processit; iussitque suis operis, vt me in theatrum
arriperent, pollicitus se in aerem volaturum. Cumque omnes hac de re
ereſti essent, ego seorsum orabam. Itaque sublatuſ à Dæmonibus, vola-
bat sublimis, dicens in Cœlum se ascendere, vnde illis bona suppeditatu-
rus esset, populo illi, veluti Deo, acclamante optima. Attollens ego ma-
nus in Cœlum, tota mente supplicabam Deo, vt per Iesum Christum Do-
minum frangeret scelestum illum, & Dæmonum vim labefactaret, in frau-
dem & perniciem hominum illa vtentium; illumque perfractum non oc-
cideret, sed comminueret. Tuncque Simonem intuitus: Si Dei, inquam,
homo ego sum, Apostolus verò Iesu Christis verus, doctorque pietatis,
non erroris, cuiusmodi tu Simon, impero improbis virtutibus apostatis
pietatis, quibus vehitur Simon Magus, vt remittant suas vires, & ab alto
hic decidat in risum eorum, qui ab ipso decepti sunt. Cumq. hæc dice-
rem, desertus à virtutibus Simon, cum magno fragore corruit, vehemen-
terq. concussus fregit coxendicem, & pedum talos: clamorq. plebis ortus
est, quo ferebatur vnum Deum esse, quem iuste Petrus nunciaret, tantum
veritate fretus; multiq. ab eo defecerunt. Hæc ille.

*Arnob. ad-
uers. Gent.
lib. 2.*

Arnobius, qui claruit temporibus Diocletiani, aduersus Gentiles scri-
bens, haud putandus ea attulisse, quæ aliqua saltem ex parte de leui men-
dacio argui potuissent, vnde & quærentibus occasionem quamcunque res
nostras deridendi, ansam tribuisset, hæc de his scribit: Viderant enim
(Romani scilicet) cursum Simonis Magi, & quadrigas igneas Petri ore dif-
flatas,

flatus, & nominato Christo euannisse. Viderant, inquam, fidentem Dijs falsis, ab ijsdem metuentibus proditum, pondere præcipitatum suo, & crucibus iacuisse perfractis; post deinde perlatum Brundam, cruciatibus & pudore defessum ex altissimi culminis se rursus præcipitasse fastigio. Quæ omnia vos gesta, neque scitis, neque scire voluistis, neque vniquam vobis necessaria indicastis.] Hæc, inquam, cum Arnobius scribat aduersus omnes Gentes, nec vt de re aliqua in angulo facta testetur, sed Romæ in Orbis vniuersi Theatro tam liberè, ac ingenuè fateatur; sanè quidem rem haud dubiam, quæ in controuersiam deduci, vel à fidei hostibus posset impugnari, se memorasse significat.

Cyrillus Hierosolymorum Episcopus, qui Constantij temporibus vixit, hæc in eandem sententiam scripsit: Dilatato autem Simonis errore, par amicorum bonorum illam calamitatem correxit, Petrus, & Paulus, cum essent præfides Ecclesiæ; & ostentantem sese iustum Simonem statim exstinxit. Cum enim prædicaret Simon in Cælos se ascensurum, & vehiculo demonum in aerem esset sublatu: flexis genibus serui Dei, & concordiam ostendentes, de qua dixit Iesus: Quod si duo ex vobis consenserint, de quacunque re, quam petierint, fiet ipsis: concordia hoc telum per orationem emittentes in Magum, deiecerunt illum in terram. Nec mirum est: Petrus enim erat, qui clauis Regni Cælorum portabat. Non est mirandum: Paulus enim erat, qui in tertium Cælum raptus fuerat, & in Paradisum, & audierat arcana verba, quæ non licet homini loqui. Ex aere in terram deprefferunt eum, qui se appellabat Deum, deinceps ad inferos detrudendum. Hucusque Cyrillus.

*Cyroll. Ca-
tech. 6.*

Epiphanius item: Natura, inquit, debitum in Romanorum Vrbe Simon perfoluisse reperitur, quando in media Romanorum Vrbe miser ille collapsus, mortuus est.

*Epiph. har.
21.*

Ad hæc sanè Eusebius quoque propemodum allusisse videtur, dum ait: Cum diuinus sermo iam ad Romanos peruenisset, vesana Simonis potentia extincta est, & homo ipse actutum penitus profligatus.

*Euseb. hist.
lib. 2. c. 14.*

Neque verò ab his aliud significare Philastrius voluit, cum hæc dixit de eodem Simone: Cum fugeret beatum Petrum Apostolum de Hierosolymitana Ciuitate, Romamque veniret, ibique pugnaret cum Beato Apostolo apud Neronem Regem; deuiçtus vndique oratione Beati Apostoli, atque percussus ab Angelo, sic meruit interire, vt eius Magiæ euident mendacium cunctis hominibus patefieret.

*Philast. de
heres. c. 3.*

Sanè etiam Sanctus Augustinus scribens ad Casulanum, ea occasione Romæ esse institutum ieiunium Sabbati, multorum relatione testatur, sic dicens: Est quidem, & hæc opinio plurimorum, quamuis eam perhibeant falsam plerique Romani, quod Apostolus Petrus, cum Simone Magico die Dominico certaturus, propter ipsum magnæ tentationis periculum, pridie cum eiusdem Urbis Ecclesia ieiunauerit, & consecuto tam prospero gloriosoque successu, eundem morem retinuerit, eumque imitatz sint nonnullæ Occidentis Ecclesiæ. Hæc Augustinus: qui tamen opera Petri Simonem extinctum, atque neccatum certò confirmat, cum ait: In qua Vrbe Beatus Apostolus Petrus eum vera omnipotentis Dei vir-

Aug. ep 26

*August. de
heres. 1.*

Contra Fulgent. Don. cap. 23. tute extinxit. Rursus apud eundem: Petrum, Ananiam & Saphiram eius uxorem mendaces occidit; & Simonem Magum tamdiu persecutus est, donec morte perimeret. Hæc ipse.

Seuer. hist. lib. 2. Sulpitius Seuerus, hæc eadem testatus, ait: Tàm illustis illa aduersus Simonem Petri, & Pauli congressio fuit. Qui cum Magicè artibus, vt se Deum probaret, duobus suffultus dæmonijs euolasset, orationibus Apostolorum fugatis dæmonibus, delapsus in terram, populo inspectante, disruptus est.

Prosper de promiss. di. mid. temp. c. 13. Ad hæc, haud dubium, Prosper Aquitanus alludit, dum ait: Contra Neronem duo Petrus, & Paulus Apostoli: at contrario Simon Magus, qui & se perdidit, & Neronem decepit.

Theod. haeret. fabul. lib. 1. c. 1. Affirmat eadem Theodoretus, in hunc planè modum: Rursum Romam veniens diuinus Petrus, fraudis eum pennis nudauit. Qui cum eum tandem in miraculorum certamen prouocasset, omnibus Romanis videntibus, eum ex magna altitudine deturbauit, cum orasset: & qui miraculum viderant, eos cepit ad salutem.

Isid. Pelus. lib. 1. ep. 13 Sed Isidorus Pelusiota, idipsum disertis verbis, cum ait: Quamobrem si te Simonis exemplum non terret, qui cum baptizatus fuisset, ac ministris Christi comitem se præbuisset, rursus ad eas res, quæ ex materia constant, reuersus est, ob idquæ etiam ex alto miser in mortem sermone multorum celebratissimam præceps ruit; vt ex vna ipsius ruina perspicuum omnibus fiat, quibus supplicijs digni sint, qui cæleste curriculum mentiuntur Simonis vestigijs animiq. instituto hærentes. Hæc Isidorus ad L ampetium scribens.

Max. Taurin. ser. 5. in nat. A. post. Maximus Taurinensis, dum causam necis Apostolorum declarat, hæc ait: Sed videamus causam, quare ista perpessi sunt, scilicet, quòd inter cetera mirabilia etiam Magum illum Simonem orationibus suis de aeris vacuo præcipiti ruina prostrauerant. Cum enim idem Simon se Christum diceret, & tanquam filium ad Patrem assereret volando se posse conscendere, atque elatus subito Magicis artibus volare cœpisset, tunc Petrus fixis genibus, precatus est Dominum, & precatione sancta vicit Magicam leuitatem: prior enim ascendit ad Dominum oratio, quàm volatus; & ante peruenit iusta petitio, quàm iniqua præsumptio: ante Petrus in terris positus obtinuit, quòd petebat, quàm Simon perueniret in cælestibus, quòd tendebat. Tunc igitur Petrus velut vinctum illum de sublimi aère deposuit, & quodam præcipiti in saxa illidens, eius crura confregit: & hoc in opprobrium facti illius, vt qui paulò antè volare tentauerat, subito ambulare non posset; & qui pennas assumpserat, plantas amitteret. Sed nè forte hoc mirum videatur, quòd Magus iste præsentem Apostolo per aërem aliquamdiu volitauerit, hoc patientia Petri fecit: permisit enim illum sublimius ascendere, vt altius caderet; voluit eum in excelsum leuari in conspectu omnium, vt ruentem illum de excelsu oculi omnium peruiderent. Hæc igitur iniquitatis est elatio, vt in altum se ferat, in sublime se erigat: sed sancta oratio omnem humiliat superbiam, & vniuersam deiicit vanitatem. hucusq. Maximus, Homilia 5. de Sanctis Petro, & Paulo. Arnobius autem hæc de casu Simonis: Viderant Romani currum Simonis Magi, & quadrigas igneas Petri

Arnob. contra gentes lib. 2.

Petri ore difflatas, & nominato Christo euanuisse: viderunt fidentem Dijs falsis, & ab eisdem meruentibus proditum: pondere præcipitatum suo, & cruribus iacuisse præfractis.

Nefanda præstigia Simonis Magi, quibus dementabat homines.
Cap. 582.

A Bominabilis, & ruina plenus finis fuit Simonis, Magorum omnium sceleratissimi, qui præstigijs sic oculos spectantium, mentemq. omnium perstringebat, ut in sui admirationem omnes penè conuerteret. Quænam autem hæc fuerint, quæ cum non essent, tamen ab hominibus videri videbantur, legendus Anastasius Nicænus, qui hæc scribit: Statuas faciebat ambulare, & in igne volutatus non exurebatur; in aere volabat, & ex lapidibus panes faciebat: Serpēs fiebat, & in aliquas alias bestias transformabatur; duas habebat facies, in aurum conuertebatur, fores clausas aperiebat, vincula ferrea soluebat; in conuiuijs exhibebat spectra formarum omnis generis; Vasa, quæ erant in ædibus, faciebat videri tanquam quæ sua sponte mouerentur ad ministerium, ijs qui portabant, non visis, efficiebatq. ut multæ umbræ eum præcederent, quas dicebat esse animas mortuorum. Multos autem tentantes eum dicere præstigiatores, cum eos esset allocutus, & inde conuiuij prætextu bouem sacrificasset, & eos conuiuij excepisset, varijs morbis, & dæmonibus eos subiecit. A Cæsare aliquando quæsitus, & territus aufugit, sua forma alij imposita. hucusq. Anastasius de Simonis imposturis, quibus hæc per imaginem ostendebat, & visum.

Anast. Nic.
g. 23.

De impietate artis Magicæ, quæ patrocínio utitur spirituum malignorum. Enarratio ex Sancto Augustino.

Cap. 583.

Porro aduersus magicas artes, de quibus quosdam nimis infelices, & nimis impios etiam gloriari libet in nomine dæmonum, ipsam publicam lucem testem citabo. Cur enim tam grauiter ista plectuntur seueritate legum, si opera sunt numinum colendorum? An fortè istas leges Christiani instituerunt, quibus artes magicæ puniuntur, secundum quem alium sensum, nisi quod hæc maleficia generi humano perniciose esse non dubium est? Ait poeta clarissimus:

Testor chara Deos, & te germana, tuumq.

Dulce caput, magicas inuitam accingier artes.

Illud etiam, quod alio loco de his artibus dicit:

Atque satas alio vidi traducere messes:

Id quod hac pestifera scelerataq. doctrina, fructus alieni in alias terras transferri perhibentur, nonne in duodecim tabulis, idest, Romanorum antiquissimis legibus Cicero commemorat esse conscriptum, & ei qui hoc fecerit, supplicium constitutum? Postremo ipse Apuleius nunquid apud Iudices Christianos de magicis artibus accusatus est? quas utique sibi obiectas, si diuinas, & pias esse nouerat. & diuinarum potestatum operibus congruas, non

S. Aug. de
Ciuit. Dei
lib. 8. c. 19.

Aene. 4.

Virg. Egl.
8.

Apul. de
mag. art.
accusatus.

FFF 3 solum

solum eas confiteri debuit, sed etiam profiteri, leges culpans potius, quibus hæc prohiberentur, & damnanda peterentur, quæ haberi miranda & veneranda oporteret. Ita enim vel sententiam suam persuaderet Iudicibus, vel si illi secundum iniquas leges scirent, eumque talia prædicantem, atque laudantem morte mulctarent, digna animæ illius dæmones dona rependerent: pro quorum diuinis operibus prædicandis, humanam vitam sibi adimi non timeret. Sicut Martyres nostri, cum eis pro crimine obijceretur Christiana Religio, qua nouerant se fieri saluos & gloriosissimos in æternum, non eam negando, temporales poenas euadere delegerunt, sed potius confitendo, profitendo, prædicando, & pro hac omnia fideliter, fortiterque tolerando, & cum pia securitate moriendo, leges, quibus prohibebantur, erubescere compulerunt, mutarique fecerunt. Huius autem Philosophi Platonici copiosissima, & disertissima exstat oratio, qua crimen artium magicarum a se alienum, esse defendit, seq. aliter non vult innocentem videri, nisi ea negando, quæ non possunt ab innocente committi. At omnia miracula Magorum, quos rectè sentit esse damnandos, doctrinis fiunt & operibus dæmonum, quos viderit, cur censeat honorandos, necessarios eos asserens perferendis ad Deos nostris precibus: quorum debemus opera deuitare, si ad Deum verum preces nostras volumus peruenire? Deinde quæro quales preces hominum Dijs bonis per dæmones allegari putat, magicas, an licitas? Si magicas, nolunt tales; si licitas, nolunt per tales. Si autem peccator pœnitens preces fundit, maximè si aliquid magicum admisit: ita ne tandem illis intercedentibus accipit veniam, quibus impellentibus, aut fauentibus se cecidisse plangit in culpam? An & ipsi dæmones, vt possint pœnitentibus mereri indulgentiam, priores agunt, quod eos deceperint, pœnitentiam, vt & ipsi postea accipiant indulgentiam? Hoc nemo vnquam de dæmonibus dixit, quia si ita esset, nequaquam sibi auderent diuinos honores expetere, qui pœnitendo desiderant ad gratiam veniæ peruenire. Ibi enim est detestanda superbia, hic humilitas miseranda. Hæc Augustinus.

Ars ista est omni detestatione digna & abominanda, quoniam Dæmones per eam homines decipiunt, vt eos à Deo, & à veritate auertant, & sub eorum potestatem constituent. Referamus in hoc argumento, occasione Simonis scelestissimi Magi, aliqua exempla.

Nobilis & curiosus Iuuenis, artem exitialem Magiæ ediscere cupiens, per apocam proprio sanguine conscriptam sese Damoni deuouet, vt artem illam ediscat, & didicit, & ea in sui perniciem usus est. Quapropter à terribili equi sessore calitus territus, & ad pœnitentiam actus, vix multis orationibus, & lacrymis, & ieiunijs obtinere potuit, vt apocam reciperet.

Cap. 583.

Ex hist.
generali S.
Dominici,
& ord. eius
scripta per
F. Ferdinā.
dum eiusdē
Ord. patrē
p. 1. lib. 2. c.
72.

EGidius quidam, natione Lusitanus, natus est ex parente nobili, qui erat Consiliarius Regis Don Sanci & Gubernator Colimbriz. Huius viri vitæ progressus exitit per omnia singularis; dum enim adhuc adolescens esset, diligentia sua factus Clericus, tres obtinuit Canonicatus; sed non vt Clericus,

ricus, qui in sortem Domini se dedit, viuebat, suscepit enim vitæ genus ab omni honestate & virtute alienū. ita vt omnium oculos præ turpitudine offenderet. Quicquid autē ex prouentibus eius cōparabat, totū in illis rebus consumebat, quæ diuitibus, otiosisq. adolescentibus amabiles esse solent, quando proprijs affectibus & immoderatis passionibus trahuntur. Interim tamen Logicæ, Philosophiæ, & Medicinæ operam dedit, in qua tanta attentione, & animi curiositate se habebat, quantam habere potest anima inquieta, sicut anima eius erat. Huiusmodi autem curiositas discendi fuit sibi multorum malorum occasio. Quapropter è Lusitania discedens, ad famosissimam Parisiorum Academiam proficisci decreuit. Dæmon hanc occasionem accepit, vt Iuuenem hunc funditus perderet, persuasitq. ei, vt Necromantiæ artem addisceret. Quæ eo tempore (sicut ferebatur) Toleti in obscura quadam, & secreta spelunca docebatur. Cumq. animo suo magna euolueret, arbitrareturq. hac via posse se consequi multa, quæ animo suo arriderent; Dæmon, qui huiusmodi fantasias suggerebat, apparuit ei in via in similitudinem viatoris, & post multos sermones tanta ei familiaritate coniunctus est, vt Iuuenis nō timuerit ei enarrare animi sui cogitationes, seq. proficisci Parisios, vt egregius Medicus euaderet. Quæ cum audiisset Dæmon, aliam scientiam (inquit) tibi proficuum atque perutilem indicabo: quam si didiceris, futurum est; vt animos omnium ad te diligendum conuertas, atque etiam opes, atque facultates aliorum acquiras, & indulgere voluptatibus possis, quotquot Mundus habet. Cum enim Iuuenis sis atque nobilis, nunc tempus est, vt vitæ genus suscipias periucundum, ex quo gloriam & honorem in mundo recipias, id quod Medicinæ operam dādo, & curis ægrotorum incumbens consequi non poteris. Idq. eo libentius facere debes, quo si scientiam, de qua tibi loquor, didiceris, non solum habebis, quod à me tibi dictum est, sed arcana Medicinæ admiranda intelliges. Hæc autem est Necromantia, quæ præterquàm, quod maiorem fructum affert, facilius etiam addiscitur. Iuuenis ea, quæ à simulato comite dicebantur, multa animi sui voluptate audiuit, tamquam ille, qui, cum minus cogitaret, visus est sibi ipsi vltro offerri, quod tantopere desiderabat. Igitur ambo iter arripuerunt, vt ad eum locum peruenirent, vbi illa ars docebatur. Cumq. Toletum appropinquarent, obuiam habuerūt ministros quosdam, hominum specie ex Inferno profectos, qui expectabant eos: à quibus benignè & læto vultu excepti sunt, multis amicitia significationibus. Deinde secreta sollicitudine Iuuenem ad antrum quoddam perduxerunt, vbi facultas hæc Diabolica docebatur. In quam cum ingressi fuissent, audiuit Iuuenis, quas condiciones obseruare deberet, quicumque admitteretur ad magna illa arcana perdiscenda. Prima autem erat, vt relicta diuina lege subijceretur penitus imperio & dominio docentis Dæmonis, qui scientiæ illius ordinarius erat Magister: Secunda autem erat, vt fidem denegaret, & baptisma: Tertia, vt Chirographum scriberet atramento sanguinis sui, in quo Dæmoni se inferuiturum polliceretur. Iuuenis, qui nihil cogitabat, nisi quod volebat, & duce sensu res agebat, factus fuerat suorum affectuum, & voluptatum infelix mancipium, propter infanda vitia sua à Deo derelictus, & datus in reprobum sensum consensit omnibus, quæ dicebantur. Scripsit proprio sanguine Chirographum, s. q. in potestatem Dæmonis dedit. Sed Deus, qui ex terra fa-

Fff 4 culenta

culenta nouit extrahere thesauros , in perditissimo Iuene ostendit miser cordias suas , non corripiens eum , & ultionem exercens in media peccatorum colluie , sicut contra aliquos ex socijs eius fecerat , quos dum delinquerent , morti tradidit , sed mores eius sustinuit , vsque ad præfinitum tempus . Exactis illis annis iterum cogitauit Parisios proficisci , vt ibi doctoratus lauream susciperet in facultate Medicinæ , quod postea relicta Diabolica schola executus est . Contigit autem , vt Medicinæ & Necromantiæ arte functus , breui temporis spatio famosus euaderet , viuebatq. interim secundum cordis sui concupiscentias . Cumq. hoc modo in hac miseria perseueraret , Deus de coelo prospexit , & sicut moris eius est , misericordia motus , ex inextricabilibus laqueis eum eruere voluit . Res autem hoc modo gesta est . Quadam die cum solus domi suæ in Bibliotheca sua permaneret , apparuit ei fortissimus eques & ferox , aspectuq. terribilis , qui super equum ferum sedens , lanceam , quam in manu gestabat , contra eum conuertit , vt eum percuteret , terribiliq. voce insurrexit in eum dicens : Muta scelestæ , Muta scelestæ mores . Hoc viso spectro , Egidius obrigit , & perterrefactus est ; sed vt qui erat infixus in vitiorum profundo & ebrius in iniquitatibus suis , proprijsq. inuolutus peccatis , paulò post ab animo eius timor ille discessit , non considerans , quid terribilis illa admonitio portenderet ; quousque tribus diebus præteritis , eodem loco & modo apparuit ei tremendus ille eques , qui sibi prius apparuerat , magis indignans , quàm prius ; qui furore plenus eadem verba profatus est : Scelestæ , muta scelestæ statum tuum , muta vitam tuam . Cui Aegidius territus : Erraui (inquit) tibi Domine non obtemperans , cum me prius admonuisses , nunc faciam quod iubes . Tunc eques illa Lancea pectus eius percussit , non vt feriret & occideret , sed vt sanaret & vitam daret ; illius enim idus virtus peruenit ad cor eius , tantaq. virtute eum commutauit , vt amplius non esset , qui fuerat . Deindeq. eques amplius non apparuit . Iuuenis nullam moram traxit , vt responderet supernæ vocationi , & quamquam tunc quartana febre laboraret , Lusitaniam versus profectus est , vt in aliqua Religione se constitueret , vbi peccatorum suorum poenitentiam agere posset . Cum autem vltiorem Hesperiam perambulasset , Vespere peruenit Palentiam . Forte fortuna audiuit in hac Ciuitate , fabricari Monasterium Fratribus noui Ordinis Prædicatorum . Quapropter , propter famam sanctitatis , quæ de illis patribus vbiq. percrebuerat , prius quàm vltius progrediretur , patres illos visitare decreuit ; quos occupatos & fractos laboribus ædificationis inuenit . Videnq. illos portare lateres , & calcem , ligna , & ferramenta pro fabrica construenda , ac si mercede conducti essent , Ordinem illum adamauit , persuasus præcipuè tantæ humilitatis exemplo . Sequenti die allocutus est Monasterij Priorem , cui etiam peccata sua confessus est , petijtq. ab eis , vt Religionis habitum sibi impertirent ; qui magna promptitudine ab illis Patribus sibi concessus est , remisitq. famulos suos in Lusitaniam , scribens ad patrem suum epistolam , certiorumq. eum faciens deliberationis suæ . Permansit in eo Monasterio totum annum Nouitiatus sui , fuitq. mirificus profectus , qui miserante Deo , ab illo in morum disciplina factus est , nam Religionis austeritas maximè tunc temporis in eo loco florebat .

Omnes enim laborabant manibus diu noctuq. alij in audiendis confessionibus ,

tionibus, alij in verbo Dei disseminando, omnesq. orationibus, alijsq. spiritualibus exercitijs operam dabant. Non comedebant præterquam panem, atque herbarum ferculum, absque aliquo condimento: nihilominus tamen Iuuenis tantam corporis sanitatem obtinuit, & corde ita erat alacer, ac si omnibus mundi voluptatibus, atque delicijs potitus fuisset. A principio autem, cum in vita delicata enutritus fuisset, & omnium rerum opulentia, magnas difficultates & tentationes sustinuit, quas ipse Confessario suo reuelauit, & consolationem suscepit, semper Dominum rogans, vt ei vires præberet, vt prouinciam susceptam ad finem adducere posset. Erat ipse natura sua hilaris, & sociabilis; multumq. diligebat ioca & nugas, quæ sicut semper cordibus magnam spiritus ariditatem impertiunt, ita, vt plurimum animis sunt ruinarum causa, quorum alimentum in vita spirituali est deuotio in Deum, recessus à Mundo, silentium, solitudo, cum oratione meditatio, sine quibus spiritus deuotionem maiorem non habebunt, quàm habeat aridum lignum. Adiuuabat ille fragilitatem suam, iterum promittens se facturum, quod prius spoponderat, accendensq. animum ad certamen, vt prauam naturam virtuti subderet. Quapropter fauore diuino tantam concupiscentiarum, à quibus impugnabatur, moderationem obtinuit, pacemq. cordis & spiritus quietem adeptus est, vt nihil magis eum delectaret, quam silentium, solitudo, clausura, & quicquid deniq. prius naturæ eius aduersabatur; ad tantamq. perfectionem peruenit, vt Frater Umbertus, Generalis totius Ordinis Minister, qui multo tempore cum illo cohabitauerat, assereret ex ore Aegidij verbum inordinatum exire se nunquam audiuisse: semper enim colloquebatur, vt afflictam alicuius animam consolaretur, aut, vt magnalia Dei enarraret, aut profunda humilitate taceret, & quamquam esset excellentissimus Medicus, non tamen ægri tudinibus suis remedia sibi componebat, sed in omnibus obtemperabat illi, qui sui curam gerebat, quamquam animaduerneret aliquando parum esse sibi vtilia, quæ iniungebantur.

Quò circa magis, magisq. de die in diem proficiendo, progrediebatur, & in sanctis exercitijs perseuerabat: addebat orationi orationem, humilitati humilitatem, silentium silentio, & poenitentiam poenitentia, nulli rei parcens, quæ rigida, & austera esset. Ferream catenam circa carnes gerebat, quæ vsque hodie in Monasterio, vbi sepultus est, in testimoniũ virtutis eius conseruatur. Ceterum extremo dolore conficiebatur propter Chirographum illud, in quo seipsum Diabolo deuouerat in illa spelunca, in qua exitialem artem didicerat. Quapropter se fletibus macerabat, & meditabatur, qua ratione ex Diaboli manibus apocam suam suo sanguine scriptam eripere posset: millies orabat, & suspirijs anhelantibus petebat à Deo, vt concederet sibi petitionem cordis suis. Contulit se ad orandam Virginem beatam, terribilem Diabolo, afflictorumq. consolatricem: prouoluebat sese ad pedes eius, pronuntiabat lamenta poenitentia, & flens ante ipsam, rogabat enixe, vt intercederet apud omnipotentem filium, cui parent omnia, cui genuflectuntur infernorum genua, & nutu perterrefacit tartara, pro apoca recuperanda, ne forsan mortis tempore apocam illam superbus Demon contra ipsum produceret.

Quadam die in loco quodam Monasterij sui, vbi erat capella quædam, ab ea parte, in qua campanarum funes pendebant, deuotissime orabat, cum

cum nequitia princeps mugiens, & ululans, & formidabili sonitu aerem verberans, visibiliter apparet illi, & nefandis verbis, & ignominia plenis eum compellans, vocat ipsum proditorem, mendacem, apostatam, & perfidum, & foedifragum, & secreta documenta, quibus eum instraxerat, & gloria opinionem, quam per illa apud homines acquisierat, impropert, & voluptuosam vitam, & delitijs plenam, quam illi procurauerat, objicit: conqueriturque se ad restituendum, quod suum est, cogi. Deinde minas intentat ingentes, & maledicens eum euanuit, & statim apoca illa per aerem volitare visa est, decidereque in terram. Quam cum arripuisset, coram Deo, & B. Virgine prouolutus, partim propter memoriam commissi sceleris dolens, partim propter ereptam ex manibus demonis apocam alacer, & præ gaudio plorans, gratias ingentes optimo Deo, & sanctissimæ Virgini agit de recepto beneficio, quoniam eripuissent eum de inimicis eius, & de manu omnium qui oderant eum.

Vt hinc appareat, quàm detestabile sit per maleficas artes quærere ab inimico demone, omnium malorum auctore, prouenire sibi bona, & recedere à Deo suo, à quo solo omne datum optimum, & omne donum perfectum cum magna plenitudine in mortales descendit.

Iudæus Magus, callens artem Magicam, diuersa spectacula, admiratione digna, oculis aspicientium proponit.

Cap. 585.

Guac. Cōp.
malesf.

Io. Trith in
Chron. Spā.
chr. ann.
1262.

S Edechias quidam, Religione Iudæus, professione Medicus, sicut alter Simon Magus, stupenda quædam coram principibus viris fecit: videbatur enim hominibus ipsum deuorare currum onustum fœno, cum equis, & Auriga: insuper amputare capita, manus, & pedes, quæ pelui coram imposita sanguine stillantia, cunctis spectanda præbebat, & ea statim hominibus illatis tuo quoque loco restituebat. Media bruma hortum amantissimum in Cæsaris palatio arboribus, herbis, floribus, cantu auium, subito natis, & auditis producebat.

Deodorus, Magus peritissimus, diris carminibus mira operabatur. Videbatur conuertere homines in bruta, & distincta spacijs locorum longissimis simul adunabat, & per aerem uehebatur, ut in ipso quandam numinis potentiam esse crederent. Cap. 586.

Tho. Pha.
Dec. rer. si-
cul. l. 3. c. 4.
Idem cap 7
l. 3. Dec. 1.

M Ira referuntur de quodam Diodoro, quem vulgus Lialorum vocat. Hic magica arte imbutus miranda præstigiorum machinatione Cattanzæ floruisse dicitur. Is potenti carminum suorum vi, homines in bruta animalia conuertere, omniumque ferè rerum formas in nouas metamorphoses commutare. Longissimisque à se spacijs disiectos, repente ad se trahere videbatur. Cattanenſes præterea adeò crebris laceſcebat iniurijs, & contumelijs dehonestabat, ut vanissimæ credulitatis circumuenti ad illum adorandum concitarentur. Hic cum capitis reus tradendus esset supplicio, carmi-

carminum arte præstantissima, è Cattana Bizantium, cuius imperium eo tempore Sicilia agnoscebat, & rursus è Bizantio Cattanam è Licetorum manibus dilapsus, paruo temporum interitio per aerem vehi se iussit; quibus beneficijs adeo populo factus est admirabilis, ut in ipso quandam numinis potentiam esse rati, errore sacrilego, cultum sacris debitum ei exhiberent. Tandem a Leone Cattanenfi Episcopo Diuina virtute ex improviso captus, in media Vrbe coram omni populo in fornacem igneam injectus, ignis incendio consumptus est. Sic Diuina iustitia præualuit, ut qui se iudicibus forte minus iusto zelo mortis eripuerat, è Sancti viri manibus elabi non potuerit.

Cæsarius Magus magijs suis deludit multos: eripitur à iudicibus Ecclesiasticis per Principem secularem, qui Deo ulciscente, paulò post interiit. Cap. 587.

NOSTRIS temporibus Cæsarium Maltesium Parisijs captum fuisse, sed è carceribus astu elapsu ferebant: idq. ei Bazius Inquisitor inter cetera in iudicio obijciebat: sed cum vrgeretur, & damnationem metueret, à Gubernatore, qui tunc erat, iudicibus Ecclesiasticis supersedere iussis, ereptus, in Aulam irrepit, & ibi multa de nouo cepit edere. Carthas lusorias in alterius eas tenentis manu, ipse distans sic mutabat, ut bis, terq. alia in eis figura appareret. In altera mensæ parte posita vasa ad se alliciebat, moto vitri tantum frustulo. Cogitationes nonnunquam diuinabat alienas, ut cum sparsa saccari minutorum granorum in mensam magna multitudine, quod quis sibi granum mente delegisset, indicabat, etiam si quis in deligenda re, proposita dubitasset, addebat hæitationem, & resolutionem. Iactabat, quod alter esset electurus, id se diu prænouisse, & alia multa. Propter quæ tertio in ius ab Illustriss. Archiepiscopo Mechliniensis anno 1600. vocatus, cum sistere se pollicitus esset, aufugit ad Asylum omnium Antichristi præcursores. Princeps ille, qui præstigiatores iudicio, auctoritate, non iure eripuerat, vix biennium superuixit, & florente ætate interiit, nec quidquam illi, postquam malæ causæ defensionem susceperat, postea feliciter in gubernatione cessit. Ex quo patet, quod nunquam Deus impunitos Principes finit, hostium suorum defensores, cum nominatim vetuerit, ne præstigiaticem quis viuere patiatur.

Exod. 12.
v. 18.

Boemus Magus, nunc sua, nunc aliena facie, & statura, nunc in purpura, & serico, nunc in lana, & panno sordido apparebat; videbatur nauigare per mare; conuiuas eludebat, & faciebat aliquem apparere cum ceruinis cornibus; fictos porcos venales proponit, & demum huiusmodi magiam affingit.

Cap. 588.

DVbrauius narrat, quod Ziton Boemus Magus, artem suam ostentans, Lib. 23.
nunc sua, nunc aliena facie, staturaq. apparebat: item in purpura, & serico, ac contestim in lana, & panno sordido Regi se offerebat; ambulans.

bulantiq. in terra, ipse tanquam in aqua nauigabat. Aliquoties equis rhedarijs vectum gallis gallinaceis ad epiredium suum alligatis subsequabatur. Conuiuas præterea Regis variè illudebat, interdum manus illorum ne illas ad patinas porrigere valerent, in pedes bouum, interdum in vngulas equorum transformabat; & quandoq. fronti eorum ceruina cornua latissima adijciebat; quoties videlicet è fenestris ad subitum spectaculum prospicerent, ne rursus caput, & ora ad mensam referre possent. Triginta sues bene saginatos ex manipulis fœni effingit, illosq. pastum proximè Michaelis cuiusdam pistoris locupletis extrudit, proponitq. venales, quo pistor voluit pretio, hoc tantum emptorem monens, ne gregem nouum ad flumen lotum compellat: qua ille monitione neglecta, cernit in flumine manipulos fluitare, suis submersis: ergo diù venditore quæsito, atque in Taberna tandem vinaria reperto, in qua porrectis pedibus in scamno recubabat, dum stomachabundus altero pede correptum excitare vult, eum à corpore protinus cum fœnore euellit: clarè Zitone quæritante, & ob-torto collo, emptorem ad iudicem trahente, pistor in manifesto deprehensus facinore, vt sibi videbatur, damnum damno addidit.

lib. 25. 26. Sed de Magia hætenus reuertamur ad Petrum, & Paulum.
28.

Petrus, & Paulus iubente Nerone in carcerem deducti sunt. Conuertunt carceris custodes, & baptizant eos, erumpente ibidem calitis fonte. Prædicant ibi Euangelium, curant infirmos, & quadraginta septem alios viros conuertunt. Cap. 589.

Apud Sur. 10. 4. die 2. Iulij. **P**etrus autè, & Paulus occasione lapsus Simonis à Nerone in carcerè fuisse detrufi. Carcerem autem, quo sanctissimi Apostoli detenti sunt, Mæmærtinum dictum esse, Martyrologia fidem faciunt. Erat autem carcer iste ad radices Capitoli j supra locum, quem hodie, Forum dicunt, subterraneos habens descensus, Vinculis sanctorum Apostolorum Petri, & Pauli, aliorumq. Sanctorum martyrum nobilitatus.

Cæterùm in eodem carcere Processus, & Martinianus milites, Apostolorum custodes, à Petro ad fidem conuersi, ab eodem sacro baptismate ibidem initiati sunt, erumpente diuina virtute ex petra fonte, vt eorumdem res gestæ declarant. Admiratione enim digna res est, eundem illic fontem in hanc vsque diem perseverare.

Apud Sur. 10. 4. 2. Iulij. In eo igitur carcere cum ad tam longum temporis spatium derinerentur Apostoli, & à Christianis Romæ agentibus, atque alijs inuiserentur, Euangelium prædicare, malèq. se habentes curare, atque alia plura operari miracula non deserunt: nec enim tantum dictos duos milites in carcere positi Apostoli genuerunt per Euangelium, sed & alios quadraginta septem: in quos simul omnes gladius Neronis scuijt, illustriq. sic sunt coronati martyrio: quorum memoria annua celebritate recolitur, illorum duorum secunda Iulij, horum decima quarta Martij, qui natalis illis dies idemquè sempiternus illuxit in cælo. Hæc autem quomodo se habuerint, ipsorum Acta declarant.

Martyr.
Rom. & a-
lia.

Apud Sur.
10. 4. 2. Iulij.

Iam

Iam quod ad Paulum spectat, ut à Nerone conijceretur in carcerem, hanc etiam Chrysostomus affert causam, cum ait: Neronem prorsus ex fama nouistis: vir enim impudicitiae sceleribus omnibus insignis fuit: primusque ac solus in tanto Imperij culmine novos quosdam lasciuiae, flagitij, ac turpitudinis modos excogitauit, exquisiuit, inuenit. Hic itaque Paulo beatissimo (vno enim eodemque tempore vitam istam agebant) huiusmodi, ac prorsus similia crimina obijciens his quae vos modo sanctis obijcitis: Pellitem enim eius, quam ille deperibat, atque in delicijs habebat, cum induxisset fidei, ac religionis sacramenta suscipere, persuaserat vna incestum illum, impurumque congressum declinare: Hec, inquam, ille crimina obiectans, corruptoremque nequam, flagitiosum, ac nebulonem, & his similia, quae vos modò perstreptis, Paulum vocitans, primum coniecit in vincula: cum verò, ut puellae eiuscemodi monita, atque consilia dare desineret, persuadere non posset, necauit eundem. Haec Chrysostomus. At nihil obstat, ut alia causa Paulus, alia vero Petrus ab eodem Nerone conijcerentur in carcerem; nempe iste propter consternatum Simonem; ille quod Neronis pellicem ad Christianam Religionem conuertisset, & ex impudicissima castam, atque pudicam reddidisset. Alia etiam affertur causa, nimirum, quod Proculum, Neronis pincernam, conuertisset ad fidem Christi suscipiendam.

Erat igitur Petrus in carcere, & iam instabat tempus à Domino praedictum, quo quispiam eum iam senem factum debebat cingere, & ducere, quo nolebat; fidem praedicauerat, gentes conuocarat, & cursum consummauerat. Cursus autem eius fuit huiusmodi.

Petri per Orbem cursus. ex Card. Bellarmino. Cap. 590.

Post passionem Domini, mansit B. Petrus quinque fere annis in Iudaea, inde profectus in Syriam, Antiochia fixit sedem, & mansit annos fere septem Episcopus eius Urbis. Eodem tempore peragrauit vicinas prouincias, Pontum, Asiam, Gallatiam, Cappadociam, & Bithiniam: inde profectus anno septimo Episcopatus Anthiochenensis, qui erat vndecimus à passione Domini, redijt in Hierusalem, ibique comprehensus ab Herode, in vincula coniectus est in diebus Azimorum: sed paulò post ab Angelo liberatus, eodem anno, qui erat secundus Claudij, Romam venit, ibique sedem fixit, ac tenuit annis viginti quinque. Nec tamen toto eo tempore, quo fuit Episcopus Romanus, mansit Romae, sed postquam septem annis Romae praedicauerat, redijt in Hierusalem, expulsus à Claudio ex Vrbe vna cum ceteris Iudaeis. Scribit enim Lucas, Claudium expulisse ex Vrbe omnes Iudaeos. Idem scribit Suetonius in Claudio. Idem Iosephus, ut Orosius citat, & ipse Paulus Orosius, qui addunt hoc factum esse anno Claudij nono, idest 18. à passione Domini. Itaque cum audissent ij, qui erant Anthiochia, Petrum venisse in Hierusalem, miserunt ad eum Paulum, & Barnabam, & tunc factum est Concilium Hierosolymitanum. Mortuo autem Claudio, redijt Petrus Romam, & ibidem vitam finiuit.

*Chrysost. ad
uersus Vi-
ruper. Vit.
mon. l. 1.
eademque
Metaphra-
st. dia 29.
Iunij.*

Act. 18.

l. 7. his.

De

*De damnatione mortis Petri, & Pauli, à Nerone Romæ facta :
& de Apparitione Domini Petro recedenti .*

Cap. 591.

*Sueton. in
Nerō. c. 25.*

*Ambros. in
Auent. de
basil. non
trad.*

*Ambros. in
Auent. de
basil. non
trad. fere in
med. edit.
Rom.*

ANno Domini sexagesimo nono, redeunte ex Achaia Nerone, eius iussu, Petrus, & Paulus Principes Apostolorum, una eademque die, quamquam diverso mortis genere martyrium subiere. Ante vero eorum obitum, nonnulla ex probatis Auctoribus collecta præcesserunt. Ex Achaia Romam rediens Nero ea pompa triumphi, quam Suetonius scribit, Apostolos, quos Simonis Magi causa vinxisse diximus, noua superaddita accusatione, ultimo supplicio condemnauit. Quamnam autem ea fuerit ex Ambrosio, & alijs facile intelligitur. Datum enim illis crimini tradunt, quod feminas ad meliorem frugem, & præcipue castitatem seruandam conuertissent. Multum enim in his versati sunt Apostoli, ut quas ad Christianam fidem capeffendam inducerent, easdem imprimis castè, & pudicè viuere suaderent: nam Tacitus, Suetonius, Dio, & ceteri, qui Neronis historias conscribere, testantur, in nobilissimas quasque feminas eius libidinem absque aliquo pudoris freno impudentissimè esse grassatam. Sed cum (ut de Petro primum agamus) expectaretur executio feralis sententiæ, indignissime ferentes Christiani, sic à se Pastorem omnium abripi Petrum, ut fuga sibi, suisque consuleret, instantissimis precibus, & obtestationibus admonentes, vix tandem, ut id faceret, suaserunt, imo potius compulerunt. Non deerat ad hæc præstanda carceris Custodum officium, Processi, & Martiniani, quos idem Petrus initiarat sacro baptismate. Quomodo autem egressus, ac iterum Domino admonente sit reuocatus ad carcerem, Ambrosium hæc accuratè scribentem audiamus. In Auxentium enim dum agit, hæc ait: Idem Petrus postea, victo Simone, cum præcepta Dei Populo seminareret, doceretque castimoniam, excitauit animum Gentilium, quibus eum querentibus, Christianæ animæ deprecatae sunt, ut paulisper cederet. Et quamuis esset cupidus passionis, tamen contemplatione populi precantis inflexus est: rogabatur enim, ut ad instituendum, & confirmandum populum se reseruaret. Quid multa? nocte muro egredi caput, & videns sibi in Porta Christum occurrere, Urbemque ingredi, ait: Domine, quo venis? Respondit Christus: Venio iterum crucifigi. Intellexit Petrus ad suam crucem diuinum pertinere responsum: Christus enim non poterat iterum crucifigi, qui carnem, passione suscepta mortis, exuerat: quod enim mortuus est, mortuus est semel; quod autem viuit, Deo viuit. Intellexit ergo Petrus, quod iterum Christus crucifigendus esset in seruulo. Itaque sponte remeauit, interrogantibus Christianis responsum reddidit, statimque correptus, per Crucem suam honorificauit Dominum Iesum. Hucusquæ Ambrosius.

De flagellatione Petri, & Pauli, & columnis, ubi alligati sunt.

Cap. 592.

Porrò antequàm supplicio Petrus, & Paulus afficerentur, ambo more Romano virgis cæsi fuisse traduntur. De Petro, quod vilis haberetur persona

persona, nulla potest esse dubitatio, cum more maiorem, qui ultimo supplicio damnati essent, antea virgis caderentur. De Paulo autem, quod Cuius esset Romanus, & lege Valeria primū, ac deinde lege Porcia haberetur immunis, addubitari posset. Verū constat tam ex lege duodecim Tabularum, quā etiam lege sacra, cum aliquod ab his immane fuisset perpetratum delictum, tunc iisdem Centuriatis comitijs condemnatos, affectos verberibus primum, capite truncandos. Cum igitur apud omnes grauissimum omnium scelus haberetur impietas. Paulum eius criminis iudicio postulatum, & condemnatum, antequā ultimo supplicio subijceretur, virgis cæsum fuisse, nullus iure poterit dubitare: cum præsertim adhuc Romæ in Ecclesia S. Mariæ trans Pontem extent, & in honore habeantur columnæ illæ, quibus ambo Apostoli alligati, & virgis cæsi feruntur.

Ducitur Paulus ad locum martyrij, occurrit Plautilla mater Flavia Domitilla, commodat velum, in itinere tres milites conuertuntur. Cap. 593.

Gloriosi Principes terræ, Petrus, & Paulus ducebantur iussu Neronis ad martyrium. Cum autem Paulus à Petro, muta prius salutatione impartita, more Christiano in osculo sancto in hunc modum diuisus esset; ad præscriptum supplicij locum rectā perducitur. Inter eundem quæ acciderint, in Actis emendatioribus Passionis eius, magna ex parte habentur expressa. Cum ad locum pergeret passionis, comitantibus populorum turbis innumeris, venissetq. ad Portam Urbis, habuisse obuiam nobilissimam matronam, nomine Plautillam (licet alij alio nomine eam dictam esse velint) quam, illam fuisse matrem Flaviæ Domitillæ, cuius habetur mentio in Romano Martyrologio, ac in Actis Sanctorum Nerei, & Archillei, eamq. à sancto Petro baptizatam, ac demum eodem anno post Apostolos vita sanctam, eadem Acta tradunt. Eam cum flentem intuitus esset Apostolus, ab ea velum petijt, quo feriendus gladio ex more obduceret oculos. Consueuisse Iudæos etiam fascia velare oculos eorum, qui capite truncandi essent, Iosephus demonstrat, dum ait: Is autem eum reuinctis post terga manibus, oculisq. fascia obstrictis, in conspectu Romanorum veluti capite cæsurus produxit. Cum igitur ad illud opus, velum Paulus ab illa petijset, libenter illa parens, liberaliter tradidit, illud ipsum, ut erat pollicitus, postea receptura. Locus ille, ubi hæc facta sunt, dicitur esse propè Portam Ostiensem, huius rei gratia veteri memoria consecratus. Cum autem sic Paulus duceretur, tres milites ex his, qui ex apparitura erant, ad Christi fidem conuertit, quos in confessione Christianæ Religionis constantes, eiusdem Imperatoris gladius Martyres fecit die secunda Iulij, quæ Anniuersaria celebritate recolitur. Horum nomina fuisse, Longinus, Acestus, & Megistus, nuper citata Acta testantur.

*Ioseph. de
bel. iud. li.
7. cap. 14.*

*De Pauli decollatione; & de lacte, quod è gutture eius manauit,
& de conuersione triginta quinque virorum.*

Cap. 594.

VBi tandem ad locum supplicio destinatum Paulus perductus est, fufis ad Deum precibus, alacri animo, quod id diutius exoptasset, iugulum præbuit. Locus ille dictus, ad Aquas Saluias, tertio ab Vrbe lapide distans, alio nomine, Gutta iugiter manans, est appellatus, vbi Christianorum carnificina est aliquando habita. Nam & Zenonem, ac decem millia militum, illic fidei Christianæ causâ fuisse obruncatos, tùm loci illius vetera monumenta, tùm Romanum Martyrologium attestantur. Illic igitur, cum iëtu Carnificis Populus capite truncaretur, non sanguinis fluentia è fectis venis, sed lactis tantum (res planè miranda) largiter fluxit. Res quidem adeò insignis, non tantum ex dictis Actis, sed & alijs compluribus habetur testibus confirmata. Nam & Ambrosius de re tam celebri, & clara, nec dubitatione aliquâ obscurata, his verbis meminit: De Pauli verò ceruice, cum eam persecutor gladio percussisset, dicitur fluxisse lactis magis vnda, quàm sanguinis, & mirum in modum Sanctum Apostolum baptismi gratia in ipsa cæde extitisse splendidum potius, quàm cruentum. Quæ quidem res in Sancto Paulo stupenda non est. Quid enim mirum, si abundat lacte, nutritor Ecclesiæ? sicut ipse ad Corinthios ait: Lac vobis potum dedi, non escam. Hæc est plane promissionis illa terra, quam Deus Patribus nostris promisit, dicendo: Dabo vobis terram fluentem lac, & mel. Non enim de hac terra locutus est, quæ dimanantibus aquis cænum inuoluit, lutumq. permiscet; sed de illa tùm Pauli, tùm similium Pauli, quæ iugiter purum, suaueq. distillat. Quæ enim Pauli Epistola non melle dulcior, & lacte candidior? Quæ epistolæ, tamquam vbera Ecclesiarum, populos enutriunt ad salutem. De ceruice ergò Apostoli pro sanguine Lac manauit. Hucusque Ambrosius. Sed & Ioannes Chrysostomus eiusdem veritatis grauissimus assertor, sic ait: Beatus autem Paulus, cui caput ense præcisum est, vir cuius laudes verbis exprimi nequeunt. At cuiusmodi ensis illius guttur, Dominicum, inquam, instrumentum Cælo suspiciendum, & terræ tremendum peruasit? Qualis locus tuum, Paule, sanguinem excepit, qui lacteus apparuit in eius veste, qui te percussit? qui quidem sanguis barbaricum illius animum reddens melle dulciorem, vt ipse vnâ cum socijs ad fidem traduceretur, ita affecit. Hæc de lacte. Subdit de alijs, tunc eo miraculo ad fidem Christi conuersis: ac demum, quem ætatis suæ annum martyrij tempore ageret, his docet: Sit mihi instar coronæ gladius ille, qui triginta, & quinque viros summa ad seruiendum Deo alacritate Domino mancipauit. Sic quidem ex vulgata editione, alij tamen ex Græco aliter interpretantur. Perfecto itaque oculo, & sexaginta annorum vitæ cursu, quem pro pietate institutum tenuerat, quieuit. Hæc ipse. Sunt etiam de his alia complura, sed recentiorum testimonia.

*Martyrolg.
Rom.
Ado V sua.
& alij ea
die.
eodem die
9. Iul.*

*Ambrosius
serm. 68.*

1. Cor. 3.

*Io. Chrysos.
orat. in pñ.
apost. 10. 5.
nouel. edit.*

De

*De eruptione trium fontium, ubi Pauli collum excisum est,
& de sudario reddito Plautilla. Cap. 595.*

DE tribus fontibus, qui in morte Pauli mirabiliter eruperunt, fideli maiorum traditione testatum redditur, tres ibidem emanasse fonticulos dulcis aquæ, qui tunc primum erupisse dicuntur, cum Pauli caput excisum, tribus se saltibus vi quadam spiritus diuinitus agitauit; quorum prior dulcior, lactis saporem aliqua ex parte reddat, ceteri quamuis haud longè à primo distent, paulò diuersum gustui saporem afferant. Cuius rei ea ratio solet afferri, quod ipso primo fluxu lac venæ dederunt, ac inde sanguinem: qui quidem locus planè celeberrimus, trium Fontium dictus, frequenti Christianorum visitatur concursu. Sudarium verò Plautilla recepit, cum ministerio expleto Apostolus eidem per visum apparuit. Illudq. esse putatur, quod Constantina Augusta magna instantia apud S. Gregorium Romanum Pontificem agens, ad se mitti postulauit, qui haud sibi concessum esse, quod vnà cum corpore eodem clauderetur sepulchro, quod aperire nefas esset, literis ad eam redditis, excusauit. Corpus verò Apostoli, à Lucina clarissima femina Senatoria sublatum, in suo prædio via Ostiensi honestissimo tumulo locatum fuit. At de Pauli martyrio hætenus.

*Gregor. in
regist. li 3.
epist. 30.*

De effigie, & statura Pauli Apostoli. Cap. 596.

DE effigie Pauli, atque statura, hic repetendum est: quod Triphon Christianam Cathecumenum instituentem, apud Lucianum loquitur: Ergo, inquit, docebo te, quid sit vniuersum; & quid fuerit ante omnia, & quæ item constitutio, quodue corpus vniuersi. Quando enim me Galilæus ille conuenit recaluastrer, naso aquilino, qui tertium vsque ad cælum per aerem ingressus est, quæq. optima, & pulcherrima sunt, inde didicit, per aquas nos renouauit. Hucusq. ille; quem quidem his coloribus, atque notis non alium, quàm Paulum descripsisse, omnes credimus faciliè intelligere; nam aliquem alium Apostolorum, vel aliorum Christianorum, tertium cælum conscendisse, nouimus neminem. Staturam verò eius, ut qualis fuerit, describamus, haud procerà fuisse, sed potius breuiorem, tam ea, quæ ipse de se, quàm quæ Chrysostomus scribit, faciliè ostendunt. Ad Corinthios enim secundo scribens, quæ de se aliqui dicerent, refert his verbis: Epistolæ, inquiunt, graues sunt, & fortes, præsentia autem corporis infirma. Quamobrem haud grandiori eum fuisse statura, interpretes æquè consentiunt: his enim alludit Ioannes Chrysostomus dicens: Qui tricubitalis est, & cælum attingit. His omnibus ea consentiunt, quæ demum à Nicephoro, his verbis narrantur: Paulus autem corpore erat paruo, & contracto, atque incuruo, & paululum inflexo, facie candida, annosq. plures præ se ferente, & capite modico; oculis multa inerat gratia, supercilia deorsum versus vergebant, nasus pulchrè inflexus, idemq. longior, barba densior, & satis promissa, eaq. non minus quàm capitis coma canis resperla erat. Hæc ipsæ: quæ haud aliunde putamus, quàm ab antiquioribus imaginibus esse accepta. A Christianis enim, qui ex Gentilibus credidissent, Petri, & Pauli imagines olim fuisse viuentibus illis, effigia-

*Lucian. in
Philop.*

2. Cor. 10.

*Io. Chryso.
de princ.
Apost. 10. 5
Niceph. li.
2. c. 37.*

G g g

tas

Euseb. hist. lib. 7. c. 14. tas coloribus, easdemq. ad posteros per manus traditas, Eusebius testatur, sic dicens: Nos Petri, & Pauli, & Christi etiam ipsius imagines in picturis colorum varietate expressas, conseruatasq. aspeximus; idq. propterea (sicut verisimile est) quod maiores nostri ad Gentilis consuetudinis similitudinem quàmproximè accedentes, eos qui tanquam Saluatores illis fuissent, idest, qui illis aliquid salutis, & subsidij attulissent, apud se honore in hunc modum afficere consueuerant. Hæc Eusebius.

De martyrio Petri qui capite deorsum verso, in cruce suspendi voluit. Cap. 597.

Hieron. de script. Eccl. c. 1. **I**gitur Petrus passus est crucis supplicium in summitate Montis Ianiculi, sepultusq. in ima Vaticanæ parte, in qua Neronis horti essent, & Circus cum obelisco. Ceterum quantum pertinet, ad supplicium crucis, omnium sanctorum Patrum sententia liquet, ipsum capite deorsum verso, & in sublimē pedibus eleuatis, cruci confixum fuisse; idq. factum ex animi sui sententia, cum assereret se indignum (vt ait Hieronymus) qui sic crucifigeretur, vt Dominus suus. Sed ea, quæ ab antiquis Patribus memoriæ sunt commendata, velut quædam passionis eius trophæa nobilissima, recensentur.

Orig. in Genes. apud Euseb. lib. 3. c. 1. Et in primis, quæ Origenes, ceteris antiquior scribit, in hæc verba: Petrus ad extremum Romæ cum versaretur, capite deorsum statuto (sic enim perpeti cupiebat) cruci affixus est. Augustinus de his agens, hæc ait: Currunt itaq. vterq. ad palmam martyrij, & vterq. perueniunt ad coronam. Et paulò post: Petrus pro Christo capite deorsum verso in ligno suspenditur. Paulus pro Christo gladio trucidatur. Ille proprijs gressibus proficiscebatur ad Christum, oculisq. ad superiora respiciens, beatum spiritum deducebat ad cælum. *Chryso. ho. in Principes Apostolorum.* At Chrysostomus: Gaudeas Petre, qui ligno Crucis fruitus es, & ad Magistri similitudinem, recta quidem figura, sicut Dominus noster crucifigi noluit, sed magis inuerso capite, veluti è terra ad Cælum iter parans: O clauos illos beatos, qui membra illa sanctissima pertransierunt.

Sed & Prudentius hæc quoque, his versibus.

*Prudentius
Peristoph.
hymn. 120.*

Prima Petrum rapuit sententia; legibus Neronis
Pendere iussu præminente ligno:
Ille tamen veritus celsæ decus æmulando mortis
Ambire tanti gloriam Magistri:
Exigit vt pedibus mersum caput imprimens supinis;
Quò spectat inum stipitem cerebro.
Figitur ergo manus subter, sola versus in cacumen,
Hoc mente maior, quo minor figura.

*Maxim. in
nat. Apo.
serm. 1.*

*Theod. orat.
de charit.*

Maximus præterea: Hic est, inquit, Petrus, qui dum ad crucem tanquàm Christi discipulus duceretur, verso se poscens corpore crucifigi, passionem non timuit, sed æqualitatem crucis Dominicæ declinauit, vt ostenderet vniuersis admirandæ se humilitatis virtutem, nouiq. mysterij disciplinam, & inter tormenta seruasse. Theodoretus aliam quoque affert causam, sic dicens: Cum ad mortem crucis à Nerone damnatus esset, rogauit carnifices, ne similiter atque Dominus trahi affigeretur, sed contrario modo, veritus (quod est verisimile) ne eadem passio eundem sibi ab insipientibus honorem conciliaret:

ret: ideò rogauit, vt manus inferius, superius autem pedes affigerentur. Hæc ille. Sunt de his aliorum sanctorum Patrum testimonia, atque etiam præconia; sed hæc satis pro instituti ratione.

De sepultura Petri, qui more Regum sepultus est.

Cap. 598.

Cum in cruce sic affixus martyrrium cõsummasset, & à Marcello presbytero eius corpus curatum, aromatibusq. conditum magnificentissimè more regio, nedum Iudæo, traditur sepulturæ. Alia enim ab his diuersa erat Romanorum consuetudo. Nam de his Neronis temporibus cum agitur de Poppæa Augusta defuncta hæc Tacitus: Corpus eius non igni obolicum, vt Romanis mos, sed Regum externorum consuetudine, differtum odoribus conditur. Sepultum fuisse Petrum in Vaticano non tantum citata à nobis superius testimonia, sed etiam Prudentius monstrat, his versibus.

Aut Vaticano tumulus sub monte frequentat.

Quo cinis ille latet genitoris amabilis obles.

Sed quod ad loci faciem spectat, fuisse illam partem Vaticani oliuis feracem, & fonte irriguam, idem ipse Prudentius docet, his versibus.

Dextra Petrum regio testis tenet aureis repectum

Canens oliua, murmurans fluente:

Namq. supercilio saxi liquor ortus excitauit

Fontem perennem chrismatis feracem.

Alia Lin.

Tac. lib. 16

Prud. aduers. Simmach. li. 1.

Prudent. Peristoph. hymn. 12.

De sepulchris Petri, & Pauli, & antiqua veneratione eorum.

Cap. 599.

Igitur per gloriosissimum martyrrium tam Petrus, quàm Paulus, vitam functi sunt; locaq. ipsa, vbi eorum sacra corpora sepulta fuerunt, non quidem obscura, sed quod mirandum est, inter persecutores absque iactura, vel contumelia aliqua, clarissima remanserunt; eademq. velut nobilissima trophæa victoriæ, à Christianis summo honore sunt habita. Est de his testis locupletissimus Caius antiquus Theologus, quem tẽporibus Zepherini Papæ vixisse Eusebius tradit; qui & hæc ipsum dicentem inducit: Ego, inquit, Apostolorum trophæa perspicuè possum ostendere. Nam si lubet in Vaticanum proficisci, aut in via, quæ Ostiensis dicitur, te conferre, trophæa eorum, qui istam Ecclesiam suo sermone, & virtute stabilierunt, inuenies. Hæc ipse.

Consueuisse Christianos etiam persecutionis tẽpore, non tantum qui Romæ erant, sed ex remotioribus, tam Orientalis, quàm Occidentalis Orbis partibus Romam venire, vt veneranda Apostolorum sepulchra inuiderent, ac venerarentur, Acta complurium Sanctorum Martyrum declararunt. Nam ex Perside venisse constat Martham, Marium, & Audifacem tẽporibus Claudij Iunioris, sub quo etiam martyrrio sunt coronati, vt ipsorum acta demonstrant. Id quidem & Maurus, qui etiam martyrrium subiit, fecisse reperitur, & alij. Verùm locum Petri fuisse miraculis quoque celebrem, verba illa Nutricis Hermetis significant, quibus ait: Tu si ad limina Petri duxisses eum, & Christo credidisses, hodie filium tuum haberes incolumem.

Caius Theologus apud Euseb. li. 2. cap. 24.

Surius to. 1 14. Feb.

Rom. Martyr. 19 Ianuar.

Mart. Roman. 22. Nouemb.

Surinacis S. Alexan.

Papa die 3

G g 2

Porro

Greg. li. 3.
epist. 30.

Porro tentasse Orientales Christianos subripere sacra corpora Apostolorum, & in Orientem transferre, ac uti suos gentiles sibi vindicare, Gregorius Papa ad Constantiam Augustam scribens, testatur his verbis: Eo tempore, quo passi sunt, ex Oriente venerunt, qui eorum corpora, sicut Ciuium suorum repeterent: quæ ducta usque ad secundum Urbis miliarium in loco, qui dicitur ad Catacumbas, collocata sunt. Sed dum ea inde leuare, omnis multitudo eorum conueniens niteretur, ita eos vis tonitruum, atque fulguris nimio metu terruit, atque dispersit, ut talia denuo nullatenus attentare præsumerent. Tunc autem exeuntes Romani, eorum corpora, qui hoc ex pietate Domini meruerunt, leuauerunt, & in locis, quibus nunc sunt condita, posuerunt. Hæc Gregorius.

Ad Sancti Petri sepulchrum mira sunt operationes.

Cap. 600.

Greg. Turonensis.
de glor. mari.
lib. 1. c. 29.

Sepultus est Petrus (de eo enim agit Gregorius Turonensis, ex quo hæc sumuntur) in templo, quod vocitabatur antiquitus Vaticanum quatuor ordines columnarum valde admirabilium numero nonaginta sex habens. Habet etiam quatuor in altari, quæ sunt simul centum, præter illas, quæ Ciborium sepulchri sustentant. Hoc enim sepulchrum sub altari collocatum, valde ratum habetur. Sed qui orare desiderat referatis cancellis, quibus locus ille ambitur, accedit super sepulchrum, & sic fenestella paruula patefacta, immisso introrsum capite, quæ necessitas promit, efflagitat. Nec moratur effectus, si petitionis tantum iusta proferatur oratio. Quod si beata desiderat auferre pignora, palliolum aliquod, momentana pensatum, iacit intrinsecus, deinde vigilans, ac ieiunans deuotissimè deprecatur, ut deuotioni suæ virtus Apostolica suffragetur. Mirum dictu, si fides hominis præualuerit, à tumultu palliolum eleuatum, ita imbuitur diuina virtute, ut multo amplius, quam prius pensauerat, ponderaret: & tunc scit, qui leuauerit, cum eius gratia, sumpsisse quod petijt.

Claues sepulchri S. Petri veneratione habita etiam apud Reges, & si quid ponitur apud sepulchrum eius, & leuatur, in veneratione habetur. Cap. 601.

Multi (habet idem auctor eodem loco) & clauas aureas ad referandos cancellos beati sepulchri faciunt, qui ferentes pro benedictione priores accipiunt, quibus infirmitates tribulantium medentur. Omnia enim integra fides præstat.

Auctor vero appendicis ex Gregorio Turonensi. cap. 110. hæc de ea ipsa res scribit: Creatus Papa Gregorius clauas venerandi sepulchri cum vinculis S. Petri Apostoli memorato Principi Carolo scilicet Martello destinauit.

Anastasius in Gregorio III. Eius tempore ait, concessa est provincia Romanæ ditioni subiecta a nefandis, Longobardis simul, & Regi eorū Luitprando, veniensq. Romā, in campo Neronis tendit tētoria, depredatq. Cāpania, multos nobiles de Romanis more Longobardorum torondit, ac vestiuit: pro quo vir Dei Gregorius Papa, vndiq. dolore constrictus, sacras clauas ex confessione

fessione beati Petri Apostoli accipiens, direxit nauali itinere ad partes Francie Carolo sagacissimo viro, qui tunc Regnum regebat Francorum. hæc & alia Anastasius.

Ceterum ea, quæ alio capitulo S. Gregorius Papa ad eandem Constantiam Augustam scribens, ait: Cognoscat autem, tranquillissima Domina, quia Romanis consuetudo non est, quando Sanctorum reliquias dant, ut quidquam tangere præsumant de corpore, sed tantummodo in Pixide brandeum mittitur, atque ad sanctissima corpora Sanctorum ponitur. Quod leuatum, in Ecclesia, quæ dedicanda est, debita cum reuerentia reconditur, & tantæ per hoc ibidem virtutes fiunt, ac si illuc specialiter eorum corpora deferantur. Vnde contigit, ut beatæ recordationis Leonis Papæ temporibus, sicut à maioribus traditur, dum quidam Græci de talibus reliquijs dubitarent, prædictus Pontifex hoc ipsum brandeum allatis forbicibus inciderit, & ex ea ipsa incisione sanguis effluerit.

Greg. Ep.
30. l. 3.

De alijs ad idem corpus admirandis operationibus.

Cap. 602.

DE miraculis ad eius sacras Reliquias editis, nemo sufficienter scribere posset.

In actis S. Alexandri Papæ, Nutrix filij Noruetis eidem tunc Gentili, postea Christiano, & martyri, qui filium mortuum lamentabatur, ista dixisse narratur: Tu si ad limina Petri duxisses eum, & Christo credidisses, hodie filium tuum haberes incolumen.

Sanctus Gregorius Papa de eisdem miraculis ad eandem scribens: Corpora, inquit, sanctorum Petri, & Pauli Apostolorum tantis in Ecclesijs suis coruscant miraculis, atque terroribus, ut neque ad orandum sine magno timore possit accedi. Denique dum beatæ recordationis decessor meus (Pelagium dicit) quia argentum, quod supra sacratissimum corpus beati Petri Apostoli erat, longè tamen ab eodem corpore ferè quindecim pedum spatio mutare voluit, signum ei non parui terroris apparuit. Sed & ego aliquid similiter ad sacratissimum corpus S. Pauli Apostoli meliorare volui, & quia necesse erat, ut iuxta sepulchrum huiusmodi effodi altius debuisset, præpositus loci ipsius ossa aliqua, non quidem eidem sepulchro coniuncta reperit, quæ ipse leuare præsumpsit, atque in alium locum transponere, apparentibus quibusdam tristibus signis, subita morte defunctus est.

Greg. ubi
supra.

Locum sepulturae S. Petri, qua Romana Vrbs felix dici meruit, Reges ipsi venerantur. Cap. 603.

Verè de sanctissimo Petro Apostolo, illud Psalmi dicere possumus: Nimis honorati sunt amici tui Deus! cum videamus, & Imperatores ipsos ad eius limina maximo consensu pietatis accedere, sepulchrum exosculari, preces ibidem fundere. Audiamus; quæso, sanctum Ioannem Chrysostomum ista annuentem.

Et locus quidem, quo corpus hoc (Christi scilicet) è cruce depositum, brevis erat, & valde angustus: angustior tamen, & venerabilior mille Re-

G g 3

gum

Galom. 7.
de S. Pet.
Hadr. P. ad
Carol. Fr.
corum Re-
gem, est Ep.
eius 3. quæ
reperies 10.
2. Epistol.
decret.
Chrys. hom.
quod Xps.
sit Deus.

gum Palatijs : Immo etiam Regibus ipsis , & erit requies eius honor . Non in ipso tantum , sed & in Discipulis suis hoc contigit . Nam qui ducebantur & circducebantur , qui contempti erant , & vincti , qui innumera patiebantur , dum vivebant : ubi defuncti sunt , Regibus ipsis erant magis venerabiles , etiam Romæ , quæ Urbium est regalissima relictis omnibus ad sepulchra piscatoris , & pellionis currunt , & Reges , & Praesides , & Milites , & in Constantinopoli Reges nostri magnam gratiam putant , non propè Apostolos , sed si , vel extra eorum vestibula , corpora sua sepeliantur , fiantq. piscatorum Ostiarii Reges . Hæc , & huiusmodi plura alibi .

*De differentia sepulchrorum Petri , & Pauli , & Regum terra :
& quare sint gloriosa eorum sepulchra . Cap. 604.*

*Chrys. hom.
26.2. Cor.
12.*

QVod quispiam , qui Rex sit , & exercitus habeat , bella prosperè facit , ceterq. conficiat , & vincat : nihil mirum , supraq. vulgi opinionem , neque novum . At post crucem & sepulturam tanta passim terra , mariq. gessisse , id demum maximè stupendum , ac diuinam & arcanam declarat potentiam . Alexander post mortem suam dissipatum regnum , ac funditus euersum non reduxit : qui enim potuisset mortuus ? Christus verò , tunc potissimum , cū mortuus esset . Et quid de ipso Christo loquor , cū suis quoq. discipulis , ut post mortem celebres essent & clari , largitus sit ? Vbi est , dic quæso , Alexandri sepulchrum ? mihi ostendito , ac diem , quo mortuus , dicito . Seruorum autem Christi splendida sunt sepulchra , quæ Urbem maximè regiam occupauerunt : & dies perspicui sunt , diem Festum terrarum Orbi facientes . Ad hæc , sepulchrum illius , vel familiares , ac domestici ignorant : huius autem etiam Barbari sciunt . Quin sepulchra seruorum , crucifixi , regijs aulis sunt splendidiora , non ædificiorum amplitudine , ac splendore (hæc etenim parte excellunt) sed quod multò amplius est , conuenientium studio . Nam & ipse ille purpura indutus , peregrè proficiscitur sepulchra illa complexurus , & fastu posito consistit , Sanctos rogans , ut sibi apud Deum patrocinentur , & tabernaculorum artificem , ac piscatorem , patronos etiam mortuos precatur ipse diadema gestans . Studebis ne igitur , dic , quæso , horum Dominum dicere mortuum , cuius famuli etiam mortui , huius mundi Regum sunt patroni ? Atque id cernat quis non Romæ tantum fieri , sed etiam Constantinopoli . Nam & hic Constantinum illum magnum , magno se honore affecturū existimauit filius , si in vestibulis collocaret piscatoris . Et quod in regijs ianitores sunt regibus , id in sepulchro Christi reges sunt piscatoribus : & illi quidem veluti ipsius loci Domini intus habitant : hi verò tanquàm accolæ , ac vicini præclare secum agi putant , si ianua ipsis assignetur vestibularis , per hæc infidelibus plenum facientes , maiorem in resurrectione futuram piscatorum excellentiam . Si enim hic ad eum modum excellent in sepulchris , multò magis in resurrectione , atque immutata est status , ac dignitatis ratio . Reges quidem seruorum , ac domesticorum , subeunt officium , subditi autem regum induunt dignitatem , immò verò etiam clariorem . Et quod istud citra adulationem dicatur , ipsa declarat veritas . Nam ab illis etiam isti clariores euaserunt . Multò enim , quàm alia illa regum

gum sepulchra, ista sunt veneranda magis. Siquidem illic, multa similitudo, hic celebritas multa.

Quòd si velis, cum regijs aulis hæc sepulchra comparare, rursus & hic ipsa excellunt. Illic enim, qui alios magno cum fastu submoucant multi; hic multi qui vocant, & attrahunt, diuites. pauperes, viros, mulieres, seruos, liberos. Illic metus multus; hic ineffabilis voluptas. Sed suauis spectaculum, regem aureis amictum vestibus, coronaq. ornatum conspicerem, tùm adstantes Imperatores, duces, Centuriones, Tribunos, Præfectos. Sed hæc sunt adeò veneranda magis ac stupenda, vt illa cum his collata, fabulam, ac res ludicras existimes. Nam simulatq. limina conscendes, protinus locus ipse mentem in cælum transmittit ad supernum Regem, ad Angelorum exercitum, ad thronum excelsum, ad gloriam illam inaccessibilem: atque hic in terrestri dominio Principis potestati subiaceret, vt subditorum quosdam soluat, alios autem vinciat: At sanctorum ossa non hanc habent potestatem miserabilem & abiectam, sed illam multò maiorem. Dæmones enim sistunt, ac torquent, & à vinculis illis accerbissimis victos liberant. Quid hoc tribunali terribilius, cum nullus videatur, nullus immineat dæmonis lateribus: clamores, dilacerationes, flagella, tormenta, dæmone non ferente admirandam illam virtutem? Et qui corpora gestarunt, incorporeas superant potestates. Puluis, ossa, denique cineres inuisibiles illas affigunt naturas. Propterea sanè vt regias aulas conspiciat, nemo vnquam peregrè proficisci sustineat; atqui huius spectaculi gratia, Reges multi sæpius peregrinati sunt, futuri enim Iudicis vestigia, & signa nobis exhibent sanctorum martyria, cum dæmones flagellentur, homines affligantur, & liberentur. Vidisti Sanctorum virtutem, etiam mortuorum? Vidisti peccatorum imbecillitatem, etiam viuientium? Quare vt huiusmodi obtineas, vitia fugito, & omni studio virtutem sectare. Si enim talia sunt præsentia, cogita qualia erunt futura: atque huic amorì assiduè deditus, amplectere vitam æternam. Hæc Chrysostomus.

De veneratione piorum Regum, & Imperatorum erga sepulchra Petri, & Pauli. Cap. 605.

AT reddita Ecclesiæ pace, Christiani Imperatores sacra hæc sepulchra Petri, & Pauli inuisere, venerari, & debito Religionis obsequio colere, studiosius quæsierunt, ac propensius curauerunt. De his enim, hæc Augustinus. Nunc, inquit, ad memoriam Piscatoris flectuntur genua Imperatoris: ibi radiant gemmæ Diadematis, vbi fulgent, & coruscant beneficia Piscatoris.

Et alibi scribens ad Medaureses: Videtis, & Imperij nobilissimi eminentissimum culmen ad sepulchrum Piscatoris Petri, submisso diademate supplicare. Et Chrysostomus: Seruorum Christi splendida sunt sepulchra, quæ Urbem maximè regiam occupauerunt, & dies perspicui sunt, diem Festum terrarum Orbi facientes, non ædificiorum amplitudine, & splendore (hac enim parte excellunt) sed quod amplius est, conuenientium studio. Nam &

Ggg 4 ipse

*Aug. de
Sanct. serm.
25.*

*August. Ep.
42.*

*Chrysost. in
2. Cor. 2.
hom. 26.*

ipse ille purpura indutus peregrè proficiscitur, sepulchra illa complexurus, & saltu deposito, contingit Sanctos, rogans vt sibi apud Deum patrocinentur; & tabernaculorum opificem, & Piscatorem; Patronos etiam mortuos deprecatur ille diadema gestans. Hucusquè Chrysostomus, Hæc quàm sint vera, ipsæ Gallæ Placidæ Augustæ litteræ ad Pulcheriam Augustâ testantur, dum sui in Urbem aduentus ad limina Apostolorum causam reddit, sic dicens: Vt Romam frequentibus concursibus adæquè concederemus inspicere, causa est nobis amplectendæ Religionis, vt terminis Sanctorum nostram exhiberemus præsentiam: quos certum est pro sua virtute in cælestibus constitutos, neque inferiora despicere. Nos itaq. sacrilegium esse credimus, si solemnium ordinem denegemus. Hæc ipsa.

*Io. Chrysostomi encomium in Petri, & Pauli sepulturam:
necnon Venantij Fortunati, & B. Gregorij.
Cap. 606.*

*Chrysost. in
ep. ad Rom.
hom. 42.*

Chrysostomus cum agit de eorundem sepulchris, hæc de Pauli theca: Quis mihi nunc dabit circumfundi corpori Pauli, affigi sepulchro, videre puluerem corporis illius, quæ adhuc in Christo deerant, implentis: stigmata illius gestantis, prædicationem Euangelij vbiq. seminantis; puluerem, inquam, oris illius, per quod Christus locutus est? Et paulò post: Vellem videre sepulchrum, quo recondita sunt arma Iustitiæ, arma Lucis, membra nunc viuentia, tunc verò, cum in hac vita essent, mortua. Et alibi: Nullus ex Romanis Regibus tanto in honore fuit, quanto hic est. Ceterum Imperator foris alicubi iacet abiectus: hic autem velut viuens & regiam tenet: Idem de Petri sepulchro: Quot Reges Vrbes euerterunt: portus extruxerunt, & nominibus suis inscriptis decesserunt; nec tamen eis quicquam profuit, sed silentio, & obliuioni mandati sunt? Piscator autem Petrus, qui nihil fecit eorum, quoniam virtutem est prosecutus, & Ciuitatem maximè regiam occupauit, etiam post mortem resplendet Sole clarius. Horum sepulchris Urbem esse munitam, alibi idem tradit, cum ait: Hoc corpus plebem hæc munit, quod quauis turri, innumerisq. mœnibus, ac vallis est tutius, & cum ipso corpus etiam Beati Petri.

*Chrysost. in
2. ad Tim.
hom. 4.
Chrysost. in
hom. in Ps.
48.*

*Chrysost. ad
Rom. hom.
35.*

*Venant.
fortun. l. 3.
Carminij.*

Eadem, & Christianus nobilis poeta, Venantius Fortunatus versibus cecinit: qui velut sepulchrorum ipsorum, hic epitaphium sunto.

Cælorum portæ, lati duo limina Mundi,
Ore tonat Paulus, fulgurat arce Petrus.

Inter Apostolicas radianti luce coronas
Doctior hic monitu, celsior ille gradu.

Per hunc corda hominum referantur: astra per illum;
Quos docet ipse stylo; suscipit ille polo.

Pandit iter cæli hic dogmate: clauibus alter;
Est via cui Paulus: Ianua fida Petrus.

Hic petra firma manens: ille architectus habetur;
Surgit in his templum, quo placet ara Deo.

A facie

A facie hostili duo propugnacula præ sunt,
 Quos fidei turres Vrbs caput Orbis habet.
 Hi radiant oculi pretioso in corpore Christi.
 Lumine qui proprio cetera membra regunt.

Quàm autem hæc de protectione Vrbs sint vera; cum innumera sint exempla suis locis inferius, recitanda, vnum modo satis habeatur Gregorij Romani Pontificis testimonium ex his, quæ experimento didicit; sic enim ad Rusticianam Patriciam, rogans vt Romam veniret: Si gladios Italix, & bella formidatis; sollicitè debetis aspicere, quanta Beati Petri Apostolorum Principis in hac Vrbe protectio est; in qua sine magnitudine populi, & sine adiutorio militum tot annos inter gladios illæsi Deo auctore seruamur. Hæc Gregorius.

Greg. li. 7.
 epist. 23.

*De dignitate, quam Petrus, & Paulus Romæ contulerunt.
 Patrum Encomia. Cap. 607.*

ROMANA Ecclesia, Apostolorum Principum sanguine perfusa, insigni lumine decorata fuit: Vnde Tertullianus: Felix, inquit, Ecclesia, cui totam doctrinam Apostoli cum sanguine profuderunt: vbi Petrus passioni Dominicæ adæquatur, vbi Paulus Ioannis exitu coronatur: Vbi Ioannes Apostolus, postquam in oleum igneum demersus nihil passus est, in Insulam relegatur. Et alibi: Orientem fidem primus Nero cruentauit: Tunc Petrus ab altero cingitur, cum cruci affigitur. Tunc Paulus Ciuitatis Romanæ consequitur natiuitatem, cum illic martyrij renascitur generositate. Rursum de eadem Romana Ecclesia hæc Theodoretus: Habet autem communium quoque Patrum, & veritatis Doctorum, Petri, & Pauli sepulchra, quæ fidelium animas illuminant. Horum autem Beatissimorum par, & planè diuinum, exortum quidem est in Oriente, & radios in omnem partem emisit: in Occidente autem prompto, & alacri animo vitæ suscepit occasum: & nunc illinc Orbem terræ suis radijs illustrat: ij vestram sedem effecere magis illustrem: ea est vestrorum bonorum Colophon. hæc ille.

Tertul. de
 præscrip.

Idem in
 Scorpiano.

Theodoret.
 in ep. ad S.
 Leo Pont.

At non omittimus, quæ itidem de illustrata Vrbe Apostolorum sepulchris, Ioannes Chrysostomus scribit; nosq. ea velut Corollarium, licet omnibus penè vulgata, hic ad postremum addimus. Ego, inquit, Romam propterea diligo: tametsi, & aliundè queam illam laudare, nempe à magnificentia, ab antiquitate, à pulchritudine, à multitudine, à potentia, à diuitijs, & à rebus in bello fortiter gestis: sed relictis omnibus istis, ob id illam beatam prædico, quod erga illos Paulus, dum viueret, adeo fuit beneuolus, adeo illos amauit, coram disseruit, & postremo vitam apud eos finivit. Vnde & Ciuitas ista hinc facta est insignis, plusquam à reliquis omnibus; & quemadmodum corpus magnum, ac validum, duos habet oculos illustres, sanctorum videlicet illorum corpora. Non ita cælum splendet, quando radios suos Sol ex sese dimittit, quemadmodum Romanorum Vrbs duas illas lampades, vbiq. terrarum effundens. Hinc rapietur Paulus, hinc Petrus: Considerate, & horrere, quale spectaculum visura sit Roma, Paulum videlicet repente ex theca illa cum Petro resurgentem, in occursum Domini sursum ferri. Qualem rosam Christo mittet Roma? Qualibus coronis duabus

Chrysost. in
 ep. ad Rom.
 hom. 52^r

bus ornatur Vrbis ista? qualibus catenis aureis cincta est? quales habet fontes? propterea celeberrimam hanc Urbem, non propter copiam auri, non propter columnas, neque propter aliam phantasiam, sed propter columnas illas Ecclesiarum. hucusque ipse.

De vinculis Sancti Petri, quibus Roma victus fuit.

Cap. 608.

*Act. Alex.
Papa apud
Sur. die 3.
Maij.*

*Leo serm. 1.
in nat. Ap-
ostoli.*

AD hæc insuper addimus, quod non tantum sepulchra Apostolorum magno sunt honore habita, sed & ipsa passionis instrumenta; siquidem vincula, quibus Petrus in carcere Romæ victus fuit, perquisita, atque inuenta Balbina Virgo, filia Quirini Tribuni, est summopere venerata. Quæ custodita, & ad posteros per manus transmissa, indita eis diuina virtute miraculis coruscarunt: qua de re à Patribus mirificis præconijs sunt prædicata; ex illis enim tenuia ramenta Christianissimi Principes ad collum Religionis causa gestare consueuerunt. Ac demum tantum abfuit, ut Principibus Apostolorum glorioso martyrio vita functis, credentium fides tepuerit, ut magis, magisque fuerit propagata: eorum enim exemplo incensa sunt corda credentium, magnoque favore numerus martyrum est Romæ auctus, ut S. Leo his explicat verbis; Non minuitur persecutionibus Ecclesia, sed augetur, & semper Dominicus ager segete ditiori vestitur, dum grana, quæ singula cadunt, multiplicata nascuntur; Vnde duo ista præclara diuini germina seminis, in quantam sobolem germinarint, beatorum millia Martyrum protestantur, qui Apostolicorum æmuli triumphorum, Urbem nostram purpuratis, & longè, latèque rutilantibus populis ambierunt, & quasi ex multarum honore genimarum, conserto vno diademate coronarunt.

De vinculis autem S. Petri, quibus Romæ victus fuit, habentur præconia S. Augustini, quæ recitauimus supra, cum actum est de catenis, quibus Hierosolymis victus est, ubi videri possunt. Harum quidem catenarum virtutes fuerunt gloriosæ, quia scilicet Beatissimi Petri carnes tetigerunt. Non solum autem ex corpore ipsorum Sanctorum operante Deo, exierunt virtutes, sed ex illis rebus, quæ corpus illud beatum tetigerunt, quod non solum superioribus seculis visum est, sed etiam temporibus nostris conspicuum fuit.

Nobilis monaca Lusitana Anulum catenæ, qua se sanctissima mulier præcinxerat, corpori suo pluribus, & incurabilibus morbis affecto admouens, sensit virtutem exire ex eo, quæ illico, & mirabiliter omnes morbos sustulit.

Cap. 609.

DEus, qui mirabilis est in sanctis suis, multa operatur in terris admiranda, quæ nulla ratione, aut naturali virtute fieri possunt, ut ostendat eos, qui ipsum diligunt, siue viuunt, siue mortui sint, omnia posse in Deo suo. Ita ut nonnunquam etiam per aliqua exteriora, quæ ad ipsum

sum sanctum pertinebant, mira Deus operatus sit omni tempore. Ut si tantum ea aliqui admouissent ad corpus suum morbo affectum, exiret virtus de illis, & sanarentur.

Refert Aloisius granatenfis in Cathéchismo in Simbolum fidei, fuisse Romæ mulierem quandam, cui se valde Deus communicauerat: Huic inter alias molestias, quibus suum corpus afficiebat, erat catenam ferream circum corpus carnem contingentem ferre: ea mortua, eius Confessarius illa catena, quàm plurima faciebat; seruauit quippè, qui illius feminae sanctitatem cognoscebat.

*Aloisius.
Granaten.
i Cathéch.
i Symb. fid.
part. 2.*

Cum autem Reuendiss. P. F. Franciscus Forerius, completo Tridentino Concilio, huic patri propinquitate esset coniunctus, ab eo huius catenæ anulum, tanquàm pretiosam rem accepit.

Idem autem Pater, cum in hoc regnum venisset, nostræq. Prouinciæ cum esset Prouincialis, Lauaras peruenit, vbi nobile Virginum eiusdem Ordinis Cœnobium erat: quod ingressus, ut domum visitaret, intellexit nobilem ibi esse Monacham, at ita morbo affectam, ut illius loci physici, & alij, qui de Portu illuc se transfulerant, illi nullum adesse remedium existimarent: & illius vestes, ut in illa domo fieri solet, pro Dei amore datæ erant.

Ipsa verò iam ex altera parte mortua erat, & super hepar duritiem habebat lateris magnitudine: in labris squammæ fuluæ inerant, tantum erat corpore debilis, ut cum ei lectum sternere volebant, opus erat eam linteis tollere, quod aliter commoueri minimè poterat. Reuerendissimus P. Prouincialis ad eam, ut saluaret, se contulit, eamq. ad hortatus est, ut æquo animo ferret, quidquid Dei voluntate illi accideret: eiquè illum anulum catenæ tribuit, quem secum habebat, inquit, cuiusdam sanctæ mulieris fuisse. Inde se ad cœnobium suorum Fratrum recepit, quod non longè abest; ægrota verò ad aurem admouit illud ferrum, eius partis, quæ paralytica, & iam demortua erat, qua quidem aure nihil audiebat, & statim audiuit, & ei dixit, quæ sibi ægrota seruiebat: Soror, ego audio. Illa respondit: Admoue etiam ad duritiem, quæ super hepar habes, quod fecit, & statim Dei virtute, & eius seruæ meritis illa durities mollis effecta est, & perfectè se sanam esse cognouit.

Hoc per totum cœnobium percrebuit: ad eam concurrunt Virgines illæ omnes, alienis vestibus, quod illius pauperibus datæ erant, induunt, & omnes cum ægrota, quæ iam suis pedibus ambulabat, ad chorum conueniunt, multis lachrymis, & singultibus, ut pro hoc miraculo Deo gratias agerent.

Huius rei fama ad aures Prouincialis peruenit, qui vbi ad cœnobium peruenerat, iam comedere cœperat, & illi narratum est, quidquid acciderat. Præfatus ad illud cœnobium se contulit, ægrota suis pedibus ad sermonis locum iuit penitus sana, & sic semper se habuit.

Hoc ego ab ipo Patre prouinciali audiui, & ab illius comite, indè à Patre Priore Cœnobij Aueri, qui & earundem virginum Vicarius est, cum quo sæpè de hoc miraculo sermonem habui: & ut huius rei veritas mihi magis cõperta esset, ad illius Cœnobij Abbatissam scripsi, ut huius miraculi historiam fusè mihi perscriberet, quod quidem fecit, & primarium ma-

trum

erum illius loci testatam Chirographis ad me misit, & apud me reconditam seruo.

In cuius scripturæ fine addunt se maximas gratias Deo agere, quod sibi hoc miraculum videre suis temporibus permiserit. Hoc miram eam habet opportunitatem (ut dixi) ut intelligatur, quantopere Deus suos fideles seruos diligat, & honoret, qui tantam vim tribuit rebus, quæ illorum corpora contigerunt, cum tanto post tempore, tantoq. locorum interuallo voluerit, ut illud parum ferri, longè omnes medicinas superaret, & naturæ leges, cum statim, & valetudinem tribuerit, quam omnis vis naturæ, & medicinæ negauit.

*De usu Imaginum ad memoriam beneficij retinendam :
Et qualis esset Petri Apostoli effigies : & ver-
ba eius ad uxorem.*

Cap. 610.

*Euseb. hist.
l. 7. c. 14.*

*August. de
consen. E-
uang. l. 1.
c. 10.*

*Niceph. l. 4
cap. 37.*

*Clemens
Alexandr.
stromat. l.
7.*

DE corporis Petri effigie, atque statura, hæc scripta inueniuntur; Dictum est ab Eusebio, eos, qui ex gente ab Apostolis prædicatam Christi fidem acceperant, accepti tam immensi beneficij memores illorum imagines, quocumque modo expressas curasse, talesq. ipsum à maioribus conseruatas aspexisse. Affirmat & Augustinus, effigiare consueuisse Christi imaginem, hinc inde Petrum, & Paulum pictos habentem.

Ex his igitur, haud difficile fuit, ut quales essent ipsorum vultus, quibusdam lineamentis, maiori saltem ex parte, hisce imaginibus haberentur expressi: quæ etiam scriptorum monumentis fuerunt ab alijs memoriæ commendata. Nam & Nicephorus, his scilicet verbis, Petri imaginem reddit, sic dicens: Petrus quidem haud crassa corporis statura fuit; sed quæ aliquanto esset erectior, facie subpallida, & alba admodum: capilli & capitis, & barbæ crispæ, & densæ, sed non admodum prominentes fuere; oculi quasi sanguine respersi, nigri, supercilia propè euulsa, nasus autem longior ille quidem, non tamen in acumen desinens, sed pressus, simusq. magis. Videbantur autem oculi sanguinei, quod assidue plorasse feratur.

At non Petrus tantum, sed & vxor Petri perstans in fidei Christianæ professione, & ipsa quidem, digna tanto viro vxor, adepta est palmam martyrij. Quando autem id acciderit, non satis constat; licet compertum habeatur, ante Petrum eam illud obijisse certamen; cum de utroque scribat hæc Clemens Alexandrinus: Aiunt certè beatum Petrum, cum vidisset uxorem suam duci ad mortem, latatum quidem esse propter vocationem, & quod domum reuerteretur: valdè autem exhortando, & consolando proprio nomine eam compellantem dixisse: Heus tu: Memento Domini: Tale erat Beatorum matrimonium. Hæc Clemens.

Princi-

Principes viri ad limina Apostolorum, deuotionis, & reuerentiae causa se conferre studuerunt. Carolus Magnus inter alios magna animi humilitate ea visitauit. Et Ceadualla Occidentalium Saxonum Rex, & Offa Cantuariorum Rex, & nobiles, & ignobiles ex Anglia. Cap. 611.

Accedere Romam ad sancti Petri limina consueuerunt Valentinianus Imp. Galla Placidia mater, Eudoxia Vxor Augusti: Carolum Magnum Imp. huc itidem venisse certum est: quod & pluribus Anastasius in vita Hadriani Papae I. ostendit, cum ait:

Dum per sex mensium spatium Papiam demoraretur in obsidione ipsius Ciuitatis, magnum desiderium habens ad limina Apostolorum properandi, considerans, quod, & sacratissimum Pascha appropinquasset, cum tollens secum diuersos Episcopos, Abbates etiam, & Iudices, & Duces, & Graephones, cum plurimis exercitibus huc Romam per partes Tusciae properauit ita festinans, & adueniens, ut ipso sabbato sancto se liminibus praesentaret Apostolicis. Et post pauca.

Qua hora eandem sanctissimas Cruces, ac signa sibi obuiam aduenisse conspexit, descendens de equo in quo sedebat, ita cum suis ludicibus ad B. Petrum pedestris properare studuit: Et infra: Omnes gradus sigillatim eiusdem sanctissimae Beati Petri Ecclesiae deosculatus est. Haec, & alia Anastasius.

De Ceadualla Occidentalium Saxonum Rege, qui Romam Christi anno sexcentesimo octogesimo nono ante Carolum magnum ad limina Apostolorum peregrinatus est, scribit Beda in haec verba:

Anno autem Regni Aldfridi tertio, Ceadualla Rex Occidentalium Saxonum, cum genti suae duobus annis strenuissime praesesset, relicto Imperio propter Dominum, Regnumque perpetuum, venit Romam, hoc sibi glorie singularis desiderans adipisci, ut ad limina Beatorum Apostolorum fonte baptismatis ablueretur, in quo solo didicerat generi humano patere vitae caelestis introitus; simul etiam sperans, quod mox baptizatus, carne solutus ad aeterna gaudia iam mundus transiret; quod utrumque, ut mente disposuerat, Domino adiuuante, completum est. Etenim illo perueniens, Pontificatum agente Sergio baptizatus est, die sancto Sabbati Paschalis, Anno ab incarnatione Domini sexcentesimo octogesimo nono, & in Albis adhuc positus languore correptus, duodecimo Kal. Maiarum die solutus est a carne, & Beatorum est consortio sociatus in caelis. haec, & alia Beda.

Addit Ceaduallae Marcellinus praesbyter Offam Cantuariorum Regem, cum ait: Eodem tempore tanta erat deuotio hominum Angligenarum, postquam tota Insula fidei sacramentis erat imbuta, ut non solum nobiles, ignobiles, Clerici, Laici, verum etiam Reges, & filij Regum de gente Anglorum, spretis Regnis, & delicijs mundi eligerent ex maxima deuotione ad tempus peregrinari pro Christo in terris. Quidam ad docendum inductos, ut Columbanus Sanctus Abbas, qui cum duodecim Clericis &c. Quidam ad visitandum loca Sanctorum, utpote Ceadualla praepotens Rex Angliae, & Offa

Ex Epistolis Valentiniani ad Eudoxiam uxorem, & Galla Placidia ad eandem.

Itemque Eudoxia filia Theodosij, & Valentiniani coniugis ad eandem, & Galla Placidia ad Pulcheriam Augustam extant t. 1. Conciliorum aet. Conc. Calcedon.

Auctor est praeter ceteros Marcellinus praesbyter in vita Magni Suisberti apud Suerium t. 2. Beda li. 5. cap. 7.

Marcellinus in vit. Suisberti.

fa Rex Cantuariorum, qui anno ab Incarnatione Domini sexcentesimo octuagesimo nono, Romam proficiscentes, relictis Regnis temporalibus, ut caelestis Regni introitum, & aeterna gaudia adipisci possent, à S. Sergio monachi attonsi sunt, &c.

*Beda. de sex
aetat.*

De Anglis item Romam ad Beati Petri limina venientibus scribit Beda de sex aetatibus ad finem libri. Is enim, ubi egit de famosa illa Tyberis inundatione, quae (ut ex Anastasio colligitur) Gregorij II. anno quarto contigit, idest Christi anno septingentesimo decimo septimo, hæc mox adiecit: His temporibus, nempe Gregorij II. multi Anglorum gentis, nobiles, & ignobiles, viri, & foeminae, Duces, & priuati, diuini amoris instinctu de Britannia Romam venire consueuerunt, inter quos Reuerendissimus Abbas meus Coelfridus, annos natus septuaginta quatuor, cum esset presbyter annis quadraginta septem, Abbas autem triginta quinque, ubi Lingonas peruenit, ibi defunctus, atque in Ecclesia Beatorum geminorum Martyrum sepultus est, qui inter alia dona, quæ deferre disposuerat, misit Ecclesiae S. Petri, Pandecten à B. Hieronymo in Latinum ex Hebræo, vel Græco fonte translatus.

Complura, & penè innumera de his scribi potuissent, sed ne sermonis longitudine lectorem tædio afficiam, hæc satis esse poterunt.

*Chrysost. in
ep. ad Rom.
hom. 32.*

Concludam itaq. caput verbis S. Ioannis Chrysostomi, quibus illæ, desiderium, quo ad limina Apostolorum accedendi tenebatur, aperit, & Urbem Romam ex Apostolorum corporibus decorem suscepisse ostendit: Ego, inquit, & Romam propterea diligo, tametsi aliunde queam illam laudare, nempe à magnitudine, ab antiquitate, à pulchritudine, à multitudine, ab imperio, à diuitijs, & à rebus in bello fortiter gestis; sed dimittens omnia, ob id illam beatam prædico, quod erga illam Paulus, dum viueret, adeò fuit beneuolus, adeò illos amauit, & coram disseruit, & postremo vitam apud eos finiuit: cuius sanctum corpus ipsi possident, & propterea ciuitas illa hinc facta est insignis magis, quam ab alijs rebus omnibus, & tanquam corpus magnum, ac validum duos habet oculos illustres, sanctorum videlicet horum corpora.

*Chrysost. in
2. ad Tim.
hom. 4.*

Non ita Cælum splendescit, quando radios Sol demittit, quemadmodum Romanorum Vrbs duas illas lampades, ubiq. terrarum effundens. Hinc rapietur Paulus, illinc Petrus. Considerate, & horrete, quale spectaculum visura sit Roma, Paulum videlicet repente ex theca illa cum Petro resurgentem, in occursum Domini sursum ferri. Quales Rosas Christo mittet Roma? qualibus coronis duabus ornatur Vrbs ista? qualibus catenis aureis cincta est? quales habet fontes? propterea admiror hanc Urbem, non propter copiam auri, non propter columnas, neque propter aliam rem, sed propter columnas illas Ecclesiae. Quis mihi nunc dabit circumuolui corpori Pauli: affigi sepulchro, videre puluerem corporis illius, quæ adhuc in Christo deerant, adimplentis, stigmata illius gestantis? Et in 2. ad Tim. 4. Vellem, inquit, videre sepulchrum, quo recondita sunt arma iustitiae, arma lucis, membra nunc viuentia, tunc vero, cum in hac vita essent, mortua.

De felicitate autem, quam ex Apostolis consequuta est Roma, ita canit, Ecclesia.

O se.

O felix Roma, quæ tantorum Principum.
Es purpurata pretioso sanguine:
Non laude tua, sed ipsorum meritis
Excellis omnem mundi pulchritudinem

Petrus Romam custodit. Cap. 612.

Custodem esse Petrum Urbis, multa sunt quæ ostendunt. S. Gregorius Papa, cuius testimonio contenti erimus, scribens ad Rusticianam Patritiam rogat eam, Romam ut veniat: Si gladios (ait) Italix, & bella formidatis, sollicitè debetis aspicere, quanta beati Petri Apostolorum Principis in hac Vrbe protectio est, in qua sine magnitudine populi, adiutorijs militum, tot annos inter gladios illasi, Deo auctore, seruamur. hæc Gregorius.

*Greg. li. 7.
ep. 33.*

Addam hic exemplum, ex Procopio desumptum de Urbis muro sub Petri custodia: Inter hanc portam (scilicet Flaminiam) inquit, & alteram ad dexteram huic proximam portulam, porta alia est, quæ Pinciana vocatur: Huic proxime muri pars quædam, lapidum laxata iam pridem compagine, seiuncta spectatur, non solum à solo, sed à medio ad summum fastigium scissa, nec sane collapsa, nec aliàs resoluta, sed vtrinque sic inclinata, ut cetero muro extrinsecus prominentior esse appareat, partim retractior. Hanc muri partem cum demoliri tunc primum Belisarius niteretur, & iterato ædificare cœpisset, obstitere Romani, Petrum Apostolum pro indubitato se comperisse, asseuerantes, eius loci tuendi pollicitum, curam se suscepturum. Quod utique Romanis ex voto succedit: quandoquidem, nec eo die, quo per Gothos sunt moenia oppugnata, nec per omne id tempus, quo Urbem obsederunt Barbari, hostilis vis vlla ad hunc locum peruenit, nec plane vnquam eodem tumultuatum. Et sanè me admiratio subit, nec Romanis, nec hostibus ipsis in ea tam diutina Urbis obsidione, in memoriam venisse muri hanc partem. Quæ res cum miraculi postea loco sit habita, nec sarcire quidem in posterum quisquam, nec de integro restituere ausus est, sed ad hunc diem ea è regione seiunctus permanet murus. Hæc Procopius. Extat in hunc usque diem is paries ab alio disiectus, & quasi iam iam ad terram ruiturus deorsum flexus, ut qui nesciat, illac pertransire formidet. Extant etiam prope eundem locum sanctorum Apostolorum imagines, veteris eiusdem loci sacri cultus testimonia.

*Procop. de
bello Goth.
lib. 1.*

Petrus Apostolus, memor promissi sui facti in epistola secunda: Dabo operam, & frequenter habere vos post obitum meum, &c. apparet Episcopo, & flagellis & exhortatione admonet, ne Christi gregem deferat: quod cum fecisset, Regem idolatram cum gente sua ad Christum perducit. Cap. 613.

Dignatus est Deus nonnunquam & specialibus quibusdam miraculis euidētius reddere, se (inquam) ipsum fuisse, qui secundum Prophetas suos,

*Ric. Arist.
1. 2. m. 1.*

suos, & veterem idolatriam extirparet, & nouam Religionem Christianam; atque Catholicam in ijsdem Gentibus nostris plantaret. Testimonia huius rei illustra à Deo data sunt in Anglia nostra, inter initia conuersionis eius. *Bed. hist. Angl. l. 2. c. 5.* Nam (vt narrat Beda) post mortem Edelberthi, primi nostri Christiani Regis, anno ab Incarnatione Dominica 613. (qui erat annus vigesimus primus, ex quo Augustinus Episcopus cum socijs Monachis ad prædicandum genti Anglorum missus est per Papam Gregorium Magnum) cum filius eius Eadbalus Regni gubernacula suscepisset, magno tenellis ibi Ecclesiæ incrementis detrimento fuit: Siquidem non solum Christi fidem recipere noluerat, sed & fornicatione pollutus est tali, qualem nec inter gentes auditam Apostolus testatur, ita vt uxorem patris haberet. Quo utroque scelere occasionem dedit, ad priorem vomitum reuertendi ijs, qui sub imperio sui parentis, vel fauore vel timore regio, fidei, & castimonie iura susceperant. Nec superne flagella districtiōis perfido Regi castigando, vel corrigendo desuere: nam crebra mentis vesania, & spiritus immundi inuasiōe premebatur. Auxit autem procellam huiusmodi perturbationis etiam mors Sabarethi Regis (iisdem Christiani) Orientalium Saxonum. Qui vbi Regna perennia petens, tres filios suos, qui pagani perdurauerant, Regni temporalis hæredes reliquit, coeperunt illi mox idololatriæ, quam viuente eo aliquantulum intermisisse videbantur, palam seruire, subiectisq. populis, idola colendi liberam dare licentiam. Deniq. hi tres expulerunt Mellitum Episcopum Londiniam, ac de suo Regno cum suis abire iusserunt. Sed non multo tempore Reges, qui præconem seueritatis expulerant, dæmoniis cultibus impune seruiebant. Nam egressi contra gentem Geuissorum in prælium, omnes pariter cum sua militia corruerunt. Qualem & Iuliani apostata in bello Persico propter eandem causam ultionem, vrgent contra Paganos S. Gregorius Nazianzenus, & S. Chrysostomus, cum alijs multis Christi Domini famulis, ac defensoribus. Verum aliud ibi multo adhuc mirabilius diuinum testimonium refert Beda: Nam expulsus Mellitus, venit Cantium, tractaturus cum Laurentio (Cantuariensi) & Iusto (Rhofensi) Coepiscopis, quid in his esset agendum. Decretumq. est communi consilio, quia satius esset, vt omnes in patriam redeunt (erant autem Romani) libera ibi mente Domino deseruirent, quam inter rebelles fidei Barbaros, sine fructu residerent. Discessere itaq. primò Mellitus, ac Iustus, atque ad partes Galliarum secessere, ibi rerum finem expectare disponentes. Cum verò Laurentius eos secuturus, ac Britanniam esset relicturus, iussit ipsa sibi nocte in Ecclesia Beatorum Apostolorum Petri, & Pauli, Cantuariæ, stratum parari: in quo cum post multas preces, ac lachrymas ad Deum pro statu Ecclesiæ suas, ad quiescendum membra posuisset, atque obdormisset, apparuit ei beatissimus Apostolorum Princeps: & multò illum tempore secretæ noctis flagellis acrioribus afficiens, sciscitabatur Apostolica districtiōe, quare gregem, quem sibi ipse crediderat, relinqueret? vel cui pastorem oues Christi in medio luporum positas fugiens ipse dimitteret? An mei, inquit. oblitus es exempli, qui pro paruulis Christi, quos mihi in iudicium suæ dilectionis commendauerat, vincula, verbera, carceres, afflictiones, ipsam postremo mortem, mortem autem Crucis, ab infidelibus, & inimicis Christi ipse cum Christo coronandus pertuli? His Beati Petri flagellis simul & exhortationibus animatus famulus

Nazianz. Inuen. l. 2. in 101. Chrysost. de S. Babyl.

Bed. ibid. c. 6.

mulus Christi Laurentius, mox mane facto venit ad Regem Eadbaldum, & resecto vestimento, quantis esset verberibus laceratus, ei ostendit. Qui multum miratus, & inquirens, quis tanto viro tales ausus esset plagas infligere? ut audiuit, quia causa suæ salutis Episcopus ab Apostolo Christi tanta esset tormenta plagasque perpeffus, extimuit multum, atque anathematizato omni Idololatriæ cultu, & abdicato connubio non legitimo, suscepit fidem Christi, & baptizatus, Ecclesiæ rebus, quantum valuit, in omnibus consulere, ac fauere curauit. Misit etiam in Galliam, & reuocauit Mellitum, & Iustum, eosque ad suas Ecclesias liberè instituendas redire præcepit. Qui post annum, ex quo abierant, reuersi sunt. Et Iustus quidem ad Ciuitatem Rhofi, cui præfuerat, redijt: Mellitum verò Londonienses Episcopum recipere noluerunt, Idololatriæ Pontificibus magis seruire gaudentes. Non enim tanta erat ei (id est, Eadbaldo) quanta patri, ipsius regni potestas, ut etiam nolentibus, ac contradicentibus paganis, Antistitem suæ posset Ecclesiæ reddere. Veruntamen ipse cum sua gente, ex quo ad Dominum conuersus est, diuinis se studuit mancipare præceptis. Denique & in Monasterio Beatissimi Apostolorum Principis, Ecclesiam sanctæ Dei Genitricis fecit, quam coniecerant Archiepiscopus Mellitus. Ex quibus miraculis apertissimum est, quod dixi contra blasphemias Hæreticorum, in Anglia nostra (sicut & in ceteris Gentibus) non tam homines Ecclesiæ nostræ destruxisse idololatriam, eiusque loco plantasse Religionem nostram Catholicam, quam Deum ipsum.

Quamdiu enim merita B. Petri Apostoli Deo cui omnia viuunt, non moriuntur: nequaquam fidei suæ, vel sollicitudinis hæredes deficient, nec deerunt prius qui regulam, quam circa Dominum feruentissimæ charitatis ostendit, pro quantitate virium, proque capacitate diuinitus collati doni sequantur. Ipse namque quicquid ab indignis ministris negligenter agitur, supplet; ipse locum, quem olim delibatione proprii corporis Domino consecrauit quicumque, vel qualiscumque Vicarius extet, suæ tantum claritatis lumine hodieque indeficienter illustrat. Cui & si desunt merita successoris, adfunt tamen beneficia decessoris, ac primi Sedis eiusmodi fessoris.

Hadr. Pa-
pa 1.1. ad
Carolū Re-
gem, ep. 12

Ingens persecutio, contra Christo credentes, post mortem Apostolorum exorta. Cap. 614.

Post necem Apostolorum, tantum absuit, ut necatis Apostolis, excitata semel a Nerone in Christianos persecutio extincta fuerit, ut potius vehementioribus flammis exarserit, & impetu grauiori reuixerit. Nam in eos imprimis, qui sibi familiarius adhæsisent, rabies Imperatoris incenditur, simulque gladius persecutionis exeritur: id quidem acta testantur. Erant enim ex his complures ex ipsius Neronis familia, quorum meminit Paulus Romæ scribens ad Philipenses, his verbis: Salutant vos omnes Sancti, maximè autem qui de domo Cæsaris sunt. Ex his vnum fuisse Torpetem, Euellium alterum, Romanum Martyrologium docet: ceterorum nomina vna cum Actis ipsorum in obscuro manerunt. Passi & tunc feruntur duo Milites custodes carceris, Processus, & Martinianus: itemque Herodion, & Olympus, sed ante Petri martyrium; quorum quidem meminit Metaphra-

Baron. an.
69.

Pilip. 4.

Mar. Rom.
die 17. Ma
y, & 11.

H h h

stes.

Metaphr.
die 29. Iu-
nij.
Mar. Rom.
die 15. A-
pril.

stes. Passæ item sub Nerone feruntur Religiosissimæ feminæ, B. filissa, & Anastasia, Apostolorum discipulæ, & aliæ complures. At non longè ab Vibe in Thuscia eodem tempore passi sunt Ptolomæus Episcopus à S. Petro ad prædicandum Euangelium illuc missus, nec non Romanus Episcopus Nepesinus, ac triginta Christiani ad fidem per Ptolemæum conuersi: quod verò Acta habeant, sub Claudio subiisse martyrium, de Nerone Claudio intelligendum est, secundum ea, quæ superius in Claudio dicta sunt.

Oros. lib. 7.
cap. 7.

At non Romæ tantum, & locis iuxta Urbem positis, sed & in alijs Ciuitatibus, atque Prouincijs sub eodem Nerone passi martyres reperiuntur: nam tradit Orosius per omnes Prouincias pari persecutione Christianos vexari à Nerone mandatum esse; horum verò magna ex parte nomina exciderunt, exustis Ecclesiasticis monumentis à Diocletiano Imperatore, ut suo loco dicemus: adeò ut vix paucorum habeatur mentio in Romano Martyrologio. Sed omisis ceteris (non enim nostri est instituti omnium Ecclesiarum Martyres omnes prosequi) quæ pertinent ad ea, quæ Romæ sunt gesta, tantummodo nunc prosequamur. Commendantur in hac persecutione studia inter alias duarum sanctissimarum mulierum, Lucinæ, atque Perpetuæ; quarum prior hoc elogio celebratur in Romano Martyrologio.

Mar. Rom.
die 30. Iu-
nij.

Hæc de facultatibus suis Sanctorum necessitatibus communicans, Christianos in carcere detentos visitabat; & Martyrum sepulturæ inferuebat: iuxta quos & ipsa in crypta à se constructa sepulta est. De Perpetua verò hæc: Baptizata à B. Petro Apostolo, Nazarium filium, & Africanum virum ad Christi fidem perduxit, & multa Sanctorum Martyrum corpora sepeluit, ac tandem bonorum operum meritis cumula migravit ad Dominum.

Mar. Rom.
die 4. Au-
gusti.

Ceterum sæuisimam fuisse non Romæ tantum, sed toto Orbe Romano Neronis persecutionem, vetus illa inscriptio in Hispania reperta faciliè persuadet. Eiusmodi enim tunc fuit titulo, quòd Christianos omnes occidentos mandasset, atque latrones, sculpto lapidi commendatus:

Habet Ald.
post Schol.
in Cõment.
Cas. in de-
scrip. prou.
Hispan. ex
ruinis pagi
Marame-
sar.

NERONI CL. CAES. AVG.
PONTIF. MAX. OB PRO-
VIN. LATRONIB. ET HIS
QVI NOVAM GEN. HV M.
SVPERSTITIONEM INCVL CAR.
PVRGATAM.

Potes ex ijs quoque, lector, probè conijcere, fuisse Hispaniarum Ecclesiam, his temporibus florentissimam, dum tanquàm ingens quoddam ab impijs æstimatum est collatum à Nerone beneficium, quod Christianis eam Prouinciam expurgasset, ob idq. memorabile facinus eo velut eximio gloriæ titulo honorassent. At licet, & hac inscriptione nulla expressa sit mentio nominis Christiani, quòd ipsi Ethnici & nomen ipsum exhorrerent; tamen non nisi de Christianis ea posse intelligi, necessarium illud est argumentum, quòd nulla Neronis tempore, nec ante diù, vel postea, alia noua in Orbem inuecta est Religio, quàm Christiana: nec certè Nero omnium supersticiosissimus, aliam quamlibet superstitionem Gentilitiam potuit persecutus

entus esse, qui etiam magicis ritibus addictissimus erat. Sed & illud verbum illorum obserua; superstitionem inculcar. quod Christianorum proprium fuit, Religionem omni studio, totis viribus, verbis, factisq. cunctis denique nervis suscipiendam omnibus Gentibus ingerere. Considera & ex his, vehementissimam Neronis persecutionem fuisse; ut creditum fuerit, Christianam Religionem ab eo penitus extirpatam.

Nero in Christianos adhuc magis sauire intendens, à celesti numine corripitur, & propter eius infanda scelera ab omnibus derelinquitur, & seipsum necat, quo alios occidere se parat. Cap. 515.

Q Vieniſſe autem Neronem à Christianorum persecutione, à Petro, & Paulo in visu perterritum Acta testantur. Nec mirum. Si enim (quod Dio scribit) post illatam matris, quamvis omnium scelestissimæ, necem, sic terroribus est exagitatus, ut non valeret loco consistere, quanto magis hæc ipsum passum esse putandum est, cum præcipuos Dei amicos, eosdemq. sanctissimos, morte mulctatos, è medio sustulisset? His igitur, & alijs, quæ ex diuersis Orbis partibus ab ipſo in Christianos ceteros pararentur, sauiſſimus homo perterritus, reliquum, quod in stomacho coquebat iræ, in Christianos haud euomere potuit, cum sibi rebusq. suis sollicitus consuleret cogeretur. His accessit (quod etiam nolentem, inuitumq. à persecutione Christianorum abstraxit) Romani exercitus iam in Gallia facta defeſtio: nam hoc anno, cum adhuc moraretur in Achaia, audita est Caij Iulij Vindicis, qui Proprætoſorem agebat in Gallijs, cum exercitu facta rebellio: quando prætermiſſa (ut ait Lucianus) Iſthmi foſſione, se, ut de bello decerneret, recepit in Urbem: licet Suetonius ipsum de motu illo Galliarum ex Achaia redeuntem, cum Neapoli in Campania eſſet, certioſorem factum eſſe teſtetur, eo die, quo matrem occiderat, ipſis Feſtis Quinquatrij, menſe Martio. Sed hæc licet magni ponderis eſſe viderentur, nec contemnenda: tamen non tanti ab eo exiſtimata ſunt, quæ elatum eius animum conſternare penitus valuiſſent: verum (quod poſt illatam necem Apoſtoliſ accidit) Hiſpaniarum quoque defeſtione nunciata, animo penitus collapsus eſt: quod Suetonius declarat his verbis: Poſtquam etiam deinde Galbam, & Hiſpanias deſciuiſſe cognouit, collapsus, animoq. male fracto, diu, & ſine voce, & & prope intermortuus iacuit.

At adueniente Chriſti anno ſeptuageſimo, Conſules creati ſunt C. Silius Italicus, & Galerius Trachalus Turpilianus: meminit huius Conſulatus Plinius Iunior, ſed dicēs de Silio Italico: Nouiſſimus à Nerone factus eſt Conſul: ita poſtremus ex omnibus, quos Nero Conſules fecerat deceſſit. Illud etiā notabile, quod vltimus ex Neronianis Conſularibus obiit, quo Conſulſe Nero periit: quod me recordantem fragilitatis humanæ miſeratio ſubiit. Quid enim tam circumciſum, tam breue, quàm hominis vita longiſſima? An non videtur tibi Nero modo fuiſſe, cum interim ex ijs, qui ſub illo geſſerunt Conſulatum, nemo iam ſuperet?] hæc Plinius ad Caninium Ruſum ſcribēs philoſophatur. At nec tacendum, quod de iſdem Conſulibus Suetonius ſcribit, his verbis: Conſules ante tempus priuauit honore, atque

H h h 2 in

Dio in Nerone.

Lucian. de Iſth. foſſ. Sueton. in Ner. c. 40.

Suet. ibid. c. 40.

Plin. lib. 3. c. 7.

Suet. in Ner. 43.

Mar. Epig.
lib. 8.

in veriusque locum solus inire Consulatam; quasi fatale esset, non posse Gallias debellari, nisi à Consule, ac susceptis fascibus. J Extrat quoque Epigramma Martialis de Consulatu Silij Italici: sed sub Domitiano iam tertium puto suffectum.

Suet. ibid.
c. 44. &
45 & seq.
Dio in Ne
109.

Inter hæc autem cū C. Iulius Vindex, qui defectionem in Gallijs excitarat, à militibus Rufi, qui Germaniam obtinebant, occideretur, idemq. Rufus Imperator designatus esset: Cumque his omnibus insuatis, illud etiam adderetur, quod Rubrius Gallus, quem contra rebellantes mittebat, defecerit: nec, quod ipse Nero conceperat, vniuersum Senatum interficere posset; quodq. à Prætorianis etiam militibus desertus esset: desperatione melioris status omnino deficiens, vili indutus veste, fugam arripiens, vna cum tribus, vel quatuor libertis in prædium vnius ex his, Phaontis nomine, inter viam Salariam, & Nomentanam, quarto ab Vrbe lapide positum venit: vbi in spelunca delitescens, cum equites se querentes aduentare cognouit, sibi ipse, licet pavidus, intulit manus: quem ægrè morientem vnus ex libertis Epaphroditus confecit, quarto Idus Iunij (ea die qua olim Octauiam coniugem interfecerat) agens suæ ætatis annum trigessimum secundum, cum imperasset annos tredecim, menses septem, & dies vigintiocto, numerando à die sequenti obitus Claudij Imperatoris. De his fufius agunt Suetonius, Dio, & alij complures, simulq. de funere eius, ac sepultura.

Enarratis ijs, quæ, tanquàm meliora ex gestis Petri, & Pauli excerpta, commemorauimus, operæpretium est, vt ceterorum Apostolorum facta, commemoratione digna, recenseamus. Sed valde dolendum est, magnorum virorum res per Orbem vniuersum, & per vltimos terræ terminos supra humanam existimationem, & super naturam ætas, aut penitus interiisse, aut scriptas penitus non fuisse; aut si quæ scriptæ sunt, reperiri apud Auctores, quorum fides ita vacillat, vt etiam nec fides adhiberi possit multis, quæ verè scripta sunt: veritatis enim facies inter mendacia residens, mendaciorum limo fœdatur, & respuitur. Nulli autem dubium esse debet inter illas fectas historias, multas reperiri, quæ veræ historię sunt. Mendaces enim, vt mendacia sua honestent, semper illa cum veris immiscent. Sed nobis ea tantum recensenda erunt, quæ apud probatos Auctores reperimus.

At post Petri, & Pauli exitum gloriosum, congruum videtur, vt de Andrea, Petri fratre, aliqua enarremus, si non, quæ in vita gessit, quorum pauca sciri potuerunt, saltem, quæ post mortem eius gesta sunt. Enarrabimus autem, quæ de Andrea martyrio, in epistola Presbyterorum Achaiz habentur expressa: in Ecclesia enim publica lectione recitantur. Sunt autem hæc.

Sancti Andrea Apostoli, fratris Petri, Crucis feruidissimi amatoris, ad crucem alloquium, & patiendi pro Christo æstuans desiderium, & martyrium gloria plenum.

Cap. 616.

Bren. Rom.
in Festo S.
Andrea.

Andreas Apostolus, Bethsaidæ natus, qui est Galilææ vicus, frater Petri, natu maior, discipulus Ioannis Baptistæ, cum eum de Christo dicen.

dicentem audisset : Ecce Agnus Dei , secutus Iesum, fratrem quoque suum ad eundem perduxit . Cum postea vnà cum fratre piscaretur in littore Galilææ, ambo à prætereunte Christo Domino ante alios Apostolos vocati, illis verbis : Venite post me, faciam vos fieri pisces hominum: nullam interponentes moram, & relictis retibus secuti sunt eum . Post cuius passionem, & resurrectionem, Andreas, cum in Scythiam Europæ, quæ ei Prouincia ad Christi fidem disseminandam obtigerat, venisset; deinde Epirum ac Thraciam peragrasset, doctrina & miraculis innumerabiles homines ad Christum conuertit . Post Patras Achaïæ profectus, & in ea Vrbe plurimis ad veritatem Euangelicam perductis, Aegæam Proconsulem, prædicationi Euangelicæ resistentem, liberrimè increpauit, quod qui Iudex hominum haberi vellet, Christum Deum omnium Iudicem à Dæmonibus elusus non agnosceret .

Tùm Aegeas iratus, Desine, inquit, Christum iactare, cui similia verba nihil profuerunt, quo minùs à Iudæis crucifigeretur . Andream verò de Christo nihilominus liberè prædicantem, quod pro salute humani generis se crucifigendum obtulisset, impia oratione interpellat, ac demum hortatur, vt sibi consulens, Dijs velit immolare . Cui Andreas : Ego omnipotenti Deo, qui vnus & verus est, immolo quotidie, non taurorum carnes, nec hircorum sanguinem, sed immaculatum agnum in altari : cuius carnem postea quàm omnis populus credentium manducauerit, agnus, qui sacrificatus est, integer perseverat, & viuus . Quamobrem ira accensus Aegeas, iubeat eum in carcerem detrudi : vnde populus Andream faciliè liberasset ; nisi ipse sedasset multitudinem, vehementius rogans, ne se ad optatissimam martyrij coronam properantem impedirent .

Igitur paulò post in Tribunal productum, cum Aegeas Crucis extollem mysteria, sibi. suam impietatem exprobrantem, diutius ferrè non posset, in Crucem tolli, & Christi mortem imitari iussit . Adductus Andreas ad locum martyrij, cum Crucem vidisset, longè exclamare cœpit : O bona Crux, quæ decorem ex membris Domini suscepisti, diù desiderata, sollicitè amata, sine intermissione quæsitæ, & aliquando cupienti animo præparata ; accipe me ab hominibus, & redde me Magistro meo : vt per te me recipiat, qui per te me redemit . Itaq. Cruci affixus est: in qua biduum viuus pendens, & Christi fidem prædicare nunquam intermittens, ad eum migravit, cuius mortis similitudinem cōcupierat. Quæ omnia Presbyteri, & Diaconi Achaïæ, qui eius passionem scripserunt, se ita, vt commemorata sunt, audisse & vidisse testantur . Eius ossa primum, Constantio Imperatore, Constantinopolim, deinde Malphim translata sunt . Caput, Pio secundo Pontifice, Romam allatum in Basilica sancti Petri collocatum est .

Multa autem de sancto Andrea leguntur facta post eius obitum opera, & ea. mirabilia, quorum ea dumtaxat nos referemus, quæ à sanctis Viris scripta nouimus, nempe à SS. Gregorio Papa, & Gregorio Turonense.

Achaia, in Ciuitate Patras ad sepulchrum S. Andreae, & manna in modum farinae, & oleum odoratum proferebatur, multaque aliae virtutes admirabiles patrabantur. Cap. 617.

*Greg. Tur.
de gloria
Martyrum
cap. 31.*

Andreas Apostolus (inquit Turonensis) magnum miraculum in die Festiuitatis suae profert, hoc est, manna in modum farinae, vel oleum cum odore nectaris, quod de tumulo eius exundat: per id etiam, quae sit fertilitas anni sequentis, ostenditur; si exiguum profluxerit, exiguum terra profert fructum: si verò fuerit copiosum magnum arua prouentum fructuum habere signat; nam ferunt in aliquibus annis in tantum è tumulo oleum exundare, ut usque medium Basilicae profluat riuus ille. Haec autem aguntur apud Prouinciam Achaia in Ciuitate Patras, in qua Beatus Apostolus siue martyr pro redemptoris nomine crucifixus, praesentem vitam gloriosa morte finiuit: tamen cum oleum defluerit, tantum odorem naribus praestat, ut putes ibi multorum aromatum sparsam esse congeriem; quod non sine miraculo ac beneficio habetur in populis. Nam ex hoc, seu inunctiones factae, seu poriones datae plerumque languentibus commodum praestant; post cuius gloriosam assumptionem multae virtutes ad hoc sepulchrum, vel per loca diuersa, in quae eius Reliquiae collocatae sunt, feruntur ostensae: de quibus paucae memorari non putaui absurdum, quia aedificatio est Ecclesiae, gloria Martyrum, virtusque Sanctorum.

Reliquias S. Andreae, aliquis ex ardenti Basilica per medias flammās eripit. Cap. 618.

*Ex eodem
Greg. Tur.
loco quo supra.*

Tempore quo interfecto Clodomiro Rege Francorum, se exercitus repars Burgundiam deuastabat, in quadam Basilica Reliquiae dicti Apostoli, cum Saturnini martyris tenebantur; accensaque Basilica, cum iam tignorum moles dirueret, pauperes, ac senes, quos barbaries reliquerat, flebant dicentes, Vae nobis, qui tantorum pignorum hodie caremus auxilio, nec nobis ultra spes praesentis vitae manebit, si haec deperierint. His ita flentibus, nutu Dei adueniens Turonicus homo, condolens his lamentis, & discens virtutem Martyrum non minus fide, quam parma protectus, per medias ingreditur flammās, apprehensasque ab altari Sancto Reliquias nihil ab igne laesus, extulit foras, sed continuo, ita constrictus est, ut gressum in ante agere non valeret. Tunc indignum se iudicans, qui ea ferret, vnā puellam paruulā impollutamque elegit à praeda, cui capsulam collo imposuit, & sic in patriam prosperè accessit. Tunc collocatis in Altari Nouicensis Ecclesiae, ubi nulla adhuc pignora Sanctorum habebantur, annis singulis deuotissime eorum solemnia celebrata. Cuius filius cum haec post patris obitum non impleret, à febre quartana per annum integrum laborans vouit, ut nouam Basilicam in eorum honore construeret. Quo facto, amota febre sanatus est. Sed nec hoc sine diuinitatis prouidentia actum reor, quod eadem die, qua beatae Reliquiae in aliam sunt translatae Basilicā, errantes homines à via, qui B. Vincentij Reliquias deferrebant, ad vicum ipsum delati sunt. Tunc rogante presbytero

bytero diuiferunt, & particulam pignorum, quam in sancto Altari, vnde alias abstulerat, collocarunt.

Calculo laborans, morti vicinus, Apostolo Andrea sese commendans, lapidem magnum ex vesica, miraculo magno emisit.

Cap. 619.

MVnzolus autem, cum Theodeberti Regis tempore ad Iustinianum Imperatorem pergens, Constantinopolitani itineris viam nauali euestu fulcaret, ad urbem Patras, in qua idem habetur Apostolus, est appulsus, & dum ibi cum satellitibus moraretur, infirmata vesica calculosus efficitur. Dehinc diuersis doloribus arctatus, febre consumitur, ablataq. delectatione comedendi, atque bibendi, aduentum mortis solum prastolatur. Igitur dum ita se fessum, & sine spe vitæ videt, decernit testamentum suum, petit, scribit, munitumq. subscriptionibus, ac sigillis, inquiri præcepit, si forsan aliquis reperiretur in Ciuitate, qui penitus, in arte Medicina possit morituro succurrere. Sed cum hoc Episcopo, qui tunc præerat suggeritur, ait: Quousque vos, dilectissimi, casto fatigatis labore, & inter homines requiritis Medicinam, cum habeatur hic cælestis Medicus, qui sæpe infirmorum valitudines sine herbarum adminiculo, virtutis propriæ depellat effectus? Et quis, inquit, est ille? Andreas, ait, Apostolus Christi. Hæc nunciantes infirmo, rogat se portari ad beati sepulchrum: Cumque pauimento prostratus, quæ necessitas exigebat, fideliter precaretur, voce tenui vasculum postulat exhiberi, illatumq. dum vrinam nititur ejicere, lapidem magnū emisit, viq. tam validus fuit, ut cadens sonum in ea, quæ parata fuerat, conca proferret. Tunc ablata feбри cum omni dolore, naui restituitur incolumis.

Ex eodem
Greg. Tur.
c. 31. eius-
dem loci.

Comes quidam agrum Ecclesiæ S. Andrea peruadit: rogatur ab Episcopo, ut restituat ablatum agrum. Eo recusante, arripitur ingenti febre: mittit nuncios ad Episcopum, ut pro eo oret, & ipse agrum restituet: orat, sanatur, agrum non restituit. Episcopus maestus dat se orationi, ut Deus eum ad restituendum compellat. Iterumq. Comes recidens diuino iudicio in morbum agit in extremis; cumq. iterum Episcopum rogasset, ut prius, non auditur, sed ingressus in Ecclesiam, spiritum exhalauit.

Cap. 620.

ECclesia quoque Agathensis, quæ sancti Andreæ Apostoli Reliquijs plaudet, plerumq. gloriosis illustratur miraculis: peruersores rerum suarum sepius arguit. Denique Gomacharius Comes agrum Ecclesiæ ipsius peruadit. Tunc Leo Episcopus huius Ecclesiæ valde maestus cucurrit ad eum, dicens: Relinque fili res pauperum, quas ordinationi nostræ Dominus commendauit, ne tibi sit noxium, & à lachrymis egentium, qui de fructibus eius ali consueuerant, eneceris. Ille verò, qui erat hæreticus, paruipendens ea, quæ ab Episcopo dicebantur rem in sua dominatione retinuit. Interim procedente die arripitur à febre. Cumque non modo ardore corporeo, verum

Ex eodem
Greg. Tur.
cap. 79.

H h h 4 etiam

etiam animæ vexaretur incommodo, misit ad Episcopum nuncios, dicens: Dignetur pro me Sacerdos orationes fundere ad Dominum, & ego dimittam agrum eius. Quo orante, hic à valetudine, qua grauabatur, conualuit, factusq. sanus ait suis: Quid putatis, quod isti nunc Romani (hoc est Catholici) dicunt? Aiunt enim me ob hoc fuisse febre grauatum, quia tulerim agrum eorum, quod mihi iuxta consuetudinem humani corporis accidit. Veruntamen non habebunt eum me viuente: & dicto citius misit, qui eum iterum auferret.

Quod cum Episcopus comperisset, venit ad eum dicens: Num poenitet? ne facias quæso, ne ultioni diuinæ subiaceas. Qui ait ad Episcopum: Sile, sile decrepite. Nam infrænatum te loris circuire Urbem super asinum faciam, ut sis ridiculo omnibus, qui te aspexerint. At ille silens ad nota recurrit præsidia: prostrernitur in oratione, celebrat vigiliis, ac noctem totam in lachrymis & psalterio ducit. Mane autem facto, accedit ad lichnos, qui de camera ad Ecclesiam dependebant; extendensq. virgam, quam tenebat in manu, effregit cunctos, dicens: Non hic accendetur lumen, donec vlciscatur Deus de inimicis, & restituat res domus suæ. Hæc eo dicente, protinus hæreticus ille in rediuiam febrem corruit: cumque in extremis ageret, misit ad Episcopum dicens: Ora pro me Sacerdos ad Dominum, ut viuam, & restituam agrum, ac similem eius conferam dominationem. Quibus Pontifex respondit: Iam oravi ad Dominum, & exaudiuit me. Misit alios, ac tertios ad eum, nuncios; sed Sacerdos in vno responso persistens, non mouebatur ad hæc, ut pro eo orationem daret ad Dominum. Hæc ille hæreticus cernens, iussit se in plastro componi, atque ad eundem euehi, ac per se deprecatur Episcopum dicens, quia dupla satisfactione restituo agrum, quem inique peruaſi, tantum ut oret pro me Sanctitas tua: illo quoque recusante, compulit eum vi, ut abiret ad Ecclesiam: quo discedente, cum Ecclesiam est ingressus, & hic spiritum exhalauit, recepitq. confestim Ecclesia rem suam.

In Monasterio S. Andrea ipse Apostolus videbatur Abbas, Monachos instruens, & corripiens. Cumq. quidam Monachus de pretio recepto furatus fuisset, demoni est traditus: interrogatus: si pretium forsitan surripuisset? negauit: cumq. per octo vices negaret, octies à spiritu vexatus est; sed resipiscens, & furtum manifestans liberatur. Cap. 621.

*Ex S. Greg.
Papa lib. 9
Epistolariū,
op. 38.*

DE eleemosyna, inquit, quam beati Apostoli Andrea Monasterio fecistis, quid necesse est me aliquid dicere, cum scriptum sit: Absconde eleemosynam in sinu pauperis, & hæc pro te exorabit, &c. De quo sancti Andrea Cœnobio, quod ipsemet Romæ extruxerat, mira quædam, quæ acciderunt, his verbis enarrat.

Indico autem, quod ob tanta miracula, tanta cura, tanta custodia Monachorum in eodem Monasterio eiusdem Apostoli est, ac si specialiter Abbas Monasterij ipse sit, nam, ut pauca de multis loquar, quæ Abbate & Preposito Monasterij narrantibus cognoui, edicam. Quadam die duo exinde fratres transmissi sunt, qui aliquid emere pro Monasterij vtilitate debuissent.

Vnus

Vnus iunior, qui prudentior videbatur, alter senior, qui custos iunioris esset. Perrexerunt utique & de pretio, quod receperant, ipse qui custos missus fuerat, nesciente altero, de eodem pretio furtum fecit. Qui mox, ut ad Monasterium sunt reuersi, atque ante Oratorij limen venerunt, arreptus à dæmonijs, is qui furtum fecerat, cecidit, & vexari cœpit. Dimissus autem à dæmonijs, concurrentibus Monachis requisitus est, num forsitan de eo, quod acceperat, furtum fecisset? negauit: iterum vexatus est, ac dimissus: atque iterum requisitus negauit, atque iterum vexatus est. Octo itaq. vicibus negauit, octo vicibus est vexatus. Post octauam vero negationem, necnon vexationem, confessus est quantos nummos furto abstulerat, & agens pœnitentiam prostratus, se peccasse testatus est. Vltorius vero dæmonium ad eum non accessit.

Quidam Monachus dira patiens, ante altare S. Andreae projicitur: & in se reuersus, dixit: senem (Andream scilicet) apparuisse ei, & canem nigrum contra ipsum, ut dilaniaretur, incitasse: quoniam scilicet de Monasterio cogitauerat fugere.

Cap. 622.

ALio quoque tempore, dum in die natalicio eiusdem Apostoli, iam meridianis horis fratres quiescerent, subito quidam frater opertis oculis cæcatus cœpit tremere, & voces ingentes emittere, quibus vocibus testabatur ferrè se non posse quod patiebatur. Cœcurrentes fratres viderunt cæcum apertis oculis trementem, & acclamantem, & à præsentibus alienum, nihilq. quod foris agi poterat, sentientem: eumq. in manibus leuauerunt, atque ante Altare sancti Andreae Apostoli proiecerunt, ipsiq. pro eo in oratione prostrati sunt, qui statim ad se reuersus. Quid passus fuerat confessus est, quia senex quidam ei apparuit, & canem nigrum ad eum dilaniandum dimisit, dicens: Quare fugere voluisti de Monasterio isto? Cumq. euadere de canis moribus nullo modo potuisses, venerunt quidam Monachi, & eundem senem pro me rogauerunt, qui statim iussit canem abscedere, & ipse ad me reuersus sum: qui etiam confessus est, quia eo die quo ista pertulit, consilium habueram de eodem Monasterio fugere.

Ex eod. ib.

Duo monachi ex monasterio fugerunt, & latitantes in Criptis, D. Andreae ope inuenti sunt. Cap. 623.

ALij quoque duo fratres de eodem monasterio fugerunt, atque aliquaprius colloquendo fratribus signa dederunt, quod per viam Appiam descendentes Hierosolymam tenderent. Qui exeuntes, diuerterunt ab itinere, & ut à sequētibus inueniri minime potuissent, retrusas criptas iuxta Flaminiam portam inuenientes, in eis sese occultauerunt. Cum vero vespertinis horis requisiti, minime in congregatione inuenti essent, ascensis caballis, eos quidam fratres secuti sunt per Metroni portam exeuntes, ut eos in Latinam, vel Appiam viam sequerentur. Subito autem eis consilium ortum est, ut

*Io. Diac.
de vita S.
Greg. li. I.
c. 20.*

eos

eos in via Salaria requirerent. Extra ciuitatem igitur pergentes, deflexerunt iter in Salariam; eos vero minime inuenientes, per portam Flaminiam decreuerunt reuerti. Cumq. reuerterentur, mox, vt equi eorum ante Cryptas illas venerunt, in quibus se absconderant, fixerunt gradus: pulsati, & compulsi passum mouere nequiverunt. Considerauerunt monachi rem talem sine mysterio esse non posse. Attenderunt ad Cryptas, viderunt earum aditus missa maceria demuratos: sed caballis eorum nusquam euntibus descenderrunt: deposuerunt lapides, qui in ore Cryptarum depositi fuerant: ingressi sunt, eosq. in eisdem tenebrosis latibulis, terræ consternatos inuenerunt. Qui ad monasterium reducti, ex eodem miraculo ita sunt meliorati, vt eis multum profuerit ad parum temporis de monasterio fugisse. Hæc dixi, vt excellentiæ vestræ innotesceret, cuius Oratorio eleemosynam fecistis.

S. Andreas adolescentem monachum ad mortem ægrotantem tangens, eum à morte eripit, sed breui esse moriturum indicat: quod factum est. Cap. 624.

*Io. Diac. de
de vita S.
Greg. l. 1.
c. 20.*

Alius quoque frater in eodem S. Andreæ monasterio Ioannes dictus est, magnæ indolis adolescens, qui ætatem suam intellectus, & humilitatis dulcedine, & grauitate rerum, docente Gregorio transcendebat. Huic ægrotanti, atque ad extremum perducto per nocturnam visionem sub habitu senis beatus Apostolus Andreas apparuit, & hunc virga tetigie, ei q. dixit, Surge, surge, ex hac enim molestia modo minime morieris: sed paratus esto quia longum tempus hic facturus non eris. Qui dum iam esset à medicis desperatus, repente sanatus est, atque conualuit. Rem, quam viderat, narrauit, seque per biennium in Dei seruitio (sicut prædixi) ultra ætatis suæ annos exhibuit. Reuolutis autem duobus annis, cum quidam frater fuisset mortuus, atque in cæmeterio eiusdem monasterij à Gregorio fratribusq. sepultus, cunctis inde discedentibus, idem Ioannes, sicut postmodum pallidus, & tremens Gregorio, & fratribus indicauit, solus inuentus ab eodem fratre, qui sepultus fuerat, de eodem sepulchro vocatus est, quod mox etiam subsequens factum ostendit: Nam post dies decem, correptus febribus moriendo vocantem subsecutus est.

Pictorum Regi in amittendi Regni discrimine posito astat Andreas Apostolus, victoriam promittit. Hostes, visa Andrea lucida cruce super Pictorum castra, cum ad pugnam ventum est, fugiunt, & vincuntur paucis superstitibus. Cap. 625.

*Heel. Boet.
hist. Scot.
lib. 10.*

Soluto Hungo Pictorum Regi intempesta nocte in soporem, extemplo astans Apostolus Andreas, iussit alacriori esset animo, nec hostium multitudine terreretur, plurimamq. spem in diuina locaret ope: fore, vt gloriosam de Anglis postera die assequeretur victoriam. Mirum scribunt tunc accidisse supra Pictorum castra: lucidam cælo apparuisse crucem, illius instar, qua Apostolus Andreas pro Christi nomine supplicio olim erat affe-

affectus : hancq. Apostolum ipsi Hungo ostendisse : addidisseq. id ostentum ante partam victoriam haud cælo defuturum . Experreñus Rex , milites iam tum lucentem crucem intempesta nocte admirantes , edocet : quam fortem D. Andreas sibi suoq. exercitui fuisset pollicitus : per quietem hortatus prima luce alacres hostes pugna adorirentur , numine sibi propitio , & aduerso hostibus : eoq. eorum multitudinem minime timendam . Sequuta Regis verba grata omnium vociferatio , quam hostes audientes , lucidam simul conspicati Crucem , quippiam mali portento tali sibi præsagientes , ingenti pauore sunt perculsi . Picti, Scotiq. tanta vi in Anglos sunt inuecti , ut illi , cum impetum non possent sustinere , primum Northumbri , mox tota acies impulsæ , terga dederit , & vix quingenti viri euaserunt . Et hæc factis de S. Andrea .

Bartholomæus Apostolus, vir diuinus, ad varias longinquas Orbis regiones migrans, & fidei splendorem effundens, multas gentes illuminat, & ad Christum perducit: Regem Armeniæ, & coniugem eius conuertit. Odio Sacerdotum idolatrarum comprehensus, & durissime cruciatus, martyrij palmam obtinet.

Cap. 626.

DE Sancto Bartholomæo aliqua narrant Sancti Patres , & Romanum Breuiarium , ipsaq. Martyrologia , & Græcorum Menologia , Iosephus Græcus auctor apud Metaph. Nicephorus , & alij . De eodem mentio fit in Euangelio . S. Dionysius Areopagita eum diuinum virum appellat , cum dicit : Sic itaque diuinus Bartholomæus ait : & plurimam Theologiam esse , & minimam , Euangeliumq. & latum , & magnum , rursumq. concisum , mihi quidem illud mirifice intellexisse videtur . &c.

Bartholomæus Apostolus Galilæus , cum Indiam Citeriorem , quæ ei in orbis terrarum sortitione Christi anno 44. ad prædicandum Iesu Christi Euangelium obuenerat , progressus esset , aduentum Domini Iesu iuxta Sancti Matthæi Euangelium illis gentibus prædicauit : sed cum in ea prouincia plurimos ad Iesum Christum , conuertisset , multos labores , calamitatesque perpeßus esset , venit in Maiorem Armeniam : reliquisse autem Indis , quos ad Christi fidem traxerat , S. Matthæi Euangelium , docet Eusebius his verbis : Pantænus ille , quem ad Indos perrexisse diximus , vbi (ut refert) Euangelium Matthæi , quod ante eius aduentum ibi fuerat receptum , in manibus quorundam , qui in illis locis Christum profitebantur , reperit ; quibus Bartholomæum vnum ex Apostolis prædicasse , illisq. Matthæi Euangelium litteris hæbraicis scriptum reliquisse , & illud ipsum ad nostratum tempus referuatum constat . hæc Eusebius . Quibus similia sunt , quæ habet S. Hieronymus de Pantæno , qui in Indias penetrauit , scribens : In Indiam quoq. dicens rogatus ab illius gentis legatis , a Demetrio Alexandriæ Episcopo mittitur , vbi reperit Bartholomæum , de duodecim Apostolis vnum , aduentum Domini nostri Iesu Christi iuxta Euangelium prædicasse , quod hæbraicis litteris scriptum reuertens Alexandriam , secum retulit . Lycæonas , eius prouinciæ popu-

Math. 10.

Mar. 3.

Luc. 6.

Diony. de

myst. Theol.

cap. 1.

Euseb. l. 5.

cap. 10.

S. Hierony.

de scripto

Ecc. in Pā-

teno cap. 3

S. Io. Chris.
hom. de 12.
Apostol.

populos, ut auctor est S. Ioannes Chrysostomus, ad pietatem instituit: Albanis, Sophronio teste, ut Christiani fierent suavit: Polemonem praterea Armeniæ Regem, ut fertur, & coniugem eius ad Christianam fidem perduxit: quæ res in eum magnam inuidiam concitauit illius gentis sacerdotum; Nam vsque adeo Polemonis Regis fratrem in Apostolum incendunt, ut is viuo Bartholomæo pellem crudeliter detrahi iusserit, ac caput abscindi, quo in martyrio animam Deo reddidit.

Eius corpus Albani, quæ est vicina vrbs Maioris Armeniæ, vbi passus fuerat, sepultum est: quod postea ad Lyparam Insulam delatum, inde Beneuentum translatum est, postremo Romam ab Othone secundo Imperatore, Gregorio V. Pontifice maximo, portatum, in Tyberis Insula, in Ecclesia eius nomine, Deo dicata, collocatum fuit. Agitur autem Romæ dies festus octauo Kal. Septembris, & per octo consequentes dies illa basilica magna populi frequentia celebratur. Hæc Romanum Breviarium.

De eodem sancto Apostolo hæc extant in Romano Martyrologio octauo kal. Septembris.

S. Bartholomæi Apostoli, qui in India Christi Euangelium prædicauit: inde in Maiorem Armeniam profectus, cum ibi plurimos ad fidem conuertisset, viuis à Barbaris decoratus est, atq. Astiagis Regis iussu, capitis decollatione martyrium compleuit. Eius sacrum corpus primo ad Lyparam Insulam, deinde Beneuentum, postremo Romam ad Insulam Tyberinam translatum, ibi pia fidelium veneratione honoratur.

S. Thomas Apostolus, post multa, quæ apud exterar, & ultimas regiones gloriosè operatus est, glorioso fine Christum confessus est. Cap. 627.

In Roman.
Martyrolo.

Euseb. li. 1.
c. 12. & 13.

Apostolus sanctus Thomas longè post acceptum Spiritum sanctum, à Christi Ascensione anno circiter decimo, in multas Prouincias profectus est, ad prædicandum Euangelium: Parthis, Medis, Persis, Brachmanis, Hyrcanis, Baëtris, alijsq. Gentibus Christianæ fidei, & vitæ præcepta tradidit. Misit, ut scribit Eusebius, diuino quodam impulsu commotus, Thadæum fratrem, qui erat in numerum septuaginta Discipulorum Christi adscriptus, prædicatorem, & Euangelistam doctrinæ Christi ad Edeßam vsque, ac per ipsum Seruatoris nostri promissa, exitum suum sunt plenè consecuta. Misisse autem eum, Christo iam in cælum ascenso, idem docet: quo autem anno illum cõdixerit, incompertum habetur. Thomas demum ad Indos se conferens, eos in Christiana Religione erudiuit: qui ad extremum, vitæ doctrinæq. sanctitate, & miraculorum magnitudine, cum ceteris omnibus sui admirationem, & Iesu Christi amorem commouisset, illius gentis Regem, Idolorum cultorem magis ad iram accendit: cuius sententia condemnatus, telisq. ac lancea confossus, Calaminæ Apostolatus honorem martyrij corona decorauit. Corpus Apostoli cum honore Apostolico, cum laudibus & Hymnis translulerunt ad Ecclesiam, condentes aromatibus pretiosis, & fiebant signa magna & prodigia in loco, in quo positum erat. Nam & Dæmoniæ liberabantur, & omnes ægrotudines liberabantur.

In

In Romano Martyrologio hæc de eo scripta sunt : Calaminæ natalis B. Thomæ Apostoli , qui Parthis , Medis , Persis , Hyrcanis , & Brachmanis Evangelium prædicauit , ac demum in Indiam perueniens , cum eos populos in Christiana Religione instituisset , Regis iussu lanceis transfixus , occubuit . Die 21. Decemb.

In Menologio Græcorum , pridie nonas Octobris ita de eo scriptum est : Natalis sancti gloriosi Apostoli Thomæ . Hic cum Medis , Parthis , Persis , & Indis Dei verbum prædicasset , in custodiam iniicitur à Rege Smidæo , propterea quod eius opera crediderant , & baptizati fuerant Vazanes filius , & vxor , nominæ Tertia , & Migdonia , & Narce : qua propter quinque militibus traditur , qui ad montem quemdam ductum vulnerauerunt .

De eius corporis translatione . ita apud Romanum Martyrologium quinto nouas Iulij scriptum est : Edeffæ in Mesopotamia , Translatio sancti Thomæ Apostoli ex India : cuius Reliquiæ Orthonam postea translatae sunt .] Eiusdem translationis , qua scilicet Beati Apostoli corpus Edeffam exportatum fuit , Beda , & Vsuardus , & Ado in suis Martyrologijs eadem die meminerunt . De magnificentissimo Edeffæ Templo in Mesopotamia , sancti Thomæ Apostoli nomine ædificato , Rufinus , Socrates , Sozomenus Auctores sunt . Die 3. Iul.

Qui apud Indos reperiuntur Christiani . in regione Narsingensium , firma , certa , traditione affirmant , Thomam Apostolum in illis Regionibus Evangelium prædicasse , Ecclesias erexisse , ac cetera , quæ ad Christianorum institutionem pertinent , consummasse . Orosius Siluensis Episcopus , vir eruditissimus , multis , & quidem perquam optimè probat , & ostendit . De eadem Apostoli in India prædicatione scribunt Petrus Masseus , Horatius Torsellinus , & Thomas Bozius , & Beatus ipse Franciscus Xauerus , qui apud Indos Evangelium prædicauit . De Christianis Thomæis appellatis , qui in oppido , cui Chranganor nomen est , morantur , scribit idem B. Xauerus . De aduentu eiusdem Apostoli in Sinas hæc , Epistola Societati Romæ ex Amboino missa 6. Idus Maij MDXCVI : Complures Mercatores è Malacca in Sinas commeant quotannis , horum multis ego mandaui , vt diligenter cognoscant , qui tandem sint illius gentis mores , qui ritus , quæ leges & instituta , vt his tandem vestigijs eius conditionem inuestigem , exploratumq. habeam , ludæine sint an Christiani . Neque enim desunt , qui sanctum Thomam Apostolum in Sinas penetrasse confirmant : magnumq. eorum numerum ad Christi fidem adduxisse . subdit :

Nam priusquam Indiam Lusitani in suam redeissent ditionem , Græca Ecclesia eò mittebat Episcopos , qui Christianos S. Thomæ , eiusq. discipulos propagatos tuerentur . Cum primum igitur Lusitani India potiri ceperunt , vnus ex Græcis Episcopis , quos dixi , affirmasse fertur , sese cognouisse de alijs Episcopis , quos in India inuenerit , S. Thomam Sinarum fines ingressum , eorum oppida pergrassæ , Euangelioque diuulgato indigenas plurimos Christo peperisse . Cumq. primum aliquid certi habuero , aut ab alijs compertum , aut mea opera exploratum , vos faciam certiores .] Hæc ille ex aliorum opinione , atque sententia , quam neque amplectitur , neque refellit . Illud non me fugit , quod eius rei nullus ex antiquis scriptoribus meminit . De eadem re meminit Stapletonius de tribus Thomis in Apostolo .

De

Oros. lib. 3. hist.

B. Xauer. lib. 1. ep. 1. 13. 14. lib. 2. ep. 3. B. Xauer. l. 2. ep. 11. Xauer. epi. 3. lib. 2.

*Hieron. de
scr: p. Eccl.
in Tho.* De locis pluribus simul, in quibus B. Thomas Apostolus Sanctum Christi Evangelium divulgavit hæc extant in libro de scriptoribus Ecclesiasticis apud Sanctum Hieronymum: Thomas Apostolus, quemadmodum traditum est nobis, Parthis, & Medis, & Persis, & Germanis, & Hircanis, & Baëtris, & Magis prædicavit Evangelium Domini. Dormiuit in Ciuitate Calamina, quæ est Indix.

*Crucis à S. Thoma Apostolo sculptæ, grande prodigium.
Cap. 628.*

*Orf. Epif.
Silu. hyst.
lib. 3.*

HOC autem, quod admirabile est, Osorius Siluenfis Episcopus de S. Thoma sincerissima fide obtestatur res Indicas fidelissime pertrahens: In eadem, inquit, ciuitate, quam diximus appellari Malipurem, & nunc postquam à Lusitanis frequentari capit, B. Thomæ Ciuitas appellatur, erat in colle sacellum ædificatum, ed quod affirmarent incolæ in eo loco Thomam fuisse à religionis hostibus interfectum. Erat autem hoc solemniter institutum, ut in eo Sacello, octo diebus ante diem natalem Christi, res diuina fieret, & omnes Christiani eò conuenirent. Fuerat quoque ante quatuordecim annos in illo Colle innæta Crux, in lapide incisa, in cuius fastigio, columbæ imago infidebat; basis vero erat in specie quadam basis, & brachia in liliorum formam definebant. Arcus eam ex eodem lapide factus vndique muniebat. In arcu erant incisæ litteræ, quas nemo legere poterat. Totum hoc opus integrum, quod erat satis magnum, fuit super altare eiusdem sacelli multorum operis statutum. In cruce eminebant notæ sanguinis insignes. Accidit autem die, quo Christiani conueniebant, ut in eo fano salutationem ab Angelo factam sanctissimæ Virgini, octo dies antequam Christi natalis adueniret, celebrarent, cum Sacerdos, qui rem diuinam faciebat, Euangelium inchoaret, ut Crux in nigrum colorem verteretur, & liquor ex illa incredibili copia dimanaret; deinde color cæruleus pro nigro subiret. In locis autem, ubi notæ sanguinis extabant, rosæi coloris splendor eluxit; sequentibus deinde annis, eodem die, idem semper eueniebat. Nec enim alio die, quod magnam admirationem commouebat, id in illa cruce cernebatur. Fuit tamen aliquo tempore eius rei, quæ admirabilis omnibus videbatur, intermissio. Anno autem M. D. LXI. cum Christiani in eundem locum cum eadem pompa, & celebritate conuenirent, eo die, quo Crux, dum sacrificium fieret, stillare solebat, & Sacerdos Euangelium inchoaret (idem etiam admirandum videbatur, quod nunquam prius, quam Euangelium legi cœpisset, ea crucis mutatio fieret) crux repente nigris maculis, splendidis tamen, inficeretur. donec tandem alijs, atque alijs subeuntibus, tota nigresceret: ita vero splendebat, atque si fuisset oleo delibuta. Dum instar roris guttæ fluere cæperunt, quæ paulatim grandiores effectæ totam crucem humore largissimo compleuerunt. Pergit Sacerdos cum multis lachrymis, & crebro singuleu sacrificium, deinde ascendit in altare, & linteis, quibus in rebus sacris de more procurandis uti solebat, crucem exterfit. Lintea maculis sanguineis tincta reperta sunt. Ciuitatis Præfectus, & reliqua multitudo, quæ conuenerat, manus in cælum tendere, Christi nomen implorare, flagitiorum veniam postulare, & ad studium religionis arden.

ardentius excitari. Crux autem, postquam multo liquore fluxit, clarius splendere cepit, & color sanguineus euidentius eluxit. Hoc signum commouit & Præfectum Urbis, & primum sacerdotem, ut diligenter inquirerent, & quis esset, qui litteras illas interpretari posset? Aiunt Incolæ Narsingæ Regno esse Barchmanam, inter omnes Brachmanas litteris, & eruditione præstantem, qui varias linguas tenebat. Hominem continuo accersunt, & interrogant, an illas litteras nosset? Respondit, litteras esse prisca, quibus antiqui sapientes utebantur; negligentia vero hominū factum esse, ut earū cognitio interiret: quin etiam linguam, qua erant descriptæ, à paucis admodum teneri. Admonent illi Brachmanam, ut in altare ascendat. Restitit ille, & nefarium facinus esse dixit, altare in quo res diuina fieret, humanis pedibus conculcari: inuitus tamen subiit, & litteras perlegit, quarum, & vim eam esse dixit, ut una nota decem, & quindecim, & viginti litterarum officio fangeretur. Sententia vero litterarum in summa hæc erat: Thomam diuinum virum fuisse à Dei filio, cuius erat discipulus, in eas oras Segami Regis tempore missum, ut Dei summi notitia gentes illas erudiret. Ibiq. templum extruxisse, & res admirabiles effecisse; atq. tandem cum genibus flexis ad crucem illam affixus, orationem ad Deum funderet, a quodam Brachmano fuisse hasta transfixum: crucem vero eiusdem viri sanctissimi cruore tinctam, ad memoriam virtutis illius sempiternam relictam fuisse. Hæc erat sententia, quæ litteris continebatur. Fecit autem maiorem fidem alius eiusdem sectæ vir, aliunde accersitus, grandis admodum natu, & sapientiæ opinione præstans, qui litteras in eandem sententiam interpretatus est. Huius autem Crucis exemplum in eodem ligno, ex quo Templum ædificatum perhibent, insculptum cum litteris publicis multorum virorum testimonio consignatis, retineo: cuius fides tantis tunc argumentis explorata fuit, ut nemo possit de tam claris, atq. testatis viri diuini monumentis ambigere. Huciq. Orosius: quæ licet prolixiora, tamen haud incongrua videri possunt ad Apostolicas traditiones, tum de Ecclesiarum erectione. tum etiam de cruce in Ecclesia statuenda tanti Apostoli exemplo demonstrandas pariterq. firmandas. Perseuerauit in Ecclesia idem pristinus vsus, ut cum nouæ erigerentur Ecclesiæ, Cruces in titulum ponerentur, eademq. & sacris imaginibus ornarentur.

Ioannes Apostolus in Asiam profectus, doctrina, & miraculis innumeras conuertit gentes; fundat Ecclesias, alysq. Orientis regionibus Christum annunciat: à Proconsule Asiæ captus mittitur Romam; examinatur, mittitur in feruentis olei doctum, & exiens illasus, in Insulam relegatur. Cap. 629.

Ioannes Apostolus fuit is, quem Iesus amauit plurimum, filius Zebedæi, & frater Iacobi Apostoli, quem Herodes post passionem Domini decolauerat. Innocentia, ut auctor est S. Ioannes Chrysostomus, simplicior fuit ceteris Apostolis, virgoq. perpetuus: cui rei sancti Patres testimonio sunt, Hieronymus, Augustinus, Chrysostomus, Epiphanius, alijq. Referam verba Hieronymi: Ioannes vnus ex discipulis, qui minimus fuisse tra-

Hieron. de script. Ecc. c. 9.

Criso. ex varijs in Matth. locis in cōm. S. Pauli hōm. 22. 10. 2.

Hier. lib. 1. cont. Iouinianum.

dicur inter Apostolos, & quem fides Christi Virginem repererat, virgo permanfit: & ideo plus amatur à Domino, & recumbit super pectus Iesu: & quod Petrus, qui vxorem habuerat, interrogare non audet, illum rogat, vt interroget; & post resurrectionem, cum nunciasset Maria Magdalena, quod Dominus resurrexisset, vterq. cucurrit ad sepulchrum, sed ille prænuit: cumq. essent in naui, & piscarentur in Lacu Genesareth, Iesus stabat in littore, nec sciebant Apostoli, quem viderent: solus Virgo virginem agnoscit, & dixit Petro, Dominus est: & vt breui sermone multa comprehendam, doceamq. cuius priuilegij sit Ioannes, immo in Ioanne virginitas, à Domino Virgine, Mater Virgo, Virgini discipulo commendatur.

Is itaq. adolescens cum esset, in Apostolum electus est. Ait autem Beatus Hieronymus: Sed cur Ioannes virgo non est electus Ecclesiæ caput? Aetati delatum est, quia Petrus senior erat: ne adhuc adolescens, ac penè puer, progressæ ætatis hominibus præferretur &c. vt autem sciamus Ioannem tunc fuisse puerum, manifestissimè docent Ecclesiæ tabulæ, quod ad Traiani vixerit imperium, idest, post passionem Domini sexagesimo octauo anno dormierit. hæc ipse.

Aug. traçt. 124. in 10. Quæ non displicent Augustino, dum de eodem agens sic scribit: Sunt qui senserunt, & hi quidem non contemptibiles sacri eloquij tractatores, à Christo Ioannem Apostolum propterea plus amatum, quod neque vxorem duxit, & ab ineunte ætate castissimus vixerit. Hoc quidem in scripturis Canonicis non euidenter apparet: verumtamen, id quoque adiuuat congruentiam huiusce sententiæ, quod illa vita per eum significata est, vbi non erant nuptiæ.] hæc ipse, qui alibi nullas eum expertum esse nuptias testatur satis aperte.

lib. de bono coniugal. c. 21.

Matth. 4. Ioannem communem cum Petro, & Andrea Bethsaidam patriam habuisse, & piscatoriam cum patre, & fratre exercuisse, patet ex Matthæo, Marco, & Luca.

Luc. 5.
Ant. Gal. in suis m. f. de Sanct. 10. 1. p. 2.

Act. 4. & 5

Apoc. 1.

Chrysol. ho. 1. in Ioan.

Multa, magnaq. fecisse Ioannem nullus dubitat: horum autem pauca admodum ad nostram notitiam venerunt.

Ergo is beatus Piscator, cum vincula, carcerem, & virgas cum ceteris Apostolis Hierosolymis passus esset, tandem in Asiam Minorem, quæ prouincia, vt antiquissimi Patres tradunt, ei ad prædicandum Euangelium obtigerat, profectus, sanctissima Dei Matre secum adducta, doctrina, & miraculis innumerabiles homines ad Christum cōuertit, & Ecclesias fundauit: de quibus Ecclesijs mentionem facit in sua Apocalysi illis verbis: Ioannes septem Ecclesijs, quæ sunt in Asia. Quæ autem Ecclesiæ sint, infra docet, Scribe, inquit, in libro: & mitte septem Ecclesijs, quæ sunt in Asia, Epheso, & Smyrnæ, & Pergamo, & Thiatyræ, & Sardis, & Philadelphiz, & Laodicæ.

Quanto vero labore insudauerit sanctissimus Euangelista, vt gentem sibi commissam ad Christi fidem traheret, indicat S. Ioannes Chrysostomus, dū ait: Corpore quidem Ioannes habitauit Asiam, vbi antiquitus omnes Philosophorum sectæ philosophatæ sunt: idcirco is locus dæmonibus obnoxius est, & admodum formidabilis. In medio autem inimicorum claruit, illorumq. fugata caligine, arcem euertit quæmunitissimam.

Quod autem non semper in Asia manserit, sed alias quoque Orientis Regionibus

giones Christum annunciando peragruerit, doctissimi viri opinantur; ad Parthos enim venisse, titulus suæ ipsius primæ Epistolæ, quæ olim ad Parthos scripta legebatur, satis apertè indicat.

Quod Ioannes in Asia Euangelium prædicauerit, tradunt Origenes, Eusebius, Gregorius Nazianzenus, Chrysostomus, Hieronymus, alijq.

Quod verò Ioannes sanctissimam Virginem, secum in Asiam duxerit, ex Concilij Ephesini testimonio, doctissimi item viri probant.

Illis igitur Regionibus docente Ioanne, optimæ fidei magna quotidie fiebat accessio, iamq. horrendæ caliginis errorum, pulchritudini lucis locum dare incipiebant. Interim autem Dæmoni maligno non dabatur requies. Vidēs enim, & oculis certè inuidis intuitus pietatē adeò succrescere, cognita huius rei causa, omnem aduersus Ioannem mouet lapidem. Quid ergo submit consilij? Domitianum Vespasiani filium ingressus, qui post Titum obtinuit Imperium, per detestabiles ministros, cum illo aduersus pietatem decernit, Ioannemq. qui robur vniuersorum erat, tollere conatur: statimq. ipsum ab Asia in Europam ducit, & in exilium abducit.

Qui autem fuerint, quorum opera vsus Dæmon, Beatum Apostolum, tam acriter insecutus sit, ex antiquis non est qui indicet. Cæsar tamen Cardinalis Baronius de ea re hæc prodidit: Domitiano Augusto decimum quintum, & Nerua Cocceio secundum Coss. Ioannes Euangelista, qui Asianas Ecclesias curabat, atque Ephesi morabatur (sive inuidia Apollonij, quem fuisse in Christianos infensissimum, omnes puto facillè intelligere: ut qui ubique esset locorum, neminem suis aduersantem studijs, magis quàm Christianos haberet; sive fortasse Euphratis Philosophi desertoris, apud Domitianum agentis, his officijs assueti: aut opera Ebionis hæresiarchæ eiusdem Ioannis hostis acerbissimi, qui Romam venerat: vel aliter quoquomodo acciderit) ipse inquam Ioannes ad Domitianum Imperatorem reus impietatis à Proconsule Asiæ Romam victus mittitur.

Sed redeamus ad Metaphrastem: ipse itaq. his, quæ de Ioannis exilio dicere cœperat, hæc mox adiecit: Vbi enim in conspectum Imperatoris (Ioannes) venisset, & quis, & vnde ortus esset, quamq. profiteretur Religionem, & quemnam diceret esse venturum, interrogatus esset: Ioannem quidem, & vocatum esse; & à Iudæorum genere prodijisse, ac sodalitijs Christianorum esse respondet: se autem annuntiare hunc esse venturum, cuius thronus veluti luna præparatus, ac perfectus esset in seculum.

Vbi autem dixisset Imperator: Et quibus modis hæc confirmare poteris? Neque enim hæc sufficientia sunt ad faciendam fidem eorum, de quibus non est in promptu demonstratio: Morbi protinus, respondit ille, in nomine eius, & Dæmonum legiones pelluntur: reuiuiscunt eo iubente mortui, & iterum conuertantur inter viuentes.

Quibus, ò Rex (aiunt Ioannem dixisse) ne dubites, ab his, quæ apparent, coniecturam faciens eorum, quæ manifesta non sunt.

Porrò, quæ de Saturno, & Ioue, ceterisq. Dijs vestris feruntur, nisi sufficientes essent, qui ante nos demonstrassent, utiq. & ego facillè ostenderem, nihil esse in illis diuini, sed digna potius ingenti vituperio, risuq. ac demerita. Verùm enimvero deceptionis falsugine abiecta, satiare potius fonte potabili, ac dulcissimo. Hunc stupore simul, & ira correptum aiunt,

111

hinc

Greg. lib. 3
in Gen.

Euseb. lib.
3. c. 1.

Gregor. ad
Arian.

Chrysost. in
12. Apost.

Hieron. de
scrip. Eccl.
Ephesin. 10.
2. c. 26.

Baron. Xpi
anno 92.

Joan. 21. hinc quidem ob portenta ab ipso peracta: illinc verò ob id, quod Deos suos calumniaretur. Itaq. ad sermonis splendorem non accessit, ob tenebrarum, quæ in eius corde erant, crassitiem. Quod autem hunc non occiderit, dictus ad Petrum sermo prohibuit, puta: Sic eum volo manere donec veniam, quid ad te? sed perpetuo exilio condemnauit in vnam Sporadam Insularum relegans (Pathmos huic nomen erat.) Hæc ipse.

Pseudo Procor. lib. c. 10. In Pseudo Procori libro (si apochryphis uti placet) legimus sanctum Euangelistam ludibrij causa detonsum esse: cui quidem rei suffragari videntur tabulæ reliquiarum Lateranensis Basilicæ, in quibus ita scriptum est: Forfices, quibus Beatus Ioannes Euangelista attonsus fuit.

Tabul. Lateran. De poculo verò, in quo venenum ei, ut dicunt, per impios datum fuit, ita: Vas, quo idem Sanctus venenum bibit, & illi nihil nocuit: sed & catena, qua vincus de Vrbe Epheso Romam adductus est, ibidem legitur.

Quod de veneno scriptum est, Augustini testimonio quidam confirmantur, quippe qui cum Domino loquens: Pro tua, inquit, dulcedine gustanda, veneni poculum intrepidus Ioannes potauit.

Ea certè verba clara sunt; sed in Soliloquijs Augustini duobus libris distinctis non leguntur, nisi velimus librum Soliloquiorum animæ ad Deum, qui tomo nono operum eiusdem continetur, ab ipso Augustino editum esse, quod Louaniensis censura non admittit.

Hieron. ad Iulianum, lib. 1. Ergo veniamus ad ea, quæ certa sunt, de quibus ita Hieronymus ex Tertulliani libro de præscriptionibus aduersus hæreticos: Refert autem Tertullianus, quod Romæ (scilicet, ante portam Latinam) missus in feruentis olei dolium, purior & vegetior exiuerit, quàm intrauerit.

Hier. in c. 20. Math. Et alibi: Si legamus, inquit, Ecclesiasticas historias, in quibus fertur, quod & ipse propter martyrium sit missus in feruentis olei dolium, & inde ad suscipiendam coronam, Christi Athletæ processerit: statimq. relegatus in Pathmos Insulam sit: videbimus martyrio animum non defuisse, & bibisse Ioannem calicem passionis, quem & tres pueri in camino ignis biberunt; licet persecutor non fuderit sanguinem.

Apoc. 1. Ceterum de exilio suo Ioannes, hæc habet in Apocalypsi. Ego Ioannes frater vester, & particeps in tribulatione, & regno & patientia in Christo Iesu, fui in Insula, quæ appellatur Pathmos, propter verbum Dei, & testimonium Iesu. Fuisse autem eò relegatum ad effodienda metalla, sunt qui scribant.

Primasius, & Victorinus Pictauiensis, in comment. super Apocalypsin De script. Eccl. in Ioanne. De tempore quo hæc passus est, ita scribit S. Hieronymus, quem ceteri sequuntur: Quartodecimo igitur anno, secundam post Neronem persecutionem mouente Domitiano, in Pathmon Insulam relegatus.

Mar. Rom. 6. Maij. Demum in Ecclesia sancta, annua solemnitate recolitur is dies, quo Beatus Ioannes feruentis olei supplicium sustinuit. Hinc in Romano Martyrologio pridie nonas Maij, sic legimus: Romæ sancti Ioannis ante Portam Latinam, qui ab Epheso iussu Domitiani vincus Romam perductus, & iudicante Senatu, ante eandem Portam in olei feruentis dolium missus, purior & vegetior inde exiit, quàm intrauit.

Beda in Martyrol. Beda eandem historiam pluribus describit, additq. in fine: Ad commendandam ergo ipsius memoriam dignam, & pro fide Apostolica constantiam, Christiani Ecclesiam, venerationem eius gestantem, in supradicto loco ante Portam

Portam Latinam, præclaro, & miro opere construxerunt, ubi festi-
cursum pridie nonas Maij, vsque hodie faciunt. Eadem legere est apud
Vsuardum, & Adonem. Extat hodie memorata Ecclesia ad Portam Latinam,
quam magna fidelium multitudo Religionis causa, die, quam ante diximus,
visitare solet:

Ibidemq. instar gloriosi Trophæi, adhuc perstant hæc carmina in felice
sculpta:

Martyrij palmam tulit hic athleta IOANNES,

Principij Verbum cernere qui meruit.

Verberat hic fuste Proconsul, forcipe tondet,

Quem feruens oleum lædere non valuit.

Conditur hic oleum, dolium, cruor, atque capilli:

Quæ consecrantur inclita ROMA tibi.

Decebat equidem, ut is locus, in quo tantus Apostolus, tam immane
supplicium pro Christo sustinuerat, sacro aliquo ædificio, in eius rei memo-
riam sempiternam exornaretur.

*Ioannes pulchrum, & robustum adolescentem conuertit, & re-
lieto eo sub cura Episcopi, fit latro, & homines iugulat:*

Ioannes querens eum per sylvas, ac inueniens,

errantem ouem reducit. Cap. 630.

Mortuo Domitiano, successit Nerua Cocceius, cuius edicto de resti-
tuendis exilibus, de quo meminit Dio, Ioannes Ephesum liber re-
uertitur, ubi inter alia, ab eo gesta, hoc narrat Eusebius.

Sumamus igitur in manus historiam, & legamus, quæ ita se habet: Au-
dite fabulam: quid dixi fabulam? imò veram & certam historiam, de Ioan-
ne Apostolo memoratam, quæ & nobis constanter tradita est, & memoria
firmè custodita. (Hanc verò, quam mox subiiciam historiam, ne de ea dubi-
tes, non Eusebius modo, sed magnus Ioannes Chrysostomus amplectitur:
Metaphrastus eandem describit in encomio sancti Ioannis Evangelistæ.
Eandem alij quoque Auctores, & quidem graues, in suos libros retulerunt)
historia autem eiusmodi est, quam habet Eusebius loco citato: Vbi vero
Tyranno mortuo, nempe Domitiano, ex Insula Pathmo erat Ephesum re-
uersus, quorundam rogatu ad finitimas gentes proficiscitur, hic Episcopos
constitutus; illic integras Ecclesias ritè dispensaturus: alibi certos homi-
nes sibi Spiritus sancti instinctu demonstratos, in clerum delecturus. At cum
ad Urbem quamdam non longe inde distantem, cuius etiam nomen nonnul-
li memorant, se contulisset; & alia quoque officia, quæ ad animos fratrum
inter se dissidentium conciliandos pertinebant, obijisset: ad extremum ado-
lescentulum corporis viribus valentem, vultu, & oris conformatione venu-
stum, animi impetu flagrantem, fortè conspicatus, statim in eum, qui ibi
Episcopus erat constitutus, oculos conuertit, eumq. sic affatus est: Hunc
adolescentulum omni studio, cura, & cogitatione coram Ecclesia, & Chri-
sto teste, tibi tuq. fidei commendo. Quem cum Episcopus in suam tute-
lam accepisset, & omnia se facturum fuisset pollicitus, Ioannes eadem ite-

*Dio in Ner-
ua.*

*Euseb. hist.
lib. 3. c. 17*

*Ant. Gal.
in suis m. f.
de S. Ioan.
Chryses. ad
Theod. La-
psum.*

*Cassia. Col.
24. c. 21.*

*Antioch.
Monach.
serm. 122.*

rum, atque iterum illi edidit, eiusq. fidem contestatur. Ephesum deinde redit.

Episcopus ille adolescentulum sibi concreditum in domum suam recipiens, educauit pro suo, in officio continuit, fuitq. humaniter; ad extremum baptismi Sacramento illuminauit. Postea verò, vbi sigillo Domini (idest Sacramento Confirmationis) tanquàm perfecta tutaq. eius animæ custodia obsignasset, non nihil de cura, & obseruatione in eo instituendo suscepta remisit.

Quem quidem non solum liberior viuendi potestas, quam fuerat paulò ante tempus adeptus, verum etiam quidam adolescentes, eius æquales, otio languidi, inertia dissoluti, & omni malorum genere assuefacti corruerunt: Et primum exquisitis conuiuiorum opiparorum delicijs illum alliciunt, inuitumq. noctu deinde educentes, ad furti societatem coeundam attrahunt: tùm maiora moliri flagitia hortantur. Iste pedetentim assuescit; & propter generosam animi magnitudinem, tanquàm equus effrenatus, & nimium sibi, suisq. viribus præfidens, extra rectam viam impetu fertur; frenumq. acriter præmordens, procliuus in profundum vitiatorum gurgitem se præcipitat.

Atque, cum omnino iam in desperationem salutis in Deo fixa veniret, deinde non de exiguis noxis cogitauit, sed magnis quibusdam ac nefarijs facinoribus admissis, vbi semel omni improbitate, & nequitia perditus euaserat, nullam non sceleris labem, ex æquo cum alijs contrahere secum statuit. Illis igitur in familiaritatem adscitis, & magna latronum turba collecta, animo prompto, paratoq. se ducem manu violentissimum, sanguinis effusione crudelissimum, seueritate denique acerbissimum præbuit.

Interea temporis, vbi necessaria ad eam rem incidebat occasio, Ioannes accersitur. Ille vbi alias res, quarum gratia venerat, recta ratione disposuisset: Age, inquit, Episcope, depositum nobis redde, quod ego, & Christus, Ecclesia teste, quam gubernas, tibi commissimus. Hic primo attonitus obstupuit, arbitratus pecuniam, quam nunquàm acceperat, à se per fraudem, & dolum malum repeti: & tamen, neque facile credere poterat ea ab se reposci per calumniam, quæ neuitquam habuisset; neque Ioanni depositum repetenti omninò diffidere. Verùm simulatq. Ioannes dixerat: Adolescentulum repeto, & animam fratris: Senex demisso vultu ingemiscens, & item lachrymans: Ille, inquit, mortuus est. Quomodo, & quo genere mortis? Deo, inquit, mortuus est: nam nequam, & perditus, & vno verbo, latro euasit; & iam pro Ecclesia, in qua versabatur, montem cum nefaria hominum sui similibus turba occupat. Apostolus ergo veste dilacerata, ingenti cum gemitu caput feriens: Bonum, inquit, custodem animæ fratris tui te reliqui. Equus iam iam mihi adsit, & dux aliquis itineris. Inde ab Ecclesia, ita vt erat, festinatione se proripuit. Profectus autem ad locum; à primis latronum excubitoribus præhenditur: qui neque fugam parans, neque euitare studens, sed vociferans admodum dixit: Huc huius rei causa accessi; me ad Principem vestrum deducite: qui quidem ad tempus, vt erat armatus, expectabat.

Verùm vt Ioannem aduentantem agnouerat, præ pudore fugam capeffit. Hic verò ætatis suæ oblitus, illum pro viribus propere insequitur; atque clamans:

clamans: Quid, inquit, fili, me tuum ipsius patrem inermem, & ætate confectum fugis? Miserere laboris mei, fili, ne formides: adhuc tibi salutis spes reliqua est: Ego Christo pro te reddam rationem; & si sit opus, pro te libens mortem oppetam, sicut Dominus pro omnibus nobis: pro tua anima meam dabo: Consiste, crede; Christus me misit ad te. Ille ubi hæc audierat: primum oculis humi defixis, constitit; deinde arma abiecit: tùm horrore per-fusus, grauitèr, & acerbè lamentatus est: Senem ad se aduentantem com-plectitur, fletu & mæore, quoad poterat, pro culpa satisfacit: & dextera sola osculata, lachrymarum vnda secundo baptizatur. Apostolus rata, & constanti asseueratione, ei se à Salvatore veniam, & remissionem peccatorum precibus suis impetraturum pollicetur: atque ad genua accidens, ipsam manum dexteram, tanquàm aqua pœnitentiæ ablutam, purgatamq. oscula-tus, illum ad Ecclesiam reducit. Crebris item precibus Deum pro illo in-uocat, continuis ieiunijs vnà cum eo se macerat, varijs diuinæ sapientiæ sententijs eius animum, quasi quibusdam blanditijs mitigat, tranquillatq. neque prius, vt fertur, inde discessit, quàm illum Ecclesiæ ministerio præ-fecisset. Cuius conuersione magnum veræ pœnitentiæ exemplum, præcla-rum secundæ regenerationis specimen, illustre denique trophæum à pecca-tis resurrectionis, per exteriora pœnitentiæ signa, hominibus proposuit ad imitandum. Ista à Clemente hoc modo præscripta, tùm ad rei gestæ cogni-tionem, tùm ad vtilitatem legentium accomodata, istum locum obtineant. Hæc Eusebius.

Ioannes Apostolus videt in Asia Dionysium Areopagitam. Ner-ua Imperante redijt Ephesum, vbi Euangelium promulgat:

Eo scribente, fiunt tonitrua, & terrores complures, sicut cum accepit Moyses legem. Cap. 631.

V Enisse autem ad Ioannem, Dionysium, qui eo tempore in Oriente age-bat, vbi scilicet accepit ipsum in Asiam redijisse, conijecit ex ipsius Dionysij ad Ioannem epistola 10. Sed & de causa, qua motus Ioannes in Asiam reuersus fuerit, hæc scribit Baronius: Oportuit igitur, vt olim Pe-trum aduersus Simonem Magum, sic Ioannem magna virtute in Magum obniti, ne qui credidissent, eius malis artibus in præceptis adducerentur; & eo magis, cum præsertim recens esset exemplum, quo Apollonius ma-gnam de se apud Ephesios existimationem concitauerat.

Beatus Ioannes, nouissimus omnium (vt scribit sanctus Hieronymus) scrip-sit Euangelium, rogatus ab Asiæ Episcopis aduersus Cherinthum aliosq. Hæreticos, & maximè tunc Ebionitarum dogma confurgens, qui asserunt Christum ante Mariam non fuisse: vnde & compulsus est diuinam eius na-tiuitatem edicere. Sed & aliam quoque causam huius Scripturæ ferunt: quod cum legisset Matthæi, Marci, & Lucæ volumina, probauerit quidem textum historiz, & vera eos dixisse firmauerit, sed vnus tantum anni, in quo & passus est, post carcerem Ioannis, historiam texuisse. Prætermisso itaq. anno, cuius acta à tribus exposita fuerant, superioris temporis, ante-quàm Ioannes clauderetur in carcerem, gesta narrauit, sicut manifestum

*Hieron. de
scrip. Eccl.
c. 9.*

*Hier. pref.
in Matt.*

esse poterit his, qui diligenter quatuor Euangeliorum volumina legerint : Et alibi : Vltimus (ex his scilicet, qui Euangelium ediderunt) fuit Ioannes Apostolus, & Euangelista, quem Iesus amavit plurimum : qui supra pectus Domini recumbens, purissima doctrinarum fluentia potauit, & qui solus de Cruce meruit audire: Ecce mater tua. Is cum esset in Asia, & iam tunc Hæreticorum semina pullularent, Cherinthi, Ebionis & ceterorum, qui negabant Christum in carne venisse, quos & ipse in Epistola sua Antichristos vocat, & Apostolus Paulus frequenter percutit, coactus est ab omnibus penè tunc Asiæ Episcopis, & multarum Ecclesiarum legationibus, de diuinitate Saluatoris altius scribere, & ad ipsum, vt ita dicam, Dei verbum, non tam audaci, quàm felici temeritate prorumpere. Vnde & Ecclesiastica narrat historia, cum à fratribus cogeretur, vt scriberet: ita facturum se respondisse, si indicto ieiunio, in commune omnes Deum deprecarentur: quo expleto, reuelatione saturatus, illud proëmium è Cælo veniens eructauit: In principio erat Verbum: & Verbum erat apud Deum: & Deus erat Verbum.

*Euseb. hist.
lib. 3. c. 18.*

Eusebius, Hieronymo prior: Iam verò, inquit, vbi Marcus, & Lucas sua Euangelia in publicum protulissent, Ioannem, cui semper in more positum erat, prædicatione verbi, absque scriptis vti, tandem causa eiusmodi se ad scribendum applicuisse ferunt. Cum tria Euangelia iam dudum per scripta, cum in aliorum iam omnium, tum in ipsius etiam manus peruenissent, fama est eum ea magnopere approbauisse, & constanti, ratoq. testimonio omnia in illis verè fuisse scripta confirmasse: & solam illam explicationem nunc litteris mandandam restare censuisse, quæ res primo tempore à Christo in ipso suæ prædicationis principio gestas complecteretur. Et paucis interpositis: His igitur de causis, Ioannem tradunt, quorundam amicorum rogatu, tum ipsum tempus à superioribus Euangelistis silentio præteritum, tum res in eodem à Seruatore gestas (illæ quidem erant, quæ fuissent ante Ioannem Baptistam in vincula coniectum factitæ) in Euangelio suo posteritati tradidisse.

Reliqui tres Euangelistæ ea commemorant, quæ post Ioannem Baptistam in ergastulum contrusum, à Seruatore edita dicuntur.

*Euseb. li. 6.
c. 11.*

Et alibi ex Clemente; Ioannem, inquit, vtpotè Sacrosancti Spiritus impulsu commotum, postquam intellexit ea, quæ ad corpus, & humanitatem Christi spectabant in illis Euangelij explicata, quorundam familiarium, ac necessariorum rogatu, Euangelium spirituale post reliquos Euangelistas conscripsisse.

*Euseb. l. 5.
cap. 8.*

Et ex Irenæo, lib. 3. Ioannes Discipulus Domini, qui supra pectus eius recubuerat, dum Ephesi in Asia versabatur, Euangelium in lucem extulit. Editum autem esse sanctum Ioannis Euangelium per beatum Caium (eum dico, cuius meminit Paulus ad Romanos scribens.)

*Rom. 16.
Athanas. in
Synop.*

Ephesi, vbi Beatus Euangelista eam in Urbem Nerua imperante redijt post exilium, testatur præter ceteros S. Athanasius, loco citato: Epiphanius, alijq. Verba Epiphanijs, hæc sunt: Cogit Spiritus sanctus Ioannem recusantem Euangelium annuntiare, ob metum, & humilitatem, in senecta ipsius, post nonaginta annos vitæ eius, post reuersionem ipsius à Pathmo.

*Epiph. ha-
res. 51.*

Bar. an. 99

Hipp. apud

Cedrenū in

Nerua.

Refert ad hos Cæsar Cardinalis, Hippolitum Episcopum Portuensensem, & Martyrem, id ipsum sentientem.

Huc

Huc demum spectare videntur, quæ tradit Dionysius in Epistola, quam ad ipsum Ioannem scripsit, quippe ait: Ex Pathmi custodia dimittendus es liber, & in Asiaticam terram reuersurus, illicq. perages boni Dei imitationes, easq. posteris trades.] Quibus postremis verbis, eius Euangelium indicasse videtur, quod Ioannes posteris tradidit.

Narrat Metaph. mirum quid contigisse, cum Ioannes primum ad Euangelium scribendum accessit, illudq. (cum doctissimo Baronio proberetur, qui & coniecturas addit) in hunc locum referetur à nobis: Cum solutus Ioannes lege exilij Ephesum esset reuersurus, Insulani precibus agunt, ne recedat: quod cum persuadere non possent, secundæ faciunt petitionis initium; ne scilicet totum seipsum auferret, sed seipsum loquentem assiduo suis scriptis relinqueret; ut Christi Euangelium, & ea, quæ ipse viderat de Christo, scriberet. Annuit ille; & antequam opus aggrediretur, tùm sibi, tùm alijs indixit ieiunium: & Prochorum se sequi iubet, ac cum eo montis ascendit verticem, & more Samuelis rectus erigitur; sicut Moyse manibus eleuatis, effiguratur, & mentem à sensibus abstrahit: tuncq. horrenda tonitrua, terrores, & fulgura his similia, quæ antea Moyse legem recipienti contigerant, facta sunt. Ad extremum tonitrua in vocem exprimuntur, atque resonat: In Principio erat Verbum. Scripsit autem Ioannes & tres Epistolas, quæ inter Canonicas recensentur.

Dionys. ep.
10.

Metaph.
apud Lipo.
tom. 1.
Doroth. in
Synopsi.
Bar. an. 99

Ioannes ductus spiritu in balneum, Ebionis ibi commorantis impietatem detestatur. Cap. 632.

SANCTUS Ioannes prædicans in Asia, mirabile opus fecisse narratur ad veritatis delineationem. Cum enim vitam degeret admirandam, & dignitatem veritatis ipsius decentem, & penitus non lauaretur, coactus est à Spiritu sancto progredi, usque ad balneum, dixitq. Accipite mihi, quæ pertinent ad balneum, & cum comites ipsum sequentes mirarentur, venit ad ipsum balneum, & ubi peruenisset ad eum, qui lauantium vestes suscipere solet, interrogauit: Quis est intus in balneo? At olearius seruandis vestibus inseruiens (in Gymnasijs enim hoc officium est aliquorum, quotidiani alimentum acquirendi gratia) ad Ioannem dixit: Ebion intus est. Ioannes vero statim intelligens Spiritus sancti ductum, ob quam causam impulsisset ipsum, usque ad balneum venire (velut dixi) memoriæ videlicet gratia, ut relinqueret nobis veritatis argumentum, qui sint serui Christi, & Apostoli, ac filij eiusdem veritatis, qui verò vasa Diaboli, & portæ inferi non valentes contra Petram, & ædificatam super ipsam, sanctam Dei Ecclesiam statim, ubi se turbasset, & leuiter fleuisset, ut omnes audirent in testimonium, ac declarationem impollutæ veritatis doctrinæ: Festinate, inquit, fratres, egrediamur hinc, ne cadat balneum, & pereamus cum Ebione, qui intus est in balneo propter ipsius impietatem. Et nemo miretur de eo, quod audiit Ioannem cum Ebione congressum esse: multo enim tempore beatus Ioannes in vita permansit, & usque ad Traiani Regnum durauit.

Epiph. hæ.
10. 30.

Ioannes manibus perdicem demulcens, cuidam venatori, de hoc scandalum fumentis, eius rei reddit rationem.

Cap. 633.

Cassia. coll.
34. c. 21.

Fertur Beatissimus Euangelista Ioannes, cum perdicem manibus molli-
ter demulceret, quendam ad se habitu venatorio venientem subito con-
spexisse. Qui miratus, quod vir tantæ opinionis, ac famæ ad tam parua,
& humilia se oblectamenta submitteret: Tunc es, inquit, ille Ioannes, cuius
fama insignis, ac celeberrima me quoque summo desiderio tuæ agnitionis
illexit? Cur ergo oblectamentis tam vilibus occuparis? Cui Beatus Ioan-
nes: Quid est, inquit, quod manu tua gestas? At ille: Arcus: & cur ait, non
eum tensum semper utique circumfers? cui ille respondit: Non oportet, ne
iugi curuamine rigoris fortitudo laxata mollescat, atque depereat, & cum
oportuerit, ut fortiora in aliquam feram spicula dirigantur, rigore iam per
nimietatem continuz tensionis amisso, violentior ictus non possit emitti.
Nec nostri, inquit, Beatus Ioannes animi te offendat, ò Iuuenis, tam parua
hæc, brevisq; laxatio, quæ nisi remissione quadam rigorem intentionis suæ
interdum releuet, ac relaxet, irremisso vigore lentescens, virtuti spiritus, cum
necessitas poscet, obsecundare non poterit.

*Ioannes in fine vite, vltimum relinquit discipulis suis documen-
tum, ut se mutuo amore diligant.* Cap. 634.

S. Hier. cō-
mēt. in ep.
ad Galat.
lib. 3. c. 6.
Aug. tract.
124. in Io.
tom. 9.
Hieron. de
scrip. Ecl.
c. 9.

Hier. eod.
lib. c. 45.

Eus. lib. 3.
hist. c. 25.
lib. 5. c. 23.

Epiph. bar.
31.

Beatus Ioannes Euangelista, cum Ephesi moraretur, vsque ad vltimam
senectutem, & vix inter discipulorum manus ad Ecclesiam deferretur;
nec posset in plura vocem verba contexere, nihil aliud per singulas solebat
proferre collectas, nisi hoc: Filioli, diligite alterutrum. Tandem Discipu-
li, & fratres rædio affecti, quod eadem semper audirent, dixerunt: Magister,
quare semper hoc loqueris? qui respondit dignam Ioanne sententiam: Quia
præceptum Domini est, & si solum fiat, sufficit.
Ergo Beatus Ioannes, ut scribit S. Hieronymus, confectus senio, sexagesimo
octauo post passionem Domini anno mortuus (hoc est, Christi anno centesi-
mo primo, Traiani secundo, Clementis Papæ anno nono) iuxta eandem
Vrbem sepultus est. Et infra ex Polycrate Ephesiorum Episcopo, qui Seue-
ri Principis temporibus floruit: Sed & Ioannes, inquit, qui super pectus
Domini recubuit, & Pontifex fuit, auream laminam in fronte portans, mar-
tyr, & doctor in Epheso dormiuit. Eadem ex eodem Polycrate legere est
apud Eusebium varijs in locis.

De ætatis anno, quo Ioannes obierit, variè sentiunt Scriptores: Baronius
eam quæstionem diligentissime examinans, aliorum sententijs reiectis, ipsum
ætatis anno tertio, & nonagesimo obiisse tradit, cui quidem suffragari vi-
detur Beatus Epiphanius, dum ait, Ioannem Euangelium edidisse post an-
num vitæ nonagesimum, vbi Ephesum reuertit: quod triennio ante obitum
contigit: quieuit enim Ioannes anno Imperij Traiani secundo: de qua re
videndi sunt S. Hieronymus loco citato, & in c. 9. Danielis: & Eusebius in
Cronico, itemq; Epiphanius hæresi sexagesima sexta.

Quod

Quod scribit B. Augustinus iussisse sanctum Euangelistam sibi fieri sepulchrum: Metaphrastes, Petrus Damiani, & Nicephorus, idem narrant: Ioannes Euiratus, grauissimus auctor, in Prato spirituali, de quibusdam Monachis scribit, qui incolumes iusserunt sibi fieri sepulchrum, eoq. effosso, in illud ingressi, confestim dormierunt. Et de morte duorum Anachoretarum scribens. hæc prodidit:

*Metaphr. in Ioan.
Petrus Damiani ser.
2. de S. Io.
Niceph. lib.
2. cap. 42.*

Duo Anachoretæ effodiunt sibi sepulchrum, altero defuncto, alter sepulturam ingressus, collocans se supra defunctum continuò reddidit spiritum. 635.

DVO Anachoretæ erant supra Rosum in monte, qui dicitur Phterigius propè Piapen fluium, & iuxta Monasterium Abbatis Theodosij in Scopulo. Erat autem ex his alter senex, alter iunior, senisq. discipulus. Cum vero defunctus esset senex, facta oratione discipulus sepeliuit eum in monte. Post dies vero paucos descendens de monte Anachoretæ discipulus, venit iuxta loca habitabilia, inuenitq. hominem quendam exercentem terram, & ait illi: Fac charitatem frater, accipe fossorium, & sarculum, & veni mecum. Rusticus vero continuò secutus est eum. Cumq. venisset in montem ostendit Anachoretæ seculari sepulchrum Senis sui, & dixit: Fode hic: cū autem effodisset sepulchrum, Anachoretæ stetit ad orationem: finita vero oratione osculatus est secularem dicens: Ora pro me frater. Descendens collocauit semetipsum supra senem suum, & continuò reddidit spiritum. Secularis vero, rursus aperto sepulchro, Deo gratias egit. Hæc autem idcirco hoc in loco commemorata sunt, vt ostendatur, quæ de Ioanne Apostolo narrantur, inuerisimilia non esse.

In Præto Spiritual. c. 90 de mor. duor. Anachoret. ac c. 93.

Apud sepulchrum eius miracula plurima sunt, & puluis ipse medelam confert infirmis. Cap. 636.

FIERI autem ad locum, vbi sepultus quiescit, miracula, multi sunt, qui affirmant: Ioannes Chrysostomus idipsum indicat dicens: Ioannes diuina tractans mysteria, etiam post mortem, tanquam viuus Ephesum curat. Mira alij narrant de puluere sepulchri eiusdem beatissimi Euangelistæ: in ijsq. Metaphr. qui hæc prodidit.

Chrysos. hom. in 12. Apostol. lib.

In hoc sacro loco minutus quidam puluis manat, ac exoritur, cuius accedenti medelam ab omni morbo suppedians. Cum igitur in nocturnis laudibus festi ipsius, ab his, qui in eo ministrant, tradatur cœtibz ad hoc congregatis, non facile exauritur. Sed quo amplius hauriunt, tanto magis manat, velut perpetuus quidam thesaurus, qui simul, & participantes reddit ditiores, ac se ipso abundantior semper efficitur. Sed de puluere sepulchri eius audiamus Augustinum, qui dū eorum opinionem refellit, qui Beatum Euangelistam intra sepulchrum viuere adhuc dicebant, ita scribit.

Sed cui placet, adhuc resistat, & dicat, & asserat, Apostolum Ioannem viuere; atq. in illo sepulchro eius, quod est apud Ephesum, dormire eum potius, quam mortuum iacere contendat. Assumat in argumentum, quod illic

Aug. tract. 124. in Io.

illic terra sensim scatere, & quasi ebullire perhibetur: atque hoc eius anhelu fieri, siue constanter, siue pertinaciter asseueret. Et infra: Sepultum fuisse (Ioannem) dormientem, & donec Christus veniat sic manere, suamq. vitam scaturigine pulueris indicare: qui puluis creditur, vt ab imo ad superficiem tumuli ascendat, statu quiescentis impelli: Huic opinioni superuacaneum existimo reluctari. Viderint enim, qui hunc locum sciunt, vtrum hoc ibi faciat, vel patiat terra, quod dicitur: quia & re vera non à leuibus hominibus id audiuius.] ac demum: Si autem (quod magis creditur) ideò S. Ioannes ait: non dixisse Dominum, non moritur, ne illis verbis, quæ dixit, hoc voluisse intelligi putaretur; corpusq. eius in sepulchro eius exanime sicut aliorum mortuorum iacet: restat, vt, si verè ibi sit, quod sparsit fama de terra, quæ subindè ablata succrescit; aut ideò fiat, vt eo modo commendetur pretiosa eius mors, quoniam non eam commendat martyrium (non enim eum pro fide Christi persecutor occidit) aut propter aliquod aliud, quod nos latet.] Hæc de his Sanctus Doctor.

Philippus Apostolus penè totam Scythiam ad Christi fidem prædicando perduxit, deinde pro eadem fide gloriosè moritur.

Cap. 637.

DE rebus à Philippo Apostolo gestis nihil est quod scribendum sit, nisi quis in Apochripa incidere velit. In Breuiario Romano hæc habentur de eo.

*Ex Breuiario.
Rom. in eo
festo 1. die
Maij.*

Philippus, Bethsaidæ natus, vnus ex duodecim Apostolis, qui primùm à Christo Domino vocati sunt: a quo cum accepisset Nathanael, venisse Messiam in lege promissum, ad Dominum deductus est. Quàm vero Christus eum familiariter adhiberet, illud facile declarat, quod Gentiles Salvatore videre cupientes, ad Philippum accesserunt: & Dominus cum in solitudine hominum multitudinem pascere vellet, sic Philippum affatus est: Vnde ememus panes, vt manducant hi? Is, accepto Spiritu sancto, cum ei Scythia ad prædicandum Euangelium obtigisset, omnem fere illam gentem ad Christianam fidem conuertit. Postremò cum Hierapolim Phrygiæ venisset, pro Christi nomine cruci affixus, lapidibusq. obrutus est, Kal. Maij. Eius corpus ibidem à Christianis sepultum, postea Romam delatum, in Basilica duodecim Apostolorum, vnà cum corpore B. Iacobi Apostoli conditum est.

Admirabilis, & diuinitus facta conuersio Publicani Matthæi, qui postea Christi discipulus factus, quæ proprijs oculis vidit, & auribus audiuit, & manus eius contrectauerunt, conscripsit, & mundo tanquam inestimabilis valoris thesaurum tradidit. Cap. 638.

*Lorin in A-
cta Apost.
Cory. hem.
31. 5. Matth.*

NVLLA illustrior vocatio, quàm Matthæi, in qua cum Dei misericordia, quæ quodammodò magis apparuit in alijs humilioribus Apostolis, potentia valdè eluxit, sicut, & in conuersione Pauli, vt Chrysostomus

mus aduertit, quodd summum, ac primum inter Publicanos, vt Metaph. ait, locum teneret, qui cum alijs, etiam Gentilibus infensissimi erant, teste Marco Tullio.

Hieronymus vero efficaciam vocationis aduersus Porphyrium, & Iulianum Apostatam, propter fulgorem, & maiestatem diuinitatis occultæ, quæ etiam in humana facie Christi relucebat, qua ex primo ad se videntes trahere poterat aspectu, præclara comparatione demonstrat magnetis, & succini, quorum hæc vis est, vt anulos, & stipulas, & festucas sibi copulent.

Conuiuium amplum celebrauit, ad edendum lætitiæ de sua conuersione signum, & grati animi erga Christum indicium, & vt domesticis Vale diceret, vt Elitzus fecerat ab Elia vocatus (ille ab aratro, hic à sœnore, quod τήκος Græci vocant, quod plus gignat, quàm aratum, & profeminatum, fit) atque vt occasionem Christo præberet plures alios doctrina imbuendi, vt inquit Euthymius, & Chrysologus, confirmantes exemplo Zachæ; & vt rationes exercitij sui redderet.

Inter omnes planè sanctos, qui cælesti gloriæ de triumphato mundo victoriæ titulos intulerunt, B. Matthæus mihi videtur insignis. atq. conspicuus, & quendam inter eos dignitatis obtinere primatum: atq. vt clarius dicam, nemo post Christum est, cui magis debeat sancta vniuersalis Ecclesia. Nam quod mundus viuere, hæc est causa, quia lux nobis Euangelica coruscavit. Constat autem, quia primus omnium Matthæus, hebraico stylo Euangelium scripsit, sicq. his, qui erant ex circūcisione, fidelibus, Christiani fidei quoddam quasi speculum procurauit. Quia igitur ad sanctum Euangelium describendum primus iste prorupit, scribendi ceteris Euangelistis viam præcessor aperuit, & tanquam dux vexillum sequentibus prætulit, suæq. eos exemplo, vt scriberent, incitauit.

Illi ergo debemus Euangelium, quæ Euangelicæ narrationis constat intulisse principium: & quem aliorum nouimus primum, non ambigimus inter eos cuiusdam priuilegij tenere primatum. Vnusquisque nimirum trium Euangelistarum, beati Matthæi librum, antequàm suum inciperet, nouit, & (sicut sibi diuinitus inspiratum est) non superfluum cooperationem sui laboris adiunxit. Eorum quippe fuerat, præparare fideliter animos ad scribendum: Dei autem erat in id, quod vellet, dirigere stylum.

Matthæus Apostolus conscripto Euangelio patrio sermone, ad prædicandum inuentam apud Christum veritatem, in regiones, quæ sibi obtigerant, se confert. Venit in Aethyopiam, prædicat Euangelium, conuertit gentes plurimas; magnis miraculis rem testans. Regem ipsum, & Reginam, & Iphigeniam nobilem virginem lucrata Christo, docet regulas castitatis, & pro veritate, & virtute moritur. Cap. 639.

Matthæus Apostolus, Christo in Cælos ascenso, prius omnium sanctum Euangelium Hebraicè, vt cuncti Patres testantur, conscripsit: Matthæus, ait S. Ioannes Chrysostomus, accedentibus his, qui ex Iudæis Christo crediderant, & rogantibus, vt quæ verbis docuisset, hæc eis in litteris seruan-

Metaph. a-
pud Sur.
ad 2. Fra-
trum lib. 1.
epist. 1. &
5. ver.
Matth. 9.

3. Reg. 19.

Euthym. in
Matth. 9.

Luc. 19.

B. Pet. Da-
mian. de S.
Matth.

Chrysost. in
hom. 1. in
Matth.

*Euseb. l. 3.
hystor. cap.
& S. Iren. &
alijs.*

*Euseb. li. 9.
c. 10.*

*Atanasius
in Synopsi.*

*Euseb. in
Gronick.*

*Martyrol.
21. Sept.*

*Clem. Alex-
andr. in
Pad. lib. 2.
c. 1.*

*Beda 11.
Kal. Octob.
& Meta-
phrast.*

*Ex m. f. Æ-
tiq. Eccl.
Salern.*

*Romanum
Beda Vsu-
ardi, & A-
donis.*

seruanda dimitteret, Hebræo dicitur Euangelium scripsisse sermone. Et Eusebius, Chrysostomo prior: Matthæus, inquit, cum iam antea Hebræis Verbum Dei prædicasset, simul ac in animo habuit ad alias gentes proficisci, Euangelium suum patrio sermone conscripsit: & quod illis, à quibus decessit, deesse, dum præsens apud eos erat, videbatur, illud sedulitate, & labore scribendi omnibus suis quasi numeris expleuit. Sanctum Matthæi Euangelium secum detulere sanctissimi Apostoli Bartholomæus, & Barnabas, ut illud recens ad fidem conuersis gentibus relinquerent: A Iacobo autem Apostolo illud ipsum explanatum esse, auctor est S. Athanasius, cum ait: Euangelium secundum Matthæum, ab ipso, Hebraica dialecto conscriptum est, & editum Hierosolymis; & interpretante Iacobo fratre Domini secundum carnem, expositum est.

Scripto itaq. Euangelio, quod Christi anno quadragesimo secundo, Eusebio teste, ediderat, non longè post, anno scilicet quadragesimo quarto, & Claudij Imperatoris secundo, in Aethyopiam, quæ in partitione Prouinciarum ei obtigerat, veniens, Christum prædicauit, ac prædicationem multis miraculis confirmauit: Denique sanctissimus Apostolus, ut Martyrologia tradunt, martyrium pro Christi gloria sustinuit. Beda autem hæc addit: Missusq. est spiculator ab Hirtaco Rege, qui eum gladio feriebat, efficiens Martyrem Christi. Non prætermittendum, quod de eius abstinentia scribit Clemens Alexandrinus, his verbis: Matthæus Apostolus itaq. feminibus, baccis, & oleribus, absque carnibus utebatur. Sed non desunt, qui dicant, eum Macedonibus, & Parthis sanctum Euangelium annunciaffe. Apud Aethyopes, ad quos profectum esse ante diximus, illorum Regem & uxorem eius, cum Iphigenia virgine, alijsq. permultis ad Christi fidem conuertit. De Iphigenia in Ecclesiasticis tabulis, his verbis mentio habetur: In Aethyopia sanctæ Iphigeniæ virginis, quæ à B. Matthæo Apostolo baptizata, & Deo dicata, sancto fine quieuit. De feris gentibus à Matthæo ad Christum conuersis, ita legitur in Breuiario veteri Toletano: Qui solus axem feruidum aggressus, truces populos ardentiori spiritu flammauit igne cælitus] & paulò post: Castis edoctam regulis Plebem lucratur arduam, Regalibusq. atrijs vitæ fundit Oracula. In Breuiario Isidoriano de eius martyrio hæc extant.

Qui post multa miracula,
Et sanctæ vitæ præmia,
Hoc sacri prædicaminis
Cæsus dictus occubuit.

Nam Hirtacus Rex illi iratus, quod eius barbaricæ libidinis optatis nuptijs, cum Iphigenia virgine, Deo dicata, obstitisset, ad sacrum sanctum Altare sacris Mistræ peractis orantem interfici iussit vndecimo Kal. Octobris, ibiq. sanctissimum eius corpus est humatum.] His suffragari videtur, quod ex libello Græcè scripto de duodecim Apostolis, quem S. Hippolito adscribunt, refert Cæsar Cardinalis, nempe Matthæum factum victimam virginittatis.] Et in Romano Breuiario eadem eius martyrij causa narratur.

Ceterum in Aethyopia sanctum Matthæum coronatum esse Martyrologia docent, & præsertim Romanum, apud quod ita legimus: In Aethiopia prædicans, martyrium passus est. De ciuitate autem, in qua martyrium per-

pertulit, siue sepultus est, est inter scriptores dissensio : nos autem sequimur Venantium Fortunatum, qui ante mille annos vixit, de ea re ita scribentem :

*Fortunatus
de vita eter-
na gaudys.*

Indè triumphantem fert India Bartholomæum.

Matthæum eximium, Naddauer, alta virum.

Et de partu Virginis, vbi de Andrea, Ioanne, & Matthæo loquitur :

Quos Patra, quos Ephesus, Naddauer Arce tenet.

Sed non præteribo, quod de eodem scribit Metaph. ex priscis (opinor) monumentis : Presbyteros, ait, & Diaconos (apud Aethyopes) constituit, singulis diebus concionem habens ad populum, partim ad veritatem retinendam illos adhortans, partim mysteria tradens : eos vero, qui languoribus, & morbis, vel Dæmonum malitia oppressi, de vita periclitabantur, verbo, & manus attractu ab omnibus molestijs statim liberabat. Hæc & alia Metaph. apud Lipomanum.

*Lipoman
tom. 5.*

*Quidam febricitans, in ardentissima siti aquam ab uxore postu-
lans, nec recipiens, iterum indignabundus eam inuocato Diabolo
petit, & bibens, Diabolum quasi deglutisset, vexatur ab eo : &
male tortus, bibens aquam in qua Dens Sancti Matthæi immer-
sus fuerat, liberatur. Cap. 640.*

Est apud S. Clementem Romanum, Matthæi nomine Apostolica consti- tutio de aqua benedictione sanctificanda : cuius occasione referemus hic miraculum Salerni editum.

*Clem. Cōst.
l. 8. c. 19.*

Apud Principem Gisulphum habitabat Rothilda soror eius, quæ fuerat Arnulphi Beneuentanorum Principis Vxor, & tunc temporis vidua apud fratrem erat. Familiaris eius quidam, cui Stephano nomen erat, cum va- letudinarius esset, nocte quadam vehementissima siti corripitur, vxorem suam excitat, aquam adferri iubet, cumq. vxor varijs id rationibus differ- ret in longum, vir denique satis impatiens, Diabolum magnis vocibus in- uocauit, & indignabundus adhuc gelidam efflagitauit. Obsequitur tandem vxor, inuocationibus illis perterrita ; adducit aquæ cyathum prægrandem ; arripuit illum Stephanus, & cum ebiberet auidissimè, factum est, vt Dæ- monem simul cum aqua sorberet ; à quo confestim cepit torqueri miserè : Id cum vxor animaduertisset, illicò tremens ad Rothildam dominam accur- rit, & viri infortunium enarrat ; ea refert idipsum Gisulpho Principi ; nec mora, totam rem aulici omnes rescuere : qui cubiculum ingressi, vbi Ste- phanus à Dæmone vexabatur, illum arctissimis vinculis ligant, & ad Beati Petri Apostoli sacellum, quod in Regia Principis erat, adducunt ; ibiq. to- tam noctem agunt, nec vnquam à vexatione cessauit iniquus spiritus ; quamobrem cum remedium aliud aulici non haberent, Stephani ipsius piè miserebantur.

*M. Anton.
Masil. Co-
lūna i. vit.
S. Matth.*

Porro sequenti die ad Præsulem, & Urbis Pontificem res tota defertur, qui festinanter ad locum properat ; ac Stephanum ita vexatum respiciens ; monuit omnes, vt ad Deum pias ex animo preces effunderent, vt miserum illum à perfidi hostis insidijs, atque cruciatibus, pro sua bonitate, ac mi- ricordia liberaret. Orant singuli Deum enixè pro Stephani sanitate. Sed adhuc ille miserabilis angebatur.

Inte-

Interea monachus Athanasius, qui forte fortuna tunc Salerni reperiebatur, cum hæc rescivisset, ad Rothildam se confert, indicat habere se, Episcopi Pæstani munere, dentem Apostoli beatissimi Matthæi, cuius ipse, adversus malos spiritus, virtutem sæpius agnouerat; proinde sperare se si manu Præfulis, in lustralem aquam immitteretur, eamq. mox Dæmoniacus biberet, futurum ut statim gloriosi Apostoli meritis, à Stephano malus ille Dæmon recederet. Probat Rothilda consilium; Rogat itaque Præfulem, ut dentem sacrum accipiat, aquam benedictam attingat, Stephano bibendam offerat. Nihil eorum spernit Religiosus Antistes, aquam lustralem signo Crucis munit; iterum, & tertio dentem infundit in ipsam. Imperat deinde Stephano, ut bibat, eumq. ad id compellunt inuitum. Cæpit tunc acrius diuexari; quod immundus ille spiritus à parte superiori tentabat egressum, cui tamen facerille potus obstabat: quare cum omnino sibi exeundum intelligeret, ab inferiori parte abiit; Stephanum liberum ab omni vexatione reliquit, maxima cum omnium admiratione. Planè cum dentem à Rothilda mox repeteret Athanasius, tametsi diu, multumq. illum summis precibus efflagitavit, non potuit tamen à vidua recuperare, quocircà lubens reliquit, quod sese vidit omnimodo relicturum, hincquè dens postea fuit cruci argenteæ insertus.

*Genebr. in
Chron. an.
102.*

De Matthæo, vel ipsi Christianæ fidei hostes, fatentur, quod Mariam seruandæ Virginitatis votum Deo primam vouisse prædicauerit: de meritis credentium docuerit: Quadagesimæ ieiunium commendauerit: Virginem Deo consecratam, nefas esse nubere affirmauerit: Ducentas amplius Virgines consecrauerit in cælibatu, & velamen eis sacrum imposuerit: quod deniquè Missam populo Aethiopico dederit.

*Acta Bar-
naba.*

At vero D. Opt. Max. providentia factum fuit, ut sanctum Matthæi Euangelium per annos fere 426. sepultum, eodem Apostolo reuelante, in lucem prodierit, non magis ad sacri Euangelistæ gloriam, quàm ad Christianæ fidei stabilitatem. Constat enim Diuum Barnabam in humanis agentem, & fide propria, & Beati Matthæi meritis, ægros omnes ab vrgenti morbo liberos reddidisse, quos sacro illo volumine tetigisset. Refert Curo-palates Euangelij librum in fornace ardente ad horas aliquot illæsum permansisse: Quod conspicati Barbari, miraculi magnitudine perculsi, sine vlla controuersia, ad Baptismum confugere.

*Io. Curo-
pal. in Basil.
Zonar. An-
nal. to. 3. in
Basil. Ma-
ced.*

Simon Cananeus, & Thadaus Apostoli disseminato in assignatis regionibus diuino Euangelio, propter opera excelsa, quæ egerunt, & propter mortem quam passi sunt, æternas coronas commeruerunt. Cap. 641.

*Martyrol.
Rom. Red.
Ado. V. suar
die 28.
Urbob.*

DE Simone autem, & Thadæo Apostolis pauca admodum sciuntur. In Martyrologio Romano hæc habentur. Natalis Beatorum Apostolorum Simonis Chananæi, & Thadæi, qui, & Iudas dicitur: quorum Simon in Aegypto, Thadæus in Mesopotamia, Euangelium prædicauit: deinde in Persidem simul ingressi, cum innumeram gentis illius multitudinem Christo subdidissent, martyrium consummarunt.]

Vc

Venantius Fortunatus, de eorum in Persidē aduentu, ac obitu hæc cecinit:

Hinc Simonem, & Iudam, lumen quos Persa gemellum.

Læta relaxato mittit ad astra sinu.

Nicephorus, & alij, alios quoque commemorant locos, in quibus perhibent Simonem, & Iudam Evangelium prædicasse; sed de ijs apud Antiquiores nihil habetur.

In Breuiario Toletano veteri, is hymnus de eisdem Sanctis Apostolis legitur.

Itote populi, psallite præpetes,
Iudas cum socio Simone, calibes
In festa vadant coetibus inclitis:
Iam cunctis tribuunt gaudia seruulis.
Vox ecce resonat principis Etheri.
Vouentes illico reddite seruuli
Vota, quæ Domino promittitis incliti,
Vt vestrum accipiant munus Apostoli.
Dignum est nunc precibus promere canticum:
Dignumq. superum stringere principem,
Det suis vt populis nunc piè gratiam:
Det post Aetheream consequi patriam.
Ac nexu scelerum iam sibi tradito,
Adesse valeant principi calico,
Ac tempto crimine tramite præuio,
Afflati maneant rite Paracrito.
Sic Iudas populos instruat, & Simon,
Sub Christo placido currere tramite,
Seruare monita legibus indita,
Suprema vt valeant consequi præmia.
Sit trino Domino gloria vnico, &c.

Hæc Genus Breuiarium Toletanum.

Isidorianum verò eorum Martyrij in orationibus meminit, his verbis: Deus, qui Sanctis Apostolis tuis Simoni, & Iudæ durum martyrij gradum scandere, & velle tribuis, & posse concedis, &c.

Et infra in capitulis: Hi sunt, Domine veridici patroni, qui suscipientes securi sententiam currunt lætantes ad palmam: festinant hilares ad coronā, per quorum intercessionem tu Domine Deus omnipotens, quemadmodum martyres, & Apostolos tuos Simonem, & Iudam Diaboli versutia liberos præstitisti, ita nos indignos famulos tuos eorum facias misericordiam adipisci.

Infra idem legitur. De locis vero vbi prædicarunt, nihil in eo exstat scriptum.

Quo autem mortis genere affecti sint, antiquorum nemo docet: Martyrologia non tradunt: ex recentioribus Græcis, Nicephorus loco ante citato opinatur, Simonem Cruci affixum martyrium consummasse:

Græci Auctores in Menologio, hæc habent.

Die decima Maij: Sancti Apostoli Simonis Zelotæ; Hic Simon, Evangelij prædicationem in omnem Mauritaniam, & Aphrorum regionem sparsit:

Venant. de Gaud. & spe vita æterna. Niceph. l. 2. c. 40. Isidorus de vita, & morte San. Etor. c. 79. & 81. 82. & alij.

Menol. die 10. Maij.

fit : Britanniam profectus, cum multos Euangelij verbo illustrasset, ab infidelibus crucifixus, illic sepultus est, qui mores habuit zelo, quem nomine præferebat, congruentes.

De sancto Iudæ sic, Die decimanona Iunij.

Luc. 6. Sancti Iudæ Apostoli : Hic in Euangelio Lucæ, & in Actibus Apostolorum Iudas nominatur : apud Matthæum verò, & Marcum Thadæus, & Lebaeus appellatur, frater secundum carnem Domini nostri Iesu Christi; & germanus Iacobi fratris Domini : Hic (addit mox Menologium) epistolam scripsit Spiritu sancto plenam, qui & prædicatione sua infideles homines conuertit, & apud Mesopotamiam Euangelium Gentibus disseminans, verbo Christi pietatem regionibus illis prædicauit, &c. & paulò post: In Arispoli ab infidelibus suspensus, & sagittis vulneratus, spiritum Deo ipsi commendauit.

In vit. S. Bernar. lib. 5. c. 2. De Reliquijs S. Thadæi mentionem facit Gofridus Clareuallensis Monachus, in vita S. Bernardi, sub finem, cum ait : Sepultus est autem (S. Bernardus) vndecimo Kal. eiusdem mensis, nempe Septembris; sed & pectori eius ipso in tumulo capsula superposita est, in qua Beati Thadæi Apostoli Reliquiæ continentur; quas eodem anno ab Hierosolymis sibi missas, suo iussu rat corpori superponi: eo utiq. fidei, ac deuotionis intuitu, vt eidem Apostolo in die communis resurrectionis adhæreat. Hæc Gofridus. Sanctorum Simonis, & Iudæ corpora, Romæ in Basilica S. Petri asseruari, traditur.

S. Matthias Apostolorum postremus prædicat, & ipse per loca ad qua missus est, Euangelium Christi, & martyrio vitam honestat. Cap. 642.

AA. DE Matthia etiam Apostolo pauca sunt, quæ sciuntur.

Rom. Mar. in Festo ei. De eius in Apostolum electione, in lib. Act. Apost. dictum est. Romanum Martyrologium de eo, hæc habet: In Iudæa natalis S. Matthiæ Apostoli, qui post Ascensionem Domini ab Apostolis in locum Iudæ proditoris sortè electus, pro Euangelij prædicatione martyrium passus est. Hæc Martyrologium. Menologium de ipso sic, die nona Augusti. Certamen S. Apostoli Matthiæ, qui vnus ex septuaginta, connumeratus est cum duodecim Apostolis pro Iuda Ischariothe: prædicauit autem Euangelium in Aethyopia, vbi multis pro Christi fide superatis tormentis, spiritum Deo reddidit. Ista Menolog. In qua autem Prouincia Euangelium prædicauerit, antiquioribus suboscuro fuisse videtur: Nam Origenes, Eusebius, Gregorius Nazianzenus, Chrysostomus, Rufinus, Theodoretus, & Socrates, cum de alijs Apostolis agunt, loca nimirum, in quibus Dei verbum disseminarunt, recensentes, Matthiam prætereunt. Verum qui post ipsos scripserunt (quamquam vnde hauserint ignoratur) locos speciatim referunt, in quibus eum prædicasse perhibent: Sophronius, & Nicephorus, & Menologium in Aethyopia eum prædicasse tradunt. Auctor lib. de Patribus veteris, & noui Testamenti, qui Isidori nomine fertur, de eiusdem prædicatione, ita scribit: Cui datur Euangelium prædicationis in Iudæa.

Sophr. apud Hieron. de script. Eccl. Niceph. lib. 2. c. 40. Isidor. de Sanctis veteris & noui Testamenti c. 80. Euseb. li. 1. hist. c. 12. Eusebius de eo, hæc litteris consignauit: Matthiam porro, qui erat pro Iuda proditore in numerum Apostolorum adscriptus, & illum, qui pari suffragio

fragio ad Apostolaturn petendũ dignus putabatur, vnum ex septuaginta discipulis appellatum, constans fama est. Et alibi: Primum igitur, Mathias, *Euseb. l. 3. cap. 1.* qui (vt supra monstrauius) vnus ex Domini discipulorum grege fuit, ad Apostolaturn gerendum pro Iuda sorte delectus est. Hæc Eusebius.

S. Matthiæ corpus Romæ in Basilica S. Mariæ Maioris asseruatur.

In veteri eius Ecclesiæ manu exarato Codice hæc leguntur:

Quam Basilicam idem Pontifex (nempe Liberius) in honorem Dei, & Beati Mariæ Virginis consecrauit: in qua quidem sibi præsepe Domini, cunabula videlicet, foenum cum pannis nostri Redemptoris, in eiusdem præsepis Altari, miro ordine reuerenter cum multis alijs Apostolorum, Martyrum, Confessorum, atque Virginum Reliquijs, quorũ nomina superuacaneum est nominare, collocauit. Et post pauca: Ante quod quidẽ Altare (maius) sub lapide porphiretico S. Matthiæ corpus requiescit: cuius quidem beneficia, plenius effectibus in ipsa Ecclesia exuberant quotidie. Hactenus manuscriptus Codex.

*Manu scri-
pti. S. Ma-
rie maior.*

Quo tempore, quouẽ matyrij genere obierit: quo demum anno eius sacratissimum corpus Romam delatum sit, cum antiquorum nemo tradat, in obscuro est. Et de S. Matthia hæc dicta sufficiant.

Clemens Alexandrinus Stromatum lib. 4. in fine: Sanctorum Apostolorum res gestas se vidisse, indicare videtur dicens: Apostoli autem, fuere pleni in omnibus: Inuenies itaq. si volueris, ex eorum rebus gestis, & scriptis, eorum cognitionem, vitam, prædicationem, iustitiam, castitatem, prophetiam.] Hæc ille: sed ea Apostolorum Acta exciderunt: nisi illa intelligeret Auctor, quæ sanctissimus Lucas scriptis prodidit. At hæc ipsum non puto intellexisse. &c.

De Sancta Maria Magdalena. Cap. 643.

Reliquum est, vt post Apostolos B. Maria Magdalena, quæ exiit Apostolorum Apostola, & toti Ecclesiæ lucidissimum exemplum penitentis fulsit, huius libri cursum præfinit. Aliæ historiæ, & præclara exempla, quæ successiuis temporibus contigerunt (sunt autem plurima, & memoratu digna) si Deo placitum fuerit, sequentibus libris, quos elaboramus, commemorabuntur.

Historia B. Mariæ Magdalene plene habetur apud Euangelistas, qui famosam eius conuersionem, & alia de ea referunt. Sedulius autem vetustius Poeta actionem illam memorabilem accessus ipsius ad Christum his carminibus eleganter descripsit.

*Matth. 26.
Mar. 14.
Luc. 7.
Ioan. 12.*

Post Dominus Pharisæa petens conuiuia cene,

Orantis dapibus sese impertiuit amici.

Tunc mulier, quam fama nocens, & plurima vitæ

Mordebant delicta suæ, clementia supplex

Corruit amplectens vestigia, quæque profusus

Irrigat incumbens lachrymis, & crine soluto

Nec tergere sacras, nec cessat lambere plantas,

Vnguento fragrantæ fouens, sententia doner

Læta Dei, quem ferre manum non poenitet vnquam,

Si nos poeniteat veterem quæsisse ruinam.

K k k

Vade,

Ex Sedulie.

Vade, fides, mulier, tua te saluauit ab omni,
 Dixisset, quodcunque malum gessisse videris:
 Vtere pace mea. Magna est medicina fateri
 Quod nocet abscondi. Quoniam sua vulnera nutrit:
 Qui tegit, & plagam trepidat nudare medenti.
 En polluta diu, modicum purgata recessit
 Per gemitum, propriq. lauans se gurgite fletus,
 Munda suis lachrymis redit, & deterfa capillis.

Prædictio Christi, quod Magdalene actio ipsius in conuersione, ubique Euangelium prædicatum fuerit in toto mundo, prædicanda esset, magno stupore, & in superioribus seculis adimpleta fuit, & hodie non cessat adimpleri.

Cap. 644.

Matth. 26.

Io. Chrysos.
 sup. Matth.
 c. 26. hom.
 81.

Hoc autem in conuersione ista inter cetera gestum est, in persona huius mulieris admiratione dignum, ut Christus ipse Dominus ore proprio propheticum enuntium ipsius Magdalene prædixerit. Futurum enim dixit, ut actio illa Magdalene circa Christum facta, prædicaretur ubique Euangelium prædicaretur, hoc est, in Orbe vniuerso: Euangelium enim ut omni creatura prædicaretur iusserat. Quod quidem aliquid ingerit auribus stupore dignum. Nam factum iam videmus post mille, & sexcentos annos, per tot curricula seculorum, quod sciendum esse Christus prænuñciauit: ubique enim prædicationis fulgor refusus est, ibi Magdalene gesta prædicata sunt, & hodie prædicantur. Et certe nec insignis quædam, & nobilis fuit persona: nec multitudine testium res celebrata est, nec in theatro, sed in domo, & in domo Leprosi confecta, ubi discipuli solummodò aderant. Quid igitur tam abiectione peccatricis factum ita exclamauit, ut per totum sic Orbem, & ab omnibus audiretur? Virtus profecto eius, qui hæc prædixerat.

Nec enim cogitari potest, qua ratione prædicatio huiusmodi verificari potuisset, nisi is, qui dixit, fuisset Deus, qui in æternitate constitutus sciret, quæ futura sunt, & omnipotentia sua operari posset, ut fierent ea, quæ humanis viribus fieri non possunt. Et quidem Regum, atque Imperatorum res gestæ, quorum nonnulla remanent monumenta, omnino tacentur: & de plerisque eorum, qui Vrbes coadiderunt, moenia crexerunt, bella gesserunt, trophæa statuerunt, multasq. gentes subiugarunt, quamuis, & statuas sibi fecerint, & leges sanxerint, nulla tamen sit mentio: multique ipsorum, nec nomine quidem extant. Quod autem peccatrix mulier, in priuata domo, coram priuatis testibus oleum super pedes illos effuderit, id per vniuersum Orbem, tanto tempore transacto, decantatur: Et Indi, Scithæ, Thraces, Sauromatæ, quique Mauritaniam, quique Orchadas Insulas incolunt, quod in domicilio pauperis, ab impudica fuerat factum muliere, magna prædicant voce, & per præterita secula semper prædicatum est, & per futura prædicabitur.

Quod quidem maximum, & perpetuum miraculum est factum, & milies replicatum ab eo, qui facit mirabilia magna solus, & qui nunc coram oculis

oculis nostris facit illud ; & nos hodie lætamur datum esse nobis , vt calamo nostro huius excelsæ mulieris laudabile facinus scribendo, libri huius nostri terminum huiusmodi prædicatione , quasi aureo sigillo consignemus . Vt hinc Christi gloria , & splendor magis elucescat , qui æterno hoc miraculo apud homines testatum esse voluerit , quanti faciat , & quantopere cor eius exhilaret peccatricis animæ vera , & libera , & pulchra poenitudo . Et quàm ei gratum sit , cum homo peccator , relicto abominabili peccato , dolens , & confidens prouoluitur ad pedes eius , & præ dolore lachrymis rigat , & præ animi firma deliberatione fugiendi à facie peccati, capillis extergit , & propter abundantiam feruidi amoris osculatur , & nimia , tantus deuotione, pretioso perfundit vnguento .

Voluit autem, quod in omnibus vicis, oppidis, ciuitatibus, regionibus, & regnis, donec durabunt dies, vsquæ ad fines seculorum, hæc B. mulieris prædicaretur actio, tum vt eius conuersio omnium ore laudaretur, tum vt homines intelligerent, quanta esset erga peccatores optimi Domini benignitas, & mansuetudo, patientia, & dignatio, qui peccatores etiam flagitiose peccantes, cum poenitentiam peccatorum proferunt, tam amanter recipit, & tam benignè peccata dimittit, vt nullus peccator, aliud in peccatore Christi residere cogitare possit, quàm misericordias magnas, & miserationes perpetuas, & inexhaustum gratiarum pelagus .

Migratio B. Magdalene in Gallias Dei prouidentia facta, & successus eius in solitudinem. Cap. 645.

Fertur, in Discipulorum dispersione, Mariam Magdalenam cum Lazaro, & Martha, & Marcella pedissequa, in quos Iudæi maiori odio exarscebant, non tam Hierosolymis pulsos fuisse, sed vnà cum Maximino discipulo, naui absquæ remigio, & velo impositos in certum periculum vastissimo mari fuisse creditos, quos diuina prouidentia Massiliam tradunt apulisse, comitemq. ferunt eiuldem discriminis fuisse Iosephum ab Arimathea, nobilem Decurionem, quem tradunt ex Gallia in Britanniam nauigasse, illicq. post prædicatum Euangelium, diem clausisse extremum.

*Act. Magd.
& Soc. ex
M. S. hi-
stor. Angl.
qua habetur
in Vas.
Biblioth.*

Magdalenā verò, poenitentæ gratia, in regionibus illis in solitudinem secessisse, vt assueta pedibus Domini, & orationis optimæ parti, contemplandæ celestis beatitudinis sese daret.

Ostenditur autem hodie spelunca illa, quam inhabitauit. Ad quam cum aliquando Franciscus Petrarca nobilissimus poeta deuotionis gratia peruenisset, ibi ornatissima carmina in memoriam suæ peregrinationis scripta reliquit, quæ ab exemplari in Oratorio illic appenso, penè oblitterato, descriptis in eodem loco Ludouicus Viualdus Ordinis Prædicatorum, vt ipse fateatur in aureo opere suo de veritate contritionis. Sunt autem huiusmodi.

Dulcis amica Dei, lachrymis inflectere nostris :

Atque meas intende preces, nostræq. saluti

Consule, namq. potes : neque enim tibi tangere frustra

Permissum, gemituq. pedes perfundere sacros,

Et nitidis siccare comis, ferre oscula plantis,

Inq. caput Domini speciosos spargere odores

K k k 2 Nes

Nec tibi congressus primos, à morte resurgens,
 Et voces audire suas, & membra videre,
 Immortale decus, lumenq. habitura per æuum,
 Nequicquam dedit ætherei Rex Christus Olympi.
 Viderat ille cruci hærentem, nec dira pauentem
 Iudaicæ tormenta manus, turbæq. furentis
 Iurgia, & insultus, æquantes verbera linguis:
 Sed mæstam, intrepidamq. simul digitisq. cruentos
 Tractantem clauos, implentem vulnera fletu:
 Pectora tundentem violentis candida pugnīs:
 Vellentem flauos manibus sine more capillos:
 Viderat hæc, inquam, dum pectora fida suorum
 Diffugerent pellente metu: memor ergo reuiscit
 Te primam ante alios, tibi se prius obtulit vni:
 Te quoque digressus terris, & ad astra reuersus,
 Bis tria lustra cibi nunquam mortalis egentem
 Rupe sub hac aluit; tam longo tempore solis
 Diuinis contenta epulis, & rore salubri.
 Hæc domus arcta tibi stillantibus humida saxis,
 Horrifico tenebrosa situ, tecta aurea Regum,
 Delitias omnes, ac ditia vicerat arua.
 Hic inclusa libens longis vestita capillis,
 Veste carens alios ter denos passa Decembres
 Diceris, hic non fracta gelu, nec victa pauore:
 Namq. famem, frigus, durum quoque saxa cubile,
 Dulcia fecit amor, spesq. alto pectore fixa,
 Hic hominum non visa oculis, stipata cateruis
 Angelicis, septemq. die subuecta per horas,
 Cælestes audire choros, alterna canentes
 Carmina corporeo de carcere digna fuisti.

Ad mulierem hanc magnam, quicumque peccatores confugerunt, &
 eius opem in fugiendis peccatis implorarunt, aut aduersitatibus propel-
 lendis, quæ à Deo separant, perceperunt auxilia eius: promptè enim, &
 benignè omnibus peccatoribus succurrere nouit.

*Carolus, Rex Sicilia, in captiuitate positus, admonitus, ut ad B.
 Magdalenam confugeret, apparente ei Sancta Muliere, præ-
 sens eius auxilium experitur. Cap. 646.*

*Syluest. Pri-
 or. in Au-
 ren Ros. in
 expetit. E-
 uag. fer. v.
 infra. oib.
 Pasch.*

CAROLUS, Rex Siciliae Secundus, & Comes Prouinciæ circa annum Do-
 mini millesimum ducentesium septuagesimum nonum, bello nauali
 cum Rege Aragonum congressus, victus, & captiuatus est, & apud Bar-
 cinonem moriturus, diro carceri mancipatur. Cumq. omni humana spe
 destitutus, indubitatam mortem expectaret in breui, à Magistro Guilielmo
 de Tonnais Ordinis Prædicatorum, confessore suo, monitus est, ut Magdale-
 nam, quæ in terris sibi subiectis prædicauerat, poenituerat, & obierat, in
 auxilium aduocaret; qui statim firma spe de meritis eius concepta, ieiunio,

nio, confessione, & lachrymis ei se commendauit. Ecce autem in ipsa vigilia festiuitatis B. Mariæ Magdalene nocte astitit Matrona pulcherri-
ma, Carolum voce sonora, & proprio nomine vocans, preces eius exauditas commemorans, & vt se velocius sequeretur indicans: cumq. pro captiua familia sua ille precaretur: sequere, inquit, me, & sequentur tui omnes, sic autem factum est. Post paululum vero cum aliquantisper processissent, illa firmato gradu, & se inuocatam Magdalenam esse commemorans: Scis ait, vbi sis modo? At ille, intra muros, ait, adhuc sumus Barcinonis, si non fallor: Falleris, inquit, sed iam es intra terminos tui principatus, & prope Narbonam ad milliare vnum. (Sunt autem inter Barcinonem, & Narbonam plus tres magnæ dietæ, & triginta amplius milharia) Tunc ille perfusus lachrymis, quid, inquit, ò Domina, gratum rependere pro tanto beneficio possum? Dicam, inquit: Cum instante bello quodam, corpus meum de meo sepulchro sublatum, & loco eius aliud suppositum fuisset, vt fallerentur inimici, si meum corpus asportare voluissent, ita factum est. Vnde in eodem loco adhuc iacent reliquæ meæ, alijs loco earum sublatis: illuc perge, & eas talibus signis inuenies; nam eo in loco vitis est, quam sequens de ore meo prodisse videbis, & ibi est caput meum nudum, excepta ea carne, quam Saluator mundi in horto tetigit, cum eius volui tenere vestigia: Capilli omnes interierunt, exceptis his, quibus pedes Domini tetigeram: iuxta caput est ampulla plena terra madefacta sanguine Christi, quam sub cruce collegi, & semper, quam diu vixi, in memoriam Domini mei seruaui. Cum hæc inuenies, honore digno eleuabis, & locum meæ mortis, & meæ poenitentiae fratribus meis, idest, Prædicatoribus trades. Ego enim prædica-
trix, & Apostola fui conuentui loci in quo decessi: redditus pro centum fra-
tribus assignabis, vt semper ibi vigeat studium generale. His dictis dispa-
ruit. Atque ita factum est, vt gloriosa sancta imperauerat. Ille vero fa-
cto iam die, Narbonam cernens, in eo loco, in quo Magdalena disparuit, crucem figi iussit, quæ vsquæ in præsens Crux de Leuca dicitur. Profectus vero ad regnum, monasteria duodecim vel plura ordinis eiusdem Prædicatorum fabricauit, atq. dotauit: in quibus de Magdalena vsquæ in hodiernum diem memoria agitur quotidie.

*B. Maria Magdalena, Romæ supra Monasterium sibi dedica-
tum astant, ab impijs militibus grassatoribus illud mirabili-
ter tuetur. Cap. 547.*

Contigit autem hoc seculo nostro, sicut retulit Angelo Salutio, veneran-
do Congregationis nostræ Presbytero Emilius Massarius de Aspra in Sa-
binis, magnæ probitatis sacerdos: Quod eo tempore, quo Borbonius Dux
Hispanici exercitus Vrbem cum armis & militibus temerario ausu, incio,
& inuito Carolo Quinto, ingressus est (cuius quidem temeritatis vlci-
scente Petro, & Paulo poenas dedit, nam in ingressu ipso, Bombardæ ictu percus-
sus infelicitè occubuit) contigit inquam, vt dum milites, vndique Vrbem
vastant, quorundam militum turma ad expugnandum monasterium, quod
mulieres, quas Conuersas nuncupant, inhabitare solent, B. Magdalene tu-
telæ dicatum, militari licentia cucurrerit. Dum autem Conuersæ moniales

*Sur. in cō-
ment. verū
in Orb. ge-
starum.*

K k k 3 in

in summo discrimine constituta cum ploratu, & clamoribus ad beatæ mulieris patrocinium sese convertissent, & suspiria, & orationes in cælum iaculatae essent, vnde sperabant auxilium: ecce supra monasterium Magdalena, aspectu terribilis, & diuino fulgore coruscans afficit, euaginatoq. gladio perditis militibus, iam monasterium obsidentibus minitatur, terroremq. mortis incutit, nisi à patrando scelere abstineant. Quapropter perterrefacti milites, & nimio metu consternati, animum mutant. Et non solum monasterium non violant, sicut constituerant, sed omnes vnanimes monasterij defensionem suscipiunt, expugnantes, & repellentes quocunque monasterio vim inferre conabantur. E sic B. Magdalena patronio sacra illa domus hoc modo ab instanti periculo erepta est.

Laus, & gratiarum actio Deo nostro, qui est benedictus in secula.

FINIS.



INDEX

INDEX. 887



A

- A**bagari Regis Edessæ epistola ad Iesum Christum. pag. 189
Abagarum Regem ad fidem conuertit S. Thadæus Apostolus. 488
Abstractio mentis diuina meditantis, quæ crebro accideret S. Thomæ Aquinasi. 531
Actuum Apostolorum historię dignitas, & fructus. 799. & seq.
Adā terrenus, quid præstiterit hominibus generatione sua. 336
Adā, ubi mortuus est, ibidem Christus crucifixus. 214
Adolens in Apostolum electus S. Io. Euangelista. 864
Adolens conuertit S. Io. Apost. 867. & eundem corruptum, & latrocinij operam dātem recuperat. 868
In Adolens quā decora castitas uirginalis. 572. & seq.
Adolens quā pernicioſa societas malorum. 572 & seqq.
Aduētus summi Regis cælestis in Orbem terrarum. 108
Aduētus Christi in mundum cur dilatus sit, & manifestatus nouissimis temporibus. 729 & seqq.
Aduētum Christi Domini cur Deus longe ante mundo innoscere uoluerit. 74. & seqq.
Egrotos multos sanat S. Paulus Apostolus in Melita insula. 685
Eneas paraliticus illico sanatur à S. Petro. 455
Ethyopia Romanum Pontificē ut Christi vicarium adorat. 258
In Ethiopiam proficiscitur S. Matthæus. 736
Annium, & consanguineorum fidelium precibus miseretur Deus aliorum de eorum familia infidelium. 414. & 418
Agrippa Rex ab Alexandrinis Magno ludibrio excipitur. 477 Idem Iudaicę Religionis obseruantissimus vexat fideles; occidit Iacobum fratrem Ioannis gladio. 489
Aleator blasphemans B. Virginem Mariam, punitur horribiliter in ore. 137
Alexandrina Ecclesia semper habita est Patriarchalis, quia fuit à Petro fundata. 756
Alexandriam mittitur S. Marcus. 764
Alexij Imperatoris constitutio contra eos, qui Ecclesiastica in profanos vsus auferunt, & vsurpant. 599
Eiſdem confessio, & accusatio contra se ipsum, quod præfatum scelus admiserit. ibid.
Anānias, & vxor eius pœnas dant dicij mendacij. 395
Anastasiſ Imperator, Romanorum Pontificum scelestissimus persecutor, igne cælitus misso, uiuus exurit. 578
Anna prophetissa Redemptorem omnium uenisse nunciavit. 177
S. Andreas Apostolus sequitur Christum. 853
S. Andreas Apostolus, post passionem Domini mittitur in Græciam, & alias Pro uincias. 735
Ad fidem Christi doctrina, & miraculis innumerabiles homines conuertit. 853
In carcerem truditur. ibid.
Morte crucis condemnatur. ibid.
Martyrio coronatur. 853 & seqq.
Miraculis coruscet, nam eius sepulchrum

I N D E X.

- chrum profert manna in modum fari-
 næ, vel oleum odoratum. 854
 Eius Reliquias, quidam eripit per me-
 dias flammæ illæsus. 854
 Laborantem calculo, morti vicinum
 liberat. 855
 Monachum è Monasterio fugere co-
 gitantem redire facit ad cor. 857
 Monachum grauissime ægrotantem à
 morte eripit. 858
 Apparet in somnis Regi cuidam, &
 pollicetur ei de hostibus victoriam,
 qua mirabiliter potitus est. 859
 Angelus defendit S. Marcellum fortiter
 pro pietate certantem. 567
 Angelus lucidissimus pulchram, & nobi-
 lem virginem Christianam, ad lupanar
 ductam defendit, & seruat inuiolatam.
 558. & seq.
 Angelus in somnis admonet Dominum,
 domus ruituræ. 574
 Idem beneficium quibusdam venatori-
 bus sub specu ruitura latentibus præsti-
 terunt Angeli. 575
 Angelus Domini liberat à carcere Mona-
 chos à Iuliano Apostata detentos. 538
 Angelus fulgurans, qui resuscitato Do-
 mino super lapidè monumenti in can-
 didis vestibus astitit. 322
 Angelus pauperis specie stipem à B. Phi-
 lippo Nerio accipit. 473
 Angeli Cæsij Episcopi Tudertini pietas,
 & insignis beneficentia erga Congre-
 gationem Oratorij Romæ. 679
 Angeli diffinitio. 555. & 558. officium.
 Cur Deus illum fecerit. 555
 Angeli ministerio pulcherrimam Paradisi
 visionem habet egrotus, sicq. qui prius
 amaro animo moriebatur, libenter su-
 scipit mortem. 575
 Angeli, quomodo ad nos diuina, & inui-
 sibilis Dei deferunt circumuoluta. 551
 Quomodo diuinitatis similitudinem
 participant, & pulchri sunt, & ordi-
 natè illustrationes suas hominibus
 participant. 552. & seq.
 Cur Angeli nominentur. 554
 Angelicamm Hierarchiarum per mystica
 signa inspectio. 551
 Angelorum aduentus ad Resurrectionem
 D. N. Iesu Christi. 331
 Angelorum auxilio Romani victoriam
 consequuntur ex Sarracenis centum mil-
 libus, se metu in Euphratem præcipi-
 tantibus. 569
 Angelorum dominium in creatura cor-
 poreæ. Eorundem scientia. 555
 Angelorum exercitus, signo S. Crucis
 præeunte, fugât hostes Alphonfi Con-
 gorum Regis. 257
 Angelorum pars in superbiam elata ceci-
 dit à gloria sua. 555
 Angelorum stupenda, & admirabilis tu-
 tela erga senem quendam naufragum.
 560. & seqq.
 Angelo duce, Christianorum exercitus ex
 magnis angustiis incolumis ad propria
 restituitur. 570
 ab Angelis adiuta meretrix, ad Deum
 conuersa, sacramentum Baptismi susci-
 pit. 570
 de Angelis enarrationes ex Patribus. 550.
 & seqq.
 Angelis refertam domum Dei videbat
 omni ferè tempore S. Io. Chrysostomus,
 cum sacrificium incruentum of-
 ferebat in Templo. 566
 Angliæ Rex abdicat connubium non le-
 gitimum, & suscipit fidem Christi.
 849
 Animæ immortalitas. 694
 Animas decipere, & perdere tentat Dia-
 bolus multis artibus. 718. & seqq.
 Animæ defunctorum quorundam appa-
 rent visibili specie cuidam, docentq.
 &c. 660. & seqq.
 Animi passiones in adolescente quàm
 potentes sint. 822. & seqq.
 Antiochena Ecclesia semper habita est
 Patriarchalis, quia fuit à Petro funda-
 ta. 756
 Antiochenæ Ecclesiæ cessit S. Petrus, Ro-
 mana Cathedra fundata. 761
 Antiphonam: Sub tuum præsidium, re-
 citabat sæpius quidam quotidie. 114.
 & seqq.
 S. Antonius Magnus veritatem fidei Chri-
 stianæ tuetur, & probat contra Gen-
 tiles Philosophos. 719. & seqq.
 Apostolus Iudæorū, dictus S. Petrus. 771
 Apo-

I N D E X.

287

- Apostoli**, qui Symbolum fidei confecerunt. 609
- Apostoli Petrus**, & **Paulus** qua de causa morte damnati fuerint à **Nerone**. 820. & 830
- Apostoli** proficiscuntur ad prædicandum Euangelium gentibus. 709
- Apostoli** ad partes Orbis terrarum proficiscuntur ad prædicandum Euangelium. 733. & seqq. usque ad 737
- Apostolorum** Actuum historiae dignitas, & fructus. 799. & seq.
- Apostolorum** constantia, & fortitudo in propaganda fide Christi. 394. & 396
- Apostolorum** noua retia, & instrumenta piscandi rationales pisces. 732
- Aqua** multorum fontium, & fluuiorum conuersa in vinum, repetito per annos miraculo, eadem hora, qua Christus in nuptijs aquam itidem conuertit in vinum. 188
- Aqua** Probatice Piscine cum moueretur, sanabat ab omnibus infirmitatibus. 96
- Aqua** fontis Siloe, erumpentis ad radices montis Sion, virtutes. 210
- Aquam** benedictam bibens, in qua immersus fuerat dens S. Matthæ, liberatur à vexatione Diaboli. 1877
- Arbor** excelsa proficiscente Iesu in Ægyptum, se se usque ad terram inflexit. 163
- Arboris** perpetuitas, ex qua à Iudeis cunibus in occursum Christo, rami excisunt. 211
- Armenie** Rex à S. Bartholomæo perducitur ad fidem Christi. 860
- in Armeniam** maiorem, & citeriorem, Indiam proficiscitur S. Bartholomæus 736
- in Armenia** Martyrium subit S. Bartholomæus. 860
- Arnobius**, insignis philosophus, à cultu falsorum Deorum ad fidem Christi conuertitur. 20
- Ars** manualia S. Pauli Apostoli. 778
- Artem** manuariam, qualem, cur, & quando didicerit S. Paulus Apostolus. 778
- Arundo**, & spongia, per quam acetum Domino propinatum est. 269
- Ascensio** D. N. Iesu Christi ad cælos. 341. & seq.
- Ascensio** Christi ad cælos. 693
- Ascensionis** Dominicæ die Festo, virgo quædam humilis, cupiens videre Dominum, obtinuit ex hac vita migrare. 347
- Ascensionis** Dominicæ in loco miles deuotus petit mori, & exauditur à Domino. 348
- in Asiam** migrat Ioannes Apostolus. 734
- in Asiam** minorem proficiscitur S. Io. Evangelista. 864
- in Asiam** superiorem, & alia loca proficiscitur S. Philippus. 736
- Aspre** à Petro Apostolo curatur, baptizatur, Neapolis Episcopus ordinatur. 759. Idem multa signa & prodigia operatur. ibid.
- Athenis** in Arcopago prædicat S. Paulus. 791
- Athenienses** circa cultum Deorum retinendum acres, & valde solliciti. 793
- Athenienses** Romanis leges dederunt circa diuinum cultum. ibid.
- Atheniensium** olim delicia in exhibendo cultu Dijs nefandis. 24
- Auarus**, & blasphemus in B. Virginem, horribiliter punitur. 138
- Auctoris** intentio in recitandis ijs, quæ his libris continentur. 366
- S. Augustini** ardor charitatis, pro conuersione nobilis, & eruditi adolescentis. 386
- Augustus** Romanorum Imperator Christi typum expressit. 88
- Aulæ** Regum terræ, honore, & dignitate longe inferiores sunt, sepulchris Apostolorum Petri, & Pauli. 838. & seq.
- Aurelij** Cassiodori litteræ ad Ioannem Romanum Pontificem. 639. Eiusdem edictum de subleuata inopia, quo Regis munificentia mirifice commendatur. 642
- Aurum** immensum Templi Hierosolymitani in potestatem Romanorum, qua ratione peruenerit, & cuius rei hoc esset typus. 70. & seqq.

B

B **Abylonij**, ope Danielis fraudes agnoscunt Sacerdotum Idoli Bel. 14

Baccha-

I N D E X.

- Bacchanalia Gentilium . 17. & 30
 Bacchus, qui & Dionysius dicebatur, &
 nefanda Bacchanalia à Gētilibus olim
 celebrata . 17. 18. & 19
 Baculo S. Petri mortuus suscitatur . 760
 Baiazethes Tūrcarum Imperator Ponti-
 fici Romano lanceam, qua Domini no-
 stri Iesu Christi latus percussū est, mit-
 tit pro pretioso munere . 287
 in Balneum spiritu ducitur S. Io. Apost. 871
 Baptizauit Petrum Christus suis mani-
 bus . 755
 Baptizati à Paulo recipiunt Spiritum san-
 ctum . 794
 Baptismi Christi locus quā celebris . 187
 Baptismi sacramentum vbi ministrabat
 S. Petrus Romæ . 747
 Baptismum sacrum, & fidem Christi su-
 scipiunt multi edocti casu cuiusdam
 eiusdem fidei illuſoris . 717. & seq.
 Baptismum iterari suadens, à Dæmone,
 horribiliter in aquis suffocatur . 55
 Barnabas Mediolanum mittitur . 774
 A Spiritu sancto segregatur cum Pau-
 lo ad prædicandum Euangelium . 782
 Cum Paulo Iconij facit signa, & mul-
 tos ad fidem conuertit . 785
 Diuinos honores recusat . ibid.
 S. Bartholomæus proficiscitur in Arme-
 niam maiorem, & ceteriorem Indiam . 736
 Bartholomæus Apostolus multas gentes
 ad Christi fidem conuertit . 859
 Item Armeniæ Regem, & coniugem
 eius . 860
 in Armenia martyrium subit . ibid.
 ad Beatitudinem æternā trahit Deus per
 fidem veram homines in mundo erran-
 tes, & tenebris pressos . 688
 Beatitudinem sibi impetrat oratione,
 Posthumius Abbas . 532
 Bel Idolum Babyloniorum destructum à
 Daniele . 13. & 14
 Bellum præclarissimum Christianorum,
 contra hostes fidei: insignis victoria;
 & res à Christianis militibus fortiter
 gestæ . 271. & seqq. & 275. & seqq.
 & 280. & seqq.
 Bellum gerens contra Sarracenos Hispa-
 niarum Rex, Cruels virtutes experi-
 tur . 254 vide Paganos.
 Bellum gerentibus fidelibus opem fert S.
 Iacobus Maior . 494. & 498
 Benjamin Tribus trifariam nobilitata . 777
 Benignitas Neronis initio sui Imperij . 810
 Bestiæ atroces mites redduntur coram
 Thecla Christi virgine . 786. & seq.
 Bethsaida patria S. Ioannis Euangelistæ . 864
 Blasphemans Deum, & B. Virginem viuus
 ad æternos cruciatus deferitur . 59
 Blasphemiæ detestabiles in causa sunt, cur
 Deus in terras famem, terræmotus, &
 pestilentias immittit . 6, 8
 Blasphemus in B. Virginem punitur hor-
 ribiliter in ore . 137. Item alius . 138
 Blasphemo in Deum, & B. Virginem lin-
 gua præcisa, ope eiusdem B. Virginis
 restituitur, vt possit confiteri peccata
 sua . 126
 Blasphemi, & imprecatores quidam, per-
 missu Dei à Dæmonibus varijs pœnis
 afficiuntur . 46
 Bona Ecclesiastica in profanos, & malos
 vsus auferre, & usurpare quā detesta-
 bile scelus sit . 599
 Bonorum consuetudo quā utilis sit, do-
 cet consuetudo Triphenæ nobilis fe-
 minæ . 788
 Bonorum Saluator, malorum punitor
 Christus . 225
 Brachium incurabiliter obtortum, Mariæ
 Virginis sanctissimæ ope mirabiliter sa-
 natur . 123. & seqq.

C

- Cæsaris Baronij Cardinalis matri,
 modicus panis, & vinum indigen-
 tibus erogatum, numquam deficit . 474
 Caij Imperatoris imagines omnes aboli-
 tæ . 765
 Calamitatibus, & malis à Diabolo ma-
 chinatis, qui sint subiecti . 505
 Calculo laborans, morti vicinus, ope S. An-
 dreæ Apostoli liberatur . 855
 Caluinista hæreticus videt Diabolum sub
 specie atri canis, & paulò post infeli-
 citer

I N D E X.

- elter moritur . 728
 Calvinista hæreticus post ostensum sibi à
 Deo signum contra eius hæresim, tan-
 dem Catholicæ Ecclesiæ reconcilia-
 tur . 728
 Calvinista inimicus signi Crucis deiecit
 è turri, & enecatur à Dæmonibus . 44.
 & 45
 Calumniam passus iniquam è carcere mi-
 rabiliter liberatur . 538
 Candidam Neapolitanam mulierculam
 docet fidem Christi S. Petrus Aposto-
 lus, eandemq. ab infirmitate curat, &
 baptizat . 758
 Captiuorum vincula dirumpit signum
 Crucis . 253
 Captiuum Diaconum liberat Sanctulus
 presbyter, se ipsum in captiuitatem
 tradens . 198
 à Carcere ab Angelo educuntur Aposto-
 li, vt doceant populum fidem sanctam.
 396
 Carceris in quo seruatur, & orant S. Pau-
 lus Apostolus, & Silas, ostia omnia
 vltro aperiuntur . 789
 Carceris custos baptizatur . ibid.
 Carceris ostia mirabiliter aperiuntur
 Apostolis . 681
 Carceris ostia vltro aperiuntur S. Paulo,
 & socijs . 789
 Carne humana vsæ sunt pro cibo quædam
 mulieres tempore ingentis famis . 644
 Carnium ab esu Monachi transgressores
 coercentur, lacu precibus B. Odonis à
 Deo impetrato . 540
 S. Carolus Borromæus, passionis, & mor-
 tis D. N. Iesu Christi studiosissimus .
 319. & seqq.
 S. Carolus exercitationem cõmunis ora-
 tionis instituit, & hoc modo orantibus
 Summus Pontifex indulgentias elargi-
 tur . 548
 S. Caroli Borromæi charitas, & praxis
 admirabilis ad alendos pauperes tem-
 pore famis, & pestis . 672
 S. Caroli Borromæi summa Religio 267.
 Mirifica patientia 268
 Casuumfigurationes, quibus vtuntur iu-
 ris Ciuilis, & Canonum Doctores,
 perutiles sunt ad docendum . 7
 Castissimi, & innocentissimi hominis
 mors vindicatur . 206
 Castitatis perdendæ occasione se temere
 exponens castus iuuenis, ab Angelo ver-
 beratur . 572. & seq.
 Castitati mulieris cuiusdam insidias pa-
 rans iuuenis à ferocissimo cane truci-
 datur . 204
 Cathedra lignea Petri, & aliorum Episco-
 porum . 760
 Catena vincitur S. Paulus, biennio Romæ
 liberè agere permissus est . 802
 Catenarum S. Petri præconia . 499
 Catena annulo, qua se sanctissima que-
 dam mulier cinxerat, plures, & incur-
 abiles morbi sanantur . 842. & seq.
 Catholici cur appellati credentes . 487
 Cephas quid significat . 749
 Charitas admirabilis erga pauperes Fa-
 biolæ nobilis Romanæ . 464
 Charitas Christi fidelium initio nascentis
 Ecclesiæ . 394
 Charitas, & Fides admirabilis Sancti
 Presbyteri se in captiuitatem traden-
 tis, vt Diaconum quendam à captiui-
 tate liberaret . 198
 Charitas S. Io. Apost. in adolescentem
 Christo acquirendum, & recuperan-
 dum . 868
 Charitas S. Pauli Apostoli in Onesimum
 Philemonis seruum . 804
 Christi Domini aduentum cur longe an-
 te innotescere mundo voluerit Deus .
 74. & seqq.
 Christi Domini nostri aduentus Sibyl-
 larum oraculis prænunciatus . 77. &
 seqq.
 Christi typum expresserunt Cyrus Persæ-
 rum Rex, & Augustus Romanorum
 Imperator . 88
 Christi aduentum instantem, indicauit
 Templum Hierosolymitanum secun-
 dum magnificentius primo . 92
 Christi aduentu instante, quæ prodigia
 apud Iudæos acciderint . 90
 Christi aduentu instante, pax vniuersalis
 in Orbe terrarum . 87
 Christi aduentu instante, simulacra falso-
 rum Deorum icu fulminis destruuntur
 Romæ. 82. & Oraculum Apollinis ob-
 mutescit . 83
 Christi aduentus in mundum cur dilatus
 sit

INDEX.

- fit, & manifestatus nouissimis temporibus. 729. & seqq.
- Christi Domini nostri aduentus in Orbem terrarum. 108
- Christi Natiuitatis tempus cum tempore natiuitatis Abraham mirabili parallelo conuenit. 66
- Christi Domini nostri natiuitas ineffabiliter supra naturæ ordinem in mundo facta. 139. & seqq.
- Tempus eiusdem natiuitatis. 146
- Miraculum in spelunca, in qua Christus natus est, in ipso puerperio B. Virginis. 148
- Christus. Vide Natiuitas D. N. Iesu, puer, imago. Iesus Christus.
- Christi pueri reditus Nazareth ex Aegypto. 169
- Christus Dominus quare orauerit. 519
- Christi baptismi locus quàm celebris. 187
- Christus suis manibus baptizauit Petrum. 755. & eundem solum ordinauit Episcopum. ibid.
- in Christi facie relucebat fulgor & maiestas diuinitatis occultæ, qua ex primo ad se videntes trahere poterat aspectu. 875
- Christi miraculorum fama motus Rex Abagarus, Epistolam ad eundem Iesum misit. 189. Rescriptum Iesu ad Abagarum. ibid.
- Christi Domini imago miraculosa, ab ipso missa ad Abagarum Regem. 190
- Christo statuam erexit mulier à sanguinis fluxu liberata. 190
- Christus ubi fleuit Hierusalem, in eodem loco Romani eam euersuri castra posuerunt. 211
- Christi D. N. dicta, quæ non sunt in Euangelio scripta. 218
- Christi Domini nostri passio, & mors meditata. 317. & seqq.
- Christi Domini genuum, vel pedum vestigia lapidibus impressa. 212
- Christi Domini nostri columnæ virtutes, in qua ipse flagellatus fuit. 213
- Christi corona spinea. 230
- Christi Domini nostri corona spinea, 213
- Christi vestis inconsutilis, quæ, & qualis esset. 229
- Christi passionis, & sepulchri instrumenta, & loca ubi hæc facta sunt, toto Orbi, quàm conspicua sint, atque proficua. 225
- Christus mortuus est in eodem loco, ubi Adam. 214
- Christus. Vide, Crux, Clauis, Lancea. Imago Iesu. Imagines duæ. Eucharistia.
- Christi Domini descensus ad inferiora loca. 325. Eiusdem Triumphus apud inferos. 326
- Christi Domini nostri sepulchrum, cuius formæ, & mensuræ sit. 217
- Christi Domini Nostri Resurrectio, & mirabilia, quæ contigerunt in ea. 327. & seqq. Splendor, & dignitas eius diei. 331. Claritas ipsius Resurrectionis. 332
- Christus Dominus, ad quam sublimitatem erexit homines, cum resurgendo regenerauit eos in vitam æternam. 336
- Carni nostræ quid præstiterit. 339
- Christus resurgens primo omnium ex Apostolis Petro se videndum præbuit. 752
- Christi Domini Nostri verba ad S. Thomam Aquinatem. 530. & seqq.
- Christi Domini Nostri Resurrectionis, nobile testimonium reddit S. Stephanus. 397
- Christi ad Cælos ascensio. 693
- Christi Domini Nostri ascensio ad cælos quàm magnifica & gloriosa. 341. & seqq. Item quid præstet hominibus. ibid.
- Christi Domini Nostri consilium, & voluntas fuit perducere homines ad cælorum gloriam, quo ipse ascenderat, cum misit in terras Spiritum sanctum. 367
- Christus Dominus bonorum Saluator, malorum punitor. 223
- de Christo D. N. testimonium Iosephi Hebræi historici. 218. Epistola Pilati, ad Tiberium. 219. & seqq.
- Christi mortis rei Iudæi, & Pilatus diuina ultione puniuntur. 221
- Christi fidem amplecti, & assentiri illis, quæ per eam reuelantur, rationibus ex Theologia naturali deductis, tenentur omnes homines. 690
- Christiana fides, quàm longe latèq per Apo-

INDEX.

- Apostolos, sed præcipue per Petrum
lit propagata. 698. & seqq.
- Christus quid significare voluerit, cum
Petro dixit: Romam venio iterum cru-
cifigi. 756
- Christi Domini corpus, asseruatum in
Pixide argentea, furto sublata, mira-
culose se prodit. 357
- Christo ad nouam Basilicam constituen-
dam quingenti, & quadraginta Iudæi
ad fidem conuersi, euerfis Synagogis,
pecunias, & saxa comportant. 437
- Cicero quid senserit de Dijs Gentium.
34 & 35.
- Circensia festa superstitiosa Gentilium
quando Romæ fuerint abrogata. 185
- Cyrus Persarum Rex Christi typum ex-
pressit. 88
- Clauum Christi, qui freno insitus est,
Mediolani summa cum veneratione
asseruatum, S. Carolus Borromeus lon-
gissima via religiosissimè per ciuitatem
portat. 267
- Clauis quibus affixus fuit Cruci Iesus
Christus Dominus noster. 263. & seqq.
& 270.
- Clauorum quibus Christus crucifixus est
numerus. 265
- Clauorum Christi multiplicitas vnde.
266
- Clemens Octauus Pont. Romanus quo-
tidiano pauperes cibo pascit, & eis mi-
nistrat. 671
- S Cleophas, vnus ex 72 discipulis Chri-
sti, erat ciuis castelli Emmaus, ad quod
ibat cum Socio, quando eis Christus
post Resurrectionem apparuit. 315
- Cælum tertium ad quod raptus est S. Pau-
lus Apostolus. 781
- Cæmeterijs utebantur primitus Christi-
ani ad diuina officia, & sacra omnia
peragenda. 747
- Cæna cruenta Herodis, qui caput Ioan-
nis præcidi iussit. 192
- Collectas ferre consueuerant fideles, in pri-
mitiua Ecclesia, ad pauperes sustentan-
dos. 623. & seqq.
- Columna è templo egredi visa est, cum
D. N. Iesus Christus emisit spiritum.
217
- Columnæ virtutes, in qua flagellatus est
D. N. Iesus Christus. 213
- Columnæ, quibus cum flagellarentur, al-
ligati sunt Petrus, & Paulus. 830
- Compostella in Episcopalem dignitatem
erigitur. 492
- Conceptio filij Dei. 693
- Concilium primum Hierosolymis cele-
bratum à S. Petro. 770
- in Concilio primus loquitur Petrus. 754
- Confessione sacramentalem spernens pec-
catix quædam nobilis horribili mor-
te interimitur, & corpus etiam Dæmo-
ni traditur ab eius Patre. 57. & 58
- Confessione sacramentali, & sanitati
animæ prius danda opera ijs, qui cor-
poralem cupiunt sanitatem. 413
- Confessione sacra flagitia expianda sunt
militi Christiano, antequam pugnam
aggrediatur. 276. & 281
- Confiteri vt possit peccata sua, cuidam
blasphemo, ope B. Virginis, lingua
præcisa restituitur. 126
- Confitetur peccata sua fingens se Chri-
stianum Turca quidam, & sumit sacram
Eucharistiam; deinde intus illumina-
tus fidem Christi amplectitur, & sequen-
ti die discedit è vita. 159
- Consuetudo bonorum quàm utilis sit,
docet conuersio ad fidem Triphenæ
nobilis semine. 788
- Consuetudo in malis quàm sit pernicio-
sa. 717
- Conuersio mirabilis S. Pauli. 453
- Conuersio gentium reuelata S. Paulo.
781
- Conuersio insignis cuiusdam peccatoris,
qui dextera Dei ita mutatus est, vt
deinde meruerit etiam clarus esse mi-
raculis. 454
- Conuersio Sergij Proconsulis ad fidem.
782
- Conuersio ad fidem Catholicam cuius-
dam Regis, viso miraculo. 716
- Conuersioni nobilis & eruditi adolescen-
tis dant operam summa cum cura S.
Augustinus & S. Paulinus. 386. & seqq.
- in Conuersione Iudæorum varij, & mi-
rabiles euentus. 424. & 428. vsque ad
438
- Conuersio admirabilis ad Religionem
Ordinis Prædicatorum iuuenis perdi-
tissimi.

I N D E X.

- tissimi . 824. & seq.
- Conuertitur ad fidem custos carceris , in quo seruatur S. Paulus Apostolus . 789
- Conuertuntur ad fidem multi exemplo permoti cuiusdam contemptoris sacri baptismatis , qui cito diuino iudicio damnatus est . 717. & seqq.
- Choræis , & tripudijs homines Diabolus decipit , illaqueaturque . 197. & 204
- Christiani nominis dignitas , & sublimitas . 485
- Christiani primitus non solum hoc nomine appellati sunt , sed etiam Fratres , Sancti , Fideles , & Credentes . 486. Item Catholici . 487
- Christiani vexantur ab Agrippa Rege , Iudaicæ Religionis obseruantissimo . 489
- Christianorum Romanorum post prædicationem S. Petri pietas , fides , & fortitudo . 766
- Christianis , & Iudæis ab Vrbe pulsus , redeundi facultas datur . 809. & seq.
- Christiani , Romæ falso accusati de Urbis incendio , scruissime cruciantur sub Nerone . 810. & seqq.
- Christianæ fidei extensio , & propagatio ad omnes fines terræ . 711. & seqq.
- Christiani omnium nationum , quæ sunt in Orbe terrarum , quàm rectè , & sanctè confugiant , & se conferant ad Urbem , seq. commendent protectioni , & intercessioni Principis Apostolorum . 587
- Christianorum exercitus obsidens Ciuitatem Hierusalem , eandè religiosè circumit nudis pedibus . 272
- Idem exercitus , tum in recuperanda , sancta Ciuitate , tum in obtinenda post victoria insigni contra Regem Babylonæ , diuinam opem mirabiliter experitur . 272. & 273
- Cornelius Centurio Italus , inter gentes Christi fidem primus amplectitur . 457
- Corona spinea Iesu Christi D. N. 213 & 230
- Coronam Christi spineam recogitans miles Christianus , coronam militarem noluit capiti suo imponere . 231
- Coronam Christi spineam recogitans Godofridus , noluit in ciuitate Hierosolymitana gestare regiam . 232
- Coronæ Christi spina , feria sexta Parasceues sanguineis guttulis rubescit . 232. eadè die floret . ibid. Ab ea flosculi pullulant , & sudor quidam apparet . 233
- Corpus Christi in terris est , vt mortalibus diuinam vitam largiatur . 349
- Corporis externi actus in oratione , quid orationi conferant . 513
- Corporis compositio in oratione non est præscripta ; sed stantes , sedentes , genuflexi , & iacentes in lecto orant serui Dei . 514
- Credendorum maiorem notitiam tenentur habere qui erudiunt alios , quàm ceteri . 697
- Credibilia testimonia , & fides sana , quæ sint . 697
- Cronaceli in arce infestatio dæmoniaca . 43
- Crucifixus olim Christus apud Hierosolymam , Romæ iterum in persona Petri sui Vicarij crucifigitur . 756
- Crucis mortem prædixit Christus Petro Apostolo . 752
- Crucifixi Domini nostri effigiem irridēs , terretur à lumine ab imagine emisso , & cum plurimis Christum confitetur . 255
- Cruces comparuerūt Hierosolymis prodigijs magnis Iuliano Imperante , & crucem persequente . 244
- Item alio tempore itidem cruces apparuerunt in Syndonibus , Iudæis in Synagoga . 246
- Crucis Christi gloria . 234. & seq.
- Crucis Christi inimici Iudæi abstulerunt ab vno Psalmo vocem vnā . 258
- Crucis Christi materia . 241
- Mensura . 244
- Crucis Christi titulus , cur , quando , & in qua parte ipsius crucis affixus fuerit . 259. & 260
- Quot linguis inscriptus fuerit 260. & seq.
- Vbi , & quando inuentus . 263
- Crucis Christi particulam aspiciens , & non credens , & contemnens , mutus efficitur , deinde facti pœnitens , ad aspectum Crucis , loquelam mirabiliter recipit . 237

Cru-

INDEX.

- Crucis Domini Nostri Iesu Christi pars**
à quibus, & quando inuenta . 274
- Crucis portionem diripientes, & aspor-**
tantes, diuinitus perterriti, ad pristi-
num locum remittunt. 252
- S. Crucis Prouincia, quæ, & cur sic ap-**
pellata. 256
- Crucis signo Patres Societatis Iesu apud**
Indos mira operantur. 239
- Crucis signo se non communiens Iuuenis**
quidam, peccatis obnoxius, incidit in
manus Diaboli; sed socius Cruce pro-
tectus euasit manus eius. 256
- Crucis signo præeunte, exercitus Lusita-**
norum celeberrimas contra Paganos,
Mahometanos victorias reportant. 258
- Crucis signo munita mulier non læditur**
à Dæmone. 37
- Crucis signo, præeunte Anglorum exer-**
citus fugat hostes Alfonso Congorum
Regis. 257
- Crucis signo, certa verba, proferens de**
Euangelio, S. Vincentius, ægros, sibi
oblatus, sanabat. 380
- Crucis signo Diaboli falsa spectra, & il-**
lusiones dissipantur. 719
- Crucis signum diuinitus oblatum sequen-**
tes Lusitani in Aethiopiam primum,
appulerunt. 257
- Crucis signum apud Braseliam, super ar-**
borem positum, admiranda operatur,
totam prouinciam Christo subiecit.
256
- Crucis signum in cælo mirabiliter appa-**
ret super Reges, & Principes ad pa-
cem Archiepiscopo prædicante con-
uersos. 252
- Crucis signum irridens, & spernens hæ-**
reticus à dæmonibus deiecitur è tur-
ri, & enecatur. 44. & 45
- Crucis signum paruulus adorans, & oscu-**
lans à parentibus hæreticis obiurga-
tur, & cæditur, nec desistit; moriens
eis deuotionem crucis prædicat, illi
tandem post mortem pueri, viso ma-
gno crucis prodigio, conuertuntur.
249
- Crucis signum aliquando non fugat Dia-**
bolum, Deo sic permittente. 337
- Crucis signum virtute sua frangit vinctes**
portarum, vincula captiuorum distrū-
- pit, & educit vinctos in fortitudine.
253
- Crucis à S. Thoma sculptæ grande pro-**
digium. 862. & seq.
- Crucis virtutem, & opem experitur Hi-**
spanorum Rex in bello contra Sarra-
cenos. 254
- Crux admirabilis apud Hispanos ministe-**
rio Angelorum super altare delentur.
250
- Crucem Christi à Soldano Christiano**
occulto super sepulturam matris eius
Christianæ positam Sarraceni exturba-
re conantur, & pars eorum perit, pars
baptizatur. 251
- (Rubea à Rege Franciæ) quādo sit
- Crux (Alba à Rege Angliæ) suscepta.**
(Viridis à Comite Flād.) 252
- Crux salutis omnium causa extitit. 253**
in Cruce suspendi voluit S. Petrus capite
deorsum verso humilitatis causa. 834

D

- Dæmon decipit famosam meretrice-**
m, quæ moritur miserabiliter.
38
- Dæmon exorcizatus à Martino Luthero,**
cum in summas angustias redigit. 48
- Dæmon insidens humeris Martini Lu-**
theri conspicitur ab Imperatore, ibid.
- Dæmon terret horribili spectro mulie-**
rem eum inuocantem. 37
- Dæmon vulnerat Iudeos exorcizantes**
per Iesum. 794
- à Dæmone obsessa mulier inter hæreti-**
cos, latentes sacratissime Hostiæ par-
ticulas, in sinu detentas reuelat. 355
- Dæmones exorcismis adiurantur. 795**
- Dæmones interficiunt quosdam hæreti-**
cos, aliosq. aliter lædunt. 44. 45 & 46
- Dæmones plurimi ad exequias Martini**
Lutheri confluxerunt. 47
- Dæmoni innumera Tempia ædificata,**
apud Indos. 52
- Dæmones vexant Monachum proprietari-**
um. 857
- Dæmonis potestas & dominium ablatum**
à Christo Domino. 37
- Dæmonibus potestatem cur Deus præ-**
beat, ut sint in hoc seculo aliquando
peccan.

I N D E X.

- peccantium tortores. 56
- Dæmonum falsa simulacra, abominanda sacrificia, & fraudulenta responsa apud Indos in Iapone. 49
- Dæmonum fraudes innumerae ad obsecrandos homines, & inducendas in orbem terrarum quamplurimas nefandas, & monstruosas superstitiones. 11. & seqq. usque ad pag. 37
- Dæmon, vide etiam in verbo Diabolus.
- Dæmoniaca infestatio multiplex in Arcæ Cronacensi. 43
- Damnationem æternam incurrit quidam Princeps paganus, qui baptismi gratiâ paulo ante recusauerat. 717. & seqq.
- Daniel in Babylone destruit idolum Bel, interficit draconem, & à Deo liberatur à leonibus. 13. & 14
- Dauid sepulchrum. 474
- Debitorum remissio, & seruorum restitutio facta ab Augusto. 86
- Deucalionis & Pyrrhæ fabulosa apud gentiles olim, reprehendit Arnobius. 20. & 21.
- Deus est. 691
- Deus cur distulit manifestare in nouissimis temporibus, salutis & redemptionis humanæ beneficium. 729. & seqq.
- Deus, regnorum arbiter, omnia regna ad Christum regem refert. 66
- Deus quare permittat contra iustos præualere peccatores in hoc mundo. 439
- Deus non vocis, sed cordis auditor est. 517
- Deus ad orandum nos prouocat, ut cor nostrum capacius efficiatur ad accipiendâ quæ petimus. 513
- Deus direxit Euangelistarum stylum. 875
- Dei consilium, ut longè ante filij eius aduentum, tantæ rei sacramentum mundo innotesceret. 74
- Dei altissimum consilium fuit, ut omnes homines in mundo errantes, & tenebris pressos, ad cœlestem gloriam per fidem traheret. 688
- Dei vltio in mulierem facis & peccatis operam dantem, & nolentem confiteri Sacerdoti. 57. & 58
- Item in contemptorem Diei Festi, quo sanctissimi Corporis Christi memoriâ recolitur. 58. & 59
- Item in blasphemum Dei, & B. Virginis. 59
- Dei omnipotentia, Sapientia, & Bonitas. 692
- Dei misericordia, & pietas in perditissimum peccatorem, memorabili exemplo ostenditur. 824. & seqq.
- Dei à peccatore recessus, & eiusdem ad ipsum peccatorem penitentem accessus. 373
- Deo de beneficijs gratias non agere, quàm grauis ommissio sit. 505
- Deum & Beatam Virginem blasphemans à Dæmonibus viuis ad æternos cruciatus defertur. 59
- Deum verum ignorabat totus serè mundus ante aduentum Christi Domini. 11. & 12
- Deorum gentilium falsitatem, & veritatem fidei Christianæ probat S. Antonius magnus contra Philosophos. 719
- Deorum matrem esse, quàm falso putauerint Gentiles. 20
- Quod genus hominum illi consecraretur. 32
- Deorum cultum firmissimè retentum & conseruatum diu ab Atheniënsibus. 793
- Deorum patrem esse, quem falso putauerint Gentiles. 23
- Deorum falsorum gentilitatis nefanda, sacra & religiones monstruosæ. 11. & seqq. usque ad pag. 37
- Deorum falsorum simulacra Romæ, idu fulminis, instante Christi aduentu destruantur. 82. & oraculum Apollinis obmutescit. 83
- Diabolus decipit, & illaqueat homines choreis, & tripudijs. 197. & 204
- Diabolus S. Iacobi Apostoli imperio cōstrictus, certorum malorum se auctorem fuisse fatetur. 537
- Diabolus visibili specie apparens cuidam peregrino, eum seducere tentans, non recedit ab eo, etiam signum crucis contra inimicum adhibenti. 537
- Diabolus apparet adolescentulæ simplici, & deuotæ, mentitus speciem S. Francisci. 40
- Diabolus varijs spectris perterrefacere conatur deuotum S. Petri, sed frustra. 41

Diabo-

I N D E X.

- Diabolus non habet potestatem nocendi** cuidam mulieri munitę signo sanctę Crucis . 38
- Diabolus horribiliter necat mulierem** nobilem peccatricem , spernentem sacramentum pœnitentię . 57. & 58
- Diabolus quos in calamitates , & varia mala impellit , quosque non valeat ledere .** 505
- Diabolus transfigurat se in Angelum lucis , deludit Principem Frisonum , ne fidei sanctę veritatem agnoscat .** 718.
- Eiusdem Diaboli falsa spectra Diaconus signo crucis dissipat .** 719
- Diabolus perducit Simonem Magum ad Romanam Urbem decipiendam , ad quam conuertendam profecturus erat Petrus .** 739. & seq.
- Diaboli fraudes ad decipiendos Indos , & recipiendos diuinos honores ab illis gentibus .** 52. & seqq.
- Diaboli nequitia Richardus Rex Anglię captiuatur .** 536
- Diaboli rabies , & infestatio ne turpis eius casus pingeretur .** 42
- Diaboli sollicitudo ad decipiendas , & perdendas animas memorabili exemplo ostenditur .** 823
- Diaboli in manus incidit inuenis quidam , peccatis obnoxius , & socius eius se signo crucis communicans euasit manus eiusdem Diaboli .** 256
- à Diaboli vexatione liberatur bibens aquam , in qua immersus est dens S. Matthę Apostoli .** 877
- Diabolo quidam se leuissime deuouentes , ab ipsis Dæmonibus permisso Dei varijs pœnis afficiuntur .** 46
- Diabolus . Vide etiam in verbo Dæmon .**
- Diaconia S. Matiz in via Lata Romę .** 801
- Dianę Ephesiorum cultores concitantur contra Paulum , & Socios .** 794. & sequenti .
- Dionysius Areopagita fidem Christi amplectitur prædicante , & disputante Sancto Paulo Apostolo .** 682. & 793
- Dionysium Areopagitam vidit Ioannes Euangelista in Asia .** 869
- Dionysius dictus est Bacchus apud Gentiles olim .** 17
- Discipulorum Christi studium ad prouidendum egentibus .** 623
- Diues avarus , & vsurarius punitur horribiliter .** 138
- Diuitem immisericordem castigat Deus , & eius horrea dissipat .** 654
- Diuites , qui parietes vestiunt , equos ornant , &c. pauperes autem nudos despiciunt , quam reprehendi .** 458. & 462
- Diuitibus illustre exemplum reliquit Paula Romana , pauperum inopiam suis opibus subleuando .** 654
- Item Elisabeth Regis Pannonum filia .** 656
- Item S. Ludouicus .** 657
- à Diuitibus vltro requirendi sunt pauperes , nec scrutandi , quales sint .** 460
- Diuitiarum contemptus in Christi fidelibus initio nascentis Ecclesię .** 394
- Diuinitatis similitudinem quomodo participant Angeli , & pulchri fiunt , & illustrationes suas ordinatę hominibus participant .** 552. & seq.
- Diuiarum personarum productio .** 692
- Diuinos honores Seianus affectans morte multatur , & filij inaudito dolore , & morte afficiuntur .** 209
- Dolores septem , & septem gaudia S. Ioseph .** 174
- Dominico die Missa audienda .** 358
- Domus oranda est non aulæis , & taperibus , sed elemosynis .** 459. & 460
- Dorcas , discipula sancti Petri , ab eodem ad vitam mirabiliter reuocatur .** 455
- Draconem quem Babylonij adorabant , interficit Daniel .** 14
- Draconem fictū olim Romani , vt Deum colebant .** 16

E

Eadbaldus Anglię Rex abdicat conubium non legitimum , & suscipit fidem Christi . 849

L 11

Ebio-

INDEX.

- Ebionis impietatem detestatur S. Ioannes Apostolus. 871
- Ecclesiæ Catholicæ mirabilis, & indiuidua unitas. 717. & seq.
- Ecclesiæ Catholica, & fides Christi, quoniam à Deo est, dissolui non potest, sed inter hostes eam oppugnantibus, durat æterna. 795. & seq.
- Ecclesiæ gubernaculum penes S. Petrum Apostolum. 475
- Ecclesiæ nascentis initio, credentium, unanimitas, & diuitiarum contemptus. 394
- Ecclesiæ nascentis initio, ad fidem firmam, miraculis opus fuit, hodie irreprehensibilis vitæ Prædicatorum, Christi, signorum omnium vim obtinet. 715
- Ecclesiæ primitiæ tempore optimi mores fidelium. 376
- Ecclesiæ Romana à Petro optime instituta. 767
- Ecclesiæ Romana Patriarchalis, & prima à Petro fundatur. 756. & 758
- Ecclesiæ omnium mater Romana Ecclesiæ. 768. & seq.
- Ecclesiæ Romanæ fundatione Idolatria decreuit. 765
- Ecclesiæ bona occupans diuinam ultionem experitur. 855. & seq.
- Ecclesiæ tres Patriarchales, & primæ à S. Petro fundatæ. 756
- Ecclesiastica bona auferre, & usurpare, in malos, & profanos vsus, quam impium sit, & detestabile scelus. 599
- Ecclesiastica ornamenta distrahit, & vasa sacra confringit, vt egenorum, suppleat necessitatibus Sanctus Odilon. 665
- Ecclesiasticus vir, quibusuis prematur occupationibus, deuotionem tamen, orationes, & meditationes, deferere non debet, ne ipse à Deo deseratur. 509
- Ecclesijs damna à se data confitetur, & satisfacit, prout potest, Guillelmus Rex Angliæ morti proximus. 601. & sequentibus.
- Eclipsis prodigiosa Solis in morte Domini Nostri Iesu Christi. 215
- S. Eleazarus Christi iniurias, pœnasq. cogitando, molestias, & aduersa omnia equanimiter perferebat. 325
- de Eleemosyna. 623. & seqq. fere per totum vsque ad 638
- Eleemosyna est planta fructifera, quæ ad cælum, vsque pertingens, æternos producit fructus. 461
- Item est penna ad cælum eleuans penitentem, mercatura spiritualis; ars omnium quaestuosissima. 462
- Eleemosyna ex valis sacris contractis tempore necessitatis. 665
- Item ex suppellectili Apostolica. ibid.
- Eleemosyna, quæ precibus extorquetur, non est perfecta. 466
- Eleemosynæ dandæ admirabile exemplum præbuit Fabiola nobilis Romana. 464
- Item Paula Romana. 654
- Item Elisabeth, Regis Pannonum filia. 656
- Item S. Ludouicus. 657
- Eleemosynæ nomen gloriosum est in populo Christiano. 457
- Eleemosynam noctu deferens à magno periculo liberatur. 473
- Eleemosynam quomodo facere possint pauperes, & ingentem mercedem recipere. 465
- Eleemosynam non præstans, cum possit, similis est latroni, qui spoliatur. 460
- Eleemosynam Angelus pauperis specie à B. Philippo accipit. 473
- Eleemosynam largitur B. Virgo Maria, cuidam deprecanti ipsam ante eius imaginem. 116. & seq.
- Eleemosynam quæ deformant, & sterilem reddunt. 464
- Eleemosynas dandi pauperibus fuit studiosissimus Nicolaus Papa Primus. 664
- Eiusdem prudens adinuentio in pascendis pauperibus. ibid.
- Eleemosynas pauperibus ad Urbem ex toto Orbe aduentantibus ministrat Romana Ecclesiæ, ex antiqua, & adhuc vigente, & in æternum retinenda consuetudine. 667. & seqq. vsque ad 672

Elce.

INDEX

- Eleemosynas partas de diarno opere suo, & nocturna lucubratione dat quidam laicus deuotus. 679
- Eleemosynas largiendi studium, & praxis admirabilis S. Caroli Borromæi tempore famis, & pestis. 672
- Eleemosynas qui negligunt dare, licet cetera mandata seruent, valde reprehensibiles sunt: eorum autem magna est stultitia, qui differunt easdem eleemosynas legare post mortem. 458
- Eleemosynas ob distributas, medicus quidam, de futura vita ambicens, cælitus illuminatur. 470
- Eleemosynis in præstandis, quæ pietas, prudentia, & discretio adhibenda sint. 466. & seqq.
- Eleemosynis domus ornanda, non aulæis & tapetibus. 459. & seq.
- Eleemosynaria insignis, sed infidelis puella, post lapsum in fornicationem, infirmatur, & conuertitur ad fidem Christi. 570
- Eleemosynariæ mulieri, nunquam deficit modicus panis, & vinum indigentibus erogatum. 474
- Eleemosynarij quàm copiosam mercedem recepturi sint. 465. & seq.
- Eleemosynario cuidam presbytero pecunia mirabiliter multiplicatur. 664
- Eleemosynarius quidam iuuenis, improuisum paulò ante mortem, contritionem obtinet, luxuriosam præteritam vitam detestatur, confitetur peccata, & moritur in pace. 472
- Elimas Magus, aduersans Euangelio, cecitate percutitur. 782
3. Elisabeth, Christum crucifixum contemplans, pompam Regiam deponit, & humile viuendi genus amplectitur. 324
- Elisabeth Regis Pannonum filia in pauperes misericordia. 656
- Eloquium admirabile S. Paulini, cum pari pietate coniunctum in enarrandis stupendis quibusdam miraculis. 560. & seqq.
- Emmaus Opidum, imò Ciuitas insignis Palestinæ. 315
- Ephesi habitauit B. Virgo Maria. 734
- Ephesij Dianæ cultores concitantur contra Paulum Apostolum, & Socios. 792. 794
- Epiphaniæ die Augustus clausit Iani portas, parta pace vniuersali in Orbe terrarum. 87
- Episcopus ordinatus fuit S. Petrus solus à Christo, ceteri à Petro. 755
- Episcopus, & Prælati sublimis, quibus moribus præditus esse debeat. 506. & seqq.
- Orationis studium eidem necessarium. ibid. & 509
- Episcopus à Rege carceratur iniquè, & nefas Diuina vindicta punitur. 659
- Episcopus sententiam fert contra Manichæam mulierem, quæ statim percutitur à Deo in lingua, & obmutescit. 727
- Episcopus Cantuariensis flagellis, & exhortatione admonetur à sancto Petro, ne deserat gregem sibi commissum. 848
- Episcopo quanta misericordia, pietas, prudentia, & discretio adhibenda, in Ecclesiastici patrimonij dispensatione. 366. & seqq.
- Episcopum irridens hæreticus, diuinitus punitur. 856
- Episcoporum Cathedra lignea. 760
- ab Episcopis, & Sacerdotibus faciendæ eleemosynæ præclarum exemplum reliquit S. Odilon. 665
- Item Stephanus Papa Sextus. ibid.
- de Epistola S. Petri prima Romæ scripta. 762. & seq.
- Epistolarum Petri Apostoli excellentia, & celestis doctrina. 816
- Epistolæ Canonicae, quas mos Latinus formatas appellat, quam calculationis habeant rationem. 757
- in Eremum secedit S. Maria Magdalena. 883
- Euangelistæ non omnia, quæ Christus gessit, sed aliqua præcipua conscripserunt. 162
- Euangelium prædicandum omnibus gentibus Christus prædixit, & sicut dixit, factum est. 707
- Euangelium, primus omnium promulgat

I N D E X.

- gat Sanctus Petrus . 753
- Euangelistæ tres, videlicet, Marcus, Lucas, & Ioannes ante quàm suum inciperent, nouerunt Euangelium Matthæi. 875
- Euangelium cur scripserit S. Ioannes, quando, ubi, & quæ ante scribendum miranda acciderint. 869. & seqq.
- Euangelium Marci approbat S. Petrus. 764
- Euangelij prædicandi causa proficiscuntur Apostoli ad diuersas Orbis partes. 733. vsque ad 737
- Euangelio aduersans cæcitate percutitur. 782
- Euangelistarum stylum direxit Deus. 875
- Eucharistiæ sacramentum, cur Dominus Noster Iesus Christus instituerit. 349
- Eucharistiæ sub diuino Sacramento, in quo est corpus Domini gloria, & gratia plenum, quæ mysteria & arcana contineantur. 359 & seqq.
- Idem Sacramentum quid in nobis operetur. ibid.
- Vsus sumendi hoc cæleste Sacramentum, & qua ratione, & quo tempore sit frequentandum. 364
- Eucharistiæ Sacramentum illesum custoditur, super Altare cadente fulmine. 354
- Eucharistiæ Sacramenti veritatem, vt non crederet quidam, deceptus est, à Dæmonibus, sed miraculo subsequente, Diaboli mendacium detegitur. 355
- Eucharistiæ Sacramenti deuotus quidam, in magna annonæ penuria, sola comestione specierum panis benedicti sustentabatur. 354
- Eucharistiæ Sacramenti veritatem in obfessa muliere confessus est diabolus. 355
- Eucharistiæ sacræ asseruandæ locum curiosius scrutans Turca quidam, viso miraculo, ad fidem sanctam conuertitur. 159
- Eucharistiam sumit Turca quidam fingens se Christianum, deinde intus illuminatus baptizatur, & sequenti die moritur. 159
- Eucharistia accepta nesciens puella Turca intus illuminatur, & suscepit sanctum Baptisma. 160
- Eunuchus Candacis Regina baptizatur. 451
- Idem martyrio coronatur. 452
- Eiusdem sepultura. ibid.
- Excellentiæ S. Petri Apostoli. 749. & seqq.
- Exempla, & res præclare gestæ à viris Sanctis, mirum in modum excitant ad virtutes. 3. & seqq.
- Exercitus Hierusalem expugnaturi summa religio. 272
- Exercitus Christianorum ex magnis angustijs, Angelo duce, incolumis ad propria restituitur. 570
- Exercitus validissimi sola oratione fugantur. 540. & seqq.
- Exercitus fidelium prostermit exercitum schismaticorum duplo maiorem, vindicante S. Petro Apostolo fideles suos. 604
- Exercitus Imperatoris Romano Pontifici insensibilis subita pestilentia diuino iudicio percutitur. 617
- Exercitus Frederici Imperatoris magna fame laborat. 659
- Exercitus. Vide, Pugna.
- Exorcismorum vsus, & virtus contra Dæmones. 795
- Exorcizantes per Iesum Iudæos Dæmones vulnerat. 794

F

- Fabiole nobilis Romanæ admirabilis charitas erga pauperes. 464
- Fabularum impiarum auctores qui. 18
- Fames inaudita in toto Regno Danorum. 657
- Fames magna ab Agabo Christi propheta prædicta. 623
- Famis afflictio, & calamitas quàm magna. 634
- Famis tempore, quàm laudabilis misericordia, & liberalitas erga egenos. ibid. & seqq.
- Famis ingentis tempore, S. Benedicti Monasterium diuinam opem experitur. 645

Famis

I N D E X.

- Famis & pestis tempore vigilantia, & praxis admirabilis S. Caroli Borromæi ad alendos pauperes.** 672
Eodem tempore quid fecerit S. Gregorius Magnus. 673
Famis reprimendæ causa Põtifex Romanus supra centum mille aureos dari iubet. 670
Item alius magnam pecuniarum summam. 671
Famis tempore, patri paruulum filium occidere, & manducare cogitanti, succurrit Deus. 471
Famis tempore quidam nobilis in suis domibus alit amplius, quàm quatuor millia pauperum promiscui sexus. 658
Famis tempore plusquam quatuor millia pauperum pascit, quidam Ciuis Florentinus. 679
Famis tempore absconditum à vidua frumentum reuelat S. Seuerinus. 662
Famem ex Vrbe pellit singulari prouidentia Paulus V. Pont. Rom. 671
Famem futuram prouidens S. Remigius, in quadam valle plures metas congregari fecit; sed perfidus populus, qui eas incendit, memorabili supplicio punitus est. 637
Fame ingenti vexatur Italia. 644. Roma. 646
Fame laborat Federici Imperatoris exercitus. 650
in Famelicos reficiendos beneficentia, Cardinalis Varmienfis. 676. & seq.
Federicus. Vide Fredericus.
Festis diebus Missa audienda. 358
Ficulnæ arefactæ à Christo mysterium. 212
Ficus, in qua serunt Iudam se suspendisse. ibid.
Fides Christiana quàm longe lateq. per Apostolos, sed præcipue per Petrum sit propagata. 698. & seq.
Fides Catholica per omnia tempora, omnia loca peruadit: Hæretica autem fides aliqua tantum loca, & certo tempore decipiendo occupat. 703
Fides sana, quæ sit, & testimonia credibilia. 697
Fides Christi inter medios hostes eam oppugnantès, durat æterna. 705. & seq.
Fides miraculis fundata, hodie nouis miraculis non indiget. 715
Fides perfecta difficile inuenitur. 702
Fides intellectum à præsumptione liberat. 698
Fides veterum Romanorum post Petri prædicationem summis laudibus effereunda. 766
Fidei diffinitio. 697
Fidei Christianæ veritatem tuetur, S. Antonius contra Philosophos Gentiles. 719. & seqq.
Item S. Spiridion confundit Philosophum, & conuertit ad fidem. 723. & seqq.
Item Alexander Episcopus. 725
Fidei iugū recipit superba Roma, & pauperis Petri pede conculcatur. 733
Fidei sanctæ propagandæ ardor, constantia, & fortitudo in Apostolis, & Discipulis Christi. 394. & 396
Fidei Christianæ magna propagatio in nouo Orbe proximè elapsis temporibus adinuenio. 704
Fidei propagandæ studium temporibus auctoris. 703. & 704
Fidei Christianæ illusor cito experitur diuinum iudicium super se ipsum 717. & seq.
Fidem Christi suscipiunt multi edocti infelici casu cuiusdam, qui eandem fidem contempserat. 717. & seqq.
Fidem Christianam veram esse, probat quidam Clericus contredictione ferri candentis. 716
Fidem piæ mulieris æmulans puella, ope B. Virginis Mariæ à maximo morbo liberatur. 131
Fidem Christianam amplecti, & assentire illis, quæ per eam reuelantur, rationibus ex Theologia naturali deductis, tenentur omnes homines. 690
Fidem Catholicam impugnās Manichæa mulier percutitur à Deo in lingua, & obmutescit. 727
per Fidem creatura rationalis trahitur ad supranaturalem perfectionem. 695
Item trahitur à Deo ad participatio-
nem

I N D E X.

- nem ipsius summi boni ibid.
 per Fidem scientia salutis conuenienter
 erat tradenda 696
 per Fidem trahit ad cælestem gloriam
 homines Deus 688
 Fidem Christi amplectuntur multæ gen-
 tes prædicatione S. Bartholomæi Apo-
 stoli 859
 Fidem Christi captiuâ mulier Christiana
 Iberos docet 534
 Fidem Christi amplectitur, & baptizatur
 custos carceris S. Pauli 789
 Filix, & Seueri fidelium precibus, & S.
 Stephani meritis senex infidelis fidem
 Christi amplectitur 414
 Filij Federici Secundi Imperatoris, qui
 vexauerat Romanum Pontificem, post
 obitum patris eorum suffocati, male
 perduntur omnes; & extinguuntur .
 620
 Filij iniurijs afficientes matrem, diuinitus
 castigantur 417
 Fluuij Sabbatici in Palestina peculiare
 miraculum 211
 Fons olei largissimus Romæ fluxit per to-
 tum diem temporibus Cæsaris Augu-
 sti 65. & 86
 Fons à Christo, pedibus in eo ablutis,
 virtutem medendi morbis est consecu-
 tus 316
 Fons apud quem baptizatus est Eunuchus
 Candacis Reginae 452
 Fontis Siloe aquæ virtutes 210
 Fontium trium locus Romæ 833
 S. Francisci ope liberatur à fraude dæmo-
 nis adolescentula quædam deuota, &
 simplex 40
 Francisci Xauerij, Societatis Iesu, viri
 sanctitate clari, testimonium de domi-
 nio Dæmonum apud Iaponem 49
 Item de abominanda ibidem Sacerdo-
 tum libidine 50
 Fredericus Imperator Alexandrum Pon-
 tificem persequens, Romam vexans,
 & Petri Ecclesiam incendere nitens,
 superno iudicio, & miserabili exitio
 mulctatus est 612
 Fredericus Secundus Imperator, post ve-
 xatum Romanum Pontificem, suffoca-
 tur à proprio filio; filij quoq. & eius
 genus totum male perditur, & extin-
 guitur 620
 Frumenti venditi clam, fraudatis militi-
 bus, pretium fit præda Gothorum .
 649
 Fugientes è Monasterio Monachis, ope
 S. Andreae penitentiam agunt, & per-
 manent in vocatione sancta 857
 Fulmine cadente super Altare, sanguis
 Domini ibidem illæsus mirabiliter cu-
 stoditur 354
 Fulmine percussa, Iuliani Imperat. sta-
 tua supposita in loco statuae Christi .
 191
 Furis ad domum transmittit quidam Ci-
 uis Florentinus panem & triticum
 tempore famis 679
- G**
- in **G** Alliam multos discipulos mittit
 S. Petrus ad prædicandum . 761
 Gaudia septem, & septem graues dolores
 S. Ioseph 174
 Gelasij Romani Pontificis heroica virtus
 in extirpandis supercalibus 179
 Gemmas & aurum dat virgo Thecla, vt
 ad Pauli colloquium sibi aditum pa-
 ret 786
 Gentiles confundit S. Antonius Magnus
 719. & S. Spiridion conuertit ad fidem
 Philosophum 723
 Gentilium primus Cornelius Centurio
 Italus fidem Christi amplectitur . 457
 Gentilitiæ superstitioni prospicit Clau-
 dius, timens Idololatriæ destructio-
 nem 765
 Gentium conuersio reuelata S. Paulo .
 781
 Gentium mores quàm corrupti essent,
 cum primum eis ab Apostolis prædi-
 catum est Euangelium 710
 Godefridus Dux, S. Sepulchri D.N. Iesu
 Christi aduocatus 271
 Godefridus recogitans Coronam Christi
 spineam, noluit captis Hierosolymis
 in eadem Ciuitate gestare regiam . 232
 Gothis Roma traditur 646
 Gratia Deo agenda sunt de beneficijs ac-
 ceptis 505

Græci

I N D E X.

Græci in Feflo Spiritus fancti Imperium
amiferunt, qui doctriæ Ecclefiæ Ca-
tholicæ de Spiritu fancto credere re-
cufarunt. 391
in Græciam, & alias Prouincias mittitur
S. Andreas Apostolus. 735
S. Gregorij Magni pietas, & liberalitas
in pauperes tempore famis, & pestis.
673
S. Gregorij temporibus qua in veneratio-
ne haberentur Sanctorum Reliquiæ.
837
Gregorij XIII. Pont. Rom. effufa, & vni-
uerfalis charitas erga indigentes. 669
Gregorius XIV. Rom. Pontifex fupra-
centum mille aureos dari iuffit ad fa-
mem reprimendam. 670
Guillelmus Rex Angliæ, morti proximus
fecretè, & publicè confitetur damna à
fe illata Ecclefijs, & fatisfacit, prout
potelt. 601. & feqq.

H

H Ebreorum Sacerdotis ftola, quo Dei
confilio peruenerit in poteltatem
Romanorum. 96
Hærefiarcha primus, fuit Simon Magus.
755
Hæretici quàmplures à Dæmonibus, vel
interfecti, vel aliter læfi, aut percuffi.
44
Hæretici plures conuertuntur ad fidem
Catholicam vifo miraculo. 727. &
feqq.
Hæretici poft mortem pueri fidelis, vi-
fo magno crucis prodigio, conuertun-
tur. 249
Hæretici aliqua tantum loca, & certo
tempore decipiendo occupant: Ca-
tholica autem fides per omnia tempo-
ra, omnia loca peruatit. 703
Hæreticus poft petitum à Deo, & fibi
ofenfum fignum veræ Religionis, tan-
dem Catholicæ Ecclefiæ reconcilia-
tur. 728
Hæreticus bonorum Ecclefiasticorum oc-
cupator, Epifcopi irrifor, & ingratus,
à Deo punitur. 855. & feqq.
Hæreticum violantem diem Feflum, quo
fanctiffimi Corporis Chrifti memoria

recolitur Diabolus fub serpentis figu-
ra deuorat. 58. & 59
Henricus Rex Germaniæ indebitè Ro-
manum, & vniuerfalem Pastorem ve-
xans, primo excommunicatur, deinde
à filio è Regno pellitur, poftremo in-
felicitè moritur. 605. & feqq.
Herodes, &
Herodias diuinam vindictam experiun-
tur. 482
Herodes descendit in fepulchrum Dauid,
thefaurum inde ablaturus. 474
Herodis Agrippæ miserabilis interitus,
& diuina vindicta in eundem. 576
Herodis filium fe fimulans, vt in Re-
gnum succederet, à Cæfare detegitur.
208
Herodis, qui caput Ioannis præcidi iuf-
fit, cruenta cœna. 192
Herodi à Deo immiſſæ calamitates. 166.
& feqq. Eiuſdem iracundia, & crude-
litas in Iudæos. 167. & 168. Item
eiuſdem crudelitas in filium, quem oc-
cidi iuffit. Item eiuſdem teſtamentum,
deſperatio, & mors. 169
Herodum genus vniuerſum. 206
Hierofolymæ excidium prædittunt Apo-
ſtoli Petrus, & Paulus. 814
Hierofolymis primum Concilium cele-
bratur à S. Petro. 770
Hierofolymitana Eccleſia Patriarchalis
nomine, non re, per multos annos ha-
bita. 756
Hieruſalem euerſuri Romani, in eodem
loco caſtra poſuerunt, in quo Chriſtus
fleuit ſuper eam Ciuitatem. 211
Hieruſalem expugnatur exercitui Chri-
ſtianorum, ipſam Ciuitatem nudis pe-
dibus circumeundam ſuadent Epifcopi,
& Principes. 272
Hieruſalem recuperat ab exercitu Chri-
ſtianorum. ibid.
in Hiſpaniam translatio Reliquiarum
S. Iacobi, totius Hiſpaniæ patroni.
492
Hiſpanorum Rex experitur virtutem, &
opem viuificæ crucis in bello contra
Sarracenos. 254
in Hiſpanias proficiſcitur S. Paulus. 805
In ea regione conuertit ad fidem Xan-
tippam hoſpitis ſui vxorem, & domum
L 11 4 eius

I N D E X.

cuius totam. 806
Historiæ Actuum Apostolorum dignitas
 & fructus. 799. & seq.
Historiarum sacrarum lectio, quàm uti-
 lis. 3. & seqq.
Historiarum prophandarum lectio, quæ
 mala vt plurimum pariat. 1. & 2
 in Homicidam diuina ultio. 412
Honores diuinos ipsis à turba oblatos
 recusant sancti Apostoli Paulus, & Bar-
 nabas. 680
Hospes S. Petri Romæ. 745. & seq.
Hospites recepturi, Zachæi, & Centu-
 rionis exemplum sibi proponant. 460
Hospitalium egrotantibus, & alijs sub
 læuandis pietas, & beneficentia Cardi-
 nalis Varmienfis. 678
Hospitium primum S. Petri Romæ. 745
Hospitium primum S. Pauli Romæ. 801
Hostiæ salutaris oblatione Dæmones ef-
 fugantur. 45
Humilitas S. Petri, qua voluit suspendi
 in cruce capite deorsum verso. 934

I

S. Iacobus Maior, frater Ioannis, oc-
 ciditur gladio ab Agrippa Rege.
 489. Idem fuit protomartyr Aposto-
 lorum. 491. Eiusdem Reliquiarum in
 Hispaniam translatio. 492. Idem pa-
 tronus fit totius Hispaniæ. ibid. Se-
 pulchri eiusdem mirabilis reuelatio.
 493. Idem pugnat pro Ferdinando Re-
 ge. 494. Eiusdem auxilio in alio bel-
 lo multa hostium millia prosternuntur.
 495. & seqq. Ecclesiæ eiusdem parie-
 tem Sarraceni demoliri, vlciscente,
 Apostolo, morti traduntur. 497. Ora-
 torij eiusdem portæ vltro aperiuntur
 peregrinis orantibus, & vigilias in eo-
 dem Oratorio facere cupientibus. 497
Iacobus Minor, cognomento Iustus, fra-
 ter Domini, Hierosolymitanus Epi-
 scopus. 737. Insenos habet Iudeos.
 806. & seqq. Filius Mariæ sororis Ma-
 tris Domini. 807. Triginta annos re-
 xit Hierosolymitanam Ecclesiam 807.
 Tentatur à Iudeis, vt deneget fidem
 Christi. 807. Quo mortis genere, &
 quomodo occisus. ibid. & seqq. Eius

virtutes. 808. & seqq.
Iapponensium sub Dæmonum dominio,
 miserabilis status. 49. Eorundem Sa-
 cerdotum abominanda libido. 50
Idolatria decreuit fundatione Roma-
 nę Ecclesię. 765
Idolum infandum Caij Imperatoris co-
 guntur recipere Iudei, qui Dominum
 Iesum recipere noluerunt. 483
Idola per totum Ægyptum corraunt, S.
 Io. Baptistę ossibus sub cauato sacra-
 rij pariete conseruatis. 200
Idola in Ægyptum ingresso Domino no-
 stro Iesu Christo contremuerunt, &
 conciderunt. 164
Idolorum cultus detestabilis, hominum,
 vitio, & dæmonum nequitia in Orbe
 terrarum introductus. 11 & 12
Idolatriæ destructionem timens Clau-
 dius prospicit Gentilitiæ superstitioni.
 765
Iesus Christus dum proficiscitur in Ægy-
 ptum, coram eo arbor se se vsque ad
 terram inflectit. 163
Eodem in Ægyptum ingresso concide-
 runt Idola. 164
Idem benedixit solitudini, per quam
 transiuit. ibid.
Iesu pueri ante imaginem se eidem offe-
 rens, & commendans pia mulier à gra-
 uissimo morbo liberatur. 151
Iesu pueri imaginē è Præsepio acceptam
 pia virgo negat se restitutam B. Vir-
 gini, nisi prius bonam valitudinem re-
 cuperet, & votis potitur. 152
Iesuitarum Societatis laus. 49. & 51
Iesuitarum Societatis Patres signo Cru-
 cis apud Indos mira operantur. 239
S. Ignatius Episcopus Constantinopoli-
 tanus immanem persecutionem patitur
 à Michaele impio Imperatore. 594
B. Ignatij in oculis, & vultu splendorem,
 & radios prælucentes sæpe vidit B.
 Philippus. 384
Ignem ad detegendam Simoniacam Epi-
 scopi hæresim Petrus Monachus ingre-
 ditur, & mirè à Deo liberatur, & Si-
 moniacus à Papa deponitur. 446. &
 seq.
Illusoris sacrorum mysteriorum pœna,
 717. & seqq.

Imago

I N D E X.

Imago Iesu Christi veneranda à Nicodemio picta, prodigiosum fundit sanguinem, dum à Iudæis illuditur, & crucifigitur. 310 & seqq.
Eadem male habentibus miraculosam adducit salutem, & incredulos Iudæos ad fidem trahit. 312. & seqq.
Imago Christi Domini miraculosa ab ipso missa ad Abagarum Regem. 190
Imaginis Christo erectæ fimbriam pertingens quædam herba omnes morbos curabat. 191
Imaginem Crucifixi irridens terretur à lumine ab ipsa imagine emisso, & cum multis alijs Christum confitetur. 255
Imagines duæ cedrino ligno incisæ, Christi crucifixionem representantes, insignes propter antiquitatem, & miracula multa, à quibus effectæ sint, & ubi asseruentur. 314
Imaginum sacrarum cultus, quàm sit Deo acceptus, & hominibus utilis. 313. & 412. & seqq.
Imagines Caij Imperatoris omnes abolitæ. 765
Immortalitas animæ. 694
Imperatores, & Reges venerantur sepulchra Apostolorum Petri, & Pauli. 839
Incantationibus operam dans mulier videt horribile spectrum. 37
Incarnatio Verbi diuini. 692
Incendium magnum Romæ sub Nerone. 811. & seqq. Quis auctor incendij. 812
Incendia & terremotus magnos immitit Deus ad coercendam Michaelis Imperatoris impietatem. 595. & seqq.
in Indiam Citeriorem, & Armeniam maiorem proficiscitur S. Bartholomæus. 736
Indi, & alijs populi noui Orbis temporibus auctoris adinuerti, qualiter in Christi fide proficiant. 704
Indis prædicat Euangelium S. Thomas Apostolus. 861
ad Iados, & alias nationes proficiscitur S. Thomas Apostolus. 736
Infidelis, & incredulus, valde peruersus est, & sibi ipsi maximus inimicus. 691
Infideles à Deo lumen fidei recipiunt ob

orationes fidelium de eorum familia. 414. & 418
Infideles quid admirentur in Christi fidelibus. 533. & seqq.
Ingratus Deo de beneficio insigni accepto Hæreticus diuinitus punitur. 855. & seqq.
Ingratus, & blasphemus erga B. Virg. Mariam de mudatione à lepra, & perseuerans in peccatis, rursus lepra percutitur, & occiditur. 138
Infirmi umbra Petri Apostoli obumbrati sanantur. 395
Infirmi cupientes corporalem sanitatem, dent operam prius animæ sanitati. 413
Infirmos sibi oblatos sanabat S. Vincentius signo crucis. 380
Infirmitate corporali quandoq. Deus ad animæ sanitatem homines perducit. 570
Inimici pacem componunt inter se, & crucis signum in cælo super eos apparet. 252
Inimicorum dilectionis exemplum illustrare S. Stephani 405. & seqq. Item aliud exemplum cuiusdam, qui post pacem præstitam vulnus, quod acceperat, diuinitus sanatum inuenit. 409. Item alia. 411. & seqq. Odisse autem inimicos, quàm malum. ibid.
Innocentium occisio sub Herode crudelissimo. 162. Encomium eorundem. 162
S. Ioannes Apostolus Virgo fuit. 864
Adolescens, in Apostolum electus. 864
Patriam habuit Bethsaidam. ibid.
Vincula, carcerem, virgas patitur Hierosolymis. ibid.
in Asiam minorem profectus, doctrinæ & miraculis innumeras conuertit gentes. ibid & seqq.
Mariam Virginem sanctissimam secum in Asiam ducit. 865
Persecutione patitur, & ab Asia adducitur in Europam, inde in exilium. 865
Coram Imperatore Christum annunciat, & gentilitatis Deos damnat. ibid.
Romæ mittitur in feruentis olei domicilium. ibid.
Relegatur in Pathmos insulam. ibid. & seqq.

Con-

I N D E X.

- Conuertit adolescentem, & committit Episcopo eius curam. 867. Eundem corruptum & latrocinij operam dantem recuperat. 868
- Scribit Euangelium. 869. & seq.
- Et quæ ante scribendum miranda acciderint. 871
- Ebionis impietatem detestatur. 871
- Animi aliquando remittendum rigorem, & recreationi indulgendum docet. 872
- Charitatem fraternam commendat discipulis suis. 872
- Mandat sibi fieri sepulchrum. 873
- Apud sepulchrum eius miracula fiunt plurima, & puluis ex ipso sepulchro manans medelam confert infirmis. 873
- S. Io. Baptista prodigiosa conceptio, & natiuitas. 97. & seqq.
- S. Ioannes Baptista mirificè laudatus à Iosepho hebræo historico. 193
- S. Ioannis Baptista spelunca quàm gloriosa sit. 186
- S. Io. Baptista corporis Reliquiæ honoratæ. Eiusdem apparitio, & oratio ad Deum pro aliorum salute. 199. Inuaso sepulchro dispersa ossa quomodo re-collecta. 200
- S. Io. Baptista caput puella, quæ petijt, cælesti, & horribili vindicta punita est. 204
- S. Ioannis Baptiste ope Sanctulus presbyter à morte liberatur. 197
- S. Io. Baptista inuocato adiutore in bello periculoso Imperator victoriam consequitur. 201. Rex Garfias liberatur ab inuentibus hostibus, & victor efficitur. 202
- S. Io. Chrysostomus quanti Romam fecerit, ob corpora SS. Apostolorum Petri, & Pauli. 841
- Iob miseratione & patientia præclarus fuit. 458
- S. Ioseph sponsi Beatissimæ Virginis nobilitas & sanctitas. 170
- Item dignitas eiusdem ex legatione Angelica de imponendo nomine Iesu. 171
- S. Ioseph septem graues dolores, & septè gaudia. 174
- S. Ioseph honoratus est summa cum pietate à Beata Tiresia, quæ asserbat se, & omnes quos nouerat, eiusdem Sancti ope omnia semper postulata obtinuisse. 175
- S. Ioseph imaginem piè colens nobilis Venetus, Beatissimi viri præsentiam in obitu suo promeruit. 173
- S. Ioseph duos Fratres Seraphici Ordinis naufragos post tres dies è fluctibus eripit, & ducit ad portum. 174
- de Iosepho ab Arimathæa, sancto Christi discipulo enarrationes. 298. & seqq.
- Idem Britannos ad fidem Christi primus conuertit. 308
- Iosephi Hebræi historici testimonium de Christo. 218
- Iouis, quæ Deum colebant Gentiles, olim ignominia, & nefandæ turpitudines. 22 & 23
- Irridens, & contemnens Episcopum hæreticus punitur à Deo. 856
- Isaïæ precibus fons Siloe ad radices montis Sion erumpit. 210. Eiusdem sepulchrum apud eundem fontem. ibid.
- in Italiam nauigat S. Paulus. 796
- S. Iudas Apostolus, vbi prædicauit Euangelium. 878. & seqq.
- Idem frater Domini, & germanus Iacobi. 880
- De eiusdem Epistola. ibid.
- Eiusdem martyrij genus. ibid.
- Iudas vbi in ficu se suspenderit. 212
- Iudæi in Synagoga expectantes videre signum salutis eorum, orantes vident cruces in Sindonibus apparere. 246.
- Iudæi quingenti & quadraginta conuersi ad fidem, euersis Synagogis, ad nouam Basilicam Christo constituentem pecunias, & saxa comportant. 437
- Iudæi Alexandrini post Christi mortem, primitias calamitatum experiuntur à Flacco Præside. 477. Illuduntur transformato quodam fatuo in Regem eorum more histrionico. 478. Flagellantur, & cruci figuntur. 479. Igne ferroque torquentur; probriis & alijs supplicijs afficiuntur. 480. Eorum mulieres, tanquam captivæ corripuntur, contumelias, & cruciatus patiuntur. 481.

I N D E X.

481. Item in alios Iudæos diuina vltio. 485
 Iudæi coguntur recipere infandum Caij Imperatoris Idolum in Templo, qui Dominum Iesum recipere noluerunt. 483
 Iudæis, & Christianis ab Vibe pulsus redeundi facultas datur. 809. & seq.
 Iudæorum nequitia loca Scripturę sacrę initio nascentis Ecclesię, corrupta sunt, in quibus illustre de Christo testimonium ferebatur. 258
 Iudæorum cum Romanis Societas. 69
 Iudæorum populum multis beneficijs affecit C. Cæsar. 73
 Iudæorum conuersio admirabilis. 424
 Item varij, & mirabiles euentus in conuersione Iudæorum. à pag. 428. vsque ad 438
 Iudæorum in Apostolos sanctos odium & persecutio. 680. & 682
 Iudæorum Apostolus dictus S. Petrus. 771
 Iudæos obiurgat auctor, quod fidem Christi temerè impugnent. 705. & 714
 Iudaicę Religionis auctoritas apud Reges externos. 779
 Iudicium vniuersale. 694
 Iuliani Imperatoris statua fulmine percussa, cum illam Iulianus in locum statuę Christi supposuisset. 191
 Iuramenta illicita, & alia infanda scelera in causa sunt, quod Deus in terras famem, terræmotus, & pestilentias immittat. 638
 Iure naturali etiam tenetur homo amplecti fidem Christi, & assentiri illis, quę per eandem fidem reuelantur. 690
 Iuuentuti quantum obesse possint passionis animi. 822
- L**
- L**ancea, qua Dominus Noster Iesus Christus percussus est, quomodo, & quando inuenta. 271. & seqq. item 276
 De eadem lancea. 280. & 286 & 287
 Lancea, qua Dominus Noster Iesus Christus percussus est, fertur in bello à Christianis, & præclara victoria potiuntur. 276 & 281. & seqq.
 Lancea & clauis Christi Henticus Rex, hostes fugat, & mira operatur. 270.
 Item Otho Henrici filius. 271
 Lapidatur S. Paulus, & semimortuus relinquitur. 785
 Lapides quibus Christi genuum, vel pedum vestigia sunt impressa. 212
 Lapis quidam, quo lapidatus est S. Stephanus, in Italiam translatus. 401
 Latroni, qui spoliat homines, similis est, qui non præstat eleemosynam, cum possit. 460
 Laurentius Cantuariensis Episcopus flagellis, & exhortatione admonetur à S. Petro, ne deserat gregem sibi commissum. 848
 Lauretana Domus Beatę Virginis ab Angelis in Dalmatiam, deinde in Picenum delata. 118. & seq. eiusdem domus descriptio. ibid. Magnificencia, & nobilitas. 121
 Lauretana ab Æde diripienda milites prædę cupidi insolita formidant, & nebulosa coercentur. 19
 Lectio Historiarum sacrarum, quàm utilis. 3. & seqq.
 Lectio prophanarum historiarum, quę mala pariat, vt plurimum. 1. & 2
 Liberalitas, & misericordia in pauperes tempore famis quàm laudabilis. 634. & seq.
 Libri curiosa tractantes comburantur à credentibus. 794
 Lydia purpuraria hospes S. Pauli. 789
 Lydia Purpuraria cum eius domo tota ad fidem conuertitur. 789
 Linguarum admirabile donum, nostro etiam seculo, à Deo hominibus communicatum. 378
 Lingua mulieris Manichę percutitur à Deo, & obmutescit. 726
 Litterę, quas formatas mos latinus appellat, quàm calculationis rationem habeant. 757
 Locus, vbi baptizabat S. Petrus Romę. 747
 S. Longini militis Martyrium, qui lancea latus Domini Nostri Iesu Christi aperuit. 291. & seqq. in eiusdem capitis inuentione cæca mulier lumen oculorum

I N D E X.

- rum recipit. 295
Luca in Hetruria afferuatur imago Christi Crucifixi insignis propter antiquitatem, & miracula. 314. à quo fuerit efficta eadem imago. *ibid.*
Ludi superstitiosi Meacensium apud Indos. 51
Ludouicus, Quartus Romanus assertus Imperator, pertinaciter infensus Romano Pontifici, ex equo miserabiliter corruit, & moritur. 623
S. Ludouici Regis Francorum misericordia in pauperes. 657
Lupercalia Gentilium nefanda sacra quando fuerint penitus abrogata Romæ. 179. & seqq.
Lusitani Crucis signum diuinitus oblatum sequentes in Æthyopiam primum appulerunt. 257
Lutheri humeris insidens Dæmon conspicitur ab Imperatore. 48
Lutherus volens Dæmonem exorcizare ab ipso Dæmone in summas angustias redigitur. 47
Lutheri ad exequias plurimi Dæmones confluxerunt. *ibid.*
Luxuriæ infandæ, blasphemix detestabiles, & illicita iuramenta in causa sunt, cum Deus in terras famem, terræmotus, & pestilentiæ immittit. 638
Luxuriæ deditus iuuenis, dū mulieri cui-dam insidias parat, à ferocissimo cane trucidatur. 204
Luxuriosa, & impudica Augusta, necis hominis castissimi rea, comburitur. 206
- M**
- M**agi primi inter gentes Christum natum adorauerunt, eiq. munera obtulerunt. 156. Quinam fuerint, & ex qua regione profecti accesserint ad Iesum. 153. & 157
Magi Simonis nefanda præstigia. 821
Magicam artem edificare cupiens iuuenis, per apocam proprio sanguine conscriptam, se se Dæmoni deuouet. 823. & seqq.
Magicæ artis impietas. 821. & seqq. vsq. ad 828
Magiæ studiosus Nero Imperator. 814
Magistratus, ubi Religione nituntur, cuncta sceleriter cedunt. 642
Malorum societas quàm perniciofa adolescentibus. 572. & seqq.
Manna in modum farinæ & oleum de sepulchro S. Andree Apostoli exit. 854
Manēs. Vide Mortuorum manes.
Manetes, auctor hæresis Manichæorum. 727
Manichæa mulier operante in ea Diabolo Catholicam fidem impugnat, sed tandem admirantibus circumstantibus coram Episcopo percutit Deus eius linguam, & obmutescit. 726. & seqq.
Manichæam hæresim detestantur, & ad fidem conuertuntur plures viso miraculo. 727
Manuariam artem cur, & quando didicerit S. Paulus Apostolus. 778
Marcus Aurelius Imperator, cum exercitu suo, orationibus Christianorum militum, ab extremo periculo, ob aquæ inopiam, liberatur. 521
Marcum filium suum appellat S. Petrus. 763
Marcum Alexandriam mittit S. Petrus. 764
Marci Euangelium approbat S. Petrus. *ibid.*
Mare est hic mundus, pisces homines, Piscatores Apostoli. 732
S. Mariam Virginem blasphemans uiuus ad æternos cruciatus defertur. 59
Mariæ Genitricis Dei Basilica Romæ, quæ Ara cæli, nuncupatur, qua de causa erecta fuerit in Capitolio. 83
Mariæ Virginis matris Dei sublimissima dona, & excellentissima ornamenta. 100. Ortus & educatio. 101. & seqq.
Admirabiles virtutes. 105. & seqq.
Largissima fluenta gratiarum. 111. & seqq.
Maria Virgo sanctissima, impedit mirabiliter ruinam tecti multos oppressuram. 113
Apparet Philippo Nereo, qui à grauissimo dolore statim liberatur. 113. & 114
Liberat à morte bis mirabiliter recitantem sapius quotidie deuote Antiphonam:

INDEX.

- nam Sub tuum præsidium, &c. 114.
& seq.
- Eleemosynam largitur cuida deprecanti ipsam ante eius imaginem, eundemq; liberat à pœna suspendij 116 & seq.
- Mariæ Virginis ob reuerentiam peccatrix mulier nolens fornicari die sabbati, ab omni peccato fornicationis mirabiliter liberatur. 117
- Mariæ Virginis Sanctissimæ domus ab angelis in Dalmatiam, deinde in Picenum delata. 118. & seq.
- Eiusdem Domus descriptio. ibid.
- Magnificencia & nobilitas. 121
- Maria Virgo sanctissima opem fert Marchioni cuidam Germano, brachium incurabiliter obtortum gestanti. 122. & seqq.
- Maria Virgo sanctissima puellam septennem per viam passuum triginta millium ducit ad ædem Lauretanam. 125
- Mariæ Virginis Sanctissimæ ope, blasphemio in Deum & ipsam B. Virginem lingua præcisa restituitur. 126
- Mariæ Virginis Sanctissimæ ope quidam à præcipiti casu, & aquarum demersione eripitur. 126
- Mariæ Virginis Sanctissimæ auxilium implorans peccatrix adolescentula ab instanti morte mirabiliter liberatur. 127
- Mariæ Virginis Sanctissimæ ope à gravissimo morbo liberatur Corcut, Turcarum Bassa. 128
- Mariæ Virginis Sanctissimæ ope à maximo morbo liberatur puella. 131
- Mariæ Virginis Sanctissimæ Andreas de Chio Martyr opem implorans, pluries inuocationis fructum mirabiliter experitur. 133 & seqq.
- Mariam Virginem Sanctissimam Aleator blasphemans punitur horribiliter in ore. 137
- Mariam Virginem Sanctissimam inuocans & eleemosynam mittens ad eius domum mundatur à lepra, & eandem eleemosynam recipiens, & perseverans in peccatis, rursus lepra percutitur, & occiditur. 138
- Maria Virgo Sanctissima virtutem & potentiam suam non solum miserando sed etiam aliquando castigando demonstrat. 138
- Mariæ Virginis Sanctissimæ admirabile verbum prophetico spiritu prolatum, cum affirmavit se beatam dicendam ab omnibus generationibus. 154
- Mariæ Virginis Sanctissimæ domus dum fuit in Aegypto. Eiusdem hortulus balsami: item fons in quo puerum Iesum, & panniculos eius lauit. 165
- Mariæ Virginis Purificationis dies festus. 178
- Mariæ Virginis Sanctissimæ hortatu S. Ioseph ab Arimathea audacter ingressus ad Pilatum petit corpus Iesu. 300
- Maria Virgo Sanctissima apparet S. Thomæ Aquinati, & eidem declarat quâ grata esset Deo illius vita, & scientia. 530
- Mariæ Virginis ope, nobilis vir falso accusatus è carcere mirabiliter liberatur. 538
- Mariæ Virginis ope in magno & periculoso nauali bello Turcarum exercitus frangitur & nobilis victoria obtinetur. 541
- Maria Virgo Sanctissima, & cum Ioanne Apostolo Ephesum, ibiq; habitat. 734
- S. Mariæ in via lata Diaconia Romæ. 80
- Mariæ Virginis Sanctissimæ ope perditissimus iuuenis recuperat apocam qua sese Dæmoni deuouerat. 825. & seq.
- Mariam Virginem Sanctissimam secum in Asiam ducit S. Io. Apostolus. 865
- S. Mariæ Maioris Basilica Romæ. 881
- S. Maria Magdalena exemplum penitentiae toti Ecclesiæ. 881
- De ea quæ prædixit Christus, & adimplenda sunt, & in dies adimplentur. 882
- Proficiscitur in Gallias, & secedit in solitudinem. 883
- Apparet Regi Siciliae eam inuocanti qui præsens eiusdem auxilium experitur. 884. & seq.
- Montales Romæ in Monasterio sibi dedicato ab impijs militibus grassatoribus mirabiliter tuetur. 885. & seq.
- Maria vxor Zebedæi, quæ & Salome dicitur. 288. Corporis eiusdem inuentio & translatio. 289. apparet mulieri leprosæ, eamq; docet, quomodo munda-
ri pos-

I N D E X.

- ri possit. 290. Alias mirabiles curationes operatur. 291
- S. Martini ope duo fratres ad concordiam reuocantur. 539
- Martinus Lutherus, vide Lutherus.
- Martyrium multis temporibus inauditum Andreæ de Chio. 133. & seqq.
- Martyres Romæ sæuissima tormenta experiantur sub Nerone. 810. & seqq.
- Martyrum Memoriarum qua pietate, & fide frequentandæ. 415. & seqq. & 420
- Mater omnium Ecclesiarum Romana Ecclesia. 768
- Matris cuiusdam pietas in interfectorem proprii filij. 411
- Matrem Deorum esse quàm falso putauerint Gentiles. pag. 20. & 21. Quod genus hominum illi consecraretur. 32
- Matrem iniurijs afficientes decem filij diuinitus castigantur. 417
- Matres plures vescuntur carnibus filiorum. 645
- Matthæus Apostolus.
- Ex Publicano mirabiliter fit Christi discipulus. 875
- Christo conuiuium cur paret. ibid.
- Optime meritis de Sancta Ecclesia Dei. ibidem.
- Scriptis Euangelium primus, Hebraico stylo. ibid.
- In Aethiopiam proficiscitur. 737
- Illisque prædicat Euangelium. 876
- Conuertit plurimos, inter quos sunt Rex ipse, Regina, & Iphigenia nobilis virgo, quam docet regulas castitatis. ibid.
- Ad sacrum altare orans pro veritate, & virtute moritur. ibid.
- Eius dente immerso in aqua, eandem bibens à Diaboli vexatione liberatur. 877
- Quæ docuerit S. Matthæus. 878
- Eiusdem Euangelium eodem Apostolo reuelante reperitur. ibid.
- Ægri sanantur tacti sacro volumine eiusdem Euangelij. ibid.
- Matthias Apostolus in locum Iudæ proditoris sorte electus. 880
- Prædicat Euangelium in Aethyopia. ibid.
- Eiusdem corpus Romæ asseruatur. 881
- S. Matthias proficiscitur in Aethyopiam post Iudam. 737
- Mediolanensis Ecclesia instituitur. 774
- Mediolanum mittitur S. Barnabas. 774
- Melita insula naufragantem Paulum excipit. 78
- Memoriæ Martyrum quæ, & qua pietate & fide ad eas accedendum, 415. & seqq. & 420
- Mendax & proprietarius Monachus vexatur à Dæmonijs. 857
- Meretrix die sabbati ob reuerentiam B. Virginis nolens fornicari, ab omni peccato fornicationis mirabiliter liberatur. 117
- Meretrix famosa moritur miserabiliter à Dæmone illecta & decepta. 38
- Meretrix ope Angelorum ad Deum conuertitur, & sacramentum Baptismi suscipit. 570
- Mexicano in Regno magna fidei Christianæ propagatio, & pietas credendum. 705
- Michaelis Imperatoris Constantinopolitani probra, & blasphemiarum erga Rom. Pontificem. 580. ad eundem Nicolai Papæ Epistola. 581. & seqq.
- Eiusdem impij Imperatoris, qui multa contra B. Ignatium & Romanum Pontificem impiè & contumeliosè dixit, & fecit, tremenda mors, vlciscens, Petro. 595. & seqq.
- Miles biennio custodiuit S. Paulum catena vinctum Romæ. 802
- Miles. Vide Pugna.
- Milites Christianos bellum mox commissuros præclare hortatur Episcopus. 282
- Miraculis fundata fides, hodie nouis miraculis non indiget. 715
- Sed Prædicatorum Christi vita irreprehenfibilis, & proba, miraculorum vim obtinet. ibidem
- Miraculum à Deo ostensum ad comprobendam Catholicam fidem. 716
- Miraculum diuinitus ostensum de damnatione æterna cuiusdam contemptoris fidei Christianæ. 717. & seqq.
- Miracula à Deo ostensa contra impugnantes Christianam & Catholicam fidem. 723. & seqq. vsque ad 728
- Mira-

I N D E X.

- Miracula duo edita in piscatione Petri. 751
- Miraculum primum in testimonium fidei à Petro factum est. 753
- Miraculis coruscarunt vincula, quibus S. Petrus Romæ vinctus fuit. 842
- Misericordia, quæ precibus extorquetur, non est perfecta. 466
- Misericordia in pauperes, & liberalitas quâ laudabilis tēpore famis. 634. & seq.
- Misericordia in pauperes ex toto orbe, aduentantes ad Urbem ex antiqua, & adhuc vigente consuetudine in Romana Ecclesia. 667. & seqq. vsque ad 672
- Misericordia Paulæ Romanæ erga pauperes. 654. item Elisabeth Regis Pannonum filix. 656. item S. Ludouici Regis Francorum. 657
- Misericors quidam in pauperes, tempore famis, inter beatos locum obtinet. 660
- Missæ sacrificium pro animabus defunctorum. 661
- Missæ, quæ est de vinculis Petri, canitur pro liberatione Regis Angliæ. 536
- Missæ sacrificio oblato, & orationibus munita mulier Deum defensorem, & vindicem suæ pudicitix experitur. 205
- Missam Dominico die audiens viator, à mortis discrimine liberatur, & comites contemnentes intereunt. 358
- Missam qui audierant, in nauī periclitantes liberantur, ceteri autem de eadem nauī qui non audierant, submerguntur. 358
- Missam populo Aethiopico dedit S. Mathæus Apostolus. 878
- de Monasterio exire cogitans Monachus ope Sancti Andree respiscit. 857
- Monasterio relicto Monaci duo in criptis latitantes D. Andree ope inuenti sunt. 857
- Moniales Monasterij S. Mariæ Magdalene Romæ ab eadem sancta mirabiliter seruātur illesæ à militibus impijs graffatoribus. 885. & seqq.
- Montes scissi sunt ex ingenti terræmotu, tempore mortis D. N. Iesu Christi. 217
- Montes coniunguntur simul mirabiliter precibus B. Odonis. 340
- Morbi plures, & incurabiles sanantur annulo catenæ, qua se sanctissima quædā mulier cinxerat. 842. & seq.
- Mores gentium quā corrupti essent, cū primum eis ab Apostolis prædicatum est Euangelium. 710
- Mors multorum millium hominum passim in Italia tempore famis. 644
- Mortis Domini Nostri Iesu Christi tempore, Eclipsis prodigiosa Solis. 215. Veli templi scissura. 216. egressio columbæ e templo. 217. Terræmotus. 217
- Mortem Crucis prædixit Christus Petro Apostolo. 753
- Mortis articulo instante quidam impetrat à Deo Ecclesiastica sacramenta. 525
- Mortis formidinem qua meditatione superare possimus. 337
- Morti proximus Guillelmus Rex Angliæ damna à se data Ecclesiæ publice confitetur, & satisfacit prout potest. 601. & seqq.
- Mortuorum Manes sacrilego cultu honorant Meacenses apud Indos. 51
- Mortuus suscitatur S. Petri baculo. 760
- Mulier Manichæa Diabolo in ea operante impugnans Catholicam fidem, post longam disputationem obmutescit. 726. & seq.
- Mulierculæ cuidam predicat fidem Christi S. Petrus Apostolus, eandemque ab infirmitate curat, & baptizat. 758
- Mulieres Iudarum tanquam captivæ corripuntur, contumelias & cruciatus patiuntur. 481
- Mulieres nobiles non paucae ad fidem Christi conuertuntur prædicatione S. Pauli Apostoli. 790
- Mulieres steriles complures S. Vincentij ope, steriles esse desierunt. 380
- Mundum muliebri & gemmas contemnit & distrahit Thecla virgo amore verbi Dei audiendi. 786
- Mundus hic rotus mare fuit, in quo piscati sunt Apostoli rationales pisces. 732

N

Natiuitas D. N. Iesu Christi ineffabiliter supra naturæ ordinem facta in mundo. 139. & seqq. Nati.

I N D E X.

Natiuitatis eiusdem tempus. 146
 Natiuitatis D. N. Iesu Christi die, Mo-
 nialis annos duodecim laborans mor-
 bis incurabilibus, commendans se pue-
 ro Iesu liberatur. 150
 Natiuitatis Dominicæ memoriam pie re-
 colentes multi laudabiliter præsepio-
 la in Ecclesijs, & in priuatis domibus
 construunt. 148. & seqq.
 Nauem perituram, & saluandos, qui erant
 in ea, prædixit S. Paulus. 796
 Naufragos duos Fratres Seraphici Ordini
 S. Ioseph à fluctibus eripit, & ducit
 ad portum. 174
 in Naufragio Deus donat S. Paulo Apo-
 stolo ducentas septuaginta sex animas.
 684
 Neapolim pertransit S. Petrus Apostolus
 Romam pergens. 758
 Eandem Ciuitatem acquirit Christo.
 759
 Neapolitanam mulierculam, nomine Can-
 didam, S. Petrus Apostolus docet fidem
 Christi, eandemq. ab infirmitate curat
 & baptizat. 758
 Neapolis Episcopus ordinatur Aspren à
 Petro Apostolo. 759
 Necromantiæ artem ediscere cupiens iu-
 uenis, per apocam proprio sanguine
 conscriptam, se se Dæmoni deuouet.
 822. & seq.
 Nero initio sui Imperij in omnes bene-
 ficentissimus, & iustissimus fuit. 810
 Neroni pollicetur volatum Simon Ma-
 gus. 815
 Nero in Christianos adhuc sæuere inten-
 dens, à cælesti numine corripitur, &
 propter eius infanda scelera ab omni-
 bus derelinquitur, & se ipsum necat.
 851. & seq.
 Neronis concubina Poppæa. 803
 S. Nicodemus, & S. Ioseph ab Arima-
 thæa, Iudæorum nobilissimi, curatores
 sepulchri Christi. 302. & seqq.
 de Nicodemo sancto Christi discipulo
 enarratio. 309
 Nicolai Rom. Pontificis Epistola ad Mi-
 chaelem Orientalem Imperatorem.
 581. & seqq.
 Nomenclaturæ S. Petri Apostoli. 758
 Nominis mutatio quid honoris, & præ-

rogatiue ostendat in Petro Apostolo.
 749
 Nosenberg in Arce magna infestatio de-
 monum. 43
 Nostra caro excellentissimam gloriam, &
 claritatem consecuta. 339
 Nuptias nefandas patris recusans pulcher-
 rima virgo decollatur. 193. & seqq.

O

Oculos velare solebant olim Iudæi,
 quibus caput amputandū erat. 832
 Odium contra inimicos, quā sit odien-
 ti noxium, & abominabile apud Deum.
 409. & 411
 Olei fons largissimus Romæ fluxit per to-
 tum diem, temporibus Cæsaris Augu-
 sti. 65. & 86
 Olei feruentis dolium Romæ, in quo mis-
 sus est S. Io. Apost. 865
 Oleo exeunte de tumulo S. Andreæ Apo-
 stoli infirmi curantur. 854
 Onesimus ad Christi fidem trahitur ope-
 ra S. Pauli Apostoli. 804
 Orandi forma, qualitas loci, horarum
 interualla, diuturnitas orationis, qua-
 lia sint. 514
 Orandum qualiter ad sanctos. 520
 Oranti non est præscripta corporis com-
 positio, sed stantes, sedentes, genu fle-
 xo, & iacentes in lecto orant serui
 Dei. 514
 Orantis non vocem, sed cor audit Deus.
 517
 Orantibus quid in oratione petendum.
 519
 Orare rios vult Deus, vt cor nostrum ca-
 pacius efficiatur ad accipiendā, quæ
 petimus. 513
 Orantis hominis dignitas, & pulchritu-
 do. 501
 Orationis præclara descriptio, eiusq. mul-
 tiplices, sed omnes excellentissimi ef-
 fectus. 512
 Oratio & meditatio, quā sit necessaria
 Ecclesiastico. 509
 Oratio sit sobria, pura & vigilans, & ex-
 plosis inutilibus cogitationibus soli
 Deo vacans, & perseverans, & vox
 eū corde concordans humilis, & munda.
 515. & seqq.
 Ora,

I N D E X.

- Oratio** habeat comitem verecundiam & disciplinam. 517
- Oratio** fidelis ad Deum in necessitatibus quàm præsens, necessarium, & efficax remedium. 663
- Oratio** quàm sit pretiosa, opulenta, & admirabilem rerum operatrix. 501. & seqq. Quàm sit necessaria Prælo sublimi. 506
- Oratio** fit ab Ecclesia pro Petro constituto in carcere. 754
- Oratio** quorundam Monachorum, pro eorum Fratre dira patiente, exauditur. 857
- Oratio** Episcopi contra impium, & avarum hæreticum exauditur à Deo. 856
- Orationis** studium primorum Christianorum in periculis, & quibusvis necessitatibus. 500
- Orationi** quid conferant actus externi. 513
- Orationis** virtutem, & effectum impediunt tria. 518
- Orationis** humilis forma, quæ cælos penetrat virtute sua. 518. Item alia forma, vel exemplar. 521
- Orationis** vi, navis quædam oneraria è terra ad mare prouoluitur. 524
- Orationis** vi sanctus Thomas sacrarum litterarum, & cælestium arcanorum scientiam consecutus est. 528. Idem Sanctus quàm fuerit studiosus orationis. ibid. & seqq.
- Orationem** omittens ob nimiam solitudinem temporalium, ceteris orantibus ipse solus diuinitus castigatur. 663
- Oratione** sua quidam in mortis articulo impetrat à Deo Ecclesiastica Sacramenta. 525
- Oratione**, arbor quæ prius cæsa fuerat, in pristinam formam consolidatur. 535
- Oratione** B. Odo lacum à Deo impetrat. 539
- Oratione** sola validissimus exercitus fugatur. 540
- Oratione** piorum exercitus Turcarum frangitur, & nobilis victoria obtinetur in magno, & periculoso nauali bello. 547
- Oratione** Posthumius Abbas beatitudinem sibi impetrat. 532
- Oratione** Philippus Neri multa, & magna operatus est. 542. vsque ad 547
- Oratione**, & aqua benedicta expellit locustas Stephanus Papa Sextus. 665
- Oratione** S. Paulus Apostolus tempore naufragij impetrat à Deo animas ducentas septuaginta sex, ne pereant. 684
- Oratione** hæreticus petit à Deo signum, quo veram Religionem agnoscat, & obtinet, & tandem Catholicæ Ecclesiæ reconciliatur. 728
- in Oratione**, quid sit clamare ad Christum. Item in oratione quid agendum. 515
- in Oratione** admirabilis assiduitas, & studium Sisinij in quodam sepulchro per triennium. 532
- Orationibus** Ecclesiæ protectus S. Petrus, è manibus Herodis eripitur. 498
- Orationibus** Christiani milites impetrant à Deo pluuiam largissimam. 521
- Orationibus** suis mulier quædam Christiana captiua infidelibus mouet admirationem. 533. Eadem infantem sanat. ibid. Eadem Reginam à graui dolore liberat. ibid.
- Oratorij** S. Iacobi portæ vltro aperientur peregrinis orantibus, & vigilias in eodem Oratorio facere cupientibus. 497
- Orgia**, idest sacra & ceremoniæ circa nefandum cultum falcorum Deorum. 17. & seqq.

P

- Paganos**, & Mahometanos in bello vicerunt fideles Lusitani crucis signo præeunte. 258
- Panes** pauci multiplicantur in Monasterio Theodosij Cænobiarchæ. 636
- Paraboli** cur frequenter vsus sit Christus Dominus noster. 8
- Paradisi** pulcherrima visio ostenditur cui, dam, qui deinde libenter instantem suscipit mortem. 575
- Parentibus** hæreticis obiurgatibus, & imperantibus non obedit puerulus fidelis, nec desistit adorare signum crucis, illi vero post mortem pueri viso magno

INDEX.

gno crucis prodigio conuertuntur .
 249
 Pater & prædicator primus, tam Iudæo-
 rum, quàm Gentilium, S. Petrus, 753.
 & seq.
 Pater, qui vexauerat Romanum Ponti-
 ficem suffocatur à proprio filio, & eius
 genus totum extinguitur. 620
 Patrem Deorum esse quem falso putave-
 rint Gentiles. 23
 in Pathmos insulam relegatur S. Io. Apo-
 stolus. 865. & seq.
 Patriarchales Ecclesiæ, & primæ, quæ?
 756
 Passio & mors D. N. Iesu Christi medi-
 tanda. 317. & seq.
 Passionis D. N. Iesu Christi instrumenta
 toto orbi quàm conspicua sint, atque
 proficua. 225
 Paulæ Romanæ in pauperes liberalitas
 & misericordia. 654
 Pauli Apostoli natalis dies)
 Natale solum, siue Patria) 775
 Locus educationis)
 Nomen)
 Conditio)
 Doctrina) 776. & seq.
 Forma corporis)
 Tribus)
 Mores, 778
 Manuaria ars. ibid.
 Effigies, & statura. 833
 Paulus Apostolus conuertitur ad fidem;
 baptizatur; impletur Spiritu sancto;
 ubique Christum confitetur, & prædi-
 cat. 453
 Claudum solo verbo sanans, oblatos
 à turba diuinos honores recusat. 680
 Multa præclara bona operatur, & ma-
 la pro fide Christi patitur. 680. & seqq.
 vsque ad 687
 Visit S. Petrum Hierosolymis. 780
 Rapitur ad tertium cælum. 781
 Habet à Deo reuelationem de conuer-
 sione Gentium. 781
 Assumitur à Spiritu sancto cum Bar-
 naba ad prædicandum. 782
 Elymam Magum aduersantem Euan-
 gelio cæcitate percutit. ibid.
 Sergium Proconsulem ad fidem con-
 uertit. ibid.

In Pisidia apud Iudæos habet prædica-
 tionem. 783
 A Iudæis persecutionem patitur. 784
 Cum Barnaba Iconij signa facit, &
 multos ad Christi fidem conuertit.
 785
 Listris claudum, qui nunquam ambu-
 lauerat, erigit, & sanat. 785
 Diuinos honores recusat. ibid.
 Lapidatur, & semimortuus relinquitur.
 ibid.
 Ad euangelizandum alijs ciuitatibus
 pergit. 785. & 788
 Theclam virginem nobilissimam ad fi-
 dem conuertit. 788
 Lydiam Purpurariam cum eius domo ad
 fidem conuertit. 789
 Pithonissam à Spiritu malo liberat.
 ibid.
 Truditur in carcerem, orat, fit terræ-
 motus, aperiuntur ostia, & vincula,
 captiuorum soluuntur. ibid.
 Baptizat custodem carceris. ibid.
 Prædicat verbum Dei Theffalonicæ, &
 multi ad fidem conuertuntur. 790
 Prædicat Athenis in Areopago. 791
 Lucrat Christo Dionysium Areopa-
 gitam, & alios. 792
 Imponit manus super baptizatos à se,
 & accipiunt Spiritum sanctum, & lo-
 quuntur linguis. 794
 Nauigat in Italiam. 796
 Prædicat nauem perituram saluis nau-
 gantibus. ibid.
 In insula Melita, à naufragio cum So-
 cijs ereptus, vipera manum eius inua-
 dente, illæsus euadit. 798
 Patrem hospitis à febribus curat, &
 egrotos totius Insulæ. ibid.
 Romam peruenit, ubi prædicans per-
 manet biennio. 798. & seq.
 Quid ibi egerit. 801. & seqq.
 Vbi primum hospitio exceptus sit, ibi.
 Victum, suis manibus operando, sibi
 parabat. 803
 Onesimū Philemonis seruum ad Chri-
 sti fidem trahit. 804
 Proficiscitur in Hispanias. 805
 In Hispania conuertit ad fidem Xanti-
 pam hosiitis sui vxorem, & eius vi-
 rum, & totam familiam. 806

Romam

I N D E X.

- Romam reuertitur cum Petro, ut succurrat pulillo gregi, quem ferus Nero vastabat. 814
- Romæ rursus prædicat. 814
- Cum Petro in carcerem mittitur, conuertunt carceris custodes, eos baptizant, erumpente cælitus fonte. Prædicant, infirmos curant, & 47. alios viros conuertunt. 828. & seq.
- Damnatur morte à Nerone. 830
- Flagellatur. ibid.
- Ducitur ad locum martyrij, & conuertit in itinere tres milites. 831
- Decollatur. Lac manat è gutture. 832
- In loco decollationis erumpunt tres fontes. 833
- Eius sepulchrum venerantur fideles. 835. & 838. & seqq.
- Pauli V. Pontificis Maximi singularis prouidentia ad pellendam ex Vrbe famem. 671
- Paulina pudica, & decora mulier Romana à Sacerdotibus Idolorum decipitur. 33
- S. Paulini Charitas, & studium pro conuersione nobilis, & eruditi adolescentis. 386 & seqq.
- S. Paulini eloquium admirabile, cum patri pietate coniunctum in enarrandis stupendis quibusdam miraculis. 560 & seqq.
- Pauper fame laborans petit triticum à diuite duro, lachrymas pro pecunijs offerens, & diues crudelis punitur. 653
- Pauperibus neglectis diuites, qui equos ornant, parietes vestiunt, &c. quam reprehendendi. 458. & 462
- Pauperes vltro à diuitibus requisiti sunt, nec scrutandi, quales sint. 460
- Pauperes quomodo eleemosynam facere possint, & ingentem mercedem recipere. 465
- Pauperes quotidiano cibo pascit, & eis ministrat Clemens Octauus Pontifex Max. 671
- Pauperum, & famelicorum concurrente multitudine, diuinitus modici panes multiplicantur in Monasterio Theodosij Cænobitarchæ. 636
- Pauperum alendorum causa S. Ermenoldus nihil proorsus sibi & proprio Monasterio reseruauit. Sed Deus, prouidentia singulari, eius inopiam suppleuit. 636
- de Pauperum & egenorum inopia subleuanda. 623. & seqq. ferè per totum, vsque ad 638
- Pauperum plusquam quatuor millia pascit tempore famis quidam Ciuis Florentinus. 679
- Pauperum & Ecclesiæ bona occupans diuinam ultionem experitur. 855. & seqq.
- Pauperibus legauit omnes facultates suas Urbanus Septimus Romanus Pontifex. 670
- Pax vniuersalis in Orbe terrarum instante Christi aduentu. 87
- Pace vniuersali in Orbe terrarum parta Iani portas clausit Augustus. 87
- Pacis spiritum suscipiunt in Bethlehemitica Ecclesia duo Militum Duces ad singulare certamen descendere volentes. 148
- Pacè componunt inter se Reges, & Principes prædicante Archiepiscopo, & crucis signum in cælo super eos appareret. 252
- ad Pacem & concordiam duo fratres S. Martini ope reducuntur. 539
- Peccata, & corrupti mores hominum prouocant diuinam vindictam in genus humanum, deo ad auertendas plagas famis, & alia flagelia, vnicui remedium est pœnitentia peccatorum, & emendatio morum. 631. & 638
- Peccatis obnoxius quidam iuuenis incidit in manus Diaboli, & Socius se signo crucis communiens euasit eiusdem Diaboli manus. 256
- Peccator eleemosynarius contritionem, & pœnitentiam obtinet, & paulò post in pace moritur. 472
- Peccatoris recessus à Deo, & eiusdem ad ipsum Deum conuersio, quomodo fiant. 373
- Peccatoris cuiusdam insignis conuersio, & progressus in via perfectionis. 454
- Peccatores cur Deus permittat in hoc mundo præualere contra iustos. 439
- Peccatrix quædam nobilis confessionem Sacramentalem spernens, & monita salutis, horribili morte interimitur, & corpus

I N D E X.

corpus etiam Dæmoni traditur ab eius patre .	57. & 58	Prædicat, & Spiritus sanctus cadit super audientes.	456
in Peregrinos recipiendos beneficentia Cardinalis Varmienfis .	678	Ecclesiam gubernat, gentesq. conuertit .	475
Persecutio prima Christianorum .	813	Ecclesiæ orationibus protectus eripitur de manibus Herodis fractis catenis carcerisq. portis vltro apertis .	498
Persecutio ingens, contra Christo credentes, exorta post mortem Apostolorum .	849. & seq.	Ad primam orbis Urbem destinatur .	733
Persecutionem ab iniquis passus, è carcere mirabiliter liberatur .	538	Peruenit Romam .	743
Persecutionem patitur S. Paulus .	784	Mittit multos discipulos in Galliam, ad prædicandum .	761
Personarum diuinarum productio .	692	Romana Cathedra fundata cedit Ecclesiæ Antiochenæ .	761
Pes pauperis Petri conculcat superbam Romam .	733	Approbat Euangelium Marci .	764
Pestilentia subita diuino iudicio percutitur exercitus Imperatoris persequentis Romanum Pontificem .	617	Eundem Marcum Alexandriam mittit. ibid.	
Pestis & famis tempore, praxis admirabilis S. Caroli Borromæi ad alēdos pauperes .	672. eodem tempore quid effecerit S. Gregorius Magnus .	770	
Petri Apostoli aduentus Romam .	743	Vrbe pellitur .	770
Socij, cum Romam venit .	744	Primum Concilium celebrat Hierosolymis .	770
Primum hospitium Romæ .	745	A Paulo reprehenditur .	772
Hospes Pudens Romanus .	745. & seq.	Barnabam Medionalum mittit; Mediolanensem Ecclesiam instituit .	774
Locus, vbi baptizabat .	747	Visitur à Paulo Hierosolymis .	780
Excellentiæ, & præcellentes prærogatiuæ .	749. & seqq. vsque ad 751. sunt autem xxviij.	Est Vicarius Christi .	750. & 752. & 753. & 756
Nomenclaturæ .	758	Vniuersalis Pastor est, ipsiq. & eius Successores mittunt Pastores in diuersas Regiones ad pascendas mundi oues .	898. & seq.
Sedes .	751	Iudæorum Apostolus dictus est .	771
Cathedra lignea .	760	Romam reuertitur cum Paulo, vt succurrat pusillo gregi. quem ferus Nero vastabat .	814
Vxor .	844	Scribit ad Vrbe Roma Epistolas, celestibus documentis plenas .	815
Mors, & causa mortis .	810. & 834	Suscitat mortuum, quem Simon Magus suscitare non valet .	816. & seq.
Vincula quibus Romæ vinctus fuit .	842. & seq.	Hortatur populum, ne lapidet Simonem .	817
Epistolæ, & cælestis doctrina .	762. & seq. & 816	Discedens ab Vrbe obuiam habet Christum, cui dicit: Domine, quo vadis, &c.	818. & 830
Petrus Apostolus, vnico sermone conuertit tria millia hominum .	375	Imperat Dæmonibus Simonem in sublimē vehentibus, & Simon horribiliter cadit .	818. & seqq.
In nomine Iesu Christi claudum sanat.	393	Cum Paulo in carcerem mittitur. Conuertunt carceris custodes, eos baptizant erumpente cælitus fonte. Prædicant. Infirmos curant, & 47. alios viros conuertunt .	828. & seq.
Ananiam, & uxorem increpat .	395		Quas
Vmbra infirmos sanat .	395. & 476		
Obiurgat & refellit Simonem Magum .	441		
Æneam paraliticum sanat .	455		
Dorcam discipulam ad vitam reuocat. ibidem .			
Visione docetur omnes gentes vocandas esse ad Deum .	456		

I N D E X.

Quas Orbis partes toto Apostolatus,
& vitæ tempore inuiferit. 829
 Damnatur morte à Nerone. 830
 Flagellatur. ibid.
 Martyrio coronatur, volens verso
 deorsum capite, in cruce suspendi.
 834
 Sepelitur honorifice. 835
 Eius sepulchrum venerantur fideles, &
 ad eundem miræ sunt operationes.
 835. & seqq.
 Eius effigies & statura corporis. 844
 Romam custodit. 847
 Apparet Episcopo, & flagellis & ex-
 hortatione admonet, ne Christi gre-
 gem deferat. 848
 Eius, & Discipulorum Iesu Christi cō-
 stantia, fortitudo, & fiducia, in Chri-
 sti fide prædicanda, & propaganda.
 394. & 396
 Petri Apostoli deuotus spectra Diaboli
 audit, videt, & vincit. 41
 SS. Petrus, & Paulus Apostoli exponunt
 quemdam locum Scripturæ difficilem
 S. Thomæ Aquinatis. 529
 Petrus Monachus ignis experimentum
 ingreditur ad detegendam simoniacam
 hæresim Episcopi. 446
 Pharisei qui essent. 774
 S. Philippus Apostolus proficiscitur in
 Asiam superiorem, & alia loca. 736
 Scythiam ferè totam ad Christi fidem
 prædicando perducit. 874
 Hierapoli Phrigiæ pro Christi nomine
 cruci affixus, lapidibusq. obrutus est.
 874
 Philippus Diaconus prædicatione, & si-
 gnis trahit ad Christum Samaritanos.
 441
 Philippus Diaconus, ab Angelo admo-
 nitus, Eunuchum Candacis Reginæ do-
 cet Christi fidem, & baptizat. 451
 B. Philippus Nerius precibus suis Franci-
 scum Mariam Taurisium acquirit, tra-
 dit Deo, & docet eum orandi artem.
 545
 Orans pro morientis incolumitate, ra-
 pitur in altum, & salutem ægrotò im-
 petrat. 546
 Orans, quibusdam dulcem orationis
 spiritum impetrat. ibid.

Oratione, Dæmonem canis nigerrimi
 specie, à moribundo fugat. 547. Dia-
 bolus in eundem infestus ne oret ibid.
 Eidem apparet Maria Virgo sanctissi-
 sima, & ille statim à grauissimo dolo-
 re liberatur. 113
 Idem dum grauissimo dolore torque-
 tur, apparitione B. Virginis diuinitus
 liberatur. 113
 Idem passionis, & mortis Dominicæ
 feruidus, & deuotus contēplator. 322
 Eiusdem in sacro faciendo ardor, pie-
 tas, & raptus. 350
 Idem diuino miraculo duas costulas in
 sinistro latere elatas habebat, ampliato
 cordis sinu. 385
 Idem B. studiosissimus fuit in occultan-
 dis gratijs sibi à Deo collatis. 386
 Idem noctu eleemosynam deferens, à
 magno periculo liberatur. 473
 Eiusdem studium, & amor erga ora-
 tionem. 542. & seqq.
 Eiusdem scientia circa ipsam oratio-
 nem. ibid.
 Idem quam multa & magna per ora-
 tionem operatus sit. ibid.
 Idem Dæmonem orationi insidiantem,
 oratione confundit. 545
 Idem ad largiendas eleemosynas infla-
 matur, dum stipem dat Angelo paupe-
 ris specie. 473
 Veste propria se spoliatur, vt nudum
 cooperiat; Item priuat se panibus, vt
 alios sustentet. ibid.
 Philosophi qui sapientiam profitebantur
 inter gētes, in quantam intellectus ob-
 scuritatem & morum turpitudinem in-
 ciderint. 60
 Philosophos Gentiles confundit sanctus
 Antonius Magnus. 719. & seqq.
 Item S. Spiridion. 723. & seqq.
 Philosophus Gentilis fidem Christi impu-
 gnans iussu Alexandri Episcopi ob-
 mutescit coram Imperatore. 725
 Pythonissa liberatur à Dæmonio ope S.
 Pauli Apostoli. 681
 Pythonissa à spiritu malo liberatur. 789.
 Pij Quinti Pontificis Romani singularis
 prouidentia in procuranda frumento-
 rum copia, ad populum subleuandum.
 668

M m m 3 Pila.

I N D E X.

- Pilati epistola ad Tiberium de Christo D. N. 219. & 120
- Pilatus, sub quo passus est Dominus, sibi miserabili exitio, mortem infert. 483
- Piscandi noua retia & instrumenta, quibus vsi sunt Apostoli ad rationales pisces capiendos. 732
- in Piscatione Petri miracula duo edita. 751
- S. Plantilla mater S. Flauiae Domitillae. 812
- Poenitentia. vide, Confessio Sacramentalis.
- Poenitentia peccatorum, & emendatio morum, efficax remedium est ad auertendas plagas famis, & alia flagella diuinitus immissa. 631. & 638
- Poenitentiae causa, arduum vitae genus inter monachos, eligit Dominicus Lorricatus. 451
- Poenitentiam spernens mulier peccatrix miserabili & horribili morte perit. 39
- Poenitens Monachus liberatur à vexatione demoniorum, quam patiebatur ante, propter peccatum mendacij, & proprietatis. 857
- Poenitentiae exemplum singulare, S. Maria Magdalena. 881
- Poetarum, quos Romantios vocant, signimenta & fabulae bonis moribus, ut plurimum obsunt. 8 & 9
- Poetarum veterum fabulae quot mala inuexerint mundo. 9. & 10
- Pontificis Romani Gelasij heroica virtus in extirpandis lupercalibus, nefandis festis Gentilium. 179. & seqq.
- Poppaea, Neronis concubina. 803. & 835
- Prædicandi, & propagandi fidem Christi, constantia & fortitudo discipulorum Christi. 394. & 396
- Prædicandum Euangelium omnibus gentibus Christus prædixit, & sicut dixit, factum est. 707
- Prædicat primus omnium Petrus, tum Iudæis, tum gentibus. 753. & seqq.
- Prædicatione & signis Philippi Diaconi, Samaritani ad Christum trahuntur. 441
- Prædicatione sua S. Paulus Apostolus trahit ad fidem plurimos. 681. & seqq.
- Prædicationis habitus Romæ à S. Paulo testimonium. 803
- Prædicator primus Romæ sanctus Petrus. 766
- Prædicatorum Christi vita irreprehensibilis, miraculorum, quæ fiebant initio nascentis Ecclesiae, vim obtinet. 715
- Prædicatorum Ordinis laus. 824
- Prælati sublimi quam sit necessaria oratio. 706
- Prærogatiue præcellentes S. Petri Apostoli. 749. & seqq.
- Præsepiola tempore Natiuitatis Dominicæ, cur construuntur in Ecclesijs, & in priuatis domibus 148 & seqq.
- Probatæ Piscinæ aqua, cum commoueretur, sanabat ab omnibus infirmitatibus. 96
- Probus, hospes S. Pauli in Hispania, suscepit fidem Christi, cum tota eius domo. 806
- Prodigia & portenta Romæ, ubi Christus præcipue erat regnaturus, & sedem suam positurus. 81. & seqq.
- Prodigium voraginis repentinae in medio Urbis Romæ. 62
- Item alia prodigia, vel visa Romæ, vel nuntiata ante aduentum Christi Domini. 63
- Prophetia Christi de Euangelio. 707
- Prophetia Mariæ Virginis de seipsa. 154
- Prophetiæ donum, & internarum cogitationum inspectio, in Hildebrando Archidiacono. 381
- Proprietarium monachum vexant demones. 857
- Proselita quis sit. 754
- Protomartyr Apostolorum S. Iacobus Maior, frater Ioannis. 491
- Prouincia S. Crucis, quæ, & cur sic appellata. 256
- in Pſidia apud Iudæos habet prædicationem S. Paulus. 783
- Puella parua impolluta eligitur, quæ deferat reliquias S. Andræ Apostoli. 854
- Pugnam obituro Christi fidei, quæ prius opera pietatis agenda. 257. & 272. & seqq.

I N D E X.

& seq. & 276. & 281
 Pulvis manans ex sepulchro S. Ioannis
 Apost. medelam confert infirmis. 873
 Purgatorij tormentis eripitur Alpho-
 nus Rex piorum precibus. 661
 Purgatorij in pœnis quidam detentus,
 cuius apprensus rogat eum pro se. 660
 Item purgatorij pœnis deputantur
 quidam in iisdem locis, in quibus de-
 liquerunt. 660. & seq.
 Purificationis Beatæ Virginis Mariæ fe-
 stivitas, quibus nefandis festis Genti-
 lium sublatis fuerit introducta. 178.
 & seq.

Q

Quadragesimæ ieiunium commenda-
 vit S. Mattheus Apost. 873
 Querna corona cū inscriptione, salus hu-
 mani generis, impressa numismati Au-
 gusti, cuius tempore natus est Chri-
 stus. 244

R

Recreationi aliquando operam dan-
 dam, & animi rigorem remitten-
 dum, docet S. Ioan. Apost. 872
 Redemptionis humanæ beneficium, cur
 distulit Deus manifestare in nouissimis
 temporibus. 729. & seqq.
 Reges venerantur locum sepulturæ SS.
 Petri & Pauli Apostolorum. 837.
 & 839.
 Regimen bonum Præfecturæ Prætorij
 exorditur Aurelius Cassiodorus Se-
 nator, scribens ad Ioannem Roma-
 num Pontificem, eius pro se implorans
 ad Deum preces. 639. & seqq.
 Regnandi cupido. 208
 Regnorum arbitrum Deum, omnia re-
 gna ad Christum Regem referre. 66
 Regnum Christi qua ratione propaga-
 tum ad omnes fines terræ. 711. &
 seqq.
 Religio falsa prostrata, & cultus veri
 Dei, qua ratione reductus in orbem
 terrarum. 67
 Religio stulta in nefando cultu falsorum
 Deorum pag. 11. & seqq. vsque ad 37.
 & 720. & seqq.

Religionem amplecti præcipuè debent
 Magistratus. 642
 Religionis Iudaicæ auctoritas apud Re-
 ges externos. 779
 Religionis monstruosæ falsorum Deo-
 rum auctores qui. 17. & 18
 Religiosorum Ordinis Prædicatorum
 laus. 824. & seqq.
 ad Reliquias, & sepulchrum S. Petri ad-
 mirandæ operationes. 836. & seqq.
 Reliquiæ corporis S. Ioan. Baptistæ 199.
 & seqq.
 Reliquiæ S. Stephani Protomartyris à
 Deo præclarissimis signis, & prodigijs
 illustrantur. 414 & 424
 Reliquiæ S. Andræ eripiuntur à quodam
 ex ardenti basilica, & post eligitur
 puella paruula impolluta, quæ eas se-
 rat ad locum destinatum. 854
 Reliquiæ Sanctorum Romæ quanta in
 veneratione haberentur tempore S.
 Gregorij. 837
 Reliquijs defunctorum in sepeliendis,
 quam diligentem curam adhibuerint
 prisca fideles. 403
 Reprehensus à Paulo Petrus. 772
 Resurgens Christus primo omnium ex
 Apostolis Petro se videndum præbuit.
 752
 Resurrectio D. N. Iesu Christi, & mi-
 rabilia, quæ contigerunt in ea. 327.
 & seqq.
 Eiusdem resurrectionis claritas. 332
 Manifestatio multiplex præordinatis
 testibus. 338
 Per eandem resurrectionem, quid Chri-
 stus præstiterit hominibus. 336. &
 339
 Eadem semper meditanda, & ante
 oculos habenda. 337
 Resurrectio mortuorum. 693
 Resurrectionis D. N. Iesu Christi nobile
 testimonium reddit sanctus Stepha-
 nus. 797
 Resuscitatur mortuus baculo pastoralis S.
 Petri. 760
 Richardus Rex Angliæ Dæmonis nequi-
 tia captiuatur. 536
 Roma cur prælecta à Deo ad proster-
 nendam falsam Religionem, & verum
 Dei cultum in orbem terrarum redu-

M m m 4 cen-

I N D E X.

- cendum. 67. & 68. & seqq.
 Roma felix dici meruit, eo quod habeat
 in se SS. Petri & Pauli sepulchra. 837. & 841
 Roma validissima fame vexatur, & Go-
 this traditur. 646
 Roma prima orbis vrbs, imperio, armis,
 & diuitijs elata, pede pauperis Petri
 conculcatur, & iugum Fidel recipit. 733. & 743. & seqq.
 Roma pellitur S. Petrus. 770
 Roma expulsis Christianis & Iudæis, re-
 deundi facultas datur. 809 & seqq.
 Romæ cur tot prodigia & portenta ac-
 ciderint, antequam ibi Christus præci-
 puè regnare capisset, & Sedem suam
 in eadem vrbe posuisset. 81. & seqq.
 Romæ ingentia prodigia visa, vel nun-
 tiata ante aduentum Christi Domini. 62. & 63
 Item calamitates sub iisdem tempo-
 ribus in Vrbe. 63
 Romæ in Capitolio simulacra falsorum
 Deorum icu fulminis destruuntur, in-
 stante Christi aduentu. 82
 Et oraculum Apollinis obmutescit. 83
 Romæ basilica Dei Genitricis Mariæ,
 quæ Ara cæli, nuncupatur, qua de
 causa erecta fuerit in Capitolio. 83
 Romæ potissimum diuino iussu Petrus
 Sedem suam collocauit. 755
 Romæ quid egerit S. Paulus biennio. 801.
 & seqq.
 Romæ primus prædicator sanctus Petrus. 766
 Romæ Trium Fontium locus. 833
 Romæ mittitur in feruentis olei dolium
 S. Ioan. Apost. 865
 Romæ incendium magnum sub Nerone.
 811. & seqq.
 Quis auctor eius incendij. 812
 Romæ Christiani falso accusati de Vrbi:
 incendio seuisimè cruciantur sub Ne-
 rone. 810. & seqq.
 Romam peruenit S. Paulus, vbi prædicans
 permanet biennio. 798 & seqq.
 Romam pergens S. Petrus, Neapolim
 pertransit. 758
 Romam venio iterum crucifigi, quid si-
 gnificare voluerit Christus verbis his
 Petro dictis. 756
 Romam perducitur à Diabolo Simon,
 Magus, vt eam Vrbem deciperet, ad
 quam conuertendam profecturus erat
 S. Petrus Apostolus. 739. & seqq.
 Romam quanti fecerit S. Ioan. Chryso-
 stomus, ob corpora SS. Apostolorum
 Petri & Pauli. 841
 Romam versus nauigat S. Paulus Apo-
 stolus, & naufragium patitur. 684
 Romam vexans Fridericus Imperator, su-
 perno iudicio, & miserabili exitio
 multatus est. 612
 Romam custodit sanctus Petrus. 841.
 & 847
 Romana Ecclesia Patriarchalis, & prima
 à Petro fundata. 756. & 759
 Romana cathedra fundata S. Petrus ces-
 sit Ecclesiæ Antiochenæ. 761
 Romana Ecclesia à Petro optimè insti-
 tuta. 767. & seqq.
 Eadem mater omnium Ecclesiarum. 768. & seqq.
 Romanam Ecclesiam S. Petrus Apostolus
 instituit. 758
 Romanæ Ecclesiæ laudabilis consuetudo,
 subleuandi inopiam egentium, in qua-
 cumque mundi parte. 628
 Romanæ Ecclesiæ antiqua, & adhuc vi-
 gens consuetudo subueniendi paupe-
 ribus ex toto orbe aduentantibus. 667. & seqq. vsque ad 672.
 Romanæ Reipublicæ infelicissimus sta-
 tus ante aduentum Christi Domini. 61. 62. & 63
 Romanæ Ecclesiæ fundatione idololatria
 decrescit. 765
 Romani Imperij fines superauit Chri-
 stianæ Fidei extensio. 713
 Romani ab Atheniensibus leges de cultu
 diuino acceperunt. 793
 Romani Templum Hierosolymis expo-
 liant, cupiditate inexplibili auris & di-
 uitiarum. 64
 Romani qua ratione potiti sint immenso
 auro Templi Hierosolymitani, & cu-
 ius rei hoc esset typus. 70. & seqq.
 Romani euersuri Hierusalem, in eodem
 loco castra posuerunt, in quo Christus
 fleuit super eam ciuitatem. 211
 Romani Pontificis Nicolai mansuetudo,
 pru-

I N D E X.

prudentia, zelus, fortitudo, & doctrina in refellendis probris, & blasphemijs Michaelis Imperatoris, eiusdemque moribus damnandis. 581. & seqq.
 Romani Pontificis persecutores, & inimici varijs, & terribilibus afficiuntur poenis. 605 & seqq. usque ad 623
 Romanorum olim vana religio exhibens diuinum cultum serpenti. 15. & 16
 Item Draconi ficto. 16
 Romanorum olim stulta religio in nefando cultu multiplicium Deorum. 29
 Romanorum cum Iudeis societas. 69
 Romanorum Christianorum veterum pietas & fides. 766
 Romanum Pontificem Aethiopia vt Christi Vicarium adorat. 258

S

S Abbati die peccatrix quædam non vult fornicari ob reuerentiam B. Virginis Mariæ. 117
 Sacerdotes idolorum honestam & decoram Paulinam decipiunt. 33
 Sacerdotis Canopi fraus, qua ostendit Deum suum aliorum Deorum vicarium. 28
 Sacerdotis Saturni nefandum scelus detegitur apud Alexandriam. 27
 Sacerdotibus quanta misericordia, pietas, prudentia, & discretio adhibenda, in Ecclesiastici patrimonij dispensatione. 366. & seqq.
 Sacerdotum idolorum libido abominanda apud Iaponem. 10
 Sacra infanda, & ceremoniæ circa cultum falforum Deorum. 17. & seqq.
 Sacrificium. vide, Missa.
 Sacrificium Missæ celebrans S. Ioan. Chrysostomus sæpè sæpius sacrificij locum Angelis refertum videbat. 566
 Samaritanos ad Christum trahit Philippus Diaconus prædicatione & signis. 441
 Sancti apparent corporali specie, & opem ferunt agminibus Christianorum contra hostes Fidei. 279. & 284

Sanctorum gesta legere quàm vtile. 3. & seqq.
 Sanctorum Reliquiæ, quanta in veneratione haberentur Romæ temporibus S. Gregorij Papæ. 837
 ad Sanctos Dei qualiter orandum. 520
 Sanguinis à fluxu quæ mulier liberata, fuit à Christo, eidem statuum erexit. 190
 Sanguis manans è Cruce à S. Thomæ sculptæ. 862. & seqq.
 Sanitatem corporalem qui cupiunt recuperare, dent operam sanitati animæ prius. 413
 Saraceni Crucem Christi extirpare nitentes, partim pereunt, partim baptizantur. 251
 Saraceni naturalem corporis fetorem minuunt lauando se, & pueros suos in fonte Siloe. 210
 Saturni sacerdos apud Alexandriam nefandus detegitur. 27
 Saulus Ecclesiam persequitur. 441
 Scientia salutis conuenienter erat tradenda per Fidem. 696
 Scholasticorum apud Indos infidelium vana religio. 54. & 55
 Scripturæ sacræ, Euangelij præsertim, liber in fornacæ ardente illæsus ad horas aliquot permanet. 878
 Scripturæ sacræ locum quendam difficile SS. Petrus & Paulus Apostoli exponunt S. Thomæ de Aquino. 529
 Scitæ omnes humana arte inuentæ perierunt, aut periturae sunt, quia à Deo non sunt. 705. & seqq.
 Sedem suam Romæ diuino iussu S. Petrus potissimum collocauit. 755
 Sedes Petri numquam ruitura. 751
 Sepeliendi Reges mos antiquus. 835
 Sepeliendis defunctorum reliquijs quàm diligentem curam adhibuerint præci fideles. 403
 Sepulchra gloriosa SS. Petri & Pauli cum Regijs sepulchris & aulis comparata. 838. & seqq.
 Sepulchri D. N. Iesu Christi forma, & mensura. 217
 Sepulchri sancti Petri clauis in veneratione habite, etiam apud Reges. 836
 Sepulchri S. Iacobi mirabilis reuelatio. 493

Sc-

I N D E X.

- Sepulchrorum Petri, & Pauli Apostolorum antiqua veneratio. 835. & 838
- Sepulchrum sibi fieri mandat S. Io. Apost. 873
- ad Sepulchrum sancti Ioannis Apostoli miracula sunt plurima. 873
- Sepulchrum effodiunt sibi duo Anachoretæ, & altero defuncto, alter collocans se supra defunctum, reddit spiritum. 873
- Sepulchrum inhabitat per triennium S. Simeon affiduus in oratione. 532
- Sepultura, & nobile funus S. Stephani. 402
- Sepultus S. Petrus Apostolus more Regum. 835
- Serapidis templi apud Alexandriam subuerfusio, & quæ in eo vigeret superstitio. 25. 26. & 28
- Sergius Proconsul ad fidem conuertitur. 782
- Serpentem ex Epidaurum allatum Romani, ut Deum, colebant olim. 15. & 16
- Seruorum restitutio, & debitorum remissio facta ab Augusto. 86
- Sibyllarum priscarum reuelationes de aduentu Christi Domini Saluatoris mundi. 77. & seqq.
- Silas cum Paulo apprehensus virgis cæditur. 789
- Symbolum fidei quam admirabile. 707. & seqq.
- Idem ab Apostolis confectum. ibid.
- De usu ipsius Symboli. ibid.
- Simeon senex, Dei susceptor. 175. & seqq.
- Simon Apostolus prædicat Euangelium in Ægypto, & cum Thadæo in Mesopotamia. 878
- Idem quo mortis genere martyrium consumauerit. 879. & seqq.
- De Reliquiis eiusdem. 880
- S. Simon Chananæus proficiscitur in Mesopotamiam, Persidem, Ægyptum, Africam, & alia loca. 737
- Simon Magus fuit primus hæresiarcha. 755
- Simon delusor Gentium pecunia vult emere Spiritum sanctum. 441
- Idem volatum Neroni pollicetur. 815
- Simonem Magum Samaritanum, Diabolus ad Romanam Urbem perducit decipiendam, ad quam conuertendam profecturus erat Petrus. 739. & seqq.
- Eius nefanda præstigia. 811
- Eiusdem statua. 741. & seqq.
- Simoniacæ electus in Presbyterum Dominicus Loricatus, pœnitentiæ causa, arduum vitæ genus inter Monachos eligit, & toto vitæ tempore, sacrosancti Altaris ministerium usurpare non præsumit. 451
- Simoniacus gratiam Spiritus sancti meratus, in Concilio Episcoporum, miraculo grandi, Spiritum sanctum nominare non potest. 445
- Simoniacæ crimen Simon Magus primus in Ecclesiam inuexit. 442
- Simoniacæ crimen, Romani Pontifices, & Patres, ab ipsa Ecclesia exterminare semper conati sunt. 442
- Idem crimen quam detestabile. 443
- Eiusdem vindicta transit ad posteros. ibid.
- Simoniacæ arguitur Episcopus, & accusatur in Concilio Lateranensi, & miraculo maximo confunditur, & deponitur à Papa. 446. & seqq.
- Simplex S. Spiridion Episcopus inuisibili virtute superat, & conuertit ad fidem Philosophum Gentilem. 723. & seqq.
- Sindon, qua Christus se ad sepulture mysterium inuolui dignatus est, quo in honore habeatur ad hæc usque tempora. 225. & seqq.
- Siroli prope Anconam asseruatur imago Christi crucifixi, insignis propter antiquitatem & miracula. 314
- A quo fuerit efficta eadem imago. ibid.
- Sixti Quinti Romani Pontificis prouidentia, etiam pro Successoribus, ad copiam frumentorum comparandam. 669
- Societas malorum quam perniciofa adolescentibus. 572. & seqq.
- Societatis Iesu Patres à Deo vtriusque Orbis Apostoli constituti. 55
- Socij S. Petri, cum Romam venit. 744
- Sollicitudo & prouidentia pro subleuanda inopia pauperum, laudabilis est. 628. & seqq. & 637

Solis

I N D E X.

- Solis prodigiosum deliquium in morte,
D. N. Iesu Christi. 215
- Solis Orbem circulus ambiens visus ad
speciem cælestis arcus, temporibus Cæ-
saris Augusti. 65. & 87
- Item tres circuli Solem ambientes tē-
pore Hirci, & Panfæ Coss. 84
- in Solitudinem secedit S. Maria Magda-
lena. 883
- Solitudo, per quam transiit profici-
scens in Ægyptum, D. N. Iesus Chri-
stus benedixit. 164
- S. Spiridonis precibus concedit Deus plu-
uiam. 653
- Spiritus sanctus super omnes qui audie-
bant, S. Petro prædicante. 456
- Spiritus sancti summi Dei descensus in-
homines per signum resonantis auræ,
& cælestis & coruscantis ignis appa-
ritionem. 367. & seqq.
- Eiusdem diuini spiritus participes ef-
fecti homines, quam dignitatem ade-
pti, & quæ mira sint operati. ibid. &
376
- Spiritus sancti gratiæ fulgor in Hilde-
brando Archidiacono. 381
- Spiritus sancti operationes mirabiles in
Christi fidelibus initio nascentis Ec-
clesiæ. 393 & seqq.
- Spiritus sancti miræ operationes in B.
Ignatio, & B. Philippo. 384
- Spiritus sancti ardoris, & operationis
demonstratio in S. Paulino, & S. Au-
gustino pro conuersione nobilis, & eru-
diti adolescentis. 386. & seqq.
- Spiritu sancto agente, S. Vincentius
mira loquitur, mira operatur. 378
- Spiritu sancto repleta mulier quædam de-
uota, cum sancti Spiritus vim ferre nō
posset, expirauit. 378
- Spiritu sancto repleta Monica D. Augu-
stini mater, eleuatur à terra: item D.
Thomas, & alij. 377
- de Spiritu sancto doctrinam traditam ab
Ecclesia Catholica Græci recipere re-
cusantes, in Festo Spiritus sancti im-
perium amiserunt. 391
- Spiritum sanctum in columbæ similitudi-
nem, super S. Gregorij caput, Petrus
Diaconus frequentissime perspexisse
fertur. 381
- Eundem super ipsum celebrantem ali-
quid vidit. 383
- Spongia, per quam acetum Domino No-
stro Iesu Christo propinatum est. 269
- Eam S. Ludouicus Rex Venetis oppi-
gnoratam redimit. 270
- Sponsum nobilissimum recusat S. Thecla
ob amorem virginitatis. 786. & seqq.
- Statura & effigies Sancti Petri Apostoli.
844
- Statura & effigies S. Pauli. 833
- Stellæ obortæ prodigium, quæ Magos
duxit ad præsepium Domini. 152
- S. Stephanus magna operatur; & nobile
testimonium reddit Resurrectionis Ie-
su Christi. 397. & seqq.
- Eiusdem necis occasio. 400
- Idem ubi fuerit lapidatus. 401
- Eiusdem oratio, quæ Saulum Eccle-
siæ lucrata est. ibid.
- Eiusdem sepultura, & nobile funus.
401
- Eiusdem gloriarum, & virtutum enar-
ratio ex D. Augustino. 405
- Ex S. Maximo. 407
- Miracula apud eiusdem Reliquias. 414
- Idem S. post mortem signa magna ope-
ratur. 415. & seqq.
- Steriles mulieres multæ S. Vincentij ope,
steriles esse desierunt. 380
- Stola summi Sacerdotis Hebræorum, quo
Dei consilio peruenerit in potestatem
Romanorum. 96
- Superbia Angelorum qui ceciderunt à
gloria. 555
- Superbus & loquax Philosophus Gentili-
tilis inuisibili virtute superatur ab in-
docto, & simplici sancto Spiridione.
723. & seqq.
- Item alius ab Alexandro Episcopo.
725
- Supputationis, seu calculationis ratio in
Epistolis Canonicis. 757

T

Templum Hierosolymis expoliatum
à Romanis, ob eorum in explebi-
lem cupiditatem auri, & diuitiarum.
64

Templi secundi Hierosolymitani magni-
ficentia.

I N D E X.

- ficentia, & gloria supra Templum primum Salomonis. 92
 Tempora quæ olim Romæ erant, in quibus Dæmones habitabant & colebantur vt Dij. 36
 Tempora ædificata Dæmoni apud Indos. 52
 Tēpora nostra infelicia deplorantur. 779
 Temporis dispensandi rationem diligenter adhibuit S. Vincentius. 378
 Terræ filij 20
 Terræmotus tempore Resurrectionis D. N. Iesu Christi. 331
 Terræmotus in carcere S. Pauli. 789
 S. Thadæus Apostolus ad fidem conuertit Abagarum Regem. 488
 S. Thadæus proficiscitur in Mesopotamiam, Thraciam, Idumæam, & alias Regiones. 737
 Thecla virgo nobilissima, ope S. Pauli Apostoli ad fidem conuertitur. 786.
 & seq.
 Compendium vitæ eiusdem Virginis, & Martyris. ibid.
 Thesaurus absconditus in sepulchro Dauid. 474
 Thessalonica prædicat verbum Dei sanctus Paulus. 790
 S. Thomas Apostolus proficiscitur ad Indos, & alias Nationes. 736
 Thomas Apostolus multa apud exterar, & vltimas Regiones operatur, & glorioso fine Christum confitetur. 760.
 & seq.
 Eius martyrij locus. 862. & seq.
 S. Thomæ Aquinati apparet Maria Virgo sanctissima, & eidem declarat, quàm grata esset Deo illius vita & scientia. 530
 Ad eundem Sanctum Christi Domini Nostri verba. ibid. & seq.
 Idem Sanctus etiam inter epulas, & in conspectu virorum, in mentis abstractione diuina meditabatur. 531
 Idem quàm studiosus fuerit orationis. 528. & seqq.
 Titulus Crucis Christi. 259. & seq. & 263
 Totila à Deo mittitur ad Urbem flagellandam non solum serio, sed fame validissima. 646
 Tribulationes præsentis vitæ & labores, qua ratione læto animo ferre possumus. 337
 Tribus Benjamin trifariam nobilitata. 777
 Tributum solutum pro Christo, & Petro. 751
 Triphena nobilis femina custos S. Theclæ virginis, & martyris. 787
 Eadem cum tota familia sua fidem Christi amplectitur, erudita à S. Thecla. 788
 Turca quidam ad sanctam fidem conuertitur viso miraculo in loco, vbi sacra Eucharistia asseruatur. 159
 Turca simulans se esse Christianum confitetur peccata, & sumit corpus Domini, deinde intus illuminatus fidem Christi amplectitur, & sequenti die discedit è vita. 159
 Alia puella Turca suscepto corpore Christi illuminatur. 160

V

- V** Armienfis Cardinalis pietas, & excellens beneficentia in famelicos reficiendos, peregrinos recipiendos, & ægotantes leuandos. 676. & sequentibus.
 Veli, quod in morte Christi Domini scissum est, egregia textura, & mysterium. 216
 Verbi Diuini Incarnatio. 692
 Vestigia genuum, vel pedum Christi D. N. in lapidibus impressa. 212. In terra. 222
 Victoriā de hostibus pollicetur cuidam Regi S. Andreas. 859
 Victum sibi parabat S. Paulus, operando suis manibus. 803
 S. Vincentius, Spiritu sancto agente, mira loquitur, mira operatur. 378
 Idem mulieribus sterilibus fecunditatem à Deo impetrat. Eiusdem ratio tempus dispensandi. Eiusdem mos & preces adhibita ægris sanandis. ibid.
 Vincula S. Petri, quibus Romæ victus fuit. 842
 Vincula, carcerem, & virgas patitur Hierosolymis S. Io. Apost. 864
 Vincu-

I N D E X

Vincula captiuorum in carcere cum S. Paulo soluuntur . 789
 Vincula captiuorum dirumpit signum crucis . 253
 Vindicta cælestis , & horribilis in puellâ , quæ petijt caput S. Ioannis Baptistæ . 204
 Vindicta diuina in Iudæos , & Pilatum , reos mortis Christi . 221
 Vindicta diuina, in Herodem Agrippam . 576
 Item in Anastasium Imperatorem Romanorum Pontificum , persecutorem . 578
 Item in Michaellem Imperatorem . 595. & seqq.
 Item in Henricum Regem Germaniæ . 605. & seqq.
 Item in multos alios . 604. & 608. & seqq. vsque ad 623
 Vindicta diuina in Neronem Christianorum persecutorem . 851. & seq.
 Vindicta in Scianum , qui affectabat diuinos honores . 209
 Vindicta diuina in Danos , qui Regem nefariè occiderunt . 657
 Vindicta diuina in Fredericum Imperatorem , qui Romanum Pontificem , & Galiliæ Regem vexauit . 650
 Vindicta diuina ob Episcopum à Rege carceratum . 659
 Vindicta diuina in quendam qui iniuste iudicauit . 660
 Vindictam diuinam prouocant peccata , & corrupti mores hominum . 631. & 638
 Vnitas indiuidua Ecclesiæ Catholicæ . 737. & seq.
 Virbanus Septimus Rom. Pont. omnes facultates suas pauperibus legauit . 670
 Vsuras exercens auarus punitur horribiliter . 138
 Vipera inuadit manum S. Pauli , & ille permanet illæsus . 798
 Vipera morsus nihil lædit S. Paulum , Apostolum . 685
 Virginalis castitas in adolescente , quàm decora . 572 & seq.
 Virginem nobilem Christianam Angelus defendit , & seruat inuiolatam . 558. & seq.

Virginitatis amorè nobilissimum , & valde diuitem sponsum recusat S. Thecla . 786. & seq.
 Virgo Christiana miræ pulchritudinis Regis Hybernæ filia , fortiter , & inuicto animo repugnans , recusat connubium patris , & decollatur ab eodem nefando patre . 193. & seqq.
 Virgo fuit S. Io. Euangelista . 864
 Virgo parvula eligitur , quæ ferat ad locum destinatum Reliquias S. Andreæ . 854
 Virtutes admirabiles B. V. Dei Genitricis Mariæ . 105. & seqq.
 Virtutum semina fert lectio rerum præclarè gestarum . 3. & seqq.
 Visio S. Petri , qua ipse docetur omnes gentes vocandas esse ad Deum . 456
 Vita sanctæ acta , quàm grata sit Deo . 530
 Vitam post hanc temporalem securam aliam vitam cælitus docetur quidam hac de re ambigens . 470
 Vitas & gesta Sanctorum legeres , quàm utile sit . 3 & seqq.
 Vitia addiscimus vt plurimum legendis historijs profanis . 1. & 2
 Ad Urbem Romam destinatur S. Petrus Apostolus . 733
 Aduentus eiusdem in eandem Urbem . 743
 Vxor S. Petri . 844
 Vxor viri amantissima , eius innocentiam apud Imperatorem , ferri candentis contrectatione , probat , & iniustæ necis vindictam impetrat . 206
 Vxoris passæ homicidium à proprio viro exemplum pietatis , & diuinæ ultio in homicidam . 412
 Vxoris fidelis precibus , & S. Stephanî intercessione , vir Senatoriæ dignitatis fidem Christi amplectitur . 418

X

X Antippam hospitis sui uxorem , in Hispania , conuertit a fide sanctus Paulus , cum tota eiusdem domo . 806

IX N D I E X.

Z

Z Acchæi & Centurionis exemplum
sibi proponant in ornanda domo,
qui hospites recepturi sunt. 460

Zelus S. Io. Apost. erga adolescentem à
se conuersum. 868
Zelus Episcopi cuiusdam, & iusta indi-
gnatio contra hæreticum vsurpatorem
bonorum Ecclesiæ, & pauperum. 855.
& seq.

F I N I S.

E R R A T A.

*Numerus paginam signat: A. principium, B. medium,
C. finem, vel circa.*

<i>Pagina.</i>	<i>Erratum.</i>	<i>corrigen- dum.</i>	<i>Pagina.</i>	<i>Erratum.</i>	<i>corrigen- dum.</i>
3.	A. patrimonio	patrimonij	278.	C. agente Spiritu	agente Spiritu
5.	C. multo	multis	392.	C. quinquaginta præterierunt (adde in margine) Tho. Boz. signo 19.	
22.	A. Omni	omnium	401.	A. translatus	translato
	B. superstitionem	superstitionum	403.	B. amicum	amicus
	C. quamquam	quamq.	404.	B. accensa face	accensam facem
13.	B. monstro similis,	monstro similes:	442.	C. ob huius	ob huiusmodi
28.	A. Qua de re (adde) legendus est Cicero libro 2. de Diuinatione: de eadem hæc Tacitus, &c.	legendus est Cicero	447.	A. quia per nos	quia per vos
206.	C. Cimilia	Similam	455.	B. causam mali	causa mali
115.	B. aut cum opus	vt cum opus	474.	C. his temporibus	prænotatis tēporib ⁹
119.	C. striatis	striatis	518.	C. deploratiuncula	deploratiunculam
	a ingentibus	cingentibus	520.	A. furta	futura
125.	A. Virginis	Virgini	527.	C. qui tales	quia tales
156.	B. in lib. Bedæ	in lib. Ara cæli	586.	B. vobis referuauit	vobis referauit
161.	A. illudere puta	illudere putat	587.	B. vos è cælo	vas è cælo
180.	B. Romanos Luper- calia	Romanos, qui Lu- percalia	588.	B. tanquam satis	tanquam sitis
181.	A. qua si in eam	quam si in eam	592.	C. in pœnis errantes	in pœnis: errantes
194.	B. horum patris	thorum patris	599.	A. omnibus Principibus	omnib ⁹ Principibus
196.	B. occidua	occidua	571.	C. Gl. ba	Glebæ
222.	B. custodit	custodiat	572.	A. Pregrandis	prægrandibus
228.	C. humanarum	humanum	696.	B. docenda	tradenda
234.	B. cum Demones	vt cum	698.	A. tantus	tantum
	C. aderat	ardeat	701.	A. asseruerit	asseruerit?
235.	A. per illius omnes	per illum	701.	B. restinxerat	restinxerant
236.	B. referant	res erant	712.	A. in primis edicto (adde) ne collegia, seu sodalitates essent: quo scitum edicto Plinium, &c.	
243.	B. circa dubium	citra	712.	C. post Constantinum annis (adde) mixti Christianis Pagani, &c.	
245.	A. impendebant	impenderent	728.	A. præditis	præditi
	C. depastus est	depastum est	766.	B. Primus igitur Christianæ fidei Romæ prædicator, & D. & or. fuit Petrus. (adde) vt tradunt Iulius libro 2. h. storiz, cap. 13. & 14. Et Theodo- retus in Epistolam ad Romanos, c. 1.	
248.	A. cum prædecessores	cū prædecessoribus	774.	B. putrificauit	purificauit
250.	B. quænea	querna	776.	B. dimissum	demissum
251.	A. multis modis	multis morbis	784.	A. plerè	penè
	B. fulminibus	fulminibus	792.	B. exulisse	exulisse
261.	A. retinens	retinentes	821.	B. muta	mutua
274.	C. super sedens	super sedemus	832.	A. Populus	Paulus
279.	A. concederant	concesserant	843.	A. illa catena	illam catenam
	C. cohorta	coorta		quamplurima	quamplurimi
282.	C. temporalia	temporali	867.	B. & reliquæ	qui reliquæ ab eo
283.	B. eo iactus	eorum iactus	883.	A. o. o. faciant	quanti fiat
295.	B. afferes	afferres	883.	B. p. o. o. o.	plusquam tres
310.	B. omnes	omnibus			
311.	C. dicimus	audiuimus			
330.	B. securitatem	securitatem			
341.	B. nudumq. sanguine	(adde) dulcescentē			
366.	B. Inutile tamen	Non inutile			

Regestum.

906

✱ A B C D E F G H I K L M N O P Q
R S T V X Y Z.

Aa Bb Cc Dd Ee Ff Gg Hh Ii Kk Ll
Mm Nn Oo Pp Qq Rr Ss Tt Vv
Xx Yy Zz.


Aaa Bbb Ccc Ddd Eee Fff Ggg Hhh
Iii Kkk Lll Mmm.


Omnes sunt quaterniones, præter ✱, duernionem.



R O M A E,
Typis Bartholomæi Zannetti.

SVPERIORVM PER





KONSERVIERT DURCH
ÖSTERREICHISCHE FLORENZHELFE
WIEN 1967

005647281